


Jag₁ 'mí₂
a₂ma₂li' ₅₄ quian' ₅₄
Diu₄



New Testament in Chinantec, Tepetotutla (MX:cnt:Chinantec,
Tepetotutla)

Jag₁ 'mí₂ a ma₂li' quian' Diu₄
New Testament in Chinantec, Tepetotutla (MX:cnt:Chinantec, Tepetotutla)

copyright © 1994 Wycliffe Bible Translators, Inc.

Language: Chinantec, Tepetotutla

Translation by: Wycliffe Bible Translators, Inc.

Chinanteco, Tepetotutla [cnt], Mexico

Copyright Information

© 1994, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Chinantec, Tepetotutla

© 1994, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 21 Feb 2024 from source files dated 30 Dec 2021
5c52af9e-3086-5d57-9b7e-2e495fea8899

Contents

SAN MATEO	1
SAN MARCOS	62
SAN LUCAS	100
SAN JUAN	162
HECHOS	210
ROMANOS	264
PRIMERA CORINTIOS	289
SEGUNDA CORINTIOS	312
GÁLATAS	327
EFESIOS	335
FILIPENSES	343
COLOSENSES	349
PRIMERA TESALONICENSES	354
SEGUNDA TESALONICENSES	359
PRIMERA TIMOTEO	362
SEGUNDA TIMOTEO	369
TITO	374
FILEMÓN	377
HEBREOS	379
SANTIAGO	399
PRIMERA PEDRO	405
SEGUNDA PEDRO	412
PRIMERA JUAN	416
SEGUNDA JUAN	422
TERCERA JUAN	423
JUDAS	424
APOCALIPSIS	426

Já_{g1} Dse₃ quió'₅ Diú₄ a₂ca₂tó'₂ San Mateo ne₄ Si₂

*Dsa₂ can'₅₄ quián₅ Jesucristo i₂jme₁chan₂ ma₂líg'₂
(Lucas 3:23-38)*

¹ A₂la₂ bá₄ caun₂ lista ja₁le₁ton₅ dsa₂ can'₅₄ quián₅ Jesucristo i₂jme₁lín₄ tsi₁jon₂ quián₅ David* quian'₅₄ Abraham.

² Abraham ca₂lín₃ jmei₂ Isaac;
Isaac guë'₂ ca₂lín₃ jmei₂ Jacob;
Jacob guë'₂ ca₂lín₃ jmei₂ Judá quian'₅₄ ríin'₅₄.

³ Judá guë'₂ ně₃ ca₂lín₃ jmei₂ Fares quian'₅₄ Zara
të₂le₃ quian'₅₄ Tamar.

Fares guë'₂ ca₂lín₃ jmei₂ Esrom;
Esrom guë'₂ ca₂lín₃ jmei₂ Aram.

⁴ Aram guë'₂ ca₂lín₃ jmei₂ Aminadab;
Aminadab guë'₂ ca₂lín₃ jmei₂ Na'asón;
Na'asón guë'₂ ca₂lín₃ jmei₂ Salmón;

⁵ Salmón guë'₂ ca₂lín₃ jmei₂ Bo'oz
të₂le₃ quian'₅₄ Rahab.

Bo'oz guë'₂ ca₂lín₃ jmei₂ Obed
të₂le₃ quian'₅₄ Ruth.

Obed guë'₂ ca₂lín₃ jmei₂ Isaí;
⁶ Isaí guë'₂ ca₂lín₃ jmei₂ Rag₅₄ David.
Rag₅₄ David guë'₂ ně₃ ca₂lín₃ jmei₂ Salomón,
(të₂le₃ quian'₅₄ i₂jme₁lín₄ dsa₂ mí₂
quián₅ Urías le₂ñjá₅).

⁷ Salomón guë'₂ ca₂lín₃ jmei₂ Roboam;
Roboam guë'₂ ca₂lín₃ jmei₂ Abías;
Abías guë'₂ ca₂lín₃ jmei₂ Asa;

⁸ Asa guë'₂ ca₂lín₃ jmei₂ Josafat;
Josafat guë'₂ ca₂lín₃ jmei₂ Joram;
Joram guë'₂ ca₂lín₃ jmei₂ Usías;

⁹ Usías guë'₂ ca₂lín₃ jmei₂ Jotam;
Jotam guë'₂ ca₂lín₃ jmei₂ Acáz;
Acáz guë'₂ ca₂lín₃ jmei₂ Ezequías;

¹⁰ Ezequías guë'₂ ca₂lín₃ jmei₂ Manasés;
Manasés guë'₂ ca₂lín₃ jmei₂ Amón;
Amón guë'₂ ca₂lín₃ jmei₂ Josías;

¹¹ Josías guë'₂ ca₂lín₃ jmei₂ Jeconías quian'₅₄ ríin'₅₄,
(lia'₂ con'₂ jmíg₄ jme₁ca₂i₃lén₂ dsa₂ israelitas
a₂ca₂tág₃ dsa₂ jui₅ 'uë₃ Babilonia).

¹² Cang₂ jme₁ma₂tág₃ dsa₂ 'uë₃ Babilonia jaun₂,
ca₂lín₃ Jeconías jmei₂ Salatiel;
i₂ca₂lín₃ jmei₂ Zorobabel;

¹³ Zorobabel ně₃ ca₂lín₃ jmei₂ Abiud;
Abiud guë'₂ ca₂lín₃ jmei₂ Eliaquim;
Eliaquim guë'₂ ca₂lín₃ jmei₂ Azor;

¹⁴ Azor ně₃ ca₂lín₃ jmei₂ Sadoc;

* 1:1 Rag₅₄ David i₂ca₂rë₃chán₃ con'₂ co₂mei₅ ñi₂ né'₃ a₂ca₂rë₃chán₃ Jesús.

Sadoc guë'₂ ca₂lin₃ jmei₂ Aquim;
 Aquim guë'₂ ca₂lin₃ jmei₂ Eliud;
 15 Eliud guë'₂ ca₂lin₃ jmei₂ Eleazar,
 i₂ca₂lin₃ jmei₂ Matán;
 Matán guë'₂ ca₂lin₃ jmei₂ Jacob;
 16 Jacob ně₃ ca₂lin₃ jmei₂ José, dsi₂i₂gu₂ María;
 María guë'₂ ně₃ ca₂lin₃ chog₅₄ Jesús
 i₂té'₂ dsa₂ Cristo*.[†]

17 Jaun₂ ně₃, con'₂ guia₃-quén₂ tsi₁jon₂ dsa₂ ca₂ŋí₂ ca₂le₃ jme₁chan₂ Abraham
 ca₂tě₂ jmi₄g₄ jme₁ca₂rě₃chán₃ David, ján₃ bá₄ le₂jaun₂ guia₃-quén₂ tsi₁jon₂ dsa₂
 ca₂ŋí₂ ca₂le₃ jme₁chan₂ David, ca₂tě₂ jmi₄g₄ jme₁ca₂tág₃ dsa₂ dsa₂ israelitas jui₅
 'uě₃ Babilonia; cang₂ jaun₂ guě₄ ně₃, con'₂ guia₃-quén₂ tsi₁jon₂ dsa₂ ca₂ŋí₂ ca₂le₃
 ca₂tág₃ dsa₂, ca₂tě₂ jmi₄g₄ jme₁ca₂rě₃chán₃ dsa₂ I₂rě₂'ín₁ quián₅ Diú₄.[‡]

'A₂ lia'₂ ca₂lě₃ a₂ca₂rě₃chán₃ Jesús
(Lucas 2:1-7)

18 Le₂la₂ bá₄ ca₂lě₃ a₂ca₂rě₃chán₃ Jesús: chog₅₄ jme₁chen₂ María jme₁ma₂li'₅₄
 jág₁ a₂jéin'₂ gu₂ quian'₅₄ José; la₁ né'₃ guě₄ a₂tiaín'₃, María ně₃ ca₂can₃ guein₂
 tě₂le₃ quian'₅₄ jui₅bí₂ quió'₅ Jme₂dsí₂ Jŋi₅ó₅. 19 José dsa₂ ŋe'₂ quiáin₅ ně₃ jme₁lín₄
 jan₂ dsa₂ dsen₃, jaun₂ tsá₃ jme₁'nio₃ chein'₃ o₂guí'₃ María jua'₅₄ le₃ŋi₅ dsa₂
 juin₅; jŋia'₅₄ lia'₂ a₂jaun₂ bá₄ jme₁dsi₂jio₅ dsí₅ a₂jme₁téi₂ bá₄ con'₂ tsá₃ 'ein₂
 ŋi₅. 20 Le₂jaun₂ bá₄ jme₁ma₂ca₂'náu'₃ dsí₅ jmo₃, jme₁ca₂qui₃ a₂ca₂jme₃jnia₅ jan₂
 ángel quián₅ Te₁gui'₅₄ ne₅₄ ca₂juá'₂:

—Sě₄, tsi₁jon₂ David, tsá₃ lě₁jmo₂ gang'₃ jua'₅₄ cán'₁ o₂guí'₃ a₂guéng'₄ María
 a₂lén₂ dsi₂i₂gog'₂, ia₁ guein₂ i₂le₃chan₂ quiáin₅ já₅ja₁con₂ Jme₂dsí₂ Jŋi₅ó₅. 21 Jaun₂
 le₃chan₂ jan₂ guein₂ dsa₂ ŋe'₂ quiáin₅, jaun₂ quiaín'₅₄ 'ne₂ JESÚS.Š Le₃chein₂
 le₂ně₅ ia₁ a₂lióin₂ dsa₂ juig₂ quiáin₅ 'uig₅₄ dsá_{u1}.

22 Ca₂lě₃ ca₂le₃jě₃ a₂ně₅ ia₁jaun₂ le₃ti₃ ju₁lia'₂ ca₂juá'₂ Te₁gui'₅₄ tě₂le₃ quian'₅₄
 dsa₂ i₂jme₁'ě₂ jág₁ quiáin₅, jme₁ca₂juá'₂:

23 Cán₂ jan₂ dsa₂ mi₄ guein₂,
 jaun₂ le₃chan₂ jan₂ guein₂ dsa₂ ŋe'₂ quiáin₅,
 jaun₂ le₃chein₂ Emanuel,*
 co₂'nió'₄ a₂juá'₂: Quiong'₅₄ Diú₄ jniog₄.

24 Jaun₂ jme₁ca₂ŋé₃ Sě₄ a₂jme₁rě₂güin₃ jaun₂, le₂jaun₂ bá₄ ca₂jmo₃ lia'₂ con'₂
 lě₅ ca₂juá'₂ ángel quián₅ Te₁gui'₅₄, jaun₂ ca₂guein₃ bá₄ María a₂lén₂ 'éi₂ dsi₂i₂gu₂.

25 La₁ia₁ tsá₃ ca₂tiáin'₂ dsi₂jui₅ jme₁né₄, jua'₅₄ a₂ca₂rě₃cuin₂₃ riin'₅₄, ca₂lia'₂
 jme₁ca₂rě₃chán₃ guein₂ i₂le₂'uig₅₄ 'éi₂ quián₅ bá₄ María; jaun₂ ca₂quiaín₃ guein₂
 Jesús.

2

Ca₂o₃lén₂ dsa₂ can'₅₄ i₂dsi₂ jág₁

1 Ca₂rě₃chán₃ Jesús jě₄ juig₂ Belén, ja₁tén₄ 'uě₃ Judea, jmi₄g₄ lia'₂ con'₂ jme₁lín₄
 Herodes rag₅₄ 'uě₃ jaun₂. Jaun₂ ca₂o₃lén₂ co₂nió'₃ dsa₂ i₂chan₂ uing₂ tě₂le₃
 ja₁'ia₂* 'iog₂, jaun₂ ca₂dsi₃lén₂ juig₂ Jerusalén. 2 Jaun₂ ca₂ŋag₃:

[†] **1:16** Co₂rě₂ bá₄ jein₅ jág₁ “Cristo” quian'₅₄ “I₂rě₂'ín₁ quián₅ Diú₄.” Quian'₅₄ jág₁ jmei₅ hebreo guë'₂ táng₃
 juá'₂ dsa₂ Meshíaj: “Mesías” quian'₅₄ jág₁ ŋi'₅₄. [‡] **1:17** Co₂rě₂ bá₄ jein₅ jág₁ “Cristo” quian'₅₄ “I₂rě₂'ín₁
 quián₅ Diú₄.” Quian'₅₄ jág₁ jmei₅ hebreo guë'₂ táng₃ juá'₂ dsa₂ Meshíaj: “Mesías” quian'₅₄ jág₁ ŋi'₅₄. **§ 1:21**
 Lia'₂ chen₂ Jesús (hebreo: Yeshua) jein₅ jág₁: Lió₂ bá₄ Te₁gui'₅₄. * **1:23** Isaías 7:14. * **2:1** Co₂'nió'₄
 le₃jua'₅₄, caun₂ cosa a₂tsá₃, 'i₄ jme₂dsí₂, a₂ca₂jmo₃ Diú₄. 'Nio'₂ ja₁ton₅ Salmo 8:3; Romanos 1:25.

—¿Na₅ Rag₅₄ quián₅ dsa₂ judíos i₂ca₂rë₃chán₃? Ia₁ 'uë₃ tē₂le₃ ja₁'ñia₂ 'iog₂, ma₂nē₂jín₄ jnia'₅₄ nei₅ quián₅, jaun₂ ja₂náu₅ jnia'₅₄ a₂jme₁juin'₂.

³ Jme₁ca₂rë₃ñi₅ Rag₅₄ Herodes jág₁ nē₅, 'ñio₅ lín₃ tsá₃ ma₃tei₄ ca₂'ág₂ dsí₅, ján₃ bá₄ le₂jaun₂ ca₂le₃jín₃ dsa₂ juig₂ Jerusalén. ⁴ Jaun₂ nē₃ ca₂tē'₃ rag₅₄ ca₂le₃jín₃ juig₅₄ jme₂dsa₂ quian'₅₄ ca₂le₃jín₃ tē₅juá'₅ quián₅ dsa₂, jaun₂ ca₂ñag₃ a₂já'₄ dsón'₂ lē₅ jág₁ le₃chan₂ dsa₂ I₂rē₂'ín₁ quián₅ Diú₄. ⁵ Jaun₂ ca₂juá'₂ dsa₂ 'éi₂:

—Juig₂ Belén, ja₁tén₄ 'uë₃ Judea. Ia₁ le₂la₂ ca₂tó'₂ ne₄ si₂ dsa₂ i₂jme₁'ē₂ jág₁ o₄quió'₄ Diú₄:

⁶ Jaun₂ 'ne₂, Belén, juig₂ tén₅ 'uë₃ Judá,

on₃jua'₅₄ 'ne₂ líng'₅ juig₂ i₂me'₂ guē₄

tē₂le₃ ne₄ jui₁lia'₂ dsa₂ i₂qui₂dsí₅ 'éi'₃ 'uë₃ nē₅;

ia₁ ja₁con'₂ 'ne₂ bá₄ o₃'in₅ jan₂

i₂gon₂, cán₂ ne₄ jui₅,

jmo₃ 'í₁ dsa₂ juig₂ Israel quiáng₃.†

⁷ Jaun₂ Herodes nē₃ ca₂tē'₃ dsa₂ can'₅₄ 'éi₂ con'₂ jē₄ tē₃co'₅₄, jaun₂ ca₂ñag₃ líg'₂ 'e₂ jmig₄ tē₃dsón'₂ ca₂rë₃jniá₂ nei₅ jaun₂.‡ ⁸ Jme₁ma₂nē₂ñag₃ dsa₂ 'éi₂ jaun₂ guē₄ ca₂chei₃ jui₅ juig₂ Belén, jaun₂ ca₂tsí'₃ dsa₂:

—O₂nó'₅ 'nia'₂ ja₁jaun₂, o₂quion₂ de'₂ 'nia'₂ 'í₁ rē₂ tē₂le₃ quió'₅ chi'₂ bē'₅₄ i₂'ín'₅ 'nia'₂ nē₅; jaun₂ jē₁ma₂ca₂dsáin'₂ 'nia'₂, i₂con'₄ 'nia'₂ jág₁ ia₁jaun₂ nei₅₄ jniá₂ ján₃ i₂jme₁juin'₂.

⁹ Jme₁ma₂nē₂néi₂ dsa₂ 'éi₂ jág₁ quió'₅ rag₅₄, jaun₂ ca₂i₃lén₂. Jaun₂ nē₃, nei₅ a₂ma₂ca₂jág₃a tē₂le₃ 'uë₃ ja₁'ia₂a 'iog₂, ca₂ñó₃ ne₄ jui₅ quió'₅, ca₂lia'₂ ca₂'ág₂ tei₄ ne₄ ja₁jme₁'en₅₄ guein₂. ¹⁰ Jme₁ca₂jág₃ jaun₂, § cajmo₃ 'io'₂ 'ñio₅ lín₃; ¹¹ jaun₂ jme₁ca₂i₃toin'₅₄ dsi₂néi₂, ca₂jíin₂ guein₂ bē'₅₄ quaiin'₅₄ chog₅₄ i₂chen₂ María. Jaun₂ nē₃, ca₂chi₃jné₃ ca₂jme₃juin'₂ guein₂. Jaun₂ dsi₂jui₅ le₂jaun₂ qui₂ca₂niá₃ tsí₁gu₅ quió'₅, ca₂cuē₃ cu₄nió₄, chen₂, no'₅₄ mirra nē₃. ¹² Cang₂ guē₄ jaun₂ ca₂qui₃ dsa₂ 'éi₂ a₂ca₂jmo₃ Diú₄ jág₁ a₂tsá₃ ma₃dsi₃lein₃ jui₅ ja₁con₂ Rag₅₄ Herodes, jaun₂ jui₅ siá'₂ bá₄ ca₂i₃lein₃ jui₅ go₅₄.

Ca₂cuing₃ Sē₄ quaiin'₅₄ María jui₅ 'uë₃ Egipto

¹³ Cang₂ guē₄ jaun₂, jme₁ma₂i₂len₃ dsa₂ can'₅₄ 'éi₂, ca₂qui₃ Sē₄ a₂ca₂jme₃jnia₅ jan₂ ángel quián₅ Te₁gui'₅₄ ja₁coin₂, a₂ca₂juá'₂:

—Nau₂, jñia₅ i₂bē'₅₄ quiáng'₂, chog₅₄ nē₃, cuing₅ 'nia'₂ jui₅ 'uë₃ Egipto. Ja₁jaun₂ o₂'ú₅ ca₂lia'₂ ca₂juá'₃ jniá₂. Ia₁ 'nau'₂ Herodes 'nai'₂ guein₂ a₂jñag'₃.

¹⁴ A₂ca₂nau₂ jaun₂ Sē₄, ca₂tág₃ guein₂ quian'₅₄ chog₅₄ a₂'uë₂ jaun₂, ca₂i₃lén₂ jui₅ Egipto. ¹⁵ Ja₁jaun₂ ca₂tóin'₂ ca₂lia'₂ ca₂jon₃ Herodes. Ca₂lē₃ le₂nē₅ ia₁jaun₂ le₃ti₃ jág₁ a₂ca₂juá'₂ Te₁gui'₅₄ tē₂le₃ quian'₅₄ dsa₂ i₂jme₁'ē₂ jág₁ o₄quió'₄, jme₁ca₂juá'₂: “Tē₂ Egipto bá₄ ca₂tē₃ jniá₂ jón₃ quiáng₃.”*

Jmo₅ Herodes 'éi'₃ a₂jme₃dsiain₂₃ guein₂

¹⁶ Jme₁ca₂rë₃lí₄ Herodes ca₂jme₃gau₅ dsa₂ can'₅₄ 'éi₂ quió'₅, ca₂rë₃'néi₃ 'ñio₅ lín₃. Jaun₂ ca₂chein₃ dsa₂ a₂jme₃dsiain₂₃ ca₂le₃jín₃ guein₂ i₂con'₂ ma₂tion'₅₄ tin₃ ñi₂, guein₂ i₂pí'₁ guē₄ nē₃ i₂chan₂ ma₂quián₅ Belén, lia'₂ con'₂ tí₅ ma₂ne.ñó₄ jmig₄ a₂ca₂juá'₂ dsa₂ can'₅₄ 'éi₂. ¹⁷ Jaun₂ le₂nē₅ ca₂rë₃ti₃ jág₁ a₂ca₂tó'₂ ne₄ si₂ Jeremías i₂jme₁'ē₂ jág₁ o₄quió'₄ Diú₄:

¹⁸ Ca₂né'₂ tē₁tsí'₅₄ co₂mi'₅₄ jē₄ juig₂ Ramá,

a₂'o₅ dsa₂ a₂qui'₂ dsí₅ guē₄ lín₃;

† 2:6 Miqueas 5:2. ‡ 2:7 Co₂'nió'₄ le₃jua'₅₄, caun₂ cosa a₂tsá₃ 'i₄ jme₂dsí₂, a₂ca₂jmo₃ Diú₄. 'Nio'₂ ja₁ton₅ Salmo 8:3; Romanos 1:25. § 2:10 Co₂'nió'₄ le₃jua'₅₄, caun₂ cosa a₂tsá₃ 'i₄ jme₂dsí₂, a₂ca₂jmo₃ Diú₄. 'Nio'₂ ja₁ton₅ Salmo 8:3; Romanos 1:25. * 2:15 Oseas 11:1.

Raquel bá₄ 'éi₂ ca₂'o₃†

o₄quió'₄ chí'₂-guein₂ quiáin₅,

jaun₂ tsá₃ ca₂gue₃ jua'₅₄ 'ein₂ gué₃ jmo₃ lián'₂ dsí₅,

ia₁ ma₂ca₂dsan₃ bá₄ guein₂.‡

¹⁹ La₁ can₂ gué₄ jaun₂, jme₁ma₂ca₂jon₃ Herodes, ca₂qui₃ Sě₄ a₂ca₂jme₃jnia₅ táng₃ jan₂ ángel quián₅ Te₁gui'₅₄ ja₁coin₂ 'ein₅₄ Egipto, ²⁰ Ca₂juá'₂ ángel:

—Nau₂, jnia₅ táng₃ i₂bě'₅₄ quiáng'₂, chog₅₄ ně₃, jaun₂ o₂nó'₅ táng₃ 'nia'₂ jui₅ 'uě₃ Israel, ia₁ ma₂ca₂dsan₃ bá₄ i₂jme₁'nio₃ jme₁jñi'₃ guein₂.

²¹ A₂ca₂nau₂ jaun₂ táng₃ Sě₄, ca₂tág₃ chí'₂ quiáin₅, quian'₅₄ chog₅₄, jui₅ 'uě₃ Israel. ²² La₁ jme₁ca₂rě₃ñi₅ Sě₄ a₂ma₂lín₅ ta₁ Arquelao 'uě₃ Judea, ta₁ a₂jme₁lín₄ Herodes jme₁, jaun₂ ca₂rě₃gó'₅ dsó₃ ja₁jaun₂. Ia₁ ca₂'ě₂ táng₃ Diú₄ jág₁ jě₄ qui₂₃, jaun₂ jui₅ 'uě₃ Galilea bá₄ ca₂ñó₃. ²³ Jme₁ca₂dsióg₃ ja₁jaun₂, ca₂ñó₃ ca₂i₁gua₂ juig₂ ja₁chei₂ Nazaret. Le₂ně₅ bá₄ ca₂rě₃ti₃ jág₁ quió'₅ dsa₂ i₂ca₂'ě₂ jág₁ quián₅ Diú₄ ma₂líg'₂: “A₂quiong₃ dsa₂ nazareno.”

3

*Ě₂ Juan₅₄ jág₁ caun₂ 'uě₃ quein₂ ja₁co₂'ñiog₅
(Marcos 1:1-8; Lucas 3:1-18; Juan 1:19-28)*

¹ Jmíg₄ jaun₂ guan₃ Juan₅₄ i₂chon₅ dsa₂ jmíg₂, caun₂ 'uě₃ quein₂ co₂'ñiog₅ ja₁tén₄ 'uě₃ Judea, a₂'ě₂ jág₁, ² a₂juá'₂:

—Jei₅₄ 'nia'₂ 'au'₂, ia₁ ma₂ja₂quián₃ jmíg₄ jě₁gon₃ Diú₄.

³ Juan₅₄ la₂ bá₄ 'éi₂ i₂ca₂'in₃ Isaías i₂jme₁juá'₂ o₄quió'₄ Diú₄ jme₁ca₂tó'₂ ne₄ si₂ a₂juá'₂ le₂la₂:

Né'₂ a₂táun₂ dsa₂ tiá₂ jág₁

caun₂ 'uě₃ quein₂ ja₁co₂'ñiog₅, a₂juá'₂:

“Jmo₄ 'nia'₂ co₂jñia₅₄ jui₅ quió'₅ Te₁gui'₅₄;

nia₄ 'nia'₂ caun₂ jui₅ co₂dsau₅.”*

⁴ Ni₁tsin'₅₄ Juan₅₄ 'éi₂ jme₁lě₄ 'mi'₂ a₂rě₂ta₄ quian'₅₄ jñi₄ jág₁ camello; a₂jme₁jén'₅ tú₅ gué'₂ quian'₅₄ lo₄ jág₁; má₃ a₂jme₁gué'₅ gué'₂, jmá'₃ i₁ni'₂ tia₄ quian'₅₄ jmi₁tá'₄ cha₂ ja₁nau₂. ⁵ Jme₁ja₂lén₂ dsa₂ chan₂ Jerusalén, quian'₅₄ dsa₂ i₂tián'₅ 'uě₃ Judea quian'₅₄ dsa₂ i₂tián'₅ cau₅ Cuá₃ Jordán ně₃, jme₁qui₂ja₂néi₃ jág₁ a₂cué₅ 'éi₂. ⁶ Jme₁ma₂ca₂lě₃ jmo₂₃ qui₂ñi₃ quió'₅ ne₄ Diú₄ ca₂le₃jě₃ dso₄ a₂qui₂rě₂cáin'₄, jaun₂ gué₄ ca₂cho₃ Juan₅₄ jmíg₂† Cuá₃ Jordán.

⁷ La₁ jme₁ca₂jág₃ Juan₅₄ juin₅ lin₃ dsa₂ fariseos ja₂lén₂ quian'₅₄ dsa₂ saduceos ně₃, a₂mi₂₃ cho₃ Juan₅₄ jmíg₂,‡ jaun₂ ca₂juá'₂ Juan₅₄:

—i'Nia'₂ tsi₁jon₂ dsi₂mi'₂! ĸ'Ein₂ bá₄ ně₂chí'₃ 'nia'₂ a₂cuing'₂ long'₅₄ a₂'i₄ 'nei₂ dsí₅ Diú₄ a₂ja₂quián₃? ⁸ Jmo₄ 'nia'₂ jaun₂ jui₁le₂jniá₂ a₂léi₄ tě₃dsón'₂ a₂ma₂ca₂jein'₅₄ 'nia'₂ 'au'₂. ⁹ Tsá₃ o₁len'₂ 'nia'₂ jua'₅₄ lé₂ le₃jua'₅₄ 'nia': “Lág₅ jnia'₅₄ tsi₁jon₂ Abraham”; ia₁ jniá₂ juá'₅, ca₂tě₂ ni₁cang₁ tio'₅₄ la₂, lé₂ le₃jmo₃ Diú₄ jmói'₂ tsi₁jon₂ Abraham. ¹⁰ Ia₁ ma₂lě₅ co₂jñia₅₄ ñi₁dsi₁ a₂qui₂uín'₂ 'ma₂. Ca₂le₃jě₃ 'ma₂ a₂tsá₃ dse₃ míg₂ 'ag₅, uín'₂ bá₄, dsi₂to'₅₄ si₂. ¹¹ Jniá₂ ně₃, dsau₅ bá₄ ně₂tiáng₃ 'nia'₂ jmíg₂ co₂'nió'₄ a₂jáng'₅ léi₄ a₂jein'₅₄ 'nia'₂ 'au'₂; la₁ i₂já₅ chí₁co'₅₄ quió₃ ně₃, 'éi₂ bá₄ i₂'uan'₂ gué₄ lia'₂ con'₂ gué₄ jniá₂, ca₂lia'₂ jnia'₅₄ lau₂ ton₅ tag₅₄ bá₄ tsá₃ ca₂tíng₂ i₁quian₃. 'Éi₂ gué₄ ně₃, tióg₂ Jme₂dsi₂ Jñió₅, dsi₂si₂ ně₃. ¹² Ně₂jag₄ bá₄ a₂ma₂chi₁chan'₂ ñi₁ a₂quió'₅ míg₂ trigo, dsia₃ jma₃quén₅ quian'₅₄ jme₁qui₅. Jmá'₃ míg₂ bá₄ cág'₃, 'ma₃ dsi₂néi₂, la₁ qui₂dsi'₂ bá₄ jme₁qui₅ dsi₂si₂ ja₁tsá₃ ma₃o₁líg'₂ jmíg₄ éi₃.§

† 2:18 Raquel: 'io₅₄ quián₅ Jacob, Génesis 29. ‡ 2:18 Jeremías 31:15. * 3:3 Isaías 40:3. † 3:6 lit. “ca₂tióg₃ Juan₅₄ jmíg₂.” ‡ 3:7 lit. “tióg₂ Juan₅₄ jmíg₂.” § 3:12 'Nio'₂ ja₁ton₅ Mateo 13:30.

Ca₂jñó₂ Jesús jmig₂
(*Marcos 1:9-11; Lucas 3:21-22*)

¹³ Jaun₂ ně₃, Jesús, o₂ 'in₃ 'uě₃ Galilea, ca₂dsióg₃ tē₂ Cuá₃ Jordán ia₁jaun₂ cho₃ Juan₅₄ jmig₂. * ¹⁴ Tsá₃ jme₁gue₅ Juan₅₄ le₂'uig₅₄, jaun₂ ca₂juá'₂ tsí'₅ Jesús:

—Jniá₂ bá₄ i₂'nió'₅ quió₃ tsón'₄ 'ne₂ jmig₂. † ¿'A₂ bá₄ lia'₂ 'ne₂ ñe'₃ ja₁con₂ jniá₂?

¹⁵ La₁ ca₂juá'₂ Jesús:

—Jui₁le₅₄ bá₄ le₂ně₅ tē₂ně₃, ia₁ dsi₂ten₅₄ de'₂ jmó₁ jniog₄ le₂ně₅ ia₁jaun₂ jme₁ti₁ ca₂le₃jě₃ a₂dse₃.

Jaun₂ bá₄ ca₂gue₃ Juan₅₄.

¹⁶ Jme₁ma₂lě₅ cho₅ Juan₅₄ jmig₂, ‡ jaun₂ ca₂o₃ 'in₃ Jesús dsi₂jmig₂. Jaun₂ dsi₂jui₅ le₂jaun₂ ca₂niá₃ dsi₄ mi₂güig₃ ca₂lě₃, jaun₂ ca₂jín₂ Jesús Jme₂dsí₂ quián₅ Diú₄ ca₂sión₃ ne₄ quió'₅, i₂lín₅ lia'₂ lín₅ jan₂ i₁ju₂. ¹⁷ Jaun₂ ca₂né'₂ jág₁ guei'₅₄ a₂ca₂juá'₂:

—I₂la₂ bá₄ jón₃ quiáng₃ i₂ñí₄ lě₃ 'nióg₃ guě₄ lín₃. 'E₂ bá₄ 'ñio₂ dsi₃ quiain'₅₄.

4

Ca₂caun₃ i₂sě₃dse₃ táu₂ quió'₅ Jesús
(*Marcos 1:12-13; Lucas 4:1-13*)

¹ Dsi₂jui₅ jaun₂ ca₂tě₃ Jme₂dsí₂ quián₅ Diú₄ ca₂tě'₃ Jesús caun₂ 'uě₃ quein₂ co₂'ñio₅ ia₁jaun₂ ja₁jaun₂ cáun₂ táu₂ i₂sě₃dse₃.

² Tě₂láu₃ jmig₄ tē₂láu₃ nei₅, ca₂jme₃'in₅₄ Jesús; can₂ guě₄ jaun₂ ca₂lě₃ i₁cón'₅ 'ñio₅ lín₃. ³ Jaun₂ ca₂jme₃quián₃ i₂sě₃dse₃ ja₁coin₂, a₂cáun₂ táu₂, jaun₂ ca₂juá'₂ tsí'₅ Jesús:

—Chi₂jua'₂ dsón'₂ líng'₅ Ja₁ñi'₅₄ Diú₄, jmo₄ jui₁le₅₄ i₁ñí'₄ ni₁cang₁ tio'₅₄ ně₅.

⁴ La₁ ca₂ñag₃ Jesús:

—Chi₁ton₅ ne₄ Si₂: “On₃jua'₅₄ jmá'₃ quian'₅₄ i₁ñí'₄ le₃tan₅₄ dsa₂ mi₂güig₃ le₃chain₂, ján₃ bá₄ 'nió'₅ jme₃tan₅₄ dsa₂ quian'₅₄ ca₂le₃jě₃ jág₁ a₂'uě'₂ mi₂'o₄ Diú₄.”*

⁵ Nó₃ jaun₂, ca₂jio₃ táng₃ i₂sě₃dse₃ tē₂ juig₂ Jerusalén ciudad jñio₅, jaun₂ ca₂jio₃ tē₂ guei'₅₄ guá'₅ templo ja₁ñei₅ 'ñio₅ lín₃. ⁶ Jaun₂ ca₂juá'₂ ca₂tsí'₃ Jesús:

—Chi₂jua'₂ 'ne₂ líng'₅ Ja₁ñi'₅₄ Diú₄, tian'₅₄ ja₁ně₅; ia₁ juá'₂ ne₄ Si₂:

Chen₃ Diú₄ ángeles quián₅

ia₁jaun₂ jmo₃ 'í₁;

chó'₂ quian'₅₄ gu₂

ia₁jaun₂ tsá₃ jéng'₂ uig₅ nióg'₃ quian'₅₄ can₂. †

⁷ Jaun₂ ca₂ñag₃ Jesús:

—Ján₃ bá₄ juá'₂ ne₄ Si₂: “Tsá₃ tang'₅₄ Te₁gui'₅₄ Diú₄ quiáng'₂.” ‡

⁸ Con'₂ guě₄ siá'₂ táng₃ ca₂jio₃ i₂sě₃dse₃ jui₅ caun₂ má'₂ ja₁ñei₅ 'ñio₅ lín₃. Jaun₂ ca₂'ě₃ le₃jě₃ juig₂ a₂cha₂ mi₂güig₃ quian'₅₄ ca₂le₃jě₃ a₂jlá'₁ cha₂. ⁹ Jaun₂ ca₂tsí'₃ Jesús:

—Dsi₅₄ jniá₂ gog'₂ 'ne₂ ca₂le₃jě₃ a₂ně₅, ně₁jua'₂ ca₂chi₁ñe'₄ ne₃ a₂jme₁juag'₂.

¹⁰ Jaun₂ ně₃ ca₂ñag₃ Jesús:

Guan'₂ Satanás, ia₁ ne₄ Si₂ juá'₂: “Jme₁juin'₂ Te₁gui'₅₄ Diú₄ quiáng'₂, jñia'₅₄ lia'₂ ne₄ 'éi₂ bá₄ jme₁ti₁.” §

¹¹ Jaun₂ ně₃ ca₂ñá'₃ i₂sě₃dse₃, jaun₂ ca₂o₃lén₂ ángeles ca₂jme₃ti₃ ta₁ ne₄ Jesús.

Ca₂jme₃lióg₃ Jesús ta₁ quió'₅, 'uě₃ Galilea
(*Marcos 1:14-15; Lucas 4:14-15*)

* **3:13** lit. “ia₁jaun₂ tióg₂ Juan₅₄ jmig₂.” † **3:14** lit. “tián'₄ 'ne₂ jmig₂.” ‡ **3:16** lit. “tióg₂ Juan₅₄ jmig₂.” * **4:4** Deuteronomio 8:3. † **4:6** Salmo 91:11-12. ‡ **4:7** Deuteronomio 6:16. § **4:10** Deuteronomio 6:13.

12 Jme₁ca₂rē₃ŋi₅ Jesús a₂'en₅₄ Juan₅₄ né₃ 'má₃, jaun₂ ŋó₃ jui₅ 'uë₃ Galilea.
13 Tsá₃ ca₂ŋia₃ jë₄ juig₂ Nazaret, ŋó₃ bá₄ ca₂i₁'i₅ të₂ Capernaum, caun₂ juig₂
a₂niog₅ chei₅₄ jmi₁ŋí₄ 'uë₃ ja₁tén₄ Zabulón quian₅₄ Neftalí. 14 Jaun₂ le₂në₅
ca₂rë₃ti₃ jág₁ a₂ca₂tó₂ ne₄ si₂ Isaiás i₂jme₁'ë₂ jág₁ o₄quió₄ Diú₄:

15 'Uë₃ ja₁tén₄ Zabulón quian₅₄ Neftalí
a₂niog₅ le₃quióng₄ Cuá₃ Jordán, chei₅₄ jmi₁ŋí₄,
'uë₃ Galilea le₃quió₅ dsi₂nau₂:

16 dsa₂ i₂jme₁tián₄ jë₄ qui₁né₃
ma₂ca₂jág₃ caun₂ si₂ juë₂;
dsa₂ i₂jme₁tián₄ 'uë₃ ja₁'ei₅ 'én₁ 'mú₃,
ne₄ quió₅ ma₂ca₂'ág₂ si₂.*

17 Të₂le₃ ne₄ jui₅ jaun₂ ca₂jme₃lióg₃ Jesús ca₂'ë₂ jág₁, ca₂juá₂:
—Jei₅₄ 'nia₂ 'au₂, ia₁ ma₂ja₂quián₃ guá₂ 'éi₃ quió₅ Diú₄.

*Ca₂të₃ Jesús quén₂ dsa₂ i₂tsán₂ ju₄
(Marcos 1:16-20; Lucas 5:1-11)*

18 Co₂ráun₂ ŋó₃ Jesús i₁ŋi₂ chei₅₄ jmi₁ŋí₄ Galilea. Ja₁jaun₂, ca₂jíin₂ Si₂mu₅₄
i₂të₂ dsa₂ Pe₄, quiain₅₄ dsó₂ riin₅₄ i₂chen₂ Drë₄. Dsa₂ i₂tsán₂ ju₄ bá₄ 'éi₂, jaun₂
hora jaun₂ dé₄ në₃ jme₁tioin₅₄ táun₂ 'má₅ dsi₂jmi₂. 19 Jaun₂ ca₂juá₂ Jesús:

—'Éin₃ jniá₂, jaun₂ cuë₅₄ ta₁ a₂chi₁liang₂ dsa₂ mi₂güig₃, jui₁lia₂ chi₂liáng₁ ju₄
në₅.

20 Dsi₂jui₅ le₂jaun₂ bá₄ ca₂dsia₃ cau₅ 'má₅ quió₅, jaun₂ i₃lén₂ quiong₅₄.

21 Me₂ guë₄ ne₄ jui₅ ja₁i₃lén₂ jaun₂, ca₂jíin₂ con₂ guë₄ on₃ dsó₂: Jacobo
quian₅₄ Juan₅₄ riin₅₄, ja₁ŋi₅₄ Zebedeo. Jme₁tioin₅₄ 'ŋió₃ tsi₁mu₅ qui₂'méi₅ 'má₅
quió₅, quiain₅₄ jmei₂. Jaun₂ ca₂të₃ Jesús, 22 jaun₂ dsi₂jui₅ le₂jaun₂ bá₄ ca₂tí₂
tsi₁mu₅ quió₅ ca₂téin₂ jmei₂, jaun₂ ca₂i₃lén₂ ca₂jme₃quian₅₄ Jesús.

*Ca₂jme₃tin₅ Jesús juin₅ lin₃ dsa₂
(Lucas 6:17-19)*

23 I₂ŋi₅₄ Jesús le₂tan₅₄ 'uë₃ Galilea, qui₂jme₂tiin₂₃ dsa₂ dsi₂néi₂ guá₅ sina-
gogas lia₂ caun₂ ja₁qui₂ŋí₅. Qui₂'ë₂ jág₁ dse₃ jui₁lia₂ ja₁gon₂ Diú₄, ján₃ bá₄
qui₂jme₂'lióin₂ dsa₂ ca₂le₃jë₃ ne₅₄ dso₄ 'e₂ niog₅ lín₅ dsa₂. 24 Le₂tan₅₄ 'uë₃ Siria
ca₂i₃'ág₃ jág₁ 'a₂ lia₂ lë₅ jmo₅ Jesús ŋi₂₃, jaun₂ ca₂o₃ŋia₃ dsa₂ ca₂le₃jín₃ dsa₂
i₂le₁quian₅ ca₂le₃jë₃ ne₅₄ jmi₁uig₅, quian₅₄ jui₁'ein₂ guë₃ i₂qui₂ uig₅ quió₅.
Ca₂i₁quian₅₄ ca₂le₃jín₃ dsa₂ i₂tion₅₄ jme₂dsí₂je₂na₅₄, dsa₂ i₂lín₅ dso₄ 'ei₂, quian₅₄
dsa₂ 'lian₂ në₃. Ja₁jaun₂ ca₂jme₃'lión₂ Jesús ca₂le₃jín₃ dsa₂ 'éi₂.

25 Juin₅ lin₃ dsa₂ i₂chan₂ Galilea, dsa₂ i₂chan₂ ta₁guia₃ juig₂ ja₁të₂ dsa₂
Decápolis, quian₅₄ dsa₂ i₂chan₂ Jerusalén, dsa₂ i₂tián₅ 'uë₃ Judea quian₅₄ dsa₂
i₂tián₅ le₂'ŋo₅₄ Cuá₃ Jordán në₃, ca₂jme₃quiong₅₄ ca₂jme₃quian₅₄ Jesús.

5

*Jág₁ a₂ca₂cuë₃ Jesús má₂
(Lucas 6:20-23)*

1 Jín₂ Jesús dsa₂ juin₅ 'éi₂, jaun₂ ca₂uig₂ caun₂ dsi₂con₂ ja₁ŋei₅ guë₄, jaun₂
ca₂guá₂. Jaun₂ ca₂ŋi₂ dsa₂ i₂quian₅₄ le₃lág₃ quió₅. 2 Jaun₂ ca₂jme₃lióg₃
ca₂jme₃tiin₂₃ dsa₂, ca₂juá₂ le₂la₂:

¿'Ein₂ dsa₂ 'éi₂ i₂jmo₅ 'io₂?

3 —'E₂ guë₄ dsen₃ jui₁lia₂ dsa₂ i₂rë₂lí₄ qui₂chi₁quian₁₂ jmi₂g₄ o₄quió₄ jme₂dsí₂
quió₅, ia₁ i₂le₂'éi₂ bá₄ ca₂tin₂ ja₁gon₂ Diú₄.

* 4:16 Isaiás 9:1-2.

- 4 "E₂ guë₄ dsen₃ jui₁lia'₂ dsa₂ i₂ta'₂ lia'₂ dsí₅, ia₁ cuë₃ bá₄ Diú₄ lián'₂ dsí₅.
 5 "E₂ guë₄ dsen₃ jui₁lia'₂ dsa₂ i₂jmo₅ me'₂, ia₁ gua'₅₄ 'uë₃ bá₄ tñin₅₄, cuë₃ Diú₄.
 6 "E₂ guë₄ dsen₃ jui₁lia'₂ dsa₂ i₂ñí₄ lë₃ 'ín₅ dsí₅ jmo₃ a₂ñio₂ dsí₅ Diú₄, ia₁ lë₂ dsí₅ në₂jag₄ bá₄ a₂i₁cón'₅, a₂rë₂quein₂ dsí₅ në₃; ia₁ 'ág'₄ bá₄ dsí₅, jmo₃ Diú₄.
 7 "E₂ guë₄ dsen₃ jui₁lia'₂ dsa₂ i₂ñéi₂ dsí₅ dsa₂ sián'₂, ia₁ dsia₃ bá₄ Diú₄ ñéi₂ dsí₅ guioin₅₄.
 8 "E₂ guë₄ dsen₃ jui₁lia'₂ dsa₂ i₂qui₂le₁jë₃ dsí₅, ia₁ jín₂ bá₄ Diú₄.
 9 "E₂ guë₄ dsen₃ jui₁lia'₂ dsa₂ i₂quín'₅ bí₂ 'no'₂ jui₅ 'a₂ lia'₂ 'ag₃ tei₄, ia₁ quiong₃ Diú₄ chí'₂-guein₂ quiáin₅.
 10 "E₂ guë₄ dsen₃ jui₁lia'₂ dsa₂ i₂qui₂co₂'ein₅ dsa₂ 'uig₅₄ ia₁ a₂jmo₂₃ a₂ñio₂ dsí₅ Diú₄, ia₁ ja₁gon₂ Diú₄ bá₄ ca₂tñin₂.
 11 "E₂ guë₄ dsen₃ 'nia'₂, jë₂ma₂të₂ rë₁qui₃jnaú'₂ dsa₂ jág₁, qui₂co₂jmo₂g'₂, a₂juá'₂ ca₂le₃jë₃ ne₅₄ jág₁ a₂tsá₃ tí₅ ja₁con'₂ 'nia'₂ o₄quió₃ jniá₂; 12 jmo₄ 'nia'₂ 'io'₂, ju₁le₁'ág₄ bá₄ dse₃ 'au'₂, ia₁ guéi'₁ 'nia'₂ 'liang'₅₄ jó₄ guei'₅₄ i₂juíg₃. Ia₁ le₂në₅ bá₄ ján₃ qui₂ca₂co₃'ein₃ dsa₂ quió'₅ dsa₂ i₂jme₁'ë₂ jág₁ quián₅ Diú₄, i₂ma₂ca₂rë₃chán₃ le₂ñiá₅ con'₂ guë₄ 'nia'₂.

Jág₁ a₂jáng'₅ léi₄ jui₁lia'₂ tsi₁ñi₁ quian'₅₄ si₂ a₂tág₅ jin₄ dsa₂ mi₂güig₃
 (Marcos 9:50: Lucas 14:34-35)

- 13 'Tén'₅ 'nia'₂ ta₁ ne₄ gua'₅₄ 'uë₃ jui₁lia'₂ jmo₅ tsi₁ñi₁ jë₄ má₃. La₁ në₁jua'₂ ma₂ca₂'en₃ ñi'₅₄ tsi₁ñi₁, ¿'a₂ bá₄ lia'₂ lé₂ le₃lei₂ táng₃? Tsá₃ ma₃'e₂ ta₁ jmo₃, a₂ñia'₅₄ lia'₂ a₂dsi₃ga'₅₄ bá₄ jaun₂, qui₃tsó'₃ dsa₂.
 14 'Ján₃ bá₄ rë₂ñiá'₁ 'nia'₂ co₂'nió'₄ a₂lín'₅ si₂ quió'₅ dsa₂ mi₂güig₃. Jui₁lia'₂ caun₂ juig₂ a₂niog₅ dsi₂con'₂ tsá₃ lé₂ le₃dsi₃'ma₄, 15 ján₃ bá₄ tsá₃ guí'₅ dsa₂ si₂ caun₂ ni₁tsí₅ a₂chi'₃ né'₃ tsi₁gu₅; guei'₅₄ bá₄ chí'₂ dsa₂ ia₁jaun₂ tág'₅ si₂ ja₁con₂ ca₂le₃jín₃ i₂tion'₅₄ dsi₂néi₂. 16 Le₂në₅ bá₄ 'nia'₂ në₃, jmo₄ tág₅ si₂ quiáng'₂ jin₄ dsa₂ mi₂güig₃, ia₁jaun₂ të₅₄ ne₄ dsa₂ a₂dse₃ a₂jmo₂' 'nia'₂, jaun₂ jme₃juin'₂ N'éi'₅ 'nia'₂ i₂guá₅ guei'₅₄ i₂juíg₃.

Jme₂tag₅ Jesús jui₁lia'₂ 'Éi'₃

- 17 'Tsá₃ o₁len'₂ 'nia'₂ jua'₅₄ a₂guio₃ jniá₂ a₂ñiá'₄ Si₂ 'Éi'₃ quió'₅ Moisés, on₃ guë'₂ jág₁ a₂jme₂tag₅ dsa₂ i₂jme₁'ë₂ jág₁ quián₅ Diú₄. On₃jua'₅₄ ta₁ jaun₂ guio₃ jniá₂ a₂ñiá'₄, të₂le₃ a₂jme₁'ñia₅ bá₄ jniá₂ guio₃. 18 Ia₁ a₂dsi₂jó'₃ juá'₅ jniá₂, të₁lia'₂ niog₅ mi₂güig₃, të₁lia'₂ jniá₂ dsi₄ guei'₅₄ në₅, 'i₁caun₂ punto, on₃ guë'₂ 'i₁caun₂ letra pí'₁ quió'₅ Si₂ 'Éi'₃ tsá₃ dsi₃'én₂ ca₂lia'₂ ca₂rë₃ti₃ ca₂le₃jë₃ a₂niog₅ lé₂. 19 'Uig₅₄ jaun₂, jui₁lia'₂ i₂jmo₅ cau₅ caun₂ 'Éi'₃ Juá'₅ ne₄ Si₂ 'Éi'₃, o₁ñia'₅₄ líin₂ caun₂ 'éi'₃ tsá₃ lín₄ quen₅, në₁jua'₂ le₂jaun₂ jme₁tñin₂₃ dsa₂ rin'₅₄, le₂jaun₂ bá₄ lén₂ dsa₂ 'éi₂ jan₂ dsa₂ i₂tsá₃ lín₄ quen₅ ja₁gon₂ Diú₄. La₁ jui₁lia'₂ dsa₂ i₂nag₅ gau₂, jme₂ti₃, le₂jaun₂ jme₂tñin₂₃ i₂sián'₂ në₃, le₂jaun₂ bá₄ lén₂ dsa₂ 'éi₂ juin'₂ ja₁gon₂ Diú₄. 20 Ia₁ a₂dsi₂jó'₃ juá'₅ jniá₂ juíg₂ 'nia'₂, në₁jua'₂ tsá₃ ca₂jmo₅₄ 'nia'₂ a₂dse₃ guë₄ con'₂ guë₄ të₅juá'₅ quian'₅₄ dsa₂ fariseos, lia'₂ o₁líg'₂ jmi₃g₄ tsá₃ lé₂ dsi₁no'₃ 'nia'₂ ja₁gon₂ Diú₄.

Jme₂tag₅ Jesús jui₁lia'₂ a₂rë₂'ne₂ dsa₂
 (Lucas 12:57-59)

- 21 'Ma₂ñi'₅₄ bá₄ 'nia'₂ 'a₂ lia'₂ lë₅ ma₂nág₂ dsa₂ can'₅₄ quián'₂ 'nia'₂: "Tsá₃ jñig'₄ dsa₂, * ia₁ në₁jua'₂ 'ein₂ ca₂ñi'₃ rin'₅₄, tion₅₄ të₃dsi₅₄ bá₄ 'éi'₃ ja₁coin₂." 22 La₁ jniá₂ juá'₅ juíg₂ 'nia'₂, chi₂jua'₂ 'ein₂ ca₂rë₃ 'né₃ quian'₅₄ rin'₅₄, † ján₃ bá₄ le₂jaun₂ jióg'₂ 'í₁ ja₁coin₂, të₃dsi₅₄ 'éi'₃. Ján₃ bá₄ le₂jaun₂ jui₁lia'₂ i₂të₂'on'₂ rin'₅₄, ne₄ dsi₂tan₅₄ quián₅

* 5:21 Éxodo 20:13. † 5:22 A₂lín'₅₄ chog₅₄ si₂juá'₂ ján₃: "on₃jua'₅₄ cha₂ 'uig₅₄."

guá'₅ bá₄ dsi₁léin₂, la₁ jui₁lia'₂ i₂quian₅ tontoᵛ rin'₅₄, go'₂ 'liáin'₃ quióin'₄ dsi₂si₂ ja₁'lig'₅₄.

23 'Uig₅₄ jaun₂ ně₃, ně₁jua'₂ dsi₂can'₅₄ 'e₂ dsi₂can'₅₄ ne₄chei₂, a₂jen'₅₄ ne₄ Diú₄, ně₁ca₂dsáu'₃ 'au'₂ tsá₃ 'ei₅ caun₂ jág₁ quian'₅₄ ríng'₂, 24 ja₁jaun₂ de'₂ dsia₄ a₂jaun₂ cau₅ ne₄chei₂, jaun₂ guě₄ guan'₂ jme₁dsian₅ mi'₅₄ o₂'éi₂ caun₂ jág₁ quian'₅₄ ríng'₂. Jaun₂ guě₄ ŋe'₅₄ táng₃ i₂dsia₄ a₂cuë'₅₄ Diú₄.

25 'Chi₂jua'₂ 'ein₂ 'nio₃ 'nag₃ ne₄ dsi₂tan₅₄, ŋi'₅₄ ta₁ 'nio'₂ jui₅ 'éi₂ caun₂ jág₁ quian'₅₄ né'₃ a₂jmo₃ le₂jaun₂, ia₁jaun₂ tsá₃ jáng'₂ ne₄ dsi₂tan₅₄ i₂qui₂dsi₅ 'éi'₃; ia₁ dsi₂tan₅₄ ně₃, con'₂ tsá₃ ŋó₅ ně₁ca₂jáng'₂ o₄gú₃ chi'₂ 'i'₅₄; i₂'éi₂ guě₄ ně₃ 'liog'₃ né'₃ 'má₃. 26 A₂dsi₂jó'₃ juá'₅ jniá₂, tsá₃ a₁jaun₂ o₃'ing'₂ ja₁jaun₂ ca₂lia'₂ ca₂qui'₅₄ ca₂le₃jě₃ 'a₂ con'₂ mi₅ dsa₂ quiáng'₂.

Jme₂tag₅ Jesús a₂tsá₃ nió'₃ dsa₂ jág₁ quian'₅₄ dsa₂ on₃jua'₅₄ dsi₂i₂gu₂

27 'Ma₂ŋi'₅₄ bá₄ 'nia'₂ ján₃ 'a₂ lia'₂ lě₅ ma₂juá'₂ dsa₂ le₂jŋiá₅: “Tsá₃ nióg'₄ jág₁ quian'₅₄ dsa₂ on₃jua'₅₄ dsi₂i₂gog'₂.” § 28 La₁ jniá₂ guě'₂ juá'₅ juíg₂ 'nia'₂, chi₂jua'₂ 'ein₂ dsi₂jiog₅ dsí₅ 'lig'₅₄ qui₂jŋi₂ jan₂ dsa₂ mí₂, co₂'nió'₄ ma₂ně₂'nióg₂ dso₄ quióng'₅₄ jui₅ tē₂dsí₅.

29 'Ně₁jua'₂ mi₂ne'₅₄ jmo₅ a₂tang'₂ dso₄, co₂dsia₅ dsi₄, tiong₂ uíng₂; ia₁ dse₃ guě₄ a₂dsi₃'én₂ ca₂jne₄ quiáng'₂, con'₂ guě₄ jme₁o₁'ú'₃ ta₁jang'₂ ja₁'lig'₅₄. 30 Ján₃ bá₄ le₂ně₅ ně₁jua'₂ mi₂gog'₂ jmo₅ a₂tang'₂ dso₄, co₂dsia₅ ti₄, tiong₂ uíng₂; ia₁ dse₃ guě₄ a₂dsi₃'én₂ ca₂jne₄ ni₁ŋi'₁ con'₂ guě₄ jme₁o₁'ú'₃ ta₁jang'₂ ja₁'lig'₅₄.

Jme₂tag₅ Jesús jui₁lia'₂ dso₄ a₂tén₂ dsa₂ dsi₂i₂gu₂

(Mateo 19:9; Marcos 10:11-12; Lucas 16:18)

31 'Ján₃ bá₄ ma₂juá'₂ dsa₂ le₂jŋiá₅: “Chi₂jua'₂ 'ein₂ ca₂tén₂ dsa₂ mí₂ quián₅, ca₂tŋi₂ cho₃ caun₂ si₂ a₂jáng'₅ léi₄ a₂ma₂ca₂tén₂ dsón'₂ rin'₅₄.”* 32 La₁ jniá₂ juá'₅ juíg₂ 'nia'₂, chi₂jua'₂ 'ein₂ ca₂tén₂ dsa₂ mí₂ quián₅, on₃jua'₅₄ cha₂'uiᵛ₅₄, jua'₅₄ a₂ma₂nió'₅ jág₁ quian'₅₄ i₂sián'₂, jmo₂₃ a₂'no₃ 'io₅₄ quián₅ dso₄. Ján₃ bá₄ le₂jaun₂ jui₁lia'₂ dsa₂ ŋe'₂ i₂cán₂ 'io₅₄ i₂ma₂téi₂ dsa₂, ján₃ bá₄ le₂jaun₂ 'no₂₃ dso₄.

Jme₂tag₅ Jesús jui₁lia'₂ jág₁ a₂'in₅ dsa₂ Diú₄

33 'Ma₂nei'₂ bá₄ 'nia'₂ ján₃, 'a₂ lia'₂ lě₅ ca₂nág₂ dsa₂ can'₅₄ ma₂líg'₂: “Tsá₃ jmó'₂ jua'₅₄ a₂tsá₃ jme₁ti'₄ jág₁ quiáng'₂ a₂ma₂cuë'₅₄ a₂'ing'₅ Te₁gui'₅₄.” 34 La₁ jniá₂ juá'₅ juíg₂ 'nia'₂ tsá₃ 'e₂ 'uig₅₄ cha₂ jua'₅₄ a₂'ing'₄ Diú₄; tsá₃ 'ě₁ guei'₅₄ i₂juíg₃, ia₁ ne₄ta₁ quió'₅ Diú₄ bá₄ jaun₂; 35 on₃ guě'₂ 'ě₁ gua'₅₄ 'uě₃, ia₁ co₂'nió'₄ ja₁tíong₂ tag₄ bá₄ Diú₄; on₃ guě'₂ 'nió'₅ 'ě₁ 'nia'₂ Jerusalén, ia₁ juig₂ quió'₅ Rag₅₄ Juin'₂ bá₄ jaun₂. 36 Tsá₃ lě₁'ě₂ 'nia'₂ mi₂dsei'₂ guiong'₅₄ ně₃, ia₁ 'i₁ca₂mi'₂ ni₁jŋi₂ dsei'₂ 'nia'₂ tsá₃ lé₂ le₃jmó'₂ tiog₂, on₃ guě₄ a₂lia'₂ ně₃. 37 Jua'₅₄ bá₄ 'nia'₂ quian'₅₄ ca₂jon₄ jág₁, “ján₅”, o₃ “jan₂'ón₄” 'e₂, ia₁ ně₁jua'₂ 'ein₂ ca₂juá'₂ ŋag₅₄ guě₄ con'₂ lě₅ ně₅, já₅ ja₁con₂ i₂sě₃dsen₃ bá₄ jaun₂.

Jme₂tag₅ Jesús jág₁ jui₁lia'₂ a₂con₂ dsa₂ 'ma'₅₄ ja₁con₂ rin'₅₄

(Lucas 6:29-30)

38 'Ma₂nei'₂ bá₄ 'nia'₂ a₂ma₂juá'₂ dsa₂ le₂jŋiá₅: “Ně₁jua'₂ 'ein₂ ca₂'én₂ ca₂míg₂ mi₂ne₄ rin'₅₄, le₂jaun₂ bá₄ lé₂ 'éi'₃ dsi₃'én₂ ca₂míg₂ mi₂ne₄ jui₁lia'₂ i₂ca₂jmo₃ ján₃; o₃ ně₁jua'₂ 'ein₂ ca₂tia'₃ ca₂míg₂ mi₂jan₄ rin'₅₄ ně₃, le₂jaun₂ bá₄ lé₂ táng₃ 'éi'₃, tiá'₃ ca₂míg₂ quió'₅.”† 39 La₁ jniá₂ guě'₂ juá'₅ juíg₂ 'nia'₂, tsá₃ lě₁nau₂ 'nia'₂ queng'₂ quian'₅₄ dsa₂ 'lin'₅₄. Ně₁jua'₂ 'ein₂ ca₂quein₃ rě₂jog'₂, jein'₅₄ tē₂le₃ ca₂ton₂,

ᵛ 5:22 griego: raca; caun₂ jág₁ tē₂'o'₅₄ arameo co₂'nió'₄ a₂juá'₂: “Tsá₃ 'e₂ tio'₅₄ mi₂dsei'₂.” § 5:27 Éxodo 20:14. * 5:31 Deuteronomio 24:1. † 5:38 Éxodo 21:24; Levítico 24:20; Deuteronomio 19:21.

ju₁quein₂₃ ta₁tin₃ ton₂. ⁴⁰ Chi₂jua'₂ 'ein₂ 'nag₅ quiáng'₂, a₂'nio₃ jniá'₂ ni₁tsín'₂, le₂jio₅ tsi₁'mi'₂ dsiog₂ qui'₅₄ cuë'₅₄ ju₁quion₂. ⁴¹ Nē₁jua'₂ 'ein₂ ca₂chi₃quióng₂ jmig₄ a₂caun'₅₄ li_o₅₄ caun₂ kilómetro, o₂con₄ tin₃ kilómetros. ⁴² Ju₁'ein₂ guë'₃ mi₅ 'e₂ mi₅ quiáng'₂ a₂dsi₂, cuë'₅₄; 'a₃ lē₁jein'₅₄ le₃mi₂ca'₅₄ quió'₅.

Jme₁'nió₄ bá₄ 'nia'₂ ju₁lia'₂ dsa₂ i₂'iog₅₄ quián'₂ 'nia'₂
(Lucas 6:27-28, 32—36)

⁴³ Ján₃ bá₄ ma₂nei'₂ 'nia'₂ a₂ma₂juá'₂ dsa₂ le₂jniá₅: “Jme₁'nió₄ a₂mei₅₄ quiáng'₂, jme₁'nia₅₄ ju₁lia'₂ dsa₂ i₂'iog₅₄.” ⁴⁴ La₁ jniá₂ guë'₂ juá'₅ juíg₂ 'nia'₂: Jme₁'nió₄ bá₄ 'nia'₂ ju₁lia'₂ dsa₂ i₂'iog₅₄, mi₄ ne₄ Diú₄ o₄quió'₄ ju₁lia'₂ dsa₂ i₂co₂'ein₅.[‡] ⁴⁵ Jaun₂ le₂nē₅ bá₄ a₂rē₂jniá'₁ 'nia'₂ a₂lín'₅ chi'₂-guein₂ quián₅ Néi'₅ i₂guá₅ guei'₅₄ i₂juíg₃; ia₁ 'éi₂ bá₄ cuë'₅ 'iog₂ cuë'₅ lia'₂ dsa₂ 'lín'₅₄ lia'₂ dsa₂ dsen₃; ján₃ bá₄ chein₁₂ jmí₅ cuë'₅ lia'₂ dsa₂ i₂cuín₅ Diú₄ lia'₂ dsa₂ i₂tsá₃ Diú₄ cuín₅ ně₃. ⁴⁶ Ia₁ nē₁jua'₂ 'nió'₃ 'nia'₂ jmá'₃ lia'₂ dsa₂ i₂'nio₃ 'nia'₂, ¿'e₂ 'lian'₅₄ 'nia'₂ guéi'₁ le₂jaun₂? Le₂jio₅ dsa₂ i₂cán₂ 'lia'₅₄ quián₅ dsi₂tan₅₄ tin₂ le₂jaun₂. ⁴⁷ Chi₂jua'₂ cuín'₅ 'nia'₂ Diú₄ jmá'₃ lia'₂ dsa₂ ríng'₂, ¿'e₂ a₂ηag₅₄ guë'₄ a₂dse₃ jmo'₂ 'nia'₂ nē₁jua'₂ le₂jaun₂? Ia₁ le₂nē₅ bá₄ jmo₅ dsa₂ i₂tsá₃ Diú₄ cuín₅ ján₃. ⁴⁸ Ju₁dsi₂can'₅₄ bá₄ 'nia'₂ a₂dsi₁nóg'₅ léng'₂ dsa₂ dsen₃ ju₁lia'₂ dsen₃ Néi'₅ 'nia'₂ i₂guá₅ guei'₅₄ i₂juíg₃.

6

Jme₂tag₅ Jesús jág₁ ju₁lia'₂ a₂jmo₅ dsa₂ dse₃

¹ Jmo₄ 'nia'₂ 'í₁ tsá₃ lē₁jmo₂ 'nia'₂ a₂lín'₅ dsa₂ dsen₃ jnia'₅₄ lia'₂ jmá'₃ jē₄ jág₃ dsa₂. Nē₁jua'₂ le₂nē₅ jmo'₂ 'nia'₂, Néi'₅ 'nia'₂ i₂guá₅ guei'₅₄ i₂juíg₃ tsá₃ 'e₂ 'lian'₅₄ 'nia'₂ cuë'₃ 'i₁caun₂.

² “Uig₅₄ jaun₂, jē₁ma₂tē₂ rē₁jme₁'on'₁ 'nia'₂ 'ein₂ jme₁'ong'₁ ju₁lia'₂ i₂'nió'₅ quió'₅, tsá₃ jmó'₂ jua'₅₄ uíng₂ ma₂dsi₂'ag₅ jág₁ ju₁lia'₂ jmo₅ dsa₂ i₂lē₁jmo₅ o₁ne₁ dsi₂néi₂ guá'₅ sinagogas ju₁lia'₂ jē₄ calles ně₃. Jmo₂₃ le₂jaun₂ a₂chein'₂ dse₃ guioin₅₄ ia₁jaun₂ 'ag₃ dsa₂ dse₃; la₁ia₁ a₂tē₃dsón'₂ juá'₅ jniá₂ i₂ma₂gue₃ 'lian'₅₄ bá₄ i₂le₂'éi₂. ³ La₁ 'ne₂ ně₃, jē₁ma₂tē₂ rē₁jme₁'ong'₁ ju₁lia'₂ 'ein₂ jme₁'ong'₁, jmo₄ ca₂lia'₂ jnia'₅₄ a₂mei₅₄ dsen₃ quiáng'₂ tsá₃ ηi₅. ⁴ Ja₂lín₃ guë'₄ dse₃ jmó'₂ jē₄ tē₃co'₅₄. Jaun₂ Néi'₅ i₂jág₅ a₂dse₃ jmo'₂ jē₄ tē₃co'₅₄ jaun₂, cuë'₃ 'liang'₅₄.^{*}

Jme₂tag₅ Jesús 'a₂ lia'₂ chi₃lén'₂ dsa₂ Diú₄
(Lucas 11:2-4)

⁵ Jē₁ma₂tē₂ rē₁chi₁lén'₄ 'nia'₂ Diú₄, tsá₃ lē₁jmo₂ 'nia'₂ ju₁lia'₂ jmo₅ dsa₂ i₂lē₁jmo₅-dsáu₅ o₁ne₁, a₂tē₅ dsí₅ chi₂lén'₂ Diú₄ tē₃ tióin₂ dsi₂néi₂ guá'₅ sinagogas jē₄ calles ně₃, ia₁jaun₂ jág₃ dsa₂. A₂dsi₂jó'₃ juá'₅ jniá₂, i₂ma₂gue₃ 'lian'₅₄ bá₄ i₂le₂'éi₂. ⁶ La₁ jē₁ma₂tē₂ rē₁mí'₁ 'ne₂ ne₄ Diú₄, jne₅₄ dsi₂néi₂ quiáng'₂. Ja₁jaun₂ chi₁lén'₄ 'ne₂ Diú₄ Néi'₅ i₂tsá₃ jniá₂. Jaun₂ ně₃ Néi'₅ i₂ηi₅ 'e₂ a₂jmo'₂ jē₄ tē₃co'₅₄, cuë'₃ 'liang'₅₄.

⁷ Jē₁ma₂tē₂ rē₁juig'₅₄ Diú₄, tsá₃ jmó'₂ 'nia'₂ jua'₅₄ a₂lē₁tē₁'í₁ jág₁ a₂tsá₃ ta₁ tí₄, ju₁lia'₂ jmo₅ dsi₂nau₂ i₂tsá₃ 'én₂, ia₁ lín₂ nag₃ Diú₄ tē₂le₃ ia₁ a₂'lióng₂ jág₁ juá'₂. ⁸ Tsá₃ lē₁o₁lén'₅₄ 'nia'₂ ju₁lia'₂ lín₅ dsa₂ le₂'éi₂. Ia₁ i₂ma₂ηi₅ bá₄ Néi'₅ 'nia'₂ 'e₂ a₂'nió'₅ quián'₂ 'nia'₂ né₃ guë'₄ a₂mí'₁. ⁹ Jaun₂ ně₃, le₂la₂ bá₄ juig'₅₄ 'nia'₂ Diú₄:

Tia₅₄ quián₂ jniog₄, 'ne₂ i₂ηéi'₂ guei'₅₄ i₂juíg₃,
ju₁jme₂go₃ bá₄ dsa₂ a₂rē₂jnió₄ a₂cheng'₂.

¹⁰ Ju₁le₅₄ bá₄ 'éi'₃ quiáng'₂,
ju₁le₅₄ bá₄ a₂'ηio₂ 'au'₂ 'ne₂ ne₄ gua'₅₄ 'uë₃,

[‡] 5:44 A₂lín₅₄ chog₅₄ si₂ juá'₂: “Jua'₅₄ a₂dse₃ ja₁con₂ ju₁lia'₂ dsa₂ i₂juá'₂ uig₅, jmo₄ a₂dse₃ ja₁con₂ ju₁lia'₂ dsa₂ i₂'iog₅₄.”
^{*} 6:4 Juá'₂ a₂lín₅₄ chog₅₄ si₂ le₂la₂ ján₃: “tē₃ jin₄ juin₅ dsa₂.”

ju₁lia'₂ lě₅ guei'₅₄ i₂juí₃.

11 Cuē₄ a₂'nió'₅ que₅₄ jnia'₅₄ jmig₄ nē₃.

12 'Én₃ dso₄ quián₂ jnia'₅₄,
ju₁lia'₂ 'én₅ jnia'₅₄ dsáu₁ rín'₅₄.

13 'A₃ cuē₂ jmig₄ jiá₃ ju₁bí₂ a₂cáun₂ táu₂,
tē₂le₃ lio₄ bá₄ o₄gú₃ i₂sē₃dsen₃.†

14 'Ia₁ nē₁jua'₂ 'én'₅ 'nia'₂ dsáu₁ ríng'₂ jē₁ma₂'náu₂ dso₄ ja₁cong'₂, ján₃ bá₄ le₂jaun₂ Néi'₅ 'nia'₂ i₂guá₅ guei'₅₄ i₂juí₃ 'éin₂ dsáu'₂ 'nia'₂ guiong'₅₄. 15 La₁ nē₁jua'₂ tsá₃ 'éng'₅ dsáu₁ ríng'₂, ján₃ bá₄ le₂jaun₂ tsá₃ 'én₂ Néi'₅ dsáu'₂ 'nia'₂.

Jme₂tag₅ Jesús jág₁ ju₁lia'₂ a₂jme₂'in₅₄ dsa₂

16 'Jē₁ma₂tē₂ rē₁jme₁'in'₄ 'nia'₂, tsá₃ jme₁tsín₄ 'nia'₂ o₄-ne'₅₄ jua'₅₄ a₂jmó'₂ lē₁'ág₄ 'lia'₂ 'au'₂ ju₁lia'₂ jmo₅ dsa₂ i₂lējmo₅-dsáu₅ o₁ne₁. Jmo₅ dsa₂ le₂'éi₂ le₂jaun₂ ia₁jaun₂ jág₃ dsa₂ a₂dsón'₂ bá₄ jme₂'iin₅₄. A₂dsi₂jó'₃ juá'₅ jniá₂, i₂ma₂gue₃ 'lian'₅₄ bá₄ 'éi₂. 17 La₁ 'ne₂ nē₃, jē₁ma₂tē₂ rē₁jme₁'ing'₄, sio₅ rē₂ dsei'₂, rang₂ ne'₅₄ nē₃, 18 ia₁jaun₂ tsá₃ 'ein₂ le₃lí₄ a₂jme₂'ing'₄. Jnia'₅₄ lia'₂ Néi'₅ i₂tsá₃ jniá₂ bá₄ ŋi₅. Jaun₂ Néi'₅ i₂jág₅ ca₂le₃jē₃ a₂jmo₂' jē₄ tē₃co'₅₄ jaun₂, 'éi₂ bá₄ cuē₃ 'liang'₅₄.

Ju₁lia'₂ a₂quen₅ lín₃ a₂rē₂'ma₄ guei'₅₄ i₂juí₃

(Lucas 12:33-34)

19 'Tsá₃ lē₁dsia₂ 'nia'₂ lo'₂ le₁má'₂ a₂jmo₂' 'nia'₂ a₂quen₅ lín₃ quiáng'₂ ne₄ gua'₅₄ 'uē₃ la₂, ia₁ ja₁lá₃ ja₁lē₁qui₂rē₂ju₁ tón'₅ i₁cá₁ qui₂'éin₂, ján₃ bá₄ ja₁lá₃ ja₁qui₂dsi₂'én₂ qui₂rē₃'áu₁ cosas nē₃; ja₁lá₃ bá₄ chan₂ dsa₂ qui₂ju₁in₂₃ 'e₂ qui₂ju₁in₂₃ a₂tóin'₅ 'ang₂₃. 20 Guei'₅₄ i₂juí₃ bá₄ 'nió'₅ dsiá'₁ 'nia'₂ lo'₂ quiáng'₂, ja₁tsá₃ 'e₂ lé₂ jua'₅₄ a₂qui₃'én₂ cá₁, on₃ guē'₂ 'e₂ rē₂'áu₁, on₃ guē'₄ lé₂ dsi₃ton'₅₄ 'ang₂. 21 Ia₁ ju₁lia'₂ jē₁tio'₅₄ a₂quen₅ quiáng'₂, ja₁jaun₂ bá₄ 'i₄ a₂'i₅ 'au'₂.

Ju₁lia'₂ jme₁ne₁ dsa₂

(Lucas 11:34-36)

22 'Lě₅ jme₁ne₁ dsa₂ ju₁lia'₂ lě₅ caun₂ si₂ ni₁tsí₅ quió'₅ ni₁ŋi₁ dsa₂; 'ui₅₄ jaun₂ nē₃, nē₁jua'₂ dse₃ jme₁ne₁, ján₃ bá₄ le₂jaun₂ co₂'nió'₄ tág₅ bá₄ si₂ ta₁jang'₂; 23 la₁ nē₁jua'₂ tsá₃ dse₃ jme₁ne₁, ta₁jang'₂ bá₄ lě₅ qui₁né'₃. Nē₁jua'₂ si₂ quiáng'₂ nē₃, chí'₅ chi₁liá'₃, i₁'e₂ guē₄ 'ŋio₅ juē'₂ lě₅ qui₁né'₃ nē₁jua'₂ le₂jaun₂!

Ju₁lia'₂ a₂'nio₃ dsa₂ Diú₄, a₂'ín₅ guē'₂ dsí₅ cu₄ nē₃

(Lucas 16:13)

24 "I₁jan₂ tsá₃ 'ein₂ lé₂ jme₃ti₃ ta₁ ne₄ on₃ juí₅₄; ia₁ jme₃'ŋiai₅₄ jan₂, i₂jan₂ guē'₂ jme₃nio₃. O₃ náu₃ tiá₂ quián'₅₄ jan₂, i₂jan₂ guē'₂ tsá₃ le₃jein₅₄. Tsá₃ 'ein₂ lé₂ jme₃ti₃ ne₄ Diú₄, le₂jio₅ ne₄ a₂'ín₅ dsí₅ cu₄ nē₃.

Jmo₅ Diú₄ 'í₁ chi'₂-guein₂ quiáin₅

(Lucas 12:22-31)

25 'Jaun₂ nē₃ juí₂ jniá₂ 'nia'₂: Tsá₃ lē₁can₂ 'nia'₂ o₂i₁ dsi₅ jua'₅₄ a₂ŋí₄ 'i₅ 'au'₂ 'e₂ quē'₅₄, o₃ 'e₂ 'ag'₅₄ tē₁lia'₂ chang'₂, on₃ guē'₂ o₄quió'₄ ni₁ŋi₁ 'nia'₂, 'e₂ 'mí'₂ a₂qui'₅₄. ¿Tsa₁ quen₅ guē₄ jme₂dsí₂ a₂chan₂ dsa₂ lia'₂ con'₂ guē₄ má₃? 26 Jín₄ de'₂ 'nia'₂ ju₁lia'₂ i₁tan₅ i₂i₂nio₄ guei'₅₄: tsá₃ 'e₂ jne₂₃, on₃ guē'₂ 'e₂ cá₅g'₅, jua'₅₄ a₂dsia₂₃ lo'₂; la₁ Néi'₅ 'nia'₂ i₂guá₅ guei'₅₄ i₂juí₃ qui₂jme₂tau₅₄. Jaun₂ nē₃, ¿Tsa₁ quen₅ guē₄ 'nia'₂ lia'₂ con'₂ guē₄ já'₂ 'éi₂? 27 ¿'Ein₂ 'nia'₂, tē₂le₃ ia₁ a₂ŋí₄ 'i₅ 'au'₂, lé₂ le₃jmó'₂ 'nia'₂ a₂lé₂ le₃chang'₂ caun₂ hora ŋag₅₄ guē₄?‡

† 6:13 A₂lín₅₄ chog₅₄ si₂ juá'₂: "lio₄ bá₄ jnia'₅₄ ne₄ a₂'lig'₅₄;" a₂siá'₂ juá'₂ bá₄ ján₃: "ia₁ 'ne₂ bá₄ ca₂'ting'₂ gong'₂, qui₂dsi'₂ 'éi'₃, a₂jme₃juag'₂ dsa₂ nē₃, co₂tan₅₄." ‡ 6:27 A₂lín₅₄ chog₅₄ si₂ juá'₂: "a₂lé₂ le₃i₃con'₅₄ 'nia'₂ caun₂ lē₂."

28 '¿'E₂ 'uig₅₄ a₂ñí₄ lē₃ 'i₅ 'au'₂ 'nia'₂ jui₁lia'₂ o₄quió'₄ 'mi'₂ a₂qui'₅₄? Jag₄ de'₂ 'nia'₂ jui₁lia'₂ 'a₂ lia'₂ dsi₂cón₃ lí₁ a₂cha₂ ja₁nau₂; on₃jua'₅₄ i₂jmo₅ ta₁ 'ua'₂, on₃ guē'₂ 'me₂₃; 29 la₁ juí₂ jniá'₂ 'nia'₂, ca₂lia'₂ jnia'₅₄ Rag₅₄ Salomón lia'₂ con'₂ jme₁quí'₅ tsin'₅₄ a₂jlá'₁ guē₄, tsá₃ ca₂rē₃jláin'₁ jui₁lia'₂ jlá'₁ lí₁. 30 Jaun₂ ně₃, chi₂jua'₂ Diú₄ le₂nē₅ jmo₂₃ jlá'₁ nau₂ a₂cha₂ jmig₄ ně₃, la₁ 'ióg₃ guē'₂ dsi₃'én₂ dsi₂si₂, i'ē₂ guē₄ bá₄ 'nia'₂ dsa₂ tsá₃ lin₄ 'én₂ jmo₃ 'í₁ qui₃chein'₃ 'nia'₂ dse₃! 31 Jaun₂ le₂nē₅, tsá₃ lē₁can₂ 'nia'₂ o₂i₁ dsi₅, jua'₅₄ a₂qui₁ñag'₅₄ 'nia'₂: “¿'E₂ que₅₄ jniog₄?” o₃ “¿'E₂ 'ne'₅₄ jniog₄?” o₃ “¿'E₂ 'mi'₂ qui'₅₄ jniog₄?” 32 Ia₁ dsa₂ mi₂güig₃ bá₄ i₂nio₄ qui₂'en₅ 'ín₅ dsi₅ ca₂le₃jě₃ a₂nē₅. I₂ñi₅ bá₄ Néi'₅ 'nia'₂ i₂guá₅ guei'₅₄, a₂'nió'₅ quián'₂ 'nia'₂ le₃jě₃ a₂nē₅. 33 La₁ jmo₄ de'₂ jniá'₅ 'nia'₂ 'ín₅ 'au'₂ a₂jiá'₃ 'éi'₃ quió'₅ Diú₄ ja₁cong'₂, quian'₅₄ a₂jmó'₂ 'nia'₂ ca₂le₃jě₃ a₂dse₃ a₂tē₅ dsi₅ 'éi₂, jaun₂ guē₄ guéi'₁ 'nia'₂ le₃jě₃ a₂nē₅ a₂ñag₅₄ guē₄. 34 Tsá₃ lē₁can₂ 'nia'₂ o₂i₁ dsi₅ jaun₂, o₄quió'₄ jmig₄ 'ióg₃, ia₁ jma₃quén₅ o₂i₁ dsi₅ cha₂ bá₄ lia'₂ co₂jmig₄ lia'₂ co₂jmig₄.

7

Tsá₃ lē₁caun₂ 'nia'₂ 'í₁ quió'₅ i₂sián'₂
(Lucas 6:37-38, 41—42)

1 'Tsá₃ lē₁caun₂ 'nia'₂ 'í₁ quió'₅ ríng'₂, ia₁jaun₂ tsá₃ con₂ Diú₄ 'í₁ ja₁con'₂ 'nia'₂ guiong'₅₄. 2 Ia₁ le₂nē₅ bá₄ con₂ Diú₄ 'í₁ ja₁con'₂ 'nia'₂ guiong'₅₄ jui₁lia'₂ caun'₂ 'nia'₂ 'í₁ ja₁con'₂ ríng'₂. Quian'₅₄ 'éi'₃ a₂dsia'₂ 'nia'₂, 'éi'₃ jaun₂ bá₄ dsiog₃ Diú₄ quián'₂ 'nia'₂ guiong'₅₄.

3 '¿'A₂ lia'₂ jniag'₃ 'ne₂ jag'₅₄ jme₁qui₅ pí'₁ a₂'i₄ jme₁ne₁ ríng'₂, ton'₂ tsá₃ leng'₅₄ guē'₂ a₂'i₄ ca₂'nau₅₄ ni₁chá₅ pa₁ jme₁ne₁ 'ñiag'₂? 4 ¿O₃ 'a₂ lia'₂ lé₂ le₃juig'₅₄ ríng'₂: “Cuē₄ jmig₄ dsi₄ jniá'₂ jme₁qui₅ pí'₁ a₂'i₄ jme₁ne₁,” ton'₂ ně₅ bá₄ chi₁'i₁ ca₂'nau₅₄ ni₁'ma₂ chá₅ jme₁ne₁ 'ñiag'₂? 5 i'Ne₂ dsa₂ i₂lē₁jmo₅ o₁ne₁! Dsi₄ de'₂ jniá'₅ ni₁'ma₂ chá₅ mi₂ne₅₄ 'ñiag'₂, jaun₂ guē₄ lé₂ le₃jag'₅₄ rē₂, jaun₂ guē₄ lé₂ dsi'₁ qui₅ pí'₁ jme₁ne₁ ríng'₂.

6 'Tsá₃ cuē'₂ 'nia'₂ jui₁lia'₂ dsi₂ji'₅₄ a₂lē₅ a₂jnió₅ quió'₅ jme₂dsi₂, ia₁ con'₂ tsá₃ ñó₅ ně₅jua'₂ ja₂dsiin₂ a₂jmo₃ le₁juig₁ quiáng'₂. Ján₃ bá₄ tsá₃ dsia₂ 'nia'₂ jui₁lia'₂ míg₂ jlá'₁ a₂quen₅ quiáng'₂ ne₄ i₁ñí₅, con'₂ tsá₃ ñó₅ ně₅jua'₂ qui₂ca₂tsó'₃, jme₃ 'ióg₃.

Jui₁lia'₂ dsa₂ i₂mi₅, i₂'no'₂, i₂tě₂ ně₃.
(Lucas 11:9-13; 6:31)

7 'Mi₄ 'nia'₂ ne₄ Diú₄, jaun₂ guéi'₁ 'nia'₂; 'nio'₂ 'nia'₂, jaun₂ bá₄ dsiang'₂; té₃ 'nia'₂ o₄'né₄, jaun₂ bá₄ niá₂. 8 Ia₁ jui₁lia'₂ i₂mi₅, gue₃ bá₄; jui₁lia'₂ i₂'no'₂, dsio'₂ bá₄ ján₃; ján₃ bá₄ le₂jaun₂, quió'₅ jui₁lia'₂ i₂tě₂ o₄'né₄, niá₂ bá₄.

9 '¿O₃ chan₂ jui₁lia'₂ 'ein₂ 'nia'₂, jme₁mi₅ chi'₂ quiáng'₂ i₁ñí'₄, cuē'₂ 'nia'₂ ca₂míg₂ ni₁cang₁? 10 ¿O₃ chan'₂ 'nia'₂ jē₁ma₂ca₂mi₃ chi'₂ quiáng'₂ quió'₅ ju₄, cuín'₄ 'nia'₂ dsi₂mi₂? 11 Jaun₂ ně₃, chi₂jua'₂ 'nia'₂ dsa₂ i₂rē₂cán'₄ dso₄ ting'₂ cuē'₂ cosa dse₃ chi'₂-guein₂ quiáng'₂, i'ē₂ guē₄ bá₄ Néi'₅ 'nia'₂ i₂guá₅ guei'₅₄ cuē₃ a₂dse₃ cuē'₃ jui₁lia'₂ i₂mi₅ ja₁coin₂!

12 'Uig₅₄ jaun₂ ně₃, jmo₄ bá₄ 'nia'₂ quian'₅₄ dsa₂ mi₂güig₃ ríng'₂ jui₁lia'₂ 'e₂ a₂'niog'₂ 'nia'₂ jmo₃ 'éi₂ quian'₅₄ 'nia'₂; ia₁ a₂nē₅ bá₄ ta₁ qui'₅ ca₂le₃jě₃ Si₂ 'Éi'₃, quian'₅₄ guē₄ Si₂ a₂qui₂ca₂jmo₃ dsa₂ i₂jme₁'ē₂ jág₁ quián₅ Diú₄.

O₄jui₅ dsag₂
(Lucas 13:24)

13 'Tión'₂ 'nia'₂ tē₂le₃ o₄jui₅ dsag₂. Ia₁ a₂'í₂ juē'₂ bá₄ ja₁dsi₂ton'₅₄ dsa₂ jui₅ a₂jiog₅ ja₁dsi₃'éin₂. Ja₂lin₃ guē₄ juin₅ dsa₂ i₂dsi₂ton'₅₄ jui₅ jaun₂; 14 ia₁ caun₂ o₄jui₅ dsag₂

rě₂quí' ₅ bá₄ ja₁i₂nió₄ dsa₂ a₂dsi₁lein₅ ja₁le₃chan₂ jme₂dsí₂, jaun₂ tsá₃ lín₄ juin₅ i₂dso' ₂ jui₅ jaun₂.

Tě₂le₃ quian' ₅₄ mīg₂ a₂'ag₅ bá₄ ni' ₁ma₂, jáng' ₅ léi₄
(Lucas 6:43-44)

¹⁵ 'Jmo₄ 'nia' ₂ 'í₁ jaun₂ tsá₃ jme₃gau₅ dsa₂ i₂i₂nió₄ 'ě₂ jág₁ a₂jui₁gain₂, i₂ja₂lén₂ ja₁con' ₂ 'nia' ₂ qui₂rě₂lín₅₄ a₂lín₅ já' ₂ cha' ₂, la₁ tě₂le₃ né' ₃ tě₂dsí' ₅ lín₅ jui₁lia' ₂ lín₅ dsí₂ji' ₅₄ ná₂ tsau₂ dsí' ₅. ¹⁶ La₁ tě₂le₃ 'a₂ lia' ₂ jmo₅-dsá₅ bá₄ le₃cuin' ₂ 'nia' ₂; ia₁ tsá₃ guei' ₅₄ chi₁uín₃ taun₅ quin₅ dsa₂ jui₁lia' ₂ mīg₂ uvas. On₃ guě' ₂ lé₂ le₃quin₃ dsa₂ mīg₂ higos guei' ₅₄ 'ma₂ taun₅ jmí' ₅₄. ¹⁷ Jaun₂ ně₃, ca₂le₃jě₃ 'ma₂ dse₃, mīg₂ dse₃ bá₄ 'ag₅; ján₃ bá₄ le₂jaun₂ jui₁lia' ₂ ni' ₁ma₂ 'lig' ₅₄, mīg₂ 'lig' ₅₄ bá₄ 'ag₅. ¹⁸ Jui₁lia' ₂ ni' ₁ma₂ dse₃, tsá₃ lé₂ le₃'ag₃ mīg₂ 'lig' ₅₄; ján₃ guě' ₂ le₂jaun₂ tsá₃ lé₂ le₃'ag₃ mīg₂ dse₃ jui₁lia' ₂ ni' ₁ma₂ 'lig' ₅₄. ¹⁹ Ca₂le₃jě₃ ni' ₁ma₂ a₂tsá₃ 'ag₅ mīg₂ dse₃, jñia' ₅₄ lia' ₂ a₂uín' ₂ bá₄, dsí' ₂ dsí₂si₂. ²⁰ Jaun₂ le₂ně₅ bá₄ le₃cuin' ₂ 'nia' ₂: tě₂le₃ 'a₂ lia' ₂ lě₅ jmo₂₃.

Tsá₃ ca₂le₃jín₃ tñ' ₄ ja₁gon₂ Diú₄.
(Lucas 13:25-27)

²¹ 'Tsá₃ ca₂le₃jín₃ i₂tě₂ jniá₂: “Te₁gui' ₅₄, Te₁gui' ₅₄,” dsi₁lein₅ guei' ₅₄ i₂juíg₃ ja₁gon₂ Diú₄; jñia' ₅₄ lia' ₂ jmá' ₃ i₂jmo₅ a₂'ñio₂ dsí' ₅ Ne' ₃ i₂guá₅ guei' ₅₄ bá₄ dsi₁len₅. ²² Juin₅ dsa₂ lé₂ jmíg₄ jaun₂ i₂juá' ₂ tság₃ jniá₂: “Te₁gui' ₅₄, Te₁gui' ₅₄, ma₂qui₂ca₂'ě₄ jnia' ₅₄ jág₁ o₄quián' ₂ 'ne₂. Quian' ₅₄ bí' ₃ 'éi' ₃ quiáng' ₂ ně₃, ma₂qui₂ma₂'uin' ₅₄ jnia' ₅₄ je₂na' ₅₄, ma₂qui₂ma₂jmo₁ jnia' ₅₄ 'lióng₂ léi₄ juě' ₂ ně₃.” ²³ La₁ jaun₂ guě₄ ně₃ juig₅₄ jniá₂: “O₁líg' ₂ tsá₃ 'nia' ₂ ca₂rě₃cuíng₅. Cau₅ jñia' ₃ 'nia' ₂ i₂jmo' ₂ a₂'lig' ₅₄.”

Ta₁tñ₃ ne₅₄ 'uig' ₅₄
(Marcos 1:22; Lucas 6:47-49)

²⁴ 'Jaun₂ ně₃, ca₂le₃jín₃ jui₁lia' ₂ dsa₂ i₂nag₅ jág₁ quió₃, jmo₂₃ a₂juíg₂ jniá₂, lín₅ jui₁lia' ₂ lín₅ jan₂ dsa₂ i₂ñí' ₂ dsí' ₅ i₂ca₂jmo₃' ₃ 'ne₄ ne₄ 'lau₂. ²⁵ Ca₂já₃ jmí' ₅, qui₂ca₂juě' ₂ jmíg₂ cuá₃, ca₂'ág₂ dsí₂ tiá₂ lín₃ ca₂jná₃ 'né₅ jaun₂; la₁ tsá₃ ca₂quí' ₃, ia₁ jme₁chí' ₄ bá₄ 'uig' ₅₄ ne₄ 'lau₂. ²⁶ La₁ ca₂le₃jín₃ jui₁lia' ₂ dsa₂ i₂nag₅ jág₁ quió₃, tsá₃ jmo₂₃ guě' ₂ a₂juíg₂ jniá₂, lín₅ jui₁lia' ₂ lín₅ jan₂ dsa₂ co₄ i₂tsá₃ 'en₅₄ dsí' ₅, ca₂chi' ₃ 'né₅ quió' ₅ ne₄ ti₁tsag₁. ²⁷ Jme₁ca₂já₃ jmí' ₅, ca₂juě' ₂ jmíg₂ cuá₃, ca₂'ág₂ dsí₂ tiá₂ ca₂jná₃ dso' ₂ tsí' ₁ 'né₅ jaun₂; jaun₂ ca₂quí' ₃ ca₂gon₃ gau₂ lín₃.

²⁸ Jme₁ca₂lě₃ juá' ₂ Jesús jág₁ le₂ně₅, 'ñio₅ lín₃ qui₂dsi₂gó' ₃ dsí' ₅ dsa₂ 'a₂ lia' ₂ lě₅ jág₁ a₂jme₂tag₂₃, ²⁹ ia₁ jme₂tag₂₃ jui₁lia' ₂ jan₂ i₂quian' ₅ 'éi' ₃ dsón' ₂, on₃jua' ₅₄ rě' ₂ lia' ₂ tě₅juá' ₅ quiáin₅.

8

Ca₂jme₃'lión₂ Jesús jan₂ dsa₂ i₂lín₅ 'mé' ₅ 'iog' ₅
(Marcos 1:40; Lucas 5:12-16)

¹ Jme₁ca₂sión₃ Jesús má' ₂, juin₅ lín₃ dsa₂ jme₂quiong' ₅₄. ² Jaun₂ ca₂jme₃quián₃ jan₂ dsa₂ dso' ₅₄ i₂lín₅ 'mé' ₅ 'iog' ₅, ca₂chi₃jné₃ ne₄ Jesús, jaun₂ ca₂juá' ₂:

—Chi₂jua' ₂ 'niog' ₂ 'ne₂, Te₁gui' ₅₄, lé₂ bá₄ jme₁'lio' ₅₄ jniá₂.

³ Jaun₂ Jesús ně₃ ca₂néi' ₃ gu₂, ca₂jñā' ₃ quió' ₅ dsa₂ 'éi' ₂, jaun₂ ca₂juá' ₂:

—'Nio₃ bá₄ jniá₂. Jme₁'lióng₅₄ 'ne₂.

Dsi₂jui₅ jme₁ca₂juá' ₂ le₂ně₅, ca₂'lón₂ dsa₂ 'éi' ₂ 'mé' ₅ 'iog' ₅ a₂jme₁lín₄. ⁴ Jaun₂ ca₂juá' ₂ Jesús:

—Ně₃ jaun₂, tsá₃ lē₁'ein₂ juig'₂ 'i₁jan₂; jnia'₅₄ lia'₂ guan'₂ o₂jme₁jnia₅ ne₄ jme₂dsa₂, jaun₂ o₂jen'₅₄ a₂'nió'₅ jme₁ti'₄ con'₂ lě₅ 'Éi'₃ quió'₅ Moisés, ia₁jaun₂ le₃ŋi₅ dsa₂ a₂ma₂le₁jíng'₃.*

*A₂ lia'₂ jme'₁én₂ jan₂ juig'₅₄ 'lióg₂ romano
(Lucas 7:1-10)*

⁵ Jme₁ca₂'í₃ Jesús jē₄ juig'₂ Capernaum, ca₂jme₃quián₃ jan₂ juig'₅₄ 'lióg₂ romano coin₂, jaun₂ ca₂mi₃ a₂jme₃'o₅₄ 'éi₂, ca₂juá'₂:

⁶ —Te₁gui'₅₄, jan₂ dsó₂ i₂jme₂ti₃ ta₁ ne₃, ron₅ dso'₅₄ ŋág₅ uig₅ ja₁quió'₃; a₂'ua'₂ quió'₅, tsá₃ lé₂ jē'₂ gu₂-tag₅₄. ⁷ Jaun₂ ca₂juá'₂ Jesús:

—Nei₅₄ bá₄ jniá'₂ i₁jme₁'lioin₁₂.

⁸ Jaun₂ ca₂ŋag₃ juig'₅₄ 'lióg₂:

—Te₁gui'₅₄, tsá₃ ca₂tín₂ jniá'₂ jua'₅₄ o₁'ú'₃ 'ne₂ dsi₂néi₂ quió'₃; jnia'₅₄ lia'₂ a₂jme₁jmó'₂ 'éi'₃ bá₄, jaun₂ 'lión₂ dsa₂ 'éi₂ quiáng₃. ⁹ Ia₁ le₂ně₅ bá₄ jniá'₂ 'ŋi₃, chéng'₅ a₂jme₂ti₅₄ 'éi'₃ quió'₅ juig'₃, ján₃ bá₄ le₂ně₅ te₁neg'₅₄ 'lióg₂ i₂niog₅ gu₃, 'e₂ caun₂ 'nio₃ jniá'₂ lé₂. Nē₁jua'₂ ca₂juig'₂ jniá'₂: “Gua₂jó₄”, ja₁jaun₂ dsó₃ bá₄; nē₁jua'₂ ca₂juig'₂ jniá'₂ i₂sián'₂ guē'₂ táng₃: “Nia₅”, jiá₃ bá₄. Nē₁jua'₂ ca₂juig'₂ jniá'₂ dsa₂ sián'₂ quiáng₃: “O₂jmo₄ a₂la₂ a₂ó₃”, a₂jaun₂ dsi₃jmó₂ bá₄.

¹⁰ Jme₁ca₂nág₂ Jesús a₂juá'₂ dsa₂ 'éi₂, ca₂i₃gó'₃ dsí₅, jaun₂ ca₂tsí'₃ dsa₂ i₂jme₁quian'₅₄:

—A₂dsi₂jó'₃ juá'₅ jniá'₂ juig'₂ 'nia'₂, ca₂lia'₂ 'i₁jan₂ dsa₂ juig'₂ Israel, tsá₃ i₂ma₂jín₄ jniá'₂ i₂én₂ guē'₄ lín₃ lia'₂ 'én₂ dsa₂ la₂. ¹¹ Jniá'₂ juig'₂ 'nia'₂, juin₅ dsa₂ i₂qui₂ja₃lén₂ ca₂le₂con₂ gua'₅₄ 'uē₃, a₂tiain'₃ co₂lě₅ guē'₃ quian'₅₄ Abraham, quian'₅₄ Isaac, Jacob ně₃ ja₁gon₂ Diú₄ guei'₅₄ i₂juig'₃; ¹² la₁ dsa₂ i₂jme₁ca₂tín₂ tón'₃ ja₁gon₂ Diú₄, dsi₃toin'₅₄ jē₄ qui₁né'₃ uíng₂, qui₂dsi₃'áu₃, quíg'₃ jan₅₄.

¹³ Jaun₂ ca₂juá'₂ Jesús ca₂tsí'₃ juig'₅₄ 'lióg₂:

—Guan'₂ dsi₂néi₂ quiáng'₂. Lé₂ bá₄ con'₂ lě₅ 'éng'₂.

Dsón'₂ rē'₂ hora jaun₂ ca₂'lón₂ dsó₂ mozo quián₅ dsa₂ 'éi₂.

*Ca₂jme₃'lión₂ Jesús ma₂chog₅₄ Pe₄.
(Marcos 1:29-31; Lucas 4:38-39)*

¹⁴ Co₂ráun₂ ŋó₃ Jesús ja₁quió'₄ Pe₄. Ja₁jaun₂ jme₁rē₂quian₅ ma₂chog₅₄ Pe₄ a₂dso'₅₄ 'i₄ dséi₂. ¹⁵ Jaun₂ ca₂jŋa'₃ Jesús gu₂ dsa₂ dso'₅₄, jaun₂ dsi₂jui₅ le₂jaun₂ bá₄ ca₂o₃'ág₃ dséi₂. Jaun₂ ca₂nau₂ ma₂chog₅₄ Pe₄ ca₂jme₃lióg₃ ca₂jme₃ti₃ ta₁ ne₄ mesa, a₂ag'₃.

*Ca₂jme₃'lión₂ Jesús juin₅ lín₃ dsa₂ dso'₅₄
(Marcos 1:32-34; Lucas 4:40-41)*

¹⁶ Le₃ca₂nei₂ jaun₂, juin₅ lín₃ dsa₂ i₂jio₅ jme₂dsí₂ je₂na'₅₄, ca₂o₃jnia₃ dsa₂ ne₄ Jesús; jaun₂ quian'₅₄ ca₂jon₄ jág₁ bá₄ ca₂'uíin'₂ jme₂dsí₂ 'lín'₅₄. Jaun₂ ca₂jme₃'lióin₂ ján₃ ca₂le₃jín₃ dsa₂ dso'₅₄. ¹⁷ Le₂ně₅ bá₄ ca₂rē₃ti₃ jág₁ quió'₅ Isaías i₂jme₁'ē₂ jág₁ o₄quió'₄ Diú₄ jme₁ca₂juá'₂:

'Éi₂ bá₄ ca₂jŋiá'₂ a₂jme₁'uau₅₄ jniog₄,

'éi₂ bá₄ ca₂can₃ guei₂ jmi₁uig₅ quián₂ jniog₄.†

*Dsa₂ i₂jme₁'nio₃ jme₃quian'₅₄ Jesús
(Lucas 9:57-62)*

¹⁸ Jme₁ca₂jág₃ Jesús juin₅ lín₃ dsa₂ le₁lio₃, jaun₂ ca₂jmo₃ 'éi'₃ a₂ŋí₃ dsa₂ quiáin₅ tē₂le₃ 'ŋo'₅₄ jmi₁ŋí'₄. ¹⁹ Jaun₂ ca₂jme₃quián₃ jan₂ tē₅juá'₅ coin₂, jaun₂ ca₂juá'₂:

—Tē₅, nei₅₄ jniá'₂ quian'₅₄ 'ne₂ ca₂le₂con₂ ja₁gog'₅₄.

* **8:4** 'Í₂ Levítico 14. † **8:17** Isaías 53:4.

20 Jaun₂ ca₂ŋag₃ Jesús:
—I₂cha₂ tē₂'lau₂ quió'₅ bá₄ jui₁lia'₂ i₁güi₅, ján₃ bá₄ le₂jaun₂ jui₁lia'₂ i₁tan₅ i₂'in₅ guei'₅₄, i₂tio'₅₄ tsag₄ bá₄ 'éi₂. La₁ Jaun₅ dsa₂ mi₂güig₃ ně₃, tsá₃ ja₁cha₂ jua'₅₄ ja₁quióg₃ ca₂tiá₂.

21 Jan₂ guē'₂ i₂sián'₂ i₂jme₁ma₂ŋó₅ quiong'₅₄ ca₂juá'₂:
—Te₁gui'₅₄, ħtsa₁ cuē'₁ jmig₄ a₂nég'₄ i₁'ong₃ de'₂ jñiá₅ ŋe'₃?

22 La₁ ca₂ŋag₃ Jesús:
—'Éin₃ 'ne₂ jniá₂, jui₁dsi₂'ón₃ bá₄ 'lag₄, 'lag₄ riin'₅₄.

Ca₂jmo₃ Jesús ca₂'ág₂ tei₄ jm₁ñí'₄, ca₂jñia'₃ dsí₂ ně₃
(Marcos 4:35-41; Lucas 8:22-25)

23 Jaun₂ ně₃, ca₂'í₃ Jesús 'ñió'₃ tsi₁mu₅, quian'₅₄ dsa₂ i₂ma₂quian'₅₄.
24 Jme₁ma₂tioin'₅₄ ne₄ jmig₂, ca₂'ág₂ dsí₂ tiá₂ lin₃ con'₂ tsá₃ jáin₅. Ca₂lia'₂ ma₂dsi₂jain₃ jmig₂ 'ñió'₃ tsi₁mu₅. La₁ jme₁rē₂güin₃ bá₄ Jesús ŋó₅. 25 Jaun₂ ca₂i₁ñei₅₄ bá₄ dsa₂ quiáin₅, jaun₂ ca₂juá'₂:

—i₁Te₁gui'₅₄, lió₄! i₁la₁ dsi₁'éin₂ jñia'₅₄† ja₁lá₃!

26 Jaun₂ ca₂ŋag₃ Jesús:
—ħ'E₂ lē₃ ŋí₄ lē₃ gan'₃ 'nia'₂ dsa₂ i₂tsá₃ lin₄ 'én₂?
Jaun₂ ca₂nau₂ ca₂jéin₂ dsí₂, jm₁ñí'₄ ně₃, jaun₂ co₂ñei'₅₄ ca₂tē₁tsi'₅₄ táng₃ tei₄.

27 Jaun₂ ca₂i₃gó'₃ dsí₅ dsa₂, qui₂ca₂ñí'₃ riin'₅₄:
—ħI₂'ein₂ bá₄ dsa₂ ně₅, le₂jio₅ dsí₂ le₂jio₅ jm₁ñí'₄ nag₅ gau₅ jág₁ quió'₅?

Dsa₂ i₂chan₂ Gadara i₂jme₁tion'₅₄ je₂na'₅₄ tē₂dsí₅
(Marcos 5:1-20; Lucas 8:26-39)

28 Jme₂ca₂dsióg₃ Jesús le₃ca₂ton₂ jm₁ñí'₄, tē₂le₃ 'uē₃ Gadara, § jaun₂ ca₂'uin₂ on₃ dsa₂ jē₄ le₁'on₅ 'lag₄, jaun₂ ca₂jme₃quiáin₃ con₂ Jesús. Le₃on₃ dsa₂ 'éi₂ jme₁jio₅ je₂na'₅₄, jaun₂ 'ñio₅ lin₃ jme₁tsau₂ dsí₅, 'i₁jan₂ dsa₂ tsá₃ 'ein₂ lé₂ le₃ñí₃ jui₅ jaun₂. 29 Jaun₂ ca₂tóin'₂ co₂mi'₅₄ ca₂juá'₂ tiá₂:

—ħ'E₂ 'uig₅₄ tián'₅ 'ne₂ jē₄ quian'₅₄ jñia'₅₄, Jesús Ja₁ñi'₅₄ Diú₄? ħA₂ñe'₃ 'ne₂ ja₁lá₃ a₂jmog'₅₄ jñia'₅₄ tē₃jñiá₅?

30 Me'₂ cau₅ jaun₂, jme₁tion'₅₄ juin₅ i₁ñí₅ guē'₅; 31 jaun₂ qui₂ca₂mi₃ je₂na'₅₄ ne₄ Jesús, ca₂juá'₂:

—Chi₂jua'₂ 'uag'₅₄ jñia'₅₄ ja₁lá₃, chei₅ jñia'₅₄ dsi₁tió'₄ quió'₅ i₁ñí₅ 'o₃.

32 Jaun₂ ca₂juá'₂ Jesús:

—O₂nó'₅ 'nia'₂.

Jaun₂ ca₂'uin₂ jme₂dsí₂ 'lin'₅₄ tē₂dsí₅ dsa₂ 'éi₂, jaun₂ ca₂i₃toin'₅₄ tē₂dsí₅ i₁ñí₅. Dsi₂jui₅ le₂jaun₂ bá₄ ca₂i₁nio₁ co₂chi'₅₄ i₁ñí₅ cuing₂₃ jui₅ siá₅, jaun₂ ca₂i₁sein'₃ tē₂ jm₁ñí'₄. Ja₁jaun₂ ca₂dsain₃ ca₂'in'₃ jmig₂.

33 Dsa₂ i₂jme₁jmo₅ 'í₁ i₁ñí₅ ně₃ ca₂cuing₃. Jme₁dsi₃lein₃ jē₄ juig₂ ca₂dsia₃ a₂ca₂lē₃ jaun₂, quian'₅₄ a₂ca₂lē₃ quian'₅₄ dsa₂ i₂jme₁tion'₅₄ je₂na'₅₄ ně₃.

34 Ca₂le₃jín₃ dsa₂ chan₂ juig₂ jaun₂ ně₃ ca₂'uin₂ i₃léin₂ ja₁'en₅₄ Jesús. Jaun₂ jme₁ca₂jín₂ Jesús ně₃, ca₂chi₃quióng₂ jmig₄ a₂o₃'iin₅ le₂con₂ jaun₂.

9

Ca₂jme₃'lión₂ Jesús jan₂ dsa₂ 'lian'₂
(Marcos 2:1-12; Lucas 5:17-26)

1 Jaun₂ ca₂'í₃ Jesús 'ñió'₃ tsi₁mu₅, ca₂ñí₃ le₃'ño'₅₄ jm₁ñí'₄, jaun₂ ca₂dsiáin'₃ juig₂ ja₁jme₁guá₄. 2 Jaun₂ ca₂o₃jñia₃ dsa₂ jan₂ dsa₂ 'lian'₂, dsin₂ ne₄ tsi₁jain₁. Jme₁ca₂jág₃ Jesús a₂'én₂ dsa₂ 'éi₂ 'ñio₅ lin₃, ca₂tsí'₃ dsa₂ dso'₅₄:

† 8:25 o₃, “jniog₄.” § 8:28 A₂lin₅₄ chog₅₄ si₂juá'₂: “Gerasa”; a₂siá'₂ guē'₂ ně₃, juá'₂: “Gergesa.”

—Jmo₄ lían'₂ 'au'₂, jón₃; ma₂rē₂'én₄ bá₄ dsáu'₂.

³ Jaun₂ ca₂i₃jio₅ dsí₅ i₂lin₅₄ tē₅juá'₅: “A₂'in₅ 'lig'₅₄ Diú₄ bá₄ i₂nē₅ a₂juá'₂ le₂nē₅.”

⁴ La₁ i₂ñi₅ rē₂ bá₄ Jesús a₂dsi₂jio₅ dsí₅ dsa₂ 'éi₂, jaun₂ ca₂juá'₂:

—¿'E₂ lē₃ dsi₂jio₅ 'au'₂ 'nia'₂ 'lig'₅₄ le₂nē₅? ⁵ ¿Na₂ a₂'ua₁ guē₄ ta₁ jua'₅₄ a₂jme₁juig₅₄ jniá'₂ dsa₂ la₂: “Ma₂rē₂'én₄ bá₄ dsáu'₂”, o₃ a₂jme₁juig₅₄ 'e₂ jniá'₂: “Nau₂, ñi₄?” ⁶ Dse₃ jaun₂. La₂ jmo₅₄ jniá'₂ jaun₂ le₃ñi'₅₄ 'nia'₂ a₂'io₅ 'éi'₃ Jaun₅ dsa₂ mi₂güig₃ ne₄ gua'₅₄ 'uē₃ a₂qui₃'éin₂ dsáu₁ dsa₂.

Jaun₂ guē₄ ca₂juá'₂ ca₂tsí'₃ dsa₂ 'lian'₂:

—Nau₂, quion₂ tsi₁jein₁ quiáng'₂, guan'₂ ja₁quiáng'₂.

⁷ Jaun₂ ca₂nau₂ bá₄ dsa₂ 'éi₂, ca₂ñái'₃ ja₁quió'₄. ⁸ Jme₁ca₂jág₃ dsa₂ a₂ca₂lē₃ jaun₂, ca₂i₃gó'₃ dsí₅, jaun₂ ca₂jme₁juin'₂ Diú₄ ne₄ 'uig₅₄ ia₁ a₂ma₂cuē₃ bí₂ jaun₂ ma₂cuē'₃ jan₂ dsa₂ mi₂güig₃.

Ca₂tē'₃ Jesús Mateo

(Marcos 2:13-17; Lucas 5:27-32)

⁹ Ca₂o₃'ín₃ bá₄ Jesús ja₁jme₁'ein₅₄ jaun₂. Ja₁ñó₄ jaun₂, ca₂jñin₂ jan₂ dsa₂ i₂chen₂ Mateo, guá₅ caun₂ dsi₂néi₂ cán₂ 'lia'₅₄ o₄quió'₄ dsi₂tan₅₄. Jaun₂ ca₂juá'₂ Jesús ca₂tsí'₃ 'éi₂:

—'Ein₃ jniá'₂.

Jaun₂ ca₂nau₂ bá₄ Tē₅₄, ca₂jme₃quiong'₅₄.

¹⁰ Ca₂lē₃ jme₁ma₂'en₅₄ Jesús guē'₅ dsi₂néi₂ quió'₅ Tē₅₄, ca₂dsi₃lén₂ juin₅ guē₄ dsa₂ i₂cán₂ cu₄ riin'₅₄, dsa₂ “i₂le₁cán'₄ dso₄” sián'₂ guē₄ ně₃, ca₂i₃toin'₅₄ i₁guē'₂ quiain'₅₄ Jesús, quiain'₅₄ dsa₂ i₂ma₂quiain'₅₄ ně₃. ¹¹ Dsa₂ fariseos ně₃, jme₁ca₂jág₃ a₂nē₅, jaun₂ ca₂ñí'₃ dsa₂ quián₅ Jesús:

—¿'A₂ lia'₂ guē'₅ tē₅ quián'₂ 'nia'₂ co₂lē₅ quian'₅₄ dsa₂ i₂cán₂ 'lia'₅₄ quián₅ dsi₂tan₅₄, dsa₂ i₂le₁cán'₄ dso₄ ně₃?

¹² Ca₂nág₂ Jesús jág₁ jaun₂, jaun₂ ca₂juá'₂:

—On₃jua'₅₄ dsa₂ i₂qui₁le₁'ág₄ dse₃ dsí₅ i₂'nió'₅ tē₅mí₅ quió'₅; tē₂le₃ ja₁con₂ dsa₂ i₂le₁dso'₅₄ bá₄ 'nió'₅ quió'₅. ¹³ O₂nó'₅ 'nia'₂ o₂jme₁tin₅ 'e₂ jein₅ jág₁ la₂ tio'₅₄ ne₄ Si₂: “A₂'nio₃ jniá'₂ dsiá'₁ 'nia'₂ ñéi₂ 'au'₂ dsa₂ mi₂güig₃ ríng'₂, on₃jua'₅₄ rē'₂ a₂ñia'₅₄ qui₁jen'₄ 'nia'₂ 'e₂ qui₁jen'₄ ne₃.”* Ia₁ tsá₃ ta₁ jaun₂ guio₃ jniá'₂ jua'₅₄ a₂tē₄ dsa₂ dsen₃; a₂tē₄ dsa₂ i₂le₁cán'₄ dso₄ bá₄ jniá'₂ guio₃.

Ca₂ñí'₃ dsa₂ Jesús ju₁lia'₂ jág₁ a₂jme₂'in₅₄ dsa₂

(Marcos 2:18-22; Lucas 5:33-39)

¹⁴ Jaun₂ ca₂dsi₃lén₂ dsa₂ i₂jme₁i₂nio₄ quian'₅₄ Juan₅₄ i₂chon₅ dsa₂ jmig₂ ca₂jme₃quiáin₃ ne₄ Jesús, jaun₂ ca₂ñag₃:

—¿'A₂ lia'₂ jme₂'in₅₄ bá₄ dsa₂ fariseos, le₂jaun₂ guē'₂ jnia'₅₄ ně₃, la₁ dsa₂ i₂quian'₅₄ 'ne₂ guē'₂ tsá₃ jme₂'iin₅₄?

¹⁵ Jaun₂ ca₂ñag₃ Jesús:

—¿Lé₂ le₃tón'₃ 'lia'₂ dsí₅ ju₁lia'₂ dsa₂ i₂té₁ ja₁niog₅ jmig₄ ja₁jen'₂ gu₂ dsa₂, chi₂jua'₂ jaun₂ bá₄ guá₅ guē'₂ dsa₂ ñe'₂ i₂jen'₂ gu₂? Já₅ jmig₄ jē₁tsá₃ ma₃dsa₂ i₂jen'₂ gu₂ 'éi₂ chan₂ lé₂; jaun₂ guē₄ tóin'₃ jme₃'iin₅₄.

¹⁶ Ma₁ tsá₃ 'ein₂ tin₂ tióng₅ tsi₁'mí'₂ gui'₅₄ quian'₅₄ 'nau₅₄ tsi₁'mí'₂ 'mí₂. Ia₁ dsán'₅ tsi₁'mí'₂ 'mí₂, jaun₂ juē'₂ guē₄ ja₁gag₂ lē₂. ¹⁷ Ján₃ bá₄ le₂jaun₂ tsá₃ tia'₂ dsa₂ vino 'mí₂ 'ñió'₃ ni₁lau₂ gui'₅₄, ia₁ ne'₂. Ně₅ bá₄ téin₃ vino, ton'₂ dsí₃'én₂ ni₁lau₂ ně₃ ně₃jua'₂ ca₂jmo₃ dsa₂ le₂jaun₂. Jaun₂ lē₃, 'ñió'₃ lau₂ 'mí₂ bá₄ 'nió'₅ tia'₃ dsa₂ vino 'mí₂, ia₁jaun₂ le₃tin₃ bá₄ lē₂ 'í₁.

* 9:13 Oseas 6:6.

Ja₁mí_g Jairo, quian'₅₄ 'io₅₄ i₂ca₂ní'₃ tsin'₅₄ Jesús
(Marcos 5:21-43; Lucas 8:40-56)

18 Tě₃ 'en₅₄ Jesús dsa₂₃ já_g₁, jme₁ca₂dsióg₃ jan₂ i₂nio_g₅ gu₂ guá'₅ sinagoga. Ca₂chi₃jné₃ ne₄ Jesús, jaun₂ca₂juá'₂:

—Lia'₂ ca₂jon₃† jan₂ chi'₂ dsa₂ mí₂ quiáng₃. La₁ nē₁jua'₂ gog'₅₄ 'ne₂ quian'₅₄ jniá₂ o₁quiog'₂ gog'₂ ne₄ quió'₅, le₃chain₂ bá₄ táng₃.

19 Jaun₂ca₂nau₂ Jesús, jaun₂ca₂ŋó₃ quiaín'₅₄ dsa₂ 'éi₂, lia'₂ jma₃quiaín'₅₄ dsa₂ i₂ma₂ja₂lén₂ quiong'₅₄. 20 Tě₃jě₄ jaun₂, ŋó₃ jan₂ dsa₂ mí₂ i₂dso'₅₄ ma₂guia₃-tín₂ ŋi₂ a₂tín₂. Ca₂jme₃quiaín₃ tě₂le₃ chi₁co'₅₄ quió'₅ Jesús, jaun₂ca₂ní'₂ chei'₅₄ tsin'₅₄ 'éi₂. 21 Ia₁ líin₂: “Tsá₃ nag₅₄ nē₁jua'₂ jnia'₅₄ ní_g'₄ ca₂juig₄ tsin'₅₄, jnia₃ quió'₃.”

22 Jaun₂ca₂jén'₃ Jesús, ca₂jíin₂ 'io₅₄, jaun₂ca₂juá'₂:

—Jmo₄ lián'₂ 'au'₂, jón₃. Ma₂'lóng'₂ bá₄, ia₁ 'éng'₂.

Dsi₂jui₅ le₂jaun₂ bá₄ ca₂jŋia₃ co₂ŋei'₅₄ quió'₅.

23 Jme₁ca₂dsióg₃ Jesús ja₁quió'₄ dsa₂ juig₅₄ sinagoga 'éi₂, jaun₂ca₂jág₃ ma₂tion'₅₄ dsa₂ i₂jmo₅ son₅₄, ma₂tion'₅₄ dsa₂ juin₅ go₂'i₃ ně₃, qui'₂-o₂₃. 24 Jaun₂ca₂juá'₂:

—'Uín'₂ 'nia'₂ ja₁lá₃; tsá₃ rě₂jon₅₄ i₂bě'₅₄ ně₅. Jnia'₅₄ lia'₂ a₂rě₂güin₃ bá₄.

La₁ jnia'₅₄ ca₂ŋág₂ bá₄ dsa₂. 25 Jme₁ma₂'uin'₂ dsa₂, jaun₂ca₂'í₃ Jesús dsi₂néi₂, ca₂jŋa'₃ mi₂gu₂ i₂bě'₅₄, jaun₂ca₂nau₂ bá₄ 'éi₂. 26 Ca₂le₂con₂ juig₂ tio'₅₄ 'uě₃ jaun₂, ca₂i₃'ág₃ já_g₁ a₂ca₂lě₃ jaun₂.

Ca₂jme₃'lión₂ Jesús on₃ dsa₂ ten₄

27 Jme₁o₂'ín₃ Jesús ja₁jaun₂, ca₂'ein₃ on₃ dsa₂ ten₄, ja₂lén₂ tě₂ tiá₂:

—i₂Dsia₄ ŋéi₂ 'au'₂ jnia'₅₄, 'ne₂ tsi₁jon₂ David!

28 Jme₁ca₂'í₃ Jesús dsi₂néi₂, ca₂jme₃quián₃ dsa₂ ten₄ 'éi₂ cau₅ quió'₅. Jaun₂ca₂ŋag₃ Jesús:

—¿'Én'₂ 'nia'₂ a₂lé₂ le₃jme₁'lio₅₄ jniá₂?

Jaun₂ca₂ŋag₃:

—'Éin₂ bá₄ jnia'₅₄, Te₁gui'₅₄.

29 Jaun₂ca₂ní'₃ Jesús gu₂ jme₁ne₁₂ jaun₂ca₂juá'₂:

—Ju₁le₅₄ bá₄ con'₂ lě₅ 'én'₂ 'nia'₂.

30 Jaun₂ca₂lág₃ bá₄ mi₂ne₄ dsa₂ 'éi₂. Jaun₂ca₂jmo₃ Jesús 'éi'₃ ca₂juá'₂:

—Tě₃ŋi'₅₄ 'nia'₂ jnag₅₄ tsá₃ 'ein₂ ju₁le₂ŋi₅ a₂ně₅.

31 La₁ 'éi₂ ně₃, jme₁ca₂'uin₂ jaun₂, ca₂dsia₃ ca₂le₂con₂ ja₁tén₄ 'uě₃ jaun₂ 'e₂a₂ca₂jmo₃ Jesús.

Ca₂jme₃'lión₂ Jesús jan₂ dsa₂ con₄

32 Jme₁ma₂'uin₂ dsa₂ i₂jme₁ten₄ 'éi₂, ca₂o₃lén₂ i₂sián'₂ táng₃ jŋiai₂₃ jan₂ dsa₂ con₄ i₂'en₅₄ jme₂dsi₂je₂na'₅₄. 33 Dsi₂jui₅ jme₁ca₂dsen₅ Jesús je₂na'₅₄, jaun₂ca₂jme₃lióg₃ dsa₂ con₄ 'éi₂ ca₂dsia₃ já_g₁. Dsa₂juin₅ i₂jme₁tion'₅₄ ca₂tě₂ ne₅₄, ca₂i₃gó'₃ dsi₅, jaun₂ca₂dsia₃:

—Ca₂le₂con₂ 'uě₃ Israel la₂, tsá₃ 'ein₂ ma₂ca₂jág₃ a₂le₂ně₅.

34 La₁ dsa₂ fariseos guě'₂ ně₃, ca₂juá'₂:

—Tě₂le₃ quian'₅₄ ju₁i₅bí₂ quió'₅ 'ŋiog₅ juig₅₄ je₂na'₅₄ bá₄, jmo₅ i₂ně₅ 'uín'₂ je₂na'₅₄.

Dsia₅ Jesús ŋéi₂ dsi₅ dsa₂

35 Ca₂ŋi₃ Jesús ca₂le₂con₂ juig₂ ca'₅₄, ca₂le₂con₂ juig₂ pí'₁ ně₃, jme₂tín₂₃ dsa₂ dsi₂néi₂ guá'₅ sinagogas. Jme₁'ě₂ já_g₁ dse₃ ju₁lia'₂ ja₁gon₂ Diú₄. Jme₁jme₂'lióin₂ dsa₂ ca₂le₃jě₃ ne₅₄ dso₄, quian'₅₄ ca₂le₃jě₃ jmi₁ui_g₅ a₂jme₁le₁quian₅ dsa₂.

36 Jme₁ca₂jíin₂ dsa₂, catá'₂ ŋéi₂ dsi₅, ia₁ jme₁chain₂ o₂i₁ dsi₅ ca₂lia'₂ ma₂ja₂'ú'₃

† 9:18 o₃, “ma₂i₁jón₂”, lě₂ le₃jein, já_g₁.

dsí₅ chain₂, në₂jag₄ bá₄ já'₂ cha'₂ i₂tsá₃ chan₂ jmo₃ 'í₁. ³⁷ Jaun₂ në₃ ca₂tsí'₃ dsa₂ i₂jme₁quiain'₅₄:

—Dson'₂ bá₄ dsau₅ 'lióng₂ a₂ca₂rau₂, la₁ tsá₃ juin₅ dsa₂ i₂jmo₅ ta₁ ja₁nau₂.
³⁸ Jaun₂ lë₃, mi₄ 'nia'₂ ne₄ juig₅₄ ja₁nau₂ a₂chein₃ guë₄ juin₅ dsa₂ i₂jmo₃ ta₁ ja₁nau₂ quió'₅.

10

Ca₂quión'₂ Jesús guía₃-tín₂ dsa₂ jë₄ quió'₅ dsa₂ quiáin₅
(Marcos 3:13-19; Lucas 6:12-16)

¹ Jaun₂ ca₂të'₃ Jesús chi'₂ dsi₂guia₃-tín₂ quiáin₅, jaun₂ ca₂cuë₃ bí₂ 'éi'₃ a₂'uín'₂ jme₂dsí₂ 'lin'₅₄, a₂qui₂jme₃'lióin₂ ca₂le₃jë₃ ne₅₄ dso₄ a₂nio₃g₅ lín₅ dsa₂, ca₂le₃jë₃ jmi₁uig₅ në₃.

² Le₂la₂ bá₄ chen₂ ta₁guia₃-tín₂ dsa₂ i₂ca₂quión'₂ Jesús 'éi₂ quiáin₅: Si₂mu₅₄, i₁të'₂ dsa₂ Pe_; quiain'₅₄ Drë₄ ríin'₅₄; Jacobo* quiain'₅₄ Juan₅₄ ríin'₅₄, ja₁ñí'₄ Zebedeo; ³ Fe₂li₄ quiain'₅₄ Bartolomé; To₁má₄ në₃ quiain'₅₄ Të₅₄ i₂jme₁cán₂ 'lia'₅₄ a₂ca₂tín₂ dsi₂tan₅₄; Jacobo i₂lín₅ ja₁ñí'₄ Alfeo; Tadeo në₃; ⁴ Si₂mu₅₄ në₃ i₂të'₂ dsa₂ cananista;† Judas Iscariote në₃, i₂ca₂jín'₂ Jesús.

Ca₂chen₃ Jesús dsa₂ guía₃-tín₂ quiáin₅ a₂ca₂i₁'ë₄ jág₁ dse₃
(Marcos 6:7-13; Lucas 9:1-6)

⁵ Dsa₂ guía₃-tín₂ në₅ bá₄ ca₂chen₃ Jesús jme₁ma₂në₂cuë₃ jág₁ la₂:

—Tsá₃ o₁nó'₅ 'nia'₂ juí₅ 'uë₃ go₄ dsi₂nau₂, on₃ guë'₂ o₂ton'₅₄ 'nia'₂ 'i₁caun₂ juig₂ a₂tén₅ 'uë₃ Samaria. ⁶ Ja₁jaun₂ bá₄ o₂nó'₅ 'nia'₂ ja₁tion'₅₄ dsa₂ i₂lín₅ co₂'nió'₄ já'₂ cha'₂ i₂ma₂i₂cón'₅ i₂chan₂ juig₂ Israel. ⁷ O₂nó'₅ 'nia'₂ qui₂o₂'ë₃ jág₁ dse₃ la₂ chei'₅₄ 'nia'₂ dsa₂, ma₂ja₂quián₃ 'éi'₃ quió'₅ Diú₄. ⁸ O₂jmo₄ 'nia'₂ le₁jín₃ dsa₂ i₂lín₅ 'mé'₅ 'iog₅; ca₂le₃jín₃ guë'₂ i₂lín₅ dso₄ siá'₂ në₃, o₂jme₁'lióin₅₄; o₂jme₁jen'₅₄ 'nia'₂ 'lag₄; o₂'uin'₅₄ 'nia'₂ je₂na'₅₄ quió'₅ dsa₂ në₃. Jaun₂ le₂në₅ juí₁lia'₂ në₂gue'₅₄ 'nia'₂ bí₂ la₂ on₃jua'₅₄ a₂cha₂ 'lia'₅₄, le₂në₅ o₂jmo₄ 'nia'₂ ján₃, o₂cuë'₅₄ dsa₂ bí₂ tsá₃ 'lia'₅₄ cán'₁. ⁹ Tsá₃ 'e₂ cán'₁ 'nia'₂, juí₁lia'₂ a₂'nió'₅ le₂i₄ juí₅, on₃ guë'₂ cu₄nió₃g₄, on₃ guë'₂ cu₄tiog₂, on₃ guë'₂ ñí₁ guéin₂ të₂lau₂ quiáng'₂, ¹⁰ on₃ guë'₂ të₂'mi'₂ jua'₅₄ a₂to'₅₄ lio₅₄ cán'₁. Jmá'₃ co₂dsán'₃ tsín'₂ bá₄ 'nia'₂ cán'₁, tsá₃ cán'₁ 'nia'₂ lau₂ ton₂ tag'₅₄ a₂ñag₅₄ guë'₄ con'₂ a₂ma₂le₁ton₅ tag'₅₄, on₃ guë'₂ 'ma₂'i₅₄; ia₁ juí₁lia'₂ dsa₂ i₂jmo₅ ta₁, ca₂tín₂ bá₄ gue₃ má₃ quió'₅.

¹¹ Jë₁ma₂ca₂dsi₃nó'₅ 'nia'₂ lia'₂ caun₂ juig₂ ca'₅₄ o₃ juig₂ pí'₁ 'e₂, ja₁jaun₂ ñja₄ 'nia'₂ ja₁quió'₄ dsa₂ i₂léi₄ dsen₃ 'ua₁ dsí₅, quió'₅ 'éi₂ tión'₂ 'nia'₂ ca₂lia'₂ ca₂të₂ jmi₃g₄ i₁'uíng'₃ táng₃. ¹² Jë₁ma₂të₂ rë₁tóng'₁ dsi₂néi₂ quió'₅, cuíin₅₄ 'nia'₂ Diú₄ jua'₅₄ 'nia'₂: “Juí₁'ei₅ bá₄ tei₄ dsi₂néi₂ la₂.” ¹³ Në₁jua'₂ dsa₂ dsi₂néi₂ jaun₂ léi₄ gue₂₃ bá₄ lia'₂ i₁rë₂ jág₁, jág₁ quián'₂ 'nia'₂ a₂cuíin'₅ Diú₄, juí₁të₂'ñiá₄ bá₄ 'ei₅ tei₄ ja₁con₂ dsa₂ 'éi₂ dsi₂néi₂ jaun₂. La₁ në₁jua'₂ léi₄ tsá₃ dse₃ le₁'ág₄ dsí₅ dsa₂ gue₂₃ jág₁ quián'₂ 'nia'₂, juí₁të₂'ñiá₄ bá₄ jág₁ 'ei₅ tei₄ jaun₂ ja₁con₂ 'nia'₂ guiong'₅₄. ¹⁴ Në₁jua'₂ cha₂ ja₁lín₅₄ tsá₃ 'nio₃ dsa₂ guein₃ 'nia'₂, on₃ guë'₂ 'nio₃ nag₃ jág₁ quián'₂ 'nia'₂ në₃, co₂ñei'₅₄ 'uín'₂ 'nia'₂ dsi₂néi₂ jaun₂, o₃ juig₂ jaun₂, séi'₃ 'nia'₂ 'liog₂ tag'₅₄. ¹⁵ Ia₁ a₂dsi₂jó'₃ juá'₅ ñniá₂, jë₁ma₂të₂ rë₁qui₃dsí₅ Diú₄ 'éi'₃, 'ñio₅ guë'₄ uig₅ gue₃ dsa₂ juig₂ jaun₂ con'₂ guë'₄ dsa₂ i₂jme₁chan₂ Sodoma quiain'₅₄ Gomorra.‡

Qui₂co₃'ein₃ dsa₂
(Marcos 13:9-13; Lucas 21:12-17)

* **10:2** Jacobo: ján₃ bá₄ chein₂ Santiago. † **10:4** cananista: partido quió'₅ dsa₂ i₂'nio₃ táun₂ 'uë₃ 'éi'₃ quió'₅ Roma. Jma₃quén₅ ca₂quoin₃ le₃on₃ Si₂mu₅₄ 'éi₂, ia₁ ñí₄ lë₃ mei'₂ tsá₃ ca₂ne₅₄ a₂chein₂. ‡ **10:15** Sodoma quiain'₅₄ Gomorra: 'I₂ Génesis 18 - 19.

16 'Tsín₂ jniá₂ 'nia'₂ jaun₂, a₂líng'₅ ně₂jag₄ bá₄ já'₂ cha'₂ jin₄ co₂'nió'₄ já'₂ tsau₂ dsí₅. Jmo₄ 'nia'₂ jaun₂ a₂líng'₅ dsa₂ i₂'io₅ mai₅₄ jui₁lia'₂ dsi₂mi'₂, ton'₂ 'ua₁ 'au'₂ 'nia'₂ jui₁lia'₂ lín₅ i₁ju₂. 17 Rě₂ján'₁ 'nia'₂ jaun₂ ia₁ qui₃jáng'₂ dsa₂ ne₄ dsi₂tan₅₄, qui₃bóg₂ dsa₂ ně₃ dsi₂néi₂ guá'₅ sinagogas. 18 Lia'₂ ne₄ dsi₄má'₂ lia'₂ ne₄ rag₅₄ ně₃, dsi₁jnia₃ dsa₂ 'nia'₂ 'uig₅₄ quió₃ jniá₂; jaun₂ le₂ně₅ bá₄ lé₂ le₃o₁jang'₄ 'nia'₂ jág₁ dsau₅ ne₄ 'éi₂, quian'₅₄ ja₁ con₂ dsi₂nau₂ sián'₂ ně₃. 19 La₁ jě₁ma₂tě₂ rě₁qui₃jáng'₂ dsa₂ ne₄ta₁, tsá₃ lě₁jmo₂ 'nia'₂ 'i₅ 'au'₂ 'e₂ jua'₅₄ o₃ 'a₂ lia'₂ ŋag'₅₄; ia₁ jě₁ma₂tě₂ rě₁jua'₅₄ 'nia'₂ jág₁, Diú₄ bá₄ cuě₃ jág₁ a₂ŋi'₅₄ 'nia'₂ 'a₂ lia'₂ ŋag'₅₄ juig'₅₄ dsa₂. 20 Ia₁ on₃jua'₅₄ guion'₅₄ 'nia'₂ jua'₅₄ jág₁; 'ŋiog₅ bá₄ Jme₂dsí₂ quián₅ Néi'₅ 'nia'₂ juá'₂ ju₅tě₂'au'₂.

21 'Ia₁ lé₂ táng₃, jui₁lia'₂ rin'₅₄ dsa₂ qui₃jín'₂ riin'₅₄ jaun₂ jŋag'₃ dsa₂, jui₁lia'₂ jmei₂ guě'₂ dsa₂ qui₃jín'₂ chi'₂ quiáin₅; chi'₂ guě'₂ ně₃ qui₃náu₃ 'nei₂ jmái'₃ chog₅₄-jmei₂, qui₃jáng'₂ a₂jme₃dsiog₅ dsa₂. 22 Ca₂le₃jín₃ jui₁lia'₂ dsa₂ mi₂güig₃ jme₃ŋiai₅₄ 'nia'₂ 'uig₅₄ quió₃ jniá₂; la₁ia₁ jui₁lia'₂ i₂tió₂ tiá₂ ca₂tě₂ jě₁ca₂tó'₂, i₂'éi₂ bá₄ i₂lión₂. 23 Jě₁ma₂qui₂co₃'ein₃ dsa₂ jui₁lia'₂ caun₂ juig₂, cuing₅ 'nia'₂ ju₅juig₂ siá'₂ táng₃; a₂dsi₂jó'₃ juá'₅ jniá₂, tě₃ tsá₃ ma₂lě₅ quen'₄ 'nia'₂ i₁niog'₄ ca₂le₃jě₃ juig₂ ja₁tén₄ 'uě₃ Israel, a₂guan'₂ táng₃ Jaun₅ dsa₂ mi₂güig₃.

24 'Jui₁lia'₂ jan₂ i₂jme₂tin₅, tsá₃ juin'₂ con'₂ guě₄ tě₅ quiáin₅; ján₃ bá₄ le₂jaun₂ jui₁lia'₂ jan₂ dsa₂ i₂jme₂ti₃, tsá₃ juin'₂ con'₂ guě₄ juig₅₄. 25 Tió'₅ jui₁lia'₂ i₂jme₂tin₅ lén₂ jui₁lia'₂ lín₅ tě₅ quiáin₅; jui₁lia'₂ dsa₂ i₂jme₂ti₃ guě'₂ ně₃, dsi₁lén₂ jui₁lia'₂ lín₅ juig₅₄. Chi₂jua'₂ 'ŋiog₅ dsa₂ juin'₂ caun₂ dsi₂néi₂ ma₂quion₅ dsa₂ Be'elzebú, i'ě₂ guě₄ bá₄ 'in₃ dsa₂, jui₁lia'₂ i₂tion'₅₄ dsi₂néi₂ quió'₅!

*'Ein₂ 'nió'₅ jme₃gan₃ dsa₂
(Lucas 12:2-7)*

26 ''Uig₅₄ jaun₂, tsá₃ lě₁jmo₂ 'nia'₂ gang'₃ dsa₂ mi₂güig₃. Ia₁ 'i₁caun₂ jui₁lia'₂ a₂rě₂jlě₅ tsá₃ cha₂ jua'₅₄ a₂tsá₃ le₃jniá₂, ján₃ bá₄ le₂jaun₂ jui₁lia'₂ a₂rě₂ma₄ tsá₃ cha₂ jua'₅₄ a₂tsá₃ le₃ŋi₅ dsa₂. 27 Jui₁lia'₂ a₂juig₂ jniá₂ 'nia'₂ la₂ jě₄ tě₃co'₅₄, jua'₅₄ 'nia'₂ tě₃jin₄ dsa₂ juin₅; ján₃ bá₄ le₂jaun₂ jui₁lia'₂ a₂juig₂ jniá₂ 'nia'₂ con'₂ tei₄, jua'₅₄ 'nia'₂ co₂mi'₅₄ jui₁lia'₂ ja₁ŋei₅. 28 Tsá₃ lě₁jmo₂ 'nia'₂ gang'₃ quian'₅₄ i₂jŋi'₃ ni₁ŋi₅, la₁ tě₂'au'₂ 'nia'₂ tsá₃ 'e₂ lé₂ le₃jmo₃; i₂'éi₂ bá₄ ca₂tin'₂ 'nia'₂ jme₁gang'₃ jui₁lia'₂ i₂lé₂ le₃jŋi'₃ ni₁ŋi₅ quian'₅₄ guě'₂ tě₂'au'₂ 'nia'₂ a₂jeng'₃ ja₁'lig'₅₄.

29 '¿Tsa₁ 'ni₅ dsa₂ on₃ i₁tan₅ pí'₁ quian'₅₄ caun₂ ŋi₁ guéin₂? La₁ 'i₁jan₂ i₁tan₅ tsá₃ tián'₃ 'uě₃ jua'₅₄ tsá₃ ŋi₅ Néi'₅ 'nia'₂. 30 Ia₁ le₂jio₅ ni₁jŋi₂ dsei'₂ 'nia'₂ le₁'í₁ je₂liá'₂ mi'₂ tí₅ ján₃. 31 Tsá₃ lě₁jmo₂ 'nia'₂ gang'₃, ia₁ 'ŋio₅ lin₃ guě₄ quen'₄ 'nia'₂ lia'₂ con'₂ guě₄ juin₅ lin₃ i₁tan₅.

*Jui₁lia'₂ i₂jme₂jnia₅ a₂cuin₂₃ Jesucristo jin₄ dsa₂ mi₂güig₃
(Lucas 12:8-9)*

32 'Jui₁lia'₂ i₂jme₂jnia₅ tě₂le₃ quió₃ jniá₂ jin₄ dsa₂ mi₂güig₃, ján₃ bá₄ le₂jaun₂ jniá₂ ně₃ jme₁jniag₅ tě₂le₃ quió'₅ 'éi₂ ne₄ Ne'₃ i₂guá₅ guei'₅₄ i₂juig₃; 33 la₁ jui₁lia'₂ i₂jme₂jnia₅ a₂tsá₃ cuig₂₃ jniá₂ jin₄ dsa₂ mi₂güig₃, ján₃ bá₄ le₂jaun₂ jme₁jnia₅ jniá₂ a₂tsá₃ cuin₅ ne₄ Ne'₃ i₂guá₅ guei'₅₄ i₂juig₃.

*Jesús bá₄ i₂'uin₄ a₂lě₂ le₁dson'₅₄ dsa₂
(Lucas 12:51-53; 14:26-27)*

34 'Tsá₃ o₁len'₂ 'nia'₂ jua'₅₄ a₂guio₃ jniá₂ a₂i₃'ei₃ tei₄ mi₂güig₃; ia₁ tsá₃ ta₁ jaun₂ guio₃ jniá₂ a₂i₃'ei₃ tei₄. Mi'₅₄ 'nei₂ bá₄ a₂quian₄ jniá₂. 35 A₂jaun₂ bá₄ guio₃ jniá₂ a₂i₃dsia₃ mi'₅₄ dsi₂néi₂: Chi'₂ jme₃ŋiai₅₄ jmei₂,

chi'₂ ja₁míg₄ dsa₂ ně₃
 jme₃'ñiai₅₄ chog₅₄;
 i₂lín₅ mi₂lo₅₄ ně₃
 tóin'₃ mi'₅₄ quian'₅₄ ma₂chog₅₄.

36 Dsa₂ i₂lín₅ jmei₂ dsi₂néi₂
 qui₂jme₃'iog₅₄ chi'₂ quiáin₅. §

37 'Jui₁lia'₂ i₂'nio₃ guě₄ 'ñio₅ lín₃ chog₅₄-jmei₂ lia'₂ con'₂ guě₄ jniá₂, tsá₃ ca₂tín₂
 léin₂ dsa₂ quiáng₃; le₂ně₅ bá₄ ján₃, jui₁lia'₂ i₂'nio₃ 'ñio₅ lín₃ guě₄ ja₁ñi'₅₄ o₃ ja₁míg₄
 'e₂, lia'₂ con'₂ guě₄ jniá₂, tsá₃ ca₂tín₂ léin₂ dsa₂ quiáng₃; 38 jui₁lia'₂ i₂tsá₃ ca₂'ág₂
 caun₂ dsí₅ ca₂join₃ chi₂jua'₂ ca₂join₃, * a₂jiá₃ chi₁co'₅₄ quió₃, tsá₃ ca₂tín₂ léin₂ dsa₂
 quiáng₃. 39 Jui₁lia'₂ i₂ñí₄ lě₃ 'nio₃ lí'₂ le₃chain₂ dse₃, dsi₃'én₂ quió'₅; ján₃ bá₄ le₂ně₅,
 jui₁lia'₂ i₂ca₂guen₃ 'mú₃ o₄quió₃ jniá₂, lí'₂ bá₄.

Co₂'nió'₄ 'lian'₅₄ dsa₂
(Marcos 9:41)

40 'Jui₁lia'₂ i₂guen₅ 'nia'₂, guei₂₃ jniá₂; jui₁lia'₂ i₂guei₅ jniá₂ guein₂₃ i₂ca₂chei₃
 jniá₂ ně₃. 41 I₂guen₅ jui₁lia'₂ jan₂ dsa₂ i₂'ě₂ jág₁ o₄quió'₄ Diú₄ ia₁ a₂lín₅ i₂chen₄
 quián₅ Diú₄, co₂jaun₂ bá₄ 'lia'₅₄ gue₃ ján₃ jui₁lia'₂ 'lian'₅₄ jan₂ i₂'ě₂ jág₁ quián₅ Diú₄.
 Le₂ně₅ bá₄ ján₃, jui₁lia'₂ i₂guen₅ jan₂ dsa₂ dsen₃ ia₁ lín₅ dsa₂ dsen₃, gue₃ 'liain'₅₄
 ján₃ con'₂ 'lia'₅₄ a₂ca₂tín₂ jan₂ dsa₂ dsen₃. 42 Jui₁'ein₂ guě₃ dsa₂ i₂cuě₅ caun₂ vaso
 jmig₂ güíg'₂, cuě'₅ jan₂ dsa₂ me'₂ le₂ně₅ quiáng₃ 'uig₅₄ ia₁ a₂'ein₂₃ jniá₂, a₂dsi₂jó'₃
 juá'₅, tion₅₄ bá₄ gue₃ 'liain'₅₄.

11

Dsa₂ i₂chen₄ quián₅ Juan₅₄ i₂chon₅ dsa₂ jmig₂
(Lucas 7:18-35)

1 Jme₁ca₂dsan₃ cuě₅ Jesús jág₁ ně₅ cuě'₅ chi'₂ dsi₂guia₃-tín₂ quiáin₅, ca₂o₃'ín₃
 táng₃ ja₁jaun₂, ca₂'í₃ jui₅ ca₂i'ě₄ jág₁, i₂jme₁tín₂₃ dsa₂ juig₂ tio'₅₄ con'₂ ma₂quián₅
 jaun₂.

2 Juan₅₄ ně₃, tē₃ 'ein₅₄ né'₃ 'má₃, ca₂rě₃ñi₅ 'a₂ lia'₂ lě₅ jmo₅ I₂rě₂'ín₁ quián₅ Diú₄.
 Jaun₂ ca₂chein₃ i₂lín₅₄ dsa₂ i₂jme₁quiain'₅₄ 3 a₂ca₂i₁ñag₁₂:

—¿'Ne₂ líng'₅ dsa₂ i₂lě₅ jág₁ jiá₃, o₃ ñia₄ jnia'₅₄ i₂sián'₂ 'e₂?

4 Jaun₂ ca₂ñag₃ Jesús:

—O₂nó'₅ 'nia'₂ o₂chei'₅₄ Juan₅₄ 'e₂ a₂tē₅ ne'₅₄ 'nia'₂ la₂, 'e₂ a₂nag'₂ 'nia'₂ ně₃.

5 O₂dsia₄ 'nia'₂ 'a₂ lia'₂ lě₅ qui₂jág₅ dsa₂ ten; dsa₂ i₂jme₁guian'₅₄ guě'₂ ně₃,
 ma₂i₂noi₅₄ rě'₂ táng₃; dsa₂ i₂jme₁lín₄ 'mé'₅ 'iog₅ ma₂le₁jín₃ táng₃ dso₄ a₂jme₁lín₄;
 dsa₂ i₂jme₁guin₄ guě'₂ ně₃ ma₂nag₂₃; dsa₂ i₂ma₂dsan₃, jein'₅₄ táng₃; ja₁con₂ dsa₂
 te₂ñé₂ ně₃ dsi₂'ag₅ jág₁ dse₃ la₂ a₂lión₂ dsa₂. 6 'E₂ guě₄ dsen₃ dsa₂ i₂tsá₃ 'ag₅ caun₂-
 tín₃ dsí₅ ja₁con₂ jniá₂.

7 Jme₁ma₂i₂len₃ dsa₂ 'éi₂, jaun₂ ca₂jme₁lióg₃ Jesús ca₂tsí'₃ dsa₂ a₂'ín₂₃ Juan₅₄:

—¿'E₂ jme₁lín'₂ 'nia'₂ jme₁tē₃ ne'₅₄ lia'₂ con'₂ jme₁i₁nóg'₄ 'uě₃ quein₂ co₂'ñiog₅
 jaun₂? ¿O₃ bá₄ jme₁lín'₂ 'nia'₂ a₂jme₁jng'₄ jan₂ dsa₂ i₂lín₅ jui₁lia'₂ lě₅ ca₂'nau₂
 ni₁'ma₂ ta₅ a₂lě₁qui₂bí₂ dsí₂ jui₅ la₂ jui₅ ně₅? 8 Chi₂jua'₂ tsá₃ le₂jaun₂ ně₃, ¿'e₂ guě'₂
 ca₂i₁jag'₄ 'nia'₂? ¿O₃ bá₄ a₂jme₁lín'₂ 'nia'₂ a₂jme₁jng'₄ jan₂ dsa₂ i₂qui'₂ tsin'₅₄ jlá'₁?
 La₁ on₃jua'₅₄ le₂jaun₂. Ia₁ jui₁lia'₂ dsa₂ i₂qui'₅ tsin'₅₄ jlá'₁, i₂tón'₅ dsi₂néi₂ quió'₅
 rag₅₄ bá₄ i₂le₂'éi₂. 9 ¿'E₂ guě'₂ ca₂i₁jag'₄ 'nia'₂ jaun₂ ně₃? ¿O₃ bá₄ jan₂ dsa₂ i₂'ě₂ jág₁

§ 10:36 Miqueas 7:6. * 10:38 lit. “i₂tsá₃ cán₂ cróg₄ quió'₅.”

quián₅ Diú₄ 'e₂? Dsón₂ bá₄ jaun₂ juá'₅ jniá₂. I₂lín₅ tson₂ gué₄ jan₂ dsa₂ i₂'ě₂ jág₁ quián₅ Diú₄ bá₄ 'éi₂. ¹⁰ Juan₅₄ 'éi₂ bá₄ i₂'in₅ Si₂ quió'₅ Diú₄ ja₁juá'₂:

Tsing₅₄ jan₂ dsa₂ quiáng₃ ne₄ jui₅ quiáng'₂, jón₃,

a₂dsi₃can₅ jág₁, jmo₃ co₂jñia₅₄ jui₅.*

¹¹ A₂dsi₂jó'₃ juíg₂ jniá₂ 'nia'₂, 'i₁jan₂ dsa₂ i₂ma₂can₅ dsa₂ mí₂ i₂chan₂ mi₂güí₃, tsá₃ 'ein₂ ma₂lin₅ i₂juin'₂ gué₄ i₂'ě₂ jág₁ o₄quió'₄ Diú₄, lia'₂ con'₂ gué₄ Juan₅₄ i₂chon₅ dsa₂ jmig₂. La₁ia₁, i₂lín₅ i₂me'₂ gué₄ ja₁gon₂ Diú₄, i₂'éi₂ bá₄ lín₅ i₂juin'₂ gué₄ lia'₂ con'₂ gué₄ Juan₅₄ 'éi₂. ¹² Ca₂le₃ ca₂guan₃ Juan₅₄ i₂chon₅ dsa₂ jmig₂, ca₂tě₂ jmig₄ ně₃, con'₂ 'i₄jui₅ bá₄ ma₂já₅ tiá₂ ja₁gon₂ Diú₄. Jaun₂ dsa₂ con'₂ i₂tiá₂ dsí₅ bá₄ chan'₂ tiá₂ jui₅ jaun₂.† ¹³ Ca₂le₃jín₃ dsa₂ i₂jme'₁'ě₂ jág₁ quián₅ Diú₄, quian'₅₄ 'Éi'₃ quió'₅ Moisés ně₃, a₂jñia'₅₄ con'₂ ca₂'ě₂ jág₁ ja₁gon₂ Diú₄ bá₄ jaun₂, ca₂lia'₂ ca₂tě₂ jmig₄ jme'₁ca₂guan₃ Juan₅₄. ¹⁴ Ján₃ bá₄ chi₂juá'₂ 'niog'₂ 'nia'₂ guéi'₁ jág₁ la₂, Juan₅₄ 'éi₂ bá₄ i₂ca₂jme₃ti₃ jág₁ a₂lě₅ a₂jme₁jiá₃ Elías. ¹⁵ Jui₁lia'₂ i₂le₁dsi₅₄ rě₂gua₄, ju₁nei₅₄.

¹⁶ 'ĉ'E₂ quian'₅₄ lé₂ le₃quíng₄ a₂lín₅ dsa₂ i₂chan₂ jmig₄ ně₃? Lín₅ jui₁lia'₂ lín₅ i₂bě₅₄ i₂tion'₅₄ co₅ jě₄ 'ma'₅₄, tioin'₅₄ co₂mi'₅₄ qui₂guió'₅ tsí'₅ riin'₅₄:

¹⁷ Ně₂jéi₄ jnia'₅₄ te₁fi₁ o₄quián'₂ 'nia'₂,

la₁ tsá₃ ně₂dsián'₃ gué'₂ 'nia'₂;

ján₃ gué'₂ ně₂jmó₁ jnia'₅₄ son₅₄ quió'₅ 'lag₄

a₂ta'₂ 'lia'₂ dsí₅ dsa₂,

la₁ tsá₃ ca₂tá'₂ gué'₂ qui'₂ 'au'₂ 'nia'₂.

¹⁸ Ia₁ ca₂guan₃ Juan₅₄, i₂tsá₃ 'e₂ 'lióng₂ jme₁gué'₅ on₃ gué'₂ 'e₂ jme'₁'ín'₂ ně₃, jaun₂ ca₂'ag₃ dsa₂ a₂'ein₅₄ je₂na'₅₄. ¹⁹ Ca₂guan₃ gué'₂ táng₃ Jaun₅ dsa₂ mi₂güí₃ i₂gué'₅ i₂'ín'₂, 'ag₅ táng₃ dsa₂ a₂lín₅ jlé₂ 'ís quian'₅₄ má₄ jmíg₃, a₂lín₅ a₂mei₅₄ quián₅ dsa₂ cha₂ dsáu₁, quian'₅₄ dsa₂ i₂cán₂ 'lia'₅₄ quián₅ dsi₂tan₅₄ ně₃. La₁ tion₅₄ bá₄ le₃lí'₄ dsa₂ a₂dsau₅ jág₁ a₂ñí'₂ dsí₅ Diú₄, 'uig₅₄ ia₁ ñí'₂ bá₄ dsí₅ dsa₂ i₂gue₅ jág₁ ně₅.

Juig₂ jě₁tsá₃ ne'₅₄ dsa₂

(Lucas 10:13-15)

²⁰ Jaun₂ ně₃, ca₂jme₃lióg₃ Jesús qui₂ca₂jéin₂ dsa₂ ja₁'lióng₂ gué₄ léi₄ jué'₂ ma₂qui₂ma₂jmo₃, ia₁ tsá₃ ma₂jéin'₃ dsa₂ dsí₅. Jaun₂ ca₂juá'₂:

²¹ —i'E₂ gué₄ juíg'₂ 'nia'₂ dsa₂ juig₂ Corazín! i'E₂ gué₄ juíg'₂ 'nia'₂ i₂chan₂ Betsaida! Ia₁ jua'₅₄ mei'₂ gué₃ jniá₂ ma₂jmo₃ léi₄ jué'₂ ně₅ jě₄ juig₂ Tiro quian'₅₄ juig₂ Sidón jui₁lia'₂ a₂ma₂jmo₃ jniá₂ jě₄ quián'₂ 'nia'₂, líg'₂ bá₄ tsá₃ ma₂ca₂jéin'₃ dsa₂ 'éi₂ dsí₅, jme₁cuě₃ léi₄ a₂qui'₂ dsí₅ jme₁i₃nioi₅₄ le₁qui'₂ 'mi'₂ taun₅ qui₂le₁séin₅ ti₁juá₃ ně₃. ²² La₁ juig₂ jniá₂ 'nia'₂, jmig₄ i₁qui₂dsi₅ Diú₄ 'éi'₃, ja₂lin₃ gué₄ tson₂ uig₅ a₂guéi'₁ 'nia'₂ con'₂ gué₄ dsa₂ i₂jme₁chan₂ Tiro quian'₅₄ Sidón. ²³ 'Nia'₂ gué'₂ dsa₂ i₂chan₂ juig₂ Capernaum, ĉlín'₂ 'nia'₂ a₂uig'₅₄ guei'₅₄ lín₃? On₃ jua'₅₄ le₂jaun₂. Tě₂ ja₁ji'₂ lín₃ ja₁tion'₅₄ 'lag₄† bá₄ sén'₂ 'nia'₂. Ia₁ jua'₂ mei'₂ gué₃ jniá₂ ca₂jmo₃ léi₄ jué'₂ jě₄ juig₂ Sodoma jui₁lia'₂ a₂ma₂ca₂jmo₃ jniá₂ jě₄ quián'₂ 'nia'₂, a₂niog₅ bá₄ juig₂ jaun₂ ca₂tě₂ jmig₄ ně₃. ²⁴ Jaun₂ juá'₅ jniá₂, jmig₄ jě₁ma₂tě₂ rě₁qui₃dsi₅ Diú₄ 'éi'₃, 'ñio₅ gué₄ uig₅ guéi'₁ 'nia'₂ con'₂ gué₄ dsa₂ i₂jme₁chan₂ juig₂ Sodoma.

Ja₁jñia₅ dsa₂ i₂ma₂'ú'₃

(Lucas 10:21-22)

²⁵ Jmig₄ jaun₂ ca₂juá'₂ Jesús:

—Jme₁juín'₁ jniá₂ 'ne₂, Tia₅₄, i₂lín₅ juig₅₄ gua'₅₄ 'uě₃ quian'₅₄ guei'₅₄ i₂juíg₃, ia₁ ca₂'ma'₅₄ a₂ně₅ ja₁con₂ dsa₂ i₂tin₂ si₂, i₂ñí'₂ dsí₅, a₂ma₂ca₂jme₁jniag'₂ ja₁con₂ dsa₂

* **11:10** Malaquías 3:1. † **11:12** o₃, “ca₂tě₃ jmig₄ ně₃, ma₂já'₅ ja₁gon₂ Diú₄ ně₂jag₄ bá₄ a₂lě₂ 'nei₂. Jaun₂ dsa₂ i₂con₂ qui₂jmo₂₃ 'nei₂ ně₃, 'nio₃ join₅₄ jui₁lia'₂ dsa₂ i₂i₂nio₄ jui₅ jaun₂.” ‡ **11:23** griego: hades, co₂'nió'₄ a₂juá'₂, ja₁quió'₄ 'lag₄.

i₂lín₅ lia' ₂ lín₅ guein₂, i₂tsá₃ 'e₂ cuí'₅. ²⁶ Dsón'₂ bá₄ jaun₂, Tia₅₄, ia₁ le₂nē₅ ca₂rē₃ 'ñi₃ 'au'₂.

²⁷ Jaun₂ ca₂tsí'₃ dsa₂:

—O₄gu₃ jniá₂ ma₂ca₂dsia₃ Ne'₃ ca₂le₃jě₃. 'I₁jan₂ tsá₃ 'ein₂ cuin₅ Ja₁ñi'₅₄ Diú₄ 'a₂ lia' ₂ tē₃dsón'₂ lín₅, jñia'₅₄ lia' ₂ 'ñiog₅ bá₄ Jmei₂; ján₃ bá₄ 'i₁jan₂ tsá₃ 'ein₂ cuin₅ Jmei₂ 'a₂ lia' ₂ tē₃dsón'₂ lín₅, jñia'₅₄ lia' ₂ 'ñiog₅ bá₄ Ja₁ñi'₅₄ táng₃, ján₃ bá₄ jme₃jñiai₂₃ ja₁con₂ i₂'nio₃ le₃ñi₅. ²⁸ I₂nó'₅ 'nia' ₂ ja₁con₂ jniá₂, ca₂le₃jín'₃ 'nia' ₂ i₂qui₂ma₂'ú'₃ dsí₅, i₂qui₂le₁quian₅ guei₂, jaun₂ cuē₅₄ jniá₂ ja₁jan'₄ 'nia'₂. ²⁹ Gue₄ 'nia' ₂ ta₁ quió₃ a₂cuē₅ jniá₂ 'nia' ₂, jme₁tín₅ 'nia' ₂ jmó'₂ ján₃, 'a₂ lia' ₂ lín₅ jniá₂, ia₁ juin'₂ dsi₃ líng₅, meg'₂ bá₄ lě₅ dsi₃; jaun₂ le₂nē₅ bá₄ dsi₁nó'₅ 'nia' ₂ dsiang'₂ ja₁jñia₃ tē₂'au'₂. ³⁰ Ia₁ ta₁ a₂cuē₅ jniá₂ 'nia' ₂, on₃jua'₅₄ a₂'ua'₂ ta₁; ján₃ bá₄ le₂jaun₂ on₃jua'₅₄ a₂guei₂ cán'₁ 'nia' ₂ a₂cuē₅ jniá₂ 'nia' ₂.

12

Jesús bá₄ i₂quian₅ 'éi'₃ ne₄ quió'₅ jmig₄ sa₅₄
(*Marcos 2:23-28; Lucas 6:1-5*)

¹ Jmig₄ jaun₂ ca₂ñi₃ Jesús ja₁lě₄ ja₁nau₂ quió'₅ dsa₂ caun₂ jmig₄ sa₅₄. Dsa₂ i₂quian'₅₄ ně₃ ca₂tá'₂ i₁cón'₅, jaun₂ qui₂ca₂gág₃ mí'₂ trigo, jaun₂ ca₂guě'₃.

² Jme₁ca₂jág₂ dsa₂ fairseos, jaun₂ ca₂o₃lén₂ ca₂tsí'₃ Jesús:

—Jag₄ 'a₂ lia' ₂ tion'₅₄ dsa₂ quiáng'₂ jmo₂₃ ta₁ a₂tsá₃ 'i₄ 'éi'₃ jmo₃ dsa₂ jmig₄ sa₅₄.

³ Jaun₂ ca₂ñag₃ Jesús:

—¿Tsa₁ ma₂ca₂'í'₂ 'nia' ₂ ne₄ Si₂ 'a₂ lia' ₂ lě₅ ca₂jmo₃ David co₂ráun₂ jme₁ca₂lě₃ i₁cón'₅ quian'₅₄ rñin'₅₄? ⁴ Ca₂'í₃ dsi₂néi₂ quió'₅ Diú₄, ca₂guě'₃ i₁ñi'₄ jñiós, a₂tsá₃ jme₁'i₄ 'éi'₃ guě'₃, a₂'i₄ 'éi'₃ guě'₃ jmá'₃ jme₂dsa₂. ⁵ ¿O₃ tsa₁ ma₂ca₂'í'₂ 'nia' ₂ ne₄ Si₂ 'Éi'₃ quió'₅ Moisés, jui₁lia'₂ jme₂dsa₂ tsá₃ jme₂gó'₃ jmig₄ sa₅₄? La₁ tsá₃ 'ein₂ bón'₂ guě'₂ dso₄ 'éi₂ ně₃. ⁶ Juíg₂ jniá₂ 'nia' ₂, ja₁lá₃ chén'₅ jan₂ i₂juin'₂ guě'₄ con'₂ guě'₄ guá'₅ templo. ⁷ Jua'₅₄ mei'₂ guě'₃ ma₂ñi'₂ 'nia' ₂ 'e₂ jein₅ jág₁ la₂: “A₂'nio₃ jniá₂ a₂dsiá'₁ 'nia' ₂ ñéi₂ 'au'₂, on₃jua'₅₄ rē'₂ a₂jñia'₅₄ qui₁jen'₅₄ 'nia' ₂ 'e₂ qui₁jen'₅₄ ne₃”,* tsá₃ jua'₅₄ jme₁bong'₅₄ dso₄ dsa₂ i₂tsá₃ 'e₂ dso₄ rñin₂. ⁸ Ia₁ le₂nē₅ jaun₂, jniá₂, Jaun₅ dsa₂ mi₂güí'₃, jmo₂₃ 'éi'₃ jui₁lia'₂ jmig₄ sa₅₄.

Jan₂ dsa₂ jle₅ caun₂ gu₂
(*Marcos 3:1-6; Lucas 6:6-11*)

⁹ Ca₂o₃'ín₃ bá₄ Jesús ja₁jaun₂, jaun₂ ca₂'í₃ táng₃ dsi₂néi₂ guá'₅ sinagoga. ¹⁰ Ja₁jaun₂ jme₁'en₅₄ jan₂ dsa₂ i₂jle₅ caun₂ mi₂gu₂. Dsa₂ fariseos ně₃ jme₁'nio₃ 'no'₂ jui₅ bóin'₂ dso₄ Jesús, jaun₂ ca₂ñag₃:

—¿'I₄ 'éi'₃ jme₃'lión₂ dsa₂ jan₂ dsa₂ dso'₅₄ jme₁jmig₄ sa₅₄?

¹¹ Jaun₂ ca₂ñag₃ Jesús:

—¿'Ein₂ 'nia' ₂, i₂'ñio₅ jan₂ já'₂ cha'₂, ně₁jua'₂ ca₂bain₃ siá₅ jui₁lia'₂ caun₂ jmig₄ sa₅₄, tsa₁ dsó₅ dsi₃dsein₂₃ já'₂ quiáin₅? ¹² i'Ē₂ guě'₄ bá₄ quen₅ jan₂ dsa₂ con'₂ guě'₄ jan₂ já'₂ cha'₂! Jaun₂ lě₃, 'i₄ bá₄ 'éi'₃ jmo₃ dsa₂ a₂dse₃ jui₁lia'₂ jmig₄ sa₅₄.

¹³ Jaun₂ guě'₄ ca₂tsí'₃ dsa₂ dso'₅₄ 'éi₂:

—Nei'₅₄ gog'₂.

Jaun₂ ca₂néi'₃ 'éi₂ gu₂, ca₂jñia₃ quió'₅, jaun₂ ca₂lě₃ co₂rē₂ quian'₅₄ a₂caun₂.

¹⁴ Ca₂'uin₂ bá₄ dsa₂ fariseos 'éi₂ ně₃, jaun₂ ca₂jmo₃ jág₁ a₂jñi'₃ Jesús.

Jui₁lia'₂ dsa₂ i₂ca₂quión'₂ Diú₄ a₂jme₃ti₃ ta₁ ne₅₄, jág₁ a₂ca₂'ě₂ dsa₂ i₂ca₂juá'₂ o₄quió'₄ Diú₄

* 12:7 Oseas 6:6.

15 Jme₁ca₂rë₅ñi₅ Jesús jág₁ jaun₂, ca₂o₃'íin₃ bá₄. Jaun₂ juin₅ lín₃ dsa₂ i₃lén₂ chi₁co'₅₄ quió'₅ 'ein₂₃. Jme₁jme₂'lión₂ Jesús ca₂le₃jín₃ dsa₂ i₂le₁dso'₅₄, 16 jaun₂ ca₂juá'₂ a₂tsá₃ 'e₂ dsia₃ dsa₂ jua'₅₄ a₂'ag₃ 'ein₂ lín₅. 17 Le₂në₅ bá₄ ca₂lë₃ ia₁jaun₂ le₃ti₃ jág₁ a₂ca₂'ë₂ Isaías, dsa₂ i₂jme₁'ë₂ jág₁ quián₅ Diú₄, jme₁ca₂juá'₂ le₂la₂:

18 I₂la₂ bá₄ dsa₂ i₂jme₃ti₃ ta₁ ne₃,
i₂ma₂ca₂quiong'₅₄, i₂'nióg₃ guë₄ lín₃,
jaun₂ 'io'₂ jéin₅ jniá₂ quiain'₅₄.

Tón'₁ jniá₂ Jme₂dsí₂ quiáng₃ tē₂dsí₅,
jaun₂ jme₃jniai₂₃ ca₂le₃jě₃ juig₂
jin₄ dsí₂nau₂ 'ë₃ jui₅ dsau₅ tē₃dsón'₂.

19 Tsá₃ quein₅ náu₃, on₃ guë'₂ guió'₃,
on₃ guë'₂ né'₂ jág₁ quió'₅ jë₄ calle,

20 Lia'₂ 'i₁ca₂tag₄ ni₁'ma₂ ta₅ tsá₃ jio₃,
on₃ guë'₂ e₃ ni₁mecha a₂ca₂juig₄ 'ia₂ guë₄ jme₁ñi₁.

Jmo₃ le₂në₅ ca₂lia'₂ ca₂tió'₃
a₂lí'₂ a₂dsi₂ten₅₄ dsón'₂.

21 Jaun₂ caun₂ ja₁con₂ 'éi₂ bá₄
'ag₃ dsa₂ caun₂ dsí₅
ca₂le₃jín₃ dsa₂ i₂chan₂ ca₂le₃jě₃ juig₂.†

*Juá'₂ dsa₂ a₂'io₅ Jesús jui₅bí₂ quió'₅ Be'elzebú
(Marcos 3:19-30; Lucas 11:14-23, 12:10)*

22 Jaun₂ ca₂o₃jñia₃ dsa₂ ja₁coin₂ jan₂ dsa₂ ten₄ i₂con₄ ně₃ i₂jme₁'en₅₄ jan₂ jme₂dsí₂ je₂na'₅₄. Jesús ně₃ ca₂jme₃'lió₂, ca₂jág₃ táng₃ dse₃, ca₂dsia₃ dse₃ jág₁ ně₃.

23 Ca₂i₃gó'₃ dsí₅ ca₂le₃jín₃ dsa₂, jaun₂ ca₂juá'₂:

—¿On₁jua'₅₄ i₂në₅ lín₅ tsi₁jon₂ David?

24 La₁ jme₁ca₂nág₂ dsa₂ fariseos jág₁ jaun₂, ca₂dsia₃ jág₁ quian'₅₄ riin'₅₄:

—A₂'uin'₂ i₂në₅ je₂na'₅₄ quió'₅ dsa₂ tē₂le₃ quian'₅₄ jui₅bí₂ quió'₅ Be'elzebú, juig₅₄ je₂na'₅₄ bá₄.

25 La₁ i₂ñi₅ rē₂ bá₄ Jesús 'e₂ dsí₂jio₅ dsí₅ dsa₂ 'éi₂, jaun₂ ca₂juá'₂:

—Jui₁lia'₂ dsí₂tan₅₄ tion'₅₄ le₁dsoin'₅₄, nió'₅ mi'₅₄, tsá₃ uë₂ tió'₅ jua'₅₄ tsá₃ dsí₃'én₂ 'éi'₃ quió'₅. Le₂në₅ bá₄ ján₃ jui₁lia'₂ dsa₂ caun₂ dsí₂néi₂, ně₁jua'₂ lë₅ le₁dsoin'₅₄, niog₅ mi'₅₄, ján₃ bá₄ tsá₃ uë₂ tió'₅. 26 Já₃ bá₄ le₂në₅, ně₁jua'₂ ca₂jmo₃ Satanás mi'₅₄ dsein₂₃ jan₂ i₂quiáin₅ 'ñiog₅, co₂'nió'₄ 'ñiog₅ bá₄ jmo₂₃ le₁dsoin'₅₄. ¿A₂ lia'₂ lé₂ le₃'io₃ guë₄ bí₂'éi'₃ quió'₅, chi₂jua'₂ le₂jaun₂? 27 Chi₂jua'₂ jniá₂ 'u'ing'₅₄ je₂na'₅₄ quian'₅₄ bí₂ quió'₅ Be'elzebú jui₁lia'₂ juá'₂ 'nia'₂, ¿'ein₂ bá₄ guë'₂ cuë₅ bí₂ cuë'₅ dsa₂ quián'₂ 'nia'₂ a₂'u'ín'₂ je₂na'₅₄ jaun₂ ně₃? 'Uig₅₄ jaun₂, guion₅₄ bá₄ dsa₂ quiáng'₂ jme₁li₅₄ a₂lín'₅ 'nia'₂ guiong'₅₄. 28 La₁ jniá₂ ně₃ ně₂'u'ing'₅₄ je₂na'₅₄ tē₂le₃ quian'₅₄ bí₂ quió'₅ Jme₂dsí₂ quián₅ Diú₄. Jaun₂ ně₃ le₂në₅ bá₄ cuë₅ jniá₂ léi₄ a₂ma₂gua₅ 'éi'₃ quió'₅ Diú₄ ja₁con₂ 'nia'₂.

29 'Jaun₂ ně₃, ¿'a₂ lia'₂ lé₂ le₃'í₂ jan₂ dsa₂ dsí₂néi₂ quió'₅ jui₁lia'₂ jan₂ dsa₂ i₂'uan'₂, a₂jñiá'₃ a₂te₁'i₁ quió'₅, chi₂jua'₂ le₂'uig₅₄ tsá₃ ma₂në₂'nei'₂ de'₂ dsa₂? Jñia'₅₄ lia'₂ le₂jaun₂ bá₄ lé₂ le₃jñiá'₃ a₂cha₂ quió'₅.

30 'I₂tsá₃ tión₂ le₃quió'₃ jniá₂, dsa₂ i₂'iog₅₄ jniá₂ bá₄ 'éi₂; le₂jaun₂ guë'₂ i₂tsá₃ quian'₅₄ jniá₂ cág'₅, jñia'₅₄ jmo₂₃ tsi₁rē₂ja₅₄ bá₄. 31 Juig₂ jniá₂ 'nia'₂ jaun₂ ně₃, a₂lé₂ le₃'én₂ bá₄ ca₂le₃jě₃ dsá_{u1} dsa₂, ca₂le₃jě₃ 'e₂ a₂'lig'₅₄ juá'₂ ně₃. La₁ ně₁jua'₂ ca₂'íin₃ 'lig'₅₄ Jme₂dsí₂ quián₅ Diú₄, a₂në₅ guë₄ tsá₃ ma₃o₂'én₂ dso₄ cha₂. 32 La₁ ně₁jua'₂ chan₂ i₂ca₂'in₃ 'lig'₅₄ Jaun₅ dsa₂ mi₂güig₃, lé₂ bá₄ le₂'én₂ dsá_{u1}; la₁ jui₁lia'₂

† 12:21 Isaías 42:1-4.

i₂'in₅ 'lig'₅₄ Jme₂dsí₂ Jnió₅, tsá₃ ma₃o₂'én₂ dso₄ cha₂ quió'₅, mi₂güí₃ la₂, on₃ guè'₂ mi₂güí₃ caun₂ ně₃.

Tě₂le₃ 'a₂ lia'₂ lě₅ mīg₂ a₂'ag₅ bá₄ ni₁'ma₂, jáng'₅ léi₄
(Lucas 6:43-45)

³³ 'Chi₂jua'₂ jmo'₂ 'nia'₂ a₂le₃dse₃ ni₁'ma₂, mīg₂ dse₃ bá₄ 'ag₃; la₁ chi₂jua'₂ jmo'₂ 'nia'₂ a₂le₃'lig'₅₄ ni₁'ma₂, mīg₂ 'lig'₅₄ bá₄ 'ag₃ ján₃. 'Uig'₅₄ jaun₂, tě₂le₃ quian'₅₄ mīg₂ a₂'ag₅ bá₄ ni₁'ma₂, jáng'₅ léi₄ chi₂jua'₂ dse₃ o₃ a₂'lig'₅₄ 'e₂. ³⁴ i'Nia'₂ tsi₁jon₂ dsí₂mi'₂! ĸ'A₂ bá₄ lia'₂ lé₂ le₃dsiá'₁ 'nia'₂ jág₁ dse₃, ton'₂ 'lin'₅₄ bá₄ guè'₂ 'nia'₂ guiong'₅₄? Ia₁ lia'₂ con'₂ lě₅ a₂'lióng₂ ŋag₅₄ cha₂ tě₂dsí₅ dsa₂, a₂jaun₂ bá₄ 'uě₂ mi₂'o₅₄. ³⁵ Jui₁lia'₂ dsa₂ dsen₃, jág₁ dse₃ bá₄ dsia₂₃, ia₁ jmá'₃ lia'₂ a₂dse₃ bá₄ rě₂'ma₄ tě₂dsí₅; le₂ně₅ bá₄ jui₁lia'₂ dsa₂ 'lin'₅₄, jág₁ 'lig'₅₄ bá₄ dsia₂₃, ia₁ jmá'₃ lia'₂ a₂'lig'₅₄ bá₄ rě₂'ma₄ tě₂dsí₅. ³⁶ Jaun₂ juá'₅ jniá₂, jáng'₃ bá₄ dsa₂ mi₂güí₃ cuenta quió'₅ jě₁ma₂tě₂ jmig₄ i₁con₂ Diú₄ 'í₁, qui₃dsi₂₃ 'éi'₃ ne₄ ca₂le₃jě₃ jág₁ a₂tsá₃ ta₁ tí₄. ³⁷ Ia₁ tě₂le₃ 'a₂ lia'₂ lě₅ jág₁ quián'₂ bá₄ 'nia'₂, jióg'₂ 'í₁, ring'₂ o₃ tsá₃ ring'₂.

Mi₅ dsa₂ fariseos a₂jmo₃ Jesús caun₂ léi₄ juě'₂
(Marcos 8:12; Lucas 11:29-32)

³⁸ Jaun₂ ně₃ i₂lin₅₄ dsa₂ fariseos quian'₅₄ tě₅juá'₅ ca₂tsí'₃ Jesús:
—Tě₅, 'niog₂ jnia'₅₄ jag₅₄ caun₂ léi₄ juě'₂ a₂jmó'₂ 'ne₂.

³⁹ Jaun₂ ca₂ŋag₃ Jesús:

—Tsi₁jon₂ dsa₂ 'lin'₅₄ i₂tsá₃ nag₃ la₂ mi₂₃ a₂jmo₅₄ jniá₂ caun₂ léi₄ juě'₂. La₁ tsá₃ ma₃'e₂ léi₄ lé₂ le₃cuě₅₄ jniá₂ ja₁con'₂ 'nia'₂, jnia'₅₄ lia'₂ con'₂ léi₄ jui₁lia'₂ a₂ca₂i₃ŋí₂ Jonás i₂jme'₁ě₂ jág₁ o₄quió'₄ Diú₄ bá₄. ⁴⁰ Ia₁ jui₁lia'₂ ca₂'í₃ Jonás 'ni₅ jmig₄, 'ni₅ nei₅ tě₂dsí₅ já'₂ jmig₂ pan₅₄ 'éi₂, le₂jaun₂ bá₄ 'í₂ Jaun₅ dsa₂ mi₂güí₃ né'₃ 'uě₃ 'ni₅ jmig₄, 'ni₅ nei₅. ⁴¹ Jmig₄ jě₁ma₂tě₂ rě₁con₂ Diú₄ 'í₁, dsa₂ i₂jme₁chan₂ juig₂ ciudad Nínive, dsa₂ 'éi₂ bá₄ náu₃ qui₃dsi₂₃ 'éi'₃ ján₃ ja₁con'₂ 'nia'₂ dsa₂ chang'₂ jmig₄ ně₃. Ia₁ dsa₂ 'éi₂ ca₂jéin'₃ dsí₅ lia'₂ con'₂ jme₁ca₂'ě₂ Jonás jág₁ quió'₅ Diú₄. La₁ ně₃ ně₃ la₂ chén'₅ jan₂ i₂juin'₂ guě₄ lia'₂ con'₂ guě₄ Jonás 'éi₂. ⁴² 'Io₅₄ rag₅₄ i₂jme₁gon₂ 'uě₃ tě₂le₃ sur, ján₃ bá₄ náu₃ 'éi₂ jmig₄ i₁qui₃dsi₅ Diú₄ 'éi'₃, ján₃ guě'₂ 'liog'₃ 'éi₂ 'liain'₃ 'nia'₂ i₂chang'₂ jmig₄ ně₃. Ia₁ 'éi₂ ně₃ ca₂já₃ uíng₂ lín₃ ca₂'í₃ jui₅ a₂ca₂o₃néi₃ jág₁ quió'₅ Salomón 'a₂ lia'₂ jme₁ŋí'₂ dsí₅ 'éi₂ a₂ŋí₄ lě₃ jme₁tin₂;† la₁ ně₃ ně₃, la₂ chén'₅ jan₂ i₂juin'₂ guě₄ con'₂ guě₄ Salomón 'éi₂.

Jme₂dsí₂ 'lin'₅₄ i₂jón'₂ táng₃
(Lucas 11:24-26)

⁴³ 'Jě₁ma₂o₂'ín₃ jan₂ jme₂dsí₂ 'lin'₅₄ quió'₅ jan₂ dsa₂, jaun₂ dsí₂ŋí₃ le₂tan₅₄ ja₁quein₂ 'no'₂ ja₁ŋia₃. Ně₁jua'₂ tsá₃ ca₂dsó'₂ ja₁ŋia₃ ně₃, jaun₂ 'no'₂ táng₃ dsí₅:
⁴⁴ “Nég'₄ táng₃ dsí₂néi₂ quió'₃ ja₁ca₂o₃'íng₃.” Jě₁ma₂ca₂dsiáin'₃ jaun₂, dsain'₂ táng₃ dsa₂ 'éi₂ lín₅ co₂'nió'₄ bá₄ caun₂ dsí₂néi₂ a₂rě₂jě₄, rě₂'ia'₅₄, rě₂ chí'₅. ⁴⁵ Jaun₂ ně₃ o₂'iin₅₄ táng₃ dsó₅ chi₂liain'₂ con'₂ guě₄ guion₃ jme₂dsí₂ 'lin'₅₄ rin'₅₄ i₂lě₁ŋio₅ guě₄ con'₂ guě₄ ŋiog₅. Dsi₂lein₅ dsi₂tian₂ tě₂dsí₅ dsa₂ 'éi₂. Jaun₂ dsa₂ 'éi₂ ně₃, dsíóg₄ lėin₂ le₃'lėin'₅₄ guě₄ lín₃ guě₄ con'₂ guě₄ jme₁lėin₄ le₂'uig₅₄. § Le₂ně₅ bá₄ dsí₂ŋí₂ tsi₁jon₂ 'lin'₅₄ i₂chan₂ rě₂ně₃.

Chi'₂ rin'₅₄ Jesús quian'₅₄ chog₅₄
(Marcos 3:31-35; Lucas 8:19-21)

† 12:42 'Í₁ 1 Reyes 10; 2 Crónicas 9:1-12. § 12:45 'Nio'₂ ja₁ton₅ 2 Pedro 2:20.

46 Tě₃ 'en₅₄ Jesús dsa₂₃ jág₁ tsí'₅ dsa₂, jme₁ca₂dsi₃lén₂ chi'₂ riin'₅₄ quiain'₅₄ chog₅₄ ně₃. Ca₁'né₄ bá₄ ca₂tián'₂ a₂'nio₃ dsa₃ jág₁ quiain'₅₄ Jesús. 47 Jaun₂ ca₂i₁con₂ jan₂ jág₁, ca₂juá'₂:

—Chog'₂ quian'₅₄ chi'₂ ríng'₂ tián'₅ ca₁'né₄, a₂'nio₃ dsa₃ jág₁ quian'₅₄ 'ne₂.*

48 Jaun₂ ca₂ḡag₃ Jesús:

—¿'Ein₂ 'éi₂ cha₃ jniá₂, 'ein₂ 'éi₂ rín'₃ jniá₂ ně₃?

49 Jaun₂ ně₃ ca₂'iin₃ chi'₂ dsi₂guia₃-tín₂ quiáin₅, jaun₂ ca₂juá'₂:

—I₂la₂ bá₄ lín₅ co₂'nió'₄ cha₃ jniá₂, quian'₅₄ ríng'₃ ně₃. 50 Ia₁ jui₁'ein₂ guě₃ i₂jmo₅ a₂'ḡio₂ dsi₅ ḡe'₃ jniá₂ i₂guá₅ guei'₅₄ i₂juíg₃, i₂'éi₂ bá₄ lín₅ jui₁lia'₂ dsó₂ ríng'₃, 'io₅₄ ríng'₃, cha₃ ně₃.

13

Jág₁ a₂jáng'₅ léi₄ jui₁lia'₂ dsa₂ i₂séi₂ míg₂ jon₂
(Marcos 4:1-9; Lucas 8:4-8)

1 Jmíg₄ jaun₂ ca₂o₃'ín₃ Jesús dsi₂néi₂ ja₁jme₁'ein₅₄, ca₂ḡó₃ ca₂i₁gua₂ chei'₅₄ jmi₁'ḡí'₄. 2 Ia₁ ca₂ḡi'₂ táng₃ juin₅ lín₃ dsa₂ le₃lág'₃ quió'₅ ja₁guá₄, jaun₂ ca₂'í₃ 'ḡió'₃ tsí₁mu₅, jaun₂ ca₂guá₂. Jaun₂ dsa₂ guě'₂ ně₃ ca₂tóin'₂ ca₂le₃jín₃ chei'₅₄ jmíg₂. 3 Jaun₂ ně₃ ca₂jme₃tín₂₃ dsa₂ 'lióng₂ lín₃ jág₁ tē₂le₃ quian'₅₄ jág₁ a₂jáng'₅ léi₄.

Ca₂juá'₂:

—Jan₂ dsa₂ ca₂ḡe₄ ja₁nau₂ ca₂i₁séi₄ míg₂ jon₂; 4 jme₁ma₂'ein₅₄ séi₂ ně₃, a₂lín₅₄ míg₂ jon₂ ca₂i₃ga'₅₄ le₂'i₄ jui₅, jaun₂ ně₃ i₁tan₅ bá₄ ca₂o₃lén₂ ca₂cág'₃. 5 A₂lín₅₄ guě'₂ míg₂ jon₂ ca₂i₃to'₅₄ jē₄ ni₁cang₁, ja₁tsá₃ lín₄ gua'₅₄ lē₅. A₂jaun₂ ně₃ tsá₃ uě₂ ca₂rē₃'ag₄ ca₂'ia₂, ia₁ tsá₃ jī'₂ gua'₅₄ ja₁i₃to'₅₄. 6 La₁ jme₁ca₂tē₂ 'iog₂, ca₂rē₃juing₅, ca₂cáu₂ bá₄ a₂jaun₂, ia₁ tsá₃ jmú₄ 'lióng₂ jme₁ma₂cha₂. 7 A₂lín₅₄ guě'₂ i₃ga'₅₄ ja₁lē₄ ni₁taun₅. Jme₁ca₂i₃cón₃ ni₁taun₅ ně₃, ca₂jlē₃ bá₄ jon₂ jaun₂ táng₃. 8 La₁ a₂lín₅₄ guě'₂ ně₃ ca₂tín₂ ja₁'o'₅₄ 'uě₃; a₂jaun₂ ca₂rau₂ dse₃; a₂lín₅₄ míg₂ jon₂ ca₂'ág₂ jma₃cáun₃ 'ḡiá₂-láu₂ míg₂ lia'₂ ca₂míg₂ jon₂ a₂i₃jnia₄; a₂lín₅₄ guě'₂ jma₃'nag'₂ ne₂guióg₂ míg₂, a₂lín₅₄ guě'₂ jma₃guióg₂-guiá₂ míg₂. 9 Chi₂jua'₂ 'ein₂ 'nia'₂ i₂dsi₅₄ rē₂gua₄, nei₂ 'nia'₂.

Ta₁ quí'₅ jág₁ a₂jáng'₅ léi₄
(Marcos 4:10-12; Lucas 8:9-10)

10 Jaun₂ ca₂jme₃quián₃ chi'₂ dsi₂guia₃-tín₂ con₂ Jesús, jaun₂ ca₂ḡag₃:

—¿'E₂ lē₃ jme₂tíng'₁ dsa₂ jmá'₃ lia'₂ quian'₅₄ jág₁ a₂jáng'₅ léi₄?

11 Jaun₂ ně₃ ca₂ḡag₃ Jesús:

—Diú₄ bá₄ jmo₅ a₂rē₃ḡí'₂ 'au'₂ 'nia'₂ jág₁ rē₂'ma₄ jui₁lia'₂ 'a₂ lia'₂ lē₅ ja₁goin₂ guei'₅₄ i₂juíg₃. La₁ ja₁con₂ dsa₂ ně₅ ně₃, tsá₃ le₂jaun₂. 12 Ia₁ jui₁lia'₂ dsa₂ i₂ḡí'₂ dse₃, Diú₄ bá₄ jmo₃ le₃ḡí'₂ guě₄ 'lióng₂, jaun₂ dsi₁lén₂ lén₂ dsa₂ i₂niog₅ dsi₄. La₁ jui₁lia'₂ i₂tsá₃ 'nio₃ le₃ḡí'₂ ně₃, Diú₄ bá₄ jmo₃ co₂dsia₅ tsá₃ le₃ḡí'₂ co₂ḡei'₅₄. 13 'Uig₅₄ jaun₂ bá₄ a₂jme₂tín₂ jniá₂ dsa₂ tē₂le₃ quian'₅₄ jág₁ a₂jáng'₅ léi₄:

Ia₁jaun₂ i₂jág₃,

la₁ tsá₃ le₃lí'₄ 'e₂ a₂nē₂jág₃;

i₂nē₂néi₂ guě'₂ ně₃,

la₁ tsá₃ ca₂rē₃lí'₄ 'e₂ a₂nē₂néi₂,

on₃ guě₄ ca₂ḡí'₂.

14 Jaun₂ le₂nē₅ rē₂ti₃ tē₂le₃ quió'₅ dsa₂ ně₅ jui₁lia'₂ ca₂juá'₂ Isaías i₂ca₂'ě₂ jág₁ quián₅ Diú₄:

* 12:47 A₂lín₅₄ chog₅₄ si₂ tsá₃ chi₁ton₅

Dsón'₂ bá₄ nág'₁ 'nia'₂,
 la₁ tsá₃ le₃ñíg'₂ 'e₂ a₂nág'₁;
 Caun₂ qui₁jag'₅₄ 'nia'₂ ně₃,
 la₁ tsá₃ le₃len'₅₄ 'nia'₂.
 15 Ia₁ a₂ma₂'ua'₂ dsi₄ bá₄ dsa₂ la₂,
 ja₂lag₃ bá₄ nag₂₃,
 ně₂jag₄ bá₄ i₂ma₂rě₂jni₅ rě₂gua₄;
 ján₃ bá₄ le₂ně₅, ně₂jag₄ bá₄ a₂tsá₃ jniá₂ mi₂ne₅₄,
 ia₁jaun₂ tsá₃ jág₃ quian'₅₄ mi₂ne₅₄,
 on₃ guě'₂ nag₃ quian'₅₄ rě₂gua₅₄,
 on₃ guě₄ le₃ñí'₂ dsi₅,
 ia₁jaun₂ tsá₃ jéin'₃ dsi₅ ja₁con₂ jniá₂
 ia₁jaun₂ jme₁'lioin₁₂ jniá₂.*

16 'La₁ 'e₂ guě₄ dsen'₃ 'nia'₂ ia₁ jniá₂ mi₂ne'₅₄, nag'₂ bá₄ 'nia'₂ ně₃ quian'₅₄ rě₂guá'₂. 17 A₂dsi₂jó'₃ juíg₂ jniá₂ 'nia'₂, juin₅ dsa₂ i₂jme₁'ě₂ jág₁ quián₅ Diú₄ ma₂líg'₂, juin₅ dsa₂ dsen₃, jme₁'nio₃ tě₃ ne₅₄ a₂jág'₂ 'nia'₂ rě₂ně₃, la₁ tsá₃ ca₂jág₃; jme₁'nio₃ nag₃ ně₃ juí₁lia'₂ a₂nag'₂ 'nia'₂ rě₂ně₃, la₁ tsá₃ ca₂nág₂.

Juá'₂ Jesús tsí'₅ dsa₂ lia'₂ tí₅ jág₁ 'e₂ jág₁ dsau₅ jáng'₅ juí₁lia'₂ jág₁ quió'₅ dsa₂ i₂séi₂ mi₂jon₂

(Marcos 4:13-20; Lucas 8:11-15)

18 'Nei₂ 'nia'₂ jaun₂, 'e₂ jág₁ dsau₅ jáng'₅ juí₁lia'₂ jág₁ quió'₅ dsa₂ i₂séi₂ míg₂ jon₂.
 19 Juí₁lia'₂ dsa₂ i₂nag₅ jág₁ dse₃ a₂já₅ guei'₅₄ i₂juíg₃ ja₁gon₂ Diú₄, ně₃juá'₂ tsá₃ ñí'₂,
 lín₅ juí₁lia'₂ míg₂ jon₂ a₂ca₂séi'₂ dsi₂juí₅. I₂sě₃dsen₃ bá₄ ja₂ ja₁coin₂, jaun₂ jniá'₂
 táng₃ jág₁ dse₃ a₂jme₁ma₂jnia₄ tě₂dsí₅. 20 Míg₂ jon₂ a₂ca₂séi'₂ guě'₂ jě₄ ni₁cang₁,
 lě₅ juí₁lia'₂ lín₅ dsa₂ i₂gue₅ 'ñio₂ dsi₅ jág₁ dse₃ a₂nag₂₃, 21 la₁ia₁ tsá₃ cha₂ guě'₂
 jě₁dsi₃'má₂ jmú₄ né'₃ 'uě₃, tsá₃ uě₂ tíó'₅; jaun₂ jě₁ma₂já₅ o₂i₁ dsi₅ a₂dsi₂ñí₂ 'e₂
 dsi₂ñí₂, o₃ qui₂co₂'ein₅ dsa₂ o₄quió'₄ jág₁ quió'₅ Diú₄, guein₂₃ tí₂ bá₄ táng₃ jág₁.
 22 Juí₁lia'₂ míg₂ jon₂ a₂i₃ga'₅₄ jě₄ ni₁taun₅ guě'₂ táng₃, jáng'₅ jág₁ dsau₅ juí₁lia'₂
 dsa₂ i₂nag₅ jág₁ dse₃, la₁ia₁ 'ñio₅ lín₃ guě₄ 'i₅ dsi₅ o₂me'₅₄ dsi₅ a₂cha₂ mi₂güí₃ la₂,
 a₂'ín₅ dsi₅ a₂le₃cha₂ cu₄ a₂le₃chain₂ dse₃ ně₃, a₂ně₅ bá₄ a₂jme₂gau₅ táng₃ quió'₅.
 Ca₂le₃jě₃ a₂ně₅ jlě₂ bá₄ táng₃ jág₁ dse₃ a₂jme₁ma₂nág₂, jaun₂ tsá₃ ma₂'e₂ a₂dse₃
 ráu₃ ja₁con₂ dsa₂ 'éi₂. 23 La₁ juí₁lia'₂ míg₂ jon₂ a₂ca₂séi'₂ ja₁dse₃ gua'₅₄, jáng'₅ táng₃
 jág₁ dsau₅ tě₂le₃ ja₁con₂ dsa₂ i₂nag₅ jág₁, ton₂ 'ñí'₂ ně₃; jaun₂ jmá'₃ lia'₂ ca₂ne₅₄
 a₂dse₃ bá₄ rau₂ ja₁coin₂. I₂lín₅₄ guě'₂ dsa₂ 'éi₂ tě₂le₃ quian'₅₄ a₂dse₃ rě₂jniá₂
 a₂jmo₂₃, lín₅ juí₁lia'₂ lě₅ lia'₂ ca₂cho'₅₄ míg₂ a₂ca₂i₃jnia₄, rau₂ caun₂ 'ñiá₂-láu₂ míg₂
 lia'₂ ca₂míg₂; i₂lín₅₄ guě'₂ jma₃'nag'₂ co₂ne₂guióg₂; i₂lín₅₄ guě'₂ jma₃guióg₂-guiá₂
 míg₂.

Jág₁ a₂jáng'₅ léi₄ juí₁lia'₂ ni₁nau₂ 'lig'₅₄ a₂ca₂'ia₂ jě₄ trigo

24 Ca₂juá'₂ Jesús táng₃ ca₂tsí'₃ dsa₂ caun₂ jág₁ a₂jáng'₅ léi₄ siá'₂:

—A₂lě₅ guei'₅₄ i₂juíg₃ ja₁gon₂ Diú₄ lia'₂ lín₅ jan₂ dsa₂ i₂ca₂séi₂ ca₂ne₅₄ míg₂ jon₂
 dse₃ 'uě₃ quió'₅; 25 la₁ caun₂ 'uě₂ jme₁ma₂le₁güín₃ dsa₂ le₃jín₃, ca₂guan₃ jan₂ dsa₂
 'lín₅₄ i₂'iog₅₄ ca₂jmo₃ uig₅ dsi₅ ca₂guia'₃ jon₂ ni₁nau₂ 'lig'₅₄ jě₄ trigo, jaun₂ ca₂ñái'₃
 táng₃. 26 Jme₁ca₂i₃cón₃ trigo, jme₁ma₂tio'₅₄ mí'₂ ně₃, jě₄ jaun₂ ca₂'ia₂ ni₁nau₂ 'lig'₅₄
 ján₃. 27 Jaun₂ ně₃, dsa₂ i₂jme₂tí₃ ta₁ ne₄ juig₅₄ ja₁nau₂, ca₂i₁con₂ jág₁ ne₄ juig₅₄,
 ca₂juá'₂: “Gui'₅₄, ¿on₁juá'₅₄ jmá'₃ ca₂ne₅₄ míg₂ jon₃ dse₃ ca₂ñí'₂ ja₁nau₂ quiáng'₂
 jme₁ca₂ñí'₂? ¿'A₂ guě'₂ lia'₂ ca₂lě₃ a₂ca₂'ia₂ ni₁nau₂ 'lig'₅₄ jaun₂ ně₃?” 28 Jaun₂

* 13:15 Isaiás 6:9-10.

ca₂ŋag₃ dsa₂ juig₅₄: “An₁ jan₂ dsa₂ 'lin'₅₄ i₂'iog₅₄ bá₄ ca₂jmo₃ a₂ně₅.” Jaun₂ ca₂ŋag₃ dsa₂ i₂jme₂ti₃ ta₁ ne₅₄: “¿Tsa₁ 'niog'₂ jua'₅₄ co₂dsia₅ dsi₁gué₁ jnia'₅₄ ni₁nau₂ 'lig'₅₄ jaun₂?” ²⁹ Jaun₂ ca₂ŋag₃ táng₃ 'éi₂, ca₂juá'₂: “Jan₂'ón₄. Tió'₅ bá₄. Ia₁ con₂ tsá₃ ŋó₅ ně₁jua'₂ le₂jio₅ tag₄ trigo dse₃ bá₄ ca₂cang₅. ³⁰ Ja₂lin₃ gué₄ dse₃ jui₁le₁dsi₅₄ me'₂ jaun₂, jui₁dsi₂cón₃ bá₄ co₂lě₅, ca₂lia'₂ ca₂tě₂ jmig₄ i₁ráu₃; jaun₂ gué₄ tsing₅₄ dsa₂ a₂dsi₃cang₅₄ de'₂ le₂'uig₅₄ ni₁nau₂ 'lig'₅₄, jaun₂ cág'₃ jmá'₃ co₂dsong'₅₄ ia₁jaun₂ 'nei₃, dsi'₂, jaun₂ gué₄ cág'₃ trigo tó'₃ caun₂ ja₁tó'₃ dsi₂néi₂ quió₃.”

Jág₁ a₂jáng'₅ léi₄ jui₁lia'₂ mǐg₂ jon₂ quió'₅ ni₁'ma₂ mostaza
(*Marcos 4:30-32; Lucas 13:18-19*)

³¹ Ca₂dsia₃ Jesús ján₃ caun₂ jág₁ a₂jáng'₅ léi₄ le₂la₂:

—Ja₁gon₂ Diú₄ guei'₅₄ i₂juig₃, lě₅ jui₁lia'₂ lě₅ mǐg₂ jon₂ quió'₅ ni₁'ma₂ mostaza† a₂ca₂jné₂ jan₂ dsa₂ ja₁nau₂ quió'₅. ³² Dsón'₂ mǐg₂ jon₂ jaun₂ lě₅ mǐg₂ a₂pí'₁ tei₄ gué₄ 'ŋio₅ lín₃ lia'₂ con₂ gué₄ mǐg₂ jon₂ siá'₂; la₁ia₁ jě₁ma₂ca₂l₃cón₃ ně₃, lě₂ caun₂ ni₁'ma₂ pa₁ gué₄ lia'₂ con₂ gué₄ rin'₅₄ a₂cha₂ ja₁nau₂ quió'₅, ca₂tě₂ i₁tan₅ lě₂ le₃tiain'₃ gu'₂ nei'₅₄.

Jág₁ jáng'₅ léi₄ jui₁lia'₂ 'a₂ lia'₂ rón'₂ i₁ŋí'₄
(*Lucas 13:20-21*)

³³ Ca₂dsia₃ Jesús jág₁ a₂jáng'₅ léi₄ le₂la₂ táng₃:

—Lě₅ guei'₅₄ i₂juig₃ ja₁gon₂ Diú₄, jui₁lia'₂ lě₅ levadura a₂co₂güin'₂ jan₂ 'io₅₄ quian'₅₄ 'ni₅ tio'₅₄ ŋí₁ ca'₅₄† ti₁jui₁ harina, ia₁jaun₂ ron'₂ dse₃ ca₂le₃jě₃ ti₁can₁.

Ta₁ a₂quí'₅ jág₁ a₂jáng'₅ léi₄ a₂ca₂jme₃tag₅ Jesús
(*Marcos 4:33-34*)

³⁴ Ca₂le₃jě₃ jág₁ la₂ ca₂juá'₂ Jesús ca₂tsí'₃ dsa₂ tē₂le₃ quian'₅₄ jág₁ a₂jáng'₅ léi₄; 'i₁co₂ráun₂ tsá₃ jme₁jme₂tag₂₃ jua'₅₄ tsá₃ tē₂le₃ quian'₅₄ jág₁ a₂jáng'₅ léi₄. ³⁵ Le₂ně₅ ca₂jmo₃ ia₁jaun₂ le₃ti₃ jág₁ a₂jme₁ma₂rě₂'ě₂ quió'₅ dsa₂ i₂jme₁'ě₂ jág₁ quián₅ Diú₄ ma₂lig'₂ jme₁ca₂juá'₂:

'Uë'₅₄ jniá₂ jág₁ 'o₃
tē₂le₃ quian'₅₄ jág₁ a₂jáng'₅ léi₄;
dsia₅₄ jniá₂ jág₁ a₂tsá₃ ma₂ca₂rě₃jniá₂
ca₂le₃ ca₂jmo₃ Diú₄ mi₂güig₃. §

Dsia₅ Jesús lia'₂ tí₅ jág₁ 'e₂ jág₁ dsau₅ jáng'₅ jui₁lia'₂ ni₁nau₂ 'lig'₅₄ a₂ca₂'ia₂ jě₄ trigo

³⁶ Jaun₂ ně₃, ca₂o₃'ín₃ Jesús jin₄ dsa₂ juin₅ ja₁jme₁'ein₅₄ jaun₂ ca₂'í₃ táng₃ caun₂ dsi₂néi₂. Jaun₂ ca₂o₃lén₂ táng₃ chi'₂ dsi₂guia₃-tín₂ ja₁coin₂, ca₂juá'₂:

—Dsia₄ lia'₂ tí₅ jág₁ 'e₂ jág₁ dsau₅ jáng'₅ jui₁lia'₂ jág₁ quió'₅ ni₁nau₂ 'lig'₅₄ a₂ca₂'ia₂ jě₄ trigo.

³⁷ Jaun₂ ca₂ŋag₃ Jesús:

—Dsa₂ i₂ŋi₅ séi₂ mǐg₂ jon₂ dse₃, Jaun₅ dsa₂ mi₂güig₃ bá₄ 'éi₂; ³⁸ ja₁nau₂ gué'₂ lě₅ co₂'nió'₄ mi₂güig₃ la₂. Jon₂ dse₃ gué'₂ ně₃, co₂'nió'₄ lín₅ chi'₂-guein₂ i₂tion'₅₄ 'éi'₃ quió'₅ Diú₄. Ni₁nau₂ 'lig'₅₄ gué'₂ ně₃, co₂'nió'₄ dsa₂ i₂tion'₅₄ jui₅ 'éi'₃ quió'₅ i₂sě₃dsen₃. ³⁹ Dsa₂ 'lin'₅₄ i₂'iog₅₄ i₂ca₂jné₂ jon₂ ni₁nau₂ 'lig'₅₄, i₂sě₃dsen₃ bá₄ 'éi₂. I₁ráu₃ gué'₂ ně₃, lě₅ jmig₄ jě₁ca₂tó'₂; i₂ja₃lén₂ ja₃cag'₅₄ gué₄ ně₃, ángeles quián₅ bá₄ Diú₄. ⁴⁰ Jaun₂, jui₁lia'₂ cág'₅ dsa₂ ni₁nau₂ 'lig'₅₄, a₂tó'₅ dsi₂si₂, le₂ně₅ bá₄ lě₂ ján₃ jmig₄ jě₁ca₂tó'₂ mi₂güig₃ la₂. ⁴¹ Chen₃ Jaun₅ dsa₂ mi₂güig₃ ángeles quián₅ ia₁jaun₂ 'uín'₂ jě₄ quió'₅ dsa₂ quián₅ ca₂le₃jín₃ i₂jmo₅ qui₂sén'₂ rin'₅₄ a₂'no₂₃ dso₄, ca₂le₃jín₃ gué₄ i₂ca₂rě₃chán₃ i₂tsá₃ ca₂tí₂ jui₅ 'lig'₅₄. ⁴² Jaun₂ to'₂ ja₁néi'₅

† **13:31** mostaza: On₃jua'₅₄ mi₁ján'₅ a₂cuí'₅ dsa₂ go₄ jniog₄; caun₂ ni₁'ma₂ dsón'₂ jaun₂ a₂tě₂ tē₅sí₃ Brassica nigra. ‡ **13:33** griego: “ni₅ tio'₅₄ ŋí₁ sata”, a₂tio'₅₄ con₂ 22 litros le₂caun₂ ŋí₁. § **13:35** Salmo 78:2.

tsi'₄ si₂, ja₁tón'₃ qui'₂-'o₂₃, qui₃qui'₃ jan₅₄ ně₃. 43 Jaun₂, dsa₂ dsen₃ quián₅ Diú₄ guè'₂ dsi₃lein₅ dsi₃tiain'₂ ja₁jniá'₅₄ tág₅ jui₁lia'₂ jniá₂ 'iog₂ ja₁jmo₅ Diú₄ Jmei₂ 'éi'₃. Chi₂jua'₂ 'ein₂ 'nia'₂ i₂dsi₅₄ rē₂gua₄, rē₂ nei₂ 'nia'₂.

Jág₁ a₂jáng'₅ léi₄ jui₁lia'₂ caun₂ a₂quen₅ guè₄ 'ñio₅ lín₃ a₂rē₂'ma₄

44 'Guei'₅₄ i₂juig₃ ja₁gon₂ Diú₄ ján₃ bá₄ lē₅ jui₁lia'₂ caun₂ a₂quen₅ 'ñio₅ lín₃ a₂rē₂'ma₄ rē₂'o₅ né'₃ 'uē₃. La₁ jui₁lia'₂ jan₂ dsa₂ i₂dso'₂ ně₃, ja₁jaun₂ bá₄ 'ma₂₃ táng₃; ia₁ a₂ñí₄ lē₃ 'io'₂ jén'₅, jaun₂ dsáin'₅ dsi₂'nág₂ ca₂le₃jě₃ 'e₂ a₂cha₂ quió'₅, jaun₂ lá₅ 'uē₃ jaun₂.

Jág₁ a₂jáng'₅ léi₄ jui₁lia'₂ míg₂ perla a₂quen₅ lín₃

45 'Ján₃ bá₄ lē₅ guei'₅₄ i₂juig₃ ja₁gon₂ Diú₄ jui₁lia'₂ lín₅ jan₂ dsa₂ i₂ñi₅ 'no'₂ perlas jlá'₁ ia₁jaun₂ jmo₃ 'ma'₅₄. 46 Jē₁ma₂ca₂dsó'₂ ca₂míg₂ a₂quen₅ lín₃, dsáin'₅ dsi₂'nág₂ ca₂le₃jě₃ 'e₂ a₂cha₂ quió'₅, jaun₂ lá₅ míg₂ jlá'₁ jaun₂.

Jág₁ a₂jáng'₅ léi₄ jui₁lia'₂ tsi₁'má₅

47 'Ján₃ bá₄ le₂jaun₂ lē₅ guei'₅₄ i₂juig₃ ja₁gon₂ Diú₄ jui₁lia'₂ lē₅ caun₂ tsi₁'má₅ a₂táun₂ dsa₂ ne₄ jmi₁ñí'₄ jaun₂ 'uín'₂ ca₂le₃jín₃ ne₅₄ já'₂. 48 Jē₁ma₂ca₂rín₅ tsi₁'má₅, dsa₂ ně₃ 'ín₅ tē₂le₃ chei'₅₄ jmi₁ñí'₄; jaun₂ quióin'₂ jma'₃ lia'₂ ju₄ dsen₃ caun₂ ja₁to'₂, jaun₂ guaiin'₂ bá₄ jui₁lia'₂ já'₂ i₂tsá₃ dsen₃. 49 Ján₃ bá₄ le₂jaun₂ lé₂ jmiḡ₄ jē₁ca₂tó'₂ mi₂güḡ₃ la₂: 'uín₃ ángeles ja₁jmo₂ jma₃quén₅ dsa₂ 'lín'₅₄ jē₄ quió'₅ dsa₂ dsen₃. 50 jaun₂ toin'₂ i₂'lín'₅₄ ja₁néi'₅ tsi'₄ si₂ ja₁dsi₃toin'₅₄ qui'₂-'o₂₃ qui₃qui'₃ jan₅₄ ně₃."

Jui₁lia'₂ cu₄nióg₄ 'mí₂ quian'₅₄ cu₄nióg₄ gui'₅₄

51 Jaun₂ ca₂ñí'₃ Jesús chi'₂ dsi₂guia₃-tín₂ quiáin₅:

—¿ñíḡ'₂ 'nia'₂ ca₂le₃jě₃ jág₁ a₂juá'₅ jniá₂ ně₅?

Jaun₂ ca₂ñag₃:

—Nág'₂ bá₄ jnia'₅₄.

52 Jaun₂ ca₂juá'₂ Jesús ně₃:

—Jui₁lia'₂ jan₂ tē₅juá'₅ i₂ma₂ca₂jme₃tín₅ 'a₂ lia'₂ lē₅ guei'₅₄ i₂juig₃ ja₁gon₂ Diú₄, lín₅ jui₁lia'₂ lín₅ jan₂ juig₅₄ tsi₁'né₅ i₂'uē'₅ a₂quen₅ a₂te'₁i₁ le₁'ma₁ dsi₂néi₂ quió'₅, lia'₂ cosas 'mí₂ lia'₂ cosas gui'₅₄ ně₃.

'En₅₄ Jesús jē₄ juig₂ Nazaret

(Marcos 6:1-6; Lucas 4:16-30)

53 Jme₁ca₂dsan₃ jme₂tín₅ Jesús dsa₂ jág₁ a₂jáng'₅ léi₄ ně₅, ca₂o₃ 'ín₃ bá₄ ja₁jaun₂, ñái'₃ juig₂ go₅₄. 54 Jme₁ca₂dsiáin'₃ jaun₂ ně₃, ca₂jme₃lióg₃ ca₂jme₃tín₂₃ dsa₂ jág₁ dse₃ quió'₅ Diú₄ dsi₂néi₂ guá'₅ sinagoga quió'₅ dsa₂ ja₁jaun₂, jaun₂ dsa₂ ně₃, ca₂i₃gó'₃ dsí₅ jág₁ a₂ca₂nág₂, jaun₂ ca₂dsia₃:

—¿A₂já'₄ ca₂i₁jme₁tín₅ i₂ně₅ jág₁ a₂ñí₄ lē₃ tñin₂₃ ně₅? ¿'A₂ bá₄ lia'₂ 'io₂₃ bí₂ a₂tñin₂ jmo₃ o₂dsain₂ ně₃? 55 ¿On₁jua'₅₄ i₂ně₅ ja₁ñi'₅₄ tē₅'má₃? ¿On₁jua'₅₄ chog₅₄ i₂chen₂ María? ¿On₁jua'₅₄ i₂ně₅ i₂lín₅ rín'₅₄ Santiago* quian'₅₄ Sē₄, Si₂mu₅₄, Judas ně₃? 56 ¿On₁jua'₅₄ jē₄ quián₂ jniog₄ la₂ tián'₅ 'io₅₄ riin'₅₄ ně₃? ¿'A₂ bá₄ já'₄ já₅ a₂ñí₄ lē₃ cui'₅ i₂ně₅ ca₂le₃jě₃ jág₁ a₂tñin₂ ně₅?

57 Jaun₂ tsá₃ dse₃ ca₂tñin₂ dsa₂ jág₁ jaun₂ quió'₅, tsá₃ jui₅ ca₂tón'₃ dsa₂. La₁ ca₂juá'₂ Jesús:

—Ca₂le₂con₂ bá₄ juig₂ siá'₂ jme₂gan₃ dsa₂ jui₁lia'₂ jan₂ dsa₂ i₂'ě₂ jág₁ quián₅ Diú₄; jñia'₅₄ lia'₂ dsa₂ go₅₄ bá₄, tsá₃ jei₅₄, quian'₅₄ dsa₂ dsi₂néi₂ quió'₅ 'ñiog₅ ně₃.

58 Jaun₂ tsá₃ ma₃léi₄ juè'₂ lín₅₄ ca₂jmo₃ ja₁jaun₂, ia₁ tsá₃ guè'₂ 'én₂ dsa₂.

* 13:55 Santiago: ján₃ bá₄, chein₂ Jacobo.

14

Ca₂jon₃ Juan₅₄ i₂chon₅ dsa₂ jmig₂
(*Marcos 6:14-29; Lucas 9:7-9*)

¹ Jm_{ig}₄ jaun₂ Herodes, i₂jme₁lín₄ dsi₄má'₂ 'uë₃ Galilea, ca₂rë₃ñi₅ jág₁ a₂ñi₅ Jesús le₂con₂ jaun₂. ² Jaun₂ dsia₂₃ tsí'₅ dsa₂ i₂jme₂ti₃ ta₁ ne₅₄:

—Juan₅₄ i₂chon₅ dsa₂ jmig₂ bá₄ nē₅ ñi₅; ma₂ca₂jein'₅₄ táng₃. 'Uig₅₄ jaun₂ 'io₂₃ jui₅bí₂ a₂jmo₂₃ léi₄ juë'₂.

³ Ia₁ le₂jñiá'₅ ma₂ca₂jña'₃ dsa₂ Juan₅₄ 'éi'₃ quió'₅ Herodes, ca₂'nei'₂, ca₂to'₂ dsa₂ né'₃ 'má₃ nē₃. Ca₂jmo₃ le₂nē₅ 'uig₅₄ quió'₄ 'io₅₄ Herodías i₂jme₁lě₄ dsa₂ mí₂ quián₅ Fe₂li₄ riin'₅₄. ⁴ Ia₁ 'lóng₂ ráun₂ ma₂qui₂ma₂juá'₂ Juan₅₄ ma₂qui₂ma₂tsí'₃ Herodes: “Tsá₃ 'i₄ 'éi'₃ cáng'₄ 'io₅₄ nē₅.”

⁵ 'Uig₅₄ jág₁ jaun₂, jme₁'nio₃ Herodes jñi'₃ Juan₅₄, la₁ tsá₃ tiá₂ dsí₅, ia₁ jme₁gain₃ dsa₂; ia₁ ca₂le₃jín₃ bá₄ dsa₂ jme₁'éin₂ a₂lín₅ Juan₅₄ jan₂ dsa₂ i₂'ě₂ jág₁ quián₅ Diú₄. ⁶ La₁ caun₂ jmig₄ nē₃, jme₁ca₂dsí'₃ Herodes ñi₂, ca₂o₃'ín₃ ja₁míg₄ 'io₅₄ Herodías, ca₂dsáin₂ jin₄ dsa₂ i₂té₁ jmig₄. A₂nē₅ nē₃ ca₂tě₂ dsí₅ 'ñio₅ lin₃ Herodes, ⁷ ca₂lia'₂ ca₂cuë₃ jág₁ quió'₅, ca₂le₃jě₃ 'iin₂₃ Diú₄ a₂cuë₃ 'e₂ caun₂ a₂mi₃ 'io₅₄ bē'₅₄ 'éi₂. ⁸ Jaun₂ nē₃, jme₁ma₂nē₂tio'₂ chog₅₄ jág₁, ñó₃, ca₂juá'₂:

—Cuë₄ mi₂dsi₄ Juan₅₄ i₂chon₅ dsa₂ jmig₂, tē₂nē₃, 'i₄ 'ñió'₃ uing₅.*

⁹ Jaun₂ ca₂tá'₂ 'lia'₂ dsí₅ rag₅₄ jme₁ca₂nág₂ le₂nē₅, la₁ tsá₃ ma₃'e₂ ñi₅ jmo₃, ia₁ ma₂nē₂cuë₃ jág₁ quió'₅ a₂'iin₂₃ Diú₄, tē₃nag₅ dsa₂ i₂tion'₅₄ dsi₂néi₂ ja₁niog₅ jmig₄. ¹⁰ Jaun₂ lē₃, ca₂jmo₃ 'éi'₃ a₂ca₂i₁qui'₂ dsa₂ mi₂dsi₄ Juan₅₄ dsi₂néi₂ tsi₁'né₅ 'má₃. ¹¹ Dsi₂jui₅ jaun₂ bá₄ ca₂o₃can₅ dsa₂ mi₂dsi₄ Juan₅₄ rē₂'i₄ 'ñió'₃ uing₅, † jaun₂ ca₂cuë'₃ 'io₅₄ bē'₅₄ 'éi₂, jaun₂ 'éi₂ nē₃ ca₂i₁con₂ ne₄ chog₅₄.

¹² Jme₁co₂lág₂ jaun₂ nē₃, ca₂o₃lén₂ dsa₂ i₂jme₁quian'₅₄ Juan₅₄, jaun₂ ca₂tág₃ 'lag₄ 'éi₂ ca₂i₁'ó₄. Jaun₂ guë₄ ca₂i₁lein₅₄ ca₂i₁chi'₄ Jesús.

Ca₂jme₃tan₅₄ Jesús 'ñiá₂ mei₅ dsa₂
(*Marcos 6:30-44; Lucas 9:10-17; Juan 6:1-14*)

¹³ Jme₁ca₂rë₃ñi₅ Jesús jág₁ nē₅, ca₂o₃'iin₃ ja₁jme₁'ein₅₄, ca₂'í₃ 'ñió'₃ caun₂ tsi₁mu₅, a₂jme₁i₂'i₅ caun₂ ja₁co₂'ñiog₅. La₁ juin₅ dsa₂ juig₂ te₁'i₁ con'₂ ma₂quián₅ jaun₂ ca₂rë₃ñi₅, jaun₂ ca₂'uiin₂, ca₂i₁lein₅₄ ca₂i₁'ein₂₃ Jesús jui₅ tag₅₄.

¹⁴ Jme₁ca₂dsióg₃ Jesús le₂'ño'₅₄ jmig₂, ca₂jág₃ juin₅ lin₃ dsa₂ ma₂tión₂ le₁jñiog₅. Jaun₂ ca₂dsia₃ ñéi₂ dsí₅ dsa₂ 'éi₂, ca₂jme₃'lióin₂ dsa₂ i₂jme₁qui₂le₁dso'₅₄ quián₅ dsa₂. ¹⁵ Tě₂le₃ ca₂'láu₂ jaun₂, ca₂o₃lén₂ chi'₂ dsi₂guia₃-tín₂ ca₂juá'₂ ca₂tsí'₃ Jesús:

—Ca₂'láu₂ bá₄ la₂, ton'₂ caun₂ ja₁co₂'ñiog₅ bá₄ la₂ ja₁tsá₃ 'ein₂ tián'₅. 'Ei'₂ jág₁ dsa₂ ia₁jaun₂ dsi₃lén₂ le₂con₂ juig₂ ma₂quián₅ nē₅, qui₂dsi₃lia₅ ca₂la₂ a₂guë'₃.

¹⁶ Jaun₂ ca₂ñag₃ Jesús:

—Tsá₃ tion₅₄; cuë'₅₄ 'nia'₂ dsa₂ guiong'₅₄ a₂guë'₃.

¹⁷ Jaun₂ ca₂ñag₃ chi'₂ dsi₂guia₃-tín₂:

—Tsá₃ 'e₂ a₂siá'₂ cha₂ ja₁lá₃, jñia'₅₄ lia'₂ 'ñiá₂ i₁ñí'₄ bá₄, quian'₅₄ on₃ i₁ju₁.

¹⁸ Jaun₂ ca₂juá'₂ táng₃ Jesús:

—O₂quian₂ 'nia'₂ ja₁lá₃.

¹⁹ Jaun₂ nē₃, ca₂tsí'₃ dsa₂ a₂tiain'₃ ne₄ 'uë₃. Jaun₂ ca₂jña'₃ ta₁'ñiá₂ i₁ñí'₄ quian'₅₄ le₃on₃ i₁ju₁, jaun₂ ca₂chóg'₃ ne₅₄ guei'₅₄ i₂juíg₃, ca₂cuë'₃ ti₁'mag'₄ Diú₄. Jaun₂ ca₂dsioin₃ le₂caun₂ le₂caun₂ i₁ñí'₄, ca₂cuë'₃ chi'₂ dsi₂guia₃-tín₂. Jaun₂ 'éi₂ guë₄ nē₃ ca₂dsióg'₃ jin₄ dsa₂. ²⁰ Ca₂le₃jín₃ bá₄ dsa₂ ca₂guë'₃ ca₂lia'₂ ca₂'ág'₃ dsí₅. Jme₁ca₂lě₃ guë'₅, jaun₂ ca₂cág'₃ bá₄ guë₄ guia₃-tín₂ tsi₁mi'₂ 'nau₅₄ a₂ca₂chóng₃.

* 14:8 lit. “rē₂dsí₂ ne₄ caun₂ ñi₁ñí₁ charola.” † 14:11 lit. “rē₂dsí₂ ne₄ caun₂ ñi₁ñí₁ charola.”

21 Dsa₂ i₂ca₂guě'₃ 'éi₂ jme₁tén₄ 'ñiá₂ mei₅ jmá'₃ lia'₂ dsa₂ ñe'₂, i₂sián'₂ bá₄ dsa₂ mí₂, chi'₂ ně₃.

*Ca₂ñi₃ Jesús ne₄ jmi₁ñi'₄
(Marcos 6:45-52; Juan 6:16-21)*

22 Dsi₂jui₅ jme₁ca₂lě₃ jaun₂, ca₂jmo₃ Jesús 'éi'₃ a₂tón'₃ chi'₂ dsi₂guia₃-tín₂ 'ñi₃ tsi₁mu₅, a₂ñi₃ de'₂ 'éi₂ jmi₂g₂ le₁jñiá₄ lia'₂ con'₂ guě₄ 'ñiog₅ a₂dsi₃lein₃, tē₁lia'₂ 'í₂ 'ñiog₅ 'ág'₅ jág₁ dsa₂. 23 Jme₁ca₂lě₃ 'ág'₅ jág₁ dsa₂, ca₂ñó₃ jui₅ má'₂ i₁chi₂i₁lein'₄ Diú₄. Ca₂tó'₂ nei₂ jme₁ca₂tó'₂, jaun₂ bá₄ 'ein₅₄ 'ñiog₅. 24 Tsi₁mu₅ a₂tion'₅₄ chi'₂ dsi₂guia₃-tín₂ ně₃, jme₁ma₂dsi₃óg'₃ dsi₂jo₂ jmi₁ñi'₄. Jmi₂g₂ ně₃, qui₂jná'₅ tiá₂ lin₃ dso'₂ tsi₁mu₅, ia₁ 'ei₅ tiá₂ dsí₂ 'liog'₂ le₃ca'₃. 25 Le₁né₃ tē₂le₃ ca₂jnia₃ jaun₂, ca₂jme₃quián₃ Jesús ja₁ñáú'₄ tsi₁mu₅ tioin'₅₄. 26 Jaun₂ ně₃ jme₁ca₂jág₂ chi'₂ dsi₂guia₃-tín₂ jóin'₅ ñi₂₃ ne₄ jmi₁ñi'₄, ca₂juiin'₂ ca₂tóin'₂ co₂mí'₅₄ ca₂guió'₃ ca₂juá'₂: —jme₂dsí₂ 'lin'₅₄† bá₄ ó₃!

27 La₁ dsi₂jui₅ bá₄ ca₂juá'₂ Jesús ně₃:

—jDsiá₄ 'nia'₂ tiá₂ 'au'₂! jñiá₂ bá₄ la₂; tsá₃ lē₁juín'₂ 'nia'₂!

28 Jaun₂ Pe₄ ně₃ ca₂ñag₃:

—Te₁gui'₅₄, chi₂jua'₂ 'ne₂ ně₅, jmo₄ 'éi'₃ a₂nei₅₄ ñi₅₄ ne₄ jmi₂g₂ a₂dsi₃óg₄ tē₂ ja₁chéng'₄ ně₅.

29 —Ñia₅ jaun₂ —ca₂juá'₂.

Jaun₂ ca₂si₃ón₃ Pe₄ 'ñi₃ tsi₁mu₅, ca₂ñi₃ ne₄ jmi₂g₂ jme₁ñó₄ ja₁chén'₄ Jesús. 30 La₁ jme₁ca₂tón'₃ jui₅ ca₂jág₃ 'a₂ lia'₂ 'ei₅ tiá₂ dsí₂, ca₂ja₃gó'₃ dsí₅, jaun₂ guě₄ ca₂rē₃lióg₃ ca₂i₃óin'₅ jmi₂g₂. Ca₂guió'₃ tiá₂, ca₂juá'₂:

—jLio₄ jniá₂, Te₁gui'₅₄!

31 Dsi₂jui₅ jaun₂ ca₂néi'₃ Jesús gu₂, ca₂tñin₂ quió'₅ Pe₄, jaun₂ juá'₂:

—j'E₂ guě₄ ca₂jui₅g₄ 'én'₂ 'ne₂! ¿'E₂ lē₃ ně₂'éi'₂ caun₂-tñin₃ 'au'₂?

32 Jme₁ca₂i₃toin'₅₄ 'ñi₃ tsi₁mu₅, ca₂'ág₂ táng₃ tei₄ dsí₂. 33 Jaun₂ i₂jme₁tion'₅₄ 'ñi₃ tsi₁mu₅ ca₂jmo₃ i₁'áin₃ ne₄ Jesús, ca₂jme₃juag'₂. Jaun₂ ca₂juá'₂:

—Dsón'₂ bá₄ líng'₅ Ja₁ñi'₅₄ Diú₄.

*Ca₂jme₃'lión₂ Jesús dsa₂ dso'₅₄ 'uě₃ Genesaret
(Marcos 6:53-56)*

34 A₂ca₂ain₂ jmi₂g₂ jaun₂, ca₂dsi₃lein₃ 'uě₃ Genesaret. 35 Dsa₂ chan₂ ja₁jaun₂ ně₃, jme₁ca₂rē₃cuin₂₃ Jesús, jaun₂ ca₂i₁noi₁₂ ca₂i₁can₅ jág₁ ca₂le₃jě₃ jui₂g₂ te₁'i₁ le₃lág'₃ jaun₂, jaun₂ ca₂o₃jñia₃ dsa₂ ca₂le₃jín₃ dsa₂ i₂jme₁le₁dso'₅₄ ja₁'en₅₄ Jesús. 36 Jaun₂ ca₂mi₃ tsá₃ a₂nag₅₄ o₁jñia'₅₄ 'ág₃ tag₄ tsin'₅₄ bá₄ cuě₃ jmi₂g₂ ní₃ dsa₂ i₂le₁dso'₅₄; jaun₂ ně₃, ca₂le₃jín₃ dsa₂ dso'₅₄ i₂qui₂ca₂ní'₃ tsin'₅₄ Jesús, ca₂'lóin₂ co₂ñei'₅₄ dso₄ a₂jme₁lín₄.

15

*Jme₂tag₅ Jesús jui₁lia'₂ 'e₂ jaun₂ a₂jmo₅ a₂rē₂'ñio₅ dsa₂
(Marcos 7:1-23)*

1 Jaun₂ ně₃ ca₂o₃lén₂ i₂lin₅₄ dsa₂ fariseos quian'₅₄ tē₅juá'₅ i₂ja₂lén₂ Jerusalén, ca₂jme₃quián₃ ja₁con₂ Jesús, jaun₂ ca₂ñag₃:

2 —¿'E₂ lē₃ tsá₃ jme₂ti₃ dsa₂ i₂quiang'₅₄ tag₄ 'éi'₃ a₂chí'₅ quió'₅ dsa₂ can'₅₄? Tsá₃ rang₂₃ gu₂ né'₃ guě₄ a₂guě'₃.

3 Jaun₂ ca₂ñag₃ Jesús:

† 14:26 griego: fantasma.

—'Nia'₂ guē'₂ ně₃, ħ'E₂ lē₃ qui'tsó'₂ 'nia'₂ 'éi'₃ quió'₅ Diú₄ a₂jme'tí'₁ 'nia'₂ jmá'₃ lia'₂ tag₄ quián'₂ 'nia'₂ guiong'₅₄? ⁴ Ia₁ ca₂juá'₂ Diú₄: “Jme₁gan₃ 'nia'₂ chog'₂-ŋéi'₅.”* Ján₃ bá₄ ca₂juá'₂: “I₂tē₂'on'₂ jmei₂, o₃ i₂tē₃'on'₂ chog₅₄, ca₂tīn₂ jóin₂.”† ⁵ La₁ 'nia'₂ ně₃ jme₂tíng'₁ dsa₂, ně₁'ein₂ cha₂ quió'₅ a₂lé₂ le₃jme₃'oin₅₄ chog₅₄-jmei₂, la₁ lag₃ ně₁ca₂tsí'₃ dsa₂ chog₅₄-jmei₂: “A₂ma₂rē₂jen'₅₄ ne₄ Diú₄ bá₄ a₂jaun₂”, ⁶ jaun₂ ně₃, jme₂tín'₂ 'nia'₂ dsa₂ 'éi'₃ a₂tsá₃ ma₃tion₅₄ 'nió'₅ jme₃'on₅₄ dsa₂ chog₅₄-jmei₂. O₄quió'₄ tag₄ quián'₂ 'nia'₂ guiong'₅₄ bá₄ ma₂ja₂nó'₅ 'nia'₂ jmo'₂ tsá₃ ma₃'e₂ quen₅ 'éi'₃ quió'₅ Diú₄. ⁷ ¡'Nia'₂ dsa₂ i₂lē₁jmo₅-dsáú₅ o₁ne₁ a₂jmo'₂ 'nia'₂ a₂jme₂juíng'₁ Diú₄ quián'₅₄ tag₄ quiáng'₂ ja₂nóg'₅! Dsón'₂ bá₄ dsau₅ a₂ca₂juá'₂ Isaiás i₂jme₁'ě₂ jág₁ quián'₅ Diú₄, jme₁ca₂tíong₃ ne₄ si₂, 'iin₂₃ 'nia'₂, jme₁ca₂juá'₂:

⁸ Dsa₂ juig₂ la₂ jme₂juag'₂ jniá₂
jmá'₃ lia'₂ quián'₅₄ mi₂'o₅₄ bá₄,

la₁ia₁ uíng₂ bá₄ 'i₄ dsí₅
ja₁con₂ jniá₂.

⁹ La₁ tsá₃ 'e₂ ta₁ tí₄ a₂jme₂juag'₂,
ia₁ jág₁ a₂jme₂tag₂₃

jmá'₃ 'éi'₃ quió'₅ dsa₂ mi₂güig₃ bá₄ jaun₂.‡

¹⁰ Jaun₂ ca₂tē'₃ Jesús dsa₂ juin₅ i₂ma₂quiain'₅₄ a₂jme₃quián'₃ 'éi'₃ ja₁coin₂, jaun₂ ca₂juá'₂:

—Rē₂ nei₂ 'nia'₂ a₂la₂; juīle₂ŋí'₂ 'nia'₂: ¹¹ Juīlia'₂ a₂dsi₂to'₅₄ juī₅ mi₂'o₄ dsa₂, on₃jua'₅₄ a₂jaun₂ jmo₅ a₂rē₃'ioḡ₅ jme₂dsí₂ quió'₅ dsa₂. Ca₂le₃jě₃ a₂'uē₂ juī₅ mi₂'o₄ dsa₂, a₂jaun₂ bá₄ jmo₅ a₂rē₂'ioḡ₅ jme₂dsí₂ quió'₅ dsa₂.

¹² Jaun₂ ca₂jme₃quián'₃ chi'₂ dsi₂guia₃-tín₂, jaun₂ ca₂juá'₂:

—ħTsa₁ ŋi'₅₄, 'ŋio₅ lin₃ tsá₃ dse₃ ca₂tín₂ dsa₂ fariseos jág₁ a₂ně₂chei'₅₄?

¹³ La₁ ca₂ŋag₃ Jesús:

—Ca₂le₃jě₃ ni₁'ma₂ a₂tsá₃ ca₂chéin'₃ Ŋe'₃ jniá₂ i₂guá₅ guei'₅₄ i₂juig₃, guéi₃ le₂jiog₅ jmú₄. ¹⁴ O₁lě₄ me'₂; ia₁ dsa₂ ten₄ bá₄ ně₅ quián'₅ ne₄ juī₅. § Ia₁ ně₁jua'₂ jan₂ dsa₂ ten₄ jŋiai₂₃ dsa₂ ten₄ riin'₅₄, le₃oin₃ bá₄ tsi₃séin'₂ siá₅.

¹⁵ Jaun₂ ca₂juá'₂ Pe₄ ca₂tsí'₃ Jesús:

—Jua'₅₄ 'e₂ jág₁ dsau₅ jáng'₅ jág₁ ně₅.

¹⁶ Jaun₂ ca₂ŋag₃ Jesús:

—ħJán₃ bá₄ tsá₃ ŋí'₂ 'au'₂ 'nia'₂? ¹⁷ Ia₁, ħtsa₁ ŋí'₂ 'nia'₂, juīlia'₂ ca₂le₃jě₃ a₂dsi₂to'₅₄ juī₅ rē₂'o₄ dsa₂, dsi₂lé₂ rē₂tú'₅ bá₄ dsa₂, cang₂ jaun₂ 'uē₂ táng₃? ¹⁸ La₁ juīlia'₂ a₂'uē₂ juī₅ mi₂'o₄ dsa₂, a₂jaun₂ a₂já₅ tē₂dsí₅ bá₄ dsa₂. A₂jaun₂ bá₄ jmo₅ a₂rē₂'ioḡ₅ jme₂dsí₂ quió'₅ dsa₂. ¹⁹ Ia₁ tē₂dsí₅ bá₄ dsa₂ já₅ ca₂le₃jě₃ a₂'lig'₅₄ a₂dsi₂jiog₅ dsí₅; juīlia'₂ a₂jme₂dsian₅ dsa₂ dsa₂ mi₂güig₃ riin'₅₄; juīlia'₂ a₂nió'₅ dsa₂ jág₁ quián'₅₄ dsa₂ i₂tsá₃ lín₅ dsi₂i₂gu₂, juīlia'₂ a₂lē₁i₂nio₄ dsa₂ tián'₅, tsá₃ gu₂le₁jen'₂; juīlia'₂ a₂'ang₅ dsa₂; juīlia'₂ a₂nau₂ dsa₂ a₂jáng'₅ jág₁ dsau₅ a₂jmo₂₃ tē₂jīn₁; juīlia'₂ a₂jmo₅ dsa₂ a₂lē₁bóin'₂ dso₄ riin'₅₄ ně₃. ²⁰ Ca₂le₃jě₃ a₂ně₅ bá₄ jmo₅ a₂rē₂'ioḡ₅ jme₂dsí₂ quió'₅ dsa₂; la₁ a₂guē'₅ dsa₂ tē₃ tsá₃ ma₂ně₂jme₃ti₃ 'éi'₃ tag₄ a₂chí'₅ a₂rang₂₃ gu₂, on₃jua'₅₄ a₂jaun₂ jmo₅ a₂rē₂'ŋio₅ dsa₂.

Jan₂ i₁nú₃ i₂ca₂rē₃'én₂ tē₂le₃ quió'₅ Jesús
(Marcos 7:24-30)

²¹ O₂ín₃ bá₄ Jesús ja₁jaun₂, ca₂ŋó₃ táng₃ juī₅ juig₂ Tiro quián'₅₄ Sidón.
²² Ja₁jaun₂ jan₂ 'io₅₄ cananea i₂guá₅ jě₄ juig₂ jaun₂, ca₂guain₃ con₂ Jesús 'o₂₃ co₂mi'₅₄, juá'₂ tiá₂:

* 15:4 Éxodo 20:12; Deuteronomio 5:16. † 15:4 Éxodo 21:17; Levítico 20:9. ‡ 15:9 Isaiás 29:13.

§ 15:14 A₂lin₅₄ chog₅₄ si₂juá'₂: “ia₁ i₂jŋia₅ dsa₂ ten₄ bá₄ ně₅.”

—iTe₁gui^{'54}, jaun₅ David, dsia₄ n_{éi}₂ 'au₂ jniá₂! Jan₂ chi₂ ja₁mí_g₄ jniá₂ 'en₅₄ jan₂ jme₂dsí₂ je₂na^{'54} t_é₂dsí₅, 'nio₅ lin₃ n_á_g₅ uig₅.

²³ La₁ tsá₃ 'e₂ ca₂n_á_g₃ Jesús 'i₁caun₂. Jaun₂ o₃lén₂ chi₂ dsi₂guia₃-tín₂ quiáin₅, jaun₂ ca₂juá^{'2}:

—Chei^{'54} i₂n_é₅ ju₁dsiain^{'54}, ia₁ já₅ guió^{'5} co₂mi^{'54} chi₁co^{'54} quián₂ jniog₄.

²⁴ Jaun₂ ca₂n_á_g₃ Jesús ca₂tsí^{'3} 'io^{'54} 'éi₂:

—Ca₂chei₃ Diú₄ jniá₂ a₂guio₃ jmá^{'3} lia^{'2} ca₂ne^{'54} o₄quió^{'4} já^{'2} cha^{'2} i₂ma₂i₂cón^{'5} chan₂ juig₂ Israel.

²⁵ La₁ caun₂ já₅ bá₄ 'io^{'54} 'éi₂, ca₂chi₃jné₃ ne₄ Jesús, ca₂juá^{'2}:

—iTe₁gui^{'54}, jme₁'o₄ jniá₂!

²⁶ Jaun₂ ca₂n_á_g₃ Jesús:

—Tsá₃ dsi₂ten^{'54} jua^{'54} a₂n_í₄ jniá₂ i₁n_í^{'4} quió^{'5} chi₂-guein₂ a₂cué₄ dsi₂ji^{'54}.

²⁷ Jaun₂ ca₂n_á_g₃ táng₃ 'io^{'54}:

—Dsón^{'2} bá₄ dsau^{'5}, Te₁gui^{'54}; la₁ cá_g^{'5} bá₄ dsi₂ji^{'54} ni₁jne₁ a₂tsi₂séi^{'2} ne₄ mesa ja₁gué^{'5} juig₅₄.

²⁸ Jaun₂ ca₂n_á_g₃ táng₃ Jesús:

—i'E₂ gué₄ tson₂ 'én₂ 'ne₂, dsa₂ m_í^{'2}! Ju₁le^{'54} bá₄ lia^{'2} con^{'2} l_ě₅ a₂mi^{'2} n_é₅.

Dsi₂ju₅ le₂jaun₂ bá₄ ca₂'lón₂ chi₂ ja₁mí_g^{'4} 'io^{'54} 'éi₂.

Ca₂jme₃'lión₂ Jesús juin₅ dsa₂ dso^{'54}

²⁹ O₂'ín₃ bá₄ táng₃ Jesús ja₁jaun₂, jaun₂ ca₂n_í₃ ju₁ chei^{'54} jm₁n_í^{'4} Galilea; jaun₂ ca₂u_í_g₂ ju₁ ne₄ má^{'2}, jaun₂ ca₂guá₂ jme₁dsióg₃. ³⁰ Ju₁n₅ dsa₂ ca₂dsi₃lén₂ táng₃ cau₅ quió^{'5} ja₁jaun₂, le₁n_í₂₃ dsa₂ guian^{'54}, dsa₂ i₂le₁já^{'2} gu₂-tag₄, dsa₂ ten₄, dsa₂ con₄, ju₁n₅ gué₄ dsa₂ sián^{'2} i₂jme₁le₁dso^{'54} n_é₃. Qui₂ca₂dsiog₃ ja₁chén^{'4} Jesús, jaun₂ ca₂jme₃'lió₂ 'éi₂. ³¹ Jaun₂ gué₄ ca₂i₃gó^{'3} dsí₅ dsa₂ jme₁ca₂t_é₂ ne^{'54} ma₂dsia₅ já_g₁ dsa₂ i₂jme₁con₄, ma₂i₂nio₄ dsa₂ i₂jme₁quile₁já^{'2} quió^{'5}, quian^{'54} dsa₂ guian^{'54} n_é₃; dsa₂ ten₄ n_é₃ qui₂ca₂jág₃. Jaun₂ ca₂tón^{'2} dsa₂ ca₂jme₃ju₁n₂ Diú₄ quián₅ dsa₂ Israel.

Ca₂jme₃tan^{'54} Jesús quén₂ mei₅ dsa₂ (Marcos 8:1-10)

³² Jaun₂ ca₂t_é₃ Jesús chi₂ dsi₂guia₃-tín₂ quiáin₅, jaun₂ ca₂juá^{'2}:

—'Nio₅ n_{éi}₂ dsi₃ jing^{'54} dsa₂ n_é₅, ia₁ ma₂'ni₅ jm₁g₄ tioin^{'54} ja₁lá₃ quian^{'54} jniá₂, 'i₁ca₂juig₄ tsá₃ 'e₂ cha₂ a₂gué^{'3} ja₁lá₃. Jaun₂ n_é₃, tsá₃ 'nio₃ jniá₂ dsiain^{'54} t_é₃ tsá₃ ma₂n_é₂gué^{'3}, ia₁ con^{'2} tsá₃ n_ó₅ n_é₁ca₂'uáin₂ le₂'i₄ ju₁.

³³ Jaun₂ ca₂juá^{'2} chi₂ dsi₂guia₃-tín₂ quiáin₅:

—¿A₂já^{'4} lé₂ dsi₁liá^{'4} i₁n_í^{'4} ja₁co₂'niog₅ la₂ a₂gué^{'3} dsa₂ ju₁n₅ n_é₅?

³⁴ Jaun₂ ca₂n_á_g₃ Jesús ca₂n_í^{'3} chi₂ dsi₂guia₃-tín₂:

—¿Je₂liá^{'2} i₁n_í^{'4} 'i₄ gué^{'4} quián^{'2} 'nia^{'2}?

Jaun₂ ca₂n_á_g₃ 'éi₂:

—Guio₃ i₁n_í^{'4} bá₄ 'i₄, quian^{'54} gué^{'2} on₃-ún₂ ju₄ pí^{'1}.

³⁵ Jaun₂ ca₂jmo₃ 'éi^{'3} a₂tian^{'3} dsa₂ 'u_é₃, ³⁶ jaun₂ ca₂jna^{'3} ta₁guio₃ i₁n_í^{'4} quian^{'54} i₁ju₁ n_é₃, ca₂cué^{'3} ti₁'mag^{'4} Diú₄. Jaun₂ ca₂dsioin₃ le₂caun₂ le₂caun₂ i₁n_í^{'4}, ca₂cué^{'3} chi₂ dsi₂guia₃-tín₂ quiáin₅, jaun₂ 'éi₂ gué^{'4} n_é₃ ca₂dsi^{'3} jin₄ dsa₂.

³⁷ Ca₂le₃jín₃ bá₄ dsa₂ 'éi₂ ca₂gué^{'3} ca₂lia^{'2} ca₂'ág^{'3} dsí₅. Jaun₂ ca₂cág^{'3} chi₂ dsi₂guia₃-tín₂ guio₃ ts₁mi^{'2} jmá^{'3} ni₁jne₁ a₂ca₂chóng₃. ³⁸ Dsa₂ i₂ca₂gué^{'3} 'éi₂ jme₁l_ě₂ quén₂ mei₅ jmá^{'3} dsa₂ n_é₂, i₂sián^{'2} bá₄ dsa₂ m_í^{'2} quian^{'54} chi₂ n_é₃.

³⁹ Jme₁ca₂l_ě₃ jaun₂, ca₂'ág^{'3} Jesús já_g₁ dsa₂, jaun₂ ca₂'í₃ 'nió^{'3} ts₁mu₅ a₂n_ó₃ ju₁ j_ě₄ juig₂ Magadán.*

* 15:39 o₃, Magdala, ja₁chan₂ María Magdalena.

16

Dsa₂ fariseos quian'₅₄ dsa₂ saduceos mi₂₃ ne₄ Jesús a₂jmo₃ 'éi₂ caun₂ léi₄ jué'₂
(Marcos 8:11-13; Lucas 12:54-56)

¹ Dsa₂ fariseos quian'₅₄ dsa₂ saduceos i₁lein₅₄ i₁jün₅₄ Jesús, ia₁ a₂'no'₂ jui₅'a₂ lia'₂ tain'₃ Jesús quian'₅₄ jág₁; jaun₂ ca₂mi₃ a₂jmo₃ 'éi₂ caun₂ léi₄ a₂já₅ guei'₅₄ i₂juí₃.

² La₁ ca₂ḡag₃ Jesús:

—['Nia'₂ tñg'₂ jág'₁ tē₂le₃ ca₂'láu₂ jme₁lín₅₄, juá'₂ 'nia'₂: “Dse₃ bá₄ 'ei₅ táng₃ 'ióg₃, ia₁ guéin₂ bá₄ jniá₂ guei'₅₄ mi₂güí₃.” ³ Ján₃ bá₄ juá'₂ 'nia'₂ jme₁lín₅₄ jui₁lia'₂ tē₃ o₃'iog₂, “Tiá'₃ jmí₅ nē₃, ia₁ guéin₂ jniá₂ jnei₅ tio'₅₄ guei'₅₄.” Ní'₅₄ bá₄ 'nia'₂ 'a₂ lia'₂ jua'₅₄ 'e₂ jein₅ jág₁ 'a₂ lia'₂ jniá₂ guei'₅₄, jnia'₅₄ lia'₂ 'e₂ a₂tē₅ ne'₅₄ 'nia'₂ jmig₄ nē₃ bá₄, tsá₃ ḡi'₅₄ 'nia'₂ 'e₂ jein₅ jág₁.] * ⁴ Tsi₁jon₂ dsa₂ 'lín'₅₄ i₂tsá₃ nag₃ la₂, mi₂₃ a₂jmo₅₄ jniá₂ caun₂ léi₄ a₂o₂dsang₂. La₁ 'i₁caun₂ léi₄ siá'₂ tsá₃ 'e₂ ḡe'₂ 'nia'₂, jnia'₅₄ lia'₂ caun₂ léi₄ jui₁lia'₂ a₂ca₂i₃ḡi₂ Jonás bá₄.

Jaun₂ ca₂tén₂ bá₄ Jesús dsa₂ 'éi₂, ca₂ḡái'₃.

Levadura quió'₅ dsa₂ fariseos
(Marcos 8:14-21)

⁵ Jme₁ca₂'an₂ chi'₂ dsi₂guia₃-tín₂ jmi₁ḡi'₄, ca₂dsáu'₃ dsí₅ tsá₃ 'e₂ i₁ḡi'₄ le₁quian₅ gué'₃. ⁶ Jaun₂ ca₂juá'₂ Jesús:

—Jmo₄ 'nia'₂ 'í₁ jaun₂ tsá₃ le₃tñ'₂ 'nia'₂ juá'₅ a₂jme₂tag₅ dsa₂ fariseos, dsa₂ saduceos nē₃. Ia₁ juá'₅ quió'₅ lē₅ lia'₂ lē₅ jui₁ levadura.

⁷ Jaun₂ ca₂dsia₃ chi'₂ dsi₂guia₃-tín₂ jág₁ tsí'₅ rñin'₅₄:

—Ia₁ tsá₃ i₁ḡi'₄ le₁quian₁ bá₄ jniog₄, jaun₂ bá₄ juá'₂ le₂nē₅.

⁸ La₁ ca₂rē₃lí'₄ bá₄ Jesús 'e₂ jág₁ dsia₂₃, jaun₂ ca₂juá'₂:

—¿'E₂ lē₃ juá'₂ 'nia'₂ tsá₃ le₁quian'₄ i₁ḡi'₄? ¿'E₂ gué₄ ca₂juí₄ 'én'₂ 'nia'₂? ⁹ ¿'E₂? ¿Tsa₁ ma₂ca₂rē₃ḡi'₂ 'nia'₂? ¿Tsa₁ ma₃dsá₂ 'au'₂ 'nia'₂ lia'₂ con'₂ ca₂dsio'₄ jniá₂ 'ḡiá₂ i₁ḡi'₄ ca₂lín₅ quió'₅ 'ḡiá₂ mei₅ dsa₂, on₃ gué'₂ dsá₂ 'au'₂ 'nia'₂ je₂liá'₂ tsi₁mi'₂ 'nau₅₄ a₂ca₂cag'₅₄ táng₃ 'nia'₂? ¹⁰ ¿On₃ gué'₂ dsá₂ 'au'₂ 'nia'₂ lia'₂ con'₂ ca₂dsio'₄ jniá₂ guio₃ i₁ḡi'₄ ca₂lín₅ quió'₅ quén₂ mei₅ dsa₂, on₃ gué'₂ dsá₂ 'au'₂ 'nia'₂ je₂liá'₂ tsi₁mi'₂ 'nau₅₄ a₂ca₂chóng₂ a₂ca₂cag'₅₄ 'nia'₂ nē₃? ¹¹ ¿'A₂ bá₄ lia'₂ ḡiá₂ tsá₃ rē₂len'₅₄ 'nia'₂? On₃ jua'₅₄ i₁ḡi'₄ 'ē₅ jniá₂ jme₁nē₂juá'₃ jmo₄ 'nia'₂ 'í₁ quian'₅₄ levadura quió'₅ dsa₂ fariseos quian'₅₄ dsa₂ saduceos.

¹² Jaun₂ gué₄ ca₂ḡi'₂ dsí₅ 'éi₂ a₂'ē₅ Jesús jaun₂, on₃ jua'₅₄ a₂ca₂tñin₂ jmo₃ 'í₁ jui₁lia'₂ jui₁ levadura a₂cón'₂ dsa₂ i₁ḡi'₄, a₂ca₂tñin₂ jmo₃ 'í₁ 'a₂ lia'₂ lē₅ juá'₅ a₂jme₂tag₅ dsa₂ fariseos quian'₅₄ dsa₂ saduceos bá₄.

Ca₂juá'₂ Pe₄ lia'₂ tí₅ jág₁ dsau₅ a₂lín₅ Jesús dsa₂ I₂rē₂'ñ₁ quián₅ Diú₄
(Marcos 8:27-30; Lucas 9:18-21)

¹³ Jme₁ca₂dsióg₃ Jesús ma₂quián₅ juí₂ Cesarea ja₁tén₄ Filipino, jaun₂ ca₂ḡi'₃ chi'₂ dsi₂guia₃-tín₂ quiáin₅:

—¿'Ein₂ lín₅ Jaun₅ dsa₂ mi₂güí₃, juá'₂ dsa₂?

¹⁴ Jaun₂ ca₂ḡag₃ 'éi₂:

—I₂lín₅₄ dsa₂ juá'₂ a₂lín₅ Juan₅₄ i₂chon₅ dsa₂ jmig₂; i₂sián'₂ gué'₂ juá'₂ a₂lín₅ Elías; i₂lín₅₄ gué'₂ juá'₂ táng₃ a₂lín₅ Jeremías, o₃ jan₂ i₂sián'₂ i₂já₅ 'ē₂ jág₁ quió'₅ Diú₄.

¹⁵ Jaun₂ ca₂ḡag₃ Jesús:

—¿'Nia'₂ gué'₂ nē₃? ¿'E₂ juá'₂ 'nia'₂ 'ein₂ lín₅ jniá₂?

* **16:3** A₂lín₅₄ chog₅₄ si₂ gui'₅₄ gué₄ tsá₃ chi₁ton₅ jág₁ a₂tio'₅₄ 'ḡi₃ corchetes [le₂la₂].

16 Jaun₂ ca₂ŋag₃ Si₂mu₅₄ Pe₄:

—'Ne₂ líng'₅ dsa₂ I₂rë₂'ín₁, Ja₁ŋi'₅₄ Diú₄ jén'₃.

17 Jaun₂ ca₂ŋag₃ Jesús:

—'E₂ guë₄ dsen'₃ 'ne₂, Si₂mu₅₄, ja₁ŋi'₅₄ Jonás, ia₁ 'i₁jan₂ dsa₂ mi₂güí₃ tsá₃ nē₂jme₃nia₅ ne'₅₄ a₂nē₅, jŋia'₅₄ lia'₂ Ne'₃ jniá₂ i₂guá₅ i₂juí₃ bá₄. 18 Jaun₂ juá'₅ jniá₂ juí₂ 'ne₂, a₂ma₂cheng'₂ Pedro,† jaun₂ ne₄ ni₁'lau₂ la₂† jmóg'₄ jniá₂ guá'₅ quió₃, jaun₂ ca₂lia'₂ jŋia'₅₄ i₂'io₅ bí₂ 'mú₃ tsá₃ le₃qui'₅₄ jmíg₄ jua'₅₄ a₂tió'₃ quiong'₅₄ quian'₅₄ mai₅₄ quió'₅. 19 Jaun₂ o₄gog'₂ 'ne₂ dsia₅₄ jniá₂ jág₁ dse₃ quió₃ a₂lë₅ co₂'nió'₄ ŋi₁ llave a₂niá₃ ja₁dsi₃tion'₅₄ dsa₂ ja₁gon₂ Diú₄. Ca₂le₃jě₃ 'e₂ a₂tsá₃ cuë'₂ 'ne₂ jmíg₄ ne₄ gua'₅₄ 'uë₃ la₂ lia'₂ con'₂ lë₅ jág₁ quió₃, ján₃ bá₄ le₂jaun₂ tsá₃ lé₂ guei'₅₄ i₂juí₃; ján₃ bá₄ le₂jaun₂ ju₁lia'₂ a₂cuë'₂ 'ne₂ jmíg₄ gua'₅₄ 'uë₃ la₂ lia'₂ con'₂ lë₅ jág₁ quió₃, a₂jaun₂ bá₄ lé₂ guei'₅₄ i₂juí₃ ján₃.

20 Jaun₂ ca₂tsí'₃ chi'₂ dsi₂gua₃-tín₂ quiáin₅ a₂tsá₃ 'ein₂ tsí'₃ 'i₁jan₂ a₂lín₅ I₂rë₂'ín₁ quián₅ Diú₄.

Ca₂'ë₂ Jesús jág₁ a₂jóin₂

(Marcos 8:31–9:1; Lucas 9:22-27)

21 Të₂le₃ ne₄ juí₅ ja₁ŋó₄ jaun₂, ca₂jme₃lió₃ Jesús ca₂'ë₂ jág₁ ca₂tsí'₃ chi'₂ dsi₂gua₃-tín₂ quiáin₅, a₂tion₅₄ dsó₃ juí₅ Jerusalén, ja₁dsi₃ŋí₂ 'lióng₂ ne₅₄ jmi₁uig₅ a₂jmóg'₂ dsa₂ can'₅₄ quián₅ guá'₅, quian'₅₄ juí₅₄ jme₂dsa₂, të₅juá'₅ nē₃. Jaun₂ ca₂juá'₂ a₂jŋag'₃ dsa₂, la₁ a₂'ni₅ jmíg₄ jaun₂, jein'₅₄ bá₄ táng₃.

22 Jaun₂ Pe₄ nē₃ ca₂jio₃ le₃cau₅, jaun₂ ca₂jme₃lió₃ a₂të₂néi'₂ a₂jme₁ŋnéi₂ juí₅, ca₂juá'₂:

—¡Tsá₃ o₁le₅₄ le₂nē₅, Te₁gui'₅₄! ¡O₁líg'₂ bá₄ tsá₃ juí₁dsi₂ŋí'₂ 'ne₂ le₂nē₅!

23 La₁ Jesús nē₃, ca₂jéin'₃ le₂ca'₃, jaun₂ ca₂juá'₂ ca₂tsí'₃ Pe₄:

—¡ŋjag'₃ cau₅ quió₃, Satanás! Jŋia'₅₄ jni'₂ bá₄ 'ne₂ juí₅ quió₃, ia₁ tsá₃ le₂jaun₂ dsi₂jio₅ 'au'₂ juí₁lia'₂ dsi₂jio₅ dsí₅ Diú₄. Ia₁ lia'₂ dsi₂jio₅ dsí₅ dsa₂ mi₂güí₃ bá₄ dsi₂jio₅ 'au'₂.

24 Jaun₂ ca₂juá'₂ Jesús ca₂tsí'₃ ca₂le₃jín₃ chi'₂ dsi₂gua₃-tín₂ quiáin₅:

—Chi₂jua'₂ 'ein₂ 'nio₃ 'éin₃ jniá₂, co₂dsia₅ juí₁dsi₂'én₂ dsí₅ guoin₅₄, juí₁jmo₁₂ co₂jŋiai₅₄ a₂jóin₂, § juí₁jia₂ chi₁co'₅₄ quió₃. 25 Ia₁ juí₁'ein₂ guë₃ i₂tsá₃ 'nio₃ jón₂ ia₁ a₂'ín₅ dsí₅ le₃chain₂ dse₃ mi₂güí₃ la₂, dsi₂'én₂ quió'₅. La₁ juí₁'ein₂ guë₃ i₂tén'₂ dsí₅ gue₃ 'mú₃ 'uig₅₄ quió₃ jniá₂, le₃chain₂ dse₃ mi₂güí₃ caun₂. 26 Ia₁, ¿'e₂ bá₄ ta₁ jmo₃ a₂lí'₂ dsa₂ 'ŋio₅ lín₃ ne₄ gua'₅₄ 'uë₃ la₂, nē₁jua'₂ dsi₃'én₂ bá₄ guë'₂ jme₂dsí₂ quió'₅ mi₂güí₃ caun₂? ¿O₃ je₂liá'₂ lé₂ le₃quí₃ dsa₂ 'lia'₅₄ ia₁jaun₂ tén'₄ jme₂dsí₂ quió'₅?

27 Ia₁ Jaun₅ dsa₂ mi₂güí₃ jŋi₁oí'₂ quian'₅₄ juí₅bí₂ jlá'₁ quió'₅ Jmei₂, quian'₅₄ ángeles quiáin₅, ja₃qui₅ 'lian'₅₄ dsa₂ 'a₂ con'₂ jŋia'₅₄ niog₅ ca₂jmo₃. 28 A₂dsi₂jó'₃ juá'₅ jniá₂ juí₂'nia'₂, chan₂ i₂lín₅₄ juí₁lia'₂ i₂tion'₅₄ ja₁lá₃ tsá₃ dsián₃ ca₂lia'₂ ca₂të₂ ne₅₄ jín₂ Jaun₅ dsa₂ mi₂güí₃ a₂jŋi₁oí'₂ lín₅ rag₅₄ a₂qui₃dsi₂₃ 'éi'₃.

17

Ca₂rë₃tsín₃ 'a₂ lia'₂ jniá₂ Jesús

(Marcos 9:2-13; Lucas 9:28-36)

1 Jŋéi₂ jmíg₄ cang₂ jaun₂, ca₂jŋia₃ Jesús Pe₄, Jacobo,* quian'₅₄ Juan₅₄ rin'₅₄ Jacobo nē₃, ca₂i₃lén₂ con'₂ guoin₅₄ caun₂ má'₂ ŋei₅. 2 Ja₁jaun₂ ca₂rë₃tsín₃ 'a₂lia'₂ jniá₂ Jesús të₃ jág₅ 'éi₂. Ne₄ Jesús ca₂jnia₃ tág₅ juí₁lia'₂ jniá₂ 'iog₂; tsin'₅₄ guë'₂ nē₃

† 16:18 griego: Petros, co₂'nió'₄ le₃jua'₅₄ ni₁cang₁. ‡ 16:18 'Nio'₂ ja₁ton₅ 1 Pedro 2:7. § 16:24 lit. "juí₁quian₅₄ cróg₄ quió'₅." * 17:1 ján₃ bá₄ chein₂ Santiago.

ca₂jnia₃ tiog₂ jau₂ ca₂lia'₂ tág₅ lin₃. ³ Jaun₂ dsi₂jui₅ jaun₂ ca₂jnia₃ Moisés quian'₅₄ Elías, tióin₂ dsia₂₃ jág₁ quian'₅₄ Jesús. ⁴ Jaun₂ ca₂juá'₂ Pe₄ ca₂tsí'₃ Jesús:

—Te₁gui'₅₄, i'e₂ guě₄ dse₃ lia'₂ tio'₅₄ jniog₄ ja₁lá₃! Chi₂jua'₂ niog'₂, jmo₅₄ jniá'₂ ni₅ tsi'₁io₅ láu₃: caun₂ quiáng'₂, caun₂ quió'₅ Moisés, caun₂ guě'₂ quió'₅ Elías ně₃.

⁵ Tě₃jě₄ dsia₅ Pe₄ jág₁ jaun₂, ca₂lio₂ caun₂ jnei₅ tág₅; jaun₂ jě₄ jnei₅ jaun₂ ca₂né'₂ jág₁ a₂juá'₂:

—I₂la₂ bá₄ jón₃ quiáng₃, i₂ŋ₄ lě₃ 'nióg₃ guě₄ lin₃. 'E₂ bá₄ 'ŋio₂ dsi₃ quian'₅₄. Nei₂ 'nia'₂ jág₁ quió'₅.

⁶ Jme₁ca₂nág₂ chi'₂ dsi₂guia₃-tín₂ jág₁ jaun₂, ca₂rě₃gó'₅ ca₂le₃jě₃ ca₂l₃gain'₅₄ 'uě₃ le₁'ein₂, ⁷ Jaun₂ ca₂guán'₃ táng₃ Jesús cau₅ quió'₅, ca₂jŋau'₃, jaun₂ ca₂juá'₂:

—Nau₂ 'nia'₂; Tsá₃ lě₃jmo₂ 'nia'₂ gang'₃.

⁸ Jaun₂ jme₁ca₂jág₃ táng₃, tsá₃ ma₂'ein₂ i₂sián'₂ ca₂jín₂; jnia'₅₄ lia'₂ 'ŋiog₅ bá₄ Jesús ma₂chéin'₅.

⁹ Jme₁ja₂lein₃ sióin₅ táng₃ má'₂ jaun₂, ca₂jmo₃ Jesús 'éi'₃, ca₂juá'₂:

—Tsá₃ 'ein₂ juig'₅₄ 'nia'₂ a₂ně₂jag'₅₄ 'nia'₂ ně₅, ca₂lia'₂ ca₂tě₂ jmig₄ jě₁ma₂ca₂jen'₅₄ táng₃ Jaun₅ dsa₂ mi₂güig₃ ne₄ 'mú₃.

¹⁰ Jaun₂ ca₂ŋag₃ chi'₂ dsi₂guia₃-tín₂ ca₂ŋí'₃ Jesús:

—Chi₂jua'₂ le₂ně₅, ĺ'E₂ lě₃ juá'₂ tě₅juá'₅, Elías bá₄ i₂jiá₃ le₂'uig₅₄?

¹¹ Jaun₂ ca₂ŋag₃ Jesús:

—Dsón'₂ Elías bá₄ jiá₃ le₂'uig₅₄, jaun₂ 'éi₂ bá₄ jme₃rě₃ ca₂le₃jě₃. ¹² La₁ juá'₅ jniá'₂, i₂ma₂guan₅ bá₄ Elías, la₁ tsá₃ 'ein₂ ca₂rě₃cuig₅. Jaun₂ qui₂ca₂jmóg'₂ dsa₂ lia'₂ lě₂ dsí₅ ca₂le₃jě₃ guě₄ 'a₂lia'₂ 'nio₃ jmóg'₂. Ján₃ bá₄ le₂ně₅, Jaun₅ dsa₂ mi₂güig₃ dsi₃ŋí'₂ uig₅ o₄gú₃ dsa₂ 'éi₂.

¹³ Jaun₂ guě₄ ca₂rě₃lí'₄ chi'₂ dsi₂guia₃-tín₂, Juan₅₄ i₂ca₂chon₃ dsa₂ jmig₂ bá₄ 'in₅ Jesús, a₂juá'₂ le₂jaun₂.

*Ca₂jme₃'lión₂ Jesús jan₂ chi'₂ i₂'en₅₄ jme₂dsí₂ 'lin'₅₄ dsí₅
(Marcos 9:14-29; Lucas 9:37-43)*

¹⁴ Jme₁ca₂dsi₃lein₃ ja₁tion'₅₄ dsa₂ juin₅, jaun₂ ca₂jme₃quián₃ jan₂ dsa₂ ja₁chén'₄ Jesús, jaun₂ ca₂chi₃jné₃ ne₅₄, jaun₂ ca₂juá'₂:

¹⁵ —Te₁gui'₅₄, dsia₄ ŋéi₂ 'au'₂ chi'₂ quiáng₃, 'ŋio₅ lin₃ ŋág₅ uig₅ lín₅ dso₄ 'ei₂; 'lióng₂ ráun₂ ma₂ca₂táin'₂ dsi₂si₂, dsi₂jmig₂ ně₃. ¹⁶ Ma₂i₁ŋjai₅₄ jniá'₂ ne₄ chi'₂ dsi₂guia₃-tín₂ quiáng'₂, la₁ tsá₃ ca₂tió'₃ jme₃'lió₂.

¹⁷ Jaun₂ ca₂ŋag₃ Jesús:

—i'En₁ jmá'₃ tsá₃ 'e₂ 'én'₂ 'nia'₂! ĺJe₂liá'₂ jmig₄ jmá'₃ 'nió'₅ 'ú₄ quian'₅₄ 'nia'₂? ĺJe₂liá'₂ jmig₄ jmá'₃ 'nió'₅ jmo₅₄ tió'₅ dsi₃ quian'₅₄ 'nia'₂? I₂jŋia₅ chi'₂ ja₁lá₃.

¹⁸ Jaun₂ ca₂jí₂ Jesús ca₂jéin₂ je₂na'₅₄. Jaun₂ ca₂o₃'ín₃ tě₂dsí₅ chi'₂ 'éi₂, jaun₂ guě₄ ně₃ ca₂'lóin₂ dsi₂jui₅ le₂jaun₂.

¹⁹ Jme₁co₂lág₂ jaun₂ ca₂dsia₃ chi'₂ dsi₂guia₃-tín₂ jág₁ quian'₅₄ Jesús jě₄ con'₂ guioin₅₄, jaun₂ ca₂ŋí'₃ 'éi₂:

—ĺ'E₂ 'uig₅₄ tsá₃ ca₂tián₃ jnia'₅₄ dsén₄ i₂'lin'₅₄?

²⁰ Jaun₂ ca₂ŋag₃ Jesús:

—Ne₄ ia₁ a₂ŋí₄ lě₃ ca₂juig₄ 'én'₂ bá₄ 'nia'₂. A₂dsi₂jó'₃ juá'₅ jniá'₂, jua'₅₄ mei'₂ guě₃ 'én'₂ 'nia'₂, tsá₃ a₂nag₅₄ o₁jŋia'₅₄ con'₂ tí₅ ca₂míg₂ mi₂jon₂ mostaza,† lé₂ le₃jme₁juig'₅₄ 'nia'₂ jui₁lia'₂ má'₂ ó₃: “Jŋiag'₃ ja₁ně₅, gua₂ tě₂le₃ ca₂taun₂”; má'₂

† 17:20 mostaza: On₃juá'₅₄ mi₁ján'₅ a₂cuí'₅ dsa₂ go₄ jniog₄; caun₂ ni₁'ma₂ dsón'₂ bá₄ jaun₂ a₂tě₂ tě₅sí₃, Brassica nigra.

jaun₂ ně₃ jñiog'₃ ja₁'ë'₂ 'nia'₂. 'I₁caun₂ tsá₃ 'e₂ cha₂ jua'₅₄ a₂tsá₃ lé₂ le₃jmó'₂ 'nia'₂ jua'₅₄ mei'₂ guě'₃ le₂jaun₂.‡

*Ca₂'ě₂ táng₃ Jesús jág₁ a₂jóin₂
(Marcos 9:30-32; Lucas 9:43-45)*

²² Tě₁lia'₂ i₂nioi₅₄ co₂lě₅ le₂con₂ ja₁tén₄ 'uě₃ Galilea, jaun₂ ca₂juá'₂ táng₃ Jesús a₂jáng'₂ dsa₂ jñin'₂ Jaun₅ dsa₂ mi₂güig'₃ o₄gú₃ dsa₂ mi₂güig'₃. ²³ Jaun₂ jñag'₃ dsa₂, la₁ a₂'ni₅ jmig'₄ jaun₂, jein'₅₄ bá₄ táng₃. Ca₂tá'₂ 'lia'₂ bá₄ dsí₅ chi'₂ dsi₂guia₃-tín₂ jme₁ca₂nág₂ jág₁ jaun₂.

Ca₂quí₃ 'lia'₅₄ ja₁con₂ dsi₂tan₅₄ quián₅ guá'₅

²⁴ Jme₁ca₂dsióg'₃ Jesús juig'₂ Capernaum quain'₅₄ chi'₂ dsi₂guia₃-tín₂, jaun₂ ca₂o₃lén₂ dsa₂ i₂cág'₅ jma₃tín₃ 'éi'₃ cu₄ dracma a₂'nió'₅ quió'₅ guá'₅ templo, jaun₂ dsa₂ 'éi₂ ca₂jme₃quián₃ con₂ Pe₄, ca₂ñag₃:

—¿Tsa₁ qui₅ tě₅ quián'₂ 'nia'₂ 'lia'₅₄ quió'₅ guá'₅?

²⁵ Jaun₂ ca₂ñag₃ Pe₄:

—Ján₅. Qui₅ bá₄.

Jme₁ca₂'i₃ Pe₄ dsi₂néi₂, jaun₂ 'ñiog₅ Jesús de'₂ jñiá₅ ca₂juá'₂ ca₂tsí'₃ Pe₄:

—¿'A₂ lia'₂ lín'₂ 'ne₂, Si₂mu₅₄? Jui₁lia'₂ jan₂ rag₅₄ dsa₂ mi₂güig'₃, ¿'Ein₂ quió'₅ mi₂3 'lia'₅₄? ¿Quió'₅ dsa₂ go₅₄, o₃ quió'₅ jmá'₃ dsi₂nau₂ 'e₂?

²⁶ Jaun₂ ca₂ñag₃ Pe₄:

—Quió'₅ dsi₂nau₂ bá₄.

Jaun₂ ca₂juá'₂ táng₃ Jesús ca₂tsí'₃ 'éi₂:

—Tsá₃ ca₂tín₂ dsa₂ go₅₄ qui₃ jaun₂ ně₃. ²⁷ La₁, jaun₂ tsá₃ tiin₃ 'lig'₅₄, gua₂ o₂'éi₂ mi₂cu₄ dsi₂jmig'₂, O₂dsen₅₄ i₁ju₁ i₂nág'₃ le₂'uig'₅₄ mi₂cu₄. Mi₂'o₄ i₁ju₁ 'éi₂, dsiang'₂ caun₂ cu₄ 'ua'₂. A₂jaun₂ qui'₅₄ quián₂ jniog₄ le₃ó₃.

18

*'Ein₂ lín₅ i₂dsen₅₄ guě₄ ja₁gon₂ Diú₄
(Marcos 9:33-37; Lucas 9:46-48)*

¹ Ján₃ bá₄ jmig'₄ jaun₂ táng₃ ca₂jme₃quián₃ chi'₂ dsi₂guia₃-tín₂ con₂ Jesús jaun₂ ca₂ñag₃:

—¿'Ein₂ lín₅ i₂dsen₅₄ guě₄ guei'₅₄ i₂juig'₃ ja₁gon₂ Diú₄?

² Jaun₂ ca₂tě'₃ Jesús jan₂ i₂bě'₅₄, jaun₂ ca₂chei'₃ dsi₂jo₂ ja₁tián'₄, ³ jaun₂ ca₂juá'₂:

—A₂dsi₂jó'₃ juig'₂ jniá₂ 'nia'₂, ně₁jua'₂ tsá₃ ca₂jme₁tsín'₄ 'nia'₂ 'au'₂, a₂lěng'₂ lia'₂ lín₅ jan₂ i₂bě'₅₄, o₁líg'₂ jmig'₄ tsá₃ lé₂ le₃dsi₁no'₃ 'nia'₂ guei'₅₄ i₂juig'₃. ⁴ Jaun₂ ně₃, i₂'éi₂ bá₄ i₂lén₂ i₂dsen₅₄ guě₄ guei'₅₄ i₂juig'₃ jui₁lia'₂ i₂jmo₅ me'₂ lia'₂ lín₅ chi'₂ bě'₅₄ la₂. ⁵ Con'₂ siá'₂ táng₃, jui₁lia'₂ dsa₂ i₂guen₅ jan₂ guein₂ o₄quió₃ jniá₂ jui₁lia'₂ i₂la₂, jniá₂ bá₄ guei₂3.

*A₂go'₂ tsi₃sén'₂ dsa₂ dso₄
(Marcos 9:42-48; Lucas 17:1-2)*

⁶ Jui₁'ein₂ guě'₃ i₂jmo₅ tsi₂sén'₂ jui₁lia'₂ chi'₂ bě'₅₄ i₂le₂la₂ i₂'én₂ tě₂le₃ quió₃ jniá₂, ja₂lín₃ guě₄ co₂ñei'₅₄ dse₃ tón₂ dsa₂ ne₄ jmi₁ñí'₄ rě₂quein₅ ca₂míg₂ ni₁to₂ dsi₂lag₅₄.

⁷ 'E₂ guě₄ juig'₂ dsa₂ mi₂güig'₃ ia₁ tsá₃ caun₂ a₂ja₂lé₂ ja₁coin₂ a₂jmo₅ a₂tsi₂sén'₂! La₁ le₂jaun₂ dsón'₂ dsi₃ñi₂ bá₄, la₁ 'e₂ guě₄ juig'₂ jui₁lia'₂ dsa₂ i₂ton'₂ jág₁ rín'₅₄ jaun₂ jén'₃ dsí₅ 'éi₂ a₂'no₃ dso₄.

‡ 17:20 A₂lín₅₄ chog₅₄ si₂ chi₁ton₅ versículo 21 bá₄ ján₃, a₂juá'₂ le₂la₂: “La₁ jui₁lia'₂ i₂'lín₅₄ le₂ně₅, tsá₃ o₂'in₅ ně₁jua'₂ tsá₃ chi₂lén'₂ dsa₂ Diú₄ a₂jme₂'iin₅₄.”

8 "Uig⁵⁴ jaun₂, chi₂jua' mi₂gog' o₃ mi₂tag' e₂, jmo₅ a₂tang' dso₄, co₂dsia₅ dse₃ 'nia₄, tiong₂ uíng₂; ia₁ ja₂lín₃ gué₄ dse₃ a₂dsiáng' ja₁le₃chang' co₂tan₅₄ a₂rè₂'liáng' con' gué₄ a₂jme₁o₁'ú' a₂rè₂'ñia₅ gog' tag' dsi₂si₂ ja₁tsá₃ ton₅ jmig₄ éi₃. 9 Nē₁jua' mi₂ne' jmo₅ a₂tang' dso₄, dsi₄ ján₃, tiong₂ uíng₂: ia₁ ja₂lín₃ gué₄ dse₃ a₂dsiáng' ja₁le₃chang' co₂tan₅₄ a₂teng' ca₂míg₂ mi₂ne' lia' con' gué₄ a₂jme₁gog' a₂rè₂'ñia₅ ta₁tin₃ míg₂ mi₂ne' dsi₂si₂ guio₃-juí₃.

Jág₁ a₂jáng' léi₄ jui₁lia' jan₂ já' cha' i₂ca₂i₃cón'
(Lucas 15:3-7)

10 Tsá₃ jmo₂ 'nia' jua' a₂tsá₃ jen' jui₁lia' jan₂ chi' bē' le₂la₂. Ia₁ juí₂gniá₂ 'nia' ia₁ ángeles i₂jmo₅ 'í quiáin₅ co₂tan₅₄ bá₄ jín₂ Ne' i₂guá₅ guei' i₂juí₃.*

12 '¿A₂lia' lín' 'nia'? Jua' mei' gué₃ jan₂ dsa₂ 'ñio₅ caun₂ 'ñiá₂-lón₂ já' cha', nē₁jua' ca₂i₃cón' jan₂, ¿tsa₁ ja₁jaun₂ chein' ne₄ dsi₂con' i₂quéin' co₂ne₂guión₂ rē₂dsí₂ guia₃-né₂ (99) con' i₂te₂ 'éi₂, jaun₂ dsó₅ táng₃ dsi₂'niai' i₂tsá₃ chan₂ 'éi₂? 13 Jē₁ma₂ca₂dsáu' nē₃, a₂dsi₂jó' juá' jniá₂, 'ñio₅ lín₃ gué₄ 'io' jmo₂₃ o₄quió' i₂jan₂ 'éi₂ con' gué₄ i₂quéin' co₂ne₂guióg₂ rē₂dsí₂ guia₃-né₂ i₂tsá₃ i₂cón'. 14 Le₂nē₅ bá₄ ján₃, Néi' 'nia' i₂guá₅ guei' i₂juí₃ tsá₃ 'nio₃ jua' dsi₃cón' ca₂lia' 'i₁jan₂ i₂lín₅ guein' bē' jui₁lia' i₂la₂.

A₂lia' nió' 'én₂ dsa₂ dsáu₁ rin'
(Lucas 17:3)

15 'Chi₂jua' e₂ caun₂ a₂ca₂jmo₂g' jan₂ ríng' dsa₄ de' 'nia' jág₁ ja₁con' guiong' ja₁jaun₂ jme₁jniag' ne₅₄ e₂ a₂ca₂jmo₂g'. Nē₁jua' ca₂tón' jui₅ jág₁ quiáng' ja₁jaun₂ ca₂dsan₃ bá₄ mi' ca₂lē₃ bá₄ táng₃ ríng' quiain'. 16 La₁ nē₁jua' tsá₃ ca₂tón' jui₅ jág₁ quiáng' nē₃, te' on₃-ún₂ dsa₂ sián' ia₁jaun₂ "ca₂le₃jě₃ e₂ niog₅ lé₂jióg' 'í quián' on₃-ún₂ dsa₂ i₂jáng' jág₁ dsau₅, nē₁jua' tí₅ jág₁ jaun₂."† 17 Nē₁jua' tsá₃ ca₂tón' jui₅ jág₁ quió' dsa₂ 'éi₂, chei' guá' nē₁jua' tsá₃ ca₂tón' jui₅ on₃ gué' jág₁ quió' guá' nē₃, tē₂le₃ ja₁ñó₄ jaun₂, jmo₄ 'au' jii₅ lia' ja₁jíng' jan₂ dsi₂nau₂, o₃ jui₁lia' jan₂ i₂cág' cu₄ a₂ca₂tin₂ dsi₂tan₅₄ e₂.

18 'A₂dsi₂jó' juí₂gniá₂ 'nia' ca₂le₃jě₃ e₂ a₂tsá₃ cuē' 'nia' jmig₄ ne₄ gua' uē₃ la₂, lia' con' lē₅ jág₁ quió₃, ján₃ bá₄ tsá₃ lé₂ guei' i₂juí₃; ján₃ bá₄ le₂jaun₂ jui₁lia' a₂cuē' 'nia' jmig₄ ne₄ gua' uē₃ la₂, lia' con' lē₅ jág₁ quió₃, a₂jaun₂ bá₄ lé₂ guei' i₂juí₃.

19 'Ján₃ bá₄ juá' jniá₂, nē₁jua' on' 'nia' jmo' caun₂ jág₁ ne₄ gua' uē₃ la₂, a₂mí' 'nia' e₂ a₂'niog' mí', cuē₃ bá₄ Ne' jniá₂ i₂guá₅ guei' i₂juí₃. 20 Ia₁ jē₁le₁ñi' on₃-ún₂ o₄quió₃ jniá₂, jē₄ jaun₂ bá₄ 'eng₅₄.

21 Jaun₂ Pe₄ nē₃ ca₂ñag₃:

—Te₁gui' ¿con' je₂liá' ráun₂ 'nió' 'én₄ jniá₂ dsáu₁ ríng' nē₁jua' e₂ caun₂ a₂ca₂jmo₂g'? ¿A₂lia'? ¿Guió₃ ráun₂?

22 Jaun₂ ca₂ñag₃ Jesús:

—Ma₁ tsá₃ juá' jniá₂ jñia' guio₃ ráun₂. Ta₁'nag' co₂ne₂guióg₂ rē₂dsí₂ guia₃ ráun₂ a₂jma₃guio₃ (70 X 7 = 490)‡ bá₄ juá' jniá₂.

Jág₁ a₂jáng' léi₄ jui₁lia' jan₂ dsa₂ i₂tsá₃ ca' 'én₂ dsáu₁ rin'
(Lucas 19:13-17)

23 'Uig⁵⁴ jaun₂, lē₅ guei' i₂juí₃ jui₁lia' lín₅ jan₂ rag₅₄ i₂ca₂mág₃ cuentas quió' ca₂le₃jín₃ dsa₂ i₂jme₂ti₃ ta₁ ne₅₄. 24 Jaun₂ jme₁ma₂jme₂lióg₃ chein' cuentas, jme₁ca₂dsi₃lén₂ dsa₂ le₁jñiai₂₃ jan₂ dsa₂ i₂rin₅ guia₃ mei₅ talentos. 25 La₁, ia₁

* 18:10 A₂lín₅₄ chog₅₄ si₂ chi₁ton₅ versículo 11 a₂juá' le₂la₂: "Ta₁ jaun₂ bá₄ já₅ Jaun₅ dsa₂ mi₂guí₃, a₂ja₂'niai' dsa₂ i₂ma₂i₂cón'." † 18:16 Deuteronomio 19:15. ‡ 18:22 o₃, "ta₁'nag' co₂ne₂guióg₂ rē₂dsí₂ guia₃-guio₃ (77) ráun₂".

tsá₃ 'e₂ cha₂ quian'₅₄ a₂quí₃, jaun₂ ca₂jmo₃ rag₅₄ 'éi'₃ a₂dsi₃'ni₄ dsa₂ 'éi₂ lia'₂ jma₃quian'₅₄ 'io₅₄ quiáin₅, chi'₂ quiáin₅ ně₃, ca₂le₃jě₃ 'e₂ a₂jme₁cha₂ quió'₅ ně₃, ia₁jaun₂ le₂jaun₂ jme₁dsian₅ a₂rĭin₂. ²⁶ La₁ dsa₂ 'éi₂ ně₃, ca₂já₃ ca₂chi₃jné₃ ne₄ rag₅₄ juig₅₄, jaun₂ ca₂mi₃ tion₅₄ ca₂juá'₂: “Gui'₅₄ quiáng₃, jmo₄ juin'₂ 'au'₂ quian'₅₄ jniá₂, a₂quí₄ bá₄ jniá₂ quiáng'₂, ca₂le₃jě₃.” ²⁷ Jaun₂ juig₅₄ ně₃ ca₂dsia₃ bá₄ ňéi₂ dsí₅ ja₁coin₂, jaun₂ ca₂'éin₂ bá₄ ca₂le₃jě₃ a₂jme₁rĭin₂, jaun₂ ca₂lió₂ bá₄.

²⁸ 'La₁ dsi₂jui₅ jme₁o₂'ĭin₃ jaun₂ ně₃, ca₂jein'₂ jan₂ dsa₂ i₂jme₂ti₃ rĭin'₅₄ i₂rĭin₂ caun₂ 'ñiá₂-láu₂ cu₄ denarios quió'₅. Jaun₂ ca₂tĭin₂ dsi₂lag₄ rĭin'₅₄, ca₂güi'₃ tiá₂, ca₂juá'₂: “i₂Qui₄ a₂rĭing'₂ quió'!” ²⁹ Jaun₂ rĭin'₅₄ 'éi₂ ně₃ ca₂chi₃jné₃ ne₅₄, jaun₂ ca₂mi₃ tion₅₄ ca₂juá'₂: “Jmo₄ juin'₂ 'au'₂ quian'₅₄ jniá₂, a₂quí₄ bá₄ jniá₂ quiáng'₂, ca₂le₃jě₃.” ³⁰ La₁ i₂jan₂ ně₃ tsá₃ ca₂gue₃, jaun₂ juí₅ 'né₅ 'má₃ bá₄ ca₂i₁tio'₂. Ca₂lia'₂ jaun₂ ca₂'mag'₂ dsí₅ ca₂lia'₂ ca₂quí₃ rĭin'₅₄ ca₂le₃jě₃. ³¹ Jaun₂ jme₁ca₂jág₃ rĭin'₅₄ i₂jme₂ti₃ ta₁ sián'₂, ca₂tá'₂ 'lia'₂ dsí₅, jaun₂ ca₂i₁con₂ jág₁ ne₄ juig₅₄ ca₂i₁jua'₄ ca₂le₃jě₃ a₂ca₂lě₃ jaun₂. ³² Jaun₂ ca₂jmo₃ juig₅₄ 'éi'₃ ca₂i₁quiong₅₄ táng₃ dsa₂, jaun₂ ca₂tě₃ juig₅₄ dsi₂néi₂ quió'₅, jaun₂ ca₂juá'₂: “Ne₂ i₂jme₂ti₃ ta₁ ne₃, i₂'e₂ guě₄ 'ñio₅ 'lin'₅₄ 'ne₂ ca₂'uing'₂! Jua'₂ ně₂ 'én₃ bá₄ jniá₂ ca₂le₃jě₃ a₂jme₁rĭing'₂ quió₃, ia₁ ně₂mi'₅₄ tion₅₄-jan₃. ³³ ¿Tsa₁ dse₃ jua'₅₄ le₂jaun₂ bá₄ ně₂dsia'₅₄ ňéi₂ 'au'₂ rĭing'₂, ju₁lia'₂ ně₂dsia₃ jniá₂ ňéi₂ dsí₃ 'ñiag'₂?” ³⁴ Tě₃ ma₂'ne₂ jaun₂ juig₅₄, ca₂jĭin'₂ dsa₂ 'éi₂ o₄gú₃ dsa₂ i₂niog₅ ne₄ 'né₅ 'má₃, ca₂jmo₃ ca₂lia'₂ ca₂quí₃ jě₂ a₂jme₁rĭin₂.

³⁵ Jaun₂ ca₂juá'₂ Jesús guě₄ ně₃:

—Ján₃ bá₄ le₂ñě₅ jmo₃ ňe'₃ jniá₂ i₂guá₅ guei'₅₄ i₂juig₃ quian'₅₄ 'nia'₂ le₂jang'₂ le₂jang'₂ ně₂jua'₂ tsá₃ ca₂'én'₃ 'nia'₂ ca₂le₃jě₃ 'au'₂ dsáu₁ rĭing'₂.

19

*Jme₂tag₅ Jesús ju₁lia'₂ 'a₂ lia'₂ lě₃ a₂tén₂ dsa₂ dsi₂i₂gu₂
(Marcos 10:1-12; Lucas 16:18)*

¹ Jme₁ca₂dsan₃ juá'₂ Jesús jág₁ ně₅, jaun₂ ca₂o₃'ĭin₃ 'uě₃ Galilea, jaun₂ ca₂dsióg₃ tě₂le₃ quióng₄ Cuá₃ Jordán. ² Juin₅ lin₃ dsa₂ ca₂jme₃quiong'₅₄, jaun₂ ca₂jme₃'lióin₂ dsa₂ i₂qui₂le₁dso'₅₄.

³ Jaun₂ ně₃, i₂lin₅₄ dsa₂ fariseos ca₂jme₃quiáin₃ con₂ Jesús a₂jñia'₅₄ con'₂ cáun₂ táu₂. Jaun₂ ca₂ŋag₃:

—¿'I₄ 'éi'₃ a₂tén₂ dsa₂ dsi₂i₂gu₂ ne₄ 'uig₅₄ ně₁'e₂ caun₂ a₂lě₃?

⁴ Jaun₂ ca₂ŋag₃ Jesús:

—¿Tsa₁ ma₂ca₂'í'₂ 'nia'₂ ne₄ Si₂, ja₁juá'₂ i₂ca₂jmo'₂ dsa₂ mi₂güig₃ le₂ne₁: “Ca₂jmo'₂ dsa₂ ňe'₂ dsa₂ mí₂ ně₃?”* ⁵ Ca₂juá'₂ ně₃: “Uig₅₄ jaun₂ ca₂tĭn₂ dsa₂ ňe'₂ téin₂ chog₅₄-jmei₂ jaun₂ con'₂ tiain'₃ quiain'₅₄ dsi₂i₂gu₂, jaun₂ jě₁le₃oin₃ léin₂ caun₂ bá₄ ni₁ñí₅.”† ⁶ Jaun₂ dsióg₄ léin₂ jan₂ bá₄, tsá₃ ma₃lě₂ oin₃. Jaun₂ tsá₃ 'i₄ 'éi'₃ jua'₅₄ jmo₃ dsa₂ mi₂güig₃ jma₃quén₅ a₂ma₂ca₂dsia₃ Diú₄ rě₂.

⁷ Jaun₂ ca₂ŋag₃ táng₃ dsa₂ fariseos:

—¿'E₂ guě'₂ lě₃ ně₃ ca₂jmo₃ Moisés 'éi'₃ a₂lé₂ le₃jmo₃ dsa₂ ňe'₂ caun₂ si₂ tě₃ron₅₄ cuě'₃ 'io₅₄ ja₁juá'₂ a₂tén₂ rĭin'₅₄, jaun₂ guě₄ ma₂lé₂ dsei₂₃?

⁸ Jaun₂ ca₂juá'₂ Jesús:

—Uig₅₄ ia₁ a₂ñí₄ tsá₃ nág'₁ 'nia'₂ guiong'₅₄ bá₄ jaun₂ ca₂cuě₃ 'éi₂ jmig₄ a₂tén₂ dsa₂ dsi₂i₂gu₂; la₁ lia'₂ con'₂ le₂'uig₅₄ tsá₃ le₂ñě₅ jme₁lě₄. ⁹ La₁ jniá₂ juá'₅, ju₁'ein₂ guě₃ i₂lě₂tén₂ dsi₂i₂gu₂, on₃jua'₅₄ a₂cha₂ lě₃, ně₂jua'₂ on₃ guě'₂ jua'₅₄ ia₁ a₂nió'₅ jág₁ quian'₅₄ i₂sián'₂; ně₁jua'₂ jě₁ma₂ca₂lě₃ jaun₂, cáin₂ táng₃ 'io₅₄ sián'₂, 'no₂₃ dso₄ ne₄

* 19:4 Génesis 1:27; 5:2. † 19:5 Génesis 2:24.

Diú₄; já₃ bá₄ le₂ně₅ quian'₅₄ dsa₂ ŋe'₂ i₂jén'₂ gu₂ quian'₅₄ jan₂ 'io₅₄ i₂ma₂téi₂ dsa₂ ně₃, já₃ bá₄ le₂jaun₂ 'no₂₃ dso₄ ne₄ Diú₄.

¹⁰ Jaun₂ lě₃, ca₂juá'₂ chi'₂ dsi₂guia₃-tín₂ quiáin₅:

—Ně₁jua'₂ le₂ně₅ cha₂ o₂me'₅₄ dsi₅ quió'₅ dsa₂ ŋe'₂ dsa₂ mí₂, ħ₂t₂sa₁ dse₃ jua'₅₄ a₂tsá₃ jéin'₂ co₂ŋei'₅₄ gu₂?

¹¹ Jaun₂ ca₂juá'₂ táng₃ Jesús:

—Tsá₃ ca₂le₃jín₃ lé₂ le₃ŋí'₂ dsi₅ jua'₅₄ lé₂ le₃jmo₃ le₂ně₅; jŋia'₅₄ lia'₂ i₂ma₂cuě₃ Diú₄ bí₂ a₂le₃ŋí'₂. ¹² 'Lióng₂ bá₄ 'uig₅₄ cha₂ a₂tsá₃ le₃jén'₂ dsa₂ ŋe'₂ i₂lin₅₄ gu₂; ia₁ i₂lin₅₄ le₂jaun₂ ma₂lin₅ lia'₂ con'₂ jme₁ca₂rě₃cháin₃ a₂tsá₃ lé₂ le₃jéin'₂ gu₂; i₂lin₅₄ guě'₂ ně₃, ia₁ a₂ma₂ca₂jmóg'₂ dsa₂ mi₂güig₃ riin'₅₄ té'₃; i₂lin₅₄ guě'₂ ně₃, ia₁ a₂co₂ŋei'₅₄ ma₂quí'₃ dsi₅ a₂tsá₃ jéin'₂ gu₂ ne₄ o₄quió'₄ ja₁gon₂ Diú₄. Jui₁lia'₂ i₂tió'₅ jme₃tí₃ já₃g₁ la₂, jui₁jmo₁₂.

Ca₂jme₃gon'₅₄ Jesús chi'₂-guein₂

(Marcos 10:13-16; Lucas 18:15-17)

¹³ Jaun₂ ca₂o₃jŋia₃ i₂lin₅₄ dsa₂ ca₂o₃jŋia₃ guein₂ quiáin₅ ne₄ Jesús ia₁jaun₂ qui₃ní'₂ gu₂, tsí'₃ Diú₄ o₄quió'₄ ně₃. La₁ chi'₂ dsi₂guia₃-tín₂ ně₃ ca₂jéin₂ dsa₂. ¹⁴ La₁ Jesús ně₃, ca₂juá'₂:

—Cuě'₄ 'nia'₂ jmig₄ jui₁ja₂lén₂ chi'₂-guein₂ cong₂; tsá₃ lě₁jmo₂ 'nia'₂ le₂ně₅ jua'₅₄ jŋig'₅₄, ia₁ jui₁lia'₂ i₂le₂ně₅ bá₄ guě'₂ i₂ca₂tín₂ ja₁gon₂ Diú₄.

¹⁵ Jme₁ca₂lě₃ chi₂lái₂ le₂jan₂ le₂jan₂ guein₂ a₂jme₂gu'₅₄, ca₂ŋái'₃ bá₄ jaun₂.

Jan₂ dsó₂ chi'₂ cha₂ cu₄ ca₂dsia₃ já₃g₁ quiain'₅₄ Jesús

(Marcos 10:17-31; Lucas 18:18-30)

¹⁶ Jan₂ dsó₂ chi'₂ ca₂jme₃quián₃ con₂ Jesús, jaun₂ ca₂ŋag₃:

—Tě₅ dsen₃, ħ₂'e₂ jmo₅₄ jniá₂† ia₁jaun₂ léi₂ ja₁le₃chang₂ co₂tan₅₄?

¹⁷ Jaun₂ ca₂juá'₂ Jesús:

—ħ₂'E₂ lě₃ tě₅ jniá₂ dsen₃?§ Jŋia'₅₄ lia'₂ jan₂ bá₄ i₂chan₂ i₂lín₅ i₂dsen₃, i₂'éi₂ lín₅ Diú₄. La₁ ně₁jua'₂ 'niog'₂ 'ú'₄ ja₁le₃chang₂ co₂tan₅₄, jme₁ti₁ 'éi'₃ quió'₅ Diú₄.

¹⁸ Jaun₂ ca₂ŋag₃ táng₃ dsó₂ 'éi₂:

—ħ₂'E₂ 'éi'₃?

Jaun₂ ca₂ŋag₃ táng₃ Jesús:

—Tsá₃ jŋig'₄ dsa₂ mi₂güig₃ ríng'₂; tsá₃ nióg'₄ já₃g₁ quian'₅₄ dsa₂ i₂tsá₃ lín₅ dsi₂i₂gog'₂; tsá₃ 'áng'₁ a₂cha₂ quió'₅ ríng'₂; tsá₃ jmó'₂ jua'₅₄ jang'₅₄ já₃g₁ tě₂jág₁ a₂jmag'₅₄ ríng'₂; ¹⁹ a₂jme₁gang'₃ chog'₂-ŋéi'₅; * a₂jme₁'nióg'₄ dsa₂ mi₂güig₃ ríng'₂ jui₁lia'₂ 'nióg'₃ 'ŋiag'₂ ně₃.†

²⁰ Jaun₂ ca₂ŋag₃ táng₃ dsó₂ 'éi₂ ca₂tsí'₃ Jesús:

—Ca₂le₃jě₃ a₂ně₅ ma₂guio₃ jme₂tí₂. ħ₂'E₂ guě'₄ a₂siá'₂ 'nió'₅ jmo₅₄?

²¹ Jaun₂ ca₂ŋag₃ táng₃ Jesús:

—Ně₁jua'₂ 'niog'₂ léng'₂ jan₂ dsa₂ i₂rě₂'ŋia₅ tě₂le₃ quió'₅ jme₂dsí₂, guan'₂ o₂'nag₄ ca₂le₃jě₃ a₂cha₂ quiáng'₂, jaun₂ o₂dsio'₅₄ ja₁con₂ dsa₂ te₂ŋé₂, jaun₂ le₂ně₅ le₃cha₂ a₂jlá'₁ quiáng'₂ guei'₅₄ i₂juig₃; jaun₂ guě'₄ ŋe'₅₄ quian'₅₄ jniá₂.

²² La₁ jme₁ca₂nág₂ dsó₂ já₃g₁ ně₅, ca₂ŋái'₃ 'lia'₂ dsi₅, ia₁ 'ŋio₅ lín₃ jme₁cha₂ cu₄.

²³ Jaun₂ ca₂juá'₂ Jesús ca₂tsí'₃ chi'₂ dsi₂guia₃-tín₂ quiáin₅:

—A₂dsi₂jó'₃ juig₂ jniá₂ 'nia'₂, 'e₂ guě'₄ quian₅ ta₁ quió'₅ jan₂ dsa₂ cha₂ cu₄ a₂'í₂ guei'₅₄ i₂juig₃ ja₁gon₂ Diú₄. ²⁴ Juá'₅ jniá₂, tsá₃ guě'₄ 'e₂ ta₁ quian₅ a₂lé₂ le₃ŋí₃ jan₂ já'₂ camello jui₅ tau₂ mi₂cu₄, lia'₂ con'₂ guě'₄ jan₂ dsa₂ cha₂ cu₄ a₂'í₂ ja₁gon₂ Diú₄.

‡ 19:16 o₃, “Tě₅, ħ₂'e₂ a₂dse₃ a₂jmo₅₄ jniá₂...” § 19:17 o₃, “ħ₂'E₂ lě₃ ŋag'₅₄ jniá₂ jui₁lia'₂ a₂dse₃?” * 19:19 Éxodo 20:12-16; Deuteronomio 5:16-20. † 19:19 Levítico 19:18.

25 Jme₁ca₂nág₂ chi'₂ dsi₂guia₃-tín₂ quiáin₅ jág₁ në₅, 'ñio₅ lín₃ ca₂i₃gó'₃ dsí₅, jaun₂ qui₂ca₂ñí'₃ riin'₅₄ con'₂ guioin₅₄:

—¿I₂'ein₂ bá₄ guë'₂ jaun₂ në₃ i₂lé₂ le₃tín'₄?

26 Jaun₂ ca₂jág₃ Jesús ca₂jín₂ 'éi₂, jaun₂ ca₂juá'₂:

—Dsón'₂ bá₄ jaun₂, të₂le₃ quió'₅ dsa₂ mi₂güig₃ o₁lig'₂ tsá₃ lé₂ le₃lé₂. La₁ të₂le₃ quió'₅ Diú₄, ca₂le₃jë₃ bá₄ lé₂ le₃lé₂.

27 Jaun₂ ca₂juá'₂ Pe₄ në₃:

—Te₁gui'₅₄, ca₂le₃jë₃ 'e₂ a₂jme₁cha₂ quián₂ jnia'₅₄ ma₂ca₂tén'₃ dsi₅ jnia'₅₄ ma₂qui₂ca₂tí₄ ia₁ a₂'én₅ jnia'₅₄ 'ne₂. ¿'E₂ a₂tag₃ jnia'₅₄ në₃?

28 Jaun₂ ca₂ñag₃ Jesús ca₂juá'₂:

—A₂dsi₂jó'₃ juá'₅ jniá₂ juig₂ 'nia'₂, jë₁ma₂ca₂të₂ jmig₄ i₁le₃'mag'₂ ca₂le₃jë₃ 'a₂ lia'₂ niog₅ lë₅ mi₂güig₃, jë₁ma₂ca₂të₂ rë₂guá₃ Jaun₅ dsa₂ mi₂güig₃ ne₄ta₁ jlá'₁ quió'₅, jaun₂ 'nia'₂ në₃ i₂ma₂ja₂nóg'₅ quiong'₅₄ jniá₂, nio₃ gog'₂ 'nia'₂ jma₃cáun₃ ta₁ a₂tiáng'₄ jmó'₂ gong'₂ qui₁dsí'₂ 'éi'₃ ta₁guia₃-tín₂ nió'₃ dsa₂ juig₂ tsi₁jon₂ Israel.

29 Ján₃ bá₄ le₂jaun₂ ján₃, ca₂le₃jín₃ i₂ma₂ca₂tén'₃ dsí₅ dsi₂néi₂ quió'₅, i₂ma₂ca₂tén'₃ dsí₅ chi'₂ rin'₅₄, o₃ chog₅₄-jmei₂, o₃ dsa₂ m₂quiáin₅, o₃ chi'₂ quiáin₅, i₂ca₂tén'₃ dsí₅ ca₂tí₂ja₁nau₂ quió'₅ në₃, 'uig₅₄ quió₃ jniá₂, ia₁ gue₃ caun₂ 'ñiá₂-láu₂ ñag₅₄ guë'₄ lia'₂ con'₂ guë'₄ a₂ma₂ca₂tí₂, ton'₂ gue₃ ján₃ a₂le₃chain₂ co₂tan₅₄. ³⁰La₁ rë₂në₃ juin₅ lín₃ i₂lín₅ i₂quen₅, la₁ jmig₄ jaun₂ léin₂ dsa₂ të₂le₃ jë₁ca₂tó'₂; le₂jaun₂ bá₄ ján₃ ju₁lia'₂ i₂tsá₃ 'e₂ quen₅ rë₂në₃ lia'₂ con'₂ niog₅ lín₂ dsa₂ mi₂güig₃, léin₂ i₂le₂'uig₅₄.

20

Jág₁ jáng'₅ léi₄ ju₁lia'₂ dsa₂ i₂jmo₅ ta₁ caun₂ ja₁nau₂

1 'Lë₅ guei'₅₄ i₂juig₃ ja₁gon₂ Diú₄ ju₁lia'₂ jan₂ dsa₂ juig₅₄ ja₁nau₂ i₂o₂'in₅ të₃ o₃'iog₂, ca₂i₁tioin₁₂ dsa₂ i₂jmo₃ ta₁ ja₁nau₂ quió'₅ ja₁nia₄ cho'₅₄ uing₂ uvas.

2 Ca₂lí'₃ bá₄ jág₁ quian'₅₄ dsa₂ i₂jmo₃ ta₁ a₂'liain'₅₄ jma₃ca₂'éi'₃ cu₄ denario lia'₂ co₂jmig₄, jaun₂ ca₂chein₃ dsa₂ 'éi₂ ju₁5 ja₁nau₂ quió'₅. ³Jme₁co₂lág₂ jaun₂ o₂'iin₃ táng₃ con'₂ hora ñí₁ ñi₃ të₂le₃ o₃'iog₂,* jaun₂ ca₂jín₂ dsa₂ sián'₂ i₂tión₂ jin₅₄ jë₄ 'ma'₅₄. ⁴Jaun₂ ca₂tsí'₃ dsa₂ 'éi₂: “O₂nó'₅ 'nia'₂ ján₃ o₂jmo₄ ta₁ ja₁nau₂ quió'₃, quí₄ bá₄ jniá₂ 'liang'₅₄ 'nia'₂ con'₂ dsi₂ten₅₄.” Jaun₂ i₃lén₂ bá₄ dsa₂ 'éi₂. ⁵Jaun₂ o₂'iin₃ táng₃ con'₂ dsi₂ñí'₃,† con'₂ siá'₂ hora ñí₁ 'ni₅ të₂le₃ ca₂'láu₂ në₃;‡ le₂jaun₂ bá₄ ca₂jmo₃ ján₃. ⁶Con'₂ siá'₂ o₂'iin₃ bá₄ guë'₄ con'₂ hora ñí₁ 'ñiá₂ të₂le₃ ca₂'láu₂,§ ñó₃ ju₁5 jë₄ 'ma'₅₄, jaun₂ ca₂dsáin'₂ táng₃ dsa₂ i₂jin₅₄ tión₂. Jaun₂ ca₂tsí'₃ 'éi₂: “¿'E₂ lë₃ tión'₂ 'nia'₂ ja₁lá₃ ta₁ne₁jmig₄ tsá₃ 'e₂ ta₁ jmo'₂?” ⁷Jaun₂ ca₂ñag₃ dsa₂ 'éi₂ ca₂juá'₂: “Ia₁ i₁jan₂ tsá₃ 'ein₂ tio₅.” Jaun₂ ca₂ñag₃ dsa₂ juig₅₄ ja₁nau₂ ca₂juá'₂: “O₂nó'₅ 'nia'₂ ján₃, o₂jmo₄ ta₁ ja₁nau₂ quió'₃; quí₄ bá₄ jniá₂ 'liain'₅₄ 'nia'₂ con'₂ dsi₂ten₅₄.”

⁸Jme₁ca₂nei₂ jmig₄ jaun₂, ca₂juá'₂ juig₅₄ ja₁nau₂ ca₂tsí'₃ dsa₂ i₂niog₅ ne₄ i₂te₂né'₂ dsa₂ ta₁: “Te'₂ dsa₂ i₂ma₂në₂jmo₃ ta₁, jaun₂ qui'₅₄ 'liain'₅₄. Jme₁lióg₄ de'₂ jniá₅ quian'₅₄ dsa₂ i₂në₂tión'₂ jë₁ca₂tó'₂, jaun₂ dsian₅ quian'₅₄ i₂në₂tión'₂ le₂'uig₅₄.” ⁹Jaun₂ dsi₃lén₂ dsa₂ i₂ca₂tón'₂ ca₂jmo₃ ta₁ hora ñí₁ 'ñiá₂ të₂le₃ ca₂'láu₂, jaun₂ le₂jain₂ le₂jain₂ ca₂gue₃ 'liain'₅₄ jma₃ca₂'éi'₃ cu₄ denario. ¹⁰Jme₁co₂lág₂ jaun₂, ca₂tín₂ dsa₂ i₂ca₂i₃ton'₅₄ le₂'uig₅₄, i₃jiog₅ dsí₅ a₂jme₁gue₃ guë'₄ ñag₅₄ 'liain'₅₄; la₁ co₂rë₂ bá₄ 'liain'₅₄ ca₂gue₃ jma₃ca₂'éi'₃ cu₄ denario le₂jain₂ le₂jain₂. ¹¹La₁ jme₁ma₂në₂gue₃ 'liain'₅₄, i₃lén₂ i₃chog'₄ dso₄ ne₄ juig₅₄, ¹²jaun₂ ca₂juá'₂: “Dsa₂ i₂o₃lén₂ jë₁ca₂tó'₂, caun₂ hora bá₄ në₂tión'₂ në₂jmo₃ ta₁; co₂jaun₂ bá₄ 'liain'₅₄ në₂gue₃ ján₃ con'₂ 'liog'₅₄ jnia'₅₄ i₂në₂tió'₄ në₂jmó₁ ta₁ ta₁ne₁jmig₄ në₂ñag₅₄ 'iog₂

* 20:3 lit. “hora 'ni₅.” † 20:5 lit. “hora jñéi₂.” ‡ 20:5 lit. “hora ñi₃.” § 20:6 lit. “hora guia₃-cáun₃.”

dséi₂ 'ŋio₅ lín₃.” 13 La₁ ca₂ŋag₃ juig₅₄ ca₂tsí₃ jan₂: “A₂mei₅₄ quiáng₃, tsá₃ 'e₂ jua'₅₄ a₂tsá₃ dsi₂ten₅₄ jmo₅ jniá₂ ja₁cong'₂. ¿Tsa₁ ca₂lě₃ jág₁ a₂'liang'₅₄ ca₂'éi'₃ cu₄ denario guè'₂? 14 Jui₁le₂'ŋio₂ 'au'₂ con'₂ ma₂'liang'₅₄ ně₅, guan'₂ quiáng'₂. Nē₁jua'₂ jniá₂ le₂ně₅ ca₂lě₃ dsi₃ quí₄ 'lian'₅₄ dsa₂ i₂ně₂tong₅₄ jē₁ca₂tó'₂ con'₂ 'lian'₅₄ 'ne₂, 15 ¿O₃ tsa₁ ca₂tín₂ jniá₂ jmo₅₄ quian'₅₄ cu₄ quió₃ 'a₂ lia'₂ jnia'₅₄ 'nio₃ jmo₅₄? ¿O₃ ja₂ uig₅ 'au'₂ 'e₂, ia₁ a₂'ua₁ dsi₃?”

16 'Jaun₂ ně₃ jui₁lia'₂ dsa₂ i₂lín₅ tē₂le₃ jē₁ca₂tó'₂ rē₂ně₃, lē₁n₂ i₂le₂'uig₅₄ jmi_g₄ jaun₂; le₂ně₅ bá₄ ján₃, jui₁lia'₂ i₂lín₅ i₂le₂'uig₅₄ rē₂ně₃, lē₁n₂ dsa₂ tē₂le₃ jē₁ca₂tó'₂.

Con'₂ siá'₂ táng₃ ca₂'ě₂ Jesús jág₁ a₂jóin₂
(Marcos 10:32-34; Lucas 18:31-34)

17 Jme₁ma₂'en₅₄ Jesús jui₅ uig₂ tso₄ a₂dsióg₄ Jerusalén, jaun₂ ca₂tě₃ cau₅ chi'₂ dsi₂guia₃-tín₂ quiáin₅, jaun₂ ca₂juá'₂:

18 —Jui₁lia'₂ jág'₂ 'nia'₂, tio'₅₄ jniog₄ jui₅ tso₄ la₂ a₂dsi₁náu₅ Jerusalén. Ja₁jaun₂ jáng'₂ dsa₂ jíin'₂ Jaun₅ dsa₂ mi₂güig₃ o₄gú₃ juig₅₄ jme₂dsa₂, ne₄ tē₅juá'₅ ně₃; 'éi₂ gué₄ ně₃ cuē₃ 'éi'₃ a₂ŋag'₃ dsa₂. 19 Jáng'₂ dsa₂ ně₃ o₄gú₃ dsi₂nau₂ ia₁jaun₂ jmóg'₂ burlas, qui₃bóg₂ dsa₂, jaun₂ gué₄ tioin₃ cróg₄ ŋag'₃; la₁ a₂'ni₅ jmi_g₄ jaun₂, jein'₅₄ le₃chain₂ bá₄ táng₃.

Jui₁lia'₂ a₂ca₂mi₃ chog₅₄ Jacobo quian'₅₄ Juan₅₄
(Marcos 10:35-45)

20 Jaun₂ ca₂jme₃quián₃ chog₅₄ Jacobo quian'₅₄ Juan₅₄, ja₁ŋi'₅₄ Zebedeo, ja₁'en₅₄ Jesús. Jaun₂ ca₂chi₃jně₃ ca₂mi₃ a₂jmo₃ 'éi₂ dse₃ dsí₅. 21 Jaun₂ ca₂ŋag₃ Jesús:

—¿'E₂ 'niog'₂ 'ne₂?

Jaun₂ ca₂ŋag₃ chog₅₄ chi'₂ 'éi₂:

—¿Tsa₁ cuē'₁ jmi_g₄ a₂tian'₃ jma₃jan₂ chi'₂ quiáng₃ cong'₂, jē₁ma₂tě₂ rē₁ne'₅₄ gong'₂ ne₄ta₁ quiáng'₂, jan₂ tē₂le₃ gog'₂ ne₁, jan₂ gué'₂ tē₂le₃ gog'₂ jen₅?

22 La₁ Jesús ně₃ ca₂ŋag₃:

—Tsá₃ ŋi'₅₄ 'nia'₂ 'e₂ a₂mi₃. ¿Tian'₃ 'nia'₂ dsi₃ŋig'₂ ca₂le₃jě₃ jui₁lia'₂ a₂dsi₃ŋi₂ jniá₂ gué'₂?”*

Jaun₂ ca₂ŋag₃ 'éi₂:

—Tián₂ bá₄ jnia'₅₄.

23 Jaun₂ ca₂juá'₂ táng₃ Jesús:

—Dsón'₂ bá₄ jaun₂ dsi₃ŋi'₂ 'nia'₂ jui₁lia'₂ 'a₂ lia'₂ niog₅ dsi₃ŋi₂ jniá₂,† la₁ jui₁lia'₂ a₂juá'₂ 'nia'₂ ně₅ a₂tiáng'₄ jma₃ca₂ton₂ cau₅ quió₃, on₃jua'₅₄ jniá₂ ca₂tíng₂ cuē₅₄ a₂jaun₂. Ja₁jaun₂ ma₂jmo₃ Ne'₃ jniá₂ co₂ŋia₅₄ a₂tian'₃ con'₂ i₂ca₂tín₂ bá₄.

24 Riin'₅₄ i₂guian₃ gué₄ 'éi₂ ně₃ ca₂rě₃'néi₃ quian'₅₄ i₂on₃ 'éi₂ jme₁ca₂nág₂ jág₁ jaun₂. 25 La₁ ca₂tě₃ Jesús, jaun₂ ca₂juá'₂:

—ŋi'₅₄ bá₄ 'nia'₂, jui₁lia'₂ dsi₂tan₅₄ dsa₂ can'₅₄ i₂tián'₅ gon₂ ca₂le₃jě₃ juig₂,‡ qui₂toin'₂ dsa₂ 'éi'₃ bēn₂. Le₂jaun₂ bá₄ jmo₅ jui₁lia'₂ dsi₂tan₅₄ i₂sion₅ gué₄, tián'₅ goin₂ jmo₂₃ 'éi'₃. 26 La₁ jin'₄ 'nia'₂, tsá₃ le₂jaun₂ lé₂. Chi₂jua'₂ 'ein₂ 'nio₃ jmo₃ juin'₂, ca₂tíin₂ jme₃ti₃ ta₁ ne₄ riin'₅₄; 27 chi₂jua'₂ 'ein₂ 'nia'₂ 'nio₃ cán₂ ne₄ jui₅, 'nió'₅ jme₃ti₃ ne₄ ca₂le₃jín₃ dsa₂. 28 Ia₁ le₂ně₅ bá₄ Jaun₅ dsa₂ mi₂güig₃, tsá₃ ta₁ jaun₂ já₅ jua'₅₄ a₂jme₃ti₃ dsa₂ ne₅₄; a₂jme₃ti₃ ta₁ ne₄ dsa₂ bá₄ já₅, a₂quí₃ quian'₅₄ 'mú₃ co₂'nió'₄ 'lia'₅₄ ia₁jaun₂ tín'₄ juin₅.

Ca₂jme₃'lión₂ Jesús on₃ dsa₂ ten₄
(Marcos 10:46-52; Lucas 18:35-43)

* 20:22 A₂lín₅₄ chog₅₄ si₂ juá'₂ le₂la₂ ján₃: “¿Tian'₃ 'nia'₂ cán'₁ o₂l₁ dsi₅ jui₁lia'₂ o₂l₁ dsi₅ a₂can₅₄ jniá₂?”

† 20:23 A₂lín₅₄ chog₅₄ si₂ juá'₂ le₂la₂ ján₃: “ján₃ bá₄ cán'₁ 'nia'₂ o₂l₁ dsi₅ jui₁lia'₂ o₂l₁ dsi₅ can₅₄ jniá₂.”

‡ 20:25 o₃, “i₂tián'₅ gon₂ jin₄ dsi₂nau₂.”

29 Jme₁ma₂tioin'₅₄ jui₅ 'u_iin₂ juig₂ Jericó, juin₅ dsa₂ ja₁jaun₂ ca₂jme₃quiain'₅₄ Jesús. 30 Jui₅ ja₁ñó₄ jaun₂, jme₁tián'₄ on₃ dsa₂ ten₄ cau₅ jui₅. Dsa₂ 'éi₂ ně₃ jme₁ca₂nág₂ a₂ñó₅ Jesús cau₅ jaun₂, ca₂juá'₂ tiá₂:

—iTe₁gui'₅₄, tsi₁jon₂ David, dsia₄ ñéi₂ 'au'₂ jnia'₅₄!

31 Jaun₂ ca₂jí₂ bá₄ dsa₂ ia₁jaun₂ dsi₃léin₂ tei₄. La₁ tē₂le₃ i₂jui'₂ guē₄ co₂mi'₅₄ ca₂tóin'₂ bá₄, ca₂juá'₂:

—iTe₁gui'₅₄, tsi₁jon₂ David, dsia₄ ñéi₂ 'au'₂ jnia'₅₄!

32 Jme₁ca₂nág₂ Jesús, jaun₂ ca₂nau₂, jaun₂ ca₂tē'₃ le₃on₃ dsa₂ 'éi₂, jaun₂ ca₂ñag₃:

—¿'E₂ 'niog'₂ 'nia'₂ jmo₅₄ jniá₂ o₄quián'₂ 'nia'₂?

33 Jaun₂ ca₂ñag₃ dsa₂ 'éi₂:

—Te₁gui'₅₄, a₂jnia₅₄ mi₂ne₄ bá₄ jnia'₅₄ 'niog₂.

34 Jaun₂ ca₂dsia₃ bá₄ Jesús ñéi₂ dsí₅, jaun₂ ca₂tí₂ gu₂ jme₁ne₁ dsa₂ 'éi₂. Jaun₂ dsi₂jui₅ le₂jaun₂ ca₂jnia₃ jme₁ne₁ dsa₂, jaun₂ i₃léin₂ bá₄ jaun₂ ca₂jme₃quiain'₅₄ Jesús.

21

Ca₂'í₃ Jesús jē₄ juig₂ Jerusalén

(Marcos 11:1-11; Lucas 19:28-40; Juan 12:12-19)

1 Jme₁ma₂quián₅ dsi₁léin₂ Jerusalén, dsi₃léin₂ quián₅ juig₂ Betfagé a₂niog₅ cau₅ Má'₂ Olivos, ja₁jaun₂ ca₂chen₃ Jesús on₃ chi'₂ dsi₂guia₃-tín₂ quián₅,
2 ca₂juá'₂:

—O₂nó'₅ 'nia'₂ juig₂ pí'₁ niog₅ tē₂le₃ ne₄ jui₅ ja₁dsau₅₄ ně₅. Ja₁jaun₂ dsian'₂ 'nia'₂ jan₂ i₂bú'₄ mí₂ rē₂ 'ñe'₅₄, chéin'₅ quian'₅₄ guein₂ quián₅. O₂chein'₅₄ 'nia'₂ jaun₂ tē'₅₄ ja₁lá₃. 3 Nē₁juá'₂ 'ein₂ ñag₅ 'e₂ lē₃ tsiin'₅₄, jaun₂ juig'₅₄ 'nia'₂: “Te₁gui'₅₄ bá₄ 'nio₃ ca₂tiá₂.” Jaun₂ ně₃ cón'₅ bá₄ cuag₃.

4 Ca₂lē₃ le₂nē₅ ia₁jaun₂ le₃ti₃ jág₁ a₂ca₂tó'₂ ne₄ si₂ dsa₂ i₂jme₁'ē₂ jág₁ quián₅ Diú₄ ma₂líg'₂, jme₁ca₂juá'₂:

5 Chei'₅₄ dsa₂ juig₂ i₂tián'₅ Sión:

“Jag₄, ně₅ jón'₅ Rag₅₄ quián'₂ 'nia'₂ ja₁cong'₂,

a₂lín₅ jan₂ dsa₂ me'₂, tsá₃ jláin'₁,

jóin'₅ co₂dsin₅₄ jan₂ bú'₄,

jóin'₅ quian'₅₄ jaun₅ já'₂ i₂cán₂ lio₅₄ bá₄”.*

6 Jaun₂ ca₂i₃lén₂ bá₄ i₂on₃ 'éi₂, ca₂jmo₃ bá₄ con'₂ lē₅ jág₁ a₂ca₂cuē₃ Jesús. 7 Jaun₂ ca₂i₂te₂ bú'₄ lia'₂ jma₃quian'₅₄ guein₂ quián₅, ca₂i₁jio₃ ja₁'en₅₄ Jesús. Jaun₂ ca₂jlag₂ ni₁tsin'₅₄ mi₂ca'₄ já'₂, jaun₂ guē₄ ca₂co₃dsag₅₄ Jesús. 8 Jaun₂ dsa₂ juin₅ i₂quiain'₅₄ ně₃ i₂jñiá₅ le₃ne₄ jui₅ qui₂ca₂néi'₃ 'mí'₂ le₂'i₄ jui₅ ja₁ñí₃ Jesús; i₂lín₅₄ guē'₂ qui₂ca₂'nia₃ mog'₅₄ 'ma₂tsín₅, qui₂ca₂jó₃ dsi₂jui₅. 9 Dsa₂ i₂i₃lén₂ le₃ne₄ jui₅, quian'₅₄ i₂ja₂lén₂ le₃chi₁co'₅₄ ně₃, qui₂ca₂tóin'₂ co₂mi'₅₄ ca₂juá'₂:

i₂jui₁le₂juin'₂† bá₄ tsi₁jon₂ David!

i₂jui₁le₂jñi₃ó₃ bá₄ i₂nē₅ i₂já₅ o₄quió'₄ Te₁gui'₅₄!‡

i₂jui₁le₂juin'₂ bá₄ i₂guá₅ guei'₅₄ i₂juig₃!

10 Jme₁ca₂'í₃ Jesús jē₄ juig₂ Jerusalén, jaun₂ qui₂ca₂tón'₂ go₂'i₃ dsa₂ juig₂, juin₅ i₂qui₂ca₂ñag₃:

—¿'Ein₂ bá₄ ně₅?

11 Jaun₂ qui₂ca₂ñag₃ dsa₂ juin₅ i₂quian'₅₄ Jesús, ca₂juá'₂:

—Jesús bá₄ la₂, dsa₂ i₂'ē₂ jág₁ quián₅ Diú₄, i₂chan₂ juig₂ Nazaret ja₁tén₄ Galilea.

* 21:5 Zacarías 9:9. † 21:9 lit. “Hosana”, a₂jein₅ jág₁ quian'₅₄ jág₁ jmei₅ arameo: “Lio₄ jnia'₅₄”, co₂'nió'₄ a₂qui₂mi₅ dsa₂ ne₄ Diú₄ a₂jíá₃ I₂rē₂'ín₁, quián₅; la₁ cang₂ jaun₂ táng₃ ca₂jein₃ jág₁ a₂jme₂juin'₂ dsa₂ jan₂ dsa₂. Ján₃, bá₄ le₂nē₅. ‡ 21:9 Salmo 118:26.

*Ca₂'uín'₂ Jesús dsa₂ i₂jme₁tion'₅₄ dsia₅ 'ma'₅₄ i₁dsi₅ guá'₅
(Marcos 11:15-19; Lucas 19:45-48; Juan 2:13-22)*

¹² Ca₂dsióg₃ Jesús jme₁ca₂dsióg₃ i₁dsi₅ guá'₅ templo, jaun₂ qui₂ca₂'uín'₂ ca₂le₃jín₃ dsa₂ i₂jme₁ma₂tion'₅₄ dsia₅ 'ma'₅₄ i₁dsi₅ guá'₅, dsa₂ i₂'nag₅, i₂qui₂lá₅ nē₃, qui₂ca₂jéin'₃ ni₁mesa ja₁jme₁jmo'₂ dsa₂ ta₁ jme₂tsiin₃ cu₄, qui₂ca₂qui'₂ 'ma₂si₅₄ ja₁jme₁tián'₄ dsa₂ i₂'ni₅ i₁ju₂; ¹³ jaun₂ ca₂juá'₂:

—Ne₄ Si₂ juá'₂: “Né₅ quió₃ lē₅ ca₂ne₅₄ 'né₅ ja₁tē₁ja₂lén₂ dsa₂ ja₂chi'₅₄ Diú₄”; § la₁ 'nia'₂ nē₃ ma₂jmo'₅₄ nē₂jag₄ bá₄ tē₂'lau₂ quió'₅ dsa₂ 'ang₂.*

¹⁴ Jaun₂ ca₂jme₃quián₃ i₂lín₅₄ dsa₂ ten₄ quian'₅₄ dsa₂ guian'₅₄ nē₃ con₂ Jesús i₁dsi₅ guá'₅, jaun₂ ca₂jme₃lióin₂ bá₄ dsa₂ 'éi₂. ¹⁵ La₁ jme₁ca₂jág₃ juig₅₄ jme₂dsa₂ quian'₅₄ tē₂juá'₅ léi₄ jlá'₁ a₂ca₂jmo₃ Jesús jaun₂, ton'₂ ia₁ ca₂nág₂ nē₃ tion'₅₄ chi'₂ co₂mi'₅₄ qui₂guió'₅ i₁dsi₅ guá'₅, a₂juá'₂: “¡Ju₁le₂juin'₂ tsi₁jon₂ David!”, jaun₂ ca₂rē₃'néi₃. ¹⁶ Jaun₂ ca₂juá'₂ ca₂tsí'₃ Jesús:

—¿Tsa₁ nag'₂ 'e₂ juá'₂ chi'₂?

Jaun₂ ca₂ḡag₃ Jesús:

—Ján₅, nag₅ bá₄ jniá₂. Ia₁, ¿tsa₁ ma₂'í'₂ 'nia'₂ ne₄ Si₂ ja₁juá'₂:

Te₁gui'₅₄, 'ne₂ bá₄ ma₂ca₂jmo'₅₄

'e₂ a₂'uē₂ mi₂'o₄ chi'₂ bē'₅₄

quian'₅₄ mi₂'o₄ guein₂ tei₄ i₂guén'₅ dsi'₅₄,

'uē₂ jág₁ a₂jme₂juin'₂ 'ne₂?†

¹⁷ Jaun₂ ca₂o₃'iin₃ bá₄ ja₁tion'₅₄ 'éi₂, jaun₂ ca₂ḡái'₃ táng₃ juig₂ Betania. Ja₁jaun₂ ca₂ḡia₂ caun₂ nei₅.

*Ca₂juá'₂ Jesús caun₂ jág₁ a₂ca₂cuē'₃ uig₅ caun₂ ni₁'ma₂ higuera a₂tsá₃ mīg₂ cha₂
(Marcos 11:12-14, 20—26)*

¹⁸ Jme₁jnia₃ jaun₂, jme₁ma₂tioin'₅₄ jui₅ a₂i₂lein₃ táng₃ jui₅ jē₄ juig₂ Jerusalén. Jesús nē₃ ca₂tá'₂ i₁cón'₅. ¹⁹ Jaun₂ ca₂jág₃ caun₂ ni₁'ma₂ higuera a₂dsi₅₄ cau₅ jui₅, jaun₂ ca₂jme₃quián₃ 'uig₅₄, la₁ tsá₃ 'e₂ mīg₂ ca₂dsó'₂ guē'₂ guei'₅₄ ni₁'ma₂; jḡia'₅₄ lia'₂ jmá'₃ mog'₅₄ bá₄ cha₂. Jaun₂ nē₃ ca₂juá'₂ Jesús ca₂tsí'₃ ni₁'ma₂:

—¡Lia'₂ o₁líg'₂ jmīg₄, tsá₃ ma₃jui₁'ag₅₄ mīg₂ quiáng'₂!

Dsi₂jui₅ jaun₂ bá₄ ca₂rē₃quén₃ ni₁'ma₂ jaun₂. ²⁰ Jme₁ca₂tē₂ ne₄ chi'₂ dsi₂guia₃-tín₂ a₂ca₂lē₃ jaun₂, ca₂i₃gó'₃ dsí₅, jaun₂ ca₂ḡí'₃ Jesús:

—¿'A₂ bá₄ lia'₂ con'₂ tan₅₄ lia'₂ dsi₂jui₅ ca₂rē₃quén₃ ni₁'ma₂ nē₅?

²¹ Jaun₂ ca₂ḡag₃ Jesús:

—A₂dsi₂jó'₃ juig₂ jniá₂ 'nia'₂, nē₁juá'₂ tsá₃ ca₂'éi'₂ 'nia'₂ caun₂-tín₃ 'au'₂ lia'₂ 'éng'₂, on₃juá'₅₄ jmá'₃ jui₁lia'₂ a₂nē₂jmo₃ jniá₂ quian'₅₄ ni₁'ma₂ higuera nē₅, lé₂ le₃jmo'₂ 'nia'₂, ia₁ lé₂ le₃juá'₅₄ 'nia'₂ ján₃ juig'₅₄ ni₁má'₂ ó₃: “Jḡiag'₃ ja₁nē₅, o₃ o₂'ú₅ jmi₁ḡí'₄”, le₂jaun₂ dsón'₂ lé₂ bá₄. ²² Le₂jaun₂ bá₄ ján₃ ca₂le₃jē₃ 'e₂ a₂mi'₂ 'nia'₂ jme₁mi'₂ ne₄ Diú₄, nē₁juá'₂ 'én'₂ tē₃dsón'₂ 'nia'₂, guéi'₁ bá₄ 'nia'₂.

Jesús bá₄ i₂'io₅ 'éi'₃

(Marcos 11:27-33; Lucas 20:1-8)

²³ Jaun₂ ca₂'í₃ táng₃ Jesús i₁dsi₅ guá'₅ templo, jaun₂ tē₁lia'₂ 'ein₅₄ jme₂tiin₂₃ dsa₂, jaun₂ ca₂jme₃quián₃ juig₅₄ jme₂dsa₂ quian'₅₄ i₂lín₅ dsa₂ can'₅₄ quián₅ dsa₂ juig₂, con₂ Jesús, jaun₂ ca₂ḡag₃:

—¿'E₂ ta₁ lín'₅ 'ne₂, 'e₂ lē₃ jmo'₂ ca₂le₃jē₃ 'e₂ a₂jmo'₂ ḡi'₂? ¿'Ein₂ ca₂cuē₃ bí₂ 'éi'₃ nē₅?

²⁴ Jaun₂ ca₂ḡag₃ Jesús:

—Ján₃ bá₄ ñag₄ jniá₂ caun₂ 'nia'₂: në₁jua'₂ ca₂ñag'₅₄ 'nia'₂ lia'₂ tí₅, jaun₂ guë₄ juá'₄ jniá₂ 'ein₂ cuë₅ bí₂ 'éi'₃ a₂jmo₂₃ ca₂le₃jě₃ a₂jmo₂₃. ²⁵ Jui₁lia'₂ a₂ca₂chon₃ Juan₅₄ jmig₂ dsa₂, ¿'ein₂ quió'₅ 'éi'₃ jaun₂? ¿Quió'₅ Diú₄, o₃ quió'₅ dsa₂ mi₂güig₃ 'e₂?

Jaun₂ ca₂dsia₃ dsa₂ can'₅₄ jág₁ con'₂ guioin₅₄, ca₂juá'₂:

—Në₁jua'₂ ca₂chei₅₄ jniog₄ 'éi'₃ quió'₅ Diú₄ bá₄ jaun₂, në₃ cón'₅ bá₄ ñag₃: “¿'E₂ lë₃ tsá₃ ca₂rë₃'én'₂ 'nia'₂ jág₁ quió'₅ 'éi'₂?” ²⁶ La₁ në₁jua'₂ ca₂ñag₄ guë'₂ jniog₄ 'éi'₃ quió'₅ dsa₂ mi₂güig₃ në₃, le₃'ne₂ dsa₂ juig₂ quian'₅₄ jniog₄, ia₁ ca₂le₃jín₃ bá₄ dsa₂ jmo₂₃ dsí₅ a₂jme₁lín₄ Juan₅₄ jan₂ dsa₂ i₂ca₂'ě₂ jág₁ quián₅ Diú₄. ²⁷ Jaun₂ në₃, ca₂ñag₃ dsa₂ can'₅₄ 'éi₂ ca₂tsí'₃ Jesús:

—Tsá₃ a₂jaun₂ ne₄ jnia'₅₄ 'ein₂ ca₂chen₃ 'éi₂.

Jaun₂ në₃, ca₂ñag₃ Jesús:

—Ján₃ bá₄ le₂në₅ tsá₃ juá'₄ jniá₂ 'ein₂ cuë₅ bí₂ a₂jmo₂₃ ca₂le₃jě₃ a₂jmo₂₃ ñi₂₃.

Jág₁ jáng'₅ léi₄ jui₁lia'₂ on₃ ja₁ñi'₅₄ jan₂ dsa₂

²⁸ Jaun₂ ca₂juá'₂ Jesús ca₂tsí'₃ dsa₂ 'éi₂:

—¿'A₂ lia'₂ lín'₂ 'nia'₂ jui₁lia'₂ jág₁ la₂? Jan₂ dsa₂ jme₁chan₂ on₃ ja₁ñi'₅₄. Jaun₂ ca₂tsí'₃ chi'₂ quián₅ i₂lín₅ i₂juin'₂ guë₄: “Jón₃, gua₂ o₂jmo₄ ta₁ ja₁nau₂ quián₂ jmig₄ në₃.” ²⁹ Jaun₂ ca₂ñag₃ chi'₂ quián₅: “¿Tsá₃ nei₅₄!” La₁ jme₁co₂lág₂ jaun₂ ca₂jme₃tsiin₃ 'a₂ lia'₂ dsí₂jio₅ dsí₅, jaun₂ ñó₃ bá₄ i₁jmo₅₄ ta₁. ³⁰ Jaun₂ ca₂ñe₄ táng₃ jmei₂ i₁chi'₄ chi'₂ jan₂ quián₅. Ján₃ bá₄ le₂jaun₂ ca₂tsí'₃ 'éi₂. I₂'éi₂ në₃ ca₂ñag₃: “Nei₅₄ bá₄ jniá₂, tia₅₄, i₁jmo₃ ta₁.” La₁ tsá₃ ñei₅₄ guë'₂ jaun₂ në₃. ³¹ Jë₄ le₃oin₃ le₂jaun₂, ¿'ein₂ ca₂jmo₃ a₂'ñio₂ dsí₅ jmei₂?

Jaun₂ ca₂ñag₃:

—Chi'₂ i₂le₂'uig₅₄ bá₄.

Jaun₂ ca₂juá'₂ Jesús:

—A₂dsi₂jó'₃ juig₂ jniá₂ 'nia'₂, dsa₂ i₂cán₂ 'lia'₅₄ quián₅ dsí₂tan₅₄, o₃ jui₁lia'₂ 'io₅₄ i₂'nag₅ quió'₅ në₃, i₂le₂'éi₂ bá₄ tiá₂ le₂'uig₅₄ dsí₃ton'₅₄ ja₁gon₂ Diú₄ lia'₂ con'₂ guë₄ 'nia'₂. ³² Ia₁ lia'₂ con'₂ jme₁guan₃ Juan₅₄ i₂chon₅ dsa₂ jmig₂, ca₂jme₃jniai₂₃ ja₁con'₂ 'nia'₂ 'a₂ lia'₂ dsón'₂ ca₂tíng'₂ 'nia'₂ tiáng'₄. La₁ tsá₃ a₂jaun₂ ca₂rë₃'én'₂ 'nia'₂. Ia₁ a₂dsau₅ bá₄ jui₁lia'₂ dsa₂ i₂cán₂ 'lia'₅₄ quián₅ dsí₂tan₅₄, quian'₅₄ 'io₅₄ i₂'nag₅ quió'₅ në₃, ca₂rë₃'éin₂ jág₁ quió'₅ Juan₅₄. La₁ a₂dsau₅ bá₄ o₁jñia'₅₄ a₂ca₂tě₂ ne'₅₄ 'nia'₂ jaun₂, tsá₃ ca₂tá'₂ jén₂ 'au'₂ 'nia'₂, on₃ guë'₂ ca₂rë₃'éng'₂.

Jág₁ jáng'₅ léi₄ jui₁lia'₂ co₂nió'₃ dsa₂ 'lín'₅₄ i₂jmó'₂ ta₁ ja₁nau₂

(Marcos 12:1-12; Lucas 20:9-19)

³³ 'Nei₂ 'nia'₂ jág₁ a₂jáng'₅ léi₄ siá'₂ la₂: Jan₂ dsa₂ ca₂chéin'₃ cho'₅₄ uing₂ uvas ja₁nau₂ quió'₅. Jaun₂ ca₂jmo₃ jní₁ le₃lág'₃; ca₂jmo₃ co₂jñia₅₄ ja₁jlein'₃ míg₂ në₃; caun₂ guë'₂ tsi₁'né₅ ñei₅ ca₂chi'₃ ja₁guá₃ jmo₃ 'í₁. Jaun₂ ca₂lí'₃ jág₁ quian'₅₄ dsa₂ sián'₂ i₂nio₃ ne₄ ja₁nau₂, jaun₂ ca₂ñó₃ bá₄ 'ñiog₅ i₁ñi₂ juig₂ siá'₂. ³⁴ Jme₁ca₂tě₂ jein₂ a₂ca₂rau₂ míg₂, jaun₂ dsa₂ juig₅₄ ja₁nau₂ ca₂chein₃ co₂nió'₃ dsa₂ mozo quián₅, a₂jme₁i₂mí₃ a₂jáng'₃ dsa₂ i₂niog₅ gu₂ ja₁nau₂ ca₂dsio₄ míg₂ con'₂ a₂ca₂tín₂ juig₅₄. ³⁵ La₁ dsa₂ i₂tion'₅₄ jmó'₂ ta₁ ja₁nau₂ në₃, ca₂jñai'₃ bá₄ dsa₂ mozo i₂chen₄ quián₅ juig₅₄. Ca₂cuë'₃ bá₄ jan₂ tioen'₅₄; jan₂ guë'₂ ca₂jñi'₃; jan₂ guë'₂ ca₂cuë'₃ quian'₅₄ ni₁cang₁. ³⁶ La₁ juig₅₄ ja₁nau₂ në₃, juin₅ guë₄ i₂ca₂chein₃ cang₂ jaun₂ con'₂ guë₄ le₂'uig₅₄; la₁ dsa₂ 'lín'₅₄ i₂tion'₅₄ jmo₅ ta₁ ja₁nau₂ në₃, le₂jaun₂ bá₄ qui₂ca₂jmái'₂ ca₂le₃jín₃ dsa₂ mozo i₂chen₄ 'éi₂.

³⁷ 'La₁ jë₁ca₂tó'₂ në₃, dsa₂ juig₅₄ ja₁nau₂ ca₂chein₃ ja₁ñi'₅₄, ia₁ lín₂: “Jme₃go₃ dsa₂ jme₃gain₃ chi'₂ quiáng₃.” ³⁸ La₁ jme₁ca₂jág₃ dsa₂ i₂jmo₅ ta₁ ja₁nau₂ ca₂jín₂ ja₁ñi'₅₄ dsa₂ juig₅₄ ca₂dsióg₃, jaun₂ ca₂dsia₃ jág₁ tioen'₅₄: “I₂në₅ bá₄ tin₃ ja₁nau₂ la₂

cang₂; nē₃ o₁jñí'₄ jniog₄ ia₁jaun₂ jniog₄ bá₄ lé₂ quián₂.” ³⁹ Le₂jaun₂ bá₄ ca₂jmo₃. Ca₂jñai'₃ bá₄ 'éi₂ tioin'₅₄, jaun₂ ca₂dsei₂₃ le₃co'₅₄ jñí₁; ja₁jaun₂ ca₂jñag'₃.

⁴⁰ Jaun₂ nē₃, jē₁ma₂tē₂ jmig₄ rē₁jñió'₂ dsa₂ juig₅₄ ja₁nau₂, ¿'e₂ lín'₂ 'nia'₂ jmo₃ quian'₅₄ dsa₂ i₂jmó'₂ ta₁ ja₁nau₂ 'éi₂?

⁴¹ Jaun₂ ca₂jñag₃ dsa₂ 'éi₂:

—A₂jme₂dsiain₂₃ dsa₂ 'lín'₅₄ 'éi₂ ca₂lia'₂ tsá₃ ηéi₂ dsí₅, jaun₂ cuē'₃ dsa₂ sián'₂ ja₁nau₂ con'₂ i₂léi₄ jáng'₃ ca₂dsio₄ con'₂ ca₂tíin₂ jē₁ma₂tē₂ jein₂ a₂ráu₃.

⁴² Jaun₂ nē₃, ca₂juá'₂ Jesús ca₂tsí'₃ dsa₂:

—¿Tsa₁ ma₂'í'₂ 'nia'₂ ne₄ Si₂ ja₁juá'₂:

Ni₁cang₁ a₂tsá₃ ca₂rē₃ji'₅₄ tē₅'ia'₂,
ca₂dsióg₃ ca₂lē₃ ni₁cang₁ a₂dsen₅₄ guē₄
tē₁ron₅₄ qui'₅₄ 'ia'₂;

a₂ca₂jmo₃ Te₁gui'₅₄ bá₄ jaun₂,
jaun₂ 'ñio₅ lín₃ bá₄ jlá'₁, lág₂ jniog₄?‡

⁴³ "Uig₅₄ jaun₂ juig₂ jniá₂ 'nia'₂, co₂dsia₅ jñiá'₂ Diú₄ o₄gog'₂ 'nia'₂ 'éi'₃ quió'₅, o₄gú₃ i₂sián'₂ bá₄ dsia₃ con'₂ i₂léi₄ jáng'₃ a₂ráu₃. ⁴⁴ La₁ jui₁lia'₂ ni₁cang₁ la₂ nē₃, jui₁'ein₂ guē₃ i₂ca₂tán'₂ ne₄, lé₂ le₁juig₁ le₁dsog'₅₄ quió'₅; o₃ nē₁juá'₂ ca₂jlín₃, lé₂ ti₁'liog₂ quió'₅. §

⁴⁵ Jme₁ca₂nág₂ juig₅₄ jme₂dsa₂ quian'₅₄ dsa₂ fariseos jág₁ a₂jáng'₅ léi₄ nē₅, ca₂rē₃lí'₄ bá₄ guoin₅₄ a₂'in₅ 'éi₂ bá₄ Jesús. ⁴⁶ Jaun₂ jme₁'nio₃ jme₁tsáun'₂, la₁ ca₂rē₃gain₃ bá₄ dsa₂ juin₅ i₂quian'₅₄ Jesús, ia₁ ca₂le₃jín₃ bá₄ dsa₂ jmo₂₃ dsí₅ a₂lín₅ 'éi₂ jan₂ i₂'ē₂ jág₁ quián₅ Diú₄ bá₄.

22

*Jág₁ jáng'₅ léi₄ jui₁lia'₂ ja₁niog₅ jmig₄ a₂ca₂jen'₂ gu₂ dsa₂
(Lucas 14:15-24)*

¹ Ca₂jme₂lióg₃ táng₃ Jesús ca₂tsí'₃ dsa₂ tē₂le₃ quian'₅₄ jág₁ a₂jáng'₅ léi₄, le₂la₂:

² —Lē₅ guei'₅₄ i₂juig₃ ja₁gon₂ Diú₄ jui₁lia'₂ jan₂ rag₅₄ i₂ca₂jmo₃ co₂jñia₅₄ caun₂ má₃ a₂ca₂jmo₃ jmig₄ ja₁jen'₂ gu₂ chi'₂ ja₁ñi'₅₄. ³ Jaun₂ ca₂chein₃ dsa₂ i₂jme₂ti₃ ta₁ ne₅₄ a₂dsi₃quiáin₂ dsa₂ i₂ma₂lē₅ jág₁ ja₃lén₂ ja₃guē'₃. La₁ dsa₂ 'éi₂ nē₃ tsá₃ ma₃ca₂gue₃ ja₃lén₂. ⁴ Jaun₂ ca₂chein₃ táng₃ i₂sián'₂, jaun₂ ca₂tsí'₃ 'éi₂: “Chei'₅₄ 'nia'₂ dsa₂ i₂ma₂lē₅ jág₁ ja₃lén₂ jmig₄, ma₂lē₅ bá₄ co₂jñia₅₄ má₃. Ca₂jme₁dsiang₂₃ bá₄ ca₁juí₅ 'on'₅₄ quiáng₃; ma₂lē₅ bá₄ co₂jñia₅₄ ca₂le₃jē₃. Jaun₂ jui₁ja₂lén₂ bá₄ jmig₄ quió'₅ chi'₂ quiáng₃.” ⁵ La₁ tsá₃ juí₅ ca₂tón'₃ dsa₂ i₂jme₁ma₂lē₅ jág₁ rē₂té₄ 'éi₂. Juí₅ siá'₂ bá₄ i₃lén₂: jan₂ ñó₃ juí₅ ja₁nau₂ quió'₅ bá₄; jan₂ guē'₂ ñó₃ i₃dsiá₃ 'ma'₅₄. ⁶ Rin'₅₄ dsa₂ 'éi₂ nē₃, ca₂jñai'₃ bá₄ dsa₂ i₂jme₂ti₃ ta₁ ne₄ rag₅₄ 'éi₂, ca₂cuē₃, ca₂jme₂dsiog₂₃ bá₄. ⁷ Jaun₂ nē₃, ca₂rē₃'né₃ rag₅₄ 'ñio₅ lín₃, jaun₂ ca₂chein₃ 'lióg₂ quiáin₅ ca₂i₁jme₁dsiain₂₃ dsa₂ 'éi₂ qui₂ca₂i₁dsí'₄ 'lióg₂ 'né₅, co₂dsia₅ ca₂éin₂ go₄ dsa₂ 'éi₂. ⁸ Jaun₂ ca₂juá'₂ rag₅₄ ca₂tsí'₃ dsa₂ i₂jme₂ti₃ ne₅₄: “Ca₂le₃jē₃ ma₂lē₅ co₂jñia₅₄ a₂jen'₂ gu₂ chi'₂ quiáng₃ a₂nio₃ jmig₄, la₁ dsa₂ i₂jme₁lē₄ jág₁ rē₂té₄ 'éi₂, tsá₃ ma₃ca₂tíin₂ ja₃lén₂. ⁹ O₂no'₅ 'nia'₂ nē₃, o₂nau₂ jē₄ calle juē'₂ ja₁i₂nio₄ guē₄ dsa₂ juin₅, o₂chei'₅₄ ca₂le₃jín₃ dsa₂ i₂jeng'₂ jui₁ja₂lén₂ jmig₄ jē₁jen'₂ gu₂ chi'₂ quiáng₃.” ¹⁰ Jaun₂ ca₂'uin₂ bá₄ dsa₂ 'éi₂ nē₃ ca₂i₁lein₅₄ jē₄ calle, jaun₂ chi₂ca₂liain'₃ ca₂le₃jín₃ dsa₂ i₂ca₂jein'₂ lia'₂ dsa₂ dsen₃ lia'₂ dsa₂ 'lín'₅₄ nē₃; jaun₂ ca₂can'₂ bá₄ dsi₂néi₂ ca₂lē₃, quian'₅₄ dsa₂ 'éi₂.

¹¹ Jaun₂ guē₄ ca₂'í₃ rag₅₄ dsi₂néi₂ ca₂i₁jñi₁₂ dsa₂ i₂tion'₅₄ 'éi₂, jaun₂ ca₂jñin₂ jan₂ i₂'en₅₄ jē₄ jaun₂, tsá₃ jme₁rē₂lín₅₄ jua'₅₄ a₂qui'₂ 'mi'₂ a₂quí'₅ dsa₂ dsi₂lén₂ ja₁niog₅

‡ 21:42 Salmo 118:22-23. § 21:44 A₂lín₅₄ chog₅₄ si₂ tsá₃ rē₂ton₅, versículo 44.

jmi₄ jen' gu₂ dsa₂. ¹² Jaun₂ ca₂tsí'₃ dsa₂ 'éi₂, ca₂juá'₂: “A₂mei₅₄, ¿'a₂ bá₄ lia'₂ nē₂'ú'₃ 'ne₂ ja₁lá₃ tē₃ tsá₃ rē₂ling'₅₄ con'₂ dsi₂ten₅₄ a₂gog'₅₄ ja₁niog₅ jmi₄ jen' gu₂ dsa₂?” Jaun₂ tei₄ bá₄ ca₂nau₂ dsa₂ 'éi₂, tsá₃ 'e₂ ŋi₅ ŋag₃. ¹³ Jaun₂ bá₄ ca₂juá'₂ rag₅₄ ca₂tsí'₃ dsa₂ i₂tion'₅₄ jme₂ti₃ ne₄ mesa: “Quéin₂ 'nia'₂ gu₂-tag₄ i₂nē₅, dsein₅₄ ca₁'né₄, qui₂dsin₅ 'nia'₂ güig₂, 'liain'₅₄ jē₄ qui₁'né'₃ ja₁qui'₂-o₃, qui₃quí'₃ jan₅₄.” ¹⁴ Ia₁ juin₅ lin₃ dsa₂ i₂rē₂té₄, la₁ me'₂ bá₄ i₂rē₂quion'₅₄.

Jág₁ ju₁lia'₂ 'lia'₅₄ a₂ca₂tín₂ dsi₂tan₅₄
(*Marcos 12:13-17; Lucas 20:20-26*)

¹⁵ Jme₁co₂lág₂ jaun₂ ca₂i₃len₃ dsa₂ fariseos ca₂i₁jmo₅₄ jág₁ 'a₂ lia'₂ join₅₄ Jesús ju₁lia'₂ bá₄ 'ñiá₃ ca₂jon₄ jág₁ 'lia'₂, ia₁jaun₂ cuin₃ jmi₄ a₂bóg'₂ dso₄. ¹⁶ Jaun₂ ca₂chein₃ táng₃ i₂lin₅₄ dsa₂ quiáin₅ quian'₅₄ i₂lin₅₄ dsa₂ i₂quian'₅₄ Herodes, a₂ca₂i₁chi'₄ Jesús:

—Tē₅, ne₄ bá₄ jnia'₅₄, a₂dsón'₂ bá₄ juá'₂ 'ne₂ lia'₂ tí₅ jág₁, qui₂jme₂tíng'₁ dsa₂ ju₁ dse₃ quió'₅ Diú₄, jaun₂ tsá₃ can'₂ 'ne₂ jág₁ jua'₅₄ a₂quian'₅₄ o₂i₁ dsi₅ 'e₂ a₂'ag₅ dsa₂, ia₁ tsá₃ gang'₃ jmag'₅₄ ju₁lia'₂ dsa₂ dsen₅₄ nē₃. ¹⁷ Jaun₂ 'niog₂ jnia'₅₄ jua'₅₄ 'ne₂ 'a₂ lia'₂ dsi₂jio₅ 'au'₂: ¿Dsió₅ guē'₂ jua'₅₄ a₂caun₂ qui₅₄ 'lia'₅₄ a₂ca₂tín₂ dsi₂tan₅₄ César? ¿'Nió'₅ qui₅₄, o₃ tsá₃ qui₅₄ 'e₂?

¹⁸ La₁ ca₂rē₃lí'₄ bá₄ Jesús a₂dsi₂jio₅ dsi₅ dsa₂ 'éi₂ 'lig'₅₄, jaun₂ ca₂juá'₂:

—i'Nia'₂ dsa₂ i₂lē₁co₂jmo₅ o₁ne₁! ¿'E₂ lē₃ 'niog'₂ 'nia'₂ jo'₅₄ jniá₂ ju₁lia'₂ tsán'₂ dsa₂ jan₂ já'₂ quian'₅₄ liá'₂? ¹⁹ 'Ē₄ de'₂ 'nia'₂ caun₂ cu₄ 'ua'₂ ju₁lia'₂ a₂quí₅ dsa₂ 'lia'₅₄ a₂ca₂tín₂ dsi₂tan₅₄.

Jaun₂ ca₂o₃can₅ dsa₂ caun₂ cu₄ denario. ²⁰ Jme₁ma₂nē₂jág₃ Jesús, jaun₂ ca₂ñí'₃ dsa₂ 'éi₂:

—¿'Ein₂ dsi₂ne₄ chi₁ton₅ ja₁lá₃? ¿'Ein₂ guē'₂ quió'₅ letra nē₃?

²¹ Jaun₂ ca₂ñag₃:

—Quió'₅ gui'₅₄ emperador César.

Jaun₂ ca₂juá'₂ táng₃ Jesús:

—Jang'₅₄ guē'₂ 'nia'₂ jaun₂ ne₄ César con'₂ a₂ca₂tín₂ César; ne₄ Diú₄ nē₃ jang'₅₄ 'nia'₂ con'₂ a₂ca₂tín₂ Diú₄.

²² Dsa₂ 'éi₂ nē₃, jme₁ca₂nág₂ jág₁ nē₅, ca₂i₃gó'₃ dsi₅. Ca₂téin₂ bá₄ ca₂juē'₂ Jesús, ca₂i₃lein₃ bá₄.

Ca₂ñag₃ dsa₂ saduceos ju₁lia'₂ a₂jen'₅₄ 'lag₄
(*Marcos 12:18-27; Lucas 20:27-40*)

²³ Jmi₄ jaun₂ ca₂o₃lén₂ i₂lin₅₄ dsa₂ saduceos ca₂o₃jün₅₄ Jesús. Ia₁ tsá₃ 'én₂ dsa₂ 'éi₂ a₂jen'₅₄ táng₃ dsa₂ jē₁ma₂dsain₃. Jaun₂ jág₁ nē₅ ca₂ñí'₃ Jesús ca₂juá'₂:

²⁴ —Tē₅, le₂la₂ ca₂juá'₂ Moisés: nē₁jua'₂ ca₂jon₃ jan₂ dsa₂ ŋe'₂ tē₃ tsá₃ ca₂can₃ 'io₅₄ quiáin₅ guein₂, tion₅₄ 'nió'₅ jén'₂ gu₂ dsó₂ rin'₅₄ dsa₂ ŋe'₂ i₂ca₂jon₃ quian'₅₄ 'io₅₄ 'nág₂ 'éi₂, ia₁jaun₂ guein₂ i₂le₃chan₂ quiáin₅, lé₂ co₂'nió'₄ tsi₁jon₂ 'lag₄ rin'₅₄.

²⁵ Dse₃ jaun₂. Jē₄ quián₂ jnia'₅₄ la₂, jme₁chan₂ guion₃ dsa₂ ŋe'₂ i₂lín₅ rin'₅₄. Ca₂jen'₂ gu₂ i₂le₂'uig₅₄, la₁ ca₂join₃ bá₄, tē₃ tsá₃ guein₂ ca₂can₃ 'io₅₄ quiáin₅. Jaun₂ ca₂tē₁'ñiá₄ bá₄ 'io₅₄ 'nág₂ 'éi₂ o₄gú₃ dsó₂ rin'₅₄ i₂jē₁ca₂tē₂ on₃. ²⁶ La₁ ján₃ bá₄ le₂jaun₂ ca₂i₃ñí₂, ca₂join₃ bá₄ ján₃. Jaun₂ ca₂guá₂ táng₃ 'io₅₄ 'éi₂ quian'₅₄ i₂jē₁ca₂tē₂ ún₂ dsó₂; ján₃ bá₄ le₂jaun₂ ca₂lē₃ quian'₅₄ 'éi₂. Jaun₂ le₂nē₅ bá₄ ca₂lē₃ quian'₅₄ ta₁guion₃ dsó₂ 'éi₂ con'₂ i₂jme₁lē₄ rin'₅₄, ca₂dsain₃ bá₄ tē₃ tsá₃ guein₂ ca₂can₃ 'io₅₄. ²⁷ Jaun₂ ca₂jon₃ bá₄ 'io₅₄ jme₁ca₂jon₃ nē₃.

²⁸ Jaun₂ nē₃, jmi₄ jē₁ma₂tē₂ rē₂jen'₅₄ 'lag₄, ¿'ein₂ bá₄ quián₅ lé₂ 'io₅₄ 'éi₂? Ia₁ ta₁guion₃ bá₄ guē'₂ dsa₂ ŋe'₂ ca₂guá₂ quiain'₅₄.

²⁹ Jaun₂ ca₂ñag₃ Jesús:

—Tsá₃ le₂jaun₂ lia'₂ ní'₂ 'au'₂ 'nia'₂, ia₁ tsá₃ cuin'₂ 'nia'₂ 'a₂ lia'₂ juá'₂ Si₂, on₃ guè'₂ cuin'₂ 'nia'₂ 'a₂ lia'₂ lě₅ juí₅ bí₂ quió'₅ Diú₄ ně₃. ³⁰ Jě₁ ma₂ tě₂ jmig₄ a₂ jen'₅₄ 'lag₄, on₃ jua'₅₄ a₂ le₃ chain₂ jua'₅₄ a₂ qui₃ jéin'₂ gué₄ gu₂, on₃ guè'₂ ně₅ tóin'₃ gué₄ jua'₅₄ a₂ qui₃ cuin'₃ chí'₂ quiáin₅ a₂ jéin'₂ gu₂, ia₁ i₂ lén₂ juí₁ lia'₂ lín₅ ángeles i₂ tion'₅₄ guei'₅₄ i₂ juíg₃ bá₄ 'éi₂ jmig₄ jaun₂. ³¹ La₁ juí₁ lia'₂ a₂ jen'₅₄ táng₃ 'lag₄, ħtsa₁ ma₂ 'í'₂ 'nia'₂ ne₄ Si₂ juí₁ lia'₂ a₂ ca₂ juá'₂ 'ñiog₅ Diú₄ jme₁ ca₂ juá'₂: ³² “Jniá₂ bá₄ lín₅ Diú₄ quián₅ Abraham, quián₅ Isaac, quián₅ Jacob ně₃?”* A₂ lín₅ Diú₄ quián₅ dsa₂ jén'₃ bá₄, on₃ jua'₅₄ rě'₂ Diú₄ quián₅ 'lag₄.

³³ Jme₁ ca₂ nág₂ dsa₂ jág₁ ně₅, ca₂ i₃ gó'₃ dsí₅ 'a₂ lia'₂ jme₂ tag₅ Jesús.

*'Éi'₃ Juá'₅ a₂ dsen'₅₄ gué₄ quió'₅ Diú₄
(Marcos 12:28-34; Lucas 10:25-28)*

³⁴ Jme₁ ca₂ rě₃ ñi₅ dsa₂ fariseos ca₂ lí'₃ bá₄ táng₃ Jesús jág₁ a₂ ca₂ tsíin₂ quian'₅₄ dsa₂ saduceos, jaun₂ ca₂ ñi'₂ ca₂ jmo₃ jág₁. ³⁵ Jaun₂ jan₂ riin'₅₄ i₂ lín₅ tě₅ juá'₅, jme₁ nio₃ jme₁ jo₅₄ quian'₅₄ jág₁, jaun₂ ca₂ ñi'₃ Jesús:

³⁶ —Tě₅, ħ'e₂ 'Éi'₃ Juá'₅ a₂ dsen'₅₄ gué₄ con'₂ gué₄ ca₂ le₃ jě₃ Si₂ 'Éi'₃ quió'₅ Diú₄?

³⁷ Jaun₂ ca₂ ñag₃ Jesús:

—“Jme₁ 'nió₄ Te₁ gui'₅₄ Diú₄ quiáng'₂, ca₂ le₃ jě₃ 'au'₂, ca₂ le₃ jě₃ jme₂ dsí₂ quiáng'₂, ca₂ le₃ jě₃ 'a₂ lia'₂ niog₅ ní'₂ dsei'₂.”† ³⁸ A₂ ně₅ bá₄ 'Éi'₃ Juá'₅ a₂ le₂ 'uig₅₄ a₂ dsen'₅₄ gué₄ con'₂ gué₄ ca₂ le₃ jě₃. ³⁹ Jě₁ ca₂ tě₂ tın₃ 'Éi'₃ ně₃, mei'₂ tsá₃ co₂ rě₂ quian'₅₄ a₂ le₂ 'uig₅₄: “Jme₁ 'nió₄ dsa₂ mi₂ güig₃ ríng'₂ juí₁ lia'₂ 'nióg'₃ 'ñiag'₂.”‡ ⁴⁰ Tın₃ 'éi'₃ ně₅ bá₄ lě₅ 'uig₅₄ cho'₅₄ ca₂ le₃ jě₃ 'Éi'₃ quió'₅ Moisés quian'₅₄ ca₂ le₃ jě₃ jág₁ a₂ ca₂ 'ě₂ dsa₂ i₂ chen₄ quián₅ Diú₄ ma₂ líg'₂.

*ħ'Ein₂ tsi₁ jon₂ quián₅ lín₅ I₂ rě₂ 'ín₁ quián₅ Diú₄?
(Marcos 12:35-37; Lucas 20:41-44)*

⁴¹ Tě₃ tion'₅₄ dsa₂ fariseos le₁ ñi'₂, ⁴² jaun₂ ca₂ ñag₃ Jesús ca₂ juá'₂:

—ħ'A₂ lia'₂ lín'₂ 'nia'₂? ħ'Ein₂ tsi₁ jon₂ quián₅ lín₅ I₂ rě₂ 'ín₁ quián₅ Diú₄?

—Tsi₁ jon₂ David —ca₂ ñag₃ dsa₂ 'éi₂.

⁴³ Jaun₂ ca₂ juá'₂ táng₃ Jesús:

—ħ'A₂ lia'₂ jaun₂? Ia₁ 'ñiog₅ bá₄ guè'₂ David ca₂ juá'₂ lia'₂ con'₂ jme₁ ca₂ 'í₃ Jme₂ dsí₂ Jnió₅ tě₂ dsí₅, ca₂ tě₃ “Te₁ gui'₅₄.” ħ'A₂ lia'₂ lě₅ jaun₂? Ia₁ 'ñiog₅ bá₄ guè'₂ David ca₂ juá'₂:

⁴⁴ Ca₂ juá'₂ Diú₄ ca₂ tsí'₃ Te₁ gui'₅₄ quiáng₃:

“Né₂ con₂ jniá₂ tě₂ le₃ gu₃ ne₁,

ca₂ lia'₂ ca₂ tě₂ jmig₄

a₂ tón'₁ jniá₂ dsa₂ i₂ 'iog₅₄ o₄ tag'₄.”§

⁴⁵ ħ'A₂ bá₄ lia'₂ lě₅ a₂ lín₅ tsi₁ jon₂ David, ton'₂ 'ñiog₅ bá₄ guè'₂ David ca₂ tě₃ “Te₁ gui'₅₄ quiáng₃?”

⁴⁶ Jaun₂ tě₂ le₃ ne₄ juí₅ gué₄ jaun₂, tsá₃ ma₃ 'ein₂ ca₂ tiá₂ dsí₅ jua'₅₄ a₂ ñag₃ gué₄ 'e₂ ñag₃.

23

*Chóg'₅ Jesús dso₄ juá'₂ 'a₂ lia'₂ niog₅ lín₅ dsa₂ fariseos quian'₅₄ tě₅ juá'₅ ně₃
(Marcos 12:38-40; Lucas 11:37-54; 20:45-47)*

¹ Jaun₂ ně₃ ca₂ ton₃ Jesús jág₁ ca₂ tsí'₃ dsa₂ juin₅ i₂ quiain'₅₄, ca₂ tsí'₃ chí'₂ dsí₂ gua₃-tín₂ quián₅ ně₃, ca₂ juá'₂:

* 22:32 Éxodo 3:6. † 22:37 Deuteronomio 6:5. ‡ 22:39 Levítico 19:18. § 22:44 Salmo 110:1.

2 —Dsa₂ fariseos quian'₅₄ tēs₅juá'₅ ně₃, tiáin'₅ ta₁ a₂jme₁lín₄ Moisés. 3 Jaun₂ lē₃ ca₂tín'₂ 'nia'₂ nág'₁ gau₁ jág₁ quió'₅, jme₁ti'₄ 'nia'₂ 'e₂ a₂te₂néi'₂. La₁ tsá₃ can₂ 'nia'₂ jui₅ jua'₅₄ a₂jmó'₂ jui₁lia'₂ a₂jmo₂₃ guoin₅₄, ia₁ jui₁lia'₂ jme₂tag₂₃, tsá₃ jme₂tí₃ guoin₅₄; tē₂le₃ siá'₂ bá₄ jmo₂₃ dsó₅. 4 Qui₂'nei₂₃ lio₅₄ guei₂ 'ñio₅ lín₃ qui₂dsi₂₃ mi₂ca'₄ dsa₂, la₁ guoin₅₄ ně₃ ca₂lia'₂ jñia'₅₄ caun₂ chi₁gú₃ bá₄ tsá₃ 'nio₃ tí₂ jua'₅₄ a₂jme₃o₅₄ cán₂. 5 Ca₂le₃jě₃ 'e₂ a₂jmo₂₃, jmo₂₃ a₂jñia'₅₄ con'₂ 'nio₃ jág₂ dsa₂ bá₄. Ia₁ tin₂ dsí₅ i₃quian₅₄ le₁ton₅ jma₃ca₂tsín'₅ tsi₁'mi'₂ 'í₂ le₂con₂ chi₁quí₃ quian'₅₄ mi₂cu₅ ně₃ qui₂le₁ton₅ 'éi'₃ quió'₅ Diú₄; * a₂ta₁ dsí₅ i₂nioi₅₄ le₁qui'₂ tsi₁'mi'₂ chen'₅₄ jang₄ qui₂le₁ág₄ a₂lě₅ lí₁ ca'₅₄ a₃tag₄. 6 'Ñio₅ tēs₅ dsí₅ qui₂dsi₂toin'₅₄ jmá'₃ lia'₂ ja₁ilá'₁ bá₄ ja₁qui₂dsi₂guě'₃, qui₂dsi₂tiain'₂ ja₁dsen₅₄ guě₄ jui₁lia'₂ dsi₂néi₂ guá'₅ sinagoga ně₃. 7 Ton'₂ 'ñio₅ tēs₅ dsí₅ qui₃cuag₃ dsa₂ Diú₄ jě₄ 'ma'₅₄, qui₃tě₂ dsa₂ “tēs”† ně₃.

8 'La₁ 'nia'₂ ně₃, tsá₃ ca₂tíng'₂ jua'₅₄ tē₂ dsa₂ “tēs”, ia₁ ca₂le₃jín'₃ bá₄ 'nia'₂ lě₅ ríng'₂; ia₁ jan₂ bá₄ Tē₅ quián'₂ 'nia'₂ chan₂. 9 Tsá₃ tē₅ 'nia'₂ “tia₅₄” i₁jan₂ dsa₂ mi₂güí₃, ia₁ jan₂ bá₄ Néi'₅ 'nia'₂ i₂chan₂, i₂guá₅ guei'₅₄ i₂juíg₃. 10 Tsá₃ cuě'₁ 'nia'₂ jmig₄ a₂tě₂ dsa₂ 'nia'₂ guiong'₅₄ a₂línng'₅ juig₅₄ dsa₂, ia₁ jan₂ I₂rě₂'ín₁ quián₅ Diú₄ bá₄ i₂lín₅ juig'₂ 'nia'₂. 11 Jui₁lia'₂ i₂jme₃ti₃ ta₁ ne₄ rin'₅₄, i₂'éi₂ bá₄ i₂juin'₂ guě₄. 12 Ia₁ jui₁lia'₂ i₂jme₂can'₅₄ guion₅₄ jin₄ rin'₅₄, tē₂le₃ sióin₂, lé₂ mei'₂; la₁ jui₁lia'₂ i₂jmo₅ me'₂ jin₄ rin'₅₄, i₂'éi₂ bá₄ lén₂ i₂juin'₂ guě₄ con'₂ guě₄ ca₂le₃jín₃.

13 'i'E₂ guě₄ juíg'₂ 'nia'₂ tēs₅juá'₅, 'nia'₂ dsa₂ fariseos ně₃, i₂lě₁jmo₅-dsáu₅ o₁ne!₁ Ia₁ jnág'₂ 'nia'₂ o₄'né₄ guei'₅₄ i₂juíg₃ ja₁gon₂ Diú₄, tsá₃ cuě'₂ 'nia'₂ jmig₄ tón'₃ i₂sián'₂. Ia₁ on₃ guě'₂ tón'₂ 'nia'₂ guiong'₅₄, on₃ guě'₂ cuě'₂ 'nia'₂ jui₅ tón'₃ jui₁lia'₂ i₂'nio₃ tón'₃.‡

15 'i'E₂ guě₄ juíg'₂ 'nia'₂ tēs₅juá'₅, 'nia'₂ dsa₂ fariseos ně₃, i₂lě₁jmo₅-dsáu₅ o₁ne!₁ Ia₁ qui₂i₂nio'₄ 'nia'₂ ca₂le₂con₂ mi₂güí₃ qui₁'ang'₄ jmi₁ñí'₄, a₂qui₂jme₂tíng'₁ dsa₂ lia'₂ lě₅ 'én'₂ 'nia'₂ guiong'₅₄. Jě₁ma₂ca₂jon'₃ 'nia'₂ dsa₂ a₂dsi₁lén₂ jui₅ quiáng'₂, qui₂jme₂tín'₁ 'nia'₂ a₂jñia'₅₄ con'₂ a₂jme₃'lín'₅₄ guě₄ lia'₂ con'₂ guě₄ guion'₅₄ 'nia'₂.

16 'i'E₂ guě₄ juíg'₂ 'nia'₂, dsa₂ ten₄ i₂quian₅ ne₄ juí₅! Ia₁ juá'₂ 'nia'₂ jme₂tíng'₁ dsa₂: “Ně₁jua'₂ 'ein₂ ca₂cuě₃ jág₁ quió'₅ 'ě₂₃ guá'₅, tsá₃ 'e₂ quen₅ jág₁ jaun₂; la₁ ně₁jua'₂ ca₂'ě₃ cu₄nióg₄ a₂te₁'i₁ guá'₅, a₂jaun₂ guě₄ dsón'₂ quen₅ jág₁ quió'₅”, tion₅₄ 'nió'₅ jme₃ti₃ jág₁ a₂ně₂cuě₃. 17 'i'Nia'₂ dsa₂ ten₄, dsa₂ co₄! ¿'E₂ a₂quen₅ guě₄ 'ñio₅ lín₃? ¿Cu₄nióg₄, o₃ guá'₅ ja₁rě₂jñió₃ cu₄nióg₄ jaun₂ 'e₂? 18 Juá'₂ 'nia'₂ ján₃: “Ně₁jua'₂ 'ein₂ cuě₅ jág₁ quió'₅ a₂'ě₂₃ ne₄chei₂, ján₃ bá₄ tsá₃ 'e₂ quen₅ jág₁ jaun₂; la₁ ně₁jua'₂ ca₂'in₃ já'₂ i₂rě₂jen'₅₄ ne₄ ne₄chei₂, jaun₂ guě₄ dsón'₂ tion₅₄ 'nió'₅ jme₃ti₃ jág₁ quió'₅.” 19 'i'Nia'₂ dsa₂ ten₄! ¿'E₂ jaun₂ a₂lě₅ a₂dsen₅₄ guě₄? ¿Já'₂ i₂rě₂jen'₅₄ ne₄ Diú₄, o₃ ne₄chei₂ a₂rě₂jñió₃ já'₂ 'éi₂ 'e₂? 20 Jaun₂ lě₃, jui₁lia'₂ jme₁cuě₅ dsa₂ jág₁ quió'₅ a₂'ě₂₃ ne₄chei₂, on₃jua'₅₄ jmá'₃ ne₄chei₂ 'ě₂₃; a₂'ě₂₃ ca₂le₃jě₃ 'e₂ a₂te₁'i₁ ne₄chei₂ bá₄ jaun₂. 21 Le₂ně₅ bá₄ ján₃, jui₁lia'₂ i₂'ě₅ guá'₅, on₃jua'₅₄ jmá'₃ ca₂ne₅₄ guá'₅ 'ě₂₃, a₂'in₂₃ le₂jio₅ Diú₄ i₂guá₅ dsi₂néi₂ jaun₂ bá₄. 22 Ján₃ bá₄ le₂ně₅ jui₁lia'₂ i₂'ě₅ guei'₅₄ i₂juíg₃, a₂ma₂ně₂'ě₃ le₂jio₅ ne₄ta₁ quió'₅ Diú₄, ton'₂ a₂ma₂ně₂'in₃ le₂jio₅ 'ñio₅ Diú₄ i₂guá₅ ne₄ta₁ jaun₂ bá₄ ján₃.

23 'i'E₂ guě₄ juíg'₂ 'nia'₂ tēs₅juá'₅, 'nia'₂ dsa₂ fariseos ně₃, i₂lě₁jmo₅-dsáu₅ o₁ne!₁ Ia₁ qui₂jang'₂ 'nia'₂ caun₂ qui'₅₄ a₂guia₃ quió'₅ mi₁'au₂ mi₂juig₂, jui₁lia'₂ menta, anís, quian'₅₄ qui₂má₃ ně₃. La₁ tsá₃ tón'₂ guě'₂ 'nia'₂ jui₅ 'Éi'₃ Juá'₅ a₂dsen₅₄ guě₄ quió'₅ Diú₄ ron₅, jui₁lia'₂ ja₁juá'₂ a₂'nió'₅ jmo₃ dsa₂ a₂dse₃, a₂dsia₃ dsa₂ nje₂ dsí₅

* 23:5 'Nio'₂ ja₁ton₅ Deuteronomio 6:4-9. † 23:7 o₃, Rabbí. ‡ 23:13 A₂lín₅₄ chog₅₄ si₂ chi₁ton₅ versículo 14 ján₃, a₂juá'₂ le₂la₂: “i'E₂ guě₄ juíg'₂ 'nia'₂ tēs₅juá'₅, 'nia'₂ dsa₂ fariseos ně₃, i₂lě₁jmo₅-dsáu₅ o₁ne!₁ Ia₁ ja₁nó'₅ 'nia'₂ qui₂jñiá'₂ 'ne₄ 'io₅₄ 'nág₂, jaun₂ jmo₂ 'nia'₂ chi₂leng'₅₄ Diú₄ uě₂ lín₃, ia₁ jaun₂ tsá₃ 'ein₂ le₃lí₄. 'Uig₅₄ jaun₂ ja₂lín₃ guě₄ 'ñio₅ uig₅ guéi'₁ 'nia'₂.

dsa₂ mi₂güig₃ riin'₅₄, a₂jmo₃ dsa₂ tí₅ jág₁ quió'₅ quian'₅₄ riin'₅₄. A₂ně₅ bá₄ a₂dsen₅₄ guě₄ a₂ca₂tín'₂ 'nia'₂ jmó'₂, la₁ on₃jua'₅₄ a₂tsá₃ ma₃jme₁ti'₄ 'nia'₂ 'Éi'₃. ²⁴ ¡'Nia'₂ dsa₂ ten₄ i₂quian₅ ne₄ jui₅! Qui₁ñi'₄ 'nia'₂ quió'₅ i₁lu₂ pí'₁, la₁ ní'₅ bá₄ guě'₂ 'nia'₂ guiong'₅₄ jui₁lia'₂ já'₂ camello.

²⁵ ¡'E₂ guě₄ juíg'₂ 'nia'₂ tē₅juá'₅, 'nia'₂ dsa₂ fariseos ně₃, i₂lě₁jmo₅-dsáu₅ o₁ne₁! Ia₁ lín'₅ 'nia'₂ jui₁lia'₂ lě₅ ni₁vaso, ni₁u_{ing}₅ ně₃, qui₁rín'₄ 'nia'₂ jmá'₃ lia'₂ le₃co'₅₄. La₁ tē₂le₃ jui₅ tē₂'au'₂ 'nia'₂, qui₂rě₂can'₂ ca₂le₃jě₃ ne₅₄ a₂'lig'₅₄ a₂qui₂dsi₂jñia₅ 'au'₂ 'nia'₂, 'niog'₂ 'nia'₂ jua'₅₄ jmá'₃ lia'₂ guiong'₅₄ bá₄ qui₂le₃cha₂ quiáng'₂; qui₂ja₂nó'₅ 'nia'₂ 'ang'₂ quió'₅ dsa₂. ²⁶ ¡'Nia'₂ dsa₂ fariseos ten₄! Rang₂ 'nia'₂ de'₂ jñiá'₅ le₃'ñió'₂ ni₁vaso quian'₅₄ ni₁u_{ing}₅, jaun₂ guě₄ lé₂ le₁jě₃ le₂tan₅₄ le₃co'₅₄ ně₃.

²⁷ ¡'E₂ guě₄ juíg'₂ 'nia'₂ tē₅juá'₅, 'nia'₂ dsa₂ fariseos ně₃, i₂lě₁jmo₅-dsáu₅ o₁ne₁! Ia₁ lín'₅ 'nia'₂ jui₁lia'₂ lě₅ tau₂ 'ñio₅ a₂jñia'₅₄ con'₂ jniá'₂ tiog₂, jniá'₂ jlá'₁ jmá'₃ lia'₂ le₃co'₅₄ bá₄, la₁ le₃'ñió'₂ qui₂rě₂can'₂ ni₁mu₅, chí'₅ ma₂'lig'₅₄. ²⁸ Le₂ně₅ bá₄ lín'₅ 'nia'₂; 'e₂ guě₄ dsen'₃ 'nia'₂ jniág'₂ jmá'₃ lia'₂ le₃co'₅₄ tē₃jě₄ jág₅ dsa₂, la₁ tē₂'au'₂ guě'₂ 'nia'₂ qui₂rě₂can'₂ ca₂le₃jě₃ ne₅₄ a₂'lig'₅₄, a₂jmo'₂ dsáu'₂ 'nia'₂ o₁ne₁ 'e₂ a₂jmo'₂.

²⁹ ¡'E₂ guě₄ juíg'₂ 'nia'₂ tē₅juá'₅, 'nia'₂ dsa₂ fariseos ně₃, i₂lě₁jmo₅-dsáu₅ o₁ne₁! Ia₁ qui₂jmóg'₂ 'nia'₂ tau₂ 'ñio₅ quió'₅ dsa₂ i₂ca₂'ě₂ jág₁ quián₅ Diú₄ ma₂líg'₂, qui₂jmóg'₂ 'nia'₂ jlá'₁ qui₂rě₂lag₄ jui₁lia'₂ ja₁le₁on₅ dsa₂ dsen₃ i₂ma₂dsan₃. ³⁰ Jaun₂ jag'₅₄ 'nia'₂: “Jua'₅₄ mei'₂ bá₄ ca₂rě₃chóng₃ jniog₄ jmi₄ jaun₂ lia'₂ con'₂ jme₁chan₂ dsa₂ can'₅₄ quián₂ ma₂líg'₂, tsá₃ jme₁jme₁quian'₅₄ jniog₄ lia'₂ con'₂ jme₁ca₂jmo₃ a₂ca₂l₃'o₅₄ jmi₂ 'an₅₄ dsa₂ i₂chen₄ 'éi₂ quián₅ Diú₄.” ³¹ Jaun₂ le₂ně₅, quian'₅₄ jág₁ quián'₂ 'nia'₂ guiong'₅₄, jáng'₂ 'nia'₂ jág₁ dsau₅ a₂lín'₅ tsi₁jon₂ dsa₂ i₂ca₂jme₃dsian₅ dsa₂ i₂ma₂chen₃ Diú₄. ³² Jaun₂ ně₃, jme₁'ñia₅ 'nia'₂ dso₄ a₂ca₂jme₃lióg₃ dsa₂ can'₅₄ quián'₂ 'nia'₂.

³³ 'já'₂ 'lín'₅₄! ¡Tsi₁jon₂ dsi₂mi'₂! ¿'A₂ bá₄ lia'₂ le₃lon'₅₄ 'nia'₂ 'éi'₃ uig₅ a₂já₅ ja₁con'₂ 'nia'₂ a₂dsi₁nog'₃ guio₃-juíg'₃? ³⁴ 'Uig₅₄ jaun₂, tsin₅₄ jniá'₂ ja₁con'₂ 'nia'₂ dsa₂ i₂'ě₂ jág₁ o₄quió₃, dsa₂ i₂'ñí'₂ niog₅ dsi₄, i₂lín₅ tē₅ ně₃. I₂lín₅₄ 'éi₂ jme₁dsian'₂ bá₄ 'nia'₂, i₂lín₅₄ guě'₂ qui₁tóin'₄ 'nia'₂ cróg₄. I₂sián'₂ guě'₂ ně₃ qui₁cuě'₅₄ 'nia'₂ dsi₂néi₂ guá'₅ sinagogas quiáng'₂, qui₂co₁'éin'₄ 'nia'₂ ně₃ le₂'í₁ juig₂. ³⁵ Jaun₂ lě₃, 'nia'₂ bá₄ le₁cáng'₄ jmi₄ ca₂le₃jín₃ dsa₂ dsen₃ i₂qui₂ma₂dsan₃ mi₂güig₃, ca₂tē₂ jmi₄ Abel i₂jme₁lín₄ dsa₂ dsen₃, ca₂tē₂ jmi₄ Zacarías ja₁ñi'₅₄ Berequías, i₂ca₂jñí'₃ 'nia'₂ i₁dsi₅ guá'₅ jě₄ ja₁lě₄ ja₁jñió₅ quian'₅₄ ja₁chí'₄ ne₄chei₂. ³⁶ A₂dsi₂jó'₃ juig₂ jniá'₂ 'nia'₂, dsa₂ chan₂ jmi₄ ně₃ bá₄ rě₂cán'₄ ca₂le₃jě₃ dso₄ jaun₂.

*'O₅ Jesús o₄quió'₄ juig₂ Jerusalén
(Lucas 13:34-35)*

³⁷ ¡'Nia'₂ dsa₂ juig₂ Jerusalén! ¡'Nia'₂ dsa₂ juig₂ Jerusalén, 'nia'₂ i₂jme₂dsiáng'₁ dsa₂ i₂'ě₂ jág₁ quián₅ Diú₄, 'nia'₂ i₂qui₂jñag'₅₄ cang₄ dsa₂ i₂chen₅ Diú₄ jñ'₄ 'nia'₂! ¡'Lióng₂ ráun₂ jme₁'ín₅ dsi₃ jme₁chi₁liang'₂ guein₂ dsa₂ juig₂ quiáng'₂, jui₁lia'₂ jmo₅ i₁tsín'₃ a₂chi₂lain'₂ guein₂ quián₅ to'₂ né'₃ tsi₁rě₂cu₅, la₁ guion'₅₄ 'nia'₂ tsá₃ ca₂gue'₅₄! ³⁸ Jag₄ jaun₂, dsi₂néi₂ quiáng'₂ ně₃ tē₃'ñiá₄, tē₃tsi'₅₄ tei₄, tsá₃ 'ein₂chan₂ lé₂. ³⁹ Ia₁ juá'₅ jniá'₂, tsá₃ ma₃la₂ jag'₅₄ 'nia'₂ jniá'₂, ca₂lia'₂ ca₂tē₂ jmi₄ jě₁ma₂tē₂ rě₁jua'₅₄ 'nia'₂: “Jui₁le₂jñió₃ bá₄ i₂ně₅ i₂jón'₅ o₄quió'₄ Te₁gui'₅₄.”§

24

*Ca₂'ě₂ Jesús jág₁ a₂dsi₃'én₂ bá₄ guá'₅ templo
(Marcos 13:1-2; Lucas 21:5-6)*

1 Jaun₂ ca₂o₃'ín₃ Jesús i₁dsi₅ guá'₅ templo ja₁jme₁'ein₅₄. Jme₁ma₂'ein₅₄ jui₅ nái'₅, ca₂jme₃quián₃ chi'₂ dsi₂guia₃-tín₂ quiáin₅ tě₂, ca₂juá'₂:

—Jag₄ 'a₂ lia'₂ lě₅ guá'₅.

2 La₁ jaun₂ ca₂ḡag₃ Jesús:

—¿Jág'₂ 'nia'₂ ca₂le₃jě₃ a₂ně₅? A₂dsi₂jó'₃ juíg₂jniá₂ 'nia'₂, já₅jmig₄ lia'₂ 'i₁ca₂míg₂ ni₁cang₁ tsá₃ ma₃'e₂ jua'₅₄ a₂le₁juí₄ guě₄ lé₂ quian'₅₄ rin'₅₄. Ca₂le₃jě₃ bá₄ 'én₂.

Léi₄ a₂lé₂jmig₄jě₃ca₂tó'₂

(Marcos 13:3-23; Lucas 21:7-24; 17:22-24)

3 Jme₁ca₂dsióg₃ Jesús Má'₂ Olivos; ja₁jaun₂ ca₂guá'₂. Jaun₂ ca₂i₁len₅₄ chi'₂ dsi₂guia₃-tín₂ con'₂ jě₄jmá'₃ guioin₅₄, ca₂nii'₃ Jesús:

—'Niog₂ jnia'₅₄ le₃ne₄ líg'₂ lé₂ a₂juá'₂ 'ne₂ ně₅. ¿'E₂ léi₄ lé₂ jě₁ma₂tě₂ rě₁ḡeg'₅₄ táng₃? ¿'E₂ bá₄ léi₄ lé₂ jě₁ma₂tě₂ rě₁tě₅₄ jmig₄ jaun₂?

4 Jaun₂ ca₂ḡag₃ Jesús:

—Jmo₄ 'nia'₂ 'í₁ ia₁jaun₂ tsá₃ 'ein₂ jme₃gau₅. 5 Ia₁ juin₅ i₂tě₁i₃nio₄ a₂juá'₂ i₂nioi₅₄ o₄quió₃ jniá₂, juá'₂: “Jniá₂ bá₄ líng₅ I₂rě₂'ín₁ quián₅ Diú'₄”; jaun₂ juin₅ dsa₂ i₂qui₂jme₃gain₂₃. 6 Jě₁ma₂nei'₂ 'nia'₂ 'ei₅ jág₁ a₂nio₃ 'nei₂ a₂quín'₂ dsa₂ ja₁lá₃ ja₁ó₃, la₁ tsá₃ jmó'₂ 'nia'₂ gang'₃, ia₁ le₂jaun₂ dsón'₂ lé₂ bá₄. La₁ 'nió'₅ bá₄ guě₄ a₂ḡí₂ jein₂ jaun₂. 7 Ia₁ nio₃ 'nei₂, qui₃quín'₂ dsa₂ le₂caun₂ le₂caun₂ juig₂ nación; dsi₂tan₅₄ guě'₂ ně₃ qui₃tóin'₃ mi'₅₄ quín'₂ quian'₅₄ dsi₂tan₅₄ rin'₅₄ i₂chan₂ juig₂ siá'₂. Jaun₂ guě₄ ně₃ 'lióng₂ ja₁qui₂i₂nio₄ dsa₂ 'oin₅₄ lé₂, ton'₂ 'lióng₂ ja₁qui₂dsi₃bi₅₄ 'uě₃ ně₃. 8 Ca₂le₃jě₃ a₂ně₅ lé₂ a₂le₂'uig₅₄ jmi₁uig₅ jui₁lia'₂ jan₂ 'io₅₄ i₂rě₂chan₂ guein₂ quián₅.

9 'Jaun₂ guě₄ ně₃, qui₃jín'₂ dsa₂ 'nia'₂ ne₄ dsi₂tan₅₄ ia₁jaun₂ cuě₃ dsa₂ uig₅, jaun₂ guě₄ jme₃dsian₅ dsa₂ 'nia'₂. Le₂con₂ mi₂güig₃ bá₄ jme₃'ḡia₅₄ dsa₂ 'nia'₂ 'uig₅₄ quió₃ jniá₂. 10 Jmig₄ jaun₂, juin₅ dsa₂ i₂tí₂ jui₅ quió'₅ Diú'₄ a₂jme₁'éin₂, qui₂jme₃'ḡia₅₄ bá₄ rin'₅₄, qui₃jáng'₂ ně₃. 11 Juin₅ dsa₂ le₃chan₂ i₂'ě₂ jág₁ i₂jui₁gan₂, jaun₂ juin₅ dsa₂ i₂jme₃gain₂₃. 12 'Uig₅₄ ia₁ a₂ḡí₄ lě₃ jui₁si ḡag₅₄ le₃'lin'₅₄ dsa₂, co₂dsia₅ le₃güig'₂ bá₄ 'a₂ lia'₂ jme₁'nio₃ dsa₂ rin'₅₄ le₂jain₂ le₂jain₂. 13 La₁ jui₁lia'₂ i₂náu₃ tiá₂ tě₂ jě₁ca₂tó'₂, 'éi₂ bá₄ lión₂. 14 Jág₁ dse₃ la₂ jui₁lia'₂ 'a₂ lia'₂ lě₅ ja₁gon₂ Diú'₄ qui₂dsi₃'ag₅ ta₁caun₂ mi₂güig₃, ia₁jaun₂ le₃ḡi₅ ca₂le₃jě₃ juig₂ te₁'i₁ gua'₅₄ 'uě₃ jág₁ dse₃ jaun₂; jaun₂ guě₄ ně₃ tě₅₄ jmig₄ jě₁ca₂tó'₂.

15 'Jaun₂ ně₃, já₅ jmig₄ a₂tě₅₄ ne'₅₄ 'nia'₂ a₂náu₃ jan₂ dsa₂ i₂'lin'₅₄ guě₄ lin₃, a₂jme₃'ióg₃ ja₁jnió₅, a₂le₃ti₃ jág₁ a₂ca₂'ě₂ Daniel i₂jme₁'ě₂ jág₁ quián₅ Diú'₄, * (jaun₂ jui₁le₂ḡí'₂ bá₄ i₂'i₅ si₂ la₂), 16 jaun₂ ně₃, dsa₂ i₂tián'₅ le₂tan₅₄ 'uě₃ Judea, jui₁cuing₁₂ jui₅ má'₂. 17 Jui₁lia'₂ i₂'en₅₄ guei'₅₄ 'ne₄, tsá₃ ma₃jui₁sióin₄ jua'₅₄ a₂'uě'₃ 'e₂ 'uě'₃ dsi₂néi₂ quió'₅; 18 jui₁lia'₂ i₂'en₅₄ ja₁nau₂ quió'₅ táng₃, tsá₃ ma₃jui₁jñoi'₅₄ jua'₅₄ a₂ja₃quián₂ tsi₁'mi'₂ dsiog₂ quió'₅. 19 i₂juig₂ bá₄ jui₁lia'₂ dsa₂ mí₂ i₂le₁quian₅ guein₂, jui₁lia'₂ i₂le₁jñia₅ guein₂ i₂'ín'₂ dsi'₅₄ ně₃, jmig₄ jaun₂! 20 Mi₄ 'nia'₂ ne₄ Diú'₄ ia₁jaun₂ tsá₃ o₁le₅₄ jua'₅₄ a₂cuíng'₂ 'nia'₂ jein₂ güig₂, on₃ guě'₂ jmig₄ sa₅₄ ně₃. 21 Ia₁ juá'₅ jniá₂, caun₂ o₂i₁ dsi₅ lin₃ a₂le₃chan₂ dsa₂ jmig₄ jaun₂, caun₂ jmi₁uig₅ a₂tsá₃ ma₂ca₂rě₃chá₃ ca₂le₃ ca₂nio₃ mi₂güig₃, on₃ guě'₂ ma₃nio₅ jmig₄ jua'₅₄ a₂le₃cha₂ guě₄ cang₂. 22 Jua'₅₄ mei'₂ guě₃ Diú'₄ tsá₃ ma₂ca₂jme₃tě₃ jmig₄ jaun₂, 'i₁jan₂ tsá₃ 'ein₂ jme₁lión₂ jua'₅₄ mei'₂ guě₃ tsá₃ le₂jaun₂. La₁ o₄quió'₄ i₂rě₂quion'₅₄ quián₅, jme₃tě₃ bá₄ jmig₄ jaun₂.

23 'Ně₁jua'₂ chan₂ i₂ca₂juá'₂ tsí'₅ 'nia'₂ jmig₄ jaun₂: “i₂Jag₄ 'nia'₂! i₂La₂ bá₄ chén'₅ I₂rě₂'ín₁ quián₅ Diú'₄!” o₃ ně₁jua'₂ 'ein₂ ca₂juá'₂: “Jó₄ 'ein₅₄”, tsá₃ o₁'en₅₄ 'nia'₂ jág₁ jaun₂. 24 Ia₁ juin₅ dsa₂ i₂jui₁gan₂ ja₃lén₂ a₂juá'₂ a₂lin₅ I₂rě₂'ín₁ quián₅

* 24:15 'í₂ Daniel 9:27; 11:31; 12:11.

Diú₄, a₂juá'₂ ně₃ a₂lín₅ dsa₂ i₂'ě₂ jág₁ quián₅ Diú₄; 'lióng₂ léi₄ juē'₂ a₂o₂dsain₂ jmo₃ a₂jme₃gain₂₃ dsa₂. Jua'₅₄ mei'₂ guě₃ lé₂, ca₂tě₂ dsa₂ i₂quion'₅₄ quián₅ Diú₄ jme₃gain₂₃. ²⁵ Jaun₂ ně₅ ma₂ně₂juíg₂ jniá'₂ 'nia'₂ tē₃jniá'₅. ²⁶ Jaun₂ ně₃, ně₁jua'₂ 'ein₂ ca₂tsí'₃ 'nia'₂: “Ní'₂ 'nia'₂, jó₄ 'ein₅₄ ja₁lě₄ 'uě₃ quein₂ co₂'ņiog₅”, tsá₃ lě₁o₂nó'₅ 'nia'₂ ja₁jaun₂; o₃ ně₁jua'₂ 'ein₂ ca₂juá'₂: “Ní'₂ 'nia'₂, ja₁lá₃ rē₂ 'mai₅₄ dsi₂néi₂”, tsá₃ jui₁le₂'én'₂ 'nia'₂. ²⁷ Ia₁ jui₁lia'₂ jme₁lě₂ si₁ņí'₃ ca₂taun₂ ca₂taun₂, le₂jaun₂ bá₄ lé₂ jē₁ma₂tě₂ rē₁guan'₂ Jaun₅ dsa₂ mi₂güig₃. ²⁸ Ia₁ jui₁lia'₂ ja₁ron₅ 'lag₄, ja₁jaun₂ bá₄ ŋi'₂ i₁tú₃ tsin'₅₄.

'A₂ lia'₂ guan'₂ Jaun₅ dsa₂ mi₂güig₃

(Marcos 13:24-37; Lucas 21:25-33; 17:26-30, 34—36)

²⁹ 'Dsi₂jui₅ jē₁ma₂ca₂ņag₅ jmig₄ o₂i₁ dsi₅ jaun₂, 'iog₂ ně₃ co₂dsia₅ le₃lia'₂,

tsi'₂ ně₃ tsá₃ ma₃tág₅ jnia₅₄;

nei₅ guě'₂ ně₃ qui₂tsi₃séi'₂,

ca₂le₃jě₃ guě'₄ 'e₂ bí₂ cha₂ guei'₅₄ mi₂güig₃

qui₃guan'₃.†

³⁰ 'Tě₃jě₄ jaun₂ guě'₄ ně₃, le₃jniá'₂ guei'₅₄ dsi₂güig₂ léi₄ quió'₅ Jaun₅ dsa₂ mi₂güig₃, ca₂le₃jě₃ juig₂ te₁'i₁ le₂con₂ mi₂güig₃ tóin'₃ qui'₃-o₃. Jín₂ Jaun₅ dsa₂ mi₂güig₃, guain'₂ guei'₅₄ jē₄ jnei₅ quian'₅₄ ca₂le₃jě₃ jui₅bí₂ a₂'io₂₃ jláin'₁. ³¹ Jaun₂ qui₃chein₃ ángeles quián₅ jéi₂ ŋí₂ trompeta tiá'₂ lín₃ a₂tě₂ dsa₂ i₂quion'₅₄ quián₅ i₂chan₂ ca₂le₃jě₃ juig₂ te₁'i₁ ta₁caun₂ mi₂güig₃.

³² 'Jme₁tin₅ 'nia'₂, jui₁le₂ņí'₂ 'au'₂ jág₁ a₂jáng'₅ léi₄ jui₁lia'₂ ni₁'ma₂ a₂'ag₅ míg₂ higos: jme₁chéi'₂ gu'₂ nei'₅₄, a₂ja₂'ņiog₃ mog'₅₄, ŋi'₅₄ 'nia'₂ a₂ma₂ja₂quián₃ jein₂ 'iog₂ bá₄ jaun₂. ³³ Le₂ně₅ bá₄ 'nia'₂ jaun₂ ně₃, jē₁ma₂tě₅ ne'₅₄ a₂lě₂ ca₂le₃jě₃ a₂ně₅, jui₁le₂ņí'₅₄ bá₄ 'nia'₂ a₂ma₂ja₂quián₃, ně₂jag₄ bá₄ i₂ma₂chén'₅ o₄'né₄ bá₄ 'éi₂. ³⁴ A₂dsi₂jó'₃ juá'₅ jniá'₂ juig₂ 'nia'₂, tsá₃ dsi₃ņí₂ tsi₁jon₂ la₂,‡ ca₂lia'₂ ca₂lě₃ ca₂le₃jě₃ a₂ně₅. ³⁵ Já₅ jmig₄, guei'₅₄ dsi₂güig₂ quian'₅₄ mi₂güig₃ la₂ ŋag₅, la₁ jág₁ quió'₃ o₁líg'₂ tsá₃ ŋag₅ jua'₅₄ a₂tsá₃ le₃ti₃.

³⁶ 'La₁ 'i₁jan₂ tsá₃ 'ein₂ ŋi₅ 'e₂ 'ió'₄, 'e₂ hora lé₂ a₂jaun₂, on₃ guě'₂ ángeles i₂tion'₅₄ guei'₅₄ i₂juig₃, on₃ guě'₂ 'ņiog₅ Ja₁ņi'₅₄ Diú₄, § Jnia'₅₄ lia'₂ 'ņiog₅ bá₄ Diú₄ Jmei₂ ŋi₅.

³⁷ 'Ia₁ jui₁lia'₂ ca₂lě₃ jmig₄ lia'₂ con'₂ jme₁chan₂ Noé, le₂jaun₂ bá₄ lé₂ ján₃ jē₁ma₂tě₂ rē₁guan'₂ Jaun₅ dsa₂ mi₂güig₃. ³⁸ Ia₁ jmig₄ jaun₂, né'₃ a₂can'₂ mi₂güig₃ quian'₅₄ jmig₂, jme₁chan₂ dsa₂ qui₂guě'₅, qui₂'ín'₂, qui₂jéin'₂ gu₂, qui₂cuin₂₃ ja₁míg₄ jme₁jéin'₂ gu₂ ně₃, ca₂lia'₂ ca₂tě₂ jmig₄ jme₁ca₂'í₃ Noé 'ņi₃o'₃ ni₁barco; ³⁹ la₁ con'₂ tsá₃ 'ein₂ rē₁ján₁ jme₁ca₂dság'₃ jmig₂ ca₂jio₃ quió'₅ ca₂le₃jín₃. Le₂jaun₂ bá₄ lé₂ táng₃ jē₁ma₂tě₂ rē₁guan'₂ Jaun₅ dsa₂ mi₂güig₃. ⁴⁰ Jmig₄ jaun₂, on₃ dsa₂ ŋe'₂ tion'₅₄ ja₁nau₂; jan₂ i₂dsán'₃, jan₂ guě'₂ i₂tě₃'ņiá₄. ⁴¹ On₃ guě'₂ dsa₂ m₂í₂ tioen'₅₄ éi'₅ ne₄ ni₁to₂; jan₂ i₂dsán'₃, jan₂ guě'₂ i₂tě₃'ņiá₄.

⁴² 'Jme₁jnio₂ 'nia'₂ ne'₅₄ jaun₂, ia₁ tsá₃ ŋi'₅₄ 'nia'₂ 'e₂ hora jnió'₂ juig'₂. ⁴³ La₁ jui₁le₂ņí'₂ 'au'₂ 'nia'₂ a₂la₂: jua'₅₄ mei'₂ guě₃ ŋi₅ dsa₂ juig₅₄ caun₂ dsi₂néi₂ 'e₂ hora jiá₃ dsa₂ 'ang₂ tē₂le₃ ca₂nei₂, jme₃jnio₅₄ ne₅₄, tsá₃ cuě₃ jmig₄ a₂'í₂ dsa₂, 'ang₃ dsi₂néi₂ quió'₅. ⁴⁴ Le₂ně₅ bá₄ 'nia'₂, rē₂ján'₁ 'nia'₂ chang'₂; ia₁ con'₂ tsá₃ ŋi'₅₄ bá₄ 'nia'₂ guan'₂ Jaun₅ dsa₂ mi₂güig₃.

Dsa₂ dsen₃ i₂jme₂ti₃, quian'₅₄ dsa₂ i₂tsá₃ jme₂ti₃

(Lucas 12:41-48)

† 24:29 Isaiás 13:10; 34:4. ‡ 24:34 o₃, “né'₃ a₂dsián₃, dsa₂ i₂lín₅ raza la₂.” § 24:36 A₂lín₅₄ chog₅₄ si₂ tsá₃ chi₁ton₅ “on₃, guě'₂ 'ņiog₅ Ja₁ņi'₅₄ Diú₄.”

45 'ĉ'Ein₂ dsa₂ i₂ŋí'₂ dsí₅ jme₂ti₃ con'₂ dsi₂ten₅₄ ne₄ juig₅₄? Juig₅₄ ně₃ ca₂dsia₃ o₄gú₃ 'éi₂ dsi₂néi₂ quió'₅ lia'₂ jma₃quian'₅₄ ca₂le₃jín₃ riin'₅₄ i₂jme₂ti₃, a₂ŋi'₃ riin'₅₄ jē₁ma₂tě₂ hora a₂guě'₃. 46 'E₂ guě₄ dsen₃ 'éi₂ jē₁ma₂tě₂ rē₁jo₅₄ juig₅₄ jē₁ma₂guáin'₅ jme₂ti₃ bá₄ ta₁ a₂chéin'₅. 47 A₂dsi₂jó'₃ juá'₅ jniá₂, cuě₃ juig₅₄ ta₁ a₂nio₃ ne₅₄ ca₂le₃jě₃ 'e₂ a₂cha₂ quió'₅. 48 La₁ jua'₅₄ mei'₂ guě₃ dsa₂ i₂jme₂ti₃ lín₅ jan₂ dsa₂ 'lín'₅₄ i₂tsá₃ tón'₂ juí₅ ta₁ a₂chéin'₅, ia₁ lín₂, “i₂le₃'in₄ bá₄ juig₃”, 49 jaun₂ jme₂lióg₃ qui₂cuě'₅ bá₄ riin'₅₄, dsó₂ qui₂dsi₂guě'₃ qui₂dsi₂'én'₃ quian'₅₄ dsa₂ 'en₅ ně₃. 50 La₁ caun₂ jmig₄ con'₂ tsá₃ rē₂jáin₁, caun₂ hora con'₂ tsá₃ lí'₄ bá₄, dsián'₄ juig₅₄. 51 Juig₅₄ ně₃ cuě₃ uig₅, * 'liog'₃ ja₁jaun₂ bá₄ ján₃, ja₁ca₂tín₂ dsi₁len₅ i₂lě₁jmo₅-dsá₅ o₁ne₁, ja₁qui'₂- 'o₃, qui₃quí₃' jan₅₄.

25

Jág₁ jáng'₅ léi₄ juí₁lia'₂ guian₃ chi'₂ dsa₂ mi₄

1 'Jmig₄ jaun₂ juí₁lia'₂ ja₁gon₂ Diú₄, lé₂ juí₁lia'₂ ca₂jmo₃ guian₃ chi'₂ dsa₂ mi₄ jme₁ca₂can₃ ni₁tsí₅ le₁guí'₂ si₂ quió'₅. Ca₂i₃lén₂ ca₂i₁jme₁jein'₂ dsa₂ ŋe'₂ i₂jen'₂ gu₂. 2 'Njá₂ chi'₂ dsa₂ mi₄ 'éi₂ jme₁coin₅₄; 'ŋiá₂ guě'₂ i₂ŋio₄, i₂dse₃ niog₅ dsi₄. 3 Dsa₂ mi₄ i₂co₄ 'éi₂ ně₃, jmá'₃ ni₁tsí₅ chi₁guí'₂ si₂ bá₄ ca₂can₃; tsá₃ ca₂can₃ guě'₂ ni₁dsig₁ a₂'a₄ aceite. 4 La₁ dsa₂ mi₄ i₂niog₅ dse₃ dsi₄ ně₃ ca₂jmo₃ co₂jŋia₅₄ quió'₅, jme₁le₁quian₅ ni₁tsí₅ le₁guí'₂ si₂, ton'₂ jme₁le₁quian₅ rē₂tsón₂ aceite 'a₄ ni₁dsig₁. 5 La₁ ca₂rě₃'in₄ bá₄ guě'₂ dsa₂ ŋe'₂ i₂lě₅ jág₁ jen'₂ gu₂, jaun₂ le₃jín₃ bá₄ dsa₂ mí₂ 'éi₂ ně₃ ca₂tá'₂ i₁güi_{in}₃, jaun₂ ca₂güi_{in}₂ bá₄. 6 Jaun₂ jme₁ca₂tě₂ dsi₃nei₅, ca₂né'₂ tiá₂ i₁juá'₄ dsa₂: “i₁Ně₅ jón'₅ dsa₂ ŋe'₂ i₂jen'₂ gu₂! i₁'Uin'₂ 'nia'₂ o₂jme₁jein'₂!” 7 Jaun₂ qui₂ca₂nau₂ ca₂le₃jín₃, ca₂jmo₃ dse₃ mecha tsí₅ quió'₅. 8 Jaun₂ ca₂juá'₂ dsa₂ mí₂ i₂ŋiá₂ i₂co₄ 'éi₂ ca₂tsí'₃ riin'₅₄ i₂ŋio₄: “Cuě'₁ 'nia'₂ ca₂juig₄ aceite quiáng'₂, ia₁ ma₂i₁ei₃ si₂ tsí₅ quián₂ jnia'₅₄.” 9 La₁ ca₂ŋag₃ dsa₂ mí₂ i₂ŋio₄: “Jan₂'ón₄. Ia₁ con'₂ tsá₃ ŋó₅ ně₁jua'₂ tsá₃ ca₂tín'₂ quián₂ jnia'₅₄ guio₅₄, on₃ guě'₂ quián'₂ 'nia'₂ tín'₂ ně₃. Co₂ŋei'₅₄ guě₄ dse₃ o₂no₅ 'nia'₂ guiong'₅₄ o₂liá₃ quiáng'₂ ja₁'nag₅ dsa₂.” 10 La₁ tē₁lia'₂ i₂lén₂ 'éi₂ i₂lia₅ aceite, tē₃jě₄ jaun₂ ca₂guán'₃ dsa₂ ŋe'₂ i₂lě₅ jág₁ jen'₂ gu₂. Dsa₂ mí₂ i₂tián'₅ lě₅ co₂jŋia₅₄ ca₂i₃toin'₅₄ bá₄ co₂lě₅ quiong'₅₄ i₁guě'₂ ja₁niog₅ jmig₄ a₂jen'₂ gu₂ dsa₂. Jaun₂ ca₂jnág₃ o₄'né₄ jme₁ca₂jnág₃. 11 Jme₁co₂lág₂ jaun₂, o₃len₅ i₂ŋiá₂ 'éi₂, jaun₂ ca₂tóin'₂ ca₂tě₃, ca₂juá'₂: “i₁Te₁gui'₅₄, Te₁gui'₅₄! i₁Nia₄ o₄'né₄ jaun₂ tió'₄ jnia'₅₄!” 12 La₁ jaun₂ ca₂ŋag₃ dsa₂ ŋe'₂: “A₂dsi₂jó'₃ juá'₅, tsá₃ cúing₅ 'ein₂ 'nia'₂.”

13 'Jaun₂ le₂ně₅, chan'₂ 'nia'₂ co₂jŋiag'₅₄, ia₁ tsá₃ ŋi'₅₄ 'nia'₂ 'e₂ 'i₁ó'₄, 'e₂ hora guan'₂ Jaun₅ dsa₂ mi₂güí₃.

Jág₁ jáng'₅ léi₄ juí₁lia'₂ 'a₂ lia'₂ lě₅ ca₂jmo₃ ún₂ dsa₂ quian'₅₄ a₂ca₂dsia₃ juig₅₄ o₄gú₃ (Lucas 19:11-27)

14 'Con'₂ siá'₂ lě₅ ja₁gon₂ Diú₄ juí₁lia'₂ jan₂ dsa₂ i₂'en₅₄ juí₅ dsó₃ dsi₃ŋí₃ úing₂ juig₂ siá'₂. Jaun₂ ca₂tě'₃ dsa₂ i₂jme₁jme₂ti₃ ta₁ ne₅₄, jaun₂ o₄gú₃ 'éi₂ ca₂dsia₃ cu₄. 15 Jan₂ i₂ca₂cuě'₃ 'ŋiá₂ mei₅ 'éi'₃ cu₄ talentos; jan₂ guě'₂ i₂ca₂cuě'₃ tin₃ mei₅, jan₂ guě'₂ caun₂ mei₅. Ca₂cuě'₃ le₂jan₂ dsa₂ 'éi₂ 'a₂ con'₂ jŋia'₅₄ qui'₅₄ jmig₄. Jaun₂ guě₄ ŋó₃ i₁ŋí₃. 16 Dsa₂ i₂ca₂gue₃ 'ŋiá₂ mei₅ 'éi'₃ cu₄ ně₃, ca₂jmoí'₂ ta₁ cu₄ jaun₂, jaun₂ ca₂lí'₃ con'₂ guě₄ 'ŋiá₂ mei₅ jmá'₃ a₂dsí₂. 17 Ján₃ bá₄ le₂jaun₂ ca₂jmo₃ i₂ca₂gue₃ tin₃ mei₅, ca₂lí'₃ con'₂ guě₄ tin₃ mei₅ táng₃ a₂tě₃dsi₅₄. 18 La₁ dsa₂ i₂ca₂gue₃ caun₂ mei₅ ně₃, ca₂'ma₃ bá₄ a₂caun₂ mei₅ a₂ca₂cuě₃ juig₅₄, ca₂i₁'ó₄ né'₃ 'uě₃.

* 24:51 lit. “dsia₃ juig₅₄ le₁juig₁ le₁dsog'₅₄ quió'₅.”

19 'Uě₂ lin₃ bá₄ i₁ñi₂ juig₅₄ ně₃; la₁ ca₂guáin'₃ jme₁ca₂guáin'₃ cang₂. Jaun₂ ca₂caún₃ 'í₁ ca₂chein'₃ cuentas quió'₅ dsa₂ i₂jme₂ti₃ i₂ca₂cuě'₃ cu₄. 20 Jaun₂ ca₂dsióg₃ i₂le₂'uig₅₄ i₂ca₂gue₃ 'ñiá₂ mei₅, jaun₂ ca₂jín'₂ juig₅₄ con'₂ guě₄ 'ñiá₂ mei₅ a₂tě₁dsi₅₄ a₂ca₂lí'₃, jaun₂ juá'₂ tsí'₃ juig₅₄: “Te₁gui'₅₄, ca₂cuě'₅₄ 'ne₂ 'ñiá₂ mei₅; jag₄, la₂ ron₅ con'₂ guě₄ 'ñiá₂ mei₅ táng₃ a₂ca₂lág₃.” 21 Jaun₂ ca₂juá'₂ juig₅₄: “Ñio₅ dse₃ ca₂jmo'₅₄. Líng'₅ bá₄ jan₂ dsa₂ dsen₃ i₂ca₂rě₃ti'₅₄; ca₂rě₃teng'₅₄ bá₄ quian'₅₄ a₂ca₂juig₄ a₂ca₂dsia₃ jniá₂ gog'₂, ně₃ ně₃ 'lióng₂ guě₄ a₂dsia₅₄ jniá₂ gog'₂. 'Ú₅ dsi₂néi₂, o₁quián₁ o₂'ñi₃ dsi₅ co₂dsia₅.” 22 Jme₁co₂lág₂ jaun₂ ca₂dsióg₃ i₂ca₂gue₃ tin₃ mei₅, jaun₂ ca₂juá'₂: “Te₁gui'₅₄, ca₂cuě'₅₄ 'ne₂ tin₃ mei₅; jag₄, la₂ ron₅ con'₂ guě₄ tin₃ mei₅ táng₃ a₂ca₂lág₃.” 23 Jaun₂ ca₂juá'₂ juig₅₄, “Ñio₅ dse₃ ca₂jmo'₅₄. Líng'₅ bá₄ jan₂ dsa₂ dsen₃ i₂ca₂rě₃ti'₅₄; ca₂rě₃teng'₅₄ bá₄ quian'₅₄ a₂ca₂juig₄ a₂ca₂dsia₃ jniá₂ gog'₂, ně₃ ně₃ 'lióng₂ guě₄ a₂dsia₅₄ jniá₂ gog'₂. 'Ú₅ dsi₂néi₂, o₁quián₁ o₂'ñi₃ dsi₅ co₂dsia₅.”

24 'La₁ jme₁ca₂dsióg₃ i₂ca₂gue₃ caun₂ mei₅, ca₂juá'₂ tsí'₅ juig₅₄: “Te₁gui'₅₄, guion₄ jniá₂ a₂líng'₅ jan₂ dsa₂ i₂tsá₃ 'e₂ ñe₁2 dsi₅, 'aun'₂ ja₁tsá₃ 'e₂ ca₂jñi'₂, ton'₂ cag'₅₄ ja₁tsá₃ 'e₂ ca₂séi'₃. 25 'Uig₅₄ jaun₂ ca₂rě₃gó₅ jniá₂, ca₂i₁'ó₄ bá₄ jniá₂ cu₄ quiáng'₂ né₃ 'uě₃. La₁, la₂ bá₄ ron₅ quiáng'₂.” 26 Jaun₂ ca₂ñag₃ juig₅₄: “i₁Dsa₂ 'lin'₅₄ juí'₅! 'An₁, ñi'₅₄ bá₄ jaun₂ ně₃ a₂'on₂₃ ja₁tsá₃ 'e₂ ca₂jan₃, ton'₂ cag'₅₄ ja₁tsá₃ 'e₂ ca₂séi'₃. 27 'Uig₅₄ jaun₂, jua'₅₄ banco bá₄ co₂ñei'₅₄ ca₂i₁'tio'₂ cu₄ quió₃, ia₁jaun₂ jme₁guéi'₄ cu₄ quió₃ jě₁ma₂guáng'₃ lia'₂ jma₃quian'₅₄ a₂tě₁dsi₅₄. 28 Jniá'₃ 'nia'₂ a₂caun₂ mei₅ chan'₂ i₂ně₅ jaun₂ ně₃, o₂cuě'₅₄ i₂chan'₂ guia₃ mei₅. 29 Ia₁ ju₁lia'₂ i₂ma₂le'₁₀₅ 'lióng₂, tě₂le₃ 'lióng₂ guě₄ ñei₂ bá₄, ia₁jaun₂ le₃cha₂ quió'₅ lia'₂ qui₂rě₂tsón₂; la₁ ju₁lia'₂ i₂tsá₃ 'e₂ le₁'io₅, le₂jio₅ a₂ca₂juig₄ a₂ma₂le'₁₀₂₃, co₂dsia₅ jñia'₃ bá₄. 30 Jaun₂ dsa₂ i₂tsá₃ ta₁ tén₄ la₂, dsein₅₄ ca₁'né₄ tío₁'nia'₂ jě₄ qui₁'né₃, ja₁qui'₂-o₃ qui₁'né₃.”

Jě₁ma₂tě₂ rě₁tě₃dsi₅₄ 'éi'₃ ja₁con₂ dsa₂ mi₂güig₃.

31 'Jě₁ma₂tě₂ rě₁guan'₂ Jaun₅ dsa₂ mi₂güig₃ a₂lín₅ rag₅₄ jlán'₁ lin₃, a₂qui₁le₁lio₃ ángeles quián₅, jaun₂ guě₄ guá₃ ne₄ta₁ quió'₅ a₂'uain'₂ lin₃, 32 jaun₂ ñi'₂ ne₅₄ ca₂le₃jín₃ dsa₂ chan₂ juig₂ ca₂le₂con₂ mi₂güig₃. Jaun₂ guě₄ ně₃ jmo₃ jma₃quén₅ con'₂ ca₂tin₂ le₂jan₂ le₂jan₂ dsa₂ quian'₅₄ riin'₅₄, ju₁lia'₂ jmo₅ dsa₂ i₂jmo₅ 'í₁ já'₂ cha'₂, jmo₂₃ jma₃quén₅ já'₂ cha'₂ quian'₅₄ chein₄ lau₂. 33 Tě₂le₃ gu₂ ne₁ quió'₅, chein'₃ já'₂ cha'₂; chein₄ lau₂ guě'₂ tě₂le₃ gu₂ jen₅. 34 Jaun₂ ně₃, juá'₂ Rag₅₄ tsí'₅ i₂tión₂ tě₂le₃ gu₂ ne₁: “I₂no'₄ 'nia'₂ i₂ma₂rě₂gon'₅₄ quián₅ Ne'₃; gue₄ 'nia'₂ a₂ca₂ting'₂ ja₁gon₂ Diú₄, ja₁ma₂lě₅ co₂jñia₅₄ quián'₂ 'nia'₂ ca₂le₃ ca₂nio₃ mi₂güig₃. 35 Ia₁ ca₂ñi₃ jniá₂ 'ong₅₄, 'nia'₂ bá₄ i₂ca₂cuě'₅₄ a₂ca₂guě'₃; ca₂ñi₃ a₂rě₂quein₂ dsi₃ i₁gui'₄ jmig₂, 'nia'₂ bá₄ i₂ca₂cuě'₅₄ jmig₂ ca₂gui'₃; ca₂ñi₃ jniá₂ 'no₂₃ ja₁jan₁₂, 'nia'₂ bá₄ i₂ca₂cuě'₅₄ dsi₂néi₂ quiáng'₂ ca₂jan₅₄. 36 Ca₂ñi₃ jniá₂ 'in₂ tsín'₅, 'nia'₂ bá₄ i₂ca₂cuě'₅₄ tsín'₅ ca₂quí'₃; ca₂tsán₂ dsong₅₄, 'nia'₂ bá₄ i₂ca₂jmo'₅₄ 'í₁; ca₂i₁'ú₄ né'₃ 'má₃, ca₂i₁jag'₄ bá₄ 'nia'₂.” 37 Jaun₂ ně₃, ñag₃ dsa₂ dsen₃ 'éi₂: “Te₁gui'₅₄, ¿líg'₂ bá₄ jaun₂ ca₂né₄ jnia'₅₄ 'ne₂ a₂ñi'₂ i₁cuang'₃ jaun₂ ca₂cuě₁ jnia'₅₄ a₂ca₂qué'₂? ¿O₃ líg'₂ jaun₂ ca₂né₄ jnia'₅₄ 'ne₂ a₂ñi'₂ rě₂quein₂ 'au'₂, jaun₂ ca₂cuě₁ jnia'₅₄ jmig₂ ca₂'én'₂? 38 ¿O₃ líg'₂ jaun₂ ca₂né₄ jnia'₅₄ 'ne₂ a₂ñi'₂ 'náu'₂ ja₁jan'₄, jaun₂ jnia'₅₄ bá₄ ca₂cuě₁ dsi₂néi₂ ca₂jñia'₅₄, o₃ ca₂ñi'₅₄ 'in₂ tsín'₂, jaun₂ jnia'₅₄ bá₄ ca₂cuě₁? 39 ¿O₃ líg'₂ jaun₂ ca₂né₄ jnia'₅₄ 'ne₂ a₂rong'₂ dsong'₅₄ o₃ lia'₂ con'₂ ca₂'ú'₃ né'₃ 'má₃, jaun₂ ca₂i₁jag₅₄ jnia'₅₄?” 40 Jaun₂ ně₃, ñag₃ Rag₅₄: “A₂dsi₂jó'₃ juá'₅ jniá₂, ca₂le₃jě₃ a₂dse₃ a₂'ua₁ 'au'₂ 'nia'₂ ca₂jmo'₅₄ ja₁con₂ le₂jan₂ le₂jan₂ ríng'₃ la₂ i₂jín₂ dsa₂ mi₂güig₃ 'uin₃, o₄quió₃ jniá₂ bá₄ a₂ca₂jmo'₅₄ 'nia'₂.”

41 'Jaun₂ juá'₂ táng₃ Rag₅₄ tsí'₃ i₂tió_n₂ tē₂le₃ gu₂ jen₅: "Jnia'₃ 'nia'₂ ja₁con₂ jniá'₂, 'nia'₂ i₂tiong'₅₄ 'éi'₃ o₁nóg'₅ dsi₂si₂ ja₁tsá₃ ton₅ jmig₄ éi₃, ja₁lě₄ co₂jnia₅₄ quió'₅ i₂sě₃dsen₃ quian'₅₄ ángeles quiáin₅. 42 Ia₁ ca₂ñi₃ jniá'₂ i₁cón₅, 'nia'₂ ně₃ tsá₃ 'e₂ ca₂cuē'₅₄ a₂guē'₅₄; ca₂ñi₃ rē₂quein₂ dsi₃ i₁gui'₄ jmig₂, tsá₃ 'e₂ jmig₂ ca₂cuē'₅₄ 'nia'₂. 43 Ca₂ñi₃ jniá'₂ no₂₃ ja₁jan₁₂, tsá₃ ja₁ca₂cuē'₅₄ 'nia'₂ jan₅₄. Ca₂ñi₃ 'in₂ tsín'₅, tsá₃ 'e₂ tsín'₅ ca₂cuē'₅₄ 'nia'₂. Ca₂tsán₂ dsong₅₄, jme₁ca₂'ú₃ né'₃ 'má₃ ně₃, tsá₃ ca₂i₁jag'₄ 'nia'₂." 44 Jaun₂ ně₃, ñag₃ dsa₂ 'éi₂: "Te₁gui'₅₄, ħlíg'₂ bá₄ jaun₂ ca₂né₄ jnia'₅₄ 'ne₂ a₂ñi'₂ i₁cuang'₃, o₃ rē₂quein₂ 'au'₂ o₃ ca₂ñi'₅₄ 'náu'₂ ja₁jan'₄, o₃ ca₂ñi'₅₄ tsá₃ tsín'₂ cha₂ qui'₅₄, o₃ jme₁ca₂rē₃dsong'₅₄, o₃ lia'₂ con'₂ ca₂'ú₃ né'₃ 'má₃, tsá₃ ca₂jme₁'o₁ jnia'₅₄?" 45 Jaun₂ ñag₃ Rag₅₄: "A₂dsi₂jó'₃ juá'₅ jniá'₂, ca₂le₃jě₃ a₂dse₃ a₂tsá₃ ca₂jmo'₅₄ 'nia'₂ ja₁con₂ le₂jan₂ le₂jan₂ ríng'₃ la₂ i₂jín₂ dsa₂ mi₂güí₃ 'uin₃, o₄quió₃ jniá'₂ bá₄ tsá₃ 'e₂ ca₂jmo'₅₄ 'nia'₂." 46 Jaun₂ dsa₂ 'éi₂ dsi₃léin₂ ja₁dsi₃ñag₅₄ uig₅ co₂tan₅₄, la₁ dsa₂ dsen₃ ně₃, dsi₃lein₅ ja₁le₃chain₂ co₂tan₅₄.

26

*Ca₂quin'₃ dsa₂ jág₁ a₂tsáin'₂ Jesús
(Marcos 14:1-2; Lucas 22:1-2; Juan 11:45-53)*

1 Jme₁ca₂dsan₃ juá'₂ Jesús ca₂le₃jě₃ jág₁ ně₅, jaun₂ ca₂tsí'₃ chi'₂ dsi₂guia₃-tín₂:
2 —Ma₂ñi'₅₄ 'nia'₂ jaun₂, a₂tín₃ jmig₄ ně₃ te₅₄ Jmig₄ Tē₂'in₅₄, ja₁jáng'₂ dsa₂ jín'₂ Jaun₅ dsa₂ mi₂güí₃ a₂tion₃ ne₄ cróg₄.
3 Jaun₂ ně₃, juig₅₄ jme₂dsa₂, quian'₅₄ tē₅juá'₅, dsa₂ can'₅₄ quián₅ dsa₂ judíos ně₃, ca₂ñi'₂ i₁dsi₅ ne₄ta₁ quió'₅ i₂lín₅ jme₂dsa₂ dsen₅₄, i₂chen₂ Caifás. 4 Ja₁jaun₂ ca₂quiin₃ jág₁ quió'₅ a₂jmo₃ tē₂le₃ quian'₅₄ caun₂ mai₅₄ ia₁jaun₂ cui₃ jmig₄ tsáun'₂, jaun₂ jñang'₃. 5 Jaun₂ tióin'₅₄ ca₂dsia₃ jág₁ ca₂juá'₂:
—La₁ tsá₃ 'nió'₅ jmó₁ jniog₄ tē₃ niog₅ jmig₄, jme₁né₄, ia₁ con'₂ tsá₃ ñó₅ ně₁jua'₂ ca₂tó'₂ dsa₂ juig₂ mi'₅₄.

*Jan₂ 'io₅₄ ca₂tsín₂ Jesús no'₅₄ mi₂juig₂
(Marcos 14:3-9; Juan 12:1-8)*

6 Lia'₂ con'₂ 'en₅₄ guē₄ Jesús juig₂ Betania ja₁quió'₄ i₂tě'₂ dsa₂ Si₂mu₅₄ 'mé'₅ 'iog₅, 7 jaun₂ ca₂dsióg₃ jan₂ 'io₅₄ quian₅ caun₂ tsí₅ no'₅₄ mi₂juig₂ a₂'mu'₅₄. Jme₁ma₂guá₅ Jesús ne₄ mesa guē'₅, jaun₂ ca₂ág₂ 'io₅₄ 'éi₂ no'₅₄ mi₂juig₂ mi₂dsi₄ Jesús. 8 Jme₁ca₂jág₃ chi'₂ dsi₂guia₃-tín₂ a₂jaun₂, tsá₃ dse₃ ca₂tín₂, jaun₂ ca₂tsí'₃ riin'₅₄ tióin'₅₄:
—Tsá₃ ne₄ 'e₂ lě₃ ně₂'éin₂ a₂ně₅. 9 Jua'₅₄ co₂ñei'₅₄ bá₄ ně₂'nag₃ ia₁jaun₂ jme₁jme₂'oin₅₄ dsa₂ te₂ñé₂.

10 Jme₁ca₂nág₂ Jesús jág₁ a₂dsia₂₃ tióin'₅₄, jaun₂ ca₂juá'₂:
—Ĥ'E₂ lě₃ cuē'₂ 'nia'₂ o₂me'₅₄ dsi₅ 'io₅₄ la₂? A₂ně₂jmóg'₂ la₂ caun₂ a₂dse₃ bá₄. 11 Ca₂le₃jě₃ jmig₄ bá₄ i₂nio₄ dsa₂ te₂ñé₂ jin'₄ 'nia'₂, la₁ jniá'₂ ně₃ tsá₃ ma₃uě₂ 'en₅₄ jniá'₂ quian'₅₄ 'nia'₂. 12 Ju₁lia'₂ no'₅₄ mi₂juig₂ a₂ně₂tsáng₂ ni₁ñi₃, jua'₂ a₂ma₂ně₂jmóg'₂ co₂jnia₅₄ jē₁ma₂tě₂ rē₁ong₃ bá₄. 13 A₂dsi₂jó'₃ juig₂ jniá'₂ 'nia'₂, ca₂le₂con₂ mi₂güí₃ ja₁'ě₂ dsa₂ jág₁ dse₃ quió₃, ján₃ bá₄ le₂jaun₂ dsio₂g'₂ dsí₅ dsa₂ 'iin₃ 'io₅₄ ně₅.

*Jmo₅ Judas caun₂ jág₁ a₂'ni₂₃ Jesús
(Marcos 14:10-11; Lucas 22:3-6)*

14 Jaun₂ ně₃, jan₂ i₂lín₅ dsa₂ guia₃-tín₂, i₂chen₂ Judas Iscariote, ñei₅₄ i₁dsia₂ jág₁ quian'₅₄ juig₅₄ jme₂dsa₂, 15 jaun₂ ca₂i₁jua'₄:
—Ĥe₂liá'₂ cuē'₁ 'nia'₂ ně₁jua'₂ jin'₄ jniá'₂ Jesús o₄gog'₂?

Jaun₂ ně₃, ca₂quí₃ juig₅₄ jme₂dsa₂ guió₂-guiá₂ 'éi'₃ cu₄tiog₂. ¹⁶Jaun₂ ně₃ tē₃ne₄ juí₅ ja₁ñó₄ jaun₂, ca₂'náu'₃ Judas dsí₅ 'a₂ lia'₂ cuin₃ jmig₄ jíin'₂ Jesús.

Má₃ jē, ca₂tó'₂ quió'₅ Te₁gui'₅₄

(Marcos 14:12-25; Lucas 22:7-23; Juan 13:21-30; 1 Corintios 11:23—26)

¹⁷ Jmig₄ le₂'uig₅₄ a₂niog₅ Jmig₄ Tē₂'in₅₄ a₂guē'₅ dsa₂ i₁ñí'₄ a₂tsá₃ quian'₅₄ levadura, chi'₂ dsí₂guia₃-tín₂ ně₃ ca₂jme₃quiáin₃ ja₁con₂ Jesús ca₂ñag₃:

—¿A₂já'₄ 'niog'₂ dsí₁jmó₁ jnia'₅₄ co₂jñia₅₄ má₃ Jmig₄ Tē₂'in₅₄ quiáng'₂?

¹⁸ Jaun₂ ca₂juá'₂ Jesús:

—O₂nó'₅ 'nia'₂ jē₄ juig₂, ja₁quió'₄ jan₂ dsa₂, jaun₂ juig'₅₄ 'nia'₂: “Le₂la₂ juá'₂ tē₅: Ma₂ja₂quián₃ hora quió₃, jaun₂ ja₁quiáng'₂ i₁guē'₃ Jmig₄ Tē₂'in₅₄ co₂lē₅ quian'₅₄ chi'₂ dsí₂guia₃-tín₂ quiáng₃.”

¹⁹ Jaun₂ ně₃ i₃lén₂ bá₄ chi'₂ dsí₂guia₃-tín₂, jaun₂ ca₂jmo₃ con'₂ lē₅ jág₁ ca₂juá'₂ Jesús. Jaun₂ ca₂tóin'₂ ca₂jmo₃ co₂jñia₅₄ a₂guē'₃ Jmig₄ Tē₂'in₅₄ ja₁jaun₂.

²⁰ Jme₁ca₂nei₂ jaun₂, jme₁ma₂guá₅ Jesús ne₄ mesa co₂lē₅ quian'₅₄ ta₁guia₃-tín₂ chi'₂ dsí₂guia₃-tín₂ quiáin₅. ²¹ Tē₃jē₄ tián'₄ guē'₅ jaun₂, ca₂juá'₂ Jesús:

—A₂dsí₂jó'₃ juá'₅ jniá₂, jan'₂ 'nia'₂ i₂'en₅₄ jē₄ la₂ bá₄ i₂jáng'₂ jniá₂.

²² Jaun₂ ně₃ ca₂tá'₂ 'lia'₂ dsí₅ 'ñio₅ lín₃ bá₄ tián'₅, jaun₂ ca₂jme₃lióg₃ ca₂ñí'₃ Jesús le₂jain₂ le₂jain₂ ca₂juá'₂:

—Te₁gui'₅₄, ¿On₁jua'₅₄ jniá₂ 'ág'₅?

²³ Jaun₂ ca₂ñag₃ Jesús:

—I₂tiá₂ gu₂ co₂lē₅ 'ñió'₃ uing₅ quian'₅₄ jniá₂, i₂'éi₂ bá₄ i₂jáng'₂. ²⁴ Dsón'₂ bá₄ dsau₅ Jaun₅ dsa₂ mi₂güig₃ 'ein₅₄ juí₅ lia'₂ con'₂ lē₅ juá'₂ ne₄ Si₂; la₁ i₁e₂ guē'₄ juíg₂ dsa₂ i₂jáng'₂! Dse₃ quió'₅ jua'₅₄ co₂ñei'₅₄ bá₄ tsá₃ ca₂rē₃cháin₃.

²⁵ Jaun₂ ně₃ Judas, dsa₂ i₂ma₂lē₂ dsí₅ jáng'₂, ca₂juá'₂:

—Tē₅, ¿On₁ jniá₂ bá₄ 'ág'₅ 'ne₂?

Jaun₂ ca₂ñag₃ Jesús:

—'Nia'₂ bá₄ ma₂nē₂jua'₅₄.

²⁶ Tē₁lia'₂ tián'₅ guē'₅, ca₂jña'₃ Jesús i₁ñí'₄, ca₂cuē'₃ ti₁'mag'₄ Diú₄, jaun₂ guē'₄ ca₂dsioin₃, ca₂cuē'₃ chi'₂ dsí₂guia₃-tín₂ quiáin₅, jaun₂ ca₂juá'₂:

—Qué'₂ 'nia'₂, ia₁ ñi₃ bá₄ jniá₂ i₁ñí'₄ la₂.

²⁷ Jaun₂ ca₂can₃ táng₃ copa 'a₄ vino, ján₃ bá₄ le₂jaun₂ ca₂cuē'₃ ti₁'mag'₄ Diú₄, jaun₂ guē'₄ ca₂cuē'₃ chi'₂ dsí₂guia₃-tín₂, jaun₂ ca₂juá'₂:

—'En'₂ 'nia'₂ ca₂le₃jíng'₃ a₂la₂, ²⁸ ia₁ jmi₃ bá₄ jniá₂ la₂, a₂lí'₅₄ jág₁ 'mí₂ a₂tē₃ron₅₄, * a₂niog₅ dsí₃'o₅₄ o₄quió'₄ juin₅ dsa₂, ia₁ jaun₂ 'én₂ dsáu₁. ²⁹ Dsón'₂ juá'₅ jniá₂, tsá₃ ma₃líg'₂ jmig₄ jua'₅₄ a₂gui'₅₄ guē'₄ táng₃ vino ca₂lia'₂ ca₂tē₂ jmig₄ i₁gui'₄ táng₃ caun₂ vino 'mí₂ co₂lē₅ quian'₅₄ 'nia'₂ ja₁gon₂ Ne'₃.

Ca₂juá'₂ Jesús a₂tsá₃ tion₃ Pe₄ a₂cuig₂₃

(Marcos 14:26-31; Lucas 22:31-34; Juan 13:36-38)

³⁰ Jme₁ca₂lē₃ 'ē₂₃ jme₂juin'₂ Diú₄, jaun₂ guē'₄ i₃lén₂ juí₅ Má'₂ Olivos. ³¹ Jaun₂ ca₂juá'₂ Jesús ca₂tsí'₃ chi'₂ dsí₂guia₃-tín₂:

—Ca₂le₃jín'₃ bá₄ 'nia'₂ tiá'₃ jén₂ 'au'₂ o₄quió₃ jniá₂ a₂'uē₂ ně₃, 'ág'₁ 'nia'₂ caun₂-tín₃ 'au'₂; ia₁ rē₂ton₅ ne₄ Si₂, juá'₂: “Jñí'₄ jniá₂ dsa₂ i₂jñia₅ já'₂ cha'₂, jaun₂ já'₂ cha'₂ ně₃ dsí₃lén₂ tsí₁rē₂jain₅₄.”† ³² La₁ cang₂ jē₁ma₂ca₂jeng'₅₄ táng₃, nei₅₄ jniá₂ jñiág₅ juí₅ Galilea lia'₂ con'₂ guē'₄ 'nia'₂.

³³ Jaun₂ ně₃ ca₂ñag₃ Pe₄:

* **26:28** 'Nio'₂ ja₁ton₅ Éxodo 24:8; Hebreos 10:29; 13:20. † **26:31** Zacarías 13:7.

—O₁jñia'₅₄ la₂ ca₂'ág₂ caun₂-tín₃ dsí'₅ ca₂le₃jín₃ ríng'₃, la₁ jniá'₂, o₁líg'₂ jmíg'₄ tsá'₃ ag₅₄ caun₂-tín₃ dsí'₃.

³⁴ Jaun₂ ca₂juá'₂ Jesús:

—A₂dsi₂jó'₃ juá'₅ jniá'₂, a₂'uë₂ nē₃, né'₃ a₂'o₃ tē₁guí'₄ dsó'₂, hora jaun₂ dé'₄ dsón'₂ chéng'₅ tsá'₃ tóng'₄ ta₁'ni₅ ráun₂ a₂cui₂g'₂ jniá'₂.

³⁵ Jaun₂ ca₂ḡag₃ táng₃ Pe₄:

—O₁jñia'₅₄ la₂ ca₂dsau₃ jniog₄ co₂lë₅, o₁líg'₂ jmíg'₄ jua'₅₄ a₂tsá'₃ 'ín₄ jniá'₂ 'ne₂.

Le₂jaun₂ bá₄ ca₂juá'₂ ca₂le₃jín₃ ríin'₅₄ ján₃.

*Ca₂chi₃lén'₂ Jesús Diú'₄ caun₂ ja₁chei₂ Getsemani
(Marcos 14:32-42; Lucas 22:39-46)*

³⁶ Jaun₂ ca₂dsióg₃ Jesús jme₁ca₂dsióg₃ quiain'₅₄ chi'₂ dsí₂guia₃-tín₂ quiáin₅ caun₂ ja₁chei₂ Getsemani, jaun₂ ca₂juá'₂:

—Ja₁lá₃ tián'₂ 'nia'₂ tē₁lia'₂ nei₅₄ jó₄ i₁chi₁leng'₄ Diú'₄.

³⁷ Jaun₂ ca₂jñiai₃ Pe₄, quian'₅₄ le₃on₃ ja₁ñi'₅₄ Zebedeo, jaun₂ Jesús nē₃ ca₂tá'₂ quian₅ o₂i₁ dsí₅ 'ñio₅ lín₃. ³⁸ Jaun₂ ca₂juá'₂ ca₂tsí'₃ i₂ún₂ i₂quiain'₅₄:

—'Ñio₅ lín₃ quian₅₄ o₂i₁ dsí₅, ca₂lia'₂ jmá'₃ le₃jóng₂ tē₂nē₃. Ja₁lá₃ tián'₂ 'nia'₂, jme₁jnio₂ 'nia'₂ ne'₅₄, jme₁quiong'₅₄ jniá'₂.

³⁹ Ca₂juig₄ bá₄ ca₂ḡo₃ gué₄ ne₄jui₅. Ja₁jaun₂ ca₂lia'₂ ca₂i₃'ín₃ chi₁'in₅ ne₅₄ ca₂tē₂ 'uë₃, ca₂mi₃ ca₂tsí'₃ Diú'₄, ca₂juá'₂:

—Tia₅₄ quiáng₃, jua'₅₄ mei'₂ bá₄ lé₂ le₃lé₂, lio₄ jniá'₂ jmi₁uig₅ la₂. La₁ tsá'₃ jui₁le₅₄ con'₂ 'nio₃ jniá'₂, jui₁le₅₄ bá₄ a₂'ñio₂ 'au'₂ 'ne₂.

⁴⁰ Jaun₂ nē₃, ca₂nau₂ Jesús, jaun₂ ca₂ḡái'₃ ja₁tián'₄ i₂ún₂ i₂quiain'₅₄, la₁ ma₂le₁güin₃ bá₄ gué'₂ 'éi₂ tián'₅; jaun₂ ca₂tē'₃ Pe₄, ca₂juá'₂:

—¿Tsa₁ ma₃tian'₃ gué₄ 'nia'₂ jua'₅₄ caun₂ hora bá₄ jme₁jnio₂ gué₄ 'nia'₂ ne'₅₄ quian'₅₄ jniá'₂? ⁴¹ Jme₁jnio₂ 'nia'₂ ne'₅₄, chi₁len'₄ 'nia'₂ Diú'₄, ia₁jaun₂ tsá'₃ tsí₃sén'₂ 'nia'₂. Dsón'₂ bá₄ jaun₂ 'ñio₂ bá₄ dsí₅ jme₂dsí₂ quián'₂ 'nia'₂, la₁ ni₁ñi'₁ guion'₅₄ bá₄ 'nia'₂ 'uan₅₄.

⁴² A₂ca₂tē₂ tín₃ ráun₂ ḡó₃ táng₃ i₁chi'₄ Diú'₄ le₂la₂:

—Tia₅₄ quiáng₃, chi₂jua'₂ tsá'₃ lé₂ jua'₅₄ a₂tsá'₃ jme₁ḡag₅₄ jniá'₂ uig₅ la₂, jui₁le₅₄ bá₄ a₂'ñio₂ 'au'₂ 'ne₂.

⁴³ Jaun₂ ca₂guáin'₃ táng₃ ja₁tián'₄ chi'₂ dsí₂guia₃-tín₂, la₁ le₁güin₃ bá₄ táng₃ 'éi₂ tián'₅, ia₁ a₂ñí₄ lë₃ ma₂i₁güin₃. ⁴⁴ Jaun₂ ḡó₃ bá₄ táng₃ jë₁ca₂tē₂ 'ni₅ ráun₂, a₂chi₂i₁lein'₄ Diú'₄; ján₃ bá₄ le₂jaun₂ ca₂juá'₂ tsí'₅ Diú'₄. ⁴⁵ Jaun₂ guáin'₃ nē₃ ja₁tián'₄ chi'₂ dsí₂guia₃-tín₂, jaun₂ ca₂juá'₂:

—¿'E₂? ¿Lia'₂ ma₂tián'₅ jaun₂ bá₄ 'nia'₂ le₁güing'₃? Ní₂ 'nia'₂, ca₂tē₂ bá₄ hora nē₃. Ma₂rë₂jín'₅₄ bá₄ Jaun₅ dsa₂ mi₂güig₃ o₄gú₃ dsa₂ i₂le₁cán'₄ dso₄. ⁴⁶ Nau₂ 'nia'₂ nē₃, ma₃; ia₁ nē₅ ma₂já₅ i₂jáng'₂.

Ma₂le₁te₂ dsa₂ Jesús

(Marcos 14:43-50; Lucas 22:47-53; Juan 18:2-11)

⁴⁷ Të₃jë₄ dsia₂₃ jág₁ jaun₂, jme₁ca₂dsióg₃ Judas, i₂lín₅ jan₂ dsa₂ i₂guia₃-tín₂. Juin₅ lín₃ dsa₂ i₂ja₂lén₂ quiong'₅₄ qui₂le₁quian₅ ñi₁tág₂, i₂le₁quian₅ ni₁'ma₂ nē₃, i₂chen₄ quián₅ juig₅₄ jme₂dsa₂ quian'₅₄ dsí₂gui'₅₄ can'₅₄ quián₅ dsa₂juig₂. ⁴⁸ Jaun₂ Judas nē₃, ia₁ ma₂ca₂jmo₃ bá₄ jág₁ le₂jñiá'₅ 'e₂ léi₄ jmo₃ jë₁ma₂tē₂ rë₁jáng'₂, jme₁ma₂juá'₂:

—I₂chen'₄ jniá'₂ quió'₅, i₂'éi₂ bá₄ jma'₅₄ 'nia'₂.

⁴⁹ Jaun₂ dsí₂jui₅ jme₁dsióg₃ Judas, ca₂jme₃quiáin₃ con₂ Jesús, jaun₂ ca₂juá'₂:

—¡Siang'₃, tē₅!

Jaun₂ ca₂chen'₃ rë₂jú'₅ Jesús.

50 Jaun₂ ca₂jéin'₃ Jesús jág₁ quió'₅, ca₂juá'₂:

—A₂mei₅₄, ¿'E₂ ta₁ ñi'₂?

Jaun₂ guě₄ ca₂jme₃quián₃ ca₂le₃jín₃ dsa₂ ca₂ñai'₃ Jesús, jaun₂ ca₂tág₃.

51 Tě₃jě₄ jaun₂, jan₂ dsa₂ i₂jme₁quian'₅₄ Jesús ca₂dsi₂ ñi₁tág₂, ca₂tí₃ caun₂ rě₂gua₄ dsa₂ i₂jme₂tí₃ quián₅ jme₂dsa₂ dsen₅₄. 52 Jaun₂ ca₂juá'₂ Jesús:

—Tiá₃ táng₃ ñi₁tág₂ quiáng'₂ ja₁jme₁'i₄. Ia₁ ca₂le₃jín₃ i₂quín'₂ quian'₅₄ ñi₁tág₂, ján₃ bá₄ quian'₅₄ ñi₁tág₂ dsián₃. 53 ¿'E₂ líng'₂? ¿A₁tsá₃ lé₂ le₃jme₁mi₁₂ ne₄ Ñe'₃, a₂chein₃ ja₁cong₂ guia₃-tín₂ mei₅ ángeles quiáin₅? 54 La₁ jua'₅₄ mei'₂ guě₃ le₂jaun₂, ¿'A₂ bá₄ lia'₂ le₃tí₃ jág₁ a₂tio'₅₄ ne₄ Si₂ ja₁juá'₂ a₂dsi₃ñíg₂ le₂la₂?

55 Jaun₂ juá'₂ Jesús tsí'₅ dsa₂:

—¿'E₂? ¿Ja₁nó'₅ 'nia'₂ le₁quian'₅₄ ñi₁tág₂, ni₁'ma₂, ja₂chong'₂ jniá₂, ně₂jag₄ bá₄ líng₅ dsa₂ 'ang₂? Jua'₂ ca₂le₃jě₃ jmig₄ bá₄ 'eng₅₄ jme₁tíng₂ dsa₂ jin'₄ 'nia'₂ i₁dsi₅ guá'₅ templo, tsá₃ ma₂chong'₂ guě'₂ 'nia'₂ ja₁jaun₂. 56 La₁ ca₂le₃jě₃ a₂lě₂ la₂ rě₂tí₃ jág₁ quió'₅ dsa₂ i₂jme₁'ě₂ jág₁ quián₅ Diú₄ ma₂líg'₂.

Jaun₂ guě₄ qui₂ca₂cuíng₃ ca₂le₃jín₃ chi'₂ dsi₂guia₃-tín₂, ca₂téin₂ bá₄ Jesús.

Dsián'₃ Jesús ne₄ dsi₂tan₅₄ quián₅ guá'₅

(Marcos 14:53-65; Lucas 22:54-71; Juan 18:12-24)

57 Jaun₂ dsa₂ i₂ca₂i₁chan'₅₄ Jesús ca₂i₁jo₅₄ ne₄ Caifás, i₂lín₅ jme₂dsa₂ dsen₅₄. Ja₁jaun₂ ma₂le₁ñi'₂ tě₅juá'₅ quian'₅₄ guě₄ dsa₂ can'₅₄. 58 Pe₄ ně₃ ca₂ñó₃ uíng₂ tě₂quín₃ 'ein₂₃ Jesús ca₂tě₂ i₁dsi₅ quió'₅ jme₂dsa₂ dsen₅₄. Ja₁jaun₂ ca₂í₃ ca₂guá₂ quian'₅₄ 'lióg₂, ia₁ 'nio₃ tě₅ ne₅₄ 'a₂ lia'₂ jñia'₅₄ dsióg₄ quian'₅₄ Jesús.

59 Jaun₂ juig'₅₄ jme₂dsa₂, quian'₅₄ ca₂le₃jín₃ dsi₂tan₅₄ quián₅ guá'₅ ně₃, qui₂ca₂'náu'₃ jui₅ 'a₂ lia'₂ jme₃cáin'₂ Jesús dso₄ quian'₅₄ jág₁ tě₂jág₁ ia₁jaun₂ jñag'₃. 60 La₁ tsá₃ dso'₂ guě'₂ 'a₂ lia'₂ jme₃cáu'₂, o₁jñia'₅₄ juin₅ i₂qui₂ca₂nau₂ jmo₂₃ jág₁ tě₂jág₁. Dsi₃lén₂ jme₁dsi₃lén₂ on₃ dsa₂, 61 jaun₂ ca₂juá'₂:

—I₂ně₅ ma₂ca₂juá'₂, “Qui'₅₄ jniá₂ jmig₄ lé₂ le₃'éng₄ guá'₅ templo quió'₅ Diú₄, quian'₅₄ 'ni₅ jmig₄ bá₄ lé₂ le₃jmóg'₄ táng₃.”

62 Jaun₂ ca₂nau₂ jme₂dsa₂ dsen₅₄, jaun₂ ca₂tsí'₃ Jesús:

—¿Tsa₁ 'e₂ ñag'₅₄ 'i₁caun₂? ¿I₂'e₂ bá₄ jág₁ ně₅ a₂jáng'₅ dsa₂ a₂rě₂cáng'₄?

63 La₁ tei₄ bá₄ ca₂nau₂ Jesús. Jaun₂ ca₂ñag₃ táng₃ jme₂dsa₂ dsen₅₄, ca₂juá'₂:

—Dsi₅₄ jniá₂ 'éi'₃ a₂jua'₅₄ 'íng'₅ Diú₄ jén'₃ ne₄ jnia'₅₄, chi₂jua'₂ tě₃dsón'₂ líng'₅ Ja₁ñi'₅₄ Diú₄, I₂rě₂'ín₁ quiáin₅.

64 Jaun₂ ca₂ñag₃ Jesús:

—Ján₅, jniá₂ bá₄ 'éi₂, ju₁lia'₂ i₁juá'₂ 'ne₂ ně₅. La₁ juá'₅ jniá₂ juíg₂ 'nia'₂ ján₃, ca₂le₃jíng'₃, a₂já₅ jmig₄ a₂jag'₅₄ 'nia'₂ jíng'₅₄ Jaun₅ dsa₂ mi₂güig₃ guá₃ tě₂le₃ gu₂ ne₁ Diú₄ i₂'uan'₂ guě₄ lín₃, a₂jñi₁ó'₂ jě₄ jnei₅ guei'₅₄ dsi₂güig₂ ně₃.

65 Jme₂dsa₂ dsen₅₄ ně₃, jme₁ca₂nág₂ jág₁ jaun₂, ca₂chein₃ ni₁tsin'₅₄ 'ñiog₅, ‡ jaun₂ ca₂juá'₂:

—I₂'E₂ guě₄ 'ñio₅ 'lig'₅₄ juá'₂ i₂ně₅ 'in₂₃ Diú₄ quian'₅₄ jág₁ ně₅ quió'₅! ¿'E₂ guě₄ jmá'₃ jág₁ 'lióng₂ 'niog₂ jniog₄ jua'₅₄ a₂jáng'₅ guě₄ dsa₂ sián'₂ jág₁ dsau₅? Ma₂ně₂nei'₂ bá₄ 'nia'₂ guiong'₅₄ jág₁ 'lig'₅₄ a₂ma₂ně₂juá'₂ i₂ně₅ 'in₂₃ Diú₄. 66 ¿'A₂ lia'₂ lín'₂ 'nia'₂?

Jaun₂ ca₂juá'₂ ca₂le₃jín₃ tiain'₅₄:

—I₂ca₂tín₂ jón₂ bá₄ ně₅.

67 Jaun₂ qui₂ca₂'héi₃ dsa₂ dsi₂ne₄ Jesús tiain'₅₄, tsá₃ caun₂ a₂qui₂ca₂jmóg'₂. I₂lín₅₄ guě'₂ qui₂ca₂quein₃ tiain'₅₄, 68 jaun₂ ca₂juá'₂:

‡ 26:65 Jme₁chí'₄ tag₄ quió'₅ dsa₂ judíos jmig₄ jaun₂ a₂gág₅ dsa₂ ni₁tsin'₅₄ cuě₂₃ léi₄ jě₁ma₂'í₅ 'nei₂ dsí₅, o₃ jme₁'i₄ qui₂ dsí₅.

—'Ne₂ guë'₂ i₂juá'₂ líng'₅ I₂rë'₂ín₁ quián₅ Diú₄: ¡Dsi₄ jág₁ jua'₅₄ 'ein₂ nē₂quein₃ quiáng'₂!

Tsá₃ ca₂tion₃ Pe₄ a₂cuin₂₃ Jesús

(Marcos 14:66-72; Lucas 22:56-62; Juan 18:15-27)

⁶⁹ Të₃jë₄ jaun₂ jme₁guá₄ Pe₄ i₁dsi₅; jaun₂ ca₂dsióg₃ jan₂ 'io₅₄ i₂jme₂ti₃ ta₁ ja₁jaun₂, jaun₂ ca₂tsí'₃ Pe₄:

—¿Ján₃ guë'₂ jme₁quian'₄ 'ne₂ Jesús i₂chan₂ Galilea?

⁷⁰ La₁ jin₄ dsa₂ ja₁guá₄ jaun₂ tsá₃ ca₂tioin₃, jaun₂ ca₂juá'₂:

—Tsá₃ guion₅₄ 'e₂ a₂juá'₂ 'ne₂ nē₅.

⁷¹ Ca₂nau₂ Pe₄ ηó₅ të₂le₃ o₄'né₄, jaun₂ ca₂jág₂ táng₃ jan₂ 'io₅₄ sián'₂. 'Éi₂ nē₃ ca₂tsí'₃ dsa₂ i₂tion'₅₄:

—I₂jme₁quian'₅₄ Jesús Nazareno bá₄ nē₅.

⁷² La₁ jme₁ca₂nág₂ Pe₄, tsá₃ ca₂tioin₃ táng₃ jë₃ 'iin₂₃ Diú₄, ca₂juá'₂:

—¡Tsá₃ dsa₂ 'éi₂ cuín₅ jniá'₂!

⁷³ Jme₁co₂lág₂ jaun₂, ca₂jme₃quian₃ dsa₂ i₂tion'₅₄ con₂ Pe₄, jaun₂ ca₂juá'₂:

—Të₃dsón'₂ bá₄ líng'₅ jan₂ rin'₅₄ 'éi₂, ia₁ nē₅ rë₂jniág'₂ 'a₂lia'₂ né'₂ jag'₅₄.

⁷⁴ Jaun₂ nē₃, Pe₄ ca₂'iin₃ Diú₄ ca₂mi₃ a₂dsi₃ñí₂ 'e₂ dsi₃ñí₂, ca₂juá'₂:

—¡Tsá₃ dsa₂ 'éi₂ cuín₅ jniá'₂!

Të₃jë₄ jaun₂ ca₂'o₃ jan₂ të₁guí₄ dsó₂. ⁷⁵ Jaun₂ guë'₄ nē₃ ca₂dsáu'₃ dsí₅ Pe₄ a₂ca₂juá'₂ Jesús le₂jñiá₅: “Né'₃ a₂'o₃ të₁guí₄ dsó₂; hora jaun₂ dé₄ dsón'₂ chéng'₅ tsá₃ tóng'₄ ta₁'ni₅ ráun₂ a₂cuig'₂ jniá₂.” Jaun₂ guë'₄ o₂'ín₃ Pe₄ të₂le₃ ca₁'né₄, ca₂tá'₂ qui'₂ dsí₅, ca₂'o₃ 'ñio₅ lin₃.

27

Ca₂jín'₂ dsa₂ Jesús o₄gú₃ Pilato

(Marcos 15:1; Lucas 23:1-2; Juan 18:28-32)

¹ Jme₁jnia₃ jaun₂, ca₂le₃jín₃ juig₅₄ jme₂dsa₂ quian'₅₄ gui'₅₄ can'₅₄ quián₅ dsa₂ juig₂ ca₂jmo₃ caun₂ jág₁ a₂jñi'₃ Jesús. ² Qui₂ca₂'néi₂ tioin'₅₄, jaun₂ ca₂tág₃ ca₂i₁jang'₂ ne₄ Dsi₄má'₂ Poncio Pilato.

Ca₂jon₃ Judas

(Hechos 1:18-19)

³ Jme₁ma₂të₅ ne₄ Judas i₂ca₂'nag₃, a₂ma₂në₂dsí₃ dsa₂ 'éi'₃ a₂jñi'₃ Jesús, jaun₂ ca₂tá'₂ qui'₂ dsí₅. Jaun₂ ca₂i₁con₂ táng₃ ta₁guiog₃-guiá'₂ 'éi'₃ cu₄tiog₂ jaun₂, ca₂jín'₃ juig₅₄ jme₂dsa₂ quian'₅₄ gui'₅₄ can'₅₄. ⁴ Jaun₂ ca₂juá'₂:

—Ma₂në₂'no₃ jniá₂ dso₄, ia₁ nē₂jñing'₅₄ ne₄ 'mú₃ jan₂ i₂tsá₃ dso₄ rin₂.

La₁ ca₂ñag₃ dsa₂ 'éi₂:

—Tsá₃ 'e₂ a₂jaun₂ dsan₂ dsí₅ jnia'₅₄. A₂ca₂tín'₂ 'ne₂ bá₄ jaun₂.

⁵ Con'₂ ca₂i₁guia'₂ jaun₂ bá₄ Judas cu₄ jaun₂ dsi₂néi₂ ja₁jñi₅ guá'₅ templo, jaun₂ ca₂o₃'iin₃ ca₂i₁tiá₄ ché₂ dsi₂lag₅₄ ca₂jñi'₃ 'ñiog₅. ⁶ Juig₅₄ jme₂dsa₂ nē₃ ca₂i₁cag'₂ cu₄ jaun₂, jaun₂ ca₂juá'₂:

—Tsá₃ 'i₄ 'éi'₃ dsi₃to'₅₄ cu₄ la₂ 'ñi₅o₃ gu₅ ja₁tio'₅₄ cu₄ quió'₅ guá'₅, ia₁ cu₄ a₂ca₂quín₂ jmi₂ bá₄ la₂.

⁷ Jaun₂ ca₂jmo₃ caun₂ jág₁ a₂lá₃ caun₂ 'uë₃ quian'₅₄ cu₄ jaun₂ quió'₅ jan₂ dsa₂ i₂jme₁jmo₅ ni₁dsig₁ gua'₅₄, ja₁jmo₃ 'uë₃ ja₁'óin₂ jma'₃ lia'₂ dsi₂nau₂. ⁸ 'Uig₅₄ jaun₂ chei₂ ja₁jaun₂ ca₂të₂ jmi₄g₄ nē₃, 'Uë₃ Jmi₂. ⁹ Le₂në₅ ca₂rë₃ti₃ jág₁ a₂ca₂juá'₂ Jeremías, dsa₂ i₂jme₁'ë₂ jág₁ quián₅ Diú₄ ma₂líg'₂, jme₁ca₂juá'₂: “Ca₂can₃ dsa₂ guióg₂-guiá'₂ cu₄tiog₂, con'₂ 'ma'₅₄ a₂ca₂dsi₂ dsa₂ juig₂ Israel quió'₅ 'éi₂.

10 Quian' ₅₄ cu ₄ jaun ₂ ca₂lá₃ caun ₂ 'uë₃ quió' ₅ dsa₂ i₂jmo₅ ni₁dsig₁, lia' ₂ con' ₂ lë₅ 'éi' ₃ quió' ₅ Te₁gui' ₅₄.”*

Chén' ₅ Jesús ne ₄ Pilato

(Marcos 15:2-5; Lucas 23:3-5; Juan 18:33-38)

11 Të₁lia' ₂ jaun ₂, chén' ₅ Jesús ne ₄ dsi₄má' ₂, jaun ₂ 'éi₂ ně₃ ca₂ḡag₃:

—¿Dson' ₂ líng' ₅ Rag₅₄ quián₅ dsa₂ judíos?

Jaun ₂ ca₂ḡag₃ Jesús:

—Le₂në₅ bá₄, ju₁lia' ₂ juá' ₂ 'ne₂ ně₅.

12 Jaun ₂ caun ₂ qui₂ca₂'nag₃ bá₄ ju₁g₅₄ jme₂dsa₂ quian' ₅₄ gui' ₅₄ can' ₅₄ tióin' ₅₄. La₁ tsá₃ ma' ₃ e₂ ca₂ḡag₃ Jesús. 13 Jaun ₂ ca₂juá' ₂ Pilato:

—¿Tsa₁ nag' ₂ ca₂le₃jě₃ 'e₂ i₁juá' ₄ dsa₂ ně₅ 'ni₁23 'ne₂?

14 La₁ tsá₃ ma' ₃ e₂ ca₂ḡag₃ Jesús 'i₁caun₂; jaun ₂ ca₂i₃gó' ₃ dsí₅ Pilato.

Ca₂o₃'ág₃ 'éi' ₃ a₂jón₂ Jesús

(Marcos 15:6-20; Lucas 23:13-25; Juan 18:38 — 19:16)

15 Jm₁g₄ jaun ₂ jme₁chí' ₄ tag₄ quió' ₅ dsi₄má' ₂ a₂lióin₂ ca₂le₃jě₃ ḡi₂, jan ₂ dsa₂ i₂'en₅₄ né' ₃ 'má₃, jme₁të₅ Jm₁g₄ Të₂'in₅₄, 'ein₂ ca₂'in₃ dsa₂ ju₁g₂ i₂lión₂. 16 Jm₁g₄ jaun ₂ jme₁rë₂jní₅ jan ₂ dsa₂ i₂chen₂ Barrabás, ca₂le₂con₂ bá₄ 'ei₅ jág₁ quió' ₅ a₂'lin' ₅₄. 17 Të₃jë₄ le₁ḡi' ₂ dsa₂ jaun ₂, ca₂ḡag₃ Pilato ca₂ḡií' ₃ dsa₂ ju₁g₂:

—¿I₂'ein₂ 'niog' ₂ 'nia' ₂ lon₄ jniá₂ quián' ₂ 'nia' ₂? ¿Barrabás, o₃ Jesús i₂tě' ₂ dsa₂ I₂rë₂'ín₁ quián₅ Diú₄ 'e₂?

18 Ia₁ ca₂rë₃lí' ₄ bá₄ Pilato 'ḡiog₅, a₂'iog₅₄ uig₅ dsí₅ bá₄ dsa₂ ca₂jíin' ₂ Jesús ne₅₄.

19 Të₁lia' ₂ guá₅ Pilato ne₄ta₁ quió' ₅, ja₁qui₂dsi₂₃ 'éi' ₃, të₃jë₄ jaun ₂ ca₂chen₃ 'io₅₄ quián₅ jág₁ ne₅₄ a₂ca₂juá' ₂: “Tsá₃ lë₁tián₅ 'ne₂ cuente quió' ₅ dsa₂ i₂tsá₃ 'e₂ rin₂ ně₅. Ia₁ 'ḡio₅ gau₂ qui₂chóg₂ i₃ḡí₂g₂ ca₂néi₃ o₄quió' ₄.”

20 La₁ ju₁g₅₄ jme₂dsa₂ quian' ₅₄ gui' ₅₄ can' ₅₄ ně₃, ca₂toin' ₂ jág₁ dsa₂ ju₁g₂ ia₁jaun ₂ mi₃ dsa₂ tsí' ₃ Pilato a₂lióin₂ Barrabás bá₄, jaun ₂ jḡií' ₃ bá₄ Jesús. 21 Jaun ₂ ca₂juá' ₂ Pilato ca₂tsí' ₃ dsa₂:

—¿I₂'ein₂ dsa₂ on₃ la₂ 'niog' ₂ 'nia' ₂ lon₄ jniá₂?

Jaun ₂ ca₂ḡag₃ dsa₂ ju₁g₂ tióin' ₅₄:

—Barrabás bá₄.

22 Jaun ₂ ca₂ḡag₃ táng₃ Pilato ca₂ḡií' ₃ dsa₂ ju₁g₂:

—¿'E₂ guë' ₂ 'niog' ₂ 'nia' ₂ jmo₅₄ jniá₂ quian' ₅₄ Jesús i₂tě' ₂ dsa₂ I₂rë₂'ín₁ quián₅ Diú₄?

Jaun ₂ ca₂ḡag₃ co₂dsia₅ ca₂le₃jíin₃ tióin' ₅₄:

—¡Tióin₃ cróg₄!

23 Jaun ₂ ca₂ḡag₃ táng₃ Pilato:

—¿'E₂ 'uig₅₄ ně₃? ¿'E₂ guë' ₂ dso₄ ma₂'náu₂?

La₁ tē₂le₃ i₂juí' ₂ guë₄ co₂mi' ₅₄ ca₂tóin' ₂, ca₂juá' ₂:

—¡Tióin₃ cróg₄!

24 La₁ ca₂rë₃lí' ₄ bá₄ Pilato tsá₃ 'e₂ ta₁ jmo₃ jág₁ quió' ₅, ia₁ tē₂le₃ 'ḡio₅ lin₃ guë₄ ju₁si co₂mi' ₅₄ ca₂tóin' ₂. Jaun ₂ lë₃, ca₂chein₃ jan ₂ dsa₂ i₁quian₅₄ jm₁g₂, jaun ₂ ca₂rang₃ gu₂ tē₃ne₄ dsa₂ ju₁g₂, jaun ₂ ca₂juá' ₂:

—Tsá₃ 'e₂ rë₃cán' ₄ jniá₂ jmi₄ dsa₂ ně₅; guion' ₅₄ bá₄ 'nia' ₂ rë₂cáng' ₄ ně₁'e₂ ca₂jmai' ₅₄.

25 Jaun ₂ ca₂ḡag₃ ca₂le₃jín₃ dsa₂ ju₁g₂ tióin' ₅₄:

—¡Jm₁i₄ 'mú₃ quió' ₅ i₂në₅, ju₁dsi₂ḡag₂ jnia' ₅₄ 'e₂ dsi₃ḡag₂, quian' ₅₄ tsi₁jon₂ quián₂ jnia' ₅₄ i₂në₃ guë₄ tē₁ja₃lén₂!

* 27:10 Jeremías 32:6-9; Zacarías 11:12-13.

26 Jaun₂ ca₂lión₂ bá₄ Pilato Barrabás i₂mi₅ dsa₂ lión₂; jaun₂ ca₂jmo₃ 'éi'₃ a₂bán₂ dsa₂ Jesús, jaun₂ gué₄ ca₂jáng'₂ o₄gú₃ dsa₂ juig₂ jaun₂ tion₃ cróg₄.

27 Jme₁co₂lág₂ jaun₂, 'lióg₂ quián₅ dsi₄má'₂ ca₂jñai₃ Jesús jui₅ i₁dsi₅ ne₄ta₁ jaun₂. Jaun₂ ca₂ñi'₂ ca₂le₃jín₃ 'lióg₂ le₃lág'₃ quió'₅ Jesús. 28 Jaun₂ gué₄ ca₂dsi₂ tsin'₅₄ Jesús, ca₂quei'₃ caun₂ tsi₁'mi'₂ guéin₂ 'ui'₃, † 29 jaun₂ ca₂jmo₃ caun₂ corona quian'₅₄ chi₁uíng₃ taun₅, ca₂tó'₂ mi₂dsi₄ Jesús. Ca₂chong'₂ ca₂'nau₅₄ gué'₂ ni₁'ma₂ ta₅gu₂ ne₁. Jaun₂ gué₄ ca₂chi₃jnë₃ ne₄ Jesús tioen'₅₄, a₂lë₁qui₂co₂jmo₃g'₂, ca₂juá'₂: —i₁Sian'₃ 'ne₂, Rag₅₄ quián₅ dsa₂ judíos!

30 Ján₃ qui₂ca₂'ñéi₂ dsa₂, qui₂ca₂bá₂ dsa₂ mi₂dsi₅₄ quian'₅₄ ni₁'ma₂ a₂ca₂chong'₃ jaun₂. 31 Jme₁ca₂lë₃ a₂lë₁co₂jmo₃g'₂ jaun₂, ca₂dsei₂₃ táng₃ tsi₁'mi'₂ 'ui'₃ a₂jme₁ca₂quei'₃, jaun₂ ca₂quei'₃ táng₃ ni₁tsin'₅₄ a₂jme₁qui'₂. Jaun₂ gué₄ ca₂jio₃g₃ ca₂të₂ ja₁të₃toin₅₄ cróg₄.

Ca₂tion₃ dsa₂ cróg₄ Jesús

(Marcos 15:21-32; Lucas 23:26-43; Juan 19:17-27)

32 A₂ca₂'uiin₂ jaun₂, ca₂jein'₂ jan₂ dsa₂ i₂chan₂ Cirene, i₂chen₂ Si₂mu₅₄. Jaun₂ ca₂chi₃quián₂ jmi₃g₄ 'éi₂ a₂cán₂ cróg₄.

33 Jaun₂ ca₂dsi₃léin₂ jme₁dsi₃léin₂ caun₂ ja₁chei₂ Gólgota, co₂'nió'₄ ja₁të'₂ dsa₂ Dsi₂con'₂ Ni₁mu₅ Mi₂dsi₄ 'Lag₄. 34 Ja₁jaun₂ ca₂jén'₃ dsa₂ ne₄ Jesús vino a₂rë₃cón'₅ quian'₅₄ dsí'₁ já'₂; ‡ la₁ dsi₂jui₅ jme₁ca₂tí₂ Jesús 'o₅₄, tsá₃ ma₃ca₂'in'₃.

35 Jme₁ca₂lë₃ tion₂₃ cróg₄, 'lióg₂ në₃ ca₂jmo₃ dsióg₁ tsin'₅₄ Jesús, ca₂co₃ o₁ne₄ 'ein₂ lí'₂. § 36 Ja₁jaun₂ ca₂tián'₂ jmo₂₃ 'í₁. 37 Dsi₄ cróg₄ ca₂tióng₃ dsa₂ letra ja₁juá'₂ 'e₂ dso₄ a₂bóin'₂ Jesús, a₂juá'₂ le₂la₂: “I₂LA₂ BÁ₄ JESÚS, I₂LIN₅ RAG₅₄ QUIÁN₅ DSA₂ JUDÍOS”.

38 Ján₃ bá₄ ca₂tioin₃ gué₄ on₃ dsa₂ 'ang₂ co₂lë₅ quiong'₅₄, jan₂ të₂le₃ gu₂ ne₁, jan₂ gué'₂ të₂le₃ gu₂ jen₅. 39 Jaun₂ ca₂le₃jín₃ dsa₂ i₂qui₂ca₂ñi'₃ jui₅ jaun₂ qui₂ca₂jñáu'₂ jág₁ uig₅, qui₂bí₂ dsi₅₄, 40 ca₂juá'₂:

—'Ne₂ gué'₂ i₂juá'₂ a₂'éng'₄ guá'₅, con'₂ siá'₂ ting'₂ jmog'₅₄ táng₃ quian'₅₄ 'ni₅ jmi₃g₄, në₃ në₃, lion₄ 'ñiag'₂. Sión₅ ja₁tong'₂ në₅, chi₂jua'₂ dsón'₂ 'ne₂ líng'₅ Ja₁ñi'₅₄ Diú₄.

41 Ján₃ bá₄ le₂jaun₂ a₂lë₁qui₂co₂jmo₃g'₂ juig₅₄ jme₂dsa₂ quian'₅₄ të₅juá'₅, gui'₅₄ can'₅₄ në₃, dsia₂₃ jág₁ qui₂tsí'₅ riin'₅₄, juá'₂:

42 —Ca₂lióin₂ bá₄ i₂sián'₂, la₁ 'ñiog₅ bá₄ tsá₃ lé₂ le₃lióin₂. Chi₂jua'₂ i₂në₅ lín₅ Rag₅₄ quián₅ dsa₂ juig₂ Israel, ju₁sióin₄ cróg₄ ia₁jaun₂ bá₄ le₃'éin₂ jniog₄ le₃quió'₅.

43 I₂në₅ gué'₂ juá'₂ 'ei₅ caun₂ dsí₅ ne₄ Diú₄; në₃ në₃ 'éi₂ ju₁lio₅₄ chi₂jua'₂ të₃dsón'₂ bá₄ 'nioi₃ i₂në₅; ia₁ 'ñiog₅ gué'₂ ma₂juá'₂ lín₅ Ja₁ñi'₅₄ Diú₄.

44 Le₂jio₃g₅ dsa₂ 'ang₂ i₂le₁ton₅ quian'₅₄ Jesús qui₂ca₂juá'₂ uig₅.

Ca₂jon₃ Jesús

(Marcos 15:33-41; Lucas 23:44-49; Juan 19:28-30)

45 Jme₁ca₂të₂ dsi₂ñi'₃, * ca₂'ág₂ nei₂ le₂tan₅₄ le₂con₂ 'uë₃ jaun₂ ca₂lia'₂ ca₂të₂ hora ñi₁ 'ni₅† të₂le₃ ca₂'lá_u₂. 46 Hora jaun₂, ca₂'ñia₂ gué₄ Jesús, jág₁ ca₂juá'₂ tiá₂:

—Elí, Elí, ¿lama sabactani? —co₂'nió'₄ a₂juá'₂: Diú₄ quiáng₃, Diú₄ quiáng₃, ¿'e₂ lë₃ ma₂në₂téi'₃ jniá₂? ‡

47 I₂lín₅₄ dsa₂ i₂jme₁tión₂ cau₅ jaun₂ ca₂nág₂, jaun₂ ca₂dsia₃ jág₁ tsí'₅ riin'₅₄:

—Nei₂ 'nia'₂. Elías, i₂jme₁'ë₂ jág₁ quián₅ Diú₄ ma₂líg'₂, të'₂.

† 27:28 Guéin₂ 'ui'₃ jme₁jniá₂ tsin'₅₄ rag₅₄ jme₁quí₅ jmi₃g₄ jaun₂. ‡ 27:34 co₂'nió'₄ caun₂ mí₅ a₂jñia'₃ uig₅ quió'₅ dsa₂. § 27:35 A₂lín₅₄ chog₅₄ si₂ a₂ca₂lë₃ gué₄ cang₂ juá'₂ le₂la₂ ján₃: “Le₂në₅ ca₂lë₃ ca₂rë₃ti₃ jág₁ a₂ca₂juá'₂ dsa₂ i₂'ë₂ jág₁ quián₅ Diú₄ ma₂líg'₂, ja₁juá'₂: ‘Ca₂dsión'₂ dsa₂ ni₁tsín'₅; ca₂co₃ dsa₂ o₁ne₄ 'ein₂ lí'₂ 'mi'₂ quió'₃.” Salmo 22:18. * 27:45 lit. “hora jñéi₂.” † 27:45 lit. “hora ñi₃.” ‡ 27:46 Salmo 22:1.

48 Jaun₂ dsi₂jui₅ le₂jaun₂ n₃jan₂ co₂chi'₅₄ i₁quian₅₄ caun₂ ni₁jau₂ guion₅ jmi_g.
Jaun₂ ca₂guoin₃ vino dsi'₃, jaun₂ ca₂chi₃dsi'₂ nei'₅₄ caun₂ ni₁ma₂ ta₅, jaun₂
ca₂jén'₃ ne₄ Jesús ia₁jaun₂ jme'₁ín'₂. 49 La₁ ca₂juá'₂ riin'₅₄:

—Tsá₃ lein'₅₄; o₁ne₄ chi₂jua'₂ jiá₃ Elías ja₃lio₅₄ quió'₅.

50 Con'₂ bá₄ ca₂'nióg₂ gué₄ Jesús tiá₂ lin₃, jaun₂ gué₄ ca₂jáng'₃ jme₂dsi'₂
quió'₅. 51 Hora jaun₂ dé₄ dsón'₂ co₂dsia₅ ca₂chen₃ ca₂tē₂ guei'₅₄ ca₂tē₂ 'uē₃
ca₂lě₃ tīn₃ tsín'₅ tsi'₁mi'₂ pa₁ a₂jme'₁ei₅ dsi₂néi₂ guá'₅ templo. 'Uē₃ guē'₂ ně₃
ca₂i₁bi₅₄, ni₁'lau₂ a₂te'₁i₁ ja₁jaun₂ qui₂ca₂dsón₂; 52 tau₂ 'nio₅ ně₃ qui₂ca₂niá₃
ca₂lě₃; ján₃ bá₄ qui₂ca₂jen'₅₄ juin₅ 'lag₄ jnió₅ quián₅ Diú₄ i₂ma₂dsan₃ le₂jniá₅.
53 Qui₂ca₂'uiin₂ tau₂ 'nio₅; ca₂i₃toin'₅₄ Jerusalén ciudad jnió₅ jme₁ca₂jen'₅₄ Jesús,
ton'₂ ca₂jme₃jniai₂₃ ně₃ ne₄ juin₅ dsa₂.

54 Jaun₂ juig₅₄ 'lióg₂ quian'₅₄ gué₄ dsa₂ i₂jme₁quian'₅₄ jmo₂₃ 'í₁ Jesús,
jme₁ma₂tē₅ ne₅₄ dsi₂bi₅₄ 'uē₃ ma₂lě₂ ca₂le₃jě₃ gué₄ 'e₂ a₂ca₂lě₃ jaun₂, jaun₂ gué₄
ca₂rě₃gó'₅ 'nio₅ lin₃; jaun₂ gué₄ ca₂juá'₂:

—Tě₃dsón'₂ bá₄ jme₁lín₄ i₂ně₅ Ja₁ni'₅₄ Diú₄.

55 Jme₁tion'₅₄ juin₅ 'io₅₄ ja₁jaun₂ jág₅, tióin₂ uing₂. 'Éi₂ ma₂ja₂lén₂ jme₂ti₃ ne₄
Jesús le₂tan₅₄ 'uē₃ Galilea. 56 Jin₄ 'io₅₄ 'éi₂ jme₁en₅₄ María i₂chan₂ Magdala,
quian'₅₄ María chog₅₄ Jacobo quian'₅₄ Sě₄; quian'₅₄ chog₅₄ chi'₂ quián₅ Zebedeo.

Ca₂'on₃ Jesús

(Marcos 15:42-47; Lucas 23:50-56; Juan 19:38-42)

57 Jme₁ca₂tó'₂ nei₂ jmi_g₄ jaun₂, guan₃ jan₂ dsa₂ cha₂ cu₄ i₂chen₂ José, i₂chan₂
juig₂ Arimatea, ia₁ ján₃ bá₄ ca₂rě₃'éin₂ le₃quió'₅ Jesús. 58 'Éi₂ ně₃, nei₅₄ i₂jīn₁₂
Pilato, ca₂i₁mi'₄ 'lag₄ Jesús. Jaun₂ ca₂jmo₃ Pilato 'éi'₃ a₂jáng'₂ dsa₂. 59 Jaun₂ ně₃
ca₂tág₃ Sě₄, ca₂lio₃ rě₂ quian'₅₄ caun₂ tsi'₁mi'₂ le₁jě₃. 60 Jaun₂ ca₂i₁tio'₂ 'nio'₃ caun₂
tau₂ 'nio₅ 'mí₂ quió'₅ 'nióg₅, a₂jme₁ma₂guéi₃ dso'₂ ni₁'lau₂. Jaun₂ ca₂jnió'₃ ca₂míg₂
ni₁cang₁ li'₂ pa₁, ca₂jlě₂ 'o₄ tau₂ 'nio₅, jaun₂ gué₄ ca₂niá'₃. 61 La₁ María i₂chan₂
Magdala quian'₅₄ María jan₂ 'éi₂, jaun₂ bá₄ jme₁tián'₄ tē₂le₃ ja₁jniá₂ o₄'né₄ tau₂
'nio₅.

Jmo₅ 'lióg₂ 'í₁ tau₂ 'nio₅

62 Jme₁jnia₃ táng₃ jaun₂, co₂'nió'₄ jme₁ca₂dsan₃ tion'₅₄ dsa₂ jmo₂₃ co₂jnia₅₄
a₂'nió'₅ quió'₅ jmi_g₄, jaun₂ ca₂i₁len₅₄ juig₅₄ jme₂dsa₂ quian'₅₄ dsa₂ fariseos ně₃
ca₂ni'₂ ne₄ Pilato, 63 ca₂i₁jua'₄:

—Gui'₅₄, dsáu'₅ dsi₅ jnia'₅₄, a₂ca₂juá'₂ tē₂jág₁ 'éi₂ lia'₂ con'₂ jme₁chain₂ gué₄,
a₂jein'₅₄ táng₃ a₂'ni₅ jmi_g₄. 64 'Uig₅₄ jaun₂, chen₅ 'lióg₂ ju₁dsi₂jmo₂ 'í₁ tau₂ 'nio₅
ca₂lia'₂ ca₂tē₂ jmi_g₄ 'ni₅, ia₁ con'₂ tsá₃ n₃o₅ ně₁jua'₂ ja₂lén₂ dsa₂ i₂jme₁quian'₅₄ tē₂,
jaun₂ táun₂ jág₁ cang₂, lé₂ le₃juá'₂: “Ma₂ca₂jein'₅₄ bá₄ táng₃.” Ia₁ ně₁jua'₂ ca₂lě₃
le₂jaun₂, ja₂lin₃ gué₄ juē'₂ lé₂ jág₁ tē₂jág₁ jē₁ca₂tó'₂ ně₅, con'₂ gué₄ jág₁ tē₂jág₁
le₂'uig₅₄.

65 Jaun₂ ca₂juá'₂ Pilato:

—Ně₅ tión₂ co₂'nió'₃ i₂ně₅. O₂nó'₅ 'nia'₂ quian'₅₄, o₂jmo₄ 'nia'₂ 'í₁ 'a₂ con'₂ jnia'₅₄
tian'₃ 'nia'₂ jmo₂.

66 Jaun₂ ca₂i₃lén₂ jaun₂ ně₃, i₁jmo₅₄ 'í₁ dse₃ lin₃ tau₂ 'nio₅, ca₂tióng₃ caun₂ sello
dso'₂ ni₁cang₁ a₂chi₁jni₅, jaun₂ ca₂chein'₃ co₂'nió'₃ 'lióg₂ i₂jmo₃ 'í₁.

28

Jmi_g a₂ca₂jen'₅₄ Jesús

(Marcos 16:1-8; Lucas 24:1-12; Juan 20:1-10)

1 Ca₂ni'₂ bá₄ jmi_g₄ sa₅₄. Jaun₂ ně₃, tē₂le₃ ca₂jnia₃ jmi_g₄ le₂'uig₅₄ semana, ca₂ne₄
María i₂chan₂ Magdala quian'₅₄ María jan₂; ca₂i₁lein₅₄ i₁jag₅₄ tau₂ 'nio₅ quió'₅

Jesús. ² Con² tsá³ rē²jáin¹ dsi²jui⁵ le²jaun² ca²i¹bi⁵⁴ 'uē³ tiá² lin³ ia¹ a²ca²sión³ guei⁵⁴ i²juíg³ jan² ángel quián⁵ Te¹gui⁵⁴. Ca²tē¹tsin⁵⁴ o⁴'né⁴ tau² 'ñio⁵, ca²mói² ni¹cang¹ a²jme¹chi¹jni⁵, jaun² ca²guá² ne⁴ jaun². ³ Ca²lia² 'tág⁵ 'ñio⁵ lin³ jniá² jui¹lia² 'tág⁵ si¹ñí³. Tsin⁵⁴ a²qui² 'guē² tiog² jau² lin³. ⁴ Jme¹ca²jág² 'lióg² i²tion⁵⁴ jmo⁵ 'í¹, ca²rē³gó⁵ 'ñio⁵ lin³ ca²jlein³ nē²jag⁴ bá⁴ tsá³ dsí⁵ chan² ca²jén³. ⁵ Jaun² ca²juá² 'ángel ca²tsí³ 'io⁵⁴:

—Tsá³ jmo² 'nia² gang³. Ia¹ guion⁴ jniá² a²'na² Jesús i²ca²tion³ dsa² cróg⁴ bá⁴ 'nia² i²niog⁵⁴. ⁶ Tsá³ 'éi² ma³chan² ja¹lá³; ma²ca²jein⁵⁴ bá⁴ tág³ jui¹lia² lē⁵ ca²juá² 'ñiog⁵. La² i²jag⁴ de² 'nia² ja¹jme¹rē²quiain²³. ⁷ O²nó⁵ 'nia² i²ñáu² o²chei⁵⁴ chi² dsi²guia³-tín² quián⁵ a²ma²ca²jein⁵⁴ tág³ ne⁴ 'mú³; ma²'ein⁵⁴ jui⁵ ñó⁵ jniá⁵ lia² con² 'guē⁴ 'nia² jui⁵ Galilea. Ja¹jaun² o¹jñin⁴ 'nia². Jág¹ nē⁵ ma²nē²juíg² 'nia².

⁸ Jaun² nē³ ca²'uin² 'io⁵⁴ i²ñáu², tē³ ma²gó⁵, ton² 'jén⁵ rē² 'io² ján³. Jaun² ca²i³lein³ co²chi⁵⁴ i¹con² jág¹ ne⁴ dsa² guia³-tín². ⁹ Tē³jē⁴ i²lein³ jaun², con² tsá³ jáin⁵ ca²jme³jnia⁵ Jesús ne⁵⁴, ca²juá²:

—¡Siang³!

Jaun² nē³ ca²jme³quián³ con² Jesús, ca²chi³jnë³ ca²jmo³ i¹'áin³ ca²tē² 'uē³, ca²quí³ cu⁵ tag⁴ Jesús. ¹⁰ Jesús nē³ ca²juá²:

—Tsá³ lē¹jmo² 'nia² gang³. O²nó⁵ 'nia² o²con⁴ jág¹ ne⁴ ríng³ o²chei⁵⁴ 'nia² jui¹dsi²lein⁵ jui⁵ Galilea, jaun² ja¹jaun² jág² jniá².

Jág¹ a²ca²dsia³ 'lióg²

¹¹ Tē¹lia² i³len³ 'io⁵⁴ 'éi² i²con³ jág¹, i²lin⁵⁴ 'lióg² i²jme¹jmo⁵ 'í¹ i³lein³ jē⁴ juíg² i¹con² jág¹ ne⁴ juíg⁵⁴ jme²dsa² ca²i¹jua⁴ ca²le³jē³ 'a² lia² niog⁵ ca²lē³. ¹² Juíg⁵⁴ jme²dsa² nē³ ca²ñi² 'quian⁵⁴ gui⁵⁴ can⁵⁴ ca²jmo³ jág¹, jaun² ca²cué³ 'lióng² cu⁴ 'lióg² 'éi², ¹³ ca²juá²:

—Le²la² dsiá¹ 'nia² juíg⁵⁴ dsa²: tē¹lia² jme¹rē²güín³ 'nia² a²'uē² ca²dsi³lén² dsa² i²jme¹quiain⁵⁴, jaun² ca²tág³ 'lag⁴. ¹⁴ Nē¹jua² ca²rē³ñi⁵ dsi⁴má² jág¹ nē⁵, la² bá⁴ ne⁴ jnia⁵⁴ 'a² lia² jme¹'uan⁵⁴ dsí⁵ ia¹jaun² tsá³ cán¹ 'nia² o²i¹ dsí⁵. ¹⁵ Jaun² ca²gue³ bá⁴ 'lióg² cu⁴, jaun² le²jaun² bá⁴ ca²jmo³ con² lē⁵ jág¹ ca²to² dsa² 'éi². Jaun² le²nē⁵ bá⁴ jág¹ 'ei⁵ ca²le²con² le¹ñi⁵ dsa² judíos ca²tē² jmíg⁴ nē³.

Ca²chen³ Jesús chi² dsi²guia³-tín² a²dsí³ 'ě³ jág¹

(Marcos 16:14-18; Lucas 24:36-49; Juan 20:19-23; Hechos 1:6-8)

¹⁶ Jaun² nē³ i³len³ bá⁴ ta¹guia³-ján³ chi² dsi²guia³-tín² jui⁵ Galilea, ca²i³lén² ja¹lē⁴ caun² má², lia² con² lē⁵ ma²ca²juá² Jesús le²jñiá⁵. ¹⁷ Jaun² dsi²jui⁵ jme¹ca²jñin² Jesús, ca²chi³jnë³ ca²jmo³ i¹'áin³, la¹ i²lin⁵⁴ nē³ tsá³ caun² jme¹ma²le¹'ág⁴ dsí⁵. ¹⁸ Jaun² ca²jme³quián² Jesús ja¹tióin², jaun² ca²juá²:

—Ca²le³jē³ bí² 'éi³ lia² guei⁵⁴ i²juíg³ lia² ne⁴ gua⁵⁴ 'uē³ nē³ ma²ca²ñig². ¹⁹ Jaun² lē³, o²nó⁵ 'nia² nē³ ca²le²con² mi²güíg³, o²jme¹tin⁵ 'nia² dsa² a²lén² dsa² quiáng³, o²qui²o²chon⁴ 'nia² dsa² jmíg², lia² con² lē⁵ 'éi³ quió⁵ Ñe³, quian⁵⁴ lia² con² lē⁵ 'éi³ quió⁵ Ja¹ñi⁵⁴, * quian⁵⁴ lia² con² lē⁵ 'éi³ quió⁵ Jme²dsí² Jñió⁵, ²⁰ o²jme¹tiin⁵ 'nia² a²nag³ gau² ca²le³jē³ 'éi³ a²ma²cué³ jniá² 'nia². Jaun² ñi⁵⁴ 'nia² nē³, la² bá⁴ 'eng⁵⁴ quian⁵⁴ 'nia² ca²le³jē³ jmíg⁴, ca²lia² ca²ñia⁵ jmíg⁴ jē¹ca²tó².

Co²nē⁵.

* 28:19 'Nio² ja¹ton⁵, Romanos 6:3; 1 Corintios 1:13; Gálatas 3:27.

Jág₁ Dse₃ quió'₅ Diú₄ a₂ca₂tó'₂ San Marcos ne₄ Si₂

'Ē₂ Juan₅₄ jág₁ quió'₅ Diú₄ caun₂ 'uē₃ co₂'ηiog₅
(Mateo 3:1-12; Lucas 3:1-9, 15-17; Juan 1:19-28)

¹ Le₂la₂ bá₄ ca₂rē₃lióg₃ jág₁ dse₃ quió'₅ Jesucristo, Ja₁ηi'₅₄ Diú₄. *

² Jui₁lia'₂ lē₅ tio'₅₄ ne₄ si₂ quió'₅ dsa₂ i₂jme₁'ē₂ jág₁ quián₂ Diú₄ ma₂líg'₂, ja₁juá'₂ le₂la₂:

Tsing₅₄ jan₂ dsa₂ quiáng₃
 ne₄ jui₅ quiáng'₂, jón₃,

a₂dsi₃can₅ jág₁ dse₃ jin₄ dsa₂ mi₂güí₃,
 jaun₂ jmo₃ co₂ηia₅₄ jui₅ quiáng'₂.†

³ Jaun₂ né'₂ 'ē₂ dsa₂ 'éi₂ jág₁ co₂mi'₅₄
 caun₂ 'uē₃ quein₂ co₂'ηiog₅, jaun₂ i₂'éi₂ juá'₂:

“Jmo₄ 'nia'₂ co₂ηia₅₄
 jui₅ quió'₅ Te₁gui'₅₄ i₂jiá₃.

Nia₄ 'nia'₂ caun₂ jui₅ co₂dsau₅.”‡

⁴ Jaun₂ le₂la₂ ca₂rē₃ti₃ jág₁ nē₅: Ca₂guan₃ Juan₅₄ caun₂ ja₁lē₄ 'uē₃ co₂'ηiog₅ ca₂choin₃ jmig₂ dsa₂, qui₂ca₂'ē₂ jág₁ a₂tsón₃ dsa₂ jmig₂, jē₁ma₂ca₂dsi₃quén'₅ dsí₅ ia₁jaun₂ le₃'én₂ dsáu₁. ⁵ Jaun₂ ca₂le₃jín₃ dsa₂ chan₂ juig₂ Judea quian'₅₄ dsa₂ i₂chan₂ Jerusalén nē₃, ca₂i₁lein₅₄ ja₁jme₁'en₅₄ Juan₅₄. Qui₂ca₂jmo₃ dsa₂ qui₂ηí₃ quió'₅ ca₂le₃jē₃ dsáu₁. Jaun₂ guē₄ ca₂cho₃ Juan₅₄ jmig₂ § Cuá₃ Jordán.

⁶ Ni₁tsin'₅₄ Juan₅₄ 'éi₂ jme₁lē₄ quian'₅₄ ni₁ηí₁ já'₂ camello. A₂jme₁jén'₅ tú'₅ guē'₂ nē₃, lo₄ já'₂. Má₃ a₂jme₁guē'₅ guē'₂, jmá'₃ i₁ni'₂ tia₄ quian'₅₄ jmí₁tá'₄ cha₂ ja₁nau₂.

⁷ Caun₂ ca₂ηí₃ bá₄ 'ē₂ jág₁ dse₃, juá'₂:

—I₂jiá₃ chi₁co'₅₄ quió₃, i₂'éi₂ bá₄ i₂'uan'₂ i₂tin₂ guē₄ lia'₂ con'₂ guē₄ jniá₂, ca₂lia'₂ ηia'₅₄ lau₂ ton₅ tag₅₄ tsá₃ ca₂tíng₂ tsi'₅₄. ⁸ Jniá₂ nē₂tiáng₃ 'nia'₂ jmig₂; la₁ 'éi₂ guē'₂ nē₃ tióg₂ Jme₂dsí₂ ηi₁ó₅.

Ca₂chon₃ Juan₅₄ jmig₂ Jesús
(Mateo 3:13-17; Lucas 3:21-22)

⁹ Jmig₄ jaun₂ o₂'ín₃ Jesús juig₂ Nazaret, ja₁tén₄ Galilea. Nó₃ ja₁'en₅₄ Juan₅₄. Ja₁jaun₂ ca₂cho₃ Juan₅₄ jmig₂ ca₂choin₃ Jesús* Cuá₃ Jordán. ¹⁰ Jaun₂ dsi₂jui₅ jme₁ca₂'ηio₂ Jesús ne₄ jmig₂, ca₂jág₃ ca₂niá₃ dsi₄ mi₂güí₃. Jaun₂ ca₂sión₃ Jme₂dsí₂ quián₅ Diú₄ i₂lín₅ lia'₂ lín₅ jan₂ i₁ju₂, ne₄ quió'₅. ¹¹ Jaun₂ ca₂né'₂ jág₁ a₂já₅ guei'₅₄ i₂juí₃ a₂juá'₂:

—'Ne₂ bá₄ líng'₅ jón₃ quiáng₃, i₂ηí₄ lē₃ 'nióg₃ guē₄ lin₃; 'E₂ bá₄ 'ηio₂ dsi₃ quian'₅₄ 'ne₂.

Ca₂caun₃ i₂sē₃dsen₃ táu₂ quió'₅ Jesús
(Mateo 4:1-11; Lucas 4:1-13)

¹² Dsi₂jui₅ jaun₂ ca₂jiog₃ Jme₂dsí₂ quián₅ Diú₄ caun₂ jui₅ 'uē₃ co₂'ηiog₅. ¹³ Jaun₂ ja₁jaun₂ ca₂'í₃ tē₂láu₃ jmig₄ ia₁jaun₂ cáun₂ táu₂ i₂sē₃dsen₃. Ja₁jaun₂ jme₁tion'₅₄ já'₂ tsau₂ dsí₅. La₁ ca₂o₃lén₂ ángeles ca₂jme₃'o₅₄.

Ca₂jme₃lióg₃ Jesús jme₂tín₂₃ dsa₂ jág₁ dse₃
(Mateo 4:12-17; Lucas 4:14-15)

* **1:1** A₂lín₅₄ chog₅₄ si₂ tsá₃ chi₁ton₅ “Ja₁ηi'₅₄ Diú₄.” † **1:2** Malaquías 3:1. ‡ **1:3** Isaías 40:3. § **1:5** lit. “ca₂tióg₃ Juan₅₄ jmig₂” * **1:9** lit. “ca₂tióg₃ Juan₅₄ ca₂tián₂ jmig₂ Jesús.”

14 Jme₁ma₂ca₂ton'₂ dsa₂ Juan₅₄ né'₃ 'má'₃, Jesús ně₃ ca₂ņei₅₄ jui₅ Galilea i₁'ě₄ jág₁ dse₃ quió'₅ Diú₄, 15 juá'₂ ŋi₂₃:

—Ca₂dsin₃ jmig₄ a₂ja₂quián₃ a₂jme₃gón₃ Diú₄. Jaun₂ lě₃ jui₁dsi₂quén'₅ 'au'₂, jui₁le₂'én'₂ 'nia'₂ jág₁ dse₃.

Ca₂tě'₃ Jesús quén'₂ dsa₂ i₂jme₁tion'₅₄ tsán'₂ ju₄
(Mateo 4:18-22; Lucas 5:1-11)

16 Co₂ráun₂ ca₂ņi₅ Jesús chei'₅₄ jmi₁ņi'₄ Galilea. Ja₁jaun₂ ca₂jín₂ Si₂mu₅₄ quiain'₅₄ Drě₄ riin'₅₄. Jme₁tion'₅₄ táun₂ 'má₅ dsi₂jmig₂, ia₁ jme₁lín₄ dsa₂ i₂jmo₅ ta₁ tsán'₂ ju₄. 17 Jaun₂ ca₂juá'₂ Jesús:

—I₂nó'₅ 'nia'₂, jme₁quiong'₅₄ jniá₂, jaun₂ cuě₅₄ ta₁ a₂chi₁liang'₂ dsa₂ mi₂güig₃, jui₁lia'₂ chi₂lián'₁ 'nia'₂ ju₄.

18 Jaun₂ dsi₂jui₅ bá₄ i₃lén₂ quiong'₅₄; ja₁jaun₂ ca₂dsia₃ bá₄ tsi₁'má₅ quió'₅.

19 Me'₂ bá₄ ja₁i₃lén₂ guě₄ jme₁ca₂jín₂ i₂chen₂ Jacobo quiain'₅₄ Juan₅₄ riin'₅₄, ja₁ņi'₅₄ Zebedeo. Jme₁tion'₅₄ 'ņió'₃ tsi₁mu₅ jmóg'₅ 'má₅ quió'₅, 20 Dsi₂jui₅ ca₂tě'₃ i₂'éi₂ ján₃; ca₂tén₂ bá₄ guě'₂ 'éi₂ ně₃ Zebedeo jme₁'ņió'₃ tsi₁mu₅ quian'₅₄ mozo quián₅.

Jan₂ dsa₂ i₂jme₁'en₅₄ jme₂dsí₂ 'lin'₅₄ tě₂dsí₅
(Lucas 4:31-37)

21 Jaun₂ dsi₃lén₂ juig₂ Capernaum. Caun₂ jmig₄ sa₅₄, ca₂'í₃ Jesús guá'₅ sinagoga. Jaun₂ ca₂jme₃lióg₃ ca₂jme₃tiin₂₃ dsa₂ jág₁ dse₃. 22 Ca₂le₃jín₃ i₂ca₂nág₂ ně₃ ca₂i₃gó'₃ dsí₅ jág₁ quió'₅, ia₁ ca₂jme₃tag₂₃ jui₁lia'₂ jě₁jme₂tag₅ jan₂ i₂'io₅ 'éi'₃, on₃juá'₅₄ rě'₂ jui₁lia'₂ jme₂tag₅ tě₅juá'₅. 23 Jě₄ jaun₂ ca₂dsióg₃ jan₂ dsa₂ i₂'en₅₄ jme₂dsí₂ 'lin'₅₄, ca₂juá'₂ guió'₅ tiá₂:

24 —ġ'E₂ lě₃ tián'₅ 'ne₂ Jesús Nazareno† jě₄ quián₂ jnia'₅₄? A₂ņia'₅₄ 'niog'₂ 'éng'₄ jnia'₅₄ bá₄ 'ne₂ ŋe'₃. Guion₄ jniá₂ 'ein₂ líng'₅. 'Ne₂ líng'₅ dsa₂ jņi₅ quián₅ Diú₄.

25 Jaun₂ ca₂jén₂ Jesús i₂'lin'₅₄ i₂'en₅₄ tě₂dsí₅ dsa₂ 'éi₂, ca₂juá'₂:

—Tei₄ jmo₄. Jú₅ quió'₅ dsa₂ ně₅.

26 Jaun₂ ca₂jmo₃ i₂'lin'₅₄ ca₂ba₂ca₂lín'₂ dsa₂ 'éi₂ 'uě₃, ca₂guió'₃ tiá₂. Jaun₂ guě₄ o₂'iin₃ jaun₂ ně₃. 27 Jaun₂ ca₂le₃jín₃ dsa₂ i₂ca₂tě₂ ne₄ ca₂i₃gó'₃ dsí₅, qui₂ca₂ņi'₃ riin'₅₄, ca₂juá'₂:

—ġ'E₂ bá₄ ně₅? ġ'An₁ a₂ně₅ bá₄ juá'₅ 'mí₂? i'io₅ 'éi'₃ i₂ně₅ ca₂tě₂ ne₄ quió'₅ i₂'lin'₅₄, jaun₂ 'éi₂ ně₃ nag₂₃ gau₂ jág₁ quió'₅!

28 Jaun₂ dsi₂jui₅ bá₄ ca₂i₃'ág₃ jág₁ quió'₅ ca₂le₂con₂ ja₁tén₄ Galilea.

Ca₂jme₃'lión₂ Jesús ma₂chog₅₄ Si₂mu₅₄
(Mateo 8:14-15; Lucas 4:38-39)

29 Jaun₂ dsi₂jui₅ jme₁ca₂'uín₂ guá'₅, ca₂ņó₃ quiain'₅₄ Jacobo, Juan₅₄ ně₃, ja₁quió'₄ Si₂mu₅₄ quian'₅₄ Drě₄. 30 Ma₂chog₅₄ Si₂mu₅₄ ně₃ jme₁roin₂₃ dso'₅₄, 'i₄ dséi₂. Jaun₂ dsi₂jui₅ ca₂'in₃ dsa₂ dsa₂ dso'₅₄ 'éi₂ ca₂tsí'₃ Jesús. 31 Jaun₂ ně₃ ca₂jme₃quián₃ con₂ dsa₂ dso'₅₄, ca₂ņa'₃ gu₂, ca₂chó'₂ jaun₂ ně₃. Jaun₂ dsi₂jui₅ bá₄ ca₂o₃'ág₃ dséi₂ dsa₂. Jaun₂ 'io₅₄ 'éi₂ ně₃ ca₂jme₃lióg₃ ca₂jme₃ti₃ ta₁ ne₄ 'éi₂ tion'₅₄.

Ca₂jme₃'lión₂ Jesús juin₅ dsa₂ dso'₅₄
(Mateo 8:16-17; Lucas 4:40-41)

32 Jme₁ma₂rin₂ 'iog₂ jmig₄ jaun₂, ca₂o₃ņia₃ dsa₂ ne₅₄ ca₂le₃jín₃ dsa₂ dso'₅₄, dsa₂ i₂tion'₅₄ jme₂dsí₂ je₂na'₅₄ ně₃. 33 Ca₂le₃jín₃ dsa₂ juig₂ bá₄ ca₂ņi'₂ o₄'né₄. 34 Jaun₂ Jesús ně₃ ca₂jme₃'lióin₂ dsa₂ ca₂le₃jě₃ ne₅₄ dso₄ a₂jme₁lín₄. Qui₂ca₂'uín'₂ rě'₂

† 1:24 o₃, "i₂chan₂ Nazaret."

juin₅ je₂na'₅₄ ně₃. La₁ tsá₃ ma₃ca₂cuē₃ Jesús jmīg₄ jua'₅₄ a₂juá'₂ guē₄ je₂na'₅₄ jág₁, ia₁ ŋi₅ bá₄ je₂na'₅₄ 'ei₂ 'éi₂.

Ca₂'ě₂ Jesús jág₁ dse₃ dsi₂néi₂ guá'₅ sinagogas le₂tan₅₄ juig₂ ja₁tén₄ Galilea (Lucas 4:42-44)

³⁵ Le₁né₃ guē₄ jme₁jnia₃ jaun₂, ca₂nau₂ Jesús o₂'ín₃ 'ni'₂ juig₂, caun₂ ja₁lě₄ co₂'ŋiog₅, i₁chi'₄ Diú₄. ³⁶ Jaun₂ ŋó₃ Si₂mu₅₄ quiain'₅₄ riin'₅₄ i₁'niong'₂. ³⁷ Jme₁ca₂dsáu'₂ ně₃, ca₂juá'₂:

—Ca₂le₃jín₃ dsa₂ i₂nioi₅₄ 'nai'₂ 'ne₂.

³⁸ La₁ Jesús ně₃ ca₂ŋag₃:

—Ma₃dsau₅₄ dsi₂i₁nio₁ le₂tan₅₄ juig₂ ma₂quián₅ ně₅, dsi₁'ě₄ jág₁ dse₃, ia₁ ta₁ jaun₂ bá₄ guio₃ jniá₂.

³⁹ Jaun₂ le₂ně₅ ca₂i₁ŋi₂ Jesús le₂tan₅₄ juig₂ tio'₅₄ ja₁tén₄ 'uě₃ Galilea, qui₂i₁'ě₄ jág₁ dse₃ dsi₂néi₂ guá'₅ sinagogas le₂caun₂ juig₂. Qui₂ca₂'u₁in'₂ je₂na'₅₄ tē₂dsi₅ dsa₂ ně₃.

Ca₂jme₃'lión₂ Jesús dsa₂ i₂lín₅ 'mé'₅ 'iog₅ (Mateo 8:1-4; Lucas 5:12-16)

⁴⁰ Ca₂guan₃ jan₂ dsa₂ dso'₅₄ i₂lín₅ 'mé'₅ 'iog₅ coin₂. Jaun₂ ca₂chi₃jné₃ ne₅₄, ca₂juá'₂:

—Chi₂jua'₂ 'ŋio₂ 'au'₂, jŋia'₅₄ lia'₂ 'ne₂ bá₄ qui'₅₄ jmīg₄ jmó'₂ le₁jě₃ quió₃.

⁴¹ Jaun₂ ca₂dsia₃ Jesús ŋéi₂ dsi₅ dsa₂ 'éi₂, ca₂néi'₃ gu₂ ca₂hí'₂ quió'₅, jaun₂ ca₂juá'₂:

—'ŋio₂ bá₄ dsi₃, Jui₁le₅₄ le₁jě₃ quiáng'₂.

⁴² Dsi₂jui₅ le₂jaun₂ ca₂jŋia'₃ 'mé'₅ 'iog₅, ca₂'lón₂ dsa₂ 'éi₂. ⁴³ Jaun₂ ca₂dsióg'₂, ca₂juá'₂:

⁴⁴ —La₁ tē₃ŋi'₅₄ tsá₃ 'ein₂ i₂juig'₂ 'i₁jan₂. Jŋia'₅₄ gua₂ o₂jme₁jnia₅ ne₄ jme₂dsa₂, o₂jen'₅₄ ne₄ Diú₄ o₂jmo₄ con'₂ lě₅ 'Éi'₃ quió'₅ Moisés,[‡] o₂jang'₅₄ jág₁ dsau₅ jin₄ dsa₂ juig₂ a₂ma₂'lóng'₂.

⁴⁵ La₁ dsa₂ 'éi₂ ně₃ tē₂le₃ i₂jui'₂ guē₄ ca₂dsia₃ bá₄ jme₁o₂'ín₃, qui₂ca₂'ě₂ jág₁ ca₂le₂con₂. 'Uig₅₄ jaun₂ tsá₃ ma₃lě₂ 'Í₂ Jesús jē₄ juig₂ tē₃ jág₅ dsa₂; jmá'₃ lia'₂ ja₁co₂'ŋiog₅ bá₄ jme₁jŋia₂₃. La₁ tion₅₄ bá₄ jme₁dsi₂lén₂ dsa₂ coin₂ i₂ja₂lén₂ ca₂le₂con₂ jaun₂.

2

Ca₂jme₃'lión₂ Jesús jan₂ dsa₂ i₂rě₂já'₃ quió'₅ (Mateo 9:1-8; Lucas 5:17-26)

¹ Cang₂ jaun₂ ca₂'í₃ táng₃ Jesús jē₄ juig₂ Capernaum. Jaun₂ ca₂rě₃ŋi₅ dsa₂ a₂ma₂dsiáin'₃. ² Jaun₂ dsi₂jui₅ bá₄ ca₂ŋi'₂ dsa₂ juin₅ lín₃, ca₂lia'₂ jŋia'₅₄ tsá₃ ma₃tē₂ ja₁'ein'₄ dsi₂néi₂, le₂tan₅₄ o₄'né₄ ně₃. Jaun₂ ca₂ton₃ jág₁ dse₃ ca₂tsí'₃ dsa₂. ³ Jaun₂ ca₂dsi₃lén₂ co₂nió'₃; jē₄ jaun₂ i₃lén₂ quén₂ le₁jŋia₂₃ jan₂ dsa₂ i₂rě₂já'₃ quió'₅. ⁴ Ia₁ tsá₃ lé₂ ŋí₃ tē₂ dsi₂néi₂ ja₁'en₅₄ Jesús, ia₁ juin₅ dsa₂ tion'₅₄, jaun₂ juí₅ co'₅₄ tsi₁'né₅ bá₄ ca₂niá₃ caun₂ tau₂ pa₁, co₂dsau₅ ja₁chén'₄ Jesús. Jui₅ jaun₂ ca₂sióin₂ dsa₂ 'lian'₂ 'éi₂, dsi₂in₂ caun₂ tsi₁jēin₁. ⁵ Jme₁ca₂rě₃lí'₄ Jesús 'a₂ lia'₂ 'én₂ dsa₂ 'éi₂, jaun₂ ca₂tsí'₃ dsa₂ 'lian'₂:

—Jón₃, ma₂rě₂'én₄ bá₄ dsáu'₂.

⁶ Jaun₂ i₂lín₅₄ tē₅juá'₅ i₂jme₁tián'₄ jē₄ jaun₂, ca₂i₃jio₅ dsi₅: ⁷ “¿E₂ lě₃ juá'₂ i₂ně₅ le₂ně₅? A₂'in₅ 'li₅g'₅₄ Diú₄ bá₄ i₂ně₅. 'I₁jan₂ tsá₃ 'ein₂ lé₂ le₃'én₂ dsáu₁ dsa₂, jŋia'₅₄

‡ 1:44 'Éi'₃ quió'₅ Moisés: 'Í₂ Levítico 14.

lia'₂ jan₂ Diú₄ bá₄.” 8 La₁ ma₂ŋi₅ bá₄ Jesús dsi₂jui₅ a₂ dsi₂jiog₅ dsí₅ dsa₂ 'éi₂ tián'₅, jaun₂ ca₂juá'₂:

—¿'E₂ lë₃ dsi₂jiog₅ 'au'₂ 'nia'₂ le₂në₅? 9 ¿'E₂ a₂quian₅ guě₄ ta₁, a₂juig₅ jniá₂ dsa₂ 'lian'₂ në₅: “Ma₂rë₂'én₄ dsáu'₂”, o₃ a₂juig₅ 'e₂ jniá₂: “Nau₂ guan'₂ ŋi₄ quion₂ tsi₁jein₁ quiáng'₂?” 10 La₁, ia₁ jaun₂ le₃ŋi'₅₄ 'nia'₂ a₂ 'io₅ bí₂ 'éi'₃ Jaun₅ dsa₂ mi₂güig₃ ne₄ gua'₅₄ 'uë₃ a₂lé₂ le₃'éin₂ dsáu₁ dsa₂ —jaun₂ ca₂tsí'₃ dsa₂ 'lian'₂ 'éi₂:

11 —'Ne₂ juig₂ jniá₂, nau₂ quion₂ tsi₁jein₁ quiáng'₂, guan'₂.

12 Jaun₂ ca₂nau₂ 'éi₂, ca₂cáun₃ tsi₁jein₁ quió'₅, të₃ jág₅ dsa₂. Jaun₂ ca₂i₃gó'₃ dsí₅ ca₂le₃jín₃, qui₂jme₂juin'₂ Diú₄, tsí'₅ riin'₅₄:

—'I₁co₂ráun₂ tsá₃ 'ein₂ ma₂jág₃ jniog₄ le₂në₅.

Ca₂të'₃ Jesús Levi

(Mateo 9:9-13; Lucas 5:27-32)

13 Con'₂ siá'₂ táng₃ ca₂ŋó₃ Jesús chei'₅₄ jmi₁ŋí'₄. Jaun₂ dsi₃lén₂ dsa₂ juin₅ ca₂ŋi'₂. Jaun₂ qui₂ca₂jme₃tag₅ Jesús jág₁ dse₃. 14 Jme₁ca₂ŋi₅ ja₁jaun₂, ca₂jín₂ Levi* ja₁ŋi'₅₄ Alfeo, guá₅ 'éi₂ gue₂₃ 'lia'₅₄ a₂ca₂tín₂ dsi₂tan₅₄ romano. Jaun₂ ca₂juá'₂ Jesús:

—Jme₁quiong'₅₄ jniá₂.

Jaun₂ ca₂nau₂ 'éi₂, ca₂ŋó₃ quiong'₅₄.

15 Jme₁ma₂'en₅₄ Jesús guě'₅ ja₁quió'₄ Levi; ja₁jaun₂ jme₁le₁ŋi'₂ juin₅ dsa₂ i₂cán₂ 'lia'₅₄ quián₅ dsi₂tan₅₄ ján₃, quian'₅₄ dsa₂ sián'₂ “i₂le₁cán'₄ dso₄” në₃, tián'₅ co₂lë₅ guě'₅ quian'₅₄ Jesús quian'₅₄ dsa₂ quián₅, ia₁ i₂juin₅ lin₃ i₂le₂'éi₂ ma₂quiain'₅₄ ŋi₂₃.

16 Jaun₂ jme₁ca₂jág₃ të₅juá'₅ quián₅ dsa₂ fariseos a₂guě'₅ Jesús co₂lë₅ quian'₅₄ dsa₂ le₂'éi₂, jaun₂ ca₂tsí'₃ dsa₂ quián₅ Jesús:

—¿'A₂ bá₄ lia'₂ guě'₅ të₅ quián'₂ 'nia'₂ quian'₅₄ dsa₂ 'lin'₅₄ i₂le₁cán'₄ dso₄, quian'₅₄ i₂cán₂ 'lia'₅₄ quián₅ dsi₂tan₅₄ në₃? 17 Jaun₂ jme₁ca₂nág₂ Jesús jág₁ në₅, jaun₂ ca₂ŋag₃:

—Tsá₃ të₅mí₅ 'nió'₅ quió'₅ dsa₂ dsen₃ i₂tsá₃ le₁dso'₅₄, jŋia'₅₄ lia'₂ dsa₂ i₂le₁dso'₅₄ bá₄ 'nió'₅ të₅mí₅ quió'₅. Ia₁ tsá₃ ta₁ jaun₂ guio₃ jniá₂ a₂të₄ dsa₂ dsen₃, a₂të₄ dsa₂ i₂qui₂le₁cán'₄ dso₄ bá₄ jniá₂ guio₃.

Ca₂ŋí'₃ dsa₂ Jesús juí'₂ lia'₂ jág₁ a₂jme₂'in₅₄ dsa₂

(Mateo 9:14-17; Lucas 5:33-39)

18 Co₂ráun₂ dsa₂ i₂jme₁i₂nio₄ quian'₅₄ Juan₅₄, quian'₅₄ dsa₂ i₂tén₅ le₃quió'₅ dsa₂ fariseos në₃, jme₁jme₂'in₅₄. Jaun₂ dsi₃lén₂ i₂lin₅₄ ca₂ŋí'₃ Jesús:

—¿'E₂ 'uig₅₄ jme₂'in₅₄ dsa₂ i₂i₂nio₄ quian'₅₄ Juan₅₄, dsa₂ quián₅ fariseos në₃, ton'₂ tsá₃ jme₂'in₅₄ guě'₂ dsa₂ quián'₂ 'ne₂?

19 Jaun₂ ca₂ŋag₃ Jesús:

—¿Lé₂ le₃jme₃'in₅₄ juí'₂ lia'₂ dsa₂ i₂té₄ ja₁niog₅ jmig₄ ja₁jen'₂ gu₂ dsa₂, të₁lia'₂ quiong'₅₄ dsa₂ ŋe'₂ i₂jén'₂ gu₂? Ma₁ tsá₃ le₂jaun₂ jmo₅ dsa₂, të₁lia'₂ quiong'₅₄ 'éi₂.

20 La₁ jiá₃ caun₂ jmig₄ a₂jŋia'₃ dsa₂ i₂jén'₂ gu₂ 'éi₂. Jaun₂ guě₄ lé₂ le₃jme₃'in₅₄.

21 'Ma₁ tsá₃ jmo₅ dsa₂ jua'₅₄ a₂tíong₅ quian'₅₄ 'nau₅₄ 'mí'₂ 'mí₂ tsi₁'mí'₂ gui'₅₄, ia₁ dsáu'₅ tsi₁'mí'₂ 'mí₂ jë₁ma₂ŋi₂. Jaun₂ juë'₂ guě₄ jë₁gag₂ lë₂ tsi₁'mí'₂ gui'₅₄. 22 On₃ guě₄ jmo₅ dsa₂ jua'₅₄ a₂tia'₂ vino 'mí₂ 'ŋió'₃ ni₁lau₂ gui'₅₄. Ia₁ guéi₃ ni₁lau₂ gui'₅₄ quian'₅₄ dsió'₁ vino 'mí₂. Dsi₂'éin₂ bá₄ vino, lia'₂ ni₁lau₂ në₃. Jaun₂ 'ŋió'₃ ni₁lau₂ 'mí₂ bá₄ 'nió'₅ tia'₃ dsa₂ vino 'mí₂ ia₁jaun₂ tsá₃ dsi₃'éin₂.

Ca₂gág₃ dsa₂ quián₅ Jesús mí'₂ trigo jmig₄ sa₅₄

(Mateo 12:1-8; Lucas 6:1-5)

* 2:14 Levi i₂të'₂ Mateo ján₃.

23 Caun₂ jmig₄ sa₅₄ ca₂ñi₅ Jesús quiain'₅₄ dsa₂ quiáin₅ caun₂ ja₁nau₂ ja₁jnia₄ trigo. Dsa₂ i₂jme₁quiain'₅₄ ně₃ ca₂jme₃lióg₃ qui₂ca₂gág₃ mí'₂ trigo jme₁ca₂ñi₅ ja₁jaun₂. 24 Jaun₂ ně₃, ca₂juá'₂ dsa₂ fariseos:

—¿'E₂ lě₃ jmo₅ dsa₂ i₂quiang'₅₄ ta₁ a₂tsá₃ 'i₄ 'éi'₃ jmo₃ jmig₄ sa₅₄?

25 Jaun₂ ca₂ñag₃ Jesús:

—¿Tsa₁ ma₂'í'₂ 'nia'₂ 'i₁cón'₂ a₂ca₂jmo₃ David ma₂líg'₂ quian'₅₄ riin'₅₄ lia'₂ con'₂ jme₁ca₂rě₃ 'ín₂ quió'₅, a₂ca₂lě₃ i₁cón'₅?† 26 Ca₂'í₃ David dsi₂néi₂ quió'₅ Diú₄, lia'₂ con'₂ jme₁lín₄ Abiatar juig₅₄ jme₂dsa₂. Ca₂guě'₃ i₁ñí'₄ jñi₅ a₂'i₄ 'éi'₃ a₂guě'₅ jmá'₃ jme₂dsa₂. Jaun₂ ca₂cuě'₃ dsa₂ i₂jme₁quiain'₅₄ ně₃.

27 Ján₃ bá₄ ca₂juá'₂ Jesús ca₂tsí'₃ dsa₂:

—O₄quió'₄ dsa₂ mi₂güig₃ bá₄ ca₂lě₃ jmig₄ sa₅₄, on₃jua'₅₄ rě'₂ o₄quió'₄ jmig₄ sa₅₄ ca₂jmó'₂ Diú₄ dsa₂ mi₂güig₃. 28 Jaun₂ lě₃, Jaun₅ dsa₂ mi₂güig₃ bá₄ i₂'io₅ 'éi'₃ ne₄ quió'₅ jmig₄ sa₅₄.

3

Jan₂ dsa₂ i₂'lia'₂ caun₂ mi₂gu₂

(Mateo 12:9-14; Lucas 6:6-11)

1 Con'₂ siá'₂ táng₃ ca₂'í₃ Jesús guá'₅ sinagoga. Ja₁jaun₂ jme₁'en₅₄ jan₂ dsa₂ i₂'lia'₂ caun₂ mi₂gu₂. 2 Jaun₂ ca₂tio₃ dsa₂ ca₂tiain₃ Jesús, o₁ne₄ chi₂jua'₂ jme₃'lióin₂ dsa₂ 'éi₂, tě₃ jmig₄ sa₅₄, ia₁jaun₂ chain₂ bí₂ a₂bóin'₂ dso₄ Jesús. 3 Jaun₂ ca₂tsí'₃ Jesús dsa₂ i₂'lia'₂ mi₂gu₂:

—Ñia₅, dsi₂jo₂ la₂ nau₂.

4 Jaun₂ ca₂ñag₃ Jesús ca₂ñi'₃ dsa₂ i₂tion'₅₄ jág₅:

—Jui₁lia'₂ jmig₄ sa₅₄, ¿'e₂ 'i₄ 'éi'₃ jmo₃ dsa₂? ¿A₁dse₃, o₃ a₂'lig'₅₄ 'e₂? ¿A₂lión₂ dsa₂ jme₂dsí₂ riin'₅₄, o₃ a₂jñi'₃ dsa₂ riin'₅₄ 'e₂?

Jaun₂ jñia'₅₄ lě₂tión₂ tei₄ le₂jaun₂ bá₄ dsa₂. 5 Jaun₂ 'ne₂ Jesús ca₂jñin₂ dsa₂ i₂tion'₅₄, co₂'na₂ guě'₂ qui'₂ dsí₅, ia₁ a₂ñi₄ lě₃ tsá₃ ñí'₂ dsí₅ dsa₂. Jaun₂ ca₂tsí'₃ dsa₂ dso'₅₄:

—Nei'₅₄ gog'₂.

Jaun₂ ca₂néi'₃ 'éi₂ gu₂; ca₂lág₃ bá₄ jaun₂ ně₃. 6 Dsi₂jui₅ le₂jaun₂ ca₂'uin₂ dsa₂ fariseos ca₂i₁jmo₅₄ jág₁ quian'₅₄ dsa₂ quián₅ Herodes a₂jñi'₃ Jesús.

Jui₅ dsa₂ tion'₅₄ chei'₅₄ jmig₂

7 Jaun₂ ca₂ñó₃ táng₃ Jesús jui₅ chei'₅₄ jmi₁ñí'₄ quian'₅₄ dsa₂ i₂quiain'₅₄. Jaun₂ jui₅ lín₃ dsa₂ chan₂ Galilea ca₂jme₃quiong'₅₄ ně₃. 8 Jme₁ca₂rě₃ñi₅ dsa₂ ca₂le₃jě₃ 'e₂ a₂niog₅ lě₂ a₂jmo₅ Jesús, ca₂o₃lén₂ jui₅ lín₃ dsa₂ chan₂ Judea, dsa₂ chan₂ Jerusalén, dsa₂ chan₂ Idumea, dsa₂ chan₂ le₂'ño'₅₄ Cuá₃ Jordán, dsa₂ chan₂ Tiro, dsa₂ chan₂ Sidón ně₃, a₂ca₂o₃jñi₅₄ Jesús. 9 Jaun₂ ca₂tsí'₃ Jesús dsa₂ quiáin₅, a₂jmo₃ co₂jñia₅₄ caun₂ tsí₁mu₅, ia₁ con'₂ tsá₃ ñó₅ ně₁jua'₂ ca₂quín'₃ jñ₄ dsa₂. 10 Ia₁ jui₅ lín₃ dsa₂ dso'₅₄ ma₂ca₂jme₃'lióin₂ le₂jñiá₅. Jaun₂ ně₃, ca₂le₃jñ₃ dsa₂ dso'₅₄ tióin'₅₄ co₂'liain'₂ riin'₅₄ ca₂lia'₂ qui₂co₂dsi₅₄ Jesús, ia₁ a₂'nio₃ qui₃ñi'₃ quió'₅. 11 Jme₁ca₂jág₂ jme₂dsí₂ 'lín'₅₄ i₂tion'₅₄ tě₂dsí₅ dsa₂, jaun₂ ca₂chi₃jnë₃, tióin'₅₄ co₂mi'₅₄, juá'₂:

—j'Ne₂ líng'₅ Ja₁ñi'₅₄ Diú₄!

12 Jaun₂ lě₃ ca₂jmo₃ Jesús 'éi'₃ a₂tsá₃ jme₃jniog₂₃.

Ca₂quión'₂ Jesús chi'₂ dsi₂guia₃-tín₂

(Mateo 10:1-4; Lucas 6:12-16)

† 2:25 'Nio'₂ ja₁ton₅, 1 Samuel 21:6.

13 Cang₂ jaun₂ ca₂l₃l₃éin₂ caun₂ ja₁l₄ dsi₂con₂. Ja₁jaun₂ ca₂qui₃ón₂ Jesús dsa₂ i₂'nioi₃ jme₃quiong₅₄. Jaun₂ ca₂o₃lén₂ 'éi₂ ja₁chéin₄. 14 Jaun₂ ca₂'iin₃ guia₃-tín₂ dsa₂ 'éi₂, ia₁jaun₂ jme₃quiong₅₄ ton₂ ia₁jaun₂ chei₃ a₂dsi₃lén₂ 'éi₂ a₂qui₂dsi₃'ě₃ jág₁, 15 ia₁jaun₂ 'io₃ 'éi₂ bí₂ ján₃* a₂le₃'u₁in₂ je₂na₅₄ dsí₅ dsa₂. 16 I₂la₂ bá₄ dsa₂ i₂guia₃-tín₂ i₂ca₂'in₃ Jesús: Si₂mu₅₄ i₂tě₂ Jesús Pe₄; 17 Le₂on₃ ja₁ñi₅₄ Zebedeo: Jacobo quian₅₄ Juan₅₄, i₂ca₂tě₃ Jesús Boanerges, co₂'nió₄ a₂juá₂, jaun₅ ñí₃; 18 Drě₄, Fe₂li₄, Bartolomé, Tě₅₄, To₁má₄ ně₃; Jacobo ja₁ñi₅₄ Alfeo. Tadeo, Si₂mu₅₄ i₂lín₅ cananista;† 19 Judas Iscariote ně₃, dsa₂ i₂ca₂jín₂ Jesús.

Juá₂ dsa₂ a₂'io₅ Jesús juí₅bí₂ quió₅ Be'elzebú
(Mateo 12:22-32; Lucas 11:14-23; 12:10)

Jaun₂ ca₂dsián₃ Jesús jme₁ca₂dsián₃ caun₂ dsi₂néi₂. 20 Con₂ guě₂ siá₂, ca₂ñi₂ táng₃ dsa₂ ju₁n₅ lín₃, jñia₅₄ tsá₃ jñi₅₄ guě₃ quiaín₅₄ chí₂ dsi₂guia₃-tín₂. 21 Jme₁ca₂rě₃ñi₅ o₁r₁in₅₄, jaun₂ ca₂o₃lén₂ a₂jme₁tsáun₂ tē₂, ia₁ 'ei₅ jág₁ a₂lě₁ma₂tě₂ i₂₃ ñi₂₃.

22 Ján₃ bá₄ le₂jaun₂ tē₅juá₅ i₂ja₂lén₂ Jerusalén, ca₂juá₂:

—Quian₅ dsa₂ ně₅ Be'elzebú, i₂lín₅ juig₅₄ je₂na₅₄. A₂jaun₂ bá₄ qui₅₄ jmig₄ 'u₁in₂ je₂na₅₄ tion₅₄ dsí₅ dsa₂.

23 Jaun₂ lě₃ ca₂tě₃ Jesús tē₅juá₅ 'éi₂, jaun₂ ca₂juá₂ tē₂le₃ quian₅₄ jág₁ a₂jáng₅ léi₄:

—¿'A₂ lia₂ le₃lé₂ jua₅₄ jmo₃ Satanás a₂dsein₂₃ 'ñiog₅ quió₅ dsa₂? 24 Nē₁jua₂ co₂nió₃ dsi₂tan₅₄ ca₂nió₃ mī₅₄ quiaín₅₄ rīn₅₄, dsi₂tan₅₄ 'éi₂ tsá₃ uě₂ lé₂ le₃tóin₃.

25 Nē₁jua₂ dsa₂ dsi₂néi₂ tíoín₅₄ mī₅₄ quíin₂, ján₃ bá₄ le₂jaun₂ tsá₃ uě₂ tió₅.

26 Nē₁jua₂ ca₂dsia₃ Satanás 'nei₂ a₂jmo₃ le₂dsoin₅₄ 'ñiog₅, ján₃ bá₄ le₂jaun₂ tsá₃ uě₂ 'oin₅₄ bí₂ quió₅; ja₁jaun₂ ca₂dsan₃ bá₄ quió₅ nē₁jua₂ le₂jaun₂.

27 'I₁jan₂ tsá₃ 'ein₂ lé₂ le₃í₂ tion₅₄ dsi₂néi₂ quió₅ juí₁lia₂ jan₂ dsa₂ 'uan₂, jua₅₄ a₂jñiá₂ dsa₂ a₂te₁'i₁ quió₅, jñia₅₄ lia₂ a₂'nei₂ bá₄ de₂ jñiá₅ dsa₂. Jaun₂ bá₄ lé₂ le₃jñia₃ a₂cha₂ quió₅.

28 'A₂dsi₂jó₃ juá₅ jniá₂, a₂lé₂ le₃én₂ ca₂le₃jě₃ bá₄ dsáu₁ dsa₂, ca₂le₃jě₃ 'e₂ a₂'lig₅₄ juá₂ ně₃. 29 La₁ nē₁jua₂ ca₂juá₂ 'lig₅₄ 'iin₂₃ Jme₂dsí₂ Jñi₃o₅, tsá₃ ma₃a₁jaun₂ lé₂ le₃én₂ dsáu₁. A₂rě₂cáin₄ ca₂le₃jě₃ jmig₄ chain₂ bá₄ jaun₂.

30 Le₂ně₅ ca₂juá₂ ia₁ dsia₅ dsa₂ 'ag₂₃ 'ein₅₄ jme₂dsí₂ 'lín₅₄.

Chí₂ rīn₅₄ Jesús quian₅₄ chog₅₄

(Mateo 12:46-50; Lucas 8:19-21)

31 Jaun₂ ca₂dsi₃lén₂ chí₂ rīn₅₄ Jesús, quian₅₄ chog₅₄ ně₃. La₁ ca₁'né₄ bá₄ ca₂tóin₂. Jaun₂ ca₂chein₃ jág₁ a₂tě₂ Jesús. 32 Jaun₂ ca₂juá₂ dsa₂ i₂jme₁tián₄ cau₅ quió₅ Jesús:

—Chog₂ quian₅₄ chí₂ ríng₂, ně₅ tiáin₅ ca₁'né₄, a₂'nai₂ 'ne₂.

33 Jaun₂ ca₂ñag₃:

—¿'Ein₂ 'éi₂ lín₅ cha₃ jniá₂, rín₃ jniá₂ ně₃?

34 Jaun₂ ca₂jín₂ dsa₂ i₂tián₅ cau₅ quió₅, jaun₂ ca₂juá₂:

—jag₄! I₂la₂ bá₄ lín₅ cha₃, ríng₃ ně₃. 35 Ia₁ juí₁ 'ein₂ guě₃ i₂jmo₅ a₂'ñio₂ dsí₅ Diú₄, i₂'éi₂ bá₄ lín₅ juí₁lia₂ ríng₃, cha₃ ně₃.

4

Jág₁ jáng₅ léi₄ juí₁lia₂ dsa₂ i₂séi₂ mīg₂ jon₂
(Mateo 13:1-9; Lucas 8:4-8)

* 3:15 A₂lín₅₄ chog₅₄ si₂ juá₂ ján₃: “a₂jme₃'lióin₂ dsa₂ dso₅₄.” † 3:18 cananista: partido quió₅ dsa₂ i₂'nio₃ táun₂ 'uě₃ 'éi₃ quió₅ Roma. Jma₃quén₅ ca₂quioin₃ le₃on₃ Si₂mu₅₄ 'éi₂, ia₁ ñí₄ lě₃ mei₂ tsá₃ ca₂ne₅₄ a₂chein₂.

1 Con₂ siá'₂ táng₃, co₂ráun₂ ca₂jme₃lióg₃ Jesús ca₂jme₃t̄in₂₃ dsa₂ chei'₅₄ jmi₁ñí'₄. Ia₁ juin₅ lin₃ dsa₂ ca₂lě₃ ně₃ ca₂ñí'₂ ja₁chén'₄, jaun₂ ca₂í₃ 'ñió'₃ tsi₁mu₅ 'ei₅ chei'₅₄ jmíg₂; jaun₂ ja₁jaun₂ ca₂guá'₂. Dsa₂ guē'₂ ně₃ ca₂tóin'₂ chei'₅₄ jmíg₂. 2 'Lióng₂ jág₁ dse₃ ca₂jme₃tag₂₃ tē₂le₃ quian'₅₄ jág₁ a₂jáng'₅ léi₄. Jē₄ juá'₅ quió'₅ a₂jme₂tag₂₃, ca₂juá'₂:

3 —Nei₂ 'nia'₂: Jan₂ dsa₂ ca₂ñe₄ ja₁nau₂ ca₂i₁séi₄ mīg₂ jon₂. 4 Jme₁ma₂'ein₅₄ séi₂ ně₃, a₂lin₅₄ mīg₂ jon₂ i₂ga'₅₄ le₂'i₄ jui₅. I₁tan₅ bá₄ ca₂dsi₃lén₂ ca₂cág'₃ a₂jaun₂. 5 A₂lin₅₄ guē'₂ mīg₂ jon₂ táng₃, ca₂l₃to'₅₄ jē₄ ni₁cang₁, ja₁tsá₃ gua'₅₄ lin₄ cha₂. A₂jaun₂ ně₃ tsá₃ uē₂ ca₂rē₃'ag₄, ca₂'ia₂, ia₁ tsá₃ ji'₂ gua'₅₄ ja₁i₃to'₅₄. 6 La₁ jme₁ca₂jnióg₃ 'iog₂ ně₃, ca₂rē₃juing₅ ca₂rē₃quén₃ bá₄, ia₁ tsá₃ jmú₄ 'lióng₂ jme₁cha₂. 7 A₂lin₅₄ guē'₂ ca₂séi'₂ ja₁lě₄ ni₁taun₅. Jme₁ca₂i₃cón₃ ni₁taun₅ ně₃, ca₂jlě₃ bá₄ a₂jaun₂, tsá₃ 'e₂ ca₂rau₂. 8 La₁ a₂lin₅₄ guē'₂ ně₃ ca₂tín₂ ja₁dse₃ 'uē₃. A₂jaun₂ ca₂rau₂ bá₄ dse₃. A₂lin₅₄ ca₂'ág₂ jma₃guióg₂-guiá₂ mīg₂, lia'₂ ca₂mīg₂ jon₂. A₂lin₅₄ guē'₂ jma₃'nag'₂ ne₂guióg₂ mīg₂; a₂lin₅₄ guē'₂ jma₃caun₂ 'ñiá₂-láu₂ mīg₂.

9 Jaun₂ ně₃, ca₂juá'₂ Jesús:

—Ca₂le₃jín'₃ 'nia'₂ i₂le₁dsi₅₄ rē₂gua₄, rē₂ nei₂ 'nia'₂.

Ta₁ qui'₅ jág₁ a₂jáng'₅ léi₄
(Mateo 13:10-17; Lucas 8:9-10)

10 Jme₁ma₂l₂len₃ dsa₂, jme₁ma₂tē₁'ñiá₄ quiain'₅₄ chi'₂ dsi₂guia₃-tín₂, quiain'₅₄ i₂lin₅₄ guē'₄ dsa₂ sián'₂, jaun₂ ca₂ñag₃ 'éi₂ 'e₂ jág₁ dsau₅ jáng'₅ jág₁ jaun₂. 11 Jaun₂ ca₂juá'₂ Jesús:

—Diú₄ bá₄ jmo₅ a₂rē₂ñí'₂ 'au'₂ 'nia'₂ jág₁ a₂rē₂'ma₄ 'a₂ lia'₂ lě₅ ja₁goin₂, la₁ dsa₂ i₂tsá₃ i₂nió₄ quian'₅₄ jniá₂ ně₃, 'nió'₅ juá'₂ dsa₂ tē₂le₃ quian'₅₄ jág₁ a₂jáng'₅ léi₄:

12 ia₁jaun₂ i₂ně₂jág₃,
la₁ tsá₃ ca₂rē₃lí'₄ 'e₂ ně₂jág₃.

I₂ně₂néi₂ ně₃,
la₁ tsá₃ ca₂rē₃lí'₄ 'e₂ ně₂néi₂,
on₃ guē'₂ ca₂ñí'₂;

con'₂ tsá₃ ñó₅ ně₁ca₂jéin'₃ dsí₅,
ia₁jaun₂ jme₁'lioin₁₂ jniá₂.*

Juá'₂ Jesús 'e₂ jág₁ dsau₅ jein₅ jág₁ jui₁lia'₂ dsa₂ i₂séi₂ mīg₂ jon₂
(Mateo 13:18-23; Lucas 8:11-15)

13 Ca₂juá'₂ ján₃:

—¿Tsa₁ ñí'₂ 'nia'₂ jág₁ a₂jáng'₅ léi₄ ně₅? ¿'A₂ bá₄ guē'₂ lé₂ le₃ñí'₂ 'nia'₂ jui₁lia'₂ jág₁ a₂jáng'₅ léi₄ siá'₂? 14 Jui₁lia'₂ lín₅ dsa₂ i₂séi₂ mīg₂ jon₂, le₂jaun₂ bá₄ lín₅ jui₁lia'₂ dsa₂ i₂'ě₂ jág₁ dse₃ quió'₅ Diú₄. 15 I₂lin₅₄ dsa₂ lín₅ jui₁lia'₂ mīg₂ jon₂ a₂l₃ga'₅₄ le₂'i₄ jui₅. Nag₂₃ jág₁ dse₃, la₁ dsi₂jui₅ jaun₂ ja₂ Satanás jniá'₂ jág₁ a₂ma₂jnia₄ tē₂dsí₅ dsa₂. 16 I₂lin₅₄ guē'₂ dsa₂ lín₅ jui₁lia'₂ lě₅ mīg₂ jon₂ a₂l₃ga'₅₄ jē₄ ni₁cang₁. Nag₂₃, gue₂₃ jág₁ a₂'ñio₂ dsí₅. 17 La₁ia₁ tsá₃ uē₂ tió'₅, ia₁ tsá₃ lín₄ jmú₄ cha₂ jua'₅₄ a₂chan'₂ tiá₂ jág₁. Jaun₂ jē₁ma₂ca₂can₃ o₂i₁ dsí₅, a₂co₂'ein₅ dsa₂ 'uig₅₄ jág₁ dse₃, dsi₂jui₅ bá₄ tí₂ táng₃ jág₁. 18 I₂sián'₂ guē'₂ ně₃ lín₅ co₂'nió'₄ mīg₂ jon₂ a₂l₃ga'₅₄ jē₄ ni₁taun₅. Nag₂₃ jág₁ dse₃, 19 la₁ 'ñio₅ guē'₄ 'i₅ dsí₅ o₂me'₅₄ dsi₅ a₂cha₂ mi₂güí₃ la₂; ne₄ 'uig₅₄ ia₁ a₂'ín₅ dsí₅ jui₅ ja₁le₃cha₂ cu₄, ja₁ně₅ bá₄ ja₁rē₂gain₂ táng₃; tsá₃ caun₂ a₂'ín₅ dsí₅. Ca₂le₃jě₃ a₂jaun₂ ně₃ jmo₅ jlě₅ jág₁ dse₃, tsá₃ ma₃cuē₂₃ jmíg₄ a₂ráu₃. 20 La₁ i₂lin₅₄ guē'₄ ně₃ nag₂₃, gue₂₃ bá₄ jág₁, chan'₂ tiá₂. Lín₅ jui₁lia'₂ lě₅ mīg₂ jon₂ a₂l₃ga'₅₄

* 4:12 Isaías 6:9-10.

ja₁dse₃ gua'₅₄. 'Lióng₂ rau₂. I₂lín₅₄ guè'₂ lín₅ co₂'nió'₄ mǐg₂ a₂qui₂ca₂'ág₂ guióg₂-guiá₂; i₂lín₅₄ guè'₂ co₂'nió'₄ a₂qui₂ca₂'ág₂ 'nag'₂ ne₂guióg₂, o₃ caun₂ 'ñiá₂-láu₂ mǐg₂ lia'₂ ca₂mǐg₂ mǐg₂ jon₂ a₂i₃jnia₄.

Jág₁ jáng'₅ léi₄ jui₁lia'₂ ni₁tsí₅ chi₁guí'₂ si₂
(Lucas 8:16-18)

²¹ Jaun₂ ca₂juá'₂ táng₃ Jesús:

—Ně₁jua'₂ quian₅ dsa₂ caun₂ ni₁tsí₅ a₂guí'₂ si₂, ħ₂a₂ chi'₃? ħ₂né'₃ tsi₁mi'₂, o₃ né'₃ tsi₁cama? Jan₂'ón₄. A₂'ag₅ guei'₅₄ bá₄ dsa₂ si₂. ²² Ia₁ 'i₁caun₂ cosa tsá₃ cha₂ jua'₅₄ a₂lín₂ dsa₂ rě₂'ma₄, a₂tsá₃ le₃jniá₂; tion₅₄ bá₄ rě₂jniá₂. Ján₃ guè'₂ 'i₁caun₂ jág₁ tsá₃ cha₂ jua'₅₄ lín₂ dsa₂ a₂tsá₃ 'ein₂ le₃ñi₅; tion₅₄ bá₄ rě₂ñi₅ dsa₂. ²³ Chi₂jua'₂ 'ein₂ dsi₅₄ rě₂gua₄, jui₁nei₅₄ rě₂.

²⁴ Con'₂ siá'₂ táng₃ ca₂juá'₂ Jesús:

—Tion'₂ 'nia'₂ jui₅ 'e₂ a₂nag'₂. Quian'₅₄ 'éi'₃ a₂cau'₂ 'nia'₂ guiong'₅₄, 'éi'₃ jaun₂ bá₄ quióg₃ Diú₄ quián'₂ 'nia'₂ ján₃, jnia'₅₄ tē₂le₃ lě₅ guě₄. ²⁵ Ia₁ jui₁lia'₂ dsa₂ i₂'ñio₂ dsí₅ le₃ñi'₂, Diú₄ bá₄ jmo₃ le₃ñi'₂ guě₄ dse₃. La₁ i₂tsá₃ 'nio₃ le₃ñi'₂ ně₃, Diú₄ bá₄ jmo₃ a₂tsá₃ ma₃le₃ñi'₂ co₂ñei'₅₄.†

Jág₁ jáng'₅ léi₄ jui₁lia'₂ 'a₂ lia'₂ 'ia₂ mǐg₂ jon₂

²⁶ Jaun₂ ca₂juá'₂ Jesús:

—Le₂jaun₂ bá₄ lě₅ ja₁gon₂ Diú₄, jui₁lia'₂ lě₅ quian'₅₄ dsa₂ i₂jne₅ 'e₂ jne₂₃. ²⁷ Jě₁ma₂ca₂'ia₂, qui₂dsi₂cón₃ a₂jaun₂. La₁ jui₁lia'₂ dsa₂ i₂jne₅ 'éi₂ ně₃, o₁jñia'₅₄ a₂'uě₂-jmi₂ güi_{in}₂, nau₂ ně₃, la₁ tsá₃ jaun₂ ñi₅ 'a₂ lia'₂ lě₂ a₂dsi₂cón₃. ²⁸ 'Uě₃ bá₄ lia'₂ lě₅, jaun₂ bá₄ rau₂. Le₂'uig₅₄, tag₄ de'₂ jniá₅ 'ia₂; ñó₅ jaun₂ 'ia₂ ni₁la₁, lě₂ ni₁guein₂. Nó₅ jaun₂ lě₂ ni₁cuig₂ lá₅ ně₃. ²⁹ Jě₁ma₂ca₂ron₂, jaun₂ guě₄ dsi₂'áun₂ dsa₂; ia₁ ca₂tě₂ jmi₄ a₂ca₂rau₂.‡

Jág₁ jáng'₅ léi₄ jui₁lia'₂ mǐg₂ jon₂ quió'₅ ni₁'ma₂ mostaza
(Mateo 13:31-32; Lucas 13:18-19)

³⁰ Con'₂ siá'₂ táng₃ ca₂juá'₂ Jesús.

—ħ₂A₂ lia'₂ lě₅ ja₁gon₂ Diú₄, o₃ 'e₂ quian'₅₄ lě₂ le₃quin₃? ³¹ Lě₅ jui₁lia'₂ lě₅ mǐg₂ ni₁'ma₂ mostaza. § Mǐg₂ jon₂ jaun₂ lě₅ a₂pí'₁ guě₄ 'ñio₅ lín₃, lia'₂ con'₂ guě₄ ca₂le₃jě₃ jon₂ a₂jne₅ dsa₂. ³² Jě₁ma₂ca₂i₃jnia₄ ně₃, dsi₂cón₃ dsiog₅ lě₂ caun₂ ni₁'ma₂ pa₁, ca₂lia'₂ qui₂rě₂já₂ ni₁gu'₂ quió'₅. Jaun₂ tian'₅ i₁tan₅ ja₁lě₄ 'en'₂ quió'₅.

Ta₁ a₂quí'₅ jág₁ a₂jáng'₅ léi₄ a₂ca₂jme₃tag₅ Jesús
(Mateo 13:34-35)

³³ Ca₂jme₃tin₅ Jesús dsa₂ jág₁ dse₃ tē₂le₃ quian'₅₄ 'lióng₂ jág₁ a₂jáng'₅ léi₄ le₂ně₅. ³⁴ 'I₁caun₂ jág₁ tsá₃ jme₁cuě₂₃ jua'₅₄ tsá₃ tē₂le₃ quian'₅₄ jág₁ a₂jáng'₅ léi₄. La₁ jě₁ma₂tě₁'ñiá₄ con'₂ guioin₅₄ quia_{in}₅₄ chi'₂ dsi₂guia₃-tín₂ quiáin₅, jme₁juá'₂ lia'₂ rě₂jíá₃ jág₁.

Ca₂jmo₃ Jesús ca₂'ág₂ tei₄ jmi₁ñí'₄, ca₂jñia'₃ dsí₂ ně₃
(Mateo 8:23-27; Lucas 8:22-25)

³⁵ Le₃ca₂nei₂ jmi₄ jaun₂ ca₂tsí'₃ chi'₂ dsi₂guia₃-tín₂ quiáin₅:

—Ma₃ le₃'ño'₅₄ jmi₁ñí'₄ le₃ó₃.

³⁶ Tion'₅₄ jaun₂ dsa₂ chei'₅₄ jmi₁ñí'₄, ca₂ñó₃ Jesús ca₂jio₃ chi'₂ dsi₂guia₃-tín₂ 'ñió'₃ tsi₁mu₅ ja₁jme₁'ein₅₄ táun₂ jág₁. Ján₃ bá₄ i₂lě₂ guě₄ tsi₁mu₅ siá'₂ quiong'₅₄,

† 4:25 lit. “Ia₁ jui₁lia'₂ dsa₂ i₂cha₂ quió'₅, ñei₂; la₁ i₂tsá₃ cha₂ quió'₅ ně₃, le₂jio₅ a₂cha₂ quió'₅, jnia'₃.”

‡ 4:29 lit. “Uě₃ bá₄ lia'₂ lě₅, jaun₂ bá₄ rau₂. Le₂'uig₅₄, tag₄ de'₂ jniá₅ 'ia₂; ñó₅ jaun₂ 'ia₂ mí₂. Nó₅ jaun₂ tó'₅ mǐg₂ mí₂ trigo. Jě₁ma₂ca₂ron₂, jaun₂ guě₄ dsi₂cag₅₄ dsa₂ quian'₅₄ ní₁ hoz; ca₂tě₂ jmi₄ a₂ca₂rau₂.” § 4:31 mostaza: On₃jua'₅₄ mi₂jáng'₅ a₂cuí'₅ dsa₂ go₄ jnio₄; caun₂ ni₁'ma₂ dsón'₂ jaun₂ a₂tě₂ tē₅sí₃ Brassica nigra.

tion'₅₄ dsa₂. ³⁷ Jme₁co₂lág₂ jaun₂ ca₂'ág₂ dsí₂ tiá₂ lín₃, jaun₂ qui₂ca₂jná'₃ jmíg₂ 'ñio₅ lín₃ ca₂lia'₂ ca₂i₃'a₄ jmíg₂ 'ñió'₃ tsí₁mu₅, jñia'₅₄ mei'₂ tsá₃ ca₂can'₂.
³⁸ Jme₁rē₂güín₃ bá₄ Jesús ñó₃ le₃chi₁co'₅₄ rē₂dsín₅ 'mí'₂ dsi₅₄. Jaun₂ ca₂ñei₃ dsa₂, ca₂juá'₂:

— ¡Tē₅! ¿Tsa₁ dsan₂ 'au'₂ jua'₂ dsi₃ 'éin₂ jnia'₅₄ ja₁lá₃?

³⁹ Ca₂nau₂ Jesús jaun₂ ně₃, ca₂jéin₂ dsí₂, ca₂jéin₂ jmí₁ñí'₄ ně₃, ca₂juá'₂:

— ¡Jme₁'ua₅₄! ¡Tei₄ jmo₄!

Jaun₂ dsi₂jui₅ jaun₂ bá₄ ca₂'ág₂ táng₃ tei₄ jmí₁ñí'₄, dsí₂ ně₃ ca₂jñia'₃. ⁴⁰ Jaun₂ ca₂juá'₂ Jesús ca₂tsí'₃ chi'₂ dsi₂guia₃-tín₂ quiáin₅:

— ¿'E₂ lē₃ ñí₄ 'ñio₅ gan'₃ 'nia'₂? ¿'A₂ bá₄ lia'₂ ñí₄ tsá₃ rē₂'én'₂ 'nia'₂?

⁴¹ Jaun₂ i₃gó'₃ dsí₅ 'ñio₅ lín₃, qui₂ca₂tsí'₃ riin'₅₄:

— ¿'Ein₂ bá₄ lín₅ i₂nē₅ ca₂tē₂ jmí₁ñí'₄, ca₂tē₂ dsí₂ ně₃ qui₂nag₅ gau₂ jág₁ quió'₅?

5

Jan₂ dsa₂ i₂'en₅₄ jme₂dsí₂ 'lín'₅₄

(Mateo 8:28-34; Lucas 8:26-39)

¹ Jaun₂ dsi₃léin₂ jme₁dsi₃léin₂ 'ño'₅₄ jmí₁ñí'₄, go₄ dsa₂ Gadarenos.* ² Jaun₂ dsi₂jui₅ jme₁ca₂o₃'ín₃ Jesús 'ñió'₃ tsí₁mu₅, dsióg₃ jan₂ dsa₂ i₂o₂'ín₃ ja₁le₁'on₅ 'lag₄, dsa₂ i₂'en₅₄ jme₂dsí₂ 'lín'₅₄ dsí₅. ³ Jme₁guá₄ dsa₂ 'éi₂ jē₄ tau₂ 'ñio₅; jaun₂ tsá₃ ma₃'ein₂ jme₁qui'₅₄ jmíg₄ tió'₅ 'nei'₂ quian'₅₄ ñí₁ cadena, ⁴ ia₁ 'lióng₂ ráun₂ jme₁ma₂'nei'₂ dsa₂ le₂jñiá₅, jme₁ma₂tó'₂ dsa₂ cadena mi₂tag₅₄, mi₂gu₂ ně₃. La₁ jē₂ bá₄ jñia'₅₄ ma₂gág₃; ma₂jui₃ ni₁ñí₁ jme₁chi₁quí'₅ mi₂tag₅₄ ně₃. Jaun₂ 'i₁jan₂ tsá₃ ma₃'ein₂ jme₁tio₃. ⁵ Jaun₂ ně₃, jme₁i₂ñi₅₄ lia'₂ 'uē₂-jmi₂ dsi₂guio'₂ ja₁le₁'on₅ 'lag₄ lia'₂ jui₅ má'₂ ně₃, qui₂jmaí'₂ uig₅ 'ñio₅ qui₂uig₂ quió'₅ quian'₅₄ ni₁cang₁. ⁶ La₁ jme₁ca₂jíin₂ Jesús já₅ uing₂, ñó₃ jaun₂ ně₃ co₂chi'₅₄ le₃ne₄ ja₁ñó₄ Jesús, jaun₂ ca₂chi₃ñé₃. ⁷ Jaun₂ ca₂'í₃ co₂mi'₅₄ ca₂juá'₂:

— ¿'E₂ lē₃ tián'₅ 'ne₂ jē₄ quió₃ jniá₂, 'ne₂ Jesús Ja₁ñi'₅₄ Diú₄ juin'₂? Ca₂Diú₄, jnag₅₄, mi₅jniá₂ ne'₅₄ tsá₃ lē₁'ē₅ uig₅.

⁸ Ca₂juá'₂ le₂nē₅, ia₁ jme₁ma₂nē₂chí'₃ Jesús jme₂dsí₂ 'lín'₅₄, ca₂juá'₂: “¡Jú₅ quió'₅ dsa₂ ně₅, 'ne₂ jme₂dsí₂ 'lín'₅₄!”

⁹ Jaun₂ ca₂ñag₃ Jesús:

— ¿'A₂ lia'₂ cheng'₂?

Jaun₂ ca₂ñag₃:

— Juin₅† bá₄ cheng₂, ia₁ a₂juag₅ jnia'₅₄ lē₂.

¹⁰ Jaun₂ ca₂mi₃ tion'₅₄-jan₃ ne₄ Jesús a₂tsá₃ chein₂ jme₂dsí₂ 'lín'₅₄ ja₁siá'₂. ¹¹ Ia₁ jme₁tion'₅₄ juin₅ i₁ñí₅, guē'₅ quián₅ 'uig₅₄ má'₂, ¹² jaun₂ qui₂ca₂mi₃ i₂'lín'₅₄ ne₄ Jesús, ca₂juá'₂:

— Chei₅ jnia'₅₄ ja₁tion'₅₄ i₁ñí₅, jaun₂ dsi₁tió'₄ jnia'₅₄ quió'₅ 'éi₂.

¹³ Jaun₂ ca₂cuē₃ bá₄ Jesús jmíg₄. Jaun₂ ca₂'uín₂ ca₂i₃léin₂ i₃toin'₅₄ quió'₅ i₁ñí₅. Jme₁lē₂ con'₂ tñ₃ mei₅ i₁ñí₅ jme₁tion'₅₄. Ca₂le₃jín₃ 'éi₂ ca₂i₁nioi₁₂ co₂chi'₅₄ cuing₂₃ ca₂sein₃ siá₅ i₃toin'₅₄ jmí₁ñí'₄, ca₂dsain₃.

¹⁴ Jaun₂ ca₂lén₃ dsa₂ i₂jme₁jmo₅ 'í₁ cuing₂₃ ca₂i₁chi'₄ dsa₂ jē₄ juig₂, quian'₅₄ i₂tion'₅₄ ja₁nau₂ ně₃. Jaun₂ i₃lén₂ dsa₂ i₁jag₅₄ 'e₂ ca₂lē₃ ja₁jaun₂. ¹⁵ Jme₁ca₂o₃léin₂ ja₁'en₅₄ Jesús, ca₂jíin₂ dsa₂ i₂jme₁tion'₅₄ juin₅ jme₂dsí₂ je₂na'₅₄ quió'₅. Jaun₂ ma₂guá₅ ma₂qui'₂ tsin'₅₄, ma₂'en₅₄ bá₄ dsí₅. Tioin'₅₄ ca₂jág₂ dsi₂gó'₃ dsí₅. ¹⁶ Jaun₂ dsa₂ i₂ca₂jág₃ ca₂dsia₃ 'e₂ ca₂lē₃ quian'₅₄ dsa₂ i₂jme₁tion'₅₄ je₂na'₅₄ quió'₅, 'e₂ ca₂lē₃ quian'₅₄ i₁ñí₅ ně₃. ¹⁷ Jaun₂ ca₂jme₃lióg₃ qui₂ca₂mi₃ tion'₅₄ ne₄ Jesús a₂o₃'iín₅ 'uē₃ gO₅₄.

* **5:1** A₂lín₅₄ chog₅₄ si₂juá'₂: “uē₃ Gerasa.” † **5:9** griego: legión

18 Jme₁ma₂ηó₅ Jesús 'í₂ tsi₁mu₅, jaun₂ jme₁mi₅ dsa₂ i₂jme₁tion'₅₄ je₂na'₅₄ quió'₅, jme₁mi₂₃ jág₁ ne₄ Jesús a₂dsó₃ quiong'₅₄. 19 La₁ tsá₃ ca₂cuë₃ 'éi₂ jmig₄. Jaun₂ ca₂tsí'₃ dsa₂ 'éi₂:

—Guan'₂ ja₁quiáng'₂, ja₁tián'₄ ríng'₂, o₂dsia₄ ca₂le₃jě₃ 'e₂ nē₂jmo₃ Te₁gui'₅₄ o₄quiáng'₂, 'a₂lia'₂ nē₂dsia₃ ηéi₂ dsí'₅.

20 Jaun₂ ηá'₃ bá₄ dsa₂ 'éi₂ dsi₂néi₂ quió'₅, jaun₂ ca₂jme₃lióg₃ ca₂i₁dsia₂ jē₄ juig₂ tén₅ Decápolis ca₂le₃jě₃ 'e₂ ca₂jmo₃ Jesús o₄quió'₄. Ca₂le₃jín₃ dsa₂ i₂ca₂nág₂ ca₂i₃gó'₃ dsí'₅.

*Ja₁míg₄ Jairo, quian'₅₄ 'io₅₄ i₂ca₂ní'₃ tsin'₅₄ Jesús
(Mateo 9:18-26; Lucas 8:40-56)*

21 Jme₁ca₂dsián'₃ táng₃ Jesús le₃ηó'₅₄ jmi₁ηí'₄ quian'₅₄ tsi₁mu₅, juin₅ lin₃ dsa₂ i₂ca₂dsi₃lén₂ táng₃ jme₁dsián'₃. Tē₁lia'₂ 'ηi₂₃ chei'₅₄ jmig₂, 22 jaun₂ ca₂dsióg₃ jan₂ dsa₂ i₂niog₅ gu₂ guá'₅ sinagoga, i₂chen₂ Jairo. Jme₁ca₂jín₂ Jesús, jaun₂ ca₂chi₃jné₃ ne₄ 'éi₂. 23 Ca₂mi₃ ca₂juá'₂:

—Ma₂i₁jón₂ jan₂ chi'₂ quiáng₃. ¿Tsa₁ gog'₅₄ o₁jín₁ o₁quiog'₂ gog'₂ ne₄ quió'₅, jaun₂ 'lióin₂, le₃chain₂?

24 Jaun₂ nē₃ ca₂ηó₃ Jesús quiong'₅₄; juin₅ lin₃ guē₄ dsa₂ sián'₂ i₃lén₂ ca₂lia'₂ co₂'liain'₂ bá₄ Jesús. 25 Jē₄ jaun₂, ηó₃ jan₂ 'io₅₄ i₂ma₂tě₂ guia₃-tín₂ ηi₂ a₂dso'₅₄ a₂tiin₂. 26 'Lióng₂ a₂ma₂i₃ηí₂ o₄gú₃ juin₅ tē₅mí₅; jme₁ma₂'éin₂ ca₂le₃jě₃ cu₄ a₂jme₁cha₂ quió'₅. La₁ tsá₃ 'e₂ ta₁ jmo₃, ia₁ tē₂le₃ ca₂i₃ja₃ bá₄ quió'₅. 27 La₁ jme₁ca₂nág₂ a₂'in₅ dsa₂ Jesús, jaun₂ ηó₃ ca₂jme₃quiáin₃ le₃ja₁ηó₄ 'éi₂, jín₄ dsa₂. Jme₁ca₂dsióg₃ cau₅ quió'₅ Jesús nē₃, jaun₂ ca₂ní'₃ ni₁tsin'₅₄ 'éi₂. 28 Ia₁ lín₂: “Tsá₃ a₂nag₅₄ a₂jñia'₅₄ níg'₄ ca₂juig₄ tsin'₅₄, jñia₃ quió'₃.” 29 Co₂tan₅₄ dsi₂jui₅ le₂jaun₂ bá₄ ca₂'ná₂ tein₂₃ jmi₂, ca₂rě₃lí'₄ ca₂'lóin₂ dso₄ quió'₅. 30 Jaun₂ dsi₂jui₅ bá₄ ca₂rě₃lí'₄ Jesús a₂o₃'ág₃ bí₂ quió'₅. Jaun₂ ca₂jéin'₃ jín₄ dsa₂, ca₂ηag₃:

—¿'Ein₂ bá₄ nē₂ní'₃ tsín'₅?

31 Jaun₂ ca₂ηag₃ chi'₂ dsi₂guia₃-tín₂ quiáin₅:

—Jua'₂ jág'₂ bá₄ 'ne₂ 'a₂lia'₂ co₂'liog'₂ dsa₂ ja₂lén₂. ¿'E₂ lē₃ juá'₂ “ein₂ nē₂ní'₃ quió'₃?”

32 La₁ qui₂ja₂né₂ Jesús jín₄ dsa₂ a₂'nai'₂ 'ein₂ nē₂ní'₃ quió'₅. 33 'Io₅₄ 'éi₂ nē₃ ma₂jlein₂₃ bá₄ chéin'₅ gó'₅, ia₁ ηi₅ bá₄ 'e₂ ma₂i₃ηí₂. Ca₂ηó₃ co₂ηei'₅₄ ne₄ Jesús, ca₂chi₃jné₃, ca₂juá'₂ ca₂le₃jě₃ lia'₂ tí₅ jág₁ dsón'₂. 34 Jesús nē₃ ca₂juá'₂:

—Jón₃, ia₁ 'éng'₂, ca₂'lóng'₂ bá₄. Guan'₂ tei₄ quiáng'₂. Co₂nē₅ ca₂jñia₃ dso₄ quiáng'₂.

35 Tē₃ dsia₅ bá₄ guē₄ Jesús jág₁ jaun₂ jme₁ca₂dsi₃lén₂ dsa₂ i₂tion'₅₄ ja₁quió'₄ Jairo i₂lín₅ ta₁ quió'₅ guá'₅ 'éi₂. Jaun₂ ca₂juá'₂ tsí₅ Jairo:

—Ma₂ca₂jón₃ bá₄ ja₁míg'₄. ¿'E₂ ta₁ ma₂cuë'₂ o₂me'₅₄ dsi₅ tē₅?

36 La₁ tsá₃ ca₂tón'₃ Jesús jui₅ jág₁ quió'₅ dsa₂ 'éi₂, jaun₂ ca₂tsí'₃ Jairo:

—Tsá₃ lē₁jmo₂ gang'₃; jñia'₅₄ lia'₂ 'én₃ bá₄.

37 Tsá₃ ca₂cuë₃ jmig₄ Jesús a₂dsi₃lén₂ juin₅ dsa₂ quiong'₅₄. Jñia'₅₄ lia'₂ Pe₄, Jacobo, quian'₅₄ Juan₅₄ riin'₅₄ bá₄ i₃lén₂. 38 Jme₁ca₂dsi₃lén₂ ja₁quió'₄ Jairo, ca₂jág₃ tion'₅₄ dsa₂ go₂'i₃ qui'₂-o₂₃ co₂mi'₅₄, 'lia'₂ dsí₅. 39 Ca₂'í₃ Jesús dsi₂néi₂, ca₂juá'₂:

—¿'E₂ lē₃ ηí₄ lē₃ tó'₂ 'nia'₂ mi'₅₄, 'au'₂ 'nia'₂ le₂nē₅? Tsá₃ rē₂jón₅₄ guein₂ nē₅. Jñia'₅₄ lia'₂ a₂rē₂güin₃ bá₄.

40 La₁ njia'₅₄ ca₂ñi'₂ bá₄ dsa₂ Jesús tioen'₅₄. Jaun₂ ně₃ ca₂'uín'₂ Jesús ca₂le₃jín₃ dsa₂ 'éi₂ ca₁'né₄. Jaun₂ ca₂njai₃ chog₅₄jmei₂ 'lag₄, dsa₂ ún₂ i₂jme₁quian'₅₄ ně₃. Ca₂i₃toin'₅₄ ja₁rē₂quian₅ guein₂ 'lag₄. 41 Jaun₂ ca₂nja'₃ gu₂ i₂bē'₅₄, jaun₂ ca₂juá'₂:

—Talita, cumi —co₂'nió'₄ a₂juá'₂: 'Io₅₄ bē'₅₄, 'ne₂ juig₂ jniá'₂, nau₂.

42 Dsi₂jui₅ le₂jaun₂ bá₄ ca₂nau₂, ca₂ñi₃. Jme₁ma₂'ein₅₄ guia₃-tín₂ ñi₂. Jaun₂ ca₂i₃gó'₃ dsi₅ tioen'₅₄. 43 La₁ Jesús ně₃ ca₂jmo₃ 'éi'₃ a₂tsá₃ 'ein₂ tsí'₃ 'i₁jan₂. Jaun₂ ca₂juá'₂ a₂cuē₃ dsa₂ a₂guē'₃ i₂bē'₅₄ 'éi₂.

6

*Ca₂dsián'₃ Jesús juig₂ Nazaret go₅₄ ja₁tsá₃ ca₂guei₃ dsa₂
(Mateo 13:53-58; Lucas 4:16-30)*

1 Jaun₂ ca₂o₃'ín₃ bá₄ Jesús ja₁jaun₂. Jaun₂ ca₂dsián'₃ táng₃ juig₂ go₅₄ quian'₅₄ chi'₂ dsi₂guia₃-tín₂ quián₅. 2 Jme₁ca₂tē₂ jmig₄ sa₅₄, jaun₂ ca₂jme₃lióg₃ ca₂jme₃tin₂₃ dsa₂ dsi₂néi₂ guá'₅ sinagoga. Juin₅ bá₄ dsa₂ i₂ca₂nág₂ dsi₂gó'₃ dsi₅, jaun₂ ca₂tsí'₃ riin'₅₄:

—¿A₂já'₄ ca₂i₁jme₁tin₅ i₂nē₅ jág₁ ca'₅₄ a₂juá'₂ ně₅? ¿I₂'e₂ bá₄ jág₁ a₂ñi'₂ dsi₅ a₂ma₂ñi₂ ně₅, ca₂tē₂ léi₄ juē'₂ ně₃ tiin₂ jmo₃? 3 ¿On₁jua'₅₄ i₂nē₅ tē₅ má₃ ja₁ñi'₅₄ María, dsó₂ rin'₅₄ Jacobo, quian'₅₄ José, quian'₅₄ Judas, quian'₅₄ Si₂mu₅₄ ně₃? Nē₅ bá₄ tián'₅ 'io₅₄ riin'₅₄ ja₁lá₃ ján₃.

Jaun₂ tsá₃ ca₂rē₃jei₅₄ dsa₂ ja₁jaun₂. 4 Jaun₂ ca₂juá'₂ Jesús:

—Ca₂le₂con₂ bá₄ ja₁siá'₂ guen₅ dsa₂ dsa₂ i₂'ě₂ jág₁ quián₅ Diú₄. Jñia'₅₄ lia'₂ dsa₂ go₅₄ bá₄ tsá₃ guei₅, on₃ guē'₂ o₁riin'₅₄, on₃ guē'₂ riin'₅₄ dsi₂néi₂ ně₃.

5 Jaun₂ tsá₃ 'lióng₂ léi₄ juē'₂ lé₂ le₃jmo₃ juig₂ go₅₄. Jñia'₅₄ lia'₂ i₂lin₅₄ bá₄ dsa₂ dso'₅₄ ca₂dsia₃ gu₂, jaun₂ ca₂jme₃'lió₂. 6 Jaun₂ i₃gó'₃ dsi₅ ia₁ a₂ñi₄ lē₃ tsá₃ 'e₂ 'én₂ dsa₂.

*Ca₂chen₃ Jesús dsa₂ guia₃-tín₂ quián₅ ca₂i₁'ě₄ jág₁ dse₃ juig₂ siá'₂
(Mateo 10:5-15; Lucas 9:1-6)*

7 Jaun₂ ca₂tē'₃ chi'₂ dsi₂guia₃-tín₂, jaun₂ ca₂chei₃ jma₃on₃ jma₃on₃. Ca₂cuē₃ bí₂ 'éi'₃ a₂'uín'₂ 'éi₂ jme₂dsí₂ 'lin'₅₄ quió'₅ dsa₂. 8 Jaun₂ ca₂tsí'₃ 'éi₂ a₂tsá₃ 'e₂ cán₂ 'i₁caun₂ le₁i₄ jui₅, njia'₅₄ lia'₂ jma₃cáun₃ 'ma₂'i₅₄ bá₄. 'Icaun₂ a₂siá'₂ tsá₃ cán₂, on₃ guē'₂ tē₂'mí'₂, on₃ guē'₂ i₁ñi'₄, on₃ guē'₂ cu₄ 'ñió'₃ ni₁lau₂ le₁jén'₅ tú'₅ ně₃. 9 Jñia'₅₄ lia'₂ jma₃co₂dsán'₃ ni₁lau₂ con'₂ a₂ma₂le₁ton₅ tag₅₄ bá₄ cán₂, ton₂ tsá₃ cán₂ tin₃ dsán'₃ tsin'₅₄ ně₃. 10 Jaun₂ ca₂juá'₂ ně₃:

—Jē₁ma₂tē₂ rē₁tón'₄ 'nia'₂ lia'₂ caun₂ dsi₂néi₂ quió'₅ dsa₂ ja₁o₁nóg'₅, ja₁jaun₂ njia₄ 'nia'₂ ca₂lia'₂ ca₂tē₂ jmig₄ i₁'uín'₃ 'nia'₂ táng₃ juig₂ jaun₂. 11 Nē₁jua'₂ cha₂ ja₁lin₅₄ tsá₃ guei₅ dsa₂, on₃ guē'₂ 'nio₃ dsa₂ nag₃ jág₁ quián'₂ 'nia'₂, 'uín'₂ 'nia'₂ ja₁jaun₂, séi'₄ 'nia'₂ 'liog₂ tag'₅₄ co₂'nió'₄ jmó'₂ 'nia'₂ léi₄ co₂jaun₂ ma₂le₁cán'₄ dsa₂ 'éi₂ guoin₅₄.*

12 Jaun₂ ca₂'uín₂ bá₄ chi'₂ dsi₂guia₃-tín₂ ně₃, ca₂i₃léin₂ ca₂i₁'ě₄ jág₁ a₂dsi₃quén'₅ dsi₅ dsa₂. 13 Jaun₂ qui₂ca₂'uín'₂ juin₅ je₂na'₅₄, qui₂ca₂tsiín₂ no'₅₄ juin₅ dsa₂ dso'₅₄, qui₂ca₂jme₃'lóin₂ dsa₂ ně₃.

*Ca₂jon₃ Juan₅₄ i₂chon₅ dsa₂ jmig₂
(Mateo 14:1-12; Lucas 9:7-9)*

14 Ca₂rē₃ñi₅ Rag₅₄ Herodes jág₁ a₂'ei₅ quió'₅ Jesús, ia₁ ca₂le₂con₂ bá₄ ma₂le₁ñi₅ dsa₂ 'e₂ a₂jmo₅ Jesús ñi₂₃. Jaun₂ juá'₂ Rag₅₄ Herodes:

* 6:11 A₂lin₅₄ chog₅₄ si₂juá'₂ le₂la₂ ján₃: “A₂dsi₂jó'₃ juá'₅ jniá'₂, jē₁ma₂tē₂ jmig₄ i₁qui₂dsi₅ Diú₄ 'éi'₃, tsá₃ jua'₅₄ ñi₄ uig₅ gue₃ dsa₂ jme₃chan₂ Sodoma quian'₅₄ Gomorra, con'₂ guē₄ dsa₂ i₂tsá₃ guen₅ 'nia'₂.”

—Ma₂ca₂jen'₅₄ Juan₅₄, dsa₂ i₂jme₁chon₅ dsa₂ jmi_g₂; 'uig₅₄ jaun₂ qui'₅₄ jmi_g₄ jmo₂₃ 'e₂ a₂jmo₂₃.

¹⁵ I₂lin₅₄ guë'₂ dsia₅ táng₃:

—Elías bá₄ 'éi₂ η₅.

La₁ i₂sián'₂ guë'₂ juá'₂:

—Jan₂ i₂chen₄ quián₅ Diú₄ bá₄ 'éi₂, jui₁lia'₂ dsa₂ i₂jme₁'ě₂ jág₁ quián₅ Diú₄ ma₂líg'₂.

¹⁶ Jme₁ca₂nág₂ Rag₅₄ Herodes, jaun₂ ca₂juá'₂:

—Juan₅₄ bá₄ ně₅ η₅, i₂ca₂'nia₃ dsa₂ dsi₂lag₄, 'éi'₃ quió₃ jniá₂. Ma₂ca₂jein'₅₄ táng₃.

¹⁷ Ia₁ 'nio_g₅ bá₄ Herodes ma₂jmo₅ 'éi'₃ le₂jniá₅ a₂ca₂i₁chan'₅₄ dsa₂ Juan₅₄ ca₂i₁tio'₂ né'₃ 'má₃ rě₂'nei'₅₄ 'uig₅₄ quió'₅ 'io₅₄ Herodías i₂lín₅ dsi₂i₂gu₂ Fe₂li₄ rīn'₅₄. La₁ Herodes ně₃ ma₂jmo₂₃ quián₅. ¹⁸ Ia₁ jme₁ma₂qui₂ma₂juá'₂ Juan₅₄ tsí'₅ Herodes:

—Tsá₃ 'i₄ 'éi'₃ jmó'₂ quiáng'₂, 'io₅₄ quián₅ dsó₂ ríng'₂.

¹⁹ 'Uig₅₄ jaun₂ jme₁'i₄ 'nei₂ dsí'₅ 'io₅₄ Herodías jīn₂ Juan₅₄. Jaun₂ jme₁'nio₃ jnag'₃, la₁ tsá₃ ca₂dsó'₂ jui₅ 'a₂ lia'₂ jmo₃. ²⁰ Ia₁ jme₁η₅ bá₄ Rag₅₄ Herodes a₂lín₅ Juan₅₄ dsa₂ dsen₃, jaun₂ jme₁jme₂go₃ bá₄; jaun₂ jme₁jmo₂₃ 'í. Lia'₂ con'₂ jme₁nag₂₃ jág₁ quió'₅ Juan₅₄, jme₁tě₂tsin'₅₄ tsá₃ 'e₂ η₅ jmo₃, la₁ 'nio₂ bá₄ dsí'₅ jme₁nag₂₃. ²¹ La₁ ca₂cuin₃ jmi_g₄ ně₃ jme₁ca₂jmo₃ Herodes jmi_g₄ a₂ca₂dsí'₃ η₂: ca₂jmo₃ má₃, ca₂tě'₃ dsa₂ can'₅₄ con'₂ dsa₂ i₂jmo₅ 'éi'₃ jui_g₂, i₂lín₅ jui_g₅₄ 'lióg₂ quián₅ ně₃, ca₂le₃jín₃ guë'₄ con'₂ dsa₂ dsen₅₄ quián₅ jui_g₂ ja₁tén₄ Galilea. ²² Jaun₂ ca₂guan₃ ja₁míg₄ Herodías ja₁nio_g₅ jmi_g₄, jaun₂ ca₂dsáin₂. A₂jaun₂ ca₂tě₂ dsí'₅ Rag₅₄ Herodes, ca₂le₃jín₃ dsa₂ i₂té₄ i₂tion'₅₄ guë'₅ quiain'₅₄ ně₃. Jaun₂ ca₂juá'₂ rag₅₄ ca₂tsí'₃ 'io₅₄ bē'₅₄ 'éi₂:

—Mi₄ ca₂le₃jě₃ 'e₂ 'niog'₂, jaun₂ cuë'₅₄ jniá₂.

²³ Jaun₂ ca₂cuë'₃ jág₁ quió'₅ ca₂le₃jě₃ ca₂'iin₃ Diú₄, ca₂juá'₂:

—Chi₂jua'₂ 'e₂ caun₂ a₂mí'₁ 'ne₂, cuë'₅₄ bá₄ jniá₂, njia'₅₄ ca₂dsio₄ 'uë₃ ja₁gong₂.

²⁴ Jaun₂ ca₂o₃'ín₃ 'io₅₄ bē'₅₄ 'éi₂ ca₂i₁ηag₁₂ chog₅₄, ca₂i₁jua'₄:

—¿'E₂ mi₅₄ jniá₂, mag₅₄?

Jaun₂ ca₂juá'₂ chog₅₄:

—Mi₄ mi₂dsi₄ Juan₅₄ i₂chon₅ dsa₂ jmi_g₂.

²⁵ Jaun₂ ca₂'í₃ táng₃ 'éi₂ dsi₂jui₅ ja₁guá₄ rag₅₄, jaun₂ ca₂juá'₂:

—'Nio₃ cuë'₁ tē₂ně₃ mi₂dsi₄ Juan₅₄ i₂chon₅ dsa₂ jmi_g₂, a₂'i₄ 'nio'₃ uing₅.[†]

²⁶ Jme₁ca₂nág₂ rag₅₄ jág₁ ně₅, ca₂jén₂ dsí'₅. La₁ tsá₃ a₂η₅ jmo₃, ia₁ ma₂ně₂cuë'₃ jág₁ quió'₅ le₂jniá₅ a₂cuë'₃ chi₂jua'₂ 'e₂ 'nio₃ 'io₅₄ 'éi₂, ton'₂ ia₁ ma₂ně₂néi₂ a₂mei₅₄ quián₅ i₂tián'₅. ²⁷ Jaun₂ dsi₂jui₅ jaun₂ ca₂chein₃ jan₂ 'lióg₂ a₂dsi₃quián₂ mi₂dsi₄ Juan₅₄. ²⁸ Jaun₂ ca₂ηó₃ 'lióg₂ jui₅ 'nio'₃ 'né₅ 'má₃, jaun₂ ca₂i₁qui'₂ dsi₂lag₄ Juan₅₄, jaun₂ quián₅ rě₂'i₄ 'nio'₃ uing₅, ca₂cuë'₃ 'io₅₄ 'éi₂. Jaun₂ 'io₅₄ ně₃ ca₂gue₃, jaun₂ ca₂i₁cuë'₂ táng₃ chog₅₄.

²⁹ Jme₁ca₂rě₃η₅ dsa₂ i₂jme₁quian'₅₄ Juan₅₄, jaun₂ ca₂o₃lėin₂, ca₂tág₃ 'lag₄, jaun₂ ca₂i₁'ó₄.

Ca₂jme₃tan₅₄ Jesús 'niá₂ mei₅ dsa₂

(Mateo 14:13-21; Lucas 9:10-17; Juan 6:1-14)

³⁰ Cang₂ jaun₂ ca₂o₃len₃ dsa₂ i₂chen₄ ‡ 'éi₂, ca₂ηi'₂ táng₃ quiain'₅₄ Jesús, jaun₂ ca₂dsia₃ 'e₂ niog₅ ca₂jmo₃ ja₁i₁lein₅₄, 'a₂ lia'₂ i₂ca₂jme₁tīn₂₃ dsa₂. ³¹ Jaun₂ ca₂juá'₂ Jesús:

[†] 6:25 lit. "rě₂dsí₂ ne₄ caun₂ ni₂η₁, charola." ‡ 6:30 griego: apóstolous.

—I₂nó⁵ 'nia² con² guiong⁵⁴ caun₂ ja₁co₂'ñiog₅, i₂jñia₄ ca₂tiá².

Ia₁ juin₅ lin₃ dsa₂ i₂o₂lén₂, lia² i₂dsi₂len₃ ně₃, ca₂lia² jñia⁵⁴ tsá₃ cuin₅ jmig₄ gué³. ³²Jaun₂ ně₃ ca₂tóin² tsi₁mu₅ ca₂i₃lén₂ caun₂ ja₁lě₄ co₂'ñiog₅ con² guioin₅₄.

³³Jaun₂ qui₂ca₂'uin₂ dsa₂ le₂caun₂ le₂caun₂ juig₂, i₃lén₂ co₂chi⁵⁴ jui₅ tag₅₄ a₂'ein₂₃ Jesús. Jaun₂ jñiá₅ bá₄ dsi₃lén₂ lia² con² gué⁴ 'éi₂. ³⁴Jme₁ca₂sión₃ Jesús 'ñió³ tsi₁mu₅, ca₂jñin₂ juin₅ lin₃ dsa₂, ma₂tion⁵⁴ le₁jñiog₅, ca₂tá² nēi₂ dsí₅ dsa₂ 'éi₂, ia₁ i₂nio₄ dsa₂ lia² jē₁i₂nio₄ já² cha² i₂tsá₃ juig₅₄ chan₂, jiog₃, jmo₃ 'í₁. Jaun₂ ca₂jme₃lióg₃ ca₂jme₃tiin₂₃ dsa₂ 'lióng₂ lin₃ jág₁. ³⁵Jme₁ca₂'láu₂ jaun₂ ca₂o₃lén₂ chi² dsi₂guia₃-tín₂ quiáin₅, jaun₂ ca₂juá²:

—Caun₂ ja₁co₂'ñiog₅ bá₄ la₂, ton² ca₂'láu₂ gué⁴ má³. ³⁶'Ei² jág₁ dsa₂, ia₁jaun₂ dsi₃lein₅ dsi₃'nióg₂ a₂gué³ lia² con² juig₂ ja₁nau₂ ma₂quián₅ ně₅.

³⁷Jaun₂ ca₂ñag₃ Jesús:

—Cuē⁵⁴ 'nia² dsa₂ a₂gué³.

Jaun₂ ca₂ñag₃ táng₃ 'éi₂:

—¿Lé₂ le₃dsi₁liá₄ tin₃ 'ñiá₂-láu₂ 'éi³ denario i₁ñí⁴ ia₁jaun₂ dsio² a₂gué³ dsa₂?

³⁸Jaun₂ ca₂juá² táng₃ Jesús:

—O₂jag₄ 'nia² je₂liá² i₁ñí⁴ 'i₄ quián² 'nia².

Jaun₂ ca₂i₁jag₅₄ 'éi₂ jaun₂ ně₃, jaun₂ ca₂o₃lén₂ táng₃, ca₂juá²:

—'Ñiá₂ i₁ñí⁴ bá₄ 'i₄, on₃ gué² i₁ju₁.

³⁹Jaun₂ ca₂chein₃ jág₁ a₂tian³ dsa₂ jma₃co₂nió³ ne₄ ñi₂ma² rē², ⁴⁰jaun₂ ca₂tián² dsa₂ jma₃co₂nió³ ja₁lě₂ caun₂ 'ñiá₂-lón₂, i₂ca₂tián² jma₃co₂nió³ jma₃tě₂lón₃-guián₂ ně₃. ⁴¹Jaun₂ ně₃ ca₂jña³ Jesús le₃'ñiá₂ i₁ñí⁴, le₃on₃ gué² i₁ju₁ ně₃, ca₂jág₃ guei⁵⁴ i₂juig₃, ca₂cué³ ti¹'mag⁴ Diú⁴. Jaun₂ ca₂jmo₃ le₁'nau₅₄ i₁ñí⁴, jaun₂ gué⁴ ca₂cué³ chi² dsi₂guia₃-tín₂ quiáin₅, ia₁jaun₂ dsia₃ 'éi₂ ne₄ dsa₂. Ján₃ gué² ca₂jmo₃ dsióg₁ quió⁵ i₁ju₁ on₃ 'éi₂, ca₂cué³ ca₂le₃jín₃. ⁴²Jaun₂ le₃jín₃ dsa₂ ca₂gué³ ca₂lia² ca₂rē₃tain₅₄. ⁴³Jaun₂ ca₂cág³ bá₄ gué⁴ dsa₂ guia₃-tín₂ tsi₁mí² 'nau₅₄ i₁ñí⁴, a₂ca₂chóng₃ quió⁵ i₁ju₁ ně₃. ⁴⁴'Ñiá₂ mei₅ jme₁lě₂ ca₂le₃jín₃ dsa₂ ñe² i₂ca₂gué³ 'éi₂.

Ca₂ñi₃ Jesús ne₄ jmí₁ñí⁴

(Mateo 14:22-27; Juan 6:16-21)

⁴⁵Jaun₂ dsi₂jui₅ le₂jaun₂ ca₂jmo₃ Jesús 'éi³ a₂i₃ton⁵⁴ chi² dsi₂guia₃-tín₂ quiáin₅ 'ñió³ tsi₁mu₅, jaun₂ jñiá₅ de² 'éi₂ ñi₃ jmig₂ con² gué⁴ 'ñiog₅, a₂dsi₁lén₂ Betsaida, tē₁lia² 'í₁ gué⁴ 'ñiog₅ 'ág³ jág₁ dsa₂. ⁴⁶Jme₁ma₂ca₂lě₃ 'ág⁵ jág₁ dsa₂, ca₂ñó₃ jaun₂ ně₃ jui₅ má² i₁chi₂i₁lein¹ Diú⁴. ⁴⁷Jaun₂ con² ca₂tó² nei₂ dé₄, ma₂ñó₅ tsi₁mu₅ dsi₂jo₂ jmí₁ñí⁴, 'ñiog₅ gué² Jesús jaun₂ bá₄ 'ein₅₄ 'uē₃. ⁴⁸Jaun₂ ca₂jág₃ Jesús 'ñio₅ cán₂ ta₁ tióin₅₄ a₂jēin₂₃ ñi₁'ma₂ a₂gag₂ jmig₂, ia₁ 'liog² dsí₂ le₂ca³. Jaun₂ con² le₁né₃ tē₂le₃ ca₂jñia₃, ca₂jme₃quián₃ Jesús ñi₂₃ ne₄ jmig₂ ja₁ñó₄ tsi₁mu₅. Jaun₂ ca₂jmo₃ ně₂jag₄ bá₄ i₂jme₁ma₂ñi₃ co₂dsau₅ ja₁tion⁵⁴ 'éi₂. ⁴⁹Jme₁ca₂jág₂ jóin⁵ ñi₂₃ ne₄ jmí₁ñí⁴, dsa₂ 'lin⁵⁴ Š bá₄ 'éi₂ lín₂, jaun₂ ca₂tóin² co₂mí⁵⁴ ca₂guió³, ⁵⁰ia₁ ca₂le₃jín₃ bá₄ ca₂rē₃gó⁵ 'ñio₅ lin₃ jme₁ca₂jág₂. La₁ dsi₂jui₅ bá₄ ca₂juá² Jesús:

—¡Tiá₂ dsia₄ 'nia² 'au²; jñiá₂ bá₄ la₂, tsá₃ lē₁jmo₂ 'nia² gang³!

⁵¹Jaun₂ ca₂uig₂ 'ñió³ tsi₁mu₅ ja₁tion⁵⁴ 'éi₂. Jaun₂ ca₂'ág₂ táng₃ tei₄ ca₂jñia³ dsí₂, jaun₂ i₃gó³ dsí₅ 'éi₂ 'ñio₅ lin₃. ⁵²Ia₁ tsá₃ 'e₂ ca₂ñi² dsí₅ dsa₂ 'éi₂ jui₁lia² léi₄ juē² a₂ma₂nē₂jág₃ jmo₅ Jesús quian⁵⁴ i₁ñí⁴, ně₂jag₄ bá₄ cha₂ a₂jmo₅ jnág₅ a₂tsá₃ rē₂ñí².

Ca₂jme₃'lión₂ Jesús dsa₂ dso⁵⁴ 'uē₃ Genesaret
(Mateo 14:34-36)

⁵³ Jme₁ca₂'ain₂ jmig₂, ca₂dsiléin₂ 'uë₃ Genesaret. Ja₁jaun₂ ca₂'néi₂ tsi₁mu₅ chei'₅₄ jmig₂. ⁵⁴ Dsi₂jui₅ jme₁ca₂'uiin₂ tsi₁mu₅, co₂tan₅₄ lia'₂ ca₂rë₃cuin₅ bá₄ dsa₂ Jesús. ⁵⁵ Jaun₂ ca₂i₁nioi₁₂ co₂chi'₅₄ le₂tan₅₄ juig₂ te₁'i₁ ma₂quián₅ jaun₂. Jaun₂ ca₂i₁quian₅₄ dsa₂ dsa₂ i₂le₁dso'₅₄ quian'₅₄ tsi₁jein₁ 'a₂ guë₃ já'₄ 'en₅₄ Jesús. ⁵⁶ Ca₂le₂con₂ ja₁jme₁ñi₅ Jesús, jë₁ma₂'í₅ jë₄ juig₂, jë₄ ciudad, o₃ le₂'i₄ jui₅ ja₁ñó₄ 'e₂, jme₁qui₂dsi₂jñia₃ dsa₂ dsa₂ dso'₅₄, qui₂ca₂dsiog₃ ja₁niog₅ 'ma'₅₄. Qui₂ca₂mi₃ dsa₂ tsá₃ a₂nag₅₄ o₁jñia'₅₄ a₃tag₄ tsin'₅₄ bá₄ cuë₃ jmig₄ a₂nii'₃. Jaun₂ ca₂le₃jín₃ dsa₂ dso'₅₄ i₂qui₂ca₂ní'₃ tsin'₅₄ Jesús, qui₂ca₂'lóin₂.

7

Jme₂tag₅ Jesús jui₁lia'₂ 'e₂ jaun₂ a₂jmo₅ a₂rë₂'ñio₅ dsa₂
(Mateo 15:1-20)

¹ Jaun₂ në₃ dsa₂ fariseos quian'₅₄ i₂lin₅₄ të₅juá'₅ i₂ja₂lén₂ Jerusalén, ca₂o₃léin₂ ca₂ñi'₂ ja₁'en₅₄ Jesús. ² Ca₂jág₃ dsa₂ 'éi₂ ca₂jín₂ i₂lin₅₄ chi'₂ dsi₂guia₃-tín₂ a₂guë'₅ të₃ tsá₃ “le₁jë₃” gu₂, tsá₃ jme₂ti₃ jua'₅₄ a₂rang₂₃ lia'₂ con'₂ lë₅ 'éi'₃.^{*} ³ (Ia₁ ca₂le₃jín₃ dsa₂ fariseos, quian'₅₄ ca₂le₃jín₃ dsa₂ chan₂ Judea në₃, jme₂ti₃ lia'₂ con'₂ lë₅ tag₄ chí'₅ quió'₅ dsa₂ can'₅₄, a₂tsá₃ guë'₃ në₁jua'₂ tsá₃ ma₂në₂rang₃ 'lióng₂ ráun₂ gu₂. ⁴ Jë₁ma₂o₃lein₃ 'ma'₅₄, tsá₃ guë'₃ në₁jua'₂ tsá₃ ma₂në₂jme₃ti₃ con'₂ tag₄ chí'₅ a₂rang₃ quió'₅. Jaun₂ 'lióng₂ bá₄ guë'₄ tag₄ siá'₂ a₂jme₂ti₃ dsa₂ jui₁lia'₂ a₂rang₅ dsa₂ ni₁vaso, jui₁lia'₂ a₂rang₅ dsa₂ ni₁taza, ni₁dsig₁, tsi₁cama në₃.)[†] ⁵ Jaun₂ në₃ ca₂ñag₃ dsa₂ fariseos quian'₅₄ të₅juá'₅, ca₂ñi'₃ Jesús:

—¿'E₂ lë₃ tsá₃ jme₂ti₃ chí'₂ dsi₂guia₃-tín₂ quiáng'₂ tag₄ chí'₅ quió'₅ dsa₂ can'₅₄? Guë'₅ bá₄ të₃ tsá₃ ma₂në₂rang₃ gu₂.

⁶ Jaun₂ ca₂ñag₃ 'éi₂:

—Dsón'₂ bá₄ dsau₅ ca₂juá'₂ Isaías ca₂'iin₃ 'nia'₂ dsa₂ i₂lë₁jmo₅-dsáu₅ o₁ne₁, jui₁lia'₂ tio'₅₄ ne₄ Si₂:

Dsa₂ juig₂ la₂ jme₂juag'₂ jniá₂

jmá'₃ lia'₂ quian'₅₄ mi₂'o₅₄ bá₄,

la₁ia₁ uíng₂ bá₄ 'i₄ dsí₅ ja₁con₂ jniá₂.

⁷ La₁ tsá₃ 'e₂ ta₁ tí₄ a₂jme₂juag'₂,

ia₁ jág₁ a₂jme₂tag₂₃,

'éi'₃ a₂lë₁lë₅ quió'₅ dsa₂ mi₂güí₃ bá₄.[‡]

⁸ Ia₁ co₂dsia₅ ma₂ca₂tí'₃ bá₄ 'nia'₂ 'éi'₃ quió'₅ Diú₄, a₂ma₂ja₂nóg'₅ chan'₅₄ tiá₂ 'éi'₃ tag₄ quió'₅ dsa₂ mi₂güí₃.[§]

⁹ Ca₂juá'₂ ján₃:

—'Ñio₅ tin'₂ 'nia'₂ jmo'₂ cau₅ 'éi'₃ quió'₅ Diú₄, a₂jme₂tí'₁ 'nia'₂ tag₄ quián'₂ 'nia'₂ guiong'₅₄. ¹⁰ Ia₁ ca₂juá'₂ Moisés a₂jme₃gan₃ dsa₂ chog₅₄-jmei₂.^{*} Jaun₂ juá'₂, chí₂jua'₂ 'ein₂ ca₂juá'₂ uig₅ ne₄ chog₅₄-jmei₂, jui₁join₅₄.[†] ¹¹ La₁ 'nia'₂ në₃ juá'₂ a₂lë₂

le₃juá'₂ dsa₂ tsí'₃ chog₅₄-jmei₂: “Tsá₃ 'nia'₂ lé₂ le₃jme₁'ong₁₂, ia₁ ca₂le₃jë₃ a₂cha₂ quió'₃ a₂lë₅ Corbán”, (co₂'nió'₄ a₂juá'₂, a₂ma₂lë₅ quió'₅ Diú₄ bá₄). ¹² Në₁jua'₂ le₂në₅ jaun₂ tsá₃ ma₃cuë'₂ 'nia'₂ jmig₄ a₂jme₃'on₅₄ guë'₄ dsa₂ chog₅₄-jmei₂. ¹³ Jaun₂ le₂në₅ bá₄ tsá₃ ma₃'e₂ quen₅ jág₁ quió'₅ Diú₄, jmo'₂ 'nia'₂, të₂le₃ quian'₅₄ tag₄ a₂chí'₅, a₂ca₂ñag₃ dsa₂ can'₅₄ quiáng'₂. 'Lióng₂ bá₄ guë'₄ a₂siá'₂ jmo'₂ 'nia'₂.

¹⁴ Jaun₂ ca₂të'₃ Jesús dsa₂, ca₂juá'₂:

^{*} **7:2** A₂lin₅₄ chog₅₄ si₂juá'₂ le₂la₂ ján₃: “jaun₂ lë₃ ca₂chi₂ca₂'ag₃.” [†] **7:4** A₂lin₅₄ chog₅₄ si₂juá'₂: “ni₁taza, ni₁dsig₁, ni₁ñí₁ në₃.” [‡] **7:7** Isaías 29:13. [§] **7:8** A₂lin₅₄ chog₅₄ si₂juá'₂ ján₃: “ju₁lia'₂ a₂qui₂rang'₂ 'nia'₂ ni₁dsig₁, ni₁vaso a₂'ág'₂ jmig₂, ca₂le₃jë₃ guë'₄ 'e₂ cosa a₂qui₂jmo'₂ 'nia'₂ në₃.” ^{*} **7:10** Éxodo 20:12; Deuteronomio 5:56. [†] **7:10** Éxodo 21:17; Levítico 20:9.

—Nei₂ 'nia'₂ dse₃ ca₂le₃jíng'₃ a₂juá'₄ jniá'₂ la₂. ¹⁵ 'I₁caun₂ a₂dsi₂to'₅₄ quió'₅ dsa₂, on₃jua'₅₄ a₂jaun₂ jmo₅ a₂rë₂'iog₅ jme₂dsi₂ quió'₅. Cosa a₂'uë₂ dsí₅ dsa₂ guioin₅₄, a₂jaun₂ bá₄ jmo₅ a₂rë₂'iog₅ jme₂dsi₂.[‡]

¹⁷ Jme₁o₂'ín₃ jin₄ dsa₂, nái'₃ dsi₂néi₂, jaun₂ ca₂ḡag₃ chi'₂ dsi₂guia₃-tín₂ quiáin₅ 'e₂ jág₁ dsau₅ jáng'₅ jág₁ ca₂cuë'₃ dsa₂ jaun₂. ¹⁸ Jaun₂ ca₂juá'₂:

—¿Ján₃ bá₄ tsá₃ nái'₂ 'nia'₂ a₂juá'₅ jniá'₂? Ca₂le₃jě₃ 'e₂ a₂guë'₅ dsa₂, on₃jua'₅₄ a₂jaun₂ jmo₅ a₂rë₂'iog₅ jme₂dsi₂. ¹⁹ Ia₁ on₃jua'₅₄ dsí₅ dsa₂ dsi₂to'₅₄ a₂guë'₅. Rë₂tú'₅ bá₄ dsa₂ dsi₂to'₅₄ a₂jaun₂. Cang₂ jaun₂ dsi₂'uë'₅₄ táng₃ dsa₂ ca₁'né₄.

(Ca₂'ë₃ co₂'nió'₄ a₂le₁jě₃ ca₂le₃jě₃ bá₄ má₃, jme₁ca₂juá'₂ le₂në₅). ²⁰ Ca₂juá'₂ ján₃:

—Ca₂le₃jě₃ a₂'uë₂ dsí₅ dsa₂, a₂jaun₂ bá₄ a₂jmo₅ a₂rë₂'iog₅ jme₂dsi₂. ²¹ Të₂dsí₅ bá₄ dsa₂ 'uë₂ ca₂le₃jě₃ ne₅₄ a₂'lig'₅₄: ju₁lia'₂ a₂lë₅ dsí₅ dsa₂ nió'₃ jág₁ quian'₅₄ dsa₂ i₂tsá₃ lín₅ dsi₂i₂gu₂; a₂'ang₅ dsa₂; a₂jme₂dsian₅ dsa₂ riin'₅₄; ²² a₂'ín₅ dsí₅ dsa₂ jmo₃ quió'₅ a₂cha₂ quió'₅ riin'₅₄; 'e₂ caun₂ a₂tsá₃ dsi₂ten₅₄ jmái'₂ riin'₅₄; a₂qui₂jme₂gain₂₃ riin'₅₄; a₂jmo₂₃ o₂guí'₃ 'lig'₅₄, a₂jmo₂₃ uig₅ dsí₅, a₂qui₂chi₂'in₅ dsa₂ riin'₅₄; a₂jme₂róin₂ jmái'₂ dsa₂; ca₂le₃jě₃ guë'₄ 'e₂ a₂tsá₃ 'en₅₄ dsí₅ dsa₂ lín₅. ²³ Ca₂le₃jě₃ a₂në₅, të₂dsí₅ bá₄ dsa₂ lë₂, a₂në₅ bá₄ a₂jmo₅ a₂rë₂'iog₅ jme₂dsi₂ quió'₅ dsa₂.

*Jan₂ i₁náú₃ i₂ca₂rë₃'én₂ të₂le₃ quió'₅ Jesús
(Mateo 15:21-28)*

²⁴ A₂'ein₅₄ ja₁jaun₂, ca₂o₃'ín₃ ḡó₃ 'uë₃ ma₂quián₅ juig₂ Tiro.Š Jaun₂ ca₂'í₃ con'₂ të₃co'₅₄ bá₄ dsi₂néi₂ quió'₅ dsa₂ ja₁jaun₂. La₁ tion₅₄ bá₄ ca₂rë₃lí'₄ dsa₂, tsá₃ ma₃ca₂cuin₃ jmig₄ a₂'mai₃. ²⁵ Dsi₂ju₁is jaun₂ ca₂nág₂ chog₅₄ jan₂ 'io₅₄ bë'₅₄ i₂'en₅₄ jme₂dsi₂ 'lin'₅₄. Ca₂dsióg₃, jaun₂ ca₂chi₃jné₃ ne₄ Jesús. ²⁶ 'Éi₂ jme₁lín₄ jan₂ 'io₅₄ griega, i₂chan₂ Sirofenicia. Jaun₂ ca₂mi₃ ca₂tsí'₃ 'éi₂ a₂dsi₃dsein₂₃ je₂na'₅₄ quió'₅ chi'₂ quiáin₅. ²⁷ Jaun₂ ca₂ḡag₃ Jesús:

—Ju₁le₂tan₅₄ de'₂ jniá'₅ chi'₂ quiáng₃; ia₁ tsá₃ dsi₂ten₅₄ jua'₅₄ a₂jniá'₄ jniá'₂ i₁ní'₄ quió'₅ chi'₂, a₂ton₅₄ ne₄ dsi₂ji'₅₄.

²⁸ Jaun₂ ca₂ḡag₃ táng₃ 'io₅₄ 'éi₂:

—Dsón'₂ bá₄ dsau₅, Te₁gui'₅₄, la₁ia₁ le₂jiog₅ dsi₂ji'₅₄ bá₄ guë'₅ né'₃ ni₁mesa 'nau₅₄ a₂tsi₂séi'₂ guein₂.

²⁹ Jaun₂ ca₂ḡag₃ táng₃:

—Dse₃ në₂ḡag'₅₄. Ma₂lé₂ guang'₅₄. Ma₂o₂'ín₃ bá₄ je₂na'₅₄ i₂jme₁'en₅₄ të₂dsí₅ chi'₂ quiáng'₂.

³⁰ Jaun₂ ca₂nái'₃ bá₄; jme₁dsiáin'₃, ca₂jín₂ ja₁míg₄ roin₂₃ tei₄ ne₄ tsi₁cama, ma₂o₂'ín₃ bá₄ je₂na'₅₄ të₂dsí₅.

Ca₂jme₃'lión₂ Jesús jan₂ dsa₂ güin₄ i₂tsá₃ lín₄ lé₂ dsia₃ jág₁

³¹ Ca₂o₃'ín₃ táng₃ Jesús juig₂ Tiro, ca₂nái'₃ ju₁is juig₂ Sidón, jaun₂ ca₂dsióg₃ chei'₅₄ jmi₁ní'₄ Galilea, jaun₂ ca₂'í₃ 'uë₃ Decápolis. ³² Ja₁jaun₂ ca₂o₃jnia₃ dsa₂ jan₂ dsa₂ i₂tsá₃ lín₄ lé₂ dsia₃ jág₁. Jaun₂ ca₂mi₃ dsa₂ a₂quióg₃ Jesús gu₂ ne₄ quió'₅ dsa₂ 'éi₂. ³³ Jaun₂ ca₂jiog₃ Jesús ca₂jniai₃ dsa₂ 'éi₂ caun₂ ja₁co₂'ḡiog₅, jaun₂ ja₁jaun₂ ca₂tiá₂ chi₁gú₃ rë₂gua₄ dsa₂ 'éi₂, jaun₂ ca₂'ḡéi₃ chi₁gú₃, jaun₂ ca₂ní'₂ le₁tsi'₂ dsa₂ 'éi₂. ³⁴ Jaun₂ ca₂chóg'₃ ne₅₄ guei'₅₄ i₂juig₃, ca₂choin₃ dsí₅, jaun₂ ca₂juá'₂:

—¡Efata! —co₂'nió'₄ a₂juá'₂: ¡Nia₄!

³⁵ Jme₁ma₂në₂juá'₂ le₂në₅, ca₂niá₃ rë₂gua₄ mi₂'o₄ dsa₂ 'éi₂ në₃, ca₂'lóin₂, ca₂dsia₃ dse₃ jág₁. ³⁶ Jaun₂ ca₂juá'₂ Jesús ca₂tsí'₃ ca₂le₃jín₃ dsa₂ i₂jme₁tion'₅₄ a₂tsá₃

‡ 7:15 A₂lín₅₄ chog₅₄ si₂ chi₁ton₅ versículo 16 bá₄ ján₃, a₂juá'₂: “Ca₂le₃jín'₃ 'nia'₂ i₂le₁dsi₅₄ rë₂gua₄, nei₂ 'nia'₂.” Š 7:24 A₂lín₅₄ chog₅₄ si₂ juá'₂ ján₃: “quian'₅₄ Sidón.”

'ein₂ tsí'₃. La₁ tē₂le₃ i₂jui'₂ guē'₄ ca₂dsia₃ bá₄ dsa₂. ³⁷Jaun₂ 'ñio₅ lin₃ ca₂i₃gó'₃ dsí'₅ dsa₂ jme₁ca₂rē₃ñi₅. Jaun₂ qui₂ca₂dsia₃ dsa₂:

—Dse₃ bá₄ ca₂le₃jě'₃ a₂jmo₂₃. Jmo₂₃ a₂nag₅ dsa₂ i₂güin₄, lia'₂ dsa₂ i₂con₄ ně₃, lé₂ le₃dsia₃ jág₁.

8

Ca₂jme₃tan₅₄ Jesús quén₂ mei₅ dsa₂

(Mateo 15:32-39)

¹Jmíg₄ jaun₂ ca₂ñi'₂ juin₅ lin₃ dsa₂. Ia₁ tsá₃ ma₃'e₂ cha₂guē'₃, jaun₂ ca₂tē'₃ Jesús chi'₂ dsí₂guia₃-tín₂ quiáin₅, jaun₂ ca₂juá'₂:

²—Néi₂ dsí₃jing₅₄ dsa₂ ně₅, ia₁ ma₂'ni₅ jmíg₄ tioin'₅₄ ja₁lá₃ quiong'₅₄, tsá₃ ma₃'e₂ cha₂guē'₃. ³Nē₁juá'₂ dsian'₅₄ guē'₂ jniá'₂ quió'₅ tē₃ tsá₃ ma₂nē₂guē'₃, 'uáin₂ bá₄ le₂'i₄ jui₅, ia₁ uing₂ bá₄ ja₂lén₂ i₂lin₅₄ ně₅.

⁴Jaun₂ ca₂ñag₃ chi'₂ dsí₂guia₃-tín₂ quiáin₅:

—¿A₂já'₄ bá₄ lé₂ le₃dsí₁'nióg₂ ca₂le₃jě'₃ i₁ñí'₄ a₂'nió'₅ le₂tan₅₄ dsa₂ ně₅ ja₁co₂'ñiog₅ la₂?

⁵Jaun₂ ca₂ñag₃ táng₃ Jesús:

—¿Je₂liá'₂ i₁ñí'₄ 'i₄ quián'₂ 'nia'₂?

—Guio₃ bá₄ —ca₂ñag₃.

⁶Jaun₂ ca₂jmo₃ Jesús 'éi'₃ a₂tian'₃ dsa₂ ca₂le₃jín₃ 'uē₃. Jme₁ma₂chan'₂ le₂guio₃ i₁ñí'₄, ca₂cuē'₃ ti₁'mag'₄ Diú₄, jaun₂ ca₂jmo₃ le₁'nau₅₄, jaun₂ guē'₄ ca₂cuē'₃ chi'₂ dsí₂guia₃-tín₂ quiáin₅, ia₁jaun₂ 'éi₂ dsia₃ ne₄ dsa₂. Jaun₂ le₂jaun₂ bá₄ ca₂jmo₃.

⁷Jme₁tion'₅₄ on₃-ún₂ i₁ju₁ pí'₁, jaun₂ ca₂jme₃jñi₃ quió'₅ 'éi₂ ján₃, jaun₂ ca₂jmo₃ 'éi'₃ a₂dsión'₂ 'éi₂. ⁸Jaun₂ qui₂ca₂guē'₃ ca₂le₃jín₃ dsa₂ ca₂lia'₂ ca₂rē₃tain₅₄. Jme₁ca₂lē₃ jaun₂, ca₂cág'₃ dsa₂ guio₃ tsi₁mi'₂ 'nau₅₄ a₂ca₂chóng₃. ⁹Ca₂le₃jín₃ dsa₂ 'éi₂ jme₁lé₂ con'₂ quén₂ mei₅. Jaun₂ guē'₄ qui₂ca₂'ág'₃ jág₁ dsa₂. ¹⁰Dsi₂jui₅ le₂jaun₂ ca₂'í₃ táng₃ 'ñió'₃ tsi₁mu₅ quiain'₅₄ chi'₂ dsí₂guia₃-tín₂ quiáin₅, ca₂dsi₃léin₂ 'uē₃ Dalmanuta.

Mí₅ dsa₂ fariseos a₂jmo₃ Jesús caun₂ léi₄ jué'₂

(Mateo 16:1-4; Lucas 12:54-56)

¹¹Jaun₂ ca₂o₃lén₂ dsa₂ fariseos ca₂jme₃lióg₃ ca₂tsiin₂ quiong'₅₄, a₂mi₂₃ jmo₃ 'éi₂ caun₂ léi₄ jué'₂ a₂já₅ guei'₅₄ i₂juíg₃. ¹²Jaun₂ ca₂chon₃ Jesús dsí'₅ 'ñio₅ lin₃, jaun₂ ca₂juá'₂:

—¿'E₂ bá₄ lē₃ 'nio₃ dsa₂ chan₂ jmíg₄ ně₃ a₂jmo₅₄ jniá'₂ léi₄? A₂dsi₂jó'₃ juíg₂ jniá'₂ 'nia'₂, tsá₃ léi₄ jaun₂ le₃guéi'₁ 'nia'₂.

¹³Tión₂ jaun₂ bá₄ dsa₂ 'éi₂, ca₂'í₃ táng₃ 'ñió'₃ tsi₁mu₅ ca₂ñó₃ le₃'ño'₅₄ jmi₁ñí'₄ le₃ó₃.

Levadura quió'₅ dsa₂ fariseos

(Mateo 16:5-12)

¹⁴Ca₂'en₃ dsí'₅ chi'₂ dsí₂guia₃-tín₂ cán₂ a₂guē'₃, jñia'₅₄ lia'₂ caun₂ i₁ñí'₄ bá₄ quian₅ i₃léin₂ 'ñió'₃ tsi₁mu₅. ¹⁵Jaun₂ ti₁ca₂néi'₂ Jesús jág₁, ca₂juá'₂:

—Tē₃ñi'₅₄ quián'₂ 'nia'₂ quian'₅₄ juá'₅ quió'₅ dsa₂ fariseos, quian'₅₄ jág₁ quió'₅ Herodes ně₃. Ia₁ lē₅ lia'₂ lē₅ jui₁ levadura.

¹⁶Jaun₂ ca₂dsia₃ chi'₂ dsí₂guia₃-tín₂ quian'₅₄ rñin'₅₄:

—'An₁ juá'₂ le₂nē₅ ia₁ tsá₃ i₁ñí'₄ cha₂ quián'₂ jniog₄.

¹⁷Ca₂rē₃lí'₄ bá₄ Jesús jág₁ a₂dsia₅ 'éi₂ i₃léin₂, jaun₂ ca₂juá'₂:

—¿'E₂ lē₃ juá'₂ 'nia'₂ a₂tsá₃ i₁ñí'₄ cha₂ quián'₂ 'nia'₂? ¿'E₂ lē₃ ñí'₄ tsá₃ rē₂ñí'₂ 'nia'₂? ¿O₃ a₂tsá₃ len'₅₄ 'e₂ 'nia'₂, o₃ a₂cang₄ dsei'₂ 'e₂ 'nia'₂? ¹⁸¿O₃ bá₄ a₂lē₁tio'₅₄ mi₂ne'₅₄ 'e₂ 'nia'₂, la₁ tsá₃ jniag'₃? ¿O₃ bá₄ a₂lē₁le₁dsí₅₄ bá₄ rē₂guá'₂ 'nia'₂, la₁ tsá₃ nag'₂

guë'₂ 'nia'₂? ¿O₃ bá₄ tsá₃ ma₃ dsá₂ 'e₂ 'au'₂ 'nia'₂? 19 Lia'₂ con'₂ jme₁ca₂dsio'₄ jniá₂
 quian'₅₄ 'ñiá₂ i₁ñí'₄ bá₄ ca₂lin₅ ca₂guë'₃ con'₂ 'ñiá₂ mei₅ dsa₂, ¿je₂liá'₂ mi'₂ ca₂lë₃
 ni₁'nau₅₄ a₂ca₂chóng₃ guë₄ ca₂cag'₅₄ 'nia'₂?

Jaun₂ ca₂ñag₃ 'éi₂:

—Guia₃-tín₂.

20 Con'₂ siá'₂ táng₃, lia'₂ con'₂ jme₁ca₂dsio'₄ jniá₂ guio₃ i₁ñí'₄ ca₂lin₅ ca₂guë'₃
 quén₂ mei₅ dsa₂, ¿je₂liá'₂ mi'₂ 'nau₅₄ a₂ca₂chóng₃ ca₂cag'₅₄ guë₄ táng₃ 'nia'₂?

Jaun₂ ca₂ñag₃ táng₃ 'éi₂:

—Guio₃.

21 Jaun₂ ca₂juá'₂ táng₃:

—¿Tsa₁ rë₂len'₅₄ bá₄ guë₄ 'nia'₂ jaun₂?

Ca₂jme₃'lión₂ Jesús jan₂ dsa₂ ten₄ juig₂ Betsaida

22 Jaun₂ dsi₃lén₂ juig₂ Betsaida. Jaun₂ ca₂o₃ñia₃ dsa₂ jan₂ dsa₂ ten₄, jaun₂
 ca₂mi₃ dsa₂ a₂téi₂ gu₂. 23 Jaun₂ ně₃ ca₂ñja'₃ gu₂ dsa₂ ten₄ 'éi₂, ca₂jiog₃ juí₅ 'ni'₂
 juig₂. Jaun₂ ja₂jaun₂ ca₂tsáng₂ jmi₁'ě'₅ quió'₅, jme₁ne₁ dsa₂ 'éi₂, ca₂téi₂ gu₂, jaun₂
 ca₂ñag₃ chi₂jua'₂ ma₂lé₂ jág₃. 24 Jaun₂ ca₂chóg'₃ ne₅₄ ca₂jág₃, jaun₂ ca₂juá'₂:

—Jin₄ jniá₂ dsa₂ i₂nio₄, i₂jniá₂ lia'₂ jniá₂ ni₁'ma₂.

25 Con'₂ siá'₂ ca₂tí₂ táng₃ Jesús gu₂ jme₁ne₁ dsa₂ 'éi₂, jaun₂ guë₄ ca₂jág₃ i₁ca'₅₄
 mi₂ne₅₄, jaun₂ guë₄ ca₂rë₃jniá₂ dse₃ jme₁ne₁₂, ca₂'lóin₂. 26 Jaun₂ ca₂dsióg'₂ Jesús
 co₂dsau₅ ja₁quió'₄, ca₂juá'₂:

—Tsá₃ 'ú₅ jë₄ juig₂ tē₃ jág₅ dsa₂.

Ca₂cuë₃ Pe₄ jág₁ dsau₅ a₂lín₅ Jesús I₂rë₂'ín₁ quián₅ Diú₄ (Mateo 16:13-20; Lucas 9:18-21)

27 Cang₂ jaun₂ ca₂ñó₃ Jesús quiain'₅₄ chi'₂ dsi₂guia₃-tín₂ quián₅ le₂tan₅₄ juig₂
 Cesarea ja₁tén₄ Filipino. Jaun₂ le₂'í₄ juí₅ ja₁i₃lén₂, ca₂ñag₃ Jesús ca₂ñí'₃ chi'₂
 dsi₂guia₃-tín₂:

—¿Ein₂ lín₅ jniá₂, juá'₂ dsa₂?

28 Jaun₂ ca₂ñag₃ chi'₂ dsi₂guia₃-tín₂:

—I₂lín₅₄ dsa₂ juá'₂ a₂lín'₅ Juan₅₄ i₂jme₁chon₅ dsa₂ jmig₂. I₂lín₅₄ guë'₂ juá'₂
 a₂lín'₅ Elías. I₂lín₅₄ guë'₂ juá'₂ táng₃ a₂lín'₅ jan₂ i₂sián'₂ i₂chen₄ quián₅ Diú₄.

29 Jaun₂ ca₂ñag₃ táng₃:

—¿'Nia'₂ guë'₂ ně₃? ¿'E₂ juá'₂ 'nia'₂ 'ein₂ lín₅ jniá₂?

Jaun₂ ca₂ñag₃ Pe₄:

—'Ne₂ lín'₅ I₂rë₂'ín₁ quián₅ Diú₄.

30 Jaun₂ ca₂jmo₃ Jesús 'éi'₃ a₂tsá₃ dsia₃ tsí'₃ 'i₁jan₂ jua'₅₄ a₂'ag₃.

Ca₂'ě₂ Jesús jág₁ a₂jóin₂ (Mateo 16:21-38; Lucas 9:22-27)

31 Jaun₂ ně₃ ca₂jme₃lióg₃ Jesús ca₂'ě₂ jág₁ ca₂tsí'₃ chi'₂ dsi₂guia₃-tín₂, a₂ca₂tín₂
 Jaun₅ dsa₂ mi₂güig₃ dsi₃ñí₂ 'lióng₂ uig₅, a₂tsá₃ le₃jei₅₄ dsa₂ can'₅₄ quián₅ guá'₅,
 juig₅₄ jme₂dsa₂, tē₅juá'₅ ně₃. Ca₂le₃jín₃ quiñ'₃ jág₁ a₂ñag'₃. La₁ jein'₅₄ bá₄ táng₃
 a₂'ni₅ jmig₄ jaun₂. 32 Ca₂juá'₂ lia'₂ rë₂jiá₃ jág₁. Jaun₂ Pe₄ ně₃ ca₂jiog₃ le₂cau₅, jaun₂
 ca₂jme₃lióg₃ ca₂ti₂ca₂néi'₂ a₂jme₁jnéi₂ juí₅.

33 Jaun₂ ca₂jén'₃ Jesús ca₂jín₂ ca₂le₃jín₃ chi'₂ dsi₂guia₃-tín₂, jaun₂ ca₂jén₂ Pe₄
 ca₂juá'₂:

—jñiag'₃ cau₅ quió₃, 'ne₂ Satanás! Ia₁ tsá₃ dsi₂jiog₅ 'au'₂ juí₁lia'₂ dsi₂jiog₅ dsí₅
 Diú₄; lia'₂ dsi₂jiog₅ dsí₅ dsa₂ mi₂güig₃ bá₄ dsi₂jiog₅ 'au'₂.

34 Jaun₂ ca₂tē'₃ Jesús chi'₂ dsi₂guia₃-tín₂, ca₂le₃jín₃ guë₄ dsa₂ i₂jme₁tion'₅₄ ně₃.
 Jaun₂ ca₂juá'₂:

—Chi₂jua'₂ 'ein₂ 'nio₃ 'ein₃ jniá₂, co₂dsia₅ jui₁dsi₂'én₂ dsí₅ guioin₅₄, jui₁jmo₁₂ co₂jñiai₅₄ a₂jóin₂, * jui₁'ein₁₂. ³⁵ Ia₁ jui₁'ein₂ guě₃ i₂tsá₃ 'nio₃ jón₂ ia₁ 'ín₅ dsí₅ le₃chain₂ dse₃ mi₂güig₃ la₂, dsi₃'én₂ quió'₅. La₁ jui₁'ein₂ guě₄ i₂tén'₂ dsí₅ gue₃ 'mú₃ 'uig₅₄ quió₃ jniá₂, 'uig₅₄ quió'₄ jág₁ dse₃ ně₃, tñin'₄, le₃chain₂ dse₃ mi₂güig₃ caun₂. ³⁶ ¿'E₂ bá₄ ta₁ jmo₃ a₂lí'₂ dsa₂ 'ñio₅ lin₃ ne₄ gua'₅₄ 'uě₃ la₂, ně₃jua'₂ dsi₃'én₂ bá₄ guě'₂ jme₂dsi₂ quió'₅ mi₂güig₃ caun₂? ³⁷ ¿O₃ je₂liá'₂ lé₂ le₃quí₃ dsa₂ 'lia'₅₄ ia₁jaun₂ tñin'₄ jme₂dsi₂ quió'₅? ³⁸ Ia₁ jui₁'ein₂ guě₃ i₂gui'₅₄ jmóg'₂ jniá₂, quian'₅₄ jág₁ dse₃ quió₃, tē₃jñin₄ dsa₂ i₂qui₂rē₂cán'₄ dso₄ i₂tsá₃ ne'₅₄ chan₂ jmig₄ ně₃, ján₃ bá₄ le₂jaun₂ Jaun₅ dsa₂ mi₂güig₃ gui'₅₄ jmóg'₂ jē₁ma₂tē₂ rē₁guain'₂ quian'₅₄ ángeles jñio₅ quian'₅₄ ca₂le₃jě₃ bí₂ jlá'₁ quió'₅ jmei₂.

9

¹ Jaun₂ ca₂tsí'₃ dsa₂ le₂la₂ ján₃:

—A₂dsi₂jó'₃ juá'₅ jniá₂, ia₁ chan₂ i₂lin₅₄ 'nia'₂ i₂tión₂ ja₁lá₃ i₂tsá₃ tñin₅₄ dsián₃ né'₃ a₂tē₅₄ ne₅₄ a₂guá₂ jmig₄ a₂jme₃gón₃ Diú₄ quian'₅₄ jui₅bí₂ quió'₅.

*Ca₂rē₃tsín₃ Jesús lia'₂ jniái₂
(Mateo 17:1-13; Lucas 9:28-36)*

² Jñé₂ jmig₄ cang₂ jaun₂ ca₂jñia₃ Jesús Pe₄, Jacobo, Juan₅₄ ně₃, jaun₂ ca₂i₃léin₂ con'₂ guioin₅₄ jui₅ caun₂ má'₂ ñei₅, Ja₁jaun₂ ca₂jme₃tsín₃ Jesús lia'₂ jniái₂ tē₃ jág₅ riin'₅₄. ³ Jaun₂ ni₁tsin'₅₄ ca₂jñia₃ tág₅ co₂'né'₅ tiog₂ jau₂ ca₂lia'₂ 'i₁jan₂ dsa₂ chan₂ mi₂güig₃ tsá₃ tñin₂ rang₃ 'mi'₂ a₂jñia₅₄ tiog₂ le₂jaun₂. ⁴ Jaun₂ ca₂jág₃ ca₂jñia₃ coin₂, Elías quian'₅₄ Moisés, tióin₂ dsia₂₃ jág₁ quian'₅₄ Jesús. ⁵ Jaun₂ ně₃ ca₂juá'₂ Pe₄ ca₂tsí'₃ Jesús:

—Tē₅, i'₂e₂ guě₄ dse₃ lia'₂ tio'₅₄ jniog₄ ja₁lá₃! Nē₃ o₁jmog'₅₄ 'ni₅ tsi₁'io₅ láu₃: caun₂ quiáng'₂, caun₂ quió'₅ Moisés, caun₂ guě'₂ quió'₅ Elías ně₃.

⁶ (On₃jua'₅₄ jaun₂ ca₂rē₃lí'₄ rē'₂ Pe₄ 'e₂ a₂ca₂ñiai₂, tē₂ i₂₃ le₂jaun₂, ia₁ a₂gó'₅ 'ñio₅ lin₃ tióin'₅₄). ⁷ Tē₃jě₄ jaun₂ ně₃ ca₂'ág₂ jnei₅ ja₁tioin'₅₄, ca₂lioin₂. Jaun₂ jě₄ jnei₅ jaun₂ ca₂né'₂ jág₁ a₂ca₂juá'₂:

—I₂la₂ bá₄ jón₃ quiáng₃, i₂'nióg₃ guě₄ lin₃. Nei₂ 'nia'₂ jág₁ quió'₅.

⁸ Dsi₂jui₅ le₂jaun₂ jme₁ca₂jág₃ táng₃, tsá₃ ma₃'ein₂ chan₂, jñia'₅₄ lia'₂ jan₂ 'ñiog₅ bá₄ Jesús quiong'₅₄ guě₄.

⁹ Jme₁ma₂tioin'₅₄ jui₅ ja₂lein₃ sióin₅ má'₂, jaun₂ ca₂jmo₃ Jesús 'éi'₃ a₂tsá₃ 'ein₂ tsí'₃ 'i₁jan₂ 'e₂ a₂ca₂jág₃ jaun₂, a₂jmo₃ tei₄ ca₂lia'₂ ca₂jen'₅₄ táng₃ Jaun₅ dsa₂ mi₂güig₃ ne₄ 'mú₃.

¹⁰ Jaun₂ ně₃ tei₄ bá₄ ca₂jmo₃, tsá₃ 'ein₂ ca₂tsí'₃, jñia'₅₄ lia'₂ qui₂ca₂ñí'₃ riin'₅₄ 'e₂ jein₅ jág₁ jaun₂ a₂jein'₅₄ ne₄ 'mú₃. ¹¹ Jaun₂ ca₂ñí'₃ Jesús:

—¿'E₂ lē₃ juá'₂ tē₅juá'₅, Elías bá₄ i₂ca₂tñin₂ jiá₃ le₂'uig₅₄?

¹² Jaun₂ ca₂ñag₃:

—Dsón'₂ bá₄ jaun₂ Elías bá₄ i₂jiá₃ le₂'uig₅₄, a₂jmóg'₃ ca₂le₃jě₃. ¿'E₂ guě'₂ lē₃ jaun₂ chi₁ton₅ ne₄ Si₂ a₂ca₂tñin₂ Jaun₅ dsa₂ mi₂güig₃ a₂tsá₃ caun₂ dsi₃jñi₂, tsá₃ guei₃ dsa₂, 'liog'₃ dsa₂ 'uě₃ co₂ñí'₂? ¹³ La₁ jniá₂ juá'₅, i₂ma₂guan₅ bá₄ Elías, qui₂ca₂jmóg'₂ dsa₂ ca₂lia'₂ lē₂ dsí₅, lia'₂ con'₂ lē₅ chi₁ton₅ ne₄ Si₂.

*Ca₂jme₃'lión₂ Jesús jan₂ chi'₂ i₂jme₁'en₅₄ i₂'lin'₅₄ tē₂dsí₅
(Mateo 17:14-21; Lucas 9:37-43)*

¹⁴ Jme₁co₂lág₂ jaun₂, ca₂dsi₃lein₃ ja₁tion'₅₄ riin'₅₄. Jaun₂ ca₂jñin₂ juin₅ dsa₂ sián'₂ tion'₅₄ le₃lág₃ jaun₂. Tion'₅₄ tē₅juá'₅ ně₃, tsiin₂₃ quian'₅₄ 'éi₂. ¹⁵ Jaun₂

* 8:34 lit. “jui₁quian₅₄ cróg, quió'₅.”

dsi₂jui₅ jme₁ca₂jág₃ dsa₂ ca₂le₃jín₃ ca₂jín₂ Jesús, ca₂i₃gó'₃ dsi₅ 'ñio₅ lín₃, jaun₂ i₃lén₂ i₁cuag₃ Diú₄. 16 Jaun₂ ca₂ñag₃ Jesús:

—¿'E₂ jág₁ tsi₂jín'₂ 'nia'₂ quian'₅₄ dsa₂ nē₅?

17 Jaun₂ ca₂ñag₃ jan₂ dsa₂ i₂'en₅₄ jē₄ jaun₂:

—Tē₅, la₂ jñiag₅₄ chi'₂ quiáng₃ a₂'ein₅₄ jme₂dsí₂ 'lín'₅₄ i₂tsá₃ cuē₅ jmíg₄ dsia₃ chi'₂ jág₁. 18 Chi₂jua'₂ 'a₂ guē'₂ já'₄ jmóg'₂, jmo₂₃ tón₂ 'uē₃. Qui₂'uē'₅ chi'₂ jan₅ mi₂'o₅₄, qui₂qui₂'₂ mi₂jan₅₄ nē₃. Jmo₂₃ a₂rē₂'uá'₃ rē₂ju₂' quió'₅ nē₃. Jaun₂ jme₁ma₂nē₂juí₂ jniá₂ dsa₂ i₂quiang'₅₄ a₂jme₁dsein₂₃ i₂'lín'₅₄, la₁ tsá₃ tió'₅, juá'₂.

19 Jaun₂ ca₂ñag₃ Jesús:

—i'En₁ jmá'₃ tsá₃ 'e₂ 'én'₂ 'nia'₂ dsa₂ chan₂ jmíg₄ nē₃! ¿Je₂liá'₂ jmíg₄ jmá'₃ 'nió'₅ jmo₅₄ jniá₂ tió₅ dsi₃ ñi₅₄ quian'₅₄ 'nia'₂? O₂quian₅ 'nia'₂.

20 Jaun₂ ca₂i₁quian₅₄ dsa₂ chi'₂ ca₂o₃jio₃g₃ ne₅₄. Jaun₂ dsi₂jui₅ jme₁ca₂jág₃ i₂'lín'₅₄ ca₂jín₂ Jesús, ca₂jmo₃ táng₃ i₃'ín₃ i₂bē'₅₄ qui₂ca₂ba₂ca₂lín'₂ 'uē₃, 'uē'₅ jan₅ mi₂'o₅₄. 21 Jaun₂ ca₂ñi₃' jmei₂ chi'₂:

—¿Jma₂je₂liá'₂ jmíg₄ jén'₅ le₂nē₅?

Jaun₂ ca₂ñag₃:

—Lia'₂ con'₂ bin'₅₄ bá₄ i₂nē₅. 22 Lióng₂ ráun₂ ma₂jmo₃ a₂'nio₃ 'í₂ né'₃ si₂, 'nio₃ 'í₂ né'₃ jmíg₃ nē₃, a₂jmóg'₂ i₂'lín'₅₄ a₂'nio₃ jñag'₃. La₁ nē₁jua'₂ cha₂ a₂lé₂ le₃jmó'₂, dsia₄ ñéi₂ 'au'₂ jnia'₅₄.

23 Jaun₂ ca₂juá'₂ Jesús:

—¿'A₂ bá₄ lia'₂ jaun₂ “chi₂jua'₂ cha₂ a₂lé₂?” Lé₂ bá₄, quió'₅ ca₂le₃jín₃ i₂'én₂.

24 Dsi₂jui₅ le₂jaun₂ ca₂ñag₃ jmei₂ i₂bē'₅₄ ca₂juá'₂ tiá'₂:

—i'É₁n₂ bá₄ jniá'₂! iJme₁'o₁ jaun₂ le₃'éng₂ guē'₄!

25 Jme₁ca₂jág₃ Jesús caun₂ qui₂ca₂ñi'₂ juin₅ lín₃ guē'₄ dsa₂, jaun₂ guē'₄ ca₂jéin₂ i₂'lín'₅₄, ca₂juá'₂:

—Jú₅ ja₁nē₅, 'ne₂ jme₂dsí₂ i₂jmo'₂ con₄ güin₄ chi'₂. Ca₂lia'₂ o₁líg'₂ jmíg₄ tsá₃ ma₃'ú'₄ ja₁nē₅, ia₁ jniá'₂ juá'₅.

26 Jaun₂ jme₁ca₂o₃'ín₃ i₂'lín'₅₄, ca₂jmo₃ guē'₄ cón'₂ ca₂guió'₃ chi'₂ 'éi₂, ca₂i₃'ín₃, ca₂ba₂ca₂lín'₂ 'uē₃, ca₂quiog₂ tsá₃ lí'₄. “Ca₂join₃ bá₄”, ca₂juá'₂ mei'₂ tsá₃ ca₂le₃jín₃ dsa₂ i₂ca₂jág₂. 27 Jaun₂ ca₂'ín₃ Jesús mi₂gu₂, ca₂chó'₂, jaun₂ ca₂nau₂ chi'₂.

28 Jaun₂ jme₁ma₂'ís Jesús caun₂ dsi₂néi₂, ja₁jaun₂ ca₂ñag₃ chi'₂ dsi₂guia₃-tín₂ con'₂ guioin₅₄:

—¿'E₂ 'uig₅₄ tsá₃ ca₂tián₃ jnia'₅₄ a₂dsén₄ i₂'lín'₅₄?

29 Jaun₂ ca₂ñag₃ Jesús:

—Jme₂dsí₂ 'lín'₅₄ i₂le₂nē₅ lé₂ le₃'uín₃ jmá'₃ lia'₂ quian'₅₄ a₂chi₂lén'₂ dsa₂ Diú₄. *

Ca₂'ě₂ táng₃ Jesús jág₁ a₂jóin₂

(Mateo 17:22-23; Lucas 9:43-45)

30 Jme₁ca₂'uín₂ juig₂ jaun₂, ca₂i₃lein₃ táng₃, ca₂ñi₅ jui₅ 'uē₃ Galilea, tsá₃ jme₁'nio₃ Jesús le₃ñi₅ dsa₂, 31 ia₁ jme₁jme₂tiin₂₃ chi'₂ dsi₂guia₃-tín₂, ca₂juá'₂:

—Ja₂quián₃ jmíg₄ a₂jáng'₂ dsa₂ jín'₂ Jaun₅ dsa₂ mi₂güí₃ o₄gú₃ dsa₂ i₂'iog₅₄ jaun₂ jñag'₃ dsa₂. La₁ a₂'ni₅ jmíg₄, jein'₅₄ bá₄ táng₃.

32 La₁ chi'₂ dsi₂guia₃-tín₂ nē₃, tsá₃ ca₂ñi₃' 'e₂ jein₅ jág₁ a₂juá'₂ le₂jaun₂, ton'₂ tsá₃ ma₃ca₂tiá₃ dsi₅ jua'₅₄ a₂ñag₃ guē'₄ 'e₂ ñag₃.

Tsin₅ chi'₂ dsi₂guia₃-tín₂ 'ein₂ bá₄ i₂lín₅ i₂dsen₅₄ guē'₄ con'₂ quian₅₄ riin'₅₄

(Mateo 18:1-5; Lucas 9:46-48)

* 9:29 A₂lín₅₄ chog₅₄ si₂ juá'₂: “a₂chi₂lén'₂ dsa₂ Diú₄, a₂jme₂'iin₅₄ nē₃.”

33 Jaun₂ ca₂dsi₃lén₂ juig₂ Capernaum. Jme₁ma₂tiáin'₅ dsi₂néi₂, jaun₂ ca₂ñí'₃ Jesús chi'₂ dsi₂guia₃-tín₂, ca₂juá'₂:

—¿'E₂ jág₁ tsín'₂ 'nia'₂ ja₂nóg'₅ le₂'i₄ jui₅?

34 La₁ tei₄ bá₄ ca₂tiáin'₂, tsá₃ 'e₂ ca₂ñag₃, ia₁ le₂'i₄ jui₅ ja₂lein₃ tsin₂₃ 'ein₂ dsón'₂ i₂lén₂ i₂dsen₅₄ guě₄ jě₄ quió'₅ riin'₅₄. 35 Jaun₂ ca₂guá₂ Jesús, jaun₂ ca₂tě'₃ ta₁guia₃-tín₂ 'éi₂, jaun₂ ca₂juá'₂:

—Chi₂jua'₂ 'ein₂ 'nia'₂ 'nio₃ lén₂ i₂le₂'uig₅₄, cán₂ ne₄ jui₅, 'nió'₅ lén₂ i₂jě₁ca₂tó'₂ quió'₅ ca₂le₃jín₃, jme₂ti₃ ta₁ ne₄ ca₂le₃jín₃ riin'₅₄.

36 Jaun₂ ně₃ ca₂cain₃ jan₂ guein₂ quián₅ dsa₂, jaun₂ ca₂dsiain₃ 'éi₂ jě₄ quió'₅, jaun₂ ca₂ñau'₃, ca₂juá'₂:

37 —Jui₁'ein₂ guě₃ i₂guen₅ jan₂ guein₂ bě'₅₄ le₂la₂ o₄quió₃ jniá₂, jniá₂ bá₄ guei₂₃. I₂guei₅ jniá₂, on₃jua'₅₄ jmá'₃ jniá₂ guei₂₃. Guein₂₃ le₂jio₅ i₂ca₂chei₃ jniá₂.

“I₂tsá₃ 'iog₅₄ jniog₄, tě₂le₃ quián₂ jniog₄ bá₄ chéin'₅”

(Mateo 10:42; Lucas 9:49-50)

38 Jaun₂ ca₂juá'₂ Juan₅₄:

—Tě₅, ně₂jín₄ jnia'₅₄ jan₂ dsa₂ i₂ně₂'uín'₂ je₂na'₅₄ quian'₅₄ bí₂ 'éi'₃ quiáng'₂. Tsá₃ ma₃ně₂cuě₁ jnia'₅₄ jmig₄ jua'₅₄ a₂jmo₃ guě₄ le₂jaun₂, ia₁ tsá₃ ñ₂₃ guě'₂ quian'₅₄ jniog₄.

39 Jaun₂ ca₂juá'₂ Jesús:

—Tsá₃ jmó'₂ 'nia'₂ le₂jaun₂, jua'₅₄ a₂jni₅₄'₅₄. Ia₁ 'i₁jan₂ tsá₃ jmo₅ caun₂ ta₁ juě'₂ lia'₂ con'₂ lě₅ 'éi'₃ quió₃ jniá₂, jua'₅₄ a₂lě₂ le₃dsia₃ 'ag₃ 'lig'₅₄ dsi₂jui₅ le₂jaun₂. 40 Ia₁ jui₁'ein₂ guě₃ jui₁lia'₂ i₂tsá₃ 'iog₅₄ jniog₄, i₂tión₂ tě₂le₃ quián₂ jniog₄ bá₄ 'éi₂. 41 Ia₁ ně₂jua'₂ 'ein₂ ca₂cuě'₃ 'nia'₂ tsá₃ a₂lě'₂ o₁jnia'₅₄ caun₂ vaso jmig₂ bá₄, ia₁ a₂tén'₅ 'nia'₂ tě₂le₃ quió'₅ I₂rě₂'ín₁ quián₅ Diú₄, a₂dsi₂jó'₃ juá'₅ jniá₂, lí'₂ bá₄ 'liain'₅₄.

A₂go'₂ tsi₃sén'₂ dsa₂ dso₄

(Mateo 18:6-9; Lucas 17:1-2)

42 'Jui₁'ein₂ guě₃ i₂jmo₅ tsi₂sén'₂ dso₄ jui₁lia'₂ i₂me'₂ le₂la₂ i₂én₂ tě₂le₃ quió₃ jniá₂, ja₂lin₃ guě₄ dse₃ co₂ñei'₅₄ jua'₅₄ a₂tón₂ dsa₂ ne₄ jm₁ñí'₄ rě₂quein₅ ca₂míg₂ ni₁to₂ dsi₂lag₅₄. 43 Ně₁jua'₂ mi₂gog'₂ jmo₅ a₂tang'₂ dso₄, co₂ñei'₅₄ guě₄ dse₃ 'nia₄, ia₁ ja₂lin₃ guě₄ dse₃ dsiáng'₄ 'nau₅₄ caun₂ gog'₂ ja₁le₃chang'₂ co₂tan₅₄, con'₂ guě₄ a₂jme₁dsiáng'₄ guio₃-juíg₃ a₂rě₂'ña₅ ta₁tín₃ gog'₂ ja₁tsá₃ líg'₂ jmig₄ éi₃ si₂.† 45 Ně₁jua'₂ mi₂tag'₅₄ jmo₅ a₂tang'₂ dso₄, 'nia₄ ján₃, ia₁ ja₂lin₃ guě₄ dse₃ dsiáng'₄ guiang'₅₄ ja₁le₃chang'₂ co₂tan₅₄, lia'₂ con'₂ guě₄ a₂jme₁dsiáng'₄ a₂rě₂'ña₅ le₃tín₃ tag'₅₄ guio₃-juíg₃, ja₁tsá₃ líg'₂ jmig₄ éi₃ si₂.‡ 47 Chi₂jua'₂ mi₂ne'₅₄ jmo₅ a₂tang'₂ dso₄, co₂ñei'₅₄ guě₄ dse₃ dsi₄ ján₃, ia₁ ja₂lin₃ guě₄ dse₃ a₂dsiáng'₄ a₂teng'₅₄ ca₂míg₂ mi₂ne'₅₄ ja₁gon₂ Diú₄, lia'₂ con'₂ guě₄ a₂jme₁dsiáng'₄ a₂rě₂'ña₅ ta₁tín₃ mi₂ne'₅₄ guio₃-juíg₃:

48 ja₁tsá₃ líg'₂ jmig₄ dsián₃ i₁ja'₅₄,

on₃ guě'₂ si₂ éi₃ ně₃.§

49 'Ia₁ ca₂le₃jín₃ bá₄ 'nió'₅ lě₂ 'í₁ tě₂le₃ quian'₅₄ uig₅ a₂lě₅ lia'₂ lě₅ si₂.* 50 Dse₃ bá₄ tsi₁ñi₁ tě₂lia'₂ ñi'₅₄, la₁ ně₂jua'₂ ca₂'en₃ ñi'₅₄ tsi₁ñi₁ ně₃, ¿'A₂ bá₄ lia'₂ lě₂le₃lei₂ táng₃? Jaun₂ jui₁len'₅₄ bá₄ 'nia'₂ jui₁lia'₂ lě₅ tsi₁ñi₁. Jui₁le₂chan'₂ bá₄ 'nia'₂ 'ei₅ tei₄ quian'₅₄ ríng'₂ le₂jang'₂ le₂jang'₂.

† 9:43 A₂lin₅₄ chog₅₄ si₂ chi₁ton₅ versículo 44, ja₁juá'₂ co₂rě₂ quian'₅₄ versículo 48. ‡ 9:45 A₂lin₅₄ chog₅₄ si₂ chi₁ton₅ versículo 46, ja₁juá'₂ co₂rě₂ quian'₅₄ versículo 48. § 9:48 Isaías 66:24. * 9:49 lit. “Ia₁ ca₂le₃jín₃ 'nió'₅ le₃ñi'₅₄ quió'₅ quian'₅₄ si₂.” 'Nio'₂ ja₁ton₅ 1 Pedro 1:7; 4:12.

10

Jme₂tag₅ Jesús jui₁lia'₂ 'a₂lia'₂ lë₃ a₂tén₂ dsa₂ dsi₂i₂gu₂
(Mateo 19:1-12; Lucas 16:18)

¹ Jaun₂ ca₂o₃ín₃ Jesús juig₂ Capernaum ja₁jme₁'ein₅₄, ca₂ηó₃ táng₃ ja₁tén₄ Judea quian'₅₄ jui₅ 'uë₃ tē₂le₃ 'ηo'₅₄ Cuá₃ Jordán. Ja₁jaun₂ ca₂o₃lén₂ táng₃ dsa₂ juin₅ ja₁'ein₅₄. Con'₂ siá'₂ táng₃ ca₂jmo₃ jui₁lia'₂ jmo₂₃ tián₂, ca₂jme₃tiin₂₃ dsa₂.

² Jaun₂ ca₂dsi₃lén₂ i₂lin₅₄ dsa₂ fariseos, ca₂ηí'₃ Jesús a₂jnia'₅₄ con'₂ 'nio₃ cáun₂ táu₂ chi₂jua'₂ 'i₄ 'éi'₃ a₂tén₂ dsa₂ dsa₂ mí₂ quiáin₅. ³ Jaun₂ ca₂ηag₃ 'éi₂:

—¿'E₂ 'éi'₃ ca₂cuë₃ Moisés guë'₂?

⁴ Jaun₂ ca₂ηag₃ táng₃ dsa₂ 'éi₂:

—Ca₂cuë₃ Moisés jág₁ a₂lé₂ le₃jmo₃ dsa₂ ηe'₂ caun₂ si₂ tē₃ron₅₄, jaun₂ guë₄ ma₂lé₂ dsei₂₃.

⁵ Jaun₂ ca₂ηag₃ Jesús:

—'Uig₅₄ ia₁ a₂ηí₄ tsá₃ nág₁ 'nia'₂ guiong'₅₄ bá₄ ca₂cuë₃ Moisés 'éi'₃ jaun₂, ⁶ La₁ le₂'uig₅₄ lia'₂ con'₂ jme₁ca₂dsia₃ Diú₄ mi₂güig₃, “ca₂jmoí'₂ dsa₂ ηe'₂, dsa₂ mí₂”.

⁷ “'Uig₅₄ jaun₂ ně₃ dsa₂ ηe'₂, ca₂tiin₂ tēin₂ chog₅₄-jmei₂, con'₂ tiain'₃ quiaín'₅₄ dsa₂ mí₂ quiáin₅. ⁸ Jaun₂ jē₁le₃oin₃ lēin₂ caun₂ bá₄ ni₁ηí₅.”* Jaun₂ dsióg₄ lé₂ co₂'nió'₄ jan₂ dsa₂ bá₄, tsá₃ ma₂lě₂ oin₃. ⁹ Jaun₂ tsá₃ 'i₄ 'éi'₃ jua'₅₄ dsa₂ mi₂güig₃ a₂jmo₃ jma₃quén₅ a₂ma₂dsia₃ Diú₄ rē₂.

¹⁰ Jme₁ma₂tiioin'₅₄ táng₃ dsi₂néi₂, ca₂ηag₃ chi'₂ dsi₂guia₃-tín₂ ca₂ηí'₃ Jesús jág₁ ně₅. ¹¹ Jaun₂ ca₂juá'₂ Jesús:

—Dsa₂ i₂tén₂ 'io₅₄ quián₅, a₂guá₃ táng₃ quiaín'₅₄ i₂sián'₂, 'no₂₃ dso₄ ja₁con₂ 'io₅₄ quiáin₅ i₂le₂'uig₅₄. ¹² Con'₂ guë'₂ siá'₂ táng₃ ně₁jua'₂ tén₂ 'io₅₄ dsi₂i₂gu₂ a₂guá₃ táng₃ quiaín'₅₄ dsa₂ ηe'₂ sián'₂, ján₃ bá₄ le₂jaun₂ 'no₂₃ dso₄ ja₁con₂ dsi₂i₂gu₂.

Ca₂jme₃gon'₅₄ Jesús chi'₂-guein₂

(Mateo 19:13-15; Lucas 18:15-17)

¹³ Jaun₂ ca₂dsi₃lén₂ dsa₂ le₁jniai₂₃ chi'₂ quiáin₅ ja₁guá₄ Jesús, ia₁jaun₂ qui₃téi₂ Jesús gu₂. La₁ chi'₂ dsi₂guia₃-tín₂ ně₃ ca₂jí₂. ¹⁴ Jme₁ca₂jág₃ Jesús, jaun₂ ca₂i₃méi'₂ dsí₅ quian'₅₄ chi'₂ dsi₂guia₃-tín₂, jaun₂ ca₂juá'₂:

—Cuë₄ 'nia'₂ jmig₄ jui₁ja₂lén₂ chi'₂-guein₂ cong₂. Tsá₃ jmó₁ 'nia'₂ le₂ně₅ jua'₅₄ a₂jni_g'₅₄, ia₁ jui₁lia'₂ i₂le₂la₂ bá₄ guë'₂ i₂dsi₂len₅ ja₁gon₂ Diú₄. ¹⁵ A₂dsi₂jó'₃ juíg₂ jniá₂ 'nia'₂, ia₁ jui₁'ein₂ guë₃ i₂tsá₃ gue₅ 'éi'₃ quió'₅ Diú₄, jui₁lia'₂ gue₅ jan₂ i₂bě'₅₄, o₁líg'₂ tsá₃ dsi₁lein₅ ja₁gon₂ Diú₄.

¹⁶ Jaun₂ qui₂ca₂ηai'₃ guein₂ 'ein₅₄, ca₂quiog₂ gu₂ ne₄ quió'₅, ca₂jme₃jñi₃.

Jan₂ dsó₂ chi'₂ cha₂cu₄ ca₂dsia₃ jág₁ quiaín'₅₄ Jesús

(Mateo 19:16-30; Lucas 18:18-30)

¹⁷ Jme₁ma₂'en₅₄ Jesús jui₅ ηó₅ táng₃, jaun₂ já₃ jan₂ dsó₂ co₂chi'₅₄ ca₂jme₃jein'₂ ca₂chi₃jnë₃ ne₅₄. Jaun₂ ca₂ηag₃:

—Tē₅ dsen₃, ¿'e₂ 'nió'₅ jmo₅₄ jniá₂ ia₁jaun₂ tñg₅₄ ja₁le₃chang₂ co₂tan₅₄?

¹⁸ Jaun₂ ca₂ηag₃ Jesús:

—¿'E₂ lë₃ quiong'₅₄ jniá₂ a₂dseng₃? 'I₁jan₂ i₂dsen₃ tsá₃ chan₂, jñia'₅₄ lia'₂ jan₂ Diú₄ bá₄. ¹⁹ Cuñg'₂ bá₄ 'Éi'₃ Juá'₅ quió'₅ Diú₄, ja₁juá'₂ tsá₃ jme₁dsiang'₂ dsa₂ mi₂güig₃ ríng'₂; on₃ guë'₂ nióg'₄ jág₁ quian'₅₄ dsa₂ i₂tsá₃ lín₅ dsi₂i₂gog'₂; on₃ guë'₂ 'áng'₁. Tsá₃ jmó₁ jua'₅₄ jang'₅₄ jág₁ tē₂jág₁; tsá₃ jme₁gan₅ dsa₂ jua'₅₄ a₂jñiá'₄ a₂cha₂ quió'₅; a₂jme₁gang'₃ chog'₂-ñéi'₅ ně₃.†

²⁰ Ca₂ηag₃ táng₃ dsa₂ 'éi₂:

—Tē₅, ca₂le₃jě₃ a₂ně₅, lia'₂ con'₂ bin'₅₄ bá₄ jniá₂ jme₂tí₁.

* 10:8 Génesis 2:24. † 10:19 Éxodo 20:12-6; Deuteronomio 5:16-20.

21 Jaun₂ ca₂jág₂ Jesús n_{éi}₂ dsí₅, ca₂juá'₂:

—Caun₂ guě₄ a₂'nió'₅ quiáng'₂. Guan'₂ o₂'nag₄ ca₂le₃jě₃ a₂cha₂ quiáng'₂, o₂dsio'₅₄ cu₄ jaun₂ o₂cuě'₅₄ dsa₂ te₂ηé₂. Jaun₂ guě₄ le₃cha₂ a₂jlá'₁ quiáng'₂ guei'₅₄ i₂juíg₃. Jaun₂ guě₄ ηia₅, 'éin₃.[‡]

22 Jaun₂ ca₂tá'₂ jén₂ dsí₅ dsa₂ 'éi₂ jme₁ca₂nág₂ le₂ně₅; nái'₅ bá₄ jaun₂ 'lia'₂ dsí₅, ia₁ 'ηio₅ lin₃ jme₁cha₂ cu₄.

23 Jaun₂ ca₂jén'₃ Jesús qui₂ca₂jín₂ chi'₂ dsí₂guia₃-tín₂ quiáin₅. Jaun₂ ca₂juá'₂:

—i'E₂ guě₄ 'ηio₅ quian₅ ta₁ quió'₅ dsa₂ cha₂ cu₄ a₂tíin'₄ ja₁gon₂ Diú₄!

24 Jaun₂ i₃gó'₃ dsí₅ chi'₂ dsí₂guia₃-tín₂ jág₁ jaun₂, la₁ ca₂juá'₂ táng₃ Jesús:

—'Nia'₂ jón₃, i'e₂ bá₄ 'ηio₅ quian₅ ta₁ a₂dsi₁len₅ dsa₂ ja₁gon₂ Diú₄! § 25 Tsá₃ guě₄ 'e₂ ta₁ quian₅ a₂lé₂ le₃ηi₅ jan₂ já'₂ camello jui₅ tau₂ mi₂cu₄, con'₂ guě₄ dsa₂ cha₂ cu₄ a₂'í₂ ja₁gon₂ Diú₄.

26 Jme₁ca₂nág₂ chi'₂ dsí₂guia₃-tín₂ a₂ně₅, i₃gó'₃ dsí₅ 'ηio₅ lin₃. Qui₂ca₂ηíi'₃ riin'₅₄:

—¿I₂'ein₂ bá₄ guě'₂ jaun₂ ně₃ i₂lé₂ le₃tín'₄?

27 Jaun₂ ca₂jág₂ Jesús, jaun₂ ca₂juá'₂:

—Dsón'₂ bá₄ jaun₂, tē₂le₃ quió'₅ dsa₂ mi₂güí₃, o₁líg'₂ tsá₃ lé₂ le₃lé₂. La₁ tē₂le₃ quió'₅ Diú₄, ca₂le₃jě₃ bá₄ lé₂ le₃lé₂.

28 Pe₄ ně₃ ca₂jme₃lióg₃ ca₂juá'₂:

—Te₁gui'₅₄, ca₂le₃jě₃ 'e₂ a₂jme₁cha₂ quián₂ jnia'₅₄, ma₂ca₂tén'₂ dsí₅ jnia'₅₄ ma₂qui₂ma₂tí₄, ia₁ a₂'én₅ jnia'₅₄ 'ne₂.

29 Jaun₂ ca₂ηag₃ Jesús:

—A₂dsi₂jó'₃ juá'₅ jniá₂ juíg₂ 'nia'₂, ca₂le₃jín₃ i₂táun₂ 'ne₄, i₂tén₂ rin'₅₄, chog₅₄-jmei₂, chi'₂ quiáin₅, i₂tí₂ ja₁nau₂ quió'₅, 'uig₅₄ quió'₃ jniá₂, quian'₅₄ 'uig₅₄ quió'₄ jág₁ dse₃ ně₃, ³⁰ gue₃ mi₂güí₃ la₂ 'lióng₂ guě₄ 'né₅, juin₅ guě₄ riin'₅₄, juin₅ guě₄ chog₅₄, juin₅ guě₄ chi'₂-guein₂ quiáin₅ ně₃ le₃chan₂; ton'₂ 'lióng₂ guě₄ ja₁nau₂ quió'₅ le₃cha₂, o₁jnia'₅₄ la₂ chain₂ mi'₅₄ co₂'ein₅ dsa₂. La₁ia₁ gue₃ ja₁le₃chain₂ co₂tan₅₄ mi₂güí₃ caun₂. ³¹ La₁ rē₂ně₃, juin₅ i₂lín₅ i₂quen₅, la₁ jmig₄ jaun₂ léin₂ dsa₂ tē₂le₃ jē₁ca₂tó'₂; le₂jaun₂ bá₄ ján₃, ju₁lia'₂ i₂tsá₃ 'e₂ quen₅ rē₂ně₃ lia'₂ con'₂ niog₅ lín₂ dsa₂ mi₂güí₃, léin₂ i₂le₂'uig₅₄.

*Con'₂ siá'₂ táng₃ ca₂'ě₂ Jesús jág₁ a₂jóin₂
(Mateo 20:17-19; Lucas 18:31-34)*

32 Tioin'₅₄ jui₅ uíg₂ tso₄ a₂dsi₁léin₂ Jerusalén. Jesús ně₃ ηó₃ dsí₂ηiá'₄ ne₄ jui₅. Chi'₂ dsí₂guia₃-tín₂ guě'₂ i₂léin₂ dsí₂gó'₃ dsí₅. Ca₂le₃jín₃ guě₄ dsa₂ i₂jme₁quian'₅₄ ně₃ i₂léin₂ gó'₅. Jaun₂ ně₃ ca₂tě'₃ Jesús le₃cau₅ jui₅ jmá'₃ dsí₂guia₃-tín₂, jaun₂ ja₁jaun₂ ca₂juá'₂ 'e₂ niog₅ dsí₃ηíi'₂, ³³ ca₂juá'₂:

—Ní₂ 'nia'₂ jaun₂, tio'₅₄ jniog₄ jui₅ uíg₂ tso₄ a₂dsi₁náu₅ Jerusalén. Ja₁jaun₂ jín'₂ dsa₂ Jaun₅ dsa₂ mi₂güí₃ o₄gú₃ juig₅₄ jme₂dsa₂, ne₄ tē₅juá'₅ ně₃. I₂'éi₂ dsí₃ 'éi'₃ a₂ηag₃ dsa₂, jaun₂ jáng'₂ dsa₂ o₄gú₃ dsí₂nau₂ ně₃. ³⁴ 'Éi₂ ně₃ a₂lē₁qui₃jmóg'₂, qui₃cuě₃, qui₃'ηéi₂ dsa₂ ně₃. Jaun₂ guě₄ ηag₃. La₁ a₂'ni₅ jmig₄, jein'₅₄ bá₄ táng₃.

*A₂ca₂mi₃ Jacobo quian'₅₄ Juan₅₄
(Mateo 20:20-28)*

35 Jaun₂ ně₃, Jacobo quian'₅₄ Juan₅₄, le₃on₃ ja₁ηi'₅₄ Zebedeo, ca₂jme₃quiáin₃ ja₁chén'₄ Jesús, jaun₂ ca₂juá'₂:

—Tē₅, 'niog₂ jnia'₅₄ jmó'₂ 'ne₂ dse₃ 'au'₂ a₂jmó'₂ jui₁'e₂ caun₂ a₂mí₁ jnia'₅₄.

36 Jaun₂ ca₂juá'₂ Jesús:

‡ 10:21 A₂lin₅₄ chog₅₄ si₂ juá'₂: “Jmo₄ co₂ηiag₅₄ a₂jóng'₂,” (lit. quian₂ cróg₄ quiáng'₂), “éin₃ jniá₂.”

§ 10:24 Cha₂ a₂lin₅₄ chog₅₄ si₂ a₂juá'₂ le₂la₂: “a₂dsi₁len₅ dsa₂ cha₂ cu₄ ja₁gon₂ Diú₄.”

—¿'E₂ 'niog'₂ 'nia'₂ jmo₅₄ jniá'₂ guè'₂?

³⁷ Jaun₂ ca₂juá'₂ táng₃ 'éi₂:

—Jmó'₂ 'io₄ jnia'₅₄ jma₃já_{u3} lia'₂ ca₂ton₂ cau₅ quiáng'₂ jë₁ma₂tě₂ rë₁ne'₅₄ jláng'₁ ne₄ta₁ quiáng'₂.

³⁸ Jaun₂ ca₂ḡag₃ Jesús:

—Tsá₃ a₂jaun₂ ḡi'₅₄ 'nia'₂ a₂mi'₂. ¿Tián'₃ 'nia'₂ dsi₃ḡí'₂ ca₂le₃jě₃ jui₁lia'₂ a₂dsi₃ḡí'₂ jniá'₂ guè'₂? ¿Tián'₃ 'nia'₂ cán'₁ o₂i₁ dsi₅ jui₁lia'₂ o₂i₁ dsi₅ can₅₄ jniá'₂?

³⁹ Jaun₂ ca₂ḡag₃ táng₃ 'éi₂:

—Tián₂ bá₄ jnia'₅₄.

Ca₂juá'₂ táng₃ Jesús:

—Dsón'₂ bá₄ jaun₂ dsi₃ḡí'₂ 'nia'₂ 'e₂ niog₅ dsi₃ḡí'₂ jniá'₂. Ján₃ bá₄ cán'₁ 'nia'₂ o₂i₁ dsi₅ jui₁lia'₂ o₂i₁ dsi₅ can₅₄ jniá'₂. ⁴⁰ La₁ jui₁lia'₂ a₂juá'₂ 'nia'₂ a₂tiáng'₄ jma₃ca₂ton₂ cau₅ quió₃, on₃jua'₅₄ jniá'₂ ca₂tíng₂ cuë₅₄ a₂jaun₂. Ja₁jaun₂ lě₅ co₂jnia₅₄ a₂tian'₃ con'₂ i₂ca₂tín₂ bá₄.

⁴¹ Riin'₅₄ i₂ḡuan₃ guë₄ 'éi₂ ně₃, ca₂rě₃'néi₃ quian'₅₄ Jacobo quian'₅₄ Juan₅₄, jme₁ca₂nág₂ juá'₂ 'éi₂ le₂ně₅. ⁴² Jaun₂ ca₂tě₃ Jesús cau₅ quió'₅ ca₂tě'₃ 'éi₂ ca₂le₃jín₃. Jaun₂ ca₂juá'₂:

—ḡi'₅₄ bá₄ 'nia'₂ jui₁lia'₂ dsa₂ can'₅₄ i₂tián'₅ gon₂ juig₂ go₄ dsi₂nau₂, i₂jín₂ dsa₂ co₂'nió'₄ dsi₂tan₅₄ quiáin₅, qui₂toin'₂ dsa₂ 'éi'₃ bën₂. Le₂jaun₂ bá₄, jui₁lia'₂ dsi₂tan₅₄ i₂sion₅ guë₄ quiáin₅ ně₃, tián'₅ goin₂ jmo₂₃ 'éi'₃. ⁴³ La₁ jin'₄ 'nia'₂, tsá₃ le₂jaun₂ lé₂. Chi₂jua'₂ 'ein₂ 'nio₃ jmo₃ juin'₂, ca₂tíin₂ jme₃ti₃ ta₁ ne₄ riin'₅₄; ⁴⁴ chi₂jua'₂ 'ein₂ 'nia'₂ 'nio₃ cán₂ ne₄ ju₁i₅, 'nió'₅ jme₃ti₃ ne₄ ca₂le₃jín₃ dsa₂. ⁴⁵ Ia₁ le₂ně₅ bá₄ Jaun₅ dsa₂ mi₂ḡüig₃, tsá₃ ta₁ jaun₂ já₅ jua'₅₄ a₂jme₃ti₃ dsa₂ ne₅₄; a₂jme₃ti₃ ta₁ ne₄ dsa₂ bá₄ já₅, a₂quí₃ quian'₅₄ 'mú₃ 'lia'₅₄ ia₁jaun₂ tín'₄ juin₅.

Ca₂jme₃'lión₂ Jesús jan₂ dsa₂ ten₄ i₂chen₂ Bartimeo

(Mateo 20:29-34; Lucas 18:35-43)

⁴⁶ Dsi₃lén₂ juig₂ Jericó. Jme₁o₂'iin₃ juig₂ jaun₂ quiain'₅₄ chi'₂ dsi₂ḡuia₃-tín₂ quiáin₅, juin₅ guë₄ dsa₂ sián'₂ ně₃ quiong'₅₄, jaun₂ jan₂ dsa₂ ten₄ i₂chen₂ Bartimeo, (co₂'nió'₄ le₃jua'₅₄ ja₁ḡi'₅₄ Timeo), guá₅ 'éi₂ cau₅ ju₁i₅ mi₂3 a₂jme₃'o₅₄ dsa₂ cu₄. ⁴⁷ Jme₁ca₂nág₂ juá'₂ dsa₂ ḡó₅ Jesús i₂chan₂ Nazaret cau₅ jaun₂, jaun₂ ca₂'í₃ co₂mi'₅₄ tě'₂ Jesús:

—jJesús, tsi₁jon₂ David, dsia₄ ḡéi₂ 'au'₂ jniá'₂!

⁴⁸ Jaun₂ ca₂jí₂ bá₄ dsa₂ ia₁jaun₂ dsó₃ tei₄. La₁ tě₂le₃ i₂jui'₂ guë₄ co₂mi'₅₄ ca₂'í₃ bá₄, ca₂juá'₂:

—jTsi₁jon₂ David, dsia₄ ḡéi₂ 'au'₂ jniá'₂!

⁴⁹ Jaun₂ ca₂nau₂ Jesús jme₁ca₂nág₂, jaun₂ ca₂tsí'₃ dsa₂ i₂quiain'₅₄:

—Te'₂ 'nia'₂ o₁jia₂ ja₁lá₃.

Jaun₂ ca₂tě₃ dsa₂, ca₂juá'₂:

—Jmo₄ 'io'₂. Nau₂, ia₁ ó₃ tě₂.

⁵⁰ Jaun₂ ca₂ton₃ cau₅ 'mi'₂ dsió₂ jme₁chi₁bóin'₅, jaun₂ con'₂ ca₂nau₂ jaun₂ bá₄ co₂chi'₅₄, ca₂ḡó₃ ja₁chén'₄ Jesús.

⁵¹ Jaun₂ ca₂ḡag₃ 'éi₂:

—¿'E₂ 'niog'₂ jmo₅₄ jniá'₂ o₄quiáng'₂?

Jaun₂ ca₂ḡag₃ táng₃ dsa₂ ten₄:

—Tě₅, a₂jnia₅₄ jme₁ne₃ bá₄ jniá'₂ 'nio₃.

⁵² Jaun₂ ca₂juá'₂ Jesús:

—Ma₂lé₂ quang'₅₄. Ma₂'lóng'₂ ia₁ 'éng'₂ bá₄.

Dsi₂ju₁i₅ jaun₂ bá₄ ca₂jnia₃ mi₂ne₄ dsa₂ 'éi₂. Jaun₂ ca₂ḡó₃ quiain'₅₄ Jesús.

11

Ca'í₃ Jesús jë₄ juig₂ Jerusalén

(Mateo 21:1-11; Lucas 19:28-40; Juan 12:12-19)

¹ Jme₁ma₂quián₅ dsi₁lén₂ Jerusalén, dsi₃lén₂ quián₅ juig₂ Betfagé quian'₅₄ juig₂ Betania në₃, a₂niog₅ cau₅ Má'₂ Olivos. Ja₁jaun₂ ca₂chen₃ Jesús on₃ dsa₂ i₂guia₃-tín₂ quiáin₅, ² ca₂juá'₂:

—O₂nó'₅ 'nia'₂ juig₂ pí'₁ niog₅ të₂le₃ ne₄ jui₅ ja₁dsau₅₄ në₅. Jë₁ma₂ca₂dsi₃nó'₅ 'nia'₂ ja₁jaun₂, dsian'₂ 'nia'₂ jan₂ bú'₄ 'mí₂ i₂rë₂'ñe'₅₄ i₂tsá₃ 'ein₂ ma₂co₁dsag₅₄. O₂chein'₅₄ 'nia'₂ jaun₂ të'₅₄ ja₁lá₃. ³ Në₁jua'₂ 'ein₂ ca₂juá'₂: “¿'E₂ lë₃ jmo'₂ 'nia'₂ le₂në₅?” jaun₂ juig'₅₄ 'nia'₂: “Te₁gui'₅₄ bá₄ 'nio₃ ca₂tiá'₂, la₁ në₃ cón'₅ bá₄ jáng'₂ táng₃.”

⁴ Jaun₂ i₃lén₂ dsa₂ 'éi₂. Jme₁ca₂dsi₃lén₂ ja₁chén'₄ bú'₄ rë₂'ñe'₅₄ jë₄ calle cau₅ o₄'né₄ quió'₅ dsa₂, jaun₂ ca₂chéi'₂ jaun₂ në₃. ⁵ Jaun₂ ca₂juá'₂ i₂lín₅₄ dsa₂ i₂ca₂jág₃, i₂tión₂ cau₅ jaun₂:

—¿'E₂ jmo'₂ 'nia'₂ ja₁në₅? ¿'E₂ lë₃ tsing'₅₄ bú'₄?

⁶ Jaun₂ ca₂jéin'₃ bá₄ guë'₂ 'éi₂ jág₁ lia'₂ lë₃ jág₁ ca₂cuë₃ Jesús. Jaun₂ ca₂cuë₃ bá₄ dsa₂ jmig₄ të₂ já'₂. ⁷ Jaun₂ jme₁o₃lein₃ te₂ bú'₄, ca₂i₁jio₃ ja₁'en₅₄ Jesús, jaun₂ ca₂jmo₃ dse₃ qui₂ca₂jlag₂ 'mi'₂ mi₂ca'₄ já'₂. Jaun₂ guë'₄ ca₂co₃dsag₅₄ Jesús. ⁸ Juin₅ dsa₂ qui₂ca₂néi'₃ 'mi'₂ le₂'i₄ jui₅ ja₁ñi₃ Jesús. I₂lín₅₄ guë'₂ ca₂dsia₃ gu'₂-nei'₅₄ 'ma₂ a₂ca₂i₁'niai₁₂ ja₁nau₂.

⁹ Jaun₂ dsa₂ i₂i₂lén₂ le₃ne₄ jui₅ quian'₅₄ i₂ja₂lén₂ le₃chi₁co'₅₄ në₃, qui₂ca₂tóin'₂ co₂mi'₅₄, ca₂juá'₂:

—jui₁le₂juin'₂ bá₄ i₂në₅!* jui₁le₂jñi₃ bá₄ i₂në₅ i₂já₅ o₄quió'₄ Te₁gui'₅₄!†

¹⁰ jui₁le₂jñi₃ bá₄ 'éi'₃ a₂já₅ quió'₅ jmei₂ jniog₄ David në₃! jui₁le₂juin'₂ bá₄ i₂guá₅ guei'₅₄ i₂juig₃!

¹¹ Jme₁ca₂'í₃ Jesús juig₂ Jerusalén, jaun₂ ca₂'í₃ i₁dsi₅ guá'₅ templo. Jme₁ma₂në₂jág₃ 'a₂ lia'₂ lë₃ ja₁jaun₂, ca₂o₃'iin₃, ca₂ñái'₃ táng₃ jui₅ Betania quian'₅₄ ca₂le₃jín₃ chi'₂ dsi₂guia₃-tín₂ quiáin₅, ia₁ ma₂ca₂'láu₂.

Ca₂juá'₂ Jesús jág₁ uig₅ ca₂tsí'₃ ni₁'ma₂ higuera a₂tsá₃ míg₂ cha₂

(Mateo 21:18-19)

¹² Jme₁jnia₃ jaun₂, con'₂ ma₂'uín₂ táng₃ juig₂ Betania, ca₂tá'₂ i₁cón'₅ Jesús. ¹³ Jaun₂ ca₂jág₃ të₂ uíng₂ caun₂ ni₁'ma₂ higuera, lia'₂ rë₂can'₂ mog'₅₄ jniá₂ chí'₅. Jaun₂ ñó₃ 'uig₅₄ ja₁dsi₅₄, ia₁ lín₂ jme₁dsio'₂ míg₂. La₁ jme₁dsióg₃ në₃, jmá'₃ mog'₅₄ bá₄ cha₂, ia₁ on₃jua'₅₄ jein₂ a₂'ag₅ míg₂ higos jaun₂. ¹⁴ Jaun₂ në₃ ca₂juá'₂ Jesús ca₂tsí'₃ ni₁'ma₂:

—jui₁le₅₄ ca₂lia'₂ o₁líg'₂ jmig₄ tsá₃ ma₃'ein₂ guë'₃ co₂ñei'₅₄ míg₂ quiáng'₂.

Ca₂nág₂ bá₄ chi'₂ dsi₂guia₃-tín₂ jme₁ca₂juá'₂ le₂në₅.

Ca₂'uín'₂ Jesús dsa₂ i₂jme₁tion'₅₄ dsia₅ 'ma'₅₄ i₁dsi₅ guá'₅

(Mateo 21:12-17; Lucas 19:45-48; Juan 2:13-22)

¹⁵ Jme₁ca₂dsi₃lén₂ táng₃ juig₂ Jerusalén, ca₂'í₃ Jesús i₁dsi₅ guá'₅ templo, ca₂jme₃lióg₃ ca₂'uín'₂ ca₂le₃jín₃ dsa₂ i₂jme₁tion'₅₄ 'nag₅, i₂lá₅ në₃. Jaun₂ qui₂ca₂jéin'₃ ni₁mesa jme₁jmó'₂ dsa₂ ta₁ ja₁jme₂tsiin₃ cu₄, qui₂ca₂quí'₂ 'ma₂si₅₄ ja₁jme₁tián'₄ dsa₂ i₂'ni₅ i₁ju₂; ¹⁶ tsá₃ ma₃ca₂cuë₃ jmig₄ jua'₅₄ a₂dsi₃can₅ guë'₄ dsa₂ lio₄ quió'₅ i₁dsi₅ guá'₅.

¹⁷ Jaun₂ ca₂jme₃tiin₂₃ dsa₂ 'éi₂, ca₂juá'₂:

* **11:9** lit. “Hosana”, a₂jein₅ jág₁ quian'₅₄ jág₁ jmei₅ arameo: “Lio₄ jnia'₅₄”, co₂'nió'₄ a₂qui₂mi₅ dsa₂ ne₄ Diú₄ a₂jíá₃ i₂rë₂'ín₁ quiáin₅; la₁ cang₂ jaun₂ táng₃ ca₂jein₅ jág₁ a₂jme₂juin'₂ dsa₂ jan₂ dsa₂. † **11:9** Salmo 118:25-26.

—Ne₄ Si₂ juá'₂: “Né₅ quió'₃ lě₅ ca₂ne₅₄ 'né₅ ja₁chi₂lén'₂ dsa₂ Diú₄, dsa₂ chan₂ ca₂le₃jě₃ juig₂.” ‡ La₁ 'nia'₂ ně₃ ma₂jmo'₅₄ ně₂jag₄ bá₄ tē₂'lau₂ quió'₅ dsa₂ 'ang₂. §

¹⁸ Jaun₂ juig₅₄ jme₂dsa₂ quian'₅₄ tē₅juá'₅ ně₃ ca₂nág₂ jág₁ ně₅. Jaun₂ ca₂jme₃lióg₃ ca₂'náu'₃ jui₅ 'a₂ lia'₂ jñag'₃, ia₁ gó'₅ con'₂ tsá₃ nō₅ ně₁juá'₂ 'éi₂ bá₄ jme₃gón₃ lé₂, ia₁ juin₅ lín₃ dsa₂ nag₅ dsi₂gó'₃ dsi₅ jág₁ a₂jme₂tag₅ Jesús. ¹⁹ Tē₂le₃ ca₂nei₂ jmig₄ jaun₂, ca₂'uiin₂* juig₂ jaun₂.

Ca₂rě₃quén₃ ni₁'ma₂ higuera
(Mateo 21:20-22)

²⁰ Jme₁nia₃ jaun₂, ca₂ñi₅ táng₃ jui₅ ja₁dsi₅₄ ni₁'ma₂ higuera. Jaun₂ ca₂jág₃ co₂dsia₅ ma₂quein₂ ca₂tē₂ cho'₅₄. ²¹ Jaun₂ ca₂dsáu'₃ dsi₅ Pe₄, jaun₂ ca₂tsí'₃ Jesús: —Tē₅, jag₄ ni₁'ma₂ a₂ca₂chei'₅₄ uig₅. Co₂dsia₅ ma₂ca₂rě₃quén₃.

²² Jaun₂ ca₂ñag₃ Jesús ca₂tsí'₃ dsa₂: —'Én₃ 'nia'₂ tē₂le₃ quió'₅ Diú₄. ²³ A₂dsi₂jó'₃ juí₂ jniá'₂ 'nia'₂, jui₁'ein₂ guě₃ juá'₂ tsí'₃ ni₁má'₂ ně₅: “Jñag'₃ ja₁ně₅, o₂'ú₅ jm₁ñí'₄”, le₂jaun₂ dsón'₂ le₃ti₃ bá₄, ně₁juá'₂ tsá₃ ca₂'ág₂ caun₂-tín₃ dsi₅. ²⁴ Jaun₂ lě₃, juá'₅ jniá'₂, jui₁'e₂ guě₃ a₂mi'₂ 'nia'₂ jme₁chi₂leng'₅₄ Diú₄, ně₁juá'₂ jmo'₂ 'nia'₂ 'au'₂ ně₂jag₄ bá₄ a₂ma₂ně₂gue'₅₄ 'e₂ a₂mi'₂, le₂jaun₂ dsón'₂ le₃ti₃ bá₄ ja₁con'₂ 'nia'₂. ²⁵ Jě₁ma₂tē₂ rě₁náu'₁ 'nia'₂ chi₁leng'₄ Diú₄, ně₁juá'₂ cha₂ 'nei₂ 'au'₂ 'nia'₂ ja₁con₂ ríng'₂, 'én₃ 'nia'₂ dsáu₁ ríng'₂, ia₁jaun₂ bá₄ Néi'₅ 'nia'₂ i₂guá₅ guei'₅₄ i₂juí₃ 'éin₂ dsáu'₂ 'nia'₂ guiong'₅₄. †

Jesús bá₄ i₂'io₅ 'éi'₃
(Mateo 21:23-27; Lucas 20:1-8)

²⁷ Ca₂dsi₃lén₂ táng₃ juig₂ Jerusalén. Jaun₂ jme₁ma₂ñi₅ Jesús i₁dsi₅ guá'₅ templo, jaun₂ ca₂jme₃quián₃ juig₅₄ jme₂dsa₂, tē₅juá'₅, dsi₂gui'₅₄ can'₅₄ ně₃. ²⁸ Jaun₂ ca₂ñag₃ dsa₂ 'éi₂ ca₂ñi'₃ Jesús:

—¿'E₂ ta₁ lín'₅ 'ne₂ a₂jmo'₂ ca₂le₃jě₃ 'e₂ a₂jmo'₂ ñi'₂? ¿'Ein₂ cuē₅ bí₂ 'éi'₃ a₂jmo'₂ le₂ně₅?

²⁹ Jaun₂ ca₂ñag₃ Jesús: —Ján₃ bá₄ ñag₄ jniá'₂ caun₂ 'nia'₂. Ně₁juá'₂ ca₂ñag₅₄ 'nia'₂ lia'₂ tí₅, jaun₂ guě₄ juá'₄ jniá'₂ 'ein₂ cuē₅ bí₂ a₂jmo₂₃ ca₂le₃jě₃ a₂jmo₂₃. ³⁰ Jui₁lia'₂ a₂ca₂chon₃ Juan₅₄ jmig₂ dsa₂, ¿'ein₂ quió'₅ 'éi'₃ jaun₂? ¿Quió'₅ Diú₄, o₃ quió'₅ dsa₂ mi₂güig₃ 'e₂? Ñag₄ 'nia'₂.

³¹ Jaun₂ ca₂dsia₃ dsa₂ can'₅₄ jág₁ con'₂ guoin₅₄, ca₂juá'₂: —Ně₁juá'₂ ca₂chei'₅₄ jniog₄ 'éi'₃ quió'₅ Diú₄ bá₄, ně₃ cón'₅ bá₄ ñag₃: “¿'E₂ lě₃ tsá₃ ca₂rě₃'én'₂ 'nia'₂ jág₁ quió'₅ 'éi'₂?” ³² ¿La₁ ně₁juá'₂ ca₂chei'₅₄ jniog₄ 'éi'₃ quió'₅ dsa₂ mi₂güig₃ bá₄...?

La₁ ca₂rě₃gain₃ ca₂le₃jín₃ dsa₂ i₂quian'₅₄ Jesús. Ia₁ ca₂le₃jín₃ dsa₂ jme₁'éin₂ a₂jme₁lín₄ Juan₅₄ tē₃dsón'₂ jan₂ dsa₂ i₂'ě₂ jág₁ quián₅ Diú₄. ³³ Jaun₂ ca₂ñag₃ dsa₂ can'₅₄ ca₂tsí'₃ Jesús:

—Tsá₃ a₂jaun₂ ne₄ jnia'₅₄.

Jaun₂ ca₂ñag₃ táng₃ Jesús:

—Ján₃ bá₄ tsá₃ juá'₄ jniá'₂ 'ein₂ cuē₅ bí₂ 'éi'₃ a₂jmo₂₃ ca₂le₃jě₃ 'e₂ a₂jmo₂₃ ñi₂₃.

12

Jág₁ jáng'₅ léi₄ jui₁lia'₂ co₂nió'₃ dsa₂ 'lín'₅₄ i₂jmó'₂ ta₁ ja₁nau₂
(Mateo 21:33-46; Lucas 20:9-19)

‡ 11:17 Isaías 56:7. § 11:17 Jeremías 7:11. * 11:19 A₂lín₅₄ chog₅₄ si₂ juá'₂: “ca₂o₃'ín₃,” † 11:25 A₂lín₅₄ chog₅₄ si₂ chi₁ton₅ versículo 26 ján₃, a₂juá'₂ le₂la₂: “Ia₁ ně₁juá'₂ tsá₃ 'én'₅ 'nia'₂ dsáu₁ ríng'₂, ján₃ bá₄ le₂jaun₂ tsá₃ 'én₂ Néi'₅ 'nia'₂ i₂guá₅ guei'₅₄ i₂juí₃ dsáu'₂ 'nia'₂ guiong'₅₄”.

1 Jaun₂ ca₂jme₃lióg₃ Jesús ca₂juá'₂ quian'₅₄ jág₁ a₂jáng'₅ léi₄. Ca₂juá'₂:

—Jme₁chan₂ jan₂ dsa₂ ca₂chéin'₃ uing₂ a₂'ag₅ míg₂ uvas ja₁nau₂ quió'₅. Jaun₂ ca₂jmo₃ jní₁ le₃lág'₃. Jaun₂ ca₂jmo₃ co₂jñia₅₄ ja₁jlein'₃ míg₂. Jaun₂ ca₂chi'₃ caun₂ tsi₁'né₅ ñei₅ ja₁guá₃ jmo₃ 'í₁.

Jaun₂ ca₂lí'₃ jág₁ quian'₅₄ dsa₂ sián'₂ i₂nio₃ ne₄ ja₁nau₂, Jaun₂ ca₂ñó₃ bá₄ 'ñiog₅ i₂ñí₃ juig₂ siá'₂. ² Jme₁ca₂tě₂ jein₂ a₂ca₂rau₂ míg₂, jaun₂ ca₂chen₃ dsa₂ juig₅₄ ja₁nau₂ jan₂ dsa₂ mozo quiáin₅ a₂jme₁i₂mí₃ a₂jáng'₃ dsa₂ ca₂dsio₄ míg₂ con'₂ a₂ca₂tín₂ dsa₂ juig₅₄. ³ Dsa₂ jmó'₂ ta₁ ja₁nau₂ ně₃, 'nió'₄ a₂jme₁cuě₃ a₂mi₅ dsa₂ 'éi₂, ca₂jñau'₃, ca₂cuě'₃ dsa₂ 'éi₂ tioen'₅₄, ca₂dsióg'₂ bá₄, tsá₃ 'e₂ ca₂jáng'₃ a₂jme₁mi₅ 'éi₂. ⁴ Dsa₂ juig₅₄ ja₁nau₂ ně₃ ca₂chein₃ táng₃ jan₂ dsa₂ mozo sián'₂. I₂'éi₂ ně₃, ca₂cuí'₂ mi₂dsi₅₄, ca₂jmóg'₂ dsa₂ 'éi₂, jě₂ bá₄ ca₂tě₂ca₂'o'₂. ⁵ Jaun₂ dsa₂ juig₅₄ ja₁nau₂ ně₃ ca₂chein₃ bá₄ guě₄ jan₂ dsa₂ sián'₂ táng₃, la₁ i₂'éi₂ guě₄ ně₃ ca₂jñi'₃. Juin₅ guě₄ i₂sián'₂ ca₂l₁len₅₄ ján₃. I₂lin₅₄ 'éi₂ qui₂ca₂cuě'₃, i₂lin₅₄ guě'₂ ca₂jme₃dsiain₂₃ tioen'₅₄.

⁶ 'Dsa₂ juig₅₄ ja₁nau₂ ně₃ jme₁chan₂ guě₄ jan₂ ja₁ñi'₅₄ i₂jme₁'nioi₃ guě₄ lin₃. Jaun₂ ca₂chein₃ 'éi₂, ia₁ lín₂: “Jme₃gan₃ dsa₂ chi'₂ quiáng₃.” ⁷ La₁ dsa₂ tion'₅₄ ja₁nau₂ ně₃, ca₂dsia₃: “I₂ně₅ bá₄ tin₃ ja₁nau₂ la₂ cang₂; ně₃ o₁jñi'₄ jniog₄, ia₁ jaun₂ jniog₄ bá₄ lé₂ quián₂”. ⁸ Jaun₂ le₂ jaun₂ bá₄ ca₂jmo₃. Ca₂jñi'₃ bá₄ 'éi₂ tioen'₅₄. Jaun₂ ca₂dsei₂₃ le₃co'₅₄ jní₁.

⁹ 'Jaun₂, ¿'e₂ jmo₃ dsa₂ juig₅₄ ja₁nau₂? Jñiói'₂ jme₃dsiain₂₃ ca₂le₃jín₃ dsa₂ i₂tion'₅₄ jmó'₂ ta₁ ja₁nau₂ quió'₅, jaun₂ dsia₃ gu₂ dsa₂ sián'₂ táng₃.

¹⁰ '¿Tsa₁ ma₂'í'₂ 'nia'₂ Si₂ ja₁juá'₂:
Ni₁cang₁ a₂tsá₃ ca₂rě₃ji'₅₄ tē₅'ia'₂,
ca₂dsióg₃ ca₂lě₃ ni₁cang₁ a₂dsen₅₄ guě₄
a₂tě₁ron₅₄ qui'₅₄ 'ia'₂;

¹¹ con'₂ ně₅ lě₅ ca₂jmo₃ Te₁gui'₅₄,
jaun₂ 'ñio₅ lin₃ bá₄ jlá'₁, lág₂ jniog₄?*

¹² Jaun₂ jme₁'no'₂ dsa₂ jui₅ a₂jme₁tsáun'₂, ia₁ ca₂rě₃lí'₄ bá₄ guioin₅₄ a₂juá'₂ Jesús jág₁ jáng'₅ léi₄ ně₅ a₂'iin₂₃ 'éi₂ bá₄. La₁ ca₂rě₃gain₃ bá₄ dsa₂ juin₅ i₂quian'₅₄ Jesús. Jaun₂ i₂lein₃ bá₄, tsá₃ ma₃ca₂jñau'₃.

*Jág₁ jui₁lia'₂ 'lia'₅₄ a₂ca₂tín₂ dsit₂tan₅₄
(Mateo 22:15-22; Lucas 20:20-26)*

¹³ Jaun₂ ca₂chen₃ dsa₂ can'₅₄ i₂lin₅₄ dsa₂ fariseos, quian'₅₄ i₂lin₅₄ dsa₂ quián₅ Rag₅₄ Herodes a₂dsi₃chi'₅₄ 'e₂ dsí₃chi'₅₄ Jesús, ia₁ jaun₂ cuin₅ jmag₄ jo₅₄ jui₁lia'₂ bá₄ 'ñiái₃ ca₂jon₄ jág₁ 'lia'₂. ¹⁴ Jaun₂ ca₂o₃lén₂ ca₂juá'₂:

—Tě₅, ne₄ bá₄ jnia'₅₄ a₂dsón'₂ bá₄ juá'₂ 'ne₂ lia'₂ tí₅ jág₁. Jaun₂ tsá₃ can'₂ 'ne₂ jág₁ jua'₅₄ a₂quian'₅₄ o₂i₁ dsí₅ 'e₂ 'ag₅ dsa₂, ia₁ tsá₃ gang'₃ jmag'₅₄ jui₁lia'₂ dsa₂ dsen₅₄ ně₃. Caun₂ qui₂jme₂tíng'₁ bá₄ dsa₂ jui₅ quió'₅ Diú₄. ¿'l₄ 'éi'₃ qui₅₄ 'lia'₅₄ a₂ca₂tín₂ dsit₂tan₅₄ César? ¿'Nió'₅ qui₅₄ o₃ tsá₃ qui₅₄ 'e₂?

¹⁵ La₁ ñi₅ rě₂ bá₄ Jesús a₂lě₁i₂nio₄ juá'₂ o₁ne₁ bá₄ dsa₂ 'éi₂. Jaun₂ ca₂juá'₂:
—¿'E₂ lě₃ cáun'₂ 'nia'₂ táu₂ jniá'₂? O₂quian₂ de'₂ 'nia'₂ caun₂ cu₄ denario jaun₂ jág₄ jniá'₂.

¹⁶ Jaun₂ ca₂i₁quian₅₄ dsa₂. Jaun₂ jme₁ca₂jág₃ Jesús, jaun₂ ca₂ñag₃:
—¿'Ein₂ dsí₂ne₄ chi₁ton₅ ja₁lá₃? ¿'Ein₂ quió'₅ letra ně₃?
Jaun₂ ca₂ñag₃:

—Quió'₅ gui'₅₄ emperador César bá₄.

¹⁷ Jaun₂ ca₂juá'₂ táng₃ Jesús:

* 12:11 Salmo 118:22-23.

—Jang' ⁵⁴ 'nia' ₂ ne ₄ César con' ₂ a₂ca₂tín₂ César; ne ₄ Diú₄ ně₃ jang' ⁵⁴ 'nia' ₂ con' ₂ a₂ca₂tín₂ Diú₄.

Jaun₂ ca₂i₃gó' ₃ dsí₅ jín₂ 'éi₂.

Ca₂ηag₃ dsa₂ saduceos jui₁lia' ₂ a₂jen' ₅₄ 'lag₄
(Mateo 22:23-33; Lucas 20:27-40)

¹⁸ Jaun₂ ca₂o₃lén₂ i₂lín₅₄ dsa₂ saduceos ca₂o₃jín₅₄ Jesús. Ia₁ tsá₃ 'én₂ dsa₂ 'éi₂ a₂jen' ₅₄ táng₃ dsa₂ jē₁ma₂dsain₃. Jaun₂ ca₂tsí' ₃ Jesús:

¹⁹ —Tē₅, ca₂quiog₂ Moisés si₂ a₂juá' ₂, ně₃jua' ₂ ca₂jon₃ jan₂ dsa₂ ηe' ₂ tē₃ tsá₃ ca₂can₃ 'io₅₄ quiáin₅ guein₂, tion' ₅₄ 'nió' ₅ jén' ₂ gu₂ dsó₂ rín' ₅₄ dsa₂ ηe' ₂ i₂ca₂jon₃ quiain' ₅₄ 'io₅₄ 'nág₂ 'éi₂, ia₁jaun₂ guein₂ i₂le₃chan₂ quiáin₅, lé₂ co₂'nió' ₄ tsí₁jon₂ 'lag₄ rín' ₅₄.†

²⁰ 'Ia₁ jme₁chan₂ guion₃ dsa₂ ηe' ₂ i₂lín₅ jmá' ₃ lia' ₂ rín' ₅₄. Ca₂jen' ₂ gu₂ i₂le₂'uig₅₄, la₁ ca₂join₃ bá₄ tē₃ tsá₃ guein₂ ca₂can₃ 'io₅₄ quiáin₅. ²¹ Jaun₂ ca₂jen' ₂ táng₃ gu₂ 'io₅₄ 'nág₂ 'éi₂ quiain' ₅₄ jē₁ca₂tē₂ on₃. Ján₃ bá₄ le₂jaun₂ ca₂jon₃ táng₃ dsó₂ 'éi₂, tsá₃ guein₂ ca₂can₃ 'io₅₄. Ján₃ bá₄ le₂jaun₂ ca₂lē₃ quian' ₅₄ jē₁ca₂tē₂ ún₂. ²² Le₂jaun₂ bá₄ ca₂lē₃ quian' ₅₄ ta₁guion₃ dsa₂ ηe' ₂ con' ₂ i₂jme₁lé₄ rín' ₅₄: ca₂dsain₃ bá₄ tē₃ tsá₃ guein₂ ca₂can₃ 'io₅₄ 'i₁jan₂ quiain' ₅₄ 'i₁jan₂ dsó₂ 'éi₂. Jaun₂ ca₂jon₃ 'io₅₄ jme₁ca₂join₃ ně₃. ²³ Jaun₂ ně₃, jmig₄ jē₁ma₂tē₂ rē₁jen' ₅₄ 'lag₄, ħ'ein₂ bá₄ quián₅ lé₂ 'io₅₄ 'éi₂? Ia₁ ta₁guion₃ bá₄ guē' ₂ dsa₂ ηe' ₂ ca₂guá₂ quiain' ₅₄.

²⁴ Jaun₂ ca₂ηag₃ Jesús:

—'E₂ guē₄ tsá₃ rē₂ ηí' ₂ 'au' ₂ 'nia' ₂, ia₁ a₂tsá₃ cuin' ₂ 'nia' ₂ 'a₂lia' ₂ juá' ₂ Si₂, on₃ guē' ₂ cuin' ₂ 'nia' ₂ 'a₂lia' ₂ lē₅ jui₅bí₂ quió' ₅ Diú₄. ²⁵ Jē₁ma₂tē₂ jmig₄ a₂jen' ₅₄ 'lag₄, on₃jua' ₅₄ a₂le₃chain₂ jua' ₅₄ a₂qui₃jéin' ₂ guē₄ gu₂, on₃ guē' ₂ ně₅ tóin' ₃ guē₄ jua' ₅₄ a₂qui₃cuin₃ chi' ₂ quiáin₅ a₂jéin' ₂ gu₂, ia₁ i₂lén₂ jui₁lia' ₂ lín₅ ángeles i₂tion' ₅₄ guei' ₅₄ i₂juig₃ bá₄ 'éi₂ jmig₄ jaun₂. ²⁶ La₁ jui₁lia' ₂ a₂jen' ₅₄ táng₃ 'lag₄, ħ₂sa₁ ma₂'í' ₂ 'nia' ₂ Si₂ quió' ₅ Moisés jui₁lia' ₂ ja₁juá' ₂ 'ē₂₃ ni₁'ma₂ taun₅, ja₁ca₂juá' ₂ Diú₄ ca₂tsí' ₃ Moisés: “Jniá₂ bá₄ líng₅ Diú₄ quián₅ Abraham, quián₅ Isaac, quián₅ Jacob ně₃?”‡ ²⁷ A₂lín₅ Diú₄ quian₅ dsa₂ jén' ₃ bá₄, on₃jua' ₅₄ rē' ₂ Diú₄ quián₅ 'lag₄. Jaun₂ 'ηio₅ lín₃ tsá₃ rē₂ ηí' ₂ 'au' ₂ 'nia' ₂.

'Éi' ₃ Juá' ₅ a₂dsen₅₄ guē₄ quió' ₅ Diú₄
(Mateo 22:34-40)

²⁸ Jaun₂ ca₂guan₃ jan₂ tē₃juá' ₅, ca₂nág₂ jág₁ a₂tsin₅ Jesús quian' ₅₄ dsa₂, ca₂rē₃lí' ₄ bá₄ a₂ca₂ηag₃ Jesús lia' ₂ tí₅ jág₁. Jaun₂ ca₂ηag₃:

—ħ'E₂ 'Éi' ₃ Juá' ₅ a₂le₂'uig₅₄ a₂lē₅ a₂dsen₅₄ guē₄ con' ₂ guē₄ ca₂le₃jē₃ juá' ₅?

²⁹ Jaun₂ ca₂ηag₃ Jesús:

—'Éi' ₃ Juá' ₅ le₂'uig₅₄ con' ₂ guē₄ ca₂le₃jē₃, juá' ₂: “Nei₂ 'nia' ₂ dsa₂ chan₂ juig₂ Israel. Jan₂ Te₁gui' ₅₄ bá₄ lín₅ Diú₄ quián₂ jniog₄. ³⁰ Jme₁'nió₄ 'nia' ₂ Te₁gui' ₅₄ Diú₄ quiáng' ₂ ca₂le₃jē₃ 'au' ₂, ca₂le₃jē₃ jme₂dsí₂ quiáng' ₂, ca₂le₃jē₃ 'a₂lia' ₂ ηí' ₂ dsei' ₂, ca₂le₃jē₃ bí₂ quiáng' ₂.”§ ³¹ Jē₁ca₂tē₂ tín₃ juá' ₅ ně₃ juá' ₂: “A₂jme₁'nióg' ₄ dsa₂ mi₂güig₃ ríng' ₂ jui₁lia' ₂ 'niog' ₂ 'ηiag' ₂.”* Jñia' ₅₄ lia' ₂ a₂tín₃ ně₅ bá₄ juá' ₅ a₂lē₅ a₂dsen₅₄ guē₄ con' ₂ guē₄ ca₂le₃jē₃ 'Éi' ₃ Juá' ₅ quió' ₅ Diú₄.

³² Jaun₂ ca₂ηag₃ tē₃juá' ₅ 'éi₂:

—Tē₅, 'ηio₅ dse₃ lia' ₂ ně₂ηag' ₅₄; a₂dsón' ₂ bá₄ dsau₅ jan₂ bá₄ Diú₄ i₂chan₂, tsá₃ ma₃'ein₂ diú₄ sián' ₂ chan₂. ³³ A₂jaun₂ bá₄ a₂dsen₅₄ guē₄ a₂jme₃'nio₃ dsa₂ Diú₄ ca₂le₃jē₃ dsí₅, ca₂le₃jē₃ jme₂dsí₂, ca₂le₃jē₃ bí₂ quió' ₅; a₂jme₃'nio₃ dsa₂ rín' ₅₄

† 12:19 'Nio' ₂ ja₁ton₅ Deuteronomio 25:5-6. ‡ 12:26 Éxodo 3:6. § 12:30 Deuteronomio 6:4-5.

* 12:31 Levítico 19:18.

ju₁lia'₂ 'nioi₃ 'ñiog₅. A₂jaun₂ bá₄ a₂quen₅ guě₄ con'₂ guě₄ ca₂le₃jě₃ 'e₂ niog₅ jén'₅ dsa₂ ne₄ Diú₄, o₃ 'e₂ a₂qui₂dsí'₂ dsa₂ ne₄chei₂ ně₃.

³⁴ Jaun₂ jme₁ca₂nág₂ Jesús ca₂ñag₃ bá₄ dsa₂ 'éi₂ a₂ñí'₂ dse₃ dsí₅, jaun₂ ca₂juá'₂:
—Tsá₃ uíng₂ ñí'₂ ja₁gon₂ Diú₄.

Jaun₂ tē₂le₃ ne₄ ju₁i₅ guě₄ jaun₂, tsá₃ ma₃'ein₂ ca₂tiá₂ dsí₅ jua'₅₄ a₂ñág₃ guě₄ 'e₂ ñag₃.

¿'Ein₂ tsi₁jon₂ quián₅ lín₅ I₂rē₂'ín₁ quián₅ Diú₄?

(Mateo 22:41-46; Lucas 20:41-44)

³⁵ Jaun₂ ca₂jéin'₃ Jesús jág₁ jē₄ jme₂tiin₂₃ dsa₂ i₁dsi₅ guá'₅ templo, jaun₂ ca₂juá'₂:

—¿'A₂ lia'₂ lē₅ juá'₂ tē₅juá'₅ a₂lín₅ tsi₁jon₂ David I₂rē₂'ín₁ quián₅ Diú₄, ³⁶ ton'₂ 'ñiog₅ bá₄ guě'₂ David ca₂juá'₂ lia'₂ con'₂ jme₁ca₂'í₃ Jme₂dsí₂ Jñi₀5 tē₂dsí₅:

Ca₂juá'₂ Diú₄ ca₂tsí'₃ Te₁gui'₅₄ quiáng₃:

“Né₂ con₂ jniá₂ tē₂le₃ gu₃ ne₁,

ca₂lia'₂ ca₂tē₂ jmig₄

a₂tón'₁ jniá₂ dsa₂ i₂'iog₅₄ o₄tag'₄”†

³⁷ ¿'A₂ bá₄ lia'₂ lē₅ jaun₂ a₂lín₅ tsi₁jon₂ David, ton'₂ 'ñiog₅ bá₄ guě'₂ David ca₂tē₃ “Te₁gui'₅₄ quiáng₃?”

Ca₂le₃jín₃ dsa₂ juin₅ 'éi₂ jme₁nag₂₃ 'ñio₂ dsí₅ jág₁ quió'₅.

Chóg'₅ Jesús dso₄ juá'₂ 'a₂ lia'₂ niog₅ lín₅ tē₅juá'₅

(Mateo 23:1-36; Lucas 11:37-54; 20:45-47)

³⁸ Tē₃jē₄ jme₂tiin₂₃ dsa₂, ca₂juá'₂:

—Ñí₂ 'nia'₂, jmo₄ 'nia'₂ 'í₁ tsá₃ i₂can₂ 'nia'₂ ju₁i₅ ju₁lia'₂ niog₅ lín₅ tē₅juá'₅. Ia₁ tē₅ dsí₅ i₂nioi₅₄ le₁qui'₂ 'mi'₂ chen'₅₄ jang₄, ton'₂ tē₅ dsí₅ qui₂cuag₃ dsa₂ Diú₄ jē₄ 'ma'₅₄, ³⁹ ton'₂ jmá'₃ lia'₂ ja₁dsen₅₄ bá₄ qui₂dsi₂tiain'₂ ju₁lia'₂ dsi₂néi₂ guá'₅ sinagoga, ton'₂ jmá'₃ lia'₂ ja₁dsen₅₄ bá₄ dsi₂toin'₅₄ ja₁dsi₂guě'₃ ju₁lia'₂ ja₁niog₅ jmig₄. ⁴⁰ Qui₂jñiá'₂ 'ne₄ 'io₅₄ 'nág₂ ně₃, jaun₂ a₂jñia'₅₄ con'₂ 'ma₂₃ jlē₅ a₂jmo₂₃ jaun₂, chi₂lén'₂ Diú₄ uě₂ lín₃ tē₃jín₄ dsa₂. La₁ 'e₂ guě₄ uig₅ cuě₃ Diú₄ quió'₅ i₂le₂'éi₂.

Ca₂tó'₂ 'io₅₄ 'nág₂ te₂ñé₂ cu₄ quió'₅

(Lucas 21:1-4)

⁴¹ Co₂ráun₂ guá'₅ Jesús i₁dsi₅ guá'₅ cau₅ tsi₁gu₅ ja₁tó'₅ dsa₂ cu₄ ofrenda. Jaun₂ guá'₅ jín₂ dsa₂ i₂dsi₂lén₂ dsi₂tio'₂ cu₄ 'ñi₀₃ tsi₁gu₅. Jaun₂ ně₃, juin₅ dsa₂ cha₂ cu₄ dsi₂lén₂ dsi₂tio'₂ 'lióng₂ cu₄. ⁴² La₁ tē₃jē₄ jaun₂ ca₂dsi₀g₃ jan₂ 'io₅₄ 'nág₂ te₂ñé₂. Jaun₂ ca₂tó'₂ tñ₃ ñí₁ guéin₂.‡ ⁴³ Jaun₂ ca₂tē'₃ Jesús chi'₂ dsi₂guia₃-tñ₂ quián₅, jaun₂ ca₂juá'₂:

—A₂dsi₂jó'₃ juí₂gniá₂ 'nia'₂, 'lióng₂ guě₄ ně₂tió'₂ 'io₅₄ 'nág₂ te₂ñé₂ ně₅, lia'₂ con'₂ guě₄ ca₂le₃jín₃ i₂ma₂nē₂tió'₂ 'ñi₀₃ tsi₁gu₅. ⁴⁴ Ia₁ 'éi₂ ně₃ cu₄ a₂ma₂qui₂rē₂tsón₂ bá₄ jaun₂ quió'₅ cuě₂₃. 'Io₅₄ 'nág₂ ně₅ ně₃, ca₂le₃jě₃ bá₄ ně₂cuě₃, con'₂ a₂jme₁ron₅ quió'₅, 'nió'₄ a₂jme₁lá₃ a₂guě'₃.

13

Ca₂'ē₂ Jesús jág₁ a₂dsi₃'én₂ bá₄ guá'₅ templo

(Mateo 24:1-2; Lucas 21:5-6)

¹ Con'₂ jme₁ma₂'ein₅₄ ju₁i₅ o₂'iin₅ i₁dsi₅ guá'₅, jaun₂ ca₂juá'₂ jan₂ chi'₂ dsi₂guia₃-tñ₂ quián₅:

—jTē₅, jag₄ 'e₂ guě₄ jlá'₁ ni₁cang₁ a₂le₁juí₄ a₂lē₅ guá'₅!

† 12:36 Salmo 110:1. ‡ 12:42 lit. “tñ₃ ñí₁, lepta.”

2 Jaun₂ ca₂ŋag₃ Jesús:

—ǂág' ₂ 'né₅ ca' ₅₄ a₂te' ₁ i₁ nē₅? Já₅ caun₂ jmig₄, 'i₁ca₂míg₂ ni₁cang₁ tsá₃ ma₃'e₂ le₁juí₄ lé₂.

Léi₄ a₂lé₂ jmig₄ jē, ca₂tó'₂

(Mateo 24:3-28; Lucas 21:7-24; 17:22-24)

3 Jme₁ca₂dsióg₃ Jesús má'₂ Olivos a₂chí'₅ quióng₄ guá'₅, ja₁jaun₂ ca₂guá'₂. Jaun₂ ca₂guan₃ Pe₄, Jacobo, quiain'₅₄ Juan₅₄, Dré₄ ně₃, ca₂tsí'₃ Jesús con'₂ jē₄ tē₃co'₅₄:

4 —Jua'₅₄ líg'₂ bá₄ le₃ti₃ a₂juá'₂ 'ne₂ nē₅. 'Niog₂ jnia'₅₄ le₃ne₄. ǂ'E₂ léi₄ a₂lé₂ né'₃ a₂tē₅₄ jmig₄ jaun₂?

5 Jaun₂ ca₂ŋag₃ Jesús:

—Jmo₄ 'nia'₂ 'í₁ ia₁jaun₂ tsá₃ 'ein₂ jme₃gau₅. 6 Ia₁ juin₅ i₂tē₁i₃nio₄ a₂juá'₂ i₂nioi₅₄ o₄quió₃ jniá'₂, juá'₂: “Jniá'₂ bá₄ líng₅ 'éi₂,” jaun₂ juin₅ dsa₂ i₂qui₂jme₃gain₂₃.

7 'Jē₁ma₂nei'₂ 'nia'₂ 'ei₅ jág₁ a₂nio₃ 'nei₂ a₂quín'₂ dsa₂ ja₁lá₃ ja₁ó₃, la₁ tsá₃ jmó₁ 'nia'₂ gang'₃, ia₁ le₂jaun₂ dsón'₂ lé₂ bá₄. La₁ on₃jua'₅₄ jmig₄ jē₁ca₂tó'₂ jaun₂.

8 Ia₁ nio₃ 'nei₂, qui₃quín'₂ dsa₂ le₂caun₂ le₂caun₂ juig₂ nación; dsi₂tan₅₄ guē'₂ ně₃ qui₃tóin'₃ mi'₅₄ quín'₂ quian'₅₄ dsi₂tan₅₄ riin'₅₄ i₂chan₂ juig₂ siá'₂. 'Lióng₂ ja₁qui₂dsi₃bi₅₄ 'uē₃ lé₂, ton'₂ le₃cha₂ 'lióng₂ ja₁qui₂i₂nio₄ dsa₂ 'oin₅₄. A₂le₂'uig₅₄ jmi₁uig₅ bá₄ guē'₄ ně₅, ju₁lia'₂ jan₂ 'io₅₄ i₂rē₂chan₂ guein₂ quián₅.

9 'Rē₂ján'₁ 'nia'₂ chang'₂, ia₁ qui₃jín'₂ dsa₂ 'nia'₂ ne₄ dsi₂tan₅₄ quián₅ guá'₅ ia₁jaun₂ bóg₂ dsa₂ dsi₂né₁2 guá'₅ sinagogas. Jaun₂ dsi₁nó'₅ 'nia'₂ tē₃ne₄ dsi₄má'₂, ne₄ rag₅₄ ně₃, 'uig₅₄ quió₃ jniá'₂; ja₁jaun₂ o₁jang'₄ 'nia'₂ jág₁ dsau₅. 10 Jág₁ quió'₅ Diú₄ de'₂ jniá'₅ 'nió'₅ dsi₃'ag₅ le₂con₂ mi₂güig₃. 11 Jē₁ma₂tē₂ rē₁qui₃tē₂ dsa₂ 'nia'₂ a₂dsi₁jó₂ ne₄ dsi₂tan₅₄, tsá₃ jmó'₂ 'nia'₂ 'i₅ 'au'₂ tē₃jniá'₅ 'e₂ ŋag'₅₄. La₁ ŋag₄ bá₄ 'nia'₂ con'₂ jág₁ a₂ma₂ca₂ŋi'₂ 'nia'₂ hora jaun₂, ia₁ on₃jua'₅₄ guion'₅₄ 'nia'₂ a₂ŋag'₅₄ jág₁ jaun₂; Jme₂dsi₂ ŋi₁ó₅ bá₄ i₂jmo₃. 12 Ia₁ tón'₃ dsa₂ qui₃jín'₂ riin'₅₄ jmig₄ jaun₂, jaun₂ ŋag'₃ dsa₂; ju₁lia'₂ jmei₂ qui₃jín'₂ chi'₂ quián₅. Chi'₂ guē'₂ ně₃, jme₃'ŋiai₅₄ chog₅₄-jmei₂; chan₂ guē'₂ i₂qui₂jme₃dsian₅ chog₅₄-jmei₂ ně₃. 13 Ca₂le₃jín₃ dsa₂ jme₃'ŋia₅₄ 'nia'₂ 'uig₅₄ quió₃ jniá'₂, la₁ ju₁lia'₂ i₂tió'₃ náu₃ tiá₂ tē₂ jē₁ca₂tó'₂, tīn'₄ bá₄.

14 'Jaun₂ ně₃, já₅ jmig₄ a₂tē₅₄ ne'₅₄ 'nia'₂ a₂náu₃ jan₂ dsa₂ i₂ju₁si 'lin'₅₄ ja₁tsá₃ 'i₄ 'éi'₃ náu₃,* —jaun₂ ju₁le₂ŋí'₂ bá₄ i₂'i₅ si₂ la₂—; jaun₂ ně₃, dsa₂ i₂tián'₅ le₂tan₅₄ 'uē₃ Judea, ju₁cuing₁₂ ju₁ má'₂. 15 Ju₁lia'₂ i₂'en₅₄ guei'₅₄ 'ne₄, tsá₃ ju₁sióin₄ jua'₅₄ a₂'uē'₃ 'e₂ 'uē'₃ dsi₂néi₂ quió'₅; 16 ju₁lia'₂ i₂'en₅₄ ja₁nau₂ quió'₅ táng₃, tsá₃ ma₃ju₁jŋioi'₅₄ jua'₅₄ a₂ja₃quián₂ tsi₁'mi₂ dsióg₂ quió'₅. 17 jJu₁g₂ bá₄ ju₁lia'₂ dsa₂ mí₂ i₂le₁quian₅ guein₂, ju₁lia'₂ i₂chan₂ guein₂ bē'₅₄ i₂'ín'₂ dsi'₅₄ quió'₅ ně₃, jmig₄ jaun₂! 18 Mi₄ 'nia'₂ ne₄ Diú₄ tsá₃ ju₁dsi₂ŋí'₂ 'nia'₂ a₂jaun₂ ju₁lia'₂ jein₂ güig₂. 19 Ia₁ juá'₅ jniá'₂, caun₂ o₂i₁ dsi₅ lin₃ a₂le₃chan₂ dsa₂ jmig₄ jaun₂, caun₂ jmi₁uig₅ a₂tsá₃ ma₂ca₂rē₃chá₃ ca₂le₃ ca₂nio₃ mi₂güig₃, on₃ guē'₂ ma₃niog₅ jmig₄ jua'₅₄ a₂le₃cha₂ guē'₄ cang₂. 20 Jua'₅₄ mei'₂ guē'₃ Te₁gui'₅₄ tsá₃ ma₂ca₂jme₃tē₃ jmig₄ jaun₂, 'i₁jan₂ tsá₃ 'ein₂ jme₁lión₂ jua'₅₄ mei'₂ guē'₃ tsá₃ le₂jaun₂. La₁ ma₂ca₂jme₃tē₃ bá₄ jmig₄ jaun₂ o₄quió'₄ i₂quion'₅₄ quián₅.

21 'Nē₂jua'₂ chan₂ i₂ca₂juá'₂ tsí'₅ 'nia'₂ jmig₄ jaun₂: “ǂag₄ 'nia'₂! La₂ bá₄ chén'₅ I₂rē₂'ín₁ quián₅ Diú₄”, o₃ ně₁jua'₂ 'ein₂ ca₂juá'₂: “Jó₄ 'ein₅₄”, tsá₃ o₁'en₅₄ 'nia'₂ jág₁ jaun₂. 22 Ia₁ juin₅ dsa₂ i₂jme₃gau₅ ja₃lén₂ a₂juá'₂ lín₅ I₂rē₂'ín₁ quián₅ Diú₄, a₂juá'₂ ně₃ a₂lín₅ dsa₂ i₂'ē₂ jág₁ quián₅ Diú₄; 'lióng₂ léi₄ juē'₂ a₂o₂dsain₂

* 13:14 'Nio'₂ ja₁ton₅ Daniel 9:27; 11:31; 12:11.

jmo₃ a₂jme₃gain₂₃ dsa₂. Jua'₅₄ mei'₂ guě₃ lé₂, ca₂tě₂ dsa₂ i₂quion'₅₄ quián₅ Diú₄ jme₃gain₂₃. ²³ La₁ chan'₂ 'nia'₂ rě₂jáng'₁,† jaun₂ le₂ně₅ ma₂ně₂juíg₂ jniá'₂ 'nia'₂ ca₂le₃jě₃ tě₃jniá₅.

A₂ lia'₂ guan'₂ Jaun₅ dsa₂ mi₂güig₃
(Mateo 24:29-35, 42—44; Lucas 21:25-36)

²⁴ Jě₁ma₂ca₂ŋag₅ jmig₄ o₂i₁ dsi₅ jaun₂,
'iog₂ ně₃ co₂dsia₅ le₃lia'₂,
tsi'₂ ně₃ tsá₃ ma₃tág₅ jnia₅₄;

²⁵ Nei₅ guě'₂ ně₃ qui₂tsi₃séi'₂;‡
ca₂le₃jě₃ guě'₄ 'e₂ bí₂ cha₂ guei'₅₄ mi₂güig₃
qui₃guan'₃,§

²⁶ Tě₃jě₄ jaun₂ guě'₄ ně₃, jín₂ dsa₂ Jaun₅ dsa₂ mi₂güig₃, jnióí'₂ guei'₅₄ jě₄ jnei₅ quian'₅₄ ca₂le₃jě₃ jui₅bí₂ a₂'io₂₃ jláin'₁. ²⁷ Jaun₂ qui₃chein₃ ángeles quián₅, a₂tě₂ dsa₂ i₂quion'₅₄ quián₅ i₂chan₂ ca₂le₃jě₃ juig₂ te₁'i₁ ca₂taun₂ ca₂taun₂ mi₂güig₃.

²⁸ 'Jme₁tin₅ 'nia'₂, jui₁le₂ŋí'₂ 'au'₂ jág₁ a₂jáng'₅ léi₄ jui₁lia'₂ ni₁'ma₂ a₂'ag₅ míg₂ higos; jme₁chéi'₂ gu'₂-nei'₅₄, qui₂ja₂'iá₃ mog'₅₄ ně₃, ŋi'₅₄ bá₄ 'nia'₂ a₂ma₂ja₂quián₃ jein₂ 'iog₂ bá₄ jaun₂. ²⁹ Le₂ně₅ bá₄ 'nia'₂ jaun₂ ně₃, jě₁ma₂tě₅ ne'₅₄ a₂lě₂ ca₂le₃jě₃ a₂ně₅, jui₁le₂ŋí'₅₄ bá₄ 'nia'₂ a₂ma₂ja₂quián₃, ně₂jag₄ bá₄ i₂ma₂chén'₅ o₄'né₄ bá₄ 'éi₂. ³⁰ A₂dsi₂jó'₃ juá'₅ jniá'₂ juíg₂ 'nia'₂, tsá₃ dsi₃ŋí₂ tsi₁jon₂ la₂,* ca₂lia'₂ ca₂lě₃ ca₂le₃jě₃ a₂ně₅. ³¹ Jaun₂ já₅ jmig₄, guei'₅₄ dsi₂güig₂ quian'₅₄ mi₂güig₃ la₂ ŋag₅, la₁ jág₁ quió₃, o₁líg'₂ jmig₄ tsá₃ ŋag₅ jua'₅₄ a₂tsá₃ le₃ti₃.

³² La₁ 'i₁jan₂ tsá₃ 'ein₂ŋi₅ 'e₂ 'ió'₄, 'e₂ hora lé₂ a₂jaun₂, on₃ guě'₂ ángeles i₂tion'₅₄ guei'₅₄ i₂juig₃, on₃ guě'₂ 'ŋiog₅ Ja₁ŋi'₅₄ Diú₄. Jnia'₅₄ lia'₂ 'ŋiog₅ bá₄ Diú₄ Jmei₂ ŋi₅.

³³ 'Chan'₂ 'nia'₂ rě₂jáng'₁, jme₁jnio₂ 'nia'₂ ne'₅₄, ia₁ tsá₃ ŋi'₅₄ 'nia'₂ 'e₂ jmig₄ lé₂. ³⁴ Lé₂ jui₁lia'₂ jan₂ dsa₂ i₂o₂'in₅ dsi₂néi₂ quió'₅, dsó₅ dsi₂ŋí₃ uing₂; dsia₂₃ gu₂ dsa₂ i₂jme₂ti₃ ne₅₄ dsi₂néi₂ quió'₅, le₂jan₂ le₂jan₂ 'éi₂ jma₃quén₅ ta₁ cuě'₅ con'₂ ca₂tiin₂, tsí'₅ mozo i₂jmo₅ 'í₁ o₄'né₄ a₂chain₂ rě₂jáin₁. ³⁵ Jaun₂ le₂ně₅ bá₄ 'nia'₂ ján₃, rě₂jáng'₁ 'nia'₂ chang'₂, ia₁ tsá₃ ŋi'₅₄ 'nia'₂ 'e₂ 'ió'₄ guan'₂ dsa₂ i₂quió'₅ dsi₂néi₂, tě₂le₃ ca₂nei₂, o₃ dsi₃nei₅, o₃ jě₁ma₂ca₂'o₃ i₁tú₃, o₃ tě₂le₃ ca₂jnia₃ 'e₂, ³⁶ ia₁ con'₂ tsá₃ ŋó₅ ně₁jua'₂ ca₂guáin'₃ co₂tiá₂, jo₅₄ rě₂güin'₃ 'nia'₂. ³⁷ Jaun₂ jág₁ a₂juíg₂ jniá'₂ 'nia'₂ la₂, juíg₂ ca₂le₃jín₃: “i₂Chan'₂ 'nia'₂ rě₂jáng'₁!”

14

Ca₂quin'₃ dsa₂ jág₁ a₂tsáin'₂ Jesús
(Mateo 26:1-5; Lucas 22:1-2; Juan 11:45-53)

¹ Tin₃ jmig₄ né'₃ a₂tě₅₄ Jmig₄ Tě₂'in₅₄, a₂guě'₅ dsa₂ i₁ŋí'₄ 'ua'₂ a₂tsá₃ jui₁levadura quian'₅₄, jaun₂ juig₅₄ jme₂dsa₂, tě₅juá'₅ ně₃ ca₂'náu'₃ jui₅ 'a₂ lia'₂ tsáin'₂ Jesús quian'₅₄ caun₂ mai₅₄, jaun₂ jŋag'₃. ² Jaun₂ ca₂dsia₃ jág₁, juá'₂:

—La₁ tsá₃ 'nió'₅ jmó₁ jniog₄ tě₃ niog₅ jmig₄, jme₁né₄, ia₁ con'₂ tsá₃ ŋó₅ ně₁jua'₂ ca₂tó'₂ dsa₂ juig₂ mi'₅₄.

Jan₂ 'io₅₄ ca₂tsáin'₂ no'₅₄ mi₂juig₂ Jesús
(Mateo 26:6-13; Juan 12:1-8)

³ Lia'₂ con'₂ 'ein₅₄ guě'₄ juig₂ Betania ja₁quió'₄ i₂tě'₂ dsa₂ Si₂mu₅₄ 'Mé'₅ 'Tog₅, jaun₂ ca₂dsióg₃ jan₂ 'io₅₄ quian₅ caun₂ tsí'₅ no'₅₄ mi₂juig₂ a₂'mu'₅₄, a₂lě₅ jmá'₃

† 13:23 o₃, “ŋí₂ 'nia'₂”. ‡ 13:25 Co₂'nió'₄ le₃jua'₅₄, caun₂ cosa a₂tsá₃ 'i₄ jme₂dsi₂, a₂ca₂jmo₃ Diú₄. 'Nio'₂ ja₁ton₅ Salmo 8:3; Romanos 1:25. § 13:25 Isaías 13:10; 34:4. * 13:30 o₃, “né'₃ a₂dsián₃ dsa₂ i₂lín₅ raza la₂.”

no' ⁵⁴ quió' ⁵ mi' ¹ au ² nardo. Jaun ² ca ² niá ³ ni ¹ tsí ⁵, jaun ² ca ² 'ág ² no' ⁵⁴ mi ² dsi ⁴ Jesús.

⁴ Jaun ² i ² lin ⁵⁴ dsa ² i ² tion' ⁵⁴ ja ¹ jaun ², dséin ² ca ² t'ín ², jaun ² ca ² dsia ³:

—Tsá ³ ne ⁴ 'e ² lë ³ nē ² 'éin ² no' ⁵⁴ mi ² juig ² quió' ⁵. ⁵ Jua' ⁵⁴ co ² nei' ⁵⁴ bá ⁴ nē ² 'nag ³ quian' ⁵⁴ 'ni ⁵ 'ñiá ² -láu ² 'éi' ³ cu ⁴ denario, jaun ² jme ¹ jme ² 'oin ⁵⁴ dsa ² te ² ñé ².

Jaun ² ca ² dséin ³ quian' ⁵⁴ 'io ⁵⁴ 'éi ².

⁶ Jaun ² ca ² juá' ² Jesús:

—Tsá ³ lë ¹ lein' ⁵⁴. ¿'E ² lë ³ cuë' ² 'nia' ² o ² me' ⁵⁴ dsi ⁵? A ² nē ² jmóg' ² nē ⁵, caun ² a ² dse ³ bá ⁴ nē ⁵. ⁷ Ca ² le ³ jë ³ jmig ⁴ bá ⁴ i ² nio ⁴ dsa ² te ² ñé ² jin' ⁴ 'nia' ²; lé ² bá ⁴ jme ¹ 'oin' ¹, chi ² jua' ² líg' ² 'niog' ² 'nia' ² jme ¹ 'oin' ¹. La ¹ jniá ² nē ³ tsá ³ ma ³ uë ² 'en ⁵⁴ jniá ² quian' ⁵⁴ 'nia' ². ⁸ 'Io ⁵⁴ nē ⁵, nē ² jmo ³ 'a ² con' ² jñia' ⁵⁴ le ³ qui' ⁵⁴ jmig ⁴ jmo ³. Ma ² nē ² tsáng ² tē ² jñiá ⁵ no' ⁵⁴ mi ² juig ² quió ³, ma ² nē ² jmóg' ² co ² jñia ⁵⁴ jē ¹ ma ² tē ² rē ¹ 'ong ³. ⁹ A ² dsi ² jó' ³ juig ² jniá ² 'nia' ², ca ² le ² con ² mi ² güig ³ ja ¹ 'ë ² dsa ² jág ¹ dse ³ quió ³, ján ³ bá ⁴ le ² jaun ² dsiog' ² dsí ⁵ dsa ² 'iin ³ 'io ⁵⁴ nē ⁵.

Jmo ⁵ Judas caun ² jág ¹ a ² 'ni ²³ Jesús

(Mateo 26:14-16; Lucas 22:3-6)

¹⁰ Jaun ² nē ³ Judas Iscariote i ² jme ¹ lin ⁴ jan ² chi' ² dsi ² guia ³ -tín ² quián ⁵ Jesús, ñei ⁵⁴ i ¹ dsia ² jág ¹ quian' ⁵⁴ juig ⁵⁴ jme ² dsa ² a ² jáng' ². ¹¹ Jaun ² 'io ² jmo ⁵ dsa ² can' ⁵⁴ jme ¹ ca ² nág ², jaun ² ca ² jén' ³ cu ⁴. Jaun ² guë ⁴ nē ³ ca ² 'náu' ³ Judas dsí ⁵ 'a ² lia' ² cuin ⁵ jmig ⁴ a ² jñin' ² Jesús, jaun ² tsáun' ² dsa ².

Má ³ jē ¹ ca ² tó' ² quió' ⁵ Te ¹ gui' ⁵⁴

1 Corintios 11:23-26)

¹² Jmíg ⁴ le ² uig ⁵⁴ a ² niog ⁵ Jmíg ⁴ Tē ² 'in ⁵⁴ a ² guë' ⁵ dsa ² i ¹ ñí' ⁴ a ² tsá ³ quian' ⁵⁴ levadura, jmíg ⁴ a ² jme ¹ jme ² dsian ⁵ dsa ² já' ² cha' ² quián ⁵ jmíg ⁴, jaun ² ca ² ñag ³ chi' ² dsi ² guia ³ -tín ² ca ² jñi' ³ Jesús:

—¿A ² já' ⁴ 'niog' ² dsi ¹ jmó ¹ jnia' ⁵⁴ co ² jñia ⁵⁴ má ³ Jmíg ⁴ Tē ² 'in ⁵⁴ quiáng' ²?

¹³ Jaun ² ca ² chein ³ on ³ chi' ² dsi ² guia ³ -tín ² quián ⁵, ca ² juá' ²:

—O ² nó' ⁵ 'nia' ² jē ⁴ juig ². Ja ¹ jaun ² jen' ² 'nia' ² jan ² dsa ² ñe' ² i ² quion ² jmig ² quian' ⁵⁴ ni ¹ dsig ¹. Jaun ² o ¹ 'én' ³ 'nia' ² dsa ² 'éi ². ¹⁴ Dsi ² néi ² ja ¹ 'í ² 'éi ², juig ⁵⁴ dsa ² juig ⁵⁴ dsi ² néi ²: “Le ² la ² juá' ² tē ⁵, ¿Na ² dsi ² néi ² ja ¹ guë' ⁴ Jmíg ⁴ Tē ² 'in ⁵⁴ co ² lē ⁵ quian' ⁵⁴ chi' ² dsi ² guia ³ -tín ² quiáng ³?” ¹⁵ Jaun ² 'éi ² nē ³, 'ë ³ caun ² dsi ² néi ² juë' ² ja ¹ lē ⁴ guei' ⁵⁴ a ² ma ² lē ⁵ co ² jñia ⁵⁴. Ja ¹ jaun ² o ² jmo ⁴ 'nia' ² co ² jñia ⁵⁴ má ³ que ⁵⁴ jniog ⁴.

¹⁶ Jaun ² ca ² i ³ lén ² bá ⁴ dsa ² on ³ 'éi ². Jme ¹ ca ² dsi ³ lén ² jē ⁴ juig ² nē ³, ca ² dsó' ² lia' ² con' ² lē ⁵ jág ¹ ca ² juá' ² Jesús. Jaun ² ja ¹ jaun ² ca ² jmo ³ co ² jñia ⁵⁴ má ³ a ² guë' ³ Jmíg ⁴ Tē ² 'in ⁵⁴.

¹⁷ Jme ¹ ca ² nei ² jaun ², ca ² dsióg ³ Jesús quian' ⁵⁴ ta ¹ guia ³ -tín ² chi' ² dsi ² guia ³ -tín ².

¹⁸ Jme ¹ ma ² tián' ⁵ guë' ⁵, jaun ² ca ² juá' ² Jesús:

—A ² dsi ² jó' ³ juá' ⁵ jniá ² la ², jan' ² 'nia' ² i ² guë' ⁵ jniá ² co ² lē ⁵ quiang' ⁵⁴ bá ⁴ i ² jang' ² jniá ².

¹⁹ Jaun ² nē ³ ca ² tá' ² 'lia' ² dsí ⁵ 'ñio ⁵ lin ³ tián' ⁵, jaun ² ca ² jme ³ lióg ³ ca ² jñi' ³ Jesús le ² jain ² le ² jain ², ca ² juá' ²:

—¿On ¹ jua' ⁵⁴ jniá ² 'ág' ⁵?

²⁰ Jaun ² ca ² ñag ³ Jesús:

—Jan' ² 'nia' ² i ² lē ² guia ³ -tíng' ² i ² tiá ² mi ² gu ² co ² lē ⁵ 'ñió' ³ uing ⁵ quian' ⁵⁴ jniá ².

²¹ Dsón' ² bá ⁴ dsau ⁵ Jaun ⁵ dsa ² mi ² güig ³ 'ein ⁵⁴ jui ⁵ dsó ³ lia' ² con' ² lē ⁵ juá' ² ne ⁴ Si ²; la ¹ 'e ² guë ⁴ juig ² dsa ² i ² jáng' ²! Jme ¹ dse ³ quió' ⁵ jua' ⁵⁴ co ² nei' ⁵⁴ bá ⁴ tsá ³ ca ² rē ³ cháin ³.

²² Tē ² lia' ² tián' ⁵ guë' ⁵, ca ² jña' ³ Jesús i ¹ ñí' ⁴, ca ² cuë' ³ ti ¹ 'mag' ⁴ Diú ⁴, jaun ² guë ⁴ nē ³ ca ² dsioin ³, ca ² cuë' ³ chi' ² dsi ² guia ³ -tín ² quián ⁵. Jaun ² ca ² juá' ²:

—Qué² 'nia'², ia₁ ŋi₃ bá₄ jniá² i₁ŋi'⁴ la₂.

²³ Jaun₂ ca₂can₃ táng₃ copa 'a₄ vino, ján₃ bá₄ le₂jaun₂ ca₂cuě'³ ti₁'mag'⁴ Diú₄, jaun₂ guě₄ ca₂cuě'³ chi'² dsi₂guia₃-tín₂. Jaun₂ ca₂le₃jín₃ bá₄ ca₂'in'³. ²⁴ Ca₂juá'² Jesús:

—Jmi₃ bá₄ jniá² la₂, a₂li'⁵⁴ jág₁ 'mí₂ a₂tě₃ron⁵⁴,* a₂niog₅ dsi₃'o₅₄ o₄quió'⁴ juin₅ dsa₂. ²⁵ Dsón'² juá'⁵ jniá², tsá₃ ma₃líg'² jmi₃g₄ jua'⁵⁴ a₂gui'⁵⁴ guě₄ táng₃ vino ca₂lia'² ca₂tě₂ jmi₃g₄ i₁gui'⁴ táng₃ caun₂ vino 'mí₂ co₂lě₅ quiang'⁵⁴ 'nia'² ja₁gon₂ Diú₄.

Ca₂juá'² Jesús a₂tsá₃ tion₃ Pe₄ a₂cuig²³
(Mateo 26:30-35; Lucas 22:31-34; Juan 13:36-38)

²⁶ Jme₁ca₂lě₃ 'ě₂₃ jme₂juin'² Diú₄, jaun₂ guě₄ i₃lén₂ ju₁' Má'² Olivos. ²⁷ Jaun₂ ca₂juá'² Jesús ca₂tsí'³ chi'² dsi₂guia₃-tín₂:

—Ca₂le₃jín'³ bá₄ 'nia'² tiá'³ jén² 'au'², 'ág'¹ 'nia'² caun₂-tín₃ 'au'²; ia₁ rě₂ton₅ ne₄ Si₂ ja₁juá'²: “ŋi'⁴ jniá² dsa₂ i₂ŋia₅ já'² cha'², jaun₂ já'² cha'² ně₃ dsi₃lén₂ tsi₁rě₂jain⁵⁴.”† ²⁸ La₁ cang₂ jě₁ma₂ca₂jeng'⁵⁴ táng₃, nei₅₄ jniá² ŋi₃ág⁵ ju₁' Galilea lia'² con'² guě₄ 'nia'².

²⁹ Jaun₂ ně₃ ca₂ŋag₃ Pe₄:

—O₁ŋia'⁵⁴ la₂ ca₂'ág₂ caun₂-tín₃ dsi₅ ca₂le₃jín₃ ríng'³, la₁ jniá², o₁líg'² jmi₃g₄ tsá₃ 'ag⁵⁴ caun₂-tín₃ dsi₃.

³⁰ Jaun₂ ca₂juá'² Jesús:

—A₂dsi₂jó'³ juá'⁵ jniá², a₂'uě₂ ně₃, né'³ a₂'ó₃ jě₁ca₂tě₂ tñ₃ ráun₂† tē₁guí₄ dsó₂, hora jaun₂ dé₄ dsón'² chéng'⁵ tsá₃ tóng'⁴ ta₁'ni₅ ráun₂ a₂cuig'² jniá².

³¹ Jaun₂ ca₂ŋag₃ táng₃ Pe₄:

—O₁ŋia'⁵⁴ la₂ ca₂dsau₃ jniog₄ co₂lě₅, o₁líg'² jmi₃g₄ jua'⁵⁴ a₂tsá₃ 'ín₄ jniá² 'ne₂. Le₂jaun₂ bá₄ ca₂juá'² ca₂le₃jín₃ riin'⁵⁴ ján₃.

Ca₂chi₃lén'² Jesús Diú₄ caun₂ ja₁chei₂ Getsemaní
(Mateo 26:36-46; Lucas 22:39-46)

³² Jaun₂ ca₂dsi₃lén₂ caun₂ ja₁chei₂ Getsemaní. Jaun₂ ca₂juá'² ca₂tsí'³ chi'² dsi₂guia₃-tín₂:

—Ja₁lá₃ tián'² 'nia'², tē₁lia'² i₁chi₁leng'⁴ Diú₄.

³³ Jaun₂ ca₂ŋia₃ Pe₄, Jacobo, Juan⁵⁴ ně₃. Jaun₂ ca₂rě₃lióg₃ ca₂tá'² quian₅ o₂l₁ dsi₅ 'ŋio₅ lín₃. ³⁴ Jaun₂ ca₂juá'² ca₂tsí'³ i₂ún₂ i₂quain'⁵⁴:

—'ŋio₅ lín₃ quian₅₄ o₂l₁ dsi₅, ca₂lia'² jmá'³ le₃jóng₂ tē₂ně₃. Ja₁lá₃ tián'² 'nia'² jme₁ŋnio₂ 'nia'² ne'⁵⁴.

³⁵ Ca₂juig₄ bá₄ ca₂ŋó₃ guě₄ ne₄ ju₁'⁵. Ja₁jaun₂ ca₂tóin₂ tē₂ 'uě₃, ca₂mi₃ ca₂tsí'³ Diú₄, jua'⁵⁴ lé₂ bá₄ le₃lé₂ a₂tsá₃ dsi₃ŋí₂ uig₅ 'e₂ niog₅ dsi₃ŋí₂ hora jaun₂. ³⁶ Tě₃jě₄ chi₂lén'² Diú₄, ca₂juá'²:

—Abba, Š Tia⁵⁴ quiáng₃, ca₂le₃jě₃ bá₄ lé₂ le₃jmó'² 'ne₂. Lio₄ jniá² 'e₂ a₂dsi₃ŋí₂g₂ ně₃. La₁ tsá₃ ju₁le⁵⁴ con'² 'nio₃ jniá²; ju₁le⁵⁴ bá₄ a₂'ŋio₂ 'au'² 'ne₂.

³⁷ Jaun₂ ca₂dsiáin'³ táng₃ ja₁tián'⁴ 'éi₂, la₁ le₁güin₃ bá₄ 'éi₂ tián'⁵ ně₃. Jaun₂ ca₂tě'³ Pe₄, ca₂juá'²:

—¿Rě₁güin'³ bá₄ 'ne₂, Si₂mu⁵⁴? ¿Tsa₁ tiang'³ jua'⁵⁴ caun₂ hora bá₄ jme₁ŋniog'² guě₄ ne'⁵⁴? ³⁸ Jme₁ŋnio₂ 'nia'² ne'⁵⁴, chi₁len'⁴ 'nia'² Diú₄, ia₁jaun₂ tsá₃ tsi₃sén'² 'nia'² dso₄. Dsón'² bá₄ 'ŋio₂ dsi₅ jme₂dsí₂ quián'² 'nia'², la₁ ni₁ŋi'¹ guion'⁵⁴ bá₄ 'nia'² 'uan⁵⁴.

* **14:24** 'Nio'² ja₁ton₅ Éxodo 24:8; Jeremías 31:31-34; Hebreos 10:29; 13:20. † **14:27** Zacarías 13:7.

‡ **14:30** A₂lín⁵⁴ chog⁵⁴ si₂ tsá₃ chi₁ton₅ “jě₁ca₂tě₂ tñ₃ ráun₂.” § **14:36** Abba: co₂'nió'⁴ le₃jua'⁵⁴: “Tia⁵⁴” quian'⁵⁴ jág₁ jme₁ arameo.

39 Jaun₂ n₃ó₃ bá₄ táng₃ i₁chi₂i₁lein'₄ Diú₄. Ján₃ bá₄ jág₁ le₂jaun₂ ca₂juá'₂ táng₃.
40 Jaun₂ guáin'₃ táng₃ ja₁tián'₄ chi'₂ dsi₂guia₃-tín₂, la₁ le₁güín₃ bá₄ táng₃ 'éi₂ tián'₅,
ia₁ a₂ñí₄ lē₃ 'ñio₅ lín₃ ma₂i₁güín₃. Jaun₂ tsá₃ 'e₂ ñi₅ ñag₃. 41 Jaun₂ jme₁dsiáin'₃
táng₃ ja₁tián'₄ 'éi₂ jē₁ca₂tē₂ 'nag'₂ ráun₂, jaun₂ ca₂juá'₂:

—¿'E₂? ¿Lia'₂ ma₂tián'₅ jaun₂ bá₄ 'nia'₂ le₁güing'₃? Co₂nē₅ bá₄ ně₃. Ca₂tē₂ bá₄
hora ně₃. Ní₂ 'nia'₂. Ma₂rē₂jín'₅₄ bá₄ Jaun₅ dsa₂ mi₂güig₃ o₄gú₃ dsa₂ i₂le₁cán'₄ dso₄.
42 Nau₂ 'nia'₂ ně₃, ma₃, ia₁ ně₅ ma₂já₅ i₂jáng'₂.

Ma₂le₁te₂ dsa₂ Jesús

(Mateo 26:47-56; Lucas 22:47-53; Juan 18:2-11)

43 Dsi₂jui₅ tē₃jē₄ dsia₂₃ jág₁ jaun₂, ca₂dsi₃óg₃ Judas, i₂lín₅ jan₂ dsa₂ i₂guia₃-tín₂.
Jui₅ lín₃ dsa₂ i₂ja₂lén₂ quiong'₅₄ qui₂le₁quian₅ ñi₁tág₂, i₂le₁quian₅ ni₁'ma₂ ně₃,
i₂chen₄ quián₅ juig₅₄ jme₂dsa₂, quian'₅₄ tē₅juá'₅, ca₂le₃jín₃ guē₄ dsi₂gui'₅₄ can'₅₄
ně₃. 44 Jaun₂ Judas ně₃, ia₁ ma₂ca₂jmo₃ bá₄ jág₁ le₂jñiá'₅ 'e₂ léi₄ jmo₃ jē₁ma₂tē₂
rē₁jáng'₂, jme₁ma₂juá'₂: “I₂chen'₄ jniá₂ quió'₅, i₂'éi₂ bá₄ jma'₅₄ 'nia'₂, jaun₂ tē'₅₄
'nia'₂, lē₅ 'í₁.”

45 Jaun₂ dsi₂jui₅ jme₁dsi₃óg₃ Judas, ca₂jme₃quiáin₃ con₂ Jesús, jaun₂ ca₂juá'₂:
—jTē₅! —Jaun₂ ca₂chen'₃ quió'₅. 46 Jaun₂ dsi₂jui₅ le₂jaun₂ ca₂jñau'₃ dsa₂,
ca₂tág₃.

47 La₁ jan₂ i₂jme₁chén'₄ cau₅ ně₃, ca₂dsi₂ ñi₁tág₂, ca₂ti₃ caun₂ rē₂gua₄ dsa₂
i₂jme₂ti₃ quián₅ jme₂dsa₂ dsen₅₄. 48 Jaun₂ ca₂juá'₂ Jesús ca₂tsí'₃ dsa₂:

—¿Dsa₂ 'ang₂ líng₅, 'e₂ ja₂nó'₅ 'nia'₂ le₁quian'₄ ñi₁tág₂, 'ma₂ ně₃, a₂tē'₅₄ jniá'₂?
49 Jua'₂ ca₂le₃jē₃ jmig₄ bá₄ 'eng₅₄ jin'₄ 'nia'₂, jme₂tíng₁ dsa₂ i₁dsi₅ guá'₅, tsá₃
ma₂ca₂chong'₂ guē'₂ 'nia'₂ ja₁jaun₂. La₁ lē₂ le₂nē₅, ia₁jaun₂ le₃ti₃ con'₂ lē₅ juá'₂
ne₄ Si₂.

50 Jaun₂ qui₂ca₂cuing₃ bá₄ ca₂le₃jín₃ chi'₂ dsi₂guia₃-tín₂, ca₂téin₂ bá₄ Jesús.

Ds₂o₂ i₂ca₂cuing₃ tē₃rē₂ñí₅

51 Tē₃jē₄ jaun₂, n₃ó₃ jan₂ ds₂o₂ rē₂bóin'₅ caun₂ tsi₁'mi'₂ tió₃, 'ein₂₃ Jesús. 52 Jaun₂
jme₁ca₂jñau'₃ dsa₂, la₁ ca₂lóin₂ bá₄, jmá'₃ tsi₁'mi'₂ bá₄ ca₂lí'₃ dsa₂. Jaun₂ ñái'₃ bá₄
tē₃ rē₂ñí₅.

Ma₂chén'₅ Jesús ne₄ dsi₂tan₅₄ quián₅ guá'₅

(Mateo 26:57-68; Lucas 22:54-55, 63—71; Juan 18:12-14, 19—24)

53 Jaun₂ ca₂tág₃ dsa₂ Jesús i₁jo₅₄ ne₄ jme₂dsa₂ dsen₅₄, jaun₂ ca₂ñi'₂ ca₂le₃jín₃
juig₅₄ jme₂dsa₂, quian'₅₄ dsi₂gui'₅₄ can'₅₄, tē₅juá'₅ ně₃. 54 Pe₄ ně₃ ca₂ñó₃ uing₂
tē₂quíin₃ 'ein₂₃ Jesús ca₂tē₂ i₁dsi₅ quió'₅ jme₂dsa₂ dsen₅₄. Ja₁jaun₂ ca₂guá'₂ cau₅
si₂ quiain'₅₄ 'lió₂, ca₂jme₃dsioin'₂.

55 Jaun₂ juig₅₄ jme₂dsa₂, quian'₅₄ ca₂le₃jín₃ dsi₂tan₅₄ quián₅ guá'₅ ně₃,
qui₂ca₂'náu'₃ juí₅ 'a₂ lia'₂ bóin'₂ dso₄ Jesús ia₁jaun₂ jñag'₃. La₁ tsá₃ dso'₂ guē'₂
juí₅ 'e₂ dso₄ jme₃cáu'₂, 56 ia₁ juí₅ i₂qui₂ca₂jmo₃ jág₁ tē₂jág₁ a₂bóin'₂ dso₄ Jesús,
la₁ tsá₃ tē₃tsí'₅₄ guē'₂ jág₁ quió'₅ tíoín'₅₄. 57 Jaun₂ i₂lín₅₄ ně₃ qui₂ca₂nau₂ ca₂jmo₃
jág₁ tē₂jág₁ a₂'ni₂₃ Jesús, ca₂juá'₂:

58 —Ma₂néi₁ jnia'₅₄ juá'₂ i₂nē₅: “A₂'éng₄ guá'₅ templo a₂ca₂jmo₃ dsa₂ mi₂güig₃,
jaun₂ quian'₅₄ 'ni₅ jmig₄ jmóg'₄ táng₃ 'ñio₃ caun₂ guá'₅ siá'₂, on₃jua'₅₄ lia'₂ lē₅ guá'₅
ně₅ a₂ca₂jmo₃ dsa₂ mi₂güig₃.”

59 On₃ guē'₂ quian'₅₄ jág₁ jaun₂ ca₂lí'₃ jág₁ rē₂.

60 Jaun₂ ca₂nau₂ jme₂dsa₂ dsen₅₄ tē₃jē₄ tíoín'₅₄ jaun₂, jaun₂ ca₂ñí'₃ Jesús
ca₂juá'₂:

—¿Tsa₁ 'e₂ ñag'₅₄ 'i₁caun₂? ¿I₂'e₂ bá₄ jág₁ ně₅ jme₂cáu'₂ dsa₂ quiang'₂?

61 La₁ tei₄ bá₄ ca₂nau₂ Jesús, tsá₃ ma₃'e₂ ca₂ɲag₃. Con'₂ siá'₂ ca₂ɲag₃ táng₃ jme₂dsa₂ dsen₅₄, ca₂juá'₂:

—¿Dsón'₂ 'ne₂ líng'₅ dsa₂ I₂rē'₂ín₁, Ja₁ɲi'₅₄ I₂jñi₅ó₅?

62 Jaun₂ guě₄ ca₂ɲag₃ Jesús:

—Ján₅, jniá₂ bá₄ líng₅. Ján₃ bá₄ tē₃ ne'₅₄ 'nia'₂ jē₁ma₂tē₂ rē₁guá₃ Jaun₅ dsa₂ mi₂güí₃ tē₂le₃ gu₂ ne₁ quió'₅ i₂'uan'₂, jaun₂ ján₃ bá₄ jag'₅₄ 'nia'₂ jē₁ma₂tē₂ rē₁jñi₅ó'₂ táng₃ jē₄ jnei₅ guei'₅₄.

63 Jaun₂ jme₂dsa₂ dsen₅₄ ně₃, jme₁ca₂nág₂ jág₁ jaun₂, ca₂chein₃ ni₁tsin'₅₄ 'ɲiog₅, * jaun₂ ca₂juá'₂:

—¿'E₂ guě₄ jmá'₃ jág₁ 'lióng₂ 'niog₂ jniog₄ jua'₅₄ a₂jáng'₃ guě₄ dsa₂ sián'₂ jág₁ dsau₅? 64 Ma₂nē₂nei'₂ bá₄ 'nia'₂ guiong'₅₄ a₂ma₂nē₂juá'₂ i₂nē₅ 'iin₂₃ Diú₄. ¿'A₂ lia'₂ juá'₂ 'nia'₂?

Jaun₂ ca₂le₃jín₃ dsa₂ ca₂juá'₂ tioin'₅₄, ca₂tíin₂ jóin₂ bá₄.

65 Jaun₂ ca₂jme₃lióg₃ i₂lín₅₄ qui₂ca₂'ñéi₃ quió'₅ Jesús, qui₂ca₂lio₃ dsa₂ dsine₅₄, jaun₂ qui₂ca₂jno₂ ně₃ tioin'₅₄, jaun₂ juá'₂:

—¿Dsi₄ jág₁ jua'₅₄ 'ein₂ nē₂quein₃ quiáng'₂!

Chi'₂ 'i'₅₄ quián₅ guá'₅ ně₃, ján₃ bá₄ qui₂ca₂cuē₃ ja'₂ tioin'₅₄.

Tsá₃ ca₂tion₃ Pe₄ a₂cuin₂₃ Jesús

(Mateo 26:69-75; Lucas 22:56-62; Juan 18:15-18, 25—29)

66 I₁dsi₅ ca₁'né₄ 'uē₃ bá₄ jme₁guá₄ Pe₄. Jaun₂ ca₂dsióg₃ jan₂ 'io₅₄ i₂jme₂ti₃ ta₁ ne₄ jme₂dsa₂ dsen₅₄, 67 jaun₂ ca₂jín₂ Pe₄ guá₅ jme₂dsioin'₂, jaun₂ ca₂jág₂ 'io₅₄ tiá₂, ca₂juá'₂:

—¿Ján₃ guě'₂ jme₁quian'₄ 'ne₂ Jesús Nazareno ó₃?

68 La₁ tsá₃ ca₂tion₃ Pe₄.

—Tsá₃ guion₅₄, on₃ guě₄ ɲíg'₂ 'e₂ a₂juá'₂ 'ne₂.

Jaun₂ ca₂nau₂ Pe₄ ca₂o₃'ín₃ ca₂i₁nau₂ tē₂le₃ ca₁'né₄ ja₁lě₄ corredor. Tē₃jē₄ jaun₂ ca₂'o₃ tē₁guí₄ dsó₂. 69 Con'₂ siá'₂ ca₂jág₃ táng₃ 'io₅₄ ca₂jín₂ Pe₄, jaun₂ ca₂juá'₂ ca₂tsí'₃ dsa₂:

—Jan₂ rin'₅₄ 'éi₂ bá₄ ně₅.

70 La₁ ján₃ bá₄ le₂jaun₂ tsá₃ ca₂tion₃ Pe₄. Jme₁co₂lág₂ jaun₂, dsa₂ i₂tián'₅ quian'₅₄ Pe₄ ca₂juá'₂:

—Dsón'₂ rin'₅₄ 'éi₂ bá₄ líng'₅, ia₁ ján₃ bá₄ Galilea chang'₂.

71 Jaun₂ ně₃, Pe₄ ca₂'iin₃ Diú₄ ca₂mi₃ a₂dsi₃ɲí₂ 'e₂ dsí₃ɲí₂, ca₂juá'₂:

—¿Tsá₃ cuíng₅ dsa₂ i₂'ín'₅ 'nia'₂!

72 Dsi₂jui₅ jaun₂ ca₂'o₃ táng₃ tē₁guí₄ dsó₂ a₂ca₂tē₂ tin₃ ráun₂. Jaun₂ guě₄ ně₃ ca₂dsáu'₃ dsí₅ Pe₄ a₂ca₂juá'₂ Jesús le₂jñiá₅: “Né'₃ a₂'o₃ jē₁ca₂tē₂ tin₃ ráun₂ tē₁guí₄ dsó₂, hora jaun₂ dé₄ dsón'₂ chéng'₅ tsá₃ tóng'₄ ta₁'ni₅ ráun₂ a₂cuig'₂ jniá₂.” Jme₁ca₂dsáu'₃ dsí₅ jág₁ ně₅, jaun₂ guě₄ ca₂'o₃ 'ɲio₅ lín₃.

15

Chén'₅ Jesús ne₄ Pilato

(Mateo 27:1-2, 11—14; Lucas 23:1-5; Juan 18:28-38)

1 Dsi₂jui₅ jme₁jñiá₃ táng₃ jaun₂, ca₂ɲi'₂ juig₅₄ jme₂dsa₂ quian'₅₄ dsí₂gui'₅₄ can'₅₄, quian'₅₄ ca₂le₃jín₃ tē₅juá'₅, ca₂le₃jín₃ guě₄ i₂lín₅ dsí₂tan₅₄ quián₅ guá'₅ ně₃. Qui₂ca₂ɲí'₃ rin'₅₄ ca₂jmo₃ caun₂ jág₁. Ca₂'néi'₂ Jesús tioin'₅₄, jaun₂ ca₂i₁jio₃ ne₄ Pilato. 2 Jaun₂ ca₂ɲag₃ Pilato:

* 14:63 Jme₁chí'₄ tag₄ quió'₅ dsa₂ judíos jmig₄ jaun₂ a₂gág₅ dsa₂ ni₁tsin'₅₄ cuē₂₃ léi₄ jē₁ma₂'₅ 'nei₂ dsí₅, o₃ jme₁'i₄ qui'₂ dsí₅.

—¿Dson'₂ líng'₅ Rag₅₄ quián₅ dsa₂ judíos?

Jaun₂ ca₂ṅag₃ Jesús:

—Le₂nē₅ bá₄, jui₁lia'₂ juá'₂ 'ne₂ nē₅.

³ Jaun₂ caun₂ qui₂ca₂'nag₃ guě₄ juig₅₄ jme₂dsa₂ 'lióng₂ ne₅₄ dso₄ ca₂bóin'₂ Jesús.

⁴ Jaun₂ con'₂ siá'₂ táng₃ ca₂ṅag₃ Pilato ca₂ṅí'₃ Jesús, ca₂juá'₂:

—¿Tsa₁ a₂ṅag'₅₄? Nē₅ bá₄ nag'₂ 'ṅiag'₂ 'lióng₂ dso₄ a₂bóg'₂ dsa₂.

⁵ La₁ tsá₃ ma'₃e₂ ca₂ṅag₃ Jesús 'i₁caun₂. Jaun₂ jě₃ ca₂l₃gó'₃ dsí₅ Pilato.

Ca₂o₃'ág₃ 'éi'₃ a₂jón₂ Jesús

(Mateo 27:15-31; Lucas 23:13-25; Juan 18:38--19:16)

⁶ Jmíg₄ jaun₂ jme₁chí'₄ tag₄ a₂lión₂ ca₂le₃jě₃ ṅi₂ jan₂ dsa₂ i₂'en₅₄ né'₃ 'má₃, jme₁tē₅ Jmíg₄ Tē₂'in₅₄, 'ein₂ ca₂'in₃ dsa₂ juig₂ i₂lión₂. ⁷ Jaun₂ jme₁'en₅₄ né'₃ 'má₃ jan₂ dsa₂ i₂chen₂ Barrabás, quian'₅₄ dsa₂ i₂ma₂ca₂jme₃dsian₅ dsa₂ jme₁ca₂nau₂ 'nei₂. ⁸ Jaun₂ ca₂mi₃ dsa₂ juig₂ ca₂tsí'₃ Pilato a₂jmo₃ con'₂ lě₅ tag₄ chí'₅. ⁹ Jaun₂ ca₂ṅag₃ Pilato ca₂tsí'₃ dsa₂ juig₂:

—¿'Niog'₂ 'nia'₂ lon₄ jniá₂ Rag₅₄ quián₅ dsa₂ judíos?

¹⁰ Ia₁ ca₂rě₃lí'₄ bá₄ Pilato 'ṅiog₅ a₂'iog₅₄ uig₅ dsí₅ bá₄ juig₅₄ jme₂dsa₂ ca₂jín'₂ Jesús ne₅₄. ¹¹ La₁ juig₅₄ jme₂dsa₂ nē₃ ca₂toin'₂ jág₁ dsa₂, jaun₂ tóin'₃ co₂mi'₅₄ a₂mi₃ lión₂ Barrabás bá₄. ¹² Jaun₂ ca₂ṅag₃ táng₃ Pilato ca₂tsí'₃ dsa₂ juig₂:

—¿'E₂ guè'₂ 'niog'₂ 'nia'₂ jmo₅₄ jniá₂ quian'₅₄ i₂tē'₂ 'nia'₂ rag₅₄ quiáng'₂?

¹³ Jaun₂ ca₂ṅag₃ dsa₂ juig₂ co₂mi'₅₄ tóin'₅₄, ca₂juá'₂:

—¡Tióin₃ cróg₄!

¹⁴ Jaun₂ ca₂juá'₂ táng₃ Pilato:

—¿'E₂ 'uig₅₄? ¿'E₂ guè'₂ dso₄ ma₂'náu₂?

La₁ tē₂le₃ i₂jui'₂ guě₄ co₂mi'₅₄ ca₂tóin'₂, ca₂juá'₂:

—¡Tióin₃ cróg₄!

¹⁵ La₁ Pilato nē₃, ia₁jaun₂ dsi₃lén₂ dsa₂ tei₄, ca₂lión₂ bá₄ Barrabás i₂mi₅ dsa₂ lión₂. Jme₁ma₂nē₂dsí₃ Pilato 'éi'₃ a₂bán₂ dsa₂ Jesús, jaun₂ ca₂jáng'₂ o₄gú₃ dsa₂ juig₂ jaun₂ tion₃ cróg₄.

¹⁶ Jaun₂ ca₂tág₃ 'lióg₂ Jesús tē₂le₃ i₁dsi₅ ne₄ta₁, (co₂'nió'₄ caun₂ ja₁chei₂ Praetorio), jaun₂ ca₂ṅí'₂ 'lióg₂ ca₂le₃jín₃ riin'₅₄. ¹⁷ Jaun₂ ca₂quei'₃ dsa₂ caun₂ capa 'ui'₃, * jaun₂ ca₂jmo₃ caun₂ corona quian'₅₄ chi₁uíng₃ taun₅, ca₂tó'₂ mi₂dsi₄ Jesús.

¹⁸ Jaun₂ ca₂jme₃lióg₃ qui₂ca₂cuag₃ Diú₄ tóin'₅₄, ca₂juá'₂:

—¡Sian'₃ 'ne₂ Rag₅₄ quián₅ dsa₂ judíos!

¹⁹ Jaun₂ qui₂ca₂bá₂ mi₂dsi₄ Jesús quian'₅₄ ni₁'ma₂ ta₅, qui₂ca₂'ṅéi₂ nē₃ tóin'₅₄, qui₂ca₂chi₃jné₃ nē₃, a₂jme₂juag'₂. ²⁰ Jme₁ca₂lě₃ a₂lě₁co₂jmóg'₂ jaun₂, ca₂dsein₂₃ táng₃ Jesús tsi₁'mi'₂ 'ui'₃ a₂jme₁ca₂quei'₃. Jaun₂ ca₂quei'₃ táng₃ ni₁tsin'₅₄ a₂jme₁qui'₂. Jaun₂ guě₄ ca₂ṅiaí₃ Jesús a₂dsi₃tion₃ cróg₄.

Ca₂tion₃ dsa₂ cróg₄ Jesús

(Mateo 27:32-44; Lucas 23:26-43; Juan 19:17-27)

²¹ Jaun₂ ca₂chi₃quiáin₂ jmíg₄ jan₂ dsa₂ i₂'en₅₄ jui₅ jón'₅ ja₁nau₂, i₂chen₂ Si₂mu₅₄ i₂chan₂ juig₂ Cirene, i₂lín₅ jmei₂ Alejandro quian'₅₄ Rufo, a₂cán₂ 'éi₂ cróg₄ quió'₅ Jesús.

²² Jaun₂ ca₂ṅia₃ dsa₂ Jesús caun₂ ja₁chei₂ Gólgota, (co₂'nió'₄ jein₅ jág₁ chei₂ Dsi₂con'₂ Ni₁mu₅ Mi₂dsi₄ 'Lag₄.) ²³ Jaun₂ ca₂jén'₃ ne₄ Jesús vino a₂rě₂cón'₅ quian'₅₄ mirra, la₁ tsá₃ ca₂gue₃ 'éi₂. ²⁴ Jaun₂ guě₄ ca₂tion₃ cróg₄. Dsi₂'lióg₂ guè'₂ nē₃ ca₂jmo₃ dsióg₁ tsin'₅₄ Jesús, ca₂co₃ o₁ne₄ 'ein₂ lí'₂.

* 15:17 Color 'ui'₃ jui₁lia'₂ 'mi'₂ a₂qui'₅₄ rag₅₄.

25 Con₂ hora η_1 η_3 $t\ddot{e}_2$ o_3 'iog₂,† ca₂tion₃ dsa₂ cróg₄. 26 Jaun₂ ca₂tióng₃ letra dsi₄ cróg₄ co₂'nió₄ a₂juá'₂ 'e₂ dso₄ a₂bóin'₂ Jesús, a₂juá'₂: “RAG₅₄ QUIÁN₅ DSA₂ JUDÍOS.” 27 Ján₃ bá₄ ca₂tióin₃ guě₄ on₃ dsa₂ 'ang₂ co₂lě₅ quiong'₅₄, jan₂ tē₂le₃ gu₂ ne₁, jan₂ guě'₂ tē₂le₃ gu₂ jen₅,‡

29 Jaun₂ ca₂le₃jín₃ dsa₂ i₂qui₂ca₂ñí₃ ju₁₅ jaun₂ qui₂ca₂jnáu'₂ jág₁ uig₅, qui₂bí₂ dsi₅₄, ca₂juá'₂:

—Ia₁, ζ on₁ 'ne₂ i₂juá'₂ a₂'éng'₄ guá'₅ con₂ siá'₂ ting'₂ jmog'₅₄ táng₃ quian'₅₄ 'ni₅ jmig₄? 30 Nē₃ nē₃, lion₄ 'ñiag'₂, ja₁tong'₂ nē₅.

31 Ján₃ bá₄ le₂jaun₂ a₂lě₁qui₂co₂jmog'₂ ju₁₅me₂dsa₂, quian'₅₄ tē₅juá'₅, dsia₂₃ jág₁ qui₂tsí'₅ riin'₅₄, juá'₂:

—Ca₂lión₂ bá₄ i₂sián'₂, la₁ 'ñiog₅ bá₄ tsá₃ lé₂le₃lión₃. 32 Ju₁₅sión₄ cróg₄ I₂rē₂'ín₁ quián₅ Diú₄ nē₅, i₂juá'₂ lín₅ Rag₅₄ quián₅ dsa₂ juig₂ Israel, ia₁jaun₂ tē₅₄ ne₄ jniog₄, ia₁jaun₂ le₃'éin₂.

Le₂jio₅ dsa₂ i₂le₁ton₅ quian'₅₄ Jesús qui₂ca₂juá'₂ uig₅.

Ca₂jon₃ Jesús

(Mateo 27:45-56; Lucas 23:44-49; Juan 19:28-30)

33 Jme₁ca₂tē₂ dsi₃ñí'₃, § ca₂'ág₂ nei₂ le₂con₂ 'uē₃ jaun₂, ca₂lia'₂ ca₂tē₂ hora η_1 'ni₅ tē₂le₃ ca₂'láu₂. * 34 Hora jaun₂, ca₂'ñia₂ guě₄ Jesús jág₁, ca₂juá'₂ tiá₂:

—Eloi, Eloi, ζ lama sabactani? —co₂'nió₄ a₂juá'₂: Diú₄ quiáng₃, Diú₄ quiáng₃, ζ 'e₂ lě₃ ma₂nē₂téi'₃ jniá₂? †

35 I₂lín₅₄ dsa₂ i₂jme₁tión₂ cau₅ jaun₂ ca₂nág₂, jaun₂ ca₂dsia₃ jág₁ tsí'₅ riin'₅₄:

—¡Nei₂! Elías i₂jme₁'ě₂ jág₁ quián₅ Diú₄ ma₂líg'₂ tē₂.

36 Jaun₂ nē₃ ñó₃ jan₂ co₂chi'₅₄ i₁quian₅₄ caun₂ ni₁jaun₂ guion₅ jmig₂. Jaun₂ ca₂guioin₃ vino dsi'₃. Jaun₂ ca₂chi₃dsí₂ nei'₅₄ caun₂ ni₁'ma₂ ta₅, jaun₂ ca₂jén'₃ ne₄ Jesús ia₁jaun₂ jme₁'ín'₂. Jaun₂ juá'₂:

—O₁ne₄ chi₂jua'₂ jiá₃ Elías jaun₂ sió₂ quió'₅.

37 Cón'₂ bá₄ ca₂'ñióg₂ guě₄ Jesús tiá₂ lín₃, co₂tan₅₄ ca₂join₃. 38 Hora jaun₂ dé₄ dsón'₂ co₂dsia₅ ca₂chen₃ ca₂tē₂ guei'₅₄ ca₂tē₂ 'uē₃ ca₂lě₃ tin₃ tsín'₅ tsi₁'mi'₂ pa₁ a₂jme₁'ei₅ dsi₂néi₂ guá'₅ templo. 39 Jaun₂ juig₅₄ 'lióg₂ i₂jme₁chén'₄ cau₅ cróg₄, jme₁ca₂jág₃ 'a₂ lia'₂ ca₂jon₃ Jesús, jaun₂ ca₂juá'₂:

—Tē₃dsón'₂ bá₄ jme₁lín₄ dsa₂ nē₅ Ja₁ñi'₅₄ Diú₄.

40 Jaun₂ bá₄ jme₁tión₂ i₂lín₅₄ 'io₅₄, jág₅ uing₂ ján₃. Jē₄ jaun₂ jme₁chén'₄ María chan₂ Magdala, quian'₅₄ María chog₅₄ i₂chen₂ José, quian'₅₄ i₂chen₂ Jacobo‡ i₂lín₅ i₂me'₂ guě₄, quian'₅₄ guě₄ jan₂ i₂chen₂ Salomé. 41 'Io₅₄ 'éi₂ ma₂ja₂lén₂ le₂tan₅₄ 'uē₃ Galilea jme₂ti₃ ne₄ Jesús. Ju₁₅n₅ bá₄ guě₄ 'io₅₄ sián'₂ i₂ma₂ja₂lén₂ 'ein₂₃ Jesús tē₂ Jerusalén.

Ca₂'on₃ Jesús

(Mateo 27:57-61; Lucas 23:50-56; Juan 19:38-42)

42 Jme₁ca₂tó'₂ nei₂ jmig₄ jaun₂, tion'₅₄ dsa₂ jmo₂₃ co₂jñia₅₄ ju₁₅lia'₂ 'ióg₃ jmig₄ jñió₅. 43 Jaun₂ ca₂dsióg₃ José i₂chan₂ Arimatea, i₂lín₅ jan₂ dsa₂ dsen₅₄ i₂quian'₅₄ dsi₂tan₅₄ quián₅ guá'₅, Ia₁ 'éi₂ ján₃ jme₁chi₁jñia₂₃ a₂'ín₂ dsí₅ a₂guá'₂ 'éi'₃ quió'₅ Diú₄. Jaun₂ ca₂dsia₃ tiá₂ dsí₅ nē₃, ñó₃ ja₁con₂ Pilato, ca₂i₁mi₁₂ 'lag₄ Jesús. 44 Jaun₂ ca₂i₃gó'₃ dsí₅ Pilato jme₁ca₂nág₂ a₂ma₂jon₅ Jesús, jaun₂ ca₂tē'₃ juig₅₄ 'lióg₂ ca₂ñag₃ chi₂jua'₂ dsón'₂ ma₂join₂₃. 45 Jme₁ca₂rē₃ñi₅ ca₂juá'₂ 'lióg₂, “Dsón'₂ bá₄ le₂jaun₂

† 15:25 lit. “hora 'ni₅.” ‡ 15:27 A₂lín₅₄ chog₅₄ si₂ chi₁ton₅ versículo 28, a₂juá'₂ le₂la₂: “Jaun₂ le₂jaun₂ ca₂rē₃ti₃ con₂ lě₅ juá'₂ Si₂ quió'₅ Diú₄: ‘A₂jma₂' dsa₂ 'éi₂ ju₁₅lia'₂ jē₁jmái'₂ dsa₂ i₂rín₂ dso'’.” Isaías 53:12. § 15:33 lit. “hora jñéi₂.” * 15:33 lit. “hora η_1 .” † 15:34 Salmo 22:1. ‡ 15:40 o₃, Santiago.

ma₂ca₂lě₃”, jaun₂ ca₂jín₂ 'lag₄ o₄gú₃ Sě₄ 'éi₂. ⁴⁶ Jaun₂ Sě₄ ně₃ ca₂i₁lia₅ 'mi₂ tióg₃; quian'₅₄ a₂jaun₂ ca₂lioin₃ 'lag₄ Jesús jme₁ca₂sió₂ cróg₄. Jaun₂ ca₂to₂ 'ñió₃ tau₂ 'ñio₅ a₂jme₁ma₂lě₅ dso₂ 'ni₁'lau₂. Jaun₂ ca₂mói₂ ca₂míg₂ ni₁cang₁ 'í₂ pa₁, ca₂jne₃ 'o₄ tau₂ 'ñio₅. ⁴⁷ Jaun₂ María i₂chan₂ Magdala quian'₅₄ María chog₅₄ José, ca₂tě₂ ne₅₄ ja₁ca₂'on₃ Jesús.

16

Ca₂jen'₅₄ Jesús

(Mateo 28:1-10; Lucas 24:1-12; Juan 20:1-10)

¹ Le₃ca₂gú₃ jmi₄g₄ñi₅, jaun₂ María i₂chan₂ Magdala quian'₅₄ María chog₅₄ Jacobo, * quian'₅₄ guě₄ jan₂ i₂chen₂ Salomé, ca₂i₁lia₅ no'₅₄ mi₂juig₂ a₂jme₁dsi₃tsáng₃ ni₁ñi₁ 'lag₄ Jesús. ² Jaun₂ le₁ně₃ guě₄ jme₁nia₃ jmi₄g₄ le₂'uig₅₄ semana, ca₂i₃lěin₂ ja₁chi₁'on₅ Jesús, ca₂dsi₃lěin₂ con'₂ ma₂'en₅ ca₂la₂ 'iog₂. ³ Jaun₂ dsia₂₃ jág₁:

—¿Ein₂ jme₃'o₅₄ jniog₄ mói₂ cau₅ ni₁cang₁ a₂chi₁jni₅ 'o₄ tau₂ 'ñio₅?

⁴ La₁ jme₁ca₂jág₃ ně₃, jua'₂ ma₂rě₂mu₅, cau₅ bá₄ ma₂chí₅. Ia₁ a₂jme₁pa₁ lin₃ bá₄ ni₁cang₁. ⁵ Jaun₂ ca₂i₃toin₅₄ 'ñió₃, jaun₂ ca₂jín₂ jan₂ dsa₂ chi₂ i₂qui₂ 'mi₂ chen'₅₄ tiog₂, guá₅ tē₂le₃ gu₂ ne₁ ja₁i₃lěin₂ jaun₂. Jaun₂ ca₂i₃gó₃ dsí₅ 'io₅₄ ně₃. ⁶ La₁ ca₂juá'₂ dsa₂ 'éi₂:

—Tsá₃ jui₁dsi₂gó₃ 'au₂ 'nia₂. A₂'na₂ Jesús bá₄ 'nia₂ i₂niog'₅₄ i₂ca₂jon₃ ca₂tion₃ dsa₂ cróg₄. La₁ ma₂ca₂jein'₅₄ bá₄. Tsá₃ 'éi₂ chan₂ ja₁lá₃. Ně₅ jag₄ 'nia₂ ja₁ca₂quio₅ dsa₂. ⁷ Jaun₂ o₂nó₅ 'nia₂ o₂chei'₅₄ chi₂ dsí₂guia₃-tín₂ quiáin₅, Pe₄ ně₃, a₂ma₂'ein₅₄ jui₅ ñó₅ ñiá₅ lia₂ con'₂ guě₄ 'nia₂ jui₅ Galilea. Ja₁jaun₂ o₁jín₄ 'nia₂ con'₂ lě₅ jág₁ quió'₅ ma₂ca₂juá'₂.

⁸ Jaun₂ ca₂'uín₂ tau₂ 'ñio₅ i₃lein₃ cuing₂₃, dsí₂gó₃ dsí₅ jlein₂₃. Tsá₃ 'ein₂ ca₂tsí'₃ le₂'i₄ jui₅, ia₁ a₂gó'₅ bá₄ i₃lein₃.

Ca₂jme₃nia₅ Jesús ne₄ dsa₂ quiáin₅.†

(Juan 20:11-18)

⁹ Jaun₂ tē₂le₃ o₂'iog₂ jmi₄g₄ le₂'uig₅₄ a₂ca₂rě₃lióg₃ semana a₂ca₂jein'₅₄ jaun₂, ca₂jme₃niai₂₃ le₂'uig₅₄ ne₄ María chan₂ Magdala, i₂ca₂'uín₂ Jesús guion₃ je₂na'₅₄ quió'₅ le₂jñiá₅. ¹⁰ Jaun₂ 'éi₂ ně₃ ca₂i₁chi₄ dsa₂ i₂jme₁quian'₅₄ Jesús. 'Éi₂ ně₃, toin'₅₄ 'lia₂ dsí₅, qui₂'o₂₃ bá₄. ¹¹ Jme₁ca₂nág₂ juá'₂ 'io₅₄ a₂ma₂chan₂ táng₃ Jesús, ia₁ ma₂ně₂jág₂ 'io₅₄, la₁ tsá₃ 'ein₂ ca₂rě₃'én₂ guě'₂ jág₁ jaun₂.

Ca₂jme₃nia₅ Jesús ne₄ on₃ dsa₂ quiáin₅

(Lucas 24:13-35)

¹² Cang₂ jaun₂ táng₃ ca₂jme₃nia₅ Jesús le₂siá'₂ ne₄ on₃ dsa₂ 'éi₂ quiáin₅, ja₁jme₁i₂noi₅₄ ja₁nau₂. ¹³ Jaun₂ ca₂i₃lein₃ táng₃ ca₂i₁chi₄ riin'₅₄. Ján₃ bá₄ le₂jaun₂ tsá₃ 'ein₂ riin'₅₄ ca₂rě₃'én₂ jág₁ a₂dsia₅ 'éi₂.

Ca₂chen₃ Jesús chi₂ dsí₂guia₃-tín₂ i₂lě₂ guě₄

(Mateo 28:16-20; Lucas 24:36-49; Juan 20:19:23)

¹⁴ Cang₂ guě₄ jaun₂ ca₂jme₃nia₅ Jesús jin₄ ta₁guia₃-ján₃ con'₂ i₂jme₁tén₄ guě'₅. Jaun₂ ca₂jí₂ ia₁ 'e₂ lě₃ ñi₄ lě₃ cang₄ dsí₅₄, tsá₃ 'éin₂ a₂juá'₂ riin'₅₄ i₂ma₂ca₂tě₂ ne₄ a₂ma₂ca₂jein'₅₄ táng₃.

¹⁵ Jaun₂ ca₂juá'₂ ca₂tsí'₃ dsa₂ 'éi₂:

—O₂nó₅ 'nia₂ le₂con₂ mi₂güig₃, o₂'ě₃ jin₄ ca₂le₃jín₃ dsa₂ jág₁ dse₃. ¹⁶ I₂'én₂, i₂jñó₂ jmi₄g₄ ně₃, lióin₂, tíin'₄ bá₄. I₂tsá₃ 'én₂ ně₃, le₃chain₂ toin'₅₄ 'éi₃ a₂dsi₃'éin₂.

¹⁷ Jaun₂ léi₄ la₂ jme₃quian'₅₄ dsa₂ 'én₂. Tē₂le₃ quian'₅₄ bí₂ 'éi₃ quió₃ jniá₂, 'uín₂

* 16:1 o₃, Santiago. † 16:8 Chog₅₄ si₂ a₂lě₅, gui₅₄ guě₄ tsá₃, le₁ton₅ versículos 9-20.

je₂na'₅₄, ton'₂ dsia₃ dsa₂ jág₁ jmei₅ 'mí₂ ně₃. ¹⁸ Nĕ₁jua'₂ 'ein₂ ca₂jŋa'₃ dsi₂mi'₂, o₃ 'ein₂ ca₂'in'₃ mí₅ 'lig'₅₄, la₁ tsá₃ 'e₂ jén'₄. Qui₂quiog₃ gu₂ ne₄ quió'₅ dsa₂ dso'₅₄, jaun₂ 'lión₂ bá₄ dsa₂.

Ca₂uíg₂ Jesús guei'₅₄ i₂juig₃

(Lucas 24:50-53; Hechos 1:6-11)

¹⁹ Jme₁ma₂lĕ₅ juá₂ Te₁gui'₅₄ Jesús le₂nĕ₅, jaun₂ guĕ₄ ca₂roin'₂ ŋái'₃ guei'₅₄ i₂juig₃, jaun₂ ca₂guá₂ tĕ₂le₃ gu₂ ne₁ quió'₅ Diú₄. ²⁰ Cang₂ jaun₂, dsa₂ i₂jme₁quiain'₅₄ ně₃, ca₂'uin₂ i₁lein₅₄ ca₂le₂con₂ juig₂ i₁'ĕ₄ jág₁. Jaun₂ 'ŋiog₅ bá₄ Te₁gui'₅₄ Jesús ca₂cuĕ₃ bí₂, ca₂jmo₃ léi₄ a₂dsón'₂ dsau₅ jág₁ quió'₅, tĕ₂le₃ quian'₅₄ ca₂le₃jĕ₃ léi₄ juĕ'₂ a₂qui₂ca₂jmo₃ dsa₂ quiáin₅.

Co₂nĕ₅.

Jág₁ Dse₃ quió'₅ Diú₄ a₂ca₂tó'₂ San Lucas ne₄ Si₂

Jág₁ a₂ca₂rë₃lió₃ Si₂ a₂ca₂jmo₃ San Lucas

¹ Juin₅ bá₄ dsa₂ i₂qui₂ca₂nio₃ ne₄ ca₂can₃ ta₁ ca₂tó'₂ ne₄ si₂ ca₂le₃jě₃ jág₁ 'a₂ lia'₂ dsón'₂ niog₅ ca₂lě₃ jě₄ quián₂ jnia'₅₄, ² lia'₂ con'₂ lě₅ ca₂jme₃tag₅ dsa₂ i₂ca₂tě₂ ne₄ lia'₂ con'₂ le₂'uig₅₄ jme₁ca₂rë₃lió₃, ton'₂ ca₂jme₃'o₅₄ ca₂'ě₂ jág₁ dse₃. ³ Ján₃ bá₄ le₂jaun₂, jniá₂ ně₃ ma₂cáun₃ 'í₁ dse₃ lín₃ 'a₂ lia'₂ ma₂já₅ jě₁le₂'uig₅₄, jaun₂ bá₄ líng₂ dsi₂ten₅₄ a₂tó'₄ ne₄ si₂ la₂ ca₂le₃jě₃ lia'₂ con'₂ lě₅, a₂tsíng₂ ne'₅₄ 'ne₂, gui'₅₄ Teófilo,* ⁴ ia₁jaun₂ ŋi'₅₄ dse₃ a₂dsón'₂ tí₅ jág₁ a₂ma₂ca₂rë₃tíng'₃.

'Ě₂ jág₁ ángel quián₅ Diú₄ a₂le₃chan₂ Juan₅₄ i₂chon₃ dsa₂ jmig₂

⁵ Jmig₄ lia'₂ con'₂ jme₁lín₄ Herodes rag₅₄ 'uě₃ Judea, jme₁chan₂ jan₂ jme₂dsa₂ i₂jme₁chen₂ Zacarías, i₂jme₁tén₄ le₃quió'₅ co₂nió'₃ jme₂dsa₂ quián₅ Abías. Dsa₂ mí₂ quián₅ jme₂dsa₂ 'éi₂ ně₃ jme₁chen₂ Elisabet, i₂jme₁lín₄ tsi₁jon₂ quián₅ jme₂dsa₂ Aarón. ⁶ Le₃oin₃ jme₁lín₄ dsa₂ dsen₃ le₃ne₄ Diú₄, jme₁jme₂tí₃ 'éi'₃ quió'₅ Te₁gui'₅₄. A₂chain₂ le₂jaun₂ ně₃, tsá₃ 'ein₂ qui₂le₃bóg'₂ dso₄ jua'₅₄ 'e₂ dso₄ le₃bóg'₂. ⁷ La₁ 'i₁jan₂ guein₂ tsá₃ i₂ma₂ca₂rë₃chán₃ quián₅, ia₁ jme₁lín₄ Elisabet jan₂ 'io₅₄ quen₂. Jme₁ma₂cain'₅₄ ma₂guein'₂ 'ŋio₅ lín₃ jain₂ jain₂.

⁸ Co₂ráun₂, ca₂lě₃ jme₁ca₂tě₂ jmig₄ a₂tín₅₄ jme₂dsa₂ i₂quian'₅₄ Zacarías a₂jme₃tí₃ ta₁ a₂tióin₂ ne₄ Diú₄, ⁹ a₂jmo₃ lia'₂ con'₂ lě₅ tag₄ chí'₅ quió'₅ jme₂dsa₂. Tě₃jě₄ jmig₄ jaun₂, ca₂o₃ág₃ jág₁ ca₂tín₂ Zacarías, a₂'í₂ dsi₂néi₂ ja₁ŋi₅ quió'₅ Te₁gui'₅₄ a₂dsí'₂ chen₂. ¹⁰ Tě₃lia'₂ 'ein₅₄ dsí'₂ chen₂ ne₄chei₂ ně₃, dsa₂ juig₂ guě'₂ le₃ca₁'né₄ bá₄ le₁ŋi'₂ chi₂lén'₂ Diú₄.

¹¹ Tě₃jě₄ jaun₂ ca₂jme₃jnia₅ jan₂ ángel quián₅ Te₁gui'₅₄ ne₄ Zacarías tē₂le₃ gu₂ ne₁ ja₁lě₄ ne₄chei₂. ¹² Jme₁ca₂jág₂ Zacarías, ca₂ja₃gó'₃ dsí'₅ 'ŋio₅ lín₃, ca₂lia'₂ tsá₃ a₂ŋi₅ jmo₃ ca₂jén'₃. ¹³ La₁ ca₂juá'₂ ángel:

—Zacarías, tsá₃ lě₁jmo₂ gang'₃, ia₁ ma₂nág₂ Diú₄ jág₁ quiáng'₂ a₂chi₁lein'₅₄, jaun₂ le₃chan₂ jan₂ guein₂ dsa₂ ŋe'₂ quián₅ Elisabet dsa₂ mí₂ quiáng'₂. Guein₂ 'éi₂ quiang'₅₄ Juan₅₄. ¹⁴ Jmó'₂ 'io'₂ le₃chang'₂, o₂'ŋi₃ o₂jnia₃ 'au'₂ ně₃, ján₃ bá₄ juin₅ i₂tě₃ dsí'₅ jě₁ma₂chain₂. ¹⁵ Ia₁ lén₂ dsa₂ juin'₂ le₃ne₄ Te₁gui'₅₄. Tsá₃ vino 'ín'₂, on₃ guě'₂ ti₁jmíg₃ ně₃; Jme₂dsí₂ ŋi₅ bá₄ ma₂rë₂rín₅ tē₂dsí'₅ né'₃ a₂le₃chain₂. ¹⁶ Co₃jéin'₂ juin₅ lín₃ dsa₂ juig₂ Israel le₃quió'₅ Te₁gui'₅₄ Diú₄ quián₅. ¹⁷ 'Éi₂ i₂já₅ ne₄ juí₅ quió'₅ Te₁gui'₅₄, 'ein₅₄ jme₂dsí'₂, ton'₂ 'io₂₃ juí₅bí₂ juí₁lia'₂ a₂jme₁'io₅ Elías, a₂jme₃dsiain₁₂ mí₅₄ ja₁con₂ dsa₂, quian'₅₄ chi'₂-guein₂ quián₅, a₂co₃jéin'₂ juí₁lia'₂ i₂tsá₃ ne'₅₄, jme₃tag₂₃ le₃tín₂ le₃ŋí'₂ a₂dse₃. Le₂ně₅ jmo₃ co₂jnia₅₄ dsa₂ ia₁jaun₂ guein₃ Te₁gui'₅₄.

¹⁸ Jaun₂ ca₂ŋag₃ Zacarías ca₂ŋí'₃ ángel:

—¿A₂ bá₄ lia'₂ lé₂ le₃guion₅₄ jniá₂ a₂tí₅ dsón'₂ jág₁ ně₅? Ia₁ dsa₂ ma₂guen'₂ bá₄ jniá₂, le₂jaun₂ guě'₂ dsa₂ mí₂ quiáng₃ i₂ma₂dsi₁juin₅₄ ŋi₂ ján₃.

¹⁹ Jaun₂ ca₂ŋag₃ táng₃ ángel:

—Gabriel bá₄ jniá₂, chéng'₅ le₃ne₄ Diú₄. A₂cheng₅₄ bá₄ guio₃ a₂juá'₄ jág₁ dse₃ la₂ ne'₅₄. ²⁰ La₁ tē₂ně₃, cóng'₂, tsá₃ ma₃jág₁ le₃dsiá'₁ ca₂lia'₂ ca₂lě₃ le₂ně₅, 'uig₅₄ ia₁ a₂tsá₃ 'éng'₂ jág₁ quió'₃ a₂le₃tí₃ jě₁ma₂dsin₃ jmig₄ jaun₂.

* **1:3** o₃, “ne₂ i₂'nióg'₃ Diú₄.”

21 Dsa₂ juig₂ ně₃, le₁jñia₂₃ a₂o₃'in₅ Zacarías, dsi₂gó'₃ dsi₅ ia₁ a₂ca₂rě₃'in₄ 'éi₂.
 22 Jme₁ca₂o₃'iin₃ ně₃, la₁ tsá₃ ma₃jág₁ le₂dsia₃, jaun₂ ca₂rě₃lí'₄ bá₄ dsa₂, cha₂
 a₂ca₂jág₃ dsi₂néi₂ guá'₅ templo. A₂jñia'₅₄ qui₂bí₂ gu₂ bá₄ jmo₂₃ léi₄, ia₁ ma₂coin₅₄.
 23 Jme₁ca₂dsin₃ jmig₄ a₂jme₂ti₃ ta₁ jaun₂, jaun₂ ñái'₃ bá₄ ja₁quió'₄. 24 Cang₂
 jaun₂ ně₃, ca₂can₃ Elisabet dsa₂ mí₂ quiáin₅ guein₂. Tě₁lia'₂ jaun₂, tei₄ bá₄ ca₂'í₃
 dsi₂néi₂ quió'₅ con'₂ 'ñiá₂ tsi'₂. 'Ein₅₄ qui₂dsi₂jñia₅ dsi₅, lín₂: 25 “Co₂ně₅ ca₂rě₃'ñi₃
 dsi₅ Te₁gui'₅₄ a₂lín₅ le₂la₂, ia₁jaun₂ tsá₃ ma₂'ag₃ dsa₂ 'lig'₅₄.”

Ě₂ jág₁ jan₂ ángel quián₅ Diú₄ a₂le₃chan₂ Jesús

26 Jñéi₂ tsi'₂ ma₂ne₁ñó₄ a₂quian₅ Elisabet guein₂; Diú₄ ně₃ ca₂chein₃ táng₃
 ángel Gabriel caun₂ juig₂ ja₁tén₄ Galilea ja₁chei₂ Nazaret, 27 a₂ca₂i₁jme₁jñia₂₃
 ne₄ jan₂ dsa₂ mi₄ i₂jme₁ma₂lí'₅₄ jág₁ a₂jéin'₂ gu₂ quian'₅₄ i₂chen₂ José, jan₂ dsa₂
 tsi₁jon₂ Rag₅₄ David. Dsa₂ mi₄ 'éi₂ jme₁chen₂ María. 28 Jaun₂ ně₃, ca₂'í₃ ángel
 dsi₂néi₂ ja₁'en₅₄ María, jaun₂ ca₂juá'₂:

—iSiang'₃ María! i'E₂ guě₄ dsen'₃ 'ne₂, ia₁ quiong'₅₄ Te₁gui'₅₄!†

29 La₁ jme₁ca₂nág₂ María jág₁ ně₅, 'ñio₅ lín₃ ca₂i₃gó'₃ dsi₅, jaun₂ ca₂'náu'₃ dsi₅
 'e₂ bá₄ jein₅ jág₁ jaun₂. 30 Jaun₂ ca₂juá'₂ táng₃ ángel:

—Tsá₃ lě₁jmo₂ gang'₃, María, ia₁ a₂dse₃ dsi₅ Diú₄ jmo₂₃ ja₁cong'₂. 31 Ní₂, 'í₂ jan₂
 guein₂ tě₂'au'₂; le₃chan₂ jan₂ guein₂ dsa₂ ñe'₂ quiáng'₂, jaun₂ quiain'₅₄ JESÚS.
 32 'Nio₅ juin'₂ lěin₂; quiong₃ dsa₂ a₂lín₅ Ja₁ñi'₅₄ Diú₄ i₂guá'₅ guei'₅₄ lín₃. Te₁gui'₅₄
 Diú₄ ně₃, dsiog₃ ne₄ta₁ quió'₅ David jme₂gui'₂. 33 Jaun₂ jme₃góin₃ con'₂ tan₅₄ ne₄
 chi'₂ dsio₄ Jacob, jaun₂ tsá₃ ma₃líg'₂ jmig₄ dsi₃ñí₂ 'éi'₃ quió'₅.

34 Jaun₂ ca₂ñag₃ María ca₂ñí'₃ ángel:

—¿'A₂ bá₄ lia'₂ lě₂ a₂ně₅? Ia₁ tsá₃ dsa₂ ñe'₂ cúing₅.

35 Jaun₂ ca₂ñag₃ ángel:

—Jme₂dsi₂ Jñi₃ó₅ bá₄ jmo₃ a₂lé₂ le₂jaun₂ ja₁cong'₂; jui₅bí₂ quió'₅ Te₁gui'₅₄ i₂guá'₅
 guei'₅₄ bá₄ lio₃ 'én'₁ quió'₅. Jaun₂ lě₃, guein₂ jñi₃ó₅ i₂le₃chan₂ 'éi₂, quiong₃ dsa₂
 Ja₁ñi'₅₄ Diú₄.‡ 36 Ján₃ bá₄ le₂ně₅ Elisabet ríng'₂, o₁jñia'₅₄ ma₂guein'₂, ma₂tě₂ jñéi₂
 tsi'₂ a₂quiain₂₃ guein₂, jaun₂ le₂ně₅ bá₄ le₃chan₂ jan₂ guein₂ quián₅ i₂tě'₂ dsa₂ 'io₅₄
 quen₂. 37 Ia₁ 'i₁caun₂ tsá₃ 'e₂ cha₂ jua'₅₄ a₂tsá₃ qui'₅₄ jmig₄ Diú₄.

38 Jaun₂ ca₂juá'₂ María:

—Ní₂, dsa₂ i₂jme₂ti₃ ta₁ ne₄ Te₁gui'₅₄ bá₄ jniá₂; jui₁le₅₄ ja₁cong₂ con'₂ lě₅ jág₁
 quiáng'₂.

Jaun₂ ca₂ñá'₃ ángel ja₁coin₂.

Ca₂i₁jag₅₄ María ja₁quió'₄ Elisabet

39 Tě₃jě₄ jmig₄ jaun₂, ca₂ñó₃ María tě₂le₃ dséi₂ jui₅ juig₂ niog₅ má'₂ ja₁tén₄
 Judea. 40 Jaun₂ jme₁ca₂dsi₃óg₃, ca₂'í₃ dsi₂néi₂ quió'₅ Zacarías, ca₂cuin₃ Diú₄
 Elisabet. 41 Jme₁ca₂nág₂ Elisabet a₂cuag₅ María Diú₄, dsi₂jui₅ jaun₂ bá₄ ca₂jín'₂
 guein₂ tě₂dsi₅, jaun₂ ca₂rě₃cain'₂ Jme₂dsi₂ Jñi₃ó₅. 42 Jaun₂ ca₂'í₃ co₂mi'₅₄, juá'₂:

—i'E₂ guě₄ 'ñio₅ jme₂gu'₅₄ Diú₄ 'ne₂, lia'₂ con'₂ guě₄ 'i₁jan₂ dsa₂ mí₂ sián'₂,
 le₂jaun₂ guě'₂ guein₂ quiáng'₂ ně₃! 43 ¿I₂'ein₂ bá₄ jniá₂, já₅ chog₅₄ Te₁gui'₅₄
 quiáng₃ ja₂jag₅₄? 44 Ia₁ dsi₂jui₅ jme₁ně₂cuag'₅₄ Diú₄, ca₂jín'₂ 'io'₂ jén'₅ guein₂
 quiáng₃ tě₂dsi₃. 45 i'E₂ guě₄ dsen'₃ 'ne₂ a₂ca₂rě₃ 'éng'₂, ia₁ le₃tí₃ ja₁cong'₂ a₂ma₂juá'₂
 Te₁gui'₅₄!

46 Jaun₂ María ně₃, ca₂juá'₂:
 Jme₂juin'₂ tě₂dsi₃ Te₁gui'₅₄.

† 1:28 A₂lín₅₄ chog₅₄ si₂ juá'₂ ján₃: “Ma₂jme₂gu'₅₄ Diú₄ jme₂gon'₅₄ 'ne₂ con'₂ guě₄ ca₂le₃jín₃ dsa₂ mí₂.”

‡ 1:35 o₃, “Jaun₂ ně₃, guein₂ i₂le₃chan₂ 'éi₂ quiong₃ dsa₂ guein₂ jñi₃ó₅.”

- 47 Jme₂dsí₂ quió₃ ně₃, 'io'₂ jén'₅
le₃quió'₅ Diú₄ quiáng₃ i₂lió₂.
- 48 Ia₁ Diú₄ ca₂jéin'₃ ne₅₄ ja₁con₂ jniá₂
dsi₂ņég₂ i₂jme₂ti₃ quiáin₅.
Jaun₂ ně₃, le₂tan₅₄ le₃ne₄ jui₅ ja₁ņó₄,
tě₂ dsa₂ líng₅ i₂rě₂gon'₅₄ quián₅ Diú₄.
- 49 Ia₁ 'e₂ guě₄ 'uan'₂ Diú₄,
ia₁ ca₂jmo₃ caun₂ a₂juě'₂ ja₁cong₂;
i'e₂ guě₄ jnió₅ a₂chein₂!
- 50 Co₂tan₅₄ bá₄ ņéi₂ dsí₅
le₂tan₅₄ tsi₁jon₂ dsa₂ i₂jme₂go₃.
- 51 Quian'₅₄ gu₂ bėn₂, ca₂jmo₃ caun₂ a₂juě'₂
a₂tsá₃ 'ein₂ qui'₅₄ jmig₄.
Ia₁ co₂ņei'₅₄ ca₂guiain'₃ 'uě₃
dsa₂ i₂con'₂ ņí'₂ dsí₅ guion₅₄ jmo₂₃ táin'₅.
- 52 Ca₂'liain'₃ cau₅ i₂jme₁tián'₄ can'₅₄,
a₂ca₂dsiain₃ táng₃ i₂jmo₅ me'₂.
- 53 Dsa₂ i₂jme₁chan₂ 'on₄,
ca₂jme₃tau₅₄ quian'₅₄ a₂dse₃.
I₂ņí₄ jme₁chan₂ dse₃ guě'₂,
ca₂'uág'₂ ca₂chei'₃ lín₃.
- 54 Ca₂jme₃'oin₅₄ dsa₂ juig₂ Israel i₂jme₂ti₃ quiáin₅,
ca₂dsia₃ ņéi₂ dsí₅ ca₂dsáu'₃ dsí₅
- 55 con'₂ lě₅ jág₁ quió'₅
ca₂tsí'₃ Abraham jme₂gui'₂ jniog₄
quian'₅₄ ca₂le₃jín₃ tsi₁jon₂ quiáin₅ co₂tan₅₄.
- 56 Con'₂ 'ni₅ tsi'₂ ca₂dsin₃ ca₂'í₃ María ja₁quió'₄ Elisabet. Cang₂ jaun₂ ņái'₃ táng₃
ja₁quió'₄.

Ca₂rě₃chán₃ Juan₅₄ i₂chon₅ dsa₂ jmig₂

57 Cang₂ jaun₂ ca₂dsin₃ jmig₄ a₂le₃chan₂ guein₂ quián₅ Elisabet, jaun₂
ca₂rě₃chán₃ jan₂ guein₂ dsa₂ ņe'₂ quiáin₅. 58 Jaun₂ ca₂rě₃ņi₅ o₁rín'₅₄, quian'₅₄
dsa₂ i₂tián'₅ cau₅ quió'₅ ně₃, 'a₂ lia'₂ ca₂jmo₃ Te₁gui'₅₄ dse₃ dsí₅ ja₁con₂ 'éi₂. Jaun₂
ca₂jmo₃ 'io'₂ quiong'₅₄.

59 Jaun₂ ca₂lě₃ ně₃, jme₁ca₂tě₂ jnia₃ jmig₄, ca₂o₃lén₂ dsa₂ ca₂ti₃ lo₄ guein₂, jaun₂
jme₁'nio₃ quiong₃ Zacarías lia'₂ chen₂ jmei₂. 60 La₁ ca₂juá'₂ chog₅₄ guein₂:

—Jan₂'ón₄. Juan₅₄ bá₄ le₃chein₂.

61 Jaun₂ ca₂ņag₃ táng₃ dsa₂:

—'I₁jan₂ o₁rín'₂ tsá₃ i₂chen₂ le₂ně₅, jme₁né₄.

62 Jaun₂ ca₂jmo₃ dsa₂ léi₄ quian'₅₄ gu₂ a₂ca₂tsí'₃ jmei₂ guein₂ 'a₂ guě'₂ lia'₂
'nio₃ 'éi₂ le₃chen₂ guein₂. 63 Jaun₂ ca₂mi₃ 'éi₂ ca₂'nau₅₄ jau₅₄ 'ma₂, jaun₂ ne₄
jaun₂ ca₂tióng₃: “Juan₅₄ bá₄ chein₂.” Jaun₂ ca₂l₃gó'₃ dsí₅ ca₂le₃jín₃ tioin'₅₄.

64 Dsi₂jui₅ jaun₂ ca₂ján₃ mi₂'o₄ Zacarías, ca₂'ág₂ 'ua₁ táng₃ le₂tsi'₂, ca₂dsia₃ jág₁,
ca₂jme₃juin'₂ Diú₄. 65 Jaun₂ ca₂l₃gó'₃ dsí₅ ca₂le₃jín₃ dsa₂ i₂tián'₅ cau₅, jaun₂
le₂tan₅₄ juig₂ te₁'i₁ 'uě₃ má'₂ ja₁tén₄ Judea ně₃, ca₂l₃'ag₅₄ jág₁ ca₂le₃jě₃ a₂ca₂lě₃
jaun₂. 66 Dsa₂ i₂qui₂ca₂rě₃ņi₅ a₂jaun₂ ně₃, jme₁'nio'₂ dsí₅ i₂gú'₃ jág₁ ně₅, qui₂ņí'₅
le₂jan₂ le₂jan₂ dsia₂₃: “'E₂ bá₄ lén₂ guein₂ 'éi₂?” Ia₁ dsón'₂ bá₄ dsau₅ léi₄
jme₁quiong'₅₄ Te₁gui'₅₄ guein₂ 'éi₂.

Le₂la₂ canto a₂ca₂jme₃juin'₂ Zacarías Diú₄

67 Zacarías jmei₂ guein₂ ně₃, rě₂cain'₂ Jme₂dsí₂ Jñió₅, qui₂ca₂'ě₃ jág₁ ca₂cuě₃ Diú₄, ca₂juá'₂:

68 Jui₁le₂juin'₂ Te₁gui'₅₄ Diú₄
quián₅ dsa₂ juig₂ Israel,
ia₁ ma₂guain₂₃ jě₄ quián₂ jniog₄
dsa₂ juig₂ quián₅, ma₂ca₂lió₂.

69 Ma₂ca₂cuag₃ jniog₄ jan₂ i₂'uan'₂ lín₃
i₂lín₅ lia'₂ lě₅ caun₂ mi₁juí₁,
jan₂ i₂já₅ jě₄ tsi₁jon₂ David i₂ca₂jme₃ti₃ ta₁ ne₅₄,
a₂ja₂lioin₅₄ dsa₂ quián₅.

70 Le₂ně₅ jág₁ quió'₅ ca₂cuě₃ ca₃ma₂líg'₂,
ca₂juá'₂ tě₂le₃ quian'₅₄ dsa₂ i₂jme₁'ě₂ jág₁,
i₂jme₁lě₄ 'í₁ quián₅,

71 jme₁ca₂juá'₂ a₂lió₂ o₄gú₃ dsa₂ i₂'iog₅₄,
i₂uig₅ dsí₅ jág₂ ně₃,

72 ja₁juá'₂ ně₃ a₂tiá'₃ ñéi₂ dsí₅
ja₁con₂ dsa₂ can'₅₄ quián₂,
ja₁juá'₂ ně₃ dsiog'₂ dsí₅ jág₁ jñió₅ quió'₅ ron₅.

73 A₂ně₅ bá₄ jág₁ jaun₂ ca₂quiog₂
jme₁ca₂'iin₃ 'ñiog₅
ca₂tsí'₃ Abraham jme₂gui'₂ jniog₄:

74 a₂ca₂juá'₂ a₂lió₂ o₄gú₃ dsa₂ i₂'iog₅₄,
ia₁jaun₂ dsiá₁ tiá₂ dsi₅ jme₁ti₁ ne₅₄,

75 ia₁jaun₂ le₂chong₂ rě₂ le₃ne₅₄, lě₅ 'í₁,
ca₂le₃jě₃ jmig₄ chong₂.

76 Jaun₂ tě₂le₃ ja₁con'₂ 'ne₂ guë'₂, jón₃,
tě₂ dsa₂ a₂lín'₅ jan₂ i₂'ě₂ jág₁ quián₅ Diú₄
i₂guá₅ guei'₅₄ lín₃,

ia₁gog'₅₄ ne₄ jui₅ quió'₅ Te₁gui'₅₄
a₂jmo'₂ co₂jñia₅₄ jui₅ quió'₅.

77 'Ne₂ bá₄ o₁jmo'₄ a₂le₃cuí'₅ dsa₂ juig₂ quián₅
'e₂ jaun₂ a₂lión₂ dsa₂,
tě₂le₃ quian'₅₄ a₂'én₂ dsáu₁.

78 Ia₁ ñéi₂ bá₄ dsí₅ Diú₄ quián₂ jniog₄.

Jaun₂ lě₃, tě₂ guei'₅₄ i₂juíg₃ bá₄
chein₂₃ caun₂ si₂,

ně₂jag₄ bá₄ ca₂jnia₃ caun₂ jmig₄ 'mí₂

79 ja₁con₂ dsa₂ i₂tián'₅ jě₄ qui₁né'₃,
ja₁'ei₅ 'én'₁ 'mú₃ ně₃,
a₂jio₃ jniog₄ caun₂ jui₅ ja₁'ag₃ tei₄.

80 Caun₂ ca₂i₃cón₃ bá₄ guein₂ 'éi₂, caun₂ rě₂'uain'₂ bá₄ tě₂le₃ jui₅ jme₂dsí₂ ně₃;
ca₂guá₂ caun₂ ja₁lě₄ 'uě₃ quein₂ co₂'ñiog₅, ca₂lia'₂ ca₂tě₂ jmig₄ a₂ca₂jme₃jñiai₂₃
jñi₄ dsa₂ juig₂ Israel.

2

Ca₂rě₃chán₃ Jesús (Mateo 1:18-25)

1 Jaun₂ ca₂lě₃ ně₃ jmig₄ jaun₂ ca₂jmo₃ 'éi'₃ gui'₅₄ Emperador Augusto, a₂cho₃
si₂ tioin₃ ca₂le₃jín₃ dsa₂ ta₁caun₂ mi₂güig₃. 2 (Jě₁le₂'uig₅₄ si₂ ně₅ ca₂cho₃ dsa₂

lia'₂ con'₂ jme₁lín₄ Cirenio dsi₄má'₂ 'uë₃ Siria.) ³ Jaun₂ jma₃quén₅ ca₂tín₂ dsa₂ ca₂le₃jín₃ dsi₃lein₃ juig₂ go₅₄, a₂qui₂dsi₃tioin₃ si₂.

⁴ Jaun₂ ca₂'í₃ José jui₅ ca₂o₃'íin₃ juig₂ Nazaret ja₁tén₄ 'uë₃ Galilea, ca₂ñái'₃ jui₅ 'uë₃ Judea a₂dsiáin'₄ Belén, go₄ David, ia₁ dsa₂ tsi₁jon₂ David bá₄ jme₁lín₄ José. ⁵ Ca₂i₂tioin₃ si₂ ja₁jaun₂ quian'₅₄ María i₂ma₂li'₅₄ jág₁ jéin'₂ gu₂ quian'₅₄; ma₂quian'₂₃ bá₄ guein₂ ñi₂₃. ⁶ Ca₂lë₃ në₃, con'₂ ma₂tioin'₅₄ ja₁jaun₂, ca₂dsin₃ jmi₄ a₂le₃chan₂ guein₂ quiáin₅. ⁷ Ja₁jaun₂ ca₂rë₃chán₃ guein₂ ne₅₄ 'éi₂ quiáin₅, 'ein₅₄ ca₂lio₃ 'mí'₂, ca₂quio₂₃ 'ñió'₃ tsi₁gu₅ ja₁guë'₅ já'₂, 'uig₅₄ ia₁ a₂tsá₃ ma₃ja₁ca₂tín₂ dsi₂néi₂ ja₁siá'₂ ja₁ñia₃.

Ca₂jme₃jnia₅ ángel ne₄ dsa₂ i₂jmo₅ 'í₁ já'₂ cha'₂

⁸ 'Uë₃ jaun₂ jme₁tion'₅₄ ñia₅ ja₁nau₂ co₂nió'₃ dsa₂ i₂jmo₅ 'í₁ já'₂ cha'₂ quián₅, a₂'uë₂ jaun₂. ⁹ Ca₂jme₃jnia₅ jan₂ ángel quián₅ Te₁gui'₅₄ ne₅₄, ca₂jnia₃ co₂tág₅ co₂'né'₅ quió'₅ Te₁gui'₅₄ le₃lág'₃ ja₁tioin'₅₄, jaun₂ ca₂rë₃gó'₅ 'ñio₅ lín₃. ¹⁰ La₁ ca₂juá'₂ ángel:

—Tsá₃ jmo₂ 'nia'₂ gang'₃. Ní₂, a₂i₃'ë₃ jág₁ dse₃ bá₄ jniá₂ guio₃, caun₂ jág₁ quió'₅ ca₂le₃jín₃ dsa₂, jiá₃ cán₂ o₂'ñio₃ dsi₅. ¹¹ Ia₁ jmi₄ në₃, ca₂rë₃chan₂ o₄quián'₂ 'nia'₂ juig₂ go₄ David, jan₂ i₂lió₂, i₂lín₅ Te₁gui'₅₄ I₂rë₂'ín₁ quián₅ Diú₄. ¹² Quian'₅₄ léi₄ la₂ o₁quion'₂ 'nia'₂ 'í₁: dsian'₂ 'nia'₂ guein₂ rë₂bón'₅ 'mí'₂, rë₂quian'₂₃ 'ñió'₃ tsi₁gu₅ ja₁guë'₅ já'₂.

¹³ Dsi₂jui₅ con'₂ tsá₃ jáin₅, ca₂jín₂ juin₅ lín₃ ángeles sián'₂ con₂ ángel 'éi₂, ca₂tóin'₂ jme₂juin'₂ Diú₄ ca₂juá'₂:

¹⁴ ¡Jui₁le₂juin'₂ Diú₄ guei'₅₄ i₂juig₃!

Ne₄ gua'₅₄ 'uë₃ në₃,

jui₁'ei₅ tei₄ ja₁con₂ dsa₂ mi₂güig₃

i₂ma₂dsia₅ Diú₄ dse₃ dsí₅ o₄quió'₄.

¹⁵ Ca₂lë₃ në₃, jme₁ma₂i₃len₃ ángeles guei'₅₄ i₂juig₃, jaun₂ ca₂jme₃lióg₃ dsa₂ i₂jmo₅ 'í₁ já'₂ cha'₂ 'éi₂ qui₂ca₂tsí'₃ rñin'₅₄:

—Ma₃ jniog₄ jui₅ Belén, ma₃ dsi₁jag₅₄ a₂ca₂lë₃ ja₁jaun₂, con'₂ lë₅ jág₁ ma₂në'₂ë₂ Te₁gui'₅₄.

¹⁶ Ca₂i₃léin₂ jaun₂ në₃ tē₂le₃ dséi₂. Dsón'₂ rē'₂ ja₁jaun₂ ca₂dsáin'₂ María quian'₅₄ José, guein₂ në₃ rē₂quian'₂₃ 'ñió'₃ gu₅ ja₁guë'₅ já'₂. ¹⁷ Jme₁ca₂jág₂, jaun₂ guë'₄ ca₂dsia₃ 'a₂ lia'₂ lë₅ jág₁ a₂ca₂nág₂, a₂ca₂'ë₂ ángel a₂'íin₂₃ guein₂, ¹⁸ jaun₂ ca₂i₃gó'₃ dsí₅ ca₂le₃jín₃ dsa₂ i₂ca₂nág₂ jág₁ a₂dsia₅ dsa₂ i₂quián₅ já'₂ cha'₂ 'éi₂. ¹⁹ La₁ María në₃, 'no'₂ bá₄ dsí₅ ca₂le₃jě₃, 'e₂ jein₅ a₂lë₂ jaun₂. ²⁰ Dsa₂ i₂jmo₅ 'í₁ já'₂ cha'₂ në₃, ca₂i₃lein₃ bá₄ táng₃ qui₂jme₂juin'₂ Diú₄, qui₂cuë₂₃ ti₁'mag'₄ o₄quió'₄ ca₂le₃jě₃ a₂ca₂tē₂ ne₅₄ quian'₅₄ a₂qui₂ca₂nág₂. Ia₁ ca₂le₃jě₃ bá₄ ca₂rë₃ti₃ con'₂ lë₅ ca₂juá'₂ ángel.

Ca₂i₂jme₃jniai₂₃ guein₂ Jesús guá'₅

²¹ Jme₁ca₂dsin₃ ñia₃ jmi₄, ca₂ti₃ dsa₂ lo₄ guein₂, jaun₂ ca₂quiong₃ JESÚS* lia'₂ con'₂ lë₅ ca₂juá'₂ ángel ca₂tsí'₃ María né'₃ a₂cáun₂.

²² Jme₁ca₂dsin₃ jmi₄ a₂'í₄ 'éi'₃ jmo₃ le₁jín₃ a₂jme₂ti₃ lia'₂ con'₂ lë₅ 'Éi'₃ quió'₅ Moisés, ca₂i₁lein₅₄ Jerusalén ñiai₂₃ guein₂ i₁jein'₅₄ ne₄ Te₁gui'₅₄. ²³ Ca₂jmo₃ le₂në₅ ia₁ ton₅ ne₄ Si₂ quió'₅ Te₁gui'₅₄: “Ca₂le₃jín₃ guein₂ dsa₂ ñe'₂ i₂ne₅₄ i₂le₃chan₂, léin₂ i₂lë₅ 'í₁ quián₅ Te₁gui'₅₄.”† ²⁴ Ja₁jaun₂ ca₂jén'₃ ján₃ con'₂ lë₅ juá'₂ 'éi'₃ quió'₅ Te₁gui'₅₄: “On₃ i₁ju₂, o₃ co₂dsán'₃ i₁ju₂ bē₂ 'e₂.”‡

* 2:21 Lia'₂ chen₂ Jesús (hebreo: Yeshua) jein₅ jág₁ “Lió₂ bá₄ Te₁gui'₅₄.” † 2:23 Éxodo 13:2. ‡ 2:24 Levítico 5:11; 12:8.

25 Jmīg₄ jaun₂, jme₁chan₂ jan₂ dsa₂ jē₄ juīg₂ Jerusalén i₂jme₁chen₂ Simeón. Jme₁lín₄ jan₂ dsa₂ dsen₃ lín₃, i₂jme₁jme₂gan₃ Diú₄; jme₁chain₂ chi₁jñia₂₃ a₂guán₂ i₂cuē₃ lián'₂ quió'₅ dsa₂ juīg₂ Israel. Jme₁quiong'₅₄ Jme₂dsí₂ Jñió₅; 26 'éi₂ bá₄ ma₂ca₂'ē₂ jág₁ ne₅₄ a₂tsá₃ jóin₂ ca₂lia'₂ ca₂jín₂ de'₂ I₂rē₂'ín₁ quián₅ Te₁gui'₅₄. 27 Jmīg₄ jaun₂ ñó₃ jiog₅ Jme₂dsí₂ Jñió₅ jui₅ guá'₅ templo. Ja₁jaun₂ jme₁'ein₅₄ ně₃ jme₁ca₂dsi₃lén₂ chog₅₄-jmei₂ guein₂ Jesús, jñia₂₃ guein₂ a₂jmo₃ quiong'₅₄ con'₂ lē₅ tag₄ chí'₅ a₂quí'₅ 'Éi'₃. 28 Jaun₂ ca₂jñau'₃ Simeón ca₂jñai'₃ guein₂, ca₂jme₃juin'₂ Diú₄, ca₂juá'₂:

29 Nē₃ guē₄ ně₃, 'ne₂ juīg₃ quiáng₃,

ma₂lé₂ dsiang'₅₄ tei₄

dsa₂ i₂jme₂ti₃ ne'₅₄,

lia'₂ con'₂ lē₅ jág₁ quiáng'₂.

30 Ia₁ la₂ ca₂tē₂ ne₃ i₂ma₂cheng'₂ lió₂,

31 i₂ma₂jmo'₅₄ co₂jñia₅₄ quián₅ ca₂le₃jě₃ juīg₂ nación.

32 I₂la₂ bá₄ i₂lín₅ si₂

i₂jmo₃ tág₅ ja₁con₂ dsi₂nau₂;

i₂la₂ bá₄ i₂lín₅ dsa₂ i₂chi'₃ jlá'₁

juīg₂ Israel quiáng'₂.

33 Ca₂i₃gó'₃ dsí₅ bá₄ José quian'₅₄ chog₅₄ guein₂, o₄quió'₄ jág₁ a₂ca₂juá'₂ Simeón jaun₂, 'iin₂₃ guein₂. 34 Jaun₂ ca₂jme₃gu'₅₄ Simeón quió'₅, jaun₂ ca₂juá'₂ ca₂tsí'₃ María chog₅₄ guein₂:

—Ní₂, 'en₅₄ jui₅ guein₂ la₂ já₅, jmo₃ a₂dsi₃gan'₅₄ 'uē₃ juin₅ dsa₂ juīg₂ Israel, o₃ tē₂le₃ ron'₂ juin₅ 'e₂. Já₅ lín₅ caun₂ léi₄ quió'₅ i₂'ag₃ i₂ná_{u3} quen₅ i₂le₃'iog₅₄.

35 Le₂nē₅ bá₄ jióg'₃ 'í₁ le₃jniá₂ 'a₂ lia'₂ dsi₂jio₅ dsí₅ dsa₂ le₂jan₂ le₂jan₂. La₁ tē₂le₃ ja₁cong'₂ ně₃, dsi₃ñí₂'₂ ně₂jag₄ bá₄ caun₂ ñi₁tág₂ dsi₂tia₃ tē₂'au'₂.

36 Ján₃ bá₄ jaun₂ jme₁'en₅₄ jan₂ guiong'₂ i₂chen₂ Ana, ja₁míg₄ Fanuel, dsa₂ tsi₁jon₂ Aser. 'Éi₂ ně₃ jme₁'ē₂ jág₁ o₄quió'₄ Diú₄ ján₃. Jme₁ma₂guein'₂. Mei'₂ bá₄ lia'₂ con'₂ ca₂jen'₂ gu₂. Guio₃ ñi₂ bá₄ ca₂rē₃quiain'₅₄ dsa₂ ñe'₂ quián₅. 37 Quén'₂ ne₂guióg₂ rē₂dsí₂ quén₂ (84) ñi₂ a₂ca₂rē₃'nñi₂. Š Guiong'₂ 'éi₂ ně₃ jme₁'ein₅₄ tián₂ i₁dsi₅ guá'₅. 'Uē₂-jmi₂ bá₄ jme₁jme₂ti₃ ne₄ Te₁gui'₅₄ chi₁lén'₂ Diú₄ a₂jme₂'iin₅₄ ně₃.

38 Hora jaun₂ dé₄ ca₂dsióg₃ ja₁tión₂ dsa₂, ca₂cuē'₃ ti₁'mag'₄ Diú₄, ca₂dsia₃ jág₁ 'iin₂₃ guein₂ tsí'₅ ca₂le₃jín₃ dsa₂ i₂tion'₅₄ i₂le₁jñia₅ a₂lión₂ dsa₂ juīg₂ Jerusalén.

Ca₂i₃lein₃ táng₃ Nazaret

39 Jaun₂ ně₃ jme₁ma₂ca₂lě₃ jmo₂₃ ca₂le₃jě₃ con'₂ lē₅ ta₁ qui'₅ 'Éi'₃ quió'₅ Te₁gui'₅₄, jaun₂ ca₂i₃lein₃ jui₅ 'uē₃ Galilea, ja₁niog₅ Nazaret, juīg₂ go₅₄. 40 Guein₂ ně₃, caun₂ ca₂i₃juin'₂ bá₄, caun₂ ca₂rē₃'uáin'₃ ně₃, ton'₂ 'ñio₅ lín₃ ñi₅, Diú₄ bá₄ jme₁jme₂gu'₅₄.

Lia'₂ con'₂ me'₂ Jesús ca₂dsióg₃ i₁dsi₅ guá'₅

41 Ca₂le₃jě₃ ñi₂ jme₁dsi₂lén₂ chog₅₄-jmei₂ Jmīg₄ Tē₂'iin₅₄ a₂tē₅ Jerusalén.

42 Jme₁ca₂dsí'₃ Jesús guia₃-tín₂ ñi₂, ca₂i₃lén₂ táng₃ co₂dsia₅ jui₅ Jerusalén. Ia₁ le₂jaun₂ tin₂ dsa₂ ca₂le₃jě₃ ñi₂ dsi₃lén₂ jmīg₄ jaun₂. 43 Jme₁ca₂gú'₃ jmīg₄, ca₂i₃lein₃ táng₃. Tsá₃ ca₂rē₃lí'₄ chog₅₄-jmei₂ jñia'₅₄ jaun₂ bá₄ tē₁'ñia₄ Jesús Jerusalén, 44 ia₁ lín₂ ma₂ñái'₅ bá₄ quiain'₅₄ dsa₂ sián'₂. Caun₂ jmīg₄ ma₂ne₁ñó₄ tioen'₅₄ jui₅ i₃lein₃ jme₁ca₂'nau'₂ jin₄ o₁rñin'₅₄, jin₄ dsa₂ i₂cuin₂₃ ně₃. 45 La₁ tsá₃ ca₂dsá'₂. Jaun₂ ca₂jén'₃ táng₃ jui₅ ca₂i₃lén₂ Jerusalén ca₂i₁'niog'₂ ja₁jaun₂.

46 A₂'ni₅ jmīg₄ jaun₂ jme₁ca₂dsá'₂ i₁dsi₅ guá'₅, guá'₅ jin₄ tē₅juá'₅, nag₂₃ jág₁, ñag₂₃ ñí'₅ 'éi₂ ně₃. 47 Jaun₂ ca₂i₃gó'₃ dsí₅ ca₂le₃jín₃ i₂tion'₅₄ nag₅ jág₁ quió'₅, ia₁

§ 2:37 o₃, "Ma₂'ein₅₄ quén'₂ ne₂guióg₂ rē₂dsí₂ quén₂ (84) ñi₂."

'ŋio₅ lin₃ ŋi₅ 'a₂ lia₂ qui₂jéin₃ jág₁ quió₅ dsa₂ 'éi₂. ⁴⁸ Jme₁ca₂jág₂ chog₅₄-jmei₂, ca₂i₃gó₃ dsí₅, jaun₂ ca₂juá₂ chog₅₄:

—Jón₃, ¿'e₂ lë₃ jmog₅₄ le₂në₅? Néi₅, jniá₂ në₃, ma₂në₂i₁nio₁ 'i₅ dsi₅ 'niog₂ jnia₅₄.

⁴⁹ Jaun₂ ca₂ŋag₃ Jesús:

—¿'E₂ lë₃ 'nau₂ 'nia₂ jniá₂? ¿Tsa₁ ŋi₅₄ 'nia₂ a₂ca₂tíng₂ 'ú₄ ta₁ quió₅ Ne₃?

⁵⁰ La₁ tsá₃ ca₂ŋí₂ dsí₅ 'éi₂ 'e₂ jein₅ jág₁ jaun₂.

⁵¹ Jaun₂ ca₂jóin₃ bá₄ quiain₅₄ chog₅₄-jmei₂ jui₅ Nazaret. Caun₂ bá₄ ne₅₄ ca₂le₃jě₃ a₂të₂néi₂ chog₅₄-jmei₂. La₁ tei₄ bá₄ 'ma₅ chog₅₄ dsí₅ ca₂le₃jě₃ a₂jaun₂.

⁵² Jaun₂ caun₂ ca₂i₃juin₂ bá₄ Jesús, rë₂ niog₅ dsi₅₄, rë₂ chéin₅ le₃ne₄ Diú₄, lia₂ le₃ne₄ dsa₂ në₃.

3

*'Ĕ₂ Juan₅₄ i₂chon₅ dsa₂ jmig₂ jág₁ caun₂ 'uë₃ quein₂ co₂'ŋiog₅
(Mateo 3:1-12; Marcos 1:18; Juan 1:19-28)*

¹ Ŋi₂ guia₃-'ŋiá₂ lia₂ con₂ jme₁lín₄ emperador Tiberio, jmig₄ lia₂ con₂ jme₁lín₄ táng₃ Poncio Pilato dsi₄má₂ 'uë₃ Judea; Herodes guë₂ jme₁lín₄ rag₅₄ i₂jmo₅ 'éi₃ 'uë₃ Galilea; Felipe riin₅₄ guë₂ jme₁lín₄ dsi₄má₂ le₂tan₅₄ juig₂ Iturea quian₅₄ Traconite; Lisantias në₃ jme₁lín₄ dsi₄má₂ quián₅ Abilinia. ² Ján₃ bá₄ jmig₄ jaun₂ jme₁lín₄ jme₂dsa₂ dsen₅₄ Anás quian₅₄ Caifás. Con₂ jmig₄ jaun₂ dé₄ në₃, ca₂të₃ Diú₄ ca₂të₃ Juan₅₄, ja₁ŋi₅₄ Zacarías, 'uë₃ co₂'ŋiog₅ ja₁jme₁guá₄.

³ Juan₅₄ në₃ ca₂ŋi₃ le₂tan₅₄ juig₂ te₁'i₁ ma₂quián₅ Cuá₃ Jordán, qui₂tsí₅ dsa₂ a₂'nió₅ tsóin₃ jmig₂, cuë₃ léi₄ a₂ma₂ca₂dsi₃quén₅ dsí₅ ia₁jaun₂ le₃'én₂ Diú₄ dsáu₁. ⁴ Le₂në₅ bá₄ ca₂lë₃ ca₂rë₃ti₃ con₂ lë₅ jág₁ a₂ca₂tó₂ Isaias ne₄ si₂, i₂jme₁'ë₂ jág₁ o₄quió₄ Diú₄, a₂ca₂juá₂:

Nag₃ dsa₂ co₂mi₅₄ jág₁

caun₂ 'uë₃ co₂'ŋiog₅, a₂juá₂:

Jmo₄ 'nia₂ co₂jnia₅₄ jui₅ quió₅ Te₁gui₅₄;

Nia₄ 'nia₂ caun₂ jui₅ co₂dsau₅.

⁵ Ca₂le₃jě₃ jí₅₄ siá₅ 'nió₅ le₃can₂,
ca₂le₃jě₃ dsí₂con₂, má₂, 'nió₅ 'ag₃ co₂rë₂;

Ca₂le₃jě₃ jui₅ qui₂rë₂guion₂, 'nió₅ lé₂ co₂dsau₅,
jui₅ a₂qui₂le₁quin₅₄, 'nió₅ lei₂.

⁶ Ca₂le₃jín₃ dsa₂ mi₂güí₃ bá₄ jág₃

'a₂ lia₂ lë₅ a₂jmo₃ Diú₄ lió₂.*

⁷ Jaun₂ ca₂'uin₂ dsa₂ quió₅, ca₂o₃lëin₂ mi₂₃ cho₃ Juan₅₄ jmig₂,† jaun₂ ca₂juá₂ 'éi₂:

—i'Nia₂ tsi₁jon₂ dsí₂mi₂! ¿'Ein₂ bá₄ në₂chí₃ 'nia₂ a₂cuíng₂ long₅₄ uig₅ a₂ja₂quián₃? ⁸ Cuë₄ 'nia₂ léi₄ jaun₂ a₂të₃dsón₂ ma₂ca₂dsi₃quén₅ 'au₂. 'A₃ lë₁jui₁dsi₂jnia₅ 'au₂ 'nia₂ jua₅₄ a₂jua₅₄: “Lág₅ jnia₅₄ tsi₁jon₂ Abraham”; ia₁ jniá₂ juá₅, Diú₄ qui₅₄ jmig₄ jmo₃ ca₂të₂ ni₁cang₁ tio₅₄ la₂, lé₂ le₃jmó₁ 'chi₂-guein₂ quián₅ Abraham. ⁹ Ia₁ ma₂lë₅ co₂jnia₅₄ ŋi₁dsi₁ a₂qui₃uín₂ ni₁'ma₂. Ca₂le₃jě₃ 'ma₂ a₂tsá₃ dse₃ mí₂ 'ag₅, uín₂ dsí₃to₅₄ si₂.

¹⁰ Jaun₂ ca₂ŋag₃ dsa₂:

—¿'E₂ bá₄ le₃jmó₁ jnia₅₄ jaun₂ në₃?

¹¹ Jaun₂ ca₂ŋag₃ táng₃:

—I₂cha₂ tin₃ dsán₃ tsin₅₄, jui₁cuë₄ co₂dsán₃ i₂tsá₃ cha₂ quió₅; le₂jaun₂ guë₂ jui₁lia₂ i₂cha₂ a₂guë₃, jui₁jme₂'oin₅₄ jui₁lia₂ i₂tsá₃ cha₂ quió₅.

* **3:6** Isaías 40:3-5. † **3:7** lit. “tióg₂ Juan₅₄ jmig₂.”

12 Ca₂O₃lén₂ i₂lín₅₄ i₂cán₂ 'lia'₅₄ quián₅ dsi₂tan₅₄ ně₃, a₂'nio₃ tsóin₃ jmig₂, jaun₂ ca₂tsí'₃ Juan₅₄:

—Tě₅, ě₂ bá₄ lé₂ le₃jmó₁ jnia'₅₄?

13 Jaun₂ ca₂jéin'₃ táng₃ 'éi₂ jág₁:

—Tsá₃ jmó'₂ 'nia'₂ jua'₅₄ a₂cán'₁ ηag₅₄ guě₄ 'lia'₅₄ quió'₅ dsa₂, jua'₅₄ a₂dsi₁juin'₅₄ con'₂ 'éi'₃ qui'₅ si₂.

14 Ca₂O₃lén₂ i₂lín₅₄ 'lióg₂ ně₃, ca₂ηag₃:

—Jnia'₅₄ guě'₂ ně₃; ě₂E₂ bá₄ ca₂tág₂ jnia'₅₄ jmó₁?

Jaun₂ ca₂ηag₃:

—Tsá₃ qui₁quiang'₄ dsa₂ juě'₅, jua'₅₄ a₂qui₁jñiá'₄ 'e₂ qui₁jñiá'₄ quió'₅, on₃ guě'₂ qui₁'nig'₄ dsa₂ jua'₅₄ a₂lë₁qui₁'ní'₄. Ju₁le₂ηio₂ bá₄ 'au'₂ 'nia'₂ ján₃, con'₂ ma₂tí₅ 'liang'₅₄.

15 La₁ dsa₂ ně₃, tsá₃ tei₄ le₁'ág₄ dsí₅ tioin'₅₄, le₁jñia₂₃ le₃ηi₅ chi₂jua'₂ Juan₅₄ 'éi₂ bá₄ lín₅ I₂rě₂'ín₁ quián₅ Diú₄. 16 Jaun₂ ca₂juá'₂ Juan₅₄ 'ηiog₅, ca₂tsí'₃ ca₂le₃jín₃:

—Jniá₂ ně₂tiáng₃ 'nia'₂ jmig₂; la₁ i₂já₅ chi₂quín₃ ně₅, tióg₂ Jme₂dsí₂ Jñio₅, jě₄ si₂ ně₃. 'Éi₂ bá₄ i₂'uan'₂ guě₄ lia'₂ con'₂ guě₄ jniá₂, ca₂lia'₂ jñia'₅₄ lau₂ ton₅ tag₅₄ bá₄ tsá₃ ca₂tíng₂ tsí'₅₄. 17 Ma₂chi₁chan'₂ si₂jmu₂ a₂jme₂dse₃ mig₂ trigo. Cág'₃ dse₃ lín₃, con'₂ dsia₃ jmá'₃ a₂dse₃, 'ma₃ dsi₂néi₂. Dsí'₂ bá₄ jme₁qui₅ dsi₂si₂ ja₁tsá₃ líg'₂ jmig₄ éi₃.

18 Jaun₂ le₂ně₅ bá₄, 'lióng₂ jág₁ dse₃ siá'₂ ca₂to'₂ Juan₅₄, ca₂jme₃tiin₂₃ dsa₂ jág₁ dse₃.

19 Ján₃ bá₄ ca₂jéin₂ Rag₅₄ Herodes, ia₁ a₂jme₁ma₂guá'₅ 'éi₂ quian'₅₄ 'io₅₄ Herodías dsa₂ mí₂ quián₅ riin'₅₄, † ne₄ 'lióng₂ guě₄ a₂'lig'₅₄ siá'₂ a₂jme₁jmo₅-dsáu₅ Herodes; 20 la₁ tē₂le₃ ηag₅₄ guě₄ ca₂jme₃ja₃: né'₃ 'má₃ bá₄ ca₂tiáin₂ Juan₅₄.

Ca₂chon₃ Juan₅₄ jmig₂ Jesús

(Mateo 3:13-17; Marcos 1:9-11)

21 Jme₁ma₂ca₂lě₃ choin₂₃Š jmig₂ ca₂le₃jín₃ dsa₂, jme₁ma₂ně₂chon₃a Jesús jmig₂, a₂ma₂chéin'₅ chi₂lén'₂ Diú₄ ně₃. Tě₃jě₄ jaun₂ ca₂niá₃ dsi₄ i₂juíg₃. 22 Ca₂sión₃ Jme₂dsí₂ Jñio₅ chi₁dsáin₃ jniá₂ lia'₂ jniá₂ jan₂ i₁ju₂, ne₄ quió'₅. Jaun₂ ca₂né'₂ jág₁ a₂já₅ guei'₅₄ i₂juíg₃ a₂juá'₂:

—'Ne₂ bá₄ líng'₅ jón₃ quiáng₃ i₂'nióg₃ guě₄ lín₃; 'ηio₂ bá₄ dsi₃ 'ηio₅ lín₃ jing₅₄ 'ne₂.*

Dsa₂ can'₅₄ quián₅ Jesús i₂qui₂ma₂ηí₂ ma₂dsi₃jo₃

(Mateo 1:1-17)

23 Con'₂ guióg₂-guiá₂ ηi₂ bá₄ jme₁ma₂'en₅₄ Jesús lia'₂ con'₂ jme₁ca₂jme₃lióg₃ ca₂jme₃tiin₂₃ dsa₂ jág₁ dse₃. Dsa₂ ně₃, jmo₂₃ dsí₅ a₂lín₅ 'éi₂ ja₁ηi'₅₄ Sě₄.

Jaun₂ Sě₄ 'éi₂ ca₂já₃ ca₂lín₃ ja₁ηi'₅₄ Elí.

24 Elí 'éi₂ guě'₂ ně₃ ca₂já₃ ca₂lín₃ ja₁ηi'₅₄ Matat;

Matat 'éi₂ guě'₂ ně₃ ca₂já₃ ca₂lín₃ ja₁ηi'₅₄ Leví

i₂jme₁lín₄ ja₁ηi'₅₄ Melqui;

Melqui ně₃ jme₁lín₄ chi'₂ quián₅ Jana,

i₂jme₁lín₄ chi'₂ quián₅ José;

25 José ně₅ ně₃ ca₂já₃ ca₂lín₃ chi'₂ quián₅ Matatías;

Matatías guě'₂ ně₃ ca₂já₃ ca₂lín₃ ja₁ηi'₅₄ Amós;

Amós jme₁lín₄ ja₁ηi'₅₄ Nahum;

Nahum guě'₂ jme₁lín₄ ja₁ηi'₅₄ Esli,

† 3:19 A₂lín₅₄ chog₅₄ si₂: “Felipe riin'₅₄.” § 3:21 lit. “tiáin₂.” * 3:22 A₂lín₅₄ chog₅₄ si₂ tsá₃ chi₁ton₅ “i₂'nióg₃ guě₄ lín₃”, a₂chi₁ton₅ táng₃ “jmig₄ ně₃ ca₂lín₃ ηéi'₅.”

i₂jme₁lín₄ chi'₂ quián₅ Nagai
 26 i₂jme₁lín₄ chi'₂ quián₅ Ma'at;
 Ma'at guë'₂ ca₂já₃ ca₂liin₃ ja₁ñi'₅₄ Matatías;
 Matatías guë'₂ ca₂já₃ ca₂liin₃ chi'₂ quián₅ Semei;
 Semei 'éi₂ ně₃ ca₂já₃ ca₂liin₃ ja₁ñi'₅₄ i₂chen₂ José;
 José guë'₂ ně₃ ca₂já₃ ca₂liin₃ ja₁ñi'₅₄ Judá;
 27 Judá 'éi₂ guë'₂ ně₃ ca₂já₃ ca₂liin₃ ja₁ñi'₅₄ Joana;
 Joana 'éi₂ guë'₂ ně₃
 ca₂já₃ ca₂liin₃ chi'₂ quián₅ i₂jme₁chen₂ Resa;
 Resa guë'₂ ně₃
 ca₂já₃ ca₂liin₃ ja₁ñi'₅₄ i₂chen₂ Zorobabel;
 Zorobabel guë'₂ ně₃
 ca₂já₃ ca₂liin₃ chi'₂ quián₅ i₂jme₁chen₂ Salatiel,
 i₂jme₁lín₄ ja₁ñi'₅₄ Neri,
 28 i₂jme₁lín₄ ja₁ñi'₅₄ Melqui,
 i₂jme₁lín₄ ja₁ñi'₅₄ Adi,
 i₂jme₁lín₄ chi'₂ quián₅ i₂chen₂ Cosam,
 i₂jme₁lín₄ chi'₂ quián₅ Elmodam,
 i₂jme₁lín₄ chi'₂ quián₅ i₂jme₁chen₂ Er,
 29 i₂jme₁lín₄ chi'₂ quián₅ Josué;
 Josué ně₃ ca₂já₃ ca₂liin₃ ja₁ñi'₅₄ Eliezer;
 Eliezer guë'₂ ně₃ ca₂já₃ ca₂liin₃ ja₁ñi'₅₄ Jorim,
 i₂jme₁lín₄ ja₁ñi'₅₄ Matat;
 30 Matat guë'₂ ně₃ ca₂já₃ ca₂liin₃ ja₁ñi'₅₄ Leví;
 Leví guë'₂ ně₃ ca₂já₃ ca₂liin₃ ja₁ñi'₅₄ Simeón;
 Simeón guë'₂ ně₃ ca₂já₃ ca₂liin₃ ja₁ñi'₅₄ Judá;
 Judá guë'₂ ně₃ ca₂já₃ ca₂liin₃ ja₁ñi'₅₄ José;
 José 'éi₂ guë'₂ ně₃ ca₂já₃ ca₂liin₃ ja₁ñi'₅₄ Jonán;
 Jonán 'éi₂ guë'₂ ně₃ ca₂já₃ ca₂liin₃ ja₁ñi'₅₄ Eliaquim;
 31 Eliaquim guë'₂ ca₂já₃ ca₂liin₃ ja₁ñi'₅₄ Melea;
 Melea guë'₂ ca₂já₃ ca₂liin₃ ja₁ñi'₅₄ Mainán;
 Mainán guë'₂ ca₂já₃ ca₂liin₃ ja₁ñi'₅₄ Matata;
 Matata guë'₂ ně₃ ca₂já₃ ca₂liin₃ ja₁ñi'₅₄ Natán;
 32 Natán guë'₂ ca₂já₃ ca₂liin₃ ja₁ñi'₅₄ David;
 David 'éi₂ guë'₂ ně₃ ca₂já₃ ca₂liin₃ ja₁ñi'₅₄ Isái;
 Isái guë'₂ ně₃ ca₂já₃ ca₂liin₃ ja₁ñi'₅₄ Obed;
 Obed guë'₂ ca₂já₃ ca₂liin₃ ja₁ñi'₅₄ Bo'oz;
 Bo'oz guë'₂ ca₂já₃ ca₂liin₃ ja₁ñi'₅₄ Salmón;
 Salmón guë'₂ ca₂já₃ ca₂liin₃ ja₁ñi'₅₄ Na'asón;
 33 Na'asón guë'₂ ně₃ ca₂já₃ ca₂liin₃ ja₁ñi'₅₄ Aminadab;
 Aminadab guë'₂ ca₂já₃ ca₂liin₃ ja₁ñi'₅₄ Aram;
 Aram guë'₂ ně₃ ca₂já₃ ca₂liin₃ ja₁ñi'₅₄ Esrom;
 Esrom guë'₂ ca₂já₃ ca₂liin₃ ja₁ñi'₅₄ Fares;
 Fares guë'₂ ně₃ ca₂já₃ ca₂liin₃ ja₁ñi'₅₄ Judá;
 34 Judá guë'₂ ně₃ ca₂já₃ ca₂liin₃ ja₁ñi'₅₄ Jacob;
 Jacob guë'₂ ně₃ ca₂já₃ ca₂liin₃ ja₁ñi'₅₄ Isaac;
 Isaac guë'₂ ně₃ ca₂já₃ ca₂liin₃ ja₁ñi'₅₄ Abraham;
 Abraham guë'₂ ně₃ ca₂já₃ ca₂liin₃ ja₁ñi'₅₄ Taré;
 Taré guë'₂ ně₃ ca₂já₃ ca₂liin₃ ja₁ñi'₅₄ Nacor;
 35 Nacor guë'₂ ca₂já₃ ca₂liin₃ ja₁ñi'₅₄ Serug;

Serug guë'₂ ca₂já₃ ca₂liin₃ ja₁ñi'₅₄ Ragau;
 Ragau guë'₂ ca₂já₃ ca₂liin₃ ja₁ñi'₅₄ Peleg;
 Peleg guë'₂ ně₃ ca₂já₃ ca₂liin₃ ja₁ñi'₅₄ Heber;
 Heber guë'₂ ca₂já₃ ca₂liin₃ ja₁ñi'₅₄ Sala;
 36 Sala guë'₂ ca₂já₃ ca₂liin₃ ja₁ñi'₅₄ Cainán;
 Cainán guë'₂ ca₂já₃ ca₂liin₃ ja₁ñi'₅₄ Arfaxad;
 Arfaxad guë'₂ ca₂já₃ ca₂liin₃ ja₁ñi'₅₄ Sem;
 Sem guë'₂ ca₂já₃ ca₂liin₃ ja₁ñi'₅₄ Noé;
 Noé guë'₂ ca₂já₃ ca₂liin₃ ja₁ñi'₅₄ Lamec;
 37 Lamec guë'₂ ně₃ ca₂já₃ ca₂liin₃ ja₁ñi'₅₄ Matusalén;
 Matusalén guë'₂ ně₃ ca₂já₃ ca₂liin₃ ja₁ñi'₅₄ Enoc;
 Enoc guë'₂ ně₃ ca₂já₃ ca₂liin₃ ja₁ñi'₅₄ Jared;
 Jared guë'₂ ně₃ ca₂já₃ ca₂liin₃ ja₁ñi'₅₄ Mahalale'el;
 Mahalale'el guë'₂ ně₃ ca₂já₃ ca₂liin₃ ja₁ñi'₅₄ Cainán;
 38 Cainán guë'₂ ně₃ ca₂já₃ ca₂liin₃ ja₁ñi'₅₄ Enós;
 Enós guë'₂ ně₃ ca₂já₃ ca₂liin₃ ja₁ñi'₅₄ Set;
 Set guë'₂ ně₃ ca₂já₃ ca₂liin₃ ja₁ñi'₅₄ Adán;
 Adán guë'₂ ně₃ ca₂já₃ ca₂liin₃ co₂'nió'₄ ja₁ñi'₅₄ Diú₄.

4

*Ca₂caun₃ i₂sě₃dsen₃ táu₂ quió'₅ Jesús
 (Mateo 4:1-11; Marcos 1:12-13)*

1 Jaun₂ Jesús ně₃, ma₂rě₂rřin₅ Jme₂dsí₂ Jñi₅, ca₂o₃'i₃ Cuá₃ Jordán.
 Ca₂jio₃ Jme₂dsí₂ caun₂ 'uě₃ quein₂ co₂'ñiog₅. 2 Ja₁jaun₂ ca₂i₁'i₅ tē₂láu₃ jmig₄,
 ia₁jaun₂ cáun₂ táu₂ i₂sě₃dsen₃. Tsá₃ 'e₂ ca₂guě'₃ 'i₁ca₂juig₄ tē₂lia'₂ jmig₄ jaun₂.
 Jme₁ca₂dsan₃ jaun₂, jaun₂ guě'₄ ma₂i₁cón'₅ 'ñio₅ lin₃. 3 Jaun₂ ca₂juá'₂ i₂sě₃dsen₃:
 —Chi₂jua'₂ dsón'₂ líng'₅ Ja₁ñi'₅₄ Diú₄, jmo₄ jui₁le₅₄ i₁ñi'₄ ni₁cang₁ ně₅.

4 Jaun₂ ca₂ñag₃ Jesús:

—Chi₁ton₅ ne₄ Si₂: “On₃jua'₅₄ jmá'₃ quian'₅₄ i₁ñi'₄ le₃tan₅₄ dsa₂ mi₂güig₃
 le₃chain₂.”* , †

5 Jaun₂ ca₂jio₃ táng₃ i₂sě₃dsen₃ caun₂ má'₂ ja₁ñei₅. Ja₁jaun₂ ca₂'ě₃ ca₂tiá₂ tei₄
 ca₂le₃jě₃ juig₂ te₁'i₁ gua'₅₄ 'uě₃. 6 Jaun₂ ca₂juá'₂:

—Gog'₂ 'ne₂ bá₄ dsia₅₄ jniá₂ ca₂le₃jě₃ juig₂ ně₅; 'ne₂ bá₄ gong'₂ lé₂, 'ó'₄ bí₂,
 qui₂jme₃juag'₂ dsa₂. Ia₁ a₂niog₅ ne₃ jniá₂ bá₄ ně₅, ton'₂ lé₂ le₃cuě'₄ jniá₂ 'ein₂ 'nio₃
 cuě'₄. 7 Jaun₂ a₂lé₂ quiáng'₂ ně₁jua'₂ ca₂chi₁jne'₄ ne₃ jme₁juag'₂.

8 Jaun₂ ca₂ñag₃ Jesús:

—Ne₄ Si₂† quió'₅ Diú₄ chi₁ton₅: “Jme₁gan₃ 'nia'₂ Te₁gui'₅₄ Diú₄ quiáng'₂; ne₄
 jan₂ 'éi₂ bá₄ ca₂tín'₂ 'nia'₂ jme₁ti'₄.”§

9 Cang₂ jaun₂ ca₂jio₃ táng₃ i₂sě₃dsen₃ juig₂ Jerusalén, jaun₂ ca₂i₁chei'₂ caun₂
 ja₁lě₄ ja₁ñei₅ guě'₄ ne₄ ni₁'ia'₂ guá'₅ templo, jaun₂ ca₂juá'₂:

—Chi₂jua'₂ 'ne₂ líng'₅ Ja₁ñi'₅₄ Diú₄, tian'₅₄ ca₂tě₂ 'uě₃; 10 ia₁ chi₁ton₅ ne₄ Si₂:
 Dsiog₃ Diú₄ o₄gú₃ ángeles quiáin₅,

jaun₂ jmo₃ 'i₁;

11 guéi'₂ quian'₅₄ gu₂

ia₁jaun₂ tsá₃ jéng'₂ uig₅ nióg'₃ ni₁cang₁.*

12 Jaun₂ ca₂ñag₃ Jesús:

—Ján₃ bá₄ juá'₂ ne₄ si₂: “Tsá₃ tang'₅₄ Te₁gui'₅₄ Diú₄ quiáng'₂.”†

* 4:4 Deuteronomio 8:3. † 4:4 A₂lin₅₄ chog₅₄ si₂ juá'₂ ján₃: “a₂'nió'₅ le₂chain₂ nag₃ jág₁ quió'₅ Diú₄
 ně₃.” ‡ 4:8 A₂lin₅₄ chog₅₄ si₂ juá'₂ le₂la₂ ján₃: “Jñiag'₃ cau₅ quió'₃ 'ne₂ Satanás, ia₁ ne₄ Si₂.” § 4:8
 Deuteronomio 6:13. * 4:11 Salmo 91:11-12. † 4:12 Deuteronomio 6:16.

13 Jme₁ca₂dsan₃ ca₂le₃jě₃ a₂nio₅ ca₂juá'₂ i₂sě₃dsen₃ a₂cáun₂ táu₂ jaun₂, jaun₂ ca₂i₃u₁in₂ co₂'na₂, nē₁jua'₂ líg'₂ ca₂cuin₃ táng₃ jmig₄.

Ca₂jme₃lióg₃ Jesús ca₂jme₃tag₂₃ 'uě₃ Galilea
(Mateo 4:12-17; Marcos 1:14-15)

14 Ca₂ηá'₃ táng₃ Jesús jui₅ 'uě₃ Galilea rē₂can'₂ Jme₂dsí₂ Jñió₅ tē₂dsí₅. Le₂con₂ juig₂ te₁'i₁ ma₂quián₅ jaun₂, ca₂i₃'ag₅₄ jág₁ 'ag₅ dsa₂. 15 Ca₂i₁jme₁tiin₂₃ dsa₂ le₂tan₅₄ guá'₅ sinagogas quió'₅ dsa₂, jaun₂ ca₂le₃jín₃ bá₄ dsa₂ jme₁jme₂juag'₂.

Dsián'₃ táng₃ juig₂ Nazaret
(Mateo 13:53-58; Marcos 6:1-6)

16 Jaun₂ ca₂ηái'₃ jui₅ Nazaret, ja₁ca₂i₃ju₁in'₂. Caun₂ jmig₄ sa₅₄ ca₂'í₃ dsi₂néi₂ guá'₅ sinagoga, ia₁ le₂jaun₂ tiin₂. Jaun₂ ca₂nau₂ a₂'i₃ Si₂. 17 Jaun₂ ca₂cuē₃ dsa₂ si₂ rē₂bin₅ quió'₅ Isaías i₂jme₁'ě₂ jág₁ o₄quió'₄ Diú₄. Jme₁ma₂nē₂néi'₃ si₂, jaun₂ ca₂dsó'₂ ja₁chi₁ton₅ le₂la₂:

18 Dsín₂ Jme₂dsí₂ quián₅ Te₁gui'₅₄ ne₄ quió₃,
ia₁ ma₂ca₂'ag₃ jniá₂
a₂i₁'ě₃ jág₁ dse₃ jin₄ dsa₂ dsi₂ηé₂.
Ca₂chei₃ a₂i₁'ě₃ jág₁ a₂lión₂ dsa₂ i₂qui₂le₁jní₅,
ton'₂ ján₃ guē'₂ jmo₅₄ jnia₅₄ jme₁ne₁ dsa₂ i₂ten₄;
qui₁long₁₂ dsa₂ i₂qui₂dsi₂ηí₂ uig₅ qui₂jmóg'₂ dsa₂;

19 a₂'ě₄ jmig₄ dse₃ a₂lió₂ Te₁gui'₅₄.‡

20 Jaun₂ ca₂bíin₂ táng₃ si₂; ca₂jíin'₃ dsa₂ i₂jme₂'o₅₄, jaun₂ ca₂guá'₂ táng₃. Ia₁ jaun₂ bá₄ tion'₅₄ dsa₂ ca₂le₃jín₃ le₁ηi'₂, jág₂. 21 Jaun₂ ca₂jme₃lióg₃ Jesús ca₂juá'₂:

—Jmig₄ nē₃ ca₂tě₂ ne'₅₄ 'nia'₂ ca₂rě₃ti₃ a₂juá'₂ Si₂ nē₅.

22 Ca₂le₃jín₃ bá₄ dsa₂ 'iin₂₃ dse₃ Jesús, dsi₂gó'₃ dsí₅ ca₂le₃jě₃ jág₁ jlá'₁ a₂'uě'₂ 'o₅₄.
Jaun₂ qui₂ca₂ηí'₃ riin'₅₄:

—¿On₁jua'₅₄ i₂nē₅ 'éi₂ i₂lín₅ ja₁ηi'₅₄ Sě₄?

23 Jaun₂ ca₂juá'₂ Jesús:

—A₂dsi₂jó'₃ já₅ jmig₄ le₃jua'₅₄ 'nia'₂ juig'₅₄ jniá₂ quio₃ § la₂: “Ne₂ tē₅mí₅ jma'₅₄ mí₅ 'ηiag'₂.” Le₃jua'₅₄ 'nia'₂ nē₃: “A₂ca₂rě₃ne₄ jnia'₅₄ a₂ca₂jmo'₅₄ Capernaum, ma₂nē₃ jmo₄ ja₁lá₃ go'₅₄ ján₃.”

24 Caun₂ ca₂juá'₂ bá₄:

—A₂tě₃dsón'₂ juá'₅ jniá₂ juig₂ 'nia'₂, 'i₁jan₂ dsa₂ i₂'ě₂ jág₁ quián₅ Diú₄, tsá₃ a₁jaun₂ jua'₅₄ a₂guei₃ dsa₂ dse₃ go₅₄. 25 Tí₅ bá₄ jág₁ quió₃ a₂juá'₅ la₂, juin₅ dsa₂ mí₂ 'nág₂ i₂jme₁chan₂ Israel jmig₄ lia'₂ con'₂ jme₁chan₂ Elías i₂jme₁'ě₂ jág₁ o₄quió'₄ Diú₄, lia'₂ con'₂ ca₂rě₃'ín₃ 'ηio₅ lin₃ a₂gué'₃ dsa₂ ta₁caun₂ juig₂ nación, ia₁ tsá₃ ma₃jmí₅ ca₂tang₂ 'ni₅ ηi₂ tē₂ ca₂dsio₄. 26 La₁ ca₂lia'₂ quió'₅ 'i₁jan₂ 'io₅₄ 'nág₂ i₂jme₁chan₂ Israel, tsá₃ ca₂ηe₄ Elías, jnia'₅₄ lia'₂ quió'₅ jan₂ i₁náu₃ i₂jme₁guá₄ Sarepta* a₂nio₅ quián₅ ciudad Sidón bá₄. 27 Ján₃ bá₄ le₂jaun₂ jme₁chan₂ juin₅ dsa₂ i₂jme₁lín₄ 'mé'₅ 'iog₅ juig₂ Israel, lia'₂ con'₂ jmig₄ ca₂ηi₃ Eliseo i₂jme₁'ě₂ jág₁ o₄quió'₄ Diú₄ ján₃. La₁ ca₂lia'₂ 'i₁jan₂ i₂'éi₂ tsá₃ ca₂'lón₂, jnia'₅₄ lia'₂ jan₂ i₂jme₁chen₂ Na'amán† i₂jme₁chan₂ 'uě₃ Siria bá₄.

28 Jme₁ca₂nág₂ dsa₂ jág₁ nē₅, ca₂le₃jín₃ con'₂ i₂tion'₅₄ guá'₅ sinagoga ca₂rě₃'néi₃ 'lig'₅₄. 29 Qui₂ca₂nau₂ tioin'₅₄, ca₂dsei₂₃ juig₂, ca₂i₃léin₂ le₁jiog₂₃ ca₂tě₂ ne₄ má'₂ ja₁lě₄ ni₁'lau₂ dsio'₅₄ juig₂, ia₁ a₂jme₁dsi₂jiog₅ dsí₅ jme₁tón₂ ja₁jaun₂. 30 La₁ con'₂ ca₂ηi₅ bá₄ 'éi₂ jě₄ quió'₅, ca₂lóin₂ ηái'₅.

‡ 4:19 Isaías 61:1-2. § 4:23 quio₃: Jág₁ quió'₅ dsa₂ Jen'₅₄, co₂'nió'₄ le₃jua'₅₄, caun₂ jág₁ a₂ηí₂ dsí₅ a₂ca₂quiog₂ dsa₂ can'₅₄, a₂dsia₅ dsa₂. * 4:26 'Nio'₂ ja₁ton₅ 1 Reyes 17:7-24. † 4:27 Na'amán: 'Í₂ 2 Reyes 5.

Jan₂ dsa₂ i₂jme₁'en₅₄ jme₂dsí₂ 'lín'₅₄
(Marcos 1:21-28)

³¹ Jaun₂ ca₂ηó₃ Jesús juig₂ Capernaum, caun₂ juig₂ tén₅ 'uë₃ Galilea. Ja₁jaun₂ ca₂jme₃tíin₂₃ dsa₂ jme₁jmi_g₄ sa₅₄. ³² 'Njio₅ lín₃ dsi₂gó₃ dsí₅ dsa₂ quian'₅₄ jág₁ quió'₅, ia₁ a₂'io₂₃ 'éi'₃ dsón'₂ bá₄ a₂jme₂tag₂₃. ³³ Dsi₂néi₂ guá'₅ sinagoga ja₁tioin'₅₄ jaun₂, jme₁'en₅₄ jan₂ dsa₂ i₂'en₅₄ jme₂dsí₂ je₂na'₅₄ të₂dsí₅. Jaun₂ ca₂guió'₃ 'éi₂, ca₂juá'₂:

³⁴ —i'Ne₂ ně₃! ¿'E₂ lë₃ tiáng'₅ jë₄ quián₂ jnia'₅₄, 'ne₂ Jesús Nazareno?‡ ¿A₂i₃'éin'₃ jnia'₅₄ bá₄ 'ne₂ ηe'₃? Guion₄ jniá₂ 'ein₂ líng'₅: 'ne₂ líng'₅ I₂jñio₅ quián₅ Diú₄.

³⁵ Jaun₂ ca₂jí₂ Jesús, ca₂juá'₂:

—i'Tei₄ jmo₄; tén₃ dsa₂ ně₅!

Jaun₂ je₂na'₅₄ ně₃, ca₂tón₂ 'uë₃ të₃ jág₅ ca₂le₃jín₃, jaun₂ guë₄ ca₂o₃'ín₃, la₁ tsá₃ 'e₂ uig₅ ca₂jmóg'₂. ³⁶ Jaun₂ ca₂ja₃gó'₃ dsí₅ ca₂le₃jín₃, jaun₂ ca₂dsia₃ jág₁ jin₄ rñin'₅₄, ca₂juá'₂:

—¿'E₂ bá₄ jág₁ ně₅? I₂në₅ 'io₂₃ bí₂ jmo₂₃ 'éi'₃ lia'₂ ma₂'uin₂ bá₄ jme₂dsí₂ 'lín'₅₄ jë₁ma₂ca₂juá'₂.

³⁷ A₂jaun₂ ně₃, ca₂i₃'ag₅₄ jág₁ le₂con₂ juig₂ te₁'i₁ ma₂quián₅ jaun₂.

Ca₂jme₃'lión₂ Jesús ma₂chog₅₄ Si₂mu₅₄ Pe₄
(Mateo 8:14-15; Marcos 1:29-31)

³⁸ A₂ca₂o₃'ín₃ Jesús guá'₅ sinagoga jaun₂, ca₂ηó₃ ja₁quió'₄ Si₂mu₅₄. Ja₁jaun₂ jme₁rë₂quian₅ ma₂chog₅₄ 'éi₂ dso'₅₄ 'i₄ dséi₂ 'ñio₅ lín₃. Jaun₂ ca₂mi₃ dsa₂ ne₅₄ o₄quió'₄ dsa₂ dso'₅₄. ³⁹ Jaun₂ ca₂jme₃quián₃ cau₅ quió'₅ dsa₂ dso'₅₄, ca₂jéin₂ dso₄ dséi₂. Jaun₂ ca₂o₃'ág₃ dséi₂. Dsi₂jui₅ le₂jaun₂ bá₄ ca₂nau₂ dsa₂ i₂jme₁dso'₅₄, ca₂jme₃tí₃ ne₄ dsa₂ i₂tion'₅₄.

Ca₂jme₃'lión₂ Jesús juin₅ dsa₂ dso'₅₄
(Mateo 8:16-17; Marcos 1:32-34)

⁴⁰ Të₂le₃ ca₂nei₂ jmi_g₄ jaun₂, ca₂le₃jín₃ dsa₂ i₂chan₂ dsa₂ dso'₅₄ quián₅ jui₁'e₂ guë₃ dso₄ lín₅, ca₂o₃jio_g₃ dsa₂ ne₅₄. Jaun₂ qui₂ca₂téin₂ gu₂ le₂jan₂ le₂jan₂ dsa₂ dso'₅₄, ca₂jme₃lió₂. ⁴¹ Juin₅ bá₄ jme₂dsí₂ je₂na'₅₄ qui₂ca₂'u₁in'₂ quió'₅ dsa₂, qui₂guió'₅ juá'₂:

—i'Ne₂ líng'₅ Ja₁ñi'₅₄ Diú₄!

La₁ Jesús ně₃, ca₂jí₂ bá₄, tsá₃ ca₂cuë₃ jmi_g₄ jua'₅₄ a₂juá'₂ guë₄, ia₁ a₂ñi₅ rë₂ bá₄ je₂na'₅₄ a₂lín₅ 'éi₂ I₂rë₂'ín₁ quián₅ Diú₄.

Ca₂ton₃ Jesús jág₁ 'uë₃ Galilea
(Marcos 1:35-39)

⁴² Jme₁jnia₃ jaun₂, ca₂o₃'ín₃ Jesús ηó₃ caun₂ ja₁lë₄ co₂'ñiog₅. La₁ ca₂le₃jín₃ dsa₂ ca₂i₁nioi₁₂ ca₂'nau'₂. Jaun₂ ně₃ jme₁ca₂dsáu'₂, jme₁jnéi₂ jui₅ tsá₃ jme₁cuë₂₃ jmi_g₄ dsáin'₃. ⁴³ Jaun₂ ca₂juá'₂ Jesús:

—Ca₂tín₂ jniá₂ qui₂i₁'ë₃ jág₁ jui₁lia'₂ ja₁gon₂ Diú₄, le₂tan₅₄ juig₂ ja₁siá'₂, ia₁ ta₁ ně₅ chen₄ bá₄ jniá₂ guio₃.

⁴⁴ Jaun₂ le₂në₅ bá₄ ca₂ñi₃ Jesús ca₂'ë₂ jág₁ le₂con₂ guá'₅ sinagogas a₂te₁'i₁ ja₁tén₄ Judea. §

5

Ca₂jmo₃ Jesús ca₂jon₃ dsa₂ ju₄
(Mateo 4:18-22; Marcos 1:16-20)

‡ 4:34 o₃, “i₂chan₂ Nazaret.” § 4:44 A₂lín₅₄ chog₅₄ si₂ juá'₂: “Galilea.”

1 Ca₂lě₃ co₂ráun₂ jme₁'en₅₄ Jesús chei₅₄ Jm_{i1}ñí₄ Genesaret.* Tě₃jě₄ jaun₂ ca₂ñí₂ ju_{i5}lin₃ dsa₂, ca₂lia₂' co₂'liog₂' bá₄ tioen₅₄, ia₁ 'nio₃ nag₃ jág₁ quió₅ Diú₄.
2 Jaun₂ ca₂jág₃ Jesús tin₃ tsi_{i1}mu₅ a₂le₁jě₁, le₁ág₄ chei₅₄ jmig₂, ia₁ dsa₂ i₂tsán₂' ju₄ jme₁ma₂sióin₃ i₂ráng₃ 'má₅ quió₅. 3 Jaun₂ ca₂'í₃ Jesús caun₂ tsi_{i1}mu₅ jaun₂, a₂lě₅ quió₅ Si₂mu₅₄. Jaun₂ ca₂mi₃ a₂jio₃'é₂ ca₂juig₄ guě₄ le₃ne₄ jmig₂. Jaun₂ ca₂guá₂ 'ñió₃ tsi_{i1}mu₅, jaun₂ ja₁jaun₂ ca₂jme₃lióg₃ ca₂jme₃tin₂₃ dsa₂. 4 Jme₁ca₂dsan₃ cuě₂₃ jág₁, ca₂tsí₃ Si₂mu₅₄:

—Jñiog₅₄ mu₅ quiáng₂' le₃ja₁jí₂ guě₄. Ja₁ně₅ tiong₂ 'má₅ quiáng₂', jaun₂ lén₂' nia₂' ju₄.

5 Jaun₂ ca₂ñag₃ Si₂mu₅₄:

—Tě₅, la₂ tio₅₄' bá₄ jnia₅₄' ta₁jma₃ nei₅ ca₂néi₃, tsá₃ 'ein₂ já₂' ma₂lag₅ jnia₅₄' la₁ i₁tion₃ caun₂ ia₁ a₂juá₂' 'ne₂.

6 Jme₁ca₂jmo₃ le₂jaun₂, ca₂lia₂' ju_{i5}lin₃ ju₄ i₃ton₅₄, jnia₅₄ mei₂' tsá₃ ca₂gag₂ bá₄ 'má₅ quió₅ tioen₅₄. 7 Jaun₂ ca₂bí₂ gu₂ ca₂tě₃ rñin₅₄' i₂jme₁tion₅₄ tsi_{i1}mu₅ caun₂, ia₁jaun₂ ja₃lén₂ jme₃'o₅₄. Jme₁o₃lén₂' é₂ ně₃, ca₂jme₃cain₂' ta₁tin₃ tsi_{i1}mu₅, jnia₅₄ mei₂' tsá₃ ca₂i₃guein₅₄ bá₄ tioen₅₄. 8 Jme₁ca₂jág₃ Si₂mu₅₄ ně₅, ca₂ñó₃ ca₂chi₃jné₃ ne₄ Jesús, ca₂juá₂':

—Jnia₃' cau₅ quió₃, Te₁gui₅₄, ia₁ dsa₂ cha₂ dsáu₁ bá₄ jniá₂.

9 Ia₁ dsí₂gó₃ dsí₅ Si₂mu₅₄ quian₅₄ rñin₅₄, ia₁ a₂ñí₄ lě₃ 'ñio₅ ju_{i5}lin₃ ju₄ i₂ca₂join₃.

10 Ján₃ bá₄ le₂jaun₂ Jacobo quian₅₄ Juan₅₄ i₂lín₅ ja₁ñi₅₄ Zebedeo, ia₁ co₂dsia₅ jme₁i₂nioi₅₄ quian₅₄ Si₂mu₅₄ tsáin₂' ju₄. La₁ Jesús ně₃ ca₂juá₂' ca₂tsí₃ Si₂mu₅₄:

—Tsá₃ jmo₂ gang₃. Ia₁ tē₂le₃ ne₄ jui₅ ja₁dsau₅₄ ně₅, ñí₁' jmag₅₄ dsa₂ mi₂güig₃ jui₁lia₂' jmag₂' ju₄.

11 Jme₁ma₂ně₂jñióg₃' tsi_{i1}mu₅ quió₅ le₃ja₁quein₂ chei₅₄ jmig₂, ja₁jaun₂ ca₂dsia₃ jě₂, ca₂i₃lén₂ bá₄ quian₅₄' é₂.

*Ca₂jme₃'lión₂ Jesús jan₂ dsa₂ i₂lín₅ 'mé₅ 'iog₅
(Mateo 8:1-4; Marcos 1:40-45)*

12 Co₂ráun₂ jme₁'en₅₄ Jesús caun₂ juig₂, jaun₂ ca₂dsióg₃ jan₂ dsa₂ dso₅₄' i₂lín₅ 'mé₅ 'iog₅, ta₁jain₂. Jme₁ca₂jñin₂ Jesús, ca₂tóin₂ tē₂rě₃'éin₂ 'uě₃, ca₂mi₃ tion₅₄-jan₃, ca₂juá₂':

—Te₁gui₅₄, chi₂juá₂' 'niog₂, jnia₅₄ lia₂' 'ne₂ bá₄ qui₅₄' jmig₄ chi₅₄ dso₄ a₂lín₅.

13 Jaun₂ ca₂néi₃' gu₂, ca₂ní₃' quió₅ dsa₂ dso₅₄', ca₂juá₂':

—'Nio₃ jniá₂. Jmo₅₄ bá₄ le₁jíng₃'.

Dsi₂ju_{i5} jme₁ca₂juá₂' jaun₂, ca₂jñia₃' 'mé₅ 'iog₅ a₂jme₁lín₄. 14 Jaun₂ ca₂jmo₃ Jesús 'éi₃ a₂tsá₃ 'ein₂ tsí₃' i₁jan₂. Jnia₅₄ lia₂' ca₂juá₂':

—La₁ gua₂ o₂jme₁jnia₅ ne₄ jme₂dsa₂, o₄quió₄' a₂ma₂le₁jíng₃, o₂jmo₄ o₂jen₅₄ ne₄ Diú₄ con₂' lě₅ 'Éi₃' quió₅ Moisés,† co₂'nió₄' a₂jang₅₄' jág₁ dsau₅ jin₄ dsa₂.

15 La₁ tē₂le₃ lě₅ guě₄ ca₂i₃'ag₅₄ bá₄ jág₁ ca₂le₂con₂ a₂'in₅ dsa₂ Jesús. Jaun₂ i₂juin₅ lin₃ dsa₂ i₂jme₁tē₁ja₂lén₂ ñi₂' ja₂néi₃ jág₁, i₂'nio₃ 'lión₂ ně₃ 'e₂ caun₂ jmi₁ui₅ chain₂. 16 La₁ jme₁dsi₂u_{iin}₃ bá₄ 'ni₂' juig₂ ja₁con₂' 'ñiog₅, chi₃lén₂' Diú₄.

*Ca₂jme₃'lión₂ Jesús jan₂ dsa₂ 'lian₂
(Mateo 9:1-8; Marcos 2:1-12)*

17 Ca₂lě₃ co₂ráun₂ jme₁'en₅₄ Jesús jme₂tñin₂₃ dsa₂. Le₂con₂ jaun₂, jme₁tián₄' i₂lin₅₄ dsa₂ fariseos, tē₅juá₅' ně₃, i₂ja₂lén₂ le₂con₂' 'uě₃ Galilea, Judea, juig₂ Jerusalén ně₃. Ia₁ jui₅bí₂ quió₅ Te₁gui₅₄' bá₄ jme₁'io₅ Jesús, a₂jme₂'lióin₂ dsa₂.

18 Tě₃jě₄ jaun₂, ca₂dsi₃lén₂ dsa₂ le₁jñia₁₂₃ jan₂ dsa₂ 'lian₂', dsín₂ ne₄ tsi₁jein₁. Jme₁'no₂' jui₅ dsí₃toin₅₄ dsí₂néi₂, jme₁dsí₃quio₂₃ ne₄ Jesús. 19 Ia₁ tsá₃ ca₂dsó₂' 'a₂

* 5:1 Ján₃ bá₄ chei₂ "Jm_{i1}ñí₄ Galilea." † 5:14 'Í₂ Levítico 14.

lia'₂ dsi₃ toin'₅₄, ia₁ a₂ŋí₄ lē₃ juin'₅ dsa₂ tion'₅₄, jaun₂ ca₂uig'₂ le₃co'₅₄ tsi₁'né₅. Jaun₂ ca₂niá₃ jē₄ gua'₅₄ lag₁, jaun₂ ca₂sió₂ lia'₂ jma₃quian'₅₄ tsi₁jein₁, dsi₂jo₂ jaun₂, ne₄ Jesús. 20 Jme₁ca₂jág₃ Jesús a₂'é₂ dsa₂ 'éi₂ 'ŋio₅ lin₃, jaun₂ ca₂juá'₂:

—'Ne₂ dsa₂, ma₂rē₂'é₄ bá₄ dsáu'₂.

21 Jaun₂ ně₃ ca₂jme₃lióg₃ tē₅juá'₅ quian'₅₄ dsa₂ fariseos ně₃ ca₂jñia₅ dsí₅: “¿I₂'ein₂ bá₄ ně₅ jmái'₂ mi'₅₄ Diú₄ a₂juá'₂ le₂ně₅? 'I₁jan₂ tsá₃ 'ein₂ lé₂ le₃'é₂ dsáu₁ dsa₂, jñia'₅₄ lia'₂ Diú₄ bá₄.” 22 La₁ a₂lí'₄ rē₂ bá₄ Jesús 'e₂ a₂qui₂dsi₂jñia₅ dsí₅ dsa₂ 'éi₂, jaun₂ ca₂juá'₂:

—¿'E₂ bá₄ lē₃ dsi₂jiog'₅ 'au'₂ 'nia'₂ le₂ně₅? 23 ¿'E₂ a₂'ua₁ guē₄ ta₁, a₂juá'₄ jniá₂ juig'₅₄ dsa₂ la₂: “Ma₂rē₂'é₄ dsáu'₂”, o₃ a₂juig'₅₄ 'e₂ jniá₂: “Nau₂, ŋí₄”? 24 Ia₁ dse₃ jaun₂. La₂ jmo₅₄ jniá₂ ia₁jaun₂ le₃ŋi'₅₄ 'nia'₂ a₂'io₅ bí₂ 'éi'₃ Jaun₅ dsa₂ mi₂güig'₃ ne₄ gua'₅₄ 'uē₃ a₂qui'₃ 'éi₂ dsáu₁ dsa₂.

Jaun₂ guē₄ ca₂tsí'₃ dsa₂ 'lian'₂:

—'Ne₂ juig'₂ jniá₂, nau₂, quion₂ tsi₁jein₁ quiáng'₂, guan'₂.

25 Dsi₂jui'₅ jaun₂ tē₃ jág₅ ca₂le₃jín₃, ca₂nau₂ ca₂cáun₃ tsi₁jein₁ quió'₅ ca₂ŋái'₃ jme₂juin'₂ Diú₄. 26 Jaun₂ ca₂i₃gó'₃ dsí₅ ca₂le₃jín₃, ca₂jme₃juin'₂ Diú₄ ně₃. Jaun₂ tē₃jē₄ dsi₂gó'₃ dsí₅ jaun₂, qui₂ca₂tsí'₃ riin'₅₄:

—Jmíg₄ ně₃ ca₂tē₂ ne₄ jniog₄ a₂dsi₂gó'₃ dsí₅.

Ca₂tē'₃ Jesús Leví

(Mateo 9:9-13; Marcos 2:13-17)

27 Cang₂ jaun₂ ca₂o₃'ín₃ táng₃. Ja₁ŋó₄ jaun₂, ca₂jín₂ jan₂ i₂chen₂ Leví i₂cán₂ 'lia'₅₄ a₂ca₂tín₂ dsi₂tan'₅₄, guá₅ ja₁dsi₂qui'₅ dsa₂ 'lia'₅₄. Jaun₂ ca₂juá'₂ Jesús:

—Ŋia₅ chi₁co'₅₄ quió'₃.

28 Ja₁jaun₂ ca₂dsia₃ jē₂, ca₂nau₂ ŋó₃ quiong'₅₄.

29 Ca₂i₁jmo₅₄ Leví caun₂ má₃ pa₁ dsi₂néi₂ quió'₅ o₄quió'₄ Jesús, jaun₂ ca₂ŋi'₂ juin'₅ dsa₂ i₂cán₂ 'lia'₅₄ riin'₅₄. Juin'₅ bá₄ dsa₂ sián'₂ ně₃ qui₂ca₂guē'₃ quian'₅₄.

30 La₁ dsa₂ fariseos quian'₅₄ tē₅juá'₅ quiáin₅, chi₂ca₂'ín₃ dsa₂ i₂ma₂quian'₅₄ Jesús, ca₂juá'₂:

—¿'E₂ lē₃ qui₂quē'₂ qui₂'ág'₂ 'nia'₂ co₂dsia₅ quian'₅₄ dsa₂ i₂cán₂ 'lia'₅₄ ně₅, dsa₂ i₂le₁cán'₄ dso₄ ně₃?

31 Jaun₂ ca₂ŋag₃ Jesús:

—Ma₁ tsá₃ tē₅mí₅ 'nió'₅ quió'₅ dsa₂ i₂le'₁'ág₄ dse₃ dsí₅; dsa₂ i₂le₁dso'₅₄ bá₄ 'nió'₅ quió'₅. 32 Tsá₃ ta₁ jaun₂ guio₃ jniá₂ a₂tē₄ dsa₂ dsen₃; a₂tē₄ dsa₂ i₂le₁cán'₄ dso₄ bá₄ jniá₂ guio₃, ia₁jaun₂ dsi₁quén'₅ dsí₅.

Ca₂ŋí'₃ dsa₂ Jesús juí'lia'₂ a₂jme'₂'in'₅₄ dsa₂

(Mateo 9:14-17; Marcos 2:18-22)

33 Jaun₂ dsa₂ 'éi₂ ně₃ ca₂tsí'₃ Jesús:

—¿'A₂ guē'₂ lia'₂ i₂gú'₃ jme₂'in'₅₄ dsa₂ i₂quian'₅₄ Juan'₅₄, jē₂ qui₂tsí'₅ Diú₄, le₂jaun₂ bá₄ dsa₂ quián₅ fariseos ně₃, la₁ dsa₂ quiáng'₂, guē'₅ 'ín'₂ bá₄?

34 Jaun₂ ca₂jéin'₃ Jesús jág₁:

—¿Lé₂ le₃chi₁quian'₄ 'nia'₂ jmíg₄ jme'₃'in'₅₄ juí'lia'₂ dsa₂ i₂té₄ ja₁jen'₂ gu₂ dsa₂, chi₂jua'₂ jaun₂ bá₄ guá₅ guē'₂ dsa₂ ŋe'₂ i₂jen'₂ gu₂? 35 La₁ já₅ jmíg₄ jē₁ma₂jñia'₃ dsa₂ ŋe'₂ 'éi₂; jmíg₄ jaun₂ guē₄ ma₂lé₂ jme'₃'in'₅₄.

36 Ján₃ bá₄ ca₂juá'₂ Jesús jág₁ jáng'₅ léi₄ la₂:

—Ma₁ tsá₃ 'ein₂ dsa₂ tíong₅ 'nau'₅₄ 'mi'₂ 'mí₂ tsi₁'mi'₂ gui'₅₄. Ia₁ ně₁jua'₂ ca₂jmo₃ le₂jaun₂, a₂jñia'₅₄ guéi₃ bá₄ caun₂ caun₂, ton'₂ tsá₃ ma₃rē₂ quin'₅ tsi₁'mi'₂ gui'₅₄ quian'₅₄ 'nau'₅₄ 'mí₂. 37 Ján₃ guē'₂ tsá₃ tia'₂ dsa₂ vino 'mí₂ ni₁lau₂ gui'₅₄, ia₁ ně₁jua'₂ ca₂jmo₃ dsa₂ le₂jaun₂, a₂ne'₂ bá₄ ni₁lau₂ gui'₅₄ quian'₅₄ dsió'₁ vino 'mí₂; téin₃ bá₄

vino, ton₂ dsi₃'én₂ ni₁lau₂ gui₅₄' ně₃. 38 Jaun₂ lë₃, lau₂ 'mí₂ bá₄ 'nió₅ tia₃ dsa₂ vino 'mí₂, ia₁jaun₂ rë₂ lé₂ 'í₁ le₃tín₃. 39 Ján₃ bá₄ le₂jaun₂ ju₁lia₂ i₂ma₂'in₅ vino gui₅₄ a₂ma₂ron₂, tsá₃ jiá₃ dsi₅'ín₂ vino 'mí₂ a₂të₂ca₂jlen₃. "Ia₁ tió₅ a₂gui₅₄" bá₄ juá₂.

6

Guén₂ dsa₂ quián₅ Jesús mí₂ trigo caun₂ jmí₄ sa₅₄

(Mateo 12:1-8; Marcos 2:23-28)

1 Caun₂ jmí₄ sa₅₄, ca₂ñi₅ Jesús caun₂ ja₁nau₂ ja₁jnia₄ trigo. Jaun₂ ca₂gág₃ dsa₂ i₂quiain₅₄ mí₂ trigo, qui₂ca₂guéin₂ ca₂gué₃. 2 Jaun₂ jme₁ca₂jág₂ i₂lin₅₄ dsa₂ fariseos, jaun₂ ca₂juá₂:

—¿E₂ lë₃ jmo₂'nia₂ a₂tsá₃'i₄'éi₃ jmo₃ dsa₂ jme₁jmí₄ sa₅₄?

Jaun₂ ca₂ñag₃ Jesús:

3 —¿Tsa₁ ma₂'í₂'nia₂ ja₁juá₂ a₂ca₂jmo₃ David quiain₅₄ riin₅₄ jme₁ca₂tá₂ i₁cón₅? 4 Ca₂'í₃ dsi₂néi₂ quió₅ Diú₄ ca₂can₃ i₁ñí₄ jñió₅ a₂'i₄'éi₃ a₂gué₃ jmá₃ jme₂dsa₂. Ca₂gué₃, ca₂cué₃ riin₅₄ i₂jme₁quiain₅₄ ně₃.

5 Ca₂juá₂ Jesús ján₃:

—Jaun₅ dsa₂ mi₂güí₃ bá₄ i₂quian₅'éi₃ ne₄ quió₅ jmí₄ sa₅₄.

Dsa₂ i₂rë₂já₃ caun₂ gu₂

(Mateo 12:9-14; Marcos 3:1-6)

6 Co₂ráun₂ táng₃ caun₂ jmí₄ sa₅₄ ca₂lë₃, ca₂'í₃ Jesús guá₅ sinagoga, ca₂jme₃tín₂₃ dsa₂. Jë₄ jaun₂ jme₁'en₅₄ jan₂ dsa₂ i₂rë₂já₃ gu₂ ne₁. 7 Ca₂tio₃ dsa₂ fariseos quian₅₄ të₅juá₅ chi₂jua₂ jme₃'lióin₂'éi₂ të₃ jmí₄ sa₅₄, ia₁ jme₁'no₂ juí₅'a₂ lia₂ jmo₃ dsáu₁'éi₂. 8 La₁ a₂ñi₅ rë₂ bá₄ Jesús 'e₂ a₂dsi₂jio₅ dsi₅ dsa₂'éi₂ tióin₂, jaun₂ ca₂tsí₃ dsa₂ i₂rë₂já₃ gu₂:

—Nau₂, ñia₅ dsi₂jo₂ la₂.

Ca₂nau₂ bá₄ dsa₂'éi₂ ca₂ñó₃. 9 Jaun₂ ca₂tsí₃ Jesús dsa₂ i₂tióin₂ jág₅:

—La₂ ñag₄ jniá₂ caun₂'nia₂: ¿E₂'i₄'éi₃ jmo₃ dsa₂ ju₁lia₂ jme₁jmí₄ sa₅₄? ¿A₁dse₃, o₃ a₂'lig₅₄'e₂? ¿A₂lióin₂ dsa₂ mi₂güí₃ riin₅₄, o₃ a₂ñag₃'e₂?

10 Jaun₂ ca₂jín₂ ca₂le₃jín₃ dsa₂ i₂tióin₂ le₃lág₃ quió₅, jaun₂ ca₂tsí₃ dsa₂ dso₅₄:

—Nei₅₄ gog₂.

Jaun₂ ca₂néi₃. Dsi₂juí₅ jaun₂ bá₄ ca₂lág₃ gu₂. 11 La₁ ca₂rë₃'né₃ bá₄ dsa₂ jain₂ jain₂ tióin₅₄, ca₂jme₃lió₃ ca₂tsí₃ riin₅₄'e₂ jmái₂ Jesús.

Ca₂quión₂ Jesús guia₃-tín₂ dsa₂ i₂chein₃ 'a₂ gué₃ já₄ chei₃

(Mateo 10:1-4; Marcos 3:13-19)

12 Ca₂lë₃ të₃jë₄ jmí₄ jaun₂, ca₂ñó₃ Jesús juí₅ caun₂ má₂ a₂chi₂i₁lein₄ Diú₄. Të₁jma₃nei₅ bá₄ ca₂ñi₅ chi₂lén₂ Diú₄. 13 Jme₁jnia₃ táng₃ jaun₂, ca₂të₃ dsa₂ i₂quiain₅₄, jaun₂ ca₂quión₂ guia₃-tín₂'éi₂. I₂'éi₂ ně₃ ca₂quiain₃, i₂chen₄ quiáin₅.*

14 Le₂la₂ jme₁chein₂: Si₂mu₅₄ i₂ca₂quiain₃ Pe₄; Dré₄ rin₅₄ Si₂mu₅₄; Jacobob quian₅₄ Juan₅₄ ně₃; Fe₂li₄, Bartolomé, 15 Të₅₄, To₁má₄, Jacobo† i₂lín₅ ja₁ñi₅₄ Alfeo; Si₂mu₅₄ i₂lín₅ cananista.‡ 16 Judas rin₅₄ Jacobo; quian₅₄ Judas IscarioteŠ i₂ca₂dsióg₃ ca₂'ni₃ Jesús cang₂.

Jme₂tín₅ Jesús juí₅ lin₃ dsa₂

(Mateo 4:23-25)

* 6:13 griego: apóstolous (dsa₂ i₂chen₄). † 6:15 o₃, Santiago. ‡ 6:15 griego: Celotes, co₂'nió₄ dsa₂ i₂nau₂ quen₅; jan₂ i₂'nio₃ táun₂ 'uë₃'éi₃ quió₅ Roma. Jma₃quén₅ ca₂quíoin₃ le₃on₃ Si₂mu₅₄'éi₂, ia₁ ñí₄ lë₃ me₂' tsá₃ ca₂ne₅₄ a₂chein₂. Š 6:16 o₃, Judas i₂chan₂ Cariot; o₃ Judas i₂të₂jín₁.

17 Jme₁ca₂sióin₃ má'₂ jaun₂, quiaín'₅₄ 'éi₂, jaun₂ ca₂nau₂ caun₂ ja₁lě₄ ja₁jo₂. Ja₁jaun₂ ně₃ jme₁ma₂le₁ŋi'₂ juin₅ lin₃ dsa₂ i₂chan₂ ta₁caun₂ 'uě₃ Judea, i₂ja₂lén₂ Jerusalén, ca₂le₃jě₃ juig₂ te₁'i₁ le₂tan₅₄ chei'₅₄ jmi₁ŋi'₄ ja₁niog₅ juig₂ Tiro quian'₅₄ Sidón ně₃, 18 ia₁ 'nio₃ dsa₂ nag₃ jág₁ quió'₅ Jesús, ton'₂ ia₁ 'nio₃ 'lióin₂ 'e₂ caun₂ dso₄ niog₅ lín₅. Le₂jaun₂ guě'₂ dsa₂ i₂chan₂ uig₅ co₂jmóg'₂ jme₂dsi₂ 'lin'₅₄, ja₁jaun₂ qui₂ca₂'lóin₂ bá₄ ján₃. 19 Qui₂ca₂'náu'₃ juí₅ a₂níi'₃ quió'₅ Jesús, ia₁ jme₁'io₅ 'éi₂ bí₂ a₂jme₁jme₂'lióin₂ ca₂le₃jín₃.

Ju₁lia'₂ a₂dse₃, quian'₅₄ a₂tsá₃ dse₃ lia'₂ chan₂ dsa₂
(Mateo 5:1-12)

20 Jaun₂ ca₂jín₂ ca₂le₃jín₃ i₂ma₂quiaín'₅₄, jaun₂ ca₂juá'₂:
—'E₂ guě₄ dsen'₃ 'nia'₂ dsa₂ i₂chang'₂ ŋég'₂ le₃ne₄ Diú₄, ia₁ 'nia'₂ bá₄ ca₂tíng'₂ ja₁goin₂.

21 "E₂ guě₄ dsen'₃ 'nia'₂ i₂chang'₂ 'ong'₅₄ rě₂ně₃, ia₁ 'ág'₄ bá₄ 'au'₂. Dsen'₃ 'nia'₂ i₂qui'₂'o₅ jmi₄g₄ ně₃, ia₁ ŋág'₄ bá₄ 'nia'₂.

22 "E₂ guě₄ dsen'₃ 'nia'₂ jě₁ma₂ca₂jme₃'iog₅₄ dsa₂, a₂'uág'₂, jě₁ma₂tě₂ rě₁tě₃'o'₂, quiong₃ dsa₂ a₂'ling'₅₄ o₄quió'₄ Jaun₅ dsa₂ mi₂güig₃.

23 'Jmo₄ 'nia'₂ 'io'₂ 'ŋio₅ lin₃, quian₂ 'nia'₂ o₂'ŋió₃ 'au'₂ jě₁ma₂tě₂ jmi₄g₄ jaun₂, ia₁ le₂ně₅ bá₄ guéi'₁ 'nia'₂ juě'₂ 'liang'₅₄ guei'₅₄ i₂juig₃. Ia₁ le₂ně₅ bá₄ ma₂jmo₃ dsa₂ can'₅₄ quiáin₅ ca₃ma₂líg'₂ ma₂jmaí'₂ dsa₂ i₂jme₁'ě₂ jág₁ quián₅ Diú₄.

24 'La₁ 'e₂ guě₄ juig'₂ 'nia'₂ dsa₂ cha₂cu₄, ia₁ ma₂gue'₅₄ bá₄ 'nia'₂ liang'₅₄.

25 "E₂ guě₄ juig'₂ 'nia'₂ i₂chang'₂ qui₂le₁'ág'₃ 'au'₂, ia₁ já₅ jmi₄g₄ jě₁le₃chang'₂ 'ong'₅₄. 'E₂ guě₄ juig'₂ 'nia'₂ i₂chan₂ co₂ŋág₂ jmi₄g₄ ně₃, ia₁ já₅ bá₄ jmi₄g₄ jě₁tóng'₁ 'lia'₂ 'au'₂ qui'₁'áu'₂.

26 'Juig'₂ bá₄ 'nia'₂ jě₁ma₂tě₂ rě₁qui₃'ag₃ dsa₂ dse₃, ia₁ le₂ně₅ bá₄ ca₂jmo₃ dsa₂ can'₅₄ quiáin₅, ca₂'iin₃ dse₃ dsa₂ ju₁gan₂ i₂jme₁'ě₂ jág₁ ma₂líg'₂.

A₂jme₃'nio₃ dsa₂ ju₁lia'₂ dsa₂ i₂'iog₅₄
(Mateo 5:38-48; 7:12)

27 'La₁ 'nia'₂ dsa₂ i₂nag₅, juá'₅ jniá'₂: Jme₁'nió₄ 'nia'₂ dsa₂ i₂'iog₅₄, jmo₄ a₂dse₃ ja₁con₂ dsa₂ i₂ja₂uin₅₄ dsí₅ jág₂. 28 Caun₂ dse₃ bá₄ qui₁'íng'₄ i₂'ag₅ 'lig'₅₄; chil₁en'₅₄ 'nia'₂ Diú₄ o₄quió'₄ i₂lě₁co₂jmóg'₂. 29 Chi₂juá'₂ 'ein₂ ca₂ŋnáu₃ ca₂ton₂ rě₂jog'₂, jein'₅₄ le₃ca₂ton₂ táng₃ o₁ŋnáu₄; chi₂juá'₂ 'ein₂ ca₂ŋjiá'₂ 'mi'₂ dsiog₂ quiáng'₂, le₂jio₅ tsíng'₂ a₂qui'₅₄ cuě'₅₄ ján₃, o₁quion₂. 30 Ju₁'ein₂ guě₃ mi₅ 'e₂ mi₂₃, cuě'₅₄; chi₂juá'₂ 'e₂ caun₂ a₂ŋjiá'₂ quiáng'₂, tsá₃ ma₃mag'₅₄. 31 Ju₁lia'₂ a₂'niog'₂ 'nia'₂ jmo₃ dsa₂ ja₁cong'₂, le₂jaun₂ jmo₄ 'nia'₂ ja₁coin₂.

32 'Ia₁ ně₁juá'₂ 'nióg'₃ jma'₃ lia'₂ dsa₂ i₂'nio₃ 'nia'₂ guiong'₅₄, ċ'e₂ ti₁'mag'₄ ca₂tíng'₂ ně₁juá'₂ le₂jaun₂? Ia₁ ján₃ bá₄ le₂ně₅ jmo₅ ju₁lia'₂ dsa₂ i₂'no₅ dso₄. 33 Ia₁ chi₂juá'₂ jmo'₂ 'nia'₂ dse₃ jma'₃ lia'₂ ne₄ dsa₂ i₂jmo₅ dse₃ ja₁cong'₂, ċ'e₂ ti₁'mag'₄ ca₂tíng'₂ ně₁juá'₂ le₂jaun₂? Ia₁ le₂ně₅ bá₄ tion'₅₄ dsa₂ i₂'no₅ dso₄ ján₃. 34 Ně₁juá'₂ qui₂dsi'₂ 'nia'₂ jma'₃ lia'₂ le₃quió'₅ i₂lín'₂ 'nia'₂ le₃qui'₅₄ jmi₄g₄ jéin'₃ quiáng'₂, ċ'e₂ ti₁'mag'₄ ca₂tíng'₂ ně₁juá'₂ le₂jaun₂? Ia₁ le₂ně₅ bá₄ tion'₅₄ guě'₂ dsa₂ i₂'no₅ dso₄ ján₃, qui₂dsi'₂ quió'₅ riin'₅₄ jain₂ jain₂, ia₁jaun₂ qui₃gue₃ quió'₅ riin'₅₄. 35 La₁ 'nia'₂ ně₃, jme₁'nió₄ i₂'iog₅₄, jmo₄ a₂dse₃ ja₁coin₂; dsi₄ 'nia'₂ quió'₅, tsá₃ jmo₄ 'nia'₂ juá'₅₄ a₂ŋiá'₅ 'au'₂ a₂jaun₂. Jaun₂ le₂ně₅ bá₄ guéi'₁ 'nia'₂ juě'₂ 'liang'₅₄, ton'₂ léng'₂ chi₂-guein₂ quián₅ Diú₄ i₂guá₅ guei'₅₄. Ia₁ i₂'ua₁ dsí₅ 'éi₂ ján₃ ja₁con₂ dsa₂ 'lin'₅₄, i₂ŋia'₅₄ ti₁'mag'₄ tsá₃ cuě₂₃. 36 Ju₁len'₅₄ 'nia'₂ dsa₂ ŋéi₂ dsí₅, ju₁lia'₂ ŋéi₂ dsí₅ Diú₄ Néi'₅.

Tsá₃ lě₁caun₂ 'nia'₂ 'í₁ quió'₅ ríng'₂
(Mateo 7:1-5)

³⁷ 'Tsá₃ lē₁caun₂ 'nia'₂ 'í₁ ja₁con₂ ríng'₂, jaun₂ tsá₃ con₂ Diú₄ 'í₁ ja₁con₂ 'nia'₂ guiong'₅₄. Tsá₃ 'lián'₅ 'nia'₂ ríng'₂ jaun₂ tsá₃ 'liog'₃ Diú₄ guion'₅₄ 'nia'₂ ján₃. 'Én₃ 'nia'₂ dsá₁ ríng'₂, jaun₂ bá₄ 'én₂ Diú₄ dsá₁ 'nia'₂ guiong'₅₄. ³⁸ Qui₂jme₁on₁ 'nia'₂ ríng'₂, jaun₂ bá₄ jme₃'o₅₄ Diú₄ 'nia'₂, cuē₃ caun₂ 'éi'₃ tí₅, a₂tó'₅ tiá₂, a₂qui₂rē₂'ñiá'₄ rē₂ lín₃, ca₂lia'₂ tsá₃ ma₃to'₂ ja₁'éi'₄ jmo₃, tó'₃ tē₂jmu₂ quián'₂ 'nia'₂. Ia₁ 'éi'₃ jaun₂ bá₄ to'₂ Diú₄ ju₁lia'₂ lē₅ 'éi'₃ a₂dsián'₅ 'nia'₂ ríng'₂ guiong'₅₄.

³⁹ Jaun₂ ca₂cuē₃ Jesús jág₁ jáng'₅ léi₄ la₂:

—¿Lé₂ le₃jñiá₃ dsa₂ ten₄ jan₂ dsa₂ ten₄ riin'₅₄ a₂'ē₃ jui₅? ¿Tsa₁ tsi₃séin'₂ jua'₅₄ ju₁lia'₂ caun₂ siá₅? ⁴⁰ 'I₁jan₂ ju₁lia'₂ i₂'i₅ si₂ tsá₃ lín₅ jua'₅₄ a₂ju₁in'₂ guē₄ con'₂ guē₄ tē₅ quián₅; ca₂lia'₂ ca₂dsó'₃ si₂ quió'₅, jaun₂ guē₄ lé₂ le₃dsióg₄ lén₂ con'₂ lín₅ tē₅ quián₅.

⁴¹ ¿'A₂ bá₄ lia'₂ jñiá'₄ 'ne₂ jme₁qui₅ pí'₁ a₂'i₄ jme₁ne₁ ríng'₂, ton'₂ tsá₃ leng'₅₄ a₂'i₄ ni₁'ma₂ chá₅ jme₁ne'₄ 'ñiag'₂? ⁴² ¿'A₂ bá₄ lia'₂ tiá₂ 'au'₂ juig'₅₄ ríng'₂: “Rin'₅₄ jniog₄, cuē₄ jmig₄ o₁dsi₁₂ jme₁qui₅ pí'₁ a₂'i₄ jme₁ne'₄”? j'Ne₂ dsa₂ i₂lē₁jmo₅-dsá₅ o₁ne₁! Dsi₄ de'₂ jñiá₅ ni₁'ma₂ chá₅ a₂'i₄ jme₁ne'₄ 'ñiag'₂, jaun₂ guē₄ le₃jag'₅₄ rē₂ dsí'₁ qui₅ pí'₁ a₂'i₄ jme₁ne₁ ríng'₂.

*Tē₂le₃ 'a₂ lia'₂ lē₅ mīg₂ a₂'ag₅ bá₄ ni₁'ma₂, jáng'₅ léi₄
(Mateo 7:17-20; 12:34-35)*

⁴³ 'Tsá₃ cha₂ ni₁'ma₂ dse₃ jua'₅₄ a₂lé₂ le₃'ag₃ mīg₂ 'lig'₅₄; ján₃ guē'₂ le₂jaun₂ tsá₃ cha₂ ni₁'ma₂ 'lig'₅₄ jua'₅₄ lé₂ le₃'ag₃ mīg₂ dse₃. ⁴⁴ Le₂caun₂ le₂caun₂ bá₄ ni₁'ma₂ jau'₂ 'í₁ tē₂le₃ 'a₂ lia'₂ lē₅ mīg₂ a₂'ag₅: ma₁ tsá₃ quin₅ dsa₂ mīg₂ higos ju₁lia'₂ ni₁'ma₂ taun₅ chei₅₄, on₃ guē'₂ lé₂ le₃cág'₃ dsa₂ mīg₂ uvas ju₁lia'₂ chi₁uín₃ taun₅. ⁴⁵ Ján₃ bá₄ le₂nē₅ dsa₂ nē₃. Ju₁lia'₂ dsa₂ dsen₃, lia'₂ con'₂ lē₅ a₂dse₃ a₂ma₂rē₂'ma₄ tē₂dsí₅, jmo₂₃ a₂dse₃; dsa₂ i₂'lín'₅₄ nē₃, lia'₂ con'₂ lē₅ a₂'lig'₅₄ a₂ma₂rē₂'ma₄ tē₂dsí₅, jmo₂₃ a₂'lig'₅₄. Ia₁ lia'₂ con'₂ lē₅ a₂'lióng₂ ñag₅₄ cha₂ tē₂dsí₅ dsa₂, a₂jaun₂ bá₄ 'uē₂ mi₂'o₅₄.

*Tin₃ né₃ 'uig'₅₄ cha₂
(Mateo 7:24-27)*

⁴⁶ ¿'E₂ bá₄ lē₃ tē₅ 'nia'₂ jniá₂, “Te₁gui'₅₄, Te₁gui'₅₄”, ton'₂ tsá₃ jmo'₂ guē'₂ 'nia'₂ a₂juá'₅? ⁴⁷ Le₂jan₂ le₂jan₂ i₂tē₁ja₂lén₂ ne₃, i₂ja₂néi₃ jág₁ quió₃, ton'₂ ne'₅₄ nē₃, la₂ 'iín₄ 'a₂ lia'₂ lín₅: ⁴⁸ lín₅ ju₁lia'₂ jan₂ dsa₂ i₂ca₂jmo₃' 'né₅, ca₂guéi₃ 'ei₄ de'₂ jñiá₅ ca₂lia'₂ ca₂tē₂ ne₄ ni₁'lau₂. Ne₄ jaun₂ ca₂jme₃lióg₃ 'uig'₅₄ 'ia'₂. Jme₁ca₂juē'₂ jmig₂, ca₂dság'₃ jmig₂ tiá₂ 'ei₅ dso'₂ tsi₁'né₅ jaun₂. La₁ ca₂lia'₂ jñiá'₅₄ tsá₃ ca₂'ñiá'₂, ia₁ rē₂ jme₁lē₄. ⁴⁹ La₁ ju₁lia'₂ i₂nag₅ jág₁ quió₃, ton'₂ tsá₃ nei'₅₄ guē'₂ nē₃, lín₅ ju₁lia'₂ lín₅ dsa₂ i₂ca₂chi'₃ 'ne₄ jñiá'₅₄ dsí₂ ne₄ 'uē₃ bá₄, tsá₃ 'uig'₅₄ 'ia'₂ ca₂jmo₃. Jme₁ca₂dság'₃ tiá₂ 'ei₅ jmig₂ dso'₂ tsi₁'né₅ jaun₂, ca₂qui'₃ bá₄, co₂ñei'₅₄ ca₂'en₃.

7

*Ca₂jme₃'lión₂ Jesús jan₂ dsa₂ mozo quián₅ juig'₅₄ 'lióg₂ romano
(Mateo 8:5-13)*

¹ Jme₁ca₂dsan₃ cuē₂₃ jág₁ le₂nē₅, ca₂le₃jín₃ bá₄ dsa₂ qui₂ca₂nág₂, jaun₂ ca₂ñó₃ jui₅ juig₂ Capernaum. ² Ja₁jaun₂ jme₁guá₄ jan₂ juig'₅₄ 'lióg₂ romano i₂jme₁ñio₅ jan₂ dsa₂ i₂jme₁jme₂ti₃ ne₅₄, i₂jme₁'nioi₃ lín₃. 'Éi₂ nē₃ jme₁dso'₅₄ jme₁ma₂rē₂quiain₂₃ jóin₂. ³ Jme₁ca₂rē₂ñi₅ juig'₅₄ 'lióg₂ a₂'in₅ dsa₂ Jesús, jaun₂ ca₂chein₃ jan₂-on₃ dsa₂ can'₅₄ quián₅ dsa₂ judíos a₂i₂lén₂ a₂i₁mi₂ ne₄ Jesús a₂jñiá₃ jme₃'lióin₂ dsa₂ mozo quián₅. ⁴ Jme₁dsi₃lén₂ ja₁'en₅₄ Jesús, ca₂mi₃ tion₅₄-jan₃, ca₂juá'₂:

—Ca₂tín₂ bá₄ gui'₅₄ juig'₅₄ 'lióg₂ 'éi₂ a₂jme₁'oin'₄, ⁵ ia₁ 'nio₅ lin₃ bá₄ 'nio₃ dsa₂ juig₂ go₄ jniog₄. Ia₁ 'éi₂ bá₄ ca₂jmo₃ 'éi'₃ a₂ca₂lág₃ guá'₅ sinagoga quián₂ jnia'₅₄.

⁶ Jaun₂ ca₂ηó₃ bá₄ guë'₂ Jesús quián'₅₄ 'éi₂. La₁ jme₁ma₂ja₂quián₃ dsi₁lén₂ dsi₂néi₂ jme₁ca₂chen₃ táng₃ gui'₅₄ juig'₅₄ 'lióg₂ jan₂-on₃ a₂mei₅₄ quián₅, a₂quian₅ jág₁ a₂juá'₂:

—Te₁gui'₅₄, tsá₃ cán'₁ ta₁ jua'₅₄ a₂gog'₅₄ tē₂ ja₁quió₃, ia₁ tsá₃ ca₂tíng₂ jua'₅₄ a₂o₁'ú'₃ dsi₂néi₂ quió₃. ⁷ 'Uig₅₄ jaun₂ i₂jio₅ dsi₃, ζ₂'ein₂ bá₄ jniá₂ jua'₅₄ nei₅₄ 'nio₃ tē₂ ja₁cong'₂? La₁ tió'₅ jua'₅₄ ca₂jon₄ bá₄ jág₁ quiáng'₂ tē₂nē₅, ia₁ jaun₂ jnia₃ dso'₅₄ mozo quiáng₃. ⁸ Ia₁ le₂nē₅ bá₄ jniá₂ 'nio₃ chéng'₅ jme₂ti₅₄ ne₄ juig₃, ján₃ bá₄ niog₅ gu₃ 'lióg₂ i₂te₂neg'₄. Nē₁jua'₂ ca₂juíg₂ jniá₂, “Gua₂ jó₄”, ja₁ jaun₂ dsó₃ bá₄; nē₁jua'₂ ca₂juíg₂ “Ñia₅ ja₁lá₃”, jiá₃ bá₄. Já₃ guë'₂ le₂jaun₂ nē₁ca₂juíg₂ “O₂jmo₄ a₂la₂ a₂ó₃”, a₂jaun₂ dsi₃jmó₂ bá₄.

⁹ Jme₁ca₂nág₂ Jesús jág₁ nē₅, ca₂i₃gó'₃ dsí₅ o₄quió'₄ dsa₂ 'éi₂, jaun₂ ca₂jéin'₃ ca₂jín₂ dsa₂ i₂quian'₅₄, jaun₂ ca₂juá'₂:

—Tē₃dsón'₂ bá₄, ca₂lia'₂ 'i₁jan₂ dsa₂ chan₂ Israel tsá₃ ma₂ca₂dsán'₂ jniá₂ i₂'én₂ lia'₂ 'én₂ dsa₂ nē₅.

¹⁰ Jme₁ca₂dsi₃len₃ dsa₂ i₂chen₄ 'éi₂ dsi₂néi₂, ma₂ca₂'lón₂ bá₄ dsa₂ mozo i₂jme₁dso'₅₄.

Ca₂jme₃jen'₅₄ Jesús ja₁ηi'₅₄ jan₂ 'io₅₄ 'nág₂

¹¹ Cang₂ jaun₂ ca₂ηó₃ táng₃ Jesús caun₂ juig₂ ja₁chei₂ Nain, jaun₂ ca₂jme₃quian'₅₄ chi'₂ dsi₂guia₃-tín₂ quián₅, i₃lén₂ quian'₅₄ juin₅ guë'₄ dsa₂ sián'₂ nē₃. ¹² Jme₁ja₂quián₃ dsió₄ ja₁dsi₂ton'₅₄ dsa₂ o₄'né₄ juig₂, ca₂jág₃ ca₂'uin₂ dsa₂ i₃'óin₃ jan₂ 'lag₄, i₂jan₂ tan₅₄ 'éi₂ ja₁ηi'₅₄ jan₂ 'io₅₄ 'nág₂. Juin₅ lin₃ bá₄ dsa₂ juig₂ i₂jme₁quiong'₅₄ i₃'o₃. ¹³ Ca₂tá'₂ ηéi₂ dsí₅ Te₁gui'₅₄ jme₁ca₂jág₂, jaun₂ ca₂juá'₂:

—Tsá₃ 'au₂.

¹⁴ Jaun₂ ca₂jme₃quián₃ ca₂ní'₃ tsi₁gu₅. Ca₂jnia₃ bá₄ guë'₂ dsa₂ i₂jme₁le₁te₂, jaun₂ ca₂juá'₂ Jesús ca₂tsí'₃ 'lag₄:

—i'Ne₂ juíg₂ jniá₂ chi'₂, nau₂!

¹⁵ Jaun₂ nē₃ ca₂guá'₂ 'lag₄, ca₂jme₃lióg₃ ca₂dsia₃ jág₁, jaun₂ ca₂jáng'₂ Jesús ne₄ chog₅₄. ¹⁶ Jme₁ca₂tē₂ ne₄ dsa₂ a₂ca₂lě₃ jaun₂, ca₂i₃gó'₃ dsí₅ ca₂le₃jín₃, jaun₂ ca₂jme₃juin'₂ Diú₄, ca₂juá'₂:

—Ma₂ca₂rě₃jniá₂ jan₂ dsa₂ juin'₂ i₂'ě₂ jág₁ quián₅ Diú₄ jē₄ quián₂ jniog₄.

Juá'₂ nē₃:

—Ma₂guan₅ Diú₄ a₂jme₃'oin₅₄ dsa₂ juig₂ quián₅.

¹⁷ Le₂con₂ ja₁tén₄ 'uë₃ Judea, le₂con₂ ma₂quián₅ jaun₂ nē₃, qui₂ca₂rě₃ηi₅ dsa₂ a₂ca₂jmo₃ Jesús jaun₂.

Dsa₂ i₂ca₂chen₃ Juan₅₄ i₂chon₅ dsa₂ jmig₂ (Mateo 11:2-19)

¹⁸ Ca₂rě₃ηi₅ Juan₅₄ ca₂le₃jě₃ a₂jaun₂, ia₁ ca₂dsia₃ dsa₂ i₂jme₁quian'₅₄. Jaun₂ ca₂tē'₃ on₃ dsa₂ 'éi₂, ¹⁹ jaun₂ ca₂chei₃ ne₄ Te₁gui'₅₄ a₂dsi₃ηag₅₄ chi₂jua'₂ tē₃dsón'₂ lín₅ dsa₂ i₂lě₅ jág₁ jiá₃, o₃ jniai₃ i₂sián'₂ 'e₂. ²⁰ Jaun₂ dsa₂ 'éi₂ nē₃, ca₂jme₃quián₃ con₂ Jesús jaun₂ ca₂juá'₂:

—Juan₅₄ i₂chon₅ dsa₂ jmig₂ nē₂chei₃ jnia'₅₄ a₂ηag₄ 'ne₂ chi₂jua'₂ tē₃dsón'₂ líng'₅ i₂lě₅ jág₁ jiá₃, ζ₀₃ jnia₄ jnia'₅₄ i₂sián'₂ 'e₂?

²¹ Tē₃jě₄ jaun₂, ca₂jme₃'lión₂ Jesús juin₅ lin₃ dsa₂ i₂jme₁le₁dso'₅₄, ca₂le₃jě₃ ne₅₄ jmi₁uig₅ a₂jme₁le₁quian₅ dsa₂; lia'₂ jme₂dsí₂ 'lin'₅₄ nē₃ qui₂ca₂'uín'₂; qui₂ca₂jmóg'₃ jme₁ne₁ dsa₂ i₂jme₁ten₄. ²² Jaun₂ guë'₄ ca₂jéin'₃ jág₁ quió'₅ 'éi₂, ca₂juá'₂:

—O₂nó⁵ 'nia'₂ o₂dsia₄ o₂chei⁵⁴ Juan⁵⁴ 'e₂ ca₂tě₂ ne⁵⁴, 'e₂ a₂qui₂ně₂nei'₂ ně₃. Qui₂jág⁵ ju₁lia'₂ dsa₂ ten₄; tē₁i₂nio₄ táng₃ dsa₂ i₂tsá₃ lé₂ jme₁i₂nio₄; tē₂tsin⁵⁴ le₁jín₃ i₂jme₁lín₄ 'mé'₅ 'iog₅; qui₂nag₅ táng₃ dsa₂ i₂jme₁guin₄ ně₃; le₂jaun₂ guě'₂ 'lag₄ ně₃ qui₂jein⁵⁴ táng₃; ja₁con₂ dsa₂ dsi₂né₂ dsi₂'ag₅ jág₁ dse₃ a₂lión₂ dsa₂. ²³ 'E₂ guě₄ dsen₃ dsa₂ i₂tsá₃ 'ag₅ caun₂-tin₃ dsi₅ o₄qui₃o₃ jniá₂.

²⁴ Jme₁ma₂i₂len₃ dsa₂ i₂ca₂chen₃ Juan⁵⁴ 'éi₂, jaun₂ ca₂jme₃lióg₃ Jesús ca₂tsí'₃ dsa₂ a₂'iin₂₃ Juan⁵⁴, ca₂juá'₂:

—¿'E₂ ca₂i₁jag⁴ 'nia'₂ lia'₂ con'₂ i₁nóg⁴ 'uě₃ quein₂ co₂'niog₅ jaun₂? ¿O₃ bá₄ ca₂jag⁵⁴ 'nia'₂ ca₂'nau₂ ni₁'ma₂ ta₅ a₂lě₁qui₂bí₂ dsi₂ ja₁jaun₂? ²⁵ Chi₂jua'₂ on₃ jaun₂, ¿'e₂ guě'₂ ca₂i₁jag⁴ 'nia'₂? ¿O₃ bá₄ ca₂jing⁵⁴ jan₂ dsa₂ i₂qui'₂ tsin⁵⁴ jlá'₁ 'e₂? La₁ on₃ le₂jaun₂. Ia₁ ŋi⁵⁴ bá₄ 'nia'₂, ca₂le₃jín₃ dsa₂ i₂tē₁i₂nio₄ jlán'₁ i₂qui₂cuě'₅ o₂'nióg₃ o₂ŋia₃ dsi₅, i₂tion⁵⁴ ju₁lia'₂ dsi₂néi₂ quió'₅ rag⁵⁴ bá₄ i₂le₂'éi₂. ²⁶ Jaun₂ ně₃, ¿'e₂ guě'₂ ca₂i₁jag⁴ 'nia'₂? ¿O₃ bá₄ jan₂ dsa₂ i₂'ě₂ jág₁ quián₅ Diú₄ 'e₂ ca₂jín⁵⁴ 'nia'₂? Dsón'₂ bá₄ jaun₂. Jan₂ i₂lín₅ i₂juin'₂ guě₄ lia'₂ con'₂ guě₄ jan₂ i₂'ě₂ jág₁ quián₅ Diú₄ bá₄ ca₂i₁jín⁴ 'nia'₂, juá'₅ jniá₂. ²⁷ Juan⁵⁴ bá₄ 'éi₂ i₂'in₅ Si₂ quió'₅ Diú₄ ja₁juá'₂: Tsing⁵⁴ jan₂ dsa₂ quiáng₃ ne₄ ju₁ quiáng'₂, jón₃, a₂dsi₃can₅ jág₁, jmo₃ co₂ŋia⁵⁴ ju₁5.*

²⁸ Juá'₅ jniá₂ juig₂ 'nia'₂, ca₂lia'₂ 'i₁jan₂ dsa₂ tsá₃ ma₂ca₂rě₃chán₃ i₂juin'₂ guě₄ lia'₂ con'₂ guě₄ Juan⁵⁴. La₁, i₂lín₅ i₂me'₂ guě₄ ja₁gon₂ Diú₄, i₂'éi₂ lín₅ i₂juin'₂ guě₄ lia'₂ con'₂ guě₄ 'éi₂.

²⁹ (Ca₂le₃jín₃ dsa₂ i₂ca₂nág₂, lia'₂ dsa₂ i₂cán₂ 'lia'₅₄ ně₃, jme₁ca₂ŋói₂ jmig₂ ca₂cho₃ Juan⁵⁴, le₂ně₅ bá₄ ca₂jme₃jniai₂₃, Diú₄ bá₄ i₂lín₅ i₂qui₂dsi₅ 'éi'₃ tí₅. ³⁰ La₁ dsa₂ fariseos quian⁵⁴ tē₅juá'₅ ně₃, tsá₃ ca₂gue₃ cho₃ Juan⁵⁴ jmig₂; le₂ně₅ bá₄ a₂ca₂rě₃jniái₂ ján₃ a₂tsá₃ ji⁵⁴ a₂jme₁'nio₃ Diú₄ jmo₃ quiong⁵⁴.)

³¹ —¿'A₂ lia'₂ le₃jua'₅₄ lín₅ dsa₂ i₂chan₂ jmig₄ ně₃? ¿'E₂ bá₄ quian⁵⁴ le₃quing₄ lín₅? ³² Lín₅ ju₁lia'₂ lín₅ i₂bě⁵⁴ i₂tón⁵ qui₂guió'₅ jmái'₂ rin⁵⁴ jě₄ 'ma'₅₄, juá'₂: Ně₂jéi₄ jnia'₅₄ te₁fi₁ o₄quián'₂ 'nia'₂,

la₁ tsá₃ ně₂dsián'₃ 'nia'₂;
ján₃ guě'₂ ně₂jmó₁ jnia'₅₄ son⁵⁴ quió'₅ 'lag₄
la₁ tsá₃ ca₂tá'₂ guě'₂ 'lia'₂ 'au'₂ 'nia'₂.

³³ 'Ia₁ ca₂guan₃ Juan⁵⁴ i₂chon₅ dsa₂ jmig₂, i₂tsá₃ jme₁guě'₅ i₁ŋí'₄, on₃ guě'₂ vino jme₁'ín₂ ně₃, ca₂'iin⁵⁴ 'nia'₂ a₂'ein⁵⁴ jme₂dsi₂ je₂na⁵⁴. ³⁴ Ca₂guan₃ guě'₂ táng₃ Jaun₅ dsa₂ mi₂güig₃ i₂tin₂ guě'₅, 'ín₂ ně₃; la₁ 'nia'₂ juá'₂ 'ín₅ a₂lín₅ jlé₂ 'í₅, má₄ jmig₃ ně₃, a₂lín₅ a₂mei⁵⁴ quián₅ dsa₂ cha₂ dsáu₁, quian⁵⁴ dsa₂ i₂cán₂ 'lia'₅₄ quián₅ dsi₂tan⁵⁴ ně₃. ³⁵ Rě₂jniá₂ bá₄ a₂ŋí₄ lě₃ ŋí'₂ dsi₅ Diú₄, a₂tin₂, tē₂le₃ quian⁵⁴ 'a₂ lia'₂ lě₅ jmo₅ chi'₂-guein₂ quián₅.

'En₅₄ Jesús dsi₂néi₂ quió'₅ Si₂mu₅₄ dsa₂ i₂lín₅ fariseo

³⁶ Jaun₂ ca₂tě₃ jan₂ dsa₂ fariseo ca₂tě'₃ Jesús a₂i₁guě'₂ dsi₂néi₂ quió'₅. Ca₂'í₃ bá₄ guě'₂ Jesús dsi₂néi₂ quió'₅ dsa₂ fariseo 'éi₂ jme₁dsióg₃, jaun₂ ca₂guá₂ ne₄ mesa. ³⁷ Tě₃jě₄ jaun₂, ca₂dsióg₃ jan₂ 'io₅₄ i₂'no₅ dso₄ i₂jme₁ŋi₅ juig₂ jaun₂, ia₁ jme₁ca₂rě₃ŋi₅ a₂'en⁵⁴ Jesús guě'₅ dsi₂néi₂ quió'₅ dsa₂ fariseo 'éi₂. Jaun₂ ca₂dsióg₃ quian₅ caun₂ ni₁tsí₅ pí'₁ jlá'₁ a₂lě₅ quian⁵⁴ alabastro, a₂'a₄ no⁵⁴ mi₂juig₂. ³⁸ Ca₂guá₂ 'o₂₃ cau₅ ja₁tióng₂ tag₄ Jesús, ca₂jme₃lióg₃ 'ág₂ jmig₂ 'ei₅ jme₁ne₁₂ co⁵⁴ tag₄ 'éi₂. Jaun₂ ca₂jme₃quén₃ táng₃ quian⁵⁴ ŋji₂ dsi⁵⁴, jaun₂ ca₂chen₃, jaun₂ ca₂tsáng₂ no⁵⁴ mi₂juig₂. ³⁹ Jme₁ca₂jág₃ dsa₂ fariseo i₂quió'₅ dsi₂néi₂, ca₂i₃jiog₅ dsi₅: "Jua'₅₄ mei'₂ guě₃ tē₃dsón'₂ dsa₂ ně₅ lín₅ jan₂ i₂'ě₂ jág₁ quián₅ Diú₄, jme₁le₃lí'₄

* 7:27 Malaquías 3:1.

'a₂ lia'₂ lín₅ dsa₂ i₂ní'₅ quió'₅. Ia₁ jan₂ 'io₅₄ i₂'no₅ dso₄ bá₄ ně₅." 40 Jaun₂ ca₂juá'₂ Jesús ca₂tsí'₃ 'éi₂:

—Si₂mu₅₄, cha₂ caun₂ jág₁ a₂'nio₃ juig₅₄ 'ne₂.

—Jua'₅₄ 'ne₂, Tě₅ —ca₂ŋag₃.

41 Jaun₂ ca₂juá'₂:

—On₃ dsa₂ jme₁le₁rín₃ cu₄ quió'₅ jan₂ dsa₂ i₂tin₂ jme₁dsi₂ cu₄. Jan₂ jme₁rín₂ ca₂jau₅₄ mei₅ 'éi'₃ cu₄ denarios, jan₂ guě'₂ jme₁rín₂ tē₂láu₃-guiá₃. 42 Ca₂'én₂ bá₄ guě'₂ dsa₂ juig₅₄ cu₄ dsáu₁ jē₁le₃oin₃ le₂jaun₂, ia₁ tsá₃ guě'₂ qui'₅₄ jmig₄ jáng'₃. Jaun₂ tsá₃ ma₂tion₅₄ ca₂mág₃ cú₁. Jaun₂ ně₃, ħ₂'ein₂ i₂on₃ 'éi₂ i₂'nio₃ guě'₄?

43 Ca₂ŋag₃ táng₃ Si₂mu₅₄:

—Dsa₂ i₂jme₁rín₂ guě'₄ 'lióng₂, lín₂ jniá'₂.

—Dsau₅ bá₄ le₂ně₅ —ca₂ŋag₃ Jesús. 44 Jaun₂ ca₂jíin₂ táng₃ 'io₅₄, ca₂tsí'₃ táng₃ Si₂mu₅₄:

—Ĥjng'₄ dsa₂ mí₂ la₂? Jme₁ně₂'ú₃ dsi₂néi₂ quiáng'₂, tsá₃ jmig₂ ně₂cuě'₅₄ a₂ŋí₃ tag₃; la₁ 'io₅₄ la₂ ně₃ ma₂ně₂rang₃ tag₃ quian'₅₄ jmig₂ 'ei₅ jme₁ne₁₂, ton'₂ ma₂ně₂chí₃ táng₃ quian'₅₄ jŋi₂ dsi₅₄. 45 Ján₃ bá₄ le₂jaun₂, tsá₃ ně₂chen'₅₄ quió'₃ jme₁guang₁₂. 'Io₅₄ la₂ guě'₂ ně₃, ca₂lia'₂ tsá₃ 'na₂ bá₄ caun₂ chen'₂ tag₃. 46 Tsá₃ no'₅₄ ma₂ně₂'ág'₂ jua'₅₄ a₂ma₂ně₂tsáng'₃ dsi₃; la₁ 'io₅₄ la₂ guě'₂ ně₃, ma₂ně₂'ág'₂ no'₅₄ mi₂juig₂ tag₃. 47 'Uig₅₄ ně₅ ně₃ juá'₅ jniá'₂ ia₁ a₂ŋí₄ lē₃ 'lióng₂ dso₄ jme₁rē₂cáin'₄, la₁ ma₂rē₂'én₄, a₂jaun₂ bá₄ lē₃ ŋí₄ lē₃ cuě₂₃ léi₄ a₂'nio₃. La₁ ju₁lia'₂ dsa₂ i₂ca₂juig₄ bá₄ dsáu₁ rē₂'én₄, me'₂ bá₄ cuě₂₃ léi₄ a₂'nio₃.

48 Jaun₂ guě'₄ ca₂juá'₂ ca₂tsí'₃ 'io₅₄:

—Ca₂le₃jě₃ bá₄ dsáu'₂ ma₂rē₂'én₄.

49 Ca₂le₃jín₃ guě'₄ dsa₂ sián'₂ i₂jme₁tián'₄ ne₄ mesa quiaín'₅₄, ca₂dsia₃ tsí'₅ riín'₅₄:

—Ĥi₂'ein₂ bá₄ ně₅, ca₂tē₂ dsáu₁ dsa₂ qui₂'éin₂?

50 La₁ Jesús ně₃, ca₂tsí'₃ dsa₂ mí₂ 'éi₂:

—Ia₁ a₂'éng'₂, ma₂ca₂lóng'₂ ně₃. Guan'₂ tei₄ quiáng'₂.

8

Dsa₂ mí₂ i₂jme₁i₂nio₄ jme₂'on₅₄ Jesús

1 Cang₂ jaun₂, ca₂i₁ŋi₂ Jesús le₂tan₅₄ juig₂ ca'₅₄, le₂tan₅₄ juig₂ pí'₁ ně₃, qui₂i₁jme₁tiín₂₃ dsa₂ jág₁ dse₃ ju₁lia'₂ ja₁gon₂ Diú₄. Jme₁quiaín'₅₄ bá₄ chí'₂ dsi₂guia₃-tín₂. 2 Ján₃ guě'₂ jme₁quiaín'₅₄ dsa₂ mí₂ i₂ma₂ca₂'uúin'₂ jme₂dsí₂ 'lín'₅₄ quió'₅, i₂ma₂ca₂jme₃'lióin₂ dso₄ a₂jme₁lín₄ ně₃. Jín₄ 'éi₂ jme₁ŋi₅ jan₂ i₂chen₂ María i₂tě'₂ Magdalena,* i₂ma₂'uúin'₂ Jesús guion₃ je₂na'₅₄ tē₂dsí₅; 3 ján₃ bá₄ jme₁ŋi₅ i₂chen₂ Juana i₂lín₅ dsa₂ mí₂ quián₅ Cuza, dsa₂ i₂niog₅ ne₄ 'e₂ a₂cha₂ quió'₅ Herodes; ján₃ bá₄ jme₁ŋi₅ i₂chen₂ Susana; i₂juin₅ bá₄ i₂sián'₂ guě'₄ i₂jme₁i₂nio₄ quiong'₅₄, jme₁jme₂'o₅₄ quian'₅₄ 'e₂ a₂cha₂ quió'₅.

Jág₁ jáng'₅ léi₄ ju₁lia'₂ dsa₂ i₂séi₂ míg₂ jon₂

(Mateo 13:1-9; Marcos 4:1-9)

4 'Lióng₂ juig₂ ja₁jme₁tón'₅ dsa₂ ju₁i₅ dsi₂lén₂ dsi₂jín₅₄ Jesús. Jē₁ma₂le₁ŋi'₂ dsa₂ juin₅ ně₃, jaun₂ ca₂dsia₃ jág₁ jáng'₅ léi₄ la₂, ca₂juá'₂:

5 —Jan₂ dsa₂ ca₂ŋe₄ ja₁nau₂ ca₂i₁séi₄ míg₂ jon₂. Jme₁ma₂'ein₅₄ séi₂ ně₃, a₂lín₅₄ míg₂ i₂ga'₅₄ le₂'i₄ ju₁i₅ qui₂ca₂tsó'₃ dsa₂; i₁tan₅ guě'₂ ně₃ ca₂guě'₃ ca₂dsio₄.

6 Ca₂dsio₄ guě'₂ ně₃ ca₂i₃to'₅₄ jē₄ ni₁cang_; jme₁ca₂'ia₂, ca₂rē₃quén₃ bá₄ ia₁ tsá₃ gua'₅₄ cha₂ jua'₅₄ a₂güig'₂. 7 Ca₂dsio₄ guě'₂ ca₂séi'₂ jē₄ ni₁taun₅. La₁ ni₁taun₅

* 8:2 o₃, "i₂chan₂ Magdala."

bá₄ tiá₂ ca₂jo₃ jme₁ca₂'ia₂. ⁸La₁ ca₂dsio₄ guë'₂ ně₃ ca₂tín₂ ja₁dse₃ gua'₅₄; a₂jaun₂ ca₂i₃cón₃, ca₂rau₂ dse₃ lín₃, caun₂ 'ñiá₂-láu₂ mǐg₂ lia'₂ ca₂mǐg₂ jon₂ a₂ca₂séi₂.

Jme₁ma₂lě₅ jme₂tag₂₃ le₂ně₅, ca₂juá'₂ tiá₂:

—Chi₂jua'₂ 'ein₂ 'nia'₂ dsi₅₄ rě₂gua₄, nei₂ 'nia'₂ rě₂.

Ta₁ qui'₅ jág₁ a₂jáng'₅ léi₄

(Mateo 13:10-17; Marcos 4:10-12)

⁹Jaun₂ ca₂ḡag₃ chi'₂ dsi₂gua₃-tín₂ 'e₂ bá₄ jein₅ jág₁ a₂cuë₂₃ jaun₂. Jaun₂ ca₂juá'₂ Jesús:

¹⁰—Diú₄ bá₄ jmo₅ a₂rě₂ñí'₂ 'au'₂ 'nia'₂ jág₁ a₂rě₂'ma₄ quió'₅, 'a₂ lia'₂ lě₅ ja₁goin₂.

La₁ dsa₂ sián'₂ ně₃, juí₂ jniá₂ tē₂le₃ quian'₅₄ jág₁ jáng'₅ léi₄, ia₁jaun₂:

I₂ně₂jág₃, la₁ tsá₃ le₃lí'₄ 'e₂ ně₂jág₃;

i₂ně₂néi₂ ně₃, la₁ tsá₃ le₃lí'₄ 'e₂ ně₂néi₂,

on₃ guë'₂ le₃ñí'₂.†

Juá'₂ Jesús 'e₂ jág₁ dsau₅ jein₅ jág₁ jui₁lia'₂ dsa₂ i₂séi₂ mǐg₂ jon₂

(Mateo 13:18-23; Marcos 4:13-20)

¹¹'A₂la₂ bá₄ jein₅ jág₁ a₂jáng'₅ léi₄: A₂lě₅ co₂'nió'₄ mǐg₂ jon₂, jág₁ dse₃ quió'₅ bá₄ Diú₄ jaun₂. ¹²Jui₁lia'₂ ca₂dsio₄ mǐg₂ jon₂ a₂i₃ga'₅₄ le₂'i₄ jui₅ guë'₂ ně₃, le₂jaun₂ lín₅ jui₁lia'₂ ca₂dsion₄ dsa₂ i₂nag₅ jág₁ dse₃; la₁ i₂sě₃dsen₃ guë'₂ ně₃, ja₂jñiá'₃ jág₁ dse₃ jme₁ma₂'i₄ dsí₅, ia₁jaun₂ tsá₃ ma₃le₃'éin₂ jua'₅₄ a₂lióin₂. ¹³Co₂'nió'₄ mǐg₂ jon₂ a₂i₃to'₅₄ jě₄ ni₁cang₁ guë'₂ ně₃, co₂'nió'₄ lín₅ jui₁lia'₂ dsa₂ i₂guen₅ 'ñio₂ dsí₅ jág₁ dse₃ jě₁ma₂ca₂nág₂. La₁ cang₂ jaun₂ tsá₃ tiá₂ tióin₂; lín₅ ně₂jag₄ bá₄ a₂tsá₃ jmú₄ cha₂ jui₅ jme₂dsí₂ quió'₅. Co₂'na₂ bá₄ rě₂'éin₂, ia₁ jě₁ma₂ca₂i₃ñí₂ 'e₂ caun₂ jui₅bí₂ a₂cáun₂ táu₂, dsi₂lein₅ táng₃ le₃ca'₃, tí₂ jág₁. ¹⁴Co₂'nió'₄ jon₂ a₂ca₂séi'₂ jě₄ ni₁taun₅ guë'₂ ně₃, co₂'nió'₄ lín₅ jui₁lia'₂ dsa₂ i₂nag₅ jág₁, la₁ tē₂le₃ ne₄ jui₅ ja₁i₂léin₂ jaun₂, tē₂ ca₂juig₄ bá₄ jme₂gain₂₃ dsí₅ a₂jo₅ bí₂ a₂quian₅ o₂me'₅₄ dsí₅, a₂ja₂ dsí₅ le₃cha₂ cu₄ 'lióng₂, a₂'nio₃ cuë'₅ o₂'ñio₃ o₂jñia₃ dsí₅; i₂ně₅ ně₃ lín₅ co₂'nió'₄ mǐg₂ a₂tsá₃ ma₃lé₂ rón₃. ¹⁵La₁ ca₂dsio₄ mǐg₂ jon₂ a₂ca₂séi₂ ja₁dse₃ gua'₅₄, co₂'nió'₄ lín₅ jui₁lia'₂ dsa₂ i₂dse₃ dsí₅ i₂caun₂ ne'₅₄, tsán'₂ tiá₂ jág₁ a₂nag₂₃, caun₂ juin'₂ bá₄ dsí₅, 'lióng₂ a₂dse₃ rě₂jniá₂ a₂jmo₂₃ chain₂.

Jág₁ jáng'₅ léi₄ jui₁lia'₂ ni₁tsí₅ chi₁guí'₂ si₂

(Marcos 4:21-25)

¹⁶"I₁jan₂ dsa₂ tsá₃ guí'₅ si₂ caun₂ ni₁tsí₅, jua'₅₄ a₂jlě₂ o₃ a₂chi'₂ né₃ tsi₁cama 'e₂. A₂'ag₅ guei'₅₄ bá₄ dsa₂ si₂, ia₁jaun₂ jniá₂ quió'₅ i₂dsi₂ton'₅₄. ¹⁷Ján₃ bá₄ le₂jaun₂, 'i₁caun₂ a₂rě₂'ma₄ jlě₅ cha₂ jua'₅₄ a₂lín₂ dsa₂ a₂tsá₃ le₃jniá₂; tion₅₄ bá₄ rě₂jniá₂. Ján₃ guë'₂ le₂jaun₂ 'i₁caun₂ jág₁ tsá₃ cha₂ jua'₅₄ lín₂ dsa₂ a₂tsá₃ 'ein₂ le₃ñi₅: tion₅₄ bá₄ rě₂ñi₅ dsa₂.

¹⁸'Quion₂ de'₂ 'nia'₂ 'í₁ rě₂ jaun₂, 'a₂ lia'₂ lě₅ nag'₂, ia₁ jui₁lia'₂ i₂ma₂ñí'₂, Diú₄ bá₄ jmo₃ a₂le₃ñí'₂ guë'₄. La₁ jui₁lia'₂ i₂tsá₃ 'nio₃ le₃ñí'₂ guë'₂ ně₃, ca₂tē₂ a₂jme₁ma₂ñí'₂, lín₂, jñia'₃.

Chi'₂ rin'₅₄ Jesús, quian'₅₄ chog₅₄

(Mateo 12:46-50; Marcos 3:31-35)

¹⁹Jaun₂ ca₂dsi₃lén₂ chi'₂ rin'₅₄ Jesús quian'₅₄ chog₅₄, jme₁'nio₃ jme₁ñí₃ ca₂tē₂ ja₁'en₅₄ 'éi₂, la₁ tsá₃ lé₂, ia₁ juin₅ lín₃ dsa₂ tion'₅₄. ²⁰Jaun₂ jan₂ dsa₂ sián'₂ bá₄ ca₂ḡag₃ jág₁ ca₂juá'₂:

—Chog'₂ quian'₅₄ chi'₂ ríng'₂ ně₅ tióin₂ ca₁'né₄, 'nio₃ jín₂ 'ne₂.

† 8:10 Isaiás 6:9.

21 Jaun₂ ca₂ŋag₃:

—Dsa₂ i₂nag₅ jág₁ quió'₅ Diú₄, ton'₂ jme₂ti₃, 'éi₂ bá₄ lín₅ cha₃, ríng'₃ ně₃.

Ca₂jmo₃ Jesús ca₂'ág₂ tei₄ jm₁ŋí'₄, ca₂ŋia'₃ dsí₂ ně₃
(Mateo 8:23-27; Marcos 4:35-41)

22 Co₂ráun₂ ca₂'í₃ Jesús caun₂ tsi₁mu₅, jaun₂ ca₂tsí'₃ chi'₂ dsi₂guia₃-tín₂ quiáin₅:
—Ma₃dsau₅₄ quióng₄ le₃ca₂taun₂.

Jaun₂ ca₂i₃lén₂ bá₄. 23 Tē₁lia'₂ tioin'₅₄ 'ain₂₃ jm₁ŋí'₄, la₁ 'éi₂ ně₃ ca₂güin₂ bá₄. Tē₃jē₄ jaun₂ ca₂'ág₂ dsí₂ tiá₂ lín₃ ne₄ jmig₂. Ca₂rē₃lióg₃ i₃'a₄ jmig₂ 'ŋió'₃ tsi₁mu₅, ca₂lia'₂ ma₂lé₂ dsi₃guein'₅₄ bá₄, go'₂ lín₃ tioin'₅₄. 24 Jaun₂ ca₂i₁ŋei₂₃ Jesús, ca₂juá'₂:
—i₂Tē₅! i₂Tē₅! i₂Dsi₃'éin₂ jniog₄!

Jaun₂ ca₂nau₂ bá₄ guē'₂ Jesús ca₂tē₂ ca₂jéin₂ dsí₂, a₂jná'₅ jmig₂ ně₃. Dsi₂jui₅ le₂jaun₂ bá₄ ca₂tē₁tsi'₅₄ táng₃ tei₄. 25 Jaun₂ tsí'₅ chi'₂ dsi₂guia₃-tín₂:

—¿'A₂ ŋó₅ a₂'én'₂ 'nia'₂?

Ca₂lia'₂ lē₁quian₅ juē'₅ lín₃ bá₄ tioin'₅₄ dsi₂gó'₃ dsí₅, dsia₂₃ tsí'₅ rīn'₅₄:

—¿'Ein₂ bá₄ lín₅ dsa₂ ně₅, tiin₂ jmo₃ 'éi'₃ tsí'₅ tē₂ dsí₂, jmig₂ ně₃, ne'₅₄ a₂juá'₂?

Dsa₂ chan₂ Gerasa i₂tion'₅₄ jme₂dsí₂ 'lín'₅₄
(Mateo 8:28-34; Marcos 5:1-20)

26 Jaun₂ guē₄ ca₂dsi₃lén₂ 'uē₃ Gerasa_‡ a₂ron₅ le₃'ŋo'₅₄ jmig₂ ja₁ron₅ 'uē₃ Galilea. 27 Jme₁ca₂o₂'ín₃ Jesús a₂tē₁tsin'₅₄ 'uē₃, jaun₂ ca₂jme₃quián₃ jan₂ dsa₂ juig₂ jaun₂ cau₅ quió'₅. Dsa₂ 'éi₂ ně₃, líg'₂ bá₄ qui₂ca₂jo₃ jme₂dsí₂ je₂na'₅₄. Líg'₂ bá₄ ŋi₂₃ tsá₃ ma₃tsin'₅₄ qui'₅, on₃ guē'₂ ma₃juá'₅₄ a₂guá₅ dsi₂néi₂; tau₂ 'ŋio₅ quió'₅ 'lag₄ bá₄ jme₁ma₂guá₅. 28 Jme₁ca₂jīn₂ Jesús, jaun₂ ca₂guió'₃ co₂mi'₅₄, ca₂chi₃jné₃ ne₄ 'éi₂, ca₂juá'₂ tiá₂ lín₃:

—¿'E₂ bá₄ lē₃ ŋe'₃ i₃tiáng'₃ jē₄ quián'₂ jniá₂, 'ne₂ Jesús Ja₁ŋi'₅₄ Diú₄ i₂guá₅ guei'₅₄ lín₃? Mi₂₃ jniá₂ ne'₅₄, tsá₃ cuē₂ uig₅.

29 Ca₂juá'₂ le₂nē₅ ia₁ jme₁ma₂nē₂jmo₃ Jesús 'éi'₃ a₂o₃'ín₅ jme₂dsí₂ 'lín'₅₄ quió'₅. 'Lióng₂ ráun₂ bá₄ le₂ŋiá₅ jme₁ma₂ca₂ŋau'₃ i₂'lín'₅₄. Jaun₂ o₁ŋia'₅₄ ma₂qui₂ma₂'néi₂ dsa₂ mi₂gu₂ mi₂tag₅₄ quian'₅₄ ŋí₁ cadenas ia₁jaun₂ lé₂ 'í₁, la₁ ca₂le₃jē₃ bá₄ jme₁gág₅. Jme₁'liog'₂ je₂na'₅₄ a₂jme₁dsi₂ŋí₃ uíng₂ gua'₅₄ quein₂ ja₁co₂'ŋiog₅.

30 Jaun₂ ca₂ŋag₃ Jesús:

—¿'A₂ bá₄ lia'₂ cheng'₂?

Jaun₂ ca₂ŋag₃:

—Juin₅ Š bá₄ cheng₂.

Le₂nē₅ ca₂juá'₂ chein₂ ia₁ a₂juin₅ je₂na'₅₄ i₂jme₁tion'₅₄ quió'₅.

31 Jaun₂ jme₂dsí₂ 'éi₂ ně₃ qui₂ca₂mi₃ tion'₅₄ ne₄ Jesús ia₁jaun₂ tsá₃ guiog'₃ 'éi₂ ca₂tē₂ ja₁ca₂jein₃ chi₁dsio₅₄. 32 Jaun₂ jme₁tion'₅₄ juin₅ i₁ŋí₅ caun₂ dsi₂con'₂. Jaun₂ ca₂mi₃ jme₂dsí₂ a₂cuē₃ Jesús jmig₄ a₂dsi₃toin'₅₄ quió'₅ i₁ŋí₅. Jaun₂ ca₂cuē₃ bá₄ guē'₂ Jesús jmig₄. 33 Jaun₂ qui₂ca₂'uin₂ bá₄ je₂na'₅₄ quió'₅ dsa₂ 'éi₂; ca₂i₃lén₂ i₃toin'₅₄ quió'₅ i₁ŋí₅. Ca₂le₃jín₃ i₁ŋí₅ 'éi₂ ně₃ ca₂i₁nioi₁₂ co₂'ei₅ 'lig'₅₄, qui₂ca₂sein'₃ tsag₂ siá₅ ca₂séin'₂ tē₂ dsi₂jmig₂. Ja₁jaun₂ ca₂dsain₃ ca₂'in'₃ jmig₂.

34 Jme₁ca₂tē₂ ne₄ dsa₂ i₂jme₁jmo₅ 'í₁ i₁ŋí₅ 'e₂ ca₂lē₃, ca₂i₃lein₃ ca₂cuíng₃ ca₂i₁dsia₂ jē₄ juig₂, ja₁nau₂ ně₃. 35 Jaun₂ ca₂i₁len₅₄ dsa₂ juig₂ i₁jag₅₄ a₂ca₂lē₃ ja₁jaun₂. Jme₁ca₂dsi₃lén₂ ja₁'en₅₄ Jesús, ca₂jīn₂ dsa₂ i₂ma₂'uin₂ je₂na'₅₄ tē₂dsí₅. Jaun₂ ma₂guá₅ con₂ Jesús ma₂qui'₂ tsin'₅₄, ma₂'en₅₄ bá₄ dsí₅. Jaun₂ ca₂i₃gó'₃ dsí₅ dsa₂ jme₁ca₂jág₂. 36 Dsa₂ i₂ca₂tē₂ ne₄ a₂ca₂lē₃ jaun₂, ca₂dsia₃ ca₂tsí'₃ táng₃

‡ 8:26 A₂lín₅₄ chog₅₄ si₂ juá'₂: “Gadara”; a₂siá'₂ guē'₂ ně₃, juá'₂: “Gergesa”; ján₃ bá, le₂nē, § 8:30 griego: legión.

i₂ca₂dsi₃lén₂ 'éi₂ 'a₂ lia'₂ ca₂'lón₂ dsa₂ i₂jme₁tion'₅₄ je₂na'₅₄ tē₂dsí₅. ³⁷ Jaun₂ ně₃, ca₂le₃jín₃ bá₄ dsa₂ chan₂le₃lág'₃ juig₂ 'uē₃ Gerasa ca₂tsí'₃ Jesús a₂o₃'in₅ ja₁jaun₂, ia₁ 'ñio₅ lín₃ tē₂tsí'₅₄ go₂'i₃ tion'₅₄ dsa₂. Jaun₂ ca₂ñá'₃ bá₄ 'éi₂ ca₂'í₃ táng₃ tsí₁mu₅. ³⁸ Dsa₂ i₂ca₂'uin₂ jme₂dsí₂ je₂na'₅₄ quió'₅ ně₃, jme₁mí₂₃ ne₄ Jesús a₂jme₁dsó₃ quiong'₅₄. La₁ 'éi₂ ně₃ ca₂jmo₃ 'éi'₃ a₂jñia₃ bá₄, ca₂juá'₂:

³⁹ —Guan'₂ bá₄ quiáng'₂, o₂dsia₄ ca₂le₃jě₃ 'e₂ ně₂jmo₃ Diú₄ ja₁cong'₂.
Ca₂ñá'₃ bá₄ guē'₂ dsa₂ 'éi₂ quió'₅, ca₂i₁dsia₂ le₂tan₅₄ jē₄ juig₂ 'e₂ ca₂jmo₃ Jesús quiong'₅₄.

Ja₁míg₄ Jairo, quian'₅₄ 'io₅₄ i₂ca₂ñí'₃ tsín'₅₄ Jesús
(Mateo 9:18-26; Marcos 5:21-43)

⁴⁰ Jme₁ca₂dsián'₃ táng₃ Jesús le₃'ño'₅₄ jmig₂, qui₂ca₂guei₃ dsa₂ a₂'ñio₂ dsí₅, ia₁ ca₂le₃jín₃ bá₄ jme₁ma₂le₁jñiog₂₃ tioen'₅₄. ⁴¹ Tē₃jē₄ jaun₂, ca₂dsióg₃ jan₂ dsa₂ i₂chen₂ Jairo, i₂niog₅ gu₂ guá'₅ sinagoga. Dsa₂ 'éi₂ ně₃ ca₂chi₃jnë₃ ne₄ Jesús jme₁dsióg₃, ca₂mí₃ tion₅₄-jan₃ ia₁jaun₂ dsó₃ ja₁quió'₄. ⁴² Ia₁ jme₁chan₂ jan₂ tan₅₄ ja₁míg₄, i₂jme₁ma₂'en₅₄ con'₂ guia₃-tín₂ ñi₂, i₂jme₁ma₂i₁jón₂. Jme₁ma₂'en₅₄ Jesús juí₅ ñó₃ ja₁quió'₄ 'éi₂, juí₅ lín₃ dsa₂ i₂i₃lén₂ quiong'₅₄, lia'₂ qui₂rē₂quín'₅ bá₄ Jesús ñó₃.

⁴³ Jē₄ jaun₂, ñó₃ jan₂ dsa₂ m'í₂ i₂dsó'₅₄ ma₂guia₃-tín₂ ñi₂ a₂tiin₂, * la₁ ca₂lia'₂ 'i₁jan₂ tsá₃ 'ein₂ ma₂ca₂tió'₃ jme₃'lió₂.

⁴⁴ 'Io₅₄ 'éi₂ ně₃ ca₂jme₃quiáin₃ tē₂le₃ chi₁co'₅₄ quió'₅ Jesús. Jaun₂ ca₂ñí'₃ chei'₅₄ tsín'₅₄ 'éi₂. Co₂tan₅₄ dsi₂juí₅ le₂jaun₂ bá₄ ca₂quion₂ jmi₂ 'ain₅₄.

⁴⁵ Jaun₂ ca₂juá'₂ Jesús:

—¿'Ein₂ ně₂ñí'₃ quió'₃?

Ca₂le₃jín₃ bá₄ dsa₂ ñag₂₃ juá'₂ tsá₃ ñi₅.

Jaun₂ ca₂juá'₂ Pe₄:†

—Tē₅, jág'₂ bá₄ 'ne₂ chi₁quí'₅ co₂'liog'₂ dsa₂ ca₂taun₂ ca₂taun₂ ja₂náu₅.

⁴⁶ La₁ caun₂ ca₂juá'₂ bá₄ Jesús:

—Chan₂ i₂nē₂ñí'₃ quió'₃, ia₁ ca₂rē₃léi₄ jniá₂ o₂'ág₃ bí₂ quió'₃.

⁴⁷ 'Io₅₄ ně₃, jme₁ca₂rē₃lí'₄ a₂tsá₃ ma₃lé₂ jua'₅₄ a₂'mai₃, já₃ jlein₂₃, ca₂chi₃jnë₃ ne₄ 'éi₂. Tē₃ jág₅ ca₂le₃jín₃ dsa₂ ca₂juá'₂ lia'₂ tí₅ jág₁ 'e₂ 'uig₅₄ ca₂ñí'₃ quió'₅ 'éi₂, ton'₂ ca₂jáng'₃ jág₁ dsau₅ a₂ca₂'lóin₂ dsi₂juí₅ le₂jaun₂.

⁴⁸ Jaun₂ ca₂juá'₂ Jesús:

—Jón₃, ne₄ ia₁ a₂'éng'₂, ca₂'lóng'₂ bá₄. Guan'₂ tei₄ quiáng'₂.

⁴⁹ Tē₃jē₄ juá'₂ jág₁ jaun₂ jme₁ca₂dsióg₃ jan₂ dsa₂ i₂chen₄ dsi₂néi₂ quió'₅ i₂niog₅ gu₂ guá'₅, ca₂juá'₂:

—Ma₂jon₅ bá₄ chi'₂ quiáng'₂. 'A₃ ma₃cuē'₂ ta₁ Tē₅.

⁵⁰ La₁ ca₂nág₂ bá₄ Jesús, jaun₂ ca₂juá'₂:

—Tsá₃ lē₁jmo₂ 'lia'₂ 'au'₂. Jñia'₅₄ con'₂ 'én₃ bá₄, jaun₂ ně₃ jag'₅₄ i₂'lión₂ bá₄ chi'₂ quiáng'₂.

⁵¹ Jme₁ca₂dsióg₃ dsi₂néi₂, tsá₃ ca₂cuē₃ jmig₄ jua'₅₄ dsi₃ton'₅₄ 'i₁jan₂ i₂sián'₂, jñia'₅₄ lia'₂ Pe₄, Juan₅₄, Jacobo[‡] ně₃, quian'₅₄ jmá'₃ chog₅₄-jmei₂ chi'₂ 'éi₂ bá₄ i₃ton'₅₄. ⁵² Jaun₂ qui'₂-o₅ bá₄ dsa₂ qui'₂ dsí₅ lín₃ tioen'₅₄, o₄quió'₄ chi'₂. Jaun₂ ca₂juá'₂ Jesús:

—Tsá₃ 'au₂ 'nia'₂; on₃jua'₅₄ i₂rē₂jon₅₄ ně₅. Jñia'₅₄ lia'₂ a₂rē₂güín₃ bá₄.

⁵³ La₁ jñia'₅₄ ca₂ñí'₂ bá₄ 'éi₂ tioen'₅₄, ia₁ ñi₅ rē₂ bá₄ a₂jme₁ma₂rē₂jon₅₄ dsón'₂ bá₄ chi'₂.

* **8:43** A₂lín₅₄ chog₅₄ si₂juá'₂ ján₃: “Jme₁ma₂'éin₂ ca₂le₃jě₃ cu₄ a₂jme₁cha₂ quió'₅ quian'₅₄ tē₅mí₅.” † **8:45** A₂lín₅₄ chog₅₄ si₂juá'₂ ján₃: “Pe₄ quain'₅₄ riin'₅₄.” ‡ **8:51** o₃, Santiago.

⁵⁴ Jaun₂ ca₂tín₂ gu₂ chi' ₂ 'éi₂, ca₂juá' ₂ tiá₂:

—jón₃, nau₂!

⁵⁵ Ca₂gú' ₃ táng₃ jme₂dsí₂ quió' ₅; dsí₂jui₅ jaun₂ bá₄ ca₂nau₂. Jaun₂ ca₂jmo₃ Jesús 'éi' ₃ a₂cuë₃ dsa₂ a₂guë' ₃. ⁵⁶ Jaun₂ dsí₂gó' ₃ dsí₅ 'ñio₅ lín₃ chog₅₄-jmei₂. La₁ Jesús ně₃ ca₂juá' ₂ a₂tsá₃ 'ein₂ tsí' ₃ 'i₁jan₂ a₂ca₂lë₃ jaun₂.

9

*Ca₂chen₃ Jesús chi' ₂ dsí₂guia₃-tín₂
(Mateo 10:5-15; Marcos 6:7-13)*

¹ Ca₂ñí' ₂ Jesús chi' ₂ dsí₂guia₃-tín₂ quiáin₅ ca₂cuë₃ jui₅bí₂ a₂io₃ 'éi' ₃ ne₄ quió' ₅ ca₂le₃jín₃ jme₂dsí₂ je₂na' ₅₄, a₂lé₂ qui₂jme₃lióin₂ dsa₂ jui' ₁e₂ guë₃ dso₄ niog₅ lín₅. ² Ca₂chei₃ a₂dsí₃'é₃ jág₁ jui₁lia' ₂ ja₁gon₂ Diú₄, a₂dsí₃jme' ₁lioin₅₄ dsa₂ i₂le₁dso' ₅₄. ³ Jaun₂ ca₂juá' ₂:

—Tsá₃ 'e₂ cán' ₁ 'nia' ₂ 'i₁caun₂ le₂i₄ jui₅, on₃ guë' ₂ 'ma₂i₅₄, on₃ guë' ₂ tsí₁na' ₅₄ on₃ guë' ₂ i₁ñí' ₄, on₃ guë' ₂ cu₄, on₃ guë' ₂ tsín' ₂ 'nia' ₂ siá' ₂ cán' ₁. ⁴ Le₂caun₂ dsí₂néi₂ ja₁dsí₁nó' ₅ 'nia' ₂, ja₁jaun₂ jan' ₄ 'nia' ₂ ca₂lia' ₂ ca₂të₂ jmig₄ a₂o₁nog' ₄ táng₃. ⁵ Le₂caun₂ juig₂ ja₁tsá₃ guei₅ dsa₂, co₂dsia₅ 'uin' ₂ 'nia' ₂ juig₂ jaun₂, séi' ₃ 'nia' ₂ 'liog₂ tag' ₅₄, a₂jmó' ₂ léi₄ a₂tsá₃ ma₃'e₂ 'uin' ₄ 'nia' ₂ quiain' ₅₄.

⁶ Jaun₂ qui₂ca₂'uin₂ bá₄ chi' ₂ dsí₂guia₃-tín₂, ca₂l₃lén₂ le₂tan₅₄ juig₂ i₁'ë₄ jág₁ dse₃, i₁jme' ₁lioin₂₃ dsa₂ ně₃.

*Ca₂jon₃ Juan₅₄ i₂chon₅ dsa₂ jmig₂
(Mateo 14:1-12; Marcos 6:14-29)*

⁷ Jaun₂ ca₂rë₃ñi₅ Rag₅₄* Herodes ca₂le₃jě₃ 'e₂ niog₅ lě₂. La₁ tsá₃ caun₂ a₂i₃jio₅ dsí₅, ia₁ dsia₅ i₂lín₅₄, Juan₅₄ bá₄ 'éi₂ ñi₅ a₂ma₂ca₂jein' ₅₄ táng₃. ⁸ I₂lín₅₄ guë' ₂ dsia₅ a₂ma₂ca₂jme₃nia₅ Elías; i₂sián' ₂ guë' ₂ dsia₅ a₂ma₂ca₂jen' ₅₄ táng₃ jan₂ i₂jme' ₁ě₂ jág₁ quián₅ Diú₄ ma₂líg' ₂. ⁹ La₁ Rag₅₄ Herodes 'ñiog₅ guë' ₂ ně₃ juá' ₂:

—Jua' ₂ jniá₂ 'ñi₃ ca₂jmo₃ 'éi' ₃ a₂ca₂quí' ₃ dsa₂ dsí₂lag₄ 'éi₂. ¿Ein₂ guë' ₂ ně₅, tsá₃ caun₂ jág₁ guion₁₂ a₂jmo₂₃?

Jaun₂ Herodes ně₃ jme' ₁'no' ₂ jui₅ a₂jme₃jein' ₂.

*Ca₂jme₃tan₅₄ Jesús 'ñiá₂ mei₅ dsa₂
(Mateo 14:13-21; Marcos 6:30-44; Juan 6:1-14)*

¹⁰ Jme₁ca₂o₃len₃ dsa₂ i₂chen₄ quiáin₅ 'éi₂, jaun₂ ca₂dsia₃ ca₂tsí' ₃ Jesús 'e₂ niog₅ ca₂jmo₃ ja₁i₁lein₅₄. Jaun₂ ca₂jio₃ Jesús a₂i₃lén₂ con' ₂ guioin₅₄ caun₂ juig₂ ja₁chei₂ Betsaida. ¹¹ La₁ tion₅₄ bá₄ ca₂i₃lén₂ dsa₂ sián' ₂ jme₁ca₂rë₃ñi₅; ca₂guei₃ bá₄ guë' ₂ Jesús qui₂ca₂jme₃tag₂₃ jág₁ jui₁lia' ₂ ja₁gon₂ Diú₄ ca₂jme' ₃lióin₂ dsa₂ i₂jme₁le₁dso' ₅₄ ně₃.

¹² Të₂le₃ ca₂'láu₂ jmig₄ jaun₂, ca₂o₃lén₂ chi' ₂ dsí₂guia₃-tín₂ ca₂tsí' ₃ Jesús:

—'Ei' ₂ jág₁ dsa₂, ia₁jaun₂ dsí₃lein₅ dsí₃'nióg₂ a₂guë' ₃, jui₁dsi₂'nio' ₂ ja₁jñia₃ le₂con₂ juig₂ pí' ₁ ma₂quián₅ ně₅, ia₁ tsá₃ 'e₂ cha₂ ja₁lá₃.

¹³ La₁ Jesús guë' ₂ ně₃ ca₂juá' ₂:

—Cuë' ₅₄ 'nia' ₂ dsa₂ a₂guë' ₃.

Jaun₂ ca₂ñag₃ 'éi₂ táng₃:

—Tsá₃ 'e₂ cha₂ jua' ₅₄ a₂le₃cue₅₄ jnia' ₅₄ dsa₂, jñia' ₅₄ lia' ₂ 'ñiá₂ i₁ñí' ₄ bá₄ 'i₄; quian' ₅₄ on₃ i₁ju₁, jñia' ₅₄ lia' ₂ ně₁jua' ₂ dsí₁liá₄ má₃ con' ₂ tín' ₂ guë' ₃ ca₂le₃jín₃.

¹⁴ Con' ₂ 'ñiá₂ mei₅ dsa₂ 'éi₂ jme₁lě₂, jmá' ₃ dsa₂ ñe' ₂.

Jaun₂ ca₂juá' ₂ Jesús ca₂tsí' ₃ chi' ₂ dsí₂guia₃-tín₂ quiáin₅:

—Chei' ₅₄ 'nia' ₂ dsa₂ jui₁tian' ₄ jui₁jmo₁₂ jma₃të₂lón₃-guián₂ lia' ₂ co₂niói' ₃.

* 9:7 griego: tetrarca (i₂gon₂ jmo₅ 'éi' ₃ 'uë, Galilea).

15 Jaun₂ ca₂jmo₃ bá₄ guè'₂ 'éi'₂ 'éi'₃ a₂tian'₃ dsa₂. 16 Jaun₂ ca₂tín₂ Jesús ta₁'ñiá₂ i₁ñí'₄, le₃on₃ i₁ju₁ ně₃. Ca₂chóg'₃ ne₅₄ jui₅ guei'₅₄ i₂juíg₃, ca₂jme₃jñi₃ a₂jaun₂. Jaun₂ guè'₄ ca₂'niai₃, ca₂cué'₃ chi'₂ dsi₂guia₃-tín₂. 'Éi₂ guè'₂ ně₃ ca₂dsi₃ó'₃ jin₄ dsa₂. 17 Ca₂le₃jín₃ bá₄ ca₂gué'₃ ca₂lia'₂ ca₂'ág'₃ dsí₅. Jme₁ca₂lě₃ jaun₂, guia₃-tín₂ tsi₁mi'₂ tá₁ ca₂cág'₃ dsa₂ jmá'₃ 'nau₅₄ a₂ca₂chóng₃.

Ca₂juá'₂ Pe₄ lia'₂ tí₅ jág₁ a₂lín₅ Jesús I₂rě₂'ín₁ quián₅ Diú₄
(Mateo 16:13-19; Marcos 8:27-29)

18 Co₂ráun₂ 'en₅₄ Jesús 'ñiog₅ chi₂lén'₂ Diú₄, i₂jme₁quiain'₅₄ bá₄ chi'₂ dsi₂guia₃-tín₂, jaun₂ ca₂ñag₃ Jesús:

—¿'E₂ 'ag₅ dsa₂ jniá₂? ¿'Ein₂ lín₅ jniá₂, dsia₅ dsa₂?

19 Jaun₂ ca₂ñag₃ chi'₂ dsi₂guia₃-tín₂:

—I₂lín₅₄ dsa₂ dsia₅ a₂lín₅ Juan₅₄ i₂chon₅ dsa₂ jmig₂; i₂lín₅₄ guè'₂ dsia₅ a₂lín₅ Elías; i₂lín₅₄ guè'₂ dsia₅ táng₃ a₂lín₅ i₂sián'₂ i₂jme₁'ě₂ jág₁ quián₅ Diú₄, a₂ca₂jein'₅₄ táng₃.

20 Jaun₂ ca₂ñag₃ Jesús:

—¿'Nia'₂ guè'₂ ně₃? ¿'E₂ guè'₂ juá'₂ 'nia'₂ 'ein₂ lín₅ jniá₂?

Jaun₂ ca₂ñag₃ Pe₄:

—'Ne₂ lín₅ I₂rě₂'ín₁ quián₅ Diú₄.

'Ě₂ Jesús jág₁ a₂jóin₂
(Mateo 16:20-28; Marcos 8:30-9:1)

21 Jaun₂ ca₂juá'₂ Jesús a₂jmo₃ tei₄, a₂tsá₃ 'ein₂ tsí'₃ jág₁ jaun₂. 22 Jaun₂ ca₂juá'₂ ně₃:

—Co₂ně₅ 'en₅₄ 'éi'₃ Jaun₅ dsa₂ mi₂güí₃ a₂dsi₃ñí₂ uig₅ 'ñio₅ lín₃; jme₃'iog₅₄ dsi₂gui'₅₄ can'₅₄, lia'₂ juig₅₄ jme₂dsa₂, tē₅juá'₅ ně₃. Quin'₃ dsa₂ jág₁ a₂jñag'₃, la₁ jein'₅₄ bá₄ táng₃ a₂'ni₅ jmig₄ jaun₂.

23 Jaun₂ ca₂tsí'₃ ca₂le₃jín₃:

—Ně₁juá'₂ chan₂ i₂'nio₃ jiá₃ chi₁co'₅₄ quió₃, co₂dsia₅ jui₁dsi₂'én₂ dsí₅ 'ñiog₅, jui₁'ei₅₄ bá₄ caun₂ dsí₅ ca₂le₃jě₃ jmig₄ o₁jñia'₅₄ ca₂join₃,† jui₁jia₂ chi₁co'₅₄ quió₃.

24 Ia₁ jui₁lia'₂ dsa₂ i₂'nio₃ le₃chan₂ dse₃ mi₂güí₃ la₂, dsi₃'én₂ quió'₅; la₁ jui₁lia'₂ dsa₂ i₂qui'₃ dsí₅ jui₁dsi₂ñí₂ 'e₂ dsi₃ñí₂ o₄quió₃ jniá₂, lí'₂, tñin'₄ bá₄. 25 Ia₁ ¿'e₂ bá₄ ta₁ jmo₃ a₂lí'₄ dsa₂ ca₂le₃jě₃ a₂cha₂ ne₄ gua'₅₄ 'uě₃ la₂, ně₁juá'₂ dsi₃'én₂ bá₄ guè'₂? 26 Ia₁ ně₁'ein₂ gui'₅₄ jén'₅ o₄quió₃ jniá₂ quian'₅₄ o₄quió'₄ jág₁ quió₃, ján₃ bá₄ le₂jaun₂ le₃gui'₅₄ Jaun₅ dsa₂ mi₂güí₃ 'ag₃ jě₁ma₂tě₂ rě₁jñi₃oí'₂ ma₂lín₅ Rag₅₄ jlán'₁ jui₁lia'₂ jlán'₁ Jmei₂, quian'₅₄ ángeles jñi₃oí₅ quián₅. 27 A₂dsi₂jó'₃ juig₂ jniá₂ 'nia'₂, chan₂ bá₄ 'nia'₂ i₂lín₅₄ i₂ti₃ón₂ jě₄ la₂, i₂tsá₃ dsián₃ ca₂lia'₂ ca₂tě₂ ne₅₄ bí₂'éi'₃ quió'₅ Diú₄.

Ca₂rě₃tsín₃ Jesús lia'₂ jniá₂
(Mateo 17:1-8; Marcos 9:2-8)

28 Con'₂ jñia₃ jmig₄ cang₂ a₂ca₂juá'₂ Jesús le₂ně₅, ca₂ñó₃ jui₅ má'₂ i₁chi₂i₁lein'₄ Diú₄, jme₁quiain'₅₄ Pe₄, Jacobo, Juan₅₄ ně₃. 29 Tě₃jě₄ chi₂lén'₂ Diú₄, ca₂rě₃tsín₃ lia'₂ jniá₂. Tsín'₅₄ ně₃ ca₂rě₃tsín₃ ca₂jnia₃ tiog₂jau₂, ca₂lia'₂ tág₅ 'ñio₅ lín₃. 30 Tě₃jě₄ jaun₂, ca₂jnia₃ on₃ dsa₂, dsia₂₃ jág₁ quian'₅₄ Jesús. Moisés quian'₅₄ Elías bá₄ 'éi₂. 31 Ca₂lia'₂ co₂tág₅ co₂'né'₅ bá₄ ca₂jñiai₃, ti₃ón₂ dsia₂₃ a₂ñiog₅ lé₂, 'mú₃ a₂gue₃ jě₄ juig₂ Jerusalén, a₂le₃ti₃ 'éi'₃ a₂'ein₅₄. 32 Tě₃ ma₃i₁güín₃ 'ñio₅ lín₃ bá₄ Pe₄ quiain'₅₄

† 9:23 lit. "jui₁quian₅₄ cróg₄ quió'₅ ca₂le₃jě₃ jmig₄."

r'in' ⁵⁴, ca₂jme₃jnio₅₄ ne₅₄ ca₂j'in₂ Jesús jniá₂ co₂tág₅ quian' ⁵⁴ dsa₂ on₃ i₂quian' ⁵⁴.

³³ Jme₁ma₂i₂uín₃ dsa₂ 'éi₂ cau₅ quió'₅, jaun₂ ca₂juá'₂ Pe₄ ca₂tsí'₃ Jesús:

—Të₅, i'e₂ guë₄ dse₃ lia'₂ tio'₅₄ jniog₄ ja₁lá₃! Në₃ o₁jmó₁ 'ni₅ tsi'₁io₅ láu₃: caun₂ quiáng'₂, caun₂ quió'₅ Moisés, caun₂ guë'₂ quió'₅ Elías në₃.

La₁ a₂lë₁ca₂juá'₂ bá₄ Pe₄, on₃jua'₅₄ jaun₂ lí'₄ a₂të₂'i₂₃ le₂jaun₂.

³⁴ Të₃ dsia₂₃ jág₁ le₂jaun₂, jme₁gua₃ jnei₅ ca₂jlin₃, jaun₂ guë₄ ca₂ja₃gó'₃ tioen'₅₄ jme₁ca₂i₂'én₂ 'éi₂ jë₄ jnei₅. ³⁵ Jë₄ jnei₅ jaun₂ ca₂né'₂ jág₁, ca₂juá'₂:

—I₂la₂ bá₄ jón₃ I₂rë₂'ín₁ quiáng₃. Nei₂ 'nia'₂ jág₁ quió'₅.

³⁶ Jme₁ma₂në₂néi₂ jág₁ jaun₂, jua'₂ 'ñiog₅ bá₄ Jesús ma₂chéin'₅ jme₁ca₂jág₃. La₁ jmig₄ jaun₂, tei₄ bá₄ ca₂jmo₃ tsá₃ 'ein₂ ca₂tsí'₃ 'i₁jan₂ a₂ca₂të₂ ne₅₄ jaun₂.

Ca₂jme₃'lión₂ Jesús jan₂ chi'₂ i₂jme₁'en₅₄ jme₂dsí₂ 'lín'₅₄

(Mateo 17:14-21; Marcos 9:14-29)

³⁷ Jme₁jnia₃, ca₂sióin₃ táng₃ má'₂ jaun₂, con'₂ guë'₂ juin₅ lin₃ dsa₂ ca₂jme₃jein'₂.

³⁸ Të₃ jin₄ dsa₂ jaun₂, ca₂juá'₂ tiá₂ jan₂ dsa₂ ca₂tsí'₃ Jesús:

—Të₅, jmo₄ dse₃ 'au'₂, jin₄ co₂nio₄ chi'₂ quiáng₃, i₂jan₂ la₂ bá₄ la₂ quiáng₃ chan₂. ³⁹ Jme₂dsí₂ 'lín'₅₄ bá₄ i₂co₂jmóg'₂ guió'₅ co₂tiá₂ jén'₅ dso₄ 'ei₂, qui₂'ué'₅ jan₅ mi₂'o₅₄. I₂'lín'₅₄ në₃, jmóg'₂, ca₂lia'₂ jaun₂ guë₄ téi₂ ca₂lia'₂ ma₂jén'₃ uig₅ 'ñio₅ lin₃.

⁴⁰ Jme₁ma₂në₂juíg₂ chi'₂ dsí₂guia₃-tín₂ quiáng'₂ a₂jme₁dsei₂₃, la₁ tsá₃ ca₂tió'₃.

⁴¹ Jaun₂ ca₂juá'₂ Jesús:

—i'En₁ jmá'₃ 'nia'₂ dsa₂ chan₂ jmig₄ në₃ tsá₃ 'e₂ 'éng'₂! ¿Je₂liá'₂ jmig₄ jmá'₃ 'nió'₅ jmo₅₄ tió'₅ dsí₃ jin'₄ 'nia'₂? Nj₅₄ chi'₂ quiáng'₂ le₃la₂.

⁴² La₁ jme₁ma₂ñó₅ chi'₂ le₃ne₄ Jesús, i₃'ín₃ táng₃ ca₂tón₂ jme₂dsí₂ je₂na'₅₄ qui₂ca₂ba₂lág'₂. La₁ dsí₂jui₅ le₂jaun₂ ca₂j₁ Jesús ca₂jéin₂ i₂'lín'₅₄, ca₂jme₃'lióin₂ chi'₂. Jaun₂ ca₂jáng'₂ ne₄ jmei₂.

⁴³ A₂jaun₂ në₃, ca₂l₃gó'₃ dsí₅ ca₂le₃jín₃ 'a₂ lia'₂ juin'₂ Diú₄.

Ca₂'ë₂ táng₃ Jesús jág₁ a₂jóin₂

(Mateo 17:22-23; Marcos 9:30-32)

Të₃ tion'₅₄ dsa₂ dsí₂gó'₃ dsí₅ a₂jmo₅ Jesús, jaun₂ ca₂juá'₂ ca₂tsí'₃ dsa₂ guia₃-tín₂ quiáin₅:

⁴⁴ —Rë₂ nei₂ 'nia'₂ jág₁ quió'₃ la₂: ñi'₅₄ ta₁ ja₁dsau₅₄ në₅, jáng'₂ dsa₂ quió'₅ Jaun₅ dsa₂ mi₂güí₃ o₄gú₃ dsa₂.

⁴⁵ La₁ jág₁ jaun₂ në₃, tsá₃ ca₂ñí'₂ dsí₅ chi'₂ dsí₂guia₃-tín₂, ia₁ tsá₃ jme₁ma₂'i₄ 'éi'₃ a₂le₃ñí'₂. Jaun₂ tsá₃ ca₂tiá₂ dsí₅ a₂ñí'₃ Jesús 'e₂ 'nio₃ juá'₂ quian'₅₄ jág₁ jaun₂.

¿Ein₂ lín₅ i₂dsen₅₄ guë'₄?

(Mateo 18:1-5; Marcos 9:33-37)

⁴⁶ Jaun₂ ca₂tsín₂ chi'₂ dsí₂guia₃-tín₂ con'₂ guioin₅₄, ne₄ ju₁lia'₂ 'ein₂ i₂lén₂ i₂dsen₅₄ guë'₄ jë₄ quió'₅. ⁴⁷ La₁ jme₁ca₂rë₃lí'₄ Jesús 'e₂ a₂dsia₂₃, jaun₂ ca₂cain₃ jan₂ guein₂ ca₂dsiog₃ cau₅ quió'₅. ⁴⁸ Jaun₂ ca₂juá'₂:

—Ju₁lia'₂ dsa₂ i₂guen₅ guein₂ la₂ o₄quió'₃ jniá₂, guei₂₃ jniá₂; ju₁lia'₂ dsa₂ i₂guei₅ jniá₂, ján₃ guë'₂ guein₂₃ i₂ca₂chei₃. Ia₁ ju₁lia'₂ i₂jmo₅ me'₂ guë'₄ jë₄ ca₂le₃jín₃ 'nia'₂, i₂'éi₂ bá₄ i₂lín₅ i₂dsen₅₄ guë'₄.

I₂tsá₃ 'iog₅₄ jniog₄, i₂quian'₅₄ jniog₄ bá₄ 'éi₂

(Marcos 9:38-40)

⁴⁹ Jaun₂ në₃ ca₂juá'₂ Juan₅₄:

—Të₅, ma₂jin₄ jnia'₅₄ jan₂ dsa₂ 'uín'₂ jme₂dsí₂ je₂na'₅₄ quian'₅₄ bí₂ 'éi'₃ a₂'ó'₅ 'ne₂. Tsá₃ ma₃ca₂cuë'₅₄ jnia'₅₄ jmig₄, ia₁ tsá₃ guë'₂ ñi₂₃ quian'₅₄ jniog₄.

⁵⁰ La₁ Jesús në₃ ca₂juá'₂:

—Tsá₃ jmó'₂ 'nia'₂ le₂jaun₂ a₂jnig'₅₄. Ia₁ jui₁lia'₂ dsa₂ i₂tsá₃ 'iog'₅₄, tē₂le₃ quián₂ jniog₄ bá₄ tión₂ i₂le₂'éi₂.

I₃jen₅₄ Jacobo quian'₅₄ Juan₅₄ ca₂jú₂ Jesús

⁵¹ Jme₁ma₂ja₂quián₃ tē₅₄ jmi_g₄ a₂dsán'₃ táng₃ Jesús guei'₅₄ i₂juíg₃, ca₂'ág₂ caun₂ dsí₅ ca₂'í₃ jui₅ a₂dsióg₄ Jerusalén. ⁵² Ca₂chein₃ dsa₂ i₃lén₂ ne₄ jui₅ i₃jmó₂ co₂jñia₅₄ ja₁jñia₃ caun₂ juig₂ pí'₁ niog₅ 'uē₃ Samaria. ⁵³ La₁ tsá₃ ca₂guen₃ dsa₂ Jesús ja₁jaun₂, ia₁ ca₂rē₃lí'₄ a₂'ein₅₄ jui₅ nō₅ jui₅ Jerusalén bá₄. ⁵⁴ Jaun₂ ně₃, jme₁ca₂rē₃ñi₅ Jacobo quian'₅₄ Juan₅₄ a₂tsá₃ guei'₅₄ dsa₂, jaun₂ ca₂juá'₂:

—Te₁gui'₅₄, tsa₁ dse₃ jmó₁ jniog₄ 'éi'₃ a₂sió₃ si₂ guei'₅₄ i₂juíg₃ ia₁jaun₂ 'én₂ juig₂ la₂?[‡]

⁵⁵ Jaun₂ ca₂jén'₃ Jesús ca₂jí₂. §

⁵⁶ Jaun₂ ca₂i₃lén₂ bá₄ táng₃ juig₂ siá'₂.

Dsa₂ i₂jme₁'nio₃ jme₃quian'₅₄ Jesús
(Mateo 8:19-22)

⁵⁷ Ja₁i₃lén₂ jaun₂, ca₂juá'₂ jan₂ dsa₂:

—Te₁gui'₅₄, 'nio₃ jniá₂ jme₁quion₁ 'ne₂ le₂con₂ ja₁gog'₅₄.

⁵⁸ Jaun₂ ca₂ñag₃ táng₃ Jesús:

—Jui₁lia'₂ i₂güi₅, i₂'io₅ to₄ bá₄ 'éi₂; já₃ bá₄ le₂jaun₂ jui₁lia'₂ i₁tan₅ i₂i₂nio₄ guei'₅₄, tio'₅₄ tsag₄ bá₄ 'éi₂ já₃. La₁ Jaun₅ dsa₂ mi₂güig₃ ně₃ tsá₃ ja₁cha₂ quió'₅, jua'₅₄ ja₁lé₂ le₃jñia₃.

⁵⁹ Jaun₂ ca₂tsí'₃ i₂sián'₂:

—Ñia₅ quian'₅₄ jniá₂.

La₁ ca₂ñag₃ 'éi₂:

—Te₁gui'₅₄, * jui₁i₁'óng₃ de'₂ ñe'₃.

⁶⁰ Jaun₂ ca₂ñag₃ táng₃ Jesús:

—Jui₁dsi₂'ón₃ 'lag₄, 'lag₄ riin'₅₄. La₁ 'ne₂, juíg₂ jniá₂, gua₂ o₂'ě₃ já₃ jui₁lia'₂ 'a₂ lia'₂ lě₅ ja₁gon₂ Diú₄.

⁶¹ Jaun₂ ca₂juá'₂ táng₃ jan₂:

—Te₁gui'₅₄, 'nio₃ jniá₂ nei₅₄ quian'₅₄ 'ne₂, la₁ jui₁i₁'éi'₃ de'₂ já₃ i₂chan₂ quió₃.

⁶² La₁ Jesús ně₃ ca₂juá'₂:

—Dsa₂ i₂ma₂ně₂'éi₂ caun₂ dsí₅ a₂jme₃quiong'₅₄, ně₁jua'₂ ca₂'ág₂ caun₂-tín₃ dsí₅, lín₅ lia'₂ lín₅ jan₂ i₂jme₂lióg₃ quiá'₂ 'uē₃, jéin'₅ le₃ca'₃. Tsá₃ ta₁ tén₄ dsa₂ i₂le₂'éi₂ le₃ja₁gon₂ Diú₄.

10

Chen₅ Jesús 'nag'₂ ne₂guión₂ rē₂dsí₂ guian₃ dsa₂

¹ Cang₂ jaun₂ ca₂quión'₂ Te₁gui'₅₄ 'nag'₂ ne₂guión₂ rē₂dsí₂ guian₃ (70) dsa₂ sián'₂. * Jaun₂ qui₂ca₂chein₃ jma₃on₃ jma₃on₃ 'éi₂ i₃lén₂ ne₄ jui₅ quió'₅, ca₂le₃jě₃ juig₂ ja₁'ein₅₄ jui₅ dsióg₄.

² Ca₂tsí'₃ 'éi₂:

—Ju₁n₅ lín₃ bá₄ dsa₂ 'nio₃ gue₃ já₃ quió'₅ Diú₄; lě₅ ně₂jag₄ bá₄ 'lióng₂ lín₃ a₂ca₂rau₂, la₁ dsa₂ i₂jmo₃ ta₁ bá₄ tsá₃ ju₁n₅ chan₂. Jaun₂ lě₃, mi₄ 'nia'₂ chei'₅₄ juig₅₄ ja₁nau₂ jui₁chein₁₂ dsa₂ i₂jmo₃ ta₁ cág'₃. ³ Jag₄ 'nia'₂ jaun₂, 'nia'₂ tsín₂ jniá₂ o₁nóg'₅ líng'₅ co₂'nió'₄ guein₂ já'₂ cha'₂ jin₄ dsig₂ náu₂. ⁴ Tsá₃ tsí₁na'₅₄ cán'₁ 'nia'₂,

‡ 9:54 A₂lin₅₄ chog₅₄ si₂ juá'₂ já₃: “jui₁lia'₂ ca₂jmo₃ Elías.” § 9:55 A₂lin₅₄ chog₅₄ si₂ juá'₂ já₃: “ca₂juá'₂: —Tsá₃ len'₅₄ 'nia'₂ guiong'₅₄ 'ein₂ jme₂dsí₂ ca₂jo₃ 'nia'₂. Ia₁ tsá₃ ta₁ jaun₂ já₅ Jaun₅ dsa₂ mi₂güig₃ a₂'éin₂ dsa₂, tē₂le₃ a₂lió₂ bá₄.” * 9:59 A₂lin₅₄ chog₅₄ si₂ tsá₃ chi₁ton₅ já₃ “Te₁gui'₅₄.” * 10:1 A₂lin₅₄ chog₅₄ si₂ chi₁ton₅ “nag'₂ ne₂guión₂ rē₂dsí₂ guia₃-tín₂ (72) dsa₂ sián'₂.”

on₃ guë'₂ lau₂ tó'₅ cu₄, on₃ guë'₂ lau₂ ton₅ tag'₄ 'nia'₂ siá'₂ cán'₁. Tsá₃ jme'₁ag'₄ 'nia'₂ le₂ i₄ jui₅ jua'₅₄ a₂dsiá'₁ 'nia'₂ jág₁ uë'₂ quian'₅₄ dsa₂. ⁵ Jë₁ma₂të₂ rë₁tón'₂ 'nia'₂ dsi₂néi₂ quió'₅ dsa₂ ja₁jan'₄, cu_{in}₅₄ de'₂ 'nia'₂ dsa Diú₄ juig'₅₄ le₂la₂: “Jui₁'ei₅ bá₄ tei₄ tion'₄ 'nia'₂ dsi₂néi₂ la₂.” ⁶ Chi₂jua'₂ dsa₂ i₂quió'₅ dsi₂néi₂ jaun₂ 'ua₁ bá₄ dsí₅, të₃'ñiá₄ bá₄ jág₁ a₂'ei₅ tei₄ quián'₂ 'nia'₂ ja₁coin₂. La₁ në₁jua'₂ tsá₃ le₂jaun₂, të₃'ñiá₄ bá₄ táng₃ ja₁con'₂ 'nia'₂ guiong'₅₄ jág₁ a₂'ei₅ tei₄ jaun₂. ⁷ Caun₂ bá₄ ja₁o₁jñia'₄ 'nia'₂, qué'₂, 'én'₂ 'nia'₂ 'e₂ caun₂ a₂niog₅ cuë₅ dsa₂; ia₁ a₂co₂jaun₂ ca₂tín₂ bá₄ dsa₂ 'liain'₅₄ ta₁ quió'₅. Jaun₂ tsá₃ i₁nio'₄ 'nia'₂ le₂ 'í₁ 'né₅. ⁸ Jë₁ma₂dsi₃nóg'₅ le₂caun₂ juig₂ ja₁guei₅ dsa₂, qué'₂ 'nia'₂ jui₁'e₂ guë₃ a₂cuë₅ dsa₂. ⁹ Jme'₁lion₅₄ 'nia'₂ dsa₂ dso'₅₄ i₂chan₂ ja₁jaun₂, chei'₅₄: “Ma₂ja₂quián₃ bí₂ 'éi₂ quió'₅ Diú₄ ja₁con'₂ 'nia'₂.” ¹⁰ La₁ në₁jua'₂ ca₂dsi₃nó'₅ 'nia'₂ caun₂ juig₂ ja₁tsá₃ guei₅ dsa₂, 'uin'₂ 'nia'₂ jë₄ calles, chei'₅₄: ¹¹ “Le₂jio₅ 'liog₅ te₁'i₁ go'₄ 'nia'₂, a₂qui₂ca₂quen'₂ tag₄ jnia'₅₄, la₂ séi'₄ jnia'₅₄, a₂jmo₁ léi₄ tsá₃ ma₃'e₂ 'uag₄ jnia'₅₄ quian'₅₄ 'nia'₂. La₁ dsá₂ 'au'₂ 'nia'₂ jmo₄, ma₂ja₂quián₃ bí₂ 'éi₃ quió'₅ Diú₄ ja₁cong'₂.” ¹² Juá'₅ jniá₂ juig₂ 'nia'₂, 'ñio₅ lin₃ guë₄ uig₅ a₂'ë₂ Diú₄ jmi₄ jaun₂ ja₁con₂ dsa₂ 'éi₂, lia'₂ con'₂ guë₄ dsa₂ juig₂ Sodoma.

Juig₂ ja₁tsá₃ ne'₅₄ dsa₂
(Mateo 11:20-24)

¹³ 'i'E₂ guë₄ juig'₂ 'nia'₂ dsa₂ juig₂ Corazín! 'i'E₂ guë₄ juig'₂ 'nia'₂ dsa₂ juig₂ Betsaida! Ia₁ jua'₅₄ mei'₂ guë₃ ca₂le₃jín₃ dsa₂ chan₂ Tiro quian'₅₄ Sidón ca₂të₂ ne₅₄ jui₁lia'₂ jui₅bí₂ juë'₂ a₂niog₅ lë₂ jë₄ quián'₂ 'nia'₂ jmi₄ në₃, líg'₂ bá₄ tsá₃ ma₂quí'₂ 'mi'₂ taun₅ jme₁tian'₃ jë₄ jua₂ në₃, jme₁jmo₃ léi₄ a₂ca₂dsi₃quén'₅ dsí₅. ¹⁴ La₁ jë₁ma₂të₂ rë₁qui₃dsi₅ Diú₄ 'éi'₃, 'ñio₅ lin₃ guë₄ 'ñio₅ uig₅ guéi'₁ 'nia'₂ con'₂ guë₄ uig₅ a₂ca₂gue₃ dsa₂ i₂chan₂ Tiro quian'₅₄ Sidón. ¹⁵ 'Ne₂ guë'₂ juig₂ Capernaum, ¿a₁rong'₂ ñei₅ të₂ guei'₅₄ i₂juig₃, líng'₂? 'En₁ bá₄ 'ne₂ sióng'₃ ca₂të₂ ja₁ca₂tín₂ 'lag₄.†

¹⁶ 'Dsa₂ i₂nag₅ jág₁ quián'₂ 'nia'₂, jág₁ quió₃ jniá₂ bá₄ nag₂₃. Dsa₂ i₂tsá₃ guen₅ 'nia'₂, jniá₂ bá₄ a₂tsá₃ guei₂₃. I₂tsá₃ guei₅ jniá₂, ján₃ bá₄ le₂jaun₂ tsá₃ guein₂₃ i₂ca₂chei₃ jniá₂.

Ca₂dsi₃len₃ táng₃ i₂'nag'₂ ne₂guión₂ rë₂dsí₂ guian₃

¹⁷ Ca₂o₃len₃ táng₃ 'io'₂ jén'₅ ta₁'nag'₂ ne₂guión₂ rë₂dsí₂ guian₃ (70)‡ dsa₂ 'éi₂, jaun₂ dsia₂₃, juá'₂:

—Te₁gui'₅₄, ca₂lia'₂ jio₅ je₂na'₅₄ bá₄ nag₅ gau₂ jág₁ quián₂ jnia'₅₄ jë₁ma₂ca₂'ín₂ jnia'₅₄ 'ne₂.

¹⁸ Jaun₂ ca₂ñag₃ Jesús:

—Ján₅. Ma₁ jág₅ bá₄ jniá₂ jme₁ca₂tán'₂ Satanás guei'₅₄ i₂juig₃ lia'₂ ja₁ta'₂ caun₂ si₁ñí'₃. § ¹⁹ 'Éi'₃ jaun₂ bá₄ ma₂cuë₃ jniá₂ 'nia'₂ a₂'ó'₅ 'nia'₂ bí₂ 'éi'₃ a₂lé₂ le₃qui₁tsong'₅₄ dsí₂mi'₂, i₁'né₅ në₃, a₂tiang'₃ ne₄ ca₂le₃jë₃ jui₅bí₂ a₂gu₂dsí₂ i₂'io'₅₄, ca₂lia'₂ jnia'₅₄ tsá₃ 'e₂ jén'₄ 'nia'₂ guiong'₅₄. ²⁰ La₁ tsá₃ jmo₂ 'nia'₂ 'io'₂ ia₁ a₂nag₅ gau₂ jme₂dsí₂ 'lin'₅₄ jág₁ quián'₂ 'nia'₂. A₂jaun₂ bá₄ jmo₄ 'nia'₂ 'io'₂ ia₁ a₂ma₂le₁tong'₂ ne₄ si₂ guei'₅₄ i₂juig₃.

Jmei₂ quian'₅₄ Ja₁ñi'₅₄
(Mateo 11:25-27; 13:16-17)

²¹ Hora jaun₂, ca₂jmo₃ Jme₂dsí₂ Jñi₁ó₅ a₂'io'₂ jén'₅ lin₃ Jesús, jaun₂ ca₂juá'₂:

† **10:15** griego: hades, co₂'nió'₄ a₂juá'₂, ja₁quió'₄ 'lag₄. ‡ **10:17** A₂lin₅₄ chog₅₄ si₂ chi₁ton₅ “ta₁'nag'₂ ne₂guión₂ rë₂dsí₂ guia₃-tín₂ (72).” § **10:18** 'Nio'₂ ja₁ton₅ Isaías 14:12-15; Apocalipsis 9:1; 12:9.

—Jme₂juín'₁ jniá'₂ 'ne₂, Tia₅₄, Juig₅₄ guei'₅₄ i₂juíg₃, gua'₅₄ 'uë₃ ně₃, ia₁ ma₂ca₂'ma'₅₄ a₂në₅ ja₁con₂ dsa₂ i₂ñí₄ tin₂ si₂, i₂ñí'₂ dsí₅ ně₃, a₂ma₂ca₂jme₁jniag'₂ le₃ja₁con₂ dsa₂ i₂lín₅ lia'₂ lín₅ guein₂ i₂tsá₃ 'e₂ cuí'₅. Dsón'₂ bá₄ jaun₂, Tia₅₄ quiáng₃, ia₁ le₂në₅ 'ñio₂ 'au'₂.

²² Jaun₂ ca₂jén'₃ Jesús, ca₂juá'₂.*

—Ñe'₃ jniá'₂ ma₂dsia₃ o₄gu₃ ca₂le₃jě₃. Jaun₂ 'i₁jan₂ tsá₃ 'ein₂ cuin₅ 'ein₂ 'éi₂ i₂lín₅ Ja₁ñi'₅₄, jñia'₅₄ lia'₂ 'ñiog₅ bá₄ Jmei₂. Ján₃ guë'₂ le₂jaun₂, 'i₁jan₂ tsá₃ 'ein₂ cuin₅ 'ein₂ 'éi₂ lín₅ Jmei₂, jñia'₅₄ lia'₂ Ja₁ñi'₅₄ bá₄ i₂cuig₅, jaun₂ jme₂jniog₂₃ ne₄ dsa₂ i₂'ñio₂ dsí₅ Ja₁ñi'₅₄ jme₂jniog₂₃.

²³ Jaun₂ ca₂jén'₃, ca₂tsí'₃ jmá'₃ chi'₂ dsi₂guia₃-tín₂ guoin₅₄:

—'E₂ guë'₄ dsen₃ dsa₂ i₂të₅ ne₄ ju₁lia'₂ a₂niog₅ jág'₂ 'nia'₂, ²⁴ ia₁ a₂dsi₂jó'₃ juá'₅ jniá'₂, juin₅ rag₅₄ ma₂líg'₂, lia'₂ dsa₂ i₂jme₁'ě₂ jág₁ quián₅ Diú₄ ně₃, jme₁'ín₅ dsí₅ jme₁të₃ ne₅₄ ju₁lia'₂ a₂niog₅ të₅ ne'₅₄ 'nia'₂ rë₂ně₃, la₁ tsá₃ ca₂jág₃. Ján₃ bá₄ jme₁'ín₅ dsí₅ nag₃ ju₁lia'₂ a₂niog₅ nag'₂ 'nia'₂ jmig₄ ně₃, la₁ tsá₃ ca₂nág₂.

Jág₁ jáng'₅ léi₄: a₂dse₃ ca₂jmo₃ jan₂ dsa₂ chan₂ Samaria

²⁵ Co₂ráun₂ ca₂nau₂ jan₂ të₅juá'₅, a₂jñia'₅₄ con'₂ cáun₂ táu₂ bá₄ ca₂ñag₃:

—Të₅, ¿'e₂ 'nió'₅ jmo₅₄ jniá'₂, ia₁jaun₂ tñg₅₄ ja₁le₃chang₂ co₂tan₅₄?

²⁶ Jaun₂ ca₂ñag₃ Jesús:

—¿'E₂ 'éi'₃ tio'₅₄ ne₄ Si₂ guë'₂? ¿'A₂ lia'₂ ñí'₂ 'au'₂ a₂'í'₂?

²⁷ Jaun₂ ca₂ñag₃ táng₃ të₅juá'₅ 'éi₂:

—“Jme₁'nió₄ Te₁gui'₅₄ Diú₄ quiáng'₂ ca₂le₃jě₃ 'au'₂, ca₂le₃jě₃ jme₂dsí₂, ca₂le₃jě₃ ju₁bí₂, quian'₅₄ ca₂le₃jě₃ a₂ñí'₂ dsei'₂ ně₃;† ján₃ guë'₂ le₂jaun₂ jme₁'nióg'₄ dsa₂ mi₂güig₃ ríng'₂ ju₁lia'₂ 'nióg'₃ 'ñiag'₂.”‡

²⁸ Jaun₂ ca₂ñag₃ táng₃ Jesús:

—Dse₃ lin₃ bá₄ në₂ñag'₅₄. Në₁jua'₂ ca₂jmo'₅₄ le₂në₅, léng'₂ bá₄ ja₁le₃chang'₂ co₂tan₅₄.

²⁹ La₁ të₅ 'éi₂ jme₁'nio₃ chein'₃ dse₃, jaun₂ ca₂tsí'₃ Jesús:

—¿'Ein₂ 'éi₂ dsa₂ mi₂güig₃ ríng'₃?

³⁰ Jaun₂ ca₂ñag₃ Jesús ma₂të₂chan'₂ jág₁ jaun₂, ca₂juá'₂:

—Jan₂ dsa₂ jme₁'en₅₄ ju₁ o₂'ín₃ Jerusalén ca₂sióin₃ a₂dsióg₄ juig₂ Jericó. Dsa₂ 'ang₂ bá₄ ca₂jo₃ ca₂chei'₃ lín₃, ca₂cuë₃ dsa₂ 'ñio₅ lín₃ jñia'₅₄ mei'₂ tsá₃ ca₂ñag₃. Jaun₂ guë'₄ ca₂i₃lein₅. ³¹ Jë₂ lia'₂ ju₁ jaun₂ 'en₅₄ ju₁ já₅ jan₂ jme₂dsa₂. La₁ con'₂ ca₂quiá₂ cau₅ bá₄ ca₂ñi₅ jme₁ca₂jág₂. ³² Ján₃ bá₄ ca₂jág₃ táng₃ jan₂ dsa₂ i₂lín₅ tsi₁jon₂ Leví, con'₂ ca₂quiá₂ cau₅ bá₄ ján₃, ca₂ñi₅. ³³ La₁ jan₂ dsa₂ i₂chan₂ Samaria 'ein₅₄ ju₁, ca₂dsióg₃ ja₁ron₅ dsa₂ dso'₅₄, ca₂tá'₂ néi₂ dsí₅ jme₁ca₂jág₂. ³⁴ Jaun₂ ca₂jme₃quiáin₃ cau₅ quió'₅, ca₂'ág₂ aceite quian'₅₄ vino ja₁rë₂cuí'₃, ca₂lio₃. Jaun₂ ca₂tág₃ co₁lag₁ bú'₄ quiáin₅, ca₂jio₃ caun₂ 'né₅ ja₁jñia₅ dsa₂. Ja₁jaun₂ ca₂jmo₃ 'í₁. ³⁵ Jme₁jnia₃ jaun₂, ca₂dsi₂ tin₃ cu₄ 'ua'₂ ca₂cuë'₃ dsa₂ juig₅₄ dsi₂néi₂, ca₂juá'₂: “Jmo₄ co₂nio₄ 'í₁ dsa₂ ně₅. Në₁jua'₂ 'e₂ ca₂'éng'₃ guë'₄ quiáng'₂, la₂ bá₄ jáng'₄ jë₁ma₂guióng'₃.” Në₃ ně₃ jaun₂. ³⁶ ¿'Ein₂ dsa₂ i₂ún₂ 'éi₂ líng'₂ ca₂jmo₃ dsí₅ a₂lín₅ dsa₂ mi₂güig₃ rin'₅₄ dsa₂ i₂ca₂jmá'₂ dsa₂ 'ang₂?

³⁷ Jaun₂ ca₂ñag₃ táng₃ të₅juá'₅:

—I₂ca₂tá'₂ néi₂ dsí₅ dsa₂ 'éi₂.

Jaun₂ ca₂ñag₃ táng₃ Jesús:

—Guan'₂, le₂në₅ jmo₄ 'ne₂ ján₃.

* **10:22** A₂lín₅₄ chog₅₄ si₂ tsá₃ chi₁ton₅ “jaun₂ ca₂jén'₃ Jesús, ca₂juá'₂.” † **10:27** Deuteronomio 6:5.

‡ **10:27** Levítico 19:18.

Ca₂dsióg₃ Jesús dsi₂néi₂ quió'₅ Marta quian'₅₄ María

38 Con'₂ tíoín'₅₄ juí₅, ca₂'í₃ Jesús caun₂ juig₂ pí'₁. Ja₁jaun₂ ca₂guei₃ jan₂ dsa₂ mí₂ i₂chen₂ Marta dsi₂néi₂ quió'₅. 39 'Éi₂ ně₃ jme₁chan₂ jan₂ riin'₅₄ i₂chen₂ María. 'Éi₂ ně₃ tei₄ bá₄ ca₂guá₂ cau₅ mi₂tag₄ Te₁gui'₅₄, nag₂₃ jág₁ a₂juá'₂ 'éi₂. 40 Marta guè'₂ ně₃ 'ein₅₄ tsá₃ rē₂jiin₅₄ jmo₂₃ ta₁ a₂cha₂ dsi₂néi₂, jaun₂ guain₃ o₃chi'₅₄ Jesús, ca₂juá'₂:

—Te₁gui'₅₄, ¿tsa₁ dsan₂ 'au'₂ a₂tsá₃ 'e₂ jme₂'o₅₄ 'io₅₄ ríng'₃? 'Nió₃ bá₄ 'eng₅₄ tsá₃ rē₂jing₅₄ jme₂ti₅₄. Chei'₅₄ juí₁jme₂'o₅₄.

41 Jaun₂ ca₂ḡag₃ Te₁gui'₅₄:

—Marta, Marta, jág₅ bá₄ jniá₂ 'ḡio₅ tsá₃ rē₂jing'₅₄ 'eng'₅₄ dsan₂ 'au'₂ 'lióng₂ ta₁ a₂jmo'₂. 42 La₁ caun₂ bá₄ a₂dsen₅₄ gué₄ a₂ca₂tín₂ dsa₂ nag₃. María ríng'₂ ně₃, ně₂quió'₃ a₂dse₃ gué₄, jaun₂ 'i₁jan₂ tsá₃ 'ein₂ le₃jniá'₂ a₂ma₂nē₂quió'₃.

11*Jme₂tag₅ Jesús 'a₂ lia'₂ chi₃lén'₂ dsa₂ Diú₄
(Mateo 6:9-15; 7:7-11)*

1 Co₂ráun₂ jme₁'en₅₄ Jesús chi₂lén'₂ Diú₄. Jme₁ca₂lē₃ jaun₂, ca₂juá'₂ chi'₂ dsi₂guia₃-tín₂ quiáin₅:

—Te₁gui'₅₄, jme₁tag₅ 'a₂ lia'₂ chi₂lén'₄ jnia'₅₄ Diú₄, juí₁lia'₂ ca₂jme₃tag₅ Juan₅₄ ca₂jme₃tiin₂₃ dsa₂ quiáin₅.

2 Jaun₂ ca₂juá'₂:

—Le₂la₂ jua'₅₄ 'nia'₂ jē₁ma₂tē₂ rē₁chi₁leng'₄ Diú₄:

Tia₅₄, 'ne₂ i₂ḡéi'₂ guei'₅₄ i₂juíg₃*
juí₁jme₂gó'₃ dsa₂ a₂rē₂jnió₄ a₂cheng'₂.

Juí₁le₅₄ bá₄ 'éi'₃ quiáng'₂,
juí₁le₅₄ bá₄ a₂'ḡio₂ 'au'₂ 'ne₂, ne₄ gua'₅₄ 'uē₃,

juí₁lia'₂ lē₂ guei'₅₄ i₂juíg₃.†

3 Cué₄ a₂'nió'₅ que₅₄ jnia'₅₄ jmig₄ ně₃.

4 'Én₃ dsáu₁ jnia'₅₄,

juí₁lia'₂ 'én₅ jnia'₅₄ dsáu₁ rin'₅₄.

'A₃ cuē₂ jmig₄ jiá₃ juí₅bí₂ a₂caun₂ táu₂,
tē₂le₃ lio₄ bá₄ o₄gú₃ i₂sē₃dsen₃.‡

5 Ca₂juá'₂ Jesús ně₃:

—Jua'₅₄ mei'₂ gué₃ le₃jua'₅₄, chan₂ jan₂ 'nia'₂ i₂dsióg₄ a₂'uē₂ quió'₅ a₂mei₅₄ quián₅, tē₂, juá'₂: “Jmo₄ dse₃ 'au'₂ rin'₅₄ jniog₄, dsi₄ 'ni₅ i₁ḡí'₄. 6 Ia₁ lia'₂ guan₅ quió₃ jan₂ a₂mei₅₄ quiáng₃ 'ein₅₄ juí₅; ia₁ tsá₃ 'e₂ cha₂ 'i₁caun₂ quió₃ a₂le₃cuē₄.” 7 Dsa₂ dsi₂néi₂ ně₃ lé₂ le₃ḡag₃ tē₃ rē₂quiain₂₃: “Tsá₃ cuē₂ o₂me'₅₄ dsi₅, ia₁ ma₂chi₁jnág₅ o₄'né₄ quió₃; chi'₂-guein₂ quiáng₃ ně₃ ma₂tián'₅ le₁güin₃. Jaun₂ tsá₃ lé₂ no₅₄ jua'₅₄ cuē₅₄ a₂mi'₂.” 8 Jaun₂ juá'₅ jniá₂, tion₅₄ bá₄ náu₃ cuē₃ ca₂le₃jē₃ 'e₂ a₂mi₅ 'éi₂, on₃jua'₅₄ jmo₃ ia₁ lē₅ a₂mei₅₄, tē₂le₃ 'uig₅₄ ia₁ a₂ḡí₄ lē₃ tion₅₄ mi₃ bá₄. 9 Jaun₂ le₂nē₅ bá₄ juíg₂ jniá₂ 'nia'₂: Mi₄ 'nia'₂, jaun₂ ḡeg'₂ bá₄; 'niai'₂ 'nia'₂, jaun₂ dsiain'₂; quein₄ 'nia'₂ o₄'né₄ tē₃, jaun₂ niá₂. 10 Ia₁ juí₁lia'₂ i₂mi₅ 'e₂ mi₅, gue₂₃. Le₂jaun₂ juí₁lia'₂ i₂'no'₂ 'e₂ 'no'₂, dso'₂ bá₄. Le₂jaun₂ gué'₂ quió'₅ juí₁lia'₂ i₂tē₂, niá₂ bá₄ o₄'né₄.

11 'O₃ bá₄ chan₂ i₂lin₅₄ 'nia'₂ jmo₅, jē₁ma₂ca₂mi₃ guein₂ quiáng'₂ i₁ḡí'₄, ¿cuē'₂ 'nia'₂ ca₂míg₂ ni₁cang? O₃ ně₁jua'₂ ca₂mi₃ jan₂ i₁ju₁, ¿cuín'₅ 'nia'₂ jan₂ dsi₂mi'₂?

12 O₃ jē₁ma₂ca₂mi₃ ca₂míg₂ mi₂jlag₂, ¿o₃ bá₄ cuín'₅ jan₂ i₁'né₅ 'e₂? 13 Chi₂jua'₂

* 11:2 A₂lin₅₄ chog₅₄ si₂ tsá₃ chi₁ton₅ “ne₂ i₂ḡéi'₂ guei'₅₄ i₂juíg₃.” † 11:2 A₂lin₅₄ chog₅₄ si₂ tsá₃ chi₁ton₅ “juí₁le₅₄ bá₄ 'éi'₃ quiáng'₂, juí₁le₅₄ bá₄ a₂'ḡio₂ 'au'₂ 'ne₂ ne₄ gua'₅₄ 'uē₃, juí₁lia'₂ lē₂ guei'₅₄ i₂juíg₃.” ‡ 11:4 A₂lin₅₄ chog₅₄ si₂ tsá₃ chi₁ton₅ “tē₂le₃ lio₄ bá₄ o₄gú₃ i₂sē₃dsen₃.”

'nia'₂ dsa₂ mi₂güig₃ i₂'nau'₂ dso₄ chang'₂, ting'₂ cuë'₂ bá₄ chi'₂-guein₂ quiáng'₂
a₂dse₃, i'ë₂ guë₄ bá₄ Néi'₅ 'nia'₂ i₂guá₅ guei'₅₄ cuiin₃ Jme₂dsí₂ Jñió₅ quiáin₅ quió'₅
ca₂le₃jín₃ i₂mi₅!

Juá'₂ dsa₂ a₂'io₅ Jesús jui₅bí₂ quió'₅ Be'elzebú

(Mateo 12:22-30; Marcos 3:19-27)

14 Co₂ráun₂ táng₃ jme₁'en₅₄ Jesús dsein₂₃ jan₂ jme₂dsí₂ je₂na'₅₄ i₂jmo₅ a₂tsá₃ lé₂
dsia₃ dsa₂ jág₁. Jme₁ca₂o₃'ín₃ je₂na'₅₄ quió'₅ dsa₂, jaun₂ guë₄ ca₂dsia₃ táng₃ dsa₂
'éi₂ jág₁. Jaun₂ ca₂i₃gó'₃ dsí₅ dsa₂ tióin'₅₄. 15 La₁ i₂lín₅₄ guë'₂ ca₂dsia₃ 'iin₂₃ Jesús:

—Qui'₅₄ i₂në₅ jmi₄g₄ 'u'ín'₂ je₂na'₅₄ quian'₅₄ jui₅bí₂ quió'₅ Be'elzebú, i₂lín₅ jui₄g₅₄
je₂na'₅₄.

16 I₂lín₅₄ guë'₂ ně₃, a₂jñia'₅₄ con'₂ cáun₂ táu₂ bá₄ jme₁mi₂₃ a₂jme₁jmo₃ Jesús
a₂sió₃ caun₂ léi₄ guei'₅₄ i₂juig₃. 17 La₁ a₂ñi₅ rë₂ bá₄ Jesús 'a₂ lia'₂ dsi₂jioḡ₅ dsí₅ dsa₂
'éi₂. Jaun₂ lë₃ ca₂juá'₂:

—Jui₁lia'₂ caun₂ juiḡ₂ nación, tióin'₅₄ mi'₅₄ guioin₅₄, tióin'₅₄ le₁dsoin'₅₄, dsi₃'éñ₂
bá₄ juiḡ₂ jaun₂. Le₂jaun₂ guë'₂ jui₁lia'₂ caun₂ dsi₂néi₂ tion'₅₄ dsa₂ le₁dsoin'₅₄ tsá₃
caun₂ jág₁ 'ei₅, ján₃ bá₄ dsi₃'éñ₂ dsi₂néi₂ jaun₂. 18 Le₂në₅ bá₄ ján₃, ně₁jua'₂ ca₂lë₃
le₁dso'₅₄ jui₅bí₂ quió'₅ i₂së₃dsen₃, ç' a₂ guë'₂ lia'₂ lé₂ le₃qui'₅₄ guë₄ jmi₄g₄ jioḡ₃ ne₄ta₁
quió'₅? Juá'₅ jniá₂ le₂në₅ ia₁ juá'₂ 'nia'₂, quian'₅₄ bí₂ quió'₅ Be'elzebú bá₄ a₂'uin'₄
jniá₂ je₂na'₅₄. 19 La₁ chi₂jua'₂ le₂jaun₂ 'u'ín'₄ jniá₂ quian'₅₄ bí₂ quió'₅ Be'elzebú,
ç'ein₂ guë'₂ quió'₅ bí₂ quian₅ i₂quian'₅₄ 'nia'₂ a₂lé₂ le₃'uág'₂ ján₃? Jaun₂ jui₁lia'₂
lë₅ jmo₅ dsa₂ 'éi₂ bá₄ jióg'₂ 'í₁ a₂tsá₃ tí₅ jág₁ quián'₂ 'nia'₂. 20 La₁ chi₂jua'₂ jaun₂
quian'₅₄ jui₅bí₂ a₂tin₂ Diú₄ lon₄ jniá₂ dsa₂ o₄gü₃ je₂na'₅₄, jaun₂ le₂në₅ bá₄ jau'₂ jág₁
dsau₅ a₂ma₂gua₅ bí₂ 'éi'₃ quió'₅ Diú₄ ja₁con'₂ 'nia'₂.

21 'Jui₁lia'₂ jan₂ dsa₂ 'uan'₂ chain₂ rë₂jain₁, 'io₂₃ ca₂le₃jë₃ a₂'nió'₅ quió'₅ jmo₃
'nei₂, jaun₂ lë₅ 'í₁ ca₂le₃jë₃ 'e₂ tio'₅₄ dsi₂néi₂. 22 La₁ ně₁ca₂já₃ jan₂ i₂'uan'₂ guë₄ lia'₂
con'₂ guë₄ 'ñiog₅ 'éi₂, ně₁ca₂jo₃ ně₃, i₂'éi₂ guë'₂ ně₃ jñia'₂ ca₂le₃jë₃ a₂ñi₄ lë₃ bein'₂
jmo₂₃ a₂'uan'₂. Jaun₂ jmo₂₃ dsióg₂ ca₂le₃jë₃ a₂ca₂lí'₃.

23 'Jui₁lia'₂ dsa₂ i₂tsá₃ chén'₅ le₃quió₃ jniá₂, i₂'ioḡ₅₄ bá₄ 'éi₂. Jui₁lia'₂ i₂tsá₃ cáḡ'₅
co₂lë₅ quian'₅₄ jniá₂, jñia'₅₄ jmo₅ tsí₁rë₂ja₅₄.

Jme₂dsí₂ 'lín'₅₄ i₂dsián'₅ táng₃

(Mateo 12:43-45)

24 'Jui₁lia'₂ jan₂ jme₂dsí₂ 'lín'₅₄ i₂o₂'ín₅ quió'₅ dsa₂, dsi₂ñí₃ le₂tan₅₄ ja₁quein₂
dsi₂'nio'₂ ja₁jñia₃. Ně₁jua'₂ tsá₃ dso'₂ ja₁'í₂ ně₃, 'no'₂ dsí₅: “Nég'₄ táng₃ dsi₂néi₂
quió'₃ ja₁o₂'ing₃.” 25 Jë₁ma₂dsiáin'₃, jein'₂ táng₃ dsa₂ 'éi₂ ma₂lín₅ co₂'nió'₄ bá₄
caun₂ dsi₂néi₂ a₂chí'₅ rë₂, rë₂'ia'₅₄, rë₂lag₄ ně₃. 26 Jaun₂ dsó₅ táng₃ dsi₂quiáin₂
guë₄ guion₃ jme₂dsí₂ i₂'lín'₅₄ guë₄ lia'₂ 'ñiog₅, jaun₂ dsi₂tiain'₂ ca₂le₃jín₃ tē₂dsí₅
dsa₂ 'éi₂. Jaun₂ dsa₂ 'éi₂ ně₃ 'ñio₅ lín₃ guë₄ le₃'lín'₅₄ dsióg₄ lia'₂ con'₂ guë₄ jme₁lín₄
le₂jñiá₅. §

'A₂ lia'₂ 'nió'₅ jmo₃ dsa₂ ia₁jaun₂ le₃chain₂ dse₃

27 Të₃ 'en₅₄ Jesús dsia₂₃ le₂në₅, ca₂juá'₂ tiá₂ jan₂ dsa₂ mí₂ tē₃jín₄ dsa₂:

—i'E₂ guë₄ dsen₃ dsa₂ mí₂ i₂ca₂caun₃ 'ne₂, i₂ca₂'éin'₃ dsi'₅₄ quió'₅!

28 Jaun₂ ca₂ñag₃:

i'Të₂le₃ ja₂lín₃ guë₄ dsen₃ dsa₂ i₂nag₅ 'e₂ juá'₂ Diú₄, ton'₂ jme₂ti₃!

Léi₄ a₂lín₅ Jonás

(Mateo 12:38-42; Marcos 8:12)

29 Caun₂ qui₂ñi'₂ bá₄ dsa₂ ja₁chén'₄ Jesús, jaun₂ 'éi₂ ně₃ ca₂jme₃lióg₃ ca₂juá'₂:

—'Nio₅ lin₃ ma₂'lin'₅₄ dsa₂ rē₂nē₃, mi₂₃ a₂jmo₅₄ jniá₂ léi₄ juē'₂. La₁ tsá₃ ma₂'e₂ léi₄ jua'₅₄ a₂jmo₄ guě₄ jniá₂, jnia'₅₄ lia'₂ caun₂ léi₄ a₂ca₂lě₃ quian'₅₄ Jonás bá.
³⁰Ia₁ le₂nē₅ jui₁lia'₂ Jonás ca₂lin₃ caun₂ léi₄ tē₂le₃ ja₁con₂ dsa₂ i₂jme₁chan₂ Nínive jmi₄g₄ jaun₂, le₂nē₅ bá₄ ján₃, Jaun₅ dsa₂ mi₂güig₃ léin₂ caun₂ léi₄ a₂jáng'₃ jág₁ dsau₅ ja₁con₂ dsa₂ i₂chan₂ jmi₄g₄ nē₃. ³¹Jē₁ma₂tē₂ rē₁qui₃dsi₅ Diú₄ 'éi'₃, náu₃ 'io₅₄ rag₅₄ i₂jme₁chan₂ tē₂le₃ sur, jein'₅₄ quian'₅₄ dsa₂ ŋe'₂ i₂chan₂ jmi₄g₄ nē₃. 'A₂ lia'₂ niog₅ ca₂jmo₃ 'éi₂, jióg'₂ 'í₁ a₂rē₂cán'₄ dsa₂. Ia₁ 'io₅₄ 'éi₂ ca₂'í₃ jui₅ ca₂já₃ uing₂ lin₃ guain₃ ca₂o₃néi₃ jág₁ ca'₅₄, ca₂o₃dso₅₄ dsí₅ 'a₂ lia'₂ niog₅ dsi₄ Salomón. La₁ nē₃ nē₃, la₂ chén'₅ jan₂ i₂juin'₂ guě₄ lia'₂ Salomón. ³²Ján₃ bá₄ náu₃ i₂jme₁chan₂ Nínive, jein'₅₄ quian'₅₄ dsa₂ ŋe'₂ i₂chan₂ jmi₄g₄ nē₃, jē₁ma₂tē₂ rē₁qui₃dsi₅ Diú₄ 'éi'₃. 'A₂ lia'₂ niog₅ ca₂jmo₃ 'éi₂ ma₂líg'₂ jióg'₂ 'í₁ a₂rē₂cán'₄ dsa₂ jmi₄g₄ nē₃. Ia₁ 'éi₂ ca₂jme₃tsiin₃ dsí₅ jme₁ca₂'ē₂ Jonás jág₁ quió'₅ Diú₄. La₁ nē₃ nē₃, la₂ chén'₅ jan₂ i₂juin'₂ guě₄ lia'₂ Jonás.

Dsa₂ i₂lin'₅ lia'₂ lě₅ caun₂ si₂
(Mateo 5:15; 6:22-23)

³³"I₁jan₂ dsa₂ tsá₃ guí'₅ caun₂ si₂ ni₁tsí₅ jua'₅₄ chi'₃ ja₁chi₁quion'₅₄. * A₂'ag₅ guei'₅₄ bá₄ dsa₂ si₂, ia₁jaun₂ jág₃ dsa₂ i₂dsi₃ton'₅₄ dsi₂néi₂. ³⁴Jme₁ne₁ dsa₂ lě₅ co₂'nió'₄ caun₂ ni₁tsí₅ a₂guí'₂ si₂ quió'₅ ni₁ŋi₁ dsa₂. Chi₂jua'₂ dse₃ jme₁ne'₄, ta₁jang'₂ bá₄ tág₅ si₂ quiáng'₂. La₁ nē₁jua'₂ tsá₃ dse₃, ta₁jang'₂ bá₄ chéng'₅ qui₁né'₃. ³⁵Tē₃ŋi'₅₄ 'nia'₂ jaun₂, ia₁ con'₂ tsá₃ ŋó₅ nē₁jua'₂ si₂ quiáng'₂ tsá₃ jniá₂. ³⁶Chi₂jua'₂ ta₁jang'₂ tág₅ bá₄ si₂ quiáng'₂, tsá₃ qui₁né'₃ lě₅. Jniág'₂ bá₄ lia'₂ ja₁jniá₂ tág₅ caun₂ si₂.

Jme₂caun'₂ Jesús quió'₅ dsa₂ fariseos quian'₅₄ tē₃juá'₅
(Mateo 23:1-36; Marcos 12:38-40; Lucas 20:45-47)

³⁷Jme₁ca₂dsan₃ cuē₂₃ jág₁, ca₂tág₃ jan₂ dsa₂ fariseo a₂i₃guě'₃ quiong'₅₄. Jme₁ca₂dsióg₃ dsi₂néi₂ ca₂guá₂. ³⁸Dsa₂ fariseo 'éi₂ nē₃, i₃gó'₃ dsí₅ ia₁ tsá₃ ca₂jme₃ti₃ Jesús con'₂ lě₅ tag₄ a₂chi'₅, a₂rang₃ gu₂ né'₃ a₂guě'₃. ³⁹La₁ Te₁gui'₅₄ nē₃, ca₂juá'₂:

—'Nia'₂ dsa₂ fariseos líng'₅ lia'₂ lě₅ ni₁vaso, ni₁uing₅, a₂jnia'₅₄ le₁jě₃ jmá'₃ le₃co'₅₄, la₁ tē₂le₃ jui₅ jme₂dsí₂ quiáng'₂, qui₂rē₂can'₂ ca₂le₃jě₃ a₂'lig'₅₄ a₂jmo'₂: tsá₃ mag'₂ 'au'₂ 'nia'₂ ma₂qui₂ma₂'ang'₂ quió'₅ dsa₂. ⁴⁰i'_{E2} bá₄ tsá₃ ŋí'₂ 'au'₂ 'nia'₂! ¿On₁jua'₅₄ i₂ca₂jmo₃ le₃co'₅₄, ca₂jmo₃ le₃'nió'₂ ján₃? ⁴¹Ja₂lin₃ guě₄ dsióg₅ jen'₅₄ de'₂ 'nia'₂ a₂te₁'i₁ quiáng'₂, jaun₂ guě₄ lé₂ le₃tē₃tsin'₅₄ 'nia'₂ le₁jíng'₃ le₃ja₁con₂ Diú₄.

⁴²'i'_{E2} guě₄ juíg'₂ 'nia'₂ dsa₂ fariseos! Ia₁ a₂jme₂tí'₁ 'nia'₂ jmo'₂, cuē'₂ Diú₄ caun₂ qui'₅₄ a₂guia₃ a₂'i₄ 'éi'₃ cuē'₅₄, ca₂lia'₂ ca₂le₃jě₃ ne₅₄ ma₁'au₂ a₂lě₂ ma₂juig₂ má₃ bá₄ jáng'₄ 'nia'₂. La₁ con'₂ ma₂ŋi'₅₄ bá₄ 'nia'₂ jui₅ dse₃ tē₃dsón'₂ ja₁'ŋio₂ dsí₅ Diú₄, ja₁jme₁jme₁'nió'₄ 'nia'₂ Diú₄: a₂nē₅ bá₄ a₂dsen₅₄ guě₄ a₂ca₂tín'₂ 'nia'₂ jmó'₂, la₁ on₃jua'₅₄ a₂tsá₃ ma₃jme₁ti'₄ 'nia'₂ 'éi'₃.

⁴³'juíg'₂ 'nia'₂ dsa₂ fariseos! Ia₁ 'ŋio₅ lin₃ tē₅ 'au'₂ a₂tiáng'₄ jláng'₁ ja₁dsen₅₄ guě₄ jui₁lia'₂ dsi₂néi₂ guá'₅ sinagogas. Ján₃ bá₄ tē₅ 'au'₂ 'nia'₂ qui₃cuag₃ dsa₂ Diú₄ jui₁lia'₂ jē₄ 'ma'₅₄ a₂jme₂go₃ dsa₂ 'ŋio₅ lin₃.

⁴⁴'i'_{E2} guě₄ juíg'₂ 'nia'₂!† Ia₁ líng'₅ jui₁lia'₂ lě₅ tau₂ 'ŋio₅ a₂tsá₃ léi₄ cha₂. Dsa₂ nē₃ qui₂ŋi₅ ne₄, tē₃ tsá₃ ŋi₅."

⁴⁵Jaun₂ ca₂ŋag₃ jan₂ tē₃juá'₅:

—Tē₅, a₂juá'₂ 'ne₂ nē₅, a₂tē₂'ó'₁ jnia'₅₄ bá₄ 'ne₂.

⁴⁶Jaun₂ ca₂ŋag₃ Jesús:

* **11:33** A₂lin₅₄ chog₅₄ si₂ juá'₂ ján₃: "on₃ guě'₂ né'₃ tsi₁gu₅." † **11:44** A₂lin₅₄ chog₅₄ si₂ chi₁ton₅ ján₃: "nia'₂ tē₃juá'₅, 'nia'₂ dsa₂ fariseos nē₃ a₂lě₂jmo'₂ góg'₂ a₂o₂ne₁."

—jjuíg'₂ 'nia'₂ tē₅juá'₅! Ia₁ quian'₄ 'nia'₂ lio₅₄ guei₂ i₂sián'₂, la₁ guion'₅₄ 'nia'₂ ně₃, ca₂lia'₂ jnia'₅₄ gog'₂ tsá₃ 'niog'₂ tí'₄.

47 'jjuíg'₂ 'nia'₂! Ia₁ qui₂chog'₂ 'nia'₂ ni'ia'₂ jlá'₁ quió'₅ 'lag₄ i₂jme'₁ ě₂ jág₁ quió'₅ Diú₄, ton'₂ dsa₂ can'₅₄ quián'₂ 'nia'₂ guiong'₅₄ qui₂ca₂jme₃ dsiog₂₃. 48 Jaun₂ ně₃, lia'₂ lě₅ jmo'₂ 'nia'₂, cuē'₂ léi₄ co'nió'₄ caun₂ bá₄ 'ei₅ jág₁ 'nia'₂ quian'₅₄ dsa₂ can'₅₄ quiáng'₂. Ia₁ dsa₂ can'₅₄ ca₂jme₃ dsiog₂₃; 'nia'₂ guē'₂ ma₂ja₂nióg'₅ chog'₂ ni'ia'₂.

49 'Jaun₂ lě₃ Diú₄, ia₁ a₂tin₂ a₂ma₂ni₅ bá₄ a₂lé₂, ca₂juá'₂: “Qui₁tsing₅₄ dsa₂ i₂dsi₃can₅ i₂dsi₃'ě₃ jág₁ quió'₃. I₂lin₅₄ 'éi₂ jme₃ dsian₅ dsa₂; i₂lin₅₄ guē'₂ qui'₃ein₃.”

50 Jaun₂ ně₃ ca₂tē₂ dsa₂ chan₂ jmig₄ ně₃ bá₄ rē₂cán'₄ 'mú₃ quió'₅ ca₂le₃jín₃ dsa₂ i₂'ě₂ jág₁ i₂ma₂dsan₃ ca₂le₃ ca₂nio₃ mi₂güig₃. 51 Ca₂lia'₂ con'₂ jme₁ca₂jon₃ Abel, ca₂tē₂ jmig₄ i₁ca₂jon₃ Zacarías i₂ca₂jni'₃ dsa₂ jē₄ ja₁lě₄ ne₄chei₂ quian'₅₄ ja₁jnió'₅, dsa₂ chan₂ jmig₄ ně₃ bá₄, juá'₅ jniá₂, qui'₃ 'mú₃ quió'₅ ca₂le₃jín₃ dsa₂ i₂ma₂dsan₃ 'éi₂.

52 'i'₂E guē₄ juíg'₂ 'nia'₂ tē₅juá'₅! Ia₁ 'nia'₂ bá₄ ma₂rē₂'móg'₄ jág₁ quió'₅ Diú₄ a₂lě₅ co'nió'₄ njí llave quió'₅ o₄'né₄ ja₁jme₁le₃tin₂, le₃njí'₂ dsa₂. On₃ guē'₂ guion'₅₄ 'nia'₂ tóng'₄, on₃ guē'₂ cuē'₂ 'nia'₂ jmig₄ dsi₃ton'₅₄ i₂'nio₃ tón'₃.

53 Jme₁ca₂dsan₃ juá'₂ Jesús le₂ně₅, ca₂rē'₃ né₃ 'lig'₅₄ dsa₂ fariseos, tē₅juá'₅ ně₃. Jaun₂ ca₂jme₃lióg₃ jmóg'₂ mi'₅₄, tsá₃ caun₂ a₂qui₂ca₂jag₃, a₂jme₁jmo₂₃ tion₅₄ lia'₂ jme₁jéin'₃ 'éi₂ jág₁. 54 Ia₁ jme₁'nio₃ jo₅₄ jua'₅₄ ca₂jon₄ bá₄ jág₁ 'lia'₂ jme₁'niá₃ 'éi₂.

12

Ca₂jme₃tag₅ Jesús a₂tsá₃ jmo₃ dsa₂ a₂jnia'₅₄ con'₂ dse₃ le'₁'ág₄ o₁ne₁

1 Tē₃jē₄ jaun₂, tē₂le₃ mei₅ bá₄ dsa₂ i₂ca₂ni'₂, ca₂lia'₂ qui₂co₂'liain'₂ riin'₅₄. Jaun₂ Jesús ně₃ jniá₅ de'₂ dsa₂ i₂quian'₅₄ bá₄ ca₂tsí'₃:

—Tē₃ni'₅₄ 'nia'₂ quian'₅₄ jui₅ lia'₂ lě₅ quian₅ dsa₂ fariseos* co₂'nió'₄ i₂lě₁jmo₅-dsá₅ o₁ne₁. 2 Ia₁ 'i₁caun₂ a₂rē₂'ma₄ jua'₅₄ lín₂ dsa₂ a₂tsá₃ le₃jniá₂, tion₅₄ bá₄ rē₂jniá₂; ján₃ bá₄ tsá₃ cha₂ 'i₁caun₂ a₂rē₂jlě₅ jua'₅₄ lín₂ dsa₂ a₂tsá₃ 'ein₂ le₃ni₅, tion₅₄ bá₄ rē₃ni₅ dsa₂. 3 Jaun₂ ně₃, ca₂le₃jē'₃ 'e₂ a₂dsia₅ dsa₂ jē₄ qui'₃né'₃, jiá₃ bá₄ le₃ja₁jniá₂ si₂. Le₂jaun₂ jui₁lia'₂ jág₁ a₂dsia₅ dsa₂ jē₄ tē₃co'₅₄ a₂qui₂le₁jnág₅ 'né₅, a₂dsi₃'ag₅ bá₄ jaun₂.†

I₂'ein₂ ca₂tín₂ dsa₂ jme₃gain₃
(Mateo 10:28-31)

4 "Nia'₂ a₂mei₅₄ quiáng₃, juíg₂ jniá₂ 'nia'₂, tsá₃ jmo₂ 'nia'₂ gang'₃ i₂jme₂dsian₅ ni₁njí₅, ia₁ tsá₃ ma₃a₂siá'₂ jua'₅₄ a₂'io₂₃ guē₄ bí₂ jmo₃. 5 Jaun₂ la₂ juá'₅ jniá₂ 'ein₂ dsón'₂ i₂ca₂tín'₂ 'nia'₂ jme₁gang'₃: i₂'éi₂ bá₄ jme₁gan'₃ 'nia'₂ jmo₄ i₂'io₅ bí₂, jme₃dsiog₂₃, ton'₂ 'io₂₃ bí₂ 'liog'₃ ja₁'lig'₅₄ ján₃. 6 ¿Tsa₁ 'ni₅ dsa₂ 'niá₂ i₁tan₅ tei₄ quian'₅₄ tin₃ njí guéin₂? La₁ 'i₁jan₂ 'éi₂ tsá₃ dsi₂'én₂ dsí₅ Diú₄. 7 Jag₄ 'nia'₂ jaun₂, 'nio₅ lín₃ guē₄ dsan₂ dsí₅ Diú₄ 'nia'₂, le₂jio₅ njí₂ dsei'₂ 'nia'₂, ma₂ni₅ bá₄ Diú₄ je₂liá'₂ mi'₂ tí₅. Jaun₂ tsá₃ jmo₂ 'nia'₂ gang'₃, ia₁ 'nio₅ guē₄ quen'₄ 'nia'₂ lia'₂ con'₂ guē₄ juin₅ i₁tan₅.

Dsa₂ i₂jme₂jnia₅ cuiin₂₃ Jesús
(Matt 10:32-33; 12:32; 10:19-20)

8 'Juá'₅ jniá₂, ca₂le₃jín₃ i₂jme₂jnia₅ ja₁con₂ dsa₂ mi₂güig₃ a₂cuig₂₃ jniá₂, ján₃ bá₄ le₂jaun₂ Jaun₅ dsa₂ mi₂güig₃ 'ag₃ jme₃jniog₂₃ a₂cuig₂₃ ja₁con₂ ca₂le₃jín₃ ángeles quián₅ Diú₄. 9 La₁ jui₁lia'₂ i₂tsá₃ 'ag₅ a₂cuig₂₃ jniá₂ ja₁con₂ dsa₂ mi₂güig₃, ján₃ bá₄ le₂jaun₂ tsá₃ 'iin₄ jniá₂ a₂cuín₅ ja₁con₂ ángeles quián₅ Diú₄. 10 Ia₁ jui₁'ein₂ guē₃

* 12:1 lit. “levadura quió'₅ dsa₂ fariseos.” † 12:3 lit. “a₂táun₂ dsa₂ jág₁ tióin₂ guei'₅₄ 'né₅ bá₄ a₂jaun₂.”

i₂'in₅ 'lig'₅₄ Jaun₅ dsa₂ mi₂güig₃, cha₂ bá₄ o₂'én₂ dso₄ quió'₅. La₁ jui₁lia'₂ i₂juá'₂ 'lig'₅₄ 'iin₂₃ Jme₂dsí₂ Jnió₅, tsá₃ ma₃o₂'én₂ dso₄ cha₂. ¹¹ Jë₁ma₂ca₂jñia₃ dsa₂ 'nia'₂ ne₄ dsi₂tan₅₄ quián₅ guá'₅, o₃ jë₁ma₂ca₂jio₃ ne₄ i₂con₂ 'í₁, ne₄ dsa₂ i₂qui₂dsí₅ 'éi'₃ nê₃, tsá₃ jmó'₂ 'nia'₂ 'i₅ 'au'₂ jua'₅₄ tsá₃ ñi'₅₄ 'a₂ lia'₂ ñag'₅₄, 'o₃ 'e₂ juig'₅₄. ¹² Ia₁ 'ñiog₅ bá₄ Jme₂dsí₂ Jnió₅ jme₃tag₂₃ 'e₂ a₂ca₂tín'₂ 'nia'₂ ñag'₅₄, jë₁ma₂ca₂të₂ hora jaun₂.

Go'₂ nê₁'ein₂ ca₂dsia₃ le₁má'₂ 'ñio₅ lín₃ jmo₃ dsí₅ jmá'₃ quió'₅ 'ñiog₅

¹³ Jan₂ dsa₂ i₂jme₁'en₅₄ jë₄ jaun₂ nê₃, ca₂tsí'₃ Jesús:

—Të₅, chei'₅₄ co₂nio₄ dsó₂ ríng'₃ jui₁cuë₁₂ con'₂ a₂ca₂tíng₂ a₂cha₂ quió'₅ 'lag₄ ñe'₃.

¹⁴ Jaun₂ ca₂ñag₃ Jesús:

—'Ne₂ dsa₂, ¿'ein₂ ca₂dsiog₃ jniá₂ a₂líng₅ jan₂ i₂dsió'₅ 'e₂ a₂ca₂tín'₂ 'nia'₂?

¹⁵ Ján₃ bá₄ ca₂juá'₂:

—Të₃ñi'₅₄ 'nia'₂ tsá₃ i₂jmo₂ jua'₅₄ a₂ñí₄ lë₃ 'ín₅ 'au'₂ a₂le₃cha₂ quiáng'₂. Ia₁ on₃jua'₅₄ jmá'₃ a₂ñí₄ cha₂ quió'₅ dsa₂ le₃chain₂.

¹⁶ Jaun₂ ca₂tsí'₃ táng₃ dsa₂ jág₁ jáng'₅ léi₄ la₂:

—Jme₁chan₂ jan₂ dsa₂ i₂jme₁cha₂ cu₄ 'ñio₅ lín₃. 'Lióng₂ lín₃ jme₁rau₂ quió'₅.

¹⁷ Jaun₂ ca₂i₃jio₅ dsí₅: “¿'E₂ bá₄ jmo₅₄ jniá₂ nê₃? Tsá₃ ma₃cha₂ ja₁tó'₄ a₂ca₂rau₂ quió'₃.” ¹⁸ Jaun₂ ca₂i₃jio₅ dsí₅: “Le₂la₂ jmo₅₄. Qui'₄ tsi₁'io₅ a₂tióng₂ nê₅, jaun₂ jmo₅₄ a₂ca'₅₄ guë₄. Jaun₂ ja₁jaun₂ tó'₄ trigo, quian'₅₄ ca₂le₃jë₃ guë₄ a₂cha₂ quió'₃.

¹⁹ Jaun₂ guë₄ 'náu'₄ dsí₃: 'Lióng₂ ma₂niog₅ le₁má'₂, ma₂len₅ 'lióng₂ ñi₂; ma₂lé₂ jan₅₄, gua₅₄ tei₄, guë'₅₄, gui'₅₄, cuë₄ o₂'ñio₃ o₂jñia₃ dsí₃.” La₁ Diú₄ nê₃ ca₂juá'₂ ca₂tsí'₃ dsa₂ 'éi₂: ²⁰ “'i₂E₂ guë₄ con'₅₄ 'ne₂ líng'₅! Jua'₂ a₂'uë₂ nê₃ mág₄ jniá₂ 'mú₃ quiáng'₂. Ca₂le₃jë₃ a₂ma₂dsia'₅₄ 'ne₂ rë₂, ¿'ein₂ bá₄ quió'₅ lé₂?” ²¹ Le₂nê₅ dsi₂ñi₂ jui₁lia'₂ dsa₂ i₂dsia₅ le₁má'₂ jmá'₃ quió'₅ 'ñiog₅, la₁ të₂tsin'₅₄ lín₃ le₃ja₁con₂ Diú₄.

I₂jmo₅ 'í₁ bá₄ Diú₄ chi'₂-guein₂ quiáin₅
(Mateo 6:25-34)

²² Jme₁ca₂dsan₃ jaun₂, ca₂tsí'₃ táng₃ chi'₂ dsi₂guia₃-tín₂ quiáin₅:

—Juí₂ jniá₂ 'nia'₂, tsá₃ jmo₂ 'nia'₂ jua'₅₄ a₂ñí₄ dsan₂ 'au'₂ 'e₂ a₂quë'₅₄ të₂lia'₂ chang'₂, on₃ guë'₂ o₄quió'₄ ni₁ñi'₁, jua'₅₄ dsan₂ 'au'₂ 'e₂ qui'₅₄. ²³ Ia₁ jme₂dsí₂ bá₄ a₂quen₅ guë₄ lia'₂ con'₂ guë₄ má₃. Ján₃ guë'₂ le₂jaun₂ ni₁ñi'₁ bá₄ dsa₂ a₂quen₅ guë₄ lia'₂ con'₂ guë₄ 'mi'₂. ²⁴ Ní₂ de'₂ 'nia'₂ jui₁lia'₂ i₁qui₂lia'₂. Tsá₃ 'e₂ jne₂₃, on₃ guë'₂ 'e₂ cha₂ a₂le₃rau₂ quió'₅, on₃ guë'₂ 'io₅ chí'₅ quió'₅. Diú₄ bá₄ i₂jme₂tau₅₄. jJaun₂ 'ñio₅ lín₃ guë₄ bá₄ quen'₄ 'nia'₂ lia'₂ con'₂ guë₄ i₁tan₅ 'éi₂! ²⁵ ¿'I₂'ein₂ 'nia'₂ i₂lé₂ le₃jmo₃ le₃chain₂ guë₄ uë₂, † ne₄ ia₁ a₂ñí₄ lë₃ 'i₅ 'au'₂ 'nia'₂ chang'₂? ²⁶ Chi₂jua'₂ tsá₃ quin'₅₄ 'nia'₂ jmig₄ quian'₅₄ a₂ca₂juig₄ nê₅, ¿'e₂ guë'₂ lë₃ ñí₄ dsan₂ 'au'₂ 'nia'₂ quian'₅₄ a₂siá'₂? ²⁷ Ní₂ de'₂ 'nia'₂ ján₃ 'a₂ lia'₂ qui₂dsi₂cón₃ lí₁. Tsá₃ tsi₁ñi₅ lé₂ tsé'₃, on₃ guë'₂ lé₂ ta₃. Jaun₂ juí₂ jniá₂ 'nia'₂, ca₂lia'₂ jñia'₅₄ Rag₅₄ Salomón, quian'₅₄ ca₂le₃jë₃ a₂jlá'₁ a₂jme₁cha₂ quió'₅, tsá₃ ca₂rë₃jláin'₁ bá₄ guë₄ jui₁lia'₂ jlá'₁ lí₁. ²⁸ Chi₂jua'₂ le₂nê₅ chí'₅ Diú₄ jlá'₁ nau₂ a₂cha₂ 'ña₁, a₂jñia'₅₄ jniá₂ jlá'₁ ca₂tiá₂ co₂lág₂, ia₁ jui₁la₂ 'ió₃ dsí'₂ dsa₂, 'ë₂ guë₄ bá₄ 'nia'₂, dsa₂ i₂'én₂ ca₂juig₄, jmo₃ bá₄ Diú₄ 'í₁. ²⁹ Jaun₂ juá'₅ jniá₂, tsá₃ i₁niog'₄ jua'₅₄ a₂ñí₄ dsan₂ 'au'₂ 'e₂ quë'₅₄ 'ag'₅₄. Tsá₃ can₂ 'nia'₂ o₂i₁ dsí₅ quian'₅₄ a₂jaun₂, ³⁰ ia₁ jmá'₃ a₂nê₅ bá₄ a₂ñí₄ lë₃ 'nio'₃ dsi₂nau₂. Ia₁ i₂ñi₅ bá₄ Néi'₅ a₂'nió'₅ ca₂le₃jë₃ a₂nê₅ quián'₂ 'nia'₂. ³¹ La₁ 'nio'₂ de'₂ jniá₅ 'nia'₂ ja₁goin₂, jaun₂ ca₂le₃jë₃ a₂nê₅ të₁ja₃lé₂ a₂ma₂ñag₅₄ cuë₃.

† 12:25 o, “'I₂'ein₂ 'nia'₂ i₂lé₂ le₃jmo₃ a₂dsi₃cóin₃ guë₄ caun₂lë₂.”

A₂quen₅ lin₃ a₂cha₂ quió'₅ dsa₂ guei'₅₄ i₂juíg₃
(Mateo 6:19-21)

³² 'Nia'₂ já'₂ cha'₂ quiáng₃, tsá₃ lè₁jmo₂ 'nia'₂ gang'₃, o₁jñia'₅₄ la₂ tsá₃ juin'₅ 'nia'₂, la₁ 'ñio₂ dsí₅ Néi'₅ cuè₃ ja₁goin₂. ³³ 'Nag₄ 'nia'₂ a₂cha₂ quiáng'₂; jme₂'on₅₄ i₂te₂ñé₂. Jñia'₅₄ lia'₂ le₂në₅ bá₄ dsióg₄, tē₃ron₅₄ tē₂'mi'₂ a₂tsá₃ ton₅ jmi₃g₄ le₃'áu₂ quián'₂ 'nia'₂; caun₂ a₂quen₅ lin₃ 'ó'₄ 'nia'₂ quiáng'₂ guei'₅₄ i₂juíg₃ a₂tsá₃ ton₅ jmi₃g₄ dsiá₃, ja₁tsá₃ líg'₂ jmi₃g₄ dsióg₄ 'ang₂, on₃ guè'₂ i₁tsan'₅₄ lé₂ le₃'én₂. ³⁴ Ia₁ jui₁lia'₂ ja₁rē₂'mú'₄ 'nia'₂ quiáng'₂, ja₁jaun₂ bá₄ 'i₄'au'₂.

'Nió'₅ bá₄ a₂chan₂ dsa₂ rē₂jáin₁

³⁵ 'Rē₂ján'₁ 'nia'₂ chang'₂, le₁ling'₄, le₁guí'₂ si₂ tsí₅ quiáng'₂. ³⁶ Jui₁len'₅₄ 'nia'₂ nē₂jag₄ bá₄ dsa₂ i₂chi₁jñia₅ guan'₂ juig₅₄ ñó₃ ja₁niog₅ jmi₃g₄. Rē₂ján'₁ 'nia'₂ chang'₂, ia₁jaun₂ lé₂ le₃na'₅₄ 'nia'₂ dsi₂jui₅ jē₁ma₂tē₂ rē₁guáin'₃ quein₃ o₄'né₄. ³⁷ 'E₂ gué₄ dsen₃ dsa₂ i₂le₁ne₅₄ jē₁ma₂ca₂guán'₃ juig₅₄. A₂dsi₂jó'₃ juá'₅ jniá₂, 'ñiog₅ bá₄ 'éi₂ dsiog₃ ne₄ mesa, ton'₂ qui'₃ 'mi'₂ a₂jme₂ti₃ ñág₃ má₃. ³⁸ 'E₂ gué₄ dsen₃ dsa₂ i₂tion'₅₄ le₁ne₅₄ jē₁ma₂ca₂jo₃ juig₅₄ o₁jñia'₅₄ la₂ ca₂guáin'₃ a₂'uē₂ dsi₃nei₅, o₃ ma₂ca₂ñí₂ dsi₃nei₅ 'e₂. ³⁹ La₁ jui₁le₂ñi'₅₄ 'nia'₂ a₂la₂ ján₃, jua'₅₄ mei'₂ gué₃ ñi₅ dsa₂ quió'₅ dsi₂néi₂ 'e₂ hora jiá₃ dsa₂ 'ang₂, guá₃ rē₂nei₅₄, jmo₂₃ 'í₁, tsá₃ cuè₃ jmi₃g₄ 'í₂ dsa₂ 'éi₂, 'ang₃. ⁴⁰ Le₂në₅ bá₄ 'nia'₂ ján₃, rē₂jáng'₁ chang'₂, ia₁ con'₂ tsá₃ 'ein₂ lín₂ bá₄, tē₃tsin'₅₄ Jaun₅ dsa₂ mi₂güig₃.

Jui₁lia'₂ dsa₂ i₂tsá₃ rē₂ti'₅₄ ta₁ quió'₅
(Mateo 24:45-51)

⁴¹ Jaun₂ nē₃ ca₂ñag₃ Pe₄:

—Te₁gui'₅₄, ¿a₁nē₂chei'₅₄ jma'₃ jnia'₅₄ jág₁ jáng'₅ léi₄ nē₅, o₃ a₂nē₂chei'₅₄ ca₂le₃jín₃ 'e₂?

⁴² Jaun₂ ca₂juá'₂ Te₁gui'₅₄:

—¿I₂'ein₂ 'éi₂, lín'₂ 'nia'₂, lín₅ dsa₂ dsen₃ i₂rē₂ti'₅₄, niog₅ dsi₄, i₂ca₂dsiog₃ juig₅₄ niog₃ ne₅₄ jmo₃ ta₁ dsi₂néi₂, a₂ag'₃ ñi'₃ dsa₂ hora ca₂tíin₂? ⁴³ 'E₂ gué₄ dsen₃ dsa₂ i₂niog₅ ne₄, i₂jo₅ juig₅₄ jme₂ti₃ bá₄ ta₁ quió'₅, i₁guain'₂. ⁴⁴ A₂dsi₂jó'₃ juá'₅ jniá₂, dsiog₃ juig₅₄ a₂niog₃ ne₅₄ ca₂le₃jē₃ a₂cha₂ quió'₅. ⁴⁵ La₁ nē₁jua'₂ lín₂ dsa₂ i₂niog₅ ne₄ 'éi₂, le₃'ag₄ bá₄ guan'₂ juig₅₄, chi₂jua'₂ ca₂jme₃lióg₃ ca₂jmaí'₂ uig₅ dsa₂ ñe'₂, dsa₂ mí₂ nē₃ i₂jme₂ti₃ ta₁, ton'₂ 'ñiog₅ gué'₂ ca₂'í₃ gué'₅, 'ín'₂, ca₂rē₃'ein₅ bá₄ 'ñiog₅, ⁴⁶ la₁ con'₂ tsá₃ jáin₅, con'₂ caun₂ hora a₂tsá₃ ñi₅ bá₄ guan'₂ juig₅₄; uig₅ gau₂ 'ñio₅ lín₃ bá₄ cuè₃ 'éi₂, co₂jaun₂ bá₄ uig₅ gue₃ con'₂ lē₅ tin₃ dsa₂ i₂tsá₃ 'én₂.

⁴⁷ 'Jui₁lia'₂ dsa₂ i₂ñi₅ 'e₂ 'nio₃ juig₅₄, la₁ tsá₃ 'e₂ co₂jñia₅₄ jmo₂₃, on₃ gué'₂ jme₂ti₃ a₂juá'₂ 'éi₂, cán₂ uig₅ dsi₃bain₅₄ ca₂lia'₂ ton₅ 'mi₅ 'lióng₂ lín₃ ni₁ñi₁₂. ⁴⁸ La₁ jui₁lia'₂ i₂tsá₃ 'e₂ ca₂rē₃ñi₅ ton'₂ jmo₅-dsá₅ cosa a₂ca₂tíin₂ gue₃ uig₅, tsá₃ lín₅₄ 'lióng₂ 'mi₅ cán₂. Jui₁lia'₂ dsa₂ i₂'lióng₂ tē₂no₄ gu₂ a₂ca₂tíin₂ jme₂ti₃, ján₃ bá₄ 'lióng₂ a₂mág₃ juig₅₄. Já₃n₃ gué'₂ le₂jaun₂ jui₁lia'₂ i₂ma₂dsia₅ dsa₂ 'lióng₂ ne₅₄, 'lióng₂ gué₄ a₂chi₃quióng₂ dsa₂ jmi₃g₄ jáng'₃.

Jesús bá₄ 'uin₄ a₂lē₂ le₁dson'₅₄ dsa₂
(Mateo 10:34-36)

⁴⁹ 'A₂i₃'ing₅₄ si₂ mi₂güig₃ la₂ bá₄ jniá₂ guio₃. ¡'E₂ gué₄ 'ín₅ dsi₃, jua'₅₄ ma₂cau₂ bá₄ co₂ñei'₅₄ tē₂nē₃! ⁵⁰ La₁ tion₅₄ niog₅ tiáng₄ jui₅ ja₁dsi₃ñíg₂ mi'₅₄ 'ñio₅ lín₃. Jaun₂, ¡'e₂ gué₄ 'ñio₅ o₂i₁ dsi₅ chang₂, ca₂lia'₂ ca₂rē₃ti₃ ta₁ a₂guio₃! ⁵¹ ¿Lín'₂ 'nia'₂ a₂guio₃ jniá₂ i₃'ei₃ tei₄ mi₂güig₃ la₂? On₃ jua'₅₄ le₂jaun₂. A₂i₃jmo₃ le₁dson'₅₄ dsa₂ bá₄ jniá₂ guio₃. ⁵² Ia₁ tē₂le₃ ne₄ jui₅ ja₁dsau₅₄ nē₅, jui₁lia'₂ caun₂ dsi₂néi₂ ja₁lē₂ 'ñiá₂ dsa₂, lé₂ le₁dson'₅₄, ⁵³ ún₂ jme₃'ñiai₅₄ on₃; i₂on₃ jme₃'ñiai₅₄ i₂ún₂ táng₃; jui₁lia'₂ jmei₂

dsa₂ tóin'₃ mi'₅₄ quian'₅₄ ja₁ŋi'₅₄, ja₁ŋi'₅₄ guë'₂ 'í₂ mi'₅₄ quian'₅₄ jmei₂; jui₁lia'₂ chog₅₄ tóin'₃ mi'₅₄ quian'₅₄ ja₁míg₄, ja₁míg₄ guë'₂ 'í₂ mi'₅₄ quian'₅₄ chog₅₄. Jui₁lia'₂ i₂lín₅ ma₂chog₅₄ dsa₂, tóin'₃ mi'₅₄ quian'₅₄ lo₅₄, jui₁lia'₂ mi₂lo₅₄ 'í₂ mi'₅₄ quian'₅₄ ma₂chog₅₄.

Jui₁lia'₂ jme₁cha₂ léi₄ guei'₅₄
(Mateo 16:1-4; Marcos 8:11-13)

⁵⁴ Ján₃ bá₄ ca₂tsí'₃ dsa₂:

—Jme₁caun'₂ 'nia'₂ 'í₁ guei'₅₄ jme₁tsau₂ jnei₅ le₃ja₁rín₂ 'iog₂, jag'₄ 'nia'₂, jiá₃ jmí₅, dsón'₂ bá₄ le₂jaun₂ lě₂. ⁵⁵ Jaun₂ jme₁ja₂ dsí₂ tē₂le₃ sur, jag'₄ 'nia'₂ dséi₃ 'iog₂ ně₃. Jaun₂ dsón'₂ bá₄ le₂jaun₂ lě₂ ján₃. ⁵⁶ 'Nia'₂ dsa₂ i₂jŋia'₅₄ dse₃ le₁ág₄ o₁ne₁! Nj'₅₄ 'nia'₂ 'a₂ lia'₂ jua'₅₄ 'e₂ niog₅ tē₅ ne'₅₄ 'nia'₂ guei'₅₄, quian'₅₄ 'e₂ lě₂ ne₄ gua'₅₄ 'uē₃. ĵ'A₂ bá₄ lia'₂ tsá₃ tìn'₂ 'nia'₂ caun'₅₄ 'í₁ léi₄ a₂ma₂cha₂ rē₂ně₃?

Jme₁jen'₂ jág₁ quian'₅₄ dsa₂ i₂'iog₅₄
(Mateo 5:25-26)

⁵⁷ 'ĵ'E₂ lě₃ tsá₃ cáun'₂ 'nia'₂ 'í₁ jē₄ quiáng'₂ guiong'₅₄ a₂dsi₂ten₅₄ jmó'₂? ⁵⁸ Jē₁ma₂'eng'₅₄ jui₅ dsióg'₄ ne₄ dsi₂tan₅₄ quian'₅₄ dsa₂ i₂'nag₅, jme₁jen'₂ 'nia'₂ jág₁ le₂'i₄ jui₅ jme₁dsian₅ mi'₅₄ a₂chang'₂ quian'₅₄. Ia₁ con'₂ tsá₃ ŋó₅ ně₁jua'₂ ca₂tsag'₂ tē₃ne₄ dsi₂tan₅₄ i₂qui₂dsi₅ 'éi'₃. 'Éi₂ ně₃ jáng'₃ ne₄ 'lióg₂; 'lióg₂ guē₄ ně₃ to'₂ né'₃ 'má₃. ⁵⁹ Juá'₅ jniá₂, o₁líg'₂ tsá₃ o₃'ing'₂ ja₁jaun₂ ca₂lia'₂ ca₂qui'₅₄ jē₁ca₂tó'₂ ŋi₁ guéin₂ a₂ring'₂.

13

A₂quen₅ lín₃ bá₄ a₂dsi₂quén'₅ dsí₅ dsa₂

¹ Jmíg₄ jaun₂ i₂lín₅₄ dsa₂ i₂jme₁tion'₅₄ guē₄ ca₂dsia₃ ca₂tsí'₃ Jesús 'a₂ lia'₂ ca₂jme₃dsian₅ Pilato i₂lín₅₄ dsa₂ chan₂ Galilea. Ca₂cóin'₂ jmí₄ dsa₂ 'éi₂ quian'₅₄ jmí₄ já'₂ i₂ca₂jme₃dsian₅ dsa₂ i₂jéin'₂ ne₄ Diú₄.

² Jaun₂ ca₂juá'₂ Jesús ně₃:

—ĵLín'₂ 'nia'₂ ně₃, dsa₂ chan₂ Galilea 'éi₂ ca₂i₃ŋí₂ le₂jaun₂ ia₁ 'lióng₂ guē₄ dso₄ jme₁le₁cáin'₄ lia'₂ con'₂ guē₄ dsa₂ go₅₄? ³ Juá'₅ jniá₂, on₃jua'₅₄ le₂jaun₂; ia₁ le₂ně₅ bá₄ 'nia'₂ ján₃, ně₁jua'₂ tsá₃ ca₂dsi₃quén'₅ 'au'₂, dsiáng'₃ ján₃. ⁴ ĵOn₃ bá₄ lín'₂ 'nia'₂, 'ŋio₅ lín₃ guē₄ jme₁le₁cáin'₄ dso₄ dsa₂ i₂guia₃-jŋiá₂ i₂ca₂dsan₃ 'éi₂, lia'₂ con'₂ ca₂qui'₃ ni₁'ia'₂ ŋei₅ ja₁chei₂ Siloé, lia'₂ con'₂ guē₄ ca₂le₃jín₃ i₂tián'₅ Jerusalén? ⁵ Juá'₅ jniá₂, on₃jua'₅₄ le₂jaun₂; ia₁ ján₃ bá₄ le₂ně₅ 'nia'₂, ně₁jua'₂ tsá₃ ca₂dsi₃quén'₅ 'au'₂, dsiáng'₃ bá₄ ján₃.

Jág₁ jáng'₅ léi₄ quió'₅ ni₁'ma₂ higuera a₂tsá₃ míg₂ 'ag₅

⁶ Jaun₂ ca₂juá'₂ táng₃ Jesús jág₁ jáng'₅ léi₄ la₂:

—Jan₂ dsa₂ jme₁jnia₄ caun₂ 'ma₂ a₂'ag₅ míg₂ higo ja₁nau₂ quió'₅, jaun₂ ca₂i₁jag₅₄ chi₂jua'₂ ma₂le₁'ág₄ míg₂. Tsá₃ míg₂ cha₂ guē'₂ ně₃, jme₁dsióg₃. ⁷ Jaun₂ ca₂tsí'₃ dsa₂ i₂jmo₅ 'í₁ ja₁nau₂ jaun₂: “Ma₂'ni₅ ŋi₂ guio₂₃ i₂jág₃ ni₁'ma₂ ně₅ chi₂jua'₂ le₁'ág₄ míg₂, la₁ caun₂ tsá₃ míg₂ cha₂ bá₄ lia'₂ co₂ráun₂ guio₅₄. Qui'₅₄ co₂ŋei'₅₄. Tsá₃ ta₁ jmo₃ jŋia'₅₄ jme₂dsiá₃ 'o'₅₄ 'uē₃ bá₄.” ⁸ La₁ dsa₂ i₂jmo₅ 'í₁ ja₁nau₂ 'éi₂ ně₃ ca₂ŋag₃: “Te₁gui'₅₄, cuē₄ jmíg₄ o₁dsi₅₄ guē₄ caun₂ ŋi₂ la₂; jmo₅₄ dse₃ le₃lág'₃, tó'₄ 'míg₄ já'₂ ně₃, ⁹ o₁ne₄ chi₂jua'₂ 'ag₃ míg₂ ŋi₂ caun₂. Ně₁jua'₂ tsá₃ 'e₂ míg₂ cha₂ i₁jáun₃, jaun₂ guē₄ uín'₂.”

Ca₂jme₃'lión₂ Jesús jan₂ 'io₅₄ i₂jme₁quín'₅₄ mi₂ca'₅₄ caun₂ jmíg₄ sa₅₄

¹⁰ Caun₂ sa₅₄, jme₁'en₅₄ Jesús jme₂tiin₂₃ dsa₂ dsi₂néi₂ guá'₅ sinagoga.

11 Ja₁jaun₂ jme₁'en₅₄ jan₂ 'io₅₄ i₂ma₂guia₃-jn₁á₂ η₂ dso'₅₄. Ca₂jmóg'₂ jme₂dsí₂ 'lín'₅₄ rē₂guen'₂ mi₂ca'₅₄, jme₁η₂₃ tsá₃ lé₂ néi'₃ rē₂.

12 Jme₁ca₂jág₂ Jesús, jaun₂ ca₂tē₃, jaun₂ ca₂juá'₂:

—Io₅₄, ma₂ca₂'lóng'₂ bá₄ dso₄ a₂jme₁lín'₄.

13 Jaun₂ ca₂téi₂ gu₂. Dsi₂jui₅ le₂jaun₂ bá₄ ca₂néi'₃ mi₂ca'₅₄ 'io₅₄, jaun₂ ca₂jme₃juin'₂ Diú₄.

14 La₁ dsa₂ i₂niog₅ ne₄ guá'₅ sinagoga, ca₂rē₃'néi₃ quian'₅₄ Jesús ia₁ ca₂jme₃'lióin₂ dsa₂ 'éi₂ tē₃ jmig₄ sa₅₄. Jaun₂ ca₂tsí'₃ dsa₂ i₂tion'₅₄:

—Jnéi₂ jmig₄ bá₄ ca₂tín₂ dsa₂ jmo₃ ta₁; jui₁ja₂lén₂ 'ein₂ 'nio₃ 'lión₂ jē₄ semana, on₃jua'₅₄ rē'₂ jme₁sa₅₄.

15 Jaun₂ ca₂ηag₃ Te₁gui'₅₄ ca₂tsí'₃ 'éi₂:

—i'Nia'₂ dsa₂ i₂jn₁ia'₅₄ dse₃ le₁ág₄ o₁ne₁! ¿Tsa₁ 'ein₂ 'nia'₂ chén'₂ ca₁jui₅ o₃ bú'₄ quián₅ jua'₅₄ tsá₃ dsi₃jiog₃ dsi₃'ein'₅₄ jmig₂ o₁jn₁ia'₅₄ lē₅ sa₅₄? 16 Ia₁ dsa₂ mí₂ la₂, i₂lín₅ jan₂ tsi₁jon₂ Abraham; i₂sē₃dsen₃ jme₁ma₂'nei'₂ ma₂guia₃-jn₁á₂ η₂. Jaun₂ ně₃, ¿tsa₁ ca₂tín₂ chein'₂ ján₃ jn₁ia'₅₄ tē₃ jmig₄ sa₅₄?

17 Jme₁ca₂juá'₂ Jesús le₂nē₅, ca₂rē₃gui'₅₄ bá₄, ca₂le₃jín₃ con'₂ dsa₂ i₂'iog₅₄. La₁ 'io'₂ jén'₅ tē₅ dsí₅ bá₄ dsa₂ i₂tion'₅₄, ca₂le₃jē₃ a₂jlá'₁ jmo₅ 'éi₂.

Jág₁ jáng'₅ léi₄ jui₁lia'₂ mí₂g₂ jon₂ quió'₅ ni₁'ma₂ mostaza
(Mateo 13:31-32; Marcos 4:30-32)

18 Ca₂juá'₂ ně₃:

—¿'A₂ lia'₂ le₃juá'₄ lē₅ ja₁gon₂ Diú₄? ¿'E₂ quian'₅₄ lé₂ le₃quíng'₄? 19 Lē₅ jui₁lia'₂ mí₂g₂ jon₂ ni₁'ma₂ mostaza* a₂ca₂jne₃ jan₂ dsa₂ ja₁nau₂ quió'₅. Jaun₂ ca₂l₃cón₃ ca₂dsióg₃ ca₂lē₃ caun₂ ni₁'ma₂ pa₁; i₁tan₅ ně₃ ca₂tó'₂ tsag₅₄ gu₂ nei'₅₄ jaun₂.

Jág₁ jáng'₅ léi₄ jui₁lia'₂ 'a₂ lia'₂ ron'₂ i₁η'₄
(Mateo 13:33)

20 Ca₂juá'₂ Jesús le₂la₂ ján₃:

—¿'E₂ quian'₅₄ lé₂ le₃quíng'₄ lē₅ ja₁gon₂ Diú₄? 21 Lē₅ jui₁lia'₂ lē₅ levadura a₂co₂güin'₂ jan₂ 'io₅₄ jē₄ 'ni₅ tio'₅₄ 'ma₂† ti₁can₁ i₁η'₄. Quian'₅₄ co₁séin'₄ levadura bá₄ guion'₂ ca₂le₃jē₃ ti₁can₁.

Jág₁ jáng'₅ léi₄ quió'₅ o₄'né₄ dsag₂
(Mateo 7:13-14, 21–23)

22 Lia'₂ con'₂ ma₂'ein₅₄ jui₅ a₂dsióg₄ Jerusalén, qui₂ca₂i₁jme₁tiin₂₃ guē₄ dsa₂ le₂tan₅₄ jui₂ te₁'i₁ ja₁ca₂ηi₅.

23 Jaun₂ ca₂ηag₃ jan₂ dsa₂:

—Te₁gui'₅₄, ¿me'₂ bá₄ dsa₂ i₂tín'₅?

Jaun₂ ca₂ηag₃:

24 —Quen'₂ 'nia'₂ bí₂ tíong'₂ jui₅ o₄'né₄ dsag₂; ia₁ juá'₅ jniá₂, juin₅ i₂'nio₃ tón'₃, la₁ tsá₃ le₃qui'₅₄ jmig₄. 25 Ia₁ con'₂ tsá₃ ηó₅ jē₁ma₂tē₂ rē₁náu₃ juig₅₄ dsi₂néi₂, jnéi₃ o₄'né₄, 'nia'₂ ně₃ i₂tē₃tsing'₅₄ le₃ca₁'né₄, jme₁lióg'₄ to'₅₄ mi'₅₄ tē'₄: “iTe₁gui'₅₄! Nia₄ o₄'né₄, tió'₄ jnia'₅₄.” 'Éi₂ ně₃ ηag₃: “Tsá₃ cuín₅ jniá₂ 'nia'₂; tsá₃ guion₅₄ a₂já'₄ ja₂nó'₅ 'nia'₂.” 26 Jaun₂ guē₄ jme₁lióg'₄ 'nia'₂ jua'₅₄: “Jnia'₅₄ bá₄ la₂ i₂ma₂que₅₄ ma₂'ne'₅₄ co₂lē₅ quian'₅₄ 'ne₂; jua'₂ 'ne₂ bá₄ guē'₂ ca₂jme₁tag'₂ jnia'₅₄ jin₄ juin₅ dsa₂.” 27 Jaun₂ dsa₂ jui₅₄ dsi₂néi₂ ně₃, ηag₃: “Ma₂nē₂juá'₃ jniá₂ tsá₃ guion₅₄ i₂'ein₂ 'nia'₂. Cau₅ jnia'₃ 'nia'₂ ca₂le₃jíng'₃ i₂jmo₅ dsó'₅ a₂'lig'₅₄.” 28 Ja₁jaun₂ qui₂o₁'o₄ o₁quíng'₃ 'nia'₂ jan'₅₄, jē₁ma₂tē₂ rē₁jíng'₅₄ Abraham, Isaac, Jacob, quian'₅₄ ca₂le₃jín₃ guē₄

* 13:19 mostaza: On₃jua'₅₄ mi₁jáng'₅ a₂cuí'₅ dsa₂ go₄ jniog₄; caun₂ ni₁'ma₂ dsón'₂ bá₄ jaun₂ a₂chei₂ Brassica nigra. † 13:21 griego: sata, (caun₂ tio'₅₄ 'éi'₃ 'ma₂ jaun₂ 'éi₂ con'₂ 22 litros.)

dsa₂ i₂ jme₁ 'ě₂ jág₁ quián₅ Diú₄, tioen'₅₄ ja₁ gon₂ Diú₄, la₁ 'nia'₂ guë'₂ ně₃, dsi₃ gang'₅₄ uíng₂. ²⁹ Ia₁ qui₂ ja₃ len₅ i₂ chan₂ ca₂ taun₂ ca₂ taun₂ mi₂ güíng₃ ja₃ tiain'₂ guë'₃ co₂ dsia₅ ja₁ gon₂ Diú₄. ³⁰ La₁ lé₂, chan₂ i₂ lin₅₄ i₂ tión₂ le₃ jë₁ ca₂ tó'₂, tē₃ tsin'₅₄ le₃ ne₄ jui₅; i₂ tión₂ le₃ ne₄ jui₅ rē₂ ně₃ guë'₂ ně₃, tē₃ tsin'₅₄ le₃ jë₁ ca₂ tó'₂.

Ca₂ o₃ Jesús o₄ quió'₄ dsa₂ juig₂ Jerusalén
(Mateo 23:37-39)

³¹ Hora jaun₂ dé₄ dsi₃ lén₂ i₂ lin₅₄ dsa₂ fariseos, ca₂ juá'₂:

—Co₂ ŋei'₅₄ dse₃ jú₅ ja₁ lá₃, quian₂ jui₅ quiáng'₂, ia₁ 'nio₃ Herodes jnag'₃.

³² Jaun₂ ca₂ ŋag₃ táng₃ Jesús:

—O₂ nó'₅ 'nia'₂, o₂ chei'₅₄ dsi₂ ma₂ jág₂ † 'éi₂: “Ní₂, la₂ bá₄ 'ú₄, ně₃, 'ióg₃ ně₃; ně₃ bá₄ guë'₄ 'uíng'₅₄ jme₂ dsi₂ je₂ na'₅₄ quió'₅ dsa₂, ně₃ guë'₄ qui₂ jme₁ 'lióng₅₄ dsa₂. 'Ióg₃ caun₂ guë'₄ 'ŋia₅ quió₃.” ³³ A₂ caun₂ jmo₅₄ bá₄ jniá₂ ta₁ a₂ ca₂ tǐng₂ jmo₅₄ tē₁ lia'₂ chang₂, ia₁ tsá₃ lé₂ le₃ jón₂ jan₂ dsa₂ i₂ 'ě₂ jág₁ quián₅ Diú₄ uíng₂ ja₁ lě₄ juig₂ Jerusalén. ³⁴ i'Nia'₂ dsa₂ juig₂ Jerusalén! i'Nia'₂ dsa₂ juig₂ Jerusalén, 'nia'₂ i₂ jme₂ dsiáng'₁ dsa₂ i₂ 'ě₂ jág₁ quián₅ Diú₄, 'nia'₂ i₂ qui₂ jnag'₅₄ cang₄ dsa₂ i₂ chen₅ Diú₄ jin'₄ 'nia'₂! i'Lióng₂ ráun₂ jme₁ 'ín₅ dsi₃ jme₁ chi₁ liang'₂ chi₂ 'guein₂ juig₂ la₂ quiáng'₂, ju₁ lia'₂ jmo₅ i₁ tsín₃ a₂ chi₂ lain'₂ guein₂ quiáin₅ to'₂ né₃ tsi₁ rě₂ cu₅, la₁ guion'₅₄ 'nia'₂ tsá₃ ca₂ gue'₅₄! ³⁵ Ní₂ ně₃, tē₃ tsí₅₄ chi₁ güíng'₂ dsi₂ néi₂ quiáng'₂. Juá'₅ jniá₂, o₁ líg'₂ tsá₃ ma₃ jag'₅₄ jniá₂, ca₂ lia'₂ ca₂ tē₂ jmig₄ ja₁ jua'₅₄ 'nia'₂: “Jui₁ le₂ jŋi₃ i₂ ně₅ i₂ já₅ o₄ quió'₄ Te₁ gui'₅₄.”

14

Ca₂ jme₃ 'lión₂ Jesús jan₂ dsa₂ i₂ jme₁ guion₂

¹ Co₂ ráun₂ guë'₂ ca₂ lě₃ táng₃ caun₂ jmig₄ sa₅₄ a₂ ca₂ ŋó₃ Jesús i₃ guë'₃ ja₁ quió'₄ jan₂ dsa₂ dsen₅₄ quián₅ dsa₂ fariseos; i₂ lin₅₄ guë'₂ dsa₂ fariseos sián'₂ a₂ jŋia'₅₄ tiog₂₃ bá₄ tioen'₅₄.

² Ja₁ jaun₂ jme₁ 'en₅₄ jan₂ dsa₂ dso'₅₄ i₂ guion₂.

³ Jaun₂ ca₂ ŋag₃ Jesús ca₂ tsí'₃ tē₅ juá'₅ quian'₅₄ dsa₂ fariseos, ca₂ juá'₂:

—¿'I₄ 'éi'₃, o₃ tsá₃ 'i₄ 'éi'₃ jme₃ 'lión₂ dsa₂ dsa₂ dso'₅₄ jme₁ jmig₄ sa₅₄?

⁴ La₁ tei₄ bá₄ i₃ lén₂, tsá₃ 'e₂ ŋi₅ ŋag₃. Jaun₂ ca₂ jŋai'₃ dsa₂ dso'₅₄, ca₂ jme₃ 'lió₂. Jaun₂ ca₂ dsióg'₂ quió'₅.

⁵ Jaun₂ ca₂ juá'₂ ca₂ tsí'₃ 'éi₂:

—¿I₂ 'ein₂ 'nia'₂, tsá₃ dsi₃ dsen₅ dsi₂ jui₅ chi'₂ quián₅, * o₃ jan₂ ca₁ jui₅ 'e₂ ně₁ jua'₂ ca₂ táin'₂ né₃ táu₃ jŋia'₅₄ tē₃ jmig₄ sa₅₄?

⁶ La₁ tsá₃ ca₂ tió'₃ ŋag₃ jág₁ ně₅.

Tsá₃ dsióg₅ jua'₅₄ quió'₃ dsa₂ 'ma₂ si₅₄ ja₁ dsen₅₄ guë'₄

⁷ Jme₁ ca₂ tē₂ ne₄ Jesús 'a₂ lia'₂ quió'₅ dsa₂ i₂ tē₄ jmá'₃ lia'₂ ja₁ dsen₅₄ guë'₄ ja₁ tiain'₂, jaun₂ ca₂ cuë'₃ jág₁ a₂ jáng'₅ léi₄ la₂:

⁸ —Ně₁ jua'₂ 'ein₂ tē₂ ja₁ niog₅ jmig₄ jen'₂ gu₂ dsa₂, tsá₃ ne'₅₄ ju₁ lia'₂ ja₁ dsen₅₄, ia₁ con'₂ tsá₃ ŋó₅ ně₁ jua'₂ ca₂ dsióg₃ jan₂ i₂ dsen₅₄ guë'₄ lia'₂ 'ne₂. ⁹ Ia₁ ¿'e₂ bá₄ lé₂ ně₁ jua'₂ dsa₂ i₂ ně₂ tē₂ le₂ on'₃ 'nia'₂ juá'₂: “I₂ la₂ cuë'₅₄ ja₁ ŋéi'₂”? Jaun₂ tē₃ ma₂ gueng'₅₄ bá₄ gog'₅₄ o₁ né'₂ tē₂ jë₁ ca₂ tó'₂. ¹⁰ La₁ juá'₅ jniá₂, chi₂ jua'₂ líg'₂ ně₁ 'ein₂ ca₂ tē₃, tē₂ le₃ jë₁ ca₂ tó'₂ bá₄ ne'₅₄, ia₁ jaun₂ dsa₂ i₂ ně₂ tē₂ lé₂ le₃ juá'₂: “A₂ mei₅₄ quiáng₃, ja₁ dsen₅₄ guë'₄ la₂ i₂ né₂.” Jaun₂ le₂ ně₅ bá₄ jme₃ juag'₂ dsa₂ i₂ quë'₂ quiang'₅₄. ¹¹ Ia₁ ju₁ lia'₂ dsa₂ i₂ jme₂ can'₅₄ guion₅₄, sióin₃ tē₂ le₃ jë₁ ca₂ tó'₂; dsa₂ i₂ jmo₅ me'₂ guë'₂ ně₃, roin'₂ guei'₅₄.

¹² Jaun₂ ca₂ tsí'₃ ján₃, dsa₂ i₂ ca₂ tē₃ 'éi₂:

† 13:32 lit. “dsi₂ güi₅”, co₂ 'nió'₄ le₃ jua'₅₄, dsa₂ i₂ 'io₅ mai₅₄. * 14:5 Cha₂ a₂ lin₅₄ chog₅₄ si₂ a₂ juá'₂: “dsi₃ dsen₅ bú₄ quián₅.”

—Jë₁ma₂të₂ rë₁'niog'₂ jmó'₂ caun₂ má₃ a₂ñig'₅₄ dsa₂, tsá₃ të₅₄ jui₁lia'₂ dsa₂ a₂mei₅₄ quiáng'₂, on₃ guë'₂ jui₁lia'₂ i₂lín₅ o₁rín'₂, on₃ guë'₂ jui₁lia'₂ i₂cha₂ cu₄ tián'₅ cau₅ quiáng'₂ ně₃. Ia₁ con'₂ tsá₃ ñó₅, dsa₂ le₂'éi₂, lé₂ le₃të₂, a₂jéin'₃ táng₃ quiáng'₂. ¹³ Jaun₂ ně₃, ně₁jua'₂ 'niog'₂ jmó'₂ caun₂ jmig₄, te'₂ jmá'₃ lia'₂ dsa₂ te₂ñé₂, dsa₂ 'lian'₂, dsa₂ ten₄, dsa₂ guian'₅₄ ně₃. ¹⁴ Jaun₂ le₂ně₅ bá₄ le₃chang'₂ dse₃. Ia₁ dsa₂ 'éi₂ ně₃, tsá₃ qui'₅₄ jmig₄ le₃jéin'₃ quiáng'₂, la₁ i₁jáun₃ bá₄ tíng'₄ quiáng'₂, i₁jen'₅₄ ca₂le₃jín₃ dsa₂ dsen₃.

Jág₁ jáng'₅ léi₄ jui₁lia'₂ dsa₂ i₂té₄ ja₁niog₅ jmig₄
(Mateo 22:1-10)

¹⁵ Jan₂ dsa₂ i₂jme₁guá₄ cau₅ i₂ca₂nág₂ jág₁ ně₅, ca₂tsí'₃ Jesús:

—'E₂ guë'₄ dsen₃ i₂tian'₃ guë'₃† ja₁gon₂ Diú₄.

¹⁶ Jaun₂ ca₂juá'₂ Jesús:

—Jme₁chan₂ jan₂ dsa₂ i₂ca₂cuë₃ caun₂ má₃ pa₁, jaun₂ ca₂të'₃ juin₅ dsa₂. ¹⁷ Jme₁ca₂të₂ hora a₂nio₃ jmig₄ ně₃, ca₂chein₃ dsa₂ i₂jme₂ti₃ ta₁ ne₅₄, i₁chi'₄ dsa₂ i₂ma₂lě₅ jág₁ dsi₁lén₂: “I₂nó'₅ 'nia'₂, ia₁ ma₂lě₅ co₂jñia₅₄ ca₂le₃jě₃.” ¹⁸ La₁ ca₂le₃jín₃ bá₄ ca₂juá'₂ tsá₃ jñin₅₄. I₂le₂'uig₅₄ ca₂ñag₃: “Caun₂ 'uë₃ lia'₂ ně₂lá₂; ja₁jaun₂ nei₅₄ i₁jág₃. 'Én₃ dso₄ quió₃ tsá₃ lé₂ nei₅₄.” ¹⁹ I₂sián'₂ guë'₂ táng₃ ca₂juá'₂: “Ñiá₂ dsán'₃ ca₁jui₅ i₂quia'₂ 'uë₃ i₂të₂ca₂láng₂, i₂'éi₂ nei₅₄ i₁quió₃ 'í₁ chi₂jua'₂ ma₂téin₅ jmo₃ ta₁. 'Én₃ dso₄ quió₃ tsá₃ lé₂ nei₅₄.” ²⁰ I₂sián'₂ guë'₂ ca₂juá'₂ táng₃: “Gu₃ lia'₂ ně₂jeng'₅₄; jaun₂ lě₃, tsá₃ lé₂ nei₅₄.” ²¹ Jaun₂ jme₁dsián'₃ mozo 'éi₂ ca₂jmóg'₃ jág₁ ne₄ juig₅₄, jaun₂ ca₂rě₃ 'né₃ bá₄ juig₅₄. Jaun₂ ca₂juá'₂ tsí'₅ táng₃ mozo 'éi₂: “Co₂chi'₅₄ o₂ñi₄ jě₄ calles, le₂tan₅₄ ja₁le₁ñi'₂ dsa₂ juin₅ jě₄ juig₂, qui₂o₂quian₅ dsa₂ te₂ñé₂, dsa₂ 'lian'₂, i₂guian'₅₄, i₂ten₄ ně₃.” ²² Jme₁co₂lág₂ jaun₂, ca₂juá'₂ dsa₂ mozo 'éi₂: “Gui'₅₄, ma₂ně₂jmo₃ con'₂ lě₅ ně₂jua'₅₄. Jo₂ bá₄ guë'₄ dsi₂néi₂.” ²³ Jaun₂ ca₂juá'₂ táng₃ juig₅₄: “Gua₂ táng₃ jě₄ calles le₂tan₅₄ ja₁lě₄ o₄jui₅, o₂quian₅ tion₅₄ dsa₂ i₂jeng'₂, jaun₂ can'₂ dsi₂néi₂ quió₃. ²⁴ Ia₁ le₂ně₅ bá₄ juá'₅ jniá₂, 'i₁jan₂ i₂jme₁lě₄ jág₁ ca₂tě₃ le₂'uig₅₄ 'éi₂, tsá₃ quein'₃ jě₄ jmig₄ quió₃.”

'Nió₅ bá₄ 'ua'₂ ta₁ a₂jme₃quian'₅₄ dsa₂ Te₁gui'₅₄
(Mateo 10:37-38)

²⁵ Juin₅ lín₃ dsa₂ i₂jme₁ma₂quian'₅₄ Jesús. Jaun₂ ca₂jéin'₃ ca₂juá'₂:

²⁶ —Chi₂jua'₂ 'ein₂ 'ei₅ dsí₅ jme₃quiong'₅₄ jniá₂, ně₁jua'₂ tsá₃ ca₂tén'₃ dsí₅ téin₂ jmei₂, chog₅₄, dsa₂ mí₂ quiáin₅, chi'₂-guein₂ quiáin₅, ca₂le₃jín₃ guë'₄ o₁rñin'₅₄ ně₃; ně₁jua'₂ tsá₃ ca₂tén'₃ dsí₅ le₂jio₅ jme₂dsí₂ quió'₅ ně₃, tsá₃ lé₂ le₃léin₂ dsa₂ quiáng₃. ²⁷ Jua'₅₄ 'ein₂ tsá₃ ca₂tén'₃ dsí₅ gue₃ 'mú₃, † jía₃ chi₁co'₅₄ quió'₅, tsá₃ lé₂ le₃léin₂ dsa₂ quiáng₃. ²⁸ Jua'₅₄ mei'₂ guë'₃ chan₂ jan₂ 'nia'₂ i₂'nio₃ chi'₃ caun₂ ni₁'ia'₂ ñei₅, ¿on₁ jñiá₅ de'₂ con₂ 'í₁ chi₂jua'₂ ma₂len₅ cu₄ quió'₅ ca₂lia'₂ a₂'ió'₄ a₂jaun₂? ²⁹ Ia₁ ně₁jua'₂ tsá₃ le₂jaun₂, jme₃lióg₃ 'uig₅₄ 'ia'₂, tsá₃ tió'₅ guë'₂ jme₃'ió'₃, ca₂le₃jín₃ dsa₂ i₂jág₃ a₂jaun₂, a₂lě₁co₂jmóg'₂ co₃ñág₂ bá₄. ³⁰ Dsia₃: “Dsa₂ ně₅ con'₂ jñia'₅₄ ca₂jme₃lióg₃ 'uig₅₄, la₁ tsá₃ guë'₂ qui'₅₄ jmig₄ jme₃'ió'₃.” ³¹ O₃ jui₁lia'₂ jan₂ rag₅₄ guë'₂, i₂jmo₃ 'nei₂ quian'₅₄ jan₂ rag₅₄ sián'₂, ¿tsa₁ jñiá₅ de'₂ guá₃ con₂ 'í₁ chi₂jua'₂ tió'₅ quian'₅₄ guian₃ mei₅ 'lióg₂ quiáin₅, dsi₃quín'₂ quian'₅₄ guió₂ mei₅? ³² Chi₂jua'₂ ma₂lí₄, tsá₃ tió'₅ ně₃, të₂lia'₂ uíng₂ guë'₄ já₅ rag₅₄ jan₂, chein₃ dsa₂ i₂quian₅ jág₁ a₂mi₂₃ dsian₅ co₂ñei'₅₄ mi'₅₄. ³³ Le₂ně₅ bá₄ chi₂'ein₂ 'nia'₂ i₂tsá₃ ca₂tén'₃ dsí₅ tí₂ ca₂le₃jě₃ a₂cha₂ quió'₅, tsá₃ lé₂ le₃léin₂ dsa₂ quiáng₃.

Jág₁ jáng'₅ léi₄ jui₁lia'₂ 'a₂ lia'₂ lě₅ tsi₁ñi₁
(Mateo 5:13; Marcos 9:50)

† 14:15 lit. “guë'₃ i₁ñi'₄.” ‡ 14:27 lit. “tsá₃ cán₂ cróg₄ quió'₅.”

34'(Jui₁lia'₂ dsa₂ i₂quian'₅₄ jniá₂ lín₅ jui₁lia'₂ lě₅ tsi₁ŋi₁.) A₂dse₃ bá₄ tsi₁ŋi₁ tē₁lia'₂ ŋi'₅₄. La₁ nē₁jua'₂ ca₂'en₃ ŋi'₅₄ nē₃, ħ'_{a2} bá₄ lia'₂ lé₂ le₃lei₂ táng₃? 35 Tsá₃ ma₃'e₂ ta₁ tí₄, on₃ guē'₂ lé₂ le₃lé₂ gua'₅₄, on₃ guē'₂ ma₂tí₅ ta₁ jua'₅₄ a₂le₃lé₂ ca₂bē'₅₄ 'o'₅₄. Jñia'₅₄ lia'₂ a₂dsi₃ga'₅₄ úng₂ bá₄. I₂dsi₅₄ gua₄, rē₂ jui₁nei₅₄.

15

Jág₁ jáng'₅ léi₄ jui₁lia'₂ jan₂ já'₂ cha'₂ i₂ca₂i₃cón'₅
(Mateo 18:10-14)

1 Ca₂le₃jín₃ dsa₂ i₂cán₂ 'lia'₅₄ quián₅ dsi₂tan₅₄, quian'₅₄ guē₄ dsa₂ i₂le₁cán'₄ dso₄ sián'₂, ca₂o₃lén₂ ja₁'en₅₄ Jesús, a₂o₃néi₃.

2 Uig₅₄ jaun₂, dsa₂ fariseos quian'₅₄ tē₅juá'₅ ca₂chi₂ca₂'in₃ Jesús. Ca₂juá'₂:
—Dsa₂ nē₅ qui₂guein₂₃ bá₄ dsa₂ i₂le₁cán'₄ dso₄, guē'₅ co₂lě₅ quiong'₅₄.

3 Jaun₂ lě₃ ca₂juá'₂ Jesús jág₁ jáng'₅ léi₄ la₂:

4 —ħ₂'ein₂ 'nia'₂, jui₁lia'₂ i₂'ŋio₅ caun₂ 'ŋiá₂-lón₂ já'₂ cha'₂, nē₁jua'₂ ca₂i₃cón'₅ jan₂, tsa₁ ja₁co₂'ŋiog₅ jaun₂ toin'₂ i₂quén'₂ ne₂guión₂ rē₂dsí₂ guia₃-né₂ (99) con'₂ i₂te₂, dsó₃ táng₃ dsi₂jui₅, dsi₂'niai'₂ i₂jan₂ i₂i₃cón'₅ 'éi₂, 'nau'₂ ca₂lia'₂ ca₂dsáu'₂? 5 Jē₁ma₂ca₂dsáu'₂ nē₃, tē₂ jui₅ co₁dsi₁₂, jóin'₅ táng₃ 'io'₂ jén'₅. 6 Jē₁ma₂dsiáin'₃ dsi₂néi₂ nē₃, ŋíi'₂ ca₂le₃jín₃ a₂mei₅₄ quián₅, quian'₅₄ guē₄ dsa₂ i₂tián'₅ cau₅ quió'₅. Jaun₂ juá'₂: “Nē₃ o₁tió'₄, jmó₁ 'io'₂ quian'₅₄ jniá₂, ia₁ dsán'₅ bá₄ já'₂ cha'₂ i₂jme₁ma₂i₂cón'₅ quiáng₃.” 7 Juá'₅ jniá₂, 'ŋio₅ lín₃ guē₄ bá₄ cha₂ o₂'ŋi₃ dsi₅ guei'₅₄ i₂juíg₃ o₄quió'₄ jan₂ dsa₂ i₂rē₂cán'₄ dso₄, i₂dsi₂quén'₅ dsí₅, lia'₂ con'₂ guē₄ o₄quió'₄ i₂quén'₂ ne₂guión₂ rē₂dsí₂ guia₃-né₂ (99) dsa₂ “dsen₃” i₂tsá₃ 'e₂ 'nió'₅ jme₃tsín₃ dsí₅.

Jág₁ jáng'₅ léi₄ jui₁lia'₂ caun₂ cu₄ 'ua'₂ a₂i₃có'₅

8 'O₃ jui₁lia'₂ jan₂ dsa₂ mí₂ i₂'io₅ guia₃ cu₄ 'ua'₂,* nē₁jua'₂ ca₂i₃có'₅ caun₂, ħ₂tsa₁ téi₂ si₂, 'iá'₂ dse₃ lín₃ dsi₂néi₂, 'no'₂ ca₂lia'₂ ca₂dsó'₂? 9 Jē₁ma₂ca₂dsó'₂ nē₃, jmo₂₃ 'io'₂, ŋíi'₂ 'io₅₄ a₂mei₅₄ quián₅, i₂tián'₅ cau₅ quió'₅ nē₃, jaun₂ juá'₂: “Nē₃ o₁jmó₁ 'io'₂ quian'₅₄ jniá₂, ia₁ dsó'₅ bá₄ cu₄ a₂jme₁ma₂i₂'ág₃ quió₃.” 10 Jaun₂ le₂nē₅ bá₄ juíg₂ jniá₂ 'nia'₂, chan₂ o₂'ŋi₃ o₂'ŋia₃ dsi₅ ángeles quián₅ Diú₄ o₄quió'₄ jan₂ dsa₂ i₂rē₂cán'₄ dso₄, i₂ma₂ca₂dsi₃quén'₅ dsí₅.

Jág₁ jáng'₅ léi₄ jui₁lia'₂ jan₂ dsó₂ i₂ca₂dsián'₃ táng₃ quió'₅ jmei₂

11 Ca₂juá'₂ Jesús ján₃:

—Jan₂ dsa₂ jme₁chan₂ on₃ ja₁ŋi'₅₄. 12 I₂lín₅ i₂me'₂ guē₄ ca₂tsí'₃ jmei₂: “Tia₅₄, cuē₄ ca₂dsio₄ cu₄ quiáng'₂ con'₂ ca₂tíng₂.” Jaun₂ jmei₂ nē₃ ca₂dsi₃'₃ 'e₂ a₂cha₂ quió'₅, jma₃quén₅ ca₂cuē'₃ chi'₂ quián₅ con'₂ ca₂tín₂. 13 Mei'₂ bá₄ cang₂ jaun₂, dsó₂ i₂me'₂ guē₄ qui₂ca₂'nag₃ a₂jme₁ma₂lě₅ quió'₅. Quian'₅₄ cu₄ jaun₂ ca₂'í₃ jui₅ i₁ŋi₂ úng₂ caun₂ 'uē₃ siá'₂. Ja₁jaun₂ ca₂i₁'éin₄ jē₂ cu₄ quió'₅, tsá₃ 'en₅₄ dsí₅ ca₂rē₃cháin₃. 14 Jme₁ma₂dsó'₃ jē₂ cu₄ nē₃, 'ŋio₅ lín₃ ca₂rē₃'ín₃ a₂guē'₃ dsa₂ juíg₂ jaun₂. 'Eí₂ nē₃ ma₂ŋi₂₃ 'oin₅₄. 15 Jaun₂ ŋó₃ i₃'nió₂ ta₁ a₂jmo₃ quió'₅ dsa₂ juíg₂ jaun₂. Jaun₂ dsa₂ 'éi₂ nē₃ ca₂chei₃ ja₁nau₂ quió'₅ a₂ŋi₁'₃ i₁ŋí₅, 16 Jē₁ma₂tē₂ rē₁guē'₃ i₁ŋí₅, ca₂lia'₂ ma₂le₃guē'₃ 'ŋiog₅ cuá'₁ tsi₁rē₂jnei₂ a₂guē'₅ já'₂, la₁ 'i₁jan₂ tsá₃ 'ein₂ ca₂cuē₃ a₂guē'₅. 17 Jaun₂ ca₂i₃ŋia₅ dsí₅: “i₂Tē₁lia'₂ juin₅ mozos i₂'ŋio₅ ŋe'₃, cha₂ qui₂rē₂tsón₂ a₂guē'₅, jniá₂ nē₃ ja₁lá₃ jñíg'₅ dsi₃ 'ong₅₄! 18 'Ag₅₄ caun₂ dsi₃, nég'₄ táng₃ dsi₂néi₂ quió'₅ ŋe'₃. Juig₅₄ le₂la₂: Tia₅₄ quiáng₃, 'e₂ guē₄ juē'₂ dso₄ ca₂'no₃ ne₄ Diú₄ quian'₅₄ ja₁cong'₂; 19 jñia'₅₄ tsá₃ ma₃ca₂tíng₂ a₂tě'₄ jniá₂ jón₃. La₁ jag₄ jniá₂ lia'₂ ja₁jñg'₅₄ jan₂ dsa₂ i₂tion₄ quiáng'₂ bá₄. 20 Jaun₂ ca₂nau₂ ca₂'í₃ jui₅ jón₃

* 15:8 griego: dracma (co₂'nió'₄ 'lian'₅₄ dsa₂ co₂jmi₃g, ta₁).

táng₃ quió'₅ jmei₂. La₁ uíng₂ bá₄ guě₄ jón'₅, jme₁ca₂jág₂ jmei₂. Ca₂tá'₂ nēi₂ dsí'₅, ca₂ηó₃ co₂chi'₅₄, ca₂cág'₃ cu₅ ca₂chen'₃ quió'₅ 'io'₂ jén'₅. ²¹ Jaun₂ guě₄ ca₂juá'₂ ja₁ηi'₅₄: “Tia₅₄ quiáng₃, 'e₂ guě₄ juě'₂ dso₄ ca₂'no₃ ne₄ Diú₄ quian'₅₄ ja₁cong'₂; jñia'₅₄ tsá₃ ma₃ca₂tíng₂ a₂tě'₄ jniá'₂ jón₃.”† ²² La₁ jmei₂ ně₃, ca₂tsí'₃ dsa₂ i₂jme₂ti₃ ta₁ tion'₅₄ quiáin₅: “i₁Ma₂ně₃ co₂chi'₅₄! O₂dsi₄ 'mi'₂ a₂lě₅ a₂dse₃ guě₄, queng'₅₄ chi'₂ quiáng₃; caun₂ guě'₂ anillo tio'₂ chi₁gú₃. Co₂dsán'₃ guě'₂ ni₁lau₂ to'₅₄ 'nia'₂ tag₅₄; ²³ Jaun₂ o₁te'₄ 'nia'₂ ca₁jui₅ i₂ma₂'on'₅₄ chén'₅, jaun₂ jñi'₄ 'nia'₂. i₁Jaun₂ que₅₄, tió'₄ jmó₁ 'io'₂! ²⁴ Ia₁ chi'₂ ně₃ quiáng₃, ně₂jag₄ i₂jme₁ma₂jon₅ bá₄ ně₅, la₁ chain₂ bá₄; jme₁ca₂i₃cóin'₅, la₁ ma₂dsáin'₅ bá₄.” Jaun₂ ca₂jme₃lióg₃ jmig₄ tioin'₅₄.

²⁵ Tē₁lia'₂ jaun₂, chi'₂ ja₁ηi'₅₄ i₂lín₅ i₂juin'₂ guě₄, jme₁'ein₅₄ ja₁nau₂. Jme₁ma₂ja₂quián₃ guain'₂ dsi₂néi₂, ca₂nág₂ i₁niog₅ son₅₄ i₁dsan₅ dsa₂. ²⁶ Jaun₂ ca₂tě'₃ jan₂ dsó₂ ca₂ηag₃ 'e₂ niog₅ lě₂. ²⁷ Jaun₂ juá'₂ 'éi₂: “Dsó₂ ríng'₂ bá₄ guán'₅, jaun₂ nēi'₅ ně₃ ně₂jmo₃ 'éi'₃ ně₂jñi'₃ dsa₂ ca₁jui₅ i₂jme₁chén'₄ 'on'₅₄, ia₁ guán'₅, dsein₃ bá₄, tsá₃ 'e₂ lín₅.” ²⁸ La₁ ca₂rě₃'né₃ bá₄ riin'₅₄ i₂juin'₂ 'éi₂. Tsá₃ 'nio₃ 'í₂ dsi₂néi₂; jaun₂ ca₂o₃'ín₃ jmei₂, ca₂juá'₂ jág₁ 'ua₁. ²⁹ La₁ 'éi₂ ně₃ ca₂ηag₃ ca₂tsí'₃ jmei₂: “Ca₂le₃jě₃ ηi₂ ma₂guio₃ gua₅₄ jme₃tí₂ ta₁ ne'₅₄, tsá₃ líg'₂ jua'₅₄ ma₂jmo₃ tsá₃ nag₅₄ ja₁cong'₂. Ca₂lia'₂ jñia'₅₄ jan₂ chein₂ lau₂ bá₄ tsá₃ ma₂cuag'₅₄ jniá'₂ jua'₅₄ jmo₅₄ jmig₄ quian'₅₄ a₂mei₅₄ quiáng₃. ³⁰ Ně₃ guě₄ ting'₂ jmó'₂ jmig₄ ia₁ guán'₅ ja₁ηi'₄ ně₅, i₂lě₁qui₂i₁'én₄ cu₄ quiáng'₂, qui₂i₁ηi₂ lia'₂ lě₂ dsí₅ quian'₅₄ 'io₅₄ ga₂. Ně₃ ně₃, jmig₄ jmo'₂ o₄quió'₄, jñíg'₅ ca₁jui₅ i₂'on'₅₄ guě₄ jme₁chén'₄.” ³¹ Jaun₂ ca₂ηag₃ jmei₂: “Jón₃, ma₁ co₂tan₅₄ bá₄ nēi'₂ 'ne₂ quian'₅₄ jniá'₂; a₂quián'₂ 'ne₂ bá₄ ca₂le₃jě₃ a₂cha₂ quió₃. ³² La₁ ně₃ ně₃ co₂ně₅ ca₂tág₂ jmó₁ jmig₄, quián₁ o₂'ηi₃ dsí₅, ia₁ guán'₅ ríng'₂, ně₂jag₄ i₂jme₁ma₂jon₅, la₁ ně₃ ma₂chain₂ bá₄ táng₃; jme₁ca₂i₃cóin'₅, la₁ ma₂dsáin'₅ bá₄.”

16

Jág₁ jáng'₅ léi₄ ju₁lia'₂ jan₂ dsa₂ i₂tsá₃ ca₂rě₃ti'₅₄

¹ Ca₂juá'₂ Jesús ján₃ ca₂tsí'₃ dsa₂ i₂quian'₅₄:

—Jme₁chan₂ jan₂ dsa₂ cha₂ cu₄ jme₁ηioi₂₃ jan₂ dsa₂ i₂niog₅ gu₂ dsi₂néi₂ quió'₅; la₁ ca₂i₁dsia₂ jan₂ dso₄, ia₁ juá'₂ a₂lě₁jme₁qui₂'én₂ 'éi₂ a₂cha₂ quió'₅ juig₅₄. ² Jaun₂ ca₂tě₃ juig₅₄ ca₂juá'₂: “¿I₂'e₂ bá₄ jág₁ ně₅ nag₂₃ quián'₂ 'ne₂? Jang'₅₄ cuentas quiáng'₂, ta₁ a₂lín'₅, ia₁ ja₁lá₃ jñia'₃ ta₁ a₂niog₅ gog'₂.” ³ Jaun₂ dsa₂ 'éi₂ ně₃ ca₂'náu'₃ dsí₅: “¿'E₂ bá₄ jmo₅₄ jniá'₂? Jñiá'₂ juig₃ ta₁ quió₃. Tsá₃ bég₂ jua'₅₄ jmo₅₄ ta₁ ja₁nau₂, ján₃ guě'₂ gui'₄ jniá'₂ jua'₅₄ a₂lě₁mi₁₂ jme₃'o₅₄ dsa₂. ⁴ Ma₂guion₄ 'a₂ lia'₂ jmo₅₄ ia₁ jaun₂ guei₃ dsa₂ sián'₂ dsi₂néi₂ quió'₅ jě₁ma₂tě₁tsing'₅₄ tsá₃ ta₁ cha₂ jmo₅₄.” ⁵ Jaun₂ ca₂tě'₃ tē₃ qui₂ján₃ dsa₂ i₂jme₁le₁rín₃ quió'₅ juig₅₄. I₂le₂'uig₅₄ ca₂tsí'₃: “¿Je₂liá'₂ ríng'₂ quió'₅ gui'₅₄?” ⁶ Jaun₂ ca₂juá'₂ 'éi₂: “Caun₂ 'ñiá₂-láu₂ ba₂ri₅₄* no'₅₄.” Jaun₂ juá'₂: “La₂ ron₅ si₂ ja₁ton₅ con'₂ a₂ríng'₂. Né₂, ma₂ně₃ jmo₄ táng₃ caun₂ a₂siá'₂, tió'₃ jñia'₅₄ tē₂láu₃-guiá'₂ bá₄ taun'₅₄ a₂le₃ríng'₂.” ⁷ Jaun₂ ca₂tsí'₃ táng₃ jan₂ i₂sián'₂: “Ne₂ guě'₂, ¿je₂liá'₂ ríng'₂?” Jaun₂ juá'₂: “Caun₂ mei₅ 'ma₂ cuig₂.”† Jaun₂ ca₂ηag₃: “Jón₅ si₂ ja₁ton₅ a₂ríng'₂; jmo₄ táng₃ caun₂ a₂siá'₂ tió'₃ quén'₂ co₂ne₂guióg₂ bá₄ taun'₅₄.” ⁸ Juig₅₄ ně₃, rě₂ bá₄ ca₂'iin₃ dsa₂ i₂tsá₃ ca₂rě₃ti'₅₄ 'éi₂, ia₁ 'ηioi₅₄ ca₂jmo₃. Ia₁ ja₂lín₃ guě₄ bá₄ 'ηio₅₄ ju₁lia'₂ dsa₂ mi₂güig₃ jmig₄ ně₃, lia'₂ con'₂ guě₄ chi'₂-guein₂ i₂i₂nio₄ ja₁jniá'₂ si₂. ⁹ Jaun₂ juig₂ jniá'₂ 'nia'₂, 'nio'₂ 'nia'₂ jui₅ 'a₂ lia'₂ léng'₂ a₂mei₅₄ quian'₅₄ cu₄ cha₂ mi₂güig₃ 'lig'₅₄ la₂, ia₁ jaun₂

† **15:21** A₂lín₅₄ chog₅₄ si₂ chi₁ton₅ le₂la₂ ján₃: “La₁ jag₄ jniá'₂ lia'₂ ja₁jíng'₅₄ jan₂ dsa₂ i₂tion₄ quiáng'₂ bá₄.”

* **16:6** lit. “caun₂ 'ñiá₂-láu₂ batous”, (caun₂ 'éi'₃ a₂jme₁'io₅ dsa₂, a₂'a₄ con'₂ 37 litros le₂caun₂). † **16:7** lit. “caun₂ 'ñiá₂-láu₂ korous míg₂ trigo”, (caun₂ 'éi'₃ a₂'éi₄ con'₂ guia₃ 'ma₂ le₂caun₂).

jë₁ma₂ca₂dsa₃cu₄, chan₂bá₄i₂le₃guéi'₂'nia'₂ja₁o₁tiáng'₂dse₃co₂tan₅₄. ¹⁰Jui₁lia'₂i₂rë₂ti'₅₄rë₂quian'₅₄ca₂juig₄a₂të₂no₄gu₂,ján₃bá₄le₂jaun₂rë₂ti'₅₄quian'₅₄'lióng₂. Le₂jaun₂guë'₂jui₁lia'₂dsa₂i₂tsá₃rë₂ti'₅₄quian'₅₄ca₂juig₄,ján₃bá₄le₂jaun₂tsá₃rë₂ti'₅₄quian'₅₄'lióng₂. ¹¹Jaun₂në₃,në₁jua'₂tsá₃rë₂ten'₅₄'nia'₂quian'₅₄cu₄cha₂mi₂güig₃'lig'₅₄la₂,ç₂'ein₂bá₄i₂lé₂le₃'ág₃caun₂dsí₅ja₁con'₂'nia'₂quian'₅₄a₂lë₅a₂quen₅të₃dsón'₂? ¹²Në₁jua'₂tsá₃rë₂ten'₅₄'nia'₂quian'₅₄a₂lë₅quió'₅dsa₂sián'₂,ç₂'ein₂bá₄dsia₃gog'₂'nia'₂jui₁lia'₂a₂ca₂tín'₂'nia'₂guiong'₅₄? ¹³I₁jan₂dsa₂i₂ma₂'lian'₅₄tsá₃lé₂le₃jme₃ti₃ta₁ne₄on₃juig₅₄. Ia₁jme₃'ñiai₅₄jan₂,jan₂guë'₂jme₃'nioi₃;o₃jme₂gain₃jan₂,jan₂guë'₂tsá₃jui₅toin'₂. Tsá₃'ein₂'nia'₂lé₂le₃jme₃ti₃lia'₂ne₄Diú₄,lia'₂ne₄Cu₄në₃.

¹⁴Dsa₂fariseos në₃,jme₁tioin'₅₄'nag₂₃jë₂jág₁në₅.Jaun₂jñia'₅₄ca₂ñág₂'nei₂bá₄jme₁ca₂ñág₂,ia₁lín₅dsa₂i₂ñí₄dsi₅₄cu₄.

¹⁵Jaun₂ca₂juá'₂Jesús:

—'Nia'₂jmo'₂a₂dseng'₃të₃ne₄dsa₂,la₁cuí'₅bá₄Diú₄dse₃'a₂lia'₂lë₅'au'₂'nia'₂. Ia₁jui₁lia'₂i₂jmo₅dsí₅a₂ñí₄lë₃dsein₅₄'ñio₅quein₅,a₂jaun₂'io'₅₄Diú₄.

'Éi'₃Juá'₅,quian'₅₄ja₁gon₂Diú₄

¹⁶Jme₁ron₅'Éi'₃Juá'₅,quian'₅₄Si₂quió'₅dsa₂i₂jme₁'ë₂jág₁quián₅Diú₄,ca₂lia'₂ca₂të₂jmi₃g₄a₂jme₁chan₂Juan₅₄.Ca₂le₃jaun₂qui₂dsi₂'ag₅jág₁jui₁lia'₂ja₁gon₂Diú₄;ma₂ja₂lén₂ca₂le₃jín₃dsa₂qui₂quín'₅bí₂a₂tóin'₃.¹⁷Tsá₃guë'₄e₂ta₁quian₅a₂dsi₃ñí₂dsi₁guei'₅₄quian'₅₄gua'₅₄'uë₃,lia'₂con'₂guë'₄dsi₃'én₂caun₂léi₄pí'₁a₂le₁ton₅'Éi'₃,jua'₅₄a₂tsá₃le₃ti₃.

Jme₂tag₅Jesús'a₂lia'₂lë₅jui₁lia'₂a₂tén₂dsa₂dsi₂i₂gu₂
(Mateo 19:1-12; Marcos 10:1-12)

¹⁸'Në₁jua'₂jan₂dsa₂ñe'₂ca₂téin₂dsa₂mí₂quiáin₅,a₂jéin'₂táng₃gu₂quian'₅₄i₂sián'₂,no₂₃dso₄.Ján₃guë'₂le₂jaun₂në₁jua'₂dsa₂ñe'₂ca₂cain₃dsa₂mí₂i₂ma₂téi₂dsi₂i₂gu₂,ján₃bá₄co₂jaun₂'no₂₃dso₄ján₃.

Jan₂dsa₂cha₂cu₄,quian'₅₄Lázaro

¹⁹Jme₁chan₂jan₂dsa₂cha₂cu₄i₂jme₁quí'₅jmá'₃tsin'₅₄jlá'₁,quian'₅₄'mi'₂'ui'₃a₂chein'₅₄ta₁jain₂,në₃.Le₂'o₃jmi₃g₄bá₄jme₁cué'₅o₂ñi₃o₂ñia₃dsi₅,jme₁jmo₂₃jmi₃g₄jlá'₁.²⁰Jme₁chan₂táng₃jan₂dsa₂te₂ñé₂i₂jme₁chen₂Lázaro,‡i₂dso'₅₄jme₁qui₂rë₂can'₂'mé'₅ni₁ñi₁₂.Jme₁dsi₂dsi₃g₃dsa₂o₄'né₄quió'₅dsa₂cha₂cu₄.²¹Dsa₂te₂ñé₂'éi₂në₃jme₁'nio₃jme₃tain'₅₄quian'₅₄a₂tsi₂séi'₂ne₄mesa.Ca₂të₂dsi₂jí'₅₄jme₁ja₂lén₂ja₂'lí'₃ne₄'mé'₅quió'₅.²²Cang₂jaun₂ca₂jon₃bá₄dsa₂dsi₂ñé₂'éi₂,ca₂tág₃ángelesja₁con₂Abraham.Cang₂,ca₂jon₃bá₄dsa₂cha₂cu₄'éi₂ján₃.Ca₂'ó₂bá₄dsa₂në₃.²³Jme₁ma₂'ein₅₄ñág₅uig₅ja₁dsi₂len₅'lag₄,§ca₂chóg'₃ne₅₄ca₂jín₂uíng₂Abrahamquian'₅₄Lázaro cau₅quió'₅.²⁴Jaun₂ca₂guió'₃co₂mí'₅₄ca₂juá'₂:“Tia₅₄Abraham,dsia₄ñéi₂'au'₂jniá₂,chen₅Lázaronë₅jui₁tia₅₄chi₁gú₃né'₃jmi₃g₃,jui₁jia₂jme₃güig'₂le₁tsi'₃.Ia₁'ñio₅lin₃uig₅ñag₅₄'eng₅₄jë₄si₂la₂.”²⁵Jaun₂ca₂ñag₃Abraham:“Jón₃,dsá₂'au'₂jmo₄,ca₂gue'₅₄bá₄'ne₂a₂dse₃të₁lia'₂ca₂rë₃cháng'₃.Lázaro la₂në₃,tsá₃'e₂dse₃ca₂rë₃cháin₃.Jaun₂rë₂në₃në₃gue₂₃lián'₂chain₂dse₃ja₁lá₃. 'Ne₂guë'₂ma₂ñag'₅₄uig₅janë₅.²⁶Ton'₂jí'₅₄ñei₅lin₃lë₅jë₄quián₂jniog₄,jaun₂tsá₃'ein₂lé₂le₃ñí₃të₂le₃në₅,on₃guë'₂i₂tion'₅₄janë₅lé₂ñí₃le₃la₂.”²⁷Jaun₂ca₂ñag₃táng₃:“Mí₅jniá₂ne'₅₄jaun₂,tia₅₄,a₂dsiang'₅₄i₂në₅dsi₃con₅₄jág₁dsau₅dsi₂néi₂quió'₅ñe'₃,²⁸ia₁'ñiá₂chi'₂ríng'₃i₂chan₂guë'₄,ia₁jaun₂tsá₃ja₃ñag₅₄uig₅ja₁lá₃.”²⁹Jaun₂ca₂ñag₃táng₃Abraham:“I₂ma₂rón'₅

‡ 16:20 Lia'₂chen₂Lázarojein₅jág₁,dsa₂i₂jme₂'o₅₄Diú₄. § 16:23 griego: hades, co₂'nió'₄a₂juá'₂,ja₁quió'₄'lag₄.

si₂ bá₄ ó₃ ca₂quiog₂ Moisés quian'₅₄ dsa₂ i₂jme₁'ě₂ jág₁. ¡Jui₁tion'₅₄ jui₅ a₂juá'₂ 'éi₂!"³⁰ Jaun₂ ca₂ḡag₃ táng₃: "Jan₂'ón₄, tia₅₄ Abraham, ia₁ nē₁ca₂dsián'₂ jan₂ 'lag₄ dsi₁con₃ jág₁, dsi₃quén'₅ bá₄ dsí₅." ³¹ La₁ ca₂ḡag₃ táng₃ 'éi₂: "Chi₂jua'₂ tsá₃ nag₅ gau₂ a₂juá'₂ Moisés, quian'₅₄ dsa₂ i₂jme₁'ě₂ jág₁ quián₅ Diú₄ ně₃, ján₃ bá₄ le₂jaun₂ tsá₃ 'e₂ gau₂ nag₃ o₁jñia'₅₄ la₂ ca₂jen'₅₄ jan₂ 'lag₄ dsi₁con₃ jág₁."

17

A₂go'₂ ně₁jua'₂ 'ein₂ ca₂tian'₃ dso₄
(Mateo 18:6-7, 21—22; Marcos 9:42)

¹ Ca₂juá'₂ Jesús ca₂tsí'₃ dsa₂ i₂quiain'₅₄:

—Tion₅₄ niog₅ le₃cha₂ bá₄ a₂jmo₃ a₂qui₃nió₃ dsa₂. ¡La₁ 'e₂ guě₄ juí₂ jui₁lia'₂ dsa₂ i₂'uin₄ a₂dsi₂gan'₅₄ riin'₅₄! ² Ja₂lin₃ guě₄ dse₃ jua'₅₄ tón₂ dsa₂ ne₄ jmi₁ñí'₄ chi₁quein₅ ni₁to₂ dsi₂lag₅₄, lia'₂ con'₂ guě₄ jmo₃ tián'₃ dso₄ jan₂ dsa₂ dsi₂ḡé₂ la₂.

³ Tě₃ñi'₅₄ 'nia'₂ jaun₂.

'Chi₂jua'₂ 'ein₂ ríng'₂ jmóg'₂ mi'₅₄, jéin₃. Ně₁jua'₂ ca₂jme₃tsíin₃ dsí₅, 'én₃ dsáu₁.

⁴ O₁jñia'₅₄ guio₃ ráun₂ ně₂jmóg'₂ mi'₅₄ co₂jmi₄g₄, ně₁jua'₂ guio₃ ráun₂ ca₂já₃ ne'₅₄, juá'₂: "Tsá₃ ma₃jmo₅₄", 'én₃ dsáu₁.

Bí₂ a₂'io₅ a₂'én₂ dsa₂

⁵ Ca₂juá'₂ chi'₂ dsi₂guia₃-tín₂ ca₂tsí'₃ Te₁gui'₅₄:

—Jmo₄ jui₁le₂'éin₂ guě₄ jnia'₅₄.

⁶ Jaun₂ ca₂ḡag₃ táng₃ Te₁gui'₅₄:

—Tsá₃ a₂nag₅₄ jñia'₅₄ con'₂ tí₅ ca₂míg₂ mi₂jon₂ quió'₅ ni₁'ma₂ mostaza* bá₄ 'én'₂ 'nia'₂, lé₂ le₃juig'₅₄ ni₁'ma₂ sicómoro† chí'₅ ně₅, "Jñiag'₃ ja₁ně₅, o₂nau₂ ne₄ jmi₁ñí'₄", le₂jaun₂ dsón'₂ lé₂ bá₄.

'A₂ ca₂tín₂ jmo₃ dsa₂ i₂jme₂ti₃

⁷ 'Jua'₅₄ mei'₂ guě₃ jan'₂ 'nia'₂ chan₂ jan₂ dsa₂ i₂jmo₅ ta₁ ja₁nau₂ quió'₅, o₃ jmo₂₃ 'í₂ já'₂ cha'₂ 'e₂, jua'₅₄ mei'₂ guě₃ ma₂guáin'₅ ja₁nau₂, ¿o₃ bá₄ juig'₂ 'nia'₂: "Ñi₅₄ i₂ně₂ jaun₂ quě'₅₄?" ⁸ Ma₁ tsá₃ le₂jaun₂. ¿o₃ juig'₂ le₂la₂ 'e₂: "jmo₄ co₂jñia₅₄ a₂guě'₅₄, jmo₄ co₂jñia₅₄ quiáng'₂, jaun₂ ḡag₅₄ dsiá'₁ quió₃. Ca₂lia'₂ jě₁ma₂ca₂lě₃ guě'₂, gui'₂ ně₃, jaun₂ guě₄ quě'₅₄, 'ag'₅₄ 'ne₂?" ⁹ ¿Cuě'₅ ti₁'mag'₄ dsa₂ 'éi₂ ia₁ jme₃ti₃ con'₂ lě₅ a₂tě₁néi'₂? Jan₂'ón₄. ¹⁰ Le₂ně₅ bá₄ 'nia'₂ ján₃, jě₁ma₂ca₂lě₃ jmo₂ ca₂le₃jě₃ a₂juá'₂ Diú₄, ca₂tín'₂ 'nia'₂ jua'₅₄: "Tsá₃ 'e₂ ta₁ téi₄ jnia'₅₄ ja₁cong'₂, ia₁ tsá₃ 'e₂ ḡag₅₄ jua'₅₄ ně₂jmó₁ jnia'₅₄, jñia'₅₄ con'₂ a₂ca₂tág₂ jnia'₅₄ jmó₁ bá₄ ně₂jmó₁."

Ca₂jme₃'lión₂ Jesús guian₃ dsa₂ i₂jme₁lín₄ 'mé'₅ 'iog₅

¹¹ Con'₂ siá'₂, ca₂í₃ táng₃ Jesús jui₅ a₂dsió₄ Jerusalén, qui₂ca₂ḡii₅ le₂tan₅₄ 'uě₃ Samaria quian'₅₄ Galilea.

¹² Jme₁ca₂dsió₃ caun₂ juig₂ bē'₅₄, ca₂jme₃jein'₂ guian₃ dsa₂ i₂le₁dso'₅₄ lín₅ 'mé'₅ 'iog₅, la₁ uíng₂ bá₄ ca₂nau₂ ja₁chén'₄ Jesús. ¹³ Ca₂juá'₂ tiá₂:

—¡Jesús, Tě₅, dsia₄ ḡéi₂ 'au'₂ jnia'₅₄!

¹⁴ Jme₁ca₂jág₂ Jesús, ca₂juá'₂:

—O₂nó'₅ 'nia'₂ o₂jme₁jnia₅ ne₄ jme₂dsa₂.

Jě₄ i₂lén₂ jaun₂ bá₄, ca₂jñia₃ 'mé'₅ a₂jme₁lín₄.

¹⁵ Jaun₂ ně₃ jan₂ 'éi₂, jme₁ca₂rě₃lí'₄ ca₂jñia₃ dso'₅₄, ca₂jéin'₃ táng₃ ne₅₄, jme₂juin'₂ Diú₄ co₂mi'₅₄.

¹⁶ Ca₂tóin₂ 'uě₃ cau₅ mi₂tag₄ Jesús, cuě₂₃ ti₁'mag'₄. Jan₂ dsa₂ chan₂ Samaria bá₄ 'éi₂.

* **17:6** mostaza: On₃jua'₅₄ mi₁jáng'₅ a₂cuí'₅ dsa₂ go₄ jniog₄; caun₂ ni₁'ma₂ dsón'₂ jaun₂ a₂tě₂ tě₅sí, Brassica nigra. † **17:6** sicómoro: mei'₂ tsá₃, ni₁'ma₂ Ficus sycomorus. 'Nio'₂ ja₁ton₅, Amós 7:14.

17 Jaun₂ ca₂juá'₂ Jesús:
—¿On₁jua'₅₄ guian₃ lě₂ i₂ca₂'lón₂? ¿Na₅ guë'₂ i₂ŋi₃ 'éi₂? 18 ¿Jan₂ dsi₂nau₂ la₂ bá₄ i₂jón'₅ jme₂juin'₂ Diú₄?

19 Jaun₂ ca₂tsí'₃ dsa₂ 'éi₂:

—Nau₂, guan'₂ quiáng'₂. Ca₂'lóng'₂ ia₁ 'éng'₂ bá₄.

*A₂ lia'₂ lé₂ i₁guá'₂ 'éi'₃ quió'₅ Diú₄
(Mateo 24:23-28, 36—41)*

20 Jaun₂ ca₂ŋag₃ dsa₂ fariseos ca₂ŋí'₃ Jesús líg'₂ guá₂ jmíg₄ a₂le₃gon₂ Diú₄.
Jaun₂ ca₂ŋag₃ 'éi₂:

—On₃jua'₅₄ a₂cha₂ léi₄ a₂rě₂jniá₂ guá₂ 'éi'₃ quió'₅ Diú₄. 21 Jaun₂ tsá₃ 'ein₂ lé₂ le₃juá'₂, jua'₅₄ “ŋí₂ ja₁lá₃ já₅”, o₃ “jó₄ já₅.” Ia₁ a₂ma₂'i₄ bá₄ 'éi'₃ quió'₅ Diú₄ jin'₄ 'nia'₂.

22 Jaun₂ ca₂tsí'₃ táng₃ chi'₂ dsi₂guia₃-tín₂:

—Já₅ jmíg₄ ja₁lé₂ 'au'₂ 'nia'₂ 'niog'₂ jag'₅₄ jmíg₄ a₂le₃gon₂ Jaun₅ dsa₂ mi₂güí₃, la₁ tsá₃ jaun₂ tē₅₄ ne'₅₄ 'nia'₂. 23 Ia₁ já₅ jmíg₄ i₁tsí'₃ dsa₂ 'nia'₂: “ŋí₂ ja₁lá₃ já₅”, o₃ “jó₄ já₅.” La₁ tsá₃ o₁nó'₅ 'nia'₂, on₃ guë'₂ ju₁le₂'én'₂ 'nia'₂ quió'₅ i₂juá'₂ le₂ně₅.

24 Ia₁ ju₁lia'₂ tē₂tsí'₅₄ si₁ŋí'₃ ca₂taun₂ ca₂taun₂ guei'₅₄ mi₂güí₃, le₂jaun₂ bá₄ lé₂ jē₁ma₂tē₂ rē₂tē₃tsin'₅₄ Jaun₅ dsa₂ mi₂güí₃. 25 La₁ jniá₅ de'₂ ca₂tīn₂ ŋág₃ uig₅ 'ŋio₅ lín₃, jme₃'iog₅₄ dsa₂ chan₂ jmíg₄ ně₃. 26 Ia₁ ju₁lia'₂ ca₂lě₃ jmíg₄ lia'₂

con'₂ jme₁chan₂ Noé, le₂jaun₂ bá₄ lé₂ táng₃ jmíg₄ quió'₅ Jaun₅ dsa₂ mi₂güí₃.

27 Ia₁ jme₁tion'₅₄ dsa₂ 'éi₂ jmíg₄ jaun₂ qui₂guë'₅, qui₂'ín'₂ ně₃, jme₁qui₂jéin'₂ gu₂, qui₂cui₂n₂₃ chi'₂ quián₅ a₂jéin'₂ gu₂, ca₂lia'₂ jme₁ca₂dsióg₃ jmíg₄ i₁ca₂'í₃ Noé 'ŋió'₃ ni₁barco, a₂ca₂can'₂ rē'₂ jmíg₂ ta₁caun₂ mi₂güí₃, ca₂i₂'én₂ ca₂le₃jín₃.

28 Le₂ně₅ bá₄ ca₂lě₃ ján₃ jmíg₄ quió'₅ Lot. Jme₁tion'₅₄ dsa₂ qui₂guë'₅, qui₂'ín'₂, i₂tion'₅₄ qui₂lá₅, qui₂'nag₂₃, qui₂jne₂₃ 'e₂ qui₂jne₂₃, qui₂jmóg'₅ 'ne₄ ně₃. 29 La₁

jme₁ca₂dsióg₃ jmíg₄ a₂o₂'ín₃ Lot ju₁g₂ Sodoma, a₂ca₂tang₂ rē'₂ si₂, ca₂séi'₂ ni₁cang₁ azufre le₁guí'₂ si₂ guei'₅₄, ca₂i₃'én₂ táng₃ ca₂le₃jín₃. 30 Le₂jaun₂ bá₄ lé₂

táng₃ jmíg₄ i₁jme₃jnia₅ Jaun₅ dsa₂ mi₂güí₃. 31 Jmíg₄ jaun₂, chi₂jua'₂ 'ein₂ 'en₅₄ co'₅₄ 'ne₄, ju₁te₁'i₁ bá₄ 'e₂ te₁'i₁ dsi₂néi₂ quió'₅, tsá₃ o₁sióin₄ jua'₅₄ a₂'uě'₃ a₂jaun₂.

Ján₃ bá₄ le₂jaun₂ ju₁lia'₂ i₂'en₅₄ ja₁nau₂, tsá₃ ma₃o₁jŋioi'₅₄ jua'₅₄ a₂ja₃quián₂ 'e₂ ja₃quián₂ a₂cha₂ quió'₅. 32 Dsá₂ 'au'₂ 'nia'₂ jmo₄ 'e₂ ca₂i₃ŋí'₂ 'io₅₄ quián₅ Lot. 33 Ia₁

ju₁lia'₂ dsa₂ i₂'nio₃ le₃chan₂ dse₃, dsi₃'én₂ quió'₅; la₁ ju₁lia'₂ dsa₂ i₂dsi₃'én₂ quió'₅, le₃chain₂ bá₄ dse₃.

34 Juá'₅ jniá₂, 'uě₂ jaun₂, on₃ dsa₂ i₂tián₅ caun₂ tsi₁cama; jan₂ i₂dsi₃lén₃, jan₂ guë'₂ i₂tě₃'ŋiá₄. 35 Ján₃ guë'₂ le₂jaun₂, on₃ dsa₂ mí₂ i₂tion'₅₄ 'éi'₅ co₂lě₅; jan₂ i₂dsi₃lén₃, jan₂ guë'₂ i₂tě₃'ŋiá₄.‡

37 Jaun₂ ca₂ŋag₃ dsa₂:

—¿A₂já'₄ bá₄ lé₂ a₂ně₅, Te₁gui'₅₄?

Jaun₂ ca₂ŋag₃ táng₃ 'éi₂:

—Ju₁lia'₂ ja₁ron₅ ni₁ŋi₁ 'lag₄, ja₁jaun₂ ŋi'₂ i₁tú₃ tsin'₅₄.

18

Jág₁ jáng'₅ léi₄ ju₁lia'₂ jan₂ 'io₅₄ 'nág₂ quián₅₄ jan₂ juě₄

1 Ca₂juá'₂ Jesús caun₂ jág₁ a₂jáng'₅ léi₄, a₂ca₂jme₃tīn₂₃ dsa₂ a₂ca₂tīn₂ chi₃lén₂ Diú₄ tián₂, tsá₃ o₁'ú'₄ dsí₅.

2 Ca₂juá'₂ le₂la₂:

‡ 17:35 Chog₅₄ si₂ a₂gui'₅₄ guě₄, tsá₃ chi₁ton₅ versículo 36 a₂juá'₂: “On₃ dsa₂ ŋe'₂ i₂tion'₅₄ jmo₅ ta₁ ja₁nau₂; jan₂ i₂dsi₃lén₃, i₂jan₂ guë'₂ i₂tě₃'ŋiá₄.”

—Caun₂ juig₂ jme₁guá₄ jan₂ juě₄ i₂tsá₃ Diú₄ gan₃, on₃ guě₂ dsa₂ dsí₅ dsa₂ mi₂güig₃ ně₃. ³ Ján₃ bá₄ juig₂ jaun₂ jme₁chan₂ jan₂ 'io₅₄ 'nág₂ i₂jme₁ja₂ i₂gú₃ ja₃jin₅₄ juě₄ 'éi₂, jme₁ja₂jua₅₄: “Jme₁rě₂ jág₁ quió₃, qui₂dsi₅ 'éi₃ quió₅ dsa₂ i₂jmóg₂ jniá₂.” ⁴ Uě₂ bá₄ tsá₃ jui₅ tón₂ 'éi₂ jua₅₄ jme₃rě₃. La₁ can₂ bá₄ ca₂i₃jñia₅ dsí₅: “O₁jñia₅₄ la₂ tsá₃ Diú₄ gáng₅, on₃ guě₂ dsa₂ mi₂güig₃ dsa₂ dsí₃ ně₃, ⁵ la₁ia₁ 'uig₅₄ a₂ñí₄ lě₃ cuě₅ o₂me₅₄ dsí₃ 'io₅₄ 'nág₂ ně₅, qui₁dsi₅ jniá₂ co₂ñei₅₄ 'éi₃ o₄quió₄, con₂ tsá₃ ñó₅ ně₁jua₂ caun₂ le₂ně₅ ñi₃, jmo₃ dsí₃mé₂ dsí₃.”

⁶ Jaun₂ ca₂juá₂ Te₁gui₅₄:

—Ní₂ rě₂ a₂juá₂ juě₄ 'lín₅₄ 'éi₂. ⁷ ¿Tsa₁ lín₂ 'nia₂, jme₃rě₃ bá₄ Diú₄ 'e₂ a₂mi₅ dsa₂ i₂rě₂quion₅₄ quiáin₅ i₂qui₂'áu₂ ca₂nei₂ ca₂jnia₃? ¿Tsa₁ lín₂ 'nia₂ caun₂ juin₂ dsí₅ bá₄ quiong₅₄? ⁸ Juig₂ jniá₂ 'nia₂, dsí₂jui₅ bá₄ qui₃dsi₅ Diú₄ 'éi₃ o₄quió₄ i₂mi₅. La₁, jě₁ma₂tě₂ rě₁guan₂ Jaun₅ dsa₂ mi₂güig₃, ¿dsiain₂ bá₄ guě₄ dsa₂ 'én₂ ne₄ gua₅₄ 'uě₃?

Jág₁ jáng₅ léi₄ jui₁lia₂ on₃ dsa₂: jan₂ dsa₂ fariseo, jan₂ guě₂ dsa₂ i₂mi₅ 'lia₅₄ a₂ca₂tín₂ dsí₂tan₅₄

⁹ Ca₂juá₂ Jesús caun₂ jág₁ jáng₅ léi₄ a₂ca₂tín₂ con₂ i₂lín₂ lín₅ dsa₂ dsen₃, tsá₃ dsáu₅ dsí₅ riin₅₄ sián₂. Ca₂juá₂:

¹⁰ —On₃ dsa₂ ca₂lén₂ guá₅ templo i₁chi₁lein₄ Diú₄. Jan₂ 'éi₂ jme₁lín₄ fariseo, jan₂ guě₂ i₂jme₁lín₄ ta₁ i₂mi₅ 'lia₅₄ a₂ca₂tín₂ dsí₂tan₅₄. ¹¹ Dsa₂ fariseo ně₃, tě₃ chéin₅ bá₄ chi₂lí₂ con₂ 'ñiog₅, ca₂juá₂ le₂la₂: “Cuě₅ jniá₂ ti₁'mag₄, 'ne₂ Diú₄ quiáng₃, ia₁ tsá₃ líng₅ jui₁lia₂ lín₅ i₂lín₅₄: i₂qui₂'ang₅, i₂tsá₃ dse₃ jmo₅ ja₁con₂ rin₅₄, i₂nió₅ jág₁ quian₅₄ dsa₂ i₂tsá₃ lín₅ dsí₂l₂gu₂, ca₂lia₂ jñia₅₄ lia₂ lín₅ dsa₂ i₂mi₅ 'lia₅₄ ně₅, tsá₃ líng₅. ¹² Jme₂ling₅₄ ně₃ tin₃ ráun₂ lia₂ caun₂ semana, ton₂ cuě₅ bá₄ jniá₂ caun₂ qui₅₄ a₂guia₃ quió₃, jě₂ con₂ a₂lág₂.” ¹³ La₁ dsa₂ i₂mi₅ 'lia₅₄ 'éi₂ guě₂ ně₃, uíng₂ bá₄ chéin₅, ca₂lia₂ jñia₅₄ ne₅₄ bá₄ tsá₃ tiá₂ dsí₅ chóg₃ guei₅₄. Jñia₅₄ con₂ qui₂quein₂₃ le₁dsí₅ bá₄ chéin₅, juá₂: “Diú₄ quiáng₃, dsia₄ ñéi₂ 'au₂ jniá₂ ia₁ rě₂cáng₄ dso₄.” ¹⁴ Jaun₂ juig₂ jniá₂ 'nia₂, dsa₂ i₂mi₅ 'lia₅₄, 'éi₂ bá₄ tiá₂ rě₂ tě₁tsin₅₄ ne₄ Diú₄ ñái₅ quió₅, lia₂ con₂ guě₄ i₂jan₂. Ia₁ ca₂le₃jín₃ i₂jme₂can₅₄ guion₅₄, sióin₃; la₁ i₂jmo₅ me₂ guě₂ ně₃, roin₂ guei₅₄.

Ca₂jme₃gon₅₄ Jesús chi₂-guein₂

(Mateo 19:13-15; Marcos 10:13-16)

¹⁵ Co₂ráun₂ guě₂, qui₂ca₂o₃jñia₃ dsa₂ guein₂ quiáin₅ ne₄ Jesús, ia₁ jaun₂ qui₃téi₂ gu₂. La₁ ca₂jí₂ bá₄ chi₂ dsí₂guia₃-tín₂ jme₁ca₂jág₂.

¹⁶ Jaun₂ ca₂tě₃ Jesús guein₂, jaun₂ ca₂tsí₃ chi₂ dsí₂guia₃-tín₂:

—Cuě₄ 'nia₂ jmíg₄ ja₃lén₂ chi₂-guein₂ ja₁cong₂; tsá₃ lě₁jñi₅₄ jui₅. Ia₁ jui₁lia₂ i₂le₂ně₅ bá₄ guě₂ i₂tin₃ ja₁gon₂ Diú₄. ¹⁷ A₂dsi₂jó₃ juig₂ jniá₂ 'nia₂, dsa₂ i₂tsá₃ gue₅ ja₁gon₂ Diú₄ jui₁lia₂ gue₅ jan₂ i₂bě₅₄, o₁líg₂ jmíg₄ tsá₃ 'í₂ ja₁jaun₂.

Jan₂ dsó₂ chi₂ i₂cha₂ cu₄ ca₂dsia₃ jág₁ quian₅₄ Jesús

(Mateo 19:16-30; Marcos 10:17-31)

¹⁸ Jan₂ i₂lín₅ dsa₂ dsen₅₄ ca₂ñí₃ Jesús:

—Tě₅ dsen₃, ¿'e₂ bá₄ 'nió₅ jmo₅₄ jniá₂ ia₁ jaun₂ ting₅₄ ja₁le₃chang₂ co₂tan₅₄?

¹⁹ Jaun₂ ca₂ñag₃ Jesús:

—¿'E₂ lě₃ quiong₅₄ jniá₂ a₂dseng₃? 'I₁jan₂ i₂dsen₃ tsá₃ chan₂, jñia₅₄ lia₂ jan₂ Diú₄ bá₄. ²⁰ Ting₂ bá₄ 'Éi₃ Juá₅: “Tsá₃ nióg₄ jág₁ quian₅₄ dsa₂ i₂tsá₃ lín₅ dsí₂l₂gog₂; tsá₃ jñíg₄ dsa₂ mi₂güig₃ ríng₂; tsá₃ 'áng₁; tsá₃ jmó₂ dsáu₁ ríng₂ quian₅₄ jág₁ tě₂jág₁; jme₁gang₃ chog₂-ñéi₅.”

²¹ Ca₂ñag₃ 'éi₂:

—Lia₂ con₂ bin₅₄ bá₄ jniá₂ ma₂guio₃ jme₂tí₁ ca₂le₃jě₃ 'éi₃ nĕ₅.

²² Jme₁ca₂nág₂ Jesús a₂nĕ₅, jaun₂ ca₂juá'₂:

—'Nió'₅ bá₄ guĕ₄ caun₂ quiáng'₂: 'nag₄ ca₂le₃jě₃ a₂cha₂ quiáng'₂. Jaun₂ dsio'₅₄ quió'₅ dsa₂ te₂ġĕ₂. Jaun₂ guĕ₄ le₃cha₂ 'lióng₂ quiáng'₂ guei'₅₄ i₂juíg₃. Jaun₂ ġia₅ chi₁co'₅₄ quió₃ o₁ló₄.

²³ La₁ jme₁ca₂nág₂ dsa₂ 'éi₂ jág₁ nĕ₅, ca₂tá'₂ 'lia'₂ dsí₅ 'ġio₅ lín₃, ia₁ 'ġio₅ lín₃ jme₁cha₂ cu₄.

²⁴ Jme₁ca₂jág₂ Jesús, ca₂juá'₂:*

—i'E₂ guĕ₄ quian₅ ta₁ a₂tón'₃ dsa₂ cha₂ cu₄ ja₁gon₂ Diú₄! ²⁵ Ja₂lín₃ guĕ₄ tsá₃ ta₁ quian₅ a₂lé₂ le₃ġi₅ jan₂ camello ju₅ tau₂ mi₂cu₄, lia'₂ con'₂ guĕ₄ jan₂ dsa₂ cha₂ cu₄ ġi₅ 'í₂ ja₁gon₂ Diú₄.

²⁶ Jme₁ca₂nág₂ dsa₂ i₂tión₂ jĕ₄ jaun₂, ca₂juá'₂:

—¿I₂'ein₂ bá₄ guĕ'₂ i₂tín'₄ jaun₂?

²⁷ Jaun₂ ca₂juá'₂ táng₃:

—Ca₂le₃jě₃ a₂tsá₃ qui'₅₄ jmig₄ dsa₂ mi₂güí₃ jmo₃, Diú₄ lé₂ le₃jmo₃.

²⁸ Jaun₂ ca₂juá'₂ Pe₄:

—Te₁gui'₅₄, ma₁ ġnia'₅₄ ma₂ca₂tí₄ ca₂le₃jě₃ a₂jme₁cha₂ quián₂, a₂ma₂ja₂náu₅ 'én₅ 'ne₂.

²⁹ Jaun₂ ca₂ġag₃ táng₃:

—A₂dsi₂jó'₃ juíg₂ jniá₂ 'nia'₂, 'i₁jan₂ tsá₃ jua'₅₄ a₂lĕ₁táun₂ 'ne₄, téin₂ chog₅₄-jmei₂, o₁rġin'₅₄, dsa₂ mí₂, chi'₂-guein₂ quiáin₅ nĕ₃, o₄quió'₄ ja₁gon₂ Diú₄, ³⁰ jua'₅₄ tsá₃ gue₃ tson₂ guĕ₄ ne₄ gua'₅₄ 'uĕ₃ la₂, ton'₂ le₃chain₂ dse₃ co₂tan₅₄ mi₂güí₃ caun₂.

*Con'₂ siá'₂ táng₃ ca₂'ĕ₂ Jesús jág₁ a₂jóin₂
(Mateo 20:17-19; Marcos 10:32-34)*

³¹ Jaun₂ ca₂tĕ'₃ Jesús cau₅ jmá'₃ lia'₂ chi'₂ dsi₂guia₃-tín₂ quiáin₅, jaun₂ ca₂juá'₂:

—Nĕ₃ guĕ₄ nĕ₃ ca₂tĕ'₂ jmig₄ a₂dsau₅₄ juíg₂ Jerusalén, ja₁niog₅ le₃ti₃ ca₂le₃jě₃ con'₂ lĕ₅ ca₂tó'₂ dsa₂ i₂'ĕ₂ jág₁ quián₅ Diú₄ ne₄ si₂, a₂'ġin₂₃ Jaun₅ dsa₂ mi₂güí₃.

³² Jáng'₂ dsa₂ o₄gú₃ dsi₂nau₂, ja₁lĕ₁co₃jmóg'₂ dsa₂, qui₃tĕ₃'o'₂ dsa₂, a₂qui₃'ġĕi₂ dsa₂ nĕ₃. ³³ Jaun₂ jĕ₁ma₂ca₂lĕ₃ bóg₂, jaun₂ guĕ₄ ġġag'₃. La₁ jĕ₁ma₂ca₂tĕ'₂ 'ni₅ jmig₄, jein'₅₄ bá₄ táng₃.

³⁴ La₁ 'éi₂ nĕ₃, tsá₃ 'e₂ ca₂ġġi'₂ 'i₁caun₂ jág₁ nĕ₅, ia₁ lĕ₅ jág₁ a₂rĕ₂'ma₄ bá₄ guĕ₄ ja₁coin₂, tsá₃ jein₅ dsí₅ 'e₂ jaun₂.

*Ca₂jme₃'lión₂ Jesús jan₂ dsa₂ ten₄ juíg₂ Jericó
(Mateo 20:29-34; Marcos 10:46-52)*

³⁵ Con'₂ jme₁ma₂ja₂quián₃ dsióg₄ Jesús juíg₂ Jericó, jme₁guá₄ jan₂ dsa₂ ten₄ cau₅ ju₅, mi₂₃ a₂jme₃'o₅₄ dsa₂ cu₄.

³⁶ Jme₁ca₂nág₂ a₂qui₂ca₂ġi₅ ju₅n₅ dsa₂, jaun₂ ca₂ġag₃ 'e₂ niog₅ lĕ₂.

³⁷ Jaun₂ ca₂juá'₂ dsa₂:

—Jesús chan₂ Nazaret bá₄ nĕ₅ já₅.

³⁸ Jaun₂ 'éi₂ nĕ₃ ca₂juá'₂ tiá₂ ca₂tsí'₃ Jesús:

—iJesús, tsi₁jon₂ David, dsia₄ ġĕi₂ 'au'₂ jniá₂!

³⁹ Ca₂ġi₂ bá₄ dsa₂ i₂ja₂lén₂ ne₄ ju₅ ia₁jaun₂ jmo₃ tei₄, la₁ tĕ₂le₃ lĕ₅ guĕ₄ qui₂ca₂'áu'₂ bá₄ 'ein₅₄, ca₂juá'₂:

—i'Ne₂ tsi₁jon₂ David, dsia₄ ġĕi₂ 'au'₂ jniá₂!

⁴⁰ Ca₂nau₂ Jesús, jaun₂ ca₂jmo₃ 'éi'₃ a₂dsi₃quión₂ dsa₂. Jme₁ca₂dsióg₃ cau₅ quió'₅, jaun₂ ca₂ġag₃ Jesús:

⁴¹ —¿i'E₂ 'niog'₂ jmo₅₄ jniá₂ quiáng'₂?

* **18:24** A₂lín₅₄ chog₅ si₂ juá'₂: "jme₁ca₂jág₃ Jesús chén'₅ dsa₂ 'éi₂ 'lia'₂ dsí₅, ca₂juá'₂."

Jaun₂ ca₂juá'₂:

—Te₁gui'₅₄, a₂jnia₅₄ jme₁ne₃ bá₄ jniá'₂ 'nio₃.

⁴² Jaun₂ ca₂juá'₂ Jesús:

—¡Gue₄, jui₁jnia₅₄ quiáng'₂! Ma₂ca₂'lóng'₂ bá₄, ia₁ 'éng'₂.

⁴³ Dsi₂jui₅ jaun₂ bá₄ ca₂jnia₃ mi₂ne₅₄. Jaun₂ ca₂ηó₃ chi₁co'₅₄ quió'₅, jme₂juin'₂ Diú₄. Ca₂le₃jín₃ bá₄ dsa₂ i₂ca₂tě₂ ne₄ a₂ca₂lě₃ jaun₂ ca₂jme₃juin'₂ Diú₄ ján₃.

19

Jesús quian'₅₄ Zaqueo

¹ Ca₂'í₃ Jesús juig₂ Jericó. Jaun₂ jme₁ma₂ηó₅ jě₄ juig₂, ² ja₁jaun₂ jme₁chan₂ jan₂ dsa₂ cha₂ cu₄ i₂chen₂ Zaqueo, i₂lín₅ dsa₂ juin'₂ quián₅ dsa₂ i₂cán₂ 'lia'₅₄ quián₅ dsi₂tan₅₄.

³ 'Éi₂ ně₃, jme₁'no'₂ jui₅ jín₂ 'ein₂ 'éi₂ Jesús. La₁ tsá₃ lé₂, ia₁ a₂ηí₄ lě₃ juin₅ dsa₂ tion'₅₄. Ia₁ jan₂ dsa₂ 'on'₂ bá₄ 'éi₂.

⁴ Jaun₂ ca₂ηó₃ co₂chi'₅₄ le₃ne₄ jui₅, ca₂uíg₂ guei'₅₄ caun₂ ni₁'ma₂ sicómoro,* ia₁ 'nio₃ jín₂ Jesús, ia₁ jui₅ jaun₂ jme₁ηí₃.

⁵ Jme₁ca₂dsióg₃ Jesús, jaun₂ ca₂jág₃ guei'₅₄, jaun₂ ca₂juá'₂:

—Zaqueo, ma₂ně₃ sión₅, ia₁ ja₁quiáng'₂ ca₂tíng₂ i₁jnia₁₂ ně₃.

⁶ Jaun₂ ca₂sióin₃ co₂chi'₅₄, ca₂guei₃ 'io'₂ jén'₅.

⁷ Jme₁ca₂jág₃ dsa₂, jaun₂ ca₂chi₂ca₂'ag₃ ca₂juá'₂:

—Dsi₂néi₂ quió'₅ jan₂ dsa₂ cha₂ dsá_{u1} bá₄ ηó₅ i₂jnia₅₄.

⁸ Zaqueo ně₃, jme₁ca₂na₂ ne₅₄ jaun₂ ca₂tsí'₃ Te₁gui'₅₄:

—Te₁gui'₅₄, dsio'₄ jniá₂ ca₂dsio₄ a₂cha₂ quió₃, cuě₄ dsa₂ te₂ηé₂. Ján₃ guě'₂ le₂jaun₂ chi₂juá'₂ 'ein₂ quió'₅ ma₂'ang₃ a₂jui₁gang₂, jín'₅₄ táng₃ jniá₂ quén₂ ráun₂ lě₅ guě₄ co₂jaun₂.

⁹ Jaun₂ ca₂juá'₂ Jesús:

—Jmíg₄ ně₃ ca₂lón₂ dsa₂ dsi₂néi₂ la₂. Ia₁ ján₃ bá₄ lín₅ tsi₁jon₂ quián₅ Abraham.

¹⁰ Ta₁ ně₅ já₅ bá₄ Jaun₅ dsa₂ mi₂güig₃, a₂ja₂'niai'₂ a₂ja₂lioin₅₄ dsa₂ i₂ma₂i₂cón₅.

Jág₁ jáng'₅ léi₄ jui₁lia'₂ guia₃ 'éi'₃ cu₄ 'ua'₂

(Mateo 25:14-30)

¹¹ Tě₃ tion'₅₄ dsa₂ nag₂₃ jág₁ jaun₂, jaun₂ ca₂juá'₂ táng₃ caun₂ jág₁ jáng'₅ léi₄, ia₁ ma₂quián₅ bá₄ dsióg₄ Jerusalén, ton'₂ ia₁ lín₂ dsa₂ le₃jniá₂ dsi₂jui₅ jaun₂ 'éi'₃ quió'₅ Diú₄. ¹² Jaun₂ ně₃ ca₂juá'₂:

—Jme₁chan₂ jan₂ dsa₂ i₂lín₅ tsi₁jon₂ dsa₂ jlán'₁. Ca₂ηó₃ caun₂ juig₂ uíng₂ ja₁'ag₃ dsa₂ a₂lén₂ rag₅₄, jaun₂ guě₄ jnió'₂ táng₃. ¹³ La₁ né'₃ a₂o₃'in₅, ca₂tě'₃ guian₃ dsa₂ i₂jme₂ti₃ ta₁ ne₅₄. Jaun₂ le₂jan₂ le₂jan₂ 'éi₂ ca₂cuě'₃ jma₃cáun₃ cu₄ 'ua'₂ a₂chei₂ mina.† Jaun₂ ca₂juá'₂: “Jmo₄ 'nia'₂ ta₁ cu₄ ně₅ qui₁dsag'₂ 'nia'₂ ca₂lia'₂ ca₂tě₂ jmíg₄ i₁guang'₂ táng₃.” ¹⁴ La₁ dsa₂ go₅₄ ně₃ ca₂rě₃'iog₅₄, ca₂chein₃ co₂nió'₃ dsa₂ ca₂i₁chi'₄ dsa₂ ja₁jaun₂: “Tsá₃ 'niog₂ jnia'₅₄ jme₃gón₃ i₂ně₅ jě₄ quián₂.” ¹⁵ La₁ tion₅₄ bá₄ ca₂lín₃ 'éi₂ rag₅₄. Jme₁ca₂guáin'₃ táng₃ go₅₄, jaun₂ ca₂tě'₃ dsa₂ i₂jme₂ti₃ quiáin₅ i₂ca₂cuě'₃ cu₄ 'éi₂, ia₁ 'nio₃ con₂ 'í₁ jma₃je₂liá'₂ tí₅ a₂ma₂tě₁dsi₅₄ quió'₅ le₂jain₂ le₂jain₂. ¹⁶ Jaun₂ ca₂dsióg₃ i₂le₂'uig₅₄, ca₂juá'₂: “Gui'₅₄, con'₂ guě₄ guia₃ co₂jaun₂ ma₂tě₁dsi₅₄ cu₄ mina quiáng'₂.” ¹⁷ Jaun₂ ca₂tsí'₃ 'éi₂: “E₂ guě₄ dse₃, téng'₅ bá₄ ta₁; ca₂jme₁ti'₄ bá₄ dse₃ quian'₅₄ a₂ca₂juig₄ a₂ca₂dsia₃ jniá₂ gog'₂. Ně₃ ně₃ dsia₄ jniá₂ gog'₂ a₂jmó'₂ 'éi'₃ ne₄ guia₃ juig₂.” ¹⁸ Jaun₂ ca₂guan₃ táng₃ i₂ca₂tě₂ on₃, ca₂juá'₂: “Gui'₅₄, 'niá₂ guě₄ co₂jaun₂ ma₂tě₁dsi₅₄ cu₄ mina jaun₂ quiáng'₂.”

¹⁹ Le₂jaun₂ bá₄ ca₂tsí'₃ i₂'éi₂ ján₃: “Ne₂ guě'₂ jmó'₂ 'éi'₃ ne₄ 'niá₂ juig₂.” ²⁰ Jaun₂

* **19:4** sicómoro: mei'₂ tsá₃ ni₁'ma₂ Ficus sycomorus. 'Nio'₂ ja₁ton₅ Amós 7:14. † **19:13** mina: co₂'nió'₄ 'lian'₅₄ dsa₂ con'₂ 'ni₅ tsi'₂ ta₁.

ca₂ja₃ táng₃ jan₂ ca₂juá'₂: “La₂ bá₄ ron₅ cu₄ quiáng'₂, gui'₅₄. Ca₂'ma₃ bá₄ jniá'₂ dsí'₅ pe,gui'₄. ²¹ A₂gán₅ 'ne₂ bá₄ jniá'₂, ia₁ guion₅₄ líng'₅ dsa₂ tsau₂ dsí'₅, tē₂le₃ dséi'₂ mág'₂ quiáng'₂. Ia₁ cáun'₂ ja₁tsá'₃ 'e₂ ca₂qui₁dsag'₂ 'ñiag'₂, ton'₂ cag'₅₄ ja₁tsá'₃ 'e₂ ca₂jñi'₂.” ²² Jaun₂ ca₂ñag₃ táng₃ 'éi'₂: “'E₂ bá₄ tsá'₃ ta₁ téng'₄! Lia'₂ con'₂ lě₅ jág₁ quiáng'₂ qui₁dsí'₅ jniá'₂ 'éi'₃. Chi₂jua'₂ ma₂ñi'₅₄ líng'₅ dsa₂ i₂tsau₂ dsí'₅, cáun₄ a₂tsá'₃ 'e₂ ca₂qui₁dsag'₂ 'ñió'₃, ton'₂ cag'₅₄ ja₁tsá'₃ 'e₂ ca₂jan₃, ²³ 'E₂ 'uig'₅₄ tsá'₃ ca₂i₁tio'₂ banco cu₄ quió'₃ jaun₂ ně₃, ia₁jaun₂ jē₁ma₂guáng'₅ la₂, jme₁guéi'₄ lia'₂ jma₃quian'₅₄ a₂tē₁dsí'₅₄?” ²⁴ Jaun₂ ca₂tsí'₃ i₂jme₁tión₂ cau₅: “'ñiá'₃ 'nia'₂ cu₄ mina a₂chan'₂ i₂ně₅. Cuē'₅₄ i₂'io₅ guia₃.” ²⁵ Jaun₂ ca₂juá'₂ 'éi'₂: “Gui'₅₄, ma₁ ma₂'io₅ bá₄ i₂ně₅ guia₃ minas.” ²⁶ Jaun₂ ca₂ñag₃ rag₅₄: “A₂dsi₂jó'₃ juíg₂ jniá'₂ 'nia'₂, ca₂le₃jín₃ ju₁lia'₂ i₂ma₂le₁'io₅, ñei₂ guē₄; la₁ i₂tsá'₃ 'e₂ qui₁dsag'₂, ca₂tē₂ a₂jme₁ma₂niog₅ gu₂, co₂ñei'₅₄ jñia'₃. ²⁷ La₁, ju₁lia'₂ dsa₂ i₂'iog₅₄ i₂tsá'₃ 'ñio₂ dsí'₅ gua₅₄ jmo₅₄ 'éi'₃ ja₁coin₂, o₂quian₅ 'nia'₂ ja₁lá₃, jaun₂ jme₁dsian'₂ 'nia'₂ ne₃.”

Ca₂dsióg₃ Jesús juíg₂ Jerusalén

(Mateo 21:1-11; Marcos 11:1-11; Juan 12:12-19)

²⁸ Jme₁ca₂dsan₃ tsí'₅ dsa₂ le₂ně₅, ca₂'ág₂ táng₃ ne₅₄ juí₅, ca₂uig₂ tso₄ a₂dsióg₄ Jerusalén.

²⁹ Jme₁ma₂ja₂quián₃ dsióg₄ juíg₂ Betfagé quian'₅₄ Betania, a₂te₁'i₁ cau₅ má'₂ chei₂ Olivos, ja₁jaun₂ ca₂chein₃ on₃ chi'₂ dsí₂guia₃-tín₂ quian₅, ³⁰ Ca₂juá'₂:

—O₂nó'₅ 'nia'₂ juíg₂ niog₅ 'ño'₅₄ ó₃. Jē₁ma₂ca₂dsi₃nóg'₅, dsian'₂ 'nia'₂ jan₂ bú'₄ chéin'₅ rē₂'ñe'₅₄, i₂tsá'₃ 'ein₂ ma₂co₁dsag₅₄. Chéin'₅₄ 'nia'₂ jaun₂ tē₅₄ ja₁lá₃.

³¹ Nē₁jua'₂ 'ein₂ ca₂ñag₃ 'e₂ lě₃ tsin'₅₄, jaun₂ juíg'₅₄: “Ia₁ 'niói'₅ quió'₅ Te₁gui'₅₄.”

³² Ca₂i₃lén₂ bá₄ guē'₂ i₂chen₄ 'éi'₂ ně₃. Ca₂lě₃ rē'₂ lia'₂ con'₂ lě₅ jág₁ jaun₂.

³³ Jme₁ma₂tioin'₅₄ chéin'₂ bú'₄, ca₂juá'₂ juíg₅₄ já'₂:

—'E₂ 'uig'₅₄ tsin'₅₄ 'nia'₂ bú'₄?

³⁴ Jaun₂ ca₂ñag₃:

—Ia₁ 'niói'₅ quió'₅ Te₁gui'₅₄.

³⁵ Jaun₂ ja₂lein₃ bá₄ te₂ ja₁'en₅₄ Jesús. Qui₂ca₂dsia₃ tsí'₁'mí'₂ mī₂ca'₄ dsí₂bú'₄, jaun₂ guē₄ ca₂dsian₃ Jesús guei'₅₄.

³⁶ Le₃ne₄ juí₅ ja₁ñó₄ Jesús, qui₂ca₂já₃ dsa₂ 'mí'₂ le₂'i₄ juí₅.

³⁷ Con'₂ jme₁ma₂ja₂quián₃ jein₅₄ Má'₂ Olivos, ca₂jme₃lióg₃ ca₂le₃jín₃ dsa₂ i₂quian'₅₄ ca₂tóin'₂ co₂mí'₅₄ jmo₂₃ 'io'₂ jme₂juin'₂ Diú₄ ně₃, o₄quió'₄ ca₂le₃jě₃ juí₅bí₂ a₂ma₂jmo₃ Jesús, a₂qui₂ma₂tě₂ ne₅₄.

³⁸ Ca₂juá'₂:

—jui₁le₂juin'₂ bá₄ Rag₅₄ ně₅ i₂já₅ o₄quió'₄ Te₁gui'₅₄! jui₁'ei₅ bá₄ tei₄ guei'₅₄ i₂juíg₃! jui₁le₂juin'₂ bá₄ Diú₄ le₂tan₅₄ ja₁ñei₅ ně₃!

³⁹ I₂lin₅₄ dsa₂ fariseos i₂tion'₅₄ jē₄ jaun₂ ca₂juá'₂:

—Tě₅, jén₃ dsa₂ i₂quiang'₅₄.

⁴⁰ Jaun₂ ca₂ñag₃ Jesús:

—Juíg₂ jniá'₂ 'nia'₂, jua'₅₄ mei'₂ guē₃ dsí₂lén₂ i₂ně₅ tei₄, ni₁cang₁ guē'₂ tó'₃ mī'₅₄.

⁴¹ Jme₁ma₂ja₂quián₃ dsióg₄ 'ni'₂ juíg₂ Jerusalén, ca₂'o₃ o₄quió'₄ dsa₂ juíg₂, ⁴² ca₂juá'₂:

—jui₁lia'₂ bá₄ ñi'₂ 'au'₂ 'nia'₂ jmig₄ ně₃ a₂dse₃ já₅ jin'₄ 'nia'₂ a₂jme₁le₃chang'₂ 'ag₃ tei₄! La₁ rē₂'ma₄ jlě₅ le₃ja₁cong'₂. ⁴³ Ia₁ jiá'₃ jmig₄ ja₁tsá'₃ ma₃'e₂ ñi'₅₄ 'nia'₂ jmó'₂. Ia₁ cho₃ dsa₂ i₂'iog₅₄ caun₂ ni₁'ia'₂ le₃lág'₃ quián'₂ 'nia'₂, a₂jě₃lí'₅₄, qui₃tio₃ dsa₂ ně₃ le₂tan₅₄ ja₁lě₄ o₄juí₅. ⁴⁴ Jnáu'₂ dsa₂ 'uē₃ 'nia'₂, jme₃dsiog₂₃ lia'₂ jma₃quian'₅₄ chi'₂-guein₂ quiáng'₂. 'I₁ca₂míg₂ cang₄ tsá'₃ ma₃'e₂ le₁juí₄ lé₂ ja₁lá₃. Ia₁ tsá'₃ ca₂rě₃len'₄ 'nia'₂ lia'₂ con'₂ jmig₄ jme₁'nio₃ Diú₄ jme₃gu'₅₄.

*Ca₂'uín'₂ Jesús dsa₂ i₂jme₁tion'₅₄ dsia₅ 'ma'₅₄ i₁dsi₅ guá'₅
(Mateo 21:12-17; Marcos 11:15-19; Juan 2:13-22)*

⁴⁵ Jaun₂ ca₂'í₃ Jesús i₁dsi₅ guá'₅ templo, ca₂jme₃lióg₃ qui₂ca₂'uín'₂ dsa₂ i₂jme₁ma₂tion'₅₄ 'nag₅† ja₁jaun₂. ⁴⁶ Ca₂juá'₂:

—Ne₄ Si₂ juá'₂: “Né₅ quió₃ lé₂ ca₂ne₅₄ 'né₅ ja₁chi₂lén'₂ dsa₂ Diú₄.”§ La₁ 'nia'₂ ně₃ ma₂jmo'₅₄ ně₂jag₄ bá₄ tē₂'lau₂ quió'₅ dsa₂ 'ang₂.*

⁴⁷ Ca₂le₃jě₃ jmig₄ bá₄ jme₁jme₂tin₅ Jesús dsa₂ i₁dsi₅ guá'₅. La₁ juig₅₄ jme₂dsa₂ quian'₅₄ tē₅juá'₅, dsa₂ can'₅₄ quián₅ juig₂ ně₃, caun₂ 'no'₂ juí₅ 'a₂ lia'₂ jnag'₃.

⁴⁸ La₁ tsá₃ dso'₂ guē'₂ juí₅ 'a₂ lia'₂ jmo₃, ia₁ ca₂le₃jín₃ bá₄ dsa₂ i₂tion'₅₄, nag₂₃ tei₄ lín₃.

20

A₂'io₅ Jesús 'éi'₃

(Mateo 21:23-27; Marcos 11:27-33)

¹ Co₂ráun₂ jme₁ma₂'en₅₄ Jesús jme₂tiin₂₃ dsa₂ jág₁ dse₃ i₁dsi₅ guá'₅ templo, jme₁ca₂dsi₃lén₂ juig₅₄ jme₂dsa₂, tē₅juá'₅, quian'₅₄ gui'₅₄ can'₅₄ ně₃. ² Ca₂juá'₂:

—Jmo₄ jág₁ 'e₂ ta₁ líng'₅. ¿'Ein₂ ca₂cuē₃ bí₂ 'éi'₃ a₂jmo'₂ le₂nē₅?

³ Jaun₂ ca₂ḡag₃ Jesús, ca₂juá'₂:

—Ján₃ bá₄ ḡag₄ jniá₂ caun₂ jág₁ 'nia'₂: ⁴ ¿'Ein₂ ca₂chen₃ Juan₅₄ a₂o₃choin₃ dsa₂ jmig₂? ¿Ca₂chei₃ Diú₄, o₃ ca₂chei₃ dsa₂ mi₂güí₃ 'e₂? ḡag₄ de'₂ 'nia'₂ a₂nē₅.

⁵ Jaun₂ ca₂dsia₃ jág₁ guoin₅₄, ca₂juá'₂:

—Nē₂juá'₂ ca₂chei₅₄ jniog₄ i₂chen₄ quián₅ Diú₄ bá₄ 'éi₂, ně₃ cón'₅ bá₄ juá'₂: “¿'E₂ guē'₂ lē₃ tsá₃ ca₂rē₃'én'₂ 'nia'₂ jág₁ quió'₅?” ⁶ Nē₂juá'₂ ca₂ḡag₄ guē'₂ jniog₄ dsa₂ bá₄ i₂ca₂chen₃ 'éi₂, ně₃ cón'₅ bá₄ ca₂le₃jín₃ dsa₂ juig₂ qui₃dsag₅ cang₄. Ia₁ 'én₂ dsón'₂ bá₄ dsa₂ juig₂ a₂jme₁lín₄ Juan₅₄ jan₂ i₂'ē₂ jág₁ quián₅ Diú₄.

⁷ Jaun₂ ca₂ḡag₃:

—Tsá₃ a₂jaun₂ ne₄ jnia'₅₄.

⁸ Jaun₂ ca₂juá'₂ Jesús:

—Ján₃ bá₄ le₂nē₅ tsá₃ juá'₄ jniá₂ 'ein₂ cuē₅ bí₂ 'éi'₃ a₂jmo₂₃ ca₂le₃jě₃ 'e₂ a₂jmo₂₃.

Jág₁ jáng'₅ léi₄ juí₁lia'₂ co₂nió'₃ dsa₂ 'lín'₅₄ i₂jmó'₂ ta₁ ja₁nau₂

(Mateo 21:33-44; Marcos 12:1-11)

⁹ Jaun₂ ca₂jme₃lióg₃ táng₃ Jesús ca₂tsí'₃ dsa₂ juig₂ caun₂ jág₁ jáng'₅ léi₄ la₂, ca₂juá'₂:

—Jme₁chan₂ jan₂ dsa₂ i₂ca₂jmo₃ caun₂ ja₁nau₂ ca₂chéin'₃ uing₂ míg₂ uvas. Cang₂ jaun₂ ca₂o₃ 'iin₃ bá₄ ca₂ḡó₃ uē₂ ja₁siá'₂. Gu₂ dsa₂ sián'₂ bá₄ ca₂dsia₃ ja₁nau₂ quió'₅. ¹⁰ Jme₁ca₂tē₂ jein₂ a₂ca₂rau₂ ja₁nau₂, ca₂chein₃ jan₂ dsa₂ i₂jme₂ti₃ quián₅, a₂i₁mag₂₃ con'₂ a₂ca₂tíin₂ ne₄ dsa₂ i₂jmo₅ ta₁ ja₁nau₂ 'éi₂. La₁ jē₂ bá₄ ca₂cuē₃ tioen'₅₄, ca₂dsióg'₂ lín₃. ¹¹ Jaun₂ dsa₂ juig₅₄ ja₁nau₂, ca₂chein₃ táng₃ jan₂ i₂sián'₂, la₁ le₂jaun₂ bá₄ ca₂jmóg'₂ táng₃: jnia'₅₄ ca₂tē₂ca₂'o'₂ bá₄ ca₂cuē₃ tioen'₅₄, ca₂dsióg'₂ lín₃ táng₃. ¹² Jē₁ca₂tē₂ 'nag'₂, ca₂chein₃ táng₃ jan₂ i₂sián'₂. La₁ ján₃ bá₄ le₂jaun₂ qui₂ca₂jmóg'₂ uig₅, ca₂dsei₂₃ tioen'₅₄.

¹³ Jaun₂ ca₂juá'₂ juig₅₄ ja₁nau₂: “¿'E₂ jmo₅₄ jniá₂ ně₃? Chi'₂ quiáng₃ i₂'nióg₃ guē'₄ lín₃ tsing₅₄. 'An₁ jme₃gain₃ bá₄ i₂nē₅.” ¹⁴ La₁ jme₁ca₂jág₂ i₂tion'₅₄ jmo₅ ta₁, ca₂quín'₃ jág₁, ca₂juá'₂: “I₂nē₅ bá₄ tin₃ a₂la₂ cang₂. Ně₃ o₁jñi'₄ jniog₄, ia₁jaun₂ jniog₄ bá₄ lé₂ quián₂.” ¹⁵ Jaun₂ ca₂dsei₂₃ ca₂i₁jñag'₂ 'ni'₂ ja₁nau₂. ¿'E₂ bá₄ jmo₃ dsa₂ i₂quió'₅ ja₁nau₂ ně₃, quian'₅₄ dsa₂ 'éi₂? ¹⁶ Guain'₂ jme₃dsiain₂₃ dsa₂ i₂tion'₅₄ ja₁nau₂. O₄gú₃ i₂sián'₂ bá₄ ḡag₃ ja₁nau₂ quió'₅.

† 19:45 A₂lín₅₄ chog₅₄ si₂: “i₂jme₁ma₂tion'₅₄ 'nag₅, lá₅ ja₁jaun₂.” § 19:46 Isaiás 56:7. * 19:46 Jeremías 7:11.

Jme₁ca₂nág₂ dsa₂ jág₁ në₅, ca₂juá'₂:
 —jTsá₃ jui₁le₅₄ le₂në₅!
 17 Jaun₂ ca₂jág₂ Jesús, jaun₂ ca₂juá'₂:
 —¿'E₂ guë'₂ 'nió'₄ jein₅ jág₁ ja₁juá'₂ ne₄ Si₂?
 Ni₁cang₁ a₂tsá₃ ca₂rë₃ji'₅₄ të₅'ia'₂,
 ca₂dsióg₃ ca₂lë₃ ni₁cang₁ a₂dsen₅₄ guë₄
 të₁ron₅₄ qui'₅₄ 'ia'₂.*

18 Ca₂le₃jín₃ i₂tsi₃sén'₂ ne₄ ni₁cang₁ jaun₂ lé₂ le₁juig₁ le₁dsog'₅₄ quió'₅; në₁jua'₂
 ni₁cang₁ guë'₂ në₃ ca₂tá'₂ ne₄ quió'₅, lé₂ 'liog₂.

19 Dsi₂jui₅ jaun₂ jme₁'nio₃ juig₅₄ jme₂dsa₂, të₅juá'₅ në₃, jme₁tsáun'₂, ia₁
 ca₂rë₃lí'₄ a₂'in₅ 'éi₂ bá₄ Jesús, a₂ca₂juá'₂ jág₁ jáng'₅ léi₄ jaun₂.† La₁ dsa₂ juig₂ bá₄
 ca₂rë₃gain₃.

Jág₁ ju₁lia'₂ 'lia'₅₄ a₂ca₂tín₂ dsi₂tan₅₄
(Mateo 21:45-46; 22:15-22; Marcos 12:12-17)

20 Cón'₂ ca₂chein₃ dsa₂ i₂jnia'₅₄ con'₂ tiog₅, tsá₃ jme₂li₅₄, jmo₂₃ a₂lín₅ dsa₂ dsen₃,
 jme₁'no'₂ jui₅ 'a₂ lia'₂ jme₁jo₁₂ jua'₅₄ ca₂jon₄ bá₄ jág₁ 'lia'₂ jme₁'ñiá₃ Jesús. Jaun₂
 jme₁dsi₁jáng'₂ ne₄ bí₂ 'éi'₃ a₂'io₅ dsi₄má'₂. 21 Jaun₂ ca₂ñi'₃ Jesús jág₁ la₂:

—Të₅, ne₄ jnia'₅₄ dsón'₂ bá₄ lia'₂ tí₅ jág₁ jme₂tíng'₁ dsa₂, tsá₃ jua'₅₄ jma₃quén₅
 jing'₅₄ dsa₂; jme₂tíng'₁ dsa₂ con'₂ lë₅ jui₅ tí₅ quió'₅ Diú₄. 22 Jua'₅₄: ¿'l₄ 'éi'₃ qui₅₄
 'lia'₅₄ quió'₅ dsi₂tan₅₄ César, o₃ tsá₃ qui₅₄ 'e₂?

23 La₁ ca₂rë₃lí'₄ bá₄ Jesús mai₅₄ quió'₅ dsa₂ 'éi₂. Jaun₂ ca₂ñag₃:‡

24 —'E₄ de'₂ 'nia'₂ caun₂ cu₄ 'ua'₂.§ ¿'Ein₂ quió'₅ nió'₄ chi₁ton₅? ¿'A₂ lia'₂ chein₂
 juá'₂ letras tio'₅₄ në₅?

25 —Quió'₅ gui'₅₄ emperador César bá₄ —juá'₂ jaun₂ në₃.

Jaun₂ guë₄ ca₂juá'₂ Jesús:

—Jang'₅₄ guë'₂ 'nia'₂ jaun₂ në₃, ne₄ César con'₂ a₂ca₂tín₂ César; ne₄ Diú₄ në₃
 jang'₅₄ 'nia'₂ con'₂ a₂ca₂tín₂ Diú₄.

26 Jaun₂ tsá₃ ca₂tió'₃ jua'₅₄ a₂jo₅₄ quian'₅₄ jág₁ të₃jë₄ jág₅ dsa₂ jaun₂. Të₂le₃
 ca₂i₃gó'₃ dsí₅ bá₄ jág₁ a₂ca₂jéin'₃ Jesús; tei₄ bá₄ co₂ñei'₅₄ ca₂i₃léin₂.

Ca₂ñag₃ dsa₂ saduceos jui₁lia'₂ a₂jen'₅₄ 'lag₄
(Mateo 22:23-33; Marcos 12:18-27)

27 Jaun₂ ca₂jme₃quián₃ i₂lín₅₄ dsa₂ saduceos, i₂jme₂tag₅ a₂tsá₃ jen'₅₄ 'lag₄,
 ca₂o₃ñag₅₄:

28 —Të₅, ca₂quiog₂ Moisés si₂ a₂juá'₂, në₁jua'₂ ca₂jon₃ jan₂ dsa₂ ñe'₂ të₃ tsá₃
 ca₂can₃ 'io₅₄ quiáin₅ guein₂, tion₅₄ 'nió'₅ jén'₂ gu₂ dsó₂ rin'₅₄ dsa₂ ñe'₂ i₂ca₂jon₃
 quian'₅₄ 'io₅₄ 'nág₂ 'éi₂, ia₁jaun₂ guein₂ i₂le₃chan₂ quiáin₅, lé₂ co₂'nió'₄ tsi₁jon₂
 'lag₄ riin'₅₄. 29 Jaun₂ në₃, jme₁chan₂ guion₃ dsa₂ ñe'₂ i₂jme₁lë₄ rin'₅₄. Ca₂jen'₂ gu₂
 i₂le₂'uig₅₄, la₁ ca₂join₃ bá₄ të₃ tsá₃ guein₂ ca₂can₃ 'io₅₄ quiáin₅. 30 Jaun₂ ca₂caun₃

táng₃ i₂ca₂të₂ on₃,* 31 le₂jaun₂ bá₄ i₂ca₂të₂ ún₂ në₃, ca₂cain₃ 'io₅₄ 'éi₂. Le₂jaun₂
 bá₄ ca₂lë₃ quian'₅₄ ta₁guion₃. Ca₂dsain₃ bá₄; 'i₁jan₂ guein₂ tsá₃ ca₂can₃ 'io₅₄.

32 Jë₁ca₂tó'₂, ca₂jon₃ bá₄ 'io₅₄ ján₃. 33 Jaun₂ në₃, jmi₄g₄ jë₁ma₂të₂ rë₁jen'₅₄ 'lag₄,
 ¿'ein₂ bá₄ quián₅ lé₂ 'io₅₄ 'éi₂? Ia₁ ta₁guion₃ bá₄ guë'₂ dsa₂ ñe'₂ i₂ca₂guá₂ quian'₅₄.

34 Jaun₂ ca₂ñag₃ Jesús:

—Dsa₂ i₂chan₂ ne₄ gua'₅₄ 'uë₃ jmi₄g₄ në₃, tioen'₅₄ qui₂jéin'₂ gu₂, qui₂jéin'₂ gu₂
 chi'₂ quiáin₅ në₃. 35 La₁ i₂ca₂tín₂ tín'₄ ja₁tian'₃ mi₂güig₃ caun₂, i₂tín₅₄ jen'₅₄

* 20:17 Salmo 118:22. † 20:19 'Nio'₂ ja₁ton₅ Isaías 5:7. ‡ 20:23 A₂lín₅₄ chog₅₄ si₂ chi₁ton₅ ján₃: “¿'E₂
 lë₃ cáun'₂ táu₂ 'nia'₂ jniá₂?” § 20:24 griego: denario. * 20:30 A₂lín₅₄ chog₅₄ si₂: “ca₂caun₃ táng₃
 i₂ca₂të₂ on₃, la₁ ján₃ bá₄ le₂jaun₂ ca₂join₃, tsá₃ guein₂ ca₂can₃ 'io₅₄.”

ja₁jme₁rē₂'liin₅₄, ja₁jaun₂guē₄ tsá₃ ma₃'ein₂ jén'₂ gu₂, on₃ guē₄ qui₃jéin'₂ guē₄ gu₂ chi'₂ quiáin₅. ³⁶ Ia₁ tsá₃ ma₂'ein₂ lé₂ dsián₃. Ja₁jaun₂ ma₂lén₂ jui₁lia'₂ lín₅ ángeles, lén₂ jaun₅ Diú₄, ia₁ ma₂ca₂rē₃cháin₃ táng₃. ³⁷ La₁ jui₁lia'₂ a₂jen'₅₄ 'lag₄, ca₂tē₂ Moisés ca₂cuē₃ léi₄ jme₁ca₂tó'₂ ne₄ Si₂ a₂ca₂lē₃ quian'₅₄ ni₁'ma₂ taun₅, ja₁juá'₂ 'iin₂₃ Te₁gui'₅₄: “Diú₄ quián₅ Abraham, Diú₄ quián₅ Isaac, Diú₄ quián₅ Jacob.”

³⁸ Jaun₂ ně₃ tsá₃ lín₅ Diú₄ quián₅ 'lag₄; Diú₄ quián₅ dsa₂ i₂jén'₃ bá₄ lín₅, ia₁ o₄quió'₄ 'éi₂ bá₄ chan₂ le₃jín₃.

³⁹ Jaun₂ ca₂ḡag₃ i₂lín₅₄ tē₅juá'₅:
—Tē₅, 'ḡio₅ jlá'₁ jág₁ quiáng'₂.

⁴⁰ Tsá₃ ma₃ca₂tiá₃ dsí₅ jua'₅₄ a₂ḡag₃ guē₄ 'e₂ ḡag₃.

*¿Ein₂ tsi₁jon₂ quián₅ lín₅ I₂rē₂'ín₁ quián₅ Diú₄?
(Mateo 22:41-46; Marcos 12:35-37)*

⁴¹ Ca₂juá'₂ Jesús ca₂tsí'₃ dsa₂:

—¿A₂ lia'₂ lē₅ ně₃ a₂juá'₂ dsa₂ a₂lín₅ tsi₁jon₂ David I₂rē₂'ín₁ quián₅ Diú₄? ⁴² Jua'₂ 'ḡiog₅ bá₄ guē'₂ David ca₂tióng₃ ne₄ si₂ Salmos, ca₂juá'₂:

Ca₂juá'₂ Diú₄ ca₂tsí'₃ Te₁gui'₅₄ quiáng₃:

“Né₂ con₂ jniá₂ tē₂le₃ gu₃ ne₁,

⁴³ ca₂lia'₂ ca₂tē₂ jmig₄

a₂tón'₄ jniá₂ dsa₂ i₂'iog₅₄ o₄tag'₄.”†

⁴⁴ Chi₂jua'₂ le₂nē₅ juá'₂ David tē₂ Te₁gui'₅₄, ¿'a₂ bá₄ lia'₂ lē₅ jaun₂ a₂juá'₂ lín₅ jaun₅ 'éi₂?

Jme₂cáun'₂ Jesús quió'₅ tē₅juá'₅

(Mateo 23:1-36; Marcos 12:38-40; Lucas 11:37-54)

⁴⁵ Tē₃ nag₅ ca₂le₃jín₃ dsa₂ i₂tion'₅₄, ca₂tsí'₃ dsa₂ i₂quian'₅₄ le₂la₂:

⁴⁶ —Te₃ḡi'₅₄ 'nia'₂ quian'₅₄ tē₅juá'₅, ia₁ 'ḡio₅ 'ḡio₂ dsí₅ i₂nioi₅₄ jláin'₁ le₁qui'₂ tsi₁'mi'₂ chen'₅₄ jang₄; tē₅ dsí₅ qui₂cuag₃ dsa₂ Diú₄ jui₁lia'₂ jē₄ 'ma'₅₄, jmá'₃ lia'₂ ne₄ 'ma₂si₅₄ dsen₅₄ bá₄ 'no'₂ tiain'₃ jui₁lia'₂ dsi₂néi₂ guá'₅ sinagogas; le₂jaun₂ bá₄ 'no'₂ ja₁jme₂juag'₂ dsa₂ jui₁lia'₂ ja₁nio₅ jmig₄ ně₃. ⁴⁷ Qui₂jñiá'₂ 'ne₄ 'io₅₄ 'nág₂; a₂tsá₃ jme₂li₅₄ jmo₂₃ chi₂lén'₂ Diú₄ uē₂. Tson₂ guē₄ uig₅ 'ě₂ Diú₄ quió'₅ i₂le₂nē₅.

21

Ca₂tó'₂ 'io₅₄ 'nág₂ te₂ḡé₂ cu₄ quió'₅

(Marcos 12:41-44)

¹ Jaun₂ ca₂chóg'₃ Jesús ne₅₄, ca₂jñin₂ dsa₂ cha₂ cu₄ i₂dsi₂lén₂ dsi₂tio'₂ cu₄ 'ḡió'₃ tsi₁gu₅ ja₁tio'₅₄ ofrendas.

² Jaun₂ ca₂jñin₂ táng₃ jan₂ 'io₅₄ 'nág₂ te₂ḡé₂ ca₂tó'₂ tin₃ ḡí₁ guéin₂.* ³ Jaun₂ ca₂juá'₂ Jesús:

—A₂dsi₂jó'₃ juig₂ jniá₂ 'nia'₂, 'lióng₂ guē₄ ně₂tió'₂ 'io₅₄ 'nág₂ te₂ḡé₂ ně₅ lia'₂ con'₂ guē₄ ca₂le₃jín₃ i₂ma₂nē₂tió'₂. ⁴ Ia₁ 'éi₂ ně₃, cu₄ a₂ma₂qui₂rē₂tsón₂ bá₄ jaun₂ quió'₅ cuē₂₃; dsa₂ mí₂ ně₅ ně₃, ně₂cuē₃ ca₂le₃jē₃ a₂jme₁ron₅ quió'₅ bá₄, 'nió'₄ a₂jme₁lá₃ a₂guē'₃.

A₂dsi₃ 'én₂ bá₄ guá'₅, jág₁ 'ě₂ Jesús

(Mateo 24:1-2; Marcos 13:1-2)

⁵ I₂lín₅₄ dsa₂ jme₁tióin₂ dsia₂₃ jág₁ a₂ja₂né₂ guá'₅ templo, ia₁ a₂ḡí₄ lē₃ jlá'₁ ni₁cang₁ a₂le₁juí₄, ca₂le₃jē₃ guē₄ a₂jlá'₁ tio'₅₄ a₂qui₂ma₂cuē₃ dsa₂ co₂'nió'₄ ofrendas. Jaun₂ ca₂juá'₂ Jesús:

† 20:43 Salmo 110:1. * 21:2 lit. “tin₃ ḡí₁ lepta.”

6 —Ca₂le₃jě₃ a₂jág'₂ 'nia'₂ tíong'₂ ně₅, já₅ caun₂ jmig₄ jě₁dsi₃'én₂, tsá₃ ma₃'e₂ ni₁cang₁ te₂'ñiá₄ jua'₅₄ a₂le₁juí₄ guě₄ lé₂.

Lé₄ a₂le₃cha₂ jmig₄ jě₁ca₂tó'₂
(Mateo 24:3-28; Marcos 13:3-23)

7 Jaun₂ ca₂ñag₃ dsa₂ ně₃:

—Tě₅, ¿líg'₂ jaun₂ lé₂ a₂ně₅? ¿'E₂ bá₄ léi₄ le₃cha₂ jě₁ma₂ja₂quián₃ lé₂ a₂jaun₂?

8 Jaun₂ ca₂ñag₃:

—Jmo₄ 'nia'₄ 'í₁ tsá₃ i₂cuín₅ 'nia'₂ jua'₅₄ a₂jme₃gau₅ dsa₂. Ia₁ i₂juin₅ lin₃ i₂tě₁i₃nio₄ i₂juá'₂ i₂nioi₅₄ o₄quió₃ jniá₂, a₂juá'₂ ně₃: “Jniá₂ bá₄ 'éi₂”; juá'₂ ján₃: “Ma₂ja₂quián₃ jmig₄ jaun₂”. La₁ tsá₃ i₂o₂nó₅ 'nia'₂ chi₁co₅₄ quió₅.⁹ Ia₁ jě₁ma₂ca₂nei₂ 'nia'₂ 'ei₅ jág₁ a₂nio₃ 'nei₂, tón₃ dsa₂ mi₅₄ ně₃, tsá₃ tón₃ 'nia'₂ go₂'i₃, ia₁ le₂jaun₂ de₂ jñiá₅ ca₂tín₂ lé₂ bá₄, la₁ on₃jua'₅₄ a₂ma₂dsian₅ dsi₂jui₅ jaun₂.

10 Jaun₂ ca₂tsí'₃ táng₃ dsa₂:

—Qui₃nio₃ 'nei₂ jui₁lia'₂ caun₂ juig₂, qui₂quín'₂ quian'₅₄ juig₂ siá'₂; jme₃'uán'₃ dsa₂ ca₂taun₂ ca₂taun₂.¹¹ Qui₂dsi₃bi₅₄ 'uě₃ tiá₂, jiá₃ 'on₅₄ dsa₂ ca₂le₂con₂, 'í₂ jmi₁uig₅ ně₃; jniá₅₄ gau₂ dsi₁ guei'₅₄, 'lióng₂ léi₄ ca'₅₄ qui₂le₃jniá₂.¹² La₁ né₃ a₂lé₂ ca₂le₃jě₃ a₂ně₅, qui₃tsán'₂ dsa₂ 'nia'₂ qui₂co₃'ein₃ dsa₂. Dsi₁jang'₂ dsa₂ o₄gú₃ dsi₂tan₅₄ quián₅ guá'₅ sinagoga, jaun₂ guě₄ to₂ né₃ 'má₃. Dsi₁jó₂ ne₄ rag₅₄ ne₄ dsi₄má'₂ ně₃ 'uig₅₄ quió₃ jniá₂.¹³ Ja₁jaun₂ cuín₃ jmig₄ a₂jang'₅₄ 'nia'₂ jág₁ dsau₅ a₂'ág'₄ jniá₂.¹⁴ 'Éi₂ 'nia'₂ caun₂ 'au'₂, tsá₃ 'náu'₂ 'nia'₂ 'au'₂ tě₃jñiá₅ 'a₂ lia'₂ long'₅₄,¹⁵ ia₁ 'ñi₃ bá₄ jniá₂ cuě₅₄ jág₁ a₂tíng'₂ a₂ñi'₅₄ 'nia'₂ 'a₂ lia'₂ ñag'₅₄, ca₂lia'₂ jñia'₅₄ tsá₃ ma₃'e₂ ñi₅ ñag₃ ca₂le₃jín₃ dsa₂ i₂'iog₅₄ 'éi₂.¹⁶ Ca₂tě₂ chog'₂-ñéi'₅ 'nia'₂ qui₃jang'₂, ca₂tě₂ chi'₂ ríng'₂, o₁ríng'₂, a₂mei₅₄ quiáng'₂ ně₃. I₂lin₅₄ 'nia'₂ jme₃dsiog₅ dsa₂.¹⁷ Ca₂le₂con₂ bá₄ jme₃'ñia₅₄ dsa₂ 'nia'₂ o₄quió₃ jniá₂.¹⁸ La₁ tsá₃ can₂ 'nia'₂ o₂i₁ dsi₅, ia₁ ca₂lia'₂ jñia'₅₄ 'i₁ca₂mi₂ jñi₂ dsei'₂ 'nia'₂ tsá₃ dsi₃'én₂.¹⁹ Ně₁jua'₂ ca₂nau'₂ 'nia'₂ tiá₂, dsi₁no₃ 'nia'₂ tín₄ jme₂dsi₂ quiáng'₂.

²⁰ 'Jě₁ma₂ca₂jag'₅₄ 'nia'₂ ma₂le₁lio₃ 'lióg₂ le₃lág'₃ juig₂ Jerusalén, jaun₂ guě₄ le₃len'₅₄ 'nia'₂ ma₂ja₂quián₃ 'én₂.²¹ Dsa₂ i₂tián₅ 'uě₃ Judea jmig₄ jaun₂, jui₁cuíng₁₂ le₃má'₂; i₂tián₅ jě₄ juig₂ guě'₂ ně₃, jui₁'uín₂; jui₁lia'₂ i₂tion'₅₄ ja₁nau₂ guě'₂, tsá₃ ma₃jui₁ja₂lein₅.²² Ia₁ lé₂ jmig₄ a₂le₃chan₂ dsa₂ gue₃ jmi₁uig₅ 'ñio₅ lin₃, a₂le₃ti₃ ca₂le₃jě₃ lia'₂ con₂ lě₅ juá'₂ ne₄ Si₂.²³ Juig₂ jui₁lia'₂ dsa₂ mí₂ i₂le₁quian₅ guein₂, jui₁lia'₂ i₂chan₂ guein₂ bě'₅₄ i₂'ín'₂ dsi'₅₄ quió'₅ ně₃, jmig₄ jaun₂! Ia₁ go₂'i₃ 'ñio₅ lin₃ tě₃tsi'₅₄ gua'₅₄ 'uě₃, a₂le₃jniá₂ a₂'ne₂ Diú₄ ne₄ quió'₅ dsa₂ juig₂ la₂; ²⁴ ia₁ dsi₃gan'₅₄ i₂dsián₃ quian'₅₄ ñi₁tág₂; i₂lin₅₄ guě'₂ qui₃tě₂ dsa₂ le₁'ñei'₅₄ ca₂le₂con₂ go₄ dsi₂nau₂. Co₂dsia₅ qui₃tsó'₃ dsi₂nau₂ juig₂ Jerusalén, ca₂lia'₂ ca₂dsin₃ jmig₄ quió'₅ dsi₂nau₂ a₂'i₄ 'éi'₃ tón₃ goin₂.

'A₂ lia'₂ lé₂ i₁jñi₃'₂ Jaun₅ dsa₂ mi₂güig₃
(Mateo 24:29-35, 42–44; Marcos 13:24-37)

²⁵ 'Jmig₄ jaun₂ lé₂ léi₄ tě₂le₃ quian'₅₄ 'iog₂, tsi'₂, nei₅ ně₃. Ta₁caun₂ gua'₅₄ 'uě₃ tón₃ dsa₂ tiá'₃ qui₂' dsi₅, tsá₃ a₂ñi₅ jmo₃, jmi₁ñi'₄ guě'₂ ně₃ lé₂ gau₂ qui₃jná'₃.²⁶ Tón₃ dsa₂ qui₃nei'₂ a₂le₃gó'₃, 'i₅ dsi₅ ne₄ ca₂le₃jě₃ 'e₂ niog₅ lé₂ mi₂güig₃. Ia₁ ca₂tě₂ jui₅bí₂ a₂cha₂ guei'₅₄ mi₂güig₃ qui₃quian'₃.²⁷ Jaun₂ guě₄ jín₂ dsa₂ Jaun₅ dsa₂ mi₂güig₃ jiá₃ jě₄ jnei₅ a₂'uain'₂ a₂jlán₁ 'ñio₅ lin₃.²⁸ Jě₁ma₂ca₂rě₃lióg₃ lé₂ a₂ně₅, quen'₂ 'nia'₂ bí₂, 'a₃jlian₅₄ 'nia'₂,[†] ia₁ ja₃quián₂ jmig₄ a₂lión'₂ 'nia'₂ co₂ñei'₅₄.

²⁹ Jaun₂ ca₂juá'₂ táng₃ caun₂ jág₁ jáng'₅ léi₄ la₂:

—Ní₂ 'nia'₂ jui₁lia'₂ lé₂ quian'₅₄ ni₁'ma₂ higuera, jui₁'e₂ guě₃ ni₁'ma₂ siá'₂ ně₃;

³⁰ jě₁ma₂ca₂ne'₅₄ mog'₅₄, cáun₂ 'nia'₂ 'í₂ guiong'₅₄ a₂ja₂quián₃ jein₂ 'iog₂ bá₄

[†] 21:28 lit. “nau₂ 'nia'₂ chog'₅₄ ne'₅₄.”

jaun₂. ³¹ Ján₃ bá₄ le₂ně₅, jě₁ma₂tě₂ ne'₅₄ 'nia'₂ lě₂ ca₂le₃jě₃ a₂ně₅, le₃ŋi'₅₄ 'nia'₂ a₂ma₂ja₂quián₃ le₃gon₂ Diú₄. ³² A₂dsi₂jó'₃ juá'₅ jniá₂ juíg₂ 'nia'₂, tsá₃ dsi₃ŋí'₂ tsi₁jon₂ jmig₄ ně₃, † ca₂lia'₂ ca₂lě₃ ca₂le₃jě₃ a₂ně₅. ³³ Dsi₃ŋí'₂ guei'₅₄ mi₂güig₃ quian'₅₄ gua'₅₄ 'uě₃, la₁ jág₁ quió₃ ně₃, o₁líg'₂ tsá₃ dsi₃ŋí'₂ jua'₅₄ tsá₃ le₃ti₃.

³⁴ Tě₃ŋi'₅₄ 'nia'₂, tsá₃ i₂jme₂cán'₁ táng₃ 'nia'₂ 'au'₂ a₂i₂niog'₅₄ dsing'₅₄ le₁'eng'₅, tsá₃ caun₂ a₂i₅ 'au'₂ a₂chang'₂ mi₂güig₃ la₂, con'₂ tsá₃ ŋó₅ ně₁jua'₂ ca₂jo₃ jmig₄ jaun₂ 'nia'₂ co₂tiá₂. ³⁵ Jui₁lia'₂ ja₁ta'₂ caun₂ tsi₁liá₂ bá₄ lé₂ jmig₄ jaun₂ ne₄ quió'₅ ca₂le₃jín₃ dsa₂ i₂tián'₅ ne₄ gua'₅₄ 'uě₃. ³⁶ Jaun₂ chan'₂ 'nia'₂ rě₂jáng'₁, chi₁leng'₄ Diú₄ ca₂le₃jě₃ jmig₄, ia₁jaun₂ bá₄ quin'₅₄ 'nia'₂ jmig₄ lióng'₂ ne₄ ca₂le₃jě₃ a₂niog₅ lé₂ ně₅, ia₁jaun₂ dsi₁nóg'₅ tě₃tsing'₅₄ ne₄ Jaun₅ dsa₂ mi₂güig₃.

³⁷ Ca₂le₃jě₃ jmig₄ bá₄ jme₁jme₂tag₂₃ i₁dsi₅ guá'₅ templo, jě₁ma₂ca₂nei₂ dsó₅ dsi₂ŋia₅₄ má'₂ ja₁chei₂ Olivos.

³⁸ Ca₂le₃jín₃ bá₄ dsa₂ jme₁ja₂lén₂ tē₂ o₃'iog₂ i₁dsi₅ guá'₅ a₂ja₂néi₃ jág₁ a₂cuě₂₃.

22

Ca₂jmo₃ dsa₂ jág₁ a₂tsáin'₂ Jesús

(Mateo 26:1-5, 14—16; Marcos 14:1-2, 10—11; Juan 11:45-53)

¹ Jme₁ma₂ja₂quián₃ jmig₄ quió'₅ i₁ŋi'₄ a₂tsá₃ levadura rě₂ŋia₅, a₂chei₂ Jmig₄ Tě₂'in₅₄. ² Jaun₂ qui₂ca₂'náu'₃ dsi₅ juig₅₄ jme₂dsa₂, tē₅juá'₅ ně₃, 'a₂lia'₂ cuin₃ jmig₄ jŋag'₃, ia₁ a₂gain₃ dsa₂ juig₂ bá₄.

³ Jaun₂ ca₂'í₃ Satanás dsi₅ Judas, i₂tě'₂ Iscariote, i₂jme₁lín₄ jan₂ dsa₂ i₂guia₃-tín₂.

⁴ Judas 'éi₂ ně₃ ca₂nei₅₄ ca₂i₁jmo₅₄ jág₁ quian'₅₄ juig₅₄ jme₂dsa₂, quian'₅₄ i₂lín₅ 'lióg₂ dsen₅₄ quián₅ guá'₅ templo ně₃, 'a₂lia'₂ jáng'₂ jjin'₂ Jesús o₄gú₃.

⁵ Jaun₂ 'io'₂ jén'₅ bá₄ dsa₂ 'éi₂, ca₂jmo₃ jág₁ a₂cuě₃ cu₄.

⁶ Jaun₂ ca₂cuě₃ Judas jág₁ quió'₅. Jaun₂ ca₂'náu'₃ dsi₅ 'a₂lia'₂ jáu₂ jui₅ a₂jáng'₂ con'₂ jme₁tsá₃ juin₅ dsa₂ ma₃quiain'₅₄.

Má₃ jě₁ca₂tó'₂ quió'₅ Te₁gui'₅₄

(Mateo 26:17-29; Marcos 14:12-25; Juan 13:21-30; 1 Corintios 11:23-26)

⁷ Ca₂tě₂ jme₁ca₂tě₂ jmig₄ quió'₅ i₁ŋi'₄ a₂tsá₃ levadura rě₂ŋia₅, con'₂ ca₂tín₂ dsa₂ jme₂dsiain₂₃ guein₂ já'₂ cha'₂ quián₅ Jmig₄ Tě₂'in₅₄.

⁸ Jaun₂ ca₂chen₃ Jesús Pe₄ quian'₅₄ Juan₅₄, ca₂juá'₂:

—O₂nó'₅ 'nia'₂ o₂jmo₄ co₂ŋia₅₄ má₃ quián₂ jniog₄ a₂que₅₄ Jmig₄ Tě₂'in₅₄.

⁹ Jaun₂ ca₂ŋag₃ 'éi₂:

—¿A₂já'₄ 'niog'₂ dsi₁jmó₁ jnia'₅₄ co₂ŋia₅₄?

¹⁰ Jaun₂ ca₂juá'₂:

—Jě₁ma₂dsi₃nó'₅ 'nia'₂ jě₄ juig₂, jme₃jein'₂ jan₂ dsa₂ ŋe'₂ i₂ŋá'₅ quion₂ caun₂ ni₁dsig₁ 'a₄ jmig₂. O₁'éin'₃ 'nia'₂ ca₂tě₂ dsi₂néi₂ ja₁'í₂. ¹¹ Jaun₂ juig₅₄ 'nia'₂ dsa₂ juig₅₄ dsi₂néi₂: “Le₂la₂ juá'₂ Tě₅ tsí'₅ 'ne₂: ¿Na₂ bá₄ dsi₂néi₂ ja₁guě'₅₄ má₃ quió'₅ Jmig₄ Tě₂'in₅₄ quiang'₅₄ chi'₂ dsi₂guia₃-tín₂ quiáng₃?” ¹² Jaun₂ 'ě₃ caun₂ ja₁lě₄ dsi₂néi₂ juě'₂ guei'₅₄ ja₁ma₂lě₅ co₂ŋia₅₄ quió'₅. Ja₁jaun₂ jmo₄ co₂ŋia₅₄.

¹³ Jaun₂ ca₂i₃lén₂ bá₄ 'éi₂ ně₃. Ca₂lě₃ rě'₂ lia'₂ con'₂ lě₅ jág₁ jaun₂. Ja₁jaun₂ ca₂jmo₃ má₃ quió'₅ jmig₄.

¹⁴ Jme₁ca₂tě₂ hora jaun₂, ca₂guá₂ Jesús ne₄ mesa, quian'₅₄ chi'₂ dsi₂guia₃-tín₂* quián₅. ¹⁵ Jaun₂ ca₂tsí'₃ 'éi₂:

† 21:32 o₃, “né'₃ a₂dsián₃ dsa₂ i₂lín₅ raza la₂.”

* 22:14 griego: apóstolous (dsa₂ i₂chen₄).

—jLíg'₂ bá₄ 'ín₅ dsi₃ guè'₅₄ má₃ Jmíg₄ Tè₂'in₅₄ la₂ quian'₅₄ 'nia'₂, né'₃ a₂dsi₃njíg₂ uig₅! 16 Ia₁ juá'₅ jniá₂ juíg₂ 'nia'₂, tsá₃ ma₃líg'₂ jmíg₄ jua'₅₄ guè'₅₄ guè'₄ má₃ le₂la₂ ca₂lia'₂ ca₂tè₂ jmíg₄ i₁le₃ti₃ ja₁gon₂ Diú₄.

17 Jaun₂ ca₂tín₂ copa, ca₂cuè'₃ ti₁'mag'₄ Diú₄, jaun₂ ca₂juá'₂:

—Ján'₅ 'nia'₂ a₂la₂; jmo₄ dsióg₁ jin₄ ríng'₂. 18 Ia₁ juá'₅ jniá₂, tsá₃ ma₃líg'₂ jmíg₄ jua'₅₄ a₂gui'₅₄ guè'₄ jmi'₅₄ míg₂ uvas le₂la₂, ca₂lia'₂ ca₂tè₂ jmíg₄ i₁le₃ti₃ ja₁gon₂ Diú₄.

19 Jaun₂ ca₂tín₂ táng₃ caun₂ i₁njí'₄, ca₂cuè'₃ ti₁'mag'₄ Diú₄. Jaun₂ ca₂'niai₃ ca₂cuè'₃ 'éi₂, ca₂juá'₂:

—Nj₃ bá₄ jniá₂ i₁njí'₄ la₂, a₂ma₂rè₂jang'₅₄ o₄quián'₂ 'nia'₂. Jmo₄ 'nia'₂ a₂la₂ a₂dsiog'₂ 'au'₂ jniá₂.†

20 Ján₃ bá₄ le₂nè₅, jme₁ma₂ca₂lè₃ guè'₅ i₁njí'₄, ca₂can₃ táng₃ copa, jaun₂ ca₂juá'₂:

—A₂'a₄ copa la₂, lè₅ jág₁ 'mí₂ a₂tè₃ron₅₄, a₂li'₅₄ tè₂le₃ quian'₅₄ jmi₃ a₂dsi₃'o₅₄ o₄quián'₂ 'nia'₂.‡

21 'La₁ nè₃ nè₃, ne₄ mesa la₂ guá₅ quian'₅₄ jniá₂ i₂jáng'₂. 22 Dsón'₂ bá₄ 'en₅₄ jui₅ Jaun₅ dsa₂ mi₂güí₃ dsióg₄ ja₁'ein₅₄ 'éi'₃ dsióg₄, la₁ i'e₂ guè'₄ juíg₂ dsa₂ i₂jáng'₂!

23 Jaun₂ ca₂jme₃lióg₃ tsi₂ca₂jín₂ quian'₅₄ riin'₅₄, 'ein₂ bá₄ 'éi₂ i₂jmo₃ le₂jaun₂.

Ca₂tsiin₂ o₄quió'₄ 'ein₂ i₂lén₂ i₂dsen₅₄ guè'₄

24 Ján₃ bá₄ ca₂lè₃ mi'₅₄ jè₄ quió'₅, ne₄ 'uig₅₄ 'ein₂ 'éi₂ i₂lén₂ i₂dsen₅₄ guè'₄.

25 Jaun₂ ca₂juá'₂ Jesús:

—Ca₂le₃jín₃ rag₅₄ quián₅ dsi₂nau₂, tian'₂₃ goin₂ jmo₂₃ 'éi'₃ lia'₂ lè₂ dsí₅. Le₂jaun₂ guè'₂ i₂le₁'io₅ 'éi'₃ i₂le₁'in₁ quián₅, 'ag₅ dsa₂ a₂lín₅ dsa₂ i₂jmo₅ a₂dse₃.

26 La₁ tsá₃ le₂jaun₂ lé₂ quian'₅₄ 'nia'₂. Jui₁lia'₂ i₂can'₅₄ jè₄ quián'₂ 'nia'₂, jui₁jmo₁₂ mei'₂. Le₂jaun₂ guè'₂ i₂cán₂ ne₄ jui₅, jui₁jmo₁₂ nè₂jag₄ bá₄ i₂jme₂ti₃. 27 Jaun₂ nè₃, ¿'ein₂ i₂dsen₅₄ guè'₄: i₂guá₅ ne₄ mesa, o₃ i₂dsia₅ má₃ 'e₂? ¿'On₁ i₂guá₅ ne₄ mesa bá₄? La₁ jniá₂ 'eng₅₄ jè₄ quián'₂ 'nia'₂, líng₅ jan₂ i₂jme₂ti₃. 28 'Nia'₂ guè'₂ líng'₅

i₂ma₂ja₂nóg'₅ quiong'₅₄ jniá₂ jè₄ uig₅ a₂qui₂ma₂i₂njíg₂. 29 'Uig₅₄ nè₅ nè₃, dsián₄ jniá₂ 'nia'₂ ja₁o₁tiáng'₂ gong'₂, jui₁lia'₂ ma₂dsiog₃ Ne'₃ jniá₂, 30 ia₁jaun₂ o₁qué'₂

o₁'éñ'₂ 'nia'₂ ne₄ mesa quió₃ ja₁gong₂, ja₁jaun₂ o₁tián'₂ 'nia'₂ ne₄ta₁ a₂qui₁dsi'₂ 'éi'₃ quió'₅ ta₁gua₃-tín₂ nió'₃ tsi₁jon₂ dsa₂ juig₂ Israel.

Ni₅ bá₄ Jesús a₂tsá₃ tion₃ Pe₄ a₂cuig₂₃

(Mateo 26:31-35; Marcos 14:27-31; Juan 13:36-38)

31 Ján₃ bá₄ ca₂juá'₂ Te₁gui'₅₄:

—Si₂mu₅₄, Si₂mu₅₄ —ca₂tsí'₃ Pe₄—, i₂sè₃dsen₃ ma₂nè₂mag₃ 'njiá'₂ 'nia'₂ lia'₂ ja₁'njiá'₂ dsa₂ trigo, 32 la₁ jniá₂ ma₂nè₂mi₃ o₄quián'₂ 'ne₂, ia₁jaun₂ tsá₃ dsiá₃ éi₃ a₂'éng'₂. 'Ne₂ nè₃, jè₁ma₂ca₂jéin'₃ táng₃ 'au'₂, cuè'₅₄ bí₂ ríng'₂.

33 Jaun₂ 'éi₂ nè₃ ca₂ḡag₃:

—Te₁gui'₅₄, caun₂ bá₄ ma₂'eis dsi₃ i₁'ú₃ né'₃ 'má₃ co₂lè₅ quian'₅₄ 'ne₂, o₁jnia'₅₄ 'mú₃ ca₂quín₂.

34 Jaun₂ ca₂ḡag₃ Jesús:

—Pe₄, jniá₂ guè'₂ juá'₅, tsá₃ 'o₃ tè₁guí₄ dsó₂ nè₃, ca₂lia'₂ ma₂nè₂jua'₅₄ 'ne₂ 'ni₅ ráun₂ a₂tsá₃ tóng'₄ a₂cuig'₂ jniá₂.

Ma₂ja₂quián₃ hora gue₃ Jesús uig₅

35 Jaun₂ ca₂juá'₂:

—Lia'₂ con'₂ ca₂tsíng₂ 'nia'₂, lia'₂ con'₂ tsá₃ tsi₁na'₅₄ jme₁le₁quian'₄, on₃ guè'₂ tè₂lau₂, on₃ guè'₂ ni₁lau₂ ton₅ tag'₅₄ nè₃, ¿cha₁ a₂ca₂rè₃'nió'₅ quián'₂ 'nia'₂?

† 22:19 A₂lín₅₄ chog₅₄ si₂ tsá₃ chi₁ton₅ "a₂ma₂rè₂jang'₅₄ o₄quián'₂ 'nia'₂. Jmo₄ 'nia'₂ a₂la₂ a₂dsiog'₂ 'au'₂ jniá₂", on₃ guè'₂ versículo 20. ‡ 22:20 'Nio'₂ ja₁ton₅ Éxodo 24:8.

'Éi₂ ně₃, ca₂ŋag₃:

—'I₁caun₂ tsá₃ ca₂rě₃'nió'₅.

³⁶ Jaun₂ ca₂juá'₂ táng₃:

—Ně₃ guě₄ ně₃ i₂'io₅ tsi₁na'₅₄, tē₂lau₂ ně₃ jui₁quian'₅₄. I₂tsá₃ 'io₅ ŋi₁tág₂ ně₃, o₁'nag₁₂ mi₂dsióg₂ quió'₅ ia₁jaun₂ lá₃ ŋi₁tág₂. ³⁷ Ia₁ juá'₅ jniá₂, tion₅₄ niog₅ le₃ti₃ ja₁con₂ jniá₂ ja₁juá'₂ ne₄ Si₂ le₂la₂: “Nó₃ jě₄ quió'₅ dsa₂ i₂le₁cán'₄ dso₄, ia₁ ca₂jmo₃ dsa₂ dsí₅ ně₂jag₄ bá₄ a₂rě₂cáin'₄ dso₄ ján₃.” § Ia₁ ca₂le₃jě₃ a₂niog₅ juá'₂ ne₄ Si₂ a₂'ag₂₃ jniá₂, tion₅₄ niog₅ le₃ti₃.

³⁸ Jaun₂ ca₂juá'₂ 'éi₂:

—Te₁gui'₅₄, la₂ tiá'₅ tīn₃ ŋi₁tág₂.

Jaun₂ ca₂ŋag₃ táng₃:

—Tió'₅ bá₄ ně₅.

Ca₂chi₂lén'₂ Jesús Diú₄ caun₂ ja₁chei₂ Getsemani

(Mateo 26:36-46; Marcos 14:32-42)

³⁹ Jaun₂ guě₄ ně₃ o₂'iīn₃ ŋó₃ jui₅ Má'₂ Olivos, ia₁ le₂jaun₂ tīn₂ bá₄. Jaun₂ ca₂i₃lén₂ chi'₂ dsi₂guia₃-tīn₂ quiong'₅₄.

⁴⁰ Jme₁ca₂dsióg₃ ja₁jaun₂, jaun₂ ca₂juá'₂:

—Chi₁lén'₅₄ 'nia'₂ Diú₄ ia₁jaun₂ tsá₃ jo₅₄ jui₅bí₂ a₂caun₂ táu₂.

⁴¹ Jaun₂ ca₂ŋó₃ Jesús 'ŋiog₅ uíng₂ con'₂ ja₁tág₅ ca₂míg₂ ni₁cang₁ a₂táun₂ dsa₂. Ja₁jaun₂ ca₂chi₃jné₃ ca₂chi₃lén'₂ Diú₄.

⁴² Ca₂juá'₂:

—Tia₅₄, ¿tsa₁ cuīn₅ jmíg₄ jniá'₄ uig₅ dsi₃ŋíg₂ la₂? La₁ia₁, jui₁le₅₄ bá₄ a₂'ŋio₂ 'au'₂ 'ne₂, on₃jua'₅₄ con'₂ 'nio₃ jniá₂.

⁴³ Jaun₂ ca₂jme₃jnia₅ jan₂ ángel ne₅₄, i₂ca₂sión₃ jui₅ guei'₅₄ i₂juíg₃, a₂ca₂cuě₃ bí₂.

⁴⁴ Hora jaun₂ ca₂ŋág₃ uig₅ 'ŋio₅ lin₃, jaun₂ tē₂le₃ lě₅ guě₄ ca₂chi₃lén'₂ Diú₄; ca₂tein₃ jme₁dsiog₂ ně₂jag₄ bá₄ jmi₂ qui₂ca₂dsá₂ tē₂ 'uě₃.*

⁴⁵ Jme₁ca₂nau₂ ja₁chi₂lén'₂ Diú₄ jaun₂, guáin'₃ ja₁tián'₄ chi'₂ dsi₂guia₃-tīn₂. La₁ le₁güīn₃ bá₄ 'éi₂ tiáin'₅ ca₂jo₃, 'uig₅₄ ia₁ a₂ŋí₄ lě₃ 'lia'₂ dsí₅.

⁴⁶ Jaun₂ ca₂juá'₂:

—¿'E₂ lě₃ le₁güīn'₃ 'nia'₂ tiáng'₅? Nau₂, chi₁lén'₅₄ 'nia'₂ Diú₄ ia₁jaun₂ tsá₃ jo₅₄ jui₅bí₂ a₂caun₂ táu₂.

Ma₂le₁te₂ dsa₂ Jesús

(Mateo 26:47-56; Marcos 14:43-50; Juan 18:2-11)

⁴⁷ Tě₃jě₄ juá'₂ Jesús jaun₂, jme₁ca₂dsi₃lén₂ juīn₅ dsa₂. Jaun₂ ca₂dsióg₃ i₂tě'₂ dsa₂ Judas, i₂jme₁lín₄ jan₂ chi'₂ dsi₂guia₃-tīn₂, quian₅ ne₄ jui₅. Jaun₂ ca₂jme₃quiáin₃ con₂ Jesús a₂jme₁chen'₃† quió'₅.

⁴⁸ La₁ ca₂juá'₂ Jesús:

—Judas, ¿'e₂? ¿Le₂ně₅ bá₄ jīng'₅₄ Jaun₅ dsa₂ mi₂güíng₃, a₂chén'₁ quió'₅?

⁴⁹ Jme₁ca₂jág₃ i₂quian'₅₄ Jesús a₂lě₂ jaun₂, ca₂juá'₂:

—Te₁gui'₅₄, ¿qui'₅₄ jnia'₅₄ quian'₅₄ ŋi₁tág₂?

⁵⁰ Jan₂ 'éi₂ ně₃ ca₂quí'₃ quió'₅ i₂jme₂ti₃ ta₁ quián₅ jme₂dsa₂ dsen₅₄, ca₂jniá'₂ rě₂gua₅₄ ne₁.

⁵¹ Jaun₂ ca₂juá'₂ Jesús:

—'A₃ ma₃jmai'₅₄.

Jaun₂ ca₂chóng'₃ táng₃ rě₂gua₄ 'éi₂, ca₂jme₃'lió₂. ⁵² Jaun₂ ca₂tsí'₃ juig₅₄ jme₂dsa₂, 'i'₅₄ guá'₅, gui'₅₄ can'₅₄ ně₃ i₂dsi₃lén₂ tsáun'₂:

§ 22:37 Isaiás 53:12. * 22:44 A₂lin₅₄ chog₅₄ si₂ tsá₃ chi₁ton₅ versículos 43 quian'₅₄ 44. † 22:47 Jme₁tīn₂ quió'₅ dsa₂ judíos a₂chen'₂ jú'₅ riin'₅₄ jě₁cuag₃ Diú₄.

—¿'E₂? ¿Jui₁lia'₂ jē₁tsán'₂ dsa₂ 'ang₂ ja₂nóg'₅ qui₂le₁quian'₄ ŋi₁tág₂, 'ma₂ ně₃?
⁵³ Líg'₂ bá₄ 'eng₅₄ tián₂ quian'₅₄ 'nia'₂ i₁dsi₅ guá'₅, tsá₃ ma₂chong'₂ 'nia'₂ ja₁jaun₂.
 La₁ ně₃ guě₄, 'au'₂ 'nia'₂ bí₂ tiá₂ 'au'₂ jmó'₂, ně₃ lia'₂ chí'₅ qui₁né'₃.

Tsá₃ tion₅ Pe₄ a₂cuin₂₃ Jesús

(Mateo 26:57-58, 69—75; Marcos 14:53-54, 66—72; Juan 18:12-18, 25—27)

⁵⁴ Jme₁ma₂ně₂chóng'₂, ca₂tág₃ jui₅ ja₁quió'₄ jme₂dsa₂ dsen₅₄. La₁ Pe₄ ně₃, uing₂ bá₄ tē₂quín₃ ŋó₃ 'ein₂₃.

⁵⁵ Dsa₂ 'éi₂ ně₃, ca₂dsia₃ si₂ i₁dsi₅, ca₂tián'₂ le₃lág'₃ cau₅ si₂; jē₄ jaun₂ ca₂guá₂ Pe₄ ján₃.

⁵⁶ Tē₃jē₄ jaun₂, ca₂rē₃lí'₄ jan₂ 'io₅₄ i₂jme₂ti₃ ta₁ ja₁jaun₂, a₂guá₅ Pe₄ cau₅ si₂.
 Caun₂ ca₂jág₂ tiá₂, ca₂juá'₂:

—Ján₃ bá₄ jme₁quian'₅₄ i₂ně₅.

⁵⁷ La₁ 'éi₂ ně₃, tsá₃ ca₂tioin₃, ca₂juá'₂:

—Tsá₃ 'éi₂ cuín₅ jniá₂, 'ne₂ 'io₅₄.

⁵⁸ Jme₁co₂lág₂ jaun₂, ca₂guan₃ táng₃ jan₂, ca₂jág₂, jaun₂ ca₂juá'₂:

—Jme₁quian'₅₄ 'ne₂ ján₃, ¿lia'₅₄?

—Jan₂'ón₄. Tsá₃ dsa₂ 'éi₂ jme₁quian'₄ jniá₂, 'ne₂.

⁵⁹ Con'₂ caun₂ hora cang₂ jaun₂, tion₅₄ bá₄ tsá₃ jme₁cán₂ jan₂ jág₁, ca₂juá'₂:

—Tē₃dsón'₂ jan₂ i₂jme₁quian'₅₄ bá₄ ně₅, ia₁ Galilea bá₄ ja₁chain₂.

⁶⁰ Jaun₂ ca₂juá'₂ táng₃ Pe₄:

—Tē₃dsón'₂ rē'₂ juá'₅ jniá₂ la₂, ca₂lia'₂ jnia'₅₄ tsá₃ cuíng₅ 'ein₂ 'éi₂ 'ín'₅ 'nia'₂.

Tē₃jē₄ dsia₂₃ jág₁ jaun₂ jme₁ca₂'o₃ tē₁guí₄ dsó₂. ⁶¹ Jaun₂ ca₂jén'₃ Te₁gui'₅₄ ca₂jín₂ Pe₄, ca₂jmo₃ a₂dsiog'₂ dsí₅ 'éi₂ 'e₂ a₂ma₂ně₂juá'₂ le₂jniá₅: “Tsá₃ 'o₃ tē₁guí₄ dsó₂ ně₃, ca₂lia'₂ ma₂ně₂jua'₅₄ 'ne₂ 'ni₅ ráun₂, a₂tsá₃ tóng'₄ a₂cuig'₂ jniá₂.”

⁶² Jaun₂ ca₂'o₃ 'iin₃ ca₂tá'₂ qui'₂ dsí₅, ca₂'o₃ 'ŋio₅ lín₃.‡

A₂lē₁qui₂co₂jmá'₂ dsa₂ Jesús

(Mateo 26:67-68; Marcos 14:65)

⁶³ Dsa₂ i₂niog₅ jmo₅ 'í₁ Jesús ně₃, a₂lē₁qui₂co₂jmóg'₂ tioin'₅₄, ca₂cuě₃ ně₃.

⁶⁴ Ca₂'néi₂ jme₁ne₁ Jesús, qui₂ca₂quein₃ dsí₂ne₅₄ § jaun₂ ca₂juá'₂:

—¿Dsi₄ jág₁ 'ein₂ ně₂quein₃ quiáng'₂!

⁶⁵ 'Lióng₂ lín₃ bá₄ ca₂juá'₂ tioin'₅₄, a₂tē₂'o'₂.

Ca₂chen'₃ dsa₂ Jesús ne₄ dsí₂tan₅₄ quián₅ guá'₅

(Mateo 26:59-66; Marcos 14:55-64; Juan 18:19-24)

⁶⁶ Jme₁jnia₃ jaun₂, qui₂ca₂ŋi'₂ ca₂le₃jín₃ gui'₅₄ can'₅₄ quián₅ dsa₂ judíos, juig₅₄ jme₂dsa₂, tē₃juá'₅ ně₃. Jme₁ma₂le₁ŋi'₂, ca₂dsi₁jnia₃ dsa₂ Jesús ne₅₄. Jaun₂ ca₂ŋag₃:

⁶⁷ —¿Dsón'₂ 'ne₂ líng'₅ I₂rē₂'ín₁ quián₅ Diú₄?

Jaun₂ ca₂ŋag₃:

—O₁jnia'₅₄ ca₂juá'₃ jniá₂, jniá₂ 'éi₂, a₂dsón'₂ tsá₃ le₃'én'₂ bá₄ 'nia'₂. ⁶⁸ Nē₁jua'₂ ca₂ŋag₄ jniá₂ 'e₂ ca₂ŋag₅₄ ne'₅₄ 'nia'₂, a₂dsón'₂ on₃jua'₅₄ a₂jaun₂ jein'₅₄ 'nia'₂ jág₁ quió₃.* ⁶⁹ La₁ ně₃ ně₃, tē₂le₃ ne₄ juí₅ ja₁ŋó₄ ně₅, guá₃ Jaun₅ dsa₂ mi₂güí₃, tē₂le₃ gu₂ ne₁ Diú₄ i₂'uan'₂ guě₄ lín₃.

⁷⁰ Jaun₂ ca₂ŋag₃ ca₂le₃jín₃:

—¿Ia₁ 'ne₂ bá₄ líng'₅ Ja₁ŋi'₅₄ Diú₄, jaun₂?

—Jniá₂ bá₄ líng₅, juí₁lia'₂ ma₂ně₂jua'₅₄ 'nia'₂ ně₅.

⁷¹ Jaun₂ ca₂juá'₂ tioin'₅₄:

‡ 22:62 A₂lín₅₄ chog₅₄ si₂ tsá₃ chí₁ton₅ versículo 62. § 22:64 A₂lín₅₄ chog₅₄ si₂ tsá₃ chí₁ton₅ “qui₂ca₂quein₃ dsí₂ne₅₄.” * 22:68 A₂lín₅₄ chog₅₄ si₂ juá'₂ ján₃: “on₃ guě'₂ jaun₂ a₂lo'₅₄ 'nia'₂.”

—¿Ein₂ gué₄ jmá'₃ dsa₂ 'niog₂ jniog₄ jáng'₃ jág₁ dsau₅? Jua'₂ jniog₄ guio₅₄ ma₂nē₂néi₁ jág₁ a₂ma₂nē₂'uē'₃ i₂nē₅ 'ñiog₅ mi'₂o₅₄ chéin'₅.

23

Ca₂dsián'₃ Jesús ne₄ Pilato

(Mateo 27:1-2, 11—14; Marcos 15:1-5; Juan 18:28-38)

1 Jaun₂ qui₂ca₂nau₂ ca₂le₃jín₃ ca₂jñiai₃ Jesús ne₄ Pilato.

2 Ja₁jaun₂ gué₄ ca₂'náu'₃ dsáu₁ Jesús, ca₂juá'₂:

—Ca₂jon₃ jnia'₅₄ dsa₂ la₂ jme₁'ein₅₄ dsia₂₃ mi'₅₄ jín₄ dsa₂ juig₂ quián₂ jnia'₅₄. Ni₂₃ toin'₂ dsa₂ jág₁ a₂tsá₃ ma₂'ein₂ qui₃ 'lia'₅₄ a₂ca₂tín₂ César; a₂jme₂tiin₂₃ dsa₂ juá'₂ a₂lín₅ l₂rē₂'ín₁ quián₅ Diú₄, co₂'nió'₄ a₂lín₅ rag₅₄.

3 Jaun₂ ca₂ñag₃ Pilato:

—¿Dson'₂ líng'₅ Rag₅₄ quián₅ dsa₂ judíos?

Jaun₂ ca₂ñag₃ Jesús:

—Le₂nē₅ bá₄, jui₁lia'₂ juá'₂ 'ne₂ nē₅.

4 Jaun₂ ca₂juá'₂ táng₃ Pilato ca₂tsí'₃ juig₅₄ jme₂dsa₂, quian'₅₄ dsa₂ juig₂:

—Tsá₃ 'e₂ dsáu₁ dsa₂ nē₅ dso'₂ jniá₂ 'i₁caun₂.

5 La₁ tē₂le₃ lē₅ gué₄ co₂mi'₅₄ ca₂tóin'₂, ca₂juá'₂:

—La₁ 'ñio₅ lín₃ dsia₂₃ mi'₅₄ ñi₂₃, jme₂tiin₂₃ dsa₂ ta₁caun₂ 'uē₃ Judea. Ca₂jme₃lióg₃ Galilea, rē₂nē₃ guē'₂ ma₂ñi₂₃ ja₁lá₃ jmo₂₃ le₂jaun₂.

Ca₂dsián'₂ Pilato Jesús ne₄ Herodes

6 Jme₁ca₂nág₂ Pilato a₂nē₅, jaun₂ ca₂ñag₃ chi₂jua'₂ 'uē₃ Galilea chan₂ dsa₂ 'éi₂.

7 Jme₁ca₂rē₃ñi₅ nē₃, a₂lín₅ Jesús dsa₂ chan₂ tē₂le₃ 'uē₃ ja₁niog₅ gu₂ Herodes, jaun₂ ca₂dsióg'₂ ne₄ 'éi₂. Ia₁ jme₁ñi₂₃ juig₂ Jerusalén jmi₄ jaun₂.

8 'Io'₂ jén'₅ bá₄ Rag₅₄ Herodes jme₁ca₂jñi₂ Jesús, ia₁ líg'₂ bá₄ 'ín₅ dsí₅ jág₂, ia₁ jme₁ma₂nág₂ bá₄ 'ei₅ jág₁ a₂'in₅ dsa₂ 'éi₂. Ia₁ jme₁'ín₂ dsí₅ jág₃ 'e₂ caun₂ o₂dsain₂ jmo₃.

9 'Lióng₂ a₂qui₂ca₂ñi'₃ Jesús, la₁ tsá₃ ma₂'e₂ ca₂ñag₃ 'éi₂ 'i₁caun₂.

10 Ja₁jaun₂ jme₁tión₂ juig₅₄ jme₂dsa₂ quian'₅₄ tē₅juá'₅ nē₃, caun₂ qui₂ca₂'náu'₃ tion₅₄ dsáu₁ 'éi₂.

11 Jaun₂ Herodes nē₃, quian'₅₄ 'lióg₂ quián₅, lē₁qui₂ca₂jmo₂'₂ tióin'₅₄, ca₂quei'₃ 'mi'₂ jlá'₁, jaun₂ ca₂dsióg'₂ bá₄ táng₃ ne₄ Pilato.

12 Jmi₄ jaun₂ bá₄ ca₂jmo₃ Pilato a₂mei₅₄ quian'₅₄ Herodes, ia₁ jme₁le₁'ñiai₁₂ riin'₅₄ le₂jñiá₅.

Ca₂o₃'ág₃ 'éi'₃ a₂jón₂ Jesús

(Mateo 27:15-26; Marcos 15:6-15; Juan 18:39-19:16)

13 Jaun₂ ca₂ñi'₂ Pilato juig₅₄ jme₂dsa₂, quian'₅₄ i₂lín₅ ta₁, quian'₅₄ dsa₂ juig₂ nē₃.

14 Jaun₂ ca₂tsí'₃ dsa₂:

—O₂jon'₅₄ 'nia'₂ ne₃ dsa₂ la₂, ia₁ juá'₂ 'nia'₂ a₂dsia₂₃ mi'₅₄ jín₄ dsa₂. Tē₃ ne'₅₄ 'nia'₂ ma₂qui₂nē₂ñag₄ jniá₂, tsá₃ 'e₂ dsáu₁ dso'₂ jniá₂ 'i₁caun₂, lia'₂ con'₂ lē₅ dso₄ a₂jme₂cain'₅₄ 'nia'₂. ¹⁵ On₃ guē'₂ Herodes ca₂dsó'₂, jaun₂ la₂ bá₄ ca₂dsióg'₂ táng₃. Jaun₂ 'i₁caun₂ tsá₃ 'e₂ cha₂ jua'₅₄ ca₂tín₂ gue₃ 'mú₃. ¹⁶ La₁ jmo₅₄ 'éi'₃ a₂bóg₂ dsa₂, jaun₂ gué₄ loin₅₄.

17 Jme₁jmi₄ tē₂'in₅₄, jme₁chí'₄ tag₄ quió'₅ Pilato jme₁lióin₂ jan₂ dsa₂ 'né₅ 'má₃, jme₁chei'₂ le₃jñi₄ dsa₂.*

18 La₁ dsa₂ juig₂ nē₃ co₂ñei'₅₄ ca₂le₃jín₃ ca₂tóin'₂ co₂mi'₅₄ ca₂juá'₂:

—¡Cau₅ jñiá'₃ i₂nē₅! ¡Barrabás bá₄ lion₄ quián₂ jnia'₅₄!

* 23:17 A₂lín₅₄ chog₅₄ si₂ tsá₃ chi₁ton₅ versículo 17.

19 Barrabás 'éi₂ ca₂to'₂ dsa₂ né'₃ 'má₃ 'uig₅₄ ia₁ ca₂dsia₃ caun₂ mi'₅₄ jë₄ juig₂, ton'₂ ia₁ jme₁ma₂jñi'₃ dsa₂ ně₃.

20 Jme₁'nio₃ bá₄ Pilato jme₁lióin₂ Jesús, jaun₂ jme₁ca₂tsí'₃ bá₄ guë₄ dsa₂. 21 La₁ tē₂le₃ lē₅ guë₄ co₂mi'₅₄ ca₂tón'₂ bá₄ dsa₂, guió'₅ juá'₂:

—¡Tióin₃ cróg₄! ¡Tióin₃ cróg₄!

22 Jë₁ñó₄ 'ni₅ ráun₂ ca₂juá'₂ táng₃ Pilato tsí'₅ dsa₂:

—¿'E₂ guë'₂ 'lig'₅₄ ma₂jmo₃? Tsá₃ 'e₂ dsáu₁ i₂nē₅ dso'₂ jniá₂ jua'₅₄ a₂ca₂tíin₂ jóin₂. Jmo₅₄ jniá₂ 'éi'₃ a₂bóg₂ dsa₂ jaun₂ guë₄ loin₅₄.

23 La₁ tion₅₄ ca₂mi₃ dsa₂ tióin'₅₄ co₂mi'₅₄ a₂tion₃ cróg₄. Ca₂lë₃ rē'₂ con'₂ lē₅ 'ín₅ dsí₅ dsa₂ juig₂ lé₂.

24 Jaun₂ co₂ñei'₅₄ me'₂ ca₂jmo₃ Pilato 'éi'₃ a₂lé₂ con'₂ lē₅ mi₅ dsa₂.

25 Jaun₂ ca₂lióin₂ bá₄ dsa₂ i₂jme₁'en₅₄ né'₃ 'má₃, i₂jme₁ma₂dsia₃ mi'₅₄, i₂ma₂jñi'₃ dsa₂ ně₃. Jaun₂ ca₂jáng'₂ ca₂jñin'₂ Jesús o₄gú₃ dsa₂ juig₂ o₁jmo₁₂ quiong'₅₄ con'₂ 'ín₅ dsí₅ jmo₃.

Ca₂tion₃ dsa₂ cróg₄ Jesús

(Mateo 27:32-44; Marcos 15:21-32; Juan 19:17-27)

26 Con'₂ ma₂tióin'₅₄ jui₅jñiai₂₃ Jesús ja₁dsi₃tion₃ cróg₄, ca₂chi₃quiáin₂ tion₅₄ jan₂ dsa₂ chan₂ 'uë₃ Cirene, i₂chen₂ Si₂mu₅₄, i₂'en₅₄ jui₅jón'₅ ja₁nau₂, a₂cán₂ cróg₄ dsó₃ le₃chi₁co'₅₄ quió'₅ Jesús.

27 Ju_{in}₅ lin₃ bá₄ dsa₂ juig₂ i₃lén₂ 'ein₂₃, dsa₂ mí₂ ně₃ i₃lén₂ qui'₂-o₂₃ 'lia'₂ dsí₅ qui'₂-óin'₂ Jesús.

28 Jaun₂ ca₂jén'₃ Jesús, ca₂juá'₂:

—'Nia'₂ dsa₂ mí₂ chan₂ Jerusalén, 'a₃ ma₃'au₂ 'nia'₂ o₄quió₃ jniá₂. 'O₄ bá₄ 'nia'₂ o₄quiáng'₂ quiong'₅₄, o₄quió'₄ chi'₂-guein₂ quiáng'₂ ně₃. 29 Ia₁ já₅ jmig₄ jë₁juá'₂ dsa₂: “'E₂ guë₄ dsen₃ ju_ilia'₂ dsa₂ mí₂ i₂tsá₃ lé₂ cán₂ guein₂, 'e₂ guë₄ dsen₃ ju_ilia'₂ dsa₂ i₂tsá₃ guein₂ ca₂'í₃ tē₂dsí₅, on₃ guë'₂ dsi'₅₄ quió'₅ ca₂guén'₃ guein₂ ně₃.” 30 Jmig₄ jaun₂ jme₃lióg₃ dsa₂ tsí'₃ ni₁má'₂: “Lá'₃ ne₄ quián₂ jnia'₅₄”, juá'₂ ně₃ tsí'₃ dsi₂con'₂: “Mog₅₄ jnia'₅₄.” 31 Ia₁ chi₂jua'₂ le₂la₂ jmo₅ dsa₂ jmái'₂ i₂tsá₃ ca₂tín₂ gue₃ uig₅, ¿'ë₂ guë₄ bá₄ dsi₃ní₂ i₂ca₂tín₂ dsón'₂?†

32 Ján₃ bá₄ jme₁le₁jñiai₂₃ guë₄ on₃ dsa₂ i₂le₂cán'₄ dso₄, a₂jme₂dsiog₂₃ co₂lë₅ quian'₅₄ Jesús.

33 Jme₁ca₂dsi₃lén₂ ja₁tě'₂ dsa₂ Dsi₂con'₂ Ni₁mu₅ Mi₂dsi₄ 'Lag₄,‡ ja₁jaun₂ ca₂tion₃ cróg₄ quian'₅₄ le₃on₃ dsa₂ 'lin'₅₄ 'éi₂, jan₂ tē₂le₃ gu₂ ne₁, jan₂ guë'₂ tē₂le₃ gu₂ jen₅.

34 [Jaun₂ ca₂juá'₂ Jesús:

—Tia₅₄, 'én₃ dsáu₁, ia₁ tsá₃ ñi₅ a₂jmo₂₃.]§

Jaun₂ ca₂co₃ dsi₂'lióg₂ ca₂tóin'₂ ca₂jmo₃ le₁dso'₅₄ ni₁tsin'₅₄ Jesús.*

35 Jaun₂ jme₁tióin₂ dsa₂ juig₂ cau₅, jág₅. Dsi₂tan₅₄ ně₃ jme₁tióin₂, qui₂co₂jmóg'₂ burlas, ca₂juá'₂:

—Qui₂ma₂lióin₂ i₂sián'₂; ně₃ ně₃, ju_ilioin₅₄ 'ñiog₅ chi₂jua'₂ dsi₂jó'₃ lín₅ I₂rē₂'ín₁ rē₂quion'₅₄ quián₅ Diú₄.

36 Dsi₂'lióg₂ ně₃ ca₂jmóg'₂ burlas ca₂jme₃quiáin₃ ca₂jén'₃ vino jen'₂, 37 ca₂juá'₂:

—Chi₂jua'₂ líng'₅ Rag₅₄ quián₅ dsa₂ judíos, lion₄ 'ñiag'₂.

38 Jaun₂ ca₂tióng₃ dsa₂ letras dsi₄ cróg₄ tio'₅₄ 'ni₅ né₃ jág₁ jmei₅: griego, latín, hebreo ně₃, co₂'nió'₄ a₂juá'₂: “RAG₅₄ QUIÁN₅ DSA₂ JUDÍOS BÁ₄ LA₂.”

† 23:31 lit. “ia, chi₂jua'₂ ni₁'ma₂ rē'₂ co₂jmo₅ dsa₂ le₂nē₅, ¿'ë₂ guë₄ bá₄ lé₂ quian'₅₄ ni₁'ma₂ quein₂?”

‡ 23:33 ja₁chei₂ “Gólgota” quian'₅₄ arameo; quian'₅₄ latín guë'₂, chei₂ “Calvario.” § 23:34 A₂lin₅₄ chog₅₄ si₂ tsá₃ chi₁ton₅ jág₁ ně₅. * 23:34 'Nio'₂ ja₁ton₅ Salmo 22:18.

39 Jan₂ i₂rē₂cán₄ dso₄ i₂jme₁rē₂ton₅ cau₅ quió'₅ ca₂tē₂ca₂'o'₂, ca₂juá'₂:
—¿On₁ 'ne₂ líng'₅ I₂rē₂'ín₁ quián₅ Diú₄? Ma₂ně₃ lion₄ 'ñiag'₂, jaun₂ lo'₅₄ jnia'₅₄ ně₃.

40 La₁ ca₂jí₂ bá₄ riin'₅₄ ca₂juá'₂:
—¿'En₁ jmá'₃ tsá₃ gan'₃ 'ne₂ Diú₄? Jua'₂ uig₅ le₂ně₅ bá₄ guei'₂ ján₃. 41 La₁ jniog₄ a₂ca₂tág₂ dsón'₂ guei₂ uig₅ la₂, lia'₂ con'₂ lě₅ a₂ma₂jmó₁; la₁ dsa₂ la₂ ně₃, 'i₁caun₂ tsá₃ 'e₂ riin₂.

42 Jaun₂ ca₂juá'₂:

—Jesús, jui₁dsiog'₂ bá₄ 'au'₂ jniá₂, jě₁ma₂dsiáng'₃ ja₁gong'₂.

43 Jaun₂ ca₂ñag₃ Jesús:

—A₂dsi₂jó'₃ juig₂ jniá₂ 'ne₂, jmig₄ ně₃ tē₃tsing'₅₄ quian'₅₄ jniá₂ Ja₁jlá'₁.†

Ca₂jon₃ Jesús

(Mateo 27:45-56; Marcos 15:33-41; Juan 19:28-30)

44 Con'₂ dsi₃ní'₃,‡ tē₁tsi'₅₄ qui₁né'₃ ta₁caun₂ gua'₅₄ 'uē₃, ca₂lia'₂ ca₂tē₂ hora ñí₁ 'ni₅§ le₃ca₂'láu₂.

45 'Iog₂ co₂dsia₅ ca₂rē₃liá'₃; tsi₁'mi'₂ cortina a₂jme₁'ei₅ dsi₂néi₂ guá'₅ templo, co₂dsia₅ ca₂chen₃ ca₂lě₃ tñ₃ dso'₅₄ jo₂.

46 Hora jaun₂, ca₂guió'₃ Jesús, ca₂juá'₂:

—¡Tia₅₄ quiáng₃, o₄gog'₂ 'ne₂ dsia₅₄ jme₂dsí₂ quió₃!

Caun₂ jaun₂ bá₄ a₂ca₂juá'₂ gué₄, co₂tan₅₄ ca₂join₃.

47 Jme₁ca₂jág₃ juig₅₄ 'lióg₂ a₂ca₂lě₃ jaun₂, ca₂jme₃juin'₂ Diú₄, ca₂juá'₂:

—Dsón'₂ bá₄ tsá₃ 'e₂ jme₁rin₂ dsa₂ la₂.

48 Ca₂le₃jín₃ bá₄ dsa₂ i₂jme₁tion'₅₄ i₂ca₂jág₃ a₂ca₂lě₃ jaun₂, ca₂i₃lein₃ quein₂₃ dsí₅.*

49 Ca₂le₃jín₃ dsa₂ i₂jme₁cuin₅ Jesús quian'₅₄ dsa₂ mí₂ i₂jme₁ma₂quiong'₅₄ tē₂ Galilea, jme₁tióin₂ uing₂ jág₅ ca₂le₃jě₃ a₂ně₅.

Ca₂'on₃ Jesús

(Mateo 27:57-61; Marcos 15:42-47; Juan 19:38-42)

50 La₁ ca₂lě₃ ně₃, jan₂ dsa₂ i₂chen₂ José, i₂jme₁quen'₅₄ líin₅ ta₁ jin₄ dsi₂tan₅₄ quián₅ guá'₅, jme₁líin₄ dsa₂ dsen₃ i₂'ua₁ dsí₅. 51 Sě₄ 'éi₂ ně₃, i₂chan₂ juig₂ Arimatea ja₁tén₄ Judea, tsá₃ ca₂rě₃'ñióg₃ dsí₅ lia'₂ niog₅ ca₂jmo₃ dsi₂tan₅₄ riin'₅₄, ia₁ jme₁chi₁jnia₂₃ le₃gon₂ Diú₄.

52 Jaun₂ ca₂ñei₅₄ ně₃ i₁mi₂jág₁ ne₄ Pilato a₂dsi₃sioin₅₄ 'lag₄ Jesús cróg₄ a₂dsi₃'ó₃.

53 Jme₁ca₂sió₂, ca₂lio₃ caun₂ 'mi'₂ tióg₃. Jaun₂ ca₂i₁quió₂₃ 'ñióg₃ tau₂ 'ñio₅ a₂jme₁ma₂lě₅ ca₂jmo₃ dsa₂ dsí₅ ni₁'lau₂, ja₁tsá₃ 'ein₂ 'lag₄ ma₂'í₅.

54 Ia₁ jmig₄ jaun₂ tion'₅₄ dsa₂ jmo₂₃ co₂jnia₅₄ a₂'nióg₅ quió'₅ jmig₄ sa₅₄ a₂jě₁ca₂jnia₃ jaun₂.

55 La₁ dsa₂ mí₂ i₂ma₂ja₂lén₂ quian'₅₄ Jesús tē₂ Galilea, ca₂o₃léin₂ ca₂jág₃ 'a₂ lia'₂ ca₂quion₅ dsa₂ 'lag₄ né'₃ táu₂.

56 Jme₁ca₂dsi₃lein₃ quió'₅, ca₂jmo₃ co₂jnia₅₄ no'₅₄ mi₂juig₂ quian'₅₄ gué₄ ma₁'au₂ ně₃, a₂dsi₃tsiin₅₄ Jesús.

Jme₁ca₂jnia₃ sa₅₄ jaun₂, ca₂tiáin'₂ ca₂jnia₃ lia'₂ con'₂ lě₅ 'Éi'₃.

24

Ca₂jen'₅₄ táng₃ Jesús

(Mateo 28:1-10; Marcos 16:1-8; Juan 20:1-10)

† 23:43 griego: paradeiso (Paraíso). ‡ 23:44 lit. “hora jñéi₂.” § 23:44 lit. “hora ñi₃.” * 23:48 Co₂'nióg₄ a₂jmo₂₃ léi₄ a₂qui'₂ dsí₅.

1 Jē₁le₂'uig₅₄ jmig₄ semana, ca₂i₃lén₂ táng₃ dsa₂ mí₂ tē₂ o₃'iog₂ lin₃, i₁jag₅₄ tau₂ 'nio₅ le₁quian₅ no₅₄ mí₂juig₂ a₂jme₁ma₂lě₅ co₂jnia₅₄ quió₅; [lě₂ bá₄ guě₄ dsa₂ mí₂ sián₂ i₂ca₂jme₃quiong₅₄].* 2 Jme₁ca₂dsi₃lén₂ ja₁jaun₂, jua₂' cau₅ bá₄ ma₂i₂mu₃ ni₁cang₁ a₂jme₁rě₂jni₅ tau₂ 'nio₅. 3 Jaun₂ ca₂i₃toin₅₄, la₁ tsá₃ ma₃ni₁ni₁'lag₄ [Te₁gui₅₄ Jesús][†] ca₂dsó₂' ja₁jaun₂. 4 [Jaun₂ ca₂lě₃],[‡] tē₃ tióin₂ dsi₂gó₃' dsi₅ jaun₂, tsá₃ a₂ni₅ jmo₃, jme₁ca₂jín₂ on₃ dsa₂ i₂qui₂' tsin₅₄ tág₅, tióin₂ cau₅ quió₅'.

5 Tē₃ ma₂gó₅' jaun₂, ca₂'iin₃ ne₅₄ tē₂ 'uě₃. Jaun₂ ca₂juá₂' dsa₂ 'éi₂:

—¿'E₂ lě₃ 'na₂' 'nia₂' jan₂ i₂jén₃' jin₄'lag₄? 6 Tsá₃ 'éi₂ chan₂ ja₁lá₃. Ma₂ca₂jein₅₄ bá₄. Jui₁dsiog₂' 'au₂' 'nia₂' a₂ca₂juá₂' lia₂' con₂' jme₁ni₂₃ Galilea, 7 jme₁ca₂juá₂' a₂ca₂tín₂ Jaun₅ dsa₂ mí₂güig₃ jáng₂' dsa₂ o₄gú₃ dsa₂ 'lin₅₄, a₂tion₃ dsa₂ cróg₄, la₁ a₂'ni₅ jmig₄ jaun₂ jein₅₄ táng₃.

8 Jaun₂ guě₄ ca₂dsáu₃' dsi₅'io₅₄ jág₁ jaun₂ quió₅ Jesús. 9 Jme₁dsi₃lein₃ jaun₂, ca₂dsia₃ ca₂tsí₃' ta₁guia₃-ján₃ chi₂' dsi₂guia₃-tín₂ i₂jme₁lě₂ guě₄, ca₂tsí₃' ca₂le₃jín₃ guě₄ dsa₂ sián₂' ně₃. 10 Dsa₂ mí₂ i₂jme₁quion₂ jág₁ ně₅ ne₄ chi₂' dsi₂guia₃-tín₂: María i₂chan₂ Magdala, Juana, María chog₅₄ Jacobo, quian₅₄ guě₄ dsa₂ mí₂ sián₂'.

11 La₁ jme₁ca₂nág₂ chi₂' dsi₂guia₃-tín₂ jág₁ ně₅, a₂lě₁tě₂'i₅ bá₄ 'io₅₄ 'éi₂, lín₂, jaun₂ tsá₃ ca₂rě₃'éin₂.

12 La₁ Pe₄ ně₃, ca₂o₃'iin₃ nóg₃ co₂chi₅₄ ca₂i₁jag₅₄ dsi₂néi₂ tau₂ 'nio₅. Jaun₂ jmá₃' tsi₁'mi₂' tióg₃ bá₄ ca₂jág₃ niog₅. Ca₂niái₃' bá₄ táng₃ jaun₂ ně₃, dsi₂gó₃' dsi₅'e₂ ca₂lě₃.

*A₂ca₂lě₃ dsi₂jui₅ ja₁nió₄ juig₂ Emaús
(Marcos 16:12-13)*

13 Jmig₄ jaun₂ dé₄, on₃ dsa₂ 'éi₂ tióin₅₄ jui₅ i₃lén₂ jui₅ juig₂ ja₁tě₂' dsa₂ Emaús, a₂niog₅ con₂' guia₃-cáun₃ kilómetros ja₁niog₅ Jerusalén. 14 Jaun₂ dé₄ tsí₅' ríin₅₄ i₃lén₂ ca₂le₃jě₃'e₂ niog₅ ca₂lě₃. 15 Tē₃ dsia₂₃ i₃lén₂ jaun₂, ca₂jme₃quián₃ Jesús nió₃ quiong₅₄. 16 La₁ jui₁'a₂ guě₃ la₂ jág₂ i₃lén₂, cha₂ a₂jmo₅ a₂tsá₃ rě₂cuig₂₃' ein₂ 'éi₂.

17 Jaun₂ ca₂niag₃ Jesús:

—¿'E₂ bá₄ jág₁ dsia₂' 'nia₂' ja₂nóg₅'?

Jaun₂ ca₂nau₂ ca₂tiá₂ tei₄, le₁'ág₄ 'lia₂' dsi₅' bá₄. 18 Jaun₂ ca₂niag₃ jan₂ i₂chen₂ Cleofas:

—¿On₁ bá₄ jan₂' 'ne₂ líng₅' dsa₂ i₂lia₂' tē₁tsin₅₄ guan₅ Jerusalén, jaun₂ tsá₃ ni₁'e₂ niog₅ ca₂lě₃ dsióg₂-jo₃ ně₅'?

19 Jaun₂ ca₂niag₃:

—¿'E₂ ca₂lě₃ guě₂'?

Jaun₂ ca₂niag₃ táng₃:

—A₂ca₂lě₃ quian₅₄ Jesús i₂chan₂ Nazaret, i₂jme₁lín₄ jan₂ i₂jme₁'ě₂ jág₁ quián₅ Diú₄, i₂'uan₂' tē₂le₃ quian₅₄ ca₂le₃jě₃ a₂niog₅ ca₂jmo₃, i₂'uan₂' tē₂le₃ quian₅₄ jág₁ a₂ca₂jme₃tag₂₃, lia₂' le₃ne₄ Diú₄ lia₂' le₃ne₄ dsa₂ mí₂güig₃ ně₃; 20 'a₂ lia₂' ca₂jáng₂' juig₅₄ jme₂dsa₂ quian₅₄ dsi₂tan₅₄ quián₂ jnia₅₄, ca₂dsi₂' 'éi₃' ca₂niag₃' tióin₅₄, ca₂tion₃ cróg₄. 21 Jnia₅₄ jme₁'ín₂ dsi₅ chong₂, a₂lág₂ jnia₅₄' 'éi₂ bá₄ lín₅ i₂jme₁lión₂ juig₂ Israel. La₁ ně₃ ně₃, ma₂'ni₅ jmig₄ ca₂lě₃ le₂ně₅. 22 I₂lín₅₄ dsa₂ mí₂ i₂tion₅₄ jě₄ quián₂ jnia₅₄ ma₂ně₂quiong₃ jnia₅₄ juě₅, ia₁ ma₃i₁jag₅₄ tē₂ o₃'iog₂ ma₂'míg₂ tau₂ 'nio₅, juá₂'. 23 Tsá₃ ni₁ni₁'lag₄ dsó₅, A₂jaun₂ bá₄ dsia₂₃ o₃lein₃ a₂ně₂jme₃jnia₅ ángeles ne₅₄, a₂ně₂juá₂' i₂chan₂ bá₄ 'éi₂. 24 Jaun₂ ně₃, ma₂i₁len₅₄ i₂lín₅₄ rin₅₄' jnia₅₄ ma₂i₁jag₅₄ tau₂ 'nio₅. Jua₂' dsón₂' bá₄ dsau₅ con₂' lě₅ jág₁ jmóg₅' dsa₂ mí₂' 'éi₂, la₁ 'éi₂ guě₂' ně₃ tsá₃ ně₂jín₂, juá₂'.

* 24:1 A₂lín₅₄ chog₅₄ si₂ tsá₃ le₁ton₅ jág₁ ně₅. † 24:3 A₂lín₅₄ chog₅₄ si₂ tsá₃ le₁ton₅ jág₁ ně₅. ‡ 24:4 A₂lín₅₄ chog₅₄ si₂ tsá₃ le₁ton₅ jág₁ ně₅.

25 Jaun₂ ca₂ŋag₃ Jesús ca₂tsí'₃ 'éi₂:

—i'En₁ jmá'₃ tsá'₃ 'e₂ ca₂ŋí'₂ 'au'₂ 'nia'₂! ¿Líg'₂ bá₄ le₃'én'₂ 'nia'₂ ca₂le₃jě₃ a₂niog₅ ca₂juá'₂ dsa₂ i₂jme'₁ě₂ jág₁ quián₅ Diú₄? 26 Ia₁ ŋon₁ le₂jaun₂ 'i₄ 'éi'₃ ca₂tín₂ I₂rě₂ 'ín₁ quián₅ Diú₄, dsi₃ŋí'₂ ca₂le₃jě₃ a₂ně₅ de'₂ jniá₅, jaun₂ guě₄ dsiáin'₄ ja₁le₃juin'₂ táng₃?

27 Jaun₂ qui₂ca₂juá'₂ 'a₂ lia'₂ niog₅ juá'₂ ne₄ Si₂ quió'₅ Diú₄; ca₂jme₃lióg₃ de'₂ jniá₅ ja₁juá'₂ ne₄ si₂ quió'₅ Moisés, ŋó₃ ca₂'ě₃ le₂tan₅₄ si₂ quió'₅ dsa₂ i₂jme'₁ě₂ jág₁ quián₅ Diú₄, ja₁juá'₂ 'in₂₃ 'éi₂ 'ŋiog₅.

28 Jaun₂ ja₂quián₃ dsi₁lén₂ juig₂ pí'₁ ja₁tioin'₅₄ jui₅ dsi₁lén₂. La₁ dsa₂ 'éi₂ con'₂ jme₁ma₂ŋó₅ co₂dsau₅ bá₄ ca₂jmo₃.

29 La₁ i₂on₃ 'éi₂ ně₃ ca₂chi₃quióng₂ jmig₄ a₂jnia₃, ca₂juá'₂:

—Ně₃ o₁jnia₁ quian'₅₄ jnia'₅₄, ia₁ ca₂rin₂ bá₄ 'iog₂, ca₂'láu₂ ca₂nei₂ bá₄ la₂.

Jaun₂ ca₂'í₃ dsi₂néi₂ ja₁jnia₃ quian'₅₄ 'éi₂.

30 Jaun₂ ca₂lě₃, jme₁ma₂guá₅ ne₄ mesa quian'₅₄ 'éi₂, ca₂can₃ i₁ŋí'₄, ca₂jme₃jnió₃, jaun₂ guě₄ ca₂'niai₃ ca₂cuě'₃ le₃on₃ i₂quiain'₅₄.

31 Tě₃jě₄ jaun₂ ně₂jag₄ a₂jaun₂ guě₄ ca₂niá₃ jme₁ne₁₂ lín₂, jaun₂ guě₄ ca₂rě₃cuig₂₃. La₁ dsi₂jui₅ jaun₂ ca₂i₃cóin'₅ tě₃ ne₅₄.

32 Jaun₂ guě₄ ca₂dsia₃ jág₁ guioin'₅₄:

—Dsón'₂ bá₄ lia'₂ tio'₅₄ jui₅ ja₂náu₅, ca₂lě₃ dsi₅ néi₁ ca₂le₃jě₃ 'e₂ niog₅ ně₂juá'₂ ně₂jme₃ŋí'₂ dsi₅ jniog₄ a₂juá'₂ Si₂.

33 Dsi₂jui₅ le₂jaun₂ bá₄ ca₂tóin'₂ táng₃ jui₅ ja₂lein₃ Jerusalén. Jme₁o₃lein₃ jaun₂, tion'₅₄ ta₁guia₃-ján₃ chi'₂ dsi₂guia₃-tín₂ i₂lě₂ guě₄, le₁ŋí'₂ quian'₅₄ guě₄ dsa₂ sián'₂.

34 Jaun₂ juá'₂ 'éi₂ tioin'₅₄:

—Tě₃dsón'₂ bá₄ ma₂ca₂jen'₅₄ Te₁gui'₅₄. Ia₁ ma₂ně₂jme₃jniai₂₃ ne₄ Si₂mu₅₄.

35 Jaun₂ guě₄ ca₂jmog'₃ táng₃ i₂on₃ 'éi₂ jág₁ 'a₂ lia'₂ ca₂lě₃ le₂'i₄ jui₅, 'a₂ lia'₂ ca₂rě₃cuig₂₃ con'₂ jme₁ca₂'niai₃ i₁ŋí'₄.

Ca₂jme₃jnia₅ Jesús jě₄ quió'₅ chi'₂ dsi₂guia₃-tín₂

(Mateo 28:16-20; Marcos 16:14-18; Juan 20:19-23)

36 Tě₃ tioin'₅₄ dsia₂₃ jág₁ jaun₂, jme₁ca₂jme₃jnia₅ Jesús ca₂nau₂ jě₄ quió'₅. §

37 Ca₂i₃gó'₃ dsi₅ tioin'₅₄, lín₂ jan₂ jme₂dsí₂ bá₄ 'éi₂ ŋí₅.

38 Jaun₂ ca₂juá'₂:

—¿'E₂ lě₃ ŋí₄ lě₃ tion'₅₄ 'nia'₂ chí'₅ go₂'i₃? ¿'E₂ lě₃ ŋí₄ 'lióng₂ a₂'náu'₂ 'nia'₂ 'au'₂?

39 La₂ jag₄ 'nia'₂ o₄gu₃ o₄tag₃. Jniá₂ bá₄ la₂. I₂nó'₅ 'nia'₂ i₂níg'₃ quió'₃ i₂jag₄ 'nia'₂. Jan₂ jme₂dsí₂, on₃jua'₅₄ i₂ton₅ ŋí₅ on₃ i₂'en₅₄ mu₅, jui₁lia'₂ jág'₂ 'nia'₂ lín₅ jniá₂.

40 Tě₃ juá'₂ le₂ně₅, qui₂ca₂'ě₃ o₄gú₃ o₄tag₁₂ ně₃.

41 Tě₃ tioin'₅₄ jaun₂ dsi₂gó'₃ dsi₅ tsá₃ 'éin₂ o₄quió'₄ a₂ŋí₄ lě₃ 'io'₂ jén'₅, jme₁ca₂juá'₂ Jesús:

—¿Cha₁ a₂le₃que₅₄ ca₂la₂ ja₁lá₃?

42 Jaun₂ ca₂o₃can₅ ca₂'nau₅₄ quió'₅ i₁ju₁ cui₂ ne₄ si₂, [quian'₅₄ guě'₂ ca₂jne₄ ni₁tá'₅ cui_{ng}₅].*

43 Jaun₂ ca₂gue₃ ca₂guě'₃ guá₅ tě₃ne₄ ca₂le₃jín₃.

44 Jaun₂ ca₂juá'₂ ně₃:

—Ma₁ ca₂juá'₃ jniá₂ le₂jniá₅ lia'₂ con'₂ jme₁ŋí₂₃ jin'₄ 'nia'₂, a₂tion₅₄ le₃ti₃ ca₂le₃jě₃ lia'₂ con'₂ lě₅ tio'₅₄ ne₄ Si₂ 'Éi'₃ quió'₅ Moisés, ne₄ Si₂ quió'₅ dsa₂ i₂jme'₁ě₂ jág₁ quián₅ Diú₄, ne₄ Salmos ně₃, ja₁'ag₂₃ jniá₂.

45 Jaun₂ guě₄ ca₂jme₃ŋí'₂ dsi₅ 'éi₂ a₂juá'₂ Si₂, 46 jaun₂ ca₂juá'₂:

§ 24:36 A₂lín₅₄ chog₅₄ si₂ juá'₂ ján₃: “co₂tan₅₄ ca₂cuag₃ Diú₄, ca₂juá'₂: —Siang'₃. Jui₁'ei₅ bá₄ tei₄ tion'₅₄ 'nia'₂.” * 24:42 A₂lín₅₄ chog₅₄ si₂ tsá₃ chi₁ton₅ jág₁ ně₅.

—Le₂ně₅ bá₄ tio'₅₄ ne₄ Si₂: a₂tion₅₄ bá₄ dsi₃ŋí₂ uig₅ I₂rě₂'ín₁ quián₅ Diú₄, la₁ jein'₅₄ bá₄ táng₃ a₂'ni₅ jmi₃g₄; ⁴⁷ a₂tion₅₄ dsi₃'ag₅ jág₁ ně₃, a₂'nió'₅ qui₂dsi₃quén'₅ dsi₅ dsa₂ ia₁jaun₂ bá₄ lé₂ le'₃én₂ dsá_{u1}. Já₁g₁ ně₅ dsó₃ qui₂rě₂'ě₂ o₄quió₃, ne₄ ca₂le₃jín₃ i₂chan₂ gua'₅₄ 'uě₃, la₁ Jerusalén de'₂ jniá₅ ja₁le₃lióg₃. ⁴⁸ 'Nia'₂ ně₃ i₂qui₂ca₂tě₂ ne'₅₄ ca₂le₃jě₃ a₂niog₅ ca₂lě₃, qui₂o₁jang'₄ 'nia'₂ jág₁ dsau₅. ⁴⁹ Jaun₂ ně₃, tsin₅₄ jniá₂ i₂ma₂lě₅ jág₁ chen₃ Ne'₃. La₁ jniá₄ gué₄ 'nia'₂ juig₂ la₂, ca₂lia'₂ ca₂lě₃ le₁lin'₄ 'nia'₂ quian'₅₄ jui₅bí₂ a₂sió₃ guei'₅₄.

Ca₂uíg₂ Jesús guei'₅₄ i₂juíg₃
(*Marcos 16:19-20*)

⁵⁰ Jaun₂ ca₂jniai₃ chi'₂ dsi₂guia₃-tín₂ tē₂ juig₂ Betania, jaun₂ ca₂cho₃ gu₂ ne₄ quió'₅ ca₂le₃jín₃, ca₂jme₃gu'₅₄. ⁵¹ Ca₂lě₃ ně₃, tē₃jě₄ jme₂gu'₅₄ jaun₂, ca₂i₃úin₂.†

⁵² 'Éi₂ ně₃, ja₂lein₃ bá₄ táng₃ Jerusalén, jmo₂₃ 'io'₂ 'ŋio₅ lin₃, ⁵³ le₃ó₃ jmi₃g₄ bá₄ jme₁ŋii'₂ i₁dsi₅ guá'₅ jme₂juin'₂ Diú₄.

Co₂ně₅.

† **24:51** A₂lin₅₄ chog₅₄ si₂ juá'₂ ján₃: “ca₂ŋái'₃ guei'₅₄ i₂juíg₃.”

Jág₁ Dse₃ quió'₅ Diú₄ a₂ca₂tó'₂ San Juan₅₄ ne₄ Si₂

Jág₁ quió'₅ Diú₄ a₂lín₅ dsa₂ mi₂güig₃

¹ Lia'₂ con'₂ le₂'uig₅₄ jme₁ca₂rë₃lióg₃, jme₁ma₂chan₂ i₂té'₂ Jág₁; jaun₂ i₂'éi₂ i₂lín₅ Jág₁ ně₃, jme₁'ein₅₄ quian'₅₄ Diú₄; Diú₄ bá₄ jme₁lín₄ ján₃. ² Jaun₂ lia'₂ con'₂ le₂'uig₅₄, 'éi₂ ně₃, jme₁'ein₅₄ quian'₅₄ Diú₄. ³ Të₂le₃ quian'₅₄ 'éi₂ bá₄, ca₂lë₃ ca₂le₃jë₃ 'e₂ a₂cha₂; ca₂lia'₂ 'i₁caun₂ tsá₃ ca₂rë₃chá₃ jua'₅₄ tsá₃ ca₂jmo₃ 'éi₂.

⁴ Ja₁con₂ 'éi₂ bá₄ já₅ bí₂ a₂le₃chan₂ dsa₂; bí₂ jaun₂ ně₃, lë₅ Si₂ a₂tág₅ ja₁con₂ dsa₂ mi₂güig₃. ⁵ Tág₅ Si₂ jaun₂ jë₄ qui₁né'₃, la₁ qui₁né'₃ ně₃, tsá₃ ma₂ca₂tió'₃.

⁶ Ca₂rë₃chán₃ jan₂ dsa₂ i₂chen₄ quián₅ Diú₄, i₂chen₂ Juan₅₄. ⁷ Ca₂guain₃ ca₂jang'₃ jág₁ dsau₅ të₂le₃ quió'₅ 'éi₂ i₂lín₅ Si₂, ia₁jaun₂ të₂le₃ quian'₅₄ jág₁ dsau₅ a₂jang'₅ ně₅, le₃'én₂ ca₂le₃jín₃ dsa₂.

⁸ On₃jua'₅₄ Juan₅₄ 'éi₂ i₂jme₁lín₄ Si₂; jñia'₅₄ con'₂ i₂jang'₅ jág₁ dsau₅ bá₄ jme₁lín₄, ju₁lia'₂ le₃quió'₅ Si₂.

⁹ Jme₁ma₂guán₂ i₂lín₅ Si₂ të₃dsón'₂, a₂tág₃ ja₁con₂ le₂jan₂ le₂jan₂ dsa₂ mi₂güig₃.

¹⁰ I₂'éi₂ i₂lín₅ Jág₁ jme₁'ein₅₄ mi₂güig₃; jaun₂, o₁jñia'₅₄ ca₂lë₃ mi₂güig₃ të₂le₃ quian'₅₄ 'éi₂, tsá₃ ca₂rë₃cuig₅ dsa₂ mi₂güig₃.

¹¹ Guain₃ jñ₄ dsa₂ go₅₄, la₁ dsa₂ go₅₄ ně₃, tsá₃ ca₂guei₃.

¹² La₁ia₁ i₂con'₂ ca₂guei₃, i₂ca₂rë₃'én₂ të₂le₃ quió'₅, dsa₂ 'éi₂ ně₃ ca₂cuë'₃ bí₂ a₂lén₂ chi'₂-guein₂ quián₅ Diú₄.

¹³ Ju₁lia'₂ chi'₂-guein₂ 'éi₂, on₃jua'₅₄ ca₂rë₃chán₃ lia'₂ con'₂ lë₅ jmi₄ dsa₂ mi₂güig₃, on₃ guë'₂ lia'₂ con'₂ lë₅ dsí₅ dsa₂ mi₂güig₃, on₃ guë'₂ lia'₂ con'₂ lë₅ dsí₅ jan₂ dsa₂ ñe'₂, ton'₂ ca₂rë₃chán₃ le₃quió'₅ Diú₄ bá₄.

¹⁴ I₂'éi₂ ně₃ i₂lín₅ Jág₁, ca₂can₃ ñi₄ dsa₂ mi₂güig₃, ca₂guá₂ jë₄ quián₂ jniog₄. Jñia'₅₄ ně₃ ma₂ca₂jag₅₄ a₂co₂'né'₅ quió'₅, co₂'nió'₄ a₂co₂'né'₅ quió'₅ jan₂ tan₅₄ Ja₁ñi'₅₄ Diú₄, i₂já₅ ja₁con₂ Jmei₂, rë₂rín₅ a₂dse₃ dsí₅, a₂rë₂ti'₅₄ ně₃.

¹⁵ Ca₂jang'₃ Juan₅₄ jág₁ dsau₅ të₂le₃ quió'₅ 'éi₂, ca₂juá'₂ tiá₂:

—I₂la₂ bá₄ 'éi₂ i₂'ín₅ jniá₂, lia'₂ con'₂ jme₁ca₂juá'₃: “I₂já₅ cang₂ guë'₄ con'₂ guë'₄ jniá₂, dsein₅₄ guë'₄ con'₂ guë'₄ jniá₂, ia₁ jme₁ma₂chain₂ jñiá₅ guë'₄ con'₂ guë'₄ jniá₂.”

¹⁶ Ca₂le₃jág₃ bá₄ jniog₄ ma₂qui₂ma₂gué₂ a₂tson₂ a₂dse₃ dsí₅ 'éi₂, caun₂ qui₂jme₂gu'₅₄ bá₄ Diú₄ jniog₄ lia'₂ i₂gú'₃.

¹⁷ Ca₂ñag₂ jniog₄ Si₂ 'Éi'₃ të₂le₃ quian'₅₄ Moisés, la₁ia₁ të₂le₃ quian'₅₄ Jesucristo bá₄ ca₂já₃ a₂dse₃ dsí₅ Diú₄, ca₂rë₃ti₃ jág₁ dsau₅ ně₃.

¹⁸ Lia'₂ 'i₁jan₂ tsá₃ 'ein₂ ma₂jín₂ Diú₄ lia'₂ 'i₁cón₂; la₁ia₁ Ja₁ñi'₅₄ i₂jan₂ tan₅₄ 'éi₂ quián₅, i₂'en₅₄ ja₁con₂ Jmei₂, i₂'éi₂ bá₄ ma₂jmo₃ jág₁ dsau₅ 'a₂ lia'₂ lín₅ Diú₄.

Jáng₅ jág₁ dsau₅ Juan₅₄ i₂chon₅ dsa₂ jmi₂g₂, ju₁lia'₂ i₂'ein₂ 'éi₂ Jesucristo (Mateo 3:11-12; Marcos 1:7-8; Lucas 3:15-17)

¹⁹ Jaun₂ le₂la₂ jág₁ a₂ca₂jang'₃ Juan₅₄ jme₁ca₂chen₃ dsa₂ can'₅₄ quián₅ dsa₂ judíos i₂tion'₅₄ Jerusalén ca₂chein₃ jme₂dsa₂ quian'₅₄ levitas ne₄ Juan₅₄, a₂i₁ñag₁₂ i₂'ein₂ 'éi₂.

²⁰ 'Éi₂ ně₃ ca₂jmo₃ jág₁ lia'₂ rë₂jíá₃, ca₂juá'₂:

—On₃jua'₅₄ jniá₂ líng₅ I₂rë₂'ín₁ quián₅ Diú₄.

²¹ Jaun₂ ca₂ñag₃ táng₃ dsa₂:

—¿'Ein₂ 'ne₂ jaun₂? ¿'Ne₂ líng₅ Elías i₂jme₁'ë₂ jág₁ o₄quió'₄ Diú₄?

Jaun₂ ca₂juá'₂ Juan₅₄:

- On₃jua'₅₄ 'éi₂ jniá'₂.
 Dsi₂juí₅ le₂jaun₂ bá₄ ca₂ɲag₃ táng₃ dsa₂:
 —¿On₃ bá₄ 'ne₂ líng'₅ i₂'ě₂ jág₁ 'éi₂, i₂lě₅ jág₁ jiá'₃?
 Jaun₂ ca₂ɲag₃ Juan₅₄:
 —Jan₂'ón₄.
 22 Jaun₂ bá₄ ca₂juá'₂ dsa₂ ca₂tsí'₃ Juan₅₄:
 —¿'Ein₂ lín'₅ 'ne₂, jaun₂ ně₃? Jua'₅₄, ia₁jaun₂ dsi₁con₁ jnia'₅₄ jág₁ dsau₅ ne₄ dsa₂
 i₂ca₂chei₃. ¿'Ein₂ juá'₂ 'ne₂ líng'₅?
 23 Jaun₂ ca₂ɲag₃ Juan₅₄:
 —Jniá'₂ bá₄ líng₅ i₂'éi₂ i₂juá'₂ jág₁ tiá'₂ caun₂ 'uě₃ quein₂ co₂ɲiog₅ i₁juá'₄: “Nia'₄
 'nia'₂ caun₂ jui₅ co₂dsau₅ quió'₅ Te₁gui'₅₄.”*
 24 Dsa₂ i₂lén₅₄ i₁dsia₂ jág₁ quian'₅₄ Juan₅₄, dsa₂ i₂chen₄ quián₅ dsa₂ fariseos
 bá₄ 'éi₂, 25 jaun₂ ca₂ɲag₃ ca₂ɲí'₃ táng₃ Juan₅₄:
 —Chi₂jua'₂ on₃jua'₅₄ 'ne₂ líng'₅ I₂rě₂'ín₁ quián₅ Diú₄, on₃ guě'₂ Elías, on₃ guě'₂
 jan₂ i₂'ě₂ jág₁ o₄quió'₄ Diú₄ ně₃, ¿'e₂ ta₁ 'eng'₅₄ tsóng'₅ dsa₂ jmíg₂?†
 26 Jaun₂ ca₂juá'₂ Juan₅₄:
 —Jniá'₂ tiáng₅ dsa₂ jmíg₂; la₁ia₁ jin₄ 'nia'₂ chan₂ jan₂ i₂tsá₃ cuin'₂ 'nia'₂. 27 Já₅
 jan₂ cang₂ guě₄ con'₂ guě₄ jniá'₂, on₃jua'₅₄ 'ein₂ lín₅ jniá'₂ jua'₅₄ ca₂ting₂ tsi'₅₄ lau₂
 ton₅ tag₅₄.
 28 Ca₂le₃jě₃ a₂la₂ ca₂lě₃ caun₂ ja₁chei₂ Betania,‡ a₂niog₅ tē₂le₃ ja₁'ia₂ 'iog₂ tē₂le₃
 quióng₄ Cuá₃ Jordán, ja₁jme₁'en₅₄ Juan₅₄ choin₂₃ dsa₂ jmíg₂.§

Jesús i₂lín₅ Guein₂ Já'₂ Cha'₂ quián₅ Diú₄

- 29 Jme₁jnia₃ jaun₂, ca₂jín₂ Juan₅₄ Jesús a₂já₅ ja₂quiáin₃ ja₁chéin'₄, jaun₂
 ca₂juá'₂:
 —Jag₄ 'nia'₂, i₂ně₅ bá₄ Guein₂ Já'₂ Cha'₂ quián₅ Diú₄, i₂jniá'₂ dsáu₁ dsa₂ mi₂güig₃.
 30 I₂ně₅ bá₄ 'éi₂ i₂'ín₅ jniá'₂, lia'₂ con'₂ jme₁ca₂juá'₃: “I₂já₅ cang₂ guě₄ con'₂ guě₄
 jniá'₂, dsein₅₄ guě₄ con'₂ guě₄ jniá'₂, ia₁ jme₁ma₂chain₂ jniá'₅ guě₄ con'₂ guě₄ jniá'₂.”
 31 Lia'₂ jnia'₅₄ 'nió₃, tsá₃ jme₁guion₅₄ 'ein₂ 'éi₂; la₁ia₁ chóng₅ dsa₂ jmíg₂ ma₂guio₃,*
 ia₁jaun₂ le₃cuig₅ dsa₂ juig₂ Israel 'ein₂ 'éi₂.
 32 Ján₃ bá₄ ca₂jáng'₃ Juan₅₄ jág₁ dsau₅ la₂, ca₂juá'₂:
 —Ca₂jín₄ jniá'₂ Jme₂dsí₂ Jnió₅ ca₂sióin₃ guei'₅₄ i₂juíg₃ i₂jniá'₂ lia'₂ jniá'₂ jan₂
 i₁ju₂, ca₂tē₁gua₁ ne₄ quió'₅ 'éi₂. 33 Tsá₃ jme₁ma₂guion₄ bá₄ guě₄ jniá'₂ i₂'ein₂
 'éi₂; la₁ia₁ i₂ca₂chei₃ jniá'₂ a₂chóng₄ dsa₂ jmíg₂,† ca₂tság₃ jniá'₂: “Jē₁ma₂ca₂jing'₅₄
 Jme₂dsí₂ sióin₅ ne₄ quió'₅ jan₂ dsa₂ ɲe'₂, i₂'éi₂ bá₄ qui₃tián₂ dsa₂ Jme₂dsí₂ Jnió₅.”
 34 Ma₂ca₂jín₅₄ bá₄ jniá'₂, jaun₂ jáng'₅ jniá'₂ jág₁ dsau₅, a₂lín₅ 'éi₂ Ja₁ɲi'₅₄ Diú₄.

I₂le₂'uig₅₄ dsa₂ guia₃-tín₂ quián₅ Jesús

- 35 Jme₁jnia₃ jaun₂, jme₁'en₅₄ táng₃ Juan₅₄ ja₁jaun₂ quian'₅₄ guě₄ on₃ dsa₂
 i₂i₂nio₄ quiain'₅₄.
 36 Jaun₂ jme₁ca₂jág₃ Juan₅₄ ca₂ɲí₅ Jesús, jaun₂ ca₂juá'₂:
 —Jag₄ 'nia'₂, i₂ně₅ bá₄ Guein₂ Já'₂ Cha'₂ quián₅ Diú₄.
 37 Jaun₂ ca₂nág₂ le₃on₃ dsa₂ 'éi₂ a₂ca₂juá'₂, jaun₂ i₃lén₂ chi₁co'₅₄ quió'₅ Jesús.
 38 Jaun₂ ně₃ ca₂jén'₃ Jesús tē₂le₃ ca'₃, ca₂jín₂ dsa₂ i₂i₃lén₂ chi₁co'₅₄ quió'₅, jaun₂
 ca₂juá'₂ ca₂tsí'₃ 'éi₂:

* 1:23 Isaías 40:3. † 1:25 lit. “¿'e₂ ta₁ 'eng'₅₄ tiáng'₅ dsa₂ jmíg₂?” ‡ 1:28 A₂lín₅₄ chog₅₄ si₂:
 “Betábara.” Juig₂ Betania siá'₂ cau₅ Cuá₃ Jordán, uing₂ ja₁niog₅ Jerusalén; on₃jua'₅₄ Betania ja₁jme₁guá₄
 Lázaro quiain'₅₄ 'io₅₄ riin'₅₄. § 1:28 lit. “ja₁jme₁'en₅₄ Juan₅₄ tián₂ dsa₂ jmíg₂.” * 1:31 lit. “la₁ia₁ tiáng₅
 dsa₂ jmíg₂ ma₂guio₃.” † 1:33 lit. “la₁ia₁ i₂ca₂chei₃ jniá'₂ a₂tiáng₄ dsa₂ jmíg₂.”

—¿'E₂ 'náu'₂ 'nia'₂?

Jaun₂ ca₂juá'₂ dsa₂ 'éi₂ ca₂tsí'₃ Jesús:

—Rabbí —co₂'nió'₄ le₃jua'₅₄: Tě₅—, ¿Já'₄ ηéi'₂ 'ne₂?

39 Jaun₂ ca₂ηag₃ Jesús:

—I₂nó'₅ 'nia'₂ i₂jag₄.

Jaun₂ i₃lén₂ i₁jag₅₄ já'₄ guá'₅ Jesús, jaun₂ quian'₅₄ 'éi₂ bá₄ ca₂tóin'₂ tě₁lia'₂ ca₂'láu₂ jmíg₄ jaun₂; ia₁ jme₁ma₂ca₂tě₂ con'₂ hora ηí₁ quén₂ tě₂le₃ ca₂'láu₂.‡

40 Jan₂ i₂on₃ 'éi₂ i₂ca₂nág₂ a₂ca₂juá'₂ Juan₅₄, i₂i₃lén₂ chi₁co'₅₄ quió'₅ Jesús, jme₁chen₂ Drě₄ i₂lín₅ rin'₅₄ Si₂mu₅₄ i₂tě'₂ dsa₂ Pe₄.

41 Dsi₂jui₅ né'₃ guě₄ jaun₂ bá₄ ηe₄ Drě₄, i₁'nai'₂ Si₂mu₅₄ riin'₅₄, jaun₂ ca₂juá'₂ ca₂tsí'₃ 'éi₂:

—Ma₂dsán'₅ jnia'₅₄ Mesías, (co₂'nió'₄ le₃jua'₅₄, dsa₂ I₂rě₂ 'ín₁ quián₅ Diú₄).

42 Jaun₂ i₁ηia₃ Drě₄, Si₂mu₅₄ riin'₅₄ ja₁'en₅₄ Jesús, jaun₂ jme₁ca₂jág₂ Jesús ně₃, ca₂juá'₂:

—'Ne₂ líng'₅ Si₂mu₅₄, ja₁ηi'₅₄ Jonás. La₁ia₁ le₃cheng'₂ Cefas.

Lia'₂ chen₂ Cefas ně₅, co₂'nió'₄ le₃jua'₅₄ Pe₄.§

Tě'₂ Jesús Felipe quian'₅₄ Natanael

43 Jme₁nia₃ jaun₂, ca₂lě₃ dsí₅ Jesús dsó₃ 'uě₃ Galilea, jaun₂ ca₂dsáin'₂ Felipe, jaun₂ ca₂juá'₂ ca₂tsí'₃ 'éi₂:

—Jme₁quiong'₅₄ jniá₂.

44 Felipe 'éi₂ ně₃, jme₁chain₂ juig₂ Betsaida, ján₃ bá₄ ja₁jme₁chan₂ Drě₄ quian'₅₄ Pe₄ ně₃.

45 Fe₂li₄ 'éi₂ ně₃, ηei₅₄ i₁'niai'₂ Natanael, jaun₂ ca₂juá'₂ ca₂tsí'₃ 'éi₂:

—Ma₂dsán'₅ jnia'₅₄ dsa₂ 'éi₂ i₂'in₅ Moisés ne₄ Si₂ 'Éi'₃, i₂'in₅ dsa₂ i₂'ě₂ jág₁ quián₅ Diú₄ ně₃. Jesús bá₄ 'éi₂, ja₁ηi'₅₄ José, i₂chan₂ juig₂ Nazaret.

46 Jaun₂ ca₂juá'₂ Natanael:

—¿Lé₂ le₃o₃'ag₅ caun₂ a₂dse₃ juig₂ Nazaret?

Jaun₂ ca₂ηag₃ Fe₂li₄:

—Nja₅ de'₂ i₂jag₄.

47 Jaun₂ jme₁ca₂jág₃ Jesús a₂ma₂ja₂quián₃ Natanael, ca₂juá'₂:

—La₂ dé₄ dsón'₂ já₅ jan₂ dsa₂ israelita tě₃dsón'₂, i₂tsá₃ cha₂ mai₅₄ ja₁con₂.

48 Jaun₂ ca₂ηag₃ Natanael ca₂ηí'₃ Jesús:

—¿'A₂ lia'₂ cuiğ'₂ jniá₂?

Jaun₂ ca₂juá'₂ Jesús:

—Jniá₂ ně₂jing₅₄ 'ne₂ jniá₅, né'₃ guě₄ a₂dsi₃tě₂ Fe₂li₄, lia'₂ con'₂ jme₁ηéi'₂ né'₃ ni₁'ma₂ higuera.

49 Jaun₂ ně₃ ca₂juá'₂ Natanael ca₂tsí'₃ Jesús:

—Tě₅, 'ne₂ bá₄ líng'₅ Ja₁ηi'₅₄ Diú₄; 'ne₂ bá₄ líng'₅ Rag₅₄ quián₅ dsa₂ juig₂ Israel.

50 Jaun₂ ca₂ηag₃ Jesús ca₂tsí'₃ 'éi₂:

—¿A₁jaun₂ 'éng'₂ ia₁ ně₂juá'₃ a₂ně₂jín₄ jniá₂ 'ne₂, ηéi'₂ né'₃ ni₁'ma₂ higuera? La₁ia₁ ně₃ guě₄ tě₃ ne'₅₄ 'líong₂ léi₄ juě'₂ guě₄ con'₂ guě₄ a₂la₂.

51 Já₃ bá₄ ca₂juá'₂ Jesús:

—A₂dsi₂jó'₃ juig₂ jniá₂ 'nia'₂, jag'₅₄ 'nia'₂ rě₂na₄ guei'₅₄ i₂juig₃, jin'₅₄ 'nia'₂ ángeles quián₅ Diú₄ ně₃, qui₂tsau₂ qui₂tsi₂sioin₂ ne₄ Jaun₅ dsa₂ mi₂güig₃.

‡ 1:39 lit. “hora guía₃.” § 1:42 Co₂'nió'₄ le₃jua'₅₄, “Ni₁cang₁.” Le₂ně₅ juá'₂ jág₁ “Cefas” quian'₅₄ jág₁ jmei₅ arameo; co₂jaun₂ juá'₂ “Petros” (ja₁jás, jág, piedra, Pedro ně₃) quian'₅₄ jág₁ jmei₅ griego.

2

Ca_jen'₂ gu₂ dsa₂ jë₄ juig₂ Caná juig₂ tén₅ Galilea

1 'Ni₅ jmig₄ cang₂ guë₄ jaun₂, ca₂nio₃ jmig₄ ca_jen'₂ gu₂ dsa₂ jë₄ juig₂ Caná, a₂niog₅ 'uë₃ Galilea. Ja₁jaun₂ jme₁'en₅₄ chog₅₄ Jesús ně₃; 2 ján₃ bá₄ ca₂të'₃ dsa₂ Jesús quiain'₅₄ dsa₂ i₂quiain'₅₄, ja₁jen'₂ gu₂ dsa₂ jaun₂.

3 Jme₁ca₂dsa₃ vino, jaun₂ ca₂juá'₂ chog₅₄ Jesús ca₂tsí'₃ 'éi₂:

—Tsá₃ ma₃cha₂ vino quió'₅ dsa₂ tiain'₅₄.

4 La₁ ca₂ḡag₃ Jesús:

—'Io₅₄, ¿'e₂ lë₃ juig'₂ jniá₂ a₂ně₅? Ia₁ tsá₃ ma₂të₂ guë₄ hora quió₃.

5 La₁ ca₂juá'₂ chog₅₄ ca₂tsí'₃ dsa₂ i₂tion'₅₄ tia'₅:

—Jmo₄ 'nia'₂ chi₂'e₂ juá'₂ i₂ně₅.

6 Jme₁tióng₂ ja₁jaun₂ jñéi₂ tí'₂ cang₄, jui₁lia'₂ a₂jme₁jmó'₂ dsa₂ judíos ta₁ a₂jme₁qui₂jmo₂₃ le₁jín₃, con'₂ lë₅ tag₄ jme₁chí'₄ quió'₅. Lia'₂ caun₂ ni₁tí'₂ cang₄ jaun₂ 'a₄ con'₂ tē₂láu₃-guiá₂, o₃ caun₂ 'ñiá₂-láu₂ litro jmig₂.

7 Jaun₂ ca₂juá'₂ Jesús ca₂tsí'₃ dsa₂ i₂tia'₅:

—Jme₁can'₂ 'nia'₂ ni₁tí'₂ tióng₂ la₂ quian'₅₄ jmig₂.

Ca₂jme₃can'₂ bá₄ guë'₂ dsa₂ lia'₂ ca₂rin₅ rē₂ lin₃. 8 Jaun₂ ca₂juá'₂ Jesús ca₂tsí'₃ dsa₂ 'éi₂:

—Në₃ ně₃, dsen₅₄ ca₂juig₄, o₂can₄ ne₄ dsa₂ i₂niog₅ ne₄ jmig₄.

Jaun₂ i₁can₅ dsa₂.

9 Dsa₂ i₂niog₅ ne₄ jmig₄ jaun₂, ca₂tí₂ 'o₅₄ jmig₂ a₂ca₂lë₃ vino jaun₂, tē₃ tsá₃ ni₅ a₂já'₄ já₃; jñia'₅₄ lia'₂ dsa₂ i₂ca₂dsen₅ jmig₂ bá₄ jme₁ni₅. Jaun₂ ně₃ ca₂të₃ dsa₂ i₂niog₅ ne₄ jmig₄, ca₂të'₃ dsa₂ ḡe'₂ i₂jen'₂ gu₂, 10 jaun₂ ca₂tsí'₃ 'éi₂:

—Ca₂le₃jín₃ bá₄ dsa₂ tiin₂₃ tia'₃ le₂'uiḡ₅₄ vino dse₃, jaun₂ jë₁ma₂le₁'en₅ dsa₂, jaun₂ guë₄ tia'₃ vino ga₂. La₁ 'ne₂ ně₃ ně₂'ma'₅₄ vino dse₃ ca₂të₂ jë₂ca₂tó'₂.

11 Jë₄ juig₂ Caná a₂tén₅ 'uë₃ Galilea jaun₂, ca₂jmo₃ Jesús léi₄ juë'₂ le₂'uiḡ₅₄. Le₂ně₅ ca₂jme₃jñia₂₃ 'ein₂ lín₅ tē₂le₃ quian'₅₄ jui₅bí₂ quió'₅, jaun₂ ca₂rë₃'é₂n₂ chi'₂ dsí₂gua₃-tín₂ quiáin₅.

12 Cang₂ guë₄ jaun₂ ca₂ḡó₃ jë₄ juig₂ Capernaum, lia'₂ jma₃quiain'₅₄ chog₅₄, rin'₅₄, chi'₂ dsí₂gua₃-tín₂ quiáin₅ ně₃; ja₁jaun₂ ca₂tóin'₂ tin₃-'ni₅ jmig₄.

Ca₂chí₃ Jesús i₁dsi₅ guá'₅

(Mateo 21:12-13; Marcos 11:15-18; Lucas 19:45-46)

13 Jme₁ma₂ja₂quián₃ Jmig₄ Të₂'in₅₄ quió'₅ dsa₂ judíos, jaun₂ ca₂uig₂ Jesús jui₅ Jerusalén.

14 Ja₁jaun₂ ca₂dsáin'₂ i₁dsi₅ guá'₅ templo dsa₂ i₂'ni₅ ca₁jui₅, i₂'ni₅ já'₂ cha'₂, i₂'ni₅ i₁ju₂ ně₃, quian'₅₄ dsa₂ i₂qui₂jme₂tsín₃ cu₄ quió'₅ dsa₂.

15 Jme₁ca₂jág₃ Jesús a₂jaun₂, ca₂jmo₃ caun₂ látigo a₂lë₅ quian'₅₄ tsí₁'nei₅₄, jaun₂ ca₂'uiin'₂ ca₁'né₄ ca₂le₃jín₃ i₂tion'₅₄ i₁dsi₅ lia'₂ jma₃quiain'₅₄ já'₂ cha'₂ quiáin₅, ca₁jui₅ ně₃. Ca₂jein₃ 'uë₃ cu₄ quió'₅ dsa₂ i₂jme₂tsín₃ cu₄, qui₂ca₂jéin'₃ ni₁mesa ně₃.

16 Jaun₂ ca₂tsí'₃ i₂'ni₅ i₁ju₂:

—i'Uë'₅₄ 'nia'₂ ca₂le₃jë₃ a₂ně₅ ja₁lá₃! ¡Tsá₃ lë₁jmo₂ 'nia'₂ ja₁'ma'₅₄ ja₁quió'₄ Ne'₃!

17 Jaun₂ ca₂dsáu'₃ dsí₅ dsa₂ i₂jme₁quiain'₅₄, a₂chi₁ton₅ ne₄ Si₂ le₂la₂:

Në₂jag₄ bá₄ a₂ca₂cóng₂ 'uiḡ₅₄ ia₁ a₂ḡí₄ lë₃ dsí'₅ dsí₃

o₄quió'₄ dsí₂néi₂ quiáng'₂.*

18 Jaun₂ ně₃ ca₂ḡag₃ dsa₂ judíos ca₂ḡí'₃ Jesús:

—¿'E₂ léi₄ le₃'ë₂ jnia'₅₄ a₂jáng'₅ jág₁ dsau₅ a₂ca₂tín'₂ 'ne₂ jmó'₂ le₂ně₅?

19 Jaun₂ ca₂ḡag₃ Jesús:

* 2:17 Salmo 69:9

—'Én₂ 'nia'₂ guá'₅ la₂, jaun₂ tsi'₅₄ táng₃ jniá'₂ quian'₅₄ 'ni₅ jmig₄.

²⁰ Jaun₂ ně₃ ca₂juá'₂ dsa₂ judíos ca₂tsí'₃ Jesús:

—Të₂láu₃-jnë₂ ñi₂ ca₂rë₃'ín₅ dsa₂ jme₁ca₂chi'₃ guá'₅ la₂. ¿'En₁ jmá'₃ jaun₂, lé₂ le₃jmog'₅₄ tsi'₅₄ quian'₅₄ 'ni₅ jmig₄?

²¹ La₁ia₁ guá'₅ a₂'ë₅ Jesús jaun₂, ni₁ñi₄ 'ñiog₅ bá₄ Jesús 'ë₂₃.

²² Jaun₂ lë₃, lia'₂ con'₂ jme₁ca₂jen'₅₄ Jesús a₂jme₁rë₂'liin₅₄, ca₂dsáu'₃ dsí₅ chi'₂ dsí₂guia₃-tín₂ quiáin₅ jág₁ jaun₂. Jaun₂ ca₂rë₃'éin₂ jág₁ a₂juá'₂ ne₄ Si₂ quió'₅ Diú₄, quian'₅₄ jág₁ a₂jme₁ca₂juá'₂ Jesús jaun₂.

I₂cuin₅ bá₄ Jesús ca₂le₃jín₃ dsa₂

²³ Lia'₂ con'₂ jme₁'en₅₄ Jesús Jerusalén Jmig₄ Të₂'in₅₄, ca₂rë₃'én₂ juin₅ lín₃ dsa₂ tē₂le₃ quió'₅ Jesús, jme₁ca₂jág₃ léi₄ a₂ma₂qui₂ma₂jmo₃.

²⁴ La₁ tsá₃ jme₁'én₂ Jesús quió'₅ dsa₂ 'éi₂, ia₁ i₂cuin₂₃ bá₄ ca₂le₃jín₃ dsa₂, 'a₂ lia'₂ lë₅ tē₂dsí₅.

²⁵ Tsá₃ 'e₂ ca₂rë₃'nió'₅ quió'₅, jua'₅₄ a₂jáng'₃ dsa₂ jág₁ dsau₅ jui₁lia'₂ quió'₅ 'i₁jan₂, ia₁ ma₂ñi₅ rë₂ bá₄ Jesús 'e₂ a₂qui₂dsi₂jñia₅ dsí₅ dsa₂ mi₂güig₃.

3

Jme₂tag₅ Jesús jme₂tñin₂₃ Nicodemo

¹ Jme₁chan₂ jan₂ dsa₂ fariseo i₂jme₁chen₂ Nicodemo, i₂jme₁lín₄ jan₂ dsa₂ dsen₅₄ quián₅ dsa₂ judíos.

² Ne₄ 'éi₂ ca₂i₁jñin₁₂ Jesús tē₂le₃ ca₂nei₂, jaun₂ ca₂juá'₂ ca₂tsí'₃ Jesús:

—Të₅, ne₄ bá₄ jnia'₅₄ a₂lín'₅ 'ne₂ jan₂ tē₅ i₂chen₄ quián₅ Diú₄, ia₁ ca₂lia'₂ 'i₁jan₂ tsá₃ lé₂ le₃jmo₃ léi₄ juë'₂ le₂në₅, jui₁lia'₂ jmo'₂ 'ne₂, jua'₅₄ tsá₃ quiong'₅₄ Diú₄.

³ Jaun₂ ně₃ ca₂juá'₂ Jesús ca₂tsí'₃ Nicodemo:

—A₂dsi₂jó'₃ juíg₂ jniá'₂ 'ne₂, jui₁lia'₂ i₂tsá₃ rë₂chan₂ táng₃ dsa₂, tsá₃ lé₂ le₃jág₃ ja₁gon₂ Diú₄.

⁴ Jaun₂ ca₂ñag₃ Nicodemo:

—¿'A₂ bá₄ lia'₂ lé₂ le₃chan₂ táng₃, jan₂ dsa₂ ma₂juin'₂? ¿Lé₂ le₃'í₂ táng₃ né'₃ tē₂dsí₅ chog₅₄, jaun₂ le₃chain₂ táng₃?

⁵ Jaun₂ ca₂ñag₃ Jesús:

—A₂dsi₂jó'₃ juíg₂ jniá'₂ 'ne₂, jui₁lia'₂ i₂tsá₃ rë₂chan₂ le₃quió'₅ jmig₂, quian'₅₄ le₃quió'₅ Jme₂dsí₂, tsá₃ lé₂ le₃'í₂ ja₁gon₂ Diú₄. ⁶ Jui₁lia'₂ i₂rë₂chan₂ le₃quió'₅ ni₁ñi₅, jan₂ dsa₂ ni₁ñi₅ bá₄ 'éi₂; jui₁lia'₂ i₂rë₂chan₂ le₃quió'₅ Jme₂dsí₂, jan₂ dsa₂ i₂gu₂dsí₂ bá₄ lín₅ 'éi₂. ⁷ Tsá₃ jui₁dsi₂gó'₃ 'au'₂ 'ne₂ a₂juá'₅ jniá'₂: “Tion₅₄ bá₄ le₃chan₂ 'nia'₂ táng₃.” ⁸ Ag₅ dsí₂ jui₁'a₂ guë'₃ já₄ 'nio₃ 'ag₃; nag'₂ bá₄ 'ne₂ mi'₅₄ a₂lë₂, la₁ia₁ tsá₃ ñi'₅₄ a₂já'₄ já₅, on₃ guë'₂ a₂já'₄ dsó₃. Ján₃ bá₄ le₂në₅ lín₅ ca₂le₃jín₃ i₂rë₂chan₂ le₃quió'₅ Jme₂dsí₂.

⁹ Jaun₂ ně₃ ca₂ñag₃ táng₃ Nicodemo:

—¿'A₂ bá₄ lia'₂ lé₂ le₃lé₂ a₂juá'₂ 'ne₂ në₅?

¹⁰ Jaun₂ ca₂ñag₃ Jesús:

—¿'Ne₂ guë'₂ líng'₅ jan₂ tē₅ quián₅ dsa₂ juig₂ Israel, ton'₂ tsá₃ ñi'₂ bá₄ guë'₄ 'au'₂ jág₁ në₅? ¹¹ A₂dsi₂jó'₃ juíg₂ jniá'₂ 'ne₂, jui₁lia'₂ a₂ma₂tag₂ bá₄ jnia'₅₄, dsia₂; ján₃ bá₄ jang'₂ jnia'₅₄ jág₁ dsau₅ jui₁lia'₂ a₂ma₂të₂ ne₄ jnia'₅₄. La₁ 'nia'₂ ně₃ tsá₃ gue'₂ jág₁ dsau₅ a₂jang'₂ jnia'₅₄. ¹² Chi₂jua'₂ ma₂në₂juá'₃ jniá'₂ a₂'ë₂₃ jui₁lia'₂ a₂cha₂ mi₂güig₃ la₂, ton'₂ tsá₃ 'én'₂ bá₄ guë'₂ 'nia'₂, ¿'a₂ bá₄ guë'₂ lia'₂ le₃'én'₂ 'nia'₂ jág₁ quió₃ në₁ca₂juá'₃ jniá'₂ ca₂juíg₂ 'nia'₂ a₂'ë₂₃ jui₁lia'₂ a₂cha₂ guei'₅₄ i₂juíg₃?

13 'Ca₂lia'₂ 'i₁jan₂ tsá₃ 'ein₂ ma₂uíg₂ guei'₅₄ i₂juíg₃, jñia'₅₄ lia'₂ 'éi₂ i₂ca₂sión₃ guei'₅₄ i₂juíg₃; co₂'nió'₄ 'ñiog₅ Jaun₅ dsa₂ mi₂güíg₃.^{*} 14 Jui₁lia'₂ ca₂chón'₂ Moisés dsi₂mi'₂ guei'₅₄ ja₁lě₄ 'uě₃ quein₂ co₂'ñiog₅ jaun₂, ján₃ bá₄ le₂jaun₂ 'i₄ 'éi'₃ chón'₂ dsa₂ guei'₅₄ Jaun₅ dsa₂ mi₂güíg₃, 15 ia₁jaun₂ ca₂le₃jín₃ i₂'én₂ tē₂le₃ quió'₅ 'éi₂, le₃chain₂ co₂tan₅₄.

'Nio₃ Diú₄ dsa₂ mi₂güíg₃

16 'Jaun₂, 'uig₅₄ ia₁ a₂ñí₄ lě₃ ca₂rě₃ 'nio₃ Diú₄ ca₂rě₃ 'nioi₃ dsa₂ mi₂güíg₃, ca₂cuin₃ Ja₁ñi'₅₄ i₂jan₂ tan₅₄ quiáin₅, ia₁jaun₂ ca₂le₃jín₃ i₂'én₂ tē₂le₃ quió'₅ 'éi₂, tsá₃ dsi₃'éin₂, ton'₂ le₃chain₂ bá₄ co₂tan₅₄. 17 Ia₁ on₃jua'₅₄ jaun₂ ca₂chei₃ Diú₄ ca₂chein₃ Ja₁ñi'₅₄ mi₂güíg₃ a₂qui₃'ě₂ uig₅ ja₁con₂ dsa₂ mi₂güíg₃; a₂jaun₂ bá₄ ca₂chei₃ ia₁jaun₂ líón₂ dsa₂ mi₂güíg₃ tē₂le₃ quian'₅₄ 'éi₂. 18 Jui₁lia'₂ dsa₂ i₂'én₂ tē₂le₃ quió'₅ 'éi₂, tsá₃ rě₂'ě₂ uig₅ ja₁coin₂; la₁ia₁ jui₁lia'₂ i₂tsá₃ 'én₂ guě'₂ ně₃, ma₂rě₂'ě₂ uig₅ ja₁coin₂, 'uig₅₄ ia₁ a₂tsá₃ 'éin₂ tē₂le₃ quió'₅ Ja₁ñi'₅₄ i₂jan₂ tan₅₄ quián₅ Diú₄. 19 A₂la₂ bá₄ uig₅ a₂rě₂'ě₂ jaun₂: a₂ma₂gua₅ si₂ ja₁con₂ dsa₂ mi₂güíg₃, la₁ ca₂rě₃'nio₃ guě₄ dsa₂ jě₄ qui₁né'₃ lia'₂ con'₂ guě₄ ja₁tág₅ si₂, ia₁ a₂'lig'₅₄ bá₄ jme₂jmo₂₃-dsá₅. 20 Ca₂le₃jín₃ dsa₂ i₂jmo₅ a₂'lig'₅₄, 'io'₅₄ si₂, jaun₂ tsá₃ jme₂quiáin₃ ja₁tág₅ si₂, ia₁jaun₂ tsá₃ le₃jniá₂ a₂'lig'₅₄ a₂jmo₂₃-dsá₅. 21 La₁ia₁ jui₁lia'₂ dsa₂ i₂chan₂ caun₂ jui₅ co₂dsau₅, jme₂quiáin₃ ja₁tág₅ si₂, ia₁jaun₂ le₃jniá₂, le₃quió'₅ Diú₄ bá₄ já₅ a₂dse₃ a₂jmo₅ 'éi₂.

Jáng'₅ táng₃ jág₁ dsau₅ Juan₅₄ i₂chon₅ dsa₂ jmi₂g₂ jui₁lia'₂ 'ein₂ 'éi₂ Jesús

22 Cang₂ jaun₂, ñó₃ Jesús jui₅ 'uě₃ Judea quiain'₅₄ chi'₂ dsi₂guia₃-tín₂ quiáin₅, jaun₂ ja₁jaun₂ ca₂'l₃ ca₂la₂ uě₂ quiain'₅₄ 'éi₂, qui₂choin₂₃ jmi₂g₂ dsa₂.†

23 Ján₃ bá₄ le₂jaun₂ jme₁'en₅₄ Juan₅₄ ně₃, choin₂₃ jmi₂g₂ dsa₂,‡ caun₂ ja₁chei₂ Enón, ma₂quián₅ Salim, ia₁ ja₁jaun₂ jme₁cha₂ 'líóng₂ jmi₂g₂; jaun₂ jme₁ja₂lén₂ dsa₂ ia₁jaun₂ qui₃cho₃ Juan₅₄ jmi₂g₂,§

24 (A₂la₂ ca₂lě₃ né'₃ guě₄ a₂ton'₂ dsa₂ Juan₅₄ né'₃ 'má₃.)

25 Jaun₂ ně₃, i₂lin₅₄ dsa₂ i₂quian'₅₄ Juan₅₄ ca₂tsin₂ quian'₅₄ jan₂ dsa₂ judío ne₄ jág₁ jui₁lia'₂ a₂jmo₅ dsa₂ le₃jín₃.

26 Jaun₂ i₃lén₂ i₁chi'₄ Juan₅₄:

—Tě₅, dsa₂ i₂jme₁'en₅₄ quian'₅₄ 'ne₂ tē₂le₃ ja₁'ia₂ 'iog₂ tē₂le₃ quióng₄ Cuá₃ Jordán, dsa₂ i₂'ín₅ 'ne₂ 'éi₂, jě₂ bá₄ choin₂₃ jmi₂g₂ dsa₂,* jaun₂ ca₂le₃jín₃ bá₄ dsa₂ dsi₂lén₂ ja₁coin₂.

27 Jaun₂ ca₂ñag₃ Juan₅₄:

—Ca₂lia'₂ 'i₁caun₂ tsá₃ 'e₂ lé₂ le₃cha₂ quió'₅ dsa₂ jua'₅₄ tsá₃ ñei₂ guei'₅₄ i₂juíg₃.

28 Ca₂nei'₂ bá₄ 'nia'₂ guíong'₅₄ jme₁ca₂juá'₃: “On₃jua'₅₄ jniá₂ líng₅ I₂rě₂'ín₁ quián₅ Diú₄; jan₂ dsa₂ i₂chen₄ ne₄ jui₅ quió'₅ 'éi₂ bá₄ líng₅.” 29 I₂ca₂tín₂ dsa₂ ñe'₂ i₂jen'₂ gu₂ bá₄, dsa₂ mí₂ i₂jen'₂ gu₂ quiain'₅₄. Jaun₂ dsa₂ a₂mei₅₄ quián₅ dsa₂ ñe'₂ ně₃, chi₁jñia₁ nag₂₃. Jaun₂ 'io'₂ jén'₅ jě₁ma₂nág₂ jág₁ quió'₅ 'éi₂. Ján₃ bá₄ le₂jaun₂ jniá₂ ně₃, rě₂'ñia₅ a₂'io'₂ jén'₅ dsi₃.

Jui₁lia'₂ i₂já₅ guei'₅₄ i₂juíg₃

30 "Éi₂ ca₂tín₂ le₃dsein₅₄ guě₄; jniá₂ guě'₂ ca₂tíng₂ le₃meg'₂. 31 Jui₁lia'₂ i₂já₅ jui₅ guei'₅₄ i₂juíg₃, dsen₅₄ guě₄ ne₄ quió'₅ ca₂le₃jín₃. Jui₁lia'₂ i₂já₅ gua'₅₄ 'uě₃, jan₂ i₂chan₂ gua'₅₄ 'uě₃ bá₄ 'éi₂. Jaun₂ dsia₂₃ jui₁lia'₂ a₂quió'₅ gua'₅₄ 'uě₃. La₁ia₁ jui₁lia'₂ i₂já₅ guei'₅₄ i₂juíg₃, dsen₅₄ guě₄ ne₄ quió'₅ ca₂le₃jín₃. 32 Jáng'₅ 'éi₂ jág₁ dsau₅ jui₁lia'₂ a₂ma₂tě₂ ne₅₄, jui₁lia'₂ a₂ma₂nág₂ ně₃; la₁ 'i₁jan₂ tsá₃ 'ein₂ tón'₂ jui₅ jág₁ dsau₅

* 3:13 A₂lin₅₄ chog₅₄ si₂juá'₂ ján₃: “i₂'en₅₄ guei'₅₄ i₂juíg₃.” † 3:22 lit. “qui₂tiáin₂ dsa₂ jmi₂g₂.” ‡ 3:23 lit. “tiáin₂ dsa₂ jmi₂g₂.” § 3:23 lit. “ia₁jaun₂ qui₃tió₃ Juan₅₄ jmi₂g₂.” * 3:26 lit. “jě₂ bá₄ tiáin₂ dsa₂ jmi₂g₂.”

a₂jáng' ₅ 'éi₂. ³³ La₁ia₁ jui₁lia' ₂ i₂tón' ₂ jui₅, ma₂caún' ₅ 'í₁ a₂dsón' ₂ bá₄ tí₅ jág₁ a₂juá' ₂ Diú₄; ³⁴ ia₁ i₂ca₂chen₃ Diú₄ ně₃, dsa₂₃ jág₁ quió' ₅ Diú₄, ia₁ cuñ₅ Diú₄ Jme₂dsí₂ quiáin₅ ca₂lia' ₂ tsá₃ niog₅ 'éi' ₃. ³⁵ A₂'nio₃ Diú₄ Jmei₂ 'nioi₃ Ja₁ñi' ₅₄, jaun₂ o₄gú₃ 'éi₂ ma₂dsia₃ ca₂le₃jě₃. ³⁶ Jui₁lia' ₂ i₂'én₂ tē₂le₃ quió' ₅ Ja₁ñi' ₅₄ Diú₄, le₃chain₂ bá₄ co₂tan₅₄; la₁ jui₁lia' ₂ i₂tsá₃ ne' ₅₄ le₃quió' ₅ Ja₁ñi' ₅₄ Diú₄, tsá₃ tē₃ ne₅₄ a₂le₃chain₂ rē₂'ñiai₂₃, ton' ₂ tē₂le₃ tē₃gua₄ 'nei₂ dsí₅ Diú₄ ja₁coin₂.

4

Dsia₅ Jesús jág₁ quian' ₅₄ jan₂ 'io₅₄ i₂chan₂ Samaria

¹ Jme₁ca₂rē₃ñi₅ Te₁gui' ₅₄ a₂ma₂nág₂ dsa₂ fariseos jág₁, 'ñio₅ lin₃ guē₄ juin₅ dsa₂ i₂ma₂quian' ₅₄ Jesús, qui₂ma₂cho₃ jmig₂ * lia' ₂ con' ₂ guē₄ Juan₅₄; ² (o₁ñia' ₅₄ on₃juá' ₅₄ 'ñiog₅ Jesús choin₂₃ jmig₂ dsa₂, † ññia' ₅₄ lia' ₂ chi' ₂ dsí₂guia₃-tín₂ quiáin₅ bá₄), ³ jaun₂ ca₂o₃'ín₃ 'uē₃ Judea, a₂ñá' ₃ táng₃ juí₅ 'uē₃ Galilea. ⁴ Ja₁tioin' ₅₄ juí₅ jaun₂, ca₂tíin₂ ñí₃ 'uē₃ Samaria. ⁵ Jaun₂ ně₃ ca₂dsi₃léin₂ caun₂ juig₂ ja₁tén₄ Samaria a₂chei₂ Sicar, ma₂quián₅ ca₂jne₄ 'uē₃ a₂jme₁ca₂cuē₃ Jacob ma₂líg' ₂ ca₂cuē' ₃ ja₁ñi' ₅₄ i₂chen₂ Sē₄.

⁶ Ja₁jaun₂ jme₁dsi₅₄ caun₂ tau₂ pozo a₂tē' ₂ dsa₂ a₂quió' ₅ Jacob. Jaun₂ ca₂guá₂ Jesús cau₅, ia₁ a₂ca₂'ú' ₃ 'ein₅₄ juí₅. Jme₁ma₂ca₂tē₂ con' ₂ dsí₂ñí' ₃ jaun₂.

⁷ Tē₃ guá₅ jaun₂ ca₂dsió₃ jan₂ 'io₅₄ i₂chan₂ Samaria a₂i₂dsein₂₃ jmig₂ pozo jaun₂. Jaun₂ ca₂juá' ₂ Jesús ca₂tsí' ₃ 'io₅₄ 'éi₂:

—Cuē₄ ca₂juig₄ jmig₂ gui' ₅₄.

⁸ Tē₁lia' ₂ jaun₂, i₁len₅₄ jē₄ juig₂ chi' ₂ dsí₂guia₃-tín₂, i₁lia₅ má₃ a₂guē' ₃.

⁹ Jaun₂ ně₃ ca₂juá' ₂ 'io₅₄ chan₂ Samaria 'éi₂ ca₂tsí' ₃ Jesús:

—¿'A₂ lia' ₂ lē₅ jaun₂, 'ne₂ jan₂ dsa₂ i₂lín₅ judío, mi' ₂ jmig₂ ne₃ jniá₂, jan₂ 'io₅₄ chan₂ Samaria?

(Ia₁ tsá₃ jág₁ 'ei₅ dsa₂ judíos quian' ₅₄ dsa₂ chan₂ Samaria.)‡

¹⁰ Jaun₂ ně₃ ca₂ñag₃ Jesús:

—Jua' ₅₄ mei' ₂ guē₃ ñi' ₅₄ 'ne₂ 'e₂ jaun₂ a₂cuē₅ Diú₄, quian' ₅₄ 'ein₂ i₂mi₅ jmig₂ ne' ₅₄, jme₁mi' ₂ ne₃ jniá₂, jaun₂ jniá₂ ně₃ cuē₅₄ jmig₂ jén' ₃.

¹¹ Jaun₂ ca₂juá' ₂ 'io₅₄ ca₂tsí' ₃ Jesús:

—Gui' ₅₄, tsá₃ ñí₁ cubeta cha₂ quiáng' ₂ a₂dséng' ₄ jmig₂, ton' ₂ a₂ji' ₂ bá₄ tau₂ pozo. ¿'A₂ guē' ₂ já₄ cán' ₁ jmig₂ jén' ₃ a₂cuē' ₂ jniá₂? ¹² ¿'E₂, 'ne₂ líng' ₅ i₂juin' ₂ guē₄ con' ₂ guē₄ 'lag₄ jmei₂ jniog₄ Jacob, i₂ca₂cuē₃ pozo la₂? Jme₁cán₂ 'éi₂ jmig₂ a₂'ín' ₂ 'ñiog₅ quian' ₅₄ chi' ₂ quiáin₅, quian' ₅₄ já' ₂ quiáin₅ ně₃.

¹³ Jaun₂ ca₂ñag₃ Jesús:

—Ca₂le₃jín₃ juí₁lia' ₂ dsa₂ i₂'ín' ₂ jmig₂ la₂, lé₂ táng₃ dsí₅ i₁'ín' ₂ jmig₂; ¹⁴ la₁ia₁ juí₁lia' ₂ i₂'ín' ₂ jmig₂ a₂cuē₄ jniá₂, lia' ₂ o₁líg' ₂ jmig₄ tsá₃ ma₃lé₂ dsí₅ i₁'ín' ₂ jmig₂. Ia₁ juí₁lia' ₂ jmig₂ a₂cuē₄ jniá₂, lé₂ ně₂jag₄ bá₄ caun₂ o₄tu₁ jmig₂ tē₂le₃ quió' ₅, a₂qui₃'iá₃ jmig₂ a₂gu₂dsí₂ a₂jmo₃ a₂le₃chain₂ co₂tan₅₄.

¹⁵ Jaun₂ ně₃ ca₂juá' ₂ 'io₅₄ ca₂tsí' ₃ Jesús:

—Gui' ₅₄, cuē₄ jmig₂ a₂'ē' ₂ ně₅, ia₁jaun₂ tsá₃ ma₃le₃quein₂ dsí₃, on₃ guē' ₂ caun₂ guio₅₄ guē₄ ca₂tē₂ la₂ i₁dséng₃ jmig₂.

¹⁶ Jaun₂ ca₂juá' ₂ Jesús:

—Guan' ₂ o₂te' ₂ dsí₂i₂gog' ₂, jaun₂ ñe' ₅₄ táng₃ ja₁lá₃.

¹⁷ Jaun₂ ca₂ñag₃ 'io₅₄ 'éi₂:

—Tsá₃ dsí₂i₂gu₃ jniá₂ chan₂.

* **4:1** lit. “qui₂ma₂tióg₃ jmig₂.” † **4:2** lit. “tíáin₂ dsa₂ jmig₂.” ‡ **4:9** o₃, “tsá₃ jmó' ₂ dsa₂ judíos ta₁ juí₁lia' ₂ ñi₁uñg₅ a₂jmó' ₂ dsa₂ chan₂ Samaria ta₁.”

Jaun₂ ně₃ ca₂juá'₂ Jesús:

—Tí₅ bá₄ jág₁ quiáng'₂ a₂ně₂jua'₅₄, a₂tsá₃ chan₂ dsi₂i₂gog'₂; ¹⁸ ia₁ 'ñiá₂ dsi₂i₂gog'₂ i₂ma₂ca₂né'₂ quiang'₅₄, jaun₂ i₂ñéi'₂ quiang'₅₄ rě₂ně₃ ján₃, on₃jua'₅₄ dsi₂i₂gog'₂ 'éi₂. Dsón'₂ bá₄ tí₅ jág₁ quiáng'₂ a₂ně₂jua'₅₄.

¹⁹ Jme₁ca₂nág₂ 'io₅₄ jág₁ ně₅, ca₂juá'₂ ca₂tsí'₃ Jesús:

—Te₁gui'₅₄, dsón'₂ bá₄ lín'₅ 'ne₂ jan₂ dsa₂ i₂'ě₂ jág₁ quián₅ Diú₄, lín₂ jniá₂. ²⁰ Ja₁chí'₄ má'₂ la₂ ca₂jme₃juin'₂ dsa₂ can'₅₄ quián₂ jnia'₅₄ ca₂jme₃juin'₂ Diú₄ ma₂líg'₂, la₁ia₁ 'nia'₂ i₂lín'₅ dsa₂ judíos ně₃, juá'₂ Jerusalén bá₄ ja₁ca₂tín₂ dsa₂ jme₃juin'₂ Diú₄.

²¹ Jaun₂ ca₂ḡag₃ Jesús:

—Ju₁le₂'éng'₂ bá₄ a₂juá'₅ jniá₂: já₅ caun₂ jmig₄ a₂jme₃juin'₂ 'nia'₂ Diú₄, on₃jua'₅₄ i₁nóg'₅ má'₂ la₂, on₃ guě'₂ o₁nó'₅ 'nia'₂ Jerusalén. ²² 'Nia'₂ jme₂juíng'₁ tē₃ tsá₃ ñi'₅₄ 'ein₂ jme₂juíng'₁; a₂dsau₅ bá₄ jnia'₅₄, ne₄ jnia'₅₄ 'éin₂ i₂jme₃juin'₂; ia₁ tē₂le₃ quió'₅ dsa₂ judíos bá₄ já₅ jág₁ a₂lión₂ dsa₂. ²³ La₁ já₅ hora, ton'₂ ma₂tē₂ dsón'₂, a₂jme₃juin'₂ dsa₂ Jmei₂, ju₁lia'₂ dsa₂ i₂jme₂juag'₂ tē₃dsón'₂, jme₃juag'₂ tē₂le₃ gu₂dsí₂ ton'₂ tē₂le₃ quian'₅₄ jág₁ dsau₅. Ia₁ i₂le₂'éi₂ bá₄ 'na'₂ Jmei₂ jme₃juag'₂. ²⁴ A₂lín₅ Diú₄ jme₂dsí₂; jaun₂ ju₁lia'₂ i₂jme₂juag'₂, ca₂tín₂ jme₃juag'₂ tē₂le₃ gu₂dsí₂ ton'₂ tē₂le₃ quian'₅₄ jág₁ dsau₅.

²⁵ Jaun₂ ca₂juá'₂ 'io₅₄:

—Guion₄ jniá₂ a₂jiá₃ Mesías, (i₂tě'₂ dsa₂ I₂rě₂'ín₁ quián₅ Diú₄). Jē₁ma₂guain₂₃, jaun₂ guě'₄ juá'₂ ca₂le₃jě₃ lia'₂ rě₂jiá₃.

²⁶ Jaun₂ ca₂juá'₂ Jesús:

—Jniá₂ bá₄ 'éi₂, i₂dsia₅ jág₁ quian'₅₄ 'ne₂.

²⁷ Tē₁lia'₂ jaun₂, ca₂o₃len₃ chi'₂ dsi₂guia₃-tín₂ quián₅, jaun₂ ca₂i₃gó'₃ dsí₅ jme₁ca₂jág₃ a₂dsia₅ Jesús jág₁ quian'₅₄ jan₂ 'io₅₄. La₁ia₁ lia'₂ 'i₁jan₂ tsá₃ ca₂tiá₂ dsí₅ ḡag₃ 'e₂ 'no'₂, 'e₂ jág₁ dsia₂₃ quian'₅₄ 'io₅₄ 'éi₂.

²⁸ Jaun₂, ja₁jaun₂ ca₂chi'₃ 'io₅₄ ni₁dsig₁ quió'₅, jaun₂ ḡái'₃ jē₄ juig₂, jaun₂ ca₂juá'₂ ca₂tsí'₃ dsa₂:

²⁹ —I₂nó'₅ 'nia'₂ i₂jin₄ jan₂ dsa₂ ḡe'₂ i₂ma₂ně₂juá'₂ ca₂le₃jě₃ 'e₂ a₂ma₂jmo₃ jniá₂. ¿On₁jua'₅₄ mei'₂ tsá₃ 'éi₂ lín₅ I₂rě₂'ín₁ quián₅ Diú₄?

³⁰ Jaun₂ ně₃ ca₂'uin₂ dsa₂ jē₄ juig₂ ca₂i₃lén₂ ja₁guá₄ Jesús.

³¹ Tē₁lia'₂ jaun₂, ca₂chi₃quióng₂ jmig₄ chi'₂ dsi₂guia₃-tín₂ chi₂quián₂ jmig₄ Jesús a₂guě'₃, juá'₂:

—Tē₅, qué'₂ ca₂la₂.

³² Jaun₂ ca₂juá'₂ Jesús:

—Cha₂ caun₂ má₃ a₂guě'₅₄ jniá₂, a₂tsá₃ cuin'₂ 'nia'₂.

³³ Jaun₂ ně₃ qui₂ca₂ḡí'₃ chi'₂ dsi₂guia₃-tín₂ riin'₅₄, jain₂ jain₂:

—¿On₃ bá₄ chan₂ jan₂ i₂ma₂o₃can₅ má₃ a₂guě'₃?

³⁴ La₁ ca₂juá'₂ Jesús ca₂tsí'₃ 'éi₂:

—A₂jaun₂ bá₄ má₃ quió'₃ jniá₂, a₂jmo₅₄ 'éi'₃ a₂ḡio₂ dsí₅ i₂ca₂chei₃, a₂jme₁'ḡiag₅ ta₁ quió'₅ ně₃. ³⁵ ¿'On₁ juá'₂ guě'₂ 'nia'₂: “‘Ei₅ bá₄ guě'₄ quén₂ tsí'₂ a₂ráu₃’?” La₁ia₁ jniá₂ juig₂ 'nia'₂, jag₄ 'a₂ lia'₂ ma₂tion'₅₄ dsa₂ le₁jnia₂₃, ně₂jag₄ bá₄ a₂le₁chein'₂ ja₁nau₂ ca₂ron₂, ma₂lé₂ bá₄ cág'₃. ³⁶ Ju₁lia'₂ dsa₂ i₂jmo₅ ta₁ ja₁nau₂ ně₃ gue₂₃ 'liain'₅₄. Ju₁lia'₂ a₂ráu₃, a₂cág'₃ ja₁nau₂ jaun₂, a₂jiog₃ co₂tan₅₄ bá₄ jaun₂, ia₁jaun₂ co₂lě₅ bá₄ jmo₃ 'io'₂, lia'₂ dsa₂ i₂jne₅, lia'₂ dsa₂ i₂cág'₅ ně₃. ³⁷ Le₂ně₅ dsón'₂ bá₄ quió₃§ a₂dsia₅ dsa₂: “Jan₂ i₂jne₅, i₂sián'₂ i₂cág'₅.” ³⁸ Jniá₂ ma₂tsíng₂ 'nia'₂

§ 4:37 quio₃: Jág₁, quió'₅ dsa₂ Jen'₅₄, co₂'nió'₄ le₃jua'₅₄, caun₂ jág₁ a₂ḡí'₂ dsí₅ a₂ca₂quio₂ dsa₂ can'₅₄, a₂dsia₅ dsa₂.

a₂o₁cag' ₄ ja₁tsá₃ ta₁ ma₂jmo' ₅₄ 'nia' ₂ guiong' ₅₄, ta₁ ma₂jmo₃ i₂sián' ₂; jaun₂ 'nia' ₂ ně₃ ca₂ling' ₃ ta₁ quió' ₅ dsa₂ 'éi₂.

³⁹ Juin₅ dsa₂ i₂chan₂ Samaria i₂tián' ₅ juig₂ jaun₂ ca₂rě₃'éin₂ tē₂le₃ quió' ₅ Jesús jme₁ca₂nág₂ jág₁ dsau₅ a₂ca₂jáng' ₃ 'io₅₄, jme₁ca₂juá' ₂: “Ně₂juá' ₂ 'éi₂ ca₂le₃jě₃ 'e₂ a₂ma₂jmo₃ jniá₂.”

⁴⁰ 'Uig₅₄ jaun₂ ně₃, jme₁ca₂o₃lén₂ dsa₂ chan₂ Samaria, ca₂chi₃quiáin₂ jmig₄ Jesús a₂jme₁jñia₃ 'éi₂ quiong' ₅₄. Jaun₂ ca₂jñia₃ Jesús tin₃ jmig₄ ja₁jaun₂.

⁴¹ Jaun₂ tē₂le₃ juin₅ guě₄ dsa₂ ca₂rě₃'éin₂ jme₁ca₂nág₂ jág₁ a₂juá' ₂ 'ñiog₅ Jesús.

⁴² Jaun₂ ca₂juá' ₂ dsa₂ ca₂tsí' ₃ 'io₅₄:

—Ně₃ guě₄ ně₃ 'éin₂ jniá' ₅₄, on₃jua' ₅₄ 'uig₅₄ jág₁ a₂ca₂jua' ₅₄ 'ne₂, ia₁ a₂ma₂ně₂néi₁ jniá' ₅₄ guio₅₄ jág₁ quió' ₅, jaun₂ ne₄ jniá' ₅₄, tē₃dsón' ₂ bá₄ 'éi₂ lín₅ dsa₂ i₂lión₂ dsa₂ mi₂güig₃.*

Ca₂jme₃'lión₂ Jesús jan₂ ja₁ñi' ₅₄ jan₂ dsa₂ dsen₅₄ quián₅ dsi₂tan₅₄

⁴³ Jme₁ca₂dsan₃ tin₃ jmig₄ jaun₂, ca₂o₃'íin₃ ja₁jaun₂, ca₂'í₃ jui₅ ñái' ₃ jui₅ 'uě₃ Galilea.

⁴⁴ Ia₁ jui₅lia' ₂ ca₂juá' ₂ 'ñiog₅ Jesús, jui₅lia' ₂ jan₂ dsa₂ i₂'ě₂ jág₁ o₄quió' ₄ Diú₄, tsá₃ jme₂go₃ dsa₂ juig₂ go₅₄.

⁴⁵ Jme₁ca₂dsián' ₃ 'uě₃ Galilea ně₃, ca₂guei₃ bá₄ dsa₂ dse₃ ja₁jaun₂, ia₁ jme₁ma₂ca₂jág₃ bá₄ ca₂le₃jě₃ 'e₂ a₂ca₂jmo₃ Jesús juig₂ Jerusalén jme₁ca₂tě₂ Jmig₄ Tě₂'in₅₄, ia₁ ján₃ bá₄ jme₁i₁len₅₄ 'éi₂ jmig₄.

⁴⁶ Jaun₂ ně₃, ca₂dsióg₃ táng₃ juig₂ Caná a₂tén₅ 'uě₃ Galilea ja₁ca₂jme₃tsiín₃ jmig₂ ca₂jmo₃ vino. Ja₁jaun₂ jme₁'en₅₄ jan₂ dsa₂ i₂jme₂ti₃ ta₁ ne₄ rag₅₄, i₂chan₂ jan₂ chi' ₂ dso' ₅₄ quiáin₅, jě₄ juig₂ Capernaum.

⁴⁷ Jme₁ca₂rě₃ñi₅ dsa₂ 'éi₂ a₂ma₂ñi₅ Jesús 'uě₃ Galilea, 'ein₅₄ jui₅ a₂o₂'íin₃ 'uě₃ Judea, jaun₂ ñei₅₄ ca₂i₁jñi₁₂ Jesús, jaun₂ ca₂chi₃quióng₂ jmig₄ tion₅₄-jan₃ a₂dsó₃ 'éi₂ ja₁quió' ₄ a₂jme₃'lión₂ ja₁ñi' ₅₄ i₂ron₅ ma₂i₁jón₂.

⁴⁸ Jaun₂ ně₃ ca₂juá' ₂ Jesús:

—Tsá₃ 'én' ₂ 'nia' ₂ ně₁jua' ₂ tsá₃ ca₂jag' ₅₄ léi₄ juě' ₂ a₂dsi₂gó' ₃ 'au' ₂.

⁴⁹ Jaun₂ ca₂juá' ₂ dsa₂ i₂jme₂ti₃ ta₁ ne₄ rag₅₄ 'éi₂:

—Te₁gui' ₅₄, i₂ñáu' ₂ uě₃ ñia₅, né' ₃ guě₄ a₂jón₂ chi' ₂ quiáng₃.

⁵⁰ Jaun₂ ně₃ ca₂juá' ₂ Jesús:

—Guan' ₂ bá₄ quiáng' ₂; ia₁ i₂chan₂ bá₄ chi' ₂ quiáng' ₂.

Ca₂rě₃'éin₂ bá₄ dsa₂ jág₁ a₂ca₂juá' ₂ Jesús, jaun₂ ca₂ñái' ₃.

⁵¹ Jaun₂ jme₁ma₂'ein₅₄ jui₅ dsián' ₂, jaun₂ ca₂jme₃jein' ₂ dsa₂ i₂jme₂ti₃ ta₁ ne₅₄, jaun₂ ca₂juá' ₂ 'éi₂:

—I₂chan₂ bá₄ chi' ₂ quiáng' ₂.

⁵² Jaun₂ ca₂ñag₃ 'e₂ hora ca₂tág' ₃ dsí₅. Jaun₂ ca₂juá' ₂ dsa₂ 'éi₂:

—Dsióg₂ con' ₂ hora ñi₁ caun₂ tē₂le₃ ca₂'láu₂,† ca₂jñia₃ dséi₂ a₂jme₁'i₁.

⁵³ Jaun₂ ca₂rě₃lí₄ jmei₂ chi' ₂ 'éi₂, hora jaun₂ dé₄ ca₂juá' ₂ Jesús: “I₂chan₂ bá₄ chi' ₂ quiáng' ₂.” Jaun₂ ca₂rě₃'éin₂ dsa₂ 'éi₂, quiain' ₅₄ ta₁jñi₂ dsa₂ dsi₂néi₂ quió' ₅.

⁵⁴ A₂ně₅ jě₁ca₂tě₂ táng₃ léi₄ juě' ₂ a₂ca₂jmo₃ Jesús, jme₁ca₂o₃'íin₃ Judea, jme₁guáin' ₃ Galilea.

5

Ca₂jme₃'lión₂ Jesús jan₂ dsa₂ 'lian' ₂ i₂ron₅ cau₅ Dsiog₅ Betesda

¹ Cang₂ jaun₂ ca₂jmo₃ dsa₂ judíos caun₂ jmig₄, jaun₂ ca₂uíg₂ táng₃ Jesús jui₅ Jerusalén.

* **4:42** A₂lín₅₄ chog₅₄ si₂: “Tě₃dsón' ₂ bá₄ 'éi₂ lín₅ I₂rě₂'ín, quián₅ Diú₄, i₂lión₂ dsa₂ mi₂güig₃.” † **4:52** lit. “hora guio₃.”

² Jë₄ juig₂ Jerusalén jaun₂, cau₅ ja₁lë₄ caun₂ o₄'né₄ a₂chei₂ quió'₅ Já'₂ Cha'₂, niog₅ caun₂ dsiog₅ a₂chei₂ Betesda* quián'₅₄ jág₁ arameo, ja₁lë₄ 'ñiá'₂ corredor.

³ Ja₁jaun₂ jme₁tián'₄ 'uë₃ juin₅ dsa₂ i₂qui₂le₁dso'₅₄, jë₃ dsa₂ ten₄, dsa₂ guian'₅₄ quián'₅₄ dsa₂ 'lian'₂ ně₃, a₂chi₁jñia₂₃ a₂qui₃jě'₂ jmig₂. ⁴ Ia₁ jme₁lin₅₄, sión₅ jan₂ ángel quián₅ Te₁gui'₅₄ ja₁niog₅ dsiog₅ jaun₂, jaun₂ jmo₂₃ qui₂jě'₂ jmig₂. Jaun₂ ju₁lia'₂ dsa₂ dso'₅₄ i₂'í₂ le₂'uig₅₄ jmig₂ jë₁ma₂i₂bi₅₄, jme₁jñia₅ quió'₅, chi₂jua'₂ 'e₂ dso₄ jme₁lin₄.†

⁵ Ja₁jaun₂ jme₁ron₅ jan₂ dsa₂ dso'₅₄, jme₁ma₂tě₂ guióg₂-guiá'₂-jñiá'₂ ñi₂ roin₂₃ dso'₅₄.

⁶ Jme₁ca₂jág₃ Jesús ron₅ dsa₂ dso'₅₄ ja₁jaun₂, jaun₂ jme₁ca₂rě₃lí'₄ ma₂líg'₂ bá₄ lín₅ le₂jaun₂, ca₂ñag₃:

—¿'Niog'₂ 'lióng'₂?

⁷ Jaun₂ ca₂ñag₃ dsa₂ dso'₅₄:

—Gui'₅₄, tsá₃ 'ein₂ chan₂ to'₂ jniá'₂ 'ñió'₃ dsiog₅ jë₁ma₂tě₂ rë₁qui₃jě'₂ jmig₂. Lia'₂ co₂ráun₂ 'nio₃ 'ú₄, i₂sián'₂ bá₄ sión₅ le₂'uig₅₄.

⁸ Jaun₂ ca₂juá'₂ Jesús:

—Nau₂, chog'₅₄ tsi₁jein₁ quiáng'₂, ñi₄ ně₃.

⁹ Dsi₂jui₅ le₂jaun₂ bá₄ ca₂jñia₃ quió'₅ dsa₂ 'éi₂. Ca₂chóg'₃ tsi₁jein₁ quió'₅, jaun₂ ca₂jme₃lióg₃ ca₂ñi₃. A₂jaun₂ ca₂lë₃ caun₂ jmig₄ sa₅₄.

¹⁰ Jaun₂ ca₂juá'₂ dsa₂ judíos ca₂tsí'₃ dsa₂ i₂ca₂'lón₂ 'éi₂:

—Jmig₄ sa₅₄ bá₄ ně₃; tsá₃ 'i₄ 'éi'₃ caun'₅₄ tsi₁jein₁ quiáng'₂ jmig₄ ně₃.

¹¹ Jaun₂ ca₂ñag₃ dsa₂ 'éi₂:

—I₂ně₂jme₃'lió₂ jniá'₂, ně₂juá'₂: “Chog'₅₄ tsi₁jein₁ quiáng'₂, ñi₄ ně₃.”

¹² Jaun₂ ně₃ ca₂ñag₃ táng₃ dsa₂ 'éi₂:

—¿'Ein₂ 'éi₂ ně₂juá'₂ a₂caun'₅₄ tsi₁jein₁ quiáng'₂, a₂ñí'₂ ně₃?

¹³ La₁ tsá₃ ñi₅ 'ein₂ 'éi₂ i₂ně₂jme₃'lió₂ quió'₅, ia₁ jme₁ma₂i₂cón'₅ Jesús jin₄ dsa₂ juin₅ i₂jme₁tion₅₄ ja₁jaun₂.

¹⁴ Cang₂ jaun₂ ca₂jen'₂ Jesús ca₂jein'₂ dsa₂ 'éi₂ i₁dsi₅ guá'₅ templo, jaun₂ ca₂juá'₂:

—Jag₄ de'₂, ně₃ lia'₂ ma₂'lóng'₂, tsá₃ ma₃lë₁'nau₂ dso₄, ia₁jaun₂ tsá₃ dsi₃ñíg'₂ caun₂ jmi₁uig₅ 'ñio₅ guě₄ con'₂ guě₄ a₂jme₁lín'₄ le₂jñiá'₅.

¹⁵ Jaun₂ ñá'₃ bá₄ dsa₂ 'éi₂, jaun₂ ca₂i₁chi'₄ dsa₂ judíos, Jesús bá₄ 'éi₂ i₂ca₂jme₃'lió₂ quió'₅.

¹⁶ 'Uig₅₄ jaun₂ qui₂ca₂co₃'ein₃ dsa₂ judíos quió'₅ Jesús,‡ ia₁ jme₁tin₂ Jesús jme₁jmo₂₃ le₂ně₅ jmig₄ sa₅₄.

¹⁷ La₁ ca₂juá'₂ Jesús ca₂tsí'₃ dsa₂ judíos:

—Lia'₂ jmo₅ jaun₂ Ñe'₃ ta₁ jñia'₅₄ jmig₄ ně₃; ján₃ bá₄ le₂jaun₂ jmo₅ jniá'₂ ta₁.

¹⁸ 'Uig₅₄ jaun₂, tē₂le₃ i₂jui'₂ guě₄ jme₁'nio₃ jñag'₃ dsa₂ judíos, ia₁ on₃jua'₅₄ jmá'₃ 'éi'₃ jmig₄ sa₅₄ jmo₂₃ cau₅, ján₃ bá₄ ca₂tē₂ jmo₂₃ a₂lín₅ co₂rri₂ quián'₅₄ Diú₄, ia₁ a₂juá'₂ Diú₄ bá₄ lín₅ Jmei₂.

'Éi'₃ a₂ron₅ quió'₅ Ja₁ñi'₅₄ Diú₄.

¹⁹ Jaun₂ ně₃ ca₂juá'₂ Jesús ca₂tsí'₃ dsa₂ judíos:

—A₂dsi₂jó'₃ juig₂ jniá'₂ 'nia'₂, tsá₃ 'e₂ lé₂ le₃jmo₃ Ja₁ñi'₅₄ 'i₁caun₂ 'ñiog₅; a₂jaun₂ bá₄ jmo₂₃ ju₁lia'₂ a₂jág₅ jmo₅ Jmei₂. Ju₁lia'₂ 'e₂ ta₁ a₂jmo₅ Jmei₂, a₂jaun₂ bá₄ jmo₅ Ja₁ñi'₅₄ ján₃. ²⁰ Ia₁ 'nio₃ Jmei₂ 'nioi₃ Ja₁ñi'₅₄, jaun₂ 'ě₂₃ 'ě'₅ Ja₁ñi'₅₄ ca₂le₃jě'₃ 'e₂ a₂jmo₂₃. Tē₂le₃ lě₅ guě₄ juě'₂ ta₁ qui₃'ě₃, con'₂ guě₄ a₂le₂la₂, ia₁jaun₂ qui₂dsi₃gó'₃

* **5:2** A₂lin₅₄ chog₅₄ si₂: “Betzata”; a₂siá'₂ ně₃: “Betsaida.” † **5:4** Chog₅₄ si₂ a₂dse₃ guě₄ tsá₃ chi₁ton₅ versículo 4. ‡ **5:16** A₂lin₅₄ chog₅₄ si₂ a₂me'₂ guě₄ juá'₂ ján₃: “a₂jme₁'nio₃ jñag'₃.”

'au'₂ 'nia'₂. 21 Ia₁, jui₁lia'₂ jme₂jen'₅₄ Jmei₂ jme₂jein'₅₄ 'lag₄, cuë₂₃ jme₂dsi₂ a₂le₃chain₂, já₃n₃ bá₄ le₂jaun₂ cuë₅ Ja₁ñi'₅₄ jme₂dsi₂ cuë'₅ jui₁lia'₂ i₂'nio₃ cuë'₃. 22 Já₃n₃ guë'₂, tsá₃ con₂ Jmei₂ 'í₁ quió'₅ 'i₁jan₂; o₄gú₃ Ja₁ñi'₅₄ bá₄ ma₂dsia₃ ca₂le₃jě₃ 'éi'₃ a₂con₂ 'í₁, 23 ia₁jaun₂ jme₃go₃ ca₂le₃jín₃ dsa₂ jme₃gain₃ Ja₁ñi'₅₄, jui₁lia'₂ jme₂gain₃ Jmei₂. Jui₁lia'₂ i₂tsá₃ jme₂gan₃ Ja₁ñi'₅₄, tsá₃ jme₂gain₃ Jmei₂ i₂ca₂chei₃.

24 'A₂dsi₂jó'₃ juíg₂ jniá₂ 'nia'₂: jui₁lia'₂ i₂nag₅ i₂tón'₂ jui₅ jág₁ quió₃, ton'₂ 'éin₂ tē₂le₃ quió'₅ i₂ca₂chei₃, le₃chain₂ bá₄ co₂tan₅₄. Tsá₃ 'í₁ jióg'₂ ja₁coin₂, ia₁ ma₂ca₂ñi₅ ne₄ 'mú₃, ma₂ca₂dsióg₃ ja₁le₃chain₂ co₂tan₅₄. 25 A₂dsi₂jó'₃ juíg₂ jniá₂ 'nia'₂, já₅ jmi₄g₄ ton'₂ ma₂tē₂ dsón'₂, jē₁ma₂tē₂ rē₂nag₃ 'lag₄ jág₁ quió'₅ Ja₁ñi'₅₄ Diú₄. Jui₁lia'₂ i₂ne'₅₄ ně₃, le₃chain₂ bá₄. 26 Ia₁ jui₁lia'₂ 'io₅ bí₂ Jmei₂ a₂le₃chain₂ 'ñiog₅, já₃n₃ bá₄ le₂nē₅ ma₂cuë'₃ Ja₁ñi'₅₄ jui₅bí₂ a₂le₃chain₂ 'ñiog₅. 27 Já₃n₃ bá₄ ma₂cuë₃ jui₅bí₂ a₂con₂ 'í₁ qui₃dsi₂₃ 'éi'₃, ia₁ lín₅ Jaun₅ dsa₂ mi₂güí₃. 28 Tsá₃ lē₁jui₁dsi₂gó'₃ 'au'₂ 'nia'₂ jág₁ a₂nē₂juá'₃ jniá₂ la₂, ia₁ já₅ hora a₂nag₃ ca₂le₃jín₃ dsa₂ i₂le₁'on₅ tau₂ 'ñio₅, jág₁ quió'₅, 29 jaun₂ 'uín₃ ja₁jaun₂. Jui₁lia'₂ i₂ca₂jmo₃ a₂dsi₂ten₅₄, jein'₅₄ a₂dsi₂lein₅ ja₁le₃chain₂ co₂tan₅₄; la₁ia₁ jui₁lia'₂ i₂ca₂jmo₃ a₂'lig'₅₄, jein'₅₄ a₂tē₃dsi₅₄ 'éi'₃ ja₁coin₂.

Jau'₂ 'í₁ a₂dsón'₂ 'io₅ Jesús bí₂

30 'Tsá₃ 'e₂ lé₂ le₃jmo₅₄ jniá₂ jua'₅₄ a₂jmo₅₄ con'₂ tñng₂ 'ñio₃. Qui₂dsi₂ jniá₂ 'éi'₃ lia'₂ con'₂ lē₅ jág₁ a₂nég'₄ ja₁con₂ Ne'₃, jaun₂ dsi₂ten₅₄ bá₄ 'éi'₃ a₂qui₂dsi₂ jniá₂, ia₁ tsá₃ a₂jaun₂ jmo₅ jniá₂ lia'₂ con'₂ lē₅ a₂'ñio₂ dsi₃ 'ñio₃; a₂jaun₂ bá₄ jmo₅ jniá₂ lia'₂ con'₂ lē₅ a₂'ñio₂ dsi₅ 'éi₂ i₂ca₂chei₃ jniá₂. 31 Nē₁jua'₂ jáng'₅ jniá₂ jág₁ dsau₅ ja₁cong₂ 'ñio₃, jág₁ jaun₂ a₂jáng'₅, tsá₃ quen₅. 32 La₁ia₁ chan₂ guë₄ jan₂ i₂sián'₂ i₂jáng'₅ jág₁ dsau₅ tē₂le₃ quió₃ jniá₂, jaun₂ guion₄ jniá₂ jui₁lia'₂ a₂juá'₂ 'éi₂ 'ag₂₃ jniá₂, tí₅ bá₄ jág₁ a₂jáng'₅. 33 Ca₂chen'₂ 'nia'₂ dsa₂ a₂ca₂i₁ñag₁₂ ne₄ Juan₅₄, jaun₂ dsón'₂ tí₅ bá₄ jág₁ dsau₅ a₂ca₂jáng'₃ 'éi₂. 34 La₁ia₁ on₃jua'₅₄ jaun₂ chén'₅ jniá₂ rē₂ ia₁ a₂jáng'₅ dsa₂ mi₂güí₃ jág₁ dsau₅ tē₂le₃ quió₃ jniá₂; a₂jaun₂ bá₄ juíg₂ jniá₂ 'nia'₂ jág₁ la₂ ia₁jaun₂ lé₂ le₃lión'₂ 'nia'₂. 35 Jme₁lín₄ Juan₅₄ nē₂jag₄ caun₂ si₂ ni₁tsí₅ a₂cau₂ a₂tág₅. Jaun₂ 'nia'₂ ně₃, jme₁ma₂'éi'₂ caun₂ 'au'₂ a₂jmo'₂ co₂'na₂ 'io'₂ ja₁tág₅ si₂ quió'₅. 36 La₁ia₁ jniá₂ ně₃, 'ñio₅₄ jan₂ i₂jáng'₅ jág₁ dsau₅ i₂juin'₂ guë₄ lia'₂ con'₂ guë₄ Juan₅₄. Ia₁ jui₁lia'₂ léi₄ a₂jmo₅ jniá₂, a₂jaun₂ ca₂cuë₃ Ne'₃ a₂jmo₅₄. A₂jaun₂ bá₄ jáng'₅ jág₁ dsau₅ a₂dsón'₂ bá₄ ca₂chei₃ Ne'₃. 37 Já₃n₃ bá₄ le₂jaun₂, 'ñiog₅ bá₄ Ne'₃ jniá₂ i₂ca₂chei₃, jáng'₅ 'éi₂ jág₁ dsau₅ tē₂le₃ quió₃ jniá₂. 'Nia'₂ ně₃, lia'₂ 'i₁cón'₂ tsá₃ ma₂nei'₂ 'nia'₂ jág₁ quió'₅, on₃ guë'₂ ma₂jin'₅₄ 'nia'₂ 'a₂ lia'₂ lín₅, 38 on₃ guë'₂ ma₂tē₂gua₁ jág₁ quió'₅ tē₂'au'₂, ia₁ tsá₃ 'én'₂ 'nia'₂ tē₂le₃ quió'₅ 'ñiog₅ i₂ca₂chein₃. 39 A₂'í'₂ 'nia'₂ Si₂ quió'₅ Diú₄ ca₂lia'₂ dsen₅₄ 'au'₂, ia₁ lín'₂ 'nia'₂ a₂le₃chan₂ 'nia'₂ co₂tan₅₄ tē₂le₃ quián'₅₄ Si₂ jaun₂. Si₂ jaun₂ bá₄ jáng'₅ jág₁ dsau₅ 'ag₂₃ jniá₂. 40 Jaun₂ 'nia'₂ ně₃, tsá₃ 'niog'₂ i₁nóg'₅ ne₃ jniá₂ ia₁jaun₂ le₃chan'₂ 'nia'₂.

41 'Tsá₃ gue₅ jniá₂ a₂jme₂juag'₂ dsa₂ mi₂güí₃. 42 La₁ cuín₅ jniá₂ 'nia'₂, jaun₂ guion₄ jniá₂ a₂tsá₃ jaun₂ le₁'i₁ tē₂'au'₂ 'nia'₂ a₂niog₅ dsí₅ Diú₄ a₂'nioi₃ 'nia'₂. 43 O₄quió'₄ Ne'₃ bá₄ jniá₂ guio₃, 'nia'₂ guë'₂ tsá₃ guéi'₅ jniá₂; la₁ia₁ nē₁jua'₂ ca₂já₃ jan₂ o₄quió'₄ 'ñiog₅, i₂'éi₂ bá₄ guén'₄ 'nia'₂. 44 ¿'A₂ lia'₂ lé₂ le₃'én'₂ 'nia'₂, chi₂jua'₂ jaun₂ 'náu'₂ a₂tíong'₂ rē₂ quiang'₅₄ ríng'₂, tsá₃ guë'₂ 'náu'₂ 'nia'₂ a₂qui₁náu'₂ rē₂ quiang'₅₄ Diú₄? 45 Tsá₃ o₁len'₂ 'nia'₂ jua'₅₄ a₂'nág₄ jniá₂ ne₄ Ne'₃; chan₂ jan₂ i₂'nag₅: Moisés bá₄ 'éi₂. Le₃quió'₅ 'éi₂ bá₄ 'ín₂ 'au'₂ 'nia'₂. 46 Ia₁ jua'₅₄ mei'₂ guë₃ ca₂rē₃'éng'₂ jág₁ quió'₅ Moisés, já₃n₃ bá₄ le₂jaun₂ jme₁le₃'éng'₂ jág₁ quió₃, ia₁ jniá₂ bá₄ ca₂'ag₃ Moisés ne₄ Si₂. 47 La₁ chi₂jua'₂ tsá₃ 'én'₂ guë'₂ 'nia'₂ jág₁ a₂ca₂tó'₂ 'éi₂ ne₄ Si₂, ¿'a₂ guë'₂ lia'₂ lé₂ le₃'én'₂ 'nia'₂ jág₁ a₂juá'₅ jniá₂?

6

Ca₂η₃' Jesús 'ñiá₂ mei₅ dsa₂

(Mateo 14:13-21; Marcos 6:30-44; Lucas 9:10-17)

¹ Cang₂ jaun₂ ca₂η₃ Jesús tē₂le₃ quióng₄ ca₂taun₂ jmi₁η₁'₄ Galilea, (a₂chei₂ jmi₁η₁'₄ Tiberias). ² Jaun₂ ca₂l₃lén₂ juin₅ lin₃ dsa₂ chi₁co'₅₄ quió'₅, ia₁ ma₂jág₃ léi₄ juē'₂ a₂ma₂jmo₃, a₂qui₂ma₂ca₂jme₂'lióin₂ dsa₂ i₂jme₁le₁dso'₅₄. ³ Jaun₂ ně₃ ca₂uíg₂ Jesús caun₂ má'₂, jaun₂ ca₂guá₂ ja₁jaun₂ quiain'₅₄ chi'₂ dsi₂guia₃-tín₂ quiáin₅.

⁴ Jmig₄ jaun₂, jme₁ma₂ja₂quián₃ Jmig₄ Tē₂'in₅₄, co₂'nió'₄ jmig₄ quió'₅ dsa₂ judíos.

⁵ Jme₁ca₂jág₃ Jesús ca₂jín₂ juin₅ lin₃ dsa₂ i₂ja₂lén₂, jaun₂ ca₂juá'₂ ca₂tsí'₃ Felipe:

—¿A₂já'₄ dsi₁liá'₄ má₃ a₂gué'₃ ca₂le₃jín₃ dsa₂ ně₅?

⁶ A₂jaun₂ bá₄ ca₂juá'₂ Jesús le₂ně₅ o₁ne₄ 'e₂ jme₁ηag₃ Fe₂li₄, ia₁ jme₁ma₂ηi₅ rē₂ bá₄ Jesús 'ηiog₅ 'e₂ a₂jmo₃.

⁷ Jaun₂ ně₃ ca₂ηag₃ Fe₂li₄:

—Tín₃ 'ñiá₂-láu₂ denario i₁η₁'₄ tsá₃ len₅ bá₄ gué₄ a₂ηe₂ jma₃ca₂juig₄ le₂jan₂ le₂jan₂ dsa₂.

⁸ Jaun₂ ně₃ ca₂ηag₃ gué₄ jan₂ chi'₂ dsi₂guia₃-tín₂ quián₅ Jesús, i₂jme₁chen₂ Drě₄ rin'₅₄ Si₂mu₅₄ Pe₄:

⁹ —Jē₄ la₂ 'en₅₄ jan₂ i₂bē'₅₄ i₂quian₅ 'ñiá₂ i₁η₁'₄ cebada, quian'₅₄ guē'₂ on₃ ju₄; la₁ia₁, ¿'e₂ bá₄ cha₂ 'e₂ jaun₂, ja₁con₂ dsa₂ juin₅ le₂ně₅?

¹⁰ Jaun₂ ně₃ ca₂juá'₂ Jesús:

—Chei'₅₄ dsa₂ ca₂le₃jín₃ jui₁tiain'₂₃.

'Lióng₂ ηi₂ma'₂ jme₁cha₂ ja₁jaun₂, jaun₂ ca₂tián'₂ dsa₂ ηe'₂, i₂jme₁lē₂ con'₂ 'ñiá₂ mei₅ dsa₂.

¹¹ Jaun₂ ně₃ ca₂can₃ Jesús i₁η₁'₄, jaun₂ jme₁ma₂ně₂cuē'₃ ti₁'mag'₄ Diú₄, qui₂ca₂dsi₁'₃ ca₂cuē'₃ ca₂le₃jín₃ dsa₂ i₂jme₁tián'₄ ja₁jaun₂. * Ján₃ bá₄ le₂jaun₂ ca₂jmo₃ quian'₅₄ dsi₂ju₄ 'éi₂, ca₂cuē'₃ ca₂le₃jín₃ dsa₂ 'a₂ con'₂ jñia'₅₄ 'nio₃.

¹² Jaun₂ jme₁ma₂lí'₃ dsa₂ guē'₅, ca₂juá'₂ Jesús ca₂tsí'₃ chi'₂ dsi₂guia₃-tín₂:

—Cag'₅₄ 'nia'₂ ni₁jne₁ i₁η₁'₄ a₂ca₂chóng₃, ia₁jaun₂ tsá₃ 'e₂ dsi₃'én₂.

¹³ Jaun₂ ca₂cág'₃, jaun₂ ca₂jme₃cain'₂ guia₃-tín₂ tsi₁mi'₂ tá₂, quian'₅₄ ni₁jne₁ a₂ca₂chóng₃ a₂'ñiá₂ i₁η₁'₄ cebada jaun₂.

¹⁴ Jaun₂ ně₃, jme₁ca₂jág₃ dsa₂ léi₄ a₂ca₂jmo₃ Jesús, ca₂juá'₂:

—Dsón'₂ bá₄ lín₅ dsa₂ ně₅ dsa₂ i₂'ě₂ jág₁ quián₅ Diú₄, i₂lē₅ jág₁ jiá₃ mi₂güig₃.

¹⁵ La₁ ca₂rě₃lí'₄ bá₄ Jesús a₂'nio₃ dsa₂ jme₁tē₂ tion₅₄, a₂jme₁jmói'₂ 'éi₂ rag₅₄, jaun₂ ca₂ñái'₃ bá₄ táng₃ ca₂'í₃ má'₂ con'₂ 'ηiog₅.

Ca₂η₃ Jesús ne₄ jmig₂ jmi₁η₁'₄

(Mateo 14:22-27; Marcos 6:45-52)

¹⁶ Jme₁ca₂nei₂ jaun₂, ca₂sión₃ chi'₂ dsi₂guia₃-tín₂ quiáin₅ ca₂tē₂ jmi₁η₁'₄.

¹⁷ Jaun₂ ca₂tóin'₂ 'ñi₁'₃ caun₂ tsi₁mu₅, jaun₂ ca₂jme₃lióg₃ ca₂'ain₃ jmi₁η₁'₄ a₂dsi₃lén₂ Capernaum. Jme₁ma₂tó'₂ nei₂ bá₄ jaun₂, tsá₃ jme₁ma₂quiong'₅₄ bá₄ gué₄ Jesús.

¹⁸ Jaun₂ ca₂rě₃lióg₃ ca₂'ág₂ dsi₂ tiá₂ lin₃, jaun₂ qui₂ca₂ron'₂ jmi₁η₁'₄.

¹⁹ Jme₁ma₂'ain₂ con'₂ 'ñiá₂-jñéi₂ kilómetros, jaun₂ ca₂jág₃ a₂ja₂quián₃ Jesús cau₅ tsi₁mu₅, a₂ηi₂₃ ne₄ jmig₂; jaun₂ ca₂rě₃g₃'₅ 'ηio₅ lin₃.

²⁰ La₁ia₁ ca₂juá'₂ Jesús:

—jñiá₂ bá₄ la₂; tsá₃ lē₁jmo₂ 'nia'₂ gang'₃!

²¹ Jaun₂ ně₃ ca₂lia'₂ 'io'₂ jén'₅ bá₄ ca₂guein₃† Jesús 'ñi₁'₃ tsi₁mu₅, jaun₂ quian'₅₄

* **6:11** A₂lin₅₄ chog₅₄ si₂ a₂me'₂ gué₄ juá'₂: “jme₁ma₂ně₂cuē'₃ ti₁'mag'₄ Diú₄, jaun₂ ca₂cuē'₃ chi'₂ dsi₂guia₃-tín₂, jaun₂ chi'₂ dsi₂guia₃-tín₂ ně₃ qui₂ca₂dsi₁'₃ ca₂cuē'₃ ca₂le₃jín₃ dsa₂.” † **6:21** o₃, “jme₁guein₃.”

ca₂tiá₂ co₂lág₂ bá₄ ca₂dsiléin₂ chei' ₅₄ 'uë₃ ja₁jme₁tioin' ₅₄ juí₅ i₃léin₂.

'Nau' ₂ dsa₂ 'nai' ₂ Jesús

²² Jme₁ca₂jnia₃ jaun₂, ca₂rë₃lí₄ dsa₂ i₂të₁'ñiá₄ të₂le₃ quióng₄ ca₂taun₂ jmi₁ñí₄, a₂jme₁chí₄ caun₂ tan₅₄ tsí₁mu₅ ja₁jaun₂, ton' ₂ tsá₃ ca₂'í₃ Jesús 'ñió'₃ jaun₂ quiain'₅₄ chi' ₂ dsi₂guia₃-tín₂; guion₅₄ bá₄ chi' ₂ dsi₂guia₃-tín₂ i₃léin₂.

²³ La₁ të₁lia' ₂ jaun₂, o₃lé₂ tsí₁mu₅ siá'₂ a₂ja₂lei₃ juí₂ Tiberias, ca₂o₃lé₂ quián₅ ja₁ca₂guë'₃ i₁ñí'₄ le₂jñiá₅ jme₁ca₂lë₃ cuë'₅ Te₁gui' ₅₄ ti₁'mag' ₄ Diú.[‡]

²⁴ Jaun₂ në₃, jme₁ca₂rë₃lí₄ dsa₂ a₂tsá₃ Jesús chan₂ ja₁jaun₂, on₃ guë'₂ chi' ₂ dsi₂guia₃-tín₂ quián₅, ca₂l₃toin' ₅₄ 'ñió'₃ tsí₁mu₅, ca₂l₃léin₂ juí₅ Capernaum ca₂i₁'niog' ₂.

Jesús bá₄ lín₅ i₁ñí'₄ a₂le₃chan₂ dsa₂ co₂tan₅₄

²⁵ Jme₁ca₂dsiléin₂ dsa₂ të₂le₃ quióng₄ ca₂taun₂ jmi₁ñí'₄, ca₂dsáin' ₂ Jesús, jaun₂ ca₂ñag₃:

—Të₅, ¿líg' ₂ quang' ₃ ja₁lá₃?

²⁶ La₁ia₁ ca₂ñag₃ Jesús ca₂tsí'₃ dsa₂ 'éi₂:

—A₂dsi₂jó' ₃ juí₂ jniá₂ 'nia'₂, a₂'nau' ₂ jniá₂ i₂niog' ₅₄, ia₁ ca₂qué' ₂ 'nia'₂ lia' ₂ 'ág'₃ 'au' ₂ i₁ñí'₄, on₃jua' ₅₄ rë' ₂ ia₁ a₂ca₂rë₃ñí' ₂ 'nia'₂ léi₄ jaun₂. ²⁷ Tsá₃ lë₁jmo₂ 'nia'₂ ta₁ o₄quió' ₄ má₃ a₂jñia' ₅₄ con' ₂ dsi₃'én₂, të₂le₃ o₄quió' ₄ má₃ a₂jio₅ co₂tan₅₄ bá₄ jmo₄ 'nia'₂ ta₁, a₂cuë' ₅ Jaun₅ dsa₂ mi₂güí₃. Ia₁ ne₄ 'éi₂ ma₂tióng₃ 'ñiog₅ bá₄ Diú₄ Jmei₂ léi₄ quió' ₅.

²⁸ Jaun₂ në₃ ca₂ñag₃ dsa₂:

—¿'E₂ 'nió'₅ jmó₁ jnia' ₅₄ ia₁jaun₂ lé₂ le₃jmó₁ jnia' ₅₄ ta₁ a₂'nio₃ Diú₄ jmó₁?

²⁹ Jaun₂ ca₂ñag₃ Jesús:

—A₂la₂ bá₄ ta₁ quió' ₅ Diú₄: a₂le₃'én' ₂ 'nia'₂ të₂le₃ quió' ₅ i₂chen₄ quián₅.

³⁰ Jaun₂ në₃ ca₂ñag₃ dsa₂:

—¿'E₂ léi₄ lé₂ le₃'é' ₂ jnia' ₅₄, ia₁jaun₂ jag₅₄ jnia' ₅₄ jaun₂ le₃'éin₂ jnia' ₅₄ quiáng' ₂? ¿'E₂ léi₄ jmó' ₂? ³¹ Dsa₂ can' ₅₄ quián₂ jnia' ₅₄ ma₂líg' ₂, ca₂guë' ₃ i₁ñí'₄ maná, lia' ₂ con' ₂ jme₁tioin' ₅₄ 'uë₃ quein₂ co₂'ñiog₅ jaun₂, juí₁lia' ₂ juá' ₂ ne₄ Si₂ quió' ₅ Diú₄: “Ca₂cuë' ₃ Moisés ca₂guë' ₃ 'éi₂ i₁ñí'₄ a₂ca₂já₃ guei' ₅₄ i₂juí₃.” §

³² Jaun₂ ca₂ñag₃ Jesús:

—A₂dsi₂jó' ₃ juí₂ jniá₂ 'nia'₂: on₃jua' ₅₄ Moisés i₂ca₂cuë' ₃ i₁ñí'₄ a₂já₅ guei' ₅₄ i₂juí₃; Ne' ₃ bá₄ jniá₂ i₂cuë' ₅ 'nia'₂ i₁ñí'₄ të₃dsón' ₂ a₂já₅ guei' ₅₄ i₂juí₃. ³³ Ia₁ juí₁lia' ₂ i₁ñí'₄ a₂já₅ ja₁con₂ Diú₄, i₂'éi₂ bá₄ lín₅, i₂ca₂sión₃ guei' ₅₄ i₂juí₃, i₂jmo₅ a₂le₃chan₂ dsa₂ co₂tan₅₄.

³⁴ Jaun₂ në₃ ca₂juá' ₂ dsa₂ ca₂tsí'₃ Jesús:

—Te₁gui' ₅₄, cuë' ₄ lia' ₂ o₂jmi₄ i₁ñí'₄ a₂'ë' ₂ 'ne₂ në₅.

³⁵ Jaun₂ ca₂juá' ₂ Jesús:

—Jniá₂ bá₄ lín₅ i₁ñí'₄ a₂jmo₅ a₂le₃chan₂ dsa₂. Juí₁lia' ₂ i₂ja₂ ja₁con₂ jniá₂, lia' ₂ o₁líg' ₂ jmi₄ tsá₃ ma₃lé₂ i₁cón' ₅; ján₃ bá₄ le₂jaun₂ juí₁lia' ₂ i₂'én₂ të₂le₃ quió₃ jniá₂, lia' ₂ o₁líg' ₂ jmi₄ tsá₃ ma₃le₃quein₂ dsí₅. ³⁶ La₁ juí₁lia' ₂ ma₂në₂juí₂ jniá₂ 'nia'₂, tsá₃ 'én' ₂ 'nia'₂ o₁jñia' ₅₄ ma₂në₂jag' ₅₄ 'nia'₂ jniá₂. ³⁷ Ca₂le₃jín₃ juí₁lia' ₂ dsa₂ i₂cuin₅ Ne' ₃ cui₂₃ jniá₂, ja₃léin₂ ja₁con₂ jniá₂; jaun₂ juí₁lia' ₂ i₂ja₂ ja₁con₂ jniá₂, lia' ₂ o₁'e₂ guë' ₃ tsá₃ dséin₄ jniá₂. ³⁸ Ia₁ on₃jua' ₅₄ jaun₂ guio₃ jniá₂ ca₂sióng₃ guei' ₅₄ i₂juí₃ jua' ₅₄ a₂jmo₅₄ a₂'ñio₂ dsí₃ 'ñió₃; a₂jaun₂ bá₄ guio₃ a₂jmo₅₄ a₂'ñio₂ dsí₅ i₂ca₂chei₃. ³⁹ A₂la₂ bá₄ a₂'ñio₂ dsí₅ i₂ca₂chei₃: a₂tsá₃ qui₂dsi₃cón' ₅ 'i₁jan₂ i₂ma₂cuin₃ 'éi₂ jniá₂,

‡ 6:23 A₂lín₅₄ chog₅₄ si₂ tsá₃, chi₁,ton₅, “jme₁ca₂lë₃ cuë' ₅ Te₁gui' ₅₄ ti₁'mag' ₄ Diú₄.”

§ 6:31 Éxodo 16:4;

Nehemías 9:15; Salmo 78:24-25.

tē₂le₃ a₂jme₁jei_n'₅₄ bá₄ jniá₂ jmi_g₄ jē₁ca₂tó'₂. ⁴⁰ A₂la₂ bá₄ a₂'ñio₂ dsí₅ Ñe'₃: jui₁lia'₂ ca₂le₃jín₃ i₂jín₂ Ja₁ñi'₅₄ ton'₂ 'éin₂ tē₂le₃ quió'₅, jui₁le₂chain₂ co₂tan₅₄, jaun₂ jniá₂ nē₃ jme₁jei_n'₅₄ jmi_g₄ jē₁ca₂tó'₂.

⁴¹ Quian'₅₄ jág₁ nē₅ ca₂jme₁lióg₃ dsa₂ judíos qui₂ca₂dsia₃ guioin₅₄, ca₂chi₃'iin₃ Jesús ia₁ jme₁ma₂nē₂juá'₂: “Jniá₂ bá₄ líng₅ i₁ñí'₄ i₂ca₂sión₃ guei'₅₄ i₂juíg₃.”

⁴² Jaun₂ ca₂juá'₂:

—¿On₃jua'₅₄ i₂nē₅ Jesús ja₁ñi'₅₄ Sē₄? I₂cuin₅ bá₄ jniog₄ chog₅₄-jmei₂ i₂nē₅. ¿'A₂ guē'₂ lia'₂ juá'₂ a₂ca₂sióin₃ guei'₅₄ i₂juíg₃?

⁴³ Jaun₂ nē₃ ca₂juá'₂ Jesús:

—Tsá₃ lē₁ma₃chi₂'ág₅ 'nia'₂. ⁴⁴ Lia'₂ 'i₁jan₂ tsá₃ lé₂ jiá₃ ja₁con₂ jniá₂, jua'₅₄ tsá₃ o₂jio₃ Ñe'₃ i₂ca₂chei₃; jaun₂ jniá₂ jme₁jei_n'₅₄ jmi_g₄ jē₁ca₂tó'₂. ⁴⁵ Le₂la₂ ca₂tó'₂ ne₄ Si₂ dsa₂ i₂jme₁'ē₂ jág₁ o₄quió'₄ Diú₄: “Diú₄ bá₄ jme₃tag₅ jme₃tin₂₃ ca₂le₃jín₃ dsa₂.”* Jaun₂ ca₂le₃jín₃ jui₁lia'₂ i₂nag₅ jág₁ quió'₅ Ñe'₃, ton'₂ qui₂rē₂tin₂ 'e₂ a₂jmo₅ 'éi₂, ja₃léin₂ bá₄ ja₁con₂ jniá₂. ⁴⁶ On₃jua'₅₄ rē'₂ ia₁ 'ein₂ ma₂jín₂ Jmei₂. Jnia'₅₄ lia'₂ i₂ca₂já₃ ja₁con₂ Diú₄; i₂'éi₂ bá₄ ma₂jín₂ Jmei₂. ⁴⁷ A₂dsón'₂ juíg₂ jniá₂ 'nia'₂, jui₁lia'₂ i₂'én₂,† le₃chain₂ co₂tan₅₄. ⁴⁸ Jniá₂ bá₄ líng₅ i₁ñí'₄ a₂jmo₅ a₂le₃chan₂ dsa₂. ⁴⁹ Qui₂ca₂gué'₃ dsa₂ can'₅₄ quián'₂ 'nia'₂ i₁ñí'₄ maná, lia'₂ con'₂ jme₁tioin₅₄ 'uē₃ quein₂ co₂'ñiog₅ jaun₂, la₁ ca₂dsain₃ bá₄. ⁵⁰ A₂la₂ bá₄ lē₅ i₁ñí'₄ a₂ca₂sió₃ guei'₅₄ i₂juíg₃ ia₁jaun₂ nē₁jua'₂ 'ein₂ ca₂gué'₃, tsá₃ dsiáin₃. ⁵¹ Jniá₂ bá₄ líng₅ i₁ñí'₄ jén'₃ i₂ca₂sión₃ guei'₅₄ i₂juíg₃ jaun₂; jui₁lia'₂ i₂gué'₅ i₁ñí'₄ la₂, le₃chain₂ co₂tan₅₄. I₁ñí'₄ jui₁lia'₂ a₂juá'₅ jniá₂ cuē₅₄, ni₁ñi₃ 'ñi₃ bá₄ jniá₂ 'ē₂₃, a₂jáng'₄ jniá₂ ia₁jaun₂ le₃chan₂ dsa₂ mi₂güí₃.

⁵² Jaun₂ nē₃ qui₂ca₂chen₃ dsa₂ judíos guioin₅₄, a₂juá'₂:

—¿'A₂ lia'₂ lé₂ le₃cuē₃ i₂nē₅ ñi₅₄ 'ñiog₅ a₂que₅₄ jniog₄?

⁵³ Jaun₂ ca₂juá'₂ Jesús:

—A₂dsi₂jó'₃ juíg₂ jniá₂ 'nia'₂, nē₁jua'₂ tsá₃ ca₂qué'₂ 'nia'₂ ñi₄ Jaun₅ dsa₂ mi₂güí₃, nē₁jua'₂ tsá₃ ca₂'én₂ 'nia'₂ jmi₂ 'ain₅₄ nē₃, tsá₃ jén'₃ 'nia'₂ tē₂lia'₂ chang'₂.

⁵⁴ Jui₁lia'₂ i₂gué'₅ ñi₃ jniá₂, ton'₂ 'ín₂ jmi₃ jniá₂ nē₃, le₃chain₂ bá₄ co₂tan₅₄; jaun₂ jniá₂ jme₁jei_n'₅₄ jmi_g₄ jē₁ca₂tó'₂. ⁵⁵ Ia₁ ni₁ñi₃ jniá₂ bá₄ lē₅ má₃ a₂tí₅ dsón'₂; ján₃ bá₄ le₂jaun₂ jmi₃ jniá₂ lē₅ jmi_g₂ a₂'ág'₃ dsí₅ tē₃dsón'₂. ⁵⁶ Jui₁lia'₂ i₂gué'₅ ñi₃ jniá₂, ton'₂ 'ín₂ jmi₃ jniá₂ nē₃, tē₂'ñiai₅₄ le₃quió₃ jniá₂; jniá₂ guē'₂ le₃quió'₅ 'éi₂. ⁵⁷ Jui₁lia'₂ ca₂chei₃ Ñe'₃ jén'₃ ca₂chei₃ jniá₂, jaun₂ chan₂ jniá₂ 'uig₅₄ quió'₅ 'éi₂, ján₃ bá₄ le₂jaun₂, jui₁lia'₂ i₂gué'₅ quió₃ jniá₂, le₃chain₂ 'uig₅₄ quió₃ jniá₂. ⁵⁸ A₂la₂ bá₄ 'ē₂₃ i₁ñí'₄ i₂ca₂sión₃ guei'₅₄ i₂juíg₃. Qui₂ca₂gué'₃ dsa₂ can'₅₄ quián'₂ 'nia'₂ i₁ñí'₄ maná, la₁ ca₂dsain₃; la₁ jui₁lia'₂ i₂gué'₅ i₁ñí'₄ la₂, le₃chain₂ bá₄ co₂tan₅₄.

⁵⁹ Jág₁ nē₅ ca₂juá'₂ Jesús tē₁lia'₂ ca₂jme₃tag₂₃ dsi₂néi₂ guá'₅ sinagoga jē₄ juíg₂ Capernaum.

Jág₁ a₂le₃chan₂ dsa₂ co₂tan₅₄

⁶⁰ Jme₁ca₂nág₂ dsa₂ jág₁ jaun₂ a₂jme₂tag₅ Jesús, juin₅ dsa₂ i₂quian'₅₄ Jesús ca₂juá'₂:

—Jág₁ a₂juá'₂ nē₅ 'ñio₅ lin₃ juí'₅, quian₅ ta₁ guéi₁. ¿'Ein₂ bá₄ lé₂ le₃tón'₂ juí₅ quió'₅?

⁶¹ Jaun₂ nē₃ ca₂rē₃lí'₄ Jesús 'e₂ jág₁ chen₅ dsa₂ tioin'₅₄, o₄quió'₄ jág₁ jaun₂, jaun₂ ca₂juá'₂:

—¿O₃ bá₄ tsá₃ dse₃ ca₂tín'₂ 'nia'₂ jág₁ nē₅? ⁶² ¿'E₂ bá₄ lé₂ jaun₂ nē₁jua'₂ ca₂jing'₅₄ 'nia'₂ Jaun₅ dsa₂ mi₂güí₃ a₂uíg₂ táng₃ ja₁jme₁'ein₅₄ le₂jniá₅? ⁶³ Jme₂dsí₂ bá₄

* **6:45** Isaías 54:13. † **6:47** A₂lin₅₄ chog₅₄ si₂ juá'₂: “i₂'én₂ tē₂le₃ quió', jniá₂.”

i₂jmo₅ a₂chan₂ dsa₂; jui₁lia'₂ ni₁ŋi₁ dsa₂ ně₃, tsá₃ ta₁ tí₄. La₁ jág₁ a₂ma₂ně₂juíg₂ jniá₂ 'nia'₂, a₂gu₂dsí₂ bá₄ jaun₂, ton'₂ jmo₅ a₂chan₂ dsa₂. ⁶⁴La₁ tion'₅₄ bá₄ guě₄ i₂lin₅₄ 'nia'₂ i₂tsá₃ 'én₂.

Ia₁ jme₁ma₂ŋi₅ bá₄ Jesús lia'₂ con'₂ le₂'uig₅₄ i₂'ein₂ 'éi₂ tsá₃ 'én₂, i₂'ein₂ guě'₂ i₂jáng'₂ cang₂.

⁶⁵Jaun₂ ca₂juá'₂:

—'Uig₅₄ jaun₂ ma₂ně₂juíg₂ jniá₂ 'nia'₂, lia'₂ 'i₁jan₂ tsá₃ lé₂ jiá₃ ja₁con₂ jniá₂ jua'₅₄ tsá₃ o₂jio₃ ŋe'₃.

⁶⁶Ca₂le₃jaun₂, juin₅ dsa₂ i₂jme₁i₂nio₄ quiain'₅₄ Jesús ca₂i₃uíin₂ cau₅, tsá₃ ma₃jme₁i₂nio₅₄ quiain'₅₄ 'éi₂.

⁶⁷Jaun₂ ně₃ ca₂ŋag₃ Jesús ca₂ŋí'₃ chi'₂ dsi₂guia₃-tín₂:

—¿O₃ bá₄ 'niog'₂ 'nia'₂ o₁nog'₁ ján₃?

⁶⁸La₁ ca₂ŋag₃ Si₂mu₅₄ Pe₄:

—Te₁gui'₅₄, ¿ne₄ 'ein₂ lé₂ dsi₁náú₄ jnia'₅₄? Ia₁ 'ne₂ bá₄ 'au'₂ jág₁ a₂le₃chong₂ jnia'₅₄ co₂tan₅₄. ⁶⁹Ma₂ca₂rě₃'éin₂ bá₄ jnia'₅₄, jaun₂ ne₄ jnia'₅₄, 'ne₂ bá₄ líng'₅ I₂ŋi₅ quián₅ Diú₄.‡

⁷⁰Jaun₂ ca₂ŋag₃ Jesús:

—¿On₁jua'₅₄ jniá₂ ca₂quiong'₅₄ 'nia'₂ ta₁guia₃-tín'₂? La₁ia₁, jan₂ i₂'en₅₄ jě₄ quián'₂ 'nia'₂ lín₅ i₂'lín'₅₄.

⁷¹(A₂ca₂juá'₂ Jesús le₂ně₅ a₂'iin₂₃ Judas bá₄, ja₁ŋi'₅₄ Si₂mu₅₄ Iscariote,§ ia₁ Judas bá₄ i₂jáng'₂ quió'₅, o₁ŋia'₅₄ lín₅ jan₂ dsa₂ guia₃-tín₂.)

7

Tsá₃ 'én₂ rin'₅₄ Jesús jág₁ quió'₅

¹Cang₂ jaun₂, ca₂ŋi₃ Jesús 'uě₃ Galilea; a₂tsá₃ 'nio₃ dsi₃ŋí₃ jě₄ 'uě₃ Judea, ia₁ ja₁jaun₂ jme₁'nio₃ dsa₂ judíos jŋag'₃.

²La₁ia₁ jme₁ma₂ja₂quián₃ Jmíg₄ quió'₅ Tsi'₁io₅ Láu₃, jmíg₄ quió'₅ dsa₂ judíos, ³jaun₂ ca₂juá'₂ rin'₅₄ Jesús:

—Tsá₃ lě₁jan₁ ja₁lá₃; gua₂ jui₅ Judea, ia₁jaun₂ jág₃ dsa₂ i₂quiang'₅₄ léi₄ a₂jmo'₂.

⁴Ia₁ jui₁lia'₂ i₂'nio₃ a₂le₃cui₅ dsa₂ quió'₅, tsá₃ jmo₂₃ jui₁lia'₂ a₂tín₂₃ jě₄ chi₁'ma₁. Chi₂jua'₂ dsón'₂ jmo'₂ léi₄ le₂ně₅, jmo₄ tě₃ jág₅ dsa₂ juin₅.

⁵Ia₁ ca₂lia'₂ jŋia'₅₄ rin'₅₄ bá₄ Jesús tsá₃ jme₁'éin₂ le₃quió'₅.

⁶Jaun₂ ně₃, ca₂juá'₂ Jesús ca₂tsí'₃ riin'₅₄:

—Tsá₃ ma₂tě₂ bá₄ guě₄ hora quió₃ jniá₂, la₁ia₁ tě₂le₃ quián'₂ 'nia'₂, jua'₅₄ 'e₂ guě₃ hora bá₄ dse₃. ⁷Tsá₃ lé₂ le₃jme₃'iog₅₄ dsa₂ mi₂gúig₃ jme₃'ŋia₅₄ 'nia'₂; la₁ia₁ 'iog₅₄ bá₄ jniá₂, 'uig₅₄ ia₁ a₂jáng'₅ jniá₂ jág₁ dsau₅ ja₁con₂ 'éi₂, a₂'lig'₅₄ bá₄ a₂jmo₂₃-dsáu₅.

⁸O₂nó'₅ 'nia'₂ guiong'₅₄ jmíg₄; tsá₃ nei₅₄ jniá₂, ia₁ tsá₃ ma₂dsin₃ guě₄ hora quió₃.

⁹Jme₁ma₂ně₂chí'₃ riin'₅₄ le₂ně₅, ca₂jŋia₃ jě₄ 'uě₃ Galilea.

Nó₃ Jesús Jmíg₄ quió'₅ Tsi'₁io₅ Láu₃

¹⁰La₁ cang₂ guě₄ jaun₂, jme₁ma₂i₂lén₂ rin'₅₄ Jesús, ján₃ bá₄ ca₂ŋó₃ 'éi₂ jmíg₄ jaun₂, o₁ŋia'₅₄ ca₂ŋó₃ tě₃ tsá₃ jme₂li₅₄ jŋi₄ dsa₂ juin₅. Mei'₂ tsá₃ con'₂ tě₃co'₅₄ bá₄ ŋó₃.

¹¹Jaun₂ lě₃, ca₂i₂nio₁ dsa₂ judíos 'nai'₂ Jesús ja₁niog₅ jmíg₄, jaun₂ juá'₂:

—¿A₂já'₄ 'en₅₄ dsa₂ 'éi₂?

¹²Jin₄ dsa₂ guě'₂, juin₅ i₂dsia₅ tě₂'ua₁ jin₄ riin'₅₄ a₂'iin₂₃ 'éi₂. I₂lin₅₄ juá'₂: “Dsa₂ dsen₃ bá₄ 'éi₂”, la₁ i₂sián'₂ guě'₂ juá'₂: “On₃jua'₅₄ dsa₂ dsen₃ 'éi₂, ia₁ jme₂gain₂₃ dsa₂.”

‡ **6:69** A₂lin₅₄ chog₅₄ si₂ juá'₂: “'Ne₂ bá₄ líng'₅ I₂rě₂'ín₁ quián₅ Diú₄; 'ne₂ bá₄ líng'₅ Ja₁ŋi'₅₄ Diú₄ jén'₃.”

§ **6:71** A₂lin₅₄ chog₅₄ si₂ juá'₂: “Judas Iscariote, ja₁ŋi'₅₄ Si₂mu₅₄.”

13 La₁ia₁ lia'₂ 'i₁jan₂ tsá₃ ca₂dsia₃ lia'₂ rē₂jiá₃ jág₁ a₂'i_n₂₃ 'éi₂, ia₁ a₂gain₃ dsa₂ judíos.

14 Con'₂ tin₃ dso'₅₄ jmi_g₄ jme₁ma₂tě₂, jaun₂ ca₂'í₃ Jesús i₁dsi₅ guá'₅ templo, jaun₂ ca₂jme₃lióg₃ ca₂jme₃tiin₂₃ dsa₂.

15 Jaun₂ ca₂i₃gó'₃ dsí₅ dsa₂ judíos jaun₂ ca₂juá'₂:

—¿'A₂ lia'₂ ŋí₄ lē₃ ma₂tin₂ si₂ i₂nē₅ tē₃ tsá₃ si₂ ca₂'í₂?

16 Jaun₂ ca₂ŋag₃ Jesús:

—Jui₁lia'₂ a₂jme₂tág₂ jniá₂ la₂, on₃jua'₅₄ jág₁ quió₃ 'ŋió₃ juá'₅; jág₁ quió'₅ i₂ca₂chei₃ bá₄ la₂. 17 Chi₂jua'₂ 'ein₂ jan₂ ma₂'ei₅ dsí₅ jmo₃ a₂'ŋio₂ dsí₅ Diú₄, le₃ŋi₅ bá₄ 'éi₂ 'a₂ lia'₂ lē₅ jág₁ a₂jme₂tág₂ jniá₂, chi₂jua'₂ já₅ ja₁con₂ Diú₄, o₃ chi₂jua'₂ dsia₂₃ 'a₂ con'₂ ting₂ 'ŋió₃. 18 Jui₁lia'₂ i₂dsia₅ o₄quió'₄ 'ŋiog₅, jmo₂₃ le₂jaun₂ ia₁jaun₂ jme₃juag'₂ dsa₂. La₁ jui₁lia'₂ i₂'no'₂ a₂le₃juin'₂ i₂ca₂chei₃, i₂tē₃dsón'₂ bá₄ 'éi₂; 'i₁caun₂ a₂'lig'₅₄ tsá₃ cha₂ ja₁coin₂.

19 '¿On₁jua'₅₄ Moisés ca₂cuē₃ 'Éi'₃ ca₂cuē'₃ 'nia'₂? La₁ia₁, ca₂lia'₂ 'i₁jan'₂ 'nia'₂ tsá₃ jme₂tí'₁ Si₂ 'Éi'₃. ¿'E₂ lē₃ 'niog'₂ 'nia'₂ jŋág'₄ jniá₂?

20 Jaun₂ ca₂ŋag₃ dsa₂:

—'En₅₄ je₂na'₅₄ tē₂'au'₂; ¿'ein₂ 'nio₃ jŋi'₃ 'ne₂?

21 Jaun₂ ca₂juá'₂ Jesús:

—Caun₂ léi₄ ca₂jmo₃ jniá₂ jmi_g₄ sa₅₄, jaun₂ ca₂i₃gó'₃ 'au'₂ 'nia'₂ ca₂le₃jŋg'₃.

22 Jaun₂ nē₃, ca₂jmo₃ Moisés 'éi'₃ a₂ti₃ dsa₂ ni₁lo₁, (la₁ia₁ on₃jua'₅₄ Moisés i₂ca₂jme₃lióg₃; dsa₂ can'₅₄ bá₄ ca₂jme₃lióg₃ ma₂líg'₂). 'Uig₅₄ jaun₂ ti'₂ 'nia'₂ ni₁lo₄ guein₂, o₁jŋia'₅₄ tē₃ lē₅ jmi_g₄ sa₅₄. 23 Dse₃ bá₄ jaun₂, chi₂jua'₂ jaun₂ ti'₂ 'nia'₂ ni₁lo₄ guein₂ jmi_g₄ sa₅₄ ia₁jaun₂ tsá₃ dsó₃ 'uē₃ 'Éi'₃ quió'₅ Moisés, ¿'e₂ lē₃ 'ne'₂ 'nia'₂ quian'₅₄ jniá₂, ia₁ ca₂jme₁'liong₁₂ jan₂ dsa₂ ta₂jain₂, tē₃ jmi_g₄ sa₅₄? 24 Tsá₃ lē₁caun₂ 'nia'₂ 'í₁ a₂jŋia'₅₄ con'₂ jniá₂ le₃co'₅₄. Quion₂ bá₄ 'nia'₂ 'í₁ con'₂ dsi₂ten₅₄.

Dsia₅ Jesús a₂juá'₂ a₂já'₄ já₅

25 Jaun₂ nē₃ ca₂jme₃lióg₃ qui₂ca₂ŋag₃ i₂lin₅₄ dsa₂ chan₂ Jerusalén qui₂ca₂ŋi'₃ riin'₅₄:

—¿On₁jua'₅₄ i₂nē₅ 'na'₂ dsa₂ a₂ŋag₃ i₂nioi₅₄? 26 Ó₃ bá₄ guē'₂ 'ein₅₄ dsia₂₃ lia'₂ rē₂jiá₃ jág₁ jŋn₄ dsa₂ juin₅, tsá₃ 'ein₂ juá'₂ 'i₁caun₂ quió'₅. ¿O₃ bá₄ dsón'₂ ma₂ca₂rē₃ŋi₅ dsi₂tan₅₄, a₂lín₅ dsa₂ nē₅ I₂rē₂'ín₁ quián₅ Diú₄? 27 La₁ ne₄ bá₄ jniog₄ a₂já'₄ já₅ i₂nē₅; a₂dsau₅, jē₁ma₂tě₂ rē₂jiá₃ I₂rē₂'ín₁ quián₅ Diú₄, lia'₂ 'i₁jan₂ tsá₃ le₃ŋi₅ a₂já'₄ já₅.

28 Jaun₂ lē₃, tē₁lia'₂ 'en₅₄ Jesús jme₂tiin₂₃ dsa₂ i₁dsi₅ guá'₅ templo, jaun₂ ca₂juá'₂ tiá₂:

—¡Cui_g'₂ bá₄ 'nia'₂ jniá₂, jaun₂ ŋi'₅₄ bá₄ 'nia'₂ 'a₂ guē'₂ guio₃ jniá₂! La₁ on₃jua'₅₄ o₄quió₃ 'ŋió₃ guio₃; tē₂le₃ o₄quió'₄ i₂ca₂chei₃ i₂tē₃dsón'₂ bá₄ guang₃. I₂'éi₂ guē'₂, tsá₃ cui_n'₂ 'nia'₂. 29 La₁ia₁ jniá₂ cui_n₅, ia₁ ja₁con₂ 'éi₂ bá₄ guio₃, jaun₂ 'éi₂ bá₄ ca₂chei₃.

30 Jaun₂ nē₃, jme₁'nio₃ dsa₂ jme₁tsáun'₂; la₁ lia'₂ 'i₁jan₂ tsá₃ ca₂téi₂ gu₂, ia₁ tsá₃ jme₁ma₂tě₂ bá₄ guē'₄ hora quió'₅.

31 La₁ia₁ juin₅ dsa₂ 'éi₂ ca₂rē₃'én₂ jág₁ quió'₅, jaun₂ juá'₂:

—Jē₁ma₂tě₂ rē₂jiá₃ I₂rē₂'ín₁ quián₅ Diú₄, ¿O₃ bá₄ le₃qui'₅₄ jmi_g₄ jmo₃ léi₄ a₂juē'₂ guē'₄ lia'₂ con'₂ guē'₄ a₂jmo₅ i₂nē₅?*

Ca₂chen₃ dsa₂ fariseos chi'₂ 'í₅₄ quián₅ guá'₅ a₂tsáin'₂ Jesús

* 7:31 'Nio'₂ ja₁ton₅ Isaías 35:5-6.

32 Ca₂nág₂ bá₄ dsa₂ fariseos jág₁ a₂ca₂juá'₂ dsa₂ a₂'iin₂₃ Jesús; jaun₂ dsa₂ fariseos 'éi₂ quiain'₅₄ juig₅₄ jme₂dsa₂, ca₂chein₃ chí'₂ 'í'₅₄ quián₅ guá'₅ a₂tsáin'₂ Jesús jaun₂ tē₂. 33 Jaun₂ ně₃ ca₂juá'₂ Jesús:

—Me'₂ bá₄ jmig₄ 'ú₄ jniá'₂ jin'₂ 'nia'₂, jaun₂ guě₄ nég'₄ táng₃ ja₁con₂ i₂ca₂chei₃.

34 'Nau'₅₄ 'nia'₂ jniá'₂ i₁niog'₄, la₁ia₁ tsá₃ dsiog'₂ 'nia'₂; ia₁ tsá₃ lé₂ o₁nó'₅ 'nia'₂ ja₁nég'₄.

35 Jaun₂ ně₃, ca₂jme₃lióg₃ dsa₂ judíos qui₂ca₂ñí'₃ riin'₅₄:

—¿A₂já'₄ dsí₂jio₅ dsí₅ i₂ně₅ dsó₃, a₂tsá₃ dsiain'₂ jniog'₄? ¿On₃ bá₄ dsó₃ jin₄ dsa₂ go₄ jniog'₄ i₂tián'₅ tsí₁rě₂jan₅₄ jin₄ dsa₂ griegos, ia₁jaun₂ jme₃tin₂₃ dsa₂ griegos?

36 ¿'E₂jain₅ jág₁ a₂ně₂juá'₂ ně₅: “'Nau'₅₄ 'nia'₂ jniá'₂ i₁niog'₄, la₁ia₁ tsá₃ dsiog'₂ 'nia'₂, ia₁ tsá₃ lé₂ o₁nó'₅ 'nia'₂ ja₁nég'₄?”

Jui₁lia'₂ caun₂ jmig₂ cuá₃ jén'₃

37 Jm₄ig₄ juě'₂ dé₄ dsón'₂ jē₁ca₂tó'₂ quió'₅ jm₄ig₄, ca₂nau₂ Jesús, jaun₂ ca₂juá'₂ tiá'₂:

—Ně₁jua'₂ 'ein₂ rě₂quein₂ dsí₅, jui₁lia₂ ja₁con₂ jniá'₂, jui₁'en'₅₄ jm₄ig₂. 38 Jui₁lia'₂ juá'₂ Si₂, jui₁lia'₂ dsa₂ i₂'én₂ tē₂le₃ quió'₃ jniá'₂, 'iá₃ tē₂tsí₅ ně₂jag₄ bá₄ jm₄ig₂ cuá₃ a₂jén'₃.†

39 La₁ a₂juá'₂ le₂ně₅ a₂'iin₂₃ Jme₂dsí₂ Jnió₅ i₂jme₁ma₂'i₄ 'éi'₃ guen₃ dsa₂ i₂'én₂ tē₂le₃ quió'₅; ia₁ tsá₃ jme₁ma₂guan₅ bá₄ guě₄ Jme₂dsí₂, ia₁ tsá₃ guě₄ jme₁ma₂ca₂rě₃juin'₂ Jesús.

Ca₂lě₃ le₁dson'₅₄ dsa₂

40 I₂lin₅₄ dsa₂ i₂jme₁tion'₅₄ ja₁jaun₂, jme₁ca₂nág₂ a₂juá'₂ Jesús, ca₂juá'₂:

—Dsón'₂ bá₄ i₂ně₅ dsa₂ i₂'ě₂ jág₁ quián₅ Diú₄ i₂lě₅ jág₁ jiá₃ 'éi₂.

41 I₂lin₅₄ guě'₂ juá'₂:

—I₂rě₂'ín₁ quián₅ Diú₄ bá₄ ně₅.

La₁ia₁ i₂sián'₂ guě'₂ ca₂juá'₂:

—¿'A₂ bá₄ lia'₂ lé₂ le₃chan₂ Galilea I₂rě₂'ín₁ quián₅ Diú₄? 42 ¿Tsa₁ juá'₂ Si₂, tsi₁jon₂ Rag₅₄ David bá₄ tion₅₄ lén₂ I₂rě₂'ín₁ quián₅ Diú₄, jaun₂ jē₄ juig₂ Belén bá₄ le₃chain₂, juig₂ go₄ David 'niog₅?

43 Jaun₂ ně₃, le₁dson'₅₄ bá₄ dsa₂ ca₂lě₃ o₄quió'₄ Jesús.

44 Jme₁'nio₃ i₂lin₅₄ tsáun'₂, la₁ ca₂lia'₂ 'i₁jan₂ tsá₃ 'ein₂ ca₂téi₂ gu₂.

Tsá₃ 'én₂ dsa₂ can'₅₄ tē₂le₃ quió'₅ Jesús

45 Jaun₂ ca₂dsi₃len₃ táng₃ chí'₂ 'í'₅₄ quián₅ guá'₅ ja₁jme₁tion'₅₄ juig₅₄ jme₂dsa₂ quián'₅₄ dsa₂ fariseos, jaun₂ ca₂ñag₃ 'éi₂ ca₂ñí'₃ chí'₂ 'í'₅₄:

—¿'E₂ 'uig₅₄ tsá₃ ně₂te'₅₄ 'nia'₂ 'éi₂?

46 Jaun₂ ca₂ñag₃ chí'₂ 'í'₅₄:

—¡Lia'₂ 'i₁cón'₂ tsá₃ 'ein₂ dsa₂ ma₂juá'₂ jág₁ jui₁lia'₂ juá'₂ dsa₂ 'éi₂!

47 Jaun₂ ně₃ ca₂juá'₂ dsa₂ fariseos:

—¿O₃ bá₄ ma₂jme₃gau₅ dsa₂ 'éi₂ quián'₂ 'nia'₂ ján₃? 48 'I₁jan₂ dsa₂ can'₅₄ juig₅₄ jniog₄, on₃ guě'₂ dsa₂ fariseos, tsá₃ ma₂ca₂rě₃'én₂ le₃quió'₅ 'éi₂, jme₁né₄. 49 La₁ dsa₂ lě₁dsa₂ i₂tion'₅₄ ně₅, tsá₃ cuí'₅ Si₂ 'Éi'₃. Ma₂tion'₅₄ ne₄ jmi₁uig₅ a₂ma₂rě₂'ě₂ ja₁coin₂.‡

50 Jin₄ dsa₂ fariseos 'éi₂ jme₁'en₅₄ Nicodemo, i₂jme₁ma₂ñe₄ i₁jjin₅₄ Jesús le₂jniá'₅.§ 'Éi₂ ně₃ ca₂ñag₃:

51 —Jui₁lia'₂ con'₂ lě₅ juá'₂ Si₂ 'Éi'₃ quián₂, ¿lé₂ le₃qui₁dsí₅ 'éi'₃ ja₁con₂ jan₂ dsa₂, tē₃ tsá₃ ma₂ně₂néi₂ jág₁ quió'₅, a₂juá'₂ 'e₂ a₂ma₂jmo₃?

† 7:38 'Nio'₂ ja₁ton₅ Isaías 44:3; 55:1. ‡ 7:49 'Nio'₂ ja₁ton₅, Deuteronomio 27:14-26. § 7:50 A₂lin₅₄ chog₅₄ si₂ juá'₂: “i₁jjin₅₄ Jesús a₂uě₂ jaun₂.”

52 Jaun₂ ně₃ ca₂ηag₃ riin'₅₄:
 —¿Ján₃ bá₄ lín'₅ 'ne₂ jan₂ dsa₂ i₂chan₂ Galilea? 'Í₂ dse₃ ne₄ Si₂, jaun₂ jag'₅₄, lia'₂ 'i₁jan₂ dsa₂ i₂'ě₂ jág₁ quián₅ Diú₄ tsá₃ já₅ 'uě₃ Galilea.*
 53 Jaun₂ guě₄ i₃len₃ le₂jan₂ le₂jan₂ dsa₂ ja₁quió'₄.

8

Jan₂ 'io₅₄ i₂ca₂tán'₂ dso₄

1 La₁ ca₂ηó₃ bá₄ Jesús jui₅ Má'₂ Olivos. 2 Jme₁jnia₃ jaun₂ táng₃, ca₂guáin'₃ i₁dsi₅ guá'₅ templo. Ja₁jaun₂ ca₂jme₃quián₃ ca₂le₃jín₃ dsa₂. Jaun₂ ca₂guá'₂ Jesús, jaun₂ ca₂jme₃lióg₃ jme₂tiin₂₃ dsa₂. 3 Jaun₂ ně₃, ca₂o₃jnia₃ tě₅juá'₅ quian'₅₄ dsa₂ fairseos ca₂o₃jniai₃ jan₂ 'io₅₄ i₂ca₂join₃ jme₁'ein₅₄ quian'₅₄ dsa₂ ηe'₂. Jaun₂ ca₂chei'₃ dsi₂jo₂ jě₄ quió'₅ dsa₂ i₂tion'₅₄ ja₁jaun₂.

4 Jaun₂ ca₂juá'₂ ca₂tsí'₃ Jesús:
 —Tě₅, ca₂jón₂ 'io₅₄ la₂ nió'₅ jág₁ quian'₅₄ dsa₂ ηe'₂ on₃jua'₅₄ dsi₂i₂gu₂. 5 Ně₃ ně₃, ne₄ Si₂ 'Éi'₃, juá'₂ Moisés a₂ηí'₄ jnia'₅₄ jan₂ 'io₅₄ le₂la₂, a₂qui₁dsiin₅ jnia'₅₄ cang₄. ¿'Ne₂ guě'₂, 'a₂ lia'₂ juá'₂?

6 Ca₂juá'₂ dsa₂ le₂ně₅ ia₁ a₂cáin₂ táu₂ Jesús, ia₁jaun₂ cuin₃ jmig₄ bóg'₂ dso₄. La₁ ca₂guá'₂ Jesús i₁sióg'₅ 'uě₃, jaun₂ ca₂jme₃lióg₃ ca₂jmóg'₃ letras ne₄ 'uě₃ quian'₅₄ nei'₅₄ chi₁gú₃.

7 La₁ caun₂ tiin'₅₄ qui₂ηag₂₃ qui₂ηí'₂ Jesús, jaun₂ ca₂nau₂, ca₂juá'₂ ca₂tsí'₃ dsa₂:

—Chi₂jua'₂ 'ein₂ jan₂ 'nia'₂ i₂tsá₃ dso₄ rě₂cán'₄, o₁tiong₅₄ le₂'uig₅₄ ca₂míg₂ ni₁cang₁ jui₁qui'₅₄ quió'₅ 'io₅₄.

8 Jaun₂ ca₂guá'₂ táng₃ i₁sióg'₅ 'uě₃, jmóg'₅ letras a₂tsáng₂ 'uě₃.

9 La₁ jme₁ca₂nág₂ dsa₂ jág₁ a₂ca₂juá'₂ Jesús,* jaun₂ ca₂jme₃lióg₃ qui₂ca₂'u₁in₂ bá₄ le₂jain₂ le₂jain₂, jniá'₅ de'₂ dsa₂ i₂ma₂guen'₂ ca₂'u₁in₂ ne₄ jui₅. Jaun₂ jme₁ma₂ca₂'u₁in₂ ca₂le₃jín₃ dsa₂, 'ηiog₅ bá₄ Jesús tě₁tsin'₅₄ quian'₅₄ 'io₅₄ 'éi₂, i₂chén'₅ dsi₂jo₂ jaun₂.

10 Jaun₂ ně₃ ca₂nau₂ Jesús,† jaun₂ ca₂juá'₂ ca₂tsí'₃ 'io₅₄:

—'Io₅₄, ¿na₅ dsa₂?‡ ¿Tsa₁ 'ein₂ ně₂'ě₂ uig₅?

11 Jaun₂ ca₂juá'₂ 'io₅₄:

—Jan₂'ón₄. Lia'₂ 'i₁jan₂ dsa₂, Te₁gui'₅₄.

Jaun₂ ně₃ ca₂juá'₂ Jesús:

—On₃ guě'₂ jniá'₂ 'ě₄ uig₅ quiáng'₂; guan'₂ ně₃, la₁ tsá₃ ma₃lě₁'nau₂ dso₄.

Lín₅ Jesús si₂ a₂tág₅ quió'₅ dsa₂ mi₂güig₃

12 Ca₂juá'₂ táng₃ Jesús tsí'₅ dsa₂, a₂juá'₂:

—Jniá'₂ líng₅ si₂ i₂jmo₅ tág₅ jui₅ quió'₅ dsa₂ mi₂güig₃; jui₁lia'₂ i₂'ein₅ jniá'₂, lia'₂ o₁líg'₂ tsá₃ ma₃ηi₃ jě₄ qui₁né'₃, ton'₂ qui₃'io₃ si₂ a₂jmo₅ a₂chain₂.

13 Jaun₂ ně₃ ca₂juá'₂ dsa₂ fariseos ca₂tsí'₃ Jesús:

—'Ne₂ jáng'₂ jág₁ dsau₅ tě₂le₃ quián'₂ 'ηiag'₂; 'uig₅₄ jaun₂ tsá₃ quen₅ jág₁ quiáng'₂ a₂jáng'₂.

14 Jaun₂ ca₂ηag₃ Jesús ca₂tsí'₃ dsa₂:

—Jui₁lia'₂ a₂juá'₅ jniá'₂, quen₅ bá₄, o₁jnia'₅₄ 'ηió₃ jniá'₂ jáng'₅ jág₁ dsau₅ tě₂le₃ quió'₃ 'ηió₃. Ia₁ guion₄ bá₄ jniá'₂ a₂já'₄ guio₃, a₂já'₄ nég'₄ ně₃; la₁ia₁ 'nia'₂ ně₃, tsá₃ ηi'₅₄ 'nia'₂ a₂já'₄ guio₃, on₃ guě'₂ a₂já'₄ nég'₄. 15 'Nia'₂ guě'₂ cáun'₂ 'í₁ lia'₂ con'₂

* 7:52 Ne₄ chog₅₄ si₂ a₂gui'₅₄ guě₄, tsá₃ le₁ton₅ Juan 7:53–8:11. * 8:9 A₂lín₅₄ chog₅₄ si₂ juá'₂ ján₃; “ca₂jéin'₃ o₂guí'₃ ia₁ rě₂cáin'₄ dso₄ guioin₅₄.” † 8:10 A₂lín₅₄ chog₅₄ si₂ juá'₂ ján₃; “ia₁ tsá₃ ca₂jág₃ jua'₅₄ tión₂ guě₄ i₂sián'₂, jnia'₅₄ lia'₂ 'io₅₄ 'éi₂.” ‡ 8:10 A₂lín₅₄ chog₅₄ si₂ juá'₂ ján₃; “i₂'nag₅ quiáng'₂.”

lě₅ 'éi'₃ quió'₅ dsa₂ mi₂güig₃. Jniá₂ ně₃ tsá₃ 'í₁ cáun₅ jniá₂ jua'₅₄ a₂qui₂dsí₂ 'éi'₃ ja₁con₂ 'i₁jan₂. ¹⁶ La₁ia₁ chi₂jua'₂ cáun₅ jniá₂ 'í₁, dse₃ dsi₂ten₅₄ bá₄ 'éi'₃ a₂qui₂dsí₂ jniá₂, ia₁on₃jua'₅₄ jniá₂ 'ñi₃ cáun₅ 'í₁; qui₂dsí₂ jniá₂ 'éi'₃ co₂lě₅ quiang'₅₄ i₂ca₂chei₃ bá₄. ¹⁷ Ján₃ bá₄ ca₂tě₂ ne₄ Si₂ 'Éi'₃ quián'₂ 'nia'₂, rě₂ton₅ juá'₂, ně₁jua'₂ on₃ dsa₂ lě₂ i₂jáng'₅ jág₁ dsau₅, a₂quen₅ bá₄ jág₁ quió'₅. ¹⁸ Jniá₂ líng₅ i₂jáng'₅ jág₁ dsau₅ tě₂le₃ quió₃ 'ñi₃; Ne'₃ jniá₂ i₂ca₂chei₃ guě'₂, lín₅ táng₃ jan₂ i₂jáng'₅ jág₁ dsau₅.

¹⁹ Jaun₂ ně₃ ca₂ñag₃ dsa₂ fariseos ca₂ñi'₃ Jesús:

—¿Na₅ ñéi'₅ 'ne₂?

Jaun₂ ca₂ñag₃ Jesús:

—Tsá₃ cui₂g'₂ 'nia'₂ jniá₂, on₃ guě'₂ Ne'₃ jniá₂ cui₂n'₂ 'nia'₂; jua'₅₄ mei'₂ guě₃ cui₂g'₂ 'nia'₂ jniá₂, ján₃ bá₄ jme₁le₃cui₂n'₂ 'nia'₂ Ne'₃.

²⁰ Ca₂juá'₂ Jesús le₂ně₅ tě₁lia'₂ jme₁'ein₅₄ jme₂tiin₂₃ dsa₂ i₁dsi₅ guá'₅ templo, cau₅ ja₁jme₁tióng₂ ts₁igu₅ quió'₅ cu₄ guá'₅. La₁ia₁, lia'₂ 'i₁jan₂ tsá₃ 'ein₂ ca₂ñau'₃, ia₁ tsá₃ jme₁ma₂tě₂ bá₄ guě₄ hora quió'₅.

“Ju₁lia'₂ ja₁né'₄ jniá₂, tsá₃ lé₂ o₁no'₅ 'nia'₂”

²¹ Con'₂ siá'₂ táng₃ ca₂juá'₂ Jesús ca₂tsí'₃ dsa₂:

—Né'₄ jniá₂; jaun₂ 'nia'₂ guě'₂, 'náu'₂ jniá₂ i₁niog'₄, la₁ia₁ dsián'₃ 'nia'₂ tě₃ rě₂cán'₄ 'nia'₂ dsáu'₂; ja₁né'₄ jniá₂, tsá₃ lé₂ o₁no'₅ 'nia'₂.

²² Jaun₂ ně₃ ca₂juá'₂ dsa₂ judíos:

—¿O₃ bá₄ a₂ñi'₃ 'e₂ 'ñiog₅, jaun₂ guě'₂ juá'₂ tsá₃ lé₂ dsi₁náu₄ jniog₄ ja₁dsáin'₃?

²³ Jaun₂ ca₂juá'₂ Jesús:

—Dsa₂ chan₂ gua'₅₄ 'uě₃ la₂ bá₄ lín'₅ 'nia'₂; jniá₂ ně₃, líng₅ i₂chan₂ guei'₅₄. Dsa₂ i₂tén₅ mi₂güig₃ la₂ bá₄ lín'₅ 'nia'₂; jniá₂ ně₃ tsá₃ téng₅ mi₂güig₃ la₂. ²⁴ 'Uig₅₄ jaun₂ bá₄ ně₂juig₂ jniá₂ 'nia'₂ a₂dsiáng'₃ tě₃ rě₂cáng'₄ jaun₂ dsáu'₂. Ia₁ chi₂jua'₂ tsá₃ 'én'₂ 'nia'₂, jniá₂ bá₄ líng₅ 'éi₂, § dsiáng'₃ 'nia'₂ qui₂rě₂cáng'₄ dsáu'₂.

²⁵ Jaun₂ ně₃ ca₂ñag₃ dsa₂ judíos ca₂ñi'₃ Jesús:

—¿Ein₂ bá₄ lín'₅ 'ne₂?

Jaun₂ ca₂ñag₃ Jesús:

—Le₂jaun₂ ju₁lia'₂ ma₂qui₂ma₂juig₂ jniá₂ 'nia'₂ ca₃le₂'uig₅₄. * ²⁶ 'Lióng₂ bá₄ 'uig₅₄ cha₂ a₂le₃juá'₄ jniá₂ a₂qui₁dsi₅ jniá₂ 'éi'₃ ja₁con'₂ 'nia'₂. La₁ tí₅ bá₄ jág₁ quió'₅ i₂ca₂chei₃. Jaun₂ jniá₂ ně₃, jág₁ a₂ma₂nag₃ ja₁coin₂, a₂jaun₂ bá₄ juig₂ jniá₂ dsa₂ mi₂güig₃.

²⁷ La₁ tsá₃ ca₂rě₃ñi'₂ dsa₂, a₂jme₁juá'₂ Jesús tsí'₅ dsa₂ 'éi₂, a₂'iin₂₃ Jmei₂.

²⁸ 'Uig₅₄ jaun₂ ca₂juá'₂ Jesús:

—Jě₁ma₂tě₂ rě₁chóng'₄ 'nia'₂ Jaun₅ dsa₂ mi₂güig₃, jaun₂ guě'₄ le₃ñi'₅₄ 'nia'₂ a₂lín₅ jniá₂ 'éi₂; † le₃ñi'₅₄ 'nia'₂, a₂tsá₃ jmo₅ jniá₂ 'i₁caun₂ tě₂le₃ o₄quió₃ 'ñio₃, jñia'₅₄ lia'₂ a₂jaun₂ bá₄ juá'₅ jniá₂ ju₁lia'₂ a₂ma₂ca₂jme₃tag₅ Ne'₃. ²⁹ Ia₁ i₂ca₂chei₃ 'ein₅₄ quian'₅₄ jniá₂, tsá₃ jua'₅₄ ma₂téin₂ jniá₂ 'ñio₃, ia₁ lia'₂ co₂tan₅₄ bá₄ jmo₅ jniá₂ a₂'ñio₂ dsí₅ 'éi₂.

³⁰ Lia'₂ jme₁juá'₂ Jesús jág₁ ně₅, juin₅ lín₃ dsa₂ ca₂rě₃'én₂ le₃quió'₅.

Chi'₂guein₂ quián₅ Diú₄, quian'₅₄ dsa₂ i₂qui₂le₁'ñe'₅₄ 'uig₅₄ dsáu₁

³¹ Jaun₂ ně₃ ca₂juá'₂ Jesús ca₂tsí'₃ dsa₂ judíos i₂ca₂rě₃'én₂ le₃quió'₅:

—Ně₁jua'₂ tě₁'ñiá'₄ 'nia'₂ le₃quió'₅ jág₁ quió₃, dsón'₂ bá₄ lín'₅ 'nia'₂ dsa₂ i₂quian'₅₄ jniá₂; ³² jaun₂ le₃cui₂n'₂ 'nia'₂ jág₁ dsau₅, jaun₂ jág₁ dsau₅ ně₃, jmo₃ qui₃chen'₂ 'nia'₂.

§ 8:24 o₃, “jniá₂ bá₄ líng₅.”

* 8:25 o₃, “¿E₂ jaun₂ ma₂qui₂ma₂juig₂ jniá₂ 'nia'₂ ca₃le₂'uig₅₄?”

† 8:28 o₃, “le₃ñi'₅₄ 'nia'₂, jniá₂ líng₅.”

³³ Jaun₂ ca₂ŋag₃ dsa₂ 'éi₂ ca₂tsí'₃ Jesús:

—Lág₅ jnia'₅₄ dsa₂ tsi₁jon₂ Abraham, jaun₂ lia'₂ 'i₁cón'₂ tsá₃ ma₂lag₃ jnia'₅₄ dsa₂ i₂le₁'ŋe'₅₄ ne₄ 'i₁jan₂. ¿'A₂ guë'₂ lia'₂ juá'₂ 'ne₂ jaun₂ a₂qui₃chei'₂ jnia'₅₄?

³⁴ Jaun₂ ca₂juá'₂ Jesús:

—A₂dsi₂jó'₃ juí₂gniá'₂ 'nia'₂, jui₁lia'₂ ca₂le₃jín₃ dsa₂ i₂'no₅ dso₄, qui₂le₁'ŋei'₅₄ ne₄ dsá₁. ³⁵ Jui₁lia'₂ jan₂ dsa₂ i₂chi₁'ŋe'₅₄ ně₃, tsá₃ jua'₅₄ tē₃'ŋiá₄ co₂tan₅₄ dsi₂néi₂ quió'₅ juí₂gniá'₂; la₁ia₁ chi'₂ ja₁ŋi'₅₄ ně₃, co₂tan₅₄ bá₄ téin₅ dsi₂néi₂ jaun₂. ³⁶ Jaun₂ ně₃, chi₂jua'₂ ca₂chéi'₂ Ja₁ŋi'₅₄ ca₂chéin'₂ 'nia'₂, jaun₂ bá₄lén'₂ 'nia'₂ dsa₂ i₂le₁tsin'₁ tē₃dsón'₂. ³⁷ Ma₂guion₄ bá₄ jniá'₂ jaun₂ a₂lín'₅ 'nia'₂ tsi₁jon₂ Abraham; la₁ia₁ 'niog'₂ 'nia'₂ jŋág'₄ jniá'₂, ia₁ a₂tsá₃ guei'₂ 'nia'₂ 'e₂ a₂juá'₅ jniá'₂. ³⁸ Jniá'₂ ně₃ juá'₅ juí₂gniá'₂ 'nia'₂ jui₁lia'₂ 'e₂ a₂ma₂jág₃ ja₁con₂ Ŋe'₃; 'nia'₂ ně₃, jmo'₂ 'e₂ a₂ma₂nei'₂ 'nia'₂ ja₁con₂ ŋéi'₅.

³⁹ Jaun₂ ca₂ŋag₃ dsa₂ 'éi₂ ca₂tsí'₃ Jesús:

—Abraham bá₄ jme₁lín₄ jmei₂ jnia'₅₄ ma₂líg'₂.

La₁ ca₂juá'₂ Jesús ca₂tsí'₃ dsa₂ 'éi₂:

—Jua'₅₄ mei'₂ guë'₃ lín'₅ 'nia'₂ chi'₂-guein₂ quián₅ Abraham, jaun₂ jme₁jmó'₂ 'nia'₂ jui₁lia'₂ a₂ca₂jmo₃ 'éi₂. ⁴⁰ La₁ia₁ 'nia'₂ ně₃ 'niog'₂ jŋág'₄ jniá'₂, o₁jŋia'₅₄ ma₂nē₂juí₂gniá'₂ 'nia'₂ jág₁ tí₅ tē₃dsón'₂ a₂ma₂ca₂jme₃tag₅ Diú₄ jniá'₂. Tsá₃ le₂nē₅ ca₂jmo₃ Abraham. ⁴¹ 'Nia'₂ ně₃, le₂jaun₂ bá₄ jmo'₂ jui₁lia'₂ jmo₅ ŋéi'₅.

Jaun₂ ně₃ ca₂juá'₂ dsa₂ 'éi₂:

—La₁ on₃jua'₅₄ jnia'₅₄ lág₅ guein₂ i₂lë₁chan₂; jan₂ bá₄ jmei₂ jnia'₅₄ chan₂; i₂'éi₂ lín₅ Diú₄.

⁴² Jaun₂ ně₃ ca₂juá'₂ Jesús:

—Jua'₅₄ mei'₂ guë'₃ tē₃dsón'₂ Diú₄ lín₅ ŋéi'₅ 'nia'₂, jme₁jme₁'nió'₄ bá₄ 'nia'₂ jniá'₂, ia₁ ja₁con₂ Diú₄ bá₄ 'uín₂ jniá'₂; jaun₂ la₂ ma₂guio₃. On₃jua'₅₄ o₄quió₃ 'ŋi₃o₃ guio₃; o₄quió'₄ i₂ca₂chei₃ bá₄ jniá'₂ guio₃. ⁴³ ¿'E₂ lë₃ tsá₃ lé₂ le₃ŋí'₂ 'nia'₂ jág₁ a₂juá'₅ jniá'₂? 'Uí₅₄ ia₁ a₂tsá₃ tian'₃ 'nia'₂ nág'₁ jág₁ a₂'ě₅ jniá'₂. ⁴⁴ 'Nia'₂ bá₄ rē'₂ tēng'₅ le₃quió'₅ i₂sē₃dsen₃ ŋéi'₅ 'nia'₂. Jaun₂ 'ín₅ 'au'₂ jmó'₂ 'e₂ a₂'ŋio₂ dsí₅ 'éi₂. Lia'₂ con'₂ le₂'uig₅₄ bá₄ jaun₂ lín₅ jan₂ i₂jme₂dsian₅ dsa₂. Tsá₃ le₃quió'₅ jág₁ dsau₅ chéin'₅, ia₁ 'i₁ca₂míg₂ jág₁ dsau₅ tsá₃ cha₂ ja₁coin₂. Jē₁ma₂ca₂juá'₂ jág₁ tē₂jág₁, juá'₂ bá₄ jui₁lia'₂ tīn₂ 'ŋiog₅, ia₁ i₂tē₂jín₁ bá₄ 'éi₂, jaun₂ lín₅ jmei₂ dsa₂ tē₂jín₁. ⁴⁵ La₁ia₁, 'uig₅₄ ia₁ a₂juá'₅ jniá'₂ jág₁ dsau₅ ně₃, tsá₃ 'éng'₂ jág₁ quió₃. ⁴⁶ ¿I₂'ein₂ 'nia'₂ qui'₅₄ jmig₄ cáun₂ 'í₁ a₂rīn₂ jniá'₂ dso₄? Chi₂jua'₂ juá'₅ jniá'₂ jág₁ dsau₅, ¿'E₂ lë₃ tsá₃ 'én'₂ 'nia'₂ jág₁ quió₃? ⁴⁷ Jui₁lia'₂ i₂tén₅ le₃quió'₅ Diú₄, nag₂₃ jág₁ quió'₅ Diú₄. 'Uí₅₄ jaun₂ bá₄ tsá₃ nag'₂ 'nia'₂ jág₁: ia₁ tsá₃ tén'₅ 'nia'₂ le₃quió'₅ Diú₄.

Né'₃ guë'₄ a₂le₃chan₂ Abraham, jme₁ma₂chan₂ bá₄ Te₁gui'₅₄

⁴⁸ Jaun₂ ně₃ ca₂ŋag₃ dsa₂ judíos ca₂ŋí'₃ Jesús:

—¿Tsa₁ dsau₅ jág₁ a₂jua'₂ jnia'₅₄, dsa₂ chan₂ Samaria bá₄ lín'₅ 'ne₂; a₂'en₅₄ jan₂ je₂na'₅₄ tē₂'au'₂ ně₃?

⁴⁹ Jaun₂ ca₂ŋag₃ Jesús:

—Lia'₂ 'i₁jan₂ je₂na'₅₄ tsá₃ 'en₅₄ tē₂dsi₃. A₂jaun₂ bá₄ jmo₅ jniá'₂ a₂jme₂juín'₁ jniá'₂ Ŋe'₃; 'nia'₂ guë'₂, tsá₃ jme₂go'₃ jniá'₂. ⁵⁰ Tsá₃ a₂jaun₂ 'náu'₅ jniá'₂ a₂jme₃juag'₂ dsa₂, la₁ chan₂ jan₂ i₂'no'₂ a₂jme₃juag'₂ dsa₂ jniá'₂, ton'₂ 'éi₂ bá₄ con₂ jág₁ dsau₅. ⁵¹ A₂dsi₂jó'₃ juí₂gniá'₂ 'nia'₂, chi₂jua'₂ 'ein₂ dsa₂ i₂tón'₂ jui₅ jág₁ quió₃, lia'₂ o₁líg'₂ jmig₄ tsá₃ dsi₃ŋi₅₄ 'mú₃.

⁵² Jaun₂ ně₃ ca₂ŋag₃ dsa₂ judíos:

—Nē₃ guë'₄ dsón'₂ jag₂ jnia'₅₄ a₂'en₅₄ jan₂ je₂na'₅₄ tē₂'au'₂. Ia₁ ma₂ca₂jon₃ Abraham lia'₂ jma₃quian'₅₄ dsa₂ i₂qui₂ca₂'ě₂ jág₁ quián₅ Diú₄; 'ne₂ guë'₂ juá'₂:

“Jui₁lia₂ i₂tón₂ jui₅ jág₁ quió₃, tsá₃ líg₂ dsi₁₃ñi₅₄ 'mú₃.” ⁵³ ¿O₃ bá₄ 'ñio₅ lín₃ gué₄ juin₂ 'ne₂ lia₂ con₂ gué₄ Abraham 'lag₄ jmei₂ jnia₅₄? Ca₂jon₃ bá₄ 'éi₂, ján₃ bá₄ le₂jaun₂ qui₂ca₂dsan₃ dsa₂ i₂jme₁'é₂ jág₁ quián₅ Diú₄. ¿'Ein₂ lín₂ 'ne₂ líng₅?

⁵⁴ Jaun₂ ca₂ñag₃ Jesús:

—Chi₂jua₂ 'ñio₃ jniá₂ jme₂juíng₂, tsá₃ 'e₂ quen₅ a₂jaun₂. La₁ia₁ jui₁lia₂ i₂jme₂juag₂ jniá₂, Ñe₃ bá₄ jniá₂ 'éi₂, i₂'ín₅ 'nia₂ lín₅ Diú₄ quiáng₂. ⁵⁵ O₁jñia₅₄ tsá₃ cuín₂ 'nia₂ 'éi₂, la₁ cuín₅ bá₄ jniá₂ 'éi₂. Jua₅₄ mei₂ gué₃ juá₅ jniá₂ a₂tsá₃ cuín₅, jme.lén₂ jniá₂ jan₂ i₂tē₂jín₁ jui₁lia₂ lín₅ 'nia₂. La₁ia₁ dsón₂ bá₄ cuín₅ jniá₂ 'éi₂, jaun₂ tón₅ bá₄ jniá₂ jui₅ jág₁ quió₅. ⁵⁶ Ca₂jmo₃ 'io₂ Abraham, 'lag₄ néi₅ 'nia₂, ia₁ jme₁'ín₂ dsi₅ jág₃ jmi₄ i₁guan₃ jniá₂; jaun₂ ca₂jág₃, jaun₂ 'ñio₅ lín₃ 'io₂ ca₂jén₃.

⁵⁷ Jaun₂ ně₃ ca₂juá₂ dsa₂ judíos ca₂tsí₃ Jesús:

—Tsá₃ ma₂'eng₅₄ bá₄ gué₄ tē₂láu₃-guiá₂ ñi₂. ¿'A₂ guē₂ lia₂ juá₂ 'ne₂ a₂ma₂jíng₅₄ 'lag₄ Abraham?

⁵⁸ Jaun₂ ca₂ñag₃ Jesús:

—A₂dsi₂jó₃ juig₂ jniá₂ 'nia₂, né₃ gué₄ a₂le₃chan₂ Abraham, jniá₂ líng₅.[‡]

⁵⁹ Jaun₂ ně₃ qui₂ca₂ñá₃ cang₄ a₂jme₁qui₃ quió₅. La₁ ca₂'ma₃ bá₄ Jesús, jaun₂ o₂'ín₃ i₁dsi₅ guá₅ templo. §

9

Ca₂jme₃'lión₂ Jesús jan₂ dsa₂ i₂ten₄ ca₂rē₃chán₃

¹ Jme₁ca₂ñi₅ jaun₂, ca₂jín₂ jan₂ dsa₂ i₂ten₄ ca₂rē₃chán₃. ² Jaun₂ ca₂ñag₃ chi₂ dsi₂gua₃-tín₂ quián₅:

—Tē₅, ¿'ein₂ bá₄ ca₂'náu₂ dso₄? ¿Dsa₂ la₂, o₃ chog₅₄-jmei₂ 'e₂, a₂ca₂rē₃chán₃ tein₅₄?

³ Jaun₂ ca₂juá₂ Jesús:

—On₃jua₅₄ 'uig₅₄ dsáu₂ 'ñiog₅, on₃ guē₂ 'uig₅₄ dsáu₁ chog₅₄-jmei₂; a₂jaun₂ bá₄ ca₂lē₃ ia₁jaun₂ le₃jniá₂ jui₅bí₂ quió₅ Diú₄ ja₁coin₂. ⁴ Ca₂tág₂ jniog₄ jmó₁ ta₁* quió₅ i₂ca₂chei₃ jniá₂ tē₁lia₂ jniá₂ gué₄; ia₁ ma₂ja₂quián₃ néi₃, jē₁tsá₃ ma₃'ein₂ lé₂ le₃jmo₃ ta₁. ⁵ Tē₁lia₂ 'en₅₄ jniá₂ mi₂güig₃ la₂, líng₅ si₂ a₂tág₅ ja₁con₂ dsa₂ mi₂güig₃.

⁶ Jme₁ca₂dsan₃ juá₂ le₂nē₅, jaun₂ ca₂'ñéi₃ 'uē₃, ca₂jmo₃ ca₂juig₄ jein₂ quian₅₄ jmi₁'é₅ quió₅, jaun₂ ca₂tsáng₂ jme₁ne₁ dsa₂ten₄. ⁷ Jaun₂ ca₂juá₂ ca₂tsí₃ dsa₂'éi₂: —Gua₂ o₂rang₂ quiáng₂ Dsiog₅ Siloé —co₂'nió₄ le₃jua₅₄ jág₁, I₂chen₄, a₂chei₂ dsiog₅ jaun₂.

Jaun₂ ca₂ñó₃ i₁rang₂ quió₅, jaun₂ jme₁guáin₃ táng₃ jaun₂, ma₂jág₅ bá₄.

⁸ Jaun₂ qui₂ca₂ñag₃ dsa₂ i₂tián₅ cau₅ quió₅, quian₅₄ dsa₂ i₂jme₁ma₂ca₂jág₂ mi₅ 'éi₂ cu₄ le₂jñiá₅, ca₂juá₂:

—¿On₁jua₅₄ dsa₂ ně₅ 'éi₂ i₂jme₁gua₂ mi₅ a₂jme₃'o₅₄ dsa₂ cu₄?

⁹ I₂lín₅₄ juá₂:

—'Éi₂ bá₄ ně₅.

I₂sián₂ guē₂ juá₂:

—On₃jua₅₄ 'éi₂ ně₅, la₁ia₁ mei₂ tsá₃ le₂jaun₂ jniái₂.

La₁ ca₂juá₂ dsa₂'éi₂ 'ñiog₅:

—Jniá₂ bá₄'éi₂.

¹⁰ Jaun₂ ně₃ ca₂ñag₃ dsa₂ ca₂ñí₃'éi₂:

—¿'A₂ guē₂ lia₂ lē₃ ca₂jnióg₃ jme₁ne₄'ne₂?

¹¹ Jaun₂ ca₂ñag₃ dsa₂'éi₂:

‡ 8:58 Jági “jniá₂ líng₅” co₂'nió₄ jein₅ jág₁ lia₂ chen₂ Jehová. 'Nio₂ ja₁ton₅ Éxodo 3:14. § 8:59 A₂lín₅₄ chog₅₄ si₂ juá₂ ján₃: “jaun₂ ca₂ñi₃ jin₄ dsa₂'éi₂, ca₂ñái₃.” * 9:4 A₂lín₅₄ chog₅₄ si₂: Ca₂tín₂ jniá₂ jmo₅₄ ta₁.

—Dsa₂ i₂tě'₂ dsa₂ Jesús ně₂jmo₃ ti₁jéin₃, jaun₂ ně₂tsáng₂ jme₁ne₃ jniá'₂, jaun₂ ně₂juá'₂ tság₅ jniá'₂: “Gua₂ Dsiog₅ Siloé, o₂rang₂ quiáng'₂.” Jaun₂ ŋe₄ jniá'₂, jaun₂ jme₁ca₂lě₃ rang₂₃ quió₃, co₂tan₅₄ lia'₂ ně₂jág₃.

12 Jaun₂ ca₂ŋag₃ dsa₂ ca₂ŋí'₃ dsa₂ i₂jme₁ten₄ 'éi₂:

—¿Na₅ dsa₂ 'éi₂?

Jaun₂ ca₂juá'₂:

—Tsá₃ guion₄ jniá'₂.

Ca₂ŋag₃ dsa₂ fariseos jág₁ dsau₅ ne₄ dsa₂ i₂jme₁ten₄ i₂ca₂jme₃'lió₂ Jesús

13 Jaun₂ ně₃ ca₂i₁ŋia₃ dsa₂ ne₄ dsa₂ fariseos dsa₂ i₂jme₁ten₄ 'éi₂.

14 La₁ jmig₄ lia'₂ con'₂ jme₁ca₂jmo₃ Jesús ti₁jéin₃ a₂ca₂tsáng₂ mi₂ne₄ dsa₂ i₂jme₁ten₄ 'éi₂, jaun₂ dé₄ jmig₄ sa₅₄ bá₄ jaun₂. 15 Jaun₂ ca₂ŋag₃ táng₃ dsa₂ fariseos ca₂ŋí'₃ dsa₂ 'éi₂, 'a₂ bá₄ lia'₂ jaun₂ ma₂lé₂ jág₃. Jaun₂ ca₂juá'₂ dsa₂ i₂jme₁ten₄ 'éi₂:
—Ně₂tsáng₂ ti₁jéin₃ jme₁ne₃ jniá'₂, jaun₂ ně₂rang₃ jniá'₂ quió₃, jaun₂ lě₃ ma₂jág₅ jniá'₂.

16 Jaun₂ ně₃ ca₂juá'₂ i₂lín₅₄ dsa₂ fariseos:

—Dsa₂ i₂ně₂jmo₃ a₂ně₅, on₃juá'₅₄ dsa₂ quián₅ Diú₄ 'éi₂, ia₁ tsá₃ jme₂gó'₃ jmig₄ sa₅₄.

La₁ i₂lín₅₄ guě'₂ juá'₂:

—¿'A₂ lia'₂ lé₂ le₃jmo₃ jan₂ dsa₂ i₂cha₂ dsá_{u1} léi₄ juě'₂ le₂ně₅?

Jaun₂ lě₃ ca₂lě₃ le₁dson'₅₄ dsa₂.

17 Jaun₂ ca₂ŋag₃ táng₃ dsa₂ ca₂ŋí'₃ dsa₂ i₂jme₁ten₄ 'éi₂:

—¿'E₂ guě'₂ juá'₂ 'ne₂ lín₅, ia₁ jme₁ne'₄ 'ne₂ bá₄ ně₂niá'₃?

Jaun₂ ca₂ŋag₃ dsa₂ 'éi₂:

—A₂lín₅ jan₂ dsa₂ i₂ě₂ jág₁ quián₅ Diú₄ bá₄.

18 La₁ dsa₂ judíos ně₃, tsá₃ jme₁'éin₂ bá₄ guě'₄ a₂dsón'₂ jme₁ten₄ dsa₂ 'éi₂, ton'₂ ca₂tíin'₃ jme₁ne₁₂, ca₂lia'₂ ca₂tě'₃ chog₅₄-jmei₂ dsa₂ 'éi₂.

19 Jaun₂ ca₂ŋag₃ dsa₂ fariseos ca₂ŋí'₃ chog₅₄-jmei₂ 'éi₂:

—¿Chi'₂ ja₂ŋí'₂ 'nia'₂ la₂, i₂juá'₂ 'nia'₂ i₂ten₄ ca₂rě₃chán₃? ¿'A₂ guě'₂ lia'₂ ma₂jág₅ ně₃?

20 Jaun₂ ca₂ŋag₃ chog₅₄-jmei₂:

—Ne₄ bá₄ jniá'₅₄, chi'₂ quián₂ bá₄ jniá'₅₄ ně₅, i₂ca₂rě₃chán₃ ten₄; 21 la₁ tsá₃ ne₄ jniá'₅₄ 'a₂ guě'₂ lia'₂ ně₃ ma₂lé₂ jág₃, on₃ guě'₂ ne₄ jniá'₅₄ 'ein₂ ca₂jmo₃ ca₂ŋia₃ mi₂ne₅₄. ŋag₄ caun₂ 'nia'₂ guiong'₅₄; i₂ma₂juin'₂ bá₄ ně₅, jaun₂ lé₂ bá₄ juá'₂ 'ŋiog₅ 'a₂ lia'₂ ca₂lě₃.

22 Ca₂juá'₂ chog₅₄-jmei₂ le₂ně₅ 'uig₅₄ ia₁ a₂gó'₅ gain₃ dsa₂ judíos, ia₁ jme₁ma₂ca₂jmo₃ 'éi₂ caun₂ jág₁ a₂'uág'₂ 'uín'₂ dsa₂ ja₁le₁toin₂₃ ne₄ si₂ guá'₅ sinagoga ju₁'ein₂ guě'₃ i₂juá'₂, Jesús bá₄ lín₅ l₂rě₂'ín₁ quián₅ Diú₄. 23 'Uig₅₄ jaun₂ bá₄ ca₂juá'₂ chog₅₄-jmei₂: “ŋag₄ caun₂ 'nia'₂ guiong'₅₄, i₂ma₂juin'₂ bá₄ ně₅.”

24 Jaun₂ bá₄ ca₂tě₃ táng₃ dsa₂ judíos ca₂tě'₃ dsa₂ i₂jme₁ten₄ 'éi₂, jě₁ca₂tě₂ táng₃ ráun₂, jaun₂ ca₂juá'₂:

—Jua'₅₄ jág₁ dsau₅ tě₃dsón'₂ ne₄ Diú₄;† ne₄ bá₄ jniá'₅₄ jan₂ dsa₂ i₂cha₂ dsá_{u1} bá₄ 'éi₂.

25 Jaun₂ ně₃ ca₂ŋag₃ dsa₂ 'éi₂:

—Tsá₃ a₂jaun₂ guion₄ jniá'₂ jua'₅₄ jan₂ dsa₂ cha₂ dsá_{u1} 'éi₂, o₃ tsá₃ dsá_{u1} cha₂ 'e₂. ŋia'₅₄ lia'₂ a₂jaun₂ bá₄ guion₅₄, a₂jme₁ten₄ bá₄ jniá'₂, la₁ ně₃ ma₂lé₂ bá₄ jág₄.

26 Jaun₂ ca₂ŋag₃ táng₃ dsa₂ fariseos:

—¿'E₂ ca₂jmo₃ quiáng'₂? ¿'A₂ lia'₂ ca₂jmo₃ dsa₂ 'éi₂ a₂ca₂ŋia₃ mi₂ne'₅₄?

27 Jaun₂ ca₂ŋag₃ dsa₂ 'éi₂:

† 9:24 lit. “jme₁juin'₂ Diú₄”, co₂'nió'₄ quián'₅₄ jág₁ ně₅ jme₁jmo₅ dsi₂tan₅₄ 'éi'₃ ja₁con₂ dsa₂, a₂juá'₂ tion₅₄ jág₁ tí₅ dsón'₂. 'Nio'₂ ja₁ton₅ Josué 7:19, Mateo 26:63.

—Ma₂ně₂juá'₃ guë'₂ jniá'₂. Tsá₃ tón'₂ guë'₂ 'nia'₂ jui'₅ e'₂ juá'₅ jniá'₂. ¿'E₂ lë₃ 'niog'₂ 'nia'₂ nág'₂ táng₃? ¿O₃ bá₄ ján₃ guë'₂ 'niog'₂ 'nia'₂ le'₃ éng'₂ le₃ quió'₅ 'éi'₂?

28 Jaun₂ qui₂ca₂jnaú'₂ dsa₂ jág₁ uig₅, jaun₂ ca₂juá'₂:

—'Ne₂ 'éng'₂ le₃ quió'₅ dsa₂ 'éi'₂, la₁ia₁ jnia'₅₄ guë'₂ 'éin₂ le₃ quió'₅ Moisés. **29** Ne₄ jnia'₅₄, a₂ca₂dsia₃ Diú₄ jág₁ quian'₅₄ Moisés, la₁ dsa₂ 'éi'₂ guë'₂ ně₃, tsá₃ ne₄ a₂já'₄ já₅.

30 Jaun₂ ca₂ḡag₃ dsa₂ 'éi'₂ ně₃ ca₂juá'₂:

—iDson'₂ bá₄ jaun₂ dsi₂gó'₃ dsi₅ a₂jaun₂: a₂tsá₃ ḡi'₅₄ 'nia'₂ a₂já'₄ já₅, ton'₂ ca₂jme₃jnio₅₄ jme₁ne₃! **31** Ma₂ne₄ rë₂ bá₄ jniog₄ jaun₂, a₂tsá₃ nag₅ Diú₄ jág₁ quió'₅ dsa₂ i₂cha₂ dsáu₁; jmá'₃ lia'₂ jág₁ quió'₅ dsa₂ i₂jme₂gan₃ Diú₄, i₂qui₂jmo₅ a₂'ḡio₂ dsi₅ 'éi'₂: quió'₅ 'éi'₂ bá₄ nag₂₃. **32** Lia'₂ 'i₁cón'₂ tsá₃ 'ein₂ ma₂nág₂ ca₂le₂jniá'₅ jua'₅₄ chan₂ dsa₂ i₂lé₂ le₃jme₃'lión₂ jan₂ dsa₂ i₂ten₄ ca₂rë₃chán₃. **33** Jua'₅₄ mei'₂ guë'₃ tsá₃ já₅ dsa₂ 'éi'₂ ja₁con₂ Diú₄, tsá₃ 'e'₂ lé₂ jme₁jmo₃.

34 Jaun₂ ně₃ ca₂ḡag₃ dsa₂ fariseos:

—Co₂ḡei'₅₄ bá₄ ne₄ dsáu'₂ ca₂rë₃cháng'₃. ¿I₂'ein₂ bá₄ lín'₅ 'ne₂ jaun₂ jme₁tag'₅ jnia'₅₄?

Jaun₂ ca₂dsei₅ dsa₂.

Ju₁lia'₂ dsa₂ ten₄ tē₂le₃ gu₂dsí'₂

35 Jaun₂ ca₂rë₃ḡi₅ Jesús jág₁ a₂ca₂dsen₅ dsa₂ ca₂dsein₂₃ dsa₂ i₂jme₁ten₄ 'éi'₂. Jaun₂ jme₁ca₂jein'₂, ca₂juá'₂:

—¿'Én'₂ 'ne₂ tē₂le₃ quió'₅ Jaun₅ dsa₂ mi₂güí₃?‡

36 Jaun₂ ca₂juá'₂ dsa₂ 'éi'₂:

—Gui'₅₄, ¿i₂'ein₂ bá₄ 'éi'₂, ia₁jaun₂ lé₂ le₃'én₂ jniá'₂ le₃ quió'₅?

37 Jaun₂ ca₂ḡag₃ Jesús:

—Ma₂ně₂jín'₅₄ bá₄, jaun₂ jniá'₂ bá₄ 'éi'₂ i₂dsia'₂ jág₁ quiang'₅₄.

38 Jaun₂ bá₄ ca₂chi₃jné₃ dsa₂ 'éi'₂ ne₄ Jesús, jaun₂ ca₂juá'₂:

—'Én₂ bá₄ jniá'₂, Te₁gui'₅₄.

39 Jaun₂ ca₂juá'₂ Jesús:

—A₂qui₁dsi₅ 'éi'₃ bá₄ jniá'₂ guio₃ mi₂güí₃ la₂, ia₁jaun₂ jág₃ ju₁lia'₂ dsa₂ ten₄, ton'₂ ia₁jaun₂ le₃ten₄ ju₁lia'₂ dsa₂ i₂jág₅.

40 Jaun₂ qui₂ca₂nág₂ jág₁ jaun₂ i₂lín₅₄ dsa₂ fariseos i₂jme₁tion'₅₄ quian'₅₄ Jesús, jaun₂ ca₂ḡag₃:

—¿O₃ bá₄ dsa₂ ten₄ lág₅ jnia'₅₄ ján₃?

41 Jaun₂ ca₂ḡag₃ Jesús:

—Jua'₅₄ mei'₂ guë'₃ lín'₅ 'nia'₂ dsa₂ ten₄, tsá₃ dso₄ jme₁qui₂le₃cán'₂ 'nia'₂. La₁ia₁, 'uig₅₄ ia₁ a₂juá'₂ 'nia'₂, “ne₄ jnia'₅₄”, jaun₂ tē₂'ḡiá₄ dsáu'₂ 'nia'₂.

10

Jág₁ jáng'₅ léi₄ ju₁lia'₂ dsa₂ i₂jmo₅ 'í₁ já'₂ cha'₂

1 A₂dsi₂jó'₃ juí₂g₂ jniá'₂ 'nia'₂, ju₁lia'₂ i₂tsá₃ tón'₅ tē₂le₃ jui₅ o₄'né₄ tsi₁jní₂ ja₁tion'₅₄ já'₂ cha'₂, a₂uí₂g₂ jui₅ siá'₂, dsa₂ 'ang₂ bá₄ 'éi'₂. **2** La₁ia₁ ju₁lia'₂ i₂'í₂ tē₂le₃ o₄'né₄, dsa₂ i₂jmo₅ 'í₁ já'₂ cha'₂ bá₄ 'éi'₂. **3** O₄quió'₄ 'éi'₂ bá₄ niá'₅ dsa₂ i₂jmo₅ 'í₁ o₄'né₄, jaun₂ já'₂ cha'₂ ně₃, rë₂cuí'₅ jág₁ quió'₅ 'éi'₂. Jaun₂ tē₂ já'₂ cha'₂ quiáin₅ 'ḡiog₅ lia'₂ chein₂, jaun₂ 'uág'₂. **4** Jë₁ma₂ca₂lë₃ 'uín'₂ ca₂le₃jín₃ con'₂ i₂quiáin₅ 'ḡiog₅, jaun₂ cán₂ ne₄ jui₅, dsó₅ ne₄ já'₂ cha'₂. Já'₂ cha'₂ ně₃ dsi₂léin₂ chi₁co'₅₄ quió'₅, ia₁ rë₂cuí'₅ bá₄ jág₁ quió'₅. **5** La₁ tsá₃ 'ein₂₃ ju₁lia'₂ dsa₂ i₂tsá₃ cuiin₂₃; tē₂le₃ cui₂₃ng₂₃ bá₄ ja₁con₂ 'éi'₂, ia₁ tsá₃ cuí'₅ jág₁ quió'₅ dsa₂ sián'₂.

‡ **9:35** A₂lín₅₄ chog₅₄ si₂juá'₂: “¿'Én'₂ 'ne₂ tē₂le₃ quió'₅ Ja₁ḡi'₅₄ Diú₄?”

⁶ Ca₂juá'₂ Jesús jág₁ a₂jáng'₅ léi₄ nē₅, la₁ tsá₃ ca₂rē₃ñí'₂ dsa₂, 'e₂ jein₅ jág₁ jaun₂ a₂juá'₂.

Jan₂ Jesús i₂dsen₃ i₂jmo₅ 'í₁ já'₂ cha'₂

⁷ Jaun₂ nē₃ ca₂juá'₂ táng₃ Jesús ca₂tsí'₃ dsa₂:

—A₂dsi₂jó'₃ juig₂ jniá'₂ 'nia'₂, jniá'₂ bá₄ líng₅ o₄'né₄ jui₅ ja₁dsi₂ton'₅₄ já'₂ cha'₂.

⁸ Ca₂le₃jín₃ i₂ma₂o₃lén₂ jniá'₅ gué₄ con'₂ gué₄ jniá'₂, dsa₂ 'ang₂ bá₄ 'éi₂; la₁ já'₂ cha'₂ nē₃, tsá₃ jui₅ ca₂ton'₂ quió'₅. ⁹ Jniá'₂ líng₅ o₄'né₄; jui₁lia'₂ i₂tón'₅ jui₅ le₃quió₃, tín'₄ bá₄. Jaun₂ qui₃dsi₃toin'₅₄, qui₃'uí₃n₃, jaun₂ dsio'₂ bá₄ ñi₂ma'₂ a₂gué'₃.

¹⁰ 'Dsa₂ 'ang₂ nē₃, jmá'₃ ta₁ jaun₂ bá₄ ja₂: a₂'ang₃, a₂jme₃dsiog₂₃, a₂qui₃'éin₂ nē₃; jniá'₂ nē₃ guio₃ ia₁jaun₂ le₃chain₂, a₂le₃chain₂ qui₂rē₂tsón₂. ¹¹ Jniá'₂ bá₄ líng₅ juig₅₄ dsen₃ i₂jmo₅ 'í₁ já'₂ cha'₂. * Guen₅ 'mú₃ juig₅₄ dsen₃ o₄quió'₄ já'₂ cha'₂; ¹² la₁ jui₁lia'₂ dsa₂ i₂jmo₅ ta₁ a₂'liain'₅₄, jē₁ma₂ca₂jág₃ já₅ dsi₂ji'₅₄ ná_{u2}, téin₂ bá₄ já'₂ cha'₂ jaun₂ cuig₂₃ bá₄ 'ñiog₅, ia₁ on₃jua'₅₄ juig₅₄ i₂quián₅ já'₂ cha'₂ 'éi₂. Jaun₂ dsi₂ji'₅₄ ná_{u2} nē₃, tsáin'₂ já'₂ cha'₂, jaun₂ jmo₂₃ le₁jan₅₄ já'₂. ¹³ Dsa₂ 'éi₂ nē₃, cuig₂₃ ia₁ a₂'liain'₅₄ bá₄ jmo₂₃ 'í₁; tsá₃ dsan₂ dsí₅ já'₂. ¹⁴ Jniá'₂ bá₄ líng₅ juig₅₄ dsen₃; i₂cuín₅ bá₄ jniá'₂ já'₂ cha'₂ quiáng₃; 'éi₂ nē₃ cuig₂₃ jniá'₂. ¹⁵ Le₂jaun₂ jui₁lia'₂ cuig₅ Ne'₃ jniá'₂, ján₃ bá₄ cuín₅ jniá'₂ 'éi₂ nē₃. Guén₅ jniá'₂ 'mú₃ o₄quió'₄ já'₂ cha'₂ quiáng₃. ¹⁶ Já₃ bá₄ tion'₅₄ já'₂ cha'₂ sián'₂ quiáng₃ i₂tsá₃ tion'₅₄ 'ñió'₃ jni₁la₂; já₃ bá₄ ca₂tín₂ jniá'₂ i₁te₁ 'éi₂. Já₃ bá₄ le₃ne'₅₄ 'éi₂ jág₁ quió₃, jaun₂ co₂nió'₃ bá₄ lé₂, jan₂ gué'₂ juig₅₄.

¹⁷ 'Uig₅₄ jaun₂ bá₄ 'nio₃ Ne'₃ jniá'₂: ia₁ jáng'₅ jme₂dsí₂ quió₃,† ia₁jaun₂ títg'₄ táng₃. ¹⁸ Lia'₂ 'i₁jan₂ tsá₃ jniá'₂ jme₂dsí₂ a₂chan₂ jniá'₂, ia₁ jáng'₅ bá₄ jniá'₂ jme₂dsí₂ a₂chang₂ a₂'ñio₂ dsi₃ 'ñio₃. Jniá'₂ bá₄ 'o₂₃ bí₂ jáng'₅, jaun₂ 'o₂₃ bí₂ títg'₄ táng₃. 'Éi'₃ nē₅ ca₂ñig₂ ja₁con₂ Ne'₃.

¹⁹ Jaun₂ ca₂lē₃ le₁dson'₅₄ táng₃ dsa₂ judíos, jme₁ca₂nág₂ jág₁ nē₅.

²⁰ Juin₅ i₂'éi₂ juá'₂:

—I₂'en₅₄ jan₂ jme₂dsí₂ je₂na'₅₄ tē₂dsí₅ bá₄ nē₅, tē₂'i₂₃ a₂ñái₅ nē₃. ¿E₂ lē₃ tón'₂ 'nia'₂ jui₅ jág₁ quió'₅?

²¹ La₁ i₂lín₅₄ gué'₂ juá'₂:

—On₃jua'₅₄ jág₁ quió'₅ jan₂ i₂'en₅₄ je₂na'₅₄ tē₂dsí₅ nē₅. ¿Lé₂ le₃jmo₃ je₂na'₅₄ a₂jág₃ jui₁lia'₂ dsa₂ ten₄?

Tsá₃ ca₂guen₃ dsa₂ judíos Jesús

²² Jmig₄ jaun₂, jme₁tion'₅₄ dsa₂ juig₂ Jerusalén jmo₂₃ Jmig₄ quió'₅ Si₂. Jein₂ güig₂ jme₁lē₄, ²³ jaun₂ jme₁i₂ñi₅₄ Jesús i₁dsi₅ guá'₅ templo ja₁lē₄ corredor a₂chei₂ Quió'₅ Salomón, ²⁴ jaun₂ qui₂ca₂o₃lio₃ dsa₂ judíos quió'₅, jaun₂ ca₂juá'₂:

—¿A₂ con'₂ jmó'₂ 'ne₂ 'ag₃ gué₄ caun₂-tín₃ dsi₅ jnia'₅₄? Chi₂jua'₂ dsón'₂ lín'₅ 'ne₂ I₂rē₂'ín₁ quián₅ Diú₄, co₂ñei'₅₄ jua'₅₄ rē₂jiá₃ jág₁.

²⁵ Jaun₂ ca₂ñag₃ Jesús:

—Ma₂nē₂juá'₃ bá₄ jniá'₂, la₁ tsá₃ ca₂rē₃'én'₂ gué'₂ 'nia'₂. Qui₂jáng'₅ bá₄ jág₁ dsau₅ o₄quió₃, léi₄ a₂jmo₅ jniá'₂; ²⁶ la₁ tsá₃ 'én'₂ 'nia'₂, ia₁ tsá₃ lín'₅ 'nia'₂ já'₂ cha'₂ quiáng₃. ²⁷ Ne'₅₄ bá₄ já'₂ cha'₂ quiáng₃ jág₁ quió₃; i₂cuig₅ bá₄ 'éi₂ jniá'₂, jaun₂ ja₂'ein₂₃ chi₁co'₅₄ quió₃. ²⁸ Cué₅ jniá'₂ jme₂dsí₂ a₂le₃chain₂ co₂tan₅₄, jaun₂ lia'₂ o₁líg'₂ jmig₄ tsá₃ dsián₃, on₃ gué₄ lia'₂ 'i₁jan₂ tsá₃ lé₂ le₃jniái'₂ 'éi₂ o₄gu₃ jniá'₂. ²⁹ Ne'₃ jniá'₂, i₂ma₂cuag₃ 'éi₂, lín₅ i₂juin'₂ gué₄ lia'₂ con'₂ gué₄ ca₂le₃jín₃; jaun₂ lia'₂ 'i₁jan₂ tsá₃ lé₂ jnió'₂ o₄gú₃ Ne'₃. ³⁰ Jniá'₂ quian'₅₄ Ne'₃, ca₂ne₅₄ bá₄ lág₅ jnia'₅₄.

* **10:11** 'Í₂ Ezequiel 34. † **10:17** 'Nio'₂ ja₁ton₅ Juan 19:30.

31 Jaun₂ ně₃ ca₂ŋa'₃ táng₃ dsa₂ judíos ni₁cang₁ a₂qui'₃ quió'₅. 32 Jaun₂ ca₂juá'₂ Jesús:

—'Lióng₂ lín₃ léi₄ dse₃ ma₂'ě₃ jniá₂ 'nia'₂ të₂le₃ quian'₅₄ jui₅bí₂ quió'₅ Ne'₃; ¿o₄quió'₄ 'e₂ caun₂ a₂ma₂jmo₃ jniá₂ jaun₂, a₂qui₁jnau'₅₄ 'nia'₂ jniá₂ ni₁cang₁?

33 Jaun₂ ca₂ŋag₃ dsa₂ judíos:

—Tsá₃ o₄quió'₄ léi₄ dse₃ qui₁jna'₅₄ jniá'₅₄ 'ne₂ ni₁cang₁; a₂jaun₂ bá₄ ia₁ a₂'íng'₅ 'lig'₅₄ Diú₄, a₂jmo'₂ 'ne₂ a₂líng'₅ Diú₄, ton'₂ jan₂ dsa₂ mi₂güig₃ bá₄ líng'₅.

34 Jaun₂ ně₃ ca₂juá'₂ Jesús tsí'₅ dsa₂ judíos:

—¿Tsa₁ chi₁ton₅ ne₄ Si₂ 'Éi'₂ quián'₂ 'nia'₂: “A₂ma₂juá'₃ jniá₂, a₂lín'₅ 'nia'₂ diú₄”? † 35 Chi₂jua'₂ ca₂té'₃ “diú₄” dsa₂ i₂ca₂ŋi₂ jág₁ quió'₅ Diú₄, (jaun₂ tsá₃ lé₂jua'₅₄ tsá₃ le₃ti₃ Si₂); 36 'ě₂ gué₄ bá₄ 'éi₂ i₂ca₂jmo₃ Diú₄ rě₂tson₄, i₂ca₂chein₃ mi₂güig₃. ¿'Nia'₂ juig'₂ 'íng'₅ 'lig'₅₄ Diú₄ ia₁ jniá₂ ně₂juá'₃ a₂líng₅ Ja₁ŋi'₅₄ Diú₄? 37 Chi₂jua'₂ tsá₃ jmo₅ jniá₂ ta₁ quió'₅ Ne'₃, tsá₃ ju₁le₂'én'₂ 'nia'₂ le₃quió'₃ jniá₂. 38 La₁ chi₂jua'₂ jmo₅ gué'₂ jniá₂, ju₁'a₂ gué₃ la₂ tsá₃ 'én'₂ 'nia'₂ të₂le₃ quió'₃ jniá₂, ju₁le₂'én'₂ bá₄ 'nia'₂ të₂le₃ quió'₅ ta₁ a₂jmo₅ jniá₂, ia₁jaun₂ le₃ŋi'₅₄ bá₄, ia₁jaun₂ le₃ŋi'₂ 'au'₂ 'nia'₂, Š a₂'en₅₄ Ne'₃ ja₁cong₂, le₂jaun₂ gué'₂ táng₃, a₂'en₅₄ jniá₂ ja₁con₂ Ne'₃.

39 Jaun₂ jme₁'nio₃ táng₃ dsa₂ jme₁tsáun'₂, la₁ ca₂lón₂ bá₄ o₄gú₃ 'éi₂.

40 Jaun₂ ně₃, ŋó₃ táng₃ Jesús të₂le₃ quióng₄ Cuá₃ Jordán, jaun₂ ca₂ŋia₃ ja₁jaun₂ ja₁jme₁'en₅₄ Juan₅₄ le₂ŋiá₅ choin₂₃ jmig₂ dsa₂. * 41 Ju_{in}₅ lín₃ dsa₂ ca₂i_{len}₅₄ i₁jag₅₄, qui₂ca₂juá'₂:

—Tě₃dsón'₂ bá₄, o₁ŋia'₅₄ tsá₃ 'e₂ léi₄ jué'₂ ca₂jmo₃ Juan₅₄, la₁ ca₂le₃jě₃ 'e₂ a₂ca₂juá'₂ a₂'iin₂₃ dsa₂ ně₅, dsau₅ bá₄.

42 Ja₁jaun₂ ca₂rě₃ 'én₂ ju_{in}₅ dsa₂ le₃quió'₅ Jesús.

11

Ca₂jón₃ Lázaro

1 Jme₁chan₂ jan₂ dsa₂ dso'₅₄ i₂jme₁chen₂ Lázaro, i₂jme₁chan₂ juig₂ Betania, juig₂ ja₁guá₄ María quian'₅₄ 'io₅₄ riin'₅₄ i₂chen₂ Marta.

2 María ně₅ ně₃ i₂riin'₅₄ Si₁Lia₁ dsa₂ dso'₅₄, 'éi₂ bá₄ i₂ca₂'ág₂ no'₅₄ mi₂juig₂ mi₂tag₄ Te₁gui'₅₄ jaun₂ ca₂chí₃, ca₂jme₃quéin₃ quian'₅₄ ŋi₂ dsi₅₄.

3 Jaun₂ ně₃, ca₂chen₃ le₃on₃ 'io₅₄ jág₁ ne₄ Jesús:

—Te₁gui'₅₄, a₂ron₅ dso'₅₄ dsa₂ i₂'nio₄ quiáng'₂.

4 Jaun₂ jme₁ca₂nág₂ Jesús, ca₂juá'₂:

—On₃jua'₅₄ dso₄ a₂jio₅ jui₅ 'mú₃ jaun₂; të₂le₃ ia₁jaun₂ le₃juin'₂ Diú₄ bá₄, le₂jaun₂ gué'₂ Ja₁ŋi'₅₄ Diú₄ ján₃ le₃juin'₂ të₂le₃ quian'₅₄ dso₄ jaun₂.

5 Jesús ně₃, jme₁'nioi₃ 'ŋio₅ lín₃ Marta quian'₅₄ 'io₅₄ riin'₅₄, quian'₅₄ Si₁Lia₁.

6 Jaun₂ lě₃, jme₁ca₂juá'₂ dsa₂ a₂dso'₅₄ Si₁Lia₁, ca₂ŋia₃ gué'₄ tñ₃ jmig₄ ja₁jme₁'ein₅₄ jaun₂. 7 Cang₂ jaun₂, ca₂juá'₂ ca₂tsí'₃ chi'₂ dsi₂guia₃-tín₂ quiáin₅:

—Ma₃dsau₅₄ táng₃ ju₁ Judea.

8 Jaun₂ ně₃ ca₂juá'₂ chi'₂ dsi₂guia₃-tín₂:

—Tě₅, i₁jáun₃ ně₅ cón'₅ jme₁'nio₃ dsa₂ judíos jme₁qui₃jnáu'₂ cang₄; ¿con'₂ gué'₂ lia'₂ 'niog'₂ gog'₅₄ táng₃ ja₁jaun₂?

9 Jaun₂ ca₂ŋag₃ Jesús:

—¿On₁ dsón'₂ quian₅ guia₃-tín₂ horas caun₂ jmig₄? Ně₁jua'₂ i₂'nio₄ dsa₂ a₂jmi₂, tsá₃ qui₂niói₅, ia₁ jág₅ si₂ a₂tág₅ ja₁con₂ dsa₂ mi₂güig₃; 10 la₁ ně₁jua'₂ i₂'nio₄ dsa₂ jě₄ qui₁né'₃ qui₂niói₅ ia₁ tsá₃ si₂ cha₂ ja₁coin₂.

11 Cang₂ jme₁ma₂ně₂juá'₂ le₂ně₅, jaun₂ ca₂juá'₂:

‡ 10:34 Salmo 82:6. Š 10:38 A₂lín₅₄ chog₅₄ si₂ juá'₂: “ia₁jaun₂ le₃'én'₂ 'nia'₂.” * 10:40 lit. “tiáin₂ dsa₂ jmig₂”

—Ma₂ca₂güin₂ bá₄ Si₁Lia₁ a₂mei₅₄ quián₂ jniog₄; la₁ nei₅₄ jniá₂ i₁nei₁₂.

¹² Jaun₂ ně₃ ca₂juá'₂ chi'₂ dsi₂guia₃-tín₂:

—Te₁gui'₅₄, chi₂jua'₂ ma₂ca₂güin₂, co₂'nió'₄ jñia₃ bá₄ quió'₅.

¹³ La₁ a₂jaun₂ bá₄ jme₁'nio₃ Jesús juá'₂ a₂jme₁ma₂jon₅ bá₄ 'éi₂; la₁ jaun₂ bá₄ lín₂ chi'₂ dsi₂guia₃-tín₂ a₂'ě₅ Jesús ju₁lia'₂ a₂güin₂ dsa₂ jě₁ma₂ca₂nei₂.

¹⁴ Jaun₂ ně₃ ca₂juá'₂ Jesús lia'₂ rě₂jiá₃ jág₁:

—Ma₂ca₂jon₃ bá₄ Si₁Lia₁. ¹⁵ Jéin₅ jniá₂ 'io'₂ o₄quián'₂ 'nia'₂, a₂tsá₃ jme₁'eng₅₄ ja₁jaun₂, ia₁jaun₂ le₃'én'₂ 'nia'₂. La₁ ma₃dsau₅₄ ma₃dsi₁jñin₅₄.

¹⁶ Jaun₂ ně₃ ca₂juá'₂ To₁má₄ i₂tě'₂ dsa₂ Dsa₂ Tsñn'₅₄, ca₂tsí'₃ chi'₂ dsi₂guia₃-tín₂ rñin'₅₄:

—Ján₃ guě'₂ dsau₅₄ jniog₄, ia₁jaun₂ dsióg₃ co₂lě₅ quian'₅₄ i₂ně₅.

Jesús bá₄ i₂jmo₅ a₂jen'₅₄ dsa₂, i₂cuě₅ jme₂dsí₂ a₂le₃chan₂ dsa₂

¹⁷ Jme₁ma₂tě₂ quén₂ jmig₄ 'en₅₄ Si₁Lia₁ tau₂ 'ñio₅, jme₁dsióg₃.

¹⁸ Juig₂ Betania jaun₂, jme₁niog₅ cau₅ ma₂quián₅ Jerusalén con'₂ tin₃ kilómetros tē₂ ca₂jau₅₄.

¹⁹ Jaun₂ ca₂i₁len₅₄ juñ₅ dsa₂ judíos ca₂i₁jñin₁₂ Marta quian'₅₄ María rñin'₅₄, ca₂i₁jmo₅₄ lián'₂ dsí₅ 'éi₂, ia₁ ca₂jon₃ Si₁Lia₁ rñin'₅₄.

²⁰ Jaun₂ Marta ně₃, jme₂ca₂rě₃ñi₅ a₂ma₂já₅ Jesús, jaun₂ ca₂o₃'íin₃ ca₂i₁jme₁jein'₂. La₁ María ně₃ ca₂jñia₃ bá₄ dsi₂néi₂.

²¹ Jaun₂ ca₂juá'₂ Marta ca₂tsí'₃ Jesús:

—Te₁gui'₅₄, jua'₅₄ mei'₂ bá₄ jme₁'eng'₅₄ ja₁lá₃, tsá₃ jme₁jón₂ dsó₂ ríng'₃. ²² La₁ia₁ guion₄ jniá₂, o₁jñia'₅₄ con'₂ lě₅ la₂, chi₂jua'₂ 'e₂ a₂mi'₂ 'ne₂ ja₁con₂ Diú₄, cuě₃ bá₄ 'éi₂.

²³ Jaun₂ ca₂juá'₂ Jesús:

—Le₃chan₂ bá₄ táng₃ ríng'₂.

²⁴ Jaun₂ ca₂juá'₂ Marta:

—Guion₄ bá₄ jniá₂ a₂le₃chain₂ táng₃ jě₁ma₂tě₂ rě₁jein'₅₄ jñn₄ 'lag₄, jmig₄ jě₁ca₂tó'₂.

²⁵ Jaun₂ ně₃ ca₂juá'₂ Jesús:

—Jniá₂ bá₄ líng₅ i₂jmo₅ a₂jen'₅₄ dsa₂, i₂cuě₅ jme₂dsí₂ a₂le₃chan₂ dsa₂ ně₃. Ju₁lia'₂ i₂'én₂ tē₂le₃ quió₃ jniá₂, o₁jñia'₅₄ ma₂join₂₃, le₃chain₂ bá₄; ²⁶ jaun₂ chi₂jua'₂ 'ein₂ i₂chan₂ guě₄, ně₁jua'₂ ca₂rě₃ 'éin₂ tē₂le₃ quió₃ jniá₂, lia'₂ o₁líg'₂ jmig₄ tsá₃ jón₂. ¿'Éng'₂ jág₁ ně₅?

²⁷ Jaun₂ ca₂juá'₂ Marta:

—Ján₅, Te₁gui'₅₄. Ma₂ca₂rě₃ 'én₂ bá₄ jniá₂ a₂lín'₅ 'ne₂ Ja₁ñi'₅₄ Diú₄ I₂rě₂ 'ín₁ quiáin₅, i₂lě₅ jág₁ jiá₃ mi₂güig₃.

Ca₂'o₃ Jesús cau₅ tau₂ 'ñio₅ quió'₅ Si₁Lia₁

²⁸ Jme₁ca₂lě₃ juá'₂ Marta jág₁ ně₅, náí'₃ i₁te'₂ María rñin'₅₄; jaun₂ ca₂juá'₂ jág₁ con'₂ tē₃co'₅₄:

—La₂ ma₂'en₅₄ tē₅, jaun₂ 'ne₂ tē'₂.

²⁹ Dsi₂jui₅ jme₁ca₂nág₂ María jág₁ ně₅, ca₂nau₂, jaun₂ ñó₃ i₁jñin₂₃ Jesús.

³⁰ Tsá₃ jme₁ma₂dsióg₃ guě₄ Jesús tē₃jě₄ juig₂; jaun₂ bá₄ jme₁'ein₅₄ ja₁ca₂jein'₂ Marta.

³¹ Dsa₂ judíos i₂tion'₅₄ dsi₂néi₂ i₂cuě₅ lián'₂ dsi₅ ně₃, jme₁ca₂jág₃ ca₂nau₂ María ca₂o₃'íin₃ co₂chi'₅₄, ca₂i₃lén₂ chi₁co'₅₄ quió'₅, ia₁ a₂lín₂ ñó₅ 'éi₂ tau₂ 'ñio₅ a₂i₂'áu₂ ja₁jaun₂.

32 Jaun₂ ně₃, jme₁ca₂dsióg₃ María ja₁jme₁'en₅₄ Jesús, ca₂chi₃jně₃ ne₄ 'éi₂,* jaun₂ ca₂juá'₂:

—Te₁gui'₅₄, jua'₅₄ mei'₂ bá₄ jme₁'eng'₅₄ ja₁lá₃, tsá₃ jme₁jón₂ dsó₂ ríng'₃.

33 Jme₁ca₂jág₃ Jesús 'a₂ lia'₂ jme₁'o₅ María, 'a₂ lia'₂ jme₁tion'₅₄ guë'₂ dsa₂ judíos 'o₂₃ ně₃, i₂ja₂lén₂ quiain'₅₄, jaun₂ ca₂'ñia₃ i₃mé'₂ dsí₅, ca₂'í₃ qui'₂ dsí₅ ně₃. 34 Jaun₂ ca₂ñag₃:

—¿A₂já'₄ ca₂i₁'óin'₄ 'nia'₂?

Jaun₂ ca₂juá'₂ dsa₂:

—Te₁gui'₅₄, ñia₅ i₂jag₄.

35 Jaun₂ ca₂'o₃ Jesús.

36 Jaun₂ ně₃ ca₂juá'₂ dsa₂ judíos:

—Jag₄ de'₂ 'a₂ lia'₂ jme₁'nioi₃ 'éi₂.

37 La₁ ca₂juá'₂ i₂lin₅₄:

—¿Tsa₁ cha₂ lé₂ le₃jme₁jmo₃ i₂ně₅ i₂ca₂jme₃'lión₂ dsa₂ ten₄ 'éi₂, ia₁jaun₂ tsá₃ jme₁jón₂ guë'₂ dsó₂ rin'₅₄ 'io₅₄ ně₅?

Ca₂jen'₅₄ Si₁Lia₁

38 Con'₂ siá'₂ táng₃ ca₂'ñia₃ Jesús a₂i₃mé'₂ dsí₅ lia'₂ con'₂ ca₂dsióg₃ ja₁dsi₅₄ tau₂ 'ñio₅. Caun₂ tsi₁tě₂'lau₂ bá₄ jme₁lě₄ a₂jaun₂, jme₁chí'₄ ca₂míg₂ ni₁cang₁ a₂rě₂jlě₅ o₄'né₄.

39 Jaun₂ ca₂juá'₂ Jesús:

—Jñiá'₃ ni₁cang₁ ně₅.

Jaun₂ ca₂juá'₂ Marta rin'₅₄ 'lag₄ ca₂tsí'₃ Jesús:

—Te₁gui'₅₄, mei'₂ tsá₃ ma₂ja₂ ma₂'lig'₅₄ quió'₅, ia₁ ma₂tě₂ quén₂ jmig₄ ca₂join₃.

40 La₁ ca₂juá'₂ Jesús:

—¿Tsa₁ ně₂juá'₃ jniá₂, ně₁jua'₂ 'éng'₂, jag'₅₄ jui₅bí₂ jlá'₁ quió'₅ Diú₄?

41 Jaun₂ ně₃ ca₂jñiá'₂ dsa₂ ni₁cang₁. Jaun₂ ca₂chóg'₃ Jesús ne₅₄, ca₂juá'₂:

—Tia₅₄, cuë'₅ jniá₂ ti₁'mag'₄ 'ne₂ ia₁ ma₂nei'₂ bá₄ jág₁ quió'₃. 42 A₂guion₄ bá₄ jniá₂, a₂nag'₂ co₂tan₅₄. La₁ ně₂juá'₃ le₂ně₅ o₄quió'₄ dsa₂ i₂tion'₅₄ ja₁lá₃, ia₁jaun₂ le₃'éin₂ a₂ca₂chei'₂ jniá₂.

43 Jme₁ca₂lě₃ juá'₂ le₂ně₅, ca₂juá'₂ tiá₂:

—¡Lázaro! ¡Jú₅ ja₁ně₅!

44 Jaun₂ o₂'ín₃ 'lag₄ ja₁jaun₂ qui₂rě₂quein₅ gu₂-tag₅₄ quian'₅₄ 'nau₅₄ tsín'₅ tsi₁'mi'₂ jang₄. Dsi₂ne₅₄ ně₃ jme₁chi₁quein₅ quian'₅₄ tsi₁'mi'₂ tióg₃. Jaun₂ ca₂juá'₂ Jesús ca₂tsí'₃ dsa₂:

—Chi'₅₄ quió'₅, cuë'₄ jmig₄ jui₁dsiain'₅₄.

Ca₂jmo₃ dsa₂ caun₂ jág₁ a₂tsáin'₂ Jesús

(Mateo 26:1-5; Marcos 14:1-2; Lucas 22:1-2)

45 Jaun₂ ně₃, juin₅ dsa₂ judíos 'éi₂, i₂ca₂i₁len₅₄ quiain'₅₄ María, i₂qui₂ca₂tě₂ ne₄ 'e₂ a₂ca₂jmo₃ Jesús jaun₂, ca₂rě₃'éin₂ tě₂le₃ quió'₅ 'éi₂.

46 La₁ i₂lin₅₄ guë'₂ ně₃ ca₂i₁lein₅₄ ja₁con₂ dsa₂ fariseos, ca₂i₁jua'₄ 'e₂ a₂ca₂jmo₃ Jesús.

47 Jaun₂ ně₃, ca₂ñi'₂ dsa₂ fariseos quiain'₅₄ juig₅₄ jme₂dsa₂, quiain'₅₄ dsi₂tan₅₄ quián₅ guá'₅, jaun₂ ca₂juá'₂:

—¿'E₂ bá₄ jmó₁ jniog₄? Ia₁ ně₅ bá₄ ñi₅ dsa₂ 'éi₂ jmo₂₃ 'lióng₂ léi₄ juë'₂. 48 Chi₂jua'₂ caun₂ cuë'₂ jniog₄ jmig₄ jmo₃ lia'₂ ma₂jmo₂₃ ně₅, le₃'én₂ bá₄ ca₂le₃jín₃ dsa₂ tě₂le₃ quió'₅; jaun₂ qui₂ja₃lén₂ dsa₂ romanos qui₃'éin₂ ja₁jñi₅ quián₂ jniog₄ la₂, lia'₂ jma₃quian'₅₄ juig₂ nación quián₂ ně₃.

* 11:32 lit. "ca₂tóin₂ 'uě₃, cau₃ mi₂tag₄ 'éi₂." 'Nio'₂ ja₁ton₅ Apocalipsis 4:10.

49 La₁ jan₂ dsa₂ 'éi₂, i₂chen₂ Caifás, i₂jme₁lín₄ jme₂dsa₂ dsen₅₄ η₂ jaun₂, ca₂juá'₂:

—Tsá₃ 'e₂ cuin'₂ 'nia'₂ 'i₁caun₂, 50 on₃ guë'₂ len'₅₄ 'nia'₂, a₂jmo₅ bá₄ quián₂ jniog₄, † a₂jón₂ jan₂ dsa₂ o₄quió'₄ ca₂le₃jín₃, ia₁jaun₂ tsá₃ dsi₃'én₂ ta₁caun₂ juig₂.

51 La₁ on₃jua'₅₄ con'₂ tin₂ 'ηiog₅ Caifás ca₂juá'₂ le₂në₅; a₂jaun₂ bá₄ ca₂juá'₂ le₂në₅ ia₁ a₂jme₁lín₄ jme₂dsa₂ dsen₅₄ η₂ jaun₂: ca₂'ë₂ jág₁ o₄quió'₄ Diú₄, a₂'i₄ 'éi'₃ jón₂ Jesús o₄quió'₄ dsa₂ juig₂ judíos.

52 La₁ on₃jua'₅₄ rë'₂ jmá'₃ o₄quió'₄ dsa₂ juig₂ judíos, ján₃ bá₄ ia₁jaun₂ chi₃loin'₃ jmói'₂ ca₂ne₅₄ ca₂le₃jín₃ chi'₂-guein₂ quián₅ Diú₄ i₂qui₂i₂nio₄ tsi₁rë₂jan₅₄ në₃.

53 Jaun₂ në₃, ca₂le₃ jmig₄ jaun₂, ca₂jmo₃ jág₁ dsi₂tan₅₄ quián₅ dsa₂ judíos a₂jñi'₃ Jesús.

54 'Uig₅₄ jaun₂ tsá₃ ma₃jme₁ηi₅ Jesús dsi₁ne₁ jin₄ dsa₂ judíos, tē₂le₃ ca₂o₃'ín₃ bá₄ ja₁jaun₂. Jaun₂ ηó₃ caun₂ 'uë₃ ma₂quián₅ ja₁lë₄ 'uë₃ quein₂ co₂'ηiog₅, caun₂ juig₂ a₂chei₂ Efraín. Ja₁jaun₂ ca₂jñia₃ quiaín'₅₄ chi'₂ dsi₂guia₃-tín₂.

55 Jme₁ma₂ja₂quián₃ Jmig₄ Të₂'in₅₄ quió'₅ dsa₂ judíos. Jaun₂ juin₅ bá₄ dsa₂ ca₂'uiin₂ juig₂ gu'₂, qui₂ca₂uig₂ ju₅ Jerusalén né'₃ a₂të₅₄ Jmig₄ Të₂'in₅₄, ia₁jaun₂ qui₃jmo₃ le₁jín₃.

56 Jaun₂ jme₁i₂nio₄ dsa₂ 'nai'₂ Jesús, jaun₂ qui₂ñi'₂ rñin'₅₄ tióin₂ i₁dsi₅ guá'₅ templo:

—¿'A₂ lia'₂ lín'₂ 'nia'₂? ¿Jiá₃ jmig₄, o₃ bá₄ tsá₃ jiá₃ 'e₂?

57 Jme₁ma₂ca₂cuë₃ 'éi'₃ dsa₂ fariseos quiaín'₅₄ juig₅₄ jme₂dsa₂ në₃, jme₁ma₂juá'₂, në₁juá'₂ 'ein₂ ca₂rë₃ηi₅ a₂já'₄ 'en₅₄ Jesús, ju₁jmo₁₂ jág₁ ia₁jaun₂ cuin₃ jmig₄ tsáun'₂.

12

Jan₂ 'io₅₄ ca₂ts'ín₂ no'₅₄ mi₂juig₂ Jesús

(Mateo 26:6-13; Marcos 14:3-9)

1 Jñéi₂ jmig₄ né'₃ a₂të₅₄ Jmig₄ Të₂'in₅₄, ηó₃ Jesús ju₅ Betania ja₁jme₁chan₂ Lázaro, dsa₂ i₂ca₂jme₃jen'₅₄ Jesús jme₁rë₂'lín₄ 'éi₂.

2 Ja₁jaun₂ ca₂jmo₃ dsa₂ caun₂ má₃ o₄quió'₄ Jesús, a₂jme₂juag'₂. Ca₂tia'₃ Marta má₃; Si₁Lia₁ guë'₂ jme₁lín₄ jan₂ dsa₂ i₂tián'₅ ne₄ mesa guë'₅ co₂lë₅ quiaín'₅₄ Jesús.

3 Jaun₂ në₃ ca₂can₃ María con'₂ mei'₂ tsá₃ ca₂'nau₅₄ litro no'₅₄ mi₂juig₂ nardo, a₂quen₅ 'mu'₅₄ 'ηio₅ lín₃, jaun₂ ca₂tsáng₂ mi₂tag₄ Jesús, jaun₂ ca₂chí₃ quian'₅₄ jñi₂ dsi₅₄. Ta₁caun₂ dsi₂néi₂ qui₂ca₂can'₂ dsió'₁ mi₂juig₂.

4 Jaun₂ në₃, ca₂juá'₂ Judas Iscariote,* i₂jme₁lín₄ jan₂ dsa₂ guia₃-tín₂ quián₅ Jesús, i₂'éi₂ dé₄ i₂jáng'₂ quió'₅ Jesús, ca₂juá'₂:

5 —¿'E₂ 'uig₅₄ tsá₃ ca₂i₃'nag₄ co₂ñei'₅₄ no'₅₄ mi₂juig₂ në₅ quian'₅₄ 'ni₅ 'ñiá₂-láu₂ 'éi'₃ cu₄ denario, a₂jme₁jme₁'on₁ dsa₂ te₂ñé₂?

6 La₁ on₃jua'₅₄ jaun₂ ca₂juá'₂ Judas le₂në₅ jua'₅₄ a₂dsón'₂ dsan₂ dsí₅ ja₁con₂ dsa₂ te₂ñé₂; a₂jaun₂ bá₄ ca₂juá'₂ le₂në₅ ia₁ a₂jme₁lín₄ jan₂ dsa₂ 'ang₂ bá₄, ton'₂ jme₁niog₅ gu₂ tsi₁të₂lau₂ ja₁jme₁tó'₅ cu₄, jaun₂ jme₁cán₂ a₂jme₁tio'₅₄ 'ñio'₃.

7 Jaun₂ në₃ ca₂juá'₂ Jesús ca₂tsí'₃ Judas:

—Tsá₃ lë₁lein'₅₄; ta₁ jaun₂ bá₄ ca₂'ma₃ a₂në₅, jaun₂ ma₂lë₅ co₂jñia₅₄ jmig₄ jë₁ma₂të₂ rë₁'on₃ jniá₂. 8 Ca₂le₃jë₃ jmig₄ bá₄ i₂nio₄ dsa₂ te₂ñé₂ jin'₄ 'nia'₂, la₁ jniá₂ në₃ tsá₃ ma₃uë₂ 'en₅₄ jniá₂ quian'₅₄ 'nia'₂.

Ca₂jmo₃ dsa₂ caun₂ jág₁ a₂jñi'₃ Lázaro

† 11:50 A₂lín₅₄ chog₅₄ si₂ juá'₂: “a₂jmo₅ bá₄ quián'₂ 'nia'₂.”
“ja₁ñi'₅₄ Si₂mu₅₄.”

* 12:4 A₂lín₅₄ chog₅₄ si₂ juá'₂ bá₄ ján₃:

⁹ Jaun₂ ně₃, ca₂rě₃ŋi₅ juin₅ dsa₂ judíos a₂'en₅₄ Jesús jě₄ juig₂ Betania, jaun₂ i₁lein₅₄ ja₁jaun₂, on₃jua'₅₄ jmá'₃ ca₂ne₅₄ a₂i₁jin₁₂ Jesús, ján₃ bá₄ ca₂i₁jin₁₂ Si₁Lia₁ i₂ca₂jme₃jen'₅₄ Jesús jme₁rě₂'lin₅₄.

¹⁰ Jaun₂ ně₃, ca₂jmo₃ juig₅₄ jme₂dsa₂ caun₂ jág₁ a₂ŋii'₃ Si₁Lia₁ ján₃, ¹¹ ia₁ o₄quió'₄ 'éi₂ bá₄ juin₅ dsa₂ ma₂i₂u_{in}₂ ja₁con₂ dsa₂ judíos, a₂rě₂'éin₂ tē₂le₃ quió'₅ Jesús.

Ca₂dsióg₃ Jesús Jerusalén

(Mateo 21:1-11; Marcos 11:1-11; Lucas 19:28-40)

¹² Jme₁jnia₃ jaun₂, ca₂dsi₃lén₂ juin₅ lin₃ dsa₂ Jerusalén, ja₁niog₃ jmig₄. Jaun₂ jme₁ca₂rě₃ŋi₅ a₂dsióg₄ Jesús jě₄ juig₄ Jerusalén, ¹³ ca₂can₃ mog'₅₄ 'ma₂tsín₅, jaun₂ ca₂'uin₂ ca₂i₁ŋiai₅₄ Jesús, jaun₂ qui₂ca₂juá'₂ tiá₂:

—jui₁le₂juin'₂ bá₄ i₂ně₅!† jui₁le₂ŋi₃ó₃ i₂já₅ o₄quió'₄ Te₁gui'₅₄‡ jui₁le₂ŋi₃ó₃ Rag₅₄ quián₅ Israel!

¹⁴ Ca₂dsán'₂ Jesús jan₂ i₂bú'₄ 'mí₂, jaun₂ ca₂co₃dsin₅₄ já'₂, ju₁lia'₂ chi₁ton₅ ne₄ Si₂:

¹⁵ Tsá₃ lě₁jmo₂ gang'₃,
'nia'₂ dsa₂ chan₂ ciudad Sión:
jag₄, já₅ Rag₅₄ quiáng'₂,
co₂dsin₅₄ jan₂ bú'₄.§

¹⁶ Tsá₃ a₂jaun₂ ca₂rě₃ŋi'₂ dsí₅ chi'₂ dsi₂guia₃-tín₂ le₂'uig₅₄; la₁ia₁ cang₂ jaun₂, jme₁ma₂ca₂lě₃ rě₂juin'₂ Jesús, jaun₂ bá₄ ca₂dsáu'₃ dsí₅ guioin₅₄ jág₁ ně₅ a₂tio'₅₄ ne₄ Si₂ a₂'iin₂₃ 'éi₂. Ca₂dsáu'₃ dsí₅ ján₃, dsau₅ bá₄ le₂jaun₂ ca₂jmo₃ dsa₂ juig₂ ja₁con₂ Jesús.

¹⁷ Qui₂ca₂jáng'₃ jág₁ dsau₅ dsa₂ juin₅ i₂jme₁quian'₅₄ Jesús lia'₂ con'₂ jme₁ca₂tě'₃ Si₁Lia₁ né'₃ tau₂ 'ŋio₅, jme₁ca₂jme₃jein'₅₄ 'éi₂ jme₁rě₂'lin₅₄. ¹⁸ 'Uig₅₄ jaun₂ bá₄ ca₂'uin₂ dsa₂ juin₅, a₂ca₂i₁ŋiai₁₂ Jesús, ia₁ ca₂rě₃ŋi₅ a₂ca₂jmo₃ 'éi₂ léi₄ juě'₂ jaun₂.

¹⁹ Jaun₂ ně₃ ca₂juá'₂ dsa₂ fariseos qui₂ca₂tsí'₃ riin'₅₄:

—Ně₅ bá₄ jág'₂ 'nia'₂, tsá₃ 'e₂ qui'₅₄ 'nia'₂ jmig₄ jmó'₂ 'i₁caun₂. Jag₄ de'₂ 'nia'₂, ma₂i₂lén₂ ta₁caun₂ mi₂güig₃ le₃quió'₅ i₂ně₅.

I₂lin₅₄ dsa₂ griegos 'nai'₂ Jesús

²⁰ Jin₄ dsa₂ i₂i₁len₅₄ Jerusalén i₂jme₂juin'₂ Diú₄ ja₁niog₅ jmig₄, jme₁tion'₅₄ i₂lin₅₄ dsa₂ griegos. ²¹ Dsa₂ 'éi₂ ně₃, ca₂jme₃quiáin₃ ja₁con₂ Felipe i₂chan₂ juig₂ Betsaida, ja₁niog₅ 'uě₃ Galilea, jaun₂ ca₂mi₃ ne₄ 'éi₂, ca₂juá'₂:

—Gui'₅₄, 'niog₂ jnia'₅₄ né₄ Jesús.

²² Jaun₂ ŋe₄ Fe₂li₄ ca₂i₁chi'₄ Drě₄; jaun₂ le₂oin₃ ca₂i₁dsia₂ a₂ca₂i₁chi'₄ Jesús.

²³ Jaun₂ ně₃ ca₂ŋag₃ Jesús:

—Ma₂ca₂tě₂ hora a₂le₂juin'₂ Jaun₅ dsa₂ mi₂güig₃. ²⁴ A₂dsi₂jó'₃ juig₂ jniá₂ 'nia'₂, ně₃ jua'₂ tsá₃ tiá'₃ né'₃ 'uě₃ ju₁lia'₂ ca₂míg₂ mi₂cuig₂,* a₂dsi₃'én₂ ně₃, a₂lě₁tě₂ron₅₄ 'ŋiog₅; la₁ia₁ ně₃ jua'₂ ca₂jon₃ ně₃, 'lióng₂ rau₂. ²⁵ Ju₁lia'₂ i₂ŋi₄ lě₃ 'nio₃ jme₂dsi₂ a₂chain₂, ds₂'én₂ bá₄ jme₂dsi₂ jaun₂; la₁ia₁ ju₁lia'₂ i₂tén'₂ dsí₅ jme₂dsi₂ quió'₅ a₂chain₂ mi₂güig₃ la₂, a₂lé₂ quió'₅ bá₄ co₂tan₅₄. ²⁶ Ju₁lia'₂ i₂jme₂ti₃ ta₁ ne₃ jniá₂, 'nió'₅ jiá₃ chi₁co'₅₄ quió₃ jniá₂, jaun₂ ju₁lia'₂ ja₁'en₅₄ jniá₂, ján₃ bá₄ ja₁jaun₂ 'en₅₄ guě'₂ i₂jme₂ti₃ ta₁ ne₃. Jaun₂ ju₁lia'₂ i₂jme₂ti₃ ta₁ ne₃, guéi'₂ bá₄ ŋe'₃ rě₂.

Ca₂'ě₂ Jesús jág₁ a₂jóin₂

† 12:13 lit. “Hosana”, co₂'nió'₄ le₃jua'₅₄: “i₁Lio₄ jmig₄ ně₃!” A₂jme₁juá'₂ dsa₂ le₂ně₅ tsí'₅ Diú₄, qui₂mi₂₃ a₂jiá₃ dsa₂ i₂rě₂'in₁ quiáin₅. ‡ 12:13 Salmo 118:25-26. § 12:15 Zacarías 9:9. * 12:24 lit. “trigo.”

27 "Njio₅ lin₃ quian₄ jniá₂ o₂i dsi₅. ¿'E₂ bá juá'₄ jniá'₂? ¿Juá'₄ 'e₂: "Tia₅₄, lio₄ jniá'₂ 'e₂ niog₅ a₂qui₂dsi₃ñí₂ jniá'₂ hora la₂?" La₁ on₃jua'₅₄ le₂jaun₂, ia₁ ta₁ jaun₂ guio₃ gué'₂ jniá'₂ hora la₂. 28 Tia₅₄ jme₁jnia₅ 'a₂ lia'₂ jláng'₁.

Jaun₂ ně₃ ca₂né'₂ caun₂ jág₁ guei'₅₄ mi₂güí₃ a₂ca₂juá'₂:

—Ma₂ca₂jme₁jnia₅ bá₄ jniá'₂, jaun₂ con'₂ siá'₂ jme₁jnia₅ táng₃.

29 Jme₁ca₂nág₂ dsa₂ juin₅ i₂jme₁tión₂ cau₅ jaun₂, ca₂juá'₂:

—Ní'₃ bá₄ ně₂quiá'₃.

La₁ i₂sián'₂ gué'₂ juá'₂:

—Jan₂ ángel bá₄ ně₂juá'₂ jág₁ quió'₅.

30 Jaun₂ ně₃ ca₂juá'₂ Jesús ca₂tsí'₃ dsa₂:

—On₃jua'₅₄ o₄quió₃ jniá'₂ a₂ca₂né'₂ jág₁ ně₅; o₄quián'₂ 'nia'₂ bá₄ a₂ca₂né'₂. 31 Nē₃ gué'₄ ně₃ ca₂tě₂ jmig₄ a₂tě₃dsi₅₄ 'éi'₃ mi₂güí₃ la₂; ně₃ gué'₄ dsein₂₃ i₂gon₂ mi₂güí₃ la₂. 32 Jaun₂ jniá'₂ ně₃, jē₁ma₂ca₂chó'₂ dsa₂ guei'₅₄ gua'₅₄ 'uē₃, jme₁quián₄ jniá'₂ ca₂le₃jín₃ ja₁cong₂.

33 Ca₂juá'₂ le₂ně₅ a₂'ē₂₃ 'e₂ ne₅₄ 'mú₃ dsi₃ñí₂.

34 Jaun₂ ca₂ñag₃ dsa₂:

—Ma₂néi₂ jnia'₅₄ a₂'i₅ dsa₂ ne₄ Si₂ 'Éi'₃ a₂juá'₂ a₂le₃chan₂ I₂rē₂'ín₁ quián₅ Diú₄ co₂tan₅₄. ¿'A₂ gué'₂ lia'₂ juá'₂ 'ne₂ tion₅₄ chón'₂ dsa₂ Jaun₅ dsa₂ mi₂güí₃? ¿'Ein₂ 'éi₂ i₂lín₅ Jaun₅ dsa₂ mi₂güí₃?

35 Jaun₂ ně₃ ca₂juá'₂ Jesús:

—Jnia'₅₄ lia'₂ co₂'na₂ bá₄ tág₅ gué'₄ si₂ jin'₄ 'nia'₂. La₁ i₂nio'₄ 'nia'₂ tē₁lia'₂ tág₅ si₂, con'₂ tsá₃ ñó₅ ně₁jua'₂ ca₂tó'₂ nei₂. Ia₁ jui₁lia'₂ dsa₂ i₂ñi₅ jē₄ qui₁né'₃, tsá₃ ñi₅ 'a₂ jui₅ dsó₃. 36 Jui₁le₂'én'₂ 'nia'₂ le₃quió'₅ si₂, tē₁lia'₂ cha₂ si₂ jin'₄ 'nia'₂, ia₁jaun₂ lén'₂ 'nia'₂ dsa₂ quián₅ si₂.

Jme₁ca₂dsan₃ juá'₂ Jesús le₂ně₅, ñái'₃, jaun₂ ca₂'mai₃ ja₁con₂ dsa₂ 'éi₂.

'E₂ lē₃ tsá₃ jme₁'én₂ dsa₂ judíos le₃quió'₅ Jesús

37 La₁ jui₁'a₂ gué'₃ la₂ ca₂jmo₃ Jesús 'lióng₂ léi₄ ne₄ dsa₂ 'éi₂, tsá₃ ca₂rē₃'én₂ bá₄ gué'₄ dsa₂ 'éi₂ le₃quió'₅. 38 Le₂ně₅ ca₂rē₃ti₃ jág₁ a₂ca₂'ē₂ Isaías o₄quió'₄ Diú₄, jme₁ca₂juá'₂:

Te₁gui'₅₄, ¿'ein₂ ma₂ca₂rē₃'én₂ jág₁ a₂'ē₅ jniog₄?

¿Ja₁con₂ 'ein₂ ma₂ca₂jme₃jnia₅ Te₁gui'₅₄

jui₅bí₂ quió'₅?†

39 'Uig₅₄ jaun₂ tsá₃ lé₂ le₃'én₂ dsa₂ 'éi₂, ia₁ con'₂ siá'₂ ca₂juá'₂ táng₃ Isaías:

40 "Ma₂ca₂jmo₃ Diú₄ a₂tén₂ dsa₂ 'éi₂,

a₂ca₂lē₃ cang₄ dsi₅₄ ně₃,

ia₁jaun₂ tsá₃ jág₃ quian'₅₄ mi₂ne₅₄,

on₃ gué'₂ le₂ñí'₂ tē₂le₃ tē₂dsí₅,

on₃ gué'₂ qui₃jéin'₃ dsí₅,

ia₁jaun₂ jme₁'lioin₁₂ jniá'₂."‡

41 Ca₂juá'₂ Isaías le₂ně₅ ia₁ ca₂jág₃ le₂jniá₅ jui₅bí₂ jlá'₁ quió'₅ Jesús, jaun₂ ca₂dsia₃ 'iin₂₃ 'éi₂.

42 La₁ia₁ tion₅₄ bá₄ ca₂rē₃'én₂ dsa₂, le₂jio₅ bá₄ i₂lin₅₄ dsa₂ can'₅₄. La₁ tsá₃ ca₂jmo₃ jág₁, ia₁ a₂gó'₅ gain₃ dsa₂ fariseos, con'₂ tsá₃ ñó₅ ně₁jua'₂ ca₂'uág'₂ dsa₂ quió'₅, ja₁le₁toin₂₃ ne₄ si₂ guá'₅ sinagoga.

43 Ia₁ a₂'nio₃ gué'₄ tē₃tsiin'₅₄ dse₃ quian'₅₄ dsa₂ mi₂güí₃, lia'₂ con'₂ gué'₄ a₂jme₁tē₃tsiin'₅₄ dse₃ quian'₅₄ Diú₄.

Jág₁ quió'₅ Jesús bá₄ a₂qui₃dsi₅ 'éi'₃ ja₁con₂ dsa₂ mi₂güí₃

† 12:38 Isaías 53:1. ‡ 12:40 Isaías 6:10.

44 Ca₂juá'₂ Jesús jág₁ tiá'₂:

—Jui₁lia'₂ i₂én₂ të₂le₃ quió'₃ jniá'₂, on₃jua'₅₄ jmá'₃ le₃quió'₃ jniá'₂ 'éin₂; ján₃ bá₄ 'éin₂ le₃quió'₅ Ne'₃ i₂ca₂chei₃ jniá'₂. 45 Jui₁lia'₂ i₂jág₂ jniá'₂, jñin₂ i₂ca₂chei₃ jniá'₂. 46 Ma₂guan₅ jniá'₂ mi₂güig₃ la₂, a₂ling₅ si₂, ia₁jaun₂ i₂én₂ të₂le₃ quió'₃ jniá'₂, tsá₃ të₃'ñiá'₄ jë₄ qui₁né'₃. 47 Jaun₂ chi₂jua'₂ 'ein₂ i₂nag₅ jág₁ quió'₃, la₁ tsá₃ guë'₂ tón'₂ jui₅, on₃jua'₅₄ jniá'₂ qui₁dsi₅ 'éi'₃ quió'₅ 'éi₂; ia₁ on₃jua'₅₄ ta₁ jaun₂ guio₃ jniá'₂ a₂qui₁dsi₅ 'éi'₃ ja₁con₂ dsa₂ mi₂güig₃; të₂le₃ a₂loin₅₄ bá₄ jniá'₂. 48 Jui₁lia'₂ i₂tsá₃ jei₅₄ jniá'₂, on₃ guë'₂ tón'₂ jui₅ jág₁ quió'₃, cha₂ bá₄ caun₂ a₂qui₁dsi₅ 'éi'₃ quió'₅. Jág₁ a₂ma₂qui₂ma₂juá'₃ bá₄ jniá'₂, a₂jaun₂ bá₄ qui₁dsi₅ 'éi'₃ quió'₅, jmig₄ jë₁ca₂tó'₂. 49 Ia₁ on₃jua'₅₄ o₄quió'₃ 'ñi₃ ma₂qui₂ma₂juá'₃; Ne'₃ jniá'₂ i₂ca₂chei₃ bá₄ ma₂ca₂cuë₃ 'éi'₃ jui₁e₂ a₂juá'₅ jniá'₂ quian'₅₄ e₂ a₂jme₂tíng₂ dsa₂. 50 Jaun₂ guion₄ jniá'₂, a₂jio₅ 'éi'₃ quió'₅ Ne'₃ jui₅ ja₁le₃chan₂ dsa₂ co₂tan₅₄; jaun₂ lë₃, jág₁ a₂juá'₅ jniá'₂, juá'₅ lia'₂ con₂ lë₅ 'éi'₃ ca₂cuë₃ Ne'₃.

13

Ca₂rín'₃ Jesús mi₂tag₄ chi'₂ dsi₂guia₃-tín₂ quiáin₅

1 Ca₂jui₄ jme₁nió'₅ guë₄ a₂të₅₄ Jmí₄ Të₂'in₅₄. Jme₁ma₂ñi₅ bá₄ Jesús a₂ma₂ca₂të₂ hora a₂o₃'iin₅ mi₂güig₃ la₂ a₂dsáin₃ táng₃ ja₁con₂ Jmei₂. Lia'₂ co₂tan₅₄ bá₄ ca₂jme₃'nio₃ 'éi₂ dsa₂ quiáin₅ i₂jme₁tion'₅₄ mi₂güig₃; la₁ në₃ në₃, ca₂jme₃jñiai₂₃ 'a₂ con₂ ca₂dsi₃óg₃ ca₂rë₃'nioi₃ 'éi₂.*

2 Jme₁ma₂lë₅ má₃ të₂le₃ ca₂nei₂, jaun₂ jme₁ma₂jmo₃ i₂së₃dsen₃ a₂i₂jio₅ dsí₅ Judas Iscariote, ja₁ñi'₅₄ Si₂mu₅₄, a₂jñin'₂ Jesús. 3 Jme₁ma₂ñi₅ bá₄ Jesús a₂ma₂ca₂dsia₃ Jmei₂ ca₂le₃jë₃ o₄gú₃; jme₁ma₂ñi₅ bá₄ ján₃ a₂já₅ ja₁con₂ Diú₄, jaun₂ ja₁con₂ Diú₄ bá₄ dsáin₃ táng₃. 4 Jaun₂ lë₃, lia'₂ con₂ jme₁tiáin₄ guë'₅, ca₂nau₂ ja₁jme₁guá₄, jaun₂ ca₂dsia₃ cau₅ tsin₅₄ a₂jme₁qui₂ të₂le₃ co₅₄, jaun₂ ca₂jén₃ caun₂ 'mi'₂ toalla o₄'ñei'₂.

5 Jaun₂ në₃ ca₂tia'₃ jmí₂ 'ñi₃ caun₂ ni₁'í₅, jaun₂ ca₂jme₃lióg₃ ca₂rang₃ mi₂tag₄ chi'₂ dsi₂guia₃-tín₂. Jaun₂ ca₂jme₃quéin₂ quian'₅₄ tsí₁'mi'₂ toalla a₂jme₁chi₁jén₅ o₄'ñei'₂.

6 Jaun₂ jme₁ca₂dsi₃óg₃ ja₁con₂ Si₂mu₅₄ Pe₄, ca₂juá'₂ 'éi₂ ca₂tsí'₃ Jesús:

—Te₁gui'₅₄, ¿'ne₂ ráng'₂ tag₃ jniá'₂?

7 Jaun₂ ca₂ñag₃ Jesús:

—Tsá₃ ñí'₂ guë'₄ 'au'₂ 'ne₂ 'e₂ a₂jmo₅ jniá'₂ në₃, la₁ cang₂ guë'₄ le₃ñí'₂.

8 La₁ ca₂juá'₂ Pe₄:

—Lia'₂ o₁líg'₂ co₂ñí₂ tsá₃ ráng'₂ 'ne₂ tag₃ jniá'₂.

Jaun₂ ca₂juá'₂ Jesús:

—Në₁jua'₂ tsá₃ ca₂rang₃ jniá'₂ quiáng'₂, tsá₃ quen'₅₄ 'ne₂ ja₁con₂ jniá'₂.

9 Jaun₂ në₃ ca₂juá'₂ Si₂mu₅₄ Pe₄:

—Chi₂jua'₂ le₂jaun₂, Te₁gui'₅₄, on₃jua'₅₄ jmá'₃ mi₂tag₃ ráng'₂; ján₃ bá₄ rang₄ mi₂gu₃ quian'₅₄ mi₂dsi₃.

10 La₁ ca₂juá'₂ Jesús:

—Jui₁lia'₂ i₂lia'₂ ca₂lë₃ ló'₅, jmá'₃ mi₂tag₅₄ bá₄ 'nió'₅ rin'₂, ia₁ ma₂le₁jñin₃ bá₄ ta₁jain₂. Ma₂le₁jñin₃ bá₄ 'nia'₂, la₁ia₁ on₃jua'₅₄ ca₂le₃jíng'₃.

11 Ca₂juá'₂: “Tsá₃ le₁jín₃ 'nia'₂ le₃jíng'₃”, ia₁ ma₂ñi₅ bá₄ i₂'ein₂ i₂jáng'₂ quió'₅.

12 Jme₁ca₂lë₃ rang₅ Jesús mi₂tag₄ chi'₂ dsi₂guia₃-tín₂, jaun₂ ca₂quí'₂ táng₃ ni₁tsin₅₄ le₃co₅₄, jaun₂ ca₂guá₂ táng₃ ne₄ mesa. Jaun₂ ca₂juá'₂ ca₂tsí'₃ chi'₂ dsi₂guia₃-tín₂:

* 13:1 o₃, “në₃ në₃, ca₂rë₃'nioi₃ ca₂të₂ jë₁ca₂tó'₂.”

—ŋí'₂ 'nia'₂ 'e₂ a₂nē₂jmo₃ jniá₂ quián'₂ 'nia'₂? 13 Ág'₅ 'nia'₂ jniá₂ Tē₅, quian'₅₄ Te₁gui'₅₄. Tí₅ bá₄ jág₁ quián'₂ 'nia'₂, ia₁ dsón'₂ bá₄ le₂jaun₂ líng₅. 14 Jaun₂ ně₃, chi₂jua'₂ le₂ně₅ jniá₂ i₂líng₅ Tē₅ quian'₅₄ Juig'₂ 'nia'₂, ně₂rang₃ mi₂tag'₅₄ 'nia'₂, ján₃ bá₄ le₂jaun₂ 'nió'₅ jmó'₂ 'nia'₂: a₂qui₁ráng'₂ mi₂tag₄ ríng'₂ le₂jang'₂ le₂jang'₂. 15 Ia₁ ma₂ně₂can₃ jniá₂ caun₂ juí₅, ia₁jaun₂ jmó'₂ 'nia'₂ le₂jaun₂, juí₁lia'₂ ma₂ně₂jmo₃ jniá₂ ja₁con'₂ 'nia'₂. 16 A₂dsi₂jó'₃ juíg₂ jniá₂ 'nia'₂, lia'₂ 'i₁jan₂ dsa₂ i₂jme₂ti₃ ta₁, tsá₃ juíin'₂ guě₄ con'₂ guě₄ juig₅₄; ján₃ bá₄ lia'₂ 'i₁jan₂ dsa₂ i₂chen₄, tsá₃ juíin'₅₄ guě₄ lia'₂ con'₂ guě₄ dsa₂ i₂chei₅. 17 Chi₂jua'₂ ŋí'₂ 'au'₂ 'nia'₂ a₂ně₅, 'e₂ bá₄ dsen'₃ 'nia'₂ chi₂jua'₂ le₂jaun₂ qui₂jmo'₂.

18 'On₃jua'₅₄ ca₂le₃jín'₃ 'nia'₂ 'ín₅ jniá₂; guion₄ bá₄ jniá₂ i₂ein₂ 'éi₂ i₂ma₂ca₂quiong'₅₄. La₁ia₁, 'nió'₅ le₃ti₃ lia'₂ con'₂ juá'₂ ne₄ Si₂: “Juí₁lia'₂ i₂guě'₅ co₂lē₅ quian'₅₄ jniá₂, ca₂nau₂ quen₅ tē₂le₃ ja₁con₂ jniá₂.”† 19 Jaun₂ juíg₂ jniá₂ 'nia'₂ ně₃, tē₃jniá₅, ia₁jaun₂ jē₁ma₂tē₂ rē₁lé₂, le₃én'₂ 'nia'₂, jniá₂ bá₄ líng₅ 'éi₂.‡ 20 A₂dsi₂jó'₃ juíg₂ jniá₂ 'nia'₂, juí₁lia'₂ i₂guen₅ dsa₂ i₂chen₄ quián₃ jniá₂, guei₂₂₃ jniá₂, jaun₂ juí₁lia'₂ i₂guei₅ jniá₂ guein₂₃ i₂ca₂chei₃ jniá₂.

Ca₂juá'₂ Jesús a₂jáng'₂ Judas quió'₅

(Mateo 26:20-25; Marcos 14:17-21; Lucas 22:21-23)

21 Jme₁ca₂lē₃ juá'₂ jág₁ ně₅, ca₂can₃ o₂i₁ dsi₅ ca₂tē₂ jme₂dsi₂, jaun₂ ca₂jáng'₃ jág₁ dsau₅ lia'₂ rē₂jiá₃ jág₁, ca₂juá'₂:

—A₂dsi₂jó'₃ juíg₂ jniá₂ 'nia'₂, jan₂ 'nia'₂ jáng'₂ jniá₂.

22 Jaun₂ ně₃ qui₂ca₂jín₂ chi'₂ dsi₂guia₃-tín₂ riin'₅₄ le₂jain₂ le₂jain₂, i₂gó'₃ dsí₅ 'nio₃ le₃ŋi₅ 'ein₂ bá₄ 'ín₅ Jesús.

23 Jan₂ chi'₂ dsi₂guia₃-tín₂ i₂ŋí₄ lē₃ jme₁'nio₃ Jesús, jme₁guá₄ le₃jén'₃ quió'₅.

24 Jaun₂ ca₂jmo₃ Si₂mu₅₄ Pe₄ caun₂ léi₄ ne₄ 'éi₂, ca₂juá'₂:

—Chei'₅₄ 'ein₂ bá₄ 'ín₂₃.

25 Jaun₂ ně₃ ca₂jme₃quián₃ 'éi₂ tē₂cau₅ guě₄ quió'₅ Jesús, jaun₂ ca₂ŋag₃:

—Te₁gui'₅₄, ¿'ein₂ 'éi₂?

26 Jaun₂ ca₂ŋag₃ Jesús:

—I₂'éi₂ bá₄ i₂cuě₄ jniá₂ ca₂jne₄ i₁ŋí'₄ la₂, jē₁ma₂ca₂tiá₃ ni₁uīng₅.

Jaun₂ ně₃, jme₁ma₂ně₂tiá₂ i₁ŋí'₄, jaun₂ ca₂cuě'₃ Judas Iscariote, ja₁ŋi'₅₄ Si₂mu₅₄.

27 Jaun₂ dsi₂juí₅ le₂jaun₂ jme₁ca₂gue₃ Judas i₁ŋí'₄ jaun₂, ca₂'í₃ i₂sē₃dsen₃ tē₂dsí₅. Jaun₂ ně₃ ca₂juá'₂ Jesús:

—A₂jaun₂ a₂niog₅ 'au'₂ jmó'₂, jmo₄ ně₃ cón'₅.

28 La₁ lia'₂ 'i₁jan₂ i₂tián'₅ guě'₅ ne₄ mesa tsá₃ ca₂rē₃ŋí'₂ 'e₂ 'uig₅₄ ca₂juá'₂ Jesús ca₂tsí'₃ Judas le₂jaun₂.

29 Ia₁ jme₁niog₅ gu₂ Judas 'éi₂ ni₁lau₂ tio'₅₄ cu₄; jaun₂ ca₂lín₃ i₂lín₅₄, a₂ca₂juá'₂ Jesús tsí'₅ 'éi₂ a₂cha₂ jme₁lá₃ quió'₅ jmig₄, o₃ jme₃'oin₅₄ ca₂la₂ cu₄ dsa₂ te₂ŋé₂ 'e₂.

30 Jaun₂ dsi₂juí₅ jme₁ma₂ně₂gue₃ 'éi₂ i₁ŋí'₄, o₂'íin₃. Jme₁ma₂ca₂nei₂ bá₄ le₂jaun₂.

Caun₂ 'éi'₃ 'mí₂

31 Jme₁ma₂o₂'ín₃ Judas jaun₂, ca₂juá'₂ Jesús:

—Nē₃ ně₃, jē₁ma₂le₃jniá₂ juí₅bí₂ jlá'₁ quió'₅ Jaun₅ dsa₂ mi₂güig₃; ján₃ bá₄ le₃jniá₂ juí₅bí₂ quió'₅ Diú₄, ja₁con₂ 'éi₂. 32 Chi₂jua'₂ le₃jnia₅ juí₅bí₂ quió'₅ Diú₄ ja₁con₂ 'éi₂, Š Diú₄ ně₃, jme₃jnia₅ juí₅bí₂ jlá'₁ quió'₅ Ja₁ŋi'₅₄ ja₁con₂ 'ŋiog₅, ton'₂

† 13:18 Salmo 41:9. ‡ 13:19 o₃, “jniá₂ líng₅” co₂'nió'₄ jein₅ jág₁ lia'₂ chen₂ Jehová. 'Nio'₂ ja₁ton₅ Éxodo 3:14, Isaías 43:10, Juan 8:58. § 13:32 A₂lín₅₄ chog₅₄ si₂, tsá₃ juá'₂ con'₂ táng₃: “chi₂jua'₂ le₃jnia₅ juí₅bí₂ quió'₅ Diú₄ ja₁con₂ 'éi₂.”

jme₃jniai₂₃ ŋi'₅₄ ta₁. ³³ 'Nia'₂ chi'₂-guein₂ quiáng₃, tsá₃ ma₂uě'₂ 'en'₅₄ jniá₂ jin'₄ 'nia'₂. Qui'₁'nau'₅₄ 'nia'₂ jniá₂; la₁ jui'₁lia'₂ ma₂ca₂juig'₂ jniá₂ dsa₂ judíos, ján₃ bá₄ le₂jaun₂ juig'₂ jniá₂ 'nia'₂ ně₃: tsá₃ lé₂ o₁nó'₅ 'nia'₂ ja₁né'₄ jniá₂. ³⁴ Caun₂ 'éi'₃ 'mí'₂ la₂ cuě'₄ jniá₂ 'nia'₂: a₂jme₁'nió'₄ 'nia'₂ ríng'₂ le₂jang'₂ le₂jang'₂. Jui'₁lia'₂ ca₂jme₁'nió'₄ jniá₂ 'nia'₂, 'nia'₂ ně₃ 'nió'₅ jme₁'nió'₄ 'nia'₂ ríng'₂. ³⁵ Le₂ně₅ bá₄ le₃ŋi₅ ca₂le₃jín₃ dsa₂ a₂lín'₅ 'nia'₂ dsa₂ i₂ma₂ca₂rě₃tín₃ quiáng₃: ně₁jua'₂ caun₂ qui₂ca₂jme₁'nió'₄ 'nia'₂ ríng'₂ le₂jang'₂ le₂jang'₂.

Ca₂juá'₂ Jesús a₂tsá₃ tion₃ Pe₄ a₂cuig'₂₃
(Mateo 26:31-35; Marcos 14:27-31; Lucas 22:31-34)

³⁶ Jaun₂ ca₂ŋag₃ Si₂mu₅₄ Pe₄ ca₂ŋi'₃ Jesús:

—Te₁gui'₅₄, ¿a₂já'₄ guang'₅₄?

Jaun₂ ca₂ŋag₃ Jesús:

—Ja₁né'₄ jniá₂, tsá₃ lé₂ le₃'éin'₄. La₁ 'éin'₄ bá₄ 'nia'₂ cang₂.

³⁷ Jaun₂ ně₃ ca₂juá'₂ Pe₄ ca₂tsí'₃ Jesús:

—Te₁gui'₅₄, ¿'e₂ lě₃ tsá₃ lé₂ le₃'éin'₄ jniá₂ tē₂ně₃? Ma₂chan₂ co₂jŋia₅₄ bá₄ jniá₂ a₂gue₅₄ 'mú₃ o₄quián'₂ 'ne₂.

³⁸ Jaun₂ ca₂ŋag₃ Jesús:

—¿Dsón'₂ ma₂'ei₅ caun₂ 'au'₂ a₂gue'₂ 'mú₃ o₄quió₃ jniá₂? A₂dsi₂jó'₃ juig'₂ jniá₂ 'ne₂, né'₃ guě'₄ a₂'o₃ tē₁guí₄ dsó₂, hora jaun₂ dé₄ tsá₃ tón'₄ 'ne₂ a₂cuig'₂ jniá₂, ta₁'ni₅ ráun₂.

14

Jesús bá₄ lín₅ jui₅ a₂dsi₁len₃ dsa₂ ja₁con₂ Jmei₂

¹ 'Tsá₃ lě₁can₂ 'nia'₂ o₂i₁ 'au'₂. Jui'₁lia'₂ 'én'₂ 'nia'₂ tē₂le₃ quió'₅ Diú₄, ján₃ bá₄ le₂jaun₂ jui₁le₂'én'₂ 'nia'₂ tē₂le₃ quió₃ jniá₂. ² Ja₁quió'₄ Ne'₃, 'lióng₂ dsi₂néi₂ cha₂ a₂jo₂; jua'₅₄ mei'₂ guě₃ tsá₃ le₂jaun₂ ně₃, ¿lín'₂ 'nia'₂ a₂jme₁juig'₅₄ jniá₂ 'nia'₂ a₂nég'₄ i₁jmo₃ co₂jŋia₅₄ dsi₂néi₂ quián'₂ 'nia'₂?* ³ Cang₂ jě₁ma₂dsián'₃ jniá₂, jě₁ma₂ca₂lě₃ jmo₂₃ co₂jŋia₅₄ ja₁o₁tió'n'₂ 'nia'₂, jaun₂ bá₄ guio₅₄ táng₃ a₂i₁te₁₂ 'nia'₂ ja₁cong₂, ia₁jaun₂ ja₁i₁'ú₃ jniá₂, ján₃ bá₄ lé₂ o₁tió'n'₂ 'nia'₂. ⁴ ŋi'₅₄ bá₄ 'nia'₂ a₂já'₄ né'₄ jniá₂; cui'n'₂ bá₄ 'nia'₂ jui₅ ně₃.

⁵ Jaun₂ ca₂juá'₂ To₁má₄:

—Te₁gui'₅₄, tsá₃ ne₄ jnia'₅₄ a₂já'₄ guang'₅₄; ¿'a₂ guě'₂ lia'₂ le₃cuag₅ jnia'₅₄ jui₅?

⁶ Jaun₂ ca₂ŋag₃ Jesús:

—Jniá₂ bá₄ líng₅ jui₅, ján₃ bá₄ líng₅ jág₁ dsau₅, ján₃ bá₄ líng₅ i₂jmo₅ a₂le₃chan₂ dsa₂. 'I₁jan₂ tsá₃ dsióg₄ ja₁con₂ Ne'₃ jua'₅₄ tsá₃ tē₂le₃ quian'₅₄ jniá₂. ⁷ Jua'₅₄ mei'₂ guě₃ dsón'₂ ŋi'₅₄ 'nia'₂ 'ein₂ lín₅ jniá₂, ján₃ bá₄ jme₁le₃cui'n'₂ 'nia'₂ Ne'₃ ján₃;† jaun₂ ně₃ ně₃, tē₂le₃ ne₄ jui₅, le₃cui'n'₂ 'nia'₂, ton'₂ ma₂jii'n'₅₄ 'nia'₂.

⁸ Jaun₂ ně₃ ca₂juá'₂ Fe₂li₄ ca₂tsí'₃ Jesús:

—Te₁gui'₅₄, cuě'₄ jmig₄ a₂jŋ₄ jnia'₅₄ Néi'₅, jaun₂ co₂jaun₂ guě'₄ dsáu₅ dsi₅ jnia'₅₄.

⁹ Jaun₂ ca₂ŋag₃ Jesús:

—¿Tsa₁ cuig'₂ 'ne₂ jniá₂ Fe₂li₄, o₁jŋia'₅₄ ma₂ŋó₅ jmig₄ 'en₅₄ jniá₂ quian'₅₄ 'nia'₂? Chi₂jua'₂ 'ein₂ dsa₂ ma₂jág₂ jniá₂, ján₃ bá₄ ma₂jŋi'n₂ Ne'₃. ¿'A₂ bá₄ lia'₂ juá'₂ 'ne₂: “Cuě'₄ jmig₄ a₂jŋ₄ jnia'₅₄ Néi'₅”? ¹⁰ ¿Tsa₁ 'én'₂ 'ne₂ a₂'en₅₄ jniá₂ ja₁con₂ Ne'₃, ton'₂ 'en₅₄ guě'₂ Ne'₃ táng₃ ja₁con₂ jniá₂? Jui'₁lia'₂ jág₁ a₂juig'₂ jniá₂ 'nia'₂, tsá₃ juá'₅ jniá₂ o₄quió₃ 'ŋi₃. Tē₂le₃, Ne'₃ jniá₂ i₂tē₁'ŋiá₄ ja₁con₂ jniá₂, i₂'éi₂ bá₄ jmo₅ ta₁ quió'₅. ¹¹ Jui₁le₂'én'₂ bá₄ 'nia'₂ a₂juá'₅ jniá₂, a₂'eng₅₄ ja₁con₂ Ne'₃, a₂'en₅₄ guě'₂ Ne'₃ ja₁con₂

* **14:2** o₃, “jua'₅₄ mei'₂ guě₃ tsá₃ le₂jaun₂ ně₃, jme₁juig'₅₄ guě'₂ jniá₂ 'nia'₂, Nég'₄ i₁jmo₃ co₂jŋia₅₄ dsi₂néi₂ quián'₂ 'nia'₂.” † **14:7** A₂lín₅₄ chog₅₄ si₂juá'₂: “chi₂jua'₂ dsón'₂ ma₂cuig'₂ 'nia'₂ jniá₂, le₃cui'n'₂ 'nia'₂ Ne'₃ ján₃.”

jniá₂; o₃ ně₁jua'₂ tsá₃ le₂jaun₂, jmá'₃ lia'₂ të₂le₃ quian'₅₄ léi₄ a₂jmo₂₃, jui₁le₂'én'₂ 'nia'₂. ¹² A₂dsi₂jó'₃ juí₂g₂ jniá'₂ 'nia'₂, jui₁lia'₂ i₂'én₂ le₃quió₃ jniá₂, já₃n₃ bá₄ jmo₃ jui₁lia'₂ a₂jmo₅ jniá₂; jaun₂ të₂le₃ 'ŋio₅ gué₄ juè'₂ a₂jmo₃, ia₁ né₄'g₄ ja₁con₂ 'Ŋe'₃. ¹³ Jaun₂ chi₂jua'₂ 'e₂ a₂mi₂' 'nia'₂ lia'₂ con'₂ lě₅ 'éi'₃ quió₃ jniá₂, jmo₅₄ bá₄ jniá₂, ia₁jaun₂ le₃juin'₂ Jmei₂ o₄quió'₄ Ja₁ŋi'₅₄. ¹⁴ Lé₂ bá₄ mí'₁ 'nia'₂ lia'₂ con'₂ lě₅ 'éi'₃ quió₃ jniá₂, chi₂jua'₂ 'e₂ caun₂ a₂'nio₂' 'nia'₂, jaun₂ jmo₅₄ bá₄ jniá₂.

Ca₂cuë₃ Jesús jág₁ quió'₅ a₂chein₃ Jme₂dsí₂ Jñió₅

¹⁵ 'Chi₂jua'₂ 'nióg'₃ 'nia'₂ jniá₂, nei₂ gau₂ 'éi'₃ quió₃. ¹⁶ Jaun₂ mi₅₄ jniá₂ ne₄ 'Ŋe'₃ a₂cui_{in}₃ jan₂ i₂sián'₂ i₂cuë'₃ bí₂ 'au'₂ 'nia'₂, ia₁jaun₂ 'í₂ 'éi₂ co₂tan₅₄ quian'₅₄ 'nia'₂. ¹⁷ Jme₂dsí₂ quió'₅ jág₁ tí₅ bá₄ 'éi₂. Tsá₃ lé₂ le₃guei₃ dsa₂ mi₂güí₃, ia₁ tsá₃ jág₂, on₃ gué'₂ cui₂₃ cui_{in}₂₃ 'éi₂. La₁ 'nia'₂ ně₃, ma₂cui_{in}'₂ bá₄ 'nia'₂, ia₁ guá₅ ja₁con'₂ 'nia'₂, ton'₂ të₃'ŋiá₄ le₃quían'₂ 'nia'₂. ¹⁸ On₃jua'₅₄ a₂tén₄ jniá₂ 'nia'₂ co₂ŋei'₅₄ ně₂jag₄ bá₄ chi'₂ 'nág₂. Guio₅₄ bá₄ táng₃ ja₁con'₂ 'nia'₂. ¹⁹ Tsá₃ ma₃uě₂ jág₂ dsa₂ mi₂güí₃ jniá₂, la₁ia₁ jag'₅₄ bá₄ 'nia'₂. 'Uí₅₄ ia₁ a₂chan₂ jniá₂, le₃chang'₂ bá₄ 'nia'₂. ²⁰ Jmí₄ jaun₂ le₃len'₅₄ 'nia'₂ a₂'en₅₄ jniá₂ ja₁con₂ 'Ŋe'₃, 'nia'₂ gué'₂ tion₅₄ ja₁con₂ jniá₂, jaun₂ jniá₂ gué'₂ ně₃ 'eng₅₄ ja₁con'₂ 'nia'₂. ²¹ Jui₁lia'₂ i₂gue₅, i₂né'₂ 'éi'₃ quió₃, 'éi₂ bá₄ i₂tě₃dsón'₂ 'nio₃ jniá₂. Jui₁lia'₂ i₂'nio₃ jniá₂ ně₃, jme₃'nio₃ 'Ŋe'₃. Já₃n₃ bá₄ le₂jaun₂ jniá₂ jme₁'nió₄, jaun₂ jme₁jnia₅ jniá₂ ja₁coin₂.

²² Jaun₂ ca₂juá'₂ Judas, (on₃jua'₅₄ Iscariote):

—Te₁gui'₅₄, ě₂ lě₃ ja₁con₂ jnia'₅₄ jme₁jnag'₅, on₃jua'₅₄ rě'₂ ja₁con₂ dsa₂ mi₂güí₃?

²³ Jaun₂ ca₂ŋag₃ Jesús:

—Jui₁lia'₂ i₂'nio₃ jniá₂, tón'₂ bá₄ jui₅ jág₁ quió₃; jaun₂ jme₃'nio₃ 'Ŋe'₃ jme₃'nioi₃ 'éi₂, jaun₂ qui₂ja₁ná_u₄ jnia'₅₄ ja₁coin₂ ja₁'io₁ quian'₅₄ 'éi₂. ²⁴ Jui₁lia'₂ i₂tsá₃ 'nio₃ jniá₂, tsá₃ tón'₂ jui₅ jág₁ quió₃. Jág₁ a₂nag'₂ 'nia'₂ la₂, on₃jua'₅₄ a₂quió₃, a₂quió'₅ 'Ŋe'₃ i₂ca₂chei₃ bá₄.

²⁵ 'Ca₂le₃jě₃ a₂la₂juá'₅ jniá₂ juí₂g₂ 'nia'₂ të₁lia'₂ 'eng₅₄ gué₄ quian'₅₄ 'nia'₂; ²⁶ la₁ia₁ i₂cuë₃ bí₂ 'au'₂ 'nia'₂ 'éi₂, i₂lín₅ Jme₂dsí₂ Jñió₅, i₂chen₃ 'Ŋe'₃ o₄quió₃ jniá₂, 'éi₂ bá₄ jme₃tag₅ jme₃tí_{in}₂₃ 'nia'₂, jaun₂ jmo₃ a₂qui₃dsiog'₂ 'au'₂ 'nia'₂ ca₂le₃jě₃ 'e₂ a₂ma₂qui₂ma₂juí₂g₂ jniá₂ 'nia'₂.

²⁷ 'Ág'₅ jniá₂ jág₁ a₂jmo₃ 'ag₃ tei₄ ja₁con'₂ 'nia'₃. A₂tei₄ a₂'ei₅ ja₁con₂ jniá₂, a₂jaun₂ bá₄ cuë₅ jniá₂ 'nia'₂. La₁ on₃jua'₅₄ lia'₂ cuë₅ dsa₂ mi₂güí₃, cuë₅ jniá₂ 'nia'₂. Tsá₃ lě₁can₂ 'nia'₂ o₂i₁ dsi₅, on₃ gué'₂ jmó'₂ 'nia'₂ gang'₃. ²⁸ Ma₂qui₂ma₂nei'₂ 'nia'₂ a₂juá'₅ jniá₂: a₂né₄'g₄, jaun₂ guio₅₄ táng₃ ja₁con'₂ 'nia'₂. Ně₁jua'₂ të₃dsón'₂ 'nióg'₃ 'nia'₂ jniá₂, jme₁jmó'₂ 'nia'₂ 'io'₂ jme₁ca₂rě₃ŋi'₅₄ 'nia'₂ a₂né'₄ jniá₂ ja₁con₂ 'Ŋe'₃, ia₁ i₂juin'₂ gué₄ 'éi₂ lia'₂ con'₂ gué₄ jniá₂. ²⁹ Jaun₂ ma₂juí₂g₂ jniá₂ 'nia'₂ a₂la₂ të₃jniá₅, ia₁jaun₂ le₃'én'₂ 'nia'₂ jě₁ma₂tě₂ rě₁lé₂ a₂jaun₂.

³⁰ 'Tsá₃ ma₂'lióng₂ jág₁ dsia₅₄ jniá₂ quian'₅₄ 'nia'₂; ia₁ ma₂já₅ i₂gon₂ mi₂güí₃ la₂, o₁ŋia'₅₄ tsá₃ 'e₂ jui₅bí₂ 'io₅ 'éi₂ ja₁con₂ jniá₂. ³¹ La₁ia₁ 'nió'₅ le₃ŋi₅ dsa₂ mi₂güí₃, a₂'nió₃ jniá₂ 'Ŋe'₃, jaun₂ lia'₂ con'₂ lě₅ 'éi'₃ a₂ma₂cuë₃ 'Ŋe'₃ jniá₂, a₂jaun₂ bá₄ jmo₃ jniá₂.

'Nau₂ 'nia'₂. Ma₃dsau'₅₄ jniog₄ ja₁lá₃.

15

Cho'₅₄ chi₁uí_{ing}₃ uvas, quian'₅₄ gu'₂ nei'₅₄ quió'₅

¹ 'Jniá₂ líng₅ cho'₅₄ ni₁uí_{ing}₂ uvas, ja₁já₅ bí₂ dsón'₂. 'Ŋe'₃ gué'₂ lín₅ i₂jmo₅ 'í₁ ja₁nau₂. ² 'Jniá₂ 'éi₂ ca₂le₃jě₃ ni₁gu'₂ quió₃ a₂tsá₃ mí₂g₂ 'ag₅; la₁ia₁ qui₂jí'₅ qui₂'u_{in}₂₃ ni₁gu'₂ a₂'ag₅ mí₂g₂, ia₁jaun₂ ráu₃ gué₄ 'lióng₂. ³ Ma₂le₁jín'₃ bá₄ 'nia'₂ të₂le₃ quian'₅₄

jág₁ a₂qui₂ma₂juíg₂ jniá₂ 'nia'₂. ⁴ Caun₂ jui₁tē₂'ñiá'₄ bá₄ 'nia'₂ ja₁con₂ jniá₂, jui₁lia'₂ tē₂'ñiá'₄ jniá₂ ja₁con₂ 'nia'₂. 'I₁caun₂ ni₁gu'₂ tsá₃ lé₂ le₃'ag₃ míg₂ con₂ 'ñiog₅ le₂jaun₂, nē₁jua'₂ tsá₃ rē₂tsán'₂ quian'₅₄ cho'₅₄; ján₃ bá₄ le₂jaun₂ jui₁lia'₂ 'nia'₂ nē₃, tsá₃ 'e₂ lé₂ le₃ráu₃ quián'₂ 'nia'₂ nē₁jua'₂ tsá₃ tē₂'ñiág'₄ ja₁con₂ jniá₂.

⁵ 'Jniá₂ líng₅ cho'₅₄; 'nia'₂ guē'₂ líng₅ gu'₂ nei'₅₄. Jui₁lia'₂ dsa₂ i₂tē₂'ñiá'₄ rē₂tsán'₂ quian'₅₄ jniá₂, jui₁lia'₂ tē₂'ñiá'₄ jniá₂ ja₁con₂ 'éi'₂, 'lióng₂ ráu₃ quió'₅. Ia₁ 'i₁caun₂ tsá₃ 'e₂ lé₂ le₃jmó'₂ 'nia'₂ jua'₅₄ tsá₃ quiong'₅₄ jniá₂. ⁶ Jui₁lia'₂ i₂tsá₃ tē₂'ñiá'₄ ja₁con₂ jniá₂, lín₅ nē₂jag₄ bá₄ caun₂ ni₁gu'₂ a₂dsi₂guia'₂ dsa₂ cau₅, jaun₂ rē₂quein₂. Ni₁gu'₂ le₂nē₅ qui₂cág'₅ dsa₂, qui₂tó'₅ dsa₂ dsi₂si₂, jaun₂ cau₂.

⁷ 'Chi₂jua'₂ tē₂'ñiá'₄ 'nia'₂ ja₁con₂ jniá₂, ton'₂ tē₂'ñiá'₄ jág₁ quió'₃ ja₁con₂ 'nia'₂, jaun₂ mi₄ 'nia'₂ chi₂jua'₂ 'e₂ caun₂ 'niog'₂, jaun₂ guéi'₁ bá₄ 'nia'₂. ⁸ Le₂la₂ bá₄ rē₂juin'₂ Ne'₃; a₂qui₂ráu₂ 'lióng₂ 'e₂ a₂jmo'₂ 'nia'₂. * Le₂nē₅ jme₂jniá'₂ 'nia'₂ a₂líng'₅ dsa₂ i₂ca₂rē₃tín₃ quián₃ jniá₂. ⁹ Jui₁lia'₂ 'nio₃ Ne'₃ jniá₂, ján₃ bá₄ le₂jaun₂ 'nió₃ jniá₂ 'nia'₂; caun₂ jui₁i₂nio₄ bá₄ 'nia'₂ jui₅ a₂'nió₃ jniá₂ 'nia'₂. ¹⁰ Nē₁jua'₂ caun₂ né'₂ 'nia'₂ gau₂ 'éi'₃ quió'₃, le₂nē₅ tē₃'ñiá'₄ 'nia'₂ jui₅ a₂'nió₃ jniá₂ 'nia'₂, jui₁lia'₂ caun₂ nag₅ jniá₂ gau₂ 'éi'₃ quió'₅ Ne'₃, ton'₂ tē₂'ñiá'₄ jniá₂ jui₅ a₂'nió₃ 'éi'₂ jniá₂.

¹¹ 'Jág₁ nē₅ ma₂nē₂juíg₂ jniá₂ 'nia'₂ ia₁jaun₂ a₂ñi₄ lē₃ jéin₅ jniá₂ 'io'₂, cuē₄ jniá₂ 'nia'₂, ia₁jaun₂ le₃'ñiá₅ bá₄ a₂jén'₂ 'nia'₂ 'io'₂. ¹² A₂la₂ bá₄ 'éi'₃ quió'₃; a₂jme₁'nió'₄ 'nia'₂ ríng'₂ le₂jang'₂ le₂jang'₂, jui₁lia'₂ ma₂ca₂jme₁'nió₄ jniá₂ 'nia'₂. ¹³ 'I₁jan₂ tsá₃ lé₂ le₃'nio₃ guē₄ lín₃ rín'₅₄, lia'₂ con₂ guē₄ i₂guein₅ 'mú₃ o₄quió'₄ a₂mei₅₄ quiáin₅. ¹⁴ 'Nia'₂ bá₄ líng'₅ dsa₂ a₂mei₅₄ quiáng₃ chi₂jua'₂ jmo'₂ 'nia'₂ 'e₂ te₂nei'₄ jniá₂. ¹⁵ Tsá₃ ma₃tē₅ jniá₂ 'nia'₂ dsa₂ i₂jme₂ti₃ ne₃, ia₁ tsá₃ ñi₅ jui₁lia'₂ jan₂ dsa₂ i₂jme₂ti₃ ta₁, 'e₂ a₂jmo₅ juíg₅₄. Tē₅ jniá₂ a₂mei₅₄ quiáng₃ bá₄ 'nia'₂, ia₁ ma₂ca₂jme₁jnia₅ bá₄ jniá₂ ja₁con₂ 'nia'₂, ca₂le₃jě₃ 'e₂ a₂ma₂ca₂juá'₂ Ne'₃. ¹⁶ On₃jua'₅₄ 'nia'₂ ca₂quío'₅₄ jniá₂; jniá₂ bá₄ ma₂quion'₄ 'nia'₂, jaun₂ ma₂ca₂dsia₃ jniá₂ gog'₂ 'nia'₂ a₂o₁nó'₅ 'nia'₂ a₂qui₂rau₂ 'lióng₂ quián'₂ 'nia'₂ a₂jio₃ uē₂. Jaun₂ le₂nē₅ cuē₃ Ne'₃ jniá₂ cuē'₃ 'nia'₂ chi₂'e₂ caun₂ a₂mí'₁ 'nia'₂ lia'₂ con₂ lē₅ 'éi'₃ quió'₃ jniá₂. ¹⁷ A₂la₂ bá₄ 'éi'₃ quió'₃ jaun₂ nē₃; a₂jme₁'nió'₄ 'nia'₂ ríng'₂ le₂jang'₂ le₂jang'₂.

Tog₅₄ dsa₂ mi₂güig₃ 'ñiai₅₄ Jesús quian'₅₄ dsa₂ quiáin₅

¹⁸ 'Chi₂jua'₂ 'iog₅₄ dsa₂ mi₂güig₃ quián'₂ 'nia'₂, jui₁le₂ñi'₅₄ 'nia'₂, jniá₂ bá₄ ca₂rē₃'iog₅₄ dsa₂ le₂'uig₅₄. ¹⁹ Jua'₅₄ mei'₂ guē₃ lín'₅ 'nia'₂ dsa₂ i₂tén₅ mi₂güig₃, jme₁jme₃'nio₃ bá₄ dsa₂ mi₂güig₃ jui₁lia'₂ 'nioi₃ dsa₂ quiáin₅. La₁ 'uig₅₄ ia₁ a₂tsá₃ tén'₅ 'nia'₂ mi₂güig₃, ton'₂ ma₂quion'₄ jniá₂ 'nia'₂ jin₄ dsa₂ mi₂güig₃; 'uig₅₄ jaun₂ nē₃, 'ñiai₅₄ 'nia'₂. ²⁰ Dsá₂ 'au'₂ 'nia'₂ jmo₄, jág₁ a₂ma₂juíg₂ jniá₂ 'nia'₂: "Lia'₂ 'i₁jan₂ dsa₂ i₂jme₂ti₃ ta₁, tsá₃ juin'₂ guē₄ con₂ guē₄ juíg₅₄". Chi₂jua'₂ ma₂qui₂ca₂co₃'ein₃ dsa₂ jniá₂, ján₃ bá₄ le₂jaun₂ qui₃co₃'en₃ dsa₂ 'nia'₂; chi₂jua'₂ ma₂tón'₂ dsa₂ jui₅ jág₁ a₂ma₂ca₂jme₁tiin₅ jniá₂, ján₃ bá₄ le₂jaun₂ qui₃tón'₂ dsa₂ jui₅ jág₁ quián'₂ 'nia'₂. ²¹ La₁ ca₂le₃jě₃ a₂nē₅ dsi₃ñí'₂ 'nia'₂ qui₃co₃jmóg'₂ dsa₂ 'uig₅₄ quió'₃ jniá₂, ia₁ tsá₃ cuiin₂₃ i₂ca₂chei₃ jniá₂.

²² "Tsá₃ jme₁le₃cáin'₄ jua'₅₄ mei'₂ guē₃ tsá₃ guan₃ jniá₂ a₂o₂juá'₃ ja₁con₂ 'éi'₂; la₁ nē₃ nē₃, tsá₃ ma₃'e₂ lé₂ le₃juá'₂ jua'₅₄ tsá₃ ñi₅. ²³ Ia₁ jui₁lia'₂ i₂'iog₅₄ jniá₂, ján₃ bá₄ 'ñiai₅₄ Ne'₃ jniá₂. ²⁴ Tsá₃ jme₁le₃cáin'₄ jua'₅₄ mei'₂ tsá₃ léi₄ jaun₂ ca₂jmo₃ jniá₂ jin₄ dsa₂ 'éi'₂ a₂tsá₃ 'ein₂ sián'₂ ma₂jmo₃; la₁ia₁ o₁ñia'₅₄ la₂ ma₂ca₂jág₃ bá₄ léi₄ jaun₂, tion₅₄ bá₄ 'iog₅₄ dsa₂ jniá₂, lia'₂ Ne'₃ nē₃, 'ñiai₅₄. ²⁵ La₁ia₁ qui₂lē₂ ia₁jaun₂ le₃ti₃ jág₁ a₂tio'₅₄ ne₄ Si₂ 'Éi'₃ quió'₅ a₂juá'₂: "Ca₂rē₃'iog₅₄ dsa₂ tē₃ tsá₃ 'e₂ cha₂ lē₃."†

²⁶ La₁ia₁ jē₁ma₂tē₂ rē₁jiá₃ i₂cuē₃ bí₂'au'₂ 'nia'₂, i₂tsin₅₄ jniá₂ ja₁con₂ 'nia'₂ i₂jiá₃ tē₂le₃ ja₁guá₄ Ne'₃: Jme₂dsí₂ tí₅ dsón'₂ i₂o₂'in₅ ja₁con₂ Ne'₃, i₂'éi'₂ bá₄ jáng'₃ jág₁

* 15:8 'Nio'₂ ja₁ton₅ Isaías 61:3. † 15:25 Salmo 35:19; 69:4.

dsau₅ tē₂le₃ quió₃ jniá₂. ²⁷ Ján₃ bá₄ le₂jaun₂ 'nió'₅ jang'₅₄ 'nia'₂ jág₁ dsau₅, ia₁ ca₂le₃'uig'₅₄ bá₄ ma₂qui₂ma₂tión'₂ 'nia'₂ quian'₅₄ jniá₂.

16

¹ Le₂nē₅ juíg₂ jniá₂ 'nia'₂ ia₁jaun₂ tsá₃ qui₃dsi₃uín'₂ 'nia'₂ a₂'éng'₂. ² Qui₃'uág'₂ dsa₂'uín'₂ 'nia'₂ ja₁lē₁tong'₂ ne₄ si₂ guá'₅ sinagoga, ca₂le₃jě₃ já₅ caun₂ jmig₄, lín₂ jui₁lia'₂ i₂jme₃dsiog₅ 'nia'₂, a₂jén'₃ ta₁ jaun₂ quió'₅ ne₄ Diú₄. ³ Ca₂le₃jě₃ a₂nē₅ jmo₃* ia₁ tsá₃ ma₂ca₂rē₃cuín₂₃ Ne'₃, on₃ guè'₂ jniá₂ ma₂ca₂rē₃cuig₂₃. ⁴ Jaun₂ juíg₂ jniá₂ 'nia'₂ le₂nē₅ ia₁jaun₂ jē₁ma₂tē₂ rē₁tē₅₄ jmig₄ jaun₂, dsiog'₂ 'au'₂ 'nia'₂ a₂ca₂juíg₂ jniá₂ 'nia'₂ jág₁ la₂.

Ta₁ a₂jmo₅ Jme₂dsí₂ Jhíó₅

'Tsá₃ ca₂juá'₃ jniá₂ le₂nē₅ lia'₂ con'₂ le₂'uig'₅₄, ia₁ jme₁'en₅₄ bá₄ jniá₂ quian'₅₄ 'nia'₂. ⁵ La₁ia₁ nē₃ nē₃, ma₂nég'₄ i₁'ú₃ quiang'₅₄ i₂ca₂chei₃; jaun₂ lia'₂ 'i₁jan'₂ 'nia'₂ tsá₃ 'ein₂ ηag₅: “¿A₂já'₄ guang'₅₄?” ⁶ La₁ qui₂ca₂tá'₂ qui'₂ 'au'₂ 'nia'₂ 'uig'₅₄ ia₁ a₂nē₂juíg₂ jniá₂ 'nia'₂ a₂nē₅. ⁷ La₁ jág₁ dsau₅ bá₄ juíg₂ jniá₂ 'nia'₂: tē₂le₃ a₂dse₃ quián'₂ 'nia'₂ bá₄ a₂nē'₄ jniá₂. Ia₁ nē₁jua'₂ tsá₃ ca₂ηá'₃ jniá₂, tsá₃ jiá₃ i₂cuē₃ bí₂ 'au'₂ 'nia'₂; la₁ia₁ chi₂jua'₂ né'₄ jniá₂ nē₃, tsin₅₄ jniá₂ 'éi₂ ja₁con'₂ 'nia'₂. ⁸ Jē₁ma₂tē₂ rē₁jiá₃ 'éi₂, jme₃jniai₂₃ a₂rē₂gan₂ dsa₂ mi₂güig₃ cuente quió'₅ dsáu₁, quió'₅ jui₅ dse₃, quió'₅ a₂jáu'₅ 'í₁ ja₁coin₂ nē₃. ⁹ Cuente quió'₅ dsáu₁, 'uig'₅₄ ia₁ a₂tsá₃ 'éin₂ le₃quió₃ jniá₂; ¹⁰ cuente quió'₅ jui₅ dse₃, ia₁ a₂nég'₄ ja₁con₂ Ne'₃, jaun₂ tsá₃ ma₃jniá₂ jag'₅₄ 'nia'₂; ¹¹ ján₃ bá₄ cuente quió'₅ a₂jáu'₅ 'í₁, ia₁ ma₂jáu'₅ 'í₁ ja₁con₂ i₂'éi₂ i₂gon₂ mi₂güig₃ la₂.

¹² "Lióng₂ bá₄ jág₁ cha₂ gué₄ a₂juig'₅₄ jniá₂ 'nia'₂, la₁ia₁ tsá₃ qui'₅₄ 'nia'₂ jmig₄ le₃ηig'₂ jē₂ nē₃. ¹³ La₁ jē₁ma₂tē₂ rē₁jiá₃ Jme₂dsí₂ tí₅ dsón'₂, i₂'éi₂ bá₄ jiog₃ 'nia'₂ jui₅ a₂tí₅ jág₁; ia₁ tsá₃ a₂jaun₂ juá'₂ 'éi₂ o₄quió'₄ 'ηiog₅; a₂jaun₂ bá₄ juá'₂ ca₂le₃jě₃ a₂nag₃, ton'₂ 'ē₂ jág₁ jui₁lia'₂ 'e₂ niog₅ lé₂. ¹⁴ Jme₃juag'₂ 'éi₂ jniá₂, ia₁ ηe₁2 jui₁lia'₂ a₂lé₅ quió₃ jniá₂, jaun₂ 'éi₂ nē₃, jmo₃ jág₁ ja₁con'₂ 'nia'₂. ¹⁵ Ca₂le₃jě₃ a₂cha₂ quió'₅ Ne'₃, ján₃ bá₄ lé₅ quió₃ jniá₂; jaun₂ bá₄ lē₃ nē₂juá'₃ jniá₂ a₂ηe₂ 'éi₂ jui₁lia'₂ a₂lé₅ quió₃ jniá₂, jaun₂ jmo₃ jág₁ ja₁con'₂ 'nia'₂.

Jui₁lia'₂ a₂'lia'₂ dsí₅ dsa₂ le₃tsín₃ a₂lé₂ a₂qui₃jmo₃ 'io'₂

¹⁶ 'Ní'₅₄ ta₁, tsá₃ ma₃jag'₅₄ gué₄ 'nia'₂ jniá₂; la₁ ηi'₅₄ ta₁ bá₄, jag'₅₄ táng₃ jniá₂, ia₁ né'₄ jniá₂ ja₁con₂ Ne'₃.†

¹⁷ Jaun₂ nē₃, qui₂ca₂ηag₃ i₂lín₅₄ chi'₂ dsi₂guia₃-tín₂ quiáin₅ ca₂ηíi'₃ riin'₅₄ le₂jain₂ le₂jain₂:

—¿I₂'e₂ 'nio₃ juá'₂ a₂juá'₂ tság₅ jniog₄ le₂nē₅: “Ní'₅₄ ta₁, tsá₃ ma₃jag'₅₄ gué₄ 'nia'₂ jniá₂; la₁ ηi'₅₄ ta₁ bá₄, jag'₅₄ táng₃ jniá₂, ia₁ né'₄ jniá₂ ja₁con₂ Ne'₃”? ¹⁸ ¿I₂'e₂ 'nio₃ juá'₂: “Ní'₅₄ ta₁”? Tsá₃ ne₄ i₂'e₂ jaun₂ 'ē₂₃.

¹⁹ Jaun₂ ca₂rē₃lí'₄ Jesús i₂'e₂ 'nio₃ ηag₃ tioen'₅₄, jaun₂ ca₂juá'₂:

—¿A₁qui₂ηi'₄ 'nia'₂ ríng'₂ 'uig'₅₄ ia₁ a₂nē₂juá'₃ jniá₂: “Ní'₅₄ ta₁, tsá₃ ma₃jag'₅₄ gué₄ 'nia'₂ jniá₂; la₁ ηi'₅₄ ta₁ bá₄, jag'₅₄ táng₃ jniá₂”? ²⁰ A₂dsi₂jó'₃ juíg₂ jniá₂ 'nia'₂, a₂tóng'₂ 'nia'₂ qui₁'áu'₂, a₂'lia'₂ 'au'₂ nē₃, tē₁lia'₂ jmo₃ dsa₂ mi₂güig₃ 'io'₂. La₁ia₁ le₃tsín₃ bá₄ a₂'lia'₂ 'au'₂ 'nia'₂ jaun₂ a₂qui₃jmó'₂ táng₃ 'io'₂. ²¹ Jui₁lia'₂ lín₅ jan₂ 'io₅₄ jē₁rē₂chan₂ guein₂ quiain₅, 'lia'₂ dsí₅ ia₁ ma₂ca₂tē₂ hora quió'₅; la₁ cang₂ jē₁ma₂ca₂rē₃chán₃ guein₂ quiain₅, tsá₃ ma₃dsau'₂ dsí₅ a₂ca₂rē₃quí'₃ quió'₅, ia₁ a₂ηí₄ lē₃ 'io'₂ jén'₅, ia₁ a₂ca₂rē₃chán₃ jan₂ guein₂ mi₂güig₃ la₂. ²² Ján₃ bá₄ le₂jaun₂

* **16:3** A₂lín₅₄ chog₅₄ si₂: “jmo₃ jmái'₂ 'nia'₂.” † **16:16** A₂lín₅₄ chog₅₄ si₂ tsá₃ le₁ton₅ jág₁: “ia₁ né'₄ jniá₂ ja₁con₂ Ne'₃.”

'nia'₂ nĕ₃; 'lia'₂ 'au'₂ 'nia'₂ rĕ₂nĕ₃, la₁ jĭng₅₄ b́₄ táng₃ 'nia'₂, jaun₂ guĕ₄ nĕ₃ jmó'₂
'nia'₂ 'io'₂ tĕ₂'au'₂, a₂'lio'₂ jén'₂ 'nia'₂ jaun₂ ca₂lia'₂ 'i₁jan₂ tsá₃ 'ein₂ lé₂ le₃jñiá'₂.

23 'Jmĭg₄ jaun₂ tsá₃ ma₃'e₂ qui₁nag'₁ 'nia'₂ jniá₂ 'i₁caun₂. A₂dsi₂jó'₃ juíg₂ jniá₂
'nia'₂, chi₂jua'₂ 'e₂ a₂mi'₂ 'nia'₂ lia'₂ con'₂ lĕ₅ 'éi'₃ quió₃ jniá₂, cuĕ₃ bá₄ Nĕ'₃.

24 Ca₂lia'₂ jñió₄ jmĭg₄ nĕ₃, tsá₃ 'e₂ ma₂mi'₅₄ 'nia'₂ 'i₁caun₂ lia'₂ con'₂ lĕ₅ 'éi'₃ quió₃.
Mi₄ 'nia'₂, jaun₂ guéi'₁ 'nia'₂, ia₁jaun₂ le₃'ñia₅ a₂o₂'ñió₃ o₂jñia₃ 'au'₂.

Jesucristo bá ca₂tió'₃ mi₂güig₃ la₂

25 'Jág₁ la₂ ma₂nĕ₂juíg₂ jniá₂ 'nia'₂ quian'₅₄ jág₁ a₂jáng'₅ léi₄. La₁ jiá₃ hora a₂tsá₃
ma₃juig₅₄ jniá₂ 'nia'₂ quian'₅₄ jág₁ a₂jáng'₅ léi₄; lia'₂ rĕ₂jiá₃ jág₁ bá₄ juá'₄ jniá₂ juig₅₄
'nia'₂ a₂'ing₄ Nĕ'₃. 26 Jmĭg₄ jaun₂ mí'₁ 'nia'₂ ne₄ Nĕ'₃ lia'₂ con'₂ lĕ₅ 'éi'₃ quió₃ jniá₂.
Tsá₃ ma₃tion₅₄ juá'₄ jniá₂ a₂mi'₅₄ jniá₂ ne₄ Nĕ'₃ o₄quián'₂ 'nia'₂, 27 ia₁ ñiog₅ bá₄ Nĕ'₃
'nioi₃ 'nia'₂, ia₁ 'nióg'₃ 'nia'₂ jniá₂, ia₁ ma₂ca₂rĕ₃'én'₂ 'nia'₂ a₂guio₃ jniá₂ ja₁con₂
Diú₄. 28 Ca₂o₃'ín₃ jniá₂ ja₁con₂ Nĕ'₃ a₂ca₂guang₃ mi₂güig₃ la₂; la₁ia₁ nĕ₃ nĕ₃ o₃'ing₅
mi₂güig₃ la₂, jaun₂ nég'₄ táng₃ ja₁con₂ Nĕ'₃.

29 Jaun₂ ca₂juá'₂ chi'₂ dsi₂guia₃-tín₂ quiáin₅:

—Nĕ₃ guĕ₄ nĕ₃ juá'₂ 'ne₂ lia'₂ rĕ₂jiá₃ jág₁; on₃jua'₅₄ quian'₅₄ jág₁ a₂jáng'₅ léi₄.

30 Nĕ₃ guĕ₄ nĕ₃ ma₂ne₄ jnia'₅₄ a₂ñi'₅₄ bá₄ 'ne₂ ca₂le₃jĕ₃, jaun₂ tsá₃ 'e₂ 'nió'₅ quiáng'₂
jua'₅₄ tsá₃ ñi'₅₄ 'e₂ qui₃nag₃ dsa₂ qui₃ñi'₃ 'ne₂. 'Uig₅₄ jaun₂ 'éin₂ jnia'₅₄ a₂ñe'₃ 'ne₂
ja₁con₂ Diú₄.

31 Jaun₂ ca₂nag₃ Jesús:

—¿Dsón'₂ jua'₅₄, nĕ₃ guĕ₄ 'én'₂ 'nia'₂? 32 jJag₄ 'nia'₂! Ma₂ja₂quián₃ hora, ton'₂
tĕ₂nĕ₃ dsón'₂ bá₄, a₂cuíng'₂ 'nia'₂ lé₂, a₂o₁nog'₄ tsi₁rĕ₂jang'₅₄ le₂jang'₂ le₂jang'₂
o₁nog'₄ jma₃quén₅ quiáng'₂; jaun₂ téi'₄ 'nia'₂ jniá₂ tĕ₃tsing'₅₄ 'ñió₃ lé₂. La₁ia₁ tsá₃
'ñió₃ jniá₂ tĕ₃tsing'₅₄, ia₁ quiong'₅₄ bá₄ Nĕ'₃ jniá₂. 33 Juíg₂ jniá₂ 'nia'₂ le₃jĕ₃ a₂la₂,
ia₁jaun₂ 'ag₃ tei₄ 'au'₂ 'nia'₂ le₃quió₃ jniá₂. Mi₂güig₃ la₂ tion₅₄ rĕ'₂ qui₁cán'₂ 'nia'₂
qui'₂ 'au'₂; la₁ia₁ tiá₂ dsia₄ 'nia'₂ 'au'₂, ia₁ ma₂ca₂tió₃ bá₄ jniá₂ ja₁con₂ mi₂güig₃ la₂.

17

Ca₂chi₃lén'₂ Jesús Diú₄ Jmei₂ o₄quió'₄ chi'₂ dsi₂guia₃-tín₂ quiáin₅

1 Jme₁ma₂ca₂juá'₂ Jesús le₂nĕ₅, ca₂chóg'₃ ne₅₄ guei'₅₄ i₂juíg₃, jaun₂ ca₂juá'₂:

—Tia₅₄, ma₂tĕ₂ hora quió₃. Jme₁jnia₅ 'a₂ lia'₂ jlán'₁ ja₂ñi'₂, ia₁jaun₂ jme₃jnia₅
ja₂ñi'₂ 'a₂ lia'₂ jlán'₁ 'ne₂. 2 Ia₁ ma₂ca₂cuĕ'₅₄ 'éi₂ 'éi'₃ ne₄ quió'₅ ca₂le₃jín₃ dsa₂,
ia₁jaun₂ jmo₃ a₂le₃chan₂ co₂tan₅₄ ca₂le₃jín₃ i₂ma₂cuin'₅₄. 3 A₂la₂ lĕ₅ a₂chan₂
dsa₂ co₂tan₅₄: a₂le₃cuin₅ dsa₂ 'ne₂ i₂lĭng'₅ i₂jan₂ tan₅₄ Diú₄ tĕ₃dsón'₂, a₂le₃cuin₂₃
Jesucristo nĕ₃ i₂ca₂chen'₂ 'ne₂.

4 'Ma₂ca₂jme₁jnia₅ jniá₂ ne₄ gua'₅₄ 'uĕ₃ la₂ 'a₂ lia'₂ jlán'₁ 'ne₂, ia₁
ma₂ca₂jme₁'ñia₅ jniá₂ ta₁ a₂ca₂cuĕ'₅₄ jmo₅₄. 5 Nĕ₃ nĕ₃, jaun₂, Tia₅₄, jmo₄
jlán'₁ jniá₂ ja₁cong'₂, ju₁lia'₂ jme₁lín₄ jniá₂ ja₁cong'₂ lia'₂ con'₂ né'₃ guĕ₄ a₂nio₃
mi₂güig₃.

6 'Ma₂ca₂jme₁jnia₅ jniá₂ ne₄ dsa₂ i₂ca₂cuag'₅₄ jniá₂ jin₄ dsa₂ mi₂güig₃, i₂'ein₂
lín'₅ 'ne₂, I₂quiáng'₂ bá₄ jme₁lín₄, jaun₂ ma₂ca₂cuag'₅₄ jniá₂; ma₂qui₂ca₂'í₃ tĕ₂dsí₅
'éi₂ jág₁ quiáng'₂. 7 Ma₂ca₂rĕ₃ñi₅ 'éi₂, ca₂le₃jĕ₃ a₂ca₂cuĕ'₅₄ jniá₂ já₅ ja₁con'₂ 'ne₂;
8 ia₁ ma₂ca₂cuĕ'₃ bá₄ jniá₂ jág₁ jaun₂ a₂ca₂cuĕ'₅₄ 'ne₂ jniá₂, jaun₂ ca₂gue₃ bá₄ 'éi₂
nĕ₃. Ma₂ca₂rĕ₃ñi₅ lia'₂ con'₂ tí₅ jág₁, ja₁con'₂ 'ne₂ bá₄ o₂'ín₃ jniá₂, ton'₂ ca₂rĕ₃'én₂
a₂ca₂chei'₂ 'ne₂ jniá₂.

9 'O₄quió'₄ 'éi₂ bá₄ mi₅ jniá₂, on₃jua'₅₄ o₄quió'₄ dsa₂ mi₂güig₃. O₄quió'₄ dsa₂
i₂ca₂cuag'₅₄ bá₄ mi₅ jniá₂, ia₁ i₂quiáng'₂ 'ne₂ bá₄ 'éi₂. 10 Ia₁ ca₂le₃jín₃ dsa₂ quiáng₃,

ján₃ bá₄ quiáng'₂ 'éi₂; ton'₂ ca₂le₃jín₃ dsa₂ quiáng'₂ ně₃, i₂quiáng₃ bá₄ 'éi₂ ján₃, jaun₂ rē₂jniá₂ a₂jlán'₁ jniá₂ tē₂le₃ quian'₅₄ 'éi₂.

11 'Tsá₃ ma₃jan₄ jniá₂ mi₂güig₃ la₂; la₁ia₁ 'éi₂ ně₃ tē₂'ñiá₄ mi₂güig₃, jaun₂ nég'₄ ja₁con'₂ 'ne₂. Tia₅₄ Jñi₅o₅, jmo₄ 'í₁ 'éi₂ i₂ma₂cuag'₅₄ quian'₅₄ jui₅bí₂ a₂lín'₅,* ia₁jaun₂ ca₂ne₅₄ bá₄ léin₂ co₂tan₅₄, jui₁lia'₂ lág₅jniog₄. 12 Lia'₂ con'₂ jme₁'en₅₄ jniá₂ quiang'₅₄ 'éi₂ mi₂güig₃ la₂,† ma₂qui₂ma₂jmo₃ jniá₂ 'í₁ i₂ma₂cuag'₅₄ quian'₅₄ jui₅bí₂ a₂lín'₅.‡ Ma₂qui₂ma₂jmo₃ jniá₂ 'í₁, jaun₂ lia'₂ 'i₁jan₂ 'éi₂ tsá₃ ca₂i₃cón'₅, jñia'₅₄ lia'₂ jan₂ bá₄ i₂'i₄ 'éi'₃ dsi₃'én₂, ia₁jaun₂ le₃ti₃ Si₂.

13 'Ně₃, ně₃, nég'₄ ja₁cong'₂; la₁ia₁ tē₁lia'₂ 'eng₅₄ guē₄ mi₂güig₃, juá'₅ jniá₂ jág₁ la₂ ia₁jaun₂ le₃'ñia₅ ja₁con'₂ 'éi₂ a₂'io'₂ jéin₅ jniá₂. 14 Ma₂ca₂cuē₃ bá₄ jniá₂ jág₁ quiáng'₂, la₁ia₁ dsa₂ mi₂güig₃ ně₃, 'iog₅₄ quió'₅, ia₁ tsá₃ tén₅ 'éi₂ mi₂güig₃, jui₁lia'₂ jniá₂ ně₃, tsá₃ téng₅ mi₂güig₃. 15 On₃jua'₅₄ rē₂ mi₅ jniá₂ jua'₅₄ a₂'u_{in}'₅₄ mi₂güig₃, a₂jaun₂ bá₄ mi₅ jniá₂ a₂jmo'₂ 'í₁ ia₁jaun₂ tsá₃ jo₃ i₂sē₃dsen₃. 16 Tsá₃ mi₂güig₃ téin₅, jui₁lia'₂ jniá₂ ně₃, tsá₃ téng₅ mi₂güig₃. 17 Chon₄ dsa₂ 'éi₂ tē₂le₃ quian'₅₄ jág₁ tí₅; ia₁ jág₁ quiáng'₂ bá₄ lē₅ jág₁ tí₅. 18 Jui₁lia'₂ ca₂chei'₂ 'ne₂ jniá₂ jin₄ dsa₂ mi₂güig₃, ján₃ bá₄ le₂jaun₂ tsin₅₄ jniá₂ 'éi₂ jin₄ dsa₂ mi₂güig₃. § 19 O₄quió'₄ 'éi₂ bá₄ tsón₄ jniá₂ 'ñio₃, ia₁jaun₂ ján₃ bá₄ le₂jaun₂ 'éi₂ ně₃, lé₂ rē₂tsoin₅₄ le₃quió'₅ jág₁ tí₅.

20 'La₁ia₁ on₃jua'₅₄ jmá'₃ o₄quió'₄ 'éi₂ mi₅ jniá₂; ján₃ bá₄ le₂jio₅ o₄quió'₄ i₂le₃'én₂ le₃quió₃, tē₂le₃ quian'₅₄ jág₁ quió'₅, 21 ia₁jaun₂ léin₂ ca₂ne₅₄ ca₂le₃jín₃, jui₁lia'₂ 'ne₂, Tia₅₄, 'eng'₅₄ ja₁con'₂ jniá₂, ton'₂ 'en₅₄ guē'₂ jniá₂ ja₁con'₂ 'ne₂, ia₁jaun₂ 'éi₂ ně₃, dsi₃toin'₅₄ ja₁con'₂ jniog₄, ia₁jaun₂ qui₃le₃'én₂ dsa₂ mi₂güig₃ a₂ca₂chei'₂ jniá₂. 22 Ma₂ca₂cuē₃ jniá₂ 'éi₂ a₂jlá'₁ quió₃ a₂ca₂cuē'₅₄ 'ne₂ jniá₂, ia₁jaun₂ lén₂ 'éi₂ ca₂ne₅₄, jui₁lia'₂ lág₅ jniog₄ ca₂ne₅₄ ján₃. 23 Jniá₂ le₃quió'₅ 'éi₂, 'ne₂ guē'₂ le₃quió₃ jniá₂, ia₁jaun₂ le₃'ñia₅ 'éi₂ a₂léin₂ ca₂ne₅₄, ia₁jaun₂ le₃ñi₅ dsa₂ mi₂güig₃ a₂ca₂chei'₂ jniá₂, ton'₂ ca₂jme₁'nióg'₄ 'éi₂ jui₁lia'₂ ca₂jme₁'nióg'₄ jniá₂.

24 'Tia₅₄, 'nio₃ jniá₂ a₂dsi₃ton'₅₄ 'éi₂ i₂ca₂cuag'₅₄ ja₁cong₂, ia₁jaun₂ tē₃ ne₅₄ a₂jlá'₁ quió₃ a₂ca₂cuē'₅₄ 'ne₂, ia₁ ca₂jme₁'nió'₄ 'ne₂ jniá₂, né'₃ guē₄ a₂nio₃ mi₂güig₃. 25 Tia₅₄ i₂dsen₃ guē₄ lín₃, tsá₃ cui₅ dsa₂ mi₂güig₃ 'ne₂, la₁ia₁ jniá₂ cui₅ 'ne₂, jaun₂ ma₂ñi₅ bá₄ dsa₂ la₂ quiáng'₂ a₂ca₂chei'₂ 'ne₂ jniá₂. 26 Ma₂ca₂jme₁jñia₅ jniá₂ ja₁con'₂ 'éi₂ 'ein₂ lín'₅ 'ne₂, jaun₂ caun₂ jme₁jñia₅ bá₄ jniá₂ 'ne₂, ia₁jaun₂ jui₁lia'₂ a₂'nióg'₃ 'ne₂ jniá₂ tē₃'ñiá₄ ja₁con'₂ 'éi₂, ton'₂ 'ú₄ jniá₂ ja₁coin₂.

18

Ca₂jña'₃ dsa₂ Jesús

(Mateo 26:47-56; Marcos 14:43-50; Lucas 22:47-53)

1 Jme₁ma₂ca₂dsan₃ juá'₂ Jesús le₂ně₅, ca₂o₃'ín₃ quiaín'₅₄ chi'₂ dsi₂guia₃-tín₂, qui₂ca₂'ain₃ Ji'₅₄ Jma₃ Cedrón. Le₂quióng₄ ja₁jaun₂, jme₁cha₂ caun₂ ja₁jme₁cha₂ ni₁'ma₂ 'ag₅ mīg₂, ja₁ca₂'í₃ Jesús quiaín'₅₄ chi'₂ dsi₂guia₃-tín₂ quiaín₅. 2 Ján₃ bá₄ le₂jaun₂ Judas i₂jme₁ma₂'en₅₄ jui₅ jáng'₂ quió'₅, jme₁ma₂cuí'₅ bá₄ ja₁jaun₂, ia₁ 'lióng₂ ráun₂ ca₂ñi'₂ Jesús ja₁jaun₂ quiaín'₅₄ chi'₂ dsi₂guia₃-tín₂ quiaín₅. 3 Jaun₂ lē₃ ca₂dsióg₃ Judas ja₁jaun₂ quiaín'₅₄ co₂nió'₃ 'lióg₂, quiaín'₅₄ co₂nió'₃ guē'₂ chi'₂ 'i'₅₄ quián₅ guá'₅, i₂chen₄ quián₅ juig₅₄ jme₂dsa₂ quian'₅₄ dsa₂ fariseos ně₃. Ca₂dsi₃lén₂ dsa₂ 'éi₂ qui₂le₁quian₅ ñi₁tág₂, ni₁'ma₂, quian'₅₄ si₂ ni₁tsí₅, ni₁qui₂

* 17:11 A₂lín₅₄ chog₅₄ si₂: “jmo₄ 'í₁ 'éi₂ quian'₅₄ jui₅bí₂ a₂lín'₅, a₂ma₂jmo'₅₄ a₂lín₅ jniá₂ ján₃.” † 17:12 A₂lín₅₄ chog₅₄ si₂ tsá₃ chi₁ton₅: “mi₂güig₃ la₂.” ‡ 17:12 A₂lín₅₄ chog₅₄ si₂: “ma₂qui₂ma₂jmo₃ jniá₂ 'í₁ quian'₅₄ jui₅bí₂ a₂lín'₅, a₂ma₂jmo'₅₄ a₂lín₅ jniá₂ ján₃.” § 17:18 'Nio'₂ ja₁ton₅ Juan 20:21.

a₂le₁guí' ₃ si₂ ně₃. ⁴ La₁ia₁ Jesús ně₃, jme₁ma₂ŋi₅ bá₄ ca₂le₃jě₃ 'e₂ a₂dsi₃ŋí₂, jaun₂ o₂'ín₃ ja₁jaun₂ ca₂i₁jme₁jein'₂ dsa₂, jaun₂ ca₂ŋí'₃ dsa₂ 'éi₂:

—¿I₂'ein₂ 'nag'₂ 'nia'₂?

⁵ Jaun₂ ca₂ŋag₃ dsa₂ 'éi₂:

—Jesús i₂chan₂ Nazaret bá₄ 'nia'₂ jnia'₅₄.

Jaun₂ ca₂ŋag₃ Jesús:

—Jniá₂ bá₄ 'éi₂.

Jaun₂ bá₄ jme₁chén'₄ Judas i₂jáng'₂ quió'₅, quiain'₅₄ dsa₂ 'éi₂.

⁶ Jaun₂ jme₁ca₂juá'₂ Jesús ca₂tsí'₃ dsa₂: “Jniá₂ bá₄ 'éi₂”, jaun₂ i₃lén₂ le₃ca'₃ i₃gain'₅₄ 'uě₃.

⁷ Jaun₂ ně₃ ca₂ŋag₃ táng₃ Jesús ca₂ŋí'₃ dsa₂ 'éi₂:

—¿I₂'ein₂ 'nag'₂ 'nia'₂?

Jaun₂ ca₂ŋag₃ táng₃ dsa₂:

—Jesús i₂chan₂ Nazaret bá₄.

⁸ Jaun₂ ca₂ŋag₃ táng₃ Jesús:

—Ma₂ně₂juíg₂ jniá₂ 'nia'₂, jniá₂ bá₄ líng₅ 'éi₂. * Chi₂jua'₂ jniá₂ 'nau'₂ 'nia'₂, cuě₄ jmíg₄ juí₁dsi₂len₅ bá₄ i₂la₂.

⁹ A₂la₂ ca₂lě₃ ia₁jaun₂ le₃ti₃ lia'₂ con'₂ lě₅ a₂jme₁ca₂juá'₂ Jesús tsí'₅ Jmei₂: “Juí₁lia'₂ i₂ca₂cuag'₅₄ 'ne₂ jniá₂, tsá₃ 'ein₂ ca₂i₃cón'₅ 'i₁jan₂.”

¹⁰ Jaun₂ ně₃ jme₁quian₅ Si₂mu₅₄ Pe₄ ŋi₁tág₂, jaun₂ ca₂dsí₃ ca₂quí'₃ rě₂gua₄ ne₁ quió'₅ jan₂ dsa₂ i₂jme₁chen₂ Malco, i₂jme₂ti₃ ta₁ ne₄ jme₂dsa₂ dsen₅₄.

¹¹ La₁ ca₂juá'₂ Jesús ca₂tsí'₃ Pe₄:

—Tio'₂ táng₃ ŋi₁tág₂ ja₁jme₁'i₄. ¿'E₂ lín'₂ 'ne₂ a₂tsá₃ ca₂tín₂ jniá₂ dsi₃ŋíg₂ a₂ma₂juá'₂ Ne'₃?†

Nó₃ Jesús ne₄ jme₂dsa₂ dsen₅₄

(Mateo 26:57-58; Marcos 14:53-54; Lucas 22:54)

¹² Jaun₂ ně₃ ca₂ŋau'₃ co₂nió'₃ 'lióg₂ lia'₂ jma₃quiain'₅₄ juíg₅₄, quiain'₅₄ chi'₂ 'i'₅₄ quián₅ guá'₅ ně₃, ca₂ŋai'₃ Jesús, jaun₂ qui₂ca₂'nei'₂ ně₃. ¹³ Jaun₂ ca₂i₁jiog₃ le₂'uig₅₄ ja₁quió'₄ Anás. Anás 'éi₂ ně₃ jme₁lín₄ dsi₂jmei₂ Caifás, i₂jme₁lín₄ ta₁ jme₂dsa₂ dsen₅₄ ŋi₂ jaun₂.

¹⁴ Caifás 'éi₂ ně₃ i₂jme₁ca₂juá'₂ ca₂tsí'₃ dsa₂ judíos, a₂jmo₅ jón₂ jan₂ dsa₂ o₄quió'₄ dsa₂ juíg₂.‡

Tsá₃ ca₂tion₃ Pe₄ a₂cuin₂₃ Jesús

(Mateo 26:69-70; Marcos 14:66-68; Lucas 22:55-57)

¹⁵ Jaun₂ ca₂ŋó₃ Si₂mu₅₄ Pe₄ quiain'₅₄ guě₄ jan₂ dsa₂ i₂guia₃-tín₂ sián'₂ ně₃, chi₁co'₅₄ quió'₅ Jesús. Dsa₂ guia₃-tín₂ jan₂ 'éi₂ ně₃ jme₁cuig₅ bá₄ jme₂dsa₂ dsen₅₄ quió'₅, jaun₂ bá₄ ca₂'í₃ co₂lě₅ quiain'₅₄ Jesús i₁dsi₅ quió'₅ jme₂dsa₂ dsen₅₄. ¹⁶ La₁ Pe₄ ně₃, jaun₂ bá₄ ca₂nau₂ o₄'né₄ tē₂le₃ ca₁'né₄. 'Uig₅₄ jaun₂ ca₂o₃'ín₃ dsa₂ guia₃-tín₂ i₂ma₂cuig₅ jme₂dsa₂ dsen₅₄ quió'₅, jaun₂ ca₂juá'₂ ca₂tsí'₃ 'io₅₄ i₂niog₅ ne₄ o₄'né₄, jaun₂ ca₂ŋí₂ Pe₄ tē₂le₃ dsi₂néi₂.

¹⁷ Jaun₂ ně₃ ca₂ŋag₃ 'io₅₄ i₂jmo₅ 'í₁ o₄'né₄ ca₂ŋí'₃ Pe₄:

—On₃jua'₅₄ 'ne₂ líng'₅ jan₂ i₂ca₂rě₃tín₃ quián₅ dsa₂ ně₅, ¿lia'₅₄?

Jaun₂ ca₂juá'₂:

—Jan₂'ón₄, on₃jua'₅₄ jniá₂ 'éi₂.

* **18:8** lit. “Jniá₂ líng₅”, co₂'nió'₄ jein₅ jág₁ lia'₂ chen₂ Jehová. 'Nio'₂ ja₁ton₅ Éxodo 3:14. † **18:11** lit. “¿'E₂ lín'₂ 'ne₂ a₂tsá₃, guí'₅₄ jniá₂ tion₅₄ jmíg₂ dsi'₃ a₂ma₂cuě₃ Ne'₃?” ‡ **18:14** Juan 11:50.

18 Ja₁jaun₂ jme₁tió_{n2} dsa₂ i₂jme₂ti₃ ta₁, quiain'₅₄ chi'₂ 'i'₅₄ quián₅ guá'₅. Jme₁ma₂ca₂dsia₃ ca₂jo'₅₄ si₂, ia₁ a₂jme₁güí_{g2}, jaun₂ tió_{n2} qui₂jme₂dsioin'₂. Ján₃ bá₄ jê₄ jaun₂ jme₁chén'₄ Pe₄ jme₂dsioin'₂.

Chén'₅ Jesús ne₄ jme₂dsa₂ dsen₅₄

(Mateo 26:59-66; Marcos 14:55-64; Lucas 22:66-71)

19 Jaun₂ ca₂ηag₃ jme₂dsa₂ dsen₅₄ ca₂ηí'₃ Jesús cuente quió'₅ chi'₂ dsi₂guia₃-tín₂ quiáin₅, cuente quió'₅ juí₁lia'₂ jág₁ a₂jme₂tag₂₃ ně₃.

20 Jaun₂ ca₂ηag₃ Jesús:

—Ma₂qui₂ma₂juá'₃ bá₄ jniá₂ lia'₂ rē₂jiá₃ jág₁ tē₃ne₄ ca₂le₃jín₃ dsa₂; jme₁qui₂jme₁tín₂ jniá₂ tián₂ dsa₂ dsi₂néi₂ guá'₅ sinagoga quian'₅₄ i₁dsi₅ guá'₅ templo ně₃, ja₁qui₂ηí'₂ ca₂le₃jín₃ dsa₂ judíos. Tsá₃ 'e₂ jág₁ ma₂juá'₃ jniá₂ 'i₁caun₂ tē₃ chi₁'ma₁. 21 ¿'E₂ 'uig₅₄ ηag'₅₄ 'ne₂ jniá₂ jaun₂? Ní'₅₄ juí₁lia'₂ dsa₂ i₂qui₂ma₂nág₂ jág₁ quió'₃, 'e₂ ma₂juí_{g2} jniá₂. Jag₄ de'₂, i₂ηi₅ bá₄ 'éi₂ juí₁lia'₂ i₂'e₂ jág₁ a₂ma₂juá'₃ jniá₂.

22 Jme₁ca₂juá'₂ Jesús le₂nē₅, jan₂ chi'₂ 'i'₅₄ quián₅ guá'₅ i₂jme₁chén'₄ cau₅, ca₂quein₃ dsi₂ne₄ Jesús, jaun₂ ca₂juá'₂:

—¿Le₁nē₅ bá₄ ηag'₅₄ 'ne₂ ne₄ jme₂dsa₂ dsen₅₄?

23 Jaun₂ ca₂ηag₃ Jesús:

—Chi₂jua'₂ 'lig'₅₄ ně₂juá'₃ jniá₂, jua'₅₄, jme₁jnia₅ chi₂jua'₂ já'₄ ca₂'lian'₂ jniá₂ jaun₂. La₁ chi₂jua'₂ dsau₅ bá₄ jág₁ a₂nē₂juá'₃, ¿'e₂ guē'₂ lē₃ quein'₂ quió'₃?

24 Jaun₂ ně₃ ca₂chei₃ Anás ca₂chein₃ Jesús chi₁'ηei'₅₄ ne₄ Caifás, i₂lín₅ jme₂dsa₂ dsen₅₄.

Con'₂ siá'₂ táng₃ tsá₃ ca₂tion₃ Pe₄ a₂cuin₂₃ Jesús

(Mateo 26:71-75; Marcos 14:69-72; Lucas 22:58-62)

25 Tē₁lia'₂ jaun₂ ně₃, jaun₂ bá₄ chén'₅ Pe₄ jme₂dsioin'₂ cau₅ si₂, jaun₂ ca₂ηag₃ dsa₂ ca₂ηí'₃ Pe₄:

—¿On₁jua'₅₄ 'ne₂ líng'₅ jan₂ i₂ca₂rē₃tín₃ quián₅ dsa₂ ně₅?

Tsá₃ ca₂tion₃ Pe₄ jaun₂, ca₂juá'₂:

—Jan₂'ón₄. On₃jua'₅₄ jniá₂ 'éi₂.

26 Jaun₂ ně₃ ca₂ηag₃ jan₂ i₂jme₂ti₃ ta₁ ne₄ jme₂dsa₂ dsen₅₄, i₂lín₅ jan₂ o₁rín₅₄ dsa₂ i₂ca₂quí'₃ Pe₄ rē₂gua₄, ca₂juá'₂:

—¿Tsa₁ ně₂jín₄ jniá₂ 'ne₂ ja₁cha₂ ni₁'ma₂ jaun₂, co₂lē₅ quian'₅₄ 'éi₂?

27 Jaun₂ con'₂ siá'₂ táng₃ tsá₃ ca₂tion₃ Pe₄ a₂cuin₂₃ Jesús. Jaun₂ lia'₂ ma₂tē₂dsi₅₄ jaun₂, ca₂'o₃ tē₁guí₄ dsó₂.

Chén'₅ Jesús ne₄ Dsi₄má'₂ Pilato

(Mateo 27:1-2, 11—14; Marcos 15:1-5; Lucas 23:1-5)

28 Jaun₂ ně₃ ca₂dsen₅ dsa₂ Jesús ja₁quió'₄ Caifás ca₂1₁jio_{g3} tē₂ ne₄ta₁ quió'₅ dsi₄má'₂. Jme₁ma₂jnia₃ mi₂güí_{g3}, jaun₂ tsá₃ ca₂tón'₂ dsa₂ judíos dsi₂néi₂ ne₄ta₁ quió'₅ dsi₄má'₂, ia₁jaun₂ tsá₃ le₃'iog₅ quió'₅, ia₁ 'nio₃ jme₁guē'₃ má₃ quió'₅ Jmí_{g4} Tē₂'ín₅₄.

29 'Uig₅₄ jaun₂ ně₃ ca₂o₃'ín₃ Pilato 'ηiog₅ ja₁tion'₅₄ 'éi₂, jaun₂ ca₂juá'₂:

—¿'E₂ dso₄ bon'₄ 'nia'₂ dsa₂ la₂?

30 Jaun₂ ca₂ηag₃ dsa₂:

—Jua'₅₄ mei'₂ guē'₃ tsá₃ rín₅ dsa₂ ně₅ dso₄, tsá₃ o₄gog'₂ 'ne₂ jme₁jín₅₄ jnia'₅₄.

31 Jaun₂ ně₃ ca₂juá'₂ Pilato ca₂tsí'₃ dsa₂:

—Te₅₄ 'nia'₂ jaun₂, qui₂dsi₅ 'nia'₂ 'éi'₃ quió'₅ lia'₂ con'₂ lē₅ 'Éi'₃ quián'₂ 'nia'₂ guiong'₅₄.

Jaun₂ ca₂ηag₃ dsa₂ judíos:

—La₁ia₁ tsá₃ 'i₄ 'éi₃ a₂jñí₄ jnia'₅₄ jan₂ dsa₂.

³² Le₂ně₅ ca₂rě₃ti₃ jág₁ a₂ca₂juá'₂ Jesús 'e₂ ne₅₄ 'mú₃ a₂dsi₃ñí₂.

³³ Jaun₂ ca₂'í₃ táng₃ Pilato tē₂le₃ dsi₂néi₂ ne₄ta₁ quió'₅, jaun₂ ca₂tě'₃ Jesús jaun₂ ca₂ñí'₃ 'éi₂:

—¿Lín'₅ 'ne₂ Rag₅₄ quián₅ dsa₂ judíos?

³⁴ Jaun₂ ca₂ñag₃ Jesús:

—¿A₂ñag'₅₄ 'a₂ con'₂ dsi₂jiog₅ 'au'₂ 'ñiag'₂ a₂juá'₂ ně₅, o₃ chan₂ i₂sián'₂ a₂ma₂juá'₂ 'ag₂₃ jniá₂?

³⁵ Jaun₂ ca₂ñag₃ Pilato:

—¿O₃ bá₄ dsa₂ judío lín₅ jniá₂? Dsa₂ juig₂ quiáng'₂, quian'₅₄ juig₅₄ jme₂dsa₂ bá₄ ně₂jáng'₂ quiáng'₂ o₄gu₃ jniá₂. ¿'E₂ ma₂jmo'₅₄?

³⁶ Jaun₂ ně₃ ca₂ñag₃ Jesús:

—On₃jua'₅₄ mi₂güig₃ la₂ ja₁gon₂ jniá₂. Jua'₅₄ mei'₂ guě₃ mi₂güig₃ la₂ ja₁gon₂ jniá₂, jme₁náu₃ 'nei₂ bá₄ dsa₂ i₂quiong'₅₄ jniá₂ ia₁jaun₂ tsá₃ jme₁jáng'₂ dsa₂ ne₄ dsa₂ judíos. La₁ on₃jua'₅₄ ja₁lá₃ ja₁gon₂ jniá₂.

³⁷ Jaun₂ ně₃ ca₂juá'₂ Pilato ca₂tsí'₃ Jesús:

—¿Dsón'₂ bá₄ lín'₅ 'ne₂ rag₅₄ jaun₂ ně₃?

Jaun₂ ca₂ñag₃ Jesús:

—Dsau₅ bá₄ juá'₂ 'ne₂, a₂lín₅ jniá₂ rag₅₄. Ta₁ jaun₂ ca₂rě₃cháng₃, ta₁ jaun₂ guang₃ mi₂güig₃, ia₁jaun₂ jáng'₄ jág₁ dsau₅ o₄quió'₄ jág₁ tí₅. Ca₂le₃jín₃ i₂tión₂ le₃quió'₅ jág₁ tí₅, nag₂₃ jág₁ quió₃.

³⁸ Jaun₂ ca₂juá'₂ Pilato ca₂tsí'₃ Jesús:

—¿I₂'e₂ jaun₂ jág₁ tí₅?

Ca₂o₃'ág₃ 'éi₃ a₂jón₂ Jesús

(Mateo 27:15-31; Marcos 15:6-20; Lucas 23:13-25)

Jme₁ca₂dsan₃ juá'₂ Pilato le₂ně₅, ca₂o₃'ín₃ táng₃, ca₂dsia₃ táng₃ jág₁ quian'₅₄ dsa₂ judíos. Jaun₂ ca₂juá'₂:

—Tsá₃ dso₄ dso'₂ jniá₂ ja₁con₂ dsa₂ la₂. ³⁹ La₁ chí'₅ caun₂ tag₄ quián'₂ 'nia'₂ a₂tén₅ jniá₂ jan₂ dsa₂ ja₁con₂ 'nia'₂ jme₁tě₅ Jmíg₄ Tě₂'in₅₄. ¿'Nio₂g'₂ 'nia'₂ jaun₂ a₂tén₄ jniá₂ Rag₅₄ quián₅ dsa₂ judíos?

⁴⁰ Jaun₂ ně₃, ca₂tóin'₂ co₂mí'₅₄ ca₂juá'₂:

—¡On₃jua'₅₄ i₂ně₅! ¡Barrabás bá₄ tén₃!

Barrabás 'éi₂ ně₃, jme₁lín₄ ja₁con₂ dsa₂ 'ang₂ i₂ca₂nau₂ 'nei₂.§

19

¹ Jaun₂ ně₃ ca₂jmo₃ Pilato 'éi₃ a₂ca₂i₁ban₅ dsa₂ Jesús quian'₅₄ tsi₁'nei₅₄ a₂co₂taun₅. ² Jaun₂ ca₂jmo₃ 'lióg₂ caun₂ ni₁tsag₂ corona a₂lě₅ jméi₁ ni₁uing₂ taun₅, jaun₂ ca₂tó'₂ mi₂dsi₄ Jesús. Jaun₂ ca₂quen'₃ dsa₂ Jesús caun₂ tsi₁'mí'₂ chen'₅₄ a₂jniá₂ 'ui'₃ guéin₂. ³ Jaun₂ ně₃ qui₂ca₂jme₃quián₃ ja₁con₂ 'éi₂, a₂juá'₂:

—¡Sian'₃ 'ne₂, Rag₅₄ quián₅ dsa₂ judíos!

Jaun₂ qui₂ca₂quein₃ dsi₂ne₄ Jesús.

⁴ Jaun₂ ně₃ o₂'ín₃ táng₃ Pilato, jaun₂ ca₂juá'₂ ca₂tsí'₃ dsa₂:

—Nei₂ 'nia'₂, dséin₄ jniá₂ ja₁lá₃ le₃ja₁con₂ 'nia'₂, ia₁jaun₂ le₃len'₅₄ 'nia'₂ ca₂lia'₂ 'i₁caun₂ dso₄ tsá₃ dso'₂ jniá₂ ja₁coin₂.

⁵ Jaun₂ o₂'ín₃ Jesús, 'i₄ dsi₅₄ corona lě₅ ni₁uing₂ taun₅, ján₃ bá₄ qui'₂ tsi₁'mí'₂ chen'₅₄ 'ui'₃ jaun₂. Jaun₂ ně₃ ca₂juá'₂ Pilato ca₂tsí'₃ dsa₂:

—¡jín₄ 'nia'₂ dsa₂!

§ 18:40 'Nio'₂ ja₁ton₅ Marcos 15:7.

6 Jaun₂ jme₁qui₂ca₂jág₂ juig₅₄ jme₂dsa₂ quian'₅₄ chi'₂ 'i'₅₄ quián₅ guá'₅ ně₃, jaun₂ ca₂jme₃lióg₃ qui₂ca₂tóin'₂ co₂mi'₅₄, ca₂juá'₂:

—¡Tióin₃ cróg₄! ¡Tióin₃ cróg₄!

Jaun₂ ca₂juá'₂ Pilato:

—Te₅₄ 'nia'₂ jaun₂, tióin₃ 'nia'₂ cróg₄ guiong'₅₄, ia₁ jniá₂ ně₃, 'i₁caun₂ dso₄ tsá₃ dso'₂ jniá₂ ja₁coin₂.

7 La₁ia₁ ca₂ḡag₃ dsa₂ judíos:

—Ron₅ caun₂ 'éi'₃ quián₂ jnia'₅₄, jaun₂ lia'₂ con'₂ lě₅ juá'₂ 'éi'₃ jaun₂, a₂'nió'₅ jóin₂ bá₄; ia₁ a₂jmo₂₃ a₂lín₅ Ja₁ḡi'₅₄ Diú₄.

8 Jme₁ca₂nág₂ Pilato jág₁ ně₅, 'ḡio₅ lín₃ guě₄ ca₂i₃gó'₃ dsí₅. 9 Jaun₂ ca₂'í₃ táng₃ tē₂le₃ dsi₂néi₂ ne₄ta₁ quió'₅, jaun₂ ca₂ḡag₃ ca₂ḡi'₃ Jesús:

—¿A₂já'₄ chan'₂ 'ne₂?

La₁ tsá₃ 'e₂ ca₂ḡag₃ Jesús, 'i₁caun₂. 10 Jaun₂ ně₃, ca₂juá'₂ Pilato:

—¿Tsa₁ ḡag'₅₄ 'ne₂ jág₁ quió'₃ jniá'₂? ¿Tsa₁ ḡi'₅₄ 'ne₂ jaun₂ a₂'o₂ jniá₂ jui₅bí₂ a₂jmo₅₄ 'éi'₃ a₂tion₃ dsa₂ cróg₄ 'ne₂, ján₃ bá₄ le₂jaun₂ guě'₂ ján₃, a₂'o₂ jniá₂ jui₅bí₂ a₂long₅₄ 'ne₂?

11 Jaun₂ ca₂ḡag₃ Jesús:

—Ca₂lia'₂ 'i₁caun₂ jui₅bí₂ tsá₃ 'au'₂ 'ne₂ ja₁con₂ jniá₂, jua'₅₄ tsá₃ Diú₄ ca₂cuě₃. 'Uig₅₄ jaun₂, jui₁lia'₂ i₂ně₂jáng'₂ jniá₂ ne'₅₄ 'ne₂, 'ḡio₅ lín₃ guě₄ juě'₂ dso₄ rě₂cáin'₄ con'₂ guě₄ 'ne₂.

12 Ca₂le₃ jaun₂ ca₂'náu'₃ dsí₅ Pilato 'a₂ lia'₂ cuin₅ jmig₄ a₂jme₁lióin₂ Jesús; la₁ dsa₂ judíos ně₃ qui₂ca₂tóin'₂ co₂mi'₅₄ ca₂juá'₂:

—¡Ně₁jua'₂ ca₂lioin'₅₄, tsá₃ lín₅ a₂mei₅₄ quián₅ dsi₂tan₅₄ emperador! ¡la₁ ně₁jua'₂ 'ein₂ jmo₅ lín₅ rag₅₄, lín₅ jan₂ dsa₂ i₂'ḡia₅₄ emperador!

13 Jaun₂ ně₃ jme₁ca₂nág₂ Pilato jág₁ jaun₂, ca₂dsein₂₃ Jesús. Jaun₂ ca₂guá₂ ne₄ta₁ ja₁qui₂dsi₂₃ 'éi'₃; ja₁jaun₂ ja₁chei₂ Gabata quian'₅₄ jág₁ jmei₅ hebreo, co₂'nió'₄ a₂juá'₂, ja₁lě₄ 'uě₃ cang₄. 14 Jme₁lě₄ jmig₄ a₂jmo₅ dsa₂ co₂ḡia₅₄ Jmig₄ Tě₂'in₅₄; jme₁ma₂tě₂ con'₂ dsi₂ḡi'₃; jaun₂ ca₂juá'₂ Pilato ca₂tsí'₃ dsa₂ judíos:

—¡jín₄ 'nia'₂ rag₅₄ quiáng'₂!

15 La₁ ca₂tóin'₂ co₂mi'₅₄ ca₂juá'₂:

—¡Cau₅ ḡia'₃! ¡Cau₅ ḡia'₃! ¡Tióin₃ cróg₄!

Jaun₂ ca₂juá'₂ Pilato:

—¿A₁'niog'₂ 'nia'₂ tóng₄ cróg₄ rag₅₄ quián'₂ 'nia'₂?

La₁ qui₂ca₂ḡag₃ juig₅₄ jme₂dsa₂ ca₂juá'₂:

—Tsá₃ rag₅₄ sián'₂ chan₂ quián₂ jnia'₅₄, ḡia'₅₄ lia'₂ jan₂ emperador bá₄.

16 Jaun₂ bá₄ ca₂jáng'₂ Pilato ca₂jín'₂ Jesús ia₁jaun₂ tio₃ dsa₂ ne₄ cróg₄. Jaun₂ ca₂tág₃ dsa₂.

Ca₂tion₃ dsa₂ cróg₄ Jesús

(Mateo 27:32-44; Marcos 15:21-32; Lucas 23:26-43)

17 O₂'ín₃ Jesús jaun₂, quian₅ cróg₄ quió'₅, a₂ḡó₃ jui₅ja₁tě'₂ dsa₂ Dsi₂con'₂ Ni₁mu₅ Mi₂dsi₄ 'Lag₄. Quian'₅₄ jág₁ jmei₅ arameo guě'₂, chei₂ Gólgota. 18 Ja₁jaun₂ ca₂tion₃ dsa₂ ne₄ cróg₄, ján₃ bá₄ ca₂tion₃ guě₄ dsa₂ on₃ dsa₂ sián'₂ co₂lě₅ quian'₅₄ Jesús, jma₃jan₂ lia'₂ ca₂ton₂ quió'₅; 'ḡiog₅ guě'₂ Jesús tē₁toin₅₄ dsi₂jo₂.

19 Jaun₂ ca₂tióng₃ Pilato letras dsi₄ cróg₄ co₂'nió'₄ a₂juá'₂: “JESÚS CHAN₂ NAZARET, RAG₅₄ QUIÁN₅ DSA₂ JUDÍOS.”

20 Jaun₂ juin₅ dsa₂ judíos ca₂'í₂ letras jaun₂, ia₁ ma₂quián₅ chei'₅₄ juig₂ ciudad bá₄ ja₁ca₂tion₃ dsa₂ cróg₄ Jesús jaun₂. Jme₁chi₁ton₅ letras jaun₂ quian'₅₄ jág₁ jmei₅ hebreo, griego, quian'₅₄ jág₁ jmei₅ latín ně₃. 21 'Uig₅₄ jaun₂, ca₂juá'₂ juig₅₄ jme₂dsa₂ quian'₅₄ dsa₂ judíos, ca₂tsí'₃ Pilato:

—Tsá₃ lë₂taun₂ “Rag₅₄ quián₅ dsa₂ judíos”; ja₂lin₃ guë₄ dse₃ taun₅₄ “I₂juá'₂ a₂lín₅ Rag₅₄ quián₅ dsa₂ judíos.”

²² La₁ ca₂ñag₃ Pilato:

—Jui₁lia'₂ a₂ma₂në₂táun₂ jniá₂, co₂në₅ ma₂në₂táun₂.

²³ Jme₁ma₂ca₂lë₃ tion₅ 'lióg₂ Jesús ne₄ cróg₄, jaun₂ ca₂can₃ tsi₁'mi'₂ quió'₅ Jesús, jaun₂ ca₂jmo₃ quén₂ dso'₅₄, jma₃jan₂ 'lióg₂ lia'₂ ca₂dso'₅₄. Ján₃ bá₄ le₂jaun₂ ca₂can₃ ni₁tsin'₅₄ Jesús. La₁ ni₁tsin'₅₄ në₃, tsá₃ jme₁rë₂'me₅; jme₁lë₄ caun₂ 'mi'₂ con'₂ lë₅ ca₂ta₃ dsa₂, ta₁caun₂.

²⁴ Jaun₂ ca₂juá'₂ 'lióg₂ ca₂tsí'₃ riin'₅₄:

—Co₂ñei'₅₄ tió'₅ tsá₃ guéi₃. Në₃ i₁caú₂ co₂ñei'₅₄ dsí₂ suerte, o₁ne₄ 'ein₂ tin₅₄.

Jaun₂ le₂në₅ ca₂rë₃ti₃ jág₁ a₂rë₂ton₅ ne₄ Si₂ a₂juá'₂:

Qui₂ca₂dsión'₂ dsa₂ tsín'₅ jniá₂ quiain'₅₄ riin'₅₄,

ca₂co₃ ca₂dsi₂ suerte o₁ne₄ 'ein₂ tin₅₄.*

Le₂në₅ bá₄ ca₂jmo₃ 'lióg₂ 'éi₂ tioin'₅₄.

²⁵ La₁ chog₅₄ Jesús në₃, jaun₂ bá₄ jme₁chéin'₄ cau₅ cróg₄, lia'₂ jma₃quian'₅₄ 'io₅₄ riin'₅₄, quiain'₅₄ María quián₅ Cleofas, quian'₅₄ María chan₂ Magdala në₃.

²⁶ Jme₁ca₂jín₂ Jesús chog₅₄, quiain'₅₄ chi'₂ dsi₂guia₃-tín₂ i₂ñí₄ lë₃ jme₁'nioi₃ 'éi₂, chéin'₅ cau₅, jaun₂ ca₂juá'₂ ca₂tsí'₃ chog₅₄:

—'Io₅₄, në₅ chén'₅ ja₂ñí'₂.

²⁷ Jaun₂ guë₄ ca₂juá'₂ ca₂tsí'₃ dsi₂guia₃-tín₂ 'éi₂:

—Në₅ chén'₅ chog'₂.

Ca₂le₃ jmi₄ jaun₂, ca₂guei₃ chi'₂ dsi₂guia₃-tín₂ 'éi₂ ca₂guein₃ María dsi₂néi₂ quió'₅.

Ca₂jon₃ Jesús

(Mateo 27:45-56; Marcos 15:33-41; Lucas 23:44-49)

²⁸ Cang₂ guë₄ jaun₂ në₃, ia₁ jme₁ma₂ñi₅ bá₄ Jesús a₂ma₂ca₂rë₃'ñia₅ ca₂le₃jë₃, ia₁jaun₂ le₃ti₃ jág₁ tio'₅₄ ne₄ Si₂, ca₂juá'₂:

—Jmi₂ i₁gui'₁ jniá₂.

²⁹ Jë₄ jaun₂ jme₁chí'₄ caun₂ ni₁dsig₁ a₂'a₄ jmi₂ dsi'₃, jaun₂ ca₂tiá₂ dsa₂ caun₂ ni₁jau₂ 'ñió'₃, ca₂guioin₃ quian'₅₄ jmi₂ dsi'₃ jaun₂. Jaun₂ ca₂chi₃dsí₂ dsa₂ nei'₅₄ caun₂ ni₁'ma₂ hisopo jaun₂ ca₂chóg'₃ dsa₂ të₂ mi₂'o₄ Jesús. ³⁰ Jme₁ma₂në₂'én'₂ jmi₂ dsi'₃ jaun₂, jaun₂ ca₂juá'₂:

—Ma₂ca₂lë₃.

Jaun₂ në₃ ca₂sióg₂ mi₂dsi₅₄, ca₂jáng'₃ jme₂dsí₂ quió'₅.

Ca₂'ág'₂ 'lióg₂ ñi₁chen'₂ quió'₅ mi₂dsi₂con₂ Jesús

³¹ Jme₁lë₄ jmi₄ a₂jmo₅ dsa₂ co₂ñia₅₄ Jmi₄ Të₂'in₅₄, jaun₂ tsá₃ 'nio₃ dsa₂ judíos jua'₅₄ lia'₂ ma₂le₁ton₅ jaun₂ ni₁ñi₁₂ dso'₂ cróg₄ jmi₄ sa₅₄, ia₁ jmi₄ juë'₂ lin₃ bá₄ sa₅₄ jaun₂. 'Uig₅₄ jaun₂ në₃ ca₂mi₃ ne₄ Pilato a₂chein₃ 'lióg₂ a₂qui₂dsi₃jio₅₄ dsi₂tag₄ 'éi₂, jaun₂ guë₄ të₂. ³² Jaun₂ në₃ ca₂i₁len₅₄ 'lióg₂ ca₂i₁jio₂ dsi₂tag₄ i₂le₂'uig₅₄; ján₃ bá₄ le₂jaun₂ ca₂jmo₃ quian'₅₄ i₂jan₂ i₂chi₁ton₅ cróg₄ con₂ Jesús. ³³ La₁ jme₁ca₂jme₃quián₃ con₂ Jesús, ca₂jág₃ jme₁ma₂join₂₃ bá₄; 'uig₅₄ jaun₂ në₃ tsá₃ ma₂ca₂jió₃ dsi₂tag₄ 'éi₂. ³⁴ La₁ ca₂'ág'₂ jan₂ 'lióg₂ mi₂dsi₁con₂ Jesús quian'₅₄ ñi₁chen'₂ quió'₅, jaun₂ dsi₂jui₅ le₂jaun₂ ca₂'io₂ jmi₂ quian'₅₄ jmi₂. ³⁵ Jan₂ dsa₂ i₂ca₂të₂ ne₄ i₂jáng'₅ jág₁ dsau₅ la₂; ton'₂ tí₅ bá₄ jág₁ dsau₅ a₂jáng'₅. Ján₃ bá₄ ñi₅ dsa₂ 'éi₂ a₂juá'₂ jág₁ ti₅ të₂dsón'₂, ia₁jaun₂ le₃'én'₂ 'nia'₂ ján₃. ³⁶ Ia₁ a₂ca₂lë₃ la₂, ca₂lë₃ ia₁jaun₂ le₃ti₃ jág₁ a₂rë₂ton₅ ne₄ Si₂ a₂juá'₂: “Lia'₂ 'i₁caun₂ mu₄ 'éi₂ tsá₃ qui₃jio₃ dsa₂.”† ³⁷ Le₂jaun₂ guë'₂ táng₃ juá'₂ ne₄ Si₂ ja₁siá'₂: “Jág₂ dsa₂ jín₂ 'éi₂ i₂ca₂'ág'₂ dsa₂ quió'₅.”‡

* 19:24 Salmo 22:18. † 19:36 Éxodo 12:46; Números 9:12; Salmo 34:20. ‡ 19:37 Zacarías 12:10.

*Ca₂'on₃ Jesús**(Mateo 27:57-61; Marcos 15:42-47; Lucas 23:50-56)*

³⁸ Cang₂ guë₄ jaun₂ ně₃, ca₂mi₃ jan₂ dsa₂ i₂chen₂ José, i₂chan₂ jui₂g₂ Arimatea, i₂jme₁lín₄ jan₂ dsa₂ i₂quián₅ Jesús, la₁ia₁ jme₁'éin₂ con₂ tē₃co₅ bá₄, ia₁ a₂gain₃ dsa₂ judíos; ca₂mi₃ Sě₄ 'éi₂ ne₄ Dsi₄má₂ Pilato a₂con₂ ni₁ñi₁ 'lag₄ Jesús. Ca₂cuë₃ bá₄ Pilato jmig₄, jaun₂ ñe₄ Sě₄ ca₂i₁sioin₅ 'lag₄, jaun₂ ca₂tág₃. ³⁹ Ján₃ bá₄ ca₂dsióg₃ Nicodemo i₂jme₁ca₂i₁dsia₂ jág₁ le₂jñiá₅ quian₅ Jesús a₂'uë₂. Jme₁quian₅ 'éi₂ con₂ guióg₂-guiá₂ kilos mirra quian₅ áloes a₂ma₂rë₂güin₅. ⁴⁰ Jaun₂ ca₂tág₃ Sě₄ quian₅ Nicodemo ca₂tág₃ 'lag₄ ca₂lio₃ quian₅ tsi₁'mi₂ tióg₃ lia₂ jma₃quian₅ mi₂ro₂ jaun₂, lia₂ jme₁lě₄ tag₄ chí₅ quió₅ dsa₂ judíos a₂jme₁óin₂ 'lag₄. ⁴¹ Cau₅ ja₁ca₂tion₃ dsa₂ cróg₄ Jesús, jme₁lě₄ caun₂ ja₁cha₂ ni₁'ma₂ a₂'ag₅ mǐg₂. Jaun₂ jě₄ jaun₂ jme₁dsi₅₄ caun₂ tau₂ 'ñio₅ 'mí₂ ja₁tsá₃ 'ein₂ jme₁ma₂ton₂ dsa₂ 'i₁jan₂ 'lag₄. ⁴² Jaun₂ 'uig₅₄ ia₁ a₂jme₁lě₄ jmig₄ a₂jmo₃ dsa₂ judíos co₂jñia₅₄ quió₅, ton₂ 'uig₅₄ ia₁ a₂jme₁lě₄ ma₂quián₅ jaun₂ tau₂ 'ñio₅, jaun₂ ja₁jaun₂ ca₂quio₅ Sě₄ quian₅ Nicodemo ca₂quioin₂₃ Jesús.

20*Ca₂jen₅₄ Jesús**(Mateo 28:1-10; Marcos 16:1-8; Lucas 24:1-12)*

¹ Jě₁le₂'uig₅₄ jmig₄ semana, ñe₄ María chan₂ Magdala ja₁dsi₅₄ tau₂ 'ñio₅, tē₂ o₃'iog₂ tē₃ qui₁né₃ guë₄ le₂jaun₂. Jaun₂ ca₂jág₃, jme₁ma₂rë₃jñia₅₄ bá₄ ni₁cang₁ 'o₄ tau₂ 'ñio₅ jme₁dsióg₃. ² Jaun₂ ně₃ ca₂ñái₃ co₂chi₅₄ ja₁jme₁en₅₄ Si₂mu₅₄ Pe₄ quian₅ chi₂ dsi₂guia₃-tín₂ jan₂ i₂ñí₄ lě₃ jme₁'nio₃ Jesús 'éi₂, jaun₂ ca₂juá₂:
—Ma₂ně₂dsen₅ dsa₂ Te₁gui₅₄ dsi₂néi₂ tau₂ 'ñio₅ ja₁jme₁roin₂₃, jaun₂ tsá₃ ne₄ a₂já₄ ně₂quio₅ dsa₂.

³ Jaun₂ ně₃ Pe₄ quian₅ chi₂ dsi₂guia₃-tín₂ jan₂ 'éi₂ ca₂'uüin₂ jaun₂ i₃lėin₂ ja₁dsi₅₄ tau₂ 'ñio₅. ⁴ Le₃oin₃ bá₄ i₃lėin₂ co₂lě₅ co₂'ei₅; la₁ i₂jan₂ 'éi₂ ca₂ñi₃ guë₄ co₂chi₅₄ con₂ guë₄ Pe₄, jaun₂ jñiá₅ bá₄ ca₂dsióg₃ ja₁dsi₅₄ tau₂ 'ñio₅. ⁵ Jaun₂ ca₂jmo₃ i₁jñin₂ ca₂ñe₃ ne₅₄, jaun₂ ca₂jág₃, jaun₂ bá₄ jme₁niog₅ tsi₁'mi₂ tióg₃, la₁ia₁ tsá₃ ca₂'i₃ dsi₂néi₂. ⁶ Jaun₂ guë₄ ca₂dsióg₃ Si₂mu₅₄ Pe₄ chi₁co₅₄ quió₅, jaun₂ ca₂'i₃ dsi₂néi₂ tau₂ 'ñio₅. Jaun₂ ca₂jág₃ 'éi₂ tsi₁'mi₂ tióg₃: jaun₂ bá₄ jme₁niog₅ ja₁jaun₂; ⁷ ján₃ bá₄ ca₂jág₃ pe₁guí₄ a₂ca₂lio₃ mi₂dsi₄ Jesús. La₁ tsá₃ jme₁ron₅ co₂lě₅ quian₅ tsi₁'mi₂ tióg₃ jaun₂; cau₅ bá₄ jme₁ron₅ jme₁rë₂jon₅. ⁸ Jaun₂ bá₄ ca₂'i₃ chi₂ dsi₂guia₃-tín₂ jan₂ 'éi₂, i₂dsióg₃ le₂'uig₅₄; ca₂tě₂ ne₅₄, jaun₂ ca₂rë₃'éin₂. ⁹ (Ia₁ tsá₃ jme₁ma₂ñí₂ guë₄ dsi₅ jág₁ a₂chi₁ton₅ ne₄ Si₂, a₂tion₅₄ niog₅ jen₅₄ Jesús jin₄ 'lag₄.)

¹⁰ Jaun₂ ně₃, i₂len₃ bá₄ táng₃ chi₂ dsi₂guia₃-tín₂ 'éi₂ quió₅.

*Ca₂jme₃jnia₅ Jesús ne₄ María chan₂ Magdala**(Marcos 16:9-11)*

¹¹ La₁ jaun₂ bá₄ jme₁chén₄ María ca₁'né₄ tau₂ 'ñio₅, 'o₂₃. Tě₁lia₂ 'o₂₃ jaun₂, ca₂jmo₃ i₁jñin₂ a₂ca₂jág₃ tē₂le₃ 'ñio₃ tau₂ 'ñio₅, ¹² jaun₂ ca₂jñin₂ on₃ ángeles i₂le₁qui₂ 'mi₂ tiog₂, tiáin₅ jě₄ jme₁ron₅ ni₁ñi₁ Jesús; jan₂ jme₁guá₄ tē₂le₃ ja₁lě₄ chi₁gui₂, i₂jan₂ guë₂ ja₁jme₁lě₄ a₃tag₅.

¹³ Jaun₂ ca₂ñag₃ ángeles ca₂ñí₃ María:

—'Io₅₄, ċ'e₂ lě₃ 'au₂?

Jaun₂ ca₂ñag₃:

—Ia₁ ma₂ně₂te₃ bá₄ dsa₂ Te₁gui₅₄ quiáng₃, jaun₂ tsá₃ guion₄ jniá₂ a₂já₄ ně₂quio₅ dsa₂.

14 Jë₂ bá₄ ca₂'ñiai₂ jág₁ në₅, jme₁ca₂jén'₃, jaun₂ ca₂jín₂ Jesús jme₁chéin'₄; la₁ tsá₃ jaun₂ jme₁ñi₅, Jesús bá₄ 'éi₂.

15 Jaun₂ në₃ ca₂'ñag₃ Jesús:

—'Io₅₄, ç'e₂ lë₃ 'au'₂ 'ne₂? ç'i₂'ein₂ 'nag'₂?

Jaun₂, ia₁ a₂lín₂ María a₂lín₅ 'éi₂ dsa₂ i₂jmo₅ 'í₁ 'uë₃ jaun₂, jaun₂ ca₂juá'₂:

—Gui'₅₄, chi₂jua'₂ 'ne₂ ne₂te'₅₄, jua'₅₄ a₂já'₄ në₂quoin'₂, ia₁jaun₂ tē₅₄ jniá₂.

16 Jaun₂ ca₂juá'₂ Jesús:

—¡María!

Jaun₂ ca₂jén'₃ María jaun₂ ca₂juá'₂ quian'₅₄ jág₁ jmei₅ hebreo:

—¡Raboni! —co₂'nió'₄ a₂juá'₂: Tē₅ quiáng₃.

17 Jaun₂ ca₂juá'₂ Jesús:

—Tsá₃ lë₁jmá'₂ quió₃, ia₁ tsá₃ ma₂úig₂ guë₄ jniá₂ ja₁con₂ Ne'₃. La₁ guan'₂ o₂chei'₅₄ rín'₃ jniá₂, a₂uig₂ jniá₂ ja₁con₂ Ne'₃, ja₁con₂ Néi'₅ 'nia'₂ në₃, ja₁con₂ Diú₄ quiáng₃, ja₁con₂ Diú₄ quián'₂ 'nia'₂ në₃.

18 Jaun₂ bá₄ ñó₃ María chan₂ Magdala 'éi₂ ca₂i₁chi'₄ chi'₂ dsi₂guia₃-tín₂ a₂jme₁ma₂në₂jín₂ Te₁gui'₅₄, a₂jme₁ma₂në₂juá'₂ 'éi₂ jág₁ jaun₂.

Ca₂jme₃jnia₅, Jesús ne₄ chi'₂ dsi₂guia₃-tín₂

(Mateo 28:16-20; Marcos 16:14-18; Lucas 24:36-49)

19 Jme₁ca₂nei₂ jë₁le₂'uig₅₄ jmig₄ semana jaun₂ në₃, jme₁tion'₅₄ chi'₂ dsi₂guia₃-tín₂ le₁ñi'₂, qui₂le₁jnág₅ 'né₅ ja₁tioin'₅₄, ia₁ a₂gain₃ dsa₂ judíos. Jaun₂ ca₂'í₃ Jesús, jaun₂ ca₂nau₂ dsi₂jo₂ quió'₅ 'éi₂, jaun₂ ca₂juá'₂:

—Jui₁'ei₅ tei₄ 'au'₂ 'nia'₂.

20 Jme₁ma₂ca₂juá'₂ le₂në₅, ca₂'ë₃ mi₂gu₂ quian'₅₄ mi₂dsi₁coin₂. Jaun₂ ca₂jmo₃ 'io'₂ chi'₂ dsi₂guia₃-tín₂ jme₁ca₂jín₂ Te₁gui'₅₄.

21 Jaun₂ ca₂juá'₂ táng₃ Jesús:

—Jui₁'ei₅ tei₄ 'au'₂ 'nia'₂. Jui₁lia'₂ ca₂chei₃ Ne'₃ jniá₂, ján₃ bá₄ le₂jaun₂ tsin₅₄ jniá₂ 'nia'₂.*

22 Jaun₂ në₃ ca₂jéi₂ dsí₂ ne₄ quió'₅ dsa₂ 'éi₂, jaun₂ ca₂juá'₂:

—Guen'₅₄ 'nia'₂ Jme₂dsí₂ Jñi₅. 23 Chi₂jua'₂ 'ein₂ i₂ca₂'én'₃ 'nia'₂ dsáu₁, ma₂qui₂ca₂i₃'én₂ bá₄ dsáu₁ 'éi₂; chi₂jua'₂ 'ein₂ tsá₃ ca₂'én'₃ 'nia'₂ dsáu₁, tē₃'ñiá₄ dsáu₁ ja₁coin₂.

Jág₅ To₁má₄ jín₂ Te₁gui'₅₄ a₂ma₂ca₂jein'₅₄

24 La₁ To₁má₄ në₃, jan₂ chi'₂ dsi₂guia₃-tín₂ i₂tē'₂ dsa₂ Dsa₂ Tsin'₅₄, tsá₃ jme₁'ein₅₄ jë₄ quió'₅ riin'₅₄ lia'₂ con'₂ jme₁dsi₂g₃ Jesús. 25 Jaun₂ lë₃, jme₁ca₂juá'₂ chi'₂ dsi₂guia₃-tín₂ riin'₅₄:

—Ma₂në₂jín₄ jnia'₅₄ Te₁gui'₅₄.

La₁ To₁má₄ në₃ ca₂juá'₂:

—Në₁jua'₂ tsá₃ ca₂jág₃ jniá₂ léi₄ mi₂gu₂ ja₁ca₂i₃ba₅₄ mi₂ñí₁, ca₂lia'₂ ca₂tiá₃ chi₁gu₃ tau₂ a₂ca₂lë₃ quian'₅₄ mi₂ñí₁, ca₂lia'₂ ca₂tiá₃ mi₂gu₃ mi₂dsi₁coin₂, tsá₃ le₃'éng₂.

26 Jñi₃ jmig₄ cang₂ guë₄ jaun₂, jme₁le₁ñi'₂ táng₃ chi'₂ dsi₂guia₃-tín₂ quiáin₅ caun₂ dsi₂néi₂, le₂jaun₂ guë₄ në₃ jme₁'en₅₄ To₁má₄ jë₄ quió'₅ 'éi₂. Jaun₂ në₃, o₁jñi₃'₅₄ qui₂le₁jnág₅ 'né₅ ja₁tioin'₅₄, ca₂'í₃ Jesús, ca₂nau₂ dsi₂jo₂ quió'₅ 'éi₂, jaun₂ ca₂juá'₂:

—Jui₁'ei₅ tei₄ 'au'₂ 'nia'₂.

27 Jaun₂ në₃ ca₂juá'₂ ca₂tsí'₃ To₁má₄:

* 20:21 'Nio'₂ ja₁ton₅ Juan 17:18.

—'Nia₅ i₂tio'₂ chi₁gog'₂ ja₁lá₃, jag₄ mi₂gu₃; i₂tio'₂ gog'₂ mi₂dsi₁cong₂. Tsá₃ lë₁jmo₂ a₂tsá₃ 'éng'₂, ju₁le₂'éng'₂ bá₄.

28 Jaun₂ ně₃ ca₂ŋag₃ To₁má₄:

—i₁Te₁gui'₅₄ quiáng₃, Diú₄ quiáng₃ ně₃!

29 Jaun₂ ca₂juá'₂ Jesús:

—Ně₃ guě₄ 'éng'₂ 'uig₅₄ ia₁ a₂ně₂jag'₅₄ jniá₂. 'E₂ guě₄ dsen₃ ju₁lia'₂ dsa₂ i₂tsá₃ ca₂jág₂, la₁ 'éin₂ bá₄.

Ta₁ a₂quí'₅ si₂ la₂

30 Jaun₂ ně₃, 'líong₂ bá₄ léi₄ juě'₂ siá'₂ ca₂jmo₃ Jesús ne₄ chi'₂ dsi₂guia₃-tín₂ quiáin₅ a₂tsá₃ tio'₅₄ ne₄ si₂ la₂. 31 La₁ia₁ qui₂rě₂ton₅ a₂la₂, ia₁jaun₂ le₃'én'₂ 'nia'₂ a₂lín₅ Jesús I₂rě₂'ín₁ quián₅ Diú₄, ton'₂ lín₅ Ja₁ŋi'₅₄ Diú₄, ia₁jaun₂ jě₁ma₂qui₂ca₂rě₃'én'₂ 'nia'₂, le₃chan'₂ bá₄ 'nia'₂ co₂tan₅₄ le₃quió'₅ 'éi₂.

21

Ca₂jme₃jnia₅ Jesús ne₄ guion₃ chi'₂ dsi₂guia₃-tín₂ quiáin₅

1 Cang₂ guě₄ jaun₂, ca₂jme₃jnia₅ táng₃ Jesús ne₄ chi'₂ dsi₂guia₃-tín₂ quiáin₅ chei'₅₄ Jm₁ŋi'₄ Tiberias.* Le₂la₂ bá₄ ca₂lě₃:

2 Jme₁tion'₅₄ co₂lě₅ Si₂mu₅₄ Pe₄; To₁má₄, i₂tě'₂ dsa₂ Dsa₂ Tsin'₅₄; Natanael i₂chan₂ juig₂ Caná ja₁tén₄ 'uě₃ Galilea; le₃on₃ ja₁ŋi'₅₄ Zebedeo ně₃; quiain'₅₄ on₃ guě₄ chi'₂ dsi₂guia₃-tín₂ sián'₂ quián₅ Jesús. 3 Jaun₂ ca₂juá'₂ Si₂mu₅₄ Pe₄:

—Nei₅₄ i₁cháng'₃ ju₄.

Jaun₂ ca₂ŋag₃ 'éi₂:

—Ján₃ bá₄ dsau₅₄ jnia'₅₄ quian'₅₄ 'ne₂.

Jaun₂ i₃lėin₂, ca₂uíg₂ 'ŋió'₃ caun₂ tsi₁mu₅, la₁ a₂'uě₂ jaun₂ tsá₃ ju₄ ca₂join₃ 'i₁jan₂.

4 Jme₁ca₂jnia₃ táng₃ jaun₂, jaun₂ jme₁chén'₄ Jesús chei'₅₄ jm₁ŋi'₄, la₁ tsá₃ jaun₂ ŋi₅ chi'₂ dsi₂guia₃-tín₂ jnia'₅₄ Jesús bá₄ 'éi₂. 5 Jaun₂ ně₃ ca₂juá'₂ Jesús:

—'Nia'₂ chi'₂, ħtsa₁ ju₄ chan₂ quián'₂ 'nia'₂?

Jaun₂ ca₂ŋag₃ 'éi₂:

—Lia'₂ 'i₁jan₂.

6 Jaun₂ ně₃ ca₂juá'₂ Jesús:

—Tiong₂ 'nia'₂ 'má₅ quiáng'₂ tē₂le₃ gu₂ ne₁ tsi₁mu₅, jaun₂ join'₅₄ 'nia'₂.

Jaun₂ le₂jaun₂ bá₄ ca₂jmo₃. Jme₁co₂lág₂ jaun₂ tioen'₅₄ tsá₃ lė₂ dsí₃ tsi₁'má₅ dsi₂jmi₂g₂, ia₁ a₂ŋí₄ lě₃ juin₅ i₁ju₁ jme₁tion'₅₄ 'ŋió'₃.

7 Jaun₂ ně₃ ca₂juá'₂ chi'₂ dsi₂guia₃-tín₂ i₂jme₁'nio₃ Jesús guě₄ lin₃, ca₂tsí'₃ Pe₄:

—i₁Te₁gui'₅₄ bá₄ ó₃!

Jě₂ bá₄ con'₂ ca₂nág₂ Si₂mu₅₄ Pe₄, Te₁gui'₅₄ bá₄ 'éi₂, ca₂quí'₂ tsin'₅₄ jang₄ le₃co'₅₄ (ia₁ jme₁ma₂ně₂jniá'₂ a₂jme₁jmo₃ ta₁) jaun₂ ca₂tiáin₂ dsi₂jmi₂g₂. 8 Chi'₂ dsi₂guia₃-tín₂ riin'₅₄ guě'₂ ně₃, ca₂dsi₃lein₃ bá₄ tē₂ chei'₅₄ jm₁ŋi'₄ quian'₅₄ tsi₁mu₅ qui₂tsi₂cuín'₅ tsi₁'má₅, ca₂lia'₂ rě₂can'₂ ju₄. Ia₁ tsá₃ uíng₂ jme₁tioen'₅₄ ja₁lě₄ chei'₅₄ jm₁ŋi'₄: con'₂ caun₂ 'ŋiá₂-láu₂ metros bá₄ jme₁tí₄. 9 Jme₁ca₂sióin₃ 'uě₃ ně₃, ca₂jág₃ a₂ma₂niog₅ si₂ tá₃, ján₃ bá₄ jme₁ma₂dsín₂ jan₂ ju₄ ne₄ si₂; ján₃ bá₄ jme₁te₁'i₁ i₁ŋi'₄ ně₃.

10 Jaun₂ ca₂juá'₂ Jesús:

—Jŋia₅ jan₂-on₃ ju₄ i₂lia'₂ ně₂chan'₂ 'nia'₂.

* 21:1 o₃, Jm₁ŋi'₄ Galilea.

11 Jaun₂ ca₂uig₂ Si₂mu₅₄ Pe₄ guei'₅₄ tsi₁mu₅. Jaun₂ ca₂tsé'₃ tsi₁'má₅ ca₂tě₂ chei'₅₄ jmi₂lia'₂ rě₂can'₂ tion'₅₄ ju₄ ca₁can'₅₄. Con'₂ caun₂ 'ñiá₂-lón₂ rě₂dsi₂tě₂láu₃-guia₃-ún₂ (153) ju₄ jme₁tion'₅₄. La₁ o₁jñia'₅₄ la₂ ju₅ ju₄ jme₁tion'₅₄, tsá₃ ca₂gag₂ bá₄ guě₄ tsi₁'má₅. 12 Jaun₂ ca₂juá'₂ Jesús ca₂tsí'₃ chi'₂ dsi₂guia₃-tín₂:

—I₂nó'₅ 'nia'₂ i₂qué'₂ má₃ tě₂ o₃'iog₂.

Jaun₂ lia'₂ 'i₁jan₂ chi'₂ dsi₂guia₃-tín₂ tsá₃ tiá₂ dsi₅ñag₃ i₂'ein₂ 'éi₂, ia₁ñi₅ bá₄ jaun₂ Te₁gui'₅₄ bá₄ 'éi₂. 13 Jaun₂ ně₃ ca₂jme₃quián₃ Jesús, ca₂can₃ i₁ñi'₄, jaun₂ ca₂cuě'₃ chi'₂ dsi₂guia₃-tín₂. Ján₃ bá₄ le₂jaun₂ ca₂jmo₃ quian'₅₄ ju₄. 14 A₂ně₅ jě₁ca₂tě₂ 'nag'₂ ráun₂ a₂ca₂jme₃nia₅ Jesús ne₄ chi'₂ dsi₂guia₃-tín₂ quián₅ cang₂ jme₁ca₂jein'₅₄ ja₁jme₁rě₂ 'lin₅₄.

Dsia₅ Jesús jág₁ quian'₅₄ Si₂mu₅₄ Pe₄

15 Cang₂ jme₁ca₂lě₃ guě'₅ má₃ tě₂ o₃'iog₂, ca₂ñag₃ Jesús ca₂ñi'₃ Si₂mu₅₄ Pe₄:

—Si₂mu₅₄, ja₁ñi'₅₄ Juan₅₄, † ¿dsau₅ 'nióg'₃ jniá₂ lia'₂ con'₂ guě₄ dsa₂ tión₂ la₂?

Jaun₂ ca₂ñag₃ Pe₄:

—Ján₅, Te₁gui'₅₄. Ñi'₅₄ bá₄ 'ne₂ jaun₂, a₂'nió₃ jniá₂ 'ne₂.

Jaun₂ ca₂juá'₂ Jesús:

—Jme₁tan₅₄ guein₂ já'₂ cha'₂ quiáng₃ jaun₂.

16 Jaun₂ ca₂ñag₃ táng₃ Jesús jě₁ca₂tě₂ táng₃ ráun₂:

—Si₂mu₅₄, ja₁ñi'₅₄ Juan₅₄, ‡ 'nióg'₃ jniá₂?

Jaun₂ ca₂ñag₃ Pe₄:

—Ján₅, Te₁gui'₅₄. Ñi'₅₄ bá₄ 'ne₂ jaun₂ a₂'nió₃ jniá₂ 'ne₂.

Jaun₂ ca₂juá'₂ Jesús:

—Jmo₄ 'í₁ já'₂ cha'₂ bě'₅₄ quiáng₃ jaun₂.

17 Jaun₂ ca₂ñag₃ táng₃ Jesús jě₁ca₂tě₂ 'nag'₂ ráun₂:

—Si₂mu₅₄, ja₁ñi'₅₄ Juan₅₄, ‡ 'nióg'₃ jniá₂?

Jaun₂ ca₂'í₃ qui'₂ dsi₅ Pe₄ ia₁ ca₂ñag₃ Jesús jě₁ca₂tě₂ 'nag'₂ ráun₂, “¿'nióg'₃ jniá₂?” Jaun₂ ca₂juá'₂:

—Te₁gui'₅₄, ca₂le₃jě₃ bá₄ ñi'₅₄ 'ne₂. Ñi'₅₄ bá₄ 'ne₂ jaun₂ a₂'nió₃ § jniá₂ 'ne₂.

Jaun₂ ca₂juá'₂ Jesús:

—Jme₁tan₅₄ já'₂ cha'₂ bě'₅₄ quiáng₃ jaun₂. 18 A₂dsi₂jó'₃ juá'₅ jniá₂, lia'₂ con'₂ jme₁lín₄ guě₄ dsa₂ chi'₂, jme₁tín₂ jme₁quí'₂ tsín₂, jaun₂ jme₁góg'₂ a₂já'₄ 'nióg'₂ gog'₅₄; la₁ia₁ jě₁ma₂lín₅ jan₂ dsa₂ ma₂guen'₂, jaun₂ nei'₅₄ gog'₂, jaun₂ i₂sián'₂ bá₄ quei'₃ tsín₂, jaun₂ dsi₃jio₃ ja₁tsá₃ 'nióg'₂ gog'₅₄.

19 Jme₁ca₂juá'₂ Jesús le₂ně₅, ca₂jmo₃ jág₁ a₂'ě₂₃ 'e₂ ne₅₄ 'mú₃ a₂'i₄ 'éi'₃ dsi₃ñi₂ Pe₄, a₂jme₃jniai'₂₃ a₂jlán'₁ Diú₄. Jaun₂ ca₂juá'₂ táng₃ ca₂tsí'₃ Pe₄:

—i'Éin₃ jniá₂!

Chi'₂ dsi₂guia₃-tín₂ i₂'nió₄ guě₄ quián₅ Jesús

20 Jme₁ca₂jén'₃ Pe₄ le₃ca'₃, ca₂jág₃ já₅ chi₁co'₅₄ quió'₅, chi'₂ dsi₂guia₃-tín₂ i₂'nio₃ Jesús guě₄ lín₃; chi'₂ dsi₂guia₃-tín₂ 'éi₂ i₂jme₁guá₄ cau₅ le₃jén'₃ quió'₅ Jesús ja₁ca₂guě'₃ má₃ tě₂le₃ ca₂nei₂, ján₃ bá₄ 'éi₂ i₂ca₂ñag₃ ca₂ñi'₃ Jesús, jme₁ca₂juá'₂: “Te₁gui'₅₄, ¿i₂'ein₂ 'éi₂ i₂jáng'₂ quiáng'₂?” 21 Jaun₂ jme₁ca₂jág₃ Pe₄ ca₂jín₂ 'éi₂, ca₂ñag₃ ca₂ñi'₃ Jesús:

—Te₁gui'₅₄, i₂la₂ guě'₂: ¿'e₂ jén'₄?

22 Jaun₂ ca₂ñag₃ Jesús:

† 21:15 o₃, ja₁ñi'₅₄ Jonás. ‡ 21:16 griego: WOIagapeo (ju₁lia'₂ 'a₂ lia'₂ 'nio₃ Diú₄ dsa₂ mi₂güí₃).

§ 21:17 griego: WOIfleo (ju₁lia'₂ 'a₂ lia'₂ 'nio₃ dsa₂ mi₂güí₃ rin'₅₄ a₂mei₅₄ quián₅).

—Chi₂jua'₂ 'nio₃ jniá₂ a₂chan₂ i₂ně₅ ca₂lia'₂ jě₁ma₂guión'₃ táng₃ jniá₂, ħ'e₂ bá₄ 'uig₅₄ 'ne₂ 'i₅ 'au'₂? La₁ia₁ 'ne₂ 'éin₃ jniá₂.

²³ Jaun₂ ně₃ ca₂i₃ag₅₄ jág₁ ně₅ jin₄ riin'₅₄ a₂tsá₃ jón₂ chi'₂ dsi₂guia₃-tín₂ 'éi₂. La₁ia₁ on₃jua'₅₄ jaun₂ ca₂juá'₂ Jesús a₂tsá₃ jón₂ 'éi₂; a₂jaun₂ bá₄ ca₂juá'₂: “Chi₂jua'₂ 'nio₃ jniá₂ a₂chan₂ i₂ně₅ ca₂lia'₂ jě₁ma₂guión'₃ jniá₂ táng₃, ħ'e₂ bá₄ 'uig₅₄ 'ne₂ 'i₅ 'au'₂?”

²⁴ Chi'₂ dsi₂guia₃-tín₂ 'éi₂ bá₄ la₂, i₂jáng'₅ jág₁ dsau₅ 'a₂ lia'₂ ca₂lě₃, i₂ca₂tó'₂ jág₁ la₂ ne₄ si₂ ně₃. Jaun₂ ne₄ bá₄ jniog₄, a₂tí₅ bá₄ jág₁ dsau₅ a₂jáng'₅ 'éi₂.

²⁵ Ján₃ bá₄ cha₂ 'lióng₂ a₂siá'₂ a₂ca₂jmo₃ Jesús; jua'₅₄ mei'₂ guě₃ dsi₂to'₅₄ ne₄ si₂ le₂caun₂ le₂caun₂, ca₂lia'₂ jñia'₅₄ ta₁caun₂ mi₂güig₃ bá₄ tsá₃ jme'₁'éi'₄ si₂ jua'₅₄ ca₂'uě'₃ dsa₂, lín₂ jniá₂.*

Co₂ně₅.

* 21:25 A₂lin₅₄ chog₅₄ si₂juá'₂ ján₃: “A₂mei₃.”

Le₂ la₂ ca₂ jmo₃ dsa₂ i₂ chen₄ quián₅ Jesús

Jág₁ a₂ cuë₄ a₂ chen₃ Diú₄ Jme₂ dsí₂ Jñió₅

¹ Ne₄ si₂ a₂ ca₂ jmo₃ jniá₂ le₂ uig₅₄, gui₅₄ Teófilo,* ca₂ juá'₃ jniá₂ ca₂ le₃ jě₃ a₂ ca₂ jmo₃ Jesús ca₂ le₃ ca₂ jme₂ lióg₃ ca₂ jme₃ tag₂₃, ² ca₂ lia'₂ ca₂ tě₂ jmi_g a₂ ca₂ ñá'₃ guei'₅₄ i₂ juíg₃. Né'₃ a₂ dsáin'₃ guei'₅₄ i₂ juíg₃, ca₂ quióin'₂ dsí₂ guía₃-tín₂ i₂ chen₄† quiáin₅, ca₂ chei₃ dsí₂ 'ě₂ jág₁. Jaun₂ ca₂ cuë₃ jág₁ tě₂ le₃ quián'₅₄ Jme₂ dsí₂ Jñió₅, ca₂ le₃ jě₃ 'e₂ 'nió'₅ jmo₃ chi'₂ dsí₂ guía₃-tín₂ 'éi₂. ³ Cang₂ jme₁ ca₂ join₃, jme₁ ma₂ jein'₅₄ táng₃, ca₂ ñi₃ tě₂ láu₃ jmi_g qui₂ jme₂ jniái₂₃ qui₂ cuë'₅ jág₁ dsau₅ chi'₂ dsí₂ guía₃-tín₂ a₂ tě₃ dsón'₂ bá₄ chain₂ ma₂ jein'₅₄ táng₃; jaun₂ qui₂ ca₂ dsia₃ jág₁ quiáin'₅₄ 'éi₂ ju₁ lia'₂ 'a₂ lia'₂ lě₅ ja₁ gon₂ Diú₄.

⁴ Jme₁ en₅₄ guë₄ Jesús quiáin'₅₄ chi'₂ dsí₂ guía₃-tín₂ quiáin₅, jaun₂ ca₂ juá'₂ ca₂ tsí'₃ 'éi₂ a₂ tsá₃ dsí₃ lein₃ dsí₂ juí₅ juí_g Jerusalén. Jaun₂ ca₂ juá'₂:

—Jñia₄ 'nia'₂, ju₁ le₂ ti₃ de'₂ jág₁ quió'₅ Ne'₃ a₂ ma₂ juí_g 'nia'₂. ⁵ Dsau₅ bá₄ ca₂ tióg₃ Juan₅₄ ca₂ tián₂ jmi_g dsa₂, la₁ 'nia'₂ guë'₂ ně₃ tióg₂ Diú₄ Jme₂ dsí₂ Jñió₅, tě₃ jě₄ la₂.

*Ca₂ ñá'₃ Jesús guei'₅₄ i₂ juíg₃
(Marcos 16:19; Lucas 24:50-53)*

⁶ Co₂ ráun₂ tion'₅₄ chi'₂ dsí₂ guía₃-tín₂ le₂ ñi'₂ ja₁ en₅₄ Jesús, jaun₂ ca₂ ñi'₃ Jesús:
—Te₁ gui₅₄, ¿ma₂ tě₂ ja₁ jmó'₂ 'ne₂ a₂ lión₂ dsa₂ juí_g Israel?

⁷ Jaun₂ ca₂ ñag₃ Jesús:

—Tsá₃ ca₂ tín'₂ 'nia'₂ le₃ ñi'₅₄ 'a₂ lia'₂ jmo₃ Diú₄ Jme₂ 'éi'₃ ca₂ le₃ jě₃ 'e₂ 'ió'₄, 'e₂ jmi_g ně₃. 'Ñiog₅ bá₄ Diú₄ Jme₂ ñi₅ a₂ jaun₂. ⁸ Jě₁ ma₂ ca₂ guen'₅₄ 'nia'₂ Jme₂ dsí₂ quián₅ Diú₄, guéi'₁ 'nia'₂ ju₁ bí₂, jaun₂ qui₂ o₁ nóg'₅ qui₂ o₁ 'ě'₃ jág₁ dsau₅ quió₃ juí_g Jerusalén, le₂ tan₅₄ juí_g 'uë₃ Judea, 'uë₃ Samaria, ca₂ le₃ jě₃ juí_g ta₁ caun₂ mi₂ güí_g ně₃.

⁹ Jme₁ ma₂ dsan₃ juá'₂ Jesús le₂ ně₅, ca₂ uí_g juí₅ guei'₅₄ i₂ juíg₃, ca₂ ñá'₃ ca₂ lioin₂ jnei₅. ¹⁰ Tě₃ tión₂ jaun₂ chi'₂ dsí₂ guía₃-tín₂ jág₅ guei'₅₄ jme₁ ñá'₃ Jesús, con'₂ tsá₃ jáin₅ jme₁ ca₂ jñin₂ on₃ dsa₂ le₂ qui'₂ 'mi₂ tiog₂ jau₂, tión₂ cau₅ quió'₅. ¹¹ Jaun₂ ca₂ juá'₂ dsa₂ on₃ 'éi₂:

—'Nia'₂ dsa₂ chan₂ Galilea, tsá₃ ma₃ ta₁ jmo₃ tión'₂ guë₄ 'nia'₂ uë₂ jág'₂ guei'₅₄. 'Ñiog₅ Jesús ně₅ i₂ ñá'₅ guei'₅₄ i₂ juíg₃ tě₃ jin'₄ 'nia'₂, le₂ ně₅ bá₄ jiá₃ táng₃ jě₁ ma₂ tě₂ rě₁ jiá₃, ju₁ lia'₂ ně₂ jin'₅₄ 'nia'₂ ñá'₅ ně₅.

Ca₂ quión'₂ dsa₂ Matías a₂ jmo₃ ta₁ a₂ jme₁ lín₄ Judas

¹² Jaun₂ ně₃ ca₂ uin₂ má'₂ ja₁ chei₂ Olivos, ca₂ o₃ lein₃ táng₃ juí_g Jerusalén, a₂ niog₅ uíng₂ con'₂ ja₁ 'i₄ 'éi'₃ i₃ niog₄ dsa₂ jme₁ jmi_g sa₅₄‡ ¹³ Jme₁ ca₂ o₃ lein₃ Jerusalén jaun₂, ca₂ uí_g cuarto guei'₅₄ ja₁ ca₂ ñia₃. Dsa₂ 'éi₂ jme₁ chein₂ Pe₄, Jacobo, Juan₅₄, Dré₄, Fe₂ li₄, To₁ má₄, Bartolomé, Tě₅₄, Jacobo ja₁ ñi'₅₄ Alfeo, Si₂ mu₅₄ i₂ lín₅ cananista, § quián'₅₄ Judas rin'₅₄ Jacobo. ¹⁴ Ca₂ le₃ jñin₃ le₂ jaun₂ jme₁ ñi'₂ i₂ gú'₃ co₂ lě₅ quiáin'₅₄ o₁ rin'₅₄ Jesús, María chog₅₄ Jesús, ca₂ le₃ jñin₃ guë₄ 'io₅₄ sián'₂ ně₃, a₂ jme₁ tsí'₅ Diú₄.

¹⁵ Co₂ ráun₂ jme₁ lě₂ con'₂ caun₂ 'ñiá₂-lón₂ rě₂ dsí₂ guión₂ (120) dsa₂ 'én₂ i₂ jme₁ le₁ ñi'₂. Jaun₂ ca₂ nau₂ Pe₄ tě₃ jě₄ jaun₂, jaun₂ ca₂ juá'₂ ca₂ tsí'₃ dsa₂:

* **1:1** Teófilo: o₃, “ne₂ i₂ 'nió'₃ Diú₄.” † **1:2** griego: apóstolous. ‡ **1:12** Con'₂ tí₅ caun₂ kilómetro. § **1:13** griego: celotes, co₂ 'nió'₄ dsa₂ i₂ nau₂ quen₅; jan₂ i₂ 'nio₃ táun₂ 'uë₃ 'éi'₃ quió'₅ Roma. Jma₃ quén₅ ca₂ quioin₃ le₃ on₃ Si₂ mu₅₄ 'éi₂, ia₁ ñi₄ lě₃ me₁ tsá₃ ca₂ ne₅₄ a₂ chein₂.

16 —Rin'⁵⁴ jniog⁴, co₂në⁵ lë⁵ Si₂, tion⁵⁴ ca₂rë₃ti₃ jág₁ a₂ma₂'ë₂ Jme₂dsí₂ quián⁵ Diú₄ të₂le₃ quian'⁵⁴ 'lag₄ David, a₂ca₂'iin₃ Judas i₂ca₂jñia₃ dsa₂ i₂ca₂i₁te₂ Jesús chi₁'ñei'². 17 I₂jme₁quian'⁵⁴ bá₄ jniog₄ 'éi₂, jme₁lë₄ rin'⁵⁴ jniog₄, i₂jme₁jmo₅ ta₁ le₂la₂ bá₄ 'éi₂ ján₃. 18 La₁ quian'⁵⁴ cu₄ 'li_g'⁵⁴ a₂ca₂lí₃ Judas a₂ca₂'ni₃ Jesús, ca₂lá₃ 'uë₃. 'Uë₃ jaun₂ ca₂jmo₃ ca₂táin'² të₃ chi₁jñin₂, qui₂ca₂'uë₂ ca₂le₃jë₃ a₂jme₁tio'⁵⁴ tú⁵. 19 Jme₁ca₂rë₃ñi₅ dsa₂ juig₂ Jerusalén, ca₂të'³ 'uë₃ jaun₂ Acéldama, co₂'nió'⁴ a₂juá'²: 'Uë₃ Jmi₂, quian'⁵⁴ jág₁ jmei₅ quió'⁵. 20 Ia₁ le₂la₂ juá'² ne₄ Si₂ Salmos: Jui₁të₂tsi'⁵⁴ 'ñiog₅ 'né₅ quió'⁵,

ia₁ 'i₁jan₂ tsá₃ 'ein₂ le₃tian'³.*

Ján₃ guë'² juá'² táng₃:

Dsa₂ sián'² jui₁jmo₅₄ ta₁ a₂jme₁lín₄.†

21 'Chan₂ bá₄ dsa₂ jë₄ la₂ quián₂ jniog₄ dsa₂ i₂ma₂ca₂jme₃quiong'⁵⁴ ca₂le₃jë₃ jmig₄ lia'² con'² jme₁quian'⁵⁴ jniog₄ Te₁gui'⁵⁴ Jesús, 22 ca₂le₃ ca₂jñó₂ Jesús jmig₂ a₂ca₂cho₃ Juan⁵⁴, ca₂lia'² jme₁ca₂uí_g Jesús guei'⁵⁴ i₂juí_g³. Jaun₂ tion⁵⁴ 'nió'⁵ dsa₂ 'éi₂, jme₃quiong'⁵⁴ jniog₄, jaun₂ ján_g'³ jág₁ dsau₅ a₂ca₂jen'⁵⁴ táng₃ Jesús.

23 Jaun₂ ca₂jmo₃ jág₁ ca₂'iin₃ jan₂ i₂chen₂ José i₂të'² Barsabás i₂të'² Justo në₃, quian'⁵⁴ jan₂ i₂chen₂ Matías. 24 Jaun₂ ca₂tsí'³ Diú₄ ca₂le₃jñin₃, ca₂juá'² le₂la₂:

—Te₁gui'⁵⁴, 'ne₂ bá₄ i₂cuñg'² të₂dsí₅ ca₂le₃jñin₃ dsa₂, 'in₅₄ jnia'⁵⁴ 'ein₂ dsa₂ on₃ la₂ i₂ma₂quion'⁵⁴ 'ne₂, 25 ia₁jaun₂ jmo₃ ta₁ léin₂ chi'² dsi₂guia₃-tín₂ quiáng'² a₂jme₁lín₄ Judas, 'uig⁵⁴ dsá_u₁ ca₂i₃'éin₂, ca₂ñái'³ ja₁ca₂tñin₂.

26 Jaun₂ ca₂tóin'² ca₂co₃, ca₂dsi₂ jág₁. Jaun₂ i₂chen₂ Matías bá₄ ca₂tín₂ ta₁ jaun₂. Dsi₂jui₅ le₂jaun₂ bá₄ ca₂jme₃quiain'⁵⁴ dsa₂ guia₃-ján₃ i₂jme₁lë₂ guë₄ dsi₂guia₃-tín₂ i₂chen₄ quián⁵ Jesús.

2

Jme₁guan₃ Jme₂dsí₂ quián₅ Diú₄

1 Jme₁ca₂të₂ Jmig₄ Të₂láu₃-guiá₂, caun₂ bá₄ ja₁jme₁tion'⁵⁴ le₁ñi'² ca₂le₃jñin₃ dsa₂ i₂'én₂. 2 Con'² tsá₃ ján₅ jme₁ca₂nág₂, ca₂lë₃ gau₂ ca₂jan₃ guei'⁵⁴ lia'² lë₅ jë₁'ei₅ dsí₂ tiá₂ lín₃ ca₂lë₃, ca₂né'² ta₁caun₂ dsi₂néi₂ ja₁jme₁tion'⁵⁴ dsa₂. 3 Jaun₂ co₂tan⁵⁴ dsi₂jui₅ le₂jaun₂ qui₂ca₂séi'² tsi'⁴ si₂ qui₂të₁tsi'⁵⁴ ne₄ quió'⁵ dsa₂ 'éi₂, le₂jain₂ le₂jain₂. 4 Jaun₂ ca₂le₃jñin₃ qui₂ca₂cain'² quian'⁵⁴ Jme₂dsí₂ Jñió₅. Jaun₂ ca₂jme₃lióg₃ dsa₂ qui₂ca₂dsia₃ jág₁ jmei₅ siá'², lia'² con'² lë₅ ca₂cuë₃ Jme₂dsí₂ a₂juá'² dsa₂.

5 Jmig₄ jaun₂ jme₁tion'⁵⁴ dsa₂ judíos juig₂ Jerusalén, i₂ja₂lén₂ ta₁caun₂ mi₂güí_g³, a₂jme₁ti₃ con'² tag₄ chí'⁵ quió'⁵. 6 Jme₁ca₂nág₂ mi'⁵⁴ a₂ca₂lë₃ jaun₂, qui₂ca₂ñi'² dsa₂, tsá₃ caun₂ ca₂i₃jio_g⁵ dsí₅, ia₁ ca₂le₃jñin₃ bá₄ dsa₂ 'éi₂ jma₃quén⁵ qui₂ca₂nág₂ jág₁ jmei₅ quió'⁵ a₂qui₂ca₂dsia₃ dsa₂ i₂tion'⁵⁴ 'éi₂. 7 Jaun₂ dsi₃gó'³ dsí₅ 'ñio₅ lín₃, qui₂ca₂dsia₃ jág₁ guioin⁵⁴ quiain'⁵⁴ rñin'⁵⁴, ca₂juá'²:

—¿On₁jua'⁵⁴ dsa₂ chan₂ Galilea ca₂le₃jñin₃ dsa₂ i₂dsia₅ jág₁ në₅? 8 ¿'A₂ bá₄ lia'² né'² dsia₂₃ jág₁ jmei₅ quió'⁵ juig₂ go₄ jniog₄ le₂jau₂ le₂jau₂? 9 Dsa₂ i₂tion'⁵⁴ ja₁lá₃ i₂chan₂ juig₂ Partia, dsa₂ chan₂ Media, dsa₂ chan₂ Elam, dsa₂ chan₂ Mesopotamia, i₂chan₂ Judea, i₂chan₂ Capadocia, dsa₂ chan₂ Ponto, dsa₂ chan₂ 'uë₃ Asia, 10 dsa₂ chan₂ Frigia quian'⁵⁴ Panfilia, dsa₂ ja₂lén₂ 'uë₃ Egipto quian'⁵⁴ juig₂ 'uë₃ Africa* a₂niog₅ uíng₂ con'² guë₄ Cirene. Ján₃ bá₄ tion'⁵⁴ dsa₂ chan₂ Roma i₂ma₂tían'⁵ ja₁lá₃. I₂lín⁵⁴ 'éi₂ jme₁ma₂lín⁵ judíos; i₂lín⁵⁴ guë'² ma₂gue₃ juá'⁵ quió'⁵ dsa₂ judíos. 11 Ján₃ bá₄ tion'⁵⁴ dsa₂ chan₂ 'uë₃ Creta, dsa₂ chan₂ Arabia në₃.

* 1:20 Salmo 69:25. † 1:20 Salmo 109:8. * 2:10 griego: Libia.

La₁ ca₂le₃jág₃ bá₄jniog₄ néi₁ quian'₅₄ jág₁ jmei₅ quián₂ a₂dsia₅ dsa₂ nē₅ ca₂le₃jě₃ a₂jlá'₁ a₂'io'₂ a₂jmo₅ Diú₄.

12 Jaun₂ 'ñio₅ dsi₂gó'₃ dsi₅ dsa₂, tsá₃ caun₂ qui₂ca₂'ág₂ dsi₅. Jñia'₅₄ qui₂ñi'₅ riin'₅₄:

—¿'E₂ 'nió'₄ juá'₂ ca₂le₃jě₃ a₂nē₅?

13 I₂lin₅₄ guē'₂ tsá₃ 'éin₂, jñia'₅₄ qui₂jmo₅g'₂ burlas, jaun₂ ca₂juá'₂:

—I₂le₁'en₅ bá₄ i₂nē₅.

Jág₁ a₂ca₂juá'₂ Pe₄ ca₂tsí'₃ dsa₂

14 Jaun₂ ca₂nau₂ Pe₄ jē₄ jme₁guá₄ quiaín'₅₄ guē₄ guia₃-ján₃ chi'₂ dsi₂guia₃-tín₂ riin'₅₄. Jaun₂ ca₂juá'₂ tiá₂ ca₂tsí'₃ dsa₂:

—'Nia'₂ dsa₂ chan₂ Judea quian'₅₄ ca₂le₃jíng'₃ i₂tián'₅ Jerusalén nē₃, ju₁le₂ñi'₅₄ 'nia'₂ jág₁ la₂. Nei₂ 'nia'₂ dse₃ a₂juá'₄ jniá₂ la₂. 15 Tsá₃ le₁'en₅ dsa₂ la₂ ju₁lia'₂ lín'₂ 'nia'₂, ia₁ con'₂ hora ñi₁ ñi₃ tē₂ o₃'iog₂† bá₄ guē₄ la₂. 16 Tē₂le₃ a₂rē₂ti₃ con'₂ lē₅ jág₁ a₂ca₂'ě₂ Joel ma₂líg'₂, lia'₂ con'₂ jme₁ca₂juá'₂:

17 Jē₁ca₂tó'₂ jmig₄, juá'₂ Diú₄,

tsing₅₄ Jme₂dsí₂ quiáng₃ jaun₂ sióin₃

ne₄ quió'₅ ca₂le₃jín₃ dsa₂ mi₂güí₃.

Ja₂ñi'₂ 'nia'₂, ja₁míg'₄ nē₃

qui₃dsia₃ o₄quió₃ jniá₂.

Dsó₂ chi'₂ quián'₂ 'nia'₂ nē₃

a₂lē₁qui₃jág₃ 'e₂ qui₃jág₃,

dsi₂gui'₅₄ can'₅₄ guē'₂ qui₃qui₃.

18 Jmig₄ jaun₂, qui₁'íng₄ Jme₂dsí₂ quiáng₃

ne₄ quió'₅ dsa₂ ñe'₂, dsa₂ mí₂ nē₃

i₂jme₂ti₃ ta₁ ne₃,

jaun₂ guē₄ qui₃dsia₃ o₄quió₃ jniá₂.

19 Dsi₁ guei'₅₄ guē'₂ qui₁'ě₄ jniá₂ dsa₂

cosas a₂dsi₃gó'₃ dsi₅.

Ne₄ gua'₅₄ 'uē₃ guē'₂

jmo₅₄ jniá₂ lé₂ léi₄,

ju₁lia'₂ jmi₂, si₂, jnei₅ lē₅ jme₁ñi₁ nē₃.

20 'Iog₂ guē'₂ co₂dsia₅ le₃lia'₂.

Tsi'₂ guē'₂ lé₂ guéin₂ lia'₂ lē₅ jmi₂.

Ca₂le₃jě₃ a₂nē₅ lé₂ né'₃ guē₄

a₂guá₂ jmig₄ quió'₅ Te₁gui'₅₄.

Jmig₄ jaun₂ lé₂ caun₂ jmig₄ juē'₂ a₂gau₂.

21 Jaun₂ ca₂le₃jín₃ dsa₂ i₂mi₅ chi₂lén'₂ Te₁gui'₅₄,

lióin₂ bá₄.‡

22 "Nia'₂ dsa₂ chan₂ Israel, nei₂ 'nia'₂ ca₂le₃jě₃ a₂juá'₄ jniá₂ la₂. Jesús chan₂ Nazaret dsa₂ dsen₃ quián₅ Diú₄, i₂ca₂cuē'₃ 'éi'₃ ca₂chein₃ jin'₄ 'nia'₂. Ca₂jmo₃ Diú₄ ca₂le₃jě₃ léi₄ juē'₂, ca₂le₃jě₃ 'e₂ dsi₂gó'₃ dsi₅ dsa₂, qui₂ca₂jmo₃ tē₂le₃ quian'₅₄ Jesús jin'₄ 'nia'₂. A₂ñi'₅₄ rē₂ bá₄ 'nia'₂ jaun₂. 23 La₁ jme₁ca₂jáng'₂ dsa₂ o₄gog'₂ 'nia'₂ con'₂ jme₁ma₂lē₅ jág₁ quió'₅ Diú₄ a₂ma₂ñi₅ le₂jñiá₅, 'nia'₂ nē₃ ca₂chang'₂ i₂'éi₂, ca₂te'₅₄ chi₁'ñei₂₃, ca₂i₁jin'₅₄ 'nia'₂ o₄gú₃ dsa₂ 'lín'₅₄ i₂tsá₃ ñéi₂ dsi₅. Jaun₂ ca₂jñag'₃ ca₂tion₃ cróg₄. 24 La₁ Diú₄ ca₂jme₃jein'₅₄ táng₃, ca₂lió₂ ne₄ 'mú₃. Ia₁ tsá₃ lé₂ jua'₅₄ a₂tē₃roin₅₄ a₂rē₃join₅ co₂tan₅₄ jin'₄ 'lag₄. 25 Ia₁ ca₂juá'₂ 'lag₄ Rag₅₄ David a₂'iin₂₃ Jesús, ca₂juá'₂:

Ia₁ jin₄ bá₄ jniá₂ tián₂ Te₁gui'₅₄

† 2:15 lit. "hora 'ni₅." ‡ 2:21 Joel 2:28-32.

- cau₅ quió₃.
 'Éi₂ bá₄ guá₅ të₂le₃ gu₃ ne₁,
 ia₁jaun₂ 'i₁jan₂ tsá₃ 'ein₂ lé₂ jmóg'₂ jleng₃,
 'i₅ dsi₃.
 26 Jaun₂ lë₃, 'ηio₅ lin₃ ca₂jmo₃ jniá'₂ 'io'₂,
 jaun₂ ca₂juá'₃ quian'₅₄ le₁tsi'₃
 jág₁ a₂jéin₅ lián'₂.
 Jaun₂ lë₃ tsá₃ 'i₅ dsi₃ jë₁ma₂ca₂jon₃ ni₁ηi₃.
 27 Ia₁ tsá₃ cuë'₁ jmig₄ a₂jηia₃ jme₂dsí₂ quiáng₃
 ja₁tion'₅₄ 'lag₄, §
 on₃ guë'₂ cuë'₁ jmig₄ a₂siá'₃ ni₁ηi₃ jniá'₂,
 dsa₂ jηió₅ quiáng'₂ i₂'nió'₃.
 28 Ca₂'ë'₅₄ ca₂jme₁tag'₂ juí₅ ja₁tín'₄ jme₂dsí₂ quiáng₃.
 Jaun₂ jmó'₂ jéin₄ lián'₂ jë₁ma₂'eng₅₄ ja₁cong'₂.^{*}
 29 'Rin'₅₄ jniog₄, léi₄ dsón'₂ bá₄ ca₂jon₃ tsi₁jon₂ jmei₂ jniog₄ David, jaun₂
 ca₂'oin₃. Në₅ bá₄ chí'₅ guë'₂ tau₂ 'ηio₅ quió'₅ quian'₅₄ jniog₄ rë₂në₃. 30 La₁ David
 'éi₂ jme₁lín₄ jan₂ i₂jme₁'ë₂ jág₁ quián₅ Diú₄, jaun₂ jme₁ηi₅ rë₂ a₂ca₂cuë₃ Diú₄ jág₁
 'iin₂₃ 'ηiog₅, a₂le₃chan₂ jë₄ quió'₅ ja₁ηi'₅₄ chí'₂ dsio₅₄, jan₂ i₂lín₅ I₂rë₂'ín₁ quián₅
 Diú₄. Jaun₂ i₂'éi₂ guá₃ goin₃ ne₄ ne₄ta₁ ja₁jme₁guá₄ 'ηiog₅ David. 31 Co₂'nió'₄
 a₂ma₂jág₂ bá₄ David le₂jηiá₅, ca₂juá'₂ a₂jen'₅₄ I₂rë₂'ín₁ quián₅ Diú₄. Jaun₂ ca₂juá'₂
 ján₃ a₂tsá₃ jηia₃ jme₂dsí₂ quió'₅ jin₄ 'lag₄, † on₃ guë'₂ dsi₃'én₂ ni₁ηi₁₂ jua'₅₄ a₂siá'₃.
 32 Ia₁ Diú₄ bá₄ ca₂jmo₃ ca₂jen'₅₄ táng₃ 'ηiog₅ Jesús 'éi₂. Ca₂le₃jág₃ bá₄ jnia'₅₄
 ca₂të₂ ne₄, jaun₂ lë₃ cuë₂ jág₁ dsau₅. 33 Jaun₂ ca₂chó'₂ Diú₄ quian'₅₄ gu₂ ne₁,
 ca₂jme₃juag'₂. Jaun₂ Diú₄ Jmei₂ ca₂cuin₃ Jme₂dsí₂ quián₅ ca₂cuin₃ Jesús, lia'₂
 con'₂ lë₅ jág₁ quió'₅ ma₂cuë₃. Jaun₂ ca₂le₃jë₃ a₂në₅ a₂ma₂jag'₅₄ a₂ma₂nei'₂ 'nia'₂,
 já₅ ne₄ 'éi₂ bá₄. 34 Ia₁ on₃jua'₅₄ David ca₂uíg₂ guei'₅₄ i₂juíg₃, ia₁ 'ηiog₅ David
 ca₂juá'₃:
 Ca₂juá'₂ Diú₄ ca₂tsí'₃ Te₁gui'₅₄ quiáng₃:
 "Né₂ con₂ jniá'₂ të₂le₃ gu₃ ne₁,
 35 ca₂lia'₂ ca₂të₂ jmig₄
 a₂tón'₁ jniá'₂ dsa₂ i₂'iog₅₄ o₄tag'₄". ‡
 36 Juí₁le₂ηi₅ rë₂ ca₂le₃jín₃ dsa₂ chan₂ juig₂ Israel, jaun₂ tsá₃ juí₁'ei₅₄ caun₂-tín₃
 dsi₅, ia₁ 'ηiog₅ Jesús 'éi₂ bá₄, i₂ca₂tió'n'₃ 'nia'₂ cróg₄, Diú₄ në₃ ma₂jmo₃ ma₂lín₅ lia'₂
 Te₁gui'₅₄ lia'₂ rë₂ I₂rë₂'ín₁ quián₅.
 37 Jme₁ca₂nág₂ dsa₂ le₂në₅ tióin'₅₄, qui₂ca₂tá'₂ 'lia'₂ dsí₅ 'ηio₅ lin₃. Jaun₂ ca₂ηí'₃
 Pe₄ quiaín'₅₄ chí'₂ dsí₂guia₃-tín₂ riin'₅₄ ca₂juá'₂:
 —Rin'₅₄ jniog₄, ¿'e₂ 'nió'₅ jmó₁ jnia'₅₄?
 38 Jaun₂ ca₂ηag₃ Pe₄:
 —Jme₁tsín₄ 'nia'₂ 'au'₂, jen'₄ 'nia'₂ të₂le₃ quió'₅ Diú₄, chon₅₄ 'nia'₂ jmig₂ le₂jang'₂
 le₂jang'₂ lia'₂ con'₂ lë₅ 'éi'₃ quió'₅ Jesús, cuë'₅₄ léi₄ a₂qui₂ma₂'én₂ dsáu'₂ 'nia'₂.
 Jaun₂ guë₄ cuin₃ Diú₄ Jme₂dsí₂ Jηió₅ quián₅. 39 Jág₁ në₅ ca₂cuë₃ Diú₄ quián'₂ 'nia'₂
 ca₂le₃jíng'₃, ca₂le₃jín₃ chí'₂-guein₂ quián'₂ 'nia'₂ në₃, quian'₅₄ ca₂le₃jín₃ guë₄ dsa₂
 i₂chan₂ uíng₂. Jág₁ në₅ quió'₅ ca₂le₃jín₃ dsa₂ i₂'nio₃ Te₁gui'₅₄ Diú₄ quián₂ jniog₄
 të₂.
 40 Quian'₅₄ jág₁ la₂, quian'₅₄ 'lióng₂ guë₄ jág₁ siá'₂, ca₂juá'₂ Pe₄ tion₅₄ ca₂tsí'₃
 dsa₂:
 —Lion₄ 'nia'₂ jin₄ dsa₂ i₂ma₂i₂cón'₅ rë₂në₃.

§ 2:27 Salmo 16:18-11. * 2:28 Salmo 16:18-11. † 2:31 griego: hades, co₂'nió'₄ a₂juá'₂, ja₁quió'₄ 'lag₄. ‡ 2:35 Salmo 110:1.

41 Jaun₂ ca₂le₃jín₃ i₂ca₂tón₃ jui₅ ca₂nág₂ jág₁ dse₃ ca₂juá'₂ Pe₄, qui₂ca₂jñó₂ jmig₂. Jmig₄ jaun₂ con'₂ 'ni₅ mei₅ dsa₂ i₃ton'₅₄ të₂le₃ jin₄ dsa₂ i₂ma'_{én₂} të₂le₃ quió'₅ Jesucristo. 42 Ca₂le₃jín₃ dsa₂ ca₂jña'₃ tiá₂ ca₂le₃jě₃ jág₁ a₂jme₂tag₅ chi'₂ dsi₂guia₃-tín₂. Caun₂ bá₄ jág₁ quió'₅ ca₂jmo₃ ca₂le₃jín₃, chi₂lén'₂ Diú₄, qui₂tóin'₅ co₂lě₅, jmo₂₃ dsóg₁ i₁ñí'₄.

A₂ lia'₂ jme₁chan₂ dsa₂ le₂'uig₅₄ i₂'én₂ jág₁ dse₃

43 'Ñio₅ i₂gó'₃ dsí₅ dsa₂ ca₂le₃jě₃ léi₄ a₂qui₂ca₂jmo₃ Diú₄ të₂le₃ quian'₅₄ dsi₂guia₃-tín₂ i₂chen₄ § quiáin₅. 44 Ca₂le₃jín₃ dsa₂ i₂ma'_{én₂}, caun₂ bá₄ jág₁ 'ei₅ quió'₅, jaun₂ ca₂le₃jě₃ a₂jme₁cha₂ quió'₅, jme₁lě₄ quió'₅ ca₂le₃jín₃ riin'₅₄. 45 Ca₂le₃jě₃ 'e₂ cosa cha₂ quió'₅, qui₂ca₂'nag₃, jaun₂ jme₁qui₂dsió'₅ cu₄ jaun₂ 'ein₂ riin'₅₄ 'nió'₅ quió'₅. 46 Ca₂le₃jě₃ jmig₄ jme₁ñi'₂ i₁dsi₅ guá'₅ templo. Dsi₂néi₂ quió'₅ ně₃, jme₁dsió'₅ i₁ñí'₄ jme₁guě'₅ co₂dsia₅, ca₂le₃jín₃ jmo₂₃ 'io'₂, caun₂ bá₄ 'ei₅ dsí₅. 47 Ca₂le₃jín₃ jme₁cuě'₅ ti₁'mag'₄ Diú₄, jaun₂ ca₂le₃jín₃ dsa₂ sián'₂ jme₁'nioi₃ dsa₂ 'éi₂. Jaun₂ ca₂le₃jě₃ jmig₄ bá₄ jmo₅ Te₁gui'₅₄ caun₂ dsi₂juin₂ dsa₂ i₂lón₂.

3

Ca₂'lón₂ jan₂ dsa₂ 'lian'

1 Co₂ráun₂ dsióg₃ Pe₄ quiaín'₅₄ Juan₅₄ guá'₅ templo con'₂ hora ñí₁ 'ni₅ të₂le₃ ca₂'láu₂,* ia₁ hora jaun₂ jme₁ñi'₂ dsa₂ tián₂ chi₂lén'₂ Diú₄. 2 Ca₂le₃jě₃ jmig₄ jme₁dsi₂jña₃ dsa₂ jan₂ dsa₂ 'lian'₂ i₂tsá₃ lé₂ ñi₃, le₂jaun₂ jme₁ma₂lín₅ lia'₂ con'₂ jme₁ca₂rě₃cháin₃, jme₁dsi₃jio₃ dsa₂ o₄'né₄ i₁dsi₅ guá'₅, ja₁tě'₂ dsa₂ o₄'né₄ Jlá'₁. Ja₁jaun₂ jme₁qui₂mi₅ dsa₂ 'éi₂ cu₄ quió'₅ dsa₂ i₂dsi₂lén₂ guá'₅. 3 Jme₁ca₂jág₃ dsa₂ dso'₅₄ 'éi₂ ca₂ñó₃ Pe₄ quiaín'₅₄ Juan₅₄ a₂dsi₃toin'₅₄ i₁dsi₅ guá'₅, jaun₂ ca₂mi₃ cu₄ quió'₅ dsa₂ on₃ 'éi₂. 4 Jaun₂ ca₂nau₂ Pe₄, Juan₅₄ ně₃, ca₂jín₂ dsa₂ 'éi₂. Jaun₂ ca₂juá'₂ Pe₄:

—Dse₃ jag₄ jnia'₅₄.

5 Jaun₂ guá'₅ dsa₂ 'éi₂ qui₂jín₂ Pe₄ quian'₅₄ Juan₅₄, ia₁ lín₂ cuě₃ dsa₂ ca₂la₂ cu₄.

6 La₁ jaun₂ ca₂juá'₂ Pe₄:

—Tsá₃ cu₄tiog₂, on₃ guě'₂ cu₄nióg₄ cha₂ quió₃ cuě₅₄. La₁ con'₂ a₂cha₂ quió₃, cuě₅₄. Quian'₅₄ 'éi'₃ quió'₅ Jesucristo chan₂ Nazaret, nau₂, ñi₄.

7 Jaun₂ ca₂jña'₃ Pe₄ mi₂gu₂ ne₁ dsa₂ 'éi₂, ca₂jme₃'o₅₄ ca₂chó'₂. Dsi₂jui₅ le₂jaun₂ ca₂rě₃bén₂ mi₂tag₄ dsa₂ 'éi₂. 8 Jaun₂ ca₂ráun₂ ca₂nau₂ jaun₂ ca₂jme₃lióg₃ ca₂ñi₃. Jaun₂ ca₂'í₃ i₁dsi₅ guá'₅ quiaín'₅₄ dsa₂ on₃ 'éi₂, qui₂ca₂ñi₃ qui₂ca₂ráun₂ qui₂ca₂cuě'₃ ti₁'mag'₄ Diú₄. 9 Ca₂le₃jín₃ dsa₂ i₂tion'₅₄ ja₁jaun₂, ca₂jín₂ dsa₂ 'éi₂ ñi₂₃ cuě'₅ ti₁'mag'₄ Diú₄. 10 Jaun₂ dsi₂gó'₃ dsí₅ 'ñio₅ lín₃, ia₁ ma₂ñi₂₃. Ma₂cuin₂₃ bá₄ dsa₂ 'éi₂ i₂gua₂ tián₂ o₄'né₄ chei₂ Jlá'₁ qui₂mi₂₃ cu₄.

Jág₁ ca₂ton₃ Pe₄ corredor ja₁tě'₂ dsa₂ quió'₅ Salomón

11 Caun₂ 'en₅₄ le₂jaun₂ bá₄ dsa₂ i₂jme₁'lian'₂ 'éi₂ quiaín'₅₄, tsá₃ téin₂ Pe₄, Juan₅₄ ně₃. Jaun₂ ca₂i₃lén₂ co₂chi'₅₄ juin₅ dsa₂ dsi₂gó'₃ dsí₅ ca₂ton₂ guá'₅ ja₁chei₂ Corredor quió'₅ Salomón, ja₁jme₁'en₅₄ Pe₄ quiaín'₅₄ Juan₅₄ ně₃. 12 Jme₁ca₂jág₃ Pe₄ le₁ñi'₂ dsa₂ juin₅, jaun₂ ca₂juá'₂ ca₂tsí'₃ dsa₂ 'éi₂:

—'Nia'₂ dsa₂ juig₂ chan₂ Israel, ¿'E₂ lě₃ ñí₄ dsi₂gó'₃ 'au'₂ 'nia'₂? ¿'E₂ lě₃ jag'₅₄ 'nia'₂ jnia'₅₄ le₂ně₅? On₃jua'₅₄ bí₂ a₂tag₂ jnia'₅₄ guio₅₄ a₂ca₂'lón₂ dsa₂ ně₅ a₂ma₂lé₂ ñi₃, jua'₅₄ a₂lág₅ jnia'₅₄ dsa₂ o₂dsan₂. 13 La₁ia₁ Diú₄ quián₅ tsi₁jon₂ jme₁ jniog₄ Abraham, Isaac, Jacob ně₃, Diú₄ 'éi₂ ca₂jme₃juin₂ 'ñio₅ lín₃ Jesús ja₁ñi'₅₄, i₂ca₂jín'₅₄ 'nia'₂ ne₄ dsi₂tan₅₄. Jme₁'nio₃ guě₄ Dsi₄má'₂ Pilato jme₁lió₂, la₁ tsá₃

§ 2:43 griego: apóstolous. * 3:1 lit. "hora ñi₃."

ca₂gue'₅₄ 'nia'₂. ¹⁴ Nió'₄ jme₁lon'₄ 'nia'₂ dsa₂ jnió₅ i₂tsá₃ 'e₂ dso₄ rin₂ 'éi₂, jě₂ bá₄ dsa₂ i₂ma₂jñi'₃ dsa₂ ca₂mi'₅₄ 'nia'₂ lión₂. ¹⁵ Jaun₂ le₂ně₅ ca₂jñi'₃ 'nia'₂ dsa₂ i₂cuě₅ jme₂dsí₂. La₁ Diú₄ ca₂jme₃jein'₅₄ táng₃ jin₄ 'lag₄, jaun₂ ca₂le₃jě₃ a₂ně₅ ca₂tě₂ ne₄ jnia'₅₄. ¹⁶ Quian'₅₄ bí₂ quió'₅ 'ñiog₅ Jesús 'éi₂ ca₂lión₂ dsa₂ i₂cuin'₂ 'nia'₂ i₂jñin'₄ 'nia'₂ ně₅, ia₁ a₂'éin₂ jnia'₅₄ tě₂le₃ quió'₅ Jesús. 'Éi₂ bá₄ ně₂cuě₃ bí₂ quió'₅ dsa₂ ně₅, jaun₂ ca₂lón₂, co₂ñei'₅₄, ju₁lia'₂ jñin'₅₄ 'nia'₂ ně₅.

¹⁷ 'Guion₄ bá₄ jniá₂ dse₃, rin'₅₄ jniog₄, a₂ca₂jmo'₅₄ 'nia'₂ caun₂ jág₁ quian'₅₄ dsa₂ can'₅₄ quián'₂ 'nia'₂, a₂ca₂jñi'₃ 'nia'₂ Jesús, ca₂jmo'₅₄ 'nia'₂ le₂jaun₂ ia₁ a₂tsá₃ ñi'₅₄ bá₄ 'nia'₂ 'e₂ jmo'₂. ¹⁸ La₁ ca₂rě₃ti₃ jág₁ a₂ma₂'ě₂ Diú₄ le₂jñiá₅ tě₂le₃ quian'₅₄ dsa₂ i₂jme₁'ě₂ jág₁ quiáin₅, a₂tion₅₄ ñág₃ uig₅ dsa₂ I₂rě₂'ín₁ quiáin₅. ¹⁹ Jaun₂ ně₃, jme₁tsín₄ 'nia'₂ 'au'₂, jen'₅₄ 'nia'₂ tě₂le₃ quió'₅ Diú₄, ia₁jaun₂ 'én₂ dsáu'₂ 'nia'₂. Jaun₂ bá₄ jiá₃ jmig₄ cuě₃ Te₁gui'₅₄ a₂le₃güin'₂ jme₂dsí₂ quián'₂ 'nia'₂, ²⁰ a₂chein₃ táng₃ Jesús i₂lín₅ I₂rě₂'ín₁ quián₅ Diú₄, i₂ma₂lě₅ jág₁ le₂jñiá₅ jiá₃ quián'₂ 'nia'₂, ²¹ o₁jñia'₅₄ la₂ rě₂ně₃ tion₅₄ 'nió'₅ guá₃ Jesús guei'₅₄ i₂juíg₃ ca₂lia'₂ ca₂jmo₃ Diú₄ rě₂ ca₂le₃jě₃ lia'₂ con'₂ lě₅ jág₁ ma₂'ě₂ dsa₂ jnió₅ quiáin₅ ma₂líg'₂. ²² Le₂la₂ ca₂juá'₂ 'lag₄ Moisés ca₂tsí'₃ dsa₂ quián₂ jniog₄ ma₂dsi₃jo₃: “A₂chen₃ Te₁gui'₅₄ Diú₄ jan₂ dsa₂ i₂'ě₂ jág₁ quiáin₅, i₂lín₅ dsa₂ go'₄ 'nia'₂ guiong'₅₄, ju₁lia'₂ ca₂chei₃ jniá₂. Jaun₂ tón'₂ 'nia'₂ ju₁5 jme₁tí'₄ 'nia'₂ ca₂le₃jě₃ con'₂ 'éi'₃ a₂jmo₃ 'éi₂. ²³ Ia₁ ca₂le₃jín₃ i₂tsá₃ ju₁5 tón'₂ jág₁ quió'₅ dsa₂ i₂chen₄ quiáin₅ 'éi₂, dsi₃'éin₂, 'u₁in₃ juig₂ Israel.”† ²⁴ Jaun₂ le₂ně₅ ca₂'ě₂ Samuel jág₁ le₂'uig₅₄, ca₂le₃jín₃ guě₄ dsa₂ i₂jme₁'ě₂ jág₁ quián₅ Diú₄ i₂ca₂o₃lén₂ cang₂ guě₄ jaun₂, qui₂ca₂juá'₂ lia'₂ lé₂ jmig₄ ně₃. ²⁵ Jág₁ a₂ca₂cuě₃ Diú₄ tě₂le₃ quian'₅₄ dsa₂ i₂jme₁'ě₂ jág₁ quiáin₅, ca₂cuě'₃ 'nia'₂ bá₄. A₂dse₃ quián'₂ 'nia'₂ bá₄ ca₂jmo₃ Diú₄ caun₂ jág₁ quian'₅₄ dsa₂ can'₅₄ quián₂ jniog₄ ma₂líg'₂, ju₁lia'₂ ca₂tsí'₃ Abraham: “Ca₂le₃jín₃ chi'₂-guein₂ dsa₂ mi₂güig₃ le₃chain₂ dse₃ tě₂le₃ quian'₅₄ chi'₂ dsió'₂.”‡ ²⁶ Lia'₂ con'₂ jme₁ca₂chón'₂ § Diú₄ Ja₁ñi'₅₄, ca₂chein₃ le₂'uig₅₄ jin'₄ 'nia'₂, ia₁jaun₂ jme₃gu'₅₄, ia₁jaun₂ tí'₄ 'nia'₂ le₂jang'₂ le₂jang'₂ ca₂le₃jě₃ dso₄ qui₂'nau'₂ 'nia'₂.

4

Pe₄ quiain'₅₄ Juan₅₄ tióin₂ ne₄ dsi₂tan₅₄

¹ Pe₄ quian'₅₄ Juan₅₄ tsá₃ ma₂dsan₃ bá₄ guě₄ tsí'₅ dsa₂ jág₁, jme₁ca₂dsi₃lén₂ jme₂dsa₂ quiain'₅₄ juig₅₄ chi'₂ 'i'₅₄ quián₅ guá'₅, dsa₂ saduceos ně₃. ² Le₁'néi₃ 'ñiog₅ lín₃, ia₁ jme₂tin₅ 'éi₂ dsa₂ a₂jen'₅₄ dsa₂ jin₄ 'lag₄ ju₁lia'₂ ca₂lě₃ léi₄ ca₂jen'₅₄ Jesús. ³ Jaun₂ ca₂jñau'₃ chi'₂ 'i'₅₄ ca₂tág₃ ca₂i₁tio'₂ né'₃ 'má₃ ca₂tě₂ jme₁jnia₃, ia₁ ca₂'láu₂ bá₄ jmig₄ jaun₂. ⁴ La₁ ju₁n₅ bá₄ dsa₂ i₂ca₂nág₂ ca₂rě₃'éin₂ jág₁. Con'₂ 'ñiá₂ mei₅ dsa₂ i₂ca₂rě₃'én₂ 'éi₂, jme₁ca₂cáun₂ dsa₂ 'í₁ jmá'₃ dsa₂ ñe'₂.

⁵ Jme₁jnia₃ jaun₂, ca₂ñi'₂ ca₂le₃jín₃ dsa₂ dsen₅₄ i₂jmo₅ 'éi'₃ quián₅ dsa₂ judíos, dsi₂gui'₅₄ can'₅₄, tě₅juá'₅ ně₃. ⁶ Ján₃ bá₄ jaun₂ jme₁'en₅₄ Anás i₂lín₅ jme₂dsa₂ dsen₅₄, Caifás, Juan₅₄, Alejandro ně₃, ca₂le₃jín₃ guě₄ i₂lín₅ o₁rin'₅₄ jme₂dsa₂ dsen₅₄. ⁷ Jme₁ma₂le₁ñi'₂ jñin₂, jaun₂ guě₄ ca₂i₁dsein₂₃ Pe₄ quian'₅₄ Juan₅₄, jaun₂ ca₂chei'₃ dsi₂jo₂ ja₁le₁ñi'₂ jaun₂. Jaun₂ ca₂ñag₃:

—¿'Ein₂ ca₂cuě₃ 'éi'₃, o₃ 'ein₂ ca₂cuě₃ jág₁ a₂i₂nio'₄ 'nia'₂ jme₂tíng'₁ dsa₂, a₂jmo'₂ 'nia'₂ 'e₂ jmo'₂ i₂niog'₅₄?

⁸ Jaun₂ ca₂juá'₂ Pe₄, rě₂rin₅ Jme₂dsí₂ Jnió₅ tě₂dsí₅, ca₂tsí'₃ dsa₂ i₂le₁ñi'₂ 'éi₂:

—'Nia'₂ dsa₂ dsen₅₄ quián₅ juig₂, 'nia'₂ dsa₂ can'₅₄ quián₅ juig₂ Israel ně₃:

⁹ Chi₂jua'₂ a₂jaun₂ ñag'₅₄ 'nia'₂ ia₁ ca₂jmo₁ jnia'₅₄ caun₂ a₂dse₃ quió'₅ jan₂ dsa₂

† 3:23 Deuteronomio 18:15,18-19. ‡ 3:25 Génesis 22:18; 26:4. § 3:26 o₃, “jme₁ca₂jme₃jen'₅₄.”

dso'⁵⁴ i₂tsá₃ lé₂ jme₁ŋi₃, chi₂jua'² 'niog'² 'nia'² le₃ŋi'⁵⁴ 'a₂ lia'² ca₂lë₃ a₂ca₂'lón₂,
 10 ju₁le₃ŋi'⁵⁴ bá₄ 'nia'², ju₁le₃ŋi₅ bá₄ ca₂le₃jín₃ dsa₂ juig₂ Israel ně₃, a₂chén'⁵ dsa₂
 ně₅ jin'⁴ 'nia'² ca₂'lón₂ quian'⁵⁴ bí₂ quió'⁵ Jesucristo chan₂ Nazaret i₂ca₂tión'³
 'nia'² cróg₄, i₂ca₂jme₁jen'⁵⁴ táng₃ Diú₄ jin'⁴ 'lag₄. 11 Jesús 'éi₂:

lín₅ ni₁cang₁ a₂tsá₃ jen'⁵⁴ 'nia'²,

i₂lín'⁵ tē₅ i₂chi'⁵ tsi₁'né₅,

la₁ ca₂dsióg₃ ca₂lë₃ ni₁cang₁ a₂dsen⁵⁴ guē₄.*

12 Ia₁ 'i₁jan₂ i₂sián'² tsá₃ chan₂ i₂le₃lón₂ dsa₂. Ia₁ 'i₁jan₂ i₂sián'² tsá₃ ca₂cuin₃ Diú₄
 ne₄ gua'⁵⁴ 'uē₃ la₂, a₂lé₂ 'ín₄ jniog₄ a₂mí₁ ne₄ Diú₄ ia₁jaun₂ tág'⁴ guei'⁵⁴ i₂juíg₃,
 jñia'⁵⁴ lia'² jan₂ Jesús bá₄.

13 Jme₁ca₂jág₃ dsa₂ can'⁵⁴ dsi₂gó'³ dsí₅ ca₂jín₂ Pe₄ quian'⁵⁴ Juan⁵⁴ 'a₂ lia'² tiá₂
 dsí₅ 'éi₂ ŋag₂₃ ne₅₄ le₂jaun₂, jaun₂ ca₂rë₃lí'⁴ a₂lín₅ 'éi₂ dsa₂ tsá₃ lín₄ quen₅, i₂tsá₃ lín₄
 si₂ cuí'⁵ ně₃, jaun₂ guē₄ ca₂rë₃cuin₂₃ a₂lín₅ 'éi₂ dsa₂ i₂jme₁i₂nio₄ quian'⁵⁴ Jesús.

14 Ia₁ jaun₂ bá₄ jme₁chén'⁴ dsa₂ i₂ca₂'lón₂ 'éi₂ jë₄ jaun₂, jaun₂ lë₃ tsá₃ cuin₅ jmig₄
 jua'⁵⁴ a₂juá'² dsa₂ can'⁵⁴ a₂tsá₃ dsau₅. 15 Jaun₂ ca₂'uín'² bá₄ Pe₄ quian'⁵⁴ Juan⁵⁴ jë₄
 jaun₂, jaun₂ ca₂jmo₃ jág₁ guoin⁵⁴ 'a₂ lia'² jmo₃. 16 Ca₂dsia₃ jág₁, juá'²:

—¿'A₂ lia'² jmó₁ quian'⁵⁴ dsa₂ ně₅ jaun₂? Ia₁ ca₂le₃jín₃ bá₄ dsa₂ juig₂ Jerusalén
 ma₂le₁ŋi₅ a₂jmo₅ i₂ně₅ léi₄ juē'², jaun₂ tsá₃ lé₂ jua'⁵⁴ a₂jua'⁵⁴ jniog₄ a₂tsá₃ dsau₅.

17 La₁ ia₁jaun₂ tsá₃ ma₃caun₂ qui₃dsi₃'ag₅ jág₁ jin'⁴ dsa₂ juig₂, 'nió'⁵ quian'⁵⁴ jniog₄
 juē'⁵ ia₁jaun₂ tsá₃ ma₃i₃nioi⁵⁴ qui₃'in₃ guē₄ Jesús a₂tsí'³ dsa₂ le₃ne₄ jui₅ ja₁dsau⁵⁴
 ně₅.

18 Jaun₂ ca₂të₃ dsa₂ i₂le₁ŋi'² 'éi₂ ca₂të'³ táng₃ Pe₄ quian'⁵⁴ Juan⁵⁴, jaun₂ ca₂jmo₃
 'éi'³ ca₂tsí'³ dsa₂ on₃ 'éi₂, a₂tsá₃ ma₃dsia₃ co₂ŋei'⁵⁴ on₃ guē'² jme₁tin₂₃ dsa₂ a₂'in₂₃
 Jesús. 19 La₁ jaun₂ ca₂ŋag₃ Pe₄ quian'⁵⁴ Juan⁵⁴ ca₂juá'²:

—'Nio'⁴ 'nia'² 'au'² chi₂jua'² 'ŋio₅ guē₄ dse₃ jniá₂ ne₄ Diú₄, a₂néi₁ jnia'⁵⁴ gau₂ jág₁
 quián'² 'nia'², 'nió'⁴ a₂jme₁néi₁ jnia'⁵⁴ gau₂ jág₁ quió'⁵ Diú₄. 20 La₁ jnia'⁵⁴ ně₃ tsá₃
 lé₂ tí₄ a₂dsiá₁ ca₂le₃jë₃ a₂ma₂jag⁵⁴, a₂ma₂néi₁ ně₃.

21 Jaun₂ ca₂quiong₃ dsi₂tan⁵⁴ juē'⁵, la₁ ca₂lió₂ bá₄ jaun₂ ně₃. Ia₁ tsá₃ ca₂dsó'²
 'a₂ lia'² 'ë₂ uig₅, ia₁ ca₂le₃jín₃ bá₄ dsa₂ ma₂qui₂cué'³ ti₁'mag'⁴ Diú₄ a₂ca₂të₂ ne₅₄
 a₂ca₂lë₃ jaun₂. 22 Jaun₂ dsa₂ ŋe'² i₂ca₂'lón₂ 'éi₂ quian'⁵⁴ léi₄ a₂dsi₂gó'³ dsi₅,
 jme₁'ein⁵⁴ lë₅ guē₄ tē₂láu₃ ŋi₂.

Ca₂mi₃ dsa₂ 'én₂ a₂cuē₃ guē₄ Diú₄ bí₂ quió'⁵

23 Jme₁ma₂lón₂ Pe₄ quian'⁵⁴ Juan⁵⁴, ca₂i₃lén₂ ja₁tion'⁵⁴ riin'⁵⁴, jaun₂ ca₂dsia₃
 ca₂le₃jë₃ 'e₂ ca₂juá'² juig₅₄ jme₂dsa₂ quian'⁵⁴ dsi₂gui'⁵⁴ can'⁵⁴ a₂ca₂tsí'³ 'éi₂.

24 Jme₁ca₂nág₂ jág₁ jaun₂, ca₂le₃jín₃ ca₂mi₃ co₂lë₅ ca₂tsí'³ Diú₄ ca₂juá'²:

—Te₁gui'⁵⁴ quián₂ jniog₄, 'ne₂ bá₄ lín'⁵ Diú₄ i₂ca₂jmo'⁵⁴ guei'⁵⁴ i₂juíg₃, quian'⁵⁴
 gua'⁵⁴ 'uē₃, jmí₁ŋí'⁴ ně₃, ca₂le₃jë₃ guē₄ 'e₂ a₂cha₂. 25 'Ne₂ bá₄ ca₂jua'⁵⁴ quian'⁵⁴
 Jme₂dsí₂ Jñió₅ quiáng'², jme₁ca₂juá'² 'lag₄ David dsa₂ quiáng'²:

¿'E₂ lë₃ tion'⁵⁴ dsi₂nau₂ co₂mi'⁵⁴?

¿'E₂ lë₃ dsi₂jio₅ dsi₅ dsa₂ chan₂ mi₂güig₃

ca₂le₃jë₃ ne₅₄ a₂'lig'⁵⁴ a₂tsá₃ ta₁ tí₄?

26 Ca₂le₃jín₃ rag⁵⁴ ne₄ gua'⁵⁴ 'uē₃

qui₂ca₂quín'² jág₁;

Ca₂le₃jín₃ dsi₂tan⁵⁴ quián₅ juig₂

qui₂ca₂nau₂ 'nei₂ ja₁con₂ Te₁gui'⁵⁴,

ja₁con₂ I₂rë₂'ín₁ quián₅ ně₃.†

* 4:11 Salmo 118:22. † 4:26 Salmo 2:1-2.

27 'Dsau₅ dsón'₂ bá₄ ca₂jmo₃ caun₂ jág₁ Rag₅₄ Herodes quian'₅₄ Dsi₄ má'₂ Poncio Pilato juig₂ la₂ quian'₅₄ dsi₂ nau₂, dsa₂ israelitas ně₃. Ca₂ quin'₃ jág₁ ca₂jme₃ 'ñiai₅₄ Jesús Ja₂ ñí'₂ jñió₅ i₂ rē₂ 'ín₁ quiáng'₂. 28 Quian'₅₄ a₂ ně₅, ca₂jme₃ ti₃ dsa₂ can'₅₄ 'éi₂ ca₂ le₃ jě₃ a₂ 'i₄ 'éi'₃ niog₅ lé₂. 29 Jaun₂ ně₃ Te₁ gui'₅₄, jag₄ a₂ quiong₅ dsa₂ juě'₅ jnia'₅₄. Cuē₄ bí₂ jnia'₅₄ dsa₂ quiáng'₂ ia₁ jaun₂ tián₂ qui₂ jme₁ tin₅ guě'₄ jnia'₅₄ dsa₂ jág₁ quiáng'₂, tsá₃ jui₁ le₂ go₃. 30 Cuē₄ bí₂ quiáng'₂ a₂ lé₂ jme₁ lion₅₄ jnia'₅₄ dsa₂ dso'₅₄, a₂ lé₂ jmó₁ léi₄ dsi₂ gó'₃ dsi₅ quian'₅₄ bí₂ 'éi'₃ quió'₅ Jesús, dsa₂ jñió₅ i₂ jme₂ ti₃ quiáng'₂.

31 Jme₁ ca₂ dsan₃ chi₂ léin'₂ Diú₄ le₂ ně₅, ca₂ i₁ bi₅₄ ja₁ tioin'₅₄, jaun₂ ca₂ le₃ jín₃ qui₂ ca₂ cain'₂ Jme₂ dsí₂ Jñió₅. Jaun₂ tsá₃ ma₃ juě'₅ 'i₄ dsí₅ qui₂ ca₂ 'ě₂ jág₁ dse₃ quió'₅ Diú₄.

Ca₂ le₃ jě₃ 'e₂ cha₂ jme₁ lě₄ quió'₅ ca₂ le₃ jín₃

32 Ca₂ le₃ jín₃ dsa₂ i₂ ma₂ 'én₂, caun₂ bá₄ a₂ dsi₂ jiog₅ dsí₅, caun₂ bá₄ 'ei₅ jme₂ dsí₂ quió'₅ ca₂ le₃ jín₃. 'I₁ jan₂ tsá₃ jua'₅₄ a₂ jmo₂₃ quió'₅ 'ñiog₅ 'e₂ caun₂ a₂ cha₂ quió'₅. Jmo₂₃ bá₄ dsí₅ a₂ quió'₅ co₂ dsia₅ quian'₅₄ riin'₅₄ ca₂ le₃ jě₃ 'e₂ a₂ cha₂ quió'₅.

33 Caun₂ ca₂ 'ág₂ tiá₂ dsí₅ qui₂ ca₂ cuě₃ jág₁ dsau₅ dsi₂ guia₃-tín₂ i₂ chen₄ † quián₅ Diú₄ 'éi₂, 'a₂ lia'₂ ca₂ jen'₅₄ Te₁ gui'₅₄ Jesús. Jaun₂ caun₂ qui₂ ca₂ cuě₃ Diú₄ bí₂ 'ñio₅ lin₃ quió'₅ ca₂ le₃ jín₃ dsa₂ i₂ 'én₂. 34 'I₁ jan₂ tsá₃ 'ein₂ jua'₅₄ cha₂ qui₂ ca₂ rě₃ 'nió'₅ quió'₅, ia₁ dsa₂ i₂ cha₂ 'uě₃, o₃ i₂ tióng₂ 'né₅ quió'₅ ně₃, qui₂ ca₂ 'nag₃. 35 Jaun₂ ca₂ o₃ can₅ cu₄ jaun₂, ca₂ jín₃ dsa₂ guia₃-tín₂ i₂ chen₄ quián₅ Jesús 'éi₂, jaun₂ ca₂ dsíó'₃ ca₂ cuě'₃ le₂ jan₂ le₂ jan₂ 'a₂ con'₂ 'nió'₅ quió'₅. 36 Jme₁ chan₂ jin₄ dsa₂ 'éi₂ jan₂ dsa₂ levita i₂ jme₁ chen₂ José i₂ chan₂ Chipre. Dsa₂ i₂ chen₄ ně₃ ca₂ quian₃ Sě₄ 'éi₂ Bernabé, co₂ 'nió'₄ a₂ juá'₂ dsa₂ i₂ jmo₅ lián'₂, i₂ jme₂ 'o₅₄. § 37 Bernabé 'éi₂ ca₂ 'nag₃ caun₂ 'uě₃ quió'₅ a₂ jme₁ cha₂. Ca₂ le₃ jě₃ cu₄ jaun₂ ca₂ o₃ can₅ ca₂ cuě'₃ dsa₂ guia₃-tín₂.

5

Dso₄ a₂ ca₂ 'nú₂ Ananías quian'₅₄ Safira

1 La₁ jan₂ dsa₂ sián'₂ i₂ jme₁ chen₂ Ananías quian'₅₄ Safira 'io₅₄ quián₅, ca₂ 'nag₃ caun₂ 'uě₃ quió'₅. 2 Dsa₂ ñe'₂ 'éi₂ ca₂ 'ma₃ ca₂ dsio₄ cu₄ jaun₂ 'ñiog₅, jaun₂ ca₂ dsio₄ bá₄ ca₂ i₁ cuě'₂ dsa₂ guia₃-tín₂ i₂ chen₄ * quián₅ Jesús, lia'₂ jag₄ bá₄ a₂ i₁ can₅ ta₁ jě₂. Ján₃ bá₄ ñi₅ 'io₅₄ quián₅. 3 Jaun₂ ca₂ juá'₂ Pe₄ ca₂ tsí'₃ Ananías:

—¿'E₂ lě₃ ca₂ 'í₃ Satanás tē₂ 'au'₂ jaun₂ jmo'₂ jág₁ tē₂ jág₁ ne₄ Jme₂ dsí₂ Jñió₅, a₂ ca₂ 'ma'₅₄ ca₂ dsio₄ cu₄ a₂ ca₂ qui₃ dsa₂ 'lia'₅₄ 'uě₃ quiáng'₂? 4 ¿On₁ jua'₅₄ quiáng'₂ 'uě₃ a₂ ně₂ 'nag'₅₄? ¿On₁ jua'₅₄ quiáng'₂ cu₄ jaun₂ ně₃? ¿'E₂ lě₃ ca₂ i₃ jiog₅ 'au'₂ jmó'₂ le₂ ně₅? Diú₄ bá₄ ně₂ chei'₅₄ 'ne₂ jág₁ tē₂ jág₁, on₃ jua'₅₄ dsa₂ mi₂ güig₃.

5 Dsi₂ jui₅ jme₁ ně₂ néi₂ Ananías le₂ ně₅, ca₂ quian'₃ ca₂ join₃. Jaun₂ ca₂ le₃ jín₃ dsa₂ i₂ ca₂ rě₃ ñi₅ a₂ ca₂ lě₃ le₂ jaun₂ ca₂ rě₃ gó'₅ 'ñio₅ lin₃. 6 Jaun₂ ca₂ o₃ lén₂ on₃-ún₂ chi'₂ dsa₂ ñe'₂, ca₂ lió₃ 'mi'₂ ni₁ ñi₁₂, jaun₂ ca₂ i₁ 'ó₄.

7 Tsá₃ jaun₂ ñi₅ 'io₅₄ quián₅ Ananías a₂ ca₂ lě₃ le₂ jaun₂, jaun₂ ca₂ dsíó₃ con'₂ 'ni₅ hora cang₂ jaun₂. 8 Jaun₂ ca₂ ñag₃ Pe₄ ca₂ ñí'₃ 'io₅₄:

—Jua'₅₄ dsón'₂. ¿'Ma'₅₄ jaun₂ ně₂ 'nag'₅₄ 'nia'₂ 'uě₃ con'₂ lě₅ jág₁ juá'₂ 'nia'₂?

Jaun₂ ca₂ ñag₃ 'io₅₄:

—Ján₅. 'Ma'₅₄ jaun₂ dsón'₂ bá₄ i₂ 'nag₄.

9 Jaun₂ ca₂ juá'₂ táng₃ Pe₄:

—¿'E₂ lě₃ ně₂ jmo'₅₄ 'nia'₂ caun₂ jág₁ a₂ cáng'₄ táu₂ Jme₂ dsí₂ quián₅ Te₁ gui'₅₄? Ca₁ 'né₄ ně₅ ma₂ ja len₃ táng₃ dsa₂ i₂ ma₃ i₁ 'ón₄ dsi₂ i₂ gog'₂. Ně₃ guě₄ tē₂ táng₃ 'ne₂.

‡ 4:33 griego: apóstolous. § 4:36 lit. “jaun₅ lián'₂.” * 5:2 griego: apóstolous.

10 Dsi₂jui₅ le₂jaun₂ ca₂quin₃ 'io₅₄ ca₂join₃ ja₁chén₄ Pe₄ jaun₂. Jme₁ca₂ton₅₄ chi₂ dsa₂ ñe₂ 'éi₂, ma₂jon₅ bá₄ 'io₅₄, jaun₂ ca₂tág₃ táng₃ jaun₂ ca₂i'ó₄ cau₅ ja₁rē₂'on₅ dsi₂i₂gu₂. 11 Jaun₂ ca₂rē₃gó₅ 'ñio₅ lin₃ ca₂le₃jín₃ dsa₂ 'én₂ i₂lín₅ guá₅, ca₂le₃jín₃ guě₄ dsa₂ sián₂ i₂ca₂rē₃ñi₅ a₂ca₂lě₃ jaun₂.

Lióng₂ léi₄ juě₂ a₂dsi₂gó₃ dsi₅ ně₃, ca₂lě₃

12 Quian₅₄ bí₂ quió₅ Diú₄ ca₂jmo₃ dsa₂ i₂chen₄ quián₅ Jesús 'lióng₂ léi₄ juě₂ a₂dsi₂gó₃ dsi₅ jin₄ dsa₂. Jaun₂ jme₁ñi₂ dsa₂ i₁dsi₅ guá₅ templo ja₁lě₄ corredor ja₁tě₂ dsa₂ quió₅ Salomón. 13 I₁jan₂ tsá₃ ca₂tiá₂ dsi₅ jme₃quiain₅₄ dsa₂ i₂'én₂ 'éi₂, la₁ jme₁jme₂go₃ bá₄. 14 La₁ jin₅ bá₄ dsa₂ ñe₂, lia₂ dsa₂ mí₂ ně₃, ca₂rē₃'én₂ tē₂le₃ quió₅ Te₁gui₅₄. 15 Ca₂lia₂ jme₁dsi₂jñiai₃ jě₄ calle dsa₂ dso₅₄ tián₅ ne₄ cama, ne₄ tsi₁jein₁ ně₃, ia₁jaun₂ tsá₃ a₂nag₅₄ jñia₅₄ 'én₁ quió₅ bá₄ Pe₄ tē₅₄ quió₅ i₂lín₅₄ dsa₂ dso₅₄ 'éi₂. 16 Ján₃ bá₄ ca₂o₃lén₂ jin₅ dsa₂ chan₂ juig₂ ma₂quián₅ Jerusalén, le₁jñiai₂₃ dsa₂ le₁dso₅₄, dsa₂ i₂tion₅₄ jme₂dsi₂ 'lin₅₄ tē₂dsi₅ ně₃, ca₂o₃lén₂. Jaun₂ ca₂le₃jín₃ dsa₂ 'éi₂ qui₂ca₂'lóin₂.

Ca₂co₃'ein₃ dsa₂ quió₅ Pe₄ quian₅₄ Juan₅₄

17 Jaun₂ ca₂rē₃'iog₅₄ 'ñio₅ lin₃ jme₂dsa₂ dsen₅₄, quiain₅₄ riin₅₄ i₂jme₁lín₄ saduceos. 18 Jaun₂ ca₂jñai₃ dsa₂ i₂chen₄ quián₅ Jesús, ca₂i'tio₂ 'né₅ 'má₃. 19 La₁ a₂uě₂ jaun₂, ca₂ñe₄ jan₂ ángel quián₅ Te₁gui₅₄ ca₂niá₃ 'né₅ 'má₃, ca₂'uín₂ dsa₂ i₂chen₄ 'éi₂, ca₂juá₂:

20 —O₂nó₅ 'nia₂ i₁dsi₅ guá₅ templo, o₂nau₂ o₂chei₅₄ 'nia₂ dsa₂ jág₁ dse₃ quió₅ Jui₅ 'mí₂ la₂.

21 Jme₁ca₂nág₂ jág₁ ně₅, tē₃ o₃'iog₂ jme₁jnia₃ jaun₂ ca₂i₁lein₅₄ guá₅ ca₂i₁jme₁tiin₂₃ dsa₂.

Jmig₄ jaun₂ ca₂tě₃ jme₂dsa₂ dsen₅₄ ca₂ñi₂ dsi₂tan₅₄ quián₅ guá₅, jaun₂ ca₂jmo₃ 'éi₃ i₁tě₂ dsa₂ i₂chen₄ quián₅ Jesús i₂tion₅₄ 'né₅ 'má₃ 'éi₂. 22 La₁ jme₁ca₂dsi₃lén₂ 'lióg₂† 'né₅ 'má₃, tsá₃ ma₃dsa₂ i₂jme₁tion₅₄ chan₂. Jaun₂ ca₂i₁lein₃ táng₃ i₁con₂ jág₁, 23 juá₂:

—Jme₁chi₁jnág₅ dse₃ bá₄ o₄'né₄ 'né₅ 'má₃, jme₁tió₂ bá₄ guě₂ 'lióg₂ jmo₂₃ 'í₁ cau₅ o₄'né₄ ně₃. La₁ jme₁ně₂tió₄ jnia₅₄ dsi₂néi₂, tsá₃ ma₃dsa₂ i₂jme₁tion₅₄ chan₂ 'i₁jan₂.

24 Jme₁ca₂nág₂ juig₅₄ jme₂dsa₂, juig₅₄ chi₂ 'i₅₄ quián₅ guá₅ ně₃, jaun₂ dsi₂gó₃ dsi₅ qui₂ca₂ñi₃ riin₅₄ 'a₂ dsi₁quén₅ ca₂le₃jě₃ a₂ně₅. 25 Jaun₂ ca₂dsióg₃ jan₂ dsa₂ quian₅ jág₁, jaun₂ ca₂juá₂:

—Dsa₂ i₂ca₂jne₅₄ 'nia₂ 'né₅ 'má₃, ó₃ bá₄ ma₂tióin₂ i₁dsi₅ guá₅ jme₂tiin₂₃ dsa₂.

26 Jaun₂ ně₃ ca₂i₃lén₂ chi₂ 'i₅₄ quiain₅₄ juig₅₄ quián₅, jaun₂ ca₂i₁chong₅₄ táng₃ lia₂ 'i₄ rē₂ jág₁. Tsá₃ uig₅ ca₂jmog₂, ia₁ gó₅ qui₃jnú₂ cang₄ dsa₂ i₂le₁ñi₂ ja₁jaun₂. 27 Jme₁ca₂dsi₃lein₃ le₁te₂ dsa₂ 'éi₂, jaun₂ ca₂chei₃ dsi₂jo₂ ja₁le₁ñi₂ dsi₂tan₅₄ quián₅ guá₅. Jaun₂ ca₂juá₂ jme₂dsa₂ dsen₅₄ ca₂tsí₃ dsa₂ 'éi₂:

28 —Ca₂jne₅₄ jnia₅₄ co₂ñei₅₄ a₂tsá₃ ma₃jme₁tiin₅ 'nia₂ dsa₂, jua₅₄ a₂'ín₄ guě₄ 'nia₂ Jesús 'éi₂. ¿'E₂ ma₂jmo₅₄ guě₂ 'nia₂? Caun₂ qui₂jme₂tiin₁ 'nia₂ dsa₂, tsá₃ jág₁ cán₁, ca₂lia₂ ta₁caun₂ juig₂ Jerusalén ma₂rē₂riin₅ quian₅₄ jág₁ a₂jme₂tiin₁ 'nia₂. A₂'niog₂ 'nia₂ bog₅₄ jnia₅₄ dso₄ a₂ca₂jon₃ dsa₂ 'éi₂.

29 Jaun₂ ca₂ñag₃ Pe₄ quiain₅₄ dsa₂ i₂chen₄ riin₅₄:

—'Ñio₅ guě₄ dsen₅₄ ta₁ jme₁ti₁ jnia₅₄ 'éi₃ quió₅ Diú₄, con₂ guě₄ 'éi₃ quió₅ dsa₂ mi₂güig₃. 30 Diú₄ quián₅ dsa₂ can₅₄ quián₂ jniog₄ ma₂líg₂, Diú₄ 'éi₂ bá₄ ca₂jme₁jen₅₄ Jesús i₂ca₂jñi₃ 'nia₂ ca₂tióin₃ cróg₄. 31 Diú₄ ně₃ ma₂ca₂chó₂ guei₅₄, jaun₂ ma₂guá₅ cau₅ quió₅ tē₂le₃ gu₂ ne₁, jaun₂ ma₂dsiog₃ a₂lén₂ juig₅₄ jniog₄

† 5:22 o₃, chi₂ 'i₅₄ quián₅ guá₅.

i₂lió₂, ia₁jaun₂ cuin₃ jmig₄ jme₃tsín₃ dsí₅ dsa₂ juig₂ Israel ia₁jaun₂ 'én₂ dsá₁.
³² Ca₂le₃jág₃ bá₄ jnia'₅₄ ca₂tě₂ ne₄ a₂ně₅, ján₃ bá₄ jáng'₅ jág₁ dsau₅ Jme₂dsí₂ Jñi₅
i₂ma₂cuin₃ Diú₄ quió'₅ dsa₂ i₂nag₅ gau₂ jme₂ti₃ jág₁ quió'₅.

³³ Ca₂rě₃'né₃ 'ñio₅ lín₃ dsa₂ can'₅₄ jme₁ca₂nág₂ le₂ně₅, a₂'nio₃ jme₁jme₃dsiain₂₃
dsa₂ i₂chen₄ quián₅ Jesús 'éi₂. ³⁴ La₁ jě₄ quió'₅ dsit₂tan₅₄ jaun₂, jme₁'en₅₄ jan₂
dsa₂ fariseo i₂jme₁chen₂ Gamaliel, dsa₂ i₂lín₅ tě₅juá'₅, jaun₂ jme₁jme₂go₃ dsa₂
'ñio₅ lín₃. Jaun₂ ca₂nau₂ dsa₂ 'éi₂ jě₄ quió'₅ dsit₂tan₅₄, ca₂mi₃ a₂'u₁in'₂ ca₂tiá₂ dsa₂
i₂chen₄ 'éi₂. ³⁵ Jme₁ca₂'uin₂ 'éi₂, jaun₂ ca₂juá'₂ Gamaliel ca₂tsí'₃ dsit₂tan₅₄:

—'Nia'₂ dsa₂ chan₂ juig₂ Israel, jmo₄ 'nia'₂ 'í₁ a₂jma'₅₄ 'nia'₂ dsa₂ ně₅. ³⁶ Dsá₂
'au'₂ 'nia'₂ jmo₄ a₂ca₂lě₃, ma₂ñó₃ ca₂la₂ 'lióng₂ ñi₂, ca₂nau₂ Teudas a₂juá'₂ a₂lín₅
dsa₂ 'uan'₂ dsa₂ dsen₅₄. Jaun₂ ca₂jme₃quiong'₅₄ con'₂ quén₂ 'ñiá₂-lón₂ dsa₂ ñe'₂.
La₁ jme₁ca₂jñag'₃ dsa₂, ca₂le₃jín₃ dsa₂ i₂jme₁quiain'₅₄ ně₃ ca₂l₃lén₂ jma₃quén₅.
³⁷ Cang₂ jaun₂, jmig₄ jme₁ca₂tion₃ dsa₂ si₂, ca₂nau₂ Judas i₂chan₂ Galilea. Ján₃
bá₄ le₂jaun₂ juin₅ dsa₂ ca₂jme₃quiong'₅₄ quió'₅. La₁ ján₃ bá₄ ca₂jñag'₃ dsa₂.
Ca₂le₃jín₃ bá₄ dsa₂ i₂jme₁quiain'₅₄ ně₃ ca₂l₃lén₂ ts₁rě₂jain₅₄ táng₃ jme₁ma₂jon₅
'éi₂. ³⁸ Jaun₂ lě₃, tsá₃ 'e₂ jmag'₅₄ dsa₂ ně₅, tsá₃ lě₁tón'₂ 'nia'₂ m₁'₅₄ quiain'₅₄. Ia₁
ně₁juá'₂ jág₁ ně₅ lě₅ cosa quió'₅ dsa₂ m₁gü₃, a₂lě₁dsi₃'én₂ bá₄ ně₅. ³⁹ La₁ia₁
ně₁juá'₂ lě₅ cosa quió'₅ Diú₄, tsá₃ a₁jaun₂ le₃qui'₅₄ 'nia'₂ jmig₄ a₂'éng'₄. Jaun₂ 'í₁
jmo₄ ia₁ con'₂ tsá₃ ñó₅ ně₁juá'₂ quián'₅₄ Diú₄ quín'₂ 'nia'₂.

⁴⁰ Jaun₂ ca₂nág₂ jág₁ jaun₂ ca₂le₃jín₃. Jaun₂ ca₂tě₃ táng₃ dsa₂ i₂chen₄ quián₅
Jesús 'éi₂. Jaun₂ ca₂jmo₃ dsit₂tan₅₄ 'éi'₃ a₂bóg₂ dsa₂. Jaun₂ ca₂jné₃ táng₃ tsá₃
cuě₂₃ jmig₄ jua'₅₄ a₂'ě₂ guě₄ dsa₂ 'éi₂ jág₁ a₂'iin₂₃ Jesús. Jaun₂ ca₂lió₂ bá₄ jaun₂
ně₃. ⁴¹ Jme₁ca₂'uin₂ dsa₂ i₂chen₄ quián₅ Jesús 'éi₂, jin₄ dsit₂tan₅₄, jmo₂₃ 'io'₂, ia₁
ca₂cuě₃ Diú₄ jmig₄ ca₂i₃ñi₂ o₂guí'₃ o₄quió'₄ Jesús. ⁴² Jaun₂ caun₂ ca₂i₁noi₁₂ bá₄
jme₂tin₂₃ dsa₂ jág₁ dse₃ quió'₅ Jesucristo ca₂le₃jě₃ jmig₄, lia'₂ i₁dsi₅ guá'₅ templo,
lia'₂ dsit₂néi₂ quió'₅ dsa₂ ně₃.

6

Ca₂'nai'₂ guion₃ dsa₂ i₂jme₃'o₅₄ *

¹ Jm₁ig₄ jaun₂ caun₂ dsit₂juín₂ bá₄ dsa₂ i₂'én₂. Jaun₂ dsa₂ i₂dsia₅ jág₁ jmei₅
griego ca₂jí₂ ca₂tsí'₃ dsa₂ i₂dsia₅ jág₁ jmei₅ arameo. Ca₂juá'₂ 'iin₂₃ 'io₅₄ 'nág₂
chan₂ quián₅ tsá₃ lín₄ dse₃ jme₁cuě'₅ dsa₂ ju₁lia'₂ 'e₂ má₃ dsio'₅ ca₂le₃jě₃ jmig₄.

² Jaun₂ ta₁guia₃-tín₂ dsa₂ i₂chen₄† quián₅ Jesús ca₂ñi'₂ ca₂le₃jín₃ dsa₂ i₂'én₂, jaun₂
ca₂juá'₂:

—Tsá₃ dse₃ jua'₅₄ a₂tí₅ jnia'₅₄ a₂'ě₄ jnia'₅₄ jág₁ quió'₅ Diú₄ a₂jme₁ti₁ jnia'₅₄ ne₄
mesas a₂dsio'₅₄ jnia'₅₄ má₃. ³ Jaun₂ lě₃ rin'₅₄ jniog₄, 'in₅₄ 'nia'₂ guion₃ dsa₂ tě₃jin'₄
'nia'₂, i₂'ei₅ jág₁ a₂'en₅₄ dsí₅, a₂rě₂rin₅ Jme₂dsí₂ Jñi₅ tě₂dsí₅, jaun₂ cuě'₅₄ 'nia'₂
ta₁ ně₅. ⁴ Jnia'₅₄ guě'₂ caun₂ qui₁chei₅₄ Diú₄, caun₂ qui₂jme₁tin₅ jnia'₅₄ dsa₂ jág₁
quió'₅ Diú₄.

⁵ Jaun₂ ca₂le₃jín₃ dsa₂ ca₂tě₂ dsí₅ a₂ně₅, jaun₂ ca₂quióin'₂ dsa₂ i₂chen₂ Esteban
i₂'én₂ 'ñio₅ lín₃, i₂rě₂rin₅ Jme₂dsí₂ Jñi₅ tě₂dsí₅; Fe₂li₄ ně₃, Prócoro, Nicanor,
Timón, Parmenas, Nicolás ně₃ i₂lín₅ jan₂ dsa₂ chan₂ Antioquía i₂jme₁ma₂gue₃
le₂jñiá₅ 'Éi'₃ Juá'₅ quió'₅ dsa₂ judíos. ⁶ Jaun₂ ca₂o₃jñia₃ dsa₂ dsa₂ guion₃ i₂ca₂'iin₃
'éi₂ ja₁tió₂ dsa₂ guia₃-tín₂, jaun₂ qui₂ca₂quiog₂ gu₂ ne₄ quió'₅ dsa₂ guion₃ 'éi₂,
ca₂chi₃lén'₂ Diú₄.

* **6:** o₃, diáconos. 'Nio'₂ ja₁ton₅ Hechos 21:8; Filipenses 1:1. † **6:2** griego: apóstolous.

7 Jaun₂ caun₂ ca₂i₃'ág₃ jág₁ quió'₅ Te₁gui'₅₄ jë₄ juig₂ Jerusalén, jaun₂ caun₂ ca₂i₃juin₂ bá₄ dsa₂ i₂ca₂rë₃'én₂, ca₂të₂ i₂jme₁lín₄ jme₂dsa₂ quián₅ dsa₂ judíos ca₂guein₃ jág₁, ca₂rë₃'én₂ juin₅.

Ca₂jña'₃ dsa₂ Esteban

8 Esteban, dsa₂ i₂'ñio₅ lin₃ ma₂cuë₃ Diú₄ jui₅bí₂, ma₂jme₂'o₅₄ në₃, i₂'éi₂ jme₁jmo₂₃ 'líong₂ léi₄ dsi₂gó'₃ dsi₅ jin₄ dsa₂ juig₂. 9 Jaun₂ i₂lin₅₄ dsa₂ quián₅ guá'₅ sinagoga i₂jme₁té'₂ dsa₂ Libertinos, quiaín₅₄ i₂lin₅₄ dsa₂ chan₂ Cirene, i₂lin₅₄ i₂chan₂ Alejandría, i₂chan₂ Cilicia, i₂chan₂ juig₂ ja₁tén₄ 'uë₃ Asia në₃, ca₂jme₃lióg₃ ca₂tsín₂ quian'₅₄ Té₂. 10 La₁ tsá₃ ca₂tio₃, ia₁ a₂niog₅ dsi₄ 'éi₂, tñin₂ 'a₂lia'₂ ñag₃, ia₁ jme₂dsí₂ Jñi₅ bá₄ cuë₅ bí₂. 11 Jaun₂ ca₂lái₂ dsa₂ i₂jáng'₃ jág₁ të₂jág₁, a₂juá'₂ a₂ma₂ñág₂ juá'₂ Té₂ 'iin₂₃ 'lig'₅₄ Moisés, 'iin₂₃ 'lig'₅₄ Diú₄ në₃. 12 Jaun₂ le₂jaun₂ ca₂tóin'₂ co₂mí'₅₄ jin₄ dsa₂ juig₂ quian'₅₄ dsi₂gui'₅₄ can'₅₄, të₅juá'₅ në₃, ca₂jmaí'₂ mi'₅₄ Té₂, ca₂jñau'₃, ca₂i₁jo₅₄ ne₄ dsi₂tan₅₄ quián₅ guá'₅. 13 Jaun₂ ca₂'nai'₂ ján₃ dsa₂ i₂jmo₃ jág₁ të₂jág₁ a₂'ñi₃ Té₂. Jaun₂ ca₂juá'₂:

—Dsa₂ në₅ caun₂ qui₂juá'₂ 'lig'₅₄ 'ë₂₃ guá'₅ jñi₅, 'ë₂₃ 'Éi'₃ Juá'₅ në₃. 14 Ján₃ bá₄ ma₂ca₂néi₁ jnia'₅₄ juá'₂ i₂në₅ a₂'én₂ Jesús chan₂ Nazaret guá'₅ a₂jme₃tsín₃ tag₄ chí'₅ ca₂quiog₂ Moisés.

15 Jaun₂ dsi₂tan₅₄ quiaín₅₄ ca₂le₃jín₃ guë₄ dsa₂ i₂jme₁tion'₅₄ le₁ñi'₂ ja₁jaun₂, ca₂jñin₂ Té₂, a₂ma₂jñiá₂ dsi₂ne₄ 'éi₂ lia'₂ jñiá₂ jan₂ ángel.

7

Jág₁ ca₂ton₃ Esteban

1 Jaun₂ ca₂ñag₃ jme₂dsa₂ dsen₅₄ ca₂ñi'₃ Té₂:
—¿Dsón'₂ dsau₅ ca₂le₃jë₃ a₂juá'₂ dsa₂ në₅?

2 Jaun₂ ca₂ñag₃ 'éi₂:

—Rin'₅₄ jniog₄, 'nia'₂ dsa₂ can'₅₄ quián₂ në₃, nei₂ 'nia'₂ a₂juá'₄ jñiá₂ la₂. Diú₄ 'uan'₂ quián₂ jniog₄ ca₂jme₃jñiá₂₃ ne₄ jmei₂ jniog₄ Abraham lia'₂ con'₂ jme₁'ein₅₄ 'uë₃ Mesopotamia né'₃ a₂dsi₃guá₃ juig₂ Harán. 3 Jaun₂ ca₂juá'₂ Diú₄:
“Tí₃ 'uë₃ quiáng'₂, tén₃ ca₂le₃jín₃ o₁ring'₂, gua₂ jui₅ 'uë₃ ja₁i₁'ë₃ jñiá₂.”*

4 Jaun₂ ca₂ñó₃ Abraham ca₂o₃'iin₃ 'uë₃ Caldea jaun₂, ca₂l₁gua₂ juig₂ Harán. Cang₂ jaun₂ ca₂jon₃ bá₄ jmei₂. Jaun₂ Diú₄ bá₄ ca₂o₃jñiá₃ Abraham 'uë₃ la₂ ja₁tían'₄ 'nia'₂ rë₂në₃. 5 La₁ tsá₃ jua'₅₄ 'e₂ ca₂cuë₃ Diú₄ 'uë₃ la₂, on₃ guë'₂ ja₁chi'₃ caun₂ tag₅₄ jua'₅₄ ca₂cuë₃. La₁ ca₂cuë₃ bá₄ Diú₄ jág₁ quió'₅ a₂cuë₃ 'uë₃ la₂, a₂jmo₃ le₃cha₂ quió'₅ chi'₂ quián₅ bá₄ Abraham jë₁ma₂join₂₃, o₁jñiá'₅₄ guë'₂ jmig₄ jaun₂ tsá₃ chi'₂ quián₅ Abraham jme₁chan₂ 'i₁jan₂. 6 Jaun₂ ca₂juá'₂ Diú₄ ján₃, ca₂le₃jín₃ chi'₂ dsio₄ Abraham tain'₃ ju₁lia'₂ ja₁tían'₄ dsi₂nau₂ caun₂ 'uë₃ a₂tsá₃ cuí'₅, qui₃ñág₃ uig₅ con'₂ quén₂ 'ñiá₂-láu₂ ñi₂ a₂lë₁jmo₃ ta₁ jme₂ti₃ ta₁ ne₄ dsa₂. 7 La₁ ján₃ bá₄ ca₂juá'₂ Diú₄ ca₂tsí'₃ Abraham: “Jñiá₂ bá₄ 'ë₄ uig₅ ne₄ juig₂ i₂jma'₂ dsa₂ quiáng₃ i₂tion'₅₄ i₂lë₁jme₂ti₃ ta₁ ne₅₄. Cang₂ jaun₂ guion₅₄ dsa₂ juig₂ quiáng₃ 'u₁in₃ juig₂ jaun₂, jaun₂ ja₃lén₂ jme₃ti₃ ta₁ ne₃ ja₁lá₃.”† 8 Ján₃ bá₄ ca₂jmo₃ Diú₄ caun₂ jág₁ quian'₅₄ Abraham, a₂ti₃ ni₁lo₁ ta₁jín₂ chi'₂ dsa₂ ñe'₂ ts₁jon₂ quián₅, a₂lí'₅₄ jág₁ a₂të₃ron₅₄. 'Uig₅₄ jaun₂, jme₁ca₂rë₃chán₃ ja₁ñi'₅₄ i₂ca₂rë₃chén₃ Isaac, ca₂ti₃ Abraham ni₁lo₁ Isaac jme₁ma₂'ein₅₄ jñiá₃ jmig₄. Ján₃ bá₄ le₂jaun₂ ca₂jmo₃ Isaac quian'₅₄ Jacob ja₁ñi'₅₄. Ján₃ bá₄ le₂jaun₂ ca₂jmo₃ Jacob quian'₅₄ ta₁guia₃-tín₂ ja₁ñi'₅₄ i₂ca₂lin₃ jmei₂ ta₁guia₃-tín₂ juig₂ ja₁tén₄ Israel.

9 'Ca₂le₃jín₃ chi'₂ ja₁ñi'₅₄ Jacob i₂jme₁lín₄ jmei₂ jniog₄ ma₂líg'₂ 'éi₂, ca₂i₃uig₅₄ dsí₅ jñin₂ Së₄ riin'₅₄. Jaun₂ ca₂'ñi₃ 'éi₂ jaun₂ ca₂tág₃ dsa₂ ca₂të₂ 'uë₃ Egipto. La₁ Diú₄

* 7:3 Génesis 12:1. † 7:7 Génesis 15:13-14.

bá₄ ca₂jmo₃ 'í₁ quió'₅ Sě₄, ¹⁰ qui₂ca₂lió₂ ca₂le₃jě₃ 'e₂ ca₂i₃ñí₂ ca₂jmo₃ ca₂rě₃ñí'₂ dsí₅ 'ñio₅ lin₃. Ján₃ bá₄ ca₂jmo₃ Diú₄ a₂chéin'₅ dse₃ quian'₅₄ i₂tě'₂ dsa₂ Faraón, i₂lín₅ rag₅₄ quián₅ 'uě₃ Egipto. Rag₅₄ 'éi₂ ca₂'in₃ Sě₄ a₂lėin₂ dsi₄má'₂ 'uě₃ Egipto. Ján₃ bá₄ ca₂jmo₃ a₂nio₃ ne₄ 'éi₂ dsi₂néi₂ quió'₅.

¹¹ 'Cang₂ jaun₂ ca₂gua₃ ñi₂ a₂ca₂ñág₃ uig₅ 'ñio₅ lin₃ a₂ca₂rě₃'ín₃ a₂guě'₃ dsa₂ ta₁caun₂ 'uě₃ Egipto quian'₅₄ 'uě₃ Cana'án. Jaun₂ ca₂le₃jín₃ jmei₂ jniog₄ ma₂líg'₂ tsá₃ ma₃'e₂ jnio'₂ a₂guě'₃. ¹² Jme₁ca₂rě₃ñi₅ Jacob a₂cha₂ trigo 'uě₃ Egipto, jaun₂ ca₂chein₃ chi'₂ ja₁ñi'₅₄ ja₁jaun₂, i₂ca₂lin₃ jmei₂ jniog₄ ma₂líg'₂. A₂jaun₂ guě₄ le₂'uig₅₄ ca₂i₁lein₅₄. ¹³ Jme₁ca₂tě₂ tin₃ ráun₂ i₁len₅₄ rin'₅₄ Sě₄ 'uě₃ Egipto, jaun₂ ca₂jmo₃ Sě₄ a₂ca₂rě₃ñi₅ a₂lě₅ riin'₅₄ dsa₂ 'éi₂. Jaun₂ guě₄ ca₂rě₃ñi₅ rag₅₄ quián₅ Egipto 'e₂ tsi₁jon₂ lín₅ Sě₄. ¹⁴ Jaun₂ guě₄ ca₂tsí'₃ Sě₄ dsó₂ riin'₅₄ a₂dsi₃quián₂ gui'₅₄ Jacob jmei₂, quian'₅₄ ca₂le₃jín₃ o₂riin'₅₄ i₂jme₁lě₂ 'nag'₂ ne₂guióg₂ rě₂dsí₂ guia₃- 'ñiá₂ (75) dsa₂. ¹⁵ Le₂jaun₂ ca₂lě₃ a₂ca₂ñó₃ Jacob ca₂i₁gua₂ 'uě₃ Egipto. Ja₁jaun₂ ca₂join₃ cang₂ jaun₂. Jaun₂ ja₁jaun₂ bá₄ qui₂ca₂dsan₃ chi'₂ quián₅ i₂'nió'₄ jmei₂ jniog₄ ma₂líg'₂. ¹⁶ Ni₁mu₁₂ ca₂o₃con₃ dsa₂ cang₂ jaun₂ ja₁chei₂ Siquem. Ca₂o₃'ó₃ tau₂ 'ñio₅ a₂ca₂láš Abraham quió'₅ tsi₁jon₂ chi'₂ quián₅ Hamor ja₁chei₂ Siquem jaun₂, quian'₅₄ caun₂ 'ma'₅₄ a₂ca₂lí'₃.

¹⁷ 'Jme₁ja₂quián₃ jmi₄g₄ le₃ti₃ jág₁ ca₂cuě₃ Diú₄ 'iin₂₃ 'ñiog₅ ca₂cuě'₃ Abraham, ca₂i₃juín₂ 'ñio₅ lin₃ dsa₂ israelitas 'uě₃ Egipto. ¹⁸ Jaun₂ ca₂guá₂ jan₂ rag₅₄ i₂tsá₃ cuin₅ Sě₄, ca₂jme₃lióg₃ jmo₂₃ 'éi'₃ 'uě₃ Egipto. ¹⁹ Rag₅₄ 'éi₂ ca₂jme₃gain₂₃ dsa₂ go₄ jniog₄, ca₂jmái'₂ dsa₂ can'₅₄ quián₂ jniog₄ ca₂jmo₃ 'éi₂ tion₅₄ a₂tėin₂ guein₂ dsa₂ ñe'₂ i₂tě₂ca₂rě₃chán₃, ia₁jaun₂ dsiáin₃.

²⁰ 'Jmi₄g₄ jaun₂ ca₂rě₃chán₃ Moisés. Guein₂ 'éi₂ ca₂tě₂ dsí₅ Diú₄, jaun₂ ca₂jme₃juag'₂ chog₅₄-jmei₂ 'ni₅ tsi'₂ dsi₂néi₂ quió'₅. ²¹ Jme₁ca₂tě₂ jmi₄g₄ a₂tóin₂ guein₂ 'éi₂, jaun₂ ja₁míg₄ 'ñiog₅ rag₅₄ quián₅ Egipto ca₂tág₃ ca₂jme₃juag'₂ co₂'nió'₄ ja₁ñi'₅₄ 'ñiog₅. ²² 'Uig₅₄ jaun₂, ca₂rě₃lín₃ Moisés ca₂le₃jě₃ a₂ñi₅ dsa₂ chan₂ Egipto, jaun₂ ca₂rě₃'uáin'₃, 'ñio₅ lin₃ ñi₅ 'e₂ jág₁ dsia₃, ñi₅ a₂ca₂jmo₃ ně₃.

²³ 'Jme₁ma₂'ein₅₄ tē₂láu₃ ñi₂, jaun₂ ca₂ñe₄ Moisés ca₂i₁jiin₁₂ dsa₂ go₅₄ dsa₂ israelitas. ²⁴ Ja₁jaun₂ ca₂jíin₂ jan₂ dsa₂ chan₂ Egipto jmái'₂ uig₅ cuě'₅ jan₂ dsa₂ go₅₄. Jaun₂ ca₂nau₂ Moisés 'nei₂ quian'₅₄ i₂cuě'₅ riin'₅₄, ca₂jñii'₃ dsa₂ 'éi₂, ca₂lióin₂ dsa₂ go₅₄. ²⁵ Ia₁ ca₂i₃jio₅ dsí₅ jaun₂ le₃lí'₄ dsa₂ israelitas riin'₅₄, a₂jmo₃ Diú₄ lió₂ tē₂le₃ quian'₅₄ 'éi₂. La₁ tsá₃ ca₂rě₃lí'₄ guě'₂ dsa₂. ²⁶ Jme₁jnia₃ jaun₂, ca₂jen'₂ Moisés on₃ dsa₂ israelitas i₁tion'₅₄ quín'₂. Jaun₂ jme₁'nio₃ Moisés dsioin₃ mi'₅₄. Jaun₂ ca₂juá'₂: “Rín'₂ bá₄ 'nia'₂. ¿'E₂ lě₃ qui₂jma'₅₄ 'nia'₂ uig₅ le₂jang'₂ le₂jang'?”

²⁷ 'Jaun₂ i₂jme₁'en₅₄ cuě'₅ rin'₅₄ ca₂'liain'₃ Moisés cau₅, jaun₂ ca₂juá'₂: “¿'Ein₂ ca₂cuě'₃ 'ne₂ ta₁ líng'₅ dsi₂tan₅₄ i₂qui₂dsi₅ 'éi'₃ ja₁con₂ jnia'₅₄? ²⁸ ¿'Nio₂' jñág'₄ jniá₂ ján₃ jui₁lia'₂ ca₂jñíg'₃ dsióg₂ dsa₂ chan₂ Egipto 'éi₂?” † ²⁹ Jme₁ca₂nág₂ Moisés le₂ně₅, co₂tan₅₄ ca₂cuing₃ ca₂ñó₃ jui₅ 'uě₃ ja₁chei₂ Madián. Ja₁jaun₂ ca₂i₁gua₂ co₂'nió'₄ a₂lín₅ dsi₂nau₂. Ja₁jaun₂ ca₂rě₃chán₃ on₃ chi'₂ quián₅.

³⁰ 'Tē₂láu₃ ñi₂ cang₂ jaun₂, caun₂ ja₁lě₄ 'uě₃ quein₂ quián₅ má'₂ ja₁chei₂ Sinaí, ja₁jaun₂ ca₂jme₃jnia₅ jan₂ ángel jě₄ si₂ chi₁guí'₂ caun₂ ni₁'ma₂ taun₅ a₂cau₂. ³¹ Jaun₂ ca₂i₃gó'₃ dsí₅ Moisés jme₁ca₂jág₃ a₂ně₅, jaun₂ jme₁ca₂jme₃quián₃ guě₄ ia₁ 'nio₃ jme₁jág₃ guě₄ dse₃. Tě₃jě₄ ñó₃ jaun₂ jme₁ca₂nág₂ jág₁ quió'₅ Te₁gui'₅₄ a₂ca₂juá'₂: ³² “Jniá₂ bá₄ líng₅ Diú₄ quián₅ dsa₂ quiáng'₂ ma₂líg'₂, Diú₄ quián₅ Abraham, quián₅ Isaac, quián₅ Jacob ně₃.” § Jaun₂ ca₂jme₃lióg₃ ca₂jlen₃ Moisés ca₂rě₃gó'₅ 'ñio₅ lin₃, tsá₃ ma₃tiá₂ dsí₅ jág₃.

† 7:28 Éxodo 2:14. § 7:32 Éxodo 3:6.

33 'Jaun₂ ca₂juá'₂ táng₃ Te₁gui'₅₄: "Jniá'₃ lau₂ ton₅ tag'₅₄, ia₁ 'uë₃ jnió₅ bá₄ ja₁chéng'₄ ně₅. 34 Jág₅ bá₄ jniá₂ a₂chan₂ uig₅ dsa₂ quiáng₃ 'uë₃ Egipto, qui₂nag₅ bá₄ jniá₂ a₂qui'₂-O₂₃. Jaun₂ lë₃ ca₂sióng₃ ia₁ a₂loin₅₄. Nia₅, ia₁jaun₂ tsag₅₄ jniá₂ guang'₅₄ jui₅ Egipto".*

35 'O₁jnia'₅₄ la₂ tsá₃ jme₁'nio₃ dsa₂ go₄ Moisés le₂jniá₅, ia₁ ca₂juá'₂: "¿'Ein₂ ca₂'in₃ 'ne₂ a₂líng'₅ dsi₂tan₅₄ i₂qui₂dsi₅ 'éi'₃ ja₁con₂ jnia'₅₄?" la₁ Diú₄ ně₃ ca₂chein₃ Moisés a₂lín₅ co₂'nió'₄ dsi₂tan₅₄ i₂lió₂, tē₂le₃ quian'₅₄ ángel i₂ca₂jme₃jnia₅ jē₄ ni₁'ma₂ taun₅ jaun₂. 36 Moisés bá₄ dsa₂ i₂ca₂'uín'₂ dsa₂ can'₅₄ quián₂ jniog₄ ma₂líg'₂ 'uë₃ Egipto i₂qui₂ca₂jmo₃ ján₃ 'lióng₂ léi₄ juë'₂ a₂dsi₂gó'₃ dsi₅ ně₃. Léi₄ jaun₂ ca₂jmo₃ Moisés 'uë₃ jaun₂, quian'₅₄ ne₄ Jm₁ñí'₄ Guéin₂,† quian'₅₄ 'uë₃ quein₂ co₂'niog₅ ja₁ca₂i₁noi₁₂ tē₂láu₃ ñi₂. 37 Jaun₂ 'niog₅ Moisés 'éi₂ bá₄ ca₂tsí'₃ dsa₂ israelitas: "A₂chen₃ Diú₄ jan₂ dsa₂ i₂ě₂ jág₁ quiáin₅, i₂lín₅ dsa₂ go₄ 'nia'₂ guiong'₅₄, jui₁lia'₂ ca₂chei₃ jniá₂. Jaun₂ tón'₂ 'nia'₂ jui₅ jág₁ quió'₅ 'éi₂."‡ 38 Ján₃ bá₄ Moisés 'éi₂ jme₁'en₅₄ quian'₅₄ dsa₂ juig₂ 'uë₃ quein₂ co₂'niog₅ jaun₂. Jme₁'ein₅₄ quian'₅₄ ángel i₂ca₂juá'₂ jág₁ má'₂ Sinaí. Ján₃ bá₄ jme₁'ein₅₄ quian'₅₄ 'lag₄ tsi₁jon₂ jmei₂ jniog₄. Moisés 'éi₂ bá₄ ján₃ i₂ca₂gue₃ jág₁ ca'₅₄, jaun₂ guě₄ ca₂ñág₃ tē₂le₃ quián₂ jniog₄ táng₃.

39 'La₁ dsa₂ quián₂ jniog₄ ma₂líg'₂ ně₃, tsá₃ ma₃ca₂jme₃ti₃, tsá₃ ma₃ca₂nág₂ gau₂ jág₁ quió'₅ Moisés. Ca₂chei'₃ cau₅, jme₁'nio₃ jme₁dsi₃lein₃ táng₃ jui₅ 'uë₃ Egipto. 40 Jaun₂ ně₃ ca₂tsí'₃ AarónŠ ca₂juá'₂: "Niog₂ jnia'₅₄ jmog'₅₄ diú₄ dsa₂ lag₄ i₂dsi₃lén₂ ne₄ jui₅ quián₂ jniog₄. Ia₁ tsá₃ ne₄ 'e₂ ca₂jén'₃ Moisés 'éi₂ i₂ca₂'uág'₂ jniog₄ 'uë₃ Egipto."* 41 Jaun₂ ca₂jmó'₂ jan₂ guein₂ ca₂jui₅ co₂'nió'₄ i₂lín₅ diú₄, qui₂ca₂jme₃dsiain₂₃ já'₂ quiáin₅ qui₂ca₂cuin₃ diú₄ lag₄ 'éi₂. Jaun₂ ca₂jmo₃ 'io'₂ quian'₅₄ a₂ca₂jmo₃ quian'₅₄ gu₂ guoin₅₄. 42 Jaun₂ co₂ñei'₅₄ ca₂jmo₃ Diú₄ cau₅, tsá₃ ma₃ca₂jme₃quiáin₅₄ dsa₂ 'éi₂, jui₁jmo₁₂ bá₄ con'₂ tiin₂ guoin₅₄. Jaun₂ ca₂jme₃lióg₃ dsa₂ 'éi₂ ca₂chi₂ca₂lén'₂ nei₅ a₂le₁'ág₄† guei'₅₄. Ia₁ le₂ně₅ rē₂ton₅ ne₄ Si₂ a₂ca₂jmo₃ dsa₂ i₂jme₁'ě₂ jág₁ quián₅ Diú₄ ma₂líg'₂:

'Nia'₂ dsa₂ chan₂ Israel, ¿'e₂ lín'₂ 'nia'₂?

¿Ca₂jme₁dsian'₅ 'nia'₂ já'₂

ca₂dsia'₅₄ ca₂jen'₅₄ 'nia'₂ ne₃ jniá₂

lia'₂ con'₂ jme₁quian'₅₄ jniá₂ 'nia'₂

tē₂láu₃ ñi₂ 'uë₃ quein₂ co₂'niog₅ jaun₂?

43 On₃jua'₅₄ le₂jaun₂.

Ia₁ guá'₅ chéi₂ quió'₅ diú₄ Moloc bá₄ ca₂quian'₂ 'nia'₂

quian'₅₄ nei₅ diú₄ Renfán,‡

nió'₄ a₂qui₂ca₂jmo'₅₄ 'nia'₂ guiong'₅₄,

a₂jaun₂ bá₄ ca₂chi₂ca₂len'₄ 'nia'₂.

'Uig₅₄ jaun₂, 'uín'₄ jniá₂ 'nia'₂ 'uë₃ quiáng'₂,

tsag₅₄ jniá₂ tē₂le₃ ó₃ guě₄ ja₁niog₅ 'uë₃ Babilonia.Š

44 "Uë₃ quein₂ jaun₂, dsa₂ can'₅₄ quián₂ jniog₄ ma₂líg'₂ jme₁quian₅ guá'₅ tabernáculo ja₁jme₁rē₂'ma₄ ni₁cang₁ a₂le₁ton₅ ta₁guia₃ 'Éi'₃ Juá'₅. Guá'₅ tabernáculo jaun₂ ca₂lë₃ con'₂ lë₅ jág₁ ca₂cuë₃ Diú₄ ca₂cuë'₃ Moisés, jme₁ca₂'ë₃ Diú₄ nió'₄ le₂jniá₅ 'a₂ lia'₂ lé₂. 45 Dsa₂ quián₂ jniog₄ ma₂líg'₂ ca₂gue₃ guá'₅ jaun₂ co₂'nió'₄ ca₂ñág₃ dsa₂ can'₅₄ quiáin₅. Jaun₂ dsa₂ i₂jme₁quian'₅₄ Josué ně₃ ca₂caun₃ lia'₂ con'₂ jme₁ca₂lí'₃ 'uë₃ quió'₅ dsa₂ juig₂ siá'₂, i₂ca₂'uín'₂ Diú₄ ia₁jaun₂ cha₂

* 7:34 Éxodo 3:5,7,8,10. † 7:36 Ján₃ bá₄ chei₂ Jm₁ñí'₄ 'Ma₂ta. ‡ 7:37 Deuteronomio 18:15. § 7:40 Jme₁lín₄ Aarón rin'₅₄ Moisés. 'Nio'₂ ja₁ton₅ Éxodo 4:14. * 7:40 Éxodo 32:1. † 7:42 nei₅: Lia'₂ chi₁ton₅ ne₄ Si₂ quió'₅ Diú₄, lë₅ caun₂ cosa a₂tsá₃ 'i₄ jme₁dsi₂. ‡ 7:43 Renfán: co₂'nió'₄ a₂jme₁tē₂ dsa₂ egipcios planeta Saturno, ca₂jme₃juag'₂ dsa₂. § 7:43 Amós 5:25-27.

ja₁tian'₃ 'éi₂. Le₂jaun₂ ca₂lë₃ ca₂lia'₂ ca₂të₂ jmig₄ a₂ca₂rë₃chán₃ David. ⁴⁶Ca₂jmo₃ Diú₄ dse₃ dsí₅ ja₁con₂ Rag₅₄ David, jaun₂ 'éi₂ në₃ jme₁'nio₃ jmóg'₃ caun₂ ja₁guá₃ Diú₄ quián₅ Jacob. ⁴⁷La₁ Salomón bá₄ i₂ca₂chi'₃ 'né₅ quió'₅ Diú₄.

⁴⁸'La₁ Diú₄ i₂juin'₂ guë₄ lin₃ tsá₃ guá₅ dsi₂néi₂ guá'₅ a₂jmóg'₅ dsa₂ mi₂güig₃. Jui₁lia'₂ ca₂juá'₂ Diú₄ të₂le₃ quian'₅₄ dsa₂ i₂jme₁'ë₂ jág₁ quián₅ ma₂líg'₂:

⁴⁹Guei'₅₄ i₂juig₃ bá₄ ja₁gua₁₂
ja₁lé₄ ne₄ta₁ quió'₃,

gua'₅₄ 'uë₃ në₃ jui₁lia'₂ ja₁tióng₂ tag₃.

¿'E₂ bá₄ 'né₅ jmó'₂ 'nia'₂ quió'₃? juá'₂ Te₁gui'₅₄,

¿O₃ já₄ bá₄ lé₂ le₃jan₄ jniá'₂?

⁵⁰¿On₁ jniá'₂ bá₄ ca₂jmo₃ quian'₅₄ gu₃-tag₃
ca₂le₃jë₃ 'e₂ a₂cha₂?*

⁵¹(Jaun₂ caun₂ ca₂juá'₂ bá₄ Té₂ tsí'₅ dsa₂):

—'Nia'₂ në₃, lia'₂ ma₂ja₂nó'₅ jaun₂ bá₄ 'nia'₂ cang₄ dsei'₂, jaun₂ lë₅ rë₂guá'₄ 'nia'₂ quian'₅₄ të₂'au'₂ jui₁lia'₂ dsa₂ i₂tsá₃ cui₅ Diú₄,† Caun₂ 'nia'₅₄ co₂tan₅₄ bá₄ 'nia'₂ Jme₂dsí₂ Jnió₅. I₂co₂rín'₂ bá₄ 'nia'₂ quiang'₅₄ dsa₂ can'₅₄ quiáng'₂ ma₂líg'₂.

⁵²¿'Ein₂ dsa₂ i₂jme₁'ë₂ jág₁ quián₅ Diú₄ jua'₅₄ i₂tsá₃ ca₂jmá'₂ dsa₂ can'₅₄ quián'₂ 'nia'₂ ma₂líg'₂? Qui₂ca₂jme₃dsiain₂₃ bá₄ dsa₂ i₂qui₂ca₂'ë₂ jág₁ le₂jñiá'₅ ca₂'iin₃ jan₂ i₂dsen₃ lin₃, i₂jñiá₃. La₁ jme₁guan₃ i₂'éi₂ në₃, ca₂jñin'₅₄ 'nia'₂ jaun₂ ca₂jñi'₃. ⁵³'Nia'₂ guë'₂ i₂ca₂gue'₅₄ 'Éi'₃ Juá'₅ të₂le₃ quian'₅₄ ángeles, tsá₃ jme₂tí'₁ guë'₂ 'nia'₂ 'Éi'₃ jaun₂.

Ca₂jon₃ Té₂

⁵⁴Jme₁ca₂nág₂ jág₁ a₂ca₂juá'₂ Té₂ jaun₂, ca₂rë₃'néi₃ 'ñio₅ lin₃ ca₂lia'₂ qui₂ca₂quig'₂ mi₂jan₅₄ a₂'ñiai₅₄ Té₂. ⁵⁵La₁ Té₂ në₃, rë₂rín₅ Jme₂dsí₂ Jnió₅ të₂dsí₅, ca₂chóg'₃ ne₅₄ guei'₅₄ i₂juig₃ jaun₂ ca₂jág₃ a₂co₂tág₅ co₂'né₅ quió'₅ Diú₄, jaun₂ ca₂jñin₂ Jesús chéin'₅ të₂le₃ gu₂ ne₁ quió'₅ Diú₄ Jmei₂. ⁵⁶Jaun₂ ca₂juá'₂ táng₃ Té₂:

—Jag₄! —juá'₂—. Jág₅ jniá'₂ rë₂na₄ guei'₅₄ i₂juig₃. Jñin₄ jniá'₂ Jaun₅ dsa₂ mi₂güig₃ 'ein₅₄ të₂le₃ gu₂ ne₁ quió'₅ Diú₄.

⁵⁷La₁ dsa₂ 'éi₂ qui₂ca₂jne₃ rë₂gua₅₄, tsá₃ 'nio₃ nag₃, qui₂ca₂tóin'₂ co₂mi'₅₄ ca₂guió'₃ jmái'₂ Té₂. ⁵⁸Jaun₂ ca₂dsei₂₃ 'ni'₂ juig₂. Jaun₂ ja₁jaun₂ ca₂jñag'₃ quian'₅₄ cang₄. Jaun₂ dsa₂ i₂qui₂ca₂jñá'u'₂ cang₄ në₃ ca₂dsia₃ ni₁tsin'₅₄ o₄gú₃ jan₂ dsó₂ chí'₂ i₂jme₁chen₂ Saulo.

⁵⁹Të₂lia'₂ tióin'₅₄ qui₂cuë'₅ Té₂ cang₄, jaun₂ ca₂mi₃ Té₂ ca₂tsí'₃ Diú₄ ca₂juá'₂:

—Te₁gui'₅₄ Jesús, guen'₅₄ jme₂dsí₂ quió'₃.

⁶⁰Jaun₂ guë₄ ca₂chi₃jñé₃, jaun₂ ca₂guió'₃ tiá₂ ca₂juá'₂:

—Te₁gui'₅₄, tsá₃ jme₁cain'₅₄ dso₄ la₂.

Jme₁ca₂lë₃ juá'₂ le₂në₅, ca₂join₃ jaun₂ në₃.

8

Co₂'en₅ Saulo dsa₂ i₂ma₂'én₂

¹Jaun₂ caun₂ bá₄ 'ei₅ jág₁ quió'₅ Saulo a₂ca₂jñi'₃ dsa₂ Té₂. Dsi₂jui₅ jmig₄ jaun₂ bá₄, ca₂jme₃lióg₃ dsa₂ qui₂co₂'ein₃ 'ñio₅ lin₃ ta₁caun₂ nió'₃ dsa₂ i₂lín₅ guá'₅ jë₄ juig₂ Jerusalén. Ca₂le₃jñin₃ dsa₂ 'éi₂ ca₂i₃lén₂ tsí₁rë₂jain₅₄ le₂tan₅₄ 'uë₃ Judea quian'₅₄ Samaria. Jñia'₅₄ lia'₂ dsa₂ guia₃-tín₂ i₂chen₄ quián₅ Jesús bá₄ ca₂jñia₃ guë₄ juig₂ Jerusalén. ²I₂lín₅₄ dsa₂ dsen₃ i₂'nio₃ Diú₄ ca₂'óin₂ Té₂, qui₂ca₂'o₃ 'ñio₅ lín₃ o₄quió'₄ 'éi₂. ³Të₂lia'₂ jaun₂, i₂jñi₅₄ Saulo quian'₅₄ rñin'₅₄ qui₂co₂'ein₂₃ dsa₂

* **7:50** Isaías 66:1-2. † **7:51** lit. “jui₁lia'₂ dsa₂ i₂tsá₃, lo₄ rë₂uñg₄.”

i₂'én₂, qui₂dsi₂toin'₅₄ tē₂ dsi₂néi₂ qui₂'uúin'₂ dsa₂ tsi₁cuin'₂, lia'₂ dsa₂ ηe'₂ lia'₂ dsa₂ m_í₂, qui₂tē₂ a₂to'₂ 'né₅ 'má₃.

Ca₂'ě₂ dsa₂ jág₁ dse₃ juig₂ Samaria

⁴ La₁ ca₂le₃jín₃ dsa₂ i₂ca₂'uin₂ juig₂ Jerusalén, ca₂le₃jě₃ ja₁ca₂i₁lein'₅₄ qui₂ca₂'ě₂ jág₁ dse₃. ⁵ Jan₂ 'éi₂, i₂chen₂ Fe₂li₄, ca₂ηó₃ caun₂ juig₂ ja₁tén₄ 'uě₃ Samaria ca₂dsia₃ jág₁ tsí'₅ dsa₂ ja₁jaun₂, 'iin₂₃ Cristo.* ⁶ Jaun₂ jme₁ηi'₂ dsa₂ jmo₂₃ tei₄ ca₂le₃jín₃, tē₅ dsí₅ nag₂₃ jág₁ a₂juá'₂ Fe₂li₄, ia₁ ján₃ bá₄ ca₂jág₃ dsa₂ léi₄ dsi₂gó'₃ dsí₅ a₂jme₁jmo₅ 'éi₂. ⁷ Ia₁ juin₅ i₂tion'₅₄ jme₂dsí₂ 'lin'₅₄ tē₂dsí₅ qui₂ca₂'lón₂. Ca₂le₃jín₃ jme₂dsí₂ 'lin'₅₄ 'éi₂ qui₂ca₂'uúin₂ qui₂guió'₅. Já₃ bá₄ juin₅ dsa₂ 'lian'₂, dsa₂ guian'₅₄ ně₃, qui₂ca₂'lón₂. ⁸ 'Uig₅₄ jaun₂ 'ηio₅ 'io'₂ ca₂jmo₃ dsa₂ juig₂ jaun₂.

⁹ Juig₂ jaun₂ jme₁chan₂ jan₂ dsa₂ i₂jme₁chen₂ Si₂mu₅₄, i₂jme₁jmo₅ ta₁ a₂chan₂ dsí₅ le₂ηiá₅, jme₁jme₂gain₂₃ dsa₂ juig₂ Samaria, a₂juá'₂ a₂liin₅ dsa₂ dsen₅₄.

¹⁰ Ca₂le₃jín₃ dsa₂, lia'₂ dsa₂ can'₅₄ lia'₂ chi'₂ ně₃, jme₁nag₂₃ tē₅ dsí₅ jág₁ quió'₅, qui₂dsia₂₃:

—Dsa₂ ně₅ tiin₂ quian'₅₄ jui₅bí₂ quió'₅ Diú₄.

¹¹ Jme₁tón'₂ dsa₂ jui₅ jág₁ quió'₅ gui'₅₄ 'éi₂, ia₁ ma₂líg'₂ bá₄ ma₂jás qui₂jme₂gain₂₃ dsa₂ quian'₅₄ bí₂ a₂chan₂ dsí₅.

¹² La₁ dsi₂jui₅ jme₁ca₂rě₃'én₂ dsa₂ jág₁ dse₃ quió'₅ Jesucristo a₂ca₂'ě₂ Fe₂li₄ ju₁lia'₂ ja₁gon₂ Diú₄, jaun₂ qui₂ca₂ηó₂ dsa₂ jmig₂ lia'₂ dsa₂ ηe'₂ lia'₂ dsa₂ m_í₂. ¹³ Já₃ bá₄ ca₂rě₃'én₂ 'ηiog₅ Si₂mu₅₄ 'éi₂, ca₂ηó₂ jmig₂ já₃. Jaun₂ guě₄ ca₂jme₃lióg₃ ca₂jme₃quian'₅₄ Fe₂li₄, qui₂jág₅ dsi₂gó'₃ dsí₅ léi₄ juě'₂ a₂jmo₅ 'éi₂.

¹⁴ Jme₁ca₂rě₃ηi₅ dsa₂ i₂chen₄ quián₅ Jesús i₂tion'₅₄ Jerusalén, a₂ma₂'én₂ dsa₂ chan₂ 'uě₃ Samaria jág₁ quió'₅ Diú₄, jaun₂ ca₂chein₃ ja₁jaun₂ Pe₄ quian'₅₄ Juan₅₄.

¹⁵ Jme₁ca₂dsi₃lén₂ 'éi₂ 'uě₃ Samaria, jaun₂ ca₂mi₃ ca₂tsí'₃ Diú₄ o₄quió'₄ dsa₂ i₂ma₂'én₂ ja₁jaun₂, ia₁ jaun₂ guen₃ dsa₂ 'éi₂ Jme₂dsí₂ Jηi₅ já₃. ¹⁶ Ia₁ 'i₁jan₂ dsa₂ 'éi₂ tsá₃ Jme₂dsí₂ Jηi₅ ma₂guan₅ guě₄ ne₄ quió'₅. Jηiá'₅₄ con'₂ ma₂ηi₅o₂ jmig₂ bá₄ lia'₂ con'₂ lě₅ 'éi'₃ quió'₅ Te₁gui'₅₄ Jesús. ¹⁷ Jaun₂ ně₃ Pe₄ quian'₅₄ Juan₅₄ qui₂ca₂quiog₂ gu₂ ne₄ quió'₅ dsa₂ 'éi₂, jaun₂ guě₄ ca₂guein₃ Jme₂dsí₂ Jηi₅.

¹⁸ Jme₁ca₂jág₃ Si₂mu₅₄ a₂ca₂sión₃ Jme₂dsí₂ Jηi₅ jme₁ca₂quiog₂ dsa₂ i₂chen₄ 'éi₂ gu₂ ne₄ quió'₅ dsa₂, jaun₂ ca₂jen'₂ cu₄, ¹⁹ ca₂juá'₂:

—Cuě₄ jniá₂ já₃ ju₁lia'₂ bí₂ a₂tin'₂ 'nia'₂ ně₅, ia₁ jaun₂ lé₂ le₃jmo₅₄ jniá₂ já₃ a₂guen₃ dsa₂ Jme₂dsí₂ Jηi₅ jě₁ma₂ca₂co₃ gu₃ ne₄ quió'₅ chi₂jua'₂ 'ein₂.

²⁰ Jaun₂ ca₂ηag₃ Pe₄ ca₂tsí'₃ dsa₂ 'éi₂:

—Ju₁dsi₂'eng'₂ co₂dsia₅ quian'₅₄ cú'₂ ia₁ 'e₂ lě₃ dsi₂jio₅ 'au'₂ le₂ně₅, a₂lín₂'₂ a₂lé₂ lá₃ dsa₂ quian'₅₄ cu₄ bí₂ a₂cuě₅ Diú₄. ²¹ Tsá₃ ca₂tín'₂ 'ne₂ a₂ně₅, ia₁ tsá₃ dse₃ 'ei₅ 'au'₂ ne₄ Diú₄. ²² Co₂dsia₅ tí₃ ca₂le₃jě₃ a₂'lig'₅₄ a₂dsi₂jio₅ 'au'₂ ně₅. M_í₄ ne₄ Te₁gui'₅₄ chi₂jua'₂ 'éin₂ dsáu'₂ 'e₂ lě₃ dsi₂jio₅ 'au'₂ le₂ně₅. ²³ Ia₁ léi₄ jniá₂ rě₂rín₅ cosa 'lig'₅₄ tē₂'au'₂; quian'₅₄ dsáu'₂ ně₅ jmo₅ chi₁'ηeg'₂.

²⁴ Jaun₂ ně₃, ca₂ηag₃ Si₂mu₅₄:

—M_í₄ 'nia'₂ chei'₅₄ Te₁gui'₅₄ o₄quió₃, ia₁ jaun₂ tsá₃ ju₁dsi₂ηí₂ a₂ma₂ně₂jua'₅₄ 'nia'₂ ně₅.

²⁵ Jme₁ca₂dsan₃ jáng'₅ Pe₄ quian'₅₄ Juan₅₄ jág₁ dsau₅ a₂dsia₂₃ jág₁ quió'₅ Diú₄, jaun₂ guě₄ ca₂i₃lein₃ ju₁Jerusalén. Le₂'₄ ju₁ ja₁i₃lein₃ jaun₂, qui₂ca₂'ě₂ guě₄ jág₁ dse₃ a₂lión₂ dsa₂ le₂tan₅₄ juig₂ ja₁tén₄ 'uě₃ Samaria.

Fe₂li₄ quian'₅₄ dsa₂ chan₂ Etiopía

²⁶ Cang₂ jaun₂, ca₂juá'₂ jan₂ ángel quián₅ Te₁gui'₅₄ ca₂tsí'₃ Fe₂li₄:

—Nau₂, gua₂ ju₁ ja₁'uin₂ dsa₂ Jerusalén a₂dsi₂óg₄ 'uě₃ Gaza.

* 8:5 o₃, I₂rě₂'in₁ quián₅ Diú₄.

Jui₅ jaun₂ dsó₅ jë₄ 'uë₃ quein₂. ²⁷ Jaun₂ ca₂nau₂ Fe₂li₄ ca₂ηó₃. Le₂'i₄ jui₅ ja₁ηó₃ jaun₂, ca₂jein'₂ jan₂ dsa₂ chan₂ Etiopía, i₂jme₁lín₄ jan₂ dsa₂ eunuco, dsa₂ dsen₅₄ i₂niog₅ gu₂ cu₄ quió'₅ 'io₅₄ Candace i₂gon₂ 'uë₃ Etiopía. Dsa₂ 'éi₂ ηei₅₄ i₁chi₂i₁lein'₄ Diú₄ juig₂ Jerusalén. ²⁸ Ma₂'ein₅₄ ju₅ ηái'₄ juig₂ go₅₄ guá₅ ne₄ carroza quió'₅, 'i₂₃ Si₂ quió'₅ Isaías i₂jme₁'ë₂ jág₁ quió'₅ Diú₄ ma₂líg'₂. ²⁹ Jaun₂ ca₂juá'₂ Jme₂dsí₂ quián₅ Diú₄ ca₂tsí'₃ Fe₂li₄:

—Gua₂ le₃jén'₃ cau₅ carro në₅.

³⁰ Ca₂dsióg₃ Fe₂li₄ cau₅, jaun₂ ca₂nág₂ i₁'i₅ dsa₂ 'éi₂ Si₂ quió'₅ Isaías. Jaun₂ ca₂ηag₃ Fe₂li₄:

—¿'Níg'₂ 'e₂ juá'₂ si₂ a₂'i'₂?

³¹ Jaun₂ ca₂ηag₃ táng₃ dsa₂ 'éi₂:

—¿'A₂ bá₄ lia'₂ le₃ηí'₂ jniá'₂? Tsá₃ guë'₂ 'ein₂ chan₂ i₂juá'₂ 'e₂ jein₅ jág₁ a₂juá'₂ si₂ la₂.

Jaun₂ ca₂tsí'₃ Fe₂li₄ a₂uíg₂ 'éi₂ guei'₅₄ a₂guá₃ co₂lë₅ quiong'₅₄.

³² Jme₁'i₅ dsa₂ 'éi₂ Si₂ quió'₅ Diú₄ ja₁juá'₂ le₂la₂:

Ca₂jio₃ dsa₂ i₁ηag'₂ jui₁lia'₂ ηi'₅ dsa₂ já'₂ cha'₂.

Ján₃ guë'₂ jui₁lia'₂ tsá₃ guió'₅ guein₂ já'₂ cha'₂

të₁lia'₂ chéi₅ dsa₂ ηí₁,

ján₃ bá₄ le₂jaun₂ tsá₃ 'e₂ ca₂juá'₂ i₂'éi₂.

³³ Ca₂cuë₃ dsa₂ o₂guí'₃,

tsá₃ 'éi'₃ rë₂ ca₂të₁dsi₅₄ quió'₅;

chi'₂ tsi₁jon₂ quián₅ guë'₂ në₃,

¿'ein₂ bá₄ lé₂ le₃dsia₃ 'iin₃ chi'₂ dsio₅₄?

ton'₂ ca₂ηióg'₂ bá₄ guë'₂ dsa₂

ne₄ gua'₅₄ 'uë₃ la₂.†

³⁴ Jaun₂ ca₂juá'₂ dsa₂ dsen₅₄ 'éi₂ ca₂tsí'₃ Fe₂li₄:

—Jmo₄ dse₃ 'au'₂, jua'₅₄ 'e₂ jein₅ jág₁ a₂juá'₂ si₂ la₂. ¿'Ein₂ 'in₅ dsa₂ quián₅ Diú₄ i₂ca₂jmo₃ si₂ la₂? ¿'A₂ 'iin₂₃ 'ηiog₅, o₃ a₂'iin₂₃ i₂sián'₂ 'e₂?

³⁵ Jaun₂ ca₂jme₃lióg₃ Fe₂li₄ ca₂juá'₂ 'e₂ juá'₂ ne₄ Si₂ ja₁jme₁'i₅ dsa₂ dsen₅₄ 'éi₂, qui₂ca₂cuë₃ jág₁ dse₃ 'iin₂₃ Jesús. ³⁶ Jme₁ca₂dsi₃léin₂ caun₂ ja₁cha₂ jmig₂, jaun₂ ca₂juá'₂ dsa₂ dsen₅₄ 'éi₂ ca₂tsí'₃ Fe₂li₄:

—Cha₂ jmig₂ ja₁lá₃. ¿Cha₁ 'e₂ lë₃ jua'₅₄ tsá₃ lé₂ tsón₄ jniá'₂ jmig₂?

³⁷ Jaun₂ ca₂juá'₂ Fe₂li₄:

—Chi₂jua'₂ 'éng'₂ dsón'₂ ca₂le₃jë₃ 'au'₂, lé₂ bá₄.

Jaun₂ ca₂ηag₃ táng₃ dsa₂:

—'Én₂ bá₄ jniá'₂ a₂lín₅ Jesucristo Ja₁ηi'₅₄ Diú₄.‡

³⁸ Jaun₂ ca₂jmo₃ 'éi'₃ ca₂ηia₃ carroza quió'₅. Jaun₂ ca₂sióin₃ le₂oin₃ chei'₅₄ jmig₂, jaun₂ ca₂cho₃ Fe₂li₄ jmig₂ § quió'₅ dsa₂ 'éi₂. ³⁹ Jme₁ca₂'u₁in₂ jmig₂, jaun₂ Jme₂dsí₂ quián₅ Te₁gui'₅₄ ca₂tág₃ Fe₂li₄, jaun₂ dsit₂tan₅₄ 'éi₂ tsá₃ ma₃ca₂jág₂ mei'₂. La₁ 'io'₂ bá₄ jmo₂₃ le₂'i₄ jui₅ ja₁ηái'₄. ⁴⁰ Fe₂li₄ në₃ ma₂'ein₅₄ caun₂ juig₂ ja₁chei₂ Azoto, jaun₂ le₂tan₅₄ guë'₄ juig₂ te₁'i₁ ja₁jaun₂ ca₂ηei₅₄ qui₂ca₂'ë₂ jág₁ dse₃ a₂lión₂ dsa₂, ca₂lia'₂ ca₂dsióg₃ ca₂të₂ juig₂ Cesarea.

9

Ca₂jme₃tsín₃ Saulo dsí₅

(Hechos 22:6-16; 26:12-18)

¹ Të₁lia'₂ jaun₂, dsa₂ i₂chen₂ Saulo caun₂ qui₂quiain₂₃ juë'₅ a₂'nio₃ jme₃dsiáin₃ dsa₂ i₂'én₂ jág₁ quió'₅ Te₁gui'₅₄. Jaun₂ lë₃, ca₂ηei₅₄ i₁j₁in₂₃ jme₂dsa₂ dsen₅₄.

† 8:33 Isaías 53:7-8. ‡ 8:37 A₂lín₅₄ chog₅₄ si₂ tsá₃ chi₁ton₅ versículo 37. § 8:38 lit. “ca₂tióg₃ Fe₂li₄ jmig₂.”

2 Ca₂m_{i3} ne₄ 'éi₂ caun₂ si₂ a₂cuë₃ bí₂ a₂dsó₃ guá'₅ sinagogas quió'₅ dsa₂ juig₂ Damasco a₂dsi₃'niai'₂ dsa₂ i₂tion'₅₄ të₂le₃ quió'₅ Jui₅ quió'₅ Te₁gui'₅₄. Jme₁'nio₃ Saulo dsi₃te₅₄ dsa₂ chi₁'nei'₂ ca₂të₂ Jerusalén, lia'₂ dsa₂ ñe'₂ lia'₂ dsa₂ mí₂. 3 La₁ jme₁ja₂quián₃ dsióg₄ juig₂ Damasco, con'₂ tsá₃ jáin₅ jme₁ca₂tág₃ caun₂ si₂ tág₅ jmá'₅ ne₄ quió'₅. Si₂ jaun₂ a₂já₃ jui₅ guei'₅₄ i₂juíg₃. 4 Co₂tan₅₄ ca₂quin'₃ Saulo, jaun₂ ca₂nág₂ juá'₂ jág₁ jë₄ si₂ jaun₂:

—Saulo, Saulo, ¿'e₂ lë₃ co₂'éin'₅ jniá'₂?

5 Jaun₂ ca₂ñag₃ Saulo:

—¿'Ein₂ 'ne₂, gui'₅₄?

Jaun₂ ca₂ñag₃ táng₃ jág₁ né'₂ jë₄ si₂:

—Jesús bá₄ jniá'₂ i₂co₂'én'₅ 'ne₂ ñi'₂. Jñia'₅₄ jmag'₅₄ uig₅ 'ñiag'₂ bá₄ jmo'₂ jui₁lia'₂ jmo₅ ca₁jui₅ jë₁ma₂jnú₃ ni₁'ma₂ chen'₂.

6 Jaun₂ ca₂jlen₃ Saulo, ca₂rë₃gó'₅, ca₂juá'₂:

—Te₁gui'₅₄, ¿'e₂ 'niog'₂ 'ne₂ jmo₅₄ jniá'₂?

Jaun₂ ca₂ñag₃ táng₃ Te₁gui'₅₄:

—Nau₂, 'ú₅ juig₂ Damasco. Jë₁ma₂dsióg'₃, ja₁jaun₂ bá₄ juá'₂ dsa₂ 'e₂ jmó'₂.

7 Dsa₂ i₂jme₁quian'₅₄ Saulo në₃, 'ñio₅ lin₃ ca₂rë₃gó'₅, ia₁ ca₂nág₂ jág₁ a₂juá'₂ jë₄ si₂ jaun₂, ton'₂ 'i₁jan₂ guë'₂ tsá₃ 'ein₂ ca₂jín₂. 8 Jaun₂ ca₂nau₂ Saulo, la₁ jme₁ca₂nau₂ jaun₂, tsá₃ ma₃lé₂ jág₃, tsá₃ ma₃jniá'₂ mi₂ne₅₄. Dsa₂ i₂jme₁quian'₅₄ bá₄ ca₂tág₃ le₁chan'₂ gu₂, ca₂jio₃g të₂ juig₂ Damasco. 9 Ja₁jaun₂ ca₂'í₃ tein₅₄ 'ni₅ jmig₄, tsá₃ 'e₂ ca₂guë'₃, on₃ guë'₂ 'e₂ ca₂'in'₃ 'i₁caun₂.

10 Juig₂ Damasco jaun₂, jme₁guá₄ jan₂ dsa₂ i₂'én₂ i₂jme₁chen₂ Ananías. I₂'éi₂ ca₂jén'₃ ca₂jín₂ Te₁gui'₅₄ i₂ca₂juá'₂:

—¡Ananías!

Jaun₂ ca₂ñag₃ 'éi₂:

—Ja₁lá₃ bá₄ 'eng₅₄, Te₁gui'₅₄.

11 Jaun₂ ca₂juá'₂ táng₃ Te₁gui'₅₄:

—Nau₂, gua₂ calle chei₂ Co₂dsau₅ ja₁quió'₄ dsa₂ chen₂ Judas. Ja₁jaun₂ o₂'nia'₂ jan₂ dsa₂ chan₂ Tarso i₂chen₂ Saulo, i₂'en₅₄ chilén'₂ Diú₄ con'₂ lë₅ la₂. 12 Ia₁ ma₂qui₃ a₂ma₂jín₂ jan₂ dsa₂ i₂chen₂ Ananías ca₂'í₃ ca₂quiog₂ gu₂ ne₄ quió'₅ ia₁jaun₂ jnia₃ táng₃ mi₂ne₅₄.

13 Jme₁ca₂nág₂ Ananías le₂në₅, jaun₂ ca₂juá'₂:

—Te₁gui'₅₄, juin₅ dsa₂ ma₂tság₃ jniá'₂ ca₂le₃jë₃ 'e₂ 'lig'₅₄ a₂jmo₅ dsa₂ 'éi₂ a₂jmái'₂ dsa₂ chan₂ Jerusalén i₂'én₂ jág₁ quiáng'₂. 14 Ta₁ jaun₂ já₅ 'éi₂ ja₁lá₃ quian'₅₄ 'éi'₃ quió'₅ juig₅₄ jme₂dsa₂ ia₁jaun₂ të₂ le₁'ñe₅ ca₂le₃jín₃ dsa₂ quiáng'₂ i₂'in₅ 'ne₂.

15 La₁ jaun₂ ca₂juá'₂ táng₃ Te₁gui'₅₄:

—La₁ gua₂, ia₁ i₂ma₂quion'₄ jniá'₂ 'éi₂ ia₁ 'nio₃ jniá'₂ dsó₃ qui₂dsi₃'ag₃ jniá'₂ lia'₂ jin₄ dsi₂nau₂ lia'₂ ne₄ rag₅₄ quián₅, jin₄ dsa₂ israelitas në₃. 16 Ia₁ jniá'₂ bá₄ 'ë₄ 'a₂ lia'₂ tion₅₄ niog₅ ñág₃ uig₅ 'ñio₅ lin₃ o₄quió₃ jniá'₂.

17 Jaun₂ guë'₄ ñó₃ Ananías ja₁chí'₄ tsi₁'né₅ ja₁jme₁'en₅₄ Saulo. Ca₂'í₃ dsi₂néi₂, ca₂quiog₂ gu₂ ne₄ quió'₅ Saulo, jaun₂ ca₂juá'₂:

—Saulo rin'₅₄ jniog₄, Te₁gui'₅₄ Jesús i₂ca₂jeng'₂ le₂'i₄ jui₅ lia'₂ con'₂ ñe'₃, në₂chei₃ jniá'₂ ia₁jaun₂ jnia₅₄ táng₃ mi₂ne'₅₄, jaun₂ guéng'₄ Jme₂dsi₂ Jñió₅ në₃.

18 Co₂tan₅₄ dsi₂jui₅ jaun₂ qui₂ca₂séi'₂ jui₁lia'₂ tsi₁ mi₂ne₄ Saulo, co₂tan₅₄ ca₂jág₃ táng₃. Jaun₂ guë'₄ ca₂nau₂ Saulo, ca₂i₁choin₃ jmig₂. 19 Jaun₂ ca₂guë'₃, ca₂tín₃ táng₃ bí₂. Jaun₂ ca₂'í₃ bá₄ guë'₄ tin₃'ni₅ jmig₄ quian'₅₄ dsa₂ 'én₂ i₂jme₁tián'₄ juig₂ Damasco jaun₂.

Ca₂'ë₂ Saulo jág₁ dse₃ juig₂ Damasco

20 Dsi₂jui₅ bá₄ ca₂jme₃lióg₃ Saulo ca₂nei₅₄ guá'₅ sinagogas ca₂i₁jme₁tiin₂₃ dsa₂ a₂juá'₂ a₂lín₅ Jesús Ja₁ñi'₅₄ Diú₄. 21 Ca₂le₃jín₃ dsa₂ i₂ca₂nág₂ ca₂l₃gó'₃ dsí₅, qui₂ca₂dsia₃:

—¿On₃jua'₅₄ dsa₂ nē₅ i₂ñí₄ lē₃ jme₁ñi₅ juig₂ Jerusalén qui₂co₂'ein₂₃ dsa₂ i₂'én₂ le₃quió'₅ Jesús? ¿On₃jua'₅₄ i₂nē₅ 'ñiog₅ i₂ma₂guan₅ ja₁lá₃ a₂qui₂tē₂ le₁'ñe₅ dsa₂ jaun₂ qui₂dsi₂jang'₅₄ o₄gú₃ juig₅₄ jme₂dsa₂?

22 La₁ tē₂le₃ lē₅ guē₄ ca₂'ág₂ tiá₂ dsí₅ Saulo, qui₂ca₂'ē₂ jág₁ a₂lín₅ dsón'₂ Jesús I₂rē₂'ín₁ quián₅ Diú₄. Ca₂lia'₂ ca₂i₃cón'₅ dsí₅ dsa₂ judíos i₂jme₁tián'₄ juig₂ Damasco ia₁ ca₂'ē₂ Saulo jág₁ le₂jaun₂.

Ca₂lón₂ Saulo o₄gú₃ dsa₂ judíos

23 'Lióng₂ jmi₄ cang₂ jaun₂, ca₂jmo₃ dsa₂ judíos caun₂ jág₁ a₂jme₁ñi'₃ Saulo. 24 A₂jmi₂ a₂'uē₂ qui₂ca₂jñiai₃ Saulo o₄'né₄ o₄jui₅ juig₂ jaun₂, ia₁jaun₂ jñag'₃. La₁ ca₂rē₃ñi₅ bá₄ Saulo. 25 Jaun₂ dsa₂ 'én₂ riin'₅₄ nē₃, ca₂to'₂ 'ñió'₃ caun₂ tsi₁mi'₂ pa₁, jaun₂ a₂'uē₂ ca₂sióin₂ 'éi₂ jui₅ ne₄ ni₁'ia'₂ a₂jme₁lé₄ le₃lág'₃ juig₂. Jaun₂ le₂nē₅ ca₂lón₂.

Ma₂'en₅₄ táng₃ Saulo juig₂ Jerusalén

26 Jme₁dsián'₃ Saulo Jerusalén, jme₁'nio₃ jme₃quiain'₅₄ dsi₂jui₅ dsa₂ 'én₂ ja₁jaun₂. La₁ ca₂le₃jín₃ dsa₂ 'éi₂ nē₃ ca₂rē₃gain₃ 'éi₂, ia₁ tsá₃ jaun₂ líin₂ a₂ma₂'én₂ Saulo jág₁ dse₃. 27 La₁ia₁ dsa₂ i₂chen₂ Bernabé ca₂jio₃ ne₄ dsa₂ guia₃-tín₂ i₂chen₄ 'éi₂. Jaun₂ ca₂dsia₃ 'a₂ lia'₂ ca₂lē₃ a₂ca₂jme₃jein'₂ Te₁gui'₅₄ le₂'i₄ jui₅, 'e₂ jág₁ a₂ca₂juá'₂ nē₃, 'a₂ lia'₂ ca₂dsia₃ Saulo ján₃ tiá₂ dsí₅ juig₂ Damasco ca₂'ē₂ jág₁ 'iin₂₃ Jesús. 28 Jaun₂ bá₄ ca₂'í₃ Saulo juig₂ Jerusalén ca₂jme₃quiain'₅₄ dsa₂ 'éi₂. 29 Caun₂ ca₂dsia₃ tiá₂ dsí₅ bá₄ qui₂ca₂'ē₂ jág₁ 'iin₂₃ Te₁gui'₅₄ qui₂ca₂dsia₃ jág₁ qui₂ca₂tsiin₂ quian'₅₄ dsa₂ judíos i₂dsia₅ jág₁ jmei₅ griego. La₁ dsa₂ 'éi₂ nē₃ caun₂ 'nio₃ jme₁ñi'₃ bá₄ Saulo. 30 Jme₁ca₂rē₃lí₄ rin'₅₄ Saulo a₂jaun₂, jaun₂ ca₂jio₃ jui₅ juig₂ Cesarea. A₂'ein₅₄ guē₄ ja₁jaun₂ ca₂dsióg'₂ riin'₅₄ juig₂ go₅₄ ja₁chei₂ Tarso.

31 Jaun₂ ca₂le₃jín₃ guá'₅, dsa₂ i₂'én₂, le₂tan₅₄ ja₁tén₄ 'uē₃ Judea, Galilea, Samaria nē₃, tei₄ bá₄ 'ei₅ tion'₅₄ dsa₂, caun₂ ca₂rē₃béin₂ ján₃. Jme₁jme₂gain₃ bá₄ Te₁gui'₅₄ tioen'₅₄. Quian'₅₄ bí₂ quió'₅ Jme₂dsí₂ Jñió₅, caun₂ qui₂ca₂juín₂ bá₄ dsa₂ i₂'én₂.

Ca₂'lón₂ dsa₂ chen₂ Eneas

32 Lia'₂ con'₂ ñi₅ Pe₄ qui₂dsi₂jñi₅₄ riin'₅₄, ca₂i₁jñi₁₂ ján₃ dsa₂ i₂ma₂'én₂ jág₁ dse₃ i₂jme₁tián'₄ juig₂ ja₁chei₂ Lida. 33 Ja₁jaun₂ ca₂jñi₂ jan₂ dsa₂ 'lian'₂ i₂jme₁chen₂ Eneas i₂ma₂tē₂ jñia₃ ñi₂ ron₅, ia₁ tsá₃ lé₂ ñi₃. 34 Jaun₂ ca₂juá'₂ Pe₄ ca₂tsí'₃ dsa₂ 'éi₂: —Eneas, Jesucristo jme₂'lió₂. Nau₂, jmo₄ dse₃ tsi₁cama quiáng'₂.

Jaun₂ dsi₂jui₅ le₂jaun₂ ca₂nau₂ Eneas. 35 Jaun₂ ca₂le₃jín₃ dsa₂ i₂tián'₅ Lida quian'₅₄ juig₂ Sarón ca₂jág₃ a₂ca₂'lón₂ 'éi₂, jaun₂ ca₂jéin'₃ le₃quió'₅ Te₁gui'₅₄.

Ca₂jen'₅₄ 'io₅₄ Dorcas

36 Jmi₄ jaun₂ jme₁chan₂ jan₂ 'io₅₄ i₂'én₂ jē₄ juig₂ Jope i₂jme₁chen₂ Tabita. Quian'₅₄ jág₁ jmei₅ griego jme₁tē'₂ dsa₂ Dorcas. 'Io₅₄ 'éi₂ lia'₂ con'₂ chain₂ jme₁jmo₂₃ dse₃ jme₂'oin₅₄ dsa₂ te₂ñé₂. 37 Tē₃jē₄ jmi₄ jaun₂, ca₂rē₃dso'₅₄ Dorcas, ca₂join₃ bá₄ jaun₂ nē₃. Cang₂ jme₁ca₂lē₃ sei₅ dsa₂, jaun₂ ca₂i₁quio₂₃ caun₂ dsi₂néi₂ jē₄ca₂tē₂ tin₃ juín₃. 38 Juig₂ Jope ma₂quián₅ bá₄ ja₁niog₅ juig₂ Lida ja₁'en₅₄ Pe₄. Jaun₂ jme₁ca₂rē₃ñi₅ dsa₂ 'én₂ a₂'en₅₄ Pe₄ ja₁jaun₂, jaun₂ ca₂chein₃ on₃ riin'₅₄ ca₂i₁te'₂ 'éi₂:

—Ñia₅ tē₂nē₃ cón'₅ jui₅ Jope.

39 Jaun₂ ñó₃ Pe₄ co₂lē₅ quiain'₅₄ dsa₂ 'éi₂. Jme₁ca₂dsióg₃, ca₂i₁jio₃ dsa₂ ja₁rē₂quian₅ 'lag₄. Ja₁jaun₂ tion'₅₄ le₁ñi'₂ ca₂le₃jín₃ 'io₅₄ 'nág₂ qui'₂-o₂₃, qui₂ca₂'ē'₃

Pe₄ 'mi'₂ tsin'₅₄ dsa₂, ta₁ a₂jme₁jmo₅ Dorcas lia'₂ con'₂ chain₂. ⁴⁰ Jaun₂ ca₂jmo₃ Pe₄ 'éi'₃ ca₂'uin₂ dsa₂ dsi₂néi₂ ja₁rē₂quian₅ 'lag₄. Jaun₂ ca₂chi₃jné₃ ca₂chi₃lén'₂ Diú₄. Jaun₂ guě₄ ca₂jín₂ 'lag₄, ca₂juá'₂:

—Tabita, nau₂.

Dsi₂jui₅ jaun₂ ca₂ján₃ 'io₅₄ jme₁ne₁₂. Jme₁ca₂jín₂ Pe₄, ca₂guá₂ 'io₅₄ jaun₂ ně₃. ⁴¹ Jaun₂ ca₂ḡa'₃ Pe₄ mi₂gu₂ 'io₅₄, ca₂chó'₂. Jaun₂ ca₂tě'₃ táng₃ Pe₄ riin'₅₄, 'io₅₄ 'nág₂ ně₃, jaun₂ ca₂jín'₂ 'io₅₄ 'éi₂, la₁ ma₂jein'₅₄ bá₄. ⁴² Ta₁caun₂ juig₂ Jope ca₂i₃'ág₃ jág₁ a₂ca₂lě₃ le₂jaun₂. Jaun₂ juin₅ lín₃ dsa₂ ca₂rě₃'én₂ jág₁ quió'₅ Te₁gui'₅₄. ⁴³ Ca₂'í₃ bá₄ guě₄ Pe₄ 'lióng₂ jmig₄ jaun₂ ja₁quió'₄ jan₂ dsa₂ i₂chen₂ Si₂mu₅₄ i₂jme₂dse₃ lo₄ já'₂.

10

Pe₄ quian'₅₄ Cornelio

¹ Juig₂ Cesarea jme₁chan₂ jan₂ dsa₂ i₂jme₁chen₂ Cornelio, i₂jme₁lín₄ juig₅₄ co₂nió'₃ 'lióg₂ i₂tě'₂ dsa₂ i₂chan₂ Italia. ² Juig₅₄ 'lióg₂ 'éi₂ jme₁jme₂gain₃ Diú₄ co₂lě₅ quian'₅₄ dsa₂ dsi₂néi₂ quió'₅. Ján₃ bá₄ jme₁dsi₁'₅ cu₄ jme₁jme₂'oin₅₄ dsa₂ judíos. Ca₂le₃jě₃ jmig₄ ně₃, jme₁chi₁lén'₂ Diú₄. ³ Co₂ráun₂ con'₂ hora ḡi₁ 'ni₅ le₃ca₂'láu₂,* a₂lě₃ca₂jén'₃ ca₂jág₃ ca₂jín₂ jan₂ ángel quián₅ Diú₄ ca₂'í₃ dsi₂néi₂ ja₁'ein₅₄. Jaun₂ ca₂juá'₂ ángel:

—¡Cornelio!

⁴ Jaun₂ ca₂jág₃ Cornelio gó'₅ 'ḡio₅ lín₃ ca₂jín₂ ángel. Jaun₂ ca₂ḡag₃ ca₂juá'₂:

—¿'E₂ lě₅, gui'₅₄?

Jaun₂ guě₄ ca₂juá'₂ ángel:

—A₂ḡag₅ bá₄ Diú₄ a₂juig'₂ a₂chi₂lein'₅₄. Jág₅ bá₄ a₂jmo'₂ dse₃ 'au'₂ jme₂'ong'₅₄ dsa₂ te₂ḡé₂. ⁵ Jaun₂ lě₃ chen₅ dsa₂ juig₂ Jope dsi₃quián₂ dsa₂ i₂chen₂ Si₂mu₅₄ i₂tě'₂ dsa₂ Pe₄ ján₃. ⁶ I₂'en₅₄ ja₁quió'₄ Si₂mu₅₄ sián'₂ i₂jmo₅ dse₃ lo₄ já'₂, i₂chí'₅ 'ne₄ chei'₅₄ jmí₁ḡi'₄.

⁷ Jme₁ma₂ḡá'₅ ángel, jaun₂ ca₂tě'₃ Cornelio on₃ dsa₂ mozo quián₅, jan₂ guě'₂ 'lióg₂, dsa₂ jme₂ti₃ i₂jme₂gan₃ Diú₄ ján₃. ⁸ Jaun₂ ca₂dsia₃ Cornelio ca₂tsí'₃ dsa₂ a₂ca₂jén'₃, jaun₂ ca₂chein₃ dsa₂ juí₅ juig₂ Jope.

⁹ Jme₁jnia₃ jaun₂, ca₂lě₃lén₂ dsa₂ 'éi₂. Pe₄ ně₃ ca₂uig₂ le₃co'₅₄ tsi₁'né₅ con'₂ dsi₃ḡi'₃† a₂chi₃lén'₂ Diú₄. ¹⁰ I₁cón'₅ 'ḡio₅ lín₃. Tě₁lia'₂ jmo₅ dsa₂ má₃ ně₃, jaun₂ a₂lě₃ca₂jén'₃ ca₂jág₃ Pe₄ ¹¹ ca₂niá₃ guei'₅₄ i₂juig₃. Jaun₂ ca₂sió₃ juí₁lia'₂ caun₂ tsi₁'mi'₂ pa₁ a₂rě₂quein₅ ta₁quén₂ qui'₅₄. ¹² 'Nió'₃ jaun₂, jme₁tion'₅₄ ca₂le₃jín₃ ne₅₄ já'₂: já'₂ cha₂ quén₂ mi₂tag₄, já'₂ i₂tsé'₅ quió'₅, já'₂ i₂'in₅ guei'₅₄ ně₃. ¹³ Jaun₂ ca₂nág₂ Pe₄ jág₁ ca₂juá'₂:

—Nau₂ Pe₄, jme₁dsian₅ já'₂, quíng'₄.

¹⁴ Jaun₂ ca₂ḡag₃ Pe₄:

—Jan₂'ón₄, Te₁gui'₅₄. Ia₁ 'i₁co₂ráun₂ tsá₃ ma₂ca₂guě'₃ jniá₂ ni₁ḡi₁ já'₂ a₂jmo₅ a₂rě₂'ḡio₅ dsa₂.

¹⁵ Jaun₂ ca₂ḡag₃ táng₃ jág₁ a₂juá'₂:

—Tsá₃ lě₁juá'₂ 'ne₂ 'lig'₅₄ cosa a₂ma₂jmo₃ Diú₄ le₁jě₃.

¹⁶ 'Ni₅ ráun₂ ca₂lě₃ le₂jaun₂, jaun₂ guě₄ ca₂ḡáu'₃ táng₃ tsi₁'mi'₂ juí₅ guei'₅₄. ¹⁷ Tě₁lia'₂ guá₅ Pe₄ 'no'₂ dsí₅ 'e₂ léi₄ jág'₅ a₂ca₂jág₃ jaun₂, jme₁ca₂dsi₃lén₂ dsa₂ i₂chen₄ quián₅ Cornelio o₄'né₄ quió'₅ Si₂mu₅₄, a₂ḡag₂₃ a₂já'₄ chí'₅ 'ne₄ Si₂mu₅₄.

¹⁸ Jme₁ca₂dsi₃lén₂ dsa₂ 'éi₂, ca₂ḡag₃ juá'₂ tiá₂ chí₂juá'₂ 'en₅₄ ja₁jaun₂ jan₂ dsa₂ i₂chen₂ Si₂mu₅₄ i₂tě'₂ dsa₂ Pe₄ ján₃. ¹⁹ Tě₁lia'₂ jaun₂ caun₂ qui₂'no'₂ dsí₅ Pe₄ a₂ca₂jág₃, jaun₂ ca₂juá'₂ Jme₂dsí₂ Jḡi₁ó₅:

* **10:3** lit. “hora ḡi₃.” † **10:9** lit. “hora jḡéi₂.”

—Jag₄; ún₂ dsa₂ o₂lén₂ 'nau'₂. ²⁰ Nau₂, sión₅, gua₂ quiain'₅₄, tsá₃ lë₁jmo₂ 'i₅ 'au'₂ jua'₅₄ líng'₂ a₂tsá₃ tí₅ jág₁, ia₁ jniá₂ bá₄ nē₂tsín₂.

²¹ Jaun₂ ca₂sión₃ Pe₄ ca₂i₁jín₁₂ dsa₂ i₂chen₄ quián₅ Cornelio, jaun₂ ca₂juá'₂ Pe₄:

—Jniá₂ bá₄ 'éi₂ i₂'na'₂ 'nia'₂. ¿Cha₁ ta₁ ja₂nó'₅ 'nia'₂?

²² Jaun₂ ca₂ḡag₃ táng₃ dsa₂:

—Gui'₅₄ juig₅₄ 'lióg₂ Cornelio bá₄ ca₂chei₃ jnia'₅₄ ja₂náu₅. Dsa₂ dsen₃ bá₄ 'éi₂, i₂jme₂gan₃ Diú₄; 'nio₃ dsa₂ judíos 'ḡio₅ lín₃, jme₂go₃ ně₃. Jan₂ ángel i₂chen₄ quián₅ Diú₄ ca₂juá'₂ a₂tě'₂ 'ne₂ ja₁quió'₄ jaun₂ nag₃ 'e₂ jág₁ cuē'₅₄.

²³ Jaun₂ ca₂juá'₂ Pe₄ tón'₃ dsa₂ 'éi₂ dsi₂néi₂, jaun₂ ja₁jaun₂ ca₂jña₃ dsa₂ 'éi₂ quiain'₅₄ Pe₄ a₂'uē₂ jaun₂. Jme₁jnia₃ jaun₂ guē₄ ca₂ḡó₃ Pe₄ quiain'₅₄ dsa₂ 'éi₂. Ca₂jme₃quiong'₅₄ guē₄ i₂lín₅₄ dsa₂ riin'₅₄ i₂jme₁'én₂ i₂jme₁tián'₄ juig₂ Jope.

²⁴ Jme₁jnia₃ jaun₂ guē₄ táng₃, ca₂dsi₃lén₂ juig₂ Cesarea ja₁guá₄ Cornelio. 'Éi₂ guē'₂ ně₃ jme₁ma₂chi₁jḡiog₂₃ quiain'₅₄ co₂hió'₃ o₁riin'₅₄ a₂mei₅₄ quián₅ i₂jein'₂ 'ḡio₅ lín₃ quiain'₅₄ ně₃, i₂ca₂tě'₃.

²⁵ Jme₁ca₂dsióg₃ Pe₄ o₄'né₄, co₂tan₅₄ ca₂o₃'ín₃ Cornelio ca₂guei₃, ca₂chi₃jné₃ ne₄ 'éi₂, ca₂jme₃juag'₂. ²⁶ La₁ Pe₄ ně₃ ca₂chó'₂, ca₂juá'₂:

—Nau₂, ia₁ dsa₂ mi₂güig₃ bá₄ jniá₂, jui₁lia'₂ 'ne₂ ján₃.

²⁷ Tě₃ dsia₅ jág₁ Pe₄ quiong'₅₄, ca₂'í₃ dsi₂néi₂, jaun₂ ca₂jág₃ juin₅ bá₄ dsa₂ ma₂le₁ḡi'₂ dsi₂néi₂. ²⁸ Jaun₂ ca₂juá'₂ Pe₄ ca₂tsí'₃ dsa₂:

—Nj'₅₄ bá₄ 'nia'₂ jaun₂ tsá₃ cuē₅ jmig₄ 'Éi'₃ Juá'₅ quió'₅ dsa₂ judíos jua'₅₄ a₂ḡi'₂ quiain'₅₄ dsi₂nau₂, on₃ guē'₂ lé₂ ḡi'₃ dsi₂néi₂ quió'₅. La₁ Diú₄ ma₂'ě₃ a₂tsá₃ tě₄ jniá₂ 'i₁jan₂ dsa₂ tsá₃ le₁jín₃. ²⁹ Jaun₂ lě₃ dsi₂jui₅ bá₄ guio₃ jme₁ca₂dsi₃lén₂ dsa₂ quiáng'₂, tě₂. Tsá₃ ně₂jan₅₄ uē₂. Jaun₂ jme₁'nio₃ le₃guion₅₄ 'e₂ lě₃, 'e₂ ta₁ ně₂tě'₂.

³⁰ Jaun₂ ca₂ḡag₃ Cornelio:

—Ma₂quén₂ jmig₄, con'₂ hora la₂ jme₁'eng₅₄ dsi₂néi₂ la₂ quió'₃, jme₁jme₂'ing₅₄, tsá₃ ca₂guē'₃. Jme₁'eng₅₄ chi₁leng'₄ Diú₄ tě₂le₃ ca₂'láu₂. Jaun₂ a₂lě₁ca₂jéin₃ ca₂jing₅₄ jan₂ dsa₂ qui'₂ 'mi'₂ tiog₂ jau₂. ³¹ Jaun₂ ca₂juá'₂ ca₂tság₃ jniá₂: “Cornelio, a₂nág₅ bá₄ Diú₄ a₂juig'₂. Jág₅ bá₄ a₂jmo'₂ dse₃ 'au'₂ jme₂'ong'₅₄ dsa₂ te₂ḡé₂. ³² Jaun₂ lě₃, chen₅ dsa₂ juig₂ Jope dsi₃quián₂ dsa₂ i₂chen₂ Si₂mu₅₄ i₂tě'₂ dsa₂ Pe₄ ján₃. I₂'en₅₄ ja₁quió'₄ Si₂mu₅₄ sián'₂ i₂jmo₅ dse₃ lo₄ já'₂, i₂chí'₅ 'ne₄ chei'₅₄ jmi₁ḡi'₄. Jě₁ma₂guain₂₃, dsia₃ jág₁ quiain'₅₄ 'ne₂.” ³³ Jaun₂ bá₄ lě₃ ca₂tsíng₂ dsa₂ dsi₂jui₅ a₂i₁'niai'₂ 'ne₂ ně₃. Dse₃ bá₄ lia'₂ ně₂jmo'₅₄ ḡe'₃. Jaun₂ lě₃ tio'₅₄ jnia'₅₄ ca₂le₃jág₃ le₁ḡag'₂ ne₄ Diú₄ ia₁ 'niog₂ jnia'₅₄ néi₁ jág₁ a₂ma₂cuē₃ Te₁gui'₅₄ a₂juig'₅₄ jnia'₅₄.

Jág₁ a₂ca₂ton₃ Pe₄ dsi₂néi₂ quió'₅ Cornelio

³⁴ Jaun₂ ca₂jme₃lióg₃ Pe₄ ca₂juá'₂ ca₂tsí'₃ dsa₂:

—Ně₃ guē₄ dsón'₂ ma₂ḡi'₂ jniá₂, tsá₃ jma₃quén₅ jín₂ Diú₄ dsa₂ mi₂güig₃. ³⁵ Ia₁ ca₂le₃jě₃ juig₂ ja₁jme₂gan₃ dsa₂ Diú₄, nag₅ dsa₂ gau₂ jág₁ quió'₅, jmo₂₃ dse₃ ně₃, dsa₂ le₂'éi₂ bá₄ guén'₂ Diú₄. ³⁶ Ca₂juá'₂ Diú₄ ca₂tsí'₃ tsi₁jon₂ quián₅ Israel, ca₂'ě₂ jág₁ a₂tian'₃ dsa₂ tei₄ tě₂le₃ quiain'₅₄ Jesucristo i₂lín₅ Te₁gui'₅₄ quián₅ ca₂le₃jín₃.

³⁷ Nj'₅₄ rě₂ bá₄ 'nia'₂ 'e₂ ca₂lě₃ ta₁caun₂ juig₂ go₄ dsa₂ judíos, a₂ca₂jme₃lióg₃ 'uē₃ Galilea, cang₂ jme₁ma₂'ě₂ Juan₅₄ jág₁, ca₂choin₃ dsa₂ jmig₂ ně₃. ³⁸ Nj'₅₄ bá₄ 'nia'₂ 'a₂ lia'₂ ca₂cuē₃ Diú₄ ca₂cuē₃ Jesús chan₂ Nazaret ju₅bí₂ quió'₅ Jme₂dsi₂

Jḡió₅; 'a₂ lia'₂ ca₂ḡi₃ jmo₂₃ dse₃, jme₂'lióin₂ ca₂le₃jín₃ dsa₂ i₂jme₁chan₂ jmi₁ui₅ jmóg'₂ i₂sě₃dse₃. Ca₂le₃jě₃ a₂ně₅ ca₂jmo₃ ia₁ jme₁quiain'₅₄ Diú₄. ³⁹ Ca₂tě₂ ne₄ jnia'₅₄ ca₂le₃jě₃ a₂ně₅ a₂ca₂jmo₃ Jesús, lia'₂ jě₄ juig₂ Jerusalén, lia'₂ le₂tan₅₄ ja₁tián'₄ dsa₂ chan₂ Judea. Cang₂ jaun₂ ca₂jḡag'₃ dsa₂ ca₂tion₃ cróg₄. ⁴⁰ La₁ jě₁ca₂tě₂ 'ni₅ jmig₄, ca₂jme₃jein'₅₄ táng₃ Diú₄ Jme₂, ca₂jmo₃ ca₂jme₃jnia₅ 'éi₂ jín₄

jnia'₅₄. ⁴¹ Tsá₃ ca₂jme₃jniai₂₃ jín₄ ca₂le₃jín₃ dsa₂. Jmá'₃ lia'₂ jě₄ quián₂ jnia'₅₄ bá₄

con'₂ dsa₂ i₂ca₂quióin'₂ le₂jñiá₅ i₁të₃ ne₄. Ca₂que₅₄ guë₄ jnia'₅₄ co₂lë₅ quiain'₅₄ jme₁ma₂jein'₅₄ táng₃ jin₄ 'lag₄. 42 Jaun₂ ca₂jmo₃ 'éi'₃ a₂qui₂dsi₁'ë₄ jnia'₅₄ jág₁, a₂dsi₁jang'₅₄ jág₁ dsau₅ jin₄ dsa₂: Diú₄ ma₂dsiain₃ Jesús a₂qui₃dsi₅ 'éi'₃ quió'₅ dsa₂ i₂chan₂, quió'₅ i₂ma₂dsan₃ ně₃. 43 Ján₃ bá₄ le₂ně₅ jáng'₅ jág₁ dsau₅ ca₂le₃jín₃ dsa₂ i₂jme₁'ë₂ jág₁ quiáin₅, a₂qui₃'én₂ Diú₄ dsau₁ ca₂le₃jín₃ dsa₂ i₂'én₂ jág₁ quió'₅.

Ca₂guei₃ dsi₂nau₂ ca₂guein₃ Jme₂dsí₂ Jñiό₅

44 Të₃jë₄ 'ë₂ guë₄ Pe₄ jág₁, jme₁ca₂sión₃ Jme₂dsí₂ Jñiό₅ ne₄ quió'₅ ca₂le₃jín₃ dsa₂ i₂tion'₅₄ nag₅ jág₁. 45 Dsa₂ judíos‡ i₂jme₁'én₂ i₂ca₂o₃lén₂ quián'₅₄ Pe₄, tióin₂ jág₅ dsi₂gó'₃ dsí₅, ia₁ ján₃ guë'₂ ca₂guen₃ dsi₂nau₂ Jme₂dsí₂ Jñiό₅. 46 Ia₁ nag₂₃ dsia₅ dsa₂ jág₁ jmei₅ siá'₂, jme₂juin'₂ Diú₄. 47 Jaun₂ ca₂juá'₂ Pe₄:

—¿Lé₂ le₃jua'₅₄ tsá₃ jmig₂ lé₂ tsón₃ dsa₂ ně₅, ton'₂ ma₂ně₂guein₃ bá₄ guë'₂ Jme₂dsí₂ Jñiό₅, co₂rë₂ bá₄ jui₁lia'₂ jniog₄?

48 Jaun₂ ca₂jmo₃ 'éi'₃ a₂tsón₃ dsa₂ 'éi₂jmig₂, lia'₂ con'₂ lë₅ 'éi'₃ quió'₅ Jesucristo. Jme₁co₂lág₂ jaun₂, ca₂mi₃ dsa₂ ca₂tsí'₃ Pe₄ a₂jñia₃ guë₄ tin₃-'ni₅ jmig₄ quiong'₅₄.

11

Jág₁ ca₂'ë₂ Pe₄ jin₄ dsa₂ 'én₂ juig₂ Jerusalén

1 Ca₂rë₃ñi₅ jág₁ dsa₂ i₂chen₄ quián₅ Jesús, quiain'₅₄ riin'₅₄ i₂tion'₅₄ Judea, a₂ma₂ca₂rë₃'én₂ dsi₂nau₂ jág₁ quió'₅ Diú₄ ján₃. 2 Jme₁ca₂dsián'₃ táng₃ Pe₄ juig₂ Jerusalén, jaun₂ ca₂le₃jín₃ dsa₂ judíos i₂'én₂ ca₂jí₂ quió'₅ 3 ca₂juá'₂:

—¿'E₂ lë₃ ñeg'₅₄ ja₁con₂ dsi₂nau₂* i₁que'₅₄ quiain'₅₄ ně₃?

4 Jaun₂ ca₂juá'₂ Pe₄ ca₂tsí'₃ dsa₂ ca₂le₃jë₃ 'a₂ lia'₂ ca₂lë₃, ca₂juá'₂:

5 —Juig₂ Jope bá₄ jme₁'eng₅₄, chi₁leng'₄ Diú₄. Të₃jë₄ jaun₂, ca₂jéin₃ ca₂jág₃ jui₁lia'₂ caun₂ tsi₁'mi'₂ tióg₃ pa₁ a₂rë₂quein₅ le₃quén₂ qui'₅₄, ca₂sió₃ jui₅ guei'₅₄, ca₂të₂ cau₅ quió₃. 6 Jme₁ca₂jág₃ jniá₂ dse₃ 'e₂ tio'₅₄ 'ñiό'₃, jua'₂ ca₂le₃jín₃ ne₄ já'₂ bá₄ tion'₅₄: já'₂ cha₂ quén₂ mi₂tag₄, já'₂ tsáu₂ dsí₅, já'₂ i₂tsé'₅ quió'₅, já'₂ i₂'in₅ guei'₅₄ ně₃. 7 Jaun₂ ca₂nag₃ jág₁ a₂ca₂juá'₂ ca₂tság₃ jniá₂: “Nau₂ Pe₄, jme₁dsian₅ já'₂, quíng'₄.” 8 Jaun₂ ca₂ñag₄ jniá₂: “Jan₂'ón₄, Te₁gui'₅₄. Ia₁ 'i₁co₂ráun₂ tsá₃ ma₂'ís'₃ 'o₃ 'i₁caun₂ a₂'lig'₅₄ a₂jmo₅ a₂rë₂'ñiό₅ dsa₂.” 9 Jaun₂ ca₂ñag₃ táng₃ jág₁ a₂já₅ guei'₅₄, ca₂juá'₂: “Jui₁lia'₂ a₂ma₂jmo₃ Diú₄ le₁jë₃, tsá₃ lë₁juá'₂ 'ne₂ 'lig'₅₄.” 10 'Ni₅ ráun₂ ca₂lë₃ le₂jaun₂, jaun₂ guë₄ ca₂ñáu'₃ táng₃ ca₂le₃jë₃ jui₅ guei'₅₄. 11 Të₃jë₄ jaun₂ ca₂dsi₃lén₂ ún₂ dsa₂ 'né₅ ja₁jme₁'eng₅₄, i₂chen₄ quián₅ dsa₂ chan₂ Cesarea a₂'nau'₂ jniá₂. 12 Jaun₂ Jme₂dsí₂ quián₅ bá₄ Diú₄ ca₂chei₃ ca₂ñó₃ quiang'₅₄ dsa₂ 'éi₂, caun₂ bá₄ 'ei₅ dsi₃ ñó₃. Ján₃ bá₄ i₁len₅₄ jñé₂ rin'₅₄ jniog₄ la₂ quiong'₅₄ jniá₂. Jaun₂ ca₂tió'₄ jnia'₅₄ ca₂le₃jág₃ dsi₂néi₂ quió'₅ dsa₂ chan₂ Cesarea 'éi₂.

13 Dsa₂ 'éi₂ ca₂dsia₃ ca₂tság₃ jnia'₅₄ 'a₂ lia'₂ ca₂jñin₂ jan₂ ángel jme₁chén'₄ dsi₂néi₂ quió'₅ i₂ca₂juá'₂: “Chen₅ dsa₂ juig₂ Jope a₂dsi₃quiáin₂ Si₂mu₅₄ i₂të'₂ dsa₂ Pe₄ ján₃.

14 Dsa₂ 'éi₂ juá'₂ 'a₂ lia'₂ jmó'₂, ia₁jaun₂ líong'₂, quiang'₅₄ dsa₂ dsi₂néi₂ quiáng'₂.

15 Jme₁ca₂jme₁lióg₄ jniá₂ juig₂ jág₁, jaun₂ ca₂sión₃ Jme₂dsí₂ Jñiό₅ ne₄ quió'₅ dsa₂ 'éi₂, jui₁lia'₂ ca₂guain₃ ne₄ quián₂ jniog₄ le₂'ui₅₄. 16 Jaun₂ guë₄ ca₂dsáu'₃ dsi₃ a₂ma₂ca₂juá'₂ Te₁gui'₅₄ le₂jñiá₅: “Dsau₅ bá₄ ca₂tióg₃ Juan₅₄ ca₂tiáin₂ jmig₂ dsa₂, la₁'nia'₂ guë'₂ ně₃ tióg₂ Diú₄ Jme₂dsí₂ Jñiό₅.”† 17 Jaun₂ chi₂jua'₂ co₂rë₂ bá₄ ca₂cuë₃ Diú₄ ca₂cuë'₃ dsa₂ 'éi₂ jui₁lia'₂ a₂ma₂cuë₃ jniog₄ i₂ma₂'én₂ tē₂le₃ quió'₅ Te₁gui'₅₄ Jesucristo, ¿i₂'ein₂ bá₄ jniá₂ jua'₅₄ jniá₂ jniog₄ 'éi'₃ quió'₅ Diú₄?

18 Jme₁ca₂nág₂ dsa₂ jág₁ ně₅, tei₄ bá₄ ca₂jmo₃. Jaun₂ ca₂jme₃juin'₂ Diú₄, ca₂tsí'₃ riin'₅₄:

‡ 10:45 lit. “dsa₂ i₂rë₂uing₄ lo₄.” * 11:3 lit. “ja₁con₂ dsa₂ i₂tsá₃ lo₄ rë₂uing₄.” † 11:16 Hechos 1:5.

—ján₃ guë₄ ma₂cuë₃ Diú₄ jmig₄ quió'₅ dsi₂nau₂, a₂jme₂tsin₃ dsi₅ ia₁jaun₂ t'in'₄ le₃chain₂ co₂tan₅₄!

Dsa₂ 'én₂ i₂chan₂ juig₂ Antioquía

¹⁹ Lia'₂ con'₂ jme₁ca₂jñi'₃ dsa₂ Esteban, caun₂ qui₂ca₂co₃'ein₃ bá₄ dsa₂ quió'₅ ca₂le₃jín₃ dsa₂ i₂'én₂. Jaun₂ tion₅₄ bá₄ ca₂cuing₃ ca₂i₃lén₂ ca₂të₂ Fenicia, Chipre, Antioquía nê₃. La₁ jmá'₃ dsa₂ judíos bá₄ ca₂cuë'₃ jág₁ dse₃. ²⁰ La₁ i₂lin₅₄ dsa₂ 'én₂ i₂chan₂ Chipre quian'₅₄ Cirene ca₂dsi₃lén₂ juig₂ Antioquía ca₂dsia₃ jág₁ quian'₅₄ dsa₂ chan₂ Grecia, ca₂'ë₂ jág₁ dse₃ ca₂'in₃ Te₁gui'₅₄ Jesús. ²¹ Ca₂jme₃'on₅₄ Te₁gui'₅₄ dsa₂ 'éi₂ ja₁jaun₂ quian'₅₄ bí₂ quió'₅, jaun₂ lë₃ juin₅ lin₃ dsa₂ ca₂jéin'₃ le₃quió'₅ Te₁gui'₅₄.

²² Jme₁ca₂rë₃ñi₅ dsa₂ 'én₂ i₂tion'₅₄ Jerusalén, jaun₂ ca₂chein₃ Bernabé ca₂të₂ Antioquía. ²³ Jme₁ca₂dsi₃óg₃ Bernabé ja₁jaun₂, jaun₂ ca₂jág₃ a₂dse₃ dsi₅ Diú₄ a₂ca₂jmo₃ ja₁con₂ dsa₂ 'éi₂, jaun₂ lë₃ ca₂jmo₃ 'io'₂. Jaun₂ ca₂toin'₂ dsa₂ jág₁ dsia₃ tiá₂ dsi₅, tsán'₂ tiá₂ jág₁ 'ein₃ Te₁gui'₅₄. ²⁴ Ia₁ dsa₂ dsen₃ bá₄ jme₁lín₄ Bernabé, jme₁rë₂rín₅ Jme₂dsi₂ Jñi₃ós tē₂dsi₅, jme₁'éin₂ 'ñio₅ lin₃. Jaun₂ le₂nē₅ juin₅ dsa₂ ca₂jén'₃ tē₂le₃ ja₁con₂ Te₁gui'₅₄.

²⁵ Cang₂ jaun₂ ca₂ñó₃ Bernabé juig₂ Tarso a₂ca₂i₁'niai'₂ Saulo. Jme₁ca₂dsain'₂ 'éi₂, jaun₂ ca₂tág₃ juig₂ Antioquía. ²⁶ Ja₁jaun₂ ca₂tóin'₂ caun₂ ñi₂ quian'₅₄ dsa₂ i₂'én₂ ja₁jaun₂, qui₂ca₂jme₃t'in₂₃ juin₅ lin₃ dsa₂. Juig₂ Antioquía jaun₂ bá₄ ja₁le₂'uig₅₄ ca₂quiong₃ dsa₂ ca₂quian₃ dsa₂ i₂'én₂ “cristianos”.

²⁷ Jmig₄ jaun₂, i₂lin₅₄ dsa₂ i₂jme₁cuë₅ jág₁ dse₃ a₂ma₂gue₃ quió'₅ Diú₄ ca₂'uain₂ juig₂ Jerusalén ca₂i₁lein₅₄ Antioquía. ²⁸ Jan₂ i₂chen₂ Agabo ca₂nau₂ jin₄ riin'₅₄. Jaun₂ quian'₅₄ bí₂ quió'₅ Jme₂dsi₂ Jñi₃ós, ca₂'ë₂ jág₁ a₂le₃'in₂ a₂guë'₃ dsa₂ ta₁caun₂ mi₂güig₃. Jaun₂ le₂jaun₂ ca₂rë₃ti₃ nê₃ jmig₄ lia'₂ con'₂ jme₁guá₄ gui'₅₄ emperador Claudio. ²⁹ Jaun₂ ca₂le₃jín₃ dsa₂ 'én₂ i₂chan₂ Antioquía ca₂jmo₃ caun₂ jág₁ ca₂jme₃'oin₅₄ riin'₅₄ i₂jme₁tián'₄ Judea, 'a₂ con'₂ jñia'₅₄ qui'₅₄ jmig₄ cuë₃ le₂jain₂ le₂jain₂. ³⁰ Jaun₂ le₂nē₅ ca₂jmo₃. Ca₂chein₃ cu₄ ne₄ dsa₂ can'₅₄‡ quián₅ dsa₂ 'én₂, ca₂i₁can₅ Bernabé quian'₅₄ Saulo.

12

Ca₂jon₃ Jacobo, Pe₄ guë'₂ ca₂jné₂ dsa₂ 'né₅ 'má₃

¹ Jmig₄ jaun₂ ca₂jme₃lióg₃ Rag₅₄ Herodes qui₂ca₂jmái'₂ dsa₂ i₂'én₂. ² Ca₂jmo₃ 'éi'₃ ca₂jñi'₃ dsa₂ Jacobo rin'₅₄ Juan₅₄, quian'₅₄ ñi₁tág₂. ³ Jme₁ca₂jág₃ Herodes a₂ca₂të₂ dsi₅ dsa₂ judíos, jaun₂ ca₂jmo₃ táng₃ 'éi'₃ ca₂jña'₃ dsa₂ Pe₄ ján₃. Ca₂le₃jë₃ a₂nē₅ ca₂lë₃ lia'₂ con'₂ jmo₅ dsa₂ jmig₄ a₂guë'₅ dsa₂ i₁ñi'₄ 'ua'₂ a₂tsá₃ levadura quian'₅₄. ⁴ Jme₁ma₂në₂chán'₂ dsa₂ Pe₄, jaun₂ ca₂jmo₃ Herodes 'éi'₃ ca₂to'₂ 'né₅ 'má₃, jaun₂ ca₂tón'₂ quén₂ nió'₃ 'lióg₂ i₂lë₂ jma₃quén₂ le₂caun₂ nió'₃, qui₂ca₂jmo₃ 'í₁ Pe₄. Jme₁dsi₂jio₅ dsi₅ Herodes jme₁dsei₂₃ tē₃jin₄ dsa₂ juig₂ jë₁ma₂ca₂ñi₂ Jmig₄ Të₂'in₅₄. ⁵ Jaun₂ le₂nē₅ 'en₅₄ Pe₄ né'₃ 'má₃, lë₅ 'í₁ dse₃ lin₃. La₁ dsa₂ riin'₅₄ nê₃ caun₂ chi₂lén'₂ Diú₄ bá₄ tioin'₅₄ mi₂23 'ñio₅ lin₃ o₄quió'₄ 'éi₂.

Ca₂lión₂ Diú₄ Pe₄ 'né₅ 'má₃

⁶ Caun₂ 'uë₂, ju₁lia'₂ 'ióg₃ jme₁ma₂lë₅ jág₁ jme₁dsei₅ Herodes jin₄ dsa₂ juig₂, a₂'uë₂ jaun₂ jme₁rë₂quian₅ Pe₄ rë₂güin₃ rë₂'ñei₂₃ dse₃ lin₃ quian'₅₄ tin₃ cadenas jë₄ quió'₅ on₃ 'lióg₂. 'Lióg₂ sián'₂ guë'₂ jme₁tion'₅₄ o₄'né₄ jmo₂₃ 'í₁ 'né₅ 'má₃. ⁷ Të₃jë₄ jaun₂, ca₂jme₃jñia₅ jan₂ ángel quián₅ Te₁gui'₅₄, jaun₂ ca₂tág₃ si₂ ta₁caun₂ dsi₂néi₂ 'né₅ 'má₃. Jaun₂ ca₂quén'₃ ángel dsi₂con₂ Pe₄ a₂ca₂ñei₃. Jaun₂ ca₂juá'₂:

—Nau₂ tē₂nē₃ cón'₅.

‡ 11:30 griego: presbíteros.

Jaun₂ ca₂seí'₂ 'uë₃ ni₁ñí₁ cadenas a₂jme₁tio'₅₄ gu₂ Pe₄. ⁸ Jaun₂ ca₂juá'₂ táng₃ ángel:

—Dse₃ 'ñéi₂ tog'₂, tio'₂ lau₂ tag'₅₄.

Jme₁ca₂lë₃ jmo₅ Pe₄ a₂jaun₂, jaun₂ ca₂juá'₂ táng₃ ángel:

—Qui'₂ 'mi'₂ dsiog₂ quiáng'₂, 'éin₃ jniá₂.

⁹ Jaun₂ ca₂o₃'ín₃ Pe₄ chi₁co'₅₄ quió'₅ ángel. Tsá₃ jaun₂ ñi₅ chi₂jua'₂ dsón'₂ dsi₂jó'₃ a₂ca₂jmo₃ ángel le₂jaun₂, ia₁ a₂lë₁ca₂jág₃ bá₄ líin₂. ¹⁰ Jaun₂ ca₂ñi₅ ja₁le₂'uig₅₄ tion'₅₄ 'lióg₂, ja₁ca₂të₂ táng₃ në₃. Jme₁ca₂dsi₃lén₂ o₄'né₄ a₂lë₅ quian'₅₄ ni₁ñí₁, ja₁'uin₂ dsa₂ jë₄ calle, a₂lë₁ca₂niá₃ 'ñiog₅ bá₄ o₄'né₄. Ca₂'uin₂ bá₄ jaun₂ në₃. Jme₁ma₂i₂nioi₅₄ caun₂ calle, jaun₂ ca₂ñá'₃ ángel 'éi₂, ca₂téin₂ Pe₄. ¹¹ Jaun₂ gué₄ ca₂rë₃lí'₄ Pe₄, ca₂juá'₂:

—Në₃ gué₄ dsón'₂ guion₄ jniá₂ a₂në₂chen₃ Te₁gui'₅₄ ángel quiáin₅ a₂në₂lió₂ ja₁con₂ Herodes, ca₂le₃jë₃ gué₄ 'e₂ jme₁'nio₃ dsa₂ judíos jmóg'₂.

¹² Të₃ dsi₂jiog₅ dsi₅ le₂jaun₂ Pe₄, ca₂ñó₃ jui₅ ja₁quió'₄ María chog₅₄ Juan₅₄ i₂chen₂ Marcos ján₃. Ja₁jaun₂ jme₁tion'₅₄ dsa₂ le₁ñi'₂ chilén'₂ Diú₄.

¹³ Jme₁ca₂quein₃ Pe₄ o₄'né₄ i₁dsi₅, jaun₂ ca₂o₃'ín₃ jan₂ 'io₅₄ bë'₅₄ i₂chen₂ Rode i₃jág₂ 'ein₂ të₂. ¹⁴ La₁ jme₁ca₂nág₂, ca₂rë₃cuí'₅ jág₁ quió'₅ Pe₄ në₃, jaun₂ tsá₃ ca₂niá₃ dsi₂jui₅, ia₁ ñí₄ lë₃ ca₂jmo₃ 'io'₂. Jaun₂ ca₂ñái'₃ bá₄ táng₃ dsi₂néi₂ i₁con₂ jág₁, Pe₄ bá₄ 'éi₂ ca₂dsióg₃. ¹⁵ Jaun₂ ca₂juá'₂ dsa₂ ca₂tsí'₃ 'io₅₄ bë'₅₄ 'éi₂:

—i₂A₂lë₁të₂'i'₂ bá₄ 'ne₂!

La₁ caun₂ ca₂juá'₂ bá₄ 'io₅₄, a₂dsón'₂ bá₄ 'éi₂. Jaun₂ ca₂ñag₃ táng₃ dsa₂, ca₂juá'₂:

—¿'A₂ bá₄ lia'₂ jaun₂? On₃jua'₅₄ 'éi₂ në₅. 'In₁ ángel quiáin₅ bá₄ në₅.

¹⁶ Të₁lia'₂ jaun₂, caun₂ i₁të₅₄ bá₄ Pe₄ o₄'né₄ i₁chéin'₄. Jme₁ca₂niá₃, ca₂jín₂ Pe₄, jaun₂ ca₂i₃gó'₃ dsi₅. ¹⁷ La₁ jaun₂ ca₂jmo₃ 'éi₂ léi₄ quian'₅₄ mi₂gu₂ a₂ca₂juá'₂ a₂jmo₃ dsa₂ tei₄. Jaun₂ ca₂dsia₃ 'a₂ lia'₂ ca₂lë₃ ca₂jmo₃ Te₁gui'₅₄ a₂ca₂i₁dsei₂₃ 'né₅ 'má₃. Jaun₂ ca₂juá'₂:

—O₂dsia₄ 'nia'₂ o₂chei'₅₄ Jacobo,* ca₂le₃jín₃ gué₄ rin'₅₄ jniog₄.

Jaun₂ ca₂o₃'ín₃ táng₃, ca₂ñó₃ ja₁siá'₂.

¹⁸ Jme₁nia₃ jaun₂, ca₂tón'₂ 'lióg₂ go₂'i₃, ia₁ tsá₃ ñi₅ 'e₂ ca₂lë₃ quian'₅₄ Pe₄. ¹⁹ Jaun₂ Herodes ca₂chein₃ dsa₂ dsi₃'niog'₂. La₁ia₁ tsá₃ ma₃ca₂dsáu'₂. Jaun₂ jme₁ca₂cáun₂ jág₁ dsau₅ quió'₅ 'lióg₂ i₂jme₁jmo₅ 'í₁ 'éi₂, ca₂jmo₃ 'éi'₃ ca₂jme₃dsiog₅ dsa₂. Cang₂ jaun₂, ca₂o₃'ín₃ Herodes 'uë₃ Judea, jaun₂ ca₂ñó₃ ca₂i₁gua₂ Cesarea.

Ca₂jon₃ Herodes

²⁰ Jme₁'ne₂ Herodes quian'₅₄ dsa₂ i₂jme₁tián'₄ Tiro quian'₅₄ Sidón. La₁ dsa₂ 'éi₂ në₃ ca₂jmo₃ caun₂ jág₁ ca₂i₁lein₅₄ ca₂jme₁jniái₂₃ ne₅₄. Ca₂jme₃'uáin₂ dsi₅ jan₂ i₂chen₂ Blasto a₂jmo₃ dse₃ dsi₅. Jme₁lín₄ Blasto jan₂ dsi₂tan₅₄ juin'₂ quián₅ Rag₅₄ Herodes. Ca₂nau₂ ne₄ jág₁, ca₂mi₃ dsian₅ mi'₅₄. Ia₁ juig₂ go₄ rag₅₄ bá₄ jme₁rau₂ a₂gué'₅ dsa₂ chan₂ Tiro quian'₅₄ Sidón. ²¹ Herodes në₃ ca₂të₃, ca₂tióng₃ caun₂ jmig₄ a₂chi₁jniog₂₃ dsi₁lén₂ dsa₂. Jme₁ca₂të₂ jmig₄ jaun₂, ca₂quí'₂ Herodes tsin'₅₄ a₂rë₂liin₅₄ a₂lín₅ rag₅₄, jaun₂ ca₂i₁gua₂ ne₄ ne₄ta₁ quió'₅, jaun₂ ca₂ton₃ jág₁. ²² Jaun₂ ca₂jme₃lióg₃ dsa₂ juig₂ qui₂ca₂guió'₃ ca₂juá'₂:

—i₂juá'₂ në₅, on₃jua'₅₄ dsa₂ mi₂güig₃! Jan₂ diú₄ bá₄ në₅.

²³ Co₂tan₅₄ dsi₂jui₅ le₂jaun₂ ca₂jmo₃ ángel i₂chen₄ quián₅ Te₁gui'₅₄ a₂ca₂rë₃dso'₅₄ Herodes, ia₁ ca₂cuë₃ jmig₄ a₂jme₃juag'₂ dsa₂ 'ñiog₅, 'nió'₄ a₂jme₁jme₃juin'₂ Diú₄. Ca₂join₃ bá₄ jaun₂ në₃, ca₂dsó'₃ i₁ja'₅₄ quió'₅.

* **12:17** o₃, Santiago. Rin'₅₄ Jesús. I₂sián'₂ bá₄ Jacobo rin'₅₄ Juan₅₄ (ja₁ñi'₅₄ Zebedeo) i₂ca₂ñag₃, Herodes, Hechos 12:1.

24 La₁ jág₁ dse₃ quió'₅ Te₁gui'₅₄ ně₃ caun₂ ca_{2i3}'ág₃ bá₄, qui₂ca₂'ě₂ dsa₂ 'lióng₂ juig₂.

25 Jme₁ca₂lě₃ ta₁ jaun₂ quió'₅ Bernabé quian'₅₄ Saulo, jaun₂ ca₂'u_{in2} Jerusalén ca_{2i3}lein₃† jñiai₂₃ i₂jme₁chen₂ Juan₅₄ i₂jme₁tě'₂ dsa₂ Marcos ján₃.

13

Ca₂jme₃lióg₃ Bernabé quian'₅₄ Saulo ca₂jmo₃ ta₁ a₂'ě₂ jág₁ dse₃

1 Co₂nió'₃ dsa₂ i₂'én₂ jág₁ quió'₅ Jesús, i₂jme₁tián'₄ juig₂ Antioquía, jme₁chan₂ dsa₂ i₂jme₁'ě₂ jág₁ quiáin₅, tě₅ ně₃, ju₁lia'₂ Bernabé quian'₅₄ Si₂mu₅₄ (i₂tě'₂ dsa₂ dsa₂ lia'₂); Lucio i₂chan₂ Cirene; Manaén ně₃ (i₂co₂lě₅ ca₂can'₅₄ quian'₅₄ Herodes i₂lín₅ dsi₄má'₂ 'uě₃ Galilea);* quian'₅₄ Saulo ně₃. 2 Co₂ráun₂ tioin'₅₄ le₁ñii'₂ jme₂juin'₂ Te₁gui'₅₄, a₂jme₂'iin₅₄, jaun₂ ca₂juá'₂ Jme₂dsí₂ Jñió₅:

—Con'₂ chén'₂ 'nia'₂ Bernabé quian'₅₄ Saulo, ia₁jaun₂ dsi₃jmo₂ ta₁ a₂ma₂tě₃ jniá₂ jmo₃.

3 Jaun₂ jme₁ca₂lě₃ chi₂lín'₂ Diú₄, a₂jme₂'iin₅₄ ně₃, qui₂ca₂quiog₂ gu₂ ne₄ quió'₅ dsa₂ 'éi₂, jaun₂ guě₄ qui₂ca₂'ág'₃ jág₁ riin'₅₄.

Dsa₂ i₂chen₄ quián₅ Jesús 'ě₂ jág₁ tě₂ Chipre

4 Jaun₂ ca₂chei₃ Jme₂dsí₂ Jñió₅ ca₂chein₃ Bernabé quian'₅₄ Saulo a₂ca_{2i3}lěin₂ ju₁Seleucia. Ja₁jaun₂ ca₂tóin'₂ ni₁barco a₂ca_{2i3}lěin₂ caun₂ 'uě₃ a₂niog₅ jě₄ jmi₁ñí'₄, ja₁chei₂ Chipre. 5 Jme₁ca₂dsi₃lěin₂ ja₁jaun₂, caun₂ juig₂ a₂niog₅ chei'₅₄ jmi₁ñí'₄ ja₁tě'₂ dsa₂ Salamina, ja₁jaun₂ ca₂jme₃lióg₃ qui₂ca₂'ě'₃ dsa₂ jág₁ dse₃ quió'₅ Te₁gui'₅₄ dsi₂néi₂ guá'₅ sinagogas quió'₅ dsa₂ judíos. Jme₁quian'₅₄ bá₄ Juan₅₄ ján₃ i₂lín₅ dsa₂ i₂jme₂'o₅₄ quió'₅.

6 Ca_{2i1}noi₂ ta₁caun₂ 'uě₃ jaun₂, ca₂dsi₃lěin₂ caun₂ juig₂ ja₁tě'₂ dsa₂ Pafos. Ja₁jaun₂ ca₂jein'₂ jan₂ dsa₂ judío, jan₂ dsa₂ i₂chan₂ dsi₅, i₂tin₂ jág₁ tě₂jág₁, a₂jme₁jme₂gain₂₃ dsa₂ a₂juá'₂ a₂lín₅ jan₂ i₂'ě₂ jág₁ quián₅ Diú₄. Dsa₂ 'éi₂ jme₁tě'₂ dsa₂ Barjesús.† 7 Jme₁ quian'₅₄ dsi₄má'₂ i₂chen₂ Sergio Paulo. Dsi₄má'₂ 'éi₂ jme₁lín₄ jan₂ dsa₂ i₂niog₅ dsi₄ 'ñio₅ lín₃. Co₂ráun₂ ca₂tě'₃ Bernabé quian'₅₄ Saulo, ia₁ a₂'nio₃ nag₃ jág₁ dse₃ quió'₅ Diú₄. 8 La₁ Barjesús 'éi₂ ně₃, i₂tě'₂ dsa₂ Elimas ján₃, tsá₃ jme₁'nio₃ a₂le₃'én₂ dsi₄má'₂. Jaun₂ jme₁jné₅ ju₁. 9 Jaun₂ Saulo, i₂tě'₂ dsa₂ Pablo ján₃, rě₂rin₅ Jme₂dsí₂ Jñió₅ tě₂dsí₅, ca₂jín₂ tiá₂ dsa₂ 'éi₂, 10 jaun₂ ca₂juá'₂:

—i'Ne₂ dsa₂ tě₂jág₁, dsa₂ quián₅ i₂sě₃dsen₃, i₂'io'₅₄ ca₂le₃jě₃ cosa dse₃! ě'E₂ lě₃ qui₁jñig'₄ ju₁ co₂dsau₅ quió'₅ Te₁gui'₅₄? 11 Tě₂ně₃ cón'₅ 'ě₂ Te₁gui'₅₄ jmi₁ui₅ quiáng'₂, co₂dsia₅ téng'₂, co₂'na₂ tsá₃ ma₃lě₂ jag'₅₄ si₂ quió'₅ 'iog₂.

Dsi₂ju₁ jaun₂ ca₂téin₂ co₂dsia₅, qui₁né'₃ ca₂jén'₃. Jaun₂ jme₁'nai'₂ jan₂ i₂tě₂ tsán'₂ gu₂. 12 Jme₁ca₂jág₃ gui'₅₄ dsi₄má'₂ a₂ca₂lě₃ jaun₂, ca₂rě₃'éin₂ ca₂nág₂ dsi₂gó'₃ dsí₅ jág₁ dse₃ quió'₅ Te₁gui'₅₄.

Pablo quian'₅₄ Bernabé tioin'₅₄ Antioquía ja₁tén₄ Pisidia

13 Ca₂'í₃ Pablo quian'₅₄ riin'₅₄ 'ñio'₃ ni₁barco juig₂ Pafos, ca_{2i3}lěin₂ ju₁Perge, juig₂ tén₅ 'uě₃ Panfilia. Ca₂tén₂ Juan₅₄ riin'₅₄ ja₁jaun₂, jaun₂ ca₂ñái'₃ ju₁Jerusalén. 14 Ca₂'uin₂ riin'₅₄ Perge ca₂dsi₃lěin₂ táng₃ Antioquía, juig₂ tén₅ 'uě₃ Pisidia. Jaun₂ ca_{2i3}toin'₅₄ guá'₅ sinagoga caun₂ jmig₄ sa₅₄, jaun₂ ca₂tiáin'₂ dsi₂néi₂. 15 Jme₁ma₂ca₂lě₃ 'i₅ dsa₂ Si₂ 'Éi'₃ quió'₅ Diú₄ quian'₅₄ Si₂ a₂ca₂jmo₃ dsa₂ i₂jme₁'ě₂ jág₁ ma₂líg'₂ ně₃, jaun₂ ca₂chen₃ jág₁ dsa₂ can'₅₄ quián₅ guá'₅ sinagoga, ca₂juá'₂:

† 12:25 A₂lín₅₄ chog₅₄ si₂: “jaun₂ ca_{2i3}lein₃, Jerusalén.” * 13:1 griego: Herodes tetrarca. † 13:6 Barjesús: a₂jein₅ jág₁ “ja₁ñi'₅₄ Jesús” quian'₅₄ jág₁ jme₁, arameo.

—Rin' ₅₄ jniog₄, chi₂jua' ₂ cha₂ jág₁ dse₃ quián' ₂ 'nia' ₂ a₂cuë' ₅₄ dsa₂, lé₂ bá₄ jua' ₅₄ 'nia' ₂.

¹⁶ Jaun₂ ca₂nau₂ Pa₄ ca₂jmo₃ léi₄ quian' ₅₄ gu₂ a₂mi₂₃ a₂jmo₃ dsa₂ tei₄, jaun₂ ca₂juá' ₂:

—Nei₂ 'nia' ₂ dsa₂ israelitas, 'nia' ₂ guë₄ dsa₂ sián' ₂ i₂gan₃ Diú₄: ¹⁷ Diú₄ quián₂ jniog₄ dsa₂ lág₅ juig₂ Israel ca₂quióin' ₂ dsa₂ can' ₅₄ quián₂ jniog₄ ma₂líg' ₂. Ca₂jmo₃ Diú₄ ca₂i₃juín₂ dsa₂ 'éi₂ lia' ₂ con' ₂ jme₁tián' ₄ 'uë₃ Egipto a₂lín₅ dsi₂nau₂. Cang₂ jaun₂ ca₂lë₃ caun₂ juig₂ pa₁. Diú₄ në₃ ca₂lió₂ quian' ₅₄ bí₂ quió' ₅, ca₂'uág' ₂ 'uë₃ jaun₂. ¹⁸ Ca₂jme₃juin' ₂ Diú₄ dsí₅ quiong' ₅₄ † tē₂láu₃ ηi₂ tē₂lia' ₂ jme₁innoi₅₄ gua' ₅₄ quein₂, ¹⁹ ca₂'éin₂ guio₃ juig₂ go₄ dsa₂ i₂jme₁tián' ₄ 'uë₃ Cana'án, 'uë₃ jaun₂ në₃ ca₂cuë' ₃ dsa₂ can' ₅₄ quián₂ jniog₄ i₂jme₁chan₂ ma₂líg' ₂.

²⁰ 'Cang₂ jaun₂ ca₂dsin₃ con' ₂ quén₂ 'ñiá₂-láu₂ rē₂dsí₂ tē₂láu₃-guiá₂ (450) ηi₂, ca₂qui₃dsi₅ Diú₄ 'éi' ₃ jin₄ dsa₂ 'éi₂ tē₂le₃ quian' ₅₄ juë₄ ca₂lia' ₂ ca₂tē₂ jmi₄ a₂ca₂rē₃chán₃ Samuel i₂qui₂ca₂'ē₂ jág₁ quió' ₅ Diú₄ cang₂ jaun₂. ²¹ Jaun₂ ca₂mi₃ jan₂ rag₅₄. Jaun₂ Diú₄ në₃ ca₂cuin₃ Saúl ja₁ηi' ₅₄ Cis, tsi₁jon₂ Benjamín; ca₂jmo₃ 'éi' ₃ con' ₂ tē₂láu₃ ηi₂. ²² Cang₂ jaun₂ ca₂jñiá' ₂ Diú₄ ta₁ quió' ₅ Saúl a₂jme₁lín₄. Jaun₂ David bá₄ ca₂chein' ₃ ca₂lín₃ rag₅₄. Jaun₂ ca₂juá' ₂ Diú₄ 'iin₂₃ Rag₅₄ David: “Ca₂dsó' ₂ jniá₂ ja₁con₂ David ja₁ηi' ₅₄ Isaí, a₂lín₅ jan₂ dsa₂ i₂lë₅ dsí₅ lia' ₂ lë₅ dsi₃ jniá₂, jan₂ dsa₂ i₂jmo₃ a₂'ñio₂ dsi₃.”

²³ 'Jaun₂ në₃ rin' ₅₄ jniog₄, jan₂ chi' ₂ dsio₄ David 'éi₂ bá₄ lín₅ Jesús i₂ca₂chen₃ Diú₄ a₂lióin₂ dsa₂ juig₂ Israel lia' ₂ con' ₂ lë₅ jág₁ quió' ₅ ma₂cuë₃ le₂jñiá₅. ²⁴ Né' ₃ a₂guán₂ Jesús, ca₂'ē₂ Juan₅₄ jág₁ ca₂tsí' ₃ ca₂le₃jín₃ dsa₂ Israel a₂'nió' ₅ qui₃choin₃ jmi₄, dsi₃quén' ₅ dsí₅ në₃. ²⁵ Jaun₂ ca₂juá' ₂ Juan₅₄ jme₁ja₂quián₃ jóin₂: “On₃jua' ₅₄ 'éi₂ jniá₂ jui₁lia' ₂ dsi₂jio₅ 'au' ₂ 'nia' ₂ lín₅ jniá₂. La₁ i₂já₅ chi₁co' ₅₄ quió₃ në₃, 'éi₂ bá₄ i₂'uan' ₂ guë₄ lia' ₂ con' ₂ guë₄ jniá₂, ca₂lia' ₂ jñia' ₅₄ lau₂ ton₅ tag₅₄ bá₄ tsá₃ ca₂tíng₂ tsi' ₅₄ quió' ₅.” §

²⁶ 'Rin' ₅₄ jniog₄, ca₂le₃jín' ₃ guë₄ 'nia' ₂ i₂lín₅ chi' ₂ dsio₄ Abraham, quian' ₅₄ ca₂le₃jín₃ guë₄ 'ein₂ chan₂ quián' ₂ 'nia' ₂ i₂jme₂gan₃ Diú₄: a₂quián' ₂ 'nia' ₂ bá₄ jág₁ dse₃ la₂ a₂ca₂'ē₂ Diú₄ a₂lión₂ dsa₂. ²⁷ Dsa₂ i₂jme₁tián' ₄ Jerusalén quian' ₅₄ dsa₂ can' ₅₄ quián₅, tsá₃ ca₂rē₃ηi₅ 'ein₂ 'éi₂ jme₁chen₂ Jesús, on₃ guë₄ ca₂rē₃ηi' ₂ jág₁ a₂qui₂ca₂'ē₂ dsa₂ i₂chen₄ quián₅ Diú₄ le₂jñiá₅. Jaun₂ lë₃, jág₁ jaun₂ a₂'i₂₃ ne₄ Si₂ ca₂le₃jë₃ jmi₄ sa₅₄ ca₂jme₃ti₃ guioin₅₄ jme₁ca₂jmo₃ 'éi' ₃ a₂jñi' ₃ Jesús. ²⁸ 'I₁caun₂ dsáu₁ Jesús tsá₃ 'e₂ ca₂dsó' ₂ dsa₂ jua' ₅₄ a₂'i₄ 'éi' ₃ a₂jñag' ₃, la₁ tion₅₄ bá₄ ca₂mi₃ dsa₂ jág₁ ne₄ Pilato a₂jmo₃ 'éi₂ 'éi' ₃ a₂jñag' ₃. ²⁹ Jaun₂ në₃ jme₁ma₂lë₅ 'a₂ con' ₂ lë₅ juá' ₂ ne₄ Si₂ quió' ₅ Diú₄ a₂'iin₂₃ Jesús, jaun₂ ca₂sió₂ dsa₂ ne₄ cróg₄, jaun₂ ca₂i' ₁ó₄. ³⁰ La₁ Diú₄ në₃, ca₂jme₃jein' ₅₄ táng₃ jin₄ 'lag₄. ³¹ 'Lióng₂ jmi₄ bá₄ qui₂ca₂jme₃jnia₅ Jesús ne₄ dsa₂ i₂jme₁quiain' ₅₄ lia' ₂ con' ₂ jme₁ca₂ñó₃ tē₂ Galilea ca₂dsió₃ tē₂ Jerusalén. Jaun₂ në₃ dsa₂ 'éi₂ bá₄ i₂jáng' ₅ jág₁ dsau₅ tsí' ₅ dsa₂ rē₂në₃.

³² 'Jaun₂ le₂në₅ bá₄ a₂cuë₂ jñia' ₅₄ jág₁ dse₃ 'nia' ₂, jág₁ a₂ca₂cuë₃ Diú₄ ca₂cuë' ₃ dsa₂ quián₂ jniog₄ ma₂líg' ₂ jaun₂, ³³ ma₂ca₂rē₃ti' ₅₄ Diú₄ ja₁con₂ jniog₄ i₂lág₅ chi' ₂-guein₂ quián₅ dsa₂ 'éi₂, jme₁ca₂jme₃jein' ₅₄ Jesús con' ₂ lë₅ jág₁ tio' ₅₄ jë₁ca₂tē₂ tin₃ Salmo, a₂juá' ₂:

'Ne₂ líng' ₅ jón₃ quiáng₃;

jmi₄ në₃, ca₂lín₃ jniá₂ ηéi' ₅ 'ne₂.*

³⁴ 'Ca₂juá' ₂ Diú₄ le₂jñiá₅ a₂jme₃jein' ₅₄ jin₄ 'lag₄ ia₁jaun₂ tsá₃ dsi₃'én₂ quió' ₅. Jui₁lia' ₂ juá' ₂ ne₄ Si₂ quió' ₅ Diú₄:
Ján₃ bá₄ cuë₄ jniá₂ 'nia' ₂

‡ 13:18 A₂lín₅₄ chog₅₄ si₂ juá' ₂: “ca₂jmo₃, Diú₄ 'í₁ quió' ₅.” § 13:25 Mateo 3:11. * 13:33 Salmo 2:7.

ca₂le₃jě₃ 'e₂ cosa dse₃
a₂jme₁ti₁ jág₁ quió₃ a₂ca₂cuě₃ David.†

35 'Jaun₂ lě₃, ján₃ guě₂ juá₂ ne₄ Si₂ Salmos ja₁siá₂ táng₃:
Tsá₃ cuě₁ jmig₄

a₂dsi₃guí₂ quió₅ dsa₂ jnió₅ 'éi₂ quiáng₂
i₂jme₂ti₃ ta₁ ne₅₄.‡

36 'David ně₃ ca₂jme₃ti₃ bá₄ jág₁ ne₄ dsa₂ quiáin₅ tē₁lia₂ ca₂rě₃cháin₃ jmig₄
jaun₂, ju₁lia₂ 'éi₃ ca₂juá₂ Diú₄. La₁ ca₂jon₃ bá₄ David ně₃, jaun₂ ca₂i₁ó₄ dsa₂
ja₁le₁on₅ dsa₂ can₅₄ quiáin₅, ca₂siá₃ bá₄ ni₁η₁ 'éi₂ ně₃. 37 La₁ ni₁η₁ Jesús ně₃,
i₂ca₂jme₃jen₅₄ Diú₄, tsá₃ 'e₂ ca₂'en₃.

38 'Jaun₂ ně₃ ri₁n₅₄ jniog₄, tion₅₄ 'nió₅ le₃η₁ 'nia₂ jág₁ a₂'ě₅ jniá₂: tē₂le₃
quian₅₄ Jesús bá₄ dsón₂ 'én₂ dsáu₂ 'nia₂. 39 Tē₂le₃ quian₅₄ 'éi₂, ca₂le₃jín₃ i₂'én₂
tē₂le₃ quió₅, rē₂'én₄ ca₂le₃jě₃ dsáu₁ a₂tsá₃ o₂'én₂ dso₄ cha₂ quián₂ 'nia₂ tē₂le₃
quian₅₄ 'Éi₃ quió₅ Moisés. 40 'Í₁ jmo₄ 'nia₂, ia₁jaun₂ tsá₃ dsi₃η₁ 'nia₂ ju₁lia₂
juá₂ dsa₂ i₂jme₁'ě₂ jág₁ quián₅ Diú₄, jme₁ca₂juá₂ ne₄ Si₂:

41 Jag₄ 'nia₂ dsa₂ i₂táun₂ 'lig₅₄,
ju₁dsi₂gó₃ 'au₂, ju₁dsian₂ 'nia₂.

Ia₁ jniá₂ i₂lín₅ Diú₄ jmo₅₄ léi₄ juě₂
jmig₄ tē₁lia₂ chan₂ 'nia₂.

La₁ léi₄ jaun₂, 'i₁jan₂ 'nia₂ tsá₃ le₃'én₂,

o₁jnia₅₄ 'a₂ guě₂ lia₂ chan₂ i₂dsia₃.§

42 Jme₁ca₂o₃ín₃ Pa₄ quiain₅₄ ri₁n₅₄ guá₅ sinagoga quió₅ dsa₂ judíos,
jaun₂ ca₂mi₃ dsa₂* a₂ja₃lén₂ táng₃ 'éi₂ jmig₄ sa₅₄ caun₂ a₂ja₃'ě₂ jág₁ jaun₂.

43 Jme₁ca₂dsan₃ le₁η₁ dsa₂ dsi₂néi₂ guá₅, jaun₂ ju₁n₅ lín₃ dsa₂ judíos quian₅₄
dsa₂ i₂ma₂gue₃ i₂ma₂tión₂ tiá₂ juá₅ quió₅ dsa₂ judíos, ca₂'ein₃ Pa₄ quiain₅₄
Bernabé, ca₂jme₃quiong₅₄. Jaun₂ ca₂juá₂ dsa₂ i₂chen₄ quián₅ Jesús 'éi₂ ca₂tsí₃
dsa₂ ca₂cuě₃ bí₂ a₂tion₅₄ 'nió₅ tsán₂ tiá₂ jág₁ dse₃ quió₅ Diú₄ i₂'ua₁ dsí₅.

44 Caun₂ semana cang₂ jaun₂, jme₁ca₂tě₂ táng₃ jmig₄ sa₅₄, jaun₂ qui₂ca₂η₁₂
mei₂ tsá₃ ca₂le₃jín₃ dsa₂ juig₂ a₂ca₂o₃néi₃ jág₁ quió₅ Diú₄. 45 La₁ jme₁ca₂jág₃
dsa₂ judíos ju₁n₅ lín₃ dsa₂ tion₅₄, jaun₂ ca₂rě₃'néi₃ a₂dsí₅ 'ηio₅ lín₃, tē₂le₃ jen₅ bá₄
qui₂ca₂ηag₃ jág₁ a₂juá₂ Pa₄, qui₂ca₂jnú₂ jág₁ uig₅ ně₃.

46 Jaun₂ ca₂juá₂ Pa₄ quian₅₄ Bernabé, ca₂dsia₃ tiá₂ dsí₅ ca₂tsí₃ dsa₂:

—Tion₅₄ 'nió₅ jniá₅ de₂ jin₄ 'nia₂ con₂ dsa₂ i₂lín₅ judíos, ca₂tág₂ jnia₅₄ 'ě₄ jág₁
dse₃ quió₅ Diú₄. La₁ tsá₃ guě₂ 'niog₂ 'nia₂ guéi₁, jaun₂ ma₂léi₄ bá₄ a₂tsá₃ lé₂ tín₄
'nia₂ guei₅₄ i₂juíg₃. Jaun₂ lě₃, dsi₁náú₄ jnia₅₄ ja₁con₂ dsi₂nau₂. 47 Ia₁ le₂ně₅ bá₄
'éi₃ ca₂cuě₃ Te₁gui₅₄ jme₁ca₂juá₂:

Ju₁lia₂ si₂ bá₄ lín₅ 'ne₂

i₂ca₂dsiáng₃ quió₅ dsi₂nau₂,

ia₁jaun₂ 'ě₅₄ dsa₂ chan₂ ta₁caun₂ mi₂güig₃

ju₁ ja₁tín₄ dsa₂.†

48 Jme₁ca₂nág₂ dsi₂nau₂ jág₁ ně₅, qui₂ca₂jmo₃ 'io₂, qui₂ca₂dsia₃, dsón₂ bá₄ dse₃
jág₁ quió₅ Te₁gui₅₄. Jaun₂ ca₂rě₃'én₂ ca₂le₃jín₃ i₂con₂ 'i₄ 'éi₃ tín₄ ja₁le₃chain₂
co₂tan₅₄. 49 Jaun₂ le₂ně₅ ca₂i₃'ág₃ jág₁ dse₃ quió₅ Te₁gui₅₄ ta₁caun₂ 'uě₃ jaun₂.

50 La₁ dsa₂ judíos ně₃ ca₂jmo₃ jág₁ quian₅₄ i₂lín₅₄ 'io₅₄ dsen₃ i₂jme₂go₃ dsa₂
juig₂, quian₅₄ i₂lín₅₄ dsa₂ can₅₄ ně₃, ia₁jaun₂ jme₃'iog₅₄ jme₃ηiai₅₄ Pa₄ quiain₅₄
Bernabé. Jaun₂ le₂ně₅ bá₄ ca₂jme₃lióg₃ ca₂jmo₃ jág₁ a₂qui₂ca₂co₃'ein₃ Pa₄

† 13:34 Isaías 55:3. ‡ 13:35 Salmo 16:10. § 13:41 Habacuc 1:5. * 13:42 A₂lín₅₄ chog₅₄ si₂: “ca₂mi₃
dsi₂nau₂.” † 13:47 Isaías 49:6.

quian'⁵⁴ Bernabé ca₂lia'² ca₂'uin₂ 'éi₂ juig₂ jaun₂. ⁵¹ Jaun₂ 'éi₂ ně₃ qui₂ca₂séi'² 'liog₂ mi₂tag⁵⁴. † Ca₂'uin₂ bá₄ jaun₂, ca₂i₃léin₂ jui₅ Iconio. ⁵² La₁ ca₂le₃jín₃ dsa₂ i₂ca₂rě₃'én₂ ně₃, 'io'₂ jmo₂₃, rě₂rín₅ Jme₂dsí₂ Jnió₅ tē₂dsí₅.

14

Pablo quian'⁵⁴ Bernabé tioin'⁵⁴ juig₂ Iconio

¹ Ca₂'í₃ Pablo co₂lě₅ quian'⁵⁴ Bernabé dsi₂néi₂ guá'⁵ sinagoga quió'⁵ dsa₂ judíos juig₂ Iconio. Ja₁jaun₂ ca₂jme₃tin₂₃ táng₃ dsa₂ jág₁ dse₃ quió'⁵ Diú₄. Juin₅ bá₄ dsa₂ ca₂rě₃'én₂, lia'² dsa₂ judíos lia'² dsi₂nau₂ ně₃. ² La₁ dsa₂ judíos i₂tsá₃ 'én₂ ně₃, ca₂tsí'³ dsi₂nau₂ a₂chi₃'iin₃ 'lig'⁵⁴ dsa₂ i₂'én₂. ³ Jaun₂ lě₃, uě₂ bá₄ ca₂'í₃ Pa₄ quian'⁵⁴ Bernabé. Ca₂dsia₃ tiá₂ dsí₅ quian'⁵⁴ bí₂ quió'⁵ Te₁gui'⁵⁴, qui₂ca₂'ě₂ jág₁; jaun₂ Diú₄ ně₃ ca₂cuě₃ bí₂ ca₂jmo₃ 'éi₂ léi₄ juě'² a₂dsi₃gó'³ dsi₅, ia₁jaun₂ le₃lí'⁴ dsa₂, jág₁ dsau₅ a₂dse₃ dsí₅ Diú₄ bá₄ 'ě₂ 'éi₂. ⁴ La₁ dsa₂ juig₂ 'éi₂ jme₁lě₄ le₁dson'⁵⁴ i₂jme₁tión₂ le₃quió'⁵ dsa₂ judíos, i₂jme₁tión₂ le₃quió'⁵ dsa₂ i₂chen₄ quián₅ Jesús 'éi₂ ně₃.

⁵ Jaun₂ ca₂jmo₃ caun₂ jág₁ dsa₂ judíos quian'⁵⁴ dsi₂nau₂, quian'⁵⁴ dsi₂tan⁵⁴, a₂tsí'³ jág₁ uig₅ dsa₂ 'éi₂, a₂qui₃ináu'² cang₄ ně₃. ⁶ La₁ jme₁ca₂rě₃ni₅ Pa₄ quian'⁵⁴ Bernabé, ca₂cuing₃ jui₅ Listra, jui₅ Derbe ně₃, tin₃ juig₂ ja₁tén₄ Licaonia, ca₂i₁nioi₁₂ le₂tan⁵⁴ 'uě₃ jaun₂, ⁷ qui₂jme₂tin₂₃ dsa₂ jág₁ dse₃ a₂lión₂ dsa₂.

Ca₂cuě₃ dsa₂ cang₄ ca₂cuě'³ Pablo juig₂ Listra

⁸ Juig₂ Listra jme₁chan₂ jan₂ dsa₂ i₂tsá₃ lé₂ ni₃. Lia'² jaun₂ lín₅, lia'² con'² jme₁ca₂rě₃cháin₃, guá'⁵ ja₁jaun₂, 'i₁cón'² tsá₃ ma₂ca₂ni₃ ca₂le₃jě₃ jmig₄ a₂chain₂. ⁹ Ca₂nág₂ dsa₂ 'éi₂ jág₁ a₂ca₂dsia₃ Pa₄. Jaun₂ Pa₄ ně₃ ca₂jág₃ tiá₂ ca₂jín₂ dsa₂ 'éi₂, jaun₂ ca₂rě₃lí'⁴ Pa₄ a₂'én₂ dsa₂ 'éi₂ a₂lé₂ 'lióin₂. ¹⁰ Jaun₂ ca₂juá'² tiá₂ ca₂tsí'³ dsa₂ 'éi₂:

—Rě₂ nau₂. Co₂dsau₅ chí'² mi₂tag⁵⁴.

Jaun₂ dsi₂jui₅ ca₂ráun₂ ca₂nau₂ dsa₂ 'éi₂, ca₂jme₃lióg₃ ca₂ni₃. ¹¹ Jme₁ca₂jág₃ dsa₂ a₂ca₂jmo₃ Pa₄ jaun₂, ca₂tóin'² co₂mi'⁵⁴, ca₂guió'³ quian'⁵⁴ jág₁ jmei₅ quió'⁵ dsa₂ chan₂ Licaonia, ca₂juá'²:

—i₁Diú₄ i₂lín₅ dsa₂ ca₂sión₃ jě₄ quián₂ jniog⁴!

¹² Juá'² dsa₂ a₂lín₅ Bernabé diú₄ Júpiter, Pa₄ guě'² lín₅ diú₄ Mercurio* ia₁ 'éi₂ bá₄ i₂juá'² guě₄ jág₁. ¹³ Jaun₂ jme₁chí'⁴ guá'⁵ quió'⁵ diú₄ Júpiter ja₁dsi₁lén₂ dsa₂ juig₂ jaun₂. Dsa₂ i₂lín₅ jme₂dsa₂ quián₅ Júpiter ca₂dsióg₃ quian'⁵⁴ juin₅ dsa₂ le₁jniai₂₃ ca₁jui₅ le₁quian₅ lí₁ ně₃, a₂jme₁'nio₃ jme₃dsiain₂₃ ca₁jui₅ a₂jme₁jéin'² ne₄ Pa₄ quian'⁵⁴ Bernabé. ¹⁴ La₁ jme₁ca₂rě₃lí'⁴ Pa₄ quian'⁵⁴ Bernabé i₂chen₄ quián₅ Jesús, a₂ma₂tion'⁵⁴ dsa₂ jmo₂₃ le₂jaun₂, jaun₂ ca₂jme₃lióg₃ ca₂gág₃ tsin'⁵⁴. † Jaun₂ ca₂tóin'² jin₄ dsa₂ ca₂guió'³ ca₂juá'²:

¹⁵ —i₁Nei₂ 'nia'²! ¿'E₂ lě₃ jmo'² 'nia'² le₂ně₅? Dsa₂ mi₂güig₃ bá₄ jnia'⁵⁴, jui₁lia'² 'nia'². A₂le₁quian₁ jág₁ dse₃ bá₄ jnia'⁵⁴ ja₂náu₅, a₂chei₅₄ 'nia'² a₂jñiá'⁴ 'nia'² ca₂le₃jě₃ a₂ně₅ a₂tsá₃ 'e₂ ta₁ tí₄, a₂jen'⁵⁴ 'nia'² tē₂le₃ quió'⁵ Diú₄ jén'³ i₂ca₂jmo₃ guei'⁵⁴ i₂juig₃, gua'⁵⁴ 'uě₃, jmi₁ni'⁴ ně₃, ca₂le₃jě₃ guě₄ 'e₂ a₂cha₂ ja₁jaun₂. ¹⁶ Njog₅ Diú₄ ca₂cuě₃ jmig₄ ma₂líg'² ca₂cuě'³ ca₂le₃jín₃ dsa₂ chan₂ gua'⁵⁴ 'uě₃ a₂jmo₃ con'² lě₂ dsí₅ guoin⁵⁴. ¹⁷ La₁ Diú₄ ca₂'ě'³ dsa₂ 'ein₂ lín₅, ca₂jmo₃ bá₄ léi₄ tē₂le₃ quian'⁵⁴ ca₂le₃jě₃ a₂dse₃ a₂qui₂ca₂jmo₃. 'Éi₂ bá₄ jmo₅ a₂tang₂ jmí₅ ia₁jaun₂ qui₃ráu₃ ca₂le₃jě₃ a₂qui₂guě'³ dsa₂. 'Éi₂ bá₄ jmo₅ a₂le₁'ág₄ dse₃ dsí₅ dsa₂.

‡ **13:51** Co₂'nió'⁴ a₂ca₂jmo₃ léi₄, guion⁵⁴ bá₄ dsa₂ juig₂ ma₂rě₂cáin'⁴ ia₁ tsá₃ ca₂gue₃ jág₁ quió'⁵ Diú₄. 'Nio'² ja₁ton₅ Marcos 6:11, Lucas 9:5, 10:11, Hechos 18:6. * **14:12** griego: Hermes. † **14:14** ca₂gág₃, tsin'⁵⁴: le₂jaun₂ jme₁jmo₅ dsa₂ léi₄ chi₂juá'² 'e₂ tsá₃ tē₃ dsí₅.

18 Ja₂lag₃ le₂jaun₂ bá₄ ca₂tió'₃ ca₂jme₃'uáin₂ dsí₅ dsa₂, a₂tsá₃ ma₃qui₃jéin'₂ já'₂ ne₅₄.

19 Jaun₂ ca₂dsi₃lén₂ i₂lín₅₄ dsa₂ judíos i₂chan₂ Antioquía, quian'₅₄ i₂chan₂ Iconio, qui₂ca₂toin'₂ jág₁ dsa₂, ca₂jmo₃ jág₁. Jaun₂ ca₂cuě'₃ cang₄ Pa₄, ca₂tsi₂cuang'₂ tē₂'ni'₂ juig₂, a₂ma₂nē₂jag'₃ bá₄ lín₂. 20 La₁ jme₁ca₂ñi'₂ dsa₂ i₂én₂ riin'₅₄ ja₁rē₂quiain₂₃, ca₂nau₂ Pa₄, ca₂ñó₃ táng₃ jui₅ jē₄ juig₂. Jme₁jnia₃ jaun₂ guě₄, ca₂o₃íin₃ juig₂ jaun₂ quiain'₅₄ Bernabé, ca₂l₃lén₂ jui₅ Derbe.

21 Juin₅ dsa₂ chan₂ juig₂ Derbe ca₂rē₃'éin₂ jme₁ca₂nág₂ ca₂'ě₂ dsa₂ 'éi₂ jág₁ dse₃ a₂tín'₄ dsa₂. Jaun₂ ca₂'u₂in₂ ja₁jaun₂, ca₂i₃lén₂ táng₃ jui₅ Listra, jui₅ Iconio ně₃, a₂ca₂dsi₃lén₂ táng₃ Antioquía. 22 Le₂tan₅₄ juig₂ ja₁jaun₂ qui₂ca₂cuě'₃ bí₂ dsa₂ i₂én₂. Qui₂ca₂toin'₂ jág₁ dsa₂ a₂'nió'₅ tsán'₂ dsa₂ tiá₂ jág₁ dse₃. Ca₂juá'₂:

—Tion₅₄ 'nió'₅ ñag'₅₄ de'₂ 'nia'₂ jmi₁uig₅ mi₂güig₃ la₂, né'₃ guě₄ a₂dsi₁no'₃ 'nia'₂ ja₁gon₂ Diú₄.

23 Ján₃ bá₄ ca₂'in₃ dsa₂ dsa₂ can'₅₄† lia'₂ caun₂ guá'₅. Jaun₂ cang₂ jme₁ca₂lě₃ chi₂lén'₂ dsa₂ Diú₄, a₂jme₂'iin₅₄ ně₃, ca₂dsiain₃ riin'₅₄ i₂én₂ 'éi₂ o₄gú₃ Te₁gui'₅₄, ia₁ tē₂le₃ quió'₅ Te₁gui'₅₄ bá₄ ma₂'én₂ dsa₂.

Pa₄ quian'₅₄ Bernabé ca₂i₃lein₃ táng₃ Antioquía ja₁tén₄ Siria

24 Cang₂ jaun₂ ca₂ñi₃ jui₅ 'uě₃ Pisidia, jaun₂ ca₂dsi₃lén₂ 'uě₃ Panfilia.

25 Qui₂ca₂'ě₂ jág₁ juig₂ Perge, jaun₂ ca₂i₃lén₂ juig₂ Atalia. 26 Ja₁jaun₂ ca₂toin'₂ ni₁barco a₂ca₂i₃lein₃ táng₃ Antioquía, juig₂ ja₁ca₂jáng'₂ dsa₂ riin'₅₄ o₄gú₃ Diú₄ le₂jñiá₅, a₂jmo₃ ta₁, co₂'nió'₄ ta₁ a₂ma₂ca₂lě₃ jmo₂₃. 27 Jme₁ca₂dsi₃lein₃ Antioquía, ca₂ñi₃' ca₂le₂jín₃ riin'₅₄. Jaun₂ ca₂dsia₃ ca₂le₂jě₃ 'e₂ ca₂jmo₃ Diú₄ quiong'₅₄, 'a₂ lia'₂ ca₂niá₃ Diú₄ jui₅ quió'₅ dsí₂nau₂, ia₁jaun₂ le₃'én₂ 'éi₂ ján₃. 28 Jaun₂ uě₂ bá₄ ca₂'í₃ Pa₄ ja₁jaun₂, Bernabé ně₃ quiain'₅₄ dsa₂ i₂én₂.

15

Ca₂ñi'₂ riin'₅₄ Jerusalén

1 Jmí₄ jaun₂ i₂lín₅₄ dsa₂ chan₂ Judea ca₂dsi₃lén₂ juig₂ Antioquía, ca₂jme₃lióg₃ ca₂jme₃tín₂₃ riin'₅₄ ja₁jaun₂, ně₁jua'₂ tsá₃ ti₅ dsa₂ ni₁lo₁ dsa₂ ñe'₂ lia'₂ con'₂ lě₅ Si₂ 'Éi'₃ quió'₅ Moisés, tsá₃ lé₂ tín'₄. 2 Pablo quian'₅₄ Bernabé ca₂tsi₂in₂ 'ñio₅ lín₃ quian'₅₄ dsa₂ 'éi₂. Jaun₂ ca₂'in₃ dsa₂ Pa₄ quian'₅₄ Bernabé, quiain'₅₄ i₂lín₅₄ guě₄ dsa₂ sián'₂ ně₃, a₂dsi₃lén₂ Jerusalén a₂jme₃rě₃ jág₁ jaun₂ quiain'₅₄ dsa₂ riin'₅₄ i₂chen₄* quián₅ Jesús quian'₅₄ dsa₂ can'₅₄† quián₅ dsa₂ 'én₂.

3 Co₂nió'₃ dsa₂ i₂én₂ juig₂ Antioquía ca₂'ág'₃ jág₁ riin'₅₄ i₂ca₂'iin₃ 'éi₂, jaun₂ 'éi₂ ně₃ ca₂i₁nioi₁₂ 'uě₃ Fenicia quian'₅₄ 'uě₃ Samaria. Ja₁jaun₂ ca₂dsia₃ 'a₂ lia'₂ ca₂rē₃'én₂ dsí₂nau₂. Jaun₂ lě₃, 'ñio₅ lín₃ 'io'₂ ca₂jmo₃ dsa₂ riin'₅₄ jme₁ca₂rē₃ñi₅.

4 Jme₁ca₂dsióg₃ Pa₄ quiain'₅₄ Bernabé juig₂ Jerusalén, ca₂guei₃ ca₂le₂jín₃ dsa₂ 'én₂ ja₁jaun₂, dsa₂ riin'₅₄ i₂chen₄ quián₅ Jesús, dsa₂ can'₅₄ quián₅ dsa₂ 'én₂ ně₃. Jaun₂ ca₂dsia₃ Pa₄ quian'₅₄ Bernabé ca₂tsí'₃ riin'₅₄ 'a₂ lia'₂ ma₂jmo₃ Diú₄ quiong'₅₄.

5 La₁ qui₂ca₂nau₂ i₂lín₅₄ dsa₂ fariseos i₂ma₂'én₂, jaun₂ ca₂juá'₂:

—Ca₂tín₂ dsí₂nau₂ ti₃ dsa₂ ni₁lo₁₂, jaun₂ 'nió'₅ nag₃ a₂jme₃ti₃ Si₂ 'Éi'₃ quió'₅ Moisés.

6 Jaun₂ ca₂ñi'₂ dsa₂ i₂chen₄ quián₅ Jesús, quian'₅₄ dsa₂ can'₅₄ ně₃, ia₁jaun₂ 'no'₂ dsí₅ 'a₂ lia'₂ jmo₃ jui₁lia'₂ jág₁ jaun₂. 7 Jme₁ma₂nē₂dsia₃ jág₁ 'ñio₅ lín₃, ca₂nau₂ Pedro jaun₂ ca₂juá'₂:

—Rin'₅₄ jniog₄, ñi'₅₄ bá₄ 'nia'₂ jaun₂, jniá₂ dsa₂ i₂ca₂quión'₂ Diú₄ jin'₄ 'nia'₂ ma₂i₁jáun₃, ia₁jaun₂ cuě₄ jniá₂ jág₁ dse₃ dsí₂nau₂, ia₁jaun₂ le₃'én₂. 8 Jaun₂ Diú₄

‡ 14:23 griego: presbíteros. * 15:2 griego: apóstolous. † 15:2 griego: presbíteros.

ně₃, i₂cuí'₅ dsí'₅ dsa₂, ca₂jmo₃ léi₄ a₂guei₃ bá₄, ca₂cuin₃ Jme₂dsí₂ Jñi₅o₅ quiáin₅, ca₂cuin₃ dsa₂ 'éi₂ ju₁lia'₂ ma₂cuag₃ jniog₄. ⁹ Tsá₃ jma₃quén₅ 'nio₃ Diú₄ jniog₄ quian'₅₄ dsa₂ 'éi₂, ia₁ ján₃ bá₄ ca₂rang₃ jme₂dsí₂ quió'₅ dsa₂ 'éi₂ ia₁ ca₂rě₃'éin₂. ¹⁰ Jaun₂ ně₃, ċ'e₂ lě₃ dsi₂jniog₅ 'au'₂ 'nia'₂ a₂tsá₃ dsau₅ a₂ma₂jmo₃ Diú₄? ċ'E₂ lě₃ lín'₂ 'nia'₂ a₂tion₅₄ 'nió'₅ jme₃ti₃ dsa₂ i₂én₂ 'éi₂ Si₂ 'Éi'₃, ton'₂ ca₂lia'₂ jñia'₅₄ dsa₂ can'₅₄ quián₂ jniog₄ tsá₃ ca₂tió'₃ jme₃ti₃, on₃ guě'₂ jniog₄ tián₂ jme₃ti₁? ¹¹ La₁ ne₄ jniog₄, a₂dse₃ dsí'₅ Te₁gui'₅₄ Jesús bá₄ a₂tág'₄, co₂rě₂ quian'₅₄ dsa₂ 'éi₂.

¹² Jaun₂ ca₂jmo₃ dsa₂ tei₄, jaun₂ ca₂nág₂ tē₁lia'₂ ca₂juá'₂ Bernabé quian'₅₄ Pablo ca₂le₃jě₃ léi₄ juě'₂ a₂ma₂jmo₃ Diú₄ tē₂le₃ quiong'₅₄, jin₄ dsi₂nau₂.

¹³ Jme₁ca₂dsan₃ juá'₂ 'éi₂, jaun₂ ca₂juá'₂ táng₃ Jacobo:

—Rin'₅₄ jniog₄, nei₂ 'nia'₂ a₂juá'₄ jniá₂: ¹⁴ Ma₂ně₂dsia₃ Si₂mu₅₄ Pe₄ 'a₂ lia'₂ ca₂jmo₃ Diú₄ dse₃ dsí'₅ jě₁le₂'uig₅₄ tē₂le₃ quió'₅ dsi₂nau₂, 'a₂ lia'₂ ca₂quióin'₂ ján₃ jin₄ dsa₂ 'éi₂, co₂nió'₃ dsa₂ i₂lén₂ dsa₂ quiáin₅ 'ñiog₅. ¹⁵ Le₂ně₅ bá₄ lě₅ jág₁ quió'₅ dsa₂ i₂jme₁'ě₂ jág₁ quián₅ Diú₄, ju₁lia'₂ ca₂tióng₃ ne₄ Si₂:

¹⁶ Guio₅₄ táng₃ cang₂, jaun₂ jmóg'₄ táng₃ ne₄ta₁

quió'₅ Rag₅₄ David a₂ma₂qui'₃;

tsi'₅₄ táng₃ ni₁cang₁ a₂ma₂gon₃ quió'₅,

¹⁷ ia₁jaun₂ ca₂le₃jín₃ dsi₂nau₂ 'nai'₂ Te₁gui'₅₄,

ca₂le₃jě₃ juig₂ ně₃,

dsa₂ i₂chen₂ dsa₂ quián₅ Diú₄.

¹⁸ Le₂ně₅ bá₄ juá'₂ Te₁gui'₅₄

i₂jmo₅ ca₂le₃jě₃ a₂ně₅,

a₂ma₂cuí'₅ dsa₂ ca₃ma₂líg'₂.‡

¹⁹ 'Jaun₂ ně₃ lín₂ jniá₂ —juá'₂ Jacobo—, tsá₃ dse₃ cue₅₄ jniog₄ o₂me'₅₄ dsi₅ dsi₂nau₂ i₂ma₂jén'₂ tē₂le₃ quió'₅ Diú₄. ²⁰ Tió'₅ me'₂ a₂jñia'₅₄ jmó₁ jniog₄ caun₂ si₂ a₂chei₅₄ jniog₄ a₂tsá₃ ma₃guě'₃ má₃ a₂tsá₃ dsi₂ten₅₄ guě'₃ ju₁lia'₂ a₂dsia₅ dsa₂ ne₄ ne₄chei₂ quió'₅ diú₄ lag₄. Dse₃ chei₅₄ jniog₄ a₂tsá₃ nió'₃ jág₁ quian'₅₄ dsa₂ i₂tsá₃ lín₅ dsi₂gu₂, on₃ guě'₂ guě'₃ má₃ a₂tsá₃ dsi₂ten₅₄ guě'₃ dsa₂ judíos, ju₁lia'₂ já'₂ i₂güí'₅ dsa₂ dsi₂lag₄, on₃ guě'₂ jmi₄ já'₂ ně₃. ²¹ Ia₁ ma₂líg'₂ bá₄ ma₂tu₁ja₂lén₂ dsa₂ qui₂'ě₂ 'Éi'₃ Juá'₅ quió'₅ Moisés le₂caun₂ le₂caun₂ juig₂, qui₂'i₂₃ dsi₂néi₂ guá'₅ sinagogas ca₂le₃jě₃ jmig₄ sa₅₄.

²² Jaun₂ ně₃, ca₂tē₁gua₁ jág₁ quió'₅ dsa₂ i₂chen₄ quián₅ Jesús, quian'₅₄ dsa₂ can'₅₄, ca₂le₃jín₃ guě₄ dsa₂ i₂lín₅ guá'₅ a₂'iin₃ i₂lín₅₄ jě₄ quió'₅ rin'₅₄, i₂chein₃ quian'₅₄ Pablo, Bernabé ně₃, ju₁ Antioquía. Jaun₂ ca₂'in₃ dsa₂ Judas i₂chen₂ Barsabás ján₃, quian'₅₄ i₂chen₂ Silas i₂lín₅ dsa₂ i₂quian₅ ne₄ ju₁ jě₄ quió'₅ dsa₂ i₂én₂. ²³ Jaun₂ quian'₅₄ 'éi₂ ca₂chein₃ si₂ carta a₂juá'₂ le₂la₂:

Jnia'₅₄ con'₂ lág₅ dsa₂ chen₄ quián₅ Jesús, quian'₅₄ dsa₂ can'₅₄ quián₂ jnia'₅₄, ca₂le₃jín₃ guě₄ rin'₅₄ jnia'₅₄ i₂én₂, chen₄ jnia'₅₄ si₂ la₂ ne'₅₄ 'nia'₂ dsi₂nau₂ rin'₅₄ jniog₄ i₂tián'₅ juig₂ Antioquía, quian'₅₄ i₂tián'₅ 'uě₃ Siria, quian'₅₄ i₂tián'₅ 'uě₃ Cilicia ně₃. Cuín₅ jnia'₅₄ Diú₄ 'nia'₂.

²⁴ Ma₂ca₂rě₃ne₄ jnia'₅₄ jág₁ a₂i₁len₅₄ i₂lín₅₄ dsa₂ chan₂ ja₁lá₃, on₃juá'₅₄ i₂chen₄ quián₂ jnia'₅₄. Ma₂dsi₃lén₂ cuě'₅ o₂me'₅₄ dsi₅ 'nia'₂ quian'₅₄ jág₁ quió'₅ a₂tsí'₅ 'nia'₂ a₂tion₅₄ 'nió'₅ ti₃ dsa₂ ni₁lo₁ dsa₂ ñe'₂, a₂jme₁ti'₄ 'nia'₂ 'Éi'₃ quió'₅ Moisés ně₃. ²⁵ 'Uig₅₄ jaun₂, ca₂jmó₁ jnia'₅₄ caun₂ jág₁, ca₂'ín₄ jnia'₅₄ rin'₅₄ jě₄ quián₂ jnia'₅₄ a₂dsi₃lén₂ co₂lě₅ quiain'₅₄ Bernabé quian'₅₄ Pa₄ i₂'nio₄ lín₃ quián₂ jnia'₅₄, a₂dsi₃jñin₅₄ 'nia'₂. Ia₁ le₂jaun₂ bá₄ dse₃, lág₂ jnia'₅₄. ²⁶ Ma₂le₁'ág₄ caun₂ dsi₅ gue₃ 'mú₃ o₁quió'₄ Te₁gui'₅₄ Jesucristo quián₂ jniog₄. ²⁷ Jaun₂ chen₄ jnia'₅₄ Judas

‡ 15:18 Amós 9:11-12.

quian'54 Silas ně3, jaun2 i2ně5 bá4 juá'2 quian'54 jág1 tio'54 'o54 ca2le3jě3 a2jua'2 jnia'54 la2, 28 Jaun2 ně3, Jme2dsí2 Jñiós bá4 ca2jme3'o54 a2'nio'54 jnia'54 dsi5, jaun2 dse3 bá4 lág2 jnia'54 a2tsá3 cuë54 jnia'54 'nia'2 'éi'3 guei2, jnia'54 lia'2 jmá'3 lia'2 a2léi4 'nió'5 quián'2 'nia'2 la2: 29 A2tsá3 quë'54 'nia'2 ni1ñí5 a2ma2dsia3 dsa2 ne4 ne4chei2 quió'5 diú4 lag4; ján3 bá4 tsá3 quë'54 'nia'2 jmi4 já'2, on3 guë'2 ni1ñi1 já'2 i2dsan2 i2güí'5 dsa2 dsi2lag4. Tsá3, nió'4 'nia'2 jág1 quian'54 dsa2 i2tsá3 lín5 dsi2i2gog'2. Nē1jua'2 ca2jme1ti'4 'nia'2 jág1 la2, dse3 bá4 le3chan'2 'nia'2.

Co2ně5 bá4 jág1.

30 Jaun2 ně3, le2ně5 bá4 ca2tón'2 'éi2 jui5, ca2i3léin2 jui5 Antioquía. Jaun2 ca2ñí'2 dsa2 i2'én2 ja1jaun2. Jaun2 ca2jín'3 dsa2 si2 carta a2jme1quian5. 31 Jme1ca2'í2 riin'54 si2, qui2ca2jmo3 'io'2 o1quió'4 jág1 a2cuë5 lián'2 dsí5 jaun2. 32 Ia1 Judas quian'54 Silas, i2jme1'ě2 jág1 a2cuë5 Diú4 ján3, ca2cuë3 'lióng2 jág1 dse3 a2ca2jmo3 ca2'ág2 dse3 dsí5 riin'54, 'ñio5 lín3 ca2cuë3 bí2 ně3, quian'54 jág1 quió'5. 33 Jme1ma2tě2 'lióng2 jmig4 tioen'54 ja1jaun2, ca2dsióg'2 táng3 dsa2 caun2 tei4 ja1con2 riin'54 i2ca2chei3. § 35 La1 ca2jñia3 Pa4 quian'54 Bernabé juig2 Antioquía, qui2jme2tiin23 dsa2, quiaín'54 juin5 guë4 i2sián'2, qui2'ě'5 dsa2 jág1 dse3 quió'5 Te1gui'54.

Ca2ñó3 Pa4 ca2i'ě4 jág1 jě1ca2tě2 tñ3 ráun2

36 Cang2 jaun2, ca2juá'2 Pa4 ca2tsí'3 Bernabé:

—Dsau54 táng3 dsi1jin1 rin'54 ca2le3jě3 juig2 ja1ma2ca2i'ě'54 dsa2 jág1 dse3 quió'5 Te1gui'54, dsi1jag54 ně1jua'2 'a2 lia'2 chain2.

37 Bernabé ně3 jme1'nio3 jñiai3 Juan54, i2chen2 Marcos ján3. 38 La1 Pa4 guë'2 ně3 tsá3 ca2gue3 jiog3, ia1 ca2téi2 bá4 'éi2 lia'2 con'2 jme1i1noi12 'uë3 Panfilia,* tsá3 ma3ca2jme3quiong'54 jua'54 a2jme3'o54. 39 Jaun2 ca2tsiin2 'ñio5 lín3, ca2lia'2 ca2i3léin2 jma3quén5. Jaun2 Bernabé bá4 ca2jñia3 Marcos, ca2tón'2 ni1barco, ca2i3léin2 jui5 Chipre. 40 Pa4 guë'2 ca2quióin'2 Silas. Jme1ma2ně2jáng'2 riin'54 o4gú3 Te1gui'54 i2'nio3, jaun2 qui2ca2'ág'3 jág1 riin'54, ca2i3léin2. 41 Jaun2 ca2i1ñi12 le2tan54 'uë3 Siria quian'54 Cilicia, qui2i1cuë'2 bí2 riin'54 i2tián'5 ja1jaun2.

16

Ca2jme3quiong'54 Timoteo ca2jme3quiaín'54 Pa4 quian'54 Silas

1 Ca2dsióg3 Pa4 quian'54 Silas juig2 Derbe, juig2 Listra ně3. Ja1jaun2 ca2jein'2 jan2 dsa2 'én2 i2chen2 Timoteo. Chog54 Timoteo 'éi2 jme1lín4 'io54 judía i2ma2'én2 jág1 dse3. Jmei2 guë'2 jme1lín4 jan2 griego. 2 Jaun2 dsa2 i2'én2 i2jme1tián'4 Listra quian'54 Iconio, dse3 bá4 jme1'ag23. 3 Jaun2 'nio3 Pa4 jiog3 quiong'54, jaun2 ca2ti3 ni1lo1 'éi2,* ia1jaun2 tsá3 jén'4 'lig'54 dsa2 judíos i2tián'5 ja1jaun2. Ia1 ma2ñi5 bá4 ca2le3jín3 dsa2, a2lín5 griego jmei2 'éi2. 4 Ca2le3jě3 juig2 ja1ca2ñí3, qui2ca2jme3jein'2 riin'54 ca2cuë3 'éi'3 con'2 lě5 jág1 quió'5 dsa2 i2chen4 quián5 Jesús, jág1 quió'5 dsa2 can'54 i2tián'5 Jerusalén ně3. 5 Jaun2 ně3, ca2le3jín3 dsa2 i2lín5 guá'5, ca2jñ'3 tiá2 jág1 dse3 a2'éin2, jaun2 le2o3 jmig4 bá4 ca2i3juin2.

Ca2qui3 Pablo a2ca2jín2 jan2 dsa2 chan2 Macedonia

6 Tsá3 ca2cuë3 Jme2dsí2 Jñiós jmig4 a2'ě2 dsa2 jág1 dse3 'uë3 Asia. Jaun2 lě3 ca2i1lein54 ca2i1ñi12 le2tan54 'uë3 Frigia quian'54 'uë3 Galacia. 7 Jaun2 ca2dsi3léin2 ja1jén2 'uë3 Misia. Ja1jaun2 jme1'nio3 jme1dsi3léin2 'uë3 Bitinia. La1 tsá3 ca2cuë3 jmig4 Jme2dsí2 quián5 Jesús dsi3léin2 ja1jaun2. 8 Jaun2 con'2 ca2ñí3 bá4 'uë3 Misia, ca2dsi3léin2 'o4 jmi1ñí'4 ja1chei2 Troas. 9 Ja1jaun2 ca2qui3 Pa4 a2'uë2 jaun2

§ 15:33 A2lín54 chog54 si2 chi1ton5 versículo 34: "La1 Silas ně3, ca2dsia3 dsí5 jñia3." * 15:38 'Nio'2 ja1ton5 Hechos 13:15. * 16:3 o3, "ca2jmo3 a2ca2ti3 dsa2 ni1lo1 'éi2."

a₂ca₂j_{ii}n₂ jan₂ dsa₂ chan₂ 'uë₃ Macedonia, a₂chéin'₅ mi₂₃, a₂juá'₂: “N_i₅₄ jui₅ 'uë₃ Macedonia i₂jme'₁o₁ jnia'₅₄.” ¹⁰ Dsi₂jui₅ jme₁ca₂qui₃ Pa₄ le₂në₅, jaun₂ ca₂j_{mó}₁ jnia'₅₄ co₂j_{nia}₅₄ a₂dsi₁ná_u₄ jui₅ Macedonia. Ia₁ dsón'₂ lág₂ jnia'₅₄ a₂të₂ Diú₄ ja₁jaun₂ a₂dsi₁'ë₄ jnia'₅₄ jág₁ dse₃.†

Pa₄ quian'₅₄ Silas tioen'₅₄ juig₂ Filipos

¹¹ Ca₂tió'₄ jnia'₅₄ 'ñi₃ ni₁barco juig₂ Troas. Ca₂i₃ná_u₅ jnia'₅₄ co₂dsau₅ jui₅ 'uë₃ Samotracia a₂niog₅ jë₄ jmi₁ñí'₄. Jme₁jniá₃ jaun₂, ca₂dsi₃ná_u₅ jnia'₅₄ Neápolis. ¹² Tio'₅₄ jnia'₅₄ ja₁jaun₂, i₂ná_u₅ táng₃ ja₁chei₂ Filipos. Ja₁jaun₂ lé₅ caun₂ colonia romana ja₁lé₄ juig₂ dsen₅₄ guë₄ quió'₅ dsa₂ chan₂ 'uë₃ Macedonia. Ja₁jaun₂ ca₂tió'₄ jnia'₅₄ tin₃-ni₅ jmi₄. ¹³ Caun₂ jmi₄ sa₅₄ ca₂i₁ná_u₄ jui₅ 'ni'₂ juig₂, cau₅ chei'₅₄ cuá₃, caun₂ ja₁jme₁lé₄ ja₁dsi₂lén₂ dsa₂ a₂chi₂lén'₂ Diú₄. Ja₁jaun₂ ca₂'io₄ jnia'₅₄, ca₂jme₁tin₅ jnia'₅₄ 'io₅₄ i₂ca₂ñi'₂, jág₁ dse₃ quió'₅ Diú₄. ¹⁴ Jan₂ 'io₅₄ i₂jme₁'en₅₄ jë₄ jaun₂ i₂chen₂ Lidia i₂chan₂ juig₂ Tiatira, jme₁lín₄ dsa₂ i₂'nag₅ 'mi'₂ 'ui'₃ jlá'₁. 'Io₅₄ 'éi₂, jme₁jme₂juin'₂ Diú₄. Jaun₂ ca₂jmo₃ Te₁gui'₅₄ ca₂lë₃ dsí₅ 'io₅₄ 'éi₂ a₂nag₃ a₂tón'₂ jui₅ a₂juá'₂ Pa₄. ¹⁵ Jaun₂ ca₂jñó₂ jmi₂ co₂dsia₅ quian'₅₄ ca₂le₃jín₃ dsa₂ dsi₂né₂ quió'₅. Jme₁co₂lág₂ jaun₂, ca₂mi₃ tság₅ jnia'₅₄:

—Chi₂jua'₂ jmo'₂ 'nia'₂ 'au'₂ a₂lín₅ jniá₂ të₃dsón'₂ dsa₂ i₂'én₂ jág₁ quió'₅ Te₁gui'₅₄, i₂nó'₅ 'nia'₂ ja₁quió₃ i₁jñia'₄.

Jaun₂ ca₂juá'₂ tion₅₄ a₂ca₂jñia₄ jnia'₅₄.

¹⁶ Co₂ráun₂ ca₂lë₃, lia'₂ con'₂ jme₁i₃ná_u₅ jnia'₅₄ ja₁chi₂lén'₂ dsa₂ Diú₄, ca₂jen'₂ jnia'₅₄ jan₂ 'io₅₄ chi'₂ i₂jme₁'en₅₄ jme₂dsí₂ 'lín'₅₄ të₂dsí₅, i₂dsi₂ jág₁.‡ 'Io₅₄ 'éi₂ a₂lë₃jmo₂₃ bá₄ ta₁, ia₁ juig₅₄ bá₄ jme₁cán₂ cu₄ a₂jme₁lí'₂ a₂dsi₂ jág₁. ¹⁷ 'Io₅₄ chi'₂ 'éi₂ ca₂'ein₃ Pa₄, ca₂'ein₃ jnia'₅₄ në₃, ca₂quió'₃ ca₂tsí'₃ dsa₂ i₂jme₁tion₅₄:

—Dsa₂ në₅ i₂jme₂ti₃ ta₁ ne₄ Diú₄ juin'₂ guë₄. Jaun₂ 'ë₂ jág₁ tsí'₅ 'nia'₂ 'a₂ lia'₂ lé₂ líón'₂ 'nia'₂.

¹⁸ 'Lióng₂ jmi₄ ca₂jmo₃ le₂jaun₂. Ca₂lë₃ jme₁ca₂lë₃ ca₂i₃mé'₂ dsí₅ Pa₄. Jaun₂ ca₂jí₂, ca₂juá'₂ ca₂tsí'₃ jme₂dsí₂ 'lín'₅₄ i₂jme₁'en₅₄ quió'₅ 'io₅₄ 'éi₂:

—Quian'₅₄ bí₂ 'éi'₃ quió'₅ Jesucristo, jmo₅₄ jniá₂ 'éi'₃, jú₅ quió'₅ 'io₅₄ në₅.

Jaun₂ co₂tan₅₄ dsi₂jui₅ jaun₂, ca₂o₃'ín₃ jme₂dsí₂ 'lín'₅₄ ca₂téin₂ 'io₅₄.

¹⁹ Jme₁ca₂rë₃lí'₄ dsa₂ juig₅₄ 'io₅₄ 'éi₂, a₂tsá₃ ma₃cuin₅ jmi₄ a₂lí'₂ guë₄ cu₄ quian'₅₄ 'éi₂, jaun₂ ca₂jñai'₃ Pa₄ quian'₅₄ Silas, ca₂tág₃ jui₅ 'ma'₅₄ ne₄ dsi₂tan₅₄.

²⁰ Jaun₂ ca₂i₁jo₅₄ ja₁tián'₄ juë₄, jaun₂ ca₂juá'₂:

—Dsa₂ la₂, i₂lín₅ judíos, i₂nioi₅₄ tsi₂jñin₂₃ dsa₂ juig₂ go₄ jniog₄. ²¹ Qui₂'ë'₅ jme₂tin₂₃ dsa₂ tag₄ a₂tsá₃ dsi₂ten₅₄ gué₁ jniog₄, on₃ guë'₂ dsi₂ten₅₄ jua'₅₄ a₂j_{mó}₁, ia₁ dsa₂ romanos bá₄ lág₅.

²² Jaun₂ ca₂nau₂ dsa₂ juig₂ 'nei₂ ca₂j_{mái}'₂ Pa₄ quian'₅₄ Silas. Jaun₂ ca₂dsi₂ dsi₂tan₅₄ a₂dsi₂uig₅ ni₁tsin₅₄, jaun₂ ca₂jmo₃ 'éi'₃ a₂bóg₂ në₃ quian'₅₄ ni₁'ma₂.

²³ Jme₁ma₂dsan₃ bóg₂ 'ñio₅ lín₃, jaun₂ guë₄ ca₂to'₂ né'₃ 'má₃. Ca₂jmo₃ 'éi'₃ a₂jmo₃ dsa₂ i₂niog₅ gu₂ 'né₅ 'má₃ 'í₁ dse₃ lín₃. ²⁴ Dsa₂ 'éi₂ në₃, jme₁ca₂ñi₂ 'éi'₃ jaun₂, ca₂i₁tio'₂ ca₂të₂ quióng₄ tsi₁'né₅ 'má₃, le₁tia₃ mi₂tag₅₄ 'ñio'₃ tau₂ ni₁'ma₂.

²⁵ La₁ con'₂ dsi₃nei₅ jme₁ca₂'ë₃ Pa₄ alabanzas quian'₅₄ Silas qui₂ca₂tsí'₃ Diú₄, qui₂ca₂nág₂ bá₄ dsa₂ sián'₂ i₂tion₅₄ 'né₅ 'má₃. ²⁶ Të₃jë₄ jaun₂, con'₂ tsá₃ ján₅ dsa₂, ca₂i₁bi₅₄ 'uë₃ tiá₂ lín₃, ca₂lia'₂ qui₂ca₂jë'₂ 'uig₅₄ ni₁'ia₂ tsi₁'né₅ 'má₃, qui₂ca₂niá₃ ca₂le₃jë₃ o₄'né₄, qui₂ca₂gag₂ ñí₁ cadenas a₂jme₁le₁'ñe'₅₄ ca₂le₃jín₃ dsa₂ i₂jme₁tion₅₄ 'ñio'₃. ²⁷ Jme₁ca₂ñé₃ dsa₂ i₂jmo₅ 'í₁, ca₂jág₃ ma₂le₁na₁ jë₂ o₄'né₄

† **16:10** Ja₁lá₃ ca₂jme₃lióg₃ Lucas ca₂jme₃quian'₅₄ Pa₄ quian'₅₄ riin'₅₄ ja₁jme₁i₂nioi₅₄. Ja₁lá₃ ca₂jme₃lióg₃ juá'₂ “jniá'₅₄” lia'₂ con'₂ jme₁ca₂jmo₃ Si₂ Hechos la. ‡ **16:16** lit. “jan₂ 'io₅₄ chi'₂ i₂jme₁jio₅ jme₂dsí₂ quió'₅ dsi₂mi'₂ cua, pithón.”

'né₅ 'má₃, jaun₂ ca₂dsi₂ ŋi₁tág₂ quió'₅ a₂jme₁ŋi₁'₃ 'ŋiog₅. Ia₁ líin₂ ma₂ca₂lón₂ jín₂ bá₄ i₂le₁jní₅ né'₃ 'má₃. ²⁸ La₁ dsi₂jui₅ ca₂guió'₃ Pa₄ ca₂juá'₂:

—Tsá₃ lē₁mag'₅₄ uig₅ 'ŋiag'₂, ia₁ la₂ bá₄ tio'₅₄ jnia'₅₄ ca₂le₃jág₃.

²⁹ Jaun₂ ca₂mi₃ dsa₂ 'éi₂ si₂, jaun₂ ca₂'í₃ co₂chi'₅₄ dsi₂néi₂ tē₃ gó'₅ jlein₂₃ ŋó₃ ca₂chi₃jné₃ ne₄ Pa₄ quian'₅₄ Silas. ³⁰ Jaun₂ ca₂'uág'₂ tē₂ca₁'né₄, jaun₂ ca₂ŋag₃:

—'Nia'₂ dsa₂, ¿'e₂ 'nió'₅ jmo₅₄ jniá₂ ia₁jaun₂ líón₂ jniá'₂?

³¹ Jaun₂ ca₂juá'₂ 'éi₂:

—'Én₃ tē₂le₃ quió'₅ Te₁gui'₅₄ Jesucristo, jaun₂ bá₄ tíng'₄, quiang'₅₄ ca₂le₃jín₃ dsa₂ dsi₂néi₂ quiáng'₂.

³² Jaun₂ ca₂cuē₃ Pa₄ quian'₅₄ Silas jág₁ dse₃ quió'₅ Te₁gui'₅₄ ca₂cuē'₃ dsa₂ 'éi₂ quian'₅₄ ca₂le₃jín₃ dsa₂ i₂tián'₅ dsi₂néi₂ quió'₅. ³³ Hora jaun₂ a₂'uē₂, dsa₂ i₂niog₅ gu₂ 'né₅ 'má₃ 'éi₂ qui₂ca₂rín'₃ ja₁qui₂le₁cuí'₃ quió'₅ Pa₄ quian'₅₄ Silas. Jaun₂ 'éi₂ quian'₅₄ ca₂le₃jín₃ dsa₂ dsi₂néi₂ quió'₅, ca₂jŋói₂ jmig₂. ³⁴ Jme₁co₂lág₂ jaun₂, ca₂tág₃ ja₁quió'₄, ca₂i₁cuē₂ a₂guē'₃. Jaun₂ 'io'₂ jmo₂₃ ca₂le₃jín₃, ia₁ ca₂rē₃'éin₂ jág₁ quió'₅ Diú₄.

³⁵ Jme₁nia₃ jaun₂, ca₂chen₃ jué₄ chi'₂ 'i'₅₄ a₂ca₂i₁chi'₄ dsa₂ i₂niog₅ gu₂ 'né₅ 'má₃, a₂lióin₂ dsa₂ 'éi₂. ³⁶ Jaun₂ ca₂juá'₂ dsa₂ i₂niog₅ gu₂ 'né₅ 'má₃ ca₂tsí'₃ Pa₄:

—Ma₂ŋig₂ 'éi'₃ quió'₅ jué₄ a₂long₅₄ 'nia'₂. Jaun₂ ma₂lé₂ o₁no'₄ 'nia'₂ tei₄ quiáng'₂.

³⁷ Jaun₂ ca₂juá'₂ Pa₄ ca₂tsí'₃ chi'₂ 'i'₅₄:

—Ca₂chóng'₂ dsa₂ jnia'₅₄, qui₂ca₂bóg₂ tē₃jín₄ dsa₂ juin₅ tē₃ tsá₃ ca₂caún₃ de'₂ jág₁ dsau₅ quián₂ jnia'₅₄ i₂lág₅ dsa₂ tén₅ juig₂ Roma. Jaun₂ gué₄ ca₂to'₂ né'₃ 'má₃. ¿Nē₃ nē₃ 'nio₃ lió₂ jnia'₅₄ con'₂ tē₃co'₅₄? Tsá₃ le₂jaun₂. Jui₁ja₂léin₂ guioin₅₄ jui₁ja₂'uag'₅₄, jui₁lia'₂ ca₂to'₂.

³⁸ Jaun₂ gué₄ ca₂i₁con₂ chi'₂ 'i'₅₄ jág₁ jaun₂ ne₄ jué₄, jaun₂ ca₂rē₃gó'₅ jme₁ca₂rē₃ŋi₅ a₂lín₅ Pa₄ quian'₅₄ Silas dsa₂ tén₅ Roma. ³⁹ Jaun₂ ca₂i₁len₅₄ dsi₂tan₅₄ ca₂i₁mi₂ o₂'én₂ dso₄ ne₄ Pa₄ quian'₅₄ Silas. Ca₂'uág'₂ bá₄ jaun₂ nē₃, jaun₂ ca₂juá'₂ a₂'uín₃ 'éi₂ juig₂ jaun₂. ⁴⁰ Jme₁ma₂'uin₂ 'éi₂ 'né₅ 'má₃, ca₂i₁lein₃ ja₁quió'₄ 'io₅₄ Lidia. Jme₁ca₂ŋi₁'₂ quian'₅₄ riin'₅₄, qui₂ca₂cuē₃ bí₂ nē₃, jaun₂ gué₄ ca₂'uín₂ ja₁jaun₂, ca₂i₁lein₅₄ gué₄ juig₂ siá'₂.

17

Ca₂lē₃ mi'₅₄ juig₂ Tesalónica

¹ Jui₅ ja₁ca₂ŋe₄ Pa₄ quian'₅₄ Silas jaun₂, ca₂i₁ŋi₁₂ juig₂ Anfípolis quian'₅₄ juig₂ Apolonia né₃. Jaun₂ ca₂dsi₃léin₂ juig₂ chei₂ Tesalónica. Ja₁jaun₂ jme₁chi'₄ guá'₅ sinagoga quió'₅ dsa₂ judíos. ² Pa₄ nē₃, ia₁ le₂jaun₂ tīn₂ quió'₅, ca₂ŋei₅₄ guá'₅. Tē₁lia'₂ ca₂'í₃ tīn₃-ni₅ semana ja₁jaun₂, qui₂ca₂dsia₃ jág₁ quian'₅₄ dsa₂ ca₂le₃jē₃ jmig₄ sa₅₄, jui₁lia'₂ jág₁ a₂juá'₂ ne₄ Si₂. ³ Qui₂ca₂cuē₃ jág₁ dsau₅ 'a₂ lia'₂ dsón'₂ 'i₄ 'éi'₃ ne₄ Si₂ quió'₅ Diú₄ a₂juá'₂ a₂tion₅₄ ŋág₃ uig₅ I₂rē₂'ín₁ quián₅ Diú₄, jaun₂ cang₂ jē₁ma₂join₂₃, a₂tion₅₄ niog₅ jein'₅₄ táng₃. Jaun₂ caun₂ ca₂juá'₂ bá₄:

—Jesús i₂'ín₅ jniá₂, jág₁ a₂'ē₅ juig₂ 'nia'₂, I₂rē₂'ín₁ quián₅ Diú₄ bá₄ 'éi₂.

⁴ Jaun₂ ca₂rē₃'én₂ i₂lín₅₄ dsa₂ judíos, ca₂jme₃quian'₅₄ Pa₄ quian'₅₄ Silas. Ján₃ bá₄ ca₂rē₃'én₂ juin₅ dsa₂ griegos i₂jme₁jme₂juin'₂ Diú₄, ca₂rē₃'én₂ juin₅ 'io₅₄ dsen₅₄ nē₃. ⁵ La₁ dsa₂ judíos i₂tsá₃ 'én₂ nē₃, ca₂rē₃'néi₃ a₂dsi'₅. Jaun₂ ca₂jme₃quian'₅₄ co₂nió'₃ dsa₂ juí'₅ i₂lē₁jme₁i₂nio₄ tsi₁jín₁ jē₄ calle. Ca₂quin'₃ jág₁ quió'₅, ca₂i₁nioi₁₂ ca₂tó'₂ mi'₅₄, tsi₂jīin₂₃ dsa₂ juig₂. Jaun₂ ca₂i₁toin'₁ tion₅₄-jan₃ ja₁quió'₄ Jasón, a₂jme₁'nio₃ dsein₂₃ Pa₄ quian'₅₄ Silas, a₂jme₁tē₂ 'éi₂ jín₄ dsa₂ juig₂. ⁶ Ia₁ tsá₃ ca₂dsáin'₂ 'éi₂ ja₁jaun₂, Jasón bá₄ qui₂ca₂tsi₃cuin'₂ quian'₅₄ gué₄ riin'₅₄ i₂'én₂, jaun₂ ca₂tág₃ ju₁₅ ne₄ta₁, ca₂i₁jang'₂ ne₄ dsi₂tan₅₄, jaun₂ ca₂juá'₂ ca₂lia'₂ guió'₅ tioen'₅₄:

—I₂la₂ bá₄ dsa₂ i₂ŋí₄ lë₃ ma₂jmo₃ tsá₃ ma₃caun₂ 'ei₅ jág₁, qui₂ma₂jeín₂' dsa₂ ta₁caun₂ mi₂güí₃. Le₂jaun₂ bá₄ 'nio₃ jmo₃ ja₁lá₃ ján₃, ta₁ jaun₂ bá₄ ja₂lén₂.
 7 Jasón la₂ nē₂cuē₃ jmí₄ nē₂ŋia₃ dsa₂ 'éi₂ ja₁quió'₄. Ca₂le₃jín₃ 'éi₂ jmo₂₃ a₂tsá₃ dsi₂ten₅₄ jmo₃ lia₂' con₂ lë₅ 'éi₃ quió'₅ gui₅₄ emperador. Ia₁ i₂niói₅₄ tsí₅ dsa₂ a₂chan₂ guē₄ jan₂ rag₅₄ sián₂, jan₂ i₂chen₂ Jesús.

8 Jme₁ca₂nág₂ dsa₂ le₂nē₅, ca₂tóin₂ go₂'i₃ quian₅₄ dsi₂tan₅₄. 9 La₁ Jasón quian₅₄ riin₅₄ ca₂quí₃ cu₄ ne₄ dsi₂tan₅₄, jaun₂ guē₄ ca₂lió₂ dsa₂.

Pablo quian₅₄ Silas toin₅₄ juí₂ Berea

10 Dsi₂juí₅ le₂jaun₂ ca₂jmo₃ riin₅₄ a₂ŋó₃ Pa₄ quian₅₄ Silas tē₃ a₂'uē₂ juí₅ Berea. Jme₁ca₂dsi₃lén₂ ja₁jaun₂, i₁leín₅₄ dsi₂juí₅ dsi₂néi₂ guá'₅ sinagoga quió'₅ dsa₂ judíos. 11 Dsa₂ judíos i₂jme₁tián₄ ja₁jaun₂ jme₁dsein₃ con₂ guē₄ dsa₂ juí₂ Tesalónica. Lia₂' 'i₄ rē₂ jág₁ bá₄ ca₂gue₃ jág₁ dse₃ quió'₅ Diú₄. Jaun₂ ca₂le₃jē₃ jmí₄ bá₄ jme₁'no₂ ne₄ Si₂ quió'₅ Diú₄, ia₁ 'nio₃ le₃ŋi₅ chi₂jua₂ dsón₂ bá₄ le₂jaun₂ lë₅ jág₁ a₂cuē₅ Pa₄ quian₅₄ Silas. 12 Juín₅ bá₄ dsa₂ judíos 'éi₂ ca₂rē₃'én₂. Ján₃ bá₄ le₂jaun₂ juín₅ dsa₂ griegos, lia₂' dsa₂ ŋe₂' lia₂' 'io₅₄ dsen₅₄ nē₃. 13 La₁ jme₁ca₂rē₃ŋi₅ dsa₂ chan₂ Tesalónica a₂'en₅₄ Pa₄ 'ě₅ dsa₂ jág₁ dse₃ quió'₅ Diú₄ juí₂ Berea ján₃, jaun₂ ca₂i₃lén₂ ja₁jaun₂, ca₂chi₂ca₂jain₃ dsa₂. 14 La₁ co₂tan₅₄ ca₂chei₃ riin₅₄ ca₂chein₃ Pa₄ chei₅₄ jmí₁ŋí₄. Ca₂ŋia₃ bá₄ Silas quian₅₄ Timoteo juí₂ Berea. 15 Ca₂i₃jiog₃ dsa₂ i₂jme₁quian₅₄ Pa₄ ca₂i₃ŋiai₃ 'éi₂ ca₂tē₂ juí₂ Atenas. Jaun₂ ca₂i₃leín₃ táng₃ le₁quion₂ jág₁ quió'₅ Pa₄ a₂jiá₃ Silas quian₅₄ Timoteo a₂dsi₃jme₃quiong₅₄ dsi₂juí₅.

'En₅₄ Pablo juí₂ Atenas

16 Tē₂lia₂' 'en₅₄ Pa₄ chi₁ŋiai₂₃ Silas quian₅₄ Timoteo juí₂ Atenas, tsá₃ dse₃ 'ei₅ dsí₅, ia₁ ca₂jín₂ juín₅ lín₃ diú₄ lag₄ tión₂ le₂tan₅₄ jē₄ juí₂. 17 Jaun₂ ca₂i₁'ě₄ jág₁ dse₃ dsi₂néi₂ guá'₅ sinagoga, ca₂tsí₃ dsa₂ judíos, dsa₂ sián₂ nē₃ i₂jme₂juín₂ Diú₄ tē₃dsón₂. Ca₂le₃jē₃ jmí₄ nē₃, qui₂ca₂'ě₂ Pa₄ jág₁ dse₃ jē₄ 'ma₅₄ ca₂tsí₃ ca₂le₃jín₃ dsa₂ i₂jme₁jeín₂ ja₁jaun₂. 18 I₂lín₅₄ dsa₂ i₂jme₁jme₂tag₅ si₂ quió'₅ dsa₂ i₂tē₂' dsa₂ epicúreos, i₂lín₅₄ guē₂ i₂jme₁jme₂tag₅ si₂ quió'₅ i₂tē₂' dsa₂ estoicos, dsa₂ 'éi₂ ca₂jme₃lióg₃ ca₂dsia₃ jág₁ quian₅₄ Pa₄. I₂lín₅₄ guē₂ dsia₅ tsí₅ riin₅₄.

—Tsá₃ ne₄ 'e₂ bá₄ jág₁ quian₅₄ i₁ten₅₄ nē₅ a₂juá'₂ tság₃ jniog₄.

I₂lín₅₄ guē₂ juá'₂ táng₃:

—Mei₂ tsá₃ i₂'ě₂ jág₁ quió'₅ diú₄ sián₂ i₂quián₅ dsi₂nau₂ bá₄ nē₅.

Jaun₂ bá₄ juá'₂ le₂jaun₂, ia₁ 'en₅₄ Pa₄ 'ě₂ jág₁ dse₃ quió'₅ Jesús, 'a₂ lia₂' ca₂jeín₅₄ táng₃. 19 Jaun₂ ca₂ŋiai₃ Pa₄ caun₂ ja₁chei₂ Areópago. Jme₁ca₂dsi₃lén₂ ja₁jaun₂, ca₂ŋí₃ Pa₄ ca₂juá'₂:

—¿Lé₂ le₃ne₄ jnia₅₄ 'e₂ jág₁ 'mí₂ dsia₂' a₂jme₂tág₂? 20 'Niog₂ jnia₅₄ le₃ne₄ 'e₂ jeín₅ jág₁ a₂juá'₂ 'ne₂ nē₅. Ja₂lín₃ guē₄ siá'₂ né₂.

21 Ia₁ ca₂le₃jín₃ bá₄ dsa₂ chan₂ Atenas, quian₅₄ dsi₂nau₂ i₂jme₁tián₄ ja₁jaun₂, jmá'₃ a₂jaun₂ bá₄ jme₁tiín₂ qui₂jmo₂₃: qui₂nag₂₃, qui₂dsia₂₃ nē₃, jmá'₃ ca₂ne₅₄ jág₁ 'mí₂ a₂cha₂.

22 Jaun₂ ca₂nau₂ Pa₄ dsi₂jo₂ ja₁le₁ŋí₂ dsa₂ jaun₂, jaun₂ ca₂juá'₂:

—'Nia₂ dsa₂ chan₂ Atenas, jág₅ jniá₂ 'ŋio₅ 'én₂ 'nia₂ tē₂le₃ quió'₅ diú₄ lag₄ quián₂ 'nia₂. 23 Ia₁ lia₂' con₂ ca₂ŋi₅ jniá₂ ca₂jág₃ ja₁chi₁len₄ 'nia₂ diú₄ lag₄ quiáng₂, ca₂jág₃ caun₂ ja₁lë₄ ne₄chei₂ le₁ton₅ letras la₂, a₂juá'₂: “QUIÓ'₅ DIÚ₄ I₂TSÁ₃ CUI₅ DSA₂.” Ia₁ dse₃ bá₄ guē₂ jaun₂. Diú₄ 'éi₂ i₂chi₁len₄ 'nia₂, Diú₄ i₂tsá₃ cuín₂ 'nia₂, i₂'éi₂ bá₄ 'ín₄ jniá₂, jág₁ quió'₅ 'éi₂ bá₄ 'ě₅ jniá₂, juí₂ 'nia₂.

24 'Diú₄ 'éi₂ i₂ca₂jmo₃ mi₂güí₃, ca₂jmo₃ ca₂le₃jē₃ 'e₂ a₂cha₂ ja₁jaun₂, 'éi₂ bá₄ quió'₅ guei₅₄ mi₂güí₃ quian₅₄ gua₅₄ 'uē₃ nē₃. La₁ tsá₃ guá₅ dsi₂néi₂ guá'₅ a₂jmo₅

dsa₂ mi₂güig₃, ²⁵ on₃ guë'₂ chi₁quiain₁₂ jmi_g₄ jua'₅₄ a₂'nió'₅ jmo₃ dsa₂ 'e₂ jmo₃ quió'₅. Ia₁ 'njog₅ bá₄ Diú₄ jmo₂₃ cuë₂₃ jme₂dsí₂ quián₂ jniog₄, jmo₂₃ dsí₂ a₂quian₂ jniog₄, ca₂jmo₃ ca₂le₃jě₃ guë'₄ 'e₂ a₂cha₂.

²⁶ 'Quian'₅₄ ca₂cho'₅₄ dsa₂ bá₄ ca₂jmo₃ ca₂le₃jě₃ juig₂, ia₁jaun₂ tiain'₃ ta₁caun₂ mi₂güig₃. Jaun₂ ca₂jmo₃ Diú₄ 'éi'₃ ca₂'ě₃ ja₁tian'₃ dsa₂ ně₃, 'a₂ con'₂ uě₂ 'io₃ bí₂ le₂caun₂ le₂caun₂ juig₂, ²⁷ ia₁jaun₂ 'nai'₂ Diú₄, a₂jñia'₅₄ chi₂lá'₂ quian'₅₄ gu₂, con'₂ tsá₃ njó₅ ně₁ca₂dsáu'₂, o₁jñia'₅₄ la₂ tsá₃ uing₂ guá'₅ Diú₄ ja₁con₂ jniog₄ le₂jau₂ le₂jau₂. ²⁸ Ia₁ a₂chan₂ Diú₄ bá₄ a₂chong₂ jniog₄ a₂i₂nio₄ jniog₄ ně₃. * Ju₁lia'₂ ma₂ca₂juá'₂ i₂lín₅₄ dsa₂ poetas quián'₂ 'nia'₂ ján₃, jme₁ca₂juá'₂: “Chi'₂-guein₂ quián₅ Diú₄ bá₄ lág₅ jniog₄.” ²⁹ Chi₂jua'₂ lág₅ jniog₄ chi'₂-guein₂ quián₅ Diú₄, jaun₂ tsá₃ dse₃ jua'₅₄ a₂jmo₁ jniog₄ dsí₅ a₂lín₅ Diú₄ ju₁lia'₂ lě₅ caun₂ nió'₄ dsa₂ lag₄ cu₄nióg₄, on₃ guë'₂ cu₄tiog₂, on₃ guë'₂ ni₁cang₁ a₂tín₂ dsa₂ jmo₂₃ con'₂ lě₅ dsí₂jio₅ dsí₅ guioin₅₄. ³⁰ Tsá₃ lín₄ ca₂tón'₃ Diú₄ ju₁'a₂ lia'₂ ca₂jmo₃ dsa₂ ma₂líg'₂, ia₁ tsá₃ 'e₂ njí₅ dsa₂. La₁ rě₂ně₃ ně₃, jmo₅ Diú₄ 'éi'₃ quió'₅ dsa₂ chan₂ ta₁caun₂ mi₂güig₃ a₂'nió'₅ dsí₂quén'₅ dsí₅. ³¹ Ia₁ ma₂lě₅ 'éi'₃ quió'₅ Diú₄ a₂já₅ caun₂ jmi_g₄ jě₁qui₃dsí₂₃ 'éi'₃ rě₂ con'₂ dsí₂ten₅₄ quió'₅ dsa₂ mi₂güig₃, tě₂le₃ quian'₅₄ jan₂ dsa₂ i₂ca₂quióin'₂ quián₅. Jaun₂ ma₂ca₂jmo₃ léi₄ lia'₂ con'₂ jme₁ca₂jme₃jein'₅₄ 'éi₂ jin₄ 'lag₄.

³² Jme₁ca₂nág₂ dsa₂ ca₂juá'₂ Pa₄ a₂jen'₅₄ 'lag₄, i₂lín₅₄ dsa₂ jñia'₅₄ ca₂nág₂ bá₄. I₂lín₅₄ guë'₂ ca₂juá'₂:

—Ně₅ néi₁ táng₃ jnia'₅₄ caun₂ jmi_g₄ siá'₂ quiáng'₂.

³³ Jaun₂ ca₂o₂'ín₃ bá₄ Pa₄ jě₄ jaun₂.

³⁴ La₁ i₂lín₅₄ dsa₂ ca₂rě₃'éin₂ bá₄, jaun₂ ca₂'ein₃ 'éi₂. Jě₄ jaun₂ jme₁'en₅₄ i₂chen₂ Dionisio i₂lín₅ rin'₅₄ dsí₂tan₅₄ quián₅ Areópago; jan₂ guë'₂ 'io₅₄ ně₃ i₂chen₂ Dámaris; lě₂ bá₄ guë'₄ dsa₂ i₂quiong'₅₄.

18

'En₅₄ Pablo juig₂ Corinto

¹ Cang₂ jaun₂ ca₂o₃'ín₃ Pa₄ juig₂ Atenas, ca₂njó₃ ju₁5 Corinto. ² Ja₁jaun₂ ca₂jein'₂ jan₂ dsa₂ judío i₂chen₂ Aquila i₂chan₂ 'uě₃ Ponto. Jme₁guá'₄ 'uě₃ Italia le₃jñiá₅, la₁ ca₂jmo₃ 'éi'₃ gui'₅₄ emperador Claudio a₂ca₂'uín₂ ca₂le₃jín₃ dsa₂ judíos i₂jme₁tián'₄ juig₂ Roma. 'Uig₅₄ jaun₂ ca₂o₃'ín₃ quiain'₅₄ Priscila 'io₅₄ quián₅, a₂ma₂tián'₅ juig₂ Corinto. Jme₁ca₂dsióg₃ Pa₄ ca₂i₁jín₁₂ dsa₂ 'éi₂, ³ jaun₂ ca₂'í₃ ja₁quió'₄, ca₂jmo₃ ta₁ co₂lě₅ quiong'₅₄, ia₁ ján₃ bá₄ tñn₂ 'me₃ tsí₁'mí'₂ a₂jmo₅ dsa₂ tsí₁'né₅. ⁴ Jaun₂ ca₂le₃jě₃ jmi_g₄ sa₅₄, jme₁dsó₅ Pa₄ guá'₅ sinagoga a₂jme₂tñn₂₃ dsa₂ jág₁ dse₃, a₂jme₁jme₂'uáin₂ dsí₅ dsa₂, lia'₂ dsa₂ judíos lia'₂ dsí₂nau₂ ně₃. ⁵ Jme₁dsióg₃ Timoteo quiain'₅₄ Silas a₂ca₂'uín₂ Macedonia, a₂dsí₃lén₂ tě₂ ja₁'en₅₄ Pa₄, jaun₂ guë'₄ ca₂'ě₂ Pa₄ dsen₅₄ dsí₅ jág₁ quió'₅ Diú₄. Jaun₂ guë'₄ ca₂tsí'₃ dsa₂ judíos a₂lín₅ Jesús dsa₂ I₂rě₂'ín₁ quián₅ Diú₄. ⁶ La₁ dsa₂ ně₃, 'io'₅₄ ca₂tñn₂ jág₁ jaun₂, jaun₂ ca₂jme₃lióg₃ qui₂ca₂jná'₂ jág₁ uig₅ Pa₄. 'Éi₂ ně₃ qui₂ca₂séi'₂ 'liog₂ ni₁tsin'₅₄, jaun₂ ca₂tsí'₃ dsa₂:

—Guion'₅₄ bá₄ 'nia'₂ le₁cáng'₄ a₂dsián'₃ 'nia'₂ lia'₂ jma₃quian'₅₄ dsáu'₂. Tsá₃ ma₃'e₂ le₁cán'₄ jniá₂. Le₃ne₄ ju₁5 ně₃ nei₅₄ ja₁con₂ dsí₂nau₂.

⁷ Ca₂o₃'ín₃ bá₄ Pa₄ dsí₂néi₂ guá'₅ sinagoga jaun₂ ně₃. Ca₂njó₃ ja₁quió'₄ jan₂ dsa₂ i₂chen₂ Justo i₂jme₁jme₂juin'₂ Diú₄. Justo 'éi₂ ně₃, jme₁guá'₄ cau₅ guá'₅.

⁸ Dsa₂ i₂jme₁lín₄ dsa₂ dsen₅₄ quián₅ guá'₅, dsa₂ i₂chen₂ Crispo, ca₂rě₃'éin₂ tě₂le₃ quió'₅ Te₁gui'₅₄, co₂dsia₅ quian'₅₄ dsa₂ dsí₂néi₂ quió'₅. Ju₁n₅ bá₄ dsa₂ chan₂

* 17:28 lit. “a₂chong₂, a₂i₂nio₄ jniog₄, a₂'i₄ jme₂dsí₂ jniog₄.”

Corinto ca₂rē₃'én₂ jág₁ dse₃ jme₁ca₂nág₂, jaun₂ qui₂ca₂choin₃ jmig₂. ⁹ Caun₂ a₂'uē₂, a₂lë₁ca₂jén₃ Pa₄ ca₂jín₂ Te₁gui₅₄, a₂juá₂:

—Tsá₃ lë₁jmo₂ gang₃ a₂'ë₄ jág₁. Caun₂ dsia₄ bá₄, tsá₃ lë₁jmo₂ tei₄. ¹⁰ Ia₁ quian₅₄ bá₄jniá₂'ne₂; 'i₁jan₂ tsá₃ téi₂gu₂jua₅₄ a₂jmóg₂'uig₅. Ia₁juin₅ dsa₂chan₂juig₂ la₂i₂le₃'én₂ quiáng₃.

¹¹ Caun₂ η₂të₂ ca₂'nau₅₄ ca₂'í₃ Pa₄ juig₂ Corinto, qui₂ca₂jme₃tiin₂₃ dsa₂ jág₁ quió₅ Diú₄.

¹² La₁ jmig₄ jaun₂ ca₂lin₃ dsi₄má₂'uë₃ Acaya jan₂ dsa₂i₂chen₂ Galión. Jaun₂ ca₂η₂'i₂ dsa₂judíos i₂'nia₅₄ Pa₄, ca₂tág₃jui₅ne₄ta₁. ¹³ Jaun₂ ca₂juá₂'ca₂tsí₃' dsi₄má₂'éi₂:

—Le₂siá₂' bá₄ jme₂tag₅ i₂në₅, toin₂' jág₁ dsa₂, a₂jme₃juin₂' Diú₄ on₃jua₅₄ lia₂' con₂'lë₅'Éi₃.

¹⁴ Jë₁jme₁ma₂ηag₃ Pa₄, jme₁ca₂juá₂' Dsi₄má₂' Galión ca₂tsí₃' dsa₂judíos:

—Jua₅₄mei₂'guë₃ dso₄juë₂'ca₂rë₃cán₂' dsa₂në₅, jme₁jmo₅₄bá₄jniá₂juin₂' dsi₃a₂jme₁nag₅₄ jág₁ quián₂'nia₂'. ¹⁵ La₁ tsá₃ le₂jaun₂. Chi₂jua₂'uig₅₄ jág₁'éi₃'juá₅'siá₂' quián₂'nia₂' guiong₅₄, tsá₃'éi₃' qui₁dsi₅jniá₂. Jme₁rë₂ bá₄'nia₂' guiong₅₄ quiáng₂'.

¹⁶ Jaun₂ ca₂'uág₂' ca₂'uín₂'éi₂ ne₄ta₁ jaun₂. ¹⁷ Jaun₂ ca₂jηau₃' ca₂le₃jín₃ dsa₂griegos ca₂jηai₃' Sóstenes i₂lín₅ juig₅₄ quián₅ guá₅ sinagoga, qui₂ca₂bóg₂ tē₃ jág₅ dsi₄má₂'. La₁ tsá₃ ma₃a₂jaun₂ dsa₂ dsi₅gui₅₄ Galión, 'i₁caun₂.

Ca₂jón₃' táng₃ Pablo juig₂ Antioquía, jaun₂ ca₂ηó₃' táng₃ ca₂i₁'ë₄ jág₁ dse₃ jë₁ca₂të₂'nag₂' ráun₂

¹⁸ Uë₂ bá₄ guë₄ ca₂jηia₃ Pa₄ jë₄ juig₂ Corinto. Cang₂ guë₄ jaun₂ ca₂'ág₃' jág₁ riin₅₄'. Jme₁ma₂tion₅₄' juig₂ Cencrea në₃, ca₂chéi₃ Pa₄ dsi₅₄ ca₂jmo₃ léi₄ a₂ca₂jme₃ti₃ jág₁ a₂ma₂cuë₃' Diú₄ le₂jηiá₅, Jaun₂ ca₂'í₃ ni₁barco ca₂ηó₃ jui₅ja₁tén₄ Siria quian₅₄' Priscila, Aquila në₃. ¹⁹ Jme₁ca₂dsi₃lén₂ juig₂ Efeso, ca₂tén₂ Pa₄ Priscila quian₅₄' Aquila, ca₂ηó₃ jui₅ guá₅ sinagoga ca₂i₁dsia₂ jág₁ quian₅₄' dsa₂judíos i₂jme₁tion₅₄' le₁ηi₂'. ²⁰ Jme₁ca₂juá₂' guë₄ dsa₂ja₁jaun₂ a₂jme₁jηia₃ guë₄ uë₂ Pa₄, la₁ tsá₃ ma₃ca₂gue₃'éi₂. ²¹ Jaun₂ ca₂'ág₃' jág₁ jin₄ riin₅₄', ca₂juá₂':

—Tion₅₄ niog₅ nég₄' Jerusalén i₁jmo₃ jmig₄ a₂já₅. La₁ guáng₂ bá₄ táng₃ i₁jing₁₂'nia₂'në₁jua₂'nio₃ Diú₄.

Jaun₂ ca₂'í₃ ni₁barco ca₂o₃'iin₃ juig₂ Efeso. ²² Jme₁ca₂dsióg₃ Cesarea, ca₂ηe₄ Pa₄ i₁cuin₃ Diú₄ riin₅₄' i₂tián₅' Jerusalén. Jaun₂ ca₂ηái₃' táng₃ jui₅ Antioquía. ²³ Jme₁ma₂ne₁ηó₄ jmig₄'ein₅₄ ja₁jaun₂, ca₂ηei₅₄ táng₃ ca₂i₁ηi₂ le₂caun₂ le₂caun₂ juig₂ ja₁tén₄'uë₃ Galacia quian₅₄' Frigia, qui₂ca₂cuë₃' bí₂ ca₂le₃jín₃ dsa₂ i₂'én₂ riin₅₄'.

Ca₂'ë₂ Apolos jág₁ dse₃ juig₂ Efeso

²⁴ Jmig₄ jaun₂ ca₂dsióg₃ Efeso jan₂ dsa₂judío i₂chen₂ Apolos, dsa₂chan₂ juig₂ Alejandría. 'Nio₅ lin₃ jme₁tin₂ dsa₂'éi₂'ë₂ jág₁ quió₅ Diú₄, dse₃ jme₁cuí₅' Si₂ quió₅ Diú₄. ²⁵ Jme₁ma₂ηi₅ Apolos 'éi₂'a₂ lia₂'lë₅ jui₅ quió₅' Te₁gui₅₄. Jaun₂ 'ηio₂ dsí₅ qui₂ca₂dsia₃ jág₁ qui₂ca₂jme₃tiin₂₃ dsa₂ co₂rë₂ jág₁ quió₅ Jesús, ton₂'jmá₃'jηia₅₄ a₂jaun₂ bá₄ jme₁ηi₅ Apolos 'a₂ lia₂' jme₁jme₂tag₅ Juan₅₄ jui₁lia₂' a₂choin₂₃ dsa₂ jmig₂. ²⁶ Ca₂jme₃lióg₃ Apolos ca₂juá₂' dsi₂néi₂ guá₅ sinagoga ca₂tsí₃' dsa₂, ca₂dsia₃ tiá₂ dsí₅; la₁ jme₁ca₂nág₂ Priscila quian₅₄' Aquila, ca₂të₃ Apolos cau₅, ca₂jme₃tag₂₃ guë₄ rë₂'a₂ lia₂'lë₅ jui₅ quió₅ Diú₄. ²⁷ Jaun₂ në₃, lia₂' con₂' jme₁'nio₃ Apolos jme₁ηi₃ jui₅ Acaya, ca₂cuë₃ riin₅₄' bí₂, ca₂chein₃ si₂ carta ne₄ dsa₂'én₂ i₂tián₅' ja₁jaun₂, a₂guein₃'éi₂. Jme₁ca₂dsióg₃ Apolos 'uë₃ Acaya, ca₂jme₃'oin₅₄'ηio₅ dsa₂'én₂ i₂tián₅' ja₁jaun₂. Ia₁ a₂dse₃ dsí₅ Diú₄ ca₂jmo₃ a₂ca₂rë₃'én₂ dsa₂'éi₂.

28 Jaun₂ qui₂ca₂tsin₂ quian'₅₄ dsa₂ judíos, jaun₂ ca₂lí'₃ bá₄ Apolos ne₄ ja₁tsin₂₃ jaun₂, tē₃ jág₅ ca₂le₃jín₃ dsa₂. Ia₁ lia'₂ con'₂ lē₅ Si₂ quió'₅ Diú₄ bá₄ ca₂'é'₃ dsa₂ 'éi₂, a₂dsón'₂ bá₄ lín₅ Jesús I₂rē₂'ín₁ quián₅ Diú₄.

19

'En₅₄ Pablo juig₂ Efeso

1 Tē₁lia'₂ 'en₅₄ Apolos juig₂ Corinto, Pa₄ guē'₂ ca₂ñí'₃ le₂tan₅₄ juí₅ má'₂ a₂ca₂dsióg₃ Efeso. Ja₁jaun₂ ca₂jein'₂ i₂lin₅₄ dsa₂ 'én₂. 2 Jaun₂ ca₂ñag₃ 'éi₂ ca₂ñí'₃ dsa₂ ca₂juá'₂:

—¿Ca₂guen'₅₄ 'nia'₂ Jme₂dsí₂ Jñi₅ lia'₂ con'₂ jme₁ca₂rē₃'én'₂ 'nia'₂ jág₁ dse₃?

Jaun₂ ca₂ñag₃ dsa₂:

—Ca₂lia'₂ jñiá'₅₄ tsá₃ ma₂ne₄ jnia'₅₄ jua'₅₄ chan₂ jan₂ Jme₂dsí₂ Jñi₅.

3 Jaun₂ ca₂ñag₃ táng₃ Pa₄:

—¿'A₂ guē'₂ lia'₂ ca₂jñó'₂ 'nia'₂ jmi₂g₂?

Ca₂ñag₃ táng₃ dsa₂:

—Juí₁lia'₂ ca₂jme₃tag₅ Juan₅₄ bá₄.

4 Ca₂juá'₂ Pa₄:

—Jme₁chon₅ Juan₅₄ jmi₂g₂ dsa₂ co₂'nió'₄ léi₄ a₂jme₃tsín₃ dsa₂ dsí₅. La₁ jme₁juá'₂ ján₃, a₂'nió'₅ le₃'én₂ dsa₂ le₃quió'₅ i₂jia₃ chi₁quín₃, a₂'in₂₃ Jesucristo.

5 Jme₁ma₂nē₂néi₂ dsa₂ le₂nē₅, qui₂ca₂choin₃ jmi₂g₂ lia'₂ con'₂ lē₅ 'éi'₃ quió'₅ Te₁gui'₅₄ Jesús. 6 Jaun₂ jme₁ca₂quiog₂ Pa₄ gu₂ ne₄ quió'₅ dsa₂ 'éi₂, dsi₂juí₅ le₂jaun₂ ca₂guan₃ Jme₂dsí₂ Jñi₅ ca₂'í₃ tē₂dsí₅ dsa₂. Jaun₂ qui₂ca₂dsia₃ dsa₂ jág₁ jmei₅ siá'₂, qui₂ca₂juá'₂ jág₁ a₂ca₂cuē₃ Diú₄ nē₃. 7 Con'₂ guia₃-tín₂ dsa₂ jme₁lē₂ le₃jín₃.

8 Con'₂ 'ni₅ tsi'₂ ca₂dsin₃ a₂jme₁dsó₅ Pa₄ guá'₅ sinagoga ca₂dsia₃ tiá₂ dsí₅ ca₂jme₃tin₂₃ dsa₂ qui₂co₂jéin'₂ dsa₂ tē₂le₃ ja₁gon₂ Diú₄. 9 La₁ i₂lin₅₄ dsa₂ ca₂jmo₃ 'ua'₂ dsí₅, tsá₃ ca₂rē₃'éin₂. Jñiá'₅₄ qui₂ca₂ton₃ 'lig'₅₄ bá₄ Juí₅ quió'₅ Te₁gui'₅₄ jin₄ dsa₂. Jaun₂ ca₂tē'₃ Pa₄ co₂nió'₃ jmá'₃ dsa₂ i₂'én₂ ca₂'u₁in₂ ja₁jaun₂ ca₂l₃léin₂ caun₂ escuela ja₁tē'₂ quió'₅ Tirano ja₁táun₂ dsa₂ jág₁. Ja₁jaun₂ ca₂i₁jme₁tin₂₃ dsa₂ ca₂le₃o₃ jmi₂g₂. 10 Ca₂dsin₃ tin₃ ñi₂ ca₂'í₃ ja₁jaun₂, jaun₂ le₃jín₃ dsa₂ i₂jme₁tián'₄ 'lióng₂ juig₂ ja₁tén₄ Asia ca₂nág₂ jág₁ quió'₅ Te₁gui'₅₄ Jesús lia'₂ dsa₂ judíos lia'₂ dsa₂ griegos nē₃. 11 Jaun₂ 'lióng₂ léi₄ juē'₂ ca₂jmo₃ Diú₄ tē₂le₃ quian'₅₄ Pa₄, 12 le₂jio₅ ni₁tsin'₅₄ dsa₂, o₃ pe₁guí₄ 'e₂ a₂qui₂ca₂ní'₃ quió'₅, jme₁qui₂dsi₂con₃ dsa₂ ja₁con₂ dsa₂ dso'₅₄, qui₂ca₂'lón₂ dsa₂ 'e₂ caun₂ dso₄ niog₅ lín₅, qui₂ca₂'u₁in₂ jme₂dsí₂ 'lin'₅₄ quió'₅ dsa₂ nē₃.

13 La₁ i₂lin₅₄ dsa₂ judíos i₂jme₁nio₄ jmo₂₃ 'u₁in'₂ jme₂dsí₂ 'lin'₅₄ quió'₅ dsa₂,* dsa₂ 'éi₂ jme₁'nio₃ jme₁'in₃ Te₁gui'₅₄ Jesús juí₁lia'₂ jē₁'u₁in'₂ jme₂dsí₂ 'lin'₅₄, ca₂juá'₂ tsí'₅ jme₂dsí₂ 'lin'₅₄:

—'Éi'₃ jmo₅ jniá₂ quian'₅₄ bí₂'éi'₃ quió'₅ Jesús i₂'in₅ Pa₄ nē₅, 'u₁in'₂ 'nia'₂.

14 Le₂jaun₂ jme₁jmo₅ ta₁guion₃ chí'₂ ja₁ñi'₅₄ jan₂ dsa₂ judío i₂chen₂ Esceva, i₂jme₁lín₄ jan₂ juig₅₄ jme₂dsa₂. 15 La₁ jme₁ca₂jmo₃ le₂jaun₂, jaun₂ ca₂ñag₃ jme₂dsí₂ 'lin'₅₄:

—Cuín₅ bá₄ jniá₂ Jesús, ján₃ bá₄ guion₄ bá₄ jniá₂ 'ein₂ 'éi₂ Pa₄. La₁ 'nia'₂ nē₃, ¿'ein₂ bá₄ 'nia'₂ jmo₂ 'éi'₃ a₂jú₄ jniá₂?

16 Jaun₂ dsa₂ i₂jme₁'en₅₄ jme₂dsí₂ 'lin'₅₄ quió'₅, ca₂cuē₃ 'ñio₅ lín₃ ca₂cuē'₃ ca₂le₃jín₃ dsa₂ 'éi₂, ca₂lia'₂ ca₂i₃lein₃ cuing₂₃ le₁cuáin'₃ qui₂le₁cuáin'₂ nē₃. 17 Jaun₂ ca₂le₃jín₃ dsa₂ judíos, quian'₅₄ dsa₂ griegos nē₃, i₂jme₁tián'₄ juig₂ Efeso, ca₂rē₃gó'₅ 'ñio₅ lín₃ jme₁ca₂rē₃ñi₅. Jaun₂ ca₂rē₃juin'₂ Te₁gui'₅₄ Jesús 'ñio₅ lín₃.

* 19:13 griego: exorkiston (exorcistas).

18 Jaun₂ juin₅ dsa₂ i₂ca₂rë₃'én₂, ca₂dsilén₂ ca₂jmo₃ qui₂ñí₃ quió'₅ ca₂le₃jë₃ a₂'lig'₅₄ a₂qui₂ma₂jmo₃. 19 Jaun₂ juin₅ dsa₂ i₂jme₁jmo₅ ta₁ a₂chan₂ dsí₅ në₃, ca₂i₁quian₅₄ si₂lia'₂ quió'₅, jaun₂ ca₂dsí'₂ të₃jág₅ dsa₂. Jme₁ca₂chen'₃ dsa₂ cuenta je₂liá'₂ dsin₅ 'i₄ 'ma'₅₄ le₃jë₃ si₂ jaun₂, ca₂dsióg₃ con'₂ të₂láu₃-guiá₂ mei₅ 'éi'₃ cu₄ tiog₂. 20 Jaun₂ në₃, quian'₅₄ bí₂ quió'₅ Te₁gui'₅₄ caun₂ ca₂i₃'ág₃ jág₁ quió'₅, caun₂ ca₂lí'₃ bá₄.

21 Cang₂ jaun₂ ca₂'ág₂ Pa₄ caun₂ dsí₅ a₂dsi₃jág₂ le₂tan₅₄ juig₂ ja₁tén₄ 'uë₃ Macedonia quian'₅₄ Acaya, lia'₂ ma₂ñó₅ jaun₂ të₂ Jerusalén. Ján₃ bá₄ ca₂juá'₂ táng₃, jë₁ma₂ca₂dsióg₃ Jerusalén, a₂tion₅₄ dsó₃ ca₂të₂ Roma ján₃. 22 Jaun₂ ca₂chein₃ on₃ dsa₂ i₂jme₂'o₅₄† quiáin₅: Timoteo, quiaín'₅₄ Erasto, a₂dsi₃lén₂ juí₅ Macedonia. Ca₂rë₃'iin₅₄ bá₄ guë₄ 'ñiog₅, 'uë₃ Asia.

Ca₂nio₃ mi'₅₄ juig₂ Efeso

23 Jmig₄ jaun₂, 'ñio₅ lín₃ ca₂nio₃ mi'₅₄ o₄quió'₄ Jui₅ quió'₅ Te₁gui'₅₄. 24 Ia₁ jan₂ dsa₂ i₂chen₂ Demetrio i₂jme₁lín₄ të₅ñí₁ cu₄tiog₂, jme₁jmo₂₃ chéi₂ a₂rë₂lag₄ lia'₂ lë₅ guá'₅ ja₁chén'₄ 'io₅₄ diú₄ Diana.‡ 'Nio₅ jme₁tñin₂₃ cu₄ quian'₅₄ ta₁ jaun₂ quió'₅, quian'₅₄ të₅ñí₁ rñin'₅₄ i₂jmo₅ ta₁ le₂jaun₂. 25 Jaun₂ Demetrio në₃, ca₂ñí'₂ 'éi₂ quian'₅₄ guë₄ dsa₂ sián'₂ i₂jmo₅ ta₁ le₂jaun₂ ján₃. Jaun₂ ca₂juá'₂:

—'Nia'₂ dsa₂ rñin'₅₄ jniog₄, ñi'₅₄ bá₄ 'nia'₂ rë₂, a₂chong₂ jniog₄ dse₃ quian'₅₄ ta₁ quián₂. 26 Jaun₂ jág'₂ bá₄ 'nia'₂ a₂jmo₅ Pa₄ ñi₂₃ juá'₂ tsí'₅ dsa₂, a₂tsá₃ 'e₂ quen₅ diú₄ i₂jmo₂' dsa₂ mi₂güig₃, ia₁ tsá₃ lín₅ diú₄, juá'₂. Jaun₂ juin₅ dsa₂ i₂ma₂ca₂rë₃'én₂ në₃, on₃ jua'₅₄ jmá'₃ juig₂ Efeso la₂, mei'₂ tsá₃ le₂tan₅₄ 'uë₃ Asia bá₄. 27 Jaun₂ go'₂ të₂le₃ quián₂ jniog₄, ia₁ dsí₃'én₂ ta₁ quián₂ lé₂. Ján₃ guë'₂ le₂jaun₂, të₂le₃ quió'₅ guá'₅ quió'₅ diú₄ Diana juin'₂, go'₂ a₂dsí₃'én₂ ján₃. Ia₁ në₁jua'₂ tsá₃ ma₂'nio₃ dsa₂, jaun₂ dsí₃'én₂ bá₄ bí₂ quió'₅ a₂lín₅ dsa₂ juin'₂. Ia₁ rë₂në₃ ta₁caun₂ 'uë₃ Asia, ta₁caun₂ mi₂güig₃ në₃ jme₂go₃ dsa₂ a₂jme₂juag'₂.

28 Jme₁ca₂dsan₃ nag₅ dsa₂ le₂në₅, ca₂rë₃'néi₃ 'ñio₅ lín₃, ca₂tóin'₂ ca₂guió'₃ ca₂juá'₂:

—i'Nio₅ juin'₂ diú₄ Diana quián₅ dsa₂ juig₂ Efeso!

29 Jaun₂ ca₂lë₃ mi'₅₄ quió'₅ ca₂le₃jín₃ dsa₂ juig₂ jaun₂. Jaun₂ le₃on₃ dsa₂ chan₂ Macedonia i₂chen₂ Gayo quiaín'₅₄ Aristarco i₂jme₁quian'₅₄ Pa₄, ca₂jñau'₃ ca₂i₃toin'₅₄ co₂dsia₅ ca₂të₂ ja₁ñi'₂ § dsa₂ juig₂. 30 Jaun₂ jme₁'nio₃ Pa₄ jme₁dsó₃ jin₄ dsa₂ juig₂ a₂jme₁dsí₃chi'₅₄ dsa₂. La₁ tsá₃ ca₂cuë₃ jmi₄ rñin'₅₄ i₂'én₂. 31 I₂lín₅₄ dsa₂ dsen₅₄ quián₅ 'uë₃ Asia, i₂lín₅ dsa₂ a₂mei₅₄ quián₅ Pa₄, ján₃ bá₄ ca₂chein₃ jág₁ a₂tsá₃ dsí₂ten₅₄ jua'₅₄ a₂dsí₃'í₂ Pa₄ ja₁jaun₂. 32 Të₁lia'₂ jaun₂ në₃ ja₁tion'₅₄ dsa₂ juig₂ le₁ñi'₂ tióin'₅₄ co₂mi'₅₄, lë₅ bá₄ qui₂juá'₂ jan₂-jan₂, tsá₃ caun₂ jág₁ 'ei₅, lë₅ guë₄ ca₂dsion₄ dsa₂ jñia'₅₄ tsá₃ ñi₅ 'e₂ lë₃ le₁ñi'₂. 33 La₁ jë₄ jaun₂ jme₁tion'₅₄ bá₄ i₂lín₅₄ dsa₂ i₂ñi₅. Jaun₂ ca₂juá'₂ 'a₂ lia'₂ lë₅ ca₂tsí'₃ jan₂ i₂chen₂ Alejandro i₂jme₁ca₂'lian'₃ dsa₂ judíos a₂ca₂dsióg₃ të₂ne₄ dsa₂ juig₂. Jaun₂ ca₂jmo₃ Alejandro léi₄ quian'₅₄ gu₂ a₂jme₁mi₂₃ a₂jmo₃ dsa₂ tei₄, ia₁ a₂jme₁'nio₃ juá'₂ jág₁ a₂jme₁tsí'₃ dsa₂ a₂jme₁lióin₂ dsa₂ on₃ i₂ca₂jña'₃ dsa₂ 'éi₂. 34 La₁ jme₁ca₂rë₃lí'₄ dsa₂ a₂lín₅ Alejandro 'éi₂ jan₂ dsa₂ judío, jaun₂ ca₂tóin'₂ co₂mi'₅₄, con'₂ tin₃ hora qui₂guió'₅ ca₂juá'₂:

—i'Nio₅ juin'₂ diú₄ Diana quián₅ dsa₂ juig₂ Efeso!

35 Jaun₂ dsa₂ i₂lín₅ të₅sí₃ quián₅ dsa₂ juig₂ jaun₂, ca₂tió'₃ jme₁ca₂tió'₃, ca₂jmo₃ ca₂i₃lén₂ dsa₂ tei₄. Jaun₂ guë₄ ca₂juá'₂:

† 19:22 griego: diakonous. ‡ 19:24 griego: Artemis; (Diana chein₂ quian'₅₄ latín, jág₁ jmei₅ romano).

§ 19:29 griego: theatron (co₂'nió'₄ caun₂ estadio a₂lë₅ dso'₂ dsí₂con'₂).

—'Nia'₂ dsa₂ chan₂ Efeso, ta₁caun₂ mi₂güig₃ bá₄ le₁ñi₅ dsa₂ a₂ca₂tín₂ dsa₂ juig₂ Efeso jmo₃ 'í₁ guá'₅ quió'₅ diú₄ juín'₂ Diana, ton'₂ jmo₃ 'í₁ nió'₄ quió'₅ a₂ca₂sió₃ guei'₅₄ i₂juig₃. * 36 'I₁jan₂ jua'₅₄ le₃juá'₂ a₂tsá₃ ñi₅. Jaun₂ tei₄ jmo₄ 'nia'₂, 'nio'₂ 'nia'₂ 'au'₂ dse₃ né'₃ gué₄ a₂jmó'₂ 'e₂ jmó'₂. 37 Ia₁ dsa₂ i₂nē₂chan'₂ 'nia'₂, tsá₃ 'ang₂₃ a₂ca₂tín₂ guá'₅, on₃ gué₄ 'in₂₃ 'lig'₅₄ diú₄ quián₂ jniog₄. 38 Chi₂jua'₂ 'nio₃ Demetrio mi₃ dso₄, quaiin'₅₄ ca₂le₃jín₃ i₂jmo₅ ta₁ quaiin'₅₄, jaun₂ gué'₂ chan₂ dsi₂tan₅₄ ne₄ta₁ ja₁lé₂ dsi₃mi₃ dso₄. 39 La₁ nē₁jua'₂ a₂mi'₂ 'nia'₂ lé₅ caun₂ dso₄ jué'₂ gué₄ con'₂ gué₄ a₂jaun₂, 'nió'₅ le₃rē₂ ne₄ dsi₂tan₅₄ jē₁ma₂le₁ñi'₂ dsa₂ juig₂. 40 Ia₁ go'₂ quián₂ jniog₄ a₂jmo'₂ 'nia'₂ le₂nē₅, nē₁jua'₂ ca₂'nag₃ dsa₂ a₂ñí₄ lē₃ 'niog₂ mi'₅₄, jui₁lia'₂ mi'₅₄ a₂ca₂lē₃ nē₃. Ia₁ nē₁jua'₂ ca₂ñag₃ dsa₂ 'e₂ 'uig₅₄ ca₂lē₃ mi'₅₄ la₂, tsá₃ 'e₂ cha₂ le₃ñag₄.

41 Jme₁ma₂ca₂dsan₃ juá'₂ le₂nē₅, ca₂jme₃dsiain₂₃ bá₄ jág₁ a₂le₁ñi'₂ dsa₂. Jaun₂ ca₂dsiain'₂ bá₄ dsa₂, qui₂ca₂i₃lein₃ quió'₅.

20

Ca₂ñó₃ Pablo 'uē₃ Macedonia quian'₅₄ Grecia

1 Jme₁ca₂dsan₃ mi'₅₄ jaun₂, qui₂ca₂tē'₃ Pa₄ le₃jín₃ dsa₂ 'én₂, qui₂ca₂cuē'₃ bí₂. Jme₁ca₂lē₃ jaun₂, qui₂ca₂'ág'₃ jág₁ riin'₅₄. Jaun₂ gué₄ ca₂ñó₃ jui₅ Macedonia. 2 Jaun₂ qui₂i₁jag₅₄ le₂tan₅₄ juig₂ te₁'i₁ ja₁jaun₂. Quian'₅₄ jág₁ quió'₅ qui₂i₁cuē'₂ bí₂ riin'₅₄. Cang₂ gué₄ jaun₂ ca₂ñó₃ táng₃ jui₅ Grecia. 3 Ja₁jaun₂ ca₂'í₃ 'ni₅ tsi'₂. Jme₁ma₂'ein₅₄ jui₅ 'í₂ ni₁barco a₂dsó₃ jui₅ Siria, jme₁ca₂rē₃ñi₅ a₂ma₂jmo₅ dsa₂ judíos caun₂ jág₁ a₂tsáun'₂. Jaun₂ co₂ñei'₅₄ tsá₃ ma₃ca₂ñái'₃ jui₅ jaun₂. Ca₂ñái'₃ bá₄ táng₃ jui₅ 'uē₃ ca₂ñí₃ Macedonia. 4 Jaun₂ ca₂jme₃quiong'₅₄ dsa₂ le₂'i₄ jui₅ i₂chen₂ Sópater ja₁ñi'₅₄ Pirro, * i₂chan₂ Berea, Aristarco quian'₅₄ Segundo i₂chan₂ Tesalónica, Gayo i₂chan₂ Derbe; Timoteo, Tíquico quian'₅₄ Trófimo nē₃ i₂chan₂ juig₂ gu'₂ ja₁tén₄ 'uē₃ Asia. 5 Jaun₂ nē₃, riin'₅₄ jniog₄ 'éi₂ ca₂i₃jñiái₄ ca₂i₃jñiog₁₂ juig₂ Troas. 6 Cang₂ jme₁ca₂gú'₃ jmig₄ a₂gué'₅ dsa₂ i₁ñí'₄ a₂tsá₃ levadura quian'₅₄, jaun₂ ca₂tió'₄ jnia'₅₄ ni₁barco ca₂'uag₂ Filipos. A₂'ñiá₂ jmig₄ jaun₂, ca₂join₃ jnia'₅₄ juig₂ Troas. Ja₁jaun₂ ca₂jñia₄ jnia'₅₄ guio₃ jmig₄.

'En₅₄ Pablo juig₂ Troas

7 Jm_{ig}₄ jē₁le₂'uig₅₄ semana, ca₂ñag'₂ jnia'₅₄ a₂ca₂dsió'₄ i₁ñí'₄. Jaun₂ tē₃jē₄ jaun₂ ca₂jme₃tag₅ Pa₄ ca₂jme₃tíin₂₃ dsa₂. Caun₂ ca₂ton₃ jág₁ ca₂lia'₂ ca₂tē₂ dsi₃nei₅, ia₁ a₂ma₂'ein₅₄ jui₅ dsáin'₃ jē₁ma₂jnia₃ jaun₂. 8 Jme₁tio'₅₄ jnia'₅₄ le₁ñag'₂ caun₂ dsi₂néi₂ ja₁lē₄ guei'₅₄. 'Lióng₂ tsí₅ jme₁le₁'ág₄ le₁guí'₂ si₂. 9 Jan₂ gué'₂ dsó₂ jme₁guá₄ caun₂ o₄'né₄ tau₂ quei₂ i₂jme₁chen₂ Eutico. Ia₁ a₂ñí₄ lē₃ uē₂ qui₂ca₂dsia₃ Pa₄ jág₁, jaun₂ tsá₃ ma₃ca₂tió'₃ 'éi₂ a₂i₃güin₃. Jme₁ma₂rē₂güin₃ tsá₃ ma₃lí'₄ jme₁ca₂táin'₂ ca₂tē₂ ja₁lē₄ 'ni₅ juín₃ guei'₅₄. Ma₂join₂₃ jme₁ca₂i₁cho'₄ dsa₂. 10 Jaun₂ ca₂sión₃ Pa₄ ján₃, ca₂jñai'₃ 'lag₄ ca₂quiog₂ ne₄ quió'₅, jaun₂ ca₂juá'₂ ca₂tsí'₃ riin'₅₄:

—Tsá₃ lē₁jmo₂ 'nia'₂ gang'₃, ia₁ 'i₄ bá₄ jme₂dsí₂ quió'₅ chi'₂.

11 Jaun₂ nē₃ ca₂uig₂ táng₃ Pa₄ guei'₅₄. Jaun₂ ca₂dsió'₃ i₁ñí'₄, ca₂gué'₃ bá₄ jaun₂ nē₃. Caun₂ ca₂dsia₃ bá₄ gué₄ Pa₄ jág₁ ca₂lia'₂ ca₂jnia₃. Ca₂ñái'₃ bá₄ jaun₂ nē₃.

12 La₁ dsó₂ 'éi₂ nē₃, jéin'₃ bá₄ ca₂tág₃ dsa₂, jmo₅ dsa₂ 'io'₂ ca₂le₃jín₃.

Ca₂'uin₂ dsa₂ Troas, ca₂i₃lén₂ táng₃ jui₅ Mileto

13 Ca₂i₃jñióg₄ bá₄ jnia'₅₄ i₂náu₅ quian'₅₄ ni₁barco ca₂tē₂ Asón ca₂i₁te₁ Pa₄, ia₁ jme₁ma₂lē₅ jág₁ a₂'nio₃ dsó₃ 'ñiog₅ jui₅ tag₅₄. 14 Jme₁ca₂rē₃quaiin'₅₄ jnia'₅₄ juig₂

* 19:35 A₂lin₅₄ chog₅₄ si₂. "a₂ca₂sió₃ ja₁con₂ diú₄ Júpiter."

* 20:4 A₂lin₅₄ chog₅₄ si₂ tsá₃ chi₁ton, "ja₁ñi'₅₄ Pirro."

Asón, ca₂'í₃ ni₁barco quian'₅₄ jnia'₅₄ a₂ca₂i₃náú₅ jui₅ Mitilene. ¹⁵ Ca₂'uag₂ jnia'₅₄ ja₁jaun₂. Jme₁jnia₃ jaun₂, ca₂ŋag₅₄ cau₅ ja₁tě'₂ dsa₂ Quío, (a₂nio₅ jě₄ jmi₁ŋí'₄). Caun₂ jmig₄ cang₂ jaun₂, ca₂dsi₃náú₅ jnia'₅₄ 'o₄ jmi₁ŋí'₄ ja₁chei₂ Samos. [Jaun₂ ca₂jŋia₁ jnia'₅₄ juig₂ Trogilio].† Jme₁jnia₃ jaun₂ guě₄ ca₂dsi₃náú₅ jnia'₅₄ tě₂ juig₂ Mileto. ¹⁶ Jaun₂ le₂ně₅ ca₂lě₃, ia₁ tsá₃ 'nio₃ Pa₄ 'í₂ uě₂ 'uě₃ Asia, tsá₃ ma₃ca₂ŋei₅₄ jui₅ Efeso. Ia₁ 'nio₃ dsáin'₄ ŋi'₅₄ ta₁ jui₅ Jerusalén, a₂'nio₃ ŋi₅ ja₁jaun₂ Jmig₄ Tě₂láu₃-guiá₂ ně₁jua'₂ ca₂lě₃.

Ca₂ton₃ Pablo jág₁ jŋ₄ dsa₂ can'₅₄ quián₅ rŋin'₅₄ chan₂ Efeso

¹⁷ 'En₅₄ Pa₄ juig₂ Mileto, jaun₂ ca₂ŋi'₂ ca₂le₃jŋ₃ dsi₂gui'₅₄ can'₅₄ quián₅ rŋin'₅₄ i₂chan₂ Efeso. ¹⁸ Jme₁ca₂dsi₃lén₂ dsa₂, jaun₂ ca₂juá'₂ Pa₄:

—Ŋi'₅₄ bá₄ 'nia'₂ 'a₂ lia'₂ ma₂jmo₃ jniá₂ ca₂le₃ guang₃ le₂'uig₅₄ 'uě₃ Asia. ¹⁹ Ca₂le₃jě₃ jmig₄ bá₄ lia'₂ con'₂ ca₂'ú₃ jŋ₄ 'nia'₂, ca₂jme₁ti₁₂ ta₁ ne₄ Te₁gui'₅₄. Tsá₃ ca₂jme₁juing'₂ 'ŋi₃. Tsá₃ caun₂ ca₂i₃ŋig'₂ 'uig₅₄ ca₂le₃jě₃ a₂jme₁'nio₃ dsa₂ judíos jme₁jmóg'₂. ²⁰ La₁ on₃jua'₅₄ jaun₂ tsá₃ ma₃ca₂jme₁tŋ₅ jniá₂ 'nia'₂ a₂dse₃ quián'₂ 'nia'₂, ca₂i₁'ě₄ jŋ₄ dsa₂, ca₂ŋeg₅₄ tě₂ dsi₂néi₂ quián'₂ 'nia'₂ ně₃. ²¹ Lia'₂ dsa₂ lín₅ judíos lia'₂ dsa₂ griegos ně₃, qui₂ma₂juig₂ jniá₂ a₂'nió'₅ jme₃tsín₃ dsa₂ dsí₅ ne₄ Diú₄, a₂le₃'éin₂ tě₂le₃ quió'₅ Te₁gui'₅₄ Jesucristo quián₂ jniog₄. ²² Jaun₂ ně₃, ma₂'eng₅₄ jui₅ nei₅₄ jui₅ Jerusalén, ia₁ chi₂quióng₂ jmig₄ Jme₂dsí₂ quián₅ Diú₄. Tsá₃ a₂jaun₂ guion₅₄ 'e₂ dsi₃ŋig'₂ ja₁jaun₂. ²³ Jŋia'₅₄ lia'₂ jaun₂ bá₄ guion₅₄, ia₁ le₂caun₂le₂caun₂juig₂ ja₁ma₂ŋeg₅₄, ma₂'ě₂ jág₁ Jme₂dsí₂ Jŋi₃ó₅ a₂i₁ŋag₁₂ uig₅, a₂to'₂ dsa₂ 'né₃ 'má₃ ně₃. ²⁴ La₁ tsá₃ a₂jaun₂ 'i₅ dsi₃ jniá₂, o₁jŋia'₅₄ ca₂quín₂ 'mú₃ quió₃, ia₁jaun₂ bá₄ le₃tei₅₄ jniá₂ ta₁ a₂ma₂chei'₃ Te₁gui'₅₄ Jesús a₂jmo₅₄, a₂jme₁tŋ₅ dsa₂ jág₁ dse₃ a₂'ua₁ dsí₅ Diú₄.

²⁵ 'Jaun₂ ně₃ dsón'₂ lín₂ jniá₂, 'nia'₂ rŋin'₅₄ jniog₄ i₂ma₂nei'₂ jág₁ a₂ma₂qui₂ma₂'ě₃ jniá₂ ŋi₂₃, o₁líg'₂ jmig₄ tsá₃ ma₃jag'₅₄ 'nia'₂ jniá₂ táng₃. ²⁶ Jaun₂ lě₃ juig₂ jniá₂ 'nia'₂ tsá₃ ma₃'e₂ rě₂cán'₄ jniá₂ ja₁con₂ ca₂le₃jŋ₃ dsa₂, ²⁷ ia₁ ma₂ca₂juig₂ bá₄ jniá₂ 'nia'₂ lia'₂ con'₂ lě₅ dsi₂jio₅ dsí₅ Diú₄ jmo₃, tsá₃ 'e₂ ca₂'ma₃ jniá₂ ja₁con'₂ 'nia'₂. ²⁸ Jaun₂ ně₃, jmo₄ 'nia'₂ 'í₁ guiong'₅₄, jmo₄ 'í₁ ca₂le₃jŋ₃ dsa₂ rŋing'₂ i₂'én₂ ně₃. Ia₁ o₄gog'₂ 'nia'₂ bá₄ ma₂dsiog₃ Jme₂dsí₂ Jŋi₃ó₅ † a₂jmó'₂ 'í₁ dsa₂ i₂lín₅ guá'₅ quián₅ Diú₄ i₂'lian'₅₄ tě₂le₃ quian'₅₄ jmi₂ 'an₅₄ 'ŋiog₅ ja₁ŋi'₅₄. ²⁹ Guion₄ bá₄ jniá₂ a₂ja₃lén₂ dsa₂ sián'₂ jě₁ma₂ŋág'₅, a₂'nio₃ 'éin₂ 'nia'₂ ca₂le₃jŋ₃, a₂jmo₃ ju₁lia'₂ jmo₅ dsi₂jŋ'₅₄ náú₂ tsau₂ dsí₅, jme₂dsiain₂₃ ju₁lia'₂ já'₂ cha'₂. ³⁰ Náú₃ jě₄ quián'₂ 'nia'₂ guiong'₅₄ dsa₂ i₂jme₃tag₅ le₃jen₅ ia₁jaun₂ 'ein₃ jui₅ quió'₅ 'éi₂ ju₁lia'₂ dsa₂ i₂ma₂'én₂ jág₁ dse₃. ³¹ Jaun₂ rě₂ján'₁ 'nia'₂, dsá₂ 'au'₂ 'nia'₂ jmo₄, ia₁ 'ni₅ ŋi₂ ca₂dsin₃ ca₂cuě₃ 'nia'₂ jág₁ lia'₂ 'uě₂-jmi₂, ca₂le₃jě₃ ca₂'o₃.

³² 'Jaun₂ ně₃ rŋin'₅₄ jniog₄, dsián₄ jniá₂ 'nia'₂ o₄gú₃ Diú₄, ne₄ jág₁ dse₃ quió'₅ a₂'ua₁ dsí₅, a₂lé₂ jmo₃ a₂'uan'₂ 'nia'₂, a₂lé₂ jmo₃ a₂tŋin'₅₄ 'nia'₂ a₂dse₃ a₂cha₂ quió'₅, ju₁lia'₂ a₂tŋin₅₄ ca₂le₃jŋ₃ dsa₂ i₂lě₅ 'í₁ quián₅. ³³ Tsá₃ 'e₂ ma₂ca₂rě₃ 'ín₂ dsi₃ a₂jmo₅₄ quió₃, ju₁lia'₂ a₂cha₂ quió'₅ i₂sián'₂, on₃ guě'₂ cu₄nió₄, on₃ guě'₂ cu₄tiog₂, on₃ guě'₂ tsin'₅₄ ně₃. ³⁴ Ŋi'₅₄ bá₄ 'nia'₂ rě₂, tě₂le₃ ma₂jmo₃ bá₄ ta₁ 'ŋi₃ó₅ quian'₅₄ gu₂-tag₃ ma₂'no₃ a₂'nió'₅ dsi₃ŋig'₂ quian'₅₄ i₂quiang'₅₄. ³⁵ Ca₂le₃o₃ jmig₄ bá₄ ma₂'ě₃ 'nia'₂ 'a₂ lia'₂ 'nió'₅ jmo₃ dsa₂ ta₁, a₂'nió'₅ jme₃'on₅₄ dsa₂ dsa₂ i₂'nió'₅ quió'₅. Dsá₂ 'au'₂ 'nia'₂ jmo₄ jág₁ quió'₅ Te₁gui'₅₄ Jesús, jme₁ca₂juá'₂: “Ja₂lín₃ guě₄ dse₃ 'ei₅ dsí₅ dsa₂ i₂cuě₅, con'₂ guě₄ dsa₂ i₂gue₅.”

³⁶ Jme₁ca₂dsan₃ juá'₂ Pa₄ le₂ně₅, ca₂chi₃ŋné₃ quiaín'₅₄ ca₂le₃jŋ₃ dsa₂, ca₂chi₃lén'₂ Diú₄. ³⁷ Ca₂le₃jŋ₃ qui₂ca₂'o₃, qui₂ca₂jŋai'₃ Pa₄, ca₂chen'₃ quió'₅.

† 20:15 A₂lín₅₄ chog₅₄ si₂ tsá₃ le₁ton₅ jág₁ ně₅. ‡ 20:28 griego: (ma₂chei'₃ Jme₂dsí₂ Jŋi₃ó₅ a₂lén'₂ 'nia'₂) epískopos (dsa₂ i₂con₂ 'í₁).

38 La₁ ja₂lin₃ guě₄ 'lia'₂ dsí₅ dsa₂ ca₂tóin'₂ jme₁ca₂juá'₂ Pa₄, ca₂lia'₂ o₁líg'₂ jmig₄ tsá₃ ma₃jín₂ guě₄ riin'₅₄. Jaun₂ ca₂jme₃quiong'₅₄ dsa₂, ca₂i₁join₅₄ Pa₄ tē₂ ja₁'ei₅ ni₁barco.

21

Ca₂ηá'₃ Pa₄ jui₅ Jerusalén

1 Jme₁ca₂tén'₂ dsí₅ jnia'₅₄ dsa₂ rin'₅₄, jaun₂ ca₂i₃náu₅ jui₅ ne₄ jmi₁ηí'₄ co₂dsau₅ tē₂ Cos (a₂niog₅ jē₄ jmi₁ηí'₄). Jme₁jnia₃ jaun₂ táng₃, ca₂ηag₅₄ ja₁chei₂ Rodas, jaun₂ guě₄ dsí₃náu₅ jnia'₅₄ juig₂ Pátara. 2 Juig₂ Pátara jaun₂, cane₅₄ táng₃ jnia'₅₄ caun₂ ni₁barco a₂ηó₃ jui₅ 'uē₃ Fenicia, jaun₂ ca₂tió'₄ jnia'₅₄, ca₂i₃náu₅ táng₃. 3 Jaun₂ ca₂ηag₅₄ jnia'₅₄ ja₁jniá₂ Chipre tē₂le₃ gu₂ jen₅, jaun₂ ca₂i₃náu₅ jnia'₅₄ tē₂ Siria. Jaun₂ ca₂dsióg₃ ni₁barco juig₂ Tiro, ia₁ i₁con₂ lio₅₄ ja₁jaun₂. Jaun₂ ca₂sió'₄ jnia'₅₄ ja₁jaun₂. 4 Jaun₂ ca₂jen'₂ jnia'₅₄ dsa₂ 'én₂ rin'₅₄ tián'₅ ja₁jaun₂. Jaun₂ ca₂tió'₄ jnia'₅₄ guio₃ jmig₄ quiaín'₅₄. Dsa₂ 'éi₂ ně₃, ca₂'ě₂ jág₁ a₂ca₂cuē₃ Jme₂dsí₂ Jnió₅, ca₂tsí'₃ Pa₄ a₂tsá₃ dsí₂ten₅₄ dsó₃ jui₅ Jerusalén. 5 Jme₁ca₂dsin₃ guio₃ jmig₄ tio'₅₄ jnia'₅₄ jaun₂, jaun₂ ca₂'uag₂ táng₃, jaun₂ ca₂le₃jín₃ dsa₂ i₂'én₂, quiaín'₅₄ 'io₅₄ quiaín₅, chi'₂ quiaín₅ ně₃, ca₂jme₃quiong'₅₄ tē₂ 'ni'₂ juig₂, ca₂i₁jo₅₄ tē₂ chei'₅₄ jmi₁ηí'₄. Ja₁jaun₂ ca₂chi₁jne₁ jnia'₅₄ ca₂le₃jág₃, ca₂chi₁len'₄ jnia'₅₄ Diú₄. 6 Jaun₂ qui₂ca₂chan'₅₄ jnia'₅₄ rin'₅₄ ca₂'ei'₅₄ jág₁. Jaun₂ guě₄ ca₂uig₅₄ jnia'₅₄ 'ηió'₃ ni₁barco. 'Éi₂ ně₃ ca₂i₃lein₃ bá₄ quió'₅.

7 Jme₁ca₂'uag₂ jnia'₅₄ juig₂ Tiro, ca₂i₃náu₅ jui₅ ne₄ jmi₁ηí'₄ a₂ca₂i₃náu₅ jui₅ Tolemaida. Ca₂cuin₅₄ jnia'₅₄ Diú₄ rin'₅₄ i₂tián'₅ ja₁jaun₂, ca₂jnia₄ jnia'₅₄ co₂jmig₄ quiaín'₅₄. 8 Jme₁jnia₃ jaun₂, ca₂le₃jág₃ con'₂ i₂quian'₅₄ Pa₄ ca₂'uag₂ ja₁jaun₂, ca₂dsi₃náu₅ juig₂ Cesarea. Ja₁jaun₂ ca₂i₁náu₄ jnia'₅₄ ja₁quió'₄ Felipe i₂'ě₂ jág₁ dse₃, i₂lín₅ jan₂ rin'₅₄ dsa₂ guion₃ i₂jme₂'o₅₄* i₂ca₂quió'n'₂ dsa₂ le₂jniá₅. 9 Felipe 'éi₂ jme₁chan₂ quén₂ ja₁míg₄ on₃jua'₅₄ i₂ma₂jen'₂ gu₂. 'Io₅₄ quén₂ 'éi₂ jme₁'ě₂₃ 'ě'₅ dsa₂ jág₁ a₂cuē₅ Diú₄. 10 Ma₂ne₁ηó₄ ca₂la₂ jmig₄ tio'₅₄ jnia'₅₄ jme₁ca₂dsióg₃ jan₂ dsa₂ i₂tē'₂ dsa₂ Agabo, i₂'ě₂ jág₁ a₂cuē₅ Diú₄, a₂ca₂o₃jag₅₄ jnia'₅₄. 11 Jaun₂ jme₁ca₂guan₃ 'éi₂ ně₃, ca₂can₃ lau₂jén'₅ tú'₅ Pa₄, jaun₂ qui₂ca₂'néi₂ mi₂tag₅₄ 'ηiog₅ quian'₅₄ mi₂gu₂ ně₃. Jaun₂ ca₂juá'₂:

—Le₂la₂ juá'₂ Jme₂dsí₂ Jnió₅: “Le₂la₂ jmo₃ dsa₂ judíos jē₄ juig₂ Jerusalén jmái'₂ dsa₂ i₂quió'₅ ni₁lau₂ la₂, jaun₂ jáng'₂ o₄gú₃ dsí₂nau₂.”

12 Jme₁ca₂néi₁ jnia'₅₄ le₂ně₅, jaun₂ ca₂mí₁ jnia'₅₄ quian'₅₄ dsa₂ chan₂ Cesarea ca₂chei₅₄ Pa₄ a₂tsá₃ ma₃dsó₃ Jerusalén. 13 La₁ jaun₂ ca₂ηag₃ Pa₄:

—¿'E₂ lē₃ qui'₂'au'₂ 'nia'₂, jmo'₂ 'nia'₂ 'ag₅ 'lia'₂ dsí₃? Ia₁ ma₂rē₂ján₁ bá₄ jniá₂, on₃jua'₅₄ jmá'₃ ca₂ne₅₄ a₂'nei₃ dsa₂. Ján₃ bá₄ ma₂'ei₅ caun₂ dsí₃ a₂jóng₂, jηag'₃ dsa₂ juig₂ Jerusalén, o₄quió'₄ Te₁gui'₅₄ Jesús.

14 Ia₁ tsá₃ jág₁ ca₂can₃ Pa₄ a₂ca₂chei₅₄ jnia'₅₄ a₂tsá₃ dsó₃, jaun₂ ca₂jmó₁ jnia'₅₄ tei₄ jme₁ma₂nē₂jua'₅₄:

—Jui₁le₅₄ bá₄ a₂'ηio₂ dsí₅ Te₁gui'₅₄ jaun₂.

15 Cang₂ jaun₂ ca₂jmó₁ jnia'₅₄ co₂jnia₅₄ quían₂, ca₂tió'₄ jui₅ i₃náu₅ jui₅ Jerusalén.

16 I₂lin₅₄ dsa₂ 'én₂ i₂chan₂ Cesarea ca₂jme₃quiong'₅₄. Jē₄ jaun₂ ηó₃ jan₂ dsa₂ i₂chen₂ Mnasón i₂chan₂ Chipre. Ma₂líg'₂ bá₄ ma₂já₅ dsa₂ 'éi₂ a₂lín₅ dsa₂ i₂'én₂. Ja₁quió'₄ 'éi₂ ca₂i₁jnia₄ jnia'₅₄ Jerusalén.

Ca₂i₁jñ₁ Pa₄ Jacobo

17 Jme₁ca₂dsi₃náu₅ jnia'₅₄ juig₂ Jerusalén, jaun₂ rin'₅₄ i₂tián'₅ ja₁jaun₂ ca₂guei₃ ca₂lia'₂ 'io'₂ jén'₅. 18 Jme₁jnia₃ jaun₂, ηó₃ Pa₄ quiaín'₅₄ jnia'₅₄ a₂ca₂i₁jñ₁ jnia'₅₄ Jacobo. Ja₁quió'₄ 'éi₂ jme₁tion'₅₄ jin₂gui'₅₄ can'₅₄† 19 Jaun₂ qui₂ca₂cuag₃ Pa₄ Diú₄.

* 21:8 dsa₂ guion₃ i₂jme₂'o₅₄: 'Nio'₂ ja₁ton₅ Hechos 6:1-7; Filipenses 1:1. † 21:18 griego: presbíteros.

Jaun₂ ca₂dsia₃ Pa₄ ca₂le₃jě₃ 'e₂ a₂ma₂jmo₃ Diú₄ jin₄ dsi₂nau₂ tē₂le₃ quian'₅₄ 'éi₂.
²⁰ Jme₁ca₂nág₂ dsa₂ jág₁, jaun₂ ca₂jme₃juin'₂ Diú₄. Jaun₂ ca₂juá'₂ ca₂tsí'₃ Pa₄:

—Dse₃ jaun₂ rin'₅₄ jniog₄, la₁ ŋi'₅₄ bá₄ 'ne₂, tē₂le₃ mei₅ bá₄ dsa₂ judíos i₂ma₂'én₂.
 Ca₂le₃jín₃ 'éi₂ ně₃, dsen₅₄ dsi₅ le₃quió'₅ 'Éi'₃ Juá'₅. ²¹ Jaun₂ ma₂juá'₂ dsa₂ a₂ŋi'₂ 'ne₂
 jme₂tíng'₁ dsa₂ judíos i₂tián'₅ go₄ dsi₂nau₂, a₂tsá₃ ma₃tón'₂ jui₅, tsá₃ ma₃jme₃ti₃
 'éi'₃ ca₂jmo₃ Moisés, a₂tsá₃ ma₃ti₃ dsa₂ ni₁lo₁ chi'₂ dsa₂ ŋe'₂ quiáin₅, on₃ guē'₂
 jmo₃ jui₁lia'₂ tag₄ chí'₅ quián₂ jniog₄. ²² ¿'E₂ lé₂ ně₃? Ia₁ tion₅₄ ja₃lén₂ dsa₂
 a₂ŋi'₂ jē₁ma₂ca₂rē₃ŋi₅ a₂'eng'₅₄ ja₁lá₃.[‡] ²³ Co₂ŋei'₅₄ guē₄ dse₃ jmó'₂ a₂jua'₅₄ jnia'₅₄
 la₂: Chan₂ jē₄ la₂ quián₂ jnia'₅₄ quén₂ dsa₂ i₂tion₅₄ niog₅ jme₃ti₃ caun₂ jág₁
 quió'₅ a₂ma₂cuē'₃ Diú₄. ²⁴ Jŋiai₅ jui₁dsi₂lén₂ quian'₅₄ 'ne₂, jmo₄ le₁jě₃ quiáng'₂
 quiaín₅₄. Jaun₂ 'ne₂ bá₄ qui'₅₄ 'lia'₅₄ ia₁jaun₂ ma₂lé₂ jme₃ti₃ a₂chéi₃ jŋi₂ dsi₅₄,
 ia₁jaun₂ ca₂le₃jín₃ bá₄ dsa₂ le₃lí'₄ a₂tsá₃ dsau₅ jág₁ a₂dsia₅ dsa₂ a₂'iin₂₃ 'ne₂. Jaun₂
 le₃ŋi₅ dsa₂ a₂jme₂ti'₅₄ bá₄ 'ne₂ ján₃ con'₂ lē₅ 'Éi'₃ Juá'₅ quió'₅ Moisés.Š ²⁵ La₁
 ma₂ca₂chen₅₄ bá₄ jnia'₅₄ si₂ ne₄ dsi₂nau₂, a₂ca₂chei₅₄ jnia'₅₄ a₂tsá₃ lin₄ jmo₃ o₂i₁
 dsi₅ quian'₅₄ 'Éi'₃ Juá'₅, * a₂jŋia'₅₄ lia'₂ tsá₃ quíg'₃ ŋi₄ já'₂ i₂ma₂cuín₃ dsa₂ diú₄ lag₄,
 on₃ guē'₂ guē'₃ jmi₂, on₃ guē'₂ ŋi₄ já'₂ i₂gü'₃ dsa₂ dsi₂lag₄, tsá₃ nió'₃ jág₁ quian'₅₄
 dsa₂ i₂tsá₃ lín₅ dsi₂i₂gu₂ ně₃.

Ca₂jŋa'₃ dsa₂ Pa₄ i₁dsi₅ guá'₅ templo

²⁶ Jaun₂ ca₂jŋia₃ bá₄ Pa₄ dsa₂ quén₂ 'éi₂. Jme₁jnia₃ jaun₂ ně₃, Pa₄ quiaín₅₄
 dsa₂ quén₂ 'éi₂ ca₂jmo₃ le₁jě₃ quió'₅. Jaun₂ ca₂'í₃ i₁dsi₅ guá'₅ templo ca₂'i₁'ē₄ jág₁
 i₂líg'₂ dsian₅ ta₁guio₃ jmi₄ a₂jmo₂₃ le₁jě₃ quió'₅, jē₁ma₂tē₂ rē₁dsín'₂ dsa₂ já'₂ ne₄
 ne₄chei₂ o₄quió'₄ le₂jain₂ le₂jain₂.[†]

²⁷ La₁ jme₁ja₂quián₃ dsin'₅₄ ta₁guio₃ jmi₄ jaun₂, jan₂-on₃ dsa₂ judíos i₂chan₂
 'uē₃ Asia ca₂o₃lén₂, jaun₂ ca₂jŋin₂ Pa₄ i₁dsi₅ guá'₅. I₂'éi₂ ca₂jmo₃ ca₂tón'₂ dsa₂
 co₂mi'₅₄, jaun₂ ca₂jŋa'₃ dsa₂ Pa₄. ²⁸ Jaun₂ qui₂ca₂tóin'₂ ca₂guió'₃ ca₂juá'₂:

—i'Nia'₂ dsa₂ juig₂ Israel, jme₁'o₁ jnia'₅₄! I₂la₂ bá₄ dsa₂ i₂ŋi₄ lē₃ ŋi₅ ca₂le₃jě₃ juig₂
 jme₂tíin₂₃ dsa₂ jág₁ 'lig'₅₄ ja₁con₂ juig₂ go₄ jniog₄, a₂jme₂tíin₂₃ dsa₂ a₂tsá₃ jme₃ti₃
 dsa₂ 'Éi'₃ Juá'₅ quió'₅ Moisés, a₂tsá₃ 'e₂ quen₅ guá'₅ templo la₂ quián₂ jniog₄.
 Ně₃ ně₃, ma₂nē₂tióin'₂ i₂lin₅₄ dsa₂ griegos i₁dsi₅ guá'₅ templo, a₂ma₂nē₂jme₂'ióg₃
 ja₁jŋió₅ la₂.

²⁹ Juá'₂ le₂nē₅, ia₁ ma₂jág₂ dsa₂ le₂jŋiá₅ ma₂jŋin₂ Trófimo i₂chan₂ Efeso a₂i₂ŋi₅₄
 quiaín₅₄ Pa₄ jē₄ juig₂ Jerusalén, jaun₂ lín₂ a₂ma₂jŋia₃ Pa₄ 'éi₂ i₁dsi₅ guá'₅.

³⁰ Ta₁caun₂ juig₂ ca₂tón'₂ dsa₂ co₂mi'₅₄, jaun₂ ca₂o₃lén₂ dsa₂ co₂chi'₅₄. Jaun₂
 ca₂jŋa'₃ dsa₂ Pa₄ qui₂ca₂tsag'₂ tē₂le₃ ca₁'né₄ i₁dsi₅ guá'₅, jaun₂ ca₂jné₁₃ dsa₂
 dsi₂jui₅ o₄'né₄. ³¹ Jme₁ma₂'nio₃ jme₁jŋi'₃ bá₄ Pa₄ jme₁ca₂dsióg₃ jág₁ ca₂rē₃ŋi₅
 juig₅₄ 'lióg₂ dsen₅₄, ca₂le₃jín₃ bá₄ dsa₂ juig₂ Jerusalén tíoín₅₄ co₂mi'₅₄. ³² Dsi₂jui₅
 jaun₂ ca₂ŋi'₂ juig₅₄ 'lióg₂ quian'₅₄ ca₂le₃jín₃ 'lióg₂ quiáin₅, ca₂i₃lén₂ co₂'ei₅
 ja₁tion'₅₄ dsa₂ co₂mi'₅₄. Jaun₂ dsi₂jui₅ jme₁ca₂jág₃ dsa₂ dsi₃lén₂ 'lióg₂ quiaín₅₄
 juig₅₄ 'lióg₂ dsen₅₄, jaun₂ ca₂téin₂ bá₄ Pa₄, ia₁ jme₁tíoín₅₄ cuē₂₃. ³³ Jaun₂
 jme₁ca₂dsióg₃ juig₅₄ 'lióg₂ dsen₅₄, ca₂jŋai'₃ Pa₄ ca₂jmo₃ 'éi'₃ ca₂'néi₂ 'lióg₂ quian'₅₄
 tŋn₃ ní₁ cadenas. Jaun₂ guē₄ ca₂ŋi'₃ dsa₂ 'ein₂ 'éi₂ Pa₄, 'e₂ ca₂jmo₃. ³⁴ Jaun₂
 jma₃quén₅ qui₂ca₂guió'₃ dsa₂ juig₂ le₂jain₂ le₂jain₂. Ca₂lia'₂ jnia'₅₄ tsá₃ ca₂ŋi'₂
 juig₅₄ 'lióg₂, ia₁ a₂ŋi₄ chí'₅ co₂mi'₅₄. Jaun₂ ca₂jmo₃ 'éi'₃ ca₂tág₃ dsa₂ Pa₄ jui₅ 'né₅
 ja₁tion'₅₄ 'lióg₂. ³⁵ Jme₁ja₂quián₃ dsi₁len₃ dsa₂ ja₁lē₄ ni₁ta₅ 'né₅ ja₁tion'₅₄ 'lióg₂,

‡ 21:22 A₂lin₅₄ chog₅₄ si₂: “Ia₁ tion₅₄ bá₄ le₃ŋi₅ dsa₂ a₂'eng'₅₄ ja₁lá₃.” Š 21:24 'Í₂ Números 6. 'Nio'₂ ja₁ton₅
 Hechos 18:18. * 21:25 A₂lin₅₄ chog₅₄ si₂ tsá₃ chi₁ton₅ “a₂tsá₃ lin₄ jmo₃ o₂i₁ dsi₅ quian'₅₄ 'Éi'₃ Juá'₅.”

† 21:26 'Í₂ Números 6.

jaun₂ ca₂jio₃ 'lióg₂ ca₂jñai₃ Pa₄ jui₅ guei'₅₄ ia₁ a₂ñí₄ 'ñio₅ lín₃ 'ne₂ dsa₂ juig₂. ³⁶ Ia₁ ca₂le₃jín₃ bá₄ dsa₂ juig₂ jme₁ja₂lén₂ chi₁co'₅₄ qui₂guió'₅ qui₂juá'₂:

—jui₁jon₅₄ i₂ně₅!

Ca₂ton₃ Pa₄ jág₁ a₂lióin₂ 'ñiog₅ ne₄ dsa₂ juig₂

³⁷ Jē₁jme₁ma₂to'₂ 'lióg₂ toin'₂ Pa₄ dsi₂néi₂ ne₄ta₁ quió'₅, jaun₂ ca₂juá'₂ Pa₄ ca₂tsí'₃ juig₅₄ 'lióg₂ dsen₅₄:

—¿Lé₂ le₃juá'₄ jniá₂ ca₂jon₄ jág₁?

Jaun₂ ca₂ñag₃ juig₅₄ 'lióg₂:

—¿Tin'₂ 'ne₂ dsiá'₁ jág₁ jmei₅ griego? ³⁸ Jaun₂, ¿on₃jua'₅₄ 'ne₂ líng'₅ dsa₂ egipcio i₂ca₂jmo₃ mī'₅₄ qui₂ca₂tsi₂jain₃ dsa₂ ma₂i₁jaun₃, ca₂'uín'₂ quén₂ mei₅ dsa₂ i₂ma₂ca₂jme₃dsian₅ dsa₂ jui₅ 'uē₃ quein₂?

³⁹ Jaun₂ ca₂juá'₂ táng₃ Pa₄:

—Dsa₂ judío bá₄ lín₅ jniá₂, i₂chan₂ juig₂ Tarso, caun₂ juig₂ dsen₅₄ tén₅ 'uē₃ Cilicia. La₁ jmo₄ dse₃ 'au'₂ cuē'₁ jmīg₄ a₂juig₅₄ jniá₂ dsa₂ juig₂ jág₁.

⁴⁰ Ca₂cuē₃ bá₄ jmīg₄ jaun₂ ně₃. Jaun₂ ca₂nau₂ Pa₄ ne₄ ni₁ta₅ jaun₂. Jaun₂ ca₂jmo₃ léi₄ quian'₅₄ gu₂ ca₂tsí'₃ dsa₂ a₂jmo₃ tei₄. Jme₁ma₂chí'₅ tei₄, jaun₂ ca₂jme₃lióg₃ ca₂juá'₂ jág₁ quian'₅₄ jág₁ jmei₅ hebreo,‡ ca₂tsí'₃ dsa₂:

22

¹ —'Nia'₂ dsa₂ go₂ rin'₅₄ jniog₄, gui'₅₄ can'₅₄ ně₃, nei₂ de'₂ 'nia'₂ a₂juá'₄ jniá₂ juig₅₄ 'nia'₂ a₂jáng'₄ jág₁ dsau₅ quió₃.

² Tē₂le₃ tei₄ guē₄ ca₂i₃lén₂ dsa₂ jme₁ca₂nág₂ a₂juá'₂ Pa₄ quian'₅₄ jág₁ jmei₅ hebreo.* Jaun₂ caun₂ ca₂juá'₂ bá₄ 'éi₂:

³ —Dsa₂ judío bá₄ lín₅ jniá₂. Juig₂ Tarso bá₄ chang₂, ja₁tén₄ 'uē₃ Cilicia. La₁ Jerusalén la₂ bá₄ ca₂i₃juing'₂. Ca₂'i₃ jniá₂ si₂ a₂ca₂jme₃tag₅ tē₅ Gamaliel. Co₂rē₂ bá₄ ca₂jme₃tag₂₃ con'₂ lē₅ Si₂ 'Éi'₃ quió'₅ dsa₂ quián₂ jniog₄ ma₂líg'₂. A₂dsen₅₄ dsi₃ jme₁lín₄ le₃quió'₅ Diú₄, jui₁lia'₂ jmo'₂ 'nia'₂ ca₂le₃jín₃ rē₂ně₃. ⁴ Qui₂ca₂co₃'én₃ jniá₂ dsa₂ i₂tion'₅₄ Jui₅ quió'₅ Te₁gui'₅₄ le₂jñiá₅, ca₂lia'₂ ca₂quín₂ 'mú₃ quió'₅. Qui₂ca₂toin'₂ 'né₅ 'má₃ lia'₂ dsa₂ ñe'₂ lia'₂ dsa₂ mī₂. ⁵ Lé₂ bá₄ jáng'₃ jág₁ dsau₅ jme₂dsa₂ dsen₅₄, ca₂le₃jín₃ guē₄ dsi₂gui'₅₄ can'₅₄ ně₃, ia₁ guioin₅₄ bá₄ ca₂jáng'₃ si₂ jniá₂ a₂ca₂chein₃ ne₄ riin'₅₄ i₂tián'₅ Damasco, ca₂jmo₃ 'éi'₃ a₂jme₁i₁chán'₃ jniá₂ ríng'₃ i₂tián'₅ ja₁jaun₂, a₂jme₁tē₁₂ le₁'ñei'₅₄ ia₁jaun₂ gue₃ uig₅ jē₄ juig₂ Jerusalén la₂.

Ca₂dsia₃ Pa₄ 'a₂ lia'₂ jme₁ca₂jéin'₃ ca₂rē₃'éin₂ jág₁ dse₃

(Hechos 9:1-19; 26:12-18)

⁶ 'La₁ia₁ lia'₂ con'₂ jme₁ñó₃ jniá₂ le₂'i₄ jui₅ né'₃ a₂dsióg₄ juig₂ Damasco, con'₂ dsi₂ñí'₃, con'₂ tsá₃ jáng₅ jme₁ca₂téng₃ caun₂ si₂ táng₅ jmá'₅ a₂já₃ jui₅ guei'₅₄ i₂juíg₃.

⁷ Jaun₂ i₃'íng₃ 'uē₃. Dsi₂jui₅ le₂jaun₂ ca₂nag₃ jág₁ a₂juá'₂: “Saulo, Saulo, ¿'e₂ lē₃ co₂'éin'₅ jniá₂?” ⁸ Jaun₂ ca₂ñag₄ jniá₂: “¿'Ein₂ 'ne₂ gui'₅₄?” Jaun₂ ca₂juá'₂ tság₅ jniá₂: “Jesús chan₂ Nazaret bá₄ jniá₂ i₂co₂'én'₅ 'ne₂.” ⁹ Ján₃ bá₄ ca₂jág₃ dsa₂ i₂jme₁quian'₅₄ jniá₂ si₂ jaun₂, jaun₂ ca₂rē₃gó'₅. La₁ tsá₃ ca₂nág₂ jág₁ quió'₅ i₂ca₂juá'₂ ca₂tság₃ jniá₂.

¹⁰ Jaun₂ ca₂ñag₄ jniá₂ jaun₂ ně₃: “Te₁gui'₅₄, ¿'e₂ 'nió'₅ jmo₅₄ jniá₂?” Jaun₂ ca₂juá'₂ Te₁gui'₅₄: “Nau₂, gua₂ jui₅ juig₂ Damasco. Ja₁jaun₂ juá'₂ dsa₂ ca₂le₃jē₃ 'e₂ 'nió'₅ jmó'₂.” ¹¹ Ia₁ co₂dsia₅ ca₂téng₂ bá₄ quian'₅₄ si₂, jaun₂ dsa₂ i₂quiang'₅₄ bá₄ ca₂jio₃ le₁chan'₂ gu₃ a₂ca₂dsióg₃ tē₂ Damasco. ¹² Ja₁jaun₂ jme₁guá₄ jan₂ dsa₂ chen₂ Ananías, i₂jme₁jme₂ti₃ con'₂ lē₅ Si₂ 'Éi'₃ Juá'₅ quió'₅ Moisés, jaun₂ ca₂le₃jín₃ dsa₂ judíos i₂tián'₅ Damasco ca₂juá'₂ dse₃ 'iin₂₃ 'éi₂.

‡ 21:40 o₃, arameo. * 22:2 o₃, arameo.

13 Jaun₂ ca₂dsióg₃ Ananías i₁jag₅₄ ja₁jme₁'eng₅₄. Jme₁ca₂dsióg₃, ca₂juá'₂: “Saulo rin'₅₄ jniog₄, guei'₅₄ táng₃ jme₁'ne'₄.” Dsi₂jui₅ jaun₂ bá₄ ca₂lág₃ táng₃ míg₂ ne₃, jaun₂ ca₂jñin₅₄ jaun₂ ně₃. 14 Jaun₂ ca₂tság₃ táng₃ jniá'₂: “Diú₄ quián₅ dsa₂ can'₅₄ quián₂ jniog₄ ma₂ca₂quióin'₂ 'ne₂ le₂jñiá'₅, ia₁jaun₂ le₃cuíng'₂ 'e₂ jaun₂ a₂ñio₂ dsí'₅, ia₁jaun₂ jing'₅₄ i₂qui₂dsi₅ 'éi'₃ rē₂ quián₅, ia₁jaun₂ nág'₁ jág₁ quió'₅ 'ñiog₅ a₂tio'₅₄ mi₂'o₅₄. 15 Jaun₂ 'ne₂ gog'₅₄ a₂chi₂o₁'íin'₃ o₁dsia'₄ o₁chei'₄ ca₂le₃jín₃ dsa₂ ca₂le₃jě₃ 'e₂ ma₂jag'₅₄ 'e₂ qui₂ma₂nei'₂ ně₃. 16 Jaun₂ ně₃, tsá₃ ma₃jme₁'ag₁₂. Nau₂, o₂chon₅₄ jmig₂, mi₄ ne₄ 'éi₂, ia₁jaun₂ jñí₃ dsáu'₂.”

Ca₂dsia₃ Pa₄ 'a₂ lia'₂ ca₂lě₃ a₂chein₅₄ ñei₅₄ ja₁con₂ dsi₂nau₂

17 'Jme₁ca₂guáng'₃ Jerusalén, ñeg₅₄ guá'₅ templo i₂chi₁leng'₄ Diú₄. Jaun₂ a₂lě₃ca₂jéin₃ ca₂jág₃, 18 ca₂jñing₅₄ Te₁gui'₅₄, jaun₂ ca₂juá'₂: “I₂ñáu'₂ jú₅ tē₂le₃ dséi₂ juig₂ Jerusalén, ia₁ tsá₃ tón'₂ dsa₂ jui₅ jág₁ a₂juig'₅₄ a₂'ág'₄ jniá'₂.” 19 Jaun₂ ca₂ñag₄ jniá'₂ ca₂juí'₂: “Te₁gui'₅₄, ca₂le₃jín₃ bá₄ dsa₂ 'éi₂ le₁ñi₅ a₂jme₁ñi₅ jniá'₂ a₂jme₁nei₂₃ ca₂le₃jě₃ guá'₅ sinagogas a₂co₂'éng₅ qui₂cuě₅ ca₂le₃jín₃ dsa₂ i₂'én₂ jág₁ dse₃ quiáng'₂, a₂jme₁i₂tioin'₂ 'né₅ 'má₃. 20 Jme₁ca₂jñi'₃ dsa₂ Esteban, dsa₂ i₂jme₁jáng'₅ jág₁ dsau₅ quiáng'₂, jaun₂ bá₄ jme₁chén'₄ jniá'₂ ján₃, ia₁ jme₁lě₄ caun₂ jág₁ quió₃ quian'₅₄ dsa₂ i₂ca₂jñi'₃ 'éi₂. Jaun₂ ca₂jmo₃ jniá'₂ 'í₁ ni₁tsin'₅₄ dsa₂ i₂ca₂ñag₃.” 21 La₁ jaun₂ ca₂juá'₂ Te₁gui'₅₄ ca₂tság₃ jniá'₂: “La₁ gua₂, ia₁ tsag₅₄ jniá'₂ uíng₂ quiáng'₂, a₂o₁'ě'₃ jág₁ ja₁con₂ dsi₂nau₂.”

Ma₂niog₅ ne₄ juig₅₄ 'lióg₂ bá₄ Pablo

22 Co₂jaun₂ bá₄ ca₂nág₂ dsa₂ juig₂. Jaun₂ ca₂jme₃lióg₃ ca₂tóin'₂ co₂mi'₅₄ ca₂guió'₃ ca₂juá'₂:

—jui₁jon₅₄ i₂ně₅! ¡Tsá₃ ma₃'nió'₅ le₃chain₂ guě'₄!

23 Jaun₂ dsa₂ juig₂ ně₃, caun₂ qui₂ca₂tě₂ca₂oin'₂ bá₄ Pa₄, qui₂ca₂gág₃ tsin'₅₄ tioin'₅₄,† qui₂ca₂cho₃ dsa₂ 'lióg₂ jui₅ guei'₅₄. 24 Jaun₂ ca₂jmo₃ juig₅₄ 'lióg₂ dsen₅₄ 'éi'₃ ca₂tóin'₂ Pa₄ dsi₂néi₂ ja₁tion'₅₄ dsi₂'lióg₂. Jaun₂ ca₂jmo₃ 'éi'₃ a₂báin₂ Pa₄ ia₁jaun₂ jmo₃ jág₁ 'e₂ dso₄ riin₂, 'e₂ 'uig₅₄ ca₂rě₃'né₃ dsa₂ juig₂ quiong'₅₄. 25 La₁ jme₁ma₂rě₂'ñei'₅₄ a₂jme₁ma₂bóg₂ dsa₂, ca₂juá'₂ Pa₄ ca₂tsí'₃ jan₂ juig₅₄ 'lióg₂ i₂chén'₅ cau₅:

—¿Ca₂tín'₂ 'nia'₂ báng'₄ jan₂ dsa₂ i₂tén₅ Roma tē₃ tsá₃ ma₂ně₂quion'₂ 'nia'₂ jág₁ dsau₅ quió'₅?

26 Jme₁ca₂nág₂ juig₅₄ 'lióg₂ a₂ně₅, jaun₂ ca₂ñei₅₄ i₁chi'₂ juig₅₄ dsen₅₄ quián₅ ca₂juá'₂:

—Tě₃ñi'₅₄ quiáng'₂ ně₁jua'₂ 'e₂ ca₂jmag'₅₄ dsa₂ ně₅, ia₁ dsa₂ tén₅ Roma bá₄ ně₅.

27 Jaun₂ ca₂jme₃quián₃ juig₅₄ 'lióg₂ dsen₅₄ ja₁'en₅₄ Pa₄, jaun₂ ca₂ñag₃:

—¿Dsón'₂ lín'₅ 'ne₂ dsa₂ tén₅ Roma?

Jaun₂ ca₂ñag₃ táng₃ Pa₄:

—Ján₅.

28 Jaun₂ ca₂juá'₂ juig₅₄ 'lióg₂ jaun₂ ně₃:

—'Lióng₂ cu₄ ca₂quín₂ quió₃ a₂ca₂ling₃ dsa₂ tén₅ Roma.

Jaun₂ ca₂juá'₂ táng₃ Pa₄:

—La₁ jniá'₂ ně₃, a₂ma₂lín₅ bá₄ jniá'₂ lia'₂ con'₂ ca₂rě₃cháng₃.

29 Dsi₂jui₅ jme₁ca₂nág₂ dsa₂ i₂jme₁bán₂ Pa₄, jaun₂ ca₂i₃léin₂ cau₅, ján₃ bá₄ le₂jaun₂ juig₅₄ 'lióg₂ dsen₅₄ ně₃. Ia₁ jme₁ca₂rě₃ñi₅ a₂lín₅ Pa₄ dsa₂ tén₅ Roma, ca₂rě₃gó'₅ bá₄ jaun₂ ně₃ ia₁ a₂ca₂'nei'₂ Pa₄.

Ma₂chén'₅ Pa₄ ne₄ dsi₂tan₅₄ quián₅ dsa₂judíos

† 22:23 ca₂gág₃ tsin'₅₄: Le₂jaun₂ jme₁jmo₃ dsa₂ léi₄ chi₂jua'₂ 'e₂ tsá₃ tē₅ dsí₅.

³⁰ Jme₁jnia₃ jaun₂, jme₁'nio₃ le₃ŋi₅ juig₅₄ 'lióg₂ dsen₅₄ 'e₂ 'uig₅₄ jme₁cué₅ dsa₂ judíos dso₄ Pa₄. Jaun₂ ca₂chéin₂ 'éi₂ ia₁ a₂jme₁chi₁'ŋei₅₄ quian₅₄ ni₁ŋí₁ cadenas. Jaun₂ ca₂jmo₃ 'éi₃ a₂ŋi₂ juig₅₄ jme₂dsa₂ quian₅₄ ca₂le₃jín₃ dsi₂tan₅₄ quián₅ dsa₂ judíos. Jaun₂ gué₄ ca₂dsein₂₃ Pa₄ ca₂chei₃ ne₄ dsa₂ 'éi₂.

23

¹ Jme₁ma₂chén₅ Pa₄ ne₄ dsi₂tan₅₄ quián₅ dsa₂ judíos, jaun₂ ca₂jín₂ ca₂le₃jín₃ dsa₂ can₅₄ 'éi₂, jaun₂ ca₂juá₂:

—Rin₅₄ jniog₄, tei₄ bá₄ 'ei₅ dsi₃ ma₂guio₃, chang₂ të₂ jmig₄ nē₃, ne₄ Diú₄.

² Jaun₂ Ananías, i₂lín₅ jme₂dsa₂ dsen₅₄, ca₂tsí₃ dsa₂ i₂jme₁tió₂ cau₅ quió₅ Pa₄, a₂jnaú₃ mi₂'o₄ 'éi₂. ³ Jaun₂ ca₂ŋag₃ Pa₄ ca₂tsí₃ jme₂dsa₂ dsen₅₄ 'éi₂:

—i₂Diú₄ jnaú₃ quiáng₂ 'ŋiag₂, 'ne₂ i₂lín₅ lia₂ lē₅ caun₂ ni₁'ia₂ a₂jŋia₅₄ jniá₂ tiog₂ të₂le₃ co₅₄! * ħ'Néi₂ 'ne₂ ja₁nē₅ qui₂dsí₁ 'éi₃ ja₁con₂ jniá₂ con₂ lē₅ Si₂ 'Éi₃? ħJaun₂ 'e₂ lē₃ jmo₂ 'éi₃ a₂cuē₃ dsa₂ jniá₂, ton₂ tsá₃ le₂jaun₂ ta₁ qui₅ Si₂ 'Éi₃?

⁴ Jaun₂ ca₂ŋag₃ dsa₂ i₂tion₅₄ gué₄ ja₁jaun₂:

—ħ'E₂ lē₃ ŋag₅₄ le₂nē₅ ne₄ jme₂dsa₂ dsen₅₄ quián₅ Diú₄?

⁵ Ca₂ŋag₃ táng₃ Pa₄:

—Rin₅₄ jniog₄, tsá₃ jaun₂ guion₅₄ a₂lín₅ jme₂dsa₂ dsen₅₄. Ia₁ juá₂ ne₄ Si₂ quió₅ Diú₄: “Tsá₃ chi₁'íng₄ 'lig₅₄ dsi₂tan₅₄ juig₂ go₅₄.”†

⁶ Jaun₂ ca₂rē₃lí₄ Pa₄, i₂lín₅₄ dsa₂ 'éi₂ lín₅ dsa₂ saduceos, i₂lín₅₄ gué₂ lín₅ dsa₂ fariseos. Jaun₂ gué₄ ca₂juá₂ Pa₄ tiá₂, ca₂tsí₃ dsa₂:

—Rin₅₄ jniog₄, dsa₂ fariseo bá₄ lín₅ jniá₂. Fariseos bá₄ jme₁lín₄ dsa₂ can₅₄ quiáng₃ nē₃. 'Uig₅₄ ia₁ a₂'éng₂ jág₁ a₂jen₅₄ táng₃ 'lag₄ bá₄ a₂'iog₅₄ dsa₂, a₂con₂ dsa₂ jág₁ dsau₅ chéng₅ la₂.

⁷ Jme₁ca₂juá₂ Pa₄ le₂nē₅, dsa₂ i₂lín₅ fariseos, quian₅₄ dsa₂ i₂lín₅ saduceos nē₃, ca₂jme₃lióg₃ qui₂ca₂tsí₂in₂ guioin₅₄, ca₂lē₃ le₁dsoin₅₄. ⁸ Ia₁ dsa₂ saduceos, tsá₃ 'e₂ 'éin₂ a₂jen₅₄ dsa₂ jē₁ma₂dsain₃, on₃ guē₂ 'éin₂ a₂chan₂ ángeles, on₃ guē₂ 'éin₂ a₂chan₂ jme₂dsí₂. La₁ dsa₂ fariseos guē₂ nē₃, 'éin₂ bá₄ ca₂le₃jē₃ a₂jaun₂. ⁹ Jaun₂ ca₂tóin₂ ca₂tsí₂in₂ co₂mi₅₄. Jaun₂ i₂lín₅₄ dsa₂ i₂lín₅ tē₅juá₅ i₂tió₂ të₂le₃ quió₅ dsa₂ fariseos, ca₂nau₂ ca₂juá₂:

—I₁caun₂ 'lig₅₄ tsá₃ 'e₂ ma₂jmo₃ dsa₂ nē₅. ħ'E₂ lé₂ chi₂jua₂ dsón₂ bá₄ ca₂juá₂ jan₂ ángel, o₃ jan₂ jme₂dsí₂ 'e₂, ca₂tsí₃ i₂nē₅?

¹⁰ Jaun₂ 'nio₅ ca₂tón₂ dsa₂ ca₂tsí₂in₂, ca₂lia₂ ca₂rē₃gó₅ juig₅₄ 'lióg₂ dsen₅₄ jme₁ca₂jág₃. Ia₁ nē₅ tsá₃ ma₂jmo₃ dsa₂ jma₃quén₅ quió₅ Pa₄, lín₂. Jaun₂ ca₂jmo₃ 'éi₃ ca₂o₃lén₂ 'lióg₂ ca₂dsein₂₃ Pa₄ jē₄ quió₅ dsa₂, ca₂tág₃ juí₅ ne₄ta₁ ja₁tion₅₄ 'lióg₂.

¹¹ Jme₁ca₂tē₂ tin₃ nei₅ 'en₅₄ Pa₄ ja₁jaun₂,‡ ca₂jme₃jnia₅ Te₁gui₅₄ ne₅₄, jaun₂ ca₂juá₂:

—Quen₂ bí₂, Pa₄, ia₁ ju₁lia₂ ma₂nē₂jang₅₄ jág₁ dsau₅ nē₂'ag₅₄ jniá₂ jē₄ juig₂ Jerusalén la₂, le₂nē₅ bá₄ o₁jang₁ jág₁ dsau₅ o₁'ág₃ jniá₂ jē₄ juig₂ Roma ján₃.

Ca₂jmo₃ dsa₂ judíos jág₁ a₂jme₁jŋi₃ Pa₄

¹² Jme₁jnia₃ jaun₂, ca₂jmo₃ jág₁ i₂lín₅₄ dsa₂ judíos a₂jŋi₃ Pa₄. Ca₂'i₂in₃ Diú₄ a₂ca₂juá₂ a₂tsá₃ 'e₂ gué₃, a₂tsá₃ 'e₂ 'ín₂ nē₃, ca₂lia₂ ca₂lē₃ a₂niog₅ dsí₅ jmo₃.

¹³ Jme₁lē₂ lē₅ gué₄ con₂ të₂lón₃ dsa₂ i₂jme₁ma₂lí₅ jág₁ jmo₃ le₂jaun₂. ¹⁴ Jaun₂ ca₂i₁lein₅₄ i₁jín₅₄ juig₅₄ jme₂dsa₂, ca₂le₃jín₃ gué₄ gui₅₄ can₅₄ quián₅ dsa₂ judíos nē₃, a₂ca₂i₁jua₁:

* **23:3** ni₁'ia₂ tiog₂; 'Nio₂ ja₁ton₅ Mateo 23:27. † **23:5** Éxodo 22:28. ‡ **23:11** o₃, “A₂'uē₂ jmig₄ jaun₂.”

—Jnia' ₅₄ ma' ₂ in' ₃ Diú' ₄ a' ₂ tsá' ₃ 'e' ₂ tí' ₄ 'o' ₄, ca' ₂ lia' ₂ ma' ₂ nē' ₂ jñi' ₄ jnia' ₅₄ Pa' ₄. ¹⁵ Jaun' ₂ nia' ₂ nē' ₃, quian' ₅₄ dsi' ₂ tan' ₅₄ quián' ₅ guá' ₅, o' ₂ chei' ₅₄ 'nia' ₂ juig' ₅₄ 'lióg' ₂ a' ₂ ja' ₂ jñiai' ₃ Pa' ₄ ne' ₅₄ 'nia' ₂ 'ióg' ₃. A' ₂ lē' ₁ juig' ₅₄ bá' ₄ 'nia' ₂ a' ₂ caun' ₅₄ jág' ₁ dsau' ₅ co' ₂ rē' ₂ quió' ₅, ia' ₁ jaun' ₂ bá' ₄ ja' ₃ jiog' ₃. Jaun' ₂ jnia' ₅₄ guē' ₂ nē' ₃, ma' ₂ lág' ₅ co' ₂ jñia' ₅₄ a' ₂ jñi' ₄ né' ₃ a' ₂ guáin' ₂ tē' ₂ la' ₂.

¹⁶ La' ₁ ja' ₁ jñi' ₅₄ 'io' ₅₄ rin' ₅₄ Pa' ₄ ca' ₂ rē' ₃ jñi' ₅ jág' ₁ jaun' ₂. Jaun' ₂ ca' ₂ jñei' ₅₄ ne' ₄ ta' ₁ quió' ₅ 'lióg' ₂ ca' ₂ i' ₁ 'é' ₄ jág' ₁ ne' ₄ Pa' ₄. ¹⁷ Jaun' ₂ Pa' ₄ nē' ₃ ca' ₂ tē' ₃ ja' ₂ juig' ₅₄ 'lióg' ₂, jaun' ₂ ca' ₂ juá' ₂:

—Jñia' ₅ chi' ₂ la' ₂ ne' ₄ juig' ₂ 'nia' ₂, ia' ₁ cha' ₂ jág' ₁ quian' ₅ dsi' ₃ 'é' ₃.

¹⁸ Jaun' ₂ ca' ₂ jñe' ₄ 'éi' ₂ ca' ₂ i' ₁ jñiai' ₃ chi' ₂, jaun' ₂ ca' ₂ juá' ₂:

—Pa' ₄ i' ₂ lē' ₅ 'í' ₁ quián' ₅ 'lióg' ₂ nē' ₂ tē' ₂ jniá' ₂ a' ₂ nē' ₂ mi' ₃ a' ₂ i' ₁ jñiag' ₂ chi' ₂ la' ₂, ia' ₁ cha' ₂ jág' ₁ quian' ₅ a' ₂ 'é' ₂ ne' ₅₄.

¹⁹ Jaun' ₂ ca' ₂ jñ'a' ₃ juig' ₅₄ 'lióg' ₂ dsen' ₅₄ 'éi' ₂ mi' ₂ gu' ₂ chi' ₂ 'éi' ₂, con' ₂ ca' ₂ jiog' ₃ cau' ₅, jaun' ₂ ca' ₂ jñag' ₃:

—¿'E' ₂ jág' ₁ quian' ₅₄ juig' ₅₄ jniá' ₂?

²⁰ Jaun' ₂ ca' ₂ jñag' ₃ chi' ₂ 'éi' ₂:

—Ma' ₂ nē' ₂ jmo' ₃ dsa' ₂ judíos caun' ₂ jág' ₁ a' ₂ mi' ₃ ne' ₅₄ a' ₂ o' ₁ jñiag' ₂ Pa' ₄ 'ióg' ₃ ne' ₄ dsi' ₂ tan' ₅₄ quián' ₅ dsa' ₂ judíos. A' ₂ 'nio' ₃ jme' ₃ gain' ₂₃ 'ne' ₂ jmo' ₃ nē' ₂ jag' ₄ bá' ₄ a' ₂ con' ₂ dsi' ₂ tan' ₅₄ jág' ₁ dsau' ₅ quió' ₅ 'éi' ₂. ²¹ La' ₁ tsá' ₃ o' ₁ 'eng' ₅₄, ia' ₁ lē' ₅ guē' ₄ tē' ₂ lón' ₃ dsa' ₂ quián' ₅ ma' ₂ le' ₁ 'mai' ₅₄ cau' ₅ jui' ₅ le' ₁ jñiog' ₂₃. Ma' ₂ 'in' ₃ Diú' ₄ a' ₂ tsá' ₃ 'e' ₂ guē' ₃, 'in' ₂, ca' ₂ lia' ₂ ca' ₂ jñi' ₃ Pa' ₄. Jñia' ₅₄ lia' ₂ a' ₂ jaun' ₂ bá' ₄ le' ₁ jñia' ₂₃ chi' ₂ jua' ₂ 'e' ₂ jág' ₁ juig' ₅₄ 'ne' ₂.

²² Jaun' ₂ ca' ₂ 'ág' ₃ jág' ₁ juig' ₅₄ dsen' ₅₄ 'éi' ₂, ca' ₂ juá' ₂ a' ₂ tsá' ₃ 'ein' ₂ tsí' ₃ jág' ₁ a' ₂ ca' ₂ dsia' ₃ jaun' ₂.

Ca' ₂ dsián' ₂ dsa' ₂ Pa' ₄ ne' ₄ Dsi' ₄ má' ₂ Félix

²³ Jaun' ₂ ca' ₂ tē' ₃ juig' ₅₄ 'lióg' ₂ dsen' ₅₄ on' ₃ juig' ₅₄ 'lióg' ₂ quián' ₅, ca' ₂ jmo' ₃ 'éi' ₃ a' ₂ jmo' ₃ 'éi' ₂ co' ₂ jñia' ₅₄ tin' ₃ 'ñiá' ₂ lón' ₂ 'lióg' ₂ a' ₂ dsi' ₃ lén' ₂ jui' ₅ tag' ₅₄; 'nag' ₂ ne' ₂ guión' ₂ rē' ₂ dsí' ₂ guian' ₃ guē' ₂ (70) dsi' ₃ lén' ₂ co' ₁ dsin' ₅₄ cua' ₁, tin' ₃ 'ñia' ₂ lón' ₂ guē' ₂ i' ₂ cán' ₂ ñi' ₁ chen' ₂, a' ₂ dsi' ₃ lén' ₂ jui' ₅ Cesarea con' ₂ hora ñi' ₁ ñi' ₃ le' ₃ ca' ₂ nei' ₂. ²⁴ Jaun' ₂ ca' ₂ chein' ₃ jág' ₁ a' ₂ jmo' ₃ dsa' ₂ co' ₂ jñia' ₅₄ cua' ₁ i' ₂ co' ₃ dsin' ₅₄ Pa' ₄. Ca' ₂ jmo' ₃ 'éi' ₃ a' ₂ jmo' ₃ dsa' ₂ 'í' ₁, dsi' ₃ jón' ₂ 'éi' ₂ o' ₄ gú' ₃ Dsi' ₄ má' ₂ Félix tē' ₂ dsein' ₃ jéin' ₃ le' ₂ jaun' ₂. ²⁵ Jaun' ₂ quian' ₅₄ dsa' ₂ i' ₂ jñon' ₅₄ Pa' ₄, ca' ₂ chen' ₃ juig' ₅₄ dsen' ₅₄ si' ₂ la' ₂ a' ₂ juá' ₂:

²⁶ Jniá' ₂, Claudio Lisias, tsíng' ₂ si' ₂ la' ₂ ne' ₅₄ 'ne' ₂, gui' ₅₄ Dsi' ₄ má' ₂ jui' ₂ Fé' ₁. Cuing' ₅ Diú' ₄ 'ne' ₂. ²⁷ Ca' ₂ jñau' ₃ dsa' ₂ judíos ca' ₂ jñai' ₃ dsa' ₂ nē' ₅, a' ₂ jme' ₁ jñag' ₃. La' ₁ jme' ₁ ca' ₂ rē' ₃ guion' ₅₄ a' ₂ lín' ₅ dsa' ₂ tén' ₅ Roma, jaun' ₂ ca' ₂ jñeg' ₅₄ i' ₁ lioin' ₁₂ quian' ₅₄ 'lióg' ₂ quiáng' ₃. ²⁸ Ia' ₁ jme' ₁ 'nio' ₃ le' ₃ guion' ₅₄ 'e' ₂ 'uig' ₅₄ 'nag' ₅ dsa' ₂, jaun' ₂ ca' ₂ i' ₁ jñiá' ₂ ne' ₄ dsi' ₂ tan' ₅₄ quián' ₅. ²⁹ Jaun' ₂ ca' ₂ rē' ₃ léi' ₄ jniá' ₂, 'uig' ₅₄ quió' ₅ Si' ₂ 'Éi' ₃ quió' ₅ guion' ₅₄ bá' ₄ dsa' ₂, cuē' ₅ i' ₂ nē' ₅ dso' ₄. Jaun' ₂ tsá' ₃ cha' ₂ 'e' ₂ lē' ₃ jua' ₅₄ a' ₂ 'i' ₄ 'éi' ₃ a' ₂ jñag' ₃ dsa' ₂, on' ₃ guē' ₂ dsi' ₂ ten' ₅₄ jua' ₅₄ a' ₂ 'í' ₂ 'né' ₅ 'má' ₃ nē' ₃. ³⁰ Jaun' ₂ jme' ₁ ca' ₂ rē' ₃ guion' ₅₄ a' ₂ ma' ₂ jmo' ₃ dsa' ₂ judíos caun' ₂ jág' ₁ a' ₂ jñag' ₃, jaun' ₂ bá' ₄ lē' ₃ dsiain' ₄ jniá' ₂ o' ₄ gog' ₂ 'ne' ₂. Jaun' ₂ ma' ₂ juig' ₂ bá' ₄ jniá' ₂ ján' ₃, dsa' ₂ i' ₂ 'nag' ₅ 'ni' ₅ i' ₂ nē' ₅, a' ₂ dsi' ₃ lén' ₂ ne' ₅₄ 'ne' ₂, a' ₂ dsi' ₃ can' ₅ dso' ₄ a' ₂ bóin' ₂ i' ₂ nē' ₅. Co' ₂ nē' ₅ bá' ₄.

³¹ Jaun' ₂ 'lióg' ₂ nē' ₃, con' ₂ lē' ₅ 'éi' ₃ ma' ₂ jñi' ₂, ca' ₂ dsein' ₂₃ Pa' ₄ ca' ₂ tág' ₃ tē' ₃ 'uē' ₂ ca' ₂ dsi' ₃ lén' ₂ tē' ₂ juig' ₂ Antípatris. ³² Jme' ₁ jnia' ₃ jaun' ₂, 'lióg' ₂ i' ₂ lén' ₂ jui' ₅ tag' ₄ ca' ₂ jéin' ₃ tág' ₃ jui' ₅, ja' ₂ lein' ₃ tág' ₃. Jmá' ₃ 'lióg' ₂ i' ₂ co' ₁ dsin' ₅₄ cua' ₁ bá' ₄ ca' ₂ i' ₃ lén' ₂ i' ₃ jón' ₂ guē' ₄ Pa' ₄.

³³ Jme' ₁ ca' ₂ dsi' ₃ lén' ₂ tē' ₂ juig' ₂ Cesarea, jaun' ₂ ca' ₂ jñin' ₃ dsi' ₄ má' ₂ si' ₂ carta a' ₂ quian' ₅. Ca' ₂ jñin' ₂ Pa' ₄ nē' ₃. ³⁴ Jme' ₁ ma' ₂ nē' ₂ 'í' ₂ dsi' ₄ má' ₂ si' ₂, jaun' ₂ ca' ₂ jñi' ₃ Pa' ₄ a' ₂ j' ₄ chain' ₂. Jme' ₁ ca' ₂ rē' ₃ jñi' ₅ a' ₂ chan' ₂ 'éi' ₂ 'uē' ₃ Cilicia, ³⁵ jaun' ₂ ca' ₂ juá' ₂:

—Nē' ₅ nag' ₅₄ jág' ₁ quiáng' ₂ jē' ₁ ma' ₂ o' ₂ lén' ₂ dsa' ₂ i' ₂ 'nag' ₅ quiáng' ₂.

Jaun' ₂ ca' ₂ jmo' ₃ dsi' ₄ má' ₂ 'éi' ₃ a' ₂ jmo' ₃ 'lióg' ₂ 'í' ₁ Pa' ₄ dsi' ₂ néi' ₂ ne' ₄ ta' ₁ palacio quió' ₅ Rag' ₅₄ Herodes.

24

Ca₂jáng³ Pa₄ jág₁ dsau₅ a₂lióin₂ 'ñiog₅ ne₄ Dsi₄má'₂ Fé₁

¹ A₂'ñiá₂ jmig₄ cang₂ jaun₂, ca₂dsióg₃ Ananías i₂lín₅ jme₂dsa₂ dsen₅₄, quiaín₅₄ i₂lín₅₄ gui₅₄ can₅₄ ně₃, quiaín₅₄ Tértulo i₂lín₅ i₂chén₅ ne₄ jág₁ quiaín₅, ca₂dsi₃lén₂ Cesarea. Jaun₂ ca₂dsi₃lén₂ ne₄ dsi₄má'₂ a₂'ni₃ Pa₄. ² Jme₁ca₂i₁quian₅₄ dsa₂ Pa₄, jaun₂ ca₂jme₃lióg₃ Tértulo ca₂tsí'₃ dsi₄má'₂ a₂'ni₂₃ Pa₄, ca₂juá'₂:

—Ti₁'mag'₄ 'ne₂, tei₄ bá₄ 'ei₅ tio₅₄ jnia'₅₄, jaun₂ dse₃ bá₄ lia'₂ con'₂ lě₅ 'éi'₃ quiáng'₂ a₂ting'₂. ³ Jaun₂ con'₂ lě₅ 'éi'₃ qui'₂ 'ne₂ bá₄ qui₂jmo₅ dsa₂, a₂jmo₂ jnia'₅₄ ján₃. Jaun₂ cuě₂ jnia'₅₄ ti₁'mag'₄ 'ne₂, Fé₁ juin'₂. ⁴ La₁ jaun₂ tsá₃ uě₂ jme₁ag₁₂ jnia'₅₄ quiáng'₂, mi₂ jnia'₅₄ jmó'₂ dse₃ 'au'₂ a₂nág'₁ jág₁ quián₂ jnia'₅₄ a₂juá'₅₄. ⁵ Ma₂ne₅₄ jnia'₅₄ ca₂le₃jě₃ 'e₂ 'li_g₅₄ jmo₅ dsa₂ ně₅, ñi₂₃ ca₂le₃jě₃ juig₂ qui₂dsiain₂₃ mi₅₄ dsa₂ judíos qui₂jmo₃ le₁dson₅₄ dsa₂. Jaun₂ i₂ně₅ bá₄ lín₅ jan₂ dsa₂ i₂quian₅ ne₄ juí₅ quió'₅ co₂nió'₃ dsa₂ i₂tě'₂ dsa₂ nazarenos. ⁶ Jme₁'nio₃ jme₁jme₂ióg₃ guá'₅ templo quián₂ jnia'₅₄. Jaun₂ bá₄ lě₃ ca₂chain₅₄ jnia'₅₄, [jme₁'niog₂ jme₁qui₂dsi₂ 'éi'₃ con'₂ lě₅ Si₂ 'Éi'₃ quián₂ jnia'₅₄. ⁷ La₁ jme₁ca₂'í₃ juig₅₄ 'lióg₂ Lisias, ca₂jñiái'₂ Pa₄ jin₄ jnia'₅₄ quian₅₄ bí₂ quió'₅ 'lióg₂ quiáin₅, a₂ca₂tág₃. ⁸ Ca₂juá'₂ Lisias 'éi₂ a₂'nió'₅ ja₃lén₂ dsa₂ i₂'nag₅ ne₅₄ 'ne₂.]* Dse₃ ñag₅₄ 'ne₂ 'ñiag'₂ ia₁jaun₂ le₃ñi₅₄ lia'₂ tí₅ jág₁ 'e₂ lě₃ 'ní₅ jnia'₅₄.

⁹ Jaun₂ ca₂le₃jín₃ guě₄ dsa₂ judíos i₂jme₁tión₂ ja₁jaun₂ ca₂juá'₂ a₂dsón'₂ dsau₅ bá₄ jág₁ ně₅. ¹⁰ Jaun₂ ca₂jmo₃ léi₄ dsi₄má'₂ ca₂tsí'₃ Pa₄ a₂juá'₂ 'éi₂ jág₁. Jaun₂ ca₂juá'₂ 'éi₂ jaun₂ ně₃:

—A₂'ñio₂ dsi₃ jáng'₄ jág₁ dsau₅ a₂long₅₄ 'ñió₃ ne₅₄ 'ne₂, ia₁ guion₅₄ bá₄ jaun₂ a₂lín_g₅ dsi₂tan₅₄ ma₂ne₁ñó₄ ñi₂ a₂qui₂dsí'₁ 'éi'₃ quió'₅ ta₁caun₂ 'uě₃ la₂. ¹¹ Lé₂ bá₄ le₃caun₅₄ jág₁ dsau₅, mei₂ tsá₃ guia₃-tín₂ jmig₄ bá₄ ma₂tě₂ a₂guang₃ Jerusalén a₂chi₁leng'₄ Diú₄. ¹² Tsá₃ jua'₅₄ ca₂jmo₃ dsa₂ a₂tsing₂ quian₅₄ dsa₂, on₃ guě'₂ jua'₅₄ a₂qui₂dsia₂₃ mi₅₄ i₁dsi₅ guá'₅ templo, on₃ guě'₂ dsi₂néi₂ guá'₅ sinagogas, on₃ guě'₂ jě₄ juig₂. ¹³ Tsá₃ qui₅₄ jmig₄ i₂ně₅ jme₃jniai₂₃ ca₂le₃jě₃ a₂'nag₂₃. ¹⁴ La₁ a₂juá'₅ jniá₂ ne₅₄, a₂jme₂ti₅₄ ne₄ Diú₄ quián₅ dsa₂ can₅₄, con'₂ lě₅ juí₅ a₂juá'₂ i₂ně₅ a₂tsá₃ dsau₅. Ia₁ 'éng₂ ca₂le₃jě₃ a₂tio₅₄ ne₄ Si₂ 'Éi'₃ quian₅₄ Si₂ quió'₅ dsa₂ i₂jme₁ě₂ jág₁ quián₅ Diú₄ ně₃. ¹⁵ Le₂jaun₂ bá₄ 'éng₂ le₃quió'₅ Diú₄, juí₁lia'₂ 'éin₂ guoin₅₄ bá₄ ján₃, ia₁ 'éng₂ a₂qui₂jen₅₄ 'lag₄, lia'₂ dsa₂ dsen₃ lia'₂ dsa₂ 'lín₅₄ ně₃. ¹⁶ 'Uig₅₄ jaun₂, le₃jě₃ jmig₄ bá₄ quín₅ jniá₂ bí₂ a₂tsá₃ 'e₂ dsi₃ñi₅ dsi₃, lia'₂ ne₄ Diú₄ lia'₂ ne₄ dsa₂ mi₂güig₃ ně₃.

¹⁷ 'Jme₁ca₂dsin₃ tin₃-ni₅ ñi₂ a₂ñi₂₃ juig₂ siá'₂, ca₂guáng'₃ táng₃ Jerusalén a₂jme₁ong₁₂ dsa₂ te₂ñé₂, a₂dsing'₄ já'₂ ne₄ ne₄chei₂ ně₃. ¹⁸ A₂jaun₂ bá₄ 'eng₅₄ jmo₂₃ i₁dsi₅ guá'₅ templo jme₁ma₂ně₂jmo₃ le₁jě₃ quió'₃ lia'₂ con'₂ lě₅ tag₄ chí'₅ quián₂ jnia'₅₄. La₁ on₃jua'₅₄ a₂jme₁tion₅₄ dsa₂ juin₅, on₃ guě'₂ jua'₅₄ ca₂dsia₃ jniá₂ mi₅₄. Jaun₂ ca₂dsi₃lén₂ i₂lín₅₄ dsa₂ judíos i₂ja₂lén₂ juig₂ siá'₂ ja₁tén₄ 'uě₃ Asia. I₂'éi₂ bá₄ ca₂jmo₃ 'eng₅₄ i₁dsi₅ guá'₅ templo. ¹⁹ I₂'éi₂ bá₄ 'nió'₅ ja₃lén₂ ja₁lá₃ ia₁jaun₂ 'nag₃ chi₂jua'₂ cha₂ a₂'nag₃ jniá₂. ²⁰ Ně₁jua'₂ tsá₃ a₂cha₂ 'nag₃ 'éi₂, jaun₂ juí₁'nag₅₄ i₂tión₂ ně₅ chi₂jua'₂ cha₂ dso₄ ca₂'no₃ ja₁con₂ dsi₂tan₅₄ quián₅ dsa₂ judíos. ²¹ O₃ 'uig₅₄ jaun₂ 'e₂, ia₁ a₂'én₂ jniá₂ a₂jen₅₄ 'lag₄, juí₁lia'₂ ca₂juá'₃ jniá₂ tiá₂ ca₂juíg₂ 'éi₂ lia'₂ con'₂ jme₁'eng₅₄ jě₄ quió'₅, ca₂juíg₂: “A₂caun₂ 'nia'₂ jág₁ dsau₅ quió'₃ jniá₂, ia₁ a₂'éng₂ a₂jen₅₄ 'lag₄.”

²² Jme₁ca₂nag₂ gui₅₄ Dsi₄má'₂ Fé₁ le₂ně₅, jaun₂ tsá₃ ma₃'e₂ ca₂jme₃rě₃. Ia₁ jme₁ma₂ñi₅ rě₂ bá₄ i₂'e₂ jaun₂ a₂tě'₂ dsa₂ “Juí₅”. Jaun₂ ca₂juá'₂:

* 24:8 A₂lín₅₄ chog₅₄ si₂ tsá₃, le₁ton₅ jág₁ a₂tio₅₄ 'ñió'₃, corchetes [le₂la₂].

—Në₅ bá₄ jme₁rë₂ jniá₂ jág₁ në₅ quián'₂ 'nia'₂, jë₁ma₂guan₅ juig₅₄ 'lióg₂ dsen₅₄ Lisias.

²³ Jaun₂ ca₂jmo₃ gui'₅₄ dsi₄má'₂ 'éi'₃ ca₂tsí'₃ juig₅₄ 'lióg₂ quiáin₅ a₂toin'₂ Pa₄ né'₃ 'má₃. La₁ ca₂cuë₃ bá₄ jmig₄ lé₂ bá₄ dsi₃jag₅₄ a₂mei₅₄ quián₅ Pa₄ a₂jme₃'o₅₄ në₁jua'₂ 'e₂ ca₂rë₃'nió'₅ quió'₅.

²⁴ Jme₁ca₂dsin₃ tin₃'ni₅ jmig₄ cang₂ jaun₂, ca₂dsióg₃ táng₃ Fé₁ quiain'₅₄ 'io₅₄ quiáin₅ i₂chen₂ Drusila, i₂lín₅ judía. Jaun₂ ca₂jmo₃ Fé₁ 'éi'₃ ca₂i₁quian₅₄ dsa₂ Pa₄, jaun₂ ca₂nág₂ të₁lia'₂ ca₂dsia₃ 'éi₂ jui₁lia'₂ 'a₂ lia'₂ lë₅ a₂'éin₂ të₂le₃ quió'₅ Cristo Jesús. ²⁵ La₁ jme₁ca₂dsia₃ Pa₄ a₂'nió'₅ cán₂ dsa₂ caun₂ jui₅ co₂dsau₅, a₂'nió'₅ jme₃'uán₂ dsa₂ dsí₅ 'njog₅; jme₁ca₂dsia₃ Pa₄ a₂já₅ caun₂ jmig₄ a₂con₂ Diú₄ jág₁ dsau₅ quió'₅ le₂jan₂ le₂jan₂ dsa₂, jaun₂ guë₄ ca₂rë₃gó'₅ gui'₅₄ Fé₁. Jaun₂ ca₂juá'₂:

—Dse₃ bá₄ guang'₂ táng₃ ja₁jme₁'eng'₅₄. Në₅ bá₄ të₄ táng₃ jmig₄ siá'₂ jë₁ma₂jing₅₄.

²⁶ Jme₁'in₂ dsí₅ Fé₁ a₂jme₁jén'₃ Pa₄ cu₄ ia₁jaun₂ jme₁lió₂. Jaun₂ 'lióng₂ ráun₂ jme₁ca₂të₃ a₂dsia₂₃ jág₁ quiong'₅₄. ²⁷ Tin₃ ñi₂ ca₂ñí₂ le₂jaun₂ jme₁ca₂o₃'ín₃ gui'₅₄ Fé₁ ta₁ a₂jme₁lín₄, a₂ca₂'í₃ táng₃ Porcio Festo. Jaun₂ lia'₂ ma₂'en₅₄ jaun₂ bá₄ Pa₄ né'₃ 'má₃ ca₂jmo₃ Fé₁, ia₁jaun₂ të₃tsin'₅₄ dse₃ quian'₅₄ dsa₂ judíos.

25

Ca₂ñe₄ Pa₄ ne₄ Dsi₄má'₂ Festo

¹ Ma₂'ni₅ jmig₄ a₂ca₂gue₃ Festo ta₁ dsi₄má'₂, ca₂'uñ₂ juig₂ Cesarea ca₂uig₂ juig₂ Jerusalén. ² Ja₁jaun₂ ca₂jmo₃ jme₂dsa₂ dsen₅₄ quiain'₅₄ ca₂le₃jín₃ juig₅₄ jme₂dsa₂ quián₅ dsa₂ judíos, ca₂mi₃ dso₄ ne₄ Festo a₂'ni₂₃ Pa₄. ³ Ján₃ bá₄ ca₂mi₃ a₂jmo₃ 'éi₂ dse₃ dsí₅, a₂jmo₃ 'éi'₃ a₂dsi₃quián₂ dsa₂ Pa₄ a₂dsi₃jó₂ juig₂ Jerusalén. Ia₁ a₂jme₁ma₂li'₅₄ jág₁ a₂jme₁ñi'₃ Pa₄ le₂'i₄ jui₅. ⁴ La₁ jaun₂ ca₂ñag₃ Festo a₂'ein₅₄ jui₅ dsáin'₃ ñi'₅₄ ta₁ të₂ juig₂ Cesarea ja₁'en₅₄ Pa₄ né'₃ 'má₃. ⁵ Jaun₂ ca₂juá'₂:

—Jui₁ja₂lén₂ dsa₂ i₂lín₅ ta₁ quián'₂ 'nia'₂ quian'₅₄ jniá₂ jui₅ Cesarea, jui₁'nag₁₂ ja₁jaun₂ chi₂jua'₂ cha₂ a₂rñ₂.

⁶ Jñia'₅₄ con'₂ jñia₃ o₃ guia₃ jmig₄ bá₄ ca₂'í₃ Festo Jerusalén, jaun₂ ca₂ñái'₃ Cesarea. Jme₁jñia₃ táng₃ jaun₂, ca₂i₁gua₂ ne₄ta₁ ja₁qui₂dsi₂₃ 'éi'₃, jaun₂ ca₂jmo₃ 'éi'₃ a₂ca₂i₁quian₅₄ dsa₂ Pa₄. ⁷ Jme₁ca₂'í₃ Pa₄ dsi₂néi₂ ne₄ta₁, jaun₂ ca₂jme₃quián₃ dsa₂ judíos i₂ja₂lén₂ juig₂ Jerusalén. Jaun₂ 'lióng₂ ne₅₄ dso₄ juë'₂ qui₂ca₂bóin'₂ Pa₄. La₁ tsá₃ ca₂tió'₃ jme₃jñiai₂₃ a₂dsón'₂ dsau₅ ca₂le₃jë₃ dso₄ a₂bóg'₂ jaun₂. ⁸ Jaun₂ ca₂jáng'₃ Pa₄ jág₁ dsau₅ a₂lióin₂ 'njog₅, ca₂juá'₂:

—'I₁caun₂ dso₄ në₅ tsá₃ ma₂'no₃ jniá₂, on₃ guë'₂ jua'₅₄ a₂tsá₃ ma₂ca₂rë₃tei₅₄ con'₂ lë₅ Si₂ 'Éi'₃ quió'₅ dsa₂ judíos, on₃ guë'₂ le₃quió'₅ guá'₅ templo jua'₅₄ a₂ma₂'no₃ dso₄, on₃ guë'₂ jua'₅₄ a₂cha₂ dso₄ ma₂ca₂táng'₂ ja₁con₂ gui'₅₄ emperador romano.

⁹ La₁ia₁ jme₁'nio₃ Festo të₃tsin'₅₄ rë₂ quian'₅₄ dsa₂ judíos, jaun₂ ca₂ñí'₃ Pa₄:

—'Nio₃g'₂ guang'₅₄ të₂ juig₂ Jerusalén ia₁jaun₂ ja₁jaun₂ jme₁rë₂ jniá₂ quiáng'₂?

¹⁰ Jaun₂ ca₂ñag₃ Pa₄:

—Jaun₂ guë'₂ ma₂chén'₅ jniá₂ ja₁lá₃ caun₂ ne₄ta₁ ja₁tén₄ gui'₅₄ emperador romano ja₁dsi₂ten₅₄ qui₃dsí₅ dsa₂ 'éi'₃ quió₃. Ia₁ rë₂ bá₄ ñi'₅₄ 'ne₂, tsá₃ 'e₂ dso₄ rin₂ jniá₂ ja₁con₂ dsa₂ judíos. ¹¹ Chi₂jua'₂ cha₂ guë'₂ dso₄ a₂ma₂'no₃, a₂ca₂tíng₂ jóng₂, jaun₂ guén₄ bá₄ jniá₂ 'mú₃ quió₃. La₁ chi₂jua'₂ tsá₃ dsau₅ dso₄ a₂bóg'₂ dsa₂ në₅, jaun₂ 'i₁jan₂ tsá₃ 'ein₂ ca₂tín₂ jua'₅₄ a₂jáng'₂ jniá₂ o₄gú₃ dsa₂ 'éi₂. Jaun₂ mi₅ jniá₂ nég'₄ ne₄ gui'₅₄ emperador, ia₁jaun₂ 'éi₂ qui₃dsi₅ 'éi'₃ ja₁cong₂.

¹² Jme₁ca₂lë₃ dsia₅ Festo jág₁ quian'₅₄ dsa₂ i₂to'₂ jág₁ dse₃ quiáin₅, jaun₂ ca₂juá'₂ ca₂tsí'₃ Pa₄:

—Ia₁ ma₂ně₂mi₅₄ guang₅₄ ne₄ gui₅₄ emperador, ne₄ 'éi₂ guang₅₄ guë₂ jaun₂.

Ma₂chén₅ Pa₄ ne₄ Rag₅₄ Agripa

¹³ Tin₃-ni₅ jmig₄ cang₂ jaun₂, ca₂dsióg₃ Rag₅₄ Agripa quian₅₄ Berenice ca₂i₁lein₅₄ juig₂ Cesarea i₁cuin₃ Diú₄ Festo. ¹⁴ Ca₂tóin₂ bá₄ tin₃-ni₅ jmig₄ ja₁jaun₂, jaun₂ ca₂dsia₃ Festo ca₂tsí₃ Rag₅₄ Agripa jág₁ jaun₂ quió₅ Pa₄. Jaun₂ ca₂juá₂:

—En₅₄ jan₂ dsa₂ 'né₅ 'má₃ ja₁lá₃, i₂ca₂ton₂ Fé₁. ¹⁵ Lia₂ con₂ jme₁en₅₄ jniá₂ juig₂ Jerusalén, ca₂mi₃ dso₄ ne₃ jniá₂ juig₅₄ jme₂dsa₂ quián₅ dsa₂ judíos, dsa₂ can₅₄ quián₅ ně₃, a₂'ni₂₃ dsa₂ 'éi₂, a₂jme₁mi₂₃ jme₁qui₁dsi₅ jniá₂ 'éi₃ quió₅, a₂'ě₄ uig₅ ně₃. ¹⁶ Jaun₂ bá₄ lě₃ ca₂ḡag₄ jniá₂ ca₂juig₂: “Tsá₃ le₂jaun₂ tin₂ quió₅ dsi₂tan₅₄ romano jua₅₄ qui₃dsi₅ 'éi₃ quió₅ jan₂ dsa₂, tě₃ tsá₃ ma₂ně₂jín₂ dsa₂ i₂qui₂'nag₅ quió₅, tě₃ tsá₃ ma₂cuin₅ jmig₄ lióin₃ 'e₂ dso₄ bóg₂ dsa₂.” ¹⁷ Jaun₂ lě₃, jme₁ca₂o₃lén₂ ja₁lá₃, dsi₂jui₅ bá₄ ca₂i₁gua₂ ne₄ta₁ quió₃ jme₁jnia₃ jaun₂, jaun₂ ca₂jmo₃ 'éi₃ ca₂i₁quian₅₄ dsa₂ dsa₂ 'éi₂. ¹⁸ La₁ jme₁ca₂o₃lén₂ dsa₂ i₂'nag₅, tsá₃ 'e₂ dso₄ ca₂bóg₂ dsa₂ ju₁lia₂ dso₄ jme₁lín₂ jniá₂ a₂jme₁bóg₂. ¹⁹ Jnia₅₄ lia₂ a₂jaun₂ bá₄ 'ni₂₃ 'éi₂ lia₂ con₂ lě₅ 'Éi₃ Juá₅ quió₅, ia₁ a₂juá₂ 'iin₂₃ jan₂ i₂chen₂ Jesús i₂ca₂jón₃, jaun₂ juá₂ Pa₄ i₂chan₂ bá₄ 'éi₂. ²⁰ Ia₁ tsá₃ guion₅₄ 'a₂ lia₂ jme₁rě₂ jág₁ jaun₂, jaun₂ bá₄ lě₃ ca₂juig₂ Pa₄ chi₂jua₂ 'nio₃ dsó₃ ju₁ Jerusalén, ia₁jaun₂ qui₃dsi₅ dsa₂ 'éi₃ ja₁jaun₂. ²¹ La₁ 'ḡiog₅ ně₃ ca₂mi₃ a₂qui₃dsi₅ 'éi₃ gui₅₄ emperador Augusto, jaun₂ bá₄ lě₃ ca₂jmo₃ jniá₂ 'éi₃ lia₂ ma₂'ein₅₄ ně₅ 'né₅ 'má₃, ca₂lia₂ ca₂cuin₃ jmig₄ a₂tsiin₅₄ ne₄ gui₅₄ emperador.

²² Jaun₂ ca₂juá₂ gui₅₄ Agripa ca₂tsí₃ Festo:

—Ján₃ bá₄ 'nio₃ jniá₂ nag₅₄ jág₁ quió₅ dsa₂ 'éi₂.

Jaun₂ ca₂ḡag₃ táng₃ Festo:

—'Ióg₃ nág₁ jág₁ quió₅.

²³ Jaun₂ jme₁jnia₃ jaun₂, ca₂dsióg₃ gui₅₄ Agripa quian₅₄ Berenice. 'Nio₅ lín₃ jlá₁ ca₂i₃toin₅₄ dsi₂néi₂. Ca₂dsi₃lén₂ juig₅₄ 'lióg₂ dsen₅₄, ca₂le₃jín₃ dsa₂ dsen₅₄ quián₅ juig₂ ca₂dsi₃lén₂. Jaun₂ ca₂jmo₃ Festo 'éi₃ a₂ca₂i₁quian₅₄ dsa₂ Pa₄. ²⁴ Jaun₂ ca₂juá₂:

—'Ne₂ Rag₅₄ Agripa, ca₂le₃jín₃ 'nia₂ dsa₂ i₂le₁ḡi₂ ja₁lá₃ quian₅₄ jnia₅₄, la₂ chén₅ dsa₂ la₂. Juin₅ dsa₂ judíos i₂chan₂ juig₂ Jerusalén, dsa₂ chan₂ juig₂ Cesarea ja₁lá₃ ně₃, 'ni₂₃ dsa₂ la₂. Jaun₂ ca₂le₃jě₃ jmig₄ tsá₃ cán₂ jág₁, a₂mi₂₃ jón₂ i₂ně₅. ²⁵ La₁ con₂ lín₂ jniá₂, tsá₃ 'e₂ dso₄ riin₂ jua₅₄ a₂dsiten₅₄ jón₂. Ton₂ mi₂₃ táng₃ 'ḡiog₅ a₂dsáin₃ ne₄ gui₅₄ emperador Augusto, jaun₂ lě₃ ma₂l₂jio₅ dsi₃ dsiain₅₄ co₂ḡei₅₄ ne₄ 'éi₂. ²⁶ Ia₁ tsá₃ guion₅₄ 'e₂ jág₁ dsón₂ tó₄ ne₄ si₂ a₂juig₅₄ gui₅₄ emperador a₂'nig₄ i₂ně₅. Jaun₂ bá₄ lě₃ i₂jñái₂ ne₅₄ 'nia₂, la₁ 'ḡio₅ dsen₅₄ guë₄ le₂'uig₅₄ ne₅₄ 'ne₂ gui₅₄ Rag₅₄ Agripa, ia₁jaun₂ caun₅₄ jág₁ dsau₅ quió₅, ia₁jaun₂ cha₂ a₂tó₄ ne₄ si₂ 'e₂ a₂rě₂cáin₂. ²⁷ Ia₁ tsá₃ dse₃ jniá₂, lín₂ jniá₂, jua₅₄ a₂dsiang₅₄ jan₂ dsa₂ chi₁'ḡei₅₄ jua₅₄ a₂tsá₃ juig₅₄ 'e₂ lě₃ 'nag₅ dsa₂.

26

Ca₂jáng₃ Pablo jág₁ dsau₅ quió₅ ne₄ Rag₅₄ Agripa

¹ Jaun₂ ca₂juá₂ Rag₅₄ Agripa ca₂tsí₃ Pa₄:

—Lě₂ bá₄ jua₅₄ jág₁ a₂jang₅₄ jág₁ dsau₅ o₄quiáng₂ 'ḡiag₂.

Jaun₂ ca₂chóg₃ Pa₄ gu₂ ca₂jme₃lióg₃ ca₂juá₂ le₂la₂:

² —Jmo₅ jniá₂ dsi₃, 'e₂ bá₄ dsen₃ jniá₂, a₂ma₂chéng₅ ne₅₄ 'ne₂ Rag₅₄ Agripa, a₂long₅₄, juig₅₄ 'ne₂ 'a₂ lia₂ lě₅ ca₂le₃jě₃ dso₄ a₂bóg₂ dsa₂ judíos jniá₂. ³ Ia₁ ma₂ḡi₅₄ bá₄ 'ne₂ co₂rě₂ 'a₂ lia₂ lě₅ tag₄ a₂chí₅ quián₂ jnia₅₄ dsa₂ judíos, quian₅₄ jág₁

a₂tság₂ jnia'₅₄ jin₄ rin'₅₄ ně₃. Jaun₂ lě₃ mi₅ jniá₂ ne'₅₄ a₂jmo'₂ juin'₂ 'au'₂ a₂nág'₁ jág₁ quió₃.

Ca₂dsia₃ Pablo, le₂la₂ bá₄ jme₁lín₄ né'₃ a₂jéin'₃ le₃quió'₅ Te₁gui'₅₄

⁴ 'Ca₂le₃jin₃ bá₄ dsa₂ judíos le₁ni₅ 'a₂ lia'₂ jme₁jmo₅ jniá₂ juig₂ go₃ quian'₅₄ jě₄ juig₂ Jerusalén ně₃. Jaun₂ le₁ni₅ bá₄ dsa₂ 'a₂ lia'₂ jme₁ni₅ jniá₂ lia'₂ bing'₅₄. ⁵ Le₁ni₅ 'éi₂ ján₃, jaun₂ lé₂ bá₄ jáng₃ jág₁ dsau₅ ně₁jua'₂ 'nio₃, lia'₂ con'₂ jme₁i₃juing'₂ bá₄, ma₂lín₅ bá₄ jniá₂ dsa₂ fariseo. Jaun₂ jnia'₅₄ i₂jme₁lág₄ fariseos jme₁jme₂tí₁ guě₄ 'nio₅ lín₃ juá'₅ quián₂. ⁶ Ia₁ a₂'éng₂ a₂jme₃jen'₅₄ Diú₄ 'lag₄, ju₁lia'₂ lě₅ jág₁ quió'₅ ca₂cuě'₃ gui'₅₄ can'₅₄ quián₂ jnia'₅₄ ma₂líg'₂, 'uig₅₄ jaun₂ bá₄ a₂chéng'₅ ja₁lá₃, a₂con₂ dsa₂ jág₁ dsau₅ quió₃. ⁷ Ta₁guia₃-tín₂ bá₄ cho'₅₄ ts₁jon₂ dsa₂ juig₂ jnia'₅₄ jme₂juin'₂ Diú₄, jaun₂ lia'₂ 'uě₂-jmi₂ bá₄ jme₂ti₃ ta₁ ne₄ Diú₄ ia₁ le₁'ín₂ dsí₅ a₂jme₂ti₃ Diú₄ jág₁ jaun₂ quió'₅ ca₂cuě₃. 'Uig₅₄ jaun₂ bá₄ ně₃, 'ne₂ gui'₅₄ Rag₅₄ Agripa, 'uig₅₄ ia₁ a₂'ín₂ dsí₃ jniá₂ le₂jaun₂ bá₄, a₂'nag₅ dsa₂ judíos jniá₂. ⁸ 'E₂ 'uig₅₄ jmo'₂ 'nia'₂ 'au'₂ a₂tsá₃ qui'₅₄ Diú₄ jmi₃g₄ jme₃jein'₅₄ 'lag₄?

Ca₂dsia₃ Pa₄ 'a₂ lia'₂ qui₂ca₂co₃'ein₃ quió'₅ dsa₂ quián₅ Jesús

⁹ 'Jniá₂ 'nió₃, jme₁dsi₂jio₅ dsí₃ le₂jniá₅ jme₁jmo₅₄ 'lióng₂ ne₅₄ cosas a₂jme₁jmag'₅₄ dsa₂ quián₅ Jesús chan₂ Nazaret. ¹⁰ Jaun₂ le₂ně₅ ca₂jmo₃ jě₄ juig₂ Jerusalén. Quian'₅₄ 'éi'₃ ca₂cuě₃ juig₅₄ jme₂dsa₂, qui₂ca₂tong'₂ 'né₅ 'má₃ juin₅ lín₃ dsa₂ 'én₂. * Caun₂ bá₄ jág₁ jme₁lě₄ quió₃ quian'₅₄ dsa₂ i₂ca₂jme₃dsian₅ i₂lín₅₄ dsa₂ i₂'én₂ 'éi₂. ¹¹ 'Lióng₂ ráun₂ qui₂ca₂'ě₃ jniá₂ uig₅, ia₁jaun₂ jmo₃ tion₅₄ a₂tí₂ a₂'éin₂. Le₂jaun₂ bá₄ qui₂ca₂jmo₃ jniá₂ le₂tan₅₄ guá'₅ sinagogas, ca₂lia'₂ ca₂i₁'éin₄ le₂tan₅₄ juig₂ go₄ dsa₂ sián'₂ ně₃, ia₁ 'nio₅ lín₃ jme₁nia₅₄ jniá₂.

*Ca₂dsia₃ táng₃ Pa₄ 'a₂ lia'₂ ca₂lě₃ a₂ca₂jéin'₃
(Hechos 9:1-19; 22:6-16)*

¹² 'Ta₁ jaun₂ jme₁nió₃ jniá₂ ju₁5 Damasco ca₂chei₃ dsa₂ quian'₅₄ bí₂ 'éi'₃ ca₂cuě₃ juig₅₄ jme₂dsa₂ a₂jme₁i₂cháng'₃ dsa₂ 'én₂ i₂jme₁tion'₅₄ ja₁jaun₂. ¹³ La₁ lia'₂ con'₂ jme₁nió₃ le₂'i₄ ju₁5, 'ne₂ gui'₅₄ rag₅₄, con'₂ dsí₃ni₁'₃ bá₄ jaun₂, ca₂jág₃ jniá₂ caun₂ si₂ a₂já₃ ju₁5 guei'₅₄ i₂juig₃, ca₂tág₃ le₃lág'₃ quió₃, quian'₅₄ dsa₂ i₂jme₁quiang'₅₄. 'Nio₅ lín₃ guě₄ tág₅ con'₂ guě₄ 'iog₂. ¹⁴ Jaun₂ ca₂le₃jág₃ bá₄ jnia'₅₄ i₂gau'₅₄ 'uě₃ dsí₂ju₁5 le₂jaun₂. Jaun₂ ca₂nag₃ caun₂ jág₁ ca₂juá'₂ dsa₂ quian'₅₄ jág₁ jme₁5 hebreo:† "Saulo, Saulo, 'e₂ lě₃ co₂'éin'₅ jniá₂? A₂jnia'₅₄ jmag'₅₄ uig₅ 'niag'₂ bá₄, jmo'₂ ju₁lia'₂ jmo₅ ca₁ju₁5 quia'₂ 'uě₃ a₂jnaú₅ nei'₅₄ ni₁'ma₂ chen'₂." ¹⁵ Jaun₂ ca₂ngag₄ jniá₂: " 'E₂in₂ bá₄ 'ne₂, gui'₅₄?" Jaun₂ ca₂ngag₃ táng₃: "Jesús bá₄ jniá₂ i₂co₂'én'₅ 'ne₂. ¹⁶ La₁ nau₂, chí'₂ tag'₅₄, ia₁ ně₂jme₁jniag₅ ne'₅₄ 'ne₂, ia₁ 'nio₃ jme₁ti'₄ ta₁ ne₃, ia₁jaun₂ jang'₅₄ jág₁ dsau₅ 'e₂ ně₂jag'₅₄ ně₃, quian'₅₄ a₂jag'₅₄ guě₄ cang₂ a₂jme₁jnia₅ jniá₂. ¹⁷ Tsín₅₄ jniá₂ 'ne₂, jaun₂ gog'₅₄ ja₁con₂ dsí₂nau₂, jaun₂ jmo₅₄ bá₄ jniá₂ 'í₁ 'ne₂ ia₁jaun₂ tsá₃ jmóg'₂ dsa₂ juig₂, on₃ guě'₂ dsí₂nau₂ ně₃. ¹⁸ Jaun₂ ju₁5 ja₁con₂ dsa₂ 'éi₂ tsín₅₄ jniá₂ 'ne₂, ia₁jaun₂ le₃jnio₂ ne₄ dsa₂, ia₁jaun₂ 'uín₂ jě₄ qui₁né'₃, qui₃jéin'₃ ne₅₄ ja₁tág₅ si₂; ia₁jaun₂ tsá₃ lě₅ jua'₅₄ tioin'₅₄ guě₄ 'éi'₃ quió'₅ Satanás, ia₁jaun₂ dsí₁leín₃ ja₁con₂ Diú₄, dsí₃'én₂ bá₄ dsá_{u1}, ia₁jaun₂ gue₃ ju₁lia'₂ a₂ca₂tín₂ dsa₂ i₂lě₅ 'í₁ quián₅ Diú₄, 'uig₅₄ ia₁ a₂'éin₂ le₃quió₃ jniá₂."

Ca₂jme₃ti₃ Pa₄ a₂ca₂jág₃ jaun₂

¹⁹ 'Jaun₂ le₂ně₅ bá₄, 'ne₂ gui'₅₄ Rag₅₄ Agripa, tsá₃ jua'₅₄ a₂tsá₃ ca₂jme₁ti₁₂ con'₂ lě₅ a₂ca₂jág₃ a₂já₃ guei'₅₄. ²⁰ Jaun₂ lě₃, jě₄ juig₂ Damasco ca₂'ě₃ le₂'uig₅₄ jág₁ dse₃. Jaun₂ guě₄ ca₂neg₅₄ ju₁5 Jerusalén, le₂tan₅₄ juig₂ ja₁tén₄ 'uě₃ Judea ně₃. Já₃ bá₄ ca₂neg₅₄ jin₄ dsí₂nau₂, ca₂i₁chei₁₂ a₂'nió'₅ dsí₃quén'₅ dsí₅, jéin'₃ le₃quió'₅ Diú₄,

* 26:10 lit. "juin₅ lín₃ dsa₂jnió₅." † 26:14 o₃, arameo.

a₂jme₃li₅₄ a₂ma₂ca₂rē₃tsín₃ dsí₅ tē₂le₃ quian'₅₄ ca₂le₃jě₃ a₂jmo₂₃. ²¹ 'Uig₅₄ jaun₂ bá₄ a₂ca₂ḡnau'₃ dsa₂ judíos jniá₂ i₁dsi₅ guá'₅ templo a₂jme₁'nio₃ jme₁jḡag'₃. ²² La₁ Diú₄ bá₄ jme₂'o₅₄ cuē₂₃ bí₂ a₂chan'₅₄ tiá₂jág₁ quió'₅ ca₂tē₂jmig₄ nē₃, qui₂jáng'₅ jág₁ dsau₅ a₂juig₂ lia'₂ dsa₂ dsen₅₄ lia'₂ dsa₂ lē₂dsa₂ nē₃. 'I₁caun₂ jág₁ siá'₂ tsá₃ juig₂ jniá₂ dsa₂, jḡia'₅₄ con'₂ lē₅ jág₁ ca₂juá'₂ dsa₂ i₂jme₁'ě₂ jág₁ quián₅ Diú₄ ma₂líg'₂, quian'₅₄ a₂ca₂juá'₂ Moisés, jme₁ca₂juá'₂ ca₂le₃jě₃ 'e₂ niog₅ lé₂, ²³ co₂'nió'₄ a₂tion₅₄ 'nió'₅ ḡág₃ uig₅ l₂rē₂'ín₁ quián₅ Diú₄; jaun₂ 'éi₂ bá₄ lén₂ i₂le₂'uig₅₄ i₂jen'₅₄ jḡin₄ 'lag₄, ia₁jaun₂ dsi₃'ě₃ jág₁ dse₃ a₂lión₂ dsa₂, jui₁lia'₂ caun₂ si₂ a₂tág₅ lia'₂ jḡin₄ dsa₂ juig₂ quián₂ jnia'₅₄, lia'₂ jḡin₄ dsi₂nau₂ nē₃.

Ca₂jmo₃ Pa₄ bí₂ a₂jme₁le₂'én₂ Rag₅₄ Agripa tē₂le₃ quió'₅ Jesús

²⁴ Jme₁ca₂juá'₂ Pa₄ jág₁ jaun₂ a₂jme₁lión₂ 'ḡiog₅ ne₄ dsi₂tan₅₄, jaun₂ ca₂quió'₃ Dsi₄má'₂ Festo ca₂juá'₂:

—i₂A₂lē₂tē₂'i'₂ bá₄ 'ne₂, Pa₄! Ia₁ a₂ḡí₄ lē₃ 'i'₂ si₂, jaun₂ ma₂ca₂rē₃ḡág'₅.

²⁵ Jaun₂ ca₂ḡag₃ táng₃ Pa₄:

—Tsá₃ ḡá₅ jniá₂, 'ne₂ gui'₅₄ Dsi₄má'₂ Festo. Jág₁ dsau₅ dsón'₂ bá₄ a₂juá'₅ jniá₂ la₂. ²⁶ La₂ bá₄ guá₅ gui'₅₄ Rag₅₄ Agripa i₂cuí'₅ dse₃ 'a₂ lia'₂ lē₅ jág₁ nē₅. A₂jaun₂ bá₄ lē₃ tiá₂ dsi₃ a₂juá'₅ ne₅₄, ia₁ dsón'₂ ḡi₅ ca₂le₃jě₃ jág₁ nē₅, ia₁ on₃jua'₅₄ a₂ca₂lē₃ caun₂ ja₁quióng₄ con'₂ tē₃co'₅₄. ²⁷ ¿'Én'₂ 'ne₂ gui'₅₄ Rag₅₄ Agripa jág₁ a₂ca₂juá'₂ dsa₂ i₂jme₁'ě₂ jág₁ quián₅ Diú₄? Guion₄ bá₄ jniá₂ a₂'én'₂ 'ne₂.

²⁸ Jaun₂ ca₂ḡag₃ Rag₅₄ Agripa:

—Ca₂juig₄ mei'₂ tsá₃ jme₂'uang'₅₄ dsi₃ a₂lég₂ jan₂ dsa₂ cristiano.

²⁹ Jaun₂ ca₂juá'₂ táng₃ Pa₄:

—Chi₂jua'₂ ca₂juig₄ o₃ tsá₃ ca₂juig₄ 'e₂, 'e₂ guē₄ dse₃ nē₁jua'₂ jmo₃ Diú₄ on₃jua'₅₄ jmá'₃ 'ne₂, ján₃ bá₄ le₂jaun₂ ca₂le₃jín₃ dsa₂ i₂nag₅ jág₁ quió₃ nē₃, a₂lén₂ jui₁lia'₂ lín₅ jniá₂, o₁jḡia'₅₄ guē₄ on₃jua'₅₄ quian'₅₄ ni₁ḡi₁ cadena jui₁lia'₂ chén'₅ jniá₂ la₂.

³⁰ Jme₁ma₂ca₂lē₃ juá'₂ Pa₄ le₂jaun₂, ca₂nau₂ Rag₅₄ Agripa quian'₅₄ Dsi₄má'₂ Festo, 'io₅₄ Berenice nē₃, ca₂'u_{in}₂ co₂lē₅ quian'₅₄ ca₂le₃jín₃ guē₄ dsa₂ i₂jme₁tion'₅₄. ³¹ Con'₂ ca₂i₃lén₂ cau₅, ca₂i₁dsia₂ 'a₂ lia'₂ jmo₃ jág₁ jaun₂ quió'₅ Pa₄, jaun₂ ca₂juá'₂ ca₂tsí'₃ riin'₅₄:

—'I₁ca₂juig₄ tsá₃ 'e₂ ma₂jmo₃ dsa₂ nē₅, jua'₅₄ a₂ca₂tín₂ 'i₄ 'éi'₃ jóin₂, on₃ guē'₂ jua'₅₄ a₂dsi₂ten₅₄ 'ein₅₄ né'₃ 'má₃ nē₃.

³² Jaun₂ ca₂juá'₂ Rag₅₄ Agripa ca₂tsí'₃ Dsi₄má'₂ Festo:

—Jme₁lé₂ bá₄ jme₁lión₂ dsa₂ nē₅, jua'₅₄ mei'₂ guē₃ tsá₃ ca₂mi₃ 'ḡiog₅ a₂jme₃rě₃ gui'₅₄ emperador jág₁ quió'₅.

27

Ca₂dsián'₂ dsa₂ Pa₄ jui₅ Roma

¹ Jme₁ca₂jmo₃ dsa₂ jág₁ a₂chei₃ jnia'₅₄ jui₅ 'uē₃ Italia, jaun₂ Pa₄ quian'₅₄ guē₄ dsa₂ i₂le₁'ḡe'₅₄ riin'₅₄ ca₂jáng'₂ dsa₂ o₄gú₃ jan₂ juig₅₄ 'lióg₂ i₂chen₂ Julio, i₂tén₅ tē₂le₃ quió'₅ co₂nió'₃ 'lióg₂ i₂tē'₂ dsa₂ quián₅ Augusto. ² Jaun₂ ca₂tió'₄ jnia'₅₄ caun₂ ni₁barco a₂já₃ jui₅ 'o₄ jmi₁ḡi'₄ ja₁chei₂ Adramitio a₂jme₁ma₂chí'₅ dsáu'₃ jui₅ 'o₄ jmi₁ḡi'₄ a₂niog₅ 'uē₃ Asia. Jme₁quian'₅₄ jnia'₅₄ Aristarco dsa₂ chan₂ Tesalónica, juig₂ tén₅ 'uē₃ Macedonia. ³ Jme₁jnia₃ táng₃ jaun₂, ca₂dsi₃náu₅ jnia'₅₄ 'o₄ jmi₁ḡi'₄ juig₂ Sidón. Ja₁jaun₂ ca₂dsia₃ ḡéi₂ dsí₅ Julio ja₁con₂ Pa₄, ca₂cuē₃ bá₄ jmig₄ ca₂i₁jḡin₁₂ a₂mei₅₄ quián₅, ia₁jaun₂ jme₃'o₅₄ 'éi₂ 'e₂ a₂'nió'₅ quió'₅. ⁴ Jme₁ca₂'uag₂ jnia'₅₄ juig₂ Sidón, ca₂i₃náu₅ jnia'₅₄ jui₅ ja₁jniá₂ Chipre tē₂le₃ gu₂ jen₅, ia₁ tē₂le₃ siá'₂ bá₄ jme₁'ei₅ dsí₂. ⁵ Jaun₂ ca₂ḡag₅₄ jnia'₅₄ jmi₁ḡi'₄ chei'₅₄ 'uē₃ Cilicia quian'₅₄ Panfilia. Jaun₂ dsi₃náu₅ jnia'₅₄ ja₁chei₂ Mira, juig₂ tén₅ 'uē₃ Licia.

6 Ja₁jaun₂ ca₂dsó'₂ juig₅₄ 'lióg₂ caun₂ ni₁barco já₃ juig₂ Alejandría, a₂ma₂'i₄ juí₅ dsáu'₅ juí₅ Italia. Jaun₂ ca₂jmo₃ 'éi'₃ ca₂tió'₄ jnia'₅₄ ni₁barco, jaun₂ ca₂i₃náu₅ táng₃. 7 'Lióng₂ jmig₄ ca₂tió'₄ jnia'₅₄ ni₁barco, ia₁ a₂i₃náu₅ të₂'ua₁. Jaun₂ të₃ quian₅ ta₁ le₂jaun₂ bá₄ dsi₃náu₅ ja₁chei₂ Gnido. Ia₁ lia'₂ ma₂'ei₅ jaun₂ bá₄ dsí₂ le₃siá'₂, jaun₂ ca₂ḡag₅₄ jnia'₅₄ cau₅ ja₁chei₂ Salmón, ca₂i₁jein'₅₄ le₃ja₁chei₂ Creta, 'uë₃ 'i₄ jë₄ jmí₁ñí'₄. 8 Jaun₂ të₃ quian₅ ta₁ le₂jaun₂ bá₄ ca₂dsi₃náu₅ jnia'₅₄ ja₁të'₂ dsa₂ 'O₄ Jmí₁ñí'₄ Dse₃, ja₁ma₂quián₅ juig₂ Lasea.

9 'Lióng₂ jmig₄ ca₂rë'₃ag₄ jnia'₅₄. Ma₂të₂ jein₂ a₂ma₂go'₂ i₃nio₄ dsa₂ juí₅ ne₄ jmí₁ñí'₄, ia₁ a₂ma₂ja₂quián₃ jein₂ güig₂. Jaun₂ lë₃, jme₁ca₂juá'₂ Pa₄ ca₂tsí'₃ dsa₂:

10 —'Nia'₂ dsa₂, jág₅ jniá'₂ 'ñio₅ ma₂go'₂ quián₂ jniog₄ të₂le₃ ja₁dsau₅₄ në₅, ia₁ dsi₃'én₂ ni₁barco, lio₅₄ në₃, ca₂të₂ guio₅₄ jniog₄ go'₂ dsióg₃ në₁jua'₂ 'e₂ ca₂lë₃.

11 La₁ juig₅₄ 'lióg₂ në₃, tsá₃ juí₅ ca₂tón'₃ jág₁ jaun₂ quió'₅ Pa₄. Ca₂tón'₃ bá₄ juí₅ jág₁ quió'₅ dsa₂ juig₅₄ ni₁barco quian'₅₄ dsa₂ i₂quian₄ ni₁barco në₃. 12 Ia₁ tsá₃ dse₃ 'o₄ jmí₁ñí'₄ jaun₂ jua'₅₄ a₂jñia₃ dsa₂ jein₂ güig₂ ja₁jaun₂, jaun₂ mei'₂ tsá₃ ca₂le₃jín₃ dsa₂ ca₂jmo₃ jág₁ a₂jme₁dsi₁náu₄ juí₅ ja₁täg'₄ juig₂ Fenice, caun₂ 'o₄ jmí₁ñí'₄ quió'₅ Creta ja₁jniá'₂ të₂le₃ noroeste quian'₅₄ të₂le₃ suroeste, ia₁jaun₂ dsi₁jñia₁ jnia'₅₄ ja₁jaun₂ të₂lia'₂ ḡag₅ jein₂ güig₂.

Ca₂'ág₂ dsí₂ tiá₂ lín₃ ne₄ jmí₁ñí'₄

13 Jaun₂ ca₂jme₃lióg₃ ca₂'ág₂ dsí₂ 'ua₁ a₂já₃ të₂le₃ sur. Jaun₂ caun₂ lé₂ dsi₃lén₂ bá₄ lín₂. Jaun₂ ca₂'uín₂ jaun₂ në₃, ca₂i₃lén₂ juí₅ ma₂quián₅ chei'₅₄ 'uë₃ Creta.

14 La₁ jme₁co₂lág₂ jaun₂, ca₂já₃ dsí₂ tiá₂ lín₃ a₂chei₂ Nordecte ca₂të₂ ni₁barco.

15 Jaun₂ ca₂jio₃ dsí₂ le₃siá'₂ quió'₅ ni₁barco, ia₁ tsá₃ ma₃lé₂ jua'₅₄ dsau₅₄ jnia'₅₄ co₂dsau₅, jaun₂ co₂ñei'₅₄ ca₂cuë'₁ jnia'₅₄ jmig₄ a₂jio₃ dsí₂. 16 Jaun₂ ca₂ḡag₅₄ jnia'₅₄ le₃co'₅₄ caun₂ 'uë₃ pí'₁ ja₁chei₂ Cauda* a₂niog₅ jë₄ jmí₁ñí'₄. Ja₁jaun₂ tsá₃ lín₄ ma₃'ei₅ dsí₂ tiá₂, jaun₂ të₃ quian₅ ta₁ le₂jaun₂, ja₁lag₃ bá₄ ca₂tián₃ jnia'₅₄ a₂ca₂quiong₅₄ táng₃ tsi₁mu₅ a₂jme₁le₁'in₁ le₃chi₁co'₅₄. 17 Jme₁ca₂lë₃ ca₂tó'₂ dsa₂ tsi₁mu₅ guei'₅₄ 'ñió'₃ ni₁barco, jaun₂ qui₂ca₂'néi₂ dsa₂ dse₃ ni₁barco quian'₅₄ tsi₁'nei₅₄ ia₁jaun₂ jmo₃ bën₂ guë₄. Jaun₂ ia₁ jme₁gó'₅ dsa₂ a₂'í₂ ni₁barco ne₄ ti₁tsag₁ ja₁të'₂ dsa₂ Sirte, jaun₂ ca₂sió₂ tsi₁'mí'₂ quió'₅ ni₁barco, jaun₂ ca₂cuë₃ jmig₄ a₂jio₃ dsí₂. 18 Jme₁jnia₃ jaun₂, ia₁ tiá₂ bá₄ guë₄ 'ei₅ dsí₂, jaun₂ ca₂jme₃lióg₃ qui₂ca₂tó'₂ lio₅₄ ne₄ jmí₁ñí'₄. 19 Jme₁ca₂të₂ 'ni₅ jmig₄, jaun₂ guio₅₄ jnia'₅₄ quian'₅₄ gu₂ qui₂ca₂tio'₅₄ dsi₂jmig₂ le₂jio₅ a₂jmó'₂ ta₁ ni₁barco 'ñiog₅. 20 'Lióng₂ jmig₄ tsá₃ ma₃ca₂jnia₃ 'iog₂, on₃ guë'₂ nei₅ në₃. Tsá₃ ma₃lág₂ jnia'₅₄ jua'₅₄ a₂täg'₄ guë₄, ia₁ a₂ñí₄ lë₃ tiá₂ jme₁'ei₅ dsí₂.

21 Ia₁ ma₂ne₁ñó₄ 'lióng₂ jmig₄ tsá₃ ma₃'ein₂ jnia'₅₄ guë'₅, jaun₂ ca₂nau₂ Pa₄ jë₄ quió'₅ dsa₂ 'éi₂, jaun₂ ca₂juá'₂:

—'Nia'₂ dsa₂, dse₃ jua'₅₄ co₂ñei'₅₄ ca₂tion'₂ bá₄ 'nia'₂ juí₅ jág₁ quió₃ a₂tsá₃ jme₁'uág₃ Creta. Jñia'₅₄ ca₂i₃'én₂ bá₄ quián₂, ton'₂ ca₂ḡag₅₄ rë'₂ uig₅ në₃. 22 La₁ në₃ në₃, quen'₂ 'nia'₂ bí₂, ia₁ 'i₁jan'₂ 'nia'₂ tsá₃ 'ein₂ dsián₃, O₁jñia'₅₄ dsi₃'én₂ ni₁barco.

23 Ia₁ a₂'uë₂ la₂ në₂jme₃jnia₅ jan₂ ángel ne₃, i₂chen₄ quián₅ Diú₄ i₂jme₂tí₁ jniá'₂ ne₅₄.

24 Jaun₂ në₂juá'₂ ángel në₂chéi₃ jniá'₂: “Tsá₃ lë₁jmo₂ gang'₃ Pa₄, ia₁ tion₅₄ niog₅ bá₄ gog'₅₄ a₂jme₁jniag'₂ ne₄ gui'₅₄ emperador romano. 'Uig₅₄ quián'₂ 'ne₂ bá₄ a₂lión₂ Diú₄ ca₂le₃jín₃ dsa₂ i₂quiang'₅₄ 'ñió'₃ barco, tsá₃ ma₃dsián₃.” 25 Jaun₂ lë₃, 'nia'₂ rin'₅₄ jniog₄, quen'₂ 'nia'₂ bí₂, tsá₃ jmo₂ 'nia'₂ o₂i₁ dsi₅. Ia₁ dsón'₂ bá₄ 'én₂ jniá'₂ të₂le₃ quió'₅ Diú₄ a₂tion₅₄ jmo₃ con'₂ lë₅ jág₁ a₂në₂juá'₂ ángel në₂chéi₂ jniá'₂.

26 La₁ tion₅₄ niog₅ dsi₁tió'₄ bá₄ jniog₄ caun₂ 'uë₃ dsi₂jio₂ jmí₁ñí'₄.

27 Caun₂ 'uë₂ jme₁ma₂të₂ tin₃ semanas a₂tio'₅₄ jnia'₅₄ juí₅, lia'₂ ma₂jio₅ jaun₂ bá₄ dsí₂ ne₄ Jmí₁ñí'₄ Adria,† jme₁ca₂rë₃lí₄ dsa₂ i₂quian₅ ni₁barco con'₂ dsi₃nei₅

* 27:16 A₂lín₅₄ chog₅₄ si₂: “Clauda.” † 27:27 o₃, “Jmí₁ñí'₄ Mediterráneo.”

jaun₂, a₂ja₂quián₃ dsi₁lén₂ 'uë₃. ²⁸Jaun₂ ca₂can₃ dsa₂ 'éi'₃ 'a₂ con'₂ jí'₂ guë₄ jmig₂. Jme₁ca₂jág₃ dsa₂, con'₂ guióg₂-guiá₂-jné₂ (36) metros bá₄ jí'₂ guë₄. Ca₂juig₄ guë₄ le₃cau₅ jaun₂ ca₂can₃ táng₃ dsa₂ 'éi'₃. Jme₁ca₂jág₃ táng₃, guióg₂-guio₃ (27) metros bá₄ tí₅ guë₄ jí'₂. ²⁹Ia₁ a₂gó'₅ dsa₂ jná'₃ ni₁barco con'₂ tiá₂ dso'₂ ni₁cang₁ 'lau₂, jaun₂ ca₂sió₂ le₃chi₁co'₅₄ ni₁barco quén₂ ni₁ní₁ 'lá'₁ guei₂ quian'₅₄ tsi₁'nei₅₄ jui₅ né'₃ jmí₁ní'₄. Të₃ tion'₅₄ dsa₂ gó'₅ le₂jaun₂, qui₂ca₂chi₃lén'₂ Diú₄ a₂jnia₃. ³⁰Të₃lia'₂ jaun₂, jme₁ma₂dsi₂jio₅ dsí₅ dsa₂ i₂quian₅ ni₁barco a₂jme₁cuing₃. Qui₂ca₂sió₂ tsi₁mu₅ ne₄ jmí₁ní'₄, a₂jmo₂₃ jui₁lia'₂ a₂tioin'₅₄ tó'₅ ni₁ní₁ guei₂ të₂le₃ ne₄ ni₁barco. ³¹La₁ jaun₂ ca₂juá'₂ Pa₄ ca₂tsí'₃ juig₅₄ 'lióg₂ quian'₅₄ ca₂le₃jín₃ guë₄ 'lióg₂ ně₃, ca₂juá'₂:

—Në₃jua'₂ tsá₃ njia₅ i₂në₅ 'ñi₀'₃ ni₁barco, tsá₃ jaun₂ lión'₂ 'nia'₂.

³²Jaun₂ qui₂ca₂ti₃ 'lióg₂ 'nei₅₄ a₂jme₁chi₁quian₅ tsi₁mu₅, ca₂tá'₂ jaun₂ ně₃ ne₄ jmig₂.

³³Të₂ o₃'iog₂ lin₃, ca₂juá'₂ Pa₄ ca₂tsí'₃ ca₂le₃jín₃ dsa₂ a₂'nió'₅ guë'₃. Jaun₂ ca₂juá'₂:

—Ma₂të₂ tin₃ semanas a₂tsá₃ ma₂gün'₂ 'nia'₂ on₃ guë'₂ ma₂quë'₂. ³⁴Jaun₂ lë₃ juá'₅ jniá₂, qué'₂ 'nia'₂ ca₂la₂. Tion₅₄ 'nió'₅ quë'₅₄ 'nia'₂ ia₁jaun₂ bá₄ lión'₂ 'nia'₂. 'Ijan₂ jniog₄ tsá₃ 'ein₂ dsi₂'én₂ ja₁lá₃. Ca₂lia'₂ njia'₅₄ ca₂mi'₂ njí₂ dsi₄ jniog₄ tsá₃ 'e₂ dsi₃'én₂.

³⁵Dsi₂jui₅ jme₁ca₂juá'₂ Pa₄ le₂në₅, ca₂can₃ i₁ní'₄ jaun₂ ca₂cuë'₃ ti₁'mag'₄ Diú₄ të₃ jág₅ dsa₂ ca₂le₃jín₃. Jaun₂ ca₂dsion₃ Pa₄ i₁ní'₄ ca₂guë'₃ jaun₂ ně₃. ³⁶Jaun₂ ca₂le₃jín₃ dsa₂ ca₂tíin'₃ táng₃ bí₂ jme₁ma₂në₂guë'₃. ³⁷Ca₂le₃jág₃ jnia'₅₄ con'₂ jme₁tio'₅₄ ni₁barco jme₁téi₄ tin₃ 'ñiá₂-lón₂ rë₂dsí₂ 'nag'₂ co₂ne₂guióg₂ rë₂dsí₂ guia₃-jné₂ (276) dsa₂. ³⁸Jme₁ca₂lí'₃ guë'₅ dsa₂ con'₂ jme₁'nio₃, jaun₂ ca₂guia'₃ lió₅₄ trigo ne₄ jmí₁ní'₄ ia₁jaun₂ sión'₂ guë₄ guei₂ ni₁barco.

Ca₂i₃guen'₅₄ ni₁barco né'₃ jmí₁ní'₄

³⁹Jme₁jnia₃ jaun₂, dsa₂ i₂quian₅ ni₁barco tsá₃ ca₂rë₃cuí'₅ 'uë₃ jaun₂. La₁ jaun₂ ca₂jág₃ caun₂ dsiog₅ jmí₁ní'₄ a₂niog₅ jë₄ 'uë₃, ja₁'ei₅ tei₄ guë₄ jmig₂. Chei'₅₄ jaun₂ tio'₅₄ 'lióng₂ ti₁tsag₁ ja₁lë₄ jo₂ guë₄. Jaun₂ ca₂'náu'₃ dsí₅ chi₂jua'₂ lé₂ jnióg₃ ni₁barco ca₂të₂ jaun₂. ⁴⁰Jaun₂ ca₂ti₃ 'nei₅₄ a₂jme₁le₁quian₅ ni₁ní₁ 'lá'₁. Né'₃ jmí₁ní'₄ jaun₂ bá₄ ca₂tí₂ dsa₂ ni₁ní₁ jaun₂. Qui₂ca₂jíá'₂ dsa₂ 'ma₂ a₂jmo₅ dsó₃ ni₁barco 'a₂ jui₅ 'nio₃ dsa₂. Jaun₂ ca₂chóg₃ tsi₁'mí'₂ le₃ne₄ jui₅ quió'₅ ni₁barco, ia₁jaun₂ të₃ dsí₂. Jaun₂ dsi₂jui₅ bá₄ ca₂jme₃lióg₃ ca₂ñi₃ ni₁barco ca₂jme₃quián₃ le₃chei'₅₄ 'uë₃ ja₁lë₄ ti₁tsag₁. ⁴¹La₁ jui₅ ja₁ñó₃ ni₁barco jaun₂ ca₂dsi₃quén'₅ caun₂ ja₁lë₄ tin₃ ne₅₄ la'₅₄ ja₁'ei₅ tiá₂ jmig₂. Të₂le₃ ja₁lë₄ le₃ne₄ jui₅ quió'₅ ni₁barco ca₂i₃'ó'₅ jë₄ ti₁tsag₁, ca₂quí'₃ tiá₂ lin₃, ca₂lia'₂ tsá₃ ma₃ca₂tio'₃ dsa₂ dsí₃. Jaun₂ le₃ja₁lë₄ le₃chi₁co'₅₄, qui₂ca₂juin₃, ia₁ a₂ñí₄ lë₃ tiá₂ qui₂jná'₅ jmí₁ní'₄. ⁴²Jme₁'nio₃ 'lióg₂ jme₃dsiain₂₃ dsa₂ i₂niog₅ gu₂ 'éi₂ ia₁jaun₂ tsá₃ lióin₂ jë₁ma₂qui₂ca₂'ain₂ jmig₂. ⁴³La₁ tsá₃ ca₂cuë₃ jmig₄ juig₅₄, ia₁ 'nio₃ lióin₂ Pa₄. Jaun₂ ca₂jmo₃ 'éi'₃ ca₂tsí'₃ ca₂le₃jín₃ dsa₂ i₂tin₂ qui₃dsi₅ jmig₂, jui₁tioin'₅₄ jmig₂ le₂'uig₅₄ ia₁jaun₂ tíin'₄ 'uë₃; ⁴⁴dsa₂ sián'₂ guë₄ ně₃, jui₁'ain₅₄ jmig₂ le₁chan'₂ jau₅₄ 'ma₂, o₃ ni₁'nau₅₄ quió'₅ ni₁barco 'e₂. Le₂jaun₂ bá₄ ca₂lë₃ qui₂ca₂ló₂ jnia'₅₄ a₂ca₂tág'₃ táng₃ 'uë₃.

28

'En₅₄ Pablo 'uë₃ Malta a₂niog₅ jë₄ jmí₁ní'₄

¹Jme₁ma₂ca₂ló₂ jnia'₅₄ ca₂le₃jág₃, jaun₂ guë₄ ca₂rë₃ne₄ jnia'₅₄ a₂chei₂ Malta 'uë₃ jaun₂, a₂niog₅ jë₄ jmí₁ní'₄. ²Dsa₂ chan₂ ja₁jaun₂ ca₂jmo₃ bá₄ dse₃ dsí₅ ja₁con₂ jnia'₅₄. Ca₂dsia₃ dsa₂ si₂ pa₁ jaun₂ ca₂të₃ jnia'₅₄ a₂jme₁dsion'₂, ia₁ a₂ñí₄

lë₃ güí₂, dsó₅ jmí₅ ně₃. ³ Pa₄ guë'₂ ně₃ qui₂ca₂cág'₃ ni₁'ma₂ quein₂. Lia'₂ con'₂ jme₁'ein₅₄ tó'₅ dsi₂si₂, con'₂ tsá₃ jáin₅ ca₂o₃'ín₃ jan₂ dsi₂mi'₂ a₂cuing₂₃ jme₁ca₂'ě'₂ dséi₂ quió'₅, ca₂chi₃dséin₂ mi₂gu₂ Pa₄. ⁴ Jme₁ca₂jág₃ dsa₂ chan₂ ja₁jaun₂'en₅₄ dsi₂mi'₂ chi₁dsein₅₄ mi₂gu₂'éi₂, qui₂ca₂dsia₃ jág₁ guoin₅₄ qui₂ca₂tsí'₃ riin'₅₄:

—I₂ma₂jñi'₃ dsa₂ bá₄ dsa₂ ně₅. O₁jñia'₅₄ la₂ ca₂lón₂ ne₄ jmi₁ñi'₄, la₁ tsá₃'i₄'éi'₃ a₂le₃chain₂ guë'₄.

⁵ La₁ qui₂ca₂bí₂ Pa₄ mi₂gu₂ jaun₂ ně₃, ca₂tán'₂ dsi₂mi'₂ dsi₂si₂. La₁ tsá₃'e₂ ca₂jén'₃ Pa₄'i₁ca₂juig₄. ⁶ Ca₂le₃jín₃ dsa₂ jme₁le₁jñia₂₃ guióng₃ dsi₂jui₅ quió'₅ Pa₄, o₃ jme₁dsi₃'iin₅'e₂, jón₂ dsi₂jui₅. La₁ jme₁co₂lág₂ jaun₂, ia₁ ca₂jág₃ tsá₃'e₂ i₁jén'₄ guë'₂ Pa₄, jaun₂ ca₂i₃jio₅ dsí₅ tē₂le₃ siá'₂, qui₂ca₂tsí'₃ riin'₅₄ a₂lín₅ Pa₄ jan₂ diú₄.

⁷ Cau₅ jaun₂ jme₁ron₅'uë₃ quió'₅ dsa₂ dsen₅₄ quián₅ dsa₂ chan₂ ja₁jaun₂, dsa₂ i₂chen₂ Publio. Ca₂jmo₃ dse₃ dsí₅ ca₂ag'₃ jnia'₅₄, 'ni₅ jmig₄ ca₂tág₃ jnia'₅₄ ja₁quió'₄.

⁸ Jmei₂ Publio 'éi₂ jme₁ron₅ dso'₅₄ 'i₄ dséi₂, a₂tag₂₃ jmi₂ ně₃. Pa₄ ně₃ ca₂ñei₅₄ ca₂i₁jñin₁₂ dsa₂ dso'₅₄ 'éi₂. Jme₁ma₂nē₂chi₃lén'₂ Diú₄, jaun₂ guë'₄ ca₂quiog₂ gu₂ ne₄ quió'₅ dsa₂ dso'₅₄, ca₂jme₃'lió₂. ⁹ Jme₁ca₂lë₃ le₂jaun₂, caun₂ ca₂dsi₃lén₂ bá₄ dsa₂ dso'₅₄ sián'₂ i₂chan₂'uë₃ jaun₂, caun₂ ca₂jme₃'lió₂ bá₄ guë'₂ Pa₄. ¹⁰ 'Io'₂ ca₂jmo₃ dsa₂ quian'₅₄ jnia'₅₄. Jaun₂ ca₂cuë₃ dsa₂ ca₂le₃jě₃'e₂ 'nió'₅ quián₂ jnia'₅₄ jē₁ma₂tē₂ rē₁tió'₄ táng₃ jnia'₅₄ juí₅.

Ca₂dsió₃ Pa₄jē₄juig₂ Roma

¹¹ Cang₂ jme₁ma₂ca₂ñi₂'ni₅ tsi'₂, jaun₂ ca₂tió'₄ táng₃ jnia'₅₄ caun₂ ni₁barco a₂jme₁chí'₄ ja₁jaun₂ tē₂lia'₂ jein₂ güí₂. Ni₁barco jaun₂ ca₂já₃ juig₂ Alejandría. Guei'₅₄ ni₁barco jaun₂ jme₁tióng₂ nió'₅ quió'₅ diú₄ Cástor quian'₅₄ diú₄ Pólux.*

¹² Ca₂dsi₃náu₅ jnia'₅₄ 'o₄ jmi₁ñi'₄ juig₂ chei₂ Siracusa. Ja₁jaun₂ ca₂jñia₄ jnia'₅₄ 'ni₅ jmig₄. ¹³ Ca₂'uag₂ jnia'₅₄ ja₁jaun₂, ca₂i₁ñag₅₄ jnia'₅₄ quián₅ chei'₅₄ 'uë₃ ca₂lia'₂ ca₂dsi₃náu₅ tē₂ ja₁chei₂ Regio. Jme₁jnia₃ jaun₂, ca₂'ág₂ dsí₂ a₂já₅ tē₂le₃ sur. Jē₁ca₂tē₂ tin₃ jmig₄ guë'₄ ca₂dsi₃náu₅ jnia'₅₄ ca₂tē₂ juig₂ Puteoli. ¹⁴ Ja₁jaun₂ ca₂jen'₂ jnia'₅₄ i₂lín₅₄ dsa₂ rin'₅₄ i₂én₂. I₂'éi₂ ca₂tē₃ jnia'₅₄ ca₂i₁jñia₁ jē₄ quió'₅

caun₂ semana. Jaun₂ guë'₄ ca₂i₃náu₅ jnia'₅₄ juí₅ Roma. ¹⁵ Ca₂le₃jín₃ dsa₂ rin'₅₄ i₂tián'₅ Roma jme₁ma₂le₁ñi₅ a₂dsi₁náu₅ jnia'₅₄. Jaun₂ i₁lein₅₄ i₁jñiog₁₂ le₂'i₄ juí₅ ca₂tē₂ ja₁chei₂ Foro de Apio quian'₅₄ ja₁tē'₂ dsa₂ Las Tres Tabernas. Jme₁ca₂jág₃ Pa₄ ca₂jñin₂ dsa₂ 'éi₂, jaun₂ ca₂cuë'₃ ti₁'mag'₄ Diú₄ ca₂tñin₂ táng₃ bí₂ ca₂lág₃ dsí₅.

¹⁶ Jme₁ca₂dsi₃náu₅ jnia'₅₄ Roma, [ja₁jaun₂ guë'₄ ca₂jáng'₂ juig₅₄ 'lióg₂ ca₂jñin'₂ ne₄ juig₅₄ 'lióg₂ i₂jmo₅ 'í₁ ja₁jaun₂ ca₂le₃jín₃ dsa₂ i₂jñia₂₃ i₂niog₅ gu₂. La₁]† Pa₄ ně₃ ca₂cuë₃ juig₅₄ 'lióg₂ jmig₄ a₂guá₃ 'éi₂ ja₁siá'₂ con'₂ 'ñiog₅ quian'₅₄ jan₂ 'lióg₂ i₂jmo₃ 'í₁ quió'₅.

Ca₂'ě₂ Pa₄jág₁dse₃juig₂ Roma

¹⁷ 'Ni₅ jmig₄ cang₂ jme₁ca₂dsió₃ Pa₄ juig₂ Roma, ca₂tē'₃ ca₂le₃jín₃ dsa₂ dsen₅₄ quián₅ dsa₂ judíos juig₂ jaun₂. Jme₁ma₂le₁ñi'₂ dsa₂, jaun₂ ca₂juá'₂ Pa₄:

—Rin'₅₄ jniog₄, o₁jñia'₅₄ guë'₄ tsá₃'e₂ ma₂ca₂jmo₃ jniá₂ ja₁con₂ dsa₂ judíos, on₃ guë'₂ jua'₅₄ cha₂ a₂ma₂ca₂jmo₃ quian'₅₄ tag₄ chí'₅ quió'₅ dsa₂ quián₂ jniog₄ ma₂líg'₂, tion₅₄ bá₄ a₂lë₁ca₂jáng'₂ dsa₂ jniá₂ chi₁'ñeg₂₃ o₄gú₃ dsa₂ romanos.

¹⁸ Jaun₂ jme₁ca₂ñag₃ dsa₂, tsá₃'e₂ dsáu₅ jniá₂ ca₂dsó'₂, jua'₅₄ a₂'i₄'éi'₃ jóng₂. Jaun₂ jme₁'nio₃ jme₁lió₂. ¹⁹ La₁ dsa₂ judíos tsá₃ cán₂ jág₁. Jaun₂ bá₄ lë₃ ca₂mi₃ jniá₂ a₂'nio₃ jme₁rë₃ gui'₅₄ emperador, on₃jua'₅₄ ia₁ a₂cha₂ dso₄ jme₂cán'₂ jniá₂ dsa₂ go₃. ²⁰ 'Uig₅₄ jaun₂ bá₄ ně₂tē₃ jniá₂, ia₁ a₂'nio₃ jñing₅₄ 'nia'₂, a₂'nio₃ dsia₅₄ jág₁

* **28:11** griego: Dioskouri, co₂'nió'₄ le₃jua'₅₄ on₃ dsa₂ tsin'₅₄ i₂lín₅ ja₁ñi'₅₄ diú₄ Zeus quian'₅₄ Leda. Co₂'nió'₄ diú₄ patrón quián₅ ni₁barco. † **28:16** A₂lín₅₄ chog₅₄ si₂ tsá₃ le₁ton₅ jág₁ a₂tio'₅₄ 'ñió'₃ corchetes [le₂la₂].

quian' ₅₄ 'nia' ₂. Ia ₁ 'uig' ₅₄ jág ₁ quió' ₅ Diú ₄ a' ₂ éin ₂ jniog ₄ con' ₂ dsa ₂ lág ₅ israelitas, 'uig' ₅₄ a' ₂ ín ₂ dsi ₅ jniog ₄ a ₂ jme ₃ ti ₃ Diú ₄ jág ₁ quió' ₅ a ₂ ma ₂ cuë ₃, 'uig' ₅₄ jaun ₂ bá ₄ chi' ₁ ñe' ₅₄ jniá ₂ ni ₁ ñí ₁ cadena la ₂.

21 Jaun ₂ ca ₂ ñag ₃ dsa ₂ ca ₂ tsí' ₃ Pa ₄:

—Tsá ₃ 'e ₂ si ₂ ma ₂ ca ₂ gú' ₃ ne ₄ jnia' ₅₄, quió' ₅ dsa ₂ chan ₂ Judea, a ₂ 'in ₂₃ 'ne ₂. On ₃ guë' ₂ 'i ₁ jan ₂ dsa ₂ rin' ₅₄ jniog ₄ dsa ₂ judíos i ₂ ja ₂ lén ₂ ja ₁ jaun ₂ jua' ₅₄ a ₂ ma ₂ juá' ₂ 'in ₂₃ 'ne ₂ 'lig' ₅₄. **22** 'Niog ₂ jnia' ₅₄ né ₁ 'a ₂ guë' ₂ lia' ₂ lë ₅ jág ₁ quián' ₂ 'ne ₂ chi ₂ jua' ₂ 'a ₂ lia' ₂ líng' ₂. Ia ₁ ne ₄ bá ₄ jnia' ₅₄ jág ₁, ta ₁ caun ₂ mi ₂ gü ₃ g ₃ bá ₄ dsia ₅ dsa ₂ tsá ₃ tē ₅ dsi ₅ jág ₁ 'mi ₂ nē ₅ a ₂ 'én' ₂ 'nia' ₂.

23 Jaun ₂ nē ₃, ca ₂ jmo ₃ dsa ₂ jág ₁ ca ₂ tióng ₃ caun ₂ jmi ₄ g ₄. Jmi ₄ jaun ₂ nē ₃ ca ₂ dsi ₃ lén ₂ ju ₁ in ₅ dsa ₂ ja ₁ 'en ₅₄ Pa ₄. Jaun ₂ ca ₂ jme ₂ lióg ₃ ca ₂ 'é' ₃ dsa ₂ tē ₃ o ₃ 'iog ₂ jág ₁ ju ₁ lia' ₂ ja ₁ gon ₂ Diú ₄, qui ₂ ca ₂ dsia ₃ ca ₂ lia' ₂ ca ₂ jen ₃ 'iog ₂ tē ₂ le ₃ ca ₂ 'láu ₂. Tē ₂ le ₃ quian' ₅₄ 'Éi' ₃ Juá' ₅ quió' ₅ Moisés, quian' ₅₄ ca ₂ le ₃ jē ₃ guë' ₂ Si ₂ quió' ₅ dsa ₂ i ₂ jme ₁ 'ē ₂ jág ₁ quián' ₅ Diú ₄ nē ₃, qui ₂ ca ₂ cuë' ₃ dsa ₂ jág ₁ dsau ₅ ia ₁ jaun ₂ le ₃ 'én ₂ dsa ₂ 'éi ₂ tē ₂ le ₃ quió' ₅ Jesús. **24** I ₂ lin ₅₄ dsa ₂ ca ₂ gue ₃ bá ₄ jág ₁ a ₂ ca ₂ juá' ₂ Pa ₄ jaun ₂, ca ₂ rē ₃ 'éin ₂ bá ₄. I ₂ lin ₅₄ guë' ₂ tsá ₃ ca ₂ rē ₃ 'én ₂, tsá ₃ 'nio ₃. **25** Ia ₁ tsá ₃ caun ₂ jág ₁ 'ei ₅ quió' ₅, i ₂ lin ₅₄ ca ₂ jme ₃ lióg ₃ ca ₂ 'u ₁ in ₂ bá ₄ i ₃ lein ₃. Jaun ₂ ca ₂ juá' ₂ Pa ₄ ca ₂ tsí' ₃ dsa ₂ 'éi ₂:

—Rē ₂ bá ₄ ju ₁ lia' ₂ ca ₂ juá' ₂ Jme ₂ dsi ₂ Jnió ₅ ca ₂ tsí' ₃ dsa ₂ quián ₂ jniog ₄ ma ₂ líg' ₂ tē ₂ le ₃ quian' ₅₄ Isaías, i ₂ jme ₁ 'ē ₂ jág ₁ o ₄ quió' ₄ Diú ₄, jme ₁ ca ₂ juá' ₂:

26 Gua ₂ o ₂ chei' ₅₄ dsa ₂ ju ₁ g ₂ nē ₅ le ₂ la ₂:

“Dsón' ₂ qui ₁ nág' ₁ bá ₄ 'nia' ₂,

la ₁ tsá ₃ le ₃ ñí' ₂ 'nia' ₂.

Jag' ₅₄ bá ₄ 'nia' ₂,

la ₁ tsá ₃ le ₃ len' ₄ 'nia' ₂.”

27 Ia ₁ a ₂ ma ₂ 'ua' ₂ dsi ₅ bá ₄ dsa ₂ la ₂,

ja ₂ lag ₃ bá ₄ nag ₂₃,

nē ₂ jag ₄ bá ₄ i ₂ ma ₂ rē ₂ jni ₅ rē ₂ gua ₄;

ján ₃ bá ₄ le ₂ nē ₅, nē ₂ jag ₄ bá ₄ a ₂ tsá ₃ jniá ₂ mi ₂ ne ₅₄,

ia ₁ jaun ₂ tsá ₃ jág ₃ quian' ₅₄ mi ₂ ne ₅₄,

on ₃ guë' ₂ nag ₃ quian' ₅₄ rē ₂ gua ₅₄,

on ₃ guë' ₂ le ₃ ñí' ₂ dsi ₅,

ia ₁ jaun ₂ tsá ₃ jén' ₃ dsi ₅ ja ₁ con ₂ jniá ₂

ia ₁ jaun ₂ jme ₁ 'loin ₁₂ jniá ₂. ‡

28 'Dsá ₂ 'au' ₂ 'nia' ₂ jmo ₄ —ca ₂ juá' ₂ Pa ₄—, jág ₁ dse ₃ la ₂ a ₂ lión ₂ dsa ₂, a ₂ jén' ₂ Diú ₄ le ₃ ne ₄ ju ₁ i ₅ quió' ₅ dsi ₂ nau ₂. 'Éi ₂ nē ₃, tón' ₃ bá ₄ ju ₁ i ₅. **29** Jme ₁ ca ₂ lē ₃ juá' ₂ Pa ₄ le ₂ nē ₅, ca ₂ i ₃ len ₃ dsa ₂ judíos ts ₁ in ₂₃ 'nio ₅ lin ₃ quiain' ₅₄ riin' ₅₄. §

30 Tin ₃ ñi ₂ lia' ₂ tí ₅ ca ₂ guá ₂ Pa ₄ 'né ₅ ja ₁ qui ₅ 'lia' ₅₄. Ja ₁ jaun ₂ ca ₂ guein ₃ ca ₂ le ₃ jín ₃ dsa ₂ i ₂ jme ₁ dsi ₂ lén ₂ dsi ₂ jag ₅₄. **31** Jaun ₂ ca ₂ jme ₃ tiin ₂₃ dsa ₂ qui ₂ ca ₂ 'ē ₂ jág ₁ 'a ₂ lia' ₂ lē ₅ ja ₁ gon ₂ Diú ₄. Ca ₂ jme ₃ tiin ₂₃ bá ₄ dsa ₂ jág ₁ quió' ₅ Te ₁ gui' ₅₄ Jesucristo. Ja ₁ jaun ₂ ca ₂ 'í ₃ tei ₄, tsá ₃ 'ein ₂ ca ₂ jné ₃ ju ₁ i ₅ a ₂ 'ē ₂ Pa ₄ jág ₁ dse ₃.

Co ₂ nē ₅.

‡ **28:27** Isaías 6:9-10. § **28:29** A ₂ lin ₅₄ chog ₅₄ si ₂ tsá ₃ chi ₁ ton ₅ versículo 29.

Si₂ carta a₂ ca₂ jmo₃ San Pablo ne₄ dsa₂ ROMANOS

Jmo₅ Pa₄ si₂ a₂chein₃ ne₄ Guá'₅ i₂chan₂ Roma

¹ Jniá₂ Pa₄, líng₅ dsa₂ i₂jme₂ti₃ ne₄ Jesucristo; Diú₄ ca₂të₃ jniá₂, jaun₂ ca₂chei'₃ a₂lég₂ dsa₂ i₂chen₄ quiáin₅ ia₁jaun₂ qui₁'ë₄ jág₁ dse₃ quió'₅.

² Ca₂'ë₂ Diú₄ jág₁ dse₃ në₅ ca₂tó'₂ ne₄ Si₂ jnió₅ quió'₅ ma₂líg'₂, ca₂cuë₃ të₂le₃ quian'₅₄ dsa₂ i₂jme₁'ë₂ jág₁ quiáin₅, ³ a₂'in₂₃ ja₁ñi'₅₄, i₂jme₁lín₄ tsi₁jon₂ David lia'₂ con'₂ lín₅ dsa₂ mi₂güig₃; ⁴ lia'₂ con'₂ lë₅ Jme₂dsí₂ Jnió₅ në₃ ca₂jme₃jnia₅ a₂lín₅ 'éi₂ Ja₁ñi'₅₄ Diú₄ jme₁ca₂jein'₅₄ táng₃ jin₄ 'lag₄, quian'₅₄ juí₅bí₂ quió'₅, a₂'uain'₂. Jesucristo Te₁gui'₅₄ quián₂ jniog₄ bá₄ 'éi₂. ⁵ Të₂le₃ quian'₅₄ Jesucristo, ton'₂ o₄quió'₄ 'éi₂ bá₄, ma₂jmo₃ Diú₄ dse₃ dsí₅ ja₁con₂ jnia'₅₄, jaun₂ ca₂chei₃ jin₄ dsí₂nau₂ ia₁jaun₂ le₃chan₂ dsa₂ ca₂le₂con₂ juig₂ i₂jme₂ti₃ jág₁ quió'₅, ia₁ a₂'éin₂. ⁶ Jin₄ dsa₂ 'éi₂ tián'₅ 'nia'₂ i₂ma₂të'₃ Diú₄ ján₃, a₂lén'₂ 'nia'₂ i₂quián₅ Jesucristo.

⁷ Jaun₂ tsíng₂ si₂ la₂ ne'₅₄ ca₂le₃jín'₃ 'nia'₂ i₂tián'₅ jë₄ juig₂ Roma, i₂lín₅ i₂'nio₃ Diú₄, jaun₂ ma₂të₂₃ a₂le₃chan'₂ 'nia'₂ líng'₅ dsa₂ i₂lë₅ 'í₁ i₂ma₂quiáin₅. Juí₁jme₂gu'₅₄ bá₄ Diú₄ juí₁le₂chan'₂ bá₄ 'nia'₂ dse₃, juí₁'ag₅₄ bá₄ tei₄ o₄quió'₄ Diú₄ Jmei₂ jniog₄, o₄quió'₄ Te₁gui'₅₄ Jesucristo në₃.

'Nio₃ Pa₄ dsí₃jág₂ juig₂ Roma

⁸ Jë₁le₂'uig₅₄, të₂le₃ quian'₅₄ Jesucristo cuë₅ ti₁'mag'₄ Diú₄ quiáng₃ o₄quián'₂ 'nia'₂ ca₂le₃jíng'₃, ia₁ ca₂le₂con₂ bá₄ 'ei₅ jág₁ dsia₅ dsa₂ 'a₂ lia'₂ 'én'₂ 'nia'₂. ⁹ Jaun₂ Diú₄, i₂jme₂tí₁ jniá₂ ne₄ ca₂le₃jë₃ jme₂dsí₂ quió₃, a₂qui₂'ë₅ jág₁ dse₃ quió'₅ Ja₁ñi'₅₄, 'éi₂ bá₄ i₂lín₅ i₂jáng'₅ jág₁ dsau₅ 'a₂ lia'₂ dsau'₂ dsí₃ 'nia'₂ ca₂le₃jë₃ jë₁chi₂lén'₂ jniá₂ Diú₄. ¹⁰ Co₂tan₅₄ bá₄ mi₅ jniá₂ ne₄ Diú₄ juí₁le₅₄ bá₄ 'a₂ lia'₂ 'ñio₂ dsí₅, 'a₂ lia'₂ lé₂ a₂cuín₃ jmig₄, ca₂lia'₂ ca₂lë₃ a₂nei₅₄ i₁jíng₁₂ 'nia'₂. ¹¹ Ia₁ 'ín₅ dsí₃ i₁jíng₁₂ 'nia'₂, ton'₂ 'nio₃ jme₁'ong₁₂ 'e₂ caun₂ 'nió'₅ jme₁'ong₁₂ 'nia'₂ të₂le₃ quió'₅ jme₂dsí₂, ia₁jaun₂ le₃náu'₁ guë₄ 'nia'₂ tiá₂; ¹² co₂'nió'₄ le₃jua'₅₄, ia₁jaun₂ lé₂ le₃cuë₅₄ lián'₂ rin'₅₄ le₂jau₂ le₂jau₂ quian'₅₄ a₂'éin₂ juí₁lia'₂ 'én'₂ 'nia'₂ juí₁lia'₂ 'én₂ jniá₂ ján₃.

¹³ Rin'₅₄ jniog₄, 'nio₃ le₃ñi'₅₄ 'nia'₂ 'lióng₂ ráun₂ bá₄ ma₂lë₅ dsí₃ a₂'nio₃ nei₅₄ i₁jíng₁₂ 'nia'₂, la₁ ca₂lia'₂ jñia'₅₄ rë₂në₃ tsá₃ ma₂lë₅, ia₁ ma₂rë₂jñi₅ juí₅. 'Nio₃ nei₅₄ ia₁jaun₂ chi₁lo'₂ a₂ma₂rau₂ quió'₅ Jme₂dsí₂ jë₄ quián'₂ 'nia'₂, juí₁lia'₂ ma₂cag'₄ jniá₂ ján₃ juig₂ siá'₂, go₄ dsí₂nau₂ sián'₂ ján₃. ¹⁴ Ia₁ jniá₂ bá₄ niog₅ ne₃ ca₂tíng₂ quian'₅₄ ca₂le₃jín₃, juí₁lín₄ dsa₂ 'e₂ lín₅, dsa₂ griego, o₃ dsí₂nau₂ 'e₂, dsa₂ i₂ñí'₂ dsí₅, o₃ dsa₂ co₄ 'e₂; ¹⁵ jaun₂ le₂në₅ bá₄ 'ín₅ dsí₃ a₂qui₂i₁'ë₃ jág₁ dse₃ ja₁con₂ dsa₂ juig₂ go'₄ 'nia'₂ i₂chan₂ Roma ján₃.

Bí₂ a₂'io₅ jág₁ dse₃

¹⁶ Ia₁ tsá₃ 'e₂ o₂guí'₃ jéin₅ jniá₂ quian'₅₄ jág₁ dse₃, ia₁ juí₅bí₂ quió'₅ Diú₄ bá₄ në₅ a₂lión₂ ca₂le₃jín₃ i₂'én₂: quió'₅ dsa₂ judíos de'₂ le₂'uig₅₄, ján₃ bá₄ le₂jaun₂ quió'₅ dsí₂nau₂. ¹⁷ Ia₁ jág₁ dse₃ la₂ jáng'₅ jág₁ dsau₅ 'a₂ lia'₂ chei'₂ Diú₄ juí₅ co₂rë₂, juí₅ ja₁ma₂dsan₃ dsáu₁ dsa₂, juí₅ a₂jme₂lióg₃ a₂'én₂ dsa₂, ton'₂ a₂'én₂ dsa₂ ca₂lia'₂ jë₁ca₂tó'₂. Le₂në₅ juá'₂ ne₄ Si₂: “Dsa₂ i₂ñi₅ juí₅ co₂rë₂ ia₁ a₂'éin₂, 'éi₂ bá₄ le₃chan₂.”*

A₂ma₂rë₂cán'₄ dsa₂ mi₂güig₃ guioin₅₄

¹⁸ A₂juá'₅ jniá₂ le₂në₅, ia₁ a₂ne₄ bá₄ jniog₄ jaun₂, caun₂ jme₂jnia₅ Diú₄ a₂'nei₂ të₂ ja₁guá₄ guei'₅₄ i₂juí₁G₃ ja₁con₂ dsa₂ i₂tsá₃ Diú₄ cuín₅, ja₁con₂ dsa₂ i₂tsá₃ tion'₅₄

* 1:17 Habacuc 2:4.

jui₅ co₂dsau₅, dsa₂ i₂jnéi₅ jui₅ quió'₅ jág₁ dsau₅ tē₂le₃ quian'₅₄ jui₅ 'lig'₅₄ ja₁i₂nioi₅₄.
 19 Ia₁ rē₂jniá₂ rē₂ bá₄ ca₂le₃jě₃ a₂ñi₅ dsa₂ 'a₂ lia'₂ lín₅ Diú₄, ia₁ a₂ma₂ca₂jme₃jniai₂₃
 tē₂le₃ quian'₅₄ a₂ma₂jmo₃, 20 ia₁ ca₂le₃jě₃ a₂tsá₃ rē₂jniá₂ quió'₅ Diú₄, lé₂ le₃cuí'₅
 dsa₂ tē₂le₃ quian'₅₄ ca₂le₃jě₃ a₂ma₂jmo₃; ma₂ca₂rē₃jniá₂ dse₃ lín₃ bá₄, ca₂le₃
 ca₂jmo₃ Diú₄ mi₂güig₃ a₂lín₅ dsón'₂ Diú₄, ton'₂ a₂'io₂₃ jui₅bí₂ co₂tan₅₄ bá₄; jaun₂
 le₂nē₅ bá₄ tsá₃ ma₂'e₂ lé₂ le₃juá'₂ dsa₂ jua'₅₄ a₂tsá₃ ñi₅. 21 Ia₁ o₁jñia'₅₄ ñi₅ le₂nē₅
 a₂chan₂ Diú₄, la₁ tsá₃ ma₂ca₂jme₃juag'₂ lia'₂ con'₂ lě₅ ca₂tín₂ Diú₄ le₃juin'₂,
 on₃ guē'₂ ma₂cuē'₃ Diú₄ ti₁'mag'₄. Jē₂ bá₄ ma₂ja₂lén₂ qui₂'no'₂ dsí₅ a₂tsá₃ ta₁
 tí₄; tsá₃ tē₂tsi'₅₄ dsí₅, jaun₂ ma₂tē₁'ñiá₄ jē₄ qui₁'né'₃. 22 Jui₁'a₂ guē₃ la₂ juá'₂
 a₂lín₅ dsa₂ i₂cuí'₅, a₂tín₂ a₂ñi₅, la₁ dsa₂ co₄ bá₄ ca₂lín₃ jē₁ca₂tó'₂. 23 Jaun₂ nē₃,
 'nió'₄ a₂jme₁jme₃juin'₂ Diú₄ i₂tsá₃ ton₄ jmig₄ jón₂, ma₂ca₂jme₃tsín₃ bá₄ a₂co₂tág₅
 co₂'né'₅ quió'₄ Diú₄ quian'₅₄ nió'₄ quió'₅ dsa₂ mi₂güig₃ i₂dsan₂, jui₁lia'₂ nió'₄
 quió'₅ já'₂ i₂'in₅, já'₂ i₂tsé'₅ quió'₅, já'₂ i₂lě₂ quén₂ mi₂tag₄ nē₃.

24 'Uig₅₄ nē₅ nē₃ co₂dsia₅ ma₂jáng'₄ Diú₄ jui₅ 'lig'₅₄ a₂'ín₅ dsí₅ a₂tsá₃ le₁jě₃,
 ia₁jaun₂ caun₂ i₃nioi₅₄ jmo₂₃-dsáu₅ cosa a₂o₂guí'₃ a₂jmái'₅ ni₁ñi₁₂ quiain'₅₄
 riin'₅₄ le₂jain₂ le₂jain₂, 25 ia₁ ca₂jme₃tsín₃† jág₁ dsau₅ quió'₅ Diú₄ quian'₅₄
 jág₁ tē₂jág₁; jaun₂ ma₂ja₂lén₂ jme₂gó'₃ jme₂juin'₂ cosas a₂ca₂jmo₃ Diú₄, 'nió'₄
 a₂jme₁jme₃juin'₂ Diú₄ 'ñiog₅, i₂ca₂tín₂ dsón'₂ a₂jme₃juag'₂ dsa₂ co₂tan₅₄. ¡Le₂nē₅
 dsón'₂ bá₄! A₂méi₃.

26 'Uig₅₄ nē₅ co₂dsia₅ ma₂jáng'₂ jui₅ ja₁cuē'₅ o₂'ñió₃ o₂jñia₃ dsí₅ a₂lě₅ o₂guí'₃, ia₁
 ca₂le₂jio₅ dsa₂ mí₂ quiáin₅ bá₄ ca₂jme₃tsín₃ 'a₂ lia'₂ i₂nioi₅₄, a₂tsá₃ ma₁i₂nioi₅₄
 lia'₂ con'₂ dsi₂ten₅₄ 'i₄ 'éi'₃ i₃nio₄ lia'₂ dsa₂ mí₂ dsa₂ ñe'₂. 27 Ján₃ bá₄ guē'₂
 le₂jaun₂ dsa₂ ñe'₂ ma₂ca₂tí₂ bá₄ 'a₂ lia'₂ 'i₄ 'éi'₃ le₃chain₂ tiain'₃ quiain'₅₄ dsa₂ mí₂;
 ma₂ja₂lén₂ chóg'₅ dséi₂ quiain'₅₄ dsa₂ ñe'₂ riin'₅₄, jmo₂₃-dsáu₅ a₂o₂guí'₃ le₂jain₂
 le₂jain₂, jaun₂ gue₂₃ uig₅ guoin₅₄ a₂ca₂tín₂ o₄quió'₄ jui₅ ja₁ca₂quiá'₂ cau₅.

28 Jaun₂, 'uig₅₄ ia₁ a₂lín₂ a₂tsá₃ 'e₂ quen₅ Diú₄, tsá₃ toin'₂ jui₅ 'éi₂, jaun₂ co₂dsia₅
 ma₂jáng'₂ Diú₄ jui₅ ja₁dsi₂qui₂dsi₃jio₅ dsí₅ a₂'lig'₅₄, a₂dsi₂qui₂dsi₃cóin'₅ a₂'liain'₂,
 a₂jmo₃ a₂tsá₃ dsi₂ten₅₄. 29 Ca₂lia'₂ qui₂rē₂riin₅ ca₂le₃jě₃ ne₅₄ cosa 'lig'₅₄ jme₂dsí₂
 quió'₅, qui₂'no₂₃ dso₄, jmá'₃ guoin₅₄ bá₄ 'nio₃ jme₁'ñi₃, a₂qui₂'no'₂ dsí₅ 'a₂
 lia'₂ 'é'₃ uig₅ riin'₅₄. Rē₂can'₂ dsí₅ a₂uig₅ dsí₅ jín₂ riin'₅₄, a₂jme₂dsiain₂₃ riin'₅₄,
 a₂lě₂qui₂dsia₂₃ mi'₅₄, a₂qui₂jme₂gain₂₃ riin'₅₄, tsá₃ dsau₅ jág₁ quian₅, 'ñio₅ 'ñio₄
 dsa₂, a₂co₂jmo₅ dsa₂ jág₁ tē₂jág₁ jē₄ tē₃co'₅₄. 30 Ján₃ bá₄ le₂jaun₂ a₂lě₁chi₂'ag₅
 dsa₂, 'ñiai₅₄ bá₄ Diú₄, a₂lě₁co₂jmái'₂ riin'₅₄, a₂jme₂rón₂ guoin₅₄, dsia₂₃ jág₁ tá'₅,
 a₂qui₂'no'₂ dsí₅ 'a₂ lia'₂ jmo₃ a₂'lig'₅₄, on₃ guē'₂ jmá'₃ jme₂gain₃ chog₅₄-jmei₂;
 31 tsá₃ tē₂tsi'₅₄ dsí₅ nē₃, on₃ guē'₂ jua'₅₄ jme₃ti₃ 'e₂ caun₂ jág₁ cuē₂₃ a₂jmo₃; tsá₃
 'ein₂ 'iin₂₃ 'i₁jan₂, tsá₃ tín₂ dsí₅ 'éin₂ dso₄ quió'₅ riin'₅₄, on₃ guē'₂ ñéi₂ dsí₅. 32 I₂ñi₅
 rē₂ bá₄ dsa₂ 'éi₂ 'a₂ lia'₂ lě₅ 'éi'₃ ma₂quí'₃ Diú₄, ia₁ ca₂le₃jín₃ i₂jmo₅ le₂nē₅ ca₂tín₂
 dsiáin₃ bá₄; la₁ jui₁'e₂ guē₃ ñi₅ a₂jaun₂, on₃jua'₅₄ jmá'₃ guoin₅₄ caun₂ qui₂jmo₂₃,
 tē₂le₃ tē₅ dsí₅ bá₄ a₂jmo₅ i₂sián'₂ ján₃.

2

Diú₄ bá₄ con₂ 'í₁ co₂rē₂ 'a₂ lia'₂ con₂ lě₅ dsón'₂

1 Jaun₂ nē₃, tsá₃ 'e₂ lé₂ le₃jua'₅₄ 'ne₂ jua'₅₄ a₂tsá₃ 'e₂ dso₄ ring'₂, 'ne₂ guē'₂ i₂con₂
 'í₁ ja₁con₂ i₂sián'₂, tsá₃ a₂nag₅₄ jui₁'ein₂ guē₃ líng'₅. Ia₁ nē₁jua'₂ cáun'₂ 'í₁ ja₁con₂
 ring'₂, jaun₂ co₂'nió'₄ ma₂qui₂dsí₁ 'éi'₃ ja₁con₂ 'ñiag'₂, ton'₂ ján₃ bá₄ le₂jaun₂
 jmo₂ 'ne₂ 'ñiag'₂ a₂cáun'₂ 'í₁ jaun₂. 2 Ia₁ ne₄ bá₄ jnio₄ jaun₂, Diú₄ bá₄ i₂con₂ 'í₁

† 1:25 'Nio'₂ ja₁ton₅ Jeremías 2.11.

rĕ₂ 'a₂ lia'₂ con'₂ lĕ₅ dsón'₂, ja₁con₂ dsa₂ i₂jmo₅ le₂nĕ₅. ³ Jaun₂ 'ne₂ nĕ₃ i₂caun'₂ 'í₁ ja₁con₂ i₂sián'₂ ton'₂ a₂le₂jaun₂ bá₄ guè'₂ jmo'₂ 'ñiag'₂, ¿'e₂ líng'₂? ¿A₂lióng'₂ jĕ₁ma₂tĕ₂ rĕ₁con₂ Diú₄ 'í₁ ja₁cong'₂? ⁴ ¿O₃ bá₄ tsá₃ dsáu₅ 'au'₂ ia₁ a₂ñí₄ lĕ₃ dse₃ 'ua₁ dsí₅ Diú₄, a₂jmo₂₃ tió'₃ dsí₅, a₂jme₂juin'₂ dsí₅ nĕ₃? ¿Tsa₁ len'₅₄ 'ne₂, ta₁ a₂quí'₅ a₂dse₃ dsí₅ Diú₄ a₂jaun₂ bá₄ jioḡ₂₃ a₂dsi₃quén'₅ 'au'₂? ⁵ La₁ 'ñio₅ 'ua'₂ 'au'₂ tsá₃ 'niog'₂ jme₁tsíng'₄ 'au'₂; 'uig'₅₄ jaun₂ nĕ₃ caun₂ jme₁juí'₁ bá₄ a₂jme₂'ne₅₄ Diú₄ ne₄ quiáng'₂ 'ñiag'₂ a₂ting'₃ jmig₄ jaun₂ jĕ₁ma₂tĕ₂ rĕ₁jme₃jniái₂₃ a₂'nei₂, jĕ₁qui₃dsi₂₃ 'éi'₃ co₂rĕ₂. ⁶ Ia₁ jma₃quén₅ qui₃ bá₄ Diú₄ 'lian'₅₄ le₂jan₂ le₂jan₂ 'a₂ lia'₂ con'₂ lĕ₅ a₂ma₂ca₂jmo₃. * ⁷ Juí₁lia'₂ dsa₂ i₂jmo₅ tió'₃ dsí₅ jmo₂₃ a₂dse₃, a₂qui₂'no'₂ a₂co₂tág₅ co₂'né'₅, ton'₂ 'no'₂ juí₅ 'a₂ lia'₂ jme₃gu'₅₄ Diú₄ quian'₅₄ caun₂ a₂dse₃, ton'₂ 'no'₂ juí₅ a₂tsá₃ dsiáin₃, 'éi₂ bá₄ cuè'₃ Diú₄ a₂le₃chain₂ co₂tan₅₄. ⁸ La₁ quian'₅₄ a₂'nei₂ cuè'₃ uig₅ ca₂le₃jín₃ i₂dsia₅ mi'₅₄, i₂tsá₃ 'nio₃ cán₂ caun₂ juí₅ a₂nag₃ gau₂ jág₁ tí₅, i₂jmá'₃ juí₅ 'lig'₅₄ bá₄ 'nio₃ cán₂. ⁹ Le₃cha₂ uig₅ o₂i₁ dsi₅ quió'₅ ca₂le₃jín₃ i₂jmo₅ a₂'lig'₅₄, jĕ₁le₂'uig₅₄ tĕ₂le₃ quió'₅ dsa₂ judíos, ján₃ guè'₂ le₂jaun₂ le₂ja₁con₂ dsi₂nau₂. ¹⁰ La₁ ja₁con₂ le₂jan₂ le₂jan₂ i₂jmo₅ a₂dse₃, cuè₃ Diú₄ a₂co₂tág₅ co₂'né'₅, ton'₂ cuè₃ caun₂ a₂dse₃, jmo₃ 'ei₅ tei₄, jĕ₁le₂'uig₅₄ quió'₅ dsa₂ judíos, ján₃ guè'₂ le₂jaun₂ le₂ja₁con₂ dsi₂nau₂.

¹¹ Ia₁ tsá₃ jma₃quén₅ jín₂ Diú₄ dsa₂ lia'₂ ca₂ton₂ ca₂ton₂; ¹² ia₁ ca₂le₃jín₃ i₂'no₅ dso₄ i₂tsá₃ ca₂tín₂ 'Éi'₃ quió'₅ Moisés, dsiáin₃ tĕ₃ tsá₃ 'Éi'₃ jaun₂ ca₂tín₂; la₁ ján₃ guè'₂ le₂jaun₂ dsa₂ i₂'no₅ dso₄ nĕ₁jua'₂ ron₅ bá₄ 'Éi'₃ quió'₅ Moisés nĕ₃, tĕ₃dsi₅₄ bá₄ 'éi'₃ quió'₅, jiog'₂ 'í₁ lia'₂ con'₂ lĕ₅ 'Éi'₃ jaun₂. ¹³ Ia₁ on₃jua'₅₄ dsa₂ i₂nag₅ 'Éi'₃ i₂jín₂ Diú₄ a₂lín₅ dsa₂ i₂jme₂ti₃; dsa₂ i₂jmo₅ lia'₂ con'₂ lĕ₅ 'Éi'₃ bá₄, i₂'éi₂ bá₄ i₂jín₂ Diú₄ a₂lín₅ dsa₂ i₂jme₂ti₃. ¹⁴ Ia₁ juí₁lia'₂ dsi₂nau₂ nĕ₃, i₂tsá₃ 'Éi'₃ cha₂ ja₁coin₂, la₁ nĕ₁jua'₂ chain₂ juí₅ a₂jme₂ti₃ con'₂ jaun₂ ma₂tin₂ dsí₅, guion₅₄ bá₄ dsa₂ 'éi₂ ñi₅ tĕ₂dsí₅ 'a₂ lia'₂ lĕ₅ 'Éi'₃ quió'₅ Diú₄, o₁jñia'₅₄ tsá₃ a₂jaun₂ ron₅ quió'₅. ¹⁵ Ia₁ cuè₂₃ léi₄ 'a₂ lia'₂ lĕ₅ chain₂, a₂rĕ₂ton₅ tĕ₂dsí₅ ta₁ a₂quí'₅ 'Éi'₃. Jaun₂ tĕ₂dsí₅ guoin₅₄ bá₄ jáng'₅ jág₁ dsau₅ o₄quió'₄, jaun₂ tsá₃ quín₅ 'a₂ lia'₂ dsi₂jiog₅ dsí₅ guoin₅₄; a₂lín₅₄ jáng'₂, a₂lín₅₄ guè'₂ tĕ₂le₃ lió₂. ¹⁶ Le₂nĕ₅ bá₄ lé₂ jĕ₁ma₂tĕ₂ jmig₄ jaun₂ a₂con₂ Diú₄ 'í₁ ca₂le₃jĕ₃ a₂'ma₄ jlĕ₅ quió'₅ ca₂le₃jín₃ dsa₂, tĕ₂le₃ quian'₅₄ Jesucristo, lia'₂ con'₂ lĕ₅ jág₁ dse₃ a₂qui₂'ĕ₅ jniá₂.

Dsa₂ judíos, quian'₅₄ 'Éi'₃ quió'₅ Moisés

¹⁷ La₁ chi₂jua'₂ lín'₅ 'ne₂ dsa₂ judío jaun₂ dsia'₂ a₂chéng'₅ tiá₂ quian'₅₄ 'Éi'₃ quió'₅ Moisés, jaun₂ jmo'₂ táng'₅ ia₁ a₂cuíng'₂ Diú₄; ¹⁸ chi₂jua'₂ ma₂ca₂jme₃tín₅ dsa₂ 'ne₂ 'a₂ lia'₂ lĕ₅ 'Éi'₃, jaun₂ ñi'₅₄ 'a₂ lia'₂ 'nio₃ Diú₄, ton'₂ ting'₂ caun'₅₄ 'í₁ 'a₂ lia'₂ lĕ₅ a₂dse₃; ¹⁹ jaun₂ chi₂jua'₂ tĕ₃dsón'₂ líng'₂ a₂ting'₂ jang'₅₄ dsa₂ ten₄, chi₂jua'₂ ñi'₅₄ 'a₂ lia'₂ téi'₄ si₂ ja₁con₂ dsa₂ i₂i₂nio₄ jĕ₄ qui₁né'₃, ²⁰ chi₂jua'₂ ñi'₅₄ 'a₂ lia'₂ jme₁rĕ'₂ juí₅ a₂quian₅ dsa₂ co₄, chi₂jua'₂ ñi'₅₄ 'a₂ lia'₂ cuè'₅₄ jág₁ i₂'nió'₄ i₂lín₅ chi'₂, ia₁ a₂ron₅ 'Éi'₃ ja₁cong'₂, a₂tén₅ ne₄ 'Éi'₃ 'a₂ lia'₂ 'nió'₅ le₃ñi₅ dsa₂, 'a₂ lia'₂ lĕ₅ jág₁ dsau₅; ²¹ 'ne₂ guè'₂ i₂jme₂ting'₂ i₂sián'₂, ¿'e₂ guè'₂ 'uig'₅₄ tsá₃ jme₂ting'₁ guè'₂ 'ñiag'₂? Chi₂jua'₂ 'ne₂ guè'₂ 'ĕ'₅ jág₁ a₂tsá₃ ca₂tín₂ dsa₂ 'ang₃, ¿tsa₁ 'ang'₂ 'ñiag'₂? ²² Chi₂jua'₂ 'ne₂ juá'₂ tsá₃ ca₂tín₂ dsa₂ nió'₃ jág₁ quian'₅₄ i₂tsá₃ lĕ₅ dsi₂i₂gu₂, ¿tsa₁ niog'₅ guè'₂ 'ne₂ jág₁ jaun₂ 'ñiag'₂? Chi₂jua'₂ 'ne₂ 'ñio₅ lín₃ 'ñiag'₅₄ diú₄ lag₄, ¿tsa₁ 'ang'₂ 'ne₂ a₂quen₅ a₂te₁'í₁ dsi₂néi₂ 'né₅ quió'₅? ²³ 'Ne₂ guè'₂ i₂jmo'₂ táng'₅ ja₁con₂ 'Éi'₃, ¿tsa₁ 'lig'₅₄ tsíng'₂ Diú₄ ia₁ tsá₃ jme₂tí'₁ 'Éi'₃ jaun₂? ²⁴ Ia₁ juí₁lia'₂ juá'₂ ne₄ Si₂: 'Ag₅ dsi₂nau₂ 'iin₂₃ 'lig'₅₄ Diú₄

* 2:6 'Nio'₂ ja₁ton₅ Salmo 62:12; Proverbios 24:12.

'uig₅₄ quián'₂ 'nia'₂.†

25 Dsón'₂ bá₄ dsau₅ quen₅ a₂ti₃ dsa₂ lo₅₄ në₁jua'₂ jme₂ti₃ 'Éi'₃ quió'₅ Moisés, la₁ në₁jua'₂ tsá₃ jme₂ti₃ dsa₂ ně₃, tsá₃ 'e₂ ta₁ jmo₃, në₂jag₄ bá₄ a₂tsá₃ 'e₂ rē₂uing₄ bá₄ quió'₅. 26 Jui₁lia'₂ dsa₂ i₂tsá₃ 'e₂ ma₂rē₂uing₄ quió'₅, la₁ në₁jua'₂ jme₂ti₃ 'e₂ ta₁ qui'₅ 'Éi'₃, co₂jaun₂ bá₄ jín₂ Diú₄ dsa₂ 'éi₂ në₂jag₄ bá₄ i₂ma₂rē₂uing₄ quió'₅ o₁jñia'₅₄ tsá₃ ma₂rē₂uing₄. 27 Dsa₂ i₂tsá₃ 'e₂ rē₂uing₄ lo₄, la₁ në₁jua'₂ jme₂ti₃ 'a₂ lia'₂ juá'₂ 'Éi'₃, i₂'éi₂ bá₄ chen'₅ Diú₄ ne₄ jui₅ a₂con₂ 'í₁ ja₁con'₂ 'ne₂, ia₁ tsá₃ jme₂tí'₁, jui₁'e₂ guě₃ ron₅ Si₂ tio'₅₄ 'Éi'₃ quiáng'₂, jui₁'e₂ guě₃ rē₂uing₄ quiáng'₂ ně₃. 28 Ia₁ jui₁lia'₂ jan₂ dsa₂ i₂lín₅ judío dsón'₂, on₃jua'₅₄ rē'₂ jñia'₅₄ lín₅ dsa₂ léi₄ jmá'₃ le₃co'₅₄, on₃ guē'₂ le₂jaun₂ jui₁lia'₂ ta₁ dsón'₂ a₂quí'₅ a₂qui₂rē₂uing₄ lo₄ dsa₂, on₃jua'₅₄ jñia'₅₄ rē₂uing₄ lín₅ léi₄ jmá'₃ le₃co'₅₄ ni₁ñí₅. 29 Tē₂le₃ a₂ca₂tín₂ bá₄ dsa₂ jmo₃, a₂lín₅ tē₃dsón'₂ dsa₂ judío, a₂lín₅ ca₂tē₂ dsí₅; ján₃ guē'₂ le₂jaun₂ jui₁lia'₂ a₂lín₅ dsa₂ léi₄ a₂rē₂uing₄ quió'₅, a₂lē₅ ca₂tē₂ dsí₅ bá₄ dsa₂; ton'₂ a₂gu₂dsí₂ bá₄ a₂jaun₂, on₃jua'₅₄ jmá'₃ lia'₂ con'₂ le₁ton₅ ne₄ Si₂ 'Éi'₃. Dsa₂ i₂lín₅ le₂nē₅ chéin'₅ rē₂ quián'₅₄ Diú₄, on₃jua'₅₄ rē'₂ quiain'₅₄ dsa₂ mi₂güí₃.

3

1 Jaun₂ ně₃, ¿'e₂ ta₁ jmo₅ a₂quen₅ guē₄ a₂lín₅ dsa₂ dsa₂ judío? ¿O₃ 'e₂ ta₁ jmo₅ a₂lín₅ dsa₂ léi₄ a₂rē₂uing₄ ni₁lo₁₂? 2 'Lióng₂ bá₄ 'uig₅₄ cha₂. Jē₁le₂'uig₅₄, ca₂dsia₃ Diú₄ jág₁ dse₃ quió'₅ o₄gú₃ dsa₂ judíos. 3 ¿La₁ 'e₂ bá₄ lé₂ ně₃ në₁jua'₂ chan₂ i₂lín₅₄ i₂tsá₃ ca₂rē₃ti'₅₄?* ¿O₃ bá₄ lín'₂ 'nia'₂ ján₃ a₂tsá₃ le₃ti'₅₄ Diú₄ jág₁ quió'₅ ia₁ a₂tsá₃ ca₂rē₃ti'₅₄ dsa₂ 'éi₂? 4 ¿Dsón'₂ bá₄ tsá₃ le₂jaun₂! Jui₁le₁lei₅₄ bá₄ jniog₄, Diú₄ ně₃ jmo₃ bá₄ ca₂le₃jě₃ lia'₂ con'₂ lě₅ jág₁ tí₅ quió'₅, jui₁'e₂ guě₃ ca₂le₃jín₃ dsa₂ tsá₃ tí₅ jág₁ quió'₅; ia₁ ne₄ Si₂ juá'₂:

ia₁jaun₂ le₃lí'₄ dsa₂ a₂lín₅ i₂dsen₃

jui₁lia'₂ jē₁dsia'₂ jág₁,

ia₁jaun₂ bá₄ léng'₂

jē₁ma₂tē₂ rē₁con₂ dsa₂ 'í₁ ja₁cong'₂.†

5 La₁ në₁jua'₂ tí₅ ta₁ dsáu₁ jniog₄ a₂rē₂jniá₂ Diú₄ a₂lín₅ i₂dsen₃, ¿'e₂ le₃jua'₅₄ jniog₄ ně₃? ¿'An₁ tsá₃ rē₂ qui₃dsi₅ Diú₄ 'éi'₃ në₁jua'₂ ca₂rē₃'néi₃ 'ě₂ uig₅ ja₁con₂ jniog₄? (A₂lē₁juá'₅ jniá₂ lia'₂ jē₁juá'₂ dsa₂ mi₂güí₃ bá₄.) 6 ¿Dsón'₂ bá₄ on₃jua'₅₄ le₂nē₅! Ia₁ jua'₅₄ mei'₂ guě₃ tsá₃ rē₂ qui₂dsi₅ Diú₄ 'éi'₃, ¿'a₂ bá₄ lia'₂ le₃con₂ 'í₁ ja₁con₂ dsa₂ mi₂güí₃?

7 La₁ në₁jua'₂ jág₁ tē₂jág₁ quió'₃ tí₅ ta₁ ia₁jaun₂ lě₅ a₂rē₂jniá₂ guē₄ jág₁ dsau₅ quió'₅ Diú₄ ia₁jaun₂ tē₂le₃ dse₃ guē₄ chéin'₅, ¿'e₂ lě₃ qui₂dsi₅ Diú₄ 'éi'₃ a₂rín₂ jniá₂ dso₄? 8 ¿Ja₁lín₃ guē₄ dse₃ jua'₅₄ caun₂ a₂jmo₅₄ a₂'lig'₅₄, ia₁jaun₂ jiá₃ a₂dse₃? A₂le₂nē₅ bá₄ chi₂ag₅ i₂lín₅₄ 'ag₂₃ jnia'₅₄ a₂jme₂tín₂ jnia'₅₄ dsa₂. La₁ gue₃ bá₄ uig₅ dsa₂ i₂dsi₂jniog₅ dsí₅ le₂nē₅ 'a₂ con'₂ ca₂tín₂.

Ca₂le₃jág₃ bá₄ jniog₄ rē₂cáu'₄ dso₄

9 ¿'E₂ jaun₂ ně₃? ¿A₂dse₃ guē₄ tióng₂ jnia'₅₄ dsa₂ judíos? ¿Dsau₅ bá₄ on₃jua'₅₄ le₂jaun₂! Ia₁ ma₂tē₂tsi'₅₄ jág₁, co₂jaun₂ bá₄ dsa₂ judíos con'₂ dsí₂nau₂, caun₂ bá₄ jui₅ tioin'₅₄ 'uig₅₄ dsáu₁. 10 Lě₅ jui₁lia'₂ juá'₂ ne₄ Si₂:

Ca₂lia'₂ 'i₁jan₂ dsa₂ tsá₃ chan₂

i₂jme₂ti₃ 'Éi'₃ quió'₅ Diú₄,

ca₂lia'₂ 'i₁jan₂ tsá₃ chan₂;

11 tsá₃ i₂chan₂ jua'₅₄ i₂ñí'₂ dsí₅,

† 2:24 Isaiás 52:5; Ezequiel 36:22.

* 3:3 o₃, "i₂tsá₃ ca₂rē₃'én₂."

† 3:4 Salmo 51:4.

- 'i₁jan₂ tsá₃ chan₂ jua'₅₄ i₂'nio₃ 'na'₂ Diú₄.
 12 Ca₂le₃jín₃ bá₄ ma₂i₂nio₄ cau₅ jui₅ ma₂i₂cóin'₅,
 co₂dsia₅ bá₄ ma₂i₃léin₂ jui₅ ja₁tsá₃ ta₁ tí₄.
 Tsá₃ 'ein₂ chan₂ ca₂lia'₂ 'i₁jan₂
 jua'₅₄ i₂qui₂jmo₅ a₂dse₃,
 ca₂lia'₂ 'i₁jan₂ tsá₃ chan₂.‡
 13 'Uě'₅ jág₁ 'lig'₅₄ le₂'o₅₄
 ju₁lia'₂ ja₂ dsí₂ 'lig'₅₄ a₂'uě'₅ tau₂ 'ŋio₅ a₂rě₂na₄;
 quian'₅₄ le₁tsi'₂ jmo₂₃ a₂ju₁gain₂.§
 Ně₂jag₄ bá₄ náu₁ dsí₂mi'₂ 'a₄ mi₂'o₅₄;^{*}
 14 Jmá'₃ caun₂ a₂jaun₂ bá₄ juá'₂ dsa₂,
 a₂uig₅ dsí₅, a₂jme₃dsi'₃ ja₁con₂ riin'₅₄;[†]
 15 Ma₂ně₃ bá₄ i₂ŋi₂₃ cán₂ tag₅₄
 a₂dsi₃jme₁dsiain₂₃ riin'₅₄.
 16 Léi₄ jě₁ca₂ŋi₅ ca₂quiog₂ caun₂ jui₅ a₂o₂i₁ dsí₅,
 ja₁i₃'én₂ 'a₂lia'₂ chan₂ dsa₂;
 17 ia₁ tsá₃ cui'₅ dsa₂ 'éi₂ jui₅ 'ei₅ tei₄;[‡]
 18 Tsá₃ a₂jaun₂ dsí₂jio₅ dsí₅
 jua'₅₄ a₂gain₃ Diú₄.§
 19 A₂ne₄ bá₄ jniog₄, ca₂le₃jě₃ jág₁ a₂tio'₅₄ ne₄ Si₂ 'Éi'₃ quió'₅ Diú₄, a₂juá'₂
 tsí'₅ ca₂le₃jín₃ i₂ca₂tín₂ 'Éi'₃ jaun₂, ia₁jaun₂ jmo₃ tei₄ mi₂'o₄ ca₂le₃jín₃, ia₁jaun₂
 ca₂le₃jín₃ dsa₂ mi₂güig₃ tě₃tsiin'₅₄ rě₂cáin'₄ ne₄ Diú₄.²⁰ Ia₁ ca₂lia'₂ 'i₁jan₂ tsá₃ 'ein₂
 jín₂ Diú₄ a₂tsá₃ dso₄ rě₂cáin'₄ jua'₅₄ a₂jme₃ti₃ a₂juá'₂ 'Éi'₃, ia₁ 'ŋiog₅ bá₄ 'Éi'₃ qui'₅
 ta₁ a₂le₃ne₄ jniog₄ a₂lág₅ dsa₂ cha₂ dsá_{u1}.

A₂lión₂ dsa₂ tě₂le₃ a₂ŋia'₅₄ quian'₅₄ a₂'éin₂ bá₄

- 21 La₁ ně₃ ně₃, ma₂ca₂jme₃ŋia₅ bá₄ Diú₄ jui₅ a₂tsá₃ ma₃dso₄ rě₂cáu'₄ jniog₄,
 on₃jua'₅₄ tě₂le₃ quian'₅₄ Si₂ 'Éi'₃, ju₁e₂ guě₃ jáng'₅ jág₁ dsau₅ jui₅ jaun₂ a₂juá'₂
 ne₄ Si₂ tio'₅₄ 'Éi'₃, quian'₅₄ Si₂ a₂qui₂ca₂jmo₃ dsa₂ i₂jme₁'ě₂ jág₁ quián₅ Diú₄ ně₃.
 22 Jáng'₅ jág₁ dsau₅ jui₅ dse₃ quió'₅ Diú₄ a₂tsá₃ dso₄ rě₂cán'₄ dsa₂, ŋia'₅₄ lia'₂ tě₂le₃
 quian'₅₄ a₂'éin₂ tě₂le₃ quió'₅ Jesucristo; tsá₃ jma₃quén₅ jmo₂₃ ja₁con₂ ju₁'ein₂
 guě₃; 23 ia₁ ca₂le₃jín₃ bá₄ ma₂qui₂ma₂'náu₂ dso₄, jaun₂ uing₂ lin₃ bá₄ tióin₂
 ja₁qui₂tág₅ co₂'né'₅ quió'₅ Diú₄. 24 La₁ Diú₄ ně₃, ia₁ a₂'ua₁ dsí₅ bá₄ 'ě₂ jág₁ a₂tsá₃
 dso₄ rě₂cáin'₄, on₃jua'₅₄ a₂'nió'₅ qui₃ 'lia'₅₄. A₂lě₁lió₂ bá₄ tě₂le₃ quian'₅₄ Cristo
 Jesús i₂ca₂quí₃ o₄quió'₄ dsá_{u1} dsa₂. 25 Ca₂chen'₃ Diú₄ ja₁ŋi'₅₄ ia₁jaun₂ dsian₅
 dsá_{u1} dsa₂ mi₂güig₃ quian'₅₄ jmi₂ 'ain₅₄ a₂ca₂tein₃. A₂lě₁gue₅ bá₄ dsa₂ a₂jaun₂
 jmá'₃ tě₂le₃ quian'₅₄ a₂'éin₂. Le₂ně₅ ca₂rě₃ŋiá₂ Diú₄ i₂lín₅ i₂qui₃dsi₅ 'éi'₃ rě₂,
 ia₁ a₂ma₂ca₂jme₃juin'₂ dsí₅ a₂ma₂ca₂ŋág₃ bá₄ dsá_{u1} dsa₂ a₂jme₁'no₂₃ ma₂líg'₂.
 26 Le₂ně₅ ca₂jmo₃ Diú₄ a₂ca₂jme₃ŋiai₂₃ a₂rě₂ qui₃dsi₂₃ 'éi'₃, a₂ca₂jme₃ŋiai₂₃
 a₂jjin₂ dsa₂ i₂'én₂ tě₂le₃ quió'₅ Jesús ně₂jag₄ bá₄ a₂ca₂jme₃ti₃.
 27 ě₂ bá₄ ca₂lě₃ jaun₂ ně₃ quian'₅₄ a₂jmo₅ dsa₂ táin'₅? Co₂dsia₅ tě₂tsi'₅₄ cau₅
 bá₄ a₂jaun₂. ě₂ 'E₂ 'uig₅₄? ě₂ 'An₁ 'uig₅₄ a₂jme₃ti₃ dsa₂ 'Éi'₃? Jan₂'ón₄. 'Uig₅₄ ia₁ a₂'én₂
 bá₄ dsa₂. 28 Ma₂ně₂quiong₅₄ bá₄ jniog₄ 'í₁ jaun₂ ně₃, a₂jín₂ Diú₄ dsa₂ ně₂jag₄ bá₄
 a₂ca₂jme₃ti₃, 'uig₅₄ ia₁ a₂'éin₂, jaun₂ tsá₃ 'e₂ 'í₁ con₂ guě₄ jua'₅₄ a₂ca₂jme₃ti₃ o₃ tsá₃
 ca₂jme₃ti₃ 'e₂, con₂ lě₅ 'Éi'₃.

‡ 3:12 Salmo 14:1-3; 53:1-3; Eclesiastés 7:20. § 3:13 Salmo 5:9. * 3:13 Salmo 140:3. † 3:14 Salmo 10:7. ‡ 3:17 Isaías 59:7-8. § 3:18 Salmo 36:1.

29 ¿O₃ bá₄ lín₅ Diú₄ ca₂ne₅₄ jmá'₃ i₂quián₅ dsa₂ judíos? ¿On₁jua'₅₄ i₂quián₅ ds_{i2}nau₂ján₃? Ján₅. I₂quián₅ 'éi₂ bá₄ján₃,³⁰ ia₁ jan₂ tan₅₄ bá₄ Diú₄ chan₂; jaun₂ 'éi₂ bá₄ jág₃ jín₂ dsa₂ i₂rē₂uīng₄ nī₁lo₁ nē₂jag₄ bá₄ a₂ca₂jme₂ti₃, 'uīg₅₄ ia₁ a₂'éin₂; ján₃ bá₄ le₂jaun₂ jág₃ jīn₂ dsa₂ i₂tsá₃ rē₂uīng₄ nī₁lo₁ nē₂jag₄ bá₄ a₂ca₂jme₃ti₃, o₄quió'₄ a₂'éin₂.³¹ ¿'E₂ jua'₂ jniog₄ jaun₂ nē₃? ¿A₂tsá₃ ta₁ tí₄ 'Éi'₃ ia₁ a₂'éin₂ jniog₄? ¡Dsón'₂ tsá₃ le₂jaun₂! 'Nió'₄ tē₂le₃ cuē₂ bá₄ jniog₄ bí₂ a₂quen₅ 'Éi'₃.

4

'A₂ lia'₂ tē₂tsin'₅₄ Abraham ne₄ Diú₄

1 ¿'E₂ lé₂ le₃jua'₅₄ jniog₄ jaun₂ nē₃? ¿'E₂ ca₂dsó'₂ Abraham dsa₂ juin'₂ quián₂ jnia'₅₄ ma₂líg'₂, lia'₂ jme₁lín₄ dsa₂ mi₂güí'₃? 2 Jua'₅₄ mei'₂ guē₃ Diú₄ ca₂chi'₃ jág₁ jua'₅₄ a₂dsen₃ 'éi₂ tē₂le₃ quian'₅₄ 'e₂ a₂ca₂jmo₃, jua'₅₄ a₂ca₂jme₃ti₃ 'Éi'₃, jaun₂ jme₁cha₂ juí₅ a₂jme₁jmo₃ róin₂. La₁ on₃jua'₅₄ ne₄ Diú₄. 3 Jaun₂, ¿'e₂ juá'₂ ne₄ Si₂? “Ca₂rē₃'én₂ bá₄ Abraham jág₁ ca₂cuē₃ Diú₄; jaun₂ 'uīg₅₄ ia₁ a₂ca₂rē₃'éin₂ jaun₂ nē₃, ca₂guéi'₂ Diú₄ nē₂jag₄ bá₄ a₂ca₂jme₃ti₃.”* 4 Jaun₂ nē₃, juí₁lia'₂ jan₂ dsa₂ i₂jme₂ti₃ ta₁ quió'₅ jan₂ juí₅₄, cu₄ a₂lí'₂ jaun₂ quió'₅, on₃jua'₅₄ a₂lē₁cuē₃ juí₅₄, ia₁ a₂ma₂riin₂₃ quió'₅ 'éi₂ 'lia'₅₄ ta₁ quió'₅. 5 La₁ nē₁jua'₂ 'ein₂ tē₂tsá₃ 'e₂ jmo₂₃, 'éin₂ a₂guén'₅ Diú₄ dsa₂ i₂cha₂ dsáu₁, Diú₄ guéi'₂ quió'₅ nē₂jag₄ bá₄ dsa₂ dsen₃, o₄quió'₄ a₂'éin₂. 6 'Njog₅ bá₄ David juá'₂ a₂dsen₃ juí₁lia'₂ dsa₂ i₂guéi'₂ Diú₄ nē₂jag₄ bá₄ a₂tsá₃ ma₂'e₂ dsáu₁ cha₂, tsá₃ 'e₂ 'í₁ con₂ Diú₄ 'a₂ lia'₂ ca₂jme₃ti₃. 7 Ca₂juá'₂ David:

'E₂ guē₄ dsen₃ juí₁lia'₂ dsa₂ i₂ca₂'én₂ Diú₄ dsáu₁,
i₂ca₂jlē₂ Diú₄ dso₄ a₂ca₂'náu₂.

8 'E₂ guē₄ dsen₃ dsa₂ i₂ca₂jmo₃ Te₁gui'₅₄ dsí₅
a₂tsá₃ dso₄ riin₂.†

9 A₂dse₃ nē₅ nē₃, ¿a₁dse₃ jmá'₃ lia'₂ ca₂ne₅₄ quió'₅ dsa₂ i₂rē₂uīng₄ nī₁lo₁, o₃ bá₄ le₂jio₅ a₂dse₃ quió'₅ i₂tsá₃ 'e₂ rē₂uīng₄ quió'₅ bá₄ ján₃? Ma₂nē₂jua'₅₄ jnia'₅₄ a₂ca₂guén'₂ Diú₄ Abraham nē₂jag₄ bá₄ a₂ca₂jme₃ti₃ 'éi'₃, 'uīg₅₄ ia₁ a₂'éin₂. 10 ¿'A₂ lia'₂ jme₁lín₄ Abraham lia'₂ con'₂ ca₂guéi'₂ jaun₂? ¿Ca₂guéi'₂ cang₂ lia'₂ con'₂ jme₁ma₂ti₃ Abraham quió'₅, o₃ le₂jñiá'₅ 'e₂? Le₂jñiá'₅ bá₄, on₃jua'₅₄ cang₂. 11 Cang₂ jaun₂ bá₄ ca₂gue₃ Abraham 'éi'₃ jaun₂ a₂ti₃ nī₁lo₁₂, a₂lín₅ léi₄ co₂'nió'₄ caun₂ sello quió'₅ Diú₄ a₂ma₂guéi'₂, nē₂jag₄ bá₄ dsa₂ i₂ca₂jme₃ti₃, 'uīg₅₄ ia₁ a₂'éin₂. Le₂nē₅ bá₄ ca₂dsióg₃ Abraham a₂ca₂līn₃ cho'₅₄ ca₂le₃jín₃ i₂'én₂ ján₃, o₁jñia'₅₄ tsá₃ ma₂gue₃ 'éi'₃ jaun₂ a₂uīng₃ quió'₅. Jaun₂ le₂nē₅ bá₄ guén'₂ Diú₄ ján₃ dsa₂ tsi₁jon₂ 'éi₂ nē₂jag₄ bá₄ a₂līn₅ dsa₂ i₂ca₂jme₃ti₃. 12 Dsau₅ bá₄ a₂lín₅ Abraham cho'₅₄ ca₂le₃jín₃ i₂ma₂gue₃ 'éi'₃ jaun₂ a₂uīng₃ quió'₅, la₁ on₃jua'₅₄ jmá'₃ 'uīg₅₄ ia₁ a₂rē₂uīng₄ quió'₅; ján₃ bá₄ 'uīg₅₄ ia₁ a₂quian₅ juí₅ a₂'éin₂ jaun₂, juí₁lia'₂ ca₂can₃ Abraham jmei₂ jnia'₅₄ lia'₂ con'₂ tsá₃ ma₂uīng₂ quió'₅.

Tē₂le₃ quian'₅₄ a₂'én₂ bá₄ dsa₂ jme₃ti₃ Diú₄ jág₁ quió'₅ a₂ma₂cuē₃

13 Jaun₂ ca₂cuē₃ Diú₄ jág₁ quió'₅ ca₂cuē'₃ Abraham quian'₅₄ chi'₂-guein₂ quián₅, a₂gue₃ gua'₅₄ 'uē₃ a₂cuē₃ Diú₄; la₁ on₃jua'₅₄ ia₁ a₂ca₂jme₃ti₃ Abraham 'Éi'₃, tē₂le₃ ia₁ a₂caun₂ 'éin₂ jág₁ a₂cuē₅ Diú₄, ton'₂ ca₂guéi'₂ Diú₄ nē₂jag₄ bá₄ a₂ca₂jme₃ti₃ 'Éi'₃. 14 Jua'₅₄ mei'₂ guē₃ jmá'₃ i₂jme₂ti₃ 'Éi'₃ bá₄ gue₅ a₂dse₃ a₂cuē₅ Diú₄ cuē'₅ chi'₂-guein₂ quián₅, jaun₂ tsá₃ ma₃'e₂ ta₁ tí₄ a₂'én₂ dsa₂, ton'₂ ján₃ guē'₂ le₂jaun₂ jág₁ a₂cuē₄ quió'₅ Diú₄ tsá₃ ma₃quen₅. 15 Ia₁ juí₅ a₂'ne₂ Diú₄ bá₄ jio₅ 'Éi'₃, la₁ ja₁tsá₃ 'Éi'₃ ca₂tín₂, tsá₃ 'ein₂ ds_{i2}juin₅₄ ja₁jaun₂.

* 4:3 Génesis 15:6. Ján₃ bá₄ le₂nē₅. † 4:8 Salmo 32:1-2.

16 'Uig⁵⁴ jaun₂, o₄quió'⁴ a₂'én₂ dsa₂ cué'⁵ Diú₄ a₂dse₃ cué'⁵ chi'₂-guein₂ quiáin₅, ia₁jaun₂ chi'₃ tiá₂ jág₁ a₂cué'₄ ne₄ a₂'ua₁ dsí'₅, ia₁jaun₂ dsón'₂ jaun₂ bá₄ jág₁ a₂gue₃ ca₂le₃jín₃ tsi₁jon₂ Abraham, on₃jua'⁵⁴ jmá'₃ quió'⁵ dsa₂ i₂qui₂rē₂ti'⁵⁴ 'Éi'₃; quió'⁵ ca₂le₃jín₃ i₂'én₂ bá₄ ján₃ jui₁lia'₂ jme₁'én₂ Abraham. Jaun₂ 'éi₂ bá₄ já₅ co₂'nió'⁴ lín₅ jmei₂ jniog₄ ca₂le₃jág₃. 17 Jui₁lia'₂ juá'₂ ne₄ Si₂: “Ne₂ ma₂tsín'₂ jniá₂ a₂lín'₅ cho'⁵⁴ dsa₂ chan₂ 'lióng₂ juig₂ nación.”‡ Jaun₂ 'éi₂ bá₄ i₂lín₅ jmei₂ jniog₄ ne₄ Diú₄, ton'₂ ca₂'éin₃ jág₁ quió'⁵ Diú₄ 'éi₂ i₂ton'₂ jme₂dsí₂ dsa₂ i₂ma₂dsan₃, ján₃ gué'₂ tē'₂ a₂tsá₃ ma₂cha₂ nē₂jag₄ bá₄ a₂ma₂cha₂.

18 Jui₁'e₂ gué'₃ tsá₃ ma₃'e₂ jmi₄g₄ jme₁ma₃cha₂ ja₁con₂ Abraham lia'₂ con'₂ lē₅ lín₅ dsa₂ mi₂güig₃, tē₂le₃ ia₁ a₂ca₂rē₃'éin₂ jág₁ quió'⁵ Diú₄, ca₂dsióg₃ “a₂lín₅ jmei₂ dsa₂ chan₂ 'lióng₂ juig₂”, lia'₂ con'₂ lē₅ ca₂juá'₂ Diú₄: “co₂nē₅ tén₅ chi'₂-guein₂ dsió'₂ lé₂.”§

19 Jui₁'e₂ gué'₃ jme₁ma₂'en₅₄ Abraham con'₂ 'ñiá₂-láu₂ ñi₂, lí'₄ bá₄ 'ñiog₅ a₂ma₂guen'₂ ni₁ñi₁₂, ján₃ gué'₂ le₂jaun₂ Sara quiáin₅ nē₃ co₂nē₅ a₂ma₂chain₂ dsiáin₃ bá₄, tsá₃ ma₃'ein₂ guein₂ lé₂ le₃cáin₂, la₁ tsá₃ ca₂'uáin₂ quian'⁵⁴ jág₁ a₂ma₂chan'₂. 20 Tsá₃ ca₂'ág₂ caun₂-tin₃ dsí'₅ jua'⁵⁴ a₂tsá₃ 'éin₂ jág₁ a₂ca₂cué'₃ Diú₄, tē₂le₃ ca₂i₃tsón₂ bá₄ bí₂ a₂'éin₂, ton'₂ ca₂jme₃juin'₂ Diú₄, 21 caun₂ bá₄ 'ei₅ dsí'₅ a₂'io₅ Diú₄ jui₅bí₂ a₂jme₃ti₃ jág₁ quió'⁵ a₂ca₂cué'₃. 22 'Uig⁵⁴ jaun₂ ca₂guéi'₂ Diú₄ nē₂jag₄ dsa₂ i₂ca₂jme₃ti₃.

23 Jág₁ nē₅, “a₂ca₂guéi'₂ Diú₄”, ca₂i₃to'⁵⁴ ne₄ si₂, on₃jua'⁵⁴ a₂'iin₂₃ jmá'₃ Abraham; 24 a₂'ag₂₃ jniog₄ bá₄ ján₃. 'Uig⁵⁴ ia₁ a₂'éin₂ jniog₄, guéi'₂ Diú₄ a₂lág₅ jniog₄ nē₂jag₄ bá₄ dsa₂ dsen₃ i₂ca₂jme₃ti₃ con'₂ i₂'én₂ tē₂le₃ quió'⁵ Diú₄ i₂ca₂jme₃jen'⁵⁴ Jesús jin₄ 'lag₄. Jesús bá₄ i₂lín₅ Te₁gui'⁵⁴ quián₂ jniog₄, 25 i₂ca₂jín'₂ dsa₂ a₂jóin₂ ne₄ 'uig⁵⁴ dsáu₁ jniog₄, con'₂ siá'₂ ca₂jein'⁵⁴ táng₃ ia₁jaun₂ guéi'₂ Diú₄ jniog₄ nē₂jag₄ dsa₂ dsen₃ i₂ca₂jme₃ti₃.

5

Lé₂ le₃chong₂ jniog₄ 'ei₅ tei₄ quian'⁵⁴ Diú₄

1 Le₂nē₅ jaun₂, ia₁ a₂ma₂'é₂ Diú₄ jág₁ a₂tsá₃ 'e₂ dso₄ rē₂cáu'₄ jniog₄, 'uig⁵⁴ ia₁ a₂'éin₂, ma₂chong₂ jniog₄ 'ei₅ tei₄ quiain'⁵⁴, tē₂le₃ quian'⁵⁴ Te₁gui'⁵⁴ Jesucristo quián₂. 2 Ia₁ tē₂le₃ quian'⁵⁴ Cristo 'éi₂ bá₄ ma₂i₁to'⁵⁴ jniog₄ ja₁jme₂gu'⁵⁴ Diú₄ ia₁ a₂'ua₁ dsí'₅, tē₂le₃ ia₁ a₂'éin₂. Ja₁dse₃ nē₅ nē₃, tíong₂ jniog₄ tiá₂ 'io'₂ jein₂, ia₁ 'ín₂ dsí'₅ jniog₄ a₂dsón'₂ jme₁quian'⁵⁴ Diú₄ jē₄ co₂tág₅ co₂'né'₅ quió'⁵. 3 On₃ rē'₂ jua'⁵⁴ jmá'₃ a₂nē₅; jmo₂ jniog₄ 'io'₂ ne₄ o₂i₁ dsí'₅ a₂qui₂dsi₂ñág₂; ia₁ ne₄ jniog₄, quian'⁵⁴ o₂i₁ dsí'₅ bá₄ qui₂rē₂juin'₂ dsí'₅ jniog₄. 4 A₂juin'₂ dsí'₅ jniog₄ jaun₂, jmo₅ a₂chei'₂ rē₂ jniog₄ 'a₂ lia'₂ lág₅; a₂tíong₂ jniog₄ rē₂ jaun₂ nē₃, jmo₅ a₂'ín₂ dsí'₅ jniog₄ jmi₄g₄ a₂le₃ti₃. 5 Jmi₄g₄ a₂'ín₂ dsí'₅ jniog₄ jaun₂, tsá₃ lé₂ le₃jmo₃ jua'⁵⁴ jéin₂ jniog₄ o₂guí'₃, ia₁ 'ñiog₅ Diú₄ ma₂ca₂jme₃cain'₂ jme₂dsí₂ quián₂ jniog₄ ia₁ a₂ñí₄ lē₃ 'nio₃ jniog₄, tē₂le₃ quian'⁵⁴ Jme₂dsí₂ Jñió₅ i₂ma₂cuin₃.

6 Ia₁ lia'₂ con'₂ jme₁lág₄ jniog₄ dsa₂ mi₂güig₃ 'uan₅₄ i₂tsá₃ cha₂ jui₅ 'a₂ lia'₂ lion₄ guio₅₄, la₁ jme₁ca₂tē₂ jmi₄g₄ a₂ca₂tíong₃ Diú₄, jaun₂ ca₂jon₃ bá₄ I₂rē₂'ín₁ quiáin₅ o₄quió'⁴ dsa₂ i₂tsá₃ Diú₄ cuin₅. 7 A₂quian₅ ta₁ lín₃ bá₄ jua'⁵⁴ mei'₂ gué'₃ jan₂ dsa₂ lé₂ le₃guein₃ 'mú₃ o₄quió'⁴ jan₂ dsa₂ mi₂güig₃ riin'⁵⁴, ca₂lia'₂ jñia'⁵⁴ o₄quió'⁴ jan₂ dsa₂ i₂jmo₅ rē₂; 'an₁ mei'₂ tsá₃ chan₂ jan₂ i₂lé₂ le₃tiá₂ dsí'₅ guen₃ 'mú₃ o₄quió'⁴ jan₂ dsa₂ i₂dse₃ dsí'₅ dsón'₂. 8 La₁ ma₂ca₂cué'₃ bá₄ Diú₄ léi₄ a₂dsón'₂ 'nio₃ jniog₄, ia₁ a₂ca₂jon₃ Cristo 'uig⁵⁴ quián₂, lia'₂ con'₂ jme₁lág₄ gué'₄ dsa₂ cha₂ dsáu₁. 9 A₂jaun₂ nē₃, 'uig⁵⁴ ia₁ a₂ma₂'é₂ Diú₄ jág₁ tē₂le₃ quian'⁵⁴ jmi₄ Cristo a₂ca₂tang₂, a₂tsá₃ ma₂dso₄

‡ 4:17 Génesis 17:5. § 4:18 Génesis 15:5.

rag₂, jaun₂ tē₂le₃ i₂jui' ₂ guē₄ lió₂ jniog₄ tē₂le₃ quian' ₅₄ 'éi₂ a₂gau₂ a₂'ne₂ Diú₄ a₂jiá₃ jē₁ca₂tó' ₂. ¹⁰ Ia₁ chi₂jua' ₂ ma₂ca₂'ág₂ Diú₄ caun₂ jág₁ quian' ₅₄ jniog₄ tē₂le₃ quian' ₅₄ 'mú₃ a₂ca₂i₃ñí₂ Ja₁ñi' ₅₄ lia' ₂ con' ₂ jme₁lág₄ guē₄ jniog₄ dsa₂ i₂'ñia₅₄ 'éi₂, ján₃ bá₄ le₂jaun₂ tē₂le₃ i₂jui' ₂ guē₄ lió₂ jniog₄ 'uig₅₄ ia₁ a₂chain₂, nē₃ lia' ₂ ma₂'ei₅ caun₂ jág₁ quian' ₅₄. ¹¹ Ia₁ on₃ guē' ₂ jua' ₅₄ jmá' ₃ a₂nē₅, ia₁ chong₂ jniog₄ jme₁'ñi₄ dsi₅ ján₃ le₃quió' ₅ Diú₄ tē₂le₃ quian' ₅₄ Te₁gui' ₅₄ Jesucristo, ia₁ tē₂le₃ quian' ₅₄ Cristo bá₄ ca₂dsi₃ná_u₅ jniog₄ 'ei₅ caun₂ jág₁ quian' ₅₄ Diú₄.

Adán quian' ₅₄ Cristo

¹² Le₂nē₅ jaun₂, jui₁lia' ₂ tē₂le₃ quian' ₅₄ jan₂ dsa₂ ca₂rē₃chá₃ dsá_u₁ dsa₂ mi₂güig₃, 'uig₅₄ nē₅ bá₄ ca₂já₃ 'mú₃, le₂nē₅ bá₄ ján₃ ca₂ñag₅ 'mú₃ ja₁con₂ ca₂le₃jín₃ dsa₂ mi₂güig₃, ia₁ ca₂le₃jín₃ bá₄ ca₂'ná_u₂ dso₄. ¹³ Le₂ñiá₅, lia' ₂ con' ₂ tsá₃ 'Éi' ₃ jme₁ma₂ron₅, ma₂qui₂'no₅ bá₄ dsa₂ dso₄ mi₂güig₃, la₁ tsá₃ lé₂ le₃jió₂ 'í₁ 'e₂ a₂rín₂ dsa₂ ja₁tsá₃ 'éi' ₃ cha₂. ¹⁴ La₁ ca₂le₃ jme₁chan₂ Adán, ca₂lia' ₂ ca₂tē₂ jmi₂g₄ a₂jme₁chan₂ Moisés, ca₂'io₃ 'mú₃ jui₅bí₂ ne₄ quió' ₅ dsa₂ i₂qui₂ca₂'ná_u₂ dso₄, o₁ñia' ₅₄ dsá_u₁ dsa₂ jaun₂ on₃jua' ₅₄ a₂ca₂i₃juin₅₄ dsa₂ caun₂ 'éi' ₃ jui₁lia' ₂ ca₂jmo₃ Adán; jme₁lín₄ Adán co₂'nió' ₄ caun₂ nió' ₄ quió' ₅ i₂jiá₃ chi₁quín₃.

¹⁵ La₁ dsá_u₁ Adán nē₃, tsá₃ lé₂ le₃quín₃ quian' ₅₄ a₂lē₁cuē₅ Diú₄ jniog₄. Ia₁ jui₁lia' ₂ o₄quió' ₄ dsá_u₁ jan₂ dsa₂, juin₅ i₂ca₂dsan₃, ján₃ bá₄ le₂jaun₂ tē₂le₃ lē₅ guē₄ a₂'ua₁ dsí₅ Diú₄ a₂lió₂ a₂lē₁ma₂cuē' ₃ co₂ñí₂ dsa₂ juin₅ tē₂le₃ quian' ₅₄ jan₂ tan₅₄ dsa₂ i₂'ua₁ dsí₅. Dsa₂ 'éi₂ lín₅ Jesucristo. ¹⁶ Dso₄ a₂ca₂'ná_u₂ jan₂ dsa₂ tsá₃ lé₂ le₃quín₃ quian' ₅₄ a₂lió₂ Diú₄ a₂cuē₂₃ jniog₄; ia₁ jme₁ca₂caun₂ Diú₄ 'í₁ dso₄ a₂ca₂rē₃cán' ₂ jan₂ dsa₂, jaun₂ ca₂já₃ jui₅ a₂ca₂qui₃dsi₅ Diú₄ 'éi' ₃ ja₁con₂ dsa₂ mi₂güig₃; la₁ jui₁lia' ₂ a₂lión₂ dsa₂ nē₃, a₂lē₁ 'ē₂ Diú₄ co₂ñí₂ bá₄ jág₁ a₂tsá₃ 'e₂ dso₄ rín₂ dsa₂, jui₁'a₂ guē₃ la₂ qui₂ma₂'ná_u₂ 'lióng₂ dso₄. ¹⁷ Chi₂jua' ₂ ca₂'io₃ bí₂ 'mú₃ ne₄ ca₂le₃jín₃ dsa₂ o₄quió' ₄ dsá_u₁ jan₂ dsa₂, tē₂le₃ i₂jui' ₂ guē₄ 'ñio₅ tson₂ a₂'ua₁ dsí₅ Diú₄ ja₁con₂ dsa₂ i₂guén' ₂ nē₂jag₄ bá₄ a₂tsá₃ 'e₂ dso₄ rín₂, a₂'io₂₃ bí₂ a₂le₃chain₂ dse₃ tē₂le₃ quian' ₅₄ jan₂ dsa₂, i₂lín₅ Jesucristo.

¹⁸ Jaun₂ lē₃, jui₁lia' ₂ dsá_u₁ Adán ca₂chein' ₃ ca₂le₃jín₃ dsa₂ jui₅ ja₁'ē₃ Diú₄ uig₅, le₂nē₅ bá₄ ján₃, ta₁ a₂quí' ₅ a₂dse₃ a₂ca₂jmo₃ Jesucristo ca₂cain₃ ca₂le₃jín₃ dsa₂ jui₅ ja₁lé₂ le₃chain₂ dse₃, ja₁guéi' ₂ Diú₄ nē₂jag₄ bá₄ a₂tsá₃ 'e₂ dso₄ rín₂. ¹⁹ Co₂'nió' ₄ le₃jua' ₅₄, ia₁ jui₁lia' ₂ tsá₃ gau₂ ca₂nág₂ jan₂ dsa₂ 'éi₂, jaun₂ juin₅ i₂ca₂rē₃chá₃ dsá_u₁, ján₃ bá₄ le₂nē₅, 'uig₅₄ ia₁ a₂ca₂nág₂ gau₂ jan₂ tan₅₄ dsa₂, jaun₂ juin₅ i₂guén' ₂ Diú₄ nē₂jag₄ bá₄ i₂ca₂jme₃ti₃.

²⁰ Ca₂tē₁ron₅₄ 'Éi' ₃ ia₁jaun₂ dsi₃juin₅₄ guē₄ dso₄; la₁ ja₁'ñio₅ lín₃ guē₄ ca₂i₁juin₅₄ dso₄, jaun₂ 'ñio₅ lín₃ guē₄ ca₂jmo₃ Diú₄ ca₂i₃tsón₂ a₂'ua₁ dsí₅. ²¹ Jaun₂ le₂nē₅ bá₄ jui₁lia' ₂ ca₂tín₂ bí₂ dso₄ jui₅ a₂quian₅ 'mú₃, le₂nē₅ bá₄ ján₃ ca₂'io₃ bí₂ a₂'ua₁ dsí₅ Diú₄ a₂jág₂ jniog₄ nē₂jag₄ bá₄ dsa₂ i₂ca₂jme₃ti₃, a₂cuē₃ a₂le₃chong₂ jniog₄ dse₃ co₂tan₅₄ tē₂le₃ quian' ₅₄ Te₁gui' ₅₄ Jesucristo quián₂ jniog₄.

6

Ma₂dsau₃ tē₂le₃ quió' ₅ dsá_u₁, la₁ chong₂ le₃quió' ₅ Cristo

¹ ¿'E₂ jua' ₅₄ jniog₄ jaun₂ nē₃? ¿A₁caun₂ dse₃ 'nió₂ bá₄ jniog₄ dso₄ ia₁jaun₂ caun₂ dsi₃tsón₃ a₂'ua₁ dsí₅ Diú₄ quian' ₅₄ jniog₄? ² ¿Dsón' ₂ bá₄ on₃jua' ₅₄ le₂nē₅! Ia₁ ma₂ca₂dsau₃ bá₄ jniog₄ le₃quió' ₅ dsá_u₁; ¿'a₂ bá₄ lia' ₂ lé₂ jaun₂ nē₃ jua' ₅₄ a₂caun₂ chong₂ jniog₄ le₃quió' ₅ dsá_u₁? ³ ¿Tsa₁ ñi' ₅₄ 'nia' ₂, lia' ₂ con' ₂ jme₁ca₂tió' ₄ jniog₄ jmi₂g₂ le₃quió' ₅ Cristo Jesús, ca₂tió' ₄ jniog₄ 'mú₃ quió' ₅? ⁴ Ia₁ jme₁ca₂tió' ₄ jniog₄ jmi₂g₂, co₂'nió' ₄ bá₄ ja₁jaun₂ ca₂'o₃ jniog₄ co₂lē₅ quian' ₅₄ Cristo nē₂jag₄

bá₄ a₂ca₂dsau₃, ia₁jaun₂ jein'₅₄ táng₃ a₂le₃chong₂ caun₂ jme₂dsí₂ 'mí₂, juí₁lia'₂ ca₂jen'₅₄ Cristo a₂jme₁rē₂join₅₄, tē₂le₃ quian'₅₄ juí₅bí₂ jlá'₁ quió'₅ Jmei₂.

⁵ Ia₁ chi₂jua'₂ ca₂jme₁quiain'₅₄ jniog₄ ne₄ 'mú₃ quió'₅, ján₃ bá₄ le₂jaun₂ tion₅₄ bá₄ jme₁quiain'₅₄ jē₁ma₂ca₂jein'₅₄ jniog₄ juí₁lia'₂ ca₂jen'₅₄ 'éi₂. ⁶ Ne₄ bá₄ jniog₄, lia'₂ con'₂ lē₅ jme₁lág₄ le₂jñiá₅, ne₄ cróg₄ bá₄ ca₂ñó₃ a₂jaun₂ co₂lē₅ quian'₅₄ Cristo, ia₁jaun₂ dsí₃ 'én₂ juí₅bí₂ a₂'io₅ dsáu₁ ne₄ ni₁ñi₁ jniog₄, ia₁jaun₂ tsá₃ ma₃lē₅ jua'₅₄ a₂qui₂rē₂'ñei'₅₄ guē₄ a₂chong₂ qui₂jme₂tí₁ ta₁ ne₄ dsáu₁, nē₂jag₄ bá₄ ne₄ jan₂ juig₅₄ jniog₄. ⁷ Ia₁ juí₁lia'₂ i₂ma₂jon₅, tsá₃ ma₂'e₂ rē₂'ñei'₅₄, ma₂lón₂ bá₄ ne₄ dsáu₁. ⁸ Chi₂jua'₂ ma₂ca₂dsau₃ jniog₄ quian'₅₄ Cristo, ján₃ bá₄ le₂jaun₂ 'éin₂ a₂le₃chong₂ quian'₅₄ 'éi₂, ⁹ ia₁ ne₄ bá₄ jniog₄, con'₂ jme₁ca₂jen'₅₄ Cristo ne₄ 'mú₃, o₁líg'₂ jmi_g₄ tsá₃ ma₃lē₂ le₃jóin₂; tsá₃ ma₂'e₂ juí₅bí₂ 'io₅ 'mú₃ ne₄ quió'₅ 'éi₂. ¹⁰ Ia₁ jme₁ca₂jon₃ Cristo, co₂ráun₂ bá₄ ca₂join₃ 'uig₅₄ dsáu₁ dsa₂; la₁ nē₃ lia'₂ ma₂chain₂, chain₂ le₃quió'₅ Diú₄. ¹¹ Le₂nē₅ bá₄ 'nia'₂ ján₃, jmo₄ bá₄ 'nia'₂ 'au'₂ a₂ma₂dsang'₃ tē₂le₃ quió'₅ dso₄, la₁ chan'₂ bá₄ 'nia'₂ le₃quió'₅ Diú₄ tē₂le₃ quian'₅₄ Cristo Jesús.

¹² A₂jaun₂ nē₃, 'a₃ cuē₂ 'nia'₂ jmi_g₄ jua'₅₄ a₂'io₃ guē₄ juí₅bí₂ dsáu₁ ne₄ ni₁ñi₁ 'nia'₂ a₂siá'₃, a₂qui₂chi₃quióng₂ jmi_g₄ a₂jme₁ti'₄ 'nia'₂ a₂mi₅ ni₁ñi₁. ¹³ 'A₃ qui₁jñ'₅₄ 'nia'₂ a₂tén₅ ni₁ñi₁ jua'₅₄ a₂'no₃ guē₄ dso₄, co₂'nió'₄ a₂jmo'₂ ta₁ a₂jmo₃ a₂'lig'₅₄. Tē₂le₃ ne₄ Diú₄ bá₄ jñ'₅₄ 'nia'₂ a₂lín'₅ co₂'nió'₄ dsa₂ i₂ma₂dsan₃, i₂ma₂jen'₅₄ táng₃. Jang'₅₄ 'nia'₂ a₂tén₅ ni₁ñi₁ le₃ja₁con₂ Diú₄, co₂'nió'₄ a₂jmo'₂ ta₁ a₂jmo₃ jmá'₃ a₂dse₃. ¹⁴ Ia₁ tsá₃ 'io₃ guē₄ bí₂ dsáu₁ ne₄ quián'₂ 'nia'₂ nē₂jag₄ bá₄ jan₂ juig₅₄ 'nia'₂, ia₁ tsá₃ o₄gú₃ 'Éi'₃ tion'₅₄ 'nia'₂; tē₂le₃ o₄gú₃ a₂'ua₁ dsí₅ Diú₄ bá₄ tion'₅₄ 'nia'₂.

¹⁵ ¿'E₂ bá₄ jaun₂ nē₃? ¿A₁caun₂ 'nió₁ dso₄ bá₄ ia₁ tsá₃ o₄gú₃ 'Éi'₃ tio'₅₄ jniog₄, ia₁ ja₁'ua₁ dsí₅ Diú₄ bá₄ tíong₂? ¿Dson'₂ bá₄ on₃jua'₅₄ le₂nē₅! ¹⁶ ¿Tsa₁ ñi'₅₄ 'nia'₂, nē₁jua'₂ ca₂jñ'₅₄ 'nia'₂ guiong'₅₄ o₄gú₃ jan₂ juig₅₄ a₂jme₁ti'₄ ta₁ ne₅₄, ma₂lín'₅ jan₂ i₂ma₂chi₁'ñe'₅₄ i₂quián₅ dsa₂ 'éi₂? Ján₃ bá₄ le₂jaun₂, nē₁jua'₂ ca₂jñ'₅₄ 'nia'₂ guiong'₅₄ ne₄ dsáu₁, dsáu₁ jaun₂ i₂ma₂lín₅ juig₅₄ 'nia'₂, jio₅ juí₅ 'mú₃; o₃ nē₁jua'₂ ca₂jñ'₅₄ 'nia'₂ ne₄ a₂nág'₁ gau₂ jág₁ quió'₅ Diú₄, a₂jaun₂ bá₄ i₂ma₂lín₅ juig₅₄ 'nia'₂, jio₅ juí₅ co₂dsau₅. ¹⁷ Juí₁'e₂ guē₃ jme₁rē₂qui₂rē₂'ñe'₂ 'nia'₂ le₂jñiá₅ ne₄ dsáu₁, la₁ rē₂nē₃ nē₃, ti₁'mag'₄ Diú₄, ma₂nei'₂ bá₄ 'nia'₂ gau₂ ca₂le₃jē₃ jme₂dsí₂ quiáng'₂ jág₁ quen₅ a₂ma₂rē₂jñ'₅₄ 'nia'₂, a₂jme₂tíng'₂. ¹⁸ Jaun₂ nē₃ ma₂lón'₂ 'nia'₂ o₄gú₃ dsáu₁, ma₂tion'₅₄ bá₄ 'nia'₂ o₄gú₃ juí₅ co₂dsau₅. ¹⁹ (Juá'₅ jniá₂ juí₂ 'nia'₂ lia'₂ con'₂ lē₅ jág₁ dsia₅ dsa₂ mi₂güí₃, ia₁ dson'₂ bá₄ quian₅ ta₁ le₃ñi'₂ 'au'₂ 'nia'₂ dse₃ ia₁ tē₂le₃ a₂lín'₅ 'nia'₂ dsa₂ mi₂güí₃.) Ia₁ le₂jaun₂ bá₄ ján₃ juí₁lia'₂ qui₂ca₂jñ'₅₄ 'nia'₂ le₂jñiá₅ a₂tén₅ ni₁ñi₁ juí₅ ja₁tsá₃ nág'₂ gau₂, ja₁ca₂jme₁ti'₄ 'nia'₂ ta₁ ne₄ ca₂le₃jē₃ ne₅₄ a₂'lig'₅₄, le₂nē₅ bá₄ guē'₂ jang'₅₄ táng₃ 'nia'₂ a₂tén₅ ni₁ñi₁ ja₁jme₁ti'₄ ta₁ ne₄ juí₅ jñi₅ ja₁caun₂ le₃dsen'₃ 'nia'₂.

²⁰ Lia'₂ con'₂ jme₁lín'₄ guē₄ dsa₂ i₂qui₂rē₂'ñe'₅₄ le₃quió'₅ dsáu₁, tsá₃ jme₁rē₂'ñeg'₅₄ jua'₅₄ a₂jme₂ti'₄ guē₄ 'nia'₂ ta₁ ne₄ juí₅ co₂dsau₅. ²¹ La₁ ¿'e₂ bá₄ a₂dse₃ ca₂lín'₃ 'nia'₂ ca₂le₃jē₃ a₂jaun₂, a₂caun₂ lē₁o₂guí'₃ quián'₂ 'nia'₂ rē₂nē₃? Ia₁ jmá'₃ lia'₂ ca₂ne₅₄ a₂dsi₅og₄ ne₄ juí₅ 'mú₃ bá₄ a₂jaun₂. ²² La₁ rē₂nē₃ nē₃, ma₂lón'₂ 'nia'₂ juí₅ ja₁jme₁qui₂rē₂'ñe'₅₄ 'nia'₂ 'nau'₂ dso₄, ma₂i₂ton'₅₄ 'nia'₂ juí₅ ja₁jme₁ti'₄ ta₁ ne₄ Diú₄, jaun₂ lén'₂ 'nia'₂ juí₅ jñi₅ ja₁caun₂ le₃dsen'₃ 'nia'₂, juí₅ ja₁dsi₅og₄ a₂le₃chan'₂ 'nia'₂ dse₃ co₂tan₅₄. ²³ Ia₁ jñiá'₅₄ lia'₂ 'mú₃ bá₄ lí'₂ dsa₂ co₂'nió'₄ 'lia'₅₄ dsáu₁, la₁ a₂lē₁cuē₅ bá₄ Diú₄ a₂le₃chan₂ dsa₂ dse₃ co₂tan₅₄ tē₂le₃ quian'₅₄ Cristo Jesús i₂lín₅ Te₁gui'₅₄ quián₂ jniog₄.

7

Caun₂ jág₁ a₂jáng'₅ léi₄ a₂jau'₂ juí₁lia'₂ ja₁con₂ dsa₂ i₂rē₂jen'₂ gu₂

¹ Rin'₅₄ jniog₄, 'nia'₂ dsa₂ i₂cuí'₅ 'a₂ lia'₂ juá'₂ ne₄ Si₂ 'Éi'₃, ¿tsa₁ ŋi'₅₄ 'nia'₂ a₂io₅ bí₂ 'Éi'₃ ja₁con₂ jan₂ dsa₂ jmá'₃ të₁lia'₂ chain₂? ² Ju₁lia'₂ jan₂ dsa₂ mí₂ i₂chan₂ dsi₂i₂gu₂, co₂'nió'₄ a₂chi₁'nei'₅₄ bá₄ quiaín'₅₄ dsi₂i₂gu₂ lia'₂ con'₂ lě₅ ne₄ Si₂ 'Éi'₃, të₁lia'₂ chan₂ dsa₂ ŋe'₂. La₁ nē₁juá'₂ ca₂jon₃ dsi₂i₂gu₂ ně₃, ca₂tsin'₂ bá₄ dsa₂ mí₂ 'éi₂ të₂le₃ quió'₅ 'éi'₃ a₂jme₁le₁quian'₅ quió'₅ quiaín'₅₄ dsi₂i₂gu₂. ³ Nē₁juá'₂ ca₂guá₂ 'io₅₄ quiaín'₅₄ dsa₂ ŋe'₂ sián'₂ të₃ chan₂ dsi₂i₂gu₂, dso₄ bá₄ 'no₂₃; la₁ nē₁juá'₂ ca₂jon₃ dsi₂i₂gu₂ ně₃, ca₂tsin'₂ bá₄ 'io₅₄ të₂le₃ quió'₅ 'éi'₃, ma₂lé₂ bá₄ jéin'₂ táng₃ gu₂ quiaín'₅₄ dsa₂ ŋe'₂ sián'₂, tsá₃ ma₃dso₄ 'no₂₃.

⁴ Le₂ně₅ bá₄ ján₃, 'nia'₂ rin'₅₄ jniog₄, ma₂dsan'₃ 'nia'₂ le₃quió'₅ 'Éi'₃ të₂le₃ quian'₅₄ ŋi₄ Cristo, ia₁jaun₂ téng'₄ ja₁con₂ i₂sián'₂; ja₁con₂ 'éi₂ i₂ca₂jen'₅₄ táng₃ ne₄ 'mú₃. Le₂ně₅ ca₂lě₃ ia₁jaun₂ le₃chong₂ jniog₄ téi₅ ta₁ ne₄ Diú₄. ⁵ Ia₁ lia'₂ con'₂ jme₁chong₂ jniog₄ lia'₂ jme₁jio₅ ni₁ŋi₁ jniog₄, ta₁ jaun₂ ca₂quí'₃ 'Éi'₃ a₂ca₂ŋei₃ ju₁ ni₁ŋi₁ jniog₄ a₂ca₂lě₃ dsi₅ jmó'₄ a₂'lig'₅₄, ca₂quí'₃ ta₁ a₂ca₂i₁jo₅₄ ne₄ 'mú₃. ⁶ La₁ rě₂ně₃ ně₃, ma₂dsau₃ le₃quió'₅ Si₂ 'Éi'₃ a₂jme₁jio₅ jme₁le₁'nei'₅₄, a₂jme₁ti₁ ne₄ Diú₄ ju₁ 'mí₂ quió'₅ Jme₂dsí₂ quiaín₅. Jaun₂ tsá₃ ma₃tio'₅₄ jniog₄ le₁'nei'₅₄ ne₄ 'Éi'₃ a₂chi₁ton₅ ne₄ si₂.

Dso₄ a₂'i₄ ja₁con₂ jniá₂

⁷ ¿E₂ jua'₅₄ jniog₄ jaun₂ ně₃? ¿A₂lě₅ dso₄ bá₄ 'Éi'₃ jaun₂? ¡Dsón'₂ bá₄ on₃jua'₅₄ le₂jaun₂! La₁ jniá₂ ně₃ tsá₃ ca₂rě₃guion₅₄ 'e₂ jaun₂ dsáu₅, jua'₅₄ mei'₂ guě₃ tsá₃ 'Éi'₃ ron₅. Co₂'nió'₄ le₃jua'₅₄, tsá₃ 'e₂ ca₂rě₃guion₅₄, ju₁lia'₂ a₂'ín₅ dsi₃ a₂cha₂ quió'₅ i₂sián'₂, jua'₅₄ mei'₂ guě₃ tsá₃ a₂juá'₂ 'Éi'₃ ne₄ Si₂: “Tsá₃ lě₁jmo₂ 'ín₅ 'au'₂ a₂quió'₅ dsa₂ sián'₂.”*

⁸ La₁ dsáu₁ ně₃ ca₂jme₃'ŋi₁ó'₃ bá₄ jág₁ ně₅; 'ŋiog₅ bá₄ 'Éi'₃ ca₂cuě₃ jmig₄ ca₂ŋei₃ të₂dsi₃ ca₂le₃jě₃ ne₅₄ a₂'ín₅ dsi₃ a₂cha₂ quió'₅ i₂sián'₂. Ia₁ ju₁lia'₂ ja₁tsá₃ 'Éi'₃ ron₅, tsá₃ léi₄ jniá₂ a₂cha₂ dsáu₅. ⁹ Já₁n₃ bá₄ jme₁chang₂ caun₂ jmig₄ lia'₂ con'₂ tsá₃ 'Éi'₃ quió'₅ Moisés ma₂ca₂tíng₂. La₁ jme₁ca₂já₃ 'Éi'₃, co₂'nió'₄ a₂ca₂jen'₅₄ bá₄ táng₃ dsáu₁; jniá₂ guě'₂, co₂'nió'₄ a₂ca₂jong₃. ¹⁰ Le₂ně₅ bá₄ ca₂lě₃ quian'₅₄ 'ŋiog₅ 'Éi'₃ jaun₂; 'nió'₄ a₂jme₁cuě₃ bí₂ a₂le₃chan₂ jniá₂, të₂le₃ ca₂jio₃ ju₁ 'mú₃ bá₄ a₂jaun₂. ¹¹ Ia₁ dsáu₁ ně₃, ca₂jme₃'ŋi₁ó'₃ bá₄ ne₄ 'Éi'₃ ja₁con₂ jniá₂, ca₂jme₃gau₂₃. Jaun₂ quian'₅₄ 'ŋiog₅ bá₄ 'Éi'₃, ca₂cuě₃ 'mú₃.

¹² Jaun₂ ně₃, a₂jŋi₁ó₅ bá₄ Si₂ 'Éi'₃; já₁n₃ guě'₂ le₂jaun₂ ca₂le₃jě₃ 'éi'₃ tio'₅₄, a₂jŋi₁ó₅, con₂ 'í₁ con'₂ dsi₂ten₅₄, a₂dse₃ lin₃ bá₄ a₂jaun₂. ¹³ ¿E₂ bá₄ jaun₂ ně₃? ¿Ju₁lia'₂ a₂dse₃ jaun₂ ca₂lě₃ 'mú₃ ja₁con₂ jniá₂? ¡Dsón'₂ on₃jua'₅₄ jaun₂! 'Uig₅₄ dsáu₅ bá₄ jniá₂ jaun₂, ca₂jio₃ ju₁ 'mú₃, le₂ně₅ ca₂cuě₃ léi₄ a₂lě₅ dso₄ a₂jaun₂ a₂jme₁jmo₅ jniá₂; ca₂jmo₃ të₂le₃ quian'₅₄ a₂dse₃, jaun₂ le₂ně₅ ca₂jme₃jnia₅ 'Éi'₃ 'e₂ a₂lě₅ a₂ju₁si 'lig'₅₄ a₂lě₅ dsáu₁.

¹⁴ Ne₄ bá₄ jniog₄ jaun₂ a₂lě₅ a₂gu₂dsí₂ bá₄ 'Éi'₃, la₁ dsa₂ ni₁ŋi₅ bá₄ jniá₂; co₂'nió'₄ a₂rě₂'ni₅₄ bá₄ jniá₂ ne₄ dso₄. ¹⁵ Ia₁ tsá₃ ŋi'₂ dsi₃ 'e₂ lě₃ jmo₂₃ 'e₂ jmo₂₃, ia₁ tsá₃ lé₂ jmo₅₄ a₂'ín₅ dsi₃ jmo₅₄, ia₁ ca₂le₃jě₃ a₂'io₄ jniá₂ a₂tsá₃ 'nio₃ jmo₅₄, a₂jaun₂ dé₄ dsón'₂ jmo₂₃. ¹⁶ Ia₁ chi₂juá'₂ jmo₅ jniá₂ a₂tsá₃ të₅ dsi₃ jmo₅₄, jaun₂ jmo₅ jniá₂ dsi₃ a₂dse₃ bá₄ 'Éi'₃. ¹⁷ Le₂ně₅ bá₄ jaun₂, on₃jua'₅₄ jniá₂ 'ŋi₁ó₃ 'no₂₃ dso₄; dsáu₅ jniá₂ a₂'i₄ të₂dsi₃ bá₄, a₂jaun₂ bá₄ jmo₅. ¹⁸ Ia₁ guion₄ jniá₂, 'i₁caun₂ a₂dse₃ tsá₃ cha₂ të₂dsi₃ jniá₂, co₂'nió'₄ le₃jua'₅₄ lia'₂ con'₂ líng₅ dsa₂ ni₁ŋi₅, ia₁ 'ín₅ bá₄ dsi₃ jmo₅₄ a₂dse₃, la₁ tsá₃ qui'₅₄ jmig₄ jmo₅₄. ¹⁹ Tsá₃ qui₂jmo₅ jniá₂ a₂dse₃ a₂'nio₃ jmo₅₄; caun₂ jmo₅ bá₄ jniá₂ a₂'lig'₅₄ a₂tsá₃ 'nio₃ jmo₅₄. ²⁰ Jaun₂ ně₃, chi₂juá'₂ jmo₅ jniá₂ a₂tsá₃ të₅ dsi₃

* 7:7 Éxodo 20:17; Deuteronomio 5:21.

jmo₅₄, on₃jua'₅₄ jniá₂ 'ñi₃o₃ jmo₂₃ a₂jaun₂; dsá₅ jniá₂ a₂'i₄ tē₂dsi₃ bá₄, a₂jaun₂ bá₄ jmo₅.

²¹ Jaun₂ ma₂ca₂rē₃léi₄, cha₂ caun₂ 'éi'₃; jē₁ma₂tē₂ rē₁'nio₃ jmo₅₄ a₂dse₃, jñia'₅₄ lia'₂ a₂'lig'₅₄ bá₄ cha₂ ja₁cong₂. ²² Né'₃ jme₂dsí₂ quió₃, tē₅ bá₄ dsi₃ 'Éi'₃ quió'₅ Diú₄; ²³ la₁ jág₅ jniá₂ ja₁con₂ a₂tén₅ ni₁ñi₃, cha₂ caun₂ 'éi'₃ siá'₂ a₂jmo₅ 'nei₂ quian'₅₄ 'éi'₃ 'a₂ lia'₂ dsi₂jio₅ dsi₃, a₂tē₂ chi₁'ñeg'₁ ne₄ 'éi'₃ quió'₅ dso₄ a₂jmo₅ ta₁ ja₁con₂ a₂tén₅ ni₁ñi₃.

²⁴ ¡'E₂ guē₄ juí₂ jniá₂! ¿'Ein₂ bá₄ jiá₃ lió₂ ne₄ ni₁ñi₃ a₂jio₅ 'mú₃ la₂? ²⁵ Ti₁'mag'₄ Diú₄, cha₂ bá₄ jui₅ 'a₂ lia'₂ lé₂ tē₂le₃ quian'₅₄ Te₁gui'₅₄ Jesucristo quián₂ jniog₄.

Jaun₂ ně₃, 'ñi₃o₃ bá₄ jniá₂ quian'₅₄ 'a₂ lia'₂ dsi₂jio₅ dsi₃, jme₂tí₁ ta₁ ne₄ 'Éi'₃ quió'₅ Diú₄, la₁ lia'₂ con'₂ líng₅ dsa₂ ni₁ñi₃, jme₁tí₁ jniá₂ ne₄ 'éi'₃ quió'₅ dso₄.

8

'A₂ lia'₂ chan₂ dsa₂ con'₂ lē₅ jio₅ Jme₂dsí₂ quián₅ Diú₄

¹ Nē₃ ně₃ jaun₂, tsá₃ ma₂'e₂ uig₅ 'ě₂ Diú₄ ne₄ quió'₅ dsa₂ i₂ma₂'ei₅ caun₂ jág₁ quian'₅₄ Cristo Jesús.* ² Ia₁ bí₂ a₂'io₅ 'éi'₃ quió'₅ Jme₂dsí₂ ma₂cuē₅ jmig₄ a₂chan₂ jniá₂ tē₂le₃ quian'₅₄ Cristo Jesús, ia₁ ma₂ca₂lió₂ jniá₂ ne₄ 'éi'₃ quió'₅ dso₄, quió'₅ 'mú₃ ně₃. ³ Ia₁ ma₂ca₂jmo₃ Diú₄ a₂tsá₃ ca₂qui'₅₄ jmig₄ Si₂ 'Éi'₃ jmo₃ ia₁ ca₂'uán₂ bá₄ 'Éi'₃ 'uig₅₄ dsáu₁ dsa₂ ni₁ñi₃: ca₂chein₃ ja₁ñi'₅₄ 'ñio₅ o₄quió'₄ dsáu₁ dsa₂; ca₂jmo₃ a₂lín₅ 'éi₂ dsa₂ chi₁dsáin₃ lia'₂ lín₅ dsa₂ mi₂güí₃ i₂'no₅ dso₄, jaun₂ le₂nē₅ bá₄ ca₂'ě₂ uig₅ ne₄ dso₄, ia₁ a₂lín₅ dsa₂ chi₁dsáin₃. ⁴ Le₂nē₅ ca₂jmo₃ ia₁ jaun₂ le₃ti₃ 'Éi'₃ a₂con₂ 'í₁ con'₂ dsi₂ten₅₄, ja₁con₂ jniog₄, i₂i₂nio₄, on₃jua'₅₄ lia'₂ con'₂ lē₅ jio₅ ni₁ñi₁₂, i₂i₂nio₄ lia'₂ con'₂ lē₅ jio₅ Jme₂dsí₂ bá₄.

⁵ Ia₁ dsa₂ i₂chan₂ lia'₂ con'₂ lē₅ jio₅ ni₁ñi₁ qui₂dsi₂jio₅ dsí₅ jui₅ quió'₅ ni₁ñi₅, la₁ jui₁lia'₂ dsa₂ i₂ma₂chan₂ lia'₂ con'₂ lē₅ jio₅ Jme₂dsí₂ quián₅ Diú₄, qui₂dsi₂jio₅ dsí₅ a₂quió'₅ jme₂dsí₂ bá₄. ⁶ Ia₁ jui₁lia'₂ a₂qui₂dsi₂jio₅ dsí₅ dsa₂ jui₅ quió'₅ ni₁ñi₅, a₂lē₅ 'mú₃ bá₄ jaun₂; la₁ jui₁lia'₂ a₂qui₂dsi₂jio₅ dsí₅ dsa₂ le₃quió'₅ Jme₂dsí₂ quián₅ Diú₄, a₂jaun₂ bá₄ jmo₅ a₂le₃chan₂ dsa₂ dse₃, a₂'ag₃ tei₄ dsí₅ dsa₂ ně₃. ⁷ Ia₁ jui₁lia'₂ i₂qui₂dsi₂jio₅ dsí₅ jui₅ quió'₅ ni₁ñi₅, i₂'ña₅₄ Diú₄ bá₄ i₂le₂'éi₂, ia₁ tsá₃ 'nio₃, on₃ guē'₂ lé₂ jme₃ti₃ 'Éi'₃ quió'₅ Diú₄. ⁸ 'Uig₅₄ jaun₂ bá₄, jui₁lia'₂ i₂i₂nio₄ lia'₂ con'₂ jio₅ ni₁ñi₁₂, tsá₃ lé₂ le₃jmo₃ a₂tē₅ dsí₅ Diú₄.

⁹ La₁ jui₁lia'₂ 'nia'₂ ně₃, tsá₃ ma₃i₂nio'₅₄ 'nia'₂ lia'₂ con'₂ jio₅ ni₁ñi₅, ia₁ ma₂quian'₅₄ bá₄ 'nia'₂ Jme₂dsí₂, ně₁jua'₂ guá₅ Jme₂dsí₂ quián₅ Diú₄ tē₂'au'₂ 'nia'₂. Ia₁ jui₁lia'₂ dsa₂ i₂tsá₃ 'en₅₄ Jme₂dsí₂ quián₅ Cristo tē₂dsí₅, tsá₃ lín₅ i₂quián₅ 'éi₂. ¹⁰ La₁ ně₁jua'₂ 'en₅₄ Cristo tē₂'au'₂ 'nia'₂, jaun₂ chan₂ bá₄ jme₂dsí₂ quián'₂ 'nia'₂ 'uig₅₄ ia₁ a₂ma₂jín₂ Diú₄ 'nia'₂ ně₂jag₄ bá₄ a₂ma₂jme₂tí'₂ 'nia'₂, o₁jñia'₅₄ 'io₅ 'mú₃ ni₁ñi'₁ 'nia'₂ o₄quió'₄ dso₄. ¹¹ Chi₂jua'₂ chan₂ ja₁con'₂ 'nia'₂ Jme₂dsí₂ quián₅ i₂ca₂jme₃jen'₅₄ Cristo Jesús ne₄ 'mú₃, 'ñio₅ bá₄ 'éi₂ cuē₃ jme₂dsí₂ 'mí₂ ne₄ ni₁ñi'₁ 'nia'₂ a₂ca₂tín₂ 'mú₃, tē₂le₃ quian'₅₄ Jme₂dsí₂ quián₅ Diú₄ i₂guá₅ tē₂'au'₂ 'nia'₂.

¹² Le₂nē₅ bá₄ jaun₂, 'nia'₂ rín'₅₄ jniog₄, cha₂ a₂ca₂tág₂ jniog₄ jmó₁, la₁ on₃jua'₅₄ rē'₂ ne₄ ni₁ñi₅ jua'₅₄ a₂'nió'₅ le₃chong₂ jniog₄ 'io₄ táng₃ lia'₂ con'₂ lē₅ mi₅ ni₁ñi₁.

¹³ Ia₁ ně₁jua'₂ chan'₂ 'nia'₂ lia'₂ con'₂ mi₅ ni₁ñi'₁, dsían'₃ bá₄ 'nia'₂; la₁ ně₁jua'₂ tē₂le₃ quian'₅₄ Jme₂dsí₂, jñi'₅ 'nia'₂ a₂jmo₅ ni₁ñi'₁, jaun₂ le₃chan'₂ bá₄ 'nia'₂.

¹⁴ Ia₁ ca₂le₃jín₃ dsa₂ i₂i₂nio₄ lia'₂ con'₂ lē₅ jio₅ Jme₂dsí₂ quián₅ Diú₄, lín₅ chi'₂-guein₂ quián₅ Diú₄. ¹⁵ Ia₁ Jme₂dsí₂ i₂ma₂guen'₅₄ 'nia'₂ on₃jua'₅₄ i₂lín₅

* **8:1** A₂lín₅₄ chog₅₄ si₂ a₂ca₂lē₃ cang₂ guē₄, juá'₂ le₂la₂ ján₃: "i₂i₂nio₄, on₃jua'₅₄ lia'₂ con'₂ lē₅ jio₅ ni₁ñi₁₂, i₂i₂nio₄ lia'₂ con'₂ lē₅ jio₅ Jme₂dsí₂ bá₄."

jme₂dsí₂ i₂qui₃'nei'₂ táng₃ jua'₅₄ a₂jmo₃ a₂le₃gan'₃ táng₃ 'nia'₂. Jme₂dsí₂ 'éi₂ bá₄ i₂ma₂guen'₅₄ 'nia'₂ i₂jmo₃ a₂lén'₂ 'nia'₂ chi'₂-guein₂ quián₅ Diú₄. Jme₁jua'₂ jniog₄ tē₂le₃ quian'₅₄ 'éi₂: “iAbba!† iTia₅₄ quiáng₃!”, 16 jaun₂ 'niog₅ bá₄ Jme₂dsí₂ nē₅ jme₂quian'₅₄ jme₂dsí₂ quián₂ jniog₄, jáng'₅ jág₁ dsau₅ juá'₂ a₂ma₂lág₅ jniog₄ chi'₂-guein₂ quián₅ Diú₄. 17 Jaun₂ chi₂jua'₂ lág₅ jniog₄ ja₁ñi'₅₄, ján₃ bá₄ ca₂tág₂ jniog₄ guéi₁ a₂dse₃ a₂ma₂lě₅ jág₁ cuě₃ Diú₄ a₂cuě'₃ chi'₂-guein₂ quián₅; guéi₁ jniog₄ a₂nē₅ co₂lě₅ quian'₅₄ Cristo, chi₂jua'₂ quein'₅₄ jniog₄ quian'₅₄ jmi₁uig₅ quió'₅ ia₁jaun₂ quein'₅₄ jniog₄ cang₂ jě₄ co₂tág₅ co₂'né'₅ quió'₅.

18 Ia₁ lín₂ jniá₂ on₃jua'₅₄ cha₂ 'e₂ uig₅ a₂ñag₄ jniog₄ rē₂ně₃ on₃jua'₅₄ a₂quin₃ quian'₅₄ a₂co₂tág₅ co₂'né'₅ a₂jiá₃ a₂le₃jniá₂ ja₁con₂ jniog₄. 19 Ia₁ ma₂chi₁ñia₅ chi₁quian'₅₄ jmi₁g₄ ca₂le₃jě₃ a₂ca₂jmo₃ Diú₄, a₂'ín₅ dsí₅ jmi₁g₄ jě₁ma₂tě₂ rē₁le₃jniá₂ chi'₂-guein₂ quián₅ Diú₄. 20 Ia₁ ca₂le₃jě₃ a₂ca₂jmo₃ Diú₄ nē₃ ma₂qui₂le₁'ñei'₅₄ ne₄ jui₅ ja₁tsá₃ ta₁ tí₄, on₃jua'₅₄ ia₁ a₂ca₂rě₃'ñi₃ó₃ dsí₅ guioin₅₄, ia₁ le₂jaun₂ 'éi'₃ ca₂jmo₃ Diú₄ 'niog₅ bá₄. A₂'ín₂ dsí₅ ca₂le₃jě₃ a₂ně₅, 21 jmi₁g₄ a₂li₂ó₂ Diú₄ a₂qui₂chi₁'ñei'₅₄ ne₄ jui₅ a₂siá'₃ quió'₅, ia₁jaun₂ jme₃quian'₅₄ chi'₂-guein₂ quián₅ Diú₄ jě₄ co₂tág₅ co₂'né'₅ jui₁lia'₂ i₂ma₂qui₂ca₂lón₂. 22 Ia₁ ne₄ bá₄ jniog₄, ca₂lia'₂ jni₂ó₄ jmi₁g₄ nē₃, ca₂le₃jě₃ a₂ca₂jmo₃ Diú₄, qui₂'ñi₂ó₂ qui₂'ñia₂₃ co₂lě₅ chain₂ uig₅. 23 On₃jua'₅₄ jmá'₃ a₂jaun₂; ján₃ bá₄ le₂jaun₂ jniog₄ nē₃, i₂'io₅ a₂le₂'uig₅₄ a₂ca₂ráu₃ quió'₅ Jme₂dsí₂, qui₂'ñi₂ó₅ qui₂'ñia₂ tē₂dsí₅ jniog₄ tē₁lia'₂ chi₁ñia₁ a₂'ín₅ dsí₅ jmi₁g₄ jaun₂, a₂jme₃jnia₅ a₂lág₅ jniog₄ chi'₂-guein₂ quián₅ Diú₄, jmi₁g₄ a₂li₂óin₂ ni₁ñi₁ jniog₄ la₂. 24 Ia₁ tē₂le₃ quian'₅₄ jmi₁g₄ a₂'ín₂ dsí₅ jniog₄ nē₅ bá₄ ca₂li₂ó₂; la₁ nē₁jua'₂ ma₂jág₅ dsa₂ a₂'ín₂ dsí₅, on₃jua'₅₄ ma₃le₃'ín₂ dsí₅ dsa₂ jui₁lia'₂ a₂ma₂jág₅, tsá₃ ma₃tion₅₄ 'nió'₅ 'ín₂ dsí₅. 25 La₁ nē₁jua'₂ 'ín₂ dsí₅ jniog₄ caun₂ a₂tsá₃ ma₂ne₅₄, juin'₂ bá₄ dsí₅ jñia₄ a₂'ín₂ dsí₅.

26 Já₃ bá₄ le₂ně₅ jme₂'o₅₄ Jme₂dsí₂ quián₅ Diú₄ a₂'uan₅₄ dsí₅ jniog₄. Ia₁ tsá₃ tag₂ chi₂len'₄ Diú₄ 'a₂ con'₂ dsí₂ten₅₄, la₁ 'niog₅ bá₄ Jme₂dsí₂ Jñi₂ó₅ nē₃ mi₂₃ ne₄ Diú₄ o₄quián₂ jniog₄, ca₂le₃jě₃ qui₂'ñi₂ó₂ qui₂'ñia₃ on₃jua'₅₄ a₂lě₂ le₃'ñi₂ó₃ jniog₄ quian'₅₄ jág₁. 27 La₁ Diú₄ nē₃ i₂tē₂li₅ tē₂dsí₅ dsa₂ mi₂güig₃, 'éi₂ bá₄ ñi₅ 'e₂ 'nio₃ Jme₂dsí₂ 'éi₂ juá'₂; ia₁ mi₅ Jme₂dsí₂ Jñi₂ó₅ lia'₂ con'₂ lě₅ 'ñi₂ó₂ dsí₅ Diú₄, o₄quió'₄ dsa₂ jñi₂ó₅ quián₅.

Tē₂le₃ ñag₅₄ guě₄ léi₂ jniog₄

28 Ne₄ bá₄ jniog₄, Diú₄ bá₄ i₂jmo₅ ne₄ ca₂le₃jě₃, a₂dse₃ quió'₅ dsa₂ i₂'nio₃ Diú₄, quió'₅ dsa₂ i₂ma₂tě'₃ Diú₄ lia'₂ con'₂ lě₅ ma₂i₂jio₅ dsí₅ jmo₃. 29 Ia₁ i₂ma₂cuig₅ Diú₄ ca₂le₂jñiá₅, já₃ bá₄ ca₂chei'₃ ca₂'iin₃ 'éi₂ a₂lén₂ jui₁lia'₂ lín₅ Ja₁ñi'₅₄, ia₁jaun₂ lén₂ Ja₁ñi'₅₄ i₂le₂ne₁ jě₄ quió'₅ riin'₅₄ i₂juin₅. 30 Dsa₂ i₂con'₂ ma₂ca₂chen'₃ Diú₄ lia'₂ ca₂le₂jñiá₅, ca₂tě'₃ 'éi₂ já₃; dsa₂ i₂con'₂ ca₂tě'₃ 'éi₂ nē₃, já₃ bá₄ ca₂jág₂ nē₂jag₄ a₂tsá₃ 'e₂ dso₄ riin₂; dsa₂ i₂con'₂ ca₂jág₂ Diú₄ a₂tsá₃ 'e₂ dso₄ riin₂ nē₃, já₃ bá₄ ca₂jme₃jláin₁.

31 ¿'E₂ le₃jua'₅₄ jniog₄ nē₃, quian'₅₄ a₂ně₅? Chi₂jua'₂ chén'₅ Diú₄ ne₄ jág₁ quián₂ jniog₄, ¿'ein₂ bá₄ qui'₅₄ jmi₁g₄ jmóg'₂ jniog₄? 32 Tsá₃ ca₂jmo₃ Diú₄ jua'₅₄ tsá₃ jme₁cuin₂₃ Ja₁ñi'₅₄ 'niog₅, tē₂le₃ ca₂jáng'₂ bá₄, ca₂ñó₃ 'éi₂ ne₄ 'mú₃ o₄quián₂ jniog₄; ¿'a₂ bá₄ lia'₂ jua'₅₄ a₂tsá₃ cuě₃ jniog₄ já₃ co₂dsia₅ quian'₅₄ 'éi₂ ca₂le₃jě₃? 33 ¿'Ein₂ bá₄ lě₂ le₃'ni₃ dsa₂ i₂ma₂qui₂ón₂ Diú₄? Ton'₂ 'niog₅ bá₄ Diú₄ juá'₂ a₂tsá₃ 'e₂ riin₂. 34 ¿'Ein₂ i₂lě₂ le₃'ě₂ uig₅? Ia₁ Cristo Jesús bá₄ i₂ca₂jón₃; tē₂le₃ lě₅ bá₄ guě₄, a₂ca₂jein'₅₄ táng₃, ton'₂ ma₂guá₅ le₃gu₂ ne₁ quió'₅ Diú₄, mi₂₃ o₄quián₂ jniog₄. 35 ¿'Ein₂ bá₄ i₂lě₂ 'liog'₃ jniog₄ cau₅ ne₄ a₂'nio₃ Cristo? ¿O₃ bá₄ qui'₅₄ jmi₁g₄ jui₁lia'₂ caun₂ jmi₁uig₅, o₃ jui₁lia'₂ caun₂ o₂i₁ dsí₅, o₃ jmi₁g₄ jui₁lia'₂ a₂co₂'ein₅ dsa₂, o₃ jmi₁g₄

† 8:15 Abba: co₂'nió'₄ le₃jua'₅₄: “Tia₅₄” quian'₅₄ jág₁ jmei₅ arameo.

jui₁lia'₂ jme'₁in₂ a₂que₅₄, o₃ ia₁ a₂tsá₃ cha₂ a₂qui'₅₄ 'e₂ jniog₄, o₃ 'e₂ caun₂ a₂gau₂ cha₂, o₃ a₂go₃ jniog₄ a₂jme₃dsiog₅ dsa₂ quian'₅₄ ŋi₁tág₂? ³⁶ Jui₁lia'₂ rē₂ton₅ ne₄ Si₂: O₄quían'₂ 'ne₂ bá₄ guei₂ jnia'₅₄ 'mú₃ co₂tan₅₄.

Jmo₅ dsa₂ dsí₅ a₂lág₅ jnia'₅₄

nē₂jag₄ bá₄ já'₂ cha'₂

i₂ma₂le₁te₂ dsa₂ a₂jme₃dsiog₂₃.[‡]

³⁷ La₁ jē₄ ca₂le₃jē₃ a₂nē₅, tson₂ guē₄ léi₂ tián₂ jniog₄ tē₂le₃ quian'₅₄ 'éi₂ i₂ma₂ca₂rē₃'nio₃ quían₂ jniog₄. ³⁸ Ia₁ caun₂ bá₄ 'ei₅ dsí₃, 'i₁caun₂ tsá₃ 'e₂ lé₂ le₃'liog'₃ cau₅ ne₄ a₂'nio₃ Diú₄ jniog₄. Tsá₃ qui'₅₄ jmig₄ 'mú₃, on₃ guē'₂ a₂chong₂, on₃ guē'₂ ángeles, on₃ guē'₂ dsí₂tan₅₄ quían₅ jme₂dsí₂, on₃ guē'₂ a₂cha₂ rē₂nē₃, on₃ guē'₂ a₂cha₂ jmig₄ ne₄ jui₅ nē₃, on₃ guē₄ jui₅bí₂, ³⁹ on₃ guē'₂ i₂tion'₅₄ ja₁ŋei₅ lín₃, on₃ guē'₂ i₂tion'₅₄ ja₁'uin₃ lín₃, on₃ guē'₂ jui₁'e₂ guē₃ a₂siá'₂ a₂ca₂jmo₃ Diú₄, jua'₅₄ le₃qui'₅₄ jmig₄ jmo₃ jua'₅₄ a₂tsá₃ ma₃jme₃'nio₃ Diú₄ jniog₄, tē₂le₃ quian'₅₄ Cristo Jesús Te₁gui'₅₄ quían₂ jniog₄.

9

Ma₂quión'₂ Diú₄ dsa₂ juig₂ Israel

¹ Jág₁ tí₅ dsón'₂ bá₄ juá'₅ jniá₂ le₃quió'₅ Cristo la₂, tsá₃ jme₂gau₅₄ jniá₂; tē₂dsí₃ jniá₂ jniog₅ Jme₂dsí₂ ŋi₁ó₅ juá'₂ tság₅ jniá₂ a₂dsón'₂ bá₄ dsau₅; ² 'ŋio₅ lín₃ chang₂ go₂'i₃ qui'₂ dsí₃ co₂tan₅₄, ³ ia₁ ca₂tē₂ 'ŋi₁ó₃ jniá₂ jme₁'nio₃ jua'₅₄ dsí₃ 'éng₁, rē₂'na₄ jág₁ ja₁con₂ Cristo jua'₅₄ mei'₂ guē₃ le₂jaun₂, o₄quió'₄ ríng'₃ dsa₂ go₃ jniá₂ le₃quió'₅ ni₁ŋí₅. ⁴ 'Éi₂ bá₄ i₂lín₅ dsa₂ tsi₁jon₂ Israel; * 'éi₂ bá₄ i₂lín₅ dsa₂ i₂ca₂guéi'₂ Diú₄ a₂lín₅ chi'₂-guein₂ quían₅; 'éi₂ bá₄ i₂ca₂tē₂ ne₄ a₂tág₅ co₂'né'₅ quió'₅ Diú₄; 'éi₂ bá₄ i₂ca₂lí'₃ jág₁ quian'₅₄ Diú₄; 'éi₂ bá₄ i₂ca₂gue₃ Si₂ 'Éi'₃ ca₂cuē₃ Diú₄; 'éi₂ bá₄ i₂ca₂tín₂ jme₃ti₃ a₂qui₂jén'₃ ne₄ Diú₄; 'éi₂ bá₄ i₂ca₂cuē₃ Diú₄ jág₁ quió'₅ nē₃. ⁵ 'Éi₂ bá₄ i₂lín₅ tsi₁jon₂ dsa₂ can'₅₄ quían₂ jnia'₅₄ ma₂líg'₂. Jaun₂ tē₂le₃ quian'₅₄ tsi₁jon₂ 'éi₂ nē₃, ca₂guan₃ l₂rē₂'ín₁ quían₅ Diú₄ chi₁dsáin₃, i₂lín₅ Diú₄ ne₄ quió'₅ ca₂le₃jē₃, i₂jme₃juin'₂ dsa₂ co₂tan₅₄, a₂méi₃.

⁶ On₃jua'₅₄ rē₂ a₂tsá₃ ca₂rē₃ti₃ jág₁ a₂rē₂cuē₄ quió'₅ Diú₄, ia₁ tsá₃ ca₂le₃jín₃ dsa₂ tsi₁jon₂ Israel lín₅ tē₃dsón'₂ dsa₂ i₂tén₅ juig₂ Israel. ⁷ On₃ guē'₂ lín₅ ca₂le₃jín₃ dsa₂ tsi₁jon₂ Abraham tē₃dsón'₂ chi'₂-guein₂ quían₅ 'éi₂; ia₁ jme₁ca₂juá'₂ Diú₄ ca₂tsí'₃ Abraham: “Tē₂le₃ quian'₅₄ Isaac bá₄ ja₃lén₂ tsi₁jong'₂.”[†] ⁸ Jág₁ nē₅, jein₅ jág₁, on₃jua'₅₄ chi'₂ dsio₄ le₃quió'₅ ni₁ŋí₅ i₂lín₅ chi'₂-guein₂ quían₅ Diú₄; ton'₂ con'₂ i₂lín₅ guein₂ i₂ca₂rē₃chán₃ lia'₂ con'₂ lē₅ jág₁ quió'₅ Diú₄ a₂jme₁ma₂cuē₃, jmá'₃ i₂'éi₂ bá₄ i₂jín₂ Diú₄ i₂lín₅ tē₃dsón'₂ tsi₁jon₂ Abraham. ⁹ Ia₁ jág₁ quió'₅ Diú₄ a₂ca₂cuē'₃ Abraham, a₂la₂ bá₄ jaun₂: “Jei₂ rē₂nē₃ ŋi₂ caun₂, guio₅₄ jniá₂, jaun₂ le₃chan₂ jan₂ guein₂ quían₅ Sara.”[‡] ¹⁰ On₃jua'₅₄ jmá'₃ a₂jaun₂. Qui₂ca₂can₃ Rebeca guein₂ quian'₅₄ jan₂ dsa₂ ŋe'₂ i₂lín₅ Isaac jmei₂ jnia'₅₄. ¹¹ La₁ tsá₃ jme₁ma₂ca₂rē₃chán₃ guein₂ quían₅ i₁Bé'₄, on₃ guē'₂ a₂'lig'₅₄ a₂dse₃ jme₁ma₂tiin₂ jmo₃, jme₁ca₂jmo₃ Diú₄ jág₁, ia₁jaun₂ tē₃'ŋiá₄ a₂ca₂tín₂ Diú₄ qui₃quió'₂ lia'₂ con'₂ lē₅ niog₅ dsí₅; ¹² on₃jua'₅₄ 'uig₅₄ ia₁ a₂jme₂ti₃ dsa₂, tē₂le₃ 'uig₅₄ ia₁ a₂tē₂ Diú₄; ca₂juá'₂ Diú₄ ca₂tsí'₃ i₁Bé'₄: “I₂lín₅ i₂juin'₂ jme₃ti₃ ne₄ i₂me'₂.”[§] ¹³ Jui₁lia'₂ chi₁ton₅ ne₄ Si₂: “Ca₂quio'₄ jniá₂ ca₂jme₁gu'₅₄ quió'₅ Jacob, lē₅ guē₄ con'₂ guē₄ Esaú.”*

¹⁴ ¿'E₂ bá₄ le₃jua'₅₄ nē₃? ¿On₃ bá₄ tsá₃ rē₂ qui₂dsí₅ Diú₄ 'éi'₃? ¿Dsón'₂ on₃jua'₅₄ le₂jaun₂! ¹⁵ Ia₁ ca₂tsí'₃ Moisés:

‡ 8:36 Salmo 44:22. * 9:4 Israel: co₂'nió'₄ le₃jua'₅₄, Jacob. Génesis 35:10. † 9:7 Génesis 21:12. ‡ 9:9 Génesis 18:10,14. § 9:12 Génesis 25:23. * 9:13 Malaquías 1:2-3; lit. “Ca₂jme₁'nió₄ jniá₂ Jacob, Esaú guē'₂ ca₂jme₁'ŋi₁ai₅₄.”

Dsia₅₄ jniá₂ ηéi₂ dsi₃

ja₁con₂ i₂'nio₃ jniá₂ dsia₅₄ ηéi₂ dsi₃ quiain'₅₄;

ján₃ bá₄ jmo₅₄ jniá₂ 'ua₁ dsi₃

ja₁con₂ i₂'nio₃ jniá₂ jmo₅₄ 'ua₁ dsi₃ quiain'₅₄.†

16 Le₂nē₅ bá₄ jaun₂, on₃jua'₅₄ rē'₂ ia₁ 'nio₃ jan₂ dsa₂, o₃ a₂quín'₃ bí₂ 'e₂; ton'₂ ia₁ a₂ηéi₂ dsí₅ Diú₄ bá₄. 17 Ia₁ chi₁ton₅ ne₄ Si₂ 'a₂ lia'₂ ca₂juá'₂ Diú₄ ca₂tsí'₃ Faraón:‡ “Ta₁ jaun₂ tē₃dsón'₂ bá₄ ca₂tság'₂ jniá₂ a₂lég'₂ rag₅₄, ia₁jaun₂ jme₁jnia₅ jniá₂ jui₅bí₂ quió₃ tē₃le₃ quian'₅₄ 'ne₂, ia₁jaun₂ gué₄ le₃ηi₅ dsa₂ ta₁caun₂ gua'₅₄ 'uē₃ 'a₂ lia'₂ lín₅ jniá₂.”§ 18 Jaun₂ lē₃, ca₂tín₂ Diú₄ dsia₃ ηéi₂ dsí₅ ja₁con₂ chi₂'ein₂ 'nio₃, ton'₂ ján₃ guē'₂ jme₃'ua'₂ dsí₅ chi₂'ein₂ 'nio₃ jme₃'ua'₂ dsí₅. 19 La₁ jaun₂, lé₂ jua'₅₄ juig'₅₄ jniá₂: “Chi₂jua'₂ le₂nē₅, ¿'e₂ lē₃ cué'₅ Diú₄ dso₄ dsa₂, jaun₂ nē₃? Ia₁, ¿'ein₂ bá₄ qui'₅₄ jmig₄ jné₃ a₂niog₅ dsí₅ Diú₄ jmo₃?” 20 ¡La₁ 'ne₂ nē₃! ¿l₂'ein₂ bá₄ lín'₅ 'ne₂ dsa₂ mi₂güig₃, jua'₅₄ a₂tsing'₄ quian'₅₄ Diú₄? ¿O₃ bá₄ lé₂ le₃juá'₂ jui₁lia'₂ ni₁tí'₂ gua'₅₄, tsí'₃ i₂ca₂jmo₃: “¿'E₂ lē₃ ca₂jmog'₅₄ jniá₂ le₂la₂?”* 21 Jui₁lia'₂ jan₂ tē₅ i₂jmo₅ tí'₂: ¿Tsa₁ ca₂tín₂ 'uē'₃ quian'₅₄ ca₂bē'₅₄ ti₁jein₂ caun₂ ni₁tí'₂ a₂jmo'₂ dsa₂ ta₁ jmá'₃ lia'₂ a₂jlá'₁, caun₂ guē'₂ a₂jmo'₂ dsa₂ ta₁ lia'₂ 'ei₅ ne₅₄ cosa?†

22 ¿'E₂ guē'₂ lé₂ le₃jua'₅₄ 'ne₂ chi₂jua'₂ 'nio₃ Diú₄ jme₃jnia₅ a₂'nei₂, jme₃jnia₅ jui₅bí₂ quió'₅ nē₃, la₁ ca₂jmo₃ tió'₃ ca₂jme₃juin'₃ dsí₅ 'ηio₅ lin₃ quiain'₅₄ dsa₂ i₂jme₁ca₂tín₂ gue₃ uig₅ i₂jme₁'i₄ 'éi'₃ dsi₃'én₂? 23 ¿'E₂ guē'₂ chi₂jua'₂ ca₂jmo₃ Diú₄ le₂jaun₂, ia₁jaun₂ qui₃le₃ηi₅ dsa₂ a₂jláin'₁ a₂'uain'₂, a₂jme₂jnia₂₃ a₂ηéi₂ dsí₅ ja₁con₂ dsa₂ i₂ca₂jmo'₂ co₂jnia₅₄ tē₃jniá₅, ia₁jaun₂ tiin₅₄ jē₁tág₅ co₂'né'₅ quió'₅? 24 Jniog₄ bá₄ 'éi₂ i₂ca₂tē'₃ Diú₄, on₃jua'₅₄ jmá'₃ jē₄ quió'₅ dsa₂ judíos; ján₃ bá₄ ca₂tē'₃ dsa₂ jē₄ quió'₅ dsi₂nau₂. 25 Jui₁lia'₂ juá'₂ ne₄ si₂ quió'₅ Oseas:

Dsa₂ i₂tsá₃ jme₁lín₄ dsa₂ juig₂ quiáng₃,

ca₂tē₃ dsa₂ juig₂ quiáng₃;

ján₃ guē'₂ co₂'nió'₄ 'io₅₄ i₂tsá₃ jme₁'nióg₃,

ca₂tē₃ bá₄ jniá₂ a₂niói₃ gué₄ lin₃.‡

26 Ján₃ bá₄ juá'₂:

Co₂dsau₅ jaun₂ ja₁jme₁juá'₂ dsa₂

a₂tsá₃ lín'₅ 'nia'₂ dsa₂ quiáng₃,

ja₁jaun₂ nág'₁ 'nia'₂ a₂tē₂ dsa₂

a₂lín'₅ chi'₂-guein₂ quián₅ Diú₄ jén'₃.§

27 La₁ tē₃le₃ quió'₅ dsa₂ israelitas nē₃, ca₂juá'₂ Isaías a₂dsen₅₄ dsí₅: “Jui₁'a₂ guē₃ la₂ juin₅ lin₃ tsi₁jon₂ dsa₂ juig₂ Israel téin₅ jui₁lia'₂ tí₅ ti₁tsag₁ cha₂ chei'₅₄ jmi₁ηí'₄, la₁ me'₂ co₂ηí₂ bá₄ dsa₂ i₂juin₅ 'éi₂ tén'₄. 28 Ia₁ qui₃dsi₅ bá₄ Diú₄ 'éi'₃ ne₄ gua'₅₄ 'uē₃, jme₃ti₃ ca₂le₃jē₃ co₂ηei'₅₄.”* 29 Jui₁lia'₂ ca₂juá'₂ 'ηiog₅ Isaías le₂jniá₅:

Jua'₅₄ mei'₂ guē₃ Te₁gui'₅₄ Juig₅₄ 'Lióg₂

tsá₃ ca₂dsiain₃ tsi₁jon₂ dsa₂ go₂ jniog₄,

le₂jaun₂ bá₄ jme₁dsi₁ηág₂ jniog₄

jui₁lia'₂ ca₂i₃ηí₂ dsa₂ juig₂ Sodoma quian'₅₄ Gomorra.†

Dsa₂ judíos quian'₅₄ jág₁ dse₃

30 ¿'E₂ le₃jua'₅₄ jniog₄ jaun₂ nē₃? Jui₁lia'₂ dsi₂nau₂ i₂tsá₃ jme₁'no'₂ jui₅ ja₁guei₃ Diú₄ nē₂jag₄ bá₄ a₂tsá₃ 'e₂ dso₄ rin₂, 'éi₂ bá₄ ma₂lí'₂ jui₅ jaun₂, caun₂ jui₅ ja₁guéi'₂ Diú₄ nē₂jag₄ bá₄ a₂ca₂jme₃ti₃, tē₃le₃ a₂jnia'₅₄ con'₂ a₂'éin₂ bá₄. 31 La₁ dsa₂ juig₂ Israel guē'₂ nē₃, i₂jme₁tion'₅₄ 'Éi'₃ ia₁jaun₂ jme₁guéi'₂ Diú₄ 'uig₅₄ ia₁ a₂jme₂ti₃,

† 9:15 Éxodo 33:19. ‡ 9:17 Faraón: co₂'nió'₄ le₃jua'₅₄, rag₅₄ quián₅ 'uē₃ Egipto. § 9:17 Éxodo 9:16.

* 9:20 Isaías 29:16; 45:9. † 9:21 'Nio'₂ ja₁ton₅ 2 Timoteo 2:20. ‡ 9:25 Oseas 2:23. § 9:26 Oseas 1:10. * 9:28 Isaías 10:22-23. † 9:29 Isaías 1:9.

lín₂, tsá₃ ca₂tió'₃ jme₃ti₃ 'Éi'₃ jaun₂. ³² ¿'E₂ lē₃? Ia₁ jme₁'no'₂ jui₅ ja₁guéi'₂ Diú₄ jaun₂, on₃jua'₅₄ tē₂le₃ quian'₅₄ a₂'éin₂, tē₂le₃ quian'₅₄ a₂jme₁jmo₂₃ guoin'₅₄ bá₄. 'Uig₅₄ jaun₂ qui₂ca₂nió'₃ bá₄ quian'₅₄ “Ni₁cang₁ a₂nió'₅ dsa₂.” ³³ Jui₁lia'₂ rē₂ton₅ ne₄ Si₂:

Ni₂ de'₂ 'nia'₂, tsin₅₄ jniá₂ jan₂ jē₄ juig₂ Sió_n
i₂lén₂ nē₂jag₄ ni₁cang₁ a₂qui₂nió'₅ dsa₂,
ján₃ guē'₂ co₂'nió'₄ ni₁'lau₂
a₂jmo₃ dsi₂gan'₅₄ dsa₂;
jaun₂ jui₁lia'₂ i₂'én₂ le₃quió'₅ 'éi₂,
tsá₃ dsi₁ñi₂ o₂guí'₃.[‡]

10

¹ Rin'₅₄ jniog₄, a₂'ín₅ dsi₃ 'ñio₅ lín₃, a₂chi₂leng'₅₄ Diú₄ o₄quió'₄ dsa₂ israelitas, ia₁jaun₂ tñin'₄ bá₄. ² Ia₁ jáng'₅ bá₄ jniá₂ jág₁ dsau₅ ja₁coin₂, a₂dsen₅₄ dsí₅ le₃quió'₅ Diú₄, la₁ia₁ on₃jua'₅₄ jaun₂ ñí'₂ dsí₅. ³ 'Uig₅₄ ia₁ a₂tsá₃ ca₂tón'₃ jui₅ 'a₂ lia'₂ lē₅ jaun₂ a₂guéi'₂ Diú₄, jaun₂ qui₂'no'₂ jui₅ quió'₅ guoin'₅₄ bá₄, tsá₃ ca₂jme₃gó'₃ jui₅ a₂ca₂cuē₃ Diú₄. ⁴ Ia₁ ca₂jme₃'ñia₅ I₂rē₂'ín₁ quián₅ Diú₄ 'Éi'₃, ia₁jaun₂ guéi'₂ Diú₄ chi₂jua'₂ 'ein₂ i₂'én₂, nē₂jag₄ bá₄ a₂ma₂can₃ caun₂ jui₅ co₂dsau₅.

⁵ Ia₁ jui₁lia'₂ a₂guéi'₂ Diú₄ quió'₅ dsa₂ ia₁ a₂ca₂jme₃ti₃ 'Éi'₃, juá'₂ Moisés ne₄ Si₂: “Nē₁jua'₂ ca₂can₃ dsa₂ caun₂ jui₅ co₂dsau₅ lia'₂ con'₂ lē₅ chi₂quióng₂ jmig₄ Si₂ 'Éi'₃, tē₂le₃ quian'₅₄ 'Éi'₃ jaun₂ le₃chain₂.”* ⁶ La₁ jui₁lia'₂ jui₅ co₂dsau₅ a₂já₅ 'uig₅₄ ia₁ a₂'én₂ dsa₂, juá'₂ Si₂ le₂la₂: “Tsá₃ jua'₅₄ 'ne₂ tē₂le₃ jui₅ 'au'₂: ¿'Ein₂ bá₄ lé₂ le₃uig₂ guei'₅₄ i₂juig₃?† —co₂'nió'₄ le₃jua'₅₄, ia₁jaun₂ sióin₂ I₂rē₂'ín₁ quián₅ Diú₄ ja₁con₂ jniog₄—; ⁷ on₃ guē'₂ jua'₅₄ 'ne₂ ján₃: “¿'Ein₂ bá₄ lé₂ le₃sióin₃ ca₂tē₂ ja₁ca₂jein₃ chi₁dsio₅₄?”‡ —co₂'nió'₄ le₃jua'₅₄, ia₁jaun₂ chóin'₂ táng₃ I₂rē₂'ín₁ quián₅ Diú₄, jin₄ 'lag₄. ⁸ ¿La₁ 'e₂ bá₄ guē'₂ juá'₂ Si₂?

Cong'₂ bá₄ 'nia'₂ 'ei₅ jág₁ la₂,

'i₄ mi₂'o'₅₄, quian'₅₄ jui₅ tē₂'au'₂, §
co₂'nió'₄ le₃jua'₅₄, jág₁ nē₅ bá₄ lē₅ jág₁ a₂'én₂ dsa₂ a₂qui₂'ē₅ jnia'₅₄ dsa₂: ⁹ Chi₂jua'₂ jmo'₂ jág₁ quian'₅₄ mi₂'o'₅₄ a₂lín₅ Jesús Te₁gui'₅₄, ján₃ guē'₂ chi₂jua'₂ 'éng'₂ jui₅ tē₂'au'₂ a₂ca₂jme₃jein'₅₄ táng₃ Diú₄ a₂jme₁rē₂'lín₅₄, tñng'₄ bá₄. ¹⁰ Ia₁ tē₂le₃ jui₅ tē₂dsí₅ bá₄ dsa₂ rē₂'éin₂, ia₁jaun₂ guéi'₂ Diú₄ nē₂jag₄ bá₄ a₂ca₂jme₃ti₃; ján₃ guē'₂ le₂jaun₂ tē₂le₃ quian'₅₄ 'o₄ dsa₂ jmo₂₃ jág₁ ia₁jaun₂ tñin'₄ bá₄.

¹¹ Ne₄ Si₂ juá'₂: “Jui₁lia'₂ i₂'én₂ le₃quió'₅ 'éi₂, tsá₃ dsi₃ñi₂ o₂guí'₃.”* ¹² Tsá₃ jma₃quén₅ jág₂ Diú₄ jñin₂ dsa₂ judíos quian'₅₄ guē'₂ dsa₂ griegos; ia₁ 'ñiog₅ bá₄ 'éi₂ lín₅ Te₁gui'₅₄ quián₅ ca₂le₃jín₃, ján₃ guē'₂ jme₂gu'₅₄ cuē₂₃ ca₂lia'₂ 'lióng₂ a₂dse₃ quió'₅, cuē'₅ ca₂le₃jín₃ i₂chilí'₂. ¹³ Ia₁ juá'₂ le₂la₂: “Ca₂le₃jín₃ i₂chilí'₂ ne₄ Te₁gui'₅₄, tñin'₄ bá₄.”† ¹⁴ La₁, ¿'A₂ bá₄ lia'₂ lé₂ chilí'₂ ne₄ jan₂ i₂tsá₃ ma₂ca₂rē₃'éin₂ le₃quió'₅? Já₃ guē'₂, ¿'a₂ bá₄ lia'₂ le₃'én₂ dsa₂ le₃quió'₅ nē₁jua'₂ tsá₃ ma₂nág₂ guē'₂ 'ag₅ dsa₂ 'iin₂₃ 'éi₂? ¿'A₂ guē'₂ lia'₂ lé₂ nag₃ dsa₂ nē₁jua'₂ tsá₃ 'ein₂ chan₂ i₂'ē₂ jág₁ dse₃? ¹⁵ ¿'A₂ bá₄ lia'₂ lé₂ dsi₁lén₂ i₂'ē₂ jág₁ dse₃ nē₁jua'₂ tsá₃ 'ein₂ chei₅? Jui₁lia'₂ ma₂rē₂ton₅ ne₄ Si₂: “i₂'E₂ guē₄ jlá'₁ gu₂-tag₄ i₂quian₅ jág₁ dse₃!”‡

¹⁶ La₁ tsá₃ ca₂le₃jín₃ dsa₂ ca₂tón'₃ jui₅ jág₁ dse₃. Jui₁lia'₂ ca₂juá'₂ táng₃ Isaías: “¿Te₁gui'₅₄ 'ein₂ bá₄ i₂ma₂ca₂rē₃'én₂ jág₁ a₂ca₂'ē₂ jniog₄?”§ ¹⁷ Le₂nē₅ bá₄ jaun₂,

‡ 9:33 Isaías 8:14; 28:16. * 10:5 Levítico 18:5. † 10:6 Deuteronomio 30:12. ‡ 10:7 Deuteronomio 30:13. § 10:8 Deuteronomio 30:14. * 10:11 Isaías 28:16. † 10:13 Joel 2:32. ‡ 10:15 Isaías 52:7. § 10:16 Isaías 53:1.

ju₁lia'₂ a₂én₂ dsa₂, lě₅ tē₂le₃ quian'₅₄ a₂nag₅ dsa₂; a₂nag₅ dsa₂ jaun₂, lě₅ tē₂le₃ quian'₅₄ já_{g1} quió'₅ I₂rē₂'ín₁ quián₅ Diú₄.

¹⁸ La₁ ñag₄ jniá'₂, ¿O₃ bá₄ tsá₃ ca₂nág₂ dsa₂ já_{g1} dse₃? ¡Ma₁ tē₃dsón'₂ bá₄ ca₂nág₂! Ia₁ juá'₂ Si₂:

Ta₁caun₂ gua'₅₄ 'uē₃ bá₄ ca₂dsia₃ dsa₂;
ca₂le₂con₂ quióng₄ mi₂güig₃ bá₄
ma₂ca₂i₃'ág₃ já_{g1} quió'₅.*

¹⁹ La₁ ñag₄ táng₃ jniá'₂, ¿O₃ bá₄ a₂tsá₃ ma₂ca₂rē₃lí'₄ 'e₂ dsa₂ juig₂ Israel? Ia₁ jē₁le₂'uig₅₄, juá'₂ Moisés:

Jmo₅₄ jniá'₂ a₂lén'₂ 'nia'₂ dsa₂ i₂dsí'₅
ja₁con₂ dsa₂ i₂tsá₃ juig₂ nación lín₅;
ján₃ bá₄ jmo₅₄ jniá'₂ le₃'ne'₂ 'nia'₂
o₄quió'₄ caun₂ juig₂ i₂tsá₃ ñí'₂ dsí'₅.†

²⁰ Con'₂ siá'₂, tiá₂ dsí'₅ Isaías a₂juá'₂, o₄quió'₄ Diú₄:

Dsa₂ i₂tsá₃ jme₁'nau'₂ jniá'₂,
ca₂dsáu'₂ bá₄;
ca₂jme₁jnia₅ jniá'₂

ja₁con₂ dsa₂ i₂tsá₃ jme₁ñag₅ jniá'₂.‡

²¹ La₁ia₁ dsa₂ israelitas bá₄ jme₁tsí'₅ Isaías, jme₁ca₂juá'₂: “Tē₁ne₁ jmig₄ bá₄ jme₁chén'₄ jniá'₂ chi₁jan₁₂ cu₃ ja₁con₂ juig₂ cang₄ mi₂dsi₄ i₂tsá₃ ne'₅₄.”§

11

Dsa₂ Israel i₂tín'₄

¹ Jaun₂ ně₃ ñag₄ jniá'₂, ¿O₃ bá₄ ma₂chen'₃ cau₅ Diú₄ dsa₂ juig₂ Israel quiáin₅? ¡On₃jua'₅₄ le₂jaun₂! Ia₁ 'ñi₃ bá₄ jniá'₂ líng₅ jan₂ dsa₂ israelita, jan₂ chi'₂ dsio₄ Abraham, jan₂ tsi₁jon₂ Benjamín. ² Ca₂le₂ñiá'₅ ma₂líg'₂ lín₃ bá₄ ca₂qui₂ón'₂ Diú₄ dsa₂ juig₂ quiáin₅; jaun₂ rē₂ně₃ ně₃ tsá₃ jua'₅₄ ma₂ca₂téi₂. ¿Tsa₁ ñi'₅₄ 'nia'₂ 'a₂ lia'₂ juá'₂ ne₄ Si₂ ja₁'iin₂₃ Elías, 'a₂ lia'₂ ca₂chi₃lén'₂ Diú₄ a₂ca₂'ni₃ dsa₂ Israel? Ca₂juá'₂: ³ “Te₁gui'₅₄, ma₂ca₂jme₃dsian₅ bá₄ dsa₂, dsa₂ i₂jme₁'ē₂ já_{g1} quiáng'₂, ma₂qui₂ma₂'éin₂ ne₄chei₂ quiáng'₂ ně₃; jnia'₅₄ lia'₂ jan₂ jniá'₂ bá₄ chang₂ guē₄, qui₂co₂'ein₅ dsa₂, ján₃ guē'₂ 'nio₃ jñag'₃.”*

⁴ Jaun₂, ¿'E₂ já_{g1} ca₂jéin'₃ Diú₄? “Ma₂ca₂tsón₃ jniá'₂ guion₃ mei₅ dsa₂ tē₂le₃ quió'₃ i₂tsá₃ ma₂qui₂ca₂jón'₂ mi₂jne₄ ne₄ Ba'al.”† ⁵ Jaun₂ le₂ně₅ bá₄ ján₃ rē₂tsón₂ ca₂dsion₄ dsa₂ 'éi₂ rē₂ně₃, jaun₂ Diú₄ ně₃ tē₂le₃ ia₁ a₂'ua₁ dsí'₅ ma₂qui₂óin'₂ 'éi₂.

⁶ Chi₂jua'₂ tē₂le₃ ia₁ a₂'ua₁ dsí'₅ Diú₄, on₃jua'₅₄ jaun₂ ia₁ a₂jmo₅ dsa₂ 'e₂ jmo₂₃. Ia₁ jua'₅₄ mei'₂ guē₃ le₂ně₅ ně₃, tsá₃ le₃jua'₅₄ jua'₅₄ a₂'ua₁ dsí'₅ Diú₄. ⁷ ¿'E₂ jaun₂ ně₃? Tsá₃ ca₂tió'₃ dsa₂ juig₂ Israel dsio'₂ a₂jme₁'no'₂, la₁ dsa₂ i₂ca₂qui₂ón'₂ Diú₄ 'ñiog₅ bá₄ ca₂dsáu'₂. I₂sián'₂ guē'₂ qui₂ca₂rē₃'uá'₃ dsí'₅, ⁸ ju₁lia'₂ juá'₂ ne₄ Si₂:

Ca₂jmo₃ Diú₄ a₂le₃tín₄ dsa₂ 'éi₂ le₃quió'₅ jme₂dsí'₂;

ca₂cuē₃ mi₂ne₅₄ a₂tsá₃ jniá'₂,

ca₂cuē₃ rē₂gua₅₄ a₂tsá₃ nag₅,

le₂jñi₄ jmig₄ ně₃.‡

⁹ Ján₃ bá₄ ca₂juá'₂ David:

Ca₂le₃jě₃ a₂i₂tsón₃ jme₁cha₂ quió'₅
ju₁le₅₄ co₂'nió'₄ tsi₁liá₂ o₃ 'má₅ 'e₂,
ia₁jaun₂ qui₃nió'₃, gue₃ 'liain'₅₄.

* **10:18** Salmo 19:4. † **10:19** Deuteronomio 32:21. ‡ **10:20** Isaías 65:1. § **10:21** Isaías 65:2.

* **11:3** 1 Reyes 19:10,14. † **11:4** 1 Reyes 19:18. ‡ **11:8** Deuteronomio 29:4; Isaías 19:10.

10 Jui₁le₅₄ tsá₃ jnió'₅ mi₂ne₅₄
 jui₁guen'₅₄ mi₂ca'₅₄ co₂ŋei'₅₄.§

Dsi₂nau₂ i₂tín'₄

11 Nag₅ jniá₂ ně₃, ħO₃ bá₄ co₂ŋei'₅₄ con'₂ ca₂sén'₂ jaun₂ bá₄ dsa₂ judíos jme₁ca₂nió'₃? ¡On₃jua'₅₄ le₂jaun₂! Tě₂le₃ jen₅ bá₄, jme₁ca₂i₃lén₂ dsa₂ judíos ca₂i₁juin₅₄, ca₂jmo₃ Diú₄ a₂ca₂dsó'₂ dsi₂nau₂ jui₅ ja₁tín'₄, ia₁jaun₂ le₃dsí'₅ 'éi₂.

12 La₁ chi₂jua'₂ a₂ca₂i₁juin₅₄ 'éi₂ jaun₂, ca₂dsióg₃ tě₂le₃ dse₃ bá₄ o₄quió'₄ dsa₂ mi₂güig₃, ján₃ bá₄ chi₂jua'₂ a₂ca₂i₃én₂ quió'₅ 'éi₂, ca₂dsióg₃ a₂tě₂dsi₅₄ quió'₅ dsi₂nau₂, i'_{e2} guě₄ dse₃ lé₂, jě₁ma₂ca₂rě₃ŋia₅ táng₃ 'éi₂!

13 La₁ a₂juá'₅ jniá₂ juig₂ 'nia'₂ i₂lín'₅ dsi₂nau₂: Ia₁ dsón'₂ lín₅ jniá₂ jan₂ dsa₂ i₂chen₄ ja₁con₂ dsi₂nau₂, jmo₅ jniá₂ dsi₃ 'ŋio₅ lín₃ dsen₅₄ ta₁ quió'₃, 14 con'₂ tsá₃ ŋó₅ ně₁jua'₂ ca₂rě₃dsí'₅ dsa₂ go₃ jniá₂ ja₁con'₂ 'nia'₂, jaun₂ lé₂ líón₂ i₂lín₅₄ 'éi₂.

15 Chi₂jua'₂ jme₁ca₂téi₂ Diú₄ quió'₅ dsa₂ judíos, ca₂lí'₃ dsa₂ mi₂güig₃ a₂ca₂ág₂ caun₂ jág₁ quian'₅₄ Diú₄, ħ'e₂ bá₄ lé₂ jaun₂ ně₃ jě₁ma₂tě₂ rě₁guéi'₂ Diú₄ quió'₅ dsa₂ 'éi₂? Lé₂ co₂'nió'₄ ca₂gue₃ táng₃ jme₂dsí₂ dsa₂ i₂jme₁ma₂rě₂'lín₄.

16 Chi₂jua'₂ lě₅ 'í₁ ju₁lia'₂ i₁ŋí'₄ a₂le₂'uig₅₄ a₂jén'₅ dsa₂ ne₄ Diú₄, ján₃ bá₄ le₂jaun₂ lě₅ 'í₁ ta₁jě₂ ti₁can₁; ján₃ bá₄ chi₂jua'₂ lě₅ 'í₁ le₃quió'₅ Diú₄ ju₁lia'₂ jmú₄ caun₂ ni₁'ma₂, ján₃ bá₄ le₂jaun₂ lě₅ 'í₁ ni₁gu'₂ nei'₅₄ ni₁'ma₂ ján₃.

17 Dsa₂ judíos i₂ca₂téi₂ Diú₄ 'éi₂ ně₃, lín₅ co₂'nió'₄ gu'₂-nei'₅₄ ni₁'ma₂ olivo a₂chein'₅₄, a₂ca₂uín'₂ a₂lín₅₄ ni₁gu'₂; ně₃ ně₃, chi₂jua'₂ lín'₅ 'ne₂ jan₂ dsi₂nau₂ i₂ma₂rě₂'líón₅, ně₂jag₄ bá₄ caun₂ ni₁gu'₂ olivo a₂cha₂ ja₁nau₂, ma₂qui₂ma₂guión'₃ jmi'₅₄ ni₁'ma₂ olivo a₂qui₂jme₂tan₅₄ ni₁gu'₂, 18 tsá₃ jmó'₂ táng'₅ ja₁con₂ ni₁gu'₂ siá'₂. Chi₂jua'₂ le₂jaun₂ jmó'₂, dsá₂ 'au'₂ jmo₄, on₃jua'₅₄ 'ne₂ jme₂tang'₅₄ jmú₄; jmú₄ bá₄ jme₂tau₅₄ 'ne₂.

19 Mei'₂ tsá₃ le₃ŋag'₅₄ 'ne₂, jaun₂ ně₃: “Ján₅, dsau₅ bá₄ ně₅. La₁ia₁ a₂ca₂uín'₂ ni₁gu'₂ jaun₂ ia₁jaun₂ lén₂ jniá₂ jan₂ i₂rě₂'líón₅ ja₁jme₁ca₂tín₂.” 20 Dse₃, la₁ ca₂uín'₂ ni₁gu'₂ jaun₂ 'uig₅₄ ia₁ a₂tsá₃ jme₁'éin₂, la₁ 'ne₂ guě'₂ ně₃ tě₂ŋiág'₄ 'uig₅₄ ia₁ a₂'éng'₂. Le₂ně₅ bá₄ jaun₂, jui₁le₁gan'₃ 'nia'₂, tsá₃ lě₁jmo₂ róng'₂. 21 Ia₁ chi₂jua'₂ tsá₃ ca₂dsia₃ Diú₄ ŋéi₂ dsí₅ ja₁con₂ ni₁gu'₂ quió'₅ tě₃dsón'₂ ni₁'ma₂ jaun₂, ján₃ bá₄ le₂jaun₂ tsá₃ dsia₃ ŋéi₂ dsí₅ ja₁con'₂ 'ne₂ ján₃.

22 Jag₄ jaun₂, 'e₂ guě₄ dsen₃ Diú₄, la₁ ján₃ bá₄ rě₂ qui₂dsi₂₃ 'éi'₃. Ia₁ ma₂qui₂dsi₂₃ 'éi'₃ ja₁con₂ i₂ma₂ca₂sén'₂, la₁ dsein₃ bá₄ quian'₅₄ 'ne₂, chi₂jua'₂ caun₂ náu'₁ tiá₂ jui₅ ja₁'ua₁ dsí₅ Diú₄. Ia₁ ně₁jua'₂ tsá₃ le₂jaun₂, ján₃ bá₄ quén'₂ 'ne₂.

23 Ju₁lia'₂ 'éi₂ ně₃, ně₁jua'₂ ca₂rě₃'éin₂ táng₃, lé₂ bá₄ le₃'líón₃. Ia₁ 'io₅ Diú₄ bí₂ chóng'₃ táng₃. 24 Ia₁ ně₁jua'₂ 'ne₂, jan₂ dsi₂nau₂, co₂'nió'₄ caun₂ ni₁gu'₂ nau₂, ca₂queng'₃ dse₃ quian'₅₄ ni₁'ma₂ olivo a₂chein'₅₄, o₁ŋia'₅₄ líng'₅ ni₁gu'₂ ni₁'ma₂ siá'₂, i'_{e2} guě₄ tson₂ lé₂ le₃quen'₃ 'éi₂, i₂lín₅ co₂'nió'₄ ni₁gu'₂ a₂caun₂ ne₅₄ quian'₅₄ ni₁'ma₂ olivo jaun₂!

A₂tín'₄ dsa₂ juig₂ Israel

25 Rin'₅₄ jniog₄, tsá₃ 'nio₃ jniá₂ jua'₅₄ tsá₃ ŋi'₅₄ 'nia'₂ jág₁ a₂jme₁rě₂'ma₄ la₂, con'₂ tsá₃ ŋó₅ ně₁jua'₂ ca₂jmo₅₄ 'nia'₂ róng'₂ quian'₅₄ a₂ŋí'₂ 'au'₂ 'nia'₂ guiong'₅₄. Ju₁lia'₂ ma₂jmo₃ i₂lín₅₄ dsa₂ juig₂ Israel, ca₂rě₃'uá'₃ dsí₅, ca₂lia'₂ ca₂rě₃ŋia₅ dsi₂nau₂ i₂con'₂ ca₂tín₂ tón'₃. 26 Jaun₂ guě₄ líón₂ ca₂le₃jín₃ dsa₂ juig₂ Israel, ia₁ juá'₂ ne₄ Si₂:

O₃'in₅ dsa₂ i₂lió₂ juig₂ Sió'n,*

co₂dsia₅ ŋiá'₂ a₂tsá₃ dse₃ jmo₅ tsi₁jon₂ Jacob.

§ 11:10 Salmo 69:22-23. * 11:26 Sió'n: co₂'nió'₄ le₃jua'₅₄, juig₂ Jerusalén.

27 Jaun₂ a₂la₂ bá₄ jág₁ quió₃ jmo₅₄ quiang'₅₄ dsa₂ 'éi₂:
jē₁ma₂tē₂ rē₁'éng₄ dsáu₁.†

28 Jui₁lia'₂ tē₂le₃ quian'₅₄ jág₁ dse₃ a₂lión₂ dsa₂, lín₅ co₂'nió'₄ dsa₂ i₂'ñia₅₄ Diú₄, o₄quián'₂ 'nia'₂; la₁ lia'₂ ma₂'nio₃ jaun₂ bá₄ Diú₄ quió'₅ dsa₂ 'éi₂, ia₁ a₂ca₂quióin'₂ dsa₂ can'₅₄ quiáin₅ ma₂líg'₂. 29 Ia₁ tsá₃ dsi₂quén'₅ dsí₅ Diú₄ jui₁lia'₂ a₂cuē₂₃, on₃ guē'₂ jui₁lia'₂ a₂tē₂. 30 Jui₁lia'₂ 'nia'₂ ně₃, i₂tsá₃ jme₁ne'₅₄ ja₁con₂ Diú₄ le₂jñiá₅, ma₂ca₂tín'₂ 'nia'₂ a₂ñéi₂ dsí₅ Diú₄ rē₂ně₃, 'uig₅₄ ia₁ a₂tsá₃ ne'₅₄ dsa₂ 'éi₂, 31 ján₃ bá₄ le₂ně₅ tsá₃ ne'₅₄ dsa₂ 'éi₂ rē₂ně₃, ia₁jaun₂ tē₂le₃ quian'₅₄ a₂ñéi₂ dsí₅ Diú₄ a₂ca₂tín'₂ 'nia'₂, tiin₅₄ ján₃ a₂ñéi₂ dsí₅ Diú₄. 32 Ia₁ Diú₄ ně₃ co₂rē₂ bá₄ 'iin₃ dsa₂ a₂tsá₃ ne'₅₄ dsa₂ le₂jain₂ le₂jain₂, ia₁jaun₂ co₂dsia₅ bá₄ dsia₃ ñéi₂ dsí₅ ja₁con₂ ca₂le₃jín₃.

33 ¡'E₂ gué₄ 'ñio₅ 'ei₄ lē₅ ca₂le₃jě₃ a₂jlá'₁ cha₂ quió'₅ Diú₄,
ca₂le₃jě₃ a₂ñí'₂ dsí₅, a₂ñi₅ ně₃!

Ca₂lia'₂ tsá₃ lé₂ le₃quiong'₅₄ 'í₁ a₂niog₅ dsí₅,
on₃ guē'₂ lé₂ le₃ñág'₂ dsi₅ jui₅ quió'₅.

34 “¿'Ein₂ bá₄ cuí'₅ 'e₂ dsi₂jio₅ dsí₅ Te₁gui'₅₄,
o₃ 'ein₂ i₂ma₂tió'₃ cuē₃ jág₁ dse₃ cuē'₃ 'éi₂?”‡

35 “¿'Ein₂ bá₄ ca₂cuē₃ 'e₂ ca₂cuē'₃ 'éi₂ le₂'uig₅₄
ia₁jaun₂ jén'₃ qui₃ quió'₅?”§

36 Ia₁ ca₂le₃jě₃ a₂niog₅ cha₂, ca₂lē₃
ja₁con₂ 'éi₂, tē₂le₃ quian'₅₄ 'éi₂, o₄quió'₄ 'éi₂ ně₃.
¡Jui₁jme₂juag'₂ bá₄ dsa₂ co₂tan₅₄! A₂méi₃.

12

'A₂ lia'₂ i₂nio₄ dsa₂ i₂rē₂tson₄ quián₅ Diú₄

1 Le₂ně₅ bá₄ jaun₂ rin'₅₄ jniog₄, tē₂le₃ quian'₅₄ a₂ñéi₂ dsí₅ Diú₄, mi₅ jniá₂ ne'₅₄ 'nia'₂, co₂dsia₅ jin'₄ 'nia'₂ ni₁ñi'₁ guiong'₅₄, co₂'nió'₄ a₂rē₂jeng'₅₄ le₁jén'₃ ne₄ Diú₄, a₂rē₂tson₅₄, a₂'ñio₂ dsí₅ Diú₄, a₂dsi₂ten₅₄ jme₁ti'₄ ne₅₄. 2 Tsá₃ i₁nio₄ 'nia'₂ lia'₂ con'₂ lē₅ i₂nio₄ dsa₂ mi₂güig₃ la₂. Tē₂le₃ cuē₄ jmig₄ a₂jme₃tsín₃ Diú₄ 'a₂ lia'₂ qui₂dsi₂ñia₅ 'au'₂ 'nia'₂, ia₁jaun₂ bá₄ qui₃le₃'mag'₂ táng₃ 'au'₂, ia₁jaun₂ lé₂ le₃caun'₅₄ 'nia'₂ 'í₁ 'a₂ lia'₂ lē₅ a₂'ñio₂ dsí₅ Diú₄, a₂dse₃, a₂tē₅ dsí₅, a₂rē₂'ñia₅ ně₃.

3 Ia₁ o₄quió'₄ a₂'ua₁ dsí₅ Diú₄ a₂ma₂dsia₃ gu₃ jniá₂, juig₂ jniá₂ le₂jan'₂ le₂jan'₂ 'nia'₂: tsá₃ lē₁jui₁qui₂dsi₂ñia₅ 'au'₂ a₂lín₅ dseng'₅₄ ñag₅₄ guē₄ con'₂ ca₂tín'₂ 'nia'₂ dsi₃ñia₅ 'au'₂; tē₂le₃ jui₁qui₂dsi₃jio₅ bá₄ 'au'₂ a₂'en₅₄ 'au'₂ 'nia'₂, 'a₂ con'₂ tí₅ ma₂ca₂rē₃'én'₂ 'nia'₂ a₂ma₂cuē₃ Diú₄. 4 Ia₁ le₂ně₅ jui₁lia'₂ lē₅ caun₂ ni₁ñi'₁ jniog₄ le₂jau₂ le₂jau₂, 'lióng₂ a₂chei₂ le₂caun₂ le₂caun₂ a₂tén₅ quió'₅, tsá₃ ca₂ne₅₄ ta₁ jme₂ti₃, 5 le₂ně₅ bá₄ jniog₄ ján₃, jui₁'a₂ guē₃ la₂ juag₅ jniog₄, caun₂ bá₄ ni₁ñi₁₂ jniog₄ lág₅ le₃quió'₅ Cristo, téi₅ jniog₄ le₂jau₂ le₂jau₂ quian'₅₄ rin'₅₄.

6 Jma₃quén₅ bá₄ qui₂'au₂ jniog₄ bí₂, lia'₂ con'₂ lē₅ ma₂cuē₃ Diú₄ a₂'ua₁ dsí₅. Jaun₂ ca₂tág₂ jniog₄ jmo₄ ta₁ jui₅bí₂ a₂ma₂cuē₃. Jui₁lia'₂ dsa₂ i₂ma₂cuē₃ Diú₄ bí₂ a₂tiin₂ a₂'é₂ jág₁ dse₃ a₂gue₂₃ quió'₅ Diú₄, jui₁'ē₅₄ bá₄ jág₁ 'a₂ con'₂ tí₅ a₂'éin₂; 7 jui₁lia'₂ i₂ma₂cuē₃ jui₅bí₂ jme₃'o₅₄, jui₁jme₂'o₅₄; jui₁lia'₂ i₂'io₅ bí₂ jme₃tag₂₃, jui₁jme₂tiin₂₃ bá₄ dsa₂; 8 jui₁lia'₂ i₂tiin₂ jmo₃ lián'₂ dsí₅ i₂sián'₂, ca₂tiin₂ bá₄ jmo₃ le₂jaun₂; jui₁lia'₂ i₂jmo₅ dsiógi₁, jui₁cuē₁₂ a₂'ua₁ dsí₅, on₃jua'₅₄ rē'₂ cha₂ a₂'in₂ dsí₅ 'ñiog₅; jui₁lia'₂ i₂quian₅ ne₄ jui₅, jui₁jmo₁₂ bá₄ a₂dsen₅₄ dsí₅; jui₁lia'₂ i₂dsia₅ ñéi₂ dsí₅, jui₁jmo₁₂ bá₄ quian'₅₄ o₂'ñio₃ o₂ñia₃ dsí₅.

'A₂ lia'₂ ca₂tín₂ le₃chan₂ dsa₂ quián₅ Cristo

† 11:27 Isaías 59:20-21; 27:9. ‡ 11:34 Isaías 40:13. § 11:35 Job 41:11.

9 Jui₁le₂chan₂ 'nia₂ tē₃dsón₂ bá₄ a₂'nió₃ 'nia₂ ríng₂ le₂jang₂ le₂jang₂. Co₂dsia₅ jmo₄ 'nia₂ 'ñiag₅₄ co₂ñei₅₄ a₂'lig₅₄; chan₂ bá₄ 'nia₂ tiá₂ jui₁lia₂ a₂dse₃.
10 Jme₁'nió₄ 'nia₂ ríng₂ a₂'ñio₂ 'au₂; jmo₄ 'nia₂ a₂dsen₅₄ gué₄ ríng₂ le₂jang₂ le₂jang₂.*

11 Tsá₃ jmo₂ 'nia₂ juíng₅, 'ag₃ caun₂-tín₃ 'au₂, tē₂le₃ jme₁ti₁ne₄ Te₁gui₅₄ ca₂lia₂ dsen₅₄ jme₂dsí₂ quiáng₂.

12 Jui₁chan₂ 'nia₂ o₂jñia₃ 'au₂, ia₁ ma₂lě₅ bá₄ co₂jñia₅₄ a₂'ín₂ 'au₂ 'nia₂. Jmo₄ 'nia₂ juin₂ 'au₂ jmi₄g₄ jme₁chan₂ 'nia₂ o₂i₁ dsi₅. O₁nió₄ bá₄ 'nia₂ co₂tan₅₄ a₂chi₂leng₅₄ Diú₄.

13 Jme₁'on₁ 'nia₂ dsa₂ 'én₂ ríng₂ chi₂jua₂ 'e₂ niog₅ cha₂ a₂'nió₅ quió₅. Dse₃ guen₅₄ 'nia₂ jui₁lia₂ 'ein₂ niog₅ qui₂dsi₂jag₅₄ 'nia₂.

14 Jme₁gu₅₄ bá₄ 'nia₂ jui₁lia₂ i₂jmo₅g₂. Jua₅₄ bá₄ 'nia₂ jág₁ dse₃ on₃jua₅₄ jág₁ uig₅.

15 Jmo₄ 'nia₂ 'io₂ quian₅₄ jui₁lia₂ i₂jmo₅ 'io₂; ján₃ gué₂ qui₂'-o₄ 'nia₂ quian₅₄ i₂'o₅.

16 Jui₁le₂chan₂ bá₄ 'nia₂ a₂jeng₂ le₂jang₂ le₂jang₂. Tsá₃ jmo₂ 'nia₂ róng₂, co₂rín₂ bá₄ 'nia₂ jmo₄ quiang₅₄ dsa₂ te₂ñé₂. Tsá₃ lě₁jmo₂ 'nia₂ jua₅₄ a₂ñí₄ lě₃ cuíng₂.

17 Tsá₃ jein₅₄ 'nia₂ 'lig₅₄ quian₅₄ a₂'lig₅₄. Quen₂ 'nia₂ bí₂ jmó₂ con₂ dsi₂ten₅₄ ja₁tě₃ ne₄ ca₂le₃jín₃. 18 Jmo₄ 'nia₂ bí₂, 'a₂ con₂ ca₂tíng₂, 'a₂ con₂ ja₁qui₅₄ 'nia₂ jmi₄g₄, 'nau₅₄ 'nia₂ jui₅ ja₁'ag₃ tei₄ quian₅₄ ca₂le₃jín₃. 19 Rín₅₄ jniog₄, tsá₃ lě₁jen₅₄ 'nia₂ guiong₅₄ jui₁lia₂ quió₅ i₂jmo₅g₂, tē₂le₃ dsia₄ 'nia₂ o₄gú₃ Diú₄ a₂jaun₂. Ia₁ ma₂rě₂ton₅ ne₄ Si₂: “Jniá₂ bá₄ ca₂tíng₂ jein₅₄ uig₅; jniá₂ bá₄ qui₄, juá₂ Te₁gui₅₄.”†

20 La: “Chi₂jua₂ i₁cón₅ jui₁lia₂ dsa₂ i₂'iog₅₄, cuè₅₄ bá₄ 'nia₂ a₂gué₃. Chi₂jua₂ ñi₂₃ rě₂quein₂ dsí₅, cuè₅₄ a₂'ín₂. Ia₁ jě₁ma₂ca₂jmo₅₄ le₂ně₅, jmai₅₄ tsáu₃ dséi₂ dsi₂ne₅₄, ‡ jéin₄ o₂guí₃.”§ 21 Tsá₃ cuín₅ jmi₄g₄ jua₅₄ a₂jo₃ a₂'lig₅₄; tē₂le₃ quen₂ bí₂, tión₃ 'uě₃ a₂'lig₅₄ tē₂le₃ quian₅₄ a₂dse₃.

13

1 Ca₂le₃jín₃ bá₄ ca₂tín₂ tón₃ 'éi₃ quió₅ dsi₂tan₅₄ i₂gon₂. Ia₁ 'i₁jan₂ dsi₂tan₅₄ i₂chan₂, jua₅₄ tsá₃ ca₂chei₃ Diú₄. Jaun₂ ca₂le₃jín₃ dsi₂tan₅₄ i₂chan₂ ně₃, i₂dsián₁ quián₅ Diú₄ bá₄ 'éi₂. 2 Jaun₂ le₂ně₅, jui₁lia₂ i₂nau₂ quen₅ ja₁con₂ dsi₂tan₅₄, nau₂ quein₂₃ ja₁con₂ i₂dsián₁ quián₅ Diú₄ bá₄. Jaun₂ gue₃ uig₅ jui₁lia₂ i₂jmo₅ le₂jaun₂. 3 Ia₁ tsá₃ ta₁ jaun₂ dsián₄ dsi₂tan₅₄ a₂jmo₃ gó₅ jui₁lia₂ i₂jmo₅ a₂dse₃; a₂jmo₃ gó₅ dsa₂ i₂jmo₅-dsá₅ a₂'lig₅₄ bá₄. ¿'Niog₂ 'ne₂ le₃chang₂ a₂tsá₃ gang₃ dsi₂tan₅₄? Jmo₄ bá₄ a₂dse₃, jaun₂ con₂ 'í₁ dsi₂tan₅₄ ja₁cong₂, a₂líng₅ dsa₂ dsen₃. 4 Ia₁ ta₁ jaun₂ tián₅ jme₂ti₃ ne₄ Diú₄ bá₄, a₂dse₃ quiáng₂. La₁ ně₁jua₂ ca₂jmo₅₄ a₂'lig₅₄ ně₃, ca₂tíng₂ le₃gang₃, ia₁ on₃jua₅₄ a₂lě₁lě₄ 'io₅ dsi₂tan₅₄ 'éi₃ a₂chain₂ bí₂ cuě₃ uig₅. Jan₂ i₂jme₂ti₃ ne₄ Diú₄ bá₄ 'éi₂, a₂'ě₂ uig₅ ja₁con₂ dsa₂ i₂jmo₅ a₂'lig₅₄. 5 Jaun₂ lě₃, tion₅₄ bá₄ 'nió₅ tón₃ dsa₂ 'éi₃ quió₅ dsi₂tan₅₄, on₃jua₅₄ rě₂ a₂jñia₅₄ ia₁jaun₂ tsá₃ gue₃ uig₅; tē₂le₃ ia₁ a₂lě₅ dsí₅ le₂jaun₂ jmo₂₃ a₂dse₃. 6 'Uig₅₄ ně₅ bá₄ qui₂' 'nia₂ 'lia₅₄ a₂ca₂tín₂ dsi₂tan₅₄, ia₁ ca₂ne₅₄ jme₂ti₃ dsi₂tan₅₄ ta₁ a₂lín₅ ne₄ Diú₄.

7 Cuè₅₄ bá₄ 'nia₂ dsa₂ 'e₂ niog₅ qui₂ca₂tín₂. Chi₂jua₂ ca₂tín₂ dsi₂tan₅₄ 'lia₅₄, qui₄ 'lia₅₄; chi₂jua₂ ca₂tín₂ mi₃ cu₄ te₁'éng₂, cuè₅₄ cu₄ jaun₂; chi₂jua₂ 'ein₂ ca₂tín₂ jme₃go₃ dsa₂, jme₁gan₃ bá₄ 'éi₂; chi₂jua₂ 'ein₂ ca₂tín₂ jme₃juag₂ dsa₂, jme₁juin₂ bá₄. 8 Ja₁con₂ 'i₁jan₂ tsá₃ jui₁le₅₄ jua₅₄ cha₂ a₂qui₂le₂rín₂ 'nia₂ uě₂,

* 12:10 o₃, “jme₁li₅₄ tē₃jñiá₅ a₂jme₂gan₃ 'nia₂ ríng₂ le₂jang₂ le₂jang₂.” † 12:19 Deuteronomio 32:35.

‡ 12:20 lit. “jmó₂ nio₃ ñi₁ta₂ le₁guí₂ si₂ne₄ mi₂dsi₅₄.” § 12:20 Proverbios 25:21-22.

jñia'⁵⁴ lia'² a₂qui₂le₂ring'² a₂'nióg'³ ríng'² le₂jang'² le₂jang'² bá₄; ia₁ jui₁lia'² i₂'nio₃ dsa₂ mi₂güí₃ rín'⁵⁴, ma₂ca₂jme₃ti₃ 'Éi'³ quió'⁵ Diú₄. ⁹ Juá'² 'Éi'³ quió'⁵ Diú₄: “Tsá₃ nióg'⁴ jág₁ quian'⁵⁴ i₂tsá₃ lín₅ dsi₂i₂gog'²; tsá₃ jñí₄g'⁴ dsa₂ mi₂güí₃ ríng'²; tsá₃ 'áng'¹; tsá₃ jmó'² jág₁ të₂jág₁; tsá₃ jmó'² 'ín₅ 'au'² a₂quió'⁵ i₂sián'².”* 'Éi'³ nē₅ quian'⁵⁴ guē₄ ca₂le₃jě₃ 'éi'³ siá'² ně₃, qui₂rē₂tan⁵⁴ quian'⁵⁴ jág₁ la₂: “Jme'¹nió₄ dsa₂ mi₂güí₃ ríng'² jui₁lia'² 'nióg'³ 'ñiag'².”†

¹⁰ Jui₁lia'² dsa₂ i₂'nio₃ dsa₂ mi₂güí₃ rín'⁵⁴, tsá₃ 'e₂ 'lig'⁵⁴ jmo₂₃ ja₁coin₂. Le₂nē₅ bá₄ jaun₂ ja₁'nio₃ dsa₂ ríin'⁵⁴, co₂'nió'⁴ ca₂rē₃ti₃ bá₄ 'Éi'³ qui'⁵ Si₂.

¹¹ Jē₄ ca₂le₃jě₃ a₂nē₅ ně₃, jmo₄ a₂ñí'² 'au'² jui₁lia'² jmí₄ chong₂ rē₂nē₃, a₂ma₂ca₂tě₂ hora a₂ñé₂i₂ jniog₄ jē₄ le₁guá₃. Ia₁ jē₁lió₂ jniog₄ caun₂ ma₂ja₂quián₃ co₂ñí₂ bá₄ rē₂nē₃ lia'² con'² guē₄ jme₁ca₂rē₃'éin₂ jniog₄ le₂'uig'⁵⁴. ¹² Jui₁lia'² jē₄ 'uē₂ la₂ caun₂ qui₂dsi₂juin⁵⁴ bá₄; caun₂ ma₂ja₂quián₃ jnia₅₄ bá₄. 'Uig'⁵⁴ jaun₂ bá₄ ca₂tág₂ jniog₄ tí₄ a₂tsá₃ ma₃jmó'¹ jui₁lia'² a₂lě₂jē₄ qui₁né'³, a₂quián₁ qui'⁵⁴ ca₂le₃jě₃ a₂'nió'⁵ quián₂, a₂jmo₅ 'í₁, a₂i₁'nio₁ jui₁lia'² 'lióg₂ i₂'nio₄ jē₄ jniá₂ si₂. ¹³ Jui₁'nio₁ jniog₄ lia'² con'² dsi₂ten⁵⁴, jui₁lia'² i₂'nio₄ dsa₂ a₂jmí₂. Tsá₃ ma₃'nió'⁵ le₃chong₂ i₁'nio₁ le₁'ein₅, on₃ guē'² o₂'ñió₃ o₂jñia₃ dsi₅, on₃ guē'² nió'⁴ jniog₄ jág₁ quian'⁵⁴ i₂tsá₃ lín₅ dsi₂i₂gu₂ jniog₄, on₃ guē'² jmó'¹ a₂tsá₃ dsi₂ten⁵⁴, on₃ guē'² dsiá₁ mi'⁵⁴, on₃ guē'² qui₁jñ₁ uin₅ dsi₅ rín'⁵⁴ ně₃. ¹⁴ Tē₂le₃ qui'² 'nia'² co₂'nió'⁴ a₂qui₂rē₂lión'³ 'nia'² lě₅ 'í₁ të₂le₃ quian'⁵⁴ 'ñiog₅ Te₁gui'⁵⁴ Jesucristo, tsá₃ ma₃jui₁dsi₂jio₅ guē'⁴ 'au'² 'a₂lia'² mag'² dsí₅ a₂mi₅ ni₁ñi'¹ 'nia'².

14

Tsá₃ chi₂'íng'⁴ uig'⁵ ríng'²

¹ Chi₂jua'² chan₂ dsa₂ 'uan⁵⁴ të₂le₃ quian'⁵⁴ a₂'éin₂, qui₁guein⁵⁴ 'nia'², la₁ on₃jua'⁵⁴ ia₁jaun₂ qui₁tsín'² 'nia'² 'a₂lia'² lě₅ ñí'². ² Chan₂ i₂lín⁵⁴ i₂'én₂ a₂lě₂ le₃guē'³ ca₂le₃jě₃ jui₁'e₂ guē'³, ton'² chan₂ guē'² táng₃ i₂lín⁵⁴ i₂'uan⁵⁴ dsí₅ 'a₂lia'² 'éin₂, i₂guē'⁵ jmá'³ lia'² ca₂ne⁵⁴ mi₂ján'⁵. ³ Jaun₂ lě₃ i₂guē'⁵ lia'² 'ei₅ ne₄ ně₃, tsá₃ ca₂tíin₂ jmo₃ jua'⁵⁴ tsá₃ jein⁵⁴ i₂tín₂ dsí₅ guē'⁵ jmá'³ lia'² a₂lín⁵⁴ má₃; ton'² ján₃ guē'² le₂jaun₂ jui₁lia'² i₂tsá₃ guē'⁵ le₃jě₃, tsá₃ lě₁o₁quion₂ 'í₁ ja₁con₂ dsa₂ i₂guē'⁵ le₃jě₃. Ia₁ ján₃ bá₄ ca₂guéi'² Diú₄ quió'⁵ dsa₂ 'éi₂.

⁴ 'Ne₂ guē'², ħ₂'ein₂ bá₄ líng'⁵ jua'⁵⁴ a₂caun'⁵⁴ 'í₁ ja₁con₂ dsa₂ i₂jme₂ti₃ ne₄ i₂sián'²? Ia₁ jui₁g'⁵⁴ bá₄ 'éi₂ i₂niog₅ ne₄ con₂ 'í₁ chi₂jua'² chén'⁵ 'éi₂ rē₂, o₃ të₁tsin'⁵⁴ 'lig'⁵⁴ 'e₂. Jaun₂ të₃tsin'⁵⁴ bá₄ rē₂, ia₁ i₂qui'⁵⁴ jmí₄ Te₁gui'⁵⁴ jmo₃ a₂tě₃tsin'⁵⁴ dsa₂ 'éi₂.

⁵ Chan₂ guē'² i₂lín⁵⁴ táng₃ i₂jmo₅ dsí₅, 'ñio₅ guē'⁴ quen₅ a₂lín⁵⁴ jmí₄ lia'² con'² guē'⁴ jmí₄ siá'²; chan₂ guē'² i₂lín⁵⁴ i₂'én₂ jmo₂₃ dsí₅ a₂co₂rē₂ bá₄ ca₂le₃jě₃ jmí₄. Le₂jan₂ le₂jan₂ 'nió'⁵ jmo₃ 'ei₅ caun₂ dsí₅ lia'² con'² lě₅ dsi₂jñia₅ dsí₅ 'ñiog₅. ⁶ Jui₁lia'² dsa₂ i₂jme₂gó'³ caun₂ jmí₄, le₃quió'⁵ Te₁gui'⁵⁴ bá₄ jme₂gó'³ jmí₄ jaun₂. Le₂nē₅ bá₄ jui₁lia'² dsa₂ i₂guē'⁵ lia'² 'ei₅ ne₄ má₃, guē'⁵ le₃quió'⁵ Te₁gui'⁵⁴, ia₁ cuē'⁵ ti₁'mag'⁴ Diú₄. Ján₃ bá₄ le₂nē₅ quian'⁵⁴ jui₁lia'² i₂tsá₃ guē'⁵ lia'² 'ei₅ ne₄ má₃, le₃quió'⁵ Te₁gui'⁵⁴ bá₄ tsá₃ guē'⁵; ján₃ bá₄ cuē'⁵ ti₁'mag'⁴ Diú₄.

⁷ Ia₁ 'i₁jan₂ jniog₄ tsá₃ lě₂ le₃chong₂ le₃quián₂ guio⁵⁴, on₃ guē'² lě₂ le₃dsióg₃ le₃quián₂ guio⁵⁴ ně₃. ⁸ Ia₁ të₁lia'² chong₂ jniog₄, chong₂ le₃quió'⁵ Te₁gui'⁵⁴ bá₄, ně₃ jua'² ca₂dsau₃ guē'² ně₃, dsióg₃ le₃quió'⁵ Te₁gui'⁵⁴ bá₄ ján₃. Le₂nē₅ bá₄, të₁lia'² chong₂ o₃ jē₁ma₂dsau₃ 'e₂, lág₅ i₂quián₅ Te₁gui'⁵⁴ bá₄. ⁹ 'Uig'⁵⁴ jaun₂ ca₂jon₃ Cristo, ton'² ca₂jein⁵⁴ táng₃: ia₁jaun₂ lén₂ Te₁gui'⁵⁴ quián₅ dsa₂ i₂ma₂dsan₃, lia'² dsa₂ i₂chan₂ ně₃.

* **13:9** Éxodo 20:13-15,17; Deuteronomio 5:17-19,21. † **13:9** Levítico 19:18.

10 La₁ 'ne₂ ně₃, ě₂ 'uig₅₄ cáun₂ 'í₁ ja₁ con₂ ríng₂? ě₀ 'e₂ lě₃ jing₅₄ sion₅ ríng₂?
Ia₁ ca₂le₃jág₃ bá₄ jniog₄ dsi₁no₃ dsi₂jme₁jnia₅ ne₄ Diú₄ ia₁jaun₂ con₂ 'éi₂ 'í₁ quián₂.

11 Ia₁ ne₄ Si₂ juá₂:

Jui₁lia₂ a₂dsón₂ dsau₅ bá₄ a₂chan₂ jniá₂,

juá₂ Te₁gui₅₄,

le₂ně₅ bá₄ dsau₅ dsón₂,

ca₂le₃jín₃ bá₄ qui₃jóin₂ jne₅₄ ne₃ jniá₂,

jaun₂ ca₂le₃jín₃ bá₄ jmo₃ jág₁ quian₅₄ mi₂'o₅₄

le₃ne₄ Diú₄.*

12 Le₂ně₅ bá₄ jaun₂, le₂jau₂ le₂jau₂ bá₄ jniog₄ dsi₁jang₅₄ jág₁ dsau₅ quián₂ ne₄ Diú₄.

Tsá₃ jmó₂ jua₅₄ qui₂nió₃ ríng₂

13 Jaun₂ lě₃, tsá₃ ma₃jua₅₄ qui₁quiong₅₄ jniog₄ 'í₁ le₂jau₂ le₂jau₂ ja₁con₂ rin₅₄.
Tě₂le₃ jmo₄ 'nia₂ 'í₁, jmo₄ co₂ŋei₅₄ tsá₃ 'e₂ jmó₂ 'i₁caun₂ jua₅₄ a₂qui₂nió₃ ríng₂.

14 Guion₄ bá₄ jniá₂, 'ei₅ caun₂ dsi₃ le₃quió₅ Te₁gui₅₄, 'i₁caun₂ tsá₃ cha₂ jua₅₄ tsá₃
le₁jě₃ con₂ lě₅ 'ŋiog₅. La₁ ně₁jua₂ chan₂ jan₂ jmo₂₃ dsí₅, cha₂ caun₂ a₂tsá₃ le₁jě₃,

le₃quió₅ 'ŋiog₅ bá₄, tsá₃ le₁jě₃. 15 Ně₁jua₂ ca₂jén₃ qui₂ dsí₅ ríng₂ o₄quió₄ a₂quě₂
'ne₂, tsá₃ ma₃jmo₂ a₂'nióg₃ ríng₂. Tsá₃ jmo₂ jua₅₄ cuě₁ jui₅ o₄quió₄ a₂quě₂,

a₂dsi₂én₂ jan₂ ríng₂, ia₁ ca₂jon₃ Cristo o₄quió₄ 'éi₂ ján₃. 16 Tsá₃ cuě₂ 'nia₂ jui₅
jua₅₄ a₂quid₃sia₃ dsa₂ 'lig₅₄ 'ě₃ jui₁lia₂ a₂jmo₂ 'au₂ a₂dse₃. 17 Ia₁ jui₁lia₂ ja₁gon₂

Diú₄, tsá₃ lin₄ quen₅ jui₁lia₂ a₂guě₅ dsa₂, a₂qui₂'ín₂ dsa₂ ně₃; a₂jaun₂ bá₄ a₂quen₅
guě₄ lin₃: a₂guéi₂ Diú₄ jniog₄ ně₂jag₄ bá₄ a₂tsá₃ 'e₂ dso₄ rag₂, a₂chong₂ jniog₄ tei₄

o₂'ŋió₃ o₂jnia₃ dsi₅ tě₂le₃ quian₅₄ Jme₂dsí₂ Jnió₅. 18 Ia₁ jui₁lia₂ i₂jmeti₃ ta₁ ne₄
Cristo le₂ně₅, jmo₂₃ a₂'ŋio₂ dsí₅ Diú₄, ton₂ dse₃ 'ag₅ táng₃ dsa₂ mi₂güig₃.

19 Le₂ně₅ bá₄ jaun₂, caun₂ jui₁'niog₅₄ jniog₄ jmá₃ lia₂ a₂cuě₅ jui₅ ja₁'ag₃ tei₄,
a₂jme₂'o₅₄ dsi₃cau₅₄ jniog₄ tě₂le₃ jui₅ jme₂dsí₂. 20 Tsá₃ lě₁én₅ 'ne₂ ta₁ quió₅ Diú₄

o₄quió₄ má₃. Dsón₂ bá₄ jaun₂, a₂le₁jě₃ ca₂le₃jě₃ a₂niog₅ guě₅ dsa₂. La₁ tsá₃
dse₃ ně₁jua₂ o₄quió₄ a₂quě₂ 'ne₂, tián₂ dso₄ ríng₂. 21 Ja₂lin₃ guě₄ dse₃ a₂tsá₃

quíg₂ ŋí₅, on₃ guě₂ 'ag₅₄ vino, on₃ guě₂ jmó₂ jui₁'e₂ guě₃ a₂lé₂ le₃qui₂nió₃ ríng₂.
22 Jui₁lia₂ a₂'én₂ 'ne₂, a₂'én₂ 'ne₂ 'ŋiag₂ bá₄ jaun₂ tě₂le₃ ne₄ Diú₄. i₁'E₂ guě₄ dse₃

jui₁lia₂ dsa₂ i₂con₂ 'í₁ ja₁con₂ 'ŋiog₅, i₂tsá₃ qui₂dsi₂jni₅ dsí₅ o₄quió₄ a₂cuě₂₃ jmi₃g₄
'ŋiog₅! 23 La₁ jui₁lia₂ dsa₂ i₂guě₅, i₂'ei₅ caun₂-tin₃ dsí₅, ma₂gue₃ uig₅, ia₁ tsá₃

ca₂guě₃ tě₂le₃ quian₅₄ a₂'éin₂. Ia₁ ca₂le₃jě₃ a₂jmo₅ dsa₂ a₂tsá₃ lě₅ tě₂le₃ quian₅₄
a₂'éin₂, dso₄ bá₄ jaun₂.

15

Jmo₄ a₂'ŋio₂ dsí₅ dsa₂ mi₂güig₃ ríng₂, on₃jua₅₄ rě₂ jmá₃ a₂tě₅ 'au₂ 'ŋiag₂

1 Jniog₄ i₂tióng₂ tiá₂ a₂'éin₂, ca₂tág₂ guéi₁ co₂'nió₄ caun₂ lio₅₄ quián₂, 'a₂ lia₂
qui₂ŋí₂ dsí₅ dsa₂ i₂'uan₅₄ 'a₂ lia₂ 'éin₂, jaun₂ tsá₃ 'nió₅ jmó₁ con₂ a₂tě₅ dsi₅ guio₅₄.

2 Le₂jau₂ le₂jau₂ bá₄ jniog₄ ca₂tág₂ jmó₁ a₂tě₅ dsí₅ dsa₂ mi₂güig₃ rin₅₄, a₂jmó₁ a₂lě₅
a₂dse₃ ja₁coin₂, jui₁lia₂ jui₅ ja₁lé₂ qui₂dsi₃cóin₃ le₃quió₅ jme₂dsí₂. 3 Ia₁ ca₂lia₂

jnia₅₄ 'ŋiog₅ Cristo tsá₃ ca₂jmo₃ a₂tě₅ dsí₅ 'ŋiog₅. Tě₂le₃ ca₂i₃ŋí₂ jui₁lia₂ juá₂ ne₄
Si₂:

Ca₂le₃jě₃ jág₁ uig₅ a₂jme₁tsí₅ dsa₂ 'nia₂,

ne₃ jniá₂ bá₄ ca₂tě₁tsí₅₄.*

4 Ia₁ ca₂le₃jě₃ con₂ lě₅ jág₁ a₂ca₂i₃to₅₄ ne₄ Si₂, a₂ca₂i₃to₅₄ ia₁jaun₂ jme₁tag₅
jniog₄ rě₂ně₃, ia₁jaun₂ caun₂ chong₂ jniog₄ 'ín₂ dsi₅ le₃quió₅ Diú₄, tě₂le₃ quian₅₄

* 14:11 Isaías 49:18; 45:23. * 15:3 Salmo 69:9.

a₂juin'₂ dsi₅, a₂lě₂ lián'₂ dsi₅ a₂cuē₅ jág₁ a₂já₅ ne₄ Si₂ jaun₂. ⁵ Ju₁jme₂'o₅₄ bá₄ Diú₄, i₂jmo₅ a₂juin'₂ dsi₅ dsa₂, i₂cuē₅ lián'₂ ně₃, ju₁jme₂'oin₅₄ 'nia'₂ a₂tiáng'₄ a₂jen'₂ 'nia'₂ le₂jang'₂ le₂jang'₂ con'₂ lě₅ i₂nio'₅₄ 'nia'₂ ju₁ quió'₅ Cristo Jesús,† ⁶ ia₁jaun₂ ca₂le₃jín'₃ 'nia'₂ co₂dsia₅, caun₂ bá₄ jág₁, jme₁juin'₂ 'nia'₂ Diú₄ Jme₂ Te₁gui'₅₄ Jesucristo quián₂.

Dsi₂'ag₅ jág₁ dse₃ ja₁ con₂ dsi₂ nau₂

⁷ Le₂ně₅ jaun₂, qui₂guen₅₄ 'nia'₂ ríng'₂ le₂jang'₂ le₂jang'₂ ju₁lia'₂ ca₂guéi'₂ Cristo guio₅₄ jniog₄, ia₁jaun₂ le₃juin'₂ Diú₄. ⁸ Ia₁ a₂juá'₅ jniá₂ juíg₂ 'nia'₂, ca₂guan₃ I₂rě₂'ín₁ quián₅ Diú₄, ca₂jme₃ti₃ ja₁con₂ jnia'₅₄ con'₂ lág₅ dsa₂ judíos,‡ ia₁jaun₂ le₃ti₃ jág₁ ron₅ a₂ca₂η₂ dsa₂ can'₅₄ quián₂ jnia'₅₄ ma₂líg'₂. Jaun₂ le₂ně₅ bá₄ ca₂rě₃jniá₂ ně₃ i₂rě₂ti'₅₄ bá₄ Diú₄ jág₁ a₂cuē₂₃. ⁹ Guain₃ ján₃ ia₁jaun₂ jme₃juag'₂ dsi₂nau₂ jme₃juin'₂ Diú₄ i₂ηéi₂ dsi₅, ju₁lia'₂ rě₂ton₅ ne₄ Si₂:
'Uig₅₄ jaun₂ jme₁juin'₂ jniá₂ 'ne₂ jin₄ dsi₂nau₂;

'ě₅₄ jniá₂ ne'₅₄ 'ne₂ a₂jme₁juag'₂. §

¹⁰ Con'₂ siá'₂ juá'₂ táng₃:

Jmo₄ 'io'₂, 'nia'₂ dsi₂nau₂,

quian'₅₄ dsa₂ juig₂ quián₅. *

¹¹ Ja₁siá'₂ táng₃ juá'₂:

Jme₁juin'₂ 'nia'₂ Te₁gui'₅₄,

'nia'₂ ca₂le₃jín₃ dsi₂nau₂,

ju₁jme₂juag'₂ bá₄ ca₂le₃jě₃ juig₂. †

¹² Ján₃ bá₄ juá'₂ Isaías:

'Nio₂ tsin₅ cho'₅₄ Isaí,

jaun₂ náu₃ jan₂ i₂qui₃ dsi₅ 'éi'₃ ja₁con₂ dsi₂nau₂;

le₃quió'₅ 'éi'₂ bá₄ qui₃le₃'ín₂ dsi₅

le₂caun₂ le₂caun₂ juig₂. ‡

¹³ Jaun₂ Diú₄, i₂jmo₅ 'ei₅ caun₂ dsi₅ a₂'ín₂ dsi₅ jniog₄, ju₁jme₂cain'₂ bá₄ 'au'₂ 'nia'₂, a₂chang'₂ jmó'₂ 'nia'₂ 'io'₂, 'ag₃ tei₄ a₂'éng'₂ le₃quió'₅, ia₁jaun₂ rě₂tsón₂ a₂le₁'ág₄ caun₂ 'au'₂ a₂'ín₂ 'au'₂ 'nia'₂ quian'₅₄ ju₁bí₂ quió'₅ Jme₂dsí₂ Jnió₅.

¹⁴ Caun₂ bá₄ 'ei₅ dsi₃ jniá₂, rin'₅₄ jniog₄, ma₂quile₁rin₅ 'au'₂ 'nia'₂ a₂ηéi₂ 'au'₂ ríng'₂, ton'₂ qui₂le₁rin₅ 'au'₂ 'nia'₂ a₂tin'₂ 'nia'₂, jaun₂ qui'₅₄ 'nia'₂ jmig₄ tóng'₄ jág₁ ríng'₂ le₂jang'₂ le₂jang'₂. ¹⁵ A₂tiá₂ dsi₃ jniá₂ ma₂ně₂juá'₃ ja₁lin₅₄, ma₂ně₂tó'₃ jniá₂ jág₁ ne₄ si₂ la₂ ne'₅₄ 'nia'₂, ia₁jaun₂ tsá₃ dsi₃'én₂ 'au'₂ 'nia'₂. A₂'ua₁ dsi₅ bá₄ Diú₄ ma₂dsia₃ gu₃ ta₁ la₂, ¹⁶ a₂jme₂tí₁ ne₄ Jesucristo jě₄ quió'₅ dsi₂nau₂, a₂qui₂jen'₄ jniá₂ ne'₅₄ 'nia'₂ jág₁ dse₃ a₂lión₂ dsa₂, ia₁jaun₂ lé₂ qui₁jen'₄ 'nia'₂ i₂lín₅ dsi₂nau₂, le₃ne₄ Diú₄, ně₂jag₄ bá₄ caun₂ a₂rě₂jen'₅₄ a₂guéi'₃, co₂'nió'₄ dsa₂ i₂ma₂rě₂tsón₄, ca₂jmo₃ Jme₂dsí₂ Jnió₅.

¹⁷ Jaun₂ lě₃, jmo₅ jniá₂ táng'₅ le₃quió'₅ Cristo Jesús, quian'₅₄ ta₁ a₂jmo₅ jniá₂ ne₄ Diú₄; ¹⁸ on₃juá'₅₄ rě'₂ a₂tiá₂ dsi₃ jniá₂ le₃juá'₄ lě₅ guě₄ lia'₂ con'₂ guě₄ ju₁lia'₂ a₂ma₂qui₂ma₂jmo₃ Cristo tě₂le₃ quian'₅₄ jniá₂, a₂tsin'₅₄ jniá₂ dsi₂nau₂ ne₄ ju₁, quian'₅₄ jág₁ quió'₃, quian'₅₄ ta₁ quió'₃ ně₃, a₂le₃ne'₅₄ 'éi'₂ ne₄ Diú₄. ¹⁹ A₂lě₅ ta₁ ně₅ tě₂le₃ quian'₅₄ ju₁bí₂ a₂'io₅ léi₄ juě'₂ a₂dsi₂gó'₃ dsi₅ dsa₂, tě₂le₃ quian'₅₄ ju₁bí₂ quió'₅ Jme₂dsí₂ Jnió₅ ně₃. Le₂ně₅ bá₄ ma₂ca₂jme₁ηiag₂₃ ta₁ ma₂qui₂ma₂'ě₃ jág₁ dse₃ quió'₅ Cristo, ca₂jme₁lióg₄ jniá₂ juig₂ Jerusalén, jaun₂ guě₄ ηeg₅₄ ta₁caun₂ ju₁ le₃lág'₃, ca₂lia'₂ ca₂dsióg₃ tě₂ 'uě₃ Ilírico. ²⁰ Le₂ně₅ bá₄ ma₂ca₂jmo₃ dsen₅₄

† 15:5 'Nio'₂ ja₁ton₅ Filipenses 2:5. ‡ 15:8 lit. "dsa₂ i₂rě₂uig₄ quió'₅," § 15:9 2 Samuel 22:50; Salmo 18:49. * 15:10 Deuteronomio 32:43. † 15:11 Salmo 117:1. ‡ 15:12 Isaías 11:10.

dsi₃ ma₂qui₂ma₂'ě₃ jág₁ le₂tan₅₄ juig₂ ja₁'i₁cón₂ tsá₃ jme₁ma₂nág₂ dsa₂ a₂'in₅ dsa₂
Cristo, ia₁jaun₂ tsá₃ cho₅₄jniá₂ ta₁ ne₄ 'uig₅₄ 'ia₂ a₂ma₂ca₂jme₃lióg₃ i₂sián₂. ²¹ La₁
ju₁lia₂ juá₂ ne₄ Si₂:

Jág₃ dsa₂ jín₃ 'éi₂

i₂tsá₃ jme₁ma₂gú₃ jág₁ quió₅;

jaun₂ le₃ñí₂ dsí₅

ju₁lia₂ i₂tsá₃ jme₁ma₂nág₂ a₂'in₅ 'éi₂. §

Dsi₂jio₅ dsí₅ Pa₄ dsó₃ ju₁ Roma

²² Uig₅₄ nē₅ ca₂ñí₃ jniá₂ ju₁'lióng₂ ráun₂ lia₂ con₂ jme₁'nio₃ jme₁i₁jing₁₂ 'nia₂.

²³ La₁ nē₃ guē₂ lia₂ tsá₃ ma₃cha₂ ja₁jmo₅₄ ta₁ le₂tan₅₄ juig₂ te₁'i₁ le₃la₂, jaun₂
ma₂ne₁ñó₄ bá₄ 'lióng₂ ñi₂ jme₁'ín₅ dsi₃ jme₁nei₅₄ i₁jing₁₂ 'nia₂, ²⁴ 'ín₂ dsi₃ jniá₂
ñig₅₄ ju₁ ja₁tion₅₄ 'nia₂ jē₁ma₂tē₂ rē₁nei₅₄ ju₁ España, ia₁jaun₂ lé₂ le₃tsag₅₄
ne₄ ju₁ jaun₂, cang₂ jē₁ma₂ca₂mag₂ dsi₃ jing₅₄ 'nia₂. ²⁵ La₁ rē₂nē₃ nē₃, 'eng₅₄
ju₁ nei₅₄ ju₁ Jerusalén, a₂jme₁ti₁ jniá₂ ta₁ ja₁con₂ dsa₂ quián₅ Diú₄ ja₁jaun₂.

²⁶ Ia₁ i₂chan₂ Macedonia quian₅₄ i₂chan₂ Acaya nē₃, ca₂jmo₃ dsí₅ ca₂cág₃ cu₄
a₂chein₃ ne₄ rín₅₄ jniog₄ i₂tē₂ñé₂ i₂chan₂ juig₂ Jerusalén. ²⁷ A₂'ñio₂ dsí₅ ca₂jmo₃
le₂jaun₂, ia₁ dsau₅ bá₄ jaun₂ rín₂ le₃quió₅ 'éi₂. Ia₁ chi₂jua₂ ma₂qui₂ma₂quen₅₄
dsi₂nau₂ a₂gu₂dsí₂ a₂ca₂cuē₃ dsa₂ judíos, ján₃ bá₄ le₂jaun₂ ca₂tín₂ jme₃'o₅₄
quian₅₄ a₂'nió₅ le₃quió₅ ni₁ñí₅. ²⁸ Jaun₂ le₂nē₅, jē₁ma₂ca₂dsan₃ jáng₅ jniá₂ ne₅₄
a₂ma₂ca₂cág₃ dsa₂ jaun₂, jaun₂ guē₄ 'ú₄ ju₁ a₂nei₅₄ ju₁ España, a₂i₁jing₁₂ 'nia₂
lia₂ ma₂'eng₅₄ ju₁. ²⁹ Jaun₂ caun₂ bá₄ 'ei₅ dsi₃, a₂jme₃gu₅₄ bá₄ Cristo lia₂ rē₂'ñia₅
jē₁ma₂tē₂ rē₁dsióg₄ jniá₂ a₂i₁jing₁₂ 'nia₂.

³⁰ Rín₅₄ jniog₄, mi₅ jniá₂ ja₁con₂ 'nia₂ lia₂ con₂ lē₅ 'éi₃ quió₅ Te₁gui₅₄
Jesucristo quián₂ jniog₄, ton₂ ia₁ a₂cuē₅ Jme₂dsí₂ bí₂, a₂jme₁'nió₄ jniog₄
rín₅₄: a₂jme₁quiong₅₄ 'nia₂ jniá₂, ne₄ 'nei₂ a₂chéng₅, a₂chi₁len₄ 'nia₂ Diú₄
o₄quió₃. ³¹ Mi₄ 'nia₂ ne₄ Diú₄ ju₁lio₅₄ jniá₂ o₄gú₃ dsa₂ i₂tsá₃ 'én₂ i₂chan₂ Judea,
le₂jaun₂ guē₂ ján₃ ju₁gue₅₄ bá₄ rín₅₄ jniog₄ juig₂ Jerusalén caun₂ dse₃ a₂i₁can₁₂
a₂jme₁'oin₁₂, ³² ia₁jaun₂ chi₂jua₂ 'nio₃ Diú₄ a₂dsióg₄ jniá₂, i₁jing₁₂ 'nia₂ a₂'io₂
jmo₂₃, a₂tág₄ jme₂dsí₂ quió₃ co₂dsia₅ quian₅₄ 'nia₂.

³³ Ju₁quiong₅₄ bá₄ Diú₄ i₂jmo₅ 'ei₅ tei₄, ca₂le₃jín₃ 'nia₂. A₂meí₃.

16

Cu₁in₂₃ Diú₄ le₂jan₂ le₂jan₂

¹ Jme₂jnia₄ jniá₂ 'io₅₄ rín₅₄ jniog₄ Febe, i₂ma₂já₅ jme₂ti₃ ja₁con₂ guá₅ chan₂
Cencrea. ² Guein₅₄ bá₄ dse₃ o₄quió₄ Te₁gui₅₄, jmo₄ bá₄ con₂ dsi₂ten₅₄ jmo₃
dsa₂ ja₁con₂ rín₅₄ i₂'én₂,* ján₃ guē₂ jme₁'oin₁₂ quian₅₄ ju₁'e₂ guē₃ a₂ca₂rē₃'nió₃
quió₅, ia₁ ma₂ca₂jme₃'o₅₄ bá₄ 'éi₂ 'ñiog₅ ma₂ca₂jme₃'oin₅₄ ju₁n₅, ján₃ guē₂
le₂jaun₂ ma₂ca₂jme₃'o₅₄ jniá₂.

³ Cu₁n₅₄ Diú₄ Priscila† quian₅₄ Aquila, i₂lín₅ i₂quian₅₄ jniá₂ jē₄ ta₁ a₂niog₅
quió₅ Cristo Jesús. ⁴ 'Éi₂ bá₄ ca₂jmo₃ tén₂ dsí₅ o₄quió₃ jniá₂, o₁jnia₅₄ ca₂quí₃ dsa₂
dsi₂lag₅₄. Jaun₂ cuē₅ jniá₂ ti₁'mag₄ 'éi₂. On₃ jua₅₄ jmá₃ jniá₂; ca₂le₃jín₃ dsi₂nau₂
i₂'én₂ cuē₂₃ ti₁'mag₄ ján₃.

⁵ Nē₅ i₂cuíng₅ Diú₄ ján₃ dsa₂ rín₅₄ jniog₄ i₂ñí₂ dsi₂néi₂ quió₅ Priscila quian₅₄
Aquila nē₃. Cu₁n₅₄ Diú₄ Epeneto a₂mei₅₄ quiáng₃, dsa₂ i₂le₂'uig₅₄ i₂ca₂rē₃'én₂
le₃quió₅ Cristo 'uē₃ Acaya.‡

⁶ Cu₁n₅₄ co₂nio₄ Diú₄ María, ia₁ 'ñio₅ lín₃ ma₂jmo₃ ta₁ o₄quián₂ 'nia₂.

§ 15:21 Isaías 52:15. * 16:2 lit. "dsa₂jñió₅." † 16:3 griego: Prisca. ‡ 16:5 griego: Asia.

7 Cuin₅₄ co₂nio₄ Diú₄ Andrónico quian'₅₄ Junias, dsa₂ go₃ jniá₂ i₂quiang'₅₄ ca₂'ú₃ né₃ 'má₃; co₂'nió₄ dsa₂ i₂lén₄ i₂cuig₅ guě₄ dsa₂ i₂chen₄ quián₅ Te₁gui'₅₄, co₂'nió₄ dsa₂ i₂jme₁ma₂tion'₅₄ le₃quió'₅ Cristo le₂jniá₅ guě₄ con'₂ guě₄ jniá₂.

8 Cuin₅₄ Diú₄ Amplias, jan₂ i₂'nió₃ jniá₂ le₃quió'₅ Te₁gui'₅₄.

9 Cuin₅₄ co₂nio₄ Diú₄ ján₃ Urbano, dsa₂ i₂quian'₅₄ jniog₄ jmo₂ ta₁ quió'₅ Cristo Jesús, quian'₅₄ Estaquis ně₃ i₂lín₅ a₂mei₅₄ quiáng₃ i₂'nióg₃ guě₄ lín₃.

10 Cuin₅₄ Diú₄ Apeles, i₂ma₂já₅ cuě₂₃ léi₄ a₂ñi₂₃ le₃quió'₅ Cristo, le₂jaun₂ bá₄ jmo₄ co₂nio₄ quian'₅₄ ca₂le₃jín₃ i₂chan₂ dsi₂néi₂ quió'₅ Aristóbulo ján₃.

11 Cuin₅₄ Diú₄ Herodión, dsa₂ go₃ jniá₂, quian'₅₄ guě'₂ dsa₂ familia quián₅ Narciso i₂'én₂ le₃quió'₅ Te₁gui'₅₄.

12 Cuin₅₄ bá₄ co₂nio₄ Diú₄ Trifena quian'₅₄ Trifosa ně₃, on₃ dsa₂ mí₂ i₂jmo₅ ta₁ quió'₅ Te₁gui'₅₄, quian'₅₄ guě'₂ 'io₅₄ rín'₅₄ jniog₄ Pérsida i₂'nió₄ guě₄ lín₃, i₂ñí₄ ma₂jmo₃ ta₁ quió'₅ Te₁gui'₅₄ ján₃.

13 Cuin₅₄ bá₄ Diú₄ Rufo i₂lín₅ dsa₂ i₂ma₂quion'₅₄ quián₅ Te₁gui'₅₄, quian'₅₄ chog₅₄, i₂jñg₅₄ ně₂jag₄ bá₄ cha₃ ján₃.

14 Cuin₅₄ Diú₄ Asíncrito, Flegonte, quian'₅₄ guě'₂ Hermas, Patrobas, Hermes ně₃, quian'₅₄ guě'₂ dsa₂ rín'₅₄ jniog₄ i₂quian'₅₄ ně₃.

15 Cuin₅₄ 'nia'₂ Diú₄ ján₃ i₂chen₂ Filólogo quian'₅₄ Julia, Nereo ně₃, quian'₅₄ 'io₅₄ rín'₅₄; cuin₅₄ 'nia'₂ Diú₄ Olimpas quian'₅₄ guě'₂ ca₂le₃jín₃ rín'₅₄ jniog₄ i₂'én₂ § i₂tion'₅₄ quian'₅₄.

16 Cuin₅₄ 'nia'₂ Diú₄ ríng'₂ le₂jang'₂ le₂jang'₂ a₂qui₁chén'₁ * 'nia'₂ quió'₅ ríng'₂, a₂lě₅ léi₄ a₂ma₂'ei₅ caun₂ jág₁ a₂le₁jě₃ 'au'₂ quian'₅₄ ríng'₂. Ca₂le₃jín₃ bá₄ guá'₅ quián₅ Cristo dsiáin'₂ jág₁ a₂cuin₂₃ Diú₄ 'nia'₂.

17 Rín'₅₄ jniog₄, mi₅ jniá₂ ne'₅₄ 'nia'₂, rě₂ de'₂ quion₂ 'nia'₂ 'í₁, 'ein₂ dsia₅ mi'₅₄ jmo₅ le₁dson'₅₄ guá'₅, 'ein₂ chi'₅ jui₅ a₂qui₂nió₃ dsa₂, a₂tsá₃ dsi₂ten₅₄ lia'₂ con'₂ lě₅ jág₁ a₂ma₂ca₂rě₃tín'₃ 'nia'₂. Jaun₂ co₂dsia₅ chén'₂ 'nia'₂ cau₅ i₂jmo₅ le₂jaun₂.

18 Ia₁ on₃jua'₅₄ dsa₂ i₂jme₂ti₃ ne₄ Te₁gui'₅₄ Jesucristo i₂le₂'éi₂; con'₂ njia'₅₄ jme₂ti₃ ne₄ a₂mi₅ ni₁ñi₁ guoin₅₄ bá₄, qui₂jme₂gain₂₃ dsí₅ jui₁lia'₂ dsa₂ i₂tsá₃ lín₄ ñí'₂ dsí₅, quian'₅₄ jág₁ 'ua₁, jág₁ rau₂ ně₃.

19 Ca₂le₃jín₃ bá₄ dsa₂ le₁ñi₅ 'a₂ lia'₂ ma₂ja₂nó'₅ 'nia'₂ a₂neg'₅₄, jaun₂ 'io'₂ jmo₅ jniá₂ o₄quián'₂ 'nia'₂. La₁ia₁ 'nio₃ jniá₂ a₂lén'₂ 'nia'₂ 'ñiog'₅₄ le₃quió'₅ a₂dse₃, ján₃ bá₄ le₂ně₅ a₂lég'₂ dsa₂ i₂tsá₃ 'e₂ dsi₂jnia₅ dsí₅ ne₄ a₂'lig'₅₄. 20 Jaun₂ Diú₄ i₂jmo₅ 'ei₅ tei₄, ñi'₅₄ ta₁ jlein'₃ i₂sě₃dse₃ o₄tag'₄ 'nia'₂. Jui₁'ei₅ bá₄ a₂dse₃ dsí₅ Te₁gui'₅₄ Jesús quián₂ jniog₄ ja₁con'₂ 'nia'₂.

21 Timoteo, i₂quian'₄ jniá₂ jmo₂₃ ta₁, dsiáin'₂ jág₁ a₂cuin₂₃ Diú₄ 'nia'₂; le₂jaun₂ bá₄ ján₃ Lucio quian'₅₄ Jasón, Sosípater, i₂lín₅ dsa₂ go₃ jniá₂.

22 Jniá₂ Tercio i₂tó'₃ jág₁ la₂ ne₄ si₂, ján₃ bá₄ cuin₅ jniá₂ Diú₄ 'nia'₂ o₄quió'₄ Te₁gui'₅₄.

23 Gayo ně₃ dsiáin'₂ jág₁ a₂cuin₂₃ Diú₄ 'nia'₂. Dsi₂néi₂ quió'₅ 'éi₂ bá₄ 'eng₅₄. Ján₃ bá₄ cuě₂₃ dsi₂néi₂ quió'₅ cuě'₅ ca₂le₃jín₃ dsa₂ quián₅ guá'₅. Erasto dsa₂ i₂niog₅ gu₂ cu₄ quió'₅ dsa₂ juig₂ ně₃, dsiáin'₂ jág₁ a₂cuin₂₃ Diú₄ 'nia'₂ ján₃; i₂chen₂ Cuarto rín'₅₄ jniog₄ ně₃.

24 Jui₁jme₂gu'₅₄ bá₄ Te₁gui'₅₄ Jesucristo 'nia'₂ ca₂le₃jíng'₃, A₂méi₃.†

'Ág'₃ jág₁ Pa₄ a₂jme₂juin'₂ Diú₄

25 Ně₃ ně₃, jui₁jme₂juin'₂ jniog₄ Diú₄. 'Éi₂ bá₄ lé₂ le₃jmo₃ a₂náu'₁ 'nia'₂ tiá₂ lia'₂ con'₂ lě₅ jág₁ dse₃ quió'₅ Cristo a₂'ě₅ jniá₂, lia'₂ con'₂ lě₅ ca₂jme₃jnia₅ Diú₄ jág₁

§ 16:15 lit. "dsa₂ jnió₅." * 16:16 Caun₂ tag₄ a₂jme₁chí'₄ lia'₂ con'₂ ca₂jmo₃ Pa₄ si₂la₂. † 16:24 Chog₅₄ si₂ a₂dse₃ guě₄ tsá₃ chi₁ton₅

quió' ₅ a₂jme₁rë₂'ma₄ ca₃ma₂líg' ₂ lín.₃ ²⁶ Diú₄ i₂chan₂ co₂tan₅₄ 'éi₂ bá₄ ca₂jmo₃ 'éi' ₃
 a₂jmo₃ jág₁ dsa₂ i₂chen₄ quiáin₅ ma₂líg' ₂, jág₁ a₂ca₂tó' ₂ 'éi₂ ne₄ Si₂, ia₁jaun₂ le₃η₅
 dsa₂ chan₂ ca₂le₃jě₃ juig₂ nación, ia₁jaun₂ le₃'éin₂ jág₁ jaun₂, le₃nei' ₅₄ ně₃.

²⁷ ¡Diú₄ i₂jan₂ tan₅₄, i₂tin₂, i₂η₅, ju₁lejuin' ₂ bá₄ tē₂le₃ quian' ₅₄ Jesucristo
 ca₂lia' ₂ co₂tan₅₄! A₂méi₃.
 Co₂ně₅.

Si carta le 'uig⁵⁴ a ca²jmo³ San Pablo ne⁴ dsa² CORINTIOS

Jmo⁵ Pa⁴ si le 'uig⁵⁴ a²chein² ne⁴ Guá'⁵ i²chan² juig² Corinto

¹ Jniá² Pa⁴, co²nē⁵ ca²rē³ 'ñi³ó³ dsí⁵ Diú⁴, ca²tē³ 'éi² a²léng² dsa² i²chen⁴ quián⁵ Te¹gui⁵⁴ Jesucristo; jnia'⁵⁴ co²dsia⁵ quian'⁵⁴ Sóstenes rin'⁵⁴ jniog⁴, ² jmo²³ si² carta la² a²dsian'⁴ ja¹con² guá'⁵ quián⁵ Diú⁴, dsa² chan² juig² Corinto, dsa² i²ma²tē⁵ Diú⁴ a²lén² dsa² i²le³chan² lē⁵ 'í¹ le³quió'⁵ Cristo Jesús; co²dsia⁵ bá⁴ quian'⁵⁴ ca²le³jín³ i²jme²juin'² Te¹gui⁵⁴ Jesucristo ca²le²con² mi²güig³, a²lín⁵ 'éi² Te¹gui⁵⁴ quián⁵, ju¹lia'² quián² jniog⁴ táng³: ³ Ju¹chan'² bá⁴ 'nia'² 'ei⁵ tei⁴, ju¹jme²gu'⁵⁴ bá⁴ Diú⁴ i²lín⁵ jme² jniog⁴, ju¹jme²gu'⁵⁴ Te¹gui⁵⁴ Jesucristo ján³.

Jme²gu'⁵⁴ Diú⁴ tē²le³ quian'⁵⁴ Cristo

⁴ Ca²le³o³ jmi⁴ bá⁴ cuē⁵ jniá² ti¹'mag'⁴ Diú⁴ o⁴quián'² 'nia'², ia¹ ca²jme³gu'⁵⁴ bá⁴ Diú⁴ tē²le³ quian'⁵⁴ Cristo Jesús. ⁵ Tē²le³ ia¹ a²chan'² 'nia'² le³quió'⁵ Cristo, Diú⁴ bá⁴ ma²ca²jme³o⁵⁴ 'nia'² ca²le³jē³ ne⁵⁴ a²dse³ quió'⁵, ju¹lia'² jág¹ a²'ñia'² 'nia'², ju¹lia'² ca²le³jē³ a²tin'² 'nia'² nē³. ⁶ Le²nē⁵ bá⁴ ca²le³jē³ 'e² niog⁵ ca²jme¹tag⁵ jnia'⁵⁴ tē²le³ quió'⁵ Cristo, ma²ca²rē³ti³ bá⁴ tē²le³ quian'⁵⁴ 'nia'². ⁷ Jaun² lē³, tsá³ ma³'e² 'nió'⁵ quián'² 'nia'² jua'⁵⁴ a²cuē³ Diú⁴ caun² bí² a²gu²dsí², tē²lia'² jan'⁵⁴ 'nia'² a²'ín² 'au'² a²jme³jnia⁵ Te¹gui⁵⁴ Jesucristo quián² jniog⁴. ⁸ 'Éi² bá⁴ jme³o⁵⁴ náu'¹ 'nia'² tiá² ca²tē² jmi⁴ jē¹ca²tó'², ia¹ jaun² tsá³ 'e² dso⁴ rin'² 'nia'² jē¹ma²ca²tē² jmi⁴ quió'⁵ Te¹gui⁵⁴ Jesucristo. ⁹ I²jme³ti³ bá⁴ Diú⁴ ca²le³jē³ jág¹ quió'⁵; 'éi² bá⁴ ma²ca²tē³ 'nia'² 'ag³ caun² jág¹ quian'⁵⁴ Jesucristo ja¹ñi'⁵⁴, Te¹gui⁵⁴ quián².

A²tsi²jín⁵ dsa² dsia²³ mi'⁵⁴ jmo²³ le¹dsoin'⁵⁴

¹⁰ Rin'⁵⁴ jniog⁴, mi⁵ jniá² ja¹con'² 'nia'² quian'⁵⁴ 'éi'³ quió'⁵ Jesucristo Te¹gui⁵⁴ quián², 'éi² 'nia'² caun² jág¹, tsá³ dsia² 'nia'² mi'⁵⁴ a²jmo² le¹dsong'⁵⁴. Tē²le³ ca²tin'² bá⁴ 'nia'² tóng'⁴ 'ei⁵ caun² jág¹ jen'² 'nia'², ju¹lia'² 'a² lia'² ñí² 'nia'², a²dsi²jio⁵ 'au'² nē³. ¹¹ Juí² jniá² 'nia'² le²nē⁵, rin'⁵⁴ jniog⁴, ia¹ ca²rē³chá³ jág¹ juá'² dsa² familia quián⁵ Cloé, 'a² lia'² lē⁵ tion'⁵⁴ 'nia'², a²niog⁵ mi'⁵⁴ jin'⁴ 'nia'². ¹² Co²'nió'⁴ le³jua'⁵⁴ jág¹, jma³quén⁵ bá⁴ ma²lē⁵ jag'⁵⁴ 'nia'² tiong'⁵⁴. I²lín⁵⁴ ma²juá'²: “I²quián⁵ Pa⁴ bá⁴ jniá²”; i²lín⁵⁴ guē'² juá'² táng³: “Jniá² guē'² líng⁵ i²quián⁵ Pe⁴”; sián'² guē'² juá'² táng³: “Jniá² guē'² líng⁵ dsa² i²quián⁵ Apolos”; i²lín⁵⁴ guē'² juá'² táng³: “Jniá² guē'² líng⁵ i²quián⁵ Cristo.” ¹³ ¿O³ bá⁴ le¹dso'⁴ ma²i²lé² quió'⁵ Cristo nē¹jua'² le²jaun²? ¿O³ bá⁴ Pa⁴ i²ca²tē¹ton⁵⁴ cróg⁴ o⁴quián'² 'nia'²? Le²jaun² guē'² ján³, ¿O³ bá⁴ lia'² con'² lē⁵ 'éi'³ quió'⁵ Pa⁴ ca²jñó'² 'nia'² jmi⁴?* ¹⁴ Ti¹'mag'⁴ Diú⁴ tsá³ jniá² ca²chóng³ jmi⁴† 'i¹jan'² 'nia'², ñja'⁵⁴ lia'² Crispo quian'⁵⁴ Gayo, ¹⁵ con'² tsá³ lē⁵ jua'⁵⁴ a²dsia³ dsa² a²ca²chóin³ jniá² jmi⁴‡ lia'² con'² lē⁵ 'éi'³ quió'³. ¹⁶ (Ñja'⁵⁴ lia'² familia quián⁵ Estéfanos bá⁴ ján³, dsá² dsí³ ca²chón³ jniá² jmi⁴. Jaun² tsá³ ma³dsá² dsí³ jua'⁵⁴ chan² guē'⁴ i²sián'² ca²chón³ jniá² jmi⁴.)§ ¹⁷ Ia¹ tsá³ ta¹ jaun² ca²chei³ Cristo jniá² jua'⁵⁴ a²tsón⁴ jniá² jmi⁴ dsa²,* con'² ñja'⁵⁴ lia'² a²qui¹'ē⁴ jág¹ a²tin'⁴ dsa² bá⁴, on³jua'⁵⁴ qui¹ton¹ jág¹ jua'⁵⁴ a²jmo⁵⁴ a²ñi⁴ ting², con'² tsá³ lē⁵ jua'⁵⁴ a²tsá³ ta¹ tí⁴ a²ca²guen³ Cristo 'mú³ ne⁴ cróg⁴.

Cristo i²lín⁵ bí² quió'⁵ Diú⁴

* **1:13** lit. “ca²i³tian'³ 'nia'² jmi⁴.” † **1:14** lit. “ca²tióg³ jmi⁴.” ‡ **1:15** lit. “a²ca²tiáin³ jniá² jmi⁴.”
§ **1:16** lit. “ca²tián³ jniá² jmi⁴.” * **1:17** lit. “a²tián⁴ jniá² jmi⁴ dsa².”

18 Jág₁ dse₃ la₂, 'a₂ lia'₂ ca₂jon₃ Cristo ne₄ cróg₄, lě₅ jág₁ co₄ tē₂le₃ ja₁con₂ dsa₂ i₂tion'₅₄ jui₅ dsi₃'én₂. La₁ tē₂le₃ quián₂ jniog₄ i₂tio'₅₄ jui₅ a₂tág'₄, lě₅ jui₅bí₂ quió'₅ Diú₄. 19 Ia₁ jui₁lia'₂ juá'₂ ne₄ Si₂:

Co₂dsia₅'én₄ jniá₂ jui₁lia'₂ a₂tín₂ dsa₂

i₂ñí₄ lě₃ ñi₅ jmo₅,

ján₃ guē'₂ jmo₅₄ cau₅ jág₁ a₂ñí'₂ dsi₅

dsa₂ i₂jmo₅ a₂ñí₄ lě₃ 'ñioi₅₄.†

20 ¿'E₂ bá₄ ta₁ tén₄ jui₁lia'₂ dsa₂ i₂ñí₄ tñ₂ ně₃, jui₁lia'₂ tē₅, o₃ jui₁lia'₂ dsa₂ i₂ñí₄ ñi₅ dsia₃ ca₂le₃jě₃ 'a₂ lia'₂ niog₅ lě₅ mi₂güí₃ la₂? Ia₁ ca₂le₃jě₃ 'e₂ niog₅ ñí'₂ dsa₂ mi₂güí₃ la₂, 'ñiog₅ bá₄ Diú₄ ma₂jmo₃ jág₁ jaun₂ a₂tsá₃ ta₁ tí₄. 21 Ia₁ jui₁lia'₂ ca₂'náu'₃ dsi₅ Diú₄ jmo₃, tsá₃ ca₂rě₃cuí₅ dsa₂ mi₂güí₃ tē₂le₃ quian'₅₄ jág₁ a₂ñí'₂ dsi₅ guioin₅₄, a₂jaun₂ bá₄ ca₂rě₃'ñi₃ dsi₅ Diú₄ a₂lióin₂ dsa₂ i₂'én₂ jág₁ quió'₅, tē₂le₃ quian'₅₄ jág₁ a₂ca₂'ě₂ dsa₂, caun₂ jág₁ a₂jmo₅ dsa₂ mi₂güí₃ dsi₅ caun₂ jág₁ co₄.

22 Jui₁lia'₂ dsa₂ judíos ně₃, 'nio₃ tē₃ ne₅₄ léi₄ juē'₂, dsa₂ griego ně₃ 'no'₂ jág₁ a₂le₃ñí₂ dsi₅, 23 la₁ia₁ jnia'₅₄ ně₃, qui₂'ě₅ jág₁ 'ín₅ jnia'₅₄ Cristo i₂ca₂jon₃ tē₂ton₅₄ cróg₄. Jág₁ ně₅ ně₃, lě₅ caun₂ a₂jnág₅ jui₅ ja₁jme₁rě₂'én₂ dsa₂ judíos, ján₃ bá₄ lě₅ caun₂ jág₁ co₄ tē₂le₃ quió'₅ dsi₂nau₂. 24 La₁ tē₂le₃ quió'₅ dsa₂ i₂ma₂tē₅ Diú₄, lia'₂ dsa₂ judíos lia'₂ dsa₂ griegos táng₃, 'ín₅ jnia'₅₄ Cristo i₂lín₅ jui₅bí₂ quió'₅ Diú₄, i₂lín₅ jág₁ a₂ñí'₂ dsi₅ Diú₄ ně₃. 25 Ia₁ co₂'nió'₄ jág₁ co₄ quió'₅ Diú₄, juá'₂ dsa₂ mi₂güí₃, jág₁ ně₅ bá₄ a₂lě₅ a₂dsen₅₄ quen₅ guē₄ lia'₂ con'₂ guē₄ jág₁ a₂ñí'₂ dsi₅ dsa₂ mi₂güí₃. Ján₃ bá₄ jui₁lia'₂ a₂jmo₅ dsa₂ dsi₅ a₂'uan₅₄ quió'₅ Diú₄, a₂jaun₂ guē₄ dsón'₂ a₂'io₅ guē₄ bí₂ lia'₂ con'₂ guē₄ bí₂ quió'₅ dsa₂ mi₂güí₃.

26 Rin'₅₄ jniog₄, ca₂tín'₂ bá₄ 'nia'₂ 'nau'₅₄ 'au'₂ 'a₂ lia'₂ ca₂tē₃ Diú₄ 'nia'₂. Tsá₃ juin'₅ 'nia'₂ i₂tñ₂ ñi₅ lia'₂ con'₂ lě₅ ñi₅ dsa₂ mi₂güí₃; ján₃ guē₄ tsá₃ juin'₅ 'nia'₂ 'au'₂ bí₂; tsá₃ juin'₅ 'nia'₂ ca₂rě₃chán'₃ jui₁lia'₂ familia dsen₅₄ ně₃. 27 La₁ia₁ ma₂quió'₂ Diú₄ jág₁ a₂jmo₅ dsa₂ mi₂güí₃ dsi₅ jág₁ co₄, a₂jmo₃ a₂tē₃tsin'₅₄ o₂guí'₃ dsa₂ i₂lín₂ ñí'₂ guē₄ dsi₅. Ján₃ bá₄ ma₂quió'₂ Diú₄ jág₁ a₂jmo₅ dsa₂ mi₂güí₃ dsi₅ jág₁ 'uan₅₄, a₂jmo₃ a₂tē₃tsin'₅₄ o₂guí'₃ jui₁lia'₂ dsa₂ i₂lín₂ a₂'uain'₂. 28 Ma₂quió'n'₂ Diú₄ jui₁lia'₂ dsa₂ i₂jín₂ dsa₂ mi₂güí₃ i₂tsá₃ 'e₂ quen₅, i₂sion₅ guē₄, i₂tsá₃ 'e₂ lín₅, a₂tón₂ 'uē₃ jui₁lia'₂ i₂ñí₄ lě₃ dsen₅₄ lín₂, 29 ia₁jaun₂ tsá₃ 'ein₂ lē₂ dsia₃ jág₁ tá'₅ le₃ne₄ Diú₄. 30 'Niog₅ bá₄ Diú₄ ma₂jmo₃ a₂tion'₅₄ 'nia'₂ le₃quió'₅ Cristo Jesús, i₂ma₂lín₅ i₂ñí'₂ dsi₅ quián₅ Diú₄ o₄quián₂ jniog₄. Co₂'nió'₄ le₃jua'₅₄, tē₂le₃ quian'₅₄ Cristo bá₄ ma₂guei₃ Diú₄ jniog₄ ně₂jag₄ bá₄ a₂tsá₃ 'e₂ dso₄ rag₂; tē₂le₃ quian'₅₄ Cristo bá₄ jág₂ Diú₄ jniog₄ dsa₂ le₁jín₃ i₂lě₅ 'í₁ quiáin₅; tē₂le₃ quian'₅₄ Cristo bá₄ ján₃, ca₂'ág₂ táng₃ caun₂ jág₁ quián₂ jniog₄ quian'₅₄ Diú₄. 31 Jaun₂ lě₃, jui₁lia'₂ juá'₂ ne₄ Si₂, "Jui₁lia'₂ dsa₂ i₂dsia₅ jág₁ tá'₅, jui₁dsia₁₂ jág₁ tá'₅ le₃quió'₅ Te₁gui'₅₄."‡

2

Jág₁ quió'₅ Cristo, a₂ca₂ñó₃ ne₄ cróg₄

1 Rin'₅₄ jniog₄, lia'₂ con'₂ ñeg₅₄ ja₁con'₂ 'nia'₂, i₁chei₁₂ 'nia'₂ jág₁ tí₅ la₂ quió'₅ Diú₄, tsá₃ jaun₂ ca₂jmo₃ jua'₅₄ ca₂juí₂'nia'₂ jág₁ ca'₅₄ jui₁lia'₂ jmo₅ dsa₂ i₂ñí₄ tñ₂. 2 Lia'₂ con'₂ jme₁'eng₅₄ quiang'₅₄ 'nia'₂, tsá₃ 'e₂ jág₁ siá'₂ jme₁'nio₃ le₃guion₅₄, jñia'₅₄ lia'₂ ca₂ne₅₄ jág₁ quió'₅ Cristo bá₄, i₂tē₁ton₅₄ cróg₄. 3 Ca₂dsió₃ jniá₂ ja₁con'₂ 'nia'₂ a₂lín₅ jan₂ dsa₂ 'uan₅₄, gó'₅, jleng₂₃ 'ñio₅ lín₃. 4 Lia'₂ jme₁ca₂jme₁tñg₂₃ 'nia'₂ jág₁ dse₃, tsá₃ ca₂jmo₃ jág₁ jui₁lia'₂ jmo₅ dsa₂ i₂tñ₂; jmá'₃ lia'₂ quian'₅₄ jág₁ a₂jme₂jnia₅

† 1:19 Isaías 29:14. ‡ 1:31 Jeremías 9:24.

jui₅bí₂ quió'₅ Jme₂dsí₂ Jnió₅ bá₄ ca₂'ě₂ jniá₂ jág₁, ⁵ ia₁jaun₂ tē₂le₃ quian'₅₄ jui₅bí₂ quió'₅ Diú₄ bá₄ lě₅ a₂'én'₂ 'nia'₂, on₃jua'₅₄ lia'₂ con'₂ lě₅ tin₂ dsa₂ mi₂güí₃.

Jme₂jnia₅ Diú₄ja,con₂ dsa₂ mi₂güí₃ tē₂le₃ quian'₅₄ Jme₂dsí₂ quiáin₅

⁶ La₁ia₁ dsia₂ bá₄ jnia'₅₄ jág₁ ca'₅₄ a₂tag₂ a₂ne₄ jin₄ rin'₅₄ i₂ma₂ron₂, la₁ on₃jua'₅₄ jág₁ ca'₅₄ a₂cha₂ mi₂güí₃ la₂, on₃ quē'₂ jág₁ ca'₅₄ quió'₅ dsa₂ i₂gon₂ mi₂güí₃ la₂, i₂qui₂dsi₃ñí₂. ⁷ Tē₂le₃ jág₁ a₂jme₁rē₂'ma₄ quió'₅ Diú₄ la₂ bá₄ 'ě₅ jnia'₅₄, qui₂chei₂ jnia'₅₄ dsa₂ ca₂le₃jě₃ a₂niog₅ dsí₅ Diú₄ jmo₃ a₂jlá'₁ o₄quián₂ jniog₄ né'₃ guě₄ a₂nio₃ mi₂güí₃. ⁸ Ca₂lia'₂ 'i₁jan₂ dsa₂ can'₅₄ i₂qui₂dsi₅ 'éi'₃ mi₂güí₃ la₂ ma₂ca₂rē₃ñí'₂ jág₁ la₂; ia₁ jua'₅₄ mei'₂ guě₃ ca₂rē₃ñí'₂, tsá₃ jme₁tioin₃ ne₄ cróg₄ Te₁gui'₅₄ 'uan'₂ quián₂. ⁹ La₁ia₁, jui₁lia'₂ juá'₂ ne₄ Si₂:

Tsá₃ ne₄ dsa₂ ma₂tě₂,

on₃ guē'₂ ma₂nág₂,

on₃ guē'₂ ma₂i₂jio₅ dsí₅ dsa₂

a₂ma₂jmo₃ Diú₄ co₂jnia₅₄ quió'₅ dsa₂ i₂'nio₃.*

¹⁰ La₁ tē₂le₃ quian'₅₄ Jme₂dsí₂ quiáin₅, Diú₄ bá₄ ma₂ca₂jme₃jnia₅ a₂jaun₂ ja₁con₂ jniog₄. Ia₁ Jme₂dsí₂ 'éi₂ bá₄ téi₂ si₂ jág₁ juē'₂ a₂niog₅ cha₂ quió'₅ Diú₄ 'niog₅.

¹¹ Tē₂le₃ jin₄ dsa₂ mi₂güí₃ guioin₅₄ guē'₂ ně₃, ¿ein₂ bá₄ qui'₅₄ jmig₄ le₃ñi₅ 'e₂ dsijio₅ dsí₅ riin'₅₄, jnia'₅₄ lia'₂ jme₂dsí₂ quió'₅ 'niog₅ bá₄ dsa₂ a₂'i₄ tē₂dsí₅ ñi₅? Le₂jaun₂ bá₄ lě₅ le₃quió'₅ Diú₄. 'I₁jan₂ tsá₃ 'ein₂ ma₂ca₂rē₃ñi₅ 'a₂ lia'₂ dsijio₅ dsí₅ Diú₄; jnia'₅₄ lia'₂ 'niog₅ bá₄ Jme₂dsí₂ ñi₅. ¹² Tsá₃ jme₂dsí₂ quián₅ mi₂güí₃ la₂ ma₂guén₄ jniog₄; Jme₂dsí₂ a₂já₅ ja₁con₂ Diú₄ bá₄ i₂ma₂ca₂guén₄ jniog₄, ia₁jaun₂ le₃ñí'₂ dsí₅ jniog₄ ca₂le₃jě₃ 'e₂ a₂ma₂cuē₃ Diú₄ jniog₄ ia₁ a₂'ua₁ dsí₅. ¹³ Jniog₄ ně₃, le₂ně₅ lě₅ ca₂le₃jě₃ jág₁ a₂dsia₂ jniog₄ con'₂ lě₅ ma₂ca₂jme₃tag₅ Jme₂dsí₂ quián₅ Diú₄, on₃jua'₅₄ con'₂ lě₅ jág₁ a₂ñí'₂ dsí₅ dsa₂ mi₂güí₃. Le₂ně₅ bá₄ jme₂jniá₁ jnia'₅₄ jág₁ a₂gu₂dsí₂ qui₂chei₂ jnia'₅₄ dsa₂ i₂gu₂dsí₂.†

¹⁴ Ju₁lia'₂ dsa₂ i₂tsá₃ lín₅ i₂gu₂dsí₂ ně₃, tsá₃ guein₂₃ jág₁ quió'₅ Jme₂dsí₂, ia₁ lě₅ jág₁ co₄ bá₄ la₂ le₃quió'₅ 'éi₂. Tsá₃ lé₂ le₃ñí'₂, ia₁ ca₂le₃jě₃ a₂ně₅ qui₃jio₅'₂ 'í₁ tē₂le₃ quian'₅₄ Jme₂dsí₂ bá₄. ¹⁵ La₁ dsa₂ i₂gu₂dsí₂ ně₃, qui₂con₂ 'í₁ le₃jě₃, la₁ia₁ 'i₁jan₂ tsá₃ lé₂ le₃con₂ 'í₁ ja₁coin₂. ¹⁶ Ia₁:

¿Ein₂ bá₄ 'éi₂ i₂ñi₅

'a₂ lia'₂ dsijio₅ dsí₅ Te₁gui'₅₄,

jua'₅₄ lé₂ le₃jme₃tiin₂₃ 'éi₂?‡

La₁ jniog₄ ně₃ dsijio₅ dsí₅ ju₁lia'₂ dsijio₅ dsí₅ Cristo.

3

Rin'₅₄ jniog₄ i₂jmo₅ ta₁ jme₂ti₃ ne₄ Diú₄

¹ Rin'₅₄ jniog₄, tsá₃ ca₂lě₃ jua'₅₄ juig₅₄ 'nia'₂ ju₁lia'₂ 'nia'₂ dsa₂ i₂jio₅ con'₂ lě₅ Jme₂dsí₂, tē₂le₃ ju₁lia'₂ 'nia'₂ dsa₂ i₂jio₅ con'₂ lě₅ ni₁ñi₁ bá₄ ca₂juí₂ jniá₂ 'nia'₂, ně₂jag₄ bá₄ guein₂ le₃quió'₅ Cristo. ² Jmá'₃ lia'₂ jág₁ a₂tsá₃ juí'₅ bá₄ ma₂ca₂jme₁tin₅ jniá₂ 'nia'₂, ně₂jag₄ bá₄ guein₂ bē'₅₄ i₂'ín'₂ dsi'₅₄ i₂tsá₃ ma₂lé₂ guē'₃ má₃ bēn₂. Dsón'₂ bá₄ jaun₂, tsá₃ ma₂lé₂ nág'₁ 'nia'₂ jág₁ bēn₂. ³ Ia₁ lia'₂ lín₅ dsa₂ i₂jio₅ con'₂ lě₅ ni₁ñi₁ bá₄ guě₄ lín₅ 'nia'₂. Ia₁ tē₁lia'₂ tion'₅₄ 'nia'₂ le₂jaun₂ a₂ui₅ 'au'₂ 'nia'₂, a₂qui₂tsín'₂ 'nia'₂ ně₃, ¿Tsa₁ i₂nio'₅₄ 'nia'₂ con'₂ jio₅ ni₁ñi₁? ¿Tsa₁ i₂nio'₅₄ 'nia'₂ ju₁lia'₂ i₂nio₅ dsa₂ mi₂güí₃? ⁴ Ia₁ chi₂jua'₂ chan₂ jan₂ i₂juá'₂: “Dsa₂

* 2:9 Isaías 64:4. † 2:13 o₃, “qui₂chei₂ jnia'₅₄ dsa₂ a₂gu₂dsí₂.” ‡ 2:16 Isaías 40:13.

quián₅ Pa₄ bá₄ jniá₂”; i₂lín₅₄ guë'₂ dsia₅ táng₃, juá'₂: “Jniá₂ guë'₂ líng₅ dsa₂ quián₅ Apolos”, ¿on₁jua'₅₄ lia'₂ lín₅ dsa₂ mi₂güí₃ bá₄ lín₅ 'nia'₂?

⁵ Jaun₂ ně₃, ¿'ein₂ 'éi₂ Apolos? Le₂jaun₂ guë'₂ ¿'Ein₂ 'éi₂ Pa₄? Jnia'₅₄ lia'₂ dsa₂ i₂jme₂ti₃ ta₁ ne₄ Diú₄ bá₄ lág₅ jnia'₅₄ i₂lín₅₄ jme₂tín₁ dsa₂ ju₁lia'₂ ca₂lě₃ jme₁ca₂rě₃'én'₂ 'nia'₂ tē₂le₃ quió'₅ Te₁gui'₅₄. Le₂jau₂ le₂jau₂ jnia'₅₄ ma₂ja₂náu₅ jmo₂ ta₁ con'₂ lě₅ ma₂cuē₃ Te₁gui'₅₄. ⁶ Jnia'₅₄ con'₂ ca₂jan₃ jon₂ bá₄ jniá₂; Apolos guë'₂ ca₂séi₂ jmig₂. La₁ia₁ 'ñiog₅ bá₄ Diú₄ ca₂jmo₃ ca₂i₃cón₃. ⁷ Jaun₂ ně₃, dsa₂ i₂jne₅, quian'₅₄ guë'₂ i₂séi₂ jmig₂, tsá₃ 'e₂ tñ₂ 'éi₂; jnia'₅₄ lia'₂ 'ñiog₅ bá₄ Diú₄ jmo₂₃ a₂dsi₂cón₃. ⁸ Ju₁lia'₂ dsa₂ i₂jne₅ quian'₅₄ guë'₂ dsa₂ i₂séi₂ jmig₂, co₂rě₂ bá₄ téin₅ ta₁. Jaun₂ le₂jaun₂ bá₄ gue₃ 'liain'₅₄ le₂jain₂ le₂jain₂ lia'₂ con'₂ lě₅ ta₁ quió'₅. ⁹ Jme₁tí₁ jnia'₅₄ ne₄ Diú₄ quian'₅₄ rñ'₅₄ jmo₂ ta₁; 'nia'₂ bá₄ líng'₅ co₂'nió'₄ 'uē₃ ja₁nau₂ ja₁lě₂ ta₁. O₃ lé₂ le₃jua'₅₄ ján₃, lín'₅ 'nia'₂ ně₂jag₄ caun₂ 'né₅ a₂chí'₅ quió'₅ Diú₄. ¹⁰ 'Uig₅₄ ia₁ a₂'ua₁ dsí₅ Diú₄, ca₂cuē₃ ta₁ a₂tsi'₅₄ 'uig₅₄ 'ia'₂, co₂'nió'₄ jan₂ tē₅'ia'₂ bá₄ líng₅. I₂sián'₂ guë'₂ táng₃ ju₁i₂₃ ne₄ jaun₂. Le₂jan₂ le₂jan₂ i₂ju₁i₅ ně₃, ca₂tñ₂ con₂ 'í₁ rē₂ chi₂jua'₂ rē₂ bá₄ ju₁i₂₃ tñoin'₅₄. ¹¹ Ia₁ 'i₁jan₂ tsá₃ ma₃'ein₂ lé₂ chí'₃ 'uig₅₄ siá'₂, jnia'₅₄ lia'₂ con'₂ caun₂ a₂ma₂chí'₅ bá₄; a₂jaun₂ lín₅ Cristo 'ñiog₅. ¹² Ně₃ ně₃, ju₁lia'₂ ja₁ju₁i₅ dsa₂ ne₄ 'uig₅₄ jaun₂ quian'₅₄ cu₄nióg₄, cu₄tñog₂, quian'₅₄ ni₁cang₁ tág₅ jlá'₁, o₃ ju₁lia'₂ ja₁ju₁i₅ 'e₂ dsa₂ quian'₅₄ jau₅₄ 'ma₂ o₃ quian'₅₄ ni₁ñei₂, ni₁'ma₂ ta₅ ně₃, ¹³ tion₅₄ bá₄ le₃jniá₂ ta₁ quió'₅ le₂jan₂ le₂jan₂. Jmíg₄ i₁jáun₃, si₂ bá₄ jme₃jnia₅ a₂jaun₂, jióg'₂ 'í₁ ně₃ 'a₂ lia'₂ lě₅ ta₁ quió'₅ le₂jan₂ le₂jan₂. ¹⁴ Chi₂jua'₂ ca₂jiog₃ a₂ca₂chí'₃ dsa₂ jaun₂, gue₃ bá₄ 'liain'₅₄; ¹⁵ la₁ ně₁jua'₂ ca₂caú₂ ně₃, dsí₃'én₂ bá₄ quió'₅. La₁ jnia'₅₄ con'₂ lióin₂ jmá'₃ 'ñiog₅, ně₂jag₄ bá₄ jan₂ dsa₂ i₂ja₂lag₃ ca₂lón₂ ne₄ si₂ bá₄ lě₂.

¹⁶ ¿Tsa₁ ñi'₅₄ 'nia'₂, guion'₅₄ bá₄ 'nia'₂ líng'₅ guá'₅ quió'₅ Diú₄, ton'₂ guá'₅ Jme₂dsí₂ quián₅ Diú₄ tē₂'au'₂ 'nia'₂? ¹⁷ Ně₁jua'₂ 'ein₂ ca₂'én₂ guá'₅ quió'₅ Diú₄, Diú₄ ně₃ co₂dsia₅ 'éin₂ dsa₂ 'éi₂. Ia₁ i₂jñiós₅ bá₄ guá'₅ quián₅ Diú₄, jaun₂ guion'₅₄ bá₄ 'nia'₂ líng'₅ guá'₅.

¹⁸ 'I₁jan'₂ 'nia'₂ tsá₃ 'ein₂ ju₁i₁le₂gan₂. Chi₂jua'₂ chan₂ i₂lín₂ 'ñio₅ lín₃ ñí'₂ dsí₅ lia'₂ con'₂ lě₅ ñí'₂ dsí₅ dsa₂ mi₂güí₃, ju₁jmo₁₂ co₂dsia₅ ne₂jag₄ bá₄ a₂tsá₃ 'e₂ ñi₅, ia₁jaun₂ guē₄ dsióg₄ lēin₂ tē₃dsón'₂ dsa₂ i₂tñ₂ i₂ñi₅. ¹⁹ Ia₁ ca₂le₃jě₃ a₂ñi₄ 'ñio₅ tñ₂ dsa₂ mi₂güí₃, ca₂le₃jě₃ a₂jaun₂ tsá₃ 'e₂ quen₅ le₃ne₄ Diú₄. Ia₁ ne₄ Si₂ juá'₂: “Diú₄ join₂₃ dsa₂ jē₄ mai₅₄ quió'₅ guioin₅₄.”* ²⁰ Juá'₂ ne₄ Si₂ ján₃: “I₂ñi₅ bá₄ Te₁gui'₅₄ 'a₂ lia'₂ qui₂dsi₂jiog₅ dsí₅ dsa₂ i₂tñ₂, a₂tsá₃ 'e₂ ta₁ tí.”† ²¹ Jaun₂ lě₃, 'i₁jan₂ tsá₃ ju₁dsia₁₂ jág₁ tá'₅ le₃quió'₅ dsa₂ mi₂güí₃. Ia₁ a₂ca₂tñ'₂ 'nia'₂ bá₄ ca₂le₃jě₃ a₂cha₂. ²² Pa₄, Apolos, Pe₄,‡ mi₂güí₃ a₂chong₂ jniog₄, 'mú₃, jmíg₄ rē₂ně₃, ju₁la₂ jmíg₄ 'ióg₃ ně₃: ca₂le₃jě₃ bá₄ ně₅ lě₅ quián'₂ 'nia'₂. ²³ Le₂jaun₂ guë'₂ ján₃, i₂quián₅ Cristo bá₄ 'nia'₂; Cristo guë'₂ lín₅ i₂quián₅ Diú₄.

4

Ta₁ a₂ca₂tñ₂ dsa₂ i₂chen₄ quián₅ Cristo

¹ Jaun₂ bá₄ ně₃, con'₂ jnia'₅₄ dsa₂ i₂jme₂ti₃ ta₁ ne₄ Cristo bá₄ ca₂tñ₂ dsa₂ jág₂ jnia'₅₄, a₂niog₅ ne₄ jnia'₅₄ jág₁ a₂jme₁rē₂'ma₄ quió'₅ Diú₄. ² Con'₂ siá'₂ táng₃, chi₂jua'₂ le₂ně₅, jaun₂ bá₄ tion₅₄ ca₂tñ₂ ju₁lia'₂ dsa₂ i₂niog₅ gu₂ ta₁ le₂'éi₂, jme₃ti₃ quian'₅₄ ta₁ a₂ca₂ñi₂. ³ Tē₂le₃ quió'₃ jniá₂ ně₃, tsá₃ a₂nag₅₄ jaun₂ ně₁jua'₂ ca₂quion'₂ 'nia'₂ 'í₁ le₃ja₁cong₂, o₃ ně₁jua'₂ ca₂caún₃ 'í₁ dsí₂tan₅₄ dsa₂ mi₂güí₃ 'e₂. Ca₂lia'₂ jnia'₅₄ 'ñiós₃, tsá₃ cáun₅ 'í₁ le₃ja₁cong₂ 'ñiós₃. ⁴ 'I₁caun₂ tsá₃ 'e₂ dsí₂jñi₅

* 3:19 Job 5:13. † 3:20 Salmo 94:11. ‡ 3:22 griego: Cefas.

dsi₃. La₁ on₃jua'₅₄ le₂nē₅ o₂'ag₅ jág₁ a₂tsá₃ 'e₂ rē₂cáng'₄. 'Njog₅ bá₄ Te₁gui'₅₄ i₂con₂ 'í₁ quió₃. ⁵ Jaun₂ tsá₃ lē₁caun₂ de'₂ 'nia'₂ 'í₁ tē₃jñiá₅. Jē₁ma₂guán'₅ Te₁gui'₅₄, téi₂ si₂ ne₄ a₂rē₂'ma₄ a₂jmo₅-dsáu₅ dsa₂ jē₄ qui₁né'₃; jme₃jñiai₂₃ ca₂le₃jē₃ a₂niog₅ qui₂dsi₂jñia₅ dsí₅ dsa₂. Jaun₂ guē₄ gue₃ dsa₂ 'liain'₅₄ a₂cuē₃ Diú₄ a₂'ñio₂ dsí₅ quió'₅ le₂jain₂ le₂jain₂.

⁶ Rin'₅₄ jniog₄, a₂dse₃ quián'₂ bá₄ 'nia'₂ juá'₅ jniá₂ ca₂le₃jē₃ a₂nē₅, a₂'íng₅ Apolos quian'₅₄ guē'₂ 'ñio₃ jniá₂. Juá'₅ le₂nē₅ ia₁jaun₂ tē₂le₃ quian'₅₄ jág₁ jáng'₅ léi₄ nē₅ quián₂ jnia'₅₄, le₃tin'₂ 'nia'₂, a₂tsá₃ jmó'₂ 'nia'₂ ñag₅₄ guē₄ con'₂ lē₅ juá'₂ ne₄ Si₂, con'₂ tsá₃ ñó₅ nē₁jua'₂ ca₂jmo'₅₄ 'nia'₂ rón'₂ o₄quió'₄ jan₂, a₂jín'₅₄ 'nia'₂ sion₅ i₂sián'₂. ⁷ ¿'Ein₂ 'éi₂ 'ag₅ 'ne₂ a₂dseng'₃ guē₄ lia'₂ con'₂ guē₄ ríng'₂? ¿'E₂ bá₄ bí₂ 'au'₂ jua'₅₄ tsá₃ ma₂cuē₃ Diú₄ ně₃? ¿'E₂ guē'₂ lē₃ dsia'₂ jág₁ tá'₅ nē₂jag₄ bá₄ a₂ca₂jñag'₂ 'ñiag'₂ a₂cha₂ quiáng'₂ jmo'₂?

⁸ Jmo'₂ 'nia'₂ 'au'₂ 'ñio₅ lín₃ dse₃ ma₂chang'₂; ma₂cha₂ quián'₂ 'nia'₂ ca₂le₃jē₃. Ma₂jmo'₂ 'nia'₂ 'au'₂ ma₂tiáng'₅ can'₅₄ bá₄ 'nia'₂, tsá₃ ma₃quiong'₅₄ jnia'₅₄. ¡Jua'₅₄ mei'₂ guē₃ dsón'₂ dsi₂jó'₃ ma₂gon'₂ 'nia'! Jaun₂ bá₄ jme₁lé₂ gon₂ jnia'₅₄ co₂lē₅ quian'₅₄ 'nia'₂ jua'₅₄ mei'₂ guē₃ le₂jaun₂. ⁹ Ia₁ lín₂ jniá₂, lia'₂ lē₅ bá₄ tē₂le₃ jē₁ca₂tó'₂ bá₄ ma₂chei'₃ Diú₄ con'₂ jnia'₅₄ i₂lág₅ dsa₂ i₂chen₄ quiáin₅, a₂jág₂ dsa₂ lia'₂ ja₁jín₂ dsa₂ i₂ma₂'í₄ 'éi'₃ dsián₃. Ma₂ja₂lén₂ dsa₂ jág₂ jnia'₅₄ nē₂jag₄ a₂lē₁'io'₂ tē₅ dsí₅ jág₃ ca₂lē₃jín₃ i₂chan₂, lia'₂ dsa₂ mi₂güig₃ lia'₂ ángeles ně₃. ¹⁰ Dsa₂ co₄ bá₄ 'ag₅ dsa₂ jnia'₅₄ o₄quió'₄ Cristo; 'nia'₂ guē'₂ ma₂jmo'₂ 'ñio₅ lín₃ ma₂ñi'₂ 'au'₂ jui₁lia'₂ tē₂le₃ quió'₅ Cristo. Ma₂jmo'₂ 'nia'₂ 'ñio₅ lín₃ tiá₂ ma₂tióng'₂; jnia'₅₄ guē'₂ jag'₅₄ táng₃ nē₂jag₄ dsa₂ 'uan₅₄. Jme₂gan₃ dsa₂ 'nia'₂; jnia'₅₄ guē'₂ ně₃ tsá₃ jei₅₄ dsa₂. ¹¹ Ca₂lia'₂ jñio₂ jmig₄ ně₃, ja₂náu₅ jnia'₅₄ a₂'ong₄, qui₂rē₂quein₂ dsi₅, tsá₃ cha₂ a₂qui'₅₄, tsá₃ dsi₂néi₂ cha₂ 'io₁ jnia'₅₄. Dsa₂ guē'₂, con'₂ lē₁co₂jmóg'₂. ¹² Ja₂náu₅ jnia'₅₄ jmo₂ ta₁ quian'₅₄ gu₂-tag₄ guio₅₄. Jui₁lia'₂ jme₁tē₂'o'₂ dsa₂, caun₂ jág₁ dse₃ bá₄ qui₁jein'₄ jniá₂ quió'₅. Jui₁lia'₂ jme₁co₂'ein₅ dsa₂, la₁ jmo₂ bá₄ jnia'₅₄ tió'₃ dsi₅. ¹³ Chan₂ guē'₂ dsa₂ i₂dsia₅ 'ag₅ 'lig'₅₄, la₁ caun₂ jág₁ dse₃ bá₄ cuē'₂ táng₃ jnia'₅₄. Jág₂ dsa₂ nē₂jag₄ ti₁'ñe'₅₄ a₂tsá₃ ta₁ tí₄, nē₂jag₄ bá₄ jme₁qui₅ quió'₅ dsa₂ mi₂güig₃ ně₃, ca₂lia'₂ jñio₂ jmig₄ ně₃.

¹⁴ On₃jua'₅₄ ia₁jaun₂ cán'₁ 'nia'₂ o₂guí'₃ tó'₅ jniá₂ jág₁ la₂ ne₄ si₂. A₂jaun₂ bá₄ jmo₂₃ jág₁ tē₃jñiá₅ ja₁cong'₂, nē₂jag₄ bá₄ chi'₂-guein₂ quiáng₃ i₂'nióg₃ guē₄ lín₃. ¹⁵ Ia₁ o₁jñia'₅₄ guia₃ mei₅ tē₅ ca₂rē₃chán₃ i₂jme₃tag₅ 'nia'₂ le₃quió'₅ Cristo, la₁ tsá₃ juin₅ ñéi'₅ 'nia'₂ chan₂. Ia₁ le₃quió'₅ Cristo Jesús, tē₂le₃ quian'₅₄ jág₁ dse₃ quió'₅, ca₂lín₃ jniá₂ ñéi'₅ 'nia'₂. ¹⁶ Jaun₂ lē₃, mi₅ jniá₂ ja₁con'₂ 'nia'₂, jaun₂ tón'₂ 'nia'₂ ju₁i₅ i₁nió'₄ 'nia'₂ ja₁ma₂ñi₃ jniá₂.

¹⁷ 'Uig₅₄ jaun₂ bá₄ tsín₂ jniá₂ Timoteo, i₂jmo₅ jniá₂ dsi₃ co₂'nió'₄ guein₂ quiáng₃ i₂'nióg₃ guē₄ lín₃, i₂rē₂ti'₅₄ le₃ja₁con₂ Te₁gui'₅₄. 'Éi₂ bá₄ jmo₃ dsiog'₂ 'au'₂ 'nia'₂ 'a₂ lia'₂ lē₅ chan₂ jniá₂ a₂'éng₂ le₃quió'₅ Cristo, lia'₂ con'₂ lē₅ jme₂tíng₁ guá'₅ ca₂le₂con₂ ja₁siá'₂. ¹⁸ I₂lín₅₄ 'nia'₂ ma₂2niog'₅₄ jmo'₂ 'nia'₂ róng'₂, a₂lín₂ 'nia'₂ a₂tsá₃ ma₃dsióg₄ jniá₂ i₁jíng₁₂ 'nia'₂. ¹⁹ La₁ ñi'₅₄ ta₁ la₂ bá₄ 'nio₃ dsióg₄ i₁jág₃ nē₁jua'₂ ca₂cuē₃ Te₁gui'₅₄ jmig₄. Jm₁g₄ jaun₂ le₃guion₅₄ jniá₂, on₃jua'₅₄ jmá'₃ jág₁ tá'₅ a₂dsia₅ dsa₂ jín'₄ 'nia'₂ tioin'₅₄, le₃guion₅₄ jniá₂ ján₃ 'a₂ con'₂ bí₂ 'io₂₃. ²⁰ Ia₁ jui₁lia'₂ ja₁gon₂ Diú₄, on₃jua'₅₄ a₂jñia'₅₄ dsi₂lé₂ jmá'₃ jág₁; a₂quian'₅₄ jui₁bí₂ bá₄ ján₃. ²¹ ¿'E₂ 'niog'₂ 'nia'₂: a₂'í₁'ē₃ jniá₂ uig₅ jē₁ma₂dsióg₃, o₃ a₂dsióg₄ jniá₂ caun₂ dse₃ a₂'nió₃ jniá₂ 'nia'₂ a₂'ua₁ dsi₃ 'e₂?

5

Jau'₂ 'í₁ quió'₅ jan₂ dsa₂ i₂ca₂'nú₂ dso₄

1 'E₂ ca₂rē₃chá₃ já₃g₁, a₂chan₂ jan₂ jin₄ 'nia'₂ 'no₂₃ dso₄, a₂jmo₂₃ a₂lě₅ quián₅ bá₄ dsa₂ mí₂ quián₅ jmei₂. Caun₂ dso₄ ca₂lia'₂ jnia'₅₄ dsa₂ i₂tsá₃ cuin₅ Diú₄ bá₄ gué₄ tsá₃ jmo₂₃ le₂ně₅. 2 jmo'₂ gué₄ 'nia'₂ 'au'₂ a₂tiong'₅₄ dse₃ jmo'₂ róng'₂ tiong'₅₄! i'Nió'₄ jme₁tón'₂ 'nia'₂ qui'₁-'áu'₂ 'lia'₂ 'au'₂! Dsa₂ i₂ca₂'náu₂ dso₄ ně₅ ca₂tín₂ o₃'iin₅ bá₄ jin₄ 'nia'₂ ně₅. 3 O₁jnia'₅₄ tsá₃ quian'₅₄ jniá₂ 'nia'₂ dsi₁ne₁, la₁ 'eng₅₄ bá₄ ja₁ně₅ quian'₅₄ 'nia'₂ tē₂le₃ quian'₅₄ jme₂dsí₂; ma₂caun₃ jniá₂ 'í₁ ja₁con₂ dsa₂ i₂ca₂jmo₃ le₂ně₅, ně₂jag₄ bá₄ a₂chéng'₅ 'nió₃ tē₃dsón'₂. 4 Tión'₂ 'nia'₂ long'₂ o₄quió'₄ Te₁gui'₅₄ Jesús, a₂'en₅₄ jniá₂ tē₂le₃ quian'₅₄ jme₂dsí₂ quió₃, quian'₅₄ jui₁bí₂ quió'₅ Te₁gui'₅₄ Jesús, 5 a₂jin₅₄ 'nia'₂ dsa₂ 'éi₂ o₄gú₃ Satanás, ia₁jaun₂ qui₂dsi₃'én₂ ni₁ni₁₂, ia₁jaun₂ tín'₂ jme₂dsí₂ quió'₅ jmig₄ i₁jáun₃ quió'₅ Te₁gui'₅₄.

6 Tsá₃ dse₃ a₂dsia'₂ 'nia'₂ já₃g₁ tá'₅. ¿Tsa₁ ni'₅₄ 'nia'₂, “Quian'₅₄ ca₂juig₄ bá₄ levadura guion'₂ ta₁jě₂ ti₁can₁”? 7 Jniá'₃ 'nia'₂ levadura gui'₅₄, ia₁jaun₂ lén'₂ 'nia'₂ co₂'nió'₄ ca₂míg₂ ti₁can₁ a₂tsá₃ levadura quian'₅₄, jui₁lia'₂ tē₃dsón'₂ lín'₅ 'nia'₂. Ia₁ 'niog₅ bá₄ Cristo ca₂join₃ nó₃ a₂rē₂jein'₅₄ ne₄ Diú₄ o₄quián₂ jniog₄; a₂lín₅ já'₂ cha'₂ i₂ca₂jon₃ Jmig₄ Tē₂'in₅₄ quián₂. 8 Jaun₂ lě₃, jme₁go₃ jniog₄ Jmig₄ jaun₂, on₃jua'₅₄ quian'₅₄ levadura gui'₅₄, on₃ gué'₂ quian'₅₄ a₂'lig'₅₄ qui₂dsi₂jnia₅ dsi₅ jniog₄ ja₁con₂ rin'₅₄, on₃ gué'₂ jmó₁ uig₅ dsi₅ ja₁con₂ rin'₅₄; tē₂le₃ jme₁go₃ jniog₄ quian'₅₄ já₃g₁ tí₅ dsi₂jó'₃.

9 Ne₄ si₂ carta quió₃ a₂ca₂tsíng₂ ne'₅₄ 'nia'₂ le₂jniá₅, ca₂juá'₃ a₂tsá₃ jme₁quian'₅₄ 'nia'₂ dsa₂ i₂nió'₅ já₃g₁ quian'₅₄ dsa₂ i₂tsá₃ lě₅ dsi₂i₂gu₂. 10 On₃jua'₅₄ jaun₂ rē'₂ juá'₅ jniá₂ a₂qui₂dsi₃uín'₃ 'nia'₂ co₂dsia₅ co₂nei'₅₄ ja₁con₂ dsa₂ i₂'no₅ dso₄, ja₁con₂ dsa₂ i₂'ua'₂ dsi₅, dsa₂ i₂'ang₅, dsa₂ i₂qui₂jme₂juin'₂ diú₄ lag₄ ně₃. Ia₁ co₂nei'₅₄ jme₁'uín'₃ 'nia'₂ mi₂güig₃ la₂, jua'₅₄ mei'₂ gué₃ le₂jaun₂. 11 Ala₂ bá₄ juá'₅, a₂tsá₃ dsi₂ten₅₄ jme₁jen'₂ 'nia'₂ 'niog₅ lín₃ 'ei₅ caun₂ já₃g₁ quian'₅₄ jan₂ i₂jmo₅ a₂lín₅ jan₂ rin'₅₄ jniog₄, chi₂jua'₂ ján₃ gué'₂ nió'₅ já₃g₁ quian'₅₄ i₂tsá₃ lě₅ dsi₂i₂gu₂, chi₂jua'₂ 'ua'₂ dsi₅, chi₂jua'₂ jme₂juin'₂ diú₄ lag₄, chi₂jua'₂ qui₂juá'₂ já₃g₁ uig₅, chi₂jua'₂ qui₂i₂niog₅₄ le₁'ein₅, chi₂jua'₂ qui₂'ang₂₃ ně₃. On₃ gué'₂ ca₂tín'₂ 'nia'₂ quē'₅₄ quian'₅₄ dsa₂ le₂'éi₂. 12 Tsá₃ ca₂tín₂ jniá₂ cáun₄ 'í₁ ja₁con₂ dsa₂ i₂tsá₃ quiong'₅₄ jniog₄. Diú₄ bá₄ i₂con₂ 'í₁ ja₁con₂ dsa₂ 'éi₂. 13 La₁ia₁ 'nia'₂, ca₂tíng'₂ caun'₅₄ 'í₁ jmá'₃ lia'₂ dsa₂ i₂quiong'₅₄ jniog₄. Jaun₂ ně₃: “Dsen₅₄ 'nia'₂ cau₅ dsa₂ 'lín'₅₄ i₂'en₅₄ jin₄ 'nia'₂.”*

6

Mi'₅₄ a₂cha₂ jin₄ dsa₂ 'én₂ 'ni₂₃ riin'₅₄ ne₄ dsi₂tan₅₄ i₂tsá₃ 'én₂

1 Jui₁lia'₂ jme₁chan₂ 'ein₂ 'nia'₂ 'nio₃ dsia₃ dso₄ 'ni₃ rin'₅₄, ¿a₂ bá₄ lia'₂ tiá₂ 'au'₂ o₁dsia'₄ dso₄ ne₄ jui₁lia'₂ dsa₂ i₂tsá₃ Diú₄ cuin₅, 'nió'₄ a₂jme₁juig'₅₄ 'nia'₂ dsa₂ quián₅ Diú₄? 2 ¿Tsa₁ ni'₅₄ 'nia'₂ jua'₂ dsa₂ juig₂ quián₅ Diú₄ bá₄ gué'₂ i₂con₂ 'í₁ quió'₅ dsa₂ mi₂güig₃? Chi₂jua'₂ 'nia'₂ i₂cáun'₂ 'í₁ quió'₅ dsa₂ mi₂güig₃ ně₃, ¿en₁ jmá'₃ gué'₂ tsá₃ 'ein₂ i₂tín₂ chan₂ i₂lé₂ jme₃rě₃ jui₁lia'₂ mi'₅₄ me'₂? 3 ¿Tsa₁ ni'₅₄ 'nia'₂ jua'₂ le₂jio₅ ángeles bá₄ quiong₅₄ jniog₄ 'í₁ quió'₅? i'Ě₂ gué₄ bá₄ jaun₂ ca₂tág₂ jniog₄ jme₁rě₂ 'e₂ caun₂ o₂me'₅₄ dsi₅ rě₂cha₂ ne₄ gua'₅₄ 'uē₃ la₂! 4 Chi₂jua'₂ 'e₂ caun₂ mi'₅₄ cha₂ quián'₂ 'nia'₂, rin'₅₄ jniog₄, ¿e₂ lě₃ o₂nó'₅ 'nia'₂ o₂dsia'₅₄ dso₄ ne₄ dsa₂ i₂tsá₃ 'e₂ quen₅ le₃quió'₅ guá'₅? 5 Juá'₅ jniá₂ le₂ně₅ ia₁jaun₂ le₃guen'₅₄ 'nia'₂ ca₂la₂. ¿O₃ bá₄ 'i₁jan₂ jmá'₃ tsá₃ 'ein₂ chan₂ jin₄ 'nia'₂ i₂qui'₅₄ jmig₄ jme₃rě₃ mi'₅₄ a₂niog₅ jin₄ rin'₅₄? 6 ¿Rě₂ gué₄ dsió₅, lín'₂ 'nia'₂, jui₁lia'₂ jan₂ rin'₅₄ jniog₄ dsi₂dsiá₃ dso₄ ne₄ dsa₂ i₂tsá₃ 'én₂?

7 Chi₂jua'₂ ma₂tion'₅₄ 'nia'₂ mi'₅₄ jin₄ 'nia'₂, co₂dsia₅ ma₂tán'₂ bá₄ 'nia'₂ já₃g₁ chi₂jua'₂ le₂jaun₂. ¿Tsa₁ dse₃ gué₄ jmo₃ dsa₂ co₂nei'₅₄ tió'₃ dsi₅ a₂caun₂ lě₁dsi₂ni₂

* 5:13 Deuteronomio 17:7; 19:19; 21:21,24; 24:7.

jmóg'₂ riin'₅₄? ¿Tsa₁ dse₃ guě₄ guén₄ jniog₄ juí'ang₁₂ 'e₂ 'ang₃ quián₂? ⁸ La₁ 'nia'₂ ně₃, jmag'₅₄ dsa₂, 'ang'₂ quió'₅ dsa₂; ca₂tě₂ ja₁con₂ rín'₂ 'nia'₂ guiong'₅₄ jmo'₂ le₂ně₅. ⁹ ¿O₃ bá₄ tsá₃ ŋi'₅₄ 'nia'₂, tsá₃ ja₁gon₂ Diú₄ ca₂tín₂ dsa₂ i₂tsá₃ cuín₅ Diú₄? Tsá₃ cuín₅ 'nia'₂ jmig₄ jua'₅₄ a₂le₃gang'₂, ia₁ juí'lia'₂ dsa₂ i₂i₂nio₄ nió'₅ jág₁ quian'₅₄ dsa₂ i₂tsá₃ lě₅ dsi₂i₂gu₂, juí'lia'₂ dsa₂ i₂qui₂jme₂juin'₂ diú₄ lag₄, juí'lia'₂ dsa₂ ŋe'₂ i₂dsi₂jnia₅ dsí₅ lia'₂ dsi₂jnia₅ dsí₅ 'io₅₄, * juí'lia'₂ dsa₂ ŋe'₂ i₂nió'₅ jág₁ quian'₅₄ dsa₂ ŋe'₂ riin'₅₄, ¹⁰ juí'lia'₂ dsa₂ 'ang₂, dsa₂ i₂'ua'₂ dsí₅, dsa₂ i₂i₂nio₄ 'en₅, dsa₂ i₂i₂nio₄ qui₂dsia₂₃ jág₁ tē₂jág₁, dsa₂ i₂lí'₂ cu₄ tē₂le₃ quian'₅₄ a₂ŋioi₅₄ jme₂gain₂₃ riin'₅₄: dsa₂ le₂'ěi₂ ně₃, tsá₃ ca₂tín₂ ja₁gon₂ Diú₄. ¹¹ Le₂ně₅ bá₄ jme₁chan'₂ i₂lín₅₄ 'nia'₂ le₂jnia₅. La₁ 'ŋiog₅ bá₄ Diú₄ ma₂qui₂ca₂rín'₃ jme₂dsí₂ quián'₂ 'nia'₂, malě₅ 'í₁ quiáin₅, ca₂guei₃ Diú₄ 'nia'₂ ně₂jag₄ bá₄ a₂tsá₃ 'e₂ dso₄ rín'₂ 'nia'₂, tē₂le₃ quian'₅₄ Te₁gui'₅₄ Jesús, quian'₅₄ guě'₂ Jme₂dsí₂ quián₅ Diú₄ quián₂.

A₂'nió'₅ jmo₃ dsa₂ 'í₁ ni₁ŋi₁₂

¹² Chan₂ dsa₂ i₂juá'₂: “I₄ bá₄ 'éi'₃ le₃jmo₃ dsa₂ 'e₂ 'nio₃ jmo₃.” Dsón'₂ bá₄ dsau₅, la₁ tsá₃ jua'₅₄ ca₂le₃jě₃ jaun₂ jme₂'o₅₄. Dsau₅ bá₄ “I₄ 'éi'₃ le₃jmo₅₄ jniá₂ ca₂le₃jě₃ 'e₂ 'nio₃ jmo₅₄”, la₁ia₁ tsá₃ cuín₄ jniá₂ jmig₄ jua'₅₄ co₂dsia₅ jin'₄ jniá₂ co₂ŋei'₅₄ ne₄ 'i₁caun₂. ¹³ Dsau₅ bá₄ juí'lia'₂ juá'₂ dsa₂: “Lě₅ má₃ o₄quió'₄ rě₂tú'₅ dsa₂; rě₂tú'₅ guě'₂ dsa₂ lě₅ o₄quió'₄ má₃.” La₁ já₅ jmig₄ a₂'én₂ Diú₄ ta₁tín₃. La₁ tsá₃ ta₁ jaun₂ qui'₅ ni₁ŋi₁₂ jua'₅₄ a₂'no₃ dsa₂ dso₄ quian'₅₄ i₂sián'₂. Ta₁ a₂qui'₅ ni₁ŋi₁₂, a₂jme₃ti₃ ta₁ ne₄ Te₁gui'₅₄ bá₄ jaun₂; jaun₂ Te₁gui'₅₄ ně₃ i₂cuě₅ bí₂ quió'₅ ni₁ŋi₁₂. ¹⁴ Ia₁ juí'lia'₂ ca₂jme₃jen'₅₄ Diú₄ Te₁gui'₅₄ quian'₅₄ juí'bi₂ quió'₅, le₂jaun₂ bá₄ jmo₃ a₂jein'₅₄ guě'₂ jniog₄ ján₃.

¹⁵ ¿Tsa₁ ŋi'₅₄ 'nia'₂ jaun₂ a₂tén₅ tē₂le₃ quió'₅ Cristo bá₄ ni₁ŋi'₁ 'nia'₂? ¿On₃ bá₄ lé₂ le₃tion₄ jniog₄ juí'lia'₂ a₂tén₅ ni₁ŋi₁ Cristo le₃ja₁con₂ juí'lia'₂ jan₂ 'io₅₄ i₂'nag₅ quió'₅? ¿Tsá₃ juí'le₅₄ bá₄ le₂jaun₂! ¹⁶ ¿Tsa₁ ŋi'₅₄ 'nia'₂, juí'lia'₂ jan₂ dsa₂ ŋe'₂ i₂nió'₅ jág₁ quian'₅₄ jan₂ 'io₅₄ i₂'nag₅ quió'₅, co₂'nió'₄ caun₂ ni₁ŋi'₅ bá₄ lě₅ jě₁le₃oin₃ le₂jaun₂? Ia₁ ne₄ Si₂ juá'₂: “Co₂'nió'₄ caun₂ ni₁ŋi'₅ lé₂ le₃oin₃ le₂jaun₂.”† ¹⁷ La₁ juí'lia'₂ jan₂ dsa₂ i₂rě₂quian'₅₄ Te₁gui'₅₄, co₂'nió'₄ jan₂ jme₂dsí₂ bá₄ lé₂ quian'₅₄.

¹⁸ Cuing₄ 'nia'₂ ja₁con₂ a₂'lig'₅₄ juí'lia'₂ a₂qui'₂'no₅ dsa₂ dso₄ quian'₅₄ i₂sián'₂. Juí'e₂ guě₃ dso₄ siá'₂ a₂'no₅ dsa₂, 'no₂₃ le₃co'₅₄ ni₁ŋi₁₂ bá₄. La₁ juí'lia'₂ dsa₂ i₂nió'₅ jág₁ quian'₅₄ i₂tsá₃ lín₅ dsi₂i₂gu₂, 'no₂₃ dso₄ ja₁con₂ ni₁ŋi₁ 'ŋiog₅ bá₄. ¹⁹ ¿Tsa₁ ŋi'₅₄ 'nia'₂ a₂lě₅ ni₁ŋi'₁ 'nia'₂ caun₂ guá'₅ ja₁'en₅₄ Jme₂dsí₂ Jnió'₅ i₂ma₂cuin₃ Diú₄? Jaun₂ tsá₃ lě₅ jua'₅₄ a₂tén'₅ guion'₅₄ 'nia'₂; ²⁰ ia₁ i₂ma₂ca₂lán₂ 'mu'₅₄ lín₃ Diú₄ 'nia'₂. Jaun₂ bá₄ lě₃ ca₂tín'₂ 'nia'₂ jme₁gan'₃ Diú₄ tē₂le₃ quian'₅₄ ni₁ŋi'₁ 'nia'₂.

7

A₂to'₂ jág₁ dse₃ tē₂le₃ quió'₅ juí'lia'₂ dsa₂ i₂jén'₂ gu₂

¹ La₂ jein'₄ jniá₂ jág₁ quián'₂ 'nia'₂ a₂juá'₂ 'nia'₂ ne₄ si₂ a₂ca₂chen'₂ 'nia'₂ ne₃. ² Dsón'₂ bá₄ dse₃ jua'₅₄ mei'₂ guě₃ co₂ŋei'₅₄ tsá₃ jén'₂ dsa₂ ŋe'₂ gu₂; la₁ 'uig₅₄ ia₁ ŋí₄ lě₃ qui₂i₂nio₄ dsa₂ jmo₂₃ 'lig'₅₄ jmig₄ ně₃, jaun₂ bá₄ lě₃ co₂ŋei'₅₄ juí'jen'₅₄ bá₄ dsa₂ mí₂ dsa₂ ŋe'₂ gu₂, juí'le₂chan₂ bá₄ dsi₂i₂gu₂ le₂jain₂ le₂jain₂. ³ Dsa₂ ŋe'₂ guě'₂ ně₃ ca₂tín₂ jme₃ti₃ ca₂le₃jě₃ con'₂ a₂ca₂tín₂ jme₃ti₃ le₃ja₁con₂ dsa₂ mí₂ quiáin₅; le₂jaun₂ guě'₂ dsa₂ mí₂ ně₃ ca₂tín₂ jme₃ti₃ táng₃ le₃ja₁con₂ dsi₂i₂gu₂ ca₂le₃jě₃ con'₂ a₂ca₂tín₂ jme₃ti₃. ⁴ On₃jua'₅₄ a₂ca₂tín₂ 'ŋiog₅ dsa₂ mí₂ ni₁ŋi₁₂ 'ŋio'₂; a₂ca₂tín₂ dsa₂ ŋe'₂ quiáin₅ bá₄ ján₃. Já₃ guě'₂ le₂jaun₂ dsa₂ ŋe'₂ táng₃, on₃jua'₅₄ a₂ca₂tín₂ 'ŋiog₅ 'éi₂ ni₁ŋi₁₂; a₂ca₂tín₂ dsa₂ mí₂ quiáin₅ bá₄ ján₃. ⁵ Tsá₃ lě₁jmo₂ 'nia'₂ jua'₅₄

* 6:9 o₃, “dsa₂ ŋe'₂ i₂'nag₅ quió'₅.” † 6:16 Génesis 2:24.

a₂tsá₃ guéin'₄ le₂jang'₂ le₂jang'₂, jñia'₅₄ lia'₂ chi₂jua'₂ 'niog'₂ jmó'₂ 'nia'₂ caun₂ jág₁
a₂tsá₃ tiáng'₄ 'nia'₂ co₂lě₅ tin₃-ni₅ jmig₄ ia₁ a₂'niog'₂ jmó'₂ ca₂ne₅₄ chi₁lěng'₄ Diú₄,
jme₂'ing'₄ tē₁lia'₂ jmig₄ jaun₂. Jē₁ma₂ca₂ñí₂ jmig₄ jaun₂, tián'₂ táng₃ 'nia'₂. Ia₁
con'₂ tsá₃ ñó₅ nē₁ca₂cáun₃ táu₂ i₂sē₃dsen₃ nē₁jua'₂ tsá₃ ca₂tió'₃ 'au'₂ 'nia'₂.

⁶ Ca₂le₃jě₃ a₂juá'₅ jniá'₂ nē₅ cuē₅ jniá'₂ 'nia'₂ jmig₄, on₃jua'₅₄ rē'₂ a₂ton'₂ jniá'₂
'nia'₂ caun₂ 'éi'₃. ⁷ Con'₂ juá'₅ jniá'₂ 'ñio₃, 'nio₃ jniá'₂ jua'₅₄ ca₂le₃jín₃ bá₄ dsa₂ ñe'₂
lín₅ lia'₂ líng₅ 'ñio₃; la₁ con'₂ nē₅ tin₂ Diú₄ jma₃quén₅ ma₂cuē'₃ dsa₂ 'a₂ lia'₂ niog₅
lín₅ dsa₂ le₂jain₂ le₂jain₂.

⁸ Ju₁lia'₂ dsa₂ i₂tsá₃ gu₂ le₁jen'₂, ju₁lia'₂ dsa₂ m₁i₂ i₂ma₂n₁i₂ nē₃, juá'₅ jniá'₂ 'e₂
guē₄ dse₃ jua'₅₄ co₂ñei'₅₄ bá₄ tsá₃ ma₃jéin'₂ gu₂, tiain'₃ ju₁lia'₂ chan₂ jniá'₂ tsá₃ 'ein₂
gua₅₄ quiang'₅₄. ⁹ La₁ia₁ nē₁jua'₂ tsá₃ qui'₅₄ jmig₄ jmo₃ tió'₃ dsí₅ nē₃, ju₁jein'₅₄ gu₂,
ia₁ ja₂lín₃ guē₄ dse₃ bá₄ jéin'₂ co₂ñei'₅₄ gu₂, lia'₂ con'₂ guē₄ a₂ñí₄ dsín'₂ 'ñiog₅.

¹⁰ La₁ juá'₅ jniá'₂ ju₁g₂ ca₂le₃jín₃ ju₁lia'₂ i₂ma₂tián'₅ le₁jen'₂ gu₂, tsá₃ ma₃o₁tein₅₄
rín'₅₄ le₂jain₂ le₂jain₂. 'Éi'₃ nē₅ on₃jua'₅₄ 'éi'₃ quió₃ jniá'₂ 'ñio₃; 'éi'₃ quió'₅ Te₁gui'₅₄
'ñiog₅ bá₄ nē₅. ¹¹ La₁ nē₁jua'₂ chan₂ jan₂ dsa₂ m₁i₂ ca₂téin₂ dsí₂i₂gu₂, ju₁gua₂ bá₄
tei₄ 'ñiog₅; o₃ ju₁'ei'₅₄ bá₄ táng₃ caun₂ jág₁ quian'₅₄ dsí₂i₂gu₂ 'e₂. Le₂nē₅ bá₄ ju₁lia'₂
dsa₂ ñe'₂ táng₃, tsá₃ 'nió'₅ téin₂ dsa₂ m₁i₂ quián₅.

¹² Ju₁g₂ jniá'₂ ju₁lia'₂ i₂sián'₂, (jág₁ quió₃ 'ñio₃, on₃jua'₅₄ 'éi'₃ quió'₅ Te₁gui'₅₄):
Chi₂jua'₂ tsá₃ 'én₂ dsa₂ m₁i₂ quián₅ ju₁lia'₂ jan₂ dsa₂ 'én₂ rín'₅₄ jniog₄, la₁ nē₁jua'₂
'ñio₂ bá₄ dsí₅ dsa₂ m₁i₂ 'éi₂ guá₅ quiong'₅₄, tsá₃ 'nió'₅ téi₂ rín'₅₄ jniog₄ 'éi₂. ¹³ O₃
chi₂jua'₂ dsa₂ ñe'₂ i₂tsá₃ 'én₂ lín₅ dsí₂i₂gu₂ jan₂ dsa₂ m₁i₂ i₂'én₂, la₁ nē₁jua'₂ 'ñio₂ bá₄
dsí₅ guá₅ quiain'₅₄ dsa₂ m₁i₂ 'éi₂, ján₃ bá₄ tsá₃ ca₂tín₂ dsa₂ m₁i₂ téi₂ ján₃. ¹⁴ Ia₁ ju₁lia'₂
dsí₂i₂gu₂ i₂tsá₃ 'én₂ nē₃, ma₃jmo₅ bá₄ Diú₄ a₂lě₅ 'í₁ tē₂le₃ quian'₅₄ dsa₂ m₁i₂; dsa₂ m₁i₂
i₂tsá₃ 'én₂ nē₃, lě₅ bá₄ 'í₁ quián₅ Diú₄ tē₂le₃ quian'₅₄ dsa₂ ñe'₂ i₂'én₂ rín'₅₄ jniog₄.
Jua'₅₄ mei'₂ tsá₃ le₂jaun₂, 'uín₂ chi'₂-guein₂ quián'₂ 'nia'₂ tsá₃ le₁jín₃. La₁ia₁, lia'₂
con'₂ tí₅ jág₁, ma₂ñjió₅ bá₄ 'éi₂. ¹⁵ La₁ ju₁lia'₂ dsa₂ ñe'₂ o₃ dsa₂ m₁i₂ i₂tsá₃ 'én₂ nē₃,
chi₂jua'₂ tion₅₄ 'nio₃ téin₂ rín'₅₄, ju₁tein₅₄ rín'₅₄. Tsá₃ lě₅ jua'₅₄ rē₂jnág₅ ju₁quió'₅
dsa₂ i₂'én₂ rín'₅₄ chi₂jua'₂ le₂jaun₂. * Ia₁ ma₂tē₃ Diú₄ jniog₄ a₂le₃chong₂ le₁'ág₄ tei₄
dsí₅. ¹⁶ Ia₁, ĉ₂a₂ lia'₂ ñi'₅₄ 'ne₂ dsa₂ m₁i₂, jua'₅₄ lé₂ long'₅₄ dsí₂i₂gog'₂? Le₂jaun₂ guē'₂
'ne₂ dsa₂ ñe'₂, ĉ₂a₂ bá₄ lia'₂ ñi'₅₄ jua'₅₄ lé₂ long'₅₄ dsa₂ m₁i₂ quiáng'₂?

¹⁷ Jñia'₅₄ lia'₂ ju₁i₂nio₄ dsa₂ le₂jain₂ le₂jain₂ ju₁lia'₂ niog₅ lě₅ ju₁ma₂chei'₃
Te₁gui'₅₄, lia'₂ con'₂ lě₅ ma₂tē₅ Diú₄. 'Éi'₃ nē₅ cuē₅ jniá'₂ ca₂le₃jín₃ guá'₅.

¹⁸ Chi₂jua'₂ i₂lín₅₄ ma₂le₁u₁ng₁ lo₄ lia'₂ con'₂ jme₁ca₂rē₃'éin₂ ca₂tē₃ Te₁gui'₅₄, tsá₃
ju₁jme₂tsín₃ léi₄ jaun₂. O₃ chi₂jua'₂ 'ein₂ ca₂rē₃'én₂ le₃quió'₅ Te₁gui'₅₄ tē₃ tsá₃
rē₂u₁ng₄ quió'₅, tsá₃ ju₁guein₁₂ u₁ng₃ quió'₅. ¹⁹ Ia₁ tsá₃ 'e₂ dsen₅₄ ta₁ jua'₅₄
rē₂u₁ng₄ o₃ tsá₃ rē₂u₁ng₄ quió'₅ dsa₂ te₁i₂nioi₅₄. A₂jme₃ti₃ 'éi'₃ quió'₅ Diú₄ bá₄ dsa₂
dsen₅₄ ta₁. ²⁰ Le₂jan₂ le₂jan₂ bá₄ dsa₂ ca₂tín₂ le₃chain₂ lia'₂ con'₂ lín₅ 'ñiog₅ lia'₂
con'₂ jme₁ca₂tē₃ Te₁gui'₅₄. ²¹ Chi₂jua'₂ jme₁l₁ng'₄ dsa₂ i₂jme₂ti₃ a₂tsá₃ 'liang'₅₄, lia'₂
con'₂ jme₁ca₂tē₃ Te₁gui'₅₄, tsá₃ jmo₂ 'i₅ 'au'₂ a₂jaun₂; la₁ chi₂jua'₂ ca₂cu₁n₃ jmig₄
a₂tsá₃ ma₃lěng'₂ dsa₂ i₂jme₂ti₃ ta₁, ja₂lín₃ guē₄ dse₃ quió'₅₄ ju₁jaun₂. ²² Ju₁lia'₂
dsa₂ i₂jme₁lín₄ i₂jme₂ti₅ ta₁ ne₄ dsa₂ lia'₂ con'₂ jme₁ca₂tē₃ Te₁gui'₅₄, la₁ rē₂nē₃ nē₃
ma₂lín₅ dsa₂ i₂jme₂ti₃ le₃ja₁con₂ Te₁gui'₅₄. Ján₃ bá₄ guē'₂ le₂jaun₂ ju₁lia'₂ dsa₂
i₂tsá₃ 'ein₂ ne₄ jme₁jme₂ti₃ lia'₂ con'₂ jme₁ca₂tē₃ Te₁gui'₅₄ la₁ rē₂nē₃ guē'₂ nē₃,
ma₂lín₅ dsa₂ i₂jme₂ti₃ ta₁ ne₄ Cristo. ²³ I₂ca₂quín₁ 'mu'₅₄ lín₃ bá₄ 'nia'₂ ca₂láu₂
Cristo. Jaun₂ tsá₃ ma₃cuín₅ 'nia'₂ jmig₄ jua'₅₄ a₂jme₁ti₄ guē₄ ne₄ dsa₂ m₁i₂güig₃.

* 7:15 lit. "Tsá₃ chi₁'ñe'₅₄ dsa₂ i₂'én₂ rín'₅₄ chi₂jua'₂ le₂jaun₂."

24 Le₂ně₅ bá₄ jaun₂, 'nia'₂ rin'₅₄ jniog₄, jui₁tión'₂ bá₄ 'nia'₂ lia'₂ jme₁líng'₄ lia'₂ con'₂ jme₁ca₂tě₃ Diú₄ 'nia'₂.

25 Ně₃ ně₃, jui₁lia'₂ dsa₂ mi₄ i₂tsá₃ dsa₂ ňe'₂ ma₂jio₅, tsá₃ 'e₂ 'éi'₃ ma₂ŋi₂ jniá₂ ja₁con₂ Te₁gui'₅₄. La₂ cuě₅₄ jniá₂ jág₁ lia'₂ con'₂ ňí'₂ dsí₃, co₂'nió'₄ jan₂ i₂tí₅ jág₁ quió'₅ ia₁ a₂ŋéi₂ dsí₅ Te₁gui'₅₄. 26 Jaun₂ líng₂, ja₂lín₃ guě₄ dse₃ jua'₅₄ co₂ŋei'₅₄ guě₄ jui₁chan'₂ bá₄ 'nia'₂ 'a₂ lia'₂ lě₅ chang'₂, 'uig'₅₄ ia₁ 'ŋio₅ lín₃ cha₂ o₂me'₅₄ dsí₅ jmig₄ rě₂ně₃. 27 Chi₂jua'₂ ma₂jen'₂ gog'₂, tsá₃ jmó'₂ 'au'₂ jua'₅₄ téng'₄ ríng'₂. Chi₂jua'₂ tsá₃ ma₂jen'₂ guě'₂ gog'₂, tsá₃ lě₁'nág'₂ dsa₂ mí₂ i₂ne'₅₄ quiang'₅₄. 28 La₁ ně₁jua'₂ ca₂jen'₂ guě'₂ gog'₂, on₃jua'₅₄ 'e₂ dso₄ jaun₂. Le₂jaun₂ bá₄ ján₃ jui₁lia'₂ dsa₂ mi₄, chi₂jua'₂ ca₂jéin'₂ gu₂, on₃jua'₅₄ 'e₂ dso₄ jaun₂ ján₃. La₁ ŋia'₅₄ lia'₂ a₂jaun₂ bá₄ juá'₅ jniá₂, le₃chain₂ quian₅ o₂me'₅₄ dsí₅ mi₂güig₃ la₂. A₂jaun₂ tsá₃ jme₁'nio₃ jniá₂ dsí₂ŋí'₂ 'nia'₂.

29 A₂la₂ bá₄ 'nio₃ jniá₂ juá'₄, rin'₅₄ jniog₄. Tsá₃ ma₂uě₂ le₃'ag₄ a₂dsiög₄ Jmig₄ quió'₅ Te₁gui'₅₄. 'Uig'₅₄ jaun₂, juíg₂ jniá₂ 'nia': ně₃ tē₂le₃ ne₄ jui₅, ca₂le₃ŋín₃ i₂ma₂tían'₅ quian'₅₄ dsa₂ mí₂, jui₁le₂chain₂ ně₂jag₄ bá₄ a₂tsá₃ dsa₂ mí₂ quiáin₅ chan₂. 30 Jui₁lia'₂ dsa₂ i₂chan₂ qui₂le₁qui'₂ dsí₅, jui₁jmo₁₂ bá₄ dsí₅ ně₂jag₄ bá₄ a₂tsá₃ 'e₂ o₂i₁ dsí₅ chain₂. Le₂jaun₂ guě'₂ jui₁lia'₂ dsa₂ i₂jmo₅ 'io'₂, ca₂tín₂ bá₄ jmo₃ ně₂jag₄ bá₄ a₂tsá₃ dse₃ chain₂. Le₂jaun₂ guě'₂ ján₃ jui₁lia'₂ dsa₂ i₂qui₂lá₅ 'e₂ lá₅, jui₁jmo₁₂ bá₄ dsí₅ ně₂jag₄ bá₄ on₃jua'₅₄ a₂quió'₅ 'e₂ ma₂lá₃. 31 Le₂jaun₂ guě'₂ jui₁lia'₂ dsa₂ i₂jmó'₂ ta₁ a₂cha₂ mi₂güig₃ la₂, jui₁jmo₁₂ bá₄ dsí₅ ně₂jag₄ bá₄ a₂tsá₃ chi₂quiain₂₃ jmig₄ a₂jaun₂. Ia₁ ma₂ja₂quián₃ dsí₃ŋí'₂ bá₄ lia'₂ lě₅ mi₂güig₃ la₂.

32 Jaun₂ 'nio₃ jniá₂ tsá₃ tón'₂ 'nia'₂ qui₂le₁quian'₄ 'nia'₂ o₂i₁ dsí₅. Ia₁ jui₁lia'₂ jan₂ dsa₂ ňe'₂ i₂con'₂ 'ŋio'₂ i₂tsá₃ dsa₂ mí₂ quian'₅₄, 'i₅ dsí₅ tē₂le₃ quió'₅ Te₁gui'₅₄, ton'₂ jmo₂₃ bá₄ a₂'ŋio₂ dsí₅ 'éi₂. 33 Ia₁ jui₁lia'₂ dsa₂ i₂jen'₂ gu₂ ně₃, 'ŋio₅ lín₃ guě₄ dsan₂ dsí₅ jui₁lia'₂ 'e₂ a₂niog₅ cha₂ mi₂güig₃, 'a₂ lia'₂ jmo₃ a₂'ŋio₂ dsí₅ 'io₅₄ quiáin₅. 34 Jma₃quén₅ bá₄ dsí₂jio₅ dsí₅. Jui₁lia'₂ jan₂ 'io₅₄ i₂tsá₃ gu₂ ma₂rě₂jen'₂, o₃ jan₂ dsa₂ mi₄ 'e₂, 'ŋio₅ guě₄ dsan₂ dsí₅ tē₂le₃ o₄quió'₄ Te₁gui'₅₄, a₂'nio₃ lén₂ 'í₁ le₃ja₁con₂ Diú₄, lia'₂ le₃quió'₅ ni₁ŋi₁₂, lia'₂ le₃quió'₅ jme₂dsí₂ ně₃. La₁ jui₁lia'₂ dsa₂ mí₂ i₂ma₂chan₂ dsí₂i₂gu₂ guě'₂ ně₃, 'ŋio₅ lín₃ guě₄ dsan₂ dsí₅ jui₁lia'₂ 'e₂ niog₅ cha₂ mi₂güig₃, 'a₂ lia'₂ jmo₃ a₂'ŋio₂ dsí₅ dsa₂ ňe'₂ quiáin₅.

35 A₂dse₃ quián'₂ bá₄ 'nia'₂ juá'₅ jniá₂ le₂ně₅, on₃jua'₅₄ rě'₂ a₂jni₄ jniá₂ quián'₂ 'nia'₂, tē₂le₃ ia₁jaun₂ le₃chan'₂ 'nia'₂ lia'₂ con'₂ dsí₂ten₅₄, ia₁jaun₂ lé₂ jang'₅₄ 'nia'₂ 'au'₂ ne₄ Te₁gui'₅₄ tē₃ tsá₃ jnág₅ cha₂.

36 La₁ chi₂jua'₂ 'ein₂ chan₂ jan₂ dsa₂ mi₄ i₂jme₁ma₂lí'₅₄ jág₁ a₂jéin'₂ gu₂ quiain'₅₄, ton'₂ ma₂ca₂ŋi₂ jmig₄ i₁jéin'₂ gu₂, chi₂jua'₂ lín₂ a₂tsá₃ jmo₂₃ lia'₂ dsí₂ten₅₄ ja₁con₂ 'éi₂, chi₂jua'₂ le₂jaun₂ dsí₂ten₅₄ lé₂ a₂jéin'₂ gu₂, jui₁jmo₁₂ bá₄ 'a₂ lia'₂ 'ŋio₂ dsí₅; lé₂ bá₄ qui₂jéin'₂ gu₂, ia₁ on₃jua'₅₄ 'e₂ dso₄ jaun₂. 37 La₁ jui₁lia'₂ dsa₂ i₂ma₂'ei₅ caun₂ dsí₅, on₃jua'₅₄ a₂'nió'₅ 'ein₂ qui₂chi₂quióng₂ jmig₄, tē₂le₃ qui'₅₄ jmig₄ jmo₃ 'í₁ 'ŋiog₅, a₂dse₃ bá₄ jaun₂. 38 Jaun₂ le₂ně₅ bá₄, jui₁lia'₂ dsa₂ i₂jén'₂ gu₂, a₂dse₃ bá₄ jmo₂₃; la₁ia₁ jui₁lia'₂ i₂tsá₃ jén'₂ gu₂ ja₂lín₃ guě₄ dse₃ jmo₂₃.†

39 'I₄ 'éi'₃ jio₃ dsa₂ mí₂ ŋiai₃ dsí₂i₂gu₂ 'a₂ con'₂ ŋia'₅₄ jmig₄ chan₂ 'éi₂. Nē₁ca₂jón₃ dsí₂i₂gu₂ guě'₂ ně₃, jaun₂ guě₄ le₃jin₅₄ guá₃ táng₃ jéin'₂ gu₂ chi₂jua'₂ 'ein₂ quiain'₅₄

† 7:38 o₃, "La₁ chi₂jua'₂ 'ein₂ chan₂ jan₂ ja₁míg₄ i₂jē₁ca₂ŋi₅ ŋi₂ a₂jéin'₂ gu₂, chi₂jua'₂ le₂jaun₂ lín₂ dsa₂ a₂dsí₂ten₅₄ guě₄, jui₁jmo₅₄ bá₄ 'a₂ lia'₂ 'ŋio₂ dsí₅, lé₂ bá₄ cui₃ŋ₃ ja₁míg₄ a₂jéin'₂ gu₂, ia₁ on₃jua'₅₄ 'e₂ dso₄ jaun₂. La₁ ně₁jua'₂ chan₂ guě'₂ i₂lín₂ on₃jua'₅₄ a₂'nió'₅ 'ein₂ qui₂chi₂quióng₂ jmig₄, 'nio₃ a₂tsá₃ gu₂ jén'₂ bá₄ ja₁míg₄, caun₂ bá₄ 'ei₅ dsí₅ a₂tē₃gua₄ ja₁míg₄ le₂jaun₂ tē₃ tsá₃ gu₂ jéin'₂, a₂dse₃ bá₄ jaun₂. Jaun₂ le₂ně₅ bá₄, 'ein₂ qui₂cui₃ŋ₃ ja₁míg₄ qui₂jen₂ gu₂, a₂dse₃ bá₄ jmo₂₃. Le₂jaun₂ guě'₂ jui₁lia'₂ i₂tsá₃ cui₃ŋ₃ ja₁míg₄ a₂jen'₂ gu₂, ja₂lín₃ guě₄ dse₃ bá₄ ján₃."

'nio₃, la₁ lë₃ jua'₅₄ lín₅ dsa₂ 'én₂ 'éi₂. ⁴⁰ La₁ ja₂ lín₃ guë₄ dse₃ le₃ chain₂ jua'₅₄ co₂ nei'₅₄ tsá₃ ma₃ gu₂ jéin'₂ táng₃. Le₂ në₅ con'₂ lín₂ jniá₂ bá₄. Qui₂ dsi₂ jiog₅ dsi₃ con'₂ lë₅ jiog₅ Jme₂ dsi₂ quián₅ Diú₄ bá₄, lín₂ jniá₂.

8

Jui₁ lia'₂ ñi₄ já'₂ a₂ qui₂ rë₂ jen'₅₄ ne₄ diú₄ lag₄

¹ La₂ juá'₄ táng₃ jui₁ lia'₂ cuente quió'₅ ñi₄ já'₂ a₂ qui₂ jén'₅ dsa₂ ne₄ diú₄ lag₄. Dsón'₂ bá₄ jaun₂ cha₂ a₂ ne₄ jniog₄, ca₂ le₃ jág₃. Jui₁ lia'₂ a₂ ñi₅ dsa₂ në₃, a₂ jaun₂ bá₄ jmo₅ a₂ róin₂; la₁ jui₁ lia'₂ a₂ 'nio₃ dsa₂ ríin'₅₄, a₂ jaun₂ bá₄ jmo₅ a₂ dsi₂ cóin₃.

² Chi₂ jua'₂ chan₂ i₂ juá'₂ ma₂ tñin₂, tsá₃ bá₄ guë₄ 'e₂ ma₂ tñin₂ lia'₂ con'₂ dsi₂ ten₅₄ le₃ tñin₂. ³ Chi₂ jua'₂ 'ein₂ të₃ dsón'₂ 'nioi₃ Diú₄, i₂ cuin₅ bá₄ Diú₄ dsa₂ le₂ 'éi₂.

⁴ Jaun₂ në₃, jág₁ jui₁ lia'₂ a₂ qui₂ g'₂ dsa₂ ñi₅ a₂ ma₂ tñe₁ no₁ në₂ jén'₃ dsa₂ ne₄ diú₄ lag₄: ne₄ bá₄ jniog₄ jaun₂, 'i₁ caun₂ tsá₃ 'e₂ quen₅ jui₁ lia'₂ diú₄ lag₄ ne₄ gua'₅₄ 'uë₃ la₂, ia₁ jñia'₅₄ lia'₂ jan₂ bá₄ Diú₄ chan₂. ⁵ Jui₁ 'a₂ guë₃ la₂ chan₂ i₂ t'ë₂ dsa₂ diú₄ guei'₅₄ i₂ juí₃ quian'₅₄ ne₄ gua'₅₄ 'uë₃, (ia₁ të₃ dsón'₂ lë₅ le₂ jaun₂ në₃, a₂ niog₅ chan₂ juin₅ "diú₄", ján₃ guë'₂ le₂ jaun₂ juin₅ i₂ gon₂ ján₃), ⁶ la₁ t'ë₂ le₃ quián₂ jniog₄ në₃, jñia'₅₄ lia'₂ jan₂ bá₄ Diú₄ chan₂, i₂ lín₅ Jmei₂ jniog₄, i₂ ca₂ jmo₃ ca₂ le₃ j'ë₃ 'e₂ niog₅ cha₂. Le₂ jaun₂ guë'₂ jniog₄ në₃ chong₂ o₄ quió'₄ 'éi₂. Jñia'₅₄ lia'₂ jan₂ tan₅₄ bá₄ i₂ gon₂, i₂ lín₅ Jesucristo. T'ë₂ le₃ ne₄ o₄ quió'₄ 'éi₂ bá₄ ca₂ l'ë₃ ca₂ le₃ j'ë₃ a₂ cha₂, ca₂ t'ë₂ jniog₄ guio₅₄ në₃, chong₂ t'ë₂ le₃ quian'₅₄ 'éi₂.

⁷ La₁ tsá₃ ca₂ le₃ jín₃ ñi₅ a₂ në₅. I₂ chan₂ bá₄ guë₄ i₂ qui₂ ma₂ tñin₂ dsi₅ jme₂ gain₃ diú₄ lag₄, jmo₂₃ bá₄ guë₄ dsi₅ jui₁ lia'₂ jme₁ qui₂ g'₂ ñi₅ a₂ ma₂ jáu'₅ ne₄ diú₄ lag₄, 'uig₅₄ ia₁ a₂ 'uan₅₄ jme₂ dsi₂ quió'₅, tsá₃ caun₂ a₂ qui₂ dsi₂ jein₃ dsi₅, ma₂ ca₂ r'ë₃ 'iog₅ bá₄ jme₂ dsi₂ quió'₅. ⁸ Dsón'₂ bá₄, on₃ jua'₅₄ o₄ quió'₄ má₃ náu₂ jniog₄ rë₂ ne₄ Diú₄. Ia₁ on₃ jua'₅₄ a₂ náu₂ rë₂ guë₄ ne₄ 'éi₂, në₁ jua'₂ ca₂ que₅₄, on₃ guë'₂ jua'₅₄ a₂ tsá₃ rë₂ tióg₂ në₁ jua'₂ tsá₃ ca₂ que₅₄ guë'₂ táng₃. ⁹ La₁ ia₁ jag₄ de'₂ 'nia'₂, ia₁ con'₂ tsá₃ ño₅ në₁ qui₂ ca₂ sén'₂ jui₁ lia'₂ i₂ 'uan₅₄, 'uig₅₄ ia₁ a₂ r'ë₂ na₄ jui₅ quián'₂ 'nia'₂ a₂ l'é₂ le₃ quio'₅₄. ¹⁰ Chi₂ jua'₂ ñi'₅₄ 'ne₂ rë₂ 'a₂ lia'₂ dsi₂ ten₅₄ jmó'₂, në₁ jua'₂ ca₂ jág₂ jan₂ rín'₅₄ i₂ 'uan₅₄, i₂ tsá₃ lín₄ rë₂ ñi'₂ dsi₅, a₂ ñéi'₂ qué'₂ ja₁ tión₂ diú₄ lag₄, ¿'e₂ bá₄ l'é₂ në₁ jua'₂ ca₂ tiá₂ dsi₅ 'éi₂ guë'₃ a₂ ma₂ r'ë₂ jen'₅₄ ne₄ diú₄ lag₄? ¹¹ O₄ quió'₄ a₂ ñi'₅₄ 'ne₂ jaun₂, dsi₃ 'én₂ ríng'₂ i₂ 'uan₅₄ guë₄ në₃. Ca₂ jon₃ Cristo o₄ quió'₄ 'éi₂ bá₄ ján₃. ¹² Ia₁ në₁ jua'₂ jmo'₂ 'nia'₂ a₂ tsá₃ caun₂ a₂ qui₂ dsi₂ jein₃ dsi₅ ríng'₂ i₂ 'uan₅₄, 'nau'₂ 'nia'₂ dso₄ t'ë₂ le₃ ne₄ Cristo. ¹³ Jaun₂ lë₃, chi₂ jua'₂ léi₄ 'ñi₃ ó₃ bá₄ jniá₂ jmo₂₃ a₂ tan'₂ dso₄ ríng'₃ o₄ quió'₄ 'e₂ a₂ guë'₂, ja₂ lín₃ guë₄ dse₃ o₁ líg'₂ jmig₄ tsá₃ ma₃ qui₂ g'₅₄ ñi₅, ia₁ jaun₂ tsá₃ ma₃ tiáin'₃ dso₄.

9

Jui₁ lia'₂ a₂ ca₂ tñin₂ jan₂ dsa₂ i₂ chen₄ quián₅ Jesús

¹ Dsón'₂ bá₄ rë₂ na₄ jui₅ a₂ ca₂ tñing₂ ca₂ le₃ j'ë₃ con'₂ lë₅ ca₂ tñing₂ ia₁ líng₅ dsa₂ i₂ chen₄, ia₁ ma₂ ca₂ jing₅₄ bá₄ Jesús i₂ lín₅ Te₁ gui'₅₄ quián₂. Guion'₅₄ bá₄ 'nia'₂ në₃, líng'₅ co₂ 'nió'₄ ta₁ a₂ r'ë₂ jniá₂ quió'₃, t'ë₂ le₃ quió'₅ Te₁ gui'₅₄. ² 'An₁ chan₂ bá₄ i₂ lín₅₄ jmo₅ dsi₅ a₂ tsá₃ lín₅ jniá₂ dsa₂ i₂ chen₄ quián₅ Te₁ gui'₅₄. La₁ 'nia'₂ në₃, ca₂ tñin'₂ bá₄ 'nia'₂ jmó'₂ 'au'₂, le₂ në₅ líng₅, ia₁ 'nia'₂ bá₄ líng'₅ i₂ jáng'₅ léi₄ ta₁ quió'₃, a₂ t'ë₃ dsón'₂ líng₅ jan₂ dsa₂ i₂ chen₄ quián₅ Te₁ gui'₅₄.

³ Jui₁ lia'₂ dsa₂ i₂ con₂ 'í₁ ja₁ con₂ jniá₂, le₂ la₂ bá₄ lë₅ jág₁ a₂ jein'₅₄ jniá₂ quió'₅: ⁴ ¿O₃ bá₄ tsá₃ ca₂ tñin₂ jniá₂ gue₅₄ ca₂ le₃ j'ë₃ 'e₂ cuë₅ dsa₂ a₂ guë'₅₄, o₃ 'e₂ cuë₅ dsa₂ a₂ gui'₅₄ ján₃? ⁵ ¿O₃ bá₄ tsá₃ ca₂ tág₂ jnia'₅₄ jniá₂ jan₂ dsa₂ mí₂ i₂ 'én₂ i₂ jen'₄ jnia'₅₄ gu₂

quian'⁵⁴, ju₁lia'² jmo₅ dsa₂ i₂chen₄ sián'² quian'⁵⁴ guè'² chi'² rin'⁵⁴ Te₁gui'⁵⁴ 'ñiog₅, ju₁lia'² chan₂ Pe₄* në₃? ⁶ ¿O₃ bá₄ lín'² 'nia'², jñia'⁵⁴ lia'² jniá₂ quian'⁵⁴ Bernabé ca₂tág₂ jmó₁ ta₁ a₂'nióg₂ a₂dsi₃ñág₂? ⁷ ¿'Ein₂ bá₄ 'lióg₂ jme₂ti₃ chi₂jua'² 'ñiog₅ bá₄ qui₃ 'liain'⁵⁴ a₂dsi₂ñí₂? ¿I₂'ein₂ bá₄ 'éi₂ i₂chéin'⁵ ni₁u_{ing}₂ uvas jua'⁵⁴ tsá₃ guè'³ guè'² míg₂ jaun₂? O₃ ju₁lia'² dsa₂ i₂jmo₅ ta₁ jme₂can'⁵⁴ chein₄ lau₂, ¿Ján₃ guè'² tsá₃ lé₂ le₃'ín'² dsí'¹ já'²? ⁸ Tsá₃ o₁len'² 'nia'² jua'⁵⁴ jniá₂ a₂lë₁juá'⁵ con'² lë₂ dsí₃ 'ñió₃; já_n₃ bá₄ le₂në₅ juá'² ne₄ Si₂ 'Éi'³. ⁹ Ia₁ chi₁ton₅ ne₄ Si₂ 'Éi'³ quió'⁵ Moisés le₂la₂: "Tsá₃ tó'² 'nia'² 'nei₅₄ mi₂'o₄ ca₁ju₅ i₂jmo₅ ta₁ i₂chén₂ míg₂ trigo."† ¿A₂'i₅ dsí₅ Diú₄ ca₁ju₅ a₂juá'² le₂jaun₂? ¹⁰ ¿O₃ a₂juá'² o₄quián₂ jniog₄ bá₄? Dsón'² bá₄ o₄quián₂ jniog₄ bá₄ ca₂l₃to'⁵⁴ 'éi'³ në₅ ne₄ Si₂. Ia₁ le₂jaun₂ bá₄ lë₅ ju₁lia'² dsa₂ i₂quia'² 'uë₃ quian'⁵⁴ guè'² dsa₂ i₂cág'⁵ míg₂ trigo. Tsá₃ a₁jaun₂ jua'⁵⁴ a₂lë₁jmo₅ dsa₂ 'éi₂ ta₁ a₂jmo₂₃, jua'⁵⁴ tsá₃ 'ín'² dsí₅ a₂ca₂tín₂ a₂cág'³ jaun₂. ¹¹ Jaun₂ le₂në₅, chi₂jua'² jaun₂ ma₂jñí₁ jniá'⁵⁴ jë₄ quián'² 'nia'² caun₂ jon₂ a₂gu₂dsí₂, ¿a₁lín₃ 'ñio₅ lín'² 'nia'² jua'⁵⁴ a₂cag'⁴ ca₂la₂ ja₁con'² 'nia'² ju₁lia'² a₂dsi₃ñág₂ jniá'⁵⁴ tē₁lia'² chong₂? ¹² Chi₂jua'² ca₂tín₂ dsa₂ sián'² a₂jme₁'oin'⁴ 'nia'², 'ë₂ guè'⁴ bá₄ ca₂tág₂ jniá'⁵⁴.

La₁ tsá₃ 'e₂ ma₂ca₂chi₁quian₁ jniá'⁵⁴ 'nia'² jmig₄ jua'⁵⁴ a₂mi₂ a₂ca₂tág₂ jniá'⁵⁴ jaun₂. Ma₂jmó₁ bá₄ jniá'⁵⁴ tió'³ dsí₅ ca₂le₃jë₃ ia₁jaun₂ tsá₃ lë₅ jua'⁵⁴ cha₂ jnág₅ a₂qui₂dsi₃'ag₅ jág₁ dse₃ quió'⁵ Cristo. ¹³ ¿Tsa₁ ñi'⁵⁴ 'nia'², ju₁lia'² dsa₂ i₂niog₅ ne₄ a₂jñió₅ dsí₂néi₂ guá'⁵, guè'⁵ ju₁lia'² a₂cha₂ dsí₂néi₂ guá'⁵; ju₁lia'² dsa₂ i₂tion'⁵⁴ qui₂jme₂ti₃ ne₄chei₂ në₃, já_n₃ guè'² quein'⁵⁴ gue₂₃ a₂jén'⁵ ne₄chei₂? ¹⁴ Já_n₃ bá₄ le₂jaun₂ ca₂jmo₃ Te₁gui'⁵⁴ 'éi'³, ju₁lia'² dsa₂ i₂nió₄ qui₂'ë₂ jág₁ dse₃, quian'⁵⁴ ta₁ jaun₂ le₃chain₂. ¹⁵ La₁ jniá'² në₃, tsá₃ 'e₂ ma₂ca₂chi₁quian₁ jniá'⁵⁴ jmig₄ 'nia'² jua'⁵⁴ a₂tion₅₄ lé₂ a₂ca₂tíng₂. On₃ guè'² jua'⁵⁴ jaun₂ jmo₅ jniá'² si₂ la₂ ne'⁵⁴ 'nia'² jua'⁵⁴ a₂'ín'² dsí₃ a₂jmó'² le₂jaun₂ quian'⁵⁴ jniá'². ¡Tē₂le₃ quió'³ jniá'², ja₂lín₃ guè'⁴ dse₃ jua'⁵⁴ jóng₂, lia'² con'² guè'⁴ në₁jua'² 'ein₂ jné₅ ju₅ a₂tsá₃ ma₃jme₁ti₁₂ guè'⁴ ta₁ quió'³ a₂jmo₂₃ tång'⁵!

¹⁶ La₁ia₁, ju₁lia'² jme₁'ë₅ jniá'² jág₁ dse₃, tsá₃ ca₂tín₂ jniá'² dsia₅₄ jág₁ tá'⁵, ia₁ tion₅₄ 'nió'⁵ ca₂tíng₂ bá₄ qui₂'ë₄ dsa₂ jág₁ dse₃. ¡'E₂ guè'⁴ juí'² jniá'² në₁jua'² tsá₃ ma₃ca₂'ë₃ jniá'² jág₁ dse₃! ¹⁷ Ia₁ në₁jua'² 'ë₅ jniá'² jág₁ dse₃ a₂'ñio₂ dsí₃ 'ñió₃, gue₅₄ bá₄ 'liang'⁵⁴. La₁ në₁jua'² tsá₃ jmo₂₃ a₂'ñio₂ dsí₃ 'ñió₃, a₂lë₁jme₂tí₁ bá₄ jniá'² ta₁ a₂niog₅ gu₃ jmo₅₄. ¹⁸ ¿Na₅ bá₄ 'lian'⁵⁴ jniá'² jaun₂ në₃? A₂jaun₂ bá₄ 'lian'⁵⁴ jniá'²: a₂lé₂ qui₁'ë₄ jniá'² jág₁ dse₃ ja₁con₂ dsa₂, a₂tsá₃ 'lia'⁵⁴ can₅₄, on₃jua'⁵⁴ chi₁quiang₁₂ jmig₄ gue₅₄ a₂ca₂tíng₂.

¹⁹ O₁jñia'⁵⁴ la₂ jin₅₄ jniá'², on₃jua'⁵⁴ chan₂ 'ein₂ ne₄ jme₂tí₁, la₁ jmo₅₄ jniá'² dsí₃ në₂jag₄ bá₄ i₂ma₂rë₂'ñe'⁵⁴ jniá'² quián₅ ca₂le₃jín₃, ia₁jaun₂ lé₂ le₃léi₂ guè'⁴ juin₅ dsa₂ tē₂le₃ quió'⁵ Cristo. ²⁰ Ju₁lia'² jme₁'eng₅₄ quiang'⁵⁴ dsa₂ judíos, jmo₂₃ dsí₃ në₂jag₄ bá₄ líng₅ co₂'nió'⁴ jan₂ dsa₂ judío, ia₁jaun₂ cuin₃ jmig₄ a₂jóin₄ jniá'². Ju₁lia'² ja₁con₂ dsa₂ i₂tion'⁵⁴ 'Éi'³ quió'⁵ Moisés, jmo₅₄ jniá'² dsí₃ në₂jag₄ bá₄ a₂'eng₅₄ 'Éi'³, ia₁jaun₂ jón₄ jniá'² ju₁lia'² i₂tion'⁵⁴ 'Éi'³, (O₁jñia'⁵⁴ la₂ tsá₃ 'Éi'³ jaun₂ 'eng₅₄ tē₃dsón'²). ²¹ Tē₂le₃ quió'⁵ guè'² ju₁lia'² dsa₂ i₂tsá₃ tion'⁵⁴ 'Éi'³ në₃, já_n₃ bá₄ co₂ring₂ quian'⁵⁴ dsa₂ 'éi₂ jmo₂₃ dsí₃, ia₁jaun₂ jóng₄ ju₁lia'² dsa₂ i₂tsá₃ tion'⁵⁴ 'Éi'³, (O₁jñia'⁵⁴ la₂ tsá₃ lon₄ jniá'² ne₄ 'Éi'³ quió'⁵ Diú₄, a₂'eng₅₄ bá₄ 'éi'³ quió'⁵ Cristo). ²² Ju₁lia'² ja₁con₂ dsa₂ 'uan₅₄ i₂tsá₃ lín₄ ma₂'én₂ rë₂, já_n₃ bá₄ le₂jaun₂ jmo₂₃ dsí₃ líng₅, ia₁jaun₂ jóng₄ ju₁lia'² i₂'uan₅₄. Ja₁con₂ ca₂le₃jín₃ dsa₂ ma₂jmo₃ jniá'² dsí₃ a₂co₂ring₂ quian'⁵⁴ ca₂lë₃jín₃, ia₁jaun₂ cuin₃ jmig₄ a₂lé₂ le₃lión₂ i₂lín₅₄. ²³ Ca₂le₃jë₃

* 9:5 griego: Cefas. † 9:9 Deuteronomio 25:4.

a₂nē₅ jmo₅ jniá₂ o₄quió' jág₁ dse₃, ia₁jaun₂ bá₄ quen' jniá₂ tē₂le₃ quian' jág₁ dse₃.

²⁴ ¿Tsa₁ ŋi' ₅₄ 'nia' ₂ ju₁lia' ₂ dsa₂ i₂i₂nio₄ co₂chi' ₅₄ jme₁co₂₃, ca₂le₃jín₃ bá₄ 'éi₂ i₂nioi₅₄, la₁ i₂jan₂ tan₅₄ ju₁lia' ₂ i₂lí' ₂ bá₄, gue₅ premio? Le₂jaun₂ bá₄ 'nia' ₂ ján₃, quen' ₂ bí₂ o₂nóg' ₅ co₂chi' ₅₄ ia₁jaun₂ guéi' ₁ 'nia' ₂ premio. ²⁵ Ca₂le₃jín₃ dsa₂ i₂jme₂tín₅ ia₁ cha₂ ja₁lě₄ jág₁ a₂dsi₃cáu₂, jmo₂₃ 'í₁ 'ŋiog₅, ia₁jaun₂ bá₄ lí' ₂ caun₂ corona a₂jio₅ co₂'na₂. La₁ jnio₄ nē₃ quen' ₂ bí₂ léi₂ caun₂ corona a₂jio₅ co₂tan₅₄ bá₄. ²⁶ Jaun₂ le₂nē₅, 'ŋió₃ jniá₂ nē₃, on₃jua' ₅₄ a₂lě₁i₂ŋi₄ jniá₂ co₂chi' ₅₄; jaun₂ jme₁quín' ₂ jniá₂, on₃jua' ₅₄ a₂lě₁dsi₂dsi₂ ja' ₂. ²⁷ Tē₂le₃ jma' ₄ cuē₅ uig₅ ŋi₃ 'ŋió₃, nē₂jag₄ bá₄ a₂rě₂'ŋe' ₅₄, con' ₂ tsá₃ ŋó₅ nē₁jua' ₂ tē₁tsing' ₄ 'lig' ₅₄ 'ŋió₃, lia' ₂ con' ₂ jme₁ca₂jme₁ting₅ i₂sián' ₂.

10

To' jág₁ a₂tsá₃ jme₃gan₃ dsa₂ diú₄ lag₄

¹ Tsá₃ 'nio₃ jniá₂ jua' ₅₄ a₂tsá₃ ŋi' ₅₄ 'nia' ₂ rin' ₅₄ jnio₄, a₂jme₁tion' ₅₄ dsa₂ can' ₅₄ quián₂ jnia' ₅₄ ma₂líg' ₂ né' ₃ jnei₅, jaun₂ guē₄ ca₂ŋi₃ ca₂le₃jín₃ Jm₁ŋi' ₄ Guéin₂. ² Ca₂tón' ₂ dsa₂ co₂lě₅ ca₂le₃jín₃ quiain' ₅₄ Moisés jē₄ jnei₅ quian' ₅₄ jē₄ jmi₁ŋi' ₄ nē₃. ³ Le₂jaun₂ bá₄ ján₃, ca₂guē' ₃ co₂dsia₅ ca₂le₃jín₃ má₃ a₂gu₂dsí₂; ⁴ ca₂'in' ₃ jmig₂ a₂gu₂dsí₂ ján₃. Ia₁ ca₂'in' ₃ jmig₂ a₂ca₂'ia₂ dso' ₂ ni'lau₂ a₂gu₂dsí₂ jaun₂ a₂ca₂jme₃quiong' ₅₄ ca₂le₃jě₃ jmig₄ tioin' ₅₄ ju₁5. Ni'lau₂ jaun₂ nē₃, Cristo bá₄ 'éi₂. ⁵ La₁ia₁, mei' ₂ tsá₃ le₃jín₃ dsa₂ 'éi₂ nē₃, tsá₃ ca₂jmo₃ a₂'ŋio₂ dsí₅ Diú₄. Jaun₂ ne₄ 'uig₅₄ jaun₂, qui₂i₃ga' ₅₄ ni₁ŋi₁₂ 'uē₃ quein₂ co₂'ŋiog₅ jaun₂.

⁶ Ca₂le₃jě₃ a₂nē₅ ca₂lě₃ ia₁jaun₂ lě₅ caun₂ jág₁ a₂jáng' ₅ léi₄ quián₂ jnio₄ jmig₄ nē₃, ia₁jaun₂ tsá₃ jmó₁ jnio₄ 'ín₅ dsí₅ ja₁con₂ a₂'lig' ₅₄, ju₁lia' ₂ ca₂jmo₃ dsa₂ 'éi₂ 'ín₅ dsí₅. ⁷ Jaun₂ juíg₂ jniá₂ 'nia' ₂, tsá₃ jme₁gan' ₃ 'nia' ₂ diú₄ lag₄, ju₁lia' ₂ ca₂jmo₃ i₂lín₅₄ dsa₂ 'éi₂; ju₁lia' ₂ juá' ₂ ne₄ Si₂: "Ca₂tián' ₂ dsa₂ ca₂guē' ₃ qui₂ca₂'in' ₃ nē₃, jaun₂ guē₄ qui₂ca₂nau₂, ca₂co₃."* ⁸ Tsá₃ ca₂tág₂ jnio₄ 'nió₃ dso₄ jua' ₅₄ nió' ₄ jnio₄ jág₁ quian' ₅₄ ju₁'ein₂ guē₃, ju₁lia' ₂ ca₂jmo₃ i₂lín₅₄ dsa₂ 'éi₂. Ne₄ 'uig₅₄ jaun₂, quian' ₅₄ co₂jmig₄ ca₂dsan₃ con' ₂ guióg₂-ni₅ mei₅ dsa₂ 'éi₂. ⁹ On₃ guē' ₂ ca₂tág₂ jnio₄ a₂quiong₅₄ táu₂ Te₁gui' ₅₄ ju₁lia' ₂ ca₂jmo₃ i₂lín₅₄ dsa₂ 'éi₂, jaun₂ qui₂ca₂dsain₃, qui₂ca₂cag' ₂ dsí₂mi' ₂. ¹⁰ On₃ guē' ₂ chi' ₁'ín' ₄ 'nia' ₂ uig₅ Diú₄, ju₁lia' ₂ ca₂jmo₃ i₂lín₅₄ dsa₂ 'éi₂, jaun₂ ca₂chen₃ Diú₄ ángel i₂quian' ₅ mú₃, ca₂jme₃dsiain₂₃ dsa₂ 'éi₂.

¹¹ Le₂nē₅ bá₄ ca₂i₃ŋi₂ dsa₂ 'éi₂, ia₁jaun₂ jióg' ₂ 'í₁ lě₅ léi₄; ca₂ito' ₅₄ ne₄ Si₂ co₂'nió' ₄ caun₂ jág₁ a₂i₂'ag₅₄ tē₃jniá₅, ia₁jaun₂ dsio₂g' ₂ dsí₅ jnio₄ jmig₄ nē₃, ia₁ ma₂ja₂quián₃ bá₄ le'ŋia₅ jmig₄ a₂le₂ti₃ a₂lě₅ dsí₅ Diú₄ jmo₃ ja₁con₂ jnio₄. ¹² Le₂nē₅ bá₄, chi₂jua' ₂ 'ein₂ lín₂ chéin' ₅ tiá₂ a₂'éin₂, ju₁jmo₁₂ 'í₁ ia₁jaun₂ tsá₃ tián' ₃. ¹³ Tsá₃ 'e₂ táu₂ ma₂i₂ŋi' ₂ 'nia' ₂, jŋia' ₅₄ lia' ₂ a₂qui₂dsi₂ŋi₂ dsa₂ m₁i₂güí₃. La₁ i₂rě₂ti' ₅₄ bá₄ Diú₄, tsá₃ cuē₃ jmig₄ jua' ₅₄ ŋi₄ a₂qui₂dsi₁juin₅₄ 'a₂ con' ₂ jŋia' ₅₄ tiang' ₃. Tē₂le₃ 'ŋiog₅ bá₄ Diú₄ jmo₃ caun₂ ju₁5 'a₂ lia' ₂ lě₂ jmó' ₂ a₂tiang' ₃, ju₁'e₂ guē₃ caun₂ táu₂ já₅.

¹⁴ Jaun₂ juíg₂ jniá₂ 'nia' ₂ rin' ₅₄ jnio₄, quiá₂ 'nia' ₂ cau₅ ja₁jme₂juin' ₂ dsa₂ diú₄ lag₄. ¹⁵ Juíg₂ jniá₂ 'nia' ₂ dsa₂ i₂ŋi' ₂ dsí₅: quion₂ de' ₂ 'nia' ₂ caun₂ 'í₁ a₂juá' ₅. ¹⁶ Ju₁lia' ₂ jme₁quian' ₅₄ jnio₄ rin' ₅₄, 'ne' ₂ jnio₄ a₂'a₄ copa jnió₅, cuē₂ ti' ₁'mag' ₄ Diú₄: ¿on₁jua' ₅₄ a₂quein' ₄ jnio₄ jmi₄ Cristo? Le₂jaun₂ bá₄ ján₃ ju₁lia' ₂ jme₁quian' ₅₄ jnio₄ rin' ₅₄ jmo₂ dsio₂g₁ i₁ŋi' ₄: ¿on₁jua' ₅₄ a₂quein' ₄ jnio₄ ni₁ŋi₁ Cristo? ¹⁷ Ju₁lia' ₂ caun₂ bá₄ i₁ŋi' ₄ lě₅, ján₃ bá₄ le₂jaun₂ jnio₄ nē₃, o₁jŋia' ₅₄ la₂ juag₅ jnio₄ lě₂, la₁ caun₂ bá₄ ni₁ŋi' ₅ lág₅ jnio₄, ia₁ caun₂ i₁ŋi' ₄ bá₄ que₂ jnio₄.

* 10:7 Éxodo 32:6.

18 Quion₂ de₂ 'nia'₂ 'í₁ 'a₂ lia'₂ lë₅ juig₂ Israel: ¿Tsa₁ lín'₂ 'nia'₂, jñia'₅₄ dsa₂ i₂guë'₅ má₃ ñi₄ já'₂ a₂qui₂rë₂jen'₅₄ ne₄chei₂, le₂jaun₂ bá₄ quein'₅₄ guioin₅₄ ne₄chei₂ jaun₂? 19 Tsá₃ juí₂ jniá₂ 'nia'₂ jua'₅₄ a₂cha₂ bí₂ 'io₅ diú₄ lag₄, on₃ guë'₂ le₂jaun₂ ñi₅ a₂te₁'i₁ ne₅₄. 20 Të₂le₃ juá'₅ jniá₂, jme₁jén'₅ dsa₂ 'e₂ qui₂jén'₅ ne₄ 'éi₂, qui₂jén'₅ dsa₂ a₂jaun₂ ne₄ je₂na'₅₄, on₃jua'₅₄ rë'₂ ne₄ Diú₄ tē₃dsón'₂. Jaun₂ tsá₃ 'nio₃ jniá₂ jua'₅₄ quen'₅₄ 'nia'₂ quian'₅₄ je₂na'₅₄. 21 Tsá₃ lé₂ 'ag'₅₄ 'nia'₂ copa quió'₅ Te₁gui'₅₄, chi₂jua'₂ ján₃ guë'₂ 'ag'₅₄ táng₃ copa quió'₅ je₂na'₅₄. On₃ guë'₂ lé₂ quen'₅₄ 'nia'₂ ne₄ mesa quió'₅ Te₁gui'₅₄, chi₂jua'₂ ján₃ guë'₂ quen'₅₄ táng₃ 'nia'₂ ne₄ mesa quió'₅ je₂na'₅₄.

22 ¿'E₂ lé₂ në₃? ¿O₃ bá₄ lé₂ le₃jmo₁ jniog₄ ia₁jaun₂ le₃dsí'₅ Te₁gui'₅₄ o₄quián₂ jniog₄? ¿O₃ bá₄ 'uau'₂ guë'₄ jniog₄ lia'₂ con'₂ guë'₄ 'éi₂?

'A₂ con'₂ jñia'₅₄ cuë₂₃ jmi₄ ia₁ a₂lág₅ jniog₄ dsa₂ quián₅ Cristo

23 Dsón'₂ bá₄ dsau₅: “I₄ bá₄ 'éi'₃ le₃jmo₃ dsa₂ 'e₂ 'nio₃ jmo₃”, la₁ tsá₃ jua'₅₄ ca₂le₃jë₃ a₂jaun₂ jme₂'o₅₄; dsau₅ bá₄: “I₄ 'éi'₃ le₃jmo₃ dsa₂ ca₂le₃jë₃ 'e₂ 'nio₃ jmo₃”, la₁ia₁ tsá₃ jua'₅₄ ca₂le₃jë₃ a₂jaun₂ jmo₃ a₂dsi₃cón₃ dsa₂ tē₂le₃ quió'₅ jme₂dsí₂. 24 'Nió'₅ bá₄ 'no'₂ dsa₂ jui₅ jmo₃ a₂dse₃ le₃ja₁con₂ rñin'₅₄, on₃jua'₅₄ rë'₂ jmá'₃ lia'₂ a₂dse₃ ja₁coin₂ 'ñiog₅.

25 Qué'₂ bá₄ 'nia'₂ lia'₂ 'ei₅ ne₄ a₂dsi₂'nag₂ 'ma'₅₄, lë₃ jua'₅₄ tsá₃ 'e₂ cáun'₂ 'nia'₂ 'í₁ o₄quió'₄ a₂qui₂dsi₂jñi₅ 'au'₂ 'nia'₂. 26 Ia₁: “Gua'₅₄ 'uë₃, quian'₅₄ guë'₄ ca₂le₃jë₃ 'e₂ niog₅ cha₂ ja₁jaun₂, a₂quió'₅ Te₁gui'₅₄ jë₂ bá₄ jaun₂.”†

27 Nē₁jua'₂ 'ein₂ dsa₂ i₂tsá₃ 'én₂ ca₂tē₃ 'nia'₂ a₂o₁qué'₂ ja₁quió'₄, nē₁jua'₂ 'niog'₂ 'nia'₂ o₁nóg'₅, jaun₂ qué'₂ bá₄ 'nia'₂ ca₂le₃jë₃ 'e₂ niog₅ dsia₃ dsa₂ ne'₅₄, lë₃ jua'₅₄ tsá₃ cáun'₂ 'í₁ o₄quió'₄ a₂qui₂dsi₂jñi₅ 'au'₂ 'nia'₂. 28 La₁ nē₁jua'₂ chan₂ guë'₂ 'ein₂ juá'₂: “Má₃ a₂qué'₂ 'nia'₂ nē₅ a₂ma₂jáu'₅ jme₁rë₂jen'₅₄ ne₄ diú₄ lag₄ bá₄ nē₅”, co₂dsia₅ tsá₃ ma₃quë'₂ 'nia'₂, o₄quió'₄ i₂juá'₂ le₂nē₅, ján₃ bá₄ o₄quió'₄ a₂qui₂dsi₂jñi₅ dsí₅ në₃.‡ 29 A₂qui₂dsi₂jñi₅ dsí₅ dsa₂ 'éi₂ bá₄ guë'₂, on₃jua'₅₄ rë'₂ 'nia'₂.

La₁ chan₂ guë'₂ i₂le₃juá'₂ táng₃: “¿'E₂ 'uig₅₄ qui₂con₂ dsa₂ 'í₁ tē₂le₃ jui₅ a₂tsá₃ jnág₅ quió'₃, o₄quió'₄ 'a₂ lia'₂ niog₅ ñi'₂ dsí₅ i₂sián'₂?” 30 Chi₂jua'₂ cuë'₅ jniá₂ ti₁'mag'₄ o₄quió'₄ caun₂ má₃ a₂quen'₅₄ jniá₂ jë₄ guë'₅ dsa₂, ¿'e₂ 'uig₅₄ chi₂'ag₅ dsa₂ o₄quió'₄ a₂guë'₂ jaun₂, chi₂jua'₂ cuë'₅ ti₁'mag'₄ në₃? 31 Jaun₂ lë₃, chi₂jua'₂ qué'₂, 'ag'₂, ján₃ guë'₂ le₂jaun₂ chi₂jua'₂ 'e₂ guë'₄ niog₅ jmo'₂ 'nia'₂, jmo₄ bá₄ a₂jaun₂, la₁ jua'₅₄ le₃juin'₂ bá₄ Diú₄ le₃jë₃ a₂jaun₂. 32 La₁ tsá₃ cuë'₂ 'nia'₂ jmi₄ jua'₅₄ ja₁lé₂ tsi₃sén'₂ dsa₂ judíos, on₃ guë'₂ dsa₂ griegos, on₃ guë'₂ dsa₂ i₂tén₅ le₃quió'₅ guá'₅ quián₅ Diú₄ në₃. 33 Jniá₂ 'ñió₃ në₃ quín'₅ bí₂ jmo₂₃ a₂tē₅ dsí₅ ca₂le₃jín₃, tsá₃ jmo₅ jniá₂ dsí₃ a₂'náu'₅ jniá₂ a₂dse₃ le₃ja₁cong₂ 'ñió₃. Jmo₅ bá₄ jniá₂ a₂dse₃ le₃ja₁con₂ i₂sián'₂, ia₁jaun₂ lión₂.

11

1 Quian₂ 'nia'₂ jui₅ a₂ca₂can₃ jniá₂, jui₁lia'₂ jniá₂ në₃, quian₅₄ jui₅ a₂ca₂can₃ Cristo.

'A₂ lia'₂ dsi₂ten₅₄ jmo₃ dsa₂ mí₂ jme₁tioin'₅₄ culto

2 Rñn'₅₄ jniog₄, a₂'ñio₂ dsí₃ lín₃ cuë'₅ jniá₂ ti₁'mag'₄ 'nia'₂, 'uig₅₄ ia₁ a₂dsau'₂ bá₄ 'au'₂ jniá₂, ia₁ chan'₅₄ bá₄ 'nia'₂ tiá₂ jág₁ con'₂ lë₅ ma₂ca₂jme₁tin₅ jniá₂ 'nia'₂. 3 La₁ 'nio₃ jniá₂ a₂le₃ñi'₅₄ 'nia'₂: jui₁lia'₂ lín₅ Cristo mi₂dsi₄ le₂jan₂ le₂jan₂ dsa₂ ñe'₂, ján₃ guë'₂ le₂jaun₂ lín₅ dsa₂ ñe'₂ mi₂dsi₄ dsa₂ mí₂; jaun₂ lín₅ Diú₄ mi₂dsi₄ Cristo. 4 Jua'₅₄ mei'₂ guë'₃ jan₂ dsa₂ ñe'₂ jlë₂ dsí₅₄ jme₁chi₂lén'₂ Diú₄ jë₁le₁ñi'₂ dsa₂, o₃ jme₁ñág₅ jág₁ a₂cuë'₅ Diú₄, chein'₂₃ o₂guí'₃ mi₂dsi₅₄ chi₂jua'₂ le₂jaun₂. 5 La₁ chi₂jua'₂ jan₂

† 10:26 Salmo 24:1. ‡ 10:28 A₂lín₅₄ chog₅₄ si₂ juá'₂ ján₃: “Ia₁ gua'₅₄ 'uë₃, quian'₅₄ guë'₄ ca₂le₃jë₃ 'e₂ niog₅ cha₂ ja₁jaun₂, a₂quió'₅ Te₁gui'₅₄ jë₂ bá₄ jaun₂.”

guë'₂ dsa₂ mí'₂ tsá₃ chi₁jlë'₅ dsi₅₄ jme₁chi₂lén'₂ Diú₄, o₃ jme₁ñág₅ jág₁ a₂cuë'₅ Diú₄, chein'₂₃ o₂guí'₃ mi₂dsi₅₄ chi₂jua'₂ le₂jaun₂ ján₃; co₂jaun₂ bá₄ dsióg₅ nē₂jag₄ bá₄ rē₂chei₄ jñi₂ dsi₅₄. ⁶ Chi₂jua'₂ tsá₃ 'nio₃ jui₁lia'₂ jan₂ dsa₂ mí'₂ jlë'₂ dsi₅₄, co₂ñei'₅₄ o₁chéi₄ jñi₂ dsi₅₄. La₁ chi₂jua'₂ caun₂ o₂guí'₃ jaun₂, a₂chéi₃ jan₂ dsa₂ mí'₂ jñi₂ dsi₅₄, o₃ a₂téi'₅ 'e₂, jui₁jlë'₅₄ bá₄ mi₂dsi₅₄. ⁷ Tsá₃ ca₂tín₂ dsa₂ ñe'₂ jlë'₂ dsi₅₄, ia₁ 'éi₂ bá₄ lín₅ co₂'nió'₄ nió'₄ quió'₅ Diú₄, i₂jme₂jnia₅ a₂jlá'₁ quió'₅ Diú₄. La₁ia₁ dsa₂ mí'₂ nē₃, lín₅ i₂jlán'₁ quián₅ dsa₂ ñe'₂. ⁸ Le₂'uig₅₄ lia'₂ con'₂ jme₁ca₂jmo'₂ Diú₄ dsa₂ ñe'₂, ma₁ on₃jua'₅₄ quió'₅ dsa₂ mí'₂ ca₂can₃ 'uig₅₄. Dsa₂ mí'₂ bá₄ 'éi₂ ca₂já₃ ca₂liin₃ quian'₅₄ ni₁ñi₁ dsa₂ ñe'₂. ⁹ O₄quió'₄ dsa₂ ñe'₂ bá₄ ca₂jmo'₂ Diú₄ dsa₂ mí'₂, jaun₂ on₃jua'₅₄ rē'₂ dsa₂ ñe'₂ ca₂liin₃ o₄quió'₄ dsa₂ mí'₂. ¹⁰ 'Uig₅₄ jaun₂ guë'₂ nē₃, o₄quió'₄ ángeles, ca₂tín₂ dsa₂ mí'₂ cán₂ caun₂ léi₄ ne₄ mi₂dsi₅₄, a₂'ein₅₄ 'éi'₃. ¹¹ La₁ tē₂le₃ quió'₅ Te₁gui'₅₄ nē₃, tsá₃ lé₂le₃chan₂ dsa₂ ñe'₂ jua'₅₄ mei'₂ guë'₃ tsá₃ dsa₂ mí'₂ chan₂. Le₂jaun₂ guë'₂ ján₃ tsá₃ lé₂le₃chan₂ dsa₂ mí'₂ jua'₅₄ mei'₂ guë'₃ tsá₃ dsa₂ ñe'₂ chan₂ táng₃. ¹² Ia₁ jui₁lia'₂ ca₂já₃ dsa₂ mí'₂ dsi₁con₂ dsa₂ ñe'₂, ján₃ bá₄ le₂jaun₂ guë'₂ nē₃ rē₂chan₂ dsa₂ ñe'₂ cáun₂ dsa₂ mí'₂. La₁ ja₂lé₂ ca₂le₃jē₃ ja₁con₂ Diú₄.

¹³ Quion₂ 'nia'₂ 'í₁ jin'₄ 'nia'₂ guiong'₅₄: ¿Dsi₁ten₅₄ chi₃lén'₂ dsa₂ mí'₂ Diú₄ jme₁le₁ñi'₂ 'nia'₂ tē₃ tsá₃ chi₁jlë'₅ mi₂dsi₅₄? ¹⁴ ¿Tsa₁ léi₄, tsa₁ jág'₂ 'nia'₂ 'a₂ lia'₂ lē₅ dsi₂ten₅₄ i₂nió₄ dsa₂, caun₂ o₂guí'₃ bá₄ jaun₂ quió'₅ jui₁lia'₂ jan₂ dsa₂ ñe'₂, chi₂jua'₂ quian₅ jñi₂ dsi₅₄ jang₄? ¹⁵ La₁ dsa₂ mí'₂ guë'₂ nē₃, jlá'₁ bá₄ tē₂le₃ quió'₅ 'éi₂ chi₂jua'₂ quian₅ jñi₂ dsi₅₄ jang₄. Ia₁ con'₂ jaun₂ ca₂ñi₂ jñi₂ dsi₅₄ jang₄ co₂'nió'₄ caun₂ 'mi'₂ 'ñiá'₂. ¹⁶ Chi₂jua'₂ chan₂ guë'₂ i₂'nio₃ tsin₃ quió'₅ jág₁ nē₅, jaun₂ juá'₅ jniá₂, ca₂lia'₂ jñiá'₅₄ jniá'₅₄ guio₅₄, on₃ guë'₂ 'i₁caun₂ guá'₅ quián₅ Diú₄, tsá₃ tag₄ siá'₂ chí'₅.

Ca₂i₁juin₅₄ ñag₅₄ ca₂guë'₃ dsa₂ ja₁jmo₅ Má₃ quió'₅ Te₁gui'₅₄

¹⁷ La₁ ne₄ si₂ la₂, 'éi'₃ a₂nē₃ guë'₄ jmo₅₄ jniá₂, tsá₃ lé₂ jua'₅₄ juá'₄ jniá₂ a₂dse₃ tion'₅₄ 'nia'₂. Ia₁ jmo'₂ 'nia'₂ dain₅₄ jme₁ñig'₂, 'nió'₄ a₂jme₁jmo'₂ 'nia'₂ a₂dse₃. ¹⁸ Jē₁le₂'uig₅₄ juá'₅ jniá₂, ma₂guion₅₄ jág₁ a₂jmo'₂ 'nia'₂ le₁dsong'₅₄, lia'₂ jme₁ñi'₂ 'nia'₂. Mei'₂ tsá₃ tí₅ bá₄ ca₂la₂ jág₁ nē₅, líng₂. ¹⁹ Dsón'₂ bá₄ jaun₂, tion₅₄ niog₅ qui₃jmo₃ dsa₂ jma₃quén₅ la₂-nē₅, ia₁jaun₂ le₃jniá₂ jin'₄ 'nia'₂ jui₁lia'₂ dsa₂ i₂ma₂guei₃ Diú₄. ²⁰ Jaun₂ lē₃, jme₁ñi'₂ 'nia'₂, tsá₃ ma₂lē₅ quió'₅ Te₁gui'₅₄, má₃ a₂quē'₂ 'nia'₂ jaun₂, ²¹ ia₁ jē₁ma₂ca₂tē₂ hora a₂quē'₅₄ 'nia'₂, jmo₅ dsa₂ i₂lin₅₄ jma₃quén₅ dsi₂jñiá₄ qui₂guē'₅. Chan₂ i₂lin₅₄ tion'₅₄ i₁cón'₅; tē₁lia'₂ tion'₅₄ i₂sián'₂ le₁'ein₅. ²² ¿Tsa₁ dsi₂néi₂ quián'₂ 'nia'₂ cha₂ ja₁lé₂ le₃qui₁quē'₅₄ qui₁'ag'₅₄ 'nia'₂ nē₃? ¿O₃ bá₄ ma₂jin'₅₄ 'nia'₂ sion₅ guá'₅ quián₅ Diú₄, ján₃ guë'₂ cuë'₂ 'nia'₂ o₂guí'₃ dsa₂ i₂tsá₃ 'e₂ cha₂ quió'₅? ¿'E₂ bá₄ juig₅₄ jniá₂ 'nia'₂? ¿A₁juá'₄ jniá₂ dse₃ lia'₂ tion'₅₄ 'nia'₂ ia₁ a₂jmo'₂ le₂jaun₂? ¡Dsón'₂ bá₄ tsá₃ le₂jaun₂!

Má₃ quió'₅ Te₁gui'₅₄

(Mateo 26:26-29; Marcos 14:22-25; Lucas 22:14-20)

²³ Ia₁ a₂ca₂ñi₂ bá₄ jniá₂ a₂ca₂jme₃tag₅ 'ñiog₅ Te₁gui'₅₄ a₂ma₂ca₂jme₁tin₅ guë'₂ jniá₂ 'nia'₂: lia'₂ con'₂ le₃ca₂nei₂ jmi₄ jme₁ca₂jáng'₂ dsa₂, ca₂can₃ i₁ñi'₄. ²⁴ Jme₁ma₂dsan₃ cuë'₅ ti₁'mag'₄ Diú₄, jaun₂ guë'₄ ca₂'niai₃ ca₂dsió'₃ i₁ñi'₄, jaun₂ ca₂juá'₂: “Quē'₂ 'nia'₂; a₂la₂ bá₄ ñi₃ a₂rē₂'na₄ o₄quián'₂ 'nia'₂. Jmo₄ 'nia'₂ le₂la₂ a₂dsiog'₂ 'au'₂ jniá₂.” ²⁵ Ján₃ bá₄ le₂nē₅, jme₁ma₂ca₂lē₃ guë'₅ i₁ñi'₄, ca₂can₃ táng₃ copa, jaun₂ ca₂juá'₂: “A₂'a₄ copa la₂, lē₅ jág₁ 'mí₂ a₂lí₅₄ tē₂le₃ quian'₅₄ jmi₃. * Lia'₂ co₂ráun₂ 'ag'₅₄ 'nia'₂, jmo₄ 'nia'₂ a₂dsau'₂ 'au'₂ jniá₂.” ²⁶ Jaun₂ le₂nē₅ bá₄, lia'₂ co₂ráun₂ tón'₄ 'nia'₂ quē'₅₄ i₁ñi'₄, 'ag'₅₄ 'nia'₂ a₂'a₄ copa, qui₂'ē'₅ 'nia'₂ 'mú₃ quió'₅ Te₁gui'₅₄ ca₂lia'₂ ca₂tē₂ jmi₄ i₁guain'₂ táng₃.

* 11:25 'Nio'₂ ja₁ton₅ Mateo 26:28; Éxodo 24:8; 1 Corintios 10:16.

'A₂ lia'₂ dsi₂ten₅₄ tón'₃ dsa₂ jmóg'₂ guë'₃ Má₃ quió'₅ Te₁gui'₅₄

²⁷ Jaun₂ lë₃, chi₂jua'₂ 'ein₂ guë'₅ i₁ñí'₄, 'ín'₂ a₂'a₄ copa jaun₂, on₃jua'₅₄ ia₁ a₂léi'₄ dsa₂ dsí₅, a₂rë₂cán'₄ bá₄ 'éi₂ le₃ja₁con₂ ñi₄ jmi₄ Te₁gui'₅₄. ²⁸ 'Uig₅₄ jaun₂ në₃, né'₃ a₂guë'₃ jan₂ dsa₂ i₁ñí'₄, né'₃ a₂'ín'₂ a₂'a₄ copa, jui₁quion₂ 'í₁ ja₁con₂ 'ñiog₅. ²⁹ Ia₁ në₁ca₂guë'₃ ca₂'in'₃, të₃ tsá₃ rë₂ñí'₂ dsí₅, tsá₃ rë₂cuí'₅ ñi₄ Te₁gui'₅₄, cuë'₅ uig₅ 'ñiog₅ bá₄ në₁ca₂guë'₃ ca₂'in'₃ le₂jaun₂. ³⁰ Ne₄ 'uig₅₄ jaun₂, juin₅ 'nia'₂ i₂le₁dso'₅₄, i₂'uan₅₄ në₃; i₂lin₅₄ guë'₂ ma₂qui₂ca₂dsain₃. ³¹ La₁ në₁jua'₂ ca₂quiong₅₄ jniog₄ 'í₁ dsi₅ guio₅₄, tsá₃ 'e₂ 'í₁ con₂ Te₁gui'₅₄ ja₁con₂ jniog₄. ³² Jme₁con₂ Te₁gui'₅₄ 'í₁ ja₁con₂ jniog₄, jme₂rë₃ jui₅ quián₂ jniog₄, ia₁jaun₂ tsá₃ guéi₁ uig₅ co₂lë₅ quian'₅₄ dsa₂ mi₂güí₃.

³³ Jaun₂ le₂në₅ bá₄, 'nia'₂ rin'₅₄ jniog₄, jui₁lia'₂ juá'₅ jniá₂ chi₂jua'₂ líg'₂ jme₁tón'₂ 'nia'₂ long'₂ quian'₅₄ ríng'₂ a₂jmog'₅₄ 'nia'₂ Má₃ quió'₅ Te₁gui'₅₄, jñia₄ 'nia'₂ ríng'₂ jang'₂ jang'₂ a₂quë'₅₄ co₂dsia₅. ³⁴ Chi₂jua'₂ chan₂ jan₂ i₁cón'₅, jui₁guë'₄ co₂ñei'₅₄ ja₁quió'₄, ia₁jaun₂ tsá₃ 'ë₂ Diú₄ uig₅ jui₁lia'₂ jë₁ñig'₂ 'nia'₂.

Jui₁lia'₂ jág₁ a₂'nió'₅ le₃rë₂, në₅ bá₄ jme₁rë₂ jniá₂ jë₁ma₂të₂ rë₁dsióg₄.

12

Jui₁lia'₂ ta₁ a₂tiñ₂ dsa₂ a₂cuë₅ Jme₂dsí₂ Jñió₅ cuë'₅ le₂jan₂ le₂jan₂ dsa₂

¹ Në₃ në₃, rin'₅₄ jniog₄, jui₁lia'₂ të₂le₃ a₂gu₂dsí₂, tsá₃ 'nio₃ jniá₂ jua'₅₄ tsá₃ le₃ñi'₅₄ 'nia'₂.

² Ma₂ñi'₅₄ bá₄ 'nia'₂, rin'₅₄ jniog₄, lia'₂ con₂ tsá₃ dsa₂ 'én₂ jme₁ma₂lín'₅ 'nia'₂, jme₁të₁i₂nio'₄ 'nia'₂ chi₁co'₅₄ quió'₅ dsa₂ lag₄, on₃ i₂lé₂ le₃juá'₂ jág₁. ³ Jaun₂ në₃, juig₅₄ jniá₂ 'nia'₂, 'i₁jan₂ dsa₂ i₂dsia₅ jág₁ lia'₂ con₂ jiog₅ Jme₂dsí₂ quián₅ Diú₄, tsá₃ juá'₂: “¡Jui₁dsi₂'én₂ Jesús!” Ján₃ guë'₂ le₂jaun₂, 'i₁jan₂ tsá₃ lé₂ le₃juá'₂: “¡Jesús bá₄ i₂lín₅ Te₁gui'₅₄!” chi₂jua'₂ tsá₃ Jme₂dsí₂ Jñió₅ jiog₅ guë'₂.

⁴ 'Lióng₂ bá₄ jui₅bí₂ cha₂ a₂lé₂ le₃ñe₂ dsa₂, la₁ia₁ jan₂ bá₄ Jme₂dsí₂ i₂cuë₅. ⁵ 'Lióng₂ ne₅₄ bá₄ ta₁ a₂cha₂ a₂lé₂ jme₃ti₃ dsa₂, la₁ia₁ jan₂ tan₅₄ bá₄ Te₁gui'₅₄ chan₂. ⁶ Cha₂ 'lióng₂ ne₅₄ bá₄ ta₁ a₂lé₂ le₃jmo₃ dsa₂; jñia'₅₄ lia'₂ jan₂ bá₄ Diú₄ i₂jmo₃ ca₂le₃jë₃ ta₁ jaun₂ ja₁con₂ ca₂le₃jín₃ dsa₂.

⁷ Në₃ në₃, a₂dse₃ quió'₅ ca₂le₃jín₃ bá₄ a₂jme₂jnia₅ Diú₄ jui₅bí₂ quió'₅ Jme₂dsí₂ ja₁con₂ le₂jan₂ le₂jan₂. ⁸ Të₂le₃ quian'₅₄ Jme₂dsí₂ bá₄ cuë₅ Diú₄ jui₅bí₂ cuë'₅ jui₁lia'₂ jan₂ dsa₂ a₂lé₂ le₃cuë₃ jág₁ a₂ñí'₂ dsí₅. I₂sián'₂ guë'₂ në₃, ñei₂ bí₂ a₂tiñ₂ 'a₂ lia'₂ le₃ñi₅ caun₂ jág₁, të₂le₃ quian'₅₄ jan₂ Jme₂dsí₂ 'éi₂ bá₄. ⁹ Jui₁lia'₂ i₂sián'₂ guë'₂ në₃, rë₂'éin₂ 'ñio₅ lín₃, a₂jmo₅ 'ñiog₅ Jme₂dsí₂ 'éi₂ bá₄ ján₃. I₂sián'₂ guë'₂ qui₅₄ jmig₄ a₂lé₂ le₃jme₃ 'lión₂ jui₁lia'₂ dsa₂ dso'₅₄ në₃, të₂le₃ quian'₅₄ jan₂ Jme₂dsí₂ 'éi₂. ¹⁰ I₂lin₅₄ guë'₂ tin₅ jui₅bí₂ a₂jmo₃ léi₄ juë'₂; i₂lin₅₄ guë'₂ i₂lé₂ le₃'é₂ jág₁ a₂jme₂jnia₅ Diú₄ ne₅₄; i₂lin₅₄ guë'₂ ñei₂ bí₂ a₂tiñ₂ con₂ 'í₁ a₂rë₂lí'₄ dsí₅ jñi₄ jme₂dsí₂; i₂lin₅₄ guë'₂ ñei₂ bí₂ a₂lé₂ le₃dsia₃ jág₁ jmei₅ siá'₂; i₂lin₅₄ guë'₂ i₂qui₅₄ jmig₄ a₂juá'₂ 'e₂ jein₅ jág₁ jmei₅ jaun₂. ¹¹ Ca₂le₃jë₃ jui₅bí₂ në₅, jan₂ Jme₂dsí₂ quián₅ Diú₄ bá₄ cuë₅ a₂tiñ₂ dsa₂ le₂jain₂ le₂jain₂, lia'₂ con₂ lë₅ 'ñio₂ dsí₅.

Ca₂le₃jág₃ bá₄ jniog₄ lág₅ co₂'nió'₄ caun₂ bá₄ ñí₅

¹² Ia₁, jui₁lia'₂ lë₅ caun₂ ni₁ñi₁ dsa₂, 'lióng₂ a₂chei₂ le₂caun₂ le₂caun₂ a₂tén₅ quió'₅, la₁ caun₂ bá₄ ni₁ñi₁₂ lë₅; ján₃ bá₄ le₂jaun₂ lë₅ le₃quió'₅ Cristo. ¹³ Ia₁ ca₂le₃jág₃ bá₄ jniog₄, lia'₂ con₂ jme₁qui₂ca₂jñó₂* jmig₂, të₂le₃ quian'₅₄ jan₂ Jme₂dsí₂ 'éi₂ bá₄ ca₂jñó₂ jniog₄ jmig₂, ca₂lag₃ co₂'nió'₄ caun₂ ni₁ñí₅. Tsá₃ a₂lë₅ jaun₂ jui₁la₂ a₂lág₅ jniog₄ dsa₂ judíos, o₃ dsa₂ griegos 'e₂; o₃ jui₁la₂ lág₅ jniog₄

* 12:13 lit. “lia'₂ con₂ jme₁i₂tiog₃ jmig₂.”

jui₁lia'₂ i₂jme₂ti₃ ta₁ ne₄ juig₅₄, o₃ dsa₂ i₂tsá₃ 'ein₂ ne₄ jua'₅₄ jme₂ti₃; ca₂le₃jág₃ bá₄ jniog₄ qui₂ca₂ηag₂ jan₂ Jme₂dsí₂ 'éi₂ i₂quein'₄ jniog₄, i₂'ne'₅₄ nē₂jag₄ bá₄ jmig₂.

¹⁴ Ia₁ tsá₃ lé₂ le₃jmo₁ jniog₄ dsi₅, jui₁lia'₂ caun₂ ni₁ηi₁ dsa₂ mi₂güig₃, jua'₅₄ cha₂ ca₂ne₅₄ a₂tén₅ quió'₅; ia₁ 'lióng₂ bá₄ a₂cha₂ chei₂ a₂tén₅ quió'₅. ¹⁵ Ia₁ jua'₅₄ mei'₂ guě₃ mi₂tag₄ dsa₂ lé₂ le₃juá'₂: “Uig₅₄ ia₁ tsá₃ mi₂gu₂ líng₅, jaun₂ tsá₃ ca₂ting₂ téng₃ ni₁ηí₅”, la₁ on₃jua'₅₄ jaun₂ tsá₃ téin₅ ni₁ηí₅. ¹⁶ O₃ jua'₅₄ mei'₂ guě₃ rē₂gua₄ dsa₂ lé₂ le₃juá'₂: “Ia₁ a₂tsá₃ líng₅ mi₂ne₄, jaun₂ tsá₃ téng₅ ni₁ηí₅”, la₁ on₃jua'₅₄ jaun₂ tsá₃ téin₅ ni₁ηí₅. ¹⁷ Jua'₅₄ mei'₂ guě₃ ta₁caun₂ ni₁ηi₁ dsa₂ ca₂lě₃ jmá'₃ mi₂ne₄ dsa₂, ¿'a₂ bá₄ lia'₂ lé₂ jme₁néi₁ jniog₄? O₃ jua'₅₄ mei'₂ guě₃ ta₁caun₂ ni₁ηi₁ dsa₂ ca₂lě₃ jmá'₃ rē₂gua₄ dsa₂, ¿'a₂ bá₄ lia'₂ lé₂ jme₁jén'₂ jniog₄? ¹⁸ La₁ 'niog₅ bá₄ Diú₄ ně₃, lia'₂ con'₂ lě₅ 'ηio₂ dsí₅, jma₃quén₅ qui₂ca₂jmo₃ ca₂tióng₃ lia'₂ ca₂ne₅₄ a₂cha₂ chei₂ quió'₅ dsa₂ con'₂ ja₁ca₂tín₂ ni₁ηi₁ dsa₂. ¹⁹ Jua'₅₄ mei'₂ guě₃ ca₂ne₅₄ lě₅ quió'₅ dsa₂, ¿'a₂ lia'₂ lé₂ le₃juá'₂ dsa₂ caun₂ ni₁ηi₁₂? ²⁰ La₁ lě₅ ně₃, jui₁'a₂ guě₃ la₂ lě₂ 'lióng₂ jma₃quén₅ a₂chei₂ quió'₅ dsa₂, caun₂ bá₄ ni₁ηi₁₂ lě₅.

²¹ Tsá₃ lé₂ le₃juá'₂ jme₁ne₁ dsa₂ tsí'₃ mi₂gu₂: “Tsá₃ 'ne₂ 'nió'₅ quió'₃.” Ján₃ bá₄ le₂ně₅, tsá₃ lé₂ le₃juá'₂ mi₂dsi₅₄ tsí'₃ mi₂tag₅₄: “Tsá₃ 'nia'₂ 'nió'₅ quió'₃.” ²² Tě₂le₃ 'ηio₅ guě₄ dsen₅₄ jui₁lia'₂ ja₁lín₂ dsa₂ a₂uan₅₄ quió'₅. ²³ Jui₁lia'₂ a₂tén₅ quián₂ jniog₄ ja₁tsá₃ lín₄ quen₅, lág₂ jniog₄, a₂jaun₂ bá₄ guě'₂ 'ηio₅ guě₄ dse₃ lio₂ jniog₄. Le₂jaun₂ bá₄ ján₃, jui₁lia'₂ ja₁tsá₃ lín₄ dsi₂ten₅₄ rē₂jniá₂ quián₂ jniog₄, ja₁le₂jaun₂ bá₄ guě'₂ jmo₂ jniog₄ 'í₁, ²⁴ la₁ ja₁dsi₂ten₅₄ rē₂jniá₂ guě'₂ ně₃, tsá₃ lín₄ 'nió'₅ lě₅ 'í₁. Le₂jaun₂ bá₄ ca₂jme₃'ηia₅ Diú₄ ni₁ηí₅, a₂ca₂jme₃dsen₅₄ jui₁lia'₂ ja₁tsá₃ lín₄ dsen₅₄ ²⁵ ia₁jaun₂ tsá₃ lé₂ le₁dso'₅₄ ni₁ηí₅, tě₂le₃ jui₁dsian₂ bá₄ dsí₅ o₄quió'₄ riin'₅₄ le₂jain₂ le₂jain₂. ²⁶ Chi₂jua'₂ cha₂ ja₁qui'₂ uig₅ quió'₅ dsa₂, ca₂le₃jě₃ guě₄ ja₁siá'₂ quió'₅ dsa₂ chain₂ uig₅ ján₃; chi₂jua'₂ cha₂ jui₁lia'₂ ja₁rē₂dsen₅₄ quió'₅ dsa₂, le₂ně₅ bá₄ ján₃ lě₂ 'io'₂ ca₂le₂con₂ quió'₅ dsa₂.

²⁷ Le₂ně₅ bá₄ jui₁lia'₂ 'nia'₂ ně₃: guion'₅₄ bá₄ 'nia'₂ caun₂ bá₄ ja₁téng'₄ ηi₄ Cristo; le₂jan'₂ le₂jan'₂ 'nia'₂, líng'₅ lia'₂ caun₂ ja₁tén₄ quió'₅. ²⁸ Le₂ně₅ bá₄ ján₃, jma₃quén₅ lě₅ bí₂ ma₂cuě₃ Diú₄ ma₂cuě'₃ le₂jan₂ le₂jan₂ dsa₂ i₂tén₅ guá'₅ quiáin₅. Jě₁le₂'uig₅₄ ca₂'iin₃ dsa₂ i₂chen₄ quiáin₅; jě₁ca₂tě₂ tīn₃, ca₂'iin₃ dsa₂ i₂'ě₂ jág₁ quiáin₅; jě₁ca₂tě₂ 'nag'₂, dsa₂ i₂jme₂tag₅ lín₅ tě₅; ηó₅ jaun₂, dsa₂ i₂'io₅ bí₂ jmo₃ léi₄ juě'₂; dsa₂ i₂qui'₅₄ jmig₄ jme₃'lióin₂ dsa₂ dso'₅₄; dsa₂ i₂jme₂'o₅₄ jme₂'oin₅₄ riin'₅₄; ηó₅ jaun₂, jui₁lia'₂ dsa₂ i₂cán₂ ne₄ jui₅; dsa₂ i₂dsia₅ 'lióng₂ ne₅₄ jág₁ jmei₅. ²⁹ Jaun₂ ně₃, ¿O₃ bá₄ ca₂le₃jín₃ lín₅ dsa₂ i₂chen₄ quián₅ Te₁gui'₅₄? ¿O₃ bá₄ ca₂le₃jín₃ 'ě₂ jág₁ a₂ηi₂ cuě₅ Diú₄? ¿Lín'₂ 'nia'₂ ca₂le₃jín₃ lín₅ tě₅ i₂jme₂tag₅? ¿O₃ bá₄ ca₂le₃jín₃ tīn₂ jmo₃ léi₄ juě'₂? ³⁰ ¿Lé₂ le₃jme₃'lió₂ ca₂le₃jín₃ jme₃'lióin₂ dsa₂ dso'₅₄? ¿O₃ bá₄ qui'₅₄ jmig₄ ca₂le₃jín₃ dsia₃ jág₁ jmei₅ siá'₂? ¿Ján₃ bá₄ lé₂ le₃juá'₂ ca₂le₃jín₃ 'e₂ jein₅ jág₁ jmei₅ jaun₂? Ma₁ tsá₃ le₂jaun₂. ³¹ Jmo₄ 'nia'₂ 'ín₅ 'au'₂ jui₅bí₂ a₂dsen₅₄ guě₄.

La₁ a₂ně₃ guě₄ 'ě₄ jniá₂ 'nia'₂ caun₂ jui₅ a₂dse₃ guě₄ lín₃.

13

Jui₁lia'₂ a₂jme₂'nio₃ dsa₂ riin'₅₄

¹ Jui₁'a₂ guě₃ la₂ ting₂ dsia₅₄ quián'₅₄ jág₁ jmei₅ quió'₅ dsa₂ mi₂güig₃ ríng'₃, o₃ jág₁ jmei₅ quió'₅ ángeles ně₃, la₁ nē₂jua'₂ tsá₃ jme₂'nióg₄ guě'₂ ríng'₃ ně₃, tsá₃ 'e₂ ta₁ jmo₃ a₂jmo₅ jniá₂ a₂dseng₃. Líng₅ nē₂jag₄ bá₄ caun₂ ηí₁ tě₂bong₅ a₂lě₁₂'ein₅₄, o₃ co₂'nió'₄ caun₂ ni₁ηi₁ tó'₅ mi'₅₄ bá₄. ² Jui₁la₂ qui'₅₄ jniá₂ jmig₄ a₂'ě₄ jág₁ a₂jme₂jnia₅ Diú₄, jui₁la₂ guion₄ jniá₂ jág₁ ca'₅₄ a₂jme₁rē₂'ma₄ le₂jniá₅, ján₃ bá₄ jui₁la₂ ηí'₂ dsí₃ jniá₂ ca₂le₃jě₃, jui₁la₂ 'éng₂ 'ηio₅ lín₃, ca₂lia'₂ qui'₅₄ jniá₂ jmig₄ le₃jniog'₅₄ ni₁má'₂

ně₃, la₁ ně₁jua'₂ tsá₃ jme₂'nióg₄ guë'₂ dsa₂ mi₂güig₃ ríng'₃ ně₃, tsá₃ 'e₂ ta₁ jmo₃ co₂ñí₂ quió₃ a₂jmo₂₃ a₂ting₂. ³ Ju₁la₂ qui₂ca₂dsio'₄ jniá₂ 'e₂ a₂cha₂ quió₃, quió'₅ dsa₂ ti₂ñé₂, o₁jñia'₅₄ la₂ ca₂cuíng₃ ni₁ñi₃ 'ñi₃ a₂dsi'₂, tsá₃ 'e₂ ta₁ 'i₄ co₂ñí₂ a₂jaun₂, ně₁jua'₂ tsá₃ jme₂'nióg₄ guë'₂ dsa₂ mi₂güig₃ ríng'₃.

⁴ Ju₁lia'₂ dsa₂ i₂tē₃dsón'₂ jme₂'nio₃ rín'₅₄, ju₁n'₂ dsí₅ lín₅; ton'₂ 'ua₁ dsí₅ ně₃; tsá₃ uig₅ dsí₅ quai₁n'₅₄ 'i₁jan₂, on₃ guë'₂ jmo₂₃ táin'₅ ja₁con₂ rín'₅₄; on₃ guë'₂ jmo₂₃ róin₂ ně₃. ⁵ Tsá₃ jmo₂₃ a₂tsá₃ dsi₂ten₅₄ jmo₃ ja₁con₂ rín'₅₄; tsá₃ 'no'₂ jmá'₃ lia'₂ con'₂ a₂dse₃ quió'₅ 'ñiog₅; tsá₃ con'₂ lē₁rē₂'nei₂, on₃ guë'₂ jmo₂₃ 'i₄ 'nei₂ dsí₅ ně₃. ⁶ Ju₁lia'₂ dsa₂ i₂jme₂'nio₃ rín'₅₄, tsá₃ jmo₂₃ tē₅ dsí₅ 'e₂ caun₂ 'lig'₅₄ ca₂jmo₃ i₂sián'₂, tē₂le₃ jmo₂₃ 'io'₂ ja₁con₂ jág₁ tí₅. ⁷ Ca₂le₃jě₃ bá₄ jlě₂; ca₂le₃jě₃ bá₄ a₂'éin₂ ja₁con₂ rín'₅₄; ca₂le₃jě₃ bá₄ 'ín₂ dsí₅ a₂dsi₃ñí₂ rín'₅₄ caun₂ dse₃; ca₂le₃jě₃ bá₄ jmo₂₃ tió'₅ dsí₅, nau₂ tiá₂.

⁸ Tsá₃ líg'₂ jmig₄ dsian₅ a₂jme₂'nio₃ dsa₂ rín'₅₄. Dsón'₂ bá₄ já₅ jmig₄ jē₁tsá₃ ma₃'ein₂ 'ě₂ jág₁ a₂ñi₂ cuē₅ Diú₄, jē₁tsá₃ ma₃dsia₃ dsa₂ jág₁ jmei₅ siá'₂, jē₁dsi₃ñí₂ le₃jě₃ a₂ñi₅ dsa₂ niog₅ dsi₅₄. ⁹ Ia₁ tsá₃ rē₂'ñia₅ a₂ne₄ jniog₄, jaun₂ tsá₃ rē₂'ñia₅ jág₁ a₂jme₂jnia₅ Diú₄ a₂qui₂'ě₅ jniog₄. ¹⁰ La₁ jē₁ma₂tē₂ jmig₄ a₂le₃'ñia₅ le₃jě₃, jaun₂ guē₄ dsi₃'én₂ bá₄ ju₁lia'₂ a₂tsá₃ rē₂'ñia₅ jaun₂.

¹¹ Lia'₂ con'₂ jme₁lín₄ jniá₂ jan₂ chi'₂ bē'₅₄, jme₁dsia₅ jniá₂ jág₁ lia'₂ dsia₅ jan₂ chi'₂ bē'₅₄, jme₁dsi₂jio₅ dsi₃ jniá₂, lia'₂ dsi₂jio₅ dsí₅ jan₂ chi'₂ bē'₅₄, já₃ guë'₂ jme₁qui₂ñí'₂ dsi₃, lia'₂ ñí'₂ dsí₅ jan₂ chi'₂ bē'₅₄; la₁ jme₁ca₂lín₃ jniá₂ dsa₂ ju₁n'₂, ca₂dsia₃ jniá₂ cau₅ jē₂ a₂ca₂tín₂ quió'₅ chi'₂. ¹² Le₂jaun₂ bá₄ lē₅ ju₁lia'₂ jmig₄ ně₃: ne₂ jniog₄ ně₂jag₄ bá₄ caun₂ ni₁'i₂ a₂jniá₂ lian₂. La₁ já₅ bá₄ jmig₄ a₂ne₅₄ jniog₄ dsi₁ne₁ lia'₂ lē₅. Rē₂ně₃ ně₃, tsá₃ rē₂'ñia₅ a₂cuíng₅ jniá₂; la₁ já₅ bá₄ jmig₄ ja₁le₃cuíng₅ lia'₂ rē₂'ñia₅, ju₁lia'₂ cuíng₅ ñiog₅ Diú₄ jniá₂.

¹³ Jaun₂ ně₃, 'ni₅ a₂la₂ lē₂ a₂jio₅ guē₄ uē₂: a₂'én₂ dsa₂; a₂'ín₂ dsí₅ dsa₂; a₂jme₂'nio₃ dsa₂ rín'₅₄. La₁ 'ñio₅ lín₃ guē₄ dsen₅₄ a₂jaun₂ a₂jme₂'nio₃ dsa₂ rín'₅₄.*

14

Ju₁lia'₂ a₂dsia₅ dsa₂ jág₁ jmei₅ siá'₂

¹ Quen'₂ 'nia'₂ bí₂ a₂dsan₂ 'au'₂ jme₁'nió₄ 'nia'₂ ríng'₂, jaun₂ jmo₄ 'nia'₂ a₂'ín₅ 'au'₂ cuē₃ Diú₄ ju₁bi₂ a₂gu₂dsí₂, la₁ ja₂lín₃ guē₄ dsen₅₄ a₂lé₂ le₃'ě'₄ 'nia'₂ jág₁ a₂jme₂jnia₅ Diú₄. ² Ia₁ ju₁lia'₂ dsa₂ i₂dsia₅ jág₁ jmei₅ siá'₂, tsí'₅ Diú₄ bá₄, on₃ju₁'₅₄ dsa₂ mi₂güig₃, ia₁ tsá₃ ñág'₂. Jág₁ rē₂'ma₄ bá₄ dsia₂₃, tē₂le₃ quió'₅ Jme₂dsí₂. ³ La₁ ju₁lia'₂ dsa₂ i₂'ě₂ jág₁ tsí'₅ dsa₂ mi₂güig₃, dsia₂₃ jág₁ a₂jme₃'o₅₄ a₂dsi₃cón₃ dsa₂ tē₂le₃ quió'₅ jme₂dsí₂, cuē'₅ bí₂ rín'₅₄, cuē₂₃ lián'₂ dsí₅ ně₃. ⁴ Ju₁lia'₂ dsa₂ i₂dsia₅ jág₁ jmei₅ siá'₂ ně₃, jñia'₅₄ jme₂'oin₅₄ 'ñiog₅ bá₄ a₂dsi₃cón₃, la₁ ju₁lia'₂ dsa₂ i₂'ě₂ jág₁ ně₃, jme₂'o₅₄ a₂qui₂dsi₃cón₃ guá'₅.

⁵ 'Nio₃ jniá₂ jua'₅₄ ta₁jín'₂ bá₄ 'nia'₂ tíng'₅₄ a₂lé₂ le₃dsiá'₁ 'nia'₂ jág₁ jmei₅ siá'₂. La₁ ja₂lín₃ guē₄ dsen₅₄ jua'₅₄ 'ě'₄ 'nia'₂ jág₁ a₂cuē₅ Diú₄. Ia₁ ju₁lia'₂ dsa₂ i₂'ě₂ jág₁, dsen₅₄ guē₄ lia'₂ con'₂ guē₄ dsa₂ i₂dsia₅ jág₁ jmei₅ siá'₂, ně₁jua'₂ tsá₃ juá'₂ 'e₂ jein₅ jág₁, ia₁jaun₂ jme₃'o₅₄ a₂dsi₃cón₃ guá'₅. ⁶ Ně₃ ně₃, 'nia'₂ rín'₅₄ jniog₄, ju₁la₂ ca₂dsióg₃ jniá₂ ja₁con'₂ 'nia'₂, a₂jñia'₅₄ con'₂ i₁dsia₃ jniá₂ jág₁ jmei₅ siá'₂, ě'₂ bá₄ ta₁ tí₄ jág₁ jaun₂, ja₁con'₂ 'nia'₂, ně₁jua'₂ tsá₃ i₂quian₅₄ caun₂ jág₁ a₂jme₂jnia₅ Diú₄, o₃ jág₁ a₂guion₅₄ jniá₂, o₃ a₂'ě'₄ jniá₂, o₃ a₂jme₂tág₂ 'e₂?

⁷ Ju₁lia'₂ ni₁ñí₁ a₂tsá₃ jme₂dsí₂ 'i₄, ju₁lia'₂ te₁fí₁, o₃ caun₂ tsi₁ton₅* 'e₂, ě'₂ bá₄ lia'₂ lé₂ le₃ñi₅ dsa₂ chi₂jua'₂ 'e₂ son₅₄ jéi₂ dsa₂, o₃ tsá₃ 'e₂, chi₂jua'₂ tsá₃ jma₃quén₅

* **13:13** 'Nio'₂ ja₁ton₅ Colosenses 3:14. * **14:7** griego: kithara.

i₂'ein₅₄, cu₅ léi₄ 'a₂ lia' '2 dsó₅? ⁸ Le₂jaun₂ bá₄ ján₃ jui₁lia' '2 ne₄ 'nei₂. Nē₁jua' '2 tsá₃ ca₂né' '2 rē₂ i₂'ein₅₄ jéi₂ dsa₂ nī₁ trompeta, ħ'ein₂ bá₄ jmo₃ co₂jnia₅₄ quió' '5 a₂quín' '2 ne₄ 'nei₂? ⁹ Le₂nē₅ bá₄ lē₅ jui₁lia' '2 quian' '54 'nia' '2 táng₃. Nē₁jua' '2 tsá₃ ca₂ñág' '2 jág₁ a₂'uē₂ mi₂'o' '54 'nia' '2, ħ'a₂ bá₄ lia' '2 lé₂ le₃ñi₅ dsa₂ 'e₂ juá' '2 'nia' '2? |A₂lē₁qui₂dsi₃dsi₂ dsi₃'én₂ jág₁ jaun₂ quiáng' '2! ¹⁰ Mei' '2 tsá₃ 'lióng₂ bá₄ jág₁ jmei₅ cha₂ mi₂güí₃; la₁ tsá₃ cha₂ caun₂ jua' '54 tsá₃ jág₁ jein₅. ¹¹ Ia₁ jua' '54 mei' '2 guē₃ jan₂ dsa₂ tság₃ jniá₂ quian' '54 jág₁ jmei₅ quió' '5 a₂tsá₃ ñíg' '2, co₂'nió' '4 dsi₂nau₂ bá₄ 'éi₂ le₃ja₁con₂ jniá₂; le₂jaun₂ bá₄ jniá₂ táng₃, líng₅ co₂'nió' '4 dsi₂nau₂ le₃ja₁con₂ 'éi₂. ¹² Le₂nē₅ bá₄ lē₅ jui₁lia' '2 quian' '54 'nia' '2 táng₃. Ia₁ a₂ñí₄ lē₃ 'ín₅ 'au' '2 'nia' '2 guéi' '1 a₂tíng' '54 jui₅bí₂ a₂gu₂dsi₂, quen' '2 'nia' '2 bí₂ a₂dsi₃tsón' '3 'nia' '2 quian' '54 jui₅bí₂ a₂jme' '2 o₅₄ a₂dsi₃cón₃ guá' '5.

¹³ 'Uig₅₄ jaun₂, jui₁lia' '2 i₂dsia₅ jág₁ jmei₅ siá' '2, jui₁mi₁₂ ne₄ Diú₄ a₂lé₂ le₃juá' '2 'e₂ jein₅ jág₁ jaun₂. ¹⁴ Jua' '54 mei' '2 guē₃ mi₅ jniá₂ ne₄ Diú₄ quian' '54 jág₁ jmei₅ siá' '2, jme₂dsi₂ quió₃ bá₄ chi₂lén' '2 Diú₄; la₁ a₂ñí' '2 dsi₃, tsá₃ 'e₂ ta₁ jmo₅. ¹⁵ ħ'A₂ bá₄ lia' '2 jmo₅₄ jniá₂ jaun₂ ně₃? Ca₂tíng₂ bá₄ chi₁leng' '4 Diú₄ jui₅ jme₂dsi₂ quió₃, la₁ ján₃ bá₄ ca₂tíng₂ chi₁leng' '4 Diú₄ a₂ñí' '2 dsi₃ ně₃. Le₂nē₅ bá₄ ján₃, ca₂tíng₂ 'ē₅₄ tē₂le₃ jui₅ jme₂dsi₂ quió₃, la₁ ján₃ bá₄ ca₂tíng₂ 'ē₅₄ a₂ñí' '2 dsi₃ ně₃. ¹⁶ Ia₁ chi₂jua' '2 jme₂juín' '2 'ne₂ Diú₄ jmá' '3 tē₂le₃ jui₅ jme₂dsi₂ quiáng' '2, ħ'a₂ bá₄ lia' '2 lé₂, le₃quió' '5 jui₁lia' '2 jan₂ dsa₂ lē₁dsa₂ i₂'en₅₄, i₂tsá₃ ñí' '2? ħ'A₂ lia' '2 lé₂ le₃juá' '2 a₂méi₃ jme₁cuē' '2 'ne₂ ti₁'mag' '4, chi₂jua' '2 ján₃ guē' '2 tsá₃ ñi₅ 'e₂ juá' '2 'ne₂? ¹⁷ Dsón' '2 bá₄ jaun₂ jlá' '1 a₂cuē' '2 'ne₂ ti₁'mag' '4, la₁ia₁ tsá₃ jme₂'o₅₄ a₂jaun₂ a₂dsi₃cón₃ i₂sián' '2. ¹⁸ Cuē₅ jniá₂ ti₁'mag' '4 Diú₄ ia₁ a₂qui' '54 jniá₂ jmi₄ le₃dsia₅₄ guē₄ jág₁ jmei₅ siá' '2, lia' '2 con' '2 guē₄ ca₂le₃jín' '3 'nia' '2. ¹⁹ La₁ jui₁lia' '2 jme₁le₁ñí' '2 dsa₂, ja₂lín₃ guē₄ 'nio₃ juig₅₄ dsa₂ 'ñiá₂ jon₄ jág₁ a₂ñíg' '2, ia₁jaun₂ lé₂ jme₁tin₅ i₂sián' '2, lia' '2 con' '2 guē₄ a₂jme₁juig₅₄ dsa₂ guia₃ mei₅ jág₁ a₂tsá₃ 'ein₂ ñí' '2.

²⁰ 'Nia' '2 rín' '54 jniog₄, tsá₃ ma₃jui₁dsi₂jio₅ 'au' '2 'nia' '2 jui₁lia' '2 dsi₂jio₅ dsí₅ i₂bē' '54. Jmo₄ bá₄ a₂líng' '5 i₂bē' '54 tē₂le₃ ja₁con₂ a₂'lig' '54. La₁ jui₁qui₂le₂ñí' '2 'au' '2 'nia' '2 co₂'nió' '4 dsa₂ can' '54. ²¹ Juá' '2 bá₄ ne₄ Si₂:

Juig₅₄ jniá₂ dsa₂ juig₂ nación la₂
 tē₂le₃ quian' '54 dsa₂ i₂dsia₅ jág₁ jmei₅ siá' '2,
 le₃jui₅ mi₂'o₄ dsi₂nau₂ ně₃;
 la₁ on₃ bá₄ guē' '2 le₂jaun₂ jua' '54 a₂qui₃tón' '2 dsa₂ jui₅ jág₁ quió₃,
 juá' '2 Te₁gui' '54.†

²² Jaun₂ le₂nē₅ bá₄ lē₅ a₂dsia₅ dsa₂ jág₁ jmei₅ siá' '2. Quian' '54 jág₁ jmei₅ jaun₂ jáng' '5 caun₂ léi₄ tē₂le₃ ja₁con₂ dsa₂ i₂tsá₃ 'én₂, on₃jua' '54 rē' '2 le₃quió' '5 dsa₂ i₂'én₂. La₁ jui₁lia' '2 jme₁'ē₂ dsa₂ jág₁ a₂jme₂jnia₅ Diú₄, jág₁ le₂jaun₂ ně₃ jáng' '5 táng₃ caun₂ léi₄ le₃ja₁con₂ dsa₂ 'én₂ bá₄, on₃jua' '54 le₃ja₁con₂ dsa₂ i₂tsá₃ 'én₂. ²³ Jaun₂ le₂nē₅ bá₄, jme₁le₁ñí' '2 guá' '5, jua' '54 mei' '2 guē₃ ca₂le₃jín₃ dsia₂₃ jág₁ jmei₅ siá' '2, nē₁jua' '2 tē₃jē₄ jaun₂ ca₂dsi₃lén₂ jui₁lia' '2 dsa₂ i₂tsá₃ lín₄ ñi₅, o₃ i₂tsá₃ 'én₂ ně₃, ħtsa₁ lé₂ le₃juá' '2 'éi₂: “Dsa₂ ñá₅ bá₄ ně₅ tion' '54”, 'in₃ 'nia' '2? ²⁴ La₁ nē₁jua' '2 ca₂dsi₃ó₃ jan₂ dsa₂ i₂tsá₃ ma₂'én₂, o₃ i₂tsá₃ lín₄ ñi₅ 'e₂, tē₂lia' '2 tion' '54 ca₂le₃jín₃ 'ē₂ jág₁ a₂ma₂cuē₃ Diú₄, jaun₂ guē₄ le₃lí' '4 dsí₅ 'ñiog₅ 'a₂ lia' '2 chain₂ le₃jniá₂ dsá_{u1}, co₂'nió' '4 a₂con₂ 'í₁ jág₁ a₂nag₂₃ a₂'ē₂ dsa₂ tióin' '54. ²⁵ Jaun₂ guē₄ le₃jniá₂ a₂rē₂'ma₄ jlē₅ a₂niog₅ dsí₅. Jaun₂ bá₄ chi₃jnë₃ jme₃juín' '2 Diú₄, ton' '2 juá' '2: “Tē₃dsón' '2 bá₄ 'en₅₄ Diú₄ jn' '4 'nia' '2”.

Jmo₄ bá₄ 'nia' '2 ca₂le₃jē₃ con' '2 dsi₂ten₅₄, dse₃ jniá₂

²⁶ ħ'E₂ bá₄ jaun₂ ně₃, rín' '54 jniog₄? Jē₁ma₂tē₂ rē₁tón' '4 'nia' '2 long' '2, le₂jan' '2 le₂jan' '2 'nia' '2 quian' '54 caun₂ salmo, o₃ caun₂ jág₁ a₂jme₂tág' '2 'nia' '2, o₃ caun₂ jág₁

† 14:21 Isaías 28:11-12; Deuteronomio 28:49.

a₂jme₂jnia₅ Diú₄, o₃ caun₂ jág₁ a₂juá'₂ quian'₅₄ jág₁ jmei₅ siá'₂, o₃ caun₂ jág₁ dsau₅ ju₁lia'₂ 'e₂ jein₅ jág₁ jaun₂; la₁ ju₁le₅₄ ca₂le₃jě₃ a₂ně₅ o₄ quió'₄ a₂dsi₃cón₃ dsa₂ tē₂le₃ quió'₅ jme₂dsí₂. ²⁷ Jě₁ma₂tě₂ rē₁dsia₃ 'ein₂ dsia₃ jág₁ jmei₅ siá'₂, ju₁dsia₁₂ on₃, chi₂jua'₂ ŋ₄ lě₃ ca₂juě'₃, ún₂ ŋiá'₄, tē₃ qui₂jáin₃, jaun₂ 'nió'₅ le₃chan₂ jan₂ i₂juá'₂ 'e₂ jein₅ jág₁ jaun₂. ²⁸ La₁ ně₁jua'₂ tsá₃ 'ein₂ chan₂ i₂lé₂ le₃juá'₂ 'e₂ jein₅ jág₁ jaun₂, co₂dsia₅ ju₁jmo₁₂ tei₄ dsi₂néi₂ guá'₅, ju₁dsia₁₂ tē₂dsí₅ 'ŋiog₅, ju₁chi₂lén'₄ Diú₄.

²⁹ Le₂ně₅ bá₄ ján₃ ju₁lia'₂ i₂'ě₂ jág₁ a₂jme₂jnia₅ Diú₄: ju₁jua'₅₄ on₃-ún₂, la₁ ma₂tion'₅₄ i₂sián'₂ i₂con₂ 'í₁. ³⁰ La₁ ně₁jua'₂ ca₂jme₂jnia₅ Diú₄ caun₂ jág₁ ne₄ jan₂ i₂guá₅ jě₄ le₁ŋi'₂ dsa₂ jaun₂, ju₁jmo₅₄ i₂le₂'uig₅₄ 'éi₂ tei₄. ³¹ Ia₁ lé₂ le₃'ě'₄ ca₂le₃jín'₃ 'nia'₂ jág₁ tē₃ qui₂jáng'₃, ia₁ jaun₂ ca₂le₃jín₃ qui₁le₃tín₂, gue₃ lián'₂ dsí₅ ján₃. ³² Ca₂tín₂ dsa₂ i₂'ě₂ jág₁ a₂cuě₅ Diú₄ a₂qui'₅₄ jmig₄ jme₃'uáin₂ jme₂dsí₂ quió'₅. ³³ Ia₁ jmo₅ Diú₄ a₂'ei₅ tei₄, on₃jua'₅₄ rē₂ a₂gó₂.

Ju₁lia'₂ lě₅ ca₂le₃jě₃ ja₁ŋi'₂ dsa₂ rin'₅₄ jniog₄,[‡] ³⁴ ca₂tín₂ bá₄ dsa₂ mí₂ jmo₃ tei₄ dsi₂néi₂ guá'₅. Tsá₃ 'i₄ 'éi'₃ táun₂ jág₁, tē₂le₃ ca₂tín₂ nag₃ gau₂ bá₄, ju₁lia'₂ juá'₂ Si₂ 'Éi'₃. ³⁵ Chi₂jua'₂ 'e₂ 'nio₃ le₃ŋi₅, ca₂tín₂ ŋí'₃ dsi₂i₂gu₂ guoin₅₄, dsi₂néi₂ quió'₅. Ia₁ caun₂ o₂guí'₃ jaun₂, jua'₅₄ mei'₂ guě₃ dsa₂ mí₂ táun₂ jág₁ dsi₂néi₂ guá'₅.

³⁶ ¿O₃ bá₄ ca₂rě₃lióg₃ jág₁ quió'₅ Diú₄ ja₁con'₂ 'nia'₂? ¿O₃ bá₄ jmá'₃ lia'₂ ja₁con'₂ 'nia'₂ ca₂dsióg₃ jág₁ dse₃? ³⁷ Chi₂jua'₂ chan₂ jan₂ i₂lín₂ lín₅ jan₂ i₂'ě₂ jág₁ a₂cuě₅ Diú₄, o₃ i₂'io₅ a₂tín₂ caun₂ ju₁bi₂ a₂gu₂dsí₂, ju₁le₂ŋi₅ bá₄ rē₂jiá₃ jág₁ a₂tó'₅ jniá₂ ne₄ si₂ la₂ a₂juíg₂ jniá₂ 'nia'₂, co₂ně₅ lě₅ 'éi'₃ quió'₅ Te₁gui'₅₄ bá₄. ³⁸ Chi₂jua'₂ chan₂ guě'₂ i₂tsá₃ tón'₂ ju₁ jág₁ ně₅, tsá₃ ton'₅₄ 'nia'₂ ju₁ dsa₂ 'éi₂. §

³⁹ Le₂ně₅ bá₄ jaun₂ 'nia'₂ rin'₅₄ jniog₄, quen'₂ 'nia'₂ bí₂ a₂lé₂ le₃'ě'₄ 'nia'₂ jág₁ dse₃ a₂já₅ le₃ja₁con₂ Diú₄. Tsá₃ jmo₂ 'nia'₂ jua'₅₄ a₂tsá₃ cuě'₁ 'nia'₂ jmig₄ a₂dsia₃ dsa₂ jág₁ jmei₅ siá'₂. ⁴⁰ La₁ ia₁ jmo₄ 'nia'₂ ca₂le₃jě₃ lia'₂ con'₂ dsi₂ten₅₄, lia'₂ con'₂ lě₅ ca₂tín₂ jmo₃ le₂jain₂ le₂jain₂.

15

Ju₁lia'₂ a₂ca₂jen'₅₄ Cristo

¹ Ně₃ ně₃ rin'₅₄ jniog₄, jmo₅ jniá₂ a₂dsiog'₂ 'au'₂ 'nia'₂ 'a₂ lia'₂ lě₅ jág₁ dse₃ a₂ma₂ca₂'ě₃ jniá₂ jín'₄ 'nia'₂, a₂ma₂ca₂gue'₅₄ 'nia'₂, a₂tión'₂ 'nia'₂ tiá₂. ² Tē₂le₃ quian'₅₄ jág₁ dse₃ la₂ bá₄ a₂lión'₂ 'nia'₂, chi₂jua'₂ chan'₅₄ 'nia'₂ tiá₂ jág₁ a₂ma₂ca₂'ě₃ jniá₂ 'nia'₂. Chi₂jua'₂ tsá₃ le₂jaun₂ ně₃, tsá₃ ta₁ tí₄ a₂ma₂ca₂rě₃'én'₂ 'nia'₂.

³ Jě₁le₂'uig₅₄ juá'₅, ca₂jáng'₃ jniá₂ jág₁ a₂ma₂ca₂ŋi₂ jniá₂: a₂ca₂jon₃ I₂rě₂'ín₁ quián₅ Diú₄ 'uig₅₄ dsáu₁ jniog₄, lia'₂ con'₂ lě₅ juá'₂ ne₄ Si₂; ⁴ a₂ca₂'ó₂ dsa₂, a₂ca₂jein'₅₄ táng₃ ja₁ŋá'₄ 'ni₅ jmig₄, lia'₂ con'₂ lě₅ juá'₂ ne₄ Si₂ bá₄ ján₃; ⁵ a₂ca₂jme₂jniai₂₃ ne₄ Pe₄; * jaun₂ guě₄ ca₂jme₂jniai₂₃ ne₄ chi'₂ dsi₂guia₃-tín₂. ⁶ Cang₂ jaun₂, ca₂jág₂ co₂nio₄ lě₅ guě₄ ca₂jau₅₄ mei₅ dsa₂ rin'₅₄ jniog₄; mei'₂ tsá₃ ca₂le₃jín₃ bá₄ dsa₂ i₂ca₂jág₂ 'éi₂ chain₂ bá₄ guě₄ jmig₄ ně₃, o₁ŋia'₅₄ la₂ ma₂dsan₃ i₂lín₅₄. ⁷ Cang₂ jaun₂, ca₂jme₂jniai₂₃ ne₄ Jacobo, ŋó₅ jaun₂ ca₂jme₂jniai₂₃ ne₄ ca₂le₃jín₃ dsa₂ i₂chen₄ quián₅.

⁸ Jě₁ca₂tó'₂ guě₄ ně₃ ca₂jme₂jniai₂₃ ne₃ jniá₂, o₁ŋia'₅₄ jme₁lín₄ jniá₂ ně₂jag₄ bá₄ jan₂ i₂tsá₃ dse₃ ca₂rě₃chán₃. ⁹ Ia₁ lín₅ jniá₂ i₂'uin₃ guě₄ ju₁lia'₂ con'₂ guě₄ ca₂le₃jín₃ dsa₂ i₂chen₄ quián₅, ca₂lia'₂ ŋia'₅₄ tsá₃ ca₂tíng₂ a₂quiong₃ dsa₂ a₂lín₅ i₂chen₄ quián₅. Ia₁ qui₂ca₂co₃'éng₃ dsa₂ 'én₂ le₂ŋiá₅. ¹⁰ La₁ 'uig₅₄ ia₁ a₂'ua₁ dsí₅ bá₄ Diú₄, lín₅ jniá₂ 'e₂ lín₅; jaun₂ ju₁lia'₂ a₂ca₂dsia₃ Diú₄ dse₃ dsí₅ ja₁cong₂, tsá₃ lě₅

‡ 14:33 lit. “dsa₂ŋi₅.” § 14:38 A₂lín₅₄ chog₅₄ si₂juá'₂: “Chi₂jua'₂ chan₂ guě'₂ i₂tsá₃ tón'₂ ju₁ jág₁ ně₅, tsá₃ lě₅ ju₁tioin'₅₄ ju₁ guě'₂ jaun₂.” * 15:5 griego: Cefas.

jua' ₅₄ a₂tsá₃ ta₁ tí₄. La₁ 'ñio₅ lín₃ guë₄ ma₂jmo₃ jniá₂ ta₁ lia' ₂ con' ₂ guë₄ ca₂le₃jín₃ i₂chen₄ quián₅; ton' ₂ on₃jua' ₅₄ ca₂jmo₃ jniá₂ 'ñió₃, a₂ma₂ca₂jme₃quiong' ₅₄ a₂'ua₁ dsí₅ Diú₄ bá₄ ma₂guio₃. ¹¹ La₁ tsá₃ a₂lë₅ jaun₂ jua' ₅₄ jniá₂, o₃ 'éi₂ 'e₂ ma₂jmo₃, la₁ caun₂ jág₁ la₂ bá₄ ma₂ja₂ná₅ jnia' ₅₄ 'ë₅. Jág₁ në₅ bá₄ a₂ma₂ca₂nei' ₂ ca₂rë₃'én' ₂ guë' ₂ 'nia' ₂.

Ju₁lia' ₂ a₂já₅ caun₂ jmig₄ a₂jen' ₅₄ 'lag₄

¹² La₁ chi₂jua' ₂ ma₂qui₂rë₂'ë₂ jág₁ a₂ca₂jen' ₅₄ bá₄ Cristo a₂jme₁rë₂'lín₅₄, ç' _{a2} bá₄ lia' ₂ lë₅ a₂juá' ₂ 'nia' ₂ i₂lín₅₄ a₂tsá₃ jen' ₅₄ 'lag₄? ¹³ Në₃ në₃, chi₂jua' ₂ tsá₃ jen' ₅₄ 'lag₄, jaun₂ ca₂lia' ₂ jnia' ₅₄ Cristo tsá₃ rë₂jen' ₅₄ chi₂jua' ₂ le₂jaun₂; ¹⁴ jaun₂ chi₂jua' ₂ tsá₃ ca₂jen' ₅₄ guë' ₂ Cristo, le₃jua' ₅₄ tsá₃ ma' _{e2} ta₁ tí₄ jág₁ a₂'ë₅ jnia' ₅₄, jaun₂ tsá₃ ta₁ tí₄ a₂'én' ₂ 'nia' ₂. ¹⁵ Chi₂jua' ₂ le₂në₅, jnia' ₅₄ në₃ ma₂ja₂ná₅ jag' ₅₄ 'nia' ₂ a₂lág₅ dsa₂ tē₂jín₁, tsá₃ tí₅ jág₁ quián₂ jnia' ₅₄ a₂'ín₅ jnia' ₅₄ Diú₄. Ia₁ ma₂ja₂ná₅ jnia' ₅₄ 'ín₅ Diú₄, a₂ca₂jme₃jein' ₅₄ Cristo i₂tsá₃ rë₂jen' ₅₄ chi₂jua' ₂ tsá₃ dsau₅ jág₁ në₃ a₂jen' ₅₄ 'lag₄. ¹⁶ Chi₂jua' ₂ le₂jaun₂ tsá₃ jen' ₅₄ 'lag₄, le₂jaun₂ guë' ₂ ján₃, on₃ guë' ₂ Cristo 'ñiog₅ ca₂jein' ₅₄ në₃; ¹⁷ nē₁tsá₃ guë' ₂ ca₂jen' ₅₄ 'éi₂, tsá₃ 'e₂ ta₁ jmo₃ a₂'én' ₂ 'nia' ₂ le₃quió' ₅ në₃, jaun₂ lia' ₂ ma₂le₁cán' ₄ jaun₂ bá₄ 'nia' ₂ dsau' ₂ në₃. ¹⁸ Ján₃ guë' ₂ le₂jaun₂, ju₁lia' ₂ dsa₂ i₂ma₂dsan₃ le₃quió' ₅ Cristo, i₂rë₂'én₄ bá₄ 'éi₂, chi₂jua' ₂ le₂jaun₂. ¹⁹ Jaun₂ jniog₄ në₃, chi₂jua' ₂ a₂jnia' ₅₄ 'ín₂ dsí₅ jniog₄ le₃quió' ₅ Cristo ju₁lia' ₂ jmig₄ tē₂lia' ₂ chong₂ la₂, 'e₂ guë₄ ju₁g₂ jniog₄ con' ₂ guë₄ ca₂le₃jín₃ dsa₂.

²⁰ La₁ a₂tē₃dsón' ₂ bá₄ dsau₅ a₂ca₂jen' ₅₄ Cristo a₂jme₁rë₂'lín₅₄; lín₅ co₂'nió' ₄ mīg₂ le₂'uig₅₄ a₂'ag₅ a₂ro' ₂ dsa₂, ia₁ lín₅ i₂le₂'uig₅₄ i₂ca₂jen' ₅₄ jin₄ dsa₂ i₂ma₂dsan₃. ²¹ Le₂jaun₂ bá₄, ju₁lia' ₂ 'uig₅₄ quió' ₅ jan₂ dsa₂ ca₂'í₃ 'mú₃ mi₂güig₃, ján₃ bá₄ 'uig₅₄ quió' ₅ jan₂ dsa₂ ca₂rë₃lióg₃ a₂jen' ₅₄ 'lag₄. ²² Ia₁ ju₁lia' ₂ lë₅ a₂dsan₂ ca₂le₃jín₃ ia₁ a₂lín₅ tsi₁jon₂ Adán, ján₃ bá₄ le₂në₅ le₃chan₂ ca₂le₃jín₃ ia₁ a₂lín₅ i₂quián₅ Cristo, ²³ la₁ia₁ le₂jan₂ le₂jan₂ bá₄ 'a₂ lia' ₂ lë₅ niog₅ tiin₃: Cristo le₂'uig₅₄, co₂'nió' ₄ jon₂ le₂ne₁ a₂ráu₃; jaun₂ guë₄ 'éi₂, dsa₂ quián₅ Cristo, jē₁ma₂tē₂ rē₁guain' ₂, ja₃te₅₄ 'éi₂ tē₂le₃ ja₁coin₂. ²⁴ Jaun₂ guë₄ në₃, jiá₃ jmig₄ jē₁dsian₅ ca₂le₃jē₃, jē₁ma₂tē₂ rē₁jáng' ₃ ta₁ a₂lín₅ a₂goin₂, ne₄ Diú₄ Jmei₂, cang₂ jē₁ma₂ca₂'éin₂ ca₂le₃jē₃ 'éi' ₃, ca₂le₃jín₃ dsí₂tan₅₄, ca₂le₃jē₃ ju₁bí₂. ²⁵ Ia₁ tion₅₄ bá₄ ca₂tín₂ 'éi₂ goin₂, ca₂lia' ₂ ca₂tē₂ jmig₄ i₁guian' ₃ Diú₄ o₄tag₁₂ ca₂le₃jín₃ i₂'iog₅₄. ²⁶ Ia₁ i₂jē₁ca₂tó' ₂ i₂'iog₅₄ i₂dsí₃'én₂, 'mú₃ bá₄ jaun₂. ²⁷ Ia₁ Diú₄ bá₄ "ma₂ca₂guiog' ₃ o₄tag₄ 'éi₂ ca₂le₃jē₃ ju₁bí₂."† Në₃ në₃, ju₁lia' ₂ jme₁juá' ₂ Si₂ a₂ca₂guiog' ₃ ca₂le₃jē₃, jaun₂ nág' ₂ rē₂jiá₃, tsá₃ quen' ₅₄ Diú₄ ñiog₅ jin₄ dsa₂ i₂le₁gan' ₅₄ o₄tag₄ Cristo, ia₁ 'ñiog₅ bá₄ Diú₄ ca₂guiog' ₃. ²⁸ Jē₁ma₂ca₂dsióg₃ jmig₄ jaun₂ a₂niog₅ ca₂le₃jē₃ o₄gú₃ Ja₁ñi' ₅₄, jaun₂ guë₄ në₃ 'ñiog₅ Ja₁ñi' ₅₄ jín' ₂ táng₃ o₄gú₃ i₁ca₂guiog' ₃ 'éi₂, ia₁jaun₂ lén₂ Diú₄ ju₁g₅₄ ca₂le₃jē₃, ne₄ ca₂le₃jē₃.

²⁹ Në₃ në₃, nē₁jua' ₂ tsá₃ jen' ₅₄ 'lag₄, ç' _{e2} guë' ₂ jmo₃ ju₁lia' ₂ dsa₂ i₂jñó₂ jmig₂ o₄quió' ₄ 'éi₂? Chi₂jua' ₂ dsón' ₂ rē' ₂ dsau₅ a₂tsá₃ jen' ₅₄ 'lag₄, ç' _{e2} guë' ₂ lē₃ jñó₂ dsa₂ jmig₂ o₄quió' ₄? ³⁰ Ju₁lia' ₂ jnia' ₅₄ në₃, ç' _{e2} bá₄ ta₁ jmo₃ i₁nió₄ jnia' ₅₄ 'ei₅ gau₂ co₂tan₅₄? ³¹ Le₂o₃ jmig₄ bá₄ gue₅ jniá₂ 'mú₃. Dsón' ₂ bá₄ jaun₂, rin' ₅₄ jniog₄, ju₁lia' ₂ dsón' ₂ bá₄ jmo₅ jniá₂ táng' ₅ o₄quián' ₂ 'nia' ₂ i₂'én₂ le₃quió' ₅ Cristo Jesús, Te₁gui' ₅₄ quián₂ jniog₂. ³² Chi₂jua' ₂ ca₂quín' ₂ jniá₂ quian' ₅₄ dsa₂ tsau₂ dsí₅ i₂chan₂ ju₁g₂ Efeso, con' ₂ dsí₂jniog₅ dsí₅ dsa₂ mi₂güig₃, ç' _{e2} a₂dsí₂ quió₃? Chi₂jua' ₂ dsau₅ jaun₂ a₂tsá₃ jen' ₅₄ 'lag₄,

ju₁que₅₄ ju₁'en' ₅₄ jniog₄,
 ia₁ con' ₂ tsá₃ ñó₅ nē₁jua' ₂
 ca₂dsau₃ bá₄ ju₁la₂ 'ióg₃.‡

† 15:27 Salmo 8:6. ‡ 15:32 Isaías 22:13.

³³ Jaun₂ juí₂ jniá₂ 'nia'₂, tsá₃ lë₁jme₁ gan₅ 'nia'₂ 'au'₂. Tsá₃ i₂jmo₂ 'nia'₂ jui₁lia'₂ juá'₂ caun₂ já₁ a₂cha₂: “Jui₁lia'₂ dsa₂ i₂jme₂quian'₅₄ dsa₂ i₂con'₂ lë₁lín₄, dsi₃'én₂ tag₄ a₂dse₃ a₂'io₂₃.” ³⁴ Jaun₂ juá'₅ jniá₂, jme₁jnio₂ 'nia'₂ ne'₅₄, jen'₅₄ táng₃ 'nia'₂ jui₅ co₂dsau₅, tsá₃ ma₃'nau₂ 'nia'₂ dso₄. Ia₁ i₂chan₂ bá₄ i₂lín₅₄ 'nia'₂ i₂tsá₃ cuin₅ Diú₄. Juá'₅ jniá₂ le₂në₅ ia₁jaun₂ cán'₁ 'nia'₂ ca₂la₂ o₂guí'₃.

A₂ lia'₂ lé₂ a₂jen'₅₄ táng₃ 'lag₄

³⁵ Chan₂ bá₄ i₂le₃ñag₃: “¿'A₂ bá₄ lia'₂ lë₅ jaun₂ a₂jen'₅₄ 'lag₄? ¿'A₂ lia'₂ lín₅, 'a₂ lia'₂ lë₅ ni₁ñi₁₂ jë₁ma₂ja₂lein₃?” ³⁶ ¡Caun₂ já₁ co₄ bá₄ në₅! Ia₁ jui₁lia'₂ jme₁jne₅ dsa₂ 'e₂ jon₂ jne₂₃, tsá₃ 'ia₂ jua'₅₄ tsá₃ dsi₃'én₂ jon₂ a₂dsi₂jnia₄. ³⁷ Ia₁ jui₁lia'₂ jme₁jan'₂ 'e₂ jan'₂, on₃jua'₅₄ a₂jan'₂ tag₄ a₂lé₂ cang₂. Le₂jaun₂ lë₅ jui₁lia'₂ cui₂g₂, § jui₁'e₂ guë₃ jon₂ siá'₂ ján₃. ³⁸ Le₂jaun₂ bá₄ jmo₅ Diú₄: cuë₂₃ cho'₅₄ lia'₂ con'₂ lë₅ 'ñio₂ dsi₅; lia'₂ ca₂ne₅₄ mí₂g₂ 'io₂₃ cho'₅₄ con'₂ a₂ca₂tín₂. ³⁹ Le₂jaun₂ bá₄ lë₅ quian'₅₄ jui₁lia'₂ ni₁ñí₅: tsá₃ le₃jë₃ lë₅ co₂rë₂. Jma₃quén₅ bá₄ lë₅ ni₁ñi₁ dsa₂ mi₂gü₃g₃, quian'₅₄ ni₁ñi₁ já'₂ náu₂, jui₁lia'₂ quió'₅ i₁tan₅; jui₁lia'₂ guë'₂ quió'₅ i₁ju₁ ján₃. ⁴⁰ Le₂në₅ bá₄ lë₅ jui₁lia'₂ a₂cha₂ guei'₅₄ mi₂gü₃g₃, quian'₅₄ a₂cha₂ ne₄ gua'₅₄ 'uë₃. Tsá₃ co₂rë₂ jlá'₁ tá₅g₅ a₂cha₂ guei'₅₄ quian'₅₄ a₂jlá'₁ a₂cha₂ ne₄ gua'₅₄ 'uë₃. ⁴¹ Le₂në₅ bá₄ siá'₂ tá₅g₅ quió'₅ 'iog₂, quian'₅₄ tsí'₂, quian'₅₄ guë'₂ nei₅ táng₃. Ján'₃ bá₄ siá'₂ tá₅g₅ nei₅ jë₄ rin'₅₄.*

⁴² Le₂në₅ bá₄ guë'₂ niog₅ lé₂ quian'₅₄ dsa₂, jë₁ma₂ca₂jein'₅₄. Dsi₃'o₃ caun₂ ni₁ñí₅ a₂niog₅ siá'₃; jaun₂ jen'₅₄ táng₃ caun₂ a₂tsá₃ ton₅ jmí₄g₄ siá'₃. ⁴³ Dsi₃'o₃ caun₂ ni₁ñí₅ co₂'nió'₄ a₂lë₅ o₂guí'₃; jaun₂ náu₃ caun₂ ni₁ñí₅ jlá'₁. Dsi₃'o₃ caun₂ ni₁ñí₅ 'uan₅₄; la₁ jen'₅₄ táng₃ caun₂ a₂bén₂. ⁴⁴ Dsi₃'o₃ caun₂ ni₁ñí₅ a₂lë₅ a₂ca₂tín₂ gua'₅₄ 'uë₃ la₂; jaun₂ guë₄ jen'₅₄ táng₃ caun₂ ni₁ñí₅ a₂gu₂dsí₂.

⁴⁵ Jaun₂ bá₄ lë₃ chi₁ton₅ ne₄ Si₂: “Ca₂lín₃ Adán le₂'uig₅₄ jan₂ dsa₂ i₂'i₄ jme₂dsí₂.”† La₁ i₂lín₅ Adán i₂co₂'nió'₄ jë₁ca₂tó'₂ guë'₂ në₃, ca₂lín₃ jan₂ jme₂dsí₂ i₂to'₂ jme₂dsí₂ jniog₄. ⁴⁶ La₁ on₃jua'₅₄ jme₂dsí₂ ca₂gua₃ de'₂ le₂'uig₅₄. A₂ca₂tín₂ gua'₅₄ 'uë₃ bá₄ ca₂lë₃ le₂'uig₅₄; cang₂ jaun₂ ca₂gua₃ a₂gu₂dsí₂. ⁴⁷ Dsa₂ i₂le₂ne₁ 'éi₂ jme₁lín₄ quian'₅₄ ti₁gua'₅₄ quió'₅ 'uë₃ la₂; i₂jë₁ca₂të₂ on₃ dsa₂ në₃, i₂ca₂já₃ guei'₅₄ i₂juí₃g₃ bá₄ 'éi₂. ⁴⁸ Ca₂le₃jín₃ dsa₂ i₂chan₂ ne₄ gua'₅₄ 'uë₃, lín₅ jui₁lia'₂ jme₁lín₄ dsa₂ i₂ca₂lín₃ quian'₅₄ ti₁gua'₅₄ 'éi₂; ján₃ bá₄ le₂jaun₂ lín₅ dsa₂ i₂tín₅ guei'₅₄ i₂juí₃g₃, jui₁lia'₂ lín₅ i₂ca₂já₃ guei'₅₄ i₂juí₃g₃. ⁴⁹ Jui₁lia'₂ quióng₂ jniog₄ quió'₅ dsa₂ i₂ca₂lín₃ quian'₅₄ ti₁gua'₅₄ 'éi₂, ján₃ bá₄ le₂në₅ quiong₅₄‡ jniog₄ lia'₂ jniá₂ i₂ca₂sión₃ guei'₅₄ i₂juí₃g₃.

⁵⁰ Juí₂ jniá₂ 'nia'₂, rin'₅₄ jniog₄, tsá₃ ca₂tín₂ dsa₂ i₂quian₅ mu₅-ñí₅ ja₁gon₂ Diú₄; on₃ guë'₂ ca₂tín₂ jui₁lia'₂ a₂siá'₃, caun₂ ja₁tsá₃ ton₅ jmí₄g₄ siá'₃. ⁵¹ Nei₂ 'nia'₂. La₂ 'ë₄ jniá₂ caun₂ já₁ a₂jme₁rë₂'ma₄ le₂jñiá₅: tsá₃ dsióg₃ ca₂le₃jág₃. La₁ ca₂le₃jág₃ bá₄ jniog₄ le₃tság₃, ⁵² con'₂ tiá₂, në₂jag₄ bá₄ a₂'méi'₂ dsa₂ co₂ráun₂ jme₁ne₁₂, jë₁ma₂i₁'ein₅₄ ñí₂ trompeta jë₁ca₂tó'₂. Ia₁ dsi₃'ein₅₄ ñí₁ trompeta, jaun₂ guë₄ jen'₅₄ ca₂le₃jín₃ dsa₂ i₂ma₂dsan₃, jaun₂ guë₄ o₁líg'₂ jmí₄g₄ tsá₃ ma₃dsiáin₃. Jaun₂ jniog₄ ca₂le₃jág₃ në₃, qui₂le₃tság₃. ⁵³ Ia₁ ca₂tín₂ qui'₃ a₂siá'₃ quian'₅₄ caun₂ a₂tsá₃ siá'₃; a₂qui'₃ a₂jón₂ quian'₅₄ caun₂ a₂tsá₃ líg'₂ jmí₄g₄ jón₂. ⁵⁴ Jë₁ma₂qui'₂ ni₁ñí₅ a₂siá'₃ la₂ quian'₅₄ a₂tsá₃ siá'₃, jë₁ma₂qui'₂ ni₁ñí₅ a₂jón₂ la₂ quian'₅₄ a₂tsá₃ líg'₂ jón₂, jaun₂ guë₄ le₃ti₃ já₁ la₂ a₂tio'₅₄ ne₄ Si₂:

Co₂dsia₅ ca₂lí'₃ co₂ñei'₅₄ Te₁gui'₅₄ ne₄ 'mú₃.§

⁵⁵ ¿A₂já'₄ bá₄ ñó₅ a₂jme₁lén'₂ 'ne₂, 'mú₃?

¿'E₂ bá₄ ca₂lë₃, 'ne₂ 'mú₃,

§ 15:37 lit. “trigo.” * 15:41 Co₂'nió'₄ le₃jua'₅₄, cosa a₂tsá₃ 'i₄ jme₂dsí₂, a₂ca₂jmo₃ Diú₄. 'Nio'₂ ja₁ton₅ Salmo 8:3, Romanos 1:25. † 15:45 Génesis 2:7. ‡ 15:49 A₂lín₅₄ chog₅₄ si₂ gui'₅₄ juá'₂: “jui₁quiong₅₄ jniog₄.” § 15:54 Isaías 25:8.

quian'₅₄ uig₅ a₂jme₁'ág'₁ jnia'₅₄?*
⁵⁶ Nē₃ nē₃, ju₁lia'₂ uig₅ a₂jme₁'ág'₁ 'mú₃ jniog₄, dsáu₁ bá₄ jniog₄ jaun₂; ju₁lia'₂ bí₂ a₂'io₅ dsáu₁ jniog₄, Si₂ 'Éi'₃ bá₄ jaun₂. ⁵⁷ iLa₁ ti₁'mag'₄ Diú₄ i₂cuē₅ bí₂ a₂lág₂ jniog₄ tē₂le₃ quian'₅₄ Te₁gui'₅₄ Jesucristo quián₂ jniog₄!

⁵⁸ Jaun₂ lē₃, 'nia'₂ rin'₅₄ jniog₄, i₂'nióg₃ guē₄ lín₃, nau₂ bá₄ 'nia'₂ tiá₂, tsá₃ cuín₅ 'nia'₂ jmig₄ jua'₅₄ 'ein₂ guē₃ jnióg'₂ 'nia'₂ cau₅; ju₁dsi₂tsón'₃ bá₄ 'nia'₂ quian'₅₄ ta₁ quió'₅ Te₁gui'₅₄. Ia₁ ma₂ñi'₅₄ bá₄ 'nia'₂ tsá₃ lē₅ jua'₅₄ a₂lē₁jmo'₂ can'₂ 'nia'₂ ta₁ le₃quió'₅ Te₁gui'₅₄.

16

Ca₂cág'₃ cu₄ a₂jme₃'oin'₅₄ rin'₅₄

¹ Nē₃ nē₃, tē₂le₃ quió'₅ guē'₂ cu₄ a₂cag'₄ 'nia'₂ jme₁'ong'₁ rin'₅₄ i₂'én₂,* le₂jaun₂ bá₄ jmo₄ 'nia'₂ ján₃ con'₂ lē₅ jág₁ ma₂cuē₃ jniá₂ guá'₅ i₂chan₂ 'uē₃ Galacia.
² Le₂caun₂ do₂mei₅₄,† ca₂tín'₂ bá₄ 'nia'₂ le₂jang'₂ le₂jang'₂ cáu'₁ ca₂la₂ 'a₂ con'₂ tí₅ ca₂lín'₃. A₂jaun₂ con'₂ quiog₂ 'ma₄ 'nia'₂, ma₂lē₅ co₂jñia₅₄ ia₁jaun₂ tsá₃ lē₅ jua'₅₄ jaun₂ guē₄ cag'₅₄ 'nia'₂ jē₁ma₂dsióg₃ jniá₂. ³ Jaun₂ bá₄, jē₁ma₂tē₂ rē₁dsióg₄ jniá₂, jaun₂ le₃chen₄ dsa₂ rin'₅₄ i₂'ín'₄ 'nia'₂ guiong'₅₄, dsi₃lén₂ 'éi₂ juig₂ Jerusalén quian'₅₄ caun₂ si₂ a₂lé₂. Jaun₂ 'éi₂ bá₄ cán₂ cu₄ quián'₂ 'nia'₂ a₂cag'₅₄ nē₅ a₂jme₁'ong'₁ rin'₅₄ ja₁jaun₂. ⁴ Nē₁jua'₂ dsi₂ten₅₄ guē'₂ nei₅₄ 'ñióg₃ nē₃, jme₃quiong'₅₄ 'éi₂.

Jmo₅ Pa₄ co₂jñia₅₄ a₂'i₂ ju₁

⁵ Jē₁ma₂tē₂ rē₁nei₅₄ i₁ñig₁₂ le₂tan₅₄ 'uē₃ Macedonia, jaun₂ guē₄ dsióg₄ ja₁con'₂ 'nia'₂. ⁶ Con'₂ tsá₃ ñó₅ nē₁ca₂jan₄ ca₂la₂ uē₂, o₃ nē₁ca₂lē₃ ñig₅ le₂tan₅₄ jein₂ güig₂ quian'₅₄ 'nia'₂, ia₁jaun₂ lé₂ tsag'₅₄ 'nia'₂ ju₁chi₂jua'₂ ja₁ca₂tín₂ jniá₂ nei₅₄. ⁷ Ia₁ tsá₃ 'nio₃ jniá₂ nei₅₄ tē₂nē₃, jua'₅₄ con'₂ ca₂ñig₅ bá₄ ja₁tion'₅₄ 'nia'₂. Jaun₂ 'ín₂ bá₄ dsi₃ jniá₂ i₁jñia₁₂ ca₂la₂ uē₂ quian'₅₄ 'nia'₂, nē₁jua'₂ ca₂cuē₃ Te₁gui'₅₄ jmig₄. ⁸ La₁ i₁jñia₁ jniá₂ juig₂ Efeso ca₂lia'₂ ca₂tē₂ Jm₁g₄ Tē₂láu₃-guiá₂. ⁹ Ia₁ 'ñio₅ bá₄ cuín₅ jmig₄ rē₂na₄ ju₁lé₂ le₃i₁jmo₃ ta₁ quió'₅ Te₁gui'₅₄, a₂léi₄ a₂tē₃dsi₅₄ dsón'₂; ton'₂ le₂jaun₂ bá₄ ju₁in₅ dsa₂ i₂náu₃ 'io'₅₄ táng₃.

¹⁰ Nē₁jua'₂ ca₂dsióg₃ Timoteo rin'₅₄ jniog₄, jag₄ 'nia'₂ jaun₂, jaun₂ tsá₃ lē₅ jua'₅₄ a₂gó'₅ 'ein₅₄ jē₄ quián'₂ 'nia'₂, ia₁ ma₂já₅ 'éi₂ jmo₂₃ ta₁ quió'₅ Te₁gui'₅₄, ju₁lia'₂ jniá₂ ján₃. ¹¹ Jaun₂ tsá₃ jmó'₂ 'nia'₂ 'au'₂ jua'₅₄ tsá₃ 'e₂ quein₅. Tē₂le₃ chéin'₂ 'nia'₂ ju₁ a₂'ag₃ tei₄ dsí₅, ia₁jaun₂ jiá₃ ja₃jag₅₄ jniá₂. Ia₁ chi₁jain₁₂ jniá₂ quian'₅₄ rin'₅₄ jniog₄.

¹² Nē₃ nē₃, ju₁lia'₂ Apolos rin'₅₄ jniog₄, jme₁chi₂quian'₅₄ jniá₂ jmig₄ a₂dsó₃ quian'₅₄ rin'₅₄ jniog₄ dsi₁jin₁₂ 'nia'₂. Co₂dsia₅ tsá₃ ca₂lē₃ dsí₅ dsó₃ rē₂nē₃, la₁ nē₅ bá₄ dsióg₄ líg'₂ ca₂cuín₃ jmig₄ dsó₃.

Jág₁ a₂'ág'₃ jág₁ jē₁ca₂tó'₂

¹³ Jmo₄ 'í₁, nau₂ 'nia'₂ tiá₂ a₂'én₂ 'nia'₂. Jmo₄ ma₂chang'₂ a₂lē₅ 'au'₂ ma₂ca₂cang'₅₄ ma₂ñi'₅₄, tión'₁ 'nia'₂ a₂'uang'₂. ¹⁴ Ca₂le₃jē₃ 'e₂ niog₅ jmo'₂ 'nia'₂ ja₁con₂ ríng'₂, jmo₄ léi₄ a₂'nióg'₃ tē₃dsón'₂ ríng'₂.

¹⁵ Nē₃ nē₃, ju₁lia'₂ ma₂ñi'₅₄ 'nia'₂, rin'₅₄ jniog₄: Estéfanos, quian'₅₄ dsa₂ dsi₂néi₂ quió'₅, ca₂lín₃ dsa₂ i₂le₂uig₅₄ i₂ca₂rē₃'én₂ jág₁ dse₃ 'uē₃ Acaya. Dsa₂ rin'₅₄ 'éi₂ nē₃ ma₂ja₂lén₂ ca₂ne₅₄ jme₁jme₂ti₃ ja₁con₂ rin'₅₄ jniog₄ dsa₂ 'én₂ ja₁jaun₂. Chi₂quian'₅₄ jniá₂ 'nia'₂ jmig₄ jaun₂ nē₃, ¹⁶ jme₁gan'₃ 'nia'₂ ju₁lia'₂ dsa₂ le₂'éi₂, quian'₅₄ guē₄ ca₂le₃jín₃ rin'₅₄ ju₁lia'₂ i₂jme₂'o₅₄ quian'₅₄ ta₁ le₂jaun₂. ¹⁷ 'Io'₂ jmo₅ jniá₂ nē₃, ia₁ ma₂guan₅ Estéfanos, Fortunato, quian'₅₄ Acaico; ma₂ca₂jme₃ñia₂₃

* **15:55** o₃, “¿E₂ bá₄ ca₂lē₃, 'ne₂ 'mú₃, quian'₅₄ uig₅ a₂jme₁'ág'₁ jnia'₅₄? ¿A₂já₄ bá₄ ñó₅ a₂jme₁lén₂ 'ne₂, tau₂ 'ñio₅?” Oseas 13:14. * **16:1** lit. “dsa₂ jnió₅.” † **16:2** lit. “jmig₄ le₂uig₅₄ quió'₅ semana.”

jui₁lia'₂ a₂jme'₁nió'₅ ja₁con₂ jniá'₂ 'uig'₅₄ ia₁ a₂tsá'₃ 'nia'₂ chan'₂ ja₁lá₃. **18** 'Éi₂ bá₄ ma₂jmo₃ lián'₂ dsi₃ tē₂le₃ jui₅ jme₂dsí'₂, le₂jaun₂ bá₄ ma₂qui₂ma₂jmo₃ lián'₂ 'au'₂ 'nia'₂ ján₃. Jaun₂ 'nió'₅ jme₁gan₃ jniog₄ dsa₂ le₂'éi₂.

19 Ca₂le₃jín₃ guá'₅ ja₁tén₄ le₂tan₅₄ 'uē₃ Asia, cui_{in}₂₃ Diú₄ 'nia'₂. Le₂jaun₂ bá₄ Aquila quian'₅₄ Priscila[‡] ně₃, quian'₅₄ co₂nió'₃ dsa₂ rin'₅₄ i₂ŋi'₂ dsi₂néi₂ quió'₅ ně₃, cui_{in}₂₃ Diú₄ 'ŋio₅ lin₃ 'nia'₂, le₃quió'₅ Te₁gui'₅₄. **20** Ca₂le₃jín₃ rin'₅₄ jniog₄ i₂tion'₅₄ ja₁lá₃, cui_{in}₂₃ Diú₄ 'nia'₂. Qui₁cui_{in}₅₄ 'nia'₂ Diú₄ ríng'₂ le₂jang'₂ le₂jang'₂ a₂qui₁chén'₁ Šjú'₅ ríng'₂, a₂lē₅ léi₄ a₂ma₂'ei₅ caun₂ jág₁ a₂le₁jě₃ 'au'₂ quian'₅₄ ríng'₂.

21 Jniá'₂ Pa₄, cui_{ng}₅ Diú₄ 'nia'₂ ne₄ si₂ la₂, quian'₅₄ gu₃ 'nió'₃.*

22 Chi₂jua'₂ chan₂ jan₂ tsá'₃ 'nioi₃ Te₁gui'₅₄, co₂dsia₅ bá₄ jui₁dsi₂'éin₂, iŋiá'₅ 'ne₂, Te₁gui'₅₄!†

23 Jui₁jme₂gu'₅₄ bá₄ Te₁gui'₅₄ Jesucristo i₂'ua₁ dsí'₅. **24** Ca₂le₃jín₃ bá₄ 'nia'₂ 'nióg₃, le₃quió'₅ Te₁gui'₅₄ Cristo Jesús. A₂méi₃.‡

Co₂ně₅.

‡ **16:19** griego: Prisca. § **16:20** Caun₂ tag₄ a₂jme₁chí'₄ lia'₂ con'₂ jme₁ca₂jmo₃ Pa₄ si₂ la₂. * **16:21** 'Nio'₂ ja₁ton₅ Gálatas 6:11; Colosenses 4:18; 2 Tesalonicenses 3:17; Filemón 19. † **16:22** griego: maranatha, jág₁ arameo a₂juá'₂ "Níá'₅ 'ne₂, Te₁gui'₅₄." ‡ **16:24** A₂lin₅₄ chog₅₄ si₂ tsá₃ chi₁ton₅ "A₂méi₃."

Si₂ carta jē₁ca₂tē₂ tin₃ a₂ca₂jmo₃ San Pablo ne₄ dsa₂ CORINTIOS

Jmo₅ Pa₄ si₂ jē₁ca₂tē₂ tin₃ a₂chein₃ ne₄ Guá'₅ i₂chan₂ juig₂ Corinto

¹ Jniá₂ Pa₄, co₂nē₅ 'éi'₃ ca₂jmo₃ 'ñiog₅ Diú₄, a₂lín₅ jan₂ dsa₂ i₂chen₄ quián₅ Jesucristo, jmo₂₃ si₂ la₂ co₂lē₅ quián'₅₄ rin'₅₄ jniog₄ Timoteo a₂dsian'₄ ne₄ guá'₅ quián₅ Diú₄ i₂chan₂ juig₂ Corinto, quián'₅₄ ca₂le₃jín₃ gué₄ dsa₂ sián'₂ i₂tén₅ le₃quió'₅ Diú₄* i₂chan₂ le₂tan₅₄ 'uē₃ Acaya. ² Jui₁jme₂gu'₅₄ bá₄ Diú₄ 'nia'₂; ju₁tion'₅₄ bá₄ 'nia'₂ le₁'ág₄ tei₄ jmo₅ Diú₄ Jmei₂ jniog₄, jmo₅ Te₁gui'₅₄ Jesucristo nē₃.

Ca₂ñág₃ uig₅ Pa₄

³ Jui₁jme₁juin'₂ jniog₄ Diú₄ Jmei₂ Jesucristo Te₁gui'₅₄ quián₂, ia₁ 'éi₂ bá₄ i₂lín₅ Tia₅₄ quián₂ i₂ñí₄ ñéi₂ dsí₅ jniog₄; i₂'éi₂ bá₄ Diú₄ i₂jmo₅ lián'₂ dsí₅ jniog₄ chong₂. ⁴ 'Éi₂ bá₄ i₂jmo₅ lián'₂ ja₁con₂ jniog₄ jē₄ ca₂le₃jē₃ 'e₂ o₂i₁ dsí₅ cha₂, le₂jaun₂ guē'₂ jniog₄ táng₃ lé₂ le₃mó₁ lián'₂ dsí₅ jui₁lia'₂ i₂chan₂ o₂i₁ dsí₅ ñág₅ uig₅. Lé₂ le₃cuē'₅₄ jniog₄ lián'₂ dsí₅ jui₁lia'₂ jmo₅ Diú₄ ja₁con₂ jniog₄ guio₅₄. ⁵ Ia₁ le₂nē₅ jui₁lia'₂ ñag₄ jniog₄ jmi₁uig₅ juē'₂ lín₃ a₂ca₂can₃ Cristo, ján₃ bá₄ le₂nē₅ táng₃ tē₂le₃ quián'₅₄ Jesucristo guéi'₁ jniog₄ lián'₂ a₂le₃chong₂ dse₃. ⁶ Jaun₂ nē₃, chi₂jua'₂ ñag₄ jnia'₅₄ uig₅ chong₂, le₂nē₅ le₃cha₂ lián'₂ ja₁con₂ 'nia'₂ jaun₂ líón'₂ 'nia'₂ nē₃; o₃ chi₂jua'₂ guei'₂ jnia'₅₄ lián'₂ 'e₂, ján₃ bá₄ le₃cha₂ lián'₂ ja₁con₂ 'nia'₂, jaun₂ lé₂ le₃mó₂ tió'₃ 'au'₂ 'e₂ uig₅ cha₂, jui₁lia'₂ jmo₂ jnia'₅₄. ⁷ Caun₂ bá₄ le₁'ág₄ dsí₅ jnia'₅₄ le₃ja₁con₂ 'nia'₂ a₂jmo₃ tió'₃ 'au'₂ a₂líón'₂ 'nia'₂ nē₃. Ia₁ ne₄ bá₄ jniog₄, nē₁jua'₂ quen'₅₄ 'nia'₂ ñag'₅₄ uig₅ a₂ñag₄ jnia'₅₄, ján₃ bá₄ le₂nē₅ guéi'₁ 'nia'₂ lián'₂ a₂guéi'₁ jnia'₅₄ a₂cuē₃ Diú₄.

⁸ Chei₂ jnia'₅₄ 'nia'₂ le₂nē₅, rin'₅₄ jniog₄, ia₁ a₂'niog₂ jnia'₅₄ a₂le₃ñi'₅₄ 'nia'₂ 'a₂lia'₂ lē₅ o₂me'₅₄ dsí₅ a₂ca₂quián₁ jnia'₅₄ le₂tan₅₄ juig₂ tio'₅₄ 'uē₃ Asia. 'Nio₅ lín₃ bá₄ uig₅ ca₂ñag₄ jnia'₅₄; 'ñio₅ lín₃ guei'₂ ta₁ a₂tióng₂ jnia'₅₄, ca₂lia'₂ jnia'₅₄ mei'₂ tsá₃ ca₂'uá₂ co₂ñei'₅₄ a₂tsá₃ ma₃jme₁tián₂. ⁹ Con₂ siá'₂ lág₂ jnia'₅₄ a₂tsá₃ ma₃jmi₄ cha₂ quián₂ jnia'₅₄, nē₂jag₄ bá₄ a₂ma₂'i₄ 'éi'₃ dsió₃. La₁ tsá₃ a₂ñag₅₄, ia₁ ca₂le₃jē₃ a₂i₃ñág₂ jnia'₅₄ jaun₂ ca₂jmo₃ ta₁ a₂ca₂jme₁tin₅ jnia'₅₄ a₂'éin₂ le₃quió'₅ Diú₄, on₃jua'₅₄ le₂quián₂ jnia'₅₄ guio₅₄. Ia₁ i₂'éi₂ bá₄ lín₅ i₂jme₂jen'₅₄ 'lag₄. ¹⁰ Ia₁ ma₂lió₂ bá₄ Diú₄ ne₄ 'mú₃ gau₂ jaun₂, ton₂ caun₂ líó₂ bá₄ jui₁lia'₂ jmi₄ nē₃. Jaun₂ le₃ja₁con₂ 'éi₂ bá₄ ma₂'éi₁ jnia'₅₄ caun₂ dsí₅ a₂lió₂ ne₄ ju₁ ¹¹ chi₂jua'₂ jme₁'o₁ 'nia'₂ chi₂leng'₅₄ Diú₄ o₄quián₂ jnia'₅₄. Chi₂jua'₂ juin₅ dsa₂ i₂mi₅ ne₄ Diú₄ o₄quián₂ jnia'₅₄, ján₃ bá₄ juin₅ dsa₂ i₂cuē'₃ ti₁'mag'₄ Diú₄ ne₄ ca₂le₃jē₃ a₂dse₃ a₂jme₃'o₅₄.†

'E₂ lē₃ tsá₃ ca₂ñe₄ Pa₄ juig₂ Corinto

¹² Cha₂ caun₂ cosa ja₂ tē₅ dsí₅ jnia'₅₄ ton₂ guio₅₄ jnia'₅₄ quióng₂ 'í₁ tē₂dsí₅, lei₅₄ jnia'₅₄ a₂lé₂ le₃jang'₅₄ jág₁ dsau₅ a₂chong₂ jmo₂ a₂dse₃ a₂tí₅ ne₄ gua'₅₄ 'uē₃ la₂, jui₁lia'₂ jme₂ti₃ Diú₄, la₁ 'ñio₅ lín₃ gué₄ le₃ja₂con₂ 'nia'₂. Ia₁ a₂'ua₁ dsí₅ bá₄ Diú₄, ma₂ca₂jme₃'o₅₄ a₂chong₂ jnia'₅₄ le₂nē₅; on₃jua'₅₄ ia₁ a₂tag₂ jnia'₅₄ guio₅₄. ¹³ Ca₂le₃jē₃ a₂jua'₂ jnia'₅₄ a₂tio'₅₄ ne₄ si₂ carta quián₂, tsá₃ 'e₂ a₂siá'₂ jua'₂ jnia'₅₄ jua'₅₄ a₂tsá₃ tin'₂ 'nia'₂ 'í'₄, o₃ a₂tsá₃ ñí'₂ 'nia'₂. ¹⁴ Jaun₂ 'ín₂ dsí₅ jnia'₅₄, jui₁lia'₂ ma₂ca₂rē₃ñig'₂ 'nia'₂ quián₂ jnia'₅₄ ja₁lín₅₄, ján₃ bá₄ le₂nē₅ le₃ñí'₂ 'nia'₂ lia'₂ rē₂'ñia₅, ia₁jaun₂ lé₂ le₃dsiá'₁ 'nia'₂ jág₁ tá'₅ o₄quián₂ jnia'₅₄, ton₂ lé₂ le₃dsiá'₁

* **1:1** lit. "dsa₂jñió₅." † **1:11** A₂lín₅₄ chog₅₄ si₂: "o₄quián₂ 'nia'₂."

jnia'⁵⁴ jág₁ tá'⁵ o₄quián'² 'nia'² ján₃, jë₁ma₂ca₂tě₂ jmig₄ quió'⁵ Jesús Te₁gui'⁵⁴ quián'².

15 'Uig⁵⁴ ia₁ caun₂ bá₄ 'ei₅ dsi₃ ca₂le₃jě₃ a₂ně₅, jaun₂ jme₁líng₂ nei⁵⁴ i₁jíng₁₂ de'² jniá'⁵ 'nia'² a₂i₁jmo₃ lián'² 'au'² 'nia'² 'ñio₅ lín₃, ia₁ dsióğ₄ i₁jíng₁₂ 'nia'² ta₁tín₃ ráun₂. 16 Jme₁dsi₂jioğ₅ dsi₃ jme₁i₁ñig₁₂ ja₁tion'⁵⁴ 'nia'² lia'² ma₂'eng⁵⁴ jui₅ guio₃ jui₅ Macedonia; jë₁ma₂tě₂ rë₁nég'⁴ táng₃, jaun₂ i₁jíng₁₂ táng₃ 'nia'². Ia₁ líng₂, 'nia'² bá₄ jme₁'o'₁ a₂lé₂ dsióğ₄ jniá'² tē₂ Judea. 17 ¿O₃ bá₄ lín'² 'nia'² a₂'ei₅ caun₂-tín₃ dsi₃ a₂juá'⁵ le₂ně₅? ¿O₃ bá₄ lín'² 'nia'² a₂lě₅ jág₁ quió'³ lia'² lě₅ jág₁ quió'⁵ dsa₂ i₂tsá₃ 'én₂ i₂lë₁qui₂co₅ jág₁ quió'⁵, nē₃ rë'² juá'² “ján₅,” nē₃ guë'² “jan₂'ón₄” táng₃? 18 Tí₅ bá₄ jág₁ quián'² jnia'⁵⁴, jui₁lia'² tí₅ jág₁ quió'⁵ Diú₄; líg'² jmig₄ jua'⁵⁴ a₂lë₁cuë'² jnia'⁵⁴ jág₁ quián'², jua'⁵⁴ a₂jua'² jnia'⁵⁴ “ján₅,” con'² síá'² “jan₂'ón₄” táng₃. 19 Ia₁ Cristo Jesús i₂lín₅ Ja₁ñi'⁵⁴ Diú₄ i₂qui₂'ín₅ jnia'⁵⁴ i₂nio₄, chei₂ 'nia'² quian'⁵⁴ Silvano,† Timoteo nē₃, 'éi₂ nē₃ tsá₃ líg'² jmig₄ jua'⁵⁴ a₂lë₁qui₂ca₂co₃ jág₁ quió'⁵ jua'⁵⁴ nē₃ rë'² juá'² “ján₅,” nē₃ cón'⁵ “jan₂'ón₄” táng₃. Të₂le₃ quian'⁵⁴ Cristo, a₂dsau₅ dsón'² bá₄ jág₁. 20 Ia₁ tē₂le₃ quian'⁵⁴ 'éi₂ bá₄ rë₂ti₃ ca₂le₃jě₃ jág₁ a₂cuë'²³ quió'⁵ Diú₄. Jaun₂ tē₂le₃ quian'⁵⁴ 'éi₂, jua'² jniog₄ a₂méi₃, ia₁ a₂dsau₅ dsón'². Jaun₂ le₂ně₅ lé₂le₃jme₁juin'² jniog₄ Diú₄. 21 Jaun₂ 'ñiog₅ bá₄ Diú₄ jmo₂₃ tē₂le₃ ja₁con₂ jnia'⁵⁴, quian'⁵⁴ guë'² le₃ja₁con₂ 'nia'² nē₃, a₂tióng₂ jniog₄ tiá₂ le₃quió'⁵ Cristo. 'Ñiog₅ bá₄ Diú₄ ma₂ca₂'ag₃ jniog₄ nē₃. 22 Ma₂ca₂jmoğ'² jniog₄ léi₄ co₂'nió'⁴ quian'⁵⁴ sello quió'⁵, ton'² ma₂cuin₃ Jme₂dsi₂ Jñiós quiáin₅ tē₂dsi₅ jniog₄, nē₂jag₄ bá₄ cu₄ a₂ma₂ron₅ dsi₂jñiá₄, a₂ma₂lág₅ jniog₄ léi₄ a₂dsi₁no₃ jniog₄ dsi₁guéi₁ a₂cuë₃.

23 Chi₂jua'² tsá₃ ma₂ca₂lě₃ dsióğ₄ juiğ₂ Corinto lia'² con'² lě₅ ma₂i₃jioğ₅ dsi₃, jág₅ bá₄ Diú₄ ia₁ tsá₃ 'nio₃ jniá'² a₂cán'² 'nia'² o₂me'⁵⁴ dsi₅ a₂tsá₃ ca₂dsióğ₃; ia₁ nē₁jua'² tsá₃ le₂jaun₂, caun₂ bá₄ 'ei₅ dsi₃ o₁jñia'⁵⁴ 'mú₃ ca₂quín² quió'³. 24 On₃jua'⁵⁴ a₂'niog₂ jnia'⁵⁴ a₂jme₁gon₂ ne₄ 'a₂lia'² 'én'² 'nia'², ia₁ ma₂tión'² bá₄ 'nia'² tiá₂ a₂'éng'². Jñia'⁵⁴ lia'² 'niog₂ jnia'⁵⁴ jmó₁ ta₁ co₂dsia₅ quian'⁵⁴ 'nia'² ia₁jaun₂ le₃cha₂ guë'⁴ o₂'ñiós dsi₅ ja₁con₂ 'nia'², ia₁ o₄quió'⁴ a₂'én'² bá₄ 'nia'², tión'² 'nia'² tiá₂.

2

1 Jaun₂ ma₂ca₂dsia₃ jniá'² dsi₃ a₂tsá₃ ma₃i₁jíng₁₂ táng₃ 'nia'² tē₃ 'lia'² dsi₃. 2 Ia₁ nē₁jua'² i₁jmo₃ 'lia'² 'au'² 'nia'² bá₄ jniá'², ¿'ein₂ bá₄ i₂jmo₃ jéin₄ jniá'² 'io'²? Jñia'⁵⁴ lia'² 'nia'² bá₄ i₂ma₂nē₂jmo₃ jniá'² 'lia'² 'au'². 3 Jaun₂ lě₃, ca₂jmo₃ si₂ ca₂juá'³, ia₁ tsá₃ 'nio₃ jmó'² 'nia'² 'lia'² dsi₃ jë₁ma₂dsióğ₃, ia₁ 'nia'² dsón'² bá₄ ca₂tíng'² jmó'² a₂jéin₄ 'io'² jë₁ma₂dsióğ₃. Ia₁ caun₂ bá₄ 'ei₅ dsi₃ ja₁con₂ 'nia'² a₂dsióğ₄ 'ei₅ dse₃ dsi₃, le₂jaun₂ a₂'ei₅ rë'² 'au'² 'nia'² ján₃. 4 Ia₁ a₂jme₁quian₄ o₂i₁ dsi₅, tē₃ ca₂tán'² dsi₃, jme₁ca₂jmo₃ jniá'² si₂ jaun₂, ca₂le₃jě₃ jme₁'o₅ jniá'². La₁ on₃jua'⁵⁴ jaun₂ ca₂juá'³ ia₁jaun₂ tiá'³ 'lia'² 'au'² 'nia'² ján₃; tē₂le₃ ia₁jaun₂ le₃ñi'⁵⁴ 'nia'² 'a₂lia'² lě₅ dsi₃ a₂'nióg₃ 'nia'² 'ñio₅ lín₃.

Ca₂'én₂ dsá₁ ja₂ dsa₂ i₂ca₂'ná₂ dso₄

5 Nē₁jua'² chan₂ i₂ma₂jmo₃ a₂cha₂ o₂i₁ dsi₅, on₃jua'⁵⁴ jmá'³ ja₁con₂ jniá'² ma₂jmo₃ quian'⁵⁴ o₂i₁ dsi₅; le₂jioğ₅ ja₁con₂ 'nia'² bá₄ ca₂jmo₃ ca₂la₂ a₂ma₂ca₂quian'² 'nia'² o₂i₁ dsi₅ ca₂le₃jíng'³. A₂juá'⁵ jniá'² “a₂ca₂jmo₃ ca₂la₂,” ia₁jaun₂ tsá₃ lín₄ uig₅ tñ'⁵⁴ 'nia'² jág₁ nē₅. 6 Co₂'nió'⁴ uig₅ a₂ca₂cuë'⁵⁴ 'nia'² dsa₂ 'éi₂ jë₄ le₁ñi'² 'nia'² ca₂le₃jíng'³, tió'⁵ bá₄ co₂ně₅. 7 Ca₂tín'² bá₄ 'nia'² nē₃ jmó'² 'ua₁ 'au'² 'éng'⁴ dsá₁, jmó'² táng₃ 'nia'² lián'² dsi₅, ia₁ con₂ tsá₃ ñó₅ nē₁jua'² ca₂tán'² co₂ñei'⁵⁴ dsi₅. 8 Jaun₂ chi₂len'⁴ jniá'² 'nia'² a₂jme₁jniag'² táng₃, a₂dsón'² 'nió'³ 'nia'². 9 'Uig⁵⁴ jaun₂ bá₄ ma₂juá'³ bá₄ jniá'² le₂jñiá₅ quian'⁵⁴ si₂ a₂ma₂tsíng² ne'⁵⁴ 'nia'², a₂jñia'⁵⁴ con'² ca₂caun₃ 'í₁ bá₄ quián'² 'nia'² o₁ne₄ nē₁jua'² jmó'² dsón'² 'nia'²

† 1:19 Lia'² chen₂ Silvano co₂rë₂ quian'⁵⁴ Silas.

con'₂ lě₅ ca₂le₃jě₃ jág₁ a₂juá'₅ jniá₂. 10 Jaun₂ ně₃, jui'e₂ guě₃ 'a₂ lia'₂ lě₅ dsáu₁ rín'₂ 'nia'₂ a₂'éng'₄, ján₃ bá₄ le₂jaun₂ le₃jmo₅₄ jniá₂ dsi₃, 'én₄ bá₄ jniá₂ dsáu₁ dsa₂ 'éi₂. Ia₁ jui'lia'₂ dso₄ a₂ma₂'éñ₃ jniá₂, chi₂jua'₂ 'e₂ caun₂ dso₄ ma₂'éng₃, o₄quián'₂ 'nia'₂ bá₄ ma₂jmo₃, tē₃ne₄ Cristo. 11 Jmo₅ jniá₂ le₂ně₅ ia₁jaun₂ tsá₃ jo₃ i₂sě₃dsen₃, ia₁ a₂ne₄ rē₂ bá₄ jniog₄ 'a₂ lia'₂ lě₅ mai₅₄ 'io₅ 'éi₂.

Tsá₃ rē₂ jme₁ 'ei₅ dsí₅ Pa₄ juig₂ Troas

12 Jaun₂ jme₁ca₂dsióg₃ jniá₂ juig₂ Troas a₂'ě₄ jág₁ dse₃ quió'₅ Cristo, 'ñio₅ bá₄ jme₁rē₂na₄ jui₅ a₂jme₁jmo₅₄ ta₁ quió'₅ Te₁gui'₅₄ ja₁jaun₂. 13 La₁ tsá₃ tei₄ jme₁ 'ei₅ dsi₃, ia₁ tsá₃ ca₂dsáng'₂ Tito rín'₅₄ jniog₄. Ca₂'ág'₃ bá₄ jniá₂ jág₁ rín'₅₄ jniog₄ ja₁jaun₂, jaun₂ guě₄ guio₃ le₃'uě₃ Macedonia la₂.

A₂léi₂ jniog₄ quian'₅₄ Cristo

14 La₁ ti₁'mag'₄ Diú₄ ia₁ co₂tan₅₄ bá₄ jiog₂₃ jui₅ a₂léi₂ jniog₄ le₃quió'₅ Cristo Jesús, ia₁ tē₂le₃ quian'₅₄ jniog₄ bá₄ jme₂jniái₂₃ jág₁ dse₃ la₂ quió'₅, ia₁jaun₂ dsa₂ ně₃ le₃cuin₂₃ 'éi₂, co₂'nió'₄ a₂ja₂dsí₂ ma₂juig₂ ca₂le₂con₂. 15 Ia₁ jniog₄ bá₄ lág₅ co₂'nió'₄ chen₂ a₂cau₂ ja₂dsí₂ ma₂juig₂ ma₂ro₂ a₂jén'₅ Cristo ne₄ Diú₄, a₂qui₂dsi₂'ag₅ jě₄ quió'₅ dsa₂ i₂i₂nio₄ jui₅ a₂lióin₂, qui₂ja₂dsí₂ ján₃ jě₄ quió'₅ i₂dsi₂'éñ₂ ně₃. 16 Tē₂le₃ ja₁con₂ dsa₂ i₂dsi₂'éñ₂ ně₃, chen₂ la₂ lě₅ a₂ja₂dsí₂ 'lig'₅₄ a₂ma₂le₃dsiáin₃; la₁ tē₂le₃ quió'₅ dsa₂ i₂tín'₄ guē'₂ ně₃, lě₅ caun₂ cosa a₂ja₂ ma₂juig₂ ma₂ro₂ a₂tín'₂ jme₂dsi₂ quió'₅. ¿Ein₂ bá₄ 'éi₂ i₂qui'₅₄ jmig₄ quian'₅₄ ta₁ ně₅? 17 Jnia'₅₄ bá₄ 'éi₂ i₂qui'₅₄ jmig₄, ia₁ tsá₃ ta₁ jaun₂ i₂nio₄ jnia'₅₄ jua'₅₄ a₂jmó₁ 'ma'₅₄ jág₁ dse₃ quió'₅ Diú₄ jui'lia'₂ jmo₅ i₂lín₅₄. Tē₂le₃ jág₅ bá₄ Diú₄, chei₂ jnia'₅₄ dsa₂ lia'₂ tí₅ jág₁, lág₅ jnia'₅₄ dsa₂ quián₅ Diú₄ i₂juá'₂ o₄quió'₄ Cristo.

3

Jág₁ 'mí₂ a₂lí'₅₄ quian'₅₄ Diú₄

1 ¿O₃ bá₄ lín'₂ 'nia'₂ a₂jnía'₅₄ 'ín₅ dse₃ guio₅₄ bá₄ jnia'₅₄ jme₁jua'₂ le₂ně₅? ¿O₃ bá₄ 'niog'₂ 'nia'₂ a₂'ě₄ si₂ a₂jáng'₅ jág₁ dsau₅ o₃ a₂mí₁ 'e₂ jnia'₅₄ ne'₅₄ 'nia'₂ a₂cuē'₁ caun₂ si₂ jui'lia'₂ jmo₅ dsa₂ i₂lín₅₄? 2 Jnia'₅₄ lia'₂ guion'₅₄ bá₄ 'nia'₂ ma₂cuē'₂ jág₁ dsau₅ a₂ma₂léi₄ co₂'nió'₄ caun₂ si₂ tē₂dsi₅ jnia'₅₄ a₂lé₂ le₃con₂ dsa₂ sián'₂ 'í₁ co₂'nió'₄ a₂lé₂ le₃'í₃ dsa₂ ně₃. 3 Guion'₅₄ bá₄ 'nia'₂ líng'₅ co₂'nió'₄ caun₂ si₂ a₂ca₂jmo₃ Cristo 'ñiog₅, a₂ca₂dsia₃ gu₂ jnia'₅₄. Caun₂ si₂, on₃jua'₅₄ a₂léi₄ a₂qui₂rē₂tsáng₂ quian'₅₄ jmíjnē₂; lě₅ léi₄ tē₂le₃ quian'₅₄ Jme₂dsi₂ quián₅ Diú₄ i₂chan₂ dsón'₂. Lě₅ caun₂ si₂ carta, on₃jua'₅₄ a₂léi₄ rē₂ton₅ dso'₂ ni₁cang₁; lě₅ léi₄ jui₅ tē₂dsi₅ dsa₂ mi₂güig₃ bá₄.

4 Caun₂ bá₄ le₁'ág₄ dsi₅ jnia'₅₄ a₂'éin₂ jnia'₅₄ le₂ně₅ le₃ja₁con₂ Diú₄ tē₂le₃ quian'₅₄ Cristo. 5 On₃jua'₅₄ a₂tag₂ jnia'₅₄ guio₅₄ a₂jmo₂ 'e₂ jmo₂. Ca₂le₃jě₃ 'e₂ niog₅ jmo₂ jnia'₅₄, Diú₄ bá₄ jmo₅ a₂qui'₅₄ jnia'₅₄ jmig₄ quian'₅₄ ta₁ ně₅. 6 'Éi₂ bá₄ ma₂jmo₃ a₂qui'₅₄ jnia'₅₄ jmig₄ a₂i-quian₄ jnia'₅₄* jág₁ 'mí₂ a₂ma₂lí'₅₄ quian'₅₄ Diú₄: on₃jua'₅₄ tē₂le₃ quian'₅₄ 'éi'₃ a₂ton₅ ne₄ si₂; tē₂le₃ quian'₅₄ Jme₂dsi₂ quián₅ Diú₄ bá₄. Ta₁ a₂qui'₅ 'éi'₃ a₂rē₂ton₅ ne₄ si₂, a₂jiog₅ ne₄ 'mú₃ bá₄ jaun₂. La₁ Jme₂dsi₂ quián₅ Diú₄ guē'₂ ně₃ to'₂ jme₂dsi₂ a₂chan₂ dsa₂.

7 'Éi'₃ jaun₂ ca₂tíong₃ Diú₄ dso'₂ ni₁cang₁ jě₄ si₂ a₂tág₅ co₂'né'₅. Tsá₃ ma₃ca₂tió'₃ dsa₂ israelitas jág₃ uě₂ ne₄ Moisés, ia₁ a₂ñí₄ lě₃ co₂tág₅ co₂'né'₅ ca₂jnía₃, jui'e₂ guě₃ la₂ jě₁ca₂ag₂ si₂ jaun₂. La₁ chi₂jua'₂ le₂ně₅ 'ñio₅ jlá'₁ ca₂lě₃ jme₁ca₂lě₃ 'éi'₃ a₂tsá₃ jme₁'io₅ bí₂ jua'₅₄ a₂tsá₃ dsián₂ dsa₂ jaun₂, 8 i'ě₂ guě₄ dse₃ jlá'₁, jág₁ dse₃ a₂quian₅ Jme₂dsi₂ Jñió₅ a₂jmo₅ a₂chan₂ táng₃ dsa₂! 9 Co₂'nió'₄ le₃jua'₅₄, chi₂jua'₂ lág₂ jniog₄ a₂ñí₄ lě₃ jlá'₁ ca₂lě₃ 'a₂ lia'₂ ca₂cuē₃ Diú₄ 'Éi'₃ tē₂le₃ quian'₅₄ Moisés,

* 3:6 griego: diákonous (ministros).

'éi₃ a₂jme₁bóg₂ dso₄ jaun₂, i'è₂ gué₄ jlá'₁ ta₁b quián₂ jnia'₅₄ a₁quian₄ jnia'₅₄ jág₁ dse₃ a₂jme₂ jnia'₅ Diú₄ a₂tsá₃ ma₂dsáu₁ jniog₄ cha₂! ¹⁰ Ia₁ jui₁lia'₂ 'éi'₃ a₂jme₁jlá'₁ ma₂líg'₂, tsá₃ ma₂'e₂ quen₅ nē₁ma₂ca₂quin₃ quian'₅₄ jág₁ jlá'₁ gué₄ a₂cha₂ rē₂nē₃. ¹¹ Chi₂jua'₂ lág₂ jniog₄ a₂ñí₄ lē₃ jme₁jlá'₁ ta₁b quió'₅ a₂tsá₃ uē₂ tió'₅ jaun₂, i'è₂ gué₄ 'ñio₅ jlá'₁ ta₁† quió'₅ jág₁ 'mí₂ a₂tsá₃ ma₂dsi₃ñí₂ o₁líg'₂!

¹² 'Uig₅₄ ia₁ caun₂ le₁'ág₄ dsi₅ jnia'₅₄ le₂nē₅, jua'₂ jnia'₅₄ co₂ñei₅₄ rē₂jiá₃ jág₁. ¹³ Tsá₃ jmo₂ jnia'₅₄ jui₁lia'₂ ca₂jmo₃ Moisés; ca₂jlē₂ 'éi₂ ne₅₄ quian'₅₄ 'mí₂ ia₁jaun₂ tsá₃ jág₃ dsa₂ israelitas 'a₂ lia'₂ 'éi₃ a₂co₂tág₅ jaun₂. ¹⁴ La₁ tsá₃ ca₂rē₃ñí₂ dsi₅ dsa₂ 'éi₂ nē₃, ia₁ cang₄ dsi₅₄. Ca₂lia'₂ jnió₄ jmi₄g₄ nē₃ 'i₅ dsa₂ Si₂ 'Éi'₃ a₂ron₅ ma₂líg'₂, lia'₂ ma₂lín₅ jaun₂ bá₄ 'éi₂, co₂'nió'₄ rē₂jlē₅ ne₅₄, a₂tsá₃ ñí₂. Ia₁ jmá'₃ tē₂le₃ quian'₅₄ Cristo bá₄ lé₂ le₃jnia'₃ a₂jlē₅ a₂ñí₂ dsi₅ dsa₂ jaun₂. ¹⁵ Ca₂lia'₂ jnió₄ jmi₄g₄ nē₃, jē₁ma₂tóin'₂ 'i₂₃ si₂ quió'₅ Moisés, jlín₅ ne₄ dsa₂, tsá₃ rē₂ñí₂. ¹⁶ Ia₁ jui₁lia'₂ jan₂ dsa₂ i₂jén'₅ le₃quió'₅ Te₁gui'₅₄, jnia'₅ a₂jmo₅ a₂jlín₅ ne₄ dsa₂ jaun₂. ¹⁷ Te₁gui'₅₄ nē₃, ia₁ i₂lín₅ Jme₂dsí₂ bá₄ 'éi₂; ja₁'en₅₄ Jme₂dsí₂ quián₅ Te₁gui'₅₄, jui₁lia'₂ tē₂dsí₅ dsa₂ i₂'én₂, ja₁jaun₂ rē₂na₄ bá₄ jui₅. ¹⁸ Ia₁ ca₂le₃jág₃ jniog₄ tsá₃ ma₃le₁jlē₅ ne₄ jniog₄; lág₅ jniog₄ jui₁lia'₂ lē₅ ni₁'i₂ a₂jniá₂ a₂co₂tág₅ co₂'né'₅ a₂jlán'₁ Te₁gui'₅₄. Le₂nē₅ bá₄ jniog₄ guio₅₄, caun₂ i₂ne₁ca₂lag₃ jniog₄ jui₁lia'₂ lín₅ Cristo 'ñiog₅, ia₁ lia'₂ caun₂ jmi₄g₄ caun₂ jmi₄g₄ bá₄ caun₂ i₂ne₁ca₂lag₃ jniog₄ jlán'₁ jui₁lia'₂ lín₅ 'éi₂. Ca₂le₃jē₃ a₂nē₅ jmo₅ Te₁gui'₅₄, i₂lín₅ Jme₂dsí₂.

4

¹ 'Uig₅₄ jaun₂, o₁líg'₂ jmi₄g₄ tsá₃ tián'₃ dsi₅ jnia'₅₄ dsa₂ i₂quian₅ jág₁ dse₃ quió'₅ Diú₄, ia₁ 'ñiog₅ bá₄ Diú₄ ca₂dsia₃ ñéi₂ dsi₅ ca₂dsia₃ gu₂ jnia'₅₄ ta₁ la₂. ² Ma₂ca₂tí₄ jnia'₅₄ ca₂le₃jē₃ a₂'lig'₅₄ o₂guí'₃ a₂jmo₅-dsáu₅ dsa₂ jē₄ rē₂'ma₄; tsá₃ a₂nē₅ i₂nio₄ jnia'₅₄ quian'₅₄ mai₅₄ a₂qui₂jme₂gán₂ jnia'₅₄ dsa₂. On₃ gué'₂ jua'₅₄ jmo₂ jnia'₅₄ caun₂-tín₃ jág₁ jua'₅₄ a₂co₂güin'₄ jnia'₅₄ jág₁ dse₃ quió'₅ Diú₄. Jág₁ tí₅ dsón'₂ rē₂jiá₃ jág₁ bá₄ jme₂tín₁ jnia'₅₄ dsa₂, ne₄ Diú₄, ia₁jaun₂ le₃lí'₄ tē₂dsí₅ dsa₂ a₂dsau₅ bá₄ jág₁ a₂i₂quian₄ jnia'₅₄. ³ Nē₁jua'₂ rē₂jlē₅ jág₁ dse₃ a₂i₂quian₄ jnia'₅₄, rē₂jlē₅ ja₁con₂ dsa₂ i₂dsi₃'én₂ jme₂dsí₂ quió'₅ bá₄. ⁴ Ia₁ dsa₂ i₂le₂'éi₂ i₂tsá₃ 'én₂, co₂'nió'₄ a₂rē₂jlín₅ dsi₅, nē₂jag₄ bá₄ a₂tein₅₄, a₂jmo₅ diú₄ quián₅ dsa₂ mi₂güig₃ la₂, ia₁jaun₂ tsá₃ tág₃ si₂ a₂le₃ñí₂ dsi₅ 'a₂ lia'₂ jlá'₁ jág₁ dse₃ quió'₅ Cristo i₂jlán'₁ lia'₂ lín₅ Diú₄ 'ñiog₅. ⁵ Ia₁ on₃jua'₅₄ guio₅₄ jnia'₅₄ 'ín₅ jē₁ma₂tē₂ rē₁'é₄ jág₁ dse₃; Cristo Jesús bá₄ 'ín₅ jnia'₅₄ a₂lín₅ Te₁gui'₅₄, a₂lág₅ jnia'₅₄ dsa₂ i₂jme₂ti₃ ta₁ ne'₅₄ 'nia'₂ ján₃ o₄quió'₄ Jesús. ⁶ Ia₁ 'ñiog₅ bá₄ Diú₄ ca₂juá'₂ jme₁ca₂jmo₃ mi₂güig₃: "Jui₁jnia₄ tág₅ jē₄ qui₁'né'₃".* Jaun₂ i₂'éi₂ bá₄ ma₂jmo₃ nē₃ a₂tág'₄ si₂ tē₂dsi₅ jnia'₅₄ ia₁jaun₂ jág₃ i₂sián'₂ si₂ jaun₂, ia₁jaun₂ le₃ñi₅ dsa₂ 'a₂ lia'₂ jlán'₁ Diú₄ tē₂le₃ ne₄ Jesucristo.

'A₂ lia'₂ 'nió'₅ le₃chan₂ dsa₂ ia₁ a₂'éin

⁷ Ca₂le₃jē₃ a₂jlá'₁ a₂quen₅ 'ñio₅ lín₃ nē₅ nē₃, a₂quian₄ jnia'₅₄ a₂lág₅ lia'₂ lē₅ ca₂míg₂ ni₁tí'₂ tsá₃ quen₅, jē₁rē₂'ma₄ cosa a₂quen₅ 'ñio₅, ia₁jaun₂ le₃jniá₂ a₂já₅ ja₁con₂ Diú₄ bá₄ jui₅bí₂ jué'₂ lín₃ nē₅, on₃jua'₅₄ a₂'niog'₂ jnia'₅₄ dsi₅ guio₅₄. ⁸ Le₂nē₅ nē₃, jui₁'a₂ gué₃ la₂ tē₁ja₂lé₂ o₂me'₅₄ dsi₅ jē₁chong₂ jnia'₅₄, la₁ tsá₃ lē₅ jua'₅₄ a₂tsá₃ dsian₅. Ju₁'e₂ gué₃ já₅ caun₂ jui₅bí₂ a₂'i₅ dsi₅ jnia'₅₄ chong₂, la₁ tsá₃ jua'₅₄ a₂ñí₄ quian₄ jnia'₅₄ o₂i₁ dsi₅. ⁹ Ju₁'e₂ gué₃ qui₂co₂'ein₅ dsa₂, la₁ tsá₃ guio₅₄ jnia'₅₄ tióng₂. Ju₁'e₂ gué₃ ca₂guiog'₃ dsa₂ 'uē₃, la₁ tsá₃ ca₂dsau₃ gué₄ jnia'₅₄. ¹⁰ Tē₁i₂nio₄ jnia'₅₄ le₁quian₁ i₁gú'₃ 'mú₃ quió'₅ Jesús jui₅ ni₁ñi₁ jnia'₅₄, ia₁jaun₂ le₃jniá₂ jui₅ ni₁ñi₁ jnia'₅₄ ján₃ a₂chan₂ Jesús. ¹¹ Ia₁ tē₁lia'₂ chong₂ jnia'₅₄ la₂, le₂o₃ jmi₄g₄ bá₄ go'₂

† 3:11 griego: diakonía (ministerio). * 4:6 Génesis 1:3.

a₂jme₃dsiog₅ dsa₂ o₄quió'₄ Jesús, ton'₂ ia₁jaun₂ le₃jniá₂ jui₅ ni₁ñi₁ jnia'₅₄ a₂siá'₃ la₂, a₂chan₂ bá₄ Jesús. ¹² Jaun₂ ně₃, 'uig₅₄ ia₁ a₂tio'₅₄ jnia'₅₄ jui₅ 'mú₃, 'nia'₂ ně₃ tiong'₅₄ jui₅ a₂le₃chan₂ jme₂dsí₂ quiáng'₂.

¹³ Le₂la₂ juá'₂ ne₄ Si₂: "Ca₂rě₃'éng₂, jaun₂ bá₄ lě₃ ca₂juá'₃."† Le₂ně₅ bá₄ jnia'₅₄ ján₃, ia₁ a₂'i₄ jme₂dsí₂ i₂cuě₅ bí₂ a₂'éin₂, jaun₂ bá₄ lě₃ 'éin₂ jnia'₅₄, jaun₂ bá₄ lě₃ jua'₂ jnia'₅₄ ján₃. ¹⁴ Ia₁ ma₂ne₄ bá₄ jnia'₅₄, Diú₄ i₂ca₂jme₃jen'₅₄ Te₁gui'₅₄ Jesús a₂jme₁rě₂join₅₄, le₂jaun₂ bá₄ jme₃jein'₅₄ jnia'₅₄ ján₃, jui₁lia'₂ ca₂jme₃jein'₅₄ 'éi₂, tē₂ co₂dsia₅ quian'₅₄ 'nia'₂ ja₁coin₂. ¹⁵ A₂dse₃ o₄quián'₂ 'nia'₂ bá₄ ca₂le₃jě₃ a₂ma₂ca₂lě₃ ně₅, ia₁ ně₁jua'₂ le₂jaun₂ ju₁n₅ guě₄ dsa₂ i₂tin₅ a₂'ua₁ dsí₅ Diú₄, le₂jaun₂ bá₄ ján₃ ju₁n₅ guě₄ dsa₂ lé₂ i₂cuě₃ ti₁'mag'₄ qui₂le₃ju₁n'₂ Diú₄.

¹⁶ Jaun₂, o₁líg'₂ jmig₄ tsá₃ qui₂'uán₂ dsí₅ jnia'₅₄. Tsá₃ a₂léi'₂ jaun₂ caun₂ ma₂ne₁ca₂dsa₃ bí₂ ni₁ñi₁ jnia'₅₄. La₁ jme₂dsí₂ quián₂ ně₃ caun₂ rě₂'mag'₄ bá₄ lia'₂ caun₂ jmig₄.‡ ¹⁷ Ia₁ jmi₁uig₅ a₂ca₂juig₄ a₂dsi₂ñág₂ jnia'₅₄ rě₂ně₃, a₂ñi'₅₄ ta₁ dsí₃ñí₂, jmo₃ a₂tě₃dsi₅₄ a₂léi₂ ñag₅₄ guě₄ jnia'₅₄ ja₁jlá'₁ guě₄ 'ñio₅ lin₃ a₂jio₅ co₂tan₅₄. ¹⁸ Ia₁ tsá₃ jua'₅₄ tion'₂ jnia'₅₄ jui₅ caun₂ cosa a₂jniá₂; a₂jaun₂ bá₄ tion'₂ jnia'₅₄ jui₅ jui₁lia'₂ a₂tsá₃ jniá₂. Ia₁ ca₂le₃jě₃ a₂jniá₂, tsá₃ uě₂ jio₅. A₂dsau₅ bá₄ a₂tsá₃ jniá₂, a₂jaun₂ bá₄ a₂jio₅ co₂tan₅₄.

5

¹ Ia₁ ma₂ne₄ bá₄ jniog₄, jě₁ma₂ca₂dsau₃ ca₂'en₃ ni₁ñi₁ jniog₄ la₂, a₂lě₅ co₂'nió'₄ caun₂ 'né₅ quián₂ tē₁lia'₂ chong₂ mi₂güig₃ la₂, la₁ Diú₄ ně₃ cuě₃ caun₂ ja₁'io₁ guei'₅₄ i₂juig₃ ja₁lě₄ co₂'nió'₄ caun₂ 'né₅ a₂tsá₃ ma₃ton₅ jmig₄ dsí₃'én₂, on₃jua'₅₄ a₂ca₂jmo₃ dsa₂ mi₂güig₃. ² Dsón'₂ bá₄ tē₁lia'₂ chong₂ jniog₄ jui₅ ni₁ñi₅ la₂, ca₂le₃jě₃ chon₂ jniog₄ dsí₅, a₂'ín₅ dsí₅ dsí₁'io₁ 'né₅ quián₂ guei'₅₄ i₂juig₃, ³ ia₁jaun₂ jlě₂ quián₂ ně₂jag₄ bá₄ caun₂ 'mi'₂ a₂quei'₂ Te₁gui'₅₄ ia₁jaun₂ tsá₃ dsí₁no₃ rě₂ñág₅. ⁴ Tē₁lia'₂ chong₂ jniog₄ quian'₅₄ ni₁ñi₁ la₂, ca₂le₃jě₃ chon₂ jniog₂ dsí₅ a₂le₁quian₁ o₂i₁ dsí₅. On₃jua'₅₄ a₂'niog₂ jniog₄ a₂tsá₃ 'e₂ qui'₄ jniog₄; a₂jaun₂ bá₄ 'niog₂ jniog₄ a₂lió₃ co₂ñei'₅₄ ni₁ñi₁ a₂jón₂ la₂, quian'₅₄ ni₁ñi₁ 'mí₂ a₂le₃chan₂ co₂tan₅₄. ⁵ Diú₄ bá₄ dsón'₂ i₂ma₂jmo₃ co₂jñia₅₄ jniog₄ i₂ma₂cuin₃ Jme₂dsí₂ quián₅, a₂lě₅ léi₄ a₂jme₃ti₃ jág₁ quió'₅.

⁶ Le₂ně₅ jaun₂ le₁'ág₄ bá₄ caun₂ dsí₅ jniog₄ co₂tan₅₄, ia₁ ne₄ bá₄ jniog₄ jaun₂, tē₁lia'₂ chong₂ jui₅ ni₁ñi₁ la₂, tsá₃ 'io₄ 'né₅ ja₁guá₄ Te₁gui'₅₄. ⁷ La₁ i₂nio₄ jniog₄ ca₂le₃jág₃ a₂jñia'₅₄ con'₂ 'éin₂ bá₄, on₃jua'₅₄ con'₂ a₂tě₅ ne₄ jniog₄. ⁸ La₁ caun₂ bá₄ le₁'ág₄ dsí₅, lág₂ jniog₄ 'e₂ guě₄ dse₃ jua'₅₄ ně₃ bá₄ 'uág₃ dsí₂néi₂ tsi₁'né₅ ni₁ñi₁ la₂, a₂dsau₅₄ dsí₁'io₁ quian'₅₄ Te₁gui'₅₄. ⁹ 'Uig₅₄ jaun₂, co₂tan₅₄ quen'₂ jniog₄ bí₂ jmo₂ a₂tě₅ dsí₅ Te₁gui'₅₄, tē₁lia'₂ chong₂ jui₅ ni₁ñi₁ la₂, o₃ ně₂tsá₃ ma₂chong₂ 'e₂. ¹⁰ Ia₁ le₃jág₃ bá₄ jniog₄ dsí₁no₃ ne₄ta₁ quió'₅ Cristo, ia₁jaun₂ gue₃ le₂jan₂ le₂jan₂ dsa₂ con'₂ ca₂tín₂, lia'₂ con'₂ lě₅ ca₂jmo₃ tē₁lia'₂ jme₁chain₂ jui₅ ni₁ñi₁₂, a₂dse₃, o₃ a₂'lig'₅₄ 'e₂.

Jág₁ dse₃ quió'₅ Diú₄ a₂'ag₃ tei₄ dsí₅ dsa₂

¹¹ 'Uig₅₄ ně₅, ia₁ a₂ne₄ jnia'₅₄ a₂ñí₄ lě₃ gau₂ lé₂ jě₁ma₂tión₂ dsa₂ ne₄ Te₁gui'₅₄, a₂quen'₂ jnia'₅₄ bí₂ chei₂ jnia'₅₄ dsa₂ jág₁ dsau₅ o₁ne₄ tsa₁ jiá'₂ dsí₅, gue₃ jág₁ dse₃. Jaun₂ ma₂ñi₅ bá₄ Diú₄ 'a₂ lia'₂ lě₅ chong₂ jnia'₅₄; jaun₂ 'ín₂ dsí₃ jniá₂ a₂ñi'₅₄ bá₄ 'nia'₂ tē₂'au'₂ ján₃. ¹² Tsá₃ o₁len'₂ 'nia'₂ jua'₅₄ 'niog₂ jnia'₅₄ 'ín₄ rě₂ guio₅₄. Jnia'₅₄ lia'₂ cuě₂ jnia'₅₄ jmig₄ a₂dsiá'₂ 'nia'₂ jág₁ tá'₅ o₄quián₂ jnia'₅₄, ton'₂ ia₁jaun₂ ñi'₅₄ 'nia'₂ 'a₂ lia'₂ ñag'₅₄ ne₄ jui₁lia'₂ dsa₂ i₂'nio₃ dsia₃ jág₁ tá'₅, i₂jñia'₅₄ dse₃ le₁'ág₄ o₁ne₁, on₃jua'₅₄ rě₂ a₂dsi₂jó'₃ le₁jě₃ jme₂dsí₂ quió'₅. ¹³ Ia₁ chi₂jua'₂ quiong₅

† 4:13 Salmo 116:10. ‡ 4:16 lit. "Tsá₃ a₂léi'₂ jaun₂ caun₂ ma₂ne₁ca₂dsa₃ quió'₅ dsa₂ le₂co'₅₄; la₁ dsa₂ le₂né₃ ně₃ caun₂ rě₂'mag'₄ bá₄ lia'₂ caun₂ jmig₄."

dsa₂ a₂lág₅ jnia'₅₄ dsa₂ njá₅, lë₁ o₄quió'₄ Diú₄ bá₄. La₁ chi₂jua'₂ tsá₃ lág₅ jnia'₅₄ dsa₂ njá₅ në₃, a₂dse₃ quián'₂ 'nia'₂ bá₄ jaun₂. ¹⁴ Ia₁ a₂ñí₄ lë₃ 'nio₃ Cristo jnia'₅₄, a₂jaun₂ tion₅₄ bá₄ ca₂tág₂ jnia'₅₄ jme₁'nió₄ dsa₂ mi₂güí₃ rín'₅₄ jui₁lia'₂ ca₂rë₃'nio₃ 'éi₂. Ia₁ caun₂ bá₄ 'éin₂ jnia'₅₄, jan₂ bá₄ i₂ca₂jon₃ o₄quió'₄ ca₂le₃jín₃; 'uig₅₄ jaun₂, në₂jag₄ bá₄ a₂ma₂dsau₃ le₂jág₃. ¹⁵ Jan₂ Cristo bá₄ i₂ca₂jon₃ ne₄ o₄quió'₄ ca₂le₃jín₃, ia₁jaun₂ tsá₃ ma₃'nió'₅ le₃chain₂ jmá'₃ o₄quió'₄ guioin₅₄; jui₁le₂chain₂ bá₄ le₃quió'₅ i₂ca₂jon₃ o₄quió'₄, le₃quió'₅ i₂ca₂jen'₅₄ táng₃. ¹⁶ Jaun₂ tsá₃ ma₃'ein₂ jín₄ jnia'₅₄ në₃ tē₂le₃ ne₄ jui₁lia'₂ con'₂ lë₅ jág₂ dsa₂ mi₂güí₃. Jui₁e₂ guë₃ le₂jñiá₅ jme₁jín₄ jnia'₅₄ Cristo lia'₂ con'₂ lë₅ jág₂ dsa₂ mi₂güí₃, tsá₃ ma₃le₂jaun₂ jín₄ jnia'₅₄ 'éi₂. ¹⁷ Jaun₂ le₂në₅, jui₁lia'₂ dsa₂ i₂ma₂chén'₅ le₃quió'₅ Cristo, jan₂ dsa₂ 'mí₂ bá₄ 'éi₂. Ca₂le₃jë₃ 'a₂ lia'₂ jme₁lë₄ le₂jñiá₅, ca₂ñí₂ bá₄ jaun₂. ¡Ma₂ca₂rë₃'mag'₄ bá₄ ca₂le₃jë₃!

¹⁸ Ca₂le₃jë₃ a₂në₅, le₂në₅ ma₂jmo₃ Diú₄ 'ñiog₅. Ca₂'ág₂ táng₃ caun₂ jág₁ quian'₅₄ jniog₄ tē₂le₃ quian'₅₄ Cristo. Jaun₂ 'éi₂ në₃ ma₂cuë₃ ta₁ a₂jme₁tín₅ jnia'₅₄ dsa₂ 'a₂ lia'₂ 'nió'₅ jmo₃ 'ag₃ caun₂ jág₁ quian'₅₄ Diú₄. ¹⁹ Co₂'nió'₄ le₃jua'₅₄, tē₂le₃ quian'₅₄ Cristo bá₄ jme₁'ag₅ Diú₄ caun₂ jág₁ quian'₅₄ dsa₂ mi₂güí₃. Tē₂le₃ quian'₅₄ Cristo bá₄, jín₂ Diú₄ dsa₂ co₂'nió'₄ a₂tsá₃ ma₃'e₂ dso₄ rē₂cán'₄ dsa₂. Jaun₂ tē₂le₃ quian'₅₄ Cristo bá₄ ma₂dsia₃ gu₂ jnia'₅₄ në₃ a₂qui₁'ë₄ jnia'₅₄ dsa₂ jág₁ dse₃ la₂, ia₁jaun₂ le₃jñi₅ a₂tsá₃ ma₃mí'₅₄ cha₂ quian'₅₄ Diú₄. ²⁰ Jaun₂ le₂në₅ bá₄ lë₅ 'a₂ lia'₂ tē₂le₃nió₄ jnia'₅₄ i₂quian₄ jnia'₅₄ jág₁ o₄quió'₄ Cristo, ia₁ co₂'nió'₄ 'ñiog₅ bá₄ Diú₄ chi₂lén'₂ dsa₂ tē₂le₃ quian'₅₄ jnia'₅₄. Jaun₂ jnia'₅₄ në₃, chi₂lén'₄ jnia'₅₄ 'nia'₂* quian'₅₄ jág₁ 'éi'₃ quió'₅ Cristo: “Éi₂ 'nia'₂ caun₂ jág₁ quian'₅₄ Diú₄.” ²¹ I₁caun₂ dso₄ tsá₃ 'e₂ ca₂'náu₂ Cristo; la₁ 'uig₅₄ dsáu₁ jniog₄ bá₄ në₃, ca₂'ë'₃ Diú₄ uig₅ 'éi₂ në₂jag₄ bá₄ a₂rē₂cán'₄ dso₄, ia₁jaun₂ jniog₄ në₃ jë₁ma₂ca₂rë₃quian'₅₄ Cristo, 'ë₂ Diú₄ jág₁ a₂tsá₃ 'e₂ dso₄ rē₂cáu'₄.

6

¹ Jaun₂ le₂në₅, jnia'₅₄ dsa₂ i₂jmo₂ ta₁ co₂lë₅ quian'₅₄ Te₁gui'₅₄, chi₂lén'₄ jnia'₅₄ 'nia'₂ a₂tsá₃ i₂jmo₂ 'nia'₂ jua'₅₄ a₂tsá₃ ta₁ jmo₃ jág₁ a₂'ua₁ dsí₅ Diú₄ a₂ma₂gue'₅₄ 'nia'₂. ² Ia₁ le₂la₂juá'₂ Diú₄ ne₄ Si₂:

Ca₂rë₃chá₃ bá₄ jmí₄ a₂ca₂jmo₃ 'ua₁ dsí₃,
ca₂nag₃ jág₁ quián'₂ 'nia'₂;
jmí₄ a₂jme₁cuín₅ jmí₄ líón'₂ 'nia'₂
jme₁ca₂jme₁'o₁ jniá₂.*

Jaun₂ rē₂në₃ bá₄ 'ë₂₃, cuín₅ jmí₄ a₂jmo₅ Diú₄ 'ua₁ dsí₅. Rē₂në₃ bá₄ ján₃ cuín₅ jmí₄ a₂líón₂ dsa₂.

³ I₁caun₂ jnág₅ tsá₃ jmo₂ jnia'₅₄ ja₁con₂ dsa₂, ia₁jaun₂ tsá₃ táun₂ dsa₂ 'lig'₅₄ ta₁† quián₂ jnia'₅₄. ⁴ Tē₂le₃ 'niog₂ jnia'₅₄ cuë₅₄ léi₄ jë₄ ca₂le₃jë₃, a₂lág₅ tē₃dsón'₂ dsa₂ i₂jme₂tí₃ ta₁ ne₄ Diú₄: jë₄ a₂jmo₂ jnia'₅₄ tió'₅ dsí₅; jë₄ jmí₁uig₅ a₂ñag₄ jnia'₅₄ jë₄ jme₁dsí₂ñág₂ jnia'₅₄, a₂tsá₃ a₂ne₄ jnia'₅₄ jmó₁; jë₄ o₂i₁ dsí₅; ⁵ jë₄ qui₂bóg₂ dsa₂; jë₄ qui₂to'₂ dsa₂ né'₃ 'má₃; jë₄ mí₅₄; jë₄ ta₁ 'ua'₂; jë₄ tsá₃ guag₂ jnia'₅₄; jë₄ jme₁in₂ a₂que₅₄ jnia'₅₄; ⁶ jë₄ a₂le₁jë₃ jme₂dsí₂ quián₂ jnia'₅₄ në₃; jë₄ jme₂juín'₁ dsí₅ ja₁con₂ rín'₅₄; jë₄ a₂'ua₁ dsí₅ jnia'₅₄; jë₄ a₂quiong'₅₄ jme₂dsí₂ jñió₅; jë₄ a₂'nio₃ jnia'₅₄ rín'₅₄ tē₃dsón'₂; ⁷ jë₄ quian'₅₄ jág₁ dsau₅ tē₃dsón'₂; jë₄ quian'₅₄ jui₅bí₂ quió'₅ Diú₄; jë₄ quian'₅₄ jui₅ co₂dsau₅ a₂tsá₃ 'e₂ rē₂cáu'₄, quian'₅₄ a₂në₅ líón₄ jnia'₅₄ co₂'nió'₄ njí₁ a₂chan'₂ jnia'₅₄ quian'₅₄ gu₂ ne₁ quian'₅₄ gu₂jen₅ në₃; ⁸ tē₂le₃ quian'₅₄ a₂jme₂juag'₂ dsa₂; tē₂le₃ quian'₅₄ a₂chei'₂ dsa₂ 'lig'₅₄; tē₂le₃ quian'₅₄ jág₁ 'lig'₅₄ a₂qui₂'ag₅ dsa₂;

* 5:20 o₃, “chi₂lén'₄ jnia'₅₄ dsa₂.”

* 6:2 Isaías 49:8.

† 6:3 griego: diakonía (ministerio).

tē₂le₃ quian'₅₄ jág₁ dse₃ a₂qui₂'ag₅ dsa₂ ně₃; a₂lág₅ jnia'₅₄ dsa₂ i₂tí₅ jág₁ quió'₅ jui'₁a₂ guē₃ la₂ quiong₅ dsa₂ jnia'₅₄ i₂tē₂jín₁; ⁹ ně₂jag₄ bá₄ i₂tsá₃ 'ein₂ cui₅, la₁ chan₂ bá₄ i₂cui₅ rē₂; ně₂jag₄ bá₄ a₂ma₂i₁dsióg₃ jnia'₅₄, la₁ jja₄! lia'₂ chong₂ jaun₂ bá₄ jnia'₅₄; qui₂jmóg'₂ dsa₂ uig₅, la₁ tsá₃ ca₂jme₃dsiog₂₃; co₂'nió'₄ a₂qui'₂ dsi₅, ¹⁰ la₁ i₂gú'₃ bá₄ chong₂ jnia'₅₄ o₂'ñió₃ dsi₅; co₂'nió'₄ i₂tē₂ñé₂, la₁ jmo₂ jnia'₅₄ a₂le₃chan₂ dse₃ juin₅ i₂sián'₂; co₂'nió'₄ a₂tsá₃ 'e₂ cha₂ quián₂ jnia'₅₄, la₁ 'io₂ bá₄ jnia'₅₄ ca₂le₃jě₃.

¹¹ 'Nia'₂ rin'₅₄ jniog₄ i₂chan₂ juig₂ Corinto, ma₂ně₂jua'₅₄ jnia'₅₄ rē₂jiá₃ jág₁, ně₂jag₄ bá₄ a₂ma₂rē₂nia₅₄ jnia'₅₄ tē₂dsi₅ ja₁con'₂ 'nia'₂. ¹² 'Icaun₂ tsá₃ 'e₂ jnág₅ ma₂jmó₁ jnia'₅₄ ja₁con'₂ 'nia'₂; guion'₅₄ bá₄ 'nia'₂ jmo₂ qui₂nióg₅ tē₂'au'₂, jag'₅₄ jnia'₅₄. ¹³ 'Nia'₂ ně₃, jein'₅₄ 'au'₂ tē₂le₃ ja₁con₂ jnia'₅₄: jaun₂ ně₃ chilēn'₄ jnia'₅₄ 'nia'₂ ně₂jag₄ bá₄ co₂'nió'₄ ñéi'₅ 'nia'₂ a₂na'₅₄ 'nia'₂ tē₂'au'₂ ja₁con₂ jnia'₅₄.

Lág₅ jniog₄ guá'₅ quián₅ Diú₄ i₂chan₂ tē₂dsón'₂

¹⁴ Tsá₃ i₂nió'₄ 'nia'₂ jua'₅₄ a₂ling'₅₄ jág₁ quian'₅₄ dsa₂ i₂tsá₃ 'én₂. Ia₁ ně₁jua'₂ le₂jaun₂ ně₃, dsi₁nó'₅ 'nia'₂ léng'₂ jui₁lia'₂ on₃ dsi₂ca₁jui₅ i₂quia'₂ 'uē₃, i₂tsá₃ co₂rin₂.† Ia₁ tsá₃ a₁jaun₂ quín₃ dsi₅ dsa₂ i₂quian₅ jui₅ dse₃ quian'₅₄ dsa₂ i₂quian₅ jui₅ 'lig'₅₄. Ján₃ guē'₂ le₂jaun₂, o₁líg'₂ jmi₄g₄ tsá₃ lé₂ le₃jen'₂ ja₁tág₅ quian'₅₄ jui₁lia'₂ ja₁qui₁né'₃ táng₃. ¹⁵ ¿O₃ lín'₂ 'nia'₂, lé₂ le₃'ag₃ caun₂ jág₁ Cristo quian'₅₄ i₂sē₃dsen₃ táng₃? O₃, ¿'e₂ bá₄ quen'₅₄ jui₁lia'₂ jan₂ dsa₂ 'én₂ quian'₅₄ jan₂ i₂tsá₃ 'én₂? ¹⁶ ¿O₃ bá₄ lé₂ le₃'ag₃ caun₂ jág₁ guá'₅ quió'₅ Diú₄ quian'₅₄ diú₄ lag₄? Ia₁ guio₅₄ bá₄ jniog₄ lág₅ guá'₅ quió'₅ Diú₄ jén'₃. Lě₅ jui₁lia'₂ ca₂juá'₂ Diú₄ 'ñiog₅:

Gua₅₄ ñi₅₄ quiang'₅₄ dsa₂.

Jniá₂ bá₄ léng₂ Diú₄ quián₅.

Dsa₂ 'éi₂ guē'₂ léin₂ dsa₂ juig₂ quiáng₃.§

¹⁷ Jaun₂ lě₃:

Co₂dsia₅ 'uin'₂ 'nia'₂ jě₄ quió'₅ diú₄ lag₄ 'éi₂;

con'₂ nau₂ 'nia'₂, juá'₂ Te₁gui'₅₄;

Tsá₃ qui₂tí'₅ 'nia'₂ gog'₂ a₂tsá₃ le₁jě₃.

Jaun₂ bá₄ guen'₄ jniá₂ 'nia'₂,*

¹⁸ jaun₂ jan₂ jniá₂ bá₄ léng₂ ñéi'₅ 'nia'₂,

jaun₂ 'nia'₂ guē'₂ léng₂ chí'₂-guein₂ quiáng₃.

juá'₂ Te₁gui'₅₄ i₂'uan'₂ guē₄ lín₃.†

7

¹ Le₂ně₅ bá₄, rin'₅₄ jniog₄, 'uig₅₄ ia₁ a₂ron₅ jág₁ a₂cuē₁ quió'₅ Diú₄ ja₁con₂ jniog₄, jaun₂ ca₂tág₂ jniog₄ chí₅₄ quián₂ ca₂le₃jě₃ a₂'lig'₅₄ a₂lé₂ le₃'iog₅ jme₂dsi₂ quián₂, le₂jaun₂ ñi₁ñi₁ ně₃. Jui₁le₂chong₂ bá₄ co₂ñei'₅₄ dsa₂ i₂lě₅ 'í i₂jme₂gan₃ Diú₄.

'A₂ lia'₂ ca₂rě₃tsín₃ dsi₅ dsa₂ Corintios, ca₂can₃ táng₃ jui₅ dse₃

² Jmo₄ 'nia'₂ 'au'₂ a₂jag'₅₄ dse₃ jnia'₅₄. Ia₁ tsá₃ 'e₂ 'lig'₅₄ ma₂jma'₅₄ 'i₁jan'₂ 'nia'₂, on₃ guē'₂ 'e₂ jág₁ ga₂ ma₂chéi₂ jnia'₅₄ 'i₁jan₂, on₃ guē'₂ jua'₅₄ ma₂ca₂jme₁gan₅ jnia'₅₄ 'i₁jan'₂ 'nia'₂ ně₃. ³ On₃jua'₅₄ a₂juá'₅ jniá₂ ia₁ a₂bong'₅₄ 'nia'₂ dso₄. Lia'₂ ma₂juá'₅ jaun₂ bá₄ jniá₂, jing₅₄ 'nia'₂ ca₂le₃jě₃ dsi₃, a₂'nió₃ jniá₂ 'nia'₂. Caun₂ bá₄ 'ei₅ dsi₃ chang₂ co₂lě₅ quiang'₅₄ 'nia'₂, o₃ dsióg₃ co₂lě₅ 'e₂. ⁴ Caun₂ bá₄ 'ei₅ dsi₃ jing₅₄ 'nia'₂, 'ñio₅ jmo₅ jniá₂ táng'₅ o₄quián'₂ 'nia'₂. Rē₂'ñia₅ a₂lián'₂ dsi₃, lia'₂ rē₂tsón₂ a₂'io₂ jéin₂ jniá₂, jě₄ ca₂le₃jě₃ o₂i₁ dsi₅ a₂chong₂ jnia'₅₄.

⁵ Ia₁ lia'₂ con'₂ jme₁o₃ná₅ jnia'₅₄ 'uē₃ Macedonia la₂, tsá₃ ma₂ca₂rě₃jag₅₄ 'i₁ca₂juig₄, ia₁ o₂me'₅₄ dsi₅ bá₄ ma₂ca₂rě₃chá₃ le₂con₂ tē₂le₃ la₂: mī'₅₄ bá₄ ca₂já₃

‡ **6:14** 'Nio'₂ ja₁ton₅ Deuteronomio 22:10. § **6:16** Levítico 26:12; Jeremías 32:38; Ezequiel 37:27.

* **6:17** Isaías 52:11; Ezequiel 20:34-41. † **6:18** 2 Samuel 7:14.

le₃lág₃ ja₁tio₅₄ jnia₅₄, ca₂le₃jě₃ ca₂í₃ gó₅ dsi₅ jnia₅₄. ⁶La₁ Diú₄ i₂jmóg₅ táng₃ dsi₅ dsa₂ i₂lia₂ dsi₅, ca₂jmóg₃ bá₄ táng₃ dsi₅ jnia₅₄ jme₁ca₂guan₃ Tito, ⁷ton₂ 'éi₂ 'nio₅ guě₂ ně₃, 'nio₅ lín₃ 'ei₅ dsi₅ o₄quián₂ 'nia₂. 'Éi₂ bá₄ dsia₅ ně₃ tság₅ jnia₅₄, 'nio₅ 'ín₅ 'au₂ jag₅₄ jniá₂. Dsia₂₃ a₂qui₂ 'au₂. Dsia₂₃ já₃ a₂tion₅₄ 'nia₂ dsen₅₄ 'au₂ o₄quió₃ jniá₂. Jaun₂ bá₄ tē₂le₃ lě₅ guě₄ 'io₂ jéin₅ jme₁ca₂rě₃guion₅₄.

⁸Tsá₃ a₂nag₅₄ ca₂tión₂ 'nia₂ co₂'na₂ qui₂ 'au₂ quian₅₄ si₂ carta a₂ca₂tsíng₂; la₁ tsá₃ dsi₂quén₅ dsi₃ rě₂ně₃. Dsón₂ bá₄ ca₂dsi₃quén₅ dsi₃ co₂'na₂ le₂jniá₅ já₃ jme₁ca₂rě₃guion₅₄ o₄quió₄ si₂ jaun₂, ca₂tión₂ 'nia₂ qui₂ 'au₂ co₂'na₂. ⁹Jaun₂ ně₃ 'io₂ jéin₅ bá₄ rě₂ně₃, on₃jua₅₄ ia₁ a₂ca₂tión₂ 'nia₂ qui₂ 'au₂ jaun₂; a₂jaun₂ bá₄ ia₁ a₂ca₂rě₃tsín₃ bá₄ 'au₂ 'nia₂ ia₁ a₂ca₂tión₂ 'nia₂ qui₂ 'au₂. Ca₂quian₂ 'nia₂ o₂i₁ dsi₅ lia₂ tē₅ dsi₅ Diú₄. Jaun₂ tsá₃ le₃jua₅₄ a₂ca₂jma₅₄ jnia₅₄ dain₅₄ 'nia₂. ¹⁰Ia₁ ju₁lia₂ a₂qui₂ dsi₅ dsa₂ 'a₂ con₂ 'nio₃ Diú₄, a₂jaun₂ bá₄ jmo₅ a₂rě₂tsín₃ dsi₅ dsa₂, a₂jio₅ ju₁ a₂lión₂ dsa₂. Jaun₂ tsá₃ cha₂ 'e₂ lě₃ jua₅₄ dsi₁quén₅ dsi₅ dsa₂. La₁ia₁ ju₁lia₂ a₂qui₂ dsi₅ dsa₂ lia₂ con₂ lě₅ a₂qui₂ dsi₅ dsa₂ mi₂gü₃ ně₃, a₂jaun₂ bá₄ jio₅ ju₁ 'mú₃. ¹¹Jag₄ 'nia₂ jaun₂, a₂la₂ bá₄ a₂tē₁dsi₅₄ quián₂ 'nia₂, ia₁ ca₂tión₂ 'nia₂ qui₂ 'au₂ jaun₂ lia₂ con₂ 'nio₂ dsi₅ Diú₄: 'e₁ bá₄ chi₂quian₁ 'nia₂ jmig₄; 'e₁ bá₄ dsan₂ 'au₂ jme₁rě₂ a₂jaun₂ jě₄ quián₂ 'nia₂; 'e₁ bá₄ ca₂i₃mé₂ 'au₂ ne₄ dso₄ jaun₂; 'e₁ bá₄ ca₂já₃ gó₅ 'au₂ 'nia₂; 'e₁ bá₄ 'ín₅ 'au₂ 'nia₂ guě₄ lín₃; 'e₁ bá₄ dsen₅₄ 'au₂ 'nia₂ a₂jme₁'ě₄ 'nia₂ uig₅ ně₃. Jě₄ ca₂le₃jě₃ a₂ně₅ ma₂cuě₅₄ bá₄ 'nia₂ léi₄ a₂tsá₃ dso₄ rin₂ 'nia₂ a₂ca₂lě₃ le₂jaun₂. ¹²Lia₂ con₂ ca₂tsíng₂ si₂ carta jaun₂, on₃jua₅₄ jaun₂ ca₂tsíng₂ o₄quió₄ i₂ca₂jmo₃ 'lig₅₄, on₃ guě₂ o₄quió₄ i₂ca₂i₃ñ₂ ně₃. A₂jaun₂ bá₄ ca₂tsíng₂ ia₁ jaun₂ le₂len₄ 'nia₂ tē₂le₃ ne₄ Diú₄ a₂dsan₂ 'au₂ o₄quián₂ jnia₅₄. ¹³Uig₅₄ jaun₂, 'io₂ jéin₂ bá₄ jnia₅₄ ně₃, cha₂ lián₂ dsi₅.

La₁ 'nio₅ lín₃ guě₄ 'io₂ jmo₂ jnia₅₄ jme₁guan₃ Tito, 'ei₅ dse₃ dsi₅ quion₂ já₃ ia₁ ca₂le₃jín₃ bá₄ 'nia₂ ca₂jme₁'oin₁, ca₂jmog₅₄ dsi₅ tē₁lia₂ ca₂i₁'i₅ quian₅₄ 'nia₂. ¹⁴Jaun₂ tsá₃ jua₅₄ a₂lě₁ca₂juíg₂ já₃ tá₅ jme₁ca₂juíg₂ 'io₂ jéin₅ o₄quián₂ 'nia₂. Tsá₃ o₂guí₃ chén₅ jniá₂. Ia₁ le₂ně₅ bá₄ ju₁lia₂ dsau₅ ca₂le₃jě₃ já₃ a₂ma₂ca₂chéi₂ jnia₅₄ 'nia₂, já₃ bá₄ le₂jaun₂ ca₂le₃jě₃ já₃ a₂ca₂chei₅₄ jnia₅₄ Tito 'a₂ lia₂ lě₅ tion₅₄ 'nia₂, ca₂rě₃ti₃ bá₄ lia₂ lě₅ jaun₂. ¹⁵Jaun₂ ně₃, tē₂le₃ 'nio₅ lín₃ guě₄ 'nioi₃ 'nia₂ ia₁ juá₂ ca₂jmo₅₄ bá₄ 'nia₂ ca₂le₃jě₃ 'e₂ ca₂mi₃, ca₂jmo₅₄ bá₄ 'nia₂ 'ua₁ 'au₂ ca₂guein₅₄ bá₄ 'nia₂ caun₂ dse₃ a₂gain₃. ¹⁶Jaun₂ tē₅ bá₄ dsi₃; caun₂ bá₄ 'ei₅ dsi₃ quian₅₄ 'nia₂.

8

A₂cuě₃ dsa₂ 'e₂ cuě₃ 'a₂ con₂ 'nio₂ dsi₅

¹Ně₃ ně₃, rin₅₄ jniog₄, 'niog₂ jnia₅₄ a₂le₃ñi₅₄ 'nia₂ 'a₂ lia₂ ma₂ca₂rě₃jniá₂ a₂'ua₁ dsi₅ Diú₄ ja₁ con₂ guá₅ i₂chan₂ 'uě₃ Macedonia la₂.

²Ju₁'a₂ guě₃ la₂ ma₂ja₂lěin₂ quian₅ o₂i₁ dsi₅, tsá₃ caun₂ táu₂ dsi₂ñi₁₂, la₁ dse₃ bá₄ chain₂ tei₄ bá₄ le₁ 'ág₄ dsi₅. Ju₁'e₂ guě₃ la₂ te₂ñéi₂ chain₂, la₁ tson₂ guě₄ a₂ma₂cuě₃ con₂ 'nio₂ dsi₅ con₂ guě₄ dsa₂ i₂cha₂ quió₅. ³Jniá₂ jáng₅ já₃ dsau₅, a₂tě₃dsón₂ bá₄ ma₂cuě₃ 'a₂ con₂ tió₅, tē₂le₃ lě₅ guě₄ ma₂cuě₃ 'a₂ con₂ cha₂ quió₅, ia₁ a₂'nio₂ dsi₅. ⁴Ca₂tság₃ jnia₅₄ tion₅₄-jan₃, a₂cuě₅₄ jnia₅₄ jmig₄ a₂quein₅₄ quian₅₄ jnia₅₄ ta₁ dse₃ a₂jme₁'on₁₂ dsa₂ quián₅ Diú₄. * ⁵Tē₂le₃ lě₅ guě₄ ca₂cuě₃ bá₄ lia₂ con₂ guě₄ jme₁lág₂ jnia₅₄. Jniá₅ de₂ o₄gú₃ Te₁gui₅₄ ca₂dsia₃, jaun₂ guě₄ ca₂dsia₃ ne₄ jnia₅₄, lia₂ con₂ 'nio₃ Diú₄. ⁶Jaun₂ ma₂chi₁ca₂len₄ jnia₅₄ Tito jaun₂ jmo₃ dse₃ dsi₅ a₂jme₃ñiai₂₃ ta₁ dse₃ ně₅ jin₄ 'nia₂ 'uig₅₄ a₂ma₂'ei₅ le₂jniá₅ 'a₂ con₂ ca₂lě₃

* 8:4 lit. "dsa₂jñi₅."

'au'₂ 'nia'₂ jme'₁ o'₁. 7 Ia₁ jui'lia'₂ ma₂ dsi₂ jniá'₄ 'nia'₂ jë₄ le₂ jë₃; a₂'éñ'₂ 'nia'₂, a₂'ñia'₂ 'nia'₂ jág₁ dse₃, a₂ñí'₂ 'au'₂ 'nia'₂, a₂dsen'₅₄ 'au'₂, a₂'nióg'₃ jnia'₅₄ nē₃; jáñ₃ bá₄ le₂ nē₅ ca₂tín'₂ 'nia'₂ dsi₃ jniá'₄ quian'₅₄ a₂la₂, a₂jmo'₂ 'ua'₁ 'au'₂.

8 Tsá₃ o₁ len'₂ 'nia'₂ jua'₅₄ a₂jmo'₅ jniá₂ 'éi'₃ ja₁ con'₂ 'nia'₂. Jnia'₅₄ lia'₂ 'nio₃ jniá₂ cáun₄ 'í₁ tē₂ le₃ quian'₅₄ a₂dsen'₅₄ dsí₅ i₂ sián'₂ chi₂ jua'₂ dsón'₂ bá₄ 'nióg'₃ ríng'₂ jáñ₃.

9 Ia₁ ma₂ñi'₅₄ bá₄ 'nia'₂ 'a₂ lia'₂ 'ua'₁ dsí₅ Te₁ gui'₅₄ Jesucristo quián₂. O₄ quió'₄ a₂'niói₃ 'nia'₂, ca₂ñi₃ te₂ñéi₂, o₁ jnia'₅₄ la₂ jme₁ chain₂ dse₃, ia₁ jaun₂ le₃ chan'₂ 'nia'₂ dse₃ tē₂ le₃ quian'₅₄ jui'₅ te₂ñé₂ a₂ca₂ can'₃ 'éi₂.

10 Cuē₅ jniá₂ jág₁ dse₃ a₂juí₂ 'nia'₂, jui'lia'₂ jág₁ la₂, a₂dse₃ quián'₂ 'nia'₂ guiong'₅₄ bá₄, ia₁ 'nia'₂ bá₄ i₂ ca₂ jme₁ lióg'₄ ma₂ ca₂ñi₂, a₂ca₂ jme'₁ o'₁ 'nia'₂, a₂'ñio₂ 'au'₂ 'nia'₂ nē₃. 11 jaun₂ nē₃ nē₃, jme₁ 'ñia'₅ 'nia'₂ ta₁ jaun₂ a₂ca₂ jme₁ lióg'₂, ia₁ jaun₂ le₃ ti₃ a₂'ñio₂ 'au'₂ 'nia'₂ jaun₂, lia'₂ con'₂ lē₅ cha₂ quián'₂ 'nia'₂. 12 Ia₁ jui'lia'₂ a₂cuē₅ dsa₂ a₂'ñio₂ dsí₅ tē₃ dsón'₂ 'e₂ 'nio₃ cuē'₃ Diú₄, a₂ le₂ jaun₂ bá₄ gue₅ Diú₄ 'ñio₂ dsí₅, lia'₂ con'₂ lē₅ a₂cha₂ quió'₅ dsa₂, on₃ jua'₅₄ lia'₂ con'₂ lē₅ a₂tsá₃ cha₂ quió'₅.

13 On₃ jua'₅₄ a₂jaun₂ guē'₂ juá'₅ jniá₂ ia₁ jaun₂ tón'₃ dsa₂ 'éi₂ a₂rē₂ tsón₂ ñag₅₄ quió'₅, ton'₂ tē₂ le₃ ja₁ con'₂ 'nia'₂ guiong'₅₄ guē'₂ nē₃ tsá₃ cha₂ lé₂. 14 Tē₂ le₃ ia₁ jaun₂ dsióg₄ co₂rē₂ bá₄ lē₅ chan₂ dsa₂, 'nia'₂ cuē'₂ 'e₂ niog₅ tsá₃ tín'₂ quió'₅ ríng'₂ jmig₄ nē₃; jui'la₂ 'ióg' guē'₂, 'éi₂ guē'₂ ma₂tión₂ jme'₃ o₅₄ cuē₃ 'e₂ niog₅ tsá₃ tín'₂ quián'₂ 'nia'₂ táng₃. Jaun₂ le₂ nē₅ bá₄ dsióg₄ co₂rē₂ bá₄ lē₅ chan₂ dsa₂. 15 Jaun₂ le₂ ti₃ jui'lia'₂ juá'₂ ne₄ Si₂ quió'₅ Diú₄: “I₂ ca₂ ro'₂ 'lióng₂ tsá₃ 'e₂ jua'₅₄ a₂ca₂ chón₃ quió'₅; le₂ jaun₂ guē'₂ le₃ ja₁ con'₂ i₂ ca₂ ro'₂ me'₂, tsá₃ 'e₂ ca₂ lē₃ jua'₅₄ a₂tsá₃ ca₂tín'₂ quió'₅.”†

Tito quiain'₅₄ rín'₅₄

16 Ti₁ mag'₄ Diú₄ ca₂jmo₃ a₂ca₂ lē₃ dsí₅ Tito a₂ca₂ i₃ dsí₅ 'nia'₂ 'ñio₅ lín₃, jui'lia'₂ 'i₅ dsí₃ jniá₂. 17 Ia₁ dsi₂ jui'₅ bá₄ ca₂gue₃ jme₁ ca₂ chéi₂ jnia'₅₄ dsó₃, ton'₂ ia₁ dsan₂ bá₄ dsí₅ 'éi₂ 'ñio₅ a₂dsó₃ dsi₃ jin'₅₄ 'nia'₂ a₂'ñio₂ dsí₅.

18 Jan₂ rín'₅₄ jniog₄ i₂'eí₅ jág₁ dse₃ quió'₅ le₂ con₂ guá'₅ Macedonia la₂, 'éi₂ chen'₅₄ jnia'₅₄ dsó₃ co₂ lē₅ quiain'₅₄ Tito. 19 Rín'₅₄ i₂'ín₅ jnia'₅₄ nē₅, ca₂ quión'₂ guá'₅ a₂jme₃ quiong'₅₄ jnia'₅₄ a₂i₁ nio₁ jmó₁ ta₁ dse₃ a₂jme'₁ on₁ jnia'₅₄ rín'₅₄ ia₁ jaun₂ le₃ juin'₂ Te₁ gui'₅₄, ton'₂ ia₁ jaun₂ léi₄ a₂dsen'₅₄ dsí₅ jnia'₅₄ a₂jme'₁ on₁ rín'₅₄. ‡ 20 Tsá₃ 'niog₂ jnia'₅₄ jua'₅₄ a₂chi₂ ag₃ dsa₂ o₄ quió'₄ cu₄ a₂rē₂ tsón₂ jaun₂ a₂niog₅ o₄ gu₂ jnia'₅₄. 21 'Niog₂ jnia'₅₄ jmó₁ a₂le₂ jë₃ jme₂ dsí₂ quián₂ tē₃ ne₄ dsa₂ lia'₂ quian'₅₄ tē₃ ne₄ Te₁ gui'₅₄ nē₃.

22 Jáñ₃ guē'₂ chen'₅₄ jnia'₅₄ jan₂ rín'₅₄ sián'₂ i₂ ma₂ cuē₃ léi₄ a₂dsen'₅₄ dsí₅ 'ñio₅ lín₃. La₁ nē₃ nē₃ 'ñio₅ lín₃ guē₄ jmo₂₃ a₂dsen'₅₄ dsí₅ ia₁ a₂ñí₄ lē₃ caun₂ 'eí₅ dsí₅ o₄ quián'₂ 'nia'₂. 23 Tito nē₃, lín₅ jan₂ ríng'₃ i₂ jmo₅ ta₁ co₂ lē₅ quian'₅₄ jniá₂ a₂jme₂ ti₃ ta₁ ne'₅₄ 'nia'₂. Rín'₅₄ jniog₄ i₂ quiain'₅₄ nē₃, i₂ chen₄ quián₅ guá'₅ i₂ i₂ nio₄ cuē₂₃ léi₄ a₂jlán'₁ Cristo. 24 Jaun₂ nē₃, jme₁ jnia₅ ne₄ dsa₂ nē₅, lia'₂ le₃ ne₄ ca₂ le₃ jín₃ guá'₅ nē₃, qui₂ jang'₅₄ 'nia'₂ léi₄ a₂dsón'₂ 'nióg'₃ 'nia'₂ dsa₂ 'én₂ ríng'₂, qui₁ jang'₅₄ léi₄ jáñ₃, 'e₂ 'uig₅₄ a₂ñí₄ lē₃ dsia₂ jnia'₅₄ jág₁ tá'₅ 'ín₅ 'nia'₂.

9

A₂cág'₃ dsa₂ cu₄ a₂jme'₃ oin'₅₄ rín'₅₄ ja₁ siá'₂

1 Jui'lia'₂ cu₄ a₂jme'₁ on'₅₄ 'nia'₂ dsa₂ 'én₂ rín'₅₄, * tsá₃ ma₃ tion'₅₄ jua'₅₄ a₂qui₂ juá'₄ guē₄ ne₄ si₂. 2 Ia₁ ma₂ guion'₅₄ bá₄ a₂le₁ ág₄ 'au'₂ 'nia'₂ a₂jme'₁ o'₁; o₄ quió'₄ a₂nē₅ jmo₅ jniá₂ táng'₅ jin₄ dsa₂ chan₂ 'uē₃ Macedonia. Ia₁ ma₂ ca₂ñi₂ bá₄ jme₁ ma₂ chan₂ co₂ jnia'₅₄ dsa₂ chan₂ 'uē₃ Acaya, ton'₂ mei'₂ tsá₃ ca₂ le₃ jin₃ bá₄

† 8:15 Éxodo 16:18. ‡ 8:19 A₂lín'₅₄ chog₅₄ si₂: “a₂dsen'₅₄ 'au'₂ 'nia'₂ a₂jme'₁ ong'₁ ríng'₂.” * 9:1 lit. “dsa₂ jñiós.”

ca₂lě₃ dsí₅ jme₃o₅₄ o₄quió₄ a₂dsen₅₄ 'au'₂ 'nia'₂ jaun₂. ³ Ia₁jaun₂ tsá₃ lě₅ jua'₅₄ a₂lě₃ca₂cuē₃ jág₁ tá₅ quió₃, jaun₂ tsíng₂ rín₅₄ la₂ dsi₃jág₂ ia₁ jág₁ jaun₂ ma₂lě₅, ma₂tió_n'₂ 'nia'₂ co₂jñia₅₄. ⁴ Ia₁ con'₂ tsá₃ ñó₅ nē₁ca₂i₃lén₂ i₂lín₅₄ rín₅₄ i₂chan₂ Macedonia quian'₅₄ jniá₂, jaun₂ tsá₃ lé₂ jua'₅₄ caun₂ dé₄ o₂guí'₃ tsá₃ co₂jñia'₅₄ 'nia'₂ chang'₂ jē₁ma₂ca₂dsi₃náu₅ jnia'₅₄. Le₂jio₅ jniá₂ chéng'₅ 'lig'₅₄ (le₂jaun₂ 'nia'₂ táng₃) ia₁ ma₂juíg₂ jniá₂ dsa₂ 'ñio₅ dsen'₃ 'nia'₂. ⁵ 'Uig₅₄ nē₅ ma₂mí₃ jniá₂ ja₁con₂ rín₅₄ jniog₂, ia₁ 'nió'₅ bá₄ líng₂, ia₁jaun₂ dsi₃lén₂ dsi₃jñin₅₄ 'nia'₂ ia₁jaun₂ jme₃o₅₄ guē₄ rín₅₄ cu₄, jág₁ a₂ma₂cuē'₅₄ 'nia'₂ quiáng'₂ le₂jñiá₂ a₂cuē'₁, ia₁jaun₂ ma₂lě₅ co₂jñia₅₄ 'a₂ con'₂ lě₅ 'ñio₂ 'au'₂ 'nia'₂, on₃jua'₅₄ ia₁ a₂chi₁quiong₅₄ jnia'₅₄ jmig₄.

⁶ Dsá₂ 'au'₂ 'nia'₂ jmo₄, jág₁ a₂juá'₄ la₂: ju₁lia'₂ dsa₂ i₂jne₅ me'₂, me'₂ bá₄ a₂ráu₃ quió'₅; ju₁lia'₂ dsa₂ i₂jne₅ 'lióng₂ guē'₂ ně₃, ján₃ bá₄ 'lióng₂ ráu₃ quió'₅. ⁷ Le₂jan₂ le₂jan₂ bá₄ ca₂tín₂ cuē₃ 'a₂ con'₂ ma₂ca₂lě₃ dsí₅ cuē₃, tsá₃ ca₂tín₂ dsa₂ cuē₃ jua'₅₄ a₂ma₂dsi₂me'₃ dsí₅, on₃ guē'₂ ca₂tín₂ dsa₂ cuē₃ ia₁ a₂ma₂nē₂chi₃quióng₂ dsa₂ jmig₄ tion₅₄. Ia₁ Diú₄ 'nioi₃ dsa₂ i₂cuē₅ a₂'io'₂ jén'₅. ⁸ Diú₄ bá₄ i₂qui'₅₄ jmig₄ jme₃gu'₅₄ 'nia'₂ 'ñio₅ lín₃ ca₂lia'₂ qui₂rē₂tsón₂ quián'₂ 'nia'₂, ia₁jaun₂ le₃cha₂ ca₂le₃jě₃ a₂'nió'₅ quián'₂ 'nia'₂, ia₁jaun₂ rē₂tsón₂ lé₂ le₃jme₁'on'₁ 'nia'₂ ríng'₂ ca₂le₃jě₃ jmig₄, quian'₅₄ ca₂le₃jě₃ ne₅₄ ta₁ dse₃. ⁹ Jaun₂ le₃ti₃ a₂juá'₂ ne₄ Si₂: Ju₁lia'₂ dsa₂ i₂jmo₅ dsióg₁,

cuē₂₃, jme₁'oin₅₄ dsa₂ i₂te₂ñé₂,

lia'₂ co₂tan₅₄ bá₄ dsiog'₂ dsí₅ dsa₂

ca₂le₃jě₃ ne₅₄ a₂dse₃ a₂'ua₁ dsí₅ ca₂jmo₃.†

¹⁰ 'Ñiog₅ bá₄ Diú₄ ca₂cuē₃ jon₂ a₂ca₂i₃jñia₄; ca₂jmo₃ ca₂rau₂ a₂quē'₅₄ 'nia'₂, ton'₂ jmo₃ ján₃ le₃cha₂ ca₂le₃jě₃ ne₅₄ a₂tsá₃ cha₂ quián'₂ 'nia'₂; jaun₂ le₃dse₃ ca₂le₃jě₃ 'e₂ a₂ján'₄ 'nia'₂ ně₃, jmo₃ qui₂dsi₃cón₃ dsi₃ca'₅₄, jmo₃ a₂caun₂ ráu₃ a₂'ua₁ 'au'₂ 'nia'₂ jmo'₂. ¹¹ Le₂nē₅ bá₄ le₃chan'₂ 'nia'₂ dse₃ le₃cha₂ quián'₂ 'nia'₂, ia₁jaun₂ le₃cha₂ a₂lé₂ le₃jme₁'ong'₁ guē₄ ju₁n₅ dsa₂ te₂ñé₂ jmó'₂ 'ua₁ 'au'₂. Le₂jaun₂ bá₄ le₃jme₁'ong'₁ 'nia'₂ rín₅₄ jniog₄ tē₂le₃ quian'₅₄ jnia'₅₄, jaun₂ ju₁n₅ i₂lé₂ dsí₅ cuē'₃ ti₁'mag'₄ Diú₄. ¹² Ta₁ a₂jme₂ti₄ jniog₄ ne₄ i₂sián'₂ jaun₂, jmo₅ ta₁ on₃jua'₅₄ jmá'₃ a₂jme₂o₅₄ cuē₃ a₂'nió'₅ quió'₅ rín₅₄ jniog₄; ján₃ bá₄ jmo₅ ta₁ ia₁jaun₂ ju₁n₅ i₂rē₂tsón₂ i₂cuē'₃ ti₁'mag'₄ Diú₄. ¹³ Tē₂le₃ quian'₅₄ ta₁ a₂jme₂ti₄ jniog₄ ne₄ rín₅₄ ja₁siá'₂ nē₅, cuē₂ jniog₄ léi₄ a₂tē₃dsón'₂ bá₄ jme₂ti₄ 'nia'₂ jág₁ dse₃ quió'₅ Cristo a₂ma₂gue'₅₄ 'nia'₂, ia₁ a₂'ua₁ 'au'₂ ja₁con₂ ríng'₂, quian'₅₄ ja₁con₂ ca₂le₃jín₃. Le₂nē₅ bá₄ ju₁n₅ dsa₂ i₂jme₃ju₁n'₂ Diú₄. ¹⁴ Le₂nē₅ bá₄ lé₂ dsí₅ m₃ ne₄ Diú₄ o₄quián'₂ 'nia'₂, ton'₂ 'ín₅ dsí₅ 'ñio₅ lín₃ o₄quián'₂ 'nia'₂, ia₁ ma₂rē₂jñiá₂ le₃ja₁con'₂ 'nia'₂ 'a₂ lia'₂ ma₂jmo₃ Diú₄ a₂'ua₁ 'au'₂ 'nia'₂. ¹⁵ ¡E₁ guē₄ ti₁'mag'₄ Diú₄ ia₁ ma₂cuag₃ jniog₄ i₂dsen₃ i₂quen₅ guē₄ lín₃, ca₂lia'₂ tsá₃ ne₄ 'a₂ lia'₂ le₃jua'₅₄!

10

A₂quen₅ jág₁ quió'₅ Pa₄ ia₁ a₂lín₅ i₂chen₄ quián₅ Cristo

¹ Jniá₂ Pa₄, m₃i₂₃ juíg₂ 'nia'₂ quian'₅₄ jág₁ 'ua₁, ia₁ a₂'ua₁ dsí₅ Cristo. Cha₂ jág₁ a₂lín₅ jan₂ dsa₂ i₂quian₅ jág₁ 'ua₁ jme₁'eng₅₄ jē₄ quián'₂ 'nia'₂, la₁ jē₁ma₂'eng₅₄ ja₁siá'₂ 'ñio₅ bá₄ ma₂bén₂ jág₁ quió₃. ² Jaun₂ m₃i₅ jniá₂ ne'₅₄ 'nia'₂, tsá₃ jmo₂ jua'₅₄ a₂tion₅₄ 'nió'₅ jmo₅₄ tiá₂ dsi₃ jē₁ma₂dsióg₃, quian'₅₄ dsa₂ i₂bóg'₂ dso₄, a₂'ag₂₃ jniá₂ a₂jmo₂₃ lia'₂ jmo₅ dsa₂ m₃i₂güí₃. Ia₁ caun₂ bá₄ ma₂'ei₅ dsi₃ a₂dsia₅₄ jág₁ quian'₅₄ dsa₂ i₂le₂'éi₂. ³ Dsón'₂ bá₄ jaun₂ dsa₂ m₃i₂güí₃ bá₄ lág₅ jnia'₅₄ tē₁lia'₂ chong₂ la₂. La₁ tsá₃ cág'₂ jnia'₅₄ ju₁lia'₂ quín'₂ dsa₂ m₃i₂güí₃. ⁴ Ia₁ on₃jua'₅₄ quian'₅₄

† 9:9 Salmo 112:9.

ni₁ñí₁ cág'₂ jnia'₅₄, juí₁lia'₂ ni₁ñí₁ a₂qui₂jmó'₂ ta₁ dsa₂ mi₂güí₃, juí₁lia'₂ jë₁quí₁n'₂ jmo₂₃ 'nei₂; quian'₅₄ bí₂ quió'₅ Diú₄ bá₄ cág'₂ jnia'₅₄, a₂jaun₂ bá₄ 'nió'₄ ñí₁ quián₂ jnia'₅₄ a₂'io₅ bí₂ quió'₅ Diú₄ a₂qui₂le₃juin₃ ca₂le₃jë₃ a₂bén₂ a₂niog₅ tíong₂ quió'₅ i₂së₃dsen₃. ⁵ Le₂në₅ bá₄ ma₂ja₂náu₅ jnia'₅₄ ma₂tián₃ ma₂jne₅₄ jnia'₅₄ ca₂le₃jë₃ 'e₂ niog₅ 'ag₅ dsa₂ ja₁con₂ Diú₄, juí₁lia'₂ dsa₂ i₂jmo₅ rón₂, i₂tsá₃ 'nio₃ le₃cuin₅ Diú₄. Ján₃ bá₄ le₁te₁ jnia'₅₄ le₁'ñe₅ ca₂le₃jë₃ a₂dsi₂jio₅ dsí₅ dsa₂, ia₁jaun₂ le₃néi'₂ nag₃ gau₂ jág₁ quió'₅ Cristo. ⁶ Lia'₂ ma₂tíong₂ jaun₂ bá₄ jnia'₅₄, le₃'ë₅₄ jnia'₅₄ uig₅ ca₂le₃jín₃ i₂tsá₃ jág₁ cán₂ i₂tsá₃ ne'₅₄. Le₂jaun₂ bá₄ lé₂ jë₁ma₂rë₂'ñia₅ a₂né'₂ 'nia'₂.

⁷ Caun'₅₄ 'nia'₂ 'í₁ a₂ma₂jniá₂ dsi₁ne₁, juí₁lia'₂ jág₁ a₂juá'₄ jniá₂ la: chi₂jua'₂ caun₂ 'ei₅ dsí₅ i₂lin₅₄ a₂lín₅ tē₃dsón'₂ i₂quíán₅ Cristo, ca₂tíin₂ le₃ñi₅, jnia'₅₄ guë'₂ nē₃ dsón'₂ bá₄ lág₅ i₂quíán₅ Cristo ján₃. ⁸ Mei'₂ tsá₃ lín'₂ 'nia'₂ a₂juá'₅ jniá₂ ñag₅₄ juí₁lia'₂ con'₂ ta₁ a₂lág₅ jnia'₅₄. La₁ on₃jua'₅₄ a₂gui'₅₄ jniá₂ jág₁ a₂juá'₅, ia₁ a₂ca₂tín₂ bá₄ jniá₂ juá'₄, ia₁ 'ñiog₅ bá₄ Te₁gui'₅₄ ma₂cuë₃ 'éi'₃ a₂qui₂jme₁'an₂ 'au'₂ 'nia'₂ a₂dse₃ jmo₃ ta₁ a₂qui₂dsi₃cón₃ jme₂dsí₂ quián'₂ 'nia'₂. On₃jua'₅₄ rë'₂ tē₂le₃ a₂lé₂ tsí₁rë₂jan'₅₄ 'nia'₂. ⁹ Tsá₃ o₁len'₂ 'nia'₂ jua'₅₄ 'nio₃ jniá₂ quiang₅₄ juë'₅ 'nia'₂ quian'₅₄ si₂ a₂jmo₅ jniá₂. ¹⁰ Juá'₂ bá₄ i₂lin₅₄ 'ñio₅ Bén₂ jág₁ quió₃ tio'₅₄ ne₄ si₂, la₁ jan₂ dsa₂ 'uan₅₄ bá₄ líng₅ juí₁lia'₂ jme₁'eng₅₄ jë₄ quián'₂ 'nia'₂, jaun₂ lín₂ a₂tsá₃ lín₄ ta₁ tí₁ jág₁ quió₃ a₂dsia₂₃ dsi₁ne₁. ¹¹ Juí₁le₂ñí'₂ bá₄ dsa₂ i₂le₂'éi₂, juí₁lia'₂ lë₅ jág₁ quián₂ jnia'₅₄ a₂tio'₅₄ ne₄ si₂, juí₁'e₂ guë₃ uíng₂ tio'₅₄ jnia'₅₄, le₂jaun₂ dsón'₂ jmo₂ bá₄ jnia'₅₄ jme₁tio'₅₄ quian'₅₄ 'nia'₂ ján₃.

¹² Ia₁ tsá₃ tiá₂ dsi₅ jnia'₅₄ 'ín₄ dse₃ guio₅₄, on₃ guë'₂ a₂quin₅₄ jnia'₅₄ quian'₅₄ i₂lin₅₄ i₂jme₂juin'₂ guioin₅₄ le₂jaun₂. La₁ 'éi₂ nē₃ jme₁con₂ 'í₁ chi₂jua'₂ co₂rñin₂, quin₂₃ guioin₅₄ quian'₅₄ rñin₅₄, tsá₃ 'an₂ dsí₅ chain₂. ¹³ Jaun₂ tsá₃ dsiá₁ jnia'₅₄ jág₁ tá₅ ñag₅₄ guë'₄ con'₂ guë'₄ ja₁ca₂tág₂. Con'₂ jaun₂ bá₄ jmo₂ jnia'₅₄ con'₂ lë₅ 'éi'₃ ca₂cuë₃ Diú₄ a₂jmó₁. Jaun₂ 'éi₂ bá₄ ca₂jmo₃ 'éi'₃ a₂dsi₁náu₅ jnia'₅₄ tē₂go₅₄ 'nia'₂. ¹⁴ Jaun₂ tsá₃ o₁len'₂ 'nia'₂ jua'₅₄ jnia'₅₄ i₂nio₄ tē₂ ja₁tsá₃ ma₃dsi₂ten₅₄ i₂nio₁. Le₂në₅ jme₁lé₂ jua'₅₄ mei'₂ guë₃ tsá₃ ma₂ca₂dsi₃náu₅ jnia'₅₄ ca₂tē₂ ja₁tion₅₄ 'nia'₂. Dsá₂ 'au'₂ 'nia'₂ jmo₄, jnia'₅₄ bá₄ i₂le₂'uig₅₄ i₂can₁ jág₁ dse₃ la₂ quió'₅ Cristo jin'₄ 'nia'₂. ¹⁵ Tsá₃ dsiá₁ jnia'₅₄ jág₁ tá₅ ñag₅₄ guë'₄ quian'₅₄ ta₁ quió'₅ i₂sián'₂. Jnia'₅₄ lia'₂ a₂jaun₂ bá₄ 'ín₂ dsi₅ jnia'₅₄, jë₁ma₂'én'₂ guë'₄ 'nia'₂, jaun₂ 'ag₃ caun₂ jág₁ quian'₅₄ 'nia'₂, ia₁jaun₂ lé₂ dsi₃cón₃ guë'₄ ta₁ quián₂ jnia'₅₄, o₄quió'₄ Diú₄, ¹⁶ ia₁jaun₂ lé₂ le₃dsau₅₄ uíng₂ a₂ñag₅₄ guë'₄ ja₁tion₅₄ 'nia'₂ qui₂dsi₁'ë₄ jág₁ dse₃. La₁ tsá₃ dsi₂jmó₁ jnia'₅₄ rón₂ quian'₅₄ ta₁ a₂ma₂niog₅ ma₂jmo₃ dsa₂ sián'₂.

¹⁷ La₁ juí₁lia'₂ juá'₂ ne₄ Si₂: “Juí₁lia'₂ dsa₂ i₂dsia₅ jág₁ tá₅, juí₁dsia₁₂ jág₁ tá₅ le₃quió'₅ Te₁gui'₅₄.”* ¹⁸ Ia₁ on₃jua'₅₄ dsa₂ i₂'in₅ dse₃ 'ñiog₅, chén'₅ dse₃, tē₂le₃ i₂'ín₁ dse₃ quió'₅ Te₁gui'₅₄ bá₄.

11

Juá'₂ Pa₄ 'in₂₃ dsa₂ i₂jme₂tag₅ jág₁ juí₁gain₂

¹ Jme₁'nio₃ jniá₂ jua'₅₄ jmó'₂ bá₄ 'nia'₂ tió'₃ 'au'₂ quian'₅₄ jág₁ quió₃ la₂, a₂në₃ guë'₄ juá'₄, a₂lë₅ lia'₂ lë₅ jág₁ quió'₅ dsa₂ i₂tsá₃ 'en₅₄ dsí₅. La₁ jmo₄ bá₄ 'nia'₂ juin'₂ 'au'₂. ² Ia₁ 'ñio₅ lín₃ dséi₅ jniá₂ quian'₅₄ 'nia'₂, a₂lë₅ dsi₃ dséi₅ o₄quió'₄ Diú₄. Ia₁ jniá₂ bá₄ ma₂ca₂jmo₃ jág₁ a₂jme₁jnia₅ jniá₂ 'nia'₂ co₂'nió'₄ dsa₂ dsen₃, i₂le₁jë₃ jme₂dsí₂ quió'₅, ne₄ Cristo, juí₁lia'₂ jan₂ jmei₂ chi'₂ dsa₂ mi₄ jme₂jniai₂₃ ja₁míg₄ ne₄ i₂lë₅ jág₁ i₂lé₂ dsi₂l₂gu₂. ³ La₁ gó₅ jniá₂ ia₁ con'₂ tsá₃ ñó₅ nē₁ca₂rë₃gán'₃ 'nia'₂ jme₃gau₅ dsa₂ quian'₅₄ mai₅₄ quió'₅, juí₁lia'₂ ca₂i₃ñí₂ Eva ca₂jme₃gau₅ dsi₂mi₂, nē₁ca₂i₃uín₂ cau₅ 'a₂ lia'₂ dsi₂jio₅ 'au'₂ 'nia'₂, a₂qui₂le₁jë₃ 'au'₂, a₂rë₂teng₅₄

* 10:17 Jeremías 9:24.

le₃quió⁵ Cristo. ⁴ Ia₁ ma₂ja₂nó⁵ 'nia'₂ qui₂guéng⁵ rē₂ dsa₂ i₂tē₁ja₂lén₂ jme₂tag₅, la₁ le₂siá² bá₄ 'in₂₃ Jesús, tsá₃ lē₅ jág₁ quió⁵ lia² con² lē₅ jág₁ a₂ma₂gue⁵⁴ 'nia'₂ le₂jñiá⁵ quió⁵ Jesús. Jaun₂ le₂nē₅ bá₄ ma₂guen⁵⁴ táng₃ 'nia'₂ jme₂dsí₂ sián², on₃jua⁵⁴ i₂quián⁵ Diú₄ i₂jme₁ma₂guen⁵⁴ 'nia'₂. ¡Dse₃ bá₄ jmo² 'nia'₂ tió³ 'au'₂ quian⁵⁴ jág₁ a₂rē₂tsín₄ guē₄, a₂tsá₃ lē₅ con² lē₅ jág₁ dse₃ a₂lió₂ a₂jme₁ma₂nei² 'nia'₂! ⁵ La₁ jniá₂ nē₃, tsá₃ líng₂ jua⁵⁴ a₂me² guē₄ quen₅ jniá₂, jua⁵⁴ ca₂juig₄ guē₄, lia² con² guē₄ dsa₂ 'éi₂ i₂ñí₄ lē₃ jme₂can⁵⁴ guion⁵⁴ a₂jmo₂₃ a₂lín₅ dsa₂ i₂chen₄ quián⁵ Cristo. ⁶ O₁jñia⁵⁴ tsá₃ lín₄ dse₃ 'ñiag₂ jág₁, la₁ tsá₃ 'e₂ lē₅; la₁ niog₅ bá₄ dsi₃. Ma₂ca₂jme₁jnia₅ bá₄ jniá₂ ca₂le₃jē₃ ja₁con² 'nia'₂.

⁷ ¿O₃ bá₄ lín² 'nia'₂ a₂ca₂'no₃ jniá₂ dso₄ ia₁ ca₂dsióg₃ ca₂jmo₃ meg² a₂ca₂chon⁴ jniá₂ 'nia'₂ jme₁ca₂'ē₃ jniá₂ jág₁ dse₃ a₂lión² 'nia'₂, ia₁ tsá₃ 'lia'₅₄ ca₂can₃ jniá₂? ⁸ Guá⁵ ja₁siá² bá₄ i₂ca₂jme₃'o₅₄, co₂'nió⁴ a₂ca₂can₃ jniá₂ cu₄ quió⁵, ia₁jaun₂ le₃jmo² ta₁ a₂le₃ti₃ ta₁ ja₁con² 'nia'₂. ⁹ Lia² con² jme²'eng⁵⁴ quian⁵⁴ 'nia'₂, dsón² bá₄ ca₂rē₃'nió⁵ quió₃ le₂jaun₂, la₁ tsá₃ 'e₂ guei₂ ca₂cuē₃ jniá₂ 'i₁jan² 'nia'₂. Ia₁ dsa₂ rín⁵⁴ jniog₄ i₂chan₂ Macedonia la₂ bá₄ ca₂l₁lein⁵⁴ juig₂ Corinto nē₅, ca₂l₁can₅ a₂tsá₃ cha₂ quió₃ lia² con² jme₁chi₁quian₁₂ jniá₂ jmig₄. Qui₂ca₂jmo₃ bá₄ jniá₂ 'í₁ jaun₂ tsá₃ 'ein₂ 'nia'₂ cán¹ guei₂ o₄quió₃ jniá₂, jaun₂ caun₂ jmo₅₄ bá₄ jniá₂ 'í₁ jaun₂. ¹⁰ Jaun₂, o₄quió⁴ jág₁ tí₅ dsón² quió⁵ Cristo a₂'i₄ dsi₃, juá⁵ jniá₂, 'i₁jan₂ tsá₃ lé₂ jné₃ jua⁵⁴ a₂tsá₃ lé₂ juá⁴ jniá₂ con² 'ñio₂ dsi₃ le₂tan⁵⁴ 'uē₃ Acaya. ¹¹ ¿'E₂ lē₃ juá⁵ jniá₂ le₂nē₅, lín² 'nia'₂? ¿O₃ bá₄ ia₁ a₂tsá₃ 'nió₃ jniá₂ 'nia'₂? Ñi₅ bá₄ Diú₄, a₂'nióg₃ bá₄ 'nia'₂.

¹² Jaun₂ caun₂ jmo₅₄ bá₄ jniá₂ a₂ma₂guio₃ jmo₂₃, ia₁jaun₂ jni₃ jui₅ quió⁵ jui₁lia² i₂i₂nio₄ nē₅ a₂'nio₃ dsia₃ jág₁ tá⁵ jmo₂₃ dsí₅ a₂lē₅ rē₂ ta₁ quió⁵, jui₁lia² lē₅ ta₁ quián₂ jnia⁵⁴. ¹³ Ia₁ dsa₂ i₂le₂'éi₂ nē₃ lín₅ dsa₂ i₂chen₄ i₂jui₁gan₂. A₂jmo₂₃ ta₁ a₂jñia⁵⁴ jme₂gau₂₃, a₂qui₂jmói² a₂jmo₂₃ lín₅ dsa₂ i₂chen₄ quián₅ Cristo. ¹⁴ On₃jua⁵⁴ a₂dsi₂gó³ dsi₅, ia₁ le₂jio₅ 'ñio₅ i₂sē₃dsen₃ qui₂jmói² a₂jmo₂₃ lín₅ jan₂ ángel i₂jniá₂ táng₅. ¹⁵ 'Uig⁵⁴ jaun₂ nē₃, le₂jaun₂ bá₄ lē₅ jui₁lia² quian⁵⁴ dsa₂ i₂jme₂ti₃ ta₁ ne₄ 'éi₂: qui₂jmói² a₂jmo₂₃ lín₅ lia² lín₅ i₂jme₂ti₃ ta₁ ne₄ a₂dse₃, con² dsi₂ten⁵⁴. La₁ jē₁ca₂tó² bá₄ dsi₃guéi₃ con² lē₅ ca₂tín₂ co₂niog₅ lē₅ jmo₂₃.

'A₂ lia² niog₅ lē₅ uig₅ ca₂ñág₃ Pa₄ ne₄ ia₁ a₂lín₅ dsa₂ i₂chen₄ quián₅ Cristo

¹⁶ Con² siá² juí₂ 'nia'₂: tsá₃ o₁len² 'nia'₂ jua⁵⁴ tē₃dsón² líng₅ dsa₂ co₄. La₁ o₁jñia⁵⁴ 'ein₂ guē² jmo₅ dsí₅ a₂lín₅ le₂nē₅, la₁ guei₅₄ jniá₂ nē₂jag₄ bá₄ a₂lín₅ dsa₂ co₄, ia₁jaun₂ lé₂ dsia⁵⁴ ca₂la₂ jág₁ tá⁵. ¹⁷ Jui₁lia² juá⁵ jniá₂, on₃jua⁵⁴ lia² con² lē₅ 'nio₃ Te₁gui⁵⁴, lia² jē₁tē₂'i₅ jan₂ dsa₂ co₄ bá₄ juá⁵ jniá₂, jmo₅₄ róng₂, co₂'nió⁴ caun₂ bá₄ 'ei₅ dsi₃. ¹⁸ Jui₁lia² ju₁n₅ lín₃ i₂chan₂ dsia₅ jág₁ tá⁵ quian⁵⁴ cosa a₂cha₂ mi₂güig₃ la₂, ján₃ bá₄ le₂jaun₂ guē², la₂ dsia₅₄ jniá₂ jág₁ tá⁵. ¹⁹ 'Uig⁵⁴ ia₁ a₂ñag⁵⁴ ñi⁵⁴ bá₄ 'nia'₂, jaun₂ 'ñio₂ bá₄ 'au'₂ 'nia'₂ jmo² tió³ 'au'₂ quian⁵⁴ dsa₂ co₄. ²⁰ Ia₁ jmo² bá₄ 'nia'₂ tió³ 'au'₂ quian⁵⁴ dsa₂ i₂chi₂quióng₂ jmig₄ tion⁵⁴-jan₃, dsa₂ i₂guē⁵ ta₁ 'ua'₂ quián² 'nia'₂, dsa₂ i₂jo₅ quián² 'nia'₂, dsa₂ i₂jmo₅ can⁵⁴ ne₄ quián² 'nia'₂, dsa₂ i₂qui₂jno₂ quián² 'nia'₂ nē₃. ²¹ 'An₁ lín² 'nia'₂ a₂lág₅ jnia⁵⁴ dsa₂ 'uan⁵⁴ ia₁ a₂tsá₃ 'ein₂ jnia⁵⁴ tiá₂ dsí₅ jmo₃ le₂nē₅ ja₁con² 'nia'₂. 'An₁ le₃jéin₄ jniá₂ o₂guí³ bá₄ ia₁ a₂juá⁵ a₂lín₅ dsa₂ 'uan⁵⁴.

La₁ chi₂jua² tiá₂ bá₄ guē² dsí₅ i₂sián² dsia₃ jág₁ tá⁵, ján₃ bá₄ tiá₂ dsi₃ jniá₂ jmo₅₄ le₂jaun₂. (La₁ juá⁵ jniá₂ lia² ja₁juá² jan₂ dsa₂ co₄.) ²² ¿'E₂? ¿Jmá³ dsa₂ 'éi₂ bá₄ i₂tín₂ dsia₃ jág₁ jmei₅ hebreo? Ján₃ bá₄ tñ₂ jniá₂ táng₃. ¿Jmá³ dsa₂ 'éi₂ bá₄ lín₅ dsa₂ israelitas? Ján₃ bá₄ 'éi₂ guē² jniá₂ ján₃. ¿'E₂? ¿Jmá³ lia² dsa₂ 'éi₂ bá₄ lín₅ tsi₁jon₂ Abraham? Ján₃ bá₄ 'éi₂ guē² lín₅ jniá₂. ²³ ¿Jmá³ dsa₂ 'éi₂ lín₅ dsa₂ i₂jme₂ti₃ ja₁con₂

Cristo? Tson₂ bá₄ gué₄ lín₅ jniá₂, ia₁ 'ñio₅ lín₃ gué₄ ma₂guio₃ jme₂ti₅₄ ja₁con₂ Cristo lia₂ con₂ gué₄ dsa₂ 'éi₂. (A₂lë₁juá₅ bá₄ jniá₂, lia₂ lë₁të₂'i₅ dsa₂ ñá₅.) Ia₁ tson₂ lín₃ gué₂ ma₂guio₃ jmo₂₃ ta₁ jme₂ti₅₄; ia₁ 'lióng₂ gué₄ 'mi₅ ma₂qui₂ma₂can₃ jniá₂ lia₂ con₂ gué₄ dsa₂ 'éi₂; ma₂qui₂ma₂'ú₃ 'lióng₂ lín₃ ráun₂ né₃ 'má₃ ně₃; 'lióng₂ ráun₂ ma₂i₂ñig₂ ñja₅₄ mei₂ tsá₃ ma₂jong₃. ²⁴ Con₂ 'ñiá₂ ráun₂ ma₂ca₂bóg₂ dsa₂ judíos jmá₃ guióg₂-guia₃-né₂ ráun₂ lia₂ co₂ráun₂. * ²⁵ 'Nag₂ ráun₂ gué₂ ma₂bóg₂ dsa₂ quian₅₄ ni₁'ma₂; co₂ráun₂ gué₂ ca₂cuë₃ cang₄ tióin₅₄. 'Nag₂ ráun₂ gué₂ ne₄ jmi₁ñí₄ ca₂i₂ñig₂ ca₂'en₃ ni₁barco a₂jme₁'eng₅₄. Co₂ráun₂ gué₂ ca₂ñig₅ co₂jmi₄ co₂nei₅ dsi₂jo₂ jmi₁ñí₄ ně₃. ²⁶ 'Lióng₂ ráun₂ dsi₂jui₅ ja₁ma₂qui₂i₁ñi₃, ma₂ca₂i₂ñig₂ a₂go₂ ia₁ te₁'i₁ cuá₃, a₂go₂ ia₁ a₂chan₂ dsa₂ 'ang₂, a₂go₂ rë₂ a₂jo₅₄ dsa₂ go₃, a₂go₂ jo₅₄ dsi₂nau₂, a₂go₂ rë₂ 'eng₅₄ ciudad, a₂go₂ jë₁ma₂ñig₅ má₂ ja₁co₂ñiog₅, a₂go₂ jë₁ma₂ñig₅ ne₄ jmi₁ñí₄, a₂go₂ rë₂ quian₅₄ dsa₂ i₂jui₁gan₂ i₂jmo₅ lín₅ rin₅₄ jniog₄, ²⁷ jë₄ ta₁ 'ua₂ lín₃, jë₄ ma₂ca₂'ú₃ lín₃, jë₄ jme₁tsá₃ güing₂₃, jë₄ i₁cón₅ rë₂quein₂ dsi₃, jë₄ jme₁'in₂ a₂tsá₃ cha₂ a₂guë₅₄, jë₄ jein₂ güig₂, jë₄ a₂tsá₃ 'e₂ cha₂ quí₄ ně₃.

²⁸ Cha₂ gué₄ caun₂ siá₂ táng₃ a₂chang₂ ca₂le₃jë₃ jmi₄ a₂'i₅ dsi₃ o₄quió₄ ca₂le₃jë₃ guá₅. ²⁹ ¿'Ein₂ 'éi₂ i₂'uan₅₄, jniá₂ gué₂ tsá₃ 'uang₅₄? ¿'Ein₂ 'éi₂ i₂ca₂tán₂ dso₄ a₂'uin₄ i₂sián₂, jniá₂ gué₂ tsá₃ 'e₂ i₂me₂ dsi₃? ³⁰ Në₁juá₂ ca₂tíng₂ dsia₅₄ jág₁ tá₅, jaun₂ dsia₅₄ jniá₂ jág₁ tá₅ të₂le₃ ne₄ ca₂le₃jë₃ a₂cuë₅ léi₄ a₂lín₅ jan₂ dsa₂ 'uan₅₄. ³¹ Diú₄ Jmei₂ Jesucristo Te₁gui₅₄ quián₂ jniog₄ bá₄ i₂ca₂tín₂ jme₂juin₂ dsa₂ co₂tan₅₄, 'éi₂ bá₄ ñi₅ a₂dsau₅ bá₄ jág₁ quió₃. ³² Lia₂ con₂ jme₁'eng₅₄ juig₂ Damasco, i₂lín₅ dsi₄má₂ ja₁jaun₂ i₂jme₁jme₂ti₃ ne₄ Rag₅₄ Aretas, ca₂jmo₃ 'éi₃ a₂ca₂jmo₃ dsa₂ 'i₁ o₄jui₅ ia₁ jme₁tsáun₂ jme₁dsi₃tió₃ né₃ 'má₃. ³³ La₁ jui₅ siá₂ bá₄ ca₂sió₂ rin₅₄ jniog₄, 'eng₅₄ 'ñió₃ tsi₁mi₂ ca₂sió₂ të₂'ua₁ jui₅ dso₂ ni₁'ia₂ a₂rë₂juí₄ le₃lág₃ juig₂; le₂në₅ bá₄ ca₂lóng₂ o₄gú₃ 'éi₂.†

12

Jui₁lia₂ a₂ma₂ca₂jme₃ñia₅ Te₁gui₅₄

¹ Tion₅₄ caun₂ dsia₅₄ jniá₂ jág₁ tá₅. Jui₁'e₂ guë₃ tsá₃ ta₁ jmo₃, caun₂ juá₄ jniá₂ jui₁lia₂ a₂ca₂jéin₃ jniá₂ a₂ma₂jág₃, jui₁lia₂ a₂ma₂ca₂jme₃ñia₅ Te₁gui₅₄ ně₃.

² Cúing₅ jan₂ dsa₂ i₂'ei₅ caun₂ jág₁ quian₅₄ Cristo, ma₂guia₃-quén₂ ñi₂ ca₂uig₂ jui₅ guei₅₄ ca₂të₂ ja₁guá₄ Diú₄. * (A₂jaun₂ bá₄ tsá₃ guion₄ jniá₂ jua₅₄ a₂ñe₄ lia₂ jma₃quian₅₄ ni₁ñi₁₂, o₃ jmá₃ jme₂dsí₂ quió₅ 'e₂. La₁ ñja₅₄ lia₂ 'ñiog₅ bá₄ Diú₄ ñi₅.) ³ La₁ guion₄ jniá₂, chan₂ jan₂, (ñja₅₄ lia₂ a₂jaun₂ bá₄ tsá₃ guion₄ jniá₂ chi₂jua₂ ca₂ñei₅₄ chi₁dsáin₃, o₃ jmá₃ jme₂dsí₂ quió₅ 'e₂ ca₂dsió₃ ja₁jaun₂. Ñja₅₄ lia₂ 'ñiog₅ bá₄ Diú₄ ñi₅); ⁴ jan₂ i₂ca₂ron₂ ca₂të₂ Ja₁jlá₁† ja₁ca₂nág₂ jág₁ a₂tsá₃ lé₂ le₃jmog₅₄ on₃ gué₄ 'i₄ 'éi₃ dsia₃ dsa₂ mi₂güig₃. ⁵ O₄quió₄ jan₂ dsa₂ le₂'éi₂ bá₄ lé₂ dsia₅₄ jniá₂ jág₁ tá₅, on₃juá₅₄ o₄quió₃ 'ñió₃ jmo₂₃ táng₅, ñja₅₄ lia₂ o₄quió₄ a₂'uan₅₄ bá₄ jniá₂. ⁶ O₁ñja₅₄ la₂ 'nio₃ jniá₂ dsia₅₄ jág₁ tá₅, on₃juá₅₄ dsa₂ co₄ lín₅ jniá₂, ia₁ jág₁ tí₅ dsón₂ bá₄ a₂juá₅ jniá₂. La₁ cáun₄ bá₄ dsi₃ tsá₃ jmo₅₄ le₂jaun₂, ia₁jaun₂ tsá₃ le₃lín₂ dsa₂ jua₅₄ jniá₂ lín₅ ñag₅₄ gué₄ lia₂ con₂ niog₅ a₂ma₂nág₂ a₂qui₂ma₂të₂ ne₄ dsa₂ a₂jmo₅ jniá₂ 'e₂ jmo₂₃.

⁷ Jág₁ a₂ca₂rë₃ jniá₂ jaun₂ lë₅ caun₂ jág₁ jlá₁ jmá₅ a₂lé₂ le₃jme₁jmo₅₄ jniá₂ róng₂ jua₅₄ mei₂ guë₃ le₂jaun₂. La₁ ca₂jéin₃ uig₅ në₂jag₄ bá₄ a₂i₃'i₅₄ ni₁taun₅ ca₂lë₃ ni₁ñi₃, co₂'nió₄ i₂chen₄ quián₅ i₂së₃dsen₃ bá₄ caun₂ qui₂bóg₂, ia₁jaun₂ tsá₃ jmo₅₄ jniá₂ róng₂ i₁juin₅₄ ñag₅₄. ⁸ 'Ni₅ ráun₂ ma₂ca₂chi₁len₄ jniá₂ Te₁gui₅₄ a₂jme₃'lió₂

* **11:24** lit. "jmá₃ të₂láu₃ ráun₂ tsá₃ tí₅ caun₂, lia₂ co₂ráun₂." † **11:33** 'Nio₂ ja₁ton₅ Hechos 9:25.

* **12:2** lit. "ca₂të₂ guei₅₄ i₂juig₅, jë₁ca₂të₂ 'nag₂." † **12:4** griego: paradeiso (Paraíso).

jniá'₄ jmi₁uig₅ a₂quian'₅₄. ⁹ La₁ ca₂juá'₂ Te₁gui'₅₄ tság₅ jniá₂: “Tió'₅ bá₄ a₂'ua₁ dsi₃ ja₁con'₂ 'ne₂, ia₁ rē₂'nia₅ jui₅bí₂ quió₃ jui₁lia'₂ jme'₁uan'₅₄ dsa₂.” Jaun₂ 'io'₂ jéin₅ bá₄ ia₁ a₂'uang'₅₄, ia₁jaun₂ le₂jniá₂ jui₅bí₂ quió'₅ Cristo le₃ja₁con₂ jniá₂. ¹⁰ Jaun₂ tē₅ bá₄ dsi₃ a₂'uang'₅₄ quian'₅₄ ca₂le₃jě₃ a₂dsi₂ñíg₂: a₂juá'₂ dsa₂ uig₅, quian'₅₄ guě₄ ca₂le₃jě₃ a₂chang₂, cha₂ a₂qui₂tsá₃ tín'₂ quió₃. A₂chang₂ a₂co₂'ein₅ dsa₂, ca₂le₃jě₃ guě₄ o₂i₁ dsi₅ a₂dsi₂ñíg₂ o₄quió'₄ Cristo. Ia₁ jui₁lia'₂ jme'₁'uang'₅₄, tē₂le₃ 'uan'₂ bá₄ jniá₂ le₃ja₁con₂ Diú₄.

'Nio₅ lín₃ 'i₅ dsi₅ Pa₄ o₄quió'₄ guá'₅ chan₂juig₂ Corinto

¹¹ Ma₂nē₂dsia₃ lia'₂ ja₁dsia₅ jan₂ dsa₂ co₄, ia₁ ma₂nē₂'ing₃ dse₃ 'ñió₃, la₁ guion'₅₄ bá₄ 'nia'₂ chi₂quiong'₅₄ jmig₄. Ia₁ 'nia'₂ bá₄ jme₁ca₂tíng'₂ jme'₁ág'₄ dse₃ jniá₂, ia₁ tsá₃ 'e₂ me'₂ quen₅ jniá₂ lia'₂ con'₂ guě₄ dsa₂ i₂chen₄ 'éi₂ i₂ñí₄ lē₃ jme₂can'₅₄ guion₅, jui₁'e₂ guě₃ tsá₃ 'e₂ quen₅ jniá₂. ¹² Dsón'₂ bá₄ ma₂ca₂rē₃jniá₂ léi₄ a₂lín₅ dsa₂ i₂chen₄ quián₅ Cristo jē₄ quián'₂ 'nia'₂, jē₄ ca₂le₃jě₃ a₂juin'₂ dsi₃: léi₄ a₂dsi₂gó'₃ dsi₅, quian'₅₄ jui₅bí₂ jlá'₁ nē₃. ¹³ Tsá₃ sion₅ ma₂jin₄ jniá₂ 'nia'₂ lia'₂ con'₂ guě₄ guá'₅ sián'₂, jnia'₅ lia'₂ jniá₂ 'ñió₃ tsá₃ 'e₂ guei₂ ma₂ca₂cuě₃ jniá₂ 'nia'₂. ¡'Én₃ 'nia'₂ dso₄ quió₃ chi₂jua'₂ tsá₃ dse₃ ca₂jmo₃ jniá₂ ja₁con'₂ 'nia'₂!

¹⁴ Ma₂chang₂ bá₄ co₂jñiag₅₄ a₂dsióg₄ i₁jing₁₂ 'nia'₂ jē₁ca₂tē₂ 'nag'₂ ráun₂, jaun₂ tsá₃ lē₅ jua'₅₄ a₂i₁cuě₃ 'nia'₂ guei₂. Ia₁ tsá₃ ta₁ jaun₂ ñi₅ jniá₂ jua'₅₄ a₂'ín₅ dsi₃ a₂cha₂ quián'₂ 'nia'₂; guion'₅₄ bá₄ 'nia'₂ 'nió₃ jniá₂. Ia₁ guion'₅₄ bá₄ jui₁lia'₂ chog₅₄-jmei₂ chi'₂ ca₂tín₂ 'no₃ cu₄ a₂qui₂dsi₃ñí₂ quiain'₅₄ chi'₂-guein₂ quiáin₅, jaun₂ on₃jua'₅₄ rē₂ 'chi'₂ ca₂tín₂ 'no₃ a₂dsi₃ñí₂ quiain'₅₄ chog₅₄-jmei₂. ¹⁵ Jaun₂ jniá₂ nē₃, 'ñio₂ bá₄ dsi₃ qui₁'éng₄ a₂cha₂ quió₃, ton'₂ 'ñio₂ bá₄ dsi₃ jme₁dsiang₅ dsi₃ o₄quió'₄ jme₂dsi₂ quián'₂ 'nia'₂. Chi₂jua'₂ jaun₂, ia₁ tē₂le₃ lē₅ guě₄ 'nió₃ jniá₂ 'nia'₂, ¿a₁tē₂le₃ me'₂ bá₄ 'nió'₃ 'nia'₂ jniá₂ jaun₂ nē₃?

¹⁶ Jui₁'e₂ guě₃ dsau₅ a₂tsá₃ 'e₂ guei₂ ca₂cuě₃ jniá₂ 'nia'₂, la₁ 'ñio₄ bá₄ jniá₂, juá'₂ 'nia'₂, a₂ca₂jón₃ jniá₂ 'nia'₂ quian'₅₄ mai₅₄ quió₃. ¹⁷ ¿O₃ bá₄ lín'₂ 'nia'₂ a₂'lig'₅₄ ca₂lág₃ jniá₂ quian'₅₄ dsa₂ i₂ca₂tsíng₂ ne'₅₄ 'nia'₂? ¹⁸ Ca₂mi₃ bá₄ jniá₂ ne₄ Tito a₂jmo₃ dse₃ dsi₅ a₂ca₂ñei₅₄ ja₁con'₂ 'nia'₂, ton'₂ ca₂tsín₂ jniá₂ ján₃ jan₂ rin'₅₄ jniog₄ i₂quiain'₅₄. Jaun₂, ¿O₃ bá₄ ca₂jme₃gau₅ 'éi₂? ¿O₃ bá₄ tsá₃ 'én'₂ 'e₂ 'nia'₂ a₂ma₂ja₂náu₅ jnia'₅₄ co₂dsia₅ quiain'₅₄, jmo₂ ta₁ co₂rē₂ quiain'₅₄, ton'₂ jan₂ bá₄ Jme₂dsi₂ i₂quiong'₅₄ táng₃?

¹⁹ 'An₁ mei'₂ tsá₃ caun₂ lín'₂ bá₄ guě₄ 'nia'₂ a₂jnia'₅₄ con'₂ 'niog₂ jnia'₅₄ lion₄ guio₅₄ ne'₅₄ 'nia'₂. La₁ jág₅ bá₄ Diú₄ tsá₃ le₂jaun₂ dsi₂jio₅ dsi₅ jnia'₅₄. Jág₁ tí₅ bá₄ chei₂ jnia'₅₄ 'nia'₂ ne₄ Cristo. La₁ jē₄ ca₂le₃jě₃ a₂nē₅ a₂dse₃ ia₁jaun₂ qui₃dsi₂cón'₃ 'nia'₂ tē₂le₃ quió'₅ jme₂dsi₂, 'nia'₂ rin'₅₄ jniog₄ i₂'nió₃ guě₄ lín₃. ²⁰ Ia₁ gó₅ jniá₂ con'₂ tsá₃ ñó₅ nē₁jua'₂ tsá₃ dse₃ tion'₅₄ 'nia'₂ lia'₂ con'₂ lē₅ 'nio₃ jniá₂, jē₁ma₂ca₂dsióg₃, ján₃ bá₄ le₂jaun₂ nē₁jua'₂ tsá₃ ca₂jein'₂ 'nia'₂ jniá₂ lia'₂ con'₂ 'niog'₂ 'nia'₂ guě'₂ táng₃. Ia₁ gó₅ jniá₂ nē₁jua'₂ tion'₅₄ 'nia'₂ a₂tsá₃ jen'₂ 'nia'₂ quian'₅₄ ríng'₂; nē₁jua'₂ tion'₅₄ 'nia'₂ uig₅ 'au'₂ jing'₅₄ ríng'₂; nē₁jua'₂ ca₂rē₃'né'₂ 'nia'₂ co₂tiá₂; nē₁jua'₂ 'ua'₂ 'au'₂ 'nia'₂ tion'₅₄; nē₁jua'₂ qui₂tsín'₂ 'nia'₂ 'lig'₅₄ ríng'₂; nē₁jua'₂ qui₂chi₂'ín'₅ 'nia'₂ ríng'₂; nē₁jua'₂ chan₂ i₂qui₂jmo₅ rón₂; nē₁jua'₂ tion'₅₄ 'nia'₂ mi'₅₄. ²¹ Ján₃ bá₄ gó₅ jniá₂ nē₁jua'₂ ca₂jmo₃ Diú₄ a₂tē₂tsin'₅₄ jniá₂ o₂guí'₃ o₄quián'₂ 'nia'₂ jē₁ma₂dsióg₃; go'₂ le₃jiá₃ tiá'₃ qui'₂ dsi₃ 'o₅₄ o₄quió'₄ i₂ma₂qui₂ma₂náu₂ dso₄ le₂jniá₅, ton'₂ tsá₃ 'e₂ ma₂ca₂dsi₃quén'₅ dsi₅ o₄quió'₄ a₂'lig'₅₄ a₂jmo₅-dsáu₅; a₂nió'₅ jág₁ quiain'₅₄ dsa₂ i₂tsá₃ lín₅ dsi₂l₂gu₂; ca₂le₃jě₃ guě₄ a₂'lig'₅₄ o₂guí'₃ a₂qui₂ma₂jmo₃.

13

Ág' Pa jág ton' ě guě jág tějñiá

¹ A₂dsióg₅ 'nag'₂ ráun₂ a₂i₁jñ₁₂ 'nia'₂ la₂. “Ca₂le₃jě₃ 'e₂ niog₅ lě₂ jióg'₂ 'í₁ tē₂le₃ quian'₅₄ on₃-ún₂ dsa₂ i₂jáng'₃ jág₁ dsau₅.”* ² Ma₂ca₂'ě₃ jniá₂ jág₁ tějñiá₅ ne₄ dsa₂ i₂jme₁tián'₄ 'no₅ dso₄ le₂jñiá₅, ton'₂ ne₄ ca₂le₃jñ₃ i₂sián'₂ ně₃, ján₃ bá₄ 'ě₅ jniá₂ jág₁ a₂'eng₅₄ uíng₂ ja₁con'₂ 'nia'₂, ju₁lia'₂ ca₂jmo₃ jniá₂ lia'₂ con'₂ ηeg₅₄ jē₁ca₂tě₂ tin₃ ráun₂ a₂i₁jñ₁₂ 'nia'₂: nē₁jua'₂ con'₂ siá'₂ ca₂dsióg₃ jniá₂ a₂i₁jñ₁₂ 'nia'₂, jaun₂ tsá₃ ma₃jmo₅₄ jniá₂ ηē₂ dsi₃ nē₁jua'₂ chan₂ guě₄ i₂tsá₃ ma₂dsi₂quén'₄ dsí₅. ³ Le₂jaun₂ jmo₅₄ jniá₂ chi₂jua'₂ a₂jaun₂ 'niog'₂ 'nia'₂ a₂jáng'₄ jniá₂ léi₄, a₂dsón'₂ bá₄ juá'₂ Cristo tsí₅ 'nia'₂ quian'₅₄ jág₁ a₂quian₄ jniá₂. Tsá₃ jua'₅₄ a₂lín₅ 'uan₅₄ ja₁con'₂ 'nia'₂; 'nió'₄ tē₂le₃ jme₂jnia₅ bá₄ 'éi₂ a₂'io₂₃ ju₁bí₂ jē₄ quián'₂ 'nia'₂. ⁴ Dsón'₂ bá₄ jaun₂ ca₂tion₃ cróg₄ dsa₂ nē₂jag₄ bá₄ a₂lín₅ jan₂ dsa₂ 'uan₅₄, la₁ rē₂ně₃ ně₃ chain₂ tē₂le₃ quian'₅₄ ju₁bí₂ quió'₅ Diú₄. Le₂ně₅ bá₄ ju₁lia'₂ jnia'₅₄ táng₃, quian₄ ju₁ jaun₂ a₂jmo₂ jnia'₅₄ 'uan₅₄ o₄quió'₄ 'éi₂, le₂jaun₂ bá₄ le₃chong₂ guě'₂ jnia'₅₄ ja₁con'₂ 'nia'₂ quian'₅₄ ju₁bí₂ quió'₅ Diú₄.

⁵ Te₁li₁ 'nia'₂ ja₁con'₂ guiong'₅₄ chi₂jua'₂ dsón'₂ tión'₂ 'nia'₂ ju₁ quió'₅ Te₁gui'₅₄. Quion₂ de'₂ 'nia'₂ caun₂ 'í₁ le₃ja₁con'₂ 'nia'₂ guiong'₅₄. ¿Tsa₁ len'₄ 'nia'₂, a₂'en₅₄ bá₄ Jesucristo ja₁con'₂ 'nia'₂, jaun₂ bá₄ nē₁jua'₂ tsá₃ tē₁tsin'₅₄ 'nia'₂ 'lig'₅₄ nē₁ma₂ca₂quion'₂ 'nia'₂ 'í₁ jaun₂? ⁶ La₁ 'ín₂ dsi₃ jniá₂ le₃len'₄ 'nia'₂ a₂tsá₃ le₂jaun₂ lág₅ jnia'₅₄ jua'₅₄ a₂tsá₃ dse₃ tē₃tsag'₅₄ jnia'₅₄ nē₁ma₂ca₂quion'₂ 'nia'₂ 'í₁, jua'₅₄ a₂tsá₃ dsau₅ a₂lág₅ jnia'₅₄ dsa₂ i₂chen₄ quián₅ Te₁gui'₅₄. ⁷ Qui₂mi₂ jnia'₅₄ chi₂len'₄ Diú₄ o₄quián'₂ 'nia'₂ ia₁jaun₂ tsá₃ ma₃jmo₄-dsáu'₄ 'nia'₂ a₂'lig'₅₄. On₃jua'₅₄ ia₁jaun₂ tē₃tsag'₅₄ jnia'₅₄ dse₃, tē₂le₃ ia₁jaun₂ jmó'₂ 'nia'₂ a₂dse₃, ju₁'e₂ guě₃ chan₂ i₂lín₂ a₂tsá₃ dse₃ tē₃tsag'₅₄ jnia'₅₄. ⁸ Ia₁ tsá₃ lé₂ náu₂ jnia'₅₄ quein₅ ja₁con₂ jág₁ tí₅, tē₂le₃ tióng₂ bá₄ jnia'₅₄ quian'₅₄ jág₁ tí₅. ⁹ Jaun₂ tē₂le₃ 'io'₂ bá₄ jmo₂ jnia'₅₄ jme₁lág₄ jnia'₅₄ dsa₂ 'uan₅₄, 'nia'₂ guě'₂ lín₅ dsa₂ 'uan'₂. A₂jaun₂ caun₂ chi₂len'₄ bá₄ jnia'₅₄ Diú₄ ia₁jaun₂ len'₂ 'nia'₂ co₂ηei'₅₄. ¹⁰ Jaun₂ lě₃, jmo₂₃ si₂ carta la₂ tsíng₂ ne'₅₄ 'nia'₂ tē₁lia'₂ 'eng₅₄ uíng₂, ia₁jaun₂ tsá₃ 'nió'₅ jua'₅₄ a₂jmo₅₄ jniá₂ tsau₂ dsi₃ jē₁ma₂dsióg₃, lia'₂ con'₂ lě₅ ta₁ a₂lín₅ a₂ca₂cuě₃ Te₁gui'₅₄, ia₁jaun₂ tē₂le₃ lei₂ bá₄ jme₂dsi₂ quián'₂ 'nia'₂, on₃jua'₅₄ tē₂le₃ qui₃jě'₂.

¹¹ Nē₃ ně₃, rñ₅₄ jniog₄, caun₂ ju₁le₂chan'₂ bá₄ 'nia'₂ dse₃ qui₂jmo₂ 'nia'₂ 'io'₂. Jmog'₅₄ 'nia'₂ 'au'₂ o₄quió'₄ jme₂dsi₂ quián'₂ 'nia'₂ ně₃; ju₁chan'₂ bá₄ 'nia'₂ rē₂ a₂'ei₅ caun₂ jág₁ quian'₅₄ ríng'₂. Jaun₂ Diú₄ i₂jmo₅ 'ei₅ tei₄ i₂'nio₃ 'nia'₂, 'éi₂ bá₄ jme₃quiong'₅₄ 'nia'₂ ca₂le₃jě₃ jmíg₄. ¹² Cuñ₅₄ 'nia'₂ Diú₄ ríng'₂ le₂jang'₂ le₂jang'₂ a₂qui₁chén'₁† 'nia'₂ quió'₅ ríng'₂ a₂lě₅ léi₄ a₂ma₂'ei₅ caun₂ jág₁ a₂le₁jě₃ 'au'₂ quian'₅₄ ríng'₂. ¹³ Ca₂le₃jñ₃ bá₄ rñ₅₄ jniog₄‡ ja₁lá₃ dsián'₂ jág₁ a₂cuñ₂₃ Diú₄ 'nia'₂.

¹⁴ Jaun₂ ju₁jme₂gu'₅₄ bá₄ Te₁gui'₅₄ Jesucristo; ju₁le₂jniá₂ jē₄ quián'₂ 'nia'₂ a₂'nio₃ Diú₄ 'nia'₂; ju₁'ei₅ caun₂ jág₁ jñ₄ 'nia'₂ quian'₅₄ Jme₂dsi₂ Jñi₅. A₂méi₃. Co₂ně₅.

* **13:1** Deuteronomio 19:15. † **13:12** Caun₂ tag₄ a₂jme₁chí'₄ lia'₂ con'₂ jme₁ca₂jmo₃ Pa₄ si₂ la₂. ‡ **13:13** lit. “dsa₂ jñi₅.”

Si₂ carta a₂ca₂jmo₃ San Pablo ne₄ dsa₂ GÁLATAS

Jmo₅ Pa₄ si₂ a₂chein₃ ne₄ Guá'₅ i₂chan₂ 'uë₃ Galacia

¹ Jniá₂ Pa₄, líng₅ i₂chen₄ quián₅ Te₁gui'₅₄ la₁ tsá₃ líng₅ i₂'ín₁ quián₅ dsa₂ mi₂güí₃, on₃ guë'₂ i₂chen₄ quián₅ dsa₂ mi₂güí₃ ně₃. Líng₅ jan₂ i₂'ín₁ quián₅ Jesucristo, quian'₅₄ Diú₄ Jmei₂ i₂ca₂jme₃jein'₅₄ ja₁jme₁rë₂'liin₅₄. ² Jniá₂, quian'₅₄ ca₂le₃jín₃ rin'₅₄ jniog₄ i₂quiang'₅₄, jmo₂ jnia'₅₄ si₂ carta la₂ a₂dsian'₅₄ jnia'₅₄ ja₁con₂ ca₂le₃jín₃ guá'₅ i₂chan₂ 'uë₃ Galacia. ³ Jui₁jme₂gu'₅₄ bá₄ Diú₄ 'nia'₂, jui₁jmo₅₄ bá₄ Diú₄ Jmei₂ quian'₅₄ Te₁gui'₅₄ Jesucristo ně₃, jui₁'ei₅ bá₄ tei₄ tion'₅₄ 'nia'₂. ⁴ Jesús 'éi₂ bá₄ ca₂gue₃ 'mú₃ 'uig₅₄ dsá_{u1} jniog₄, a₂lió₂ jë₄ mi₂güí₃ 'lig'₅₄ la₂, co₂jaun₂ ca₂rë₃'ñi₃ dsí₅ Diú₄ quián₂ i₂lín₅ jmei₂ jniog₄. ⁵ 'Éi₂ bá₄ jui₁le₂juin'₂ co₂tan₅₄! A₂méi₃.

Tsá₃ ma₃jág₁ siá'₂ cha₂jua'₅₄ a₂lión₂ dsa₂

⁶ Dsi₂gó'₃ dsi₃ ia₁ ma₂'niog'₂ 'nia'₂ téng'₄ cón'₂ Diú₄ i₂ca₂të₃ 'nia'₂ të₂le₃ ia₁ a₂'ua₁ dsí₅ Cristo. Ia₁ a₂ma₂nag'₂ táng₃ 'nia'₂ jág₁ siá'₂. ⁷ On₃jua'₅₄ a₂dsi₂jó'₃ a₂cha₂ guë'₄ jág₁ dse₃ siá'₂ a₂lió₂. La₁ia₁ juá'₅ jniá₂, chan₂ i₂lín₅₄ i₂línio₄ jmo₅ a₂dsi₂cón'₅ 'au'₂ 'nia'₂. A₂'nio₃ jme₃tsiin₃ jág₁ dse₃ la₂ quió'₅ Cristo a₂tín'₄ dsa₂. ⁸ La₁ ně₁jua'₂ chan₂ i₂jme₂tín₅ 'nia'₂ caun₂ jág₁ a₂juá'₂ a₂tín'₄ dsa₂, la₁ ně₁jua'₂ tsá₃ lë₅ con'₂ lë₅ jág₁ a₂ma₂'ë₄ jnia'₅₄, dsa₂ 'éi₂ jui₁të₂tsin'₅₄ ná_{u3} a₂dsi₃'éin₂. Tsá₃ a₂nag₅₄ o₁jñia'₅₄ guio₅₄ jnia'₅₄, o₃ o₁jñia'₅₄ jan₂ ángel i₂já₅ guei'₅₄ i₂juí₃. ⁹ Jui₁lia'₂ ma₂jua'₅₄ jnia'₅₄ ně₅, juá'₄ táng₃ siá'₂: ně₁jua'₂ chan₂ i₂'ë₂ jág₁ a₂ma₂rë₂tsín₄, a₂tsá₃ lë₅ con'₂ lë₅ a₂ma₂gue'₅₄ 'nia'₂, dsa₂ 'éi₂ jui₁të₂tsiin'₅₄ ná_{u3} a₂dsi₃'éin₂. ¹⁰ ¿'E₂ lín'₂ 'nia'₂? ¿O₃ bá₄ a₂jme₂'uá₁ jniá₂ dsí₅ dsa₂ mi₂güí₃ con'₂ dsi₂ten₅₄? ¿O₃ bá₄ a₂jme₂'uá₁ jniá₂ dsí₅ Diú₄ 'e₂? ¿O₃ bá₄ jmo₅ jniá₂ a₂'ñio₂ dsí₅ dsa₂ mi₂güí₃ 'e₂? Tsá₃ ma₃le₃jua'₅₄ a₂líng₅ guë'₄ dsa₂ i₂jme₂ti₃ ja₁con₂ Cristo, jua'₅₄ mei'₂ guë'₃ le₂jaun₂.

A₂ lia'₂ ca₂lín₃ Pa₄ jan₂ i₂chen₄ quián₅ Jesús

¹¹ Jui₁le₂ñi'₅₄ 'nia'₂ rin'₅₄ jniog₄, jág₁ dse₃ a₂tín'₄ dsa₂ a₂qui₂'ë₅ jniá₂, on₃jua'₅₄ jág₁ a₂le₃jua'₅₄ a₂lë₁'no'₂ dsa₂ mi₂güí₃ dsí₅. ¹² On₃ guë'₂ jua'₅₄ a₂ca₂gue₃ jniá₂ quió'₅ 'i₁jan₂ dsa₂ mi₂güí₃, on₃ guë'₂ jua'₅₄ chan₂ dsa₂ i₂ca₂jme₃tag₅ jniá₂. 'Niog₅ bá₄ Te₁gui'₅₄ Jesucristo ca₂jme₃jniai₂₃ jág₁ ně₅ ja₁cong₂. ¹³ Ia₁ ma₂ca₂rë₃ñi'₅₄ bá₄ 'nia'₂ 'a₂ lia'₂ jme₁líng₄ le₂jñiá₅, lia'₂ con'₂ jme₁'eng₅₄ guë'₄ juá'₅ quió'₅ dsa₂ judíos. Ma₂ñi'₅₄ bá₄ 'nia'₂ ně₃ a₂dséi₂ dsi₃ guë'₄ lín₃ ca₂'éng₃ dsa₂ quián₅ Diú₄, 'ñio₅ lín₃ jme₁quín'₅ jniá₂ bí₂ a₂co₂dsia₅ jme₁'éng₄ dsa₂ 'éi₂. ¹⁴ Ia₁ jniá₂ bá₄ i₂jme₁dsi₂jñiá₄ 'ñio₅ lín₃ guë'₄ con'₂ guë'₄ ca₂le₃jín₃ dsa₂ go₃ i₂co₂ríng₂ quiang'₅₄. Ia₁ jniá₂ 'ñio₅ lín₃ guë'₄ jme₁jme₂gó₁ jmo₂₃ 'í₁ tag₄ quió'₅ dsa₂ can'₅₄ quián₂ jnia'₅₄ ma₂líg'₂. ¹⁵ La₁ lia'₂ con'₂ né₃ a₂le₃chang₂, ca₂quió'₂ Diú₄. A₂'ua₁ dsí₅ guë'₄ lín₃ ca₂të₃ jniá₂. Ca₂rë₃'ñi₃ dsí₅, ¹⁶ ca₂jmo₃ ca₂rë₃cuíng₅ ca₂'iin₃ Ja₁ñi'₅₄, ia₁jaun₂ qui₁'ë₄ jniá₂ jág₁ dse₃ quió'₅, jin₄ dsi₂nau₂. Jaun₂ tsá₃ jua'₅₄ ca₂ñeg₅₄ ca₂l₁'niag'₂ dsa₂ mi₂güí₃ i₂to'₂ jág₁, ¹⁷ on₃ guë'₂ ca₂ñeg₅₄ juig₂ Jerusalén jua'₅₄ ca₂i₁jñing₁₂ i₂ma₂lín₅ dsa₂ i₂chen₄ quián₅ Te₁gui'₅₄, i₂ma₂ja₂lén₂ jñiá₅ guë'₄ lia'₂ con'₂ guë'₄ jniá₂. Dsi₂jui₅ bá₄ ca₂ñeg₅₄ le₂'uig₅₄ jui₅ 'uë₃ Arabia. Cang₂ guë'₄ jaun₂ ca₂ñág'₃ jui₅ Damasco. ¹⁸ Jme₁ca₂dsin₃ 'ni₅ ñi₂ cang₂ jaun₂, jaun₂ guë'₄ ca₂ñeg₅₄ Jerusalén ca₂i₁dsia₂ jág₁

quian'⁵⁴ Pe⁴. * Ja₁jaun₂ ca₂jan₅₄ guia₃-ñiá₂ jmig₄. ¹⁹ La₁ 'i₁jan₂ i₂sián'₂ i₂lín₅ i₂chen₄ quián₅ Jesús tsá₃ ca₂jing₅₄, jñia'₅₄ lia'₂ jan₂ Jacobo dsó₂ rin'₅₄ Te₁gui'₅₄ bá₄. ²⁰ Jág₅ bá₄ Diú₄, jág₁ dsau₅ bá₄ tó'₅ ne₄ si₂ la₂, tsá₃ tē₂jing₁. ²¹ Cang₂ jaun₂ guē₄ ně₃, ca₂ñó₃ le₂tan₅₄ juig₂ ja₁tén₄ 'uē₃ Siria quian'₅₄ Cilicia. ²² Rin'₅₄ jniog₄ quián₅ guá'₅ chan₂ 'uē₃ Judea ně₃ i₂tión₂ le₃quió'₅ Cristo, tsá₃ jme₁ma₂cuig₂₃ dsi₁ne₁. ²³ Jñia'₅₄ lia'₂ jme₁ma₂nág₂ bá₄ dsia₅ rin'₅₄ jniog₄ 'ag₂₃ juá'₂: “Dsa₂ i₂jme₁co₂'ein₅ jniog₄ le₂jñiá₅, la₁ rē₂ně₃ ně₃ ma₂ñi₂₃ ján₃ 'ē₂ jág₁ a₂jme₁'nio₃ jme₁'éin₂ le₂jñiá₅.” ²⁴ Jaun₂ ca₂jme₃juin'₂ Diú₄ bá₄ o₄quió₃.

2

Dsa₂ i₂chen₄ sián'₂ guein₂₃ Pa₄

¹ Jme₁ca₂ñi₂ guia₃-quén₂ ñi₂ cang₂, jaun₂ guē₄ ca₂ñeg₅₄ táng₃ Jerusalén quiang'₅₄ Bernabé. Tito ně₃, ca₂jáng₂. ² Ca₂ñeg₅₄ ja₁jaun₂ ia₁ ca₂jme₃jñia₅ Diú₄ ne₃ a₂ca₂tíng₂ nei₅₄. Jaun₂ ca₂dsia₃ bá₄ jñiá₂ ne₄ dsa₂ i₂tián'₅ Jerusalén 'éi₂ jág₁ dse₃ ně₅ a₂'ē₅ jñiá₂ jin₄ dsi₂nau₂, la₁ jmá'₃ lia'₂ quian'₅₄ dsa₂ i₂lia'₂ lē₅ i₂quian₅ ne₄ ju₁ bá₄, jē₄ con'₂ jmá'₃ guio₅₄ bá₄ jñia'₅₄, ca₂dsiá₁ jág₁ ia₁jaun₂ tsá₃ lē₅ jua'₅₄ a₂lē₁ñi₅ jñiá₂ jmo₂₃ ta₁ a₂tsá₃ ta₁ tí₄. ³ Ca₂lia'₂ jñia'₅₄ Tito, i₂jme₁quian'₅₄ jñiá₂, tsá₃ ca₂chi₃quióng₂ dsa₂ jmig₄ jua'₅₄ a₂tion₅₄ jme₃ti₃ 'éi'₃ a₂jme₁ti₃ ni₁lo₁₂, o₁jñia'₅₄ jme₁lín₄ 'éi₂ griego. ⁴ Jág₁ ně₅ ca₂ñó₃ ia₁ i₂lín₅₄ dsa₂ i₂ju₁gan₂ i₂juá'₂ lín₅ rin'₅₄ jniog₄, ca₂i₃toin'₅₄ con'₂ tē₃co'₅₄ jē₄ quián₂ jñia'₅₄, a₂jme₁'nio₃ tiog₃ con₂ 'í₁ 'a₂ lia'₂ lē₅ chong₂ jñia'₅₄ con'₂ dsa₂ ma₂lón₂ le₃quió'₅ Cristo Jesús, ia₁ tsá₃ ma₃tio'₅₄ jniog₄ 'éi'₃; la₁ 'éi₂ ně₃ jme₁'nio₃ jme₁to'₂ táng₃ 'éi'₃ guei₂ jaun₂. ⁵ La₁ tsá₃ 'ein₂ ca₂cuē₃ jñia'₅₄ jmig₄ jñia'₅₄ 'i₁ca₂tiá₂ tei₄ jua'₅₄ jme₃gau₅ 'éi₂, ia₁ 'niog₂ jñia'₅₄ a₂caun₂ o₁nóg'₅ cha₂ jág₁ dsau₅ ja₁con'₂ 'nia'₂ jág₁ dse₃ a₂lión₂ dsa₂.

⁶ Ju₁lia'₂ dsa₂ i₂lia'₂ lē₅ lín₅ dsa₂ dsen₅₄ i₂juá'₅ jñiá₂, (ton'₂ ján₃ bá₄ tsá₃ a₂jaun₂ tion₅₄ 'ín₅ dsi₃ le₃guion₅₄ 'a₂ lia'₂ ma₂ja₂lén₂ 'éi₂ jmo₂₃ guoin₅₄. Ia₁ tsá₃ 'í₁ jaun₂ con₂ Diú₄ jua'₅₄ 'a₂ lia'₂ jñiá₂ dsa₂), ju₁lia'₂ dsa₂ 'éi₂ ně₃, tsá₃ 'e₂ ñag₅₄ jua'₅₄ a₂ca₂jme₃tag₂₃ guē₄ con'₂ lē₅ jág₁ a₂'ē₅ jñiá₂. ⁷ Ia₁ tē₂le₃ ca₂rē₃lí'₄ bá₄ guoin₅₄, co₂jaun₂ bá₄ ta₁ a₂ma₂cuē₃ Diú₄ a₂'ē₄ jñiá₂ jág₁ dse₃ jin₄ dsi₂nau₂, * ju₁lia'₂ lē₅ ta₁ ma₂dsia₃ gu₂ Pe₄ a₂'ē₂ jág₁ dse₃ jin₄ dsa₂ judíos.† ⁸ Jaun₂ Diú₄ i₂jan₂ tan₅₄ 'éi₂ bá₄ ca₂chein₃ guē'₂ Pe₄ a₂lín₅ 'éi₂ dsa₂ i₂chen₄ quián₅ tē₂le₃ jin₄ dsa₂ judíos, le₂jaun₂ bá₄ ca₂chei₃ guē'₂ jñiá₂ ján₃ a₂lín₅ i₂chen₄ quián₅ tē₂le₃ jin₄ dsi₂nau₂. ⁹ Jaun₂ lē₃, Jacobo, Pe₄,‡ quian'₅₄ Juan₅₄ ně₃, co₂'nió'₄ i₂lín₅ dsa₂ dsen₅₄ quián₅ guá'₅, ca₂rē₃lí'₄ bá₄ guoin₅₄, 'ñiog₅ bá₄ Diú₄ ma₂cuē₃ ta₁ ně₅, jaun₂ ca₂cuē₃ gu₂ a₂ca₂jmo₃ léi₄, jñiá₂ quian'₅₄ Bernabé co₂'nió'₄ a₂'ei₅ caun₂ jág₁ quian'₅₄ a₂dsau₅₄ jñia'₅₄ dsi₁jmó₁ ta₁ ja₁con₂ dsi₂nau₂. Guoin₅₄ guē'₂ táng₃ dsi₂jmó₂ ta₁ jin₄ dsa₂ judíos. ¹⁰ Jñia'₅₄ lia'₂ a₂jaun₂ bá₄ jág₁ a₂ca₂cuē₃ a₂jmó₁ jñia'₅₄ dsiog'₂ dsi₅ dsa₂ te₂ñé₂, a₂ně₅ bá₄ guē'₂ a₂'ín₅ dsi₃ jñiá₂ quín'₅ jñiá₂ bí₂ jmo₂₃.

Ca₂jí Pa₄ ca₂jéin₂ Pe₄ juig₂ Antioquía

¹¹ La₁ lia'₂ con'₂ ñe₄ Pe₄ juig₂ Antioquía, ca₂jéin₂ jñiá₂ dsi₁ne₁, 'uig₅₄ ia₁ a₂jmo₂₃ a₂tsá₃ dsi₂ten₅₄ jmo₃. ¹² Ia₁ le₂jñiá₅ jme₁guē'₅ co₂dsia₅ quian'₅₄ dsi₂nau₂; la₁ jme₁ca₂dsi₃lén₂ i₂chen₄ quián₅ Jacobo, jaun₂ guē₄ ca₂jme₃lióg₃ ca₂ñó₃ cau₅, tsá₃ ma₃ca₂guē'₃ quian'₅₄ dsa₂ 'éi₂, 'uig₅₄ ia₁ a₂gain₃ dsa₂ i₂ti₅ lo₄. ¹³ Jaun₂ dsa₂ judíos i₂én₂ sián'₂ ca₂jme₃quian'₅₄ bá₄ Pe₄ a₂lē₁co₂jmo₂₃ o₁ne₁ quiong'₅₄; ca₂lia'₂ le₂jñiog₅ Bernabé ca₂ñó₃ quiong'₅₄ ján₃. ¹⁴ La₁ jme₁ca₂jág₃ jñiá₂ tsá₃ jmo₂₃ lia'₂ con'₂ lē₅ tí₅ dsón'₂ juá'₂ jág₁ dse₃, jaun₂ ca₂juig₂ jñiá₂ Pe₄ tē₃ñag₅ le₃jín₃ dsa₂:

* **1:18** griego: Cefas. * **2:7** lit. “jin₄ dsa₂ i₂tsá₃ lo₄ rē₂u_{ing}.” † **2:7** lit. “jin₄ dsa₂ i₂rē₂u_{ing} lo₄”; ján₃ bá₄ ‡ **2:9** griego: Cefas; ján₃ bá₄

—'Ne₂ guè'₂ líng'₅ jan₂ dsa₂ judío, le₂ jaun₂ bá₄ guè'₂ chang'₂ jmo'₂ lia'₂ lě₅ chan₂ dsi₂ nau₂, on₃ jua'₅₄ rě'₂ con'₂ lě₅ jme₁ jmó'₂ ia₁ a₂ líng'₅ dsa₂ judío, ¿'a₂ bá₄ lia'₂ jaun₂ chi₁ quiang'₅₄ jmig₄ dsi₂ nau₂ a₂ le₃ chain₂ con'₂ lě₅ chan₂ dsa₂ judíos?

15 'Lág₅ jniog₄ judíos con'₂ lě₅ chong₂, —ca₂ juíg₂ jniá₂ Pe₄—, on₃ jua'₅₄ rě'₂ jui₁ lia'₂ dsi₂ nau₂ i₂ qui₂ rě₂ cán'₄ dso₄. 16 Jaun₂, a₂ ne₄ bá₄ jniog₄, 'i₁ jan₂ tsá₃ 'ein₂ guén'₂ Diú₄ nē₂ jag₄ i₂ tsá₃ 'e₂ dso₄ rín₂, jua'₅₄ a₂ jme₃ ti₃ 'Éi'₃, jñia'₅₄ lia'₂ a₂ le₃ 'én₂ bá₄ dsa₂ tē₂ le₃ quió'₅ Jesucristo. 'Uig₅₄ jaun₂ ca₂ tē₂ jniog₄ ján₃ ma₂ ca₂ rē₃ 'éin₂ tē₂ le₃ quió'₅ Jesucristo ia₁ jaun₂ bá₄ guéi'₂ Diú₄ jniog₄ nē₂ jag₄ a₂ tsá₃ ma₃ 'e₂ dso₄ rē₂ cáu'₄, tē₂ le₃ a₂ jñia'₅₄ con'₂ 'éin₂ bá₄, on₃ jua'₅₄ rě'₂ a₂ 'nió'₅ jme₁ ti₁ ta₁ qui'₅ 'Éi'₃. Ia₁ 'i₁ jan₂ tsá₃ 'ein₂ chén'₅ rē₂ ne₄ Diú₄ tē₂ le₃ quian'₅₄ a₂ jme₂ ti₃ 'Éi'₃. 17 Nē₃ nē₃, chi₂ jua'₂ 'niog₂ jniog₄ tē₂ tsag'₅₄ dse₃ tē₂ le₃ ne₄ Diú₄, 'uig₅₄ ia₁ a₂ ma₂ tióng₂ le₃ quió'₅ Cristo, jaun₂ gué₄ ca₂ dsióg₃ rē₂ jniá₂ a₂ lág₅ jniog₄ dsa₂ i₂ qui₂ rē₂ cán'₄ dso₄ bá₄ ján₃, ¿on₁ bá₄ 'nió'₄ le₃ jua'₅₄ Cristo tē₂ le₃ cuē₅ bí₂ bá₄ jniog₄ a₂ caun₂ 'nióg₁ dso₄? ¿Dsón'₂ bá₄ on₃ jua'₅₄ le₂ jaun₂!

18 Ia₁ chi₂ jua'₂ co₂ dsia₅ ma₂ ca₂ 'éng₃ caun₂ cosa, con'₂ siá'₂ guè'₂ 'nio₃ chog'₅₄ táng₃, jaun₂ gué₄ dsón'₂ a₂ jme₂ jniá₁ 'ñió₃, a₂ ma₂ ca₂ i₁ juing₅₄ 'éi'₃. 19 Tsá₃ 'io₅ bí₂ 'Éi'₃ jua'₅₄ a₂ chei'₃ rē₂ ne₄ Diú₄. Jaun₂ nē₂ jag₄ bá₄ i₂ co₂ dsia₅ ma₂ jon₅ bá₄ jniá₂ tē₂ le₃ ne₄ 'Éi'₃ ia₁ jaun₂ le₃ chang₂ táng₃ tē₂ le₃ ne₄ Diú₄. 20 Jaun₂ co₂ 'nió'₄ ca₂ tē₁ ton₅₄ bá₄ jniá₂ co₂ lě₅ quian'₅₄ Cristo ne₄ cróg₄; jaun₂ on₃ jua'₅₄ 'ñió₃ jniá₂ chang₂; 'ñiog₅ bá₄ Cristo i₂ chan₂ jui₅ jme₂ dsí₂ quió₃. Lia'₂ con'₂ lě₅ chang₂ ni₁ ñí₅ la₂, chang₂ tē₂ le₃ a₂ jñia'₅₄ con'₂ 'éng₂ tē₂ le₃ quió'₅ Ja₁ ñi'₅₄ Diú₄, i₂ ca₂ rē₃ 'nio₃ jniá₂, ca₂ jñin'₂ 'ñiog₅ o₄ quió₃ jniá₂. 21 Jaun₂ tsá₃ 'nio₃ jniá₂ jua'₅₄ a₂ jmo₅₄ cau₅ a₂ 'ua₁ dsí₅ Diú₄; ia₁ jua'₅₄ mei'₂ gué₃ guion₅₄ dsa₂ lé₂ le₃ jmo₃ a₂ chein'₃ rē₂ ne₄ Diú₄ tē₂ le₃ quian'₅₄ a₂ jme₃ ti₃ 'Éi'₃, tsá₃ 'e₂ ta₁ tí₄ a₂ ca₂ jon₃ Cristo jua'₅₄ mei'₂ gué₃ le₂ jaun₂.

3

'A₂ lia'₂ guén'₂ Diú₄ dsa₂

1 ¿'En₁ jmá'₃ tsá₃ rē₂ 'en₅₄ 'au'₂ 'nia'₂ dsa₂ gálatas! ¿'Ein₂ bá₄ je₂ na'₅₄ i₂ ca₂ jme₃ gau₅ 'nia'₂? Jua'₂ ma₂ ca₂ tē₂ bá₄ ne₅₄ 'nia'₂ guiong'₅₄ a₂ ma₂ ca₂ jme₁ jnia₅ jnia'₅₄ tē₂ dsón'₂ 'ñiog₅ Jesucristo i₂ tē₁ ton₅₄ cróg₄. 2 Ñag₄ caun₂ 'nia'₂ a₂ juá'₄ la₂: ¿'A₂ lia'₂ ca₂ guen'₅₄ 'nia'₂ Jme₂ dsí₂ quián₅ Diú₄? ¿Ca₁ guein'₅₄ 'nia'₂ ia₁ a₂ ca₂ jme₁ ti'₄ ta₁ qui'₅ 'Éi'₃ quió'₅ Moisés? ¿O₃ bá₄ ca₂ guein'₅₄ 'nia'₂ jme₁ ca₂ rē₃ 'éng₂ jág₁ a₂ ma₂ nei'₂ 'e₂ 'nia'₂? 3 ¿'A₂ bá₄ lia'₂ ñí₄ tsá₃ rē₂ 'en₅₄ 'au'₂ 'nia'₂? ¿O₃ bá₄ 'náu'₂ 'nia'₂ 'au'₂ a₂ jme₁ 'ñiag'₂ quian'₅₄ jui₅ bí₂ quiáng'₂ guiong'₅₄ a₂ ma₂ ca₂ jme₁ lióg'₄ quian'₅₄ Jme₂ dsí₂? 4 ¿O₃ bá₄ tsá₃ 'e₂ ta₁ tí₄ ca₂ le₃ jě₃ a₂ ma₂ ca₂ i₃ ñí'₂ 'nia'₂? Jui₁ le₅₄ bá₄ a₂ cha₂ ta₁ jmo₃ bá₄ ca₂ la₂ a₂ jaun₂. 5 Jē₁ ma₂ ca₂ cuin₃ Diú₄ Jme₂ dsí₂ quián₅ jmo₂₃ léi₄ jué'₂ jin'₄ 'nia'₂, ¿'e₂ lě₃ jmo₂₃? On₃ jua'₅₄ a₂ jaun₂ gué'₂ jmo₂₃ ia₁ a₂ jme₂ ti'₅₄ 'nia'₂ 'Éi'₃. A₂ jaun₂ bá₄ jmo₂₃ léi₄ jué'₂ tē₂ le₃ ia₁ a₂ ca₂ rē₃ 'én'₂ 'nia'₂ jág₁ a₂ ma₂ nei'₂ bá₄. 6 Ia₁ Abraham nē₃, ca₂ rē₃ 'éin₂ tē₂ le₃ quió'₅ Diú₄. A₂ ca₂ rē₃ 'éin₂ jaun₂, ca₂ guéi'₂ Diú₄ nē₂ jag₄ bá₄ i₂ ca₂ rē₃ ti'₅₄ 'éi'₃. * 7 'Uig₅₄ jaun₂ nē₃, ca₂ tñin'₂ 'nia'₂ le₃ ñi'₅₄: jui₁ lia'₂ dsa₂ i₂ 'én₂, i₂ 'éi₂ bá₄ i₂ lín₅ tē₃ dsón'₂ co₂ 'nió'₄ tsi₁ jon₂ Abraham. 8 Ne₄ Si₂ gui'₅₄ jaun₂ ca₂ juá'₂ Diú₄ tē₂ jñia₅ ca₂ tsí'₃ Abraham a₂ guein₃ le₂ jiog₅ dsi₂ nau₂ tē₂ le₃ jñia'₅₄ con'₂ le₃ 'éin₂ bá₄, co₂ 'nió'₄ nē₂ jag₄ bá₄ i₂ le₃ ti'₅₄ 'éi'₃, jme₁ ca₂ juá'₂ le₂ la₂: “Ca₂ le₃ jě₃ juig₂ te₁ 'i₁ gua'₅₄ 'uē₃ jme₁ gon'₅₄ jniá₂ tē₂ le₃ quian'₅₄ 'ne₂.”† 9 Jaun₂ le₂ nē₅ bá₄ nē₃, jui₁ lia'₂ dsa₂ i₂ 'én₂ nē₃, i₂ 'éi₂ bá₄ i₂ lín₅ dsa₂ i₂ rē₂ gon'₅₄ quián₅ Diú₄ co₂ dsia₅ quian'₅₄ Abraham i₂ ca₂ rē₃ 'én₂ 'éi₂.

* 3:6 Génesis 15:6. † 3:8 Génesis 12:3; 18:18; 22:18.

10 Dsa₂ i₂jmo₅ dsí₅ a₂tioin'₅₄ 'Éi'₃ tióin₂ jui₅ 'éi'₃ a₂dsi₃'éin₂. Ia₁ juá'₂ ne₄ Si₂: “Ca₂le₃jín₃ i₂tsá₃ jme₂ti₃ ca₂le₃jě₃ 'éi'₃ a₂tio'₅₄ ne₄ Si₂ tioin'₅₄ 'éi'₃ a₂dsi₃'éin₂.” ‡ 11 Rě₂ bá₄ léi₄ jaun₂ ně₃, 'i₁jan₂ tsá₃ 'ein₂ lé₂ le₃náu₃ rě₂ ne₄ Diú₄ tē₂le₃ ia₁ a₂jme₃ti₃ 'Éi'₃. Ia₁ ne₄ Si₂ juá'₂: “Dsa₂ i₂guén'₂ Diú₄ co₂'nió'₄ i₂lín₅ i₂dsen₃, tē₂le₃ a₂jñia'₅₄ con'₂ a₂'éin₂ bá₄ le₃chain₂.” § 12 La₁ 'Éi'₃ Juá'₅ quió'₅ Moisés ně₃, on₃jua'₅₄ a₂cha₂ ja₁já₄ 'uig₅₄ a₂'én₂ dsa₂ jaun₂. Ia₁ tē₂le₃ le₂la₂ bá₄ juá'₂: “Dsa₂ i₂jmo₅ lia'₂ con'₂ lě₅ juá'₂ 'Éi'₃, quian'₅₄ 'Éi'₃ jaun₂ le₃chain₂.”* 13 Cristo ca₂quí₃ ca₂lió₂ jniog₄ uig₅ a₂jme₁ca₂tág₂ guéi₁ con'₂ lě₅ 'Éi'₃. Ia₁ ne₄ Si₂ juá'₂: “Ma₂rě₂'ě₂ uig₅ ja₁con₂ chi₂jua'₂ 'ein₂ i₂tē₂ton₅₄ guei'₅₄ 'ma₂.” † 14 Le₂ně₅ ca₂quí₃ ia₁jaun₂ a₂dse₃ jaun₂ a₂ca₂jme₃gon'₅₄ Diú₄ Abraham, ñag₅ le₃ja₁con₂ dsí₂nau₂ tē₂le₃ quian'₅₄ Cristo Jesús. Ca₂quí₃ ia₁jaun₂ guéi₁ jniog₄ ca₂le₃jág₃ tē₂le₃ ia₁ a₂'éin₂, guén₄ Jme₂dsí₂ Jñió₅ a₂ma₂juá'₂ cuin₃.

Jui'lia' 'Éi' Juá', quian' jág₁ a₂ma₂cuě₃ Diú₄

15 Rin'₅₄ jniog₄, la₂ cuě₅₄ jniá₂ caun₂ jág₁ jáng'₅ léi₄ 'a₂ lia'₂ lě₅ jmo₅ dsa₂ mi₂güig₃: Jui'lia'₂ jme₁quiog₂ dsa₂ caun₂ si₂ ja₁tio'₅₄ jág₁ a₂li'₅₄ jaun₂ tio'₅₄ firma quió'₅, jaun₂ 'i₁jan₂ tsá₃ 'ein₂ lé₂ le₃jmo₃ tsá₃ quen₅ si₂ jaun₂, on₃ guě'₂ ma₃lé₂ jua'₅₄ jmo₃ guě₄ ñag₅₄ 'i₁caun₂ con'₂ lě₅ jaun₂. 16 Jaun₂ le₂ně₅ ca₂cuě₃ Diú₄ jág₁ quió'₅ ca₂cuě'₃ Abraham quian'₅₄ chi'₂ dsio₄ 'éi₂. Ne₄ Si₂ quió'₅ tsá₃ juá'₂ jua'₅₄ a₂'iin₂₃ “juin₅ tsi₁jon₂” 'éi₂. Ca₂juá'₂ “tsi₁jon₂ quiáng'₂”, ‡ 'iin₂₃ jan₂ dsa₂ bá₄. I₂jan₂ 'éi₂ lín₅ Cristo. 17 Le₂la₂ bá₄ 'ě₅ jniá₂: Ca₂jmo₃ Diú₄ caun₂ jág₁ quian'₅₄ Abraham. Jaun₂ jme₁ca₂gua₃ 'Éi'₃ Juá'₅ ně₃, quén₂ 'ñiá₂-láu₂ rě₂dsí₂ guióg₂-guiá₂ (430) ñi₂ cang₂ jaun₂, la₁ tsá₃ le₃jua'₅₄ jua'₅₄ a₂tsá₃ quen₅ jág₁ a₂li'₅₄ Diú₄ quian'₅₄ Abraham, on₃ guě'₂ le₃jua'₅₄ a₂tsá₃ jma₃quen₅ jág₁ ron₅ a₂rě₂cuě₁ quió'₅ Diú₄. 18 Ia₁ jua'₅₄ mei'₂ guě₃ lé₂ gue₃ dsa₂ a₂ca₂tín₂ a₂cuě₃ Diú₄ tē₂le₃ ia₁ a₂jme₂ti₃ 'Éi'₃, jaun₂ tsá₃ ma₃le₃jua'₅₄ jua'₅₄ a₂gue₃ guě₄ dsa₂ tē₂le₃ ia₁ a₂ma₂cuě₃ Diú₄ jág₁ quió'₅. La₁ ca₂cuě₃ Diú₄ jág₁ quió'₅ ně₃ ca₂cuě'₃ Abraham a₂ca₂tín₂ gue₃ a₂lě₁gue₃ co₂ñi₂ bá₄. 19 ¿'E₂ ta₁ qui'₅ 'Éi'₃ Juá'₅ jaun₂ ně₃? Cang₂ jaun₂ bá₄ ca₂já₃, a₂quí₃ ta₁ a₂'ě₃ 'a₂ lia'₂ lě₅ qui₂i₁juin₅₄ dsa₂ 'no₂₃ dso₄. 'Éi'₃ jaun₂ ca₂gua₃ ca₂lia'₂ ca₂guan₃ “tsi₁jon₂ i₂jan₂ i₂'iin₂₃ 'éi₂” con'₂ lě₅ jág₁ ma₂cuě₃ Diú₄. 'Éi'₃ jaun₂ ně₃, ca₂tē₁ron₅₄ tē₂le₃ quian'₅₄ ángel i₂ca₂'ě₂ jág₁. Ca₂tē₁tsin'₅₄ jan₂ dsa₂ i₂chén'₅ ne₄ jág₁. 20 La₁ jme₁ca₂dsia₃ Diú₄ jág₁ quian'₅₄ Abraham le₂'uig₅₄, 'ñiog₅ bá₄ ca₂dsia₃ jág₁. Tsá₃ 'ein₂ sián'₂ ca₂nau₂ ne₄ jág₁. Ia₁ i₂jan₂ tan₅₄ 'éi₂ bá₄ Diú₄ i₂ca₂juá'₂ jme₁ca₂juá'₂.

Ta₁ a₂quí₅ 'Éi'₃ Juá'₅

21 ¿O₃ bá₄ co₂'nió'₄ juá'₂ jaun₂ ně₃, a₂quí₅ ta₁ 'Éi'₃ a₂'nio₃ 'éin₂ jág₁ a₂ma₂cuě₃ Diú₄? On₃jua'₅₄ le₂jaun₂. Jua'₅₄ mei'₂ guě₃ lé₂ le₃cuě₃ 'Éi'₃ Juá'₅ caun₂ jui₅ ja₁lé₂ le₃chan₂ jme₂dsí₂, jaun₂ bá₄ jme₁lé₂ le₃guen₃ Diú₄ dsa₂ tē₂le₃ quian'₅₄ a₂jme₃ti₃ dsa₂ 'Éi'₃ jaun₂. 22 La₁ lia'₂ con'₂ lě₅ juá'₂ ne₄ Si₂, ca₂le₃jín₃ bá₄ dsa₂ tioin'₅₄ le₁'ñei'₅₄ jui₅ ja₁'no₂₃ dso₄, ia₁jaun₂ tē₂le₃ a₂jñia'₅₄ con'₂ 'éin₂ bá₄ tē₂le₃ quió'₅ Jesucristo le₃gue₃ a₂ma₂juá'₂ Diú₄ cuě₃.

23 Né'₃ a₂guá₂ jág₁ a₂le₃'én₂ dsa₂ ně₃, jme₁tio'₅₄ jniog₄ le₁jnág₅ quian'₅₄ 'Éi'₃, co₂'nió'₄ a₂jme₁jmo₂₃ 'í₁ jniog₄, quile₁jñia₁ a₂le₃jniá₂ a₂le₃'éin₂ jaun₂. 24 'Uig₅₄ jaun₂ bá₄ ně₃, 'Éi'₃ ca₂jme₃góin₃ ne₄ quián₂ jniog₄, ně₂jag₄ bá₄ jan₂ tē₅ i₂ca₂jñiog₃ ca₂tē₂ ja₁con₂ Cristo, ia₁jaun₂ jē₁ma₂ca₂rě₃'éin₂ tē₂le₃ quió'₅ 'éi₂, lé₂ le₃tě₃tsag'₅₄ jniog₄ rě₂ ne₄ Diú₄. 25 Jaun₂ rě₂ně₃ ně₃ ma₂gua₅ bá₄ a₂'éin₂ jniog₄, tsá₃ ma₃tio'₅₄ ne₄ 'Éi'₃ jua'₅₄ a₂jaun₂ a₂jñiog₅ guě₄ jniog₄, jmo₅ 'í₁. 26 A₂lín'₅ 'nia'₂ ca₂le₃jín'₃

‡ 3:10 Deuteronomio 27:26. § 3:11 Habacuc 2:4. * 3:12 Levítico 18:5. † 3:13 Deuteronomio 21:23. ‡ 3:16 Génesis 12:7; 13:15; 24:7.

chi'-guein₂ quián₅ Diú₄, tē₂le₃ ia₁ a₂'én'₂ 'nia'₂ le₃quió'₅ Cristo Jesús. ²⁷ Jaun₂ ca₂le₃jín'₃ 'nia'₂ con'₂ i₂ma₂tion'₅₄ 'ei₅ caun₂ jág₁ quian'₅₄ Cristo lia'₂ con'₂ jme₁ca₂jñóg'₂ jmíg₂, tión'₂ 'nia'₂ a₂rē₂jniág'₁ rē₂lín'₅₄ nē₂jag₄ bá₄ Cristo 'ñiog₅. ²⁸ Tsá₃ ma₃jma₃quén₅ tión₂ dsa₂, tsá₃ a₂nag₅₄ o₁jñia'₅₄ i₂lín₅ judíos, o₃ griegos, on₃ guē'₂ i₂lín₅ dsa₂ i₂jme₂ti₃ ta₁ ne₄ juig₅₄, on₃ guē'₂ dsa₂ i₂tsá₃ 'ein₂ ne₄ jme₂ti₃ nē₃; dsa₂ ñe'₂, o₃ dsa₂ mí₂ 'e₂; ia₁ i₂co₂rín₂ bá₄ 'nia'₂ le₃quió'₅ Cristo Jesús. ²⁹ Chi₂jua'₂ tén'₅ 'nia'₂ le₃quió'₅ Cristo, jaun₂ guē₄ lín'₅ dsa₂ tsi₁jon₂ Abraham, jaun₂ ca₂tín'₂ 'nia'₂ guéi'₁ a₂lě₅ jág₁ a₂cuē₃ Diú₄.

4

¹ A₂la₂ bá₄ juá'₅ jniá₂: Tē₂lia'₂ bin'₅₄ guein₂, i₂ca₂tín₂ gue₃ a₂lě₅ jág₁ a₂cuē₃ jmei₂, tsá₃ jua'₅₄ jma₃quén₅ lín₅ quian'₅₄ dsa₂ i₂'lian'₅₄ quián₅ jmei₂, o₁jñia'₅₄ a₂dsau₅ jan₂ i₂'éi₂ bá₄ quió'₅ ca₂le₃jě₃. ² Chan₂ dsa₂ i₂jmo₅ 'í₁ nio₅ gu₂ ca₂le₃jě₃ a₂cha₂ quió'₅ 'éi₂, ca₂lia'₂ ca₂tě₂ jmíg₄ a₂'ě₅ jmei₂. ³ Jaun₂ le₂ně₅ bá₄ lě₅ quian'₅₄ jniog₄. Tē₂lia'₂ con'₂ big'₅₄, jme₁chong₂ jniog₄ le₁'ñei'₅₄ ne₄ 'éi'₃, tag₄ a₂jio₅ bí₂ ja₁con₂ dsa₂ mi₂güig₃. ⁴ La₁ jme₁ca₂dsin₃ jmíg₄, ca₂chen₃ Diú₄ Ja₁ñi'₅₄, ca₂rě₃cháin₃ ca₂caun₃ jan₂ dsa₂ mí₂ dsa₂ mi₂güig₃, ca₂guain₃ lín₅ jan₂ dsa₂ i₂rě₂'en₅₄ ne₄ 'Éi'₃ Juá'₅. ⁵ Le₂ně₅ bá₄ guain₃ a₂quí₃ a₂lió₂ ca₂le₃jág₃ jniog₄ con'₂ dsa₂ jme₁tio'₅₄ 'Éi'₃ jaun₂, ia₁jaun₂ guéi'₂ Diú₄ jniog₄ a₂ma₂lág₅ chi'-guein₂ quián₅. ⁶ Jaun₂, 'uig₅₄ ia₁ a₂lín'₅ 'nia'₂ chi'-guein₂ quián₅ nē₃, jaun₂ ca₂chein₃ Jme₂dsí₂ quián₅ Ja₁ñi'₅₄ tē₂dsi₅ jniog₄, jaun₂ Jme₂dsí₂ nē₃ juá'₂: “¡Abba!* ¡Tia₅₄ quiáng₃!” ⁷ Le₂ně₅ jaun₂, tsá₃ ma₂lín'₅ 'ne₂ jan₂ i₂chi₁'ñe'₅₄ ne₄ 'éi'₃; ma₂lín'₅ jan₂ ja₁ñi'₅₄ bá₄. Jaun₂ chi₂jua'₂ lín'₅ jan₂ ja₁ñi'₅₄, ján₃ bá₄ ma₂lín'₅ jan₂ i₂ca₂tín₂ gue₃ a₂lě₅ jág₁ cuē₃.

T₅ dsí₅ Pa₄ o₄quió'₄ dsa₂ 'én₂

⁸ Le₂jñiá₅, lia'₂ con'₂ tsá₃ Diú₄ jme₁ma₂cuin'₂ 'nia'₂, jme₁tiong'₅₄ le₁'ñeg'₅₄ ja₁con₂ diú₄ lag₄ i₂tě₃dsón'₂ on₃jua'₅₄ i₂le₃jua'₅₄ diú₄ dsón'₂. ⁹ La₁ rē₂ně₃ nē₃ ma₂cuin'₂ 'nia'₂ Diú₄, co₂'nió'₄ juá'₅, ma₂cuin'₅ Diú₄ 'nia'₂. Jaun₂ nē₃, ¿'a₂ bá₄ lia'₂ lě₅ a₂o₂no'₅₄ táng₃ 'nia'₂ le₃ca'₃ tsá₃ caun₂ a₂qui₂'náu'₂ 'au'₂ a₂tóng'₂ táng₃ ne₄ 'éi'₃ tag₄ 'uan₅₄ a₂tsá₃ ta₁ tí₄? ¹⁰ Ia₁ jmo'₂ bá₄ guē₄ 'nia'₂ 'au'₂ a₂jme₂jué'₁ a₂lín₅₄ jmíg₄, tsi'₂, ñi₂, jein₂ nē₃. ¹¹ 'Ñio₅ dsí₂gó'₃ dsí₃ ia₁ con'₂ tsá₃ ñó₅ nē₁jua'₂ tsá₃ 'e₂ ta₁ tí₄ ta₁ a₂ma₂jmo₃ jniá₂ jin'₄ 'nia'₂.

¹² Rin'₅₄ jniog₄, chilen'₄ jniá₂ 'nia'₂ jui₁len'₅₄ bá₄ 'nia'₂ lia'₂ lín₅ jniá₂, ia₁ jniá₂ ma₂ca₂jmo₃ dsí₃ ján₃ a₂lín'₅ lia'₂ lín₅ 'nia'₂. Tsá₃ 'e₂ jua'₅₄ a₂tsá₃ dsi₂ten₅₄ a₂ma₂jmo₃'₅₄ 'nia'₂. ¹³ Ia₁ ma₂ñi'₅₄ bá₄ 'nia'₂, lia'₂ jme₁ca₂'ě₃ jniá₂ jág₁ dse₃ a₂lión₂ dsa₂ jin'₄ 'nia'₂ le₂'uig₅₄, ca₂lě₃ le₂jaun₂ 'uig₅₄ caun₂ dso₄ a₂jme₁lín'₄. ¹⁴ Dso₄ a₂ca₂jéin₃ jniá₂ jaun₂ nē₃ co₂'nió'₄ a₂ca₂caun₃ táu₂ Diú₄ 'nia'₂ bá₄ jaun₂. La₁ on₃jua'₅₄ a₂jaun₂ tsá₃ ca₂guei'₅₄ 'nia'₂ jua'₅₄ a₂tsá₃ ca₂rě₃jei'₅₄. Tē₂le₃ 'io'₂ guē₄ ca₂guei'₅₄ bá₄ 'nia'₂ jniá₂ nē₂jag₄ bá₄ jan₂ ángel quián₅ Diú₄, nē₂jag₄ bá₄ lín'₅ Cristo Jesús 'ñiog₅. ¹⁵ ¿'E₂ bá₄ ca₂lě₃ quian'₅₄ a₂ñi₄ lě₃ dse₃ jme₁ca₂'ág₂ 'au'₂ 'nia'₂ le₂jaun₂? Lé₂ le₃juá'₄ jniá₂, jua'₅₄ mei'₂ guē₃ lé₂, jme₁'uē'₄ 'nia'₂ mí₂g₂ ne'₅₄ guiong'₅₄, a₂jme₁cué'₁ jniá₂. ¹⁶ Jaun₂ nē₃, ¿on₃ bá₄ lín'₂ 'nia'₂ a₂'iog₅₄ bá₄ jniá₂ ia₁ a₂juá'₅ lia'₂ tí₅ jág₁?

¹⁷ Dsa₂ 'éi₂ nē₃, 'ñio₅ dsen₅₄ dsí₅ jmo₂₃ quian'₅₄ 'nia'₂, la₁ on₃jua'₅₄ a₂dse₃ dsón'₂ lia'₂ dsi₂jio₅ dsí₅. A₂'no'₂ jui₅ a₂téi'₄ 'nia'₂ jnia'₅₄, ia₁jaun₂ le₃dsen₅₄ 'au'₂ a₂'éin'₄ guoin₅₄. ¹⁸ A₂dsón'₂ a₂dse₃ bá₄ jaun₂ a₂cué'₅ dsa₂ bí₂ rín'₅₄, chi₂jua'₂ a₂jaun₂ bá₄ a₂dse₃ a₂dsi₂jio₅ dsí₅. La₁ jui₁jmo₁₂ le₂jaun₂ co₂tan₅₄, on₃jua'₅₄ rē'₂ jmá'₃

* **4:6** Abba: co₂'nió'₄ le₃jua'₅₄: “Tia₅₄” quian'₅₄ jág₁ jmei₅ arameo.

jme'en⁵⁴ jniá² quian'⁵⁴ 'nia'². ¹⁹ 'Nia'² chi'²-guein² quiáng³, con'² siá'² táng³ ma²ḡag⁵⁴ uig⁵ o⁴quián'² 'nia'², líng⁵ ně²jag⁴ bá⁴ jan² 'io⁵⁴ i²chan² uig⁵; caun² ḡag⁵⁴ uig⁵ le²ně⁵ bá⁴ ca²lia'² ca²lín'³ 'nia'² a²dsi¹nóg'⁵ léng'² lia'² lín⁵ Cristo. ²⁰ ¡Jua'⁵⁴ mei'² bá⁴ lé²le³dsióg⁴ jniá² tē²ně³ ja¹con'² 'nia'², ia¹jaun² jme¹tsíng⁴ 'a²lia'² dsia⁵⁴ jág¹ quian'⁵⁴ 'nia'²! Ia¹ 'ḡio⁵ lín³ tsá³ guion⁵⁴ 'a²lia'² jmo⁵⁴ quian'⁵⁴ 'nia'².

Jág¹ jáng'⁵ léi⁴ jui¹lia'² Agar quian'⁵⁴ Sara

²¹ 'Nia'² con'² dsa² i²'niog'² tón'⁴ táng³ 'Éi'³ Juá'⁵, ḡag⁴ caun² 'nia'² a²juá'⁴ jniá² la²: ¿Tsa¹ ma²nei'² 'nia'² a²juá'² 'Éi'³ jaun²? ²² Ia¹ juá'² Si² 'iin²³ Abraham, 'éi² ně³ ca²rě³chán³ on³ ja¹ḡi'⁵⁴. Jan² i²ca²can³ dsa² mí² i²jme¹jme²ti³ ta¹ ne⁵⁴; jan² guē'² i²ca²can³ dsa² mí² quiáin⁵ dsón'² i²tsá³ 'ein² ne⁴ dsa² sián'² jme²ti³. ²³ Guein² i²ca²can³ dsa² mí² i²jme²ti³ ta¹ ne⁴ Abraham, ca²rě³chán³ con'² lě⁵ rě²chan² guein² lě¹guein², la¹ guein² i²ca²can³ dsa² mí² quián⁵ Abraham 'ḡiog⁵ ně³ ca²rě³chán³ a²ca²rě³ti³ jág¹ a²cuē¹ quió'⁵ Diú⁴. ²⁴ Jág¹ ně⁵, lě⁵ caun² jág¹ a²jáng'⁵ léi⁴. Le³on³ 'io⁵⁴ ně⁵ co²'nió'⁴ tin³ jág¹ a²lī'⁵⁴ Abraham quian'⁵⁴ Diú⁴. Caun² jág¹ ně⁵ lě⁵ co²'nió'⁴ Má'² Sinaí a²jáng'⁵ léi⁴ tē²le³ quió'⁵ Agar i²cán² guein² i²'i⁴ 'éi'³ jme³ti³ ta¹ ne⁴ dsa². ²⁵ Jaun² lín⁵ Agar co²'nió'⁴ Má'² Sinaí, a²chí'⁵ 'uē³ Arabia, a²lě⁵ caun² nió'⁴ quió'⁵ Jerusalén jmig⁴ ně³, ia¹ tion'⁵⁴ dsa² chan² ciudad jaun² jme²ti³ 'éi'³ co²dsia⁵ quiain'⁵⁴ chi'²-guein² quiáin⁵. ²⁶ La¹ jui¹lia'² Jerusalén 'mí² quió'⁵ guei'⁵⁴ ně³, rě²na⁴ bá⁴ jui⁵; jaun² ja¹jaun² bá⁴ lě⁵ ně²jag⁴ bá⁴ chog⁵⁴ jniog⁴. ²⁷ Ia¹ ne⁴ Si² juá'²:

Quian² o²'ḡi³ dsí⁵, 'ne² 'io⁵⁴ quen²,

'ne² dsa² mí² i²tsá³ guein² ma²can⁵,

'ú⁵ co²mí⁵⁴ guio'⁵⁴ a²'io'² jéng'²,

'ne² i²tsá³ 'e² jme¹ma²cuing'² 'e² jaun² a²chang'² uig⁵.

Ia¹ tē²le³ juin⁵ guē⁴ guein² le³chan² bá⁴

quió'⁵ dsa² mí² i²ca²téi² dsa²,

lia'² con'² guē⁴ dsa² mí² i²chan² dsí²i²gu².†

²⁸ Rin'⁵⁴ jniog⁴, lín'⁵ bá⁴ 'nia'² jui¹lia'² Isaac; lín'⁵ 'nia'² chi'²-guein² con'² lě⁵ jág¹ ca²cuē³ Diú⁴. ²⁹ Le²ně⁵ bá⁴ jui¹lia'² jmig⁴ jaun², ja¹ḡi'⁵⁴ i²ca²rě³chán³ con'² lě⁵ rě²chan² ca²le³jín³, qui²ca²co³'ein³ bá⁴ ja¹ḡi'⁵⁴ Abraham i²ca²rě³chán³ con'² ta¹ quió'⁵ jme²dsí², le²ně⁵ bá⁴ lě⁵ rě²ně³ ján³. ³⁰ ¿La¹ 'e² juá'² ne⁴ Si²? Juá'²: “Dsen⁵⁴ dsí²néi² 'io⁵⁴ i²jme²ti³ ta¹ ne'⁵⁴ ně⁵ lia'² jma³quiain'⁵⁴ ja¹ḡi'⁵⁴, ia¹ lia'² o¹líg'² jmig⁴ jua'⁵⁴ ja¹ḡi'⁵⁴ 'io⁵⁴ 'lian'⁵⁴ ně⁵ ca²tín² tīn⁵⁴ a²dse³ a²ca²tín² ja¹ḡi'⁵⁴ 'io⁵⁴ i²jín⁵⁴.”‡ ³¹ Jaun² ně³, rin'⁵⁴ jniog⁴, tsá³ lág⁵ jniog⁴ chi'²-guein² quián⁵ 'io⁵⁴ i²co²'nió'⁴ chi¹'ḡe'⁵⁴ 'éi². Lág⁵ bá⁴ jniog⁴ chi'²-guein² quián⁵ 'io⁵⁴ i²jín⁵⁴ § bá⁴.

5

Tiá² nau² 'nia'² jui⁵ rě²na⁴

¹ Cristo ca²chéi'² jniog⁴, ia¹jaun² tsá³ ma³le³chong² jua'⁵⁴ a²le¹'ḡei'⁵⁴ guē⁴. Jaun² tiá² nau² 'nia'² jui⁵ rě²na⁴, tsá³ ma³tón'² 'nia'² táng³ uig⁵ 'éi'³ guei² co²'nió'⁴ a²jmo⁵ a²rě²'ḡe'⁵⁴ dsa². ² Jaun² rě² nei² 'nia'². Jniá² Pa⁴, juíg² 'nia'²: Nē¹jua'² cuín'⁵ 'nia'² a²ti³ dsa² ni¹lo⁴, jaun² dsióg⁵ 'i¹ca²juig⁴ tsá³ 'e² ta¹ tén⁴ Cristo ja¹con'² 'nia'². ³ 'Nio³ jniá² juá'⁴ táng³: ně¹'ein² cuín⁵ a²ti³ dsa² ni¹lo¹², ca²tín² jme³ti³ ca²le³jě³ 'éi'³ qui'⁵ Si² quió'⁵ Moisés. ⁴ 'Nia'² i²'náu'² jui⁵ a²guéi'² Diú⁴ a²lín'⁵ dsa² dsen³ tē²le³ 'uig⁵⁴ ia¹ a²rě²ten'⁵⁴ 'nia'² 'Éi'³, ca²dsióg³ táng³ co²dsia⁵ ma²ca²'nia'⁵⁴ bá⁴ 'nia'² jág¹ quian'⁵⁴ Cristo; ma²i²uín'³ bá⁴ táng³ 'nia'² ja¹dsia⁵ Diú⁴ 'ua¹ dsí⁵ ja¹con'²

† 4:27 Isaías 54:1. ‡ 4:30 Génesis 21:10. § 4:31 o³, “'io⁵⁴ i²lon⁴.”

'nia'₂. ⁵ Ia₁ tē₂le₃ quian'₅₄ Jme₂dsí₂, tē₂le₃ njia'₅₄ 'a₂ con'₂ 'éin₂ bá₄ jniog₄, chong₂ a₂'ín₂ dsí₅ le₁nja₁ a₂já₅ caun₂ jmig₄ jē₁léi₂ dsón'₂ jniog₄ dsa₂ dsen₃. ⁶ Ia₁ nē₁jua'₂ chong₂ le₃quió'₅ Cristo Jesús, tsá₃ 'e₂ ta₁ jmo₃ o₁nja'₅₄ a₂rē₂uing₄ o₃ tsá₃ rē₂uing₄ 'e₂ lo₄ dsa₂. Ia₁ a₂le₃'éin₂ bá₄ tē₂dsón'₂ quen₅, a₂le₃jniá₂ tē₂le₃ quian'₅₄ a₂jme₁'nió₄ jniog₄ rín'₅₄. ⁷ Dse₃ bá₄ lia'₂ con'₂ jme₁ma₂ja₂nó'₅ 'nia'₂. ¿'Ein₂ bá₄ ca₂jmo₃ jnág₅ jui₅ jaun₂ tsá₃ ma₃nág'₁ gau₂ jág₁ a₂tí₅ dsón'₂? ⁸ On₃jua'₅₄ a₂jaun₂ a₂ma₂tē₅ Diú₄ 'nia'₂ jua'₅₄ a₂jmó'₂ le₂nē₅. ⁹ Lē₅ jui₁lia'₂ juá'₂ jág₁ quió'₅ dsa₂ ma₂líg'₂: “Quian'₅₄ ca₂juig₄ bá₄ jui₁ levadura, jmo₃ ta₁ guion'₂ ca₂le₃jě₃ ti₁can₁.” ¹⁰ Caun₂ bá₄ 'ei₅ dsí₃ tē₂le₃ ja₁con₂ Te₁gui'₅₄, a₂tsá₃ ma₃dsí₃jio₅ 'au'₂ 'nia'₂ le₂siá'₂; Diú₄ bá₄ 'ě₂ uig₅ quió'₅ dsa₂ i₂chi₂jan₅ chi₂nei₂₃ jág₁ jin'₄ 'nia'₂, tsá₃ a₂lě₅ jaun₂ jui₁'ein₂ guě₃. ¹¹ Tē₂le₃ quió'₃ guě'₂ rín'₅₄ jniog₄, jua'₅₄ mei'₂ guě₃ njí₅ jniá₂ te₁neg'₅₄ dsa₂ a₂ti₃ lo₅₄, ¿'e₂ guě'₂ lē₃ qui₂co₂'ein₅ dsa₂ jniá₂? Jág₁ dse₃ a₂rē₂'ě₂ quió'₅ Cristo a₂ca₂join₃ ne₄ cróg₄, tsá₃ 'lig'₅₄ jme₁ti_{in}₃ jua'₅₄ mei'₂ guě₃ le₂jaun₂. ¹² La₁ jui₁lia'₂ dsa₂ i₂cuē₅ o₂me'₅₄ dsí₅ 'nia'₂ a₂'ě₂₃ a₂ti₃ dsa₂ lo₅₄, jua'₅₄ co₂nei'₅₄ bá₄ ti₃ quió'₅ guioin₅₄!

¹³ Ia₁ 'nia'₂, rín'₅₄ jniog₄, ma₂ca₂rē₃té₄ a₂lén'₂ 'nia'₂ dsa₂ i₂i₂nio₄ lon₄. Jnia'₅₄ lia'₂ tsá₃ cuín₅ 'nia'₂ jmig₄ jua'₅₄ a₂jme₁ti'₄ guě₄ 'nia'₂ a₂mi₅ ni₁ni'₁ ia₁ a₂lín'₅ dsa₂ i₂ma₂lón₂. Tē₂le₃ jme₁ti₁ 'nia'₂ ja₁con₂ ríng'₂ le₂jang'₂ le₂jang'₂, tē₂le₃ ia₁ a₂'nió'₃ 'nia'₂ ríng'₂. ¹⁴ Ia₁ quian'₅₄ ca₂jon₄ jág₁ bá₄ a₂rē₂'nia₅ ca₂le₃jě₃ 'Éi'₃ Juá'₅: “Jme₁'nió₄ dsa₂ mi₂güig₃ ríng'₂ jui₁lia'₂ 'nió'₃ 'njag'₂.”* ¹⁵ La₁ nē₁jua'₂ tion'₅₄ 'nia'₂ quíng'₅ ríng'₂ quian'₅₄ i₂la₂ i₂ó₃, tē₃ni'₅₄ quián'₂ 'nia'₂ ia₁ con'₂ tsá₃ njó₅ nē₁jua'₂ guion'₅₄ bá₄ 'nia'₂ qui₂co₂dsí₃'éng'₅.

'A₂ lia'₂ le₃chan₂ dsa₂ tē₂le₃ quió'₅ Jme₂dsí₂ mi₂güig₃ la₂

¹⁶ A₂la₂ bá₄ a₂juig₂ jniá₂ 'nia'₂: Jui₁le₂chan'₂ bá₄ 'nia'₂ con'₂ lē₅ jio₅ Jme₂dsí₂, jaun₂ bá₄ dsióg₄ a₂tsá₃ ma₃jme₁ti'₄ 'nia'₂ a₂mi₅ ni₁ni'₁. ¹⁷ Ia₁ ca₂le₃jě₃ a₂'ín₅ dsí₅ ni₁ni'₁ dsa₂, 'io'₅₄ Jme₂dsí₂ quián₅ Diú₄. Ján₃ guě'₂ le₂jaun₂ a₂'ín₅ dsí₅ Jme₂dsí₂ 'io'₅₄ ni₁ni'₁ táng₃. Tsá₃ jein'₂; lē₅ 'nei₂. 'Uig₅₄ jaun₂ bá₄ tsá₃ lé₂ le₃jmó'₂ 'nia'₂ a₂'niog'₂. ¹⁸ Ia₁ nē₁jua'₂ jio₅ Jme₂dsí₂, tsá₃ ma₃tiong'₅₄ 'Éi'₃ Juá'₅. ¹⁹ Ia₁ a₂rē₂jniá₂ dse₃ bá₄ 'a₂ lia'₂ lē₅ chan₂ dsa₂ i₂i₂nio₄ con'₂ lē₅ 'nio₂ dsí₅ ni₁ni'₁₂: nió'₅ jág₁ a₂tsá₃ dsi₂ten₅₄ nió'₃; i₂nioi₅₄ 'nio₅ lē₁'nioi₅ 'e₂ guě₃ a₂jmo₅-dsá_u₅; tsá₃ con₂ dsí₅; ²⁰ qui₂jme₂gain₃ diú₄ lag₄; jmo₂₃ m_í₅ a₂chan₂ dsí₅;† i₂'nia₅₄ dsa₂ mi₂güig₃ rín'₅₄; i₂qui₂tsin₅ quian'₅₄ rín'₅₄; i₂dsí₅ 'uin₅ dsí₅; i₂caun₂ lē₁rē₂'ne₂; i₂'e₂ a₂cha₂ quió'₅; i₂dsia₅ mi'₅₄ jmo₅ le₁dson'₅₄ dsa₂; i₂jmo₅ jmá'₃ co₂nió'₃ quian'₅₄ rín'₅₄; ²¹ i₂uig₅ dsí₅; [i₂jme₂dsian₅ rín'₅₄];‡ i₂i₂nio₄ lē₁'en₅; qui₂jmo₂₃ jmig₄ ja₁qui₂jmo₅-dsá_u₅ a₂'lig'₅₄ nē₃. 'Lióng₂ bá₄ guě₄ a₂siá'₂ jmo₅ i₂lín₅₄ a₂mei'₂ tsá₃ co₂rē₂ ján₃. Jaun₂ 'ě₅ jniá₂ jág₁ tē₃jniá₅, jui₁lia'₂ ma₂juá'₃ jniá₂ le₂jniá₅ ma₂juig₂ 'nia'₂, ca₂le₃jín₃ dsa₂ i₂qui₂jmo₅-dsá_u₅ a₂nē₅ o₁líg'₂ jmig₄ tsá₃ tíin'₄ ja₁gon₂ Diú₄. ²² La₁ le₂la₂ bá₄ chan₂ dsa₂ i₂jio₅ Jme₂dsí₂: A₂'nioi₃ ríin'₅₄; chain₂ o₂'nio₃ dsí₅; tei₄ le₁'ág₄ dsí₅ nē₃, ton'₂ juin'₂ dsí₅ lín₅; 'nio₂ dsí₅ quian'₅₄ ríin'₅₄; jmo₂₃ a₂dse₃ dsí₅ ja₁con₂ ríin'₅₄ nē₃; tí₅ jág₁ quió'₅ nē₁'e₂ jág₁ jmo₂₃ quian'₅₄ ríin'₅₄. ²³ 'Ua₁ dsí₅ lín₅ ja₁con₂ ríin'₅₄; njí₅ 'a₂ lia'₂ jme₃'uáin₂ dsí₅ 'nio₅ 'e₂ jme₁ja₂ dsí₅ jmo₃. 'I₁caun₂ 'éi'₃ tsá₃ cha₂ jua'₅₄ a₂lé₂ le₃'liog'₃ quió'₅ dsa₂ i₂chan₂ le₂nē₅. ²⁴ Ia₁ dsa₂ i₂ma₂lín₅ quián₅ Cristo, nē₂jag₄ bá₄ a₂ma₂ca₂l₃lé₂ ne₄ cróg₄ ca₂le₃jě₃ lia'₂ lē₅ jme₁lín₄ chain₂ mi₂güig₃, co₂dsia₅ quian'₅₄ a₂jme₁'ín₅ dsí₅, a₂jme₁qui₂dsí₂jio₅ dsí₅ jmo₃ nē₃. ²⁵ Le₂nē₅ chi₂jua'₂ chong₂ jniog₄ tē₂le₃ quian'₅₄ Jme₂dsí₂, ján₃ bá₄ jui₁i₁nio₁ jniog₄ lia'₂ jio₅

* 5:14 Levítico 19:18. † 5:20 griego: farmakeía. ‡ 5:21 A₂lín₅₄ chog₅₄ si₂ tsá₃ le₁ton₅ jág₁ nē₅.

Jme₂dsí₂. ²⁶Tsá₃ ca₂tág₂ jniog₄ jmó₁ táu'₅, on₃ guë'₂ dsiá₁ mi'₅₄ le₂jau₂ le₂jau₂, on₃ guë'₂ jmó₁ uig₅ dsi₅ quian'₅₄ rin'₅₄.

6

Jme₁'on₁'nia₂'ríng'₂ le₂jang'₂ le₂jang'₂

¹Rin'₅₄ jniog₄, në₁'ein₂'nia₂ ca₂tán'₂ dso₄, 'nia₂' guë'₂ con'₂ i₂ma₂jniog₅ Jme₂dsí₂, ca₂tín'₂ 'nia₂ jme₁'oin₁, ia₁jaun₂ roin'₂ táng₃, jmó'₂ 'nia₂' 'ua₁' 'au'₂ ja₁coin₂. La₁'í₁ jmo₄, ia₁ con'₂ tsá₃ njó₅ në₁le₂jniog₅ 'ñiag'₂ ca₂táng'₂ ján₃. ²Jme₁'on₁'nia₂'ríng'₂ le₂jang'₂ le₂jang'₂, chi₂jua'₂ 'e₂ caun₂ o₂me'₅₄ dsi₅ guei₂ quian₅ ríng'₂, ia₁ le₂në₅ bá₄ le₃ten'₅₄ 'nia₂' 'éi'₃ a₂ca₂quiog₂ Cristo.* ³Ia₁ në₁jua'₂ chan₂ 'ein₂ lín₂ tñin₂ jmo₂₃, në₁jua'₂ tsá₃ 'e₂ ta₁ téin₄ guë'₂ në₃, jme₂gain₂₃ 'ñiog₅. ⁴Le₂jan₂ le₂jan₂ bá₄ dsa₂ ca₂tín₂ con'₂ 'í₁ 'a₂ lia'₂ jñia'₅₄ ma₂lë₅ chain₂ guioin₅₄. Në₁jua'₂ ca₂rë₃lí'₄ rë₂ ma₂chain₂, tióin₂ dse₃ guioin₅₄ bá₄, on₃jua'₅₄ jñia'₅₄ 'nio₃ chein'₃ dse₃ o₄quió'₄ i₂sián'₂. ⁵Ia₁ i₂jma₃quén₅ cán₂ guei₂ o₂me'₅₄ dsi₅ guion₅₄ bá₄ dsa₂ le₂jain₂ le₂jain₂.

⁶Jui₁lia'₂ dsa₂ i₂rë₂tñin₂ jág₁ quió'₅ Diú₄, ca₂tín₂ jme₃'oin₅₄ tē₅ quián₅ quian'₅₄ ca₂le₃jë₃ ne₅₄ a₂dse₃ a₂cha₂ quió'₅. ⁷Tsá₃ lë₁jme₂gán₁ 'nia₂' 'au'₂ guiong'₅₄: ia₁'i₁jan₂ tsá₃ 'ein₂ lé₂ lë₁co₃jmá'₂ Diú₄, ia₁ chi₂jua'₂ 'e₂ caun₂ a₂jne₅ dsa₂, a₂jaun₂ bá₄ ráu₃ quió'₅. ⁸Jui₁lia'₂ jan₂ dsa₂ i₂jne₅ a₂'ín₅ dsí₅ ni₁ñi₁ 'ñiog₅, jui₅ ni₁ñi₁₂ jaun₂ bá₄ ro'₂ 'mú₃; la₁ dsa₂ i₂jne₅ tē₂le₃ quió'₅ Jme₂dsí₂, jui₅ Jme₂dsí₂ bá₄ ráu₃ quió'₅ ján₃ a₂le₃chain₂ co₂tan₅₄. ⁹Le₂në₅ bá₄, tsá₃ lë₁o₁'ú'₄ dsi₅ jniog₄ a₂jmó₁ a₂dse₃; ia₁ në₁jua'₂ tsá₃ ca₂'ág₂ caun₂-tñin₃ dsi₅ jniog₄, já₅ bá₄ jmig₄ tē₅₄ a₂ráu₃ quián₂. ¹⁰Jaun₂ lë₃, lia'₂ co₂ráun₂ lé₂ le₃jmó₁, o₁jmó₁ jniog₄ a₂dse₃ ja₁con₂ ca₂le₃jín₃, la₁ ja₂lñin₃ guë'₄ le₃ja₁con₂ rin'₅₄ jniog₄ i₂'én₂.

Ē₂ guë'₄ jág₁ tē₃jñiá₅, jē₁'ág'₅ jág₁

¹¹Jag₄ 'nia₂ quian'₅₄ letras ca₁ca'₅₄ jmo₂₃ quian'₅₄ gu₃ 'ñió₃,† si₂ a₂tsíng₂ ne'₅₄ 'nia₂. ¹²Dsa₂ i₂jñia'₅₄ 'nio₃ le₃jñia₂ tióin₂ dse₃, chi₂quián₂ jmig₄ 'nia₂ a₂tí'₁ 'nia₂ lo'₅₄; jmo₂₃ le₂jaun₂ ia₁jaun₂ tsá₃ 'ein₂ co₃'ein₃ 'uig₅₄ ne₄ jág₁ quió'₅ cróg₄ quió'₅ Cristo. ¹³Ca₂lia'₂ jñia'₅₄ guion₅₄ dsa₂ i₂ti₅ lo₄ 'éi₂, tsá₃ a₂jaun₂ jme₂tñi₃ a₂juá'₂ ca₂le₃jë₃ 'Éi'₃ Juá'₅ jaun₂. La₁ 'nio₃ në₃ a₂tí'₁ 'nia₂ quiáng'₂, ia₁jaun₂ le₃jmo₃ táin'₅ ja₁con₂ ni₁ñi₁ 'nia₂. ¹⁴La₁ jñiá₂ në₃, o₁líg'₂ tsá₃ 'nio₃ jmo₅₄ táng'₅, jñia'₅₄ lia'₂ le₃quió'₅ 'mú₃ a₂ca₂i₃ñí₂ Te₁gui'₅₄ Jesucristo quián₂ jniog₄ ne₄ cróg₄ bá₄. Ia₁ 'uig₅₄ a₂ca₂jón₃ Cristo ne₄ cróg₄, ma₂ca₂ñí₂ bá₄ mi₂güí₃ ja₁con₂ jñiá₂; ján₃ guë'₂ le₂jaun₂ co₂'nió'₄ ma₂jón₅ bá₄ jñiá₂ tē₂le₃ ne₄ mi₂güí₃. ¹⁵Jaun₂ në₃, 'i₁caun₂ tsá₃ 'e₂ quen₅ a₂rë₂uñg₄ o₃ a₂tsá₃ 'e₂ rë₂uñg₄ lo₄ dsa₂; la₁ a₂léi₂ jniog₄ dsa₂ i₂ma₂ca₂rë₃'mag'₂ tē₂dsí₅, a₂në₅ bá₄ dsón'₂ a₂quen₅. ¹⁶Tē₂le₃ ja₁con₂ ca₂le₃jín₃ dsa₂ i₂i₂nio₄ lia'₂ con'₂ lë₅ jág₁ në₅, jui₁le₁'ág₄ bá₄ tei₄ 'au'₂ 'nia₂, jui₁dsia₅₄ bá₄ Diú₄ ñéi₂ dsí₅ ja₁con₂ 'nia₂ i₂lín₂' tē₃dsón'₂ dsa₂ juig₂ quián₅. ¹⁷Në₃ në₃, tē₂le₃ ne₄ jui₅ ja₁dsau₅₄ në₅, 'i₁jan₂ tsá₃ 'ein₂ jui₁cuë₅₄ o₂me'₅₄ dsí₃, ia₁ ma₂quian₄ bá₄ jñiá₂ 'ñió₃ léi₄ tio'₅₄ ni₁ñi₃ a₂jáng'₅ jág₁ dsau₅ a₂lín₂' tē₃dsón'₂ jan₂ dsa₂ quián₅ Jesús.

¹⁸Jui₁jme₂gu'₅₄ bá₄ Te₁gui'₅₄ Jesucristo quián₂ jniog₄ jme₂dsí₂ quián'₂ 'nia₂, rin'₅₄ jniog₄. A₂méi₃.

Co₂në₅.

* **6:2** 'Nio'₂ ja,ton₅ Juan 13:34. † **6:11** 'Nio'₂ ja,ton₅ 1 Corintios 16:21; Colosenses 4:18; 2 Tesalonicenses 3:17; Filemón 19.

Si₂ carta a ca₂ jmo₃ San Pablo ne₄ dsa₂ EFESIOS

Jmo₅ Pa₄ si₂ a₂chein₃ ne₄ Guá'₅ i₂chan₂ juig₂ Efeso

¹ Jniá₂, Pablo, co₂nē₅ ca₂rē₃ 'ñi₃ó dsí₅ Diú₄, líng₅ jan₂ i₂chen₄ quián₅ Jesucristo. Jmo₅ jniá₂ si₂ la₂ a₂tsíng₂ ja₁con'₂ 'nia'₂ i₂tén₅ le₃quió'₅ Diú₄* i₂chan₂ ciudad Efeso,† ja₁con₂ ca₂le₃jín₃ gué₄ i₂én₂ le₃quió'₅ Cristo Jesús. ² Ju₁jme₂gu'₅₄ bá₄ Diú₄ Jme₂ jniog₄, quian'₅₄ Te₁gui'₅₄ Jesucristo nē₃. Ju₁jmo₁₂ bá₄ 'ei₅ te₁chan'₂ 'nia'₂.

'A₂ lia'₂ jme₂gu'₅₄ Diú₄ le₃quió'₅ jme₂dsí₂, o₄quió'₄ Cristo

³ Ju₁jme₁juin'₂ jniog₄ Diú₄ Jme₂ Jesucristo Te₁gui'₅₄ quián₂, ia₁ le₃quió'₅ Cristo bá₄ ma₂ca₂jme₃gu'₅₄ 'éi₂ jniog₄ 'ñio₅ lín₃ quian'₅₄ ca₂le₃jě₃ ne₅₄ a₂dse₃ a₂gu₂dsí₂ a₂já₅ guei'₅₄ i₂juig₃. ⁴ Lia'₂ con'₂ né'₃ a₂jmo₃ Diú₄ mi₂güig₃, ca₂quió'₂ jniog₄ a₂léi₂ dsa₂ i₂ná₁ le₃quió'₅ Cristo, ia₁jaun₂ le₃chong₂ le₃ne₅₄ lě₅ 'í₁ quián₅, tsá₃ ma₃'e₂ dsá₁ jniog₄ cha₂. 'Uig₅₄ ia₁ a₂'nio₃ bá₄ jniog₄, ⁵ ca₂quió'₂ ca₂le₂jñiá₅, a₂guéi'₂ léi₂ jniog₂ chi'₂-guein₂ quián₅ tē₂le₃ quian'₅₄ Jesucristo, lia'₂ con'₂ lě₅ ca₂i₃jniog₅ dsí₅. Ia₁ le₂nē₅ ca₂rē₃'ñi₃ó dsí₅ 'ñiog₅. ⁶ 'Uig₅₄ nē₅ nē₃ jme₂juin'₁ jniog₄ Diú₄ ia₁ 'ua₁ dsí₅ 'ñio₅ lín₃, jaun₂ ca₂jme₃gu'₅₄ jniog₄ le₃quió'₅ Ja₁ñi'₅₄ i₂ñiá₄ 'nioi₃ lín₃. ⁷ 'Éi₂ bá₄ ca₂quí₃ ca₂lá₂ jniog₄ tē₂le₃ quian'₅₄ jmi₂ 'ain₅₄, ca₂'éin₂ dsá₁ jniog₄ a₂jme₁le₁cáu'₄, tē₂le₃ ia₁ a₂ñiá₄ lě₃ 'ua₁ dsí₅. ⁸ A₂dse₃ dsí₅ lín₃ bá₄ Diú₄ ca₂jmo₃ a₂le₃ñi'₂ dsí₅ jniog₄ a₂le₃tag₂ ca₂le₃jě₃, ⁹ a₂ma₂ca₂jme₃jñiá₂₃ ja₁con₂ jniog₄ jág₁ quió'₅ a₂jme₁rē₂'ma₄, a₂i₃jniog₅ dsí₅ jmo₃, lia'₂ con'₂ lě₅ ca₂rē₃'ñi₃ó dsí₅ jmo₃ a₂dse₃ dsí₅. 'Ñiog₅ bá₄ Diú₄ ca₂lě₃ dsí₅ jmo₃ le₃quió'₅ Cristo. ¹⁰ Lia'₂ con'₂ lě₅ jág₁, jme₃ti₃ bá₄ lia'₂ tí₅ jág₁ quió'₅ jē₁ma₂ca₂tē₂ jmi₂g₄ a₂'i₄ 'éi'₃ dsa₃ o₄gú₃ Cristo a₂jmo₃ 'éi'₃ lia'₂ guei'₅₄ i₂juig₃ lia'₂ ne₄ gua'₅₄ 'uē₃.

¹¹ Ján₃ bá₄ le₂nē₅, a₂tióng₂ jñiá'₅₄ le₃quió'₅ Cristo, ca₂quió'₂ Diú₄ tē₃jñiá₅ lia'₂ con'₂ lě₅ ta₁ quió'₅ a₂ma₂i₂jniog₅ dsí₅ jmo₃ le₂jñiá₅. Ia₁ Diú₄ bá₄ i₂jmo₅ 'e₂ niog₅ lě₂, lia'₂ con'₂ lě₅ dsí₂jniog₅ dsí₅ jmo₃. ¹² Le₂nē₅ ma₂ca₂jmo₃ ia₁jaun₂ jñiá'₅₄ i₂le₂'uig₅₄ 'éi₁ caun₂ dsí₅ tē₂le₃ quió'₅ Cristo, le₃chong₂ jñiá'₅₄ jmó₁ jué'₂ a₂co₂tág₅ quió'₅. ¹³ Ján₃ bá₄ le₂jaun₂ jme₁ca₂nei'₂ 'nia'₂ jág₁ tí₅, jme₁ca₂rē₃'ě₂ jág₁ a₂lión₂ dsa₂, jaun₂ ca₂rē₃'én'₂ bá₄ 'nia'₂. Jaun₂ ca₂jme₁quian'₄ bá₄ 'nia'₂ Cristo ca₂lín₃ 'nia'₂ léi₄ a₂líng'₅ i₂quián₅ Diú₄ tē₂le₃ quian'₅₄ Jme₂dsí₂ Jñi₃ó i₂ma₂lě₅ jág₁ cuin₃ Diú₄. ¹⁴ Jme₂dsí₂ Jñi₃ó 'éi₂ bá₄ nē₃ lín₅ co₂'nió'₄ caun₂ cu₄ a₂ma₂quiog₂ dsa₂ tē₃jñiá₅ co₂'nió'₄ a₂ma₂lě₅ chi₁quian₅ quián₂ jniog₄ a₂tē₃dsón'₂ guéi'₁ a₂ca₂tág₂ a₂cuē₃ Diú₄ jē₁ma₂ca₂'ñiá₅ a₂lióin₂ dsa₂ quián₅, ia₁jaun₂ jme₃jué'₂ dsa₂ a₂co₂tág₅ quió'₅.

Mi₅ Pa₄ ne₄ Diú₄ a₂jmo₃ a₂le₃ñi'₂ dsí₅ dsa₂ 'én₂

¹⁵ 'Uig₅₄ jaun₂ jniá₂ nē₃, jme₁ca₂rē₃guion₅₄ a₂'én'₂ 'nia'₂ tē₂le₃ quió'₅ Te₁gui'₅₄ Jesús, con'₂ siá'₂ táng₃ ia₁ 'nió'₃ bá₄ 'nia'₂ ca₂le₃jín₃ i₂tén₅ le₃quió'₅ Diú₄, ¹⁶ jaun₂ nē₃ ca₂le₃o₃ jmi₂g₄ bá₄ tsá₃ lě₅ jua'₅₄ tsá₃ cuē₅ ti₁'mag'₄ o₄quián'₂ 'nia'₂, 'ín₅ jniá₂ 'nia'₂ ne₅₄. ¹⁷ Caun₂ qui₂mi₅ jniá₂ juig₂ Diú₄ quián₅ Te₁gui'₅₄ Jesucristo quián₂ jniog₄, i₂lín₅ Tia₅₄ juin'₂, ju₁jmo₁₂ bá₄ a₂lén'₂ 'nia'₂ dsa₂ i₂tin₂ i₂niog₅ dsí₄ tē₂le₃ quió'₅ jme₂dsí₂, a₂le₃ñi'₂ 'au'₂ 'nia'₂ a₂jme₃jñiá₂₃ ia₁jaun₂ le₃cuin'₂ gué₄ 'nia'₂ dse₃. ¹⁸ Mi₅ jniá₂ ján₃, ju₁jme₂jnio₅₄ ne'₅₄ 'nia'₂, ia₁jaun₂ le₃ñi'₅₄ 'e₂ jaun₂ a₂le₁'ág₄ caun₂ 'au'₂ 'nia'₂ a₂ma₂tē₂₃ a₂cuē₃; a₂quen₅ lín₃ bá₄ ca₂le₃jě₃ a₂jlá'₁

* **1:1** lit. "dsa₂ jñi₃ó." † **1:1** A₂lín₅₄ chog₅₄ si₂ tsá₃ chi₁ton₅ "ciudad Efeso."

a₂ca₂tín₂ dsa₂ i₂lě₅ 'í₁ quiáin₅;‡ 19 mi₅ jniá₂ ju₁le₂ŋi'₅₄ 'nia'₂ ján₃, 'e₂ guě₄ tson₂ juě'₂ bí₂ quió'₅, a₂niog₅ jmo₂₃ le₃quián₂ jniog₄ i₂'éin₂. Ju₁bí₂ ně₅ ně₃ a₂le₂jaun₂ bá₄ ně₅ ju₁lia'₂ a₂ca₂jme₃jnia₅ Diú₄ 20 jme₁ca₂jme₃jein'₅₄ Cristo ja₁jme₁rě₂'lín₅₄ a₂ca₂dsiog₃ jaun₂ ně₃ le₃gu₂ ne₁ quió'₅, guei'₅₄ i₂juíg₃. 21 Ja₁jaun₂ ca₂dsiog₃ ca₂'ag₃ a₂lín₅ ta₁ juě'₂ lín₃ a₂goin₂ ne₄ quió'₅ ca₂le₃jě₃ 'éi'₃, ne₄ quió'₅ ca₂le₃jě₃ ju₁bí₂ a₂cha₂. 'Éi₂ bá₄ ju₁n'₂ ne₄ quió'₅ ca₂le₃jín₃ dsi₂tan₅₄ i₂'uan'₂ gon₂, ne₄ ca₂le₃jín₃ i₂juin'₂ i₂lín₅ juig₅₄, ján₃ bá₄ 'éi₂ ju₁n'₂ ne₄ ca₂le₃jě₃ ne₅₄ ta₁ a₂lé₂ le₃lén₂ dsa₂, on₃jua'₅₄ jmá'₃ mi₂güig₃ la₂, ŋó₅ ně₅ jmo₂₃ 'éi'₃ le₂tan₅₄ mi₂güig₃ caun₂. 22 O₄tag₄ Cristo bá₄ ca₂ton'₂ Diú₄ ca₂le₃jín₃ i₂chan₂, ca₂le₃jě₃ a₂cha₂ ně₃, jaun₂ 'ŋiog₅ guě'₂ Cristo ca₂'iín₃ a₂lín₅ mi₂dsi₄ ne₄ ca₂le₃jě₃ le₃quió'₅ guá'₅ quiáin₅. 23 Jaun₂ guá'₅ quiáin₅ ně₃, lě₅ co₂'nió'₄ ni₁ŋi₁₂ 'ŋiog₅ a₂rě₂'ŋia₅ ta₁jain₂; jaun₂ Cristo 'ŋiog₅ bá₄ jme₃'ŋiai₂₃ ca₂le₃jě₃ guě'₄ a₂'nió'₅ ca₂le₂con₂.

2

Ca₂rě₃chóng₃ jniog₄ le₃quió'₅ Cristo

1 'Nia'₂ ně₃, jme₁tiong'₅₄ le₂jniá₅ líng'₅ 'lag₄ ne₄ 'uig₅₄ a₂jme₁niog'₅₄ i₁juing'₅₄, le₁cáng'₄ dsáu'₂, 2 lia'₂ con'₂ jme₁chang'₂ tiong'₅₄ 'éng'₅ ju₁ con'₂ lě₅ jiog₅ mi₂güig₃ la₂, jme₁jme₂tí'₁ 'nia'₂ con'₂ lě₅ 'ŋio₂ dsí₅ jme₂dsí₂ i₂gon₂ ne₄ 'éi'₃ a₂cha₂ jě₄ dsí₂, i₂jmo₅ ta₁ tě₂dsí₅ jaun₅ dsa₂ i₂tsá₃ ne'₅₄, i₂tsá₃ gan₃ Diú₄. 3 Le₂ně₅ bá₄ jme₁i₂nio₄ jniog₄ ján₃, jmig₄ jaun₂, jme₁chong₂ jme₁jme₂tí'₁ 'a₂ con'₂ lě₂ dsi₄ guio₅₄, jme₁jme₂tí'₁ a₂mi₅ ni₁ŋi₁₂. 'Uig₅₄ lia'₂ con'₂ lě₅ jme₁lág₄ jniog₄ jme₁ca₂tág₂ guéi'₁ co₂rě₂ uig₅ gau₂ quió'₅ Diú₄, ju₁lia'₂ lě₅ tin₃ ca₂le₃jín₃ i₂sián'₂. 4 La₁ Diú₄ ně₃, 'uig₅₄ ia₁ a₂ŋi₄ lě₃ ŋéi₂ dsí₅ bá₄, ca₂rě₃'nio₃ lín₃ jniog₄. 5 Ca₂to'₂ jme₂dsí₂ ca₂jme₃jein'₅₄ jniog₄ co₂lě₅ quian'₅₄ Cristo, lia'₂ con'₂ jme₁lág₄ guě'₄ jniog₄ 'lag₄ 'uig₅₄ dsáu₁. Ia₁ jmá'₃ lia'₂ quian'₅₄ a₂'ua₁ dsí₅ Diú₄ 'ŋiog₅ bá₄ ma₂lón'₂ 'nia'₂. 6 Jaun₂ le₂ně₅ ca₂chó'₂ co₂lě₅ quian'₅₄ Cristo Jesús jaun₂ ma₂ca₂dsiog₃ co₂lě₅ quiong'₅₄ guei'₅₄ i₂juíg₃. Le₂ně₅ ma₂ca₂jmo₃ ca₂le₃jě₃, ne₄ 'uig₅₄ ia₁ a₂chong₂ jniog₄ rě₂ně₃ le₃quió'₅ Cristo Jesús. 7 Le₂ně₅ ca₂cuě₃ léi₄ a₂'nio₃ jniog₄ 'ŋio₅ lín₃ ca₂le₃jě₃ jmig₄ ja₁já₄ ně₅, 'a₂ lia'₂ ŋi₄ lě₃ tson₂ a₂'ua₁ dsí₅ a₂ca₂jmo₃ dse₃ dsí₅ ia₁ a₂chong₂ le₃quió'₅ Cristo Jesús. 8 Ně₃ ně₃, tě₂le₃ ia₁ a₂'ua₁ dsí₅ bá₄ Diú₄ ma₂ca₂lón'₂ 'nia'₂, tě₂le₃ ia₁ a₂'éng'₂. A₂ca₂lón'₂ 'nia'₂ ně₅ ně₃, on₃jua'₅₄ ia₁ 'e₂ cha₂ tín'₂ 'nia'₂ jua'₅₄ a₂ma₂jmo'₅₄ guiong'₅₄; a₂lě₁ca₂ŋi'₂ bá₄ 'nia'₂ ně₅ ca₂cuě₃ Diú₄. 9 On₃jua'₅₄ tě₂le₃ quian'₅₄ a₂jmo₅ dsa₂ guioin₅₄ ia₁jaun₂ 'i₁jan₂ tsá₃ 'ein₂ jmo₃ tán'₅. 10 Ia₁ lág₅ bá₄ jniog₄ co₂'nió'₄ ta₁ quió'₅ Diú₄ 'ŋiog₅; ca₂jmóg'₂ jniog₄ le₃quió'₅ Cristo Jesús ia₁jaun₂ quián₁ ju₁ jmó₁ a₂dse₃, ju₁ a₂ma₂ca₂jmo₃ 'éi₂ co₂ŋia₅₄ a₂i₁nio₁.

'Ei₅ tei₄ dsí₅ jniog₄ le₃quió'₅ Cristo

11 Le₂ně₅ bá₄, ju₁dsiog'₂ 'au'₂ 'nia'₂ 'a₂ lia'₂ jme₁líng'₄ le₂jniá₅. 'Nia'₂ con'₂ i₂líng'₅ dsi₂nau₂ i₂tsá₃ rě₂uing₄ lo₄, quiong₅ dsa₂ i₂rě₂uing₄ lo₄, (ta₁ jaun₂ a₂jmo₅ dsa₂ mi₂güig₃ quian'₅₄ gu₂); 12 ju₁dsiog'₂ 'au'₂ 'nia'₂: jmig₄ jaun₂ lia'₂ con'₂ jme₁chang'₂ tsá₃ I₂rě₂'in₁ quián₅ Diú₄ jme₁chan₂ ja₁con'₂ 'nia'₂; uíng₂ bá₄ jme₁tión'₂ 'nia'₂ ja₁lě₄ juig₂ Israel, tsá₃ jme₁cuin'₂ 'nia'₂ jág₁ a₂jme₁li'₅₄ dsa₂ juig₂ quián₂ jnia'₅₄ quian'₅₄ Diú₄. Jme₁chan'₂ 'nia'₂ mi₂güig₃ la₂ tsá₃ Diú₄ chan₂ quián'₂ 'nia'₂ on₃ guě'₂ jme₁cha₂ jmig₄ jua'₅₄ a₂jme₁tín'₄ 'nia'₂. 13 La₁ rě₂ně₃ ně₃, ma₂quian'₅₄ 'nia'₂ Cristo Jesús, 'nia'₂ i₂jme₁tióng'₂ uíng₂ le₂jniá₅. Quián₅ bá₄ ma₂tióng'₂ rě₂ně₃ tě₂le₃ quian'₅₄ jmi₂ 'an₅₄ Cristo. 14 Le₂ně₅ bá₄ ca₂dsiog₃:

‡ 1:18 lit. "a₂ca₂tín₂ dsa₂ jnió₅."

'ηiog₅ bá₄ Cristo i₂jmo₅ 'ei₅ tei₄ quián₂ jniog₄. 'Éi₂ bá₄ ca₂jmo₃ ně₃ ca₂chain'₃ co₂ηei'₅₄ jnia'₅₄ dsa₂ judíos quian'₅₄ 'nia'₂ dsi₂nau₂, caun₂ juig₂ bá₄ ca₂jmo₃, ca₂góin₂ bá₄ co₂'nió'₄ ni₁'ia'₂ a₂jme₁chí'₄ a₂jáng'₅ léi₄ a₂jme₁jmo₅ jma₃quén₅ jin₄ jniog₄. ¹⁵ Quian'₅₄ ni₁ηi₁₂ 'ηiog₅, ca₂jme₃dsiain₂₃ 'Éi'₃ Juá'₅ a₂jme₁tē₂néi'₂ chi₂quióng₂ jmig₄ jmá'₃ 'éi'₃. Ca₂lē₃ bá₄ ně₃ lia'₂ con'₂ lě₅ ca₂i₃jio₅ dsi₅, ca₂jmo₃ caun₂ juig₂ 'mí₂ quió'₅ 'ηiog₅, ca₂'ág₂ tei₄ quió'₅ dsa₂ le₃tin₃ juig₂. ¹⁶ Le₂ně₅ bá₄ ca₂dsióg₃ ca₂lē₃ co₂'nió'₃ dsa₂ jē₁ca₂le₃jin₃. Tē₂le₃ quian'₅₄ 'mú₃ quió'₅ ne₄ cróg₄, ca₂jme₃dsian₅ Cristo mi'₅₄ a₂jme₁nió'₅ le₃tin₃ juig₂, ca₂'ág₂ caun₂ jág₁ quian'₅₄ Diú₄. ¹⁷ Ca₂guan₃ Cristo quian'₅₄ jág₁ dse₃ a₂'ag₃ tei₄ quió'₅ ca₂le₃jin₃: le₃quián'₂ 'nia'₂ dsa₂ i₂jme₁tión₂ uing₂, lia'₂ le₃quián₂ jnia'₅₄ dsa₂ judíos i₂jme₁tio'₅₄ quián₅. ¹⁸ Jaun₂ tē₂le₃ quian'₅₄ Cristo, lé₂ le₃jme₁quián₄ jniog₄ ja₁con₂ Tia₅₄ quián₂ tē₂le₃ quian'₅₄ jan₂ Jme₂dsi₂, tsá₃ a₂nag₅₄ o₁jñia'₅₄ la₂ lág₅ jniog₄ dsa₂ judíos o₃ dsi₂nau₂ 'e₂. ¹⁹ 'Uig₅₄ ně₅, ma₂lín'₅ bá₄ 'nia'₂ co₂'nió'₄ dsa₂ i₂'én₂ rín'₅₄ jniog₄ i₂lē₅ 'í₁ quián₅ Diú₄;* tsá₃ ma₂lín'₅ 'nia'₂ dsi₂nau₂ jua'₅₄ tsá₃ cuin₅ jniog₄ rín'₅₄. Ma₂lín'₅ 'nia'₂ chi'₂-guein₂ quián₅ Diú₄ ně₃. ²⁰ Ca₂dsióg₃ lín'₅ 'nia'₂ co₂'nió'₄ caun₂ 'né₅ pa₁; lín'₅ 'nia'₂ ján₃ co₂'nió'₄ ni₁cang₁ a₂jui₅ dsa₂ ne₄ 'uig₅₄ 'ia'₂ a₂ca₂chi'₃ dsa₂ i₂chen₄ quián₅ Jesús, quian'₅₄ dsa₂ i₂jme₁'ě₂ jág₁ o₄quió'₄ Diú₄ ma₂líg'₂. 'Njog₅ guē'₂ Jesucristo lín₅ co₂'nió'₄ ni₁cang₁ a₂dsen₅₄ guē₄. ²¹ Le₃quió'₅ 'éi₂ ně₃, tsau₂ ta₁ ta₁caun₂ tsi₁'né₅, lě₂ rē₂juí₄ rē₂, ca₂lia'₂ ca₂dsióg₃ lé₂ caun₂ guá'₅ a₂lē₅ 'í₁ quió'₅ Te₁gui'₅₄. ²² Le₃quió'₅ 'éi₂ ně₃, 'nia'₂ bá₄ ján₃ líng'₅ co₂'nió'₄ ni₁cang₁ a₂caun₂ jui₅ ni₁'ia'₂, ca₂lia'₂ ca₂dsi₃nó'₅ 'nia'₂ léng'₂ caun₂ dsi₂néi₂ ja₁guá₄ Diú₄ a₂gu₂dsí₂.

3

A₂niog₅ gu₂ Pa₄ qui₃'ě₂ jág₁ dse₃ ja₁con₂ dsi₂nau₂

¹ 'Uig₅₄ ně₅ bá₄ ně₃, jniá₂ Pa₄, jme₂juing'₁ Diú₄, ton'₂ rē₂'eng₅₄ né₃ 'má₃ 'uig₅₄ quió'₄ Cristo Jesús a₂dse₃ o₄quián'₂ 'nia'₂ i₂lín'₅ dsi₂nau₂. ² Líng₂ a₂ma₂le₁ηi'₅₄ dsón'₂ bá₄ 'nia'₂ a₂dse₃ dsi₅ Diú₄ ma₂ca₂dsia₃ gu₃ ta₁ la₂, a₂dse₃ o₄quián'₂ 'nia'₂. ³ Ma₂ca₂rē₃ηi'₅₄ bá₄ 'nia'₂ jág₁ a₂jme₁rē₂'ma₄ le₂jñiá₅, 'e₂ a₂niog₅ dsi₅ jmo₃; ca₂jmo₃ ca₂rē₃guion₅₄, ju₁lia'₂ ma₂juá'₃ ca₂jon₄ jág₁ ne₄ si₂ le₂jñiá₅. ⁴ Jē₁ma₂ca₂'í'₂ 'nia'₂ si₂ ně₅, le₃len'₅₄ 'nia'₂ a₂ma₂ηí'₂ dsi₃ jē₂ jág₁ a₂jme₁rē₂'ma₄ quió'₅ Cristo, ⁵ caun₂ jág₁ a₂tsá₃ 'ein₂ ca₂rē₃ηi₅ ca₃ma₂líg'₂, la₁ rē₂ně₃ ně₃ ma₂ca₂jme₃jnia₅ Jme₂dsi₂ quián₅ Diú₄ ja₁con₂ dsa₂ jñi₅ quián₅: dsa₂ i₂chen₄ quián₅ Jesús, quian'₅₄ ja₁con₂ dsa₂ i₂jme₁'ě₂ jág₁ o₄quió'₄ ně₃. ⁶ Jág₁ a₂ma₂ca₂rē₃jniá₂, a₂la₂ bá₄ jaun₂: tē₂le₃ quian'₅₄ jág₁ dse₃ a₂lión₂ dsa₂, tin₃ dsi₂nau₂ gue₃ a₂lē₅ jág₁ cuē₃ Diú₄ co₂rē₂ bá₄ quian'₅₄ a₂tin₃ dsa₂ judíos. Lín'₅ 'nia'₂ dsa₂ i₂tén₅ caun₂ bá₄ ηí₅, ján₃ guē'₂ tin'₃ 'nia'₂ jág₁ a₂ron₅ cuē₁ quió'₅ Diú₄ le₃quió'₅ Cristo Jesús.

⁷ Jág₁ ně₅ ma₂chéng'₅ jmo₂₃ ta₁ a₂'ě₅ jág₁ dse₃, lia'₂ con'₂ lě₅ a₂lē₁ca₂cuē₃ Diú₄ a₂'ua₁ dsi₅, lia'₂ con'₂ lě₅ jmo₅ ta₁ ju₁bí₂ quió'₅. ⁸ O₁jñia'₅₄ la₂ lín₅ jniá₂ jan₂ i₂me'₂ guē₄ con'₂ guē₄ i₂tsá₃ 'e₂ quen₅ jē₄ quió'₅ ca₂le₃jin₃ i₂tén₅ le₃quió'₅ Diú₄,* la₁ 'éi₂ ma₂cuē₃ jniá₂ a₂dse₃ ně₅ a₂'ě₄ jág₁ jin₄ dsi₂nau₂, caun₂ jág₁ dse₃ a₂le₃chong₂ jniog₄ dse₃ guē₄ lin₃ a₂jme₃gu'₅₄ Cristo, ca₂lia'₂ tsá₃ lé₂ le₃jua'₅₄ a₂le₃ηí'₂ dsi₅ dsa₂. ⁹ Ma₂ca₂dsia₃ gu₃ ta₁ la₂ a₂jme₁jniag₅ ja₁con₂ ca₂le₃jin₃, jág₁ dse₃ a₂jme₁rē₂'ma₄, ca₂le₃ ca₂nio₃ mi₂güig₃, 'a₂ lia'₂ 'nio₃ Diú₄ lé₂. Ia₁ 'éi₂ bá₄ i₂ca₂jmo₃ ca₂le₃jě₃ 'e₂ a₂cha₂. ¹⁰ Ca₂i₃jio₅ dsi₅ jmo₃ tē₂le₃ quian'₅₄ dsa₂ quián₅, ju₁le₂ηi₅ ca₂le₃jin₃ i₂'io₅

* **2:19** lit. "dsa₂jñi₅." * **3:8** lit. "ca₂le₃jin₃ dsa₂jñi₅."

jui₅bí₂, i₂lín₅ ta₁ tion'₅₄ guei'₅₄, 'lióng₂ ne₅₄ 'ñio₅ lín₃ bá₄ a₂ñí'₂ dsí₅ Diú₄; **11** jaun₂ jui₁le₂ñi₅ bá₄, Diú₄ ca₂jmo₃ le₂ně₅ con'₂ lě₅ i₃jio₅ dsí₅ jmo₃ co₂tan₅₄ tē₂le₃ quian'₅₄ Te₁gui'₅₄ Jesucristo. **12** Tē₂le₃ quian'₅₄ Cristo cha₂ jui₅ quián₂ a₂lé₂ le₃jme₁quián₄ jnio₄ dsiá₁ tiá₂ dsi₅ ja₁con₂ Diú₄, caun₂ bá₄ le₁ág₄ dsi₅ 'uig₅₄ ia₁ a₂'éin₂ le₃quió'₅ 'éi₂. **13** Jaun₂ lě₃, chi₂len'₄ jniá'₂ 'nia'₂ a₂tsá₃ 'ág'₂ caun₂-tin₃ 'au'₂ 'uig₅₄ ia₁ a₂chang₂ ŋag₅₄ uig₅ o₄quián'₂ 'nia'₂, la₁ia₁ dse₃ tē₂le₃ ja₁con'₂ 'nia'₂, ia₁ le₂ně₅ bá₄ dsió₅ a₂le₃juin'₂ 'nia'₂.

A₂ lia'₂ tson₂ ca₂rě₃'nio₃ Cristo jnio₄

14 'Uig₅₄ ně₅ bá₄, no₂₃ chi₂jne₅₄ ne₄ Diú₄ Jmei₂ Te₁gui'₅₄ Jesucristo, **15** i₂lín₅ jmei₂ ca₂le₃jín₃ i₂chan₂ guei'₅₄ i₂juig₃ quian'₅₄ i₂chan₂ ne₄ gua'₅₄ 'uě₃. **16** Mi₅ jniá'₂ ne₄ Tia₅₄ a₂jmo₃ tē₂'au'₂ 'nia'₂, cuě₃ jui₅bí₂ bēn₂ jlá'₁ quió'₅ tē₂le₃ quian'₅₄ Jme₂dsí₂ quián₅, **17** ia₁jaun₂ tē₂le₃ jñia'₅₄ 'a₂ con'₂ 'én'₂ bá₄ 'nia'₂, jiá₃ Cristo ja₃guá₃ tē₂'au'₂ 'nia'₂. Le₂ně₅ jē₁ma₂tió₂ 'nia'₂ tiá₂ lé₂ co₂'nió'₄ qui₁le₁'má₂ jmú₄ j'₂ lín₃, jme₁'nió'₄ 'nia'₂ ríng'₂. **18** Mi₅ jniá'₂ a₂lé₂ le₃ñí'₂ 'au'₂ 'nia'₂, quian'₅₄ ca₂le₃jín₃ con'₂ i₂ma₂lě₅ 'í₁ quián₅,† a₂juě'₂ lín₃, ton'₂ a₂cu₂ lín₃, ton'₂ a₂ñei₅ lín₃, a₂ji'₂ lín₃ bá₄, 'a₂ lia'₂ 'nio₃ Cristo jnio₄. **19** Mi₅ jniá'₂ ne₅₄, jui₁le₂cuin'₂ 'nia'₂ a₂ně₅ a₂lě₅ a₂juě'₂ lín₃, on₃jua'₅₄ ia₁ a₂le₃cuí'₅ le₃ñí'₂ dsí₅ dsa₂; mi₅ jniá'₂ ia₁jaun₂ le₂ně₅ tiáng'₄ le₃chang'₂ co₂ñei'₅₄ qui₂rě₂rín₅ tē₂'au'₂ ca₂le₃jě₃ 'a₂ lia'₂ lín₅ Diú₄. **20** Jaun₂ ně₃, jui₁le₂juin'₂ bá₄ Diú₄, i₂lé₂ le₃jmo₃ tson₂ guě₄ lia'₂ con'₂ guě₄ a₂mi₂ jnio₄, lia'₂ con'₂ guě₄ dsi₂jio₅ dsi₅ ně₃, tē₂le₃ quian'₅₄ bí₂ a₂jmo₂₃ ja₁con₂ jnio₄. **21** Jui₁le₂juin'₂ bá₄ Diú₄ ja₁con₂ guá'₅ quián₅ tē₂le₃ quian'₅₄ Cristo Jesús, ca₂lia'₂ con'₂ tan₅₄ ca₂le₃jě₃ tsi₁jon₂ dsa₂ i₂ja₃lén₂ chi₁quín₃ ca₂le₃jě₃ ñi₂ co₂tan₅₄! A₂méi₃.

4

Chong₂ jnio₄ 'ei₅ caun₂ jág₁ tē₂le₃ quian'₅₄ Jme₂dsí₂

1 'Uig₅₄ ně₅ bá₄ ně₃, rě₂jní₅ né'₃ 'má₃ o₄quió'₄ Te₁gui'₅₄, chi₂len'₄ jniá'₂ 'nia'₂ a₂tiáng'₄ lia'₂ con'₂ dsi₂ten₅₄ ca₂tín₂ le₃chan₂ dsa₂ i₂té₄ quián₅ Diú₄, ia₁ a₂jaun₂ bá₄ ca₂tě'₃ 'nia'₂. **2** Jmo₄ 'nia'₂ meg'₂, 'ua₁ 'au'₂ quiang'₅₄ ríng'₂. Jmo₄ 'nia'₂ juin'₂ 'au'₂, tió'₃ 'au'₂ jmo₄ quiang'₅₄ ríng'₂ le₂jang'₂ le₂jang'₂ ia₁ a₂'nió₃ ríng'₂. **3** Dsen₅₄ 'au'₂ 'nia'₂ jmo₄ tion₅₄ 'ei₅ tián₂ caun₂ jág₁ tē₂le₃ quian'₅₄ Jme₂dsí₂ Jñi₅, co₂'nió'₄ bá₄ chan'₂ 'nia'₂ qui₂rě₂queng'₅₄ quian'₅₄ ríng'₂ 'ei₅ tei₄. **4** Lág₅ jnio₄ caun₂ bá₄ ñí₅ ta₁caun₂ nió'₃, ján₃ guě'₂ jan₂ bá₄ Jme₂dsí₂ táng₃, a₂tián'₄ 'nia'₂ le₂ně₅ bá₄ ma₂ca₂tě₃ Diú₄ caun₂ bá₄ jmi₄ a₂'ín₂ 'au'₂ 'nia'₂ chang'₂. **5** Jan₂ bá₄ Te₁gui'₅₄ i₂lín₅ juig₅₄ jnio₄ chan₂, caun₂ bá₄ a₂'éin₂ jnio₄, ján₃ guě'₂ ca₂le₃jág₃ bá₄ jnio₄ ca₂ñó₂ jmi₂ le₃quió'₅ jan₂ bá₄ Te₁gui'₅₄. **6** Jan₂ bá₄ Diú₄ chan₂ i₂lín₅ Tia₅₄ quián₂ jnio₄ ca₂le₃jág₃. 'Éi₂ bá₄ i₂niog₅ gu₂ jnio₄ ca₂le₃jág₃; 'éi₂ bá₄ i₂jmo₅ ta₁ ja₁con₂ jnio₄ ca₂le₃jág₃; 'ein₅₄ ja₁con₂ jnio₄ ca₂le₃jág₃ ně₃.

7 La₁ le₂jau₂ le₂jau₂ bá₄ jnio₄ jma₃quén₅ lě₅ bí₂ a₂ma₂ca₂ñag₂, lia'₂ con'₂ lě₅ ma₂ca₂dsi₃ Cristo quió'₅. **8** Jaun₂ lě₃ juá'₂ ne₄ Si₂:

Ca₂uig₂ guei'₅₄ i₂juig₃
te₂ le₁'ñe'₅₄ ca₂le₃jín₃ i₂ca₂lí'₃,
jaun₂ ca₂dsi₃ bí₂ jma₃quén₅
ca₂cuě'₃ dsa₂ mi₂güig₃.*

9 Jaun₂, ĉ₂ jág₁ dsau₅ jein₅ jág₁ "A₂ca₂uig₂" ně₅ ně₃? Jñia'₅₄ lia'₂ juá'₂ le₂'uig₅₄ ca₂sióin₃ ja₁lě₄ ja₁uin₃ guě₄ 'ñio₅ lín₃ ne₄ gua'₅₄ 'uě₃. **10** I₂ca₂sióin₃ 'éi₂ bá₄ ján₃, i₂ca₂uig₂ táng₃ ja₁lě₄ ja₁ñei₅ guě₄ guei'₅₄ i₂juig₃, ia₁jaun₂ jme₃cain'₂ ca₂le₂con₂

† **3:18** lit. "ca₂le₃jín₃ dsa₂ jñi₅." * **4:8** Salmo 68:18; 'Nió'₂ ja₁ton₅ Colosenses 2:15.

quian' ⁵⁴ Jme₂dsí₂ quiáin₅. ¹¹ Jaun₂ jma₃quén₅ ca₂chein' ₃ dsa₂ quiáin₅ ca₂cué₃ bí₂ ca₂cué' ₃ le₂jan₂ le₂jan₂; i₂lín₅₄ ca₂chein' ₃ a₂lén₂ i₂chen₄ quiáin₅; i₂lín₅₄ guè' ₂ ca₂ñi₂ bí₂ a₂lé₂ ñág₃ jág₁ a₂guéi' ₅ quió' ₅ Diú₄; i₂lín₅₄ guè' ₂ ca₂cué' ₃ bí₂ a₂qui₂dsi₃' ₃ jág₁ dse₃ a₂lión₂ dsa₂; i₂lín₅₄ guè' ₂ ca₂cué' ₃ bí₂ a₂lén₂ dsa₂ i₂' ₂ jág₁ i₂jme₂tin₅ guá' ₅. ¹² Le₂nē₅ qui₂ca₂chein' ₃ dsa₂ guá' ₅ ia₁jaun₂ jmo₃ co₂ñia₅₄ dsa₂ quiáin₅ a₂jme₃tí₃ ta₁ a₂'nio₃ 'éi₂ lé₂, ia₁jaun₂ caun₂ qui₂dsi₃cón₃ bá₄ ñi₅₄ 'ñiog₅, ¹³ ca₂lia' ₂ ca₂dsi₃náu₅ 'ei₅ caun₂ jág₁ quian' ₅₄ rin' ₅₄, 'éin₂ rē₂, ñí' ₂ dsi₅ le₃quió' ₅ Ja₁ñi' ₅₄ Diú₄. Le₂nē₅ bá₄ dsi₁náu₅ léi₂ dsa₂ i₂ma₂ca₂can' ₅₄ co₂ñei' ₅₄ lia' ₂ con' ₂ lē₅ lín₅ Cristo 'ñiog₅. ¹⁴ Jaun₂ tsá₃ ma₃léi₂ jniog₄ lia' ₂ lín₅ i₂bē' ₅₄ i₂caun₂ lē₁qui₂rē₂gan₂ tsá₃ uin₅ qui₂jme₂tsín₃; nē₂jag₄ bá₄ a₂qui₂tsag' ₂ dsí₂ a₂caun₂ 'ñio₂ dsí₅ bá₄ jui' ₁ e₂ gué₃ a₂jme₂tag₅ dsa₂, qui₂sē₂sein' ₂ jē₁jme₂gau₅ dsa₂ i₂ñí₄ 'ñio₅ 'io₅ mai₅₄, 'nio₃ jiog₃ jui₅ jē₁tsá₃ dsau₅. ¹⁵ Tē₂le₃ 'nió' ₅ dsiá₁ jniog₄ jág₁ tí₅ a₂'nio₃ jniog₄ rin' ₅₄. Ca₂tág₂ bá₄ jniog₄ qui₂dsi₃cau' ₅₄ ne₄ ca₂le₃jē₃ le₃quió' ₅ 'éi₂ i₂lín₅ mi₂dsi₄ quián₂ jniog₄, le₃quió' ₅ Cristo bá₄ guè' ₂. ¹⁶ Tē₂le₃ quian' ₅₄ 'éi₂ qui₂dsi₃cau' ₅₄ jniog₄ 'a₂ lia' ₂ jme' ₁ 'nió₄ jniog₄ rin' ₅₄. Lág₅ jniog₄ nē₂jag₄ bá₄ caun₂ ni₁ñí₅ a₂qui₂rē₂tion' ₅₄ rē₂ le₂caun₂ le₂caun₂ ja₁qui₂le₁chan' ₂ quió' ₅ dsa₂, jma₃quén₅ bá₄ lē₅ ta₁ quió' ₅ qui₂jme₂'on₅₄ rin' ₅₄, ca₂lia' ₂ ca₂i₃cón₃ rē₂, dse₃ le₁'ág₄ dsí₅, 'nioi₃ riin' ₅₄ nē₃.

Jui' ⁵ m₂ le₃quió' ₅ Cristo

¹⁷ A₂la₂ bá₄, juá' ₅ jniá₂ chi₂quiang₅₄ jmi₃g₄ 'nia' ₂ o₄quió' ₄ Te₁gui' ₅₄: tsá₃ ma₃jui₁le₂chan' ₂ 'nia' ₂ jui₁lia' ₂ chan₂ dsa₂ i₂tsá₃ Diú₄ cuin₅, ia₁ 'éi₂ nē₃ chain₂ lia' ₂ con' ₂ lē₅ niog₅ dsi₅₄ tsá₃ 'e₂ ta₁ tí₄. ¹⁸ 'Nio₅ tē₂le₃ jen₅ bá₄ ma₂ñí' ₂ dsí₅, uing₂ bá₄ chain₂ ja₁jme₁ca₂tín₂ le₃chain₂ le₃quió' ₅ Diú₄, ia₁ lín₅ dsa₂ i₂co₂ñei' ₅₄ tsá₃ 'e₂ tin₂ tsá₃ 'e₂ ñi₅ ia₁ a₂ma₂ca₂rē₃'uá' ₃ dsí₅. ¹⁹ Tsá₃ ma₃lí' ₄ 'e₂ jaun₂ o₂gui' ₃, co₂dsia₅ ma₂ca₂jín' ₂ bá₄ guioin₅₄ ne₄ ca₂le₃jē₃ jmá' ₃ lia' ₂ a₂mi₅ ni₁ñi₁₂, caun₂ ma₂'ñio₂ dsí₅ bá₄ jmo₂₃ ca₂le₃jē₃ ne₅₄ a₂lē₁'iog₅. ²⁰ La₁ 'nia' ₂ nē₃, tsá₃ le₂nē₅ ca₂rē₃tíng' ₃ le₃quió' ₅ Cristo. ²¹ Ia₁ dsón' ₂ bá₄ ma₂ca₂nei' ₂ 'nia' ₂ le₃quió' ₅ 'éi₂ lín₂ jniá₂, jaun₂ ca₂rē₃tíng' ₃ bá₄ lia' ₂ con' ₂ lē₅ ca₂jme₃tag₅ 'éi₂, lia' ₂ con' ₂ lē₅ jág₁ tí₅ dsón' ₂ a₂cha₂ ja₁con₂ Jesús. ²² Ca₂rē₃tíng' ₃ a₂co₂dsia₅ jniá' ₄ cau₅ lia' ₂ con' ₂ lē₅ jme₁líng' ₄ le₂jniá₅, nē₂jag₄ bá₄ dsa₂ i₂co₂ñei' ₅₄ jniá' ₂ tsin' ₅₄; a₂jme₁rē₂'én' ₄ ne₄ a₂jme₁qui₂rē₂gáng' ₃ ne₄ ca₂le₃jē₃ a₂jme₁'ín₅ 'au' ₂ 'nia' ₂, con' ₂ lē₅ jme₁chang' ₂. ²³ Ca₂rē₃tíng' ₃, a₂ca₂tín' ₂ 'nia' ₂ jme₁'mag' ₂ lia' ₂ lē₅ dsi₂jio₅ 'au' ₂. ²⁴ Ca₂rē₃tíng' ₃ a₂jmog' ₅₄ le₁líng' ₄ a₂líng' ₅ nē₂jag₄ bá₄ jan₂ dsa₂ 'mí₂ i₂ca₂rē₃chán₃ lia' ₂ con' ₂ lē₅ 'nio₃ Diú₄, a₂lég' ₂ dsa₂ dsen₃ dsón' ₂ i₂jñio₅ quiáin₅. ²⁵ Jaun₂ nē₃, jniá' ₃ 'nia' ₂ cau₅ jág₁ tē₂jág₁, le₂jang' ₂ le₂jang' ₂, dsia₄ 'nia' ₂ jág₁ tí₅ quian' ₅₄ dsa₂ mi₂güí₃ ríng' ₂, ia₁ ca₂le₃jág₃ bá₄ jniog₄ téi₅ caun₂ ni₁ñí₅. ²⁶ “Chi₂jua' ₂ ca₂rē₃'né' ₃ 'nia' ₂, tsá₃ lē₁'nau₂ 'nia' ₂ dso₄”;† tsá₃ cuē₂ 'nia' ₂ jmi₃g₄ jua' ₅₄ 'í₁ nei₂ 'au' ₂ tē₂ne₁ jmi₃g₄, ca₂lia' ₂ jñia' ₅₄ lia' ₂ ca₂rin₂ 'iog₂; ²⁷ tsá₃ ná₂ 'nia' ₂ jui₅ quió' ₅ i₂sē₃dsen₃. ²⁸ I₂jme₁'ang₅ guè' ₂, tsá₃ ma₃o₁'ang₁₂, tē₂le₃ jui₁jmo₁₂ ta₁ quian' ₅₄ gu₂-tag₅₄ 'e₂ caun₂ ta₁ dse₃ cha₂, ia₁jaun₂ le₃cha₂ a₂lé₂ jme₃'oin₅₄ ca₂la₂ dsa₂ i₂'nió' ₅ quió' ₅. ²⁹ Tsá₃ lē₁'uē' ₅₄ 'nia' ₂ jág₁ 'lig' ₅₄ mi₂'o' ₅₄; jme₁tin₅ 'nia' ₂ dsiá' ₁ jmá' ₃ lia' ₂ jág₁ dse₃, ia₁ a₂nē₅ bá₄ jme₃'o₅₄ a₂qui₂dsi₃cón₃ ríng' ₂ i₂'nió' ₅ quió' ₅ le₃quió' ₅ jme₂dsí₂, ton' ₂ dse₃ quió' ₅ i₂nag₅ nē₃. ³⁰ Tsá₃ jmo₂ 'nia' ₂ jén₂ dsí₅ Jme₂dsí₂ Jnió₅ quián₅ Diú₄, ia₁ tē₂le₃ quian' ₅₄ 'éi₂ ma₂lín' ₅ 'nia' ₂ léi₄ i₂ma₂lē₅ 'í₁ quián₅ Diú₄ ca₂lia' ₂ ca₂tē₂ jmi₃g₄ i₁lión' ₂ 'nia' ₂ co₂ñei' ₅₄. ³¹ Co₂dsia₅ jniá' ₃ 'nia' ₂ a₂dsi' ₃ cha₂ tē₂'au' ₂, ca₂le₃jē₃ gué₄ a₂dsén' ₂ 'nia' ₂, nei₂ a₂'i₄ 'au' ₂ nē₃; ca₂le₃jē₃ a₂co₂mi' ₅₄ co₂dsio' ₅₄ a₂'ne' ₂ 'nia' ₂, ca₂le₃jē₃ gué₄ jág₁ uig₅ a₂qui₂'ín' ₅ 'nia' ₂ ríng' ₂, ca₂le₃jē₃ ne₅₄ a₂'lig' ₅₄ nē₃. ³² Tē₂le₃ jmo₄ 'nia' ₂ a₂dse₃ ja₁con₂ ríng' ₂ le₂jang' ₂

† 4:26 Salmo 4:4.

le₂jang' ₂, ju₁le₂cha₂ bá₄ a₂ŋé₂ 'au' ₂ 'nia' ₂, 'én₃ 'nia' ₂ dsáu₁ ríng' ₂ le₂jang' ₂ le₂jang' ₂ ju₁lia' ₂ ca₂'én₂ Diú₄ dsáu' ₂ 'nia' ₂ tē₂le₃ o₄quíó' ₄ Cristo.

5

'A₂ lia' ₂ 'nió' ₅ le₃chan₂ chi' ₂-guein₂ quián₅ Diú₄

¹ Ia₁ a₂lín' ₅ 'nia' ₂ chi' ₂-guein₂ i₂'nió₁ quián₅ Diú₄, quen' ₂ 'nia' ₂ bí₂ léng' ₂ lia' ₂ lín₅ 'Éi₂. ² Ju₁le₂chan' ₂ 'nia' ₂ 'nióg' ₃ ríng' ₂, ju₁lia' ₂ ca₂rē₃'nio₃ Cristo jniog₄ jaun₂ ca₂jín' ₂ o₄quíán₂ jniog₄ a₂lín' ₅ co₂'nió' ₄ já' ₂ cha' ₂ ŋó₃ rē₂jen' ₅₄ ne₄ Diú₄ jain₂ ma₂juig₂ ma₂ro₂. ³ Ia₁ ma₂lín' ₅ 'nia' ₂ i₂tén' ₅ le₃quíó' ₅ Diú₄, ca₂lia' ₂ jŋia' ₅₄ tsá₃ 'nió' ₅ le₃cha₂ jág₁ jin' ₄ 'nia' ₂ jua' ₅₄ chan' ₂ i₂'nió' ₅ jág₁ quian' ₅₄ dsa₂ i₂tsá₃ lín' ₅ dsi₂i₂gu₂, on₃ guē' ₂ 'i₁caun' ₂ a₂siá' ₂ a₂lē' ₁iog₅ nē₃, on₃ guē' ₂ ma' ₂'nió' ₅ le₃chan' ₂ guē₄ i₂'ua' ₂ dsí₅, ia₁ tsá₃ dsi₂ten' ₅₄ co₂ŋí₂ jua' ₅₄ dsa₂ i₂ma₂lē₅ 'í₁ quián₅ Diú₄ jmo₃ guē₄ le₂nē₅. ⁴ Tsá₃ lē₁dsia₂ 'nia' ₂ jág₁ 'lig' ₅₄, on₃ guē' ₂ jág₁ ga₂, on₃ guē' ₂ ju₁lia' ₂ jág₁ ŋág₄ lē₁'iog₅ nē₃. Ia₁ ca₂le₃jé₃ jág₁ le₂nē₅ tsá₃ dsi₂ten' ₅₄; ja₂lín₃ guē₄ dse₃ cuē' ₅₄ 'nia' ₂ ti' ₁mag' ₄ Diú₄. ⁵ Tsá₃ ju₁dsi₂'én₂ 'au' ₂ 'nia' ₂ a₂la₂: 'i₁jan' ₂ ju₁lia' ₂ i₂'nió' ₅ jág₁ quian' ₅₄ i₂tsá₃ lín' ₅ dsi₂i₂gu₂, on₃ guē' ₂ 'i₁jan' ₂ ju₁lia' ₂ i₂jmo₅-dsáu₅ lē₁'iog₅, on₃ guē' ₂ ju₁lia' ₂ dsa₂ i₂'ua' ₂ dsí₅, (ia₁ i₂co₂rín' ₂ bá₄ dsa₂ i₂'ua' ₂ dsí₅ quian' ₅₄ ju₁lia' ₂ dsa₂ i₂jme₂juin' ₂ diú₄ lag₄), o₁líg' ₂ tsá₃ lé₂ le₃tin₃ ja₁gon' ₂ Cristo quian' ₅₄ Diú₄. ⁶ 'I₁jan' ₂ tsá₃ 'ein' ₂ ju₁jme₂gau₅ 'nia' ₂ quian' ₅₄ jág₁ a₂tsá₃ ta₁ tí₄, ia₁ 'uig' ₅₄ nē₅ bá₄ já₅ uig' ₅₄ gau₂ quió' ₅ Diú₄ ne₄ quió' ₅ jaun₅ dsa₂ i₂tsá₃ ne' ₅₄. ⁷ Jaun' ₂ 'nia' ₂ nē₃, co₂dsia₅ tsá₃ lē₁tóng' ₂ quian' ₅₄ dsa₂ le₂'éi₂. ⁸ Ia₁ le₂jniá₅ jme₁tén' ₄ 'nia' ₂ caun' ₂ mi₂güig' ₃ qui₁né' ₃, la₁ rē₂nē₃ nē₃, ma₂tén' ₅ 'nia' ₂ le₃quíó' ₅ Te₁gui' ₅₄ ja₁jniá₂ si₂. Ju₁le₂chan' ₂ 'nia' ₂ jaun' ₂, ju₁lia' ₂ ca₂tín' ₂ le₃chan' ₂ chi' ₂-guein₂ i₂tén' ₅ tē₂le₃ ja₁jniá₂ si₂. ⁹ Ia₁ ja₁jniá₂ si₂ nē₃, rē₂jniá₂ 'ua' ₁ dsí₅ dsa₂, tí₅ jág₁ quió' ₅ dsa₂, a₂rē₂chan' ₂ dsa₂ quian' ₅₄ caun' ₂ ju₁ co₂dsau₅. ¹⁰ Dsen' ₅₄ jme₁tin' ₅ 'nia' ₂ 'au' ₂ jmó' ₂ na₅ a₂tē₅ dsí₅ Te₁gui' ₅₄. ¹¹ Tsá₃ quen' ₅₄ 'nia' ₂ jē₄ 'e₂ a₂tsá₃ ta₁ tí₄ a₂niog' ₅ jmo₅-dsáu₅ dsa₂ i₂tén' ₅ jē₄ qui₁né' ₃; ja₂lín₃ guē₄ dse₃ jme₁jnia₅ 'nia' ₂ a₂jaun' ₂ tē₂le₃ ja₁jniá₂ si₂. ¹² Ia₁ caun' ₂ lē₁o₂guí' ₃ bá₄, jua' ₅₄ la₂ dsia₃ dsa₂ a₂jmo₅ dsa₂ 'éi₂ jē₄ tē₃co' ₅₄. ¹³ La₁ ca₂le₃jé₃ bá₄ rē₂jniá₂ jē₁ma₂ca₂tág' ₃ si₂. ¹⁴ Ia₁ quian' ₅₄ si₂ bá₄ jmo₅ a₂rē₂jniá₂ ca₂le₃jé₃. 'Uig' ₅₄ jaun' ₂ guē' ₂ juá' ₂:

Jme₁jnio₂ ne' ₅₄, 'ne₂ i₂rē₂güin' ₃; nau₂, jú₅ jin' ₄ 'lag₄;

jaun' ₂ jmo₃ Cristo tág' ₅ si₂ quió' ₅ ja₁cong' ₂.

¹⁵ Jaun' ₂ lē₃, rē₂ de' ₂ quion' ₂ 'nia' ₂ 'í₁ 'a₂ lia' ₂ i₂niog' ₅₄. Jaun' ₂ tsá₃ ma₃i₁niog' ₄ ju₁lia' ₂ i₂niog' ₄ dsa₂ i₂tsá₃ 'e₂ ŋí' ₂ dsí₅; ju₁i₂niog' ₄ bá₄ 'nia' ₂ a₂lín' ₅ dsa₂ i₂tin' ₂, i₂ŋí' ₂ dsí₅. ¹⁶ Quen' ₂ 'nia' ₂ bí₂, nē₃ lia' ₂ cuin' ₅ jmig' ₄, a₂jmó' ₂ 'nia' ₂ a₂dse₃, ia₁ 'ŋio₅ ju₁si ma₂lín' ₅₄ dsa₂ jmig' ₄ rē₂nē₃. ¹⁷ Jaun' ₂ lē₃, tsá₃ jme₁con' ₅₄ 'nia' ₂ 'au' ₂; dsen' ₅₄ 'au' ₂ 'nia' ₂ jmo₄ ju₁le₂ŋíg' ₂ na₅ a₂'ŋio₂ dsí₅ Te₁gui' ₅₄. ¹⁸ Tsá₃ ju₁qui₂le₂'en' ₅ 'nia' ₂ quian' ₅₄ ti₁jmíg' ₃, ia₁ a₂nē₅ bá₄ jiog' ₅ ju₁ja₁dsi₂'én₂ dsa₂; tē₂le₃ ju₁jme₂can' ₂ 'nia' ₂ quian' ₅₄ Jme₂dsí₂ Jjió₅. ¹⁹ Dsia₄ 'nia' ₂ le₂jang' ₂ le₂jang' ₂ qui₁juig' ₅₄ ríng' ₂ quian' ₅₄ salmos, quian' ₅₄ himnos, quian' ₅₄ son' ₅₄ a₂gu₂dsí₂, 'è₄ 'nia' ₂ jmo₄ son' ₅₄ ju₁tē₂'au' ₂ a₂jme₁juing' ₂ Te₁gui' ₅₄. ²⁰ Ju₁i₂niog' ₄ bá₄ 'nia' ₂ co₂tan' ₅₄ cuē' ₅₄ ti' ₁mag' ₄ Diú₄ i₂lín' ₅ Tia' ₅₄ quián' ₂ o₄quíó' ₄ ca₂le₃jé₃, lia' ₂ con' ₂ lē₅ bí₂ quió' ₅ Te₁gui' ₅₄ Jesucristo quián' ₂ jniog' ₄.

'A₂ lia' ₂ 'nió' ₅ le₃chan' ₂ dsa₂ 'én' ₂ ta₁caun' ₂ nió' ₃ lia' ₂ caun' ₂ dsi₂néi₂

²¹ Tión' ₂ 'nia' ₂ 'éi' ₃ quió' ₅ ríng' ₂ le₂jang' ₂ le₂jang' ₂, ia₁ a₂gan' ₃ 'nia' ₂ Cristo.*
²² 'Nia' ₂ dsa₂ mí₂, tión' ₂ 'nia' ₂ 'éi' ₃ quió' ₅ dsa₂ ŋe' ₂ quiáng' ₂, ju₁lia' ₂ tion' ₅₄ 'nia' ₂ 'éi' ₃

* 5:21 A₂lín' ₅₄ chog' ₅₄ si₂: "ia, a₂gan' ₃ 'nia' ₂ Diú₄."

quió' ₅ Te₁gui' ₅₄. ²³ Ia₁ dsa₂ ηe' ₂ bá₄ i₂lín₅ mi₂dsi₄ quián₅ 'io₅₄, jui₁lia' ₂ lín₅ Cristo mi₂dsi₄ quián₅ guá' ₅. Cristo bá₄ ján₃ i₂lín₅ i₂ma₂lió₂ quián₅ guá' ₅, ia₁ guá' ₅ guè' ₂ ně₃ lě₅ co₂'nió' ₄ ni₁ηi₁₂ 'ηiog₅. ²⁴ Le₂ně₅ jui₁lia' ₂ guá' ₅ tioen' ₅₄ 'éi' ₃ quió' ₅ Cristo, ján₃ bá₄ le₂ně₅ jui₁lia' ₂ dsa₂ mí₂ ca₂tíin₂ tóin' ₃ 'éi' ₃ quió' ₅ ds₂i₂gu₂ jě₄ ca₂le₃jě₃. ²⁵ 'Nia' ₂ dsa₂ ηe' ₂ guè' ₂ ně₃, jme'nió₄ 'nia' ₂ dsa₂ mí₂ quiáng' ₂ jui₁lia' ₂ ca₂jmo₃ Cristo ca₂jme'niói₃ guá' ₅, ca₂le₃jě₃ ca₂guein₃ 'mú₃ o₄quió' ₄ 'éi₂. ²⁶ Le₂ně₅ ca₂jmo₃ ia₁jaun₂ ma₂lě₅ 'í₁ Guá' ₅ ca₂jme₃dse₃ ca₂ráng' ₂ ně₂jag₄ bá₄ quian' ₅₄ jmig₂ tē₂le₃ quian' ₅₄ jág₁ quió' ₅; ²⁷ ia₁jaun₂ jme₃jniog₂₃ chei' ₃ ne₅₄ 'ηiog₅ a₂lág₅ guá' ₅ i₂jlán' ₁ i₂tsá₃ rē₂'ηió₄ 'i₁caun₂, on₃ guè' ₂ cha₂ jua' ₅₄ ja₁lě₄ qui₂lě₁tsín' ₃ quió' ₅, on₃ guè' ₂ 'i₁caun₂ gué₄ jua' ₅₄ a₂siá' ₂ lě₅, jaun₂ dsióg₄ lín₅ caun₂ guá' ₅ i₂lě₅ 'í₁ quiáin₅ i₂dsen₃ gué₄ lín₃. ²⁸ Le₂ně₅ bá₄ ján₃, ca₂tín₂ dsa₂ ηe' ₂ jme'niói₃ dsa₂ mí₂ quiáin₅, jui₁lia' ₂ 'nio₃ ηi₅₄ 'ηiog₅. I₂'nio₃ dsa₂ mí₂ quián₅, 'niói₃ 'ηiog₅ bá₄ ján₃. ²⁹ Ia₁ 'i₁jan₂ tsá₃ jua' ₅₄ 'io' ₅₄ ni₁ηi₁₂ 'ηiog₅, tē₂le₃ jme₂tau₅₄, jmo₂₃ 'í₁, jui₁lia' ₂ jmo₅ Cristo ján₃ quian' ₅₄ guá' ₅, ³⁰ ia₁ le₂jau₂ le₂jau₂ jniog₄ téi₅ ni₁ηi₁† 'éi₂. ³¹ “Jaun₂ bá₄ lě₃ ca₂tín₂ dsa₂ ηe' ₂ qui₃téin₂ chog₅₄-jmei₂, con' ₂ tain' ₃ jme₃quian' ₅₄ dsa₂ mí₂ quiáin₅, ia₁jaun₂ dsióg₄ lén₂ caun₂ bá₄ ηi₅ jě₁le₃oin₃ le₂jaun₂.” ‡ ³² Jág₁ ně₃ lě₅ caun₂ jág₁ jué' ₂ a₂ma₂ca₂rě₃jniá₂. La₁ juá' ₅ jniá₂ 'ing₅ Cristo quian' ₅₄ guá' ₅ quiáin₅. ³³ La₁ ně₃, le₂jan' ₂ le₂jan' ₂ 'nia' ₂ jme'nió₄ dsa₂ mí₂ quiáng' ₂, jui₁lia' ₂ 'nióg' ₃ guiong' ₅₄; ján₃ guè' ₂ le₂jaun₂ dsa₂ mí₂ ca₂tíin₂ jme₃gain₃ ds₂i₂gu₂.

6

¹ 'Nia' ₂ i₂lín₅ chí' ₂, ca₂tíng' ₂ le₃quió' ₅ Te₁gui' ₅₄ nág' ₁ gau₂ 'e₂ te₂néi' ₂ chog' ₂- ηéi' ₅ 'nia' ₂, ia₁ le₂ně₅ bá₄ dse₃. ² Le₂la₂ juá' ₂ jě₁le₂'uig₅₄ 'éi' ₃ quió' ₅ Diú₄ ja₁juá' ₂ cha₂ a₂cuē₃: “Jme₁gan₃ 'nia' ₂ chog' ₂-ηéi' ₅, ³ ia₁jaun₂ bá₄ dse₃ le₃chang' ₂ ton' ₂ uě₂ le₃chang' ₂ ne₄ gua' ₅₄ 'uē₃.”* ⁴ 'Nia' ₂ guè' ₂ jmei₂ chí' ₂, tsá₃ jmag' ₅₄ chí' ₂ quiáng' ₂ jua' ₅₄ a₂lě₁jmai' ₅₄, ia₁jaun₂ tsá₃ uě₂ 'í₂ 'nei₂ dsí₅, tē₂le₃ 'nió' ₅ tsin' ₅₄ 'nia' ₂ caun₂ jui₅ rē₂, a₂jme₁tiin' ₅ le₃quió' ₅ Te₁gui' ₅₄. ⁵ 'Nia' ₂ guè' ₂ dsa₂ i₂jme₂ti₃ ta₁ ne₄ dsa₂, jme₁ti₁ 'nia' ₂ ta₁ a₂te₂néi' ₂ juig' ₂ 'nia' ₂ ne₄ gua' ₅₄ 'uē₃ la₂, jui₁le₂tin' ₂ 'au' ₂ 'nia' ₂ 'ei₅ gau₂ ton' ₂ tí₅ jág₁ quián' ₂ 'nia' ₂, jmo₄ 'nia' ₂ ně₂jag₄ bá₄ a₂jme₂tí' ₁ ta₁ ne₄ Cristo. ⁶ Jme₁ti₁ 'nia' ₂, on₃ jua' ₅₄ j má' ₃ lia' ₂ jme₁jág₅ jua' ₅₄ a₂'náu' ₂ 'nia' ₂ jui₅ a₂ñia' ₅₄ con' ₂ tíong' ₂ dse₃ quian' ₅₄; jmo₄ 'nia' ₂ a₂lín₅ i₂jme₂ti₃ ne₄ Cristo, jmo₄ 'nia' ₂ a₂'nio₃ Diú₄ ca₂le₃jě₃ 'au' ₂. ⁷ Jaun₂ 'ηio' ₂ 'au' ₂ 'nia' ₂ jme₁ti₁, co₂'nió' ₄ bá₄ a₂jme₂tí' ₁ ta₁ ne₄ Te₁gui' ₅₄; on₃ jua' ₅₄ rē' ₂ ne₄ dsa₂ mi₂güig₃. ⁸ Ia₁ ma₂ñi' ₅₄ bá₄ 'nia' ₂, cuē₃ Te₁gui' ₅₄ 'lian' ₅₄ dsa₂ ca₂le₃jín₃ lia' ₂ con' ₂ lě₅ a₂dse₃ a₂ma₂ca₂jmo₃, o₁ñia' ₅₄ dsa₂ i₂jme₂ti₃ ta₁ ne₄ juig₅₄, o₃ i₂tsá₃ 'ein' ₂ ne₄ jme₂ti₃ 'e₂.

⁹ 'Nia' ₂ guè' ₂ i₂lín₅ juig₅₄, le₂ně₅ bá₄ jmo₄ 'nia' ₂ ján₃ quian' ₅₄ dsa₂ i₂jme₂ti₃ ta₁ ne' ₅₄. Tsá₃ ma₃quian' ₅₄ 'nia' ₂ jué' ₅. Ia₁ ma₂ñi' ₅₄ bá₄ 'nia' ₂, jan₂ Juig' ₂ 'nia' ₂ chan₂, i₂guá₅ guei' ₅₄ i₂juig₃, i₂lín₅ Juig₅₄, lia' ₂ ne₄ 'nia' ₂, lia' ₂ ne₄ dsa₂ i₂jme₂ti₃ ne' ₅₄ 'nia' ₂. 'Éi₂ bá₄ tsá₃ jma₃quén₅ jín₂ dsa₂.

E₂ quian' ₅₄ jmo₅ dsa₂ 'én₂ 'nei₂ a₂gu₂dsí₂

¹⁰ Ně₃ ně₃, jě₁ca₂tó' ₂ juá' ₅ jniá₂ juig' ₂ 'nia' ₂, rin' ₅₄ jniog₄: Nau₂ 'nia' ₂ tiá₂ le₃quió' ₅ Te₁gui' ₅₄, quian' ₅₄ jui₅bí₂ bēn₂ quió' ₅. ¹¹ Qui' ₂ 'nia' ₂ ca₂le₃jě₃ 'e₂ a₂cuē₅ Diú₄ le₁lín' ₄ 'nia' ₂ jmo₄, co₂'nió' ₄ bá₄ jan₂ 'lióg₂, ia₁jaun₂ bá₄ tian' ₃ 'nia' ₂ náu' ₁ tiá₂ ne₄ mai₅₄ quió' ₅ i₂sě₃dsen₃. ¹² Ia₁ on₃ jua' ₅₄ quian' ₅₄ dsa₂ mi₂güig₃ rin' ₅₄ jniog₄ cág' ₂; quian' ₅₄ i₂lín₅ co₂'nió' ₄ ds₂i₂tan₅₄ gu₂dsí₂, quian' ₅₄ jme₂dsí₂ i₂'io₅ jui₅bí₂, quian' ₅₄

† 5:30 A₂lín₅₄ chog₅₄ si₂: “quian' ₅₄ mu₅ 'ein₅₄ ně₃.” ‡ 5:31 Génesis 2:24. * 6:3 Deuteronomio 5:16.

jme₂dsí₂ i₂gon₂ jmo₅ 'éi'₃ i₂jmo₅ qui₁né'₃ mi₂güig₃ la₂, quian'₅₄ guě₄ 'lióg₂ 'lín'₅₄ gu₂dsí₂ i₂i₂nio₄ gon₂ dsi₁güig₂ bá₄ cág'₂ jniog₄. ¹³ Jaun₂ lě₃, quian₂ le₁lín'₄ 'nia'₂ jmo₄ quian'₅₄ ca₂le₃jě₃ a₂le₃lon'₄ 'nia'₂ a₂cuě₅ Diú₄, ia₁jaun₂ bá₄ tian'₃ 'nia'₂ tíong'₂ tiá₂ jě₁ma₂tě₂ rě₁jmo₂g'₂ 'nei₂ i₂sě₃dsen₃, ia₁jaun₂ cang₂ jě₁ma₂ca₂lín'₃ 'nia'₂ 'nei₂ ně₃, lia₂ ma₂tión'₂ jaun₂ bá₄ 'nia'₂ tiá₂. ¹⁴ Nau₂ 'nia'₂ tiá₂ jaun₂ ně₃, co₂'nió'₄ a₂qui₂rě₂'ŋe'₅₄ tog'₂ quian'₅₄ jág₁ tí₅, a₂lě₅ co₂'nió'₄ lau₂ rě₂jén'₅ tog'₂ 'nia'₂, lě₅ 'í₁; quian₂ 'nia'₂ caun₂ jui₅ co₂dsau₅ a₂lě₅ 'í₁ le₁'au'₂ co₂'nió'₄ bá₄ jui₁lia'₂ jan₂ 'lióg₂ i₂rě₂lióg₃ ŋí₁ le₁dsí₅. ¹⁵ Chan'₂ 'nia'₂ rě₂jáng'₁ a₂'ě'₄ jág₁ dse₃ a₂'ag₃ tei₄ ja₁con₂ dsa₂, a₂lín'₅ ně₂jag₄ bá₄ jan₂ 'lióg₂ chén'₅ rě₂ján₁ rě₂lín'₅₄ ton₅ lau₂ tag₅₄. ¹⁶ Ne₄ ca₂le₃jě₃ a₂ně₅, jui₁le₂cha₂'én'₂ 'nia'₂ ia₁jaun₂ lě₅ ně₂jag₄ co₂'nió'₄ caun₂ ŋí₁ li'₂ a₂chan'₄ 'nia'₂ a₂rě₂quion'₅₄ 'nia'₂ a₂long'₅₄, co'₅₄ a₂jaun₂ qui₂éi₃ 'ma₂ chen'₂ le₁gui'₂ si₂ a₂qui₂jnaú'₂ i₂sě₃dsen₃ jnáí'₂ 'nia'₂. ¹⁷ Jui₅ ma₂lón'₂ 'nia'₂ chang'₂ ně₅, jui₁le₅₄ bá₄ jui₁lia'₂ lě₅ ŋí₁ 'i₄ dsi₄ 'lióg₂, lě₅ 'í₁; ton₂ quian₂ 'nia'₂ jág₁ quió'₅ Diú₄ a₂lě₅ ŋi₁tág₂ quió'₅ Jme₂dsí₂, a₂cuě'₅ 'nia'₂. ¹⁸ Chi₁len'₄ 'nia'₂ Diú₄ le₃quian'₅₄ Jme₂dsí₂, ca₂le₃jě₃ 'e₂ caun₂ a₂lě₅, ca₂le₃jě₃ ne₅₄ a₂mi'₂ 'nia'₂ juig'₂ Diú₄. 'Uig₅₄ ně₅ ně₃, chan'₂ 'nia'₂ rě₂jáng'₁ co₂tan₅₄ mi₄ 'nia'₂ o₄quió'₄ ca₂le₃jín₃ i₂ma₂tén₅ le₃quió'₅ Diú₄. ¹⁹ Chi₁len'₄ 'nia'₂ Diú₄ ján₃, o₄quió₃ jniá₂, ia₁jaun₂ bá₄ jmo₃ Diú₄ dsi₃ 'a₂ lia'₂ juá'₄ jág₁, jaun₂ nio₃ tiá₂ dsi₃ ně₃ a₂'ě'₄ jág₁ dse₃ a₂jme₁rě₂'ma₄ quió'₅ Diú₄. ²⁰ Diú₄ ma₂ca₂chei₃ jniá₂ a₂lín'₄ i₂chen₄ quiáin₅ quian₅₄ jág₁ dse₃; 'uig₅₄ ně₅ bá₄ ně₃ dseng₅₄ cadena 'eng₅₄. Chi₁len'₄ 'nia'₂ Diú₄ ia₁jaun₂ nio₃ tiá₂ dsi₃ 'ě'₄ jág₁ dse₃ la₂, lia'₂ con'₂ dsi₂ten₅₄ ca₂tíng₂ jmo₅₄.

Cuag₂₃ Diú₄ jě₁ca₂tó'₂

²¹ Tíquico, rín'₅₄ jniog₄ i₂'nióg₃ guě₄ lín₃, i₂jme₂ti₃ i₂jme₂o₅₄ quian'₅₄ ta₁ quió'₅ Te₁gui'₅₄, 'éi₂ bá₄ quian₅ ca₂le₃jě₃ jág₁ tsí'₃ 'nia'₂ ia₁jaun₂ le₃ŋi'₅₄ 'nia'₂ 'a₂ lia'₂ lě₅ chang₂, quian'₅₄ 'e₂ a₂jmo₂₃ ně₃. ²² Jaun₂ bá₄ lě₃ tsín₂ jniá₂ ja₁tion'₅₄ 'nia'₂, ia₁jaun₂ le₃ŋi'₅₄ 'a₂ lia'₂ lě₅ chong₂ jniá₂ ia₁jaun₂ cuě'₅₄ 'nia'₂ lián'₂ 'au'₂.

²³ Jui₁jmo₅₄ Diú₄ Tia₅₄ quián₂, quian'₅₄ Te₁gui'₅₄ Jesucristo ně₃, 'ei₅ tei₄ tion'₅₄, 'nió'₃ 'nia'₂ ríng'₂, 'én'₂ 'nia'₂ ně₃.

²⁴ Jui₁jme₂gu'₅₄ bá₄ Diú₄ ca₂le₃jín₃ i₂tsá₃ líg'₂ jmíg₄ téi₂ i₂'nio₃ Te₁gui'₅₄ Jesucristo quián₂ jniog₄.

Co₂ně₅.

Si₂ carta a₂ ca₂ jmo₃ San Pablo ne₄ dsa₂ FILIPENSES

Jmo₅ Pa₄ si₂ a₂chein₃ ne₄ Guá'₅ i₂chan₂ juig₂ Filipos, tē₁lia'₂ 'ein₅₄ né'₃ 'má₃

¹ Jniá₂ Pa₄, quiang'₅₄ Timoteo, lág₅ jnia'₅₄ i₂jme₂ti₃ ta₁ ne₄ Jesucristo; jmo₂ jnia'₅₄ si₂ carta la₂ dsiang'₅₄ ja₁con₂ ca₂le₃jín₃ rin'₅₄ jniog₄ i₂tián'₅ Filipos i₂lě₅ 'í₁ quián₅ Cristo Jesús, ja₁con₂ dsa₂ i₂niog₅ ne₄ guá'₅, * quián'₅₄ ja₁con₂ dsa₂ i₂jme₂'o₅₄† ně₃. ² Jui₁jme₂gu'₅₄ Diú₄, jui'₁ag₅₄ bá₄ tei₄ 'au'₂ 'nia'₂ jmo₃ Diú₄ Tia₅₄ quián₂ jniog₄, jmo₃ Te₁gui'₅₄ Jesucristo ně₃.

Chi₂lén'₂ Pa₄ Diú₄ o₄quió'₄ dsa₂ i₂'én₂

³ Cuě₅ ti₁'mag'₄ Diú₄ quiáng₃ lia'₂ co₂ráun₂ dsau'₂ dsi₃ 'nia'₂. ⁴ Lia'₂ co₂ráun₂ chi₂lén'₄ jniá₂ Diú₄, o₄quián'₂ 'nia'₂ ca₂le₃jíng'₃, co₂tan₅₄ lia'₂ 'io'₂ jéin₅, ⁵ ia₁ co₂dsia₅ bá₄ ma₂ja₂náu₅ jniog₄ quen'₂ bí₂ o₄quió'₄ jág₁ dse₃ ca₂le₃ jmig₄ le₂'uig₅₄ ca₂lia'₂ jnió₂ jmig₄ ně₃. ⁶ Caun₂ bá₄ 'ei₅ dsi₃ líng₂, Diú₄ bá₄ i₂ca₂jme₃lióg₃ jmo₂₃ ta₁ dse₃ ja₁con₂ 'nia'₂, jme₃'ñiai₂₃ ca₂lia'₂ ca₂tě₂ jmig₄ quió'₄ Cristo Jesús.

⁷ Dsi₂ten₅₄ bá₄ 'ag₅₄ dsi₃ le₂ně₅ o₄quián'₂ 'nia'₂ ca₂le₃jíng'₃, ia₁ 'i₄ dsi₃ jniá₂ 'nia'₂. Ia₁ quián'₅₄ jniog₄ rin'₅₄ co₂dsia₅ bá₄ guei₂ jniog₄ a₂jme₂gu'₅₄ Diú₄, tsá₃ a₂nag₅₄ jaun₂ a₂'eng₅₄ né'₃ 'má₃, o₃ jñia'₅₄ ne₄ dsi₂tan₅₄ dsióg₄ jniá₂ ja₁lé₂ le₃long₅₄ jág₁ dse₃, ton'₂ lé₂ le₃jáng'₄ jág₁ dsau₅ a₂tě₃dsón'₂ bá₄ tí₅ jág₁. ⁸ I₂ñi₅ dsi₂jó'₃ bá₄ Diú₄ a₂ñi₄ lě₃ dsen₅₄ dsi₃ jniá₂ 'nia'₂ ca₂le₃jíng'₃, lia'₂ con'₂ lě₅ ñi₄ lě₃ Cristo.

⁹ Le₂la₂ bá₄ chi₂lén'₄ jniá₂ Diú₄: a₂qui₂dsi₃jón₃ a₂jme₁'nió'₄ 'nia'₂ ríng'₂ 'ñio₅ lín₃, lia'₂ ma₂tě₂dsi₅₄ jaun₂ a₂qui₂rě₂ñi'₂ dsei'₂ 'nia'₂ a₂qui₂le₃quing'₅₄ 'nia'₂ jmig₄, ¹⁰ ia₁jaun₂ lé₂ le₃caun'₅₄ 'í₁ 'e₂ jaun₂ a₂dsen₅₄ guě₄. Jaun₂ le₂ně₅ bá₄ le₃chan'₂ 'nia'₂ tsá₃ qui₂le₁'ióg₄ jme₂dsi₂ quián'₂ 'nia'₂, jua'₅₄ qui₂le₁cán'₄ 'nia'₂ dso₄ jě₁ma₂tě₂ rě₁tě₃ jmig₄ quió'₄ Cristo. ¹¹ Le₂ně₅ bá₄ ján₃, lé₂ jui₅ a₂i₁nió'₄ 'nia'₂ a₂léi₄ a₂le₃jniá₂ ca₂le₃jě₃ ne₅₄ a₂dse₃ a₂niog₅ qui₂ma₂jmo'₅₄ 'nia'₂ tē₂le₃ quián'₅₄ Jesucristo. Ca₂le₃jě₃ a₂ně₅, Diú₄ bá₄ i₂gue₃ ti₁'mag'₄, qui₂le₃juin'₂ ně₃.

Tě₂le₃ quió'₃ jniá₂, o₄quió'₄ Cristo bá₄ chang₂

¹² Rin'₅₄ jniog₄, 'nio₃ jniá₂ le₃ñi'₅₄ 'nia'₂, ca₂le₃jě₃ a₂niog₅ ma₂i₃ñíg₂, tě₂le₃ lě₅ guě₄ dsón'₂ cuě₂₃ bí₂ a₂dsi₃'ag₅ jág₁ dse₃. ¹³ Le₂ně₅ bá₄ le₁ñi₅ ca₂le₃jín₃ 'lióg₂ i₂tion'₅₄ ne₄ta₁ quián'₅₄ ca₂le₃jín₃ guě₄ riin'₅₄ ně₃, a₂'eng₅₄ rě₂jníg₅ 'uig₅₄ ia₁ a₂'éng₂ le₃quió'₅ Cristo. ¹⁴ 'Uig₅₄ ia₁ a₂rě₂jníg₅ ně₃, mei'₂ tsá₃ ca₂le₃jín₃ bá₄ rin'₅₄ jniog₄ le₃quió'₅ Te₁gui'₅₄ ma₂qui₂ma₂tíin₂ bí₂ a₂'ě₂ jág₁ quió'₅ Diú₄ a₂tiá₂ dsi₅, tsá₃ 'e₂ gau₂ cha₂.

¹⁵ A₂dsau₅ bá₄ jaun₂ chan₂ i₂lín₅₄ dsia₂₃ 'iin₂₃ Cristo a₂uig₅ dsi₅, dsia₂₃ mi'₅₄, ton'₂ chan₂ guě'₂ i₂lín₅₄ dsia₂₃ a₂dse₃ dsi₅ 'iin₂₃ Cristo. ¹⁶⁻¹⁷ I₂le₂'éi₂ ně₃ jmo₂₃ ia₁ a₂'nio₃, ia₁ ñi₅ rě₂'eng₅₄ ja₁lá₃ 'uig₅₄ ia₁ a₂long₅₄ jág₁ dse₃. Dsa₂ i₂le₂ne₁ ně₃, dsia₂₃ 'iin₂₃ Cristo cha₂ a₂'ín₅ dsi₅ a₂jñia'₅₄ con'₂ 'ín₂ dsi₅ le₃chain₂ dse₃ guioin₅₄ bá₄, on₃jua'₅₄ rě'₂ a₂tě₃dsón'₂ lě₅ dsi₅; a₂'nio₃ jmóg'₂ jniá₂ cuě₃ o₂me'₅₄ dsi₅ tě₂lia'₂ 'eng₅₄ rě₂jníg₅. ¹⁸ La₁ tsá₃ cha₂ 'e₂ a₂jaun₂. Jñia'₅₄ lia'₂ jui₁'ě₅₄ dsa₂ jág₁ quió'₅ Cristo, ca₂le₃jě₃ ne₅₄ 'a₂ lia'₂ jmo₃ dsa₂, jua'₅₄ a₂dse₃ dsi₅ o₃ a₂tsá₃ dse₃ dsi₅ 'e₂. Tion₅₄ bá₄ jéin₅ jniá₂ 'io'₂.

'A₂ con'₂ dsón'₂ jmo₅₄ jniá₂ 'io'₂, ¹⁹ ia₁ guion₄ bá₄ jniá₂ jaun₂, quián'₅₄ ca₂le₃jě₃ a₂ně₅, o₃'ing₅ a₂lióng₂ con'₂ dse₃, tě₂le₃ ia₁ a₂mi'₂ 'nia'₂ ne₄ Diú₄ o₄quió₃, tě₂le₃

* **1:1** griego: epískopos. † **1:1** griego: diákonous. 'Nio'₂ ja,ton, Hechos 6:1-7; 21:8.

quian'⁵⁴ bí² a²cuë⁵ jme'²o⁵⁴ Jme²dsí² quián⁵ Jesucristo ně³. ²⁰ Ia¹ chi¹jan¹ jniá² 'in² dsi³ a²tsá³ tē³tsing'⁵⁴ o²guí'³ quian'⁵⁴ 'i¹caun², jaun² tē²le³ lē⁵ guē⁴ 'ag³ caun² dsi³, ia¹jaun² le³jniá² a²jlán'¹ Cristo jui⁵ ni¹ñi³ jniá², o¹jñia'⁵⁴ la² chang², o³ jóng² 'e². ²¹ Ia¹ tē²le³ quió³ jniá², o⁴quió'⁴ Cristo bá⁴ chang², ján³ bá⁴ a²ca²lág³ co²'nió'⁴ a²tē¹dsi⁵⁴ nē¹ca²jong³. ²² Ia¹ nē¹jua'² caun² chang² 'ñi³ ni¹ñi⁵ la², caun² lē² le³jmo⁵⁴ bá⁴ ta¹ a²dse³ o⁴quió'⁴ Te¹gui'⁵⁴. Jaun² lē³ tsá³ guion⁴ jniá² 'e² quió'⁵⁴. ²³ 'Ñio⁵ jui'⁵ líng² na⁵ bá⁴ jaun² a²quío'⁴ jniá² jē¹le³tin³ le²nē⁵: tē²le³ ca²ton², 'nio³ jua'⁵⁴ jóng² nég⁴ i¹gua³ quian'⁵⁴ Cristo, a²nē⁵ bá⁴ ja²lin³ guē⁴ dse³ tē²le³ quió³ jniá²; ²⁴ la¹ tē²le³ ca²ton² guē² ně³, 'ñio⁵ guē⁴ dse³ ta¹ ja¹con'² 'nia'², 'nió'⁵ le³chang² 'ñi³ ni¹ñi⁵ la². ²⁵ Jaun² caun² bá⁴ 'ei⁵ dsi³ líng² le²nē⁵, jaun² jan⁵⁴ bá⁴ guē⁴ jniá² quian'⁵⁴ 'nia'², ia¹jaun² lé² le³jme¹on¹ jniá² 'nia'² a²náu'¹ tiá² a²o¹nóg'⁵ ne⁴ jui⁵ a²jmó'² 'nia'² 'io'² guē⁴ a²'éng'², ²⁶ ia¹jaun² dsi³tsón³ a²jmó'² 'nia'² 'io'² le³quió'⁵ Cristo Jesús o⁴quió³ jniá², 'uig⁵⁴ ia¹ a²quian'⁴ jniá² 'nia'².

²⁷ Jñia'⁵⁴ lia'² cán² 'nia'² caun² jui⁵ con'² dsi²ten⁵⁴ lia'² con'² lē⁵ jág¹ dse³ quió'⁵ Cristo. Le²nē⁵ jaun², o¹jñia'⁵⁴ la² ca²dsióg³ jniá² i¹jag¹², o³ tsá³ ca²dsióg³, o³ chi²jua'² tē²le³ ca²ñó³ guē⁴ uíng² 'e², la¹ 'nio³ jniá² dsi¹lé² jág¹ le³guion⁵⁴ a²chan'² 'nia'² tíong'² tiá², 'ei⁵ caun² jág¹ le³quió'⁵ jme²dsí², jme²'ñi³'4 'nia'² ca²le³jíng'³ co²dsia⁵ o⁴quió'⁴ jág¹ dse³ a²'éin² jniog⁴. ²⁸ Tsá³ lē¹can² 'nia'² juē⁵ 'e² qui²quiong⁵ jui¹lia'² dsa² i²'iog⁵⁴ 'nia'². Ia¹ a²nē⁵ jau'² 'í¹ rē² a²lén⁴ dsa² 'éi² a²tioin'⁵⁴ jui⁵ ja¹dsi³'éin²; la¹ le²jaun² guē² ján³ jau'² léi⁴ rē² táng³ a²tion'⁵⁴ 'nia'² jui⁵ ja¹tíng'⁴; a²nē⁵ bá⁴ a²já⁵ quió'⁵ Diú⁴. ²⁹ Ia¹ 'uig⁵⁴ quió'⁴ Cristo ca²ñi'² 'nia'², on³jua'⁵⁴ jmá'³ le³'én'² 'nia'² le³quió'⁵, ján³ guē² le²jaun² ñag⁵⁴ uig⁵ o⁴quió'⁴, ³⁰ ia¹ co²rē² bá⁴ 'nei² dsi²ñi'² 'nia'² jui¹lia'² ma²tē² ne'⁵⁴ 'nia'² a²dsi²ñi'² jniá², con'² siá'² táng³ rē²nē³ rē²ñi'⁵⁴ 'nia'² lia'² ma²dsi²ñi'² jaun² bá⁴.

2

'A² lia'² ca²jmo³ Cristo sioin⁵, 'a² lia'² ca²rē³juin'² táng³

¹ Jaun² le²nē⁵, chi²jua'² qui²gue'² 'nia'² lián'² le³quió'⁵ Cristo, chi²jua'² 'a² lia'² 'nio³ 'éi² 'nia'² qui²'ag²³ bá⁴ dse³ 'au'², chi²jua'² 'ei⁵ caun² jág¹ quian'⁵⁴ Jme²dsí² quiáin⁵, chi²jua'² cha² a²'ua¹ ñéi² 'au'² 'nia'² ríng'²: ² jme¹'ñia⁵ 'nia'² o²'ñi³ dsi³ jniá², a²tión'² 'nia'² 'ei⁵ caun² jág¹, quian'⁵⁴ 'nia'² ríng'² 'nió'³ 'nia'², tē²le³ quian'⁵⁴ jan² Jme²dsí², ca²ne⁵⁴ bá⁴ ta¹ tión'² 'nia'². ³ 'I¹caun² tsá³ lē¹jmo² 'nia'² jua'⁵⁴ a²jñia'⁵⁴ dse³ ja¹con'² 'nia'² guiong'⁵⁴ on³ guē² jmo² 'nia'² róng'². Jmo⁴ bá⁴ 'nia'² meg'², jmo⁴ 'nia'² 'au'² ja²lin³ guē⁴ dse³ rín'² 'nia'² con'² guē⁴ guion'⁵⁴ 'nia'². ⁴ 'I¹jan'² 'nia'² tsá³ ca²ne⁵⁴ 'no'² jua'⁵⁴ a²jñia'⁵⁴ con'² dse³ ja¹con'² 'nia'² guiong'⁵⁴, 'nio'² bá⁴ 'nia'² a²dse³ quió'⁵ ja¹con² i²sián'² ján³.

⁵ Jui¹le⁵⁴ bá⁴ 'au'² 'nia'² jui¹lia'² ca²lē³ dsí⁵ Cristo Jesús:

⁶ Ia¹ o¹jñia'⁵⁴ la² lín⁵ 'éi² nió'⁴ quió'⁵ Diú⁴,
on³jua'⁵⁴ jaun² ca²jmo³ dsí⁵ a²ca²tín² tion⁵⁴
a²lén² co²rín² quiain'⁵⁴ Diú⁴,

⁷ tē²le³ ca²jmo³ bá⁴ 'éi² cau⁵ a²jme¹tín² ně³,
ně²jag⁴ bá⁴ a²tsá³ 'e² quein⁵,
ca²can³ jui⁵ ca²já³ a²lín⁵ dsa² i²jme²ti³,
jme¹ca²rē³cháin³ a²lín⁵ dsa² mi²güí³.

⁸ Jme¹ma²ca²rē³jniá² a²lín⁵ dsa² ně³,
ca²jmo³ mei'².
Jaun² guē⁴ ca²lin³ jan² i²ca²rē³ne'⁵⁴,
ca²jme³ti³ ně³,

ca₂le₃jě₃ ca₂guein₃ 'mú₃,
 ca₂lia' ₂ jnia' ₅₄ lia' ₂ ca₂dsióg₃ 'mú₃ tē₃toin₅₄ cróg₄.
 9 'Uig₅₄ jaun₂, Diú₄ ně₃, ja₂lin₃ guě₄ ŋei₅ ca₂jme₃juag' ₂,
 ján₃ guě' ₂ ca₂dsiog₃ a₂lín₅ ta₁ juě' ₂ a₂goin₂
 a₂quein₅ guě₄ 'ŋio₅ lin₃ con' ₂ guě₄ ca₂le₃jín₃,
 10 ia₁jaun₂ tē₂le₃ ne₄ 'éi' ₃ a₂gon₂ Jesús,
 ju₁chi₂jné₃ ca₂le₃jín₃ i₂tion' ₅₄ guei' ₅₄ i₂juíg₃,
 quian' ₅₄ i₂tion' ₅₄ gua' ₅₄ 'uě₃,
 quian' ₅₄ i₂tion' ₅₄ le₃né' ₃ 'uě₃ ně₃;
 11 ia₁jaun₂ tion₃ ca₂le₃jě₃ le₁tsi' ₂ dsa₂
 a₂dsón' ₂ bá₄ lín₅ Jesucristo Te₁gui' ₅₄,
 jaun₂ le₂ně₅ le₃juin' ₂ Diú₄ Jmei₂.

Lín₅ dsa₂ quián₅ Cristo ně₂jag₄ bá₄ si₂ tē₂le₃ ja₁con₂ dsa₂ mi₂güig₃

12 'Uig₅₄ jaun₂ ně₃, 'nia' ₂ rín' ₅₄ jniog₄, ju₁lia' ₂ ma₂ja₂nóg' ₅ ma₂rē₂ten' ₅₄ tián₂
 'nia' ₂ lia' ₂ con' ₂ jme' ₁eng₅₄ quian' ₅₄ 'nia' ₂, tē₂le₃ 'ŋio₅ lin₃ guě₄ ca₂tín' ₂ 'nia' ₂
 nág' ₁ gau₂ rē₂ně₃, tē₁lia' ₂ 'eng₅₄ uíng₂. Jme₁le₅₄ bá₄ 'nia' ₂ guiong' ₅₄ ju₁lia' ₂ ta₁
 a₂ma₂lóng' ₂, jmo₂ 'nia' ₂ meg' ₂ 'ei₅ gau₂. 13 Ia₁ Diú₄ bá₄ i₂jmo₅ ta₁ ja₁con' ₂ 'nia' ₂,
 a₂qui₂lě₂ 'au' ₂ 'nia' ₂ a₂dse₃, a₂qui₂lě₂ ta₁ ján₃, lia' ₂ con' ₂ lě₅ a₂'ŋio₂ dsí₅.

14 Jmo₄ ca₂le₃jě₃, la₁ tsá₃ jmo₂ jua' ₅₄ tsá₃ dsáu₅ 'au' ₂ 'nia' ₂ ríng' ₂ a₂chi₂'iín' ₄ 'nia' ₂,
 on₃ guě' ₂ jmo₂ 'nia' ₂ mi' ₅₄, 15 ia₁jaun₂ bá₄ 'i₁jan₂ tsá₃ 'ein₂ le₃bóg' ₂ dso₄ on₃ guě' ₂
 jua' ₅₄ cha₂ a₂rē₂cán' ₄ 'nia' ₂, jmo₄ 'nia' ₂ a₂lín₅ 'chi' ₂-guein₂ quián₅ Diú₄ i₂tsá₃ 'e₂
 rē₂cán' ₄, i₂tsá₃ 'e₂ rē₂'ŋio₄ jē₄ quió' ₄ dsa₂ 'lín' ₅₄ i₂rē₂gán₃ dsí₅. 'Nia' ₂ bá₄ lín₅
 ju₁lia' ₂ nei₅, a₂jmo' ₂ tág₅ ne₄ quió' ₅ caun₂ mi₂güig₃ qui₁né' ₃, 16 ja₁o₂can' ₄ 'nia' ₂
 jág₁ dse₃ a₂le₃chan₂ dsa₂. Le₂ně₅, jē₁ma₂tē₂ rē₁guan' ₂ Cristo, lé₂ le₃jmo₅₄ jniá₂
 dsí₃ ně₂jag₄ a₂rē₃tan₅₄ jniá₂ o₄quián' ₂ 'nia' ₂, jē₁ma₂cha₂ caun₂ léi₄ a₂tsá₃ jua' ₅₄
 a₂lě₁ca₂ŋi₃ co₂chi' ₅₄, on₃ guě' ₂ jua' ₅₄ ca₂jmo₃ ta₁ a₂tsá₃ 'e₂ ta₁ tí₄. 17 La₁ ju₁'a₂
 guě₃ la₂ ca₂quíng₂ a₂lén₂ rē₂jeng' ₅₄ ne₄ Diú₄, o₄quió' ₄ a₂'én' ₂ 'nia' ₂, 'ŋio₅ lin₃ 'io' ₂
 jéin₅ jniá₂, quian' ₅₄ bá₄ jniog₄ rín' ₅₄ a₂jmo₁ 'io' ₂ ca₂le₃jág₃. 18 Jmo₄ 'nia' ₂ 'io' ₂ ján₃,
 jme₁quiong' ₅₄ bá₄ 'nia' ₂ jniá₂ a₂jéin' ₅ jniá₂ 'io' ₂.

Timoteo quian' ₅₄ Epafrodito

19 Nē₁jua' ₂ 'nio₃ Te₁gui' ₅₄ Jesús, 'ín₂ dsí₃ jniá₂ tsing₅₄ ŋi' ₅₄ ta₁ Timoteo dsí₃jiiin₅₄
 'nia' ₂, ia₁jaun₂ 'ŋio₅ lin₃ guě₄ 'io' ₂ jmo₅₄ jē₁ma₂ca₂rē₃guion₅₄ jniá₂ 'a₂ lia' ₂ chan' ₂
 'nia' ₂. 20 Ia₁ 'i₁jan₂ i₂sián' ₂ tsá₃ chan₂ i₂lě₅ dsí₂jio₅ dsí₅ co₂rē₂ ju₁lia' ₂ dsí₂jio₅
 dsí₃ jniá₂, jua' ₅₄ i₂'i₅ dsí₅ tē₃dsón' ₂ a₂dse₃ tē₂le₃ ja₁con' ₂ 'nia' ₂; 21 ia₁ ca₂le₃jín₃
 bá₄ dsa₂ 'no' ₂ a₂dse₃ quió' ₅ guioin₅₄, tsá₃ dsan₂ dsí₅ a₂'ín₅ dsí₅ ja₁con₂ Cristo
 Jesús. 22 La₁ ca₂le₃jín' ₃ bá₄ 'nia' ₂ ma₂ŋi' ₅₄ 'a₂ lia' ₂ ma₂ca₂jme₃jnia₅ Timoteo a₂tiin₂
 a₂ŋi₅ a₂ma₂ja₂náu₅ jnia' ₅₄ quian' ₅₄ a₂jme₂tí₁ a₂qui₂'ě₅ jág₁ dse₃, ma₂já₅ jme₂tí₃
 co₂lě₅ ne₄ Te₁gui' ₅₄ ju₁lia' ₂ jan₂ chi' ₂ i₂jme₂'on₅₄ jmei₂. 23 Le₂ně₅ 'ín₂ dsí₃ caun₂
 jmig₄ a₂tsin₅₄ dsí₃jiiin₁₂ 'nia' ₂ jē₁ma₂ca₂rē₃guion₅₄ 'a₂ lia' ₂ lě₅ tē₂le₃ quió₃ ja₁lá₃.
 24 La₁ia₁ caun₂ bá₄ 'ei₅ dsí₃ ja₁con₂ Te₁gui' ₅₄, 'nio₃ bá₄ jniá₂ dsí₃og₄ ŋi' ₅₄ ta₁ i₁jing₁₂
 'nia' ₂.

25 La₁ tion₅₄ 'nió' ₅ ján₃, lín₂ jniá₂, dsiang' ₅₄ Epafrodito, i₂lín₅ i₂quiang' ₅₄ jmo₂₃
 ta₁ quen' ₂ jnia' ₅₄ bí₂ co₂dsia₅ quian' ₅₄, i₂ca₂chen' ₂ 'nia' ₂ guiong' ₅₄ o₃can₅ a₂'nió' ₅
 quió₃. 26 'Éi₂ ně₃ 'ŋio₅ lin₃ 'ín₅ dsí₅ jiiin₂ ca₂le₃jín' ₃ 'nia' ₂, 'ŋio₅ 'i₅ dsí₅ ia₁ ca₂rē₃ŋi' ₅₄
 bá₄ 'nia' ₂ a₂ca₂rē₃dso' ₅₄ 'éi₂. 27 Dsón' ₂ bá₄ jaun₂ ca₂rē₃dso' ₅₄, jnia' ₅₄ mei' ₂ tsá₃
 ca₂join₃; la₁ ca₂dsia₃ bá₄ Diú₄ ŋéi₂ dsí₅ quió' ₅, on₃jua' ₅₄ rē' ₂ jmá' ₃ ja₁con₂ 'éi₂,
 ia₁ ca₂dsia₃ bá₄ ŋéi₂ dsí₅ jniá₂ ně₃, ia₁jaun₂ tsá₃ ŋi₄ lě₃ 'lia' ₂ dsí₃ tsá₃ len₅ 'a₂

con'₂ ma₂chang₂ quian'₅₄ o₂i₁ dsi'₅. 28 'Uig'₅₄ jaun₂ ně₃ 'ŋio'₅ guě₄ lě₂ dsi₃ dsiain'₅₄, ia₁jaun₂ jmó'₂ 'nia'₂ 'io'₂ jiiñ'₅₄ táng₃, ia₁jaun₂ tsá₃ ŋí₄ lě₃ chang₂ 'i₅ dsi₃. 29 Guein'₅₄ 'nia'₂ ca₂lia'₂ a₂'ŋio₂ 'au'₂ guě₄ lín₃, a₂lín₅ 'éi₂ jan₂ rín'₂ 'nia'₂ tē₂le₃ ja₁con₂ Te₁gui'₅₄, jme₁gon'₃ bá₄ 'nia'₂ juí₁lia'₂ i₂lín₅ lia'₂ lín₅ 'éi₂; 30 ia₁ ca₂juig'₄ bá₄ mei'₂ tsá₃ ca₂join₃ 'uig'₅₄ ia₁ a₂jme₂ti₃ ta₁ ne₄ Cristo. Ca₂can₃ caun₂ juí₅ go'₂ ja₁lé₂ le₃quin₃ jme₂dsi₂ quió'₅ a₂jme₃'ŋiai₂₃ jme₃'o₅₄ a₂tsá₃ lě₂ le₃jme₁'o'₁ 'nia'₂.

3

Juí₅ a₂tē₃dsón'₂ dsau₅

1 Nē₃ ně₃, 'nia'₂ rín'₅₄ jniog₄, jmo₄ 'nia'₂ 'io'₂ le₃quió'₅ Te₁gui'₅₄. Tē₂le₃ ja₁con₂ jniá₂, 'i₁ca₂juig'₄ o₂me'₅₄ dsi₅ tsá₃ cha₂jua'₅₄ a₂juá'₄ táng₃ jniá₂ a₂ma₂juá'₃ ne₄ si₂, ia₁ con'₂ lě₅ co₂ŋia₅₄ tē₂le₃ ja₁con'₂ 'nia'₂.

2 Jmo₄ 'nia'₂ 'í₁ quian'₅₄ dsa₂ i₂chan₂ jmo₅ lín₅ lia'₂ lín₅ dsi₂jī'₅₄, i₂jmo₅ a₂'lig'₅₄, dsa₂ i₂qui₂ti₅ ni₁ŋí₁₂; 3 ia₁ jniog₄ bá₄ i₂tē₃dsón'₂ lág₅ dsa₂ co₂'nió'₄ i₂ma₂qui₂rē₂uing₄ lo₄, jniog₄ con'₂ i₂jme₂juín'₁ Diú₄ a₂gu₂dsi₂. Jaun₂ o₂'ŋio₃ o₂ŋia₃ dsi₅ jniog₄ ia₁ lág₅ i₂quián₅ Cristo Jesús, tsá₃ jaun₂ 'ín₂ dsi₅ jniog₄ juí₁lia'₂ a₂jmo₅ dsa₂ co'₅₄ ni₁ŋí₅, 4 o₁ŋia'₅₄ jniá₂ rē'₂ ján₃ jme₁ca₂tíng₂ jme₁jmo₁₂ 'ín₂ dsi₅ a₂ně₅.

Chi₂jua'₂ 'ein₂ lín₂ cha₂ 'uig'₅₄ a₂'ín₂ dsi₅ ni₁ŋí₅, tē₂le₃ lě₅ guě₄ tson₂ bí₂ chan₂ jniá₂ 'uig'₅₄ a₂jaun₂; 5 jme₁ca₂dsin₃ ŋia₃ jmig₄ lia'₂ con'₂ jme₁ca₂rē₃cháng₃ bá₄ ca₂ti₃ dsa₂ lo₃; ia₁ lín₅ dsa₂ tsi₁jon₂ israelitas, téng₅ le₃quió'₅ co₂nió'₃ dsa₂ quián₅ tsi₁jon₂ Benjamín; lín₅ hebreo ia₁ ja₁jaun₂ chang₂ lín₅ chi'₂ quián₅ dsa₂ hebreos. Fariseo bá₄ jme₁lín₄ lia'₂ con'₂ lě₅ jme₁ŋí'₂ dsi₃ Si₂ 'Éi'₃; 6 juí₁lia'₂ a₂dsen'₅₄ dsi₃ guě'₂, ca₂lia'₂ qui₂ca₂co₃'én₃ jniá₂ dsa₂ quián₅ guá'₅; ton'₂ lia'₂ con'₂ lě₅ jme₁chang₂ quian'₅₄ juí₅ dse₃ lia'₂ con'₂ lě₅ 'Éi'₃ Juá'₅, 'i₁jan₂ tsá₃ 'ein₂ lě₂ le₃jme₁bóg'₂ dso₄.

7 La₁ ca₂le₃jě₃ a₂ně₅ le₃jua'₅₄ jág₁ a₂tē₁dsi₅₄ le₃quió'₃ jniá₂, a₂jaun₂ jmo₅ jniá₂ dsi₃ a₂ma₂i₃'én₂ le₃quió'₅ Cristo. 8 Dsón'₂ bá₄ jaun₂, tē₂le₃ lě₅ guě₄ jmo₅ jniá₂ dsi₃ ně₂jag₄ bá₄ a₂ma₂i₂'én₂ ca₂le₃jě₃, ia₁ tsá₃ quin'₅ 'a₂ con'₂ quen'₅ a₂ma₂ca₂rē₃cuíng₅ Cristo Jesús Te₁gui'₅₄ quiáng₃. 'Uig'₅₄ quió'₄ Cristo bá₄ ma₂i₂'én₂ jě₂ a₂jaun₂ quió'₃. Jmo₅ jniá₂ dsi₃ ně₂jag₄ bá₄ jme₁qui₅ a₂jaun₂, ia₁ 'nio₃ jniá₂ léi₂ ja₁con₂ Cristo; 9 'nio₃ jniá₂ dsióg₄ ja₁con₂ 'éi₂, on₃jua'₅₄ a₂chang₂ quian'₅₄ juí₅ co₂dsau₅ a₂tíng₂ 'ŋio₃ lia'₂ con'₂ lě₅ 'Éi'₃ Juá'₅, tē₂le₃ ia₁ a₂quian₄ jniá₂ juí₅ co₂dsau₅ a₂cuē₅ Diú₄ cuē'₅ i₂'én₂ le₃quió'₅ Cristo. Co₂'nió'₄ le₃jua'₅₄, a₂chan₂ dsa₂ quian'₅ caun₂ juí₅ co₂dsau₅ a₂já₅ le₃quió'₅ Diú₄ 'uig'₅₄ cho'₅₄ tē₂le₃ ia₁ a₂'én₂ bá₄ dsa₂. 10 A₂'nio₃ jniá₂ le₃cuíng₅ Cristo bá₄, 'nio₃ jniá₂ can'₅₄ juí₅bí₂ a₂ca₂jein'₅₄; ján₃ guě'₂ can'₅₄ juí₅ jmi₁uig'₅ a₂ca₂can₃ 'éi₂, ján₃ guě'₂ a₂dsióg₄ jniá₂ léng₂ juí₁lia'₂ jme₁lín₄ 'éi₂ lia'₂ con'₂ jme₁ca₂join₃, 11 ia₁jaun₂ caun₂ bá₄ 'ei₅ dsi₃ dsióg₄ jniá₂, chi₂jua'₂ lě₂, a₂jeng'₅₄ jīn₄ 'lag₄.

Juí₅ ja₁ca₂tág₂ i₁no₁ ja₁lě₄ léi₄ dsi₁no₃

12 On₃jua'₅₄ guě'₂ a₂ma₂ca₂dsióg₃ jniá₂, on₃ guě'₂ ma₂ca₂rē₃'ŋia₅ quió'₃. La₁ caun₂ nei'₅₄ bá₄ ne₄ juí₅ jme₁'ŋio'₄ a₂'ín₂ dsi₃, juí₁lia'₂ ca₂jme₃'ŋio'₃ Cristo jniá₂. 13 Rín'₅₄ jniog₄, tsá₃ jmo₅ jniá₂ dsi₃ jua'₅₄ a₂ma₂ca₂jme₁'ŋio'₄ jniá₂ a₂jaun₂. La₁ia₁ caun₂ la₂ bá₄ jmo₅ jniá₂: a₂qui₂dsi₃'én₂ dsi₃ a₂qui₂ma₂ŋí₂, a₂quin'₄ bí₂ a₂tió₄ nei'₅₄ le₃ne₄ juí₅, 14 a₂dsióg₄ jniá₂ ja₁lě₄ léi₄ ja₁ca₂tíng₂ dsióg₄, ja₁i₁gue₃ jniá₂ premio a₂tē₂ Diú₄ cuē₃ guei'₅₄ i₂juig'₃ a₂cuē'₃ dsa₂ i₂tion'₅₄ le₃quió'₅ Cristo Jesús. 15 Ca₂le₃jág₃ bá₄ jniog₄ i₂ma₂le₁'ŋia₅ quián₂, ca₂tág₂ dsi₃ŋia₅ dsi₅ le₂jaun₂.

Nějua'₂ cha₂ ja₁lín₅₄ a₂ñí'₂ 'au'₂ 'nia'₂ le₂siá'₂, Diú₄ bá₄ jmo₃ jnio₂ ne'₅₄ 'nia'₂ a₂jaun₂ ján₃. 16 Jñia'₅₄ lia'₂ ca₂tág₂ jniog₄ a₂i₁nio₁ lia'₂ ma₂ja₂náu₅.

17 Rin'₅₄ jniog₄, quian₂ 'nia'₂ jui₅ co₂lě₅ con'₂ lě₅ jui₅ ma₂guio₃ jniá₂, jag₄ 'nia'₂ rě₂ ján₃ ja₁con₂ ca₂le₃jín₃ i₂ma₂chan₂ lia'₂ con'₂ lě₅ ma₂ca₂jme₁tin₅ jnia'₅₄ 'nia'₂.

18 Ia₁ jui₁lia'₂ ma₂ca₂juíg₂ jniá₂ 'nia'₂ 'lióng₂ ráun₂, con'₂ siá'₂ juá'₅ bá₄ guě₄ cón'₂ táng₃ ca₂le₃jě₃ dsá₂ jmig₂ jme₁ne₃, ia₁ juin₅ i₂chan₂ co₂nió'₄ i₂'io'₅₄ a₂ca₂jmo₃

Cristo ne₄ cróg₄. 19 Jě₁ca₂tó'₂ dsi₁lein₃ ja₁dsi₃'éin₂. Ia₁ i₂co₂nió'₄ i₂lín₅ diú₄ quiáin₅ co₂nió'₄ a₂lag₃ nē₁rě₂can'₂ tú'₅ bá₄, 'ñio₅ róin₂ jmo₂₃ a₂nió'₄ jme₁cán₂ o₂guí'₃.

Jmá'₃ lia'₂ quió'₅ a₂cha₂ ne₄ gua'₅₄ 'uě₃ la₂ bá₄ dsi₂jio₅ dsí'₅. 20 La₁ jniog₄ nē₃ lág₅ dsa₂ i₂tén₅ guei'₅₄ i₂juíg₃, jñia'₅₄ lia'₂ a₂jaun₂ bá₄ le₁jñia₁ jniog₄ dsen₅₄ dsi₅ a₂jñio'₂

ja₁jaun₂ jan₂ i₂lió₂, i₂lín₅ Te₁gui'₅₄ Jesucristo. 21 'Éi₂ bá₄ jme₃tsín₃ ni₁ñi₁ jniog₄ a₂dsi₃'éin₂ la₂, ia₁jaun₂ lé₂ lia'₂ jlá'₁ ni₁ñi₁₂ 'ñiog₅. Jmo₃ bá₄ a₂jaun₂ tē₂le₃ quian'₅₄

bí₂ a₂'io₂₃ a₂tiin₂ dsia₃ o₄gú'₃ 'ñiog₅ ca₂le₃jě₃.

4

Jmo₄ 'nia'₂ 'io'₂ co₂tan₅₄ le₃quió'₅ Te₁gui'₅₄

1 Jaun₂ lě₃, rin'₅₄ jniog₄, 'nia'₂ i₂nió₃ guě₄ lín₃, i₂ñí₄ lě₃ 'ín₅ dsi₃ jing₅₄; 'nia'₂ bá₄ líng'₅ a₂ñí₄ dse₃ 'ei₅ dsi₃, 'nia'₂ bá₄ líng'₅ co₂nió'₄ premio quió', jui₁chan'₂ bá₄ 'nia'₂ le₂nē₅ jaun₂ nē₃, tión'₂ 'nia'₂ tiá₂ le₃quió'₅ Te₁gui'₅₄.

2 Chi₂len'₄ jniá₂ Evodia quian'₅₄ Síntique ján₃, jmo₄ 'nia'₂ caun₂ jág₁ jin₄ ríng'₂ o₄quió'₄ Te₁gui'₅₄. 3 Quian'₅₄ 'ne₂, rin'₅₄ jniog₄ i₂co₂dsia₅ jmo₂ ta₁, juíg₂ jniá₂

'ne₂ a₂jme₁'ong'₁ dsa₂ mí₂ rin'₅₄ jniog₄ nē₅, ia₁ 'éi₂ ca₂quín'₃ bí₂ i₂quian'₄ jniá₂ jme₁ca₂'ě₃ jág₁ dse₃ a₂lión₂ dsa₂, quian'₅₄ Clemente nē₃ quian'₅₄ guě₄ rin'₅₄ sián'₂ ca₂jmo₃ ta₁ quian'₅₄ jniá₂. Ma₂le₁ton₅ lia'₂ chein₂ ne₄ si₂ a₂le₃chain₂ co₂tan₅₄.

4 'Io'₂ jmo₄ 'nia'₂ co₂tan₅₄ le₃quió'₅ Te₁gui'₅₄. Cón'₂ siá'₂ juá'₅ táng₃, 'io'₂ jmo₄ 'nia'₂! 5 Jui₁le₂jniá₂ a₂'ua₁ 'au'₂ 'nia'₂ jě₄ quió'₅ le₃jín₃ dsa₂, ia₁ ma₂ja₂quián₃ guan'₂ Te₁gui'₅₄.

6 Tsá₃ jmo'₂ 'nia'₂ 'i₅ 'au'₂ 'i₁caun₂. La₁ chi₂jua'₂ 'e₂ lě₅, chi₂len'₄ 'nia'₂ Diú₄; mi₄ 'nia'₂ ne₄ 'éi₂ ton'₂ ján₃ guě'₂ cuě'₅₄ 'nia'₂ ti₁'mag'₄ 'éi₂. 7 Jaun₂ Diú₄ bá₄ jmo₃ 'í₁ jme₂dsí₂ quián'₂ 'nia'₂ quian'₅₄ a₂qui₂dsi₂jio₅ 'au'₂ 'nia'₂ nē₃, tē₂le₃ quian'₅₄ Cristo Jesús. Diú₄ bá₄ jmo₃ a₂'ag₃ tei₄ 'au'₂ 'nia'₂ ñag₅₄ guě₄ lín₃ con'₂ guě₄ a₂lě₂ le₃ñí'₂ dsa₂.

Jui₁dsi₂jio₅ 'au'₂ jmá'₃ a₂dse₃

8 Jaun₂ lě₃, rin'₅₄ jniog₄, jui₁dsi₂jio₅ 'au'₂ 'nia'₂ jui₁'e₂ a₂tí₅ dsón'₂, jui₁'e₂ a₂ca₂tín₂ jme₃gó'₃ dsa₂, jui₁'e₂ a₂dsi₂ten₅₄, jui₁'e₂ a₂le₁jě₃, jui₁'e₂ a₂'io'₂, jui₁'e₂

a₂quen₅ jág₁ dse₃; chi₂jua'₂ cha₂ a₂jlá'₁ a₂ca₂tín₂ 'ag₃ dse₃ jág₁, a₂jaun₂ bá₄ jui₁dsi₂jio₅ 'au'₂ 'nia'₂. 9 Jme₁dsau₅ 'nia'₂ caun₂ a₂ma₂gue'₅₄ 'nia'₂, a₂ma₂ca₂jme₁tag₅ a₂ma₂nei'₂ 'nia'₂ ma₂juá'₃ quian'₅₄ a₂qui₂ma₂tē₂ ne'₅₄

ma₂jag'₅₄ 'a₂ lia'₂ jmo₅ jniá₂: le₂jaun₂ jmo₄ 'nia'₂. Jaun₂ Diú₄ nē₃ i₂jmo₅ 'ag₅ tei₄ 'au'₂ 'nia'₂, 'ein₅₄ ja₁con'₂ 'nia'₂.

Cuě₅ Pa₄ ti₁'mag'₄ cuě'₅ dsa₂ Filipenses

10 'E₂ guě₄ tē₅ dsi₃ 'io'₂ jéin₅ guě₄ lín₃ le₃quió'₅ Te₁gui'₅₄ 'a₂ lia'₂ lě₃ a₂ca₂dsáu'₃ táng₃ 'au'₂ 'nia'₂ jniá₂. Tsá₃ 'nio₃ jniá₂ juá'₄ jua'₅₄ a₂ma₂i₂'én₂ 'au'₂ 'nia'₂ jniá₂, tē₂le₃ ia₁ a₂tsá₃ ma₂cuin₃ jmig₄ jme₁'o'₁ bá₄. 11 On₃jua'₅₄ rě'₂ juá'₅ jniá₂ ia₁

a₂ca₂rě₃nió'₃ quió'; ia₁ jniá₂ nē₃ ma₂ca₂rě₃tín₃ bá₄ jniá₂ a₂'ei₅ dse₃ dsi₃ chi₂jua'₂ 'a₂ lia'₂ lě₅ a₂chang₂. 12 Ma₂guion₄ bá₄ jniá₂ 'a₂ lia'₂ lě₅ jme₁rě₂chang₂ te₂ñég₂,

ján₃ guě'₂ guion₄ jniá₂ 'a₂ lia'₂ lě₅ a₂qui₂rě₂tsón₂ quió'. Jaun₂ ma₂ca₂rě₃tíng₃ bá₄ a₂chéng'₅ tiá₂ jui₁lě₄ bá₄ 'a₂ lia'₂ lě₅ chang₂. Cha₂ jme₁lín₅₄ qui₂rě₂tang₅₄ dse₃ lín₃,

o₃ 'ong₅₄ 'e₂ jme₁lin₅₄. Cha₂ jme₁lin₅₄ qui₂rē₂tsón₂, o₃ a₂tsá₃ 'e₂ cha₂ mei' ₂ 'e₂.
13 Ca₂le₃jě₃ bá₄ qui' ₅₄ jniá₂ jmig₄ të₂le₃ quian' ₅₄ Cristo i₂cuē₅ bí₂. **14** La₁ia₁, dse₃
 bá₄ jaun₂ ca₂quen' ₄ 'nia' ₂ o₂i₁ dsi₅ a₂quian₄ jniá₂.

15 Jui₁lia' ₂ ma₂ŋi' ₅₄ 'nia' ₂, rin' ₅₄ jniog₄ i₂chan₂ juig₂ Filipos, lia' ₂ con' ₂
 jme₁ca₂jme₁lióg₄ jniá₂ ca₂ě₃ já₁ dse₃ a₂lión₂ dsa₂, jme₁ca₂o₃'ín₃ jniá₂ 'uě₃ Mace-
 donia, 'i₁caun₂ guá' ₅ tsá₃ ca₂jme₃quen' ₄ të₂le₃ quian' ₅₄ cu₄; jŋia' ₅₄ lia' ₂ 'nia' ₂ bá₄.

16 Ia₁ lia' ₂ con' ₂ jme' ₁en₅₄ jniá₂ juig₂ Tesalónica, on₃jua' ₅₄ co₂ráun₂ ca₂jme' ₁o' ₁
 'nia' ₂ jniá₂, ca₂chen' ₂ 'nia' ₂ cu₄ 'uig₅₄ ia₁ a₂ca₂rě₃'nió' ₃ quió₃. **17** On₃jua' ₅₄ rě' ₂

a₂dsi₂jiog₅ dsi₃ a₂jŋia' ₅₄ caun₂ le₃cha₂ a₂ca₂tín₂ jniá₂ a₂qui₁gue₅₄; a₂jaun₂ bá₄
 'nio₃ jniá₂ a₂le₃cha₂ 'uig₅₄ a₂jme₃'mag' ₂ Diú₄ quián' ₂ 'nia' ₂. **18** La₁ ma₂gue₃ bá₄
 jniá₂ le₃jě₃, të₂le₃ lě₅ gué₄. Quian' ₅₄ a₂ca₂chen' ₂ 'nia' ₂ të₂le₃ quian' ₅₄ Epafrodito,

ma₂rē₂tsón₂ bá₄ quió₃. A₂ca₂chen' ₂ 'nia' ₂ jaun₂ quió₃, lě₅ jui₁lia' ₂ lě₅ caun₂
 a₂rě₂jen' ₅₄ ne₄ Diú₄ a₂ja₂ mi₂juig₂ a₂'ŋio₂ dsi₅ Diú₄ guéi' ₅. **19** Diú₄ quiáng₃ ně₃,

'éi₂ bá₄ cuē₃ ca₂le₃jě₃ a₂'nió' ₅ quián' ₂ 'nia' ₂ lia' ₂ con' ₂ lě₅ a₂ŋi₄ lě₃ jlá' ₁ a₂rē₂tsón₂
 quió' ₅, cuě' ₃ 'nia' ₂ të₂le₃ quian' ₅₄ Cristo Jesús. **20** jui₁jme₂juin' ₂ bá₄ dsa₂ Diú₄

Jmei₂ jniog₄ ca₂lia' ₂ co₂tan₅₄! A₂méi₃.

21 Cuin₅₄ 'nia' ₂ Diú₄ o₄quió₃, ca₂le₃jín₃ i₂tén₅₄ le₃quió' ₅ Cristo Jesús. Dsa₂
 rin' ₅₄ * i₂quian' ₄ jniá₂ ně₃, cui₂n₂₃ Diú₄ 'nia' ₂. **22** Cuin₅ 'nia' ₂ Diú₄ ca₂le₃jín₃ dsa₂
 jŋió₅, la₁ia₁ ja₂lín₃ gué₄ dsen₅₄ cuag₅ Diú₄ dsa₂ i₂tián' ₅ dsi₂néi₂ quió' ₅ gui' ₅₄ rag₅₄
 emperador.

23 Jui₁jme₂gu' ₅₄ bá₄ Te₁gui' ₅₄ Jesucristo jme₂dsi₂ quián' ₂ 'nia' ₂. A₂méi₃.†
 Co₂ně₅.

* **4:21** lit. “dsa₂ jŋió₅.” † **4:23** A₂lin₅₄ chog₅₄ si₂ tsá₃ chi₁ton₅ “A₂méi₃.”

Si₂ carta a₂ca₂jmo₃ San Pablo ne₄ dsa₂ COLOSENSES

Jmo₅ Pa₄ si₂ a₂chein₃ ne₄ Guá'₅ i₂chan₂ juig₂ Colosas tē₁lia'₂ 'ein₅₄ né'₃ 'má₃

¹Jniá₂, Pa₄, ia₁ co₂nē₅ 'nio₃ Diú₄ bá₄, líng₅ jan₂ i₂chen₄ quián₅ Jesucristo. Co₂lě₅ quiang'₅₄ r'in'₅₄ jniog₄ Timoteo, ²jmo₂₃ si₂ carta la₂ a₂dsiang'₅₄ ne'₅₄ 'nia'₂ r'in'₅₄ jniog₄ a₂ i₂chang'₂ juig₂ Colosas, dsa₂ i₂lě₅ 'í₁ i₂jme₂ti₃ ja₁con₂ Cristo:

Jui₁jme₂gu'₅₄ bá₄ Diú₄ i₂lín₅ Tia₅₄ quián₂, jui₁jmo₁₂ bá₄ 'ag₃ tei₄ tion'₅₄ 'nia'₂.

Mi₅ Pa₄ ne₄ Diú₄ o₄quió'₄ dsa₂ i₂'én₂

³Cuē₂ jnia'₅₄ ti₁'mag'₄ Diú₄ Jmei₂ Jesucristo Te₁gui'₅₄ quián₂, co₂tan₅₄ bá₄ mi₂ jnia'₅₄ ne₅₄ o₄quián'₂ 'nia'₂. ⁴Ia₁ ma₂ca₂rē₃ne₄ bá₄ jnia'₅₄ 'a₂ lia'₂ lě₅ a₂'én'₂ 'nia'₂ le₃quió'₅ Cristo Jesús, 'a₂ lia'₂ lě₅ 'nió'₃ 'nia'₂ ca₂le₃jín₃ i₂ma₂tén₅ le₃quió'₅ Diú₄,* ⁵ia₁ cha₂ a₂'ín₂ 'au'₂ 'nia'₂ a₂ma₂rē₂'ma₄ a₂lě₂ quián'₂ 'nia'₂ guei'₅₄ i₂juig₃, jág₁ dse₃ a₂tí₅ a₂jme₁ma₂nei'₂ 'nia'₂ le₂jñiá₅, ⁶a₂jme₁ma₂dsióg₃ ja₁con₂ 'nia'₂. Ca₂le₂con₂ ta₁caun₂ mi₂güig₃, ma₂léi₄ ma₂rē₂rau₂ a₂rē₂'én₂ dsa₂, le₂jaun₂ qui₂dsi₂cón₃ jág₁. Lě₂ jui₁lia'₂ ma₂qui₂ma₂lě₅ quian'₅₄ 'nia'₂ ca₂le₃ jmi₄g₄ jme₁ca₂nei'₂ 'nia'₂ jág₁ dse₃ a₂lión₂ dsa₂, jme₁ca₂rē₃ñí'₂ 'au'₂ 'nia'₂ ně₃, 'a₂ lia'₂ lě₅ a₂tě₃dsón'₂ bá₄ dsau₅ 'ua₁ dsí₅ Diú₄. ⁷A₂nē₅ ma₂ca₂rē₃tín₃ 'nia'₂ ca₂jme₃tag₅ Epafras i₂'nióg₃ gué₄ lín₃, i₂ma₂já₅ co₂lě₅ quian'₅₄ jnia'₅₄ jme₂ti₃ ta₁ ne₄ Cristo. 'Éi₂ bá₄ chén'₅ ja₁con₂ 'nia'₂ a₂lín₅ dsa₂ rē₂ti'₅₄ i₂jmo₅ ta₁ quió'₅ Cristo, o₄quián'₂ 'nia'₂. ⁸'Éi₂ bá₄ ma₂o₃can₅ jág₁ 'a₂ lia'₂ 'nió'₃ 'nia'₂ ríng'₂ le₃quió'₅ Jme₂dsí₂.

⁹Uig₅₄ jaun₂, jnia'₅₄ ně₃, ca₂le₃ jmi₄g₄ jme₁ca₂rē₃ne₄ jnia'₅₄, ma₂ja₂náu₅ tsá₃ ma₂tí₄ jnia'₅₄ jua'₅₄ tsá₃ chilén'₄ jnia'₅₄ Diú₄ o₄quián'₂ 'nia'₂. Mi₂ jnia'₅₄ jui₁jmo₁₂ jui₁qui₂le₂'an₂ 'au'₂ ia₁jaun₂ qui₂le₃ñí'₂ le₃ñi'₅₄ 'nia'₂ le₃quió'₅ jme₂dsí₂, 'e₂ jaun₂ a₂'nio₃ 'éi₂, ¹⁰ia₁jaun₂ bá₄ i₁nió'₄ 'nia'₂ con₂ dsi₂ten₅₄ jmo₃ dsa₂ quián₅ Te₁gui'₅₄, lia'₂ con₂ lě₅ 'ñio₂ dsí₅ 'éi₂. Jui₁le₂rau₂ bá₄ con₂ dse₃ ca₂le₃jě₃ ne₅₄ a₂dse₃ jmo'₂ 'nia'₂, caun₂ dsi₁nó'₅ 'nia'₂ le₃cuing'₂ gué₄ dse₃ Diú₄. ¹¹Mi₂ jnia'₅₄ ne₄ 'éi₂ a₂chein'₃ 'nia'₂ tiá₂ quian'₅₄ jui₅bí₂ 'uan'₂ quió'₅, ia₁jaun₂ bá₄ tian'₃ 'nia'₂ ca₂le₃jíng'₃ a₂tió'₃ 'au'₂, a₂juin'₂ 'au'₂, ton'₂ o₂'ñio₃ 'au'₂ ně₃. ¹²Mi₂ jnia'₅₄ ia₁jaun₂ bá₄ cuē'₅₄ 'nia'₂ ti₁'mag'₄ Tia₅₄, ia₁ ma₂jmo₃ a₂lén'₄ 'nia'₂† dsa₂ i₂lě₅ 'í₁‡ quián₅, i₂ca₂tín₂ le₃quen'₄ ja₁tág₅ si₂. ¹³Ma₂ca₂lió₂ Diú₄ jniog₄ o₄gú₃ i₂gon₂ jě₄ qui₁né'₃, a₂ma₂ca₂dsiog₃ táng₃ ja₁gon₂ Ja₁ñi'₅₄ i₂ñí₄ lě₃ 'nioi₃. ¹⁴'Éi₂§ bá₄ ca₂lá₂u₂, ca₂'éin₂ dsáu₁ jniog₄.

'Ei₅ tei₄ quian'₅₄ Diú₄ o₄quió'₄ a₂ca₂jon₃ Cristo

¹⁵'Éi₂ bá₄ lín₅ nió'₄ quió'₅ Diú₄ i₂tsá₃ jniá₂; 'éi₂ bá₄ i₂ca₂tín₂ lén₂ gon₂ ne₄ ca₂le₃jě₃ a₂ca₂rē₃chá₃. ¹⁶Tě₂le₃ quian'₅₄ 'éi₂ bá₄, ca₂jmo₃ Diú₄ ca₂le₃jě₃ 'e₂ a₂cha₂ guei'₅₄ i₂juig₃ quian'₅₄ gua'₅₄ 'uě₃, ca₂le₃jě₃ a₂jniá₂ quian'₅₄ gué₄ ca₂le₃jě₃ a₂tsá₃ jniá₂ ně₃: co₂'nió'₄ a₂ca₂jmó'₂ ca₂le₃jín₃ i₂jmo₅ 'éi'₃, ca₂le₃jín₃ i₂'io₅ bí₂, ca₂le₃jín₃ i₂gon₂, ca₂le₃jín₃ i₂lín₅ ta₁ ně₃. Ca₂le₃jín₃ i₂ně₅ ca₂lín₃ tě₂le₃ quian'₅₄ 'éi₂, ton'₂ o₄quió'₄ 'éi₂ ně₃. ¹⁷'Éi₂ bá₄ i₂jme₁ma₂chan₂ lia'₂ con₂ né'₃ gué₄ a₂le₃cha₂ ca₂le₃jě₃; 'éi₂ bá₄ jmo₅ a₂niog₅ lě₂ rē₂ ca₂le₃jě₃. ¹⁸'Éi₂ bá₄ lín₅ ján₃ mi₂dsi₄ ni₁ñi₁₂, co₂'nió'₄ le₃jua'₅₄ guá'₅ quián₅. 'Éi₂ bá₄ lín₅ i₂ca₂jme₃lióg₃ ca₂le₃jě₃; ton'₂ 'éi₂ bá₄ lín₅ ján₃ i₂le₂'uig₅₄ i₂ca₂jen'₅₄ jñ₄ 'lag₄, ia₁jaun₂ lén₂ 'éi₂ i₂dsen₅₄ gué₄ ne₄ quió'₅ ca₂le₃jě₃.

* **1:4** lit. “dsa₂ jñiós.” † **1:12** A₂lín₅₄ chog₅₄ si₂ juá'₂: “ma₂jmo₃ ma₂léi₄ jniog₄.” ‡ **1:12** lit. “dsa₂ jñiós.” § **1:14** A₂lín₅₄ chog₅₄ si₂ juá'₂: “Quian'₅₄ jmi₂ 'an₅₄ 'éi₂.”

19 Ia₁ ca₂rē₃'ñi₃ó₃ dsí₅ Diú₄ ca₂tē₁gua₁ tē₂le₃ ja₁con₂ 'éi₂ ca₂le₃jě₃ 'a₂ lia₂ lín₅ 'ñiog₅; 20 ca₂rē₃'ñi₃ó₃ dsí₅ já₃n₃, tē₂le₃ quian'₅₄ 'éi₂, ca₂'ág₂ táng₃ caun₂ jág₁ quian'₅₄ 'ñiog₅, ca₂le₃jě₃ a₂cha₂: lia₂ ta₁caun₂ guei'₅₄ mi₂güig₃ lia₂ quian'₅₄ ne₄ gua'₅₄ 'uě₃, ca₂jmo₃ ca₂'ág₂ táng₃ tei₄ tē₂le₃ quian'₅₄ jmi₂ 'ain₅₄ a₂ca₂tein₃ ne₄ cróg₄.

21 'Nia'₂ ně₃, tsá₃ jág₁ jme₁nióg₅' quian'₅₄ Diú₄ le₂jñiá₅; tē₂le₃ jme₁'ñiai'₅₄ bá₄ 'nia'₂, jui₅ 'a₂ lia₂ jme₁qui₂dsi₂jio₅' 'au'₂, jui₅ 'a₂ lia₂ jme₁jmo₂'-dsáu'₅ 'nia'₂ ně₃. 22 La₁ rē₂ně₃ ně₃, ma₂ca₂jmo₃ Diú₄ ca₂'ág₂ táng₃ caun₂ jág₁ 'nia'₂ quian'₅₄, tē₂le₃ quian'₅₄ 'mú₃ a₂ca₂can₃ Cristo jui₅ ñi₅₄. A₂ně₅ ca₂jmo₃ ia₁jaun₂ chein'₃ 'nia'₂ ne₅₄, jme₃jñiai₂₃ 'nia'₂ dsa₂ i₂ma₂lě₅ 'í₁, * i₂tsá₃ ma₃'e₂ rē₂'ñi₄ó₄, on₃ guě₂ ma₂'e₂ dso₄ rin'₂ 'nia'₂. 23 A₂jaun₂ chi₂jua'₂ caun₂ náu'₂ 'nia'₂ tiá₂ a₂'éng'₂, ně₂jag₄ quian'₅₄ jmú₄ tio'₅₄ 'ei₄; jaun₂ tsá₃ qui₂dsi₃mú'₃ 'nia'₂ cau₅ a₂'ín₂ 'au'₂ tē₂le₃ quian'₅₄ jág₁ dse₃ a₂ma₂nei'₂ 'nia'₂. Já₃g₁ dse₃ ně₅ ma₂qui₂rē₂'ě₂ ne₄ le₂jan₂ le₂jan₂ i₂chan₂ ne₄ gua'₅₄ 'uě₃. Jniá₂ Pa₄, jaun₂ ně₃, líng₅ jan₂ i₂qui₂jme₂'o₅₄ dsi₂'ě₃ já₃g₁ jaun₂.

Jme₂ti₃ Pa₄ ja₁con₂ guá'₅

24 Ně₃ ně₃ 'io'₂ jéin₅ jě₄ dsi₂ñig₂ uig₅ o₄quián'₂ 'nia'₂, ia₁ le₂la₂ bá₄ 'eng₅₄ jui₅ a₂jme₁'ñiag₅, quian'₅₄ ñi₃ 'ñi₃ó₃ a₂'nió'₅ guě₄ jui₁lia'₂ jmi₁uig₅ a₂ca₂l₃ñi₂ Cristo o₄quió'₄ guá'₅ quián₅, a₂lě₅ ñi₅₄. 25 A₂ma₂ca₂dsi₃óg₃ jniá₂ a₂líng₅ jan₂ i₂jme₂ti₃ ja₁con₂ guá'₅ já₃n₃, con'₂ lě₅ ca₂dsia₃ Diú₄ gu₃, a₂dse₃ quián'₂ 'nia'₂, a₂'ě₄ jniá₂ lia'₂ qui₂rē₂'ñiá₅ já₃g₁ quió'₅, 26 co₂'nió'₄ le₃jua'₅₄, já₃g₁ a₂tsá₃ jme₁ca₂rē₃jniá₂ a₂jme₁rē₂'ma₄ quió'₅ Diú₄ ca₂le₃ ma₂líg'₂ lín₃ ma₂qui₂ma₂ñi₂ juin₅ lín₃ tsi₁jon₂ dsa₂ ně₃. La₁ rē₂ně₃ ma₂cuě₃ a₂le₃cuí'₅ dsa₂ i₂lě₅ 'í₁† quián₅. 27 Ja₁con₂ dsa₂ quián₅ 'éi₂ bá₄ ca₂rē₃'ñi₃ó₃ dsí₅ Diú₄ ca₂jmo₃ a₂le₃cuí'₅ dsi₂nau₂'e₂ jaun₂ a₂jlá'₁ lín₃ já₃g₁ a₂jme₁rē₂'ma₄ jaun₂: co₂'nió'₄ le₃jua'₅₄, 'en₅₄ bá₄ Cristo jě₄ quián'₂ 'nia'₂, 'éi₂ bá₄ lín₅ i₂'ín₂ 'au'₂ ja₁dse₃ ja₁jlá'₁ a₂guéi'₁ 'nia'₂. 28 Jniá'₅₄ ně₃ qui₂'ě₅ já₃g₁ a₂'ín₅ 'éi₂, le₂jan₂ le₂jan₂ dsa₂ qui₂tioin'₂ jniá'₅₄ já₃g₁, le₂jan₂ le₂jan₂ bá₄ dsa₂ qui₂jme₂tiin₁ ia₁jaun₂ le₃ñi'₂, ia₁jaun₂ lé₂ jme₁jnia₅ jniá'₅₄ le₂jan₂ le₂jan₂ dsa₂ a₂ma₂lín₅ dsa₂ ma₂ron₂ le₃quió'₅ Cristo. 29 'Uig₅₄ jaun₂ bá₄ ně₃, jmo₅ jniá₂ ta₁, quín'₅ jniá₂ bí₂ lia'₂ con'₂ lě₅ ta₁ bēn₂ a₂jmo₅ 'éi₂ ja₁cong₂.

2

1 Ia₁ 'nio₃ jniá₂ ju₁le₃ñi'₅₄ 'nia'₂ 'a₂ lia₂ ñi₄ lě₃ quian₅ ta₁ a₂quíng'₅ bí₂ o₄quián'₂ 'nia'₂, quian'₅₄ o₄quió'₄ i₂chan₂ ju₁g₂ Laodicea, o₄quió'₄ ca₂le₃jín₃ i₂tsá₃ cui₅ i₂tsá₃ já₃g₂ dsi₁ne₁ ně₃. 2 Jmo₅ jniá₂ bí₂ le₂ně₅ ia₁jaun₂ qui₂le₁'ág₄ lián'₂ dsí₅ 'éi₂, caun₂ 'ei₅ já₃g₁ jme₂'nio₃ riin'₅₄; ia₁jaun₂ bá₄ 'io₃ a₂quen₅ lín₃ a₂le₂jaun₂ a₂caun₂ le₁'ág₄ dsí₅ ia₁ a₂qui₂ma₂'an₂ dsí₅; ton'₂ ia₁jaun₂ le₃ñi'₂ já₃g₁ a₂rē₂'ma₄ quió'₅ Diú₄. Já₃g₁ jaun₂ ně₃, Cristo 'ñiog₅ bá₄ 'éi₂. * 3 Ia₁ tē₂le₃ ja₁con₂ 'éi₂ bá₄ qui₂rē₂'ma₄ jě₂ já₃g₁ a₂quen₅ lín₃ a₂lé₂ le₃ñi'₂ dsí₅ dsa₂, a₂lé₂ le₃ñi₅ dsa₂ ně₃. 4 A₂ně₅ juig₂ 'nia'₂ ia₁jaun₂ 'i₁jan₂ tsá₃ 'ein₂ ju₁jme₂gau₅ 'nia'₂ quian'₅₄ já₃g₁ a₂'io'₂ quió'₅. 5 Jaun₂ o₁jñia'₅₄ la₂ tsá₃ quian'₅₄ jniá₂ 'nia'₂ dsi₁ne₁ 'ñi₃ó₃ dsón'₂, la₁ 'eng₅₄ bá₄ quian'₅₄ 'nia'₂ tē₂le₃ quian'₅₄ jme₂dsi₂, jmo₂₃ 'io'₂, já₃g₅ 'a₂ lia₂ tiong'₅₄ rē₂ con'₂ dsi₂ten₅₄, ton'₂ tiong'₂ bá₄ tiá₂ a₂'éng'₂ le₃quió'₅ Cristo. 6 Jaun₂ lě₃, le₂ně₅ ju₁lia'₂ ca₂guen'₅₄ 'nia'₂ Cristo Jesús† a₂lín₅ juig₂ 'nia'₂, caun₂ ju₁i₂nio₄ bá₄ 'nia'₂ le₃quió'₅ 'éi₂; 7 ju₁tē₂ton₅₄ bá₄ jmú₄ ju₁ jme₂dsi₂ quián'₂ 'nia'₂ tē₂le₃ quió'₅ 'éi₂, ju₁qui₂dsi₂cón'₃ bá₄ 'nia'₂ le₃quió'₅ 'éi₂ tē₂le₃ ia₁ a₂'éng'₂, lia'₂ con'₂ lě₅ a₂ca₂rē₂tín'₃ 'nia'₂, a₂rē₂tsón₂ tē₂'au'₂ a₂cuě'₅₄ ti₁'mag'₄ Diú₄.

* 1:22 lit. “dsa₂jñi₃ó₃.” † 1:26 lit. “dsa₂jñi₃ó₃.” * 2:2 A₂lín₅₄ chog₅₄ si₂: “já₃g₁ a₂rē₂'ma₄ quió'₅ Diú₄ Jme₂, quió'₅ Cristo ně₃.” † 2:6 o₃, “Jesucristo.”

A₂le₃chan₂ dsa₂ caun₂ ju₁'₅ 'm₁'₂ le₃quió'₅ Cristo

⁸ 'Í₁ jmo₄ 'nia'₂, ia₁ con'₂ tsá₃ ŋó₅ nē₁ca₂tág₃ dsa₂† tē₂le₃ quian'₅₄ jág₁ a₂ŋia'₅₄ ŋí'₂ dsí₅ dsa₂ mi₂güig₃, a₂jme₂gau₅, a₂tsá₃ ta₁ tí₄, lia'₂ con'₂ lē₅ tag₄ chí'₅ quió'₅ dsa₂, a₂cha₂ 'uig'₅₄ 'a₂ con'₂ ŋia'₅₄ lē₂ a₂cha₂ mi₂güig₃ la₂, on₃jua'₅₄ rē'₂ lia'₂ con'₂ lē₅ jág₁ quió'₅ Cristo. ⁹ Ia₁ ja₁con₂ Cristo bá₄ tē₁gua₁ chi₁dsáin₃ ca₂le₃jě₃ lia'₂ con'₂ lē₅ niog₅ lín₅ Diú₄. ¹⁰ Jaun₂ 'nia'₂ ně₃, ma₂le₁'ŋia'₅ 'nia'₂ le₃quió'₅ 'éi'₂, i₂lín₅ co₂'nió'₄ mi₂dsi₄ ne₄ quió'₅ ca₂le₃jín₃ i₂gon₂, ca₂le₃jín₃ i₂jio₅ 'éi'₃ ján₃. ¹¹ Le₂jaun₂ bá₄ ján₃, ia₁ a₂quian'₅₄ 'nia'₂ Cristo, co₂'nió'₄ bá₄ ma₂qui₂rē₂u_{ing}₄ quián'₂ 'nia'₂, ma₂lē₅ léi₄. La₁ on₃jua'₅₄ rē'₂ lia'₂ lē₅ jmo₅ dsa₂ mi₂güig₃, tē₂le₃ a₂ma₂qui₂ma₂tí'₃ 'nia'₂ 'nau'₄ dso₄ lia'₂ 'ín₅ dsí₅ ni₁ŋí'₁; ma₂qui₂le₁lín'₅ 'nia'₂ léi₄ le₃quió'₅ Cristo. ¹² Ia₁ lia'₂ con'₂ jme₁ca₂qui₂ca₂ŋjón'₂ 'nia'₂ jmig₂, § nē₂jag₄ bá₄ ca₂i₃on'₃ 'nia'₂ co₂lē₅ quian'₅₄ Cristo, ján₃ guē'₂ le₂jaun₂ ca₂jen'₅₄ 'nia'₂ co₂lē₅ quian'₅₄ 'éi'₂, ia₁ ca₂rē₃'én'₂ 'nia'₂ ju₁i₅bí₂ quió'₅ Diú₄ a₂ca₂jme₃jein'₅₄ ja₁jme₁rē₂'lín₅₄. ¹³ Lia'₂ con'₂ jme₁rē₂'lín'₄ 'nia'₂ le₃quió'₅ jme₂dsí₂, jme₁qui₂le₁cán'₂ jme₁qui₂le₁quian'₄ 'nia'₂ dsáu'₂, nē₂jag₄ bá₄ a₂tsá₃ jme₁rē₂u_{ing}₄ lo'₄ 'nia'₂ jme₁chang'₂; la₁ Diú₄ ně₃ ma₂to'₂ táng₃ jme₂dsí₂ 'nia'₂ co₂lē₅ quian'₅₄ Cristo, qui₂ca₂'éin₂ bá₄ jē₂ dsáu'₂ 'nia'₂. ¹⁴ Co₂dsia₅ ca₂'éin₂ bá₄ jág₁ a₂jme₁chi₁ton₅ ne₄ si₂ a₂jme₁ron₅ a₂jme₁juá'₂ a₂jme₁rag₂ jniog₄, Si₂ 'Éi'₃ jaun₂ a₂jme₁'liog'₅ jniog₄; ma₂ca₂ŋiá'₂ cau₅ co₂ŋei'₅₄, nē₂jag₄ bá₄ a₂ca₂i₃ba₅₄ mi₂ŋí₁ si₂ jaun₂ dso'₂ cróg₄. ¹⁵ Le₂nē₅ co₂dsia₅ ca₂chein'₃ 'u_{in}₃ jme₂dsí₂ i₂jme₁gon₂, i₂jme₁jio₅ 'éi'₃ ně₃, jaun₂ ca₂jio₃ cha₂ juíg₃ tē₃ jág₅ ca₂le₃jín₃ dsa₂, jme₁ca₂tió'₃ ca₂tian'₃ 'éi'₂ jág₁, ne₄ cróg₄.*

'Nio'₂ 'nia'₂ a₂cha₂ le₃quió'₅ guei'₅₄ i₂juíg₃

¹⁶ Jaun₂ lē₃, 'i₁jan₂ tsá₃ 'ein₂ qui₂o₁'ag₅₄ 'nia'₂ o₄quió'₄ 'e₂ má₃ qué'₂, o₃ ju₁lia'₂ 'e₂ qui₂'ág'₂ 'nia'₂, o₃ quian'₅₄ ju₁lia'₂ jmig₄ jme₁niog₅ jmig₄, o₃ ju₁lia'₂ jmig₄ tsí'₂ 'io'₅₄, † o₃ ju₁lia'₂ jmig₄ sa₅₄ ně₃. ¹⁷ Ca₂le₃jě₃ a₂nē₅, lē₅ co₂'nió'₄ caun₂ 'én'₁ quió'₅ a₂'i₄ 'éi'₃ já₃ bá₄ jaun₂, la₁ia₁ ju₁lia'₂ a₂tí₅ tē₃dsón'₂, Cristo bá₄ 'éi'₂. ¹⁸ Tsá₃ cuē₂ 'nia'₂ jmig₄ jua'₅₄ 'liog'₃ dsa₂ cau₅ 'nia'₂, ju₁lia'₂ dsa₂ i₂jmo₅ a₂lín₅ mei'₂, ton'₂ jme₂juin'₂ ángeles ně₃. Qui₂tián₂ 'ŋio₅ lín₃ a₂cha₂ tē₅ ne₅₄ a₂lē₁qui₂jág₅, ‡ 'ŋio₅ jme₂cain'₅₄ jmo₂₃ róin₂ a₂qui₂ŋí'₂ dsí₅ guoin₅₄. ¹⁹ Dsa₂ i₂le₂'éi'₂ ně₃, tsá₃ chi₁chain'₅ le₃quió'₅ Cristo, i₂lín₅ mi₂dsi₄ i₂jme₂tau₅₄ ca₂le₃jě₃ ja₁qui₂le₁tion'₅₄ quió'₅, jmo₂₃ qui₂dsi₂cón₃ ta₁caun₂ ni₁ŋí₁₂, lia'₂ con'₂ lē₅ 'ŋio₂ dsí₅ Diú₄.

²⁰ Chi₂jua'₂ jaun₂ ma₂dsan'₃ bá₄ 'nia'₂ quian'₅₄ Cristo, ja₁con₂ jág₁ le₂'uig'₅₄ lia'₂ ŋí'₂ dsí₅ dsa₂ mi₂güig₃, ¿'e₂ guē'₂ 'uig'₅₄ lē₃ ně₃, qui₂tián'₅ guē₄ 'nia'₂ 'éi'₃ ně₂jag₄ a₂lín'₅ bá₄ guē₄ 'nia'₂ dsa₂ mi₂güig₃? ²¹ Co₂'nió'₄ a₂juá'₂ 'éi'₃: “Tsá₃ i₂tí₅ gog'₂, tsá₃ i₂qué'₂ má₃ ó₃, tsá₃ i₂j má'₂ a₂ó₃ ně₃.” ²² Ta₁jē₂ bá₄ a₂nē₅ dsiá₃ ju₁lia'₂ jē₁jmó'₂ ta₁. Tē₂le₃ ia₁ con'₂ lē₅ 'éi'₃ a₂jme₂tag₅ dsa₂ mi₂güig₃ bá₄ jaun₂. ²³ Já₁ a₂le₃ŋí'₂ dsí₅, já₁ le₂nē₅, lé₂ le₃lín₂ dsa₂, ia₁ qui₂chi₂quióng₂ jmig₄ 'ŋio₅ lín₃ a₂jmo₃ dsa₂ a₂ŋí₄ cuiin₂₃ Diú₄, a₂qui₂jmo₂₃ mei'₂, a₂qui₂cuē'₅ uig₅ ni₁ŋí₁₂ ně₃; la₁ 'i₁ca₂juig₄ tsá₃ 'e₂ ta₁ jmo₃ jua'₅₄ quian'₅₄ a₂nē₅ lé₂ le₃guia'₃ dsa₂ cau₅ a₂'ág'₄ dsí₅ a₂mi₅ ni₁ŋí₁₂.

3

¹ Le₂nē₅ bá₄ jaun₂, ia₁ a₂ma₂ca₂jen'₅₄ guē'₂ 'nia'₂ quian'₅₄ Cristo, 'nio'₂ 'nia'₂ jaun₂ a₂lē₅ le₃quió'₅ guei'₅₄ i₂juíg₃, ja₁guá₄ Cristo tē₂le₃ gu₂ ne₁ quió'₅ Diú₄. ² Jmo₄ bá₄ 'nia'₂ 'i₅ 'au'₂ a₂ca₂tín₂ guei'₅₄ i₂juíg₃, on₃jua'₅₄ rē'₂ a₂ca₂tín₂ ne₄ gua'₅₄ 'uē₃. ³ Ia₁ ma₂dsan'₃ bá₄ 'nia'₂, jaun₂ ma₂rē₂'ma₄ a₂chan'₂ 'nia'₂ quian'₅₄ Cristo ja₁con₂

‡ 2:8 o₃, “nē₁ca₂'ang₃ a₂'én'₂ 'nia'₂.” § 2:12 lit. “lia'₂ con'₂ jme₁ca₂i₃tian'₃ 'nia'₂ jmig₂.” * 2:15 'Nio'₂ ja₁ton₅ Efesios 4:8. † 2:16 lit. “tsí'₂ guen₂.” ‡ 2:18 A₂lín₅₄ chog₅₄ si₂ juá'₂: “qui₂tián₂ 'ŋio₅ lín₃ ju₁lia'₂ a₂tsá₃, ma₂jág₃.”

Diú₄. ⁴Jë₁ma₂të₂ rë₁jme₃jnia₅ Cristo në₃, i₂lín₅ i₂jmo₅ a₂chong₂jniog₄, jaun₂ në₃, ján₃ guë₂ le₂jaun₂ 'nia' le₃jniág' co₂lë₅ quiaín₅₄ jë₄ co₂tág₅ co₂'né' quió'₅.

Jui₅ gui'₅₄, quian'₅₄ jui₅ 'mí₂

⁵Jaun₂ lë₃, co₂dsia₅ jmo₄ 'nia' jui₁dsian₂ gog'₂-tag'₅₄ a₂jmo₅-dsá_u jui₁lia' a₂lë₂ gua'₅₄ 'uë₃ la₂: jui₁lia' a₂nió'₅ dsa₂ jág₁ a₂tsá₃ dsi₂ten₅₄ nió'₃; jui₁lia' a₂jmo₅ dsa₂ cosa lë₁'iog₅, jui₁lia' a₂'ín₅ dsí₅ cosa 'lig'₅₄, jui₁lia' a₂'ín₅ dsí₅ dsa₂ jme₃'ñiói'₃ a₂ca₂tín₂ i₂sián'₂. Ia₁ a₂co₂jaun₂ bá₄ në₅ jui₁lia' a₂jme₂gan₃ dsa₂ diú₄ lag₄. ⁶Ia₁ 'uig'₅₄ quió'₄ a₂le₂në₅ bá₄ já₅ uig'₅₄ gau₂ a₂'ë₂ Diú₄ ne₄ quió'₅ jaun₅ dsa₂ i₂tsá₃ ne'₅₄. *
⁷Jui₅ le₂në₅ jme₁nio'₄ 'nia' lia' lë₅ jme₁chan'₂ 'nia' le₂jniá₅. ⁸La₁ rë₂në₃ në₃, tí₃ ca₂le₃jë₃ a₂le₂në₅: jui₁lia' a₂'i₄ 'nei₂ 'au'₂ 'nia'₂, jui₁lia' a₂lë₁qui₂rë₂'neg'₂, jui₁lia' a₂'lig'₅₄ a₂qui₂dsi₂jnia₅ 'au'₂ 'nia'₂, jui₁lia' a₂'ín₅ 'nia' uig'₅₄ ríng'₂, jui₁lia' jág₁ ga₂ a₂'uë₂ mi₂'o'₅₄. ⁹Tsá₃ ma₃dsia₂ 'nia' jág₁ të₂jág₁ quian'₅₄ rín'₂ 'nia' le₂jang'₂ le₂jang'₂, ia₁ ma₂dsian'₅₄ 'nia' cau₅ dsa₂ 'ón₅ 'a₂ lia' jme₁lín'₄ 'nia' le₂jniá₅, quian'₅₄ guë₄ ca₂le₃jë₃ a₂jme₁jmo₅-dsá_u, ¹⁰co₂'nió'₄ ma₂ca₂qui'₂ táng₃ 'nia' caun₂ a₂'mí₂, co₂'nió'₄ a₂lín'₅ dsa₂ 'mí₂; a₂caun₂ qui₂rë₂'mag'₂ 'nia', ia₁jaun₂ dsi₁nóg'₅ ja₁le₃cuín'₂ 'nia' dse₃ lín₃ Diú₄, ja₁le₃lén'₂ 'nia' lia' lín₅ 'éi₂ i₂ca₂j mó'₂ 'nia'. ¹¹Ja₁jaun₂ tsá₃ 'ein₂ jmo₅ jma₃quén₅ jui₁lia' dsi₂nau₂ o₃ dsa₂ judíos 'e₂, jui₁lia' dsa₂ i₂rë₂uín₄ o₃ tsá₃ rë₂uín₄ quió'₅ 'e₂, jui₁lia' dsa₂ i₂chan₂ uín₂, o₃ i₂chan₂ má'₂ 'e₂, jui₁lia' dsa₂ i₂jme₂tí₃ ta₁ ne₄ juig'₅₄, o₃ i₂tsá₃ 'ein₂ ne₄ jme₂tí₃; la₁ Cristo bá₄ quen₅ ne₄ ca₂le₃jë₃, ton'₂ 'ein₅₄ ja₁con₂ ca₂le₃jín₃.

¹²Jaun₂ lë₃, rín'₅₄ jniog₄, jui₁lia' ca₂tín₂ jmo₃ dsa₂ i₂ma₂quió'n'₂ Diú₄, i₂ma₂lë₅ 'í₁ quiaín₅, i₂ñí₄ lë₃ 'nioi₃ 'éi₂: qui'₂ 'nia' a₂rë₂lín₅ a₂ñéi₂ 'au'₂, a₂'ua₁ 'au'₂, a₂jmo'₂ meg'₂, a₂jme₁gan'₃ 'nia' ríng'₂, a₂juín'₂ 'au'₂ 'nia' në₃. ¹³Jmo₄ 'nia' tió'₃ 'au'₂ quian' ríng'₂ le₂jang'₂ le₂jang'₂, ton'₂ 'én₃ 'nia' dsá_u ríng'₂, në₁jua'₂ chan₂ i₂dsia₅ dsá_u rín'₅₄. Jui₁lia' ca₂'én₂ Te₁gui'₅₄ dsá_u 'nia' guiong'₅₄, le₂jaun₂ jmo₄ 'nia' ján₃. ¹⁴A₂dsen₅₄ guë₄ jë₄ ca₂le₃jë₃, qui'₂ 'nia' quian' a₂jme₁'nió'₄ 'nia' ríng'₂, † a₂në₅ bá₄ jmo₃ 'ag₃ co₂dsia₅ caun₂ jág₁ 'nia'. ¹⁵Jui₁le₂gon₂ të₂'au'₂ 'nia' a₂'ei₅ tei₄ quió'₅ Cristo, ‡ ia₁ ta₁ jaun₂ ma₂qui₂rë₂té₄ 'nia' a₂lén'₂ caun₂ bá₄ ñí₅. Jaun₂ jmo₄ 'nia' 'au' cuë'₅₄ ti₁'mag'₄. ¹⁶Jui₁të₂gua₄ të₂'au'₂ 'nia' lia' rë₂tsón₂ jág₁ dse₃ quió'₅ Cristo; quian' ca₂le₃jë₃ a₂ñí₂ dsí₅ Diú₄, jë₁jme₂tín'₂ 'nia' ríng'₂, jë₁qui₂ton'₂ 'nia' jág₁ ríng'₂ të₂le₃ quian' salmos, himnos, son₅₄ a₂gu₂dsí₂ në₃, a₂qui₁'ë'₂ 'nia' a₂cuë'₅₄ ti₁'mag'₄ Diú₄ jui₅ të₂'au'₂ 'nia'. ¹⁷Jui₁'e₂ guë₃ a₂jmo'₂, o₃ 'e₂ jág₁ dsiá'₁ 'nia', jmo₄ 'nia' ca₂le₃jë₃ o₄quió'₄ Te₁gui'₅₄ Jesús, qui₁cuë'₅₄ 'nia' ti₁'mag'₄ Diú₄ Jme₁jniog₄ le₃quió'₅ 'éi₂.

A₂ca₂tín₂ dsa₂ quían₅, Cristo jmo₃ quiaín₅₄ ríin'₅₄

¹⁸'Nia' dsa₂ mí₂ i₂chan₂ dsi₂i₂gu₂, tió'n'₂ 'nia' 'éi'₃ quió'₅ dsa₂ ñe'₂ quiáng'₂, jui₁lia' dsi₂ten₅₄ ia₁ lín'₅ dsa₂ 'én₂ le₃quió'₅ Te₁gui'₅₄. ¹⁹'Nia' guë'₂ dsa₂ ñe'₂ i₂chan₂ dsa₂ mí₂ quían₅, jme₁'nió'₄ 'nia' dsa₂ mí₂ quiáng'₂, tsá₃ jmo'₂ 'nia' 'ua'₂ 'au'₂ ja₁coin₂. ²⁰'Nia' chí'₂-guein₂, nei₂ 'nia' gau₂ jág₁ quió'₅ chog'₂-ñéi'₅ jë₄ le₃jë₃, ia₁ a₂në₅ bá₄ të₅ dsí₅ Te₁gui'₅₄. ²¹'Nia' guë'₂ në₃, jmei₂ chí'₂, tsá₃ tó'₂ 'nia' 'nei₂ dsí₅ chí'₂-guein₂ quían'₂ 'nia', ia₁jaun₂ tsá₃ jén₂ dsí₅. ²²'Nia' dsa₂ i₂jme₂tí₃ ne₄ dsa₂, jme₁ti₁ 'nia' ca₂le₃jë₃ 'e₂ ta₁ ti₂néi'₂ juig'₂ i₂lín₅ juig'₂ të₂le₃ ne₄ gua'₅₄ 'uë₃ la₂, on₃jua'₅₄ jmá'₃ jme₁jág₅ ia₁jaun₂ të₂tsín'₅₄ 'nia' dse₃ quiaín'₅₄, la₁ jmo₄ bá₄ jui₅ të₂'au'₂ a₂tí₅ të₃dsón'₂, ia₁ të₂le₃ a₂gang'₃ Te₁gui'₅₄. ²³Jui₁'e₂

* **3:6** A₂lín₅₄ chog₅₄ si₂ tsá₃ chí₁ton₅ jág₁: "ne₄ quió'₅ jaun₅ dsa₂ i₂tsá₃ ne'₅₄." † **3:14** 'Nio'₂ ja₁ton₅ 1 Corintios 13:13. ‡ **3:15** o₃, "quió'₅ Diú₄."

guě₃ caun₂ a₂jmo' ₂ 'nia'₂, jmo₄ 'nia'₂ a₂ηio₂ 'au'₂ co₂'nio'₄ a₂jmo'₂ ta₁ le₃quió'₅ Te₁gui'₅₄, on₃jua'₅₄ le₃quió'₅ dsa₂. ²⁴ Ia₁ ma₂ηi'₅₄ bá₄ 'nia'₂, Te₁gui'₅₄ bá₄ cuě₃ 'liang'₅₄ a₂ma₂lě₅ jág₁ ca₂tíng'₂. Ia₁ ne₄ Te₁gui'₅₄ Cristo jme₂tí'₁ 'nia'₂ ta₁. ²⁵ La₁ jui₁lia'₂ i₂jmo₅-dsáu₅ a₂'lig'₅₄, gue₃ bá₄ 'liain'₅₄ lia'₂ con'₂ lě₅ 'lig'₅₄ a₂jmo₂₃. Ia₁ tsá₃ jma₃quén₅ jín₂ Diú₄ le₂jan₂ le₂jan₂ dsa₂.

4

¹ 'Nia'₂ dsa₂ i₂lín'₅ juig₅₄ quián₅ dsa₂, ca₂tín'₂ 'nia'₂ jmó'₂ lia'₂ con'₂ dsi₂ten₅₄, i'₅₄ jág₁ 'nia'₂ quiang'₅₄ dsa₂ i₂qui₂jme₂ti₃ ne'₅₄. Ju₁dsiog'₂ bá₄ 'au'₂ 'nia'₂ a₂chan₂jan₂ Juig'₂ 'nia'₂ ján₃ i₂guá₅ guei'₅₄ i₂juig₃.

² Caun₂ chi₂len'₄ 'nia'₂ Diú₄ a₂léi₄ rě₂jnio₄ ne'₅₄ 'nia'₂, cuě'₅₄ ti₁'mag'₄. ³ Mi₄ 'nia'₂ ne₄ Diú₄ o₄quián₂ jnia'₅₄ ján₃, ia₁jaun₂ bá₄ cuě₃ Te₁gui'₅₄ jui₅ rě₂na₄ jnia'₅₄ ia₁jaun₂ lé₂ le₃qui₁'ě₄ jág₁ dse₃ a₂qui₁chei₅₄ jnia'₅₄ dsa₂ jág₁ a₂rě₂'ma₄ quió'₅ Cristo; 'uig₅₄ jág₁ nē₅ bá₄ 'eng₅₄ rě₂jníg₅. ⁴ Chi₂len'₄ 'nia'₂ Diú₄ ia₁jaun₂ lé₂ le₃'ě₄ lia'₂ qui₂rě₂jia₃ jág₁ lia'₂ con'₂ dsi₂ten₅₄ jmo₅₄.

⁵ Tián'₂ 'nia'₂ 'en₅₄ 'au'₂ jmo₄ quian'₅₄ jui₁lia'₂ dsa₂ i₂tsá₃ 'én₂, 'ηio'₄ 'nia'₂ jmo₄ a₂dse₃ jē₁cuin₅ jmig₄. ⁶ Jág₁ a₂dsia'₂ 'nia'₂ co₂tan₅₄ bá₄ ca₂tín'₂ 'nia'₂ dsiá'₁ a₂'ua₁ 'au'₂, jág₁ a₂ηio₂ dsi₅ a₂ja₂ mi₂juig₂. Ca₂tín'₂ 'nia'₂ ján₃ le₃ηi'₅₄ 'a₂ lia'₂ qui₁jein'₄ jág₁ ja₁con₂ le₂jan₂ le₂jan₂ dsa₂.

Cuag₂₃ Diú₄ jē₁ca₂tó'

⁷ Tíquico rin'₅₄ jniog₄ i₂'nióg₃ guě₄ lín₃, i₂ma₂já₅ jme₂'o₅₄ qui₂rě₂ti'₅₄, jme₂ti₃ quian'₅₄ jniá₂ ne₄ Te₁gui'₅₄, 'éi₂ bá₄ dsia₃ ca₂le₃jě₃ 'a₂ lia'₂ lě₅ chang₂. ⁸ 'Uig₅₄ jaun₂ tsín₂ jniá₂ ja₁con'₂ 'nia'₂ ia₁jaun₂ dsia₃ 'a₂ lia'₂ chong₂ jnia'₅₄ ja₁lá₃, ton'₂ ia₁jaun₂ cuě'₃ 'nia'₂ lián'₂; ⁹ quian'₅₄ Onésimo nē₃, jan₂ rin'₅₄ jniog₄ i₂rě₂ti'₅₄, i₂lín₅ jan₂ i₂quian'₄ 'nia'₂: i₂nē₅ bá₄ dsia₃ ca₂le₃jě₃ 'e₂ niog₅ lě₂ ja₁lá₃.

¹⁰ Aristarco, i₂quiong'₅₄ jniá₂ né₃ má₃, dsiáin'₂ jág₁ a₂cuin₂₃ Diú₄ 'nia'₂, ján₃ bá₄ le₂jaun₂ Marcos, i₂lín₅ chi'₂ rin'₅₄ * Bernabé. Tě₂le₃ quió'₅ Marcos 'éi₂ nē₃, ma₂gue'₅₄ bá₄ 'nia'₂ jág₁ 'a₂ lia'₂ jmó'₂; nē₁jua'₂ ca₂dsióg₃ dsi₁jīn₁₂ 'nia'₂, guein₅₄ bá₄ 'nia'₂ dse₃. ¹¹ Já₃ bá₄ cuag₅ Diú₄ i₂chen₂ Jesús i₂tě'₂ dsa₂ Justo já₃. Jnia'₅₄ lia'₂ i₂nē₅ bá₄ lín₅ i₂ún₂ tan₅₄ i₂rě₂uīng₄ quió'₅, i₂jmo₅ ta₁ quian'₅₄ jniá₂ o₄quió'₄ ja₁gon₂ Diú₄, i₂ma₂ja₂lén₂ jmo₅ lián'₂ dsi₃. ¹² Epafras nē₃ jan₂ i₂lín₅ rín'₂ 'nia'₂, dsiáin'₂ jág₁ a₂cuin₂₃ Diú₄ 'nia'₂, jan₂ rin'₅₄ i₂jme₂ti₃ ne₄ Cristo Jesús. Co₂tan₅₄ bá₄ chi₂lén'₂ 'éi₂ Diú₄ 'ηio₅ lín₃ o₄quián'₂ 'nia'₂, ia₁jaun₂ tón'₂ 'nia'₂ rě₂ηiag'₅, 'ei₅ caun₂ jág₁ 'nia'₂ jē₄ ca₂le₃jě₃ 'a₂ lia'₂ 'ηio₂ dsí₅ Diú₄. ¹³ Lé₂ jáng'₄ jniá₂ jág₁ dsau₅ 'a₂ lia'₂ ma₂já₅ 'éi₂ dsan₂ dsí₅ 'nia'₂, já₃ bá₄ le₂jaun₂ o₄quió'₄ i₂tián'₅ juig₂ Laodicea quian'₅₄ guě'₂ i₂tián'₅ Hierápolis já₃. ¹⁴ Lucas, i₂lín₅ tē₅mí₅ i₂'nió₄ guě₄ lín₃, cuin₂₃ Diú₄ 'nia'₂; já₃ guě'₂ le₂jaun₂ i₂tě'₂ Demas. ¹⁵ Cuin₅₄ 'nia'₂ Diú₄ rin'₅₄ i₂tián'₅ juig₂ Laodicea. Cuin₅₄ 'nia'₂ Diú₄ já₃ 'io₅₄ Ninfas, quian'₅₄ co₂'nió'₃ guá'₅ i₂ηi'₂ dsi₂néi₂ quió'₅ nē₃. ¹⁶ Jē₁ma₂ca₂'í'₂ 'nia'₂ si₂ la₂ jē₄ quián'₂ 'nia'₂, jaun₂ tsing'₅₄ 'nia'₂ guá'₅ chan₂ Laodicea ia₁jaun₂ 'i₃ táng₃ rin'₅₄ jniog₄ ja₁jaun₂; ton'₂ já₃ guě'₂ 'í₂ 'nia'₂ si₂ a₂ca₂dsióg₃ ne₄ i₂chan₂ Laodicea. ¹⁷ A₂la₂ chei'₅₄ Arquipo: "Tion'₂ 'ne₂ jui₅ ta₁ a₂ma₂gue'₅₄ a₂ma₂dsia₃ Te₁gui'₅₄ gog'₂, a₂jme₂ti'₄ rě₂."

¹⁸ Jniá₂ Pa₄, cuíng₅ Diú₄ 'nia'₂ quian'₅₄ letra quió₃ 'ηió₃. † Jui₁dsiog'₂ bá₄ 'au'₂ 'nia'₂ a₂'eng₅₄ rě₂jníg₅. Ju₁jme₂gu'₅₄ bá₄ Diú₄ 'nia'₂. Co₂nē₅.

* **4:10** o₃, "primo." † **4:18** 'Nio'₂ja,ton, 1 Corintios 16:21; Gálatas 6:11; 2 Tesalonicenses 3:17; Filemón 19.

Si₂ carta le₂'uig₅₄ a ca₂jmo₃ San Pablo ne₄ dsa₂ TESALONICENSES

Pablo quiain'₅₄ riin'₅₄ jmo₂₃ si₂ a₂chein₃ ne₄ Guá'₅ i₂chan₂ juig₂ Tesalónica

¹ Jniá₂ Pa₄, quian'₅₄ Silvano,* Timoteo ně₃, jmo₂₃ si₂ la₂ a₂dsiang'₅₄ ne₄ dsa₂ i₂ma₂'én₂ le₃quió'₅ Jesús, i₂chan₂ juig₂ Tesalónica, dsa₂ i₂'ei₅ caun₂ jág₁ quian'₅₄ Diú₄, quian'₅₄ Te₁gui'₅₄ Jesucristo ně₃. Jui₁jme₂gu'₅₄ Diú₄ 'nia'₂. Jui₁'ei₅ bá₄ tei₄ tion'₅₄ 'nia'₂ quian'₅₄ 'éi'₃ quió'₅ Diú₄ Jmei₂ jniog₄, quian'₅₄ 'éi'₃ quió'₅ Te₁gui'₅₄ Jesucristo ně₃.

Cha₂ léi₄ ja₁con₂ dsa₂ chan₂ Tesalónica ia₁ a₂'éin₂

² Ca₂le₃jě₃ jmig₄ bá₄ cuě₂ jnia'₅₄ ti₁'mag'₄ Diú₄ o₄quián'₂ 'nia'₂ ca₂le₃jíng'₃. Jě₁ma₂tě₂ rě₁chi₁len'₄ jnia'₅₄ Diú₄, dsau'₂ bá₄ dsi₅ jnia'₅₄ 'nia'₂. ³ Dsau'₂ bá₄ dsi₅ jnia'₅₄ 'nia'₂ ne₄ Diú₄ Jmei₂ jniog₄, ia₁ 'nio₅ lin₃ ma₂jmo'₅₄ 'nia'₂ ta₁ cha₂ léi₄ ja₁con'₂ 'nia'₂ ia₁ 'éng'₂, ia₁ 'nio₅ lin₃ jme₂ti'₅₄ 'nia'₂ ta₁ ne₄ Te₁gui'₅₄ 'uig₅₄ ia₁ a₂'niói'₃ 'nia'₂. Jaun₂ caun₂ bá₄ le₁'ág₄ 'au'₂ 'nia'₂ a₂'ín₂ 'au'₂ le₃quió'₅ Te₁gui'₅₄ Jesucristo quián'₂ jniog₄. ⁴ Rin'₅₄ jniog₄, 'nio₃ bá₄ Diú₄ 'nia'₂, ne₄ bá₄ jnia'₅₄ a₂ma₂quióin'₂ 'nia'₂. ⁵ Lia'₂ con'₂ jme₁ca₂jme₁tin₅ jnia'₅₄ 'nia'₂ jág₁ dse₃, on₃jua'₅₄ jmá'₃ quian'₅₄ jág₁ jaun₂ jme₁né₄. Ia₁ jme₁quian'₅₄ bá₄ jui₅bí₂ quió'₅ Jme₂dsi₂ Jnió₅ ján₃, ca₂'ě₄ jág₁ dse₃ la₂ jin'₄ 'nia'₂. Jaun₂ caun₂ bá₄ 'ei₅ dsi₅ jnia'₅₄ ia₁ Jme₂dsi₂ Jnió₅ bá₄ jmo₃ jme₃'uá₂ 'au'₂ 'nia'₂ a₂le₃'éng'₂. Ni'₅₄ bá₄ 'nia'₂ dse₃ 'a₂lia'₂ ca₂tió'₄ jnia'₅₄ jin'₄ 'nia'₂ a₂dse₃ quián'₂ bá₄ 'nia'₂ jaun₂.

⁶ 'Nia'₂ ně₃, ca₂quian'₂ 'nia'₂ jui₅ a₂ca₂quián'₁ jnia'₅₄, a₂ca₂can₃ Te₁gui'₅₄ ně₃. Ca₂gue'₅₄ bá₄ 'nia'₂ a₂'nio₂ 'au'₂ jág₁ dse₃. Chan'₂ bá₄ 'nia'₂ o₂'nió₃ o₂jnia₃ 'au'₂ a₂jmo₅ Jme₂dsi₂ quián'₅ Diú₄, tsá₃ a₂nag₅₄ jaun₂ ca₂quín₂ a₂ca₂l₃ñí'₂ 'nia'₂ uig₅ 'nio₅ lin₃ 'uig₅₄ jág₁ dse₃. ⁷ Jaun₂ le₂ně₅ bá₄ ca₂dsi₃nó'₅ 'nia'₂ ca₂cuě'₅₄ 'nia'₂ caun₂ jui₅ dse₃ jaun₂ ca₂caun₃ 'í₁ ca₂le₃jín₃ dsa₂ i₂'én₂ le₂tan₅₄ juig₂ te₁'i₁ 'uě₃ Macedonia quian'₅₄ le₂tan₅₄ 'uě₃ Acaya ně₃. ⁸ Jaun₂ le₂ně₅ ma₂ca₂'ě'₅₄ 'nia'₂ dsa₂ jág₁ dse₃ quió'₅ Te₁gui'₅₄, on₃jua'₅₄ jmá'₃ dsa₂ chan₂ Macedonia quian'₅₄ Acaya ma₂qui₂ma₂'ě'₅₄ 'nia'₂ jág₁, ia₁ ca₂le₂con₂ ja₁siá'₂ bá₄ ján₃ le₁ñi₅ dsa₂ a₂lín'₂ 'nia'₂ dsa₂ i₂'én₂ quián'₅ Diú₄. Jaun₂ tsá₃ ma₃'e₂ jua'₅₄ 'nió'₅ guě₄ chei₅₄ jnia'₅₄ 'i₁caun₂ 'nia'₂. ⁹ Tě₂le₃ dsia₅ bá₄ 'éi₂ guioin₅₄ a₂ca₂guei'₅₄ 'nia'₂ dse₃ jnia'₅₄, dsia₂₃ 'a₂lia'₂ ca₂ti'₃ a₂jme₁'éng'₂ tě₂le₃ quió'₅ diú₄ lag₄, a₂ca₂rě₃'én'₂ 'nia'₂ tě₂le₃ quió'₅ Te₁gui'₅₄, ca₂jme₁ti'₄ ne₄ Diú₄ jén'₃ dsón'₂ i₂chan₂. ¹⁰ Dsia₂₃ bá₄ ján₃ 'a₂lia'₂ tion'₅₄ 'nia'₂ le₁jan'₄ a₂jnió'₂ táng₃ jui₅ guei'₅₄ i₂juig₃ Jesús Ja₁ñi'₅₄ Diú₄ i₂ca₂jme₃jein'₅₄ jin'₄ lag₄. I₂'éi₂ bá₄ lió₂ jniog₄ ne₄ a₂'i₄ 'nei₂ dsí₅ Diú₄.

2

Ta₁ a₂ca₂jmo₃ Pablo juig₂ Tesalónica

¹ Ia₁ ñi'₅₄ bá₄ 'nia'₂ guiong'₅₄, rin'₅₄ jniog₄, tsá₃ jua'₅₄ a₂lě₁ca₂i₁náú₄ jnia'₅₄ ca₂i₁jin₁ 'nia'₂. ² Ia₁ ma₂ñi'₅₄ bá₄ 'nia'₂, tě₂le₃ ca₂jme₃'o₅₄ bá₄ Diú₄ ca₂nio₃ tiá₂ dsi₅, ca₂'ě₄ jnia'₅₄ ja₁con'₂ 'nia'₂ jág₁ dse₃ a₂lión₂ dsa₂, o₁jnia₅₄ ca₂jmóg'₂ dsa₂ ca₂tě₂ca₂'o₂ juig₂ Filipos le₂jniá₅. ³ Ia₁ jág₁ a₂ca₂tion'₅₄ jnia'₅₄ 'nia'₂, on₃jua'₅₄ a₂já₃ 'uig₅₄ ia₁ a₂i₂gon₂ jnia'₅₄, on₃ guě'₂ o₄quió'₄ ia₁ a₂dsi₂jnia₅ dsi₅ a₂'lig'₅₄, on₃ guě'₂ jua'₅₄ ia₁ a₂jme₂gán₁ jnia'₅₄ 'nia'₂. ⁴ Tě₂le₃ ia₁ Diú₄ bá₄ ca₂caun₃ 'í₁ a₂jmo₂ jnia'₅₄, ca₂dsia₃ gu₂ jnia'₅₄ a₂qui₁'ě₄ jág₁ dse₃. Jaun₂ le₂ně₅ jui₁lia'₂ jág₁ a₂jua'₂ jnia'₅₄, on₃jua'₅₄ a₂jua'₂ ia₁jaun₂ 'nio₂ dsí₅ dsa₂ mi₂güig₃, tě₂le₃ ia₁jaun₂ 'nio₂ dsí₅ Diú₄

* **1:1** Lia₂ chen₂ Silvano, co₂rě₂ quian'₅₄ Silas.

bá₁ i₂ con₂ 'í₁ tē₂ dsi₅ jniog₄. ⁵ Ní₅₄ bá₄ 'nia'₂, 'i₁ cón'₂ tsá₃ jua'₅₄ ca₂ dsiá₁ jnia'₅₄ jág₁ rau₂, on₃ guē'₂ jua'₅₄ ca₂ 'má'₂ jnia'₅₄ jág₁ a₂ tsá₃ dsi₂ ten₅₄ 'má'₂ ia₁ jaun₂ lé₂ cu₄. Jág₅ bá₄ Diú₄ ca₂ le₃ jě₃ a₂ ca₂ jmó₁. ⁶ Tsá₃ a₂ jaun₂ 'niog₂ jnia'₅₄ jua'₅₄ a₂ jme₃ juag'₂ dsa₂ 'ñio₅ lín₃, on₃ guē'₂ 'nia'₂, on₃ guē'₂ dsa₂ sián'₂ ně₃, o₁ jñia'₅₄ jme₁ ca₂ tág₂ rē'₂ jnia'₅₄ jmó₁ 'éi'₃ jaun₂ ia₁ a₂ lág₅ dsa₂ i₂ chen₄ quián₅ Cristo. ⁷ Tē₂ le₃ ca₂ jmó₁ bá₄ jnia'₅₄ 'ua₁ dsi₅ ja₁ con₂ 'nia'₂, ju₁ lia'₂ lín₅ jan₂ chog₅₄ chi'₂, a₂ jme₂ cain'₅₄ chi'₂ quián₅ qui₂ jmo₂₃ 'í₁. ⁸ Jaun₂ lē₃ 'ñio₅ lín₃ ca₂ rē₃ 'nio₃ jnia'₅₄ 'nia'₂, ca₂ lia'₂ jñia'₅₄ on₃ jua'₅₄ jmá'₃ jág₁ dse₃ quió'₅ Diú₄ ně₅ ca₂ tág₂ jnia'₅₄ cuē₁, le₂ jniog₅ jme₂ dsi₂ quián₂ jnia'₅₄ 'ñio₂ dsi₅ cuē₁ ján₃. Ia₁ ma₂ dsi₂ nó'₅ 'nia'₂ léng'₂ dsa₂ i₂ 'nió₄ lín₃ quián₂ jnia'₅₄. ⁹ Jua'₂ jnia'₅₄ le₂ ně₅, rín₅₄ jniog₄, ia₁ jaun₂ dsá₂ bá₄ 'au'₂ 'nia'₂ 'a₂ lia'₂ ca₂ jmó₁ jnia'₅₄ ta₁ a₂ ca₂ lag₃ a₂ que₅₄. Lia'₂ 'uē₂ jmi₂ bá₄ qui₂ ca₂ jmó₁ jnia'₅₄ ta₁, ia₁ jaun₂ 'i₁ jan₂ 'nia'₂ tsá₃ jua'₅₄ 'ein₂ 'ñio₅ guei₂ ca₂ can₃ quian'₅₄ jnia'₅₄, tē₁ lia'₂ ca₂ tió'₄ ca₂ ě₄ jág₁ dse₃ quió'₅ Diú₄.

¹⁰ Ca₂ tē₂ bá₄ ne'₅₄ 'nia'₂, jág₅ bá₄ Diú₄ ján₃, ca₂ tió'₄ jnia'₅₄ quian'₅₄ 'nia'₂ dsa₂ i₂ 'én₂, a₂ lág₅ jnia'₅₄ dsa₂ jñió₅, dsa₂ dsen₃, i₂ tsá₃ 'ein₂ lé₂ le₃ bóg'₂ dso₄. ¹¹ Ní₅₄ bá₄ 'nia'₂ ján₃, ca₂ jmó₁ jnia'₅₄ jin'₄ 'nia'₂ ju₁ lia'₂ jmo₅ jan₂ jmei₂ dsa₂ jmái'₂ chi'₂ quián₅, qui₂ ca₂ cuē₅₄ jnia'₅₄ bí₂ 'nia'₂, ca₂ tion'₅₄ jnia'₅₄ jág₁ 'nia'₂ jaun₂ náu'₁ tiá₂ ju₁ dse₃. ¹² Jaun₂ qui₂ ma₂ chei₅₄ bá₄ jnia'₅₄ 'nia'₂ a₂ i₁ niog'₄ lia'₂ con₂ dsi₂ ten₅₄ i₂ nió₄ dsa₂ quián₅ Diú₄ i₂ tē₂ a₂ jme₁ quiain'₄ 'nia'₂ ja₁ jmo₂₃ 'éi'₃ guei'₅₄ i₂ juíg₃ ja₁ lē₄ co₂ tág₅ co₂ 'né'₅ quió'₅.

¹³ Jaun₂ lē₃, ca₂ le₃ jě₃ jmi₄ bá₄ cuē₂ jnia'₅₄ ti₁ 'mag'₄ Diú₄. Ia₁ le₂ 'uig₅₄ jme₁ ca₂ nei'₂ 'nia'₂ jág₁ dse₃ quió'₅ Diú₄ a₂ ca₂ jua'₅₄ jnia'₅₄, ca₂ gue'₅₄ bá₄ 'nia'₂ con₂ lē₅ jág₁ dse₃ quió'₅ Diú₄, on₃ jua'₅₄ con₂ lē₅ jág₁ quió'₅ dsa₂ mi₂ güíg₃. Ia₁ dsón'₂ bá₄ jág₁ dse₃ quió'₅ Diú₄ ně₅, a₂ jmo₃ lé₄ tē₂ 'au'₂ 'nia'₂ dsa₂ i₂ 'én₂. ¹⁴ Rín₅₄ jniog₄, lia'₂ con₂ ca₂ ñag'₅₄ 'nia'₂ uig₅ qui₂ ca₂ 'ein₃ dsa₂ go'₄ 'nia'₂, ca₂ i₃ ñí'₂ 'nia'₂ ju₁ lia'₂ ca₂ jmá'₂ dsa₂ guá'₅ quián₅ Diú₄ i₂ tián'₅ Judea i₂ ma₂ lín₅ quián₅ Cristo Jesús. Le₂ jaun₂ bá₄ ca₂ qui₂ co₂ 'ein₃ dsa₂ judíos dsa₂ go₅₄. ¹⁵ Dsa₂ judíos 'éi₂ bá₄ i₂ ca₂ jñi'₃ Te₁ gui₅₄ Jesús, i₂ ca₂ jme₃ dsian₅ dsa₂ i₂ chen₄ quián₅ Diú₄ ně₃. Jaun₂ ca₂ 'uág'₂ bá₄ jnia'₅₄. Tsá₃ 'nioi₃ Diú₄. 'Ñiai₅₄ bá₄ ca₂ le₃ jín₃ dsa₂. ¹⁶ Cha₂ jme₁ lín₅₄ 'niog₂ jnia'₅₄ chei₅₄ jág₁ dsi₂ nau₂, ia₁ jaun₂ lión₂ 'éi₂ ján₃. La₁ 'éi₂ bá₄ jné₅ ju₁. Jaun₂ le₂ ně₅ caun₂ dsi₂ juē'₂ bá₄ dsáu₁. Co₂ ñei₅₄ ma₂ já₅ a₂ 'i₄ 'nei₂ dsí₅ Diú₄ ja₁ coin₂.

Dsi₂ jniog₅ dsí₅ Pablo dsó₃ táng₃ ju₁ Tesalónica

¹⁷ Rín₅₄ jniog₄, lia'₂ con₂ jme₁ ca₂ tén₄ co₂ 'na₂ rín₅₄, o₁ jñia'₅₄ tsá₃ ně₅ jnia'₅₄ 'nia'₂, la₁ tion₅₄ bá₄ jme₁ dsau'₂ dsi₅ jnia'₅₄, 'ñio₅ lín₃ jme₁ 'niog₂ jnia'₅₄ dsau₅₄ táng₃ dsi₁ né₄ 'nia'₂. ¹⁸ Jaun₂ dsón'₂ bá₄ jme₁ 'niog₂ jnia'₅₄ dsau₅₄ dsi₁ jin₁ 'nia'₂. Jniá₂ Pa₄ 'lióng₂ ráun₂ jme₁ ca₂ quín₃ bí₂ a₂ nei₅₄. La₁ i₂ sē₃ dsen₃ bá₄ ca₂ jné₃ ju₁. ¹⁹ Jaun₂ ĉ₂ e₂ jaun₂ a₂ 'ín₂ dsi₅ jnia'₅₄ chong₂, a₂ jmo₅ jnia'₅₄ 'io'₂, o₃ premio o₄ quió'₄ a₂ jmó₁ jnia'₅₄ táu'₅ jē₁ ma₂ tē₂ rē₁ guan'₂ Jesús Te₁ gui₅₄ quián₂? ĉ₂ On₁ jua'₅₄ o₄ quián'₂ 'nia'₂ bá₄? ²⁰ Uig₅₄ quián'₂ 'nia'₂ bá₄ ñí₄ 'io'₂ jein₅ jnia'₅₄; o₄ quián'₂ 'nia'₂ bá₄ jme₂ go₃ dsa₂ sián'₂ ně₃

3

¹ Jaun₂ ně₃, ia₁ tsá₃ ma₃ tián₂ jnia'₅₄, ca₂ rē₃ 'ñio₃ bá₄ dsi₅ jñia₁ guio₅₄ juig₂ Atenas. ² Jaun₂ ca₂ chen₅₄ jnia'₅₄ Timoteo rín₅₄ ca₂ i₁ jin₁₂ 'nia'₂, ia₁ i₂ ma₂ lín₅ quián₅ Diú₄ bá₄ 'éi₂, ia₁ jmo₂₃ ta₁ co₂ lē₅ quian'₅₄ jnia'₅₄ a₂ jme₂ tin₂₃ dsa₂ jág₁ dse₃ quió'₅ Cristo. Lé₂ le₃ juá'₂ 'éi₂ lia'₂ tí₅ jág₁ cuē'₃ bí₂ 'nia'₂ a₂ le₃ 'én'₂ guē₄ 'nia'₂, ³ ia₁ jaun₂ 'i₁ jan₂ 'nia'₂ tsá₃ dsi₃ lén₂ cau₅ 'uig₅₄ a₂ co₂ 'ein₅ dsa₂. Ia₁ ñi'₅₄ bá₄ 'nia'₂ guiong'₅₄, 'éi'₃ ně₅ tio'₅₄. ⁴ Lia'₂ con₂ jme₁ tio'₅₄ jnia'₅₄ quian'₅₄ 'nia'₂ le₂ jñiá₅, ca₂ jua'₅₄ jnia'₅₄ a₂ tion₅₄ niog₅ ñag₅₄ 'uig₅₄, jaun₂ le₂ jaun₂ ca₂ lē₃ ně₃, jaun₂ ma₂ ñi'₅₄

bá₄ 'nia'₂. ⁵ Jaun₂ lē₃, ia₁ tsá₃ ma₃tió₅ 'i₅ dsi₃, ca₂tsing₂ dsa₂ ca₂i₁ŋag₁₂ 'a₂ lia'₂ lē₅ ma₂'én'₂ 'nia'₂ tiong'₅₄, ia₁ con'₂ tsá₃ ŋó₅ nē₁ca₂'liog'₃ i₂sē₃dsen₃ a₂jmó'₂ 'nia'₂ cosa 'lig'₅₄. Tsá₃ ma₃ta₁ tí₄ ta₁ quián₂ jnia'₅₄, jua'₅₄ mei'₂ guě₃ le₂jaun₂.

⁶ La₁ ma₂guán'₅ bá₄ táng₃ Timoteo juig₂ Tesalónica, quion₂ jág₁ dse₃ 'én'₂ bá₄ 'nia'₂ jág₁ quió'₅ Diú₄, 'nió'₃ bá₄ 'nia'₂ ríng'₂ le₂jang'₂ le₂jang'₂. Juá'₂ bá₄ ján₃, jmo'₂ 'nia'₂ 'io'₂ a₂dsau'₂ 'au'₂ 'nia'₂ jnia'₅₄ ca₂le₃jě₃ jmig₄, a₂'ín₅ 'au'₂ 'nia'₂ 'ŋio₅ lín₃ jag'₅₄ jnia'₅₄, le₂jaun₂ bá₄ jnia'₅₄ ján₃ jui₁lia'₂ 'nia'₂ 'ín₅ dsi₅ jín₄ 'nia'₂. ⁷ Jaun₂ le₂nē₅, rín'₅₄ jniog₄, tē₃jě₄ uig₅ chong₂ 'i₅ dsi₅ jnia'₅₄, la₁ ca₂'ág₂ lián'₂ dsi₅ jnia'₅₄ jme₁ca₂rē₃ne₄ 'a₂ lia'₂ lē₅ a₂'én'₂ 'nia'₂. ⁸ 'Io'₂ jein₅ jnia'₅₄ chong₂ jme₁ca₂rē₃ne₄ tión'₂ bá₄ 'nia'₂ tiá₂ tē₂le₃ quió'₅ Te₁gui'₅₄. ⁹ Ca₂lia'₂ tsá₃ ne₄ jnia'₅₄ 'a₂ lia'₂ cuē₅₄ ti₁'mag'₄ Diú₄ con'₂ dsi₂ten₅₄ o₄quió'₄ a₂'io'₂ jmo₂ jnia'₅₄ le₃ne₄ Diú₄ quián₂ o₄quián'₂ 'nia'₂. ¹⁰ Ca₂le₃jě₃ dsi₅ bá₄ jnia'₅₄ mi₂lia'₂ 'uē₂-jmi₂ne₄ Diú₄ a₂cuē₃ jmig₄ dsi₁jín₁ 'nia'₂, jaun₂ jme₁'ŋia₅ guě₄ jnia'₅₄ a₂'nió'₅ le₃tin'₂ guě₄ 'nia'₂ a₂le₃'éng'₂.

¹¹ 'Niog₂ jnia'₅₄, Diú₄ Jmei₂ 'ŋiog₅ quian'₅₄ Te₁gui'₅₄ Jesucristo, jme₃'o₅₄ cuē₃ jmig₄ dsi₁ná₅ dsi₁jing₅₄ 'nia'₂. ¹² Jui₁jmo₅₄ bá₄ Te₁gui'₅₄ jui₁dsi₂cón₃ a₂jme₁'nió'₄ guě₄ 'nia'₂ ríng'₂ le₂jan'₂ le₂jan'₂ 'nia'₂ quian'₅₄ ca₂le₃jín₃ guě₄ jui₁'ein₂ guě₃ dsa₂ jui₁lia'₂ 'nio₃ jnia'₅₄ 'nia'₂. ¹³ Jui₁jmo₅₄ bá₄ Diú₄ 'ag₃ tiá₂ 'au'₂ 'nia'₂, lén'₂ 'nia'₂ dsa₂ i₂ma₂lě₅ 'í₁ quiáin₅ i₂tsá₃ ma₃'e₂ dsáu₁ cha₂ ne₄ Diú₄ Jmei₂ jniog₄ jē₁ma₂tē₂ rē₁jjió'₂ Te₁gui'₅₄ Jesús quian'₅₄ ca₂le₃jín₃ i₂quiáin₅.*

4

'A₂ lia'₂ dsi₂ten₅₄ le₃chan₂ dsa₂ con'₂ 'ŋio₂ dsí₅ Diú₄

¹ Nē₃ nē₃ rín'₅₄ jniog₄, mi₂ jnia'₅₄ ne'₅₄ 'nia'₂ tē₂le₃ o₄quió'₄ Te₁gui'₅₄ Jesús, a₂i₁nio'₄ 'nia'₂ lia'₂ con'₂ 'ŋio₂ dsí₅ Diú₄, jui₁lia'₂ ca₂jme₁tag₅ jnia'₅₄. Le₂jaun₂ caun₂ jmo₄ 'nia'₂ ca₂le₃jě₃ jmig₄.

² Nj'₅₄ bá₄ 'nia'₂ 'a₂ lia'₂ lē₅ jág₁ ca₂jme₁tag₅ jnia'₅₄, 'éi'₃ ca₂cuē₃ Te₁gui'₅₄ Jesús. ³ A₂'nio₃ Diú₄ a₂i₁nio'₄ 'nia'₂ líng'₅ dsa₂ i₂ma₂lě₅ 'í₁ ca₂ne₅₄ i₂ma₂quiáin₅ 'ŋiog₅; 'i₁jan₂ tsá₃ 'ein₂ jui₁nió'₄ jág₁ a₂tsá₃ dsi₂ten₅₄ nió'₃. ⁴ Jui₁le₂ŋi'₅₄ 'nia'₂ le₂jang'₂ le₂jang'₂ 'a₂ lia'₂ tiáng'₄ quiang'₅₄ dsa₂ m₂í₂ quiáng'₂, lē₅ 'í₁, jme₁gain'₃ 'nia'₂.* ⁵ On₃jua'₅₄ a₂lē₁qui₂dsi₂jein₅ 'au'₂ 'nia'₂ 'lig'₅₄ jui₁lia'₂ jmo₅ dsi₂nau₂ i₂tsá₃ Diú₄ cuin₅. ⁶ Jaun₂ 'i₁jan₂ tsá₃ 'ein₂ jui₁qui₂dsi₂juin₅₄ jua'₅₄ jme₃gain₂₃ rín'₅₄, quian'₅₄ 'i₁caun₂. Ia₁ Te₁gui'₅₄ bá₄ jéin'₃ uig₅ ca₂le₃jě₃ a₂le₂nē₅, jui₁lia'₂ ma₂chei₅₄ jnia'₅₄ 'nia'₂ le₂ŋiá₅. ⁷ Ia₁ on₃jua'₅₄ jaun₂ ma₂tē₅ Diú₄ a₂qui₂dsi₂jio₅ dsi₅ 'lig'₅₄; a₂jaun₂ bá₄ ca₂tē₃ a₂le₃chong₂ jniog₄ jjió₅. ⁸ Jaun₂ le₂nē₅, jui₁lia'₂ i₂tsá₃ gue₅ jág₁ a₂jme₂tág₁ jnia'₅₄ la₂, on₃jua'₅₄ dsa₂ tsá₃ guein₂₃; Diú₄ bá₄ tsá₃ guein₂₃, i₂ma₂cuin₃ Jme₂dsi₂ Jjió₅ quiáin₅.

⁹ Tsá₃ 'e₂ tion₅₄ 'nió'₅ jua'₅₄ a₂juá'₄ jniá₂ tó'₄ ne₄ si₂la₂, jua'₅₄ a₂juá'₄ jniá₂ 'a₂ lia'₂ dsi₂ten₅₄ jme₁'nió'₄ 'nia'₂ dsa₂ i₂'én₂ ríng'₂. Ia₁ ma₂ca₂jme₃tag₅ bá₄ Diú₄ 'ŋiog₅ 'a₂ lia'₂ jme₁'nió'₃ 'nia'₂ ríng'₂ le₂jang'₂ le₂jang'₂. ¹⁰ Jaun₂ le₂nē₅ bá₄ jmo'₂ 'nia'₂ ja₁con₂ rín'₂ 'nia'₂ i₂'én₂ i₂tián'₅ 'uē₃ Macedonia. La₁ mi₂ jnia'₅₄ ja₁con₂ 'nia'₂, rín'₅₄ jniog₄, caun₂ jui₁dsi₂tsón₃ bá₄ a₂'nióg'₃ 'nia'₂ ríng'₂. ¹¹ Quen'₂ 'nia'₂ bí₂ tián'₂ 'nia'₂ 'ei₅ tei₄, jmo₄ 'nia'₂ jmá'₃ con'₂ a₂ca₂tín'₂ 'nia'₂ jmó'₂ guiong'₅₄, jmo₄ 'nia'₂ ta₁ quiáng'₂ quian'₅₄ gog'₂-tag'₅₄, jui₁lia'₂ qui₂ma₂jua'₅₄ jnia'₅₄ le₂ŋiá₅, ¹² ia₁jaun₂ i₁nio'₄ 'nia'₂ caun₂ jui₅ a₂jme₃go₃ dsa₂ sián'₂ i₂tsá₃ 'én₂, ia₁jaun₂ tsá₃ lē₅ jua'₅₄ cha₂ a₂'nió'₅ quián'₂ 'nia'₂.

A₂jjió'₂ Te₁gui'₅₄

* **3:13** lit. "dsa₂ jjió₅ quiáin₅." * **4:4** o₃, "Jui₁le₂ŋi'₅₄ 'nia'₂ le₂jang'₂ le₂jang'₂ 'a₂ lia'₂ jme₁'uang'₅₄ n₁ŋi'₁ guiong'₅₄, lē₅ 'í₁, con'₂ dsi₂ten₅₄."

13 Rin'54 jniog4, tsá3 'niog2 jnia'54 jua'54 tsá3 ñi'54 'nia'2 'e2 lé2 quian'54 dsa2 'én2 i2ma2dsan3, ia1jaun2 tsá3 jmó'2 'nia'2 'lia'2 'au'2 jui1lia'2 'lia'2 dsí5 dsa2 i2tsá3 jmig4 cha2 quió'5 jua'54 tíin'4. 14 Jaun2 le2në5, jui1lia'2 'éin2 jniog4 a2ca2jon3 Jesús, a2ca2jein'54 táng3 në3, le2jaun2 bá4 'éin2 jniog4 ján3 a2jme3jen'54 Diú4 co2lë5 quian'54 Jesús dsa2 i2ca2dsan3 i2'én2 le3quió'5.

15 Jaun2 lë3 chei2 jnia'54 'nia'2 jui1lia'2 ca2jme3tag5 Te1gui'54, con'2 jniog4 i2chong2 ca2lia'2 ca2të2 jmig4 a2guan'2 Te1gui'54, 'i1jan2 tsá3 'ein2 jua'54 i2dsi3jñiá4 con'2 guë4 dsa2 i2ma2dsan3. 16 Ia1 'ñiog5 bá4 Te1gui'54 sióin3 guei'54 i2juig3 quió'3 tiá2 jmo3 'éi'3, quian'54 jág1 quió'5 ángel i2'uan'2 guë4, dsi3'ein54 ñi1 trompeta quió'5 Diú4 në3. Jaun2 guë4 ca2le3jín3 dsa2 i2'én2 le3quió'5 Cristo i2ma2dsan3, qui3jein'54 le2'ui54. 17 Jaun2 jniog4 i2chong2 guë4, i2të1'ñiá4 guë4 në3, chó'2 co2lë5 jë4 jnei5 quian'54 dsa2 i2ma2dsan3 'éi2, a2dsi2jme1jen'2 Te1gui'54 guei'54 dsi1guig2. Jaun2 le2në5 dsi1tió'4 co2tan54 quian'54 Te1gui'54. 18 Jaun2 lë3, cuë54 'nia'2 lián'2 ríng'2 quian'54 jág1 la2.

5

1 La1 tsá3 tion54 jua'54 a2juá'4 jniá2 tó'4 ne4 si2 'e2 'ió'4 'e2 jmig4 a2lé2 jaun2. 2 Jaun2 ma2le1ñi'54 bá4 'nia'2 dse3 guiong'54, jmig4 a2ñi3'2 Te1gui'54 con'2 tsá3 ján5 bá4 dsa2, jui1lia'2 ja1já4 jan2 dsa2 'ang2 caun2 'uë2. 3 Jë1ma2të2 rë1juá'2 dsa2: "Ca2le3jë3 lë5 'í1, tei4 bá4 'ei5", të3jë4 jaun2 'én2 con'2 tiá2 ne4 quió'5 dsa2 'éi2. Lé2 jui1lia'2 ja1jén'5 'io54 i2quian5 guein2. Con'2 tsá3 rë2jain1 jë1ma2tá'2 qui'2 uig5 quió'5, tsá3 a1jaun2 a2lióin2 jua'54 a2tsá3 ñág3 jmi1uig5 jaun2. 4 La1 'nia'2 rin'54 jniog4, tsá3 tion'54 'nia'2 jë4 qui1né'3, jaun2 tsá3 lë5 jua'54 jo54 jmig4 jaun2 quián'2 'nia'2, jui1lia'2 ja1jo5 jan2 'ang2. 5 Ia1 ca2le3jín'3 bá4 'nia'2 líng'5 jaun5 quián5 ja1tág5 si2, quian'54 a2jmi2 në3. Tsá3 téi5 jniog4 a2'uë2, on3 guë'2 jë4 qui1né'3. 6 Jaun2 tsá3 'nió'5 guág3 jniog4 jui1lia'2 güin2 i2lín54. Le1jnio2 ne4 bá4 jniog4 'nió'5 jmó1, lei54, 'en54 dsi5. 7 A2'uë2 bá4 güin2 dsa2, ján3 guë'2 a2'uë2 bá4 'ín'2 dsa2 'en5. 8 La1 jniog4 në3, i2téi5 a2jmi2, 'nió'5 lei54, 'en54 dsi5. 'Nió'5 qui1jmó1 'í1 quian'54 a2'én2 quian'54 a2jme1'nió4 rin'54 në3, në2jag4 bá4 qui2rë2lió3 ñi1 le1dsi5, lë5 'í1; a2'ín2 dsi5 jniog4 a2tág'4 në3, lë5 co2'nió'4 ñi1 a2'i4 mi2dsi4 'lió2, lë5 'í1. 9 Ia1 on3jua'54 jaun2 ca2'ag3 Diú4 a2guéi1 jniog4 'nei2 a2'i4 dsí5; a2jaun2 bá4 ca2'ag3 a2lió2 jniog4 të2le3 quian'54 Te1gui'54 Jesucristo quián2. 10 O4quián2 jniog4 ca2join3 ia1jaun2 dsi1'io1 co2lë5 quian'54, të1lia'2 chong2, o3 jë1ma2dsau3 'e2.* 11 Jaun2 caun2 dsia4 'nia'2 tiá2 'au'2, cuë'54 bí2 ríng'2 le2jang'2 le2jang'2, jui1lia'2 ma2jmo'2 në5.

Ton'2 Pablo jág1 dsa2 rin'54

12 Rin'54 jniog4, mi2 jnia'54 a2jme3gang'3 dsa2 i2jmo5 ta1 jë4 quián'2 'nia'2, i2jio5 ne4 jui5 le3quió'5 Te1gui'54, i2to'2 jág1 dse3 në3. 13 Ca2tín'2 'nia'2 jme1gain'3 'ñio5 lín3, a2jme1'nió4 në3, o4quió'4 ta1 a2jmo23. Jui1'ei5 bá4 tei4 tion'54 'nia'2 le2jang'2 le2jang'2.

14 Ján3 guë'2 le2jaun2 rin'54 jniog4, jén3 'nia'2 dsa2 i2tsá3 ta1 'nio3 jmo3. Cuë'54 'nia'2 bí2 dsa2 i2tsá3 lín4 niog5 tiá2 dsí5, jme1'on1 'nia'2 dsa2 'uan54, jme1juñ'2 'nia'2 'au'2 quian'54 ca2le3jín3 ríng'2.

15 Jmo4 'nia'2 'í1, ia1jaun2 'i1jan2 tsá3 jéin'3 'lig'54 quió'5 i2jmóg'2 'lig'54. Të2le3 caun2 o2nó'5 bá4 'nia'2 jmo4 a2dse3 co2tan54 quian'54 rín'2 'nia'2 le2jang'2 le2jang'2 quian'54 guë4 ca2le3jín3 dsa2.

* 5:10 lit. "chi2jua'2 le2jnio2 ne4 jniog4, o3 le1guág3 'e2."

16 Tián'₂ bá₄ 'nia'₂ 'io'₂ jéng'₂ co₂tan₅₄. 17 Chi₂len'₅₄ 'nia'₂ Diú₄ lia'₂ tsá₃ 'na₂.
18 Cuē'₅₄ 'nia'₂ ti₁'mag'₄ Diú₄ ne₄ ca₂le₃jě₃, ia₁ a₂nē₅ bá₄ 'ŋio₂ dsí₅ Diú₄ tē₂le₃
quián'₂ 'nia'₂ o₄quió'₄ Cristo Jesús.

19 Tsá₃ lē₁ag₂ 'nia'₂ si₂ quió'₅ Jme₂dsí₂ Jñio₅. 20 Nē₁jua'₂ 'ein₂ 'ě₂ jág₁ a₂guéi'₅
quió'₅ Diú₄, tsá₃ lē₁jmo₂ 'nia'₂ jua'₅₄ a₂tsá₃ jeng'₅₄. 21 Quion₂ de'₂ 'nia'₂ 'í₁ ca₂le₃jě₃
a₂nē₅, jaun₂ chan'₂ bá₄ 'nia'₂ jmá'₃ a₂dse₃. 22 Co₂dsia₅ jmo₄ 'nia'₂ cau₅ ca₂le₃jě₃
ne₅₄ a₂'lig'₅₄.

23 'Nio₅ Diú₄ i₂jmo₅ 'ei₅ tei₄, jui₁jmo₁₂ a₂lén'₂ 'nia'₂ dsa₂ jñio₅ co₂ŋei'₅₄; jui₁le₅₄
bá₄ 'í₁ 'nia'₂, ta₁jang'₂: lia'₂ jme₂dsí₂, lia'₂ 'au'₂, lia'₂ ŋi'₄ 'nia'₂; ia₁ jaun₂ tsá₃ 'ein₂ lé₂
le₃bóg'₂ dso₄ jē₁ma₂tē₂ rē₁guan'₂ Te₁gui'₅₄ Jesucristo quián₂. 24 I₂ma₂tē₃ quián'₂
'nia'₂ tí₅ bá₄ jág₁ quió'₅, jaun₂ jme₃ti₃ bá₄ ca₂le₃jě₃ a₂nē₅.

'Ág'₅ jág₁ jē₁ca₂tó'₂

25 Rin'₅₄ jniog₄, chi₁len'₄ 'nia'₂ Diú₄ o₄quián₂ jnia'₅₄.

26 Cuin₅₄ Diú₄ ca₂le₃jín₃ rin'₅₄ a₂qui₁chén'₁† 'nia'₂ quió'₅ ríng'₂, a₂lě₅ léi₄
a₂ma₂ei₅ caun₂ jág₁ a₂le₁jě₃ 'au'₂ quian'₅₄ ríng'₂.

27 Mi₅ jniá₂, lia'₂ con'₂ lě₅ 'éi'₃ quió'₅ Te₁gui'₅₄, 'í₂ 'nia'₂ si₂ carta la₂ jin₄ ca₂le₃jín₃
rin'₅₄.

28 Jui₁jme₂gu'₅₄ Te₁gui'₅₄ Jesucristo quián₂ jniog₄ ca₂le₃jín'₃ 'nia'₂.
Co₂nē₅.

† 5:26 Caun₂ tag₄ a₂jme₁chí'₄ lia'₂ con'₂ ca₂jmo₃ Pa₄ si₂ la₂.

Si₂ carta jē₁ca₂tē₂ tin₃ a₂ca₂jmo₃ San Pablo ne₄ dsa₂ TESALONICENSES

Pablo quiain'₅₄ riin'₅₄ jmo₂₃ si₂ a₂chein₃ ne₄ Guá'₅ i₂chan₂ juig₂ Tesalónica

¹ Jniá₂ Pa₄, quian'₅₄ Silvano, * quian'₅₄ Timoteo ně₃, dsian'₄ jnia'₅₄ si₂ la₂ ne'₅₄ 'nia'₂ riin'₅₄ jniog₄ i₂chan₂ juig₂ Tesalónica, 'nia'₂ dsa₂ 'ei₅ caun₂ jág₁ quian'₅₄ Diú₄ Jmei₂ jniog₄, quian'₅₄ Te₁gui'₅₄ Jesucristo. ² Ju₁jme₂gu'₅₄ bá₄ Diú₄, ju₁jme₂gu'₅₄ Te₁gui'₅₄ Jesucristo ně₃, jmo₃ 'ua₁ dsí₅ ja₁con'₂ 'nia'₂, ju₁'ei₅ dse₃ 'au'₂, tiong'₅₄ 'ei₅ tei₄.

Ě₂ Diú₄ uig₅ ja₁con₂ dsa₂ i₂le₁cán'₄ dso₄ jē₁ma₂tē₂ rē₁guan'₂ táng₃ Cristo mi₂gúig₃

³ Rin'₅₄ jniog₄, ca₂le₃jě₃ jmig₄ bá₄ ca₂tág₂ jnia'₅₄ cuē'₅₄ ti₁'mag'₄ Diú₄ o₄quián'₂ 'nia'₂, ia₁ le₂jaun₂ bá₄ dse₃ dsióg₅, ia₁ caun₂ dsi₂cón'₃ bá₄ 'nia'₂ a₂rē₂'éng'₂ jág₁ quió'₅ Diú₄, caun₂ jme₂'nióg'₃ bá₄ 'nia'₂ ríng'₂ 'ñio₅ lín₃ le₂jang'₂ le₂jang'₂. ⁴ Jaun₂ lē₃, jmá'₃ lia'₂ jág₁ dse₃ bá₄ dsia₂ jnia'₅₄ 'ín₅ 'nia'₂ jin₄ guá'₅ quián₅ Diú₄, 'a₂ lia'₂ ma₂ca₂tian'₃ 'nia'₂ a₂ma₂ca₂jme₁juing'₂ 'au'₂ a₂'én'₂ 'nia'₂ ne₄ ca₂le₃jě₃ a₂co₂'ein₅ dsa₂, a₂qui₂jmóg'₂ dsa₂ ně₃. ⁵ Jaun₂ le₂ně₅ cuē₅ léi₄, con'₂ dsi₂ten₅₄ bá₄ qui₂dsi₅ Diú₄ 'éi'₃, ia₁jaun₂ lén'₂ 'nia'₂ dsa₂ i₂ca₂tín'₂ dsi₁niog'₃ ja₁gon₂ Diú₄; o₄quió'₄ a₂jaun₂ ñag'₅₄ 'nia'₂ uig₅.

⁶ Ján₃ bá₄ le₂jaun₂ dsi₂ten₅₄, Diú₄ bá₄ jme₃rě₃ cuē'₃ uig₅ a₂ca₂tín₂ dsa₂ i₂ma₂jmá'₂ 'nia'₂. ⁷ Jaun₂ 'nia'₂ dsa₂ i₂qui₂ma₂ñag'₅₄ uig₅, Diú₄ jmo₃ a₂'ag₃ tei₄ 'au'₂ 'nia'₂, a₂'ag₃ tei₄ dsi₅ jnia'₅₄ ján₃ jē₁ma₂tē₂ rē₁jñió'₂ Te₁gui'₅₄ Jesús ju₁i₅ guei'₅₄ i₂juig₃ jē₄ si₂ ca₂jo'₅₄, quiain'₅₄ ángeles i₂'uan'₂ quián₅. ⁸ Jñi₁ó'₂ a₂cuē'₃ uig₅ dsa₂ i₂tsá₃ cuin₅ Diú₄, ia₁ on₃ guē'₂ ju₁i₅ ca₂tón'₃ jág₁ dse₃ quió'₅ Te₁gui'₅₄ Jesucristo. ⁹ Ca₂le₃jín₃ 'éi₂ gue₃ 'liain'₅₄ a₂dsi₃'éin₂ co₂ñei'₅₄, co₂dsia₅ jñiai'₃ ne₄ Te₁gui'₅₄, dsi₃toin'₅₄ uíng₂ ja₁tsá₃ ma₃'e₂ bí₂ jlá'₁ quió'₅ Diú₄ jniá₂. ¹⁰ Jm₁ig₄ jaun₂, jē₁ma₂tē₂ rē₁guan'₂ Te₁gui'₅₄, a₂jme₃juag'₂ ca₂le₃jín₃ dsa₂ i₂'én₂ quián₅,† jaun₂ dsa₂ i₂'én₂ ně₃ qui₂dsi₃gó'₃ dsí₅ jág₃ jín₂ Te₁gui'₅₄. Ján₃ bá₄ o₁ton'₄ 'nia'₂ ja₁jaun₂, ia₁ a₂ma₂ca₂rě₃'én'₂ 'nia'₂ jág₁ dsau₅ quián₂ jnia'₅₄.

¹¹ Uig₅₄ jaun₂ bá₄ ján₃, chilén₄ jnia'₅₄ Diú₄ ca₂le₃jě₃ jmig₄ o₄quián'₂ 'nia'₂, ju₁i₂ñio'₄ 'nia'₂ con'₂ dsi₂ten₅₄ i₃ñio₄ dsa₂ i₂ma₂tē₃ quián₅; ju₁i₂jme₂ti₃ tē₂le₃ quian'₅₄ bí₂ quió'₅ ca₂le₃jě₃ a₂dse₃ a₂'ñio₂ 'au'₂ 'nia'₂ jmó'₂, quian'₅₄ ca₂le₃jě₃ ta₁ a₂jmo'₂ 'nia'₂ ia₁ a₂'éng'₂. ¹² Jaun₂ le₂ně₅ bá₄ lé₂ le₃juin'₂ Te₁gui'₅₄ Jesucristo quián₂ ja₁con'₂ 'nia'₂, ján₃ bá₄ le₂jaun₂ 'nia'₂ ja₁con₂ 'éi₂, lia'₂ con'₂ lē₅ a₂'ua₁ dsí₅ Diú₄ quian'₅₄ Te₁gui'₅₄ Jesucristo.

2

Le₃jniá₂ jan₂ dsa₂ i₂tsá₃ 'e₂ 'éi'₃ gó'₅

¹ Jaun₂ ně₃, 'nia'₂ riin'₅₄ jniog₄, ju₁lia'₂ jē₁ma₂tē₂ rē₂guan'₂ Te₁gui'₅₄ Jesucristo, jē₁ma₂tē₂ rē₁tió'₄ lo'₂ quiain'₅₄, mi₂ jnia'₅₄ chei₂ 'nia'₂, riin'₅₄ jniog₄, ² a₂tsá₃ caun₂ lē₁jme₁tsín₄ 'nia'₂ a₂dsi₃jio₅ 'au'₂ le₂siá'₂, on₃ guē'₂ can₂ 'nia'₂ go₂'i₃, ně₁'e₂ guē₃ jág₁ a₂já₅ tē₂le₃ quian'₅₄ jan₂ jme₂dsí₂, on₃ guē'₂ jág₁ a₂dsia₅ dsa₂, on₃ guē'₂ ně₁'e₂ si₂ carta a₂chen₅ dsa₂ ne'₅₄ 'nia'₂ ně₂jag₄ bá₄ a₂jmo₂ jnia'₅₄, jē₁juá'₂ dsa₂ a₂ma₂ca₂tē₂* jmig₄ quió'₅ Te₁gui'₅₄. ³ Tsá₃ lē₁cuín₅ 'nia'₂ jmig₄ a₂jme₃gau₅ dsa₂. Ia₁ né₃ a₂te₅₄ jmig₄ jaun₂, jmo₃ dsa₂ caun₂ jág₁ a₂jme₃'ñiai₅₄ Diú₄, jaun₂ le₃jniá₂

* **1:1** Lia'₂ chen₂ Silvano, co₂rē₂ quian'₅₄ Silas. † **1:10** lit. "dsa₂ jñi₁ó₅ quián₅." * **2:2** o₃, "a₂ma₂ja₂quián₃."

jan₂ dsa₂ i₂tsá₃ 'e₂ 'éi'₃ gó'₅ 'i₁caun₂, i₂ma₂'i₄ 'éi'₃ dsi₃'én₂. ⁴ Dsa₂ 'éi₂ náu₃ quein₅ ne₄ ca₂le₃jě₃ a₂jmo₅ dsa₂ dsí₅ lín₅ Diú₄, o₃ a₂jme₂juag'₂ dsa₂ 'e₂. Ca₂lia'₂ dsióg₄ guá₃ tē₂ dsi₂néi₂ guá'₅ templo quió'₅ Diú₄, a₂jmo₂₃ lín₅ Diú₄.

⁵ ¿Tsa₁ dsá₂ 'au'₂ 'nia'₂, lia'₂ con'₂ jme₁'eng₅₄ guě₄ quian'₅₄ 'nia'₂, ca₂juá'₃ jniá₂ le₃jě₃ a₂ně₅? ⁶ Jaun₂ ně₃ ma₂ŋi'₅₄ bá₄ 'nia'₂ 'ein₂ 'éi₂ i₂jné₅ jui₅, jaun₂ tsá₃ jme₃jniog₂₃ jniá₅ né'₃ a₂tě₅₄ jmig₄ quió'₅. ⁷ La₁ tion₅₄ bá₄ ma₂jmo₅ i₂'lin'₅₄ 'éi₂ bí₂ rē₂'ma₄ quió'₅ ia₁jaun₂ tsá₃ le₃ji'₅₄ dsa₂ 'éi'₃ quió'₅ Diú₄. Jnia'₅₄ lia'₂ chi₁jnia₂₃ a₂jnia'₃ i₂chén'₅ dsi₂jo₂ i₂jmo₅ jnág₅ jui₅. ⁸ Jaun₂ guě₄ jme₃jnia₅ dsa₂ 'lin'₅₄ 'éi₂. Jaun₂ Te₁gui'₅₄ Jesús ně₃ jŋag'₃ quian'₅₄ dsí₂ tio'₅₄ 'o₅₄, 'éin₂ 'éi₂ quian'₅₄ a₂co₂tág₅ co₂'né'₅ quió'₅ ně₃ jē₁jnió'₂. ⁹ Satanás bá₄ jmo₃ jiá₃ dsa₂ 'lin'₅₄ 'éi₂, ia₁ guáin₂ ján₃ quian₅ bí₂ a₂o₂dsain₂ jmo₃ léi₄ juē'₂ jme₃gau₂₃. ¹⁰ Ca₂le₃jě₃ ne₅₄ cosa 'lig'₅₄ jmo₃ a₂jme₃gain₂₃ dsa₂ i₂tion'₅₄ jui₅ dsi₃'én₂ ia₁ tsá₃ guě'₂ ca₂rē₃'nio₃ gue₃ jág₁ tí₅ dsón'₂ a₂jme₁lió₂. ¹¹ Jaun₂ bá₄ lě₃ cuě₃ Diú₄ jmig₄ a₂le₃gain₂, ia₁jaun₂ jui₁le₂'éin₂ co₂ŋei'₅₄ jág₁ tē₂jág₁, ¹² ia₁jaun₂ 'ē₂ Diú₄ uig₅ quió'₅ ca₂le₃jín₃ ia₁ tsá₃ guě'₂ ca₂rē₃'éin₂ jág₁ tí₅ dsón'₂, ia₁ ja₂lin₃ guě₄ tē₅ dsí₅ cosa 'lig'₅₄.

Dsa₂ i₂ma₂quion'₅₄ quián₅ Diú₄

¹³ La₁ jnia'₅₄ ně₃, ca₂le₃jě₃ jmig₄ bá₄ cuě₂ ti₁'mag'₄ Diú₄ o₄quián'₂ 'nia'₂, rin'₅₄ jniog₄, i₂'nió₄ quián₅ Te₁gui'₅₄. Jaun₂ lě₃ lia'₂ con'₂ jme₁ca₂rē₃lióg₃ jmig₄ bá₄ ca₂quión'₂ Diú₄ 'nia'₂ ia₁jaun₂ tín'₄ 'nia'₂, lén'₂ 'nia'₂ dsa₂ i₂le₃jě₃ tē₂dsí₅ tē₂le₃ quian'₅₄ Jme₂dsí₂ quián₅ Diú₄, tē₂le₃ quian'₅₄ jág₁ dsau₅ a₂ma₂'én'₂ 'nia'₂ ně₃. ¹⁴ Ta₁ jaun₂ ca₂tě₃ Diú₄ 'nia'₂ tē₂le₃ quian'₅₄ jág₁ dse₃ a₂ca₂jme₁tag₅ jnia'₅₄, ia₁jaun₂ dsi₁nó'₅ 'nia'₂ quen'₅₄ quiang'₅₄ a₂jlá'₁ a₂lín₅ Te₁gui'₅₄ Jesucristo quián₂ jniog₄.

¹⁵ Jaun₂ le₂ně₅, rin'₅₄ jniog₄, caun₂ 'éi₂ 'nia'₂ 'au'₂, chan'₂ tiá₂ jág₁, tsá₃ jui₁dsi₂'én₂ 'au'₂ 'nia'₂ jág₁ a₂qui₂ma₂cuě₁ jnia'₅₄, lia'₂ jág₁ quian'₅₄ si₂ cartas ně₃. ¹⁶ Jaun₂ 'ŋiog₅ Te₁gui'₅₄ Jesucristo quian'₅₄ Diú₄ Jmei₂ jniog₄, i₂ma₂jmo₃ 'ua₁ dsí₅ 'nio₃ jniog₄, cuě₂₃ lián'₂ co₂tan₅₄, cuě₂₃ a₂'ín₂ dsi₅ jniog₄ tág'₄ ně₃, ¹⁷ jui₁cuě'₄ bí₂ tē₂'au'₂ 'nia'₂ ia₁jaun₂ caun₂ bá₄ 'ag₃ 'au'₂ 'nia'₂, jē₁dsiá'₁ jág₁, jē₁jmó'₂ 'nia'₂ ca₂le₃jě₃ ne₅₄ a₂dse₃.

3

Chi₁len'₄ 'nia'₂ Diú₄ o₄quián₂ jnia'₅₄

¹ Jē₁ca₂tó'₂ rin'₅₄ jniog₄, chi₁len'₄ 'nia'₂ Diú₄ o₄quián₂ jnia'₅₄, ia₁jaun₂ ma₂ně₃ cón'₅ dsióg₄ jág₁ dse₃ quió'₅ Te₁gui'₅₄ ca₂le₃jě₃ juig₂. Jui₁gue₅₄ bá₄ dsa₂ 'ŋio₂ dsí₅ jui₁jme₂juē'₂ bá₄ dsa₂ jág₁ la₂ jui₁lia'₂ ca₂lě₃ quian'₅₄ 'nia'₂. ² Mi₄ 'nia'₂ o₄quián₂ jnia'₅₄ ján₃, ia₁jaun₂ lió₂ jnia'₅₄ o₄gú₃ dsa₂ 'lin'₅₄ i₂jmóg'₂ mi'₅₄, ia₁ tsá₃'én₂ ca₂le₃jín₃. ³ La₁ tí₅ bá₄ jág₁ quió'₅ Te₁gui'₅₄ quián'₂ 'nia'₂. Jmo₃ bá₄ 'ag₃ caun₂ 'au'₂ 'nia'₂ qui₂jmo₃ 'í₁, ia₁jaun₂ tsá₃ jmóg'₂ i₂sě₃dsen₃. ⁴ Caun₂ bá₄ 'ei₅ dsi₅ jnia'₅₄ tē₂le₃ quió'₅ Te₁qui'₅₄, a₂jmo₂ ton'₂ a₂jmó'₂ 'nia'₂ ně₃, ca₂le₃jě₃ 'e₂ a₂ma₂juá'₂ jnia'₅₄ jmó'₂ 'nia'₂. ⁵ Jui₁jniog₅₄ bá₄ Te₁gui'₅₄ tē₂'au'₂ 'nia'₂ ja₁'nio₃ Diú₄, ja₁jme₁juin'₂ 'nia'₂ 'au'₂ jui₁lia'₂ juin'₂ dsí₅ Cristo ně₃.

Ca₂tín₂ bá₄ dsa₂ jmo₃ ta₁

⁶ Rin'₅₄ jniog₄, cuě₂ jnia'₅₄ 'éi'₃ tē₂le₃ o₄quió'₄ Te₁gui'₅₄ Jesucristo, jmo₄ 'nia'₄ cau₅ jui₁'ein₂ guě₃ rin'₅₄ jniog₄ juín'₅ jmo₃ ta₁ on₃ guě'₂ jmo₂₃ con'₂ lě₅ a₂ca₂jme₁tín₅ jnia'₅₄ 'nia'₂. ⁷ Jaun₂ ŋi'₅₄ bá₄ 'nia'₂ 'a₂ lia'₂ 'nió'₅ tiáng'₄ a₂jmó'₂ con'₂ lě₅ 'a₂ lia'₂ chong₂ jnia'₅₄. Tsá₃ jua'₅₄ a₂tsá₃ ca₂jmó₁ jnia'₅₄ ta₁ tē₂lia'₂ ca₂tió'₄ quian'₅₄ 'nia'₂, ⁸ on₃ guě'₂ jua'₅₄ ca₂que₅₄ jnia'₅₄ a₂lě₁ca₂que₅₄ quió'₅ rin'₅₄, jua'₅₄ tsá₃ ca₂qui₅₄. Tē₂le₃ qui₂ca₂jmó₁ bá₄ jnia'₅₄ ta₁ 'ŋio₅ lin₃ lia'₂ 'uē₂-jmi₂ ia₁jaun₂

tsá₃ cán'₁ 'nia'₂ guei₂ o₄ quián₂ jnia'₅₄. ⁹ On₃ jua'₅₄ ia₁ a₂ tsá₃ ca₂ tág₂ jnia'₅₄; a₂ jnia'₅₄ lia'₂ ca₂ quián₁ jnia'₅₄ caun₂ juí₅ ne₄ 'nia'₂, ia₁ jaun₂ 'nia'₂ ně₃ cán'₁ juí₅ jaun₂ a₂ ca₂ quián₁ jnia'₅₄. ¹⁰ Ia₁ lia'₂ con'₂ jme₁ tio'₅₄ jnia'₅₄ quian'₅₄ 'nia'₂, ca₂ cué'₁ 'éi'₃ la₂: Jui₁ lia'₂ dsa₂ i₂ juín'₅ jmo₃ ta₁, tsá₃ jui₁ guě'₄. ¹¹ Ma₂ ne₄ jnia'₅₄ dsia₅ dsa₂ tság₅ jnia'₅₄, chan₂ 'nia'₂ i₂ lin₅₄ tián'₅ tsá₃ ta₁ 'nio₃ jmo₃, 'nio₅ bá₄ tsá₃ jii₅₄ qui₂ tián₂ ja₁ tsá₃ ca₂ tii₂. ¹² Jaun₂ dsa₂ 'éi₂ ně₃ chei₂ jnia'₅₄ le₃ quió'₅ Te₁ gui'₅₄ Jesucristo quián₂, jui₁ jmo₁₂ ta₁ quió'₅ ia₁ jaun₂ cha₂ a₂ qui₂ dsi₃ ní₂.

¹³ Rín'₅₄ jniog₄, tsá₃ jmo₂ 'nia'₂ a₂ ca₂ 'ong'₃ jmo₂ cosa dse₃. ¹⁴ Chi₂ jua'₂ chan₂ i₂ tsá₃ tón'₂ juí₅ a₂ jua'₂ jnia'₅₄ ne₄ si₂ la₂, jag₄ 'nia'₂ 'ein₂ 'éi₂ jaun₂ tsá₃ ma₃ jme₁ quiain'₅₄ 'nia'₂, ia₁ jaun₂ le₃ gui'₅₄. ¹⁵ La₁ tsá₃ jme₁ 'niai'₅₄ 'nia'₂, tē₂ le₃ cué'₅₄ tioin'₂ 'nia'₂ jág₁ dse₃ co₂ 'nió'₄ ríng'₂.

Jui₁ jme₂ gu'₅₄ bá₄ Diú₄: Jág₁ jē₁ ca₂ tó'₂ quió'₅ Pa₄

¹⁶ 'Nio₅ Te₁ gui'₅₄ i₂ jmo₅ 'ag₅ tei₄ dsí₅ dsa₂, jui₁ jmo₁₂ le₁ 'ág₄ tei₄ 'au'₂ 'nia'₂ quian'₅₄ ca₂ le₃ jě₃ a₂ jmo'₂ 'nia'₂. Jui₁ 'en₅₄ bá₄ Diú₄ quian'₅₄ ca₂ le₃ jín'₃ 'nia'₂.

¹⁷ Jniá₂ Pa₄ jmo₂₃ si₂ la₂ quian'₅₄ gu₃* cúng₅ Diú₄ 'nia'₂, co₂ 'nió'₄ léi₄ a₂ tó'₅ jniá₂ ne₄ ca₂ le₃ jě₃ si₂ a₂ jmo₂₃. Le₂ la₂ lě₅ letra quió'₃. ¹⁸ Jui₁ jme₂ gu'₅₄ Te₁ gui'₅₄ Jesucristo quián₂ jniog₄ ca₂ le₃ jín'₃ 'nia'₂.

Co₂ ně₅.

* **3:17** 'Nio'₂ ja₁ ton₅ 1 Corintios 16:21; Gálatas 6:11; Colosenses 4:18; Filemón 19.

Si₂ carta le₂'uig₅₄ a ca₂jmo₃ San Pablo ne₄ TIMOTEO

Jmo₅ Pa₄ si₂ a₂chein₃ ne₄ Timoteo

1 Jniá₂ Pa₄, líng₅ dsa₂ i₂chen₄ quián₅ Jesucristo, 'éi'₃ quió'₅ Diú₄ quián₂ jniog₄ i₂lió₂, quian'₅₄ Te₁gui'₅₄ Jesucristo i₂'in₂ dsi₅ jniog₄. 2 Jaun₂ jmo₂₃ si₂ la₂ tsíng₂ ne'₅₄ 'ne₂ Timoteo, 'ne₂ guë'₂ dsa₂ ma₂líng₅ co₂'nió'₄ jan₂ jón₃ quiáng₃ tē₃dsón'₂ ia₁ ca₂rē₃'éng'₂ jág₁ quió'₅ Diú₄. Jaun₂ 'nio₃ jui₁jme₂gu'₅₄ bá₄ Diú₄ 'ne₂. Jui₁jmo₅₄ bá₄ Diú₄ Jmei₂ jniog₄ quian'₅₄ Te₁gui'₅₄ Cristo Jesús quián₂ jniog₄ 'ua₁ nēi₂ dsi₅ ja₁cong'₂, a₂'ag₃ tei₄ 'au'₂ nē₃.

Toin'₂ dsa₂ jág₁ a₂tsá₃ tón'₃ jui₅ jág₁ a₂tsá₃ dsau₅

3 Jui₁lia'₂ ca₂juá'₃ jniá₂ né'₃ a₂nei₅₄ jui₅ 'uē₃ Macedonia, a₂jan'₅₄ jui₂ Efeso ia₁jaun₂ jui₂g'₅₄ dsa₂ i₂lin₅₄ a₂tsá₃ jme₃tag₂₃ juá'₅ a₂tsá₃ dsau₅, 4 on₃ guë'₂ tón'₃ jui₅ 'e₂ jág₁ a₂lē₁dsia₅ dsa₂, o₃ a₂'in₅ dsa₂ dsa₂ can'₅₄ i₂jme₁chan₂ ma₂líg'₂, jág₁ a₂tsá₃ líg'₂ jmi₂g₄ dsian₅. Jñia'₅₄ con'₂ dsio₂g₅ mi'₅₄ a₂tsin₅ dsa₂, 'nió'₄ a₂jme₁jme₃'o₅₄ a₂le₃tei₅₄ jniog₄ ta₁ quió'₅ Diú₄, a₂lē₂ tē₂le₃ quian'₅₄ a₂'én₂ dsa₂.

5 Jē₂ma₂le₁jē₃ tē₂dsi₅ jniog₄ guio₅₄, léi₄ bá₄ jniog₄ tē₂dsi₅ 'e₂ a₂dse₃ a₂ca₂tág₂ jniog₄ jmó₁, on₃juá'₅₄ a₂lē₁jmo₂ a₂'éin₂ nē₃, jaun₂ guë'₄ lé₂ le₃jiá₃ lé₂ tē₂dsi₅ jniog₄ a₂jme₁'nio₃ rin'₅₄ le₂jau₂ le₂jau₂. Ta₁ jaun₂ qui'₅ 'éi'₃ la₂. 6 Ia₁ i₂lin₅₄ dsa₂ ma₂i₂lén₂ tē₂le₃ cau₅ ma₂i₂coín'₅ jui₅ quian'₅₄ jág₁ a₂tsá₃ ta₁ tí₄. 7 'Nio₃ lén₂ tē₂juá'₅, la₁ jñia'₅₄ guioin₅₄ bá₄ tsá₃ jñi'₂ 'e₂ juá'₂ a₂jme₂tiin₂₃ dsa₂, ñag₅₄ rē'₂ 'ei₅ caun₂ dsi₅, nē₂jag₄ bá₄ a₂dsau₅ dsón'₂ a₂jme₂tag₂₃.

8 Ma₂ne₄ bá₄ jniog₄ a₂dse₃ bá₄ 'Éi'₃ nē₁juá'₂ ca₂jmó'₂ dsa₂ ta₁ con'₂ dsi₂ten₅₄. 9 Ma₂ne₄ jniog₄, 'i₁caun₂ 'éi'₃ tsá₃ ca₂quiog₂ Diú₄ quió'₅ dsa₂ dsen₃. O₄quió'₄ i₂jmo₅ 'lig'₅₄ bá₄ ca₂quiog₂ 'Éi'₃; o₄quió'₄ jui₁lia'₂ dsa₂ i₂tsá₃ nag₃, dsa₂ i₂'no₅ dso₄, dsa₂ i₂tsá₃ jme₂gan₃ Diú₄, i₂tsá₃ jme₂gó'₃ Juá'₅, dsa₂ i₂jme₂dsian₅ chog₅₄ jmei₂, quió'₅ ca₂le₃jín₃ dsa₂ i₂jme₂dsian₅ dsa₂ nē₃; 10 o₄quió'₄ jui₁lia'₂ dsa₂ i₂nió'₅ jág₁ a₂tsá₃ dsi₂ten₅₄ nió'₃, o₄quió'₄ jui₁lia'₂ dsa₂ ñe'₂ i₂nió'₅ jág₁ 'lig'₅₄ quian'₅₄ dsa₂ ñe'₂ rin'₅₄, o₄quió'₄ dsa₂ i₂'ang₅ 'in₅ dsa₂, o₄quió'₄ dsa₂ i₂jme₂gan₅ rin'₅₄, o₄quió'₄ dsa₂ i₂co₂jmo₅ jág₁ tē₂jág₁ 'in₂₃ Diú₄, o₄quió'₄ dsa₂ i₂jmo₅ jui₁'e₂ guë'₄ cosa a₂tsá₃ lē₅ con'₂ lē₅ juá'₅ dse₃. 11 Juá'₅ dse₃ la₂, co₂rē₂ bá₄ quín₅ quian'₅₄ jág₁ jlá'₁ a₂tín'₄ dsa₂, a₂ca₂dsia₃ Diú₄ Jñió₅ o₄gu₃ jniá₂.

Ia₁ 'ua₁ dsi₅ Diú₄ jaun₂ cuë₅ Pa₄ ti₁'mag'₄

12 Cuë₅ jniá₂ ti₁'mag'₄ Te₁gui'₅₄ Jesucristo quián₂ jniog₄, ia₁ qui₂ma₂cuë₃ bí₂ jmo₅ jniá₂ ta₁ la₂ quió'₅ a₂ma₂dsia₃ gu₃, ton'₂ ia₁ jág₂ bá₄ jniá₂ lia'₂ ja₁jñin₂ jan₂ dsa₂ i₂rē₂ti'₅₄. 13 Ca₂jmo₃ Cristo ca₂le₃jē₃ nē₅ ja₁con₂ jniá₂, o₁jñia'₅₄ jme₁dsia₅ jniá₂ 'lig'₅₄ jme₁'in₅ le₂jñiá₅, qui₂ca₂'éng₃ dsa₂ i₂jme₁quian'₅₄, qui₂ca₂jmai'₄ jniá₂ tsau₂ dsi₃ nē₃. La₁ ca₂dsia₃ Te₁gui'₅₄ nēi₂ dsi₅ ja₁con₂ jniá₂ ia₁ a₂tsá₃ jme₁guion₄ bá₄ jniá₂ 'e₂ jme₁jmo₂₃ lia'₂ con'₂ tsá₃ jme₁'éng₂. 14 Jaun₂ Te₁gui'₅₄ quián₂ jniog₄ 'ñio₅ lin₃ ca₂jmo₃ 'ua₁ dsi₅ ja₁cong₂, a₂ca₂rē₃'éng₂ le₃quió'₅ Cristo Jesús i₂'nio₃ guë'₄ lin₃.

15 Dsón'₂ dsau₅ bá₄ jág₁ la₂, jaun₂ ca₂le₃jín₃ 'nió'₅ le₃'én₂: Ta₁ jaun₂ guan₃ Cristo Jesús mi₂güig₃ la₂, a₂qui₃lióin₂ dsa₂ i₂le₁cán'₄ dso₄; jē₄ quió'₅ 'éi₂, jniá₂ líng₅ i₂le₂'uig₅₄ i₂rē₂cán'₄ guë'₄ dso₄. 16 La₁ Diú₄ ca₂dsia₃ nēi₂ dsi₅ jniá₂, ia₁jaun₂ lén₂ jniá₂ i₂jáng'₃ jág₁ dsau₅ 'a₂ lia'₂ dsia₅ Jesucristo nēi₂ dsi₅ lióin₂ dsa₂ i₂ñi₄ rin₂ dso₄.

Le₂jaun₂ bá₄ ma₂guio₃ jniá₂ quian₅₄ ne₄ jui₅ ia₁jaun₂ jág₃ ca₂le₃jín₃ dsa₂ i₂le₃'én₂ tē₂le₃ quió'₅ Jesucristo ia₁jaun₂ le₃chain₂ co₂tan₅₄. ¹⁷ Jaun₂ lē₃, le₃quió'₅ Rag₅₄ i₂chan₂ co₂tan₅₄, i₂tsá₃ líg'₂ jmíg₄ jón₂, on₃ guē'₂ jniái₂, i₂jan₂ tan₅₄ Diú₄ i₂ñí'₂ dsí₅: jui₁jme₂go₃ dsa₂, jui₁jme₂juag'₂ dsa₂ ca₂le₃jě₃ jmíg₄ ñi₂ a₂já₅. A₂méi₃.

¹⁸ Jaun₂ 'ne₂ Timoteo, jón₃ quiáng₃, 'éi'₃ la₂ dsia₅ jniá₂ gog'₂, lia'₂ con'₂ lē₅ jág₁ dse₃ a₂ca₂cuē₃ Jme₂dsí₂ Jñió₅ ca₂cuē'₃ dsa₂ rin'₅₄ jniog₄ i₂ca₂'ag₃ ca₂'iin₃ 'ne₂ le₂ñiá₅: jmo₄ dsen₅₄ 'au'₂ a₂náu'₁ tiá₂ a₂quíng'₄ ne₄ 'nei₂ a₂gu₂dsí₂, tē₂le₃ quian'₅₄ jág₁ a₂ca₂cuē₃ dsa₂ jaun₂: ¹⁹ a₂chan'₅₄ tiá₂ a₂'éng'₂, a₂tsá₃ 'e₂ 'lig'₅₄ qui₂dsí₂ñi₅ 'au'₂ nē₃. I₂lin₅₄ dsa₂, 'uig₅₄ ia₁ a₂ca₂dsia₃ cau₅ a₂nē₅ ca₂i₃'én₂ a₂'éin₂, nē₂jag₄ bá₄ caun₂ ni₁barco a₂ca₂lē₃ le₁juig₁ le₁dsog'₅₄ ne₄ jmi₁ñí'₄. ²⁰ Le₂nē₅ bá₄ ca₂i₃ñí'₂ Himeneo quian'₅₄ Alejandro i₂ma₂ca₂jín'₄ jniá₂ ja₁con₂ i₂sē₃dsen₃ ia₁jaun₂ le₃'en₅₄ dsí₅ a₂tsá₃ ma₃juá'₂ 'lig'₅₄ tē₃'oin'₂ Diú₄.

2

Cuē₂₃ jág₁ dsau₅ 'a₂ lia'₂ chi₃lén'₂ dsa₂ Diú₄

¹ Jē₁le₂'uig₅₄, chi₁quian₅₄ jniá₂ jmíg₄ a₂mí'₁ 'nia'₂ ne₄ Diú₄, a₂chi₁lein'₅₄ 'nia'₂, a₂cuē'₅₄ 'nia'₂ ti₁'mag'₄ nē₃, o₄quió'₄ ca₂le₃jín₃ dsa₂, ² o₄quió'₄ jui₁lia'₂ rag₅₄, o₄quió'₄ ca₂le₃jín₃ jui₁lia'₂ dsí₂tan₅₄, ia₁jaun₂ bá₄ lé₂ le₃'io₄ jniog₄ 'ei₅ tei₄ tsá₃ mi'₅₄ cha₂, ia₁jaun₂ chong₂ jniog₄ con'₂ dsí₂ten₅₄, le₁jě₃ jme₂dsí₂ quián₂ ne₄ ca₂le₃jě₃, le₃ne₄ Diú₄. ³ Ia₁ le₂nē₅ bá₄ dse₃, 'ñio₂ dsí₅ Diú₄ quián₂ jniog₄ i₂lió₂, ⁴ i₂'nio₃ lión₂ ca₂le₃jín₃ dsa₂, ton'₂ 'nio₃ a₂dsi₁lén₂ ja₁le₃ñí'₂ dsí₅ jág₁ tí₅. ⁵ Jan₂ bá₄ Diú₄ chan₂, ton'₂ jan₂ bá₄ dsa₂ chan₂ i₂ñág₅ jág₁, i₂chén'₅ jē₄ quió'₅ Diú₄ quian'₅₄ dsa₂ mi₂güig₃. Dsa₂ 'éi₂ lín₅ Cristo Jesús.* ⁶ 'Éi₂ nē₃ ca₂jín'₂ 'ñiog₅ ca₂quí₃ 'lia'₅₄ ia₁jaun₂ lión₂ ca₂le₃jín₃ dsa₂. Jág₁ dsau₅ nē₅ nē₃, ca₂rē₃ñi₅ dsa₂ jme₁ca₂tē₂ jmíg₄ a₂le₃ñi₅. ⁷ Ta₁ jaun₂ ca₂rē₃'ín₁ jniá₂ ia₁jaun₂ léng₂ jan₂ i₂'ě₂ jág₁, jan₂ i₂chen₄ quián₅ Jesús nē₃, jan₂ tē₅ i₂jme₂tin₅ dsí₂nau₂ jui₁lia'₂ 'a₂ lia'₂ lē₅ a₂'én₂ dsa₂, 'a₂ lia'₂ lē₅ jág₁ tí₅ nē₃. Jág₁ dsau₅ bá₄ a₂juá'₅,† tsá₃ tē₂jíng₁.

⁸ Jaun₂ 'nio₃ jniá₂ a₂chi₃lén'₂ dsa₂ Diú₄ ca₂le₂con₂, a₂qui₃chóg'₃ gu₂ qui₂le₁jě₃ tē₂dsí₅, on₃jua'₅₄ a₂'i₄ 'nei₂ dsí₅, on₃ guē'₂ a₂qui₂tsin₂₃ quian'₅₄ riin'₅₄. ⁹ 'Io₅₄ guē'₂ nē₃ 'nió'₅ qui'₃ tsin'₅₄ con'₂ dsí₂ten₅₄, dse₃ jniá₂, li'₅₄ quió'₅. Jui₁jmoi'₅₄ a₂rē₂lin₅₄, on₃jua'₅₄ quian'₅₄ a₂ñí₄ lē₃ jlá'₁ qui₂rē₂lag₄ dsí₅₄, on₃ guē'₂ quian'₅₄ cu₄nióg₄, on₃ guē'₂ quian'₅₄ míg₂ perlas a₂tó'₅ lag₅₄, on₃ guē'₂ quian'₅₄ tsin'₅₄ 'mu'₅₄ nē₃; ¹⁰ tē₂le₃ quian'₅₄ a₂dse₃ a₂qui₂jmo₂₃ bá₄ 'nió'₅ jmói'₂, jui₁lia'₂ ca₂tín₂ jmo₃ dsa₂ mí₂ i₂ma₂jín'₂ ja₁con₂ Diú₄. ¹¹ Dse₃ bá₄ tón'₃ 'io₅₄ tei₄, nag₃, gue₃ jág₁ quió'₅ Diú₄ a₂jme₂tag₅ dsa₂, a₂caun₂ nei'₅₄ jē₄ ca₂le₃jě₃. ¹² Tsá₃ cuē₅ jniá₂ jmíg₄ jua'₅₄ a₂jme₃tag₅ 'io₅₄, on₃ guē'₂ jua'₅₄ jmo₃ 'éi'₃ ja₁con₂ dsa₂ ñe'₂. Jñia'₅₄ lia'₂ 'nió'₅ jmo₃ tei₄ bá₄. ¹³ Ia₁ Adán bá₄ i₂le₂'uig₅₄ ca₂j mó'₂ Diú₄; cang₂ bá₄ ca₂j mói'₂ Eva. ¹⁴ Jaun₂ on₃jua'₅₄ Adán i₂ca₂rē₃gán₃; 'io₅₄ bá₄ i₂ca₂rē₃gán₃ jaun₂ ca₂táin'₂ dso₄. ¹⁵ La₁ ia₁, lión₂ bá₄ 'io₅₄ nē₁jua'₂ jme₂cain'₅₄ chi'₂-guein₂ quiáin₅, chi₂jua'₂ caun₂ 'éin₂ jág₁ quió'₅ Diú₄, caun₂ 'nioi₃ riin'₅₄, caun₂ chain₂ le₁jě₃ jme₂dsí₂ quió'₅, a₂li'₅₄ quió'₅ nē₃.

3

'A₂ lia'₂ ca₂tín₂ jmo₃ jui₁lia'₂ dsa₂ i₂cán₂ ne₄ jui₅ quián₅ guá'₅

¹ Dsón'₂ bá₄ dsau₅ jág₁ la₂: chi₂jua'₂ 'ein₂ 'nia'₂ 'nio₃ cán₂ ne₄ jui₅ jñia₃ rin'₅₄,* ta₁ dse₃ bá₄ jaun₂ 'ín₅ dsí₅. ² Jaun₂ lē₃ juá'₅ jniá₂, dsa₂ i₂chén'₅ ne₄ jui₅a tsá₃ 'nió'₅

* **2:5** o₃, "Jesucristo." † **2:7** A₂lin₅₄ chog₅₄ si₂ juá'₂ ján₃; "le₃quió'₅ Cristo." * **3:1** griego: epískopos.

jua' ₅₄ cha₂ ja₁ coin₂ a₂ lé₂ le₃ bó_g'₂ dsa₂ dso₄, jua' ₅₄ a₂ 'ag₃ 'lig'₅₄. Ján₃ guë'₂, jan₂ bá₄ 'io₅₄ quiáin₅ i₂ guá₅ quiain'₅₄; 'en₅₄ dsí₅ 'nió'₅ lén₂; li'₅₄ quió'₅, i₂ n_i'₅ con'₂ dse₃ jniá₂, qui₂ guein₃ dsa₂ dsi₂ néi₂ quió'₅, qui'₅₄ jmig₄ jme₃ t_iin₂₃ dsa₂. ³ Tsá₃ 'nió'₅ n_i'₃ 'ein₅, on₃ guë'₂ qui₂ 'no₃ m_i'₅₄, on₃ guë'₂ 'nió'₅ jmo₃ 'ín₅ dsí₅ jua' ₅₄ a₂ lë₁ 'nio₃ lí'₂ cu₄ quió'₅ dsa₂. Të₂ le₃ 'nió'₅ n_i'₃ caun₂ tei₄ jmo₃ 'ua₁ dsí₅ quian'₅₄ riin'₅₄, tsá₃ 'nió'₅ jmo₃ jua' ₅₄ a₂ n_i'₄ lë₃ 'ín₅ dsí₅ cu₄. ⁴ 'Nió'₅ n_i'₅ 'a₂ lia'₂ njiai₃ dsa₂ dsi₂ néi₂ quió'₅, 'a₂ lia'₂ co₂ jéin'₂ chí'₂ quiáin₅ ia₁ jaun₂ bá₄ jme₂ go₃ chí'₂ quiáin₅ ne₄ ca₂ le₃ jë₃. ⁵ Ia₁ në₁ jua'₂ tsá₃ n_i'₅ 'a₂ lia'₂ njiai₃ dsa₂ dsi₂ néi₂ quió'₅ në₃, ç'_{a2} bá₄ lia'₂ lé₂ le₃ jmo₃ 'í₁ guá'₅ quián₅ Diú₄? ⁶ Tsá₃ 'nió'₅ cán₂ ne₄ jui₅ quió'₅ guá'₅ jan₂ i₂ tē₂ ca₂ rē₃ 'én₂. Ia₁ con'₂ tsá₃ n_i'₅ në₁ jua'₂ 'n_i'₅ ca₂ jmo₃ rón₂, tiáin'₃ ju₁ lia'₂ ca₂ tán'₂ i₂ sē₃ dsen₃. ⁷ Ján₃ bá₄ 'nió'₅ 'ei₅ jág₁ dse₃ quió'₅ jin₄ dsa₂ i₂ tsá₃ 'én₂, ia₁ con'₂ tsá₃ n_i'₅ në₁ ca₂ tán'₂ jág₁ lia'₂ chain₂, a₂ tiáin'₂ tsi₁ cá_g'₅ quió'₅ i₂ sē₃ dsen₃ në₃.

'A₂ lia'₂ 'nió'₅ jmo₃ dsa₂ i₂ jme₂ 'o₅₄ quián₅ guá'₅

⁸ Le₂ nē₅ bá₄ ján₃, 'nió'₅ jmo₃ dsa₂ i₂ jme₂ 'o₅₄ a quián₅ guá'₅, 'nió'₅ lén₂ dsa₂ i₂ 'en₅₄ dsí₅ ján₃, i₂ quian₅ caun₂ jui₅ dse₃. Tsá₃ 'nió'₅ lén₂ dsa₂ i₂ lë₁ qui₂ co₅ jág₁ quió'₅, on₃ guë'₂ 'nió'₅ i₃ nioi₅₄ 'ein₅, tsá₃ 'nió'₅ jmo₃ 'ín₅ dsí₅ jua' ₅₄ a₂ lë₁ 'nio₃ lí'₂ cu₄ quió'₅ dsa₂. ⁹ 'Nió'₅ jmo₃ 'í₁ jág₁ dse₃ a₂ rē₂ 'ma₄ quió'₅ Diú₄ a₂ 'éin₂ jniog₄, a₂ le₁ jë₃ tē₂ dsí₅. ¹⁰ 'Nió'₅ con₂ de'₂ dsa₂ 'í₁ quió'₅ ca₂ le₃ jín₃ con'₂ dsa₂ i₂ lén₂ i₂ jme₃ 'o₅₄ në₁ jua'₂ 'a₂ lia'₂ lín₅. Në₁ jua'₂ tsá₃ 'e₂ riin₂, jaun₂ guë'₄ dsi₂ ten₅₄ lén₂ dsa₂ i₂ jme₂ 'o₅₄ a quián₅ guá'₅. ¹¹ Ju₁ lia'₂ dsa₂ m_i'₂ guë'₂ në₃, ján₃ bá₄ le₂ jaun₂ 'nió'₅ li'₅₄ quió'₅, tsá₃ 'nió'₅ a₂ lë₁ bó_g'₂ dso₄. 'Nió'₅ 'en₅₄ dsí₅ lén₂, rē₂ ti'₅₄ jë₄ ca₂ le₃ jë₃ në₃. ¹² I₂ jme₂ 'o₅₄ quián₅ guá'₅ a 'nió'₅ jmo₃ ján₃, jan₂ bá₄ 'io₅₄ quiáin₅ i₂ rē₂ jen'₂ gu₂ quiáin₅₄. Jaun₂ 'nió'₅ n_i'₅ 'a₂ lia'₂ co₂ jéin'₂ con'₂ dsi₂ ten₅₄ chí'₂ quiáin₅, quian'₅₄ dsa₂ dsi₂ néi₂ quió'₅ në₃. ¹³ Ia₁ ju₁ lia'₂ dsa₂ i₂ jme₂ 'o₅₄ † i₂ rē₂ ti'₅₄ dse₃ ta₁ quió'₅ a₂ lín₅, lí'₄ a₂ 'ag₃ dsa₂ dse₃ quió'₅, ton'₂ ján₃ guë'₂ caun₂ guë'₄ 'ag₃ dsí₅ a₂ dsia₃ 'a₂ lia'₂ 'éin₂ tē₂ le₃ quió'₅ Cristo Jesús.

Le₂ la₂ lë₅ jág₁ quió'₅ Diú₄ a₂ 'éin₂ jniog₄

¹⁴ 'In₂ dsí₃ jniá₂ nei₅₄ n_i'₅₄ ta₁ i₁ jing₁₂ 'ne₂. La₁ né₃ a₂ dsióg₄, jmo₂₃ si₂ la₂, ¹⁵ ia₁ jaun₂ në₁ jua'₂ ca₂ rē₃ 'ing₅₄, le₃ n_i'₅₄ bá₄ 'a₂ lia'₂ ca₂ t_in₂ i₃ nio₄ dsa₂ dsi₂ néi₂ quió'₅ Diú₄, i₂ lín₅ guá'₅ quián₅ Diú₄ jén'₃, co₂ 'nió'₄ 'uig₅₄ 'ia'₂, 'ma₂ dsí₅ në₃, quió'₅ jág₁ tí₅. ¹⁶ Dsón'₂ bá₄ juë'₂ juá'₅ a₂ 'éin₂ jniog₄, a₂ jme₁ rē₂ 'ma₄ le₂ jniá₅:
Ca₂ guan₃ Diú₄ chí₁ dsain₂;

ca₂ jme₃ jniog₅ Jme₂ dsí₂ a₂ lín₅ i₂ dsen₃;
ca₂ jág₂ ángeles;
ca₂ rē₃ 'é₂ jág₁, ca₂ 'ag₃ dsa₂ jin₄ dsi₂ nau₂;
ca₂ rē₃ 'én₂ dsa₂ m_i güig₃ jág₁ quió'₅;
ca₂ guéi'₂ táng₃ Jmei₂ guei'₅₄ i₂ juig₃ në₃.

4

Dsa₂ i₂ dsí₃ lén₂ cau₅, qui₃ t₂ jág₁ quió'₅ Diú₄

¹ Lia'₂ tí₅ jág₁ dsón'₂ bá₄ ma₂ ca₂ juá'₂ Jme₂ dsí₂ quián₅ Diú₄ 'a₂ lia'₂ lé₂ jmig₄ jë₁ ca₂ tó₂. I₂ lín₅₄ dsa₂ dsi₃ lén₂ cau₅, t₂ jág₁ a₂ 'éin₂ jniog₄, tón'₂ jui₅ jág₁ quió'₅ jme₂ dsí₂ i₂ ju₁ gan₂, jág₁ juá'₅ a₂ j₂ á₅ quió'₅ je₂ na'₅₄ në₃, ² a₂ jme₂ tag₅ dsa₂ i₂ njia'₅₄ qui₂ le₁ 'ág₄ dse₃ o₁ ne₁, i₂ co₂ jmo₅ jág₁ tē₂ jág₁, i₂ tsá₃ ma₃ 'e₂ qui₂ dsí₂ jni₅ dsí₅ ia₁ ma₂ lë₅ dsí₅ në₂ jag₄ bá₄ a₂ ma₂ cá₂ u₂ quian'₅₄ ni₁ n_i'₁ dséi₂. ³ Jme₃ tag₂₃ a₂ tsá₃ ma₃ jén'₂ dsa₂ gu₂; a₂ lín₅₄ má₃ guë'₂ në₃ tsá₃ ma₃ cuë₃ jmig₄ jua' ₅₄ a₂ guë'₃ guë'₄ dsa₂, o₁ njia'₅₄

† 3:13 griego: diákonous.

ca₂jmo₃ Diú₄ ca₂le₃jě₃ ne₅₄ cosa ia₁jaun₂ guě₃ dsa₂ i₂'én₂ i₂cuí₅ jág₁ dsau₅, a₂cuě₃ ti₁'mag₄ ně₃. ⁴ A₂dse₃ jě₂ bá₄ a₂ca₂jmo₃ Diú₄. Jaun₂ dse₃ bá₄ guéi₁ jniog₄ cuě₅₄ ti₁'mag₄ Diú₄, tsá₃ 'nió'₅ jua₅₄ a₂tsá₃ guéi₁. ⁵ Ia₁ ma₂ron₅ jág₁ quió'₅ Diú₄, juá'₂ a₂le₃jě₃ bá₄ jaun₂. Jme₂jnió₃ bá₄ Diú₄ jme₁cuě₅ dsa₂ ti₁'mag₄.

Dsa₂ i₂jme₂ti₃ dse₃ ne₄ Jesucristo

⁶ Chi₂jua'₂ jme₂tíng'₁ dsa₂ rin'₅₄ jniog₄ le₂ně₅, léng'₂ dsa₂ dsen₃ i₂jme₂ti₃ ta₁ ne₄ Jesucristo. Qui₂rě₂tang'₅₄, rě₂bei'₂ 'au'₂ quian'₅₄ jág₁ quió'₅ Diú₄ a₂'éng'₂, juá'₅ dse₃ a₂chan'₅₄ ně₃. ⁷ La₁ tsá₃ lě₁tón'₂ jui₅ jág₁ co₄ a₂lě₁dsia₅ dsa₂ mi₂güí₃, on₃ guě'₂ tón'₂ jui₅ cuentos a₂le₁dsia₅ guiong'₂ can'₅₄ ně₃. Caun₂ jme₁dsau₅ quiáng'₂ tē₂le₃ quió'₅ Diú₄. ⁸ Dsón'₂ a₂dse₃ bá₄ jaun₂ jme₂dsau₅ dsa₂ cho₅ dséi₂ ni₁ni₁₂ jui₁lia'₂ jme₁co₂₃. La₁ 'nio₅ lin₃ guě₄ dse₃ jme₃dsau₅ dsa₂ tē₂le₃ quió'₅ jme₂dsí₂ quió'₅ a₂'nioi₃ Diú₄. Ia₁ a₂ně₅ bá₄ cuě₃ a₂dse₃ quián₂ jniog₄ mi₂güí₃ caun₂, on₃jua'₅₄ jmá'₃ ne₄ gua'₅₄ 'uě₃ la₂. ⁹ Ca₂le₃jín₃ bá₄ 'nió'₅ le₃'én₂ jág₁ la₂, ia₁ tē₃dsón'₂ bá₄ dsau₅. ¹⁰ A₂jaun₂ bá₄ lě₃ dsen₅₄ dsí₅ jmo₂ jniog₄ ta₁, qui₂jnaú'₂ dsa₂ jág₁ uig₅, ia₁ ma₂ca₂'éi₁ jniog₄ caun₂ dsí₅ tē₂le₃ quió'₅ Diú₄ jén'₃ tē₃dsón'₂ i₂lín₅ i₂lió₂ quián₅ ca₂le₃jín₃ dsa₂, la₁ tē₂le₃ dsen₅₄ guě₄ quián₅ dsa₂ i₂'én₂.

¹¹ Jág₁ ně₅ ca₂tíng'₂ juig'₅₄ dsa₂, jme₁tin'₂ ně₃. ¹² Tsá₃ lě₁cuín₅ jmig₄ jua'₅₄ a₂tsá₃ jme₃go₃ dsa₂ ia₁ a₂meg'₂. Tē₂le₃ 'nio₅ lin₃ guě₄ ca₂tíng'₂ cán'₁ ne₄ jui₅ a₂jmó'₂ a₂dse₃ ia₁jaun₂ jág₃ ca₂le₃jín₃ dsa₂ i₂'én₂; ju₁lia'₂ 'a₂lia'₂ lě₅ jág₁ quiáng'₂, jme₁dsia'₂ jág₁, ju₁lia'₂ 'a₂lia'₂ chang'₂ ni'₂, ju₁lia'₂ 'a₂lia'₂ 'nió'₃ 'ne₂ dsa₂ ríng'₂, ju₁lia'₂ 'a₂lia'₂ 'éng'₂, ju₁lia'₂ 'a₂lia'₂ chang'₂ a₂le₁jě₃ tē₂'au'₂ ně₃. ¹³ Tē₂lia'₂ tsá₃ ma₂dsió₃ jniá₂, 'í₁ Si₂ quió'₅ Diú₄ jin₄ dsa₂; tioen'₂ jág₁ dse₃ jme₁tin'₅ ně₃. ¹⁴ Tsá₃ ju₁dsi₂'én₂ 'au'₂ a₂ma₂cuě₃ Diú₄ a₂ma₂tíng'₂ a₂ca₂ni₂g'₂ tē₂le₃ quian'₅₄ dsa₂ can'₅₄ rin'₅₄ jniog₄ i₂ca₂quiog₂ gu₂ ne₄ quiáng'₂.

¹⁵ Dsen₅₄ 'au'₂ jmo₄ jme₁dsau₅ quiáng'₂ ca₂le₃jě₃ a₂ně₅, ia₁jaun₂ le₃lí'₄ dsa₂ a₂ma₂dsi₂jniág'₄ a₂tíng'₂. ¹⁶ Jmo₄ 'í₁ 'niag'₂, ján₃ guě'₂ le₂jaun₂ quian'₅₄ juá'₅ a₂jme₂tíng'₁ dsa₂. Caun₂ jmo₄ bá₄ a₂ně₅. Nē₁jua'₂ ca₂jme₁ti'₄ ca₂le₃jě₃ a₂ně₅, long'₅₄ 'niag'₂, ján₃ guě'₂ long'₅₄ ca₂le₃jín₃ i₂nag₅ jág₁ quiáng'₂.

5

'A₂lia'₂ 'nió'₅ jmo₃ jin₄ dsa₂ 'én₂ rin'₅₄

¹ Tsá₃ lě₁tē₂jén₅ ju₁lia'₂ dsa₂ ma₂guen'₂. Tē₂le₃ 'nió'₅ tioen'₂ jág₁, jmo₄ bá₄ 'au'₂ co₂'nió'₄ nēi'₅. Ján₃ guě'₂ le₂jaun₂ dsa₂ ne'₂ chi'₂, jmo₄ 'au'₂ jin₅₄ lia'₂ ja₁jíng'₅₄ ríng'₂. ² Ján₃ guě'₂ le₂jaun₂ ju₁lia'₂ dsa₂ mí₂ ma₂guen'₂ ně₃, jme₁'nió₄ ju₁lia'₂ 'nióg'₃ chog'₂. Le₂jaun₂ guě'₂ ju₁lia'₂ 'io₅₄ chi'₂, jin₅₄ jme₁'nió₄ ju₁lia'₂ ja₁'nióg'₃ 'io₅₄ ríng'₂ ján₃, a₂le₁jě₃ 'au'₂ co₂nei'₅₄.

³ Ju₁lia'₂ 'io₅₄ 'nág₂ guě'₂ ně₃, jme₁'oin₅₄ nē₁jua'₂ léi₄ a₂'nió'₅ dsón'₂ quió'₅. ⁴ La₁ nē₁jua'₂ jan₂ dsa₂ mí₂ 'nág₂ chan₂ chi'₂ quián₅ o₃ chi'₂ dsio₅₄ 'e₂, i₂'éi₂ bá₄ le₂'uig₅₄ ca₂tín₂ jme₁tin₅ dsí₅ nió₃ ne₅₄ chog₅₄, a₂jéin'₅ dsí₅ jme₃'nioi₃ chog₅₄ ia₁ ma₂ca₂jme₃cau'₅₄. Ia₁ le₂ně₅ bá₄ dse₃, 'nio₂ dsí₅ Diú₄. ⁵ 'Io₅₄ 'nág₂ i₂tē₃dsón'₂ tsá₃ 'ein₂ chan₂ quián₅, caun₂ a₂jaun₂ bá₄ chain₂ 'ín₂ dsí₅ le₃quió'₅ Diú₄ bá₄, chi₂lén'₂ Diú₄ 'uě₂-jmi₂ mi₂₃ 'e₂ 'nió'₅ quió'₅. ⁶ La₁ nē₁jua'₂ 'io₅₄ 'nág₂ i₂lě₁ni₅ cuě'₅ o₂'nió₃ o₂jniá₃ dsí₅ 'niog₅ ně₃, co₂'nió'₄ 'lag₄ bá₄ 'éi₂ chan₂. ⁷ Jaun₂ ca₂le₃jě₃ a₂ně₅ chei'₅₄ dsa₂ jaun₂ tsá₃ 'e₂ cha₂ jua'₅₄ a₂cuín₃ jmig₄ 'ag₃ dsa₂ 'lig'₅₄. ⁸ Nē₁jua'₂ chan₂ i₂tsá₃ jui₅ tón'₂ 'e₂ ta₁ chain₂ quiain'₅₄ i₂chan₂ quián₅, la₁ 'nio₅ lin₃ guě₄ nē₁jua'₂ tsá₃ tóin'₂ jui₅ i₂chan₂ dsí₂néi₂ quió'₅ 'niog₅ ně₃, ma₂dsia₃ cau₅ a₂'éin₂; i₂le₂'éi₂ lín₅ tson₂ guě₄ lia'₂ dsa₂ i₂tsá₃ 'én₂.

9 'Nió'₅ tē₃ton₅₄ ne₄ si₂ jmá'₃ 'io₅₄ 'nág₂ i₂ma₂tion'₅₄ lě₅ guě₄ ma'₃nag'₂ ne₂guió₂₂ nj₂, i₂ma₂jñia₃ jan₂ bá₄ dsi₂i₂gu₂. 10 'Nió'₄ dsa₂ i₂ma₂cuin₅ dsa₂ dse₃, a₂dsón'₂ bá₄ dsein₃, dse₃ bá₄ ta₁ jē₁ma₂jǎ₅, jui₁lia'₂ chi₂jua'₂ ma₂ca₂jme₃cain'₅₄ chi'₂-guein₂ quiáin₅, chi₂jua'₂ ma₂qui₂ma₂cuē₃ bá₄ 'ñio₂ dsí₅ dsi₂néi₂ quió'₅ ma₂qui₂ma₂jñia₃ dsa₂, chi₂jua'₂ ma₂ca₂jme₃ti₃ bá₄ ta₁ 'ñio₂ dsí₅ ne₄ dsa₂ rin'₅₄ jniog₄ i₂'én₂, * tsá₃ jmo₂₃ dsí₅ jua'₅₄ quein₅ guě₄ con'₂ guě₄ riin'₅₄, chi₂jua'₂ ma₂ca₂jme₃oin'₅₄ bá₄ i₂chan₂ o₂i₁ dsi₅, chi₂jua'₂ ma₂jmo₃ ca₂le₃jě₃ ne₅₄ a₂dse₃ ně₃. 11 La₁ tsá₃ tē₃ton'₅₄ ne₄ si₂ 'io₅₄ 'nág₂ i₂tion'₅₄ me'₂ guě₄ nj₂, ia₁ jē₁ma₂ca₂lě₃ dsí₅ 'ñio₅ lin₃ guě₄ tón'₂ jui₅ a₂mi₅ dsí₅ con'₂ guě₄ a₂jme₃ti₃ ta₁ a₂tióin₂ ne₄ Cristo, gu₂ bá₄ tiá₂ 'nio₃ jéin'₃ táng₃. 12 Le₂ně₅ bá₄ rē₂cáin'₄ ia₁ tsá₃ ca₂rě₃ti'₅₄ jág₁ quió'₅ a₂ma₂cuē₃. 13 Ján₃ guě'₂ con'₂ tsá₃ ñó₅ ně₁jua'₂ ca₂rě₃tín₃ dsí₅ jñia'₅₄ i₂nioi₅₄ tē₂juin₂ tsi₁jñin₁₂. Ján₃ guě'₂ le₂jaun₂, on₃jua'₅₄ rē'₂ jñia'₅₄ tñin₂ i₂nioi₅₄ tsi₁jñin₁₂, dsi₂léin₂ le₂'₁ 'né₅ ton'₂ qui₂i₂quian₅₄ jág₁ a₂la₂ a₂ó₃, qui₂tiáin₂ ja₁tsá₃ ca₂tñin₂. 14 Jaun₂ lě₃ 'nio₃ jniá₂ co₂ñei'₅₄ jén'₂ táng₃ gu₂ jui₁lia'₂ 'io₅₄ 'nág₂ chi'₂, jui₁le₂chan₂ chi'₂-guein₂ quiáin₅, jui₁lein₅₄ bá₄ dsa₂ i₂niog₅ gu₂ dsi₂néi₂. Jaun₂ tsá₃ cuin₃ jmig₄ jmo₃ i₂sě₃dsen₃ lě₂ dsí₅ dsa₂ 'ag₃ 'lig'₅₄. 15 Ia₁ i₂lin₅₄ ma₂i₂léin₂ cau₅, 'ein₂₃ Satanás.

16 Chi₂jua'₂ chan₂ rin'₅₄ jniog₄ dsa₂ ñe'₂, o₃ dsa₂ mí₂ 'e₂, † chi₂jua'₂ chan₂ dsa₂ 'nág₂ quió'₅, ne₄ 'éi₂ nio₃ 'e₂ 'nió'₅ quió'₅ dsa₂ 'nág₂, ia₁jaun₂ tsá₃ ñí₄ lě₃ guei₂ cán₂ guá'₅, ia₁jaun₂ bá₄ cuin₃ jmig₄ lě₂ le₃jme₃'o₅₄ guá'₅ jmá'₃ quió'₅ 'io₅₄ 'nág₂ i₂'nió'₅ dsón'₂ quió'₅.

17 Dsa₂ can'₅₄ i₂jmo₅ 'éi'₃ dse₃ guá'₅, tñn₃ ráun₂ lě₅ guě₄ 'nió'₅ jme₃go₃ dsa₂, jág₂ dsa₂ dse₃. La₁ 'ñio₅ lin₃ guě₄ ca₂tñin₂ dsa₂ jñin₂ dse₃ jme₃'nioi₃ i₂jmo₅ ta₁ i₂cuē₅ jág₁ jme₂tag₂₃. 18 Ia₁ ne₄ Si₂ quió'₅ Diú₄ juá'₂: “Tsá₃ lě₁tó'₂ 'nei₅₄ mi₂'o₄ ca₁jui₅ i₂jmo₅ ta₁ qui₂tsó'₅ i₂'uig₂ míg₂ trigo.” ‡ Ján₃ guě'₂ le₂jaun₂ juá'₂ Si₂: “Ca₂tñin₂ bá₄ dsa₂ i₂jmo₅ ta₁ gue₃ 'liain'₅₄.” §

19 Tsá₃ lě₁tón'₂ jui₅ ně₁jua'₂ chan₂ 'ein₂ dsia₅ dso₄ 'ni₂₃ jan₂ gui'₅₄ can'₅₄ ně₁jua'₂ tsá₃ tión₂ on₃-ún₂ dsa₂ i₂jáng'₃ jág₁ dsau₅. * 20 La₁ jui₁lia'₂ dsa₂ i₂caun₂ 'no₅ dso₄, tē₂jéin₃ tē₃jē₄ ja₁le₁ñi'₂ 'nia'₂ ca₂le₃jín'₃, ia₁jaun₂ tē₃ ne₄ ca₂le₃jín₃ jaun₂ le₃gó'₃ ján₃. 21 O₄quió'₄ Diú₄, quian'₅₄ Te₁gui'₅₄ Jesucristo, quian'₅₄ ca₂le₃jín₃ ángeles i₂ma₂quióin'₂, cuē₅ jniá₂ 'éi'₃ la₂ ia₁jaun₂ jme₁ti'₄ 'ne₂: Tsá₃ jmó'₂ jua'₅₄ a₂jñing'₅₄ jma₃quén₅ ríng'₂ a₂jmó'₂ i₂lin₅₄ tē₁jéng'₄, i₂lin₅₄ guě'₂ tsá₃ tē₁jéng'₄. Co₂rē₂ bá₄ tē₁jéng'₄ con'₂ i₂ca₂tñin₂ dsi₃jen₅₄. 22 Tsá₃ caun₂ lě₁ín₅† de'₂ tē₂le₃ dséi₂ dsa₂ i₂jñiog₃ cán₂ ne₄ jui₅ guá'₅, con'₂ tsá₃ ñó₅ ně₁jua'₂ le₃jñiog₄ 'ne₂ ca₂rě₃cáng'₂ dsáu₁ i₂sián'₂. Jmo₄ 'í₁ a₂chang'₂ le₁jě₃ tē₂'au'₂.

23 Ia₁ a₂rē₂dsong'₅₄ i₂gú'₃ ton₅ dso₄ tog'₂, tsá₃ ma'₃nió'₅ 'ag'₅₄ jmá'₃ jmig₂; 'én'₂ ca₂la₂ vino ján₃.

24 Dso₄ a₂'no₅ dsa₂ i₂lin₅₄ a₂léi₄, jniá₂ dse₃ bá₄ né'₃ a₂dsi₁lein₃ ja₁jáng'₃ cuenta quió'₅. Quió'₅ i₂lin₅₄ guě'₂ tsá₃ léi₄ dsi₂jui₅. Cang₂ bá₄ rē₂léi₄. 25 Ján₃ guě'₂ le₂jaun₂, chi₂jua'₂ 'e₂ dse₃ jmo₅ dsa₂, rē₂léi₄, jniá₂ bá₄. O₁jñia'₅₄ tsá₃ qui₂rē₂jniá₂ dsi₂jui₅, tion₅₄ bá₄ rē₂jniá₂ jui₁la₂ 'ióg₃.

6

1 Dsa₂ i₂jme₂ti₃ ta₁ ne₄ juig₅₄ 'nió'₅ jme₃gain₃ juig₅₄ ia₁jaun₂ tsá₃ chi₂'ag₃ dsa₂ 'lig'₅₄ 'iin₃ Diú₄, on₃ guě'₂ 'ě₃ dsa₂ 'lig'₅₄ 'e₂ jme₂tñin₁ jniog₄ dsa₂. 2 Chi₂jua'₂ chan₂ juig₅₄ i₂'én₂ ně₃, tsá₃ jua'₅₄ jaun₂ 'nió'₅ jme₃go₃ dsa₂ me'₂ guě₄ ia₁ lín₅ dsa₂ 'én₂

* 5:10 lit. “chi₂jua'₂ ma₂qui₂ma₂rang₃ mi₂tag₄ dsa₂ jñiós.” † 5:16 A₂lin₅₄ chog₅₄ si₂: “Chi₂jua'₂ chan₂ dsa₂ mí₂ rin'₅₄ jniog₄.” ‡ 5:18 Deuteronomio 25:4. § 5:18 Lucas 10:7. * 5:19 'Nio'₅ ja₁ton₅ Números 35:30, Deuteronomio 17:6. † 5:22 lit. “Tsá₃ caun₂ dsiá'₁ gog'₂ de'₂ tē₂le₃ dséi₂.”

rɪɪn'⁵⁴. Co₂rē₂ bá₄ 'nió'⁵ jme₃gan₃ dsa₂ rɪɪn'⁵⁴ con'² rɪɪn'⁵⁴ i₂'én₂ tē₂le₃ quió'⁵ Cristo. Tē₂le₃ 'nió'⁵ jme₃ti₃ guē₄ dsa₂ dse₃ ta₁ ne₁₂, ia₁ a₂lín₅ dsa₂ 'én₂ rɪɪn'⁵⁴ i₂'nió'⁴. Le₂nē₅ jme₁tɪn₅ dsa₂, tɔin'² jág₁ nē₃.

Ag₅ dsa₂ dse₃ dsí₅ jmo₂₃ 'io'² quian'⁵⁴ juá'⁵

³ Chi₂jua'² chan₂ i₂jme₂tag₅ le₂siá'², ton'² tsá₃ dsá₅ dsí₅ jág₁ dse₃ quió'⁵ Te₁gui'⁵⁴ Jesucristo, on₃ guē₄ juá'⁵ quió'⁵ Diú₄ nē₃, ⁴a₂jñia'⁵⁴ con'² jme₂rón₂ 'ñiog₅ bá₄ dsa₂ 'éi₂, 'i₁ca₂juig₄ tsá₃ 'e₂ ñí'² dsí₅. Nē₂jag₄ bá₄ i₂dso'⁵⁴ bá₄ i₂le₂'éi₂, ia₁ a₂jñia'⁵⁴ 'nio₃ dsia₃ mɪ'⁵⁴ quian'⁵⁴ jág₁. 'Uig₅₄ jaun₂ ja₂ uig₅ dsí₅ dsa₂, qui₂tsin₅ dsa₂, qui₂jná'² dsa₂ jág₁ uig₅ rɪɪn'⁵⁴, tsá₃ 'e₂ dse₃ jín₂ dsa₂ rɪɪn'⁵⁴ nē₃. ⁵Lē₅ bá₄ caun₂ jñia'⁵⁴ niog₅ mɪ'⁵⁴ tsá₃ dsian₅ lē₅ jín₄ dsa₂ i₂tsá₃ dse₃ qui₂dsi₂jñiog₅ dsí₅. Tsá₃ ma₃'e₂ jág₁ dsau₅ cuí'⁵; lín₂ quian'⁵⁴ juá'⁵ a₂jme₂tag₂₃, a₂tē₃dsi₅₄ quió'⁵. [Co₂dsia₅ jñiag'³ cau₅, tsá₃ lē₁'ú₅ quian'⁵⁴ dsa₂ i₂le₂'éi₂.]* ⁶Dsau₅ bá₄ jaun₂ a₂quen₅ juá'⁵, la₁ia₁ a₂tē₁dsi₅₄ guē₄ lín₃ le₃quió'⁵ dsa₂ i₂le₁'ág₄ tei₄ dsí₅, i₂chan₂ ma₂dsá₅ dsí₅ 'e₂ cha₂ quió'⁵. ⁷Ia₁ 'i₁caun₂ tsá₃ 'e₂ le₁quian₁ jñiog₄ ca₂o₃ná₅ mi₂güig₃ la₂, on₃ guē'² cha₂ jua'⁵⁴ a₂lé₂ le₃quiong₅₄ 'i₁caun₂ táng₃. ⁸Ia₁ nē₁jua'² cha₂ bá₄ a₂que₅₄, cha₂ bá₄ tsin'⁵⁴ jñiog₄ nē₃, co₂jaun₂ bá₄ guē'² jñia'⁵⁴ 'nió'⁵ le₃'éi₁ jñiog₄ tei₄ dsí₅ jmó₁ 'io'². ⁹La₁ jui₁lia'² dsa₂ i₂'ín₅ dsí₅ le₃cha₂ cu₄ nē₃, tsi₂séin'² dso₄, tsi₂séin'² 'ñio'³ tsi₁cág'⁵ quió'⁵ i₂sē₃dsen₃, ne₄ ca₂le₃jē₃ a₂'ín₅ dsí₅ a₂tsá₃ ta₁ tí₄, a₂jmóg'² dain₅₄, a₂dsi₂'éin₂ nē₃. ¹⁰Ia₁ a₂ñí₄ lē₃ 'ín₅ dsí₅ dsa₂ le₃cha₂ cu₄, 'uig₅₄ jaun₂ lé₂ le₃jñiog₃ ca₂le₃jē₃ ne₅₄ jui₅ 'lig'⁵⁴. Chan₂ i₂lín₅₄ ia₁ a₂'ín₅ dsí₅ a₂jaun₂, ma₂i₂léin₂ cau₅ jui₅ a₂jme₁'éin₂; a₂'uín₅₄ guoin₅₄ ma₂chain₂ jmi₁uig₅ 'ñio₅ lín₃.

Dsa₂ i₂quín'⁵ bí₂ ia₁ 'éin₂

¹¹La₁ 'ne₂, dsa₂ quián₅ Diú₄, co₂dsia₅ cuin'⁵⁴ ca₂le₃jē₃ a₂nē₅. Co₂dsia₅ ñi₄ bá₄ quian₂ caun₂ jui₅ co₂dsau₅, jme₁dsau₅ quiáng'² tē₂le₃ quió'⁵ Diú₄, caun₂ 'én₂ bá₄, chan'² tiá₂ jág₁, caun₂ jme₁'nió₄ ríng'², jme₁juin'² 'au'², jmo₄ meg'² nē₃. ¹²Quen'² bí₂ dse₃ o₄quió'⁴ jág₁ a₂'éin₂ jñiog₄, jui₁lia'² jan₂ 'lióg₂ quín'⁵ bí₂ ne₄ 'nei₂. Tio'² gog'² ja₁le₃chan₂ co₂tan₅₄ jme₂dsi₂ quiáng'², ia₁ ta₁ jaun₂ ca₂tē₃ Diú₄. Ia₁ dse₃ bá₄ ma₂ñe'³ jmo₂ jín₄ dsa₂, a₂cuē'² léi₄ a₂'éng'². ¹³Nē₃ nē₃, jág₅ bá₄ Diú₄ i₂jmo₅ jén'³ ca₂le₃jín₃, jág₅ bá₄ Jesucristo nē₃ i₂ca₂jáng'³ dse₃ jág₁ dsau₅ ne₄ Poncio Pilato, juig₂ jniá₂ 'ne₂ ¹⁴a₂jme₁ti'⁴ 'éi'³ nē₅ tsá₃ qui₂rē₂'ióg₄ ia₁jaun₂ tsá₃ cuin₅ jmig₄ jua'⁵⁴ tē₃jí₂ dsa₂ ca₂lia'² ca₂tē₂ jmig₄ i₁guan'² Te₁gui'⁵⁴ Jesucristo quián₂. ¹⁵Jē₁ma₂ca₂tē₂ jmig₄ jaun₂, ia₁ jñia'⁵⁴ lia'² 'ñiog₅ bá₄ Te₁gui'⁵⁴ Diú₄ jmo₃. 'Ñiog₅ bá₄ lín₅ i₂jñio₅ i₂'uan'², i₂lín₅ Rag₅₄ quián₅ rag₅₄, Te₁gui'⁵⁴ quián₅ ca₂le₃jín₃ juig₅₄ can'⁵⁴ i₂chan₂ ne₄ gua'⁵⁴ 'uē₃ la₂. ¹⁶Jñia'⁵⁴ lia'² jan₂ 'éi₂ bá₄ i₂chan₂ i₂ca₂lia'² o₁líg'² jmig₄ tsá₃ jón₂, i₂chan₂ i₂guá₅ ja₁jniá₂ si₂ ja₁ca₂lia'² 'i₁jan₂ tsá₃ 'ein₂ qui'⁵⁴ jmig₄ jme₃quián₃, i₂tsá₃ 'ein₂ dsa₂ mi₂güig₃ ma₂jág₂, on₃ guē'² qui'⁵⁴ jmig₄ jág₂. ¡Ca₂tín₂ bá₄ Diú₄ ca₂le₃jē₃ bí₂! ¡Quió'⁵ 'éi₂ bá₄ jme₃juag'² dsa₂ co₂tan₅₄! ¡A₂méi₃! ¹⁷Jui₁lia'² i₂cha₂ cu₄ mi₂güig₃ la₂, chei'⁵⁴ tsá₃ lē₁jui₁jmo₁₂ róin₂, on₃ guē'² jui₁jmo₅₄ 'ín₂ dsí₅ le₃quió'⁵ cu₄, ia₁ a₂lē₁lé₂ dsí₃'én₂ bá₄ cu₄. Co₂dsia₅ guē₄ jmo₅ jui₁jmo₁₂ 'ín₂ dsí₅ tē₂le₃ quió'⁵ Diú₄ jén'³ i₂jén'⁵ ca₂le₃jē₃ lia'² qui₂rē₂tsón₂ ia₁jaun₂ jmó₁ 'io'² le₃chong₂. ¹⁸Chei'⁵⁴ jui₁jmo₁₂ a₂dse₃ 'ñio₅ lín₃, jui₁jmo₁₂ 'ñio₂ dsí₅ jui₁jme₂'oin₅₄ rɪɪn'⁵⁴ quian'⁵⁴ 'e₂ a₂cha₂ ca₂la₂ quió'⁵. ¹⁹Jaun₂ le₂nē₅ qui₂dsi₃tsón₃ 'uig₅₄ ja₁ná₃ tiá₂ tē₂le₃ ne₄ jui₅ ja₁ñó₄, tó'³ gu₂ ja₁le₃chain₂ dsón'².

Jág₁ a₂ca₂tsí'³ guē₄ Timoteo jē₁ca₂tó'²

* 6:5 A₂lín₅₄ chog₅₄ si₂ tsá₃ le₁ton₅ jág₁ nē₅.

20 'Ne₂ Timoteo, dse₃ jmo₄ 'í₁ a₂ma₂nio₅ ne'₅₄. Tsá₃ lë₁tón'₂ jui₅ já_{g1} a₂tsá₃ ta₁
 tí₄ a₂nio₅ dsia₅ dsa₂ mi₂güí₃ i₂tsá₃ 'én₂. Ní₂ dse₃, tsá₃ tón'₂ jui₅ já_{g1} quió'₅ dsa₂
 i₂ñí₄ lë₃ 'ñio₅ ñi₅ jmo₅, ia₁ on₃jua'₅₄ dsau₅ dsón'₂ tin₂ dsa₂ 'éi₂, ia₁ tsá₃ jme₂tag₂₃
 lia'₂ con'₂ lë₅ juá'₅ dse₃ dsón'₂. 21 Ia₁ i₂lin₅₄ dsa₂ i₂ca₂rë₃ 'én₂ já_{g1} quió'₅ dsa₂ le₂'éi₂
 ma₂i₂cóin'₅ bá₄ táng₃ jui₅ quió'₅ Diú₄ a₂jme₁'éin₂.
 Jui₁jme₂gu'₅₄ bá₄ Diú₄ quiáng'₂.
 Co₂në₅.

Si₂ carta jë₁ca₂të₂ tin₃ a₂ca₂jmo₃ San Pablo ne₄ TIMOTEO

Jmo₅ Pa₄ si₂ a₂chein₃ ne₄ Timoteo

¹ Jniá₂ Pa₄, líng₅ dsa₂ i₂chen₄ quián₅ Te₁gui₅₄ Jesucristo, cheng₅₄ con₂ nē₅ 'nio₃ Diú₄ bá₄, con₂ lē₅ jág₁ ca₂cuē₃ Diú₄ jniog₄ a₂le₃chong₂ të₂le₃ quian₅₄ Cristo Jesús.
² Jmo₅ jniá₂ si₂ la₂ ne₅₄ 'ne₂ jón₃ quiáng₃ Timoteo, 'nio₃ jniá₂ jui₁chang₂ bá₄ nē₂ dsí₅ Diú₄, jui₁jme₂gu₅₄ bá₄, jui₁chang₂ bá₄ 'ei₅ tei₄, jui₁jmo₅₄ Diú₄ Jmei₂ jniog₄ quian₅₄ Te₁gui₅₄ Jesucristo quián₂.

'A₂ lia₂ dsi₂ten₅₄ jáng₃ dsa₂ jág₁ dsau₅ të₂le₃ quió₅ Cristo

³ Dsau₂ dsi₃ co₂tan₅₄ bá₄ 'ne₂ jë₄ chi₂leng₅₄ Diú₄ lia₂ 'uë₂-jmi₂. Jaun₂ lë₃ cuë₅ jniá₂ ti₁'mag₄ jme₂tí₁ ta₁ ne₅₄ a₂ma₂le₁jë₃ a₂qui₂dsi₂jñi₅ të₂dsi₃ jui₁lia₂ ca₂jmo₃ dsa₂ can₅₄ quiáng₃ ma₂líg₂. ⁴ Ca₂le₃jë₃ jmi₃ bá₄ dsau₂ dsi₃ lia₂ con₂ ca₂'o₅₄ le₂jaun₂, jaun₂ jme₁'nio₃ i₁jing₁₂ táng₃ 'ne₂ ia₁jaun₂ jmo₅₄ 'io₂. ⁵ Dsau₂ bá₄ dsi₃, ia₁ 'éng₂ të₃dsón₂. Chí₁'io₄ Loida quian₅₄ chog₂ Eunice, ján₃ bá₄ le₂nē₅ ca₂rë₃ 'éin₂ le₂'uig₅₄. Jaun₂ të₃dsón₂ lín₂ jniá₂ ján₃ bá₄ le₂jaun₂ 'én₂ 'ne₂.

⁶ Jaun₂ lë₃ juá₅ jniá₂, cuë₅₄ bí₂ ca₂le₃jë₃ a₂ma₂cuë₃ Diú₄ të₂'au₂, a₂lë₅ lia₂ lë₅ si₂ të₂'au₂ a₂ca₂ñig₂ lia₂ con₂ jme₁ca₂co₃ jniá₂ gu₃ ne₄ quiáng₂. ⁷ Ia₁ on₃jua₅₄ jme₂dsí₂ i₂gó₅ ma₂cuin₃ Diú₄ jniog₄. Jme₂dsí₂ 'éi₂ bá₄ ma₂cuin₃ i₂jmo₃ a₂nio₃ tiá₂ dsi₅ jniog₄, i₂jmo₃ a₂jme₁'nió₄ jniog₄ rin₅₄, i₂jmo₃ a₂jme₂'uán₄ dsi₅ guio₅₄. ⁸ Tsá₃ lë₂jmo₂ gueng₅₄ ja₁jang₅₄ jág₁ dsau₅ o₄quió₄ Te₁gui₅₄ quián₂, on₃ guë₂ jmo₂ gueng₅₄ o₄quió₃ jniá₂ ia₁ 'eng₅₄ né₃ 'má₃ o₄quió₄ 'éi₂. Të₂le₃ guen₅₄ bá₄ ján₃ jë₂ jmi₁uig₅ a₂já₅ o₄quió₄ jág₁ dse₃, con₂ lë₅ bí₂ a₂cuë₅ Diú₄ ⁹ i₂ca₂lió₂ jniog₄ ton₂ ca₂të₃ ia₁jaun₂ le₃chong₂ jniog₄ jnió₅. On₃jua₅₄ ia₁ cha₂ 'e₂ dse₃ ma₂jmo₁ jniog₄, ia₁ le₂nē₅ ca₂lë₃ dsí₅ 'ñiog₅ ca₂jmo₃ 'ua₁ dsí₅ ca₂rë₃'nio₃ jniog₄ të₂le₃ 'uig₅₄ o₄quió₄ Cristo Jesús. Ia₁ le₂jaun₂ jme₁ma₂'nio₃ bá₄ Diú₄ jniog₄ ca₂le₂jñiá₅ lia₂ con₂ tsá₃ mi₂güig₃ ma₂jmo₃. ¹⁰ Diú₄ ma₂ca₂jme₃jnia₂₃ léi₄ ja₁con₂ dsa₂ mi₂güig₃, a₂'nio₃, jme₁ca₂chein₃ Jesucristo i₂lió₂ quián₂ jniog₄, co₂dsia₅ ca₂'éin₂ bí₂ a₂'io₅ 'mú₃; ton₂ ca₂jme₃jnia₂₃ të₂le₃ quian₅₄ jág₁ dse₃, 'a₂ lia₂ le₃chan₂ dsa₂ co₂tan₅₄.

¹¹ 'Uig₅₄ jaun₂ ca₂rë₃ 'ín₁ jniá₂, ia₁jaun₂ qui₂i'ë₃ jág₁ dse₃ la₂, a₂lëng₂ jan₂ të₅ i₂chen₄ quián₅. * ¹² 'Uig₅₄ jaun₂ bá₄ a₂ñag₅₄ ca₂le₃jë₃ ne₅₄ uig₅ la₂. La₁ tsá₃ o₂guí₃ jéin₅ jniá₂, ia₁ guion₅₄ bá₄ 'ein₂ të₂le₃ quió₅ ma₂ca₂'ag₃ caun₂ dsi₃, 'éng₂ bá₄ a₂'io₅ 'éi₂ bí₂ a₂jmo₃ 'í₁ a₂le₃tei₅₄ jniá₂ ta₁ a₂ma₂ca₂dsia₃ gu₃, † ca₂lia₂ ca₂të₂ jmi₃ jaun₂.

¹³ Caun₂ jmo₄ bá₄ jui₁lia₂ ma₂ca₂jme₁ting₂₃ 'ne₂. Jui₁chang₂ bá₄ 'éng₂, jme₁'nió₄ ríng₂ le₃quió₅ Cristo Jesús. ¹⁴ Quian₅₄ bí₂ quió₅ Jme₂dsí₂ quián₅ Diú₄ i₂jio₅ të₂dsi₅ jniog₄, jmo₄ 'í₁ a₂ma₂dsia₃ Diú₄ gog₂.

¹⁵ Ma₂ñi₅₄ bá₄, ca₂le₃jín₃ bá₄ dsa₂ chan₂ 'uë₃ Asia ma₂ca₂téi₂ bá₄ jniá₂, i₂lín₅₄ 'éi₂ Figelo quian₅₄ Hermógenes nē₃. ¹⁶ Jui₁dsia₅₄ bá₄ Te₁gui₅₄ nē₂ dsí₅ ca₂le₃jín₃ dsa₂ dsi₂nē₂ quió₅ Onesíforo, ia₁ 'líong₂ ráun₂ bá₄ maguain₂₃ o₃jag₅₄ ca₂jmo₃ ca₂rë₃güig₂ jme₂dsí₂ quió₃. On₃jua₅₄ a₂jaun₂ gui₅₄ ja₃jag₅₄ ia₁ a₂'eng₅₄ né₃ 'má₃. ¹⁷ Të₂le₃ ca₂o₃'niog₂ bá₄ jniá₂ jme₁guain₃ Roma. Ca₂lia₂ ca₂dsá₂ bá₄ ca₂jmo₃. ¹⁸ Jui₁dsia₅₄ bá₄ Te₁gui₅₄ nē₂ dsí₅ ja₁coin₂ jë₁ma₂të₂ jmi₃ jaun₂. Dsá₂ bá₄ 'au₂ 'ne₂, ca₂jme₃'o₅₄ 'ñio₅ lín₃ jniog₄ lia₂ con₂ jme₁tio₅₄ juig₂ Efeso.

* **1:11** A₂lín₅₄ chog₅₄ si₂juá₂ ján₃: "a₂jme₁tin₂₃ dsi₂nau₂." † **1:12** o₃, "a₂jmo₃ 'í₁ a₂ma₂ca₂dsia₃ jniá₂ gu₂ 'éi₂."

2

Jan₂ 'lióg₂ dsen₃ quián₅ Jesucristo

¹ La₁ 'ne₂ ně₃ jón₃ quiáng₃, quen'₂ bí₂ nau₂ tiá₂ ia₁ a₂'ua₁ dsí₅ Diú₄ ca₂jmo₃ të₂le₃ quian'₅₄ Cristo Jesús. ² Ca₂le₃jě₃ a₂ma₂nei'₂ ma₂juá'₃ jniá₂ të₃jín₄ juin₅ dsa₂ i₂ca₂tě₂ ne₄, jág₁ jaun₂ dsia₄ gu₂ dsa₂ i₂rě₂ti'₅₄ i₂qui'₅₄ jmig₄ jme₂tin₅ i₂sián'₂ táng₃. ³ 'Njag'₂ guě'₂ ně₃, tiang'₃ jmo₄ ηag'₅₄ uig₅ o₄quió'₄ Jesucristo, jmo₄ bá₄ ju₁lia'₂ ja₁jmo₅ jan₂ 'lióg₂ tió'₃ dsí₅ ju₁lia'₂ jme₁'ein₅₄ ne₄ 'nei₂. ⁴ I₁jan₂ 'lióg₂ i₂jme₂ti₃ dse₃ ta₁ a₂chéin'₅ jua'₅₄ lé₂ le₃qui₂tián₂ tsi₃nei₃ jág₁ a₂ca₂tín₂ dsa₂ lě₁dsa₂, ia₁ jaun₂ bá₄ lé₂ jme₂ti₃ con'₂ 'ñio₂ dsí₅ juig₅₄. ⁵ Ján₃ bá₄ le₂jaun₂ ju₁lia'₂ dsa₂ i₂co₅, tsá₃ a₁jaun₂ jua'₅₄ a₂lí'₂ 'e₂ lí'₂ ně₃ jua'₂ tsá₃ ca₂quín'₃ bí₂ co₃ con'₂ dsi₂ten₅₄ qui'₅ 'éi'₃. ⁶ Ján₃ bá₄ le₂jaun₂ ju₁lia'₂ dsa₂ i₂jmo₅ ta₁ ja₁nau₂, ca₂tín₂ bá₄ gue₃ le₂'uig₅₄ con'₂ ca₂tín₂ jě₁ma₂rau₂. ⁷ 'Nio'₂ 'au'₂ a₂juá'₅ jniá₂ la₂. Te₁gui'₅₄ bá₄ jmo₃ le₃ñig'₂ ca₂le₃jě₃.

⁸ Dsau'₂ 'au'₂ jmo₄, tsá₃ ju₁dsi₂'én₂ 'au'₂ Te₁gui'₅₄ Jesucristo i₂ca₂jen'₅₄ táng₃ jín₄ 'lag₄, i₂jme₁lín₄ tsi₁jon₂ David; a₂la₂ bá₄ jág₁ dse₃ a₂lión₂ dsa₂, a₂'ě₅ jniá₂. ⁹ 'Uig₅₄ jág₁ dse₃ la₂ bá₄, jmo₅ jniá₂ tió'₅ dsí₃ ηag₅₄ uig₅. Rě₂'ñeg'₅₄ quian'₅₄ ñ₁ cadena co₂jmóg'₂ dsa₂ ju₁lia'₂ ja₁jmá'₂ dsa₂ jan₂ dsa₂ i₂rě₂cán'₄ dso₄ juě'₂. La₁ jág₁ dse₃ quió'₅ Diú₄ ně₃, tsá₃ rě₂'ñe'₅₄ quian'₅₄ ñ₁ cadena. ¹⁰ Jaun₂ bá₄ lě₃, o₄quió'₄ dsa₂ i₂ma₂quión'₂ Diú₄ jmo₂₃ tió'₅ dsí₃ ca₂le₃jě₃, ia₁ jaun₂ bá₄ tín'₄ 'éi₂ ján₃ le₃quió'₅ Cristo Jesús ja₁lě₄ co₂tág₅ co₂'né'₅ co₂tan₅₄.

¹¹ Tě₃dsón'₂ bá₄ dsau₅ a₂la₂:
Ně₁jua'₂ ca₂dsau₃ jniog₄ quian'₅₄ Jesucristo,
ján₃ bá₄ le₂jaun₂ le₃chong₂ jniog₄ quian'₅₄.

¹² Ně₁jua'₂ ca₂ná₂ jniog₄ tiá₂,*
ján₃ bá₄ le₂jaun₂ jme₁gon₂ jniog₄ quian'₅₄.
Ně₁jua'₂ tsá₃ tión₅ jniog₄ a₂cu₁in₅,
ján₃ bá₄ le₂jaun₂ tsá₃ 'ag₃ jniog₄ ján₃.

¹³ Ně₁jua'₂ tsá₃ ca₂rě₃tei₅₄ jniog₄,
la₁ le₃ti'₅₄ bá₄ 'ñiog₅,
ia₁ caun₂ jág₁ ma₂juá'₂ Diú₄
tsá₃ a₁jaun₂ lé₂ jua'₅₄ tsá₃ jme₃ti₃.

Ju₁lia'₂ dsa₂ i₂jme₂ti₃ dse₃ ta₁ ne₄ Diú₄

¹⁴ A₂la₂ chei'₅₄ dsa₂ i₂jme₂tíng'₁: dsá₂ dsí₅ ju₁jmo₁₂ o₄quió'₄ Te₁gui'₅₄ a₂tsá₃ tsiin₃ quian'₅₄ dsa₂, jág₁ a₂tsá₃ ta₁ tí₄, ia₁ ně₁jua'₂ tsin₅ dsa₂ ně₃, tsá₃ 'e₂ a₂dse₃ jmo₂₃, jnia'₅₄ con'₂ jmo₂₃ a₂gon₃ a₂'én₂ dsa₂ i₂nag₅ bá₄. ¹⁵ Jmo₄ dsen₅₄ 'au'₂ a₂jme₁jniag'₅ ne₄ Diú₄ a₂léi₄ ma₂ca₂tiang'₃ táu₂ a₂ma₂i₂ñig'₂, a₂lín'₅ jan₂ dsa₂ i₂jmo₅ ta₁, i₂tsá₃ 'e₂ jua'₅₄ cha₂ a₂jeín'₂ o₂guí'₃, i₂jme₂tag₅ rě₂ jág₁ tí₅. ¹⁶ Tsá₃ lě₁cuín₅ jmig₄ jua'₅₄ a₂dsiá'₁ jág₁ quió'₅ mi₂güig₃ a₂tsá₃ ta₁ tí₄. Ia₁ dsa₂ i₂co₂jmo₅ le₂jaun₂ caun₂ qui₂dsi₃lén₂ ne₄ ju₁i₅ jě₄ cosa 'lig'₅₄. ¹⁷ Cosa a₂jme₂tag₂₃ qui₂dsi₂jón₃ lia'₂ jě₁qui₂dsi₂jón₃ caun₂ dso₄ a₂jmo₅ a₂dsa₂ ni₁ñi₁ dsa₂. Le₂ně₅ bá₄ ca₂lě₃ quian'₅₄ Himeneo quian'₅₄ Fileto ně₃. ¹⁸ Ma₂i₃lén₂ të₂le₃ cau₅ ja₁tsá₃ tí₅ jág₁, a₂qui₂jme₂tiin₂₃ dsa₂ a₂juá'₂ ma₂ca₂tě₂ bá₄ jmig₄ a₂jen'₅₄ 'lag₄, jmo₂₃ a₂qui₂nió₅ i₂lín₅₄ 'a₂ lia'₂ 'éin₂. ¹⁹ La₁ Diú₄ ma₂chi'₃ caun₂ cho'₅₄ 'uig₅₄ a₂chí'₅ tiá₂ co₂tan₅₄. A₂jaun₂ jáng'₅ léi₄ a₂juá'₂: “I₂cuín₅ bá₄ Te₁gui'₅₄ i₂lín₅ dsa₂ quián₅”;† jaun₂ ně₃: “Ca₂le₃jín₃ i₂quian₅ lia'₂ chen₂ Cristo‡ ca₂tín₂ jmo₃ cau₅ ca₂le₃jě₃ ja₁jmo₅ dsa₂ cosa 'lig'₅₄.”

²⁰ Ju₁lia'₂ caun₂ dsi₂néi₂ pa₁, on₃jua'₅₄ jmá'₃ ca₂ne₅₄ cosa jlá'₁ a₂lě₅ quian'₅₄ cu₄nióg₄ quian'₅₄ cu₄tiog₂ tio'₅₄, ia₁ ján₃ bá₄ tio'₅₄ cosa a₂lě₅ quian'₅₄ ni₁'ma₂, a₂lě₅

* 2:12 o₃, “Ně₁jua'₂ ηag₄ jniog₄ uig₅.” † 2:19 Números 16:5. ‡ 2:19 o₃, “Ca₂le₃jín₃ i₂mi₅ ne₄ Te₁gui'₅₄.”

quian'⁵⁴ ti₁gua'⁵⁴ ján₃. A₂lin₅₄ a₂lě₅ 'í₁ a₂jmó'² dsa₂ ta₁ jmá'³ lia'² ne₄ a₂jlá'¹; a₂lin₅₄ guë'² qui₂jmó'² dsa₂ ta₁ lia'² 'ei₅ ne₅₄ cosa. § 21 Nē₁jua'² ca₂jñiá'³ 'ne₂ ca₂le₃jě₃ ne₅₄ jui₅ 'lig'⁵⁴, a₂jmó'² jmá'³ ca₂ne₅₄ cosa dse₃, jaun₂ guë'⁴ léng'² lia'² lě₅ caun₂ ni₁uing₅ jlá'¹ a₂lě₅ 'í₁, jaun₂ guë'⁴ téng'³ ta₁ cáun₂ Juig'² 'ne₂ jmó'² ca₂ne₅₄ ta₁ dse₃ quió'⁵.

22 Cuin'⁵⁴ 'ne₂ ca₂le₃jě₃ ne₅₄ cosa 'lig'⁵⁴ a₂ja₂ dsí₅ dsa₂ jmo₃ tē₁lia'² mei'². Quian₂ caun₂ jui₅ co₂dsau₅ a₂'éng'², a₂'nióg'³ ríng'², a₂'ei₅ tei₄ 'au'² quian'⁵⁴ ca₂le₃jín₃ dsa₂ i₂ma₂le₁jě₃ tē₂dsí₅, i₂jme₂juin'² Te₁gui'⁵⁴. 23 Tsá₃ lē₁tón'² jui₅ 'e₂ jág₁ tsá₃ ta₁ tí₄ a₂tsi₂jín₅ dsa₂ i₂tsá₃ ma₂'en₅₄ dsí₅. Ia₁ ma₂ñi'⁵⁴, a₂jñia'⁵⁴ dsio₅ mi'⁵⁴ bá₄ a₂jaun₂. 24 Jan₂ dsa₂ i₂jme₂ti₃ ta₁ ne₄ Te₁gui'⁵⁴ tsá₃ ca₂tñin₂ tsi₃nei₃ jē₄ mi'⁵⁴, tē₂le₃ 'nió'⁵ jme₃dsein₃ bá₄ quian'⁵⁴ ca₂le₃jín₃. 'Nió'⁵ léin₂ jan₂ dsa₂ i₂qui'⁵⁴ jmig₄ jme₃tñin₂₃ dsa₂, juin'² dsí₅, 25 jmo₃ 'ua₁ dsí₅ jē₁chein'³ jui₅ rē₂ jui₁lia'² dsa₂ i₂nau₂ quen₅, con'² tsá₃ ñó₅ nē₁jua'² ca₂cuë₃ Diú₄ jmig₄ a₂le₃tsín₃ dsí₅ dsa₂ 'éi₂, ia₁ jaun₂ le₂nē₅ le₃cuí'⁵ jág₁ tí₅; 26 ia₁ jaun₂ lióin₂ 'uín₃ tsi₁cág'⁵ quió'⁵ i₂sē₃dsen₃ i₂ca₂jo₃ ia₁ jaun₂ jmo₃ a₂'ñio₂ dsí₅ 'éi₂.

3

A₂ lia'² niog₅ lén₂ dsa₂ jmig₄ jē₁ca₂tó'²

1 'Nió'⁵ le₃ñi'⁵⁴ 'ne₂ ján₃, jē₁ma₂ja₂quián₃ jmig₄ jē₁ca₂tó'², 'ñio₅ lin₃ le₃gau₂, quian₅ ta₁ lé₂. 2 Jm₄ig₄ jē₁ca₂tó'² le₃chan₂ dsa₂ i₂jñia'⁵⁴ 'nioi₃ guioin₅₄ bá₄ quian'⁵⁴ cú₁; le₃chan₂ dsa₂ i₂jñia'⁵⁴ jme₃jlán'¹ jmo₃ róin₂ guioin₅₄; le₃chan₂ dsa₂ i₂lē₁tē₂'o'² tē₂'oin'² rin'⁵⁴; le₃chan₂ dsa₂ i₂tsá₃ ma₃jme₃gan₃ Diú₄, i₂tsá₃ ma₃jme₃gan₃ chog₅₄-jmei₂ nē₃. Le₃chan₂ dsa₂ i₂tsá₃ 'e₂ ti₁'mag'⁴ cha₂ ja₁coin₂, on₃ guë'² ma₃jme₃gó'³ juá'⁵ quió'⁵ Diú₄. 3 Le₃chan₂ dsa₂ i₂tsá₃ 'nio₃ rin'⁵⁴, i₂tsá₃ ma₃'e₂ ñēi₂ dsí₅ dsa₂ mi₂güig₃ rin'⁵⁴; le₃chan₂ dsa₂ i₂tsá₃ ma₃jme₃ti₃ 'e₂ jág₁ lí'⁵⁴ quian'⁵⁴ rin'⁵⁴; le₃chan₂ dsa₂ tē₂jág₁ i₂lē₁qui'^{ni₃} rin'⁵⁴; le₃chan₂ dsa₂ i₂tsá₃ ñi₅, tsá₃ tiin₂ 'a₂ lia'² jme₃'uán₂ dsí₅; le₃chan₂ dsa₂ i₂lén₂ jui₁lia'² já'² tsau₂ dsí₅; le₃chan₂ dsa₂ i₂le₃'io'⁵⁴ ca₂le₃jě₃ cosa dse₃. 4 Le₃chan₂ dsa₂ i₂qui₃jín'² rin'⁵⁴; le₃chan₂ dsa₂ i₂tsá₃ 'en₅₄ dsí₅ jmo₃ tē₂le₃ dséi₂ nē₁'e₂ caun₂ cosa jmo₃ jui₁le₅₄ bá₄ 'e₂ ca₂lě₃; 'ñio₅ cain'⁵⁴ 'ñio₅ ñi₅ jmo₃; le₃chan₂ dsa₂ i₂'no'² jmá'³ jui₅ ja₁le₃chain₂ o₂'ñio₃ o₂jñia₃ dsí₅ bá₄ 'nió'⁴ jme₁'niai'² Diú₄. 5 Le₃chan₂ dsa₂ i₂jmo₃ a₂ñi₄ lē₃ cuin₂₃ Diú₄, la₁ le₃léi₄ bá₄ 'a₂ lia'² tē₁i₃ñioi₅₄ le₃chain₂, tsá₃ 'e₂ bí₂ quió'⁵ Diú₄ cha₂ ja₁coin₂.

Co₂dsia₅ jñiag'³ cau₅, tsá₃ lē₁'ú₅ quian'⁵⁴ dsa₂ i₂le₂'éi₂. 6 Jē₄ quió'⁵ dsa₂ le₂'éi₂, chan₂ i₂lin₅₄ i₂qui₂dsi₂ton'⁵⁴ tsi₁'né₅, qui₂jme₂gain₂₃ 'io₅₄ 'uan₅₄ i₂qui₂rē₂cán'⁴ dsáu₁ 'ñio₅ lin₃, i₂ma₂lě₅ dsí₅ jmo₃ ca₂le₃jě₃ guë'⁴ cosa 'lig'⁵⁴. 7 Co₂tan₅₄ bá₄ jmo₂₃ lia'² jmo₅ dsa₂ i₂ñi₄ lē₃ 'nio₃ le₃ti₂ jág₁, la₁ tsá₃ a₁jaun₂ qui'⁵⁴ jmig₄ le₃cuí'⁵ jág₁ tí₅ dsón'². 8 Jui₁lia'² ca₂jmo₃ on₃ dsa₂ 'lin'⁵⁴ i₂jme₁chen₂ Janes quian'⁵⁴ Jambres ca₂rē₃'ñiai₅₄ Moisés, ján₃ bá₄ le₂jaun₂ 'io'⁵⁴ dsa₂ 'éi₂ jág₁ dsau₅ dsón'². Dsa₂ i₂le₂'éi₂ nē₃ co₂dsia₅ ma₂ñi'² tē₂le₃ jen₅ bá₄ dsí₅, 'uig₅₄ jaun₂ tsá₃ ma₂'e₂ tió'⁵ a₂le₃ñi'² dse₃ dsí₅ jui₁lia'² ja₁ñi'² dsí₅ dsa₂ i₂'én₂. 9 La₁ tsá₃ jua'⁵⁴ ja₁uíng₂ dsi₁léin₂, ia₁ ca₂le₃jín₃ bá₄ dsa₂ le₃cuig₅ a₂lín₅ dsa₂ co₄, jui₁lia'² ca₂i₃ñi₂ le₃on₃ i₂ca₂jme₃'ñia₅₄ Moisés.

Jág₁ jē₁ca₂tó'² a₂ca₂cuë₃ guë'⁴ Pa₄ ca₂tsí'³ Timoteo

10 La₁ 'ne₂ nē₃ ma₂ca₂rē₃tíng'³ bá₄ dse₃ jē₂ lia'² lě₅ juá'⁵ a₂ca₂jme₁tag₅ jniá₂; ma₂ñi'⁵⁴ 'a₂ lia'² líng₅, chang₂ ma₂guio₃; ma₂cuíng'² bá₄ 'e₂ ta₁ ma₂guio₃ jniá₂ jmo₂₃; 'éng'² bá₄ ján₃ 'a₂ lia'² 'én₂ jniá₂; jme₂juíng'¹ bá₄ 'au'² jui₁lia'² ma₂ca₂jme₁juin'² jniá₂ dsí₃; jme₂'nióg'³ bá₄ ríng'² jui₁lia'² ma₂jmo₃ jniá₂; tiang'³ bá₄ ján₃ jui₁lia'² ca₂tió₃ jniá₂. 11 Ma₂qui₂ma₂'ein₃ dsa₂, ma₂qui₂ma₂ñag₅₄ uig₅,

§ 2:20 'Nio'² ja₁ton₅ Romanos 9:21.

ju₁lia'₂ ca₂i₃ñig'₂ juig'₂ ciudad Antioquía, juig'₂ Iconio quian'₅₄ juig'₂ Listra ně₃. Qui₂ca₂co₃'ein₃ dsa₂, la₁ ne₄ ca₂le₃jě₃ a₂ně₅, ca₂lió₂ bá₄ Te₁gui'₅₄. ¹² Jaun₂ a₂dsón'₂ bá₄ jaun₂, ca₂le₃jín₃ i₂'nio₃ le₃chan₂ lě₅ 'í₁ quián₅ Cristo Jesús, tion₅₄ le₂jaun₂ ds₃i₃ñi₂ uig₅ co₂'ein₃ dsa₂. ¹³ La₁ dsa₂ 'lin'₅₄ ně₃ quia₂in'₅₄ ca₂le₃jín₃ dsa₂ i₂qui₂jme₂gau₅, tsá₃ ma₂'e₂ dse₃ jua'₅₄ le₃chain₂, ia₁ caun₂ le₃'lin'₅₄ bá₄, qui₂jme₃gau₂₃, qui₂rě₂gain₂ guioin₅₄ ně₃.

¹⁴ La₁ 'ne₂ ně₃, nau₂ tiá₂ a₂ma₂ca₂rě₃tíng'₃, caun₂ bá₄ 'ei₅ 'au'₂ jág₁ a₂ma₂ca₂rě₃'éng'₂. 'Niag'₂ bá₄ ñi'₅₄ 'ein₂ ca₂jme₃tag₅. ¹⁵ Lia'₂ con'₂ bing'₅₄ bá₄ ma₂ñe'₃ cuing'₂ Si₂ jnió₅ quió'₅ Diú₄. Si₂ ně₅ bá₄ a₂jio₃ quiáng'₂, a₂tíng'₄ tē₂le₃ quian'₅₄ Cristo Jesús ia₁ 'éng'₂. ¹⁶ Ca₂le₃jě₃ bá₄ Si₂ quió'₅ Diú₄ ca₂lě₃ tē₂le₃ quian'₅₄ Jme₂dsí₂ quia₂in₅, a₂tí₅ ta₁ jme₃tag₅ a₂dse₃, tē₂jí₂, chein'₂ dsa₂ caun₂ juí₅ rě₂, jme₃tag₅ 'a₂ lia'₂ i₂nio₄ dsa₂ juí₅ co₂dsau₅, ¹⁷ ia₁jaun₂ lén₂ dsa₂ quia₂n₅ Diú₄ jan₂ dsa₂ ma₂ron₂, rě₂ rě₂qui₂rě₂'an₂ dsí₅, rě₂'ñia₅ ca₂le₃jě₃ a₂'nió'₅ quió'₅ jaun₂ jmo₃ ca₂le₃jě₃ ne₅₄ a₂dse₃.

4

¹ Jág₅ bá₄ Diú₄ quian'₅₄ Te₁gui'₅₄ Jesucristo ně₃ i₂lě₅ jág₁ jnió'₂ ja₃goin₂, i₂qui₃dsí₅ 'éi'₃ ne₄ quió'₅ i₂chan₂ lia'₂ i₂ma₂dsan₃ ně₃. Jaun₂ lě₃ chi₂quian₅₄ jniá₂ jmig₄ 'ne₂: ² Ě₃ jág₁ dse₃. Ma₂rě₂jáng'₁ 'nio'₂ juí₅ 'a₂ lia'₂ jme₂tíng'₂ dsa₂ jme₁cuin₅ jmig₄ o₃ tsá₃ cuin₅ jmig₄ 'e₂. Jmó'₂ jme₁'uang'₅₄ dsí₅ dsa₂, tē₂jén₃ dsa₂, tioen'₂ jág₁ dse₃, o₁líg'₂ jmig₄ jua'₅₄ a₂jmó'₂ a₂tsá₃ jme₁juin'₂ 'au'₂ quia₂in'₅₄ jē₂jme₂tín'₂. ³ Ia₁ já₅ jmig₄ a₂tsá₃ ma₃jmo₃ dsa₂ tió'₅ dsí₅ quian'₅₄ juá'₅ dse₃. Tē₂le₃ lia'₂ con'₂ lě₅ dsí₅ guioin₅₄ qui₃'nai'₂ juin₅ lin₃ tē₅ i₂jme₃tag₅ jmá'₃ a₂'ín₅ dsí₅ guioin₅₄ nag₃ bá₄. ⁴ Cau₅ bá₄ jén'₃ táng₃ juí₁lia'₂ ja₁jme₂tag₅ dsa₂ jág₁ tí₅ dsón'₂. Cang₂ jaun₂ ně₃, tóin'₃ juí₅ dsí₃lén₂ nag₃ ca₂lia'₂ 'ei₅ ne₄ jág₁ cuento ga₂ a₂'én₂ dsa₂. ⁵ La₁ 'ne₂ ně₃, 'en₅₄ 'au'₂ jmo₄, tiang'₃ jmo₄ ñag'₅₄ uig₅. Caun₂ qui₂'ě₃ bá₄ jág₁ dse₃ a₂lión₂ dsa₂. Jme₁ti₁ dse₃ ta₁ quiáng'₂.

⁶ Jniá₂ ně₃, ca₂tě₂ jmig₄ jē₁o₃'ing₅ mi₂güig₃ la₂, ia₁ ně₃ guě₄ jñag'₃ dsa₂ juí₁lia'₂ ja₁jñi'₂ dsa₂ já'₂ i₂jén'₂ dsa₂ ne₄ Diú₄. ⁷ Ma₂ca₂quín'₃ jniá₂ bí₂, ma₂jmo₃ a₂dse₃ juí₁lia'₂ ja₁jmo₅ jan₂ 'lióg₂ ne₄ 'nei₂; ma₂ca₂ñi₃ jniá₂ lia'₂ con'₂ lě₅ juí₅ quió'₅ Te₁gui'₅₄, ca₂dsióg₃ jniá₂ tē₂ jē₁ca₂tó'₂ juí₅; ma₂ca₂jmá'₃ tiá₂ a₂'éng₂. ⁸ Ně₃ guě₄ ně₃ ma₂lě₅ co₂jñia₅₄ ja₁le₃chang₃ dse₃, co₂'nió'₄ caun₂ corona a₂cuě₃ Te₁gui'₅₄ jmig₄ jaun₂. Ia₁ Te₁gui'₅₄ 'éi₂ bá₄ i₂qui₃dsí₅ 'éi'₃ co₂rě₂ jmig₄ jaun₂, on₃jua'₅₄ a₂cuě₃ jmá'₃ jan₂ jniá₂ corona; a₂cuě'₃ ca₂le₃jín₃ i₂le₁jñiog₅ 'ñio₂ dsí₅ ca₂lia'₂ ca₂tě₂ jmig₄ jaun₂ a₂guain'₂ táng₃.

Cuě'₅ jág₁ rñin'₅₄ con'₂ ca₂tín₂ guioin₅₄

⁹ Jmo₄ dsen₅₄ 'au'₂ a₂i₁jag'₄ jniá₂ ñi'₅₄ ta₁ la₂. ¹⁰ Ia₁ i₂chen₂ Demas ma₂téi₂ bá₄ 'uig₅₄ ia₁ 'ñio₅ lin₃ guě₄ 'ín₅ dsí₅ cosa a₂cha₂ mi₂güig₃ la₂, jaun₂ ma₂ñó₅ juí₅ juig₂ Tesalónica. I₂chen₂ Crescente guě'₂ ně₃, ma₂ñó₅ juí₅ 'uě₃ Galacia; Tito guě'₂ ně₃ ma₂ñó₅ juí₅ Dalmacia. ¹¹ Jñia'₅₄ lia'₂ jan₂ Lucas bá₄ i₂quian'₅₄ guě₄ jniá₂ ja₁lá₃. 'Nia'₂ Marcos ia₁jaun₂ jain'₅₄ ñe'₅₄ quia₂in'₅₄, ia₁ téin₅ ta₁ jme₃ti₃. ¹² Tíquico guě'₂ ně₃ ca₂tsín₂ juí₅ juig₂ Efeso. ¹³ Jē₁ma₂tě₂ rē₁ñe'₅₄, quian₂ co₂nio₄ tsi₁'mí'₂ dsio₂ quió₃ a₂ca₂dsia₃ juig₂ Troas ja₁quió'₄ Carpo. Ján₃ bá₄ le₂jaun₂ quian₂ si₂ rē₂bñin₅ quió₃. La₁ 'ñio₅ guě₄ dsen₅₄ 'nió'₅ ni₁lo₁ já'₂ a₂lě₅ tsi₁mi₂si₂.

¹⁴ Alejandro i₂lín₅ tē₅ñí₁ 'ñio₅ lin₃ tsá₃ 'e₂ dse₃ ma₂jmóg'₂. Te₁gui'₅₄ bá₄ qui₃ quió'₅ lia'₂ con'₂ lě₅ a₂ma₂jmo₃. ¹⁵ 'Í₁ jmo₄ 'ne₂ ján₃ ia₁jaun₂ tsá₃ jo₅₄, ia₁ 'ñio₅ lin₃ ma₂nau₂ quein₅ a₂'io'₅₄ jág₁ dse₃ quia₂n₂.

16 Le₂'uig₅₄ con'₂ jme₁ca₂chei'₃ dsa₂ ne₄ dsi₂tan₅₄ jë₁ca₂caun₃ dsa₂ le₂'uig₅₄ jág₁ dsau₅ quió₃, 'i₁jan₂ tsá₃ 'ein₂ ca₂jme₃quiong'₅₄, ca₂téi₂ ca₂le₃jín₃. Tsá₃ juí₁quion₂ bá₄ Diú₄ 'í₁ quió'₅ ia₁ ca₂jmóg'₂ le₂jaun₂. 17 La₁ 'ñiog₅ bá₄ Te₁gui'₅₄ ca₂jme₃quiong'₅₄ ca₂cuë₃ bí₂ ia₁jaun₂ të₂le₃ quian'₅₄ jniá₂ ca₂rë₃tí₃ ca₂jme₁ting₂₃ dsi₂nau₂, ca₂lia'₂ rë₂'ñia₅ jág₁ dse₃. Jaun₂ le₂në₅ bá₄ ca₂lió₂ Te₁gui'₅₄ jniá₂ mi₂'o₄ dsi₂'ia'₂. 18 La₁ Te₁gui'₅₄ bá₄ caun₂ lió₂ guë₄ ia₁jaun₂ tsá₃ dsi₃ñíg₂ ca₂le₃jë₃ cosa 'lig'₅₄, jaun₂ jniá₂ i₂lë₅ 'í₁ quiáin₅, të₂ guei'₅₄ i₂juíg₃ ja₁goin₂. ¡Juí₁jme₂juag'₂ bá₄ dsa₂ co₂tan₅₄! ¡A₂méi₃!

'Ág'₅ jág₁ jë₁ca₂tó'_{2,3} cuag₂₃ Diú₄ në₃

19 Dsian'₄ jniá₂ jág₁ cúing₅ Diú₄ Priscila* quian'₅₄ Aquila në₃, quian'₅₄ ca₂le₃jín₃ dsa₂ dsi₂néi₂ quió'₅ Onesíforo në₃. 20 Juíg₂ Corinto bá₄ ca₂ñia₃ Erasto. I₂chen₂ Trófimo guë'₂ ca₂të₁'ñiá₄ dso'₅₄ jme₁o₃'íng₃ juíg₂ Mileto. 21 Quen'₂ bí₂ñe'₅₄ ñi'₅₄ ta₁ né'₃ a₂të₅₄ jein₂ güíg₂. Eubulo quian'₅₄ Pudente, Lino quian'₅₄ Claudia në₃ quian'₅₄ ca₂le₃jín₃ rin'₅₄ jniog₄ dsiáin'₂ jág₁ ne'₅₄ a₂cuin₂₃ Diú₄ 'ne₂.

22 Juí₁'en₅₄ bá₄ Te₁gui'₅₄ Jesucristo ja₁con₂ jme₂dsí₂ quiáng'₂; juí₁jme₂gu'₅₄ bá₄ Diú₄ 'nia'₂.
Co₂në₅.

* 4:19 griego: Prisca.

Si carta a ca jmo San Pablo ne TITO

Jmo Pa si a chein ne Tito

¹ Jniá Pa, líng dsa i jme ti ta ne Diú, líng jan dsa i chen quián Jesucristo ia jaun le 'én ca le jín i ma quión' Diú, ia jaun le cuí' jág tí a jiog jui dse, ² ia jaun jmo 'ín dsí ja le chain co tan. Diú, i tsá le chain tē jín, ca cuē jág quió', a ca i jiog dsí lia' con' né' guē a nio mi güig, a le chong jniog co tan. ³ Nē guē nē, ca tē jmi a le ne jniog jág dse tē le quian' jág a 'ē jniá a ma dsia Diú quián i lió o gu, lia' con' lē 'éi' quió'. ⁴ Jmo jniá si la dsiang' ne' 'ne Tito i líng' co' nió' jan jón quiáng tē dsón', ia 'éin jniog le o. Jui jme gu' Diú 'ne, jui 'ei tei 'au', jmo Diú Jmei jniog, jmo Tei gui' Jesucristo i ma ca lió jniog nē.

Ta quió' Tito a jmo 'uē Creta

⁵ Ca dsian jniá 'ne 'uē Creta ia jaun jme rē' 'ne a' nió' lē guē dse, a dsiang' dsa can' * i nio ne jmo 'í le caun le caun guá' lia' con' lē jág a ma juá' jniá, ⁶ jui lia' i chan i tsá cha jua' lē le bóg' dsa dso, i 'nio jan bá dsa mí, i 'nio chi' quián i 'én, i tsá 'e qui rē' ni jua' a lē qui i nio i, jua' nau 'nei nē. ⁷ Dsa i niog gu guá', † ca tīn ni le ne Diú tsá 'e jág cha jua' lē le bóg' dsa dso, on jua' i tsá jág cán, on guē' i caun lē rē' ne, on guē' 'nió' lē nē jan dsa 'en, on guē' dsa i tīn dsí 'no mi' on guē' dsa i lē 'nio lí' cu quió' dsa nē. ⁸ Tē le 'nió' qui guein dsa i dsi lē nē quió'. 'Nió' lē nē jan dsa i tē dsí jmá' a dse, li' quió', i quian caun jui rē, i jnió, i con dsí nē. ⁹ 'Nió' lē nē jan dsa i chan' tiá jág tí dsón' lia' con' lē ca rē tīn, ia jaun bá lē le cuē' lián' dsí dsa sián' jmá' lia' con' lē juá' dse, lē le jme 'uáin dsí dsa i juá' 'lig' 'ē jág dse.

¹⁰ Ia jui bá dsa i tsá ne' i dsia jág a tsá ta tí, i jui gan nē, tē le lē guē jē quió' dsa judíos. ‡ ¹¹ Dsa i le 'éi' en jne dsa mi' o, ia ta jma caun cho' dsa dsi néi ma le gáin ma le ág caun tīn dsí a jme ma 'éin, ia i 'éi i nio jme tag a tsá ca tīn a jniá 'nio lí' cu bá. ¹² Dsón' bá dsau jui lia' ca juá' jan dsa go guoin ma lig' jme ca juá': "Dsa chan Creta 'nio lin tē jín, lín jui lia' lín já' tsau dsí, jui nē, j lē nē." ¹³ Jaun tí bá jág ca juá' 'éi. Jaun lē juá' jniá tē jéin 'ne 'nio lin, ia jaun náu táng tsán' tiá jág dse, ¹⁴ ia jaun tsá ma tón' jui jág a lē 'no' dsa judíos dsí guoin, on guē' 'nió' tón' jui 'e 'éi' cuē dsa i tsá ji' jág tí. ¹⁵ Tē le quió' dsa i le jē tē dsí, ca le jē bá cosa ma le jē. La tē le quió' i dsi jiog 'lig' dsí, i tsá 'én nē, 'i caun tsá 'e le jē. Ia ma le 'ióg a dsi jiog dsí, le jiog a qui dsi jni dsí nē. ¹⁶ Juá' bá a cuin Diú, la tē le quian' a jmo guē' nē, jáng' léi a tsá dsau. 'Lig' lin bá jmo ne Diú, 'io' jág dse, 'i caun a dse tsá ta tēin jmo.

2

Jui lia' juá' tí dsón'

* 1:5 griego: presbíteros. † 1:7 griego: episkopos. ‡ 1:10 lit. "jē, quió' dsa, i rē uing, lo."

¹ La₁ 'ne₂ ně₃, chei'₅₄ dsa₂ lia'₂ con'₂ lě₅ juá'₅ dse₃. ² Jui₁ lia'₂ dsa₂ can'₅₄, jui₁ jmo₁₂ 'en₅₄ dsí₅, tsá₃ caun₂ lě₁ lín₅, jui₁ jmo₁₂ li'₅₄ quió'₅, jui₁ le₂ 'éin₂ bá₄ juá'₅ dse₃, jui₁ jme₂ 'nioi₃ rín'₅₄, jui₁ jmo₁₂ bá₄ juin'₂ dsí₅. ³ Ján₃ guë'₂ le₂ jaun₂ tē₂ le₃ quió'₅ dsa₂ mí₂ ma₂ can'₅₄, jui₁ i₂ nioi₅₄ jnió₅, tsá₃ jui₁ 'in₁₂ rín'₅₄ jua'₅₄ a₂ lě₁ bóg'₂ dso₄, on₃ guë'₂ 'nió'₅ jme₂ tīn₂₃ dsí₅ 'in'₂ ti₁ jmíg₃, tē₂ le₃ ca₂ tīn₂ 'ē₃ caun₂ jui₅ dse₃, ⁴ ia₁ jaun₂ lé₂ le₃ jme₃ tīn₂₃ jui₁ lia'₂ 'io₅₄ chí'₂ 'a₂ lia'₂ jme₃ 'nioi₃ dsi₂ i₂ gu₂, a₂ jme₃ 'nioi₃ chí'₂ - guein₂ quiáin₅ ně₃, ⁵ 'a₂ lia'₂ jmo₃ 'en₅₄ dsí₅, 'a₂ lia'₂ jmo₃ léi₄ a₂ ma₂ le₁ jě₃ tē₂ dsí₅, 'a₂ lia'₂ jmo₃ 'í₁ dse₃ dsi₂ néi₂ quió'₅, 'a₂ lia'₂ jmo₃ 'ua₁ dsí₅, 'a₂ lia'₂ tóin'₃ 'éi'₃ quió'₅ dsi₂ i₂ gu₂ ně₃, ia₁ jaun₂ bá₄ tsá₃ 'ein₂ juá'₂ 'lig'₅₄ 'ē₃ jág₁ quió'₅ Diú₄.

⁶ Ján₃ guë'₂ le₂ jaun₂ chei'₅₄ dsa₂ ŋe'₂ chí'₂ ca₂ tīn₂ jmo₃ 'en₅₄ dsí₅. ⁷ Jñiá₅ de'₂ 'ne₂ ca₂ tīng'₂ 'ē'₅₄ jui₅ dse₃ 'a₂ lia'₂ ca₂ tīn₂ jmo₃: A₂ jme₁ tīn₅ on₃ jua'₅₄ a₂ cha₂ 'e₂ 'ín₂ 'au'₂, on₃ jua'₅₄ a₂ caun₂ lě₁ líng'₄, ⁸ chei'₅₄ jmá'₃ lia'₂ quian'₅₄ jág₁ rē₂ a₂ tsá₃ 'ein₂ lé₂ le₃ 'ē₃ 'lig'₅₄, ia₁ jaun₂ le₃ gui'₅₄ jui₁ lia'₂ dsa₂ i₂ nau₂ quen₅, ia₁ tsá₃ 'e₂ cha₂ a₂ 'ag₃ 'lig'₅₄ jniog₄.

⁹ Jui₁ lia'₂ dsa₂ i₂ jme₂ ti₃ ne₄ juig₅₄, tioin'₂ jág₁ dse₃ jui₁ jme₂ ti₃ ca₂ le₃ jě₃ 'e₂ ta₁ te₂ néi'₂ dsa₂ juig₅₄, jui₁ jmo₁₂ bá₄ jě₂ a₂ tē₅ dsí₅ juig₅₄, tsá₃ 'nió'₅ a₂ caun₂ lě₁ qui₂ ŋag₃ ne₄ 'éi₂. ¹⁰ Tsá₃ 'nió'₅ qui₃ jñiá'₂ 'e₂ cha₂ quió'₅ juig₅₄. Ca₂ le₃ jě₃ bá₄ 'nió'₅ jmo₃ tí₅ jág₁ quió'₅ ia₁ jaun₂ bá₄ rē₂ jniá₂ qui₂ rē₂ lag₄ juá'₅ quió'₅ Diú₄ quián₂ jniog₄ i₂ lió₂.

¹¹ Ia₁ ma₂ ca₂ jme₃ jnia₅ Diú₄ a₂ 'ua₁ dsí₅, a₂ lióin₂ bá₄ ca₂ le₃ jín₃ dsa₂ mi₂ güig₃, ¹² jme₂ tag₂₃ a₂ tí₄ jniog₄ ca₂ le₃ jě₃ a₂ 'lig'₅₄, ca₂ le₃ jě₃ a₂ 'ín₅ dsí₅ dsa₂ mi₂ güig₃ la₂; a₂ le₃ chong₂ jniog₄ mi₂ güig₃ la₂ 'en₅₄ dsí₅, quián₁ caun₂ jui₅ co₂ dsau₅, qui₂ rē₂ jín₅₄ jniog₄ ja₁ con₂ Diú₄ ně₃. ¹³ Jme₂ tag₂₃ ján₃, a₂ 'io₁ jniog₄ chí₂ jñiá₁ a₂ 'ín₂ dsi₅ a₂ le₃ ti₃ jág₁ jlá'₁ jaun₂, a₂ le₃ jniá₂ a₂ co₂ tág₅ co₂ 'né'₅ quió'₅ Diú₄ 'uan'₂, Cristo Jesús* i₂ lió₂ jniog₄. ¹⁴ 'Éi₂ ně₃, ca₂ jín'₂ 'ñiog₅ o₄ quián₂ jniog₄, ca₂ qui₃ ca₂ lió₂ jě₄ ca₂ le₃ jě₃ a₂ 'lig'₅₄, ca₂ chéi₂ jniog₄ ia₁ jaun₂ léi₂ jniog₄ dsa₂ juig₂ quiáin₅ 'ñiog₅, a₂ dsen₅₄ dsí₅ jmó₁ jmá'₃ a₂ dse₃.

¹⁵ Jág₁ ně₅ bá₄ dsia₄ tiá₂ 'au'₂ jmo₄ 'éi'₃ chei'₅₄ dsa₂ qui₁ cuë'₅₄ bí₂, a₂ tē₂ jéin'₄ ně₃. Tsá₃ lě₁ cuë₂ jmíg₄ jua'₅₄ a₂ tsá₃ jme₃ go₃ dsa₂.

3

Jui₁ lia'₂ a₂ ca₂ tīn₂ dsa₂ i₂ 'én₂ jmo₃.

¹ Chei'₅₄ 'ne₂ jui₁ dsioig'₂ bá₄ dsí₅ jui₁ tioin'₅₄ 'éi'₃ quió'₅ dsi₂ tan₅₄ dsa₂ can'₅₄, jui₁ nei₅₄ gau₂ jág₁ quió'₅, jui₁ chain₂ co₂ jñiá₅₄ a₂ jmo₃ ca₂ le₃ jě₃ ne₅₄ ta₁ dse₃. ² Tsá₃ jui₁ 'in₁₂ 'lig'₅₄ 'i₁ jan₂ dsa₂, tsá₃ 'ein₂ 'en₄ jmá'₂ mi'₅₄ ně₃. Jui₁ lein₅₄ bá₄ dsa₂ juin'₂ dsí₅, 'ua₁ dsí₅ ja₁ con₂ ca₂ le₃ jín₃ dsa₂.

³ Ia₁ le₂ ně₅ bá₄ jme₁ lág₄ jniog₄ guio₅₄ le₂ jñiá₅ ján₃, tsá₃ 'en₅₄ dsí₅, tsá₃ né'₂ jniog₄ ja₁ con₂ Diú₄. I₂ jme₁ ma₂ i₂ cón'₅ bá₄ jniog₄ jme₁ i₂ nio₄. Jme₁ i₂ nio₄ jniog₄ qui₂ rē₂ 'ñei'₅₄ quian'₅₄ ca₂ le₃ jě₃ ne₅₄ cosa 'lig'₅₄ jme₁ 'ín₅ dsí₅ jniog₄ jmó₁. 'Nio₅ 'lag'₅₄ jniog₄ jme₁ chong₂. Jme₁ uig₅ dsí₅ jniog₄, jme₁ 'iog₅₄ dsa₂ jniog₄, ton'₂ jme₁ 'ñiá₅₄ jniog₄ rín'₅₄ le₂ jau₂ le₂ jau₂. ⁴ La₁ jme₁ ca₂ jme₃ jnia₅ Diú₄ quián₂ i₂ lió₂ ca₂ jmo₃ léi₄ a₂ 'ua₁ dsí₅, a₂ 'nioi₃ dsa₂ mi₂ güig₃, ⁵ jaun₂ ca₂ lió₂ jniog₄, on₃ jua'₅₄ ia₁ 'e₂ dse₃ a₂ ma₂ jmó₁. Tē₂ le₃ 'ñiog₅ bá₄ ca₂ dsia₃ 'ñéi₂ dsí₅ jniog₄ ca₂ lió₂ tē₂ le₃ quian'₅₄ a₂ qui₂ ca₂ chéi₂ jniog₄, a₂ ca₂ rē₃ chóng₃ táng₃, a₂ le₃ chong₂ quián₁ caun₂ jui₅ 'mí₂, ca₂ jmo₃ Jme₂ dsí₂ Jñió₅ ⁶ i₂ ca₂ tein₃ lia'₂ rē₂ tsón₂ ne₄ quián₂ jniog₄ tē₂ le₃ quian'₅₄ Jesucristo i₂ lió₂. ⁷ Tē₂ le₃ ia₁ a₂ 'ua₁ dsí₅ ma₂ ca₂ juá'₂ ně₃, dsa₂ ma₂ le₁ jín₃ bá₄ jniog₄, jaun₂ guéi'₂ bá₄. Jaun₂ le₂ ně₅ bá₄ 'ín₂ dsí₅ jniog₄ guéi'₁ ja₁ le₃ chong₂ co₂ tan₅₄.

* 2:13 o₃, "Jesucristo."

⁸ Jág₁ dsau₅ dsón'₂ bá₄ ně₅, jaun₂ 'nio₃ jniá₂ caun₂ 'éi₂ 'au'₂ caun₂ jme₁ t̄in'₅ jág₁ ně₅, ia₁ jaun₂ i₂ 'én₂ le₃ quió'₅ Diú₄ quín'₃ bí₂ jmo₃ a₂ dse₃. Ca₂ le₃ jě₃ cosa ně₅ dse₃, tí₅ ta₁ quió'₅ ca₂ le₃ j̄in₃. ⁹ La₁ tsá₃ lē₁ cuē₂ jm̄ig₄ jua'₅₄ a₂ lē₁ qui₃ ηag₃ dsa₂ jág₁ a₂ tsá₃ 'e₂ ta₁ tí₄, ju₁ lia'₂ jág₁ a₂ 'in₅ dsa₂ dsa₂ i₂ qui₂ ma₂ η̄í₂ ma₂ líg'₂, ju₁ lia'₂ jág₁ a₂ tsin₅ dsa₂ a₂ nio₅ mi'₅₄, ju₁ lia'₂ jág₁ a₂ j̄á₅ o₄ quió'₄ Si₂ 'Éi'₃ ně₃. Ia₁ tsá₃ 'e₂ ta₁ jmo₃, tsá₃ 'e₂ ta₁ tí₄.

¹⁰ Ně₁ jua'₂ chan₂ jan₂ i₂ jmo₅ le₁ dson'₅₄ dsa₂, te'₂ co₂ ráun₂, tin₃ ráun₂, 'ě₃ jág₁ chei'₅₄ tsá₃ dse₃ jmo₃ le₂ jaun₂. Chi₂ jua'₂ tsá₃ tón'₂ ju₁ jág₁ quiáng'₂, co₂ dsia₅ dsein₅₄ jě₄ quián'₂ 'nia'₂. ¹¹ J̄nia'₅₄ lia'₂ co₂ ně₅ bá₄ ma₂ ca₂ rē₃ ηi'₅₄ 'ne₂, dsa₂ i₂ le₂ 'éi₂ ně₃ tsá₃ ma₃ 'e₂ dse₃ ds̄i₂ j̄ein₃ ds̄í₅; tē₂ le₃ quian'₅₄ dsáu₁ 'ηiog₅ bá₄ a₂ 'liog'₅ quió'₅.

Cuě'₅ jág₁ riin'₅₄ con'₂ ca₂ t̄in₂ guoin'₅₄

¹² Jě₁ ma₂ tē₂ rē₁ tsin₅₄ jniá₂ i₂ chen₂ Artemas ne'₅₄, o₃ i₂ chen₂ Tíquico 'e₂, ně₅ i₂ ηe'₂ ds̄i₂ ju₁ i₁ jag'₄ ju₁ Nicópolis, ia₁ ja₁ jaun₂ ma₂ i₂ j̄iog₅ ds̄i₃ ηig₅₄ j̄ein₂ güig₂.

¹³ Zenas i₂ chén'₅ ne₄ jág₁, quian'₅₄ Apolos ně₃, 'a₂ con'₂ lé₂ quiáng'₂ jme₁ 'oin₁₂ 'a₂ con'₂ j̄nia'₅₄ len₅ quió'₅ t̄ioin'₅₄ ju₁. ¹⁴ Ju₁ i₁ le₂ tin₂ bá₄ dsa₂ quián₂ j̄niog₄ jmo₃ a₂ dse₃ jme₂ 'oin₅₄ riin'₅₄ ju₁ lia'₂ jme₁ 'nió'₅, ia₁ con'₂ tsá₃ ηó₅ ně₁ tsá₃ 'e₂ dse₃ ca₂ rau₂ lia'₂ chain₂.

'Ág'₅ jág₁ jě₁ ca₂ tó'₂, cuag₂₃ Diú₄ ně₃

¹⁵ Ca₂ le₃ j̄in₃ i₂ quian'₅₄ jniá₂ ja₁ lá₃ chein₂₃ jág₁ a₂ cuin₂₃ Diú₄ 'ne₂. Cuin₅₄ Diú₄ ca₂ le₃ j̄in₃ i₂ 'nio₃ j̄niog₄ i₂ 'én₂. Ju₁ i₁ jme₂ gu'₅₄ bá₄ Diú₄ 'nia'₂ ca₂ le₃ j̄ing'₃. Co₂ ně₅.

Si₂ carta a₂ca₂jmo₃ San Pablo ne₄ FILEMÓN

Ca₂jmo₃ Pablo si₂ ca₂chein₃ ne₄ Filemón

¹ Jniá₂ Pa₄ 'eng₅₄ né₃ 'má₃ o₄quió₄ Cristo Jesús. Jmo₅ jniá₂ si₂ carta la₂ quiang₅₄ rin₅₄ jniog₄ Timoteo, ne₅₄ 'ne₂ Filemón i₂'nió₄, i₂co₂dsia₅ jmo₂ ta₁, ² ne₄ 'io₅₄ rin₅₄ jniog₄ Apia, quian₅₄ Arquipo ně₃, co₂'nió₄ bá₄ jan₂ 'lióg₂ rin₅₄ jniog₄, quian₅₄ ne₄ guá₅ i₂ñi₂ dsi₂néi₂ quiáng₂. ³ Jui₁jme₂gu₅₄ bá₄ Diú₄ 'nia₂, jui₁tion₄ bá₄ 'nia₂ 'ei₅ tei₄, jmo₅ Diú₄ Jmei₂ jniog₄ quian₅₄ Te₁gui₅₄ Jesucristo.

'A₂ lia₂ jme₁'nio₃ Filemón rin₅₄ ia₁ a₂'éin₂

⁴ Ca₂le₃jě₃ ráun₂ cuě₅ jniá₂ ti₁'mag₄ Diú₄, 'ín₅ jniá₂ 'ne₂ jě₁ma₂chi₁ca₂lein₄ jniá₂. ⁵ Ia₁ ma₂ca₂rě₃guion₅₄ jág₁ a₂'nióg₃ Te₁gui₅₄ Jesús, 'éng₂ bá₄ tē₂le₃ quió₅, ján₃ bá₄ le₂jaun₂ 'nióg₃ ca₂le₃jín₃ i₂ma₂tén₅ tē₂le₃ quió₅ Diú₄. * ⁶ Mi₅ jniá₂ ján₃ a₂jmo₂' dsen₅₄ 'au₂ a₂quen₅₄ a₂'éng₂ jin₄ dsa₂ sián₂, ia₁jaun₂ le₃cuí₅ ca₂le₃jě₃ a₂dse₃ a₂cha₂ ja₁con₂ jniog₄ o₄quió₄ Cristo Jesús. ⁷ 'Nio₅ lín₃ 'io₂ jéin₅, 'ei₅ lián₂ dsi₃, ia₁ a₂'nióg₃ jniá₂, ia₁ 'uig₅₄ quián₂ 'ne₂ bá₄ rin₅₄ jniog₄, ma₂qui₂le₁'ág₄ tei₄ dsi₅ dsa₂ i₂'én₂.†

Mi₅ Pa₄ ne₄ Filemón a₂jmo₃ 'éi₂ dse₃ dsi₅ le₃quió₅ Onésimo

⁸ Jaun₂ lě₃, o₁jnia₅₄ jme₁ca₂tín₂ jniá₂ le₃quió₅ Cristo a₂jmo₅₄ 'éi₃ ne₅₄ 'ne₂, jui₁lia₂ 'e₂ dsi₂ten₅₄ jmó₂, ⁹ la₁ tē₂le₃ ia₁ a₂ñi₄ lě₃ 'nió₃ bá₄ jniá₂ 'ne₂, ja₂lín₃ guě₄ dse₃ chi₂len₄ jniá₂ 'ne₂, lín₂ jniá₂. Jniá₂ Pa₄ ma₂gueng₂ 'eng₅₄ né₃ 'má₃ o₄quió₄ Cristo Jesús. ¹⁰ Mi₅₄ jmó₂ dse₃ 'au₂ tē₂le₃ quió₅ Onésimo i₂ca₂lín₃ co₂'nió₄ jan₂ chi₂ quiáng₃ dsi₂néi₂ 'né₅ 'má₃ la₂.

¹¹ Le₂jñiá₅ ně₃ jme₁lín₄ Onésimo‡ jan₂ dsa₂ i₂tsá₃ ta₁ tén₄ jme₃ti₃ ta₁ ne₅₄. La₁ rě₂ně₃ ně₃, ma₂tén₅ bá₄ ta₁ jme₃ti₃ ta₁ ne₄ jniog₄ le₃o₃. ¹² Jaun₂ dsiain₅₄ táng₃ jniá₂ ne₅₄, jaun₂ guein₅₄ bá₄ co₂nio₄ co₂'nió₄ bá₄ a₂jme₁guéi₄ jniá₂ 'ñi₃. ¹³ O₁jnia₅₄ jme₁'ín₅ dsi₃ jme₁'i₂ guě₄ ja₁lá₃ jme₃ti₃ ta₁ ne₃ co₂'nió₄ bá₄ a₂jme₁jme₁'ti₄ 'ne₂ tē₁lia₂ 'eng₅₄ guě₄ né₃ 'má₃ 'uig₅₄ quió₅ jág₁ dse₃, ¹⁴ la₁ tsá₃ 'e₂ 'nio₃ jmo₅₄ 'i₁caun₂ jua₅₄ a₂tíng₂ 'ñi₃ jua₅₄ a₂tsá₃ 'ei₅ caun₂ jág₁ quian₅₄ 'ne₂. Jaun₂ tsá₃ o₁leng₂ jua₅₄ a₂chi₂quiong₅₄ jniá₂ jmig₄ a₂jmó₂ tion₅₄; jaun₂ 'a₂ con₂ 'ñio₂ 'au₂ 'ñiag₂ bá₄ 'ne₂. ¹⁵ An₁ Diú₄ bá₄ ca₂cuě₃ jmig₄ ca₂téi₂ Onésimo co₂'na₂ quián₂ 'ne₂, ia₁jaun₂ guéin₄ jme₃quiong₅₄ co₂tan₅₄, ¹⁶ on₃jua₅₄ ma₃lín₅ ca₂ne₅₄ dsa₂ i₂lě₁jme₂ti₃ ta₁ ne₅₄, ton₂ tē₂le₃ dse₃ guě₄ ma₃lín₅ jan₂ ríng₂ i₂'niog₃ tē₂le₃ quian₅₄ jme₂dsí₂. Jniá₂ 'ñio₅ lín₃ 'nió₃, la₁ 'ne₂ ně₃ 'ñio₅ lín₃ guě₄ ca₂tíng₂ jme₁'nió₄ jaun₂ tsá₃ ma₃jín₅₄ jui₁lia₂ ja₁jíng₄ jan₂ dsa₂ lě₁dsa₂. Jín₅₄ bá₄ jui₁lia₂ ja₁jíng₄ jan₂ ríng₂ tē₂le₃ quió₅ Te₁gui₅₄.

¹⁷ Le₂ně₅ jaun₂, chi₂jua₂ dsón₂ jmo₂ 'au₂ a₂lín₅ jniá₂ jan₂ dsa₂ i₂jmo₂ ta₁ quiang₅₄, jaun₂ guein₅₄ bá₄, jmo₄ 'au₂ co₂'nió₄ a₂guéi₅ jniá₂ 'ñi₃. ¹⁸ Chi₂jua₂ 'e₂ daín₅₄ ma₂jmóg₂, o₃ chi₂jua₂ cha₂ a₂rín₂, quió₃ jniá₂ mi₄. ¹⁹ Jniá₂ Pa₄ jmo₂₃ si₂ la₂ 'ñi₃ tē₃dsón₂ quian₅₄ gu₃. § Jniá₂ bá₄ qui₄, jnia₅₄ jme₁'nio₃ jniá₂ jmo₅₄ dsioğ₂ 'au₂ a₂ríng₂ quiáng₂ 'ñiag₂ quió₃ ján₃. ²⁰ Jaun₂ le₂ně₅ bá₄, 'ne₂ rin₅₄ jniog₄, jmo₄

* **1:5** lit. "ca₂le₃jín₃ dsa₂ jñi₃." † **1:7** lit. "dsa₂ jñi₃." ‡ **1:11** Jág₁ jui₁lia₂ chen₂ Onésimo co₂'nió₄ a₂juá₂, Dsa₂ i₂tén₅ ta₁, quian₅₄ jág₁ jmei₅ griego. § **1:19** 'Nio₂ ja₁ton₅ 1 Corintios 16:21; Gálatas 6:11; Colosenses 4:18; 2 Tesalonicenses 3:17.

dse₃ 'au'₂ quian'₅₄ jniá₂ jui₁lia'₂ dsi₂ten₅₄ jmo₃ dsa₂ i₂'én₂ le₃quió'₅ Te₁gui'₅₄, jmo₄ jui₁le₂güig'₂ dsi₃ jui₁lia'₂ jan₂ ríng'₂ le₃quió'₅ Cristo.

²¹ Dsian'₄ jniá₂ si₂ la₂ ne'₅₄, ia₁ dsón'₂ bá₄ líng₂ jme₁ti'₄ bá₄ ca₂le₃jě₃, tē₂le₃ lě₅ guě₄ jmó'₂ con'₂ guě₄ a₂juá'₅. ²² Jmo₄ dse₃ 'au'₂, jmo₄ co₂jñia₅₄ caun₂ dsi₂néi₂ ja₁i₁jñia₁₂, ia₁ 'ín₂ dsi₃ jniá₂ a₂ñág'₃ Diú₄ a₂mi'₂ 'nia'₂, jmo₃ bá₄ a₂dsióg₄ jniá₂ i₁jag₁₂.

'Ág'₅ jág₁ jě₁ca₂tó'₂, cuag₂₃ Diú₄ ně₃

²³ Ríng'₃ i₂chen₂ Epafra₂ i₂quiang'₅₄ 'eng₅₄ né'₃ 'má₃ 'uig₅₄ quió'₅ Cristo Jesús, dsiáin'₂ jág₁ a₂cuin₂₃ Diú₄ 'ne₂. ²⁴ Ján₃ bá₄ le₂jaun₂ Marcos, Aristarco, Demas quian'₅₄ Lucas ně₃ i₂jme₂'o₅₄ jmo₅ ta₁.

²⁵ Jui₁jme₂gu'₅₄ Te₁gui'₅₄ Jesucristo jme₂dsí₂ quián'₂ 'nia'₂. Co₂ně₅.

Si₂ a₂chen₄ ne₄ dsa₂ HEBREOS

Ma₂dsia₅ Diú₄ jág₁ quian'₅₄ dsa₂ mi₂güí₃g₃ tē₂le₃ quian'₅₄ Ja₁ñi'₅₄

¹Lióng₂ ráun₂ ca₂juá'₂ Diú₄ jág₁ jmíg₄ ma₂líg'₂ ca₂tsí'₃ dsa₂ can'₅₄ quián₂ jniog₄, tsá₃ ca₂ne₅₄ jág₁ ca₂'ē₂ tē₂le₃ quian'₅₄ dsa₂ i₂ca₂chein₃. ²La₁ jmíg₄ jē₁ca₂tó'₂ rē₂ně₃ ně₃, ma₂ca₂juá'₂ tság₅ jniog₄ tē₂le₃ quian'₅₄ Ja₁ñi'₅₄ i₂ca₂jmo₃ ca₂le₃jě₃ a₂cha₂ mi₂güí₃g₃; ján₃ bá₄ o₄gú₃ 'éi₂ ma₂dsia₃ ca₂le₃jě₃. ³'Éi₂ bá₄ i₂lín₅ i₂jlán'₁ i₂tág₅ quió'₅ Diú₄; 'éi₂ bá₄ i₂lín₅ nió'₄ tē₂dsón'₂ i₂jáng'₅ léi₄ 'a₂ lia'₂ lín₅ Diú₄. Já₃ bá₄ lín₅ 'éi₂ i₂jmo₅ 'í₁ ca₂le₃jě₃ quian'₅₄ jág₁ bēn₂ quió'₅. Cang₂ jme₁ca₂rín'₃ 'éi₂ dsáu₁ jniog₄, jaun₂ ca₂guá₂ guei'₅₄ i₂juí₃g₃ con₂ Diú₄ tē₂le₃ gu₂ ne₁ ne₄ta₁ quió'₅.

Ja₁ñi'₅₄ Diú₄ bá₄ i₂juin'₂ guē₄ lia'₂ con'₂ guē₄ ángeles

⁴Ma₂ca₂lín₃ Ja₁ñi'₅₄ Diú₄ i₂juin'₂ guē₄ lia'₂ con'₂ guē₄ ángeles, ia₁ ma₂gue₃ quió'₅ jmei₂ a₂ma₂lín₅ ta₁ a₂dsen₅₄ guē₄ lia'₂ con'₂ guē₄ ángeles.

⁵Tsá₃ líg'₂ ca₂juá'₂ Diú₄ ca₂tsí'₃ ángeles quiáin₅ 'i₁jan₂ le₂la₂:

Lín₅ 'ne₂ chi'₂-guein₂ quiáng₃;

jmíg₄ ně₃ ma₂lín₅ jniá₂ ñéi'₅.*

On₃ guē₄ 'i₁jan₂ ángel tsá₃ ca₂'iin₃ jua'₅₄ a₂juá'₂ le₂la₂:

Lén₂ jniá₂ jmei₂ 'éi₂,

'éi₂ guē'₂ lén₂ chi'₂-guein₂ quiáng₃.†

⁶La₁ ja₁siá'₂ ně₃, lia'₂ con'₂ jme₁ca₂o₃jñiai₃ Ja₁ñi'₅₄ i₂ne₅₄ mi₂güí₃g₃, jaun₂ juá'₂:
Jui₁jme₂juag'₂ ca₂le₃jín₃ ángeles quián₅ Diú₄.‡

⁷Jui₁lia'₂ tē₂le₃ quió'₅ ángeles guē'₂ juá'₂:

Jmo₅ Diú₄ a₂lín₅ ángeles co₂'nió'₄ dsí₂,

jmo₂₃ a₂lín₅ i₂jme₂ti₃ ne₅₄

co₂'nió'₄ le₁tsí'₅₄ si₂.§

⁸La₁ jui₁lia'₂ tē₂le₃ quió'₅ Ja₁ñi'₅₄ ně₃, juá'₂:

Jiog₅ ca₂le₃jě₃ jmíg₄ ne₄ta₁ quián'₂ 'ne₂,

Diú₄ quiáng₃.

Quian'₅₄ jág₁ tí₅* qui₂dsí'₁ 'ne₂ 'éi'₃.

⁹A₂'niog'₂ 'ne₂ a₂tí₅, a₂'ñia'₅₄ 'ne₂ a₂'lig'₅₄;

'Uig₅₄ jaun₂, Diú₄ ně₃, Diú₄ quiáng'₂,

ma₂ca₂chein'₃ 'ne₂

ne₄ jui₅ quió'₅ ca₂le₃jín₃ ríng'₂,

ca₂jmo₃ Diú₄ a₂rē₂rín₅ 'au'₂ a₂jmo'₂ 'io'₂.†

¹⁰Ján₃ bá₄ juá'₂:

Lia'₂ ne₁, 'ne₂ Te₁gui'₅₄ quiáng₃,

ca₂jmo'₅₄ 'uig₅₄ tag₄ mi₂güí₃g₃;

guei'₅₄ i₂juí₃g₃ guē'₂ ně₃,

ta₁ a₂ca₂lě₃ quian'₅₄ gog'₂ bá₄ jaun₂.

¹¹A₂dsi₃ñí₂ ca₂le₃jě₃ a₂ně₅,

la₁ 'ne₂ ně₃, con'₂ tan₅₄ bá₄ lín₅ 'ne₂;

rě₃'áu₂ a₂jaun₂ jui₁lia'₂ ni₁tsin'₅₄ dsa₂.

¹²A₂jóng'₅ a₂jaun₂ jui₁lia'₂ jē₁jón'₂ dsa₂ tsi₁'mí'₂.

* 1:5 Salmo 2:7. † 1:5 2 Samuel 7:14. ‡ 1:6 Deuteronomio 32:43. § 1:7 Salmo 104:4. * 1:8 lit. "Quian'₅₄ 'ma₂'₅₄ dsau₅." † 1:9 Salmo 45:6-7.

La₁ 'ne₂ ně₃, lia'₂ ma₂lín'₅ jaun₂ bá₄ 'ne₂.

Tsá₃ o₁líg'₂ jmig₄ dsiá₃ a₂chan'₂ 'ne₂.‡

¹³ Tsá₃ líg'₂ ca₂juá'₂ Diú₄ ca₂tsí'₃ 'i₁jan₂ ángel le₂la₂:

Né₂ con₂ jniá'₂ të₂le₃ gu₃ ne₁,

ca₂lia'₂ ca₂tě₂ jmig₄

a₂tón'₁ jniá'₂ dsa₂ i₂'iog₅₄ o₄tag'₄.§

¹⁴ Ia₁ lín₅ ángeles jme₂dsí₂ i₂jme₂'o₅₄ i₂chen₄ a₂jme₂ti₃ ta₁ ne₄ i₂ca₂tín₂ gue₃ a₂lió₂ Diú₄.

2

Tion₅₄ 'nió'₅ tón'₂ dsa₂ jui₅

¹ 'Uig₅₄ jaun₂ bá₄ tion₅₄ niog₅ tion'₂ jniog₄ jui₅ 'nio₅ lín₃ guě₄, jág₁ a₂ma₂néi₁ jniog₄, ia₁jaun₂ tsá₃ qui₂dsi₃cón'₅ jniog₄ jui₅.

² Ia₁ chi₂jua'₂ tion₅₄ jme₁jme₂ti₃ dsa₂ 'éi'₃ jaun₂ a₂ca₂quiog₂ Diú₄ ma₂líg'₂ të₂le₃ quian'₅₄ ángeles quiáin₅, jaun₂ chi₂jua'₂ qui₂ca₂gue₃ dsa₂ uig₅ 'a₂ con'₂ ca₂tíin₂ jme₁ca₂'nú₂ dso₄, ³ ¿'a₂ bá₄ lia'₂ lé₂ le₃lió₂ jniog₄ ně₂jua'₂ tsá₃ tion'₂ jniog₄ jui₅ jág₁ a₂ñí₄ lě₃ quen₅ a₂lió₂ jaun₂? Ia₁ 'niog₅ bá₄ Te₁gui'₅₄ 'éi₂ i₂ca₂juá'₂ le₂'uig₅₄ jág₁ a₂lió₂ jaun₂. Jaun₂ guě₄ qui₂ca₂cuě₃ jág₁ dsau₅ tság₅ jnia'₅₄ dsa₂ i₂ca₂nág₂.

⁴ Ján₃ bá₄ ca₂cuě₃ Diú₄ jág₁ dsau₅ të₂le₃ quian'₅₄ léi₄ a₂dsi₃gó'₃ dsí₅ dsa₂ ca₂jmo₃ 'lióng₂ ráun₂, ján₃ bá₄ të₂le₃ quian'₅₄ Jme₂dsí₂ Jnió₅ i₂ma₂qui₂ma₂cuíin₃ jniog₄ le₂jau₂ le₂jau₂ lia'₂ con'₂ lě₅ a₂'nio₃ 'éi₂.

Ca₂lín₃ Jesús lia'₂ lín₅ riin'₅₄

⁵ On₃jua'₅₄ o₄gú₃ ángeles ca₂dsia₃ mi₂güí₃ a₂já₅, a₂'ě₂ jnia'₅₄.

⁶ La₁ia₁ cha₂ bá₄ caun₂ ja₁ma₂cuě₅ dsa₂ jág₁ dsau₅ le₂la₂;

¿I₂'ein₂ bá₄ dsa₂ mi₂güí₃,

a₂ñí₄ lě₃ dsau'₂ 'au'₂ 'éi₂?

¿I₂'ein₂ bá₄ tsi₁jon₂ dsa₂ mi₂güí₃,

a₂ñí₄ lě₃ tón'₂ 'ne₂ jui₅ 'éi₂?

⁷ Ca₂jmoi'₅₄ ca₂tiá₂ mei'₂ guě₄

con'₂ guě₄ ángeles quiáng'₂;

la₁ ma₂ca₂jme₃juin'₂, ma₂ca₂jmo'₅₄ a₂lín₅ i₂dsen₅₄ guě₄,

[ca₂dsiain'₅₄ a₂nio₃ gu₂ a₂ca₂jmo'₅₄ 'ne₂ quian'₅₄ gog'₂]*

⁸ ma₂dsia'₅₄ 'ne₂ ca₂le₃jě₃ o₄tag₁₂.†

Jaun₂ ně₃, jme₁ca₂dsia₃ Diú₄ ca₂le₃jě₃ o₄tag₄ dsa₂ mi₂güí₃, tsá₃ ma₂'e₂ cha₂ jua'₅₄ a₂tsá₃ niog₅ gu₂ 'éi₂. La₁ia₁ rě₂ně₃ ně₃, tsá₃ ma₂léi₄ guě₄ a₂niog₅ gu₂ 'éi₂ le₃jě₃.

⁹ La₁ia₁ jin₄ bá₄ jniog₄ Jesús i₂ca₂lín₃ ca₂tiá₂ mei'₂ guě₄ con'₂ guě₄ ángeles, ca₂rě₃juin'₂, ca₂lín₃ i₂dsen₅₄ guě₄ ně₃ ia₁ ca₂i₃ñí₂ uig₅ ne₄ 'mú₃, ia₁jaun₂ le₃cuí'₅ 'mú₃ o₄quió'₄ ca₂le₃jín₃, ia₁ a₂'ua₁ dsí₅ Diú₄.

¹⁰ Quió'₅ Diú₄ bá₄ le₃jě₃; të₂le₃ quian'₅₄ 'éi₂ ca₂lě₃ le₃jě₃. Jaun₂ 'nio₃ Diú₄ chíin'₂ ca₂le₃jín₃ chi'₂-guein₂ quiáin₅, a₂lén₂ 'éi₂ jláin'₁ co₂lě₅ quian'₅₄. 'Uig₅₄ jaun₂, dsi₂ten₅₄ bá₄ a₂ca₂jme₃'nia₅ Diú₄ ca₂jme₃'niai₂₃ Jesucristo të₂le₃ quian'₅₄ jmi₁uig₅ a₂ca₂i₃ñí₂ jme₁ca₂niá₂ jui₅ a₂lióin₂ 'éi₂.

¹¹ Ia₁ jui₁lia'₂ i₂jme₂jnió₃ quian'₅₄ i₂rě₂jnió₃ ně₃, jan₂ bá₄ Jmei₂ chan₂. 'Uig₅₄ jaun₂, tsá₃ gui'₅₄ Ja₁ñi'₅₄ Diú₄ tě₂ dsa₂ 'éi₂ riin'₅₄.

‡ 1:12 Salmo 102:25-27. § 1:13 Salmo 110:1. * 2:7 Chog₅₄ si₂ a₂dse₃ guě₄ tsá₃ le₁ton₅ jág₁ a₂tio'₅₄ 'ñi₃, corchetes [le₂la₂]. † 2:8 Salmo 8:4-6.

12 Le₂la₂ juá'₂ ne₄ si₂;
 'In₄ jniá'₂ ne₂ jin₄ ríng'₃,
 te₂jē₄ ja₁le₁ñi'₂ dsa₂
 'ē₅₄ jniá'₂ son₅₄ a₂jme₁juag'₂ quiáng'₂.‡

13 Ján₃ bá₄ juá'₂:
 Caun₂ bá₄ 'ag₁₂ dsi₃ ja₁con₂ 'éi₂.§
 Con'₂ siá'₂ táng₃ juá'₂;
 ja₁lá₃ bá₄ chén'₅ jniá'₂,
 ca₂lia'₂ ma₂quian'₅₄ chi'₂-guein₂
 i₂ma₂cuin₃ Diú₄ jniá'₂.*

14 Jui₁lia'₂ ca₂tín₂ chi'₂-guein₂ jan₂ chog₅₄-jmei₂ dsa₂ mi₂güig₃ caun₂ jmi₂ 'ain₅₄,
 ján₃ bá₄ le₂nē₅ ca₂tín₂ Jesús caun₂ jmi₂ 'ain₅₄ quian'₅₄ dsa₂ mi₂güig₃, ia₁jaun₂
 tē₂le₃ quian'₅₄ 'mú₃ quió'₅ lé₂le₃lí'₂ ne₄ 'éi₂ i₂'io₅ bí₂ quió'₅ 'mú₃, co₂'nió'₄ le₃jua'₅₄
 i₂sē₃dsen₃.

15 Ján₃ bá₄ le₂jaun₂ ca₂jmo₃ ia₁jaun₂ lé₂ le₃qui₂le₃chen'₂ dsa₂ i₂nē₂jag₄ bá₄
 i₂qui₂rē₂'ñe'₅₄, ia₁ ca₂le₃jē₃ jmi₂g₄ a₂chain₂, gó'₅ 'mú₃ quió'₅.

16 Ia₁ dsón'₂ bá₄ on₃jua'₅₄ jaun₂ ca₂guain₃ jua'₅₄ a₂jme₃'oin₅₄ ángeles; ta₁ jaun₂
 bá₄ ca₂guain₃ a₂jme₃'oin₅₄ tsi₁jon₂ Abraham.

17 'Uig₅₄ jaun₂, tion₅₄ bá₄ ca₂liin₃ ca₂le₃jē₃ jui₁lia'₂ lín₅ dsa₂ mi₂güig₃ riin'₅₄,
 ia₁jaun₂ dsióg₄ léin₂ jan₂ jme₂dsa₂ dsen₅₄ i₂ñéi₂ dsí₅, i₂rē₂tí'₅₄ nē₃, ia₁jaun₂ jniá'₂
 dsáu₁ dsa₂ tē₂le₃ quian'₅₄ a₂jéin'₂ ne₄ Diú₄.

18 Jaun₂ jui₁lia'₂ ca₂ñág₃ uig₅ 'éi₂ jme₁ca₂caun₃ Diú₄ táu₂, ján₃ bá₄ le₂nē₅ qui'₅₄
 jmi₂g₄ jme₃'oin₅₄ jui₁lia'₂ dsa₂ i₂cáun₂ dsa₂ táu₂.

3

Jesús bá₄ i₂dsen₅₄ guē₄ con'₂ guē₄ Moisés

1 Le₂jaun₂ 'nia'₂ rin'₅₄ jniog₄ i₂ma₂rē₂tson₄ quián₅ Diú₄, 'nia'₂ i₂ca₂tín₂ tē₂ Diú₄
 guei'₅₄ i₂juig₃, dsiog'₂ 'au'₂ 'nia'₂ Cristo Jesús i₂chen₄ quián₅ Diú₄, ján₃ bá₄ i₂lín₅
 jme₂dsa₂ dsen₅₄ i₂'ín₅ jniog₄.

2 'Niog₅ Jesús ma₂ca₂rē₃tí'₅₄ ja₁con₂ Diú₄ i₂ca₂'ag₃ a₂jmo₃ ta₁ nē₅, jui₁lia'₂
 ca₂jme₃tí₃ Moisés con'₂ ta₁ jme₁chén'₄ ja₁con₂ ca₂le₃jín₃ chi'₂-guein₂ quián₅
 Diú₄.

3 La₁ia₁ ca₂tín₂ Jesús jme₃juag'₂ dsa₂ con'₂ guē₄ Moisés, jui₁lia'₂ quen₅ guē₄ dsa₂
 i₂jmo₅ 'né₅ con'₂ guē₄ tsi₁'né₅ 'ñiog₅.

4 Jui₁lia'₂ caun₂ 'né₅, tion₅₄ bá₄ chan₂ i₂jmo₃; la₁ 'ñiog₅ bá₄ Diú₄ ca₂jmo₃ ca₂le₃jē₃
 'e₂ a₂cha₂.

5 Ca₂jme₃tí₃ Moisés ja₁con₂ ca₂le₃jín₃ chi'₂-guein₂ quián₅ Diú₄, con'₂ ta₁
 a₂jme₁lín₄ ne₄ Diú₄, qui₂ca₂jáng'₃ jág₁ dsau₅ jui₁lia'₂ jág₁ quió'₅ Diú₄ a₂jme₁juá'₂.

6 La₁ia₁ Cristo nē₃, rē₂tí'₅₄ bá₄ a₂lín₅ Ja₁ñi'₅₄ Diú₄ i₂chén'₅ ne₄ ca₂le₃jín₃ chi'₂-
 guein₂ quián₅ Diú₄. Chi'₂-guein₂ 'éi₂ lág₅ jniog₄ guio₅₄ nē₁jua'₂ chan'₂ jniog₄ tiá₂
 a₂caun₂ 'ei₅ dsi₅ jniog₄, jmo₂ jniog₄ 'io'₂, ia₁ cha₂ a₂'ín₂ dsi₅ jniog₄ tag₃; a₂jaun₂
 bá₄ 'io'₂ jein₂ jniog₄.

7 'Uig₅₄ jaun₂, lē₅ jui₁lia'₂ juá'₂ Jme₂dsí₂ Jñiós ne₄ si₂:
 Jmi₂g₄ nē₃ nē₁jua'₂ nag'₂ 'nia'₂ jág₁ quió'₅ Diú₄,

8 Tsá₃ lē₁jme₂'uá'₂ 'nia'₂ 'au'₂
 jui₁lia'₂ ca₂jmo₃ i₂lín₅₄ ca₂nau₂ 'nei₂
 ca₂cain₃ táu₂ Diú₄ 'uē₃ co₂'ñiog₅ jaun₂.

9 Ja₁jaun₂ ca₂caun₃ táu₂ jniá'₂

‡ 2:12 Salmo 22:22. § 2:13 Isaías 8:17. * 2:13 Isaías 8:18.

dsa₂ can'₅₄ quián'₂ 'nia'₂ ma líg'₂,
o₁jñia'₅₄ ma₂qui₂ma₂jág₃ ta₁ quió'₃
ma₂tē₂láu₃ ñi₂.

10 'Uig₅₄ jaun₂ ca₂jén₂ dsi₃
quian'₅₄ dsa₂ i₂jme₁chan₂ jmig₄ jaun₂,
jaun₂ ca₂juá'₃ jniá'₂:
“Con'₂ tan₅₄ bá₄ i₂nio₄ dsa₂ nē₅
qui₂dsi₂cón'₅ dsi₅,

tsá₃ 'nio₃ le₃cuí'₅ juí₅ quió'₃.”

11 'Uig₅₄ jaun₂ ca₂ín₃ jniá'₂ 'ñió₃
jme₁ca₂'í₃ 'nei₂ dsi₃,
a₂tsá₃ dsi₁len₃ 'éi₂
jua'₅₄ a₂jñia₃ ja₁con₂ jniá'₂.*

12 Rin'₅₄ jniog₄, jmo₄ 'nia'₂ 'í₁ ia₁jaun₂ 'i₁jan'₂ 'nia'₂ tsá₃ le₃'ua'₂ dsi₅, jua'₅₄ a₂'nio₃
náu₃ cau₅ ja₁con₂ Diú₄ jén'₃ ia₁ tsá₃ 'éin₂ jág₁ quió'₅.

13 Tē₂le₃ cuē'₅₄ 'nia'₂ bí₂ ríng'₂ le₂jang'₂ le₂jang'₂ lia'₂ caun₂ jmig₄, tē₁lia'₂ jiog₅
“jmig₄ nē₃” a₂ma₂juá'₂ Si₂, ia₁jaun₂ 'i₁jan'₂ 'nia'₂ tsá₃ le₃'ua'₂ 'au'₂ tsá₃ le₃gan'₂
'nia'₂ quian'₅₄ dso₄.

14 Ia₁ i₂ma₂quián'₅ Cristo bá₄ jniog₄, nē₁jua'₂ ca₂tián₃ jniog₄ tē₂ jē₁ca₂tó'₂ caun₂
bá₄ 'ei₅ dsi₅ jniog₄ jág₁ quió'₅ lia'₂ con'₂ lé₅ jme₁ca₂rē₃ 'éin₂ le₂'uig₅₄.

15 Juí₁lia'₂ ma₂nē₂juá'₂:
Jmig₄ nē₃, nē₁jua'₂ ca₂nei'₂ 'nia'₂
jág₁ quió'₅ Diú₄,
tsá₃ jme₁'ua'₂ 'nia'₂ 'au'₂,
juí₁lia'₂ ca₂jmo₃ i₂lin₅₄

ca₂nau₂ 'nei₂ ne₄ Diú₄.†
16 ¿'Ein₂ 'éi₂ i₂ca₂nág₂ jág₁ quió'₅ Diú₄ jaun₂ ca₂nau₂ 'nei₂ cang₂ jaun₂?
Ca₂le₃jín₃ dsa₂ i₂ca₂'uín'₂ Moisés 'uē₃ Egipto, i₂'éi₂ bá₄.

17 ¿'Ein₂ quian'₅₄ ca₂rē₃ 'né₃ Diú₄ con'₂ tē₂láu₃ ñi₂? Quian'₅₄ dsa₂ i₂ca₂'náu₂ dso₄
bá₄, i₂ca₂dsan₃ 'uē₃ co₂'ñiog₅ jaun₂.

18 ¿Ja₁con₂ 'ein₂ ca₂cuē₃ Diú₄ jág₁ quió'₅ a₂tsá₃ dsi₁lein₃ jua'₅₄ jñia₃ quiong'₅₄?
Ja₁con₂ dsa₂ i₂tsá₃ ca₂nág₂ gau₂ jág₁ quió'₅ bá₄.‡

19 Jaun₂ ne₄ jniog₄, le₂jaun₂ bá₄ ca₂i₃ñi₂: tsá₃ a₁jaun₂ ca₂i₃toin'₅₄, 'uig₅₄ ia₁
a₂tsá₃ ca₂rē₃ 'éin₂.

4

1 'Uig₅₄ jaun₂, tē₁lia'₂ ron₅ gué₄ jág₁ a₂ma₂cuē₃ Diú₄ a₂dsi₁no₃ jniog₄ ja₁dsi₁jñia₁
ja₁coin₂, 'nió'₅ jmó₁ jniog₄ 'í₁ con'₂ tsá₃ ñó₅ nē₁jua'₂ 'ein₂ 'nia'₂ tsá₃ ca₂tíng'₂
ja₁jaun₂.

2 Ia₁ ján₃ bá₄ le₂jaun₂ ma₂ca₂rē₃ 'ě₂ jág₁ alió₂ ja₁con₂ jniog₄ juí₁lia'₂
ma₂ca₂rē₃ 'ě₂ ja₁con₂ 'éi₂; la₁ia₁ tsá₃ ta₁ ca₂jmo₃ co₂ñi₂ a₂ca₂nág₂ jág₁, 'uig₅₄
ia₁ a₂tsá₃ ca₂'an₂ dsi₅ jág₁ jaun₂ jua'₅₄ a₂ca₂rē₃ 'éin₂.

3 La₁ jniog₄ i₂ma₂ca₂rē₃ 'éin₂ nē₃, dsi₁no₃ bá₄ jniog₄ dsi₁jñia₁₂ ja₁jaun₂ juí₁lia'₂
a₂ma₂juá'₂ Diú₄:

'Uig₅₄ jaun₂ ca₂ín₃ jniá'₂ 'ñió₃,
jme₁ca₂'í₃ 'nei₂ dsi₃,
a₂tsá₃ dsi₁len₃ 'éi₂
jua'₅₄ jñia₃ ja₁con₂ jniá'₂.*

* 3:11 Salmo 95:7-11. † 3:15 Salmo 95:7-8. ‡ 3:18 'Nio'₂ ja₁ton₅ Números 14:22-23. * 4:3 Salmo 95:11; ján₃ bá₄ le₂nē₅

La₁ia₁ ma₂ca₂'i_ó'₃ ta₁ quió'₅ Diú₄ ca₂le₃ ca₂'nio₃ mi₂güí₃.

⁴ Ia₁ cha₂ ja₁juá'₂ ne₄ Si₂ le₂la₂, a₂'ë₂₃ jë₁ca₂të₂ guio₃ jmig₄: “Ca₂jñia₃ Diú₄ jë₁ca₂të₂ guio₃ jmig₄, jme₁ca₂lë₃ ca₂le₃jë₃ ta₁ quió'₅.”† ⁵ Con'₂ siá'₂ táng₃ juá'₂ ne₄ Si₂: “Tsá₃ dsi₁lein₃ jua'₅₄ a₂jñia₃ ja₁con₂ jniá'₂.”

⁶ La₁ jui₁lia'₂ chan₂ i₂lín₅₄ i₂'nió'₅ tón'₃ ja₁jaun₂, i₂sián'₂ guë'₂ tsá₃ ca₂i₁tion'₅₄ le₂jñiá'₅ jme₁ca₂nág₂ jág₁, 'uig₅₄ ia₁ a₂tsá₃ ca₂rë₃'éin₂, ⁷ con'₂ siá'₂ ca₂tióng₃ Diú₄ caun₂ jmig₄ ca₂juá'₂ të₂le₃ quian'₅₄ David 'lióng₂ ñi₂ cang₂ jaun₂ ca₂të₃ “jmig₄ në₃” jme₁ca₂juá'₂ ne₄ Si₂ jág₁ a₂ma₂ca₂juá'₂ le₂jñiá'₅:

Jmig₄ në₃ në₁jua'₂ ca₂nei'₂ 'nia'₂ jág₁ quió'₅ Diú₄,

tsá₃ lë₁jme₂'uá'₂ 'nia'₂ 'au'₂.‡

⁸ Ia₁ jua'₅₄ mei'₂ guë₃ Josué ca₂cuë₃ caun₂ ja₁jñia₃ dsa₂, tsá₃ jaun₂ jme₁juá'₂ Diú₄ cang₂ jaun₂ jme₁'ë₃ jmig₄ siá'₂.

⁹ Jaun₂ lë₃, lia'₂ ma₂cha₂ jaun₂ bá₄ jmig₄ sa₅₄ ja₁jñia₅ dsa₂ juig₂ quián₅ Diú₄. ¹⁰ Ia₁ jui₁lia'₂ ca₂jñia₃ Diú₄ ta₁ quió'₅ a₂ca₂jmo₃, ján₃ bá₄ le₂jaun₂ jui₁lia'₂ i₂dsi₃ton'₅₄ dsi₃jñia₅₄ ja₁con₂ Diú₄, tí₂ ta₁ quió'₅, jñia₃.

¹¹ 'Uig₅₄ jaun₂ 'nió'₅ 'niog'₅₄ jniog₄ juí₅ a₂quen'₂ bí₂ a₂dsi₁no₃ ja₁jaun₂, ia₁jaun₂ 'i₁jan₂ tsá₃ 'ein₂ tián'₃ a₂cán₂ juí₅ a₂ca₂i₁nió₄ 'éi₂ a₂tsá₃ ca₂nág₂ gau₂ jág₁ quió'₅ Diú₄.

¹² Ia₁ jén'₃ bá₄ jág₁ quió'₅ Diú₄, 'io₅ bí₂ në₃, 'ñio₅ chen'₂ con'₂ guë₄ caun₂ ñi₁tág₂ 'mu₃ le₃tín₃ ton₂, dsi₂tia₃ ca₂të₂ né'₃ jmo₅ le₁dso'₅₄ të₂dsí₅ dsa₂ quian'₅₄ jme₂dsí₂, jmo₅ le₁dso'₅₄ ja₁jón'₅ quian'₅₄ dsí₅ ñi₁mu₅ në₃, jme₂jñia₅ ca₂le₃jë₃ 'e₂ dsi₂jio₅ dsí₅ dsa₂, ca₂le₃jë₃ 'a₂ lia'₂ lín₂ dsa₂ në₃.

¹³ Ca₂lia'₂ 'i₁caun₂ a₂ca₂jmo₃ Diú₄ tsá₃ lé₂ le₃'má₂ ne₄ 'éi₂; ca₂le₃jë₃ bá₄ rë₂jñiá'₂ rë₂na₄ ne₄ i₂dsi₁jang'₅₄ jniog₄ cuenta quián₂.

Lín₅₄ Jesús Jme₂dsa₂ Dsen₅₄ i₂juin'₂

¹⁴ Jaun₂ në₃, jme₂dsa₂ dsen₅₄ i₂juin'₂ quián₂ jniog₄ lín₅ Jesús, Ja₁ñi'₅₄ Diú₄, i₂ca₂uí₂g₂ guei'₅₄ i₂juíg₃. 'Uig₅₄ jaun₂ 'nió'₅ caun₂ chan'₅₄ jniog₄ tiá₂ jág₁ a₂'éin₂ jniog₄.

¹⁵ On₃jua'₅₄ a₂tsá₃ lé₂ dsia₃ ñéi₂ dsí₅ jme₂dsa₂ dsen₅₄ quián₂ jniog₄ jë₁ma₂ca₂'uá₂ jniog₄. Ia₁ ma₂ca₂caun₃ dsa₂ ca₂le₃jë₃ táu₂ quió'₅, jui₁lia'₂ cáun₂ dsa₂ táu₂ jniog₄, la₁ia₁ tsá₃ dso₄ ca₂'náu₂ 'éi₂.

¹⁶ Jaun₂ në₃ ma₃ jme₁quián₄ jniog₄ caun₂ bá₄ 'ei₅ dsi₅ ca₂të₂ ne₄ta₁ ja₁guá₄ Diú₄ i₂'ua₁ dsí₅, ia₁jaun₂ dsia₃ 'éi₂ ñéi₂ dsí₅, a₂jme₃'o₅₄ a₂'ua₁ dsí₅ jë₁ma₂ca₂rë₃'nió'₅ quián₂ jniog₄.

5

¹ I₂rë₂quion'₅₄ jín₄ dsa₂ mi₂güí₃ bá₄ le₂jan₂ le₂jan₂ jme₂dsa₂ dsen₅₄ a₂rë₂'íin₄ a₂chéin'₅ ne₄ jág₁ o₄quió'₄ dsa₂ mi₂güí₃ ne₄ Diú₄ ia₁jaun₂ jén'₃ jui₁lia'₂ 'e₂ 'nió'₅ jén'₃, a₂qui₃dsíin'₂ já'₂ në₃ o₄quió'₄ dsáu₁ dsa₂.

² Jaun₂ jui₁lia'₂ jme₂dsa₂ le₂'éi₂, ján₃ bá₄ lín₅ dsa₂ mi₂güí₃ a₂'uain₅₄; lé₂ bá₄ jme₃'ua₁ dsí₅ ja₁con₂ jui₁lia'₂ dsa₂ i₂tsá₃ ñi₅, jui₁lia'₂ dsa₂ i₂ma₂i₂nió₄ cau₅ juí₅ në₃.

³ 'Uig₅₄ ia₁ a₂lín₅ dsa₂ mi₂güí₃ 'uain₅₄, tion₅₄ 'nió'₅ jén'₃ ne₄ Diú₄, lia'₂ o₄quió'₄ dsáu₁ 'ñiog₅ lia'₂ o₄quió'₄ dsáu₁ dsa₂ juig₂ táng₃.

⁴ 'I₁jan₂ tsá₃ lé₂ le₃lén₂ ta₁ juë'₂ jaun₂ jua'₅₄ a₂le₃'iin₃ 'ñiog₅; tion₅₄ bá₄ 'nió'₅ 'ag₃ Diú₄ jui₁lia'₂ ca₂'iin₃ Aarón.*

⁵ Ján₃ bá₄ le₂në₅ lë₅ quian'₅₄ Cristo. Tsá₃ ca₂jme₃juin'₂ 'ñiog₅ jua'₅₄ ca₂'iin₃ 'ñiog₅ a₂lén₂ jme₂dsa₂ dsen₅₄; Diú₄ bá₄ ca₂'ag₃ ta₁ juë'₂ jaun₂. Jaun₂ ca₂juá'₂ Diú₄:

† 4:4 Génesis 2:2. ‡ 4:7 Salmo 95:7-8. * 5:4 Aarón: 'Nio'₂ ja₁ton₅ Éxodo 4:14.

Lín' ₅ 'ne ₂ chi' ₂-guein ₂ quiáng ₃;

Jmig ₄ nē ₃ ma ₂lín ₅ jniá ₂ nēi' ₅.†

⁶ Ján ₃ bá ₄ le ₂nē ₅ juá' ₂ ja ₁siá' ₂ táng ₃:

Lín' ₅ 'ne ₂ jme ₂dsa ₂ con' ₂ tan ₅₄,

ca ₂ne ₅₄ lia' ₂ jme ₁lín ₄ Melquisedec.‡

⁷ Lia' ₂ con' ₂ jme ₁chan ₂ Jesús mi ₂güig ₃ la ₂, ca ₂mi ₃ tiá ₂ ne ₄ Diú ₄ Jmei ₂, ca ₂'o ₃ a ₂jme ₁mi ₂₃ tion ₅₄ ne ₄ 'éi ₂ i ₂'io ₅ bí ₂ a ₂jme ₁lió ₂ ne ₄ 'mú ₃. Jaun ₂ Diú ₄ nē ₃ ca ₂nág ₂ bá ₄ quió' ₅, 'uig ₅₄ ia ₁ a ₂ca ₂nág ₂ gau ₂ jág ₁ quió' ₅ 'éi ₂.

⁸ O ₁njia' ₅₄ jme ₁lín ₄ Ja ₁ni' ₅₄ Diú ₄, ca ₂rē ₃tín ₃ a ₂nag ₃ gau ₂ tē ₂le ₃ quian' ₅₄ uig ₅ a ₂ca ₂i ₃nē ₂.

⁹ Jaun ₂ jme ₁ca ₂rē ₃nja ₅ quió' ₅, jaun ₂ guē ₄ ca ₂lín ₃ 'uig ₅₄ ja ₁lión ₂ co ₂tan ₅₄ ca ₂le ₃jín ₃ i ₂nag ₅ gau ₂ jág ₁ quió' ₅, ¹⁰ ia ₁ Diú ₄ bá ₄ ca ₂'ag ₃ a ₂lén ₂ jme ₂dsa ₂ dse ₅₄ ca ₂ne ₅₄ lia' ₂ jme ₁lín ₄ Melquisedec.

Go' ₂ nē ₁jua' ₂ ca ₂tí ₂ dsa ₂ a ₂'éin ₂

¹¹ 'Lióng ₂ bá ₄ jág ₁ le ₂nē ₅ cha ₂ a ₂'nió' ₅ jua' ₅₄ jnia' ₅₄, la ₁ia ₁ quian ₅ ta ₁ jua' ₅₄ a ₂jme ₁tín ₅ jnia' ₅₄ 'nia' ₂ jág ₁ nē ₅, ia ₁ a ₂ca ₂lín ₃ 'nia' ₂ cang ₄ dsei' ₂.

¹² Ma ₂líg' ₂ bá ₄ ca ₂rē ₃'én' ₂ 'nia' ₂ jág ₁; rē ₂nē ₃ le ₃jua' ₅₄ a ₂ma ₂ca ₂tíng' ₂ 'nia' ₂ léng' ₂ tē ₅. La ₁ tion ₅₄ bá ₄ 'nió' ₅ jme ₃tag ₅ táng ₃ dsa ₂ quian' ₅₄ 'nia' ₂ jág ₁ 'ua ₁ le ₂'uig ₅₄ quió' ₅ Diú ₄, nē ₂jag ₄ bá ₄ a ₂'nió' ₅ 'ag' ₅₄ 'nia' ₂ jmá' ₃ dsi' ₅₄, 'nió' ₄ a ₂jme ₁quió' ₂ 'nia' ₂ nē ₅.

¹³ Jaun ₂ jui ₁lia' ₂ dsa ₂ i ₂'ín' ₂ jmá' ₃ dsi' ₅₄, lín ₅ jui ₁lia' ₂ lín ₅ guein ₂ i ₂tsá ₃ lín ₄ tín ₂ jág ₁ quió' ₅ jui ₅ co ₂dsau ₅.

¹⁴ Jui ₁lia' ₂ má ₃ quió' ₅ dsa ₂ can' ₅₄ nē ₃, lē ₅ jmá' ₃ quió' ₅ dsa ₂ ma ₂ron ₂, quió' ₅ dsa ₂ i ₂ma ₂'en ₅₄ dsí ₅ i ₂ca ₂rē ₃tín ₃ i ₂ca ₂rē ₃nja ₅ na ₂ jui ₅ dse ₃, na ₂ jui ₅ 'lig' ₅₄ 'e ₂.

6

¹ Jaun ₂ nē ₃, jui ₁dsiá ₁ jniog ₄ cau ₅ jág ₁ le ₂'uig ₅₄ quió' ₅ Cristo a ₂ma ₂ca ₂jme ₁tag ₅ jniog ₄. Ma ₃dsau ₅₄ jniog ₄ ne ₄ jui ₅ ia ₁jaun ₂ lén ₂ jniog ₄ dsa ₂ ma ₂ron ₂. Tsá ₃ ma ₂'nió' ₅ jua' ₅₄ a ₂quián ₂ táng ₃ jniog ₄ 'uig ₅₄ jág ₁ jui ₁lia' ₂ jē ₁jme ₂tsín ₃ dsa ₂ dsí ₅ a ₂tsá ₃ ma ₂jmo ₂₃ jui ₁lia' ₂ a ₂jniog ₂₃ jui ₅ 'mú ₃, jui ₁lia' ₂ 'a ₂lia' ₂ rē ₂'én ₂ dsa ₂ jág ₁ quió' ₅ Diú ₄ nē ₃; ² tsá ₃ ma ₂'nió' ₅ jua' ₅₄ caun ₂ jme ₁tag ₅ jniog ₄ jui ₁lia' ₂ a ₂chon ₅ dsa ₂ jmi ₂g ₂, jui ₁lia' ₂ a ₂quiog ₂ dsa ₂ gu ₂ ne ₄ quió' ₅ dsa ₂, jui ₁lia' ₂ a ₂jen' ₅₄ dsa ₂ jin ₄ 'lag ₄, on ₃ guē ₄ jui ₁lia' ₂ a ₂qui ₃dsí ₅ Diú ₄ 'éi' ₃ co ₂tan ₅₄ nē ₃.

³ Le ₂jaun ₂ jmó ₁ bá ₄ jniog ₄, a ₂dsau ₅₄ ne ₄ jui ₅, chi ₂jua' ₂ jme ₃'o ₅₄ Diú ₄.

⁴ Ia ₁ jui ₁lia' ₂ dsa ₂ i ₂ma ₂ca ₂rē ₃nē ₂ dsí ₅, dsa ₂ i ₂ma ₂ca ₂rē ₃cuí' ₅ 'a ₂lia' ₂ 'ua ₁ dsí ₅ Diú ₄, dsa ₂ i ₂ca ₂tín ₂ jma ₂me' ₂ quió' ₅ Jme ₂dsí ₂ Jnió ₅, ⁵ dsa ₂ i ₂ma ₂ca ₂rē ₃cuí' ₅ a ₂dse ₃ jág ₁ quió' ₅ Diú ₄, dsa ₂ i ₂ma ₂ca ₂rē ₃cuí' ₅ bí ₂ quió' ₅ mi ₂güig ₃ a ₂jiá ₃; ⁶ nē ₁jua' ₂ ca ₂i ₃lén ₂ táng ₃ cau ₅ jui ₅,* tsá ₃ ma ₃lé ₂ dsi ₁te ₁ jniog ₄ jaun ₂ jén' ₃ táng ₃ dsí ₅, ia ₁ nē ₂jag ₄ bá ₄ a ₂tioin ₂₃ táng ₃ cróg ₄ Ja ₁ni' ₅₄ Diú ₄ le ₃quió' ₅ guioin ₅₄, jaun ₂ chei' ₂₃ tē ₃jin ₄ dsa ₂ ia ₁jaun ₂ cán ₂ 'éi ₂ o ₂guí' ₃.

⁷ A ₂lín ₅ dsa ₂ 'éi ₂ lia' ₂ lē ₅ gua' ₅₄ 'uē ₃ a ₂'ín' ₅ jmí ₅ lia' ₂ co ₂ráun ₂ téin ₃ ne ₄ quió' ₅. Nē ₁jua' ₂ ca ₂rau ₂ dse ₃ gua' ₅₄ 'uē ₃ jaun ₂ quió' ₅ dsa ₂ i ₂ca ₂jmo ₃ ta ₁ ja ₁jaun ₂, jaun ₂ lé ₂ le ₃jmó' ₂ ta ₁ 'a ₂ con' ₂ ca ₂rau ₂, jaun ₂ jme ₃gu' ₅₄ bá ₄ Diú ₄.

⁸ La ₁ nē ₁jua' ₂ ca ₂'ia ₂ ni ₁taun ₅ quian' ₅₄ ni ₁nau ₂, jaun ₂ tsá ₃ ma ₃ta ₁ tí ₄ 'uē ₃ jaun ₂; go' ₂ a ₂'ē ₂ Diú ₄ uig ₅. Jē ₁ca ₂tó' ₂ jaun ₂, dsí' ₂ bá ₄ dsa ₂.

A ₂'éin ₂ bá ₄ jniog ₄ jmo ₅ a ₂tióng ₂ tiá ₂

† 5:5 Salmo 2:7. ‡ 5:6 Salmo 110:4. * 6:6 'Nio' ₂ ja ₁ton ₅ 2 Pedro 2:21.

⁹ Rín⁵⁴ jniog₄, o₁jnia⁵⁴ ma₂ně₂jua⁵⁴ jnia⁵⁴ le₂ně₅, caun₂ bá₄ 'ei₅ dsi₅ jnia⁵⁴ a₂jmo² 'nia² dse₃ guě₄ con² guě₄ a₂jaun₂, a₂chan⁵⁴ 'nia² tiá₂ jág₁ a₂lión² 'nia².

¹⁰ Ia₁ dse₃ bá₄ dsi₅ Diú₄, tsá₃ jua⁵⁴ a₂dsi₃ 'én₂ dsi₅ ca₂le₃jě₃ a₂ma₂jmo⁵⁴ 'nia², quian⁵⁴ ca₂le₃jě₃ 'a₂ lia² lě₅ a₂'nió¹₃, a₂rě₂jniá₂ ia₁ a₂ma₂jme²'on⁵⁴ 'nia² dsa₂ rín⁵⁴ jniog₄ i₂'én₂, ju₁lia² caun₂ jmo² 'nia² rě₂ně₃.

¹¹ 'In₅ bá₄ dsi₅ jnia⁵⁴ a₂jmo² 'nia² le₂jaun₂ a₂dse⁵⁴ 'au² le₂jang² le₂jang² ca₂tě₂ jě₂ca₂tó², ia₁jaun₂ lén⁴ 'nia² co₂nei⁵⁴ ca₂le₃jě₃ a₂'ín₂ 'au² 'nia².

¹² Tsá₃ 'niog₂ jnia⁵⁴ jua⁵⁴ a₂le₃juin³ 'nia², la₁ tē₂le₃ o₁nó⁵ 'nia² ne₄ ju₁ quió⁵ dsa₂ i₂ma₂'én₂ i₂ma₂juin² dsi₅ ně₃ jaun₂ ca₂tiin₂ a₂dse₃ lia² con² lě₅ jág₁ quió⁵ Diú₄ a₂ma₂cuě₃.

¹³ Lia² con² jme₁ca₂cuě₃ Diú₄ jág₁ quió⁵ ca₂cuě³ Abraham, ca₂'iin₃ 'niog₅, ia₁ ca₂lia² 'i₁jan₂ i₂sián² tsá₃ jme₁chan₂ i₂juin² guě₄ jua⁵⁴ i₂'in₃.

¹⁴ Jaun₂ ca₂juá²: "Tě₃dsón² bá₄ jme₁gu⁵⁴ jniá₂ 'ne₂ 'nio₅ lin₃, jaun₂ cuín₄ jniá₂ 'ne₂ juin₅ tsi₁jon₂."†

¹⁵ Juin² bá₄ dsi₅ Abraham ca₂jnia₃, jaun₂ ca₂gue₃ bá₄ lia² con² lě₅ jág₁ a₂jme₁ma₂cuě₃ Diú₄.

¹⁶ Ju₁lia² jě₂'in₅ dsa₂ mi₂güig₃ Diú₄, 'iin₂₃ ju₁lia² i₂lín₅ i₂juin² con² guě₄ guioin⁵⁴, a₂jáng⁵ jág₁ dsau₅ a₂dsón² bá₄ tí₅ jág₁, jaun₂ co₂ně₅ bá₄ dsan₂ mi⁵⁴ a₂nió¹₅ quian⁵⁴ riin⁵⁴.

¹⁷ Ján₃ bá₄ le₂ně₅ ca₂jmo₃ Diú₄ ia₁ a₂jme₁'nio₃ jme₃jnia₅ ja₁con₂ dsa₂ i₂ca₂tin₂ gue₃ lia² con² lě₅ jág₁ a₂ca₂cuě₃, a₂tsá₃ jme₂tsiin₃ 'a₂ lia² dsi₂jio₅ dsi₅ jmo₃ ja₁coin₂. Ca₂'iin₃ 'niog₅ ca₂jáng³ jág₁ dsau₅ a₂dsón² bá₄ tí₅ jág₁ quió⁵ a₂ma₂cuě₃.

¹⁸ Jaun₂ ně₃, tē₂le₃ quian⁵⁴ tin₃ ne₅₄ jág₁ ně₅ a₂tsá₃ lé₂ le₃tsín₃ a₂tsá₃ lé₂ le₃jmo₃ Diú₄ tē₂jín₁, (co₂'nió⁴ le₃jua⁵⁴ jág₁ a₂ca₂cuě₃ Diú₄, quian⁵⁴ jág₁ a₂ca₂'iin₃ 'niog₅), jaun₂ gué₁ bá₄ jniog₄ lián² bėn₂ ju₁lia² jniog₄ i₂ma₂cuing⁵⁴ a₂dsi₁lion⁵⁴ ja₁coin₂, ia₁jaun₂ chan⁵⁴ jniog₄ tiá₂ jág₁ a₂'ín₂ dsi₅ jniog₄.

¹⁹ A₂bėn₂ bá₄ jág₁ jaun₂ a₂jmo₅ a₂tióng₂ tiá₂ tē₂dsi₅ jniog₄, ju₁lia² bėn₂ ni₁'lá² quió⁵ ni₁barco jě₁ma₂ca₂quian₃ tiá₂ ca₂tě₂ 'uig⁵⁴ jmi₁ní⁴. Jág₁ a₂'ín₂ dsi₅ jniog₄ jaun₂, a₂'í₂ bá₄ ca₂tě₂ ja₁jnió₅ guě₄ ca₂tě₂ 'nió³ 'mi² jnió₅, ²⁰ ja₁ca₂'í₃ Jesús o₄quián₂ jniog₄, ca₂dsián³ ne₄ ju₁ quián₂ jniog₄, ia₁ a₂ca₂lín₃ jme₂dsa₂ dse⁵⁴ co₂tan⁵⁴, ca₂ne⁵⁴ lia² jme₁lín₄ Melquisedec.

7

Lín₅ Jesús jme₂dsa₂ ca₂ne₅₄ lia² jme₁lín₄ Melquisedec

¹ Melquisedec 'éi₂ ně₃ jme₁lín₄ rag⁵⁴ quián₅ juig₂ Salem, jme₁lín₄ jme₂dsa₂ ně₃ quián₅ Diú₄ i₂juin² guě₄ lin₃. Lia² con² jme₁ca₂jón³ Abraham jme₁ca₂lí³ 'nei₂ a₂ca₂jmo₃ quian⁵⁴ rag⁵⁴ sián², jaun₂ ca₂o₃'ín₃ Melquisedec ca₂jme₃quiong⁵⁴ ca₂jme₃gu⁵⁴ quió⁵.

² Ca₂cuě₃ Abraham ca₂cuě³ Melquisedec caun₂ qui⁵⁴ a₂guia₃ con² tí₅ a₂ca₂lí³ jě₄ 'nei₂. Le₂ne₁, jág₁ lia² chen₂ Melquisedec co₂'nió⁴ le₃jua⁵⁴, Rag⁵⁴ Dse₃; jaun₂ táng₃, ia₁ a₂jme₁lín₄ rag⁵⁴ quián₅ juig₂ Salem, ja₁'nió⁴ le₃jua⁵⁴, ja₁'ei₅ tei₄, ján₃ bá₄ le₂jaun₂ jein₅ jág₁, rag⁵⁴ ja₁'ei₅ tei₄.

³ Tsá₃ jág₁ cha₂ jua⁵⁴ chan₂ jme₁ on₃ guě² chog⁵⁴, on₃ guě² dsa₂ can⁵⁴ quián₅; ján₃ bá₄ tsá₃ jág₁ cha₂ 'e₂ jmi₄ ca₂rě₃chán₃, on₃ guě⁴ 'e₂ jmi₄ ca₂join₃ ně₃. Jaun₂ caun₂ lín₅ jme₂dsa₂ co₂tan⁵⁴ lia² lín₅ Ja₁ni⁵⁴ Diú₄.

† 6:14 Génesis 22:17.

⁴ Nē₃ nē₃, quion₂ 'nia'₂ 'í₁, 'ñio₅ lín₃ jme₁juin'₂ Melquisedec, ca₂lia'₂ jñia₅ 'ñiog₅ Abraham, dsa₂ juin'₂ quián₂ jniog₄, ca₂cuē'₃ 'éi₂ caun₂ qui'₅₄ a₂guia₃ con'₂ tí₅ a₂ca₂lí'₃ quió'₅ rag₅₄ jē₄ 'nei₂.

⁵ Dsau₅ bá₄, lia'₂ con'₂ lē₅ 'Éi'₃ quió'₅ Moisés nē₃, ju₁lia'₂ dsa₂ tsi₁jon₂ Leví i₂ca₂lín₃ ta₁ quió'₅ jme₂dsa₂, ca₂tín₂ cán₂ caun₂ qui'₅₄ a₂guia₃ quió'₅ dsa₂ juig₂ ca₂le₃jē₃ a₂jme₁cha₂ quió'₅, o₁jñia'₅₄ jme₁lín₄ dsa₂ tsi₁jon₂ Abraham riin'₅₄, ju₁lia'₂ lín₅ guioin₅₄ táng₃.

⁶ La₁ia₁ Melquisedec nē₃, o₁jñia'₅₄ guē₄ tsá₃ jme₁lín₄ tsi₁jon₂ Leví, ca₂gue₃ caun₂ qui'₅₄ a₂guia₃ quió'₅ Abraham, ca₂jme₃gu'₅₄ nē₃ quió'₅ i₂jme₁ma₂ca₂gue₃ jág₁ a₂ma₂cuē₃ Diú₄.

⁷ Tsá₃ 'ein₂ lé₂ le₃juá'₂ a₂tsá₃ tí₅ jág₁ la₂: A₂juin'₂ guē₄ dsa₂ i₂jme₂gu'₅₄ con'₂ guē₄ dsa₂ i₂gue₅ a₂jme₂gu'₅₄ jaun₂.

⁸ Jaun₂ jin₄ jniog₄, ju₁lia'₂ i₂gue₅ caun₂ qui'₅₄ a₂guia₃ lín₅ dsa₂ i₂dsan₂; la₁ia₁ tē₂le₃ quió'₅ Melquisedec juá'₂ ne₄ Si₂ 'iin₂₃ 'éi₂ nē₂jag₄ bá₄ jan₂ dsa₂ i₂caun₂ chan₂.

⁹ Mei'₂ tsá₃ lé₂ le₃juá'₅₄, ju₁lia'₂ Leví quian'₅₄ le₃jín₃ jme₂dsa₂ tsi₁jon₂ 'éi₂, ju₁lia'₂ i₂gue₅ qui'₅₄ a₂guia₃ rē₂nē₃, ján₃ bá₄ ca₂quí₃ caun₂ qui'₅₄ a₂guia₃ ja₁con₂ Melquisedec jme₁ca₂quí₃ Abraham, ¹⁰ ia₁ co₂'nió'₄ a₂jme₁ma₂lín₅ bá₄ Leví tsi₁jon₂ Abraham o₁jñia'₅₄ guē₄ tsá₃ jme₁ma₂chain₂, lia'₂ con'₂ jme₁ca₂cuē₃ Abraham qui'₅₄ a₂guia₃ ca₂cuē'₃ Melquisedec.

¹¹ Ca₂gue₃ dsa₂ juig₂ Israel 'Éi'₃ tē₂le₃ quian'₅₄ jme₂dsa₂ levitas, i₂lín₅ tsi₁jon₂ Aarón. Jaun₂ nē₃, jua'₅₄ mei'₂ guē₃ 'éi₂ ca₂tió'₃ jmo₃ a₂ma₂ron₂ dsa₂ tē₂le₃ quian'₅₄ 'Éi'₃ jaun₂, jaun₂ tsá₃ jme₁ma₂'nió'₅ jua'₅₄ a₂jme₁rē₃jiniá₂ táng₃ jan₂ jme₂dsa₂ sián'₂ i₂ca₂ne₅₄ ju₁lia'₂ Melquisedec, on₃jua'₅₄ ju₁lia'₂ Aarón.

¹² Ia₁ jē₁rē₂tsín₃ ta₁ quió'₅ jme₂dsa₂, ján₃ bá₄ le₂jaun₂ 'nió'₅ le₃tsín₃ 'Éi'₃ ján₃.

¹³ Te₁gui'₅₄ quián₂ jniog₄ nē₃, ju₁lia'₂ juá'₂ Si₂ le₂nē₅ 'iin₂₃ 'éi₂, a₂téin₅ tsi₁jon₂ sián'₂, jaun₂ 'i₁jan₂ i₂tén₅ tsi₁jon₂ 'éi₂ tsá₃ ma₂lín₅ ta₁ quió'₅ ne₄chei₂.

¹⁴ Ia₁ ne₄ bá₄ jniog₄, a₂ca₂rē₃chán₃ Te₁gui'₅₄ quián₂ jniog₄ a₂lín₅ jan₂ tsi₁jon₂ quián₅ Judá. La₁ tsá₃ 'e₂ ca₂juá'₂ Moisés 'iin₂₃ tsi₁jon₂ 'éi₂ jme₁ca₂dsia₃ a₂'ē₂₃ ju₁lia'₂ ta₁ quió'₅ jme₂dsa₂.

¹⁵ 'Ñio₅ guē₄ rē₂ léi₄ táng₃ jme₁ca₂rē₃jiniá₂ jan₂ jme₂dsa₂ sián'₂ i₂lín₅ ju₁lia'₂ Melquisedec, ¹⁶ tsá₃ ca₂lín₃ jme₂dsa₂ 'uig₅₄ ia₁ a₂quí'₅ 'Éi'₃ a₂juá'₂ 'ein₂ tsi₁jon₂ 'nió'₅ jiá₃, jñia'₅₄ lia'₂ a₂lín₅ jme₂dsa₂ 'uig₅₄ bí₂ quió'₅ jme₂dsi₂ a₂tsá₃ lé₂ dsi₃'én₂.

¹⁷ Ia₁ le₂la₂ bá₄ juá'₂ Diú₄ 'iin₂₃ 'éi₂:

lín₅ 'ne₂ jme₂dsa₂ con'₂ tan₅₄,

ca₂ne₅₄ lia'₂ jme₁lín₄ Melquisedec.*

¹⁸ Jaun₂ nē₃, co₂ñei'₅₄ ca₂'ná₂ 'Éi'₃ a₂jme₁lē₄ le₂jñiá₅, ia₁ a₂tsá₃ jme₁bén₂, a₂tsá₃ ta₁ tí₄ nē₃.

¹⁹ Ia₁ tsá₃ ca₂tió'₃ 'Éi'₃ jua'₅₄ a₂jme₃'ñiai₂₃ ta₁. Tē₂le₃ ca₂rē₃chá₃ quián₂ jniog₄ caun₂ jág₁ a₂dse₃ guē₄ a₂'ín₂ dsi₅ jniog₄, tē₂le₃ quian'₅₄ a₂lé₂ jme₁quián₄ jniog₄ ja₁con₂ Diú₄.

²⁰ Tsá₃ ca₂cuē₃ Diú₄ jág₁ jaun₂ quió'₅ a₂'ín₂ dsi₅ jniog₄ jua'₅₄ tsá₃ ca₂'iin₃ 'ñiog₅. Ju₁lia'₂ jme₂dsa₂ le₂jñiá₅ nē₃, ca₂lín₃ ta₁ jaun₂ la₁ia₁ on₃jua'₅₄ chan₂ 'ein₂ ca₂'in₃ Diú₄ jme₁ca₂'ag₃.

²¹ La₁ tē₂le₃ quió'₅ Te₁gui'₅₄ quián₂ jniog₄ nē₃, chan₂ jan₂ i₂ca₂'in₃ Diú₄ jme₁ca₂lín₃ jme₂dsa₂. Ia₁ ne₄ Si₂ juá'₂ tsí'₅ 'éi₂:

* 7:17 Salmo 110:4. Chog₅₄ si₂ a₂dse₃ guē₄ tsá₃ le₁ton₅ jág₁ a₂tió'₅₄ 'ñió'₃ corchetes [le₂la₂].

Ca₂'in₃ Diú₄ 'ŋiog₅,

jaun₂ tsá₃ lé₂ jme₃tsín₃ dsí₅:

“Lín₅ 'ne₂ jme₂dsa₂ con₂ tan₅₄,

[ca₂ne₅₄ lia₂ jme₁lín₄ Melquisedec].”†

²² Uig₅₄ jaun₂, Jesús bá₄ i₂jmo₅ 'í₁ jág₁ a₂ma₂li₅₄ a₂dse₃ gué₄ jaun₂.

²³ Jui₁lia₂ jme₂dsa₂ i₂ca₂rě₃chán₃ gua₅₄ 'uě₃ ně₃, juin₅ ca₂lín₃, ia₁ tsá₃ ca₂cuě₃ 'mú₃ jmig₄ jua₅₄ caun₂ lín₅ ta₁ jaun₂.

²⁴ La₁ 'uig₅₄ ia₁ a₂chan₂ Jesús co₂tan₅₄ ně₃, jaun₂ con₂ tan₅₄ bá₄ lín₅ ta₁ jme₂dsa₂.

²⁵ Uig₅₄ jaun₂ lé₂ le₃lióin₂ co₂ŋei₅₄ le₃jín₃ i₂jme₂quián₃ ja₁con₂ Diú₄ tē₂le₃ quian₅₄ 'éi₂, ia₁ chain₂ co₂tan₅₄ a₂qui₃mi₃ ne₄ Diú₄ o₄quió₄ le₃jín₃ 'éi₂.

²⁶ Jaun₂ ně₃, dsi₂ten₅₄ bá₄ a₂lín₅ Jesús jme₂dsa₂ dsen₅₄ i₂jme₁'nió₅ quián₂ jniog₄. 'Éi₂ bá₄ i₂jnió₅, 'i₁caun₂ a₂'lig₅₄ tsá₃ 'e₂ cha₂ ja₁coin₂, on₃ guě₂ dso₄ rě₂cáin₄, i₂rě₂jnia₅₄ cau₅ tsá₃ quia₁in₅₄ dsa₂ i₂'no₅ dso₄, i₂ca₂ron₂ guě₄ ŋei₅ con₂ guě₄ guei₅₄ mi₂güig₃.

²⁷ Tsá₃ lín₅ lia₂ lín₅ jme₂dsa₂ dsen₅₄ sián₂. Tion₅₄ 'nió₅ qui₂jme₃dsiain₂₃ já₂ a₂jén₅ ne₄ Diú₄ lia₂ caun₂ jmig₄, o₄quió₄ dsá_{u1} guioin₅₄ le₂jniá₅, jaun₂ guě₄ o₄quió₄ dsá_{u1} dsa₂ juig₂. La₁ia₁ Jesús ně₃ co₂ráun₂ tan₅₄ bá₄ ca₂jmo₃ jme₁ca₂jéin₂ 'ŋiog₅.

²⁸ Jaun₂ Si₂ 'Éi₃ quió₅ Moisés ně₃, 'in₂₃ dsa₂ mi₂güig₃ 'uan₅₄ a₂lén₂ jme₂dsa₂ dsen₅₄. La₁ cang₂ guě₄ jaun₂, ca₂cuě₃ Diú₄ jág₁ quió₅ ca₂'in₃ 'ŋiog₅ jme₁ca₂'in₃ Ja₁ŋi₅₄ a₂lén₂ 'éi₂ jme₂dsa₂ dsen₅₄ con₂ tan₅₄ ia₁ ca₂jme₃ŋiai₂₃ co₂ŋei₅₄.

8

Jesús bá₄ i₂chén₅ ne₄ jág₁ 'mí₂ a₂lí₅₄ quian₅₄ Diú₄

¹ A₂la₂ bá₄ jág₁ dsen₅₄ guě₄ a₂ma₂ja₂ná_{u5} jnia₅₄ jua₂: a₂chan₂ bá₄ ja₂ jme₂dsa₂ dsen₅₄ le₂'éi₂ quián₂ jniog₄, i₂ma₂ca₂guá₂ tē₂le₃ gu₂ ne₁ ne₄ ta₁ quió₅ Diú₄ guei₅₄ i₂juig₃.

² Ján₃ bá₄ jme₂ti₃ a₂lín₅ jme₂dsa₂ dsen₅₄ dsi₂néi₂ guá₅ jnió₅ tē₃dsón₂ a₂ca₂chi₃ 'ŋiog₅ Te₁gui₅₄, on₃jua₅₄ a₂ca₂jmóg₃ dsa₂ mi₂güig₃.

³ Le₃jín₃ jme₂dsa₂ dsen₅₄ rě₂'in₁ ia₁ jaun₂ qui₃jén₃ 'e₂ cuě₃ Diú₄, qui₃dsín₂ já₂ ně₃ ne₄ Diú₄. Uig₅₄ jaun₂ tion₅₄ 'nió₅ a₂cha₂ caun₂ 'e₂ a₂jén₃ Jesucristo ne₄ 'éi₂.

⁴ Jua₅₄ mei₂ guě₃ 'éi₂ ně₃, 'ein₅₄ gua₅₄ 'uě₃, on₃ guě₂ jme₁lén₂ jme₂dsa₂, ia₁ chan₂ bá₄ guě₄ jme₂dsa₂ i₂qui₂jén₅ 'e₂ cuě₃ lia₂ con₂ lě₅ quí₅ Si₂ 'Éi₃ quió₅ Moisés.

⁵ Jme₂dsa₂ la₂ ně₃ jme₂ti₃ ta₁ a₂lín₅, dsi₂néi₂ guá₅, a₂lě₅ nió₄ a₂rě₂'uin₄ quió₅ ja₁jnió₅ a₂cha₂ guei₅₄ i₂juig₃; a₂lě₅ co₂'nió₄ 'en₂ a₂cuě₅ léi₄ quió₅ a₂ma₂já₅. Ma₂ne₄ bá₄ jniog₄ a₂rě₂'uin₄ bá₄ jaun₂, ia₁ lia₂ con₂ jme₁ma₂chi₃ Moisés guá₅ tabernáculo jaun₂, ca₂juá₂ Diú₄: “Jag₄ de₂ tion₂ jui₅ jmo₄ con₂ lě₅ nió₄ a₂ca₂'ě₃ jniá₂ ne₄ má₂.”*

⁶ La₁ia₁ jme₂dsa₂ dsen₅₄ quián₂ jniog₄ guě₂ ně₃, ma₂ca₂'ió₃ ta₁ a₂jlá₁ guě₄ lín₃. Ján₃ bá₄ le₂ně₅ a₂jlá₁ guě₄ lín₃ jág₁ a₂lí₅₄ a₂chén₅ 'éi₂ ne₄, ia₁ a₂'io₅ 'uig₅₄ bēn₂ a₂dse₃ guě₄ a₂lě₅ jág₁ a₂ma₂cuě₃ Diú₄.

⁷ Ia₁ jua₅₄ mei₂ guě₃ jág₁ a₂jme₁lí₅₄ le₂'uig₅₄ tsá₃ 'e₂ jme₁'nió₅, jaun₂ tsá₃ 'uig₅₄ cha₂ jua₅₄ a₂jme₁lé₂ jág₁ jē₁ca₂tě₂ táng₃.

⁸ Ia₁ Diú₄ ně₃ ca₂dsó₂ ja₁con₂ dsa₂ 'éi₂ caun₂ a₂tsá₃ rě₂'ŋia₅, jaun₂ ca₂juá₂:

† 7:21 Salmo 110:4. Chog₅₄ si₂ a₂dse₃ guě₄ tsá₃ le₁ton₅ jág₁ a₂tio₅₄ 'ŋió₃ corchetes [le₂la₂]. * 8:5 Éxodo 25:40.

Jiá₃ caun₂ jmig₄, juá'₂ Te₁gui'₅₄,
 a₂jmo₅₄ jniá₂ caun₂ jág₁ 'mí₂
 a₂li'₅₄ quian'₅₄ dsa₂ juig₂ Israel
 quian'₅₄ dsa₂ juig₂ Judá ně₃.
 9 On₃jua'₅₄ a₂lé₂ lia'₂ lě₅ jág₁
 jme₁ca₂jmo₃ jniá₂ quian'₅₄ dsa₂ can'₅₄ quiáin₅
 lia'₂ con'₂ jmig₄ jme₁ca₂tě₅₄ jniá₂
 ca₂jmá'₃ gu₂ ca₂'u_{in}'₅₄ 'uě₃ Egipto.
 La₁ tsá₃ ca₂jme₃ti₃ con'₂ lě₅ jág₁ quió₃
 a₂jme₁ca₂jmo₃ jniá₂ quiain'₅₄.
 'Uig₅₄ jaun₂ bá₄ ca₂téin₃ jniá₂,
 juá'₂ Te₁gui'₅₄.
 10 Jág₁ a₂jmo₅₄ jniá₂ quian'₅₄ dsa₂ juig₂ Israel
 jě₁ma₂ŋí₂ jmig₄ jaun₂ lé₂ le₂la₂, juá'₂ Te₁gui'₅₄:
 Co₅₄ jniá₂ 'éi'₃ quió₃ ja₁'i₄ dsi₄ dsa₂.
 Ján₃ bá₄ le₂jaun₂ taun₅₄ jniá₂ né'₃ tě₂dsí₅.
 Jaun₂ guě₄ lén₂ jniá₂ Diú₄ quiáin₅,
 dsa₂ 'éi₂ guě'₂ ně₃ lén₂ dsa₂ juig₂ quiáng₃.
 11 Tsá₃ 'nió'₅ jua'₅₄ jme₃ti_{in}₂₃
 le₂jan₂ le₂jan₂ dsa₂ go₅₄, on₃ guě'₂ riin'₅₄,
 ia₁jaun₂ le₃cu_{in}₂₃ Te₁gui'₅₄,
 ia₁ le₃jín₃ bá₄ le₃cuig₅ jniá₂
 lia'₂ i₂me'₂ guě₄ lia'₂ i₂juin'₂ ně₃.
 12 Jniá₂ ně₃ a₂ŋéi₂ dsi₃ 'éng₄
 le₃jě₃ a₂'lig'₅₄ a₂qui₂rě₂cáin'₄,
 lia'₂ o₁líg'₂ jmig₄ tsá₃ ma₃dsiog'₂ dsi₃
 dsá_u₁ dsa₂.†
 13 Ju₁lia'₂ jě₁'ě₅ Diú₄ jág₁ 'mí₂ a₂li'₅₄, co₂'nió'₄ a₂jmo₂₃ a₂tsá₃ ma₃ta₁ tí₄
 jág₁ a₂jme₁li'₅₄ le₂'uig₅₄. Ju₁lia'₂ a₂tsá₃ ta₁ tí₄ ně₃, a₂ma₂'ei₅ ne₄ lě₂ gui'₅₄,
 a₂ma₂ja₂quián₃ dsi₃'én₂ bá₄ jaun₂.

9

Guá'₅ a₂cha₂ gua'₅₄ 'uě₃ la₂, quian'₅₄ guá'₅ a₂cha₂ guei'₅₄ i₂juig₃

1 Ně₃ ně₃, ju₁lia'₂ jág₁ a₂jme₁li'₅₄ le₂'uig₅₄, jme₁quian'₅₄ 'éi'₃ ju₁lia'₂ 'a₂ lia'₂
 jme₃ti₃ dsa₂ ne₄ Diú₄, ján₃ bá₄ jme₁cha₂ caun₂ ja₁ŋi_ó₅ a₂ca₂jmo₃ dsa₂ mi₂güig₃.
 2 Ju₁lia'₂ guá'₅ tabernáculo jaun₂: dsi₂néi₂ le₂'uig₅₄ jaun₂ jme₁chí'₄ ni₁ŋí₁
 a₂le₁dsi₅₄ tag₄ ja₁le₁guí'₂ si₂, quian'₅₄ ni₁mesa ja₁niog₅ i₁ŋí'₄ ŋi_ó₅; “ja₁ŋi_ó₅”
 jme₁chei₂ dsi₂néi₂ le₂'uig₅₄ jaun₂. 3 Le₃co'₅₄ 'mi'₂ cortina ja₁ca₂tě₂ táng₃, jme₁lě₄
 ja₁chei₂ Ja₁ŋi_ó₅ Li₃ Guě₄. 4 Ja₁jaun₂ jme₁chí'₄ caun₂ ne₄chei₂ a₂lě₅ jmá'₃
 quian'₅₄ cu₄nió₄ ja₁qui₂dsi'₂ chen₂, quian'₅₄ ts₁igu₅ quió'₅ jág₁ a₂li'₅₄ quian'₅₄
 Diú₄. Rě₂lióg₃ ta₁caun₂ ts₁igu₅ quian'₅₄ cu₄nió₄. 'Ňi_ó'₃ jaun₂ jme₁chí'₄ ni₁dsig₁
 cu₄nió₄ a₂jme₁tio'₅₄ i₁ŋí'₄ maná, quian'₅₄ 'ma₂'i₅₄ quió'₅ Aarón a₂ca₂'ia₂ tsin₅
 ně₃. Ján₃ bá₄ jme₁tio'₅₄ ni₁cang₁ 'í₂ a₂le₁ton₅ jág₁ a₂li'₅₄ quian'₅₄ Diú₄. 5 Ne₄
 ts₁igu₅ jaun₂ jme₁tión₂ le₁ŋné₅ querubines, co₂'nió'₄ léi₄ a₂tág₅ co₂'né'₅ quió'₅
 Diú₄. Jme₁le₁ŋné₅ qui₂rě₂jlě₅ quian'₅₄ ts₁rě₂cu₅ ja₁'én₂ Diú₄ dsá_u₁ dsa₂. La₁ia₁
 tsá₃ jě₄ jua'₅₄ le₃jua'₅₄ guě₄ jnia'₅₄ jág₁ 'lióng₂ ju₁lia'₂ ca₂le₃jě₃ a₂ně₅, ne₄ si₂ la₂.
 6 Jme₁ma₂lě₅ co₂ŋia₅₄ le₃jě₃ a₂jaun₂ ně₃, jaun₂ guě₄ qui₂dsi₂ton'₅₄ i₂gú'₃
 jme₂dsa₂ dsi₂néi₂ le₂'uig₅₄ qui₂dsi₂jmó₂ lia'₂ con'₂ lě₅ ta₁ a₂lín₅. 7 La₁ia₁ jě₁ca₂tě₂
 táng₃ dsi₂néi₂, dsi₂'í₂ jnia'₅₄ lia'₂ jme₂dsa₂ dsen₅₄ co₂ráun₂ lia'₂ caun₂ ŋi₂, la₁ tsá₃

† 8:12 Jeremías 31:31-34.

'í₂ jua'₅₄ tsá₃ quian'₅₄ jmi'₄ já'₂ a₂qui₂dsi₃jen'₅₄ o₄quió'₄ dsáu₁ 'ñiog₅ quian'₅₄ dsáu₁ dsa₂ juig₂ a₂ca₂'náu₂ tē₃ tsá₃ ñi₅. ⁸ Le₂nē₅ jme₁jme₂jniá'₂ Jme₂dsí₂ Jnió₅, a₂tsá₃ jme₁ma₂rē₂na₄ guē₄ jui₅ ja₁dsi₃ton'₅₄ dsa₂ ja₁jnió₅ lín₃ guē₄, tē₁lia'₂ jme₁chí'₄ guē₄ guá'₅ le₂'uig₅₄. ⁹ Co₂'nió'₄ a₂jáng'₅ léi₄ a₂la₂, jui₁lia'₂ quió'₅ jmi₄g₄ rē₂nē₃, ia₁ le₃jē₃ a₂cuē'₃ dsa₂ Diú₄, quian'₅₄ le₃jín₃ já'₂ a₂qui₂jén'₅ dsa₂ ne₄ Diú₄ nē₃, tsá₃ a₁jaun₂ tió'₅ le₃'ña₅ dsa₂ jua'₅₄ a₂jniá'₂ a₂qui₂dsi₂jni₅ dsí₅. ¹⁰ Jniá'₅₄ lia'₂ jaun₂ bá₄ ta₁ qui'₅ le₃jē₃ a₂jaun₂ jui₁lia'₂ 'a₂lia'₂ lē₅ má₃ a₂guē'₅ dsa₂, a₂'ín'₂ dsa₂, quian'₅₄ le₃jē₃ guē₄ 'e₂ a₂jmo₂₃ a₂le₁jín₃, jmá'₃ 'éi'₃ quió'₅ le₃co'₅₄, jaun₂ quen₅ ca₂tiá₂, ca₂lia'₂ jme₃rē₃ Diú₄ le₃jē₃.

Ta₁ a₂quí'₅ jmi'₄ Cristo

¹¹ La₁ia₁ ma₂guan₅ Cristo, jaun₂ 'éi₂ bá₄ ma₂lín₅ jme₂dsa₂ dsen₅₄ i₂quió'₅ le₃jē₃ a₂dse₃ a₂ma₂o₂lé₂. Ma₂ca₂'í₃ guá'₅ jlá'₁ guē₄ a₂rē₂'ña₅, on₃jua'₅₄ a₂ca₂jmo₃ dsa₂ mi₂güig₃. Co₂'nió'₄ le₃jua'₅₄, on₃jua'₅₄ quió'₅ mi₂güig₃ la₂. ¹² On₃jua'₅₄ a₂ca₂'í₃ tē₂le₃ quian'₅₄ jmi'₄ chein₄ lau₂ on₃ guē₄ quian'₅₄ jmi'₄ guein₂ ca₁jui₅ nē₃, la₁ tē₂le₃ quian'₅₄ jmi'₂ 'ain₅₄ 'ñiog₅ bá₄ ca₂'í₃ ja₁jnió₅ guē₄ co₂ráun₂ tan₅₄, jaun₂ le₂nē₅ bá₄ ca₂'náu₂ a₂lió₂ jniog₄ co₂tan₅₄. ¹³ Dsón'₂ bá₄ dsau₅ qui'₅ ta₁ jui₁lia'₂ jmi'₄ ca₁jui₅, quian'₅₄ jmi'₄ chein₄ lau₂, quian'₅₄ ti₁juá₃ quió'₅ guein₂ ca₁jui₅ i₂qui₂dsin'₂ ne₄chei₂, a₂qui₂rē₂séi₂ ne₄ quió'₅ dsa₂ i₂tsá₃ le₁jín₃. Qui'₅ ta₁ a₂jme₃jnió₃ jui₁lia'₂ dsa₂ i₂ma₂le₁jín₃ le₃co'₅₄. ¹⁴ La₁ ja₂lín₃ guē₄ quen₅ jmi'₄ Cristo i₂ca₂jéin'₂ 'ñiog₅ ne₄ Diú₄ tē₂le₃ quian'₅₄ Jme₂dsí₂ i₂chan₂ co₂tan₅₄, ca₂join₃ tē₃ tsá₃ 'e₂ rē₂cáin'₄. Quian'₅₄ jui₅bí₂ jmi'₄ Cristo a₂jmo₅ le₁jē₃ tē₂dsi₅ jniog₄, a₂tsá₃ ma₃jmo₂ jniog₄ a₂jio₅ jui₅ 'mú₃ ia₁jaun₂ lé₂ jme₁ti₁ jniog₄ ne₄ Diú₄ jén'₃.

¹⁵ 'Uig₅₄ jaun₂, Jesucristo bá₄ lín₅ i₂chén'₅ ne₄ jág₁ 'mí₂ a₂li'₅₄ * quian'₅₄ Diú₄, ia₁jaun₂ jui₁lia'₂ i₂ma₂ca₂tág₃ Diú₄, lé₂ le₃gue₃ a₂ca₂ti₂ a₂jio₅ co₂tan₅₄ con'₂ lē₅ jág₁ a₂ma₂cuē₃ Diú₄ a₂cuē₃. Ia₁ quian'₅₄ 'mú₃ quió'₅ Cristo, ca₂lón₂ dsa₂ i₂ca₂'náu₂ dso₄ lia'₂ con'₂ jme₁li'₅₄ guē₄ jág₁ le₂'uig₅₄.

¹⁶ Jui₁lia'₂ ja₁ron₅ jág₁ a₂ma₂quiog₂ dsa₂ né₃ guē₄ a₂jóin₂, tion₅₄ 'nió'₅ con₂ dsa₂ jág₁ dsau₅ chi₂jua'₂ ma₂jon₅ bá₄ dsa₂ i₂ca₂jmo₃, ia₁jaun₂ bá₄ lé₂ le₃ti₃ jág₁ a₂ca₂quiog₂ jaun₂. ¹⁷ Jaun₂ lē₃, tsá₃ ta₁ tí₄ jág₁ le₂jaun₂ tē₁lia'₂ nē₅ bá₄ chan₂ dsa₂ i₂ca₂jmo₃; jniá'₅₄ lia'₂ jē₁ma₂ca₂join₃ bá₄ qui'₅ ta₁. ¹⁸ 'Uig₅₄ jaun₂, jág₁ a₂jme₁li'₅₄ nē₃, tsá₃ ca₂quí'₃ ta₁ jua'₅₄ tsá₃ ca₂tang₂ jmí₂. ¹⁹ Ia₁ cang₂ jme₁ma₂ca₂'ē₂ Moisés ca₂le₃jē₃ jág₁ quió'₅ 'Éi'₃ Juá'₅ ca₂'ē₃ dsa₂ juig₂, jaun₂ guē₄ ca₂can₃ ni₁jni₂ guéin₂ quió'₅ já'₂ chá'₂, quian'₅₄ caun₂ ni₁gu'₂ ni₁'ma₂ hisopo, jaun₂ ca₂jme₃jlé'₃ quian'₅₄ jmi'₄ guein₂ ca₁jui₅ quian'₅₄ jmi'₄ chein₄ lau₂ a₂rē₂cón'₅ quian'₅₄ jmi₄g₂, † jaun₂ guē₄ ca₂séi₂ lia'₂ ne₄ si₂ a₂rē₂bín₅ ja₁le₁ton₅ 'éi'₃, lia'₂ ne₄ quió'₅ le₃jín₃ dsa₂ nē₃. ²⁰ Jaun₂ guē₄ ca₂tsí'₃ dsa₂ juig₂: "A₂la₂ bá₄ jmi₂ quió'₅ jág₁ a₂ma₂li'₅₄ quian'₅₄ Diú₄, lia'₂ con'₂ lē₅ 'éi'₃ a₂ma₂jmo₃ Diú₄ quián'₂ 'nia'₂." ‡ ²¹ Ján₃ bá₄ ca₂séi₂ Moisés quian'₅₄ jmi₂ jaun₂, guá'₅ tabernáculo quian'₅₄ le₃jē₃ guē₄ a₂jmó'₂ dsa₂ ta₁ guá'₅. ²² Dsón'₂ bá₄ jaun₂, con'₂ lē₅ ta₁ qui'₅ Si₂ 'Éi'₃, mei'₂ tsá₃ le₃jē₃ bá₄ 'nió'₅ qui₂le₃chí₂ quian'₅₄ jmi₂. Jaun₂ tsá₃ o₂'én₂ dso₄ cha₂ jua'₅₄ tsá₃ qui₂i₂'o₅₄ jmi₂.

Jmi'₂ a₂ca₂jén'₃ Cristo bá₄ jniá'₂ dsáu₁ dsa₂

²³ Jaun₂ lē₃, tion₅₄ bá₄ qui₂le₃chí₂ le₂nē₅ quian'₅₄ jmi'₄ já'₂ ca₂le₃jē₃ a₂jaun₂ a₂qui₂rē₂'uin₄ jui₁lia'₂ quió'₅ guei'₅₄ i₂juig₃. La₁ia₁ ca₂le₃jē₃ a₂nē₅ a₂cha₂ guei'₅₄ i₂juig₃ nē₃, tion₅₄ 'nió'₅ séi₂ quian'₅₄ jmi₂ a₂dse₃ guē₄ con'₂ guē₄ a₂jaun₂. ²⁴ Ia₁ on₃jua'₅₄ a₂ca₂'í₃ Cristo dsi₂néi₂ ja₁jnió₅ jaun₂ a₂rē₂lag₄ quian'₅₄ gu₂-tag₄ dsa₂ mi₂güig₃, a₂rē₂'uin₄ quió'₅ ja₁jnió₅ 'ñiog₅ dsón'₂, la₁ tē₂le₃ co₂dsau₅ guei'₅₄ i₂juig₃

* 9:15 'Nio'₂ ja₁ton₅ Mateo 26:28, Marcos 14:24, Lucas 22:20, 1 Corintios 11:25. † 9:19 'Nio'₂ ja₁ton₅ Juan 19:34. ‡ 9:20 Éxodo 24:8.

'ñiog₅ dsón'₂ bá₄ ca₂'í₃, ja₁qui₂jme₂jniai₂₃ jmig₄ rē₂ně₃ ne₄ Diú₄ o₄quián'₂ jniog₄.
²⁵ Tsá₃ jaun₂ qui₂ca₂'í₃ i₂gú'₃ jua'₅₄ qui₂ca₂jén'₂ 'ñiog₅ jui₁lia'₂ dsi₂'í₂ jme₂dsa₂
 dsen₅₄ ja₁jnió₅ guě₄ lia'₂ caun₂ ñi₂ a₂qui₂dsi₂jen'₅₄ jmi₄ i₂sián'₂. ²⁶ Jua'₅₄ mei'₂ guě₃
 le₂jaun₂ ně₃, tion₅₄ bá₄ jme₁'nió'₅ jóin₂ 'lióng₂ ráun₂ ca₂le₃ ca₂nio₃ mi₂güig₃. La₁ia₁
 le₂la₂ bá₄ lě₅ jui₁lia'₂ rē₂ně₃, a₂jě₁ma₂ca₂dsin₃ jmig₄, ca₂jme₂jniá₂ Cristo co₂ráun₂
 tan₅₄ bá₄ ia₁jaun₂ lé₂ le₃jniá'₂ dsáu₁ dsa₂ tē₂le₃ quian'₅₄ a₂ca₂jén'₂ 'ñiog₅. ²⁷ Jaun₂
 jui₁lia'₂ co₂ráun₂ bá₄ ca₂tín₂ dsa₂ mi₂güig₃ dsián₃, jaun₂ cang₂ jaun₂ jiá₃ jmig₄
 jě₁tě₃dsi₅₄ 'éi'₃, ²⁸ ján₃ bá₄ le₂jaun₂, co₂ráun₂ tan₅₄ bá₄ ca₂jon₃ Cristo ia₁jaun₂
 qui₃cán₂ dsáu₁ dsa₂ mi₂güig₃. Cang₂ guě₄ jaun₂ jme₂jniai₂₃ jě₁ca₂tě₂ táng₃, la₁
 on₃jua'₅₄ 'uig₅₄ dsáu₁ dsa₂, a₂ja₃lioin₅₄ jui₁lia'₂ i₂qui₂le₁ñiog₅ bá₄.

10

¹ Ia₁ Si₂ 'Éi'₃ quió'₅ Moisés ně₃, co₂'nió'₄ caun₂ 'en'₂ quió'₅ a₂dse₃ a₂ja₃lé₂,
 on₃jua'₅₄ rē₂' a₂lia'₂ lě₅ dsón'₂. 'Uig₅₄ jaun₂, lia'₂ o₁líg'₂ jmig₄ tsá₃ tió'₅ 'Éi'₃ jaun₂
 jua'₅₄ a₂jme₂'ñiai₂₃ jui₁lia'₂ dsa₂ i₂ja₂quián₃ ja₁con₂ Diú₄ tē₂le₃ quian'₅₄ a₂caun₂
 qui₂jén'₃ jmi₄ já'₂ le₂jaun₂, lia'₂ 'í₂ ñi₂.

² Jua'₅₄ mei'₂ guě₃ tió'₅ le₂jaun₂, ětsa₁ jme₁ma₂'ná₃ a₂jén'₃ dsa₂ já'₂ ne₄ Diú₄, lín'₂
 'nia'₂? Ia₁ tsá₃ ma₂'e₂ qui₂dsi₂jñi₅ dsí₅ dsa₂ dsáu₁ i₂jme₂ti₃ le₂jaun₂ jě₁ma₂ca₂rín'₂
 jme₂dsí₂ quió'₅.

³ Tē₂le₃ qui₂dsau'₂ dsí₅ bá₄ dsa₂ lia'₂ 'í₂ ñi₂ a₂jén'₂ já'₂ a₂qui₂rē₂cáin'₄ dso₄, ⁴ ia₁
 tsá₃ lé₂ jniá'₂ dsáu₁ dsa₂ jui₁lia'₂ jmi₄ ca₁ju₅ quian'₅₄ jmi₄ chein₄ lau₂.

⁵ 'Uig₅₄ jaun₂, lia'₂ con'₂ jme₁ca₂'í₃ Cristo mi₂güig₃, ca₂juá'₂ ca₂tsí'₃ Diú₄:

Tsá₃ 'niog'₂ a₂qui₂jén'₂ dsa₂ já'₂ ne'₅₄,
 on₃ guě'₂ 'niog'₂ 'e₂ jme₁cuě'₅ dsa₂ 'ne₂.

La₁ ca₂jmo'₅₄ co₂jñia₅₄ quió'₃
 caun₂ ñi₄ dsa₂ mi₂güig₃.

⁶ Tsá₃ ca₂tě₂ 'au'₂ a₂qui₂dsin'₂ dsa₂ já'₂,
 on₃ guě₄ ca₂tě₂ 'au'₂ 'e₂ a₂qui₂ca₂cuě'₃ dsa₂ 'ne₂
 o₄quió'₄ dsáu₁ dsa₂.

⁷ 'Uig₅₄ jaun₂ ca₂juá'₃:

“Jag₄, la₂ guio₃, jmo₅₄ a₂'ñio₂ 'au'₂ 'ne₂,

Diú₄ quiáng₃,

jui₁lia'₂ chi₁ton₅ ne₄ si₂ a₂rē₂bin₅,

a₂'ag₂₃ jniá₂.”*

⁸ Le₂'uig₅₄, juá'₂: “Tsá₃ 'nio₃ Diú₄ on₃ guě'₂ tē₅ dsí₅ a₂qui₂jén'₂ dsa₂ já'₂ ne₅₄, on₃
 guě'₂ jui₁lia'₂ a₂jme₁cuě'₅ dsa₂ Diú₄ o₄quió'₄ dsáu₁ dsa₂”, (o₁jñia'₅₄ jén'₃ dsa₂ lia'₂
 con'₂ qui'₅ 'Éi'₃ a₂'nió'₅ jmo₃ dsa₂).

⁹ Jaun₂ ně₃, cang₂ guě₄ jaun₂, juá'₂: “La₂ guio₃ jmo₅₄ a₂'ñio₂ 'au'₂ 'ne₂, Diú₄
 quiáng₃.” Co₂'nió'₄ a₂juá'₂ ca₂dsia₃ cau₅ a₂le₂'uig₅₄ jaun₂, ia₁jaun₂ ca₂chi'₃ jág₁
 jě₁ca₂tě₂ táng₃.

¹⁰ 'Uig₅₄ ia₁ a₂ca₂jmo₃ Jesucristo a₂'ñio₂ dsí₅ Diú₄ jaun₂, ma₂ca₂rē₃jñi₄ jniog₄
 jme₁ca₂jén'₃ ni₁ñi₁₂ 'ñiog₅ co₂ráun₂ tan₅₄. ¹¹ Caun₂ tión₂ bá₄ jme₂dsa₂ lia'₂ 'í₂ jmig₄
 a₂qui₂jmo₂₃ ta₁ a₂lín₅, lia'₂ ma₂jmo₂₃ jaun₂ bá₄ a₂qui₂jén'₂ já'₂ 'lióng₂ ráun₂, ton'₂
 tsá₃ tió'₅ guě'₂ 'éin₂ dsáu₁ dsa₂.

¹² La₁ Jesucristo ně₃, jme₁ma₂ca₂jén'₂ 'ñiog₅ co₂ráun₂ tan₅₄ jaun₂ o₄quió'₄
 dsáu₁ dsa₂, jaun₂ guě₄ ca₂guá₂ tē₂le₃ gu₂ ne₁ Diú₄.

¹³ Ja₁jaun₂ guá₅ chi₁jñia₂₃ ca₂lia'₂ ca₂jmo₃ Diú₄ co₂'nió'₄ caun₂ ja₁chi'₃ tag₅₄
 quian'₅₄ quió'₅ dsa₂ i₂'iog₅₄ quió'₅.

* 10:7 Salmo 40:6-8.

14 Ia₁ tē₂le₃ quian'₅₄ a₂ca₂jéin'₂ co₂ráun₂ jaun₂, ca₂rē₃'ñia₅ co₂tan₅₄ dsa₂ i₂lē₅ 'í₁ quiáin₅.

15 Ján₃ bá₄ le₂jaun₂ jáng'₅ jág₁ dsau₅ Jme₂dsí₂ Jnió₅. Ca₂juá'₂ le₂'uig₅₄:

16 Já_g₁ a₂jmo₅₄ jniá₂ a₂li'₅₄ quian'₅₄ dsa₂ 'éi₂

cang₂ jmig₄ jaun₂,

lé₂ le₂la₂, juá'₂ Te₁gui'₅₄.

Co₅₄ jniá₂ 'éi'₃ quió₃ tē₂dsí₅ dsa₂ 'éi₂.

Ján₃ bá₄ taun₅₄ jniá₂ ja₁'i₄ dsi₅₄ táng₃.†

17 Cang₂ guě₄ jaun₂ juá'₂ táng₃:

Lia'₂ o₁líg'₂ jmig₄ tsá₃ ma₃dsiog'₂ dsi₃ jniá₂

dso₄ a₂jme₁rē₂cáin'₄,

on₃ guě'₂ 'e₂ a₂'lig'₅₄ a₂ma₂jmo₃.‡

18 Jaun₂ ně₃, chi₂jua'₂ ma₂ca₂'en₃ dsáu₁ dsa₂, jaun₂ tsá₃ ma₂'e₂ 'nió'₅ jén'₃ guě₄ dsa₂ o₄quió'₄ dsáu₁.

Ma₃jme₁quián₄jniog₄ja₁con₂Diú₄

19 Jaun₂ lē₃, rin'₅₄ jniog₄, 'uig₅₄ ia₁ a₂ma₂lé₂ dsi₁tió'₄ jniog₄ caun₂ bá₄ 'ei₅ dsi₅ ca₂tē₂ ja₁jnió₅ lin₃ guě₄ tē₂le₃ quian'₅₄ jmi₄ Jesucristo, 20 tē₂le₃ quian'₅₄ jui₅ 'mí₂ jén'₃ a₂ca₂niá₃ 'éi₂ ně₂jag₄ bá₄ tē₂le₃ quian'₅₄ 'mí'₂ cortina, co₂'nió'₄ le₃jua'₅₄ tē₂le₃ quian'₅₄ ni₁ñi₁₂ 'ñiog₅, 21 ján₃ bá₄ 'uig₅₄ ia₁ a₂chan₂ jme₂dsa₂ dsen₅₄ juin'₂ quián₂ jniog₄ i₂niog₅ gu₂ dsa₂ quián₅ Diú₄, 22 'uig₅₄ jaun₂ ně₃, ma₃ jme₁quián₄ jniog₄ ja₁con₂ Diú₄ ca₂le₃jě₃ dsi₅ jniog₄, caun₂ bá₄ 'ei₅ dsi₅ a₂'éin₂, a₂tsá₃ ma₃'e₂ qui₂dsi₂jñi₅ dsi₅ jniog₄, ně₂jag₄ bá₄ a₂ma₂qui₁le₁chí₄ a₂ma₂qui₂le₁séi₂ dsi₅ jniog₄. Ján₃ bá₄ le₂jaun₂ co₂'nió'₄ a₂ma₂ca₂rin'₂ ni₁ñi₁ jniog₄ quian'₅₄ jmig₂ le₁jě₃.

23 Jui₁náu₂ jniog₄ tiá₂ a₂'éin₂, tsá₃ jui₁'éi₂ jniog₄ caun₂-tin₃ dsi₅ jui₁lia'₂ já_g₁ a₂'ín₂ dsi₅. Ia₁ i₂rē₂ti'₅₄ bá₄ Diú₄ i₂ma₂cuě₃ já_g₁ quió'₅.

24 Ján₃ bá₄ jui₁'niog'₅₄ jniog₄ dsi₅ 'a₂lia'₂ tion'₅₄ jniog₄ já_g₁ rin'₅₄ le₂jau₂ le₂jau₂ a₂jme₁'nio₃ jniog₄ dsa₂, a₂jmó₁ jniog₄ a₂dse₃.

25 Tsá₃ jui₁tí₄ jniog₄ a₂ñag'₂ jniog₄ co₂lē₅, jui₁lia'₂ ma₂tin₂ i₂lin₅₄, tē₂le₃ 'nió'₅ cuě'₅₄ jniog₄ bí₂ rin'₅₄ le₂jau₂ le₂jau₂, tē₂le₃ lē₅ guě₄ ia₁ ma₂léi₄ a₂ma₂ja₂quián₃ jmig₄ jaun₂.

26 Ia₁ ně₁jua'₂ a₂ta₁ dsi₅ jniog₄ caun₂ qui₂'niog₂ dso₄ tē₃ ma₂ne₅₄ já_g₁ dsau₅, jaun₂ tsá₃ ma₂'e₂ cha₂ guě₄ jua'₅₄ lé₂ le₃jen'₄ jniog₄ o₄quió'₄ dsáu₁.

27 Jñia'₅₄ lia'₂ a₂jaun₂ bá₄ 'ei₅ guě₄ a₂jñia₅ jniog₄ a₂'ei₅ gau₂ jě₁qui₃dsi₅ Diú₄ 'éi'₃, jui₁lia'₂ jě₁cau₂ sí₂ a₂quió₃ i₂'iog₅₄ quió'₅ Diú₄.

28 Jui₁lia'₂ dsa₂ i₂tsá₃ dsáu₅ dsí₅ 'Éi'₃ quió'₅ Moisés, tion₅₄ bá₄ jón₂ tsá₃ o₂'én₂ dso₄ cha₂ quió'₅, 'uig₅₄ já_g₁ dsau₅ a₂jáng'₅ on₃-ún₂.§

29 Jaun₂ ně₃, 'e₂ guě₄ uig₅ ca₂tin₂, lín'₂ 'nia'₂, jui₁lia'₂ dsa₂ i₂quitsón'₁ Ja₁ñi'₅₄ Diú₄, jui₁lia'₂ dsa₂ i₂tsá₃ jì'₅₄ jmi₄ 'éi₂ a₂ca₂lí₃ já_g₁ a₂con'₂ ca₂chein'₃ 'éi₂, jui₁lia'₂ dsa₂ i₂tē₂'on'₂ Jme₂dsí₂ quián₅ Diú₄ i₂'ua₁ dsí₅?

30 Ma₂ne₄ bá₄ jniog₄ a₂ca₂juá'₂ Te₁gui'₅₄: “Jniá₂ bá₄ ca₂tíng₂ 'ě₄ uig₅ dsa₂; já₃ bá₄ jniá₂ qui₄.”* Con'₂ siá'₂ ca₂juá'₂: “Qui₃dsi₅ Te₁gui'₅₄ 'éi'₃ ja₁con₂ dsa₂ juig₂ quiáin₅.”†

31 i₂A₂gau₂ bá₄ jaun₂ a₂tián'₃ dsa₂ o₄gú₃ Diú₄ jén'₃!

32 La₁ dsá₂ 'au'₂ 'nia'₂ jmo₄ jmig₄ le₂jñiá₅, lia'₂ con'₂ le₂'uig₅₄ jme₁ca₂rē₃ñi'₂ 'au'₂ 'nia'₂, já₃ bá₄ 'a₂lia'₂ juin'₂ 'au'₂ 'nia'₂ ca₂tiang'₃ ca₂gueng'₅₄ mi'₅₄ o₂i₁ dsi₅ quian'₅₄ uig₅ a₂ca₂i₃ñig'₂.

† 10:16 Jeremías 31:33. ‡ 10:17 Jeremías 31:34. § 10:28 'Nio'₂ ja₁ton₅ Números 35:30; Deuteronomio 17:6. * 10:30 Deuteronomio 32:35. † 10:30 Deuteronomio 32:36; Salmo 135:14.

33 I₂lin₅₄ 'nia'₂ qui₂ca₂jnaú'₂ dsa₂ jág₁ qui₂ca₂j móg'₂ të₃jin₄ dsa₂ juig₂. I₂lin₅₄ guè'₂ ca₂jme₃quiong'₅₄ ca₂jme₃quain'₅₄ dsa₂ i₂qui₂ca₂ñág₃ uig₅ le₂në₅.

34 'Nia'₂ në₃ ca₂dsia'₅₄ ñéi₂ 'au'₂ i₂jme₁tion'₅₄ né₃ 'má₃. Ján₃ bá₄ ca₂jmo'₅₄ 'nia'₂ 'io'₂ ca₂tiang'₃ lia'₂ con'₂ jme₁qui₂ca₂ñiá'₂ dsa₂ le₃jě₃ 'e₂ a₂jme₁cha₂ quián'₂ 'nia'₂. Ia₁ ñi'₅₄ bá₄ 'nia'₂ a₂cha₂ guei'₅₄ i₂juig₃ caun₂ a₂dse₃ gué₄ a₂jio₅ co₂tan₅₄ a₂ca₂tíng'₂.

35 Jaun₂ lě₃, tsá₃ lě₁dsia₂ cau₅ a₂caun₂ 'ei₅ 'au'₂, ia₁ 'ñio₅ lin₃ bá₄ quen₅ a₂quí₃ Diú₄ 'lia'₅₄ a₂'éng'₂.

36 Ia₁ 'nió'₅ quián'₂ 'nia'₂ a₂j mó'₂ tió'₃ 'au'₂, ia₁jaun₂ lé₂ le₃j mó'₂ 'nia'₂ a₂'ñio₂ dsí₅ Diú₄, ia₁jaun₂ guéi'₁ 'nia'₂ a₂ma₂ca₂juá'₂ 'éi₂ cué₃.

37 Ia₁ ñi'₅₄ ta₁, 'ñio₅ ñi'₅₄ ta₁:
Jiá₃ i₂ma₂lě₅ jág₁ jiá₃,

tsá₃ le₃'in₅₄.
38 La₁ dsa₂ i₂ñi₅ jui₅ co₂rě₂ ia₁ a₂'éin₂,
'éi₂ bá₄ le₃chan₂,[‡]
Jaun₂ në₁juá'₂ dsi₂lein₃ le₃ca'₃,

tsá₃ dse₃ 'ag₃ dsi₃ jniá₂ quian'₅₄ 'éi₂.[§]
39 La₁ jniog₄ në₃, tsá₃ tíong₂ quian'₅₄ dsa₂ i₂dsi₂len₃ le₃ca'₃ i₂qui₂dsi₂'én₂ quió'₅.
Le₃jaun₂ bá₄ tíong₂ jniog₄ le₃quió'₅ dsa₂ i₂'én₂, jaun₂ le₂në₅ bá₄ tín'₄ jme₂dsí₂ quián₂.

11

Ju₁lia'₂ a₂'én₂ dsa₂

1 Nē₃ në₃, ju₁lia'₂ dsa₂ i₂'én₂ në₃, caun₂ bá₄ 'ei₅ dsí₅ a₂gue₃ a₂jaun₂ a₂'ín₂ dsí₅; ján₃ bá₄ jáng'₅ léi₄ a₂'éin₂, a₂cha₂ të₃dsón'₂ ju₁lia'₂ a₂tsá₃ jniá₂.

2 Ia₁ le₂në₅ bá₄ ca₂rě₃'én₂ dsa₂ can'₅₄ ma₂líg'₂, jaun₂ ca₂'ag₃ dse₃ Diú₄.

3 Tě₂le₃ a₂'éin₂ bá₄ jniog₄, ñág'₂ jniog₄ a₂ca₂jmo₃ Diú₄ bá₄ mi₂güig₃ të₂le₃ quian'₅₄ jág₁ quió'₅. Jaun₂ lě₃, ju₁lia'₂ a₂jniá₂ rě₂ně₃ ca₂lě₃ të₂le₃ quian'₅₄ a₂tsá₃ jme₁rě₂jniá₂.

Tě₂le₃ a₂'én₂ dsa₂

4 Tě₂le₃ a₂'éin₂ bá₄ Abel,* ca₂jén'₃ ne₄ Diú₄ caun₂ a₂dse₃ gué₄ con'₂ gué₄ a₂ca₂jén'₃ Caín riin'₅₄. 'Uig₅₄ jaun₂ ca₂'ag₃ dse₃ Diú₄ co₂'nió'₄ dsa₂ dsen₃, lia'₂ con'₂ jme₁ca₂gue₃ a₂ca₂jén'₃ jaun₂. Jaun₂ në₃, o₁ñia'₅₄ gué₄ ma₂rě₂jon₅₄ Abel, në₂jag₄ bá₄ a₂caun₂ jáng'₅ jág₁ dsau₅ rě₂ně₃, ia₁ a₂ca₂rě₃'éin₂.

5 Tě₂le₃ a₂'éin₂ bá₄ Enoc,[†] ca₂ñái'₃ mi₂güig₃ caun₂ të₃ tsá₃ ca₂join₃, tsá₃ ma₂'ein₂ ca₂dsáu'₂ quió'₅, ia₁ Diú₄ bá₄ i₂ca₂tág₃ quió'₅. Ne₄ si₂ juá'₂ a₂ca₂'ag₃ dse₃ Diú₄ né₃ gué₄ a₂tě₂, ia₁ lia'₂ con'₂ jme₁chain₂ ca₂jmo₃ a₂ca₂tě₂ dsí₅ Diú₄.

6 La₁ia₁ lia'₂ o₁líg'₂ jmig₄ tsá₃ lé₂ le₃jmo₃ dsa₂ a₂jme₂'ñio₂ dsí₅ Diú₄ në₁juá'₂ tsá₃ 'éin₂, ia₁ ju₁lia'₂ dsa₂ i₂'nio₃ jme₃quián₃ ja₁con₂ Diú₄, tion₅₄ 'nió'₅ le₃'éin₂ de'₂ a₂chan₂ Diú₄, ján₃ bá₄ 'nió'₅ le₃'éin₂ a₂quí₅ Diú₄ 'lian'₅₄ ju₁lia'₂ i₂'nau'₂ a₂dsen₅₄ dsí₅.

7 Tě₂le₃ a₂'éin₂ bá₄ Noé,[‡] lia'₂ con'₂ jme₁ca₂jmo₃ Diú₄ jág₁ 'e₂ niog₅ lé₂, ju₁lia'₂ a₂tsá₃ jniá₂ gué₄, ca₂tón'₃ bá₄ jui₅ a₂ca₂juá'₂ Diú₄, ca₂jmo₃ bá₄ ni₁barco ja₁lióin₃ le₂jio₅ dsa₂ dsi₂néi₂ quián₅ në₃. Jaun₂ le₂në₅ në₂jag₄ bá₄ a₂ca₂qui₃dsi₂₃ 'éi'₃ ja₁con₂ dsa₂ mi₂güig₃, jaun₂ le₂në₅ bá₄ ca₂tíin₂ a₂lió₂ Diú₄ co₂'nió'₄ dsa₂ dsen₃, të₂le₃ a₂'éin₂ bá₄ ján₃.

‡ 10:38 o₃, "La₁ të₂le₃ quian'₅₄ a₂'én₂ bá₄ dsa₂ le₃chain₂, jág₂ Diú₄ në₂jag₄ bá₄ dsa₂ dsen₃," § 10:38

Habacuc 2:3-4. * 11:4 Abel: 'Nio'₂ ja₁ton₅ Génesis 4:4. † 11:5 Enoc: 'Nio'₂ ja₁ton₅ Génesis 5:18-24.

‡ 11:7 Noé: 'Í₂ Génesis 6-9.

8 Të₂le₃ a₂'én₂ Abraham, § lia'₂ con'₂ jme₁ca₂të₃ Diú₄, ca₂nág₂ bá₄. Ca₂o₃'ín₃ ca₂'í₃ jui₅ a₂dsó₃ ja₁juá'₂ Diú₄ cuë₃ caun₂ 'uë₃ a₂ca₂tíin₂ lé₂ quió'₅. Ca₂o₃'ín₃ 'uë₃ go₅₄ të₃ tsá₃ η₁₅ a₂já'₄ ηó₃.

9 'Uig₅₄ ia₁ a₂jme₁'éin₂, ca₂guá₂ gua'₅₄ 'uë₃ a₂ca₂juá'₂ Diú₄ cuë₃, co₂'nió'₄ a₂líin₅ dsí₂nau₂ jë₄ 'uë₃ siá'₂. Ca₂guá₂ tsí₁'né₅ a₂lë₅ quian'₅₄ tsí₁'mí'₂; ján₃ bá₄ le₂jaun₂ ca₂jmo₃ Isaac quian'₅₄ Jacob në₃, ia₁ ján₃ bá₄ ca₂tíin₂ le₂jio₅ quian'₅₄ 'éi₂ a₂jme₁ca₂juá'₂ Diú₄ cuë₃.

10 Ia₁ jme₁chi₁η₁₅ Abraham juig₂ ciudad jaun₂ a₂chí'₅ tiá₂, 'uig₅₄ ia₁ Diú₄ bá₄ i₂ca₂'náu'₃ dsí₅ jmo₃, ján₃ bá₄ i₂ca₂jmo₃'g₃.

11 Já₃ bá₄ të₂le₃ a₂'én₂ 'ηio₅ Sara,* të₃ ma₂guein'₂ a₂le₃chan₂ guein₂ quiáin₅, ca₂gue₃ bá₄ jui₅bí₂ a₂léin₂ chog₅₄ guein₂ ia₁ líin₂ i₂rë₂ti'₅₄ bá₄ Diú₄ i₂ma₂cuë₃ já₃ quió'₅.

12 Jaun₂ në₃ Abraham, o₁η₁₅ a₂ma₂i₁jóin₂, ca₂rë₃chán₃ bá₄ guë₄ tsí₁jon₂ i₂juin₅ guë₄ lin₃ jui₁lia'₂ nei₅ a₂jniá₂ guei'₅₄ mi₂güí₃, jui₁lia'₂ mi₂tsag₄ a₂cha₂chei'₅₄ jmi₁ηí'₄ a₂tsá₃ lé₂ le₃'i₃ dsa₂.

13 Ca₂dsan₃ bá₄ le₃jín₃ 'éi₂ të₃ tsá₃ ca₂gue₃ jui₁lia'₂ a₂jme₁ca₂juá'₂ Diú₄ cuë₃. La₁ia₁ jme₁'éin₂ bá₄, jaun₂ në₃jag₄ bá₄ a₂ca₂jág₃ të₂ uíng₂ a₂jaun₂ a₂'éin₂, të₅ bá₄ dsí₅ a₂ca₂jág₃. Jaun₂ le₂në₅ bá₄ ca₂jmo₃ já₃ a₂líin₅ dsí₂nau₂ i₂con'₂ ca₂η₁₅ mi₂güí₃ la₂.

14 Jaun₂ jui₁lia'₂ i₂dsia₅ já₃ le₂në₅, jáng'₅ léi₄ a₂i₂nioi₅₄ bá₄ guë₄ a₂qui₂'no'₂ caun₂ juig₂ jë₁tian'₃.

15 Jua'₅₄ mei'₂ guë₃ caun₂ qui₂dsau'₂ bá₄ guë₄ dsí₅ gua'₅₄ 'uë₃ ja₁ca₂'u₁in₂, jme₁lé₂ bá₄ jme₁dsí₂lein₃ táng₃ ja₁jaun₂.

16 La₁ të₂le₃ jme₁'ín₂ dsí₅ caun₂ 'uë₃ a₂dse₃ guë₄, co₂'nió'₄ a₂'ë₂₃ 'uë₃ a₂cha₂guei'₅₄ i₂juí₃. 'Uig₅₄ jaun₂ tsá₃ o₂guí'₃ cán₂ Diú₄ a₂quiong₅ dsa₂ Diú₄ quián₅ dsa₂ 'éi₂, ia₁ ma₂ca₂jmo₃ co₂η₁₅ caun₂ juig₂ ciudad quió'₅ 'éi₂.

17 Të₂le₃ a₂'én₂ bá₄ Abraham, lia'₂ con'₂ jme₁ca₂caun₃ Diú₄ táu₂, ca₂jéin'₂ bá₄ Isaac† quiáin₅, ne₄ Diú₄. Jme₁ma₂chéin'₅ co₂η₁₅ a₂jme₁η₁₅'i₃ ja₁ηí'₅₄ i₂jan₂ tan₅₄ quiáin₅, 18 o₁η₁₅ a₂jme₁ca₂juá'₂ Diú₄ cuag₃ a₂ca₂juá'₂: “Të₂le₃ quian'₅₄ Isaac le₃chan₂ tsí₁jon₂ quiáng'₂.”‡

19 Ca₂i₃jio₅ dsí₅ Abraham, a₂'io₅ Diú₄ jui₅bí₂ a₂jme₃jein'₅₄ le₂jio₅ jin₄ 'lag₄. Jaun₂ dsón'₂ bá₄ ca₂guéin'₂ táng₃ ja₁ηí'₅₄, në₂jag₄ bá₄ a₂ca₂jein'₅₄ táng₃ jin₄ 'lag₄.

20 Të₂le₃ a₂'én₂ Isaac, ca₂jme₃gu'₅₄ quió'₅ Jacob quian'₅₄ Esaú, ca₂cuë₃ já₃ quió'₅ a₂cuë₃ Diú₄ a₂dse₃ të₂le₃ ne₄ jui₅ jmí₄ a₂le₃chain₂. §

21 Já₃ bá₄ të₂le₃ a₂'én₂ Jacob,* jme₁ma₂ja₂quián₃ jóin₂, ca₂jme₃gu'₅₄ quió'₅ le₂jan₂ le₂jan₂ chí'₂ ja₁ηí'₅₄ José. Jaun₂ ca₂jme₃juin'₂ Diú₄, a₂chéin'₅ rë₂dsín₂ ne₄ 'ma₂'i₅₄ quió'₅.

22 Të₂le₃ a₂'én₂ José,† lia'₂ con'₂ jme₁ma₂ja₂quián₃ jóin₂, ca₂juá'₂ ca₂'iin₃ dsa₂ juig₂ Israelitas a₂'u₁in₃ cang₂ guë₄ jaun₂ 'uë₃ Egipto, jaun₂ ca₂quio₂'éi'₃ 'e₂ 'nió'₅ jmo₃ dsa₂ quian'₅₄ ni₁mu₁₂.

23 Të₂le₃ a₂'én₂ bá₄ chog₅₄-jme₂ Moisés, jme₁ca₂rë₃chán₃ 'éi₂, ca₂'mog₃ con'₂ 'ni₅ tsí'₂. Ia₁ ca₂jág₃ a₂'ηio'₂ guein₂ 'éi₂, tsá₃ jua'₅₄ ca₂ja₃gó'₃ 'a₂ lia'₂ lë₅ 'éi'₃ quió'₅ rag₅₄ a₂ηag'₃ quió'₅.‡

24 Të₂le₃ a₂'én₂ bá₄ Moisés, § lia'₂ con'₂ jme₁ma₂líin₅ dsa₂ ma₂juin'₂, tsá₃ ca₂gue₃ quiong₃ dsa₂ ja₁ηí'₅₄ quián₅ ja₁mí₄ rag₅₄ quián₅ Egipto.

§ 11:8 Abraham: 'Í₂ Génesis 12 - 25. * 11:11 Sara: 'Í₂ Génesis 18:1-15; 21:1-7. † 11:17 Isaac: 'Í₂ Génesis 21 - 22. ‡ 11:18 Génesis 21:12. § 11:20 'Í₂ Génesis 27. * 11:21 Jacob: 'Í₂ Génesis 48. † 11:22 José: 'Nio'₂ ja₁ton₅ Génesis 50:24-26. ‡ 11:23 'Nio'₂ ja₁ton₅, Éxodo 2:1-10. § 11:24 Moisés: 'Í₂ Éxodo 2 - 11.

25 Co₂ñei'₅₄ guë₄ ca₂'náu'₃ dsí₅ ñág₃ uig₅ quiaín'₅₄ dsa₂ juig₂ quián₅ Diú₄, con'₂ guë₄ a₂le₃chain₂ o₂'ñió₃ dsí₅ ca₂tiá₂ a₂'no₃ dso₄.

26 'Ñio₅ guë₄ quen₅, líin₂, a₂ñág₃ uig₅ a₂të₃'o'₂ dsa₂, lia'₂ te₃'on'₂ I₂rë₂'ín₁ quián₅ Diú₄, con'₂ guë₄ quen₅ ca₂le₃jë₃ cu₄nióg₄ a₂rë₂'ma₄ 'uë₃ Egipto. Ia₁ 'liain'₅₄ a₂cuë₃ Diú₄, co₂dsau₅ jaun₂ bá₄ ca₂jág₃.

27 Të₂le₃ a₂'én₂ Moisés, ca₂o₃'íin₃ 'uë₃ Egipto, * tsá₃ ca₂rë₃gó'₅ a₂'ne₂ rag₅₄; ca₂nau₂ bá₄ tiá₂ në₂jag₄ bá₄ a₂jín₂ Diú₄ i₂tsá₃ jniá₂.

28 Të₂le₃ a₂'én₂ Moisés, ca₂jmo₃ Jmíg₄ Të₂'ín₅₄,† ca₂tsáng₂ jmi₂ o₄'né₄ në₃, ia₁jaun₂ i₂niog₅ ne₄ jme₃dsiain₂₃ jui₁lia'₂ chi'₂ dsa₂ ñe'₂ i₂le₂ne₁ quián₅ dsa₂, tsá₃ téin₂ gu₂-tag₅₄ chi'₂ i₂le₂ne₁ quián₅ dsa₂ juig₂ Israel.

29 Të₂le₃ a₂'én₂ dsa₂ juig₂, ca₂ñí₃ Jmi₁ñí'₄ Guéin₂,‡ ne₄ 'uë₃ quein₂. La₁ lia'₂ con'₂ jme₁'nio₃ jmo₃ le₂jaun₂ dsa₂ juig₂ Egipto, ca₂dsain₃ bá₄, ca₂'ín₃ jmíg₂.

30 Të₂le₃ a₂'én₂ bá₄ dsa₂ israelitas, ca₂lia'₂ ca₂gon₃ ni₁'ia'₂ quió'₅ juig₂ Jericó,§ jme₁ma₂ca₂lë₃ i₂niói₅₄ guio₃ jmíg₄ le₁lág'₃ quió'₅.

31 Ján₃ bá₄ të₂le₃ a₂'én₂ 'io₅₄ Rahab* i₂jme₁'nag₅ quió'₅ në₃, tsá₃ ca₂join₃ co₂lë₅ quiaín'₅₄ dsa₂ i₂tsá₃ ca₂né'₂,† ia₁ ca₂guein₃ bá₄ rë₂ dsa₂ israelitas i₂jme₁i₂niói₅₄ tiog₅.

32 ¿'E₂ guë₄ juá'₄ jniá₂? Tsá₃ jë₄ jmíg₄ jua'₅₄ juá'₄ jniá₂ a₂'íng₄ Gedeón,‡ quian'₅₄ Barac,§ Sansón,* Jefté,† David,‡ Samuel,§ quian'₅₄ dsa₂ i₂jme₁'ë₂ jág₁ quián₅ Diú₄ në₃.

33 Të₂le₃ a₂'éin₂ bá₄ ján₃, ca₂lí'₃ juig₂ siá'₂ ja₁gon₂ rag₅₄, rë₂ bá₄ ca₂qui₃dsi₂₃ 'éi'₃ në₃, ján₃ bá₄ ca₂'ió'₃ a₂ca₂jme₃'o₅₄ Diú₄ con'₂ lë₅ jág₁ a₂ca₂cuë₃ a₂jme₃'o₅₄. Ján₃ bá₄ le₂në₅ ca₂jnéi₃ i₂lin₅₄ 'o₄ dsí₂'ia'₂, 34 ca₂ei₃ si₂ cau₂ ca₂jo'₅₄, qui₂ca₂lón₂ i₂lin₅₄ a₂jme₁dsiáin₃ quian'₅₄ 'o₄ ñi₁tág₂ në₃. Ján₃ bá₄ le₂jaun₂ ca₂quín'₃ bí₂ dsa₂ 'uan₅₄ ca₂jme₃'uáin'₃, ján₃ bá₄ ca₂rë₂béin₂ quín'₂ ja₁niog₅ 'nei₂, jaun₂ ca₂tió'₃ bá₄ jme₁ca₂quín'₂ quian'₅₄ 'lióg₂ dsa₂ i₂'iog₅₄ quió'₅. 35 Ján₃ bá₄ le₂në₅ chan₂ dsa₂ mí₂ ca₂guein₃ táng₃ 'lag₄ quiáin₅ jme₁ca₂jein'₅₄ táng₃. I₂sián'₂ guë'₂ qui₂ca₂jmóg'₂ dsa₂, la₁ tsá₃ ca₂gue₃ a₂lióin₂, ia₁jaun₂ tiin₅₄ a₂jein'₅₄ a₂le₃chain₂ guë₄ dse₃.

36 I₂sián'₂ guë'₂ ca₂ñág₃ le₃jë₃ jág₁ qui₂ca₂jnáu'₂ dsa₂ qui₂ca₂bóg₂ dsa₂; ca₂lia'₂ ca₂'nei'₂ dsa₂ quian'₅₄ ñí₁ cadenas, ca₂to'₂ dsa₂ né'₃ 'má₃ në₃. 37 I₂lin₅₄ guë'₂ ca₂dsan₃ qui₂ca₂jnáu'₂ dsa₂ cang₄, i₂sián'₂ në₃ ca₂ti₃ dsa₂ ca₂'nói₁ quian'₅₄ ñí₁ chi₁jan₁,* ca₂jme₃dsiog₅ dsa₂ quian'₅₄ ñi₁tág₂ në₃. Qui₂i₂niói₁₂ i₁jnai'₅₄ a₂la₂-ó₃ le₁qui'₂ jmá'₃ ni₁lo₄ já'₂ cha'₂ quian'₅₄ ni₁lo₄ chein₄ lau₂ në₃; të₂ñéi₂, tsá₃ dse₃ qui₂le₁'ág₄ dsí₅, ján₃ bá₄ qui₂ca₂jmóg'₂ dsa₂. 38 Tsá₃ lé₂ le₃jua'₅₄ jua'₅₄ jme₁ca₂tín₂ dsa₂ mi₂güig₃ le₃chan₂ dsa₂ 'éi₂ quiong'₅₄. Jme₁i₂niói₅₄ 'uë₃ co₂'ñiog₅, le₂con₂ má'₂ në₃, né'₃ cang₄ të₂'lau₂, né'₃ tau₂ a₂niog₅ né'₃ 'uë₃ në₃.

39 Le₃jín₃ dsa₂ 'éi₂, ca₂'ag₃ Diú₄ dse₃ 'uig₅₄ ia₁ a₂'éin₂, la₁ia₁ tsá₃ ca₂'ió'₃ a₂jme₁ca₂juá'₂ Diú₄ cuë₃. 40 Jme₁ma₂i₃jio₅ dsí₅ Diú₄ jmo₃ co₂jñia₅₄ caun₂ a₂dse₃ guë₄ quián₂ jniog₄, ia₁jaun₂ tsá₃ le₃'ñia₅ dsa₂ 'éi₂ jua'₅₄ tsá₃ le₃'ñia₂₃ co₂lë₅ quian'₅₄ jniog₄.

12

Jin₄ jniog₄ Jesús

* 11:27 Noé: 'Í₂ Génesis 6 - 9. † 11:28 Egipto, Jmíg₄ Të₂'ín₅₄: 'Í₂ Éxodo 12 - 13. ‡ 11:29 Ján₃ bá₄ chei₂ "Jmí₁ñí'₄ 'Ma₂ta₅." § 11:30 Jericó: 'Í₂ Josué 6. * 11:31 Rahab: 'Í₂ Josué 2:1-21; 6:25; Mateo 1:5; Santiago 2:25. † 11:31 o₃, "dsa₂ i₂tsá₃ ca₂rë₃'én₂." ‡ 11:32 Gedeón: 'Í₂ Jueces 6 - 7. § 11:32 Barac: 'Í₂ Jueces 4 - 5. * 11:32 Sansón: 'Í₂ Jueces 13 - 16. † 11:32 Jefté: 'Í₂ Jueces 11 - 12. ‡ 11:32 David: 'Í₂ 1 Samuel 16 - 31 quian'₅₄ 2 Samuel. § 11:32 Samuel: 'Í₂ 1 Samuel. * 11:37 A₂lin₅₄ chog₅₄ si₂ chi₁ton₅ ján₃: "ca₂can₃ dsa₂ táu₂."

1 Jaun₂ lē₃, ia₁ nī₄ lē₃ juin₅ dsa₂ qui₁le₁lio₃ jniog₄ i₂ma₂ca₂jme₃jnia₅ a₂'éin₂, jaun₂ dsiá₁ jniog₄ cau₅ ca₂le₃jě₃ lio₅₄ a₂jmo₅ jnág₅ quián₂, ján₃ bá₄ le₂nē₅ jui₁lia'₂ dso₄ a₂qui₂nió₅ jniog₄ ně₃, jaun₂ dsau₅₄ jniog₄ ne₄ jui₅ a₂juin'₂ dsi₅, ně₂jag₄ bá₄ a₂i₂nio₄ co₂chi'₅₄ a₂tián'₅ jág₁ rin'₅₄.

2 Jaun₂ ně₃, né₄ jniog₄ Jesús, i₂ca₂niá₃ jui₅ a₂'éin₂ jniog₄, ján₃ bá₄ i₂jme₂'nia₅ a₂'éin₂ jniog₄. Ca₂jmo₃ 'éi₂ tió'₃ dsi₅ ne₄ cróg₄, tsá₃ ca₂tón'₃ jui₅ a₂o₂guí'₃ a₂ca₂can₃, ia₁ jme₁ma₂ni₅ bá₄ a₂cán₂ o₂'nió₃ dsi₅ a₂'io'₂ jén'₅ cang₂ guě₄ jaun₂. Jaun₂ ně₃, ca₂guá₂ tē₂le₃ gu₂ ne₁ ne₄ta₁ quió'₅ Diú₄.

3 'Nió'₂ 'nia'₂ 'au'₂ jaun₂, 'a₂lia'₂ ca₂jmo₃ Jesús: ca₂jmo₃ tió'₃ dsi₅ mi'₅₄ a₂ca₂dsia₃ dsa₂ i₂qui₂rē₂cán'₄ dso₄, ja₁coin₂, ia₁ con'₂ tsá₃ nō₅ ně₁jua'₂ ca₂'ong'₃ 'nia'₂, ca₂lia'₂ ca₂'uáng'₂.

4 Ia₁ tsá₃ guě₄ 'ein₂ ma₂qui₂ca₂quín'₂ 'nia'₂ ca₂lia'₂ ca₂tang₂ jmi₂ 'an'₅₄ 'nia'₂ quian'₅₄ mi'₅₄ a₂jmo'₂ quian'₅₄ dsáu₁.

5 Jaun₂ ma₂ca₂'en₃ bá₄ 'au'₂ 'nia'₂ jág₁ a₂ma₂chi₂ca₂léi'₁ Diú₄ jui₁lia'₂ jan₂ chi'₂-guein₂ quiáin₅. Le₂la₂ juá'₂ ne₄ Si₂:

Tsá₃ lē₁o₁le₅₄, jón₃,

jua'₅₄ tsá₃ ton'₅₄ 'ne₂ jui₅

jme₁chei'₅ Te₁gui'₅₄ caun₂ jui₅ dse₃,

on₃ guě'₂ tsá₃ lē₁o₁'ag₅₄ i₁tín₄ 'au'₂

jme₁cuě₂₃ uig₅.

6 Ia₁ jme₂rě₃ Te₁gui'₅₄ jui₅

quió'₅ jui₁lia'₂ i₂'nioi₃,

ján₃ bá₄ cuě₂₃ uig₅ quió'₅ ca₂le₃jín₃ i₂guein₂₃

jui₁lia'₂ jan₂ chi'₂-guein₂ quiáin₅.*

7 Tiang'₃ 'nia'₂ jmo₄ ca₂le₃jě₃ uig₅ a₂nag'₅₄, ia₁ le₂jaun₂ jme₂tag₅ Diú₄ jme₂tiin₂₃ 'nia'₂ jui₁lia'₂ jan₂ chi'₂-guein₂ quiáin₅. ¿'Ein₂ bá₄ ja₁ni'₅₄ chan₂ i₂tsá₃ jme₂tag₅ jmei₂?

8 Chei'₅ Diú₄ caun₂ jui₅ rē₂ chein'₂₃ ca₂le₃jín₃ chi'₂-guein₂ quiáin₅. Jaun₂ ně₃, jua'₅₄ mei'₂ guě₃ Diú₄ tsá₃ chein'₂₃ 'nia'₂ caun₂ jui₅ dse₃, tsá₃ lé₂ le₃jua'₅₄ a₂lín'₅ 'nia'₂ chi'₂-guein₂ quiáin₅ tē₃dsón'₂, jnia'₅₄ lia'₂ a₂jaun₂ bá₄ lín'₅ 'nia'₂ jui₁lia'₂ jan₂ chi'₂-guein₂ i₂lē₁ca₂rě₃chán₃.

9 Ján₃ bá₄ le₂jaun₂ jniog₄ ně₃, lia'₂ con'₂ jme₁lág₄ jniog₄ guein₂, jme₁tē₂jí₂ chog₅₄-jmei₂ jniog₄ i₂chan₂ gua'₅₄ 'uě₃. Jaun₂ jme₁jme₂gain₃ bá₄ jniog₄ ně₃. ¿Tsa₁ dse₃ néi₁ jniog₄ gau₂ ja₁con₂ Diú₄? Tē₂le₃ 'ě₂ guě₄ 'nió'₅ jme₁gan₃ bá₄ jniog₄ Diú₄ Jmei₂ jniog₄ tē₂le₃ quió'₅ jme₂dsí₂, ia₁ jaun₂ le₂nē₅ bá₄ le₃chong₂.

10 Jme₁ca₂cuě₃ ca₂tiá₂ uig₅ chog₅₄-jmei₂ jniog₄ i₂chan₂ gua'₅₄ 'uě₃, lia'₂ con'₂ lē₅ ca₂i₃jio₅ dsi₅ a₂dse₃. La₁ia₁ Diú₄ ně₃ cuě₂₃ jniog₄ uig₅ a₂dse₃ quián₂ jniog₄ guio₅₄, ia₁ jaun₂ quein'₅₄ jniog₄ a₂jnió₅ a₂lín₅ 'éi₂.

11 Dsón'₂ bá₄ jaun₂, lia'₂ 'i₁caun₂ uig₅ tsá₃ tē₅ dsi₅ jniog₄, tē₂le₃ 'nio₅ uig₅ bá₄ lág₂ jniog₄. La₁ia₁ cang₂ guě₄ jaun₂, jui₁lia'₂ i₂rē₂tin₂ tē₂le₃ quian'₅₄ uig₅ a₂nág₅, ně₂jag₄ bá₄ caun₂ ni₁'ma₂ a₂le₁'ág₄ mīg₂ dse₃, léi₄ bá₄ rē₂jniá₂ tē₂le₃ 'a₂lia'₂ dse₃ chain₂ 'ei₅ tei₄ dsi₅.

A₂go'₂ a₂tí₁ dsa₂ jág₁ quió'₅ Diú₄

12 'Uig₅₄ jaun₂ chog'₅₄ 'nia'₂ táng₃ gog'₂ a₂qui₂le₁ta'₅₄, ján₃ bá₄ chí'₁ táng₃ 'nia'₂ tiá₂ mi₂jne'₅₄ a₂jlen₅.

13 “Jmo₄ 'nia'₂ caun₂ jui₅ dsau₅ quió'₅ mi₂tag'₅₄ guiong'₅₄,”† ia₁ jaun₂ tsá₃ 'e₂ qui₃nió₃ i₂sián'₂ jui₁lia'₂ i₂quian'₅₄, tē₂le₃ 'lón₂ bá₄.

* 12:6 Proverbios 3:11-12. † 12:13 Proverbios 4:26.

14 Quen'₂ 'nia'₂ bí₂ a₂i₁nio'₄ 'nia'₂ 'ei₅ tei₄ quian'₅₄ ca₂le₃jín₃, a₂le₃chan'₂ 'nia'₂ jnió₅ ně₃. Ia₁ ca₂lia'₂ 'i₁jan₂ tsá₃ lé₂ le₃jín₃ Te₁gui'₅₄ ně₁jua'₂ tsá₃ jnióí₅.

15 Quion₂ 'nia'₂ 'í₁ ia₁jaun₂ ca₂lia'₂ 'i₁jan₂ jua'₅₄ a₂tsá₃ tiin₃ a₂jme₃gu'₅₄ Diú₄ a₂'ua₁ dsí₅, ia₁jaun₂ tsá₃ 'iá₃ jin'₄ 'nia'₂ co₂'nió'₄ caun₂ tsin₅ ni₁nau₂ dsi'₃ jmo₅ jan₂ i₂quian₅ o₂me'₅₄ dsi₅ jmo₅ dain₅₄ a₂rē₂ 'lin'₅₄ juin₅.

16 Jmo₄ 'nia'₂ 'í₁ ia₁jaun₂ tsá₃ 'ein₂ 'nia'₂ i₃nio₄ lia'₂ con'₂ lě₅ mi₅ ni₁ni₁₂, on₃ guē'₂ i₃nio₅₄ jua'₅₄ a₂tsá₃ tón'₂ jui₅ jág₁ quió'₅ Diú₄. Le₂ně₅ bá₄ ca₂jmo₃ Esaú.‡ O₄quió'₄ caun₂ má₃ bá₄ ca₂'nag₃ ca₂le₃jě₃ a₂jme₁ca₂tín₂ a₂lín₅ chi'₂ dsa₂ ηe'₂ i₂ne₅₄.

17 Ma₂ni'₅₄ bá₄ 'nia'₂, cang₂ guē₄ jaun₂ lia'₂ con'₂ jme₁'nió₃ táng₃ Esaú gue₃ a₂jme₁ca₂tín₂, a₂jme₃gu'₅₄ jmei₂, tsá₃ ca₂guéi'₂ jmei₂. Jaun₂ ně₃, tsá₃ ma₃ca₂dsó'₂ 'a₂ lia'₂ tinn'₄ táng₃ juīlia'₂ a₂jme₁ca₂tín₂, o₁jnīa'₅₄ ca₂'náu'₃ 'nio₅ lín₃ ca₂le₃jě₃ ca₂'o₃.

18 Quion₂ 'nia'₂ 'í₁ jaun₂ ně₃, ia₁ on₃jua'₅₄ a₂ma₂ca₂jme₁quián'₄ 'nia'₂ má'₂ ηei₅ jaun₂ a₂jniá₂, a₂cau₂ quian'₅₄ si₂, ja₁lě₄ qui₁né'₃ 'ei₅ nei₂, dsí₂ ně₃, qui₃lě₂ gau₂ 'nio₅ lín₃.

19 On₃ guē'₂ ca₂nei'₂ 'nia'₂ a₂i₂ein₅₄ ηí₁ trompeta, on₃ guē'₂ jág₁ quió'₅ Diú₄ a₂juá'₂ jág₁ gau₂ tsí'₅ dsa₂ 'éi₂, ca₂lia'₂ i₂ca₂nág₂ jág₁ jaun₂ ca₂mi₃ a₂tsá₃ ma₂juá'₂ 'éi₂ jág₁.

20 Ia₁ tsá₃ jme₁tió'₅ nag₃ 'éi'₃ quió'₅ Diú₄ a₂juá'₂: “Ně₁jua'₂ jan₂ já'₂ ca₂'ě₃ má'₂ jaun₂, 'nió'₅ jón₂ qui₃dsag₅ dsa₂ cang₄.”§

21 Uig₅₄ ia₁ a₂niá₂ lě₃ gau₂ a₂jniá₂ ja₁jaun₂, ca₂lia'₂ ηiog₅ Moisés ca₂juá'₂, “Nio₅ lín₃ jlen₅ jniá₂ a₂gó₅.”*

22 La₁ia₁ 'nia'₂ ně₃, ma₂ca₂jme₁quián'₄ Má'₂ Sión, co₂'nió'₄ Jerusalén a₂niog₅ guei'₅₄ i₂juíg₃, ciudad quió'₅ Diú₄ jén'₃. Ma₂ca₂jme₁quián'₄ 'nia'₂ ja₁con₂ 'lióng₂ lín₃ mei₅ ángeles i₂ni'₂ jmo₂₃ 'io'₂.

23 Ma₂ca₂jme₁quián'₄ 'nia'₂ ja₁con₂ dsa₂ i₂tion'₅₄ lo'₂ a₂jme₁juin'₂ Diú₄, quian'₅₄ ca₂le₃jín₃ chi'₂-guein₂ quián₅ Diú₄ i₂ca₂tín₂ ca₂le₃jě₃ lia'₂ jē₁ca₂tín₂ ja₁ni'₅₄ i₂ne₅₄, i₂ma₂qui₂le₁ton₅ guei'₅₄ i₂juíg₃. Ma₂ca₂jme₁quián'₄ 'nia'₂ ja₁con₂ Diú₄ i₂qui₃dsi₅ 'éi'₃ quió'₅ ca₂le₃jín₃, ja₁con₂ jme₂dsí₂ quió'₅ dsa₂ dsen₃ i₂ma₂qui₂le₁'niā₅, 24 quian'₅₄ ja₁con₂ Jesús i₂chén'₅ ne₄ jág₁ 'mí₂ a₂li'₅₄ quian'₅₄ Diú₄, quian'₅₄ ja₁con₂ jmi₂ a₂rē₃séi₂, a₂quen₅ guē₄ a₂jáng'₅ léi₄ a₂'ua₁ dsí₅ con'₂ guē₄ quen₅ jmi₄ Abel.

25 Jmo₄ 'nia'₂ 'í₁ a₂tsá₃ jmó'₂ 'nia'₂ jua'₅₄ tsá₃ guén'₄ 'nia'₂ Diú₄ i₂juá'₂ tság₅ jniog₄. Ia₁ chi₂jua'₂ tsá₃ ca₂lón₂ juīlia'₂ i₂tsá₃ ca₂guén'₂ i₂'éi₂ i₂ca₂'ě₂ jág₁ gua'₅₄ 'uē₃ la₂, 'ě₂ guē₄ bá₄ jniog₄ tsá₃ lé₂ le₃lió₂, ně₁jua'₂ tsá₃ ca₂guén₄ jniog₄ i₂juá'₂ tē₂ guei'₅₄ i₂juíg₃.

26 Jmīg₄ jaun₂, ca₂i₁bi₅₄ 'uē₃ jme₁ca₂juá'₂ Diú₄. La₁ia₁ rē₂ně₃ ně₃, ma₂cuē₃ jág₁ quió'₅, a₂juá'₂: “jmo₅₄ guē₄ jniá₂ con'₂ siá'₂ a₂dsi₃bi₅₄, la₁ia₁ on₃jua'₅₄ jmá'₃ gua'₅₄ 'uē₃, le₂jniog₅ guei'₅₄ dsi₂güig₂ bá₄ ján₃.”†

27 Juīlia'₂ a₂juá'₂, “con'₂ siá'₂”, dsi₂jein₃ jág₁ a₂jniá'₂ ca₂le₃jě₃ a₂jniá₂ a₂dsi₂bi₅₄ a₂lé₂ qui₂le₃jniā'₃, ia₁jaun₂ tē₃gua₄ co₂tan₅₄ a₂tsá₃ lé₂ dsi₃bi₅₄, on₃ guē'₂ lé₂ le₃jniā'₃.

28 Jaun₂ 'uig₅₄ ia₁ a₂tsá₃ ma₃lé₂ qui₂dsi₃bi₅₄ ja₁gon₂ Diú₄, ja₁cuē₃ jniog₄, jaun₂ cuē'₅₄ jniog₄ ti₁'mag'₄ jaun₂ ně₃, o₄quió'₄ ca₂le₃jě₃ a₂la₂, jme₁ti₁ jniog₄ ne₄ Diú₄ ně₃ 'a₂ lia'₂ 'nio₂ dsí₅, jme₁'nió₄ jniog₄ Diú₄ a₂'ei₅ gau₂ dsi₅ jniog₄.

29 Ia₁ lín₅ Diú₄ quián₂ jniog₄ lia'₂ lě₅ caun₂ si₂ a₂'éin₂ le₃jě₃.‡

‡ 12:16 Esaú: Í₂ Génesis 25:27-34. § 12:20 Éxodo 19:12-13. * 12:21 Deuteronomio 9:19. † 12:26 Hageo 2:6. ‡ 12:29 Deuteronomio 4:24.

13

A₂ lia' jmo₃ a₂tē₅ dsí₅ Diú₄

¹ Tsá₃ lē₁tí₅ 'nia'₂ a₂'nióg'₃ le₂jang'₂ le₂jang'₂ jui₁lia'₂ ríng'₂ 'nia'₂.

² Tsá₃ jui₁dsi₂'én₂ 'au'₂ 'nia'₂ a₂guéng'₄ dsi₂néi₂ quiáng'₂ jui₁lia'₂ dsa₂ i₂chan₂ ja₁siá'₂, ia₁ le₂nē₅ bá₄ ma₂jmo₃ i₂lín₅ ma₂ca₂guein₃ ángeles tē₃ tsá₃ lí₄.

³ Dsau'₂ 'au'₂ 'nia'₂ jmo₄, jui₁lia'₂ dsa₂ i₂tion'₅₄ né'₃ 'má₃, nē₂ja₄ bá₄ a₂tion'₅₄ 'nia'₂ guiong'₅₄ co₂lē₅ quiaín'₅₄. 'Nio'₂ 'au'₂ jui₁lia'₂ i₂ñí₄ lē₃ qui₂ma₂jmóg'₂ dsa₂, ia₁ ján₃ bá₄ dsa₂ chi₁dsán'₃ bá₄ 'nia'₂ i₂lé₂ le₃ñág₃ uig₅.

⁴ Jui₁jme₂gó'₃ bá₄ le₃jín₃ jui₁lia'₂ a₂jén'₂ dsa₂ gu₂, ján₃ bá₄ jui₁le₅₄ bá₄ 'í₁ jui₁lia'₂ ja₁tian'₃ dsi₂i₂gu₂ co₂lē₅, ia₁ qui₃dsi₅ bá₄ Diú₄ 'éi'₃ ja₁con₂ dsa₂ i₂qui₂'no₅ dso₄, jui₁lia'₂ i₂nió'₅ jág₁ quian'₅₄ i₂sián'₂ on₃jua'₅₄ dsi₂i₂gu₂.

⁵ Tsá₃ jui₁chan'₂ 'nia'₂ a₂qui₂chi₁'neg'₁ 'nia'₂ jua'₅₄ a₂ñí₄ lē₃ 'ín₅ 'au'₂ 'nia'₂ cu₄. Dsau₅ 'au'₂ 'nia'₂ jmo₄ lia'₂ con'₂ tí₅ a₂cha₂ quián'₂ 'nia'₂, ia₁ ma₂ca₂juá'₂ Diú₄: lia'₂ o₁líg'₂ jmig₄ tsá₃ tón₂ jniá'₂ 'nia'₂,

on₃ guē'₂ tén₄ jniá'₂ 'nia'₂.*

⁶ Jaun₂ nē₃ lé₂ le₃jua'₅₄ a₂ma₂'ei₅ caun₂ dsi₅: Te₁gui'₅₄ bá₄ i₂jme₂'o₅₄ jniá'₂; tsá₃ gó₅ jui₁lia'₂ 'e₂ lé₂ le₃jmóg'₂

dsa₂ mi₂güí₃.†

⁷ Dsá₂ 'au'₂ 'nia'₂ jmo₄, jui₁lia'₂ dsa₂ i₂ma₂jio₃ ne₄ jui₅, i₂ma₂juá'₂ jág₁ quió'₅ Diú₄ ca₂tsí'₃ 'nia'₂. Quion₄ 'nia'₂ 'í₁ 'a₂lia'₂ lē₅ ca₂dsióg₃ jui₅ a₂chan₂ dsa₂ 'éi₂, jaun₂ 'én'₄ 'nia'₂ jui₅ jaun₂ jui₁lia'₂ 'én₂ 'éi₂.

⁸ Lia'₂ ma₂lín₅ jaun₂ bá₄ Jesucristo, dsióg₂, jmig₄ nē₃, lia'₂ con'₂ tan₅₄ bá₄ lín₅.

⁹ Tsá₃ lē₁cuē'₂ 'nia'₂ jmig₄ jua'₅₄ jio₃ i₂sián'₂ i₂jme₂tag₅ 'lióng₂ ne₅₄ juá'₅ siá'₂, a₂tsá₃ lē₅ con'₂ lē₅ juá'₂ jág₁ quió'₅ Diú₄. Co₂ñei'₅₄ guē'₄ dse₃ a₂gue₃ tē₂dsi₅ jniog₄ jui₅bí₂ tē₂le₃ quian'₅₄ a₂'ua₁ dsí₅ Diú₄, con'₂ guē'₄ tē₂le₃ quian'₅₄ 'éi'₃ jui₁lia'₂ 'a₂lia'₂ 'nió'₅ guē'₃ dsa₂. Ia₁ tsá₃ ta₁ tí₄ 'éi'₃ jaun₂ jua'₅₄ a₂jme₃'o₅₄ quió'₅ jui₁lia'₂ dsa₂ i₂i₂nio₄ le₂jaun₂.

¹⁰ La₁ia₁ cha₂ bá₄ caun₂ ne₄chei₂ quián₂ jniog₄ ja₁tsá₃ ca₂tín₂ guē'₃ jui₁lia'₂ i₂jme₂ti₃ ta₁ guá'₅ tabernáculo.

¹¹ Ia₁ ne₄ bá₄ jniog₄, a₂dsi₂can₅ jme₂dsa₂ dsen₅₄ jmi₄ já'₂ dsi₂néi₂ ja₁jnió₅ lín₃ guē'₄, a₂jén'₄ o₄quió'₄ dsáu₁ dsa₂. La₁ia₁ ni₁ñí₄ já'₂ 'éi₂ qui₂dsí'₂ dsa₂ 'ni'₂ ja₁tián'₄ dsa₂ jui₂ Israel.

¹² Ján₃ bá₄ le₂jaun₂ ca₂ñág₃ Jesús uig₅ 'ni'₂ jui₂, ia₁jaun₂ qui₂jme₃jnió₃ dsa₂ jui₂ quiáin₅ tē₂le₃ quian'₅₄ jmi₄ 'ñio₅.

¹³ Dsi₁ná₄ jniog₄ jaun₂ nē₃ ja₁con₂ Jesús, co₂'nió'₄ cau₅ ja₁tión₂ dsa₂ jui₂ Israel, a₂quian₂ jniog₄ o₂guí'₃ o₄quió'₄ Jesús.

¹⁴ Ia₁ mi₂güí₃ la₂, 'i₁caun₂ jui₂ tsá₃ cha₂ quián₂ jniog₄ jua'₅₄ a₂jio₅ co₂tan₅₄, la₁ a₂jaun₂ bá₄ 'niog'₂ jniog₄ ciudad jaun₂ a₂nē₃ guē'₄ jí₃.

¹⁵ Tē₂le₃ quian'₅₄ Jesucristo jaun₂ nē₃, ma₃ jme₁juín'₂ jniog₄ Diú₄ co₂tan₅₄, co₂'nió'₄ a₂jen'₄ jniog₄ ne₄ 'éi₂ jág₁ a₂'uē'₂ mi₂'o₄ jniog₄ con'₂ dsi₂ten₅₄ jmo₃ dsa₂ i₂tión₂ le₃quió'₅ 'éi₂.

¹⁶ Ján₃ bá₄ tsá₃ o₁ló₄ dsi₂'én₂ 'au'₂ 'nia'₂ a₂dse₃ a₂qui₁cuē'₅₄ 'nia'₂ ca₂la₂ ríng'₂, 'e₂ a₂cha₂ quiáng'₂. Ia₁ jui₁lia'₂ a₂jen'₅₄ 'nia'₂ le₂jaun₂ bá₄ a₂tē₅ dsí₅ Diú₄.

¹⁷ Né'₂ 'nia'₂ jmo₄ ja₁con₂ jui₁lia'₂ i₂quian₅ ne₄ jui₅, jme₁gan₃ 'nia'₂ 'éi₂. Ia₁ jmo₂₃ 'í₁ jme₂dsí₂ quián'₂ 'nia'₂, a₂lín₅ dsa₂ i₂ca₂tín₂ dsi₃jang'₅₄ cuenta ja₁con₂ Diú₄.

* 13:5 Deuteronomio 31:6. † 13:6 Salmo 118:6-7.

Jui₁le₅₄ bá₄ dse₃ ta₁ a₂niog₅ gu₂ 'éi₂ ia₁jaun₂ jmo₃ 'io'₂, on₃jua'₅₄ 'lia'₂ dsí₅, ia₁ tsá₃ ta₁ tí₄ ja₁con'₂ 'nia'₂ ně₁jua'₂ le₂jaun₂ ca₂'lia'₂ dsí₅.

¹⁸ Chi₁len'₄ 'nia'₂ Diú₄ o₄quián₂ jnia'₅₄, ia₁ caun₂ bá₄ 'ei₅ dsi₅ jnia'₅₄ a₂qui₂le₁jě₃ jme₂dsí₂ quián₂, ia₁ 'niog₂ bá₄ jnia'₅₄ qui₂i₁nio₁ lia'₂ dsi₂ten₅₄ jě₄ ca₂le₃jě₃.

¹⁹ Ja₂lin₃ gué₄ dsen₅₄ mi₅ jniá₂ a₂chi₁len'₄ 'nia'₂ Diú₄ ia₁jaun₂ lé₂ nei₅₄ a₂i₁'ú₃ táng₃ ja₁con'₂ 'nia'₂ ŋi'₅₄ ta₁.

'Ág'₅ jág₁ jě₁ca₂tó'₂, cui_{in}₂₃ Diú₄

²⁰ Jui₁jmo₅₄ Diú₄ i₂jmo₅ 'ei₅ tei₄, i₂ca₂tág₃ táng₃ tē₂le₃ quian'₅₄ jmi₂ a₂li'₅₄ jág₁ a₂jio₅ co₂tan₅₄, ca₂tág₃ Te₁gui'₅₄ Jesucristo quián₂ jniog₄ ja₁jme₁rē₂'liin₅₄, dsa₂ juin'₂ 'éi₂ juig₅₄ já'₂ cha'₂, ²¹ jui₁jmo₅₄ bá₄ Diú₄ jui₁jmoi'₅₄ 'nia'₂ dsa₂ rē₂'ŋia₅ jě₄ ca₂le₃jě₃ a₂dse₃ ia₁jaun₂ jmó'₂ a₂'ŋio₂ dsí₅ 'éi₂. Ján₃ bá₄ jui₁jmo₅₄ 'éi₂ 'e₂ 'nio₃ jmo₃ quian'₅₄ ca₂le₃jág₃ jniog₄ tē₂le₃ quian'₅₄ Jesucristo. Jui₁le₂juin'₂ bá₄ 'éi₂ lia'₂ co₂tan₅₄. A₂méi₃.

²² Rin'₅₄ jniog₄, mi₅ jniá₂ quián'₂ 'nia'₂, jmo₄ bá₄ 'nia'₂ juin'₂ 'au'₂ quian'₅₄ jág₁ dse₃ la₂ a₂chi₁len'₄ jniá₂ 'nia'₂, ia₁ tsá₃ jua'₅₄ ŋí₄ lě₃ 'lióng₂ jág₁ ma₂ně₂táun₂ jniá₂ ne₄ si₂.

²³ Jui₁le₂ŋi'₅₄ 'nia'₂ jág₁ jui₁lia'₂ rin'₅₄ jniog₄ Timoteo: ma₂dsei₅ bá₄ dsa₂ né'₃ 'má₃. Ně₁jua'₂ ca₂guáin₂ ŋi'₅₄ ta₁, jaun₂ jain₅₄ jniá₂ jě₁ma₂tě₂ rē₁nei₅₄ jniá₂ i₁jing₁₂ 'nia'₂.

²⁴ Cui_n₅₄ 'nia'₂ Diú₄ ca₂le₃jín₃ jui₁lia'₂ i₂jio₅ quián'₂ 'nia'₂, quian'₅₄ ca₂le₃jín₃ gué'₂ dsa₂ juig₂ quián₅ Diú₄. † Rin'₅₄ jniog₄ i₂chan₂ Italia cui_n₂₃ Diú₄ 'nia'₂.

²⁵ Jui₁jme₂gu'₅₄ bá₄ Diú₄ ca₂le₃jín'₃ 'nia'₂. A₂méi₃. §
Co₂ně₅.

† 13:24 lit. “dsa₂ ŋjió₅.” § 13:25 A₂lin₅₄ chog₅₄ si₂ tsá₃ chi₁ton₅ “A₂méi₃.”

Si carta a cajmo SANTIAGO

Jmo₅ Santiago si₂ a₂chein₃ ne₄ dsa₂ 'én₂ i₂tián'₅ ts₁r₂ē₂jan₅₄ uíng₂

¹ Jniá₂ Santiago, líng₅ i₂jme₂ti₃ ne₄ Diú₄ quian'₅₄ ne₄ Te₁gui'₅₄ Jesucristo, cuíng₅ Diú₄ ta₁guia₃-tín₂ nió'₃ ts₁j₁on₂ dsa₂ juig₂ Israel i₂tián'₅ ts₁r₂ē₂jan₅₄ ta₁caun₂ mi₂güíng₃.

Ju₁lia'₂ jme₁jau'₂ 'í₁ a₂dsi₂ñi'₂ dsa₂ 'én₂ 'e₂ niog₅ dsi₂ñi₂

² 'Nia'₂ rin'₅₄ jniog₄, jmo₄ 'nia'₂ 'au'₂ a₂dseng'₃ guě₄ lín₃, jme₁dsi₂ñi'₂ 'nia'₂ ca₂le₃jě₃ ne₅₄ táu₂ a₂jau'₂ 'í₁ ja₁con'₂ 'nia'₂. ³ Ia₁ ma₂ñi'₅₄ bá₄ 'nia'₂ jě₁ma₂ca₂jáu'₃ 'í₁ 'a₂ lia'₂ 'én'₂ 'nia'₂, dsióg₄ lia'₂ ma₂tión'₂ jaun₂ bá₄ 'nia'₂ tiá₂. ⁴ La₁ cuín₅₄ 'nia'₂ jmig₄ a₂le₃ñia₅ a₂ně₅ ja₁cong'₂, tió'₃ 'au'₂ 'nia'₂ jmo₄, jaun₂ dsi₁nóg'₅ léng'₂ dsa₂ i₂ma₂ca₂can'₅₄, i₂ma₂rě₂ñia₅ lia'₂ ñi'₂ dsi₄, tsá₃ ma₃'e₂ 'nió'₅ quián'₂ 'nia'₂.

⁵ Chi₂jua'₂ chan'₂ 'nia'₂ i₂'nió'₅ le₃ñi'₂ dsí₅, ju₁mi₁₂ ja₁con₂ Diú₄, jaun₂ 'éi₂ bá₄ cuě₃. Ia₁ Diú₄ i₂'ua₁ dsí₅ jmo₂₃ qui₂rě₂tin₂ ca₂le₃jín₃, on₃jua'₅₄ a₂tě₂jí₂. ⁶ La₁ ca₂tín'₂ 'nia'₂ a₂mí'₁ a₂éng'₂ tě₃dsón'₂ on₃jua'₅₄ a₂ág'₁ 'nia'₂ caun₂-tín₃ 'au'₂; ia₁ ju₁lia'₂ dsa₂ i₂'ag₅ caun₂-tín₃ dsí₅, lín₅ ju₁lia'₂ lě₅ jmig₂ a₂qui₂ráun₂ ne₄ jm₁ñi'₄, a₂qui₂jná'₅ can₂ dsí₂ ca₂taun₂ ca₂taun₂. ⁷ Dsa₂ i₂lín₅ le₂jaun₂, tsá₃ ju₁dsi₂jio₅ dsí₅ jua'₅₄ cha₂ a₂gue₃ quió'₅ Te₁gui'₅₄. ⁸ Ia₁ ju₁lia'₂ dsa₂ i₂'ei₅ tin₃ dsí₅ tsá₃ 'e₂ tiá₂ chén'₅ i₂le₂'éi₂ ca₂le₃jě₃ guě₄ 'e₂ a₂jmo₂₃, o₃ 'e₂ jág₁ quió'₅ cuě₂₃. ⁹ Dsa₂ rin'₅₄ jniog₄ i₂te₂ñé₂, ca₂tín₂ jmo₃ dsí₅ 'io'₂ jén'₅, ia₁ tě₃dsón'₂ bá₄ quein₅ le₂ja₁con₂ Diú₄. ¹⁰ Ju₁lia'₂ i₂cha₂ cu₄ guě'₂, ca₂tín₂ bá₄ jmo₃ 'io'₂ ján₃ ia₁ tsá₃ 'e₂ quein₅ ja₁con₂ Diú₄ quian'₅₄ cú₁. Ia₁ i₂lín₅ ju₁lia'₂ lě₅ lí₁ ni₁nau₂ bá₄ dsa₂ i₂cha₂ cu₄ ia₁ i₂dsi₂ñi'₂ bá₄ 'éi₂ ju₁la₂ 'ióg₃. ¹¹ Jě₁ma₂ca₂'ia₂* 'iog₂ dséi₅ 'ñio₅ lín₃ rě₂juing₅ bá₄ ni₁nau₂, rě₂quein₂, ta'₂ bá₄ lí₁ ján₃, 'én₂ bá₄ 'a₂ lia'₂ jlá'₁ jme₁jniá₂. Le₂ně₅ bá₄ lě₅ quian'₅₄ dsa₂ cha₂ cu₄: qui₂dsi₂ñi'₂ bá₄ tě₃ ja₁'no₂₃ cu₄.

On₃jua'₅₄ Diú₄ i₂jmo₅ a₂co₂dsi₂'én'₅ dsa₂

¹² 'E₂ guě₄ dsen₃ dsa₂ i₂tió'₅ jmo₅ ju₁n'₂ dsí₅ jě₁ma₂qui₂i₂ñi'₂ 'e₂ táu₂ i₂ñi'₂; ia₁ jě₁ma₂ca₂ñi₅ jaun₂, gue₃ ja₁le₃chain₂ dse₃, a₂lě₅ ně₂jag₄ bá₄ caun₂ corona a₂cuě₃ Diú₄ cuě'₃ ca₂le₃jín₃ i₂'nio₃ quió'₅. ¹³ Chi₂jua'₂ chan'₂ i₂lín₅₄ qui₂ja₂ bí₂ 'lig'₅₄ dsí₅, tsá₃ ju₁dsi₂jio₅ dsí₅ jua'₅₄ Diú₄ i₂jmo₅ a₂dsi₂jio₅ dsí₅ le₂jaun₂; ia₁ 'i₁caun₂ a₂'lig'₅₄ tsá₃ qui₅₄ jmig₄ jua'₅₄ a₂cáin₂ táu₂ Diú₄, on₃ guě'₂ cáun₂ Diú₄ táu₂ quió'₅ 'i₁jan₂ ia₁jaun₂ jmo₃ dsa₂ a₂'lig'₅₄. ¹⁴ Le₂la₂ bá₄ lě₅: guion₅₄ bá₄ dsa₂ ts₂cuin'₂ ju₁ ja₁'ín₅ dsí₅ jmo₃ a₂'lig'₅₄, ja₁tiáin'₃ dso₄, lín₅ ně₂jag₄ bá₄ ju₁lia'₂ jan₂ i₁ju₁ i₂nág'₅ mi₂cu₄. ¹⁵ Ne₄ ja₁'ín₅ dsí₅ jmo₃ a₂'lig'₅₄ ně₃, tě₂le₃ ne₄ ja₁ñó₄ jaun₂ rě₂jniá₂ dso₄ bá₄ ja₁coin₂; jě₁ma₂ca₂'ñia₅ dso₄ ně₃, rě₃cha₂ 'mú₃.

¹⁶ 'Nia'₂ rin'₅₄ jniog₄ i₂'nióg₃, tsá₃ ju₁le₂gan'₂ 'nia'₂, ¹⁷ ia₁ ca₂le₃jě₃ a₂lě₅ a₂dse₃ lín₃ a₂guei₂ jniog₄ já₅ guei'₅₄ quió'₅ Diú₄ Jmei₂ jniog₄ i₂ca₂jmo₃ ca₂le₃jě₃ si₂ cha₂ guei'₅₄ dsi₂güig₂. La₁ ja₁con₂ Diú₄ 'i₁caun₂ tsá₃ 'e₂ jua'₅₄ a₂qui₂rě₂tsín₃, ju₁la₂ qui₂rě₂tsín₃ si₂ le₁'ág₄ guei'₅₄, 'ag₅ 'en'₂. ¹⁸ Lia'₂ ma₂lě₅ jaun₂ bá₄ con'₂ lě₅ ma₂ca₂rě₃'ñio₃ dsí₅ 'ñiog₅, ma₂ca₂jmo₃ a₂ma₂ca₂rě₃chóng₃ jniog₄ tě₂le₃ quian'₅₄ jág₁ dse₃ a₂tí₅ quió'₅, ia₁jaun₂ léi₂ jniog₄ i₂le₂'uig₅₄ ju₁lia'₂ caun₂ a₂ca₂rau₂ ca₂le₃jě₃ a₂ma₂jmo₃ 'éi₂.

* **1:11** Co₂'nió'₄ le₃jua'₅₄, caun₂ cosa a₂tsá₃ 'i₁ jme₂dsí₂, a₂ca₂jmo₃ Diú₄. 'Nio'₂ ja₁ton₅ Salmo 8:3; Romanos 1:25.

Jui'lia' jë'én' dsón' dsa' co'dsau'

¹⁹ Jui'le₂ñi'₅₄ 'nia'₂ a₂la₂, rin'₅₄ jniog₄: le₂jan'₂ le₂jan'₂ 'nia'₂ rë₂jáng'₁ a₂ñia'₅₄ nág'₁ de'₂, tsá'₃ 'nió'₅ jua'₅₄ a₂ma₂të₂chan'₅₄ 'nia'₂ jág'₁ a₂ñag'₅₄ dsi₂jui'₅, on₃ guë'₂ 'nió'₅ tin'₃ 'nia'₂ dséng'₂ në₃ cón'₅. ²⁰ Ia₁ jui'lia'₂ quian'₅₄ a₂dsén'₂ dsa₂ tsá'₃ lé₂ le₃jmo₃ a₂ñio₂ dsi'₅ Diú₄. ²¹ Jaun₂ lë₃, tí₃ 'nia'₂ ca₂le₃jë₃ a₂'lig'₅₄ a₂lë₅ dso₄ a₂ñi'₄ 'ñio₅ cha₂jmig₄ në₃, jmo₄ 'nia'₂ meg'₂ guen'₅₄ co₂ñei'₅₄ jág'₁ dse₃ a₂ma₂jnia₄ të₂'au'₂ 'nia'₂; ia₁ jág'₁ dse₃ në₅ bá₄ a₂'io₅ jui'₅bí₂ a₂lió₂ jme₂dsi'₂ quián'₂ 'nia'₂.

²² La₁ jui'le₂chan'₂ 'nia'₂ lia'₂ con'₂ lë₅ jág'₁, on₃jua'₅₄ rë'₂ a₂ñia'₅₄ 'nió'₅ nág'₁ 'nia'₂. Ia₁ në₁jua'₂ tsá'₃ jme₂tí'₁ 'nia'₂, guion'₅₄ bá₄ 'nia'₂ jme₂gáng'₁. ²³ Ia₁ jui'lia'₂ dsa₂ i₂ñia'₅₄ të₅ dsi'₅ nag₂₃, tsá'₃ jmo₂₃ guë'₂ a₂nag₂₃, lín₅ lia'₂ lín₅ jan₂ dsa₂ i₂ñin'₂ 'ñiog₅ ne₄ ni'₁i₂; ²⁴ la₁ jë₁ma₂ñó₅ cau₅ në₃, dsi₂'én'₂ bá₄ táng₃ dsi'₅ 'a₂ lia'₂ jniái₂. ²⁵ La₁ 'e₂ guë'₄ dsen₃ dsa₂ i₂tsá'₃ dsi₂'én'₂ dsi'₅ 'e₂ nag₂₃ të₂le₃ 'ñio₅ lin₃ guë'₄ tón'₂ jui'₅ rë₂ jág'₅ 'éi'₃ dse₃ a₂lión₂ dsa₂. Ia₁ jme₃gu'₅₄ bá₄ Diú₄ chi₂jua'₂ jmo₅ dsa₂ 'e₂ ta₁ qui'₅ 'éi'₃ jaun₂, caun₂ nau₂ tiá₂ bá₄.

²⁶ Chi₂jua'₂ chan₂ i₂lín₅₄ lín₂ 'ñio₅ lin₃ jme₂ti₃ ne₄ Diú₄, la₁ në₁jua'₂ tsá'₃ con₂ guë'₂ dsi'₅ 'a₂ lia'₂ dsia₂₃ jág'₁ në₃, ján₃ bá₄ guion'₅₄ i₂le₂'éi₂ jme₂gain₂₃, ia₁ a₂'éin₂ jaun₂ tsá'₃ 'e₂ ta₁ tí₄. ²⁷ Jui'lia'₂ dsa₂ i₂'én'₂ të₂dsón'₂ lia'₂ dsi₂ten₅₄ 'nio₃ Diú₄ Jmei₂ jniog₄, le₂la₂ bá₄ jmo₂₃: a₂jme₂oin₅₄ chi'₂ 'nág₂ quian'₅₄ 'io₅₄ 'nág₂ në₃, 'e₂ caun₂ o₂i₁ dsi₅ chan₂ 'éi₂, ton₂ jmo₂₃ 'í₁ a₂tsá'₃ jme₃'ñioi₂₃ quian'₅₄ a₂'lig'₅₄ cha₂ mi₂güig₃.

2

¹ Rin'₅₄ jniog₄, i₂'én'₂ le₃quió'₅ Te₁gui'₅₄ Jesucristo i₂ñlán'₁ quián₂ jniog₄, tsá'₃ ca₂tín'₂ 'nia'₂ jing'₅₄ jma₃quén₅ i₂la₂ i₂ó₃. ² Jui'lia'₂ të₃jë₄ tion'₅₄ 'nia'₂ le₂ñig'₂, dsió₄ jan₂ dsa₂ cha₂ cu₄ i₂'i₄ anillo cu₄nió₄ gu₂, i₂chén'₅ jlá'₁, la₁ në₁jua'₂ ján₃ guë'₂ të₃jë₄ jaun₂ dsió₄ jan₂ dsa₂ te₂ñé₂ i₂chén'₅ 'lig'₅₄, ³ në₁jua'₂ ca₂guen'₅₄ 'nia'₂ rë₂ lín₃ i₂qui'₂ tsin'₅₄ jlá'₁, në₁jua'₂ ca₂chei'₅₄ 'nia'₂: “Ñia₅ i₂né₂ ja₁dse₃ la₂”, la₁ i₂te₂ñé₂ guë'₂ në₃ juig'₅₄ 'nia'₂: “Ne₂ jó₄ nau₂”, o₃ “ja₁lá₃ i₂né₂ 'uë₃ cau₅ ja₁tióng₂ tag₃”; ⁴ në₁jua'₂ le₂në₅ jmo₂ 'nia'₂, ma₂jing'₅₄ jma₃quén₅ ríng'₂, ma₂qui₂cáun'₂ 'nia'₂ 'í₁, a₂ma₂dsi₂jio₅ 'lig'₅₄ 'au'₂. ⁵ 'Nia'₂ rin'₅₄ jniog₄, nei₂ 'nia'₂ a₂la₂: Diú₄ ma₂ca₂quióin'₂ i₂lín₅ i₂te₂ñé₂ mi₂güig₃ la₂, ia₁ jaun₂ léin₂ dsa₂ jlán'₁ quian'₅₄ a₂'éin₂, ia₁ tin₃ ja₁gon₂ Diú₄ ja₁ma₂lë₅ jág'₁ cuë'₃ ca₂le₃jín₃ i₂'nio₃ quió'₅. ⁶ La₁ 'nia'₂ në₃ të₂le₃ o₂guí'₃ bá₄ tsíng'₂ dsa₂ te₂ñé₂. ¿Ia₁ on₁jua'₅₄ dsa₂ cha₂ cu₄ guë'₂ i₂jmóg'₂ 'ang₂ quián'₂ 'nia'₂, qui₂tsin'₂ 'nia'₂ dsi₂chei'₂ ne₄ dsi₂tan₅₄ në₃? ⁷ ¿On₁jua'₅₄ dsa₂ le₂'éi₂ guë'₂ i₂taun₂ 'lig'₅₄ jmá'₅ 'in₂₃ i₂chen₂ jlán'₁, i₂le₃quió'₅ ja₁tén'₄ 'nia'₂?

⁸ Në₁jua'₂ dsi₂jó'₃ jme₂tí'₁ 'nia'₂ 'éi'₃ dsen₅₄ lia'₂ con'₂ lë₅ juá'₂ ne₄ Si₂: “Jme₁'nió₄ dsa₂ mi₂güig₃ ríng'₂ jui'lia'₂ 'nió₃' 'ñiag'₂”, * dse₃ bá₄ në₁jua'₂ jmo₂ 'nia'₂ le₂jaun₂.

⁹ La₁ në₁jua'₂ jin'₄ 'nia'₂ jma₃quén₅ i₂la₂ i₂ó₃, 'nau'₂ 'nia'₂ dso₄, ia₁ ma₂të₁dsi₅₄ 'Éi'₃ ja₁con'₂ 'nia'₂ guiong'₅₄; ma₂të₁tsin'₅₄ 'nia'₂ ma₂le₁cáng'₄ bá₄. ¹⁰ Ia₁ jui'lia'₂ dsa₂ i₂jme₂ti₃ ca₂le₃jë₃ 'Éi'₃, la₁ në₁jua'₂ ca₂'liain'₂ caun₂ 'éi'₃ tio'₅₄ në₃, ja₁ jaun₂ ca₂rë₃cáin'₂ ca₂le₃jë₃ bá₄ 'éi'₃ a₂tio'₅₄ ne₄ Si₂ jaun₂. ¹¹ Ia₁ Diú₄ 'éi₂ bá₄ i₂ca₂juá'₂ jme₁ca₂juá'₂: “Tsá₃ nió'₄ 'nia'₂ jág'₁ quian'₅₄ dsa₂ i₂tsá'₃ lín₅ dsi₂l₂gog'₂”, † ján₃ bá₄ i₂'éi₂ ca₂juá'₂: “Tsá₃ jñig'₄ dsa₂ mi₂güig₃ ríng'₂.” ‡ Jaun₂ le₂në₅ chi₂jua'₂ tsá'₃ ca₂táng'₂ guë'₂ dso₄ quian'₅₄ i₂tsá'₃ lín₅ dsi₂l₂gog'₂, la₁ në₁jua'₂ ca₂jñig'₃ guë'₂ dsa₂ mi₂güig₃ ríng'₂ në₃, ja₁ jaun₂ ca₂rë₃cáng'₂ bá₄ ta₁jë₂ 'Éi'₃. ¹² Ca₂tín'₂ 'nia'₂ jmó'₂ ton₂ dsiá'₁ jui'lia'₂ dsa₂ i₂në₃ guë'₄ të₂dsi₅₄ 'éi'₃ quió'₅ con'₂ lë₅ 'éi'₃ a₂lió₂. ¹³ Ia₁ jui'lia'₂ dsa₂ i₂tsá'₃ ca₂dsia₃ ñéi₂ dsi'₅ rin'₅₄, ján₃ bá₄ le₂jaun₂ tsá'₃ ñéi₂ dsi'₅ Diú₄ dsia₃

* **2:8** Levítico 19:18. † **2:11** Éxodo 20:14; Deuteronomio 5:18. ‡ **2:11** Éxodo 20:13; Deuteronomio 5:17.

ja₁con₂ 'éi₂ jē₁ma₂tē₂ rē₁tē₃dsi₅₄ 'éi₃ quió₅; la₁ jui₁lia₂ i₂ca₂dsia₃ ηéi₂ dsi₅ rin₅₄, a₂ηéi₂ dsi₅ jaun₂ bá₄ lí₂ jē₁ma₂tē₂ rē₁tē₃dsi₅₄ 'éi₃ quió₅.

Nió₅ le₃jniá₂ a₂én₂ dsa₂

¹⁴ 'Nia₂ rin₅₄ jniog₄, ¿'e₂ bá₄ ta₁ jmo₃ nē₁jua₂ chan₂ i₂juá₂ ma₂'éin₂, nē₁jua₂ tsá₃ guē₂ 'e₂ a₂'ua₁ dsi₅ jmo₂₃? ¿Lé₂ le₃jua₅₄ jniog₄ a₂tín₄ dsa₂ le₂'éi₂ quian₅₄ a₂'éin₂ le₂jaun₂? ¹⁵ Jua₅₄ mei₂ guē₃ chan₂ jan₂ dsa₂ ηe₂, o₃ jan₂ dsa₂ mí₂ rin₅₄ jniog₄, 'in₂ tsin₅₄, 'in₂ a₂guē₃, 'oin₅₄ ηi₂₃ le₂o₃ jmig₄; ¹⁶ nē₁jua₂ chan₂ 'nia₂ i₂ca₂chei₅₄: “Guan₂ caun₂ dse₃ quiáng₂”, o₃ “Guan₂ o₂jme₁dsion₂”, o₃ “Guan₂ o₂jme₁tan₅₄ ja₁quiáng₂”, nē₁jua₂ tsá₃ ca₂cuē₅₄ guē₂ 'nia₂ a₂dsen₅₄ a₂'nió₅ quió₅ ni₁ηi₁₂, ¿'e₂ bá₄ ta₁ jmo₃ a₂'én₂ 'nia₂ le₂nē₅? ¹⁷ Le₂nē₅ bá₄ lē₅ quian₅₄ a₂'én₂ dsa₂: nē₁jua₂ tsá₃ léi₄ qui₂rē₂jniá₁ a₂jmo₅ dsa₂ a₂'ua₁ dsi₅, tsá₃ 'e₂ ta₁ tí₄ a₂'éin₂ jaun₂, lē₅ caun₂ co₂'nió₄ a₂'lag₄ bá₄ jaun₂.

¹⁸ 'An₁ chan₂ bá₄ i₂juá₂ nē₃: “'Én₂ bá₄ 'ne₂, la₁ jniá₂ guē₂ jmo₂₃ a₂dse₃.” Jniá₂ juá₅: 'È₄ a₂'éng₂, on₃jua₅₄ quian₅₄ a₂dse₃ a₂jmo₂, jaun₂ jniá₂ nē₃ jme₁jniag₅ a₂'éng₂ tē₂le₃ quian₅₄ a₂dse₃ a₂jmo₂₃. ¹⁹ 'Én₂ bá₄ 'ne₂ a₂chan₂ jan₂ Diú₄; ¿'e₂ a₂dse₃ jmo₂ nē₁jua₂ le₂jaun₂? Ján₃ bá₄ le₂nē₅ guē₂ je₂na₅₄ 'éin₂ a₂chan₂ Diú₄, la₁ jlein₂₃ bá₄. ²⁰ La₁ 'ne₂ nē₃ dsa₂ co₄, ¿'niog₂ cuē₅₄ jniá₂ caun₂ léi₄ a₂tsá₃ 'e₂ quen₅ a₂'én₂ dsa₂ nē₁jua₂ tsá₃ 'e₂ a₂dse₃ a₂qui₂rē₂jniá₁ jmo₂₃? ²¹ ¿On₁jua₅₄ ca₂tē₁tsin₅₄ rē₂ Abraham ne₄ Diú₄ tē₂le₃ quian₅₄ a₂dse₃ a₂jme₁jme₂jniai₂₃ lia₂ con₂ jme₁ca₂jéin₂ Isaac ja₁ηi₅₄ quiáin₅ ne₄ Diú₄ a₂jme₁jñag₃ ne₄ ne₄chei₂? ²² Rē₂ de₂ quion₂ 'nia₂ 'í₁ 'a₂ lia₂ ca₂lē₃ quian₅₄ Abraham: ja₁jaun₂ ca₂rē₃jniá₂ a₂'éin₂ tē₂le₃ quian₅₄ a₂ca₂jmo₃ jaun₂, ja₁jaun₂ ca₂jáu₃ 'í₁ ca₂ηia₅ a₂'éin₂ tē₂le₃ quian₅₄ a₂ca₂rē₃jniá₂ a₂ca₂jmo₃ jaun₂. ²³ Le₂nē₅ bá₄ ca₂rē₃ti₃ a₂juá₂ ne₄ Si₂ 'in₂₃ Abraham ja₁juá₂: “Ca₂rē₃'én₂ Abraham ja₁con₂ Diú₄; a₂ca₂rē₃'éin₂ le₂jaun₂ nē₃, ca₂guéi₂ Diú₄ tē₂tsin₅₄ lín₅ dsa₂ dsen₃.” § Jaun₂ Diú₄ nē₃ ca₂caun₃ ca₂lín₃ 'éi₂ a₂mei₅₄ quiáin₅. ²⁴ Ja₁nē₅ bá₄ rē₂jniá₂ jaun₂ nē₃, 'a₂ lia₂ tē₂tsin₅₄ dsa₂ rē₂ ne₄ Diú₄ tē₂le₃ quian₅₄ a₂dse₃ a₂jmo₂₃, on₃jua₅₄ rē₂ a₂jñia₅₄ 'nió₅ juá₂ a₂'éin₂. ²⁵ Ján₃ bá₄ le₂nē₅ ca₂lē₃ quian₅₄ Rahab i₂jme₁'nag₅ quió₅; *ca₂tē₁tsin₅₄ rē₂ ne₄ Diú₄ tē₂le₃ quian₅₄ a₂dse₃ a₂ca₂jmo₃: ca₂cuē₃ dsi₂néi₂ quió₅ ca₂jñia₃ dsa₂ quián₅ Diú₄, ján₃ guē₂ ca₂jme₃ 'oin₅₄ dsa₂ 'éi₂ ca₂'uág₂ ju₁₅ siá₂. ²⁶ Jaun₂ le₂nē₅ bá₄ ju₁lia₂ ni₁ηi₅ a₂tsá₃ jme₂dsi₂ 'i₄, lē₅ caun₂ ni₁ηi₅ 'lag₄, ján₃ bá₄ le₂nē₅ lē₅ a₂'én₂ dsa₂, nē₂jag₄ bá₄ 'lag₄ ján₃ nē₁jua₂ tsá₃ rē₂jniá₂ a₂dse₃ a₂jmo₂₃.

3

Ju₁lia₂ le₁tsi₂ dsa₂

¹ Rin₅₄ jniog₄, tsá₃ 'nió₅ jua₅₄ ju₁₅ i₂lén₂ tē₅ jin₄ 'nia₂, ia₁ ma₂ηi₅₄ bá₄ 'nia₂, 'ηio₅ guē₄ bēn₂ 'éi₃ tē₃dsi₅₄ ja₁con₂ jniog₄ con₂ lág₅ i₂jme₂tín₁ rin₅₄. ² Ia₁ ca₂le₃jág₃ bá₄ jniog₄ co₂dsi₂'éin₅ ne₄ 'lióng₂ ne₅₄. Nē₁jua₂ chan₂ i₂tsá₃ ma₃dso₄ 'no₅ 'i₁ca₂juig₄ ja₁dsia₂₃ jág₁, dsa₂ le₂'éi₂ lín₅ dsa₂ rē₂'ηia₅, i₂'io₅ bí₂ ne₄ ni₁ηi₁₂ 'ηiog₅, ta₁jain₂. ³ Ju₁lia₂ jme₁tó₅ dsa₂ ni₁ηi₁ mi₂'o₄ dsi₂cua₁ ia₁jaun₂ jme₃ti₃, lé₂ jéin₂ dsa₂ ta₁jain₂ 'a₂ ju₁₅ 'nio₃ dsa₂ jiog₃. ⁴ Ní₂ de₂ 'nia₂ ján₃ ju₁lia₂ ni₁barco ju₁'a₂ guē₂ lia₂ ca₅₄ pa₁ lín₃, qui₂'lia₂ dsi₂ tiá₂, dsa₂ i₂quian₅ nē₃ lé₂ le₃cán₂ 'a₂ ju₁₅ 'nio₃, quian₅₄ caun₂ timón pí₁ bá₄. ⁵ Le₂nē₅ bá₄ lē₅ quian₅₄ le₁tsi₂ dsa₂ ján₃; le₁tsi₂ dsa₂ lē₅ caun₂ ni₁ηi₅ pí₁ ton₅ ni₁ηi₁ dsa₂; 'e₂ bá₄ lín₂ lé₂ le₃jmo₃ 'lióng₂ jág₁ ca₅₄. jñi₂ de₂ 'nia₂ ján₃, 'e₂ guē₄ pa₁ 'ηa₁ má₂ lé₂ le₃dsi₂ quian₅₄ ca₂míg₂ si₂ pí₁!

⁶ Jaun₂ le₁tsi₂ dsa₂ nē₃, lē₅ co₂'nió₄ caun₂ si₂ a₂quian₅₄ quió₅ dsa₂. A₂lē₅ co₂'nió₄ caun₂ mi₂güí₃ 'lig₅₄ a₂ton₅ ni₁ηi₁ jniog₄, a₂jmo₅ ta₁ a₂qui₂rē₂ηio₅ dsa₂

§ 2:23 Génesis 15:6; Romanos 4:3-22. * 2:25 'Nio₂ ja₁ton₅ Josué 2:1-21; 6:17.

ta₁jain₂. Quian'₅₄ jág₁ dséi₂ a₂'niog₂ jniog₄, nē₂jag₄ bá₄ a₂guí'₂ si₂ le₁tsi'₂ jniog₄ jui₅ quián₂ tē₁lia'₂ chong₂, lě₅ nē₂jag₄ bá₄ si₂ a₂ca₂tín₂ bí₂ quian'₅₄ tsi'₅₄ si₂ a₂já₅ guio₃-juíg₃. ⁷ Qui'₅₄ jmíg₄ dsa₂ mi₂güí₃ jme₃'uáin₂ dsí₅ ca₂le₃jě₃ ne₅₄ já'₂ i₂tsau₂ dsí₅, já'₂ i₂'in₅, já'₂ i₂tsě'₅ quió'₅, já'₂ i₂chan₂ jmi₁ñí'₄ nē₃, ⁸ la₁ 'i₁jan₂ dsa₂ tsá₃ 'ein₂ ma₂tió'₃ jme₃'uáin₂ le₁tsi'₂ guioin₅₄. Lě₅ caun₂ a₂'lig'₅₄ a₂tsá₃ tei₄ lé₂ le₃jmo₃, qui₂rē₂can'₂ jág₁ dséi₂ nē₂jag₄ bá₄ mí₅ 'lig'₅₄ a₂dsan₂ dsa₂. ⁹ Quian'₅₄ le₁tsi'₂ jniog₄ jme₂juín'₁ Te₁gui'₅₄ quián₂ i₂lín₅ Jmei₂ jniog₄, ton'₂ ján₃ guē'₂ 'ín₅ 'lig'₅₄ dsa₂ mi₂güí₃ i₂ma₂ca₂jmo'₂ Diú₄ lia'₂ lě₅ nió'₄ quió'₅ 'niog₅. ¹⁰ Quian'₅₄ mi₂'o₄ jniog₄ la₂, 'uē₂ jág₁ a₂jme₂juín'₁ Diú₄, ján₃ guē'₂ 'uē₂ jág₁ 'lig'₅₄ a₂'ín₅ dsa₂ rin'₅₄. Rin'₅₄ jniog₄, tsá₃ dsi₂ten₅₄ le₂nē₅. ¹¹ ¿'A₂ bá₄ lia'₂ chi₂jua'₂ caun₂ o₄tu₁ jmíg₂ lé₂ le₃'iá₃ jmíg₂ ráu₂ lia'₂ jmíg₂ dsi'₃ nē₃? ¹² 'Nia'₂ rin'₅₄ jniog₄, ¿lé₂ le₃lé₂ jua'₅₄ caun₂ ni₁'ma₂ a₂'ag₅ mí₂ higo, jua'₅₄ a₂jaun₂ 'ag₃ táng₃ mí₂ aceitunas? O₃, ¿lé₂ le₃lé₂ jua'₅₄ ca₂cho'₅₄ uing₂ uvas, a₂jaun₂ 'ag₃ táng₃ mí₂ higos? Já₃ bá₄ le₂nē₅, 'i₁caun₂ tu₄ jmíg₂ ja₁'ia₂ jmíg₂ ñi'₅₄ tsá₃ lé₂ le₃'iá₃ jmíg₂ ráu₂ nē₃.

Le₂la₂ dsón'₂ bá₄ lě₅ a₂dse₃ lia'₂ con'₂ dsi₂ten₅₄ le₃ñí'₂ dsí₅ dsa₂

¹³ Nē₁jua'₂ chan₂ jē₄ quián'₂ 'nia'₂ jan₂ i₂ñí'₂ dsí₅, jui₁jme₂jniai₂₃ jui₅ dse₃ 'a₂lia'₂ ñi₂₃ tē₂le₃ quian'₅₄ a₂jmo₃ a₂dse₃, a₂jmo₃ mei'₂ lia'₂ con'₂ lě₅ ñí'₂. ¹⁴ La₁ nē₁jua'₂ tion'₅₄ 'nia'₂ jmo'₂ uin₅ 'au'₂ cha₂ a₂dsi'₃ tē₂'au'₂ 'nia'₂, tiong'₅₄ cha₂ a₂ma₂'ín₅ 'au'₂ guiong'₅₄; nē₁jua'₂ le₂nē₅, tsá₃ ca₂tín'₂ 'nia'₂ jmó'₂ táng'₅, on₃ guē'₂ jmó'₂ tē₂jíng'₁ quian'₅₄ jág₁ tí₅. ¹⁵ Ia₁ a₂ñí'₂ dsí₅ dsa₂ le₂nē₅, on₃jua'₅₄ a₂já₅ guei'₅₄ nē₅; quió'₅ mi₂güí₃ bá₄. A₂lě₅ dsí₅ ni₁ñi₁ dsa₂ guioin₅₄, ta₁ quió'₅ je₂na'₅₄ bá₄ nē₅. ¹⁶ Ia₁ jui₁lia'₂ ja₁tion'₅₄ dsa₂ uin₅ dsí₅ quian'₅₄ rin'₅₄, ton'₂ co₂tan₅₄ cha₂ a₂ma₂'ín₅ dsí₅ dsa₂ a₂lí'₂ jmá'₃ guioin₅₄, ja₁le₂jaun₂ tsá₃ 'e₂ dse₃ chí'₅ tion'₅₄ dsa₂, ton'₂ jmo₅-dsáu₅ dsa₂ ca₂le₃jě₃ ne₅₄ a₂'lig'₅₄. ¹⁷ La₁ jui₁lia'₂ ja₁ñí'₂ dsón'₂ dse₃ dsí₅ dsa₂ a₂já₅ guei'₅₄ i₂juíg₃, jē₁le₂'uig₅₄ de'₂ chan₂ dsa₂ quian₅ caun₂ jui₅ le₁jě₃; ño₅ jaun₂ táng₃ 'no'₂ jui₅ ja₁'ag₃ tei₄; 'en₅₄ dsí₅ dsa₂ lín₅ nē₃; caun₂ dsáu₅ dsí₅ bá₄ 'e₂ caun₂ a₂lě₂; chain₂ ñéi₂ dsí₅ dsa₂ mi₂güí₃ riin'₅₄; jmo₂₃ jmá'₃ lia'₂ a₂dse₃; ton'₂ tsá₃ 'e₂ qui₂co₂₃ jág₁ quió'₅; ton'₂ tsá₃ jua'₅₄ a₂lě₁co₂jmo₂₃ o₁ne₁ nē₃. ¹⁸ Dsa₂ i₂quín'₅ bí₂ jne₂₃ a₂'ag₃ tei₄, jaun₂ ro'₂ a₂le₃chain₂ caun₂ jui₅ co₂dsau₅.

4

Jui₁lia'₂ jme₁tón'₅ dsa₂ 'én₂ jmo₂₃ já₃ a₂jmo₅ dsa₂ mi₂güí₃

¹ ¿'A₂ jui₅ já₅ mi'₅₄ 'nei₂ a₂cha₂ jin'₄ 'nia'₂? ¿On₁jua'₅₄ 'uig₅₄ ia₁ a₂'niog'₂ 'nia'₂ le₃chang'₂ o₂'ñi₃ o₂ñia₃ 'au'₂, cuē₅ 'nei₂ ni₁ñi'₁ 'nia'₂? ² Cha₂ a₂'niog'₂ 'nia'₂ jui₁lia'₂ a₂tsá₃ cha₂ quiáng'₂. Uin₅ 'au'₂ 'nia'₂ líng'₅. Ia₁ tsá₃ le₃lén'₂ 'nia'₂ a₂'ín₅ 'au'₂. Jmo'₂ 'nia'₂ mi'₅₄, dsia'₂ 'nia'₂ 'nei₂ nē₃, la₁ tsá₃ cha₂ quián'₂ 'nia'₂ nē₃, ia₁ tsá₃ mi'₂. ³ Jui₁lia'₂ jme₁mi'₂ guē'₂ 'nia'₂, la₁ tsá₃ ñi'₂ guē'₂ 'nia'₂ 'uig₅₄ ia₁ tsá₃ mi'₂ 'nia'₂ con'₂ dsi₂ten₅₄, ia₁ a₂ñia'₅₄ 'niog'₂ 'nia'₂ 'éng'₄ a₂le₃chang'₂ o₂'ñi₃ o₂ñia₃ 'au'₂ bá₄. ⁴ 'E₂ guē₄ lín'₅ 'nia'₂ jui₁lia'₂ lín₅ dsa₂ mí₂ i₂tsá₃ jen₅₄ dsi₂i₂gu₂, qui₂'no'₂ jui₅ dsó₅ quian'₅₄ i₂sián'₂! ¿Tsa₁ ñi'₅₄ 'nia'₂, jui₁lia'₂ dsa₂ i₂jen'₂ dsí₅ quian'₅₄ mi₂güí₃, i₂le₂'éi₂ tē₂tsin'₅₄ lín₅ i₂'ña₅₄ Diú₄ bá₄? Jaun₂ lě₃, jui₁'ein₂ guē₃ i₂jen'₂ quian'₅₄ mi₂güí₃, i₂'ña₅₄ Diú₄ bá₄ 'éi₂. ⁵ ¿O₃ bá₄ lín'₂ 'nia'₂, on₃jua'₅₄ 'e₂ cha₂ jein₅ jág₁ a₂juá'₂ ne₄ Si₂: “Jme₂dsí₂ i₂ma₂cuin₃ i₂'en₅₄ jē₄ quián₂ jniog₄, dsi'₅ 'ñio₅ lín₃ ia₁ a₂'nio₃ jniog₄”?* ⁶ La₁ tē₂le₃ 'ñio₅ guē₄ bēn₂ a₂'ua₁ dsí₅ Diú₄ a₂cuē₂₃ jniog₄; 'uig₅₄ jaun₂ juá'₂ ne₄ Si₂:

* 4:5 'Nio'₂ ja₁ton₅ Éxodo 20:5.

Nau₂ Diú₄ quein₅ ne₄ dsa₂ i₂jmo₅ tán'₅,

la₁ jmo₂₃ 'ua₁ dsí₅ ja₁con₂ dsa₂ i₂jmo₅ me'₂.†

⁷ Tión'₂ 'nia'₂ o₄gú₃ Diú₄. Tsá₃ lē₁cuín₅ 'nia'₂ i₂sē₃dsen₃, jaun₂ i₂cuing₃ bá₄ 'éi₂ ja₁con'₂ 'nia'₂. ⁸ Jme₁quián₄ 'nia'₂ tē₂le₃ ja₁con₂ Diú₄, jaun₂ bá₄ jme₃quián₃ 'éi₂ ja₁con'₂ 'nia'₂ ján₃. 'Nia'₂ dsa₂ i₂qui₂rē₂cán'₄ dso₄, rang₂ 'nia'₂ gog'₂; jmo₄ 'nia'₂ le₁jē₃ tē₂'au'₂, 'nia'₂ dsa₂ i₂le₁'ág₄ caun₂-tín₃ dsí₅. ⁹ Tión'₂ 'nia'₂ quian₂ o₂i₁ dsí₅, qui'₂-o₄. Nág'₄ quián'₂ 'nia'₂, jui₁le₂tsín₃ jui₁le₅₄ a₂qui'₂-áu'₂ 'nia'₂; ján₃ guē'₂ le₂nē₅ nē₁jua'₂ chan'₂ 'nia'₂ i₂'io'₂ jén'₅, jme₁tsín₄, tión'₂ 'nia'₂ 'lia'₂ 'au'₂. ¹⁰ Jmo₄ 'nia'₂ meg'₂ tē₂le₃ ne₄ Te₁gui'₅₄, jaun₂ bá₄ chó'₂ 'éi₂ táng₃.

Diú₄ bá₄ i₂ca₂tín₂ con₂ 'í₁

¹¹ Rin'₅₄ jniog₄, tsá₃ 'ín₅ 'nia'₂ 'lig'₅₄ ríng'₂ le₂jang'₂ le₂jang'₂. Ia₁ jui₁lia'₂ i₂'ín₅ 'lig'₅₄ jan₂ rin'₅₄, o₃ ŋi₂₃ qui₂con₂ 'í₁, co₂'nió'₄ 'lig'₅₄ bá₄ 'ē₅ 'éi₂ 'Éi'₃ quió'₅ Diú₄, ton'₂ jmo₂₃ dsí₅ tsá₃ 'e₂ quen₅ 'Éi'₃. Ia₁ nē₁jua'₂ cáun'₂ 'ne₂ 'í₁ ne₄ 'Éi'₃, co₂'nió'₄ bá₄ a₂ma₂jmo'₂ 'au'₂ ján₃ a₂lín₃ jan₂ i₂'io₅ bí₂ con₂ 'í₁ ne₄ 'Éi'₃ 'nió'₄ a₂jme₁ti'₄ 'ŋiag'₂. ¹² Jan₂ tan₅₄ bá₄ i₂chan₂ i₂ca₂tín₂ cuē₃ 'éi'₃; i₂'éi₂ bá₄ lín₅ i₂'io₅ bí₂ dsí₃ 'éi'₃, jaun₂ 'ŋiog₅ bá₄ 'éi₂ nē₃ lé₂ le₃lió₂ o₃ 'liog'₃ 'e₂. La₁ ¿i₂'ein₂ bá₄ 'ne₂? ¿'E₂ lē₃ cáun'₂ 'í₁ quió'₅ dsa₂ mi₂güig₃ ríng'₂?

¹³ Nē₃ nē₃, nei₂ 'nia'₂ a₂la₂, 'nia'₂ i₂jag₄ juá'₂: “Nē₃ o₃ 'ióg₃, dsau₅₄ ciudad nē₅, o₃ ciudad ó₃; ja₁jaun₂ dsí₁ŋag₅₄ caun₂ ŋi₂ dsí₁'nág₁ dsí₁jmó₁ 'ma'₅₄ jaun₂ léi₂ cu₄.”

¹⁴ La₁ 'i₁ca₂juig₄ tsá₃ jaun₂ ŋi'₅₄ 'nia'₂ 'e₂ lé₂ 'ióg₃, dsí₂jui₅ ja₁o₁nóg'₅. Ia₁ jui₁lia'₂ lē₅ caun₂ bē'₅₄ jnei₅ tei₂ bá₄ lín₅ 'nia'₂, nē₃ jniá₂ 'ei₅, nē₃ cón'₅ tsá₃ ma₃cha₂ táng₃.

¹⁵ 'Nió'₄ a₂jme₁dsiá'₂ 'nia'₂ jág₁ le₂nē₅, le₂la₂ bá₄ ca₂tín'₂ 'nia'₂ dsiá'₁: “Chi₂jua'₂ le₂jaun₂ 'nio₃ Te₁gui'₅₄ le₃chong₂ jniog₄, jaun₂ bá₄ dsí₁jmó₁ a₂la₂ a₂ó₃.” ¹⁶ La₁ 'nia'₂ nē₃, ting'₂ dsia'₂ jág₁ tá'₅ jmo'₂ 'nia'₂ róng'₂; ca₂le₃jē₃ a₂dsia₅ dsa₂ jág₁ le₂nē₅, 'lig'₅₄ bá₄. ¹⁷ Jaun₂ nē₃, dsa₂ i₂ŋi₅ a₂dse₃ a₂lé₂ le₃jmo₃, la₁ nē₁jua'₂ tsá₃ ca₂jmo₃ nē₃, dso₄ bá₄ jaun₂ le₃quió'₅ 'éi₂.

5

A₂rē₂'ē₂ jág₁ ja₁con₂ dsa₂ cha₂ cu₄

¹ ŋi₂ 'nia'₂ a₂la₂, 'nia'₂ dsa₂ i₂cha₂ cu₄! Qui'₂-o₄, guio'₅₄ 'nia'₂ o₄quió'₄ ca₂le₃jē₃ ne₅₄ jmi₁ui₅ a₂dsi₃ŋí'₂ 'nia'₂. ² Ca₂le₃jē₃ a₂cha₂ quián'₂ 'nia'₂ ma₂'áu₁, le₂jaun₂ guē'₂ 'mi₂ a₂quí'₂ 'nia'₂ ma₂quí'₅ i₁cá₁. ³ Cu₄nióg₄ cu₄tiog₂ quián'₂ 'nia'₂ qui₂ma₂'io₂ juí'₅. Já₅ caun₂ jmi₄ jáng'₃ léi₄ juí'₅. A₂nē₅ bá₄ a₂co₃dsag₅₄ quián'₂ 'nia'₂, a₂dsiá₃ ni₁ŋi'₁ 'nia'₂ guiong'₅₄, lé₂ nē₂jag₄ bá₄ si₂. Ia₁ 'ŋio₅ lín₃ qui₂ma₂dsiá'₅₄ 'nia'₂ le₁má'₂ ca₂le₃jē₃ ne₅₄ a₂cha₂ quiáng'₂, jmi₄ jē₁ca₂tó'₂ la₂. ⁴ jJag₄! 'Lian'₅₄ dsa₂ i₂qui₂ma₂jmo₃ ta₁ ja₁nau₂ quián'₂ 'nia'₂ 'lian'₅₄ dsa₂ a₂tsá₃ ca₂qui'₅₄ 'nia'₂, guio'₅ 'o₂₃; le₂jaun₂ guē'₂ jág₁ quió'₅ guion₅₄ dsa₂ 'éi₂, ma₂dsi₃lé₂ gua₄ Te₁gui'₅₄ Juig₅₄ 'Lióg₂. ⁵ Ia₁ 'ŋio₅ lín₃ dse₃ jlá'₁ ma₂ca₂rē₃chán₃ 'nia'₂ ne₄ gua₅₄ 'uē₃ la₂, ma₂qui₂ma₂quian'₂ 'nia'₂ o₂'ŋi₃ o₂ŋia₃ dsí₅. Ma₂ca₂jme₁'on'₁ 'nia'₂ lia'₂ 'on'₅₄ ca₁jui₅; la₁ já₅ jmi₄ ja₁dsián'₃ 'nia'₂ jui₁lia'₂ dsan₂ ca₁jui₅. ⁶ 'Nia'₂ ma₂qui₂ma₂'liáng'₃ ma₂ca₂jme₁dsiang'₂ dsa₂ i₂tsá₃ 'e₂ rin₂; ¿tsa₁ lín'₂ 'nia'₂ ŋia'₅₄ dsa₂ 'éi₂ mi₃ tē₃dsi₅₄ 'éi'₃ jmi₄ jaun₂?*

A₂chan₂ dsa₂ juin'₂ dsí₅ lín₅ caun₂ chi₁ŋia₂₃ a₂jéin'₃ Diú₄ 'e₂ ma₂mi₃

⁷ Jaun₂ nē₃, rin'₅₄ jniog₄, jmo₄ 'nia'₂ juin'₂ 'au'₂ ca₂lia'₂ ca₂tē₂ jmi₄ i₁guan'₂ Te₁gui'₅₄. Jui₁lia'₂ jan₂ dsa₂ i₂jmo₅ ta₁ ja₁nau₂ chi₁ŋia₂₃ ráu₃ dse₃ lín₃ ta₁ quió'₅, jaun₂ caun₂ jmo₂₃ juin'₂ dsí₅ bá₄ chi₁ŋia₂₃ a₂guá₂ le₂'uig₅₄ jmí₅ tiá₄, a₂tē₅₄ jein₂

† 4:6 Proverbios 3:34. * 5:6 o₃, “tsá₃ jua'₅₄ a₂jaun₂ tsá₃ ca₂guen₃ 'éi₂.”

jmí₅ ně₃. ⁸ Le₂ně₅ bá₄ 'nia'₂ ján₃, jmo₄ 'nia'₂ juín'₂ 'au'₂, caun₂ 'éi'₂ 'nia'₂ 'au'₂, ia₁ ja₂quián₃ bá₄ jmig₄ a₂guan'₂ Te₁gui'₅₄. ⁹ Rin'₅₄ jniog₄, tsá₃ ma₃o₁le₅₄ 'au'₂ 'nia'₂ jua'₅₄ a₂caun₂ qui'₁ ní'₄ guě'₄ 'nia'₂ ríng'₂ le₂jang'₂ le₂jang'₂, ia₁jaun₂ bá₄ tsá₃ tē₃dsi₅₄ 'éi'₃ ja₁con'₂ 'nia'₂ guiong'₅₄. Ia₁ juě'₄ i₂qui₃dsi₅ 'éi'₃ ně₂jag₄ i₂ma₂chén'₅ o₄'né₄ bá₄ 'éi'₂. ¹⁰ 'Nia'₂ rin'₅₄ jniog₄, quian₂ 'nia'₂ jui₅ jui₁lia'₂ jui₅ a₂ca₂can₃ dsa₂ i₂ca₂'ě₂ jág₁ quián₅ Te₁gui'₅₄ ma₂líg'₂. Ca₂rě₃juín'₃ dsí₅ ne₄ ca₂le₃jě₃ jmi₁ui₅ a₂ca₂i₃ñi₂. ¹¹ Jag₄ jaun₂, jmo₂ jniog₄ dsí₅, 'e₂ guě'₄ dsen₃ dsa₂ i₂ca₂nau₂ tiá₂ 'éi'₂. Ján₃ bá₄ ñi'₅₄ 'nia'₂ 'a₂ lia'₂ ca₂rě₃juín'₃ dsí₅ Job, ca₂nau₂ tiá₂, ton'₂ ñi'₅₄ bá₄ 'nia'₂ ján₃ 'a₂ lia'₂ ca₂jme₃gu'₅₄ táng₃ Te₁gui'₅₄ quió'₅ 'éi'₂ jě₁ca₂tó'₂. Ia₁ le₂ně₅ bá₄ jau'₂ 'í₁ i₂'ua₁ dsí₅ lín₃ bá₄ Te₁gui'₅₄, ton'₂ ñéi'₂ dsí₅.

¹² Le₂ně₅ bá₄, jmo₄ 'nia'₂ ne₄ ca₂le₃jě₃, rin'₅₄ jniog₄, jui₁lia'₂ jme₁dsia'₂ 'nia'₂ jág₁, tsá₃ lě₁'ě₂ 'nia'₂ guei'₅₄ i₂juíg₃, on₃ guě'₂ 'ě₂ 'nia'₂ gua'₅₄ 'uě₃, on₃ guě'₂ 'i₁caun₂ cosa siá'₂ a₂lě₁'ě₁ 'nia'₂ jua'₅₄ a₂'íng'₄ Diú₄. Jě₁ma₂tě₂ rě₁dsiá'₁ 'nia'₂ jág₁, jua'₅₄ 'nia'₂ “ján₅”, jui₁le₂ti₃ bá₄ “ján₅” jaun₂; ján₃ bá₄ le₂ně₅ jui₁lia'₂ jme₁jua'₂ 'nia'₂ “jan₂'ón₄”, jui₁le₂ti₃ bá₄ “jan₂'ón₄” jaun₂, ia₁jaun₂ tsá₃ tē₃dsi₅₄ 'éi'₃ ja₁con'₂ 'nia'₂.

¹³ Nějua'₂ 'ein₂ 'nia'₂ chan₂ o₂i₁ dsí₅, jui₁chi₂lén'₂ ne₄ Diú₄. Nějua'₂ 'ein₂ guě'₂ chan₂ i₂'ei₅ dse₃ dsí₅, jui₁'ě₁₂ son₅₄ a₂rě₂juín'₂ Diú₄. ¹⁴ Nějua'₂ chan₂ 'ein₂ i₂dso'₅₄, ca₂tiín₂ tě'₂ dsa₂ can'₅₄ quián₅ guá'₅,† ia₁jaun₂ chi₃lén'₂ 'éi'₂ Diú₄ ne₄ quió'₅, jaun₂ tsáng₂ no'₅₄ lia'₂ con'₂ lě₅ 'éi'₃ quió'₅ Te₁gui'₅₄. ¹⁵ Ia₁ jě₁chi₂lén'₂ dsa₂ Diú₄ a₂'éin₂ tē₃dsón'₂, 'lión₂ dsa₂ dso'₅₄; chó'₂ bá₄ Te₁gui'₅₄. Nějua'₂ 'e₂ dso₄ ma₂táin'₂ ně₃, 'én₂ bá₄ dsáu₁. ¹⁶ Jaun₂ lě₃, jme₁jnia₅ 'nia'₂ ne₄ ríng'₂ 'e₂ ma₂qui₂ma₂'lian'₂ 'nia'₂, ján₃ guě'₂ chi₂lén'₄ 'nia'₂ Diú₄ o₄quió'₄ ríng'₂ le₂jang'₂ le₂jang'₂ ia₁jaun₂ 'lión'₂ 'nia'₂. Ia₁ jui₁lia'₂ dsa₂ i₂tión₂ rě₂ ne₄ Diú₄, 'io₅ bí₂ jág₁ quió'₅ 'e₂ caun₂ a₂mi₂₃ ne₄ Diú₄. ¹⁷ Elías jme₁lín₄ jan₂ dsa₂ lia'₂ lág₅ jniog₄; jme₁ca₂mi₃ jě₄ chi₂lén'₂ Diú₄ a₂co₂ñei'₅₄ tsá₃ ma₃téin₃ jmí₅, jaun₂ 'ni₅ ñi₂ tē₂ ca₂dsio₄ tsá₃ ma₃jmí₅ ca₂tang₂ ne₄ gua'₅₄ 'uě₃. ¹⁸ Cang₂ jaun₂, ca₂mi₃ táng₃ ne₄ Diú₄, jaun₂ ca₂tang₂ táng₃ jmí₅, ca₂rau₂ táng₃ ne₄ gua'₅₄ 'uě₃.

¹⁹ 'Nia'₂ rin'₅₄ jniog₄, ně₁jua'₂ chan₂ 'nia'₂ i₂dsi₂cón'₅ dsí₅ jui₅ dsau₅, ně₁jua'₂ jan₂ guě'₂ i₂ca₂jéin'₂ táng₃, ²⁰ dsá₂ 'au'₂ 'nia'₂ jmo₄ a₂la₂: jui₁'ein₂ guě₃ i₂jén'₂ jan₂ dsa₂ i₂rě₂cán'₄ dso₄ jui₅ 'líg'₅₄ a₂jme₁ma₂ñó₅, lióin₂ jme₂dsí₂ quió'₅ 'éi'₂ ne₄ 'mú₃, jaun₂ le₂ně₅ jlě₂ 'lióng₂ dso₄ dsí₂'én₂ ně₃.

Co₂ně₅.

† 5:14 griego: presbíteros.

Si₂ carta le₂'uig₅₄ a₂ca₂jmo₃ SAN PEDRO

Jmo₅ Pe₄ si₂ a₂chein₃ ne₄ dsa₂ 'én₂ i₂tián'₅ tsi₁rë₂jan₅₄ uíng₂

¹ Jniá₂ Pe₄, líng₅ dsa₂ i₂chen₄ quián₅ Jesucristo jmo₂₃ si₂ la₂ tsíng₂ ne₄ ca₂le₃jín₃ dsa₂ i₂tsi₁rë₂jan₅₄ i₂ma₂lín₅ co₂'nió'₄ dsi₂nau₂ i₂tián'₅ uíng₂, le₂tan₅₄ 'uë₃ Ponto, quian'₅₄ Galacia, Capadocia, Asia, Bitinia ně₃, ² ne₄ ca₂le₃jín₃ dsa₂ i₂ma₂quion'₅₄ quián₅ Diú₄ Jmei₂ jniog₄ lia'₂ con'₂ lë₅ ma₂i₃jio₅ dsí₅ ca₂le₂jniá₅. Ca₂quió'₂ Diú₄ tē₂le₃ quian'₅₄ ta₁ quió'₅ Jme₂dsí₂ quián₅ ia₁jaun₂ ma₂lë₅ 'í₁ 'nia'₂, ia₁jaun₂ le₃chang'₂ jme₁ti'₄ ne₅₄, chan'₂ 'nia'₂ qui₂le₁jě₃ jme₂dsí₂ quiáng'₂ ně₃, rē₂jnióg'₄ le₁séng'₅ jmi₂ 'an₅₄ Jesucristo. Jaun₂ juá'₅ jniá₂, jui₁chan'₂ bá₄ 'nia'₂ dse₃ ne₄ ca₂le₃jě₃ ne₅₄ a₂dse₃ jme₂gu'₅₄ Diú₄, 'ei₅ tei₄ ja₁con'₂ 'nia'₂ ca₂le₃jíng'₃.

'A₂ lia'₂ chan'₂ dsa₂ caun₂ bá₄ a₂le₁'ág₄ dsí₅ a₂ma₂rē₂'én₄ dsá_{u1}, tīn'₄ guei'₅₄ i₂juíg₃

³ Jui₁le₂juin'₂ bá₄ Diú₄ Jmei₂ Te₁gui'₅₄ Jesucristo quián₂, ia₁ ca₂dsia₃ nē₂ dsí₅ 'ñio₅ lín₃ jniog₄, ca₂cuë₃ jme₂dsí₂ 'mí₂, ma₂jmo₃ bá₄ a₂ma₂ca₂rē₃chóng₃ táng₃ jniog₄ tē₂le₃ quian'₅₄ jui₅bí₂ a₂ca₂jen'₅₄ táng₃ Jesucristo jin₄ 'lag₄. 'Uig₅₄ nē₅ bá₄ a₂chong₂ jniog₄ caun₂ bá₄ qui₂le₁'ág₄ dsí₅ a₂dsi₁no₃ tág'₄ guei'₅₄ i₂juíg₃. ⁴ Ton'₂ jmo₃ a₂guéi'₁ 'nia'₂ a₂ma₂lë₅ jág₁ a₂tíng'₅₄ cuë₃ Diú₄, a₂lë₅ caun₂ a₂tsá₃ ton₅ jmi₂g₄ dsí₃'én₂, on₃ guë'₂ lé₂ le₃'lig'₅₄, on₃ guë'₂ ton₅ jmi₂g₄ le₃juing₅ ně₃. Ca₂le₃jě₃ a₂nē₅ ma₂lë₅ co₂jnia₅₄ rē₂'ma₄ guei'₅₄ i₂juíg₃ quián'₂ 'nia'₂. ⁵ Tē₂le₃ ia₁ a₂'én'₂ 'nia'₂ ma₂jmo₂₃ 'í₁ quian'₅₄ jui₅bí₂ quió'₅ a₂dsi₁no₃ 'nia'₂ tíng'₄ a₂le₃jniá₂ jmi₂g₄ jē₁ca₂tó'₂ i₁lión'₂ 'nia'₂.

⁶ 'Uig₅₄ nē₅ bá₄ ně₃ jui₁chan'₂ 'nia'₂ qui₂le₁'ág₄ dse₃ 'au'₂, 'io'₂ jéng'₂, tsá₃ a₂léi₂ jui₁la₂ 'lióng₂ táu₂ a₂qui₂dsi₃ñí'₂ 'nia'₂ co₂'na₂. ⁷ Ia₁ lia'₂ lë₅ cu₄nióg₄ bá₄ lë₅ 'én'₂ 'nia'₂: jaun₂ tion₅₄ 'nió'₅ cáu₃, ñag₅ si₂, jióg'₂ 'í₁ le₃léi₄ chi₂jua'₂ tē₃dsón'₂ bá₄ dse₃. Jui₁lia'₂ jau'₂ 'í₁ cu₄nióg₄ tē₂le₃ quian'₅₄ si₂, ján₃ bá₄ le₂nē₅ jióg'₂ 'í₁ a₂'én'₂ 'nia'₂ tē₂le₃ quian'₅₄ uig₅ a₂niog₅ qui₂dsi₂ñí'₂. Ia₁ a₂'én'₂ 'nia'₂ nē₅, quen₅ guë'₄ 'ñio₅ lín₃ lia'₂ con'₂ guë'₄ cu₄nióg₄, ia₁ cu₄nióg₄ ně₃, a₂dsi₂'én₂ bá₄ jaun₂. Jaun₂ ně₃ jē₁ma₂ca₂o₃'ág₃ jág₁ a₂'én'₂ 'nia'₂ tē₃dsón'₂, jaun₂ guë'₄ 'ag₃ Diú₄, 'én'₂ bá₄ 'nia'₂ dse₃ lín₃, ton'₂ qui₂jme₃go₃ bá₄ dsa₂, jaun₂ guéin'₂ bá₄ 'nia'₂ guei'₅₄ i₂juíg₃ jē₁ma₂ca₂rē₃jniá₂ Jesucristo.

⁸ 'Nió'₃ bá₄ 'nia'₂ Cristo jui₁la₂ tsá₃ ma₂ca₂tē₂ ne'₅₄ 'nia'₂. Caun₂ bá₄ qui₂le₁'ág₄ 'au'₂ 'nia'₂ le₃quió'₅ 'éi₂, jnia'₅₄ la₂ tsá₃ ma₂ca₂jīn'₅₄ 'nia'₂ dsón'₂ dsi₁ne₁ la₁ 'ñio₅ lín₃ bá₄ 'io'₂ jén'₂ 'nia'₂ ca₂lia'₂ tsá₃ ne₄ 'a₂ lia'₂ le₃jua'₅₄, ⁹ ia₁ le₂nē₅ bá₄ ma₂lín'₂ 'nia'₂ jui₅ ja₁ma₂lón₂ jme₂dsí₂ quiáng'₂; ia₁ ja₁jaun₂ dsi₁no₃ dsón'₂ bá₄ 'nia'₂ lia'₂ con'₂ lë₅ 'éng'₂.

¹⁰ Jui₁lia'₂ jág₁ a₂lió₂ Diú₄ nē₅, lia'₂ con'₂ lë₅ jme₁'ě₂ dsa₂ quián₅ Diú₄ jág₁ ma₂líg'₂, ca₂juá'₂ tē₃jniá₅ 'a₂ lia'₂ jmo₃ 'ua₁ dsí₅ jme₃goin'₅₄ 'nia'₂, jaun₂ dsa₂ 'éi₂ ně₃ ca₂'náu'₃ jág₁ dsau₅ ca₂cáun₃ 'í₁ rē₂ lín₃, ¹¹ 'ein₂ dsón'₂ 'éi₂, o₃ 'e₂ 'ió'₄ a₂ñág₃ uig₅, a₂le₃juin'₂ táng₃ cang₂ jaun₂. Ca₂jmo₃ bá₄ dsa₂ 'éi₂ ně₃ lia'₂ con'₂ lë₅ ca₂'ě₃ Jme₂dsí₂ quián₅ Cristo jui₅ tē₂dsí₅. ¹² Ca₂jme₃jnia₅ Diú₄ jág₁ a₂qui₂ca₂ñí'₂ dsí₅ dsa₂ 'éi₂, la₁ on₃jua'₅₄ a₂dse₃ ja₁coin₂ guoin₅₄, a₂dse₃ tē₂le₃ ja₁con'₂ 'nia'₂ bá₄ a₂ca₂jme₃ti₃ 'éi₂ lia'₂ con'₂ jme₁ca₂'ě₂ jág₁, co₂rē₂ bá₄ lia'₂ con'₂ lë₅ jág₁ a₂ma₂ca₂rē₃'ě₂ ja₁con'₂ 'nia'₂ tē₂le₃ quian'₅₄ Jme₂dsí₂ Jñió₅ i₂chen₄ já₅ guei'₅₄ i₂juíg₃. Ca₂le₂jio₅ ángeles ně₃, jme₁'ín₅ dsí₅ tē₃ ne₅₄ ca₂le₃jě₃ a₂nē₅.

Diú₄ ma₂ca₂tē₃ jniog₄ a₂le₃chong₂ le₁jě₃ jme₂dsí₂ quián₂

13 Jaun₂ rē₂ján' ₁ 'nia' ₂ jmo₄ a₂le₃ñí' ₂ dsei' ₂ a₂le' _{en}₅₄ 'au' ₂ 'nia' ₂. Caun₂ bá₄ le' _{ág}₄ 'au' ₂ 'nia' ₂ jmo₄ a₂le₁jan' ₄ a₂jme₃gu' ₅₄ Diú₄ jmig₄ jē₁ma₂tē₂ rē₁jme₃jnia₅ Jesucristo. 14 La₁ ju₁len' ₅₄ 'nia' ₂ chí' ₂-guein₂ dsen₃ quián₅ Diú₄ i₂qui₂rē₂tí' ₅₄. Tsá₃ ma₃tián' ₂ 'nia' ₂ jua' ₅₄ a₂qui₂dsi₂jñia₅ guē₄ 'lig' ₅₄ 'au' ₂, lia' ₂ jme₁líng' ₄ le₂jñiá₅ lia' ₂ con' ₂ tsá₃ 'e₂ jme₁ma₂ñi' ₅₄ 'nia' ₂ le₃quió' ₅ Diú₄. 15 Tē₂le₃ ju₁le₂chan' ₂ bá₄ 'nia' ₂ qui₂le₁jē₃ tē₂'au' ₂ qui₂rē₂jñió₄ co₂ñei' ₅₄ jme₂dsí₂ quiáng' ₂ quian' ₅₄ ca₂le₃jē₃ guē₄ a₂jmo' ₂ 'nia' ₂. Ia₁ i₂jñió₅ lín₃ bá₄ Diú₄ i₂ma₂ca₂tē₃ 'nia' ₂. 16 Ia₁ juá' ₂ ne₄ Si₂: “Ju₁le₂jñió' ₄ bá₄ 'nia' ₂, ia₁ i₂jñió₅ bá₄ jniá₂ 'ñió₃.”*

17 Chi₂jua' ₂ tē' ₂ 'nia' ₂ “Tia₅₄” i₂qui₂con' ₂ 'í' quió' ₅ le₂jan₂ le₂jan₂ dsa₂ lia' ₂ con' ₂ lē₅ ma₂jmo₃, la₁ tsá₃ jma₃quén₅ jín₂ ca₂le₃jín₃, jaun₂ ca₂tín' ₂ 'nia' ₂ jme₁gain' ₃ ca₂le₃jē₃ jmig₄ tē₂lia' ₂ chan' ₂ 'nia' ₂ líng' ₅ nē₂jag₄ bá₄ dsi₂nau₂ ne₄ gua' ₅₄ 'uē₃ la₂. 18 Ia₁ ma₂ñi' ₅₄ bá₄ 'nia' ₂, on₃jua' ₅₄ a₂ca₂quin₃ quian' ₅₄ cosa a₂tsá₃ uē₂ jiog₅, quian' ₅₄ ju₁lia' ₂ cu₄nióg₄ cu₂tiog₂ a₂ca₂lióin₂ 'nia' ₂ ne₄ ju₁ a₂tsá₃ ta₁ tí₄ a₂jme₁le₁quian' ₄ 'nia' ₂, a₂ca₂rē₂tíng' ₃ ca₂ñág₃ dsa₂ can' ₅₄ quiáng' ₂. 19 Ca₂quin' ₂ 'nia' ₂ tē₂le₃ quian' ₅₄ jmi₂ 'an' ₅₄ Cristo a₂quen₅ guē₄ lín₃, a₂ca₂ñó₃ qui₂rē₂jein' ₅₄ ne₄ Diú₄ nē₂jag₄ bá₄ já' ₂ cha' ₂ i₂tsá₃ 'e₂ 'lig' ₅₄ lín₅ 'i₁caun₂. 20 Ia₁ lia' ₂ con' ₂ né' ₃ a₂nió₃ mi₂güí₃, jme₁ma₂rē₂'ín₁ bá₄ a₂lióin₂ dsa₂ mi₂güí₃. Ia₁ ma₂ca₂rē₃jniái₂ jmig₄ jē₁ca₂tó' ₂ rē₂nē₃, a₂dse₃ o₄quián' ₂ 'nia' ₂. 21 Ia₁ tē₂le₃ quian' ₅₄ 'éi' ₃ bá₄ 'én' ₂ 'nia' ₂ le₃quió' ₅ Diú₄ i₂ca₂jme₃jen' ₅₄ Cristo ja₁jme₁rē₂'lín₅₄, jaun₂ ca₂jme₃jláu' ₁ nē₃. 'Uig' ₅₄ jaun₂, ju₁le₁'ág' ₄ 'au' ₂ 'nia' ₂ 'éng' ₂ tē₂le₃ quió' ₅ Diú₄.

22 Nē₃ nē₃ ma₂le₁jín' ₃ bá₄ 'nia' ₂ ia₁ ma₂jme₂tí' ₁ 'nia' ₂ jág₁ tí₅, ia₁ tē₃dsón' ₂ bá₄ ma₂'nió' ₃ 'nia' ₂ ríng' ₂, jme₁'nió' ₄ 'nia' ₂ ríng' ₂ le₂jang' ₂ le₂jang' ₂ jaun₂ nē₃ ca₂le₃jē₃ 'au' ₂.† 23 Ia₁ ma₂ca₂rē₃chán' ₃ 'nia' ₂ táng₃, la₁ on₃jua' ₅₄ lia' ₂ lē₅ rē₃chan₂ jaun₅ dsa₂ i₂dsan₂. A₂ca₂líng' ₃ jaun₅ Diú₄ bá₄ i₂tsá₃ líg' ₂ jmig₄ dsián₃. Ca₂rē₃cháng' ₃ tē₂le₃ quian' ₅₄ jág₁ jén' ₃ quió' ₅ Diú₄ bá₄ a₂jiog₅ co₂tan₅₄. 24 Ia₁ ne₄ Si₂ juá' ₂:
Ca₂le₃jín₃ dsa₂ mi₂güí₃

lín₅ ju₁lia' ₂ lē₅ ni₁nau₂,
ca₂le₃jē₃ 'a₂ lia' ₂ jláin' ₁
lē₅ lia' ₂ lē₅ lí₁ jlá' ₁ quió' ₅ ni₁nau₂.
Jē₁ma₂ca₂rē₃quén₃ ni₁nau₂,
ca₂tá' ₂ bá₄ lí₁ ján₃.

25 La₁ jág₁ quió' ₅ Te₁gui' ₅₄ jiog₅ co₂tan₅₄ bá₄.‡
Jaun₂ jág₁ dse₃ a₂lión₂ dsa₂ nē₅ ma₂ca₂rē₃'ē₂ jin' ₄ 'nia' ₂.

2

1 Jaun₂ nē₃, co₂dsia₅ tí₃ 'nia' ₂ ca₂le₃jē₃ ne₅₄ a₂'lig' ₅₄, quian' ₅₄ 'a₂ lia' ₂ lē₅ jme₁chan' ₂ 'nia' ₂ jmo' ₂ o₁ne' ₄, o₁gang' ₂, jme₁chan' ₂ 'nia' ₂ jmo' ₂ uig' ₅ 'au' ₂, ca₂le₃jē₃ guē₄ a₂lē₁chi₂dsia' ₂ 'nia' ₂ 'íng' ₅ ríng' ₂. 2 Jmo₄ 'nia' ₂ nē₂jag₄ bá₄ guein₂ pí' ₁ i₂'ín₅ dsí₅ 'ín' ₂ dsi' ₅₄ jmá' ₅ a₂gu₂dsí₂, jaun₂ tē₂le₃ quian' ₅₄ a₂jaun₂ qui₂dsi₃can' ₅₄ 'nia' ₂ ca₂lia' ₂ ca₂'ñia₅ i₁lión' ₂ 'nia' ₂, 3 chi₂jua' ₂ tē₃dsón' ₂ bá₄ ma₂ca₂rē₃len' ₄ 'nia' ₂ jmá₂ a₂dse₃ dsí₅ Te₁gui' ₅₄.*

Cristo bá₄ i₂lín₅ ni₁'lau₂ jén' ₃

4 Jme₁quián₄ 'nia' ₂ ja₁con₂ Te₁gui' ₅₄ i₂lín₅ ni₁cang₁ jén' ₃. Dsa₂ mi₂güí₃ nē₃ tsá₃ ca₂rē₃jei₅₄, la₁ tē₂le₃ quió' ₅ Diú₄ nē₃ lē₅ ni₁cang₁ rē₂quío' ₅₄ a₂jlá' ₁ a₂quen₅ guē₄ lín₃. 5 Le₂nē₅ bá₄ 'nia' ₂ ján₃, jmo₄ 'nia' ₂ 'au' ₂ a₂líng' ₅ co₂'nió' ₄ ni₁cang₁ jén' ₃ a₂jmó' ₂ Diú₄ ta₁ a₂ju₁i₂₃ jmóg' ₅ caun₂ 'né₅ a₂gu₂dsí₂, ia₁jaun₂ dsi₁nó' ₅ 'nia' ₂ léng' ₂ co₂'nió' ₄

* 1:16 Levítico 11:14,45; 19:2; 20:7. † 1:22 A₂lín₅₄ chog₅₄ si₂: “a₂le₁jē₃ 'au' ₂.” ‡ 1:25 Isaías 40:6-8.

* 2:3 Salmo 34:8.

jme₂dsa₂i₂lě₅ 'í₁ quiáin₅ i₂qui₂jén'₅ 'e₂ qui₂jén'₅ ne₄ Diú₄ a₂gu₂dsí₂ a₂lě₅ a₂'ñio₂ dsí₅ 'éi₂ gue₂₃ tē₂le₃ quian'₅₄ Jesucristo. ⁶ Ia₁ ne₄ Si₂ juá'₂ ján₃:

la₂ dsián₄ jniá₂ ciudad Sión i₂lín₅ ni₁cang₁

quió'₅ qui'₅₄ 'uig₅₄ 'ia'₂.

Ca₂le₃jín₃ i₂'én₂ le₃quió'₅,

o₁líg'₂ tsá₃ 'ag₃ caun₂-tín₃ dsí₅.†

⁷ Tē₂le₃ quián'₂ 'nia'₂ i₂'éng'₂, ni₁'lau₂ jaun₂ lě₅ a₂quen₅ 'ñio₅ lín₃. La₁ tē₂le₃ quió'₅ i₂tsá₃ 'én₂ ně₃, rē₂ti₃ jui₁lia'₂ juá'₂ ne₄ Si₂:

Ni₁cang₁ a₂tsá₃ ca₂rē₃ji'₅₄ dsa₂ i₂jme₁j móg'₅ 'né₅,

ca₂lě₃ ni₁cang₁ a₂dsen₅₄ guě₄ quió'₅ qui'₅₄ 'ia'₂.‡

⁸ Rē₂ti₃ ján₃ ja₁juá'₂ ne₄ Si₂:

ni₁cang₁ a₂qui₂nió₅ dsa₂,

ni₁'lau₂ a₂jmo₅ a₂dsi₂gan'₅₄ dsa₂.§

'Uig₅₄ ia₁ a₂tsá₃ 'nio₃ jme₃ti₃ jág₁ dse₃, qui₂nió₅ jui₁lia'₂ ma₂'i₄ 'éi'₃ dsí₃ñí₂.

Dsa₂ i₂tén₅ le₃quió'₅ Diú₄

⁹ Ma₂lín'₅ bá₄ 'nia'₂ ně₃, jon₂ dsa₂ i₂rē₂quion'₅₄ quián₅ Diú₄. Lín₅ co₂nió'₃ jme₂dsa₂ i₂jme₂ti₃ ta₁ ne₄ Rag₅₄, caun₂ juig₂ jñió₅, dsa₂ juig₂ quián₅ Diú₄ 'ñiog₅. Ca₂le₃jě₃ a₂ně₅ lín'₅ 'nia'₂, ia₁jaun₂ qui₂jme₁jnia'₅ 'nia'₂, ca₂le₃jě₃ a₂jlá'₁ a₂ma₂jmo₃ Diú₄. Ia₁ 'éi₂ bá₄ ma₂ca₂'uín'₂ 'nia'₂ jě₄ qui₁né'₃, ca₂tág₃ tē₂le₃ ja₁jniá₂ si₂ jlá'₁ quió'₅. ¹⁰ Le₂jñiá₅ ně₃, tsá₃ dsa₂ juig₂ jme₁lín'₄ 'nia'₂; la₁ rē₂ně₃ ně₃ ma₂ca₂dsi₃nó'₅ 'nia'₂ ma₂lín₅ dsa₂ juig₂ quián₅ Diú₄. Ca₂le₂jñiá₅, 'i₁jan₂ tsá₃ 'ein₂ jme₁ñéi₂ dsí₅ 'nia'₂; la₁ rē₂ně₃, Diú₄ ma₂ca₂tá'₂ ñéi₂ dsí₅.

Tián'₂ 'nia'₂ a₂jme₁ti'₄ ne₄ Diú₄

¹¹ 'Nia'₂ rín'₅₄ jniog₄ i₂'nióg₃, 'nia'₂ i₂tiáng'₅ úing₂ i₂ma₂lín₅ ně₂jag₄ bá₄ dsí₂nau₂, chi₂len'₄ jniá₂ 'nia'₂ co₂dsia₅ tí₃ 'nia'₂ ca₂le₃jě₃ a₂'lig'₅₄ a₂'ín₅ dsí₅ ni₁ñi'₁ a₂jmo₅ 'nei₂ ja₁con₂ jme₂dsí₂ quián'₂ 'nia'₂. ¹² I₂ñio₄ bá₄ 'nia'₂ con'₂ dsí₂ten₅₄ jín₄ dsí₂nau₂ juig₂ ja₁tiáng'₄, ia₁jaun₂ jui₁la₂ 'ag₂₃ 'iín₂₃ 'nia'₂ 'lig'₅₄ a₂jág₂ jíin₂ 'nia'₂ ně₂jag₄ bá₄ dsa₂ i₂le₁cán'₄ dso₄, la₁ jě₁ma₂ca₂tě₂ ne₅₄ a₂dse₃ jmo'₂ 'nia'₂, jme₃juín'₂ bá₄ Diú₄ jě₁ma₂tě₂ rē₁tě₃dsí₅₄ 'éi'₃.

¹³ Ia₁ a₂gan'₃ 'nia'₂ Te₁gui'₅₄, tión'₂ 'nia'₂ ca₂le₃jě₃ 'éi'₃ qui'₅ jui₁'ein₂ guě₃ dsí₂tan₅₄ i₂dsián₁ quián₅ dsa₂ ne₄ gua'₅₄ 'uě₃ la₂; tión'₂ 'nia'₂ 'éi'₃ qui'₅ jui₁lia'₂ gui'₅₄ dsí₂tan₅₄ emperador ¹⁴ lia'₂ 'éi'₃ quió'₅ i₂lín₅ dsí₄má'₂ i₂dsián₁ quiáin₅, a₂cuě'₃ uig₅ dsa₂ i₂jmo₅ 'lig'₅₄, la₁ dse₃ 'iín₃ dsa₂ i₂jmo₅ a₂dse₃. ¹⁵ Ia₁ a₂ně₅ bá₄ a₂'nio₃ Diú₄: a₂j mó'₂ 'nia'₂ ca₂ne₅₄ a₂dse₃, ia₁jaun₂ dsí₃lén₂ tei₄ dsa₂ co₄ i₂'ín₅ 'lig'₅₄ 'nia'₂ ia₁ a₂tsá₃ ñi₅.

¹⁶ I₂ñio₄ bá₄ 'nia'₂ jaun₂, lia'₂ jě₁i₂ñio₄ dsa₂ i₂ma₂ca₂lón₂ i₂ma₂ca₂niá₃ jui₅ quió'₅, la₁ tsá₃ o₁leng'₅₄ jua'₅₄ a₂ma₂rē₂na₄ jui₅ ia₁jaun₂ 'náu'₁ dso₄. Jui₁le₂chan'₂ 'nia'₂ a₂lín₅ dsa₂ i₂jme₂ti₃ ta₁ ne₄ Diú₄. ¹⁷ Jme₁gan₃ 'nia'₂ ca₂le₃jín₃ dsa₂; jme₁'nió₄ 'nia'₂ ríng'₂ ně₃. Jme₁gan₃ 'nia'₂ Diú₄, ton'₂ jme₁gan₃ 'nia'₂ dsí₂tan₅₄ dsa₂ juín'₂.*

Caun₂ jág₁ dsau₅ 'a₂ lia'₂ lě₅ jmi₁uig₅ a₂ca₂i₃ñí₂ Cristo

¹⁸ 'Nia'₂ guě'₂ dsa₂ i₂jme₂ti₃ ta₁ ne₄ dsa₂, tión'₂ 'nia'₂ 'ei₅ gau₂ ca₂le₃jě₃ 'e₂ te₂néi'₂ juig'₂ 'nia'₂. Ca₂tín'₂ 'nia'₂ jme₁ti'₄, on₃jua'₅₄ jmá'₃ ne₄ dsa₂ dsen₃ i₂juín'₂ dsí₅; ca₂tín'₂ bá₄ 'nia'₂ jme₁ti'₄ le₂jio₅ ne₄ dsa₂ i₂tsau₂ dsí₅ ně₃. ¹⁹ Ia₁ ja₂lín₃ guě₄ dse₃ tē₂tsin'₅₄ dsa₂ ne₄ Diú₄ jme₁jmo₂₃ tió'₃ dsí₅ ñág₅ uig₅ on₃jua'₅₄ a₂cha₂

† 2:6 Isaías 28:16. ‡ 2:7 Salmo 118:22. § 2:8 Isaías 8:14. * 2:17 lit. "jme₁gan₃ 'nia'₂ rag₅₄."

rín₂, ne₄ ia₁ a₂lí₄ dsí₅ a₂ñio₂ dsí₅ Diú₄ bá₄. ²⁰ Ia₁ nē₁jua₂ jmo₂ 'nia₂ tió₃ 'au₂ jme₁qui₂dsi₂bang₅₄ ne₄ 'uig₅₄ dsáu₂ 'nia₂ guiong₅₄, ¿'e₂ a₂dse₃ a₂lé₂ le₃guéi₁ 'nia₂ nē₁jua₂ le₂jaun₂? La₁ nē₁jua₂ ñag₅₄ 'nia₂ uig₅ ne₄ 'uig₅₄ a₂dse₃ a₂jmo₂, ton₂ jmo₂ 'nia₂ tió₃ 'au₂, ia₁ le₂nē₅ bá₄ dsióg₄ tē₃tsin₅₄ 'nia₂ dse₃ ne₄ Diú₄. ²¹ Ia₁ ta₁ jaun₂ ma₂ca₂rē₃tē₄ 'nia₂, ia₁ ján₃ bá₄ ca₂ñág₃ Cristo uig₅ o₄quián₂ 'nia₂, a₂ca₂quiog₂ caun₂ jui₅ ia₁jaun₂ le₂nē₅ i₁nio₄ 'nia₂ jui₁lia₂ ca₂ñi₃ 'ñiog₅.

²² 'I₁caun₂ dso₄ tsá₃ 'e₂ ca₂'nú₂,

on₃ guē₂ 'i₁ca₂míg₂ jág₁ a₂jui₁gain₂ ca₂o₃'ág₃ mi₂'o₅₄;†

²³ jme₁qui₂ca₂jnú₂ dsa₂ jág₁ uig₅, tsá₃ le₂jaun₂ ca₂jéin₃ jág₁ jua₅₄ a₂ca₂quiain₃ dsa₂ jué₅. Tē₂le₃ caun₂ bá₄ ca₂'ág₂ dsí₅ ca₂dsiain₃ o₄gú₃ i₂qui₃dsi₅ 'éi₃ lia₂ 'tí₅.

²⁴ Le₂nē₅ bá₄ ca₂cáun₃ Cristo jui₅ ni₁ñi₁₂ 'ñiog₅ dsáu₁ jniog₄ jme₁ca₂ñó₃ ne₄ cróg₄ ia₁jaun₂ dsióg₃ jniog₄ ne₄ dso₄, a₂le₃chong₂ táng₃, quián₁ caun₂ jui₅ co₂dsau₅; ne₄ a₂qui₂ca₂cuín₂ Cristo ca₂'lón₂ bá₄ 'nia₂. ²⁵ Ia₁ le₂jñiá₅ jme₁i₂nio₄ 'nia₂ lia₂ ja₁i₂nio₄ já₂ cha₂ i₂ma₂i₂cón₅;‡ la₁ rē₂nē₃ ma₂ca₂jén₃ bá₄ táng₃ 'nia₂ le₃quió₅ Cristo. 'Éi₂ bá₄ i₂jñiog₅, niog₅ gu₂, jmo₅ 'í₁§ jme₂dsi₂ quián₂ 'nia₂.

3

'A₂ lia₂ dsi₂ten₅₄ le₃chan₂ dsa₂ i₂le₁jen₂ gu₂

¹ Le₂nē₅ bá₄ ján₃, 'nia₂ dsa₂ mí₂ i₂le₁jen₂ gu₂, tión₂ 'nia₂ 'éi₃ quió₅ dsi₂i₂gog₂, ia₁jaun₂ nē₁jua₂ chan₂ i₂tsá₃ 'én₂, lé₂ le₃join₅₄ ia₁jaun₂ le₃'éin₂ ján₃, on₃jua₅₄ a₂'nió₅ jui₅ 'nia₂ jág₁ 'lióng₂, tē₂le₃ quian₅₄ jui₅ 'a₂ lia₂ lē₅ i₂nio₄ bá₄ 'nia₂,

² ia₁ tē₃ ne₅₄ a₂ma₂lín₂ 'nia₂ dsa₂ i₂le₁jē₃ dsí₅, i₂ñi₅ 'a₂ lia₂ jme₃go₃. ³ Tsá₃ jui₁le₅₄ jua₅₄ a₂jñia₅₄ tión₂ 'nia₂ jlá₁ jmá₃ lia₂ le₃co₅₄, quian₅₄ jui₁lia₂ a₂ñi₄ jlá₁ qui₂rē₂lag₄ dsei₂, o₃ a₂qui₂le₁lín₄ 'nia₂ jui₁lia₂ quian₅₄ mīg₂ cu₄nióg₄, tsín₂ jlá₁ nē₃. ⁴ Qui₁jmo₅₄ bá₄ 'nia₂ jláng₁ tē₂le₃ quian₅₄ a₂rē₃'ma₄ tē₂'au₂ 'nia₂, a₂rē₂lag₄ quian₅₄ caun₂ jme₂dsi₂ a₂jmo₂ 'nia₂ meg₂. A₂rē₃lín₄ dsa₂ le₂nē₅ bá₄ lē₅ caun₂ a₂jlá₁ a₂tsá₃ líg₂ jmig₄ dsi₃'én₂, ton₂ quen₅ 'ñio₅ lín₃ tē₂le₃ ja₁con₂ Diú₄. ⁵ Ia₁ le₂nē₅ bá₄ jme₁qui₂le₁lín₄ dsa₂ mí₂ i₂jme₁lē₄ 'í₁ quián₅ Diú₄ ma₂líg₂: jme₁i₂nio₅₄ caun₂ bá₄ jme₁le₁'ág₄ dsí₅ le₃quió₅ Diú₄, ton₂ tioin₅₄ 'éi₃ quió₅ dsi₂i₂gu₂.

⁶ Ján₃ bá₄ le₂nē₅ jme₁lín₄ Sara, ca₂ñág₂ gau₂ jág₁ quió₅ Abraham, jaun₂ ca₂tē₃ "Gui₅₄ quiáng₃". Le₂nē₅ bá₄ dsi₁nó₅ 'nia₂ léng₂ jui₁lia₂ jme₁lín₄ 'éi₂, nē₂jag₄ bá₄ chí₂ quián₅ bá₄ ján₃, nē₁jua₂ ca₂jmo₅₄ con₂ dsi₂ten₅₄, tsá₃ ma₃'e₂ gau₂ jí₃'au₂ 'nia₂.

⁷ Le₂nē₅ bá₄ ján₃, 'nia₂ dsa₂ ñe₂, jmo₄ 'nia₂ 'en₅₄ 'au₂ 'a₂ lia₂ tiáng₄ quian₅₄ dsa₂ mí₂ quiáng₂, jui₁ñei₂ bá₄ a₂ca₂tín₂ jme₁gain₃ 'nia₂, ia₁ lín₅ i₂'uan₅₄ gué₄ lia₂ con₂ gué₄ guiong₅₄, lín₅ co₂'nió₄ caun₂ ni₁vaso a₂go₂ gué₄; ia₁ co₂rē₂ bá₄ lín₅ 'nia₂ dsa₂ i₂rē₂gon₅₄ i₂ca₂tín₂ le₃chan₂ dse₃. Le₂nē₅ jmo₄ 'nia₂ ia₁jaun₂ 'i₁caun₂ tsá₃ 'e₂ jnág₅ cha₂ jē₂ma₂tē₂ rē₁chi₁len₄ 'nia₂ Diú₄.

Dsa₂ i₂ñág₅ uig₅ ne₄ ia₁ a₂jmo₂₃ a₂dse

⁸ Jē₁ca₂tó₂ rín₅₄ jniog₄, jui₁chan₂ bá₄ 'nia₂ ca₂le₃jíng₃ 'ei₅ caun₂ jág₁, jeng₂ quian₅₄ ríng₂; 'ua₁ 'au₂ 'nia₂ jmo₄; jme₁'nió₄ 'nia₂ ríng₂; jui₁chan₂ 'nia₂ ñéi₂ 'au₂; jmo₄ 'nia₂ meg₂ nē₃. ⁹ Tsá₃ lē₁jein₅₄ 'nia₂ 'lig₅₄ quian₅₄ a₂'lig₅₄; tsá₃ tē₁óng₁ dsa₂ i₂tē₂'o₂. Tē₂le₃ jein₅₄ jág₁ dse₃ a₂jme₃gu₅₄ Diú₄ quió₅ dsa₂ le₂'éi₂. Ia₁ ta₁ nē₅ bá₄ a₂'nio₃ Diú₄ jmó₂ 'nia₂ a₂ma₂ca₂tē₃, ia₁jaun₂ bá₄ tin₃ 'nia₂ jme₃gu₅₄ Diú₄. ¹⁰ Ia₁:

Ca₂le₃jín₃ dsa₂ i₂'nio₃ le₃chan₂ dse₃

ca₂tín₂ jmo₃ 'í₁ le₁tsi₂

† 2:22 Isaiás 53:9. ‡ 2:25 'Nio₂ ja,ton, Isaiás 53:5,6. § 2:25 griego: episcopos.

jaun₂ tsá₃ 'ŋiáí₃ jág₁ 'lig'₅₄,
on₃ gué'₂ 'nió'₅ 'ué'₃ jág₁ të₂jág₁ mi₂'o₅₄.

11 Co₂dsia₅ 'nió'₅ quiá'₂ dsa₂ cau₅
juí₁lia'₂ juí₅ 'lig'₅₄, jmo₃ ca₂ne₅₄ a₂dse₃;
'nió'₅ 'no'₂ dsa₂ juí₅ ja₁'ei₅ tei₄,
jaun₂ juí₅ jaun₂ 'en₃.

12 Ia₁ jme₁ne₁ Te₁gui'₅₄ tsá₃ 'na₂ jíin₂ dsa₂ dsen₃,
ton'₂ rē₂jáin₁ nag₂₃ 'e₂ chi₂léi'₂ dsa₂ quiáin₅,
la₁ të₂le₃ quió'₅ i₂jmo₅ a₂'lig'₅₄,
le₂cau₅ bá₄ jéin'₅ ne₅₄.*

13 ¿I₂'ein₂ bá₄ lé₂ le₃jmo₂'g₂ nē₁jua'₂ dsen₅₄ 'au'₂ 'nia'₂ ca₂jmo'₅₄ a₂dse₃? 14 La₁
juí₁'a₂ gué'₃ la₂ ŋag'₅₄ 'nia'₂ uig₅ ne₄ ia₁ a₂jmo'₂ 'nia'₂ a₂dse₃, la₁ia₁ 'e₂ gué'₄ dsen₃
'nia'₂ chang'₂ jua'₅₄ le₂jaun₂. Tsá₃ jmo₂ 'nia'₂ gang'₃ 'e₂ a₂gó'₅ dsa₂ 'éi₂ chain₂,
on₃ gué'₂ cán'₁ 'nia'₂ jué'₅.† 15 Tē₂le₃ jmo₄ bá₄ 'nia'₂ 'au'₂ a₂lín₅ Cristo juig'₂ 'nia'₂
i₂ŋi₅, a₂lě₅ 'í₁ të₂'au'₂ 'nia'₂. Chan'₂ 'nia'₂ rē₂jáng'₁, a₂jein'₅₄ jág₁ quió'₅ dsa₂
i₂'nio₃ le₃ŋi₅ 'a₂ lia'₂ lě₅ a₂'ín₂ 'au'₂ 'nia'₂. Ŋnia'₅₄ lia'₂ jmo₄ a₂nē₅ jmá'₃ lia'₂ quian'₅₄
a₂'ua₁ 'au'₂, a₂jme₁gan'₃ 'nia'₂ dsa₂ nē₃, a₂quile₁jě₃ a₂qui₂dsi₂ŋi₅ 'au'₂, 16 ia₁jaun₂
le₃gui'₅₄ dsa₂ i₂chi₂'ag₅ 'lig'₅₄ o₄quió'₄ juí₅ dse₃ a₂l₂nio'₄ 'nia'₂ le₃quió'₅ Cristo.
17 Nē₁jua'₂ le₂jaun₂ 'nio₃ Diú₄, ja₂lín₃ gué'₄ dse₃ a₂ŋág₅ dsa₂ uig₅ ne₄ ia₁ a₂jmo₂₃
a₂dse₃, lia'₂ con'₂ gué'₄ ne₄ a₂jmo₂₃ a₂'lig'₅₄.

18 Ia₁ le₂nē₅ bá₄ ján₃, co₂ráun₂ bá₄ ca₂jón₃ Cristo‡ jme₁ca₂join₃ ne₄ 'uig'₅₄
dsá_{u1} jniog₄. I₂jme₁lín₄ jan₂ dsa₂ dsen₃ co₂ŋí₂ bá₄ 'éi₂, ca₂join₃ o₄quió'₄ dsa₂
cha₂ dsá_{u1}, ia₁jaun₂ të₂ ja₁con₂ Diú₄. Ca₂join₃ juí₅ ni₁ŋí₁₂, ton'₂ ca₂jein'₅₄ bá₄
táng₃ të₂le₃ quian'₅₄ Jme₂dsí₂. 19 Jaun₂ le₂nē₅, ca₂ŋei₅₄ ca₂i₁'ě₄ jág₁ ja₁con₂
jme₂dsí₂ i₂jme₁tion'₅₄ le₁ŋí₅ 20 i₂tsá₃ ca₂nág₂ gau₂ jmig₄ malíg'₂ jaun₂ lia'₂ con'₂
jme₁chan₂ Noé. Uě₂ bá₄ ca₂jmo₃ Diú₄ juin'₂ dsí₅ ca₂ŋia₃ të₁lia'₂ lě₂ ni₁barco.Š
Ŋnia₃ tan₅₄ dsa₂ bá₄ lě₂ i₂ca₂lón₂ quian'₅₄ a₂jaun₂ jme₁ca₂'a₃ jmig₂ mi₂güig₃.
21 A₂jaun₂ jáng'₅ caun₂ léi₄ jme₁chó₅ jniog₄ jmig₂ jmig₄ rē₂nē₃, a₂ma₂ca₂lag₃
jniog₄ dsa₂ i₂ma₂ca₂lón₂; on₃jua'₅₄ a₂ŋia₃ a₂'lian₅₄ dsa₂, të₂le₃ a₂jang'₂ jniog₄
caun₂ léi₄ a₂quián₁ jniog₄ caun₂ juí₅ a₂le₁jě₃ jme₂dsí₂ quián₂ të₂le₃ ne₄ Diú₄ bá₄,
ton'₂ ca₂ló₂ jniog₄ të₂le₃ quian'₅₄ juí₅bí₂ a₂ca₂jen'₅₄ Jesucristo. 22 Ca₂uig₂ táng₃
ŋái'₃ guei'₅₄ i₂juig₃; ja₁jaun₂ guá₅ të₂le₃ gu₂ ne₁ Diú₄; 'éi'₃ quió'₅ 'éi₂ bá₄ tion'₅₄
ca₂le₃jín₃ ángeles quian'₅₄ ca₂le₃jín₃ i₂lín₅ ta₁, ca₂le₃jín₃ gué'₄ i₂'io₅ juí₅bí₂ nē₃.

4

A₂jme₂ti₃ dsa₂ lia'₂ con'₂ lě₅ juí₅bí₂ a₂ma₂cuē₃ Diú₄

1 Jaun₂ lě₃, ia₁ ca₂ŋág₃ Cristo uig₅ juí₅ ni₁ŋí₁₂, le₂nē₅ bá₄ 'nia'₂ ján₃ chan'₂ 'nia'₂
rē₂lín₅₄ caun₂ 'éi₂ 'nia'₂ 'au'₂ a₂cán'₁ jmi₁uig₅. Ia₁ juí₁lia'₂ dsa₂ i₂ma₂ca₂ŋág₃ uig₅
juí₅ ni₁ŋí₁₂, co₂dsia₅ ma₂tí₂ bá₄ juí₅ jē₁jme₁'no₂₃ dso₄. 2 A₂le₃chain₂ táng₃ të₂le₃
ne₄ juí₅ ja₁ŋó₄, a₂jme₂ti₃ a₂'nio₃ Diú₄ bá₄, tsá₃ ma₃le₃chain₂ jua'₅₄ a₂cué'₃ gué'₄
o₂'ŋi₃ o₂ŋia₃ dsí₅ con'₂ niog₅ mi₅ ni₁ŋí₁₂. 3 Tió'₅, a₂ma₂ca₂ŋí₂ juin₅₄ qui₂ma₂jmo'₅₄
'nia'₂ ja₁ma₂ja₂nóg'₅, lia'₂ con'₂ lě₅ jmo₅-dsá_{u5} ca₂le₃jín₃ dsa₂ i₂tsá₃ cuin₅ Diú₄. Ia₁
jme₁chan'₂ 'nia'₂ tsá₃ caun₂ a₂jme₁'ín₅ 'au'₂; tsá₃ caun₂ a₂'lig'₅₄ a₂jme₁qui₂lě₂ 'au'₂
'nia'₂ nē₃; jme₁qui₂i₂niog'₅₄ qui₂le₁'eng'₅; jme₁qui₂quē'₂ 'nia'₂ tóng'₂ chí'₅ co₂mi₅₄
niog₅ jmig₄. Jme₁'ág'₂ 'nia'₂ ca₂lia'₂ tsá₃ cuente niog₅; jme₁jme₂juín'₂ 'nia'₂ diú₄
lag₄, caun₂ a₂'io₅₄ Diú₄. 4 Dsi₂gó'₃ dsí₅ dsa₂ 'éi₂ a₂tsá₃ jme₂quiain'₅₄ 'nia'₂ jē₄
ca₂le₃jě₃ a₂i₂juin₅₄ a₂'lig'₅₄ a₂jmo₅-dsá_{u5}, jaun₂ 'lig'₅₄ bá₄ 'ag₂₃. 5 La₁ já₅ bá₄ jmig₄

* 3:12 Salmo 34:12-16. † 3:14 Isaías 8:12. ‡ 3:18 A₂lín₅₄ chog₅₄ si₂: “ca₂ŋág₃ Cristo uig₅.” § 3:20
Noé: 'Í₂ Génesis 6-9.

ja₁jáng'₃ cuenta quió'₅ ne₄ i₂ma₂lě₅ co₂jñia₅₄ con₂ 'í₁ lia'₂ quió'₅ i₂chan₂ lia'₂ quió'₅ i₂ma₂dsan₃ ně₃. ⁶ Uig₅₄ ně₅, ca₂rě₃'ě₂ jág₁ dse₃ ca₂lia'₂ ja₁con₂ dsa₂ i₂ma₂dsan₃: ia₁jaun₂ tē₃dsi₅₄ 'éi'₃ le₃quió'₅ ni₁ñi₁₂, lia'₂ con₂ lě₅ dsi₂jio₅ dsí₅ dsa₂ mi₂güig₃, ia₁jaun₂ gué₄ le₃chain₂ jui₅ jme₂dsí₂ ně₃, lia'₂ con₂ lě₅ dsi₂jio₅ dsí₅ Diú₄.

⁷ La₁ ja₂quián₃ bá₄ jmi₄g₄ jē₁dsian₅ ca₂le₃jě₃. Jaun₂ ně₃ len'₅₄ 'nia'₂ chang'₂, 'en₅₄ 'au'₂, ia₁jaun₂ lé₂ chi₁lěng'₄ Diú₄. ⁸ La₁ a₂dsen₅₄ gué₄ 'ñio₅ lín₃, 'nió'₅ a₂jme₁'nió'₄ 'nia'₂ ríng'₂ 'ñio₅ lín₃ le₂jang'₂ le₂jang'₂. Ia₁ ja₁'nio₃ dsa₂ rín'₅₄, 'lióng₂ o₂'én₂ dso₄ cha₂ ja₁con₂ rín'₅₄ dsa₂. * ⁹ Guen₅₄ 'nia'₂ ríng'₂ i₂qui₂dsi₂jag₅₄ dsi₂néi₂ quiáng'₂, on₃jua'₅₄ a₂qui₂dsi₂mé'₂ 'au'₂ quiain'₅₄. ¹⁰ Le₂jan'₂ le₂jan'₂ 'nia'₂ ca₂tíng'₂ jme₁'ong'₁ ríng'₂ lia'₂ con₂ lě₅ ma₂ca₂rě₃tíng'₃ a₂'lióng₂ ne₅₄ a₂ma₂ca₂jme₃gu'₅₄ Diú₄, a₂niog₅ gog'₂ 'nia'₂ jmó'₂. ¹¹ Nē₁jua'₂ 'ein₂ 'nio₃ te₂néi'₂ jág₁, jui₁te₂néi'₂ bá₄ quian'₅₄ jág₁ quió'₅ Diú₄. Nē₁jua'₂ chan₂ gué'₂ 'ein₂ 'nio₃ jme₃'o₅₄ jui₁jme₂'o₅₄ bá₄ lia'₂ con₂ lě₅ jui₅bí₂ a₂ma₂cuē₅ Diú₄, ia₁jaun₂ le₂ně₅ bá₄ le₃juin'₂ Diú₄ ne₄ ca₂le₃jě₃ tē₂le₃ quian'₅₄ Jesucristo. 'Éi₂ bá₄ ca₂tín₂ ñe₂ ca₂le₃jě₃ ti₁'mag'₄, ca₂le₃jě₃ jui₅bí₂, ca₂le₃jě₃ jmi₄g₄ co₂tan₅₄. ¡A₂méi₃!

A₂ñág₅ dsa₂ uig₅ ne₄ 'uig₅₄ ia₁ a₂'éin₂

¹² 'Nia'₂ rín'₅₄ jniog₄ i₂'nióg₃, tsá₃ lě₂jmo₂ 'nia'₂ go₂'i₃ jme₁dsi₂ñig'₂ táu₂ a₂lě₅ lia'₂ lě₅ si₂ dséi₂ ja₁con₂ 'nia'₂, jua'₅₄ a₂le₃jmó'₂ 'nia'₂ 'au'₂ jua'₅₄ a₂tsá₃ ma₂cuin'₂ 'nia'₂, 'a₂ lia'₂ lě₅ dsi₂ñig'₂. ¹³ Tē₂le₃ jmo₄ 'nia'₂ 'io'₂, ia₁ le₂ně₅ bá₄ can'₂ 'nia'₂ ján₃ jmi₁uig₅ jui₁lia'₂ a₂ca₂i₃ñí₂ Cristo, ia₁jaun₂ bá₄ cán'₁ 'nia'₂ ján₃ o₂'ñio₃ 'au'₂ 'ñio₅ lín₃ jē₁ma₂tě₂ rē₁jme₃jñiai₂₃ 'a₂ lia'₂ jláin'₁. ¹⁴ 'E₂ gué₄ dsen'₃ 'nia'₂ jme₁tē₂'o'₂ 'ein₂ tē₂'o'₂ o₄quió'₄ Cristo, ia₁ le₂ně₅ bá₄ tē₂'ñiá₄ Jme₂dsí₂ quián₅ Diú₄ i₂tág₅ co₂'né'₅ ne₄ quián'₂ 'nia'₂. ¹⁵ Chi₂jua'₂ 'ein₂ 'nia'₂ dsi₂ñí₂ uig₅, la₁ lag₃ nē₁jua'₂ tsá₃ lě₅ dso₄ 'ang₂, o₃ a₂ca₂jñi'₃ dsa₂, o₃ chan₂ i₂ca₂cuē'₃ dsa₂ mi₂güig₃ rín'₅₄, o₃ a₂qui₂tiáin₂ caun₂ ja₁tsá₃ ca₂tíin₂. ¹⁶ La₁ nē₁jua'₂ ñag'₅₄ 'nia'₂ uig₅ ca₂ne₅₄ ia₁ a₂lín'₅ dsa₂ "cristianos", tsá₃ 'nió'₅ jmó'₂ 'nia'₂ gueng'₅₄. Diú₄ bá₄ 'nió'₅ jme₁juin'₂ 'nia'₂ ia₁ a₂quiong₅ dsa₂ le₂jaun₂.

¹⁷ Ia₁ ma₂tě₂ jmi₄g₄ a₂tē₂dsi₅₄ 'éi'₃ le₂'uig₅₄ de'₂ ja₁con₂ dsa₂ dsi₂néi₂ quió'₅ Diú₄. Chi₂jua'₂ le₂'uig₅₄ jme₂lióg₃ quian'₅₄ jniog₄, ¿'a₂ bá₄ lia'₂ dsióg₄ dsi₁ñí₂ ca₂le₃jín₃ i₂tsá₃ jme₂ti₃ jág₁ dse₃ quió'₅ Diú₄? ¹⁸ Chi₂jua'₂ quian₅ ta₁ lín₃ a₂tín'₅ dsa₂ dsen₃, "¿'ě₂ gué₄ bá₄ dsióg₄ dsi₁ñí₂ dsa₂ i₂tsá₃ Diú₄ cuin₅, i₂le₁cán'₄ dso₄?"† ¹⁹ Jaun₂ ně₃, i₂ñág₅ uig₅ lia'₂ con₂ lě₅ 'ñio₂ dsí₅ Diú₄, ca₂tíin₂ caun₂ jmo₃ a₂dse₃ bá₄, dsia₃ o₄gú₃ Diú₄ jme₂dsí₂ quió'₅, ia₁ Diú₄ bá₄ i₂ca₂jmó'₂ 'éi₂, i₂rě₂ti'₅₄ ně₃.

5

Toin'₂ jág₁ dse₃ dsa₂ 'én₂

¹ Jaun₂ ně₃, jág₁ la₂ cuē₅ jniá₂ ca₂le₃jín₃ dsa₂ can'₅₄ i₂quian₅ ne₄ jui₅* quián'₂ 'nia'₂, ia₁ le₂ně₅ bá₄ jniá₂ 'ñio₃ ján₃ lín'₅ jan₂ dsa₂ juin'₂ i₂niog₅ ne₄ guá'₅, ton'₂ lín'₅ jan₂ i₂ca₂tě₂ ne₄ 'a₂ lia'₂ lě₅ jmi₁uig₅ a₂ca₂i₃ñí₂ Cristo. Jaun₂ le₂ně₅ bá₄ ján₃, lín'₅ jan₂ i₂jme₃quiain'₅₄ jē₁ma₂tě₂ rē₁jme₃jñiai₂₃ a₂jláin'₁. Jág₁ la₂ juíg₂ jniá₂ 'nia'₂: ² Dse₃ jmo₄ 'nia'₂ 'í₁ guá'₅ quián₅ Diú₄ i₂lín₅ co₂nió'₃ já'₂ cha'₂ i₂niog₅ gog'₂. Jmo₄ 'nia'₂ ta₁ ně₅ a₂'ñio₂ 'au'₂, lia'₂ con₂ lě₅ 'nio₃ Diú₄. Tsá₃ jmo₂ 'nia'₂ 'au'₂ jua'₅₄ a₂chan₂ i₂chi₂quióng₂ jmi₄g₄, on₃ gué'₂ jmo₂ 'nia'₂ 'au'₂ jua'₅₄ a₂ñí₄ 'ín₅ 'au'₂ cu₄ ně₃. Jmo₄ 'nia'₂ ta₁ quió'₅ Diú₄ a₂dsen₅₄ 'au'₂. ³ Tsá₃ jmo₂ 'nia'₂ jua'₅₄ guion'₅₄ 'nia'₂ ca₂tíng'₂ jmó'₂ gong'₂ ne₄ quió'₅ guá'₅ i₂niog₅ gog'₂, tē₂le₃ ca₂tín'₂ bá₄ 'nia'₂ cuē'₅₄

* **4:8** 'Nio'₂ ja₁ton₅ Proverbios 10:12. † **4:18** Proverbios 11:31. * **5:1** griego: presbíteros.

caun₂ jui₅ dse₃ já'₂ cha'₂ quián₅ Diú₄. ⁴ Jaun₂ bá₄ jë₁ma₂tě₂ jmi₄ i₁jme₃jnia₅ i₂lín₅ juig₅₄ dse₅₄ i₂quián₅ juig₅₄ já'₂ cha'₂, ŋe'₂ 'nia'₂ jma₃caun₃ corona a₂tsá₃ líg'₂ jmi₄ le₃juing₅.

⁵ Le₂ně₅ bá₄ 'nia'₂ dsa₂ chi'₂ ján₃, tión'₂ 'nia'₂ 'éi'₃ quió'₅ dsa₂ can'₅₄ quián'₂ 'nia'₂. Ton'₂ jui₁qui₂rě₂ling'₅₄ quian'₅₄ a₂meg'₂ ja₁con₂ ríng'₂ le₂jang'₂ le₂jang'₂, ia₁: Tsá₃ jen₅₄ Diú₄ jui₁lia'₂ dsa₂ i₂jmo₅ rón₂,

la₁ jme₂oin₅₄ a₂'ua₁ dsí₅ dsa₂ i₂jmo₅ me'₂.†

⁶ Jaun₂ ně₃, le₂ně₅ jmo₄ 'nia'₂ meg'₂ o₄gú₃ bėn₂ quió'₅ Diú₄ ia₁jaun₂ bá₄ chó'₂ 'éi'₂ jmi₄ jaun₂ quió'₅. ⁷ O₄gú₃ 'éi'₂ dsa₄ 'nia'₂ ca₂le₃jě₃ 'e₂ o₂i₁ dsi₅ a₂chan'₂ 'nia'₂, ia₁ dsan₂ bá₄ dsí₅ 'éi'₂ 'nia'₂ ján₃.

⁸ 'En₅₄ 'au'₂ 'nia'₂ jmo₄, chang'₂ rě₂jáng'₁, ia₁ i₂sě₃dse₃ i₂'ŋia₅₄ 'nia'₂ ŋi₂₃ lín₅ lia'₂ lín₅ 'ia'₂ i₂ŋi₅ i₂jme₂'ne₅₄ 'ŋióg₂ a₂'nai'₂ 'ein₂ i₂'nio₃ quiin'₂. ⁹ Quian'₅₄ a₂'én'₂ 'nia'₂, nau₂ tiá₂ queng'₂ ne₅₄, ia₁ ŋi'₅₄ bá₄ 'nia'₂ ta₁caun₂ mi₂güig₃ bá₄ qui₂dsi₂ŋi₂ ríng'₂ jmi₁uig₅ le₂ně₅ ján₃. ¹⁰ Ia₁ jë₁ma₂ca₂ŋi'₂ 'nia'₂ co₂'na₂ uig₅ le₂ně₅, 'ŋiog₅ bá₄ Diú₄ i₂'ua₁ dsí₅ lin₃ chei'₃ táng₃ rě₂ a₂jme₃'ŋiai₂₃ a₂'nió'₅ guě₄ quián'₂ 'nia'₂, cuě₃ bí₂ náu'₁ 'nia'₂ tiá₂. Jme₃gu'₅₄ bá₄ 'éi'₂ jniog₄ ne₄ ca₂le₃jě₃ ne₅₄ a₂dse₃. Ia₁ ma₂ca₂tě₃ jniog₄ le₃quió'₅ Cristo Jesús, a₂jme₁quian'₄ jniog₄ co₂tan₅₄ ja₁co₂tág₅ co₂'né'₅ quió'₅. ¹¹ 'Éi'₂ bá₄ ca₂tín₂ jui₅bí₂ ca₂le₃jě₃ jmi₄ co₂tan₅₄. A₂méi₃.

Cuag₂₃ Diú₄ jë₁ca₂tó'₂ jë₁'ág'₅ jág₁

¹² Tě₂le₃ quian'₅₄ Silvano‡ i₂jing₅₄ lia'₂ ja₁jing₁₂ jan₂ ríng'₃ i₂rě₂ti'₅₄, ma₂jmo₃ si₂ la₂ ja₁juá'₅ tin₃'ni₅ jon₂ jág₁ a₂cuě₃ bí₂ 'nia'₂. Jág₁ a₂ma₂ně₂juá'₃ jniá₂ ně₅, jáng'₅ léi₄ 'a₂ lia'₂ dsón'₂ 'ua₁ dsí₅ Diú₄. Jaun₂ nau₂ 'nia'₂ tiá₂ jui₅ ně₅. ¹³ Guá'₅ i₂chan₂ ja₁tě'₂ dsa₂ juig₂ “Babilonia” la₂, dsa₂ i₂ma₂ca₂quió'n'₂ Diú₄ jui₁lia'₂ ma₂ca₂quióin'₂ 'nia'₂, dsiáin'₂ jág₁ a₂cuin₂₃ Diú₄ 'nia'₂, le₂jaun₂ bá₄ Marcos jón₃ quiáng₃ ně₃. ¹⁴ Cuin₅₄ 'nia'₂ Diú₄ ríng'₂ le₂jang'₂ le₂jang'₂, chen'₅₄ § 'nia'₂ jú'₅ ríng'₂ ia₁ a₂'nióg'₃ ríng'₂.

Tián'₂ bá₄ 'nia'₂ 'ei₅ tei₄ ca₂le₃jín'₃ 'nia'₂ i₂tén₅ le₃quió'₅ Cristo. Co₂ně₅.

† 5:5 Proverbios 3:34. ‡ 5:12 Co₂'nió'₄ lia'₂ chen₂ Silas. § 5:14 Caun₂ tag₄ a₂jme₁chí'₄ lia'₂ con'₂ ca₂jmo₃ Pe₄ si₂ la₂.

Si₂ carta jë₁ca tǎ₂ tǐn₃ a₂cajmo₃ SAN PEDRO

Jmo₅ Pe₄ si₂ a₂chein₃ ne₄ dsa₂ 'én₂

¹ Jniá₂, Si₂mu₅₄ Pe₄, líng₅ dsa₂ i₂jme₂tí₃ ne₄ Jesucristo, ton'₂ líng₅ jan₂ i₂chen₄ quiáin₅. Jmo₂₃ si₂ carta la₂ a₂tsíng₂ ne'₅₄ 'nia'₂ i₂ma₂ca₂rë₃'éng'₂. Ia₁ tǎ₂le₃ a₂ñí₄ lë₃ dsen₃ Diú₄ quián₂ jniog₄ quiain'₅₄ Jesucristo i₂ma₂ca₂lió₂, ma₂ca₂ñí'₂ 'nia'₂ jág₁ dse₃ jlá'₁ a₂ca₂rë₃'éng'₂ jui₁lia'₂ 'éin₂ jnia'₅₄. ² Jui₁chan'₂ bá₄ 'nia'₂ jme₂gu'₅₄ Diú₄, ton'₂ jui₁jmo₁₂ bá₄ 'ei₅ tei₄ lia'₂ qui₂rë₂tsón₂ tǎ₂le₃ ia₁ a₂ma₂ca₂rë₃cuin'₂ 'nia'₂ 'a₂lia'₂ lín₅ Diú₄ quián'₅₄ Jesucristo Te₁gui'₅₄ quián₂ jniog₄.

'A₂ lia'₂ dsi₂ten₅₄ lén₂ dsa₂ 'én₂

³ Diú₄ ma₂cuë₃ quián'₅₄ bí₂ quió'₅, ca₂le₃jǎ₃ a₂'nió'₅ quián₂ jniog₄ le₃chong₂, a₂léi₂ jniog₄ dsa₂ jnió'₅ ně₃, ton'₂ ma₂jmo₃ ján₃ a₂ma₂ca₂rë₃cuin'₂ 'nia'₂ 'a₂lia'₂ lín₅. Ma₂ca₂tǎ₃ jniog₄ tǎ₂le₃ quián'₅₄ jui₅bí₂ jlá'₁ quió'₅, 'uig₅₄ ia₁ a₂ñí₄ dse₃ dsí₅.*

⁴ Le₂ně₅ ma₂ca₂quiog₂ 'lióng₂ jág₁ ca'₅₄ a₂quen₅ 'ñio₅ lín₃ quió'₅, ia₁jaun₂ tǎ₂le₃ quián'₅₄ jág₁ a₂ma₂cuë₃ jaun₂ dsi₁nó'₅ 'nia'₂ 'lióng'₂ jui₅ ja₁tión₂ dsa₂ mi₂güí₃ ja₁dsi₃'éin₂ 'uig₅₄ ia₁ a₂tsá₃ caun₂ 'ín₅ dsí₅, ton'₂ dsi₁nó'₅ 'nia'₂ léng'₂ lia'₂ lín₅ Diú₄. ⁵ Jaun₂ lǎ₃, quen'₂ 'nia'₂ bí₂ ne₄ ia₁ a₂'éng'₂, quián₂ 'nia'₂ caun₂ jui₅ dse₃; ia₁jaun₂ ne₄ jui₅ dse₃ jaun₂, jui₁len'₅₄ 'nia'₂ dsa₂ i₂ñí'₂ dsí₅; ⁶ ne₄ ja₁ñó₄ jaun₂ táng₃, jui₁le₂ñí'₂ 'au'₂ 'nia'₂ 'a₂lia'₂ jme₁'uang'₅₄ 'au'₂ guiong'₅₄; ne₄ ja₁ñó₄ jaun₂ táng₃, jui₁len'₅₄ 'nia'₂ dsa₂ i₂juin'₂ dsí₅; ne₄ jui₅ ja₁ñó₄ jaun₂ táng₃, jui₁len'₅₄ 'nia'₂ dsa₂ i₂qui₂rë₂jín'₅₄ ne₄ Diú₄; ⁷ ja₁ñó₄ jaun₂, jmo₄ 'nia'₂ 'ua₁ 'au'₂; jë₁ca₂tó'₂ gué₄ ně₃, jme₁'nió₄ 'nia'₂ ríng'₂.

⁸ Ia₁ ně₃ jua'₂ quián'₅₄ 'nia'₂ jui₅ le₂ně₅, dsi₂cang'₅₄, tsá₃ lǎ₅ jua'₅₄ a₂tsá₃ ta₁ tí₄ 'a₂lia'₂ niog₅ chan'₂ 'nia'₂, tsá₃ jua'₅₄ a₂lë₁ma₂ca₂rë₃cuin'₂ 'nia'₂ Te₁gui'₅₄ Jesucristo quián₂. ⁹ Ia₁ jui₁lia'₂ dsa₂ i₂tsá₃ jme₂tín₅ dsí₅ le₃chain₂ lia'₂ con'₂ lǎ₅ jág₁ ně₅, lín₅ ně₂jag₄ bá₄ jan₂ dsa₂ ten₄, o₃ jan₂ dsa₂ i₂tsá₃ lín₄ uíng₂ jnió'₅, ia₁ ma₂ca₂i₃'én₂ bá₄ dsí₅ a₂jme₁ma₂le₁chí₄ quió'₅, ca₂le₃jǎ₃ dso₄ a₂jme₁rë₂cáin'₄ le₂ñiá₅. ¹⁰ Jaun₂ ně₃ 'nia'₂ rín'₅₄ jniog₄, dsen₅₄ 'au'₂ 'nia'₂ cuë'₅₄, ia₁jaun₂ bá₄ chí₁dse₃ ta₁ a₂ma₂ca₂tǎ₃ Diú₄ a₂ma₂quióin'₂ 'nia'₂. Ia₁ ně₃ jua'₂ ca₂tión'₂ 'nia'₂ quián'₅₄ jui₅ ně₅, o₁líg'₂ tsá₃ ma₃tsí₃sén'₂ 'nia'₂. ¹¹ Ia₁ le₂ně₅ bá₄ tǐn'₃ 'nia'₂, caun₂ dse₃ ja₁o₁tong'₄ co₂tan₅₄ guei'₅₄ i₂juí₃ ja₁gon₂ Te₁gui'₅₄ Jesucristo quián₂ i₂lió₂.

¹² Jui₁la₂ ma₂ñi'₅₄ 'nia'₂, la₁ co₂tan₅₄ bá₄ ca₂tín₂ jniá₂ juá'₄ ia₁jaun₂ bá₄ dsiog'₂ 'au'₂ 'nia'₂ náu'₁ tiá₂ jui₅ dsau₅ a₂ma₂tión'₂ 'nia'₂ ja₂nóg'₅. ¹³ Ia₁ lín₂ jniá₂ 'ñi₃, 'ñio₅ lín₃ dsi₂ten₅₄, a₂juig₅₄ jniá₂ 'nia'₂ tǎ₂lia'₂ chang₂ gué₄ ni₁ñi₃ la₂, jaun₂ dsiog'₂ 'au'₂ jág₁ ně₅. ¹⁴ Ia₁ a₂ma₂ca₂rë₃guion₅₄, ñi'₅₄ ta₁ bá₄ tí₄ ni₁ñi₃† lia'₂ con'₂ lǎ₅ ma₂ca₂jme₃nia₅ Jesucristo Te₁gui'₅₄ quián₂ jniog₄. ¹⁵ La₁ quín'₅ jniá₂ bí₂ juá'₅ ia₁jaun₂ dsiog'₂ 'au'₂ 'nia'₂ co₂tan₅₄, jë₁ma₂jong₂₃, ca₂le₃jǎ₃ jág₁ ně₅ ca₂juá'₃.

Dsa₂ i₂qui₂ca₂tǎ₃ ne₄ 'a₂lia'₂ lǎ₅ jui₅bí₂ quió'₅ Cristo

¹⁶ Ca₂le₃jǎ₃ a₂ma₂ca₂jme₁tag₅ jnia'₅₄ 'a₂lia'₂ lǎ₅ jui₅bí₂ quió'₅ Te₁gui'₅₄ Jesucristo, 'a₂lia'₂ lé₂ i₁guain'₂ táng₃, jaun₂ tsá₃ o₁len'₂ 'nia'₂ jua'₅₄ a₂lǐng'₂ jág₁ la₂ a₂lë₁qui₂ca₂'náu'₃ dsí₅ dsa₂ i₂ñí₄ 'io₅ mai₅₄ 'a₂lia'₂ jme₃gau₂₃. Ia₁ guio₅₄ dsón'₂ bá₄ jnia'₅₄ ca₂tǎ₃ ne₄ ton'₂ ca₂néi₄ jnia'₅₄ 'a₂lia'₂ lǎ₅ jui₅bí₂ a₂ca₂jme₃jniai₂₃

* **1:3** A₂lín₅₄ chog₅₄ si₂: "Ma₂ca₂tǎ₃ jniog₄ a₂jme₁jnia₅ jui₅bí₂ jlá'₁ quió'₅ 'ñiog₅." † **1:14** lit. "tabernáculo la₂."

a₂jláin'₁. 17 Ca₂jme₃juag'₂ Diú₄ Jmei₂ lia'₂ con'₂ jme₁ca₂né'₂ jág₁ juë'₂ quió'₅ jme₁ca₂juá'₂: “I₂la₂ bá₄ jón₃ quiáng₃ i₂ñí₄ lë₃ 'nióg₃ guë'₄ lin₃; 'e₂ bá₄ 'ñio₂ dsí₃ quiaín'₅₄.” † 18 Le₂në₅ ca₂néi₁ jnia'₅₄ guio₅₄ jág₁ në₅ a₂ca₂já₃ guei'₅₄ i₂juíg₃, lia'₂ con'₂ jme₁quiaín'₅₄ jnia'₅₄ ne₄ má'₂ jñio₅ jaun₂.

19 Le₂në₅ bá₄ lë₅ chi₁dse₃ 'ñio₅ lin₃ bá₄ jág₁ ron₅ quió'₅ dsa₂ i₂jme₁'ë₂ jág₁ quián₅ Diú₄ ma₂líg'₂. Jaun₂ 'nia'₂ në₃, dse₃ lin₃ bá₄ dsi₁nóg'₅ në₁jua'₂ ca₂tion'₂ 'nia'₂ jui₅, ia₁ lë₅ lia'₂ lë₅ caun₂ ni₁tsí₅ chi₁guí'₂ si₂ tág₅ jë₄ qui₁né'₃, ca₂lia'₂ ca₂jnia₃ ca₂lia'₂ ca₂'ña₂ Nei₅ 'Tóg₁ Š i₂jmo₃ tág₅ të₂'au'₂ 'nia'₂. 20 La₁ ne₄ ca₂le₃jë₃, dsá₂ 'au'₂ 'nia'₂ jmo₄ a₂la₂: 'i₁caun₂ jág₁ a₂rë₂'ë₂ ne₄ Si₂ quió'₅ Diú₄ tsá₃ ca₂tó'₂ dsa₂ quián₅ Diú₄ jua'₅₄ 'a₂ con'₂ ca₂ñí'₂ dsí₅ guioín₅₄. 21 Ján₃ bá₄ guë'₂ le₂jaun₂, tsá₃ jág₁ cha₂ jua'₅₄ ca₂rë₃lióg₃ 'uig₅₄ con'₂ 'ñio₂ dsí₅ dsa₂ mi₂güig₃. Dsa₂ 'éi₂ në₃, të₂le₃ ca₂dsia₃ bá₄ o₄quió'₄ Diú₄ lia'₂ con'₂ lë₅ ca₂jio₃ Jme₂dsí₂ jñio₅.

2

Dsa₂ i₂jme₂tag₅ jág₁ a₂tsá₃ tí₅ (Judas 4–13)

1 Le₂në₅ bá₄ ca₂rë₃chán₃ dsa₂ i₂juí₁gan₂ ján₃ i₂ca₂'ë₂ jág₁ a₂tsá₃ tí₅ jin₄ dsa₂ juig₂ quián₅ Diú₄ ma₂líg'₂, le₂në₅ bá₄ qui₁'uín₃ jë₄ quián'₂ 'nia'₂ rë₂në₃ të₅ i₂qui₂jme₃gau₅. Dsa₂ le₂'éi₂, 'a₂ con'₂ tsá₃ jme₁li₅₄ mei'₂ jme₃tag₂₃ juá'₅ a₂tsá₃ tí₅ a₂jio₅ jui₅ ja₁dsí₃'én₂ dsa₂. Jmo₃ ca₂lia'₂ tsá₃ ma₃le₃jí'₅₄ 'éi'₃ quió'₅ Te₁gui'₅₄ i₂ca₂láu₂. La₁ tsá₃ uë₂ le₃léi₄ dsí₃'éin₂ bá₄ guioín₅₄. 2 Juín₅ lin₃ dsa₂ i₂'en₃ jui₅ ja₁tión₂ dsa₂ 'éi₂, jmo₅-dsá₅ lia'₂ lë₂ dsí₅, jaun₂ 'éi₂ bá₄ 'uín₄ në₃ a₂qui₂táun₂ dsa₂ 'lig'₅₄ jui₅ tí₅. 3 Ne₄ ia₁ a₂tsá₃ o₁jau₅₄ lí'₂ cu₄, qui₂jme₃tag₂₃ jág₁ a₂qui₂ma₂'náu'₃ dsí₅ guioín₅₄, a₂con'₂ jnia'₅₄ lë₁'nio₃ lí'₂ quián'₂ 'nia'₂. La₁ ma₂i₁jaun₃ bá₄ ma₂lë₅ co₂jnia₅₄ jág₁ a₂ma₂tioín'₅₄ 'éi'₃ a₂dsi₁qui₅ ñi'₅₄ ta₁ ja₁dsí₃'éin₂; tion₅₄ bá₄ dsí₃'éin₂.

4 Chi₂jua'₂ le₂në₅ tsá₃ ca₂'én₂ Diú₄ dsá₅ ángeles i₂ca₂sén'₂ dso₄ ma₂líg'₂, i₃gain'₅₄ bá₄ guio₃-juíg₃ i₃lén₂ le₁'ñei'₅₄ jë₄ qui₁né'₃, ja₁jaun₂ tioín'₅₄ lë₅ co₂jnia₅₄ jmíg₄ i₁të₃dsí₅₄ 'éi'₃ quió'₅; 5 ján₃ bá₄ le₂në₅ chi₂jua'₂ tsá₃ ca₂'én₂ Diú₄ dsá₅ dsa₂ i₂jme₁chan₂ mi₂güig₃ gui'₅₄ ma₂líg'₂, tion₅₄ bá₄ ca₂jme₃cain'₂ jmíg₂ ca₂'éin₂ ca₂le₃jín₃ dsa₂ i₂tsá₃ Diú₄ cuín₅, jnia'₅₄ lia'₂ Noé bá₄ i₂ca₂lióin₂ i₂jme₁'ë₂ jág₁ a₂'ë₂₃ caun₂ jui₅ co₂dsau₅, quian'₅₄ guë'₄ guion₃ dsa₂; 6 chi₂jua'₂ le₂jaun₂ bá₄ ján₃, ca₂'én₂ Diú₄ le₃tin₃ juig₂ Sodoma quian'₅₄ Gomorra, ca₂dsí'₂ ca₂lia'₂ ca₂lë₃ jua₂ li₁, jaun₂ le₂në₅ jáng'₅ caun₂ jág₁ dsau₅ co₂'nió'₄ a₂rë₂'ë₂ jág₁ ja₁con₂ dsa₂ i₂tsá₃ Diú₄ cuín₅ i₂qui₂le₃chan₂ cang₂; 7 chi₂jua'₂ le₂në₅ ca₂lióin₂ bá₄ jan₂ Lot, i₂jme₁lín₄ guë'₄ dsa₂ dsen₃ jme₁chain₂ quian₅ o₂i₁ dsí₅ ia₁ jme₁të₅ ne₅₄ 'a₂ lia'₂ lë₅ jui₅ le₁quian₅ dsa₂ 'lin'₅₄ jmíg₄ jaun₂, 8 (jaun₂ jme₁ta'₂ qui'₂ dsí₅ bá₄ dsa₂ dsen₃ 'éi₂, ia₁ ca₂le₃jë₃ jmíg₄ bá₄ jme₁të₅ ne₅₄, jme₁nag₂₃ në₃ ca₂le₃jë₃ ne₅₄ cosa 'lig'₅₄ a₂jme₁jmo₅-dsá₅ dsa₂ juig₂ ja₁jme₁guá₄); 9 chi₂jua'₂ le₂në₅, jaun₂ ñi₅ bá₄ Te₁gui'₅₄ 'a₂ lia'₂ lióin₃ dsa₂ dsen₃ ne₄ 'e₂ táu₂ dsí₂ñí₂, ton'₂ ñi₅ 'a₂ lia'₂ toin'₂ dsa₂ 'lin'₅₄ lë₅ 'í₁ ca₂lia'₂ ca₂të₂ jmíg₄ i₁gue₃ uig₅ i₁të₃dsí₅₄ 'éi'₃ quió'₅.

10 A₂në₅ në₃, lë₅ caun₂ jág₁ tí₅ dsón'₂ a₂jáng'₅ jág₁ dsau₅ ja₁con₂ jui₁lia'₂ dsa₂ i₂i₂nio₄ jme₂tí₃ a₂'lig'₅₄ a₂mi₅ ni₁ñi₁₂, co₂'nió'₄ quió'₅ dsa₂ i₂tsá₃ jí₅₄ 'éi'₃. I₂nioi₅₄ 'ñio₅ lin₃ táin'₅, 'nio₃ jua'₅₄ 'éi'₃ quió'₅ 'éi₂ bá₄ lé₂, ton'₂ 'ñio₅ lin₃ tiá₂ dsí₅ 'e₂ caun₂ a₂'nio₃ jmo₃; tsá₃ gó'₅ táun₂ 'lig'₅₄ 'iñ₂₃ jui₁lia'₂ i₂jlán'₁ chan₂ quián₅ Diú₄, 11 jui₁la₂ ángeles i₂'io₅ guë'₄ bí₂, i₂'uan'₂ guë'₄, tsá₃ le₂jaun₂ tiá₂ dsí₅ jua'₅₄ 'ag₃ 'lig'₅₄, a₂'ni₃ dsa₂ 'éi₂ ne₄ Te₁gui'₅₄.

† 1:17 Mateo 17:5; Marcos 9:7; Lucas 9:35. § 1:19 Nei₅ 'Tóg₁ lë₅ caun₂ 'a₂ lia'₂ chen₂ Jesús. 'Nio'₂ ja₁ton₅ Apocalipsis 2:28; 22:16.

12 La₁ dsa₂ 'éi₂, líin₅ jui₁lia'₂ lín₅ já'₂ náu₂ i₂tsá₃ 'en₅₄ dsí₅, chain₂ tsá₃ 'e₂ nǐ'₂ dsí₅ 'e₂ jmo₅-dsáu₅, rē₂chain₂ a₂jñia'₅₄ con'₂ tsáun'₂ dsa₂ jme₃dsiog₂₃. Tē₃jñiá₅ bá₄ ma₂'ē₂₃ 'lig'₅₄ 'e₂ a₂tsá₃ ma₂nǐ'₂. La₁ le₂jaun₂ bá₄ dsiáin₃ ján₃ jui₁lia'₂ dsa₂ já'₂ náu₂. 13 Le₃chain₂ nǎg₃ uig₅ co₂'nió'₄ 'liain'₅₄ jui₁lia'₂ qui₂ma₂jmaí'₂ i₂sián'₂. Jmo₂₃ dsí₅ 'ñio₅ lín₃ dse₃ chain₂ líin₂ ia₁ cué'₅ o₂'ñio₃ o₂jñia₃ dsi₅ o₁jñia'₅₄ a₂jmi₂. Lín₅ dsa₂ 'éi₂ co₂'nió'₄ caun₂ 'mé'₅ 'lig'₅₄ a₂rē₂'ióg₄ a₂quian₅ o₂guí'₃ jē₄ quián'₂ 'nia'₂, 'ñio₅ tē₅ dsí₅ cué'₅ o₂'ñio₃ dsi₅ a₂jme₂gau₂₃ tóin'₅ jmo₂₃ jmig₄ jin'₄ 'nia'₂.

14 Co₂tan₅₄ lia'₂ ma₂dsi₂jio₅ dsí₅ 'lig'₅₄ bá₄ jē₁ma₂ca₂jñin₂ jan₂ dsa₂ mí₂, tsá₃ mag'₂ dsí₅ jua'₅₄ a₂tsá₃ 'no₂₃ dso₄; 'ñio₅ lín₃ 'io₂₃ mai₅₄ nǐ₅ 'a₂ lia'₂ jme₃gain₂₃ dsí₅ jui₁lia'₂ dsa₂ 'uan₅₄ i₂tsá₃ tiá₂ tión₂; 'ñio₅ lín₃ tñin₂ nǐ₅ táng₃ 'a₂ lia'₂ jme₃'ñioí'₃ 'e₂ caun₂ 'nio₃ jme₃'ñioí'₃; ia₁ líin₅ jaun₅ i₂ma₂tion'₅₄ jui₅ dsi₃'én₂. 15 Ma₂qui₂ma₂tí₄ jui₅ co₂dsau₅, ton'₂ ma₂i₂cóin'₅, ma₂quile₁quian₅ jui₅ quió'₅ Bala'am* ja₁nǐ'₅₄ Beor, i₂'éi₂ jme₁'nio₃ lí'₂ cu₄ quian'₅₄ caun₂ a₂'lig'₅₄ a₂jme₁jmo₃. 16 Jan₂ dsi₂bú'₄ i₂tsá₃ lé₂ dsia₃ jág₁ bá₄ ca₂jí₂ quió'₅ 'uig₅₄ dsáu₁, ia₁ já'₂ 'éi₂ ca₂'ñiai₂ jág₁ lia'₂ lē₅ jag₄ dsa₂ mi₂güig₃. Ca₂jné₃ jui₅ co₄ quió'₅ dsa₂ i₂'ē₂ jág₁ quián₅ Diú₄ 'éi₂.

17 Dsa₂ 'éi₂ líin₅ jui₁lia'₂ lē₅ caun₂ o₄tu₁ jmig₂ a₂tsá₃ 'e₂ jmig₂ cha₂; o₃ le₃jua'₅₄ líin₅ jui₁lia'₂ lē₅ ti₁jnei₅ a₂lē₁qui₂ñag₅ tiá₂ quian'₅₄ dsí₂. Ma₂tioin'₅₄ jui₅ a₂dsi₁lein₅ jē₄ qui₁né'₃ 'ñio₅ lín₃, ja₁ma₂lē₅ co₂jñia₅₄ quió'₅.† 18 Ia₁ qui₂'uē'₅ mi₂'o₅₄ jág₁ tá'₅ a₂tsá₃ ta₁ tí₄, qui₂cáin₂ dsa₂ a₂jmo₃ dsó₃ a₂jme₃ti₃ a₂'ín₅ dsí₅ ni₁nǐ₁₂; qui₂jme₂gain₂₃ dsa₂ i₂lag₃ ma₂lión₂ o₄gú₃ dsa₂ i₂le₁quian₅ jui₅ a₂ma₂i₂cóin'₅. 19 Qui₂cuē₂₃ jág₁ a₂juá'₂ a₂lió₂, la₁ guioin₅₄ guē'₂ ně₃ i₂nioi₅₄ le₁'ñei₅₄ jui₅ ja₁dsi₃'én₂. Ia₁ le₂jaun₂ dsón'₂ lē₅ bá₄, lé₂ le₃jua'₅₄ chi₁'ñe'₅₄ dsa₂ ne₄ jui₁'e₂ caun₂ jui₅ 'lig'₅₄ a₂quian₅, ia₁ dso₄ jaun₂ ca₂lē₃ jui₅ bá₄ dsa₂. Ia₁ a₂jaun₂ jio₅ jmo₅ 'éi'₃ ja₁coin₂. 20 La₁ jui₁lia'₂ dsa₂ i₂ma₂ca₂rē₃cuin₅ Te₁gui'₅₄ Jesucristo i₂lín₅ i₂ma₂ca₂lió₂ quió'₅ ne₄ jui₅ lē₁'iog₅ a₂le₁quian₅ dsa₂ mi₂güig₃, la₁ ně₁jua'₂ siá'₂ ca₂dsi₃lein₅ ca₂guioin₂ táng₃ quian'₅₄ a₂'lig'₅₄, o₃ ně₁jua'₂ ca₂jme₃gón₃ táng₃ a₂'lig'₅₄ jaun₂ tē₂dsí₅, dsi₁lein₅ tsón₂ guē₄ le₃'lín₅₄ con'₂ guē₄ le₂jñiá₅.‡ 21 Jui₁lia'₂ dsa₂ le₂'éi₂, ja₂lín₃ guē₄ dse₃ jua'₅₄ co₂ñei₅₄ bá₄ tsá₃ ca₂rē₃cuí'₅ jui₅ co₂dsau₅, lia'₂ con'₂ guē₄ a₂ma₂ca₂rē₃nǐ₅, ně₁jua'₂ cang₂ jaun₂ ca₂tí₂ bá₄ táng₃ 'éi'₃ jñio₅ a₂jme₁ma₂nǐ₂.§ 22 La₁ ja₁jaun₂ rē₃ti₃ quian'₅₄ dsa₂ le₂'éi₂ jui₁lia'₂ lē₅ caun₂ jag₄ dsa₂ jme₁juá'₂: “Guē'₅ táng₃ dsi₂ji'₅₄ te₁nǐ₅₄ quió'₅”,* con'₂ siá'₂ táng₃: “Jui₁lia'₂ i₂nǐ₅ i₂lia'₂ ma₂nē₂sei₃ dsa₂, dsó₅ qui₂ba₂lín'₂ táng₃ jē₄ ti₁jéin₃.”

3

Jmig₄ i₂jñio'₂ Te₁gui'₅₄

1 'Nia'₂ rin'₅₄ jnio₄ i₂'nió₃, jē₁ca₂tē₂ tin₃ si₂ bá₄ la₂ tsíng₂ ne'₅₄ 'nia'₂, jē₁le₃tin₃ si₂ ně₅ ma₂ca₂jme₁jnio₂ jñiá₂ ne'₅₄, ma₂ca₂jmo₃ dsá₂ 'au'₂ a₂dsi₃jio₅ 'au'₂ jmá'₃ lia'₂ a₂le₁jē₃. 2 Jui₁dsiog'₂ 'au'₂ 'nia'₂ ca₂le₃jē₃ jág₁ a₂qui₂ca₂juá'₂ dsa₂ jñio₅ i₂jme₁'ē₂ jág₁ quián₅ Diú₄ ma₂líg'₂ quian'₅₄ guē₄ 'éi'₃ a₂ca₂quiog₂ Te₁gui'₅₄ i₂ma₂lió₂ jnio₄, a₂ma₂ca₂ñag₅ ja₁con'₂ 'nia'₂ tē₂le₃ quian'₅₄ dsa₂ i₂chen₄ quiáin₅. 3 Jē₁le₂'uig₅₄ jmo₄ 'nia'₂ dsá₂ 'au'₂ a₂juá'₅ jñiá₂ la₂. Jmig₄ jē₁ca₂tó'₂ tē₂ja₃lén₂ dsa₂ i₂caun₂ lē₁qui₃táun₂ 'lig'₅₄, le₃chain₂ jmá'₃ lia'₂ jñia'₅₄ con'₂ lē₂ 'ín₅ dsí₅ guioin₅₄. 4 Dsa₂ 'éi₂ ñag₃, juá'₂: “¿E₂ ca₂lē₃ quian'₅₄ jág₁ a₂ron₅, a₂juá'₂ 'nia'₂ a₂guan'₂ táng₃ Cristo? Ia₁ ca₂le₃ ca₂dsan₃ dsa₂ can'₅₄ quián₂ jnio₄, jua'₂ lia'₂ ma₂lē₅ jaun₂ bá₄

* 2:15 Bala'am: 'Í₂ Números 22 - 24. † 2:17 Niog₅ a₂lín₅₄ chog₅₄ si₂ a₂juá'₂: “ja₁ma₂lē₅ co₂jñia₅₄ ja₁dsi₁toin'₄ co₂tan₅₄.” 'Nio'₂ ja₁ton₅ Judas 13. ‡ 2:20 'Nio'₂ ja₁ton₅ Mateo 12:45; Lucas 11:26. § 2:21 'Nio'₂ ja₁ton₅ Hebreos 6:4-6. * 2:22 Proverbios 26:11.

mi₂güig₃ lia'₂ con'₂ lë₅ jme₁ca₂nio₃ le₂'uig₅₄." ⁵ La₁ a₂ta₁ dsí₅ bá₄ dsa₂ 'éi₂ tsá₃ 'nio₃ le₃ñí'₂, a₂ca₂lë₃ tē₂le₃ quian'₅₄ jág₁ quió'₅ Diú₄ dsi₄ guei'₅₄ mi₂güig₃ ma₂líg'₂, quian'₅₄ gua'₅₄ 'uë₃, quian'₅₄ jmig₂ a₂ca₂jmo₃ jma₃quén'₅ gua'₅₄ 'uë₃ quian'₅₄ jmig₂ ně₃. ⁶ Ton'₂ quian'₅₄ jmig₂ bá₄ ján₃, ca₂'én₂ Diú₄ mi₂güig₃ jmig₄ jaun₂. ⁷ Já₃ bá₄ le₂në₅, tē₂le₃ quian'₅₄ jág₁ quió'₅ 'ñiog₅ bá₄ Diú₄, dsi₄ guei'₅₄ quian'₅₄ gua'₅₄ 'uë₃, ron₅ ma₂lë₅ co₂jñia₅₄ a₂cáu₃ jë₁ma₂të₂ jmig₄ i₁qui₃dsi₅ Diú₄ 'éi'₃ i₁'éin₂ co₂ñei'₅₄ dsa₂ i₂tsá₃ Diú₄ cuin₅.

⁸ Con'₂ siá'₂ rñ'₅₄ jñiog₄, tsá₃ jui₁dsi₂'én₂ 'au'₂ 'nia'₂, ia₁ tē₂le₃ quió'₅ Te₁gui'₅₄, lë₅ caun₂ jmig₄ co₂'nió'₄ caun₂ mei₅ñi₂; ton'₂ caun₂ mei₅ñi₂guë'₂, lë₅ co₂'nió'₄ caun₂ jmig₄. ⁹ La₁ tsá₃ o₁lei₅₄ jñiog₄ jua'₅₄ a₂jme₂'ag₄ Te₁gui'₅₄ a₂jme₃ti₃ jág₁ quió'₅, jui₁lia'₂ lín₂ i₂lín₅₄; a₂jmo₂₃ juin'₂ dsí₅ bá₄ ja₁con'₂ 'nia'₂, ia₁ 'nio₃ jua'₅₄ 'i₁jan₂ bá₄ tsá₃ 'ein₂ dsi₃'én₂, 'nio₃ jua'₅₄ ca₂le₃jín₃ bá₄ dsi₁quén'₅ dsí₅.

¹⁰ Ia₁ jmig₄ jaun₂ quió'₅ Te₁gui'₅₄ guá₂ con'₂ tsá₃ 'ein₂ rē₂ján₁, lé₂ jui₁lia'₂ ja₁'í₂ jan₂ 'ang₂. Jaun₂ guë₄ tē₂tsi'₅₄ co₂mi'₅₄ gau₂ lín₃ lé₂ dsi₃'én₂ dsi₄ guei'₅₄; qui₂dsi₃'én₂ ca₂le₃jë₃ a₂cha₂ qui₃jmág₂ quian'₅₄ si₂; lia'₂ rē₂cuá'₃ * gua'₅₄ 'uë₃ lé₂, lia'₂ jma₃quian'₅₄ 'e₂ niog₅ ca₂jmo₃ dsa₂ ja₁jaun₂.

¹¹ Chi₂jua'₂ le₂në₅ dsi₃'én₂ ca₂le₃jë₃, i₁'e₂ guë₄ 'ñio₅ lín₃ dsi₂ten₅₄ 'nió'₅ jmó'₂ 'nia'₂ dsen₅₄ 'au'₂ le₃chang'₂ jñió₅, a₂'nióg'₃ Diú₄! ¹² Jmo₄ 'nia'₂ co₂jñia₅₄ rē₂jáng'₁ ia₁jaun₂ ñi'₅₄ ta₁ guá₂ jmig₄ jaun₂ quió'₅ Diú₄. Jmig₄ jaun₂ guei'₅₄ mi₂güig₃ qui₂dsi₃'én₂ quian'₅₄ si₂, ca₂le₃jë₃ 'e₂ a₂cha₂ qui₃jmág₂ jë₁ma₂ca₂dséi₃ 'ñio₅ lín₃.

¹³ La₁ jñiog₄ ně₃, le₁jñia₁ dsi₁no₃ caun₂ guei'₅₄ i₂juí₃ 'mí₂ quian'₅₄ caun₂ gua'₅₄ 'uë₃ 'mí₂ ja₁ma₂lë₅ jág₁ cuë₃ Diú₄, ja₁tē₂'ñiá₄ jmá₃ a₂jñió₅.

¹⁴ Le₂në₅ jaun₂ ně₃ rñ'₅₄ jñiog₄, tē₂lia'₂ tsá₃ ma₂të₂ jmig₄ jaun₂, quen'₂ 'nia'₂ bí₂ ia₁jaun₂ bá₄ dsiog'₂ Diú₄ qui₂le₁'ág₄ bá₄ tei₄ 'au'₂ 'nia'₂, tsá₃ 'e₂ cha₂ jua'₅₄ lë₅ qui₂rē₂'ió₄ jme₂dsi₂ quiáng'₂, jua'₅₄ a₂rē₂cán'₄ 'nia'₂ dso₄. ¹⁵ Jmo₄ 'nia'₂ 'au'₂ a₂juin'₂ dsí₅ bá₄ Te₁gui'₅₄ ia₁jaun₂ cuin₅ jmig₄ líón'₂ 'nia'₂. Le₂në₅ bá₄ ján₃, Pa₄ rñ'₅₄ jñiog₄ ma₂dsiáin'₂ si₂ ne'₅₄ 'nia'₂, con'₂ lë₅ ma₂ñí'₂ dsí₅ a₂ma₂ca₂cuë₃ Diú₄.

¹⁶ Jë₄ ca₂le₃jë₃ Si₂ quió'₅, ma₂ca₂tsí'₃ 'nia'₂ ján₃ ca₂le₃jë₃ a₂në₅, o₁jñia'₅₄ la₂ juí'₅ le₃ñág'₂ a₂lín₅₄; 'uig₅₄ jaun₂ dsa₂ i₂tsá₃ lín₄ ñí'₂ dsí₅ i₂tsá₃ tiá₂ tión₂, le₃jen₅ bá₄ jme₂tiin₂₃ dsa₂, ján₃ bá₄ le₂jaun₂ ca₂le₃jë₃ guë₄ rñ'₅₄ Si₂ quió'₅ Diú₄ ně₃, la₁ a₂'uñ₅₄ guioin₅₄ bá₄ a₂dsi₃'éin₂ ia₁ a₂jmo₂₃ le₂jaun₂.

¹⁷ Jaun₂ lë₃ 'nia'₂ rñ'₅₄ jñiog₄, ia₁ tē₂jñiá₅ bá₄ ma₂le₁ñi'₅₄ 'nia'₂ 'a₂ lia'₂ niog₅ lé₂, jmo₄ 'nia'₂ 'í₁ ia₁jaun₂ tsá₃ qui₃tsag'₂ dsa₂ 'lín'₅₄ i₂jme₂gau₅, jaun₂ tsá₃ sén'₂ 'nia'₂ jui₅ ja₁tióng'₂ tiá₂. ¹⁸ La₁ juí₁dsi₂can'₅₄ bá₄ 'nia'₂ jui₅ ja₁'ua₁ dsí₅ Te₁gui'₅₄ Jesucristo quián₂ jñiog₄ i₂ma₂lió₂, jaun₂ dsi₁nó'₅ 'nia'₂ le₃cuñ'₂ guë₄ dse₃. 'Éi₂ bá₄ ca₂tín₂ le₃juin'₂, jmig₄ ně₃, co₂tan₅₄. ¡A₂méi₃!

Co₂në₅.

* **3:10** A₂lín₅₄ chog₅₄ si₂: "qui₂dsi₃'én₂ cáu₃."

Si carta le 'uig⁵⁴ a ca²jmo³ SAN JUAN

Jág₁ dse₃ jui₁lia' 'a₂ lia' le₃chan₂ dsa₂

¹ Jmo₂ jnia'⁵⁴ si₂ la₂ dsiang'⁵⁴ ne'⁵⁴ 'nia'₂, ja₁'ín⁵ jnia'⁵⁴ i₂jme₁ma₂chan₂ lia'₂ con'₂ jme₁ca₂rē₃lióg₃ ca₂le₃jě₃ a₂cha₂, ja₁'ín⁵ jnia'⁵⁴ jan₂ i₂qui₂ma₂né₁ jnia'⁵⁴ jág₁ quió'⁵, ma₂ca₂né₄ jnia'⁵⁴ quian'⁵⁴ jme₁ne₁ guio⁵⁴, ma₂qui₂ma₂tí₄ jnia'⁵⁴ gu₂ quió'⁵ ně₃. Tē₂le₃ quian'⁵⁴ jág₁ quió'⁵ 'éi₂ bá₄ a₂le₃chan₂ dsa₂. ² I₂chan₂ 'éi₂ ně₃ ca₂jme₃jniai₂₃ 'ñiog⁵ jě₄ quió'⁵ dsa₂ mi₂güí₃. Jaun₂ jnia'⁵⁴ ně₃, ca₂né₄, jaun₂ jang'₂ jnia'⁵⁴ jág₁ dsau⁵ quió'⁵ 'éi₂. Qui₂'ě⁵ jnia'⁵⁴ ja₁con'₂ 'nia'₂ 'a₂ lia' le₃chan₂ dsa₂ co₂tan⁵⁴. Jme₁ma₂chain₂ bá₄ quian'⁵⁴ Jmei₂, ton'₂ ma₂ca₂jme₃jniai₂₃ jě₄ quián₂ jnia'⁵⁴. ³ Jaun₂ 'ě⁵ jnia'⁵⁴ jág₁ jui₁lia' a₂ma₂ne⁵⁴ a₂ma₂né₁ ně₃, ia₁jaun₂ jme₁quiong'⁵⁴ 'nia'₂ jnia'⁵⁴ 'ei⁵ caun₂ jág₁, jui₁lia' jnia'⁵⁴ ně₃ 'ei⁵ caun₂ jág₁ quian'⁵⁴ Diú⁴ Jmei₂ jniog⁴, quian'⁵⁴ Jesucristo Ja₁ñi'⁵⁴ ně₃. ⁴ Jaun₂ bá₄ lě₃ jmo₂ jnia'⁵⁴ si₂ la₂ dsiang'⁵⁴ ne'⁵⁴ 'nia'₂, jua'₂ jnia'⁵⁴ ca₂le₃jě₃ jág₁ la₂, ia₁jaun₂ rē₂'ñia⁵ a₂'io'₂ jein₂ jniog⁴.*

Diú₄ i₂lín₅ si₂

⁵ A₂la₂ bá₄ jág₁ dse₃ a₂ma₂ca₂guéi₁ jnia'⁵⁴ quió'⁵, a₂'ě₄ táng₃ jnia'⁵⁴ ja₁con'₂ 'nia': Lín⁵ Diú₄ si₂; 'i₁caun₂ ja₁qui₁né₃ tsá₃ cha₂ ja₁coin₂. ⁶ Nē₁jua'₂ jua'₂ jniog⁴ 'ei⁵ caun₂ jág₁ quian'⁵⁴ Diú⁴, la₁ nē₁jua'₂ i₂nio⁴ guē'₂ jniog⁴ jě₄ qui₁né₃, jmo₂ jniog⁴ tē₂jág₁; tsá₃ jui₅ dsau⁵ chong₂. ⁷ La₁ nē₁jua'₂ qui₂l₂nio⁴ jniog⁴ ja₁jniá₂ si₂, jui₁lia' 'en⁵⁴ 'éi₂ ja₁jniá₂ si₂, 'ei⁵ caun₂ jág₁ quian'⁵⁴ rin'⁵⁴ jniog⁴ le₂jau₂ le₂jau₂, jaun₂ jmi⁴ Jesucristo Ja₁ñi'⁵⁴ qui₂chéi₂ ca₂le₃jě₃ dsá₁ jniog⁴.

⁸ Nē₁jua'₂ jua'₂ jniog⁴ tsá₃ 'e₂ dso₄ le₁cáu'⁴, jme₂gán₁ jniog⁴ guio⁵⁴, tsá₃ tí₅ jág₁ quián₂. ⁹ La₁ nē₁jua'₂ jmo₂ jniog⁴ jág₁ dsau⁵ a₂rē₂cáu'⁴ dso₄, rē₂ti'⁵⁴ bá₄ Diú⁴, rē₂ bá₄ qui₂dsi₂₃ 'éi₃, 'éin₂ bá₄ dso₄ quián₂ jniog⁴, qui₃chéi₂ ca₂le₃jě₃ a₂'lig'⁵⁴. ¹⁰ La₁ nē₁jua'₂ jua'₂ jniog⁴ tsá₃ 'e₂ dso₄ ma₂'nióg₁, jmo₂ jniog⁴ co₂'nió'₄ tē₂jín₁ bá₄ Diú⁴; tsá₃ 'i₄ jág₁ quió'⁵ ja₁con₂ jniog⁴.

2

Cristo bá₄ lín₅ i₂chén'₅ ne₄ jág₁ quián₂ jniog⁴

¹ 'Nia'₂ chí₂-guein₂ quiáng₃, jmo₅ jniá₂ si₂ la₂ ja₁juá'⁵ ca₂le₃jě₃ ia₁jaun₂ tsá₃ ma₃'náu'₁ 'nia'₂ dso₄. Nē₁jua'₂ chan₂ i₂ca₂tán'₂ dso₄, chan₂ bá₄ jan₂ i₂chén'₅ ne₄ jág₁ quián₂ jniog⁴ ne₄ Diú⁴ Jmei₂. I₂'éi₂ lín⁵ Jesucristo i₂dsen₃. ² 'Éi₂ bá₄ i₂ca₂ñó₃ rē₂jen'⁵⁴ ne₄ Diú⁴ 'uig⁵⁴ dsá₁ jniog⁴. On₃jua'⁵⁴ rē'₂ jmá'₃ 'uig⁵⁴ dsá₁ jniog⁴, 'uig⁵⁴ dsá₁ ca₂le₃jín₃ dsa₂ mi₂güí₃ bá₄ ján₃.

³ Nē₁jua'₂ jme₂tí₁ 'éi'₃ quió'⁵ ně₃, jaun₂ le₂ně₅ bá₄ ne₄ a₂ma₂ca₂rē₃cuin₅ jniog⁴. ⁴ La₁ nē₁jua'₂ chan₂ i₂juá'₂: “Cuín⁵ jniá₂ Diú⁴”, la₁ nē₁jua'₂ tsá₃ jme₂ti₃ guē'₂ 'éi'₃ quió'⁵, i₂'éi₂ lín⁵ dsa₂ tē₂jág₁, tsá₃ 'i₄ jág₁ tí₅ ja₁coin₂. ⁵ La₁ tē₂le₃ quió'⁵ jui₁lia' i₂jme₂ti₃ 'éi'₃ quió'⁵ Diú⁴, i₂'éi₂ guē'₂ dsón'₂ rē₂'ñia⁵ a₂'nioi₃ Diú⁴. Jaun₂ le₂ně₅ bá₄ ne₄ jniog⁴ chong₂ a₂'ei⁵ caun₂ jág₁ quian'⁵⁴. ⁶ Jui₁lia' i₂juá'₂ téin₅ le₃quió'⁵ Diú⁴, 'nió'₅ i₃nioi⁵⁴ jui₁lia' ca₂ñi₃ Jesucristo.

Caun₂ 'éi'₃ m'í₂

⁷ 'Nia'₂ rin'⁵⁴ jniog⁴ i₂'nióg₃, on₃jua'⁵⁴ 'éi'₃ 'm'í₂ la₂ tó'₅ jniá₂ ne₄ si₂ juí₂ 'nia'₂. A₂le₂jaun₂ bá₄ la₂ jui₁lia' 'éi'₃ a₂jme₁ma₂cha₂ ja₁con'₂ 'nia'₂ ca₂le₃ jmí₄ le₂'uig⁵⁴

* **1:4** A₂lín⁵⁴ chog⁵⁴ si₂: “a₂'io'₂ jén'₂ 'nia'₂.”

jme₁ca₂rē₃'én'₂ 'nia'₂. 'Éi'₃ gui'₅₄ la₂ lě₅ jág₁ a₂ma₂nei'₂ 'nia'₂. ⁸ La₁ia₁ a₂tó'₅ jniá₂ ne₄ si₂ la₂ a₂tsíng₂ ne'₅₄ 'nia'₂, lě₅ co₂'nió'₄ caun₂'éi'₃ 'mí'₂, a₂dsau₅ tē₃dsón'₂ quió'₅ Cristo, ján₃ guě₄ dsau₅ tē₂le₃ ja₁con'₂ 'nia'₂ ně₃. Ia₁ ma₂ca₂ŋí₂ bá₄ jě₄ qui₁né'₃, ma₂tág₅ si₂ a₂dsau₅ tē₃dsón'₂.

⁹ Chi₂jua'₂ chan₂ i₂juá'₂ chain₂ ja₁jniá₂ si₂, la₁ nē₁jua'₂ 'ŋiai₅₄ bá₄ guě'₂ rīin'₅₄ ně₃, i₂le₂'éi₂ 'ein₅₄ bá₄ guě₄ jě₄ qui₁né'₃. ¹⁰ La₂ i₂'nio₃ rīn'₅₄ guě'₂ ně₃, tē₂'ŋiai₅₄ ja₁jniá₂ si₂, ton'₂ 'i₁caun₂ tsá₃ 'e₂ cha₂ jua'₅₄ jmo₃ a₂qui₃nió'₃. ¹¹ La₁ i₂'ŋia₅₄ rīn'₅₄ guě'₂ ně₃, 'ein₅₄ jě₄ qui₁né'₃. Tsá₃ ŋi₅ 'a₂ ju₅ dsó₃, ia₁ co₂'nió'₄ tein₅₄ bá₄ ŋi₂₃ jě₄ nei₂.

¹² Tsín₂ jniá₂ si₂ la₂ ne'₅₄ 'nia'₂ i₂lín₅ chi'₂-guein₂ quiáng₃, ia₁ ma₂rē₂'én₄ bá₄ dsáu'₂ 'nia'₂, ma₂ca₂'én₂ bá₄ Diú₄ tē₂le₃ o₄quió'₄ Jesucristo. ¹³ 'Nia'₂ dsa₂ i₂chan₂ chi'₂ quián₅, tsín₂ jniá₂ si₂ la₂ ne'₅₄ 'nia'₂ ia₁ ma₂ca₂rē₃cuin'₂ bá₄ 'nia'₂ i₂jme₁ma₂chan₂ lia'₂ con'₂ jme₁ca₂rē₃lióg₃ ca₂le₃jě₃. 'Nia'₂ dsa₂ chi'₂, tsíng₂ si₂ la₂ ne'₅₄ 'nia'₂ ia₁ ma₂ca₂tian'₃ bá₄ 'nia'₂ ne₄ quió'₅ i₂sē₃dsen₃.

'Nia'₂ guein₂ quiáng₃, jmo₅ jniá₂ si₂ la₂ tsíng₂ ja₁con'₂ 'nia'₂ ia₁ ma₂ca₂rē₃cuin'₂ 'nia'₂ Diú₄ Jmei₂ jniog₄. ¹⁴ 'Nia'₂ dsa₂ i₂chan₂ chi'₂ quián₅, tsín₂ jniá₂ si₂ la₂ ne'₅₄ 'nia'₂ ia₁ ma₂ca₂rē₃cuin'₂ 'nia'₂ i₂jme₁ma₂chan₂ lia'₂ con'₂ jme₁ca₂rē₃lióg₃ ca₂le₃jě₃. Ján₃ bá₄ tsín₂ jniá₂ si₂ la₂ ne'₅₄ 'nia'₂ dsa₂ chi'₂, ia₁ 'uan'₂ bá₄ 'nia'₂, ia₁ jág₁ dse₃ quió'₅ Diú₄ ma₂'i₄'au'₂ 'nia'₂, ia₁ ma₂ca₂tian'₃ 'nia'₂ ne₄ quió'₅ i₂sē₃dsen₃.

¹⁵ Tsá₃ lē₁jmo₂ 'nia'₂ 'ín₅ 'au'₂ jua'₅₄ a₂le₃chang'₂ i₁niog'₄ ju₅ ja₁i₂nio₄ dsa₂ mi₂güí₃, on₃ guě'₂ jmó₁ 'nia'₂ 'ín₅ 'au'₂ 'e₂ niog₅ cha₂ mi₂güí₃. Chi₂jua'₂ chan₂ i₂'ín₅ dsí₅ a₂jén'₅ mi₂güí₃, i₂le₂'éi₂ tsá₃ tē₃dsón'₂ 'nioi₃ Diú₄ Jmei₂. ¹⁶ Ia₁ ca₂le₃jě₃ a₂jén'₅ mi₂güí₃, ju₅lia'₂ ca₂le₃jě₃ a₂'lig'₅₄ a₂mi₅ ni₁ŋi₁ dsa₂, a₂'ín₅ dsí₅ dsa₂ jmo₃ ca₂le₃jě₃ 'e₂ niog₅ tē₅ jme₁ne₁₂, a₂jme₂rón₂ dsa₂ 'e₂ niog₅ cha₂ quió'₅ tē₁lia'₂ chain₂: Ca₂le₃jě₃ a₂nē₅, on₃jua'₅₄ já₅ quió'₅ Diú₄ Jmei₂ jniog₄; a₂já₅ quió'₅ mi₂güí₃ bá₄ jaun₂. ¹⁷ La₁ a₂jě₁ca₂ŋí₂ bá₄ mi₂güí₃, quian'₅₄ ca₂le₃jě₃ 'e₂ 'lig'₅₄ a₂'ín₅ dsí₅ dsa₂ chain₂ ne₄ gua'₅₄ 'uě₃. La₁ i₂jmo₅ a₂'ŋio₂ dsí₅ Diú₄, le₃chain₂ co₂tan₅₄.

Ju₅lia'₂ 'a₂ lia'₂ lě₅ jág₁ dsau₅ dsón'₂, 'a₂ lia'₂ lě₅ jág₁ tē₂jág₁ táng₃

¹⁸ 'Nia'₂ chi'₂-guein₂ quiáng₃, jmí₄ jě₁ca₂tó'₂ bá₄ la₂ chong₂ jniog₄. Ma₂nei'₂ bá₄ 'nia'₂, já₅ jan₂ i₂'ŋia₅₄ Cristo. Rē₂ně₃ ně₃, juin₅ bá₄ i₂ma₂ca₂rē₃jniá₂ i₂'ŋia₅₄ Cristo. Jaun₂ bá₄ lě₃ ne₄ jniog₄ a₂ja₂quián₃ jmí₄ jě₁ca₂tó'₂. ¹⁹ I₂ca₂'uin₂ jě₄ quián₂ jniog₄ bá₄ 'éi₂. Dsón'₂ bá₄ dsau₅, on₃jua'₅₄ i₂quián₂ jniog₄ 'éi₂, ia₁ jua'₅₄ mei'₂ guě₃ lín₅ i₂quián₂ jniog₄, jme₁ŋia₃ bá₄ quian'₅₄ jniog₄. La₁ le₂nē₅ ca₂lě₃ ia₁ jaun₂ le₃jniá₂, 'i₁jan₂ 'éi₂ tsá₃ lín₅ i₂quián₂ jniog₄. ²⁰ La₁ 'nia'₂ ně₃, ma₂ca₂gwen'₅₄ bá₄ 'nia'₂ Jme₂dsí₂ Jŋió₅, jaun₂ cuing'₂ bá₄ 'nia'₂ ca₂le₃jíng'₃* jág₁ tí₅. ²¹ Jaun₂ tsíng₂ si₂ la₂ ne'₅₄ 'nia'₂, on₃jua'₅₄ ia₁ a₂tsá₃ cuin'₂ 'nia'₂ jág₁ tí₅, tē₂le₃ ia₁ a₂cuin'₂ 'nia'₂. Jaun₂ ma₂le₁ŋi'₅₄ bá₄ 'nia'₂, 'i₁caun₂ jág₁ tē₂jág₁ tsá₃ lé₂ le₃o₃'ag₅ jě₄ jág₁ dsau₅. ²² ¿'Ein₂ 'éi₂ i₂lín₅ tē₂jág₁? I₂'éi₂ bá₄ i₂juá'₂ a₂tsá₃ lín₅ Jesús I₂rē₂'ín₁ quián₅ Diú₄. 'Éi₂ bá₄ i₂'ŋia₅₄ Cristo, i₂tsá₃ jen₅₄ Diú₄ Jmei₂, on₃ guě'₂ Ja₁ŋi'₅₄ ně₃. ²³ Ca₂le₃jín₃ i₂tsá₃ jen₅₄ Ja₁ŋi'₅₄ Diú₄, ján₃ bá₄ le₂jaun₂ tsá₃ quian'₅₄ Diú₄ Jmei₂. La₁ ju₅lia'₂ i₂jme₂jnia₅ jáng'₅ jág₁ dsau₅ tē₂le₃ quió'₅ Ja₁ŋi'₅₄, ján₃ bá₄ le₂jaun₂ quian'₅₄ Jmei₂ ně₃.

²⁴ Jaun₂ lě₃, 'ma₄ 'nia'₂ tē₂'au'₂ jág₁ dse₃ a₂ma₂nei'₂ 'nia'₂ le₂'uig₅₄. Ia₁ nē₁jua'₂ ma₂tē₁'ŋiá₄ tē₂'au'₂ 'nia'₂, jaun₂ tē₃'ŋiá'₄ bá₄ 'nia'₂ ja₁con₂ Ja₁ŋi'₅₄, quian'₅₄ Jmei₂ ně₃. ²⁵ Jaun₂ a₂la₂ bá₄ jág₁ quió'₅ a₂ca₂cuě₃: A₂le₃chong₂ jniog₄ co₂tan₅₄.

²⁶ Jaun₂ tsín₂ jniá₂ si₂ la₂ ne'₅₄ 'nia'₂ ja₁'íng₅ ju₅lia'₂ i₂'nio₃ jiog₃ cau₅. ²⁷ La₁ quian'₅₄ bá₄ 'nia'₂ Jme₂dsí₂ Jŋió₅ i₂ma₂tē₁'ŋiá₄ tē₂'au'₂ 'nia'₂ i₂ma₂cuin₃ Cristo.

* 2:20 o₃, "ca₂le₃jě₃."

Jaun₂ tsá₃ ma₃i₂sián'₂ 'nió'₅ jme₃tag₅. La₁ jui₁tē₂'ñiá'₄ bá₄ 'nia'₂ le₃quió'₅ 'éi, ia₁ 'ñiog₅ bá₄ Jme₂dsí₂ Jñiós₅ jme₃tiin₂₃ 'nia'₂ ca₂le₃jě₃ con'₂ lě₅ jág₁ tí₅ dsón'₂, on₃jua'₅₄ jág₁ tē₂jág₁.

²⁸ Jaun₂ ně₃, 'nia'₂ chi'₂-guein₂ quiáng₃, jui₁tē₂'ñiá'₄ bá₄ 'nia'₂ quiain'₅₄, ia₁jaun₂ caun₂ bá₄ le₁'ág₄ dsi₅ jniog₄ jē₁ma₂tē₂ jmig₄ i₁jme₃jniai₂₃ táng₃. Tsá₃ 'nió'₅ jmó₁ jniog₄ gui'₅₄ ne₅₄ jē₁ma₂guáin'₅. ²⁹ Chi₂jua'₂ ma₂ñi'₅₄ 'nia'₂, Cristo bá₄ i₂lín₅ i₂jmo₅ con'₂ dsi₂ten₅₄, jaun₂ jui₁le₂ñi'₅₄ bá₄ 'nia'₂ ján₃, ca₂le₃jín₃ i₂jmo₅ con'₂ dsi₂ten₅₄, lín₅ chi'₂-guein₂ quián₅ Diú₄.

3

Chi'-guein₂ quián₅ Diú₄

¹ Jág₄ 'nia'₂ jaun₂, 'ñio₅ lín₃ 'nio₃ Diú₄ Jmei₂ jniog₄, juá'₂ dé₄ jmá'₃ tē₂ jniog₄ a₂lág₅ chi'₂-guein₂ quián₅. 'Uig₅₄ ně₅, dsa₂ mi₂güig₃ tsá₃ cui₂₃ jniog₄ ia₁ tsá₃ ma₂ca₂rē₃cuiin₂₃ Diú₄. ² 'Nia'₂ rin'₅₄ jniog₄ i₂'nióg₃, ma₂lág₅ jniog₄ chi'₂-guein₂ quián₅ Diú₄. O₁ñia'₅₄ la₂ tsá₃ ma₂ne₄ gué₄ jniog₄ 'a₂ lia'₂ léi₂ jē₁ca₂tó'₂, la₁ ne₄ jniog₄, jmig₄ jē₁ma₂tē₂ rē₁jme₃jnia₅ 'éi₂, léi₂ jniog₄ jui₁lia'₂ lín₅ 'ñiog₅, ia₁ néi₄ jniog₄ ton'₂ le₃cuiin₅ jniog₄ 'a₂ lia'₂ jniái₂. ³ Ca₂le₃jín₃ i₂'ín₂ dsí₅ jág₁ ně₅, jmo₂₃ le₁jě₃ tē₂dsí₅, jui₁lia'₂ le₁jín₃ 'éi₂.

⁴ Dsa₂ i₂caun₂ 'no₅ dso₄, rē₂cáin'₄ 'Éi'₃ quió'₅ Diú₄. Ia₁ jui₁'ein₂ gué₃ i₂ca₂i₁juin₅₄ con'₂ lě₅ 'Éi'₃, dso₄ bá₄ jaun₂. ⁵ Ia₁ ma₂ñi'₅₄ bá₄ 'nia'₂, ta₁ jaun₂ ca₂guan₃ dsa₂ i₂rē₂'ín₁ 'éi₂ quián₅ Diú₄, a₂qui₃'éin₂ dsá_{u1} jniog₄. Ia₁ 'i₁caun₂ dso₄ tsá₃ 'e₂ ca₂rē₃cáin'₂ 'ñiog₅. ⁶ Jaun₂ le₂ně₅, 'i₁jan₂ i₂chan₂ le₃quió'₅ 'éi₂ tsá₃ ma₂ñi₂₃ jua'₅₄ caun₂ qui₂'no₂₃ gué₄ dso₄. La₁ jui₁lia'₂ i₂caun₂ i₂nio₄ 'no₅ dso₄ ně₃, tsá₃ ma₂ca₂jág₂, on₃ gué₂ ma₂ca₂rē₃cui₂₃ ně₃. ⁷ 'Nia'₂ chi'₂-guein₂ quiáng₃, tsá₃ 'ein₂ jui₁jniog₅₄ cau₅ quián'₂ 'nia'₂. Jui₁lia'₂ i₂jmo₅ con'₂ dsi₂ten₅₄, dsein₃ bá₄, jui₁lia'₂ dsen₃ 'éi₂ 'ñiog₅. ⁸ La₁ jui₁lia'₂ i₂caun₂ 'no₅ dso₄, i₂quián₅ i₂sē₃dsen₃ bá₄ 'éi₂, ia₁ i₂sē₃dsen₃ ně₃ ma₂já₅ 'no₂₃ dso₄ ca₂le₃ jme₁ca₂rē₃lióg₃ mi₂güig₃. La₁ Ja₁ñi'₅₄ Diú₄ ně₃, ta₁ jaun₂ ca₂guain₃ a₂qui₂'éin₂ ta₁ quió'₅ i₂sē₃dsen₃.

⁹ 'I₁jan₂ jui₁lia'₂ i₂ma₂ca₂rē₃chán₃ le₃quió'₅ Diú₄, jua'₅₄ caun₂ qui₂'no₂₃ gué₄ dso₄, ia₁ quion₂ quió'₅ Diú₄ Jmei₂. Jaun₂ tsá₃ ma₂lé₂ jua'₅₄ caun₂ 'no₃ gué₄ dso₄, ia₁ ma₂ca₂rē₃chán₃ ma₂lín₅ guein₂ quián₅ Diú₄ bá₄. ¹⁰ Jaun₂ le₂ně₅ bá₄ lé₂ jióg'₂ 'í₁ 'ein₂ lín₅ i₂quián₅ Diú₄, 'ein₂ lín₅ i₂quián₅ i₂sē₃dsen₃ ně₃. Ia₁ jui₁'ein₂ gué₃ i₂tsá₃ dse₃ jmo₅, o₃ jui₁lia'₂ i₂tsá₃ 'nio₃ rin'₅₄, on₃jua'₅₄ chi'₂-guein₂ quián₅ Diú₄ 'éi₂.

Jui₁jme₁'nió₄ jniog₄ rin'₅₄ le₂jau₂ le₂jau₂

¹¹ Jág₁ dse₃ a₂ma₂nei'₂ 'nia'₂ le₂'uig₅₄, a₂la₂ bá₄ jaun₂: a₂jme₁'nió₄ jniog₄ rin'₅₄ le₂jau₂ le₂jau₂. ¹² Tsá₃ 'nió'₅ jmó₁ jniog₄ jui₁lia'₂ ca₂jmo₃ Caín i₂jme₁lín₄ i₂quián₅ i₂sē₃dsen₃, jaun₂ ca₂ñi'₃ dsó₂ riin'₅₄. ¿'E₂ lě₃ ca₂jñag'₃? Ia₁ a₂'lig'₅₄ bá₄ jme₁jmo₅-dsá_{u5} 'éi₂ 'ñiog₅; riin'₅₄ gué₂ ně₃, a₂dse₃ bá₄ jme₁jmo₂₃.

¹³ Rin'₅₄ jniog₄, tsá₃ jui₁dsi₂gó'₃ 'au'₂ 'nia'₂ ně₁jua'₂ 'iog₅₄ dsa₂ mi₂güig₃, ¹⁴ ia₁ ma₂ca₂ñag₅ bá₄ jniog₄ ja₁jme₁dsióg₃; ma₂ca₂rē₃chóng₃ táng₃ jniog₄ jē₁le₃chong₂ co₂tan₅₄. Ne₄ jniog₄ a₂ně₅ ia₁ 'nio₃ bá₄ jniog₄ rin'₅₄. La₁ i₂tsá₃ 'nio₃ rin'₅₄, i₂caun₂ ñi₅ 'lín₄ bá₄ 'éi₂. ¹⁵ Ca₂le₃jín₃ jui₁lia'₂ i₂'ñia₅₄ rin'₅₄, i₂rē₂cán'₄ dso₄ co₂'nió'₄ i₂jme₂dsian₅ dsa₂ bá₄ 'éi₂. Ñi'₅₄ bá₄ 'nia'₂ jaun₂, 'i₁jan₂ dsa₂ i₂jme₂dsian₅ dsa₂ tsá₃ 'i₄ jme₂dsi₂ a₂chain₂ co₂tan₅₄. ¹⁶ Le₂la₂ bá₄ ne₄ jniog₄ 'e₂ jaun₂ a₂'nio₃ dsa₂ rin'₅₄, ia₁ chan₂ jan₂ i₂ca₂guen₃ 'mú₃ o₄quián₂ jniog₄. Ján₃ bá₄ le₂jaun₂ ca₂tág₂ jniog₄ guén₄ 'mú₃ o₄quió'₄ rin'₅₄. ¹⁷ Jui₁lia'₂ i₂cha₂ quió'₅ ne₄ gua'₅₄ 'uē₃ la₂, ně₁jua'₂ chan₂ jan₂ riin'₅₄, i₂ñi₅ 'in₂ quió'₅, ně₁jua'₂ tsá₃ ca₂dsia₃ gué₂ ñéi₂ dsí₅ ja₁coin₂, ¿'a₂ lia'₂ lé₂ le₃juá'₂ ma₂tē₁'ñiá'₄ tē₂dsí₅ a₂'nio₃ Diú₄? ¹⁸ 'Nia'₂ guein₂ quiáng₃, on₃jua'₅₄

jmá'₃ quian'₅₄ jág₁ tio'₅₄ 'o₄ jniog₄ dsi₂ten'₅₄ jua'₅₄ a₂'nio₃ jniog₄ rin'₅₄. A₂ca₂tág₂ jniog₄ jme'₁nió₄ tē₃dsón'₂ rin'₅₄, tē₂le₃ quian'₅₄ a₂léi₄ a₂qui₂rē₂jniá₂ 'e₂ a₂jmo₂ jniog₄.

'Ei, caun₂ dsi₂ jniog₄ tē₂le₃ quió'₅ Diú₄

¹⁹Le₂nē₅ bá₄ ne₄ jniog₄ a₂téi₅ le₃quió'₅ jui₅ dsau₅, jaun₂ guě₄ le'ₑi₁ jniog₄ caun₂ dsi₅ ne₄ Diú₄. ²⁰La₁ nē₁jua'₂ cha₂ a₂qui₂dsi₂jni₅ dsi₅ jniog₄ a₂jme₂cáu'₂, Diú₄ bá₄ i₂lín₅ i₂juin'₂ guě₄ lia'₂ con'₂ guě₄ 'e₂ a₂qui₂dsi₂jni₅ dsi₅; 'éi₂ bá₄ ŋi₅ ca₂le₃jě₃. ²¹Le₂nē₅ jaun₂ rin'₅₄ jniog₄ i₂'nió₃ guě₄ lín₃, chi₂jua'₂ lei₅₄ jniog₄ tē₂dsi₅ guio₅₄ tsá₃ 'e₂ rē₂cáu'₄, caun₂ bá₄ lé₂ le'ₑi₁ jniog₄ dsi₅ ne₄ Diú₄, ²²jaun₂ cuē₃ bá₄ 'éi₂ ca₂le₃jě₃ 'e₂ a₂mi₂, tē₂le₃ ia₁ jme₂tí₁ jniog₄ 'éi'₃ quió'₅, ton'₂ ia₁ jmo₂ bá₄ jniog₄ ne₄ 'éi₂ a₂tē₅ dsi₅. ²³A₂la₂ bá₄ 'éi'₃ quió'₅: a₂le₃'éin₂ jniog₄ tē₂le₃ quió'₅ Jesucristo Ja₁ŋi'₅₄, ton'₂ ján₃ guě'₂ jme'₁nió₄ jniog₄ rin'₅₄ le₂jau₂ le₂jau₂. Con'₂ nē₅ bá₄ lě₅ 'éi'₃ quió'₅ ca₂tság₃ jnia'₅₄. ²⁴Ca₂le₃jín₃ i₂jme₂ti₃ 'éi'₃ nē₅ ně₃, chain₂ le₃quió'₅ 'éi₂; ján₃ guě'₂ le₂jaun₂ 'éi₂ 'ŋiog₅ chain₂ ja₁con₂ 'éi₂ ně₃. Le₂nē₅ bá₄ ne₄ jniog₄ a₂guá₅ 'éi₂ tē₂dsi₅ jniog₄: tē₂le₃ quian'₅₄ Jme₂dsi₂ i₂ma₂cuin₃.

4

Jme₂dsi₂ quián₅ Diú₄ quian'₅₄ jme₂dsi₂ i₂'ŋia₅₄ Cristo

¹'Nia'₂ guein₂ quiáng₃ i₂'nió₃ guě₄ lín₃, tsá₃ o₁len'₂ 'nia'₂ jua'₅₄ ca₂le₃jín₃ i₂juá'₂, jiog₅ Jme₂dsi₂ quián₅ Diú₄. Rē₂ de'₂ quion₂ 'nia'₂ 'í₁ quió'₅, chi₂jua'₂ tē₃dsón'₂ lín₅ i₂quián₅ Diú₄. Ia₁ juin₅ dsa₂ jui₁gan₂ ma₂i₂nio₄ qui'₂'ě₂ jág₁ mi₂güig₃ la₂. ²Le₂la₂ bá₄ lé₂ le₃caun'₅₄ 'nia'₂ 'í₁ quió'₅ i₂juá'₂ jiog₅ Jme₂dsi₂ quián₅ Diú₄: ca₂le₃jín₃ jme₂dsi₂ i₂jmo₅ jág₁ a₂ca₂guan₃ Jesucristo chi₁dsáin₃ mi₂güig₃ la₂, i₂le₂'éi₂ bá₄ lín₅ i₂quián₅ Diú₄. ³La₁ jui'₁ein₂ guě₃ jme₂dsi₂ i₂tsá₃ jmo₅ jág₁ le₂nē₅ 'in₂₃ Jesús, on₃jua'₅₄ i₂quián₅ Diú₄ 'éi₂. I₂quián₅ i₂'ŋia₅₄ Cristo bá₄ i₂le₂'éi₂, i₂ma₂nei'₂ 'nia'₂ jág₁ a₂jiá₃, i₂ma₂'en₅₄ mi₂güig₃ rē₂ně₃.

⁴'Nia'₂ chi'₂-guein₂ quiáng₃, lín'₅ bá₄ 'nia'₂ i₂quián₅ Diú₄; ia₁ ma₂ca₂tian'₃ bá₄ 'nia'₂ dsa₂ i₂tē₂jín₁. Ia₁ i₂'uan'₂ lín₃ guě₄ bá₄ Jme₂dsi₂ i₂quian'₅₄ 'nia'₂, lia'₂ con'₂ guě₄ i₂quian'₅₄ dsa₂ mi₂güig₃. ⁵Dsa₂ mi₂güig₃ bá₄ 'éi₂, jaun₂ jmá'₃ lia'₂ ca₂ne₅₄ a₂cha₂ mi₂güig₃ bá₄ jme₂tag₂₃. Jaun₂ lě₃ dsa₂ mi₂güig₃ ně₃ nag₂₃ jág₁ a₂jme₂tag₅ dsa₂ 'éi₂. ⁶La₁ dsa₂ quián₅ Diú₄ bá₄ lág₅ jniog₄; jaun₂ lě₃, jui₁lia'₂ dsa₂ i₂cuin₅ Diú₄ ně₃, nag₂₃ jág₁ quián₂ jniog₄. La₁ dsa₂ i₂tsá₃ quián₅ Diú₄ ně₃, tsá₃ 'nio₃ nag₃ jág₁ quián₂ jniog₄. Jaun₂ le₂nē₅ bá₄ rē₂cuin₅ jniog₄ jui₁lia'₂ i₂jiog₅ Jme₂dsi₂ quió'₅ jág₁ tí₅. Ján₃ guě'₂ le₂jaun₂ rē₂cuin₅ jniog₄ jui₁lia'₂ i₂jiog₅ jme₂dsi₂ i₂jui₁gan₂.

Diú₄ bá₄ i₂'nio₃ jniog₄

⁷Rin'₅₄ jniog₄, jui₁jme'₁nió₄ jniog₄ rin'₅₄ le₂jau₂ le₂jau₂, ia₁ ja₁con₂ Diú₄ bá₄ já₅ a₂'nio₃ dsa₂ riin'₅₄. Ca₂le₃jín₃ i₂'nio₃ rin'₅₄ ca₂rē₃cháin₃ tē₂le₃ quió'₅ Diú₄, ton'₂ cuin₂₃ Diú₄. ⁸I₂tsá₃ 'nio₃ rin'₅₄ ně₃, tsá₃ ma₂ca₂rē₃cuin₂₃ Diú₄, ia₁ Diú₄ lín₅ i₂'nio₃. ⁹Ca₂jme₃jnia₅ Diú₄ a₂'nio₃ jniog₄ jme₁ca₂chein₃ Ja₁ŋi'₅₄ i₂jan₂ tan₅₄ 'éi₂ mi₂güig₃ la₂. ¹⁰Le₂la₂ bá₄ lě₅ a₂'nio₃ Diú₄: on₃jua'₅₄ a₂ma₂ca₂jme'₁nió₄ jniog₄ ja₁ma₂ja₂náu₅. 'Nio₅ bá₄ Diú₄ ca₂dsia₃ ŋéi₂ dsi₅ ca₂rē₃'nio₃. Jaun₂ ca₂chein₃ Ja₁ŋi'₅₄ ia₁jaun₂ 'éi₂ qui₃ a₂rag₂ jniog₄.

¹¹Rin'₅₄ jniog₄, chi₂jua'₂ le₂nē₅ ca₂rē₃'nio₃ Diú₄, ján₃ bá₄ le₂nē₅ ca₂tág₂ jniog₄ jme'₁nió₄ rin'₅₄ le₂jau₂ le₂jau₂. ¹²I₂jan₂ tsá₃ 'ein₂ ma₂jín₂ Diú₄. La₁ nē₁jua'₂ 'nio₃ jniog₄ rin'₅₄ le₂jau₂ le₂jau₂, guá₅ bá₄ Diú₄ tē₂dsi₅ jniog₄, ton'₂ qui₂rē₂'ŋia₅ bá₄ tē₂dsi₅ a₂'nio₃ Diú₄. ¹³Le₂nē₅ bá₄ jau'₂ 'í₁ a₂téi₅ jniog₄ tē₂le₃ quió'₅ Diú₄, ton'₂ 'ein₅₄ tē₂dsi₅ jniog₄ ně₃: ia₁ ma₂cuin₃ Jme₂dsi₂ quián₅. ¹⁴Jnia'₅₄ guio₅₄ ca₂néi₄,

jaun₂ jang'₂ jnia'₅₄ jág₁ dsau₅ la₂: Diú₄ Jmei₂ ca₂chein₃ Ja₁ñi'₅₄ a₂ca₂o₃lio_{in}₅₄ dsa₂ mi₂güig₃. ¹⁵ Ju_i₁'ein₂ gué₃ i₂'in₅ Jesús, a₂lín₅ 'éi₂ Ja₁ñi'₅₄ Diú₄, quiain'₅₄ bá₄ Diú₄, ton'₂ guá₅ bá₄ Diú₄ quióng'₅₄ táng₃.

¹⁶ Le₂nē₅ ma₂ca₂rē₃ne₄, ma₂ca₂rē₃'éin₂ jniog₄ a₂'nio₃ Diú₄. Diú₄ lín₅ i₂'nio₃; jaun₂ i₂chan₂ 'nio₃ rin'₅₄ nē₃, chain₂ le₃quió'₅ Diú₄, ton'₂ chan₂ Diú₄ ja₁coin₂ ján₃. ¹⁷ Le₂nē₅ bá₄ rē₂'ñia₅ ja₁con₂ jniog₄ a₂jme₁'nió₄ jniog₄ rin'₅₄, ia₁jaun₂ jē₁ma₂ca₂tē₂ jmig₄ i₁qui₃dsi₅ Diú₄ 'éi'₃, lé₂ le₃'éi₁ jniog₄ caun₂ dsi₅. Ia₁ lág₅ jniog₄ chong₂ mi₂güig₃ la₂ lia'₂ lín₅ Jesucristo. ¹⁸ Ju_i₁lia'₂ jē₁'nio₃ dsa₂ riin'₅₄, tsá₃ 'e₂ gau₂ cha₂. La₁ ju_i₁lia'₂ jē₁'nio₃ dsa₂ rin'₅₄ lia'₂ rē₂'ñia₅, quian'₅₄ a₂nē₅ jñia'₅ a₂gó'₅ dsa₂. Ia₁ ju_i₁lia'₂ a₂gó'₅ dsa₂, caun₂ jm_i₁uig₅ bá₄ jaun₂ rē₂'é₄ ja₁coin₂. Ia₁ ju_i₁lia'₂ i₂gó'₅, tsá₃ ma₂ca₂rē₃'ñia₅ ja₁coin₂ 'a₂ lia'₂ jme₃'nioi₃ riin'₅₄.

¹⁹ 'Nio₃ jniog₄ Diú₄ ia₁ 'ñiog₅ de'₂ le₂'uig₅₄ ca₂rē₃'nio₃ jniog₄. ²⁰ La₁ nē₁ju_a'₂ chan₂ i₂lín₅₄ juá'₂: “Nió₃ jniá₂ Diú₄”, la₁ nē₁ju_a'₂ 'ñia₅₄ bá₄ gué'₂ riin'₅₄ nē₃, jan₂ dsa₂ tē₂jág₁ bá₄ 'éi₂. Ia₁ nē₁ju_a'₂ tsá₃ 'nio₃ dsa₂ riin'₅₄ i₂jñin₂, ¿'a₂ bá₄ lia'₂ lé₂ jme₃'nioi₃ Diú₄ i₂tsá₃ ma₂jñin₂? ²¹ 'Ñiog₅ bá₄ Diú₄ ma₂cuē₃ 'éi'₃ la₂: I₂'nio₃ Diú₄, ca₂tñin₂ jme₃'nioi₃ riin'₅₄ ján₃.

5

Ca₂tián₃ jniog₄ ne₄ cosas 'lig'₅₄ a₂jén'₅ mi₂güig₃

¹ Ca₂le₃jín₃ i₂'én₂ a₂lín₅ Jesús tē₃dsón'₂ I₂rē₂'ín₁ quián₅ Diú₄, lín₅ chi'₂-guein₂ quián₅ Diú₄. Ju_i₁lia'₂ ja₁'nio₃ dsa₂ jan₂ dsa₂, ján₃ bá₄ 'nioi₃ chi'₂ quián₅ dsa₂ 'éi₂. ² Le₂nē₅ bá₄ ne₄ jniog₄ 'a₂ lia'₂ jme₁'nió₄ chi'₂-guein₂ quián₅ Diú₄: chi₂ju_a'₂ dsón'₂ 'nió₃ jniog₄ Diú₄, ton'₂ jme₁tí₁ jniog₄ 'éi'₃ quió'₅. ³ A₂la₂ bá₄ a₂'nio₃ jniog₄ Diú₄, a₂jme₁tí₁ jniog₄ 'éi'₃ quió'₅ bá₄. 'Éi'₃ quió'₅ nē₃, on₃ju_a'₅₄ 'e₂ ñí₄ guei₂. ⁴ Ia₁ ca₂le₃jín₃ i₂ma₂lín₅ chi'₂-guein₂ quián₅ Diú₄, lí'₂ ne₄ cosas a₂jén'₅ mi₂güig₃. Jaun₂ quian'₅₄ a₂'éin₂ bá₄ jniog₄, léi₂ ne₄ cosas a₂jén'₅ mi₂güig₃. ⁵ ¿'Ein₂ 'éi₂ i₂lí'₂ ne₄ cosas a₂jén'₅ mi₂güig₃? Jñia'₅₄ lia'₂ i₂'éi₂ bá₄ i₂'én₂ a₂lín₅ Jesús Ja₁ñi'₅₄ Diú₄.

Jág₁ dsau₅ 'ein₂ 'éi₂ lín₅ Ja₁ñi'₅₄ Diú₄

⁶ Lia'₂ con'₂ jme₁guan₃ Jesucristo, ca₂jáng'₃ Diú₄ Jmei₂ jág₁ dsau₅ a₂lín₅ Jesús Ja₁ñi'₅₄ tē₃dsón'₂. Ia₁ ca₂cuē₃ léi₄ jme₁ca₂jñó₂ 'éi₂ jmig₂. Jaun₂ on₃ju_a'₅₄ jmá'₃ jme₁ca₂jñó₂ jmig₂ ca₂cuē₃ léi₄. Jme₁ca₂jón₃ Jesús, jme₁ca₂i₃'o₅₄ jm_i₂ 'ain₅₄ nē₃, ca₂cuē₃ léi₄ táng₃. Quian'₅₄ le₃tñ₃ léi₄ nē₅ ca₂jáng'₃ Jme₂dsí₂ quián₅ Diú₄ jág₁ dsau₅, ia₁ Jme₂dsí₂ 'éi₂ bá₄ i₂lín₅ jág₁ dsau₅. ⁷ Ún₂ i₂lín₅ i₂jáng'₅ jág₁ dsau₅ nē₅: ⁸ Jme₂dsí₂ Jñi₅ i₂jñia₄ jniog₄ tē₂dsi₅, Diú₄ Jmei₂ i₂ca₂cuē₃ léi₄ con'₂ jme₁ca₂jñó₂ Jesús jmig₂, 'ñiog₅ Jesús nē₃ ca₂cuē₃ léi₄ lia'₂ con'₂ jme₁ca₂join₃, ca₂i₃'o₅₄ jm_i₂ 'ain₅₄. Le₃ún₂ i₂nē₅ caun₂ bá₄ jág₁ lē₅ quió'₅. * ⁹ Guén₅ bá₄ jniog₄ ju_i₁lia'₂ 'e₂ caun₂ jág₁ dsau₅ jáng'₅ dsa₂ mi₂güig₃, la₁ 'ñio₅ lñ₃ gué₄ quen₅ jág₁ dsau₅ a₂ca₂cuē₃ Diú₄ 'ñiog₅, ia₁ quian'₅₄ jág₁ dsau₅ a₂ca₂jáng'₃ jaun₂ nē₃, ca₂'ē₃ 'ein₂ lín₅ Ja₁ñi'₅₄. ¹⁰ I₂'én₂ tē₂le₃ quió'₅ Ja₁ñi'₅₄ Diú₄, 'i₄ jág₁ dsau₅ nē₅ tē₂dsí₅. I₂tsá₃ 'én₂ tē₂le₃ quió'₅ Diú₄ nē₃, jmo₂₃ dsí₅ co₂'nió₄ tē₂jín₁ bá₄ Diú₄, ia₁ tsá₃ 'éin₂ jág₁ dsau₅ a₂ma₂cuē₃ Diú₄ tē₂le₃ quió'₅ Ja₁ñi'₅₄. ¹¹ ¿'E₂ jaun₂ a₂ma₂juá'₂ Diú₄? Ma₂ca₂juá'₂ a₂ma₂cuē₃ jág₁ quió'₅ a₂le₃chong₂ jniog₄ co₂tan₅₄. Jaun₂ le₃chong₂ jniog₄ co₂tan₅₄ tē₂le₃ quian'₅₄ Ja₁ñi'₅₄. ¹² Dsa₂ i₂quian'₅₄ Ja₁ñi'₅₄ Diú₄, jéin'₃ bá₄. La₁ ju_i₁lia'₂ i₂tsá₃ quian'₅₄ Ja₁ñi'₅₄ Diú₄, tsá₃ jéin'₃.

* **5:8** A₂lín₅₄ chog₅₄ si₂ a₂ca₂lē₃ cang₂ quian'₅₄ jág₁ jmei₅ latín, juá'₂ le₂la₂: “i₂jáng'₅ jág₁ dsau₅ nē₅ guei'₅₄ i₂juig₅: Diú₄ Jmei₂, Ja₁ñi'₅₄ i₂lín₅ jág₁ quió'₅, quiain'₅₄ Jme₂dsí₂ Jñi₅. Le₃ún₂ i₂nē₅ ca₂ne₅₄ bá₄ lín₅. Ján₃, bá₄ ún₂ i₂lín₅ i₂jáng'₅ jág₁ dsau₅ ne₄ gua'₅₄ 'uē₃.”

Toin'₂ jág₁ rin'₅₄ jë₁ca₂tó'₂

13 Jmo₅ jniá₂ si₂ la₂ tsíng₂ ne'₅₄ 'nia'₂ dsa₂ i₂'én₂ të₂le₃ quió'₅ Ja₁ñi'₅₄ Diú₄, ia₁jaun₂ ñi'₅₄ 'nia'₂ chang'₂, a₂'i₄ të₂'au'₂ jme₂dsí₂ a₂chang'₂ co₂tan₅₄.†

14 Caun₂ 'ei₅ dsí₅ jniog₄ chong₂ të₂le₃ quió'₅ Diú₄, ia₁ ne₄ jniog₄ në₁jua'₂ 'e₂ caun₂ a₂mi₂ jniog₄ lia'₂ con'₂ lě₅ 'ñio₂ dsí₅, nag₃ bá₄ jág₁ quián₂. 15 Chi₂jua'₂ ne₄ jniog₄, a₂nag₂₃ jág₁ a₂chi₂lein'₅₄ jniog₄, ne₄ bá₄ jniog₄ ján₃, në₂jag₄ bá₄ a₂ma₂në₂gué₁ 'e₂ mi₂.

16 Në₁jua'₂ chan₂ i₂ca₂jín₂ rin'₅₄ 'no₂₃ dso₄, la₁ në₁jua'₂ tsá₃ lě₅ dso₄ a₂jjiog₅ jui₅ 'mú₃, 'nió'₅ mi₃ dsa₂ ne₄ Diú₄ ia₁jaun₂ jmo₃ Diú₄ a₂le₃chan₂ táng₃ dsa₂ 'éi₂; co₂'nió'₄ le₃jua'₅₄ dso₄ on₃jua'₅₄ a₂jjiog₅ jui₅ 'mú₃. Ia₁ cha₂ dso₄ a₂jjiog₅ jui₅ 'mú₃. Tsá₃ juá'₅ jniá₂ a₂'nió'₅ mi₃ dsa₂ o₄quió'₄ dsa₂ i₂'no₅ dso₄ le₂jaun₂. 17 Ca₂le₃jě₃ a₂'lig'₅₄, dso₄ bá₄ jaun₂. La₁ cha₂ dso₄ a₂tsá₃ jjiog₅ jui₅ 'mú₃.

18 Ne₄ bá₄ jniog₄, jui₁lia'₂ i₂ca₂rë₃chán₃ le₃quió'₅ Diú₄, tsá₃ ma₂ñi₂₃ jua'₅₄ caun₂ qui₂'no₂₃ gué₄ dso₄; ia₁ Ja₁ñi'₅₄ Diú₄ bá₄ jmo₅ 'í₁,‡ jaun₂ tsá₃ téi₂ i₂së₃dsen₃ gu₂.

19 Jaun₂ ne₄ bá₄ jniog₄ a₂lág₅ dsa₂ quián₅ Diú₄; ton'₂ ne₄ bá₄ jniog₄ ján₃, a₂ma₂rë₂'i₄ bí₂ quió'₅ i₂së₃dsen₃ ta₁caun₂ mi₂güí₃.

20 Ján₃ bá₄ ne₄ jniog₄, ta₁ jaun₂ ca₂guan₃ Ja₁ñi'₅₄ Diú₄ a₂jme₃tag₂₃ ia₁jaun₂ le₃jág'₂ jniog₄ 'a₂ lia'₂ 'nió'₅ le₃cuñ₅ jniog₄ i₂lín₅ të₃dsón'₂. Jaun₂ chong₂ bá₄ jniog₄ 'ei₅ caun₂ jág₁ le₃quió'₅ i₂lín₅ të₃dsón'₂, co₂'nió'₄ le₃jua'₅₄ le₃quió'₅ Jesucristo Ja₁ñi'₅₄ Diú₄. 'Éi₂ bá₄ lín₅ Diú₄ të₃dsón'₂ i₂cuë₅ a₂le₃chan₂ dsa₂ co₂tan₅₄.

21 'Nia'₂ chi'₂-guein₂ quiáng₃, jmo₄ 'nia'₂ 'í₁ jaun₂ tsá₃ le₃gan'₂ 'nia'₂ quian'₅₄ diú₄ lag₄.

Co₂në₅.

† 5:13 A₂lin₅₄ chog₅₄ si₂ a₂ca₂lě₃ cang₂ gué₄, juá'₂ ján₃: “ton'₂ ia₁jaun₂ le₃'éng'₂ le₃quió'₅ Ja₁ñi'₅₄ Diú₄.”

‡ 5:18 o₃, “jui₁lia'₂ i₂ca₂rë₃chán₃ le₃quió'₅ Diú₄, jmo₂₃ 'í₁ 'ñiog₅.”

Si₂ carta jë₁ca₂të₂ tin₃ a₂ca₂jmo₃ SAN JUAN

Jág₁ dsau₅, quian'₅₄ 'a₂ lia'₂ 'nió'₅ jme₃'nio₃ dsa₂ riin'₅₄

¹ Jniá₂ i₂líng₅ gui'₅₄ juin'₂ quián₅ guá'₅ jmo₂₃ si₂ la₂ tsíng₂ ne'₅₄ 'ne₂ 'io₅₄*
rin'₅₄ jniog₄ i₂ma₂quion'₅₄ quián₅ Diú₄, quian'₅₄ chi'₂ quiáng'₂ i₂nióg₃ gué₄ lin₃.
On₃jua'₅₄ jmá'₃ jniá₂ 'nióg₃ 'nia'₂, ján₃ bá₄ 'nio₃ ca₂le₃jín₃ i₂ma₂le₁ñi₅ jág₁ tí₅.
² O₄quió'₄ jág₁ dsau₅ bá₄ 'nióg₃ 'nia'₂, jág₁ a₂ma₂të₁'ñiá₄ të₂dsi₅ jniog₄, ton'₂
jio₅ co₂tan₅₄ ja₁con₂ jniog₄. ³ Diú₄ Jmei₂ quian'₅₄ Te₁gui'₅₄ Jesucristo Ja₁ñi'₅₄,
ju₁jme₂gu'₅₄, dsia₃ ñéi'₂ dsí₅, jmo₃ 'ag₃ tei₄ 'au'₂ 'nia'₂, ia₁ a₂dsón'₂ bá₄ 'nioi₃ 'nia'₂.
⁴ 'Nio₅ të₅ dsí₃ ia₁ ma₂jing₅₄ i₂lin₅₄ chi'₂ quiáng'₂ tián'₅ bá₄ lia'₂ con'₂ lë₅ jág₁ tí₅,
lia'₂ con'₂ lë₅ juá'₂ Diú₄ Jmei₂ jniog₄, 'éi'₃ a₂ma₂cuë₃. ⁵ Në₃ në₃ 'io₅₄ rin'₅₄ jniog₄,
mi₅ jniá₂ juig'₂ 'ne₂, a₂jme₁'nió₄ jniog₄ rin'₅₄ le₂jau₂ le₂jau₂. A₂juá'₅ jniá₂ ne₄ si₂
la₂, on₃jua'₅₄ 'éi'₃ 'mí₂ la₂, 'éi'₃ jaun₂ bá₄ la₂ ju₁lia'₂ 'éi'₃ a₂jme₁ma₂ron₅ quián₂
jniog₄ le₂'uig₅₄. ⁶ Le₂në₅ bá₄ jme₁'nió₄ jniog₄ rin'₅₄: a₂i₂nió₄ jniog₄ lia'₂ con'₂ lë₅
'éi'₃ quió'₅ Diú₄. 'Éi'₃ a₂ma₂nei'₂ 'nia'₂ le₂'uig₅₄ bá₄ jaun₂, a₂le₃chang'₂ jme₁'nióg'₄
ríng'₂.

Ju₁lia'₂ dsa₂ i₂jme₂gau₅

⁷ Le₂con₂ mi₂güig'₃ bá₄ i₂nió₄ juin'₅ dsa₂ i₂jme₂gau₅, tsá₃ jág₁ jmo₂₃ jua'₅₄ a₂juá'₂
a₂ca₂guan₃ Te₁gui'₅₄ chi₁dsáin₃. Dsa₂ le₂'éi₂ bá₄ lín₅ i₂jme₂gau₅, i₂ñia₅₄ Cristo në₃.
⁸ Jmo₄ 'nia'₂ 'í₁ ia₁jaun₂ tsá₃ lë₁dsi₃'én₂ ta₁ quián'₂ 'nia'₂ a₂jmo'₂ ia₁ 'éng'₂, jaun₂ bá₄
tin'₃ 'nia'₂ lia'₂ 'ñia₅ 'liang'₅₄ cuë₃ Diú₄.
⁹ Ia₁ ju₁'ein₂ gué₃ i₂dsi₂jñiá₄ jmo₂₃ ñag₅₄ gué₄ jme₂tag₂₃ con'₂ jág₁
a₂ma₂ca₂jme₃tag₅ Cristo, tsá₃ Diú₄ quian'₅₄ dsa₂ 'éi₂. La₁ ju₁lia'₂ i₂juá'₂ jme₂tag₂₃
con'₂ lë₅ ca₂jme₃tag₅ Cristo, chan₂ Diú₄ Jmei₂ ja₁coin₂, ján₃ gué'₂ quian'₅₄ bá₄
Ja₁ñi'₅₄ Diú₄ në₃. ¹⁰ Në₃jua'₂ chan₂ i₂ca₂dsióg₃ ja₁con'₂ 'nia'₂, la₁ në₃jua'₂ tsá₃
jme₂tag₂₃ lia'₂ con'₂ lë₅ jág₁ në₅, tsá₃ lë₁guéin₅ 'nia'₂ dsi₂néi₂ quiáng'₂, ca₂lia'₂
jñia'₅₄ Diú₄ tsá₃ 'nió'₅ cuín'₄ 'nia'₂. ¹¹ Ia₁ në₃jua'₂ chan₂ i₂ca₂cuin₃ Diú₄ dsa₂
le₂'éi₂, co₂'nió'₄ quein'₅₄ 'e₂ a₂'lig'₅₄ a₂jmo₅-dsá₅ 'éi₂.

Jág₁ jë₁ca₂tó'₂

¹² 'Lióng₂ bá₄ jág₁ a₂'nió₃ jniá₂ juig'₅₄ 'nia'₂, la₁ tsá₃ 'nio₃ jniá₂ jua'₅₄ a₂juá'₄ të₂le₃
quian'₅₄ si₂, on₃ gué'₂ quian'₅₄ jmi₁jnë₂. Ia₁ 'ín₂ dsí₃ jniá₂ dsióg₄ bá₄ 'ñi₃ ia₁jaun₂
dsiá₁ jniog₄ jág₁ dsi₁ne₁, ia₁jaun₂ le₃ñia₅ a₂'io'₂ jein₂ jniog₄.
¹³ Chi'₂ quián₅ 'io₅₄ ríng'₂ i₂ma₂quion'₅₄ quián₅ Diú₄, dsiáin'₂ jág₁ a₂cuin₂₃ Diú₄
'nia'₂.
Co₂në₅.

* **1:1** I₂lin₅₄ të₅sí₃ ñí'₂ dsí₅ ju₁lia'₂ jág₁ në₅, co₂'nió'₄ 'të'₂ guá'₅ në₂jag₄ bá₄ jan₂ 'io₅₄; chi'₂ quián₅ gué'₂ në₃,
co₂'nió'₄ dsa₂ i₂tén₅ guá'₅.

Si₂ carta jë₁ca₂të₂'ni₅a₂ca₂jmo₃ SAN JUAN

Dsia₅ dsa₂ dse₃ 'in₂₃ Gayo

¹ Jniá₂ gui'₅₄ juin'₂ quián₅ guá'₅, jmo₂₃ si₂ tsíng₂ ne'₅₄ 'ne₂ Gayo a₂mei₅₄ quiáng₃, ia₁ tē₃dsón'₂ bá₄ 'nióg₃ 'ne₂.

² Chi₁len'₄ jniá₂ Diú₄ o₄quián'₂ 'ne₂ rin'₅₄ jniog₄, ia₁jaun₂ jmo₃ le₃chang'₂ dse₃. Jui₁'ei₅ bá₄ dse₃ 'au'₂ ján₃, jui₁lia'₂ 'ei₅ 'au'₂ tē₂le₃ quián'₅₄ jme₂dsí₂ quiáng'₂. ³ 'Nio₅ lin₃ 'io'₂ jéin₅ jniá₂ jme₁ca₂o₃lén₂ i₂lin₅₄ rin'₅₄ jniog₄. 'Éi₂ ně₃ ca₂dsia₃ 'a₂ lia'₂ dse₃ ma₂chang'₂ rē₂teng'₅₄ lia'₂ con'₂ lē₅ jág₁ tí₅. ⁴ 'Icaun₂ a₂siá'₂ tsá₃ cha₂ jua'₅₄ a₂lé₂ le₃jmo₃ 'ag₃ dse₃ dsí₃ 'io'₂ jéin₅, jnia'₅₄ lia'₂ a₂le₃guion₅₄ a₂i₂nio₄ bá₄ chi'₂-guein₂ quiáng₃ lia'₂ con'₂ lē₅ jág₁ tí₅. ⁵ A₂mei₅₄ quiáng₃, caun₂ a₂rē₂ti'₅₄ bá₄ jaun₂ a₂jmo'₂ 'ne₂ jme₁cuē'₂ gog'₂-tag'₅₄ o₄quió'₄ rin'₅₄ jniog₄, o₁jnia'₅₄ tsá₃ cuiin'₂. ⁶ Tē₃ ja₁le₁ñi'₂ guá'₅, ma₂ca₂jáng'₃ 'éi₂ jág₁ dsau₅ 'a₂ lia'₂ ñí₄ lē₃ 'nió'₃. Jmo₄ dse₃ 'au'₂ jme₁'oin₁₂ a₂'nió'₅ quió'₅, ia₁jaun₂ caun₂ dsí₃lén₂ bá₄ ne₄ jui₅ ja₁tioin'₅₄ jui₅ dsí₁lén₂. Jmo₄ a₂tē₅ dsí₅ Diú₄. ⁷ Ia₁ tioin'₅₄ jui₅ i₂lén₂ dsí₃jmo₂ ta₁ quió'₅ Jesucristo, la₁ tsá₃ 'e₂ ma₂gue₃ 'i₁caun₂ quió'₅ dsa₂ i₂tsá₃ 'én₂. ⁸ Jaun₂ lē₃, jniog₄ ně₃ ca₂tag₂ dsí₁ gu₂, jme₁'oin₁₂ a₂dsí₁lén₂ ja₁tioin'₅₄ jui₅ dsí₃'ě₃ jág₁ tí₅ quió'₅ Diú₄.

Tsá₃ dse₃ jmo₅ Diótrefes

⁹ Ca₂jmo₃ jniá₂ caun₂ si₂ ca₂tsíng₂ ne₄ guá'₅. La₁ Diótrefes tsá₃ gue₂₃ 'éi'₃ quián₂ jnia'₅₄, ia₁ 'nio₃ jme₃góin₃ 'ñiog₅ jmo₃ juin'₂ cán₂ ne₄ jui₅ quió'₅ guá'₅. ¹⁰ Jaun₂ lē₃, ně₃ jua'₂ ca₂ñó₃ jniá₂, i₁jéin₂ ia₁ 'e₂ lē₃ jmo₂₃ jág₁ tē₂jág₁ 'ag₂₃ jnia'₅₄. Tsá₃ mag'₂ bá₄ guě₄ dsí₅ a₂jaun₂, ia₁ ján₃ bá₄ tsá₃ guein₂₃ rin'₅₄ jniog₄ i₂dsí₂lén₂ ně₃; qui₂jnë₅ bá₄ ně₃ jua'₂ chan₂ guē'₂ i₂'nio₃ guei₃, 'uín'₂ bá₄ 'éi₂ jē₄ quió'₅ guá'₅.

¹¹ Rin'₅₄ jniog₄, tsá₃ can₂ 'nia'₂ jui₅ 'lig'₅₄ quió'₅ 'éi₂. Jmo₄ 'nia'₂ a₂dse₃. Dsa₂ i₂jmo₅ a₂dse₃, i₂quián₅ Diú₄ bá₄ 'éi₂. La₁ i₂jmo₅ a₂'lig'₅₄ ně₃, tsá₃ ma₂ca₂rē₃cuiin₂₃ Diú₄.

Caun₂ jui₅ dse₃ a₂rē₂jniá₂ ñi₅ Demetrio

¹² Ca₂le₃ín₃ bá₄ juá'₂ dse₃ 'in₂₃ Demetrio. Ia₁ rē₂jniá₂ bá₄ 'a₂ lia'₂ ñi₂₃. Le₂nē₅ bá₄ jnia'₅₄ ně₃, dsia₂ jág₁ dse₃ 'ín₅ 'éi₂, jaun₂ ñi'₅₄ 'nia'₂, dsau₅ bá₄ jág₁ a₂jang'₂ jnia'₅₄.

Jág₁ jë₁ca₂tó'₂

¹³ Lióng₂ bá₄ jág₁ 'nio₃ jniá₂ juá'₄, la₁ tsá₃ 'nio₃ jmo₅₄ quián'₅₄ jmi₁jnë₂ on₃ guē'₂ quián'₅₄ pluma; ¹⁴ ia₁ 'ín₂ dsí₃ jniá₂ jag₅₄ dsí₁ne₁ ñi'₅₄ ta₁ la₂ ia₁jaun₂ dsí₁ jág₁.

¹⁵ Jui₁chang'₂ bá₄ 'ei₅ tei₄ 'au'₂. Dsa₂ a₂mei₅₄ quiáng'₂ i₂chan₂ ja₁lá₃ chein₂₃ jág₁ a₂cuiin₂₃ Diú₄ 'ne₂. Jmo₄ dse₃ 'au'₂ cuiin₅₄ Diú₄ le₂jan₂ le₂jan₂ a₂mei₅₄ quián₂ ja₁nē₅.

Co₂nē₅.

Si carta acajmo₃ JUDAS

Jmo₅ Judas si₂ ne₄ dsa₂ i₂ma₂quion'₅₄ quián₅ Diú₄

¹ Jniá₂ Judas, líng₅ dsa₂ i₂jme₂ti₃ ne₄ Jesucristo, líng₅ rin'₅₄ Jacobo. Jmo₂₃ si₂ carta la₂ tsíng₂ ne₄ ca₂le₃jín₃ i₂tě₄ i₂'nió₄ quián₅ Diú₄ Jmei₂ jniog₄, con'₂ i₂chan₂ lě₅ 'í₁ le₃quió'₅ Jesucristo. ² Jui₁le₂tsón₂ bá₄ ja₁con'₂ 'nia'₂ a₂ηéi₂ dsí₅ Diú₄, a₂'ei₅ tei₄, a₂'nió'₃ 'nia'₂ ríng'₂ ně₃.

*Dsa₂ i₂jme₂tag₅ juá'₅ jág₁ tějág₁
(2 Pedro 2:1-17)*

³ 'Nia'₂ rin'₅₄ jniog₄ i₂'nióg₃, lě₂ dsí₃ 'nio₅ lín₃ a₂jmo₅₄ si₂ tsíng₅₄ ja₁con'₂ 'nia'₂ ja₁juá'₄ jui₁lia'₂ jág₁ a₂lión₂ dsa₂ a₂ma₂le₁ne₁ jniog₄. La₁ia₁, ně₃ ně₃, 'nió'₅ jmo₅₄ si₂ a₂chi₁leng'₄ 'nia'₂, a₂'nió'₅ quin'₅₄ 'nia'₂ bí₂ o₄quió'₄ jág₁ a₂'éin₂ jniog₄, jág₁ a₂ma₂dsia₃ Diú₄ o₄gú₃ dsa₂ i₂lě₅ 'í₁ quián₅. * ⁴ Ia₁ ma₂ca₂i₃ton'₅₄ i₂lín₅₄ con'₂ tějco'₅₄ jě₄ quián'₂ 'nia'₂, dsa₂ i₂ma₂ja₂lén₂ rě₂'ín₄ ne₄ Si₂ ca₃ma₂líg'₂ i₂ma₂tion'₅₄ jui₅ dsí₃'én₂. Lín₅ dsa₂ i₂tsá₃ Diú₄ cuin₅, i₂'nio₃ jme₂tsín₃ jág₁ a₂'ua₁ dsí₅ Diú₄ quián₂ jniog₄ con'₂ tsá₃ o₁jau₅₄ jui₅ a₂tóin'₃ jmo₃-dsáu₅ a₂'lig'₅₄ a₂ja₂ dsí₅; tsá₃ tioen₂₃ a₂lín₅ Jesucristo i₂jan₂ tan₅₄ juig₅₄ jniog₄ Te₁gui'₅₄ quián₂.

⁵ Jui₁la₂ ma₂le₁ηi'₅₄ 'nia'₂, la₁ 'nio₃ jniá₂ juá'₄ táng₃ ia₁jaun₂ dsiog'₂ 'au'₂, ia₁lia'₂ con'₂ jme₁ca₂'uín'₂ Te₁gui'₅₄† dsa₂ juig₂ Israel ma₂líg'₂ lia'₂ con'₂ jme₁tioin'₅₄ 'uě₃ Egipto, la₁ ca₂jme₃dsiain₂₃ bá₄ i₂lín₅₄ dsa₂ 'éi₂ ia₁ tsá₃ ca₂'éin₃. ⁶ Le₂jaun₂ bá₄ táng₃ quian'₅₄ ángeles i₂tsá₃ 'í₁ ca₂lí'₃ ta₁ a₂jme₁lín₄, tějle₃ ca₂tí₂ bá₄ ja₁jme₁tiáin'₄. 'Éi₂ ně₃ rě₂ně₃ tioen'₅₄ le₁jní₅ jě₄ qui₁né'₃, ja₁ma₂le₁'ηei'₅₄ co₂tan₅₄ quian'₅₄ ηí₁ cadenas, lě₅ 'í₁ quió'₅ Jmig₄ Jué'₂ jaun₂. ⁷ Le₂ně₅ bá₄ ján₃ jui₁lia'₂ ca₂jmo₃ dsa₂ i₂jme₁chan₂ juig₂ Sodoma quian'₅₄ Gomorra, ca₂le₃jě₃ gué₄ juig₂ i₂jén₂ ma₂quián₅ jaun₂, ca₂jín'₂ qui₂ca₂nió'₃ ca₂le₃jě₃ ne₅₄ jág₁ 'lig'₅₄, qui₂i₂lén₂ chi₁co'₅₄ quió'₅ a₂'ín₅ dsí₅ ni₁ηi₁ i₂sián'₂ a₂tsá₃ dsi₂ten₅₄ jmo₃. Uig₅ a₂ηág₅ jě₄ si₂ a₂jio₅ co₂tan₅₄ a₂ca₂gue₃ jaun₂, 'ě₂ jág₁ ja₁con₂ dsa₂ i₂chan₂ jmig₄ ně₃.

⁸ Le₂ně₅ bá₄ ján₃, tějle₃ quian'₅₄ 'e₂ a₂niog₅ qui₅ dsa₂ 'éi₂, qui₂jme₂'ióg₃ ni₁ηi₁ guoin₅₄ quian'₅₄ dso₄ a₂qui₂'no₂₃, tsá₃ ji'₅₄ 'éi'₃, 'lig'₅₄ bá₄ táun₂ le₃quió'₅ i₂jlán'₁ chan₂ quián₅ Diú₄. ⁹ Ia₁ ca₂lia'₂ jnia'₅₄ ángel Mi₂gue₅₄ i₂lín₅ i₂dsen₅₄ gué₄ quián₅ Diú₄, lia'₂ con'₂ jme₂ca₂tsiin₂ quian'₅₄ i₂sě₃dsen₃ ne₄ o₄quió'₄ ni₁ηi₁ 'lag₄ Moisés, tsá₃ ca₂tiá₂ dsí₅ 'éi₂ jua'₅₄ 'ag₃ 'lig'₅₄ a₂'nag₃, tějle₃ ca₂juá'₂: “Te₁gui'₅₄ bá₄ jui₁qui₂dsí₅ 'éi'₃ ja₁cong'₂.”

¹⁰ La₁ dsa₂ 'éi₂ ně₃ 'ě₂₃ 'lig'₅₄ 'e₂ caun₂ a₂lě₂, těj tsá₃ ma₂ηi₅ rě₂; jmo₂₃-dsáu₅ lia'₂ ja₁jmo₅ já'₂ náu₂ i₂tsá₃ 'e₂ ηí'₂ dsí₅, ia₁ jui₁lia'₂ a₂cuí'₅ con'₂ lě₅ a₂ηí'₂ dsí₅ guoin₅₄ a₂cha₂ mi₂güig₃ la₂, quian'₅₄ a₂jaun₂ bá₄ dsí₃'éin₂.

¹¹ ¡'E₂ gué₄ juig₂ dsa₂ 'éi₂! Ia₁ ma₂ja₂lén₂ quian₅ jui₅ quió'₅ Caín; ne₄ 'uig₅₄ ia₁ a₂dsi'₅₄ cu₄ bá₄ ca₂i₁nioi₁₂ tějle₃ dséi₂, 'ein₂₃ jui₅ ja₁tsá₃ dsau₅ a₂ca₂can₃ Bala'am. La₁ ca₂i₃'éin₂ jui₁lia'₂ ca₂i₃'én₂ Coré‡ jme₁ca₂nau₂ quein₅. ¹² Co₂'nió'₄ caun₂ 'mé'₅ a₂quian₅ o₂guí'₃ bá₄ a₂jmo₅-dsáu₅ dsa₂ 'éi₂ jin'₄ 'nia'₂ jme₁tóng'₅ quě'₂ jmo'₂ 'nia'₂ jmig₄ a₂'nióg'₃ ríng'₂. La₁ dsa₂ 'éi₂ quein'₅₄ jin'₄ 'nia'₂ qui₂gué'₅ qui₂'ín'₂ 'io'₂ jén'₅ ca₂lia'₂ tsá₃ 'e₂ gó'₃ jmo₂₃. Lín₅ jui₁lia'₂ jan₂ dsa₂ i₂jmo₅ 'í₁ já'₂ cha'₂, la₁ jnia'₅₄

* **1:3** lit. “dsa₂ jnió₅.” † **1:5** A₂lín₅₄ chog₅₄ si₂ a₂gui'₅₄ gué₄: “Jesús.” ‡ **1:11** Core: 'Í₂ Números 16.

con² dse³ jme²tain⁵⁴ guioin⁵⁴ bá⁴. Líin⁵ jui¹lia² lě⁵ jnei⁵ a²lě¹qui²ŋag⁵ quian⁵⁴ dsí² tsá³ 'e² jmí⁵ cha² guě²; o³ líin⁵ táng³ jui¹lia² ni¹'ma² a²lě¹le¹dsi⁵⁴ tó⁵ lí¹ jein² quió⁵, la¹ tsá³ 'e² míg² cha² guě² jaun² ně³. Líin⁵ co²'nió⁴ ni¹'ma² a²ma²ca²cang⁵ le²jio⁵ jmú⁴, le³jua⁵⁴ a²ma²quian⁵ tin³ ne⁵⁴ 'mú³. ¹³ Líin⁵ jui¹lia² lě⁵ jmig² a²lě¹qui²jná⁵ tiá² ne⁴ jmí¹ŋí⁴ a²ráun² quian⁵⁴ dsí², qui²le¹'ág⁴ ne⁴ jan⁵ ca²le³jě³ a²lě¹'iog⁵ o²guí³ quió⁵. Tioin⁵⁴ jui⁵ i²nioi⁵⁴ líin⁵ jui¹lia² lě⁵ nei⁵ a²lě¹ma²i²nio⁴, tsá³ ma³jui⁵ co²dsau⁵ le¹quian⁵. Ma²tioin⁵⁴ jui⁵ a²dsi¹lein³ jě⁴ qui¹né³ 'ŋio⁵ lin³, ja¹ma²lě⁵ co²jnia⁵⁴ ja¹dsi¹toin⁴ co²tan⁵⁴.

¹⁴ Le²jaun² bá⁴ Enoc ján³, dsa² i²jě¹ca²tě² jŋé² tsi¹jon² Adán i²ca²rě³chán³; 'éi² ca²'ě² jág¹ tě³jŋiá⁵ ca²'iin³ dsa² le²'éi² jme¹ca²juá²: "Ca²jŋg⁵⁴ Te¹gui⁵⁴ jóin⁵ ca²sióin³ quian⁵⁴ tě²le³ mei⁵ bá⁴ i²jŋi⁵ quiáin⁵, ¹⁵ a²qui³dsi²³ 'éi³ ne⁴ quió⁵ ca²le³jín³, a²'liain³ ca²le³jín³ dsa² 'lin⁵⁴, ne⁴ 'uig⁵⁴ ca²le³jě³ ne⁵⁴ a²'lig⁵⁴ a²qui²ma²jmo³, ne⁴ ca²le³jě³ jág¹ lě¹'iog⁵ a²qui²ma²'iin³ Diú⁴ ně³." ¹⁶ Dsa² le²'éi² ně³ ca²le³jě³ bá⁴ 'i⁴ dsí⁵ jmo²³, qui²'no² dsá^{u1} dsa², jmá³ lia² jui⁵ ja¹le³chain² dse³ ja¹mag² dsí⁵ guioin⁵⁴ bá⁴ 'no². Tiin² dsia³ jmá³ lia² jág¹ tá⁵, ton² 'ŋioi⁵⁴ 'a² lia² jme³'uáin² dsí⁵ dsa² ia¹jaun² lí² 'e² a²'nio³.

'Ě² guě⁴ jág¹ tě³jŋiá⁵ tsí⁵ dsa² 'én²

¹⁷ La¹ 'nia² ně³ rŋn⁵⁴ jniog⁴, jui¹dsiog² 'au² 'nia², ca²le³jě³ jág¹ a²ma²cuě³ dsa² i²chen⁴ quián⁵ Te¹gui⁵⁴ Jesucristo quián² jniog⁴, ¹⁸ ca²juá² ca²tsí³ 'nia²: "Jmíg⁴ jě¹ca²tó² le³chan² dsa² i²jŋia⁵⁴ lě¹qui³táun² 'lig⁵⁴, a²le³chain² tian³ con² lě⁵ mi⁵ dsí⁵ guioin⁵⁴, ia¹ tsá³ Diú⁴ cuiin²³." ¹⁹ Dsa² le²'éi² bá⁴ i²jmo³ le¹dson⁵⁴ 'nia²; i²nioi⁵⁴ con² dsí²jio⁵ dsí⁵ guioin⁵⁴, tsá³ Jme²dsí² quián⁵ Diú⁴ quiain⁵⁴.

²⁰ La¹ 'nia² ně³ rŋn⁵⁴ jniog⁴, caun² jui¹dsi²cón³ bá⁴ 'nia² quian⁵⁴ a²'éng² a²lě⁵ a²jŋi⁵ guě⁴ lin³. Chi¹len⁵⁴ 'nia² Diú⁴ con² lě⁵ jio⁵ Jme²dsí² Jŋi⁵. ²¹ Jui¹chan² bá⁴ 'nia² lě⁵ 'í¹ ja¹'nio³ Diú⁴ 'nia²; qui²le¹jan⁴ a²dsia³ ŋéi² dsí⁵ Te¹gui⁵⁴ Jesucristo quián², ca²lia² ca²tě² jmíg⁴ i¹cuě³ ja¹le³chan² 'nia² co²tan⁵⁴.

²² Dsia⁴ 'nia² ŋéi² 'au² ja¹con² jui¹lia² dsa² i²qui²le¹'ág⁴ caun²-tin³ dsí⁵, ²³ lion⁵⁴ 'nia² i²lin⁵⁴ ně²jag⁴ bá⁴ a²'uin⁵⁴ jě⁴ si². Dsia⁴ 'nia² ŋéi² 'au² ja¹con² i²sián², tě³ gang³, tě³ 'ŋiag⁵⁴ ca²le²jio⁵ ni¹tsin⁵⁴ a²rě²'ió⁴ quian⁵⁴ ni¹ŋi¹².

Jág¹ a²rě²juin² Diú⁴ jě¹ca²tó²

²⁴ Ně³ ně³, tě²le³ quió⁵ i²qui⁵⁴ jmíg⁴ jmo³ 'í¹ 'nia² ia¹jaun² tsá³ tsi³séng², jme³jniai²³ 'nia² ján³, ja¹jlá¹ lin³ ja¹guá⁴ Diú⁴ a²tsá³ ma²'e² dso⁴ rě²cáng⁴, ja¹jíá³ 'au² 'nia² 'io² jén² guě⁴ lin³, ²⁵ le³quió⁵ Diú⁴ i²jan² tan⁵⁴ [i²ŋí² dsí⁵]Š i²lió² jniog⁴, i¹'éi² bá⁴ i²ca²tin² ca²le³jě³ ti¹'mag⁴, ca²le³jě³ a²jme²juag² dsa², ca²le³jě³ guě⁴ jui⁵bí², ca²le³jě³ 'éi³ ně³, [tě²le³ quian⁵⁴ Jesucristo Te¹gui⁵⁴ quián² jniog⁴],* ca²le³jě³ jmíg⁴ ja¹ma²já⁵, jmíg⁴ rě²ně³, lia² co²tan⁵⁴ ně³! ¡A²méi³!

Co²ně⁵.

Š 1:25 Chog⁵⁴ si² a²dse³ guě⁴ tsá³ le¹ton⁵ jág¹ ně⁵.

* 1:25 A²lin⁵⁴ chog⁵⁴ si² tsá³ le¹ton⁵ jág¹ ně⁵.

Jág₁ a₂ca₂jme₃jnia₅ Jesucristo ne₄ San Juan₅₄

Jág₁ a₂ca₂jme₃jnia₅ Diú₄

¹ A₂la₂ bá₄ jág₁ a₂ca₂jme₃jnia₅ Diú₄ ne₄ Jesucristo, ia₁jaun₂ 'éi₂ ně₃ 'ě₃ táng₃ dsa₂ i₂jme₂ti₃ ne₅₄, ca₂juá'₂ ca₂le₃jě₃ a₂tion₅₄ niog₅ lé₂ ŋi'₅₄ ta₁. Jaun₂ 'ŋiog₅ bá₄ 'éi₂ ca₂jmo₃ ca₂rě₃ŋi₅ ma₂ca₂jme₃jniai₂₃ tē₂le₃ quian'₅₄ ángel quiáin₅ ne₄ Juan₅₄, jan₂ dsa₂ i₂jme₂ti₃ ta₁ ne₅₄. ² Jniá₂ bá₄ 'éi₂ i₂jáng'₅ jág₁ dsau₅ la₂, ca₂le₃jě₃ lia'₂ con'₂ lě₅ a₂ca₂jág₃ ca₂tě₂ ne₃; ton'₂ jáng'₅ bá₄ jniá₂ jág₁ dsau₅ 'a₂ lia'₂ lě₅ jág₁ dse₃ quió'₅ Diú₄, quian'₅₄ 'a₂ lia'₂ lín₅ Jesucristo.

³ 'E₂ guě₄ dsen₃ i₂'i₅ si₂ la₂, a₂chi₁ton₅ jág₁ a₂'ě₂ Diú₄. Le₂jaun₂ guě'₂ táng₃ jui₁lia'₂ i₂nag₅ jág₁ la₂ a₂'ě₂ Diú₄; dsen₃ i₂tón'₂ jui₁ jág₁ a₂chi₁ton₅, ia₁ ma₂ja₂quián₃ jmi₄.

Jmo₅ Juan₅₄ si₂ a₂ca₂chein₃ ne₄ ta₁guion₃ guá'₅

⁴ Jniá₂ Juan₅₄ jmo₂₃ si₂ a₂dsiang'₅₄ ne₄ ta₁guion₃ guá'₅ i₂chan₂ le₂tan₅₄ 'uě₃ Asia. Jui₁jme₂gu'₅₄ Diú₄ 'nia'₂, jui₁chan'₂ bá₄ 'nia'₂ 'ei₅ tei₄ tē₂le₃ quian'₅₄ Diú₄ i₂lín₅ jmi₄ ně₃, i₂jme₁lín₄ tián₂ le₂jñiá₅, i₂lén₂ ca₂lia'₂ co₂tan₅₄; ján₃ bá₄ jui₁jme₂gu'₅₄ Diú₄ 'nia'₂ tē₂le₃ quian'₅₄ ta₁guion₃ jme₂dsi₂ i₂tion'₅₄ le₃ne₄ ne₄ta₁ ja₁guá₄; ⁵ ján₃ guě'₂ jui₁jme₂gu'₅₄ Diú₄ 'nia'₂ tē₂le₃ quian'₅₄ Jesucristo, i₂tí₅ jág₁ dsau₅ quió'₅, i₂le₂ne₁ ma₂ca₂jen'₅₄ ne₄ 'mú₃, i₂gon₂ ne₄ rag₅₄ chan₂ gua'₅₄ 'uě₃. Le₃quió'₅ 'éi₂ bá₄ i₂ca₂rě₃'nio₃ jniog₄ ton'₂ ma₂ráng'₂ jniog₄ ne₄ 'uig₅₄ dsáu₁ jniog₄ quian'₅₄ jmi₂ 'ain₅₄ 'ŋiog₅; ⁶ le₃quió'₅ 'éi₂ ně₃ i₂ma₂jmo₃ a₂lág₅ jniog₄ rag₅₄, jme₂dsa₂ ně₃, a₂jme₁ti₁ jniog₄ ne₄ Diú₄ quiáin₅ i₂lín₅ Jmei₂. ¡Le₃quió'₅ 'éi₂ bá₄ ca₂tíin₂ jme₃juag'₂ dsa₂, ca₂tíin₂ goin₃ co₂tan₅₄! A₂méi₃.

⁷ ¡Jag₄! ¡Ma₂já₅ jě₄ jnei₅!

Ca₂le₃jín₃ bá₄ dsa₂ tē₃ ne₅₄,

ca₂le₂jio₅ dsa₂ juig₂ i₂ca₂'ág'₂;

ca₂le₃jín₃ dsa₂ chan₂ juig₂ ta₁caun₂ mi₂güí₃

tóin'₃ qui'₃-o₃ jě₁ma₂ca₂jág₂.

¡Le₂jaun₂ lé₂, a₂méi₃!

⁸ “Jniá₂ bá₄ 'éi₂ i₂lín₅ le₂'uig₅₄ jui₁lia'₂ letra Alfa jě₁ca₂rě₃lióg₃; jniá₂ bá₄ 'éi₂ i₂lín₅ jě₁ca₂tó'₂ ně₃ jui₁lia'₂ letra Omega”, juá'₂ Te₁gui'₅₄ Diú₄. “Jniá₂ bá₄ lín₅ rě₂ně₃, i₂lín₅ ma₂i₁jaun₃, i₂lín₅ co₂tan₅₄ ne₄ jui₅, * i₂'uan'₂ guě₄ lín₃.”†

Jan₂ i₂lín₅ lia'₂ lín₅ Jaun₅ dsa₂ mi₂güí₃

⁹ Jniá₂ Juan₅₄, lín₅ rín'₂ 'nia'₂, ia₁ quein'₅₄ jniog₄ co₂dsia₅ ŋag₄ uig₅, le₂jaun₂ chi₁jnia₁ jniog₄ ja₁gon₂ Diú₄, ton'₂ co₂dsia₅ guei₂ bí₂ a₂tián₂ jniog₄ juin'₂ dsi₅ le₃quió'₅ Jesús. Jme₁'eng₅₄ rě₂jní₅ caun₂ 'uě₃ a₂rě₂quí'₅ jě₄ jmi₁ŋí'₄ ja₁chei₂ Patmos, ne₄ 'uig₅₄ ia₁ a₂ma₂ca₂'ě₃ jág₁ dse₃ quió'₅ Diú₄, ton'₂ ia₁ 'uig₅₄ a₂ma₂cuě₃ jniá₂ jág₁ dsau₅ 'ing₅ Jesucristo. ¹⁰ Co₂ráun₂ ně₃ co₂jmi₄ quió'₅ Te₁gui'₅₄ ja₁'eng₅₄ jaun₂, ca₂lě₃ a₂jme₁'en₅₄ jniá₂ le₃quió'₅ Jme₂dsi₂. Jaun₂ ca₂nag₃ jág₁ a₂ca₂né'₂ le₃co'₅₄ lag₃ ca₂juá'₂ tiá₂ lín₃ jui₁lia'₂ jě₁i₂'ein₅₄ ŋí₁ trompeta, ¹¹ ca₂juá'₂ tság₅ jniá₂:

—Jniá₂ bá₄ 'éi₂ i₂lín₅ le₂'uig₅₄ jui₁lia'₂ letra Alfa jě₁ca₂rě₃lióg₃; jniá₂ bá₄ 'éi₂ i₂lín₅ jě₁ca₂tó'₂ ně₃ jui₁lia'₂ letra Omega. Ne₄ si₂ rě₂bin₅, tiog₅ a₂jág'₂ ia₁jaun₂ qui₁dsiang'₅₄ ne₄ ta₁guion₃ guá'₅ ja₁tén₄ 'uě₃ Asia, co₂'nió'₄ le₃juá'₅₄ quió'₅ guá'₅

* **1:8** 'Nio'₂ ja₁ton₅ Éxodo 3:14; Juan 8:58. † **1:8** 'Nio'₂ ja₁ton₅ Isaías 41:4; 44:6; 48:12.

i₂chan₂ juig₂ Efeso, Esmirna, Pérgamo, Tiatira, Sardis, Filadelfia, quian'₅₄ Laodicea ně₃.

¹² Ca₂jen'₄ jniá₂ jaun₂ ně₃, a₂jing₅₄ 'ein₂ 'éi₂ i₂juá'₂ jág₁ tság₅ jniá₂. Jme₁ca₂jeng'₅₄, ca₂jág₃ tióng₂ guio₃ tag₄ a₂lě₅ jmá'₃ cu₄nióg₄ ja₁le₁guí'₂ si₂. ¹³ Jě₄ ta₁guio₃ mi₂tag₄ si₂ jaun₂ ně₃, jme₁chén'₄ jan₂ i₂lín₅ lia'₂ lín₅ Jaun₅ dsa₂ mi₂güig₃, † i₂qui'₂ 'mi'₂ chen'₅₄ jang₄, mei'₂ tsá₃ tsáng₂ co'₅₄ tag₁₂. A₂jme₁rě₂jén'₅ le₁dsí₅ guě'₂ ně₃, jme₁lě₄ jmá'₃ cu₄nióg₄. ¹⁴ Jni₂ dsi₅₄ guě'₂ ně₃, jme₁tiog₂ lia'₂ ja₁tiog₂ jni₂ já'₂ cha'₂, a₂tiog₂ jui₁lia'₂ tiog₂ 'mu₂. Jme₁ne₁₂ guě'₂ ně₃ jme₁jniá₂ tág₅ jui₁lia'₂ jniá₂ ca₂jo'₅₄ si₂. ¹⁵ Mi₂tag₅₄ guě'₂ ně₃ jme₁jniá₂ tág₅ lia'₂ lě₅ jmá'₃ ni₁ni₁ nióg₂ a₂rě₂ta₄ a₂ma₂jmág₂ né'₃ táu₃ si₂. Já₁g₁ quió'₅ guě'₂ ně₃ jme₁né'₂ tiá₂ lín₃ jui₁lia'₂ né'₂ caun₂ ja₁ta'₂ la'₅₄ pa₁ lín₃. § ¹⁶ Gu₂ ne₁ guě'₂ ně₃ jme₁chan'₂ guio₃ nei₅; mi₂o₅₄ guě'₂ ně₃ jme₁jniá₂ 'ia₂ lia'₂ lě₅ caun₂ ni₁tág₂ chen'₂ a₂'mu₃ le₃tin₃ ton₂. Ne₅₄ guě'₂ ně₃ tág₅ jmá'₅, jui₁lia'₂ tág₅ 'iog₂.

¹⁷ Jme₁ca₂jág₃, ca₂tón₂ jniá₂ ja₁tióng₂ mi₂tag₅₄, lia'₂ tsá₃ léi₄ mei'₂. Jaun₂ ca₂quiog₂ gu₂ ne₁ ne₄ quió'₃, jaun₂ ca₂juá'₂:

—Tsá₃ jmo₂ gang'₃, ia₁ jniá₂ bá₄ líng₅ i₂le₂ne₁, ton'₂ jniá₂ bá₄ líng₅ i₂jě₁ca₂tó'₂.

¹⁸ Jniá₂ bá₄ 'éi₂ i₂chan₂; jme₁rě₂lín₄ bá₄ jniá₂, la₁ jja₄! ma₂chang₂ bá₄ táng₃ ca₂le₃jě₃ jmig₄, ca₂lia'₂ co₂tan₅₄. * Jniá₂ bá₄ chan'₄ ni₁ llaves quió'₅ 'mú₃ quian'₅₄ guě'₂ tau₂ 'nio₅. † ¹⁹ Jaun₂ lě₃, ne₄ si₂, tióng₅ jui₁lia'₂ 'e₂ a₂ně₂jag'₅₄, 'a₂ lia'₂ niog₅ lě₅ rě₂ně₃ quian'₅₄ guě'₂ a₂ně₃ guě'₄ niog₅ lě₂. ²⁰ A₂la₂ bá₄ já₁g₁ dsau₅ a₂jme₁rě₂'ma₄ le₂jniá₅: jui₁lia'₂ guio₃ nei₅ a₂ně₂jag'₅₄ chi₁chan'₄ gu₃ ne₁, quian'₅₄ guě'₂ ta₁guio₃ tag₄ a₂lě₅ quian'₅₄ cu₄nióg₄ ja₁le₁guí'₂ si₂. Já₁g₁'₅ já₁g₁ ta₁guio₃ nei₅ co₂'nió'₄ guion₃ dsa₂ i₂i₃quian₄ já₁g₁ † quián₅ ta₁guion₃ guá'₅; guio₃ tag₄ ja₁le₁guí'₂ si₂ guě'₂ ně₃, co₂'nió'₄ ta₁guion₃ guá'₅.

2

Jág₁ a₂chen₅ ne₄ le₂guion₃ guá'₅: Jág₁ a₂ηó₃ ne₄ guá'₅ chan₂ Efeso

¹ Jmo₄ si₂ ne₄ dsa₂ i₂'ě₂ já₁g₁ guá'₅ i₂chan₂ juig₂ Efeso, chei'₅₄ le₂la₂:

Le₂la₂ juá'₂ i₂chan₂ le₃guio₃ nei₅ quian'₅₄ gu₂ ne₁, i₂ni₅ jě₄ ta₁guio₃ tag₄ a₂lě₅ jmá'₃ cu₄nióg₄ ja₁le₁guí'₂ si₂: ² Guion₄ bá₄ jniá₂ ca₂le₃jě₃ ta₁ 'ua'₂ a₂jmo'₂ 'nia'₂, 'a₂ lia'₂ juin'₂ 'au'₂ ně₃. Guion₅₄ bá₄ já₁n₃ a₂tsá₃ ma₃tiang'₃ quiang'₅₄ dsa₂ i₂jmo₅ a₂'lig'₅₄. Guion₅₄ bá₄ já₁n₃ 'a₂ lia'₂ ma₂quion'₂ 'í₁ ja₁con₂ dsa₂ i₂i₂nió₄ a₂juá'₂ lín₅ dsa₂ i₂chen₄ quián₅ Jesús, la₁ tsá₃ guě'₂ lín₅. Ma₂ca₂jme₁jniai'₂ a₂lín₅ dsa₂ tě₂jín₁. ³ Juin'₂ bá₄ 'au'₂ líng'₅ ma₂ja₂nóg'₅ qui₂ηag'₅₄ uig₅ jmo'₂ ta₁ 'nio₅ lín₃ o₄quió₃ jniá₂, tsá₃ ma₂qui₂ca₂'ú'₃ 'au'₂ 'nia'₂.

⁴ La₁ia₁ cha₂ guě'₄ caun₂ ja₁cong'₂, a₂tsá₃ tě₅ dsi₃: ia₁ tsá₃ ma₃'nióg'₃ jniá₂ lia'₂ jme₁'nióg'₃ le₂ne₁. ⁵ Jaun₂ ně₃, dsá₂ 'au'₂ 'nia'₂ jmo₄, a₂já'₄ ma₂qui₂ma₂sén'₂ 'nia'₂. Jui₁dsi₂quén'₅ táng₃ 'au'₂ 'nia'₂, jmo₄ táng₃ lia'₂ jme₁jmo'₂ le₂ne₁. Ia₁ ně₁jua'₂ tsá₃ le₂jaun₂ ně₃, ni'₅₄ ta₁ la₂ dsióg₄ i₁jniá'₃ tag₄ si₂ quiáng'₂ ja₁chí'₄, ně₁jua'₂ tsá₃ ca₂jme₁tsíng'₄ 'au'₂. ⁶ Jniá'₅₄ lia'₂ caun₂ a₂dse₃ la₂ bá₄ cha₂ ja₁cong'₂: a₂'ηia'₅₄ 'nia'₂ 'a₂ lia'₂ lě₅ jmo₅-dsá₅ dsa₂ nicolaítas, a₂jaun₂ bá₄ 'io₄ guě'₂ jniá₂ já₁n₃.

⁷ Jui₁lia'₂ i₂le₁dsi₅₄ rě₂gua₄, jui₁nei₅₄ a₂juá'₂ Jme₂dsí₂ tsí'₅ ca₂le₃jín₃ guá'₅. Jui₁lia'₂ i₂ca₂tió'₃, ηei₂ guě'₃ mīg₂ 'ma₂ a₂chan₂ dsa₂ co₂tan₅₄, a₂chí'₅ Ja₁jlá'₁* quió'₅ Diú₄.

Jág₁ a₂ηó₃ ne₄ guá'₅ chan₂ Esmirna

⁸ Jmo₄ si₂ ne₄ dsa₂ i₂'ě₂ já₁g₁ guá'₅ i₂chan₂ juig₂ Esmirna chei'₅₄ le₂la₂:

‡ **1:13** 'Nio'₂ ja₁ton₅ Daniel 7:13. § **1:15** o₃, "lia'₂ né'₂ 'lióng₂ jmig₂." * **1:18** A₂lín₅₄ chog₅₄ si₂ juá'₂ já₁n₃, "A₂meis." † **1:18** griego: hades, co₂'nió'₄ a₂juá'₂, ja₁quió'₄ 'lag₄. ‡ **1:20** griego: ángeles, co₂'nió'₄ i₂quian₅ já₁g₁. 'Nio'₂ ja₁ton₅ "ángel" ne₄ glosario. * **2:7** griego: paradeiso (Paraíso).

Le₂la₂ juá'₂ i₂le₂'uig₅₄, i₂lín₅ jē₁ca₂tó'₂ guè'₂ táng₃; i₂ca₂jon₃ 'éi₂, i₂ma₂ca₂jen'₅₄ guè'₂ táng₃: ⁹ Guion₅₄ bá₄ ca₂le₃jě₃ 'a₂ lia'₂ lě₅ chang'₂ ŋag'₅₄ uig₅, ton'₂ a₂te₂ŋég'₂ guè'₂ ján₃. La₁ on₃jua'₅₄ a₂dsi₂jó'₃ te₂ŋég'₂ jme₁né₄, ia₁ chang'₂ bá₄ dse₃ ján₃. Guion₅₄ bá₄ ján₃ 'a₂ lia'₂ 'ag₅ 'lig'₅₄ dsa₂ i₂juá'₂ lín₅ judíos, la₁ tsá₃ guè'₂ lín₅. Dsa₂ i₂tén₅ guá'₅ sinagoga quió'₅ Satanás bá₄ 'éi₂. ¹⁰ Tsá₃ jmo₂ 'nia'₂ gang'₃ 'e₂ niog₅ a₂dsi₁ŋíg'₂, ia₁ tsáun'₂ i₂sē₃dsen₃ toin'₂ né'₃ 'má₃ i₂lín₅₄ 'nia'₂ co₂'nió'₄ a₂caun₂ táu₂, jaun₂ ŋag'₅₄ 'nia'₂ uig₅ guia₃ jmig₄. La₁ tiá₂ nau₂ 'nia'₂ o₁ŋia'₅₄ ca₂quín₂ 'mú₃, ia₁ jniá₂ bá₄ cuē₅₄ ja₁le₃chan'₂ 'nia'₂ co₂tan₅₄ co₂'nió'₄ caun₂ corona. ¹¹ Ju₁lia'₂ i₂le₁dsi₅₄ rē₂gua₄, ju₁nei₅₄ a₂juá'₂ Jme₂dsí₂ tsí'₅ ca₂le₃jín₃ guá'₅. Ju₁lia'₂ i₂ca₂tió'₃, 'i₁caun₂ uig₅ tsá₃ jén'₄ jē₁ca₂tě₂ tin₂ 'mú₃.

Jág₁ a₂ŋó₃ ne₄ guá'₅ chan₂ Pérgamo

¹² Jmo₄ si₂ ne₄ dsa₂ i₂ě₂ jág₁ guá'₅ i₂chan₂ juig₂ Pérgamo, chei'₅₄ le₂la₂:

Le₂la₂ juá'₂ i₂'io₅ ŋi₁tág₂ 'mu₃ le₃tin₃ ton₂: ¹³ Guion₅₄ bá₄ jniá₂ ja₁tián'₅ 'nia'₂,† ja₁lě₄ ne₄ta₁ ja₁gon₂ Satanás. La₁ lia'₂ tión'₂ jaun₂ bá₄ 'nia'₂ tiá₂ quian'₅₄ jág₁ quió'₃. Tsá₃ ma₂tí'₃ a₂'éng'₂ le₃quió'₃, ca₂lia'₂ ŋia'₅₄ jmig₄ lia'₂ con'₂ jme₁ca₂ŋi'₃ dsa₂ Antipas, dsa₂ i₂rē₂tí'₅₄ quiáng₃ i₂jme₁ŋáng'₅ jág₁ dsau₅, ca₂lě₃ jē₄ quián'₂ 'nia'₂, caun₂ juig₂ ja₁guá₄ Satanás. ¹⁴ La₁ia₁ cha₂ a₂lin₅₄ ja₁cong'₂, a₂tsá₃ tē₅ dsí₃: jē₄ nē₅ quián'₂ 'nia'₂ tion'₅₄ i₂lin₅₄ i₂tsá₃ tí₂ a₂'lig'₅₄ lia'₂ jme₁jmo₅ Bala'ama a₂ca₂toin'₂ jág₁ ca₂tsí'₃ Balac‡, ca₂jmo₃ ca₂tsi₁sén'₂ dso₄ dsa₂ israelitas a₂ca₂gué'₃ má₃ a₂rē₂jen'₅₄ ne₄ diú₄ lag₄ quián₅; ca₂jmo₃ ca₂can₃ dsa₂ 'éi₂ ju₁ qui₂ca₂nió'₃ jág₁ 'lig'₅₄. ¹⁵ Le₂nē₅ bá₄ ján₃, tion'₅₄ jē₄ quián'₂ 'nia'₂ i₂lin₅₄ i₂jme₂tag₅ jág₁ quió'₅ dsa₂ nicolaítas. ¹⁶ Ju₁dsi₂quén'₅ 'au'₂ jaun₂ nē₃; ia₁ nē₁jua'₂ tsá₃ ca₂tion'₂ 'nia'₂ ju₁, ŋi'₅₄ ta₁ la₂ dsió₄ jniá₂ ja₁cong'₂ i₁quing'₃ quian'₅₄ dsa₂ 'éi₂ quian'₅₄ ŋi₁tág₂ a₂'ia₂ mi₂'o₃. ¹⁷ Ju₁lia'₂ i₂le₁dsi₅₄ rē₂gua₄, ju₁nei₅₄ a₂juá'₂ Jme₂dsí₂ tsí'₅ ca₂le₃jín₃ guá'₅. Ju₁lia'₂ i₂ca₂tió'₃, ŋei₂ maná a₂rē₂'ma₄, ton'₂ ŋei₂ jma₃ca₂míg₂ ni₁cang₁ tiog₂ ja₁chi₁ton₅ jág₁ 'mí₂ 'a₂ lia'₂ chein₂, a₂tsá₃ 'ein₂ cuí'₅; jmá'₃ lia'₂ con'₂ i₂gue₃ bá₄ ŋí'₂.

Jág₁ a₂ŋó₃ ne₄ guá'₅ chan₂ Tiatira

¹⁸ Jmo₄ si₂ ne₄ dsa₂ i₂ě₂ jág₁ guá'₅ i₂chan₂ juig₂ Tiatira, chei'₅₄ le₂la₂:

Le₂la₂ juá'₂ Ja₁ŋi'₅₄ Diú₄ i₂tág₅ jme₁ne₁₂ lia'₂ tág₅ jo'₅₄ si₂, i₂lě₅ mi₂tag₄ lia'₂ lě₅ ŋi₁ nióg₂ a₂rē₂ta₄: ¹⁹ Guion₅₄ bá₄ ca₂le₃jě₃ 'e₂ a₂jmo'₂, 'a₂ lia'₂ 'nióg'₃ ríng'₂, 'a₂ lia'₂ lě₅ a₂'éng'₂ nē₃, ta₁ quiáng'₂ a₂jme₂tí'₁, ju₁n'₂ bá₄ 'au'₂ chang'₂ nē₃; guion₅₄ bá₄ jniá₂, 'ŋio₅ gué₄ jmo'₂ 'nia'₂ lia'₂ con'₂ gué₄ le₂ne₁. ²⁰ La₁ia₁ cha₂ gué₄ caun₂ ja₁cong'₂ a₂tsá₃ tē₅ dsí₃: ia₁ cuē'₂ 'nia'₂ jmig₄ 'en₅₄ jín'₄ 'nia'₂ 'io₅₄ Jezabel i₂juá'₂ i₂ě₂ jág₁ o₄quió'₄ Diú₄. Jme₂tag₂₃ a₂ŋia'₅₄ qui₂jme₂gain₂₃ dsa₂ quiáng₃ i₂jme₂tí₃ ne₃ ia₁jaun₂ cán₂ ju₁jmo₃ dsáu₃ qui₂nió'₃ jág₁ 'lig'₅₄, ia₁jaun₂ ján₃ gué₄ qui₃gué'₃ má₃ a₂rē₂jen'₅₄ ne₄ diú₄ lag₄ quián₅. ²¹ Ma₂cué₃ jniá₂ 'io₅₄ 'éi₂ jmig₄ ne₄ tsa₁ dsi₁quén'₅ dsí₅ 'lig'₅₄ a₂jmo₂₃, la₁ tsá₃ 'nio₃. ²² ¡Jag₄! Tóin₂ jniá₂ ne₄ tsi₁cama jaun₂ le₃dso'₅₄, ján₃ gué'₂ jmo₅₄ ŋág₃ uig₅ dsa₂ i₂qui₂'no₅ dso₄ quiain'₅₄, nē₁jua'₂ tsá₃ ca₂dsi₃quén'₅ dsí₅ a₂jmo₅-dsáu₅ 'io₅₄ 'éi₂, ²³ ton'₂ jme₁dsian₅ jniá₂ chi'₂ quián₅ 'io₅₄ 'éi₂ nē₃. Jaun₂ bá₄ le₃ŋi₅ ca₂le₃jín₃ guá'₅, jniá₂ i₂con₂ 'í₁ 'a₂ lia'₂ lě₅ jme₂dsí₂ quió'₅ dsa₂, ca₂le₃jě₃ a₂qui₂dsi₂jio₅ dsí₅ dsa₂ nē₃; jaun₂ jniá₂ bá₄ cué₄ 'lian'₅₄ 'nia'₂ lia'₂ con'₂ lě₅ qui₂ca₂jmo'₅₄. ²⁴ La₁ juig₂ jniá₂ ca₂le₃jín₃ gué₄ 'nia'₂ i₂tián'₅ juig₂ Tiatira i₂tsá₃ ma₂gue₃ jág₁ a₂jme₂tag₅ 'io₅₄ 'éi₂, on₃ gué'₂ cuí'₅ a₂tě₂ dsa₂ 'éi₂ jág₁ ca'₅₄ a₂rē₂'ma₄ quió'₅ Satanás: co₂nē₅ bá₄ guei₂ a₂cué₄ jniá₂ 'nia'₂. ²⁵ ŋia'₅₄ lia'₂ caun₂ jmo'₂ 'nia'₂ a₂dse₃ a₂ma₂ja₂nóg'₅ jmo'₂, ca₂lia'₂ ca₂tě₂ jmig₄ i₁dsióg₄

† 2:13 A₂lin₅₄ chog₅₄ si₂: "Guion₅₄ bá₄ ca₂le₃jě₃ 'e₂ a₂jmo'₂, ján₃ bá₄ guion₅₄ ja₁tián'₅ 'nia'₂." ‡ 2:14 Bala'am, Balac: 'Nio'₂ ja₁ton₅ Números 23 - 24.

táng₃. ²⁶ Jui₁lia'₂ i₂ca₂tió'₃, i₂qui₂jmo'₅ a₂ con'₂ 'nio₃ jniá'₂ lé₂, ca₂lia'₂ i₁ca₂tě₂ jmi₂g₄ jě₁ca₂tó'₂, cuē₄ jniá'₂ bí₂ jaun₂ jmo'₃ 'éi'₃ ne₄ juig₂ a₂te₁ 'i₁ gua'₅₄ 'uē₃.

²⁷ Goin₃ ne₄ quió'₅ quian'₅₄ 'ma₂'i'₅₄
a₂lě₅ quian'₅₄ ni₁ñí₁;

qui₃dsia₃ le₁juig₁ nē₂jag₄ bá₄ ni₁tí'₂, S

²⁸ lia'₂ con'₂ lě₅ ma₂gue₃ jniá'₂ 'éi'₃ ma₂cuē₃ Ne'₃. Cu₁in₄ jniá'₂ ján₃ Nei₅ 'Ióg₁.*

²⁹ Jui₁lia'₂ i₂le₁dsi₅₄ rē₂gua₄, ju₁nei₅₄ a₂juá'₂ Jme₂dsí₂ tsí'₅ ca₂le₃jín₃ guá'₅.

3

Jág₁ a₂ñó₃ ne₄ guá'₅ chan₂ Sardis

¹ Jmo₄ si₂ ne₄ dsa₂ i₂'ě₂ jág₁ guá'₅ i₂chan₂ juig₂ Sardis, chei'₅₄ le₂la₂:

Le₂la₂ juá'₂ i₂jio₅ ta₁guion₃ jme₂dsí₂ quián₅ Diú₄, i₂chan'₂ guio₃ nei₅ nē₃: Guion₄ bá₄ jniá'₂ ca₂le₃jě₃ a₂jmo'₂, a₂dsia₅ dsa₂ a₂jén'₃ 'nia'₂, la₁ia₁ i₂rē₂'lín'₄ bá₄ 'nia'₂. ² Jme₂jnio₂ ne'₅₄, tióng'₂ táng₃ bí₂ a₂jme₁ma₂i₁jón₂ quiáng'₂, ia₁ tsá₃ ma₂dsó'₂ jniá'₂ jua'₅₄ a₂rē₂tán₄ a₂qui₂ma₂jmo'₅₄ 'nia'₂ le₃ne₄ Diú₄ quiáng₃.

³ Dsiog'₂ 'au'₂ 'nia'₂ jmo₄ jaun₂ nē₃, a₂qui₂ma₂gue'₅₄ 'nia'₂, a₂qui₂ma₂nei'₂ 'nia'₂, ju₁dsi₂quén'₅ 'au'₂. La₁ nē₁juá'₂ tsá₃ ca₂jme₁jnio'₂ ne'₅₄, ñi'₅₄ ta₁ dsióg₄ jniá'₂ ja₁cong'₂ con'₂ tsá₃ rē₂jáng'₁, nē₂jag₄ bá₄ jan₂ 'ang₂, ca₂lia'₂ jñia'₅₄ tsá₃ ñi'₅₄ 'nia'₂ 'e₂ hora dsióg₄. ⁴ La₁ chan₂ bá₄ guē₄ i₂lín₅₄ jín'₄ 'nia'₂ guá'₅ Sardis nē₅ i₂tsá₃ ma₂ca₂jme₃'ióg₃ tsin'₅₄; i₂'éi₂ nē₃ jme₃quiong'₅₄ jniá'₂ i₃nioi₅₄ le₁qui'₂ 'mi'₂ tiog₂,

ia₁ le₂jaun₂ ca₂tín₂. ⁵ Jui₁lia'₂ i₂ca₂tió'₃, tsin'₅₄ tiog₂ bá₄ qui₃quí'₃, jaun₂ lia'₂ o₁líg'₂ tsá₃ 'én₄ lia'₂ chein₂ ja₁le₁toin₂₃ ne₄ si₂ a₂chan₂ dsa₂ co₂tan₅₄. Jaun₂ 'ín₄ jniá'₂ 'éi₂ jme₁jniai₂₃ jniá'₂ ne₄ Ne'₃, ne₄ ángeles quián₅ nē₃. ⁶ Jui₁lia'₂ i₂le₁dsi₅₄ rē₂gua₄, ju₁nei₅₄ a₂juá'₂ Jme₂dsí₂ tsí'₅ ca₂le₃jín₃ guá'₅.

Jág₁ a₂ñó₃ ne₄ guá'₅ chan₂ Filadelfia

⁷ Jmo₄ si₂ ne₄ dsa₂ i₂'ě₂ jág₁ guá'₅ i₂chan₂ juig₂ Filadelfia, chei'₅₄ le₂la₂:

Le₂la₂ juá'₂ 'éi₂ i₂jñio₅, i₂tě₃dsón'₂ tí₅ jág₁ quió'₅, i₂'io₅ ñí₁ llave quió'₅ Rag₅₄ David. Jui₁lia'₂ a₂niá'₅ 'éi₂, 'i₁jan₂ tsá₃ lé₂ jnéi₃; ján₃ guē'₂ le₂jaun₂, ju₁lia'₂ a₂jnéi₅ 'éi₂, tsá₃ 'ein₂ lé₂ le₃niá'₃ táng₃. ⁸ Guion₅₄ bá₄ jě₂ a₂jmo'₂. ¡jag₄! Caun₂ o₄'né₄ a₂rē₂na₄ ma₂ca₂tsí'₂ jniá'₂ ne'₅₄; 'i₁jan₂ tsá₃ 'ein₂ lé₂ le₃jnëi₃. O₁jñia'₅₄ la₂ tsá₃ ma₃lín₄ bēng'₂, * ma₂ca₂tion'₂ ju₁ jág₁ quió'₃, on₃juá'₅₄ jaun₂ a₂tsá₃ ma₂'ag'₅₄ jniá'₂.

⁹ ¡Jag₄! Jui₁lia'₂ dsa₂ quián₅ guá'₅ sinagoga quió'₅ Satanás, dsa₂ i₂juá'₂ lín₅ judíos la₁ tsá₃ guē'₂ lín₅, jmo₅₄ jniá'₂ chi₃jnë₃ 'éi₂ ne'₅₄, ia₁jaun₂ le₃ñi₅ a₂'nió₃ jniá'₂ 'nia'₂.

¹⁰ 'Uig₅₄ ia₁ a₂ma₂jmo'₅₄ 'nia'₂ 'í₁ 'éi'₃ quió'₃ a₂tion'₅₄ 'nia'₂ ju₁n'₂ 'au'₂, jmo₅₄ bá₄ jniá'₂ 'í₁ 'nia'₂ a₂tsá₃ jióg'₂ 'í₁ ja₁cong'₂ ju₁lia'₂ a₂dsi₃ñí₂ dsa₂ i₂chan₂ ta₁caun₂ gua'₅₄ 'uē₃.

¹¹ Ñi'₅₄ ta₁ bá₄ guióng₄. Jmo₄ 'í₁ a₂ma₂ting'₂ ia₁jaun₂ tsá₃ 'ein₂ jniá'₂ corona quiáng'₂. ¹² Jui₁lia'₂ i₂ca₂tió'₃, jmo₅₄ jniá'₂ a₂lén₂ nē₂jag₄ bá₄ ni₁dsi₅ a₂chí'₅ dsi₂néi₂ guá'₅ templo quió'₅ Diú₄ quiáng₃. O₁líg'₂ jmi₂g₄ tsá₃ ma₃'uín₃ ja₁jaun₂.

Ne₄ quió'₅ 'éi₂, taun₅₄ lia'₂ chen₂ Diú₄ quiáng₃, quian'₅₄ guē'₂ 'a₂ lia'₂ chei₂ juig₂ quió'₅ Diú₄ quiáng₃ nē₃: juig₂ Jerusalén 'mí₂ a₂sió₃ guei'₅₄ i₂juíg₃ quió'₅ Diú₄ quiáng₃. Ján₃ guē'₂ le₂jaun₂ taun₅₄ jniá'₂ ne₄ 'éi₂ jág₁ 'mí₂ lia'₂ cheng₂.

¹³ Jui₁lia'₂ i₂le₁dsi₅₄ rē₂gua₄, ju₁nei₅₄ a₂juá'₂ Jme₂dsí₂ tsí'₅ ca₂le₃jín₃ guá'₅.

Jág₁ a₂ñó₃ ne₄ guá'₅ chan₂ Laodicea

¹⁴ Jmo₄ si₂ ne₄ dsa₂ i₂'ě₂ jág₁ guá'₅ i₂chan₂ juig₂ Laodicea, chei'₅₄ le₂la₂:

§ 2:27 Salmo 2:9. * 2:28 Nei₅ 'Ióg₁, lě₅ caun₂ 'a₂ lia'₂ chen₂ Jesús. 'Nio'₂ ja₁ton₅ 2 Pedro 2:21; Apocalipsis 22:16. * 3:8 o₃, "tsá₃ lín₄ ju₁n'₅ 'nia'₂."

Le₂la₂juá'₂ i₂lín₅tě₃dsón'₂,† i₂jáng'₅ jág₁ dsau₅ i₂rě₂ti'₅₄, i₂lín₅juig'₅₄ ne₄ ca₂le₃jě₃ a₂ca₂jmo₃ Diú₄: ¹⁵ Guion₄ bá₄ jniá'₂ ca₂le₃jě₃ 'a₂ lia'₂ lě₅ jmo'₂ 'nia'₂. Guion₅₄ bá₄, a₂tsá₃ güíng'₂, on₃ guě'₂ dséng'₂ ně₃. ¡Jua'₅₄ co₂nei'₅₄ bá₄ guě'₂ güíng'₂, o₃ co₂nei'₅₄ bá₄ guě'₂ dséng'₂! ¹⁶ La₁ 'uig'₅₄ ia₁ a₂jnia'₅₄ dsión'₂ 'nia'₂, ia₁ tsá₃ güíng'₂ guě'₂ co₂nei'₅₄, on₃ guě'₂ dséng'₂ ně₃, jaun₂ ráun₂ i₁ñí₄ jniá'₂ 'nia'₂ jui₅ mi₂'o₃. ¹⁷ la₁juá'₂ 'nia'₂ a₂ma₂chang'₂ dse₃ a₂ma₂qui₂ma₂dsia'₅₄ 'nia'₂ 'lióng₂ rě₂má'₂, ton'₂ tsá₃ 'e₂ 'nió'₅ quiáng'₂; la₁ tsá₃ jaun₂ len'₅₄ 'nia'₂ a₂lín'₅ dsa₂ i₂lě₁ñé₁ dsí₅, i₂te₂ñé₂, i₂ten₄, i₂rě₂cuán'₃ ně₃. ¹⁸ 'Uig'₅₄ jaun₂ ton'₂ jniá'₂ jág₁ 'nia'₂, i₂hó'₅ 'nia'₂ ja₁con₂ jniá'₂ i₂liá₃ cu₄nióg₄ a₂rě₂lag₄ quian'₅₄ si₂, ia₁jaun₂ guě'₄ dsón'₂ le₃chang'₂ dse₃; i₂liá₃ 'nia'₂ tsíng'₂ tiog₂ a₂qui₁qui'₅₄, ia₁jaun₂ tsá₃ le₃jniá'₂ a₂o₂gui'₃ a₂rě₂cuáng'₃. I₂liá₃ mí₅ 'ág'₄ jme₁ne'₄ ia₁jaun₂ jnio₂, lé₂ jag'₅₄. ¹⁹ Tě₂jén₅ jniá'₂ tsíng'₂ táng₃ jui₅ dse₃ ca₂le₃jín₃ i₂'nióg₃. Jui₁len'₅₄ bá₄ 'nia'₂ dsa₂ i₂dsen₅₄ dsí₅ jaun₂ ně₃, jui₁dsi₂quén'₅ 'au'₂. ²⁰ ¡Jag₄! La₂ chén'₅ jniá'₂ o₄'né₄ tě₅; chi₂jua'₂ chan₂ i₂ca₂nág₂ jág₁ quió₃, niá₅ o₄'né₄ ně₃, jaun₂ bá₄ 'ú₄ dsi₂né₁ quió'₅, guě'₅₄ co₂lě₅ quian'₅₄. ²¹ Jui₁lia'₂ i₂ca₂tió'₃, cuě'₄ jma₃caun₂ ja₁tiain'₃ cau₅ quió₃ ne₄ta₁ ja₁gua₄ jniá'₂, jui₁lia'₂ ca₂tió₃ jniá'₂, jaun₂ ca₂gua₃ con₂ Ñe'₃ ne₄ta₁ quió'₅. ²² Jui₁lia'₂ i₂le₁dsi₅₄ rě₂gua₅₄, jui₁nei₅₄ a₂juá'₂ Jme₂dsí₂ tsí'₅ ca₂le₃jín₃ guá'₅.

4

'A₂ lia'₂ qui₂rě₂juin'₂ Diú₄ guei'₅₄ i₂juig₃

¹ Cang₂ guě'₄ jaun₂, ca₂jág₃ táng₃ jniá'₂ caun₂ o₄'né₄ rě₂na₄ guei'₅₄ i₂juig₃. Jaun₂ ca₂nag₃ jág₁ jaun₂ a₂ca₂nag₃ le₂'uig'₅₄ a₂né'₂ ně₂jag₄ bá₄ jě₁i₂'ein₅₄ ñí₁ trompeta, ca₂juá'₂ tság₅ jniá'₂:

—Uí₂g₂ ja₁lá₃, jaun₂ 'ě₅₄ ca₂le₃jě₃ a₂niog₅ lé₂ cang₂ guě'₄ jě₁ma₂lě₅ a₂ma₂ně₂jag'₅₄ ně₅.

² Jaun₂ ca₂lě₃ jme₁'en₅₄ jniá'₂ le₃quió'₅ Jme₂dsí₂, jaun₂ ca₂jnia₃ caun₂ ne₄ta₁ chí'₅ guei'₅₄ i₂juig₃. Ne₄ ne₄ta₁ jaun₂ jme₁guá₄ jan₂ dsa₂. ³ Dsa₂ i₂jme₁guá₄ 'é₁ ně₃, jme₁jniá'₂ táng₅ 'ñio₅ lín₃ ně₂jag₄ bá₄ ni₁cang₁ táng₅ jaspe o₃ cornalina. Le₃lág'₃ ne₄ta₁ ja₁guá₄ jaun₂ jme₁jniá'₂ mi₂jo'₅₄ si₂ a₂tág₅ lín₃, ně₂jag₄ bá₄ ni₁cang₁ esmeralda. ⁴ Le₃lág'₃ ne₄ta₁ ja₁guá₄ dsa₂, ca₂jág₃ con'₂ guě'₄ guióg₂-quén₂ ne₄ta₁ ja₁tián'₄ guión₂-quén₂ gui'₅₄ can'₅₄ i₂le₁lín₁ le₁qui'₂ jmá'₃ 'mi'₂ tiog₂, tio'₅₄ coronas a₂lě₅ jmá'₃ cu₄nióg₄ dsi₅₄. ⁵ Ja₁chí'₄ ne₄ta₁ jaun₂, qui₂lě₂ si₁ñí'₃, chí'₅ co₂mi'₅₄, quia'₂ ñí'₃ ně₃. Ne₄ ja₁chí'₄ ne₄ta₁ jaun₂, jniá'₂ guio₃ si₂ ni₁tsí₅ a₂cau₂. A₂jaun₂ ně₃ lě₅ ta₁guion₃ jme₂dsí₂ quián₅ Diú₄. ⁶ Tě₂le₃ ne₄ jui₅ ne₄ta₁ ně₃, jniá'₂ táng₃ lia'₂ lě₅ jmi₁ñí'₄ a₂lě₅ ui'₂ lín₃ jui₁lia'₂ ui'₂ ni₁'i₂.

Dsi₂jo₂, le₂tan₅₄ le₃lág'₃ ja₁chí'₄ ne₄ta₁, jniá'₂ táng₃ quén₂ i₂lín₅ lia'₂ lín₅ já'₂ i₂rě₂can'₂ jmá'₃ mi₂ne₄ lia'₂ le₃ne₅₄ lia'₂ le₃co'₅₄ lag₁₂ ně₃. ⁷ Jě₁le₂'uig'₅₄ já'₂ quén₂ 'é₁ ně₃, jniái₂ lia'₂ jniá'₂ dsi₂'ia'₂ león. Jě₁ca₂tě₂ on₃, jme₁lín₄ lia'₂ lín₅ jan₂ guein₂ ca₂jui₅. Jě₁ca₂tě₂ ún₂, jniá'₂ dsi₂ne₅₄ lia'₂ jniá'₂ dsi₂ne₄ dsa₂ mi₂güig₃. I₂jě₁ca₂tě₂ quén₂ ně₃, jniái₂ lia'₂ jniá'₂ i₁mi₂g₂ i₂'en₅ güig₂. ⁸ Jě₁le₃quén₂ le₂jaun₂ ně₃, le₁dsi₅₄ jma₃ñé₁ tsí₁rě₂cu₅ le₂jain₂ le₂jain₂. Qui₂rě₂lióin₃ mi₂ne₄ le₃co'₅₄ lia'₂ le₃né'₃ ně₃. Lia'₂ 'uě₂-jmi₂ bá₄ tsá₃ 'na₂ i₁juá'₄:

Jñió₅ bá₄, jñió₅ bá₄, jñió₅ bá₄,

Te₁gui'₅₄ Diú₄ i₂'uan'₂ guě'₄ lín₃,

i₂jme₁lín₄, i₂lín₅ rě₂ně₃,

i₂lén₂ co₂tan₅₄ bá₄ ján₃.

⁹ Lia'₂ co₂ráun₂ cuě'₅ já'₂ 'é₁ cuě'₅ ti₁'mag'₄ jme₂juin'₂ guě'₄ lín₃ i₂guá₅ ne₄ ne₄ta₁, i₂chan₂ co₂tan₅₄ ně₃, ¹⁰ jaun₂ guě'₄ qui₂tón₂ 'uě₃ ta₁guión₂-quén₂ gui'₅₄ can'₅₄ 'é₁,

† 3:14 lit. "Le₂la₂juá'₂ jui₁lia'₂ i₂tě'₂ A₂méi₃,"

ne₄ i₂guá₅ ne₄ ne₄ta₁, qui₂jme₂juin'₂ i₂chan₂ co₂tan₅₄, qui₂dsia₂₃ coronas quió'₅
'uig₅₄ ne₄ta₁, juá'₂:

11 Te₁gui'₅₄ Diú₄ quián₂,
'ne₂ bá₄ ca₂tíng'₂ guéi'₁ a₂jme₃juag'₂ dsa₂,
'ne₂ bá₄ ca₂tíng'₂ 'éi'₃, juí₅bí₂ ně₃.
Ia₁ co₂jaun₂ ca₂rě₃'ñió₃ 'au'₂
a₂ca₂rě₃chá₃ ca₂le₃jě₃ a₂cha₂.

5

Si₂ a₂rě₂bin₅ quian'₅₄ guě'₂ Guein₂ Já'₂ Cha'₂

1 Jaun₂ ca₂jág₃ jniá₂ i₂guá₅ ne₄ ne₄ta₁ 'éi₂ chi₁chan'₂ quian'₅₄ gu₂ ne₁ caun₂
mi₂si₂ a₂rě₂bin₅ tio'₅₄ jág₁ lia'₂ le₃co'₅₄ lia'₂ le₃né'₃, a₂chi₁jni₅ dse₃ quian'₅₄ guio₃
bě'₅₄ mi₄cuing₅. 2 Jaun₂ ca₂jing₅₄ jan₂ ángel i₂'uan'₂ lín₃ quián₅ Diú₄, jniá₂ chéin'₅
ñag₂₃ juá'₂ tiá₂:

—¿Ein₂ 'éi₂ i₂ca₂tín₂ niá₃ si₂ ně₅, qui₃choin₃ mi₄cuing₅ quió'₅ ně₃?

3 La₁ on₃ guě'₂ guei'₅₄ i₂juíg₃, on₃ guě'₂ ne₄ gua'₅₄ 'uě₃, on₃ guě'₂ le₃né'₃ guě₄
gua'₅₄ 'uě₃, tsá₃ chan₂ 'i₁jan₂ i₂ca₂tín₂ niá₃ si₂ jaun₂, on₃ guě'₂ ca₂tín₂ jág₃. 4 'Nio₅
lín₃ ca₂'o₃ jniá₂ 'uig₅₄ ia₁ a₂tsá₃ 'ein₂ ca₂dsán'₂ 'i₁jan₂, i₂ca₂tín₂ jme₁niá₃ si₂ jaun₂,*
on₃ guě'₂ a₂jág₃. 5 Jaun₂ ně₃, jan₂ i₂lín₅ gui'₅₄ can'₅₄ 'éi₂ ca₂tság₃ jniá₂:

—Tsá₃ lě₁'au'₂ 'ne₂, ia₁ i₂lín₅ 'ia'₂ león quián₅ tsi₁jon₂ Judá, i₂ca₂lín₃ cho'₅₄ Rag₅₄
David, 'éi₂ bá₄ ma₂ca₂tió'₃; 'éi₂ bá₄ ca₂tín₂ niá₃ si₂, le₂jio₅ ta₁guio₃ mi₄cuing₅
quió'₅ ně₃.

6 Jaun₂ ja₁lě₄ dsi₂jo₂ ne₄ta₁, jě₄ quió'₅ le₃quén₂ já'₂ 'éi₂, jě₄ quió'₅ gui'₅₄ can'₅₄
ně₃, ca₂jing₅₄ jan₂ i₂lín₅ lia'₂ lín₅ Guein₂ Já'₂ Cha'₂ chéin'₅, a₂lén₄ ně₂jag₄ i₂ca₂jon₃
ca₂jñag'₃ dsa₂. Le₁dsi₅₄ guio₃ mi₂juí₁, guio₃ guě'₂ mi₂ne₅₄. Mi₂ne₅₄ jaun₂ ně₃
co₂'nió'₄ guion₃ jme₂dsi₂ quián₅ Diú₄ i₂ma₂'uin₂ a₂chein₅₄ ta₁caun₂ gua'₅₄ 'uě₃.

7 I₂lín₅ Guein₂ Já'₂ Cha'₂ 'éi₂ ně₃, ñó₃ ca₂tín₂ mi₂si₂ rě₂bin₅ a₂jme₁chi₁chan'₂
le₂gu₂ ne₁ i₂guá₅ ne₄ta₁. 8 Jme₁ca₂can₃ mi₂si₂, jaun₂ qui₂ca₂tón₂ 'uě₃ le₃quén₂
já'₂ 'éi₂, quian'₅₄ guě'₂ ta₁guión₂-quén₂ gui'₅₄ can'₅₄ ně₃, ca₂tóin₂ ne₄ Guein₂
Já'₂ Cha'₂. Le₂jan₂ le₂jan₂ 'éi₂ ně₃ le₁chan'₂ jma₃caun₃ tsi₁ton₅ arpa,† le₁chan'₂
jma₃caun₃ guě'₂ ni₁uing₅ jí'₂ a₂lě₅ jmá'₃ cu₄nióg₄, a₂le₁can'₂ chen₂, a₂co₂'nió'₄ jág₁
a₂qui₂rě₂jen'₅₄ ne₄ Diú₄ a₂qui₂chi₂léi'₂ dsa₂ quián₅.‡ 9 Tioin'₅₄ 'ě₂₃ caun₂ canto
'mí₂ la₂:

'Ne₂ bá₄ ca₂tíng'₂ jma'₅₄ mi₂si₂,
a₂chóng'₄ mi₄cuing₅ quió'₅;
ia₁ 'ne₂ bá₄ i₂ca₂jñag'₃ dsa₂.
Quian'₅₄ jmi₂ 'ang'₅₄ a₂ca₂tein'₅₄,
ca₂liáng'₃ dsa₂ mi₂güig₃ le₃quió'₅ Diú₄:

ca₂le₃jín₃ ne₅₄ dsa₂ i₂chan₂,
ca₂le₃jě₃ jág₁ jmei₅,
ca₂le₃jě₃ juig₂ te₁'i₁ mi₂güig₃,
ca₂le₃jě₃ tsi₁jon₂ ně₃.

10 Ma₂ca₂jmoi'₅₄ rag₅₄, jme₂dsa₂ ně₃,
le₃quió'₅ Diú₄ quián₂.
Jaun₂ 'éi₂ bá₄ le₃gon₂ ne₄ gua'₅₄ 'uě₃.

* 5:4 A₂lín₅₄ chog₅₄ si₂juá'₂ ján₃: “on₃ guě'₂ 'i₃,” † 5:8 griego: kithara. ‡ 5:8 lit. “dsa₂ jnió₅.”

11 Jaun₂ jme₁ca₂jág₃, ca₂nag₃ jniá₂ jág₁ quió'₅ juin₅ ángeles, i₂lě₂ tē₂le₃ mei₅, i₂lě₂ ca₂lia'₂ juin₅ lin₃. Jme₁tioin'₅₄ le₃lág'₃ ne₄ta₁ jaun₂, quian'₅₄ guē'₂ já'₂ quén₂ 'éi₂, gui'₅₄ can'₅₄ ně₃, ¹² i₁juá'₄ tiá₂ lin₃:

i₂ca₂tín₂ Guein₂ Já'₂ Cha'₂ i₂ca₂ɲag'₃ dsa₂,

a₂le₂goin₂₃, 'io₃ ca₂le₃jě₃ a₂jlá'₁,

a₂tiin₂ a₂ɲí'₂ dsí₅,

a₂gue₃ jui₅bí₂, a₂jme₃juag'₂ dsa₂,

a₂lén₂ tág₅ co₂'né'₅, a₂jme₃go₃ dsa₂!

¹³ Ca₂nag₃ jniá₂ ján₃, ca₂le₃jín₃ i₂chan₂ i₂ca₂j mó'₂ Diú₄ guei'₅₄ mi₂güí₃ quian'₅₄ gua'₅₄ 'uē₃, quian'₅₄ le₃né'₃ 'uē₃; ne₄ jmi₁ɲí'₄, i₂chan₂ le₃né'₃ jmi₁ɲí'₄ ně₃, i₁juá'₄:

i₂Le₃quió'₅ i₂guá'₅ ne₄ ne₄ta₁,

le₃quió'₅ Guein₂ Já'₂ Cha'₂ ně₃,

jui₁jme₂go₃ dsa₂ jui₁jme₂juag'₂ dsa₂;

jui₁gue₁₂ a₂tág₅ co₂'né'₅,

jui₁gue₁₂ jui₅bí₂ ně₃

ca₂lia'₂ co₂tan₅₄!

¹⁴ Jaun₂ ca₂juá'₂ le₃quén₂ já'₂:

—i₂A₂méi₃!

Ta₁guión₂-quén₂ gui'₅₄ can'₅₄ ně₃ qui₂ca₂tóin₂ 'uē₃ qui₂ca₂jme₃juag'₂. §

6

Ca₂niá₃ ta₁guio₃ mi₄cuing₅

¹ Ca₂jág₃ jniá₂ jme₁ca₂niá₃ Guein₂ Já'₂ Cha'₂ jě₁le₂'uig₅₄ mi₄cuing₅ guio₃ jaun₂, ca₂né'₂ i₁juá'₄ jan₂ rín'₅₄ i₂quén₂ já'₂ 'éi₂. Né'₂ lě₅ jág₁ quió'₅ ně₂jag₄ bá₄ jě₁quia'₂ ɲí'₃, a₂juá'₂:

—i₂ɲia₅, jaun₂ jag'₅₄!

² Jaun₂ jme₁ca₂jág₃ jniá₂, jaun₂ ca₂jing₅₄ jan₂ i₁cua₁ tion₂. I₂jme₁co₂dsin₅₄ já'₂ 'éi₂ ně₃ jme₁chan'₂ caun₂ ni₁'ma₂ cág'₅. Jaun₂ ca₂ɲi₂ caun₂ corona, jaun₂ ca₂o₃'ín₃ ɲó₃ ne₄ 'nei₂ a₂tió'₃ a₂lí'₂ 'nei₂.

³ Jme₁ca₂niá₃ Guein₂ Já'₂ Cha'₂ jě₁ca₂tě₂ tin₃ mi₄cuing₅, jaun₂ ca₂nag₃ i₁juá'₄ jě₁ca₂tě₂ on₃ já'₂ 'éi₂:

—i₂ɲia₅, jaun₂ jag'₅₄!

⁴ Jaun₂ ca₂ɲia₃ ca₂o₃'ín₃ táng₃ jan₂ dsí₂cua₁ guén₂; dsa₂ i₂jme₁co₂dsag₅₄ guē'₂ ně₃, ca₂ɲi₂ bí₂ a₂lé₂ jmo₃ a₂ɲia₃ a₂'ei₅ tei₄ ta₁caun₂ gua'₅₄ 'uē₃, ia₁jaun₂ jme₃dsian₅ dsa₂ rín'₅₄. Jaun₂ 'éi₂ ně₃ ca₂ɲi₂ caun₂ ɲi₁tág₂ juē'₂.

⁵ Jme₁ca₂niá₃ Guein₂ Já'₂ Cha'₂ jě₁ca₂tě₂ 'ni₅ mi₄cuing₅, jaun₂ ca₂nag₃ táng₃ i₁juá'₄ i₂ca₂tě₂ ún₂ já'₂:

—i₂ɲia₅, jaun₂ jag'₅₄!

Jaun₂ jme₁ca₂jág₃ táng₃ jniá₂, ca₂ɲia₃ táng₃ jan₂ dsí₂cua₁ lian'₂; dsa₂ i₂jme₁co₂dsag₅₄ ně₃, caun₂ mi₂gu₂ jme₁chan'₂ caun₂ cua'₅₄ 'éi'₃. ⁶ Jaun₂ ca₂né'₂ jág₁ jě₄ quió'₅ le₃quén₂ já'₂, a₂juá'₂:

—Caun₂ kilo cui₂ bá₄ le₂caun₂ denario; 'ni₅ kilo cebada le₂caun₂ denario.

La₁ tsá₃ i₂'én₅ aceite quian'₅₄ vino.

⁷ Jme₁ca₂niá₃ Guein₂ Já'₂ Cha'₂ jě₁ca₂tě₂ quén₂ mi₄cuing₅, jaun₂ ca₂nag₃ i₁juá'₄ jě₁ca₂tě₂ quén₂ já'₂:

—i₂ɲia₅, jaun₂ jag'₅₄!

⁸ Jme₁ca₂jág₃ jniá₂, ca₂ɲia₃ jan₂ dsí₂cua₁ nió₂; i₂jme₁co₂dsag₅₄ ně₃, jme₁chein₂ 'Mú₃. Chi₁co'₅₄ quió'₅ 'éi₂ guē'₂ ně₃ já₅ jan₂ i₂tě'₂ Tau₂ 'Nio₅. * Le₃on₃ 'éi₂ ně₃

§ 5:14 A₂lin₅₄ chog₅₄ si₂ juá'₂: “qui₂ca₂jme₃juin'₂ i₂chan₂ co₂tan₅₄.”

* 6:8 griego: hades, co₂'nió'₄ a₂juá'₂, ja, quió'₄ 'lag₄.

ca₂η₂ bí₂ ne₄ quió'₅ gua'₅₄ 'uë₃ caun₂ qui'₅₄ quió'₅ quén₂, a₂jme₃dsiain₂₃ dsa₂ quian'₅₄ η₁tág₂, quian'₅₄ a₂le₃'on₄ dsa₂, quian'₅₄ jmi₁uig₅, quian'₅₄ já'₂ tsau₂ dsí'₅ ně₃, i₂chan₂ gua'₅₄ 'uë₃.

⁹ Jme₁ca₂niá₃ Guein₂ Já'₂ Cha'₂ jë₁ca₂tě₂ 'ñiá₂ mi₄cuing₅, ca₂jág₃ jniá₂ ně'₃ ne₄chei₂ ja₁tion'₅₄ jme₂dsí₂ quió'₅ dsa₂ mi₂güig₃ i₂ca₂jme₃dsian₅ dsa₂ ne₄ 'uig₅₄ quió'₄ jág₁ dse₃ quió'₅ Diú₄, quian'₅₄ ne₄ 'uig₅₄ quió'₄ jág₁ dsau₅ a₂qui₂ca₂can₃.

¹⁰ Jaun₂ tiá₂ ně'₂ jág₁ quió'₅ 'éi₂, i₁juá'₄:

—¿Con'₂ je₂líg'₂ caun'₅₄ 'í₁, Te₁gui'₅₄ i₂jñi₅ i₂tí₅ jág₁ quiáng'₂, ja₁con₂ dsa₂ i₂chan₂ gua'₅₄ 'uë₃, jaun₂ caun'₅₄ 'ma'₅₄ jmi₂ 'au₅₄ jniá'₅₄?

¹¹ Jaun₂ qui₂ca₂η₂ le₂jain₂ le₂jain₂ 'mi'₂ tiog₂. Jaun₂ ca₂né'₂ i₁juá'₄ a₂jñia₃ guë₄ co₂'na₂, tē₁lia'₂ le₃'ñia₅ rñin'₅₄ i₂jme₂ti₃ ta₁ ne₄ Cristo, i₂'i₄ 'éi'₃ dsián₃ guë₄, ju₁lia'₂ ca₂dsan₃ 'éi₂.

¹² Jme₁ca₂niá₃ Guein₂ Já'₂ Cha'₂ jë₁ca₂tě₂ jñéi₂ mi₄cuing₅, ca₂jág₃ jniá₂ ca₂i₁bi₅₄ 'uë₃ tiá₂ lñ₃. Ca₂tě₂tsi'₅₄ qui₁né'₃, ca₂rē₃liá'₃ 'iog₂ ně₂jag₄ bá₄ tsi₁'mi'₂ taun₅ a₂lě₅ quian'₅₄ ni₁jñi₂, a₂quí'₅ dsa₂ ja₁ron₅ 'lag₄. Tsi'₂ guë'₂ ně₃ ca₂jñia₃ guéin₂, lia'₂ jniá₂ jmi₂. ¹³ Nei₅ guë'₂ ně₃ qui₂tsi₂ca₂séi'₂ 'uë₃ ně₂jag₄ bá₄ tsi₂séi'₂ mīg₂ higo rē'₂ jë₁ma₂ca₂guiong'₃ dsí₂ tiá₂. ¹⁴ Guei'₅₄ dsi₂güig₂ ně₃ co₂dsia₅ ca₂i₃'én₂ ca₂bñ₃ lia'₂ ja₁bñ₅ mi₂si₂. Ca₂le₃jě₃ ni₁má'₂, ca₂le₃jě₃ 'uë₃ le₁quí'₅ jë₄ jmi₁ñí'₄ ně₃, qui₂ca₂jñi₃óg'₃ cau₅ ja₁jme₁niog₅. ¹⁵ Jaun₂ qui₂ca₂'ma₃ ju₁né'₃ tau₂ 'lau₂, ju₁jë₄ ni₁'lau₂ cha₂ má'₂, ju₁lia'₂ rag₅₄ i₂gon₂ gua'₅₄ 'uë₃, ju₁lia'₂ dsa₂ dsen₅₄, ju₁lia'₂ dsa₂ juig₅₄ 'lióg₂, ju₁lia'₂ dsa₂ i₂cha₂ cu₄, ju₁lia'₂ dsa₂ 'uan'₂, ca₂le₃jñ₃ ju₁lia'₂ i₂jme₂ti₃ ta₁ ne₄ juig₅₄, ju₁lia'₂ dsa₂ i₂tsá₃ 'ein₂ ne₄ jme₂ti₃ ně₃; ¹⁶ qui₂ca₂juá'₂ ca₂tsí'₃ má'₂, ni₁'lau₂:

—Sen'₅₄ 'nia'₂ ne₄ quián₂ jnia'₅₄, 'mog₅₄ jnia'₅₄ ia₁jaun₂ tsá₃ jág₂ i₂guá₅ ne₄ta₁ ó₃, tsá₃ cuë₂ jmi₄ a₂'é₂ Guein₂ Já'₂ Cha'₂ Ó₃ uig₅ a₂'nei₂. ¹⁷ Ia₁ ně₃ guë₄ dsón'₂ gua₅ jmi₄ a₂'ñio₅ jaun₂ a₂'ě₂ uig₅ a₂'nei₂. ¿Ein₂ bá₄ qui'₅₄ jmi₄ tió'₅?

7

Dsa₂ tsi₁jon₂ Israel i₂lñ₅ léi₄

¹ Jme₁ma₂ca₂lě₃ jaun₂, ca₂jñing₅₄ quén₂ ángeles, tióin₂ le₃quén₂ qui'₅₄ mi₂güig₃, a₂jné₅ le₃quén₂ dsí₂ quió'₅ gua'₅₄ 'uë₃, ia₁jaun₂ tsá₃ ma₃lě₂ 'ag₃ dsí₂ ta₁caun₂ ne₄ gua'₅₄ 'uë₃, on₃ guë'₂ ne₄ jmi₁ñí'₄, on₃ guë'₂ ne₄ 'i₁caun₂ ni₁'ma₂. ² Jaun₂ guë'₄ ca₂jñing₅₄ jan₂ ángel sián'₂, já₅ tē₂le₃ ja₁'ia₂* 'iog₂, já₅ 'éi₂ quian₅ sello quió'₅ Diú₄ jén'₃. Ángel 'éi₂ guë'₄ ně₃ ca₂tsí'₃ le₃quén₂ ángeles i₂jme₁ma₂η₂ bí₂ a₂jmo₃ dain₅₄ 'uë₃ quian'₅₄ guë'₂ jmi₁ñí'₄, ca₂juá'₂ tiá₂ lñ₃:

³ —'A₃ lě₁jmo₂ de'₂ dain₅₄ 'uë₃, on₃ guë'₂ jmi₁ñí'₄, on₃ guë'₂ ni₁'ma₂ a₂cha₂ ně₃, ca₂lia'₂ ca₂tiong₅₄ jnia'₅₄ léi₄ quian'₅₄ sello ne₄ chi₁quí₃ dsa₂ i₂jme₂ti₃ ne₄ Diú₄ quián₂.

⁴ Jaun₂ ca₂nag₃ jniá₂ 'a₂ con'₂ tén₅ i₂ca₂lñ₃ léi₄ 'éi₂; lě₂ caun₂ 'ñiá₂-láu₂ rē₂dsí₂ tē₂láu₃-quén₂ mei₅ (144,000), jmá'₃ dsa₂ tsi₁jon₂ dsa₂ juig₂ Israel.

⁵ Guia₃-tñ₂ mei₅ dsa₂ i₂ca₂lě₃ lén₄ dsa₂ tsi₁jon₂ Judá;

 guia₃-tñ₂ mei₅ dsa₂ tsi₁jon₂ Rubén;

 guia₃-tñ₂ mei₅ dsa₂ tsi₁jon₂ Gad;

⁶ guia₃-tñ₂ mei₅ dsa₂ tsi₁jon₂ Aser;

 guia₃-tñ₂ mei₅ dsa₂ tsi₁jon₂ Neftalí;

 guia₃-tñ₂ mei₅ dsa₂ tsi₁jon₂ Manasés;

⁷ guia₃-tñ₂ mei₅ dsa₂ tsi₁jon₂ Simeón;

* **7:2** Co₂'nió'₄ le₃juá'₅₄, caun₂ cosa a₂tsá₃ 'i₄ jme₂dsí₂, a₂ca₂jmo₃, Diú₄. 'Nio'₂ ja₁ton₅ Salmo 8:3; Romanos 1:25.

guia₃-tín₂ mei₅ dsa₂ tsi₁jon₂ Leví;
 guia₃-tín₂ mei₅ dsa₂ tsi₁jon₂ Isacar;
 8 guia₃-tín₂ mei₅ dsa₂ tsi₁jon₂ Zabulón;
 guia₃-tín₂ mei₅ dsa₂ tsi₁jon₂ José;
 guia₃-tín₂ mei₅ dsa₂ tsi₁jon₂ Benjamín ně₃.

Dsa₂ i₂juin₅ lin₃ le₁qui₂ 'mi₂ tiog₂

9 Jme₁ca₂lě₃ jaun₂, ca₂jág₃ táng₃ jniá₂, jaun₂ ca₂jnia₃ juin₅ lin₃ dsa₂, ca₂lia'₂
 'i₁jan₂ tsá₃ 'ein₂ qui₅₄ jmi_g₄ 'i₃ quió'₅: dsa₂ chan₂ ca₂le₃jě₃ juig₂, ca₂le₃jě₃ tsi₁jon₂,
 ca₂le₃jě₃ go₄ dsa₂, ca₂le₃jě₃ já_g₁ jmei₅ ně₃. Tióin₂ 'uig₅₄ ne₄ta₁ quian'₅₄ ne₄
 Guein₂ Já'₂ Cha'₂, i₂le₁qui₂ 'mi₂ tiog₂, i₂le₁chan'₂ jma₃ca₂nei'₅₄ mog'₅₄ 'ma₂tsín₅.
 10 Tióin'₅₄ co₂mi'₅₄ juá'₂:

Jui₁lia'₂ a₂lión₂ dsa₂,
 já₅ quió'₅ Diú₄ quián₂ bá₄ jniog₄ i₂guá₅ ne₄ta₁;
 já₅ quió'₅ Guein₂ Já'₂ Cha'₂ ně₃.

11 Jme₁tión₂ ca₂le₃jín₃ ángeles le₃lág'₃ ne₄ta₁, le₃lág'₃ quió'₅ gui₅₄ can'₅₄ quian'₅₄
 guè'₂ já'₂ quén₂ 'éi₂. Jaun₂ qui₂ca₂tóin₂ 'uë₃ rě₂ 'éin₂ co₂nei'₅₄, ca₂jme₃juin'₂ Diú₄,
 12 a₂juá'₂:

¡A₂méi₃!

Le₃quió'₅ Diú₄ quián₂ bá₄ ca₂tín₂
 ca₂le₃jě₃ a₂jme₃go₃ dsa₂,
 ca₂le₃jě₃ a₂lén₂ tág₅ co₂'né'₅,
 ca₂le₃jě₃ a₂ñí'₂ dsí₅,
 ca₂le₃jě₃ ti₁'mag'₄,
 ca₂le₃jě₃ a₂jme₃juag'₂ dsa₂,
 ca₂le₃jě₃ a₂le₃goin₂,
 ca₂le₃jě₃ jui₅bí₂,

ca₂lia'₂ co₂tan₅₄. A₂méi₃.

13 Jaun₂ ně₃, jan₂ gui₅₄ can'₅₄ 'éi₂ ca₂ηag₃ jniá₂ ca₂juá'₂:
 —¿'Ein₂ bá₄ i₂le₁qui₂ tsin'₅₄ tiog₂ tión₂ ně₅? ¿Já'₄ ja₂lén₂?

14 Jaun₂ ca₂ηag₄ jniá₂:

—Nj'₅₄ bá₄ 'ne₂, gui₅₄.

Jaun₂ ca₂ηag₃ táng₃ gui₅₄ 'éi₂:

—I₂ně₅ bá₄ 'éi₂ i₂ma₂ηi₅ Jmi₁uig₅ Juè'₂; ma₂qui₂ca₂rang₃ tsin'₅₄, ma₂jmo₃ tiog₂
 ně₃ tě₂le₃ quian'₅₄ jmi₂ 'an₅₄ Guein₂ Já'₂ Cha'₂. 15 'Uig₅₄ jaun₂ ně₃,

tióin₂ ne₄ta₁ ně₅ quió'₅ Diú₄,

jme₂ti₃ ne₅₄ lia'₂ 'uë₂-jmi₂ dsi₂néi₂ guá'₅ ně₅ quió'₅;

i₂guá₅ ne₄ ne₄ta₁ ó₃ ně₃, 'éi₂ bá₄ jmo₃ 'í₁

ně₂jag₄ a₂qui₃jlín₂ dsa₂ quian'₅₄ 'mi₂ 'én'₁ quió'₅.

16 Tsá₃ ma₃qui₂i₁cón'₅ lé₂,

on₃ guè'₂ ma₃qui₃le₃quein₂ dsí₅, i₁'ín'₂ jmi_g₂,

on₃ guè'₂ ma₃qui₃ηág₂ guë₄ uig₅

jua'₅₄ a₂dséi₂ 'iog₂.

17 Ia₁ Guein₂ Já'₂ Cha'₂

i₂guá₅ dsi₂jō₂ ne₄ta₁ ně₅ bá₄

jmo₃ 'í₁

ně₂jag₄ dsa₂ i₂jmo₅ 'í₁ já'₂ cha'₂ quián₅,

jiog₃ jui₅ tu₁ jmi_g₂ ja₁'ia₂ jmi_g₂ jén'₃.

Jaun₂ qui₃chí₃ Diú₄ jme₁ne₁₂

ca₂le₃jě₃ jmi_g₂ a₂le₁'ág₄.

8

Mi₄cuing₅ jë₁ca₂të₂ guio₃

¹ Jme₁ca₂niá₃ guë'₂ táng₃ Guein₂ Já'₂ Cha'₂ jë₁ca₂të₂ guio₃ mi₄cuing₅ quió'₅ mi₂si₂ a₂rë₂bin₅, jaun₂ ca₂të₁tsi'₅₄ tei₄ guei'₅₄ i₂juí₃ con'₂ ca₂jau₅₄ hora. ² Ján₃ bá₄ ca₂jín₄ jniá₂ ta₁guion₃ ángeles i₂tió₂ ne₄ Diú₄. 'Éi₂ guë'₂ ně₃ ca₂ñi₂ guio₃ ñí₂ trompetas. ³ Cang₂ jaun₂ ca₂já₃ táng₃ jan₂ ángel ca₂o₃náu₃ ne₄chei₂, chi₁chan'₂ caun₂ ñí₁ tó'₅ chen₂, a₂lë₅ jmá'₃ cu₄nióg₄. Jaun₂ ca₂ñi₂ 'lióng₂ chen₂, jaun₂ jén'₃ co₂dsia₅ quian'₅₄ já₃ a₂chi₂lí'₂ ca₂le₃jín₃ dsa₂ i₂tén₅ le₃quió'₅ Diú₄, * dsia₃ ne₄ ne₄chei₂ a₂lë₅ cu₄nióg₄ a₂chí'₅ 'uig₅₄ ne₄ta₁. ⁴ Jaun₂ ca₂jñá₂ jme₁ñi₁ chen₂ lia'₂ jma₃quian'₅₄ já₃ a₂chi₂lí'₂ dsa₂ quián₅ Diú₄, qui₂ca₂'uë₂ o₄gú₃ ángel le₃ne₄ Diú₄. ⁵ Jaun₂ ca₂tín₂ ángel ñí₁ a₂tó'₅ chen₂, jaun₂ ca₂jme₃cain'₂ míg₂ si₂tá'₃ tio'₅₄ ne₄chei₂, jaun₂ ca₂guia'₃ jaun₂ ně₃, ne₄ gua'₅₄ 'uë₃. Jaun₂ ca₂lë₃ gau₂ ca₂quia'₂ ñí'₃, ca₂të₁tsi'₅₄ co₂mi'₅₄, qui₂ca₂'né'₃ si₁ñí'₃, ca₂i₁bi₅₄ 'uë₃ ně₃.

Ñí₁ trompetas

⁶ Jaun₂ ně₃, le₃guion₃ ángeles i₂le₁chan'₂ ñí₁ trompetas, ca₂jmo₃ co₂jñia₅₄ a₂jéi₂ ñí₁ quió'₅.

⁷ Jaun₂ ca₂jéi₂ jë₁le₂ 'uig₅₄ ángel ñí₁ quió'₅, jaun₂ dsi₂jui₅ le₂jaun₂ ca₂séi'₂ mi₂dsí₅ quian'₅₄ míg₂ si₂tá'₃ a₂qui₂rë₂cón'₅ jmi₂, ca₂tang₂ ne₄ gua'₅₄ 'uë₃. Jaun₂ guë'₄ ca₂cáu₂ ca₂qui'₅₄ quió'₅ 'ni₅ quió'₅ gua'₅₄ 'uë₃; qui₂ca₂cáu₂ ca₂qui'₅₄ quió'₅ 'ni₅ quió'₅ ni₁'ma₂ a₂cha₂ 'ña₁; qui₂ca₂cáu₂ guë'₄ ca₂le₃jë₃ nau₂ rë'₂.

⁸ Jaun₂ ca₂jéi₂ jë₁ca₂të₂ on₃ ángel ñí₁ quió'₅, jaun₂ ca₂jñia₃ ñó₃ ca₂qui'₃ a₂lë₅ lia'₂ lë₅ má'₂ ne₄ jmi₁ñí'₄, jniá₂ chi₁guí'₂ si₂ ñó₃. Jaun₂ ca₂lë₃ jmi₂ ca₂qui'₅₄ quió'₅ 'ni₅ quió'₅ jmi₁ñí'₄. ⁹ Jaun₂ ca₂dsan₃ ca₂qui'₅₄ quió'₅ 'ni₅ jui₁lia'₂ já'₂ i₂chan₂ jmi₁ñí'₄, jaun₂ ca₂'en₃ ca₂qui'₅₄ quió'₅ 'ni₅ jui₁lia'₂ ni₁barcos ján₃.

¹⁰ Jaun₂ ca₂jéi₂ jë₁ca₂të₂ ún₂ ángel ñí₁ quió'₅, jaun₂ ca₂tá'₂ caun₂ nei₅ pa₁a chi₁guí'₂ si₂ ca₂tá'₂ guei'₅₄ dsi₂güig₂, qui₂cau₂ lia'₂ cau₂ ni₁qui₂; ca₂tá'₂ ne₄ ca₂qui'₅₄ quió'₅ 'ni₅ ca₂le₃jë₃ cuá₃, ne₄ ca₂le₃jë₃ o₄tu₁ jmi₂ ně₃. ¹¹ Nei₅ jaun₂ chei₂ Nei₅† Dsi'₃. Jaun₂ ca₂lë₃ dsi'₃ ca₂qui'₅₄ quió'₅ 'ni₅ jui₁lia'₂ jmi₂ cha₂ gua'₅₄ 'uë₃. Jaun₂ jui₁lin₃ dsa₂ i₂ca₂dsan₃ ia₁ ca₂'in'₃ jmi₂ dsi'₃ jaun₂, 'uig₅₄ ia₁ a₂ca₂lë₃ dsi'₃ jmi₂.

¹² Jaun₂ ca₂jéi₂ jë₁ca₂të₂ qué₂ ángel ñí₁ quió'₅, jaun₂ ca₂i₃ba₅₄ ca₂qui'₅₄ quió'₅ 'ni₅ quió'₅ 'iog₂, ca₂qui'₅₄ quió'₅ 'ni₅ quió'₅ tsi'₂, ca₂qui'₅₄ quió'₅ 'ni₅ jui₁lia'₂ nei₅ ně₃, ia₁jaun₂ néi₃ ca₂qui'₅₄ quió'₅ 'ni₅ ca₂le₃jë₃ a₂jaun₂, ia₁jaun₂ tsá₃ ma₃jñia₃ ca₂qui'₅₄ quió'₅ 'ni₅ a₂jmi₂, ján₃ bá₄ le₂jaun₂ a₂'uë₂.

¹³ Jaun₂ ca₂jág₃ jniá₂ táng₃, ca₂jñing₅₄ jan₂ i₁mig₂ i₂ñi₅ 'en₅ dsi₂güig₂, ca₂né'₂ tiá₂ jág₁ quió'₅, i₁juá'₄:

—jui₂g₂! jui₂g₂! jui₂g₂ guë'₄ lin₃ jui₁lia'₂ i₂chan₂ ne₄ gua'₅₄ 'uë₃, 'uig₅₄ ñí₁ trompetas a₂në₃ guë'₄ dsi₃'ein₅₄ a₂jéi₂ le₃ún₂ ángeles i₂'nió'₅ guë'₄ 'éi₂!

9

¹ Jaun₂ ca₂jéi₂ jë₁ca₂të₂ 'ñiá₂ ángel ñí₁ quió'₅, jaun₂ ca₂jín₄ jniá₂ jan₂ nei₅ i₂ca₂tán'₂ guei'₅₄ i₂juí₃ ca₂të₂ gua'₅₄ 'uë₃. * Ca₂ñi₂ ñí₁ llave a₂ca₂tín₂ quió'₅ ja₁ca₂jéin₃ chi₁dsio₅₄. ² Dsi₂jui₅ jme₁ca₂niá₃ 'éi₂ ja₁jaun₂, jaun₂ ca₂'ia₂ jme₁ñi₁ 'ñei₂ jui₁lia'₂ jme₁ñi₁ a₂'uë₂ tau₂ si₂ pa₁ lin₃ ja₁jme₂jmag₂ dsa₂ ni₁ñi₁. Jaun₂ co₂dsia₅ ca₂lë₃ qui₁né'₃ 'iog₂, dsi₄ mi₂güig₃ ně₃ quian'₅₄ jme₁ñi₁ a₂ca₂'ia₂ ja₁jaun₂. ³ Jë₄ jme₁ñi₁ jaun₂ ca₂'uin₂ i₁ni₂ ca₂i₁noi₁₂ tsi₁co₂jë'₂ 'uë₃. I₁ni₂ 'éi₂, ca₂ñi₂ bí₂

* **8:3** lit. "ca₂le₃jín₃ dsa₂ jñi₃." † **8:11** Co₂'nió'₄ le₃juá'₅₄, caun₂ cosa a₂tsá₃ 'i₄ jme₂dsi₂, a₂ca₂jmo₃ Diú₄. 'Nio'₂ ja₁ton₅ Salmo 8:3; Romanos 1:25. * **9:1** 'Nio'₂ ja₁ton₅ Isaías 14:12-15; Lucas 10:18; Apocalipsis 12:9.

a₂lín₅ jui₁lia' ₂ lín₅ i₁'né₅ i₂chan₂ gua' ₅₄ 'uë₃. ⁴ Jaun₂ ca₂ñi₂ 'éi' ₃ a₂tsá₃ dain₅₄ jmo₃ jui₁lia' ₂ 'au₂ a₂cha₂ gua' ₅₄ 'uë₃, on₃ guë' ₂ 'i₁caun₂ a₂rë' ₂ jui₁lia' ₂ mog' ₅₄ 'ma₂ a₂cha₂ në₃. Bí₂ jaun₂ bá₄ ca₂ñi₂, a₂jmo₃ dain₅₄ jmá' ₃ lia' ₂ dsa₂ i₂tsá₃ léi₄ quió' ₅ Diú₄ le₁quian₅ chi₁quí₃. ⁵ La₁ tsá₃ 'éi' ₃ jaun₂ ca₂ñi₂ jua' ₅₄ a₂co₂dsia₅ jme₃dsiain₂₃ dsa₂; a₂jñia' ₅₄ con' ₂ 'ë₃ jmi₁uig₅ ca₂lia' ₂ ca₂dsin₃ 'ñiá₂ tsi' ₂. Uig₅ a₂cuë₂₃ jaun₂ lë₅ lia' ₂ lë₅ caun₂ uig₅ qui' ₂ jui₁lia' ₂ ja₁'í₅ i₁'né₅ quió' ₅ dsa₂. ⁶ Jmíg₄ jaun₂ qui₃'no' ₂ dsa₂ 'mú₃, la₁ tsá₃ a₁jaun₂ dsio' ₂. 'In₅ dsí₅ jua' ₅₄ dsiáin₃ bá₄ co₂ñei' ₅₄, la₁ 'mú₃ në₃, cuing₃ ja₁coin₂.

⁷ I₁ni' ₂ 'éi₂ në₃, jme₁lín₄ lia' ₂ lín₅ dsi₂cua₁ i₂lë₅ co₂jñia₅₄ dsi₃lén₂ ne₄ 'nei₂. Mi₂dsi₅₄ guë' ₂ në₃ jme₁le₁quian₅ a₂lë₅ lia' ₂ lë₅ coronas a₂lë₅ cu₄nióg₄. Dsi₂ne₄ guë' ₂ jme₁lë₄ lia' ₂ lë₅ dsi₂ne₄ dsa₂ mi₂güig₃. ⁸ Jñi₂ dsi₅₄ guë' ₂ në₃, jme₁lë₄ lia' ₂ lë₅ jñi₂ dsi₄ dsa₂ mí₂. Mi₂jan₅₄ guë' ₂ jme₁lë₄ lia' ₂ lë₅ mi₂jan₄ 'ia' ₂ león. ⁹ Guion₅₄ guë' ₂ já₂ qui₂rë₂lióin₃ rë₂, lë₅ 'í₁ quian' ₅₄ a₂lë₅ lia' ₂ lë₅ ni₁ñí₁. Mi' ₅₄ a₂tó' ₅ tsi₁rë₂cu₅ jë₁ma₂'iin₂ në₃, jme₁lë₄ jui₁lia' ₂ lë₅ mi' ₅₄ a₂tó' ₅ 'lióng₂ ñí₁ carretas a₂'in₅ dsi₂cua₁ co₂'ei₅ ne₄ 'nei₂. ¹⁰ Ne₁con₅ a₂le₁dsi₅₄ guë' ₂ në₃, jme₁lë₄ jui₁lia' ₂ lë₅ ne₁con₅ i₁'né₅ le₁dsi₅₄ táun₂. Jui₅ nei' ₅₄ con₅ jaun₂, 'io₅ bí₂ a₂le₃jmá' ₂ dain₅₄ dsa₂, con' ₂ 'ñiá₂ tsi' ₂. ¹¹ Ne₄ i₁ni' ₂ 'éi₂ jme₁gon₂ jan₂ rag₅₄, i₂lín₅ ángel i₂niog₅ ne₄ ja₁ca₂jein₃ chi₁dsio₅₄. Jme₁chein₂ Abadón quian' ₅₄ jág₁ jmei₅ hebreo. Le₃quian' ₅₄ jág₁ jmei₅ griego guë' ₂, chein₂ Apolión, co₂'nió' ₄ i₂të' ₂ I₂qui₂'én₂.

¹² Le₂'uig₅₄ jmi₁uig₅ ma₂ca₂ñag₅; la₁ 'ei₅ guë' ₄ con' ₂ guë' ₄ tin₃, a₂në₅ guë' ₄ ñág₃ dsa₂.

¹³ Jaun₂ ca₂jéi₂ jë₁ca₂të₂ jñé₂ ángel ñí₁ quió' ₅. Jaun₂ ca₂nag₃ jág₁ a₂'ia₂ jë₄ ta₁quén₂ gua₄ a₂le₁dsi₅₄ ne₄chei₂ a₂lë₅ cu₄nióg₄ a₂chí' ₅ ne₄ Diú₄. ¹⁴ Ca₂juá' ₂ ca₂tsí' ₃ ángel i₂jë₁ca₂të₂ jñé₂ 'éi₂, i₂chan' ₂ ñí₁ trompeta, ca₂juá' ₂:

—'Uin' ₅₄ le₃quén₂ ángeles i₂le' _{ñe' ₅₄ cau₅ cuá₃ juë' ₂ Eufrates.}

¹⁵ Jaun₂ qui₂ca₂'uin' ₂ le₃quén₂ ángeles 'éi₂ i₂jme₁lë₄ 'í₁ o₄quió' ₄ hora la₂, jmíg₄ në₃, tsi' ₂ la₂, ñi₂ la₂ në₃, i₂jme₁lë₄ co₂jñia₅₄ ia₁jaun₂ i₂jme₁dsiain₂₃ ca₂qui' ₅₄ quió' ₅ 'ni₅ jui₁lia' ₂ dsa₂ mi₂güig₃. ¹⁶ Jmá' ₃ lia' ₂ 'lióg₂ i₂co₁dsin₅₄ cua₁, tén₅ tin₃ 'ñiá₂-lón₂ millón. Ca₂nag₃ bá₄ jniá₂ 'a₂ con' ₂ téin₅ lë₂.

¹⁷ Le₂në₅ bá₄ ca₂jág₃ a₂lë₁ca₂jág₃ jaun₂, qui₂ca₂jing₅₄ cua₁ quian' ₅₄ dsa₂ i₂co₁dsag₅₄ 'éi₂. Le₁lióg₃ le₁dsí₅ dsa₂ jma₃cáun₃ a₂lë₅ 'í₁ a₂jniá₂ guéin₂, a₂lian₂, quian' ₅₄ guë' ₂ a₂nióg₂ lia' ₂ nióg₂ azufre. Mi₂dsi₄ dsi₂cua₁ guë' ₂ në₃, jniá₂ lia' ₂ jniá₂ mi₂dsi₄ 'ia' ₂ león. Jui₅ mi₂'o₅₄ guë' ₂ në₃ 'ia₂ si₂, 'ia₂ jme₁ñi₁, azufre në₃.

¹⁸ Jaun₂ ca₂dsan₃ ca₂qui' ₅₄ quió' ₅ 'ni₅ jui₁lia' ₂ dsa₂ mi₂güig₃ quian' ₅₄ 'ni₅ jmi₁uig₅ a₂qui₂ca₂'uë₂ mi₂'o₄ dsi₂cua₁ 'éi₂: a₂lë₅ si₂, jme₁ñi₁, quian' ₅₄ azufre në₃. ¹⁹ Ia₁ bí₂ a₂jme₁le₁quian₅ dsi₂cua₁ jme₁'io₂₃ jui₅ mi₂'o₅₄ quian' ₅₄ jui₅ ne₁con₅ në₃. Ia₁ jme₁lë₄ nei' ₅₄ con₅ 'éi₂ lia' ₂ lín₅ dsi₂mi' ₂, a₂qui₂le₁dsi₅₄ mi₂dsi₅₄. Quian' ₅₄ a₂jaun₂ jmo₂₃ dain₅₄.

²⁰ Dsa₂ i₂ca₂chón₂, i₂tsá₃ ca₂dsan₃ quian' ₅₄ jmi₁uig₅ a₂qui₂ca₂lë₃ jaun₂, tsá₃ jua' ₅₄ jaun₂ qui₂ca₂tí₂ 'e₂ jmo₅-dsáu₅ gu₂-tag₅₄, jua' ₅₄ a₂tsá₃ ma₃chi₂lén' ₂ je₂na' ₅₄, on₃ guë' ₂ qui₂ca₂tí₂ a₂tsá₃ ma₃jme₂juin' ₂ diú₄ lag₄ i₂lín₅ quian' ₅₄ cu₄nióg₄ quian' ₅₄ cu₄tiog₂, quian' ₅₄ ni₁ñí₁ nióg₂, quian' ₅₄ ni₁cang₁, quian' ₅₄ ni₁'ma₂ në₃; on₃ i₂lë₂ ñi₃, on₃ i₂lë₂ dsia₃ jág₁, on₃ i₂lë₂ jág₃, on₃ guë' ₂ lë₂ nag₃ në₃. ²¹ On₃ guë' ₂ qui₂ca₂tí₂ jua' ₅₄ a₂tsá₃ ma₃jme₃dsiain₂₃ dsa₂ mi₂güig₃ rin' ₅₄, on₃ guë' ₂ qui₂ca₂tí₂ ta₁ a₂jme₁jmo₂₃ mí₅ a₂chan₂ dsí₅,† On₃ guë' ₂ qui₂ca₂tí₂ jua' ₅₄ tsá₃ ma₃nió' ₅ jág₁ a₂tsá₃ dsi₂ten₅₄ nió' ₃, on₃ guë' ₂ qui₂ca₂tí₂ jua' ₅₄ a₂tsá₃ ma₃'ang₃ në₃.

† 9:21 griego: farmakeía.

10

Mi₂si₂ pí'₁ rē₂bin₅

¹ Jaun₂ ca₂jing₅₄ táng₃ jan₂ ángel sián'₂, i₂'uan'₂ lin₃, ca₂jniai₃ já₅ ca₂sióin₃ guei'₅₄ i₂juíg₃, rē₂lióin₃ jnei₅ rē₂lag₄ lí₁ lia'₂ jniá₂ mi₂jo'₅₄ si₂ mi₂dsi₅₄. Jme₁tág₅ dsi₂ne₅₄ lia'₂ tág₅ 'iog₂; mi₂tag₅₄ guē'₂ ně₃, jme₁lě₄ lia'₂ lě₅ tag₄ dsi₅ ni'ia'₂, a₂tág₅ si₂. ² Jme₁chi₁chan'₂ caun₂ mi₂si₂ pí'₁ a₂rē₂bin₅, a₂rē₂na₄. Jaun₂ ca₂chi'₃ mi₂tag₅₄ ne₁ ne₄ jmi₁ní'₄, tag₅₄ jen₅ guē'₂ ca₂chi'₃ ne₄ 'uē₃. ³ Jaun₂ ca₂guió'₃ tiá₂, lia'₂ jē'ñióg₁ 'ia'₂ león. Jaun₂ dsi₂jui₅ jme₁ca₂guió'₃, ca₂quia'₂ ta,guió₃ ní'₃, qui₂ca₂'uē'₃ jág₁ quió'₅. ⁴ Jme₁ma₂nē₂dsia₃ jág₁ ta,guió₃ ní'₃, jaun₂ guē₄ jme₁ma₂taun₅₄ ne₄ si₂. La₁ ca₂né'₂ jág₁ a₂já₃ guei'₅₄ i₂juíg₃, ca₂juá'₂ tság₅ jniá₂:

—'Ma₄ jág₁ a₂nē₂juá'₂ guio₃ ní'₃ ně₅, 'a₃ lē₁taun₂ de'₂ ne₄ si₂.

⁵ Jaun₂ ángel i₂ca₂jing₅₄, i₂chén'₅ chí'₅ caun₂ tag₅₄ ne₄ jmi₁ní'₄ caun₂ guē'₂ tag₅₄ ne₄ 'uē₃, ca₂chóg'₃ gu₂ ne₁ jui₅ guei'₅₄ i₂juíg₃. ⁶ Jaun₂ ca₂juá'₂ ca₂'in₃ i₂chan₂ co₂tan₅₄, i₂ca₂jmo₃ ca₂dsia₃ mi₂güí₃, quian'₅₄ ca₂le₃jě₃ a₂tio'₅₄ ja₁jaun₂, i₂ca₂jmo₃ guei'₅₄ mi₂güí₃ quian'₅₄ ca₂le₃jě₃ a₂tio'₅₄ ja₁jaun₂, i₂ca₂jmo₃ jmi₁ní'₄, quian'₅₄ ca₂le₃jě₃ a₂tio'₅₄ ja₁jaun₂; ca₂juá'₂:

—Tsá₃ ma₂uē₂ le₃'ag₄. ⁷ La₁ jē₁ma₂tě₂ jmi₄ g₄ jē₁ma₂ca₂jé₂ ángel i₂ca₂tě₂ guion₃ 'éi₂ ní₁ trompeta quió'₅, jmi₄ jaun₂ dé₄ dsón'₂ le₃ti₃ jág₁ a₂rē₂'ma₄ quió'₅ Diú₄, a₂ca₂'ě₂ ne₄ dsa₂ i₂jme₁'ě₂ jág₁ quiáin₅, i₂ca₂jme₃ti₃ ta₁ ne₅₄.

⁸ Jaun₂ jág₁ a₂ca₂nag₃ a₂já₅ guei'₅₄ i₂juíg₃ jaun₂, ca₂juá'₂ táng₃ ca₂tság₃ jniá₂:

—Gua₂, o₂quian₂ mi₂si₂ pí'₁ a₂rē₂na₄ a₂chi₁chan'₂ ángel i₂chén'₅ ne₄ jmi₁ní'₄, ne₄ gua'₅₄ 'uē₃.

⁹ Jaun₂ ñó₃ jniá₂ ja₁chén'₄ ángel, jaun₂ ca₂juíg₂ jniá₂ a₂cuē₃ mi₂si₂ pí'₁. Jaun₂ ca₂juá'₂ 'éi₂ ca₂tság₃ jniá₂:

—Ján'₅, tio'₂ mi₂'o'₅₄ co₂dsia₅ jme₁dsia₂ qué'₂. A₂jma₂ rau₂ bá₄ ně₅, la₁ jē₁ma₂dsióg₃ tē₂'au'₂, le₃dsi'₃ bá₄.

¹⁰ Jaun₂ ca₂tíng₂ si₂ a₂ca₂cuē₃ ángel 'éi₂. Jaun₂ ca₂tó'₃ mi₂'o₃. Dsón'₂ bá₄ ráu₂ 'ñi₅ lin₃, lě₅ lia'₂ lě₅ jmi₁tá'₄. La₁ jme₁ma₂nē₂nág'₃ jniá₂ ně₃, ca₂rē₃léi₄ 'e₂ bá₄ dsi'₃ ca₂dsióg₃ tē₂dsi₃. ¹¹ Jaun₂ ca₂juá'₂ ca₂tság₃ jniá₂:

—Tion₅₄ 'nió'₅ o₁'ě'₃ bá₄ táng₃ 'ne₂ jág₁ ne₄ ca₂le₃jín₃ ne₅₄ dsa₂, ne₄ 'lióng₂ juig₂, ne₄ 'lióng₂ jág₁ jmei₅, ne₄ juin₅ rag₅₄ ně₃.

11

Le₃on₃ dsa₂ i₂jáng'₅ jág₁ dsau₅

¹ Jaun₂ ca₂ñig₂ ca₂'nau₅₄ 'ma₂ta₅ a₂lě₅ lia'₂ lě₅ ni'₁ma₂ a₂quiog₂ dsa₂ 'éi'₃. Jaun₂ ca₂nag₃ ca₂juá'₂:

—Nau₂, o₂quiog₂ 'éi'₃ quió'₅ guá'₅ quió'₅ Diú₄, o₂quiog₂ 'éi'₃ ne₄chei₂ ně₃. O₁'én₁ dsa₂ i₂tón'₅ jme₂juin'₂ Diú₄ ja₁jaun₂. ² Tsá₃ cán'₁ 'éi'₃ i₁dsi₅ guá'₅ a₂lě₅ le₃ca₁'né₄, ia₁ a₂ma₂lě₅ quió'₅ dsi₂nau₂ bá₄ ja₁jaun₂; jaun₂ 'éi₂ bá₄ dsa₂ i₂qui₃tsó'₃ ta₁caun₂ juig₂ jñióg₅ jaun₂ con'₂ ca₂dsin₃ tē₂láu₃-tin₃ tsí'₂. ³ Tsin₅₄ bá₄ jniá₂ on₃ dsa₂ i₂jáng'₅ jág₁ dsau₅ o₄quió₃, a₂qui'ě₂ jág₁ caun₂ mei₅ rē₂dsí₂ tin₃ 'ñiá₂-láu₂ rē₂dsí₂ 'nag'₂ ne₂guióg₂ (1260) jmi₄, le₁qui'₂ 'mi'₂ lia'₂ ju₁lia'₂ a₂quí'₅ dsa₂ ja₁ron₅ 'lag₄.

⁴ Co₂'nió'₄ dsa₂ on₃ i₂jáng'₅ jág₁ dsau₅, lě₅ co₂'nió'₄ tin₃ ni'₁ma₂ olivos, quian'₅₄ guē'₂ tin₃ tag₄ ja₁le,guí'₂ si₂, a₂tióng₂ ne₄ Te,gui'₅₄ i₂lín₅ juig₅₄ gua'₅₄ 'uē₃. ⁵ Nē₁jua'₂ 'ein₂ 'nio₃ jmóg'₂ dain₅₄, la₁ quian'₅₄ si₂ a₂'uē'₅ 'o₄ bá₄ 'éi₂ co₂dsia₅ dság'₂ dsín'₂ ca₂le₃jín₃ i₂'iog₅₄. Jaun₂ le₂ně₅ bá₄ ca₂tín₂ dsián₃ ju₁lia'₂ i₂'nio₃ jmá'₂ dain₅₄ 'éi₂. ⁶ I₂jáng'₅ jág₁ dsau₅ 'éi₂ ně₃ 'io₃ bí₂ a₂lé₂ jnéi₂ guei'₅₄ mi₂güí₃ ia₁jaun₂ tsá₃ ma₃lé₂ téin₃ jmi₅ ca₂le₃jě₃ jmi₄ tē₁lia'₂ tē₂i₃nioi₅₄ qui'ě₂ jág₁ o₄quió'₄ Diú₄. Jaun₂ 'io₃

bí₂ ján₃ a₂lé₂ le₃jmo₃ lé₂ jmi₂ jui₁lia'₂ jmi₂g₂, a₂lé₂ qui₃cuë₃ ca₂le₃jě₃ ne₅₄ jmi₁uig₅
 ne₄ gua'₅₄ 'uë₃ i₂gú'₃ ráun₂ 'a₂ con'₂ jnia'₅₄ 'nio₃. ⁷ La₁ jë₁ma₂dsan₃ ta₁ quió'₅ 'éi₂
 ně₃ a₂qui₃jáng'₃ jág₁ dsau₅, jaun₂ guë₄ o₃'in₅ Já'₂ 'Lin'₅₄* ja₁ca₂jein₃ chi₁dsio₅₄.
 'Éi₂ guë₄ cuë₃, jo₅₄, jme₃dsiog₂₃. ⁸ Jë₄ calle juig₂ dsen₅₄ jaun₂, le₁gain'₅₄ le₁lin₁₂
 lé₂, co₂'nió'₄ ja₁chei₂ quian'₅₄ jág₁ jáng'₅ léi₄, Sodoma quian'₅₄ Egipto, ján₃ bá₄
 ja₁ca₂tion₃ dsa₂ cróg₄ Te₁gui'₅₄ quiáin₅.† ⁹ Con'₂ 'ni₅ jmi₂g₄ rë₂tón₂ con'₂ dsi₃ñí'₃,
 ca₂le₃jín₃ dsa₂ chan₂ le₂con₂ juig₂, ca₂le₃jín₃ ne₅₄ dsa₂, ca₂le₃jě₃ ne₅₄ jag₄ dsa₂, jág₃
 jiin₂ 'lag₄ 'éi₂. La₁ tsá₃ 'ein₂ ñe₂ jmi₂g₄ jua'₅₄ a₂dsi₃'ó₃. ¹⁰ Ca₂le₃jín₃ dsa₂ i₂chan₂ guë₄
 gua'₅₄ 'uë₃, 'ñio₅ tóin'₃ jmo₃ 'io'₂ o₄quió'₄ 'éi₂, jmo₃ jmi₂g₄ a₂cha₂ qui₂dsi₃can₅ cuë'₃
 rñin'₅₄. Ia₁ dsa₂ on₃ quián₅ Diú₄ i₂ca₂dsan₃ 'éi₂, 'ñio₅ lin₃ jme₁le₁quian₅ jmi₁uig₅
 ja₁con₂ dsa₂ i₂chan₂ gua'₅₄ 'uë₃. ¹¹ La₁ jme₁ca₂dsin₃ 'ni₅ jmi₂g₄ tón₂ con'₂ dsi₃ñí'₃
 jaun₂, Diú₄ ně₃ ca₂tó'₂ táng₃ jme₂dsí₂ quió'₅ dsa₂ 'éi₂, jaun₂ qui₂ca₂nau₂ táng₃.
 Jaun₂ ca₂i₃gó'₃ dsí₅ 'ñio₅ lin₃ dsa₂ i₂ca₂jág₂. ¹² Jaun₂ qui₂ca₂nág₂ jág₁ tiá₂ a₂já₅ jui₅
 guei'₅₄ i₂juíg₃ a₂ca₂juá'₂:

—I₂nó'₅ 'nia'₂ guei'₅₄ la₂.

Jaun₂ ca₂i₃lén₂ jui₅ guei'₅₄ i₂juíg₃ rë₂lióin₃ jnei₅, të₃ jág₅ jaun₂ dsa₂ i₂jme₁'iog₅₄.
¹³ Hora jaun₂ dé₄ ca₂i₃bi₅₄ 'uë₃ tiá₂ lin₃. Jaun₂ qui₂ca₂gon₃ ca₂qui'₅₄ quió'₅ guía₃
 juig₂ ciudad. Guio₃ mei₅ dsa₂ i₂ca₂dsan₃ jme₁ca₂jě'₂ 'uë₃. Dsa₂ i₂ca₂chón₃ guë₄
 ně₃, qui₂ca₂can₃ juë'₅ dsí₅ 'ñio₅ lin₃. Ca₂jme₃juin'₂ Diú₄ i₂guá₅ guei'₅₄ i₂juíg₃.

¹⁴ Jaun₂ co₂në₅ ca₂lë₃ jë₁ca₂tě₂ tin₃ jmi₁uig₅ a₂ca₂i₃ñí₂ dsa₂ jaun₂. La₁ ñi'₅₄ ta₁
 jiá₃ táng₃ jë₁ca₂tě₂ 'ni₅.

Jë₁ca₂tě₂ guio₃ trompeta

¹⁵ Jaun₂ ca₂jéi₂ táng₃ jë₁ca₂tě₂ guion₃ ángel ñí₁ quió'₅, jaun₂ qui₂ca₂né'₂ jág₁
 guei'₅₄ i₂juíg₃ qui₂i₁juá'₄ tiá₂ lin₃:

Ja₁gon₂ dsa₂ mi₂güig₃ ne₄ gua'₅₄ 'uë₃,
 ma₂ca₂lë₃ ja₁gon₂ Te₁gui'₅₄ quián₂ jniog₄,
 ja₂gon₂ dsa₂ Irë₂'ín₁ quiáin₅ ně₃.

Jaun₂ 'éi₂ bá₄ i₂gon₃ ca₂lia'₂ co₂tan₅₄.

¹⁶ Jaun₂ ta₁guión₂-quén₂ i₂lín₅ dsa₂ can'₅₄ i₂tián₅ ne₄ta₁ quió'₅ ne₄ Diú₄,
 qui₂ca₂tóin₂ tē₂ 'uë₃ rë₂'éin₂ co₂ñei'₅₄, ca₂jme₃juin'₂ Diú₄, ¹⁷ qui₂ca₂juá'₂:

Cuë₂ jnia'₅₄ ti₁'mag'₄ 'ne₂,
 Te₁gui'₅₄ Diú₄ i₂'Uan'₂ guë₄ lin₃,
 'ne₂ bá₄ i₂lín₅, 'ne₂ i₂jme₁lín₅,‡
 ia₁ ma₂ca₂jme₁'ñió'₂ 'ne₂ bí₂ juë'₂ quiáng'₂,
 ma₂ca₂jme₁lióg'₄ gong'₂.

¹⁸ Jme₁qui₂nau₂ 'nei₂ juig₂ gua'₅₄ 'uë₃,
 la₁ ně₃ guë₄ já₅ 'nei₂ a₂'i₄ 'au'₂,
 ia₁ ma₂ca₂tě₂ jmi₂g₄ a₂qui₁dsi'₂ 'éi'₃ ja₁con₂ 'lag₄.

Ton'₂ ca₂tě₂ jmi₂g₄ ja₁qui'₅₄ 'lian'₅₄ dsa₂ quiáng'₂
 i₂ca₂jme₃ti₃ ta₁ ne'₅₄
 i₂qui₂ma₂'ě₂ jág₁ quiáng'₂.

Le₂jaun₂ guë'₂ i₂jme₂go₃ 'a₂ lia'₂ lín₅ 'ne₂
 lia'₂ dsa₂ can'₅₄, lia'₂ dsa₂ me'₂.

Ján₃ guë'₂ ca₂tě₂ jmi₂g₄ a₂'éng'₄
 jui₁lia'₂ i₂qui₂'én₂ ne₄ gua'₅₄ 'uë₃.

* **11:7** 'Í Apocalipsis 13; 'Nio'₂ ja₁ton₅ Apocalipsis 20:2-3 ján₃. † **11:8** A₂lin₅₄ chog₅₄ si₂: "Te₁gui'₅₄ quián₂." ‡ **11:17** A₂lin₅₄ chog₅₄ si₂ juá'₂ ján₃: "'ne₂ bá₄ i₂lén₅' ján₃."

19 Jaun₂ guě₄ ca₂niá₃ dsi₂néi₂ guá'₅ quió'₅ Diú₄ guei'₅₄ i₂juíg₃. Ca₂jnia₃ tsi₁gu₅ quió'₅ jág₁ a₂li'₅₄ quian'₅₄ Diú₄ dsi₂néi₂ guá'₅ quió'₅. Tě₃jě₄ jaun₂ qui₂ca₂lě₃ si₁ńí'₃, qui₂ca₂né'₂ jág₁, qui₂ca₂quia'₂ ńí'₃, qui₂ca₂i₁bi₅₄ 'uě₃, qui₂ca₂séi'₂ dsí₅ ca'₅₄.

12

Jan₂ dsa₂ m₂ quian'₅₄ cua₁ dragón

1 Jaun₂ ca₂jnia₃ guei'₅₄ i₂juíg₃ caun₂ léi₄ juě'₂ a₂dsi₃gó'₃ dsi₅: jan₂ 'io₅₄ i₂rě₂lión₃ co₂tág₅ lia'₂ jniá₂ 'iog₂. Le₃né'₃ ja₁chén'₄ ton₅ tsi'₂. Caun₂ guě'₂ corona 'i₄ dsi₅₄, le₁ton₅ guia₃-tín₂ nei₅. 2 'Io₅₄ 'éi₂ quian₂₃ guein₂, a₂guió'₅ co₂mi'₅₄ a₂chain₂ uig₅ a₂le₃chan₂ guein₂. 3 Jaun₂ guě₄ ca₂jnia₃ léi₄ siá'₂ táng₃ guei'₅₄ i₂juíg₃: jan₂ cua₁ dragón* guén₂ i₂pan₅₄ lín₃ i₂quian₅ guio₃ mi₂dsi₄ quian'₅₄ guia₃ mi₂juí₁. Jma₃cáun₃ corona tio'₅₄ lia'₂ ca₂míg₂ mi₂dsi₅₄. 4 Quian'₅₄ ne₁con₅ já'₂ 'éi₂ qui₂ca₂tsě'₃ ca₂qui'₅₄ quió'₅ 'ni₅ jui₁lia'₂ nei₅ i₂jme₁le₁'ín₄ guei'₅₄, jaun₂ qui₂ca₂guiain'₃ ne₄ gua'₅₄ 'uě₃. Jaun₂ ca₂nau₂ cua₁ dragón ne₄ 'io₅₄ i₂jě₁ca₂rě₃chán₃ guein₂, ia₁jaun₂ qui_{in}'₂ guein₂ dsi₂jui₅ jě₁ma₂ca₂rě₃chán₃. 5 Ca₂rě₃chán₃ rě'₂ guein₂ quiáin₅, jan₂ guein₂ dsa₂ ńe'₂ i₂'i₄ 'éi'₃ gon₃ ne₄ ca₂le₃jě₃ juig₂ quian'₅₄ 'ma₂'i'₅₄ a₂lě₅ ni₁ńí₁ 'ua'₂. † Jaun₂ ca₂jńia'₃ bá₄ guein₂ 'éi₂ ca₂tág₃ Diú₄ i₃guá₃ ne₄ta₁ quió'₅. 6 Jaun₂ ca₂cuing₃ 'io₅₄ jui₅ 'uě₃ quein₂ co₂ńiog₅ ja₁ma₂lě₅ co₂jńia₅₄ quió'₅ Diú₄, ia₁jaun₂ le₃tain₅₄ ca₂lia'₂ ca₂dsin₃ caun₂ mei₅ rě₂tón₂ tin₃ 'ńiá₂-láu₂ rě₂dsí₂ 'nag'₂ ne₂guióg₂ (1260) jmig₄.

7 Jaun₂ ca₂lě₃ 'nei₂ guei'₅₄ i₂juíg₃: ca₂jmo₃ 'nei₂ Mi₂gue₅₄ quian'₅₄ ángeles quiáin₅, ca₂quín'₂ ca₂cuě'₃ cua₁ dragón. Ján₃ guě'₂ le₂jaun₂ ca₂jéin'₃ dragón quian'₅₄ ángeles quiáin₅. 8 La₁ tsá₃ ca₂tió'₃, jaun₂ tsá₃ ma₃ja₁ca₂rě₃chá₃ guě₄ ja₁cuin₅ jmig₄ tóin'₃ guei'₅₄ i₂juíg₃. 9 Jaun₂ ja₁jaun₂ ca₂jńia'₃ cau₅ dragón juin'₂ 'éi₂, dsi₂mi'₂ gui'₅₄ i₂jme₁chan₂ ma₂líg'₂, i₂tě'₂ i₂sě₃dsen₃, i₂chen₂ Satanás ně₃, i₂jme₂gan₅ dsa₂ ta₁caun₂ mi₂güig₃. Ca₂i₃gain'₅₄ ca₂tě₂ gua'₅₄ 'uě₃, lia'₂ jma₃quian'₅₄ ángeles quiáin₅. ‡

10 Jaun₂ ca₂né'₂ jág₁ tiá₂ guei'₅₄ i₂juíg₃, i₁juá'₄:
Ně₃ guě₄ ca₂tě₂ jmig₄ quió'₅ Diú₄ a₂lión₂ dsa₂,
ca₂dsióg₃ jmig₄ ja₁lé₂ ju₁bi₂ 'éi'₃ quió'₅ Diú₄ quián₂
a₂gon₂ 'éi₂ quian'₅₄ I₂rě₂'ín₁ quiáin₅.
Ia₁ ca₂guiain'₃ 'uě₃ i₂jme₁bóg'₂ dso₄ quió'₅ rin'₅₄ jniog₄
le₃ne₄ Diú₄ lia'₂ 'uě₂-jmi₂.

11 Ca₂tió'₃ bá₄ 'éi₂
tě₂le₃ quian'₅₄ jmi₂ 'an₅₄ Guein₂ Já'₂ Cha'₂,
tě₂le₃ quian'₅₄ jág₁ dsau₅ ně₃
a₂ma₂qui₂ma₂jáng'₃ 'éi₂;
ia₁ tsá₃ ca₂dsán₃ dsí₅ jme₂dsí₂ quió'₅
o₁ńia'₅₄ ca₂dsain₃.

12 Jaun₂ lě₃, 'io₂ jmo₄ 'nia'₂ i₂juíg₃,
quian'₅₄ guě'₂ 'nia'₂ i₂tián'₅ ja₁jaun₂.
jLa₁ 'e₂ guě₄ juíg₂ ju₁lia'₂ i₂chan₂ gua'₅₄ 'uě₃,
quian'₅₄ guě'₂ i₂chan₂ né'₃ jmi₁ńí'₄!
Ia₁ ma₂sión₃ i₂sě₃dsen₃ ja₁con'₂ 'nia'₂;
ma₂'i₄ 'nei₂ dsí₅, ia₁ ma₂ńi₅ rě₂ bá₄,
ca₂juig₄ jmá'₅ jmig₄ cha₂ guě₄ quió'₅.

* 12:3 griego: drakón (dsi₂mi'₂). † 12:5 'Nio'₂ ja₁ton₅ Salmo 2:9. ‡ 12:9 'Nio'₂ ja₁ton₅ Isaías 14:12-15; Lucas 10:18; Apocalipsis 9:1.

13 Jme₁ca₂rë₃lí₄ dragón a₂ma₂ñó₅ jui₅ gua₅₄ 'uë₃, jaun₂ 'éi₂ ně₃ ca₂'ein₃ 'io₅₄ i₂ca₂rë₃chán₃ guein₂ dsa₂ ñe₂ quián₅. 14 La₁ 'io₅₄ 'éi₂ ně₃, ca₂ñi₂ tsi₁rë₂cu₅ ca₁ca₅₄ a₂lë₅ lia₂ lë₅ tsi₁rë₂cu₅ i₁mig₂, ia₁jaun₂ 'in₃ jui₅ ja₁quió₄, ja₁lë₄ 'uë₃ quein₂ co₂'ñiog₅, ja₁lë₄ 'í₁ 'ni₅ ñi₂ tē₂ ca₂jau₅₄ le₃ne₄ dsi₂mi₂'. 15 Jaun₂ ca₂'uë₃ dsi₂mi₂ jmig₂ jui₅ mi₂'o₅₄, ně₂jag₄ bá₄ caun₂ cuá₃ juë₂, ia₁jaun₂ dsi₃ñi₃ 'io₅₄ 'éi₂ quian₅₄ jmig₂. 16 La₁ ca₂jme₃'o₅₄ gua₅₄ 'uë₃, ca₂jme₃'oin₅₄ 'io₅₄, ca₂niá₃ 'uë₃ ca₂nág₃ jmig₂ cuá₃ jaun₂ a₂ca₂'uë₃ dragón jui₅ mi₂'o₅₄. 17 Jaun₂ ca₂rë₃'né₃ dragón le₃ja₁con₂ 'io₅₄, jaun₂ ñei₅₄ i₁quiin₅₄ quian₅₄ tsi₁jon₂ i₂ca₂chón₃ quián₅ 'io₅₄, co₂'nió₄ i₂jme₂ti₃ 'éi₃ quió₅ Diú₄ i₂le₁quian₅ já₁ dsau₅ quió₅ Jesús ně₃.

18 Jaun₂ ca₂nau₂ 'éi₂ chei₅₄ jmi₁ñí₄. §

13

Le₃on₃ Já₂ 'Lin₅₄

1 Jaun₂ ca₂jág₃ ca₂'ñio₂ ne₄ jmi₁ñí₄ jan₂ já₂ i₂jniá₂ gau₂ jmá₅, i₂le₁dsi₅₄ guio₃ mi₂dsi₄, guia₃ guë₂ mi₂juí₁. Ne₄ mi₂juí₁ ně₃, jme₁le₁dsi₅₄ guia₃ coronas. Ne₄ mi₂dsi₅₄ ně₃, jme₁le₁ton₅ já₁ lia₂ chein₂ a₂jmo₂₃ a₂lín₅ Diú₄. 2 Jme₁lín₄ já₂ i₂ca₂jing₅₄ 'éi₂ lia₂ lín₅ dsi₂'ia₂ leopardo. Le₁dsi₅₄ mi₂tag₅₄ lia₂ lë₅ gu₂-tag₄ oso. Mi₂'o₅₄ guë₂ lë₅ lia₂ lë₅ mi₂'o₄ 'ia₂ león. Ca₂cuë₃ dragón jui₅bí₂ ca₂cuë₃ já₂ 'éi₂ lia₂ jma₃quian₅₄ ne₄ta₁ quió₅ ně₃, a₂qui₃dsi₂₃ 'éi₃ a₂'uain₂ lín₃. 3 Ca₂míg₂ mi₂dsi₄ Já₂ 'Lin₅₄ 'éi₂, lë₅ lia₂ lë₅ a₂rë₂cuí₃ 'ñio₅ lín₃, lë₅ ně₂jag₄ bá₄ a₂chain₂ join₅₄. La₁ia₁ ca₂'láu₂ bá₄. Ta₁caun₂ mi₂güí₃ bá₄ ca₂i₃gó₃ dsí₅ dsa₂, ca₂'ein₃ Já₂ 'Lin₅₄ 'éi₂. 4 Jaun₂ ca₂jme₃juag₂ dsa₂ ca₂jme₃juin₂ dragón, ia₁ ca₂cuë₃ 'éi₃ ca₂cuë₃ Já₂ 'Lin₅₄. Ca₂jme₃juin₂ Já₂ 'Lin₅₄ ně₃, qui₂ca₂juá₂ ca₂tóin₂:

—¿'Ein₂ chan₂ i₂lín₅ lia₂ lín₅ i₂në₅? —'iin₂₃ Já₂ 'Lin₅₄ 'éi₂—. ¿'Ein₂ bá₄ tió₅ jmo₃ 'nei₂ ja₁coin₂?

5 Ján₃ bá₄ ca₂ñi₂ já₁ a₂le₃róin₂ a₂qui₃jmo₃ a₂lín₅ Diú₄; ca₂ñi₂ bí₂ ně₃ a₂qui₃dsi₂₃ 'éi₃ con₂ tē₂láu₃-tín₃ tsi₂'. 6 Jaun₂ ca₂jáin₃ mi₂'o₅₄, ca₂ton₃ 'lig₅₄ le₃quió₅ Diú₄. Ca₂ton₃ rē₂ 'lig₅₄ ca₂'ë₃ ja₁guá₄ Diú₄; ca₂'iin₃ rē₂ ca₂lia₂ i₂tion₅₄ guei₅₄ i₂juí₃ ně₃. 7 Ca₂ñi₂ bá₄ jmig₄ a₂jmo₃ 'nei₂ ja₁con₂ dsa₂ i₂tén₅ le₃quió₅ Diú₄,* a₂jo₃ ně₃; ca₂ñi₂ bí₂ a₂qui₃dsi₂₃ 'éi₃ ne₄ quió₅ ca₂le₃jë₃ tsi₁jon₂, ca₂le₃jë₃ go₄ dsa₂, ca₂le₃jë₃ já₁ jmei₅, ca₂le₃jë₃ juí₂ ně₃. 8 Jme₃juag₂ ca₂le₃jín₃ dsa₂ i₂chan₂ gua₅₄ 'uë₃ jme₃juin₂ Já₂ 'Lin₅₄ 'éi₂: ca₂le₃jín₃ i₂con₂ tsá₃ le₁ton₅ ne₄ si₂ rē₂bin₅ a₂le₃chan₂ dsa₂, a₂ron₅ quió₅ Guein₂ Já₂ Cha₂, i₂jme₁ma₂'i₄ 'éi₃ a₂jñag₃ dsa₂, ca₂le₃ ca₂nio₃ mi₂güí₃.

9 Nē₁juá₂ 'ein₂ le₁dsi₅₄ rē₂gua₄, rē₂ jui₁nei₅₄.

10 Juí₁lia₂ i₂jñia₅ dsa₂ juí₅ né₃ má₃,

ján₃ bá₄ juí₅ né₃ má₃ dsi₃lén₂;

juí₁lia₂ dsa₂ i₂jme₂dsian₅ dsa₂ quian₅₄ ñi₁tág₂,

quian₅₄ ñi₁tág₂ dsiáin₃.†

'Uig₅₄ ně₅ ně₃, ca₂le₃jín₃ i₂tén₅ le₃quió₅ Diú₄, 'nió₅ jmo₃ tió₃ dsí₅, a₂tsá₃ qui₂dsi₃uiin₂ a₂'éin₂.

11 Cang₂ jaun₂ ca₂jñ₄ táng₃ jniá₂ jan₂ já₂ 'lín₅₄ sián₂, ca₂'ñio₂ ne₄ gua₅₄ 'uë₃. 'Éi₂ ně₃ jme₁le₁dsi₅₄ tñ₃ mi₂juí₁ lia₂ lë₅ mi₂juí₁ jan₂ guein₂ já₂ cha₂. La₁, lia₂ lë₅ já₁ quió₅ dragón bá₄, jme₁lë₄ já₁ quió₅. 12 Co₂jaun₂ bá₄ jme₁'io₂₃ bí₂ ján₃, juí₁lia₂ Já₂ 'Lin₅₄ i₂le₂'uig₅₄, a₂qui₃dsi₂₃ 'éi₃ o₄quió₄; chi₃quióng₂ jmig₄

§ 12:18 A₂lín₅₄ chog₅₄ si₂, 'nió₄ a₂jme₁ton₅ versículo 18, juá₂ le₂la₂: “Jaun₂ ca₂no₃ chei₅₄ jmi₁ñí₄”, a₂chi₁ton₅ jë₁le₂'uig₅₄ Capítulo 13. * 13:7 lit. “ja₁con₂ dsa₂ jñi₃.” † 13:10 o₃, “Chi₂juá₂ chan₂ i₂'i₄ 'éi₃ jñag₃ dsa₂ quian₅₄ ñi₁tág₂, quian₅₄ ñi₁tág₂ guë₂ jñag₃ dsa₂.”

jme₃juag' ta₁caun₂ mi₂güig' quian'₅₄ i₂chan₂ ja₁jaun₂, jme₃juin'₂ Já'₂ 'Lin'₅₄ i₂le₂'uig'₅₄ i₂ca₂'lón₂ i₂jme₁rē₂cuín'₃ 'éi₂. ¹³ 'Lióng₂ léi₄ juē'₂ a₂o₂dsain₂ ca₂jmo₃ ján₃. Ca₂jmo₃ ca₂tá'₂ si₂ guei'₅₄ mi₂güig' nē₃, ca₂jmo₃ tē₃ne₄ dsa₂ mi₂güig'. ¹⁴ Tē₂le₃ quian'₅₄ léi₄ juē'₂ a₂ca₂jmo₃ o₄quió'₄ i₂'lin'₅₄ i₂le₂ne₁ 'éi₂, ca₂jme₃gain₂₃ dsa₂ i₂chan₂ gua'₅₄ 'uē₃. Ca₂jmo₃ 'éi'₃ a₂chi'₃ dsa₂ caun₂ nió'₄ quió'₅ Já'₂ 'Lin'₅₄ i₂jme₁rē₂cuín'₃ quian'₅₄ ŋi₁tág₂ i₂ca₂'lón₂ 'éi₂. ¹⁵ Ca₂ŋi₂ bí₂ a₂toin'₂ jme₂dsí₂ nió'₄ quió'₅ Já'₂ 'Lin'₅₄, ia₁jaun₂ juá'₂ jág₁, ia₁jaun₂ jme₃dsiain₂₃ ca₂le₃jín₃ i₂tsá₃ gue₃ jme₃juin'₂ nió'₄ quió'₅ 'éi₂. ¹⁶ Ca₂chi₃quiáin₂ jmig₄ lia'₂ dsa₂ can'₅₄ lia'₂ dsa₂ me'₂, lia'₂ dsa₂ i₂cha₂ cu₄ lia'₂ dsa₂ te₂ŋé₂, lia'₂ dsa₂ i₂jme₂ti₃ ta₁ ne₄ juig'₅₄ lia'₂ dsa₂ i₂tsá₃ 'ein₂ ne₄ jme₂ti₃ nē₃, a₂guein₃ léi₄ dso'₂ gu₂ ne₁, o₃ chi₁quí₃ 'e'. ¹⁷ Jaun₂ tsá₃ ma₃lé₂ lá₃ 'i₁jan₂, on₃ guē'₂ ma₃lé₂ 'nag₃, jua'₅₄ tsá₃ lín₅ léi₄, o₃ tsá₃ le₁quian₅ jág₁ lia'₂ chen₂ Já'₂ 'Lin'₅₄, o₃ tsá₃ le₁quian₅ número quió'₅ lia'₂ chein₂. ¹⁸ Le₂la₂ bá₄ jág₁ a₂ŋí'₂ dsí₅: ju₁lia'₂ dsa₂ i₂'i₄ jág₁, ju₁chein'₄ cuentas 'a₂ lia'₂ lē₅ número quió'₅ Já'₂ 'Lin'₅₄. Ia₁ número quió'₅ dsa₂ mi₂güig' bá₄ jaun₂. Le₂la₂ lē₅ número quió'₅: jŋéi₂ 'ŋiá₂-láu₂ rē₂dsí₂ 'nag'₂ ne₂guióg₂ rē₂dsí₂ jŋéi₂ (666).

14

Canto a₂ca₂'ē₃ caun₂ 'ŋiá₂-lón₂ rē₂dsí₂ tē₂láu₃-quén₂ mei₅ (144,000) dsa₂

¹ Cang₂ jaun₂ ca₂jing₅₄ táng₃ Guein₂ Já'₂ Cha'₂ jniái₂ chéin'₅ ne₄ Má'₂ Sión, quian'₅₄ caun₂ 'ŋiá₂-lón₂ rē₂dsí₂ tē₂láu₃-quén₂ mei₅ dsa₂ i₂jme₁le₁quian₅ léi₄, i₂le₁ton₅ chi₁quí₃ lia'₂ chen₂ Guein₂ Já'₂ Cha'₂ quian'₅₄ 'a₂ lia'₂ chen₂ Jmei₂ nē₃. ² Jaun₂ guē₄ ca₂nag₃ caun₂ mi'₅₄ a₂já₅ guei'₅₄ i₂juig'₃, a₂lē₅ nē₂jag₄ bá₄ caun₂ la'₅₄ juē'₂ lín₃,* ton'₂ nē₂jag₄ bá₄ ja₁dein₅ quia'₂ tiá₂ lín₃ ŋí'₃. Mi'₅₄ a₂ca₂nag₃ jaun₂ ca₂né'₂ ju₁lia'₂ ja₁jmo₅ dsa₂ son₅₄ quian'₅₄ tsí₁ton₅ arpas † quió'₅. ³ Qui₂i₁'ē₂₃ caun₂ canto 'mí₂ ne₄ ne₄ta₁, ne₄ le₃quén₂ já'₂, ne₄ gui'₅₄ can'₅₄ nē₃. Ca₂lia'₂ 'i₁jan₂ dsa₂ sián'₂ tsá₃ 'ein₂ lé₂ le₃tin₂ son₅₄ a₂'ē₅ dsa₂ jaun₂, jmá'₃ lia'₂ dsa₂ 'ŋiá₂-lón₂ rē₂dsí₂ tē₂láu₃-quén₂ mei₅ i₂rē₂'lian'₅₄ ne₄ gua'₅₄ 'uē₃ 'éi₂ bá₄. ⁴ Ca₂le₃jín₃ dsa₂ 'éi₂ i₂tsá₃ ca₂rē₃'iog₅ jme₂dsí₂ quió'₅ quian'₅₄ 'io₅₄ 'lin'₅₄, ia₁ qui₂ma₂ca₂rē₃cháin₃ ja₂léin₂ le₁jín₃. Quian'₅₄ bá₄ Guein₂ Já'₂ Cha'₂ ju₁'a₂ guē₃ ja₁dsó₃ 'éi₂. Qui₂le₁'liain₅₄ tē₂le₃ jín₄ dsa₂ mi₂güig'₃, co₂'nió'₄ i₂le₂'uig'₅₄ i₂rē₂jen'₅₄ le₃ne₄ Diú₄, le₃ne₄ Guein₂ Já'₂ Cha'₂ nē₃. ⁵ 'Icaun₂ jág₁ tē₂jág₁ tsá₃ ca₂'uē₂ mi₂'o₄ 'éi₂; tsá₃ dso₄ qui₂rē₂cáin'₄‡

Jág₁ quió'₅ le₃ún₂ ángeles

⁶ Jaun₂ ca₂jing₅₄ táng₃ jan₂ ángel sián'₂ a₂ŋi₂₃ dsi₂jo₂ dsi₄ güig'₂, i₂quian₅₄ jág₁ dse₃ a₂le₃chan₂ dsa₂ co₂tan₅₄, já₅ ja₂'ē₃ ja₂chi'₅₄ dsa₂ i₂tián'₅ ne₄ gua'₅₄ 'uē₃: ca₂le₃jě₃ juig'₂, ca₂le₃jě₃ tsí₁jon₂ dsa₂, ca₂le₃jě₃ jág₁ jmei₅, ca₂le₃jě₃ go₄ dsa₂; ⁷ i₁juá'₄ tiá₂:

—Jme₁gan₃ 'nia'₂ Diú₄; jme₁juin'₂ 'nia'₂ 'éi₂. Ia₁ ma₂gua₅ hora a₂qui₃dsi₂₃ 'éi₃. Jme₁juin'₂ 'nia'₂ i₂ca₂jmo₃ guei'₅₄ mi₂güig'₃ quian'₅₄ gua'₅₄ 'uē₃, jmi₁ŋí'₄ nē₃, quian'₅₄ guē₄ ca₂le₃jě₃ o₄tu₁ jmig₂.

⁸ Chi₁quín₃ guē₄ jaun₂ ján₃, ca₂já₃ jan₂ ángel sián'₂ i₂ca₂juá'₂:

—Ma₂ca₂i₃'én₂, ma₂ca₂i₃'én₂ Babilonia juē'₂, 'uig'₅₄ ia₁ a₂ca₂jmo₃ a₂qui₂ca₂'in'₃ ca₂le₃jě₃ juig'₂ vino a₂ca₂jme₃cón₂ dsí₅ a₂qui₂nió'₃ jág₁ 'lig'₅₄ quió'₅.

⁹ Jaun₂ ca₂guan₃ táng₃ jē₁ca₂tē₂ ún₂ ángel, ján₃ guē'₂ tiá₂ ca₂juá'₂:

—Chi₂jua'₂ 'ein₂ ca₂guen₃ jme₃juin'₂ Já'₂ 'Lin'₅₄, quian'₅₄ nió'₄ quió'₅, o₃ nē₁jua'₂ ca₂guein₃ cán₂ léi₄ dso'₂ chi₁quí₃, o₃ co'₅₄ gú₃ 'e', ¹⁰ ján₃ bá₄ 'ín'₂ 'éi₂ vino a₂'i₄ 'nei₂

* **14:2** o₃ "lia'₂ né₂ 'lióng₂ jmig₂." † **14:2** griego: kithara. ‡ **14:5** A₂lin₅₄ chog₅₄ si₂juá'₃ ján₃: "le₃ne₄ ne₄ta₁."

dsí₅ Diú₄ a₂ma₂i₂tang₄ a₂tsá₃ 'e₂ qui₂rē₂cón'₅ 'ñió'₃ copa a₂cha₂ 'uig₅₄ a₂le₃'nei₂; qui₃ñág₃ uig₅ quian'₅₄ si₂ quian'₅₄ azufre tē₃ne₄ ángeles jñio₅ quián₅ Diú₄ quian'₅₄ guē'₂ le₃ne₄ Guein₂ Já'₂ Cha'₂. ¹¹ Jme₁ñi₁ a₂tsáu₃ ja₁ñág₃ uig₅ ně₃, dsi₅₄ co₂tan₅₄ lé₂, on₃ guē'₂ 'uē₂-jmi₂ bá₄ lé₂ jua'₅₄ a₂le₃jñia₃ a₂tsá₃ ñág₃ ca₂tiá₂ uig₅ ca₂le₃jín₃ i₂jme₃juin'₂ Já'₂ 'Lin'₅₄ 'éi₂ quian'₅₄ nió'₄ quió'₅, ca₂le₃jín₃ i₂ca₂guen₃ cán₂ léi₄ lia'₂ chein₂ ně₃.

¹² Ja₁nē₅ bá₄ 'nió'₅ jmo₃ juin'₂ dsí₅ dsa₂ i₂tén₅ le₃quió'₅ Diú₄, § dsa₂ i₂tión₂ tiá₂ jme₂ti₃ 'éi'₃ quió'₅, a₂'éin₂ le₃quió'₅ Jesús ně₃.

¹³ Jaun₂ ca₂né'₂ táng₃ jág₁ a₂já₅ guei'₅₄ i₂juíg₃, ca₂juá'₂ tság₅ jniá₂:
—Jmo₄ si₂ tióng₅ ca₂le₃jě₃ a₂nē₅ a₂juá'₂: “E₂ guē'₄ 'ñio₅ dsen₃ dsa₂ i₂dsián₃ le₃ne₄ jui₅ la₂, i₂'én₂ le₃quió'₅ Te₁gui'₅₄.” Ján₅, juá'₂ Jme₂dsí₂, ia₁jaun₂ jñia₃ ca₂le₃jě₃ ta₁ quió'₅, jaun₂ qui₃le₃quen₅ 'i₄ ta₁ ca₂le₃jě₃ a₂ca₂jmo₃.”

A₂ráu₃ ne₄ gua'₅₄ 'uē₃

¹⁴ Jaun₂ ca₂jág₃ táng₃ ca₂jnia₃ caun₂ jnei₅ tiog₂ jmá'₅. Ne₄ jnei₅ jaun₂, guá₅ jan₂ i₂lín₅ lia'₂ lín₅ Jaun₅ dsa₂ mi₂güí₃. * Chi₁'i₁ caun₂ corona a₂lě₅ jmá'₃ cu₄nióg₄ mi₂dsi₅₄, chi₁chan'₂ caun₂ ñi₁ hoz a₂'mu₃. ¹⁵ Jaun₂ o₂'ín₃ táng₃ jan₂ ángel dsi₂néi₂ guá'₅ templo, ca₂juá'₂ tiá₂ ca₂tsí'₃ i₂guá₅ ne₄ jnei₅:

—Tiá₃ ñi₁ hoz quiáng'₂, cag'₅₄; ia₁ ma₂gua₅ hora cag'₅₄, ia₁ ma₂ca₂ron₂ a₂ráu₃ ne₄ gua'₅₄ 'uē₃. ¹⁶ Jaun₂ ca₂tiá₂ hoz ne₄ gua'₅₄ 'uē₃, dsa₂ i₂guá₅ ne₄ jnei₅ 'éi₂, ca₂cág'₃ a₂ma₂ca₂rau₂ ja₁jaun₂.

¹⁷ Jaun₂ ca₂o₃'ín₃ táng₃ jan₂ ángel sián'₂ dsi₂néi₂ guá'₅ chí'₅ guei'₅₄ i₂juíg₃; ján₃ bá₄ chi₁chan'₂ caun₂ ñi₁ hoz a₂'mu₃. ¹⁸ Jaun₂ ca₂o₃'ín₃ táng₃ ne₄chei₂ jan₂ ángel sián'₂ guē'₄ táng₃, i₂'io₅ bí₂ ne₄ si₂. Jaun₂ ca₂juá'₂ tiá₂ ca₂tsí'₃ i₂chan'₂ ñi₁ hoz 'mu₃, ca₂juá'₂:

—Tiá₃ ñi₁ 'mu₃ quiáng'₂; chi₁lo'₂ cag'₅₄ ni₁'mu'₂ a₂qui₂le₁'ág₄ ni₁uing₂ a₂cha₂ gua'₅₄ 'uē₃, ia₁ ma₂ca₂juig₂ míg₂ uvas quió'₅.

¹⁹ Jaun₂ ca₂tiá₂ 'éi₂ hoz quió'₅ ne₄ gua'₅₄ 'uē₃, ca₂cág'₃ míg₂ uvas quió'₅ gua'₅₄ 'uē₃. Ca₂tó'₂ caun₂ ja₁juē'₂ ja₁qui₂jlen'₃ dsa₂, co₂'nió'₄ le₃jua'₅₄, ja₁'i₄ 'nei₂ dsí₅ Diú₄. ²⁰ Jaun₂ ca₂rē₂tsó'₄ a₂jaun₂ 'ni₂ juig₂, ca₂'io₂ jmi₂. Jmi₂ jaun₂ ně₃ ca₂i₃'o₅₄ a₂jí'₂ con'₂ 'ei₅ rē₂'o₄ dsi₂cua₁, a₂juē'₂ ja₁ca₂'a₃ tí₅ con'₂ 'ni₅ 'ñiá₂-láu₂ (300) kilómetros.

15

Guion₃ ángeles i₂le, quian₅ guio₃ jmi₁uig₅ jě₁ca₂tó'₂

¹ Ca₂jág₃ jniá₂ guei'₅₄ i₂juíg₃ caun₂ léi₄ juē'₂ a₂dsi₂gó'₃ dsí₅: guion₃ ángeles i₂quian₅ guio₃ guē'₄ jmi₁uig₅ ja₁con₂ dsa₂. Co₂'nió'₄ a₂jaun₂ guē'₄ lě₅ jě₁ca₂tó'₂, ia₁ co₂jaun₂ ca₂'ñia₅ a₂'i₄ 'nei₂ dsí₅ Diú₄.

² Jaun₂ ca₂jág₃ jniá₂ jui₁lia'₂ caun₂ jmi₁ñi'₄ a₂lě₅ ni₁'i₂ a₂rē₂cón'₅ quian'₅₄ si₂. Ne₄ jmi₁ñi'₄ a₂lě₅ ni₁'i₂ jaun₂, jme₁tión₂ dsa₂ i₂ca₂tió'₃ ne₄ Já'₂ 'Lin'₅₄, ne₄ nió'₄ quió'₅, ne₄ número quió'₅ lia'₂ chein₂ ně₃. Qui₂le₁chan'₂ tsi₁ton₅ arpas* a₂ca₂cuē₃ Diú₄.

³ Tióin₂ 'ě₂₃ canto quió'₅ Moisés† dsa₂ i₂ca₂jme₂ti₃ quián₅ Diú₄, quian'₅₄ canto quió'₅ Guein₂ Já'₂ Cha'₂, a₂juá'₂:

'E₂ guē'₄ juē'₂ a₂jlá'₁ lin₃ ca₂le₃jě₃ a₂ma₂jmo'₅₄ 'ne₂,

Te₁gui'₅₄ Diú₄ i₂'Uan'₂ guē'₄ lin₃.

A₂dsau₅, a₂tí₅ lin₃ bá₄ jui₅ quiáng'₂,

'Ne₂ Rag₅₄ quián₅ ca₂le₃jě₃ juig₂.

§ 14:12 lit. “dsa₂ jñio₅.” * 14:14 'Nio'₂ ja₁ton₅, Daniel 7:13. * 15:2 griego: kithara. † 15:3 canto quió'₅, Moisés: 'Nio'₂ ja₁ton₅, Éxodo 15; Deuteronomio 32.

4 ¿'Ein₂ bá₄ 'éi₂ i₂tsá₃ jme₃gon₃ 'ne₂, Te₁gui'₅₄?
¿'Ein₂ bá₄ i₂tsá₃ jme₃juag'₂ guë'₂ ján₃?

Ia₁ jan'₂ 'ne₂ bá₄ líng'₅ i₂jñi₅.

Ca₂le₃jě₃ juig₂ qui₂ja₃léin₂ qui₂jme₃juin'₂ 'ne₂,

ia₁ ma₂ca₂rě₃jniá₂ 'éi'₃ a₂qui₂dsí'₂ 'ne₂.

5 Cang₂ jaun₂ ca₂jág₃ jniá₂ guei'₅₄ i₂juíg₃, ca₂niá₃ guá'₅, co₂'nió'₄ le₃jua'₅₄ ja₁jñi₅ guë'₄, ja₁rě₂'ma₄ jág₁ dsau₅ a₂lí'₅₄ quian'₅₄ Diú₄. 6 Guá'₅ jaun₂, ca₂'uin₂ guion₃ ángeles i₂le₁quian₅ le₃guio₃ jmi₁uig₅. Le₁qui'₂ 'mi'₂ lino jlá'₁, a₂tág₅ lín₃. A₂jme₁rě₂jén'₅ le₁dsí₅ guë'₂ ně₃, jme₁lě₄ jmá'₃ cu₄nióg₄. 7 Jaun₂ guë'₄ jan₂ já'₂ quén₂ i₂tión₂ ne₄ ne₄ta₁, ca₂cuë'₃ le₂jan₂ le₂jan₂ ta₁guion₃ ángeles jma₃cáun₃ ni₁uig₅ jí'₂ a₂lě₅ cu₄nióg₄, le₁'a₁ co₂'nió'₄ a₂'nei₂ a₂'i₄ dsí₅ Diú₄ i₂chan₂ ca₂lia'₂ co₂tan₅₄. 8 Jaun₂ ca₂can'₂ dsi₂néi₂ guá'₅ quian'₅₄ jme₁ñi₁ a₂já₅ ja₁con₂ a₂jlá'₁ a₂'uan'₂ Diú₄. Ca₂lia'₂ 'i₁jan₂ tsá₃ lé₂ dsi₃ton'₅₄ ja₁jaun₂, ca₂lia'₂ ca₂rě₃'ñia₅ le₃guio₃ jmi₁uig₅ a₂le₁quian₅ ta₁guion₃ ángeles.

16

Ta₁guio₃ jmi₁uig₅ a₂'ě₂ Diú₄

1 Jaun₂ ca₂nag₃ jniá₂ jág₁ tiá₂ lín₃ i₁juá'₄ dsi₂néi₂ guá'₅, a₂tsí'₅ le₃guion₃ ángeles 'éi₂:

—O₂nó'₅ 'nia'₂ o₂jen₄ ne₄ gua'₅₄ 'uë₃ 'nei₂ a₂'i₄ dsí₅ Diú₄ a₂le₁'a₁ ni₁uig₅ ně₅.

2 Jaun₂ ca₂o₃'ín₃ jě₁le₂'uig₅₄ ángel, jaun₂ ca₂jein₃ a₂chi₁'a₄ ni₁uig₅ quió'₅ ne₄ gua'₅₄ 'uë₃. Jaun₂ ca₂le₃jín₃ dsa₂i₂le₁quian₅ léi₄ quió'₅ Já'₂ 'Lín'₅₄, i₂jme₂juin'₂ nió'₄ quió'₄ ně₃, qui₂ca₂'ñia₂ 'mé'₅ 'lig'₅₄ a₂qui'₂ guë'₄ lín₃.

3 Jaun₂ ca₂jen₃ jě₁ca₂tě₂ on₃ ángel a₂'a₄ ni₁uig₅ quió'₅ ne₄ jmi₁ñí'₄. Jaun₂ ca₂lě₃ jmi₂, ně₂jag₄ bá₄ jmi₂ 'an₅₄ jan₂ 'lag₄. Ca₂dsan₃ ca₂le₃jín₃ já'₂ i₂jme₁chan₂ jmi₁ñí'₄ jaun₂.

4 Ján₃ bá₄ le₂jaun₂ ca₂jen₃ jě₁ca₂tě₂ ún₂ ángel a₂'a₄ ni₁uig₅ quió'₅, ne₄ jmi₂gu₂cuá₃, ne₄ o₄tu₁ jmi₂gu₂ ně₃; jaun₂ jmá'₃ jmi₂ bá₄ qui₂ca₂lě₃ ján₃. 5 Jaun₂ ca₂nag₃ juá'₂ ángel i₂nio₅ gu₂ jmi₂gu₂, ca₂juá'₂:

Rě₂ bá₄ cáun'₂ 'ne₂ 'í₁, Diú₄ Jñi₅;

'ne₂ i₂lín₅, i₂jme₁lín₄,

ia₁ a₂ně₂qui₁dsí'₂ 'éi'₃ le₂ně₅.

6 Ia₁ ca₂tein₃ 'éi₂ jmi₂ a₂jme₁'an₅₄

dsa₂ i₂jme₁tén₄ le₃quiáng'₂,

dsa₂ i₂jme₁qui₂ca₂'ě₂ jág₁ quiáng'₂ ně₃.

Ně₃ guë'₄ ně₃, ně₂'ein'₅₄ jmi₂,

ia₁ le₂ně₅ 'en₄ quió'₅ bá₄.

7 Ca₂nag₃ jniá₂ ján₃ jě₄ ne₄chei₂, i₁juá'₄:

Dsón'₂ le₂ně₅, Te₁gui'₅₄ Diú₄ i₂'Uan'₂ guë'₄ lín₃,

dsón'₂ bá₄ qui₂dsí'₁ 'ne₂ 'éi'₃ lia'₂ con'₂ dsi₂ten₅₄.

8 Jaun₂ ca₂jen₃ jě₁ca₂tě₂ quén₂ ángel a₂'a₄ ni₁uig₅ quió'₅ ne₄ 'iog₂, jaun₂ ca₂ñi₂ 'iog₂ bí₂ a₂dsiin'₂ dsa₂ mi₂güig₃ quian'₅₄ si₂. 9 Jaun₂ ca₂dsin'₂ ca₂le₃jín₃ dsa₂ quian'₅₄ a₂dséi₂ gau₂ lín₃. Jaun₂ qui₂ca₂'ag₃ dsa₂ 'lig'₅₄ qui₂ca₂'iin₃ Diú₄ i₂'io₅ bí₂ ne₄ jmi₁uig₅ jaun₂. Tsá₃ ca₂jme₃tsiin₃ dsí₅, jua'₅₄ ca₂jme₃juin'₂ 'éi₂.

10 Jaun₂ ca₂jen₃ jě₁ca₂tě₂ 'ñiá₂ ángel a₂'a₄ ni₁uig₅ quió'₅ ne₄ ne₄ta₁ quió'₅ Já'₂ 'Lín'₅₄, jaun₂ ca₂tě₁tsi'₅₄ qui₁né₃ ja₁goin₂ jaun₂. Dsa₂ ně₃ qui₂ca₂qui₂g'₂ le₁tsi'₂ a₂ca₂jme₃uí'₃. 11 Con'₂ siá'₂ ca₂'iin₃ 'lig'₅₄ Diú₄ i₂quió'₅ guei'₅₄ i₂juíg₃, ne₄ 'uig₅₄

* 16:5 A₂lín₅₄ chog₅₄ si₂ chi₁ton₅ ján₃; "i₂lén₂ co₂tan₅₄."

a₂le₁quian₂₃ jmi₁uig₅, 'uig₅₄ ia₁ a₂lín₅ 'mé'₅ ně₃. La₁ tsá₃ ca₂dsi₃quén'₅ dsí₅ jua'₅₄ ca₂tí₂ a₂jmo₂₃-dsáu₅.

¹² Jaun₂ ca₂jen₃ jē₁ca₂tē₂jñé₂ ángel a₂'a₄ ni₁uig₅ quió'₅ ne₄ cuá₃ juē'₂ Eufrates. Jaun₂ co₂dsia₅ ca₂rē₃quén₃ cuá₃ jaun₂, ia₁jaun₂ ma₂lě₅ co₂jñia₅₄ caun₂ jui₅ quein₂ ja₁i₃nio₄ rag₅₄ i₂ja₃lén₂ tē₂le₃ ja₁'ia₂† 'iog₂.

¹³ Jaun₂ ca₂jág₃ ca₂'uin₂ ún₂ jme₂dsí₂ 'lín'₅₄, i₂jniá₂ lia'₂ jniá₂ i₁jě'₅, ca₂'u₁in₂ jma₃ján₃ jui₅ m₂'o₄ já'₂ dragón, m₂'o₄ Já'₂ 'Lín'₅₄, quian'₅₄ m₂'o₄ i₂tě'₂ dsa₂ i₂'ě₂ jág₁ a₂jui₁gain₂ ně₃. ¹⁴ Jme₂dsí₂ i₂lín₅ je₂na'₅₄ bá₄ 'éi₂, i₂qui₃jmo₃ léi₄ juē'₂, i₂qui₂dsi₃lén₂ uing₂ ja₁con₂ rag₅₄ quián₅ dsa₂ i₂chan₂ ta₁caun₂ m₂igüig₃, ia₁jaun₂ chí₃lo'₃ a₂dsia₃ 'nei₂ jmig₄ juē'₂ jaun₂ quió'₅ Diú₄ i₂'Uan'₂ guě₄ lín₃.

¹⁵ “Rē₂ján'₁ 'nia'₂ ia₁ guión'₄ jniá₂ con'₂ tiá₂, ně₂jag₄ bá₄ jan₂ 'ang₂. 'E₂ guě₄ dsen₃ jui₁lia'₂ i₂rē₂jnio₄ ne₄, i₂lě₅ 'í₁ tsin'₅₄, con'₂ tsá₃ ηó₅ ně₁jua'₂ i₃ñi₅₄ rē₂ñi₅ tē₃ jág₅ dsa₂ o₂quí'₃ quió'₅.”

¹⁶ Jaun₂ qui₂ca₂liain'₃ rag₅₄ caun₂ ja₁chei₂ Armagedón quian'₅₄ jág₁ jmei₅ hebreo.

¹⁷ Jaun₂ ca₂jen₃ jē₁ca₂tē₂ guion₃ ángel a₂'a₄ ni₁uig₅ quió'₅, ca₂'éin₂ dsi₂güig₂. Jaun₂ ca₂né'₂ dsi₂néi₂ guá'₅ a₂chí'₅ guei'₅₄ i₂juig₃, jág₁ a₂juá'₂ tiá₂, a₂já₅ ne₄ta₁, i₁juá'₄:

—jMa₂ca₂lě₃ bá₄!‡

¹⁸ Jaun₂ qui₂ca₂lě₃ si₁ñí'₃, ca₂tē₂tsi'₅₄ co₂mi'₅₄, ca₂quia'₂ ñí'₃. Ta₁caun₂ gua'₅₄ 'uě₃ qui₂ca₂jě'₂ ca₂i₁bi₅₄ 'uě₃ tiá₂ lín₃, ca₂lia'₂ i₁cón'₂ tsá₃ le₂jaun₂ jua'₅₄ a₂ma₂i₁bi₅₄ 'uě₃ ca₂le₃ ca₂rē₃chán₃ dsa₂ ne₄ gua'₅₄ 'uě₃, ia₁ a₂ñí₄ lě₃ gau₂ ca₂lě₃. ¹⁹ Ca₂lě₃ 'ni₅ dso'₅₄ ciudad dsen₅₄ jaun₂, jaun₂ qui₂ca₂i₃lě₂ jui₅ 'uě₃ ca₂le₃jě₃ juig₂ ciudad jme₁te₁'i₁ m₂igüig₃. Jaun₂ guě₄ ca₂dsá'₃ dsí₅ Diú₄ Babilonia juē'₂; ca₂cuě'₃ copa a₂'a₄ vino a₂'i₄ 'nei₂ dséi₂ dsí₅. ²⁰ Jaun₂ qui₂ca₂cuing₃ ca₂le₃jě₃ 'uě₃ a₂qui₂le₁quí'₅ jē₄ jmi₁ñí'₄; ca₂le₃jě₃ ni₁má'₂ ně₃, co₂dsia₅ ca₂i₃có'₂. ²¹ Qui₂ca₂tang₂ ne₄ quió'₅ dsa₂ m₂igüig₃ dsí₅ ca₁ca'₅₄ 'ñio₅ lín₃, a₂guei₂ jma₃tē₂láu₃ kilo lia'₂ ca₂míg₂. Š Ján₃ bá₄ le₂jaun₂ qui₂ca₂'ag₃ dsa₂ 'lig'₅₄ 'i₁in₂₃ Diú₄, 'uig₅₄ ia₁ a₂ca₂séi'₂ dsí₅ jaun₂, ia₁ a₂ñí₄ lě₃ ca₂i₁juin₅₄ gau₂ jmi₁uig₅ a₂ca₂lě₃.

17

Jē₁ca₂i₃'én₂ 'io₅₄ juin'₂ i₂'nag₅ quió'

¹ Jaun₂ ca₂já₃ jan₂ ángel i₂lě₂ guion₃ i₂jme₁le₁chan'₂ ni₁uig₅ 'éi₂, ca₂tság₃ jniá₂: —Ñia₅, la₂ 'ě₅₄ 'a₂ lia'₂ lě₅ jmi₁uig₅ a₂'ě₂ Diú₄ ne₄ 'io₅₄ juin'₂ i₂'nag₅ quió'₅, i₂guá₅ ne₄ ja₁te₁'i₁ 'lióng₂ jmig₂. ² Ca₂le₃jín₃ bá₄ rag₅₄ i₂chan₂ ne₄ gua'₅₄ 'uě₃ ma₂qui₂ca₂nió'₄ jág₁ quian'₅₄ 'io₅₄ 'éi₂; ján₃ bá₄ le₂jaun₂ ma₂qui₂ca₂rē₃'en₅ dsa₂ i₂tián'₅ ne₄ gua'₅₄ 'uě₃, quian'₅₄ vino a₂co₂'nió'₄ dso₄ a₂ca₂jmo₃-dsáu₅ 'io₅₄ 'éi₂.

³ Jaun₂ ca₂jio₃ ángel, tē₁lia'₂ 'eng₅₄ le₃quió'₅ Jme₂dsí₂, caun₂ 'uě₃ quein₂ co₂'ñiog₅. Ja₁jaun₂ ca₂tē₂ ne₃ ca₂jing₅₄ jan₂ 'io₅₄, co₂dsin₅₄ jan₂ já'₂ guén₂ i₂jniá₂ gau₂ jmá'₅, i₂le₁dsi₅₄ guio₃ m₂dsi₄, guia₃ guě'₂ m₂juí₁, i₂jme₁quian₅ 'lióng₂ jág₁ 'lig'₅₄ lia'₂ chein₂ a₂jmo₂₃ a₂lín₅ Diú₄ ně₃. ⁴ 'Io₅₄ 'éi₂ ně₃ rē₂lín₅₄ qui'₂ tsin'₅₄ guén₂ si₂, quian'₅₄ a₂'ui'₃. A₂lě₅ jlá'₁, tio'₅₄ cu₄nióg₄, ni₁cang₁ jlá'₁ quian'₅₄ míg₂ perlas ně₃. Ján₃ guě₄ chí₁chan'₂ caun₂ copa a₂lě₅ jmá'₃ cu₄nióg₄, rē₂'a₄ a₂'lig'₅₄ a₂jmo₅-dsáu₅, quian'₅₄ jág₁ 'lig'₅₄ a₂nió'₅. ⁵ Le₁ton₅ jág₁ ne₄ chí₁quí₃, a₂juá'₂: JÁG₁ A₂RĚ₂'MA₄ BABILONIA JUIN'₂ CHOG₅₄ 'IO₅₄ I₂'NAG₅ QUIÓ'₅ CHOG₅₄ CA₂LE₃JĚ₃ NE₅₄ A₂LH₁'IOG₅ NE₄ GUA'₅₄ 'UĚ₃.

† 16:12 Co₂'nió'₄ le₃jua'₅₄, caun₂ cosa a₃tsá₃ 'i₄ jme₂dsí₂, a₂ca₂jmo₃ Diú₄. 'Nio'₂ ja₁ton₅ Salmo 8:3; Romanos 1:25. ‡ 16:17 'Nio'₂ ja₁ton₅ Juan 19:30. Š 16:21 lit. “a₂guei₂ caun₂ talento lia'₂ ca₂míg₂.”

⁶ Jaun₂ ca₂jín₄ jniá₂ 'io₅₄, a₂'ein₅ guá₅, quian'₅₄ jmi₂ 'an₅₄ i₂tén₅ le₃quió'₅ Diú₄, * quian'₅₄ guë'₂ jmi₂ 'an₅₄ i₂ma₂jáng'₃ jág₁ dsau₅ le₃quió'₅ Jesús. Jaun₂ ca₂i₃gó'₃ dsi₃ guë'₄ lín₃ jme₁ca₂tě₂ ne₃ a₂jaun₂. ⁷ Jaun₂ ca₂juá'₂ ángel tság₅ jniá₂:

—¿'E₂ lě₃ dsi₂gó'₃ 'au'₂? La₂ juá'₄ jniá₂ jág₁ rě₂'ma₄, co₂'nió'₄ 'e₂ léi₄ jáng'₅ 'io₅₄ ó₃, 'e₂ guë'₂ léi₄ jáng'₅ táng₃ Já'₂ 'Lin'₅₄ i₂jiog₅ i₂cha₂ guio₃ mi₂dsi₄, i₂le₁dsi₅₄ guio₃ mi₂juí₁ ně₃. ⁸ Já'₂ 'Lin'₅₄ i₂ně₂jing'₅₄ ně₅, jme₁chan₂ le₂jñiá₅, rě₂ně₃ ně₃ tsá₃ ma₃chain₂. La₁ jě₁ma₂o₃'iin₅ uíg₂ ja₁ca₂jein₃ chi₁dsio₅₄, jaun₂ dsióg₄ ja₁dsi₃'éin₂. Dsi₃gó'₃ dsi₅ dsa₂ i₂chan₂ ne₄ gua'₅₄ 'uě₃, ca₂le₃jín₃ i₂con'₂ tsá₃ le₁ton₅ ne₄ si₂ ca₂le₃ ca₂nio₃ mi₂güig₃, mi₂si₂ a₂rě₂bin₅ a₂le₃chan₂ dsa₂; dsi₂qui₂dsi₃gó'₃ dsi₅ jě₁ma₂jín₂ Já'₂ 'Lin'₅₄, 'uig₅₄ ia₁ a₂jme₁chain₂, tsá₃ ma₃chain₂ rě₂ně₃, la₁ia₁ a₂guáin₂ táng₃.

⁹ Jág₁ la₂ cha₂ a₂lé₂ le₃ñí'₂ jui₁lia'₂ dsa₂ i₂ñí'₂ dsi₅: jáng'₅ jág₁ dsau₅ guio₃ mi₂dsi₄ já'₂, co₂'nió'₄ guio₃ dsi₂con'₂ ja₁guá'₄ 'io₅₄ 'éi₂. ¹⁰ Ján₃ bá₄ co₂'nió'₄ guion₃ rag₅₄ a₂jaun₂. Ma₂i₃gan'₅₄ cau₅ 'ñiá₂ rag₅₄ 'éi₂; jan₂ bá₄ i₂gon₂ rě₂ně₃; jan₂ guë'₂ i₂tsá₃ ma₂guan₅ guë'₄. Jě₁ma₂tě₂ rě₁guá'₃ 'éi₂ guë'₂ ně₃, ca₂tiá₂ bá₄ ca₂tíin₂ guá₃. ¹¹ Já'₂ 'Lin'₅₄ i₂jme₁chan₂, i₂tsá₃ chan₂ rě₂ně₃ 'éi₂ guë'₂ ně₃, lén₂ i₂gon₂ i₂ca₂tě₂ jñiá₃ i₂co₂'nió'₄ rín₅₄ i₂guion₃ 'éi₂ bá₄. Ján₃ bá₄ dsióg₄ ja₁dsi₃'éin₂.

¹² 'A₂lě₅ guia₃ mi₂juí₁ a₂ně₂jag'₅₄ ně₃, co₂'nió'₄ guian₃ rag₅₄ i₂tsá₃ ma₂ñi₂ ja₁le₃goin₂. La₁ ñei₃ bí₂ 'éi'₃ ca₂tiá₂ le₂jaun₂, ně₂jag₄ caun₂ hora, lia'₂ ma₂quian'₅₄ Já'₂ 'Lin'₅₄. ¹³ Tóin'₃ caun₂ ta₁ co₂dsia₅, 'ei₅ caun₂ jág₁, ton'₂ qui₃cuě₃ jui₅bí₂ quian'₅₄ 'éi'₃ quió'₅ cuě'₃ Já'₂ 'Lin'₅₄. ¹⁴ Qui₃jmo₃ 'nei₂ quín'₂ quian'₅₄ Guein₂ Já'₂ Cha'₂. La₁ Guein₂ Já'₂ Cha'₂ bá₄ i₂lí'₂, ia₁ 'éi₂ bá₄ lín₅ Juig₅₄ quián₅ ca₂le₃jín₃ juig₅₄ dsa₂; ton'₂ lín₅ Rag₅₄ quián₅ ca₂le₃jín₃ rag₅₄. Ca₂le₃jín₃ i₂quian'₅₄ Guein₂ Já'₂ Cha'₂ ně₃, lín₅ i₂ma₂quióin'₂ i₂ma₂tě'₃ Diú₄, tióin₂ lín₅ dsa₂ i₂rě₂ti'₅₄ quián₅.

¹⁵ Jaun₂ ca₂tság₃ jniá₂:

—Jui₁lia'₂ a₂lě₅ 'lióng₂ jmi₂g₂ ja₁guá'₄ 'io₅₄ 'lin'₅₄ a₂ně₂jag'₅₄ ně₅, co₂'nió'₄ ca₂le₃jě₃ go₄ dsa₂, ca₂le₃jě₃ nió'₃ dsa₂, ca₂le₃jě₃ juig₂, ca₂le₃jě₃ jág₁ jmei₅ ně₃. ¹⁶ Jaun₂ jme₃'iog₅₄ dsa₂ i₂co₂'nió'₄ a₂lě₅ guia₃ mi₂juí₁ i₂ně₂jag'₅₄, jme₃'iog₅₄ Já'₂ 'Lin'₅₄ guë'₂ ně₃, jme₃'ñiai₅₄ 'io₅₄ 'éi₂. Co₂dsia₅ qui₃téi₂ co₂'nió'₄ tě₃tsin'₅₄ rě₃ñi₅; qui₃quí₃'₃ ni₁ñi₁₂, jaun₂ guë'₄ dság'₂ quian'₅₄ si₂. ¹⁷ Ia₁ Diú₄ ně₃ ma₂jmo₃ dsi₅ dsa₂ 'éi₂ jui₁jmo₁₂ ca₂le₃jě₃ 'e₂ niog₅ dsi₅ jmo₃, ia₁jaun₂ jmo₃ caun₂ jág₁ a₂cuě₃ jui₅bí₂ a₂goin₂, cuě'₃ Já'₂ 'Lin'₅₄, ca₂lia'₂ ca₂dsióg₃ jmi₂g₄ a₂le₃ti₃ jág₁ quió'₅ Diú₄ a₂ma₂ron₅. ¹⁸ 'Io₅₄ i₂ně₂jing'₅₄ ně₃, co₂'nió'₄ ciudad juë'₂ ja₁o₂'ag₅ 'éi'₃ ne₄ quió'₅ ca₂le₃jín₃ rag₅₄ i₂chan₂ mi₂güig₃.

18

Jě₁ca₂ñó₃ 'uě₃ bí₂ quió'₅ Babilonia

¹ Cang₂ jaun₂, ca₂jing₅₄ táng₃ jan₂ ángel sián'₂, ca₂sióin₃ guei'₅₄ i₂juíg₃ i₂'io₅ bí₂ 'éi'₃ a₂'uain'₂ lín₃. Ta₁caun₂ mi₂güig₃ bá₄ ca₂tág'₃ a₂co₂tág₅ co₂'né'₅ quió'₅.

² Quian'₅₄ jág₁ tiá₂ lín₃, ca₂juá'₂:

Ma₂ca₂i₃'én₂, ma₂ca₂i₃'én₂ Babilonia juë'₂,

'ne₄ ca₂le₃jín₃ ne₅₄ je₂na'₅₄ bá₄ ca₂lě₃;

'né₅ 'má₃ ja₁ñi'₂ ca₂le₃jín₃ ne₅₄ jme₂dsi₂ 'lin'₅₄,

ca₂le₃jín₃ ne₅₄ i₁tan₅ 'lin'₅₄ lě₁'ñio₅.

³ Ia₁ ma₂qui₂ma₂'in'₃ ca₂le₃jě₃ juig₂

* 17:6 lit. "quian'₅₄ jmi₂ 'an₅₄ dsa₂ jñi₅."

vino a₂ca₂jme₃cón₂ dsí₅ a₂qui₂nió'₃ jág₁ 'lig'₅₄ quió'₅.
Ma₂qui₂ca₂nió'₃ jág₁ rag₅₄ i₂chan₂ gua'₅₄ 'uë'₃
quiain'₅₄ 'io₅₄ 'éi₂.

Ca₂le₃jín₃ jui₁lia'₂ dsa₂ i₂i₂nió₄ jmo₂₃ 'ma'₅₄,
ma₂qui₂ca₂rë₃chá₃ cu₄ 'ñio₅ lín₃
të₂le₃ quiain'₅₄ jui₅bí₂ a₂ma₂i₁juin₅₄ ñag₅₄
a₂jlá'₁ jmo₂₃ róin₂.

⁴ Jaun₂ ca₂nag₃ táng₃ caun₂ jág₁ a₂já₅ guei'₅₄ i₂juíg₃, a₂juá'₂:
'Uin'₂ 'nia'₂ jë₄ juig₂ në₅,

con'₂ 'nia'₂ i₂lín'₅ dsa₂ juig₂ quiáng₃,
ia₁jaun₂ tsá₃ le₃quen'₄ 'nia'₂ dso₄ a₂'no₅ 'io₅₄ në₅,
on₃ guë'₂ tin'₃ 'nia'₂ jmi₁uig₅ a₂já₅ ja₁coin₂.

⁵ Ia₁ 'lióng₂ lín₃ dsáu₁ 'io₅₄ në₅ ma₂rë₂juí₄,
në₂jag₄ bá₄ ma₂të₂ ca₂të₂ guei'₅₄ i₂juíg₃.

Jaun₂ Diú₄ në₃ ma₂dsáu'₅ dsí₅
ca₂le₃jë₃ a₂'lig'₅₄ a₂ma₂rë₂cáin'₄.

⁶ A₂le₂jaun₂ cuë'₅₄ 'nia'₂ 'io₅₄ në₅
jui₁lia'₂ lë₅ a₂ma₂qui₂ma₂cuë'₃ dsa₂ 'ñiog₅.

Qui'₄ 'nia'₂ tin₃ ju'₂
lia'₂ con'₂ guë'₄ a₂ma₂jmo₃.
Co₂güin'₅₄ 'nia'₂ tin₃ ráun₂ a₂'ñio₅ guë'₄
ñió'₂ copa quió'₅ 'ñiog₅,
con'₂ guë'₄ a₂ma₂cuë'₃ i₂sián'₂.

⁷ Jui₁lia'₂ a₂ñí₄ lë₃ ma₂qui₂ma₂chain₂ jlá'₁ a₂róin₂,
co₂jaun₂ cuë'₅₄ 'nia'₂ jmi₁uig₅ a₂qui'₂ dsí₅.

Ia₁ ma₂juá'₂ bá₄ jui₅ të₂dsí₅:
“La₂ gua₅₄ a₂lín'₅ jan₂ 'io₅₄ rag₅₄,
tsá₃ dsa₂ 'nág₂ lín'₅.
Tsá₃ o₁lín'₂ ñag₅₄ uig₅ le₃qui'₂ dsí₃.”

⁸ 'Uig₅₄ jaun₂ në₃,
co₂nió₄ co₂jmi₄ bá₄ ja₃lé₂ jmi₁uig₅ ja₁coin₂;

'mú₃, qui'₃-o₃, le₃'oin₅₄ në₃;
jaun₂ guë'₄ dsin'₂ co₂ñei'₅₄.
Ia₁ i₂'uan'₂ lín₃ bá₄ Te₁gui'₅₄ Diú₄
i₂qui₃dsí₅ 'éi'₃ ja₁coin₂ jmi₄ jaun₂.

⁹ Cán₂ go₂'i₃, qui'₃-o₃ ca₂le₃jín₃ rag₅₄ quián₅ gua'₅₄ 'uë'₃ i₂qui₂ca₂nió'₄ jág₁
quiain'₅₄ 'io₅₄ 'éi₂, i₂qui₂ma₂ca₂rë₃cháin₃ jlá'₁ quiain'₅₄, jë₁ma₂ca₂jág₃ tsau₂
jme₁ñi₁ guei'₅₄ a₂ma₂qui₂cau₂ quió'₅ 'io₅₄. ¹⁰ La₁ uíng₂ bá₄ qui₂dsí₃náu₃, qui₃jág₃
gó'₃ 'ñio₅ lín₃, jaun₂ juá'₂:

i'₂E₂ guë'₄ juíg'₂, 'e₂ guë'₄ juíg'₂,
'ne₂ ciudad juë'₂,
'ne₂ Babilonia i₂jme₁'uang'₂ lín₃ në₃!
i₂Quiain'₅₄ ca₂tiá₂ co₂lág₂ bá₄
gua₅ uig₅ a₂rë₂'ë₂ ja₁cong'₂!

¹¹ Cán₂ go₂'i₃, qui'₃-o₃ dsa₂ i₂jme₁i₂nió₄ jmo₅ 'ma'₅₄ ne₄ gua'₅₄ 'uë'₃, o₄quió'₄ 'éi₂;
ia₁ tsá₃ ma₂'ein₂ le₃chan₂ qui₁lá₃ guë'₄ 'e₂ lio₅₄ i₂quiain₅₄: ¹² lio₅₄ a₂lë₅ cu₄nióg₄,
cu₄tiog₂, cang₄ jlá'₁, míg₂ perlas, ca₂le₃jë₃ ne₅₄ jui₁lia'₂ 'mi'₂ jlá'₁, jui₁lia'₂ lino
quian'₅₄ seda a₂'lióng₂ ne₅₄ jniá₂, a₂'ui'₃, a₂guéin₂ në₃; ca₂le₃jë₃ ne₅₄ 'ma₂ jlá'₁
në₃ a₂ja₂ mi₂juig₂ ma₂ro₂; líóng₂ ne₅₄ cosas jlá'₁ në₃, jui₁lia'₂ a₂lë₅ ni₁mu₅, a₂lë₅

ni₁'ma₂ jlá'₁ a₂'mu'₅₄, a₂lě₅ ni₁ŋí₁ 'ua'₂, a₂lě₅ ni₁ŋí₁ nióg₂ ně₃, ni₁cang₁ mármol táng₃; ¹³lio₅₄ canela, ca₂le₃jě₃ guě₄ a₂ja₂ mi₂juig₂ ma₂ro₂ juí₁lia'₂ chen₂, mirra, no'₅₄ mi₂juig₂ ně₃; vino quian'₅₄ no'₅₄ olivo; cui₂g₂ dse₃ quian'₅₄ trigo; já'₂ ně₃, juí₁lia'₂ ca₁juí₅, já'₂ cha'₂ quian'₅₄ cua₁; ni₁ŋí₁ carrozas ně₃. Ca₂le₂jiog₅ dsa₂ mi₂güig₃ rin'₅₄ dsa₂ i₂jme₂ti₃ ta₁ ne₅₄. ¹⁴La₁ jmig₄ jaun₂ guě₄ ně₃, juá'₂ tsí'₃ ciudad jaun₂:

¡Ma₂ca₂jnia'₃ ja₁cong'₂, míg₂ jlá'₁
a₂ŋí₄ lě₃ jme₁'ín₅ 'au'₂ quē'₅₄!

¡A₂co₂dsia₅ ca₂i₃'én₂ jaun₂ bá₄
ca₂le₃jě₃ a₂jlá'₁
a₂jme₁quen₅ cu₄ a₂jme₁cha₂ quiáng'₂!

Tsá₃ ma₃o₁líg'₂ jmig₄ dsiang'₂.

¹⁵'Dsa₂ i₂qui₂ma₂jmo₃ 'ma'₅₄ ca₂le₃jě₃ a₂ně₅, i₂qui₂ca₂rě₃chá₃ cu₄ 'ŋio₅ lin₃ tē₂le₃ quian'₅₄ 'io₅₄ 'éi₂, qui₂dsi₃náú₃ uíng₂, qui₃jág₃ gó'₃ 'uig₅₄ jmi₁uig₅ a₂go₂'i₃ jaun₂. ¹⁶Jaun₂ juá'₂ tiá₂:

¡'E₂ guě₄ juíg'₂, 'e₂ guě₄ juíg'₂,
'ne₂ ciudad juē'₂!

¡la₁ jme₁lě₄ juí₁lia'₂ lín₅ jan₂ 'io₅₄ jlán'₁
i₂jme₁qui'₂ tsín'₅₄ jlá'₁ lin₃
a₂jme₁jniá₂ 'ui'₃ quian'₅₄ a₂guéin₂,
i₂jme₁rě₂lin₄ jlán'₁ quian'₅₄ cu₄nióg₄,
ni₁cang₁ jlá'₁, míg₂ perlas ně₃!

¹⁷¡Quian'₅₄ ca₂tiá₂ co₂lág₂ bá₄,
qui₂ca₂dsa₃ ca₂ag₂ a₂jlá'₁ a₂quen₅ 'lióng₂ lin₃!

'Ca₂le₃jín₃ juí₁lia'₂ i₂i₂quian₅ ni₁barcos, ca₂le₃jín₃ guě₄ dsa₂ i₂i₂nio₄ ne₄ jmi₁ŋí'₄, ca₂le₃jín₃ guě₄ dsa₂ i₂'no₅ a₂dsi₂ŋí₂ ne₄ jmi₁ŋí'₄, qui₂dsi₃náú₃ uíng₂,

¹⁸jē₁ma₂ca₂jág₃ jme₁ŋi₁ a₂ma₂qui₂cau₂ quió'₅, qui₃juá'₂ tiá₂ tóin'₃:

—¿'E₂ bá₄ ciudad lē₂ le₃quin₃ quian'₅₄ ciudad juē'₂ ně₅?

¹⁹Jaun₂ qui₂tó'₃ ti₁juí₁ ne₄ mi₂dsi₅₄ guioin₅₄, qui'₂-o₂₃, a₂juá'₂ tiá₂:

¡'E₂ guě₄ juíg'₂, 'e₂ guě₄ juíg'₂
ciudad juē'₂ ně₅!

Quian'₅₄ ca₂le₃jě₃ a₂jme₁cha₂ quió'₅,
ca₂rě₃chá₃ cu₄ ca₂le₃jín₃ dsa₂
i₂qui₂le₁'io₅ barcos ne₄ jmi₁ŋí'₄.

¡Quian'₅₄ ca₂tiá₂ co₂lág₂ bá₄ ca₂'en₃ jē₂!

²⁰La₁ 'nia'₂ ně₃,

i₂chan'₂ guei'₅₄ i₂juíg₃,

jmo₄ 'nia'₂ 'io'₂ ne₄ quió'₅ juig₂ jaun₂.

Ca₂le₃jín₃ guē'₂ 'nia'₂ i₂tén₅ le₃quió'₅ Diú₄,

i₂chen₄ quiáin₅, i₂qui₂'ě₂ jág₁ quió'₅ ně₃.

Ia₁ ma₂ně₂qui₃dsi₅ Diú₄ 'éi'₃ ja₁con₂ juig₂ jaun₂,

ma₂ně₂jme₁rě₃ ca₂le₃jě₃ a₂ma₂jmái'₂ 'nia'₂ jaun₂.

²¹Jaun₂ ca₂chóg'₃ jan₂ ángel 'uan'₂ ca₂míg₂ ni₁cang₁ pa₁, a₂lě₅ juí₁lia'₂ lě₅ ni₁cang₁ 'éi'₅ cui₂g₂ 'í₅; ca₂ton₃ ne₄ jmi₁ŋí'₄, ca₂juá'₂:

Quian'₅₄ 'nei₂ uig₅ le₂ně₅ bá₄

dsó₃ 'uě₃ ján₃,

Babilonia ciudad juē'₂,

tsá₃ ma₃a₁ jaun₂ jua'₅₄ le₃cha₂.

²²O₁líg'₂ jmig₄ tsá₃ ma₃qui₂né'₂ a₂jmo₃ dsa₂ son₅₄

jui₁lia'₂ jë₄ calle quiáng'₂:
 jui₁lia'₂ son₅₄ tsi₁ton₅ arpas,*
 son₅₄ 'ma₂, son₅₄ ñí₁ trompeta ně₃.
 Tsá₃ ma₃le₃chan₂ tē₅
 i₂tin₂ ta₁ 'i₁jan₂, ja₁cong'₂;
 tsá₃ ma₃qui₃né'₂ mi'₅₄
 ni₁cang₁ éi'₅ cui_g₂ 'í₅, ja₁cong'₂;
 23 si₂ nng'₂;
 jág₁ quió'₅ 'io₅₄,
 quió'₅ dsa₂ ñe'₂ i₂jen'₂ gu₂,
 tsá₃ ma₃o₁líg'₂ qui₃né'₂ ja₁cong'₂.
 Ia₁ dsa₂ dsen₅₄ jin₄ dsa₂ mi₂güí_g₃
 jme₁lín₄ dsa₂ i₂qui₂jme₁jmo₅ 'ma'₅₄ quiáng'₂,
 ia₁ ca₂jme₁gang'₂ ca₂le₃jě₃ juí_g₂
 tē₂le₃ quian'₅₄ a₂chan₂ 'au'₂.
 24 Ia₁ 'éi₂ bá₄ rē₂cán'₄ jmi₂ 'an₅₄
 ca₂le₃jin₃ dsa₂ i₂tén₅ le₃quió'₅ Diú₄,
 i₂ma₂'ě₂ jág₁ quió'₅ ně₃,
 quian'₅₄ ca₂le₃jin₃ i₂ca₂dsan₃
 ca₂jme₃dsiog₅ dsa₂, ne₄ gua'₅₄ 'uě₃.

19

1 Cang₂ jaun₂, ca₂nag₃ lia'₂ lě₅ jág₁ quió'₅ juin₅ lin₃ dsa₂ i₂tion'₅₄ guei'₅₄ i₂juíg₃,
 i₁juá'₄ co₂mi'₅₄:
 ¡Aleluya!*
 Te₁gui'₅₄ Diú₄ quián₂ bá₄ jniog₄ i₂lió₂,
 i₂ca₂tín₂ gue₃ a₂jme₃juag'₂ dsa₂,
 i₂ca₂tín₂ jui₅bí₂ a₂ná_u₃ ne₄ 'éi'₃.
 2 Ia₁ dsau₅, ton'₂ dsi₂ten₅₄ bá₄ lě₅
 a₂qui₂dsi₂₃ 'éi'₃.
 Ia₁ ma₂ně₂qui₂dsi₂₃ 'éi'₃
 ja₁con₂ 'io₅₄ 'lín'₅₄ juin'₂,
 i₂ma₂ca₂jme₃'ióg₃ ta₁caun₂ mi₂güí_g₃
 quian'₅₄ jág₁ 'líg'₅₄ a₂ma₂qui₂ma₂nió'₃.
 Jaun₂ 'ñiog₅ bá₄ Diú₄ ma₂ně₂quion₃ 'ma'₅₄
 ja₁con₂ 'io₅₄ 'éi₂,
 ne₄ quió'₅ jmi₂ 'an₅₄ ca₂le₃jin₃ dsa₂ quián₅ Diú₄
 i₂jme₂ti₃ ta₁ ne₅₄.
 3 Con'₂ siá'₂ táng₃ ca₂juá'₂:
 ¡Aleluya!
 Tsau₂ jme₁ñi₁ a₂con₂ 'io₅₄ 'éi₂
 ca₂lia'₂ co₂tan₅₄.
 4 Jaun₂ ně₃, le₃guión₂-quén₂ dsa₂ can'₅₄, quian'₅₄ guě'₂ le₃quén₂ já'₂ i₂tión₂
 le₃ne₄ ne₄ta₁, qui₂ca₂tóin₂ 'uě₃ ca₂jme₃juin'₂ Diú₄ i₂guá₅ ne₄ta₁, qui₂ca₂juá'₂:
 —¡A₂méi₃! ¡Aleluya!
 5 Jaun₂ guě₄ ca₂né'₂ jág₁ tē₂ ne₄ta₁, i₁juá'₄:
 Jme₁juin'₂ 'nia'₂ Diú₄ quián₂
 ca₂le₃jin₃ 'nia'₂ i₂jme₂ti₃ ne₅₄
 ca₂le₃jin₃ 'nia'₂ i₂juin'₂ i₂me'₂

* 18:22 griego: kithara.

i₂go₃ gain₃ 'éi₂.

Jmīg₄ ja₁jen'₂ gu₂ Guein₂ Já'₂ Cha'

⁶Jaun₂ ca₂nag₃ jniá₂ co₂mí₅₄ a₂né'₂ lia'₂ né'₂ jág₁ ja₁tion'₅₄ dsa₂ juin₅, lia'₂ né'₂ ja₁ta'₂ la'₅₄ pa₁ lin₃, * ju₁lia'₂ tē₂tsí'₅₄ co₂mí₅₄ quia'₂ ŋí'₃ tiá₂ lin₃, i₁juá'₄:
¡Aleluya!

Ia₁ ma₂gon₂ Te₁gui'₅₄ Diú₄ quián₂ jniog₄
i₂'Uan'₂ guē₄ lin₃.

⁷¡Ju₁jmó₁ jniog₄ 'io'₂
o₂'ŋió₃ o₂jñia₃ dsi₅,
ju₁jme₁juin'₂ jniog₄ 'éi₂!

Ia₁ ca₂tē₂ hora a₂jen'₂ gu₂
Guein₂ Já'₂ Cha'₂.

Dsa₂ mí₂ i₂jen'₂ gu₂ quiain'₅₄ ně₃
ma₂chain₂ co₂jñia₅₄.

⁸Ma₂ŋi₂ tsi'₁mi'₂ lino jlá'₁
a₂tág₅, a₂le₁jě₃ lin₃, a₂rě₂lin₅₄.

(Ia₁ ju₁lia'₂ tsi'₁mi'₂ lino jlá'₁ ně₃, co₂'nió'₄ ju₁ dsau₅ a₂ma₂quian₅ dsa₂ i₂tén₅ le₃quió'₅ Diú₄.)†

⁹Jaun₂ ca₂juá'₂ ángel ca₂tság₃ jniá₂:

—Jmo₄ si₂ tiong₅: “E₂ guē₄ dsen₃ ca₂le₃jín₃ dsa₂ i₂tē₄ jmīg₄ ja₁jen'₂ gu₂ Guein₂ Já'₂ Cha'₂.”

Jaun₂ ca₂juá'₂ táng₃:

—Jág₁ tí₅ tē₃dsón'₂ bá₄ la₂ quió'₅ Diú₄.

¹⁰Jaun₂ ca₂tón₂ jniá₂ ja₁tióng₂ tag₄ ángel 'éi₂ a₂jme₁jme₁juin'₂ jniá₂. La₁ ca₂juá'₂ ně₃:

—A₃ jmo₂ le₂ně₅. Ia₁ jan₂ rín'₂ 'ne₂ bá₄ líng₅, i₂jme₂ti₃ ta₁ ne₄ Diú₄, ton'₂ líng₅ jan₂ rín'₅₄ rín'₂ 'ne₂ i₂qui₂ě₂ jág₁ o₄quió'₄ Diú₄, quian'₅₄ i₂tón'₂ ju₁ jág₁ a₂rě₂ě₂ quió'₅ Diú₄ a₂tio'₅₄ ne₄ si₂ la₂. Jme₁juin'₂ Diú₄. Ia₁ jág₁ dsau₅ quió'₅ Jesús bá₄ a₂'i₄ jme₂dsí₂ quió'₅ ju₁lia'₂ i₂ě₂ jág₁ o₄quió'₄ Diú₄.

Dsa₂ i₂ŋó₅ co₁dsin₅₄ cua₁ tion₂

¹¹Jaun₂ ca₂jág₃ jniá₂ rě₂na₄ guei'₅₄ i₂juíg₃, jaun₂ ca₂jnia₃ jan₂ dsi₂cua₁ tion₂. Dsa₂ i₂co₂dsag₅₄ guē'₂ chen₂ I₂rě₂ti'₅₄, I₂dsau₅ ně₃. Con'₂ dsi₂ten₅₄ bá₄ qui₂dsi₂₃ 'éi'₃, jmo₂₃ 'nei₂. ¹²Tág₅ jme₁ne₁₂ lia'₂ tág₅ si₂; tio'₅₄ 'lióng₂ coronas mi₂dsi₅₄ ja₁le₁ton₅ lia'₂ chein₂, jñia'₅₄ lia'₂ 'ŋiog₅ bá₄ ŋí'₂, tsá₃ 'ein₂ i₂sián'₂ ŋí'₂. ¹³Qui'₂ caun₂ 'mi'₂ chen'₅₄ a₂né₂jag₄ bá₄ ma₂i₂tia₃ jmi₂; a₂chen₂ 'éi₂ guē'₂ ně₃ Jág₁ quió'₅ Diú₄.‡ ¹⁴Chi₁co'₅₄ quió'₅ 'éi₂, tē₁ja₂lén₂ juin₅ lin₃ 'lióg₂ quián₅ guei'₅₄ i₂juíg₃. Ca₂le₃jín₃ le₁qui'₂ jmá'₃ 'mi'₂ lino tiog₂ jlá'₁ a₂le₁jě₃, a₂ca₂'uin₂ qui₂co₂dsin₅₄ cua₁ tion₂. ¹⁵Mi₂'o₄ 'éi₂ dsi₅₄ caun₂ a₂lě₅ lia'₂ lě₅ ŋi₁tág₂ 'mu₃ lin₃ a₂jmái'₂ ca₂le₃jín₃ juig₂ ne₄ gua'₅₄ 'uē₃. “Goin₃ ne₄ 'éi₂ quian'₅₄ 'ma₂'i'₅₄ a₂lě₅ ni₁ŋí'₁ 'ua'₂.”§ Qui₃tsó'₃ ně₂jag₄ bá₄ mīg₂ uvas a₂'i₄ 'nei₂ dséi₂ dsí₅ Diú₄ 'Uan'₂. ¹⁶Ne₄ tsi'₁mi'₂ chen'₅₄, ne₄ mi₂qui₅₄ ně₃, chi₁ton₅ 'a₂ lia'₂ chein₂: RAG₅₄ QUIÁN₅ CA₂LE₃JĪN₃ RAG₅₄ JUĪG₅₄ CA₂LE₃JĪN₃ JUĪG₅₄.

¹⁷Jaun₂ ca₂jing₅₄ jan₂ ángel chéin'₅ dsi₂jo₂ 'iog₂. 'Éi₂ ně₃ ca₂juá'₂ tiá₂ lin₃ qui₂ca₂tsí'₃ ca₂le₃jín₃ já'₂ i₂'in₅ guei'₅₄ dsi₂güig₂:

—I₂nó'₅ 'nia'₂, tión'₂ 'nia'₂ lo'₂, ia₁ le₃cha₂ má₃ pa₁ cuē₃ Diú₄, ¹⁸ia₁jaun₂ tón'₄ 'nia'₂ quē'₅₄ jmá'₃ ŋí₅: ŋi₄ rag₅₄, ŋi₄ ca₂le₃jín₃ juig₅₄ 'lióg₂, ŋi₄ ca₂le₃jín₃ guē₄ dsa₂

* 19:6 o₃ “lia'₂ né'₂ 'lióng₂ jmīg₂.” † 19:8 lit. “a₂ma₂quian₅ dsa₂ jñió'₅.” ‡ 19:13 'Nio'₂ ja₁ton₅ Juan 1:1-14. § 19:15 Salmo 2:9.

bén₂ ně₃. Ca₂lia'₂ ŋi₄ cua₁ ně₃, ŋi₄ dsa₂ i₂jme₁co₂dsag₅₄ ně₃; ŋi₄ ca₂le₃jín₃ guě₄ dsa₂: lia'₂ dsa₂ i₂jme₂ti₃ ta₁ ne₄ juig₅₄, lia'₂ dsa₂ i₂tsá₃ 'ein₂ ne₄ jme₂ti₃; lia'₂ dsa₂ i₂juin'₂ lia'₂ dsa₂ me'₂.

¹⁹ Jaun₂ ca₂jing₅₄ i₂tě'₂ Já'₂ 'Lin'₅₄, quiaín'₅₄ ca₂le₃jín₃ rag₅₄ chan₂ ta₁caun₂ gua'₅₄ 'uě₃, quiaín'₅₄ ca₂le₃jín₃ 'lióg₂ quiaín₅. Ca₂liain'₃ rín'₅₄ ca₂jmo₃ caun₂ jág₁ a₂quíin'₂ quiaín'₅₄ i₂co₂dsin₅₄ cua₁ quiaín'₅₄ ca₂le₃jín₃ 'lióg₂ i₂quiaín'₅₄ ně₃. ²⁰ Já'₂ 'Lin'₅₄ ně₃ ca₂'néi'₃ bá₄ co₂dsia₅ quiaín'₅₄ dsa₂ i₂'ě₂ jág₁ a₂ju₁gain₂ i₂ma₂jmo₃ 'lióng₂ léi₄ juě'₂ o₄quíó'₄ 'éi₂; ia₁ tē₂le₃ quian'₅₄ tsá₃ caun₂ o₂dsain₂ ca₂jme₃jniai₂₃ jin₄ dsa₂, ca₂jme₃gain₂₃ dsa₂ i₂ma₂lín₅ léi₄ quiaín₅ Já'₂ 'Lin'₅₄, i₂ma₂ca₂jme₃juin'₂ nió'₄ quíó'₅ 'éi₂ ně₃. Le₃on₃ 'éi₂ co₂dsia₅ bá₄ ca₂tē₂dsin₅₄ tē₃jéin'₃ le₂jaun₂ ja₁'a₄ si₂ a₂cau₂ quian'₅₄ azufre, a₂juě'₂ lia'₂ juě'₂ jm₁ŋí'₄. ²¹ Ca₂le₃jín₃ guě₄ rín'₅₄ 'éi₂ ně₃ ca₂dsain₃ quian'₅₄ ŋi₁tág₂ a₂o₂'ag₅ mi₂'o₄ i₂co₂dsin₅₄ dsi₂cua₁ 'éi₂. Jaun₂ guě₄ qui₂ca₂guě'₃ ca₂le₃jín₃ já'₂ i₂'in₅, lia'₂ mag'₂ dsi₅, ŋi₄ i₂ca₂dsan₃ 'éi₂.

20

Caun₂ mei₅ ŋi₂

¹ Jaun₂ ca₂jing₅₄ táng₃ jan₂ ángel, ca₂sióin₃ guei'₅₄ i₂juig₃. Chi₁chan'₂ ŋí₁ llave quíó'₅ ja₁ca₂jein₃ chi₁dsio₅₄, caun₂ guě'₂ cadena pa₁ quian₅. ² Jaun₂ ca₂jŋai'₃ i₂tě'₂ já'₂ dragón, dsi₂mi'₂ 'ón₅ 'éi₂, i₂lín₅ i₂sē₃dsen₃ i₂chen₂ Satanás, jaun₂ ca₂'néi'₃ caun₂ mei₅ ŋi₂. ³ Ca₂'liog'₃ ja₁ca₂jein₃ chi₁dsio₅₄, ca₂jnéi₃ ja₁jaun₂, ton'₂ ca₂tióng₃ caun₂ sello ia₁jaun₂ tsá₃ ma₃lé₂ jme₃gain₂₃ guě₄ juig₂ a₂cha₂ ne₄ gua'₅₄ 'uě₃, ca₂lia'₂ ca₂dsin₃ caun₂ mei₅ ŋi₂. Cang₂ jaun₂ jē₁ma₂ca₂dsin₃ caun₂ mei₅ ŋi₂, jaun₂ guě₄ chein'₂ táng₃ co₂'na₂.

⁴ Jaun₂ ca₂jág₃ táng₃ jniá₂ ja₁tióng₂ ne₄ta₁; ja₁jaun₂ tián'₅ i₂ma₂ŋi₂ jui₅bí₂ a₂qui₃dsi₂₃ 'éi'₃. Ján₃ bá₄ ca₂jág₃ jme₂dsi₂ quíó'₅ dsa₂ i₂qui₂ca₂quí'₃ dsa₂ dsi₂lag₄ ne₄ 'uig₅₄ ia₁ a₂qui₂ca₂jáng'₃ jág₁ dsau₅ quíó'₅ Jesús, o₄quíó'₄ jág₁ quíó'₅ Diú₄ ně₃. Tsá₃ ca₂jme₃juin'₂ Já'₂ 'Lin'₅₄, on₃ guě'₂ ca₂gue₃ tē₃ton₅₄ léi₄ quíó'₅, dso'₂ chi₁quí₃, on₃ guě'₂ co'₅₄ gú₃ ně₃. Jaun₂ ca₂jen'₅₄ táng₃ 'éi₂, ca₂rē₃goin₂ quiaín'₅₄ Cristo caun₂ mei₅ ŋi₂. ⁵ (La₁ ca₂le₃jín₃ guě₄ 'lag₄ sián'₂ guě'₂ ně₃, tsá₃ ca₂jein'₅₄ ca₂lia'₂ ca₂dsin₃ caun₂ mei₅ ŋi₂.) Co₂'nió'₄ a₂jaun₂ bá₄ le₃jua'₅₄ jē₁le₂'uig₅₄ a₂jen'₅₄ 'lag₄. ⁶ i'_{E2} guě₄ dsen₃, 'e₂ guě₄ jŋi₅o₅, jui₁lia'₂ dsa₂ i₂quen'₄ jē₁le₂'uig₅₄ a₂jen'₅₄ dsa₂! Ia₁ ja₁con₂ 'éi₂ guě₄ ně₃ tsá₃ ma₃jui₅bí₂ 'io₃ jē₁ca₂tē₂ táng₃ 'mú₃. Dsa₂ 'éi₂ guě₄ ně₃ léin₂ jme₂dsa₂ le₃ne₄ Diú₄, quian'₅₄ le₃ne₄ Cristo, ton'₂ goin₃ ján₃ quiaín'₅₄ 'éi₂ caun₂ mei₅ ŋi₂.

⁷ Jē₁ma₂ŋi₂ caun₂ mei₅ ŋi₂ jaun₂, jaun₂ guě₄ chen'₂ táng₃ Satanás ja₁rē₂jní₅, ⁸ a₂o₃'iin₅, dsi₃jme₃gain₂₃ juig₂ ta₁quén₂ qui'₅₄ quíó'₅ gua'₅₄ 'uě₃: ca₂tē₂ ja₁chei₂ Gog quian'₅₄ Magog.* Ja₁jaun₂ guě₄ ně₃ chi₃liain'₃ a₂jmo₃ caun₂ jág₁ a₂jmo₃ 'nei₂. I₂juin₅ lín₃ lē₂, lia'₂ ja₁lē₄ mi₂tsag₄ a₂cha₂ chei'₅₄ jm₁ŋí'₄.

⁹ Jaun₂ ca₂i₃léin₂ ta₁caun₂ jui₅ con'₂ lē₅ 'í₂ gua'₅₄ 'uě₃, jaun₂ ca₂jē₂li'₅₄ le₃lág'₃ ja₁tion'₅₄ dsa₂ i₂tén₅ le₃quíó'₅ Diú₄, co₂'nió'₄ juig₂ ciudad a₂'nio₃ Diú₄. Jaun₂ qui₂ca₂séi'₂ si₂ guei'₅₄ i₂juig₃, ca₂dsin'₂ co₂ŋei'₅₄. ¹⁰ Jaun₂ i₂sē₃dsen₃ i₂ca₂jme₃gau₅ quíó'₅ dsa₂ 'éi₂ ně₃, i₂'iin₃ ja₁'a₄ si₂ a₂cau₂ quian'₅₄ azufre, ja₁ma₂'en₅₄ Já'₂ 'Lin'₅₄ quiaín'₅₄ dsa₂ i₂'ě₂ jág₁ a₂ju₁gain₂, a₂ŋág₃ uig₅ lia'₂ 'uě₂-jm₁ŋi₂ ca₂lia'₂ co₂tan₅₄.

Jē₁tē₃dsi₅₄ 'éi'₃ ne₄ta₁ tiog₂ a₂juě'₂

¹¹ Jaun₂ ca₂jág₃ táng₃, ca₂jnia₃ caun₂ ne₄ta₁ juě'₂ tiog₂, jaun₂ ca₂jing₅₄ i₂guá₅ ne₄ta₁. Ne₄ 'éi₂ ca₂cuing₃ gua'₅₄ 'uě₃ quian'₅₄ guei'₅₄ dsi₂güig₂, ca₂lia'₂ tsá₃

* **20:8** o₃, "Magog ja₁gon₂ Gog". 'Nio'₂ ja₁ton₅, Ezequiel 38:2 - 39:16.

ma₃ja₁ca₂dsáu'₂. ¹²Ja₁jaun₂guë₄ca₂jing₅₄ca₂le₃jín'₃'lag₄lia'₂i₂can'₅₄lia'₂i₂me'₂, jniá'₂tióin₂ne₄Diú₄. Jaun₂qui₂ca₂niá'₃mi₂si₂rë₂bín₅. Con'₂siá'₂ca₂niá'₃mi₂si₂a₂le₃chan₂dsa₂co₂tan₅₄. Ca₂të₁dsi₅₄'éi'₃ja₁con₂'lag₄lia'₂con'₂lë₅ca₂jmo₃le₂jain₂le₂jain₂con'₂lë₅le₁ton₅ne₄mi₂si₂jaun₂. ¹³Ca₂jín'₂jmi₁ñí'₄ca₂jín'₂'lag₄i₂jme₁tion'₅₄jë₄jaun₂; qui₂ca₂jín'₂'Mú₃quian'₅₄guë'₂Tau₂'Nio₅₄qui₂ca₂jín'₂'lag₄i₂jme₁tion'₅₄ja₁jaun₂. Jaun₂ca₂të₁dsi₅₄'éi'₃quió'₅le₂jain₂le₂jain₂lia'₂con'₂lë₅a₂ca₂jmo₃. ¹⁴Jaun₂qui₂gan'₅₄'Mú₃quian'₅₄Tau₂'Nio₅₄†ja₁'a₄si₂. Co₂'nió'₄ja₁'a₄si₂jaun₂, lë₅jë₁ca₂të₂táng₃'mú₃. ¹⁵Jui₁lia'₂i₂tsá₃ca₂dsán'₂chi₁toin₂₃ne₄mi₂si₂a₂chan₂dsa₂co₂tan₅₄, ja₁'a₄si₂bá₄ca₂i₃'ín₃.

21

Caun gua'₅₄'uë₃'mí₂, quian'₅₄caun₂dsi₄'mí₂

¹Cang₂jaun₂, ca₂jág₃táng₃jniá'₂caun₂gua'₅₄'uë₃'mí₂, caun₂dsi₄'mí₂táng₃, ia₁jë₁le₂'uig₅₄dsi₄quian'₅₄guë'₂le₂'uig₅₄gua'₅₄'uë₃co₂dsia₅ca₂i₃'én₂bá₄jaun₂, on₃guë'₂jma'₃jmi₁ñí'₄ma₃cha₂në₃. ²Jaun₂ca₂jág₃jniá'₂*Juig₂CiudadJnió₅, Jerusalén'mí₂, a₂ca₂jnia₃ca₂sio₃guei'₅₄i₂juig₃ne₄Diú₄. Jniá'₂ma₂lë₅co₂jnia₅₄jlá'₁lin₃, në₂jag₄bá₄jan₂dsa₂mí₂i₂rë₂lin₄quián₅dsa₂ñe'₂i₂li'₅₄jág₁quian'₅₄. ³Jaun₂ca₂nag₃jág₁a₂já₅ne₄ta₁ca₂juá'₂tiá₂:

—Jag₄, ma₂guá₅bá₄Diú₄jín₄dsa₂mi₂güig₃. Jín₄'éi₂'í₂co₂tan₅₄bá₄. Lén₂dsa₂'éi₂dsa₂juig₂quian'₅₄, jaun₂'ñiog₅bá₄Diú₄jme₃quiong'₅₄a₂lén₂Diú₄quian'₅₄, ⁴Jaun₂qui₂chí₃jme₁ne₁'éi₂ca₂le₃jë₃jmi₂a₂le₁'ág₄. Tsá₃ma₂le₃cha₂guë'₄'mú₃, on₃guë'₂jua'₅₄në₅qui₃tón'₃guë'₄dsa₂qui'₂'o₂₃, on₃guë'₂në₅i₃nioi₅₄guë'₄chain₂o₂i₁dsi₅, on₃guë'₂le₃cha₂jua'₅₄qui'₂uig₅quió'₅. Ia₁co₂dsia₅ca₂ñí₂bá₄ca₂le₃jë₃'e₂a₂jme₁cha₂le₂jñiá₅.

⁵Jaun₂ca₂juá'₂i₂guá₅ne₄ta₁:

—La₂jag₄, jmo₅₄jniá'₂a₂'mí₂ca₂le₃jë₃.

Ca₂juá'₂ján₃:

—Tiong₅ne₄si₂, ia₁jág₁dsau₅a₂rë₂ti'₅₄bá₄la₂.

⁶Jaun₂ca₂tság₃jniá'₂:

—Ca₂lë₃. Jniá'₂bá₄'éi₂i₂lín₅Alfaquian'₅₄Omega: i₂lín₅i₂le₂ne₁, i₂lín₅jë₁ca₂tó'₂në₃. Jui₁lia'₂i₂rë₂quein₂dsí₅, cuë₅₄jniá'₂a₂'ín'₂'éi₂jmi₂a₂'ia₂o₄tu₁jmi₂a₂le₃chan₂dsa₂, on₃jua'₅₄a₂cha₂quin'₃i₁caun₂. ⁷Jui₁lia'₂i₂ca₂tió'₃, a₂lë₃ñei₃cuë₅₄jniá'₂ca₂le₃jë₃a₂në₅, jaun₂jniá'₂bá₄lén₂Diú₄quian'₅₄, 'éi₂guë'₂lén₂chi'₂guein₂quiáng₃. ⁸La₁jui₁lia'₂dsa₂i₂tén'₅, jui₁lia'₂dsa₂i₂tsá₃'én₂, jui₁lia'₂i₂li'_{ñio₅}, jui₁lia'₂i₂jme₂dsian₅rín'₅₄, jui₁lia'₂i₂nió'₅jág₁a₂tsá₃dsi₂ten₅₄nió'₃, jui₁lia'₂i₂tin₂mí₅a₂chan₂dsí₅, jui₁lia'₂i₂jme₂juin'₂diú₄lag₄, ca₂le₃jín₃i₂co₂jmo₅jág₁të₂jág₁në₃; ca₂le₃jín₃dsa₂në₅tiin₃dsi₃lén₂ja₁'a₄si₂a₂cau₂quian'₅₄azufre, a₂lë₅jë₁ca₂të₂táng₃'mú₃.

Caun₂Jerusalén'mí₂

⁹Jaun₂ca₂guan₃jan₂ángel i₂lë₂i₂guion₃i₂jme₁le₁chan'₂guio₃ni₁uing₅le₁can'₂le₃guio₃jmi₁uig₅jë₁ca₂tó'₂'éi₂, ca₂juá'₂ca₂tság₃jniá'₂:

—Ñia₅, la₂'ín₄jniá'₂dsa₂mí₂i₂lë₂dsi₂i₂gu₂Guein₂Já'₂Cha'₂.

¹⁰Jaun₂ca₂jio₃a₂'eng₅₄le₃quió'₅Jme₂dsí₂, ca₂të₂ja₁lë₄má'₂juë'₂a₂ñei₅. Ja₁jaun₂ca₂'ë₃Juig₂Jnió₅, Jerusalén, a₂sió₅guei'₅₄i₂juig₃ne₄Diú₄. ¹¹A₂jniá'₂tág₅'ñio₅lin₃quian'₅₄a₂co₂tág₅quió'₅Diú₄, a₂jniá'₂co₂tág₅co₂'né'₅jui₁lia'₂jniá'₂ni₁cang₁jlá'₁, jui₁lia'₂ni₁cang₁Jaspe a₂rë₂jë₃lia'₂lë₅ni₁'i₂. ¹²Le₃lág₃juig₂

† 20:14 griego: hades, co₂'nió'₄a₂juá'₂, ja₁quió'₄'lag₄.

* 21:2 Cha₂a₂lin₅₄chog₅₄si₂me'₂, a₂juá'₂: “jniá'₂, Jun₅₄, ca₂jág₃.”

jaun₂, chí'₅ caun₂ ni₁'ia'₂ pa₁ lin₃ a₂nei₅, a₂le₁dsi₅₄ guia₃-tín₂ o₄'né₄, tión₂ guia₃-tín₂ ángeles o₄'né₄. Qui₂le₁ton₅ o₄'né₄ lia'₂ chen₂ le₃guia₃-tín₂ tsi₁jon₂ Israel. **13** Ni₅ o₄'né₄ le₁dsi₅₄ të₂le₃ ja₁'ia₂† 'iog₂, ni₅ guë'₂ të₂le₃ ca₂ton₂ norte, 'ni₅ guë'₂ të₂le₃ ca₂ton₂ sur, 'ni₅ guë'₂ táng₃ të₂le₃ ja₁rín₂ 'iog₂. **14** Jme₁lë₂ guia₃-tín₂ 'uig₅₄ ni₁'ia'₂ juig₂ ciudad jaun₂; ne₄ jaun₂ qui₂le₁ton₅ lia'₂ chen₂ dsa₂ guia₃-tín₂ i₂chen₄ quián₅ Guein₂ Já'₂ Cha'₂. **15** Chi₁chan'₂ ángel i₂dsia₅ jniá₂ jág₁ quiang'₅₄ caun₂ ni₁'ma₂ a₂quiog₂ dsa₂ 'éi'₃, a₂lë₅ jmá'₃ cu₄nióg₄, a₂qui₃quióg₃ 'éi'₃ juig₂ jaun₂, ca₂le₃jë₃ o₄'né₄ quió'₅, dso'₂ ni₁'ia'₂ në₃. **16** Ta₁caun₂ juig₂ jaun₂ lë₅ cha₂ qui'₅₄, co₂jaun₂ bá₄ 'í₂ con'₂ cu₂. Ca₂quiog₂ 'éi'₃ ta₁caun₂ juig₂ quian'₅₄ 'ma₂'éi'₃ jaun₂. Jaun₂ jme₁ca₂të₁ron₅₄ 'éi'₃, ca₂dsióg₃ tin₃ mei₅ rë₂dsí₂ tin₃ 'ñiá₂-láu₂ (2,200) kilómetros con'₂ të₂le₃ jang₄ juig₂. Con'₂ jaun₂ bá₄ ján₃, ca₂dsióg₃ të₂le₃ 'í₂ quian'₅₄ guë'₂ të₂le₃ ñei₅ niog₅ juig₂. **17** Jaun₂ ca₂quiog₂ 'éi'₃ jmá'₃ ni₁'ia'₂. Jaun₂ ca₂dsióg₃ caun₂ 'ñiá₂-láu₂ rë₂dsí₂ të₂láu₃-quén₂ (144) lë₂, 'éi'₃ quió'₅ dsa₂ mi₂güüg₃, 'éi'₃ a₂jmó'₂ ángel ta₁.‡

18 Ni₁'ia'₂ në₃, jme₁lë₄ jmá'₃ quian'₅₄ ni₁cang₁ jaspe; ta₁caun₂ ciudad guë'₂ në₃, jmá'₃ cu₄nióg₄ jmá'₅, a₂tág₅ lia'₂ tág₅ ni₁'i₂ rë₂jë₃. **19** 'Uig₅₄ ni₁'ia'₂ ciudad në₃, qui₂rë₂lag₄ quian'₅₄ ca₂le₃jë₃ ne₅₄ ni₁cang₁ jlá'₁.

Jë₁le₂'uig₅₄ rë₂lag₄ quian'₅₄ jaspe;

jë₁ca₂të₂ tin₃ në₃, quian'₅₄ zafiro;

jë₁ca₂të₂ 'ni₅ në₃, quian'₅₄ ágata;

jë₁ca₂të₂ quén₂ guë'₂, quian'₅₄ esmeralda;

20 jë₁ca₂të₂ 'ñiá₂ rë₂lag₄ quian'₅₄ ónice;

jë₁ca₂të₂ jñéi₂ guë'₂ në₃, quian'₅₄ cornalina;

jë₁ca₂të₂ guio₃ táng₃, quian'₅₄ crisólito;

jë₁ca₂të₂ jñia₃ në₃, quian'₅₄ berilo;

jë₁ca₂të₂ ñi₃ në₃, quian'₅₄ topacio;

jë₁ca₂të₂ guia₃ guë'₂ në₃, quian'₅₄ crisoprasa;

jë₁ca₂të₂ guia₃-caun₃ në₃, quian'₅₄ jacinto;

jë₁ca₂të₂ guia₃-tín₂ guë'₂ në₃, rë₂lag₄ quian'₅₄ amatista.

21 Ta₁guia₃-tín₂ o₄'né₄ në₃, jme₁lë₄ míg₂ perlas, ia₁ jma₃caun₃ o₄'né₄ jme₁lë₄ jma₃ca₂míg₂ perla. Calle dsen₅₄ dsi₂jo₂ juig₂ ciudad jaun₂, jme₁lë₄ cu₄nióg₄ a₂le₁jë₃ në₂jag₄ bá₄ ni₁'i₂ rë₂jë₃.

22 Tsá₃ ca₂jág₃ jniá₂ 'i₁caun₂ guá'₅, jua'₅₄ chí'₅ jë₄ juig₂, ia₁ 'ñiog₅ bá₄ Te₁gui'₅₄ Diú₄ i₂'Uan'₂ guë'₄ lin₃, 'éi₂ bá₄, quian'₅₄ Guein₂ Já'₂ Cha'₂, lín₅ guá'₅ quió'₅.

23 Tsá₃ si₂ quió'₅ 'iog₂ on₃ guë'₂ si₂ quió'₅ tsi'₂ 'nió'₅ quió'₅ juig₂ jaun₂, ia₁ quian'₅₄ a₂co₂tág₅ co₂'ne'₂ quió'₅ 'ñiog₅ bá₄ Diú₄, jmo₅ jniá₂ ja₁jaun₂, quian'₅₄ guë'₂ Guein₂ Já'₂ Cha'₂, i₂lín₅ co₂'nió'₄ si₂ ni₁tsí₅.

24 Jaun₂ qui₂i₃nio₄ ca₂le₃jë₃ juig₂ § ja₁tág₅ si₂ quió'₅ 'éi₂; qui₂ja₃lén₂ rag₅₄ chan₂ gua'₅₄ 'uë₃, qui₂le₁quian₅ a₂jlá'₁ quió'₅ jë₄ jaun₂.

25 Lia'₂ o₁líg'₂ jmíg₄ tsá₃ jnág₃ o₄'né₄ a₂jmí₂, ia₁ tsá₃ ma₃a₂'uë₂ le₃cha₂.

26 Ja₁jaun₂ qui₂dsi₃to'₅₄ ca₂le₃jë₃ a₂jlá'₁, a₂quen₅ quió'₅ juig₂ a₂te₁'i₁ gua'₅₄ 'uë₃.

27 La₁ ja₁jaun₂ tsá₃ qui₂dsi₃to'₅₄ 'i₁caun₂ a₂lë₁'iog₅, on₃ guë'₂ 'i₁jan₂ dsa₂ i₂qui₂jmo₅ a₂o₂guí'₃, i₂ju₁gan₂ në₃. Jmá'₃ lia'₂ con'₂ i₂ma₂tion'₅₄ le₁ton₅ lia'₂ chein₂ ne₄ mi₂si₂ a₂le₃chan₂ dsa₂ co₂tan₅₄ quió'₅ Guein₂ Já'₂ Cha'₂ bá₄, jmá'₃ lia'₂ i₂'éi₂ bá₄ dsi₁len₃ ja₁jaun₂.

† **21:13** Co₂'nió'₄ le₃jua'₅₄, caun₂ cosa a₂tsá₃ 'i₄ jme₂dsí₂, a₂ca₂jmo₃ Diú₄. 'Nio'₂ ja₁ton₅ Salmo 8:3; Romanos 1:25. ‡ **21:17** o₃, “'éi'₃ quió'₅ dsa₂ mi₂güüg₃, co₂'nió'₄ 'éi'₃ quió'₅ ángel.” § **21:24** A₂lin₅₄ chog₅₄ si₂: “ca₂le₃jë₃ juig₂ a₂ma₂lón₂.”

22

Cuá₃ ja₁ŋi₅ jmig₂ a₂chan₂ dsa₂

¹ Jaun₂ ca₂'ě₃ ángel caun₂ cuá₃ ja₁ŋi₅ jmig₂ a₂chan₂ dsa₂, a₂rě₂jě₃ lia'₂ lě₅ ni₁'i₂; a₂já₅ ja₁lě₄ ne₄ta₁ quió'₅ Diú₄ quian'₅₄ Guein₂ Já'₂ Cha'₂, ² a₂ŋi₅ dsi₂jo₂ jě₄ calle dsen₅₄ quió'₅ ciudad jaun₂. Lia'₂ ca₂ton₂ jmig₂ cuá₃ ně₃, dsi₅₄ ni₁'ma₂ a₂chan₂ dsa₂; * a₂'ag₅ guia₃-tín₂ ne₅₄ mǐg₂, jma₃ca₂ne₅₄ mǐg₂ le₂'í₁ tsi'₂, † Mog'₅₄ guě'₂ ně₃, jmo₅ ta₁ a₂'lón₂ ca₂le₃jě₃ juig₂. ³ Ia₁ ja₁jaun₂ guě'₄ ně₃, tsá₃ ma₃jág₁ uig₅ le₃cha₂. Jě₄ juig₂ ciudad tě₃tsi'₅₄ ne₄ta₁ quió'₅ Diú₄, quió'₅ Guein₂ Já'₂ Cha'₂ ně₃, jaun₂ qui₂jme₃ti₃ dsa₂ quiáin₅ ne₅₄. ⁴ Ja₁jaun₂ jág₂ dsi₁ne₁, qui₃cán₂ lia'₂ chen₂ 'éi₂ le₁ton₅ chi₁quí₃. ⁵ Tsá₃ ma₃a₂'uě₂ cha₂ ja₁jaun₂; le₂jaun₂ guě'₂ táng₃ ju₁lia'₂ i₂tián'₅ ja₁jaun₂ tsá₃ ma₃si₂ ni₁tsí₅ 'nió'₅ quió'₅, on₃ guě'₂ si₂ quió'₅ 'iog₂. Ia₁ 'ŋiog₅ bá₄ Te₁gui'₅₄ Diú₄ téi₂ si₂ ja₁coin₂. Jaun₂ qui₃goin₃ ján₃ ca₂lia'₂ co₂tan₅₄.

⁶ Jaun₂ ca₂juá'₂ ángel ca₂tság₃ jniá₂:

—Jág₁ dsau₅ a₂rě₂ti'₅₄ bá₄ la₂ a₂juig₂ jniá₂ 'ne₂. 'Ŋiog₅ bá₄ Te₁gui'₅₄, i₂lín₅ Diú₄ i₂cuě₅ bí₂ jme₂dsí₂ quió'₅ dsa₂ i₂qui₂'ě₂ jág₁ o₄quió'₄, 'éi₂ bá₄ ma₂ca₂chein₃ ángel quiáin₅ ně₃, a₂ca₂jme₃jniai₂₃ ne₄ dsa₂ i₂qui₂jme₂ti₃ ne₅₄, ca₂le₃jě₃ 'e₂ niog₅ lě₂ ŋi'₅₄ ta₁.

Ni'₅₄ ta₁ guan'₂ bá₄ Te₁gui'₅₄ Jesucristo

⁷ —jJag₄! iŋi'₅₄ ta₁ la₂ bá₄ guióng'₄! i'E₂ guě₄ dsen₃ i₂tón'₂ ju₁5 jág₁ a₂rě₂'ě₂ quió'₅ Diú₄ a₂tio'₅₄ ne₄ si₂ la₂!

⁸ Jniá₂, Juan₅₄, jniá₂ bá₄ líng₅ i₂ca₂jág₃, i₂ca₂nag₃ ca₂le₃jě₃ cosa ně₅. Jaun₂ jme₁ma₂ně₂jág₃ ma₂ně₂nag₃, jaun₂ ca₂tón₂ jniá₂ 'uě₃ ja₁tión₂ mi₂tag₄ ángel, a₂jme₁jme₁juin'₂. ⁹ La₁ jaun₂ ca₂tság₃ jniá₂:

—A₃ jmo₂ le₂ně₅. Ia₁ jan₂ rín'₂ 'ne₂ bá₄ líng₅, i₂jme₂ti₃ ta₁ ne₄ Diú₄, ton'₂ líng₅ jan₂ rín'₅₄ rín'₂ 'ne₂ i₂qui₂'ě₂ jág₁ o₄quió'₄ Diú₄, quian'₅₄ i₂tón'₂ ju₁5 jág₁ a₂tio'₅₄ ne₄ si₂ la₂. Jme₁juin'₂ Diú₄.

¹⁰ Jaun₂ juá'₂ tság₅ jniá₂:

—Tsá₃ lě₁'ma₂ tei₄ jág₁ a₂rě₂'ě₂ quió'₅ Diú₄ a₂tio'₅₄ mi₂si₂ rě₂bin₅ la₂. Ia₁ ma₂ja₂quián₃ jmig₄ jaun₂. ¹¹ Ju₁lia'₂ i₂jmo₅ a₂'lig'₅₄, caun₂ ju₁jmo₂₃ a₂'lig'₁₂; ju₁lia'₂ i₂rě₂'ŋi₄, caun₂ ju₁jme₂'ŋi₃. Le₂jaun₂ guě'₂ táng₃, ju₁lia'₂ i₂ŋi₅ ju₁5 co₂dsau₅, ju₁ŋi₁₂ lia'₂ ma₂ŋi₂₃ jaun₂, ju₁5 co₂dsau₅; jaun₂ ju₁lia'₂ i₂lín₅ i₂jŋi₃, caun₂ ju₁lein₅₄ bá₄ rě₂jŋi₃.

¹² —iDsón'₂ bá₄ ŋi'₅₄ ta₁ guióng'₄! Quion₅₄ 'lia'₅₄ premio quió₃; dsió'₄ cuě₄ le₂jan₂ le₂jan₂ lia'₂ con'₂ lě₅ ma₂jmo₃. ¹³ Jniá₂ bá₄ líng₅ Alfa quian'₅₄ Omega; i₂le₂ne₁, i₂jě₁ca₂tó'₂ ně₃; i₂le₂'uig₅₄, i₂jě₁ca₂dsan₃ táng₃. ¹⁴ 'E₂ guě₄ dsen₃ ju₁lia'₂ i₂ma₂le₁jě₃ tsin'₅₄, ia₁jaun₂ bá₄ ŋei₃ bí₂ a₂tiin₃ ni₁'ma₂ a₂le₃chan₂ dsa₂, a₂tiin₃ dsi₃toin'₅₄ le₃o₄'né₄ juig₂ ciudad ně₃. ¹⁵ Ca₁'né₄ bá₄ tion'₅₄ ju₁lia'₂ i₂lín₅ lia'₂ lín₅ dsi₂ji'₅₄, ju₁lia'₂ i₂tin₂ mǐ₅ a₂chan₂ dsi₅, ‡ ju₁lia'₂ i₂qui₂nió'₅ jág₁ 'lig'₅₄, ju₁lia'₂ i₂jme₂dsian₅ rín'₅₄, ju₁lia'₂ i₂jme₂juin'₂ diú₄ lag₄, ca₂le₃jín₃ guě₄ i₂tě₅ dsi₅ qui₂jme₂gan₅ rín'₅₄, a₂qui₂jmo₂₃ jág₁ tě₂jág₁ ně₃.

¹⁶ 'Jniá₂ Jesús, ma₂ca₂tsíng₂ ángel quiáng₃, a₂jáng'₃ jág₁ dsau₅ ně₅ ja₁con'₂ 'nia'₂ ne₄ ca₂le₃jín₃ guá'₅. Jniá₂ bá₄ líng₅ lia'₂ cho'₅₄ lia'₂ tsi₁jon₂ Rag₅₄ David, ján₃ bá₄ líng₅ Nei₅ 'Ió₁ i₂tág₅ quió'₅.

¹⁷ Jme₂dsí₂ Jŋi₃, quian'₅₄ dsa₂ mǐ₂ quián₅ Guein₂ Já'₂ Cha'₂ juá'₂:

—Ŋia₅.

* **22:2** o₃, “a₂já₅ ja₁lě₄ ne₄ta₁ quió'₅ Diú₄ quian'₅₄ Guein₂ Já'₂ Cha'₂. Dsi₂jo₂ jě₄ calle dsen₅₄ quió'₅ ciudad jaun₂, con'₂ guě'₂ lia'₂ ca₂ton₂ jmig₂ cuá₃ ně₃, dsi₅₄ ni₁'ma₂ a₂chan₂ dsa₂.” † **22:2** o₃, “a₂'ag₅ mǐg₂ guia₃-tín₂ ráun₂, co₂ráun₂ le₂'í₁ tsi'₂.” ‡ **22:15** griego: farmakeía.

Le₂jaun₂ guë'₂ ju_{i1}lia'₂ i₂nag₅ juá'₂ i₂në₅, ju_{i1}jua'₅₄:
—N_{ia5}.

Chi₂jua'₂ 'ein₂ i₂rë₂quein₂ dsí'₅, ju_{i1}jia₂; chi₂jua'₂ 'ein₂ 'nio₃, ju_{i1}ja₂'én'₃ jmig₂
a₂le₃chain₂, on₃jua'₅₄ cha₂ quin₃ 'i₁caun₂.

¹⁸ Ca₂le₃jín₃ i₂nag₅ jág₁ dse₃ a₂rë₂'ë₄ quió'₅ Diú₄, a₂tio'₅₄ mi₂si₂ la₂, 'ë₅ jniá₂ jág₁
dsau₅ la₂: chi₂jua'₂ 'ein₂ ca₂jmo₃ ñag₅₄ con'₂ lë₅ jág₁ a₂ma₂tio'₅₄, Diú₄ bá₄ jme₃juë'₂
jmi₁uig₅ quió'₅ lia'₂ con'₂ lë₅ le₁ton₅ ne₄ mi₂si₂ la₂. ¹⁹ Në₁jua'₂ 'ein₂ guë'₂ ca₂ñiá'₂,
ca₂jmo₃ me'₂ jág₁ a₂rë₂'ë₂ ne₄ si₂ la₂, Diú₄ bá₄ jniá'₂ a₂jme₁ca₂tín₂ quió'₅ ni₁'ma₂
a₂chan₂ dsa₂, quan'₅₄ guë'₄ quió'₅ ciudad jnió'₅ a₂le₁ton₅ ne₄ si₂ la₂.

²⁰ I₂jáng'₅ jág₁ dsau₅ la₂ juá'₂:
—Dsón'₂ bá₄ ñi'₅₄ ta₁ guióng'₄.

A₂jaun₂ guë'₂ dsón'₂. iñiá'₅ 'ne₂, Te₁gui'₅₄ Jesús!

²¹ Ju_{i1}jme₂gu'₅₄ bá₄ Te₁gui'₅₄ Jesucristo ca₂le₃jín'₃ 'nia'₂.
Co₂në₅.